


প্রবাসী

সচিত্র মাসিক পত্র

শ্রীরামানন্দ চট্টোপাধ্যায় সম্পাদিত

ভাগ—প্রথম খণ্ড,
১৩ সাল, বৈশাখ—আশ্বিন

প্রবাসী কার্যালয়,
২১০।৩।১ কর্ণওয়ালিস ষ্ট্রীট, কলিকাতা।
মূল্য তিন টাকা ছয় আনা।



Cooch Behar

সত্য শিবম সুন্দরম্

নামমাশ্রয়! বলহীনেন লভ্যঃ

বৈশাখ, ১৩৩১

১ম সংখ্যা

বিবিধ প্রসঙ্গ

নববর্ষ

বিগত বৎসরে সর্কাপেক্ষা আশাশ্রয় ঘটনা ছিল বিশেষ অল্প-
জীবের পরিমাণের কিছু কমতি। পাণ্ডুলীয়া সারা পৃথিবীতেই কিছু
কম। বিশেষতঃ চাউল সম্পর্কে বিশ্বের অভাবমোচন অনেকটা
হয়। তাহার ছায়া ভারতেও আমরা কিছু অনুভব করি।

অতীতকালে বিগত বৎসরের সর্কাপেক্ষা ভয়প্রদ ঘটনা হাইড্রোজেন
বোমার বিস্ফোরণ। বিশ্বশান্তির প্রধান অস্ত্রবায় যে দুইটি শক্তি-
পূর্ণ প্রতিযোগিতা, তাহারই ফলে এই বোমার ধ্বংসশক্তি বৃদ্ধির
গোটা উত্তরোত্তর চলিয়াছে। এখনও যে বোমার পরীক্ষা
চলিতেছে তাহার পূর্ণ বিবরণ পাওয়া যায় নাই, কিন্তু যেটুকু
জানা গিয়াছে তাহাতেই জগতে মানব-সভ্যতার বিলোপের আশঙ্কা
জন্মিয়াছে। আগামী বৎসরে ঐ ভয়ানক ধ্বংসশক্তির আবাহন
আরও কতদূর যায় তাহারই প্রতীক্ষা সারা জগৎ কম্পিতচিত্তে
করিতেছে। বলা বাহুল্য, ঐ ভীতির ছায়াও ভারতের গগন আচ্ছন্ন
করিতেছে।

হাশ্রয়ের ঝড়-ঝঞ্ঝার আশঙ্কা বাহাই হউক, মানবজাতিকে
প্রগতির পথে অগ্রসর হইতেই হইবে। সকল দেশের সকল সুসভ্য
জাতি নিজ নিজ বাসভূমির ও তাহাতে প্রতিপালিত সম্ভ্রানসম্ভ্রতির
রক্ষণাবেক্ষণ, পালন-পোষণ ও শাসনের ব্যবস্থা করিতে বাধ্য।
আমাদেরও সে পথে অগ্রসর হইতেই হইবে, ঐ মারণাস্ত্র সম্পর্কে
আমরা কিছু অসহায় হই না কেন।

ভারত প্রগতির চেঁচায় বাস্তব রূপ বাহা আমরা দেখিতেছি,
তাহার প্রধান আকর উত্তীয় প্রথম পঞ্চবার্ষিকী পরিকল্পনা।
কিছু টের আলোচনা হইয়াছে—অনুকূল ও প্রতিকূল, এবং ইহাও
বিসন্দেহ যে অনেক কিছু বাহা পথে বিরলেও চলিত তাহা উহাতে
হয় পাইয়াছে, আর এমনও অনেক কিছু বাদ পড়িয়াছে বাহার
মাহাত্ম্যক অভাব আমরা প্রতিনিয়তই অনুভব করি, যথা ফরকার
গরুখাদ। কিন্তু সে সকল সম্বন্ধে ইহা বলা চলে যে, শত ভুলত্রুটি
এবং অপর্যাপ্ত কতি লইয়াও উহা দেশকে অগ্রসর করিতেছে। হয়ত
অর্থব্যয়ের অল্পপাতে ফল যথেষ্ট হয় নাই, হয়ত কার্যধারা বদল

বা সংশোধনের প্রয়োজন, কিন্তু দেশ প্রগতির পথে চলিয়াছে সন্দেহ
নাই। এবং উহার বদল বা সংশোধনের অবকাশ নূতন পরিকল্পনার
দ্বিতীয় পঞ্চবার্ষিকী উদ্ভবে আছে। সুতরাং আজ, এই পুরাতন
বৎসরের শেষ দিনে, যে ঋণের আবেদন কেন্দ্রীয় সরকারের পক্ষ
হইতে পণ্ডিত নেহরু জানাইয়াছেন সে সম্পর্কে আমরা সকল চিন্তা-
শীল ব্যক্তিকেই অবহিত হইতে বলিতেছি। সমালোচনার অধিকার
আমাদের সকলেরই আছে, কিন্তু দায়িত্ব ও কর্তব্যজ্ঞানের অভাব
যাহার, তাহার সমালোচনার মূল্য কিছুই নাই। পণ্ডিত নেহরুর
আহ্বান এইরূপ:

“১২ই এপ্রিল—ভারতে এই প্রথম উন্নয়নমূলক কার্য ও জাতীয়
পরিকল্পনার রূপায়ণের উদ্দেশ্যে অর্থ সংগ্রহের জন্য শতকরা বার্ষিক
সাড়ে তিন টাকা হার সুদে ঋণ গ্রহণের ব্যবস্থা করা হইয়াছে।
ভারত সরকার আজ সম্ভ্রায় জাতীয় পরিকল্পনা ঋণ ঘোষণা করিয়া
বলিয়াছেন, ১৯৬৪ সনের ১৯শে এপ্রিল এই ঋণ পরিশোধ করা
হইবে। ১৯৫৪ সনের ১৯শে এপ্রিল হইতে পুনর্বিজ্ঞপ্তি না দেওয়া
পর্যন্ত দেশের সর্বত্র এই ঋণ গ্রহণ করা হইবে।”

প্রধানমন্ত্রী জীজবাহরলাল নেহরু জাতির উদ্দেশ্যে আবেদন
জানাইয়া বলেন, “ভারতে সর্বসাধারণ এই ঋণশত্রু ক্রয় করিতে
পারেন। এই ঋণ নবভারত গঠনের বিপুল কার্যে আমাদের
সকলের অংশ গ্রহণের আহ্বান জানাইতেছে। এই আহ্বানে সাড়া
দিয়া আমাদেরিগকে দেখাইয়া দিতে হইবে যে, আমরা নিজের উপর
নির্ভর করিয়া থাকিতে পারি এবং যে-কোন দিক হইতে যত প্রচণ্ড
ঝুঁকি আসুক না কেন, আমরা কিছুতেই ছিন্নমূল হইয়া পড়িব না।”

আগামী বৎসরের আশা-ভরসায় অনেক কিছু নির্ভর করিতেছে
এই ঋণের উপর। পরিকল্পনায় যোগ-বিয়োগ, পরিবর্তন সব
কিছুই সম্ভব, কিন্তু দেশবাসীর সমবেত চেঁচা ও আগ্রহ না থাকিলে
কিছুতেই কিছু হইবে না।

এবারে শেষ কথা আসা বাউক। পশ্চিমবাংলা গত বৎসর
বিধাতার কৃপায় বিশেষ বিপদাশ্রয়ের সম্মুখীন হয় নাই। যাত্রা-
নৈতিক আন্দোলন, শিক্ষক ও ছাত্রের উদ্যম কার্যক্রম, এ

কলিকাতার পঞ্চিল রাজনৈতিক আবেষ্টনীর মধ্যে আবদ্ধ ছিল। সুখে বিষয়, কলিকাতার বাহিরে তাহার প্রভাব বিশেষ কিছু হয় নাই। বঙ্গ কলিকাতার গণ্ডীর বাহিরের লোকের মধ্যে, অর্থাৎ প্রকৃত বঙ্গ, লোকের মন কিছু উন্নত হওয়ার আভাস পাওয়া গিয়াছে। লক্ষ্য রাখা প্রয়োজন যে, রাজধানীর বিষাক্ত আবহাওয়া যাহাতে মফস্বলের গ্রাম ও নগরাকল দূষিত না করে।

পশ্চিমবঙ্গের অল্পপূর্ণ্য ভাঙার গত বৎসর পরিপূর্ণরূপে ভরিয়াছিল। আগামী বৎসরে যদি তাহার কাছাকাছিও হয় তবে এদেশের সর্বপ্রধান সমস্যা পূরণ আগাইয়া আসিবে। গত বৎসরের পর্যাপ্ত ফসলের মধ্যে প্রকৃতির দান ও কৃপা অনেক এবং সরকারী বিভাগের কৃতিত্বও কিছু আছে। আগামী বৎসরে দেশের লোক যদি চেষ্টিত হয় তবে বিশেষ প্রাকৃতিক বিপর্যয় না ঘটিলে দেশ সফল হইবেই।

এ দেশের প্রধান সমস্যা অন্নবঞ্চার। তাহার সমাধানে দেশবাসীর অগ্রসর হওয়া প্রয়োজন। কেবল অন্নযোগ, কেবল দারিদ্র্য-জ্ঞাপন ইহা 'সুস্থমনের পরিচায়ক নয়। বলিষ্ঠ মনোভাব লইয়া সমস্যার সম্মুখীন হইলে অসম্ভবও সম্ভব হয়।

পশ্চিম বাংলার সীমান্তের পরপারে পূর্ব পাকিস্থানে সম্প্রতি নির্বাচনের যে ফলাফল দেখা গিয়াছে, তাহাতে বাংলা ভাষার ভবিষ্যৎ উজ্জ্বল হইয়াছে। আমরা যদিও ভিন্ন রাষ্ট্রের অধিবাসী, তবুও মাতৃভাষার এই মানবন্ধার কারণে আমরা আনন্দিত। যাহারা বঙ্গভাষার সম্মান এইরূপে বর্ধিত করিয়াছেন তাঁহাদের আমরা অভিনন্দন জ্ঞাপন করিতেছি।

আমাদের উচিত পূর্ববঙ্গবাসীর এই উজ্জ্বল দৃষ্টান্ত অনুসরণ করা। আজ একদল অজ্ঞ লোকের এই ধারণা হইয়াছে যে, হিন্দী রাষ্ট্রভাষায় পরিণত হওয়ার যাহাদের মাতৃভাষা হিন্দী তাহারা দেশের লোকের মধ্যে উচ্চতম পর্যায়ে আছে এবং সেই কারণে অল্প ভাষাভাষীরা হয়। পূর্ববঙ্গে উর্দুর ব্যাপারে অল্পরূপ মনোবৃত্তি প্রকাশ পায় এবং তাহার প্রতিক্রিয়ায় মোশ্লেম লীগ ধরাশায়ী হইয়াছে। আমরা উচিত পথ অবলম্বন করিলে ঐ ভাবেই জয়যুক্ত হইতে পারি।

বাংলা ভাষা ভারতের সকল ভাষা অপেক্ষা সাহিত্যে ও অলঙ্কারে সমৃদ্ধ। আজ বাংলার দুর্দিন, তাই অল্প সকল ব্যাপারের গায় বাংলা ভাষাও দারিদ্র্য এবং অবহেলা-প্রপীড়িত। যদি আমরা সজাগ না থাকি তবে আমরা আমাদের এই মূল্য জন্মস্বত্ব হইতেও বঞ্চিত হইব। মানভূমে বাঙালীর উপর যে অত্যাচার চলিতেছে তাহাতে যদি আমাদের মন বিচলিত না হয়, তবে বৃক্ষিতে হইবে বাঙালীর আর মনুষ্যপদবাচ্য হইবার যোগ্যতা নাই।

মানভূমে বাংলা ভাষা ও বাঙালীর সংহতি সংস্কৃতি লইয়া যাহারা সত্যগ্রহ করিতেছেন, তাঁহারা প্রত্যেক বাঙালীর শ্রদ্ধা-কাজন। যদি আমাদের আত্মসম্মানজ্ঞান থাকে, বক্তের টান থাকে

ও বাঙালী জাতির ভবিষ্যৎ স্বত্বকে কোনও চেতনা থাকে তবে এখনই আমাদের সক্রিয়ভাবে হিন্দী সাম্রাজ্যবাদের প্রতিরোধে অগ্রসর হওয়া প্রয়োজন।

মানভূমে বাংলা ভাষা দলন

মানভূমে বিহার-সরকারের হীনশ্রীর সংক্ষিপ্ত বিবরণ এই ভাবে কংগ্রেস ওয়াকিং কমিটিতে গিয়াছে

“৪ঠা এপ্রিল—কংগ্রেস ওয়াকিং কমিটির নিম্নলিখিত প্রদত্ত এক স্মারকলিপিতে পশ্চিমবঙ্গ প্রদেশ কংগ্রেস কমিটির সভাপতি শ্রী অতুল ঘোষ মানভূম ও বিহারের অল্পাঙ্ক বাংলাভাষাভাষী অল্পাঙ্ক ভাষা দমনের ফলে যে অবস্থার উদ্ভব হইতেছে তাহার প্রতি কংগ্রেস কমিটির দৃষ্টি আকর্ষণ করিয়াছেন।

কেন্দ্রীয় শিক্ষা দপ্তরের নির্দেশ সত্ত্বেও বিহার সরকার মাতৃ ভাষা মাধ্যমে শিক্ষাদান পদ্ধতি সম্পর্কিত কেন্দ্রীয় সরকারের ভাষা উন্নয়ন বিকল্পাচরণ করিতেছেন।

শ্রীঘোষ বিহার সরকারের দমননীতির প্রতিও ওয়াকিং কমিটির দৃষ্টি আকর্ষণ করিয়াছেন। ‘টুসু’ সঙ্গীত সম্পর্কে ধৃত ব্যক্তিদের প্রতি, বিশেষ করিয়া লোকসেবক সঙ্ঘের সর্বজনশ্রদ্ধের বঙ্গীয় নেতা শ্রী অতুল ঘোষ, শ্রীমতী লাবণ্যপ্রভা দেবী ও লোকসভার সদস্য শ্রীভজহরি মাহাতোর প্রতি যে অমানুষিক আচরণ করা হইয়াছে, শ্রীঘোষ তাহার বিরুদ্ধেও প্রতিবাদ জ্ঞাপন করিয়াছেন। শ্রীমতী তাকে হাতকড়া দিয়া ও কোমরে দড়ি বাঁধিয়া আদালতে লইয়া যাওয়া হয়।

পশ্চিমবঙ্গ কংগ্রেসের সভাপতি তাহার স্মারকলিপিতে লিখিয়াছেন যে, সমস্ত বিচারতনে হিন্দীকে শিক্ষার একমাত্র মাধ্যম রূপে প্রবর্তন করিয়া বিহার সরকার আদেশ দেওয়াতেই গোলযোগের সূচনা হয়। পুর্নলিয়া ও মানভূম জেলার অল্পাঙ্ক স্থানে বহু পুর্নতন কয়েকটি স্কুল (যথা—ভিক্টোরিয়া ইনষ্টিটিউশন, ঝালদা এইচ.ই.স্কুল, মানবাজার এইচ.ই. স্কুল প্রভৃতি) শতকরা ৯০ জনেরও অধিক ছাত্র বাংলাভাষাভাষী। এইগুলি ছাড়াও আরও বহু স্কুল রহিয়াছে যেখানে অধিকাংশ ছাত্রই বাংলাভাষাভাষী। বিহার সরকার এই আদেশ স্থানীয় লোকদের বহু অসুবিধার সৃষ্টি করে। বঙ্গীয় লোকসেবক সঙ্ঘের সংগঠকেরা তখন (বিহার সরকারের ঐ আদেশ দানের সময়ে) মানভূম জেলা কংগ্রেস কমিটির কক্ষস্থিত হইলেন। শ্রী অতুল ঘোষ ও শ্রীবিভূতি দাশগুপ্ত যথাক্রমে কংগ্রেসের সভাপতি ও জেনারেল সেক্রেটারী ছিলেন। তাহারা এই বিষয় সম্পর্কে কংগ্রেস সভাপতি, ওয়াকিং কমিটির সভাপতি ও কংগ্রেসের জেনারেল সেক্রেটারীদের সহিত সাক্ষাৎ করেন, কিন্তু দুঃখের বিষয় যে, ওয়াকিং কমিটি বা অপর কাহারও পক্ষে এ বিষয়ে কিছুই করা সম্ভব হয় না।

আমি জানিতে পারিয়াছি যে, ভারত সরকারের শিক্ষা-দপ্তরের সেক্রেটারী শ্রীহমায়ুন কবীর পুণায় অনুষ্ঠিত ভাষা সম্মেলনে কেন্দ্রীয় সরকারের বারংবার প্রদত্ত নির্দেশ সত্ত্বেও বিহার সরকার নিম্নলিখিত-

গুলিতে মাতৃভাষায় শিক্ষাদান পদ্ধতি প্রবর্তন না করায় দুঃখ প্রকাশ করেন। এই সমস্ত স্কুলের সমস্ত শ্রেণীতে চিরদিনই বাংলায় শিক্ষাদান করা হইত। বিহার-সরকারের হস্তক্ষেপের পর হইতে উচ্চ-শ্রেণী ত দুয়ের কথা, নিম্নশ্রেণীর ছাত্রেরাও মাতৃভাষায় শিক্ষালাভের সুযোগ হইতে বঞ্চিত হইয়াছে। ইহার পরেও যে সব স্কুলে বাংলাভাষায় শিক্ষাদান করা হয়, সে সব স্কুলকে সরকারী সাহায্যাদান শেষ পর্যন্ত বন্ধ করিয়া দেওয়া হয়। এই সমস্ত ঘটনার পরিপ্রেক্ষিতেই বিহার সরকারের উপরোক্ত আদেশের তাৎপর্য বিচার করিয়া দেখিতে হইবে।”

বিহার ও পশ্চিমবঙ্গ

গোলাপবাগ (বর্ধমান) ১০ই এপ্রিল—এখানে পশ্চিমবঙ্গ প্রদেশ কংগ্রেস সম্মেলনের উদ্বোধন করিয়া বক্তৃতাপ্রসঙ্গে মুখ্যমন্ত্রী ডাঃ বিধানচন্দ্র রায় বিহার ও পশ্চিমবঙ্গের মধ্যে বিরোধের উল্লেখ করিয়া বলেন যে, বিহার কতখানি জমি পাইবে, আর পশ্চিমবঙ্গ কতখানি জমি পাইবে তাহা বড় কথা নহে, বিহারের বঙ্গভাষীদের সহিত বিহার সরকারের মনের সংযোগ কতখানি আছে তাহাই প্রধান বিবেচ্য বিষয়।

ডাঃ রায় অতঃপর ভাষাসমস্যা সম্পর্কে মন্তব্য করিতে যাইয়া পশ্চিমবঙ্গের সরকার পরিবর্তনের কথা উল্লেখ করেন। তিনি বলেন, এই সমস্যা আজ জনসাধারণকে বৃষ্টিতে হইবে। ভাষার মধ্য দিয়া আমরা আমাদের অনুভূতি, শিক্ষাদীক্ষা প্রকাশ করিয়া থাকি। যদি সরকার মনে করেন, জনসাধারণের ভাষা না বুঝিয়াই শাসন-ব্যবস্থা পরিচালনা করা সম্ভব তবে সেই সরকার অত্যন্ত ভুল করেন। কারণ জনসাধারণের সহযোগিতা পাইবার জন্য যাহা প্রয়োজন তাহা হইতেছে জনসাধারণের মনের ভাষা বুঝা। তিনি নিশ্চয় করিয়া বলিতে পারেন, যে সরকার জনসাধারণের মনের ভাষা বোঝেন না, সেই সরকার যত দক্ষ হউন না কেন, তাহার পক্ষে হিতব্রতী রাষ্ট্র গঠন করা সম্ভব নহে।

কংগ্রেস হিতব্রতী রাষ্ট্র প্রতিষ্ঠার সকল গ্রহণ করিয়াছে। এই সমস্যাতে ডাঃ রায় ভাষা সম্পর্কে বিহার ও পশ্চিমবঙ্গের মধ্যে যে বিরোধ চলিতেছে তাহার উল্লেখ করিয়া আরও বলেন যে, কোন সঙ্কীর্ণ প্রাদেশিকতার প্রসঙ্গ নহে। মনের মিল না থাকিলে বিহার ও অন্য কোন রাষ্ট্রের শাসনকর্তা যত বড় ব্যক্তি হউন না কেন, তাঁহাদের পক্ষে কংগ্রেসের আদর্শ সার্থক করা সম্ভব নহে।”

পশ্চিমবঙ্গের সমস্যাবলী

গোলাপবাগ (বর্ধমান) ১০ই এপ্রিল—অন্য এখানে পশ্চিম-বঙ্গ প্রদেশ কংগ্রেস সম্মেলনে সভাপতিরূপে বক্তৃতাপ্রসঙ্গে কেন্দ্রীয় কংগ্রেস পালামেণ্টারী দলের সাধারণ সম্পাদক শ্রীহরেকৃষ্ণ মহতাব বলেন যে, মাথা গুঁজিবার স্থানের সমস্যা আজ বাঙালীর

একটি বড় সমস্যা। তিনি মনে করেন যে, নবনিযুক্ত পুনর্গঠন কমিশনকে এই সমস্যার বিষয় বিবেচনা করিতে হইবে।

কতকগুলি আন্তঃপ্রাদেশিক বিরোধের ক্ষেত্রে যে সমস্যা অবলম্বন করা হইতেছে কোন সদ্বুদ্ধিসম্পন্ন মানুষই তাহা সমর্থন করিতে পারে না বলিয়া মন্তব্য করেন। তিনি বলেন যে, ভাষা বা সীমানা সংক্রান্ত সকল বিরোধই পারস্পরিক আলোচনার দ্বারা মিটাইয়া লওয়া উচিত।

শ্রীহরেকৃষ্ণ মহতাব বলেন, তিনি মনে করেন পশ্চিমবঙ্গের সর্বাপেক্ষা জরুরী সমস্যাগুলি হইল স্থানাভাব, বেকার ও বাস্তহারা সমস্যা। পূর্বের সমগ্র উত্তর ও পূর্ব ভারতে বাঙালীর জীবিকার ক্ষেত্র, বিশেষ করিয়া যে সকল কাজে মস্তিষ্ক চর্চার প্রয়োজন হয়, সেই সকল ক্ষেত্র উন্মুক্ত ছিল। অগ্ন্যগ্ন রাজ্যগুলির ইতিমধ্যে অগ্রগতি হওয়ায় কেবল যে সেগুলিতে বাঙালীর দ্বার বন্ধ হইয়া গিয়াছে তাহা নহে, বাংলা দেশই খণ্ডিত হইয়া গিয়াছে। সত্য-সত্যই বাঙালীর বর্তমান সমস্যা হইল—মাথা গুঁজিবার স্থানের সমস্যা।

তিনি মনে করেন যে, রাজ্য পুনর্গঠন কমিশনকে স্থানাভাবের সমস্যা ভালভাবে বিবেচনা করিতে হইবে। ভাষা বা সীমানা সম্পর্কে বিভিন্ন প্রদেশের মধ্যে যে বিরোধ হয়, তাহা আলাপ-আলোচনার দ্বারা আপোষে তাহার মীমাংসা করিয়া ফেলা উচিত। কিন্তু দুর্ভাগ্যের বিষয়, এই বিষয়ে এমন একটি পদ্ধতি অবলম্বন করা হইতেছে, যাহা সদ্বুদ্ধিসম্পন্ন কোন মানুষই সমর্থন করিতে পারে না।

শ্রীমহতাব বলেন, “আমার নিশ্চিত বিশ্বাস আছে যে, বাংলা ও বিহারের মধ্যে যে বিদ্বেষভাবের সৃষ্টি হইয়াছে, উভয় রাজ্যের নেতৃবৃন্দ তাহার অবসান ঘটাইবেন এবং উভয় রাজ্যই পরস্পরের অন্তর্বিধাগুলি যথাসম্ভব সহানুভূতির সহিত বিবেচনা করিবে।”

আমাদেরও এই বিশ্বাস ছিল। কিন্তু সম্প্রতি মানভূমে বাঙালী দমনে বিহারী অধিকারীবর্গের মনোবৃত্তির যে পরিচয় আমরা পাইতেছি তাহা আশাপ্রদ নহে। স্তব্ধ অগ্ন পথের চিন্তা করিতে হইবে।

কংগ্রেসের কর্তব্যপথ

সম্মেলনের প্রকাশ্য অধিবেশনের উদ্বোধন করিতে উঠিয়া রাজ্যের মুখ্যমন্ত্রী ডাঃ বিধানচন্দ্র রায় বলেন যে, দীর্ঘ পঞ্চাশ-ষাট বৎসরকাল বিদেশী শাসনের বিরুদ্ধে সংগ্রাম করিয়া দেশ স্বাধীনতা অর্জন করিয়াছে। আজ দেশের লোকের মনে প্রশ্ন জাগিতে পারে, স্বাধীনতা লাভের পর সংসদ হিসাবে কংগ্রেসের আর কোন সার্থকতা আছে কি না। মহাত্মা গান্ধী একবার তাহাকে এই প্রশ্ন করিয়াছিলেন; কিন্তু পরক্ষণেই তিনি নিজেই তাহার উত্তর দিলেন। তিনি বলিলেন যে, বিদেশী শাসনকালে কংগ্রেসের

এই প্রোগ্রাম ছিল তাহা অনেকটা নেতিবাচক। কিন্তু স্বাধীনতা লাভের পর কংগ্রেস এই দেশকে গড়িয়া-তোলার কর্তৃপক্ষ গ্রহণ করিবে। এই স্বাধীনতাকে ফলে-ফলে সার্থক করিয়া তোলায় জ্ঞান আশ্রয়িতা ক বচনাত্মক পরিকল্পনা কার্যকরী করিতে হইবে। দেশের দারিদ্র্য, অশিক্ষা, উদ্বাস্ত পুনর্বাসন ও অজ্ঞাত জাতীয় সমস্যা সমাধানে কংগ্রেস উদ্যোগী হইবে এবং এই প্রতিষ্ঠান নিশ্চিতভাবে তাহা সম্পূর্ণ করিবে। ইহা গরিমার কথা নহে, ইহা হইতেছে কংগ্রেসের পূর্ন ঐতিহ্য স্বরণ করার কথা এবং কংগ্রেস সেবকের আত্মবিশ্বাসের কথা।

স্বাধীনতা লাভের পর কংগ্রেস সরকার যে সকল পরিকল্পনা গ্রহণ করিয়াছেন, তাঃ রায় তাহার উল্লেখ করেন এবং বলেন, তবু দেশে এমন সমালোচকও বিরল নয় যাহারা বলেন যে, এই কয়েক বৎসরে দেশে কোন উন্নতিই হয় নাই; বরং দেশের অবস্থা আরও খারাপ হইয়াছে। এ বিষয়ে যদি আমরা সোভিয়েট রাশিয়া, মার্কিন যুক্তরাষ্ট্র অথবা অজ্ঞাত রাষ্ট্রের কথা তুলনা করি, তাহা হইলে আমরা বৃষ্টিতে পারিব—কংগ্রেস এই কয়েক বৎসরে কি কাজ করিতে পারিয়াছে। যে কোন দেশেরই বিচার করুন না কেন, আমরা দেখিব যে, বহু দেশই স্বাধীনতা লাভের দশ বৎসর পরেও সংবিধান রচনা করিতে পারে নাই।

ডাঃ রায় বলেন, স্বাধীনতা লাভের কয় বৎসরের মধ্যে কংগ্রেস দেশের সংবিধান রচনা করিয়াছে। শুধু তাহাই নহে, দেশের প্রত্যেকটি বয়স্ক নব-নারীকে ভোট দানের অধিকার দিয়াছে। বহু সমালোচক বলিয়াছিলেন, সংবিধানে বয়স্কদের ভোটদানের অধিকার দিলেও কোনদিন তাহা কার্যকরী হইবে না। কিন্তু তাহা সম্ভব হইল। অবশ্য দেশের দারিদ্র্য, অশিক্ষা ইত্যাদির বিরুদ্ধে সংগ্রামের দায়িত্ব জনসাধারণ কংগ্রেস সরকারের উপর ছাড়িয়া দিয়াছেন। ফলে কংগ্রেস সরকারের দায়িত্ব বৃদ্ধি পাইয়াছে। ইংরেজের আমলে কিছু কিছু রাস্তার সংস্কার, হাসপাতালের উদ্বোধন হইয়াছে বটে, কিন্তু তাহার পশ্চাতে কোন পরিকল্পনা ছিল না। বর্তমান জাতীয় সরকার দেশের সর্বাঙ্গীণ উন্নতির জ্ঞান হিতব্রতী রাষ্ট্র গঠনের উদ্দেশ্যে প্রথম পঞ্চবার্ষিকী পরিকল্পনা গ্রহণ করিয়াছেন। জনসাধারণ ও সরকারের মধ্যে সহযোগিতা প্রতিষ্ঠাই পঞ্চবার্ষিকী পরিকল্পনার মুখ্য উদ্দেশ্য। এই পঞ্চবার্ষিকী পরিকল্পনা কার্যকরী করা সম্পর্কে অনেক সমালোচনা হইতে পারে। কিন্তু কংগ্রেসসেবীরা যদি ইহা সফল করিবার জ্ঞান আন্তরিকতা প্রদর্শন করিতে পারেন তবে ইহা সাফলালভ করিবে বলিয়া তাঁহার দৃঢ় বিশ্বাস আছে এবং তাহা হইলেই হিতব্রতী রাষ্ট্রের বুনিয়াদ প্রতিষ্ঠা করা হইবে।

পণ্ডিচেরীর ভারতভুক্তি

নয়াদিল্লী, ১০ই এপ্রিল—ওয়ার্ডেবহাল মহলের এক সংবাদে প্রকাশ যে, ফরাসী ভারতীয় এলাকার ভারতভুক্তি দাবী সম্পর্কে সর্বান্ত গ্রহণের জ্ঞান ফরাসী সরকার গণভোট গ্রহণের যে প্রস্তাব

করিয়াছিলেন ভারত সরকার সরাসরি তাহা অগ্রাহ্য করিয়াছেন এবং অবিলম্বে পণ্ডিচেরীকে ভারতের হস্তে অর্পণ করার দাবী জানাইয়াছেন। গত রাতে ভারতীয় ফরাসী রাষ্ট্রদূতের হস্তে উপরি-উক্ত মর্মে এক লিপি প্রদান করা হইয়াছে।

ফরাসী সরকারের ইন্দোচীনে যথেষ্ট শিক্ষা হয় নাই। মুখে “লিবার্তে, এগালিতে, ফ্রাতর্নিতে” (স্বাধীনতা, সাম্য, ভ্রাতৃত্ব) কাজে সাম্রাজ্যবাদের শোষণ ক্রমেই ফরাসী জাতীয় অধঃপতন।

হাইড্রোজেন বোমা

মহাযুদ্ধের বিনাশকালে যে বিপরীত বৃদ্ধি হয় তাহা উদাহরণ এই বোমা। উহার বিস্ফোরণের ফল যতই ভয়ঙ্কর মারাত্মক হইতেছে বিস্ফোরণকারী অধিকারিবর্গ যেন ততই উৎফুল্ল হইতেছেন। এই পরীক্ষার পথ যে কোন নরকের পথ চলিয়াছে তাহা চিন্তা করিবার অবসরও তাঁহাদের নাই।

“ওয়াশিংটন, ৩০শে মার্চ—এক সাংবাদিক বৈঠকে মার্কিন রাষ্ট্রের প্রতিরক্ষা মন্ত্রী মিঃ চার্লস ই. উইলসন বলেন যে, এই মহাসাগরে অন্য বিদীর্ণ হাইড্রোজেন বোমা বিস্ফোরণের ফল ‘অভাবনীয়’ হইয়াছে।

তিনি বলেন যে, গত শুক্রবার বর্তমান পর্যায়ের দ্বিতীয় হাইড্রোজেন বোমা বিস্ফোরণ করা হইয়াছে। উহা হইতে বিচ্ছিন্ন তেজস্ক্রিয়া বা অজ্ঞবিধ কারণে কেহ আহত হয় নাই।

বোমা বিস্ফোরণের ফলাফল অভাবনীয় হইয়াছে, এই ব্যাখ্যা করিতে বলা হইলে মিঃ উইলসন এই মর্মে মন্তব্য করেন যে, আধুনিক সভ্যতার সবকিছুই অভাবনীয়। পঞ্চাশ বৎসর বেতার ও টেলিভিশনের জ্ঞান চিন্তাই করা যাইত না।

মিঃ উইলসনকে হাইড্রোজেন বোমার পরীক্ষা, উহার মারাত্মক ক্ষমতা এবং ভবিষ্যতে বোমা বিস্ফোরণ বিলম্বিত বা বন্ধের ব্রিটেন ও জাপানের দাবী সংক্রান্ত বহু প্রশ্ন করা হয়। তিনি এসব বিষয়ে হাঁ না কিছুই বলেন না।

“লণ্ডন, ৩০শে মার্চ—পার্লিামেন্টে ব্রিটিশ প্রধানমন্ত্রী স্যার উইলিয়াম চার্চিল বিরোধী দলের সদস্যদের প্রশ্নের উত্তরে বলেন যে, ব্রিটেন স্বীয় বৈজ্ঞানিক জ্ঞানলব্ধ অভিজ্ঞতা বলে হাইড্রোজেন বিস্ফোরণের ফলাফল অপরিমেয় হইয়াছে বলার কোন ভিত্তি নাই।

অতঃপর তিনি বলেন যে, আমেরিকার পরীক্ষার ফলে কোন ক্ষমতাই ব্রিটেনের নাই। উহা করিতে বলা ঠিক বা বিজ্ঞোচিত হইবে না।

তিনি আরও বলেন যে, আমেরিকা কর্তৃক হাইড্রোজেন বোমা পরীক্ষার জ্ঞান ব্রিটেনের সীমাবদ্ধ। তবে যাহারা পরীক্ষাকার্য চালাইতেছেন, তাঁহারা বোমার বিস্ফোরণ ক্ষমতার সীমা নির্ণয়ে অল্প বা ফলাফল পূর্ণ হইতে গণনা করিতে অক্ষম।

প্রধানমন্ত্রী বলেন যে, রাশিয়া যখন অমুরূপ ধরণের পরীক্ষা

চাল, তখন উহা বন্ধ বা বিলম্বিত করার জন্ত তাঁহাকে অমরোধ করি কেহ প্রস্তাব করিয়াছেন বলিয়া তাঁহার মনে পড়ে না।”

হাইড্রোজেন বোমার এইরূপ পরীক্ষা-নিরীক্ষা সভ্যজগৎকে কোথ লইয়া যাইতেছে সে সম্পর্কে পণ্ডিত নেহরু অত্যন্ত সমবেত ও যথাযথ মন্তব্য করিয়াছেন। উহার ফল যাহাই হউক, ঐরূপ প্রস্তাব জগতের কল্যাণকামী প্রত্যেক মনুষ্যের সমর্থনযোগ্য।

“১) এপ্রিল—হাইড্রোজেন বোমার পরীক্ষামূলক বিস্ফোরণে সারা জগৎপূর্ণ ধ্বংসের যে আশঙ্কা দেখা দিয়াছে তাহার নিবারণে প্রখ্যাত শ্রীনেহরু ঐকান্তিকতাপূর্ণ গঠনমূলক প্রস্তাব করিয়াছেন।

প্রতি-হাইড্রোজেন বোমার যে সকল পরীক্ষামূলক বিস্ফোরণ হইবে সে সম্বন্ধে লোকসভায় এক বিবৃতি দিয়া শ্রীনেহরু

এই ধরনের পরীক্ষা বন্ধ হওয়া উচিত ইহাই ভারত-সরকারের অভিমত। এই সর্বধ্বংসী মারণাস্ত্র নিষিদ্ধকরণ ও বর্জন সাধনের প্রধান শক্তিগুলির মধ্যে পাকাপাকি চুক্তি হওয়ার পক্ষে অবিলম্বে নিয়মিত ব্যবস্থা অবলম্বনের জন্ত তিনি প্রস্তাব

(১) সংশ্লিষ্ট প্রধান পক্ষগুলির মধ্যে পাকাপাকি চুক্তি বাতীত উৎপাদন ও মজুত রাখা বন্ধের ব্যবস্থা যদি সম্ভব

হইলেও এই ধরনের বিস্ফোরণ সম্বন্ধে কোন একপ্রকার চুক্তি সম্পাদন। (২) এই ধরনের অস্ত্রের ধ্বংস সাধনের

দূর, এগুলির বিস্ফোরণের প্রতিক্রিয়া কিরূপ হইয়াছে এ

কি হইতে পারে তাহার পূর্ণ বিবরণ সংশ্লিষ্ট প্রধান দেশগুলি এ

কর্তৃক সর্বতোভাবে প্রচার। (৩) রাষ্ট্রসভ্য সাধারণ

পারিষদীকরণ কমিশনকে এই ধরনের অস্ত্র বর্জন ও নিয়ন্ত্রণের

বিষয়ে কিসের জন্ত যে অমরোধ করেন, সে সম্বন্ধে চূড়ান্ত সিদ্ধান্ত

মার্কিন রাষ্ট্রসভ্য কমিশনের সাব-কমিটির ঘরোয়া বৈঠকে অবিলম্বে

ও এই বিষয় বিবেচনার ব্যবস্থা। (৪) পৃথিবীর যে

সকল রাষ্ট্রসভ্য এই সকল অস্ত্র উৎপাদনের সহিত সংশ্লিষ্ট নহে,

সেগুলির সাধারণ কর্তৃক এ সম্বন্ধে সক্রিয় ব্যবস্থা অবলম্বন ;

এই সকল পরীক্ষার পরিণতি চিন্তা করিয়া তাঁহারাও নিরতিশয়

বলেন, এই সকল ঘটনা, পরীক্ষা-নিরীক্ষা এবং

সম্ভাবিত পরিণাম সব সময় এশিয়ার এবং

সম্ভাবনার সন্নিহতেই ঘটিয়া থাকে বলিয়া ইহা আমাদের

পক্ষে গভীর চিন্তার বিষয়।

এবং সোভিয়েট ইউনিয়নের এই হাইড্রোজেন বোমা আছে।

ত দুই বৎসরের মধ্যে এই দুইটি দেশ পরীক্ষামূলকভাবে যেসব

বিস্ফোরণ ঘটাইয়াছে তাহার সংঘাত মানুষ যে সকল মার

জানে সেগুলির অপেক্ষা সকল দিক দিয়াই অধিক।

মার্চ যে বিস্ফোরণ ঘটান হয়, সম্প্রতি আমেরিকা তাহার অপেক্ষা প্রচণ্ড আর

একটি বিস্ফোরণ ঘটাইয়াছে এবং আরও কতকগুলি বিস্ফোরণের

ব্যবস্থা হইয়া আছে। হাইড্রোজেন বোমা বিস্ফোরণের ভয়াবহ

সম্ভাবনা সর্বত্রই জনসাধারণ ও জাতিসমূহের পক্ষে উদ্বেগের বিষয়—

তাহারা যুদ্ধে অথবা কোন শক্তিপুঞ্জের সহিত জড়িত হইক বা

না হউক।

সোভিয়েট প্রধানমন্ত্রী ম্যালেনকফ-প্রমুখ বিশিষ্ট রাজনীতিজ্ঞ ও

বিজ্ঞানীরা যে অভিমত প্রকাশ করিয়াছেন, তাহা উদ্ধৃত করিয়া

নেহরুজী বলেন, এই সকল অস্ত্র ও এইগুলির ভয়াবহ পরিণতি

সম্বন্ধে জগতে যে ব্যাপক ও গভীর উদ্বেগের সৃষ্টি হইয়াছে তাহাতে

কোন সন্দেহ নাই। কিন্তু উদ্বেগই যথেষ্ট নহে। ভয় এবং

আতঙ্কে গঠনাত্মক চিন্তা বা ফলপ্রদ কর্মপন্থা অবলম্বন সম্ভব হয় না।

আতঙ্কে বর্তমান বা ভাবী কোন বিপর্যয়ের প্রতিকার হয় না।

তাহার জন্ত মানব সমাজের বাস্তব সম্বন্ধে সজাগ হওয়া, দৃঢ় সংকল্প

লইয়া বাস্তব অবস্থার সম্মুখীন হওয়া এবং দুর্ব্যোগ এড়াইবার জন্ত

নিজেদের দাবি প্রতিষ্ঠা করা প্রয়োজন। ভারত বরাবর এই কথাই

বলিয়া আসিয়াছে যে, অণু, হাইড্রোজেন, রসায়ন, জীবাণু সংক্রান্ত

জ্ঞান ও শক্তি, পাইকারী ধ্বংস সাধনের উপযোগী এই সকল অস্ত্র

নির্মাণের জন্ত প্রয়োগ করা উচিত নহে। পরস্পরের সম্মতিক্রমে

অবিলম্বে এই ধরনের মারণাস্ত্র নিষিদ্ধ করার জন্ত আন অমরোধ

করিয়া আসিতেছি। এই সকল অস্ত্র বর্জনের ইহাই একমাত্র

কার্যকরী উপায়।

রাষ্ট্রসভ্যে ভারত একজন্ত যে সকল চেষ্টা করে তাহার উল্লেখ

করিয়া শ্রীনেহরু বলেন যে, আমাদের এই উদ্দেশ্য সাধনের জন্ত

কি করা যায় সে সম্বন্ধে গবর্নমেন্ট ক্রমাগত চিন্তা করিতেছেন এবং

করিয়া যাইবেন।

শ্রীনেহরু বলেন, সংবাদপত্রে যে সব বিবরণ প্রকাশিত হইয়াছে

বা এ সম্বন্ধে লোকের যে সাধারণ জ্ঞান আছে বা জল্পনা-কল্পনা

চলিতেছে তাহা ছাড়া হাইড্রোজেন বোমা সম্বন্ধে আমরা বিশেষ

কিছুই জানি না। তবে আমরা এইটুকু জানি যে, ইহার প্রয়োগে

মানবসমাজ ও সত্যতা ধ্বংস হইয়া যাওয়ার আশঙ্কা আছে।

শুনিয়াছি যে, ইহার আক্রমণ হইতে আত্মরক্ষার কোন কার্যকরী

উপায় নাই এবং একটি মাত্র বোমার বিস্ফোরণেই লক্ষ লক্ষ মানুষ

নিশ্চিহ্ন হইয়া যাইতে পারে এবং আরও বেশীসংখ্যক লোক

আহত ও রোগে-অসুস্থ হইতে পারে।

পারে।

কিছুকাল পূর্বে অধ্যাপক হাইড্রোজেন

হেজেন বোমা যদি সফল হয়, তাহা হইলে জলবায়ু তেজস্ক্রিয় বিষাক্ত হইবার ও তাহার ফলে সমগ্র প্রাণিজগতের ধ্বংস হওয়ার সম্ভাবনা দৃশ্যমান হইবে।

মার্কিন প্রতিনিধি ডাঃ গ্রীণহেড বলিয়াছিলেন, 'ধারাবাহিকভাবে এইরূপ বিস্ফোরণ ঘটিতে থাকিলে হঠাৎ এক সময় দেখিবে যে, আমরা নিজেদের ধ্বংস করার মত যথেষ্ট উপকরণ সৃষ্টি করিয়া ফেলিয়াছি।'

অষ্ট্রেলিয়ার বৈজ্ঞানিক উপদেষ্টা মিঃ মাটিন বলিয়াছিলেন, 'এই সর্বপ্রথম আমি হাইড্রোজেন বোমার জ্ঞান উদ্বিগ্ন বোধ করিতেছি। আমি ব্যক্তিগত ভাবে বলিতেছি, অবস্থা যেরূপ দাঁড়াইয়াছে তাহাতে মানবসমাজের কল্যাণের জ্ঞান চতুঃশক্তির মধ্যে এই বিষয় একটা আলোচনা আর স্থগিত রাখা যায় না।'

কানাডার পররাষ্ট্রমন্ত্রী মিঃ পিয়াসর্নও বলিয়াছেন, 'তৃতীয় বিশ্বযুদ্ধে আণবিক ও রাসায়নিক অস্ত্র ব্যবহারের ফলে সভ্যতা ধ্বংস হইয়া যাইবে।'

সোভিয়েট প্রধানমন্ত্রীও বলিয়াছিলেন যে, 'এই সকল অস্ত্র ব্যবহৃত হইলে পূর্ণ ধ্বংস অবশ্যম্ভাবী।'

পশ্চিম নেহরুর বিবৃতি যে সভ্য জগতের দৃষ্টি আকর্ষণ করিতে সক্ষম হইয়াছে তাহার সাক্ষ্য আমরা নিম্নস্থ সংবাদে পাই। উহা ২২ই এপ্রিলে নিউইয়র্কে নিরস্ত্রীকরণ কমিশনের বৈঠক সম্পর্কিত :

"ব্রিটিশ প্রতিনিধি আর পিয়াসর্ন ডিক্লোর প্রস্তাবের অল্পক্ষণ পরেই মার্কিন প্রতিনিধি মিঃ হেনরী ক্যাবট লজ নিরস্ত্রীকরণ কমিশনে এক বিবৃতি প্রসঙ্গে বলেন যে, হাইড্রোজেন বোমার পরীক্ষা সম্পর্কে একটি 'স্থিতাবস্থা চুক্তি' সম্পাদনের অনুরোধ জানাইয়া ভারতের প্রধানমন্ত্রী জীজবাহরলাল নেহরু যে বিবৃতি দিয়াছেন তাহা স্পষ্টতঃই শ্রদ্ধাপূর্ণ মনোযোগ আকর্ষণের অধিকারী—নেহরুজীর প্রস্তাব শ্রদ্ধা-সহকারে বিবেচনা করা যাইতে পারে।

আণবিক অস্ত্রশস্ত্রের পরিমাণ হ্রাস ও উৎপাদন নিয়ন্ত্রণ সম্পর্কে চুক্তি সম্পাদন প্রভৃতি ব্যবস্থা এবং গোপন আলোচনা উত্থাপিত হইবার পর মার্কিন প্রতিনিধি মিঃ হেনরী ক্যাবট লজ বলেন, 'নেহরুজীর প্রস্তাবের লিপি নিরস্ত্রীকরণ কমিশনের দলিলরূপে প্রতিনিধিদের মধ্যে বিলি করা হইয়াছে। আমরা প্রস্তাব করি যে, এই দলিল সাব-কমিটিতে উল্লিখিত হউক এবং তথায় এই সম্পর্কে আলোচনা হউক।'

"আণবিক বোমা সমস্যা আজ নূতন গুরুত্বপূর্ণ পথ্যায় উপনীত হইয়াছে, এজ্ঞ গত বৎসরের পর এই প্রথম বৈঠকে সম্মিলিত এই কমিশনও নূতন নূতন সমস্যার সম্মুখীন হইতেছেন।"

প্রাতরক্ষা-বিভাগে মনস্তাত্ত্বিক গবেষণা

প্রতিরক্ষা মন্ত্রীদের অধীনস্থ প্রতিরক্ষা বিজ্ঞান সংস্থার মনস্তাত্ত্বিক গবেষণা শাখার (Psychological Research) ১৯৫৩ সনের বার্ষিক অগ্রগতির রিপোর্ট আলোচনা প্রসঙ্গে

"বোম্ব ক্রনিকলের" নয়াদিল্লীস্থিত বিশেষ সংবাদদাতা লিখিতছেন যে, উক্ত শাখার কার্যাবলী চারিটি বিভাগে ভাগ করা যায় (১) মনস্তাত্ত্বিক পরীক্ষার সংগঠন—পরীক্ষাগুলির নিয়তই পরিবর্তন সাধিত হইতেছে, কারণ একবার লোক নিয়োগ করার পরই পরীক্ষার বিষয়গুলি প্রকাশ হইয়া পড়ে, (২) নির্বাচনের কার্যে নিযুক্ত ব্যক্তিদিগকে শিক্ষাদান—প্রায়শঃই কর্মীদের স্থানান্তর করার দরুন এই শিক্ষাকার্য প্রতিনির্দিষ্ট হইয়া যাইবে হইতেছে (৩) নিরীক্ষণ (follow up)—সৈন্যবাহিনীর কার্যে নিযুক্ত ব্যক্তিদের অগ্রগতির প্রতি লক্ষ্য রাখা হয়, যাহাতে নির্বাচন ক্রমের গুণাগুণ এবং সাফল্য অথবা ব্যর্থতা সম্পর্কে জ্ঞান হয়, (৪) নির্বাচন পদ্ধতির ক্রটি দূর করিয়া তাহার উন্নতিসাধন গবেষণা।

১৯৫৩ সনে উক্ত শাখা কর্তৃক অফিসারদের নির্বাচনে জ্ঞান দুইটি পরীক্ষা, অফিসার-প্রার্থীদের ব্যক্তিগত নির্ধারণের জন্য দুইটি পরীক্ষা এবং সাধারণ সৈন্যদের জ্ঞান তিনটি সম্পাদন পরীক্ষা (performance test) উদ্ভাবন করা হয়।

নির্বাচনকার্যে নিযুক্ত সকল ব্যক্তিকে তাহাদের স্বকীয় জ্ঞান যোগদানের পূর্বে মনস্তাত্ত্বিক গবেষণা শাখা হইতে বিশেষভাবে শিক্ষিত করিয়া তোলা হয়। গত বৎসর এই উদ্দেশ্যে একটি শিক্ষা-তালিকা (course) গৃহীত হইয়াছিল। এই তালিকা অনুসারে সামরিক নির্বাচন বোর্ডের প্রেসিডেন্ট, ডেপুটি প্রেসিডেন্ট, মনস্তাত্ত্বিক এবং দল পরীক্ষাকারী অফিসারদিগকে (testing officers) শিক্ষা দেওয়া হয়। সাধারণ সৈন্যদের নির্বাচনের জ্ঞান নিযুক্ত কর্মীদেরও শিক্ষা-তালিকা প্রদান করা হয়।

পরীক্ষাগুলি কত দূর নির্ভরযোগ্য এবং দলগত পরীক্ষার ফলে নির্বাচিত ব্যক্তির স্বতন্ত্রভাবে কর্মসম্পাদনে কিরূপ তৎপরতা বিবেচনা ও বিশ্লেষণ করিয়া দেওয়ার জ্ঞান মনস্তাত্ত্বিক গবেষণা শাখা কয়েকটি পরীক্ষার অনুষ্ঠান করেন। বিভিন্ন সামরিক বোর্ড কর্তৃক গৃহীত মান সম্পর্কে তুলনামূলক আলোচনার উদ্দেশ্যে একটি পরীক্ষাকার্য চালান হয়। পরীক্ষার পূর্বেই স্থানীয় যাহা যে বিভিন্ন বোর্ড কর্তৃক গৃহীত মানের মধ্যে বহুশ্রেণী স্থাপন রহিয়াছে।

সামরিক কার্যে নিযুক্ত ব্যক্তিদিগের নির্বাচন ব্যাপকভাবে ব্যতীত অগাধ অনেক ব্যাপারেও মনস্তাত্ত্বিক গবেষণা সাহায্য লওয়া হয়। ইউনিয়ন পাবলিক মনোবিদ্য কমিশন, স্ট্রিক কমিশন এবং শিক্ষাবিভাগীয় মন্ত্রীদের উক্ত শাখার নিকট হইতে অনেক বিষয়ে সাহায্য পাইয়াছেন।

ভারতে সামরিক কার্যে ব্যক্তিনিয়োগের পদ্ধতি সর্কে ওয়াকিব-বহাল হইবার জ্ঞান পার্শ্ববর্তী কয়েকটি দেশের সামরিক এবং পুলিশ বিভাগের কর্মচারীগণ গত বৎসর উক্ত শাখার কার্যাবলী পর্যবেক্ষণ করিতে ভারতে আগমন করেন।

স্বাবলম্বন

মেদিনীপুর তমলুকের অন্তর্গত মহিষাদল থানার গ্রামবাসীগণ সম্প্রতি আত্মনির্ভরশীলতার একটি দৃষ্টান্ত দিয়াছেন। ঐ অঞ্চলের প্রসিদ্ধ রাজাখালি খাল এতদিন মজিয়া অকেজো হইয়া ছিল। সম্প্রতি স্থানীয় প্রায় সহস্রাধিক গ্রামবাসীর সম্মুখে পানিসিটির ভূমিসেনাদল, ৬নং উনিয়ন ওয়ার্ডের সদশুগণ, "পল্লীজীবন" কর্মীদল এবং কল্যাণ-চক্র গাইস্কুলের ছাত্র ও শিক্ষকগণ উহার উদ্ধারকার্য আরম্ভ করেন। খাল চার মাইল লম্বা ও প্রায় পঁয়ত্রিশ ফুট চওড়া এবং উহার কাঁচারী হইলে প্রায় ছয় হাজার বিঘা পরিমাণ ক্ষেত্রে সেচের ব্যবস্থা হইলে ঐ অঞ্চলের ফসলে সেখানকার ফসলে ছয় হাজার মণ ধান উৎপাদিত হইবে, অর্থাৎ ঐখানের চাষীর আয় প্রায় দুই টাকার মত বাড়িবে।

ইরূপ কার্যে দেশের ও দেশের সকল দিক দিয়াই উপকার হয়। অতীত উপরোক্ত কর্মীবৃন্দকে অভিনন্দন জ্ঞাপন করিতেছি এবং ঐ কার্যের সাফল্য কামনা করিতেছি। পশ্চিম বাংলার সম্ভানগণ যদি ঐ আদর্শকে গ্রহণ করেন এবং সর্বক্ষেত্রে প্রয়োগ করেন তবে দেশের আশার আলোকে উদ্ভাসিত হইবে।

পশ্চিমবঙ্গের বনসম্পদ

পশ্চিম বাংলায় ৪০৪৯ বর্গমাইল বন-জঙ্গল আছে। উহা এই বনভূমির (area) শতকরা ১৪ ভাগ মাত্র। দেশের কৃষি ও শিল্পের জঙ্গল শতকরা ২৫ ভাগ বন-জঙ্গল থাকা উচিত। বর্তমান দেশের উত্তর ভাগে দার্জিলিং, জলপাইগুড়ি ও কোচবিহার অঞ্চলে ১০ বর্গমাইল, দক্ষিণে সুন্দরবন অঞ্চলে ১৬০০ বর্গমাইল এবং দেশের পশ্চিমপ্রান্তে, বিশেষতঃ মেদিনীপুর ও বাঁকুড়ায়, ১২০০ বর্গমাইল বনভূমি আছে। শেষের অংশ কতকটা ইতস্ততঃ বিক্ষিপ্ত। ঐ অঞ্চলের কাঠ, তক্তা ইত্যাদি কলিকাতা বা শিল্পাঞ্চলে অপ্রাধান্য অস্ত্রায় পথঘাট ও সোজা রেলপথের অভাব। পশ্চিম অঞ্চলে শাল ইত্যাদি গাছ ছোট অবস্থায় কাটার দরুন প্রধানতঃ জ্বালানকাঠ হিসাবেই ব্যবহৃত হয়। সুন্দরবনেরও তাই, তবে কিছু যামলাই শিল্পে ব্যবহৃত হয়। সবসুদ্ধ গড়ে প্রতি বৎসর বনভূমিতে কাটা ২৬.১৩ লক্ষ ঘনফুট, খুঁটি ও রলা ২৪.১৪ লক্ষ ঘনফুট, কাটা ৭৯ লক্ষ ঘনফুট এবং জ্বালানী কাঠ ২২৬.৭৭ লক্ষ ঘনফুট আহরিত হয়। ইহাতে দেখা যায় যে, বনসম্পদের অধিক অংশ উৎসর্গ হইয়া থাকে। প্রায় ৮.৫ লক্ষ সংখক বাঁশ, ২২,৩০০ গাভী, ১৩.৫ লক্ষ ঘনফুট প্রস্তর, ৫৮২০ মণ মধু, ১৩০৭ মণ মোম এবং ২ লক্ষ গাঁইট ইত্যাদি রাষ্ট্রের অধিকৃত বন হইতে পাওয়া যায়। দেশের বনজঙ্গলের ২.৭৪ বর্গমাইল রাষ্ট্রের অধিকারে আছে, ৭.৩ বর্গমাইল আছে ব্যক্তিগত অধিকারে, ৫০ বর্গমাইল কোম্পানী হাতে, ৩৬ বর্গমাইল সাধারণ অধিকারে এবং ৮ বর্গমাইল সকলের বাহিরে আছে।

সুন্দরবন আবাদের জঙ্গল দাবী শুনা যায়, কিন্তু প্রকৃতপক্ষে ওখানকার জঙ্গল উপবেশ কৃষিভূমিকে রক্ষা করে। প্রকৃতপক্ষে মেদিনীপুর সমুদ্র উপকূল হইতে ২৪ পরগণার উপকূল অঞ্চল

পর্বাস্ত সমস্ত সাগরতট অঞ্চলে ঘন জঙ্গল থাকা প্রয়োজন। সমুদ্রের ভীষণ ঝড় ও প্লাবন হইতে দেশের সমস্তল ভূমিকে রক্ষা করা অসম্ভব কোন উপায় নাই। রাষ্ট্রের ভিতরেও নূতন বনমালা প্রয়োজন ভূমিক্ষয় রোধ এবং জ্বালানী কাঠের জঙ্গল। "কাঠের কতকটা আরম্ভ হইয়াছে পঞ্চবার্ষিকী পরিকল্পনা অনুযায়ী।

তিস্তা বাঁধ নির্মিত হইলে উত্তরাঞ্চলের বনসম্পদের আহরণ ও ব্যবহার হইই সহজ হইবে। ফরকা বাঁধ হইলে সুন্দরবন মিঠা জল পাইয়া সরস ও সতেজ হইবে এবং উত্তরাঞ্চলের বনসম্পদের দক্ষিণে আনাও সহজ হইবে।

পাটশিল্পে মন্দা

রপ্তানীর দিক হইতে ১৯৫৩ সালে পাটশিল্পের পক্ষে দুর্বৎসর বলিতে হইবে। ১৯৫২ সালে ভারতবর্ষ ৭,৪৩,৮০০ টন পাটজাত দ্রব্য বিদেশে রপ্তানী করিয়াছে, এবং ১৯৫৩ সালে রপ্তানীর পরিমাণ ছিল ৭,৪৩,১০০ টন, যদিও গত বৎসর পাটের খলি ও কাপড়ের উপর রপ্তানী শুল্কের যথেষ্ট পরিমাণে হ্রাস করিয়াও দেওয়া হইয়াছিল। অবস্থা আরও খারাপ হইত যদি না আর্জেন্টিনা ইদানীং অধিকতর পরিমাণে ভারতীয় পাটজাত দ্রব্য আমদানী করিত।

১৯৫২ সালে ভারতে ৪৬ লক্ষ গাঁইট পাট উৎপন্ন হইয়াছিল, কিন্তু ১৯৫৩ সালে উৎপন্নের পরিমাণ হইয়াছে মোট ৩১ লক্ষ গাঁইট। ইদানীং পাটের মূল্য হ্রাস পাইতেছে এবং যে সকল জমিতে উৎপাদন খরচ অপেক্ষাকৃত অধিক ছিল, তাহাতে ধান চাষ শুরু হইয়াছে। ভারতীয় জুটমিলগুলির বাৎসরিক পাটের প্রয়োজন প্রায় ৫৬ লক্ষ গাঁইট, পাটের উৎপাদন হ্রাস পাওয়াতে মিলগুলি পুরাদমে কাজ করিতে পারিতেছে না।

অধিকতর পাটের রপ্তানী বাজারও বর্তমানে সীমাবদ্ধ। যে পাটজাত দ্রব্য মিলে উৎপন্ন হইতেছে তাহাও রপ্তানী করা বাইতেছে না। ভারতীয় জুটমিল এসোসিয়েশনের চেয়ারম্যান হুং প্রকাশ করিয়া বলিয়াছেন যে, যখন কাঁচা পাটের সরবরাহ যথেষ্ট পরিমাণে ছিল তখনও মিলগুলি পুরাদমে কাজ করিতে পারে নাই রপ্তানী বাজারের অভাবের জন্ত। ভারতীয় জুটমিল বর্তমানে সপ্তাহে মাত্র সাড়ে তিন ঘণ্টা কাজ করিতে বাধ্য হইতেছে, তাহার উপর আবার শতকরা সাড়ে বায়ো ভাগ তাঁত বন্ধ করিয়া রাখা হইয়াছে। যুদ্ধোত্তর যুগে পাটের আন্তর্জাতিক বাজার ভাল হওয়ার কথা, কারণ পাটের খলির চাহিদা বৃদ্ধি পাইয়াছে। অবশ্য কোরিয়া যুদ্ধের "সিক পাইলিং" বন্ধ হওয়ার দাম অনেক নামিয়াছে।

১৯৫২ সনে ভারতীয় জুট মিল এসোসিয়েশন প্রচারকার্যের জন্ত আমেরিকায় প্রতিনিধি প্রেরণ করিয়াছিল এবং গত বৎসর অষ্ট্রেলিয়া, নিউজিল্যান্ড এবং সিঙ্গাপুরে প্রতিনিধিবর্গ গিয়াছিল। প্রচারকার্যের জন্ত গত বৎসর আমেরিকায় ১ লক্ষ দশ হাজার পাউণ্ড খরচ করা হইয়াছিল। এ বৎসরও নাকি এই পরিমাণে টাকা খরচ করা হইবে। প্রচারকার্যের ফলে আমেরিকায় রপ্তানী বৃদ্ধি পাইয়াছে। কিন্তু রপ্তানীর পরিমাণ যথোচিত নয়।

প্রচেষ্টার দ্বারা বস্ত্রশিল্পের বৃদ্ধি পাইবে না। পাকিস্তান বর্তমানে ভারতের সবচেয়ে বড় প্রতিদ্বন্দ্বী হইতে পারে। পাকিস্তানের উচ্চ শ্রেণীর পাট, আধুনিক যন্ত্রপাতি এবং সুবিধাজনক শ্রমিক আইন তাহার উৎপাদন বৃদ্ধির সহায়তা করিতেছে। অবশ্য সেখানে পাটজাত দ্রব্যের উৎপাদন এখনও অত্যন্ত কম।

ভারতীয় পাটশিল্পকে বাঁচাইয়া রাখিতে হইলে দুইটি জিনিষের প্রয়োজন—উচ্চ শ্রেণীর কাঁচা পাট উৎপাদন এবং আধুনিক কলকারখানা। ভারতীয় পাট-উৎপাদনকারী প্রদেশগুলির সচেষ্টিত হওয়া উচিত বাহাতে উচ্চশ্রেণীর পাট বপন করা হয়। পরিমাণ অপেক্ষা গুণের দিকে নজর দেওয়া উচিত। ভাল পাট উৎপাদনের জন্য প্রয়োজন ভাল বীজ এবং ভাল বীজ উৎপাদনের জন্য বীজভূমি তৈয়ার করা দরকার। শুধু তাহাই নহে, চাষীদের বাধ্য করা উচিত বাহাতে তাহারা উন্নত বীজ ব্যবহার করে। উন্নত শ্রেণীর বীজবপনের সুবিধার্থে কেন্দ্রীয় সরকার উন্নত ধরনের মই সরবরাহ করিতেছেন। বর্তমান জেলার পানাগড়ে ২০০ শত একর জমি লওয়া হইয়াছে বীজবর্ধনভূমি সৃষ্টি করার জন্য। ব্যারাকপুরের নিকট নীলগঞ্জ এলাকায় যে কৃষি অনুসন্ধান প্রতিষ্ঠান আছে তাহাকে প্রায় ৫০ একর জমি দেওয়া হইয়াছে দুইপ্রকার চাষ সম্বন্ধে পরীক্ষা করার জন্য—ধান এবং পাট।

কাঁচা পাটের মূল্য নির্ধারণে ভারতীয় জুট মিল এসোসিয়েশন কেন্দ্রীয় সরকারের সহিত একমত নহে। জুট মিল এসোসিয়েশন মনে করে যে, নিম্নশ্রেণীর পাটের জন্য উচ্চমূল্য নির্ধারণ করাতে ভারতীয় পাটজাত দ্রব্যের উৎপাদন খরচ বেশী পড়ে এবং তাহাতে আন্তর্জাতিক বাজারে তাহার মূল্য অধিক পড়ে।

জাতীয় জুট মিলগুলিকে সম্প্রতি উন্নত ধরনের কলকারখানা দ্বারা সজ্জিত করা হইয়াছে। নূতন ব্যবস্থায় একটি শ্রমিক সাধারণতঃ ১০।১২টি তাঁত চালাইতে পারে—ইহাতে উৎপাদন খরচ যথেষ্ট কম পড়ে। আন্তর্জাতিক বাজারে প্রতিযোগিতা করিতে হইলে ভারতীয় জুটমিলগুলিকে দশ-বার বৎসরের মধ্যে উন্নত ধরনের আধুনিক কলকারখানা দ্বারা সজ্জিত করিতে হইবে।

এ বৎসরে ভারতীয় পাটের বাজার অনিশ্চয়তার মধ্য দিয়া যাইতেছে। এবারে আর্জেন্টিনা কি করে বলা যায় না। সেপ্টেম্বর মাসের পর তার অর্ডার আসিবে। পাট রপ্তানী ব্যাপারে অধিকাংশ ভারতীয় ব্যবসাদাররা নীতিগর্হিত কাজ করিতেছে বলিয়া আমেরিকা অনুযোগ করিতেছে। তবে পুরনো ব্যবসাদারদের নিকট হইতে পাট আমদানী না করিয়া নূতন ব্যবসাদারদের নিকট হইতে আমেরিকা সম্ভার পাট আমদানী করিতেছে। নূতন রপ্তানীকারকগণ দুর্নীতির আশ্রয় লইতেছে ইহা অত্যন্ত দুঃখের বিষয়—ব্যক্তিগত লাভের জন্য জাতীয় ক্ষতি করা হইতেছে। ১৯৫১ সনে ভারতীয় ব্যবসাদাররা এমন নিকটশ্রেণীর অল্প আমেরিকার রপ্তানী করিতে শুরু করিয়াছিল যে, কলে অল্প রপ্তানী যথেষ্ট পরিমাণে হ্রাস

আমেরিকা ভারতের বৃহত্তম পাটের বাজার, সুতরাং তার সহিত ব্যবসায়িক অসদ্ব্যবহার অত্যন্ত গর্হিত কাজ, এ সন্দেহ কর্তৃপক্ষের সজাগ হওয়া উচিত। আজ নূতন রাজনৈতিক প্রেক্ষিতে, অর্থাৎ পাক-আমেরিকা আঁতাতে, আমেরিকা পাকিস্তান হইতে অধিক পরিমাণে পাট ক্রয় করিবে। সুতরাং আমেরিয়া ভারতীয় পাট রপ্তানী বাজার বন্ধ হইলে ভারতীয় ব্যবসাদারের ব্যবসায়িক নীতি উচ্চ ধাকা উচিত। অধিকন্তু, আমেরিকায় বর্তমান ব্যবসায়িক মন্দা যাইতেছে, তাই পাটের বাজার সঙ্কুচিত হওয়ার সম্ভাবনা আছে। চলতি বৎসরে পাকিস্তানে ৩৫ লক্ষ গাইট পাট উৎপন্ন হইয়াছে। ভারতীয় প্রান্তিক জমিতে পাট চাষ করা উচিত, তাহাতে পাট উৎপাদনের খরচ কম হইবে।

ভারতে বীমা ব্যবসায়

ভারত-সরকারের বীমা নিয়ামক (Controller of Insurance) কর্তৃক সন্ধ্যাপ্রকাশিত ভারতীয়-বীমা বর্ষলিপি ১৯৫০-৫১ জানা যায় যে, ১৯৫২ সনে ভারতীয় বীমা কোম্পানীগুলির জীবন-বীমার পরিমাণ ছিল ১২৯.২৮ কোটি টাকা। ইহা বার্ষিক ৬.৯৬ কোটি টাকা প্রিমিয়াম আয় হইবে। ঐ বৎসর নূতন পলিসির সংখ্যা ছিল ৫১২,০০০। ভারতে কার্যরত বীমা কোম্পানীগুলি বার্ষিক ৯৩ লক্ষ টাকা প্রিমিয়াম আয়ের ১.৫০ কোটি টাকার নূতন বীমা করেন। তাহারা ২২,০০০ নূতন পত্রের প্রচলন করেন।

১৯৫২ সনে অগ্নি এবং নৌ-বীমা ব্যবসায়ের প্রিমিয়াম আয় ১৯৫১ সনের তুলনায় সামান্য হ্রাস পায় এবং বিবিধ শ্রেণীর আয় কিছু বৃদ্ধি পায়।

১৯৫৩ সনের ৩০শে নবেম্বর তারিখে ১৯৩৮ সনের বীমা আইন অনুযায়ী রেজিস্ট্রিকৃত ৩২২টি কোম্পানী ছিল; তন্মধ্যে ১১৫টি ভারতীয়, বাকিগুলি বিদেশী। ১১৫টি ভারতীয় কোম্পানী জীবন-বীমার ব্যবসা করেন; ৪৬টি কোম্পানী জীবন-বীমা এবং জীবন-বীমার ব্যবসায় করেন এবং অবশিষ্ট ভারতীয় কোম্পানীগুলি জীবন-বীমার (জীবন-বীমা বাতীত) অন্যান্য বীমা ব্যবসায় নিয়োজিত রহিয়াছেন। ঐ সকল ব্যবসায় নিয়োজিত বিদেশী কোম্পানী সংখ্যা যথাক্রমে ৪,১৩ এবং ৮৪।

১৯৫১ সনের তুলনায় জীবন-বীমা ব্যবসায়ের ক্ষেত্রে বীমার সংখ্যা হ্রাস পাইয়াছে ১০০০ বীমাকৃত পত্রের পরিমাণ ২.১০ কোটি টাকা এবং বার্ষিক প্রিমিয়াম আয়ের পরিমাণ ২.২ লক্ষ টাকা। বিদেশী কোম্পানীগুলির জীবন-বীমা ব্যবসায়ের পরিমাণও রূপকভাবে কিছু হ্রাস পাইয়াছে।

১৯৫২ সালের শেষ পর্যন্ত ভারতীয় বীমা কোম্পানীলির জীবনবীমা ব্যবসায়ের নীট পরিমাণ ছিল ৭৮৯.৮৮ কোটি টাকা। উহার বার্ষিক প্রিমিয়াম আয়ের পরিমাণ ৩৭.৯৫ কোটি টাকা। ঐ সময় পর্যন্ত মোট ৩,৬৭৮,০০০টি বীমাপত্র চালু ছিল।

বীমা কোম্পানীগুলির জীবনবীমা ব্যবসায়ের পরিমাণ ছিল ১২৬'০২ কোটি টাকা। উহা হইতে মোট ৬'৯৩ কোটি টাকার বার্ষিক প্রিমিয়াম আয় হয়। মোট বীমাপত্রের সংখ্যা ২৪৭,০০০।

১৯৫২ সালের শেষ পর্যন্ত বিদেশে কার্যরত ভারতীয় কোম্পানী-গুলির বীমা ব্যবসায়ের নীট পরিমাণ ছিল ৬৯'৮৩ কোটি টাকা এবং পলিসির সংখ্যা ২৬৫,০০০। ঐ বৎসর তাহাদের নূতন ব্যবসায়ের পরিমাণ ছিল ১১'৪৮ কোটি টাকা এবং নূতন পলিসির সংখ্যা ২৭,০০০।

জীবনবীমা ব্যবসায় হইতে ১৯৫২ সালে ভারতীয় বীমা কোম্পানীগুলির মোট আয়ের পরিমাণ ছিল ৫০'১০ কোটি টাকা, বিদেশী কোম্পানীগুলির ৯'৭৭ কোটি টাকা। মোট বায় বধাক্রমে ১৮'৪৫ কোটি টাকা এবং ৬'৭৬ কোটি টাকা।

কনট্রোলারের আলোচনা হইতে দেখা যায় যে, ১৯৪৩ সাল হইতে এই বীমা ব্যবসয়ে উন্নতির লক্ষণ দেখা দেয়। তাহার হিসাব হইতে দেখা যায়, গত কয়েক বৎসর যাবৎ বাতিল বীমার সংখ্যা হ্রাস পাইয়াছে।

জীবনবীমা বাতীত অল্প বীমা ব্যবসয়ে নিযুক্ত ভারতীয় কোম্পানীগুলির মোট নীট আয়ের পরিমাণ ছিল ১৪'৪৭ কোটি টাকা; বিদেশী কোম্পানীগুলির ২'৮০ কোটি টাকা।

বিক্রয় করের অব্যবস্থা

বিক্রয় কর সংগ্রহের ব্যাপার লইয়া কিছুদিন যাবৎ আন্তঃপ্রাদেশিক বাদানুবাদ চলিতেছে। ভারতীয় সংবিধান রচয়িতাদের মনোরম উদ্দেশ্য ছিল যাহাতে আন্তঃপ্রাদেশিক ব্যবসার উপর কোন কর আদায় না হয়। কিন্তু ভারতীয় সুপ্রীম কোর্ট সম্প্রতি রায় দিয়াছেন [State of Bombay V. United Motors (India) Ltd.] যে, আন্তঃপ্রাদেশিক ব্যবসার উপর বিক্রয় কর বসানোর অধিকার প্রদেশগুলির আছে। সেই অনুসারে প্রদেশগুলি ভিন্ন প্রদেশের ব্যবসাদারদের উপর বিক্রয় কর দাবী করিয়া নোটিশ জারি করিতেছেন। কোন কোন প্রদেশ গত ১৯৫০ সনের ২৬শে জানুয়ারী হইতে ষত মাল ভিন্ন প্রদেশে বিক্রয় হইয়াছে তার উপর কর আদায় করিয়াছেন। এই ব্যাপারে বিভিন্ন চেম্বার অব কমার্স কোর্স সরকারের নিকট অনুরোধ প্রকাশ করিয়াছেন। তদনুসারে কেন্দ্রীয় সরকার প্রদেশগুলির “কর্মচারী সমিতি”র অধিবেশন আহ্বান করিয়া এই বিক্রয় কর কর্মচারী সমিতি সিদ্ধান্ত গ্রহণ করিয়াছেন যে, বিভিন্ন প্রদেশের আইনতঃ ১৯৫০ সনের ২৬শে জানুয়ারী হইতে আন্তঃপ্রাদেশিক ব্যবসায়ের উপর কর ধার্য্য করিতে পারে, তথাপি সুপ্রীম কোর্টের রায়ের পর হইতে (অর্থাৎ, ৩০শে মার্চ ১৯৫৩ সন) এইরূপ কর আদায় করা উচিত। তাই কোন কোন প্রদেশ ঠিক করিয়াছে যে, ১৯৫৩ সনের ১লা এপ্রিল হইতে আন্তঃপ্রাদেশিক ব্যবসায়ের উপর বিক্রয় কর ধার্য্য করা হইবে এবং কোন কোন প্রদেশ ১৯৫৪ সনের ১লা জানুয়ারী হইতে এই কর আদায় করিবে। এই ব্যবস্থা কিন্তু খানিকটা গোড়াতালি গোছের এবং

সাময়িক। চিরস্থায়ী সমাধান হিসাবে ‘কর্মচারী সমিতি’ মত দিয়াছেন যে, ভিন্নপ্রাদেশিক ব্যবসায়ীর উপর বিক্রয় কর আরোপ না করিয়া প্রদেশগুলি নিজেদের অধিবাসীদের উপর বিক্রয় কর (Purchase Tax) ধার্য্য করা উচিত। তাহা বিক্রয় কর যুক্ত করিয়া দিয়া ক্রয় কর ধার্য্য করিলে ভিন্নপ্রাদেশিক ব্যবসায়ীর উপর আর বিক্রয় কর আরোপ করিতে হইবে না। এ বিষয়ে কেন্দ্রীয় আইন পরিষদের সজাগ হওয়া উচিত।

মিশ্রনীতির দুর্নীতি

ভারতীয় অর্থনৈতিক কাঠামোর বহুরকম অব্যবস্থা আছে—তার মধ্যে তিনটি জিনিষ সত্যি বহুজনক, যাহা সাধারণ বুদ্ধিতে বোধগম্য নয়। এই তিনটি ব্যাপার হইতেছে বস্ত্রসমগ্রা, চিনি-সমগ্রা ও স্বর্ণসমগ্রা। ইহাদের ব্যাপার দেখিয়া মনে হয় যেন ইহারা কেন্দ্রীয় সরকারের আত্মরে ছেলে (spoilt children)। ইহাদের উপর যখন জনসাধারণ প্রতিবাদ করে, তখন কেন্দ্রীয় সরকার বলেন, “আচ্ছা দেখব।” পরে লোকদেখানো গোছের কিছু করেন, কিন্তু ইহাদের অত্যাচার সত্যিকারভাবে বন্ধ হয় না। সরকারী ভাব দেখিয়া মনে হয় যে, তাহারা যেন দুই পক্ষকেই সন্তুষ্ট করার চেষ্টা করেন।

ভারত স্বাধীন হওয়ার পর হইতেই (১৯৪৭) এই তিনটি ব্যবসয়ে মুনাফা লাভের আশ্রয়ে সামাজিক নীতিজ্ঞান বিবর্তিত হইয়াছে। কাপড়ের কালোবাজারী ও সাদাবাজারী অতিরিক্ত মূল্য ভারতীয় জনসাধারণকে ১৯৪৭ সন হইতে ১৯৫২ সন পর্যন্ত জর্জরিত করিয়াছে—আর কেন্দ্রীয় সরকার যেন অসহায় শিশুর মত ইহাদের কালোবাজারী ব্যবসা নীরবে পরিদর্শন করিয়াছেন। লোকে ইহাতে বলিবার সুযোগ পায় যে সরকারী অসহায়ভাব খানিকটা লোকদেখানো, সত্যিকার প্রতিকারের বন্দোবস্ত করিলে কালোবাজারী ব্যবসা বন্ধ করা যাইত। এবারে তাঁতশিল্পের সাহায্যকরে মিলবস্ত্র নিয়ন্ত্রিত হইয়াছে। ফলে কাপড়ের সরবরাহ অল্প হইয়াছে এবং তাহার জল কাপড়ের মূল্য বাড়িয়াছে।

চিনিশিল্পের কালোবাজারী ব্যবসাও সর্বজনবিদিত, কারণ সবাই ভুক্তভোগী। এবারে কেন্দ্রীয় সরকার বিদেশ হইতে চিনি আমদানী করিতে বাজী হইয়াছিলেন। চিনি আমদানী হওয়াতে মূল্য সাময়িক ভাবে কিছু কমিয়াছিল, কিন্তু আবার মূল্য বৃদ্ধির পথে। সম্প্রতি চিনির মূল্য হঠাৎ বাড়িয়া গিয়াছে, কারণ চিনির জমা কমিয়া আসিতেছে। এখন জিজ্ঞাস্য—কেন্দ্রীয় সরকার যখন জানেন যে, চিনির জমা কমিয়া আসিতেছে এবং আভ্যন্তরিক উৎপাদন চাহিদার পক্ষে যথেষ্ট নয়, তখন কেন তাহারা সময় থাকিতে চিনি আমদানীর বন্দোবস্ত করেন নাই? বাজার যদি জানে যে চিনির সরবরাহ যথেষ্ট তাহা হইলে চিনির মূল্য বৃদ্ধি পাইতে পারে না। চিনিশিল্পের মালিকরা এবং ব্যবসাদাররা এই সময়ের মধ্যে বেশ কিছু মুনাফা করিয়া লইবে জনসাধারণের অর্থে। ইহাকেই অর্থনীতিতে বলে—“Windfall profit”।

এই সুফালাভের সাহায্য করার জন্ত কেন্দ্রীয় সরকার অবশ্যই নীতিগত ভাবে দায়ী। চিনি নাই, তাই মূল্য বৃদ্ধি পাইয়াছে—গুপ্ত এই কথা কল্যাণকামী রাষ্ট্রের দায়িত্ব খালস হয় না।

এবার পাট কথা। আমরা বছবার বলিয়াছি যে, ভারতে সোনা আমদানী নিষিদ্ধ হওয়ায় আন্তর্জাতিক বাজার হইতে ভারতীয় বাজারে সোনার মূল্য প্রায় দুই হইতে আড়াই গুণ বেশী।

ভারতীয় আভ্যন্তরিক যে সোনা উৎপাদন হয় তাহা আমাদের শতকরা ৫০ ভাগ চাহিদা মিটায়, গুপ্তভাবে আমদানী সোনা বাকী ৫০ ভাগের চাহিদা মিটায়। ইংরেজ আমলে রিজার্ভ ব্যাঙ্ক সোনা বিক্রয় করিত এবং তাহাতে সোনার মূল্য বাড়িতে পারিত না। ভারত স্বাধীন হওয়ার পর রিজার্ভ ব্যাঙ্ক আর সোনা বিক্রয় করে না, ফলে সোনার মূল্য অসম্ভবভাবে বাড়িয়া গিয়াছে এবং গুপ্ত আমদানীও বৃদ্ধি পাইয়াছে। গুপ্ত আমদানীতে সরকার আমদানী কর হইতে বঞ্চিত হন। সোনার দাম মাঝখানে বেশ কমিয়া গিয়াছিল, কিন্তু ইদানীং গুপ্ত আমদানী সম্বন্ধে কড়াকড়ি হওয়াতে সোনার মূল্য হঠাৎ বৃদ্ধি পাইয়াছে। ইহাতে লাভ করিতেছে কাহার?—বংশে বুলিয়ান এক্সেলের কতিপয় ভদ্রলোক মাত্র। কাহার সাহায্যে? অবশ্য সরকারী আইনের সাহায্যে। কাহার অর্থে লাভ করিতেছে? অবশ্য জনসাধারণের অর্থে। ইহার কারণ রহস্যজনক।

ভারতে বিজ্ঞান গবেষণার অগ্রগতি

ভারত সরকারের প্রাকৃতিক সম্পদ ও বিজ্ঞান গবেষণা দপ্তরের ১৯৫৩-৫৪ সালের কার্যবিবরণীতে বলা হইয়াছে যে, ঐ সময়ের উল্লেখযোগ্য কাজ হইল জাতীয় গবেষণা উন্নয়ন কর্পোরেশন গঠন। জাতীয় গবেষণা মন্দিরগুলিতে যে সকল দ্রব্য ও পদ্ধতি আবিষ্কার করা হইবে সেগুলিকে শিল্প ও ব্যবসায়িক প্রয়োগের উপযুক্ত করিয়া তোলাই এই কর্পোরেশনের কাজ। শিল্প ও বিজ্ঞান গবেষণা পরিষদের অন্তর্গত সমস্ত প্রতিষ্ঠান, রাজ্যসরকারের গবেষণা-কেন্দ্র, পণ্য গবেষণা পরিষদ ও অজ্ঞাত বেসরকারী প্রতিষ্ঠানগুলি এই কর্পোরেশনের আওতায় পড়িবে।

১৯৫৩-৫৪ সালে ভারতে ১১টি জাতীয় গবেষণা মন্দির স্থাপনের কাজ সম্পূর্ণ হয়। এই গবেষণা মন্দিরগুলিতে নানাবিধ যন্ত্রপাতি ও মাসজরঞ্জাম উদ্ভাবিত হইয়াছে। তন্মধ্যে আমিটা বোন-ডাই-জেস্টার, মাইক্রোওয়েভ ফ্রিকোয়েন্সি মিটার, স্বর্ণের চোরাই চালান ধরিবার যন্ত্র ইত্যাদি বিশেষ উল্লেখযোগ্য। গবেষণা মন্দিরগুলিতে উদ্ভাবিত প্রক্রিয়াগুলি বিভিন্ন শিল্প-প্রতিষ্ঠানকে ব্যাপকভাবে তৈরির জন্ত জানাইয়া দেওয়া হইয়াছে।

বৃত্তিধারী গবেষকদের শিক্ষাদানের জন্ত ১৯৫৩ সালে যে পরি-কল্পনা অনুযায়ী কাজ আরম্ভ করা হইয়াছিল তাহা মেঘাদ আরও তিন বৎসর বাড়িয়া দেওয়া হইয়াছে। ভারতের বিভিন্ন গবেষণা-কেন্দ্রের প্রায় ৪০ জন গবেষক শিক্ষা গ্রহণ করিয়াছেন। গবেষণার জন্ত প্রদত্ত বৃত্তির সংখ্যা আরও বৃদ্ধি করিবার প্রস্তাব করা হইয়াছে। আলোচ্য বৎসরে শিল্প ও বিজ্ঞান গবেষণা পরিষদ অনেকগুলি

পুস্তিকা প্রকাশ করিয়াছেন। আগামী অক্টোবর মাসে ভারতে বায়ু ও সৌরশক্তি সম্পর্কে এক আলোচনাচক্র অনুষ্ঠিত হইবে। আগামী অক্টোবর ও ১৯৫৫ সালের মার্চ মাসের মধ্যে দেয়াহুনে এশিয়ার মানচিত্র অঙ্কন সম্মেলন অনুষ্ঠিত হইবে।

শান্তিপূর্ণ কাজে পরমাণু শক্তির ব্যবহারই ভারতীয় আণবিক শক্তি কমিশনের লক্ষ্য। একটি পরমাণু শক্তি কারখানা স্থাপনের উদ্দেশ্যে বোম্বাই বন্দরের নিকট ত্রিখিতে দুই শত ত্রিশ একর জমি সংগ্রহ করা হইয়াছে। মোনাজাইট হইতে ইউরেনিয়াম ও থোরিয়াম উৎপাদনের জন্ত ত্রিখিতে একটি কারখানা নির্মাণের কাজ আরম্ভ হইয়াছে। খরচ পড়িবে আনুমানিক পঞ্চাশ লক্ষ টাকা।

মার্চে অব ইণ্ডিয়া—এক ইঞ্চি=এক মাইল এই স্কেলে ভারত (হিমালয়ের অত্যুচ্চ অঞ্চল ব্যতীত) জয়ীপের সিদ্ধান্ত করেন। প্রতি পঁচিশ বৎসর অন্তর পুনরায় জয়ীপ করা হইবে বর্ধিত সিদ্ধান্ত করা হইয়াছে।

গ্রামসেবকদের শিক্ষা

ভারতে সমাজ-উন্নয়নমূলক পরিকল্পনার অন্তর্ভুক্ত গ্রামসেবক কাজ করিবার জন্ত শিক্ষিত কর্মীর প্রয়োজন। সেই উদ্দেশ্যে ভারতীয় কৃষি-গবেষণা পরিষদের উদ্যোগে ৩৪টি কেন্দ্রে প্রায় হাজার তরুণ কর্মীকে শিক্ষা দেওয়া হইতেছে। ইহাদের কয়েকজন মহিলাও আছেন। পঞ্জাবে দুইটি, মাদ্রাজে দুইটি, বোম্বাইয়ে তিনটি, মধ্যপ্রদেশে দুইটি, উত্তরপ্রদেশে ছয়টি, পশ্চিম বঙ্গে চারটি এবং মহীশূর, আসাম, ভূপাল, হিমাচল প্রদেশ, পেপার, হায়দরাবাদ, মধ্যভারত, অন্ধ্র, উড়িষ্যা, রাজস্থান, সোরাষ্ট্র, ত্রিপুরা, কোচিন ও বিছাপ্রদেশে একটি করিয়া কেন্দ্র আছে।

এই সকল কেন্দ্রে কর্মীদের ছয়মাস ধরিয়া কৃষি, স্বাস্থ্য, গৃহনির্মাণ, পল্লীশিল্প, স্বাবলম্বীদল সম্পর্কে শিক্ষা দেওয়া হয়। কৃষি পল্লীবাসীর প্রধান অবলম্বন বলিয়া কৃষি-উৎপাদন বৃদ্ধি, তরকারী আবাদ, পশুপক্ষী পালন ও মৎস্যচাষ শিক্ষার উপর অধিক গুরুত্ব আরোপ করা হয়। গ্রামসেবকদের কৃষি-বিজ্ঞানে এক বৎসরকাল শিক্ষা গ্রহণ করিতে হইবে।

শিক্ষার দুইটি দিক আছে। প্রথমে ক্লাসে পুস্তকাদি হস্ত তথ্য ও তথ্য পাঠ করানো হয়। পরে কর্মীদের নিজ হাতেই সকল কাজ করিতে হয়। তবে কর্মীদের সাহায্যের জন্ত পুস্তক থাকেন। শিক্ষার্থীদিগকে দুই দলে বিভক্ত করা হয়। প্রথম দল ক্লাসে শিক্ষা গ্রহণ করেন তখন অপর দল বা গ্রামে গিয়া বাস্তব অভিজ্ঞতা অর্জন করেন।

উপযুক্ত জ্ঞান ও অভিজ্ঞতা অর্জনের পর কর্মীদিগকে দুই দুই দলে বিভক্ত করিয়া নিকটবর্তী গ্রামগুলিতে পাঠানো হয়। তাহারা সেই সকল গ্রামে দুই সপ্তাহকাল অবস্থান করিয়া সেখানকার নানা বিষয়ের পরিসংখ্যান সংগ্রহ করেন। ঐ সকল স্থানে তাহাদিগকে যে সকল সমস্যার সম্মুখীন হইতে হয় শিকাকেন্দ্রে প্রত্যাগমনের পর তাহারা সেগুলি লইয়া আলোচনা করেন।

কর্মীদের দৈনন্দিন জীবনের সূত্র হয় সকাল সাড়ে পাঁচটা, রাত্রি সাড়ে নয়টার তাহার অবসান। তবে কেবলমাত্র শিক্ষা ও কাজের মধ্যেই শিক্ষাকেন্দ্রগুলির জীবন সীমাবদ্ধ নহে। খেলাধুলা, সঙ্গীত ও অভিনয়ের ব্যবস্থাও সেখানে থাকে।

আইনের প্রহেলিকা

১৪ই চৈত্র সংখ্যার “সেবক” পত্রিকা এক সম্পাদকীয় নিবন্ধে ত্রিপুরা রাজ্যের নানাবিধ আইন সংস্কারের আশু প্রয়োজনীয়তার প্রতি দৃষ্টি আকর্ষণ করিয়া লিখিতেছেন যে, মহারাজার আমলের অনেক আইন এখন পর্য্যন্ত চালু থাকায় জনসাধারণ ও সরকারকে বহুবিধ ক্ষতি স্বীকার করিতে হইতেছে।

১৯৪৯ সনে ভারত সরকার ত্রিপুরা রাজ্যের শাসনভার সরাসরি গ্রহণ করেন। তাহার পর ভারতবর্ষের রাষ্ট্রপতি (তৎকালীন প্রধান জেনারেল) স্বীয় ক্ষমতা বলে ‘ক’ শ্রেণীর রাজ্যের কতকগুলি আইন ত্রিপুরা রাজ্যে প্রয়োগ করেন। মহারাজার আমলের আইন কতক পরিবার অধিকার তাহার থাকিলেও সেই সময় তাহা করা হইল না। ১৯৫০ সনে সংবিধান চালু হইবার পর হইতে এইরূপ আইন প্রণয়ন এবং নাকচের ক্ষমতা কেবলমাত্র পার্লামেন্টেরই হইয়াছে।

‘সেবক’ লিখিতেছেন, “ত্রিপুরা রাজ্য ভারতভুক্ত হইয়াছে আজ সাত বৎসর। অথচ এই দীর্ঘ সাত বৎসরেও একটি মনোগোপযোগী আইন এখানে চালু হইল না। যে রাজ্যে উপযুক্ত ইউনিসিপ্যাল আইন, পি, ডব্লিউ, ডি আইন, বন আইন, সংরক্ষিত জমি আইন, ভূমি আইনের অভাবে জনসাধারণ প্রতি পদক্ষেপে বাধিত হইতেছে, এমন কি সরকার নিজেও বহু বাধা বিঘ্ন অতিক্রম করিতেছেন এবং কোটি কোটি টাকা জলের মত ব্যয় হওয়া সত্ত্বেও উৎপাদনমূলক কোন কাজ হইতেছে না, সে স্থলে সরকারের দায়িত্বকে ক্ষমা করা যায় না।”

এই প্রসঙ্গে সম্পাদকীয় নিবন্ধটিতে ত্রিপুরা হইতে নির্বাচিত পার্লামেন্টের দুই জন সভ্যের নিষ্ক্রিয়তার কঠোর সমালোচনা করা হইয়াছে।

বর্ধমান বি-টি শিক্ষাদানের ব্যবস্থা

বর্ধমান রাজ-কলেজে শিক্ষকশিক্ষণ শিক্ষা বিভাগ খুলিবার অনুরোধ প্রার্থনা করিয়া কলেজ কর্তৃপক্ষ কর্তৃক পশ্চিমবঙ্গ সরকারের নিকট একটি প্রস্তাব প্রেরণের সংবাদে আনন্দ প্রকাশ করিয়া সাপ্তাহিক ‘বর্ধমানবানী’ লিখিতেছেন, “প্রস্তাবটি অত্যন্ত সময়োচিত হইয়াছে বলিয়া মনে করি। বর্ধমান জেলায় শতাধিক উচ্চ বিদ্যালয় আছে এবং এই সমস্ত বিদ্যালয়ের শিক্ষকসংখ্যা প্রায় তিন হাজার। সরকারের পরিকল্পনা অনুসারে প্রত্যেক শিক্ষককে ট্রেনিং লইতে হইবে। এই সমস্ত বিবেচনা করিলে বর্ধমানে শিক্ষকশিক্ষণ শিক্ষা-বিভাগ খোলার আবশ্যিকতা সন্দেহে কোন দ্বিভিত থাকিতে পারে না। তাহার উপর শিক্ষকদের আর্থিক অবস্থার কথাও চিন্তা করিয়া

দেখিতে হইবে। অল্পত্র বাইয়া ট্রেনিং লওয়া অধিকাংশের ক্ষমতায় কুলাইবে না।”

পত্রিকাটি শিক্ষামন্ত্রী মহাশয়কে এই প্রস্তাব সহায়তা সহিত বিবেচনা করিবার অনুরোধ জানাইয়া এই আশা প্রকাশ করিয়াছেন যে, মন্ত্রীমহোদয় প্রস্তাবটি কার্যে পরিণত করিতে সচেষ্ট হইবেন। আমরাও এ অনুরোধ সমর্থন করি।

বোম্বাই রাজ্যপালের পদত্যাগের সম্ভাবনা

“বোম্বই ক্রনিকল” পত্রিকার প্রধান রিপোর্টার টমাস জে. কুটিনহো ওয়াকিবহাল মহলের সংবাদ উদ্ধৃত করিয়া লিখিতেছেন যে, শীতলই নাকি বোম্বাইয়ের রাজ্যপাল শ্রীগিরিজাশঙ্কর বাজপেয়ী পদত্যাগ করিবেন। কয়েকটি ব্যাপার লইয়া শ্রীবাজপেয়ীর সহিত বোম্বাই রাজ্য মন্ত্রীসভার মতানৈক্য ঘটিয়াছে। ভাষাসমস্যা এবং শিক্ষাব্যবস্থায় ইংরেজীর স্থান সম্পর্কে রাজ্যপাল এবং মন্ত্রীমণ্ডলীর অভিমতের মধ্যে বিশেষ পার্থক্য রহিয়াছে।

সম্প্রতি পুণা বিশ্ববিদ্যালয় কোর্টে ২৫ জন সদস্য মনোনয়ন সম্পর্কিত ব্যাপারেও রাজ্যপাল এবং মন্ত্রীমণ্ডলীর মধ্যে গভীর মতভেদের সৃষ্টি হয়। রাজ্যপাল এই অভিমত প্রকাশ করিয়াছিলেন যে, তিনি তাহার অভিরূচি অনুযায়ী সদস্য মনোনয়ন করিবেন। মন্ত্রীমণ্ডলী এই ব্যাপারে রাজ্যপালকে মন্ত্রীমণ্ডলীর পরামর্শ মানিয়া চলিতে হইবে বলিয়া অভিমত প্রকাশ করেন। ফলে এক শাসন-তান্ত্রিক অচল অবস্থার উদ্ভব হয় এবং রাজ্যপাল নাকি বিষয়টি রাষ্ট্রপতি রাজেন্দ্রপ্রসাদের নিকট সিদ্ধান্তের জ্ঞাত প্রেরণ করেন। রাষ্ট্রপতি এটর্নী-জেনারেল শ্রী এম. সি. শীতলবাদের অভিমত চাহিয়া পাঠাইলে শ্রীশীতলবাদ জানান যে, উক্ত মনোনয়ন সম্পর্কে রাজ্যপাল মন্ত্রীমণ্ডলীর পরামর্শ মানিয়া চলিতে বাধ্য।

মার্চ মাসের শেষ সম্ভাছে সেই অনুযায়ী মন্ত্রীমণ্ডলীর পরামর্শ মত রাজ্যপাল ২৫ জনকে পুণা বিশ্ববিদ্যালয় কোর্টের সভ্য হিসাবে মনোনীত করেন।

এই ঘটনার পর রাজ্যপাল নাকি নয়াদিল্লীতে পদত্যাগের অনুরোধ চাহিয়া পাঠাইয়াছেন। সংবাদে আরও প্রকাশ যে, শীতলই ওয়াশিংটনস্থিত ভারতীয় রাষ্ট্রদূত শ্রীগগনবিহারীলাল মেহতা ছুটিতে দেশে ফিরিয়া আসিলে শ্রীবাজপেয়ী তৎস্থলে মার্কিন যুক্তরাষ্ট্রে ভারতীয় রাষ্ট্রদূত নিযুক্ত হইবেন। শ্রীমেহতা ছুটির পর অল্প কার্যের ভার গ্রহণ করিবেন। স্বরণ থাকিতে পারে যে, শ্রীবাজপেয়ী কিছুকাল ওয়াশিংটনস্থিত ভারতীয় দূতাবাসের তত্ত্বাবধায়ক (Charge d' Affairs) ছিলেন। ১৯৫২ সনে মহারাজসিংহের অবসর গ্রহণের পর শ্রীবাজপেয়ী পররাষ্ট্রবিভাগের সেক্রেটারী-জেনারেলের পদ হইতে বোম্বাইয়ের রাজ্যপালের পদে অধিষ্ঠিত হন।

“বলভূমের পল্লীচিত্র”

শ্রীবাল্যাস মুখার্জী উপবোধিত শিরোনামা দিয়া ১৪ই চৈত্রের “নবজাগরণ” পত্রিকার এক প্রবন্ধে লিখিতেছেন যে, স্বাধীনতা-

লাগে পর সাত বৎসর অতীত হইলেও ধলভূমের গ্রামাঞ্চলের বিশেষতঃ গোলমুড়ী থানার অধীন পল্লীসমূহের অবস্থা পূর্ববৎই পরিষ্কার হইয়াছে। কোন দিকেই উন্নতির কোন চিহ্ন নাই। লেখকের মতে, বিষয়ে গ্রামবাসীদের যে কোন দায়িত্ব নাই তাহা নহে; কিন্তু কল্যাণকামী সরকার তাহাদের দায়িত্ব কত দূর পালন করিয়াছেন তাহাও বিবেচ্য বিষয়।

শ্রীমুখার্জী লিখিতেছেন, “সরকার গ্রামোন্নতির জন্ত যে সকল সুযোগ এবং সুবিধা দিতেছেন তাহা কি গ্রামবাসীরা অবাধে পাইতেছে? মোটেই না। অথচ সরকারের অর্থও যে এ বিষয়ে খরচ হইতেছে না তাহা নহে। এই যে অস্বাভাবিক অবস্থা, ইহার পরিবর্তন একান্ত প্রয়োজন।

“মানগো হইতে যে কাঁচা রাস্তা আসনবনী হইয়া ঘাটশীলা চলিয়া গিয়াছে সেই রাস্তায় যদি কোন সদাশয় ব্যক্তি ২০-২১টি গ্রাম পার হইয়া যান, তবুও একটি ক্ষুদ্রতম পাঠশালাও দেখিতে পাইবেন না। যদি সংবাদ সংগ্রহ করেন তবে দেখিতে পাইবেন যে, শিক্ষালাভ করিবার জন্ত গ্রামবাসীদের চেষ্টার অন্ত নাই! কিন্তু দরিদ্রতাই তাহাদের সকল চেষ্টার অন্তরায়।”

“শিক্ষার অভাব বাতীত আর যে সকল ব্যাপারে স্থানীয় জনসাধারণকে চরম কষ্ট সহ্য করিতে হয় তন্মধ্যে পানীয় জলের কষ্ট অত্যন্ত। গ্রীষ্মকালে অধিকাংশ জলাশয়ই শুষ্ক হইয়া যাওয়ায় জনসাধারণের হ্রস্বতর অবর্ণনীয় রূপ ধারণ করে। কখন এক মাইল, কখনও বা দেড় মাইল দূর হইতে এই পানীয় জল সংগ্রহ করিতে হয়। যে কয়েকটি বাধ এই অঞ্চলে আছে সেগুলি প্রায় সবই শুকাইয়া যায় এবং যেগুলিতে সামান্য জল থাকে তাহার অবস্থা দেখিলে সেই জল স্পর্শ করিতেও গুণা বোধ হয়।

“এই যে অবস্থা ইহার কোন প্রতিকারের উপায় আজ পর্যন্ত সরকার করেন নাই এবং করিতেছেন কিনা তাহাও জানা যায় নাই।

“অথচ এই সমস্ত অজ্ঞ নিরক্ষর গ্রামবাসীই বৎসরের পর বৎসর ‘সেচ’ হিসাবে একটা অর্থ, যাহা অকিঞ্চিৎকর নহে, জেলা বোর্ডকে দিয়া আসিতেছে।”

ইহা হইতে সহজেই অনুমান করা যায় পল্লী অঞ্চলে জনস্বাস্থ্যের অবস্থা কিরূপ। শ্রীমুখার্জী লিখিতেছেন যে, প্রায় প্রত্যেক গ্রামে এবং প্রায় প্রত্যেক গৃহেই ছেলে, বুড়ো সকলে ম্যালেরিয়ায় ভুগিয়া ভুগিয়া শক্তিশূন্য হইয়া পড়িতেছে। প্রায় সকল গৃহেই দেখিতে পাওয়া যায় যে, ছোট ছোট ছেলেদের কঙ্কালসার দেহে প্লীহার ভারে মুইয়া পড়িয়াছে।

তিনি প্রশ্ন করিয়াছেন, “এই যে অবস্থা ইহার কি কোন প্রতিকার নাই? তাহারা কি স্বাধীন ভারতের মিত্রবাসী নহে? তাহারা কি শাসনকর্তৃপক্ষের নিকট হইতে এই প্রকার দয়াই পাওয়ার যোগ্য নয়?”

শ্রীমুখার্জী এই বলিয়া দুঃখ প্রকাশ করিয়াছেন যে, এই বেদনাময়

পরিস্থিতিতেও স্বার্থাশ্রয়ী কোন কোন রাজনৈতিক দল নিরীহ এবং দরিদ্র গ্রামবাসীদেরকে লইয়া রাজনৈতিক খেলা খেলিতে কুণা বোধ করে না।

গ্রামবাসী যখন বুঝিবে অর্থাৎ শিক্ষিত লোকেরা তাহাদের বুঝাইবেন যে, “ভিক্ষায়াং নৈব নৈব চ” তখনই তাহাদের অবস্থার উন্নতি হইবে। সরকারের সবকিছু করা উচিত ইহা ঠিক, কিন্তু গ্রামবাসীর দারিদ্র্য আছে অতএব তাহাদের কর্তব্য কিছুই নাই, ইহা ঠিক নয়। সরকারের বিরুদ্ধে অনুযোগ করাতেই কর্তব্য কি শেষ হইয়া যায়?

জঙ্গীপুর কলেজ উন্নয়ন লটারী

“ভারতী” পত্রিকার ১০ই চৈত্র সংখ্যায় প্রকাশিত এক বিবরণিতে জঙ্গীপুর কলেজের অধ্যক্ষ ও সম্পাদক জানাইতেছেন যে, জঙ্গীপুর কলেজের সর্বস্বত্ব উন্নয়নকল্পে অর্থসংগ্রহের উদ্দেশ্যে সরকারের অনুমোদনক্রমে কলেজ কর্তৃপক্ষ কর্তৃক আগামী ২৩শে মার্চ লটারীর ব্যবস্থা করা হইয়াছে। বর্তমান বৎসরে কলেজের ছাত্রসংখ্যা অত্যধিক বৃদ্ধি পাওয়ায় কলেজের ছাত্রাবাস (ভাড়া বাড়ী) সঙ্কুলান না হওয়ায় বহু ছাত্রকে ফিরাইয়া দিতে হইয়াছে। অধিক প্রতিকারের ব্যবস্থা না করিলে আগামী বৎসর সমস্ত ছাত্রই আরও বৃদ্ধি পাইবে। তদুপরি কলেজে বি-এ ক্লাশ খোলার একটি পরিকল্পনাও কর্তৃপক্ষের আছে। এই অবস্থায় অবিলম্বে একটি ছাত্রাবাস নিৰ্মাণ করা নিতান্ত প্রয়োজন। সরকার আর্থিক সাহায্য দানে সম্মত হইয়াছেন, কিন্তু কলেজকেও ব্যয়ের কতকংশ বহন করিতে হইবে। যদিও ছাত্রাবাস নিৰ্মাণই বর্তমানে কলেজের প্রধান সমস্যা, তবুও ইহার সঙ্গেই কতকগুলি উন্নতিমূলক কার্যের প্রয়োজনীয়তা রহিয়াছে। এই সকল কাজের বিপুল অর্থের প্রয়োজন তাহা দিবার সামর্থ্য কলেজ-কর্তৃপক্ষের নাই। তাই সরকারের অনুমতি লইয়া তাহারা লটারীর ব্যবস্থা করিয়াছেন।

আসামের গ্রামে বিবাহ-কর

৩০শে মার্চ তারিখের “হিতবাদ” পত্রিকায় প্রকাশিত ডিব্রুগড় হইতে প্রেরিত প্রেস ট্রাস্ট অব ইণ্ডিয়ায় এক সংবাদে প্রকাশিত যে, ডিব্রুগড় মহকুমার অধীন চাবুয়া গ্রামের পঞ্চায়েৎ নাকি বিবাহ উপর কর ধাৰ্য্য করিয়াছে। গ্রামা-পঞ্চায়েতের এক সাম্প্রতিক সাকুল্লাবে বলা হইয়াছে যে, প্রতিটি প্রকাশ্য বিবাহের জন্ত পাঁচ টাকা করিয়া কব দিতে হইবে। তবে গন্ধর্ষমতে বিবাহ হইলে আড়াই টাকা কর দিলেই চলিবে।

মধ্যপ্রদেশে দুর্নীতি

২৭শে মার্চ মধ্যপ্রদেশ পঞ্চায়েত সভায় শ্রী জে. পি. জ্যোৎস্নার এক প্রশ্নের উত্তরে রাজ্যের মুখ্যমন্ত্রী পণ্ডিত রবিশঙ্কর গুপ্ত জানান যে, ১৯৫২ সালে সরকারী কর্মচারীদের বিরুদ্ধে কয়েক শিথিলতা এবং দুর্নীতির জন্ত ৩৬২৮টি অভিযোগ সরকারের নিকট আসে। তন্মধ্যে ৫৯১টি ক্ষেত্রে অনুসন্ধান করা হয় এবং ১২৩ জনের শাস্তি হয়।

২,৯১৪ জনের বিরুদ্ধে অভিযোগগুলি সরকারের বিবেচনাধীন
রহিয়াছে। ১৯৫৩ সালের হিসাব এখনও পাওয়া যায় নাই।
['হিতবাদ', ২৯।৩.৫৪]

২৯শে মার্চ বিধান সভায় উপযোজন (appropriation) বিলের
সমালোচনা প্রসঙ্গে ঠাকুর প্যারেলাল সিং শিক্ষাক্ষেত্রে দুর্নীতির
চাঞ্চলাকর অভিযোগ আনয়ন করেন। "হিতবাদ" পত্রিকায়
প্রকাশিত বিবরণী হইতে জানা যায়, ঠাকুর প্যারেলাল সিং বলেন যে
ঐদিন সকালে জরৈনক বাস্তি তাঁহার সহিত সাক্ষাৎ করিয়া একটি
উত্তরপত্র (answer book) তাঁহার দিকে ছুঁড়িয়া দেয়। ঐ উত্তর-
পত্রটি বনবিভাগের জরৈনক পরীক্ষার্থীর। উক্ত পরীক্ষার্থী ১১ নম্বর
পাইয়া পরীক্ষায় অকৃতকার্য হয়। এই সংশোধনগুলি লাল কালিতে
করা হইয়াছিল। কিন্তু পরে তাহার নম্বর বৃদ্ধি করিয়া ২২ করিয়া
দেওয়া হয় এবং ঘোষণা করা হয় যে, বালকটি পরীক্ষায় প্রথম স্থান
অধিকার করিয়াছে। পরের সংশোধনগুলি নীল কালিতে করা হয়।
মুখ্যমন্ত্রী পণ্ডিত গুরু তাঁহাকে প্রশ্ন করেন যে, ক্রীসিংহ মন্ত্রী-
মহোদয়কে উত্তরপত্রটি দেখাইতে পারেন কিনা। উত্তরে ক্রীসিংহ
তৎক্ষণাৎ খাতাখানি বাহির করিয়া দেখান।

আসামে ক্রীহট্ট হইতে আগত কর্মচারী

"যুগশক্তি"র বিশেষ প্রতিনিধি উক্ত পত্রিকার ১২ই চৈত্র
সংখ্যায় লিখিতেছেন, "দেশবিভাগের সময় সরকারের নিশ্চিত
আশ্বাসের উপর নির্ভর করিয়া যে সকল সরকারী কর্মচারী ভারতীয়
ইউনিয়নে চাকুরী করিবার অভিপ্রায় জ্ঞাপন করিয়াছিলেন পরবর্তী
কালে তাঁহাদের অনেকের ভাগেই বহু লাঞ্ছনা ঘটিয়াছে। বহু-
সংখ্যক কর্মচারীর পক্ষে পুনরায় সরকারী চাকুরী লাভ করাই সম্ভবপর
হইয়া নাই। আর যাহারা বা চাকুরী লাভে সমর্থ হইয়াছেন
তাঁহারাও সমশ্রেণীর অসমস্ত সহকর্মীগণের অনুরূপ সুযোগ-সুবিধা
লাভে সমর্থ হন নাই।"

দেশবিভাগের পর প্রথম দিকে ক্রীহট্ট হইতে আগত সরকারী
কর্মচারীগণ অপরাপর সরকারী কর্মচারীদের স্থায় সকল সুযোগ-
সুবিধাই পাইতেন। ১৯৪৮ সালে পে-কমিশনের নির্দেশমত
তাঁহাদেরও প্রারম্ভিক বেতন ইত্যাদি বৃদ্ধি করা হয়। কিন্তু
সমতঃপর কাছাড় জেলার সরকারী কর্মচারীদের এক-চতুর্থাংশকে যখন
আপার ডিভিশনে রূপান্তরিত করা হয় তখন কাছাড়ের তৎকালীন
ডেপুটি কমিশনার মহাশয় চিরাচরিত নীতি পরিত্যাগ করিয়া নিজের
অভিপ্রায়মত অনুসরণে ক্রীহট্ট হইতে আগত কর্মচারী নিয়োগ করেন। "অবশ্য
ক্রীহট্ট হইতে আগত কর্মচারীদের মধ্যে নামেমাত্র কয়েকজনকে
ওহরণ করা হইলেও যাহাদের নামেই যোগ্যতা এবং সিনিয়রিটির বলে
স্থায়সঙ্গত তাঁহাদের সকলকেই উৎসর্গ করা হইয়াছে।" ইহার
ফলে স্বভাবতঃই কর্মচারীদের মধ্যে অসন্তোষ দেখা দেয় এবং প্রায়
ত্রিশ জন কর্মচারী স্বতন্ত্রভাবে আসাম সরকারের নিকট প্রতিকার
প্রার্থনা করিয়া আপীল করেন। কিন্তু তাহার পর প্রায় চারি বৎসর
অতীত হইলেও সরকার সেই আপীলগুলি সম্পর্কে তাঁহাদের মতামত

জানান নাই। ফলে এই সকল হতভাগ্য কর্মচারীরা বিচার-
অনিশ্চয়তার মধ্যে কালযাপন করিতে হইতেছে।

কিন্তু ইহাতেই অবিচারের শেষ হয় নাই। প্রতিদিন
সংবাদ অমুখ্যায়ী শীর্ষই নাকি কাছাড়ের ডেপুটি কমিশনার এবং
তাঁহার অধীনস্থ সকল আপিসের কর্মচারীদের একটি গ্রেডেশন
তালিকা প্রস্তুত হইবে। এই তালিকায় সিনিয়রিটির প্রশ্ন চূড়ান্ত-
ভাবে নির্ধারিত হইবে। শ্রীহট্ট হইতে আগত কর্মচারীদের দেশ-
বিভাগের পূর্বের চাকুরীকাল নাকি সেই তালিকা প্রণয়নের সময়
অগ্রাহ্য করা হইবে। উক্ত প্রতিনিধি লিখিতেছেন যে, এই ব্যবস্থা
"কর্মাকরী হইলে বর্তমানে যাহাদের চাকুরীর মেয়াদ মাত্র সাত-
আট বৎসর হইয়াছে পঁচিশ-ছাত্তিশ বৎসরের অভিজ্ঞ কর্মচারীগণও
তাঁহাদের জুনিয়র হইয়া পড়িবেন। অবশ্য কাছাড়ের ডেপুটি
কমিশনার শুধু যে আপন বিচারবুদ্ধি অমুসাবেই এই বৈষম্যমূলক
আচরণ করিতেছেন তাহা মনে হয় না; এই সম্পর্কে তদন্ত
সরকারের কোন ইচ্ছিতও রহিয়াছে।"

তৃতীয়তঃ ক্রীহট্ট হইতে আগত স্থায়ী কর্মচারীদের মধ্যে
স্থায়ীপদের স্বল্পতার ভুল যাহাদিগকে স্থায়ী চাকুরী দেওয়া হইয়াছে
কাছাড়ে স্থায়ী পদ পালি হইলেও তাঁহাদিগকে সেই পদে নিযুক্ত
করা হইতেছে না।

চীনের কম্যুনিষ্ট পার্টির অবস্থা

২৪শে মার্চ এক সম্পাদকীয় নিবন্ধে "মাক্কেষ্টার গার্ডিয়ান"
লিখিতেছেন যে, পূর্ববর্তী কয়েক সপ্তাহে দূরপ্রাচ্য এবং চীনে এমন
কতকগুলি ঘটনা ঘটিয়াছে যাহা বাহিরে প্রচার লাভ করে নাই।
প্রথম উল্লেখযোগ্য ঘটনাটি হইতেছে, ফেব্রুয়ারীর প্রথম দিকে চীনা
কম্যুনিষ্ট পার্টির কেন্দ্রীয় কমিটির অধিবেশন। ইহার সর্বশেষ
অধিবেশন হয় ১৯৫০ সালের জুন মাসে কোরীয় যুদ্ধারম্ভের ঠিক
পূর্বে। ফেব্রুয়ারী অধিবেশনে প্রধান ভূমিকা গ্রহণ করেন মিঃ
লিউ শাও-চি; ইনি কম্যুনিষ্ট পার্টির কেন্দ্রীয় কমিটির সেক্রেটারী।
উক্ত পত্রিকার অভিমতে লিউ শাও-চি "সভায় যে দীর্ঘ বক্তৃতা প্রদান
করেন তাহাতে পার্টির মধ্যে বহিষ্করণের প্রচ্ছন্ন ভূমিকা থাকে।

"তিনি কয়েকজন উচ্চপদস্থ সভ্যের অতিরিক্ত আত্মাভিমান
সম্পর্কে অভিযোগ করিয়া বলেন, 'তাঁহারা ব্যক্তিকে খুব বেশী বড়
করিয়া দেখিয়াছেন এবং বক্তির মধ্যদার উপর বড় বেশী গুরুত্ব
আরোপ করিতেছেন। তাঁহারা মনে করেন এই বিরাট বিধে
তাঁহাদের সম্বন্ধ কেহ নাই। তাঁহারা কেবল খোশামোদ এবং
প্রশংসাই শুধিতে চান, সমালোচনা এবং কোনরূপ অধীনতা সহিতে
পারেন না, তাঁহারা কোথাও কেহ সমালোচনা করিলে তাঁহারা
টুটি চাপিয়া মতে চান এবং নিজেদের নেতৃত্বাধীন অর্থাৎ বা
বিভাগকে কিসি মতে চান নিজেদের একটি স্বাধীন 'রাজ্য'।"

কেন্দ্রীয় কমিটি স্থির করেন যে, বর্তমান বৎসরেই পার্টির একটি
সম্মেলন আহ্বান করা হইবে। পার্টির বর্তমান সদস্যসংখ্যা
৬৫ লক্ষ।

রাষ্ট্রীয় উল্লেখযোগ্য ঘটনাটি হইতেছে চীন-সোভিয়েট মৈত্রী চুক্তি স্বাক্ষর-সম্পর্কিত চতুর্থ বার্ষিক উৎসব পালন। পত্রিকাটি লিখিতেছে “ইহা সাধারণ পর্যবেক্ষকদের নিকট খুব বেশী স্মরণীয় হয় না, কারণ ষ্টালিনের মৃত্যুর পর তাহার অনেকই আশা করিয়াছিলেন একটা পরিবর্তন হয়ত হইবে, এবং চীন হয়ত ইহার পর আর রাশিয়ার তাবদারী করিবে না। সভায় বক্তারা মস্কোর উদ্দেশ্যে যথাসাধ্য কৃতজ্ঞতা প্রকাশ করিতে থাকেন এবং চীনকে সাহায্য করার জন্য রুশ উপদেষ্টার উদ্দেশ্যে শ্রদ্ধা নিবেদন করিতে থাকেন।” বক্তারা বলেন, চীন তাহার নূতন নূতন কারণনার জন্য রাশিয়া হইতে যে সমস্ত যন্ত্রপাতি এবং সরঞ্জাম গ্রহণ করিতেছে তাহার মূল্য আমেরিকা এবং ব্রিটেনে প্রস্তুত যন্ত্রপাতির মূল্যের তুলনায় শতকরা ২০ হইতে ৩০ ভাগ কম।

এই প্রসঙ্গে পত্রিকাটি ফরমোসার কুয়োমিনটাং দলের আভ্যন্তরীণ বিরোধের কথাও উল্লেখ করেন। ২১শে মার্চ চিয়াং ক্বি-চীং ব্যালটে ফরমোসায় অবস্থিত জাতীয়তাবাদী চীনা গবর্নমেন্টের সভাপতি নির্বাচিত হন। প্রথম ব্যালটে তাহার পক্ষে সংখ্যাগরিষ্ঠতা লাভ করা সম্ভব হয় নাই। চিয়াংয়ের এই বিপর্যয়ের কারণ ফরমোসার প্রাক্তন শাসনকর্তা ডাঃ কে. সি. উ সংক্রান্ত ঘটনাটি।

ডাঃ উ স্বচ্ছায় ফরমোসা ত্যাগ করিয়া মার্কিন যুক্তরাষ্ট্রে চলিয়া যান। মার্চ মাসের মাঝামাঝি চিয়াংয়ের নির্বাচনের অব্যবহিত পূর্বে ডাঃ উ ফরমোসা সরকারের বিরুদ্ধে স্বজনপোষণ এবং দুর্নীতির কতকগুলি অভিযোগ প্রকাশভাবে উত্থাপন করেন। তিনি বলেন যে, ফরমোসা একদলীয় রাষ্ট্র হইয়া আছে। চিয়াং কাইশেক তাহার পুত্র চিয়াং চি-কুওর জন্য ভবিষ্যতের পথ পরিষ্কার করিতেছেন এবং এখনও ফরমোসায় গুপ্ত পুলিশ সক্রিয় রহিয়াছে ও কঠোরভাবে সংবাদপত্রগুলি নিয়ন্ত্রিত হইতেছে। ডাঃ উও বলেন যে, ফরমোসায় নাকি তাহাকে একবার হত্যা করিবার চেষ্টাও হইয়াছিল।

মিশরের ঘটনাবলী

মিশরের সাম্প্রতিক ঘটনাবলী সম্পর্কে এক সম্পাদকীয় মন্তব্যে “মাফেটার গার্ডিয়ান” ৩০শে মার্চ লিখিতেছেন, সাম্প্রতি মিশরে যে সকল অস্বাভাবিক ঘটনা ঘটিতেছে তাহা বুঝিতে হইলে ফারকের সিংহাসনচ্যুতির সময় হইতে যে সব ঘটনা ঘটিয়াছে তাহা স্মরণ রাখিতে হইবে।

সামরিক পরিষদ এক দুর্নীতিপরায়ণ রাজা এক দুর্নীতিপরায়ণ রাজনীতিকদের অপসারিত করেন। প্রায় দুই বৎসর যাবৎ তাহার প্রাক্তন সামরিক সরকার চালাইয়া যাইতেছেন। এই সরকার প্রায় কোন রক্তপাত করেন নাই বলিলেও চাইবে, সামরিক পরিষদের প্রায় সকল নেতাই এখনও জনসাধারণের নিকট প্রায় রহিয়াছেন। এগুলি তাহাদের পক্ষে খুবই কৃতিত্বের বিষয়। কিন্তু সামরিক সরকার মাত্রই অস্থায়ী হইতে বাধ্য। এই বৎসরের গোড়ার দিকে

বেসামরিক সমাজের সর্বাপেক্ষা সুসংহত অংশগুলি সামরিক শাসনের বিরুদ্ধতা করেন; কিন্তু সামরিক পরিষদ কোন নূতন রাজনৈতিক কাঠামো গঠন করিবার প্রচেষ্টা দেখান নাই। সরকারকে অধিকতর আইনসঙ্গত এবং স্থায়ী রূপ প্রদানের জন্য সামরিক পরিষদের প্রচেষ্টার অঙ্গ হিসাবেই ২৪শে ফেব্রুয়ারী এবং তৎপরবর্তী ঘটনাগুলি ঘটিয়াছে।

পত্রিকাটির মতে জেনারেল নেজীব এবং কর্ণেল নাসের উভয়ের সমাধানই সমান নিরুৎসাহজনক। নীতির দিক হইতে পার্লামেন্টারী শাসনব্যবস্থার পুনঃপ্রচলন উত্তম, কিন্তু পুরাতন রাজনীতিকদের প্রত্যাবর্তনে কেই-বা উৎসাহী হইতে পারেন? সৈন্যবাহিনীর একটি অংশ ক্রুদ্ধ হওয়াতে আশ্চর্য হইবার কিছুই নাই; তাহার প্রায় করিতেছেন, বিপ্লবের উদ্দেশ্য কি ছিল? কিন্তু কর্ণেল নাসের সমাধান কি উৎকৃষ্টতর? ২৯শে মার্চ যে মিটমাট ঘোষণা করা হইয়াছে তাহার ফলে সামরিক পরিষদ ক্ষমতায় অধিষ্ঠিত থাকিবে; কিন্তু বর্তমান গণগোলার কারণ তাহাতে লোপ পায় নাই। কে অবস্থায় একটি বিপদের সম্ভাবনা এই যে, হয়ত বর্তমানের নতুন একনায়কত্বের স্থানে রুঢ় একনায়কত্ব দেখা দিতে পারে।

“মাফেটার গার্ডিয়ান” মনে করেন যে, জেনারেল নেজীব এবং কর্ণেল নাসের মধ্যে বর্তমান সংগ্রামের ফলাফল বাহাই হউক না কেন, স্পষ্টতঃই পরিস্থিতির পরিবর্তন ঘটিবে। মধ্যপ্রাচ্যের সর্বত্র এবং বিশেষভাবে সুদানে ইহার পরিণতি অনুভূত হইবে। এই বিশৃঙ্খল পরিস্থিতিতে একটি প্রশংসনীয় জিনিষ চোখে পড়বে, নেজীব অথবা নাসের কেহই এই সংগ্রামে সভ্যতার গণ্ডী অতিক্রম করেন নাই। এই জন্য তাহার শ্রদ্ধা হইবে।

আফ্রিকায় ঔপনিবেশিকতা

মিঃ উইলফ্রেড ওয়েলক গত ডিসেম্বর মাসে লন্ডনের “নিউজ” পত্রিকায় একটি প্রবন্ধ লেখেন। ১৩ই মার্চের “হিউন পত্রিকা”র উক্ত শিরোনামা দিয়া প্রবন্ধটির একটি বাংলা অনুবাদ প্রকাশিত হইয়াছে। প্রবন্ধটিতে ঔপনিবেশিকতার উৎস সম্পর্কে যে বিশ্লেষণ করা হইয়াছে তাহা সবিশেষ প্রশংসনীয় যোগ্য। তিনি লিখিতেছেন যে, পূর্বগত অর্থব্যবস্থার ফলে “গুটিকয়েক পাশ্চাত্য দেশে রূপকথার সমান ঐশ্বর্য সঞ্চিত হয় এবং উহার মূল্যস্বরূপ পৃথিবীর কোটি কোটি অশ্বেতকায় অধিবাসীদিগকে অনশনে, অন্ধাশনে ভয়াবহ দারিদ্র্যের মধ্যে জীর্ণ করিয়া দিতে হয়। দরিদ্র মানুষের শ্রমশক্তি এবং প্রাকৃতিক পদ শোষণের অবসান হইলে অনেকগুলি পাশ্চাত্য দেশে প্রায়শঃই লাভের অঙ্ক কমিবে এবং তাহাদের জীবনযাত্রার মান নামিয়া যাইবে। অশ্বেতকায়-অধুষিত দেশগুলি জাগিয়া উঠিয়াছে এবং একযোগে কাজ করিবার জন্য সজ্জবদ্ধ হইতেছে। তাহার রাজনৈতিক ও অর্থনৈতিক স্বাধীনতা দাবী করিতেছে এবং সেই উদ্দেশ্যে কৃষিশিল্প সংযুক্ত এমন অর্থব্যবস্থা রচনা করিতে চায় বাহাতে প্রত্যেক অঞ্চল যথাসম্ভব

স্বাবলম্বী ও স্বয়ংসম্পূর্ণ হইতে পারিবে। কম্যুনিষ্ট মতবাদ অশ্বেত-কায় দেশগুলির পক্ষে সাহায্য করিতেছে।...

উপনিবেশগুলিতে যে বিরাট গণ-আন্দোলনের ঢেউ জাগিয়াছে তাহাতে উপনিবেশিক শক্তিবর্গের মনে ভয় ঢুকিয়াছে যে, তাহাদের শিল্পের জন্ত কাঁচামালের যোগান বিপন্ন হইয়া পড়িবে। “এই ভ্রাসের ফলে পাশ্চাত্য জাতিগুলির হুনিয়ায় যেখানে যেটুকু অর্থ-নৈতিক প্রভুত্ব বিদ্যমান আছে তাহা তাহারা প্রাণপণে আঁকড়াইয়া ধরিয়া রাখিতে চায় এবং তজ্জন্ত নানা আপোষরক্ষা করিতে তাহারা প্রস্তুত।”

লেখকের অভিমতে আফ্রিকার সমগ্রা একদিক হইতে অদ্বিতীয়। গ্রীষ্মপ্রধান আফ্রিকা মহাদেশের অধিকাংশ স্থানই শ্বেতকায়দের পক্ষে বসবাসের অযোগ্য। কিন্তু উত্তর, দক্ষিণ, মধ্য-দক্ষিণ এবং কেনিয়ার উচ্চভূমি প্রভৃতি অঞ্চলে তাহারা বসতি করিতে পারে এবং করিতেছেও। এই সমস্ত অঞ্চলের সেরা চাষযোগ্য জমিগুলি শ্বেতকায়গণ বলপূর্বক কাড়িয়া লইয়াছে। লেখক কেনিয়ার দৃষ্টান্ত দিয়া বলিতেছেন, “কেনিয়াতে কয়েক সহস্র শ্বেতকায় বসতিকারীরা দেশের সর্বাপেক্ষা উর্বর উচ্চভূমির লক্ষ লক্ষ একর জমিদারীর মালিক হইয়া তাহারা দেশের রাজনীতির হর্ত্তাবর্ত্তা।

“ঐ সকল উর্বর জমি কাফ্রী মালিকদিগের নিকট হইতে বল-পূর্বক কাড়িয়া লইয়া তাহাদিগকে নিকৃষ্ট জমিতে তাড়াইয়া দেওয়া হইয়াছে।

“আজ যাহারা মাউ মাউ দলভুক্ত তাহাদের অনেকের পূর্বপুরুষ এই অত্যাচারের ভুক্তভোগী ছিল।

“কাফ্রীদের এই দাসত্বের মধ্যে যে আশাভঙ্গ, অপমান এবং আশ্রিত অসম্মানের ভাব বহন করিতে হয় তাহাই মাউ মাউয়ের মূর্খত্বজনক বিক্ষোভের অশ্রুতম কারণ বলা হয়।”

মিঃ ওয়েলক লিখিতেছেন, “কেনিয়া এবং মধ্য-আফ্রিকার রাজনৈতিক সংস্কার প্রবর্তনের বড় বড় প্রতিশ্রুতি দেওয়া হইয়া গেল, কিন্তু বাস্তব কল্যাণকর স্বদূরপর্যন্ত করিয়া রাখা হইয়াছে। জগৎ কর্তৃপক্ষের ঐ সকল সংস্কারের প্রতিশ্রুতির উপর কাফ্রীদের মতল আস্থা বিনষ্ট হইয়াছে।

“প্রস্তাবিত রাজনৈতিক সংস্কার তলাইয়া দেখিলে এক সুপরিচিত চিত্র উহার মধ্যে দেখিতে পাওয়া যায়। ঐ চিত্রই হইল এই : ভাল মজুরি উপার্জনকারী বহুসংখ্যক মজুরদের উপরে মুষ্টিমেয় শ্বেতকায়দের একাধিক মতিজাতশ্রেণী থাকিবে এবং মধ্যে বুদ্ধিমান জনকয়েক কাফ্রীকে লইয়া একটি ক্ষুদ্র মধ্যবিত্তশ্রেণী থাকিবে। মুধ্য-শ্রেণী এই অর্থনৈতিক রচনার ভিত্তিমাঝে বক্ষা করিবে।

“কেনিয়ার উচ্চভূমিগুলি দেশের কৃষিক্ষেত্রের প্রধান কেন্দ্রস্বরূপ হইবে এবং শ্বেতকায়দিগের অধিকারভুক্ত থাকিবে। আর্থিক, রাজনৈতিক পরিচালনা ক্ষমতা শ্বেতকায়দিগের হাতে থাকিবে, নামে মাত্র কয়েকজন কাফ্রীকে সাক্ষীগোপাল করিয়া রাখা হইবে।

“এই প্রকার বন্দোবস্ত চলিতে পারে না। কাফ্রীরা ইহা

স্বীকার করিবে না। কাফ্রী নেতৃবৃন্দ বুঝিয়াছেন যে, ইহাতে সমগ্রার মূলের কোন মীমাংসাই হইবে না।”

মিঃ ওয়েলক বলিতেছেন যে, কেবলমাত্র আফ্রিকা দিগকে তাহাদের নিজস্ব নিয়ন্ত্রণাধীনে স্বকীয় জীবনধারণ করিবার অধিকার দিলেই আফ্রিকায় শান্তি প্রতিষ্ঠিত হইতে পারে এবং তাহার ফলে বিশ্বশান্তির পথও সুগম হইবে।

ইন্দোচীন

বর্তমান আন্তর্জাতিক পরিস্থিতিতে ইন্দোচীন এক বিশেষ গুরুত্বপূর্ণ ভূমিকা অর্জন করিয়াছে। এতদিন পর্যন্ত ইন্দোচীনের সংগ্রাম বহুলাংশে ফ্রান্স এবং ইন্দোচীনের জাতীয়তাবাদের মধ্যে ঘরোয়া সংগ্রাম হিসাবেই ছিল, যদিও ইন্দোচীনের সংগ্রামের জন্ত ফরাসীদের যে পরিমাণ অর্থব্যয় হইতেছিল মার্কিন যুক্তরাষ্ট্র তাহার প্রায় এক-তৃতীয়াংশ বহন করিতেছিল।

গত জানুয়ারী মাসে বার্লিনে চতুঃশক্তি বৈঠকে যখন স্থির হয় যে, জেনেভা সম্মেলনে ইন্দোচীন-সমগ্রা সমাধানের জন্ত আলোচনা হইবে তখন অনেকেই আশাবিত্ত হইয়াছিলেন, কিন্তু সম্মেলন যতই নিকটবর্তী হইতেছে কোন মিটমাটের আশা ততই যেন সুদূর-পর্যন্ত হইতেছে। গত ১৯শে মার্চ মার্কিন পররাষ্ট্রসচিব জন ফষ্টার ডালেস বলেন যে, মার্কিন যুক্তরাষ্ট্র কোনক্রমেই ইন্দোচীনে ফ্রান্সকে পরাজিত হইতে দিতে পারে না।

৬ই এপ্রিল মার্কিন বৈদেশিক কার্যক্রম দপ্তরের (Foreign Operations Administration) ডিরেক্টর মিঃ হারল্ড ট্যাসেন জানান যে, ১লা জুলাই হইতে যে অর্থনৈতিক বৎসর শুরু হইবে তাহার বাজেটে বৈদেশিক সাহায্য কর্মসূচীর জন্ত যে ৩,৪৯৭,৭০০,০০০ ডলার বরাদ্দ করা হইয়াছে তাহার এক-তৃতীয়াংশ ইন্দোচীনের সংগ্রামের জন্ত দেওয়া হইবে। তিনি প্রতিনিধি সভার বৈদেশিক বিষয়ক কমিটিকে জানান যে, ইন্দোচীনের সংগ্রাম অদূর-ভবিষ্যতে মার্কিন যুক্তরাষ্ট্রের নিরাপত্তার দিক হইতে সবিশেষ তাৎ-পর্যপূর্ণ। উক্ত বাজেটে ইন্দোচীনের জন্ত বরাদ্দ প্রায় ১১৩ কোটি ৩০ লক্ষ ডলারের মধ্যে ৮০ কোটি ডলার ব্যয়িত হইবে তথায় যুদ্ধরত ফরাসী বাহিনীর সাহায্যের জন্ত, প্রায় ৩০ কোটি ডলার দেওয়া হইবে বিমান, ট্যাঙ্ক, কামান, বন্দুক এবং কার্তুজ প্রভৃতি সামরিক অস্ত্রশস্ত্রের জন্ত। ইতিমধ্যেই একটি মার্কিন সামরিক উপদেষ্টা বাহিনী তথায় পৌঁছিয়াছে।

ইন্দোচীনের সংগ্রামের একটি দিক খুবই পরিষ্কার যে ইন্দোচীনের জনসাধারণ আজ ফরাসী সাম্রাজ্যবাদের অধীন থাকিতে চায় না। গত সাত বৎসর সংগ্রামে তাহা পরিস্ফুট হইয়াছে। বাও-দাইকে শিখণ্ডীরূপে খ্যাতি করিয়া প্রভুত্ব বজায় রাখিবার যে চেষ্টা ফরাসীরা করিয়াছিল তাহা ব্যর্থ হইয়াছে। বর্তমানে ইন্দোচীনে ফরাসী-দিগকে যে সামরিক বিপর্যয়ের মুখে পড়িতে হইয়াছে ইহা সেই ব্যর্থতারই নিদর্শন।

অপরদিকে ডাঃ হো-চি-মিনের নেতৃত্বে ভিয়েৎনামের মুক্তিযোদ্ধা

যে আন্তর্জাতিক মুক্তি-সংগ্রাম চালাইয়া যাইতেছে তাহাতে ভিয়েতনামের জনসাধারণের সমর্থন আছে—ইহা অস্বীকারের উপায় নাই। লণ্ডন "টাইমস্" পত্রিকায় বলা হইয়াছে যে, যদি ইন্দোচীনে একটি শাস্তিচুক্তির বিধির্দাচন হয় তবে নিঃসন্দেহে ডাঃ হো-চি-মিন বিনা বক্তৃপাতে জয়লাভ করিবেন।

ফরাসী কর্তৃপক্ষও যে এই পরিস্থিতি সম্পর্কে সচেতন তাহা প্রধানমন্ত্রী লানিয়েলের বিবৃতি হইতেই বুঝা যায়। সম্প্রতি ফরাসী জাতীয় পরিষদে ইন্দোচীন সম্পর্কে বক্তৃতা প্রসঙ্গে তিনি বলেন, ১৯৫৩ সালে কেহ কেহ আলোচনার মাধ্যমে বিরোধের অবসান চাহিতেন, আবার বেহ চাহিতেন সশস্ত্র শক্তির মাধ্যমে; কিন্তু এখন সকলেই আলোচনার মাধ্যমে মিটমাটের পক্ষপাতী।

কিন্তু ফরাসী সরকার অন্তরের কথা বলেন নাই। ফ্রান্সের জনসাধারণের মধ্যে ইন্দোচীন লড়াইয়ের বিরুদ্ধে ব্যাপক প্রতিকূলতার জন্মই মুখে তাহাদিগকে শাস্তির বুলি আওড়াইতে হয়। সুইডিশ পত্রিকা "এক্সপ্রেসের" প্রতিনিধির সহিত সাক্ষাৎ প্রসঙ্গে ডাঃ হো-চি-মিন ইন্দোচীনে যুদ্ধবিবর্তির জন্ম যে আহ্বান জানান তাহার উত্তরে ফরাসী প্রধানমন্ত্রী এমন সব সর্ত্ত আয়োপ করেন যে তাহা বিনাসর্ত্তে আত্মসমর্পণেরই নামান্তর। তাহারা "ভাল করিয়াই জানেন যে, ডাঃ হো-চি-মিন কোনক্রমেই ঐরূপ সর্ত্ত মানিয়া লইতে পারেন না।

প্রকৃতপক্ষে ঠিক সেই উদ্দেশ্যেই ঐ বিবৃতি দেওয়া হইয়াছে। অনুরূপ ভাবে পণ্ডিত নেহরু যুদ্ধবিবর্তির যে আবেদন করেন ফরাসী সরকার তাহাও অগ্রাহ্য করেন।

ইহাতে মার্কিন মহল তুষ্ট হইবার কথা। কারণ ইন্দোচীনে যুদ্ধ চলিলেই তাহাদের স্বার্থরক্ষায় বিশেষ সাহায্য হয়। ইন্দোচীনে ফরাসীদের একা সংগ্রাম চালাইবার ক্ষমতা নাই। যুদ্ধ চালাইতে হইলে ফ্রান্সের পক্ষে যুক্তরাষ্ট্রের উপর নির্ভর করা বাতীত কোন উপায় নাই। ফরাসীদের অনিচ্ছাসত্ত্বেও মার্কিন চাপে তাহারা বাও-দাইকে মানিয়া লইয়াছে। মার্কিন সরকার এখন চাপ দিতেছেন যে, ইন্দোচীনে এখন হইতে যে সকল সামরিক দ্রব্য প্রেরণ করা হইবে তাহা ফ্রান্সের মারফত না দিয়া ইন্দোচীনের সহযোগী রাষ্ট্রগুলিকে দেওয়া হইবে যাহাতে সেই সকল রাষ্ট্র সর্বাধিক ভাবে মার্কিন যুক্তরাষ্ট্রের আধিপত্য মানিয়া লয়।

ব্রিটিশ সিভিল সার্ভিস

ব্রিটিশ সরকারের ষ্টেশনারী ডিপার্টমেন্ট কর্তৃক প্রকাশিত মিঃ উইন গ্রিফিথ লিপিত "দি ব্রিটিশ সিভিল সার্ভিস" শীর্ষক পুস্তকটির সম্পর্কে আলোচনা প্রসঙ্গে মিঃ আর্নেস্ট অ্যাটকিন্সন লিখিতেছেন, "সরকারী চাকুরের আইনগত (statutory) সংজ্ঞা কিছু আছে বলিয়া মনে হয় নাই। সুতরাং মনে করে তাহা স্পষ্টভাবে জানিতে চাহিবেন। এ সম্পর্কে প্রসঙ্গ বলা যাইতে পারে যে, আধুনিককালে ইহার অর্থ ব্যাপকতর হইয়াছে। চিরাচরিত অফিসার বা কেবানী অর্থে আর ইহা ব্যবহৃত হয় না।" বর্তমানকালে

অর্থনীতিক, কৃষিবিদ, বিজ্ঞানী, সাংবাদিক, সমাজকল্যাণকর্মী, শিক্ষাবিদ, ঐতিহাসিক, আইনজীবী প্রভৃতি সর্ববিভাগীয় বিশেষজ্ঞগণই সরকারী চাকুরের তালিকায় পড়েন। "যে রাজনৈতিক দলই দেশের শাসনভার গ্রহণ করুক না কেন ইহারা ব্যক্তিগতভাবে কিংবা সমষ্টিগতভাবে গবর্নমেন্টকে সকল সময় সর্বাধিকায় বধাসাধ্য শক্তি এবং বুদ্ধি দিয়া সাহায্য করিতে প্রস্তুত আছেন।"

মিঃ অ্যাটকিন্সন লিখিতেছেন "কোন দায়িত্বশীল লোকই যে সিভিল সার্ভিসের নিরপেক্ষতা এবং শিক্ষা সম্পর্কে কোন প্রশ্ন তুলিবেন না এ কথা প্রায় জোর করিয়াই বলা চলে।"

ব্রিটেনের জনসংখ্যা প্রায় ৫ কোটি, তন্মধ্যে চাকুরিয়ার সংখ্যা প্রায় ২ কোটি ৩৫ লক্ষ। ইহাদের মধ্যে সরকারী কর্মচারীর সংখ্যা প্রায় ৬ লক্ষ ৬৬ হাজার এবং এক ডাক বিভাগেই কাজ করেন প্রায় আড়াই লক্ষ কর্মচারী।

চাকুরীর সর্ত্ত এবং অগ্নাগ্র ব্যাপারে সরকারের সহিত সময় সময় কর্মচারীদের বিরোধ উপস্থিত হয়, তবে তাহার নিষ্পত্তির ব্যবস্থাও আছে। ২০ বৎসর অন্তর একটি রাজকীয় কমিশন সিভিল সার্ভিসের মাহিনা সম্পর্কিত অবস্থা পরীক্ষা করেন। ১৯৫৩ সনে এইরূপ একটি রয়্যাল কমিশন নিয়োগ করা হইয়াছে। সিভিল সার্ভিসে বহুকালের একটি অভিযোগ হইল এই যে, নারী কর্মচারীগণ মাহিনা সম্পর্কে পুরুষের সমান অধিকার হইতে বঞ্চিত হইয়া থাকেন। বর্তমান রয়্যাল কমিশন এ সম্পর্কে তাহাদের অভিমত জানাইবেন।

মিঃ অ্যাটকিন্সন লিখিতেছেন, প্রথম মহাযুদ্ধের পর নিয়োগকর্ত্তা হিসাবে রাষ্ট্র এবং চাকুরে ব্যক্তিবিশেষের মধ্যে এক নূতন সম্পর্ক দেখা দেয়। সরকারী কর্মচারীদের বিভিন্ন সমিতিকে গবর্নমেন্টের স্বীকৃতিলাভের জন্ম বহুকাল ধরিয়া সংগ্রাম চালাইয়া যাইতে হয়, যাহাতে এই সকল সংগঠন গবর্নমেন্টের সহিত চাকুরেদের পক্ষ হইতে প্রত্যক্ষ আলাপ-আলোচনার সুযোগলাভ করে, তাহারা এই সংগ্রামে ক্রমশঃ সাফল্য লাভ করে।

ট্রান্সভালে ভারতীয়দের ছায়াছবি দর্শনে বাধা

"ইণ্ডিয়ান ওপিনিয়ন" পত্রিকার ১৯শে ফেব্রুয়ারীর এক সংবাদে প্রকাশ, আফ্রিকাস্থিত ট্রান্সভালের হাইডেলবার্গে অবস্থানকারী ভারতীয় এবং চীনা সম্প্রদায় স্থানীয় প্রেক্ষাগৃহে প্রবেশের অধিকারের জন্ম যে অনুরোধ জানাইয়াছিলেন তাহা প্রত্যাখ্যান করা হইয়াছে। পূর্বে ভারতীয় এবং চীনদেশীয়দের সিনেমাগৃহে প্রবেশের অধিকার ছিল, কিন্তু কয়েক বৎসর পূর্বে এই অধিকার হরণ-কর্মী হয়। পৌর-সংসদের (Town council) নিকট অনুরোধ জানান হইয়াছিল যেন সিনেমা-গৃহের অভ্যন্তরে একটি বসমাটীশান দিয়া জাতিবৈষম্য নীতি বজায় রাখিয়া এশিয়াবাসীদেরকে প্রবেশের অনুমতি দেওয়া হয়; কিন্তু পৌরসংসদ সে প্রস্তাব প্রত্যাখ্যান করিয়াছেন। উপরন্তু শহরের ব্যাঙ্ক এবং পোস্ট-অফিসগুলিতেও বাহাতে জাতিবৈষম্য নীতি চর্চা হয় সেই বিষয়ে কার্যকরী ব্যবস্থা শীঘ্রই গৃহীত হইবে। পৌর-সংসদ এই ব্যাপারে দৃঢ় সমর্থন জানাইয়াছেন।

গান্ধীবাদ

শ্রীভবানীপ্রসাদ চট্টোপাধ্যায়

মহাত্মা গান্ধীর সম্পর্কে মস্তব্য করতে গিয়ে লুই ফিশার এক জায়গায় বলেছেন, “গান্ধীজীর বিয়তির আগাগোড়া না পড়ে কিছু কিছু অংশ উদ্ধৃত করে বিকৃত অর্থ খুঁজে বার করতে বিরুদ্ধবাদীদের বিশেষ কষ্টই হয় না।” বাস্তবিক দেশ-বিদেশে কেউ কেউ উদ্দেশ্য-প্রণোদিত হয়ে অথবা অজ্ঞানতা-বশতঃ গান্ধীবাদের বিরূপ সমালোচনা করেছেন। অধুনা শ্রীযুক্ত অন্নান দত্ত তাঁর বিখ্যাত ‘ফর ডেমোক্রেসী’ নামক বইয়ে গান্ধীবাদের যে সমালোচনা করেছেন তাতেও এই রকম মারাত্মক ত্রুটি ঘটেছে। গান্ধীজী ও গান্ধীবাদ সম্পর্কে তিনি তিনটি মূল প্রশ্ন উত্থাপন করেছেন। প্রথম, গান্ধীজী উদার-মনা ছিলেন না, তাঁর প্রকৃতি যুক্তিবাদী ছিল না এবং তিনি সামাজিক পরিবর্তনের গতি বুঝবার চেষ্টা করেন নি; দ্বিতীয়, গান্ধীজীর মানবতাবাদ রহস্যবাদে (Mysticism) ও অর্থোজিকতায় ভরা; তৃতীয়, গান্ধীবাদে ধনী ও জমিদার-হীন কোন অর্থনৈতিক কাঠামোর ইঙ্গিত নেই এবং সেই জন্তই গান্ধীবাদ শাসকশ্রেণীর উচ্ছেদ-পরিকল্পনার প্রতিবন্ধক রূপে প্রযোজিত হয়।

গান্ধীজী চাইতেন না যে, তাঁর মৃত্যুর পর গান্ধীবাদ বলে কোন মতবাদ প্রচলিত থাকুক। নতুন কিছু উদ্ভাবন করেছেন, এমন অহমিকাও তাঁর ছিল না। মানুষের বিবিধ সমস্যায় ও দৈনন্দিন জীবনে শাস্ত্র সত্যের প্রয়োগ করেছেন, এইটুকুই ছিল তাঁর দাবি। তবু কয়েকটি মূল কথা গান্ধীবাদ বলে প্রচলিত হয়েছে। গান্ধীজী তাঁর জীবনকেই তাঁর বাণী বলে ঘোষণা করেছিলেন। এই জন্ত গান্ধীবাদ বুঝতে হলে তাঁর দীর্ঘ জীবনের ঘটনাপ্রবাহ এবং রচনাই একমাত্র সঙ্গী। গান্ধীবাদের ভাষ্যের প্রয়োজন নেই।

গান্ধীবাদে অতিনিশ্চয়তা (dogma) অথবা পক্ষ-পাতিত্বের কোন স্থান নেই। গান্ধী-জীবনেও তাই আপাত-অসঙ্গতিপূর্ণ বহু ঘটনা ঘটেছে। প্রথম বিশ্বযুদ্ধের সময় তিনি ইংরেজের পক্ষে ভারতীয় সেনা সংগ্রহ করেছিলেন, আবার দ্বিতীয় বিশ্বযুদ্ধের সময় তিনিই ‘কুইট ইণ্ডিয়া’ ঘোষণা করেন। গান্ধীজী যুগ যুগ ধরে অপেক্ষ করতে প্রস্তুত ছিলেন, তবু হিংসার দ্বারা ভারতকে স্বাধীন করতে তিনি চান নি। কেননা হিংসার দ্বারা সত্যকারের স্বরাজ আসতে পারে না, এই ছিল তাঁর ধারণা। তাঁর হৃদয়ের উদারতার পরিচয় পাওয়া যায়, যখন নেতাজী ভারতের বাইরে গিয়ে ইংরেজ-শত্রুর সঙ্গে হাত মিলিয়ে ভারতকে স্বাধীন করার পরিকল্পনার

বিষয় আলোচনা প্রসঙ্গে তিনি বলেন যে, এই পদ্ধতিতে ভারতের মুক্তিলাভ সম্ভবপর বলে তিনি মনে করেন না, তবু নেতাজী যদি এতে সক্ষম হন তবে গান্ধীজীই তাঁকে প্রথমে অভিনন্দিত করবেন।

গান্ধীজীর জীবন হ'ল কর্মের জীবন। তিনি বই লিখে তাঁর মতবাদ প্রচার করেন নি। কাজের মধ্য দিয়েই তাঁর চিন্তাধারার মূল ভাবটি প্রকাশিত হয়েছে। তাই একবার যে-কথা বলেছেন পরে পরিস্থিতির পরিবর্তনে তিনি কার্য-ক্রমেরও পরিবর্তন করেছেন। এতেই তাঁর যুক্তিবাদী মনের পরিচয় পাওয়া যায়। তাঁর বিরাট ব্যক্তিত্বের সামনে গিয়ে কেউ যদি ম্লান হয়ে যায়, তাতে গান্ধীজীর অনুদারতার প্রমাণ হয় না; বস্তুতঃ এ রকম ঘটনা ত গান্ধীজীর জীবনে অনেক ঘটেছে। তাঁর সঙ্গে তর্ক করতে এসে কেউ কেউ বিরুদ্ধ মত প্রকাশনা করেই চলে গেছেন। গান্ধীজীর ব্যক্তিত্বে তাঁরা অভিভূত হয়ে পড়েছেন। কিন্তু তাঁর নিজের মনে প্রত্যেক বিষয়েই পক্ষে ও বিপক্ষে যুক্তির দ্বন্দ্ব অমুগ্ধন চলতে থাকত। লুই ফিশারের একটি উক্তি এখানে উদ্ধৃত করা যেতে পারে—“গান্ধীজীর সঙ্গে ঘনিষ্ঠ আলাপ-আলোচনার সময় তাঁর একটি বিশেষ রূপ নজরে পড়ে। কোন প্রশ্নের উত্তর দেবার সময় তিনি নিজেকে একেবারে প্রকাশ করেন এবং দর্শকেরা তাঁর মনের আনাচে-কানাচে যে বিরাট ভাবের আলোড়ন চলেছে তার সত্য রূপ দর্শন করে স্তম্ভিত হয়ে যায়।”

গান্ধীজীবনের বহু ঘটনা তাঁর চারিত্রিক উদারতা ঘোষণা করে। একবার আশ্রমে একটি যুবক অসুস্থ হয়ে পড়ে। গান্ধীজী নিয়মিত তার কাছে আসতেন। একদিন যুবকটি গান্ধীজীর কাছে তার গোপন ইচ্ছা প্রকাশ করে। আশ্রমবাসীদের চা বা কফি খাওয়া বারণ ছিল। কিন্তু যুবকটি কফিই খেতে চায়। গান্ধীজী দেখলেন আশ্রমের অন্তঃস্থ লোকেরা বিশ্রাম করছেন। তিনি নিজেই কফি তৈরি করে যুবকটিকে দিলেন। আর একবার, নোয়াখালীতে গান্ধীজী অধ্যাপক নির্মলকুমার বণুকে, তিনি মাছ খান কিনা, এই প্রশ্ন করেন। অধ্যাপক মশাই নিরামিশাষী নন এবং গান্ধীজীর প্রশ্নের পক্ষে মাছ খাওয়া স্বাভাবিক বলেই ঘোষণা করেন। সেখানে কয়েকজন অ-বাঙালী বন্ধু উপস্থিত ছিলেন। তাঁরা গান্ধীজীর এই কথায় বিচলিত হন এবং প্রশ্ন করেন মাছ খাওয়া কি প্রাণিহত্যা নয় ?

গান্ধীজী উত্তর দেন, প্রাণিহত্যা ঠিকই তবে খাচ্ছে ভেজাল মেশান অপেক্ষা অল্প ক্ষতিকর।

গান্ধীজী-জীবনের ও গান্ধীবাদের মূল সূত্র হ'ল প্রেম। তাঁর চরিত্রে ^{বিশেষ} বৃত্তা ছিল কিন্তু অর্থোজিক উদারতার স্থান ছিল না। আইনসভা বয়কট আন্দোলনের শ্রেষ্ঠ গান্ধীজী। কিন্তু প্রয়োজন বোধ করলে আইনসভা প্রবেশের নির্দেশও তিনি দেন—‘আইনসভা বয়কট কখনই সত্য ও অহিংসার মত চিরস্থান নীতি হতে পারে না।’ কোন কিছুই অন্ধ অনুসরণ তিনি অস্বীকার করতেন। ঈশ্বরপ্রেম তাঁর জীবনে প্রধান ছিল। কিন্তু ‘যে ধর্ম নীতিবিরোধী এবং যা যুক্তির উপর প্রতিষ্ঠিত নয়’ তাকে তিনি বাতিল বলেই গণ্য করতেন। তিনি লিখেছেন, ‘আমি যদি কোন ব্যক্তিকে যুক্তির দ্বারা বিশ্বাস করাতে না পারি, তবে আমি তাকে আমার অনুসরণ করতে বলব না। শাস্ত্র যতই প্রাচীন হউক না কেন, তা যদি আমার বুদ্ধির কাছে আবেদন না করে, তবে তার স্বর্গীয়তা এবং পবিত্রতা আমি বিসর্জন দিতে বিন্দুমাত্র কুণ্ঠিত হব না।’ আবার, ‘যে কর্তব্যপদ্ধতি আদর্শ তা নিজের জীবনে রূপায়িত করে অথবা যদি তাতে বিশ্বাস না থাকে—তবে সর্বশক্তি দিয়ে তার প্রতিরোধ করেই আমার বন্ধুরা আমার প্রতি শ্রেষ্ঠ সম্মান দেখাতে পারেন। কাজ করার যুগে অন্ধ অনুসরণ সম্পূর্ণ মূল্যহীন এবং তা প্রায়ই প্রতিবন্ধক ও সমান বেদনাদায়ক হয়ে উঠে।’ কিন্তু শুধু যুক্তির কোন মূল্য নেই। তৈলাধার পাত্র না পাত্রাধার তৈল এই নিয়ে আবহমান কাল যুক্তি-তর্ক চলতে পারে। কিন্তু যে মতবাদ নূতন সমাজ রচনা করতে চায় তার পক্ষে কেবল যুক্তিসঙ্গত হওয়া সম্ভবপর নয়। কোন মতবাদ যতই যুক্তিযুক্ত হউক না কেন, তা যদি হৃদয়কে স্পর্শ না করে, তাকে রূপায়িত করার কস্মী পাওয়া যাবে না। ‘যুক্তিবাদীরা প্রশংসার পাত্র। কিন্তু যুক্তিবাদ যখন নিজেকে সর্বশক্তিমান মনে করে তখন সে এক ভয়নাক দৈত্য হয়ে দাঁড়ায়।’ এইজন্য যুক্তিকে বিশ্বাসের রসে জারিত করতে হবে। যাকে বুদ্ধি দিয়ে বোঝা যায় তাকে হৃদয় দিয়ে স্বীকার করতে হবে। বৈজ্ঞানিক অনুশীলনের প্রারম্ভেও ত প্রকৃতির সমরূপতার (uniformity in nature) উপর বিশ্বাস স্থাপন করতে হয়। সেই মতবাদকেই যুক্তিসঙ্গত বলা হবে যাতে অতিনিশ্চয়তা অথবা অন্ধবিশ্বাসের অবকাশ নেই। কি করে তা প্রমাণ হবে? কস্মীকে তার বিশ্বাসকে রূপ দিতে হবে। এই রূপ ^{নিজেকে} ^{বিলীন করে দিতে হবে। মনের} ^{প্রতি} ^{অভিমান} ^{যে} ^{চূপ করে থাকলে প্রমাণ করা যাবে না, এর বিশ্বাস} ^{কতটা} ^{মস্তিষ্ক} ^ও ^{হৃদয়কে} ^{স্পর্শ} ^{করেছে।} যুক্তিকে যন্ত্রণা-

ভোগের দ্বারা শক্তিশালী করতে হবে এবং যন্ত্রণাভোগ ধীশক্তির (understanding) চোখ উন্মুক্ত করবে।’

গান্ধীজী বৃহৎ যন্ত্রের বিরোধী ছিলেন। এই জন্য সাধারণ ভাবে মনে করা হয় যে, তিনি পুরানো যুগে ফিরে যাবার কথা বলেছেন, বিজ্ঞানের অগ্রগতিকে তিনি অস্বীকার করেছেন। কিন্তু এই ধারণা ভুল। গান্ধীজী যন্ত্রের বিরোধী ছিলেন না, যন্ত্রোদ্ভাদনারই বিরোধী ছিলেন। মানুষ তার কাজের সুবিধার জন্য বিজ্ঞানকে গ্রহণ করেছিল। কিন্তু আজ এমন অবস্থা এসে পড়েছে যে, মানুষের জন্য বিজ্ঞান আর নয়, বিজ্ঞানের জন্যই যেন মানুষ। প্রগতির অর্থ নয় যেমন কেবল ছুটে বেড়ানো, তেমনি বিজ্ঞানের অর্থ নয় যে, কেবল ভূরি উৎপাদনের যন্ত্র ও যন্ত্রাঙ্গের উদ্ভাবন করা। গান্ধীবাদ বিজ্ঞানকে অস্বীকার করে না, বিজ্ঞানের যাত্রাপথ পরিবর্তনই সে করতে চায়। ‘যন্ত্রের একটি স্থান আছে; যন্ত্র থাকার জন্যই এসেছে’,—একথা গান্ধীজী জানতেন। মানুষের দেহও একটি যন্ত্র, তাকে বাদ দেওয়া যায় না। সমাজ-জীবনে শোষণকারী যন্ত্রের পরিবর্তে কল্যাণকারী যন্ত্রের প্রচলন করতে হবে। শেলাইকল এমনই একটি যন্ত্র। গান্ধীবাদ একে অস্বীকার করতে পারে না এবং এই ধরনের যন্ত্রের প্রস্তুতির জন্য কিছু বৃহৎ যন্ত্রেরও প্রয়োজন হবে। আসল কথা হ'ল, ‘লোভের স্থানে প্রেমকে পুনঃস্থাপিত’ করতে হবে, ‘যন্ত্রের সেই ব্যবহারই আইন-সঙ্গত যা সকলের কল্যাণে সাহায্য করবে।’ এই জন্য যন্ত্রের আজকের যে-স্থান তার পরিবর্তন করলে পুরনো যুগে ফিরে যাওয়া হবে না, বরং তা অগ্রগতির সূচনা করবে। ‘শস্য-ভাণ্ডার আদিম পদ্ধতিতে, সেই পদ্ধতি আদিম বলেই, ফিরে যাবার কোন পক্ষপাতিত্ব আমার নেই। আমি ফিরে যাবার কথা এই জন্যই বলি যে, গ্রামের লক্ষ লক্ষ অলস লোককে কাজ দেবার অন্য কোন উপায় নেই।’

গান্ধীজী ছিলেন বাস্তব আদর্শবাদী। তাই মান কল্যাণের যে পথ তিনি নির্দেশ করেছেন তা কঠিন সন্দেহ নেই, কিন্তু তা সার্ধক। রবীন্দ্রনাথ বলেছেন, ‘যা আমাদের ত্যাগের দিকে, তপস্কার দিকে নিয়ে যায় তাকেই বলি মনুষ্যত্ব, মানুষের ধর্ম।’ কিন্তু মানুষকে তার সুধর্ম প্রতিষ্ঠিত করা যাবে কি করে? ক্ষুধার্ত মানুষের ধর্মের কথা বলা ত কপটতারই নামান্তর। ‘ক্ষুধার্ত অলস মানুষের কাছে যে গ্রহণীয় রূপ নিয়ে ঈশ্বর ^{বিস্তৃত} হতে পারেন তা হ'ল কাজ এবং পারিশ্রমিকরূপে খাওয়ার প্রতিশ্রুতি।’ যদি শক্তি থাকত তবে গান্ধীজী ‘প্রত্যেক সদাত্মত, যেখানে বিনামূল্যে ^{অল্প} বিতরণ করা হয় তা বন্ধ করে দিতেন’। তাঁর মানবতা-বাদ অলস স্বপ্নমাত্র নয়। নতুন সমাজের প্রতিশ্রুতিই হ'ল

তঁার মানবতাবাদের ইঙ্গিত। আজকের জগতে দেখা যায় মানুষ অর্থনৈতিক ও রাজনৈতিক কাঠামোর দ্বারা নিষ্পেষিত গণতন্ত্রের নামে, সর্কারার একনায়কত্বের নামে মানুষকে শাসন ও শোষণ করার কত প্রক্রিয়াই না চালু আছে। মানুষের কল্যাণ করতে হলে এই সমাজ-কাঠামোর অবসান করতে হবে। গান্ধীজী যে সমাজ রচনার কথা বলেছেন তা হ'ল সর্বোদয়। অধিকসংখ্যক লোকের অধিকতম কল্যাণ (greatest good of the greatest number) নয়; সকলের হিতই তঁার কাম্য। গান্ধীজী বিকেন্দ্রীকরণের উপর জোর দিয়েছিলেন। এই নীতি মানবতাবাদের উপর প্রতিষ্ঠিত। ব্যাষ্টি ও সমষ্টির যে স্বন্দ, তারই যদি অবসান না হয় তবে ব্যর্থ হয়ে যাবে মানবতাবাদের সকল স্বপ্ন। একমাত্র অর্থনৈতিক ও রাজনৈতিক বিকেন্দ্রীকরণই এই স্বন্দের সমাপ্তি করতে পারে। 'আমি সেই ভারতের জন্ম কাজ করে যাব, যে ভারতে দীনতম ব্যক্তিও মনে করবে যে, দেশ তারই দেশ।' গান্ধীজী নিজেও এর বেশী কামনা করেন নি—'আমার কাজ শেষ হয়ে যাবে যদি মানুষের সমাজে আমি এই বিশ্বাস জন্মাতে পারি যে, প্রত্যেক পুরুষ এবং স্ত্রী, শরীরের দিক থেকে যতই দুর্বল হউক না কেন, তার আত্মসম্মান ও স্বাধীনতার অভিভাবক।' মানুষের প্রতি কি গভীর প্রেম থাকলেই না এ উক্তি করা যেতে পারে। এই জন্মই রম্যা রাঁলা লিখেছিলেন, 'গান্ধীজী ইউরোপীয় বিপ্লবীদের মত আইন এবং অডিগ্যান্সের স্রষ্টা নন। তিনি এক নব মানবতার সংগঠক।'

কিন্তু গান্ধীজীর এই প্রেম রহস্যবাদের ছোঁয়ায় আচ্ছন্ন নয়। রহস্যবাদের অর্থ কি? গীতায় যাকে সাত্ত্বিক জ্ঞান (১৮।২০) বলা হয়েছে বা ইংরেজীতে যাকে 'unity in diversity' বলা হয়, তার মধ্যে রহস্যবাদের বলাক পায় যায়। কবিমনের এ কল্পনা হতে পারে, কিন্তু যে-অতবাদ কেবল দার্শনিক তথ্য নয় তাতে এর স্থান কোথায়? গান্ধীজী স্বপ্নবিলাসী ছিলেন না, গান্ধীবাদও একটি নিষ্ক্রিয় তথ্য নয়। তঁার অহিংসা নগুর্ধক নয়, উপরন্তু একটি সক্রিয় কর্মপন্থা। অগ্নাত্ত ধর্মপ্রচারক, যারা জগতে অহিংসার বাণী উচ্চারণ করেন তাঁদের সঙ্গে গান্ধীজীর পার্থক্যও এইখানে। 'অসত্য-অপরাধ থেকে সরে যেতে গান্ধীবাদ নির্দেশ করে না। হিমালয়ের গুহায় বসে তপস্বী করলে ঈশ্বরকে পাওয়া যাবে না; গান্ধীজী জানতেন, 'যদি আমি পাপের বিরুদ্ধে সংগ্রাম না করি তা হলে কখনও জীবনপাত করেও ঈশ্বরকে জানতে পারব না।' 'Resist not evil' (মন্দকে প্রতিরোধ করিও না)—একথা গান্ধীবাদ বলে না। 'এই পৃথিবীতে প্রত্যেক সংগ্রাম ছাড়া কিছুই সকল হয় নি।

নিষ্ক্রিয় প্রতিরোধ, এই কথাগুলিকে বর্ষেই মর 'বলে' তিনি বাতিল করে দিয়েছিলেন। গান্ধীজী কর্মফলকে নিজের অধিকার-বহির্ভূত বলে গণ্য করতেন না, যা ঠিক। কিন্তু কর্মফলের চিন্তা কর্মপন্থা নির্ণয়ে কখনই প্রতিবন্ধক হতে পারে না। অগ্নায়কে অগ্নায় বলেই গ্রহণ করতে হবে এবং অহিংসভাবে তার প্রতিরোধ করতে হবে। এই প্রতিরোধ মনস্তাত্ত্বিক ও সামাজিক উভয় দিক থেকেই সার্থক। ১৯২৬ সনে আহমদাবাদে কয়েকটি রাস্তার কুকুরকে মারা হয়। গান্ধীজীকে প্রশ্ন করা হলে তিনি বললেন, 'এ ছাড়া আর কি করা যেতে পারে?' অহিংসার পূজারীর এই উক্তি অহিংসাধর্ম-বিশ্বাসীদের উত্তেজিত করল। বিক্রম বসিত হ'ল যথেষ্টই। প্রশ্নোত্তর প্রসঙ্গে গান্ধীজী যা বললেন, গান্ধীবাদের স্বরূপ বুঝতে তার মূল্য কম নয়। তিনি লিখলেন, 'মানুষের প্রাণ নেওয়াও কীর্তব্য হতে পারে। মনে কর একটি লোক, হাতে তলোয়ার নিয়ে ভীষণভাবে পাগলের মত ছুটে চলেছে এবং তার সামনে যে আসছে তাকেই সে হত্যা করছে। লোকটিকে জীবিত অবস্থায় ধরতেও কেউ সাহস পাচ্ছে না। এই পাগলা লোকটিকে যে তাড়াতাড়ি সরিয়ে দেবে সে আমাদের কৃতজ্ঞতা অর্জন করবে।'

গান্ধীবাদের প্রধান কথা হ'ল সমাজের কল্যাণ করা। সহিংস পন্থায় সত্যকার কল্যাণ আনা যায় না, এ অভিজ্ঞতা পৃথিবীর হয়েছে। সুতরাং সত্যকারের কল্যাণের পথ অহিংস পন্থায়ই কেবল আনা যেতে পারে। তাই গান্ধীবাদ অহিংস সমাজ রচনার কথা বলে। অহিংস সমাজের মানে হ'ল শোষণহীন সমাজ। আর 'আর্থিক সমতা হ'ল অহিংস সমাজের প্রধান চাবিকাঠির মত।' গান্ধীজী জানতেন যে, যতদিন ধনী-দরিদ্রের ব্যবধান থাকবে ততদিন অহিংস রাষ্ট্রব্যবস্থার স্থাপনা করা যাবে না। তিনি তঁার স্বপ্নের ভারত রচনা করার অবসর পান নি, কিন্তু সেই ভারতই তঁার ধ্যানের ভারত যেখানে 'উচ্চ-নীচ শ্রেণীরূপে মানুষের কোন সমাজ থাকবে না।' শ্রেণী-সংঘর্ষের মধ্য দিয়ে সত্যকারের সমতা আনা যাবে না। অধিক ধন অর্জনের কৌশল দ্বারা আয়ত্ত করেছেন তাঁদের বিনষ্ট করলে সমাজই ক্ষতিগ্রস্ত হবে। সুতরাং সমাজের মনস্তাত্ত্বিক স্থিতির পরিবর্তন সাধন করে ধনীকে রক্ষণশীল করতে হবে। 'দরিদ্রের অজ্ঞানতা দূর করে এবং তাঁদের শোষণরূপের সঙ্গে অসহযোগ করার দীক্ষা দিয়ে' ধনীকে সত্যকারের সমতা সৃষ্টি করতে হবে। যদি সকল প্রচেষ্টা সফল হত ধনী দরিদ্রের 'সত্যকারের অর্ধাভুয়ায়ী অভিভাবক' না হয়, তবে আইন-অমাত্ত আন্দোলন শুরু করতে হবে একথা গান্ধীবাদ স্বীকার করে। কালের

পরিবর্তন গান্ধীজী উপলব্ধি করেছিলেন। তিনি জানতেন, এই বিভেদমূলক সমাজ চলতে পারে না। তাই যদি সম্পদের স্বৈচ্ছাস্বাক্ষর নাগ না হয় তবে অহিংস বিপ্লব অবশ্যস্বাবী।

সমবন্টনের দর্শন হলেও বাস্তবক্ষেত্রে তার প্রয়োগ কতদূর সফল হবে সে সন্দেহ জাগে। এইজন্য গান্ধীজী শ্রায্য (equitable) বণ্টনের পক্ষপাতী ছিলেন, এই কথা তাঁর উক্তি থেকে প্রমাণ করা যায়। কিন্তু তার মানে এই নয় যে, গান্ধীবাদের দোহাই দিয়ে অর্থনৈতিক বৈষম্যকে স্বীকার করে নেওয়া হবে। স্বরাজের পর ভূমির কিরূপ বণ্টন হবে সে প্রশ্নের উত্তরে গান্ধীজী বলেছিলেন যে, ভূমি রাষ্ট্রের মালিকানায় থাকবে। সে-সময় অধিকাংশ জমিদারই আপনা থেকে রাষ্ট্রের হাতে ভূমি ছেড়ে দেবেন। আর যারা দেবেন না 'আইনের বলে তাঁদের রাজী হতে হবে'। 'স্বাধীন ভারতে এক দিনের জন্যও নিউ দিল্লীর প্রাসাদ আর পার্শ্ববর্তী কুটারের মধ্যে যে পার্থক্য রয়েছে, তা চলতে দেওয়া হবে না।' কি করে হবে? লোকশক্তি জাগ্রত করে, সমাজের মনস্তাত্ত্বিক পরিবেশের পরিবর্তন করে আর প্রয়োজন হলে আইনের সাহায্য নিয়ে। যদি জাতীয় সরকার এই সিদ্ধান্তে আসেন যে, এই বিলাসের স্থানের প্রয়োজন নেই, তবে সংশ্লিষ্ট ব্যক্তিদের 'স্বার্থচ্যুত করতে হবে এবং এই স্বার্থচ্যুত করার জন্য কোনরূপ ক্ষতিপূরণও করা হবে না।' এই সিদ্ধান্তের উপর গান্ধীজীর সঙ্গে অনেক সমাজতন্ত্রীর কিছু মিল থাকতে পারে। 'আমি জানি এমন অনেক সমাজতন্ত্রী ও সাম্যবাদী আছেন যারা একটি মাছিকেও মারবেন না; কিন্তু তাঁরা উৎপাদন-ব্যবস্থার সর্বজনীন মালিকানায় বিশ্বাস করেন। আমি নিজেকে তাঁদের দলেরই এক জন বলে মনে করি।' গান্ধীজীর এই দৃষ্টিভঙ্গীর একটি উদাহরণ দেওয়া যাক। ১৯৪৭ সালে আচার্য কৃপালনী কংগ্রেসের

কর্তৃপক্ষ ও সরকারের প্রধানদের সঙ্গে মতবিরোধের ফলে কংগ্রেস সভাপতির পদ ত্যাগ করেন। গান্ধীজী তাঁর শূন্য স্থান পূরণের জন্য সমাজতন্ত্রী আচার্য নরেন্দ্র দেবের নাম মনোনয়ন করেন। কিন্তু ওয়াকিং কমিটি তা মেনে নিতে পারেন নি। গান্ধীজী জানতেন যে, কংগ্রেস কর্তৃপক্ষের সঙ্গে সমাজতন্ত্রীদের আদর্শগত বিরোধ আছে। তবু সামাজিক বিপ্লবে দেশকে নিয়োজিত করার জন্যই তিনি এই চেষ্টা করেছিলেন।

গান্ধীবাদে শেষ কথা বলে কিছু নেই। মূলনীতিকে স্বীকার করে সমাজ রচনা করতে হবে। স্থান-কাল ভেদে ব্যবস্থাপনার পার্থক্য কিছু ঘটতে পারে। মানুষ প্রাণবান, মানুষ বিচারশীল। মানুষের সমগ্র সমাজকে একটি ফরমুলায় ফেলে দেওয়া যায় না। কিন্তু মূলনীতি থেকে যেন বিচ্যুতি না ঘটে। কি সে মূলনীতি? গান্ধীজী নিজেই তার উত্তর দিয়েছেন—'আমি তোমাদের একটি মন্ত্রপুত কবচ দোব। যখনই কোন সন্দেহের দোলায় মন ছলে উঠবে কিংবা আত্ম-ভাবটা বড় বেশী রকম জেগে উঠবে, এই পরীক্ষাটা করে দেখো তো। সবচেয়ে গরীব আর দুর্বল মানুষ আজ পর্যন্ত যাকে দেখেছ, তার মুখটা মনে কর, তার পর ভেবে দেখো, যে কাজটা করার মতলব করেছ তাতে তার কোন উপকার হবে কিনা। তার কি কোন লাভ হবে কাজটার দ্বারা? সে কি তার জীবন আর ভাগ্য গড়ার কাজে ফিরে পাবে তার পুরনো অধিকার? আসল কথাটা এই যে, তোমাদের কাজটার ফলে কি স্বরাজ আসবে? লক্ষ লক্ষ ক্ষুধাত' আর আধ্যাত্মিক অনশনক্রিষ্ট জনগণের সেই সত্যকারের স্বরাজ? এর পরেই দেখবে তোমার মনের সেই সন্দেহের ভাব কেটে গেছে আর অহংকে নিয়ে যে বিপদে পড়েছিলে তাও দূর হয়েছে।'





খবরটা শুনিয়া গণেশ রায় স্তম্ভিত হইলেন। তিনি সম্ভ্রান্ত কনট্রাক্টর। স্বয়ং মিনিষ্টার খাল-খননের কাজ স্বচক্ষে পরিদর্শন করিতে আসিতেছেন, এই খবর পাইয়াই তাঁহাকে কলিকাতা হইতে ছুটিয়া আসিতে হইয়াছে; নহিলে বীরভূমের এই জনহীন ও বৃক্ষহীন প্রান্তরে তিনি ছুটিয়া আসিতেন না। সরকারী পুঁজু বিভাগে তাঁহার নাম-ডাক আছে। অথচ তিনি নিজে হাজির থাকা সত্ত্বেও ঠিক মিনিষ্টারের পরিদর্শনের দিন মাটি কাটার চারশ' মজুর কাজ বন্ধ করিয়া বসিলে তাঁহার সম্মান থাকিবে কি?

‘ব্যাটারদের বদমাশিটা দেখলেন, স্তব ? ঠিক সময় বুঝে কোপ দিয়ে বসেছে।’ তাঁবুর স্বল্প পরিসরের মধ্যে বারবার পায়চারিরত প্রভুর প্রতি সহানুভূতি প্রকাশ করিয়া গণেশবাবুর বিশ্বস্ত কর্মচারী ভগীরথ সামন্ত মন্তব্য করিলেন। নিশ্চয় এর পেছনে দুষ্ট লোকের উস্কানি আছে। নইলে কুলিদের পেটে এত শয়তানি।...ইদিকে আমি মন্ত্রীর অভ্যর্থনার জন্ত সব বন্দোবস্ত করে ফেলেছি। বাগদীপাড়ার কুলবধূরা এসে শাঁখ বাজাবে, সাঁওতাল আর বুনোদের দল ঢোল-মাদল বাজাতে আসছে, অভ্যর্থনার ফটক ত রেডিই, ফটকের উপর খেঁচু কাঁচা কাঁচা মন্ত্রীর মোটরে পুষ্পবর্ষণ করবে তাও ঠিক আছে। মানে, অভ্যর্থনার কোন ক্রটিই রাখা হয় নি। ইদিকে মন্ত্রীশায় বা পরিদর্শন করতে আসছেন, তাই যদি ফাঁকা পড়ে থাকে...’

‘ওদের মিনিমাম ডিমাও কি?’ গণেশ রায় প্রশ্ন করিলেন।

‘আজ্ঞে, নিয়তম দারিত্র্য আছে। এক ব্যক্ত কেন,

এক বছরেও তা মেটানো সম্ভব নয়।’ ভগীরথ সামন্ত কহিলেন। ‘তবে কখনো বা ধমকে, কখনো বা পিঠ চাপড়ে যা বৃষ্টিতে পেরেছি, তাতে মনে হয়, অন্তত একটা দাবি মেটাতে পারলেই কালকের মত ধর্মঘট আটকানো যায়...।’

‘তবে আর দেরি করছ কেন?’ গণেশবাবু অশৈথিল্য ভাবে কহিলেন। ‘মিনিষ্টারের কাছে নাকাল হতে পারব না। বল কি করতে হবে?’

‘আজ্ঞে, একটা নাপিত এনে দিতে হবে।’ ভগীরথ সামন্ত মাথা চুলকাইয়া কহিলেন। ‘মানে, অনেক দিন থেকেই এরা এই নিয়ে অসন্তোষ প্রকাশ করছে। বলছে, চুল দাড়ি ফেলতে হলেই পাঁচ মাইলের রাস্তা চণ্ডীগ্রামে ছুটে যেতে হবে, এও কখনো পারা যায়। একটা নাপিত এনে বসান। অথচ নাপিত ব্যাটারীও এমন বদমাশ, কেউ যদি সাইটে এসে থাকতে রাজী হয়। বলে, মশায়, ঐ মরুভূমিতে গিয়ে মানুষে বাস করতে পারে?...যেন আমরা মানুষ নই...’

‘যা হয় একটা ব্যবস্থা কর!’ গণেশবাবু হাসি দমন করিয়া কহিলেন।

‘ভাবি, কাল কাক-ভোরে উঠেই জীপ নিয়ে বেরিয়ে পড়ব। সেটাবার মিনিষ্টারের কাজ দেখতে এসেছিলেন, তখন চণ্ডীগ্রামে নাপিতকে একবার জীপে করে নিয়ে আসছিলাম। ভাবছি, খুব সকালবেলা গিয়ে তাকে ধরে ছলে নিয়ে আসব।’

কাক-ভোরেই ভগীরথ সামস্ত উঠিয়াছিলেন, তবু আধঘণ্টা
দেরি হইয়া গেল। পনের-কুড়ি মিনিট ব্যর্থ চেষ্টার পর
আপ-চালক কহিল, 'না স্তর, ফুয়েল-পাম্পে গোলমাল হচ্ছে,
স্টার্ট নেবে না হইয়া...'



“আরে মশাই ইচ্ছামত পরামাণিক পাচ্ছেন কোথায়?”—গঙ্গারাম তাচ্ছিল্যের সঙ্গে কহিল

‘আঃ, কি মুশকিল।’ সামস্ত মশায় অর্ধেক হইয়া
কহিলেন। কৈ, কাল ত কিছু বল নি। নাও, শীগগির
করে। কলকাতার ড্রাইভারকে ডেকে তোল। হজুরের
গাড়ীটাই বের করতে হ’বে। আর একটুও দেরি করার
জো নেই...’

রোগা লিকলিকে চেহারার লোক ভগীরথ, কিন্তু কাজ
করিতে ও করাইয়া লইতে তাহার জুড়ি নাই। সে-ই গণেশ
রায়ের স্থানীয় কাজের ভারপ্রাপ্ত কর্মচারী। প্রভু এবং
তাঁহার কলিকাতার মোটর-চালক সকাল সাতটার আগে ঘুম
হইতে উঠেন না। প্রভুর নিদ্রার ব্যাধাত না করিয়া অগত্যা
তাঁহার ড্রাইভারের নিদ্রার ব্যাধাত করিতে হইল। গণেশ
রায়ের প্রকাণ্ড ষ্টুডিবেকার গাড়ী ইহার আধ ঘণ্টার মধ্যেই
চণ্ডীগ্রামের দিকে রওনা হইয়া পড়িল।

গঙ্গারাম নাপিতের বাড়ী হইতেই
চেনা। গাড়ি যখন সেখানে হাটতে গঙ্গারাম
প্রামাণিক কাজে ব্যস্ত হইবার উদ্যোগ করিতেছে।

গাড়ী হইতে নামিয়া যুখে প্রসন্ন হাসি আনিয়া সামস্ত

মহাশয় বিশেষ ভোয়াজের গলায় কহিলেন, “এই যে গঙ্গারাম,
চিনতে পারছ ? বের হচ্ছে বুঝি ?”

‘কে, কাকিনীর খালের বড়বাবু না ?’ গঙ্গারাম নাপিত
একবার ধূর্ত দৃষ্টিতে ভগীরথের দিকে তাকাইয়া সবিনয়েই
কহিল। ‘চিনতে পারছি বৈকি। তার-
পর এদিকে কি মনে করে ?’

প্রয়োজন জরুরি না হইলে গাড়ী
করিয়া এই সাতসকালে কাকিনীর মাঠ
হইতে কেহ আসে না, এ সম্বন্ধে
গঙ্গারামের কোন সন্দেহই ছিল না,
তবু নিজের দাম বাড়াইবার জন্তই সে
ফালতো প্রসন্ন করিল।

‘আর বল কেন। পুরুষ-মানুষ
হয়ে জন্মালে তোমাদের কাছে না
এসে উপায় কি, ভগীরথ কহিলেন।
‘একবার সাইটে যেতে হবে...’

‘এই অমুরোধটি করবেন না, সামস্ত
মশায়, ইটি রাখতে পারব না।’ গঙ্গারাম
গম্ভীর হইয়া কহিল। ‘সেবারে
আপনাদের ওখান থেকে ফিরে ছ’কান
মলেছি আর ও মুখো হচ্ছি না।

‘কেন বল ত ?’ ভগীরথ বিস্মিত
হইয়া কহিলেন। ‘মোটরগাড়ী করে

তুলে নিয়ে গিয়েছিলাম, ছোটবাবু খুশী হয়ে এক টাকা
মজুরি দিয়েছিলেন...’

গঙ্গারাম এক টাকা মজুরির কথা কানে তুলিল না।
কহিল, ‘মোটর চড়িয়ে নিয়ে গিয়েছিলেন বটে, কিন্তু ফিরিয়ে
দিয়ে যাওয়া দরকার মনে করেন নি। কথায় বলে কাজের
সময় কাজী, কাজ ফুরলে পাজী। সেই ছুঁর-রদ্দুরে ঘেমে
তেতে ছ’কোশ পথ হেঁটে আসতে প্রাণান্ত। সেদিন ফিরে
এসেই ছ’কান মলেছি...’

ভগীরথ সামস্ত কনট্রাক্টরের বাবু কর্মচারী। দরকার
হইলে সে বাঘের চোখ সংগ্রহ করিয়া আনিতে পেরে।
নাপিতের অভিমান ভাঙাইতে তাহার কষ্ট হইবে কেন ?

‘কিছু ভেবো না, সামস্ত’ বিশেষ মোলায়েম গলায় কহিলেন,
‘এক বার ক্রটি ঘটেছে বলে সব বারই ক্রটি থেকে যাবে, সেটি
মনে করছ কেন ? এবার গাড়ী করেই ফেরত পাঠাব দেখো।
প্রায় শোখানিক লোক হয় দাড়ি চাঁচবে, নয় চুল ছাঁটাবে—
মজুরিও নেহাত কম হবে না...’

পদ্মাব্য আয়ের পরিমাণে গঙ্গারামের ছই চোখে পলকের
অল্প লুপ্ত ধূনির পলক খেলিয়া গেল। তবু সে উদাসীনের

ভান করিইয়া কহিল, 'ওরে বাবা, এক বেলায় অত মকেল পার করবে কে! চারটের পরে মশায় আমি বাড়ীর বাইরে থাকি নে...'

ভগীরথ মনে মনে কহিলেন, 'নবাব খাজা খাঁ! চারটের পরে হারেমের বাইরে থাকেন না!' কিন্তু প্রকাশ্যে তাহা ঘুণাকরেও জানিতে দিলেন না। মনিব গণেশ রায়ের সম্মান আজ নাপিতের উপর নির্ভর করিতেছে এবং নাপিতের যাওয়া না যাওয়া নির্ভর করিতেছে ভগীরথের মেজাজের উপর। এ অবস্থায় কোনও বেকঁস কথা উচ্চারণ করার উপায় নাই, তা প্ররোচনা যতই তীব্র হউক।

'আরও একজন কাউকে ধরে নিয়ে যেতে পার না?' সামস্ত সবিনয়ে কহিলেন।

'আরে মশায়, ইচ্ছে মত পরামাণিক পাচ্ছেন কোথায়?' গঙ্গারাম তাচ্ছিল্যের সঙ্গে কহিল। 'এ কাজ অত সোজা নয় যে, যে ইচ্ছে সেই পরামাণিক সেজে বসবে।...এক ঐ নিকুঞ্জকে ডাকতে পারতাম। কিন্তু সে ত দিব্যি গেলে বসে আছে। মশানে যাব, ত এ জন্মে আর কাকিনীর মাঠে যাব না। পরসার লোভে সেবার গিয়ে মেহনতে হেদিয়ে ছকুর-বন্দুকে বাড়ী ফিরে সন্দি-গর্মিতে যায় আর কি। পনের দিন যমে-মানুষে লড়াই হয়ে প্রাণটা যখন ধুকধুক করছে, তখন কোনও গতিকে রেহাই পেল।...সে আর ওমুখো হচ্ছে না...'

'তবে তুমিই চল।' ভগীরথ অর্ধেক দমন করিয়া কহিলেন। 'ছ ছটো করে ক্ষুরের টান দিও, তাতে যা কাটে। কুলি ব্যাটারদের খুশি করা বৈ ত নয়... মস্তীর আসার কথা এবং ধর্ম্মবটের ছমকির কথা সামস্ত সম্বন্ধে গোপন রাখিলেন।

'তা যেমন জরুরি ব্যাপার বলছেন, যেতেই হবে।' গঙ্গারাম নরম হইয়া কহিল। কিন্তু ক্রাটনের কাজগুলি না সেরে ত যেতে পারব না, মশায়। আপনারা ছ' মাস ন' মাস পরে একদিন ডাকবেন। আমার বাঁধা ঘরগুলো সারা বছরের খন্দের।...তা ঘণ্টাখানেকের বেশি দেরি হবে না। গাড়ীটা নিয়েই চলুন, তাড়াতাড়ি সেরে নিই। ছ-পাঁচ বাড়ী বৈ ত নয়... অমুমতির অস্তিত্ব না করিয়া গঙ্গারাম গটগট করিয়া মোটরে আসিয়া চড়িল।

এমন অসম্ভব প্রস্তাবও কেউ কখন শুনিয়াছে? কিন্তু রাজী না হইয়া উপায় কি? তাড়াতাড়ি লইয়া বাইবার তাড়া ত ছিলই, তার উপর সবেশন পরামাণিক বেহাত না হইয়া যায়, সেদিকেও নজর রাখা মেহাজ প্রয়োজন।

নাপিত মোটরে চড়িয়া বাড়ী বাড়ী দাড়ি গৌফ কামাইয়া বেড়াইতেছে, এই দৃশ্য হয় ত আমেরিকার পক্ষে বেমানান হইত না। চণ্ডীগ্রামে এমন তাঙ্কব ব্যাপার গ্রামের যত ডেঁপো ছোড়ার কোঁতুহল আকর্ষণ করিবে, এই আর বিচিত্র কি। এই কোঁতুহলী জনতা-পরিবৃত হইয়া এক এক বাড়ীর শার্মানে আধ ঘণ্টা হইতে—সোয়া ঘণ্টা পর্যন্ত অপেক্ষা করা ভগীরথের মত বিবেচক লোকের ধৈর্যের পক্ষেও চূড়ান্ত পরীক্ষা। কিন্তু কিছু বলিবার উপায় নাই। সামান্ততম অনুযোগ করিলেই গঙ্গারাম বলে, 'সারা বছরের মকেল, নিজেকে থেকে কথা ওঠালে চটিয়ে আসতে পারি না, এক আধটু গল্প-গুজব করতেই হয়।...আর বেশী দেরী হবে না, আর ছ'তিনটে বাড়ী মাত্র...'

শেষ বাঁধা মকেলটির পরিচর্যা সারিয়া গঙ্গারাম যখন মোটরে প্রত্যাবর্তন করিল, তখন ভগীরথ অর্ধেক তৃপ্তি ও অর্ধেক ব্যঙ্গের স্বরে কহিলেন, 'এবার রওনা হবার সুবিধা হবে কি?'


'হবে বৈকি।' গঙ্গারাম গদীতে আসীন হইয়া কহিল। 'আপনাদের জরুরি কাজ, তাই তাড়াতাড়ি সেরে নিতে হ'ল। ছ'গণ্টা বাড়ী বাদ দিলুম। এবার রওনা হব বৈ কি। হাতে ষড়ি আছে? সময় ক'টা হ'ল দেখুন ত একবার?'

'সোয়া সাতটায় এসেছিলাম, ভগীরথ গন্তীর হইয়া কহিলেন, 'এখন এগারটা। সামান্ত চার ঘণ্টার ব্যাপার!'

'ক'টা বললেন? এরই মধ্যে এগারটা বেজে গেছে!' গঙ্গারাম উদ্ভিন্ন দৃষ্টিতে তাকাইল। 'তা হলে আর পাঁচ মিনিট অপেক্ষা করে যেতে হবে। বাড়ীতে নেমে চট করে চানটা সেরে নেব...'

'বল কি, আরও দেরি!' ভগীরথ শঙ্কিত কণ্ঠে কহিয়া উঠিলেন। চার ঘণ্টা অপেক্ষা করাইয়াও তোমার তৃপ্তি হইল না,—এই মস্তব্যটি অতিকষ্টে ঠোঁটের উপর চাপিয়া ফেলিলেন। কহিলেন, 'চানটা এখন থাক। সে ব্যবস্থা না হয় সাইটে গিয়ে করে দেব। এতক্ষণ বলছি কি, আমার জরুরি দরকার...আর দেরি হলে ত আমার চলবে না...'

'আপনার জরুরি ব্যাপার, মশায়', গঙ্গারাম তাচ্ছিল্যের সঙ্গে কহিল, 'ইদিকে আমার স্বাস্থ্যটি বিগড়লে তখন কি দেখতে আসি মন! সেবার বর্ত্তনিকুঞ্জ আপনাদের কাছে গিয়ে সন্দি-গর্মিতে সোয়া ঘণ্টা হেঁচকি হেঁচকি হো হইয়াছিল, তখন কি তার জন্মে সোয়া ঘণ্টা সাইপয়সাটি খরচা করেছিলেন? যাই বলুন আর তাই বলুন, এত বেলায় চান না সেরে আমি ছ'কোশের পথ বেয়েতে পারব না।'



পলকে বাগ্‌দীপাড়ার কুলবধুদের শব্দ দিগন্ত কাঁপাইয়া ধ্বনিত হইল।

এখন হাত কামড়াও আর দাঁত কিড়মিড় কর, সুদূর্লভ নবসুন্দরের মর্জি না মানিয়া উপায় নাই। একটা বেকাস কথা উচ্চারণ করিলেই গণেশ রায়ের সম্মান, ভগীরথের কর্মতৎপরতার খ্যাতি এবং মন্ত্রী খাল-খনন-পরিদর্শন ভুল হইয়া যায়।

ভগীরথের নির্দেশেই ড্রাইভার গাড়ি গঙ্গারামের বাড়ির দরজার সামনে হাজির করিল।

অবশেষে যখন সত্যসত্যই কাকিনীর মাঠের দিকে রওনা হওয়া গেল, তখন বেলা প্রায় সাড়ে বারোটা। গঙ্গারাম স্নান সারিয়া ফর্সা জামা গায়ে দিয়া ফিট্‌ফাট্‌ বাবুটি হইয়া আসিয়াছে। খাওয়া-দাওয়াও নিশ্চয়ই সারিয়া লইয়াছে—মেজাজের উন্নতি লক্ষ্য না করিয়া উপায় নাই। তপ্ত দ্বিপ্রহরে বৃষ্টিবিহীন প্রাস্তরের মধ্য দিয়া কাঁচা বাস্তার ধূলা উড়াইয়া মোটরগাড়ী যতই মরীয়ার মত ছুটিতে লাগিল, ততই তার কোঁতুহল এবং প্রশ্ন উদ্দাম হইয়া উঠিল। খাল খুঁড়িয়া কি লাভ হইবে, কোথা হইতে কতদূর পর্যন্ত খননকার্য বিস্তারিত হইবে, নেড়া জমিতে আবাদের কিরূপ সুবিধা হইবে—প্রভৃতি হইতে লাট-বেলাটের সাম্প্রতিক হালচাল সবক্কে কোন প্রশ্নই বাদ পড়িল না। ভগীরথের কাছ হইতে জবাব না পাইলেও তাহার মনস্থিয়া যায় না। তাহার নিজস্ব পলকে সে বকর বকর করিয়া মনস্তত্ত্বের মানসিক অবস্থা সবক্কে কোন তোয়াক্কাই রাখিল না।


‘বেড়ে গাড়িটা কিন্তু আপনার!’ বোধ হয় এতক্ষণ পর ভগীরথের নীরবতা লক্ষ্য করিয়া তাকে খুশি করিবার জন্যই

গঙ্গারাম অবশেষে কহিল—‘এই যে এব্‌ডো-খেব্‌ডো পথের উপর দিয়ে, কাঁটা আর শেকড় মাড়িয়ে হন্ হন্ করে ছুটে চলেছি, একটু টেরও পাওয়া যাচ্ছে না, বরঞ্চ গদির তুলুনিতে তোফা আরাম লাগছে...কিছু ভাববেন না, স্থার, বেলা তিনটের এখনও ঢের দেবি। তার মধ্যে চার পাঁচ গণ্ডা মক্কেলের গণ্ড-মুণ্ডুর ব্যবস্থা না করতে পারি তবে এদিন মিছেই এ ব্যবসা করে আসছি। একটাকে ধরবো, আর গলায় এক এক পোঁচ বসিয়ে ছেড়ে দোব!’ বলিয়া নিজের রসিকতায়ই সে উচ্চ হাস্য করিয়া উঠিল।

গঙ্গারামের গলায়ই ভগীরথের এই পোঁচটি দিতে ইচ্ছা হইতেছিল, অতিকষ্টে নিজেকে সংবরণ করিয়া সে একটু ফিকা হাসি হাসিল মাত্র।


‘গিন্নী বলছিল’, গঙ্গারাম উদারতার সঙ্গে জানাইল, ‘কাকিনীর মাঠের বাবুরা ভাল কোয়াটারের ব্যবস্থা করে দিতেন, তবে না হয় ক’মাস ওদের ওখানে গিয়েই থাকতুম। কিন্তু আমি বললাম, শুধু কোয়াটার আর পয়সার দিক দেখলেই তো চলবে না গিন্নী, ওস্তাদ কারিগরের কাজের ওখানে কি রকম কদর, তার ওপরই সাওয়া না-সাওয়া নির্ভর করছে। আরে, এরই মধ্যে এসে গেলাম দেখছি!... ওটা কি মশায়, ফুল, পাতা, শিশেন সাজিয়ে এক পেলাই ফটক খাড়া করেছেন দেখছি...কি ব্যাপার...?’

‘ওটা’, ভগীরথ কাকিনীর মাঠের প্রবেশ-মুখের সুসজ্জিত অভ্যর্থনা-তোরণটার দিকে একবার দৃষ্টিপাত করিয়া হিংস্র-গম্ভীর স্বরে কহিলেন, ‘তোমারই অভ্যর্থনার সামান্য আয়োজন! গুলীলোকের কদর আর কি?...’



মুগয়া
ঐনীহাবরজুন সনৎ৪৪

প্রবাসী প্রেস, কলিকাতা



নিউদিল্লীতে রাষ্ট্রপতি রাজেন্দ্রপ্রসাদ কর্তৃক ওস্তাদ আলাউদ্দীনকে সনদ প্রদান




মন্ত্রী-অভ্যর্থনাকারীদল বেলা বারটার আগে হইতেই প্রস্তুত হইয়া আছে। উৎসাহে একেবারে টগ্‌বগ্‌ করিতেছে। সম্মানিত অতিথি-মহোদয় যখনই আসিয়া পৌঁছান না কেন, তাহাদের দৃষ্টি বা অভ্যর্থনা এড়াইয়া যাইতে পারিবেন না। এমন সময় দূরে দেখা গেল নতুন চক্‌চকে প্রকাণ্ড মোটরগাড়ী, সকলে উদ্‌গ্ৰীব ও প্রস্তুত হইল। গাড়ীর আরোহীরাও এইবার নজরে আসিয়াছে। ম্যানেজার ভগীরথ সামস্তের পাশে ফর্সা পাঞ্জাবী গায়ে ভারিকী চালে গদীতে পিঠ এলাইয়া হাঁটুর উপরে হাঁটু রাখিয়া একজন বসিয়া আছেন। গাড়ীর চালকের মাজসজ্জাই বা কি আড়ম্বরপূর্ণ! মুহূর্তে দলের নেতার সঙ্কেত ছুটিয়া আসিল। পলকে বাগদীপাড়ার কুলবধূদের শঙ্খ দিগন্ত কাঁপাইয়া ধ্বনিত হইল; সাঁওতাল

এবং বুনোদেরও মুহূর্তে দেরি হইল না, কাড়া-নাকাড়া-দামামার সম্মিলিত আওয়াজে কাকিনীর মাঠ প্লাবিত হইয়া গেল। তোরণের চূড়ায় অদৃশ্য জায়গায় যাহারা পুষ্প-বর্ষণের জন্ত মিয়োজিত ছিল, তাহারা নিশানা লক্ষ্য করিতে একটুও ভুল করিল না; মোটরগাড়ী তোরণের তলায় পৌঁছানোমাত্র ধামা ধামা ফুল সম্মানিত অতিথির উপর শ্রাবণের রষ্টির মত ঝরিয়া পড়িল।

শুণীর শুণের তারিফ করিবার লোকের তবে অভাব নাই! গঙ্গারাম প্রকৃতই খুশি হইল। সে স্থির করিল, উপযুক্ত 'কোয়ার্টার'র পাইলে ক'মাসের জন্ত সে কাকিনীর মাঠে আসিয়াই বাস করিবে।

প্রাচীনযুগে মিথিলা

ডক্টর শ্রীবিমলাচরণ লাহা



মিথিলা বিদেহরাজ্যের রাজধানী। ইহার অপরা নাম ছিল তীরভুক্তি। বর্তমানে ইহা তিরহুত নামে খ্যাত। শ্রীকৃষ্ণ ভীম ও অর্জুন সহ ইন্দ্রপ্রস্থ হইতে রাজগৃহে যাইবার পথে এখানে আসেন। জৈনধর্মের প্রতিষ্ঠাতা মহাবীর বিদেহের অধিবাসী ছিলেন। তিনি বিদেহ নাম লইয়া এখানে ত্রিশ বৎসরকাল বাস করেন। মহাবীরের মাতার নাম ছিল বিদেহদত্তা। মিথিলা পঞ্চগোড়ের অন্ততম। মগধের সভ্যতার পতন হইলে মিথিলা হইতে শ্রায়দর্শন বাংলার নবদ্বীপে আসিল। ইহাতে বাংলার খ্যাতি বাড়িয়া গেল। মুসলমান কর্তৃক ভারত বিজয়ের পর গঙ্গেশ মিথিলায় নব্য-শ্রায়ের টোল খুলিলেন এবং মিথিলা হইতেই ইহা বঙ্গদেশে বিস্তারলাভ করে।

বাংলা, আসাম ও উড়িষ্যার বৈষ্ণব কবি ও ধর্মপ্রচারক-গণের অগ্রগণ্য বিখ্যাত কবি ও গায়ক বিদ্যাপতি মিথিলার অধিবাসী। নেপালের সীমানার মধ্যে অবস্থিত বর্তমান জনকপুর ও প্রাচীন মিথিলা অভিন্ন। মজঃফরপুর ও দ্বারভাঙ্গা জেলা ইহার উত্তরে অবস্থিত। বিল সাহেবের মতে জনকপুর চৈনিক চেনশুনা নামে পরিচিত। হিমালয় প্রদেশের অন্তর্গত নেপালের পাদদেশে বিদেহরাজ্য ছিল। বিদেহরাজ জনকের রাজত্বকালে রাজধি বিশ্বামিত্র রাম ও লক্ষ্মণকে সঙ্গে লইয়া অযোধ্যা হইতে চারি দিবসে মিথিলায় আসিয়া পৌঁছান। পশ্চিমধ্যে তাঁহারা বিশালায় এক রাত্রি বাসন করেন।

মিথিলা বৈশালী হইতে প্রায় পঁয়ত্রিশ মাইল উত্তর-পশ্চিমে ছিল। আরও জানা যায়, মিথিলা অঙ্গের রাজধানী চম্পানগরী হইতে ষাট যোজন দূরে বিদ্যমান ছিল। বুদ্ধ কোণাগমনের সময়ে মিথিলা-রাজ্য পর্বতের রাজধানী ছিল। পূর্বে কোশী নদী, দক্ষিণে গঙ্গা, পশ্চিমে সদানীরা বা রাশ্টি নদী এবং উত্তরে হিমালয় পর্বতশ্রেণী দ্বারা তীরভুক্ত (বর্তমান তিরহুত) বেষ্টিত ছিল। শতপথব্রাহ্মণের মতে ঔপনিবেশিক মাথাববিদেঘের নাম হইতে বিদেহ নামের উৎপত্তি। সুপ্রসিদ্ধ বৌদ্ধ টীকাকার বুদ্ধঘোষ বলেন, পূর্ব-বিদেহ হইতে আগত প্রাচীন বাসিন্দা (বসবাসকারী) হইতেই বিদেহ নাম আসিয়াছে। মহাভারতে এদেশকে ভদ্রাস্বর্ষ বলা হইয়াছে।

রামায়ণের মতে, রাজধানী ও দেশ উভয়ই মিথিলা নামে খ্যাত ছিল। বিখ্যাত চীন পরিব্রাজক হুয়াংচুয়াং বলেন যে, বিদেহ ও বিহারের অন্তর্গত বর্তমান তিরহুত অভিন্ন। মিথিলা নামটির উৎপত্তি সম্বন্ধে বিষ্ণুপুরাণে একটি মনোরম কাহিনী পাওয়া যায়। বশিষ্ঠ ইন্দ্রের যজ্ঞ সমাপ্ত করিয়া রাজা নিমির যজ্ঞ আরম্ভ করিতে মিথিলায় গমন করেন। সেখানে পৌঁছিয়া তিনি দেখিতে পান যে, রাজা নিমি যজ্ঞ সম্পন্ন করিয়া পৌঁছিতে নিষুক্ত করিয়াছেন। রাজাকে নিদ্রিত দেখিয়া তিনি এইভাবে তাঁহাকে অভিযোগ দেন—রাজা নিমি বি=বিগত, দেহ=শরীর অর্থাৎ অশরীরী হইবেন, কেননা তিনি বশিষ্ঠকে ত্যাগ করিয়া পৌঁছিতে

নিযুক্ত করিয়াছেন। নিদ্রাভঙ্গের পর রাজাও অভিশাপ দেন—যেহেতু বশিষ্ঠ নিদ্রিত নরপতিকে অভিশাপ দিয়াছেন, অতএব তিনি নিজেও ধ্বংসপ্রাপ্ত হইবেন। ঋষিগণ নিমির মৃতদেহ মন্ডন করিলে মিথি নামে এক পুত্র জন্মে। এই মিথি নাম হইতে মিথিলা নাম আসিয়াছে এবং নৃপতিগণ মৈথিল নামে খ্যাত হইয়াছেন। ভবিষ্যপুরাণে উক্ত হইয়াছে, নিমির পুত্র মিথি এই মিথিলা নগরীর প্রতিষ্ঠা করেন। নগরীর প্রতিষ্ঠাতা হিসাবে তাঁহার অপরা নাম হয় জনক। আবার কাহারও কাহারও মতে গোবিন্দ কতৃক এই রাজধানী মিথিলা সহ পৃথক সীমানা বেষ্টিত বিদেহ রাজ্য গঠিত হয়। মিথিলা নগরীর পূর্ব, দক্ষিণ, পশ্চিম ও উত্তর এই চারিটি দ্বারে পণ্য-দ্রব্যের বাজারসহ চারিটি উপনগর গড়িয়া উঠে। বিদেহরাজ্যে বহু গ্রাম, ভাণ্ডার-গৃহ এবং নর্তকী ছিল।

মিথিলায় বহু হস্তী, অশ্ব, বথ ও গোমেষাদি পশু ছিল। ইহা ব্যতীত স্বর্ণ, রৌপ্য, মণিমুক্তাদিসহ প্রভূত সম্পদও ছিল। সুবিপুল সুগঠিত মনোহর নগরীটি প্রাচীর, তোরণ, প্রাকার, উদ্যান ও জলাশয়ের দ্বারা সুশোভিত ছিল। বহুজনশ্রুত বিদেহরাজ্যের রাজধানী মিথিলা সত্যই আনন্দ-পুরী (আনন্দপূর্ণ নগরী)। এখানে পটুবস্ত্র-পরিহিত ব্রাহ্মণগণ চন্দনচর্চিত দেহে মণিমুক্তার অলঙ্কার ধারণ করিতেন। সুশোভিত প্রাসাদসমূহে রাজ্যীগণ উত্তম পরিচ্ছদ ও কিরীট পরিধান করিতেন। হিমালয়ের তুষারমণ্ডিত শিখরের পশ্চাদভাগে গঙ্গার উত্তর তীরে অবস্থিত এই নগরীটি উর্বর ও শান্তিপূর্ণ ছিল। এই নগরীটি উচ্চ প্রাচীর-বেষ্টিত ছিল। ইহা সুরক্ষিত এবং বিদেহরাজ জনকের যজ্ঞ-পুত্র হইয়াছিল। এই সুরম্য নগরীটিতে সুনির্মিত অনেক-গুলি রাজপথ ছিল। এখানকার অধিবাসীরা স্বাস্থ্যবান ছিল এবং ইহারা উৎসবগুলিতে যোগদান করিত। মহাসম্মত হইতে আরম্ভ করিয়া গৌতম বুদ্ধের পিতা শুক্লোধন পর্য্যন্ত যে সব সূর্যবংশীয় রাজা মোট উনিশটি নগরের উপর রাজত্ব করিয়াছেন, মিথিলা সেই নগরীগুলির মধ্যে অন্যতম। মিথিলায় লক্ষ্মীহর নামে এক চৈতন্য মহাগিরি শিক্ষকেরা বাস করিতেন। বারাণসীপ্রমুখ রাজ্যের সহিত বাণিজ্যের ফলে বিদেহরাজ্যের সমৃদ্ধি বৃদ্ধি হয়। বুদ্ধের সময়ে বিদেহ বাণিজ্যকেন্দ্র ছিল। কথিত আছে, শ্রাবস্তী হইতে লোকেরা জিনিষপত্র বিক্রয় করিতে বিদেহরাজ্যে আসিত। শ্রাবস্তী নগরীর অধিবাসী জনৈক বৃদ্ধশিষ্য বহু মালপত্র লইয়া বাণিজ্য করতে বিদেহরাজ্যে আসেন।

রামায়ণে উল্লিখিত হইয়াছে যে, মিথিলা আদিপুরুষ হইতেছেন নিমি। এই নিমির পুত্র মিথি এবং পৌত্র প্রথম জনক। সীতার পিতা ছিলেন দ্বিতীয় জনক। বৃহদারণ্যক

উপনিষদে রাজর্ষি জনকের কথা বর্ণিত আছে। মিথিলায় রাজবর্গ উচ্চশিক্ষিত ছিলেন। রাজর্ষি জনক ব্রাহ্মণ্যযুগের অন্যতম শ্রেষ্ঠ মনীষী। তিনিই মিথিলায় শ্রেষ্ঠ রাজা। তিনি মিথিলায় রাজস্বয় যজ্ঞ করেন। মিথিলায় প্রজাগণ তাঁহাকে খুব মান্য করিত। তিনি অযোধ্যার রাজা দশরথের পুরাতন বন্ধু। রাজা জনক শুধু রাজা ও যাজ্ঞিক হিসাবে শ্রেষ্ঠ ছিলেন তাহা নহে, তিনি কৃষ্টি ও দর্শনের শ্রেষ্ঠ পৃষ্ঠপোষকও ছিলেন। অশ্বল, জারৎকারব, আর্তভাগ, গার্গী, বাচকনবী, উদালক আরুণি, বিদগ্ধ সাকল্য এবং কহোড় কৌশীতকেয় প্রমুখ সুপণ্ডিতগণ তাঁহার সভা অলঙ্কৃত করিয়াছিলেন। জনকের কন্যা সীতার পাণিপ্রার্থী হইয়া বহু রাজা জনকের রাজসভায় গমন করেন। রাম হরধনু ভঙ্গ করিয়া সীতাকে লাভ করেন। ইহাতে অগ্ন্যাগ্ন নরপতিগণ ক্রুদ্ধ হন। পরশুরাম ইহার প্রতিশোধ লইতে রামের বিরুদ্ধে অগ্রসর হইলেন। অতঃপর বশিষ্ঠ, বিশ্বামিত্র, শতানন্দ, জনক, দশরথ প্রভৃতির চেষ্টায় যুদ্ধ বন্ধ হয়। পরশুরাম পরাস্ত হইয়া বিজয়ী রামচন্দ্রের প্রতি সম্মান প্রদর্শন করিয়া-ছিলেন, এবং রামচন্দ্রও পরাজিত পরশুরামের চরণে পতিত হইয়া আশীর্ব্বাদ ভিক্ষা করেন।

রাজর্ষি জনক হইতে এই বংশের নাম জনকবংশ হয়। রাজা কীর্ত্তির সময় হইতেই জনকবংশের অবসান ঘটে। বিদেহ নামে পরিচিত ইক্ষ্বাকুপুত্র নিমি হইতেই বিদেহ রাজবংশের উৎপত্তি হয়। তিনি এক বিখ্যাত নগরে বাস করিতেন। কথিত আছে যে, এই রাজবংশ অযোধ্যা, মিথিলা, গয়া প্রভৃতি নগরে প্রতিষ্ঠা লাভ করে। বিদেহ এবং মিথিলায় রাজবংশ সূর্যবংশের একটি শাখা মাত্র। মিথিলায় রাজারা উচ্চশিক্ষিত ছিলেন। বৌদ্ধযুগে রাজা সুমিত্র ধর্ম্মশাস্ত্রজ্ঞ ছিলেন। বিদেহ নামে মিথিলায় জনৈক রাজা চারি জন মুনির নিকট হইতে ধর্ম্মশাস্ত্র শিক্ষা করেন। ইহার পুত্র তক্ষশিলায় বিদ্যালভ করেন।

ইহা ব্যতীত আমরা মিথিলায় অগ্ন্যাগ্ন রাজাদিগের কথা অনেক কিছু জানিতে পারি। মিথিলায় রাজা অঙ্গটির তিন মন্ত্রী ছিল। পর্কদিবসে মিথিলা নগরী ও রাজপ্রাসাদ দেবনগরীর তুল্য সজ্জিত হইত। রাজা জিয়সন্ত (অর্থাৎ কোশলরাজ প্রসেনজিৎ) বিদেহ রাজ্যের রাজধানী মিথিলা শাসন করিতেন। বিদেহের অপর এক রাজা চের্টক লিচ্ছবিগণের শক্তিশালী নেতা ছিলেন। তাঁহার কন্যা চেল্লনার সহিত মগধরাজ বিম্বিসারের বিবাহ হয়। ইহাদের পুত্রের নাম ছিল অজাতশত্রু। বিদেহরাজ নিমি পুত্রকে সিংহাসনে বসাইয়া সংসার ত্যাগ করেন। মিথিলারাজ্য ত্যাগ করিয়া তিনি নির্জন স্থানে গমন করেন। তিনি

বলিতেন লোকে অনায়াসে শান্তি পায় এবং প্রকৃত অপরাধী ব্যক্তি মুক্তি পাইয়া থাকে। আত্মজয়ী পুরুষ সুখী হন। প্রত্যেকেই ব্রহ্মচর্য পালন করা কর্তব্য। রাজা মাথব সংসার ত্যাগ করেন। প্রাচীন বৌদ্ধনিকায়ের মতে এই সময়ে ভারতবর্ষ সাতটি রাজনৈতিক বিভাগে বিভক্ত হয়—মিথিলা ইহাদের অন্যতম।

পুরাণে উক্ত হইয়াছে যে, মগধের নৃপতিগণের সহিত মিথিলার রাজবর্গের উন্নতি ঘটিয়াছিল। জানা যায়, মিথিলায় পুষ্পদেব নামে এক রাজা ছিলেন। তাঁহার চন্দ্র ও সূর্য নামে দুই ধার্মিক পুত্র ছিল। মিথিলার দানশীল নরপতি বিজিতাবী রাজ্য হইতে নিষ্কাসিত হইয়া হিমালয়ের সন্নিকটে একটি পর্ণকুটীরে আশ্রয় লন। ইহা ব্যতীত আরও অনেক রাজা মিথিলায় বাস করিতেন। নমিসাপা নামে মিথিলায় আর এক রাজা ছিলেন।

মহাভারতে উক্ত আছে, কর্ণ দ্বিগ্বিজয়কালে মিথিলা জয় করেন। মিথিলার ঞায়বান রাজা সাধিন বহুকাল সুখে বাস করিয়াছিলেন। তিনি ছয়টি ভিক্ষাগৃহ নিৰ্মাণ করেন এবং প্রত্যহ বহু অর্থ দান করিতেন। মিথিলায় মহাজনক নামে আর এক রাজা ছিলেন। কৈবর্ত (মাহিষ্য) বেদধল-কারীকে পরাভূত করিয়া পালবংশের রাজা রামপাল মিথিলা জয় করেন। বৈদ্যদেবের কামৌলি শিলালিপিতে মিথিলা-জয়ের উল্লেখ আছে। বঙ্গদেশের সেনরাজগণের বরেন্দ্র ও মগধজয়ের পর নাগদেবের নেতৃত্বে বিদেহে এক রাজবংশের প্রতিষ্ঠা হইয়াছিল বলিয়া মনে হয়।

জৈনধর্মের প্রবর্তক বর্দ্ধমান মহাবীরের আগমনে মিথিলা

ধন্য হয়। রাজা মধাদেব জগতের অনিত্যতা উপলব্ধি করিয়া ভিক্ষু হন এবং উচ্চস্তরের অন্তর্দৃষ্টি লাভ করেন। ধার্মিক রাজা সাধিন পঞ্চশীল এবং উপবাসের ব্রত পালন করিতেন। মিথিলার অপুত্রক রাজা সুরুচীর বিধবা পত্নী সুরমেধা সন্তান লাভের জন্ত অষ্টশীল পালন করেন এবং সদৃশ্যের ধ্যান করেন। অতঃপর তিনি পুত্রলাভ করেন।

ভারতীয় মুনিগণের ইতিহাসে বিদেহ রাজ্য একটি উচ্চ-স্থান লাভ করিয়াছে। বুদ্ধদেব মিথিলায় বাসকালে মধাদেব ও ব্রহ্মায়ু সূত্র প্রচার করেন। বাসিষ্ঠি নামে এক থেরী মিথিলায় বুদ্ধের দর্শনলাভ করে ও তাঁহার বাণী শ্রবণ করিয়া সজ্জ্ব যোগদান করে। বুদ্ধ কোণাগমন ও পদুমত্তর মিথিলা ধর্মপ্রচার করেন। ভাগবত পুরাণে উক্ত হইয়াছে যে, মৈথিলগণ আত্মবিদ্যায় পারদর্শী ছিলেন। বৌদ্ধযুগে বিদেহে ব্রাহ্মণ্যধর্ম প্রবল ছিল। বিদেহ এবং মিথিলায় বুদ্ধের ধর্ম-প্রচারকার্য্য কিরূপ চলিয়াছিল এ বিষয়ে বৌদ্ধনিকায় হইতে কিছু জানিতে পারা যায় না। ভগবানে বুদ্ধ মিথিলা মধাদেবের আত্মকুঞ্জ অবস্থিতিকালে বুদ্ধ ব্রাহ্মণ আচার্য্য ব্রহ্মায়ুকে বৌদ্ধধর্মে দীক্ষিত করেন। মিথিলার রাজা রাজধি জনকের কথা পূর্বেই উক্ত হইয়াছে। রাজা জনক সম্বন্ধে একটি শ্লোক কথিত আছে—‘মিথিলায়াং প্রদীপ্তায়াং ন মে দহতি কিঞ্চন’—মিথিলা অগ্নিদগ্ন হইতে দেখিয়া রাজা জনক বলিয়াছিলেন, ইহাতে আমার কিছুই দগ্ন হইতেছে না। জৈন উত্তরাধ্যয়ন সূত্রে রাজা নমি সম্বন্ধে এরূপ একটি উক্তির উল্লেখ পাওয়া যায়।

বিরহে

শ্রীকালিদাস রায়

দৌহারেই তুমি হেরিছ নয়নে উর্ধ্ব গগনে বসি,
দৌহার বারতা হৃদয়ের ব্যথা তুমি ভালো জানো শশী।
তোমা পানে চেয়ে মোরা মনে মনে
যত লিপি লিখি বিরহ-শয়নে
তুমি বহু সবি, তাই তো তোমার বৃকে মাথা তারি মসী ॥

কিস্তি বন্ধু, মোদের বিরহে এত কেন তব হাসি ?
হাসি পায় তব হেরি আমাদের এই ভালবাসাবাসি
তুমি ভাব' বুঝি মিলনে বিরহে
প্রেমের ভুবনে প্রভেদ কি রহে ?
ভেদবুদ্ধিটা মোদের ভ্রান্তি প্রেম যদি অবিনাশী

তোমারি ভ্রান্তি, মানুষের সাথে নেই তব পারচয়,
প্রিয়ার বিরহ কত যে অসহ জান না তা মহাশয়।

জান না বন্ধু শরীরীর কাছে

মিলনে বিরহে ভেদ খুবই আছে।

বিচারে তোমার ভেদ না থাকুক, ব্যথা ত মিথ্যা নয়।



কটকের 'সেন্টাল ইণ্ডিয়ান ফিসারিজ রিসার্চ স্টেশনের সচিব সংশ্লিষ্ট জলাধার সমন্বিত চালাঘর। এখানে ডক্তরের হুণ্ডার
সম্পর্কে পরীক্ষাকার্য চালানো হয়

মৎস্যের চাষ

শ্রীদেবেন্দ্রনাথ মিত্র

গত যুদ্ধের সময় হইতেই মাছের আমদানী কম হইতেছে এবং উহার মূল্য বৃদ্ধি পাইয়াছে; মাছের আমদানী বাড়াইবার জন্ত সরকারী মৎস্য বিভাগ বহু পরিকল্পনা গ্রহণ করিয়াছেন এবং বহুস্থানে ঐ সকল পরিকল্পনা অনুসারে মাছের উৎপাদন বাড়াইবার চেষ্টা চলিতেছে। এমন কি গভীর সমুদ্রে মৎস্য ধরивার জন্ত "ট্রলারের"ও ব্যবস্থা হইয়াছে। এই সকল প্রচেষ্টার ফলে মৎস্যের উৎপাদন কত পরিমাণ বাড়িয়াছে তাহার সঠিক হিসাব জানি না; তবে এইমাত্র বলিতে পারি যে, যদিও বর্তমানে মৎস্যের দাম পূর্বাপেক্ষা কমিয়াছে তথাপি উহা এখনও মধ্যবিত্ত শ্রেণীর ক্রয়-ক্ষমতার বাহিরেই আছে; তরিতরকারীর দামের তুলনায় মাছের দাম কমে নাই। এই প্রসঙ্গে ইহা বলা বোধ হয় অসঙ্গত হইবে না যে, সরকারী পরিকল্পনার সুযোগ ও সুবিধা অনেক ক্ষেত্রেই পল্লীবাসিগণের গ্রহণ করা অসম্ভব। নিজের ব্যক্তিগত অভিজ্ঞতা হইতেই এই কথা বলিতেছি। প্রবাসীর নিয়মিত পাঠকগণ পূর্ববর্তী সংখ্যা হইতে আমার অভিজ্ঞতার বিবরণ পাইয়াছেন। বর্তমান প্রবন্ধে উহার পুনরুল্লেখ নিম্নপ্রয়োজন।

যাহা হউক, আমাদের নিজেদের চেষ্টায় পল্লী-অঞ্চলে জলাশয়গুলিতে মাছের উৎপাদন অনেক পরিমাণে বাড়াইতে পারি। নয়-দশ বৎসর পূর্বে যখন "অধিকতর খাদ্য উৎপাদন আন্দোলনের" বিশেষ কর্মচারী ছিলাম, তখন মৎস্য বিভাগের তদানীন্তন অধিকর্তা ডক্টর এস. এল. হোরা মহাশয়ের উপদেশ ও সাহায্যে মৎস্য উৎপাদন বৃদ্ধি সম্পর্কে প্রচারকার্য চালাইয়াছিলাম। এ সম্বন্ধে ডক্টর হোরা বিশেষ উৎসাহী ছিলেন। ইনি পল্লী-অঞ্চলে জলাশয়গুলিতে মৎস্য উৎপাদনের অধিকতর বৃদ্ধির উপর বিশেষ জোর দিতেন। অধিকাংশ ক্ষেত্রেই তাঁহার উপদেশগুলি পল্লী-অঞ্চলবাসিগণ অনায়াসে গ্রহণ করিয়া মৎস্যের উৎপাদন বাড়াইতে পারেন। বর্তমান প্রবন্ধে তাঁহার কতকগুলি উপদেশের সারাংশ দেওয়া হইতেছে।

প্রথমেই বলা প্রয়োজন অল্পে আমাদের শরীরের পুষ্টি ও ক্ষয় পূরণের উপযোগী যে সকল উপাদানের অভাব থাকে, মাছ, মাংস প্রভৃতির দ্বারা তাহাদের পূরণ করিতে হয়, সুতরাং "অন্নজীবীদের পক্ষে মাছের একান্ত প্রয়োজন আছে। পুষ্টি-কর খাদ্য হিসাবেও মাছের চাষ বাড়ানো একান্ত আবশ্যিক।

মাছের চাষে ব্যয় অপেক্ষা আয়ের পরিমাণ খুব বেশী। তবে মাছ সহজে এবং অল্প সময়ের মধ্যে নষ্ট হইয়া যায় বলিয়া উহার সংরক্ষণ এবং উহাকে দ্রুতভাবে এক স্থান হইতে অন্যস্থানে পাঠাইবার ব্যবস্থা করা দরকার; তাহা করিতে পারিলে মৎস্য-চাষে ক্ষতিগ্রস্ত হইবার কোনই কারণ নাই। দেশের সকল স্থানের জলাশয়গুলিতে মৎস্য সংরক্ষণ করিতে পারিলে প্রত্যেক স্থানই মৎস্য সম্বন্ধে আত্মনির্ভরশীল হইবে।

বাংলাদেশে বর্ষাকালে ধানের ক্ষেতে ও ছোট ছোট পুকুরে, খালে-বিলে রুই, কাংলা, মুগেল প্রভৃতি মাছের পোনা যথেষ্ট পরিমাণে পাওয়া যায়; সেইগুলি সংগ্রহ করিয়া জলাশয়ে ছাড়িয়া দিলে মাছের চাষ বাড়ানো যায়। ধানের ক্ষেতে স্বাভাবিকভাবে যে মাছ উৎপন্ন হয় তাহার প্রতি সামান্য যত্ন লইলেও অনেক পরিমাণে মাছ পাওয়া যাইতে পারে। এইরূপে ধানের ক্ষেতেও মাছের চাষ করা যায়।



ডেরিস পাউডারের দ্রব প্রস্তুতি

আবহমানকাল হইতে বাংলাদেশে মাছের চাষ চলিয়া আসিলেও চাষের প্রণালীর অতি অল্প উন্নতিবিধান হইয়াছে। মৎস্যের চাষ সম্পর্কে কয়েকটি উল্লেখযোগ্য বিষয় আছে। এই সকল বিষয়ের প্রতি লক্ষ্য রাখিয়া চাষ করিলে খুবই লাভবান হইবার সম্ভাবনা। অনেক স্থলে এই সকল বিষয় সম্পর্কে অনভিজ্ঞ হওয়ার জন্য মাছের চাষে হতাশ হইতে হয়। প্রধান বিষয়গুলি হইতেছে—

১। বোয়াল, সোল, ল্যাটা, চিতল প্রভৃতি যে সকল মাছ—মাছ খাইয়া থাকে সেগুলিকে সম্পূর্ণ নিঃশেষ করিয়া সরাইয়া না লইলে উহারা মাছের ডিম বা পোনা খাইয়া ফেলে এবং সেই কারণেই বহু জলাশয়ে প্রচুর মাছের পোনা ছাড়িয়াও পরে বেশী পরিমাণে মাছ পাওয়া যায় না। সেইজন্য

মাছ ছাড়িবার পূর্বে পুকুরে জল টানিয়া কিংবা গ্রীষ্মকালে উহার জল শুকাইয়া ফেলিয়া যতদূর সম্ভব এই সকল মাছের



হাওড়া স্টেশন হইতে বোম্বাই মেলের একটি তৃতীয় শ্রেণীর বিজার্ড করা কামরায় ভূপালে 'মৎস্য-বীজ' চালান


পুকুর হইতে সরাইয়া ফেলা উচিত। ইহা ছাড়া অনন্তকাল ধরিয়া পুকুরে জল ভর্তি করিয়া রাখার জন্ত অতি শীঘ্র শীঘ্র এবং যথেষ্ট পরিমাণে মাছ কমিয়া যায়। পুকুরে জল অল্প দিনের জন্তও শুষ্ক করিয়া রাখিলে মাছের চাষের পক্ষে উহা অধিকতর উপযোগী হয়।

২। মৎস্য চাষের জন্ত গভীর পুকুর খননের প্রয়োজন নাই। অভিজ্ঞতার ফলে জানা গিয়াছে যে, পুকুরের বা জলাশয়ের অগভীর অংশই মাছের চাষের পক্ষে বেশী উপযোগী। নূতন পুকুর খনন করিবার পর কিছুকাল ফেলিয়া রাখিয়া পরে উহাতে মাছ ছাড়া উচিত।



ট্রেণে চালান দিবার জন্ত মাটির পাত্রে মাছের পোনা ভর্তি এবং এরোপ্লেনে চালান দিবার জন্ত টিনের পাত্রগুলি অক্সিজেন-মিশ্রিত জলদ্বারা পূর্ণ কর হইতেছে

৩। কচুরিপানা এবং অন্যান্য জলজ ঘাস জলাশয় হইতে নিষ্কৃত করিতে হইবে। কাঁজ পানা, কলমী শাক প্রভৃতি কয়েকটি উদ্ভিদ মাছের খাদ্য সরবরাহে বিশেষ সাহায্য করিয়া থাকে; সেগুলি সরানো উচিত নহে। যদিও মাছের ছায়ার জল জলের উপর কিছু জলজ উদ্ভিদের প্রয়োজন আছে কিন্তু উহাদের পরিমাণ বেশী হইলে এবং উহারা সমস্ত জলতল ছাইয়া ফেলিলে উহাদের পরিষ্কার করিয়া ফেলিতে হইবে।



মহানদী জলসেচের পাল হইতে মাছের চারা সংগ্রহ

৪। মাছের ডিম প্রথমেই পুকুরে না ছাড়িয়া উহাকে প্রথমে একটি ক্ষুদ্র জলাশয়ে ফুটাইয়া একটু বড় করিয়া পুকুরে ছাড়া উচিত। কারণ ঐ সকল ডিমের মধ্যে সোল, বোয়াল, ল্যাটা, চিতল প্রভৃতি মৎস্যভুক মাছের ডিমও থাকিতে পারে। পোনাগুলি আঙ্গুল প্রমাণ হইলে তাহা হইতে ঐ সকল মৎস্যভুক মাছের পোনা বাছিয়া লইয়া পুকুরে ছাড়াই নিরাপদ। ডিম ফুটাইবার জন্ত আট ফুট লম্বা, আট ফুট চওড়া এবং দেড় ফুট গভীর জলাশয়ই যথেষ্ট। চক্ষিণ হইতে ছত্রিশ ঘণ্টার মধ্যেই ডিমগুলি ফুটিয়া যাইবে; তখন কাপড় দিয়া ছাঁকিয়া লইয়া উহাদিগকে তিনচারি ফুট গভীর একটি ক্ষুদ্র জলাশয়ে ছাড়িয়া দেওয়া উচিত এবং উহাদের খাদ্য হিসাবে তাহাতে সামান্য পরিমাণ গোময়, খৈল বিচালি, গুকনা পাতা প্রভৃতি সার হিসাবে প্রয়োগ করিলে ভাল হয়। যতদিন পর্যন্ত পোনাগুলি পুকুরে ছাড়িবার উপযুক্ত না হয় ততদিন উহাদিগকে ঐভাবে পালন করিতে হইবে। শীতকালে তিন হইতে ছয় ইঞ্চি পরিমাণে লম্বা পোনা পাওয়া যায়; সেরূপ পোনা সংগ্রহ করিতে পারিলে উপরোক্ত নিয়মে পালন করিবার প্রয়োজন হয় না।

৫। পুকুরের আয়তন, গভীরতা এবং মাছের খাদ্যের

পরিমাণের হিসাব করিয়া মাছ ছাড়িতে হইবে। মোটামুটি ভাবে বলিতে পারা যায় যে প্রত্যেক মাছের জন্ত অন্ততঃ এক গ্যালন বা পাঁচ সের জল থাকা আবশ্যিক অথবা ছয় ফুট গভীর স্থান দরকার এবং উপযুক্ত পরিমাণ খাদ্য থাকাও চাই। পুকুরের তুলনায় মাছ সংখ্যায় খুব বেশী হইলে সফল পাওয়া যায় না।

৬। মাছের যাহা খাদ্য অর্থাৎ জলজ উদ্ভিদ, কীট, পোকা মাকড় ইত্যাদি তাহা জলে এবং জলের তলায় থাকা



পরীক্ষণের জন্ত কটকের ফিসারিজ রিসার্চ সার্ভিশনের একটি পুকুর হইতে জাল দিয়া মাছের পোনা ধরা

দরকার। স্বল্প গভীর জলাশয়ে ঐ সকল জলজ উদ্ভিদ সহজেই বৃদ্ধি হয়। পরে উহারা জলের তলায় চলিয়া যায় এবং সেখানে বিস্তৃত হইয়া পোকামাকড়ের আহার জোগায়। এই সকল পোকা মাকড় জলজ উদ্ভিদই পরে মাছের খাদ্য হয়। সকল পুকুরের জল সমান নহে বলিয়া মৎস্যের আকারেরও তারতম্য দেখা যায়। সকল মাছও একই প্রকার খাদ্যে পুষ্ট হয় না। মৃগেল মাছের পক্ষে জলাশয়ের তলদেশের জৈব খাদ্যই উপকারী, কিন্তু কুই কাংলার পক্ষে পুকুরের কিনারায় ভাসমান উদ্ভিদ খাদ্যই ফলপ্রদ। কৃত্রিম খাদ্য সরবরাহ করিলেও ভাল ফল পাওয়া যায়।

৭। গ্রীষ্মকালে অথবা মাছগুলি আট-দশ মাসের হইলে জলাশয়ে মাঝে মাঝে জালটানা আবশ্যিক। উহাতে জলাশয়ের উপরিভাগের দূষিত পদার্থসমূহ নষ্ট হইয়া যায় এবং মৎস্য-গুলির দ্রুত সঞ্চালনে তাহাদের ব্যাধাঃসরও সুবিধা হয়। পুকুরে মাছের রীতিমত বৃদ্ধির অভাব ঘটিলে তাহাতে উপরে বর্ণিত সার প্রয়োগ করা আবশ্যিক এবং প্রয়োজন হইলে তাহা হইতে কিছু মাছ সরাইয়া ভিন্ন জলাশয়ে ছাড়া উচিত।

৮। মাছের জন্তু জলাশয়ের উপর কিছু অংশে ছায়া থাকা আবশ্যিক। পুকুরের পাড়ে গাছ থাকিলে তাহার ছায়া জলের উপর পড়িয়া মাছের উপযোগী ছায়া দান করিয়া থাকে; কিন্তু সেরূপ না থাকিলে পুকুরের দুই-এক অংশে কলমী, শুশুনী, শাপলা প্রভৃতি জন্মাইবার ব্যবস্থা করা দরকার।




কটকের ফিসারিজ সাবষ্টেশনে প্রতিপালিত কয়েকটি মৎস্য

৯। মাছের গায়ে অনেক সময় পোকা বা উকুন লাগে। তাহারা গা ঘষিবার সুযোগ পাইয়া অনেক সময় ঐসকল পরজীবীর হাত হইতে মুক্তি পাইতে পারে। সুতরাং মাছের গা ঘষিবার সুবিধার জন্তু পুকুরের মাঝে মাঝে খুঁটি পুঁতিয়া দিতে হয়।

মাছের দেহে কোনরূপ লাল দাগ বা উকুন দেখিতে পাইলে তাহার চিকিৎসা করা প্রয়োজন। সেই সকল মৎস্যকে শতকরা দুই বা তিন ভাগ লবণ মিশ্রিত জলে


বা ৫ সের জলে ৩ গ্রেন পটাশিয়াম পারম্যাঙ্গানেট মিশ্রিত হইয়া সেই জলে কয়েক মিনিটের জন্তু রাখিয়া চিকিৎসা করিতে হইবে। ব্যাপক ভাবে মাছের মধ্যে এইরূপ রোগ দেখা দিলে পুকুরের জলকে ঐভাবে শোধন করিয়া দেওয়া আবশ্যিক।



কটকের ফিসারিজ সাবষ্টেশনে প্রতিপালিত আরও কয়েকটি মৎস্য

১০। গ্রীষ্মকালে পুকুরের পাড় ও তলদেশ হইতে পচনশীল উদ্ভিদগুলি সরাইয়া ফেলিবার চেষ্টা করা দরকার। তলদেশে মৃত জৈব পদার্থের পচন বশতঃ সময়সময় অনেক পরিমাণে মাছ মরিতে থাকে, তখন জাল টানিয়া পুকুরের জলরাশিকে বিশেষ ভাবে আলোড়িত করা উচিত। মাছের মধ্যে মড়ক দেখা দিলে জলকে চূর্ণ কিম্বা পটাশিয়াম পারম্যাঙ্গানেট দ্বারা শোধন করিয়া দেওয়া দরকার। মাছের মৃত্যুর হার অধিক হইলে সে সম্বন্ধে রীতিমত অনুসন্ধান করিয়া কারণ নির্ধারণ-পূর্বক ব্যবস্থা করিতে হইবে।





ডায়েরী

শ্রীবিভূতিভূষণ মুখোপাধ্যায়

আমাদের বাড়ীর সামনে দিয়ে আজ সকাল থেকে জনশ্রোত বয়ে চলেছে। নিশ্চয় রাত্রির শেষ প্রহর থেকেই, কিন্তু তা' ত আর দেখা হয় নি। ছেলে-বুড়ো, মেয়ে-পুরুষ, দলে দলে চলেছে সব। এ ধরনের শ্রোতে যেমন হয়ে থাকে—মেয়েই বেশী। কারুর মাথায় একটি বড় পৌঁটলা, তারই সঙ্গে আবার ছোটখাটো দু'একটিও বোধ হয় ঝুলছে, এদিকে যেমন নিজে আর কাঁখে হয় ত একটা শিশু, হাতে একটা পেট-মোটা ছ'কো। পৌঁটলায় আছে রুটি, যবের, কিংবা গমের, কিংবা মেরুয়ার; পুষ্ঠকায়, এক একখানি রুটি বেশ ছোটখাটো চাকির মতই; দশখানা, পনেরখানা, ত্রিশখানা, যে দলটা যেমন। হয়ত ছাতুও আছে, কিংবা চি'ড়েই। ছোট পুঁটুলি-গুলিতে নুন, লঙ্কা, পাতায় মোড়া আমের আচার, তামাক, টিকে। এর অতিরিক্তও কত কি থাকতে পারে, মেয়েদের পুঁটুলিই ত, ওর মধ্যে পুরুষের মন কি সিঁদ কাটতে পারে?

কাল মাঝী পূর্ণিমা, 'কমলা' নাইতে যাচ্ছে সব।

শুধু এ-জেলারই লোক নয়, আসছে মজঃফরপুর থেকে, মোতিহারি থেকে, ছাপরা থেকে; কতকটা পায়ে হেঁটে, কতকটা গাড়ীতে, তারপর এই শেষ মোহাড়ায় এখন পায়ে হাঁটারই পালা। এর মধ্যে হয়ত গঙ্গার তীরেরও লোক আছে। কমলা-মার্জি যে বড় জাগ্রত। হয়ত ঘরের গঙ্গার অবস্থা গেঁয়ো যুগীর মতই, তবু কমলা-মার্জি সত্যই বড় জাগ্রত, বাজার কোল ভরে দিতে এমনটি আর কেউ নেই। “হে কমলা মার্জি!” বলে একটা ডুব দিলেই হ'ল, পার ত দুটো জবা ফুল, কি জবায়-বিষপত্রে গাঁথা একটা মালা; খাশি দিতে পারলে ত তার কথাই নেই।

ওসব গেল ওদিককার কথা। মা গঙ্গা বড় কি মা কমলা—সে বগড়াও তাঁরই মেটাবেন। আমি দেখছি জীবনের জয়যাত্রা। চরৈবেতি-চরৈবেতি—এগিয়ে যেতে হবে—কুস্তমেলায় মৃত্যু জয়ডঙ্কা বাজিয়েছে?...ও কিছু নয়, ওর ওপারেও জীবনের জয়ডঙ্কা বাজিয়ে যেতে হবে—ঘর ছেড়ে বাইরে. দেশ ছেড়ে দেশান্তরে, ঘরের দেবতা হোন বড়, কিন্তু ইচ্ছা বৈধে রাখেন যে! হে গঙ্গা মার্জি অপরাধ নিও না. দেখে আসি একটু কমলা-মার্জিকে।

সকাল থেকে দেখছি, কি আবেগ পদক্ষেপে! ক্লাস্তিও আছে, তবে মানবে না ত ক্লাস্তিকে?

ইচ্ছে করে নেমে পড়ি আমিও, কিন্তু এও বুঝছি, তার উপায় নেই। বাড়ীর গেটের বাইরে দিয়েই গেছে বটে তবু

এ পথ বহু দূর, এ পথ কোঁচানো ধুতি, পাট-ভাঙা, পালিশ করা জুতোর জন্তে নয় যে, তাদের হাত থেকে কি করে পরিত্রাণ পাব? যাওয়া যায় এই শুচি-বেয়েদের শুচিতা ঝাটিয়েও; যাচ্ছেও ত রিকশা, টাঙ্কা, মোটর, কিন্তু ও-যাত্রা আর এ-যাত্রা ত এক নয়; এ বরং ওর উপর একটা উদ্ধত উপদ্রব। ঐ ত চলেছেও, ভিড় চিড়ে, চীৎকার করতে করতে, ধুলো উড়িয়ে—সর, সর, পথ ছাড়। অনধিকারীর দল।

আমার ত মনে হয় সব তীর্থযাত্রাই রথযাত্রা, তাতে অতি ক্ষিপ্ততা, অতি শুচিতা থাকলে চলবে না, পেছটানও নয়, চিন্তাও নয়। সে মুক্ত অশুচিতা কবে হারিয়ে ফেলেছি, আর কি পাবার উপায় আছে?

তবুও মনটা ছটকট করছে।

একটা রফা করা গেল মনের সঙ্গে।

রফার কথাটা খেয়াল হ'ল বাগানটার উপর নজর পড়ে যেতে।

বাড়ী আর রাস্তার মাঝামাঝি ছোট বাগানটা আমাদের, মরশুমী ফুলে রয়েছে ভরে। মাঝখানে খানিকটা সবুজ লন, তার চার দিক ঘেবে পিঙ্ক, ফুকস্, মেরিগোল্ড, ভারবিনার সারি—ছোট ছোট গাছ, কোনটা লতানে, কোনটা বা নয়; এমন রঙ নেই যা নেই; বসন্তের উৎসবে যেন সাজগোজের রেধারেষি করে বেড়িয়ে এসেছে একপাল ছেলেমেয়ে। তাদের পেছনে আছে ডালিয়া, গোলাপ, গন্ধরাজ মাথা উঁচু করে দাঁড়িয়ে; অত ফুল, অত বিচিত্র সম্পদ, মাথা উঁচু থাকবারই ত কথা। তারও পেছনে কঞ্চির বেড়াগুলোকে সবুজে সবুজে আচ্ছন্ন করে দিয়ে, সাদা, বেগুনে, গোলাপী, নীল ফুলের চুনি-পান্না-হীরা-জহরতের তাজ পরে কাতারে কাতারে সুইটপী।

আজ আর ঘরে বসে লেখা নয়। মনের সঙ্গে রফা হ'ল, পথে বেরুতে না পারি, আজ পথের ধারে বসেই লেখা চলবে আমার। আমার গতি ত আমার দল নিয়েই—লক্ষণ, ভিখারী, অনঙ্গ, নয়ান-বৌ, সোনা—দেখি না আজকের পথের এই দুরন্ত সচলতা ওদের পায়েও যদি খানিকটা এনে ফেলতে পারি। চাকরটাকে বলতে ক্যাম্প-চেয়ারটা পেতে দিয়ে এল, সামনে একটা নীচু চৌকো টেবিল।

একটু কি অ-বিনয় হ'ল? আমার সরস্বতী এখনও

নারায়ণের নব বধূরূপেই থাকতে চান, একটু আড়াল, একটু প্রচ্ছন্নতা। তা কিন্তু আছেই। আমি বসেছি বাগানের একটা কোণ ঘেঁষে, দু'দিক থেকে ফুলের দু'টি সারি সেখানে এসে মিলেছে। বসেছি রাস্তার দিকে মুখ করে। সামনের সারিটা একটু পাতলা, কতকটা স্বচ্ছ; নীচে মাত্র একসার পিঙ্ক, তার পরেই সুইট-পী; রাস্তায় কি হচ্ছে না হচ্ছে দেবী মোটামুটি পারেন দেখতে, অথচ তাঁর প্রচ্ছন্নতাও মোটামুটি থাকবে বজায়।...শুভযাত্রা, পেয়েও গেছি বসবার এক রকম সঙ্গে সঙ্গেই। ঐ যে মেয়েটি হ্যালা-ফ্যালা করে সবুজ সাড়িপরা, সিধে, বেপরোয়া পুরুষালি চাল, এত ভিড়েও মাথায় কাপড় নেই, খোঁপাটা না আছে দেখাবার মাথাব্যথা, না আছে লুকোবার গরজ—ওই হবে আবার লক্ষ্মণের বৌ সোনা। চেয়ে আছি ওর লঘুচপল, অনাসক্ত পদক্ষেপের দিকে—পথ চলছে, কিন্তু কৈ—পথের ধূলি কি লাগছে পায়ে ওর?...এই রকম করে গড়তে হবে সোনাকে আমার—জীবনের পথে, তার পা দুটি চলায় চঞ্চল, কিন্তু কখনই ধুলায় মলিন নয়।

সোনা ধীরে ধীরে বেশ মূর্তি নিয়ে উঠছিল মনে আমার, হঠাৎ বাধা পড়ল; মন আমার পথ থেকে এসেছে গুটিয়ে। আমার সামনের দিকটার কথা বলেছি, পাশের বলা হয় নি। আমার ডান পাশটায় সবুজ লনটা রয়েছে ছড়িয়ে—ঐ মেয়েটার সবুজ সাড়িখানা যেন হ্যালাফ্যালা করে গায়ের উপর বিছানো—মেরিগোল্ডের হলদে আঁচলাটা অবহেলাতেই পুকুরপাড়ে রয়েছে লুটিয়ে। আমার বাঁ দিক ঘেঁষে আবার ঐ মরশুমী ফুলের কেয়ারি; এইটাই সব চেয়ে ঘন, পুষ্ট আর সতেজ। তার কারণ, প্রথমত এদিকে জায়গাটা একটু বেশী, যার জন্মে ছোট ছোট পিঙ্ক থেকে একেবারে শেষে সুইট-পীর লতাগুলো ত রয়েছেই, মাঝে মাঝে গোটাকতক বৈজয়ন্তীর ঝাড়ও বসিয়ে দেওয়ার সুযোগ পাওয়া গেছে। দ্বিতীয়ত—এই দিকেই ইঁদারাটা আমাদের, যার জন্মে গাছগুলো মালীর হাতে সাধারণ ষেটুকু প্রাপ্য তার অতিরিক্ত কিছু কিছু জল পেয়েই যায় সমস্ত দিন। সুইট-পীর সারিটা আবার ইঁদারা ঘেঁষেই; লতাগুলো কঞ্চির ডগা ছাড়িয়ে অনেকখানি গেছে উঠে, ফলে ইঁদারার চাতালটা উঁচু হলেও, বাগান থেকে বেশ একটু আড়াল করে রেখেছে সেটাকে। পুরু ভেলভেট বা সাটিনের পর্দা নয় (যদিও গাছগুলোকে দেখে তাই বলতে ইচ্ছে করে), চিকের পর্দা, দরকার পড়লে ভেতর থেকে বাইরে দেখা যায়, তেমন মাথাব্যথা পড়লে বাইরে থেকে ভেতরেও, তা যদি না হ'ল ত নিজেকে নিজেকে মিয়ে বেশ নিরুপদ্রবেই কাটানো যায় এক রকম।

আমার মনটা যে রাস্তার দিক থেকে গুটিয়ে এসেছে তার

কারণ ইঁদারার চাতালের খোঁজ নেওয়া একটু দরকার পড়ে গেছে আমার।

কানে গেল—“আমায় ঐ রাজা ফুলটা কেবে তুলে?”

সবুজ চিকের ফাঁকে দৃষ্টি প্রসারিত করতে হ'ল; ফুল চাইছে দশ-বার বছরের একটি ছোট ছেলে, তার লুকু দৃষ্টি পড়েছে আমার বাগানের সবচেয়ে বড় লাল টকটকে ডালিয়াটির উপর। চেয়েছে মালীর কাছে, সে বাগানের জন্মেই জল তুলছিল। অবশ্য ভয় নেই, মালী ইতিপূর্বেই শিউরে উঠেছে, বলছে—“ফুল! আরে বাসুরে! তোমরা গৈয়ো, এসব বিলিভী ফুলের কদর কি বুবে? এক একটা ফুলের পেছনে কতগুলো করে টাকা খরচ করতে হয়েছে জান? একি তোমাদের গায়ের বাগানের টগর কি গাঁদা নাকি যে নিলেই হ'ল একটা তুলে? দেখছ যে তারই দাম দিতে জিভ বেরিয়ে যাবে!”

দেবে না, তা জানি, ফুল মালিকের চেয়ে মালীরই বেশী, আমি ফুলদানির জন্মে দুটো চাইলেই কাঁচুমাচু করে। তা দেবে না, ভালই, কিন্তু এত লোভ বাড়িয়ে দিতে গেল ঐটুকু একটা ছেলের? ওটা না হোক, ছোট একটা তুলে ওর হাতে দেওয়া উচিত কি না ভাবছি, এমন সময় ওদিককার সিঁড়ি দিয়ে আরও কয়েকজন এস উঠে। একজন বয়স্ক পুরুষ, একজন প্রৌঢ়া স্ত্রীলোক, একটি ছোট মেয়ে, আট নয় বছরের আর একটি যুবতী, বেশ খানিকটা পরিস্রু ঘোমটা-টানা, নিশ্চয় বাড়ীর বৌ।

সবাই কমলার যাত্রী।

কোন কোন দল এমনি করে আটকে যায় একটু। ওদিকে গেটের পাশেই যে শানের বেঞ্চটা আছে সেটা করে আকৃষ্ট, তারপর এই ইঁদারাটা। একটু পা মুড়ে বসে, গল্প-সল্প করে, পুঁটুলি খুলে দরকার পড়ল ত কিছু খেয়ে নেয়, নিদেন, ছোট ছেলে-মেয়ে রইল ত তাদের কিছু খাইয়ে দেয়। মেয়েরা একটু সরে বসে তামাক সেজেও গোটাকতক টান যাতে দিয়ে দিতে পারে তারও জন্মে জায়গা আছে। চেনা কারুর সঙ্গে দেখা হয়ে গেল ত যথাপদ্ধতি গলা-জড়াজড়ি করে একটু কেঁদেও নেয় শুষ্ক চোখে। তারপর আবার পৌঁটলা বাধা হ'ল, হুকো বোলানো হ'ল; একটি ছোট—“কমলা মার্জ কী জয়!” আবার সেই পথ।

সবাই মিলে আমার ফুলের ব্যাখ্যান করছে, ~~সবুজ~~ অভিভূত হয়ে পড়েছে সকলে। কর্তা মনে হ'ল পণ্ডিত-মাহুষ আর সব ফুল চিনতে পারছেন না, তবে বৈজয়ন্তী নিয়ে চমৎকার একটি শ্লোক বলে সবাইকে মানেটা বুঝিয়ে দিলেন। বৈজয়ন্তী আবার দুর্গার নামও ত, চমৎকার একটা মিল টানা হয়েছে শ্লোকটিতে।

রাস্তা থেকে উঠে এসে ক্ষতি হয় নি, পুষ্প, শ্লোকে, দেবীতে আমার মনটা অল্প এক রসে বেশ ডুবে যাচ্ছে আশ্বে আশ্বে ।...আবু এও ত রাস্তারই দান ।

এক বালতি জল তুলে দিব্যি করে মুখ হাত পা ধুয়ে কর্তা নেমে চলে গেলেন । গিন্নি তখন বসলেন অল্পপূর্ণা হয়ে ।

এঁরা ব্রাহ্মণ, রুটির পাট নেই । পৌঁটলা খুলে চিঁড়ে বের করলেন, ছেলেমেয়েরা ঘিরে বসল ছোট ছোট কলাপাতা নিয়ে, বৌটিও ‘ক্ষিদে নেই’ ‘ক্ষিদে নেই’ বলে আরম্ভ করে তারপর শাশুড়ীর জিদে বিছিয়ে নিলে একটি পাতা—যেমন করা উচিত । চিঁড়ে, শুড়, বোধ হয় একটু করে আচার । ছেলেমেয়েরা নাকে কেঁদে, আঁকার করে এক আধমুঠো বেশীই নিলে, বৌটি আঁকার করলে না, বরং মানাই করলে—যেমন করা উচিত, অবশ্য পেনে আরও বেশ বড় মুঠোরই এক মুঠো ।...খাচ্ছে ওরা, কিন্তু আমার মুখটি মিষ্টি রসে আসছে ভরে ।...নয়ান বৌ যদি ওরকম করে শ্বশুরবাড়ী ছেড়ে চলে না আসত ত শাশুড়ী শ্বশুর নন্দে এই ধরণের একটা চিত্র বেশ আঁকা যেত কোন তীর্থযাত্রার পথে । সে আপশোষ করে এখন আর কি হবে ? অনেকখানিই যে এগিয়ে গেছে নভেলটা আমার ।

ওরা থাক, ওদিকে স্রোতের অনেকখানিই জল গেল বেরিয়ে, কত বৈচিত্র্যে, কে জানে ? এই হয়েছে মুশকিল—স্রোত দেখি কি এই রকম আবর্ত দেখি ?

আমার বিশ্বাস ওটা দ্বিতীয় পক্ষের ব্যাপার । একেবারে বুড়ো অবশ্য নয়, তবে প্রৌঢ়বে বেশ এগিয়েই এসেছে লোকটা ; কাঁধে একটি শিশু বছর দুয়েকের ; যেটি হাত ধরে চলছে সেটি চার বছরের হবে । মা চলছে এগিয়ে এগিয়ে । গতিও বেশ দ্রুত, যার জন্তে দেখছি ছেলে ঘাড়ে করে ও-বেচারির পাল্লা দিতে রীতিমত বেগ পেতে হচ্ছে । বয়স কম ত বটেই, গতরেও বেশ, যার জন্তে মনে হয় দুঠো ছেলেকে ও নিজেই দু’ কাঁধে করে নিয়ে যেতে পারত ; ঐ রকম বেশ স্বচ্ছন্দ গতিতেই । ইঁদারা থেকে আমার মন সরে গেছে, ওদের কথাই ভাবছি । লোকটার নিশ্চয় তীর্থস্থান দরকার, প্রায়শ্চিত্ত চাই ত ! কিন্তু মেয়েটাও তো আরও সন্তানকামনায় ডুব দিতে যাচ্ছে—তার পর ?

দিন এগোবার সঙ্গে ভিড়ও হচ্ছে পুষ্ট । এতক্ষণ বেশীর ভাগ বাইরের যাত্রীই ছিল, যারা দূর থেকে হেঁটে আসছে বা ভোরের গাড়ীতে নেমেছে, এবার শহরের ভেজাল আরম্ভ হয়েছে আশ্বে আশ্বে । মেয়েদের দলে আর স্কুটলির বালাই নেই, কমলার জলে ধুইয়ে ফেলবার বেশী কিছু আছে বলে বাইরে থেকে মনেও হয় না ; বেশ ফিটফিট, সাজগোজে

শহরের পরিপাটি আছে । পর্দানশীনরাও রয়েছে, ছই দেওয়া রবার টায়ারের গোরুর গাড়ীতে, পর্দার বিভিন্ন স্তরের, অর্থাৎ এক একটা ছইয়ের মুখ আবার চাদর দিয়ে ঢাকা । অমৃষ্যম্প্রাণা ; ভেতর থেকে সমবেত সঙ্গীত উঠছে । শহরের ভেজালে পুরুষের ভাগও বেশী । তা হোক, শুধু ডম্ফাটা যদি বাদ দিত !

ডম্ফা হচ্ছে ওদের সেই দোলের মাদল । এদের দোলের সূত্রপাত আবার এই মাঘী পূর্ণিমা থেকে, হয়তো un-official, তবু কার্যতঃ তাই । কতকটা বাঁচোয়া এই যে সাধারণতঃ নাইতে যাওয়ার মুখে ওরা নিজ মূর্তি ধরে না, এখন গান যা গাইছে তা ভদ্রই—কান্‌হাইয়া কিংবা রাম-লক্ষণ ।...‘রাম খেলে হোলি হো, লছমন্ খেলে হোলি !...’ বিকেলের দিকে ফেরবার সময় আর এ শান্তভাব থাকবে না । সেই আদি অকৃত্রিম হোলির গান । কি মনে করে ওরাই জানে, হয়তো ভাবে, এত পুণ্য সঞ্চয় হয়ে গেছে একটা ডুবে যে আর দাগ লাগার ভয় নেই আপাততঃ । নয়তো জীবন মানাই তো এই ; চলুক বছরখানেক ধরে, তার পর কমলা-মাদ্দি তো আছেনই ।

আছেন আর কোথায় ? শুকিয়ে আসছেন কমলা-মাদ্দি ; গঙ্গা-মাদ্দিও । আর কত সহিবেন, কত পাপ আর ধোবেন ?

দুটি ছেলে নিয়ে সেই দম্পতি আমার প্রায় সামনেই রাস্তার ধারে এসে দাঁড়িয়েছে, বাপানের নীচু দেয়ালটায় ঠেস দিয়ে । একটু পরে মেয়েটা ছেলে দুটোকে নিয়ে সরে গেল ; জল খাওয়াবার জন্তে আমাদের ইঁদারাতেই নিয়ে আসছে বোধ হয়, গেট হয়ে ঘুরে, কিংবা রাস্তার ধারে টিউবওয়েলটায় যাবে । নিজেও তৃষ্ণা পেয়েছে নিশ্চয়, নইলে পুরুষটাকেই তো দিত ঠেলে । ভাবছি পুরুষটার তৃষ্ণা কেন পেলে না, সবচেয়ে বেশী পাওয়ার কথা তো ও বেচারিরই । হয়তো তাঁবেদারির এও একটা অভিনব রূপ, দেখ, তোমার সেবায় ক্ষুধা তৃষ্ণাও ভুলেছি ।

অর্থাৎ আরও নয় ; তুমি যথেষ্ট ডুব দাও কমলা-মাদ্দির জলে, আমি আরও বইব ঘাড়ে-পিঠে ।

একটা দুর্জয় লোভ হচ্ছে মনে, ডেকে নিয়ে চুপি চুপি একটু কানভাওয়ানি দেব ? অসহায় পুরুষই তো, বলি—“অত কেন ? শেষকালে, যেমন দেখছি, ওকে স্কন্ধে ঘাড়ে তুলতে হবে । “না হয় দ্বিতীয় পক্ষেরই, তা ব’লে...”

মনটি আবার হঠাৎ রাস্তা ছেড়ে ইঁদারায় চলে এল । কানে গেল—“এবার আপনারা দু’জনেও একটু জল খেয়ে নেবেন মা ।”

সেই বোটি বলছে। ওদের সবার খাওয়া হয়ে গেছে ইতিমধ্যে। বোটির ইচ্ছে স্বস্তুর আর শান্তুড়ীও এইবার বাসী-মুখ ধুয়ে কিছু খেয়ে নেন। টের পেলাম আর এক জনও আছে সঙ্গে ; কিন্তু উচিত নয়তো তার কথা তোলা। এ সব বেষ ছ'সিয়ার বোটি।

শান্তুড়ী বললেন—“আমরা মা-কমলায় না ডুব দিয়ে কি খেতে পারি মা ? এতদূর বেয়ে আসা। বরং দেবেন্দ্রকে পাঠিয়ে দিচ্ছি, সে যদি কিছু খায় তো দেখ।...আমরা দুজনে নেমরক্ষা করে গেলেই হ'ল ; সবাইকেই উপোস করে থাকতে হবে কেন ? পুঁটুলিটা রইল, পাঠিয়ে দিচ্ছি আমি।”

“আমার কথা কেউ শুনবে ?”

“শুনবে'খন ; না শোনবার কি আছে ?”...একটু জিরোনোও হবে তোমার, পা ছুটো ব্যথা করছে বলছ ; ইঁদারার চাতাঙ্গটিও বেষ চমৎকার।”

উঠে গেলেন গিন্নি, বাকি তিনটিকে নিয়েই।

আমি বেষ একটু দ্বিধায় পড়ে গেছি, আর বসে থাকটা ঠিক হয় কি ? ভাল করে ভেবে দেখতে অল্প একটু দেবিই হয়ে গিয়ে থাকবে, তার পর—আমি উঠে পড়তেই যাচ্ছিলাম, কিন্তু তার আগেই সে ব্যাপার আশঙ্কা করে উঠতে যাওয়া সেটা একেবারেই এমন গুরুতর আকারে দিলে দেখা যে, ওঠবার আর উপায় রইল না।

“তোমার পায়ে নাকি বড্ড ব্যথা ?...আমি বারণই করেছিলাম। তা আমার কথা কে শুনছে ?

—কেউ কারুর কথা শোনে না ওরা।

মেয়েটি বললে—“কে বললে ব্যথা পায়ে আমার ?... হ'ল আরস্ত !”

“কেউ না বললেও টের পাওয়ার লোক আছে।... ফুলেছেও তো দেখছি।”

“তুমি ঐরকম দেখো।...নাও, যার জন্তে পাঠিয়েছেন, একমুঠো খেয়ে নাও, এখনও অনেকটা দূর।”

“খাওয়ার জন্তেই আমার মাথাব্যথা যত ! অনেকটা দূর তো যাবে কি ক'রে ?”

“যেতেই হবে। কেউ তো ঘাড়ে করে নিয়ে যাবে না।”

এ রসিকতাটুকুতে ছেলেটি নিশ্চয় একটু সুবিধা পেলে। কাছ থেকে বসল মেয়েটির। বসবার আগে যদি চারিদিকটা একটু ভাল করে দেখে নেয় তো এইখানেই শেষ হয়ে যায় ব্যাপারটা, গেটের দিকে যেদিকে ওরা সব—সেই দিকটাতেই নজরটা নিলে বুলিয়ে এক বার, কামিনীগাছের বেষ একটি আড়াল আছে ; নিশ্চিন্ত হয়ে পড়ল বসে।...তাও এমন ছুট করে বসে পড়ল যে আমি যেন এ সুযোগটাও গ্রহণ করব তারও কোন উপায় রইল না। সময় নেই তো, এখনি আবার পথে নামতে হবে, তারে আগে ছুটো মিনিট—

“না, অন্ডায় করব ; দাও একটু না হয় টিপে দিই... মানে একটু হাতটা টেনে টেনে আর কি...”

“কি বলছ তুমি ?”—খুবই শিউরে উঠেছে নিশ্চয় মেয়েটা।

“ঠিকই বলছি। দোষ হয় না এতে...কেন গীতগোবিন্দও তো শুনিয়েছি তোমায়।”


“সে সব ঠাকুরদেবতার ব্যাপার...আর তা ভিন্ন তুমি না তীর্থ করতে চলেছ ?”


“আমার তীর্থ...মানে, শুনলে তো মার কথাই—ওরা রয়েছেন, আমাদের এখন অত তীর্থের জন্যে নেম-আচার করতে হবে না...দাও এগিয়ে একটা পা...”

একটা গলা-খাঁকারিই না হয় দিই ?...সেটা কেমন যেম ঠিক হয় না এ-অবস্থায় ; অর্থাৎ এতদূর যখন গড়িয়েছে। তা ভিন্ন ভাবলাম—

ঠিক কি যে ভেবেছিলাম এখন মনে পড়ছে না। তবে হয় নি ওঠা। তাই বোধ হয় হয়েছিল ভাল, কেননা এর পরে যে নীরবতাটুকু এসে পড়ল তাতে মনে হ'ল ‘গীত-গোবিন্দ’র একটি গাইত্যা সংস্করণ শুরু হয়েই গেছে সুইট পীর ওধারে।

একটি হাওয়া উঠেছে বেষ, ফোটা ফুলে মৌমাছদের ভিড়ও হঠাৎ বেড়ে গেল কি ?





উড়িষ্যা শ্রীচৈতন্যদেব

শ্রীকালিদাস দত্ত

শ্রীচৈতন্যদেবের জীবনের শেষভাগ নীলাচলে অতিবাহিত হয়। তিনি সেখানে চব্বিশ বৎসর বয়সে যান। তৎপূর্বে নবদ্বীপে অবস্থানকালে, শ্রীভগবানের নাম কীর্তনের দ্বারা বঙ্গদেশের জনচিত্তে এক অপূর্ব ভগবৎপ্রেমের বীজ আনিয়া তিনি অশেষ জনকল্যাণ সাধন করেন। গত মাঘ মাসের প্রবাসীতে শ্রীচৈতন্যদেবের পত্নিতোল্লয়ন নামক একটি প্রবন্ধে আমি উহার সংক্ষিপ্ত বিবরণ দিয়াছি।

নীলাচল গমনের পরে কিছুদিনের মধ্যে বঙ্গদেশের ঞায় সেখানেও ঐ প্রকার শ্রীভগবানের নামকীর্তনের মাধ্যমে তাঁহার প্রভাব সর্বত্র ছড়াইয়া পড়ে। শ্রীচৈতন্যভাগবতকার উহার এইরূপে উল্লেখ করিয়াছেন,

“হেনমতে শ্রীগৌর হৃন্দর নীলাচলে।

রহিলেন কাশীমিশ্র গৃহে কতুহলে ॥

নিরন্তর নৃত্যগীত আনন্দ আবেশে।

প্রকাশিল গৌরচন্দ্র দেব সর্বদেশে ॥”^১

সে কারণ ঐ সময় তাঁহার সেখানকার বাসভবন, উক্ত কাশীমিশ্রের বাটির বহির্ভাগ, প্রায় সর্বক্ষণই জনাকীর্ণ থাকিত এবং সকলে তাঁহাকে দর্শন করিবার আগ্রহে চিৎকার করিতেন। তিনি জনসাধারণের ঐ প্রকার চিৎকার শুনিলেই গৃহাভ্যন্তর হইতে বাহিরে আসিতেন এবং সকলকে সর্বদা শ্রীভগবানের নাম লইবার জন্ত উপদেশ দিতেন। তাঁহারাও ঐরূপে তাঁহার দর্শনলাভে ঈশ্বর-প্রেমে অনুপ্রাণিত হইয়া উঠিতেন। শ্রীচৈতন্যচরিতামৃত উহারও যে উল্লেখ আছে তাহা এই,

“বাহিরে ফুকারে লোক দর্শন না পাক।

কৃষ্ণ কহ বলে প্রভু বাহির হইয়া ॥

প্রভুর দর্শনে সব লোক প্রেমে ভাসে।

এই মত যায় প্রভুর রাহ দিবসে ॥”^২

কাশীমিশ্রের বাটির বহির্ভাগের ঞায় ভিতরেও বহু লোক তাঁহার দর্শনলাভের আশায় ব্যাকুলচিত্তে প্রবেশ করিতেন। সময় সময় উক্ত জনতা এত বেশী হইত যে সেই দৃশ্য উৎকল-রাজের সভাপণ্ডিত শ্রীসার্বভৌম ভট্টাচার্য মহাশয়ের চিত্তেও বিশ্বয় উৎপাদন করিত। শ্রীচৈতন্যচন্দ্রোদয়ে তাঁহার ঐরূপ বিশ্বয়সূচক উক্তি এইভাবে উল্লিখিত আছে,

“যুগান্তেহস্তঃ কুঙ্করিব পরিসরে পল্লবলম্বা

রমী সর্বৈ ব্রহ্মাণ্ডকসমদয়াদেব বপুষঃ ॥”^৩

যথাস্থানং লকাংবসরসিমহ যান্তি স্ম শতশঃ

সহস্রং লোকানাং বত লঘুনি মিশ্রাশ্রমপদে ॥”^৩

অর্থাৎ, অহো! যুগান্তে শিশুরূপী সেই ভগবানের অশ্বখ-পল্লবের ঞায় ক্ষুদ্র দেহের মধ্যে এই সমুদয় ব্রহ্মাণ্ড যেরূপ অবস্থান করিয়াছিল, স্বল্পপরিসর মিশ্রালয়েও সেইরূপ সহস্র সহস্র লোক প্রবেশ করিয়া সময় অতিবাহিত করিতেছে।

এই সকল বিবরণ হইতে মিশ্রালয়ের বাহিরে ও ভিতরে ঐ সময় জনসমাগমে কি বিশাল ব্যাপার ঘটত তাহা বুঝিতে পারা যায়। তাঁহার বাসভবনের ঐ রকম ঘটনা ব্যতীত নীলাচলের রাজপথেও তিনি যখন বাহির হইতেন তখনও অসংখ্য ব্যক্তি তাঁহার অনুগমন করিতেন ও প্রেমানন্দে মগ্ন তাঁহার দেবদুল্লভ মূর্তি দর্শনে আনন্দে অধীর হইয়া সকলে হরিক্ষনি দিতেন ও তাঁহার পদরজ সংগ্রহের নিমিত্ত তিনি যে পথে চলিতেন সেখানকার ধূলি লুণ্ঠন করিতেন,

“যে পথে যাতেন চলি শ্রীগৌর হৃন্দর।

সেই দিকে হরিক্ষনি শুনি নিরন্তর ॥

যেখানে পড়য়ে প্রভুর চরণ যুগল।

সেই স্থানের ধূলি লুঠ করেন সকল ॥”^৪

এইরূপে কি বাসগৃহে, কি রাজপথে, নীলাচলের সর্বত্র দিবারাত্রি শ্রীভগবানের নামের মধ্যে তিনি ভগবৎ প্রেমরসে ডুবিয়া থাকিতেন। নীলাচলবাসীরা তাঁহার সেই অপূর্ব অবস্থা দেখিয়া সর্বক্ষণই চারিদিক হরিক্ষনিত্তে মুখরিত করিতেন।

“নিরবধি নৃত্যগীত আনন্দ আবেশে।

রাত্রি দিন না জানেন প্রভু প্রেমরসে ॥

নীলাচলবাসী যত অপূর্ব দেখিয়া।

সর্বলোকে হরি বলে ডাকিয়া ডাকিয়া ॥”^৫

এই ভাবে শ্রীভগবানের নামের মাধ্যমে শ্রীচৈতন্যদেবের অলৌকিক প্রেমশক্তি নীলাচলেও জনচিত্তে এক প্রবল আলাড়নের সৃষ্টি করিয়া আপামর সাধারণকে মাতাইয়া তোলে ও উহার প্রভাব নীলাচল হইতে চতুর্দিকে বিস্তৃত হইয়া ক্রমশঃ উড়িষ্যার পল্লী অঞ্চলে এবং অন্যান্য অংশে উচ্চনীচ সর্বশ্রেণীর মধ্যে ছড়াইয়া পড়ে, যাহার ফলে যুগ-যুগান্তের সঞ্চিত উচ্চনীচে বিভেদমূলক সংস্কার শিথিল হইয়া যায় এবং উচ্চ নীচ সকলেই জাতিদর্শননির্দেশম, একত্রে

৩ শ্রীচৈতন্যচন্দ্রোদয়, ৮ম অঙ্ক

৪ শ্রীচৈতন্যভাগবত, অষ্ট খণ্ড, ৩য় অধ্যায়, ৫ শ্রীচৈতন্যভাগবত, অষ্ট খণ্ড, ৩য় অধ্যায়

১ শ্রীচৈতন্যভাগবত, ২ শ্রীচৈতন্যচরিতামৃত, অন্তলীলা, ২য় পরিচ্ছেদ

শ্রীভগবানের নামগানে সমভাবে মিলিত হইতে আরম্ভ করেন। যে সমস্ত নরনারী ঐ সময় অস্পৃশ্য ও পতিতরূপে নানারকম কদাচারে কালান্তিপাত করিতেন তাঁহাদের অনেকেরও তখন ঐ প্রকারে নিয়মিতভাবে শ্রীভগবানের নামগান সাধনের ফলে প্রভূত নৈতিক উন্নতি ঘটে।

ঐ সকল পতিত নরনারীর তৎকালীন হ্রবস্থা দর্শনে শ্রীচৈতন্যদেব অন্তরে কত ব্যথা অনুভব করিতেন তাহা আমরা জানিতে পারি ঐ সময়ে রচিত গ্রাম্য কবিদের গানের এই রকম বহু অংশ হইতে। যথা

“পতিত দুর্গত দেখি যুগল আখি তাঁর
ভাসয়ে সদা প্রেমজলে।”

ঐরূপ পতিত ও দুর্গতদের ধর্ষোন্ময়নের নিমিত্তই তিনি তাঁহার অনুগামীদের সর্বদা জাতির গণ্ডির বাহিরে থাকিতে নির্দেশ দেন। উহার যে উদাহরণ শ্রীচৈতন্যভাগবতে আছে তাহা এই,

“যে পাপিষ্ঠ বৈষ্ণবের জাতি বৃদ্ধি করে।
জন্ম জন্ম অশেষ পাতকে ডুবে মরে ॥”^৬

উক্ত কারণেই তৎকালে অসংখ্য সমাজবাহির্ভূত ও পতিত নরনারী কি উড়িষ্যায়, কি বঙ্গদেশে সর্বত্র তাঁহার ধর্মের আশ্রয়ে আসিয়া শিক্ষাদীক্ষা লাভের সুযোগ পান। আপামর সাধারণের নৈতিক উন্নতির জন্ত ঐ সময় তিনি তাঁহার মতানুবর্তীদের আরও এইরূপ আদেশ প্রদান করেন,

“যারে দেখ তাঁরে কর কৃষ্ণ উপদেশ।
আমার আজায় গুরু হয়ে তাঁর এই দেশ ॥”^৭
“নীচ জাতি নহে কৃষ্ণ ভজনের অযোগ্য।
সংকুল বিপ্র নহে ভজনের যোগ্য ॥
যেই ভজে সেই বড় অভক্ত হীন ছার।
কৃষ্ণ ভজনে নাহি জাতি কুলাদি বিচার ॥”^৮

তাঁহার এই প্রকার উপদেশ অনুসরণেই তৎকালে তাঁহার মতানুবর্তীরাও সর্বদা উচ্চনীচ সকলকে জাতিধর্ম-নির্বিশেষে সমভাবে শ্রীভগবানের নামদান দ্বারা মানবতার পথে পরিচালিত করিবার চেষ্টা করেন। তজ্জন্ত কবিরাজ গোস্বামী বলিয়াছেন,

“পাত্রাপাত্র বিচার নাহি স্থানস্থান ;
যে যাহা পায় তাহা করে প্রেম দান ॥
সজ্জন দুর্জন পঙ্গু জড় অঙ্গগণ।

• প্রেম বশ্যই ডুবাইল জগতের জন ॥”^৯

এই রকমে আপামর সাধারণের মধ্যে তাঁহার ধর্ম প্রচারিত হইবার ফলে ঐ সময় উড়িষ্যায় যে সকল জাতি-বাহির্ভূত পতিত নরনারী শিক্ষাদীক্ষা পাইয়া ভক্তিধর্ম সাধনে

আত্মনিয়োগ করিতে সক্ষম হন তাঁহাদের মধ্যে অনেকে তৎকালে ও উহার পরবর্তী সময়ে কত উন্নত জীবন যাপন করেন তাহার কিছু কিছু পরিচয় পাওয়া যায় উড়িয়া ভাষায় লিখিত “দাঢ্যভক্তিরসামৃত” প্রভৃতি গ্রন্থ হইতে।

নীলাচলে শ্রীচৈতন্যদেবের যে সমস্ত উড়িয়া ভক্ত ছিলেন তাঁহাদের কয়েকজনের মাত্র নামোল্লেখ করিয়া শ্রীচৈতন্য-চরিতামৃতকার বলিয়াছেন,

“এই মত সংখ্যাতীত চৈতন্য ভক্তগণ।

দিও মাত্র লিখি সাম্যক না যায় কখন ॥”^{১০}

এই উক্তি যে মোটেই অতিরঞ্জিত নয় তাহা নিঃসন্দেহে প্রমাণিত হইয়াছে উড়িষ্যার বিভিন্ন অংশে এ নাগাদ বহু পুথির আবিষ্কার হইতে ও নানা প্রকার ঐতিহাসিক অনুসন্ধান ও গবেষণার ফলে। ঐরূপ একখানি উড়িয়া পুথি শূন্যসংহিতায় নীলাচলেই তাঁহার ভক্তের সংখ্যা দ্বাদশ সহস্র ছিল বলিয়া উল্লিখিত আছে।^{১১} যে কয়জন উড়িয়া পণ্ডিত উৎকলে শ্রীচৈতন্যদেবের প্রভাব সম্বন্ধে অনুসন্ধান ও গবেষণা করিয়াছেন শ্রীশূর্যনারায়ণ দাস তন্মধ্যে অন্যতম। তিনিও উক্ত বিষয়ে যাহা বলিয়াছেন তাহা এই,

“Sri Chaitanya Dev's place in Orissa is unique. There is not a single Village in Orissa in which he is not worshipped. Nearly seventy five per cent of the Hindu population of Orissa are Vaisnavas.”^{১২}

পূর্কোল্লিখিত প্রাচীন পুথিগুলি হইতে জানা যায় যে, ঐ সময় উড়িয়া জনসাধারণ তাঁহাকে মচল জগন্নাথ বলিতেন।^{১৩} কোন কোন উৎকল কবি তাঁহাকে “হরিনাম-মূর্ত্তি” নামে অভিহিত করিয়াছেন।^{১৪} তৎকালে যে সকল উড়িয়া বৌদ্ধধর্মের প্রভাব মুক্ত ছিলেন না তাঁহারাও তাঁহাকে বুদ্ধদেবের অবতার বলিয়া জ্ঞান করিতেন।^{১৫} উড়িষ্যায় তাঁহার প্রতি লোকান্তরগ সন্মুখে প্রসিদ্ধ ইংরেজ লেখক কেনেডী সাহেবও এইরূপ বলিয়াছেন,

“Orissa became such a stronghold of the Chaitanya faith that today the name of Gauranga is more commonly revered and worshipped among the masses in Orissa than in Bengal itself.”^{১৬}

ঐ সময় উৎকলের জনসাধারণ ব্যতীত প্রবল প্রতাপাবিত মহারাজা প্রতাপরুদ্রদেব, রাজসভাপণ্ডিত সার্কভোম ভট্টাচার্য্য

১০ শ্রীচৈতন্যচরিতামৃত, আদিলীলা, ১০

11. Mediaeval Vaisnavism in Orissa. Mukherjee. Page 123.

12. Vaitarani, Vol. XI. I.

13. Mediaeval Vaisnavism in Orissa. Mukherjee, Pages 156-161.

১৪ বঙ্গভাষা ও সাহিত্য, শ্রীদীনেশচন্দ্র সেন, পৃষ্ঠা ৫৬

১৫ শূন্যসংহিতা, শ্রীঅচ্যুতানন্দ দাস

16. The Chaitanya Movement, Page 75.

৬ শ্রীচৈতন্যভাগবত, মধ্য খণ্ড, ১০; ৭ শ্রীচৈতন্য চরিতামৃত, মধ্যলীলা; ৮ শ্রীচৈতন্যচরিতামৃত, অন্তলীলা, ৪; ৯ শ্রীচৈতন্যচরিতামৃত, আদিলীলা ৭

শ্রীশ্রীজগন্নাথদেবের সর্বাধিকারী কাশীমিশ্র, বিদ্যানগরাধীপ
রামানন্দ প্রমুখ উচ্চ রাজকর্মচারী প্রভৃতি বহু পদস্থ
ব্যক্তিরও শ্রীচৈতন্যদেবের দেবদুল্লভ ভগবৎপ্রেম, অপরিমিত
মানবপ্রীতি ও মঙ্গল আচরণ দর্শনে মুগ্ধ হইয়া কি ভাবে
একান্ত ভক্তরূপে তাঁহার শরণাপন্ন হন শ্রীচৈতন্যচরিতামৃত
ও অন্যান্য গ্রন্থে তাহার বিশেষ বিবরণ দেখিতে পাওয়া যায়।
দাক্ষিণাত্য ভ্রমণান্তে নীলাচলে আসিবার পর তিনি যখন
বৃন্দাবনে যাইবার জন্ত বঙ্গদেশাভিমুখে রওনা হন তখন পথে
কটকে তাঁহার সহিত মহারাজা প্রতাপরুদ্রদেবের সাক্ষাৎ
ঘটে। উহার যে বিস্তৃত বিবরণ কবিরাজ গোস্বামী দিয়াছেন
তাঁহার কিয়দংশ এইরূপ,

“রামানন্দ রায় সর্বগণ নিমন্ত্রিল।
বাহির উগানে আসি প্রভু বাসা কৈল ॥
ভিক্ষা করি বকলতলে করিল বিশ্রাম।
প্রতাপরুদ্র তাঁই রায় করিল পয়ান ॥
শুনি আনন্দিত রাজা শীঘ্র আইলা।
প্রভু দেখি দণ্ডবৎ ভূমিতে পড়িলা ॥
পুনঃ উঠে পুনঃ পড়ে হইয়া বিহ্বল।
স্তুতি করে পুলকান্ত পড়ে অশ্রুজল ॥
তারে দেখি মহাপ্রভুর তুষ্ট হৈল মন।
উঠি পড়ু তাঁহারে করিল আলিঙ্গন ॥
পুনঃ স্তুতি করি রাজা করয়ে প্রণাম।
প্রভুর কৃপাশ্রুতে তাঁর দেহ হৈল স্থান ॥”^{১৭}

এই সকল এবং পূর্বোক্ত বিবরণগুলি হইতে তৎকালে
উড়িষ্যার সার্বভৌম নরপতি হইতে অতি দীনহীন ব্যক্তি
পর্যন্ত সকলেরই শ্রীচৈতন্যদেবের প্রতি কি রকম ভক্তিমূলক
আকর্ষণ ছিল তাহা উপলব্ধি করিতে পারা যায়। সে কারণ
পূর্বোল্লিখিত উড়িয়া পণ্ডিত শ্রীসূর্যনারায়ণ দাসও বলিয়াছেন
যে ঐ সময়—

“For nearly twenty years Orissa was Chaitanya
and Chaitanya was Orissa. The King, the subjects,
the high and the low all were mad after him.”^{১৮}

উহার জন্মই তিনি যে পথ দিয়া প্রথমে নীলাচলে প্রবেশ
করেন তাহা আজিও “গৌরবাট” নামে প্রসিদ্ধ এবং কটকে
যেদিন প্রথমে উপনীত হন সেই দিনের স্মৃতি জাগরুক
রাখিবার নিমিত্ত এখনও সেখানে প্রতি বৎসর বালীযাত্রা
উৎসবের অনুষ্ঠান হয়।

এ পর্যন্ত উড়িষ্যার নানাস্থানে যে সমস্ত পুঁথি আবিষ্কৃত
হইয়াছে তন্মধ্যে কয়েকখানি হইতে আমরা জানিতে
পারিয়াছি যে, শ্রীচৈতন্যদেবের উড়িয়া গমনের পরেও অনেকে
তাঁহার অসামান্য প্রেমপ্রবাহের আকর্ষণে বৈষ্ণবধর্ম গ্রহণ

করিলেও কিছুদিন যাবৎ তাঁহাদের প্রাচীন ধর্মবিশ্বাসের
প্রভাবমুক্ত হইতে পারেন নাই। ঐ শ্রেণীর কতকগুলি
শূন্যবাদী বৌদ্ধই ঐ সময় শ্রীচৈতন্যদেবকে বুদ্ধের অবতার
বলিয়া প্রচার করেন। অনন্ত, অচ্যুত, যশোবন্ত, বলরাম
ও জগন্নাথ দাস নামক ঐরূপ পাঁচ জনের পরিচয় কয়েকখানি
পুঁথি হইতে পাওয়া গিয়াছে। তাঁহারা পঞ্চসখা নামে
পরিচিত ছিলেন এবং সকলেই উড়িয়া ভাষায় গ্রন্থ রচনা
করিয়া যশস্বী হন। তাঁহাদের রচিত গ্রন্থগুলি হইতে
শ্রীচৈতন্যদেব সম্বন্ধে অনেক নূতন সমাচারও পাওয়া গিয়াছে।
অচ্যুতানন্দের শূন্যসংহিতায় শ্রীচৈতন্যদেবের সহিত
তাঁহাদের ঘনিষ্ঠতার পরিচয় আছে। উহাতে দেখা যায়
তাঁহারা সকলেই তাঁহার কৃপাপ্রাপ্ত হন ও তাঁহার সহিত
একত্রে সংকীর্ণন করিবার সৌভাগ্যলাভ করেন। অচ্যুতা-
নন্দের ভাষায় উহা এইরূপ,

“বৈষ্ণবমণ্ডলী খোল করতাল বজাই বোলন্তি হরি।
চৈতন্য ঠাকুর মহানৃত্যকার দণ্ডকমণ্ডলুধারী ॥
অনন্ত অচ্যুত যেনি যশোবন্ত বলরাম জগন্নাথ।
এ পঞ্চ সখা হি নৃত্য করি গলে গৌরাক্ষর সঙ্গত ॥”^{১৯}

অচ্যুতানন্দ আরো বলিয়াছেন যে, শ্রীচৈতন্যদেবের আদেশে
সনাতন গোস্বামী তাঁহাকে বৈষ্ণবধর্মে দীক্ষিত করেন। যথা,
“শ্রীসনাতন গোসাইকি চাহিন আজ্ঞা দেলে শচীমৃত।
অচ্যুতানন্দকৃত্তে উপদেশ কর হে যাই স্বরিত ॥
আজ্ঞা পাই শ্রীসনাতন গোসাই সঙ্গে মখে যেনি গলে।
দক্ষিণ পার্শ্ব বটমূলে বসি কর্ত উপদেশ দেলে ॥”^{২০}

এই অচ্যুতানন্দ জাতিতে গোয়াল ছিলেন। কটক
জিলার অন্তর্গত ত্রিপুর গ্রামে তাঁহার নিবাস ছিল। তিনিই
পুরীর গোপাল মঠের প্রতিষ্ঠা করেন। উড়িষ্যার গোয়াল
জাতির অধিকাংশ ঐ মঠের শিষ্য। সেখানকার পূজাদি
অনুষ্ঠান গোয়ালারা সম্পন্ন করেন।

উল্লিখিত পঞ্চসখার মধ্যে বলরাম দাসও শ্রীচৈতন্যদেবের
নিকটে থাকিয়া তাঁহার সেবা করিতেন বলিয়া তাঁহার গ্রন্থে
উল্লেখ করিয়াছেন। তিনি উহাতে আরও লিখিয়াছেন যে,
পুরীতে স্বামী মঠের প্রতিষ্ঠাতা ও উড়িয়া ভাষায় শ্রীমদ্ভাগ-
বতের প্রসিদ্ধ অনুবাদক জগন্নাথ দাসকে শ্রীচৈতন্যদেবের
আদেশে তিনিই বৈষ্ণবধর্মে দীক্ষিত করেন। জগন্নাথ
দাসের ভাগবত পাঠ শ্রবণে চৈতন্যদেব এত আনন্দিত হন
যে, তিনি তাঁহাকে আলিঙ্গনদান করেন ও বলরাম দাসকে
তাঁহার দীক্ষার জন্ত নির্দেশ দেন।

শ্রীচৈতন্যদেবের উড়িয়াগমনের সময় সেখানে উক্তরূপ

১৭ শ্রীচৈতন্যচরিতামৃত, মধ্যলীলা, ১৬

18. Vaitarani, Vol. XI. 1.

১৯ শূন্যসংহিতা, ১ম অধ্যায়

২০ ঐ, গ্রন্থসং

পঞ্চসখার ত্রায় আরও অনেক তন্ত্রমন্ত্র বিশারদ শূন্যবাদী বৌদ্ধ ছিলেন। ষ্টারলিং উড়িষ্যার ইতিহাসে ঐ প্রকার বৌদ্ধদের তৎকালে উড়িষ্যার রাজসভায় প্রাধান্য ছিল বলিয়া-ছেন। উঁহারাও ঐ সময় হইতে উড়িষ্যার অগ্ন্যন্ত ধর্মাবলম্বী অসংখ্য নরনারীর সহিত ক্রমশঃ শ্রীচৈতন্যদেবের প্রেমধর্মের আশ্রয় গ্রহণ করেন।

উড়িষ্যার প্রাচীন বৈষ্ণবধর্মের ইতিহাস আলোচনা করিয়া শ্রীযুত প্রভাত মুখোপাধ্যায় বলিয়াছেন,

“In the first half of the 16th century Vaisnavism in Orissa had undergone a change. Chaitanya came from Bengal and settled in Orissa. His super-human personality and religious fervour arrested popular imagination. . . . The mediaeval Vaisnavism of Orissa was declared heterodox by triumphant Neo-Vaisnavism, and gradually died away. Even the followers of Achutananda or Atibad Jagannath Das will not now talk of Buddha Mata, Tantra, Mantra, Yantra or Buddha incarnation.”

“The Vaisnavas of Orissa now adore Chaitanya and Nityananda. They love to sing Bengali devotional songs. . . . No Oriya pauses to think that Nityananda was a Bengali, and Chaitanya was born and brought up in Bengal.”

এইরূপে এখনও উৎকলে তাঁহার পুণ্যময় স্মৃতি পূজিত হইবার কারণ এই যে, তাঁহার জীবনের অল্পম আদর্শ ভক্ত-গণের চির আরাধ্য এবং তাঁহার প্রেমধর্ম প্রচারের ফলে সেখানে যে অশেষ জনকল্যাণ ঘটে তাহাও অবিস্মরণীয়।

অনেকে এ নাগাদ প্রকাশিত নানা গ্রন্থে মন্তব্য প্রকাশ করিয়াছেন যে, ঐ সময় শ্রীচৈতন্যদেবের ধর্ম উৎকলবাসীরা

ঐভাবে গ্রহণ করেন বলিয়া তাঁহারা রাজকার্য পরিচালনে অল্পযুক্ত ও নিবীৰ্য্য হইয়া পড়েন এবং তাহার ফলেই উড়িষ্যার রাজনৈতিক স্বাধীনতা নষ্ট হয়। কিন্তু উক্তরূপ মন্তব্য যে মোটেই সত্যের উপর প্রতিষ্ঠিত নহে তাহা ঐ সময়ের উড়িষ্যার ইতিহাস ভাল করিয়া অনুধাবন করিলেই বুঝিতে পারা যায়। তৎকালে ভারতবর্ষের সমস্ত রাজ্যই সামন্ততান্ত্রিক ছিল এবং ঐ সকল রাজ্য কতকগুলি স্বৈরাচারী শাসক-সম্প্রদায় পরিচালনা করিতেন। ঐ প্রকার কোন রাজ্যের ঐ শ্রেণীর শাসক-সম্প্রদায়ের মধ্যে, যখনই নিবুদ্ধিতা, স্বার্থপরতা ও শঠতা প্রভৃতি অসদ্গুণের প্রাবল্য হইত তখনই বীর ও বণনিপুণ সৈন্যবাহিনী প্রভৃতি থাকে সত্ত্বেও সেই রাজ্যের বিনাশ ঘটত। ভারতবর্ষের ইতিহাসে উহার উদাহরণের অভাব নাই।

উড়িষ্যারাজ্যেও মহারাজা প্রতাপরুদ্রের মৃত্যুর পঁচিশ বৎসরের মধ্যে ঐ অবস্থা ঘটয়া উহার রাজনৈতিক স্বাধীনতার বিলোপ হইয়াছিল।

সেই কারণে শ্রীযুত প্রভাত মুখোপাধ্যায়ও উড়িষ্যার তৎকালীন শাসক-সম্প্রদায়ের ঐ প্রকার নৈতিক ছরবছার বিষয় বিশদভাবে আলোচনা করিয়া বলিয়াছেন,

“It is difficult to link this sickening tale of moral turpitude with the Chaitanya movement which taught mankind to be faithful and honest.”

21. *Mediaeval Vaisnavism in Orissa*, page 178.

আলোয়ার আলো

রওশান আলি শাহ্

আলোয়ার আলো, দূর থেকে মোরে দিয়েছিল হাতছানি
চিনিতে পারি নি ওখন তোমার মধ্যে মুখোশখানি।

আধার রাত্রি আমি পথহারা
সম্মুখে নদী অতি খরধারা—

তোমার ঝিলিক ডেকে ডেকে সারা আমারে আপন মানি।

আলোর ছলনা ভুলালো আমারে ভুলালো আমার পথ
জানি না তোমার পুনেছিল কিনা নির্মম মনোরথ,

সারা রাত শুধু প্রান্তরে বনে
ঘুরিয়া মরেছি ছায়ার পেছনে

ভীত শিহরণ জাগালো পবনে রাত্রির পর্বত।

সঙ্কেতে মোরে করেছিল মানা আকাশে তারার দল
বুঝিতে পারি নি আমি নির্বোধ—আলো নয় ও যে ছল।

কে জানিত ওই আলোকের বুকে
বিষের বাতাস রহিয়াছে ঢুকে

কে জানিত মোর নয়ন-সম্মুখে কুহকিনী কৌশল।

আধারে বিপাকে ফেলেছিল মোরে, কেড়ে নিয়েছিলে দিম্ম
এখন এসেছে সোনালী প্রভাত কেটে গেছে অমানিশা,

আমারে ভোলাতে প্রতি নিখাসে

আলোছ আপন বিষের বাতাসে

হার মায়াবিনী! মরিলে তরাসে মিটল না মক-ত্বা
পেয়েছি পথের নিশানা এখন কেটে গেছে অমানিশা।

আজিকে রাতি

শ্রীকুমুদরঞ্জন মল্লিক

প্রিয়া, সেই প্রিয় পূর্ণিমা নিশি,
সেই চম্পক-সুরভি,
বাজে দরবারী কানাড়া কোথাও ।
কোথাও বেহাগ, পূরবী ।
সুযুখে মাধবী তেমনি শ্যামলা
শাখে থলো থলো কুঁড়ি গো,
বরণপিঁড়িতে এখনো রয়েছে
পুরানো এলুন গুঁড়ি গো ।
কোকিলের ডাক তেমনি মদির,
'কই তো হয় নি পুরাতন ?
মণিমঞ্জীর বঙ্কত নিশি
বাজে কঙ্কণ কনকন
এ রাতি করেছে মধুরা—
যুগের যুগের কিশোর-কিশোরী
জগতের বর-বধুরা ।

২

হয় তো এমনি আলোকতিথিতে
তুমি যা বলেছ মিছে নয়,
হলো 'সাবিত্রী' 'সত্যবানের'
শুভদৃষ্টির বিনিময় ।
আজও শোনা যায় কলধ্বনি যে
সেই স্রোতবহা মালিনীর,
বেতসকুঞ্জ তেমনি শোভন,
হয় নি বদল অবনীর ।
'চন্দ্রাপীড়' আর 'কাদম্বরীর'
বাসরজাগা এ রজনী,
কত চাঁদ সুখসুধা দিয়ে এর
গরব বাড়ানো সজনি !
যায় নি যাবার কিছু নয়,—
তৃষিত অধর উৎসুক বুক
তেমনি রয়েছে মধুময় ।

৩

এই সুখাময়ী ক্ষুধাময়ী নিশি
বুঝিতে পারি নে কি বটে ?
নৃত্যে ইহার একটি ভঙ্গী
প্রিয়তমে ডাকে নিকটে ।
সুধার গাগরী কক্ষে ইহার
'চুমুরিয়া' সাড়ী পরনে,
লালে লাল করি চলে সুন্দরী
অনুরাগ-রাঙা চরণে ।
কতই 'শিরিণ' কতই 'ফরহাদ'
কত 'জুলিয়েট' 'রোমিও'
কুসুম-বিছানো এই পথে গেল
তার পর তুমি-আমিও ।
এ নিশি কি কেহ ভোলে গো ?
অমর হয়েছে রাই ও কাহুর
বুলনরাসে ও দোলে ও ।

৪


লাগেনা কি ভাল ? মোর ভাল লাগে,
ভাল লাগে মোর অতিশয়,
পরিচিত সেই রঙ্গমঞ্চে
এই নূতনের অভিনয় !
সুরভিত হ'ল যে নিশি মোদের
স্বতির গোলাপী আতরে,
তরুণ-তরুণী গোলাপে গোলাপে
সাজাইছে তারে আদরে ।
আছে পথ চাওয়া, সেই গান গাওয়া,
বহে সেই হাওয়া অনুখন,
ফোটে সেই ফুল, সেই গাছে আজও,—
সেই সে বিরহ সে মিলন ।
সে বাঁশীই বাজে অবিরাম—
উহাদের খেলা আমাদের চোখে
লীলা হয়ে রাজে অভিরাম ।



নিউ দিল্লী, সেন্ট্রাল কলেজ অব নাসিং-এর জনৈক ছাত্রী কর্তৃক পল্লীগ্রামের একজন মাতাকে শিশুপালন শিক্ষাদান



যুক্তরাষ্ট্রের প্রেসিডেন্ট আইসেনহাওয়ারের সঙ্গে 'নিউইয়র্ক হেরাল্ড ট্রিবিউন ফোরামে'র প্রতিনিধিবর্গ।
বাম দিক হইতে তৃতীয়—ভারতীয় প্রতিনিধি ভাঙ্কাল জয়রাম



পালাম বিমানঘাটিতে ভারতীয় বিমান-বাহিনীর কর্মীদের সহিত ভারত-পরিদর্শনরত মিশরীয়
বিমানবাহিনীর কর্মীদের ও মিশরীয় বিমান



সিংহল-পার্লামেন্টারি ডেলিগেশনের সভ্যগণ কর্তৃক দিল্লীর দশ মাইল দূরবর্তী মুখমলপুর 'কমিউনিটি প্রোজেক্ট' কেন্দ্রে পরিদর্শন

গীতা-প্রবচন

শ্রীবিনোবা ভাবে

অনুবাদক : শ্রীবীরেন্দ্রনাথ গুহ

নবম অধ্যায়

১

আমার গলায় বাধা। আমার কথা আজ শোনা যাইবে কিনা ঠিক বুঝিতেছি না। এই প্রসঙ্গে সাধুচরিত্র বড় মাধবরাওয়ের অস্তিম সময়ের কথা মনে পড়িতেছে। ঐ মহাপুরুষ তখন মৃত্যুশয্যায় শায়িত। কফের প্রকোপ অত্যন্ত প্রবল। কফের পর্যবসান অতি-সারে করা হয়। মাধবরাও বৈদ্যকে বলিলেন, “কফ দূর চয়ে অতিসার আসে সে ব্যবস্থা করুন। তা হলে কণ্ঠ মুক্ত হবে। হরিনাম করতে পাব।” আমিও আজ পরমেশ্বরের কাছে প্রার্থনা করিতেছিলাম। ভগবান বলিলেন, “গলায় যেমন দেয় তেমন বলবে।” আমি এখানে গীতার আলোচনা করিতেছি। কাহাকেও উপদেশ দেওয়ার জ্ঞান তাহা নয়। লাভবান যাহারা হইতে চান তাঁহাদের অবশ্য লাভ হইবে। কিন্তু গীতা বামনাম, তাই তো আমি গীতা শুনাইতেছি। আমি গীতা বলি না, আমি হরিনাম করি।

আমি যাহা বলিতেছি আজিকার আলোচ্য নবম অধ্যায়ের সহিত তার সম্বন্ধ রহিয়াছে। এই অধ্যায়ে হরিনামের অপূর্ব মহিমা কীর্তন করা হইয়াছে। এই অধ্যায় গীতার মধ্যস্থলে অবস্থিত। গোটা মহাভারতের মধ্যভাগে গীতা আর গীতার মধ্যভাগে নবম অধ্যায়। নানা কারণে এই অধ্যায় পবিত্র হইয়া গিয়াছে। কথিত আছে, অস্তিম সমাধিকালে জ্ঞানদেব এই অধ্যায়ের রূপ করিতে করিতে প্রাণত্যাগ করেন। এই অধ্যায়ের শ্রবণমাত্রে আমার চক্ষু ছলছল হয়, হৃদয় উচ্ছসিত হয়। বাসদেবের ইহা কত বড় কৃপা! কেবল ভারতবর্ষ নহে, সমস্ত মনুষ্যজাতির উপর তাহার এই কৃপা বর্ষিত হইয়াছে। যে অপূর্ব কথা ভগবান-অর্জুনকে বলিয়াছিলেন, তাহা শব্দে ব্যক্ত করার মত নয়। কিন্তু দ্বাপরবংশ হইয়া বাসদেব সে কথা সংস্কৃত ভাষায় ব্যক্ত করিয়াছেন। গুহা বস্তুকে বাণীরূপ দিয়াছেন। এই অধ্যায়ের আরম্ভে ভগবান বলিতেছেন :

“রাজবিদ্যা মহাগুহা উত্তমোত্তম পাবন”

এই যে রাজবিদ্যা, এই যে অপূর্ব বস্তু, তাহা প্রত্যক্ষ উপলব্ধির বিষয়। উহাকে ভগবান ‘প্রত্যক্ষাবগম’ বলিয়াছেন। শব্দ যাহা ধরিতে অসমর্থ, অথচ প্রত্যক্ষ অনুভবের কষ্টপাথরে যাহার যাহাই হইয়া গিয়াছে এরূপ কথা এই অধ্যায়ে বর্ণনা করা হইয়াছে। তাহার কলে ইহা একান্ত মধুর হইয়াছে।

কে জানে কোথা, যমপুর কি সুরপুর যাবো।

রামদাস তুলসীর এ জীবনই ভালো।

মরিলে স্বর্গলাভ হইবে সে কথার এখানে কি লাভ? স্বর্গে কে

যায়, আর যমপুরে কে যায় সে কথা কে বলিবে? এখানে যে দুই দিন থাকিতে হইবে, রামের গোলাম হইয়া থাকিতেই আমার আনন্দ—তুলসীদাস এ কথা বলেন। রামের গে লাম হইয়া থাকার মধুর এই অধ্যায়ে রহিয়াছে। প্রত্যক্ষ এই দেহেই, এই চক্ষেই অনুভব করা যায় এইরূপ ফলের, জীবদশায় উপলব্ধি করা যায় এই-রূপ বিষয়ের কথা—এই অধ্যায়ে বলা হইয়াছে। গুড় খাইলে গুড়ের মিষ্টতা বুঝা যায়। তদ্রূপ রামের গোলাম হইয়া থাকার মধুর এখানে বিদ্যমান। তেমনি এই মৃত্যুলোকের জীবনের মধুর—যাহা করা প্রত্যক্ষ উপলব্ধি করা যায় সেই রাজবিদ্যার কথা এই অধ্যায়ে বলা হইয়াছে। এই রাজবিদ্যা গুঢ়। কিন্তু ভগবান সকলের পক্ষে তাহা সুলভ করিয়া রাখিয়াছেন, সকলের জ্ঞান খুলিয়া ধরিয়াছেন।

২

গীতা যে ধর্মের সার তাহাকে বৈদিক ধর্ম বলে। বৈদিক ধর্ম মানে বেদ হইতে নিম্পন্ন ধর্ম। জগতে যত প্রাচীন গ্রন্থ আছে তন্মধ্যে বেদ প্রাচীনতম গ্রন্থ বলিয়া মাগ। তাই ভাবুক লোকেরা বেদকে অনাদি বলিয়া থাকেন। সেহেতু বেদ পূজ্য হইয়া রহিয়াছে। আর ইতিহাসের দৃষ্টিতে দেখিলেও বেদ আমাদের সমাজের প্রাচীন ভাবনার প্রাচীনতম নিদর্শন। তাম্রপট, শিলালেখ, মুদ্রা, পাত্র, প্রস্তরীভূত প্রাণীদেহ ইত্যাদি উপকরণ হইতে এই লিপিত প্রমাণ অনেক বেশী গুরুত্বপূর্ণ। জগতে যদি আদি ঐতিহাসিক প্রমাণ কিছু থাকে তো সে বেদ। এই বেদে যে ধর্ম বীজরূপে ছিল তাহা বাড়িতে বাড়িতে বৃক্ষ হইয়াছে আর অবশেষে তাহাতে গীতারূপ দিবা মধুর ফল ধরিয়ছে। ফল ছাড়া গাছের আমবা আর কি-ই বা খাইতে পারি? বৃক্ষে ফল ধরিলেই না বৃক্ষ হইতে খাওয়ার বস্তু মিলে। বেদ-ধর্মের সারের সার এই গীতা।

প্রাচীনকাল হইতে এই যে বেদ-ধর্ম প্রসিদ্ধ ছিল, তাহাতে নানা যজ্ঞ, ক্রিয়াকলাপ, বিবিধ তপশ্চর্যা, বহুবিধ সাধনার কথা আছে। এই যে সব কর্মকাণ্ড তাহা নিরর্থক নয় বটে, তবে তার অধিকারী হইতে হয়। কর্মকাণ্ড সকলের পক্ষে সুলভ ছিল না। উচ্চ নারিকেলবৃক্ষে উঠিয়া নারিকেল কে ছিঁড়ে, কে ছাড়াই, কে ভাঙ্গে? আমার খুব ক্ষুধা লাগিতে পারে কিন্তু ঐ উচ্চ বৃক্ষের নারিকেল পাওয়ার উপায় কি? আমি নীচে হইতে নারিকেল দেখি, নারিকেল উপর হইতে আমাকে দেখে। তাহাতে কি পেটের ক্ষুধা মিটে? ঐ নারিকেল বস্তুকণ না আমার হাতে আসে, ততক্ষণ সবই বুধা। বেদের এই নানা ক্রিয়াতে অতি সূক্ষ্ম বিচার নিহিত। সাধারণ লোকে তাহা বুঝিবে কিরূপে? বেদমার্গ ছাড়া মোক নাই,

কিন্তু বেদের অধিকারও ত নাই, তবে অপর সকলের কাজ চলে কি ভাবে? তাই ত কৃপাসিন্ধু সাধুপুরুষেরা অগ্রসর হইয়া বলিলেন, “এই বেদের সার নিষ্কাশন করছি। সংক্ষেপে বেদের সারসঙ্কলন করে জগতের কাছে দরছি।” তাই তুকারাম মহারাজ বলিয়াছেন : “বেদ বলেছে অনন্ত। অর্থ ইহাতেই লভা।” সে অর্থ কি? হরিনাম। হরিনাম বেদের সার। রামনামের দ্বারা মোক্ষ নিশ্চিত লভা হইয়াছে। স্ত্রী, শিশু, শূদ্র, বৈশ্য, অশিক্ষিত, দুর্বল, রোগী, পঙ্গু, সকলের পক্ষে মোক্ষ সুলভ হইয়া গিয়াছে। বেদের আলমারিতে আবদ্ধ মোক্ষ ভগবান রাজপথে আনিয়া দিয়াছেন। কেমন সহজ সরল পথ! যাহার বৈকল্পিক সহজ জীবন, যাহা স্বধর্ম-কর্ম, সেবা-কর্ম তাহাকেই যজ্ঞময় করিয়া দিন না কেন? অথবা যোগ-যজ্ঞের দরকার কি? তোমার দৈনন্দিন সহজ সেবা-কর্মকেই যজ্ঞ-রূপ দ্যও। তাহাই রাজমার্গ।

যানাস্থায় নব্বো রাজনু ন প্রমাদ্যেত কহিচিৎ।

ধাবল্লিমীলা বা নেত্র ন সঙ্কলেন্ন পতেদিহ ॥

এই মার্গে চক্ষু বুঁজিয়া দোঁড়াইয়া গেলেও পতনের ভয় নাই। দ্বিতীয় মার্গ হইতেছে, “ক্ষুদ্রা ধারা নিশিতা হরতয়া”-র তায়। তাব তুলনায় তববারিধি ধারণ ককটাকা ভোতা, এমনই তরুণ বৈদিক মার্গ। রামের গোলাম হইয়া থাকার পথ সহজ। একটু একটু করিয়া উঁচু করিতে করিতে ইঞ্জিনীয়ার রাস্তা শিগরে লইয়া যায়, আর আমাদের উচ্চশিগরে বসাইয়া দেয়। এত উপরে যে উঠিতেছি তাহা টেরও পাওয়া যায় না। ইঞ্জিনীয়ারের এই বিশেষত্বের এতই রাজমার্গের বিশেষত্ব। মানুষ যেখানে কর্ম করিতেছে সেই কর্ম দ্বারা সেখানেই সে ভগবানকে পাইতে পারে। এইরূপই এই মার্গ।

পরমেশ্বর কি কোথাও লুকাইয়া আছেন? কোনও উপত্যকায়, কোন গহবরে, কোন নদীতে, কোন স্বর্গে কি তিনি আত্মগোপন করিয়া বসিয়া গিয়াছেন? হীরামাণিকা, সোনারূপা পৃথিবীর অন্তরে লুকাইয়া থাকে। মোতি-প্রবাল, বস্তাকর সমুদ্রে লুকায়িত থাকে। তেমনই কি পরমেশ্বররূপ ‘লালরতন’ কোথাও লুকাইয়া গিয়াছেন? ভগবানকে কোথাও হইতে কি খুঁড়িয়া বাহির করিতে হইবে? তিনি ত সব সময়ে আমাদের সকলের সামনে সর্বত্র দণ্ডায়মান। এই যে সব লোক তাহারা সকলেই ভগবানের মূর্তি। ভগবান বলেন, “এই যে মানবরূপে প্রকটিত হরিমূর্তি তার অবমাননা করিস নে তাই।” ঈশ্বরই চরাচরে বক্ত হইয়া রহিয়াছেন। তাঁহাকে খোঁজার নিমিত্ত কৃত্রিম উপায়ে কি প্রয়োজন? উপায় সহজ। যে সব সেবা-কার্য তুমি কর সে সবের সম্বন্ধ রামের সহিত জুড়িয়া দাও। বাস—কর্ম হাঙ্গিল। রামের গোলাম হইয়া যাও। ঐ কঠিন বেদমার্গ, ঐ যজ্ঞ, স্বাহা, স্বধা, ঐ শ্রাদ্ধ, তর্পণ, সবই মোক্ষের দিকে লইয়া যাইবে। কিন্তু অধিকারী অনধিকারীর ঝামেলা সেখানে উপস্থিত হয়। তাহার দরকারই আমাদের নাই। যাহাকিছু কর তাহা সব ঈশ্বরে অর্পণ করিয়া

দাও, এইটুকু মাত্র কর। প্রত্যেক কর্মের সম্বন্ধ তাঁর সহিত জুড়িয়া দাও। ইহাই নবম অধ্যায়ের কথা। তাই ভক্তের তাহা অতীব প্রিয়।

৩

কৃষ্ণের সারা জীবনে তাঁর বাল্যকাল অতি মধুর। লোকে আলাদা করিয়া বালকৃষ্ণের উপাসনা করে। গোপ-বালকদের সহিত সে গরু চরায়, তাহাদের সহিত খায়-দায়, তাহাদের সহিত হাসে-খেলে। গোপ-বালকেরা ইন্দ্রের পূজা করিতে যাইবে ত সে তাহাদের বলিল, “ইন্দ্রকে কেউ দেখেছে? কোন উপকার সে করে? এই গোবর্ধন পর্বত প্রত্যক্ষ দেখা যায়। সেখানে গরু চরে। সেখানে হইতে নদী বয়। তার পূজা কর।” এই শিক্ষা তিনি দিতেন। যে গোপ-বালকদের সহিত তিনি খেলিয়াছিলেন, যে গোপীদের সহিত তিনি কথা বলিয়াছিলেন, হাসিয়াছিলেন, যে গরু-বাচুদের সহিত তিনি চলা-ফেরা করিয়াছিলেন তাহাদের সকলের জগৎ মোক্ষের পথ তিনি উন্মুক্ত করিয়া দিয়াছিলেন। কৃষ্ণ-পরমাত্মা নিজ প্রত্যক্ষ অনুভব দ্বারা এই সহজ মার্গ প্রদর্শন করিয়াছেন। বাল্যকালে তাঁহার সম্বন্ধ ছিল গরু-বাচুদের সহিত, প্রাপ্ত বয়সে ঘোড়ার সহিত। মুরলীর ধ্বনি কানে আসিতেই গাভী আফ্লাদে আত্মচারা হইত, আর কৃষ্ণ হাত ধলাইতেই ঘোড়া পুলকিত হইয়া উঠিত। সেই গাভী, যথের সেই ঘোড়া, একেবারে কৃষ্ণময় হইয়া যাঁত। ‘পাপমোচনি’ বালক বিবেচিত ঐ পাপ-দেরও যেন মোক্ষপ্রাপ্তি ঘটত। মোক্ষ কেবল মানুষেরই অধিকার নহে, পশুপক্ষীরও আছে—এ কথা ক্রীকৃষ্ণ স্পষ্ট করিয়া দিয়াছেন। নিজ জীবনে তিনি এ কথা উপলব্ধি করিয়াছিলেন।

ভগবানের যে অনুভূতি বাসদেবেরও সেই অনুভূতি। কৃষ্ণ ও বাস দুইই এক রূপ। উভয়ের জীবনের সারও এক। মোক্ষের অবলম্বন বিদ্যাবত্তা নহে, আর কার্যকলাপও নহে। সাদাসিধা সরল ভক্তিই পথান্ত। ‘আমি’ ‘আমি’ বলিয়া বলিয়া অহঙ্কারী জ্ঞানী ব্যক্তি কোথায় পেছনে পড়িয়া রহিয়াছেন আর শ্রদ্ধাপরায়ণা সাদাসিধা নারী আগাইয়া গিয়াছেন। পবিত্র মন আর সরল শুদ্ধ ভাব—আর কি চাই, মোক্ষ দূর নহে। মহাত্মারতে জনক-সুলভা-সংবাদ নামে একটি প্রকরণ আছে। জ্ঞানলাভের নিমিত্ত জনক রাজা এক নারীর কাছে গিয়াছিলেন, বাসদেব এই প্রসঙ্গের অবতারণা করিয়াছেন। বেদে স্ত্রীলোকের অধিকার আছে কিনা আপনারা এই তর্ক জুড়িবেন, কিন্তু এদিকে দেখুন সুলভা জনক রাজাকে পর্যন্ত ব্রহ্মবিদ্যা শিক্ষা দিতেছেন। সে সামান্য নারী। জনক কত বড় রাজা! কত বিদ্যার বিভূষিত! কিন্তু মহাজ্ঞানী জনকেব হাতে মোক্ষ ছিল না। তাই বাসদেব তাঁহাকে সুলভার শরণ লইতে পাঠাইলেন। তুলাধার বৈশ্যও তক্রপ। জাজলি ব্রাহ্মণ তাহার কাছে জ্ঞানের জগৎ উপস্থিত। তুলাধার বলিতেছেন, “পাল্লার দাঁড়ি সমান রাখতেই আমার সবকিছু জ্ঞান।” ঐ ব্যাধের কথাও তক্রপ। ব্যাধ ত কসাই।

পশুহত্যা করিয়া সমাজের সেবা করিত। কোনো অহঙ্কারী ব্রাহ্মণকে তাহার গুরু ব্যাধের কাছে যাইতে বলিলেন। ব্রাহ্মণের আশ্চর্য্য ঠেকিল। কসাই কি জ্ঞান দিবে! ব্রাহ্মণ ব্যাধের কাছে গেল। ব্যাধ কি করিতেছিল? মাংস কাটিতেছিল, ধুইতেছিল, বিক্রীর জগু পরিষ্কার করিয়া রাখিতেছিল। ব্রাহ্মণকে সে বলিল, “এ কার্যকে যতটা ধর্ম্মময় করা যায় তাহা আমি করি। এই কার্যে আত্মা যতটা ঢেলে দেওয়া যায় ততটা ঢেলে দিয়ে আমি এই কর্ম করি, আর মা-বাপের সেবা করি।” এই ভাবে এই ব্যাধের রূপে ব্যাসদেব আদর্শ মূর্তি গড়া করিয়াছেন।

মোক্ষের দ্বার সকলের জগু উন্মুক্ত এ কথা প্রতিপাদনের নিমিত্ত মহাভারতে এই সব নারী, বৈশ্য, শূদ্র ইত্যাদির প্রসঙ্গ অবতারণা করা হইয়াছে। এই তত্ত্ব নবম অধ্যায়ে ধরা হইয়াছে। ঐ সব কথার উপরে এই অধ্যায়ে শীলমোহর অঙ্কিত করিয়া দেওয়া হইয়াছে। রামের গোলাম হইয়া থাকাতে যে মাধুর্য, ব্যাধের জীবনে তাহা রহিয়াছে। তুকারাম মহারাজ অহিংসার সাধক। কিন্তু সজন কসাই কসাইয়ের কাজ করিয়া মোক্ষলাভ করিয়াছিলেন এ কথা তিনি বড়ই আশ্চর্য বর্ণনা করিয়াছেন। আর এক জায়গায় তুকারাম জিজ্ঞাসা করিতেছেন, “ভগবান, পশু-হত্যাকারীর গতি কি হবে?” কিন্তু,

“সজন কসাইয়ের সাথে বেচে মাংস”—

এই চরণ লিখিয়া তিনি বলিয়াছেন যে ভগবান সজন কসাইয়ের সহায়তা করেন। যে ভগবান নবগী মেহতার ছুঁচু চুকাইয়া দিয়াছিলেন, একনাথের জল-ভরা বাঁক বহিয়া আনিয়াছিলেন, দামাজীর জগু মহার* হইয়াছিলেন, মহারাষ্ট্রের প্রিয় জনাবাঈকে ধান-ভানায় সহায়তা করিয়াছিলেন, সেই ভগবান সজন কসাইকেও তেমন প্রেমে সহায়তা করিতেন, এ কথা তুকারাম বলিতেছেন। সারাংশ— পরমেশ্বরের সহিত সকল কর্মের সম্বন্ধ জুড়িতে হইবে। কর্ম যদি শুদ্ধ ভাব হইতে করা হয়, সেবাময় হয়, তবে তাহা যজ্ঞরূপই বটে।

এই বিশেষ কথা নবম অধ্যায়ে বলা হইয়াছে। এই অধ্যায়ে কর্মযোগ ও ভক্তিযোগ এই দুইয়ের মধুর মিলন হইয়াছে। কর্ম যোগের অর্থ, কর্ম করিতে হইবে, কিন্তু ফল ত্যাগ করিতে হইবে। এই ভাবে কর্ম করিবে যে ফলের বাসনা চিত্ত স্পর্শ না করে। এ যেন আখরোটের গাছ বসানো। আখরোট গাছে পঁচিশ বৎসরে ফল ধরে। যে লাগায় তার ভাগ্যে ফল খাওয়া ঘটে না। তবু তাহা লোকে লাগায় ও যত্নে বাড়ায়। কর্মযোগ মানে গাছ লাগানো আর ফলের প্রত্যাশা না রাখা। ভক্তিযোগ মানে কি? ভাব-পূর্বক ঈশ্বরের সঙ্গে যুক্ত হইয়া যাওয়া ভক্তিযোগ। রাজযোগে কর্মযোগ ও ভক্তিযোগ একত্র মিশিয়া যায়। নানা লোকে রাজ-যোগের নানা ব্যাখ্যা করিয়াছে। কিন্তু সংক্ষেপে, রাজযোগ মানে কর্মযোগ ও ভক্তিযোগের মধুর মিশ্রণ, ইহা আমার ব্যাখ্যা।

কর্ম ত করিতে হইবেই, কিন্তু ফল ত্যাগ করা নয়—তাহা ঈশ্বরে অর্পণ করিতে হইবে। ফল ত্যাগ কর বলিতে ফলের নিষেধ বুঝায়। অর্পণে তাহা নাই। ইহা এক অতি উত্তম ব্যবস্থা। তাহাতে অপূর্ব মাধুর্য বিজ্ঞমান। ফলত্যাগের অর্থ এই নয় যে কেহই ফল লইবে না। কেহ না কেহ তাহা নিশ্চয় লইবে। কেহ না কেহ তাহা নিশ্চয় পাইবে। এখানে তর্ক উঠিতে পারে, যে পাইবে সে পাওয়ার উপযুক্ত কিনা? দ্বারে ভিখারী আসিলে আমরা চট করিয়া বলিয়া বসি, “বেশ মোটা-তাগড়া। ভিক্ষে করা শোভা পায় না। পথ দেখ।” তার ভিক্ষা চাওয়া উচিত কি অনুচিত সে বিচারে আমরা প্রবৃত্ত হই। বেচারী ভিখারী লজ্জিত হইয়া ফিরিয়া যায়। তার প্রতি আমাদের অশ্রুতে সহানুভূতি আর্দ্র নাই। তবে আর ভিখারীর যোগ্যতা আমরা কিরূপে নির্ধারণ করিব? ছেলেবেলায় আমি মার কাছে একপ সংশয় ব্যক্ত করিয়াছিলাম। তিনি যে উত্তর দিয়াছিলেন আজিও তাহা আমার কানে ধ্বনিত হয়। মাকে বলিয়াছিলাম, “এ ত দেখতে ছুঁপুঁট। একে ভিক্ষা দেওয়ার অর্থ বাসন ও আলস্যের প্রশয় দেওয়া।” গীতার ‘দেশে কালে চ পাত্রে চ’ শ্লোকটি তাঁহাকে বলিয়াছিলাম। মা বলিয়াছিলেন, “যে ভিখারী এসেছে সে ত পরমেশ্বরই। কব এবার পাত্রাপাত্রের বিচার। ভগবান কি অপাত্র? পাত্রাপাত্র বিচারে তোমার আমার কি অধিকার? আর অধিক বিচার করার প্রয়োজনও দেখি না। আমার কাছে সে ভগবান।” মায়ের এ কথার উত্তর আজও আমি খুঁজিয়া পাই নাই।

অন্যকে খাওয়ানোর কথায় পাত্রাপাত্রের কথা আমি বিচার করি। কিন্তু নিজে যখন পাই তখন ভুলেও কি ভাবি যে খাওয়ার অধিকার আমার আছে কিনা? আমাদের দ্বারে উপস্থিত ভিখারীকে তবে ইতর মনে করি কেন? যাহাকে দিতেছি তিনি ভগবান—এ কথা মনে করি না কেন? রাজযোগ বলে: “তোমার কর্মের ফল কেউ না-কেউ ত পাবেই, তা নয় কি? তা পুরাপুরি ভগবানকেই দিবে দাও। তাঁকে অর্পণ কর।” রাজযোগ যোগ্য স্থান দেখাইয়া দিতেছে। ফলত্যাগরূপ নিষেধাত্মক কর্ম ইহাতে নাই, আর ভগবানকে যখন অর্পণ করিতে হইবে তখন পাত্রাপাত্রের প্রশ্নও নাই। ভগবানে সমর্পিত দান তাহা ত সর্বদা শুদ্ধ হইবেই। তোমার কর্ম যদি দোষও থাকে ত তাঁর হাতে পড়িবামাত্র পবিত্র হইয়া যাইবে। দোষ দূর করিতে যতই চেষ্টা করি না কেন তবুও দোষ কিছু থাকিয়া যায়ই। তাহা হইলেও, যতটা শুদ্ধ হইয়া কর্ম করা যায় তাহা করিতে হইবে। বুদ্ধি ঈশ্বরের দান। যতদূর শুদ্ধভাবে তাহা ব্যবহার করা যায় ততদূর শুদ্ধ ব্যবহার করা আমাদের কর্তব্য। তাহা না করিলে পাপ হইবে। অতএব পাত্রাপাত্র বিচারও করা চাই। কিন্তু ভগবন্তাবের দরুন স কাজ সোজা হইয়া যায়।

ফলের বিনিয়োগ চিত্তশুদ্ধির নিমিত্ত করা চাই। যে কর্ম বেরূপ হইবে, তেমনই তাহা ভগবানকে অর্পণ করিবে। প্রত্যক্ষ

* মহারাষ্ট্রের এক হরিজন জাতি

কর্ম যেমন যেমন হইতে থাকিবে তেমন তেমন তাহা ভগবানে অর্পণ করিয়া মনস্তৃষ্টি লাভ করা চাই। ফল ভাগ করা নয়, ভগবানকে তাহা দিয়া দেওয়া। কেবল তাহাই নয়, মনে যে সব বাসনা জন্মে তাহা এবং কাম ক্রোধাদি বিকার পর্যাঙ্ক ভগবানকে দিয়া মুক্ত হওয়া চাই।

“কাম ক্রোধ মোহ, হলো এবে তোমার”

এই রাজযোগে সংযমাপ্নতে পড়িয়া জ্বালা নাই পোড়া নাই, যেমন অর্পণ, তেমনি ছুটি। নাই কাটকে পায়ে দলা, নাই মাঝামাঝি।

“যোগ মরে হৃদে চিন্তিতে, তবে কি কাজ তিতো নিমে।”

ইন্দ্রিয়সমূহ সাধন। তাহাদিগকে ঈশ্বরার্পণ কর। বলা হয়—কান কথা মানে নাই; তাই বলিয়া কি শোনাই বন্ধ করিয়া দিবে? শুনিবে, কেবল হরিকথা শুনিবে। শ্রবণ না করা বড় কঠিন। কিন্তু হরিকথারূপ শ্রবণের বিষয়ে কানের ব্যবহার করা অনেক বেশী সহজ, রুচিকর ও হিতকর। তোমার কান রামকে দিয়া দাও। মুখে রামনাম কর। ইন্দ্রিয় শক্ত নহে। তাহার ভাল। অনেক তাহাদের সামর্থ্য। ঈশ্বরার্পণ-বুদ্ধি হইতে, ইন্দ্রিয়সমূহ হইতে কাম আদায় করা—ইহা রাজমার্গ। ইহাই রাজযোগ।

৫

অন্য কর্ম ভগবানকে অর্পণ করিতে হইবে, তাহা নয়। কর্মমাত্রই তাকে সমর্পণ কর। সে সবই শবরীর কুল। রাম কতই না আমাদের তাহা গ্রহণ করিয়াছিলেন। পরমেশ্বরের আরাধনা করার জগৎ গুণায় যাওয়ার দরকার নাই। তুমি যেখানে যে কর্ম কর তাহা ভগবানে অর্পণ কর। মা সন্তানের দেখাশুনা করেন না ত, ভগবানেরই যেন দেখাশুনা করেন। সন্তানকে স্নান করান, তাহা যেন পরমেশ্বরের অভিষেক। শিশু পরমেশ্বরের দয়ার দান, এ কথা মনে করিয়া পরমেশ্বরের ভাবনা হইতে শিশুর লালন-পালন করা মাথের কর্তব্য। কি প্রেমবশেই না কৌশল্যা রামচন্দ্রের, ও যশোদা কৃষ্ণের কথা ভাবিতেন! তাহা বর্ণনা করিতে পাইয়া শুক, কালীকি, তুলসীদাস নিজেদের ধর্ম মানিয়াছেন। এই কর্মে ঐহাদের স্নানের সীমা নাই। মাতার এই সেবা-কায়া অতি উচ্চ গুণের। ঐ যে শিশু সে ত পরমেশ্বরেরই মূর্তি, সেই মূর্তির সেবা অপেক্ষা অধিক ভাগের আর কি থাকিতে পারে? পরম্পরের সেবার কেল্যে এই ভাবনা হইতে যদি আমরা কাজ করি তবে আমাদের কর্মে কি পরিবর্তনই না দেখা দিবে। যাহার কাছে যে সেবা-কর্ম উপস্থিত, তাহা ঈশ্বরেরই সেবা এ কথা আমাদের নিরন্তর মনে রাখা চাই।

কৃষক বলদের সেবা করে। এই বলিদ কি তুচ্ছ? না। বেদে বামদের শক্তিরূপে বিশ্বব্যাপী যে ব্যবহার বর্ণন করিয়াছেন তাহাই ঐ কৃষকের বলদে মূর্ত।

“চত্বারি শৃঙ্গা ত্রয়ো অশ্রু পাদা

যে শীর্ষে সপ্ত হস্তাসো অস্য

ত্রিধা বন্ধো বৃষভো যোরবীতি

মহো দেবো মর্ত্যঃ আবিবেশ ॥

যার চারিটি শিং, তিন পা, দুই মাথা, সাত হাত, যে তিন স্থানে বাঁধা, মহানু তেজস্বী হইয়া যে সকল মর্ত্য বস্তুতে বাণ্ড এইরূপ গজ্জনকাদী বিশ্বব্যাপী বলিদদের পূজা কৃষক করে। টীকাকারেয়া ইহার পাঁচ সাত বকম বিভিন্ন অর্থ করিয়াছেন। আর এই বলদও বিচিত্র! আকাশে গর্জন করিয়া যে বলদ বৃষ্টিপাত করে, সেই ক্ষেতে মল-মূত্র বর্ষণ করিয়া শস্যোৎপাদনকারী কৃষকের বলদ রূপে বিদ্যমান। এই উচ্চ ভাবনা হইতে কৃষক যদি নিজ বলদের সেবা করে, যত্ন করে তবে এই সাধারণ বলদের সেবাই ঈশ্বরার্পণ হইয়া যাইবে।

তদ্রূপ গৃহলক্ষ্মী যদি পাকশাল লোপিয়া মুছিয়া পরিষ্কার পরিচ্ছন্ন রাখেন, উছন্ন ধরান, শুদ্ধ সাংস্কৃত আহাৰ্য প্রস্তুত করেন, আর এই ভাব পোষণ করেন যে আমার পাকাল খাইয়া গৃহের সকলে সুস্থ হউক, পুষ্ট হউক ত তার এই সব কর্মই নিঃসন্দেহ যজ্ঞরূপ। মা যেন ক্ষুদ্রায়তন যজ্ঞাদিই প্রজ্জলিত করেন। পরমেশ্বরের তৃপ্তি-বিধান করিব এই কামনা হইতে যে আহাৰ্য প্রস্তুত করা হয় তাহা কত যে শুদ্ধ ও পবিত্র হইবে একবার দেখুন। ঐ গৃহলক্ষ্মীর মনে যদি এরূপ উচ্চ ভাবনা থাকে ত তাহাকে ভাগবতের ঋষিপত্নীর সমান স্থান দিতে হইবে। এরূপ কত মাতাই না সেবা করিতে করিতে তরিয়া গিয়া থাকিবেন, আর আমি-আমি উচ্চারণকারী জ্ঞানী ও পণ্ডিত কোথায় কোন্ কোণে পড়িয়া রহিয়াছেন!

৬

আমাদের দৈনন্দিন জীবন, প্রতিফলনের জীবন দেখিতে সাধারণ হইলেও বস্তুতঃ সাধারণ নহে। তাহার মহানু অর্থ রহিয়াছে। সমস্ত জীবনটাই এক মহানু যজ্ঞকর্ম। তোমার নিদ্রা, তাহাও এক সমাধি। সবপ্রকারের ভোগ ঈশ্বরার্পণ করিয়া নিদ্রা গ্রহণ করি ত তাহা সমাধি নয় ত কি? স্নান করার সময় পুরুষস্কৃত আবৃত্তি করার রীতি আছে। স্নান-ক্রিয়ার সহিত এই পুরুষস্কৃতের সম্বন্ধ কি তাহা একবার ভাবিয়া দেখুন। খোজেন ত সম্বন্ধ দেখিতে পাইবেন। সহস্র যাহার বাহু, সহস্র যাহার চক্ষু সেই বিয়াট পুরুষের সহিত আমার স্নানের কি সম্বন্ধ? সম্বন্ধ এই, ঘটি ভরিয়া যে জল তুমি মাথায় ঢালিতেছ তাহাতে হাজারো বিন্দু রহিয়াছে। সেই বিন্দু তোমার মাথা ধুইতেছে, তোমার নিম্পাপ করিতেছে। তোমার মস্তকে উঠা আশীর্বাদ বর্ষণ করিতেছে। পরমেশ্বরের সহস্র হাত হইতে যেন সহস্র ধারা তোমার উপর বর্ষিত হইতেছে। বিন্দু-রূপে স্বয়ং পরমেশ্বর যেন তোমার মস্তকভ্যন্তরের ময়লা দূর করিতেছেন। এরূপ দিব্য ভাবনা ঐ স্নানে যদি আবেশ কর তবে সে স্নান অর্থাৎ কিছু হইয়া যাইবে। তাহাতে অনন্ত শক্তি আসিবে।

যাহা করিতেছি তাহা পরমেশ্বরের কাজ এই ভাবনা হইতে যে কাজই কবি না কেন, তাহা সামান্য হইলেও পবিত্র হইয়া যায়। ইহা অমূল্যবসিদ্ধ কথা। আমাদের বাড়ীতে যিনি আসিয়াছেন তিনি ঈশ্বররূপ একথা একবার মনে করুন দেখি। সাধারণ কোন বড় লোক আসিলে আমরা ঘর-দোর কেমন পরিষ্কার-পরিচ্ছন্ন করি। কেমন ভাল আহাৰ্য প্রস্তুত করি। আর যদি ধরেন যে, ভগবান আসিয়াছেন তবে সেই কর্মেই মহা পার্থক্য দেখা যাইবে না কি? কবীর কাপড় বুনিতেন। তন্নয় হইয়া যাইতেন।

“কীণী কীণী কীণী, বিণী চন্দরিয়া”—

এই গান গাহিতেন, হুলিতেন। পরমেশ্বরকে পরাইবেন বলিয়া যেন চন্দর বুনিতেন। ঋগবেদের ঋষি বলিতেন:

“বস্ত্রৈব ভঙ্গা স্কৃত্তা স্পর্শাণী”—

সুন্দর হাতে বোনা বস্ত্রের মত আমার এই স্তোত্র আমি ঈশ্বরকে পরাইতেছি। কবি স্তোত্র রচনা করেন ঈশ্বরের জগৎ, তাঁতি কাপড় বোনে সেও ঈশ্বরেরই জগৎ। কেমন হৃদয়গ্রাণী কল্পনা! কিরূপ চিত্তশুদ্ধকারী হৃদয় উদ্বেলকারী ভাবনা! এই ভাবনা জীবনে যদি একবার আসে তবে জীবন কতই না নির্মল হইয়া যাইবে! অন্ধকারে বিজলী গেলে ত মুহূর্তে অন্ধকার আলো হইয়া যায়। ঐ অন্ধকার কি আস্তে আস্তে আলো হয়? না, মুহূর্তে সারা ভিতর-বাতিরের পরিবর্তন ঘটয়া যায়। তদ্রূপ, প্রত্যেক কর্ম ঈশ্বরে জুড়িয়া দেওয়া মাত্র জীবনে একেবারে অভূতপূর্ব শক্তি আসে। প্রত্যেক ক্রিয়া তখন বিস্তৃত হইতে থাকিবে। জীবনে উৎসাহের সঞ্চার হইবে। আজ আমাদের জীবনে উৎসাহ আছে কি? মরি না তাই বাচিয়া আছি। সর্বত্র উৎসাহের অভাব। রোরুঢ়মান কলাহীন জীবন। কিন্তু সর্ব ক্রিয়া ঈশ্বরের সহিত জুড়িতে হইবে এই ভাবনা মনে আন। তখন দেখিবে তোমার জীবন, কেমন বসণীয় হইয়াছে, নমনীয় হইয়াছে।

পরমেশ্বরের নাম লওয়া মাত্রই সহসা পরিবর্তন ঘটয়া যায়। সংশয়ের অবকাশ ইহাতে নাই। বামনাম, করিলে কি হয় এ কথা বলিও না। নাম কর তারপর দেখ। মনে কর দিনের কাজ শেষ করিয়া কৃষক সন্ধ্যাকালে ঘরে ফিরিতেছে। পথে এক পথিকের সহিত দেখা। তাহাকে সে বলে:

“চাল ঘরা উভা রাহেং নারায়ণা”—

“ভাই পথিক, হে নারায়ণ, থাম। রাত হয়ে এল। দেব, আমার ঘরে চল।” ঐ কৃষকের মুখ হইতে এরূপ বাক্য নিঃসৃত হইতে দাও আর তারপরে দেখ, ঐ পথিকের রূপ বদলাইয়া গিয়াছে কিনা। বাটপাড় হইলেও সে পবিত্র হইয়া যাইবে। ভাবনা-হেতু এই পার্থক্য হয়। সবকিছু ভাবনাতে নিহিত। জীবন ভাবনাময়। বিশ বৎসরবয়স্ক পনের ছেলে ঘরে আসে। পিতা তাহাকে কঙ্গা দান করেন। বরের বয়স কুড়ি আর কঙ্গার পিতার বয়স পঞ্চাশ। ● তাহা কিছু কর তাহা হুবহু ভগবানে অর্পণ করিয়া দাও।

পরমেশ্বর জ্ঞান করা হয়। জামাতার প্রতি, বরের প্রতি এই যে ভাবনা পোষণ করা হয় তাহা আরও উদ্বেল হইয়া বাও, অর্থস্বর করিয়া দাও।

কেহ কেহ বলিবেন, এরূপ বাজে কল্পনা করিয়া কি লাভ? সত্য-মিথ্যার প্রশ্ন প্রথমেই তুলিও না। আগে যত্ন কর, উপলব্ধি হউক তখন সত্য-মিথ্যা বুঝা যাইবে। বর সত্য সত্যই পরমাত্মা এরূপ শাব্দিক ভাবনা-স্থলে যথার্থ ভাবনা কল্পনান-ক্রিয়াতে আসিতে দাও, তারপরে দেখ ত দেখিতে পাইবে কত ব্যবধান হইয়া গিয়াছে। এই পবিত্র ভাবনা হেতু বস্তুর পূর্বরূপে ও উত্তররূপে আকাশ-পাতাল ব্যবধান সৃষ্টি হইবে। কুজন সৃজন হইবে। দুট শিষ্ট হইবে। এই ভাবেই বালাকোলের জীবনের পরিবর্তন হইয়াছিল না কি? বীণার তাবে অঙ্গুলি নাচিতেছে, মুখে নারায়ণের নাম চপ চলিতেছে, আর হারিতে আসিলেও শাস্তি টলিতেছে না, পক্ষান্তরে প্রেমপূর্ণ দৃষ্টিতে তাহার দিকে চাহিতেছেন—বালা এরূপ দৃশ্য ইতিপূর্বে কখনও দেখে নাই। তাহার কুড়াল দেখিয়া হয় লোকে ভয়ে পালাইয়াছে, নয়ত তাহাকে আক্রমণ করিয়াছে—এতকাল ইহাই সে দেখিয়া আসিয়াছে। এ ক্ষেত্রে সে দেখিল নারদ আক্রমণ করিলেন না বা ভাগিয়াও গেলেন না। শাস্তভাবে তিনি দাঁড়াইয়া রহিলেন। বালায় কুড়াল নামিল না। নারদের জু কাপিল না। চক্ষু মুদিত হইল না। মধুর ভজন পূর্ববৎ চলিতেছিল। নারদ বালাকে ভিজ্ঞাসা করিলেন, “কুড়ল যে নামল না?” বালা বলিল, “তোমাকে শাস্ত দেখে।” নারদ বালাকে রূপান্তরিত করিয়া দিলেন। ঐ রূপান্তর সত্য ছিল কি মিথ্যা?

বস্তুতঃ কেহ দুট কিনা তাহা নির্ণয় করিবে কে? সত্য সত্যই যদি কোন দুট লোক সামনে আসে তাহা হইলেও মনে কর যে সে পরমাত্মা। দুট হইলেও সে সাধু হইয়া যাইবে। পামকা তবে এরূপ ভাব কেন? আমি বলি, একথা কে জানে যে সে দুট? কেহ কেহ বলিয়া থাকে, “সঙ্কনেরা নিজে ভাল তাই জগৎ দেখে ভাল। আসলে তা নয়।” এখানে ভিজ্ঞাস্ত, তোমার কাছে বেরূপ দেখায় তাহাই যে সত্য একথা কিরূপে মানিয়া লওয়া যায়? সৃষ্টির সমাক জ্ঞান আহরণের উপকরণ যেন এক মাত্র দুটের হাতেই রহিয়াছে! একথাই বা কেন বলা হইবে না যে জগৎ ভাল, কিন্তু তুমি নিজে দুট, তাই তোমার কাছে জগৎ দুট দেখায়? আরে ভাই, সৃষ্টি ত দর্পণ। তুমি যেমন, সন্মুখের সৃষ্টিতে তেমনই তোমার প্রতিবিম্ব পড়িবে। যেমন দৃষ্টি তেমন সৃষ্টি। তাই ভাব, এই সৃষ্টি ভাল, এই জগৎ পবিত্র। সাধারণ কর্মেও এই ভাবের সঞ্চার কর। তখন দেখিবে রূপ কি চমৎকার।

“বা খাও, বা দেখ, যত কর হোম বাগতপ

বা কিছু কর কর্ম তা সব মোরে কর সমর্পণ।”

● যাহা কিছু কর তাহা হুবহু ভগবানে অর্পণ করিয়া দাও।

আমার যা ছোটবেলার একটি গল্প ওনাইতেন। গল্পটি মজার কিন্তু তার ভ্রূংগর্ভ অতি মূল্যবান। এক ছিল শ্রীলোক। বাহা-

কিছু করিবে তাহা কৃষ্ণকে অর্পণ করিয়া দিবে ইহা সে নিশ্চয় করিয়া রাখিয়াছিল। সে করিত কি—না, এঁটো নিকানোর পরে অবশিষ্ট গোবর ভাল করিয়া নিক্ষেপ করিত আর বলিত—‘কৃষ্ণার্ণমস্ত’। আর হইত কি—সে গোবর তৎক্ষণাৎ সেখান হইতে উঠিয়া মন্দিরের মূর্তির মুখে গিয়া আটকাইয়া যাইত। মূর্তি ধুইয়া ধুইয়া পূজারী আর পারে না। কি করে? অবশেষে সে বুঝিতে পারিল যে, এই মহিমা হইতেছে ঐ স্ত্রীলোকের। স্ত্রীলোকটি যতদিন বাঁচিয়াছিল মূর্তি কখনও পরিষ্কার রাখা যায় নাই। স্ত্রীলোকটির মৃত্যু হইল। অন্তিম সময় উপস্থিত। মৃত্যুকেই সে কৃষ্ণার্ণ করিল। সঙ্গে সঙ্গে দেবালয়ের মূর্তি টুকরা টুকরা হইয়া গেল। চূর্ণ বিচূর্ণ হইয়া গেল। স্ত্রীলোকটিকে লইয়া যাওয়ার জগা আকাশ হইতে বিমান আসিল। বিমানকেও সে কৃষ্ণার্ণ করিল। বিমান মন্দিরে গিয়া দাড়া পাইল, চুরমার হইয়া গেল। শ্রীকৃষ্ণের দায়নের কাছে স্বর্গ বাথ।

তাৎপৰ্য এই যে, ভালমন্দ যে-কোন কর্ম আমাদের দ্বারা সম্পন্ন হইয়া থাকে সে সব ঈশ্বরার্ণ করিয়া দিলে তাহাতে স্বতন্ত্র একরূপ সামর্থ্যের সৃষ্টি হইয়া থাকে। জোয়ারের দানা স্বভাবতই একটু পাণ্ডুবর্ণের, লাল রঙের। কিন্তু ভাজিলে তাহা হইতে কেমন সুন্দর গৈ হয়—সাদা, পরিষ্কার, আঁচ কোণা। ধোপ-ধোলাই কাপড়ে সুদৃশ্য ঐ গৈ দানার পাশে রাখিয়া দেখ। কত বাবধান! কিন্তু ঐ দানারই যে সেই গৈ তাহাতে সংশয় নাই। এই বাবধানের মূলে একমাত্র অগ্নি। তদ্রূপ ঐ শঙ্কু দানা জাঁতায় পিষিলে, হইয়া যাইবে মসৃণ আটা। আগুনের সংস্পর্শে গৈ, জাঁতার চাপে মোলায়েম আটা। ঠিক তদ্রূপ আমাদের ক্ষুদ্র কর্মটিতে যদি হরিশ্চরণরূপ দাস্তার করেন তবে তাহা ওপূর্ব হইয়া যাইবে। ভাবনার কারণ মূলা বাড়িয়া যায়। সাধারণ ঐ জ্বালুল, ঐ বেল-পাতা, ঐ তুলসীমঞ্জরী, ঐ দুর্বা—ইহাদের তুচ্ছ মনে করিও না :

“তুকা কহে স্বাদ পেয়েছে সে।

রামমিশ্রিত হয়ে গেছে যে ॥”

প্রতিটি ব্যাপার ভগবানে মিলাইয়া দাও। আর তারপর অনুভব কর। রামরূপ এই সামগ্রীর মত আর কোন সামগ্রী আছে কি? এই দিবা সামগ্রী অপেক্ষা শ্রেষ্ঠ আর কোন সামগ্রী ভূমি আনিবে? নিজের প্রতিটি কর্মে ঈশ্বররূপ মশলা মিলাইয়া দাও, দেখিবে সব কিছু সুন্দর ও রচিকর হইয়া গিয়াছে।

রাত্রি আটটায় মন্দিরে যখন আরাতি চলে, চারিদিক ধূপ-গন্ধে ভরিয়া যায়, দীপ জলে, আরাতি শেষ হইয়া আসে তখন সত্য সত্যই মনে হয়—আমরা পরমাত্মাকে দেখিতেছি। ভগবান দিবসভর জাগিয়াছিলেন, এখন তাঁর শয়নের সময় হইয়াছে। ভক্ত গাহে :

“সুখ নিদে এবে মগন হও গোপাল”।

কিন্তু সংশয়ী বলে, “রাখো, ভগবান কখনও নিদ্রা ঘান বুঝি?” আরে, কেন নয়? আচ্ছা লোক! ভগবান শোন না, জাগেন না, শোয় আর জাগে বুঝি ঐ পাথর? ভাই, ভগবানই শোন,

ভগবানই জাগেন আর ভগবানই পান-আহার করেন। ভোরবেলা তুলসীদাস ভগবানকে জাগান, মিনতি করেন :

“জাগিয়ে রঘুনাথ কুবর পংছী বন বোলে”।

নিজের ভাই-বোনদের, নর-নারীদের রামচন্দ্রের মূর্তি মনে করিয়া তিনি বলিতেছেন, “হে মোর রামচন্দ্র এবে ওঠ।” কিরূপ দিবা ভাবনা। তদ্বিপরীত কোন বোর্ডিঙের কথা ধরুন। জাগানোর সময়ে সেখানে তাড়নার স্বরে বলা হয়, “উঠবে, কি উঠবে না?” ভোরের মঙ্গল-বেলা। তখন রুচ কথা মানায় কি? রামচন্দ্র বিশ্বামিত্রের আশ্রমে নিদ্রাগত। বিশ্বামিত্র তাহাকে জাগাইতেছেন। বাল্মীকি-রামায়ণে এই বর্ণনা আছে :

“রামেতি মধুরাঃ বাণী বিশ্বামিত্রোদ্বহভাভাবত।

উত্তিষ্ঠ নরশাদূল পূর্বা সক্ষ্যা প্রবর্ততে ॥”

“বৎস রাম, এবার ওঠ।”—এমন মধুর সস্বোধনে বিশ্বামিত্র তাহাকে জাগাইতেছেন। কত মাধু্যে ভরা এই কর্ম। আর বোর্ডিঙের ঐ জাগানো কিদূশ কবশ! বেচারী নিদ্রামগ্ন ছেলেদের মনে হয় জন্ম-জন্মান্তরের শত্রু যেন শিয়রে আসিয়া দাঁড়াইয়াছে। প্রথমে মুঠু কঠে ডাক, পরে আর একটু জোরে। কিন্তু কঠোরতা, কবশতা যেন আদৌ না থাকে। ওঠে নাই, ত দশ মিনিট পরে যাও। আজ ওঠে নাই, কাল উঠিবে এই ভরসা রাখ। ঘুম ভাঙানোর তখন ধর, প্রভাতী গাও, স্তোত্র শ্লোক আবৃত্তি কর। ঘুম ভাঙানো সাধারণ মামুলি কাণ্ড। কিন্তু উহাকে আমরা কতই না কাব্যময়, প্রেমময় ও মাধু্যপূর্ণ করিতে পারি। ধর, ভগবানকেই জাগাইতে হইবে। পরমেশ্বরের মূর্তিকেই আস্তে জাগাইতে হইবে। নিদ্রা হইতে জাগানো তাহাও এক শাস্ত্র।

সকল কর্মে, সকল আচরণে এই ভাব থান। শিক্ষা-শাস্ত্রে এই ভাব ত থানা চাই-ই। বালক, সে ত প্রভু-মূর্তি। আমি দেবতার পূজা করিতেছি, গুরুর এই মনোভাব থাকা চাই। সেই স্থলে, “ঘরে চলে যা, দাঁড়িয়ে থাক ঘণ্টাভর, হাত লম্বা কর, আঃ কাপড় কি ময়লা, নাকে কত শিকনি”—একরূপ কথা তাহার মুখে আসিবে না, জ্ব কুণ্ডিত হইবে না। স্নেহ-কোমল হাতে সে তখন নাক পরিষ্কার করিয়া দিবে, ময়লা কাপড় কাচিয়া দিবে, ছেঁড়া সেলাই করিয়া দিবে। শিক্ষক যদি তাহা করেন তবে অতি উত্তম ফসলাভ হইবে। মার-ধর করিয়া কি ফল পাওয়া যায়? বালকেরও কতব্য অনুরূপ দিবা ভাবনা হইতে গুরুর দেখা। গুরু মনে করিবেন বালক হরিমূর্তি, আর বালক মনে করিবে গুরু হরিমূর্তি। এই ভাবনা হইতে পরস্পরের প্রতি আচরণ করিলে বিজ্ঞা তেজস্বী হইবে। বালকও ভগবান আর গুরুও ভগবান! গুরু নয় ত সাক্ষাৎ শঙ্করের মূর্তি, আমরা তাহার কাছ হইতে জ্ঞানামৃত পান করিতেছি, তাহার সেবা করিয়া জ্ঞান আহরণ করিতেছি, এই ভাব যদি বালকদের হয়, বল তাহা হইলে গুরুর প্রতি তাহাদের আচরণ কিরূপ হইবে?

৭

হরি সর্বত্র বিরাজমান এই ভাব যদি অন্তরে জন্মে, চিন্তে নিবদ্ধ হয়, তাহা হইলে পরম্পরের প্রতি আমাদের আচরণ কিরূপ হওয়া উচিত, এই নীতিজ্ঞান স্বতঃই আমাদের অন্তঃকরণে স্কৃত হইবে। শাস্ত্র অধ্যয়নের দরকারই থাকিবে না। তখন দোষ দূর হইয়া যাইবে। পাপ পলায়ন করিবে। ছুরিতের অন্ধকার বিনষ্ট হইবে। তুকারাম বলেন :

“মুক্ত নাহি বন্ধন। নে হরিনাম হরদম ॥

ছোঁবে নাক পাপ। নিতে নাম হরি পাবে পাশ ॥”

চল, তুমি মুক্ত। যত খুশি পাপ কর। পাপ করিতে করিতে তুমি হরদম হও, কি পাপ মোচন করিতে করিতে হরি হরদম হন তাহা আমি দেখিব। এমন ছরস্ত উদ্দাম পাপ কি থাকিতে পারে যাহা হরিনামের সামনে তিষ্ঠিবে? “যত ইচ্ছে পাপ কর।” যত পার পাপ কর। ঢালা অহুমতি পাইলে। চলুক হরিনামে আর তোমার পাপে কুস্তি! আরে, এই নামে কেবল এই জন্মেরই নহে, অনন্ত জন্মের পাপ মুহুর্তে নাশ করার শক্তি রহিয়াছে। অনন্ত যুগের অন্ধকার গুহায় জমিয়া থাকে। একটি কাঠি ধরাও, অমনি অন্ধকার অদৃশ্য। ঐ অন্ধকারই আলো হইয়া যায়। পাপ যত পুরাতন তত সহজে তাহা নষ্ট হয়; কারণ মরিবার জগুই পাপের উৎপত্তি। পুরাতন লাকড়ি দেখিতে দেখিতে ছাই হইয়া যায়।

পাপ রামনামের কাছে তিষ্ঠিতে পারে না। ছোটরা বলে না কি, “ভূত ভাগে রামনামে।” ছোটবেলা আমরা রাতে শ্মশান ঘুরিয়া আসিতাম। বাজি রাগিয়া শ্মশানে খোঁটা পুঁতিতাম। রাত্রিকাল। চারিদিক অন্ধকার। সাপে কাটার ও কাঁটা ফোটার ভয় ত ছিলই। তবুও মনে কিছু হইত না। ভূতের সাক্ষাৎ কখনও মিলে নাই। ভূত ত কল্পনার সৃষ্টি। দেখা যাইবে কোথা হইতে? একটি দশ বৎসরের বালকের রাত্রিকালে একাকী শ্মশানে যাইয়া ফিরিয়া আসার সামর্থ্য কোথা হইতে আসিত? আসিত রামনাম হইতে। তাহা ছিল সত্যরূপ পরমাত্মার সামর্থ্য। হরি পাশে রহিয়াছেন এই ভাব অন্তরে থাকিলে সমস্ত জগৎ উন্টিয়া গেলেও হরির দাস ভীত হয় না। তাহাকে থাইবে এমন রাক্ষস কোথায়? রাক্ষসে তাহার দেহ থাইতে পারে, পরিপাক করিতে পারে। কিন্তু সত্য হজম করার শক্তি তার নাই। সত্য পরিপাক করিতে পারে এমন শক্তি জগতে নাই। ঈশ্বরের নামের সামনে পাপ তিষ্ঠিতে পারে না। তাই ঈশ্বরে মন বসাও। তাঁর কৃপা লাভ কর। সর্ব কর্ম তাঁকে অর্পণ করিয়া দাও। তাঁরই হইয়া যাও। সকল কর্মের নৈবেদ্য প্রভুকে অর্পণ করা চাই—এই ভাব উত্তরোত্তর তীব্র করিয়া চল ত ক্ষুদ্র জীবন দিব্য হইবে, মলিন জীবন সূন্দর হইবে।

৮

“পত্রং পুষ্পং ফলং তোয়ম্” যাহাই হোক না। তার সঙ্গে ভক্তি মিলে তো পূর্ণ ষোল আনা। কতটা দিলে, কতটা চড়াইলে

তাহা বিচার্য নহে। বিচার্য—কি ভাব হইতে দিলে। একবার কোন অধ্যাপকের সহিত আমার আলোচনা চলিতেছিল। শিক্ষা ছিল আলোচনার বিষয়। আমাদের দুই জনের দৃষ্টিভঙ্গীতে পার্থক্য ছিল। শেষ পর্যন্ত অধ্যাপক বলিলেন, “ভাই, আঠার বছর আমি এই কাজ করছি।” যুক্তিতে আমাকে খণ্ডন করা ছিল অধ্যাপকের কর্তব্য। তাহা না করিয়া তিনি বলিলেন, আমি এত বৎসর শিক্ষকতা করিতেছি। পরিহাসচ্ছলে তাঁহাকে আমি বলিয়াছিলাম, “কোন বলদ আঠার বছর যন্ত্রের সঙ্গে চলেছে বলেই সে যন্ত্রশাস্ত্রজ্ঞ হয়ে গেছে, এ কথা কি বলা চলে”? যন্ত্রশাস্ত্রজ্ঞ এক, ঘানির চারিদিকে পরিক্রমাকারী বলদ আর এক। শিক্ষাশাস্ত্রী এক, শিক্ষার ভারবাহী আর এক। শিক্ষাশাস্ত্রী ছয় মাসে এরূপ জ্ঞান আহরণ করিয়া লইবে যাহা মোটবাহী মজুরের মগজে আঠার বৎসরেও দাগ কাটিবে না। তাৎপর্য এই—অধ্যাপক বড়াই করিয়া বলিলেন, আমি অত বছর কাজ করিয়াছি। কিন্তু বড়াইয়ে সত্য প্রমাণিত হয় না। তদ্রূপ, পরমেশ্বরের সম্মুখে কত বড় স্তূপ লাগানো হইয়াছে গুরুত্ব তার নয়। মূল্য নামের, আকারের নহে। মূল্য ভাবনার। কতটা অর্পণ করিলে তাহা বিচার্য নহে, বিচার্য কি ভাব হইতে করিলে তাহা। গীতায় সাত শত শ্লোক আছে। এমন বহিও আছে যাহাতে দশ হাজার শ্লোক রহিয়াছে। বস্ত্র বড় হইলেই যে তার কার্যকারিতা বেশী তাহা নয়। বিচার্য বিষয়—বস্ত্রতে কতটা তেজ, কতটা সামর্থ্য আছে। জীবনে কত কর্ম করা হইয়াছে গুরুত্ব তার নয়। কিন্তু ঈশ্বরার্পণ বুদ্ধি হইতে যদি একটি কর্মও করা হয় তবে সেই এক ক্রিয়া হইতেই পূর্ণ উপলব্ধিলাভ হয়। সমগ্রবিশেষে—কোন এক পবিত্র মুহুর্তে এত অহুভূতি আমাদের হয় যে বার বৎসরেও তাহা মিলিবার নহে।

তাৎপর্য এই : জীবনের সাধারণ কর্ম, সাধারণ ক্রিয়া পরমেশ্বরকে অর্পণ করিয়া দাও। তাহা হইতে জীবনে সামর্থ্য আসিবে। মোক্ষ হাতের মুষ্টিতে আসিবে। কর্ম তো করিবেই আর তার ফল তাগু না করিয়া ঈশ্বরে অর্পণ করিবে, এই হইতেছে রাজযোগ। এই রাজযোগ কর্মযোগ অপেক্ষা এক পা অধিক আগাইয়া গিয়াছে। কর্মযোগের কথা, “কর্ম কর ও ফল তাগ কর। ফলের আশা রাখিও না।” এখানে কর্মযোগের শেষ। রাজযোগ বলে, “কর্মের ফল ছাড়িও না। সকল কর্ম ঈশ্বরে অর্পণ কর। তাহা ফুল, তাহা তোমাকে অগ্রসর করিয়া দেওয়ার উপকরণ। তাহা ঐ মূর্তির মাথায় চড়াও।” একদিক হইতে কর্ম, অত্রদিক হইতে ভক্তি, এই দুইয়ের মিলন ঘটাইয়া জীবন সূন্দর করিতে থাক। ফল তাগ করিও না। ফল ফেলিয়া দেওয়ার নহে, ফল ঈশ্বরে যুক্ত করিয়া দেওয়ার। কর্মযোগে ফেলিয়া দেওয়া ফল রাজযোগে জুড়িয়া দেওয়া হয়। বোনার মধ্যে আর ছড়াইয়া ফেলার মধ্যে পার্থক্য আছে। যাহা বপন করা হয় তাহা তুচ্ছ হইলেও বাড়িয়া অনন্তগুণ ফল দান করে। ছিটাইয়া ফেলিলে ষেখা পড়ে সেখানেই নষ্ট হইয়া যায়। ঈশ্বরে যাহা অর্পণ করিবে তাহা বপন করিবে। তার ফলে জীবন অনন্ত আনন্দে ভরিয়া উঠিবে, জীবনে অপার পবিত্রতা আসিবে।

অবিনশ্বর জ্যামি

শ্রীরামপদ মুখোপাধ্যায়

৫

ফুঁপিয়ে ফুঁপিয়ে কেঁদে উঠলেন প্রসন্নময়ী।

নিশ্চিন্ত অক্ষরায়ের অটল গাঙ্গীধা খান খান হয়ে ছড়িয়ে পড়ল। দুই মেয়ে পরস্পরের গা টেপাটিপি করে নিঃশব্দে হাসল—তার পর চাপা গলায় ভংসনা করে উঠল এক সঙ্গ :

আঃ—চূপ কয় না মা ? এত আর সত্টি সত্টি হচ্ছে না যে কেঁদে ভাসিয়ে দিচ্ছ ? লোকেই বা কি মনে করবে বল ত ? ভাববে সাত সন্নে ছবি দেখে নি—তাই এমন নাটুকেপনা করছে !

মেয়েদের ধমক পেয়ে আঁচলে চোখ চেপে ধরে প্রসন্নময়ী ধরা গলায় বললেন, সত্টি না হলে আর ছবিতে দেখাচ্ছে।

আঃ—চূপ কয় বলছি—ছবিটা দেখতে দাও। বা পাশ থেকে বড় মেয়ে সুরমা ধমকে উঠল।

এমন জানলে তোমাকে কখনও নিয়ে আসতাম না। ডান পাশের মেজ মেয়ে সুরমাও শাসনের জের টানলে।

প্রসন্নময়ী বহু কষ্টে আত্মসংবরণ করলেন। কিন্তু মনের মাঝে দুঃখের তাপটা লেগে রইল। ওরা ছবি দেখতে এসেছে বলেই কি সংসারটাকে মন থেকে অন্ধ কোথাও নামিয়ে রেখে এসেছে ? এমন ভাবে ছবি দেখতে আসাব কি-ই বা প্রয়োজন। পর্দায় কান্না-হাসি, মিলন-বিচ্ছেদের স্রোত বয়ে যাক ক্ষতি নেই—মনের শক্ত জমিটি সেই স্রোতের তলায় তলিয়ে না যায়—জলে ভিজে সীতাসেঁতে না হয়—সাবধান !

সাবধান হয়ে আঁচলে মুখ মুছে কাপড় গুছিয়ে ভাল হয়ে বসলেন প্রসন্নময়ী। উৎসুক দৃষ্টি মেলে ধরলেন পর্দায় গায়ে। দৃশ্য, মানুষ, কথা, সুর, গতি, স্পন্দন সবকিছু মিলিয়ে তারই গায়ে অবিকল ফুটে উঠেছে—রোজকার দেখা প্রতিটি মুহূর্তে অনুভব করা সব ঘটনা। বস্ত-বাক্তি আর এদের সংযোগে যে ক্রিয়া ছবি হয়ে ফুটেছে—তার সবটাই পর্দায় গায়ে মিলিয়ে যাচ্ছে না, অত্যন্ত সূক্ষ্ম সংবেদনশীল কিছু অংশ মনের গভীরেও বেথাপাত করছে। মুখের হাসি আর চোখের জলে সেই হিসাবটা অদ্রাস্ত। মেয়েরাও কত বাব চোখ মুছেছে—কত বার শব্দ করে হেসে উঠেছে—কতবার চাপা নিঃশ্বাস ফেলেছে ; সমস্ত প্রেক্ষাগৃহে হাসিকান্নার তাপটা লাগছে—আর একা প্রসন্নময়ীর ফোঁপানিটাই শ্রুতি বা দৃশ্য-কটু বলে এরা ধরে নিল কেন !

সংসারে যেমন ঘটে—ছবিতেও হুবহু তাই ঘটছে। দু'ভায়ের সংসার। একজন উপার্জন করে, একজন বেকার। বাইরের এই অসামঞ্জস্যটা স্নেহের স্নকোমল পর্দায় আড়ালেই ছিল—যেমন ফুলে ভরা অপরাধিতা-লতার আড়ালে রয়েছে বাড়ীর লোহার ফটকের উপরিভাগ। দুই ভায়ের বিয়ে হ'ল—বউরা এল ঘর করতে। ঘর করতে করতে তারা আবিষ্কার করল—নরম লতার নীচেকার

লোহার কঠিন দেহ। এক জনের উপার্জনে সংসার চলে, অল্পজন বসে বসে যায়। বাস্তবের কঠিন শিলায় নিকবিত হয়ে স্নেহের রূপ হ'ল ভিন্নতর। খুঁটিনাটি ব্যাপারের সংঘাতে এতদিনের প্রশান্তি নষ্ট হতে লাগল, কাঁচের গায়ে বিদারণবেধা স্পষ্ট হ'ল। এর পর বেকার বড় ভাইয়ের ছোট সংসারে থাকা চলল না। কঠিন সংসার দুঃখ-দুর্ঘটনার শতপাকে জড়িয়ে ধরল বড় ভাইকে—সেই একটানা দুঃখের স্রোতে ভেসে যেতে লাগল বড় বউ। কি তীব্র সে দুঃখ—চোখে জলই যদি এসে থাকে প্রসন্নময়ীর—সে কি কোন কালে সিনেমা না-দেখার অভাব্যতা, না দুর্বল মনে কতকগুলি প্রবল বৃত্তির নাটকীয় সংঘাতজনিত পরিণাম ? যাই হোক, মনে মনে প্রার্থনা করতে লাগলেন তিনি—হে ভগবান, বড় বউয়ের মত এমন ভাগ্য যেন কারও না হয়। ছোট বউয়ের মত এমন হৃদয়-হীনা মেয়ে যেন কোন সংসারে না আসে, ছোট ভাইয়ের মত এমন দুর্বলচিত্ত পুরুষ-মানুষও যেন ভগবান সৃষ্টি না করেন !

দপ করে আলো জলে উঠল—দুঃখের অবসান হ'ল। প্রসন্নময়ীর চৈতন্য তখনও দুঃখের বাস্পে ছায়াচ্ছন্ন। কাহিনীর শেষ যেন এইখানেই নম্র—আরও এগিয়ে যাবে কাহিনী—যেমন ছেলে-বেলায় শোনা সুরোরাণী ডয়োরানী কাহিনীটা এগিয়ে যেত। দুঃখের মধ্যেই যদি শেষ হ'ল কাহিনী ত পাপপুণ্যের তারতম্য রইল কোথায় ? স্বর্গ আর নরক এ-পাড়া ও-পাড়ার মতই সহজগম্য—একটি থেকে আর একটিতে পৌঁছতে হলে দুস্তর বাধা অতিক্রমের কোন সাধনারই প্রয়োজন নাই !

বড় মেয়ে ঠেলা দিয়ে বললে, উঠবে— কি উঠবে না ?

শেষ হয়ে গেল এরই মধ্যে ?

না—তোমার জন্তে আবার নতুন করে আবেগ হলে ! নাও—ওঠ, ন'টার 'শো'তে যারা আসছে—আমরা না যাওয়া পর্যন্ত তারা বাইরেই থাকবে কি ?

কিন্তু এত দুঃখ কষ্ট পেয়েও বউটার কপালে আর সুর হ'ল না। দীর্ঘ নিঃশ্বাস ফেললেন প্রসন্নময়ী।

বউটার সুর দেখবার জন্ত ত ঘুম নেই মানুষের চোখে। মেজ মেয়ের মুখে বাঁকা হাসির রেখা তরঙ্গায়িত হয়ে উঠল। তুমি এমন আঙ্গুলির মত কথা কইছ মা—যেন সংসারে হামেশাই মিল হচ্ছে, সবাইয়ের সঙ্গে সবাইয়ের গলায়-গলায় ভাব।

তা নাই হোক, তা বলে এমন বুকচাপা দুঃখই বা পাবে কেন মানুষ !—আপন মনে উচ্চারণ করলেন প্রসন্নময়ী। সত্টি বলতে কি মেয়ে দু'টি যেন রহলা দহলা। সর্বদাই জ্বিতে শান দিয়ে তান করছে—কখন কে বেফাস কিছু বলে ফেললে। মানুষের মনের ভুলে এলোমেলো কথা কি বার হয় না মুখ থেকে ? মন-

মেজাজ ঠিক না থাকলে চড়া কথা বার ত হবেই। কার সংসারে ছেলে-মেয়ে, নাতি-নাতনী, বউ, গিন্নী, কর্তা, দেওয়, ননদ, শাওড়ী কুটুম-সাক্ষাৎ সবাই নিপাট ভাল মানুষ হয়ে থাকে? হাঁড়িতে-কলসীতে ঠোকাঠুকি হয় না পাশাপাশি রাখলে? কে-ই বা নিজের কোলে ঝোল টানে না—পরের হুঃখু দেখলে মুখ ফিরিয়ে আপন কাজ করে না, নিজের সুখ্যাতি আর পরের নিন্দায় পঞ্চমুখ হয় না? যেখানে এসব হয় না—সেটা ত স্বর্গই, সেখানে...

আঃ—গাড়ীতে বসে বসেও তোমার ঢুলুনি আসে! ধন্নি যা হোক!

বড় মেয়ের তীক্ষ্ণ কণ্ঠ কানে পৌঁছতেই ধড়মড় করে উঠলেন প্রসন্নময়ী।

ভাবতে ভাবতে ঢুলুনিই এসেছিল হয় ত। গাড়ীর দোলাটাও স্নায়ুগুলিকে শিথিল করে ঘূমের আমেজ এনে দেওয়ার অমুকুল। আর হাতে কোন কাজ না থাকলে হুঁচোখ বন্ধ করে একটুকণের জঞ্জ অলস উপভোগ করা যায়ই যদি—সে কি এমনই দোষের! এটি বয়সের ধর্ম। ওদের এ নিয়ে কাঁট কাঁট করে কথা বলার কি আছে?

প্রসন্নময়ীর মেজাজে আগুনের আঁচ এসে লাগল। বললেন, ঘুমুচ্ছি ত ঘুমুচ্ছি—তোদের ঘাড়ে ত ঢুলে পড়ি নি যে চোঁচাচ্ছি?

চোঁচাচ্ছি সাথে—বাড়ী পৌঁছে গেছি—নামতে হবে না গাড়ী থেকে? বড় মেয়েও চড়া গলায় জবাব দিল।

এই ত সব পৌঁছল। বলি তোরা নেমেছিস গাড়ী থেকে?

আমাদের নামা আর তোমার নামা। যে দেখে বিশ্বাসই করে না, বলে হাতীর বাচ্চা নেংটি ইঁহর। মেজ মেয়ে টিপ্তনী কাটলে।

কি—কি বললি? আমি হাতী?

কি জালা—সব কথা গায়ে পেতে নাও কেন?

না—তোদের বাঁকা বাঁকা কথা আমি বুঝতে পারব কেন? বলি তোরা আমার পেটে জন্মেছিস—না আমি—

আমরা কি তাই বলেছি—যে গলা ফুলিয়ে ঝগড়া করতে এলে? এখন নেমে গাড়োয়ানকে খালাস দাও।

ছবির গল্প যেটুকু বাষ্প জমিয়েছিল মনে—এই উত্তর-প্রত্যুত্তরের উত্তাপে তা হাওয়া হয়ে মিলিয়ে গেল। মোটা মোটা পা কলে হুম্ হুম্ শব্দে সিঁড়ি দিয়ে উঠতে লাগলেন প্রসন্নময়ী।

এখানে জল কেললে কে? আমার ঘরের দোরগোড়ায়...আর একটু হলেই পা পিছলে হয়েছিল আর কি! একটু যদি হারা-আক্কেল থাকে কারও? সংসার ত নয়—শত্রুপুত্রীতে বাস করছি।

কণ্ঠধ্বনিতে কেঁপে উঠল চওড়া বারান্দা। সে ধ্বনি তীরের মত বিঁধল আর একটি প্রাণীর বৃকে—রাজ্যের অন্নব্যঞ্জন আগলে যে অপরিচয় রান্নাঘরে প্রতীক্ষা করছে অভূক্ত পরিজনদের কে কখন ফিরবে এই আশায়। মেয়ের আঁচল বিছিয়ে একটুখানি গড়িয়ে বিছিন্ন সে; উদয়ান্ত খাটুনির চাপে মাঝা পিঠ একখানা হয়ে গেছে,

সুযোগ বুঝে ঘুম নেমে আসছিল হুঁচোখের পাতা ছেয়ে। এত শীত ওয়া ফিরবে ভাবতে পারে নি সে।

কাকীমা—ওনছ ত মেঘগর্জন? এবার পেখম তুলে নাচবার পালা তোমার। রান্নাঘরের দরজায় দাঁড়িয়ে বড় মেয়ে সুরমা হাসতে লাগল।

এত শীগগির যে ভেঙে গেল বারম্বোপ?

আরও কিছুক্ষণ চললে মাকে কি আর ফিরিয়ে আনতে পারতাম কাকীমা! আহা, ছবির মানুষের হুঃখু দেখে মানুষটা বেন কান্নায় কান্নায় গলে যাবার দাখিল হয়েছিল।...

খিল খিল করে হেসে উঠল দুই বোন।

হাসি ধামিয়ে মেজ মেয়ে সরমা বললে, যাকগে, খাবার দেবে চল। হুঃখের ছবি দেখলেই আমার কিন্তু বড় খিদে পায়।

কিসের হুঃখু রে?

এই ধর—দেশে দুর্ভিক্ষ হয়েছে—মানুষ খেতে পাচ্ছে না। চাল আছে মহাজনের গোলায়, শুধু কালোবাজারে তার দর্শন পাওয়া যাচ্ছে।...তোমার মত যারা সাধারণ গেরস্ত তাদের কেনবার ক্ষমতা নেই। কিন্তু আমার মত যারা পয়সাওয়ালা লোক—তারা এই বাজারেই চালের ওপর হুধ ঘি খেয়ে খেয়ে মুটিয়ে যাচ্ছে। তারা খালি ভাবছে, এই বেলা খেয়ে নেয়া যাক পেট ভরে। তাই ছবিতে যাই দেখলাম দুর্ভিক্ষ—অমনি ভাল ভাল খাবারগুলোর চেহারা চোখের সামনে ভেসে উঠল। তখন খালি খিদে—আর খিদে—

চ—রাতও হয়েছে ত—ওদের কাকীমা অর্থাৎ ছোট বউ উঠে বসলেন।

উপরে তখন গর্জন চলছে, বলি বাড়ীর মানুষজন সব ঘুমিয়েছে, না মবেছে?

দাঁড়া বাছা—দিদি কি বলছেন আগে শুনে আসি। ছোট বউ ছুটবার উপক্রম করতেই সুরমা তাঁর হাত ধরে বললে, মা বলছেন, ঘুম আর মরণ কি একই জিনিস? এর উত্তর কি দেবে কাকীমা? হয় ত বলবে—একই। এ বাড়ীতে মরা মানুষ কথার তেজে জীবন্ত হয়ে ওঠে—যেমন তুমি। আর জীবন্ত মানুষের জো কি ঘুমোবার—কি অফুবস্ত কাজের ঘানিতে তাকে জুড়ে দেওয়া হয়।

ধাম বাপু, আর রক্ত করিস নে। তিনি ছুটে গেলেন।

ছোট বউকে দেখে প্রসন্নময়ী মুখখানিতে রাজ্যের অপ্রসন্নতা জমিয়ে ঝঙ্কার দিয়ে উঠলেন, এতক্ষণে হুঁস হুঁল রাজকর্ষী। চোঁচিয়ে চোঁচিয়ে একটা লোকের প্রাণ ওষ্ঠাগত হ'ল—

'মেয়েরা বললে—খাবার দাও, খিদে পেয়েছে।'—কৈফিয়তের সুরে বললে, ছোট বউ।

আ মরণ! এই ত বারম্বোপে বসে বসে বড় রাজ্যের হাই-ভয় পিললে সব! চিমে বাদাম, ডালমুট ভাজা, আইস ক্রীম, পান...আবার বাড়ীতে পা দিতে-না-দিতে—

ছেলেমানুষ—ওদের ত দণ্ডে দণ্ডে পড়বে পড়বে খিদে ।

আব বুড়ো মানুষের খিদে-তেষ্টা নেই—তার পাকা হস্তকী খেয়েছে কি না ? আমি সেখানে গিয়ে ইস্তক পান দোস্তা ছাড়া যাতে একটি ডালমুর্টিকি বাদাম কাটলাম না—

তা তোমাকেও না হয় ওই সঙ্গে দিই ?

দিতে চাস দে, তোবও স্কাটা চুকে যাক । কিন্তু জিন্গেস করি—আমার ঘরের ত্রয়োবে এমন করে জল ফেললে কে ? আর একটু হলোই যে—

ছেলেমা কেউ ফেলে থাকবে হয় ত—

বেশ ত, বুড়োরা রয়েছে কি করতে—স্কাডা দিয়ে মুছে নিতে পারে নি ? তা পুঁছবেই বা কেন, নিজেদের ঘরের দোরে ত জল পড়ে নি । যা শত্ৰু পবে পবে । আছাড় খেয়ে যদি অপঘাতই হয়—আপদ বালাই বিদেশ হয়ে—

ছি ছি—কি যে বল দিদি !

যা ঠিক—তাই বলি । এই ত দেখে এলাম বায়স্কোপে—যা সত্যি সত্যি হয়—তাই ত দেখালে । ভালমানুষ বড় বউয়ের কি খোয়ায় । ছোটর সোয়ামী যেন রোজগার করে—তাই বলে বড় জাকে করবে হেনস্তা ? যদি গতির ছিল—গতির জল করে গেটেছিল সংসারে, বয়স হ'ল, স্বামী দেহ রাখলে—অমনি তার ত্রঃপে-শেয়াল কুকুর কেঁদে কুল পায় না !

তা বাস্তবে কি গাবে দিদি—হ'খানা লুচি ভেজে দেব কি ? কথার মোড় ফেরাবার জন্য ছোট বউ চেঁচা করলে ।

আবার নতুন করে উন্ন জালতে হবে ত ? তাতে কাজ নেই বাপু—একটু সন্দেশ-টন্দেশ কিনে আনাও, একটু হুঁ দিও, বাস—ওইতেই হয়ে যাবে খন । আমার ত পাণীর আহার, গুচ্ছের ছাই-ভন্ন গব গব করে গিলতেও পারি না—ডাক্তারের দোঁড়খাপ করে বেড়াতেও পারি না । যে শোনে—সেই অবাক হয় । বলে, ও-মা—বল কি, ওইটুকুন মান্ডব পাওয়া ! তবে দেহ তোমার টিকবে কি করে ?

না দিদি—হ'খানা লুচিই ভেজে দিই । এই মান্ডব সহু ঠোভ জাললে—চা করবে বলে, ওইতেই হয়ে যাবে খন । বলে পিছন কিরলে ছোট বউ ।

দেখ বাপু—মেলাক্ষণ জালিও না যেন ঠোভ । তোমাদের কি—লাগে টাকা দেবে গৌরী সেন !

আহা—সেই একটা তৃপ্তির উদগার তুলে বললেন, ছোট বউ, একটা কাজ কর না ভাই ! কোমরটার একটু টারপিন তেল মালিশ করে দে ত । তিন ঘণ্টা ধরে বসে বসে মাজা পিট যেন একখানা হয়ে গেছে । পোড়া কপাল বায়স্কোপের । খালি কান্না আর কান্না । মেয়ে ছটোও যেমন বিজী হয়েছে—ওই বই আবার দেখাতে নিয়ে যায় । বলে এমনিতেই ত্রঃখের সমুদ্রে ভাসছি—তার আবার পরসী পরচ করে...উহু-হু ওখানটার আন্তে আন্তে দে, বড় বাবা ।

আধ ঘণ্টা ধরে মাজা টেপার পর শ্রমসময়ী বললেন, এইবার তুই যা—খেয়ে দেয়ে হেঁসেল পট তুলে গুয়ে পড়গে যা । কাল সকালে আবার আপিস-ইস্কুল আছে, যা খেয়ে নিগে ।

আজ যে একাদশী দিদি । মুহু স্বরে ছোট বউ বললে ।

একাদশী ! পোড়া মনের দশা দেখ—তুলে বসে আছি । ও-বেলা মাছ আনলাম বেশী করে—বলি এইষ্ট্রী মানুষের লক্ষণ-টক্ষণ-গুলো পালতে হবে ত, আর এ-বেলাতেই তুলে বসে আছি সব । কাটা মার বায়স্কোপের মাথায় । খালি বড় বোঁয়ের কথা মনে হচ্ছে—ওর ত্রঃপে বুক ফেটে যাচ্ছে । আমিও যে বড় বউ, তাই ভয় হয়—

ছোট বউ শিউরে উঠে বললে, না দিদি, ভগবান করুন, এমন দশা যেন কারও না হয় ।

কার ভাগ্যে কি লেগা আছে—কে বলবে ভাই । এই যে তুই সাতসকালে কপাল পুড়িয়ে বসে আছিস—তোব কর্মফল নয় ত কি ! আর জন্মে কাকে বঞ্চিত করেছিলি—কার বাড়া ভাতে ছাই দিয়েছিলি—

ছোট বউ আন্তে আন্তে উঠে গেল সেখান থেকে । এ সব কথা বছবার সে শুনেছে—বলতে গেলে রোজই শোনে । নিজের অদৃষ্টকে ধিক্কার দেওয়া ছাড়া আর কিসেই বা সান্ত্বনা সে পেতে পারে ! ভাল ঘর-বর দেখে বিয়ে দিয়েছিলেন বাপ মা । বাট-দেশে ধানের জমি আছে—স্বৎসবের পোবাক হয়েও কিছু উদ্ভূত হয় । ছেলেটি চাকরি করে সরকারী আপিসে—বিদ্বান, সুতরাং চাকরির ক্ষেত্রে উন্নতি তার অবশ্যস্বাবী । শহরে দোস্তলা বাড়ী—পাড়ারগায়ে অর্থাৎ দেশেও দোমহলা প্রকাণ্ড বাড়ী । আত্মীয়-স্বজন সকলকারই অবস্থা ভাল । অর্থে, মানে, প্রতিপত্তিতে, বিদ্যায়, স্বভাব-চরিত্রে এমন কামা সখন্ধ বাংলাদেশের কল্লার অভিবাবকেরা কল্পনাও করতে পারেন না । অথচ বছর না পূরতেই সব মিথ্যা হয়ে গেল । একজনর সঙ্গে সবই ভোজবাজীর মত মিলিয়ে গেল ।

ভাস্কর কাজ করেন সদাগরী আপিসে, মাইনে তেমন মোটা নয় । কিন্তু মাইনে ছাড়াও কি করে অর্থ উপার্জন করতে হয় তার ফন্দী জানেন । আপিসে খত লিগিয়ে টাকা ধার দেন—টাকাপ্রতি এক আনা সুদ মাসে । বাড়ীতে গহনা বন্ধকীর কারবার চলে—টাকায় হুঁপয়সা সুদ । জমির ধান বেচে মোটা টাকা ব্যাকজাত করেন বৎসবাস্তে । বাড়ীর বাইরের দিকের হ'খানা ঘর মোটা সেলামী নিয়ে দোকানদারদের ভাড়া দিয়েছেন—মাস মাস দেড় শ টাকা ভাড়া পান ।...তিনতমায় আর হুঁটো ফ্লাট তুলবেন—আলোচনা চলছে, তারও আয় মাস গেলে দেড়শ'র কম হবে না । আর কিছু জমিও নাকি কিনে রেখেছেন বালিগঞ্জের দিকে । হুঁ চার কাঠা এমনি হাত-কোয়াকিরি করে লাভও করেছেন মোটা টাকা । বড় ছেলেকে চুকিয়েছেন নিজের আপিসে, মেজ ছেলেটি ভাল লেখাপড়া শেখে নি—মোটর মেয়ামতির কাজ শিখছে । ওকেও একখানি মোটর কিনে দেবেন—যাতে নিজের পায়ে ভব দিবে

দাঁড়াতে পারে। ছোট ছেলেটি তিনটে পাশ দিয়ে বিলেত বাবার সুযোগ খুঁজছে—সেখান থেকে একটা কেটেবিষ্ট হয়ে আসবেই বাজারে সোনা যত আক্রা হচ্ছে—বড় জায়ের শরীরও তেমনি ভর্তি হচ্ছে সোনাতে। শরীরের আয়তন ক্রমশঃই বাড়ছে, গহনার গুরুত্বও ভাল দিচ্ছে তার সঙ্গে। একদিন যেন হিসেব হ'ল দেড়শ ভরি সোনা আর গহনা দখলীস্বত্ব নিয়েছে—লোহার সিন্দুকে আর দেহ-ভূমিটিতে। কিন্তু এমনই কালের ক্যাসান—আর বয়সের বিড়ম্বনা যে প্যাটান গুলি তাড়াতাড়ি বাতিল হয়ে যাচ্ছে—যেগুলো বাতিল হয় নি সেগুলো বয়সের অগ্রগতিকে সসম্মানে পথ ছেড়ে দিয়ে সিন্দুকের কোণ আশ্রয় করছে, অর্থাৎ তারাও বাতিলের দলে।

যাই হোক—এতগুলি লোকের রক্তনপর্কটা এত দিন ছোট বউ-ই সৃষ্টিলায় নিকাহ করেছে। বছরে বছরে পোষা-সংখ্যা বাড়ছে—ইন্সুল, আপিস, ব্যবসা প্রভৃতির বিবিধ বিধানে ভোর থেকে রাত এগারটা পর্যন্ত রান্নাঘরের পাট যেন চুকতেই চায় না।... কয়েক দিন হ'ল মাত্র এ নিয়ম পাণ্টেছে। কারণ—ছোট বউয়েরও বয়স বাড়ছে—প্রসন্নময়ীর মনোগত ইচ্ছার বিরুদ্ধে দাঁড়াল হুই মেয়ে সরমা আর সুরমা। বললে, বামুন বাপ একটা।

প্রসন্নময়ী আপত্তি তুললেন, এ আর ক'জন লোকেরই বা আয়োজন? আমার বাপের বাড়ীতে মা একলা হ'শো জনকে পাতা পেড়ে গাইয়েছেন—

মেয়েরা বললে, তাঁদের খাওয়ার ভোগ ত কম ছিল না। তুমিই গল্প কবেছ—ঘরে আটটি গাই গরু ছিল—এক সঙ্গে চার পাঁচটি গরুতে দুধ দিত, দুধ নিয়ে হেলা-ফেলা। অত দুধ খেয়ে দিদিমা যদি দপ্তির মত খাটতে না পারতেন—

থাম বাপু—আমরাও যেন সংসার করি নি। স্বাক্ষর দিয়ে উঠলেন প্রসন্নময়ী। তার কাকার বিষের আগে কে হাঁড়ি হেঁসেল ঠেলেছে হ'বেলা?

তখন ত মোটে সাড়ে তিনটি প্রাণী বাড়ীতে। বাবা, কাকা, তুমি আর তিন বছরের আমি। বড় মেয়ে সুরমা হেসে বললে।

তার পরেও—

হু—তার পর সরমা কোলে আসতেই কাকীমা এলেন এ বাড়ীতে। তোমায় ধরল বাতে, কাকীমা ধরলেন হাঁড়ি।

থাম—থাম বলছি। চেঁচিয়ে—কেঁদে—প্রলয়কাণ্ড বাধালেন প্রসন্নময়ী।

মেয়েরা অবশ্য দমল না, রাধুণীর ব্যবস্থা পাকা করে তবে নিরস্ত হ'ল। প্রসন্নময়ীর মনের প্রসন্নতা নষ্ট হ'ল। ছোট বউ-ই এই সবে হেতু ঠিক করে আরও বিরূপ হয়ে উঠলেন তার উপর।

ছোট বউ আড়ালে কাঁদলে খানিক। হুই বোনকে ডেকে বললে, কেন তোরা এ ব্যবস্থা করলি মা?

ভালই ত করলাম কাকীমা! গালটা তোমায় জ্বাষা পাওনাই—উপরি খাটুনিটা তার সঙ্গে কেন ভোগ কর! মায়ের কথা

আমরা যেমন গা পেতে নিই না—ভূমিও তেমনি কান দিও না। মেয়েরা হাসল।

ছোট বউয়ের মনে পড়ল—একবার বড় দাদা এসেছিলেন নিয়ে যেতে। প্রসন্নময়ী বিছানা থেকে উঠলেন না—ওকে ডেকে পাঠালেন নিজের ঘরে। বললেন, এই দেখ ভাই আমার অবস্থা—বাতের বাথায় শয্যাগত। ছোট বউ আছে তাই বড় আত্তিটা পাই, না হলে কি দুর্গতি যে হ'ত। মেয়েরা ত কিরেও ভাকাই না, ওদের সাজ-পোশাক নিয়েই মস্ত।

বড় দাদা চলে যাবার সময় আশ্বাস দিলেন, মাসখানেক বাধে আমি আসব।

তার আগেই চিঠি লিপলে ছোট বউ—এই সংসার ফেলে আমার অস্ত্র কোথাও যাওয়া অসাধ্য। দিদি শয্যাগত—কার ওপর সংসারের ভার চাপাব।

সেই দিন রাত্রে সিঁড়ি দিয়ে নামবার মুখে বড় জায়ের মুখে তার নাম শুনে থমকে দাঁড়াল ছোট বউ। নিজের নাম অপকের মুখে শুনলে অতি বড় সংযমীরও কৌতূহল অদম্য হয়ে ওঠে। ছোট বউ শুনলে:

দিদি বলছেন, বাতের বাথা না চাগালে ওকে ত নিয়ে গিয়েছিল বাপের বাড়ীতে।

তা হু'দিনের জন্ত গেলেনই বা ছোট বউমা।

যেমন বৃদ্ধি তোমার—গেলেনই বা ছোট বউমা!... ব্যঙ্গ শাণিত হয়ে উঠল অপর কণ্ঠ। বলি ওর বাপের বাড়ীতে যারা আপনার লোক রয়েছে—সবাই ত সাধুসন্ন্যাসী মানুষ নয়। তুমি যে বিষয়-আশয় ভোগদখল করছ একা একা—তার ভাগের ভাগী ত ছোট বউও। ওকে হিন্দু বুঝে নেবার কুমন্ত্রণা দেবার মানুষের অভাব আছে পৃথিবীতে? বিষয় ভাগ হলে কাচাবাচ্চা নিয়ে কোথায় দাঁড়াব আমি। তা ছাড়া—

তবু তব করে নেমে এসেছিল ছোট বউ। এই বিষ হু'কান ভয়ে পান করে দেহও ক্রিয়া হয়েছিল বৈ কি। এই অনাস্থীয় পরিবেশ—সংশয়-সঙ্কল সংসার—স্বার্থ-সঙ্কীর্ণ কঠিন জন্ম—এ সবে মধ্য সে দিনযাপন করবে কেমন করে। তবু, এইখানেই যে সুরভিমগুল রচনা করে একজনের স্মৃতি সৃষ্টি হয়ে তার সর্বাজ বেটন করে ধরেছে। স্বামীর ঘর—নারীর সর্ব তীর্থের সার। বিরাট পৃথিবীর শূন্যগুল আর কোন বস্তু দিয়েই বা পূর্ণ করতে পারে সে! আজীবন যে সমাজকে আশ্রয় করে রয়েছে সে—সেখানকার সুখশান্তি, মধ্যাদা-গোঁবব সমস্তই হু'অক্ষরের একটি বাক্যের মধ্যে সীমাবদ্ধ। শিখা নিভে গেলেও প্রাণীপের গর্ভ যেমন তৈলের আশ্রয়ভূমি—স্বামী অবর্তমানে বিধবার আশ্রয়স্থল তেমনি স্বপ্ন-ভবন।

লাহানা...না সবেও ছোট বউ এখানে রয়ে গেল।

হুই মেয়ে ভালবাসে কাকীমাকে। মায়ের কপোতন ব্যবহারের জন্ত মনে মনে বখেই লজ্জাবোধ করে। তাই

একদিন পল্লভঙ্গ করে প্রসন্নময়ীকে টেনে নিয়ে গিয়েছিল সিনেমায়।

বইখানার গল্প যেন তাদেরই সংসার থেকে নেওয়া। দুই জায়ের আচার-আচরণে মা আর কাকীমার চেহাড়াই ফুটে ওঠে। সবকটা বা একটু উন্টে পাণ্টে দেখানো হয়েছে। ছোট জায়ের অভ্যাচারের মাত্রা যতই বাড়ে, বড় জায়ের প্রতি সমবেদনায় ততই ভয়ে গুঠে দর্শকচিত্ত। ছোট জায়ের নীচতা, স্বার্থপরতা, কলহ-পরায়ণতা মনে বিতৃষ্ণা জাগায়। অরশিতে কুংসিত মুখভঙ্গী কার বা ভাল লাগে, কে সহ্য করতে পারে সেই দৃশ্য বেশীক্ষণ ধরে? মা কি আর ছবির আয়নায় নিজের স্বরূপটি বুঝতে পারবেন না?

প্রসন্নময়ী কিন্তু বড়ত্বের সিংহাসন থেকে এক তিলও নামলেন না—নিত্যকার অভ্যাসমত ভোরবেলাতেই ঝঙ্কার দিলেন—ছোট বউ বুকি এখনও ওঠে নি? দোরে জল দেওয়া, উঠোন ঝাঁট দেওয়া, বাসিপাট সাঝা—গেরস্তর লক্ষণের কাজ সব যে পড়ে রয়েছে। ধক্তি অলক্ষী ধরে এনেছিলাম মা—কোনদিন যদি ঠিক সময়ে ঠিক কাজটি হ'ল!

সবমা ও সুরমা দোর খুলে বাইরে এল। বললে, মা, তোমার

কেমন কথা! কাল কাকীমার একাদশী গেছে—সারাদিন জলস্পর্শ করেন নি—আজ একটু দেরিই হয় যদি—কি মহাভারত অশুভ হবে তাতে! আমরাই না হয় কাজগুলো সেয়ে দিচ্ছি।

তা ত বলবিই যে—তোরা যে ঘরজালানী—পরভোলানী! পয়ের ঘরে গিয়েছিস—তোদের টান আর আমার ওপর থাকবে কেন বল! তা আমার যদি শতক খোয়ার না হয় ত কার হবে। ছবিতো ত দেখলাম কাল—বড় বউটাকে দু'পায়ে খেঁতলাছে দজ্জাল ছোট বউটা। বড় বউ হলেই ত ওই দশা হবে। কপালে কবাঘাত কবে ডুকরে কেঁদে উঠলেন প্রসন্নময়ী।

দুই বোন অবাক হয়ে পরস্পরের পানে চাইল। অর্থাৎ, মাকে এত করে ছবি দেখানোর এই পরিণাম! গল্পের সবকটিই গুর কাছে হ'ল অগ্রগামী, আর যে মানুষ দুঃখের ভার বইল—সবক বদল করেও সে গুর হৃদয়ের ধারে-কাছে পৌঁছতে পারল না! দুঃখের আঁচ না পেয়েও সেই দুঃখকে কল্পনায় এনে উনি নিজের মনের মধ্যে রচনা করলেন দুঃখের একটি প্রবল নদী—আর অপরিসীম দুঃখ-বেদনা নিয়ে কাকীমা তৃণের মত ভেসে গেলেন তারই প্রবল

শ্রোতে।

বজ্রাঘাতে ওদের জাগাও

শ্রীশৌরীন্দ্রনাথ ভট্টাচার্য

আজ ডাকব কত ওদের দয়াল বুকফাটা চিংকারে,
এই রাত্রিশেষে লক্ষ ডাকে আঘাত দিলাম ঘারে।

ওগো, শুধাই তোমায় ওদের কেন ভাঙছে নাকো ঘুম,
হোথা প্রলয়শিখায় লক্ষফণায় ঐ উঠেছে ধুম।

আজ শীর্ষে যে ওই মৃত্যু তাহার জাগছে না সে তবু,
বুকি মোদের ডাকে ওদের মোহ ভাঙবে নাকো কতু।

তুমি প্রেরণ করো তোমার ওগো ভৈরব আহ্বান,
আজ বজ্রাঘাতে ওদের জাগাও রুদ্র ভগবান।

ওগো, হাজার যুগের মিথ্যা আচার মনটি ওদের ঘিরে,
আজ ঢাকলো যে গো জীবনশিবের পরম সত্যটিরে।

তাই সত্য যে আজ হাঁপিয়ে উঠে শিবের তুলে আখি,
টির স্তম্ভেরি অঙ্গ ওরা ধুলায় দিল মাখি,

ওই কন্দন উঠে মন্দিরেরি আকাশ ঘেরি ঘেরি

ওগো ধ্বংস হতে আর বুকিবা নেইকো ওদের দেবি।

ওরা নিত্য যে গো করছে নিজের আত্মার অপমান,

তুমি বজ্রাঘাতে ওদের জাগাও রুদ্র ভগবান।

আজ সংসারেরি ধর্মে ওদের মর্ম হ'ল ভারি,

চলে বাক্যপূজা দেবতা কোথা নেই ঠিকানা তারি।

ওরা মিথ্যাভয়ে নিত্য ভীত যৌবনেতে জরা,

এই বজ্রাঘাত বাতাস হ'ল ওদের পাপে ভরা।

আজ যাত্রাপথে ওদের নানান বিধিনিষেধ মানা,

ওরা জাগ্রত কি ঘুমিয়ে আছে নেইকো ওদের জানা।

তবু জীর্ণপচা অন্ধকারে গাছে শুয়ে গান,

তুমি বজ্রাঘাতে ওদের জাগাও রুদ্র ভগবান।

ওগো একদিন ওরা ঘুবত জগৎ বিজয়রথে চড়ে,

হঠাৎ আজ যে ওরা অন্ধকারের গর্তে গেছে পড়ে।

তবু গর্তমাঝেই ঘর বেঁধে গো বলছে—থাসা আছি,

ওগো মৃত্যুসাথেই বাস যে ওরা করছে কাছাকাছি।

আজ তোমার আঘাত নইলে ওদের আর হবে না জাগা,

ওরা ঐক্যহারা পক্ষাঘাতী বড়ই হতভাগা।

তুমি ওদের লাগি প্রেরণ কর ভৈরব আহ্বান,

আজ বজ্রাঘাতে ওদের জাগাও রুদ্র ভগবান।

তুমি এমনি করেই আঘাত হানো আজকে ওদের শিরে,

যেন লক্ষ গিঁঠের মৃত্যুবাধন এক্ষণি ষায় ছিঁড়ে।

তবু হুকাবেতে উঠুক তারা ধড়কড়িয়ে জেগে,

তুমি বজ্রাসম ধাক্কা মারো গর্জে মহা বেগে।

ওগো, বংশী নহে চক্র ঘোরাও বক্র চোখে হাসি,

বত ভাগ্যেরি সব আপদবালাই দাও আঘাতে নাশি।

আজ প্রলয়রোধের আশীর্বাদে হও গো অধিষ্ঠান,

তুমি বজ্রাঘাতে ওদের জাগাও রুদ্র ভগবান।

অস্তর-ভারতী

(ভারতীয় ভাষা-বিনিময় পরিকল্পনা)

শ্রীসুহৃৎকুমার মুখোপাধ্যায়

মহারাষ্ট্রদেশের সংস্কৃতি-কেন্দ্র হইল পুণা। এখানকার বিদ্যায়তনসকল এবং নানাবিধ গবেষণা-মন্দির বিদ্বজ্জন-সমাজে সুপরিচিত ও সমাদৃত। ইহা জ্ঞান-পিপাসু, জ্ঞান-তপস্বীর তীর্থ। “অস্তর-ভারতী” নামে একটি প্রতিষ্ঠান এখানে বৎসর দুই হইল স্থাপিত হইয়াছে। ইহারই ব্যবস্থায় কতিপয় মরাঠী পুরুষ ও মহিলা বাংলা-সাহিত্যালোচনায় উদ্যোগী হইয়াছেন।

বিশ্বের বিভিন্ন দেশের সাধনা এবং সংস্কৃতির সহিত ভারতীয় সংস্কৃতি ও সাধনার যোগস্থাপনের সঙ্কল্প লইয়া রবীন্দ্রনাথ “বিশ্ব-ভারতী” প্রতিষ্ঠিত করিয়াছিলেন। পৃথিবীর অজ্ঞাত দেশের সঙ্গে ভারতের সাংস্কৃতিক যোগসাধন যেমন বিশ্বভারতীর মুখ্য উদ্দেশ্য, তেমনই ভারতের বিভিন্ন প্রদেশের সাংস্কৃতিক-সংযোগ-প্রতিষ্ঠা হইল “অস্তর-ভারতী”র প্রধান উদ্দেশ্য।

ইহার পরিকল্পনা যাঁহার মনে সর্বপ্রথম আসিয়াছিল তিনি মহারাষ্ট্র প্রদেশে “সানে-গুরুজী” নামে জনসাধারণের শ্রদ্ধা ও প্রীতি লাভ করিয়াছেন। তাঁহার প্রকৃত নাম হইল পাণ্ডুরঙ্গ সদাশিব সানে। বিশ্ববিদ্যালয় হইতে এম-এ পরীক্ষায় উত্তীর্ণ হইবার পর সানে শিক্ষাব্রত গ্রহণ করেন—সেইজন্ম তিনি সকলের নিকট “সানে-গুরুজী” নামে পরিচিত। মরাঠী ভাষায় বহু গল্প, উপন্যাস, কাব্য, প্রবন্ধাদি লিখিয়া তিনি মরাঠী-সাহিত্যে অমর হইয়া আছেন। শিশুদিগের জ্ঞান ও মনোরম শিশু-সাহিত্য রচনা করিয়া তিনি এ-দেশের শিশু-হৃদয় অতি অনায়াসে জয় করিয়া লইয়াছেন। রবীন্দ্রনাথের বিশ্বভারতীর আদর্শে অনুপ্রাণিত হইয়া সানে-গুরুজীর মনে “অস্তর-ভারতী” প্রতিষ্ঠার উদ্যোগী হন। ভারতবর্ষের বিভিন্ন প্রদেশের মধ্যে সাংস্কৃতিক যোগসাধনের একমাত্র উপায় হইল পরস্পরের সাহিত্যালোচনা—সাহিত্যের মাধ্যমে আমরা যেমন পরস্পরের সান্নিধ্যলাভ করিতে পারি তেমন আর কিছুতে নহে। মহারাষ্ট্রীয় সাহিত্য-সম্মেলনের অধিবেশনে সানে-গুরুজী ‘অস্তর-ভারতী’ পরিকল্পনা-মূলক প্রস্তাব উত্থাপিত করিলে ইহা সকল সাহিত্যামোদীর অনুমোদন লাভ করে। কিন্তু হুঃখের বিষয়, তিনি তাঁহার জীবদ্দশায় এই পরিকল্পনাটি কার্যে পরিণত করিয়া যাইতে পারেন নাই। গান্ধীজীর হত্যা এবং তাহার পরে ভারতের পরিস্থিতি ও ভবিষ্যৎ চিন্তা তাঁহার মনে দারুণভাবে আঘাত করিয়াছিল। ইহার পর হইতে তিনি ক্রমশঃ জগৎ ও জীবনের প্রতি বীতরাগ হইয়া পড়েন। ১৯৫১ খ্রীষ্টাব্দে মনের দুর্বল অবস্থায় নিজেই নিজের প্রাণ বিনাশ করিয়া তিনি মর্ত্যলীলার অবসান করেন। তখন তাঁহার বয়স ষাট পঞ্চাশ বৎসর। অকস্মাৎ তাঁহার এই অপমৃত্যুতে তাঁহার দেশবাসী স্তম্ভিত হইয়া যায়। তাঁহার স্মৃতিরক্ষার্থ লক্ষাধিক টাকা সংগ্রহ করিয়া মৃত্যুর এক বৎসর পরে তাঁহার অনুরক্ত ভক্তবৃন্দ ‘অস্তর-

ভারতী’ স্থাপিত করেন। সানে-গুরুজীর দ্বারা অনুপ্রেরিত দেশ-সেবার আদর্শ এবং অস্তর-ভারতীর পরিকল্পনা সাধারণ্যে প্রচারিত করিবার উদ্দেশ্যে বোম্বাই হইতে মরাঠী ভাষায় “সাধনা” নামে একখানি সাপ্তাহিক পত্রিকা তাঁহার পরিচালনায় প্রকাশিত হইত। তাঁহার মৃত্যুর পর “সানে-গুরুজী-স্মারক-নিধি”র (স্মৃতি-ভাণ্ডারের) অর্থ-সাহায্যে “সাধনা-ট্রাষ্ট” সৃষ্টি করিয়া এই পত্রিকা ও প্রকাশ-বিভাগকে স্থায়ী করিবার বন্দোবস্ত হইয়াছে।



“সানে-গুরুজী”

অস্তর-ভারতী প্রতিষ্ঠানের মুখ্য উদ্দেশ্য হইল বিভিন্ন প্রদেশের ভাষার আদান-প্রদান-সূত্রে ভারতবর্ষের বিভিন্ন ভাষাভাষীর মধ্যে সাংস্কৃতিক যোগসাধন। সানে গুরুজী বাংলা-সাহিত্যের, বিশেষতঃ রবীন্দ্র সাহিত্যের, অতিশয় অনুরাগী ছিলেন। নিজে বাংলা শিক্ষা করিয়া মরাঠী ভাষায় কয়েকখানি পুস্তক অনূদিত করিয়া গিয়াছেন।

অস্তর-ভারতীর প্রধান কেন্দ্র হইল পুণায়। বোম্বাই, কোহলাপুর, সংগলি, মিরাজ, জলগাঁও ও আমেদাবাদ শহরে ইহার শাখা ইতিমধ্যে স্থাপিত হইয়াছে। প্রত্যেক শাখা-প্রতিষ্ঠানে কতিপয় গুণী-জ্ঞানী সানে-গুরুজীর আদর্শে অনুপ্রাণিত হইয়া “অস্তর-ভারতী”র কাজ উৎসাহের সহিত চালাইতে বহুপরিকর হইয়াছেন।

ইহাদের সকলের বিশ্বাস যে, অস্তর-ভারতীর কাজের মধ্য দিয়া রবীন্দ্রনাথের বিশ্বভারতীর কাজই পরিপূর্ণ হইতেছে।

অত্যন্ত শৌছাগোর বিষয় যে, এই প্রতিষ্ঠানের মূলে আছেন দুই জন উপযুক্ত নীরব কর্মী। তাঁহাদের নাম আচার্য্য ভাগবত এবং শ্রীশ্রীপাদ জোশী। আচার্য্য ভাগবত শ্রোত্র—বয়স পঞ্চাশের কোঠায়। শ্রীপাদ জোশী নিবলস প্রাণবন্ত যুবক। ইহাদের কাহারও বিশ্ব-বিদ্যালয়ের কোনও ছাপ নাই, কিন্তু দুই জনেই নানা ভাষাবিৎ পণ্ডিত ও সদা কর্মরত।

নিজের মাতৃভাষা মরাঠীতে আচার্য্য ভাগবত একজন বিশেষজ্ঞ এবং সুবক্তা হিসাবে খ্যাত। ইহা ব্যতীত ইংরেজী, হিন্দি, উর্দু, গুজরাটী, কানাড়ী, বাংলা ভাষা ও সাহিত্যে তিনি বিশেষ ব্যুৎপন্ন। আরবী ও ফারসী ভাষাতেও তাঁহার কিছু জ্ঞান আছে। এই সব আধুনিক ভাষা ব্যতীত সংস্কৃত ভাষা ও সাহিত্যে তিনি সুপণ্ডিত। পরিব্রাজকের জায় মর্হাট্টদেশের নানা স্থানে ভ্রমণ করিয়া দেশের বিবিধ সাংস্কৃতিক কার্যে তিনি আজীবন ব্যাপৃত রহিয়াছেন। অধুনা তিনি অস্তর-ভারতীর কেন্দ্র পুণা এবং অজ্ঞাত শাখাগুলিতে পালাক্রমে উপস্থিত থাকিয়া এই সব প্রতিষ্ঠানের কার্য পরিচালনা করেন। ইহা ব্যতীত মর্হাট্টাঙ্গীয় গ্রামবিদ্যালয়ীঠের আচার্য্য (Chancellor) পদে অধিষ্ঠিত থাকিয়া তিনি গ্রাম-সেবকদিগের শিক্ষাকার্যে নিযুক্ত আছেন। গ্রাম-সেবকদিগের কাজ হইল দেশে স্বাবলম্বনের ভিত্তিতে শিক্ষাদান ও প্রচার।

পূর্বেই বলা হইয়াছে, অস্তর-ভারতীর মুখ্য কাজ হইল প্রাদেশিক ভাষার আদান-প্রদান দ্বারা বিভিন্ন প্রদেশের মধ্যে সাংস্কৃতিক যোগস্থাপন। এই উদ্দেশ্যেই অস্তর-ভারতীর পুণা-কেন্দ্রে এবং অজ্ঞাত শাখা প্রতিষ্ঠানে আচার্য্য ভাগবত কয়েকজন শিক্ষিত মরাঠী পুরুষ ও মহিলার মধ্যে বাংলাভাষা শিক্ষার প্রেরণা আনিয়াছেন। তিনি নিজে গত ত্রিশ বৎসর যাবৎ রবীন্দ্র-সাহিত্যালোচনায় নিবিষ্ট-চিত্ত। যখনই তিনি পুণায় থাকেন, তখনই অস্তর-ভারতীর বাংলা-সাহিত্যের ক্লাশ লইয়া থাকেন। তাঁহার বাংলা ক্লাশে আমি একদিন যোগ দিয়াছিলাম। সেদিন তিনি রবীন্দ্রনাথের “উর্ধ্বশী” কবিতাটি পড়াইলেন। প্রায় জন চল্লিশেক পুরুষ ও মহিলা উপস্থিত ছিলেন—অধিকাংশের হাতে রবীন্দ্রনাথের “সঞ্চয়িতা”। ইহারা সকলেই বিশেষ শিক্ষিত—কেহ কেহ কলেজের অধ্যাপক, কেহ কেহ গবেষক, কলেজের ছাত্রছাত্রী, অনেকে বিদ্যালয়ের শিক্ষক ও শিক্ষিকা। ইহাদের মধ্যে কবি ও সাহিত্যিক খ্যাতি-সম্পন্ন ব্যক্তির অভাব নাই।

আচার্য্য ভাগবত মরাঠী-ভাষার সাহায্যে পড়াইলেন। টমসন, অজিতকুমার চক্রবর্তী প্রভৃতির সমালোচনার উল্লেখের পর ভারি সুন্দর ভূমিকা করিয়া কবিতাটি উচ্চস্বরে পড়িতে পড়িতে মরাঠী-ভাষায় ব্যাখ্যা করিয়া চলিলেন। তাঁহার ব্যাখ্যায় তিনি কবিতার অঙ্গগুট ভাবরসটি অতি সুন্দরভাবে শ্রোতাদের নিকট পরিষ্কৃত করিলেন। তাঁহারা সকলেই গুনিতে গুনিতে নোট লইতেছিলেন। ইহাদের উদ্দেশ্যে বাংলা-সাহিত্য-সম্পদের সঙ্গে পরিচয়লাভ এবং তাঁহার

রসাস্বাদন— বাংলা-সাহিত্যের, বিশেষতঃ রবীন্দ্র-সাহিত্যের, ইংরেজী এবং অধিকাংশ স্থলে ইংরেজী হইতে মরাঠী অনুবাদের মধ্যে তাঁহারা তেমন রস পান না, সেই জন্ত তাঁহারা মূল সাহিত্যের রস-সন্তোষাকাঙ্ক্ষী। আচার্য্য ভাগবত তাঁহার অধ্যাপনায় এই রস যথার্থ বিতরণ করিতে সমর্থ দেখিয়া বিস্মিত ও আনন্দিত হইলাম—মনে হইল তিনি যথার্থ রবীন্দ্র-সাহিত্য-রসিক। নানা স্থানে ভ্রমণ করিয়া মুখে মুখে এই রস বিতরণপূর্বক লোককে রবীন্দ্র-সাহিত্য-রসপিপাসায় উদ্বুদ্ধ করিতেই তিনি ব্যস্ত—সেইজন্ত তিনি নিজে যৎসামান্য রচনা করিবার অবকাশ পাইয়াছেন। ইহা খুবই পরিতাপের বিষয়ও বটে।

এই অভাব অংশতঃ দূর করিয়াছেন তাঁহার সুযোগ্য শিষ্য ও সহকর্মী শ্রীশ্রীপাদ জোশী। ইনি নিজের মাতৃভাষা মরাঠীতে বিশেষ ব্যুৎপন্ন ও সুলেখক। তাহা ছাড়া তিনি হিন্দি, উর্দু, গুজরাটী, বাংলা ও ইংরেজী ভাষা বিশেষভাবে আয়ত্ত করিয়াছেন—ইনি সংস্কৃত-সাহিত্যেও অমুরাগী এবং অস্তর ভারতীর একজন বিশিষ্ট কর্মী। ইহার আদর্শের প্রতি তাঁহার অনুরাগ এবং সেই আদর্শ কার্যে পরিণত করিবার জন্ত ঐকান্তিক নিষ্ঠা অস্তর-ভারতীকে প্রাণবন্ত করিয়া রাখিয়াছে। এই কাজে তাঁহার সহযোগী কর্মসচিব শ্রীঅরবিন্দ মংগরুলকরের নামও বিশেষভাবে উল্লেখযোগ্য। তিনি স্থানীয় পরম্পরামভাও কলেজে সংস্কৃত ভাষা ও সাহিত্যের অধ্যাপনা করিয়া থাকেন—তিনি অস্তর-ভারতীর একজন উৎসাহী সহায়ক। মরাঠী ভাষায় তিনি সুলেখক। দেশীয় সঙ্গীত-পদ্ধতির বিশিষ্ট রসজ্ঞ এবং সমালোচক হিসাবেও মংগরুলকর খ্যাত। তিনি নিজেও সুগায়ক।

উপরে যে তিন জনের নাম করা হইল, তাঁহাদের উদ্যোগে গত ২২শে জ্যৈষ্ঠ ১৩৬০ রবীন্দ্র-স্মৃতি-তিথি অতি সুষ্ঠুভাবে উদ্‌যাপিত হইয়াছিল। পরম্পরামভাও কলেজের বিশাল হলে পুণা বিশ্ব-বিদ্যালয়ের কর্ণধার ডাক্তার জয়কারের পৌরোহিত্যে এই সভার অনুষ্ঠান হয়। সাধারণতঃ ঐ ধরনের অনুষ্ঠানে বক্তৃতাতির আড়ম্বর বেশী হইয়া থাকে, কিন্তু ঐদিনকার সভায় বক্তৃতার বাহুল্য ছিল না—বিশেষ ভাবে রবীন্দ্রনাথের কবিতা ও সঙ্গীতের দ্বারা কবির প্রতি শ্রদ্ধা জ্ঞাপনের ব্যবস্থা হইয়াছিল। আচার্য্য ভাগবত রবীন্দ্রনাথের কর্ণ-কুন্তী-সংবাদ শীর্ষক কবিতাটি মরাঠীভাষায় অনুবাদ করিয়াছিলেন। দেবনাগরী অক্ষরে বাংলা কবিতা ও তাঁহার মরাঠী অনুবাদটি পুস্তিকাকারে মুদ্রিত করিয়া সভায় উপস্থিত করা হইয়াছিল। একজন কবি মরাঠী অনুবাদটি ভারি সুন্দর রূপে আবৃত্তি করিলে রবীন্দ্রনাথের নিজের কণ্ঠে আবৃত্তি কর্ণ-কুন্তী-সংবাদ গ্রামোফোন রেকর্ড সহযোগে সভায় পরিবেশিত হয়। উপরন্তু অনেকগুলি রবীন্দ্র সঙ্গীতও গীত হয়। মরাঠীদের উদ্যোগে এবং বাঙালী জনকয়েক পুরুষ ও মহিলার সহযোগিতায় এই অনুষ্ঠানটি সুচারুরূপে সম্পন্ন হওয়ার অস্তর-ভারতীর আদর্শ অংশতঃ সফল হইয়াছিল।

২

শ্রীশ্রীপাদ জ্যোতীর সহিত তাঁহার নিজের সম্বন্ধে এবং অন্তর-ভারতী সম্পর্কে তাঁহার কাজের বিষয়ে আমার যে কথোপকথন হইয়াছে তাহার চূড়াক নীচে দেওয়া হইল :

প্রশ্ন : এতগুলি ভাষা আপনি কি করিয়া এবং কেন শিখিলেন ?

উত্তর : এতগুলি ভাষা আর শিখিলাম কোথায় ? যে কয়টি ভাষা জানি সে কয়টি আমার নিজের চেষ্টায় শিখিয়াছি। সাধারণ বিদ্যার্জনের সুযোগ আমি বেশী পাই নাই—কেবলমাত্র মাটিক পরীক্ষা উত্তীর্ণ হইয়াছিলাম। তাহার পর হইতে নূতন ভাষা শিকার কোনও সুযোগ আমি ছাড়ি নাই। আমাদের বিশাল দেশের নানা ভাষাভাষী জনগণের সাহিত্যের প্রতি আমার বিশেষ আকর্ষণ। আমার ইচ্ছা মূল ভাষা হইতে অনুবাদ করিয়া মরাঠী ভাষাকে সমৃদ্ধ করি। সেই জন্ত আমি কয়েকটি ভারতীয় ভাষা শিখিয়াছি এবং আরও শিখিবার ইচ্ছা রাপি। অনেক দুঃখকষ্টের মধ্যে থাকিয়া আমাকে এই সব ভাষা আয়ত্ত করিতে হইয়াছে। অসহযোগ আন্দোলনে অনেক সময়ে জেলে থাকিতে কোনও কোনও ভাষা শেখা আমার পক্ষে সহজ হইয়াছে।

প্রশ্ন : আপনি বাংলা ভাষা কি করিয়া এবং কতদিন ধরিয়া শিখিতেছেন ?

উত্তর : বহুদিন হইতে বাংলা ভাষা শিখিবার ইচ্ছা আমার ছিল। সেই জন্ত বাংলা অক্ষরপরিচয় হইতেই আমি বাংলা পুস্তক পড়িতে চেষ্টা করি। এ বিষয়ে জেলে বন্দী অবস্থায় আমি অল্পের সাহায্য পাইতাম। এইভাবে বাংলা শিকার গোড়াপত্তন হয়—তাহার পর এ যাবৎ নিজের চেষ্টায় শিখিতেছি। যখনই কোনও জায়গায় বসিতে পারি না তখনই আচার্য্য ভাগবত অথবা কোনও বাঙালী বন্ধুর শরণাপন্ন হই।

প্রশ্ন : বাংলা সাহিত্যের কোনও লেখা মরাঠীতে তর্জমা করিয়াছেন কি ?

উত্তর : বাংলা সাহিত্য হইতে বলিবার মত তেমন কিছু করি নাই। কিছুদিন পূর্বে কবি নজরুলের একটি ছোট কবিতা মরাঠীতে অনুবাদ করিয়া প্রকাশিত করিয়াছিলাম। মাসকয়েক পূর্বে শরদ্দিন্দু বন্দ্যোপাধ্যায়ের একটি ছোট গল্প মরাঠী ভাষায় তর্জমা করিয়াছি, সেটি “সকাল” পত্রিকার “দেওয়ালি” সংখ্যায় প্রকাশিত হইয়াছে। সম্প্রতি কবি নজরুলের কবিতার সহিত মরাঠী পাঠক-পাঠিকার পরিচয়সাধন করিতে চেষ্টা করিয়াছি। আমার সে প্রবন্ধটি “ববিবাদের সকাল” পত্রিকার ধারাবাহিকরূপে নয় সপ্তাহে প্রকাশিত হইয়াছে। গুরুদেব যবীজনাথের প্রবন্ধগুলি অনুবাদ করিবার বাসনা আছে।

প্রশ্ন : আর কোন কোন ভাষা হইতে কি কি অনুবাদ করিয়াছেন তাহা একটু বলিলে বিশেষ বাঞ্ছিত হইব।

উত্তর : আমি বহুদিন আচার্য্য কাকা কালেকারের শিষ্য ও

সহচর্য্যপে ছিলাম। তিনি নিজে মহারাষ্ট্রীয় হইলেও, তাঁহার সমস্ত রচনা তিনি গুজরাটী ভাষায় লিখিয়াছেন। আমি তাঁহার অনেক রচনা হিন্দি ও মরাঠী ভাষায় অনূদিত করিয়াছি। ইহা ব্যতীত উর্দু ভাষায় একখানি বিখ্যাত উপন্যাস মরাঠী ভাষায় অনুবাদ



শ্রীশ্রীপাদ জ্যোতী •

করিয়াছি—সে বইখানি হইল—শ্রীরামানন্দ সাগরের লিখিত “আউর্ ইনসান্ ময় গয়া”। উর্দু ভাষা হইতে অনেকগুলি ছোট গল্পও মরাঠীতে এবং মরাঠী ভাষা হইতে বহু রচনা হিন্দিতে ভাষান্তরিত করিয়াছি।

প্রশ্ন : অন্তর-ভারতী সম্পর্কে আপনার কাজের বিষয়ে কিছু জানিতে ইচ্ছা হয়।

উত্তর : পুণা-কেন্দ্রের ব্যবস্থাপনার বাবতীয় কাজ আমাকে করিতে হয়। প্রয়োজন হইলে অল্পাংশ শাখা-কেন্দ্রেও আমাকে সময়ে সময়ে বাইতে হয়। পুণাকেন্দ্রের বাংলা সাহিত্যের ক্লাশে আমি যবীজনাথের গল্পসাহিত্য, বিশেষতঃ গল্পগুচ্ছ পড়াইয়া থাকি। ভাষাতীত নানা ভাষা হইতে অনুবাদের কাজের কথা পূর্বেই বলিয়াছি।

অতঃপর শ্রীশ্রীপাদ জ্যোতী ‘কবি নজরুল ইসলাম’ সম্বন্ধীয় তাঁহার সুদীর্ঘ প্রবন্ধটি সংক্ষেপে হিন্দি ভাষায় বলিয়া গেলে, তাহা আমি বাংলায় লিখিয়া লই। তিনি বাংলা বই পড়িতে পারেন,

পড়িয়া বুঝিতে পারেন, শুনিলেও বুঝেন, কিন্তু মুখে বলিতে পারেন না—কারণ সে অভ্যাস কখনও করেন নাই। আচার্য্য ভাগবত সম্বন্ধেও এই কথা প্রযোজ্য। যাহা হউক জোশীর প্রবন্ধের নাম “অগ্নিবীণা”। তাহার চূড়ক তাঁহার নিজের জ্বানিতে নীচে দেওয়া গেল :



আচার্য্য ভাগবত

“বৎসরগানেক পূর্বে স্থানীয় সংবাদপত্রে একটি ছোট অখচ বিশেষ গুরুত্বপূর্ণ সংবাদ আমরা পাঠ করি। সংবাদটি এই যে, বাংলা ভাষার লোকপ্রিয় কবি কাজী নজরুল ইসলামের চিকিৎসার জন্ত ভারত ও পাকিস্থান সরকার একযোগে সরকারী খরচায় তাঁহাকে বিদেশে পাঠাইয়াছেন। সংবাদপত্রে সাধারণতঃ আমরা রাজনৈতিক অথবা অর্থনৈতিক সংবাদাদি পড়ি এবং অল্পকাল সংবাদসমূহকে বিশেষ মর্যাদা দিয়া থাকি। সুতরাং কবির বিদেশ-যাত্রা বিষয়ক সংবাদটি সচরাচর কাহারও দৃষ্টি আকর্ষণ করিবার কথা নহে। কিন্তু যে সকল মুষ্টিমেয় লোক সাহিত্যিক ও সাংস্কৃতিক ঘটনাকে জীবনে বড় স্থান দিয়া থাকেন, তাঁহাদের নিকট কবির চিকিৎসাসম্পর্কীয় ব্যবস্থাটি বিশেষ মূল্যবান সে বিষয়ে কোনও সন্দেহ নাই। তদ্ব্যতীত আরও একটি কারণে এই সংবাদটি বিশেষ গুরুত্বপূর্ণ। এই ঘটনাটিকে ভারত ও পাকিস্থান সরকারের একযোগে একমত হইয়া কাজ করিবার উল্লেখযোগ্য দৃষ্টান্ত বলা যায়। শুধু যে উভয় সরকার একমত হইয়াছেন তাহা নহে, তাঁহারা কবির চিকিৎসার্থে একযোগে অর্থসাহায্য করিয়াছেন। এই দুই প্রতিবেশী দেশের একত্র এই কাজ শান্তিকামী সকল লোকের নিকট বিশেষ মূল্যবান তাহাতে, সন্দেহ মাত্র নাই।

জোশীজী লিখিতেছেন—“কবির ব্যক্তিগত জীবন সম্বন্ধে আমরা বেশী কিছু জানিতে পারি না। তিনি নিজে এ সম্বন্ধে কোথাও কিছু বলিয়াছেন বা লিখিয়াছেন বলিয়া আমার জানা নাই। কি করিয়া তাঁহার মধ্যে বাগ্‌দেবীর উন্মেষ হইল এ প্রশ্ন তাঁহাকে জিজ্ঞাসা করিলে, তিনি বলিয়াছিলেন, ঝড় কি করিয়া আসে এবং কোথা হইতে আসে তাহা জিজ্ঞাসা করিয়া লাভ কি ?

“বাঙালীর নিকট কবির জীবন ও রচনা সম্বন্ধে আমার পক্ষে কিছু বলা নিশ্চয়োজন। তাঁহার সম্বন্ধে যাহা কিছু তথ্য আমি মরাঠীভাষী পাঠক-পাঠিকার নিকট উপস্থিত করিয়াছি সে সকল তথ্য আমি বাংলা পুস্তক পাঠ করিয়াই জানিয়াছি। অবাঙালী হইয়াও আমি কেন কবি নজরুলের কবিতার প্রতি আকৃষ্ট এবং তাহার গুণগ্রাহী হইলাম—তাহার ভাববসের আশ্বাদন লাভ করিয়া কৃতার্থ হইলাম সেই কথাই আমি বাঙালীর নিকট নিবেদন করি।

“প্রথমতঃ, নজরুলের কবিতার বীর্ষা, আবেগ এবং অনুপ্রাণনা আমাকে বিশেষ ভাবে আকৃষ্ট করিয়াছে—তাহার পূর্বে বাংলা কবিতায় এই রসআশ্বাদন আমি পাই নাই। দৃষ্টান্তস্বরূপ হু’একটি পংক্তি উল্লেখ করি :

“আমি আপনারে ছাড়া করি না কাহারে কুণিশ”

এবং

“আমি বিদ্রোহী ভুঙ, ভগবান বুকে এঁকে দিই পদচিহ্ন

আমি শ্রষ্টাসূদন শোকতাপহানা পেয়ালী বিধির

বক্ষ করিব ভিন্ন”—

এই সকল পংক্তি আমাদের মনে যে ভাব মুদ্রিত করে তাহা কখনও ভুলিবার নহে।

“দ্বিতীয়তঃ, দরিদ্র, পদদলিত, পীড়িত, ভগ্নতদিগের প্রতি তাঁহার সুগভীর সমবেদনা এবং অকৃত্রিম প্রেম আমাকে বিশেষ ভাবে মুগ্ধ করিয়াছে। একটি দৃষ্টান্ত দিই :

“নাই দানব,

নাই অসুর—

চাইনে সুর—

চাই মানব।”

“বাঙালী ভাবপ্রবণ জাতি। কবির উগ্র বিদ্রোহ-ভাবাবেশ উপশমিত হইলে তিনি বাংলাদেশের স্নিগ্ধ শ্রামল পল্লী-জীবনকে অবলম্বন করিয়া গীতি-কবিতা ও সঙ্গীত রচনায় মনোনিবেশ করিলেন। সে সকল কবিতা ও গানে মাতৃভূমির প্রতি দয়দ এবং তাহার শ্রামলঞ্জীর চিত্র প্রচুর পরিমাণে পরিলক্ষিত হয়।

“পরিশেষে আমি কেমন করিয়া এবং কেন কবি নজরুলের কবিতার প্রতি আকৃষ্ট হইলাম সেই কথা বলিয়া প্রসঙ্গ শেষ করিব।

“কয়েক বৎসর পূর্বে দিল্লীতে একদিন আমার হাতে একখানি বাংলা কবিতার বই আসিল। কবির নাম দেখিলাম কাজী নজরুল ইসলাম। বাংলা ভাষায় মুসলমানের লিখিত কবিতার বই দেখিয়া যুগপৎ বিস্মিত ও আনন্দিত হইলাম। মুসলমান হইয়া

কোনও ব্যক্তি উর্-ফার্সী প্রভৃতি ভাষা ব্যতীত অল্প কোনও ভাষায় সাহিত্য রচনা করে এ ধারণা আমার ছিল না। কোনও মুসলমান সাহিত্যিক, তিনি ভারতের যে-কোনও প্রদেশেরই হউন না কেন, কখনও দেশীয় ভাষাকে মাতৃভাষা রূপে গ্রহণ করেন নাই—সাহিত্য-রচনাকালে উর্-ফার্সী আশ্রয় গ্রহণ করিয়াছেন, কোনও মুসলমানের পক্ষে ফার্সী-উর্-ব্যতীত অল্প কোনও ভাষাকে মাতৃভাষা জ্ঞান করা এবং সেই ভাষায় সাহিত্য রচনা করা এক বাংলা ভাষাতেই সম্ভব হইয়াছে—ভারতবর্ষের আর কোনও ভাষায় হয় নাই। কেবলমাত্র কাজী নজরুল ইসলামই যে বাংলাকে মাতৃভাষা জ্ঞান করিয়া কবিতা-রচনা করতঃ বাংলা সাহিত্যে অমরত্ব লাভ করিয়াছেন তাহা নহে—বাংলা সাহিত্যের ইতিহাস পাঠে জানা যায় যে, শত শত মুসলমান সাহিত্যিক বাংলা ভাষার উষাকাল হইতে হাজার পরিপূষ্টিসাধন করিয়া বাংলা সাহিত্যে স্মরণীয় হইয়া আছেন এবং বর্তমানে বহু প্রতিভাবান মুসলমান সাহিত্যিক বাংলা ভাষাকে সমৃদ্ধ করিতেছেন।

“বড়ই পরিতাপের বিষয় যে, ভারতবর্ষের অল্প প্রদেশে যে লক্ষ লক্ষ শিক্ষিত মুসলমান আছেন, তাঁহারা সে সব প্রদেশের

ভাষাকে নিজেদের মাতৃভাষা-রূপে বরণ করেন নাই এবং সে সব ভাষায় কোনও সাহিত্যরচনা করেন নাই। এই মহারাষ্ট্র প্রদেশে যে লক্ষ লক্ষ শিক্ষিত মুসলমান ভ্রাতা-ভগিনী আছেন, তাঁহারা বাংলা দেশের মুসলমানদিগের এই অবিস্মরণীয় মহান কীর্তির কথা স্মরণ-পূর্বক মরাঠী ভাষাকে নিজেদের মাতৃভাষা মনে করিয়া তাহা ব সেব্য আশ্রয়যোগ করুন—এই নিবেদন জানাইয়া আমি আমার প্রবন্ধ শেষ করি।”

ভারতবর্ষের সকল প্রদেশেই প্রবাসী বাঙালী ছাত্র-ছাত্রীকে প্রাদেশিক ভাষা আবশ্যিক ভাবে শিখিতে হয়। এই সকল ছাত্র-ছাত্রীর মধ্যে কেহ কেহ যাহাতে বিশেষ ভাবে বাংলা ভাষা এবং প্রাদেশিক ভাষায় ব্যুৎপত্তিলাভ করে, সে সম্বন্ধে তাহাদের অভি-ভাবকগণের সচেতন হওয়া বাঞ্ছনীয়। উপরন্তু এই সকল ছাত্র-ছাত্রীকে বিশেষ বৃত্তি ও পুরস্কার দিবার ব্যবস্থা বঙ্গীয়-সাহিত্য-পরিষদ এবং নিখিল-ভারত বঙ্গসাহিত্য-সম্মেলনের করা কর্তব্য—তাহা হইলে ছাত্রছাত্রীগণ প্রাদেশিক ভাষার সঙ্গে সঙ্গে বাংলা ভাষাও বিশেষভাবে শিখিবার প্রেরণা ও উৎসাহ পাইবে নিঃসন্দেহ। এই ব্যবস্থায় অসম্ভব-ভারতীয় মূল আদর্শটি সফল হইবে এমন আশা করা অসঙ্গত নয়।

জাতিস্মরণ

শ্রীকৃষ্ণধন দে

জলধিমগ্ননশেষে ক্লাস্ততনু, নির্জন সৈকতে
একা আমি। ভগ্নকটি দাবদগ্ধ মৈনাকপর্কতে
তখনো উঠিছে ধুম। অথ নেহ তটপ্রান্তে বাখি
লুটায় বাসুকি দূরে। গরলাস্ত ফেনপুঞ্জ মাখি
তখনো চঞ্চল সিদ্ধু। সুরাসুর চলে গেছে দূরে
সকল বর্টনশেষে। দূর হতে শুনি স্বর্গপুরে
বাজে উৎসবের বাঁশী। আমি ক্ষুদ্র দেব-অনুচর
লজ্জায় চাহি নি কিছু, পড়ে আছি সহি অনাদর
নির্জন সিদ্ধু তটে। সম্মুখে রয়েছে মোর পড়ি
প্রবালের মালা কার, রূপোজ্জ্বলা কোন্-সে অপ্সরী
জলধিমগ্নন হতে সছোখিতা, যেতে স্বর্গপথে
ফেলে গেছে মালাখানি সায়াক্ষের ধূসর সৈকতে।

দেবতারা নিল যারে, তারে আমি দেব-অনুচর
কোথা পাব ? তবু তার মুক্তানিত কাঙ্ক্ষি মনোহর
এখনো ভাসিছে চোখে। অমান যৌবন পান্থমান
ধরণীর প্রথম আলোকে। যেন সহি রূঢ় অপমান
অতল পাতাল হতে তন্ত্রাজুরা কোন্ সাগরিক
ছিন্ন কবি আসিয়াছে দরিতের বাসর-মালিকা

বিজয়ের পণ্যরূপে। কেশদাম ফেনাঘন মাখি
চঞ্চল সাগরবাতে। হুটি নীল স্বপ্নাতুর আখি
ক্ষণে ক্ষণে মুদে আসে আলোকের নিষ্ঠুর আঘাতে।
কল্পিত চরণ হুটি বালুকায় ধীরে ধীরে পাতে
শক্তি পরশবেথা। রূপোজ্জ্বল সর্ব অঙ্গ ভরি
কুণ্ঠিত লজ্জায় কাঁপে সদ্যসুট যৌবন-মঞ্জরী।

তার পর গেল চলি বাসরের রত্নময় রথে
সে অপ্সরী। সঙ্গীহারা আমি শুধু সাগর-সৈকতে
বহিলাম মোহ-স্বপ্নে। কণ্ঠচ্যুত মালাখানি তার
বাধাতুর বক্ষে চাপি, পদচিহ্ন স্পর্শি বার বার
কহিমু অক্ষুট কণ্ঠে—হে অপ্সরী, তব রূপস্বত্তি
স্বর্গ আজ করেছে মুখর, তব নয়নের ছাতি
স্বর্গ আজ করেছে সুন্দর। হেথা কাটাই গ্রহর
তব ধ্যানস্বপ্নে আমি। ক্ষুদ্র দেব-অনুচর,
এ কি অভিলাষ তার ! অপরাধ কমা কর দেবি,
কেন ভাগ্য নহে মোর, তব অলঙ্কার-পদ সেবি।
সহসা শুনিমু কণ্ঠ—“মালা মোর দাও কিয়াইয়া,
সিদ্ধুতটে আসিলাম সায়া পথ খু জিয়া খু জিয়া

বাসবের সভা হতে । ও যে মোর চির স্মৃতিভোর
সাগরিকা-জীবনের । দাও ভঙ্গ, মালাখানি মোর !”

চমকিঁ চাহিনু ফিরে । গোধূলির গৈরিক কিরণে
সমুজ্জ্বল বেলাভূমি । তারি মাঝে নুপুর-চরণে
দাঁড়ায়েছে সে অপরী অপরূপ তনুভঙ্গিমায় ।
একদিকে নীল সিদ্ধ ফেনায়িত উদ্বেল-লীলায়,
অন্য দিকে শুভ্রতট । বায়ে বায়ে নীলাঞ্চল টানি
সলজ্জ ধরিত্রী যেন আবরিছে স্বর্ণতনুখানি ।
আমি কহিলাম তারে—“মালা যদি চাও ফিরে নিতে,
আমারে কি দেবে বল ? জীবনের মরুপথটিতে
কি লয়ে রহিব আমি ? হে অপরী, শোন নিবেদন,
লহ মালা, শুধু দাও ক্ষণতরে একটি চুম্বন ।”


পশ্চাতে গর্জিল বজ্র । চমকিয়া উঠিলু হুঁজনে
সহসা বাসবে হেরি’ । মোর প্রতি আবক্ষ নয়নে
কহিল বাসব ক্রোধে—“ওরে ক্ষুদ্র দেব-অনুচর,
এতখানি স্পর্শ তব ? দেবভোগ্য পুণ্য-কলেবর
স্পর্শিবারে এত আকিঞ্চন ? লহ এই অভিশাপ,
মর্ত্যের ধূলির মাঝে চিরদিন করিবে বিলাপ
তোমার মানসী লাগি । জন্ম হতে জন্মান্তর ধরি
জাতিশ্বর হয়ে তুমি বৃথা খুঁজে মরিবে অপরী ।”

বাগব ফিরিয়া গেল । মালাখানি হাতে লয়ে তার
অপরী চলিল সাথে । শুধু মান দৃষ্টি বেদনার
আমারে জানাল—“আমি যুগে যুগে আসি অলক্ষিতে
রহিব তোমারি কাছে, শুধু মোরে পাবে না দেখিতে ।”
ক্ষুর জলধির তটে তরঙ্গের অধীর উচ্ছ্বাসে
গাঢ় ছায়া মেলি সঙ্ক্যা এল নামি আমার আকাশে ।

অস্তুহীন কালশ্রোতে জন্ম হতে পশি জন্মান্তরে
এই ধরিত্রীর বুকে কত কল্প মন্বন্তর পরে
ভুলি নাই তারে আমি । আজো যবে বসন্ত-সঙ্ক্যায়
রুকচূড়াশাখা-ফাকে আধখানি চাঁদ দেখা যায়,

যেন কত দূর হতে, মনে হয়, সে এসেছে কাছে ।
যেন তার স্বপ্নময় গাঢ় স্নিগ্ধ ছায়া পড়িয়াছে
আমারি বুকের 'পরে । সদ্য ফোটা অশোকমঞ্জরী
যেন সে হুলায়ে কেশে অভিসাধিকার রূপ ধরি’
আমারি নিকটে আসে ! তন্দ্রাহীন কত অর্ধ রাতে
ছায়াপথ ছাড়ি আজো নামে সে আমারি আঙিনাতে
নুপুরশিঙন তুলি ! জ্যোছনার দেবদারুবনে
আলোক-আধারে দ্রুত লুকায় সে চকিত চরণে
শুনি মোর পদধ্বনি ! উপল-বিছানো গিরি-নদী
উজ্জ্বল চঞ্চল শ্রোতে তাল দিয়ে যায় নিরবধি
তাহারি নুপুরসাথে ! মেঘঘন শ্রাবণ-শর্করী
রূপরসশব্দগঞ্জে দেয় সে পুলকছন্দে ভরি
তাহারি পবন দিয়া ! সঙ্ক্যাতারা-দীপখানি আলি
আমারি উদ্দেশে সে যে নিত্য আনে প্রেমের বৈকালী
ঝরা বকুলের পথে ! তন্দ্রাঘোরে নিস্তরু নিশীথে
পাই যে নিঃশ্বাস তার আমারি বুকের কাছটিতে !
উতল বৈশাখীঝড়ে সে যেন উড়ায় এলো চুল
কনক চাঁপার বনে ছুটে আসি ছুঁড়ে দেয় ফুল
আমারি চলার পথে ! পত্রের মর্ম্মরধ্বনি মাঝে
চপল হাসিটি তার বিল্লীরবমুখরিত সাঁঝে
শুধু জাগে লীলাচ্ছলে ! আমারি শিয়রে তন্দ্রাহারা
নীরবে রয় সে বসি, পূর্বাকাশে যবে শুকতারা
ধীরে ধীরে ফুটে ওঠে উষসীর পদপ্রান্ত চুমি,
শুনি যেন কণ্ঠ তার—“শুকতারা, কেন এলে তুমি ?”

আমার অনন্ত বৃথা হে নিষ্ঠুর, যুগ যুগ ধরি’
রবে চিরতৃপ্তিহীন ? আমার জীবন-মুহূ ভরি
তোমার অদেখা-রূপ অজানা-আভাসখানি দিয়া
অসহ আকাঙ্ক্ষা মোর দিকে দিকে দেবে প্রসারিয়া
ব্যর্থ মিলনের স্বপ্নে ? ইন্দ্রিয়েব সর্ব্ব-অনুভূতি
তোমারে লভিতে আজো বার বার জানাবে আকৃতি
জন্ম হতে জন্মান্তরে ? ধরণীর রূপ-গন্ধ-স্বর
চির অতৃপ্তির মাঝে আমারে কি করিবে বিধুর
বিরহ-বাধায় তব ? এ প্রশ্নের দেবে না উত্তর
হে অ-ধরা ? এই অভিশাপ বুকে রব জাতিশ্বর ?



জাতীয় যখনই উৎসাহিত

জুড়তে বন্দ্যোপাধ্যায়

[এ তীর্থকাহিনী প্রতিলিখনের মাধ্যমে। অর্থাৎ, গঙ্গাজল দিয়ে আমি গঙ্গাপূজা সেবেছি।

যে গৃহী-সন্ন্যাসী মানুষটিকে (শ্রীসন্তোষকুমার মুখোপাধ্যায়) আমি আমার আধ্যাত্মিক শিক্ষার সবকিছু বলে মেনে নিয়েছি— তিনিই তীর্থ করেছেন, আমি নয়। তিনি বলে গেছেন—আমি লিখে গেছি। মাতৃমূর্তির কাঠামো তাঁরই দেওয়া—আমি তাতে রং পরিয়েছি, ডাকের সাজ পরিয়েছি। মা আমার চিন্ময়ী হলেন কি না সে বিচার আমার নয়। কাব্যিক পরিশ্রমের ভিতর দিয়ে তীর্থ আমার হয় নি বটে—তবে লেখা শেষ করে ভেবেছি এ আমার ভ্রমণেরও অতিরিক্ত হয়েছে।

এই গৃহী-সন্ন্যাসীর আমি ছাড়া আরও একটি অমুচর আছে। সে এই ভ্রমণ ইতিহাসের শিল্পী সুনীল—আমার আবালা বন্ধু ও সখা। এও একেছে গুঁর মুখ থেকে শুনে শুনে। এ কাহিনীতে এর প্রতিভার দান স্বরণীয়।

মনির সঙ্গে যেমন তার বিভা—সূর্যের সঙ্গে যেমন উত্তাপ, তেমনি এ কাহিনীর সঙ্গে ওতপ্রোত ভাবে জড়িত আমার লেখা বই—শ্রীশ্রীকেশবনাথ ও বদরীনাথ। ও বইয়ের শেষে যে ইঙ্গিত আছে তার সূত্র ধরেই এ দীর্ঘ পথ-পরিক্রমা। পাঠকবর্গের অবগতির জন্তে এ বিজ্ঞপ্তির প্রয়োজন আছে।

—লেখক]

ডাক এল আবার।

গতবার ডাক এসেছিল কেশবনাথ ও বদরীকানাথ থেকে, সে ডাককে এড়ান যায় নি...বেরিয়ে পড়েছিলাম।

এবারে ডাক এল তারও উত্তরের দুটি ভুবারতীর্থ যমুনোত্তরী ও গঙ্গোত্তরী থেকে।

এ যেন নিশির ডাক : যাকে এড়ান যায় না—ওড়ান যায় না। আমি ত এই জন্তে বসে ছিলাম...এরই জন্তে ত আমার প্রহর গোপা!

গত বংসরের বদরীকার মন্দির প্রাক্কণের সেই বালক মহা-সাধুটির* কথা, যিনি বলেছিলেন—“গঙ্গোত্তরী জানেসে সব মিল জায়গা”। তীর্থ শেষ করে বাড়ী ফেরার পর ঐ কথা’টি আমার অপের রুদ্রাক্ষ হয়েছিল—জানতাম সার্থক মুহূর্তটি আমার আসবে—আর চাওয়ার বৃহৎ অঞ্জলির সন্ধান পাব ঐ গঙ্গোত্তরীর পরি-প্রেক্ষিতে...।

গত বারে বাধা এসেও বাধা আসে নি, বন্ধন এলেও তার ঐশ্বিল্য ছিল আলগা। এবারেও যাত্রার পূর্বেক্ষণ পর্যন্ত অশরীরী আত্মার মত এল মায়া, কামা ও অভিমান। বুঝলাম, এ হ’ল ছলনা—সঙ্কল্পের পথে ঝোড়া হাওয়া।

কিন্তু...

ভাঁটার এল অদৃশ্য জোয়ার। দেখলাম নোঙরের দড়ি ছিঁড়ে যাত্রার নৌকা ভেসে উঠল। পাল তুলে দিলাম আমি। এ পাল তুলে দেওয়ার তারিখ জুনের বাইশে—বাংলার এগারই বৈশাখ...।

তীর্থযাত্রীদের স্বীকৃতির ইতিহাসে এই প্রামাণিক সত্যিটাই বার বার ধরা পড়েছে যে যমুনোত্তরী ও গঙ্গোত্তরীর পথ বন্ধুর ও বিপৎ-সঙ্কল। এ পথে তিতিক্ষার ষোল আনা ব্যয় করা চাই, নতুবা স্বপ্ন দেখা বৃথা। সেই কারণে মনে মনে সঙ্গী চেয়েছিলাম, প্রয়োজন-বোধ করেছিলাম আমি ছাড়া অল্প কোন মানুষের সাহচর্য ও সখ্য। তাই যাত্রার আগে ডাক দিলাম চন্দননগরের সর্বজনপরিচিত গত বংসরের কেশবনাথের সঙ্গী দাস মশাইকে। জানালাম, আপনি আসুন, আমি তৈরী। মোটঘাট আমার বাধা...আপনি ছাড়া বাবে কে? উত্তরে জানালেন—

“ঘোর অমাবস্তার রাত্রে সাইকেল থেকে পড়ে আচমকা হাত-ভেঙেছেন। তিনি সাইকেলে চড়েন নি, সাইকেলই তাঁকে চড়েছে। ডাক্তারের মতে ঝোড়া হাড় জুড়তে মাস দুই লাগবে। আপনি এগোন।”

* লেখকের “শ্রীশ্রীকেশবনাথ ও বদরীনাথ” ঐতিহ্য

সঙ্গী আমার জুটল না। তা না হোক, হয়ত বা যোগাযোগের
অদৃশ্যলিপিতে এই সঙ্গীহীনতারই ইঙ্গিত আছে...

এ পরীক্ষা। যাত্রায়সেই যার শুরু।

কলকাতা থেকে হরিদ্বার। পেরিয়ে গেল ধানবাদ—গয়া—
কাশী। ইন্টার ক্লাশে স্থান পেয়েছিলাম ভালই—যাত্রীর ভীড়ের
মধ্যে আকাশের দিকে তাকিয়ে তাকিয়ে আর চলমান ট্রেনগুলোর
দিকে মুখ ফিরিয়ে দার্শনিকের মত একটু ভাববার অবকাশ পেয়ে-
ছিলাম। ঘর ছেড়ে এলাম, এতটুকু বাধল না—হাঁসের গায়ে জল
লাগার মত সবই গেল করে। কোথা থেকে কি ডাক এল ঘূর্ণী-
বায়ুর মত, শূন্যে সব বিলীন হয়ে গেল, না রইল তার থাকার
অভিমান, না রইল তার শেকড়ের জোর, শুধু মাত্র উৎখাত হলাম,
উৎক্ষিপ্ত হলাম। গত বৎসরে কেদার ও বদরীকার স্বর্ণাঞ্চল ছেড়ে
আসার সময় কেমন যেন শূন্যতার অভিমান নিয়ে ফিরেছিলাম, সে
অভিমান সবকিছু ফেলে আসার অভিমান, সব পেয়েও সেটি হারিয়ে
আসার ক্ষোভ। নাযায়গাই ত সব, সর্বভূতের মালিক তিনি,
আমার বুকের দীর্ঘনিশ্বাসটিও তিনি শুনেছিলেন—তা না হলে
আমি আবার বেরুব কেন? গাড়ীর একটি কোণে বসে বসে
জিজ্ঞাসুর মত জীবনকে তন্ন তন্ন করে বিচার করছিলাম—অনুসন্ধান
করছিলাম এটা ওটা। ট্রেনের পর ট্রেন পেরিয়ে যায়, চিন্তার
ও দার্শনিক তত্ত্বের ছোট ছোট শহর এবং জনপদও পেরিয়ে যায় মনে
মনে। সহযাত্রীদের কাছে গল্পবাহুল্যের খবর চেপে যাই, লক্ষ্য-
স্থলকে চেপে রাখি—যদি কেউ জুটে যায় বাবার মত, বোকার মত।
একাকিত্বকে মেনে নিয়েছি, শুধু মেনে নেওয়া নয়, তাকে ফুল-লতা-
পাতা দিয়ে বরণও করেছি, তাই যাত্রীদের প্রশ্নের পর প্রশ্ন কেমন
যেন অর্থহীন হয়ে ওঠে। শুধু চেপে যাই আর এড়িয়ে যাই...

জীবনের বাধাবর, বৃত্তির মধ্যে দিয়ে ভারতবর্ষের তীর্থের পর তীর্থ
এসেছে আর গেছে—স্মৃতির মধ্যে তাদের রঙের ছোপ কতক
লেগেছে, কতক লাগে নি। আসামের কামাখ্যা থেকে সুদূর কল্যা-
কুমারিকা—কাশ্মীরের তুষারতীর্থ অমরনাথ থেকে সৌরাষ্ট্রভূমির
নিলাম্বুচিহ্নিত সোমনাথের মন্দিরের শিবলিঙ্গ, একের পর এক—বহু
থেকে সংখ্যাহীন, কিন্তু দেখার ভেতর একটা অব্যক্ত কান্নাই থেকে
গেছে... অল্পভূতির চোখ দুটো দিয়ে কান্না ত আসে নি কোন দিন।
আর আসে নি বলেই পথ খুঁজে বেড়ান আর আত্মানুসন্ধানের
আলোয় মাথা খুঁড়ে মরা।

তার পর...

খচ করে কাঁটা বেঁধার মত মনের অন্তস্তলে কি যেন বিধে
গেল আর এটি কেদারনাথ ও বদরীনাথ ঘুরে আসার পরই। মক-
ভূমির ধূ-ধূর মধ্যে কেমন যেন জলের ভিজে হাওয়ার স্পর্শ পেলাম।
মনে হ'ল বাধাবর বৃত্তির ইতি হ'ল। ও দুটি তীর্থে মন্দির দেখতে
দেখতে চোখে সূর্য্য লাগার মত লেগে গেল সত্য শিব ও সূর্য্যের
অঞ্জন, যা স্নোহা যায় না। ফিরে এসে মনে করেছি জীবন আমার
পূর্ণ্য হ'ল, ধূ-ধূ হ'ল।

কিন্তু...

কিছু দিন যেতে না যেতেই সেই তৃষ্ণা, সেই হাহাকার। বিশ্ব-
সংসার জোড়া সেই হাঁ করা শূন্যতা আর মরীচিকার ক্লাস্তি। যে
সম্পদকে অতলস্পর্শী বলে মনে করেছিলাম কেবার পর, এক দিন
দেখি তা নিঃশেষ হয়ে এসেছে। ভাবলাম অবাক হয়ে, এ আবার
কি? এমনি করেই মাসের পর মাস, আর তা জুড়ে জুড়ে মালার
মত একটি বৎসরের আবির্ভাব। কান্না বাড়ে—উষ্ণতার সবকিছু
যেন দাউ দাউ করে জলে যায়।

তার পর আবার ডাক এল। আজকে দেবানন্দ এম্প্রেশনের
একটি কামরায় সেই ডাকেরই আর এক পূর্বানুবৃত্তি। আমি
চললাম—পাল তুলে দিয়ে ভাসলাম আবার...

হরিদ্বার। এ ত আমার দেখা। দাঁড়ান গেল না, কেননা
সময় নেই—তার অপচয়ও বুকে বাজবে। সোজা বাস ষ্ট্যান্ডের
কাছে গিয়ে দাঁড়ান, একটি টিকিট কেনা, তারপরেই হৃষীকেশের
উদ্দেশে উঠে বসা। ওখানে যখন পৌঁছলাম তখন বেলা দশটা।

হৃষীকেশকে আমি প্রয়াগ বলব—কেননা দুটি মহত্তম তীর্থের
যাত্রাপথের বাস্তব রূপের সার্থকতা এখান থেকেই। ওদিকে কেদার-
বদরী, এদিকে যমুনোত্তরী ও গঙ্গোত্তরী। একটা বেছে নিলেই
হ'ল। প্রথম থেকেই সন্দেহ ছিল কুলী তথা বাহক সংগ্রহের
ব্যাপারে, বিশেষতঃ যমুনোত্তরী ও গঙ্গোত্তরী তীর্থের কষ্টস্বীকারের
প্রয়োজন আছে আর তার জগ্নে হৃষীকেশে হ'ল এক দিন থাকা
অপরিহার্য। শুনেছিলাম কালী কমলীওয়ালার ধর্মশালার কাছা-
কাছি ওদের আড্ডা, তা ছাড়া আমাদের মত অক্লাচীন তীর্থযাত্রীদের
জগ্নে মাথা গোঁজার স্থানও ওখানে—কাজেই মোটঘাট নিয়ে
ওখানেই হাজির হওয়া গেল।

কিন্তু হাজির হওয়ামাত্র সেই সুরই বেজে উঠল তিনতলা ধর্ম-
শালার চৌকিদারের গলায়, যা কেদার-বদরীর পথে দেখ না দেখ
শুনে শুনে কান এখনও ভেঁ ভেঁ হয়ে আছে। বললাম, "ঘর চাই।"
বললে,—“ঘর নেই, ঘরের ছাদ পর্যন্ত 'বুক' হয়ে আছে, তবে
কিনা পশ্চিম দিকের বত্রিশ নম্বর ঘর বরাবর এক ফালি বারান্দা
এখনো পর্যাপ্ত বেওয়ারিস পড়ে আছে, ইচ্ছে করলে ওখানে মালপত্র
রেখে থাকার অর্থাৎ বাত্রিবাসের আয়োজন করতে পারি।” তখান
—যা আসে তাই লাভ... বিছানাপত্র ওখানেই রাখা হ'ল।

স্থানের দরকার আছে—তার পর খাওয়া অবশ্য যদি বরাতে
জোটে বিনা বাস্তায়। এক ছুটে চলে এলাম গঙ্গায়।

মা গঙ্গাকে দেখলাম বা দেগেছি বত জায়গায়, হৃষীকেশের
গঙ্গাকে দেখা বুঝি বা সকলের সেরা! অবশ্য গঙ্গোত্তরীর অথবা
গোমুখের দিকের গঙ্গাকে এখানে টেনে আনছি না, কেননা তার
রূপ পুরোপুরি আধ্যাত্মিক রূপ, শাস্ত্রের রূপ। এখানে গঙ্গাকে
শহর বা জনপদের ধারে প্রবাহিতরূপেই আখ্যাত করছে—এ দিক
থেকে হৃষীকেশকে গরীয়সী বলব। কি যে অদ্ভুত প্রশান্তির ছায়া

গঙ্গার সারা অঞ্চলটি জুড়ে ছড়ান তা বলার নয়। মনে হয় এখানে একটি কুটীর বাসি—থেকে যাই চিরটা কাল। দিনান্তে শুধু একটি বেলায় আহা, একটি রুদ্রাক্ষের মালা, দু'দিগন্তের পাহাড় আর ছলছলে গঙ্গার দিকে চেয়ে বসে থাকা... আর কিছুই দরকার নেই এখানে। গোটা তীরভূমির ধারেই পাহাড়ের পরিক্রমণ আর তারই কোলে কোলে ছবীকেশ শহরের নামমাত্র ইট-পাথরের অস্তিত্ব। গঙ্গার স্রোত আছে, তবে সে উচ্ছল নয়, সে মৌন। স্নান সমাপনান্তে উপলখণ্ডের ওপর আসন পেতে বসে ছিলাম অনেকক্ষণ... ভাল লাগার এ যেন সম্পদ্বিশেষ।

ধর্মশালার প্রবেশের আগে এক বিপত্তি। দেখলাম ছোট্ট একটি সংসার—বৃদ্ধা, বৃদ্ধ ও একটি সন্তের-আঠার বছরের ছেলে চৌকীদারের ঘরের সামনে অত্যন্ত অসহায় ভাবে বসে আছে। মুখে চোখে সন্তস্ত ভাব। তৎক্ষণাৎ বুঝলাম, সেই শাস্ত সমস্যা, ঘর পায় নি ওরা। বাঙালী পরিবার সন্দেহ নেই। লক্ষ মাসুষের মধ্যেও বাঙালী বাঙালীকে চেনে, এ গল্প হলেও সত্যি, তাই আমাদের কথাবার্তা শুরু হতে বেশী দেরী হ'ল না। কিন্তু এখানেও বিপত্তি—একেবারে গাস চাটগাঁই, বড়োর কথা তবুও বোঝা যায়, বড়ীর ত একদম নয়! দু'জনের কথা শুনে ঠিক ঠিক উপলক্ষের আওতায় আনা ত নয়—এ উন-বৈঠক দেওয়া! যা হোক, বুঝলাম ঘর দেয় নি চৌকীদার, বেমালুম হাঁকিয়ে দিয়েছে। এদের ঘর চাই—কেদার-বদরীর বাস ধরিয়ে দেওয়া চাই, টিকিট কিনিয়ে দেওয়া চাই আবার যাওয়াও চাই সঙ্গীহিসেবে। তখনই ভাঙলাম না যে ওদের পথ আমার পথ নয়। অনন্তোপায় হয়ে চৌকীদারের কাছে যাওয়া হ'ল আবার। তার পর শুরু হ'ল নানাবিধ খোসামোদ তথা অমুনয়-বিনয়। অবশেষে পাথরে চিড় খেল—চার জনের দল বলে বক্তিশ নম্বর ঘরটা সে দিয়েই দিল দু'দিনের জন্তে! অর্ধাচীন বারান্দা থেকে বিছানাপত্র এল এদের ঘরে, ওরাই জোর করে আনালে। কোথা থেকে এদের উদয়—বারান্দা গেল পুঁছে, জুটে গেল চারটে দেয়াল আর একটা ছাদের আশ্রয়। বোগাযোগ আর কি! দ্বাভে খাওয়া-দাওয়ার ভারটাও বড়ী নিল আমার—মনে হ'ল বেন মা অল্পপূর্ণা।

মনে মনে এমন একটি বাহকের কল্পনা করেছিলাম যার সঙ্গে সবকিছু আমার আশ্রিত হবে, তাকে দেখেই মনে হবে তার আসাটা বোগাযোগের আসা। সে আমার মত খুঁ বাহকের সকল দায়িত্ব,

সকল ঝঞ্জাট মাথায় তুলে নেবে—আমার কোন ভাবনা থাকবে না। মনের অন্তস্তলে এ বিশ্বাসটি ছিল যে, সময়ের লগ্নে সে আসবেই...।

এসেও গেল। যেমন হয়ে হয়ে চার হয়... তেমনি করেই সে এল। ধরাসুগামী বাসের ঠ্যাণ্ডেই ওর সন্ধান পেলাম, যে টিকিট দিচ্ছে তার কাছে কথাটা পাড়তেই আমার আপাদমস্তক একবার



“আই উইল গো দেয়ার—বাট উইল নট রিটার্ন”

সার্ভেয়ারী চোখে দেখে নিয়ে বললে, “চার পাঁচ বাজতক ইধার আ জানা, আছা আদমী হায়, মিল জানা—” বিকালে গেলাম। দেখলাম একটা তক্তপোষের কোণে চুপচাপ বসে আছে আর বাসের মালিক মোহন তাকে হাত-পা নেড়ে কি সব বোঝাচ্ছে। বয়স বড় জোর সন্তের কি আঠার, সুঠাম সুশ্রী চেহারা, ধবধবে পাজামা আর বেনিয়ান পরা—চোখে-মুখে বালকের চললে মিষ্টি ভাব। নাম—ধরম সিং। পরিচয় করিয়ে দিল মোহন; উত্তর কাশীতে এর বাড়ী, এ অঞ্চলে এর মত সং হলে আর কেউ নেই। জাতিতে ব্রাহ্মণ—বারান্দার কাজ সবই করবে। গোসুখ পর্যন্ত এ বাবে। আমাকে রেখে এক গাল হেসে প্রশ্ন করলে, যে প্রশ্ন আমার

ছেলে শরৎ করে, এত সোজা, এত প্রাণবন্ত। মনে মনে বুললাম সেই নবনারায়ণই এল, কোন ভুল নেই।

ফেরার মুখে দেখি রাজারের কাছে এক জটলা। ব্যাপার কি? না, একজন সাহেব। ভীড় ঠেলে ঢুকতেই দেখলাম অস্তুতঃ পঞ্চাশ-ষাট জন পাহাড়ী লোক সাহেবকে ঘিরে ধরেছে—আর সাহেব হাত-পা নেড়ে কি সব বোঝাচ্ছে। আমার উপস্থিতি তার পক্ষে কতকটা কুল পাওয়া। হাত নেড়ে কাছে ডেকে বললে, “ডু ইউ নো ইংলিশ?” সম্মতিসূচক উত্তর পাওয়ার পর উপস্থিত বিপদের যে কাহিনী আমাকে বললে, তা কতকটা সংক্ষেপে এই:—সাহেবের কুলীর দরকার, যাবে কেদারনাথ। তার দরকার এক পিঠের মাল-পত্র বয়ে নিয়ে যাওয়ার মত বাহক, যার চল্লিশ টাকার থেকে বেশী নেওয়া কিছুতেই উচিত নয়। কুলীরা তাতে রাজী নয়। তাদের মতে সাহেব যা বলছে তা অবাস্তব।

সত্যিই ত। আমার কাছেও গোটা জিনিষটা কেমন যেন বেসুরো ঠেকে। সাহেব, সে বিষয়ে কোন ভুল নেই, আমাদের দেশীয়ও নয়। মনে হ’ল খাস ইউরোপীয় কথায় ভাল রকম আসল সাদা চামড়ার প্রভাব আছে। অবাক হয়ে জিজ্ঞাসা করি—ইংরেজীতে, “তুমি সাহেব ফিরবে না?”

“আই উইল গো দেয়ার, বাট আই উইল নট রিটার্ন।”

শুধু একবার নয়, বাব বার সে একই কথার পুনরাবৃত্তি করে। কুলী চাই সেই রকম যে কেবলমাত্র কেদারনাথ পর্য্যন্তই যাবে, ফিরে আসবে সে একলা। ছ’পিঠের ভাড়া চাওয়া কি শ্যামঙ্গত? সাহেবের দিকে ভাল করে তাকাই। বেশভূষার পারিপাটা নেই, একমাথা তৈলবিহীন চুলের সমারোহ, চোখে যেন সূদূরের হাত-ছানি। যারা ভিড় করে ছিল তাদের সকলকে বোঝালাম প্রস্তাবের সারমর্ম। রাজী হ’ল না কেউই। না হওয়ারই ত কথা। সাহেবকে তাদের অস্বীকৃতির কথা জানিয়ে ভীড় থেকে সরে আসি। লোকটা বোধ হয় পাগল—তবে কিসে পাগল তারই একটা অদ্ভুত প্রশ্ন মনের ভেতর ঘোরাফেরা করতে থাকে। চিন্তা করতে করতে ধর্মশালায় ফিরে আসি।

সকাল হ’ল হৃদয়কেশে, এখানে আসার দ্বিতীয় দিনের শুরু। ধরম সিংকে বলা ছিল যে, তুমি সকাল পাঁচটার ভেতর ধর্মশালায় এসে বিছানাপত্র বেঁধেছেঁদে তৈরী হয়ে নিও। যা বলা সেই কাজ। গঙ্গার ধার বরাবর পাহাড়গুলোর ওপর সূর্যের ক্ষীণতম আলো ফুটে ওঠবার আগেই ধরম সিং হাজির। দেখলাম, তার স্নান শেষ, কাপড় জামা বদলান শেষ—শুচিতার পূর্ণকৃষ্ণ হয়েই তার আসা। সকাল-বেলায় তাঁর শুভ্র মুক্তিটি বড় ভাল লাগে আমার। বললাম, “কি রে, তৈরী?” সেই হাসি, হাত জোড় করে শুধু বললে, “জি মহারাজ।”

একটি ছোট্ট বিছানা বগলদাবায়, হাতে একটা লোটা আর একটা লাঠি, যমুনোত্তরী-গঙ্গোত্তরীর বাহক আমার তৈরী। বললাম, “তোমার বিছানার সঙ্গে আমার বিছানাটা বেঁধে নে।”

ধর্মশালা থেকে বিদায় নিলাম সেই চট্টলবাসী মাছুষ তিনটির

কাছ থেকে। একটি করুণ মুহূর্তে ভিজ়ে চোখের বিদায় এ। দুটি দিনের সঙ্গ লাভ, অথচ কত কাছে এসে যাওয়া, কত সুখদুঃখের অংশ ভোগ। বুড়ী ত কেঁদেই অস্থির। জানিয়ে দিলেন, পত জন্মে আমি যে তাঁর গর্ভে ছিলাম সে বিষয়ে কোন ভুল নেই। স্থির হয়ে শুনি, মাতৃ আশীর্ব্বাদে ঘন হয়ে উঠি। চলতে হবে আমায়, ফেলে যেতে হবে এদের, ধরম সিংকে বলি, “চলু রে—”

ধরাস্বর বাস ছাড়ল সকাল সাড়ে ছ’টায়। আশী মাইল পথ, টিহরী হয়ে যাবে, পৌঁছবে সেই বিকেল পাঁচটায়। বাস ষ্ট্যাণ্ডে বিদায় জানিয়ে গেল অর্কাটীন কয়েকটি গাড়োয়ালী লোক—আমাকে নয়, ধরম সিংকে। আমাকে তাদের একান্ত অনুরোধ যে আমি যেন ধরম সিংকে দেখি, কেননা সে বাচ্চা। এ রাস্তায় বাহক হিসেবে তার প্রথম যাওয়া, বিচক্ষণতাহীন, অভিজ্ঞতাহীন অবোধ শিশুই ও—আমি যেন সব মানিয়ে নি। বললাম, “আচ্ছা—”

দেবপ্রয়াগগামী বাসের ষ্ট্যাণ্ডে আসমুদ্র হিমাচলের লোক—কে উঠবে আগে, কে পড়ে থাকবে পেছনে—তারই প্রতিযোগিতা। লোক বেশী, বাস কম। কিন্তু আমাদের বাস যখন ছাড়ল তখন দেখা গেল ভীড়ও নেই, হৈ-চৈও নেই, গোণাগুণ্টি আমরা একশ জন যাত্রী। বাঙালী বলতে আমিই। বাদ বাকীর মধ্যে সংখ্যা-গুরু যোধপুরী। এরা সকলেই যমুনোত্তরী-গঙ্গোত্তরীর যাত্রী। উত্তর কাশী বা ধরাস্বরে স্থায়ী বাসিন্দা কেউই নয়, একটু আত্ম-প্রসাদ জাগল যে বাংলা দেশের কোন মাছুষ আমার যাত্রাপথের দিকে চেয়ে নেই বা লজ্যাংশের দাবী কেউই করবে না।

হৃদয়কেশ ছাড়িয়ে যে পাঁচ মাইলের পথ—সে পথ যন্ত্রযানকে ধোড়াই ‘কেয়ার’ করে। কিন্তু তার পর পথের আর কোন কৃতিত্ব নেই—অসমান, বন্ধুর ও প্রস্তুতসমাকীর্ণ। শীঘ্রাধীংগুলোর ওপর চালকের হাতছোটো চেপে বসে যায়। দশ মাইলের মাথায় নবেল্ল-নগর। ছোট্ট শহরটি—সমৃদ্ধির দাবী রাখে। পাহাড়ের ওপরই এখানকার রাজাসাহেবের অল্পম প্রাসাদ—দূর থেকে বড় ভাল লাগে দেখতে। বাস এখানে দম নেবে, জিরুবে, টিহরী থেকে হৃদয়কেশগামী বাস না আসা পর্য্যন্ত এর ছাড়ার হুকুম নেই, কেনন একমুখে রাস্তা। গরম গরম চা খাওয়া গেল এখানে—ধরম সিং বললে, “চা সে খায় না, চা কি জিনিষ তা সে জানেই না। কিছু ক্ষণ পর পাহাড় থেকে ধরম নেমে আসার মত এসে গেল হৃদয়কেশ গামী যাত্রীবাস, আমাদেরটা মুক্তি পেল, শুরু হ’ল যাত্রা।

অবাস্তবতার ভেতরেও বাস্তব, সাহারার ভেতরেও জোটে হাওয়া। একটি বছরখানেকের শিশু সহযাত্রিনী আহমদাবাদী মায়ে কোলে অঘোরে ঘুমুচ্ছে, ছোট্ট ধবধবে একটি কচি মুখ, দুটি চো সৃষ্টির ভাবে বোঁজা—এও যমুনোত্তরী-গঙ্গোত্তরীর যাত্রী, এও বা হবে না। ভাবছিলাম কি অশেষ ভাগ্যবান এ ‘শিশু এশিয়াটি কি অপার করণার সস্তাবনার এ সমুদ্রল। মায়ের কোলে কোরে বাপের বুকে বুকে এও চড়াই উঠবে, উৎসাহি ডিঙাবে—দুটি মা


তীর্থের আশীর্বাদ পাওয়া যায় জীবনের প্রথম বৎসর থেকেই শুরু। আরও ভাবছিলাম সহযাত্রী ও শিশুটির বাবা-মায়ের কথা, পুণ্য-সঙ্ঘের দুর্নিবার আকাঙ্ক্ষার স্রোতে তাদের জীবনের বৃহত্তম ভবিষ্যৎকে ভাসিয়ে দেয় নি, তারা তাকে বৃকের উষ্ণতার ভেতর বহন করেই নিয়ে চলেছে... কি মহান, কি তিতিক্ষাপূর্ণ। শুধুমাত্র জিজ্ঞাসা করেছিলাম বাসে বাসে বাসে—“তোমরা পারবে একে নিয়ে যেতে?” বাসের শূণ্য গবাক্ষপথ দিয়ে কল্যাণী মা সুদূর আকাশের দিকে তাকিয়ে বলে—“গঙ্গামাই জান্নাত হ'ল—”

কি একটা জায়গা, নাম মনে নেই নরেন্দ্রনগর ও নাগিনা ছাড়িয়ে আরও বার-তের মাইল দূরে বাস একটা পাহাড়ের খাদেব পাশে এসে দাঁড়িয়ে গেল। শোনা গেল, খাদেব পাশ দিয়ে পথ পারাপ, আগেভাগে দেখে নেওয়া দরকার। হু'পাশেই বুবে। পাহাড়—পাথর পড়াটা এখানে হামেশাই। গাড়ী এই পথ পেরিয়ে যাওয়ার আগে পথকে অসুস্থকানের পর্যায়ে আনা চাই, নচেৎ বিপদের ষোল আনা সম্ভাবনা। ডাইভার গাড়ী থেকে নেমে গেল, পড়া পাথরগুলোর ওপর পা দিয়ে দিয়ে তাদের স্থিতিকে পরখ করে নিল—একবার পাহাড়-গুলোর দিকে তাকিয়ে কি সব ভাবলে, তার পর আবার গাড়ীতে উঠে এসে ষ্টার্ট দিল।

ওপরের পাহাড় থেকে যে গোটা দশ-বার আধমণী পাথর যে এই মুহূর্তটুকুর জন্তে ওং পেতে বসে ছিল তা কে জানত? বাস যেই চলতে শুরু করা, আর কোথাও কিছু নেই দম্ দম্ করে অকুপণ ভাবে পাথরের টাই ছাদের ওপর পড়তে শুরু করল... গড় গড় করে এক একবার অদ্ভুত শব্দ হয় আর বুলেটের মত ছুটে আসে এক এক খানি পাথর, সে কি আওয়াজ, মনে হ'ল বিদ্যুটে এক 'অবকেট্টা' শুরু হ'ল। গাড়ীর ভেতর যাত্রীদের সে কি দাপাদাপি, সে কি হৈ-ঠে! এ কাণ্ড বড় জোর পাঁচ মিনিট, তার পরেই সব চূপচাপ—কিন্তু এ এক প্রচণ্ড রকমের ভূমিকম্পের সম্মুখীন হওয়া। আকাশ থেকে পুষ্পবৃষ্টির গল্প শোনা ছিল, কিন্তু পাথরের পুষ্পবৃষ্টির গল্প শোনা ছিল না। বাসের ছাদ গেল ডুবড়ে, কিন্তু কুটো হ'ল না। ছড়োছড়ি করে বেরুমোর কলে কারুর ছিঁড়ল হাত-মুখের চামড়া, কারুর ছিঁড়ল দাড়ী অথবা পাগড়ী। আমি, ধরম সিং আর সেই আহমদাবাদী দম্পতি বেরুই নি, ভাগ্যকে শিখণ্ডী করে বসে ছিলাম। মায়ুব আহত হ'ল না মটে, কিন্তু গাড়ীর ছাদটা গুরুতর রূপে ক্ষয় হ'ল, বার দু'খ

ডাইভারটি ধরাসু পর্যন্ত করতে করতে গেছে। অদ্ভুত কাণ্ড, চিরকাল মনে থাকবে।

টিহিরী চুকল না বাস, কাছ দিয়েই অল্পপথ ধরলে। পার্বত্য পথ, দেবপ্রয়াগের কিছা লীনগর থেকে পাউরীর বাস্তার মত ভাল নয়। এক জায়গায় ডাইভার গাড়ী থামিয়ে তৃষ্ণার্ত যাত্রীদের 'ইউ-কালিপটাসের' পাতা খাওয়ালে, ঝাল ঝাল, মিষ্টি মিষ্টি, কিন্তু তৃষ্ণা ঘোচে, জলের দরকার হয় না। ধরাসুতে বাস পৌঁছল বিকেল সাড়ে পাঁচটায়—নির্ধারিত সময়ের আধ ঘণ্টা দেরী, আর এই দেরীটুকুর



ধরাসুর পথে

জন্তে সেই আধমণী পাথরগুলোই দায়ী।

এখানে গঙ্গাকে দেখা গেল আবার। এর কিছু দূরেই কালী-কমলীওয়ালার ধর্মশালা, বাস থেকে নেমেই আগে আন্তানার সন্ধান, তার পর অল্প কিছু। সাস্থনা এই যে গোণাগুণ্ডি যাত্রী, পুণ্য-লোভাতুরদের ভীড় নেই অথবা। মোটরের বাস্তাটা বেখানে এসে শেব হয়েছে তার বেশ নীচুতেই ধর্মশালা, বাব দোতলার ছাদ বাস্তার সমান্তরালে এসে ঠেকেছে। বাস্তা থেকে নীচুখো সিঁড়ি, এই সিঁড়ি বেয়ে ধর্মশালার আওতায় আসা গেল। চুকতেই বিষ্ণু, বাংলা দেশের কথা হাঁৎ করে মনে এসে যায়। ধর্মশালার চকনের সামনেই দুটি পাশাপাশি পাহাড়—একটি অথবা, অন্যটি বট।

প্রথম গাছের তলাতেই চেয়ার-টেবিল পেতে ডাক্তারবাবু বসে, এখানে 'ইনকুলেশনের' ব্যবস্থা। ঝামেলা কাটিয়ে ওপরে উঠে গেলাম। পর পর তিনটি ঘর, মধ্যের ঘরটা দখল করা গেল। ধরম সিং ও পিছুপিছু এসে হাজির। দু'মিনিট কি তিন মিনিট, একটি পঞ্জাবী দম্পতির আগমন ও বিনা বাক্যব্যয়ে তাদের বিছানা পাতা—ধরম সিং এসেই বিছানা খুলে দিয়েছিল, এদেরটা নিয়ে হ'ল তিন। চার জনের দাবী নিয়ে কেউ এল না, বেশীর ভাগ বারান্দাকেই পছন্দ করল। আহমদাবাদী দম্পতিও তাই।

উপস্থানের আগে যেমন ভূমিকা, ফুল ফোটার আগে যেমন কুঁড়ির উদগম—তেমনি ধরাসুই যমুনোত্তরী ও গঙ্গোত্তরীর যাত্রা-পথের ভূমিকা। ওদিকে রত্নপ্রয়াগের পর মন্দাকিনীর স্রোত বরাবর কেদারনাথের পথের স্তম্ভ, অলকানন্দার পাশে পাশে যেমন বদরী বিশালের পথ—তেমনি এদিকে ধরাসুর পর যমুনাকে ছুয়ে ছুয়ে যমুনোত্তরীর আর গঙ্গার ধারে ধারে গঙ্গোত্তরী ও গোমুখের ঐতিহাসিক পথের রেখা। এ দুটি তীর্থই দুর্গম, তবে যমুনোত্তরী এখনও দুর্গমতার দিক থেকে নিঃসন্দেহে প্রাগৈতিহাসিক হয়ে আছে। গঙ্গোত্তরী ও গোমুখকে তার পরে আমি স্থান দেব। যমুনোত্তরী কেদারবদরী পথের থেকে শতগুণে ভয়াবহ—তীর্থযাত্রীর যেখানে তিতিক্ষার শেষ কণাটুকু বিলোতে হয়।

ঘর থেকে যখন বেরিয়েছিলাম তখন মা ভবতারিণীর কাছে কি যে চেয়েছিলাম তা আজও জানি না। তিনি ঘরে রাখতে চান নি, তাই ত আমার এমনি করে বার হওয়া। মানুষের ডাক তিনি কান পেতে শোনেন, যদি সে ডাক ডাকের মত হয়। জড় জগতের জড় থেকে যদি মুক্তিই ব্যক্তিবিশেষের চাওয়া হয়ে থাকে, তবে সে চাওয়ার অঞ্জলি সার্থক হয়ে ভরে ওঠে, সে বিষয়ে ভুল নেই। এ পথে আসা আমার পাহাড় দেখা নয়, কাব্য করা নয়, পরিভ্রাজক হিসেবে পথের মূলধন ইতিহাসের জগে তুলে রাখাও নয়—এ পথে আসা আমার মুক্তির সন্ধানে। আমি চেয়েছিলাম যদি স্মৃতির জোর থাকে, যদি বিশ্বাসের ভেতর ধ্যানের জ্যোতিষ্ময় মূর্তিকে কামা বলে মনে করে থাকি—তা হলে যা আমার চাওয়ার তা আসবে। আজকে বলতে বাধা নেই যে, আমি তা পেয়েছি। আর এই পাওয়া যমুনোত্তরীর পথেই।

অবিশ্বাস আর নাস্তিকতাবাদের অঙ্ককারে মাথা খুঁড়ে মরা যাদের কাজ, যোজনামচার গতানুগতিকতায় যাদের মেরুদণ্ড বেঁকে দুমড়ে গেছে—তাদের কাছে আমার এই পথের কাহিনী অর্থহীন, মূল্যহীন, ব্যঙ্গনাহীন। বিশেষতঃ যমুনোত্তরীর পথে আমি কি পেয়েছি তার মূল্য সেই মানুষদের জগে নয় যাদের সকলই দেউলে হয়ে গেছে। এ কাহিনী তাঁদেরই জগে, যাঁরা আধ্যাত্মিক সঞ্চয়ে বিশ্বাসী। আমার সবকিছু তাঁদেরই জগে, যাদের মনের মন্দিরে ফুল-বিধপত্রের অঞ্জলি পড়ে প্রতিদিন, প্রতি মুহূর্তে।

ভাস্করী-লাহিঁতা ধরাসুর থেকেই এই রহস্যবৃত্ত অঞ্চলের অবগতির উন্মোচনের প্রথম অঙ্কের সুর। এখানে এসে পৌঁছান

থেকে যমুনোত্তরীর মন্দির পর্যন্ত আবার সেপান থেকে নেমে উত্তর-কাশী হয়ে গঙ্গোত্তরী ও গোমুখ পর্যন্ত এখন মনে মনে ভাবি, সবই যেন একটি স্মৃত্যয় গাঁথা ছিল। এ গাঁথা আমারই জগে কি অপর কোন ভবিষ্যৎ পরিভ্রাজকের জগে তার হিসেব এখানে নয়, তবে শুধু এইটুকুই বার বার মনে হয়েছে যে যা ঘটেছে তা শুধু ঘটবার জগেই তৈরী হয়ে ছিল। যার বুদ্ধি দিয়ে বিশ্লেষণ নেই, তর্ক দিয়ে যার বিচার চলে না এমন এক একটি ঘটনা ঘটে গেছে যা বুদ্ধলে জ্ঞান থাকে না, উন্মাদ হয়ে ছুটোছুটি করতে হয়। যমুনোত্তরী রহস্যময় অঞ্চল—শুরুবলের অভাব না ঘটলে বড় বড় হীরের খনির সন্ধান মেলে এখানে। এতটা আমার জানা ছিল না, এতটা আমি ভাবি নি। কেদারনাথ ও বদরীনাথ অঞ্চল থেকে সম্পদ আমি আহরণ করে এনেছিলাম সত্যি, কিন্তু যমুনোত্তরী তীর্থ থেকে যে জিনিষ আমি পেয়েছি তার তুলনা নেই, তার তুলনা হয় না। এ পথের অদ্ভুত নির্জনতা ও অদ্ভুত দুর্গম পথের মধ্যে কি যে নেই আর কি যে আছে তার প্রামাণিক হিসেব আমার কাছে শুরু হয়ে আছে বা থাকবে। এক একটি ঘটনা নীহারিকাপূঞ্জের মত নিস্তর ও নিখর হয়ে আছে এখানকার দিগন্তব্যাপী নিরাভরণতার মধ্যে যার তুলনা জীবনভোর খুঁজে বেড়ালেও পাওয়া যায় না।

ধরম সিং বিছানা পেতে দিয়ে গেল, কাপড় ছাড়া না ছেড়েই শুয়ে পড়লাম একটু, বলে গেল, "রান্নাবাড়ার জোগাড় করি গে।" সামনের দরজাটা খোলা, ওদিকের বারান্দায় যাত্রীদের কথাবার্তা শুনতে পাচ্ছি—সন্ধ্যা হব হব। পঞ্জাবী দম্পতি তলায় চলে গেছে আহায্যের সন্ধানে, ঘরে কেবল আমিই একা। চক্করের সামনের বটগাছটার একটি ডাল বারান্দার সামনে দোল খাচ্ছিল। চোপ বৃঁজে পড়েছিলাম আর ধোঁয়ার কুণ্ডলীর মত নানারকম ভাবনা মস্তিষ্কের ভেতর পাক খাচ্ছিল। দু'এক ফালং দুয়েই গঙ্গা প্রবাহিণী, তার আওয়াজ আমি শুনতে পাচ্ছি, তারি স্মৃতির আওয়াজটি। ভাবছিলাম, এই ত এসে গেলাম, কলকাতা থেকে হরিদ্বার, হরিদ্বার থেকে হরীকেশ, আর হরীকেশ থেকে ধরাসু। যাত্রা-ইতিহাসের প্রথম পরিচ্ছেদ আজকেই শেষ; ধরাসু এসে গেলাম। কাল থেকে সূর্য উঠার আগেই শুরু হবে পায়ে হাটার পথ, আটচল্লিশ মাইলের দুর্গমতম পরিচ্ছেদের যেখান থেকে শুরু। কামনা করেছিলাম সঙ্গীর। পাই নি। ধরম সিং এসে সঙ্গী ও বাহকের অভাব দুটোই পূরণ করে দিয়েছে। কোথা থেকে কি ভাবে যে সে এসেছে তার বিচার-বিশ্লেষণ আমি করি নি, আমি পেয়েছি এইটুকুই সত্যি।

ভাবছিলাম, মায়ের ইচ্ছে কি, সন্তানকে তিনি কি ভাবে পথ দেখাবেন, কি ভাবে আলো দেখাবেন? তাঁকে বুকের পাঞ্জর ভেতর আষ্টেপিষ্টে বেঁধে নিয়ে এসেছি, এ নিয়ে আসা কি ব্যর্থ হবে? বিয়াল্লিশটা বৎসরের জীবন-ইতিহাসের পাতার পাতার যে খুদকুঁড়ো জমিয়েছি—রাজরাজেশ্বরী মা আমার কি তা স্মরণ না? বহুকষ্টে তিনি নিয়েছেন, আবার কিরিয়েও দিয়েছেন। আজকে

সন্ধান প্রারম্ভকারের কুহেলিকা এই কথাটাই ভাবতে ভাবতে চিন্তা হ'ল যে কোন এক অদৃশ্য পাপের ভারে আজকের আসার ভারসাম্যের দড়িটা না ছিঁড়ে যায়। সিদ্ধযোগী মহাপুরুষদের আবাস-স্থল, তাপস ও সাধকদের লীলাভূমি এই যমুনোত্তরী ও গঙ্গোত্তরী, তাঁদের দেখা যদি না পাই, আমার মাথার উপর হাত রেখে এ মরমংসার থেকে যদি মুক্তির আশীর্বাদটুকু না করেন, তা হলে আমার আসাই বা কেন, পথ চলাই বা কেন? হঠাৎ আমার কান্না এল এই ভেবে যে সেই ব্যর্থতার আঘাত আর লাঞ্ছনা যদি মা আমার এনে দেন, তা হলে আমি বোধ হয় বাঁচব না, ধানচূর হয়ে ভেঙে যাব।

হঠাৎ...

একটা ভারী গলায় আওয়াজ—“এ পাগলা, চল্লি?”

চোখ দুটো বোঁজাই ছিল, ধড়মড়িয়ে উঠলাম। দেখি খোলা দরজাটার দুটো কপাটের উপর হাত রেখে একটা অদৃশ্য পাগলা-গোড়ের লোক। খালি গা, ঝাঁকড়া ঝাঁকড়া চুল একমাথা, ছেঁড়া একটা কুর্ভা পরা, দুটো পায়ে দুটো পটি। হা-হা করে হাসল একবার, তারপর আর একবার ঐ কথাক'টির পূর্বানুবৃত্তি—“এ পাগলা, চল্লি?” কথাটা এত স্পষ্ট, এত নগ্ন যে, গোটা ঘরটার তাই যেন ঘুরে বেড়াতে লাগল। তারপর দেখলাম, আর কোন কথা না বলে ও বারান্দা থেকে একটি মহিলাবাতীর কাছ থেকে কি যেন নিল, সম্ভবতঃ কোন ষাটবস্ত্র, তারপর মাথাটা রেলিঙের উপর দিয়ে ঝুঁকিয়ে আমার দিকে একবার তাকিয়ে সিঁড়িটা দিয়ে হন্-হন্ করে নেমে চলে গেল।

পাঁচ মিনিটেরই ব্যাপার, তার অন্তর্দ্বন্দ্বের পর আমার হ'ল হ'ল যেন আমি সখিং কিংবে পেলাম। মুহূর্তে বুঝলাম, এ লোকটা অনন্তসাধারণ তথা অসাধারণ হতে পারে, আবার পাগলাও হতে পারে। “এ পাগলা, চল্লি?” কথাটার মন কেমন যেন ঘুলিয়ে উঠল। ধরাসু থেকেই কি সুর হ'ল? এত তাড়াতাড়ি, এত আকস্মিক? চিন্তে পারলাম না বোধ হয়, ধরতেও পারলাম না হয়ত। ইলেকট্রিক শক খেয়ে গেলাম যেন। ধরম সিং ততক্ষণে রুটি, ডাল এনে হাজির। বললাম, “তুই রেখে দে, আমি একটু ঘুরে আসি।”

অবোধের মত জিজ্ঞাসা সুর করি বর্ষশালার তলাকার দোকান-গুলোর লোকজনকে, আশে-পাশের মানুষগুলোকে। তাঁর শরীরের বর্ণনা দি, বেশভূষার তথ্য জানাই, বলি, এই ককম চেহারা, এই ককম তার কথাবার্তা। তারা ঘাড় নাড়ে—বুঝি, জানে না। এক ছুটে চলে আসি গঙ্গার ধারটার...নির্জনতার একটা প্রকাণ্ড বেয়া-টোপ দিয়ে ঢাকা সমগ্র উপকূলভাগ, আশেপাশের পাহাড়-পর্বত, চারিদিক যেন ঝাঁ ঝাঁ করছে। খুঁজে বেড়াই ছিটখিটা বৌদির মত, কিন্তু কোথায় কে? ভিনি চলে গেছেন, কপূরের মত উবে গেছেন...

যোগাযোগের প্রথম পাতা এটি। বুঝলাম সুরতেই যাব

সম্পদ, না জানি যমুনোত্তরীর গর্ভে কি আছে। জানলাম মহামায়ার অদৃশ্য খেলার প্রথম দৃশ্যটি এই ধরাসু থেকেই সুর।

ভোর পাঁচটার বাত্মা। ধরম সিং পিঠের উপর বিছানাটাকে মোক্ষমভাবে বেঁধে নিল, আমি নিলাম লাঠি, ছাঁতা আর কাঁধে বার্মিজ ব্যাগ। সেই অনামী পরিবারটি অর্থাৎ বীরবলের সংসার আমার আগেই বওনা হয়ে গিয়েছিল—আমি হলাম দ্বিতীয়।

কুমারীর সীমস্তের মত উত্তর-পূর্বকে লক্ষ্য করে একটি সুর বাস্তা গঙ্গার ধারে ধারে উত্তর-কাশীর দিকে চলে গেছে। কিছুদূর অগ্রসর হওয়ার পর একটি ঝর্ণার স্রোতধারার উপর স্থানীয় পূর্ত-বিভাগের তরফ থেকে পুল তৈরী করার প্রয়াস চোখে পড়ল, এটি সম্পূর্ণ হলে উত্তর-কাশী পর্যন্ত টানা মোটরের বাস্তা তৈরী করার আয়োজনও সুর হবে। প্রথমে সমতলভূমি, তারপরই ঐ সুর বাস্তাটা ধাপে ধাপে চড়াইয়ের উপর উঠে গেছে। প্রায় এক মাইল এমনি করেই উঠে যাওয়া, তারপরই বাঁ-দিকে বাস্তা চলে গেছে, যে বাস্তায় বার্তাকলকের উপর বিজ্ঞপ্তি—“রোড টু যমুনোত্তরী।”

একটি মাত্র বাঁক, তারপরই গঙ্গা অদৃশ্য হয়ে গেল—তার উচ্ছ্বাসও শোনা গেল না, প্রকৃতপক্ষে যমুনোত্তরীর পথ এখান থেকেই সুর।

আর সুরতেই পাইনগাছের সমারোহ, শ্রেণীবদ্ধ পাহাড়গুলোর উপর প্রত্যেকটি অংশেই যার আধিপত্য। মনে হ'ল, গবর্ণমেন্টের ‘রিজার্ভ ফরেস্টের’ ভেতর ঢুকে পড়লাম। আর সত্যিই তাই, একটি বিরাট পাইনগাছের কাণ্ডের উপর বিজ্ঞপ্তি—“নো ফোকিং—রিজার্ভ ফরেস্ট।” চার মাইলের মাথায় কল্যাণী পেরিয়ে গেলাম, দুটি মাত্র চারের দোকানের অস্তিত্ব—লোকালয়হীন। চলছিলাম একা, বড় ভাল লেগেছিল চলতে : ধ্যান আসে, যদি সঙ্গুর দেওয়া মন্ত্র থাকে। বিশেষ বিশেষ মুহূর্তে ব্যক্তিকেন্দ্রিক একাকিত্বটা সম্পদ হয়ে উঠে আর তা বোঝা যায় এই সব পথে যার সবটুকুই অসীমের হাতছানিতে সমৃদ্ধ।

বেশ চলছিলাম আপন মনে চারিদিকে তাকাক তাকাতে, হঠাৎ সামনে দোঁধ জিজ্ঞাসার চিহ্নের মত পারে চলাব বাস্তাটা ‘আচমকা কোথায় হারিয়ে গেল। ব্যাপার কি? উঁকি মেয়ে দেখি, পথ আছে, তবে সে অসুখ্যম্পত্তা...এ পাশে হাঁ করা খাদ, ওপাশে পাহাড়ের একটা খাড়াই পাঁচিল, তার পাশ দিয়ে আধবিষং পরিমাপ প্রস্থ বাস্তা, পিছু হটে আসার উপায় নেই, ওর উপর দিয়ে খাদ পেরিয়ে এক কালং দুয়ের চওড়া বাস্তার গিয়ে উঠতেই হবে। ধমকে দাঁড়িয়ে গেলাম। মনে হ'ল ধরম সিং আসা পর্যন্ত অপেক্ষা করি, তারপর মনে হ'ল বীরবলের মা, বৌ, ছেলে যখন এ বাস্তা পেরতে পারে তখন আমিই বা পড়ে থাকি কেন? লাঠিটা লক্ষ্য করে চেপে ধরি, নিখাসটাকে ভাল করে টেনে নি, তারপর ঐ আধবিষং বাস্তার উঠে পড়ি। আধ ঘণ্টার উপর মেয়ে গেল এইটুকু বাস্তা পেরতে।

হিমসিম খেয়ে রাস্তার এ দিকে আসতেই দেখি, একটা পাথরের উপর উবু হয়ে বসে আছে একটা সাধুগোছের মানুষ, যার দৃষ্টি আমার উপর সম্পূর্ণভাবে নিবদ্ধ। চুল দাড়ি ত আছেই, বৈশিষ্ট্যের মধ্যে দেখলাম গলাটা সাধারণ মানুষের থেকে অনেক স্থূল। এ আবার এল কোথেকে? আর এ জায়গায় সজাগ প্রহরীর মত বসেই বা আছে কেন? মনে করলাম এড়িয়ে যাই, আমারই মত কোন যাত্রী হবে বা—খাদ পেরিয়ে দম নিচ্ছে! কিন্তু মূর্তিটির দিকে আর একবার তাকাতেই খেমে গেলাম, কে যেন ধামিয়ে দিল আমাকে। মনে হ'ল, একটু বিশ্রাম করে যাই এঁরই পাশে বসে, ততক্ষণে ধরম সিং আসুক।

বিধাতাপুরুষ অদৃশ্যে হাসেন। আমার ক্ষমতা কি যে আমি এই অর্কাচীন গোত্রহীন মানুষটিকে এড়িয়ে যাই! বসে পড়ি আবিষ্টের মত একটা পাথরের উপর।

আমার দিকে তাকিয়ে একটু হাসেন, তারপর বিনা ভূমিকাতেই শুরু করেন—“মুখে মালুম থি, আপ বমনোসরী জায়েগা, উস লিয়ে মায় ইহা হাজির হু। দো কাম করনা। ঘর লউটনেকা বাদ পনের রোজ কোহি মাত যাও। দো, কিসিসে প্রণাম মাত লিও।”

বালীর মত গলার আওয়াজ—অথচ এ আওয়াজটি এল ঐ অস্বাভাবিক স্থূল গলার ভেতর দিয়ে।

প্রণাম করলাম, প্রণাম নিলেন। ধরম সিং-ও এসে বোঝা নামাল আর কোন কথা না বলেই প্রণাম করল একে। মুহূর্তে হাসলেন, তারপর উঠে পড়ে যে পথ দিয়ে আমরা এসেছি সেই পথ দিয়ে চলে গেলেন। কথা বলবার অবসর পেলান না, কথা বলবার অবসর দিলেন না। শুধু বাতাসে ছুটি আদেশ ভেসে ভেসে বেড়াতে লাগল, “ঘর লউটনেকা বাদ পনের রোজ কোহি মাত যাও। কিসিসে প্রণাম মাত লিও।”

ধরাসুতে এক রহস্য, এখানে আর এক প্রহেলিকা।

কথা হচ্ছে এই, ধরাসুর ধর্মশালার সেই অদ্ভুত মানুষটি আর এই মানুষটি এক কি না। বস্তুতাত্ত্বিক বিচার এখানে নয়, এর বিচার সূক্ষ্ম বুদ্ধির সবটুকু দিয়ে। গত বৎসর বদরীকার পথে পিপুল-কুঠীর আগে ঠিক এই রকম এক রহস্যের সম্মুখীন হতে হয়েছিল যার প্রভাব থেকে এখনও মুক্ত হতে পারি নি বা পাবা যায় না। প্রশ্ন হ'ল এই, আজকের এই ঘটনা তারই এক সংস্করণ কি না। এ পথে যে সবকিছুই সম্ভব, তার চুলচেরা হিসেব পেয়েছি যত পথ চলেছি, যত ‘মাইলেজ’ পেরিয়ে গেছি। সারা রাস্তাটা এ ছুটি মানুষের কথা চিন্তায় এসেছে আর ছুটিকে একটি নবমূর্তিতে রূপান্তরিত করবার চেষ্টায় ত্রস্তী হয়েছি। ষোণবিভূতির সাহায্যে নররূপের পরিবর্তন ত জানা—এও কি তাই, না অস্ত কিছু। মানুষ ত আমরা, ভেতরে গোঁজা মাকাতা আমাদের অবিদ্যাস যাবে কোথায়! সেইজন্মে আলো দেখেও চোখ বন্ধ থাকি, তর্কিক বুদ্ধিতে সম্পদ হার নষ্ট হয়ে। কিন্তু কুয়াশা কেটেছিল বড় বেশী করে বাড়ী ফেরার পর। এঁর ছুটি আদেশের মর্ম যখন জামিতিক

বিচারের দ্বায় আমার কাছে জলজলে হীরের মত স্বচ্ছ হয়ে উঠেছিল তখন বুঝেছিলাম কি ঐশ্বর্য আমি কেলে এসেছি।

এর কাহিনী এখন নয়, পরে যখন বাড়ী ফিরব।

কল্যাণীর পর কুমরারা—পাঁচ মাইলের মাথায়। এ কয়েক মাইল ধরম সিং আমার পাশে পাশেই এসেছে, কেন কে জানে। আপন মনে গল্প করে চলছিল এখানকার অলৌকিক ঘটনাবলীর রহস্যজনক ইতিহাস—এখানকার সুপ্রাচীন ঐতিহ্যের কথা, ঐশ্বর্যের কথা। কতক শুনেছিলাম, কতক নিঃশব্দ চিন্তায় ডুবে যাচ্ছিল, তবুও ও ধামে নি। বলে বলে যাচ্ছিল সাধুসন্তদের কথা, মহাত্মাদের কথা, সিদ্ধ যোগীপুরুষের কথা। ওর মতে “আচ্ছা আদমী”দের ভগবান দেখা দেন, ‘দেওতা’ তাদের পথ দেখান। বলছিল, উত্তর কালীর দক্ষিণে আটানকই মাইল দূরে “সগরু”তেই নাকি ভয়ানক ভয়ানক জিনিষ আছে—সে অঞ্চল মুনি-ঋষিদের অঞ্চল, একবার যেতে পারলে জীবনে অ-পাওয়া বলে কিছু থাকে না। বমনোসরী-ও তাই, তবে “সগরু”র মত কেউ নয়। তবে তার মতে পুণ্যের ভাণ্ডার শূন্য না হলে এ অঞ্চলেও অনেকটা অভাব মেটে। পিঠের উপর বোঝা নিয়ে সতের-আঠার বছরের উত্তর-কালীবাঙ্গী ধরম সিং বলছিল এ সব তথ্য-ইতিহাস—এ বলার ভেতর তার সবটুকু বিশ্বাস সবটুকু ‘বিয়ালিটি’...শুনতে শুনতে চলছিলাম! এ ক’দিনেই ধরম সিং আমার মনের ভেতর বাসা বেঁধে ফেলেছে, অদৃশ্য মায়াজালে আমি ইতিমধ্যেই আটকা পড়েছি। অপরের কাছে এর পরিচয় কুলী বা বাহক নয়, এর পরিচয় বন্ধু বা সাথী। সহযাত্রীদের বলতে বলতে গেছি—পথ থেকে একে পাওয়া এক মুঠো শিউলি ফুলের মত। ধরম সিং মনুষ্যত্বে গরীয়ান, সেবাধর্মে প্রকাশমান, যার ক্রম-ইতিহাসের পাতা একটার পর একটা খুলে গেছে পথচলার রোজনাচায়। ভগবানকে দেখা যায়, হাত দিলে ছোঁওয়া যায়, তার স্বর্ণময় অধ্যায়ের ব্যঞ্জনা করতে করতে চলছিল ধরম সিং—অর্কাচীন ছোট্ট এক পাহাড়ী ভগবান। এই শোনা আর না-শোনার মূর্ছনার মধ্যে দিয়ে কুমরারা পেরিয়ে গেল, আরো দু’ফারলঙের মাথায় ব্রহ্মতাল এসে হাজির। সেই পাইন গাছের মধ্যে দিয়ে এ কয়েক মাইল চলে এলাম, ঠাসবুহনী সর্বত্র, কোথাও এতটুকু ফাঁক নেই। কমসে কম ন’ মাইল হেঁটে এলাম, কোন কষ্ট নেই। এ পথটুকুতে চড়াইয়ের বেশী উৎপাত নেই, সেই শুরুতে যা একটু পেয়েছিলাম এই যা। ধরম সিং এসে বোঝা নামাল—ঘরও পেয়ে গেলাম পুরোপুরি একটা। কিছুক্ষণ পর বীরবলের সংসার এসে হাজির এবং আমার ঘরেই তাদের বিছানা পড়ল। গাড়োয়াল রাজ্যের সর্বত্র ধর্মশালাগুলোর সেই একই নিয়ম, চারজনের জন্মেই ঘর মিলবে; একজনের জন্মে নয়। কেদারবদরীর পথে এ নিয়ে কত ভুগেছি এই চারজনের সংখ্যা মেলে নি বলে। এখানে সে অভাবটা ভগবান রাখেন নি। আমি বোগা ডিগডিগে মানুষ, সকলের পেছনে বওনা হয়ে আগে পৌঁছোয়াম আর ঘর দখল করতাম, তারপর বীরবলের মা, বোঁ,

ছেলের আগমন হলে সংখ্যায় চার হ'ত, হাক্কামা থেকে বেহাই পেতাম।

বীরবলের সংসারটি আমাকে যমুনোত্তরী পর্যন্ত আর সেখান থেকে উত্তর-কাশী পর্যন্ত ছায়ার মত অনুসরণ করেছে, এদের আমি কোথাও এড়াতে পারি নি। আমাকে তারা 'বাবাজী'র পর্যায়ে নিয়েছিল, আর তার জ্ঞান আতিথেয়তা ও সেবাপরায়ণতার যে দৃষ্টান্ত খাড়া করেছিল, তার তুলনা কোথায়? আহমদাবাদ আর কোথায় রাণাঘাট, পথে তার পরিচয় ছিল না, সংজ্ঞা ছিল না—আমরা একটি প্রয়াগে মিশেছি, কোথাও এতটুকু বাধে নি। আমাকে তারা একটা 'অতিমানব' বলে মনে করেছে, তাদের এ ভাবপ্রবণতাকে দূর করবার হাজার চেষ্টা করেও পারি নি। নিকৃতি পাওয়ার জন্তে পা চালিয়ে গিয়েছি নির্দিষ্ট চিহ্ন ছাড়াও অল্প কোথাও বাত্মের আশ্রয়ের জন্তে, দেখেছি ইংরিজী 'এপ্রোপ্রিয়েট প্রিপারেশনের' মত এরা হাজির। "বাবাজীকো মিল গিয়া—" এই আবিষ্কারের তত্বেই তারা আনন্দ পেয়েছে, খুশী হয়েছে। ধরম সিংকে পাওয়াও যেমন যোগাযোগ, এ বীরবলের সংসারটিকে পাওয়াও তেমনি।

বেলা তখন তিনটে কি চারটে, ঘড়ির বালাই নেই, কাছে ছিলও না। ধরম সিং তার 'ডিউটি' করে দিয়ে গেল, অর্থাৎ, বিছানা নামিয়েই বিছানাটা পেতে ফেলল। আমার বলাই ছিল যে, ঘরে বিছানা খুলে আগে পেতে ফেলবে, আর এসেই আমি খানিকটা জিরুব, অল্প কাজ সব পরে। এখানেও তার ব্যতিক্রম হ'ল না—জামা কাপড় না ছেড়েই শুয়ে পড়লাম বিশ্বাসের আশায়। একটানা ন' মাইল পথ হেঁটেছি, কিছুক্ষণ শুয়ে পড়ার দরকার। ধরম সিং নেমে গেল তলার চাল ডাল কিনতে, বীরবলরাও তাই—ঘরে শুধু সেই ছোট্ট শিশুটি শোয়ান রইল।

কেমন যেন তন্দ্রাচ্ছন্ন ভাবেই শুয়ে ছিলাম। চোখ দুটো গোলা ছিল বটে, কিন্তু মনের চোখ দুটো ছিল বোজা। বিদ্র অবসন্ন দেহ, একটানা ন' মাইল চড়াই-উৎরাই করতে করতে এসেছি... লম্বালম্বি হ'পা মেলে দিয়ে হাত দুটোকে বালিসের তলায় দিয়ে খোলা দরজাটার দিকে শুধুই তাকিয়ে ছিলাম। ভাবনা যে আসছিল না তা নয়, আসছিল, এটা, ওটা, সেটা...ভাবনারই একটা তরঙ্গ খেলা করছিল অবচেতনায় আর অনড় হয়ে চোখ দুটো খুলে রেখেছিলাম শুধু। দরজাটার সামনেই একটা ছোটখাট পাহাড় বাস্তার পাশ দিয়েই উচ্চ মুখে উঠে গেছে, শুয়ে শুয়ে তার অর্ধ অবয়বটাই দেখতে পাচ্ছি...

তন্দ্রা ও দিবাশ্রপ্তের এক অদ্ভুত সংমিশ্রণ চলছে—যা ভাবছি তার সমাপ্তি হচ্ছে না, কেমন যেন একাকার হয়ে যাচ্ছে সব।

একটি মেয়ে...গৌরবর্ণা, লাবণ্যময়ী, কল্যাণী, অসুখ্য-সুখ্যা। যেন দেখতে পেলাম সামনের পাহাড়টার বাকের বা দিক থেকে নেমে আসছে। ফিকে সবুজ রঙের সাজীটা অদ্ভুত সূঠাম দেখবরীর ওপর জড়ান, ঝিঝির পাতের মত পাতলা সাজী...কাঁচা সোনার রং যেন কেটে বেরুচ্ছে সারা জগৎ দিয়ে। তরতরিয়ে নেয়ে এল

মেয়েটি—এ মেয়ে আসা কাব্যের ছন্দ, সঙ্গীতের মূর্ছনা। আকা-বাকা পথ...উত্তর প্রান্ত থেকে নেমে এসে দক্ষিণ প্রান্তে মিলিয়ে গেল যেন।

ফিকে সবুজ সাজী...কাঁচা সোনার রঙ...উন্মুক্ত হাতের ওপর সোনার বাজু, মাথার সীমন্তে টিকলী। হাওয়ার সে মেয়ে মিশে গেল...

স্বপ্ন?

তাই হবে বা। পাগলের মত ঘর ছেড়ে বেরিয়ে এলাম। কেউ নেই কোথাও, সামনের পাহাড়টা শুধু বোবা হয়ে আছে।

তবে কি মায়া? না শুধুই স্বপ্ন?

যাত্রা শুরু থেকে আমার এ কি আরম্ভ হ'ল। একটার পর একটা প্রহেলিকা, যাদের প্রামাণিক তথ্য নির্বাকই থেকে যাচ্ছে। ঝিম ঝিম করছে শরীর, ঘেমে উঠলাম আমি। চোখে হাত দিলাম, দেখি, কাঁদছি—কখন অশ্রু নেমেছে বুঝতে পারিনি...

কে এই মেয়ে? ফিকে সবুজ সাজী পরা? একটা অব্যক্ত প্রশ্নের ভাবে আমি যেন স্তব্ধ হয়ে গেলাম।

ঐ ত পথ, ধর্মশালার পাশ দিয়ে উত্তরাভিমুখী হয়েছে—তার মিশিয়ে যাওয়া ত ঐ পথের প্রান্তে! আকাবাকা পথ...পাহাড়ী পথ, ওইখানেই ত মিলিয়ে গেল!

আর অপেক্ষা করা নয়, দাঁড়ান নয়...এগুতে হবে। ও পথটাকে তন্ন তন্ন করে খুঁজে নেওয়া দরকার, ও পথটাকে জীবন দিয়ে জানা দরকার। কে বললে যেন ভেতর থেকে, "তুই এখানে থাকিস না। পথটাকে ভাল করে খোঁজ, পাবি।"

ধরম সিংকে জানাই না, শুধু বলি, "এখানে থাকব না, ওসব-গুলো বেঁধে নাও।"

"কাহে বাবুজী?"

উত্তর দিই না। বোঝে—সিদ্ধান্ত অপরিবর্তনীয়।

ব্রহ্মতাল থেকে সিলকিয়াবা—প্রত্যেক পাদবিক্ষেপটিতে ছিল সমগ্র জীবনের অনুসন্ধিৎসা, জিজ্ঞাস্ত মন।

কিন্তু চলনাময়ী আলেয়াই থেকে গেল...পেলাম না। এ কাহিনীর ইতি এখানে নয়—এর চরম পরিণতি ঘটেছিল যমুনোত্তরী মন্দিরের কাছাকাছি। অসম্ভব সে কাহিনী—অবিশ্বাস্য সে এক ইতিহাস—যা আমার জীবনে শুধু চিরন্তন কাল্লাকেই এনে দিয়েছে, অবদান হিসেবে রেখে গেছে ব্যর্থতার হতাশা আর শূন্যতার হাহাকার।

সিলকিয়াবা পৌঁছানোর আধ ঘণ্টার মধ্যেই বীরবলরা এসে হাজির। "বাবাজীকো নাহি ছোডেগা—ইহা মিল গৈ।"

প্রথমে এল বীরবলের বৃদ্ধা মাতাজী, তার পর শিশু কোলে ওয় বৌ, তার পর লাটি হাতে ঠক ঠক করতে করতে বীরবল। আমাকে পেয়ে কি খুশী ওরা। অভিযোগ জানাল, তাদের না বলে করে চলে এসেছি কেন। ওদের ছেড়ে আসার কোন অধিকারই না কি আমার

নেই। তখান। তাদের অভিযোগকে মেনে নিলাম, বললাম, আমার অস্তায় হয়েছে।

ধর্মশালায় পৌঁছানোর পর বাওয়া-দাওয়া শেষ করে বীরবলের প্রথম কাজই ছিল মাতৃসেবা, বা তুলনাহীন, অবর্ণনীয়। এ রকমটি আমি দেখিনি কোথাও। আগে এক বাটি তেল গরম করে নিয়ে আসত বীরবল, তার পর মাকে ধরাশায়ী করে কঙ্কালসার পা-হুটিকে কোলের ওপর টেনে নিত আর সুরু হ'ত মালিশ, এ মালিশ খাটি আহমদাবাদী, বাঙালীর হাতে বা কখনই সম্ভব নয়। বৃদ্ধা চুপ করে পড়ে থাকতেন আর মুহু মুহু হাসতেন। প্রথমে দুটি পা, তার পর হাত, বুক, পিঠ। ঝাড়া এক ঘণ্টা এই কাজ, তার পর ভূমিষ্ঠ হয়ে মাকে একটি পরিপূর্ণ প্রণাম সেরে কঙ্কণীবাঈকে নিয়ে পড়ত। দ্বী যার কাছে লক্ষ্মীরূপিনী, তার কাছে আমি ঘরে আছি কি নেই তার প্রশ্ন ওঠে কি করে? কি অসীম মায়াপরবশ হয়ে বোঁয়ের ছোট্ট পা দুটি তুলে নিত, দেখলে শ্রদ্ধার মাথা নত হয়ে আসে। এর পরের পূর্ণ আক্রমণ হ'ত আমাকে লক্ষ্য করে—আমার পা ও মালিশ করবেই। হুকুলভাঙা সর্কগ্রাসী বানের মুখে আমার প্রতিবাদ খেড়ের কুটোর মত, তাকে ঠেকান যায় নি।

আমরা গৃহগতপ্রাণ মানুষ, পিছটানের মানুষ। একটা হয় ত দুটো হয় না, দুটো হয় ত চাষটে মেলে না। ভগবান পথ দেন নি, ঘর দিয়েছেন; মায়ী দিয়েছেন, বৈরাগ্য দেন নি...আমরা শুধু সংসারের কসল বুনে বাই, গেঁথে বাই। দিনগত পাপক্ষয়ই হ'ল সঞ্চয়, জীবনের মূলধন। যদি বা পূর্বজন্মের স্মৃতির টানে স্মৃতির হাতছানি আসে, এড়িয়ে বাই এই বলে যে সংসারকে আমার কে দেখবে? অকাটা এই অজুহাতের মুক্তি, যার পাপে আমাদের সবকিছু শুকিয়ে গেল।

কিন্তু বীরবলের মত গোটা সংসারকে যদি এই মহাতীর্থের অঙ্গনে শেকড় শুক উড়িয়ে নিয়ে আসা যায়, তবে মায়ী বা আসে কোথায়, তিতিকার পথে আগড়ই বা দেয় কে? এ ত পেছনে কিছু রাখেনি, ফেলে আসে নি ত কিছু...এর আসা মহত্তম যোগাযোগের আসা, কল্যাণের আসা। তাই মাতাজী এর কাছে শুধুমাত্র গর্ভধারিণী নয়, মাতাজী বীরবলের কাছে রাজরাজেশ্বরী, ভবতারিণী। ব্রহ্মাণ্ডপ্রসবিনী মাতৃস্বরূপাকে সে দর্শন করেছে তার সর্বস্ব মাতাজীর ভেতর—তাই ত বীরবল সম্পূর্ণ। স্মৃতি আহমদাবাদের এক নিভৃততম পল্লী অঞ্চলে আঠার বছরের বীরবল একদা হোমায়ির সামনে মস্তুর সজ্জারামে সেই যে কিশোরী গ্রাম-কন্ডা কঙ্কণীবাঈ ছোট্ট হাত দুটো তুলে নিয়েছিল—আজকে যমুনোত্তরীর ছন্দর দুর্গম পথের প্রান্তে সেই যুক্ত করাসুলির সার্থক রূপটি দেখতে পাই। ভগবান বাকে বোগ করে পাঠিয়েছিলেন, বীরবল তাকে বিরোগ করিয়েছে। বৈরাগ্যের উত্তরীর বীরবল কঙ্কণীবাঈকে পরিবেছে, কঙ্কণীবাঈ পরিবেছে বীরবলকে। সার্থক এ সংসারটি!

দ্বিতীয় দিনের পথ হাঁটা সুরু হ'ল আমাদের। সামনে এক

বিন্দুটে চড়াই, এটা পেরুতে পারলেই ডিগলিগাঁও, তারপর শিমলী ও গাংনানী। কমসে কম সাড়ে ছ'মাইলের চড়াই আর এ চড়াইটুকুর মধ্যে কোন খুঁত নেই...অর্কাচীন বিজোহীর মতই এর উল্কাকাশে উঠে যাওয়া। সিলকিয়ারার বুক থেকেই এক ঐরাবত পাহাড়শ্রেণী উত্তর-পূর্বদিককে বেড়া দিয়ে বেখেছে বেন, আর এর ওপর দিয়ে সর্পিল পাকদণ্ডীর পথ। এখান থেকে শোনা গেল সাধারণ যাত্রীরা ঐ চড়াইয়ের ওপর কোনবকমে উঠেই ফুরিয়ে যায়, নড়বার চড়বার ক্ষমতা থাকে না। ডিগলিগাঁওই আপাততঃ সকলের লক্ষ্য, উৎসাহ শু উত্তম, সেইখানেই ইতি।

দ্বিতীয় দিনের চলা সুরু হ'ল ভোর না হতে হতে। সিলকিয়ারার সামনে থেকেই এক অতিবৃহৎ পাহাড়, কত যুগের সাক্ষী কে জানে? উল্কাকাশে হারিয়ে গেছে অনন্ত জিজ্ঞাসার মত। আগেই জানান হয়েছে যমুনোত্তরীর পথ সহজ নয়, এ তীর্থ দুর্বোহ ও দুর্গম। এ দুটি কথার সত্য জিনিষটা ধরা পড়ে এই চড়াইয়ের সুরু থেকে। পথ ভাল হলে উঠে যাওয়ার ভেতর তবু সান্ত্বনা থাকে, কিন্তু যমুনোত্তরীর পথের এ সব বালাই নেই। মা যমুনা পথের ছায়া ফেলে রেখেছেন মাত্র, আর কিছু দেন নি: পূর্ণ করে রেখেছেন তাঁর সাম্রাজ্যকে শুধু পাষণস্তুপ আর বিক্ষিপ্ত উপলব্ধি দিয়ে, যাত্রীদের সম্বল শুধু ঐ পথের ছায়া। এ কেদারনাথ বা বদরীকানাথ নয় যে আধুনিক সভ্যতার সম্প্রসারণের সঙ্গে সঙ্গে হাজার হাজার যাত্রীর পথচলার কোলিঙ্গ আছে—মা এখানে নিরাভরণ। যমুনোত্তরী-গঙ্গোত্তরী তীর্থ শতাব্দীর পর শতাব্দী ধরে সৃষ্টিতত্ত্বকে শুধু উপেক্ষাই জানিয়েছে...দুর্গমতাই এ তীর্থত্বটির বাবতীয় সঞ্চয়। তাই পথ এখানে পথ নয়, পথ এখানে ছায়া...।

ডিগলিগাঁওর চড়াই এই ছায়াপথের প্রথম সাক্ষী, সাধারণ যাত্রীদের এই পাহাড়ই প্রথম তালঠকে স্পর্শ জানিয়েছে। খাড়াই পাহাড়ের ভিত্তিমূল থেকে উর্কদেশ, নৃতত্ত্ববিদের হিসেবে ছ' মাইল, আর এই ছ' মাইলের প্রথম তিন মাইল চড়াই হিসেবে আদি ও অকৃত্রিম। বৃকে নিখাস ধেমে ধেমে যায়...শারীরিক ভারসাম্যের একটা পরীক্ষা আসে এখানে। বীরবলের সংসার আগেই রওনা দিয়েছিল, তারা জানত লম্বা লম্বা পা ফেলে আমি তাদের পাশ দিয়ে বেরুবই। এখানে হ'লও তাই! সাড়ে তিন মাইলের মাথায় ওদের ধরে ফেললাম, দেখলাম বীরবলের মাতাজী একটি সুপ্রাচীন ঐতিহ্যের মূর্তিরূপিনী হয়েই এগোচ্ছেন সকলের আগে আগে, তার পর শিশুকোলে কঙ্কণীবাঈ, পেছনে বীরবল। পাইনের সেই অরণ্য চলেছে—পাখীর ডাক শুনছি, আর এই অরণ্যে উর্ক পাহাড়ী হাওয়া চলার একটা সঁ। সঁ। আওয়াজ—অদ্ভুত এক ভালো লাগা—অদ্ভুত এক অসুভূতি। যাত্রী যারা যাচ্ছে তারা সংখ্যায় অল্প, আঙুল গুণে তাদের ধরা যায়। বাঙালী আমি এখনও দেখলাম না, গোটা বাংলা দেশের মূর্তিমান সাক্ষী হয়েই এখনও আমার পথ চলা।

চার মাইলের মাথায় চড়াই তখনও শেষ হয় নি, একটা মজার ব্যাপার ঘটে গেল। আমার আগে চলছিল একজন বখে-

ওয়াল, ঠিক তারই পেছনে সে কুলীকে রেখেছে চোখাচোখি, যেটা সাধারণতঃ এ সব অঞ্চলে হয় না। যাত্রী এগিয়ে যায়, তারপর বহুদূরে পড়ে থাকে বাহক, কিন্তু তারই ব্যতিক্রম ঘটেছিল। হঠাৎ পরিষ্কার দেখতে পেলাম বন্ধেওয়ালার বাহকের পিঠের বোঝা গড়াতে সুরু করল, বুঝলাম দড়ি ছিঁড়েছে। এখানে মাধ্যাকর্ষণের একাধিপত্য আর এই সর্বনেশে ব্যাপারটি থেকে সেই হুঁমণী বোঝাও রেহাই পেল না, হু হু শব্দে সে গড়াতে গড়াতে তলায় নামতে লাগল। এত কষ্টের ভেতরেও হাসি এল আমার—মনে হ'ল বাহক হারে কি বোঝা হারে! বোঝাটি একবার এ গাছে আটকে কিছুটা থামে, আবার গড়াতে গড়াতে আর একটা গাছে আটকে ধেমে দম নের; কিন্তু তার গড়ান আর থামে না, ধস নেমে আসার মতই তার অবস্থা। তারপর দেখলাম, অন্ততঃ তিনশ' ফুট এক

টানে নেমে এসে সে বৃহৎ বস্তুটি ছুটি গাছের মাঝখানে আটকে ধেমে গেল, আর নড়ল না! যাক, তবুও রক্ষে! বন্ধেওয়ালার ওপরে থাকলেন আর বাহকের এই তিনশ' ফুট নীচে নেমে এসে বোঝা কাঁধে তুলে নিয়ে আবার ওপরে ওঠার ব্যাপক পরিশ্রম সুরু হ'ল। বেচারী!

ডিঙুলগাঁওয়ের চড়াই যখন শেষ করে পাহাড়ের ওপর ওঠা গেল, তখন বেলা দশটা। শরীর ঘেমে উঠেছে, মনে হ'ল কোথাও একটা যুদ্ধের মহড়া দিয়ে ফিরছি। একটিমাত্র চায়ের দোকান, সর্বক্লান্তিহর, মনে মনে একে বন্দনা করে নিলাম। বিশ্রাম নিলাম কিছুটা, সেই সঙ্গে কড়া এক ভাঁড় চা। ধরম সিং আর বীরবলয় কখন এসে পৌঁছবে কে জানে?

ক্রমশঃ

আমাদের শিক্ষাব্যবস্থা

শ্রীযোগেন্দ্রকুমার চট্টোপাধ্যায়

আজকাল আমাদের দেশে সকলের মুখেই শুনিতে পাই যে, আমাদের সমাজে শিক্ষা-সঙ্কট উপস্থিত হইয়াছে। পুত্রকন্যাদিগের শিক্ষা-ব্যবস্থার ফলে মধ্যবিত্ত ও দরিদ্র ভদ্র গৃহস্থকে দারুণ অর্থসঙ্কটে পড়িতে হইয়াছে, ইহা সর্বজনবিদিত। এই সঙ্কট হইতে কিরূপে উদ্ধার পাওয়া যায় সকলেই আজ এই কথা ভাবিতেছেন। কোন রোগ নিরাময় করিতে হইলে সূচিকিৎসক রোগের নিদান অন্বেষণ করেন। যে কারণে রোগ হইয়াছে সেই কারণ দূর করিতে না পারিলে কেবল ঔষধ প্রয়োগে রোগ চিরতরে নিবারিত হয় না। এই প্রসঙ্গে গত ফাল্গুন সংখ্যায় প্রকাশিত জীবিত যোগেশচন্দ্র বাগলের “শিক্ষা-সঙ্কট” শীর্ষক সূচিস্থিত ও তথ্যপূর্ণ, ব্রিটিশ আমলের শিক্ষাপদ্ধতি বিবরণ প্রবন্ধটি বড়ই সমরোপযোগী হইয়াছে। ইংরেজ আমলের শিক্ষা-ব্যবস্থায় যে রোগ প্রকট হইয়া দেখা দিয়াছে তৎসম্বন্ধে দীর্ঘকালের নিজ অভিজ্ঞতা হইতে এখানে কিছু বলিব;

ইংরেজ আমলের পূর্বে আমাদের দেশে যে শিক্ষা-ব্যবস্থা প্রচলিত ছিল তাহাতে শিক্ষার্থীদিগকে কোনরূপ অর্থব্যয় করিতে হইত না।• কি নিম্নশিক্ষা আর কি উচ্চশিক্ষা, শিক্ষার্থীরা বিনা ব্যয়ে সকল শিক্ষার সুশিক্ষিত হইতে পারিত। মুসলমান আমলের পূর্বে আমাদের সমাজে সাধারণতঃ দুই প্রকার শিক্ষাব্যবস্থা ছিল। নিম্নশিক্ষার ব্যবস্থা হইত পাঠশালার, আর উচ্চশিক্ষার ব্যবস্থা হইত চতুপাঠীতে। পাঠশালার ছাত্রগণকে কোন কোন স্থলে নামমাত্র বেতন দিতে হইত বটে, কিন্তু সেজন্য ছাত্রের অভিভাবকগণকে কখনও চিন্তাগ্রস্ত হইতে হইত না। মাসিক চই-এক

আনার বেতন পুত্রকন্যার শিক্ষায় ব্যয় করা কোন অভিভাবকই কষ্টকর বলিয়া মনে করিতেন না। অভিভাবকগণ কোন নির্দিষ্ট পর্যায়ে পাঠশালার শিক্ষকদিগকে “সিধা” অর্থাৎ আহাৰ্য্যক্রম প্রদান করিতেন। সে সময় দেশে রাজা বা ধনবানেরা পাঠশালার শিক্ষকদিগকে প্রতিপালন করা অবশ্যকর্তব্য বলিয়া মনে করিতেন। পাঠশালার শিক্ষকেরাও তাঁহাদের সংসার খরচের জন্য কখনও চিন্তিত না উদ্ভিগ্ন হইতেন না। তাহার প্রধান কারণ সমাজে তখন বিলাসিতারূপ পাপ প্রবেশ করে নাই। বিলাসিতা তখন রাজ-প্রাসাদে ও ধনবান ব্যবসায়ীদিগের অট্টালিকার মধ্যে আবদ্ধ ছিল। মধ্যবিত্তশালী লোকেরা কখনও ধনবানের অট্টালিকা দেখিয়া হতাশার দীর্ঘনিশ্বাস ত্যাগ করিত না। এখনও বাংলার পল্লীগ্রামে এরূপ অনেক পাঠশালা দেখিতে পাওয়া যায় যে, পাঠশালার শিক্ষক বা গুরুমহাশয়কে প্রতিপালন করা জমিদার বা ধনবানেরা অবশ্যকর্তব্য বলিয়া মনে করেন। গুরুমহাশয়েরা কখনও ছাত্রদিগের উপর নির্ভর করিয়া সংসারযাত্রা নির্বাহ করিতেন না।

এই সকল পাঠশালাতে জাতিবর্ণনির্ভেদে সকল শ্রেণীর বালকেরাই প্রাথমিক বিদ্যা লাভ করিত। আমার মনে আছে, এখন হইতে প্রায় আশী বৎসর পূর্বে আমাদের পাড়ায় সে পাঠশালার আমি পড়িতাম সেখানে আমার সতীর্থদের মধ্যে একজন স্বজনের পুত্র, এক জন চর্ককারের পুত্র, দুই জন ধীবরের পুত্র এবং দুই-তিন জন নিম্নকর কারকের পুত্র ছিল। তিন-চারি জন মুসলমান শ্রমিকের পুত্রও আমাদেরই সহিত পড়িত। এই মুসলমান বালকদিগের মধ্যে দুই জন পরবর্তীকালে রাজমিস্ত্রীর কার্যে প্রবৃত্ত হইয়াছিল।

আমার প্রোট বয়সে আমারই বাটীতে উহারা নূতন গৃহ নির্মাণ বা পুরাতন গৃহের জীর্ণ সংস্কার করিয়াছিল। ঐ দুই জন রাজমিস্ত্রী লেখা পড়া জানিত। সামান্য হিসাবপত্রও করিতে পারিত। আমি প্রথমে তাহাদিগকে চিনিতে পারি নাই। একদিন তাহারা আমাকে বলিল, “বাবু, আপনি আমাদের চিনতে পারছেন না। আমার নাম মকবুল। আমি রাম মশায়ের পাঠশালার আপনার সঙ্গে পড়েছিলাম।”

সেকালে পাঠশালার গুরুমহাশয়েরা সকলেই যে উচ্চবংশজাত হইতেন তাহা নহে। পল্লীগ্রামে ও মফস্বল শহরে অনেক পাঠশালায় “বাগদী মশাই”, “চাঁড়াল মশাই” ও “বাইতি মশাই” প্রভৃতিও শিক্ষকতা করিতেন। আমার মনে পড়ে আমাদের পাড়ায় একটা পাঠশালায় একজন বাগদী জাতীয় গুরুমশায় ছিলেন। তাঁহার হস্তাক্ষর অতি সুন্দর ছিল। তিনি অতি দ্রুতবেগে লিখিলেও তাঁহার লিখিত অক্ষরগুলি যেন মালাধ্বিত মুক্তার মত সুদৃশ্য ছিল। আমি যখন বাল্যকালে স্কুলে পড়িতাম, তখন আমার একজন গৃহশিক্ষক বাইতি জাতীয় ছিলেন। বাইতিরা জাতিতে চর্মকার বা মুচি। উৎসবের কাড়ীতে ঢাক-ঢোল বাজান তাহাদিগের পেশা। আমার গৃহশিক্ষক “নবাই মশায়” বা নবীনচন্দ্র বাইতি সুন্দর ইংরেজী লিখিতে ও বলিতে পারিতেন। আমি পাঠশালা ছাড়িয়া যখন বাংলা স্কুলে প্রবেশ করিলাম তখন যুধিষ্ঠির নামে একটি বালক আমার সহপাঠী ছিল। সে জাতিতে হাড়ি। অঙ্কে তাহার অদ্ভুত প্রতিভা ছিল।

আমি পূর্বেই বলিয়াছি, পাঠশালার গুরুমহাশয়েরা ছাত্রদিগের নিকট হইতে মাসিক বেতন লইতেন। সে বেতনের পরিমাণ আট পয়সা হইতে আট আনা পর্য্যন্ত। সেকালে লেখাপড়া শিখাইবার জন্ত ছাত্রছাত্রীর অভিভাবকদিগকে ইহার অধিক নগদ পয়সা ব্যয় করিতে হইত না। তবে অভিভাবকেরা মধ্যে মধ্যে পাল-পার্কিং নিজেই ইচ্ছা ও ক্ষমতা অহুসারে “সিগা” দিতেন। পাঠশালায় ছাত্রদের বসিবার জন্ত কোনরূপ কাঠাসনের ব্যবস্থা ছিল না। ছাত্রেরা বসিবার জন্ত অতি ক্ষুদ্র মাছর কিংবা গেজুরপাতার চাটাই বাটী হইতে প্রত্যহ পাঠশালায় আনিত। তাহারা প্রথমে তালপত্রে লেখা আরম্ভ করিত। তালপাতায় লেখার “হাত বসিলে” কদলীপত্র এবং সর্বশেষ কাগজ ব্যবহার করিত। সুতরাং তাহাদিগকে হস্তাক্ষরের জন্ত বা অঙ্ক কষিবার জন্ত “এক্সারসাইজ বুক” কিনিতে হইত না। প্রথমে বোধ হয় এক আনা দামের কতকগুলো তালপত্র কিনিতে হইত। সেই তালপত্র অনেক বিনামূল্যেই সংগ্রহ করিত। সুতরাং পাঠকগণ বৃষ্টিতে পারিতেছেন যে, পুত্রকল্যাণের নিয়ন্ত্রিকার জন্ত কত অল্প অর্থ ব্যয় করিতে হইত। পাঠশালার ছাত্রেরা কখনও লেখনীর জন্ত বিদেশজাত স্টীল পেন প্রস্তুতকারীদের শরণ লইত না। কফি, শব, খাগড়া, পাহাড়ের কলমী ইহাই ছিল লেখনীর উপাদান। ইংরেজী লিখিবার জন্ত হংলপুচ্ছ বা ময়ূরপুচ্ছ লেখনীরূপে ব্যবহৃত হইত।

বিদ্যালয়ের উচ্চশ্রেণীর ছাত্রেরাই উহা ব্যবহার করিত। বর্তমান সময়ে শিক্ষা-বিভাগের ব্যবস্থা অহুসারে অনেক বিদ্যালয়ে চতুর্থ শ্রেণী পর্য্যন্ত বিনা বেতনে পড়াইবার ব্যবস্থা হইতেছে। ঐ সকল শ্রেণীর ছাত্রছাত্রীদের অভিভাবকগণকে বিদ্যালয়ে মাসিক বেতন দিতে হয় না সত্য, কিন্তু এক্সারসাইজ বুক, পাঠ্য পুস্তক, কাগজ, কলম, কালি প্রভৃতির জন্ত যে অর্থ ব্যয় করিতে হয় তাহা নিতান্ত কম নহে। সেকালে ছাত্রেরা প্রায় সকলেই বাটীতে কালি প্রস্তুত করিয়া লইত। চালভাজা হাঁড়িতে ভাজিতে ভাজিতে যখন পুড়িয়া কালো হইত তখন সেই চালের অঙ্গার, রন্ধনশালার হাঁড়ির তলার ভূষা এবং সামান্য হিরাবক জলে দুই-তিন দিন ভিজাইয়া রাখিলে উত্তম কালি প্রস্তুত হইত। সে কালিতে অতি অল্প পরিমাণ বাবলার আঠা বা গঁদ মিশাইলে উহাতে লেখা অক্ষরগুলি চক্ চক্ করিত। বাটীতে কালি প্রস্তুত করিবার আরও নানাপ্রকার উপায় ছিল। বাহলাভয়ে তাহা আর উল্লেখ করিলাম না।

একটা ব্যাপার দেখিয়া আমার এই বৃদ্ধ বয়সে মনে বড় ক্ষোভ হয়। ক্ষোভের কারণ—কাগজের অপব্যয়। বর্তমান কালে কোন ছাত্রকেই নিয়ন্ত্রণে পড়িবার সময় কোন কাগজে মগ্ন করিতে দেখি না। আমি দেখিতে পাই বালকেরা যে সকল এক্সারসাইজ বুক কিংবা গৃহে নির্মিত খাতায় কিছু লেখে সে সকল খাতায় প্রচুর স্থানের অপব্যয় হয়। অঙ্কের খাতা যে অঙ্ক কষিবার পর হস্তাক্ষরের খাতা রূপে ব্যবহৃত হইতে পারে ইহা ছাত্র ত দূরের কথা ছাত্রের অভিভাবকেরাও মুহূর্তের জন্ত ভাবিয়া দেখেন না। আমরা কিন্তু বাল্যকালে স্কুলে পড়িবার সময় অঙ্কের খাতাকে হস্তাক্ষরের খাতা রূপে ব্যবহার করিতাম। অভিভাবকেরা যদি এই দিকে একটু দৃষ্টিপাত করেন তাহা হইলে তাঁহাদের অনেক অপব্যয় নিবারণ হইতে পারে।

বিদ্যালয়কে আমরা চলিত কথায় লেখাপড়া শেখা বলি। কেহ পড়ালেখা শেখা বলে না। অর্থাৎ, অঙ্কে লেখা ও পরে পড়া ইহাই ছিল আমাদের শিক্ষাব্যবস্থা। কিন্তু ইংরেজ আমলের ব্যবস্থায় লেখাপড়ার বদলে ‘reading and writing’ হইয়াছে। হাতের লেখাটা বর্তমান কালে অত্যন্ত অবহেলিত হইতেছে। কিন্তু আমরা যখন স্কুলে পড়িতাম তখন হাতের লেখা একরূপ অবহেলিত হইত না। এমনকি বাৎসরিক পরীক্ষাতেও সুন্দর হস্তাক্ষরের জন্ত পরীক্ষার্থীরা অতিরিক্ত নম্বর পাইত। আজকাল একরূপ প্রথা কোনও বিদ্যালয়ে আছে বলিয়া আমার জানা নাই। আমার বাসস্থান চন্দননগর এই সেদিন পর্য্যন্ত ফরাসীদিগের একটি উপনিবেশ ছিল। ফরাসীরা বোধ হয় ইংরেজদের অপেক্ষা হস্তাক্ষরের প্রতি সমধিক মনোযোগী। বর্তমান কালে চন্দননগরে যে বিদ্যালয় গবর্ণমেণ্টের দ্বারা পরিচালিত হইতেছে, তাহা প্রথমে স্থাপন করেন ফরাসী পাদ্রী বা ধর্ম্মযাজকেরা। সেজন্ত উহার নাম ছিল পাদ্রীর স্কুল। সেই পাদ্রীরা, ক্রম হইতে হস্তাক্ষরের copy book আনাইয়া মাত্র এক আনা মূল্যে তাহা বিক্রয় করিতেন। প্রায়

৭০ বৎসর পূর্বে ফ্রান্সের গবর্নমেন্টে ধর্মবাহকদিগের হস্ত হইতে শিক্ষাব্যবস্থা গ্রহণ করিলে, চন্দননগরে পাদ্রীর স্কুলও পাদ্রীদিগের হাত হইতে গবর্নমেন্টের হাতে আসে। পাদ্রীদের আমলে স্কুলের নাম ছিল সেন্ট মেরিজ ইনষ্টিটিউশন। গবর্নমেন্টের হাতে আসার পর উহার নাম হইল ডুপ্রে কলেজ। এখন চন্দননগর ফরাসী গবর্নমেন্টের হস্তচ্যুত হইয়া ভারত গবর্নমেন্টের অধীন হওয়াতে ঐ বিদ্যালয়ের নাম হইয়াছে “কানাইলাল বিদ্যালয়।” (পাঠকগণের স্মরণ থাকিতে পারে চন্দননগরের যুবক, ডুপ্রে কলেজের ছাত্র কানাইলাল দত্ত বিশ্বাসঘাতক নরেন গোস্বামীকে হত্যা করিবার অপরাধে ইংরেজের বিচারে হাসিমুখে, তাঁহার “পাপের” জন্ত প্রাণদণ্ডে দণ্ডিত হইয়াছিলেন। চন্দননগরে গঙ্গা-তীরে যেখানে পূর্বে ডুপ্রে মর্ষমূর্ত্তি স্থাপিত হইয়াছিল এখন সেইখানে কানাইলালের মর্ষমূর্ত্তি প্রতিষ্ঠিত হইয়াছে।) সেকালে সেই পাদ্রীদের আমলে যে সকল ছাত্র পাদ্রীর স্কুলে পড়িতেন তন্মধ্যে যাহারা এখনও জীবিত আছেন তাঁহাদের সকলেরই হস্তাক্ষর এত সুন্দর যে দেখিলে চমৎকৃত হইতে হয়। সেকালে হস্তাক্ষর ভাল করিবার জন্ত পাঠশালার গুরুমহাশয় হইতে আরম্ভ করিয়া স্কুলের শিক্ষকেরা পর্য্যন্ত সবিশেষ যত্ন লইতেন। অনেক বালক অভ্যাস-দোষে লিখিবার সময় বামে বা দক্ষিণে মাথাটি ঈষৎ হেলাইয়া রাখে—তাহাদের হস্তাক্ষর সাধারণতঃ একটু বাঁকা হইয়া থাকে। সেজন্ত সেকালের গুরুমহাশয়েরা ছাত্রদিগকে হস্তাক্ষর লেখাইবার সময় বলিতেন—

“ঘাড় বাঁকা হইলে অক্ষর হবে বাঁকা

এ যে না বুঝিতে পারে তারে বলি বোকা।”

চন্দননগরে ফরাসী ধর্মবাহকদের সময় পাদ্রীদের দ্বারা প্রতিষ্ঠিত ও পরিচালিত সেন্ট মেরিজ স্কুলে দুই-একটি ব্যবস্থা বড় সুন্দর ছিল। কোন ছাত্র কোন অত্যন্ত কার্য করিলে তাহারা কখনও শারীরিক দণ্ডে বা অর্থদণ্ডে দণ্ডিত হইত না। ফরাসী দেশে কোন বিদ্যালয়েই ছাত্রদিগকে শারীরিক দণ্ডে দণ্ডিত করা হয় না। চন্দননগরে ধর্মবাহকেরা মনে করিতেন যে, ছাত্রদিগকে কোন অপরাধে অর্থদণ্ডে দণ্ডিত করিলে সে দণ্ড তাহাদের অভিভাবকদিগের উপরেই প্রয়োগ করা হয়। বালক ও কিশোর ছাত্রগণ অর্থ উপার্জন করে না। সুতরাং অর্থদণ্ড তাহাদের উপর প্রযুক্ত হইতে পারে না। কোন কারণে ছাত্রগণের জরিমানা হইলে ছাত্রেরা অভিভাবকের অগোচরে সেই জরিমানার অর্থ সংগ্রহ করিবার চেষ্টা করিবে। সুবিধা পাইলে অভিভাবকদের অর্থ চুরি করিবারও চেষ্টা করিবে। তাহাতে ছাত্রগণের প্রথম অপরাধের প্রতিকার ত হইবেই না, উপরন্তু আর একটি অপরাধের সহায়তা করা হইবে। সেই জন্ত চন্দননগরের পাদ্রীর স্কুলে শিক্ষকেরা অপরাধী ছাত্রের প্রতি হস্তাক্ষর লিখিবার দণ্ড প্রয়োগ করিতেন। বিদ্যালয়ে প্রত্যহ মধ্যাহ্নে আধ ঘণ্টা করিয়া “টিফিনের” ছুটি হইত। ছাত্রেরা ঐ সময় ক্লাসের বাহিরে গিয়া জলযোগ করিত ও খেলাধুলা করিত। কিন্তু অপরাধী ছাত্রগণ

টিফিনের ছুটি পাইত না। তাহাদিগকে সেই সময় ক্লাসের ভিতরে বসিয়া আদর্শ হস্তাক্ষরের খাতার ৫০ ছত্র বা ১০০ ছত্র লিখিতে হইত। অপরাধের গুরুত্ব অনুসারে লেখার দণ্ড বর্ধিত হইত। যদি কাহারও লেখা এক দিনের টিফিনের সময়ে শেষ না হইত, তাহা হইলে দুই দিন, তিন দিন বা চারি দিন পর্য্যন্ত ছাত্রগণকে দণ্ড গ্রহণ করিতে হইত। বাহারা অপেক্ষাকৃত বয়স্ক ছাত্র তাহাদিগকে অনেক সময় অপরাধে বিদ্যালয় বন্ধ হইবার পরেও আধ ঘণ্টা বা এক ঘণ্টা কয়েদ রাখা হইত। এই কয়েদের সময়টাও ছাত্রদিগকে বসিয়া লিখিতে হইত। দণ্ডভোগ কালে ছাত্রগণ যে লেখা লিখিত, তাহা পরিষ্কার, পরিচ্ছন্ন ও সুন্দর না হইলে সে লেখা অগ্রাহ হইত।

পাদ্রীর স্কুলে আর একটি সুন্দর নিয়ম ছিল। প্রায় সকল স্কুল ও পাঠশালায় দেখিতে পাওয়া যায় যে, বিদ্যালয়ে ছুটি হইবামাত্র বালকেরা হুড়াহুড়ি ও গোলমাল করিয়া ক্লাস হইতে বাহির হইয়া যায়। কিন্তু পাদ্রীর স্কুলে সেরূপ হইত না। ছুটির ঘণ্টা বাজিবার মাত্র ছাত্রগণ দণ্ডায়মান হইয়া নিজ নিজ বই-খাতা-পেন্সিল প্রভৃতি গুছাইয়া লইত। সারিবদ্ধ ভাবে দুই জন দুই জন করিয়া সমবেত পদক্ষেপে অর্থাৎ ডিল করিবার সময় যেরূপ চলাকেরা করে সেইরূপ শৃঙ্খলাবদ্ধ হইয়া স্কুলের কটক পর্য্যন্ত শাস্ত ভাবে গমন করিত। তাহার পর কটক পার হইয়া রাজপথে পড়িলে তাহারা যেদিকে ইচ্ছা যেমন করিয়া হউক চলিয়া যাইত। বিদ্যালয়ের শেষ ঘণ্টায় যে শিক্ষক ক্লাসে উপস্থিত থাকিতেন, তিনিই ছাত্রদিগকে ডিল করাইয়া কটক পর্য্যন্ত লইয়া যাইতেন। এই ব্যবস্থা সর্বনিম্ন শ্রেণী হইতে সর্বোচ্চ শ্রেণী পর্য্যন্ত প্রবর্তিত ছিল। আজকাল এ ব্যবস্থা প্রচলিত আছে কিনা জানি না। না থাকাই সম্ভব। তবে আমার মনে হয়, এব্যবস্থা কি শহরে কি মফস্বলে প্রত্যেক বিদ্যালয়েই প্রবর্তিত হওয়া উচিত। টিফিনের ছুটির সময়েও ছাত্রেরা ঐরূপ শ্রেণীবদ্ধ ভাবে ক্লাস হইতে বাহির হইত। কোন ছাত্র শৃঙ্খলা ভঙ্গ করিলে তাহার প্রতিও হস্তাক্ষর-দণ্ড প্রয়োগ করা হইত।

ইংরেজ আমলের পূর্বে, অর্থাৎ হিন্দু রাজত্বে অথবা মুসলমান রাজত্বে উচ্চশিক্ষার ব্যবস্থা ছিল চতুর্পাঠীতে ও মাদ্রাসায়। হিন্দু সমাজের উচ্চশিক্ষাদাতা ছিলেন চতুর্পাঠীর অধ্যাপকেরা, আর মুসলমান সমাজের উচ্চশিক্ষার ব্যবস্থা ছিল মাদ্রাসার মোলবী ও মোলানার হস্তে। সেকালের এই শিক্ষাব্যবস্থায় রাজা বা রাজপুরুষগণ কখনও হস্তক্ষেপ করিতেন না। এক বৎসরে কোন পুস্তকের কতটা পড়াইতে হইবে তাহা অধ্যাপকেরা ও মোলবীরা নিজেরাই স্থির করিতেন। মাদ্রাসার ও চতুর্পাঠীর এই স্বাধীনতা ব্রিটিশ আমলে বিলুপ্ত হইয়াছিল। সরকারী শিক্ষা-বিভাগের প্রতিষ্ঠা হইবার পর ঐ বিভাগে উচ্চতম কর্মচারীরা নির্দেশ দিতে লাগিলেন—বিদ্যালয়ের কোন শ্রেণীতে কোন পুস্তক পড়ান হইবে। বিদ্যালয়ের পরিদর্শকেরা মধ্যে মধ্যে আসিয়া দেখিয়া যাইতেন যে, তাহাদের নির্দেশ অনুসারে পাঠের ব্যবস্থা হইতেছে কিনা। কিছু দিন এই ব্যবস্থা চলিবার পর বিশ্ববিদ্যালয়ের প্রতিষ্ঠা হইল। এই

বিশ্ববিদ্যালয়ের প্রধান কার্য ছিল ছাত্রদের বিজ্ঞান-বুদ্ধির পরীক্ষা গ্রহণ করা। প্রবেশিকা পরীক্ষাই উচ্চশিক্ষার একমাত্র প্রবেশপথ বলিয়া নির্দিষ্ট হইল। ব্রিটিশ রাজপুরুষগণ দেখিলেন যে, হলে বলে ও কোর্শলে যেকোনো হটক যখন ভারতবর্ষ ইংলণ্ডের অধীন হইয়াছে তখন রাজকার্য ও ব্যবসাকার্য পরিচালনার জন্য যথেষ্টসংখ্যক ইংরেজী ভাষায় অভিজ্ঞ রাজকর্মচারীর নিয়োগ করিতেই হইবে। সেকালে খুব উচ্চ বেতন না পাইলে ইংলণ্ড হইতে কোন শিক্ষিত ইংরেজ সন্তান ভারতে আসিতে চাহিত না। এই অনুবিধার একমাত্র প্রতিকার এদেশের লোককে যদি অন্ততঃ সরকারী কার্য ও বণিকদিগের কার্য চালাইবার জন্য প্রয়োজনমত ইংরেজী শিক্ষা দিতে পারা যায়। সেইরূপই ব্যবস্থা করা হইল। “গোলদীঘির গোলামখানা” বা বিশ্ববিদ্যালয়ের উপর “গোলাম” প্রস্তুত করিবার ভায় অর্পিত হইল। এই বিশ্ববিদ্যালয়ের প্রদত্ত সার্টিফিকেট বা প্রতিষ্ঠাপত্র সরকারী কার্যে নিযুক্ত হইবার একমাত্র উপায় বলিয়া নির্দিষ্ট হইল। বাঙালী বালক ও যুবক ছাত্রেরা বিশ্ববিদ্যালয়ের সার্টিফিকেট সংগ্রহই তাহাদের জীবনের চরম লক্ষ্য বলিয়া মনে করিল।

কিন্তু এই উচ্চশিক্ষালাভ ব্যয়সাধ্য ব্যাপার ছিল। স্কুল বা কলেজের ছাত্রগণকে প্রতি মাসে যে বেতন দিতে হইত তাহা অনেক সময় দরিদ্র গৃহস্থের ক্ষমতার অতীত হইয়া উঠিল। ইংরেজ সরকার এইরূপে বিশ্ববিদ্যালয়রূপ দোকান খুলিয়া বিজ্ঞান বিক্রয় করিতে লাগিলেন। শুধু তাহাই নহে, সার্টিফিকেট-লোভাতুর পরীক্ষার্থীদিগের নিকট হইতে Examination Fee বা সার্টিফিকেট বিক্রয়ের মাওল হিসাবে অর্থশোষণ করিতে লাগিলেন। শেষে অবস্থা এমন হইল যে, দরিদ্র ছাত্রের পক্ষে উচ্চশিক্ষার পথ প্রায় অবরুদ্ধ হইয়া দাঁড়াইল। অথচ ব্রিটিশ আমলের পূর্বে চতুর্পাঠী ও মাস্টারসার ছাত্রগণ বিনা বেতনে উচ্চশিক্ষা লাভ করিত। শুধু তাহাই নহে, চতুর্পাঠীর ছাত্রগণ আচার্য্যের গৃহে বাস করিয়া সেখানেই আহালাদি করিত, সেজন্য ছাত্রের অভিভাবকদিগকে ছাত্রদের ভরণপোষণের ব্যয়

বহন করিতে হইত না। সে ব্যয় প্রত্যক্ষভাবে বহন করিতেন চতুর্পাঠীর অধ্যক্ষেরা এবং পরোক্ষভাবে স্বামীয় ভূস্বামী ও ধনবান ব্যক্তিরা। সেকালে ধনবান ব্যক্তিদের মধ্যে অনেকেই নিজ নিজ বাটীতে পাঠশালা ও চতুর্পাঠী স্থাপন করিতেন। তাঁহারা ই অধ্যাপকগণকে বৃত্তি দিতেন। এখন সেই অধ্যাপক প্রতিপালনের ভার গবর্ণমেন্ট প্রত্যক্ষভাবে গ্রহণ করিয়াছেন এবং সেই ব্যয়ভার বহনের জন্য ছাত্রের অভিভাবকদিগকে বাধ্য করিয়াছেন।

বর্তমান শিক্ষাব্যবস্থায় প্রত্যেক শ্রেণীর ছাত্রের জন্য পাঠ্য পুস্তক নির্দিষ্ট হইয়াছে। এখন হইতে ৫০।৬০ বৎসর পূর্বেও একখানি নির্দিষ্ট পাঠ্য পুস্তক কোন নির্দিষ্ট শ্রেণীতে বহুকাল ধরিয়া প্রচলিত থাকিত। সেকালের সেই বিদ্যালয়গর মহাশয়ের প্রথম ভাগ হইতে আরম্ভ করিয়া সীতার বনবাস ও শকুন্তলা পর্যন্ত এক-এক শ্রেণীতেই দীর্ঘকাল ছাত্রদিগের পাঠ্যরূপে নির্দিষ্ট ছিল। সেইরূপ প্যারীচরণ সরকারের *First book* বা ইংরেজী প্রথম ভাগ হইতে আরম্ভ করিয়া উচ্চতর শ্রেণীর পাঠ্যরূপে একই পুস্তক প্রচলিত থাকায় ছাত্রগণকে অর্থাৎ ছাত্রের অভিভাবকদিগকে প্রতি বৎসর নূতন পুস্তক কিনিবার দারে পড়িতে হইত না। জ্যেষ্ঠ সহোদর যে বই স্কুলে পড়িয়াছে কনিষ্ঠও সেই বই স্কুলে পাঠ করিত। এমনকি অনেক সময় পিতা-পুত্র উভয়েই “কথামালা”, “বোধোদয়”, “চরিতাবলী”, “পঞ্চ-পাঠ”, “চাক্রপাঠ”, “First book”, “Second book” পাঠ করিবার সুযোগ পাইত। কিন্তু আজকাল আর সে ব্যবস্থা নাই। এখন প্রায় প্রতি বৎসরই নূতন পাঠ্য পুস্তক কিনিতে হয়। যে পাঠ্য পুস্তক বড় ভাই পড়িয়াছে, সে পাঠ্য পুস্তক ছোট ভাইয়ের বেলায় একেবারে অচল। প্রতি বৎসরই নূতন নূতন পাঠ্য পুস্তক ক্রয়ের জন্য ছাত্রের অভিভাবকদিগকে হুশিচিন্তাগ্রস্ত হইতে হয়। এই পাঠ্য পুস্তক পরিবর্তনের ফলে পাঠ্য পুস্তকের বাজারেও কিরূপ অসাধুতা প্রবেশ করিয়াছে তাহা আজিকার দিনে বিশেষ ভাবে আলোচনার যোগ্য।

লয়

শ্রীমধুসূদন চট্টোপাধ্যায়

দিবস-শরীরী যে সুখ খুঁজে মরি
তাতে যে কঙ্কী তোমার কোঁতুক,
কুলের ক্রীড়াভূমি যতই অবতরি
তুমি যে অবসাদ—এ তব যোঁতুক !

ভোগের পাত্রটি না হতে নিঃশেষ
জাগে যে মরণম নূতন পাত্রের।
তাই তো প্রত্যয়—কোথাও অবশেষ
আছে এ হৃদয় নীলাভ রাত্রের।

তুমি সুখ তাই করিতে চাই লয়,
চরম সুখ তুমি—তোমাতে পাব লয়।



SOONDER & DURROAWN

Engraved by Ramchand Roy

সুন্দরের বন্ধমান প্রবেশ

শিল্পী—রামচাঁদ রায়, ১৮১৬

সেযুগের ধাতু-খোদাই ও কাঠ-খোদাই শিল্প

শ্রীবোগেশচন্দ্র বাগল

বাংলাদেশে মুদ্রায়ত্ত্ব প্রতিষ্ঠিত হয় অষ্টাদশ শতাব্দীর শেষ-পাদে। ইহারও বহু পূর্বে পর্তুগীজরা গোয়ার, এবং ব্রিটিশ ভারতে বোম্বাইয়ে প্রথম মুদ্রায়ত্ত্ব স্থাপিত হইয়াছিল। অষ্টাদশ শতাব্দীতে ইউরোপে মুদ্রণশিল্প বেশ উন্নতিলাভ করে। আমরাও ইংরেজের সংস্পর্শে আসিয়া এই উন্নতির সুযোগ লাভ করি।

বাংলাদেশে হুগলী শহরে প্রথম মুদ্রায়ত্ত্ব কোম্পানীর আনুকূল্যে স্থাপিত হয়। এখানেই নাথানিয়েল হ্যালহেড-কৃত, ইংরেজী ভাষার মাধ্যমে প্রথম বাংলা ব্যাকরণ মুদ্রিত হইয়াছিল। ইহাতে ব্যবহৃত বাংলা শব্দ ও বাক্যাবলীর অক্ষর খোদাই করিয়াছিলেন ওয়ারেন হেষ্টিংসের আগ্রহাতি-শয়ে কোম্পানীর সিবিলিয়ান কর্মচারী চার্লস উইলকিন্স। মুদ্রণকার্য্য প্রসারের সঙ্গে সঙ্গে গ্রন্থাদি চিত্রিত করিবারও তাগিদ আসে তখনকার কৃতীদের মনে। এই তাগিদের বশে এদেশে তক্ষণশিল্পের উৎপত্তি ও প্রচলন। খোদাই-চিত্র সম্বন্ধে ইতিপূর্বে কিছু কিছু আলোচনা হইয়াছে।*

এই সকল আলোচনায় সেযুগের কাঠ-খোদাই ও ধাতু-খোদাই চিত্র সম্বন্ধে তথ্যাদি প্রধানতঃ সন্নিবেশিত হইয়াছে। উনবিংশ শতাব্দীর বঙ্গসংস্কৃতির বিষয় অনুসন্ধানকালে এইরূপ আরও বহু নূতন তথ্য আমার গোচরে আসিয়াছে। পূর্বে আলোচনা-সমূহের পরিপূরকরূপে সেগুলি এখানে পরিবেশন করিব।

২

বঙ্গীয় এশিয়াটিক সোসাইটির আনুকূল্যে প্রকাশিত 'এশিয়াটিক রিসার্চেস'-এর প্রথম খণ্ড প্রকাশিত হয় ১৭৮৮ খ্রীষ্টাব্দে। এই খণ্ডে সোসাইটির প্রতিষ্ঠাতা মার্ উইলিয়ম জোন্স লিখিত "On the Gods of Greece, Italy and India" শীর্ষক একটি প্রবন্ধ বাহির হইয়াছিল। এই প্রবন্ধে ভারতীয় দেব-দেবীর চৌদ্দখানি চিত্র দেবনাগরী অক্ষরে নামসহ মুদ্রিত হয়। দেখিলে বুঝা যায়, এগুলি সমুদয়ই ধাতু-খোদাই চিত্র। আমি বাংলাদেশে মুদ্রিত পুস্তক-পুস্তিকা বা পত্র-পত্রিকা যাহা দেখিয়াছি তাহার মধ্যে এইটিই প্রথম সচিত্র। যতদূর জানা যায়, ভারতচন্দ্র রায়ের 'অন্নদামঙ্গল ও বিদ্যাসুন্দর' কাব্যগ্রন্থ কলিকাতা হইতে গঙ্গাকিশোর ভট্টাচার্য্য সর্বপ্রথম চিত্রিত করাইয়া প্রকাশ করেন। এই পুস্তকে ছয়খানি চিত্র আছে। ইহার মধ্যে দুইখানির সঙ্গে 'Engraved by Ramchand Roy' বা 'রামচাঁদ রায় কর্তৃক খোদিত' এইরূপ উল্লেখ আছে।

* ১। আধুনিক কাঠ-খোদাই-চিত্র (Wood-Cuts)—শ্রীনীরোদচন্দ্র চৌধুরী ও শ্রীসঞ্জনীকান্ত দাস, প্রবাসী, আশ্বিন ১৩৩৪।

২। খোদাই-চিত্রে বাঙালী (প্রাচীন কাঠ-খোদাই)—ব্রজেননাথ বন্দ্যোপাধ্যায়, সাহিত্য-পরিষৎ-পত্রিকা ৪৬শ ভাগ (১৩৪৬), ২য় সংখ্যা।

৩। বাংলার প্রাচীন ধাতু-খোদাই চিত্র—ব্রজেননাথ বন্দ্যোপাধ্যায়, প্রবাসী, আশ্বিন ১৩৫০।

১৮১৭, জুলাই মাসে কলিকাতা নগরীতে ক্যালকাটা স্কুল-বুক সোসাইটি গঠিত হয়—প্রধানতঃ ইংরেজী এবং বাংলা-ভাষায় স্মৃষ্টি পাঠ্য পুস্তক প্রকাশ ও প্রচারের উদ্দেশ্যে। সোসাইটির দ্বিতীয় বার্ষিক বিবরণে মূল উদ্দেশ্যের সহায়ক আরও কয়েকটি আনুষঙ্গিক কার্যের কথা এইরূপ পাওয়া যাইতেছে :

“The more general introduction and the improvements of the arts of printing, engraving in all its branches and the humble though very useful art of type-cutting are objects which naturally fall within the province of this society, not merely as collateral but as subsidiary to its main design.” (Second Annual Report, 1818-19, p. 20).



গণেশ

—‘এশিয়াটিক বিসাতেস’, ১৭৮৮

মুদ্রণ ও অক্ষর-নিষ্কাশন শিল্পের সঙ্গে সঙ্গে বিভিন্ন ধরনের খোদাই-চিত্র বা তক্ষণশিল্পের প্রবর্তন এবং উন্নতিসাপনেও সোসাইটি তৎপর হইয়াছিলেন। এই রিপোর্টে দেখিতেছি, *Joyce's dialogues On Mechanics and Astronomy* নামীয় পুস্তকে ধাতু-খোদাই চিত্র সংযোজিত করা হইয়াছিল। ইহার শিল্পী ছিলেন বাঙালী কাশীনাথ মিস্ত্রী। উক্ত বিবরণীতেই কাশীনাথের কৃতিত্বের এইরূপ উল্লেখ পাইতেছি :

“The highly creditable execution of the plates by a native artist, Casbeemath Mistree, deserves particular mention, as evincing the progress already made by the natives in the elegant and useful art of engraving on copper. That art they owe to the efforts of a member of this society, . . .”


৩

১৮১৮-১৯ সাল পর্যন্ত একাধিক সচিত্র পুস্তকের এবং দুই জন দেশীয় খোদাই-চিত্রশিল্পীর উল্লেখ পাইলাম। ১৮২০, সেপ্টেম্বর মাসে প্রকাশিত ত্রৈমাসিক ‘ফ্রেণ্ড অফ ইণ্ডিয়া’র প্রথম সংখ্যায় “On the Native Press” শীর্ষক একটি তথ্যবহুল প্রবন্ধ প্রকাশিত হয়। এই প্রবন্ধ হইতে জানা যায়—তখনই অনেকগুলি পুস্তকে চিত্র সংযোজিত হওয়ায় তাহা সাধারণের নিকট বিশেষ আদরনীয় হইয়াছিল। এই সকল চিত্র-খোদাইকারী শিল্পীরূপে উক্ত প্রবন্ধে হরিহর বন্দ্যোপাধ্যায় নামে আর এক জন কৃতী ব্যক্তির উল্লেখ আমরা পাই। ‘ফ্রেণ্ড অফ ইণ্ডিয়া’র কথাগুলি এখানে আংশিক উদ্ধৃত হইল :

“Many of these works are accompanied with plates which add an amazing value to them in the opinion of the majority of native readers and purchasers. Both the design and execution of the plates have been exclusively the effort of a native genius; and had they been printed on less perishable materials than Patna Paper, the future Wests, and Lawrences and Wilkies of India might feel some pride in comparing their productions with the rude delineations with their barbaric fore-fathers. . . . They are in general intended to represent some powerful action of the story; and happy is it for the reader that this action of the hero or the heroine is mentioned at the foot of the plate; for without it the design would be unintelligible; the plates cost in general a gold mohur, designing, engraving and all; for in the infancy of this art, as of many others, one man is obliged to act many parts. Thus Mr. Hurce Hur Banerjee, who lives at Jorasanko, performs all the requisite offices from the original outline, to the full completion. . . . The plates which he and others have executed from European designs, have been tolerably accurate and not discreditable for neatness, . . .”

জোড়াসাঁকো-নিবাসী হরিহর বন্দ্যোপাধ্যায় এবং তাঁহার মত আরও কেহ কেহ যে এই শিল্পে নিয়োজিত থাকিয়া দক্ষতা অর্জন করিয়াছিলেন, উপরের উদ্ধৃতিতে তাহার আভাস রহিয়াছে। তবে হরিহরের বিষয়েই এখানে বিশেষ ভাবে বলা হয়। তাঁহাকেই অক্ষয়, খোদাই সবই একা করিতে হইত। ইহার পর ক্রমে ক্রমে আরও পুস্তক এবং পত্রিকাদি চিত্রসহ প্রকাশের ব্যবস্থা হইতে লাগিল। ১৮২২, ফেব্রুয়ারী হইতে পাদ্রী লসন এবং পাদ্রী ডবলিউ. এইচ. পীয়ার্সের যুগ্মসম্পাদনায় ‘পশ্চাবলী’ নামে একখানি মাসিক-পত্র প্রকাশিত হয়। প্রতি মাসে এক-একটি জন্তুর সম্বন্ধে আঙ্গোচনা থাকিত এবং সেই সেই জন্তুর প্রতিচিত্র ইহাতে


মুদ্রিত হইত। এই চিত্র খোদাই করিতেন পাত্রী লসন স্বয়ং। প্রকাশ, তাঁহার নিকটে কোন কোন বঙ্গসন্তান এই শিল্প শিক্ষা করিয়াছিলেন। এ সময় হইতে আরও পুস্তক চিত্রিত হইয়া প্রকাশিত হইতে থাকে, যথা: 'সঙ্গীততরঙ্গ'—প্রকাশকাল ১৮১৮, 'গৌরীবিলাস' ১৮২৪, 'বত্রিশ সিংহাসন'—১৮২৪, 'কালী কৈবল্যদায়িনী'—১৮৩৬, 'ভগবদ্গীতা'—১৮৩৬, প্রভৃতি। ১২৪২ ও ১২৪৩ বঙ্গাব্দে সচিত্র নূতন পঞ্জিকা বাহির হইল। উপরে তিন জন বাঙালী শিল্পীর নাম আমরা এ পর্যন্ত পাইয়াছি। তাঁহারা ব্যতীত বিশ্বস্তর আচার্য্য, রামধন স্বর্ণকার, মাধবচন্দ্র দাস, রূপচাঁদ আচার্য্য, রামসাগর চক্রবর্তী, বীরচন্দ্র দত্ত প্রমুখ আরও কয়েকজন শিল্পীর নাম পাওয়া যায়। শ্রীরামপুর মিশন প্রেসের সুবিখ্যাত কন্স্ট্রাক্শন মিন্স্ট্রীর পুত্র কৃষ্ণ মিন্স্ট্রীও একজন সুনিপুণ



পুষ্পোদ্যান

[১৮৫৫ সনে প্রকাশিত *On Flowers and Flower-Garden* হইতে

শেষে আর্থিক বিপর্যায় উপস্থিত হওয়ায় কলিকাতা স্কুল-বুক সোসাইটির কার্য্য সঙ্কুচিত হইয়া যায়। ব্যক্তিগত ভাবে যাহারা পুস্তকাদি প্রকাশে লিপ্ত ছিলেন তাঁহারাও বিশেষ ক্ষতিগ্রস্ত হন। এজন্য পঞ্জিকা এবং স্বল্পসংখ্যক গ্রন্থ ও পত্রিকা ব্যতিরেকে তক্ষণশিল্পের ব্যাপক প্রয়োগ সম্ভব হয় নাই। ফলে এই শিল্পের উন্নতির পক্ষেও অত্যন্ত ব্যাঘাত ঘটে। এ সময় কলিকাতায় আর একটি প্রতিষ্ঠান স্থাপিত হইল—নাম "Vernacular Literature Committee" বা "বঙ্গভাষানু-বাদক সমাজ"। ইহার প্রতিষ্ঠাকাল—ডিসেম্বর ১৮৫০। এই সমাজের আনুকূল্যে পর বৎসর রাজেন্দ্রলাল মিত্রের সম্পাদনায় বিলাতের পেনী ম্যাগাজিনের আদর্শে 'বিবিধার্থ সঙ্গহ' নামক সচিত্র মাসিক প্রকাশিত হইল। ইহাতে যে সব চিত্র মুদ্রিত হইত তাহার প্লেট আনা হইত লণ্ডন হইতে। বঙ্গভাষানুবাদক সমাজের প্রধান উদ্যোগী বেথুন সাহেব প্রথম বৎসরেই বিলাত হইতে এরূপ প্রায় আশীখানা ব্লক আনা হইয়াছিলেন। বাংলাদেশে তখনও কম মূল্যে দেব-দেবীর চিত্রাদি ব্যতীত অত্যাচারিত চিত্রের ব্লক করাইবার রেওয়াজ হয় নাই। ১৮৫১ সনে প্রকাশিত 'হরপার্বতী-মঙ্গল'ও দেব-দেবীর চিত্র সমন্বিত।



UNNO POORNAH.
অন্নপূর্ণা।

—'অন্নদামঙ্গল', ১৮১৬

তক্ষণশিল্পী রূপে পরিচিত হইয়াছিলেন। এই সকল শিল্পী কাঠ-খোদাই এবং ধাতু-খোদাই উভয়প্রকার শিল্পকর্মে পারদর্শী হইয়া উঠিয়াছিলেন। তাঁহারা বিশেষ করিয়া দেব-দেবীর মূর্তিই খোদাই করিতেন। তখন চিত্রশিল্পে নূতন পদ্ধতি বা ভাবধারা প্রবর্তিত না হওয়ায় এ শিল্পেও গতানুগতিকতার ব্যতিক্রম তেমন লক্ষ্য করা যায় না।

গত শতাব্দীর তৃতীয় দশকের গোড়ায় এবং চতুর্থ দশকের

বাংলা দেশে দেশী-বিদেশী বিদগ্ধজনের মধ্যে তক্ষণ-শিল্পের উন্নতি ও প্রসারের প্রয়োজনীয়তা বিশেষ ভাবে অনুভূত হইতে লাগিল। এই প্রয়োজন মিটাইতে আর একটি প্রতিষ্ঠান বিশেষ সহায়ক হয়। ১৮৫৪ সনের আগষ্ট মাসে শিল্পোন্নতি-সমাজের আনুকূল্যে 'School of Industrial Art' বা শিল্পবিদ্যালয় কলিকাতায় প্রতিষ্ঠিত হয়।



শ্রী হৃদয়গোপাল কৃষ্ণ —

দশভূজা

শিল্পী—বিশ্বস্তর আচার্য্য, ১৮২৪

বর্তমান ‘গবন মেন্ট কলেজ অফ আর্ট এণ্ড ক্র্যাফট’ বা কলামহাবিদ্যালয়ের পূর্বজ এই শিল্পবিদ্যালয়। এই বিদ্যালয়ের একজন প্রধান উদ্যোক্তা এবং প্রথম যুগ্ম-সম্পাদক ছিলেন রাজেন্দ্রলাল মিত্র। তিনি পূর্বেই ‘বিবিধার্থ সমূহ’ সম্পাদনাকালে তক্ষণশিল্প-চক্ষুর আবশ্যিকতা বিশেষ ভাবে উপলক্ষ্য করিয়াছিলেন, শিল্পবিদ্যালয় প্রতিষ্ঠিত হইলে তক্ষণশিল্প বা কাঠ-খোদাইয়ের কাজ ইহার একটি প্রধান শিক্ষণীয় বিষয় বলিয়া ধার্য হইল। ধাতু খোদাইয়ের কাজও শিক্ষা দেওয়া হইবে বলিয়া ঘোষিত হইলেও এখন বরাবর কাঠ-খোদাই শিক্ষা দেওয়ার ব্যবস্থা হয়। বিলাত হইতে টি. এফ. ফাউলার নামক একজন বিখ্যাত তক্ষণশিল্পীকে এই বিষয়টি

শিক্ষা দিবার জন্ম আনানো হইল। ১৮৫৫ সনের মাঝামাঝি এ বিষয়ে যে সূচরূপে শিক্ষা দেওয়া হইতেছিল, নিম্নের পত্রাংশ হইতে তাহা জানা যাইতেছে :

“In the other hall were about 30 boys drawing and engraving on wood, under the direction of an able professor Mr. Fowler. I was much gratified at the skill evinced both by the pupils and the instructors of the Institution, the success of which during the short period of its establishment, in August 1854, is indeed wonderful.” (*The Bengal Hurkaru and the India Gazette*, May 17, 1855).


শিল্পবিদ্যালয়ে তখন অধ্যাপক ফাউলারের নিকট ত্রিশ জন ছাত্র তক্ষণশিল্প শিক্ষায় রত ছিলেন। বাহির হইতেও

এই বিভাগ তক্ষণকার্যের 'অর্ডার' গ্রহণ করিতেন। ইহার বাবদে যে মূল্য পাওয়া যাইত তাহার এক অংশ কমিশন-স্বরূপ শিক্ষার্থী ছাত্রেরাও পাইতেন। এইরূপ ব্যবস্থা থাকার দরুন ছাত্রগণ বিশেষ মনোযোগের সহিত তক্ষণশিল্প স্বল্পসময়ে আয়ত্ত করিয়া ফেলিতেন। একটি ব্যাপারে শীঘ্রই ইহার প্রমাণ পাওয়া গেল। ১৮৫৫ সনের সেপ্টেম্বর মাসে তৎকালীন হিন্দু মেট্রোপলিটান কলেজের অধ্যক্ষ সুকবি ও সুপণ্ডিত ডি.এল. রিচার্ডসনের *On Flowers and Flower-Gardens* শীর্ষক একখানি পুস্তক কলিকাতায় মুদ্রিত হয়। এই পুস্তকের জন্ম কয়েকখানি কাঠ খোদাই ডিজাইনও রক করিয়া দেন শিল্পবিদ্যালয়ের ছাত্রেরা। পুস্তক-প্রকাশের পূর্বেই ছাত্রদের এতাদৃশ কৃতিত্বের কথা সংবাদপত্রের স্তম্ভে ঘোষিত হয়। এখানে এই সংবাদটিও উদ্ধৃত করিতেছি :

"The employment of Mr. Fowler has done eminent benefit to the School of Industrial Art. Several of his pupils have so improved that the wood-cuts that will adorn the pages of the work of Capt. L. L. Richardson *On Flowers and Flower-Gardens* have for the most part been prepared for them. From our knowledge of the performance we are able to say that they have been neatly executed, and reflect much credit on pupils and instructors." (Quoted from *The Citizen in The Bengal Hurkaru*, etc., for July 5, 1855.)

৫

শিক্ষা-বিভাগের ডিরেক্টর বা শিক্ষা-অধিকর্তার নির্দেশে এই সময় যে *Aesop's fables* (ঈশপের গল্প) প্রকাশিত হয় তাহার কাঠ-খোদাই চিত্রগুলিও শিল্পবিদ্যালয়ের ছাত্রদের দ্বারা করানো হইল। ছাত্রদের কাজে নৈপুণ্য হেতু বাহির হইতেও বিভিন্ন ব্যবসায় এবং শিল্প-প্রতিষ্ঠান তাহাদের নিজ নিজ প্রয়োজনমত চিত্রের কাঠ-খোদাইয়ের অর্ডার দিতে থাকে। এই বিভাগ দ্বারা একটি অর্ধাঙ্গমের উপায় হইয়া



জগদ্ধাত্রী

শিল্পী—বামধন স্বর্ণকার, ১২৪৩ বঙ্গাব্দ

দাঁড়াইল। দুই-তিন বৎসরের মধ্যে তক্ষণশিল্পে বিদ্যালয়ের সুনাম অধিকতর ব্যাপ্ত হইয়া পড়িল। প্রতি বৎসর পরীক্ষা গ্রহণান্তে সাধারণ সভা করিয়া উৎকৃষ্ট ছাত্রদের পুরস্কার বিতরণ করা হইত। এইরূপ একটি পুরস্কার-বিতরণী সভার পূর্ণ বিবরণ ১৮৫৮, ১৩ই সেপ্টেম্বর সংখ্যার 'বেঙ্গল হরকরা'য় পাইয়াছি। কলিকাতা টাউনহলে সুপ্রীমকোর্টের অস্থায়ী প্রধান বিচারপতি সার আর্থার বুলারের পৌরোহিত্যে এই পুরস্কার-বিতরণ-উৎসব সম্পন্ন হয় ঐ সনের ২ই সেপ্টেম্বর। তক্ষণশিল্পে পারদশিতা দেখাইয়া এই শ্রেণীর ছাত্র কালিদাস পাল প্রথম পুরস্কার লাভ করেন। দ্বিতীয় পুরস্কার পান এই শ্রেণীর নিমাইচরণ শেঠ। নিমাইচরণ দাস এবং প্রসন্নকুমার রায়কে নৈপুণ্যের নিদর্শন স্বরূপ সার্টিফিকেট দেওয়া হয়। সভাপতি বুলার শিল্পবিদ্যালয় বিভিন্ন শাখার অক্ষুশীলনের প্রয়োজনীয়তা প্রতিপাদন করিয়া একটি সাবসিডি বক্তৃতা প্রদান করিয়াছিলেন। বক্তৃতাটি হইতে তক্ষণশিল্প বিষয়ক অংশ এখানে দিলাম :

"The inconvenience of having no one here who

could engrave on wood has long been experienced by every person engaged in scientific pursuits, and they had heretofore no alternative but to do without illustrations altogether, which would simply render their works unintelligible, or to submit to the delay and expense to an artist at home. But now, the Engineer's Journal is brought to this School for its engravings. Mr. Oldham, the Geologist, thankfully accepts its aid; and here too come in daily increasing numbers, the tradesmen who want to decorate their advertisements and to give a crowning alterations to their periodical puffs. But it is to the native portion of the community that this art should have its peculiar charm. European children are born as it were with picture books in their hands, and from the moment almost of their being able to discern external objects become familiar with pictorial art. But native children have ordinarily no such advantage, and this no doubt is the principal reason of their growing up even to manhood with such ridiculously confused notions of shape and form. But in a few years this School might turn out a set of wood-engravers who would provide picture-books for every child and adult in Bengal, and I doubt not that future generations would give rapid proof of the benefit of this unconscious instruction. You may form some idea of the perfection to which this art may hereafter be brought from these specimens of what the pupils have been able to turn out after a few months' teaching.*

উপরি-উদ্ধৃত অংশে সভাপতি বুলার এই মর্মে বলেন যে, এ যাবৎ পুস্তকে বা পত্রিকায় চিত্রের প্রতিলিপি মুদ্রণ একরূপ অসম্ভব ছিল। শিল্পবিদ্যালয় প্রতিষ্ঠার পর হইতে এই অভাব অনেকটা দূরীভূত হইয়াছে। এখন 'ইঞ্জিনিয়ার্স জর্ন্যাল' চিত্রিত হয় এখানকার কাঠ-খোদাই কাজের দৌলতে। ভূতত্ত্ববিদ ওল্ডহাম ভূতত্ত্ববিষয়ক চিত্রাদি প্রকাশে এস্থান হইতে সাহায্য লইয়া থাকেন। কিন্তু এ বিদ্যার উন্নতি হইতে এখনও অনেক বাকী, ইউরোপে শিশু-পাঠ্য পুস্তক কেমন সুন্দর চিত্রিত হইয়া থাকে! ওখানকার বালকেরা শৈশব হইতেই রং ও রূপের বাহার অনুভব করে। এই অনুভূতি হইতে ভারতীয় শিশুরা বঞ্চিত। বুলার এই আশা পোষণ করেন যে, হয়ত সেদিন দূরে নয় যখন বিদ্যালয়ের ছাত্রেরা তক্ষণশিল্পে সুনিপুণ হইয়া এই দিকের অভাবও নিরাকৃত করিতে সমর্থ হইবেন।

* The Bengal Hurkaru, etc., September 13, 1858.

ইহার পরও বহু বৎসর যাবৎ কলিকাতার শিল্পবিদ্যালয়ে তক্ষণশিল্প ব্যবসায়গত ভাবে শিক্ষাদানের ব্যবস্থা বলবৎ ছিল। পঞ্চম দশকের শেষ ভাগ হইতে বিভিন্ন পুস্তক ও পত্রিকা দেশীয় তক্ষণশিল্পীদের কাঠ-খোদাই চিত্রে বেশী করিয়া চিত্রিত হইতে দেখিতে পাই।

৬

ভারতীয় অন্যান্য শিল্পবিদ্যালয়েও তক্ষণশিল্প শিক্ষা দেওয়া হইতেছিল। এই বিদ্যা আয়ত্ত করিয়া বহু যুবক জীবিকার উপায়স্বরূপ এই শিল্পবৃত্তি গ্রহণ করিতে থাকেন। প্রথমনাথ বসু ১৮৯৪ সন নাগাদ লিখিয়াছেন :

"Of late years wood-engraving has made considerable progress in large towns. The reading public has learnt to appreciate illustrated books and magazines, and the demand for wood-cuts is increasing year by year. The men engaged in the work are mostly ex-students of the schools of Art, and the work they execute, when done with care, is not inferior to what is done in Europe. This industry may be recovered as one solely due to English influence."*

এখানে তক্ষণশিল্প বা কাঠ-খোদাই কাজের কথা বিশেষ করিয়া বলা হইল। ঊনবিংশ শতাব্দীর প্রথম পাদেই যে কোন কোন বঙ্গসন্তান খাতু-খোদাই চিত্রেও পারদর্শী হইয়াছিলেন, আগেই আমরা তাহা জানিতে পারিয়াছি। বিদ্যালয়ে শিক্ষা দেওয়া না হইলেও, ব্যক্তিগত ভাবে কেহ কেহ এই বিভাগটিও জীয়াইয়া রাখিয়াছিলেন। ইদানীন্তন কালে খাতু-খোদাই চিত্রেরই বহুল প্রচলন, এবং তাহাই ক্রমশঃ উৎকর্ষের দিকে অগ্রসর হইতেছে। শত শত লোক আজ এই শিল্পের দ্বারা জীবিকার সংস্থান করিয়া লইতেছেন। অধুনা শিল্পবিদ্যালয়ে কাঠ-খোদাই চিত্রের রচনা বা শিল্পের রীতিপদ্ধতিই শেখানো হইয়া থাকে, খোদাই বা ব্লক তৈরির কাজ এখন প্রায়ই শেখানো হয় না। গত শতাব্দীতে পুস্তক ও পত্রিকা মুদ্রণের সঙ্গে সঙ্গে যে শিল্পের সূচনা, আজ তাহা আশ্চর্য্য উন্নতিলাভ করিয়াছে। আর্থার বুলারের আকাঙ্ক্ষা এবং আশাও অক্ষরে অক্ষরে ফলিতে চলিয়াছে। ইহা কম সৌভাগ্যের কথা নহে।

* A History of Hindu Civilization Under British Rule, Vol. II, p. 229, 1894.

গান্ধীজী ও পল্লী-সভ্যতা

শ্রীবিজয়লাল চট্টোপাধ্যায়

পৃথিবীতে দুর্বলের কোন স্থান নেই। বসুন্ধরা বীরভোগ্যা। শক্তির—পশুশক্তির নয়, আত্মিক শক্তির সাহায্যেই আমরা রাষ্ট্রীয় স্বাধীনতা অর্জন করেছি। এবার অর্থনৈতিক, সামাজিক এবং নৈতিক স্বাধীনতা অর্জনের পালা দেশের লাগো লাগো তমসচ্ছন্ন পল্লীর জন্তে। এই স্বাধীনতা অর্জনও শক্তিসাপেক্ষ। ভারতবর্ষ যদি পেট ভরে পুষ্টিকর খাদ্য খেতে পায় তবেই সে আবার শক্তিমান হয়ে উঠবে। ভারতের যে আজ এত দুর্গতি—তার মূলে অন্ন-ভাব। শরীরের সঙ্গে মনের সম্পর্ক অত্যন্ত নিকট। সুসম খাদ্যের অভাবে আমাদের দুর্বল মস্তিষ্ক ঠিক মত চিন্তাও করতে পারে না।

এই খাদ্য যাদের পরিশ্রমে উৎপন্ন হয় তারা সহরের লোক নয়, গ্রামের লোক। সুতরাং পল্লীর মানুষের শ্রমের উপরে নির্ভর করে সমাজের সমস্ত শক্তি এবং স্বাস্থ্য, না, সমাজের অস্তিত্ব পর্য্যন্ত। যে দেশের প্রাণবন্ত চাষীরা গ্রাম্য উপজীবিকায় পবিত্র থেকে পল্লীর মাটিতে বসবাস করছে সে দেশকে কখনও দুর্ভাগা বলা যেতে পারে না। পক্ষান্তরে যে দেশে চাষীরা গ্রাম্য জীবনের প্রতি বীতশ্রদ্ধ হয়ে শহরের দিকে ধাওয়া করেছে সে দেশ নিশ্চয়ই অভিশপ্ত। তার প্রকাণ্ড প্রকাণ্ড আকাশচুম্বী অট্টালিকার আড়ম্বর পোকায় খাওয়া ফলের বাহিরের রক্তিমার মত।

গ্রামের লোকের পরিশ্রমে কি শুধু খাদ্যশস্যই উৎপন্ন হয়? ছোট-বড় শিল্পের জন্ম যে কাঁচা মালের প্রয়োজন—তারও সৃষ্টি চাষীর পরিশ্রম থেকে। আর একটা কথা। আমাদের এই কৃষিপ্রধান দেশে শতকরা ৭৫ থেকে ৮০ ভাগ লোক কৃষিজীবী। এমতাবস্থায় আমাদের দেশের আগামী কালের অর্থনৈতিক ভাগ্য যার উপরে নির্ভর করছে সে হচ্ছে ভূমি আর চাষ-আবাদ। জমি আর কৃষিই হচ্ছে আমাদের দেশের সম্পদের মূল ভিত্তি। এখানে আর একটা কথার উল্লেখ থাকা প্রয়োজন। তৈরী মাল হোক অথবা যে কোন মালই হোক—তাদের খরিদার হ'ল বেশীর ভাগ গ্রামেরই লোক। সুতরাং আগামী দিনগুলিতে আমাদের সমস্ত মন দিয়ে চেষ্টা করতে হবে যাতে গ্রামবাসীদের মঙ্গল হয়, যাতে তাদের ক্রয়-ক্ষমতা বৃদ্ধি পায়, যাতে তারা মানুষের মত বাঁচতে পারে।

এর জন্তে দরকার এমন ভাবে গ্রাম্য জীবনকে সংগঠিত করা যাতে গ্রামবাসীরা নিজেদের প্রয়োজনীয় জিনিষপত্র গ্রামেই তৈরী করে নিতে পারে। কেবল নিজেদের প্রয়োজনমত খাদ্য এবং অল্পাংশ সামগ্রী তৈরী করে ক্ষান্ত থাকলেই হবে না। শহরগুলিকেও বাঁচিয়ে রাখার প্রয়োজন আছে। গ্রামবাসীদের আরও কিছু অতিরিক্ত দ্রব্যসত্তার উৎপাদন করতে হবে শহরবাসীদের প্রয়োজন মেটাবার জন্তে। বাঁচবার জন্তে যে-সব জিনিসের প্রয়োজন আছে সেগুলোকে তৈরী করবার জন্তে বৃহৎ যন্ত্রশিল্পের উপরে জোর দেওয়া

কোন কাজের কথা নয়—এই কথাটি গান্ধীজীর নানা লেখার মধ্যে আমরা খুঁজে পাই। জীবনসাম্রাজ্যে গান্ধীজী একখানি ছোট পুস্তিকা লিখেছিলেন গঠনবর্ষ সম্পর্কে। এই পুস্তিকাখানিতে খাদির তাৎপর্য সম্পর্কে যা লেখা হয়েছে তার মধ্যে আছে :

“খাদির পূর্ণ তাৎপর্য হৃদয়ঙ্গম করে তবে একে গ্রহণ করতে হবে। পরিপূর্ণ স্বদেশী মনোভাবের প্রতীক হ'ল খাদি। বাঁচতে গেলে যা যা দরকার সবকিছু ভারতেই তৈরী হবে এবং সেগুলি তৈরী হবে গ্রামবাসীদের পরিশ্রমে এবং বুদ্ধিবলে—এই সঙ্কল্পেরই প্রকাশ খাদির মধ্যে।”

এখানে শহরের উপরে নয়, গ্রামের উপরেই জোর দেওয়া হয়েছে। খাদির আলোচনাপ্রসঙ্গে পুনরায় লিখছেন :

“খাদি-মনোভাব মানে বাঁচার জন্তে যা যা প্রয়োজনীয় সে সকলের উৎপাদনে এবং বণ্টনে বিকেন্দ্রীকরণের নীতির অনুসরণ। প্রতিটি পল্লী তৈরী করবে তার প্রয়োজনীয় সমস্ত দ্রব্যসামগ্রী এবং সেগুলি ব্যবহারও করবে। অতিরিক্ত আরও কিছু তৈরী করবে শহরগুলির প্রয়োজন মেটাবার জন্তে।”

এখানে দেখতে পাই গান্ধীজী গ্রামকে প্রাধান্য দিতে গিয়ে শহরকে একেবারে উপেক্ষা করেন নি। তবে এ কথা ঠিক যে তাঁর স্বরাজের পরিকল্পনায় শহরগুলিকে অতিক্রম করে আছে গ্রাম। শহর থাকবে গ্রামের পরিচর্যার জন্তে। এই প্রসঙ্গে আর একটা কথারও উল্লেখ থাকা দরকার। কুটিরশিল্পকে নিশ্চয়ই তিনি প্রাধান্য দিয়েছেন কিন্তু বৃহৎ শিল্পকেও তার প্রাপ্য মূল্য দিতে কুণ্ঠিত হন নি। জাতির সম্পদ বাড়ানোর জন্তে বিদ্যুতের শক্তিকে কাজে লাগানো দরকার—এ কথা বার বার তিনি বলেছেন। বৈহাতিক শক্তির উৎপাদন কুটিরশিল্পের সাহায্যে সম্ভব নয়। আসলে গান্ধীজীর মধ্যে কোনরকমের গোড়ামি ছিল না। জাতিধর্মনির্বিশেষে সমস্ত মানুষের কল্যাণ ছিল তাঁর লক্ষ্য। সেই কল্যাণের পথে যা কিছু সহায় হবে বলে তিনি বিশ্বাস করতেন তাকেই গ্রহণ করবার মত সত্যানুভব ছিল তাঁর চরিত্রের বৈশিষ্ট্য। সমস্ত আদর্শেরই তিনি যাচাই করতেন লোক-সেবার কষ্টিপাথরে। কুটির-শিল্পের দ্বারা যেখানে জাতির কল্যাণের পথ প্রশস্ত হবে সেখানে কুটিরশিল্পই প্রাধান্য পাবে; সর্বসাধারণের মঙ্গলের জন্তে যেখানে বৃহৎশিল্পের প্রয়োজন আছে সেখানে বৃহৎশিল্পকে মিশ্রয়ই গ্রহণ করতে হবে।

গ্রামীণ সভ্যতাকে গৌরবের মধ্যে পুনঃপ্রতিষ্ঠিত করা এ যুগের বৃহত্তম ~~প্রয়োজন~~—এই বিরাট সত্যে গান্ধীজীর মনে অণুমাত্র সংশয় ছিল না। দেশের অধিকাংশ লোকই কৃষিজীবী, তাদের শ্রমের উপর নির্ভর করে সমাজের অস্তিত্ব, জাতির সম্পদ। সুতরাং

যেখানে তাদের মঙ্গল নেই সেখানে দেশের কোন মঙ্গল নেই। এই অক্ষয় যুক্তির দ্বারা প্রভাবিত হয়ে বহু বৎসর পূর্বে বঙ্কিমচন্দ্র 'বঙ্গদেশের কৃষক' প্রবন্ধে গ্রামকেই প্রাধান্য দিয়েছিলেন। গান্ধীজী এই ব্যাপারে বঙ্কিমচন্দ্রেরই পদাঙ্ক অনুসরণ করেছেন।

পল্লী-সভাতার উপরে গান্ধীজী এতখানি যে জোর দিয়েছেন তার একটা বড় কারণ আছে। মাটি আমাদের সকলের মা। প্রকৃতির কাছ থেকে আমরা সংগ্রহ করি আমাদের জীবন-রস। যেখানে প্রচুর রৌদ্রালোক নেই, নিখিল বাতাস নেই সেখানে আমাদের জীবন কি শুকিয়ে যায় না? জাতির প্রাণের উৎস, স্বাস্থ্যের উৎস তাই গ্রাম। মানুষের সভ্যতা এবং সংস্কৃতিকে গান্ধীজী দিতে চেয়েছেন একটা নূতন রূপ। নীল নিখিল আকাশের নীচে সবুজ বনানীঘেরা প্রান্তরের মধ্যে ছোট ছোট স্বাবলম্বী গ্রাম—গান্ধীজীর মনে ছিল স্বরাজের এই লোভনীয় ছবি। এই ছবিকে জাতির জীবনে মূর্ত্ত করে তুলবার সাধনা ছিল তাঁর জীবনব্রত। আমাদের এই সভ্যতাকে তিনি দাঁড় করাতে চেয়েছিলেন সেখানে যেখানে রৌদ্রালোকিত আকাশে ভেসে চলেছে সাদা সাদা মেঘ, যেখানে বাতাসে মধু, বনে বনে মধুরধনি, বিস্তীর্ণ প্রান্তরে স্নিগ্ধ শ্যামলিয়া। নক্ষত্রগচিত অনন্ত আকাশের প্রশান্তি, সমুদ্রের সীমাহীন বিস্তার আমাদের চিত্তকে মুক্তি দেয় প্রাত্যহিক তুচ্ছতার বন্ধন থেকে, তাকে প্রসারিত করে দেয় দিক থেকে দিগন্তরে বিরাটের মধ্যে। মার্কিন কবি হুইটম্যান গেয়েছিলেন :

'এখন আমি জানতে পেরেছি শ্রেষ্ঠ মানুষ কৈরির রহস্যকে। সে রহস্য মুক্ত বাতাসের মধ্যে মাটির কাছাকাছি বাস করা।'

এ যুগের রাষ্ট্রনায়কদের মধ্যে গান্ধীজীই বোধহয় একমাত্র ব্যক্তি যিনি মানুষের মনে দিয়েছেন একটা নূতনতর সভ্যতা ও সংস্কৃতির ছবি। এই সভ্যতা শহুরে সভ্যতা নয়, গ্রামীণ-সভ্যতা। এই সংস্কৃতির মূল গ্রামের মাটিতে, বিকাশ মুক্ত প্রকৃতির আনন্দময় বিস্তারের মধ্যে। আসলে গান্ধীজীর মন ছিল রূপশিল্পীর মন।

সেই মনকে জুড়ে ছিল স্বন্দরের স্বপ্ন। বিলাতে তখন তিনি গিয়েছেন গোলটেবিল বৈঠকে। এক মেমসাহেব তাঁর ছবি আঁকছেন। তুলিটা তাঁর কাছ থেকে নিয়ে ছবির নীচে গান্ধীজী লিখলেন : 'আমিও একজন পটুয়া। আমার পটভূমি ভারতবর্ষ।' গ্রামময় ভারতের জয় হোক।

উপসংহারে এই কথা বলতে চাই যে, আমাদের এই কৃষিপ্রধান দেশে শিল্পকে তার মূল্য দিতেই হবে—কিন্তু আরও বেশী মূল্য দিতে হবে কৃষিকে। কৃষির স্বচ্ছন্দ গतिकে অব্যাহত রেখে তার সঙ্গে তাল রেখে চলতে হবে শিল্পকে। বহু শিল্পেরও প্রয়োজন আছে নিশ্চয়ই, কিন্তু তার আয়তনের এবং আওয়াজের বিপুলত্বের দ্বারা অভিভূত হয়ে কৃষিকে উপেক্ষার দৃষ্টিতে দেখলে আমরা আত্ম-হত্যার পথে এগিয়ে যাব। লাঙ্গলের পিছনে যে মানুষটি আছে দাঁড়িয়ে, ভারতীয় জীবননাট্যে রঙ্গমঞ্চের কেন্দ্রকে অধিকার করে আছে সে। তাকে নেপথ্যের অনাদবের মধ্যে রেখে যা কিছু আমরা গড়তে যাব তা হবে বালুকার উপরে ইমারত গড়ার চেষ্টার মত একটা বিরাট পণ্ডশ্রম। প্রকৃতির সঙ্গে জীবন্ত যোগ রেখে পল্লী-সভ্যতাকে গড়ে তোলাই যে এ যুগের বহুতম প্রয়োজন—এ কথা পাশ্চাত্যের মনীষীদেরও অনেকে আজ স্বীকার করেছেন। মাটি থেকে বিচ্ছিন্ন হয়ে, প্রকৃতির কোল থেকে দূরে গিয়ে বিরাট জনাকীর্ণ শহরের মধ্যে পাশ্চাত্যের প্রাণ আজ হাঁপিয়ে উঠেছে। নাগরিকদের জীবনের উপরে শহুরে সভ্যতার বিষময় প্রভাব আজ স্পষ্ট হয়ে ধরা দিয়েছে পাশ্চাত্যের চিন্তাবীরদের কাছে। মার্কিন ঔপন্যাসিক সিনক্লেয়ার লুইসের 'রাবিট', আইরিস কবি ও দার্শনিক A. B'র The National Being, ইংরেজ কবি এডওয়ার্ড কার্পেন্টারের রচনা—এদের মধ্যে যে সতর্কবাণী উচ্চারিত হয়েছে তা প্রণিধান-যোগ্য। গান্ধীজীর লেখার মধ্যে একই সুর। এইজন্তে পল্লী-সভ্যতার উপরে গান্ধীজীর গুরুত্ব আরোপের মধ্যে যারা প্রগতিশীল মনের কোন পরিচয় দেখতে পান না, তারা নিজেরা কতখানি প্রগতিশীল তা ভাববার কথা।

অভয়ের গান


শ্রীশৈলেন্দ্রকুমার লাহা

ওনেছি নেছি আমি নূতনের অপূর্ব আহ্বান।
ব্রহ্মাঙ্গ-নিষ্কাশে বাঞ্ছ দেশে দেশে আজি বৈজ্ঞানিক,
জ্ঞানহারা, পথভ্রাস্ত, ভুলে গেছে তারা দিগ্বিদিক,
সৃষ্টির দুয়ারে বসি' করিতেছে মৃত্যুর সন্ধান।
বিশ্বের প্রলয়-অগ্নি প্রজ্জ্বালনে নিয়োজিত জ্ঞান;
শক্রমিত্র-নির্কিশেষে গ্রাসিবে সে, হায় মূর্খ ধিক,
প্রাণের তপস্বী ত্যজি' এ-সাধনা কেন দানবিক?
নিষ্ঠুর হিংসার পায় মানবকে দিবে বলিদান?

আত্মা জয়ী, মৃত্যু নয়। শোন শোন জীবন-সঙ্গীত ?
এ জগৎ প্রাণময়, নাহি ভয়, নাহি তার ক্ষয়,
মানব অমৃতপুত্র, ফিরে পাবে সে দিবা সন্ধ্যা,
তমসা অনিত্য, হেথা দেখা দেবে চিরজ্যোতিষ্ময়।
হে কবি, জীবন-যজ্ঞে তুমি আজ হও পুরোহিত,
নূতন আহ্বান করে, বল জয়—জীবনের জয়!

তড়িৎ-লতা

শ্রীপ্রতুলচন্দ্র গঙ্গোপাধ্যায়



আজ প্রায় ত্রিশ বছর পরেও বিহুদাকে ভুলতে পারলাম না। জীবনের এই দীর্ঘদিনের অস্তুরালে আমার পরিবর্তন হয়েছে অনেক। তখন ছিলাম ছাত্র, পরে হলাম ডেপুটি মাজিষ্ট্রেট—ইংরেজ আমলে ভারতীয় হয়ে গৌরীশঙ্ক-আরোহণ বলতে হয়। এখনও অবসর-গ্রহণের সময় হয়ে যাওয়ার পরও এক্সটেনসন পেয়ে চাকরীতে বহাল আছি। তারপর থেকে কত সহযাত্রী পেয়েছি, কত হারিয়েছি অস্ত নেই! তাদের কেউ বিশ্বাসিত অতল অঙ্ককারে ডুবে গেছে, অনেকের স্মৃতি আবার মেঘলা দিনের মত ঘোলাটে হয়ে আছে। কিন্তু ঐ যৈ সৌম্য, শান্ত, শক্ত চোয়ালওয়ালা মানুষটা বিহুদা—সে কিন্তু আজও আমার মনে রৌদ্রকরোজ্বল দিবার মতই আপন গরিমায় উদ্ভাসিত।

ভুলব কি করে—এমন মানুষ কি ভোলা যায়! আমি ভোগের মান গাঙ্গে। পদ-গৌরব, মান-সম্মান, লোকের খোশামোদ, দাস-দাসী, ঘর উজল করে আছেন স্ত্রী স্ত্রী, ভরে আছে পুত্রকণা—সম্প্রতি জুটেছে এক নাতি শৈশবের সবটুকু আনন্দ নিয়ে। লোকে বলে আমার সবটুকুই লাভের ঘরে, আমার সুখের জীবনে এখনও জোয়ারই চলছে, অর্থাৎ ভাটার চিহ্নমাত্রও নাকি নেই! অনেক শুনে শুনে আমার মনেও তাই প্রতীয়মান হচ্ছে।

আর বিহুদা সর্বব্যাপী সন্ন্যাসী—কিন দেশকে সত্যিকার ভালবেসে নিজের সমস্ত জলাঞ্জলি দিয়েছেন; কোন ক্ষোভ নেই, কোন নালিশ নেই। মহৎ আদর্শের জগৎ দুঃখকে মহা আনন্দে রূপায়িত করবার এক অপূর্ণ জ্যোতি দেখেছি বিহুদার আয়ত ঐ চোখ দুটিতে।

একেবারে নিশ্চিহ্ন হয়ে নিজেকে তিনি বিলুপ্ত করে গেছেন। যে নামটুকুর উপর লোভ ভোগৈশ্বর্য ত্যাগের পরেও মানুষের মনে জেগে থাকে, যার লোভে কত দুর্জয় সাহসের কাজ, এমন কি নিশ্চিত মরণ পর্যন্ত বরণ করে নেয়, সেই নামটুকুকেও তিনি নিজেই মুছে নিয়ে গেছেন। তিনি অনামা, অখ্যাত ও অজ্ঞাত জীবনই চিরটা কাল যাপন করে গেছেন।

কাগজ কলম নিয়ে বসেছি পুরানো কথা—বিহুদার কথা লিখব এমন সময় আমার কণা তার শিশুপুত্রটিকে কোলে নিয়ে এসেই বললে—“বাবা স্নান করবে না? বেলা গেল যে!”

তৎক্ষণাৎ লালাবাবুর কথা মনে পড়ে গেল। মেয়ের মুখে এই রকম একটা কথা শুনে তার মনে বৈরাগ্য এল, তিনি সকল ঐশ্বর্য ছেড়ে, গৃহত্যাগ করে বৃন্দাবন গলে গেলেন। কিন্তু এই কথাটাই আমাকে আমার বিগত জীবনের ইতিহাস শ্রবণ করিয়ে দিয়ে লজ্জা দিয়ে গেল। আমি মনে মনে বললাম—“মা, বেলা আমার আগেই বয়ে গেছে। তাকে আর ফিরে পাব না।” “যাচ্ছি

মা,” বলে থোকার দিকে হাত বাড়াতোই আমার কণা তার পুত্রকে আমার সম্মুখে ধরলে। থোকা আমার দিকে তাকাল না, সামনে কাগজ আর কালির দোয়াত তাকে আকর্ষণ করল। কম্পিত হস্তে কাগজ হুমড়ে ছুই হাতে মুড়ে, দোয়াতটা উল্টে দিয়ে টেবিলময় কালি ছড়িয়ে গিল গিল করে হেসে উঠল। মনে মনে হাসি পেল—বিধাতাও বুঝি চান না বিহুদার স্মৃতি থাক এই পৃথিবীর বুকে।

বিহুদার কথা বলতে গিয়ে নিজের কথাই দেখি লিখতে বসে গেলাম। চিরটা কাল নিজের কথাই ভাবলাম, তাই এখন সুখের ভারে ভুয়ে পড়েছি, দুঃখের গৌরবের সন্ধান পেয়েও হারিয়েছি।

বিহুদার সঙ্গে আমি একই ক্রাশে পড়তাম। ফি বছর তিনিই প্রথম হতেন, আমিও মোটামুটি ভাল ছাত্রই ছিলাম। তিনি আমার চেয়ে বয়সে একটু বড় ছিলেন।

একবার মনে আছে বাৎসরিক পুস্তক বিতরণী সভায় তিনি অনেকগুলি বই পেলেন। সেবার আমিও পেয়েছিলাম কয়েকটা বই। উৎসব-শেষে আমরা দুজন একসঙ্গেই বাড়ী ফিরছিলাম। একটু নিঃস্বপ্ন পথে আসতেই দেখলাম তিনি পুরস্কারের কথা লেখা পাতা-গুলি টুকবো টুকবো করে ছিড়ে ফেলে দিলেন। মুখে তিনি কিছুই বললেন না। পরে দেখলাম বইগুলো জন দুই ছাত্রের পাঠ্যপুস্তকে পরিণত হয়েছে। এমনিভাবে ভালমানুষি আর তাকে গোপন করবার চেষ্টা এক এক সময় অত্যন্ত অসহ বোধ হ'ত! কখনও সিদ্ধান্ত করতাম আসলে ওটা একান্তই ভণ্ডামি আর নয় ত তিনি একটি আকাট মূর্খ! এ জগৎ তাঁর মনে আঘাত দিতে একটুও ক্রটি করি নি, তাঁর মূর্খতা প্রতিপন্ন করবার জগৎ চেষ্টাও কম করি নি। কিন্তু এত সমালোচনা থাকে নিয়ে তাঁর এ বিষয়ে কোন মাথাবাথা দেখি নি। পাথরে মাথা খোড়বার মতই আমাদের এই আক্রোশ বার্থ হ'ত! লাভ হ'ত এই যে তাঁর নিঃশব্দ ক্ষমা আমাদের ক্রোধ শতগুণ বাড়িয়ে তুলত!

২

তখন স্বদেশী আন্দোলনে দেশ প্রাবিত। বন্দেমাতরম আর বিদেশী পণ্যবর্জনের ধ্বনিতে আকাশ-বাতাস মুগ্ধিত। বিলিভী বস্ত্রের অগ্নিতে ভাবী মুক্ত ভারতের আকাশ উদ্ভাসিত। স্কুল-কলেজের ছেলেমা এবং প্রধানতঃ যুবসমাজ এর পুরোভাগে। চারিদিকে সভাসমিতি, বক্তৃতা, পিকেটিং, কারাবরণ।

আমাদের বিদ্যালয়ে ছেলেদের সভার সর্বসম্মতিক্রমে প্রস্তাব পাস করা হ'ল এই বস্ত্রে সে সবাইকে এক প্রতিজ্ঞাপত্রে সহি করতে হবে যার ~~স্বদেশী~~ হ'ল এই যে বিদেশী বস্ত্র কমাচ ব্যবহার করব না।

কাড়াকাড়ি পড়ে গেল কে কার আগে দস্তখত করবে। বিহুদা

সভায় এক কোণে এতক্ষণ নীরবে দাঁড়িয়ে ছিলেন। সকলের দৃষ্টিতে শেষ হওয়ার পরও তাকে এগোতে দেখলাম না। তারপর সভায় কর্তৃপক্ষ তাঁকে ডাকল দৃষ্টিতে কবতে। কিন্তু আশ্চর্য্য এই যে তিনি গম্ভীর মুখে না করলেন এবং বললেন “বিদেশী দ্রব্য কপাচ ব্যবহার করব না,” এই প্রতিজ্ঞা পালন করা সম্ভব হবে না। কয়েক মুহূর্তের জন্ত সবাই একটু আশ্চর্য্য হয়েছিল, কিন্তু তা ঐ ক্ষণ-টুকুর জন্তই! অচিরেই যে দিক্কার, টিটকারী, উপহাস ও লাঞ্ছনা বর্ষিত হয়েছিল বিহুদার উপর, তা সেদিন উপভোগ করেছিলাম সত্য, কিন্তু পরে তার জন্ত নিজের মমেই লজ্জিত হয়েছি একান্ত ভাবে।

যারা হজুগের শ্রোতে গা ভাসিয়ে দেয় তারা নীরব তৃতীয় নিষ্ঠাকে বুঝতেও পারে না—বুঝতে চায়ও না। একটু ছাঁস থাকলে জানতে পারতাম বিহুদা বিলিভী দ্রব্য সাধামত ব্যবহার করতেন না—বিলিভী বস্ত্র ত একেবারেই নয়। তাই বিহুদার চেহায়ায় কোন গ্লানিই দেখতে পাই নি। যে লোক পরোপকারী, দুঃখ-বেদনা গোচাতে যে লোক নিজের সবকিছু হাসিমুখে বিসর্জন দিতে পারে, সে কেন বাহাডুর এমনি করে এড়িয়ে চলে সে রহস্যজাল আজও ভেদ করতে পারলাম না।

লাঙ্গলবন্ধে স্নানযাত্রা উপলক্ষে মেলা বসত। লক্ষাধিক লোক আসত দূরদূরান্তর থেকে সেই মেলায়। পুণাকামী সবলপ্রাণ নরনারী তখন যে কতভাবে লাঞ্ছনা ভোগ করত তার ইয়ড়া নেই—গ, জোড়োর, পকেটমার, নিদারুণ অব্যবস্থা, তার উপর অসুখ-বিসুখের ত কথাই নেই! সেকালের পুলিশের শাস্তিরক্ষার ব্যবস্থায় লোকের অশাস্তি আরও বাড়িয়ে তুলত।

সেবার স্নানযাত্রা উপলক্ষে আমাদের বিদ্যালয়ে সভা করে স্বৈচ্ছাসেবক দল গঠিত হ’ল। স্বৈচ্ছাসেবক হ’ল অনেক। বিহুদাকে অনুবোধ করা হ’ল, তিনি রাজী হলেন না। লোকচক্ষে তিনি আর এক ধাপ নেমে গেলেন। কিন্তু আমরা সেখানে গিয়ে কাম্প পেতে দেখলাম আমাদের আগেই বিহুদা এসে উপস্থিত এবং এসেই তিনি স্নানযাত্রীদের নিয়ে বাস্তু।

সেই থেকে মেলা একেবারে ভেঙে যাওয়ার শেষ মুহূর্ত পর্যন্ত বিহুদার যে কপ্পশক্তি দেখলাম তা চোখে না দেখলে বিশ্বাস করতে পারতাম না।

মেলাশেষে পত্রিকার ফটোগ্রাফার এলেন আমাদের ছবি তুলতে। কাগজে ছবি উঠবে, লক্ষ লক্ষ লোক তা দেখবে; তাই ভেবে আনন্দে, গৌরবে বৃকের ছাতি দশ হাত ফুলে উঠল! সবাই সার-বন্দী দাঁড়িয়ে গেলাম। কিন্তু বিহুদা এলেন না, অনুবোধ করতে তিনি বললেন—“না ভাই, আমি ও আর স্বৈচ্ছাসেবকের তালিকাজুক্ত নই, আমার যাওয়া ঠিক নয়।”

বিহুদা কি মানুষ!

প্রায় সমবয়সী হয়েও বিহুদাকে বুঝতে পারি নি। অথচ তাঁর উপর বত আক্রোশই থাকুক না কেন তাঁর আকর্ষণ কখনও উপেক্ষা করতে পারি নি।

তিনি লোক এড়িয়ে চলতেন। কিন্তু লক্ষ্য করেছি কয়েকটি ছেলে তাঁর বিশেষ অনুগত। আশ্চর্য্য এই যে এদের মধ্যে ছিল অনেক উচ্চ ক্লাসের ছেলে। কিছুদিনের মধ্যেই বুঝতে পারলাম—এরা বিহুদার কথায় এমনি বাধ্য যে তাঁর হুকুম পেলে পিতামাতার আদেশ অমান্য করতেও এরা কুণ্ঠিত হ’ত না। বিহুদার আদেশ পালন করতে গিয়ে বিদ্যালয়ের কোন শাস্তিভোগকেই এরা শাস্তি মনে করত না।

আমার সহজাত প্রবৃত্তি হচ্ছে অনুগত্য। তারই ফলে আমি ক্রমশঃই তাঁর প্রভাবের আওতায় গিয়ে পড়লাম। অনেক অনিচ্ছা এবং দোষ-ত্রুটিও আমাকে সেই প্রভাব হতে রক্ষা করতে পারে নি!

আমাদের বিদ্যালয়ের প্রাঙ্গণের এক কোণে ছিল একটা মস্ত অশ্বখ গাছ। তারই নীচে বসত ওদের আড্ডা। পাঠ্যপুস্তকের বাইরের বই নিয়েই ছিল ওদের বেশী আলোচনা। অনেক দিন দেখেছি বই ছাড়াও ওদের আলোচনা চলছে।

বাইরের বড় একটা কেউ ওদের আড্ডায় যেত না এবং ওরাও নিত না। তবে আমি ও আর দুই একটি ছেলে মাঝে মাঝে যেতাম। আমাকে কখনও বারণ করে নি।

রামায়ণ, মহাভারত, গীতা, বঙ্কিমচন্দ্র এবং স্বামী বিবেকানন্দের পুস্তকাবলী ও এই সঙ্গে বিভিন্ন দেশের স্বদেশহিতৈষী মহাত্মাদের জীবনী, যুগযুগান্তের মহৎ নরনারী ছিল ওদের আলোচ্য। লোক-হিতার্থে কে কোথায় আত্মোৎসর্গ করেছে, কে আশ্রিতের রক্ষায় নিজেকে বলি দিতে কুণ্ঠিত হয় নি, কুস্তী কিক্রমে অপরের প্রাণ-রক্ষার্থে নিজের পুত্রকে রাক্ষসের মুখে পাঠিয়েছিলেন, শিবরাজা কিক্রমে একটা কপোতের প্রাণের বিনিময়ে নিজ দেহের মাংস দান করেছিলেন, বৃদ্ধদেব কিক্রমে মানবের দুঃখমোচনার্থে স্ত্রী-পুত্র ও রাজসিংহাসন পরিত্যাগ করেছিলেন, এই সঙ্গে আবার ম্যাটসিনি, গ্যারীবল্ডি, ওয়াশিংটন, বাণা প্রতাপ, শিবাজী, গুরুগোবিন্দ সিং প্রভৃতির পুণ্য চরিতকথা তাঁরা আলোচনা করতেন। ইংরেজের শাসন ও শোষণ, দুর্ভিক্ষ এবং তার প্রতিকারের উপায়ও তাঁরা আলোচনা করতেন। এই সমস্ত কথা যখন বিহুদা বলতেন তখন তাঁর চোখে দীপ্তি কুটে উঠত, তার ক্ষণিক আলোকে আমার মনের অন্ধকারে শুধু বিজলী-চমকই হ’ত, কিন্তু আমি তখনও তাঁর আদর্শ বুঝতেও পারতাম না, অনুসরণ করা ত দূরের কথা।

এখন বুঝতে পারছি—এসব আলোচনার মাধ্যমে চেষ্ঠা হ’ত এক দল দৃঢ়চতা কন্যাগোষ্ঠী সৃষ্টি করা যাদের কাছে “জীবন-মৃত্যু পায়ের ভৃত্তা, চিন্তা ভাবনাইন।”

মুগ্ধ যুগের মতই অপলকনেত্রে আলোচনা শুনেছি। হৃদয়ে রক্তচলাচল শুনেতে পেতাম, উত্তেজিত হয়ে উঠত! বেশী দিন আর নিরপেক্ষ দর্শক হয়ে থাকতে পারলাম না। আমার মনের অন্ধকার সম্পূর্ণরূপে দূর না হলেও ভবিষ্যতের এক উজ্জ্বল দিনের আশায় যে অনুপ্রাণিত হয়েছিলাম তাতে কোনই সন্দেহ নেই।

আমি নিয়মিত ওদের সভায় যোগ দিতে লাগলাম।

৪

কিছুদিনের মধ্যেই বিহুদাকে অবশ্য অন্তর্দান হতে হ'ল। কারণ অনুমান করা সত্ত্বেও কাউকে বলি নি, কেননা সেটা নিরাপদ নয়। কিন্তু চলে যাওয়ার প্রত্যক্ষ কারণ হিসেবে যা ঘটেছিল তা বলছি—

পরীক্ষা হচ্ছে। বিহুদা আমার সামনের বেঞ্চিতে বসে পরীক্ষা দিচ্ছেন। গার্ড সামনে দিয়ে এগিয়ে যাচ্ছিলেন। ধপ করে একটা আওয়াজ হ'ল। তিনি পিছন ফিরে একখানা বই বিহুদার পায়ের কাছ থেকে কুড়িয়ে নিলেন এক রকম ছোঁ মেরেই। পাতা উন্টে দেখলেন বিহুদার নাম। ঠুকে জিজ্ঞেস করে জানলেন বইটা ঠুই, তাতে সন্দেহ নেই। গার্ডের ক্র কুঞ্চিত হ'ল, একটু যেন দ্বিধাগ্রস্ত হলেন—এমন ভাল ছেলে তার এই কাজ! কিন্তু হাতে-নাতে ধরা পড়েছে এতে আর সন্দেহ কি আছে! স্বপ্ন নিশ্চয়ই নয়। বিহুদার খাতাখানা তিনি নিয়ে, ঠুকে আদেশ করলেন বেরিয়ে আসতে। ক্ষণেকের তরে বিহুদার প্রশান্ত মুখে যেন একটা বিমূঢ় ভাব এল।

অমনি অবস্থায় ধরা পড়লে, ছাত্রের মুগের ভাব ফাঁসীর আসামীর মতই হয় বলে আমার বিশ্বাস। কিন্তু বিহুদার চোখে তার বিন্দুমাত্র আভাস নেই। নির্দিকার শাস্ত। ওখানে অন্ততঃ হুঁশ ছেলে পরীক্ষা দিচ্ছিল, গার্ড ছিলেন প্রায় জনা পাঁচেক, হেড-মাস্টার মশায়ও স্বয়ং উপস্থিত ছিলেন। উপস্থিত সকলের মুখ থেকে উচ্চারিত ও অনুচ্চারিত যে ধিকারের গুঞ্জনধ্বনি উঠেছিল তার সবটা যাকে বিদ্ব করেছিল সে হচ্ছে আমি স্বয়ং! কিন্তু সবাই জানল, বিহুদা এত ভাল ছেলে হয়েও তার এমনি অধঃপতন। বিস্মিত হয়েছিল সকলেই, কিন্তু শেষ পর্যন্ত সবাই স্বীকার করল যে উপর দেখে কোন মানুষকে আসলে চেনা যায় না।

আমি নীরব, নিথর, অধোবদন। আমার হাত, পা যেন ক্রমশঃ অবশ হয়ে আসছিল! দাঁড়িয়ে থাকলে হয়ত পড়ে যেতাম। ঐ শীতের মধ্যেও গা ঘর্ম্মাক্ত হয়ে উঠল। প্রতি মুহূর্তেই মনে হচ্ছিল যে প্রকৃত অপরাধী এখনি ধরা পড়ে যাবে। বিহুদা নিশ্চয়ই আত্মপক্ষ সমর্থন করবার জ্ঞান আসল কথা প্রকাশ করে দেবেন। কিন্তু একটা কথা না বলে, একটা প্রতিবাদ না করে তিনি হ'ল থেকে বেরিয়ে গেলেন। সেই হ'ল তার স্থল থেকে শেষ বেরিয়ে যাওয়া।

বাইয়ের আচরণ দেখে যে লোকের অন্তর চেনা যায় না তার উজ্জ্বল প্রমাণও আমি। নয়ত আমাকে দেখে সেদিন সকলে প্রকৃত অপরাধী নিশ্চয়ই চিনতে পারত। আমিই আগের দিন বিহুদার কাছ থেকে বইখানা চেয়ে নিয়ে এসেছিলাম। গার্ডকে সামনে দিয়ে যেতে দেখে কোলের বইখানা সামলাতে গিয়ে উকুর উপর দিয়ে গিয়ে পড়ল বিহুদার পায়ের সামনে।

আমি সেদিন আর পরীক্ষা দিতে পারলাম না। মনের অবস্থা লেখবার মত ছিল না। অন্তঃস্থতার ভান করে বেরিয়ে গেলেও

মানসিক স্মৃতি যে আমার সম্পূর্ণ ছিল না তাতে আর সন্দেহ কি। বাকি পরীক্ষাগুলিও আর দিলাম না। ফল অবশ্যম্ভাবী। সবাই আপশোষ করলে। আমি কিন্তু খুব হুঃগিত হই নি। আংশিক হলেও কৃত কর্মের কিঞ্চিৎ প্রায়শ্চিত্ত করলাম।

পরের ভাল করতে গিয়ে নিজের ক্ষতি হয়ত আরও লোকে করে, কিন্তু 'অমূকের ভাল করতে গিয়ে আমার এই ক্ষতি হ'ল এই কথাটুকু বলবার লোভ সঞ্চার করতে আজ পর্যন্তও বেশী লোককে দেখি নি।

শুধু যে সেদিনই তিনি আমার নাম প্রকাশ করেন নি তা নয়—পবেও কোন দিন নয়।' এজ্ঞ তার কাছে ক্ষমা চাওয়া বৃথা। যে লোক এত বড় শাস্তি, বিনা প্রতিবাদে, বিন্দুমাত্র ফোভ প্রকাশ না করে গ্রহণ করতে পারে—সে এ সবেই অনেক উর্দ্ধে তাতে আর সন্দেহ কি। কিন্তু কি সেই পরশমণি যার ছোঁয়া লেগে এ সবেই বাইরে গিয়েছিলেন তা জানতে কোঁতুহল ছিল খুবই। তাই একদিন অল্প কথার মধ্যে সুযোগ পেয়ে জিজ্ঞাসা করেছিলাম—আচ্ছা বিহুদা, দুর্নামটা কি এতই তুচ্ছ!

হেসে জবাব দিয়েছিলেন, সত্যি কি জানিস ভাই, সুনাম-দুর্নাম ও দুটোই হচ্ছে মানুষের দেওয়া। মানুষ মানুষকে কতটুকু জানতে পারে বল দেখি? অপর মানুষের আমরা যখন মূল্য নির্ধারণ করি তখন তার মধোকার অমূল্য বস্তুর সন্ধান ত আমরা বড় পাই নে। মানুষের বানানো কথা গ্রাহ্য করে হুঃখ পেয়ে লাভ কি?

আর একদিন কি একটা কথার মাঝে বিহুদা বললেন, "দেখ নীতিশ, লোকে যখন দুর্নাম করে, তখন আত্মবিচার করে দেখি বাস্তবিক আমি নিন্দাহঁ কিনা, যদি তাই হয় তবে তা সংশোধন করতে লেগে যাই তৎক্ষণাতঃ। কিন্তু যদি মিথ্যা দুর্নাম হয় তবে তাতে বিচলিত হয়ে নিজের মনে অশান্তিই বা কেন ডেকে আনব আর এর ফলে দুর্নামকারীর সুখই বা বাড়িয়ে দেব কেন?"

বহুদিন থেকেই চুসকের আকর্ষণে নিজের অন্তর আকৃষ্ট হচ্ছিল। এই ঘটনা সেই চুসকক্ষেত্র করল পরিপূর্ণ। বিহুদার কাছে সম্পূর্ণ ভাবে আত্মসমর্পণ করলাম। কিছুদিনের মধ্যেই দীক্ষিত হলাম গুপ্ত সমিতির সভ্যরূপে।

৫

বিহুদার অজ্ঞাতবাসের প্রকৃত ঠিকানা আমরা কেউ জানতাম না। কোঁতুহল থাকলেও উপায় ছিল না। কেননা সমিতির নিয়ম, এক সভ্যের অবস্থান সম্পর্কে অপর সভ্য প্রয়োজন ব্যতিরেকে অনুসন্ধান করতে পারবে না।

বছর দেড়েক পরে—

আমাদের জেলার সদরকে দ্বিগুণিত করে একটা প্রশস্ত খাল বসে গেছে। তারই একটা পুলের উপর দিয়ে যাচ্ছি, পাশেই বাজার, ঠাৎ যেন—~~সদর~~—নামকেন চাই বাবু, ভাল নামকেন। কঠোর অন্তরকে বিদ্ব করল। কিরে তাকিয়ে বিষয়ে হতবাক হয়ে গেলাম, চোখ বগড়ে নিলাম—দিবাশ্বপ্ন দেখছি না ত,এ যে বিহুদা!

হাঁটুর উপর একখানা ময়লা কাপড় পরা, খালি গা, কাঁধে একখানা গামছা ঝাঁজ করা। তেল, চিরুনী, নাপিতের কাঁচি বোধ হয় মাসতিনেক মাথায় পড়ে নি। গায়ের চামড়া পসপসে গড়ি উঠছে। গৌরবরণ কাস্তি রোদে পুড়ে একেবারে তামাটে বঃ ধয়েছে। পা ফুটিফাটা।

আমার মানসিক অবস্থাটা অনুমান করে ওঁর চোখে হাসি নেচে উঠল। দাঁড়িয়ে ছিলেন বাস্তার ধারে কতকগুলি নারকেল ছড়িয়ে। আমায় বললেন, এ আর কি বাবু, নৌকোর ভিতর আছে আরও অনেক। আসুন একবার দেখলে পছন্দ হবে নিশ্চয়।

ওঁর দৃষ্টি অনুসরণ করে দেখলাম অদূরে নারকেল বোঝাই একখানা নৌকা। লগ্নী হাতে দাঁড়িয়ে আছে আমাদেরই অপর এক সহকর্মী।

এর মাহাত্ম্য বোঝা আমার পক্ষে অসাধ্য। ব্রত উদযাপন কি মানুষকে এমনি করেই করতে হয়! হঠাৎ খেয়াল হ'ল এমনি বিস্মিত চোখ হয়ত বিপদ ডেকে আনতে পারে, তাই ক্রোতার অভিনয় করতে হ'ল।

নৌকোয় গেলাম। বিহুদা ছিলেন আমার আগে। তিনি লাফিয়ে উঠলেন। নৌকোটা সরে গিয়ে ধাক্কা লাগল আর একটা চলন্ত ডিস্ট্রি গায়ে। মাঝি একটু টাল পেয়েছিল। টাল সামলে একটা তন্দ্রীল শব্দ উচ্চারণ করে বললে, চোখে কি দিয়েছিস রে শালা? বললে, শালা, চোখ পেয়েছিস না কি দেগে উঠতে পারিস নে! বিহুদা বিলম্ব না করে, কথায় ততোধিক ঝাঁঝ মিশিয়ে যে ভাষায় তাকে উত্তর দিলেন তা লিপে প্রকাশ করা ত দূরের কথা, কোন ভদ্রলোকের ছেলে এমনি কথা মুখে আনতে পারে এ ভাবতেও পারি নি কোন দিন। বিহুদার হ'ল কি? মাঝি বাপার স্ত্রীদেব নয় দেগে বিড় বিড় করতে করতে চলে গেল।

অনাচার কি করে প্রবেশ করেছে তাই ভাবছিলাম আমাদের অপর সহকর্মীকে খেলো ছকোয় তামাক টানতে দেগে। বিহুদাও দেখলাম ওঁর হাত থেকে ছকোটা হ্যাচকা টানে নিয়ে গোটা দুই জোরে টান দিয়ে ঘোঁয়া ছাড়তে ছাড়তে বললেন, চলুন বাবু মশাই, নারকেল আছে ভেতরে—পছন্দ করবেন, আসুন। কথা শেষ করেই তিনি মাথা নীচু করে নৌকোর ছইয়ের মধ্যে ঢুকে পড়লেন।

ছইয়ের মধ্যে ঢুকব কি ঢুকব না এমনি মনে ইতস্ততঃ করছিলাম। তবুও শেষ পর্যন্ত না দেগে যাওয়া সঙ্গত নয়। তাই ভিতরে ঢুকে পড়লাম। আমার অবস্থাটা বিহুদা অনুমান করেই হাসি চাপতে গিয়ে আমাকে জড়িয়ে ধরে পিঠ চাপড়ে বললেন, কিরে, খুব অবাক হয়েছিস যে। আরে ভাই—যখন যেমন, তখন তেমন। মাঝি হয়ে ভদ্র কথা আর পোশাক কোনটাই মানায় না। তামাক টানা ত মাঝিদের জীবনের একটা অপরিহার্য অঙ্গ। তামাক ত তামাক, দরকার হলে গাজায়ও এক টান ~~হবে~~। অল্প সাধারণ জীবনে আমরা তন্দ্রীল কথা উচ্চারণ করি নে, তামাক-সিগারেট পর্যন্ত খাই নে।

আমি জিজ্ঞাসা করলাম, ধূমপান ত আমাদের নিষিদ্ধ। দাদা এ সব জানেন?

বিহুদা হেসে জবাব দিলেন, তিনি জানলে বলবেন কিরে, দরকার হলে নিজেও করেন। তিনি ত এমনি নির্দেশ দিয়েছেন। মাঝি হয়ে ভদ্রলোকের মত আচরণ এখন অপরাধ। জানিস, সে-দিন ভারী মজা হয়েছিল। নটে নৌকোর মাঝি হয়েছে। পবের দিন সকালে টুথ ব্রাশ দিয়ে দাঁত মাজতে শুরু করলে। দাদা নৌকোতেই ছিলেন। তিনি বিরাশি ওজনের এক চড় কষিয়ে দিলেন ওর গালে, আর ব্রাশটা নদীর জলে ফেলে দিলেন। বললেন, ব্রাশ দিয়ে দাঁত মাজলে দুদিনেই সবসুদ্ধ ধরা পড়তে পারবে। আসল কথা কি জানিস, যখন যে ভূমিকায় অবতীর্ণ হবি তার অভিনয়টুকু হওয়া চাই নিখুঁত। স্নোকের বাহবা কিংবা হাততালির জগ্ন নয়, আমাদের উদ্দেশ্যসিদ্ধির পথকে প্রশস্ত করবার জগ্ন। এ সব কথা থাক।

কথা শেষ করেই বিহুদা পাটাতনের নীচ থেকে ভাঁজ করা কয়েকখানা কাগজ বার করে আমার হাতে দিয়ে আমায় বললেন—এগুলো কালকের মতো দাদার হাতে পৌঁছে দিবি। দ্বিতীয় কথা, পরন্তু আমরা একশনে বেরব। ঠিক হয়েছে তোকেও সঙ্গে নেওয়া। এই একশন কথাটার আমাদের সমিতির পরিভাষার অর্থ ছিল ডাকাতি। ডাকাতি শব্দটার উচ্চারণ বাইরের লোকের কৌতূহল জাগতে পারে, তাই এই সাক্ষেতিক শব্দটাই আমরা ব্যবহার করতাম। কেমন ঠিক হয়েছে ত?

দলভুক্ত হয়েছি আজ অনেক দিন। কিন্তু প্রত্যক্ষ একশনে বেরতে পারি এমনি বিহুস্ততার পর্যায়ে গেছি ভেবে মনটা নেচে উঠল। বইয়ে পড়া রোমাঞ্চ সস্তি হয়ে উঠবে আমার জীবনে। মন আনন্দে নেচে উঠল। কিন্তু তার পেছনে যে অনিশ্চয়তা যুরে বেড়াচ্ছে জীবন্ত হয়ে, তা যে মনকে শঙ্কিত করে নি তা নয়—তবে পিছু হটতেও মন চাইল না। তাই যথাসম্ভব দৃঢ় স্বরে জবাব দিলাম, আমার অমত কিসের। তোমরা যা ঠিক করবে তাই হবে।

তারপর বিহুদা আমাকে সবিশেষ নির্দেশ দিয়ে বাইরে আসবার জগ্ন পা বাড়ালেন। কেন জানি না, আজ মনে সাহস এসেছে অনেক। বিহুদাকে বাধা দিয়ে বললাম, একটা কথা জিজ্ঞেস করতে ইচ্ছে হচ্ছে। অবশ্য কোন গোপন খবর জানবার জগ্ন নয়। যদি আমাকে না বলবার হয় তবে আমায় বলো না।

কি জানতে চাস বল না, বললেন বিহুদা।

এমনি করে সুপুরি, আর নারকেল বোঝাই করে নৌকো চালিয়ে আমাদের কি ফায়দা হচ্ছে।

বিহুদা হেসে ফেলে বললেন, ওঃ, এই কথা! তবে শোন—

দেশে নানা জায়গায় যেমন বারটা, নড়িয়াবাজার, মোহনপুর-বাজার, রাজনগর, সিঙ্গারবাজার—আরও কয়েকটা জায়গায় ঘদেশী ডাকাতি হয়েছে জানিস ত। প্রায় সব ক্ষেত্রেই কর্মীরা ডাকাতি করেছে ও পালিয়েছে নৌকোর সাহায্যে। তাই পুলিশের

কড়া নজর পড়েছে নৌকোচলাচলের ওপর। তাই ত শুনেছিস না, ফ্লোটিং থানা, ষ্টপ বোট, পেট্রোল বোট, আরও কত কি সব করেছে। করলে হবে কি, আমাদের নাগাল পাচ্ছে কোথায়। নিরীহ দরিদ্র মাঝিদের আটক করে অশেষ লাঞ্ছনা দেয়, আর তাই করে ঘৃণ আদায়ের ফন্দি বার করেছে।

আমাদের পাবে কি করে বল না। ওরা চলেন ডালে ডালে, আর আমরা চলি পাতায় পাতায়। তবে ওদের আওতা কাটিয়ে যে বরাবর চলতে পারি তা নয়। চেহারা, চলন-বলন আর কিছু না পেয়ে মারধর কিংবা কিছু ঘুষ নিয়ে ছেড়ে দেয়, সাধারণ মাঝি অথবা বাবসায়ী বলে। বর্ষায় নদীনালা, খাল সব জলে ভরে গিয়ে দুই তীর ভাসিয়ে দেয়, তখন নৌকোচলাচলের রাস্তা খুলে যায় সর্বদিকে। তখন বাধা-ধরা রাস্তায় আর আমরা চলি নে।

আমি বিস্মিত কণ্ঠে বললাম, মারধরও সহ্য করতে হয় ?

যেখানে সেখানে বাগ দেখানো ত আর বীরত্ব নয়। ক্রোধের বশবর্তী হয়ে কোন কাজ করাই অসুচিত। এ হ'ল ক্রোধবিপুল দাসত্ব। ষড় বিপুল যে-কোন বিপুল দাস হলে আর বড় কাজ করার শক্তি থাকে না। আর দেখ, আমাদের দেশের দরিদ্র মেহনতী মানুষ নিত্য শক্ত লাঞ্ছনা ভোগ করে। এমনি করেই জানতে পারি, অস্তর দিয়ে উপলব্ধি করতে পারি ঐ মানুষগুলোর দুঃখ, জালা। হৃদয়ে পাই দ্বিগুণতর জোর শক্তি হয়ে দাঁড়াবার—সমস্ত অত্যাচার-অবিচারের বিরুদ্ধে জেহাদ ঘোষণা করবার।

আমি পুনরায় প্রশ্ন করলাম, আচ্ছা আমাদের পক্ষে এমনি অপমান সহ্য করা ভীকৃতার লক্ষণ নয় কি? জবাব পেলাম, মোটেই নয়। আমাদের উদ্দেশ্য লক্ষ্যে পৌঁছানো। কোমরে বিভলবার থাকা সত্ত্বেও ক্ষমা করতে পারা নিজেকে অত্যন্ত সহিষ্ণু করে তোলা। রাগের মাথায় ওটি বার করলে তার ফলাফল চিন্তা করে দেখ ত। তাই, আমাদেরও হতে হবে ঐ মেহনতী মানুষগুলোর মতই সহনশীল। এই যে নারিকেল বোঝাই নৌকো নিয়ে এলাম সুদূর নোয়াখালি থেকে—পথে কত অত্যাচার-অবিচার সহ্য করে হয়েছে। বাগ করলে কি সম্ভব হ'ত এসে পৌঁছানো, না সম্ভব হ'ত একশন গ্রহণ করা।

আমার সন্দেহ তখনও দূর হয় নি। জিজ্ঞেস করলাম, কিন্তু এমনি অসহ্য-অত্যাচারের বিরুদ্ধে না দাঁড়ালে, অপমানকে প্রতিরোধ না করলে ক্রমে যে মনুষ্যত্ব হারিয়ে ফেলব।

জবাব দিলেন, দূর পাগল। মহাভারত পড়িস নি? দ্রৌপদীকে পুরুপাণ্ডবসহ কত অপমান-লাঞ্ছনা সহ্য করতে হয়েছে তাদের অজ্ঞাতবাসের সময়। ওরা ছিল তখনকার যুগের শ্রেষ্ঠ বীরদের অঙ্গতম। তা সত্ত্বেও ধর্মরাজ যুধিষ্ঠিরকে সাজতে হয়েছিল রাজার পারিষদ। বিরাট রাজা ত পাশা খেলতে খেলতে রাগের মাথায় ঘৃষি মেবে গুর নাকই ভেঙে দিল। অজ্ঞ ভাইদের কেউ গেলু খোড়ার আস্তাবলে, কেউ হাতীশালার, আবার কেউ বা হ'ল পাচক ঠাকুর। সে আবার যে-সে নয়—স্বয়ং ভীম। সবচেয়ে মজা হ'ল

অর্জুনের। তখনকার যুগে পুরুষশ্রেষ্ঠদের অঙ্গতম হয়ে তাকে নপুংসক সেজে রাজার বাড়ীর মেয়েদের নাচ শেখাতে হয়েছিল। আর দ্রৌপদী হ'ল রাণীর পরিচারিকা।

আমাদেরও চলেছে সেই অজ্ঞাতবাস। শক্তিসঙ্কয়ের উদ্যোগ-পর্ব। আমাদেরও সহ্য হতে হবে সব—দিন না আসা পর্যন্ত। কিন্তু ভাবিস নে—দিন আগত ঐ। যেদিন আমাদের হাতের বজ্র ওদের দর্প হরণ করবে।

মন অনেক শান্ত হ'ল, কিন্তু আর একটা কৌতূহল ছিল—আমাদের এমনি করে বাবসা চালানোর মানে কি ?

সহজ করেই জবাব দিলেন—জানিস ত বর্ষাকালে আমাদের নৌকো ছাড়া চলে না। বর্ষা শেষ হলে ওগুলো রাগি কোথায় বল ত। আমাদের ত আর নিদ্রষ্ট বাড়ী ঘর নেই যে তার পুকুরে ডুবিয়ে রেখে দেব। কারুর বাড়ীর এলাকায় খালের ধারে বেঁধে রাখলে ছোট ডিজি হলেই লোকের দৃষ্টি আকর্ষণ করে আর ঘাসি নৌকো হলে ত কথাই নেই।

ঘাসি নৌকো কি—আমি জিজ্ঞেস করলাম।

এই যে নৌকোয় দাঁড়িয়ে আছিস—লম্বামত। এমনি নৌকোকেই ঘাসি নৌকো বলে। আমাদের দেশে যাত্রীচলাচলের জন্ত গহনার নৌকো চলে তা এই ঘাসি নৌকোতেই হয়। এগুলো খুব দ্রুত চলতে পারে। এখন অবশ্য ষ্টীমার হয়ে গহনার নৌকো চলাচল অনেক কমে গেছে যাত্রী-পারাপারের জন্ত।

আসল কথা হ'ল নৌকো লুকিয়ে রাখা যায় না। তাই একে সচল রাখতে হয়। কায়দা এ ছাড়াও আছে। আমাদের ছেলেবা নৌকো চলাচলে খুব পাকা হয়ে যাচ্ছে। কঠোর পরিশ্রমের মধ্যে বিলাসবর্জিত জীবনে হচ্ছে অভ্যস্ত। আর্থিক দিকে যে একেবারে ফাকা যাচ্ছে তাও নয়। তার পর ধর না কেন—পূর্ববঙ্গ হ'ল গিয়ে তোর নদী-নালায় দেশ। নৌকোচলাচলের সমস্ত পথ ভাল করে জানা হয়ে যাচ্ছে। তা ছাড়া ঝড়বাদলে পদ্মা, মেঘনার মত বড় বড় নদীতে কি করে নৌকো চালাতে হয় তারও অভিজ্ঞতা হয়ে যাচ্ছে সকলের। কেননা অভিজ্ঞতা না থাকলে বিপদ অনিবার্য। ময়মনসিংহ আর সিলেট জেলায় আছে বড় বড় হাওর। ওর মধ্যে নৌকো চালাতে চাই প্রচুর সাহস।

হাওর কি—জিজ্ঞেস করলাম।

হাসতে হাসতে বললেন—বাড়াল দেশে বাড়ী হয়ে হাওর কি তাও জানিস নে। ওগুলো আমাদের দেশের বিলের মতই। প্রকাণ্ড বড়। দশ-পনের মাইল লম্বায়-চওড়ায় হয়। কোন কোনটা আরও বড় হয়। বর্ষাকালে এপার-ওপার দেখা যায় না। একটু বাতাস এলে একেবারে সমুদ্রের মত হয়। শুনেছিস ত সেবার নেত্রকোণায় ডাকাতি হয়েছিল। ফেরবার কথা ছিল অমনি একটা হাওরের মধ্য দিয়ে। সেই আগে থেকেই সাবধান হয়ে একটা কম্পাস নিয়ে গিয়েছিলাম। নইলে দিক ভুল করার খুবই সম্ভাবনা। ঝড় উঠলে নৌকো মারা পড়বে অনিবার্য।

বুঝলে ত এবার এর তাৎপর্য, আর দেরি নয়, চল বাইরে যাই। চাল ফুরিয়ে গেছে, কিছু বাড়া চাল কিনে আনতে হবে। চাল না এলে আজ আর রান্না-পাওয়া হবেই না। খাই নি জানতে পারলে দাদা রাগী করবেন। বিনা কারণে খাওয়া-শোওয়ায় অনিয়ম ও দেরি তিনি বরদাস্ত করেন না। তিনি ঠিক কথাই বলেন। আমাদের শক্তিসংকল্প করাই কাজ। অনর্থক শরীর নষ্ট করব কেন। যা না করলে নয়, তার আর উপায় কি। অসুখ-বিসুখ হলে কাজের ত ক্ষতি হয়ই, তা ছাড়া পলাতক আসামীর চিকিৎসাতে কম হাজারী পোয়াতে হয় না।

পরের কথাগুলি আমার কানে ভাল করে প্রবেশ করে নি। বিমুদা বলল বাড়া চাল কিনবে। জিজ্ঞেস করে জবাব পেলাম— মাঝি হয়ে ভাল আর সব চাল, হাসালি নীতিশ!

এর আর প্রতিবাদ কি করব। আমরা ফিরে রাস্তায় গেলাম। গিয়ে দেখি একটি পুলিশ নারকেলের সামনে লাঠি হাতে বীরদর্পে দাঁড়িয়ে আছে। দাঁত গিচিয়ে বলল—এই নারকেল বুঝি শালা ভোর। শালা রাস্তা একদম বন্দ কর দিয়া। ভাগ হিয়াসে।

মুখে বলে ওর শাস্তি হ'ল না। গলাধাক্কা দিয়ে বিমুদাকে ফেলে দিলে আর নারকেলগুলি পা দিয়ে রাস্তার বাইরে ঠেলে দিলে।

আমার সমস্ত শরীর রাগে কাঁপছিল। মনে হচ্ছিল এখুনি বসিয়ে দিই যা কতক। কিন্তু অতি কষ্টে নিজেকে সংবরণ করলাম বিমুদারই উপদেশ স্মরণ করে। অসহিষ্ণু হলে এখুনি যে সব ফাঁস হয়ে পড়বে। বাস্তবের লগুড় নিজের মাথায় না পড়লেও হাতে খড়ি হ'ল।

৬

যথানির্দিষ্ট দিনে আমরা কয়েক জন মিলে ভৈরব ট্রেণে চেপে বসলাম। গাড়ীতে খোঁজ করে বিমুদাকে দেখতে পেলাম না। ট্রেণ ছাড়বার সময় যতই এগিয়ে আসতে লাগল, আমরা মনে মনে ততই উৎকণ্ঠিত হয়ে উঠতে লাগলাম। বিমুদাই এই একশনের পরিচালক।

কথা ছিল বিভিন্ন জায়গা থেকে ছ'চার জন করে লোক এসে জমায়েত হবে একটা নির্দিষ্ট জায়গায়। সবাই আমরা জমায়েত হব কিশোরগঞ্জ মহকুমার এক গ্রামে একটা প্রকাণ্ড গাছের নীচে। ওখানেই আমরা পাব, মশাল, বন্দুক, রিভলবার, তলোয়ার আর সিন্দুক ভাঙবার সরঞ্জাম।

গাড়ী ছাড়বার ঘণ্টা বাজল। আমাদের দৃষ্টি সারা বাইরেটা খুঁজে বেড়াচ্ছে। হঠাৎ দেখি দূরে বিমুদা প্রাণপণে দৌড়াচ্ছেন। গাড়ী আস্তে আস্তে মোশান দিল। তখন মনে হচ্ছিল বিমুদা কেন আরও তাড়াতাড়ি দৌড়াতে পারছেন না! হোক তিনি শেষ পর্যন্ত গাড়ীতে এসে উঠলেন একেবারেই হাঁপাতে। আমাদের উৎসুক দৃষ্টি দেখে বললেন দাঁড়া বলছি সব, আগে একটু ধম নিতে দে।

আমরা যে কামরায় উঠেছিলাম ওটা একে বড় ছিল, তায় অল্প যাত্রী মাত্র জনা দুয়েক। ওরা কামরার অপব কোণে বসে। সবাই আমরা জড়ো হয়ে উল্টো কোণে গিয়ে বসলাম। বিমুদা বলতে লাগলেন, কাল রাতে দাদার বাড়ী গিয়েছিলাম। কথা বলতে বলতে রাত হয়ে গেল। খাওয়া-দাওয়া সেরে দাদার পাশেই শুয়ে পড়লাম।

এদিকে শেষ রাত্তিরে লাল পাগড়ী বাড়ী ঘেরাও করেছে, ভোর হতে না হতেই বাড়ী তল্লাসী শুরু হবে। দাদার মা আমাকে একটা ছেড়া নোংরা কাপড় দিয়ে বললেন—দেখ ভোর হতে না হতেই এটা পরে তুমি কলতলায় বসে বাসন মাজতে শুরু করবে গাড়িমসী করে। একটু মাজবে আবার একটু কোমর টান করবে।

কথামত বসে গেলাম বাসন মাজতে। পুলিশ ততক্ষণে বাড়ী চুকে তল্লাসী শুরু করে দিচ্ছে। কয়েকটা বাইরে দাঁড়িয়ে পাহারা দিচ্ছে কেউ না পালায়।

কিছুক্ষণ বাদেই মা তাড়া দিতে আরম্ভ করলেন—কই রে হতচ্ছাড়া! সারা সকাল বাসন মাজলেই চলবে? বাজারে যেতে হবে না? শীগগির বাসনগুলো মেজে ফেল বাবা।

বার দুই তাড়া পেয়ে আমিও জবাব দিলাম—আমি কি বসে আরাম করছি! দেগছেন না কাজ করছি।

তিনি বললেন—না হয় বাপু আরাম নাই করছ, কিন্তু বলি কেবল বাসন মাজলেই চলবে, বাজারে যাবি নে।

আমিও সমানে জবাব দিয়ে চললাম—এদিকে যজিবাড়ীর বাসন জড়ো করেছে। তখন মনে থাকে না।

মা এবারে ইনসপেক্টরকে সাক্ষী রেখে বললেন, দেখেছ ত বাবা চাকর-বাকরের আঙ্গুড়া! কাজ ত করবেই না, আবার মুখে মুখে তন্দ।

বাসনমাজা সেরে ফেললাম। মা আমাকে মাছের চূপড়িটা দিয়ে বললেন—যা তাড়াতাড়ি বাজার থেকে আসবি। একবার বেরলে ত আর ফেরবার নামটি নেই। তুই না এলে রান্না চাপবে না কিঞ্চ।

পা বাড়িয়েছি, পথ রোধ করে পুলিশ দাঁড়িয়ে। মা ইনসপেক্টরকে অমুরোধ করে বললেন—বাবা ওকে বাজারে যেতে দাও। বাজার থেকে না এলে আজ আর রান্নাই চাপবে না। ছেলেরাই বা কখন স্কুলে যাবে আর কত্তাদেরও যে আপিসের দেরি হয়ে যাবে!

ইনসপেক্টর বাবু ইউরোপীয়ান পুলিশ সাহেবকে সব বুঝিয়ে বলতে আমার শরীর তল্লাস করে যেতে দিতে হুকুম হ'ল। আমার ত বলতে গেলে কেবল একটা গামছা পরা ছিল, কাজেই আর দেখাব কি আছে। বেশী সময় তাই নষ্ট হ'ল না। মুখে অতি নিকটতম সম্পর্ক স্থাপন করে গলাধাক্কা দিয়ে বললেন—যা নিয়ে আয় বাজার।

আমিও 'জী হুজুর' বলে একটা সেলাম দিয়ে পৃষ্ঠ-প্রদর্শন করলাম।

আমরা সবাই খুব একচোট হেসে নিলাম। ছাড়া পেয়ে শেষ পর্যন্ত যে আসতে পেরেছেন তার জন্ত ভগবানকে অসীম ধন্যবাদ জানালাম।

বিভূদা কাজের কথা পেড়ে বললেন, দেখ, যাওয়ার সময় প্রায় মাইল আটেক হাঁটতে হবে। কিন্তু ফেরবার পথ একান্তই অনিশ্চিত, কাউকে কাউকে পঁচিশ-ত্রিশ মাইলও হাঁটতে হতে পারে। কেননা সবাই ত আর একসঙ্গে ফিরব না, চারদিকে ছড়িয়ে পড়তে হবে। পুলিশের লোকেরা খুজবে নোকোঘাট আর স্টেশনগুলি। পারবি ত সবাই। আমরা পায়ে হেঁটেই এত দূরে চলে যাব যে পুলিশ ভাবতেই পারবে না এই সময়ের মধ্যে এত দূরে কেউ হেঁটে চলে যেতে পারে।

পারব বলেই আমরা সকলে প্রতিশ্রুতি দিলাম।

গাড়ী তখন প্রাণপণ বেগে ছুটেছে। হুলুনিতে একটা আরামের আমেজ। আর খটাখট আওয়াজ একটা একঘেয়েমি সৃষ্টি করে যেন চোখ বুজিয়ে দিচ্ছে। এরই পরপারে আছে আজ এক অনিশ্চিত ভবিষ্যতের যোমাঞ্চ।

বিভূদার হাঁটার কাহিনী ছিল অনেক। তাই তিনি আমাদের চাক্ষুণ্য রাখবার জন্ত বললেন, শুনিবি আর এক মজার কাহিনী। আমরাও শোনবার জন্ত উৎসুক। বলতে আরম্ভ করলেন—দেখ ভগবান পা দিয়েছেন, তার সদ্ব্যবহার করতে কস্ব করছি না। তোরাও করিস না।

তখন আমি পুলিশের কড়া নজরে। প্রত্যক্ষ প্রমাণের অভাবে আমাকে জেলে পুরতে পারছে না। কাজেই গোয়েন্দা লেলিয়ে দিয়েছে দিবারাত্র আমার পেছনে থাকবার জন্ত, কোন কিছু ছুতো বার করতে পারে কি না।

সেদিন ময়মনসিংহ যাব বলে ঢাকা স্টেশনের টিকিটঘরের সামনে গিয়ে দাঁড়ালাম। লক্ষ্য করলাম জনা-দুই লোককে আড়াল করে যিনি দাঁড়িয়ে আছেন তিনি আমার পরম স্তম্ভদ! হয় আমার সঙ্গেই একেবারে যাবে, নয়ত জেনে নিতে চায় আমি কোথাকার টিকিট কাটছি। ভাবলাম, যদি বুঝিয়ে বলি তবে হয়ত সঙ্গ ছাড়তে পারে। তাই তাকে একধারে ডেকে বললাম, কেন আমার সঙ্গে যাচ্ছেন বলেন ত। আমি একান্তই ব্যক্তিগত কারণে যাচ্ছি। আপনার কোনই ভয় নেই। নিরাপদেই ফিরে আসব।

কোন চিন্তা না করেই সে সাফ জবাব দিলে, আপনাকে চোখের মাড়াল করলে আমার চাকরী যাবে। ছেলে-পুলে নিয়ে ঘর করি। আপনার সঙ্গে আমাকে যেতেই হবে।

আমি তখন এক ফন্দি আঁটলাম মনে মনে বাছাধনকে আকুল দেওয়ার জন্ত। বললাম, আচ্ছা বেশ, আপনি যখন একান্তই আমাকে ছাড়বেন না, তখন কি আর করা যায়।

এই বলে আর টিকিটঘরের কাছে না গিয়ে সোজা রেললাইন

ধরে এগোতে লাগলাম হেঁটে। তখন বৈশাখ মাস, বেলা বারটা নাগাদ হবে। বুঝতেই পারছি কেমন চনচনে বোদখানা, গা একেবারে পুড়ে যাচ্ছে। কি জানি কেন বেচাষুর সঙ্গে ছাতাও ছিল না, তার উপর 'কাটা ঘায়ে মূনের ছিটা'—লাইনের ধারে ধারে বড় গাছও ছিল না যে ছায়ায় হাঁটবে।

এমনি করে মাইল-তিনেক হেঁটে তেজগাঁও স্টেশন ছাড়বার পর বাছাধনের ধৈর্যের সীমা বোধ করি অতিক্রম করেছে। শুকনো গলায় আমায় বললে, শহর ছাড়িয়ে ত অনেক দূর এলেন; আপনি যাবেন কোথায় বলুন ত!

আমি যাব ময়মনসিংহ—হাঁটতে হাঁটতেই জবাব দিলাম।

গোয়েন্দা—এঁা হেঁটে! বলেন কি!

এতক্ষণ হেঁটে হেঁটে বেচারার তালু শুকিয়ে গেছে। চোখের দিকে তাকাই নি, তাকালে হয়ত দেখতাম ওটা আমার কথা শুনে আরও গর্ভে ঢুকেছে, যা হোক বিম্বিত কণ্ঠে বলল, সে ত প্রায় আশি মাইল দূরে।

আমি নির্দিকার কণ্ঠে জবাব দিলাম—তাতে আর কি হয়েছে, এইটুকু ত পথ! চলুন না। এই ধরুন ঘণ্টায় যদি চার মাইল করে হাঁটা যায় তবে ঘণ্টা কুড়ি লাগবে। এক দিনেরও কম।

গোয়েন্দা প্রশ্ন করলে, আপনি কি ঐ গজারীগড়ের মধ্য দিয়েই যাবেন নাকি! ওর মধ্যে যে বাঘ, ভালুক থাকে।

আমি কথাটাকে যতটা সম্ভব সহজ করে বললাম, তাতে আর কি হয়েছে বলুন না। আপনার সঙ্গে ত বিভলবারই আছে, যদি খায় ত আমাকেই খাবে।

গোয়েন্দার কথায় পরিহাসের সুব ফুটে উঠল, বিভলবার দিয়ে বাঘ; কি যে বলেন তার ঠিক নেই।

ওর কথায় আমি আর জবাব দিলাম না। হাঁটতে লাগলাম। বেচারা বোধ হয় ততক্ষণে নিজের প্রাণের শেষ একেবারে পরিষ্কার দেখতে পেল। হাঁটছিল আমার পেছন পেছন, একটু জোরে হেঁটে একেবারে আমার সামনে এসে আমার পায়ে ধরে বিনীত সুরে বললে, আপনার পায়ে ধরছি স্মার! আপনি ফিরে চলুন, আর যে আমি এক পা-ও হাঁটতে পারছি না। ফিরে গেলে চাকরী যাবে, না গেলে ছেলে-পুলে নিয়ে মরব। আর আপনার সঙ্গে গেলে বাঘে খাবে। মরণ আমার নিশ্চিত, গরীব মানুষ কোন গতিকে সংসার চালাই। আপনাদের কি, প্রাণের ভয়-ডর ত আর নেই—দয়া করে ফিরে চলুন।

ওর অবস্থা দেখে মনে মনে হাসি পেল। ওকে বুঝিয়ে বললাম, আপনার কোন ক্ষতিই হবে না, আপনি ফিরে যান। কথা দিচ্ছি আমি ফিরে আসব।

বেচারাকে আমার কথা বিশ্বাস করতেই হ'ল। কেননা ওর হাঁটবার সময় ~~কোন~~ ছিল না। পিছুপা হ'ল, আমিও পরের স্টেশন কুমিল্টোলায় উঠব বলে এগিয়ে চললাম।

পর শেষ হতেই আমাদের মধ্যে হাসির বোল পড়ে

পুলিসের লোককে কেউ সামান্ততম কষ্ট দিতে পেরেছে জানতে পারলে মনে একটা অদীম তৃপ্তির স্বাদ পেতাম।

আমাদের পঞ্চ বতই কমে আসছে, ততই নিবিড় ভাবে অনুভব করতে লাগলাম আজকের রাত্রির অভিযানের কথা। আমাদের মনকে এর চিন্তা থেকে সম্পূর্ণ মুক্ত রাখতে বিহুদা এর পরও অনেক নূতন নূতন অভিজ্ঞতা বর্ণনা করতে করতে হাসি-তামাশার গোলাক ষোগাতে লাগলেন। আমরা যে এমনি একটা অনিশ্চিত ভবিষ্যতের দিকে এগিয়ে চলেছি তা গাড়ীতে বসে অন্ততঃ আর অনুভব করতে পারি নি। যে বিহুদাকে কল্পনিত গভীর মানুষ দেখেছি তার আজকের এই হাস্যমুখর আনন্দ-পরিবেশক মূর্তি খুবই উপভোগ করলাম।

ট্রেন টঙ্কি ষ্টেশন কখন ছেড়ে এসেছে, সোড়াসাল ষ্টেশনের কাছে শীতললক্ষ্মা নদীর উপরের ব্রিজ পার হচ্ছে। আমাদের গল্প চলতে

লাগল। গাড়ী নরসিংদি ষ্টেশনে এল। বিহুদা গল্প থামিয়ে দিলেন। ভৈরব ষ্টেশন আর বেশী দূর নয়, তাই আমাদের বিভিন্ন কামরায় ছড়িয়ে বসতে বললেন। আরও জানা গেল যে, ভৈরব ষ্টেশনে কুমিল্লা, নোয়াখালি, এসব অঞ্চল থেকেও কয়েকজন কর্মী আসবে। তাদের আমরা চিনলেও যেন অচেনার ভান করি। এখান থেকেই পুলিসের নজর বেশী। যদি কেউ ধরা পড়ে তা হলে সে যাতে একাই পড়ে, তাই এ সাবধানতা।

সন্ধ্যা সাতটা নাগাদ আমাদের গাড়ী নির্দিষ্ট ষ্টেশনে গিয়ে থামবে। আমাদের নির্দেশ ছিল যে, ওখানে নেমেও কেউ কারুর জন্ত অপেক্ষা না করে কিংবা কেউ কারুর পরিচিত এমনি ভাব না দেগিয়ে যে যার মত যেন ষ্টেশনের বাইরে চলে যাই।

যথাসময়ে কিশোরগঞ্জগামী ট্রেন ভৈরব ষ্টেশন ছাড়ল।

ক্রমশঃ

তনুতীর্থ

শ্রীসুবোধ রায়

আমি আনিয়াছি বিধুর বিবহ
মধুর স্বপনভরা,
আমি আনিয়াছি অশ্রু-মালিকা
হাসি দিয়ে রঙ-করা।
বহু দিবসের হারানো রতন
আমি আনিয়াছি জীবন-মখন
রূপসায়রের অরূপ-মাধুরী-
পরশ সুধাকরা।

তুমি আনিয়াছ আমার লাগিয়া
কোন সে অতীত হ'তে
বুকভরা প্রীতি, প্রাণভরা প্রেম,
স্নেহভরা দেহস্রোতে।
স্মান করি তায়, করি তাহা পান
গুচি হ'ল মোর তনুমনপ্রাণ,
জীবন-তরুণী বহিল উজান
অজানা তীর্থপথে।

তোমার তনুর তীর্থে তাই তো
আমার তনুর ডালি,
জীবনদেবতা মন্দিরমায়ে
সাজালো পূজার থালি।
মোদের প্রাণের পঞ্চপ্রদীপ
গগনের ভালে পরায়েছে টিপ,
মোদের মিলন দেহের বেদীতে
হোমশিখা দিল জালি।

দমুজমাধব

(বাঙ্গলার শেষ স্বাধীন হিন্দুরাজা)

শ্রীদীনেশচন্দ্র ভট্টাচার্য্য

বাঙ্গলার ইতিহাসে পাঠান আমলের একটি ঘটনা অদ্যপি প্রত্যেক ঐতিহাসিকের চিত্ত আলোড়িত করিয়া থাকে। দিল্লীর সম্রাট গিয়াসউদ্দিন বলবন ১২৮০ খ্রীষ্টাব্দে বিদ্রোহী তুঘরীল খানের দমনের জন্ত সোণারগাঁৱর রাজা দমুজ রায়ের সহিত ঐক্যবন্ধ হন, বিদ্রোহী যেন জলপথে পলায়ন করিতে না পারে। ঐতিহাসিক জিয়াউদ্দীন বাণীর গ্রন্থে উল্লিখিত এই স্বাধীন হিন্দু নরপতি “দমুজ রায়” কে ছিলেন? ১২২৪ খ্রীষ্টাব্দ পর্য্যন্ত শতাধিক বৎসর ধরিয়া এই প্রশ্নের সমাধান বহু লেখক নানাভাবে করিতে চেষ্টা করিয়াছেন। স্বর্গত ডক্টর নলিনীকান্ত ভট্টাচার্য্য মহাশয় ঐ খ্রীষ্টাব্দে একটি “পাথুরে” প্রমাণ আবিষ্কার করিয়া এই প্রশ্নের মীমাংসা করিতে অগ্রসর হন। বিক্রমপুরের অন্তর্গত আদাবাড়ী গ্রামে একটি তাম্রশাসন আবিষ্কৃত হয়। “মহারাজা-ধিরাজ দশরথদেব” বিক্রমপুরে তদ্বারা ভূমিদান করিয়া ছিলেন (Inscriptions of Bengal, III, pp. 181-2)। “দেব”বংশীয় এই নরপতির বিরুদ্ধ ছিল “অরিরাজ-দমুজ-মাধব।” সেন রাজাদেরও সকলেরই এইরূপ পৃথক পৃথক বিরুদ্ধ ছিল—যথা বিজয়সেনের বিরুদ্ধ “অরিরাজ-বৃষভশঙ্কর”, তৎপুত্র বল্লালসেনের “অরিরাজ-নিঃশঙ্কর” ইত্যাদি। এই সকল বিরুদ্ধের অন্তর্গত সর্বসাধারণ “অরিরাজ” অংশ বাদ দিয়া অসাধারণ বৃষভশঙ্করাদি পদ দ্বারাই ঐ সকল নরপতি উল্লিখিত হইতেন। বল্লালসেনের নৈহাটি শাসনে “শ্রীবৃষভ-শঙ্করনলেন” পদ দৃষ্ট হয় এবং তদ্রূপিত “অঙ্কুতসাগর” গ্রন্থের প্রারম্ভে অষ্টম শ্লোকে “নিঃশঙ্করনৃপঃ” পদদ্বারা আত্মপরিচয় লিপিবদ্ধ হইয়াছে। দশরথদেবও “দমুজমাধব” উপাধিদ্বারাই পরিচিত ছিলেন সন্দেহ নাই এবং মুসলমান ঐতিহাসিকের লেখায় তাহাই “দমুজরায়” আকার ধারণ করিয়াছে এইরূপ সিদ্ধান্ত এখন অপরিহার্য্য। দুঃখের বিষয় আদাবাড়ী শাসন হইতে দমুজমাধবের পিতৃপরিচয় জ্ঞাত হওয়া যায় নাই।

প্রায় দশ বৎসর পূর্বে অধুনা পাকিস্তানের অন্তর্গত ত্রিপুরা জিলায় দমুজমাধবের উপর একটি তাম্রশাসন আবিষ্কৃত হইয়াছে—তাহার একটি অস্পষ্ট ছাপ আমাদের দৃষ্টিগোচর হইয়াছিল। শাসনটির সম্মুখভাগে উৎকীর্ণ পঙ্ক্তি সংখ্যা ২৪ ও পশ্চাত্তাগে ২৬। সম্মুখে চতুর্দশ পঙ্ক্তিতে “শ্রীমদামোদর” নামক এক রাজার উল্লেখ আছে। “তস্যায়ং তনয়ো” (১১ পঙ্ক্তি), “জয়তি দশরথঃ শ্রীমান” (১৭-১৮), “অরিরাজদমুজমাধবঃ শ্রীদশরথদেবঃ”

(২১ পঙ্ক্তি) প্রভৃতি যে কয়েকটি পদ আমরা পড়িতে সমর্থ হইয়াছিলাম তন্মধ্যে একটা অতীব মূল্যবান তথ্য আবিষ্কৃত হইতেছে যে, এই দমুজমাধব দামোদরদেবের পুত্র ছিলেন। পশ্চাত্তাগে একজন মাত্র দানীয় বিপ্রেয় নাম পড়িতে পারা গিয়াছিল “শ্রীউমাপতি শর্ম্মণে” (১১ পঙ্ক্তি)। এই দামোদরদেবের অধুনা অপহৃত চট্টগ্রামশাসন ১৮৭৩ খ্রীষ্টাব্দে আবিষ্কৃত হইয়াছিল (Ins. of Bengal, pp. 158-63—সাহিত্য-পরিষৎ-পত্রিকা ১৩৫৪, পৃ. ২১-২২ অক্ষয়কৃত সংশোধনাদি দ্রষ্টব্য)। এই শাসন ১১৬ শকাব্দে (১২৪৩-৪৪ খ্রীষ্টাব্দে) উৎকীর্ণ হইয়াছিল। তৎপরে দামোদরদেবের চতুর্ধ রাজ্যাব্দে ১১৫৬ শকাব্দে উৎকীর্ণ “মেহার” শাসন আবিষ্কৃত হইয়াছে—তন্মধ্যে তাঁহার বিরুদ্ধ লিখিত আছে “অরিরাজ-চাগুরমাধব”। সুতরাং দেখা যায় এই দামোদরদেব চট্টগ্রাম ও ত্রিপুরা অঞ্চলে ১২৩১-৪৪ খ্রীষ্টাব্দে অন্ততঃ ১৩ বৎসর রাজত্ব করিয়াছিলেন—তাঁহার রাজত্বাবসানের কাল অদ্যপি অজ্ঞাত। আপাততঃ অনুমান করা যায় যে, তৎপুত্র দমুজমাধব প্রায় ১২৪৫ খ্রীষ্টাব্দে পিতৃরাজ্যে অধিষ্ঠিত হইয়াছিলেন এবং ৩৫ বৎসর রাজত্ব করিয়া ১২৮০ খ্রীষ্টাব্দেও জীবিত থাকিয়া বলবনকে সাহায্য করিতে অঙ্গীকার করেন। আদাবাড়ীশাসন তাঁহার তৃতীয় রাজ্যাব্দে উৎকীর্ণ হইয়াছিল—তৎপূর্বে সম্ভবতঃ তাঁহার পিতার রাজত্বকালেই দমুজ-সেনের পুত্র বিশ্বরূপসেন ও পৌত্র স্বধ্যসেনাদির অধিকার বংশলোপাদি কারণবশতঃ বিলুপ্ত হওয়ায় বিক্রমপুর-রাজ্যলক্ষ্মী “দেব”বংশের অধীন হইয়াছিল।

কুলগ্রন্থে দমুজমাধবের উল্লেখ

দমুজমাধবের শাসনকাল আবিষ্কৃত হওয়ার বহু পূর্বে রাঢ়ীয় ব্রাহ্মণদের চারিটি কুলগ্রন্থে তাঁহার নাম যথায়থ উল্লিখিত হইয়াছিল—(১) এড়ুমিশ্রের কারিকাম্বক কুলপঞ্জিকা (২) হরিমিশ্রের কারিকা (৩) ঞ্জবানন্দমিশ্রের মহাবংশাবলী এবং (৪) সর্বানন্দ মিশ্রের কুলতত্ত্বার্ণব। বাঙ্গলার অতি প্রামাণিক ইতিহাসগ্রন্থে (Hist. of Bengal, vol. I, Dacca University, pp. 622-34) কুলজী সাহিত্যের একটি বিবরণ সঙ্কলিত হইয়াছে। কুলগ্রন্থের তালিকামধ্যেও (pp. 62) উক্ত চারিটি গ্রন্থেরই নামোল্লেখ আছে। তন্মধ্যে কুলতত্ত্বার্ণব একটি ভাল গ্রন্থ—ইহা আমরা বিশেষভাবে পরীক্ষা করিয়া দেখাইয়াছি (ভারতবর্ষ, বৈশাখ ১৩৪৭, পৃ.

৭. ১-২। উক্ত ইতিহাসগ্রন্থেও ইহা আধুনিক রচনা বলিয়া অনুমিত হইয়াছে—“a modern compilation palmed on to an ancient author” (p 624)। কিন্তু এস্থলে একটি মারাত্মক ভ্রম অজ্ঞাতসারে প্রতিপাদিত হইতেছে যে, ধ্রুবানন্দ মিশ্রের পুত্রের নাম প্রকৃতই সর্বানন্দ মিশ্র ছিল এবং তিনি একজন প্রাচীন গ্রন্থকার ছিলেন। ইহা একে-বারেই মিথ্যা। ধ্রুবানন্দ মিশ্র অপুত্রক ছিলেন। তাঁহার কুলবিবরণ বঙ্গীয় সাহিত্য-পরিষদে রক্ষিত একটি বিরাট কুলগ্রন্থের পুথি হইতে উদ্ধৃত করিতেছি (২১০২নং পুথির ৯৯২ পত্র) :—

“ধ্রুবানন্দমিশ্রাঙ্কি চং শ্রীবরমিশ্র সাধু, ... অয়ং ঘটকতাগ্রন্থকারী বংশাভাবঃ।”

আমাদের নিকট রক্ষিত ঘটককেশরীর কুলপঞ্জীতেও আছে :

“ধ্রুবানন্দমিশ্রাঙ্কি চট্টশ্রীবরমিশ্র... অপুত্রোয়ম্।” (সাগর-দিয়া প্রকরণ ২০১২ পত্র)। সুতরাং সর্বানন্দ মিশ্র স্বয়ংই আকাশকুসুম প্রমাণিত হইতেছেন এবং তদ্রচিত গ্রন্থের অসীকতাও স্বতঃসিদ্ধ হইতেছে। গ্রন্থটি মুদ্রিত হইলে ডঃ ভট্টশালী মূল পুথি দেখিতে চাহিয়াছিলেন—পান নাই। এই গ্রন্থে “দনোজামাধবে”র বিবরণ (পৃ. ৬৮-৭৩), বিশেষ করিয়া ১২১১ শকে তাঁহার মৃত্যুর উল্লেখ, কোন দায়িত্বসম্পন্ন লেখকের আলোচনার বিষয় হইতে পারে না।

ইংরেজশাসনে পাশ্চাত্য শিক্ষার মোহগ্রস্ত বাঙালী কুলতত্ত্বার্ণবের গায় বহু কৃত্রিম গ্রন্থ মুদ্রিত করিয়া শিক্ষিত-সমাজকে বিভ্রান্ত করিয়াছে এবং দুঃখের বিষয় অদ্যাপি করিতেছে। বাংলার বহু খ্যাতনামা ঐতিহাসিকের এজাতীয় কৃত্রিম রচনায় পক্ষপাত বর্তমানে বাঙালী জাতির ছরপনের কলঙ্ক হইয়া পড়িতেছে—ইহা সাবধানে লক্ষ্য করা আবশ্যিক। কোন রচনা কৃত্রিম তাহা যদি ঐতিহাসিকগণ ধরিতে না পারেন ত তাঁহাদের ইতিহাসচর্চা অশ্রান্ত হইতে পারে না। কৃত্রিম রচনা বাছিয়া লওয়ার সহজ উপায় হইল প্রত্যেক স্থলে মূল হস্তলিখিত আকরগ্রন্থের সন্ধান লওয়া এবং কতিপয় বিশেষজ্ঞের সহযোগে তাহা পরীক্ষা করা—ব্যক্তিবিশেষের উক্তি দ্বারা ঐরূপ আকরগ্রন্থের অস্তিত্ব স্বীকার করা উচিত নহে। “বাঙালীর ইতিহাসে” (প্রথম পর্ক, পৃ. ২৬১) “বল্লালচরিত” নামক গ্রন্থের বিষয় আলোচিত হইয়াছে—সুপ্রসিদ্ধ গ্রন্থকার মহাশয় অবগত নহেন যে, ঐ মুদ্রিত গ্রন্থের মূল পুথি সর্বত্র অপ্রাপ্য, কোন পুথিশালায় তাহা রক্ষিত নাই। উহা যে আধুনিক রচনা তাহাতে কিছুমাত্র সন্দেহ নাই।

ইতিহাসের কারিকা নগেন্দ্রনাথ বসু মহাশয় সংগ্রহ করিয়া-

ছিলেন—বসু মহাশয়ের সঙ্কিত বিপুল কুলজী পুথিরাশি এখন ঢাকায় রক্ষিত আছে। অর্থাৎ তাহা বর্তমানে অপ্রাপ্য। নগেন্দ্রবাবুর গ্রন্থে তাহা হইতে দনোজামাধব সম্বন্ধে যে কয়টি শ্লোক মুদ্রিত হইয়াছে (ব্রাহ্মণকাণ্ড, প্রথমমাংশ, ২য় সংস্করণ, পৃ. ১৫২-৩) তাহাও আমরা মূল পুথি না দেখিয়া আলোচনা করিলাম না।

ধ্রুবানন্দ মিশ্রের শ্লোকাত্মক গ্রন্থের হস্তলিখিত প্রতিলিপি বঙ্গদেশের সর্বত্র সুপ্রাপ্য—বিক্রমপুরের পূর্বপ্রান্ত হইতে বীরভূম-বাকুড়া পর্য্যন্ত। ঢাকা, নবদ্বীপ, এশিয়াটিক সোসাইটি, বঙ্গীয় সাহিত্য-পরিষৎ, কাশীর সরস্বতী-ভবন ও লঙ্কনের পুথিশালায় প্রতিলিপি রক্ষিত আছে। সৌভাগ্য-বশতঃ ১৩২৩ সনে নগেন্দ্রনাথ বসু “মহাবংশ” নামে ইহা মুদ্রিত করিয়াছেন। ধ্রুবানন্দ-রচিত পৃথক দুইটি গ্রন্থ ছিল—“সমীকরণসার” ও “মহাবংশাবলী”। গ্রন্থদ্বয়ের সংমিশ্রণে “মিশ্রগ্রন্থ” নামে পরিচিত এই জনপ্রিয় কুলশাস্ত্র বর্তমান আকারে প্রচারিত হইয়াছে। মূল গ্রন্থদ্বয় দুপ্রাপ্য হইলেও বিলুপ্ত হয় নাই। আমরা বহু কষ্টে এই অতি দুর্লভ গ্রন্থের সমগ্রাংশ পরীক্ষা করিয়াছি—ইহা ১৫০০-২৫ খ্রীষ্টাব্দ-মধ্যে রচিত বলিয়া আমাদের ধারণা (সাহিত্য-পরিষৎ-পত্রিকা, ১৩৪৮, পৃ. ১০৭-১১ প্রমাণাবলী দ্রষ্টব্য)। রাঢ়ীয় কুলীন-সমাজের ৩০০।৩৫০ বৎসরের এই পরম প্রামাণিক ইতিহাসগ্রন্থে বহু সহস্র পারিবারিক ঘটনা লিপিবদ্ধ আছে। প্রসঙ্গক্রমে একবার মাত্র ধ্রুবানন্দ “দমুজ মাধবে”র নামোল্লেখ করিয়াছেন। পঞ্চম সমীকরণে মুখবংশীয় মহাদেব সম্মানিত হইয়াছিলেন—তাঁহার সম্বন্ধে ধ্রুবানন্দ মহাবংশাবলীগ্রন্থে লিখিয়াছেন “দমুজমাধবেনাসৌ রাজ্জা পূর্বং পুরস্কৃতঃ” (পৃ. ৫)। মহাদেব ছিলেন উৎসাহের ১৬ পুত্রের মধ্যে তৃতীয়—উৎসাহের প্রথম পুত্র আয়িত (লক্ষ্মণসেনের অভিষেককালে সংঘটিত) প্রথম সমীকরণের প্রথম কুলীন ছিলেন। ১২ বৎসর পূর্বে আমরা এই মূল্যবান তথ্য বিশ্লেষণ করিয়াছিলাম (সাহিত্য-পরিষৎ পত্রিকা, ১৩৪৮, পৃ. ১১২-৪)। এই বিশ্লেষণের ফলে এখন একটি সিদ্ধান্ত অপরিহার্য হইয়া পড়িতেছে যে, দামোদরদেবের রাজত্ব ১১৬৫ শকাব্দের অন্তিমাবধানে সমাপ্ত হইয়াছিল। কারণ, মহাদেব ঐ শকাবে প্রায় শতবর্ষ-বয়স্ক ছিলেন এবং অতি বার্কক্যই সম্ভবতঃ দমুজমাধব কর্তৃক তাঁহার “পুরস্কারে”র হেতু হইয়াছিল। ধ্রুবানন্দের গ্রন্থে এইরূপ একবার মাত্র প্রসঙ্গতঃ লক্ষ্মণসেনের নামোল্লেখ দৃষ্ট হয় (পৃ. ২)—আদিশূর কিংবা বল্লালসেনের নাম একবারও উল্লিখিত হয় নাই। অথচ আদিশূর-ফোড়িয়া গ্রন্থ ঐতিহাসিক-গোষ্ঠী কুলশাস্ত্রের প্রামাণ্যবিচারে

ঋবানন্দকে বাদ দেন না—তাঁহার দুইহ রচনার একটি পঙ্ক্তিও বুঝিবার বা বিশ্লেষণ করিবার চেষ্টা না করিয়াই তাঁহার পিণ্ডপাতের ব্যবস্থা করেন। কি অপূর্ব বিজ্ঞানসম্মত প্রণালী!

দক্ষুজমাধব সম্বন্ধে এডুমিশ্রের অতি মূল্যবান রচনা উদ্ধৃত করার পূর্বে আমরা তাঁহার কুলপরিচয় লিপিবদ্ধ করিতেছি—কোন সহজলভ্য মুদ্রিত গ্রন্থ হইতে নহে পরন্তু হস্তলিখিত কুলগ্রন্থ হইতে। ঋবানন্দের গ্রন্থানুসারে মুখবংশের আদি-পুরুষ মেধাতিথির অধস্তন নবম পুরুষ “শ্রীজিয়া-শুক্রিকো” (মেধাতিথি—আবর—ত্রিবিক্রম—কাক-ধাধু “মুখে ধ্যাতঃ”—জলাশয়—বাণেশ্বর—প্রাণেশ্বর—জিয়াশুক্রিকো)। তন্মধ্যে শুক্রের প্রপৌত্র আয়িত আদি কুলীন ছিলেন। জিয়ার শাখা অকুলীন বলিয়া সকল গ্রন্থে লিপিবদ্ধ নাই—“সমুদ্রগোড়-কুলং” বলিয়া কয়েকটি “মূল” পুথিতে আমরা এই শাখার নামমালা আবিষ্কার করিয়াছি। যথা:

“জিয়োসুং শালু তৎসুত শঙ্কর তৎসুতো বলদেববশিষ্ঠৌ, বলদেবসুতাঃ গদো (প্রভৃতি), গদাধর মিশ্রসুত দুর্ঘোষন মিশ্র তৎসুতাঃ এডুমিশ্র-চক্রপাণিগণপতিকাঃ। এডুমিশ্র পঞ্জিকাকারঃ, তৎসুৎ কুশধ্বজ মিশ্র (কাশীর সরস্বতী-ভবনে রক্ষিত ১০৮৭নং পুথির ১৪৩১২ পত্র—এই পুথির ১৪৩ ৪৫ পত্রে এডুমিশ্রের অধস্তন বিস্তীর্ণ বংশধারা লিপিবদ্ধ আছে)। সাহিত্য-পরিষদের পুথিতে (৫৪৫।১ পত্রে) শালুর পরিবর্তে আছে সম্ভূমণি এবং এডুমিশ্রের স্পষ্টতর পরিচয় আছে “এডুমিশ্র কুলপণ্ডিত পত্নী রত্নাবলি ভৃত্য বক্রাইনামা মালাকাবঃ”। কিন্তু পুত্র কুশধ্বজের নাম নাই। রাজসাহীর একটি পুথিতেও (৩৯৮।১) কুশধ্বজের নাম বাদ পড়িয়াছে—পরিচয় আছে “এক কুলপণ্ডিকাঃ (?) অশ্রু পত্নি রত্নবতী”। এতদনুসারে এডুমিশ্র হইতেছেন আদি কুলীন আয়িতের প্রপৌত্র পর্য্যায়। তাঁহার প্রপিতামহ বলদেবের সহিত আদি কুলীন শিষ্যে গাজুলী “উচিত” সম্বন্ধ করিয়াছিলেন (ঋবানন্দ পৃ. ১)। সুতরাং ১২০০ খ্রীষ্টাব্দের কিঞ্চিৎ পরে এডুমিশ্রের জন্ম ধরা যায় এবং দক্ষুজমাধবের রাজত্বকালে তিনি যৌবন অতিক্রম করেন নাই। সম্বন্ধনির্ণয়-গ্রন্থে (২য় সং, পৃ. ৫৬২-৬৭; ৩য় সং, পৃ. ৭১২-১৭) “এডুমিশ্রের পরিচয়” শীর্ষক মূলো পঞ্চাননের একটি সুদীর্ঘ কবিতা মুদ্রিত হইয়াছে। তদনুসারে তিনি ছিলেন কুম্ভবংশীয় রোধাকরের পৌত্র। ইহা ঋবানন্দাদি সমস্ত কুলগ্রন্থের বিরোধী নিশ্চয়মাণ উক্তি এবং সর্বধা-পরিত্যাজ্য। কুম্ভবংশের নামমালা কুলগ্রন্থে দুপ্রাপ্য নহে—তন্মধ্যে এডুমিশ্র নাম আমরা পাই নাই।

ঋবানন্দের গ্রন্থে ২৩ সমীকরণে কাঁটাছিন্ন বন্দ্যবংশীর

ভীমপুত্র হরির কুলবিবরণ আছে (পৃ. ২৩)—তৎস্থলে একটি পুথির পাঠান্তরে “কিঞ্চ এডুমতে” বলিয়া উক্ত হরির সম্বন্ধে এডুমিশ্ররচিত বসন্ততিলক ছন্দে ঋক্গ্লোক মুদ্রিত হইয়াছে (মহাবংশ পরিশিষ্ট, পৃ. ১৪৮)। এই পাঠান্তর প্রামাণিক। কারণ, ঋবানন্দের টীকাকার “কিঞ্চ এডুমতে” প্রতীক উদ্ধৃত করিয়া ঐ গ্লোকের ব্যাখ্যা করিয়াছেন। লালমোহন বিদ্যানিধির পুত্র শ্রীমানিক ভট্টাচার্যের নিকট রক্ষিত এই অতি দুর্লভ টীকার খণ্ডিতাংশ পরীক্ষা করিয়া আমরা অত্যন্ত উপকৃত হইয়াছি (৩৪।২ পত্র দ্রষ্টব্য)। ঋবানন্দের প্রামাণিক গ্রন্থে উদ্ধৃত এডুমিশ্রের এই গ্লোক বিশ্লেষণ করিলে পাওয়া যায়, আদি কুলীন মকরন্দের বৃদ্ধ-প্রপৌত্র (সুপ্রসিদ্ধ নরসিংহ ওদার এক পুরুষ পরবর্তী) হরিবন্দ্যের ছয় পুত্রই এডুমিশ্রের গ্রন্থরচনাকালে বয়ঃপ্রাপ্ত ছিলেন—তাঁহাদের বিশেষণ পদ “উত্তটগুণানুধয়েঃ” লক্ষণীয়। তাঁহারা ছিলেন এডুমিশ্রের পৌত্রপর্য্যায়। সুতরাং অনুমান করা যায়—এডুমিশ্রের কুলগ্রন্থ তাঁহার বার্কক্যে প্রায় ১৩০০ খ্রীষ্টাব্দে রচিত হইয়াছিল।

সম্বন্ধনির্ণয়গ্রন্থের নানা স্থলে এডুমিশ্রের বহু কারিকা (সমস্তই অনুষ্টুপছন্দে রচিত) মুদ্রিত হইয়াছে (৩য় সং, পৃ. ৫৩১-২. ৫৮৮, ৬৩০, ৬৩৬, ৭১৫, ৭১৯; ক্রোড়পত্র পৃ. ৯২-৩)। আমরা এযাবৎ ইহাদের একটি কারিকাও কোন মূল পুথিতে পাই নাই। কিন্তু সন্ধানকালে এমন একটি লেখা আমাদের দৃষ্টিগোচর হয় যাহাতে আমাদের সন্দেহ বাড়িয়া যায় যে ঐ সমস্ত কারিকা অত্যাধুনিক রচনা এবং কৃত্রিম করিয়া এডুমিশ্রের নামে প্রচারিত হইয়াছে। এতদ্বারা সম্বন্ধনির্ণয় গ্রন্থের প্রামাণ্য বিশেষ ভাবে ব্যাহত হইতেছে। গ্রন্থের ক্রোড়পত্রে (পৃ. ৬৫-৭) মুদ্রিত ভট্টভবদেবের কুল-কারিকাটি “কুলচন্দ্র ষটক সংগৃহীত মহাবংশাবলী” হইতে উদ্ধৃত বলিয়া লিখিত হইলেও নিশ্চিতই আধুনিককালে রচিত। কারণ, তন্মধ্যে ভুবনেশ্বরে ভবদেবনির্মিত মন্দিরের উল্লেখ আছে এবং সম্প্রতি তাহা ভ্রামাঙ্ক ও অমূলক বলিয়া প্রমাণিত হইয়াছে।

নগেন্দ্রনাথ বসুর গ্রন্থেও এডুমিশ্রের কতিপয় কারিকা (শার্দূলবিক্রীড়িত ছন্দে রচিত) মুদ্রিত হইয়াছে। সৌভাগ্যবশতঃ বাংলার সামাজিক ইতিহাসের এই প্রাচীনতম আকরগ্রন্থের আরম্ভাংশ আমরা আবিষ্কার করিতে সক্ষম হইয়াছি, হরপ্রসাদ শাস্ত্রী মহাশয়ের গৃহে একখণ্ড ঋবানন্দের মিশ্রগ্রন্থের পুথিতে এডুমিশ্রের গ্রন্থের প্রথম ৩ পত্র মাত্র পাওয়া যায়—তন্মধ্যে প্রথম ২২ গ্লোক আছে। নব্বীপ পাঠাগারে ২৩ পত্র রক্ষিত আছে তাহাতে ১৫-৪৩ গ্লোক আছে। শেষোক্ত গ্লোকগুলি আমরা একটি আলোকিত

মুক্তি করিয়াছিলাম (ভারতবর্ষ, বৈশাখ ১৩৪৭, পৃ. ৭০২-৪)
—প্রথমাংশ তখনও আবিষ্কৃত হয় নাই। সমস্ত শ্লোকই
শার্দূলবিক্রীড়িত ছন্দে রচিত এবং বুঝা যায় নগেন্দ্র বসুও
এই গ্রন্থেরই ক্ষুদ্রাংশ সংগ্রহ করিয়াছিলেন। এই গ্রন্থেই
আদিশূরকর্তৃক ব্রাহ্মণানয়নের প্রসঙ্গ সর্বপ্রথম বর্ণিত
হইয়াছে। সাবধানে লক্ষ্য করা আবশ্যিক, এডুমিশ্রের মতে
কেবল “সভাশোভা”র জন্ত ব্রাহ্মণ আনীত হইয়াছিল—যজ্ঞার্থে
নহে। ব্রাহ্মণের সহিত পঞ্চ-কায়স্থ আনয়নের কথা ঘূণাক্ষরেও
এডুমিশ্র উল্লেখ করেন নাই—তাহা বহু পরে কল্পিত হইয়া
থাকিবে। আদিশূর সম্পর্কে এডুমিশ্রের মনোহর শ্লোকত্রয়
(১২-১৪ সংখ্যক) উদ্ধৃত হইল :

পশ্চাদাবিরভূং বিভূতিভূভগঃ স্রীলাদিশূরো নৃপঃ
যশ্মাদাদি বরাহদেব-ঘটনাসংস্থাবলং লক্ষ্যতে ।
যংকীর্তিন রিনর্তি কার্তিকশশিশ্রীতাংসুমূর্তিঃ ক্ষিতৌ
যঃ সৌরাষ্ট্র-কলিঙ্গ-বঙ্গ-মগধাধীশশ্চ জেতাভবং ।
নানাদানবিধান-সদৃশগিগণাবস্থানসম্মাননৈঃ
লক্ষ্মীলক্ষ্ম-বিপক্ষসংক্ষয়কবন্ধারপ্রতাপাদিভিঃ ।
নানাপশুতমগুণীপরিচয়ৈঃ নানাকথাকৌশলৈঃ
স্পষ্টাং রুচয়তি স্মৃৎং স হি মহাকাশীঘরেণৈব চ ।
কিঞ্চ ক্রৌণিপতেষুমুখ্য ন সভাশোভা তথা বীক্ষ্যতে
বিখ্যাতধিকরাজহীনগগনঃ স্রীমদ্বিজেন্দ্রোচ্ছ্রিতা ।
তামালোচ্য বিষয়তামুপগতঃ ক্রৌণীপতি-ধার্বকান্
তৎসজ্ঞানদিশং দ্বিজাকৃতিকৃতে গণ্ডং দিশং পশ্চিমাম্ ।

পরবর্তী ১৫-২৯ শ্লোকে কাশ্যকুঞ্জের অন্তর্গত কোলাঞ্চ
দেশ হইতে ক্ষিতীশ প্রভৃতি পঞ্চবিপ্রের আগমন, বেশভূষা-
দর্শনে রাজার অশ্রদ্ধা এবং পরিশেষে রাজার নিকট কামটী
প্রভৃতি নগরপ্রাপ্তি বর্ণিত হইয়াছে। বহু পরে বল্লালসেনের
রাজত্ব (৩০-৩১ শ্লোক) এবং তৎপর

তৎপুত্রো রঘুবীর-লক্ষ্মণসমঃ প্যাতোহভবং লক্ষ্মণঃ
তশ্চাত্ত্বং বিধিবৈশসেন সুরচরং হুলক্ষণং কিঞ্চন ।
তশ্চাত্ত্বনয়ঃ প্রচণ্ডবিনয়ঃ স্রীকেশবাখ্যঃ স্বয়ং
দেশকাপি বিহার বঙ্গমগমং ভীতস্তরুক্ষাততঃ ॥ ৩২
তত্রাসীদমুজাদিমাধবনৃপস্তং কেশবো ভূপতিঃ১

১। নগেন্দ্রবাবুর পুথিতে এই পঙ্ক্তির প্রথমার্ধ (অর্থাৎ
দমুজমাধবের নাম) ভ্রুটিত ছিল। তিনি লিখিয়াছেন, “উক্ত
শ্লোকের পূর্বাংশ বহু চেষ্টায় সংগ্রহ করিতে পারি নাই। কেহ
সংগ্রহ করিতে পারিলে ঐতিহাসিক-জগতের বিশেষ উপকার হইবে।”
(রাঢ়ীয় ব্রাহ্মণবিবরণ, ২য় সং, পৃ. ১৫৮-পাদটীকা)। নগেন্দ্রবাবু
এস্থলে ২।০ শ্লোক (৩৩-৩৪, ৩৫-এর প্রথমার্ধ) উদ্ধৃত করিয়া-
ছিলেন, তাহাই বধেচ্ছ পরিবর্তিত ও পূরিত করিয়া “কুলতর্ঘারবে”
মুক্তি হইয়াছে (পৃ. ৬৯)। কোন সন্দেহই থাকিতে পারে না যে
নগেন্দ্রবাবুর ঐস্থ মুক্তি হওয়ার পর কুলতর্ঘারব রচিত হইয়াছিল।

সৈন্তৈবিপ্রগণৈঃ পিতামহকৃতেব্রহ্মৈশ্চ যুক্তো গতঃ ।
তাঞ্চক্রে নৃপতির্ষহাদরতয়া সম্মানয়ন্ জীবিকাং
তদ্বর্গশ্চ চ তশ্চ চ প্রথমতশ্চক্রে প্রতিষ্ঠাঘিতঃ ॥ ৩৩
ভূপালঃ স চ কেশবং নরপতিং কিঞ্চিং প্রসঙ্গাস্তরে
বাক্যং প্রাহ “ভবংপিতামহকৃতী বল্লালসেনো নৃপঃ ।
কৌদৃগ্বিপ্রুলাকুলাদিনিয়মং কস্মাৎ কথং বা কুতঃ
কেনোজোগভরণেণ বিপ্রনিকরং চক্রে তদাখ্যাসি মে ॥”৩৪
তৎস্রদ্ধা কুলপণ্ডিতং কথয়িতুং তত্তজ্জগাদাদর্যং
এডুং মিশ্রমশেষশাস্ত্রকুশলং বিপ্রপ্রথাপারগং ।
যো মিশ্রঃ কবি(জিষ্ণু)রেষ জগতীবিখ্যাতকীর্তি-ধ্বিজ
শ্রেণিপ্রস্তুতসংকুলাকুল বিধিবিদ্যাবতামগ্রণীঃ ॥৩৫
পুত্রো যশ্চ কুশধ্বজঃ সমভবং পত্নী চ রত্নাবতী
যত্নতো বকরাগ্নিকঃ স তু কুলব্যাখ্যাং বিতেনে তদা ।
ভো রাজস্ববধেহি সম্প্রতি কুলব্যাখ্যানমাকর্ণ্যতাম্
আস্তে পশ্চিমদিগ্বিশেষবিষয়ে স্রীকালুকুঞ্জাহ্বয়ঃ ॥৩৬

(সারার্থ : বল্লালের পুত্র লক্ষ্মণ হৃদৈবহেতু দীর্ঘকাল
কষ্টে পতিত হন—তৎপুত্র কেশব তুরুঙ্কের ভয়ে দেশত্যাগ
করিয়া সটৈশ্বে বিপ্রগণসহ বঙ্গে রাজা দমুজমাধবের আশ্রয়ে
যান। উক্ত রাজা সাদরে সকলের জীবিকা করিয়া দেন।
একদিন প্রসঙ্গক্রমে দমুজমাধব কেশবসেনকে বল্লালসেনকর্তৃক
বিপ্রকুলব্যবস্থাদির বিষয়ে প্রশ্ন করিলে কেশব কুলপণ্ডিত
এডুমিশ্রকে তাহা বলিতে বলেন। তদনুসারে কেশবের সন্মুখে
দমুজমাধবের নিকট এডুমিশ্র “কুলব্যাখ্যা” করিয়াছিলেন।)

এডুমিশ্রের গ্রন্থরচনার এই অবতরণিকা ছাড়া
মূলগ্রন্থের মাত্র সাতটি শ্লোক আবিষ্কৃত হইয়াছে—তন্মধ্যে
বল্লালসেনকর্তৃক চণ্ডীর বরে প্রহরদ্বয়ে “সপ্তশতী” ব্রাহ্মণসৃষ্টি
(৩৮-৪১ শ্লোক) অতীব কোতুকজনক। ৩৩ শ্লোকে
“আসীৎ” পদের প্রয়োগদ্বারা প্রমাণ হয় রচনাকালে দমুজ-
মাধব জীবিত ছিলেন না। এডুমিশ্রের পুত্রাদির নামোল্লেখ
(৩৬ শ্লোক) পরবর্তী কুলগ্রন্থদ্বারা সমর্থিত হইয়াছে। ৪৩
শ্লোকে এডুমিশ্র স্পষ্টোক্তি করিয়াছেন যে, বল্লালসেনের মৃত্যুর
পর তাহার জন্ম হয় (“জাতোহহং নৃপতৌ গতে সুরপুরং
বল্লালসেনে ততঃ”)। এডুমিশ্রের এই রচনামধ্যে রাঢ়ীয়
ব্রাহ্মণদের ইতিবৃত্ত যেটুকু লিপিবদ্ধ হইয়াছে, বঙ্গদেশের
প্রামাণিক কোন ঐতিহাসিক ঘটনার সহিত বস্তুতঃ তাহার
কোন বিরোধ নাই—বরং দমুজমাধবের তান্ত্রশাসন আবিষ্কৃত
হইয়া কুলশাস্ত্রের এই আকর সুদৃঢ় ভিত্তিতে প্রতিষ্ঠিত হইল।
তুরুঙ্কের ভয়ে কেশবসেন বিক্রমপুরে দমুজমাধবের আশ্রয়
লইয়াছিলেন—এই একটিমাত্র ঐতিহাসিক গুরুত্বপূর্ণ অনন্ত-
লভ্য তথ্য লিপিবদ্ধ করিয়াই প্রত্যক্ষদর্শী এডুমিশ্র বঙ্গদেশে
চিরস্মরণীয় হইয়া থাকিবেন। ইহাই প্রমাণপরতন্ত্র বিদ্বৎ-
সমাজের আশংসা।

শ্রীশ্রীরামদাস বাবাজী


শ্রীসুকুমারী দত্ত

প্রেমভক্তি প্রদাতায়ং আনন্দানন্দ বর্ধনম্ ।
স্বর্ণময়ী স্তুতং বন্দে যোগমায়া মনোহরম্ ।
বিজয়বলভাং দেবীং বিজয়ানন্দ বর্ধিনীম্ ।
সদানন্দময়ীং সাধ্বীং যোগমায়া নমাম্যহম্ ।
পতিতানাং পাবনেভ্যঃ বৈষ্ণবেভ্যঃ নমঃ নমঃ ॥

১২৮৩ বঙ্গাব্দে ২২শে চৈত্র মঙ্গলবারে রাত্রি ষোল দশু চৌদ্দ পলে যখন ধনু লগ্নোদয় হইয়াছিল এবং ধনুবাশিতে মূলা নক্ষত্রের প্রথমপাদে গৌণ চৈত্রী কৃষ্ণাষষ্ঠীর শশধর উদ্ভিত হইয়াছিলেন সেই সময়ে পূর্ববঙ্গে ফরিদপুর জেলার পালং-এর অধীনে কোড়বপুর গ্রামে, পদ্মাতীরে শ্রীঅনন্তরূপী শ্রীনিত্যানন্দের একান্ত শরণাগত স্বধর্মনিষ্ঠ শ্রীল দুর্গাচরণ গুপ্তের সহধর্মিণী পতিব্রতাশিরোমণি শ্রীযুক্তেশ্বরী সত্যভামা দেবীর অষ্টম গর্ভে উদয় হইলেন শ্রীশ্রীরামদাস বাবাজী মহারাজ ।

সুন্দর । অতি ধীরে ধরণীবক্ষে পদক্ষেপ করিতেছেন, সর্ব্বাঙ্গে আনন্দ-শিহরণ খেলিতেছে । অতি মুহূর্ত্তে মধুর “নিতাই নিতাই” উচ্চারণ করিতেছেন । পোড়ামাতলা আসিয়া শ্রীশ্রীমহাপ্রভুর মন্দির লক্ষ্য করিয়া গড় হইয়া ধুলায় লুটাইতেছেন । শ্রীশ্রীপ্রভু হরিসভায় অবস্থান করিতে লাগিলেন । শারিকা শ্রীরাধিকা গুপ্ত আদেশ অনুযায়ী পূর্ব হইতেই হরিসভাতে অপেক্ষা করিতেছিলেন । কীর্ত্তনানন্দ চলিতে লাগিল । বন্ধুসুন্দর ঘণ্টার পর ঘণ্টা ঠায় দাঁড়াইয়া অপলকনেত্র নৃত্যরঙ্গী গৌরসুন্দর দর্শন করিতেন । একদিন শ্রীশ্রীপ্রভু আনবের শারিকার (শ্রীরাধিকা গুপ্তের) নাম রাখিলেন—শ্রীরামদাস এবং তাঁহাকে এই নামে ডাকিলেন । বন্ধুসুন্দর প্রিয়জনদের যত নাম রাখিয়াছেন তন্মধ্যে রামলীলার সঙ্গে যুক্ত নাম এই একটি বৈ আর দৃষ্ট হয় না । রামের দাস বীর হুম্মানের সেবাভজন নিষ্ঠার কিছু লক্ষণ শারিকার মধ্যে দেখিয়া কিংবা

কানাইলাল গুপ্ত



দুর্গাচরণ গুপ্ত কানাইলালে স্বীয় গুরুদত্ত নাম জপ করিতে করিতে স্বর্গারোহণ করেন । সত্যভামা দেবী শ্রীধাম নবদ্বীপে শ্রীশ্রীনিতাই-গৌর স্মরণ মনন জপ করিতে করিতে নিত্যলীলায় প্রবেশ করেন ।

রাধিকা গুপ্ত (শ্রীশ্রীরামদাস বাবাজীর পূর্বাশ্রমের নাম) যখন ফরিদপুরে বাংলা স্কুলের নিম্ন শ্রেণীর ছাত্র—বয়স মাত্র আট-নয় বৎসর, তখন একদিন বিদ্যালয়-প্রাক্কণের সল্লিকটস্থ এক পুষ্করিণী-তীরে বট-বৃক্ষতলে লীলাময়ের ইচ্ছায় প্রেম-কল্পতরু প্রভু শ্রীশ্রীজগদ্বন্ধুসুন্দরের মোহনরূপ তাঁহার নয়নে পড়ে । সেই অতি অল্প বয়সে প্রথম দর্শনমাত্রেই তাঁহার মনে গৃহত্যাগের সঙ্কল্প উদ্ভিত হয় এবং তাঁহার জীবন-নদীতে ভক্তির বন্যা আসে । সেই বন্যা সমগ্র ভারত-বর্ষকে প্রাবৃত করিয়াছে ও লক্ষ লক্ষ নর-নারীকে শ্রীশ্রীনিতাইগৌর-প্রেমে পাগল করিয়াছে এবং এখনও করিতেছে ।

মধ্যবাত্রে প্রভু শ্রীশ্রীজগদ্বন্ধুসুন্দর স্বরূপগঞ্জের ঘাট হইতে নৌকায় পার হইয়া গোকুলানন্দের ঘাটে আসিলেন । আসিয়াই দণ্ডবৎ হইয়া শ্রীধামকে প্রণাম করিলেন—

“স্বধ্বনী পারে যয়ে, অষ্টাঙ্গে প্রণাম হয়ে,
ভাসিব যে নয়ন ধারায় ।”

বর্ধিত এই পদের সার্থকতা নিজ আচরণ দ্বারা দেখাইলেন বন্ধু-

দেখিতে ইচ্ছা করিয়া এই নামকরণ করিয়া থাকিবেন অথবা অল্প কোন কারণ আছে, তাহা যাঁহার নাম আর যিনি রাখিয়াছেন, তাঁহারাই জানেন । রামদাসকে বন্ধুসুন্দর আদর করিয়া রাম, রামি, রামা এইরূপও ডাকিতেন । কখনও পূর্ব অভ্যাসবশতঃ শারিকাও বলিতেন ।

একদিন কীর্ত্তনানন্দের পর প্রিয় রামদাসকে ডাকিয়া বন্ধুসুন্দর কহিলেন, “রামি, তুই ব্রজের পথে চল ।” আদেশ শুনিয়া রামদাস ব্যাকুলভাবে প্রভুর শ্রীমুখের দিকে চাহিলেন । প্রভুর শ্রীচরণ সেবা ছাড়িয়া একা সম্বলহীন অবস্থায় ব্রজের দিকে বাইতে তিনি ইচ্ছুক নহেন, চাহনির মধ্য দিয়া যেন এই কথাই ব্যক্ত হইল । ভক্তের অন্তরের কথা জানিয়া মধুরতরুভাবে বন্ধুসুন্দর কহিলেন, “তুই কাতর হোস না । পাথের দেওয়া হবে, চলে যা । আমি তোমার পিছনে আছি । তুই হাতবাসে গিয়া অটল নন্দীর বাসায় আমার অপেক্ষায় থাকবি ।” এই আদেশের উপর “না” কথাটি বলিবার সামর্থ্য আর রহিল না । তাঁর অনুপস্থিত শ্রীরামদাস কৃপাপাথের ও অর্থপাথের উভয়ই গ্রহণ করিয়া অশ্রুসিক্ত নয়নে ব্রজের পথে চলিলেন । তখন তিনি পঞ্চল বর্ষাব্যাপক ।

“তোমা সনে ব্রজ-বনে শ্রীকৃষ্ণ গিরি গোবর্ধনে
সেই সঙ্গে সে সুখবিলাস।

ব্রজরস গৌরবস নিভারি তার নির্যাস
পিয়াইলে মিটাইয়া আশ।”

—শ্রীশ্রীরামদাস

হাতরাসে আসিয়া রামদাস প্রভুর আদেশ অহুযায়ী রেলবিভাগের কর্মচারী ভক্তবর শ্রীযুক্ত যোগেন বাড়ুজ্য মহাশয়ের নিকট উপস্থিত হন। হাতরাসে তখন অটলবিহারী নন্দী, হরিদাস গোস্বামী প্রভৃতি বহু ভক্ত অবস্থান করিতেন। রামদাসজী তাঁহাদের প্রীতিকর সঙ্গ পাইলেন। একটি ঠাকুরবাড়ীতে তাঁহার প্রসাদ পাইবার বাবস্থা হইল। তিনি প্রভুর প্রতীক্ষায় দিনাতিপাত করিতে লাগিলেন। রামদাস এই হাতরাসে—ব্রজের ছয়ারে, আসিয়াও ব্রজে প্রবেশ করিতে পারিতেছেন না। আদেশ নাই। ভক্ত অবিবাম অশ্রুণীরে ভাসিতেছেন। আর সহ হয় না। রামদাস পত্র লিখিলেন—

“বন্ধু, আমার মানস-সম্পূর্ণ নাশিতে
যদি তোমার অতি দুঃখ হয়।

তবে আমার যা হবার তা হবে, কেন তুমি দুঃখ পাবে,
সুখে থাক তুমি সুখময়।

ফেলে মোরে একা বন্ধুহীন দেশে,
প্রাণবন্ধু জগৎবন্ধু কোথা ব'লে বসে,
আমি তোমার উদ্দেশে যাব কোন দেশে
কে দিবে পথের পরিচয়।”

রামদাসের অন্তরের সুনিবিড় বেদনা যেন এই কয়টি পংক্তির মাঝে মূর্ত হইয়া উঠিয়াছে। শ্রীবৃন্দাবনের দ্বারপ্রান্তে বসিয়া তিনি ছটফট করিতেছেন। বন্ধুহীন দেশে বন্ধুর আদরের শাবিকা রামদাস জীবন্ত তবৎ হইয়া কেবল অশ্রুধারায় ভিজিতেছেন। প্রাণবন্ধুর স্নেহ-সিক্ত কথা স্মরণ করিয়া অশ্রুভরা নয়নে কম্পিত কণ্ঠে গান করিতেন—

“তাঁর ভালবাসা বীতি, অসীম গুণ সম্পত্তি
মনে হইলে হৃদয় বিদরে।

মোর অধায়নকালে, আকর্ষণী কৃপাবলে,
ডুবাইল অমিয় পাথরে।

তাঁরই বাৎসল্য স্নেহ, সোহাগে লালিত দেহ,
তাঁরই হৃদয় মনপ্রাণ।

তাঁর মুই ক্রীতদাস, সেই পদে সদা আশ,
সেই মোর ভজন সাধন।

সাঁড়ার তাঁহার কথা, হৃদয়ে বাড়ে যে বাথা,
কে মোরে পাঠায় বৃন্দাবন।

রামদাস পত্র পাইয়া বন্ধুস্বন্দর এই মর্মে উত্তর লিখিলেন—“রামদাস, তুমি একাকীই বৃন্দাবনে যাবে। শ্রীগোবিন্দজীর পুরনো মন্দিরে থাকিবে। মাধুকরী করিবে। ফিরে আবার হাতরাসে আসিবে। আমি শীঘ্রই যাইতেছি।” আদেশবাক্য স্মরণ করিয়া রামদাস

একাকীই বৃন্দাবন-যাত্রা করিলেন। সন্ধ্যায় পবে তিনি শ্রীধাম বৃন্দাবনে পৌঁছিলেন। কোথায় গোবিন্দজীর মন্দির, কেমন করিয়া সেখানে যাইবেন, কিরূপে থাকিবেন এ সকল সমস্তের কথা উদ্ভিগ্ন-চিত্তে ভাবিতে ভাবিতে সমাধানের জন্ম যিনি আদেশ করিয়াছেন তাঁহারই শরণাপন্ন হইলেন।

“তুমি কোথায় যাবে, বাবা”—জঠনকা বর্ষীয়সী রমণী রামদাসজীর নিকটে আসিয়া জিজ্ঞাসা করিলেন। “গোবিন্দজীর পুরনো মন্দিরে, কিন্তু মন্দিরের পথ যে চিনি না মা!” “তার জন্ম কি বাবা, আমি তোমাকে পৌঁছে দেব।” রমণী চলিতে লাগিলেন আর রামদাস তাঁর অহুগমন করিতে লাগিলেন। গোবিন্দজীর মন্দিরের নিকটে গিয়া “এই যে বাবা, গোবিন্দজীর মন্দির”—বলিয়া রমণী অদৃশ হইয়া গেলেন। রামদাস ফিরিয়া আর রমণীকে দেখিতে পাইলেন না। ব্রজমণ্ডলে আর কোন দিন ঐ বৃদ্ধাকে তিনি দেখিতে পান নাই। শ্রীশ্রীরামদাস বাবাজী মহারাজের দৃঢ় অক্ষুণ্ণ ধারণা ছিল—এই রমণীই সাক্ষাৎ যোগমায়া। গোবিন্দজীর মন্দিরের শ্রীমৎ চৈতন্যদাসজীর সঙ্গে রামদাসের বিশেষ পরিচয় হইল।

শ্রীমৎ চৈতন্যদাসজীর যত্নে ও চেষ্টায় রামদাস শ্রীগোবিন্দজীকে দর্শন করতঃ তিন দিন পুরনো মন্দিরে অবস্থান করিলেন, তারপর শ্রীরাধাকৃষ্ণ দর্শন করিলেন। বন্ধুস্বন্দরের আদেশবাক্য শিরোধার্য করিয়া তিনি কয়েকদিন মাধুকরী করিলেন, বনে বনে ঘুরিলেন। তারপর পুনরায় হাতরাসে ফিরিয়া আসিয়া জগৎবন্ধুস্বন্দরের প্রতীক্ষা করিতে লাগিলেন—তাঁহার অন্তরে আবেগভরা উৎকণ্ঠা আবার কানায় কানায় পূর্ণ হইয়া উঠিতে লাগিল।

রামদাসের আন্তিতে ও প্রাণের আকর্ষণে বন্ধুস্বন্দরের আসন টলিল। ভক্তদের উপর সকল কাজের ভার দিয়া, কাহাকেও কিছু না বলিয়া বৃন্দাবনদাসসহ শ্রীশ্রীপ্রভু বাকচর হইতে রওনা হইলেন। বৃন্দাবনদাসজী পূর্বেই হাতরাসে আসিয়া পৌঁছিলেন। “প্রভু আসিতেছেন” এই সংবাদে ভক্তমহলে আনন্দের সাড়া পড়িয়া গেল; রামদাসের হৃদয় আনন্দে নাচিতে লাগিল। যথাসময়ে প্রভুও আসিয়া পৌঁছিলেন। কয়েকদিন হাতরাসে অবস্থান করিয়া প্রিয় রামদাসসহ প্রভু শ্রীবৃন্দাবনধামে ছত্রিশগড় রাজার কুণ্ডে উপস্থিত হইলেন। আশ্বিন মাস, সপ্তমী পূজার দিন। সেই সময় বৃন্দাবনে লালাবাবুর মন্দিরের সম্মুখে দুর্গোৎসব হইত। ইহাই ছিল তখন বৃন্দাবনে একমাত্র দুর্গোৎসব। উৎসবের প্রথম দিনেই ভক্তসহ প্রভু শ্রীবৃন্দাবনে পৌঁছেন। আদরের রামদাসের চিত্তকে গভীর ভাবে ব্রজ-ভজনে উন্মুখ করিবার জন্মই যেন প্রভুর এবারকার ব্রজে বাস। “শ্রীরূপে শিক্ষা দিলা শক্তি সকারিয়া”—কৃষ্ণদাস কবিরাজের এই কথাগুলি এই গুরু এবং শিষ্যের প্রতিও প্রযোজ্য। সমস্ত কার্তিক মাস রাধাকুণ্ডে শ্রীদাসগোস্বামীর সমাধি-মন্দিরের সন্নিধানে বাস করিয়া রামদাস নিয়ম সেবাস্রুত করেন। তখনও বন্ধুস্বন্দর শ্রীকৃষ্ণের জলস্পর্শ করিতে পারেন না। করিলেই ভাবাবিষ্ট হন। শ্রীরাধা নাম ঐতিহ্যগোচর হইলেই অচৈতন্য হইয়া পড়েন। সে সময়

বিহ্বলতা রামদাস প্রাণ ভরিয়া দেখেন, হৃদয় ভরিয়া আঁকিয়া লন।
রামদাস স্বরচিত এই গান গাহিতেন—

“ব্রহ্মচর্যা দৃঢ়ব্রত,
কঠোর নিয়ম সদাচারে।
নদে ব্রজ উপাসনা,
রাত্রি-দিন অস্তম্ভনা,
“বা” ভাবিতে ধৈর্য পাসরে।
শ্রীরাধা নাম যদি শুনে,
অচেতন সেই ক্ষণে,
নিশিদিশি ভাবে ডুবে য়।

রামদাসের পরিধানে কালো ফিতে পাড়ের কাপড় ছিল। তাহা ছিঁড়িয়া কোপীন ও বহির্কাস তৈয়ারী হইল। তাহাই পরিধান করিয়া প্রভুর ইচ্ছায় রামদাস নিষ্কিন্দ্র সাজিলেন। সঙ্গে সঙ্গে নূতন জীবনের নূতন শিক্ষা আরম্ভ হইল। বন্ধুস্বন্দরের শিক্ষার পদ্ধতি অভিনব। কথা কম, কাজই বেশী। কখনও হৃদয় দিনের পর দিন মোটেই কথা বলিতেছেন না। কিন্তু নিজ আচরণগুলির মধ্য দিয়া অপূর্ব শিক্ষা দিতেছেন। রামদাস নিত্য তিন বার ষমুনাবগাহন, কুঞ্জ কুঞ্জ মাধুকরী বাচন, বিহ্বলভাবে শ্রীবিগ্রহ দর্শন ইত্যাদি করেন, ঠাকুর বৈষ্ণবের সম্মুখে ভুলুঠিত হইয়া তাঁহাদের স্নেহ-প্রীতি করুণা আকর্ষণ করেন। শ্রবণ, মনন, সাধন-ভজন, ইত্যাদিতে নিষ্ঠার সহিত রত থাকেন। বন্ধুস্বন্দরের নিখুঁত আচরণ-গুলির মধ্য দিয়া রামদাসজীর জীবনের নূতন শিক্ষার বেথাপাত হইতে লাগিল। প্রভু রামদাসকে খুব কৃচ্ছসাধন করাইতেন। রামদাস একনিষ্ঠ ভক্তের জায় প্রভুর সেবা করিতেন। প্রভু তাঁহাকে কোন মিষ্ট দ্রব্য উদরস্থ করিতে দিতেন না। এমনি ভাবে তিনি ক্রমে ক্রমে রামদাসকে তৈয়ারী করিয়া লইলেন। অবশেষে রামদাসের কৃষ্ণামুবাগ এমন বদ্বিত হইল যে, নাম করিতে বসিলেই অক্ষুঞ্জলে তাঁহার বক্ষ ভাসিয়া বাইত। পাছে এই অক্ষুঞ্জল ও ভাবাবেশের মধ্য দিয়াও কোন ফাঁকে প্রতিষ্ঠা প্রবেশ করে, এই আশঙ্কায় বন্ধুস্বন্দর বাহিরে শুধু ভাব দেখাইতেন। “ক্রন্দামি সৌভাগ্যভরং প্রকাশিতুম্”—ইত্যাদি শ্রীমহাপ্রভুর বাক্যের মধ্যে যে শিক্ষার বীজ নিহিত আছে, সেই শিক্ষাই শ্রীশ্রীপ্রভু আপন আচরণের মধ্য দিয়া রামদাসকে প্রদান করিলেন। বন্ধুস্বন্দর রামদাসসহ শ্রীশ্রীকুণ্ডতে শ্রীল দাসগোস্বামীর ঘেরায় থাকিতেন। প্রভুর আদেশে রামদাস প্রত্যহ তিন বার শ্রীকুণ্ডর পরিক্রমণ করিতেন। ব্রজবাসের সময় ব্রজবালা বালকৃষ্ণ সচ্চিনন্দ রামদাসকে ব্রজমাধুরী ভোগ করাইয়াছিলেন। পরে কলিকাতায় পরম্পরের মিলন হইয়াছিল। প্রেমে ভোলা প্রেমানন্দ-ভাবতী রামদাসকে কোলে টানিলেন। নিত্য ষমুনাবগাহনে বাতায়াতের কালে পথে প্রভুপাদ শ্রীশ্রীবিজয়কৃষ্ণ গোস্বামীজীর পাদপদ্মে সাষ্টাঙ্গ দণ্ডপাত প্রণতি করিতেন; শ্রীধাম নবদ্বীপে হরিসভায়, কলিকাতায়ও তাঁহার সহিত রামদাসের অপূর্ব মিলন হইয়াছিল। শ্রীশ্রীবিজয়কৃষ্ণ গোস্বামীজী তাঁহার কৃপাশক্তি রামদাসের মধ্যে পূর্ণভাবে সঞ্চারিত করিয়াছিলেন।

ব্রজবালা বালকৃষ্ণ রামদাসকে সঙ্গে লইয়া চুয়াশি ক্রোশ ব্রজমণ্ডল

পরিক্রমা করিয়াছিলেন। এই পরিক্রমার সময় একদিন ফুল তুলিয়া সিঁড়ির উপরে রাখিয়া কুসুম-সরোবরে দুই জনেই স্নান করিতে জলে নামিয়াছিলেন। এমন সময় এক পুথোড়া ও এক কিশোরী সেই তীরে আসেন ও কিশোরী সিঁড়ির উপরে রাখা সেই ফুল লন। ব্রজবালা তাড়াতাড়ি জল হইতে উপরে উঠিয়া ঐ ফুল লইতে আপত্তি জানান, তাহাতে কিশোরী বলেন, “মেবী ফুল হায়”, “মেবী ফুল হায়”, “মেবী ফুল হায়”। ব্রজবালা নিরস্ত হন এবং কিশোরীকে দেখাইয়া রামদাসকে বলেন, “এই তোমার স্বরূপ।”

ব্রজে বাসকালে একদিন রামদাসকে নিকটে আহ্বান করিয়া বন্ধুস্বন্দর কহিলেন, “রাম, তুই বৃন্দাবনে থাকিয়াই ভজন কর।” রামের মুখ মলিন হইয়া গেল। ব্রজে ভজন ভাগের কথা। কিন্তু রামদাসের কাছে তার চেয়েও বড় ভাগ্য প্রভুর শ্রীচরণ-সাম্বিধা— “কোটি গোপীনাথ সেবা তৎপদ দর্শন”—শ্রীকৃষ্ণদাস। তাই রামদাস প্রভুর সঙ্গে যাইতেই আগ্রহ প্রকাশ করিতে লাগিলেন। প্রভুও পুনরায় বলিলেন, “রাম থাক, মঙ্গল হবে।” তখন রামদাস অগত্যা বলিলেন, “তবে থাকি।” রামের উত্তরের ভঙ্গীতে হুঃখিত হইয়া মুহু তিরস্কারের সুরে বন্ধুস্বন্দর বলিলেন, “ছিঃ, চাদে কলক হ'ল?” রামদাস প্রভুর ভাব বুঝিয়া লজ্জিত হইলেন এবং প্রযুক্ত চিত্তে তাঁহার আদেশ পালনে সন্মত হইলেন। বিদায়কালে বন্ধুস্বন্দর বলিলেন, “রাম, নিত্য শ্রীগৌর গায়ত্রী, শ্রীনিতাই গায়ত্রী সংখ্যা করিয়া জপিবে। নিত্য লক্ষ নাম করিবে। মাধুকরী করিবে। আমার হস্তাক্ষর ভিন্ন পড়িবে না। অঞ্জের চিঠি পাইলে ষমুনায় ভাসাইয়া দিবে।” কিছুকাল বাদে প্রভু রামদাসকে নিজে চিঠি দিলেন। অঞ্জের চিঠি তাঁহাকে পড়িতে নিষেধ করিয়াছেন, তাই তিনি নিজেই চিঠি দিলেন। আসিতে লিখিলেন। তখন রামদাস বৃন্দাবনে শ্রীশ্রীবৃষ্ণবিহারীজীর মন্দিরের অনতিদূরে শ্রীপাদ রঘুনন্দন গোস্বামীর মাধামাধবের মন্দিরে আছেন। শ্রীরঘুনন্দনও আছেন। পত্রের কথা শুনিয়া রঘুনন্দনজী সুখী হইলেন না। তিনি রামদাসকে বলিলেন, “প্রভুকে লিখিয়া দিন যে এখন যাওয়া যাবে না। ব্রজব এই ভজন ছাড়িয়া কোথায় বাইবেন?” ধীর বিনীতভাবে রামদাস কহিলেন, “গোসাইজী, একি কথা বলেন? যিনি ঘরের বাহির করিয়াছেন, নবদ্বীপ দর্শন করাইয়াছেন, ব্রজরজে টানিয়া আনিয়া মধুর ভজন উপদেশ দিয়া নিয়ত শক্তিসঞ্চারে এই আনন্দবস আশ্বাদন করাইতেছেন, তিনি কি এই ভোগের চেয়ে বড় নহেন? বন্ধুর আদেশ উপেক্ষা করিয়া ব্রজে বাস আমার পক্ষে বিড়ম্বনা।” এই কথা শুনিয়া শ্রীরঘুনন্দন পরম শ্রীতিলাভ করিলেন, হাসিমুখে বলিলেন, “আপনি যথার্থ কথাই বলিয়াছেন। আপনি প্রভুর কাছে চলিয়া যান। আপনি যখন তাঁহার পরম করুণায় ব্রজবাস ও ব্রজবস সন্তোষ, তাঁহারই আহ্বানে ব্রজ পিছনে পড়িয়া রহিল। অধীবা, ব্রজ-ধন যার হৃদয়ে সদাই বিচাঙ্গমান, ব্রজধাম তাঁর সঙ্গে সঙ্গেই চলে। যথানির্দিষ্ট ভাবে পথ চলিয়া “জয় রাধে শ্রীম রাধে” ধ্বনি দিয়া রামদাস আলমবীজাবহ কালীকৃষ্ণ ঠাকুরের বাগান-

বাড়ীতে পৌঁছিলেন, শ্রীশ্রীপ্রভু-জগদ্বন্দ্বের সম্মুখে উপস্থিত হইয়া শ্রীচরণ দর্শন করিলেন।

শেষরাত্র হুইতে কীর্ত্তন আরম্ভ হইত। রামদাস মাঝে মাঝে বন্ধুস্বন্দ্বকে জানাইতেন যে, এই দেশে থাকিতে ইচ্ছা হয় না। বৃন্দাবনে বাস করিয়া ভজনানন্দে ডুবিয়া থাকিতেই প্রাণ চায়। তদন্তরে জগদ্বন্দ্বের বলিয়াছিলেন, “আপন আপন খাবারের ষোগাড় ত পশু-পক্ষীরাও করিয়া থাকে। দশ জনকে খাওয়াইয়া যে খায় সেই প্রকৃত মানুষ।” কথা কয়টি মস্তেব মতন কাজ করিল, কানে প্রবেশ করিবামাত্র রামদাসের ব্রজে থাকিবার আবেশ একেবারে লোপ পাইল। নিজে ভাবিয়াছিলেন ব্রজের ভজনানন্দী বৈষ্ণব হইবেন, কিন্তু তাঁহার ভাবী জীবনের রূপটি যাহার নথ-দর্পণে, তিনি জানেন যে এক সময়ে তাঁহাকে (রামদাসকে) ঘরে ঘরে ঘাবে ঘাবে ঘুরিয়া নিতাইগৌরের গুণগাথা গাহিতে হইবে। তাই তাঁহার প্রাণের দেবতা তাঁহাকে আশ্বাদনের কুঞ্জ হইতে টানিয়া আনিয়া বিতরণের রাজপথে তুলিয়া দিলেন।

নিত্যানন্দ পতিতপাবন।

যুগের হুলভ ধন করে বিতরণ ॥

বন্ধুস্বন্দ্বের ইচ্ছিতে সিজুবের ভৈরবচন্দ্র গোস্বামী প্রভুর নিকট হইতে শ্রীশ্রীরামদাস বাবাজী মহারাজ শ্রীশ্রীহরিনাম গ্রহণ করিয়া-ছিলেন। অতঃপর কটকে অবস্থানকালে শ্রীশ্রীরাধারমণ চরণদাস বাবাজী মহারাজ ইহাকে শ্রীশ্রীগৌরমুখে দীক্ষিত করতঃ সর্বশক্তি সঞ্চার করিয়া নামসঙ্কীর্ণনে উন্নত করেন। ১৩০২ সালে শ্রীশ্রীধাম নবদ্বীপস্থ লালগোবিন্দের আপড়ায় ইহাদের পরম্পরের মহামিলনে কলিত্তজীবের মহামঙ্গলের সূচনা হইল, তখন উভয়ের মধ্যে এক অপূর্ণ অনির্কচনীয় ভাবের বিনিময় হয়।

কাশীধামে শ্রীকৃষ্ণানন্দ স্বামী, কলিকাতায় চোরবাগানে এবং কুলুটোলায় শীলবাড়ীতে হরীবোলানন্দ স্বামী, শ্রীধাম নবদ্বীপের সিদ্ধ বাবা শ্রীশ্রীরামদাস বাবাজী মহারাজকে সাদবে করুণামৃত বর্ষণ করিয়া ধন্য করিয়াছিলেন।

শ্রীশ্রীরাধারমণচরণদাস বাবাজী মহাশয়ের উপদেশ ও নির্দেশ অক্ষরে অক্ষরে নিজের জীবনে পালন করিতেন শ্রীশ্রীরামদাস বাবাজী মহারাজ। ইহাদের মিলনের বিস্তৃত বিবরণ ও কাহিনী “চরিতসুধা, ৫ খণ্ড” গ্রন্থে (প্রাপ্তিস্থান—শ্রীশ্রীপাঠ বাড়ী, বরাহনগর) লিপিবদ্ধ আছে, উহা পাঠ করিলে রসসম্ভোগ হইবে। ১৩০৯ সালের ৫ই শ্রাবণে লিখিত নিম্নে উক্ত পত্রটি শ্রীশ্রীরামদাস বাবাজী মহারাজের নিত্য স্মরণ ও সাধন ভক্তনের সহায়ক—

“৫ই শ্রাবণ ১৩০৯

শ্রীশ্রীরাধারমণোজয়তি

নিতাই গৌর বাধেশ্যাম

হরে কৃষ্ণ হবেরাম।

প্রাণাধিক গোবিন্দ,

শ্রীমান অটলকে পাঠাইতেছি, সঙ্গে সঙ্গে রাখিয়া মাধুকরী বৃত্তি

দ্বারায় জীবনযাত্রা নির্বাহ এবং শ্রীশ্রীরাধাকৃণ্ডে ঝাড়ুশারী কার্য করিবে ও করাইবে। রাজাদি ও সুল ভিক্ষা করিও না ও করিতে দিবে না। পারষ পাইলে অল্পকে দিবে। বৈষ্ণব সাজিও না ও সাজিতে দিবে না। কাঙাল হইয়া কাঁদিতে থাক বড়ই ভয়ানক সময় আমি ভাল আছি। ইতি

শ্রীরাধারমণচরণদাস।”

গুরুবাক্য অনুসারে প্রতিষ্ঠাকে শূকরীবিষ্ঠাবৎ পরিত্যাগ করিয়া-ছিলেন শ্রীশ্রীরামদাস বাবাজী। নিজেকে সর্বদা অস্তুরালে রাখিতেন, কখনও আত্মপ্রকাশ বা ঐশ্বর্যের বিকাশ করিতেন না। “আমি মরি যবে কৃপা পাবে তবে”—এই অমূল্য উপদেশবাণীর বিশ্বাস, বিনয়, জীবন্ত রূপ ছিলেন রামদাস। তিনি ছিলেন নিয়ম, নিষ্ঠা, আচার, বিনতি, শ্রদ্ধা, ভক্তি প্রভৃতি প্রকৃত বৈষ্ণবের সকল গুণের আকর। ‘আপনি আচারি’ ধর্ম প্রকাশের এবং প্রচারের এক মহানু-দৃষ্টান্ত তিনি স্থাপন করিয়া গিয়াছেন। শ্রীশ্রীনাম ও মহাপ্রসাদ তিনি জনসাধারণের মধ্যে অকাতরে বিতরণ করিয়া গিয়াছেন। সকল ধর্মকে ও সকল সম্প্রদায়কে যথোচিত সম্মানপ্রদর্শনে তিনি অদ্বিতীয় ছিলেন। কি মন্দির, কি মসজিদ; কি গীর্জা সকল ধর্মায়তনেই তিনি ভক্তিভরে প্রণাম করিতেন। শিব, শক্তি—যথা দুর্গা, কালী, তারা, গণেশ, সীতারাম, মহাবীর, গোপাল, গোবিন্দ, রাধাকৃষ্ণ, নিতাইগৌর, ঠাকুর হরিদাস, সকল ধর্মের ভক্তগণকে তিনি শ্রদ্ধা, পূজা ও সম্মান করিতেন। রাত্রিতে দশটা সাড়ে দশটা হইতে রাত্রি দেড়টা বা দুইটা পর্যন্ত অন্ধশয়নে থাকিতেন, তদ্ব্যতীত দিনরাত সকল সময় ঘড়ির কাঁটার স্যায় বিনা বিশ্রামে জপ, ধ্যান, স্মরণ, পূজা, আফিক, বিগ্রহাদি দর্শন, দণ্ডপাত-প্রণতি, পাঠ, শ্রীশ্রীনাম-সঙ্কীর্ণনে নিমগ্ন থাকিতেন। বৃথা বাক্যব্যায়ে আদৌ সময় কাটাইতেন না।

সকল কৃপার প্রবাহ শ্রীশ্রীরামদাস বাবাজী মহারাজের মধ্যে এক অখণ্ড অভূতপূর্ব পতিতপাবন সঙ্গমে পরিণত হইয়াছিল। পুষ্টি-ধামে হরিদাস ঠাকুরের উৎসবে বধ্যার্থে সঙ্কীর্ণন, ‘বাঘবের ঝালি’ বহন ও গঙ্গীবায় শ্রীশ্রীমহাপ্রভুকে সমর্পণ—যাহা বিগত প্রায় পঞ্চাশ বৎসর ধরিয়া প্রতি বৎসর অব্যাহত ভাবে চলিয়াছে—পানিহাটীর বৃন্দরাজমূলে সঙ্কীর্ণন, বৃন্দাবনধামে শ্রীশ্রীকৃষ্ণচৈতন্যের আগমনী-উৎসব-সঙ্কীর্ণন ও শ্রীশ্রীগৌরানন্দের পদাঙ্কিত ভাবতের প্রত্যেক লীলাতীর্থে সঙ্কীর্ণন ইত্যাদি রামদাসের বিভিন্ন পুণ্যকৃত্য চিরস্মরণীয় থাকিবে এবং ভক্তদেহে সাধন-ভক্তনের আকাঙ্ক্ষা উদ্দীপিত করিবে। শ্রীশ্রীমহাপ্রভু নিজের অপূর্ণ সাধ পূর্ণ করিবার জগুই যেমন তাঁহার প্রকটলীলার যুগে শ্রীশ্রীনিত্যানন্দ প্রভুকে ভার দিয়া-ছিলেন তেমনি বর্তমান যুগে প্রভু তাঁহার অপ্রকট লীলার প্রকাশ স্বরূপ শ্রীশ্রীরামদাস বাবাজী মহারাজকে সেই গুরুভার প্রদান করিয়াছিলেন। তাঁহার দান শ্রীশ্রীমহাপ্রভুরই দান। তিনি একাধারে নিতাই, গৌর, ঠাকুর হরিদাস সকলের মিলিত চিহ্নের তনু। “পৃথিবীতে আছে বত নগরাদি গ্রাম। সর্বত্র প্রচারিত হবে মোর



শ্রীশ্রীরামদাসবাবাজী

নাম।—গৌরানন্দসুন্দরের এই শুভবানী সার্থক করিবার জগুই শ্রীশ্রীরামদাস বাবাজী মহারাজ করুণাবশতঃ অবতীর্ণ হইয়াছিলেন এবং প্রকটে বে লীলা করিয়াছেন অপ্রকটেও সেই লীলা অত্যাপি করিতেছেন—তাঁর এই লীলা ত্রিকালসত্য লীলা। প্রেমের ঠাকুর নিত্যানন্দ-প্রতিম শ্রীশ্রীপ্রভু জগদ্বকুসুন্দর ও শ্রীশ্রীরাধারমণচরণ দাস বাবাজী যাহার জীবনপথের বর্তিকাধারী—শ্রীশ্রীনিতাইগৌর, ঠাকুর হরিন্দাস, গোসাই গোবিন্দ যাহার জীবনের সর্বস্ব, যিনি সকল বৈষ্ণবশক্তির, দেবদেবীর, সর্বভক্তের মিলন-ক্ষেত্র-স্বরূপ, যিনি উদ্ভুত সঙ্কীর্ণন-কালে পুরুষসিংহ ও কলিহত জীবগণের কল্যাণের জগু আর্তস্বরে ও অশ্রুবর্ষণে ক্ষুদ্র, সরল, সরস শিশু, যিনি 'রসো বৈ সঃ', যিনি গোড়ীয় লুপ্ততীর্থ উদ্ধারে শ্রীরূপ গোস্বামী, চিরকৌমার্যে যিনি দেবত্রত ভীষ্ম, শ্রীশ্রীনাম সাধনে ও যাজনে যিনি অপ্রতিদ্বন্দী, বৈষ্ণবগণের অকুণ্ঠ স্মরণই যাহার সাধন ও ভজন, প্রেমভক্তি-বিন্দু চিত্তে যাবতীয় লীলা-স্থলের রজঃ গ্রহণ ও তীর্থবারি সেবা যাহার নিত্যসাধন, রসতত্ত্ব আশ্বাদনে যিনি রায় রামানন্দ, ত্যাগ তপশ্চায় যিনি শ্রীসনাতন ও শ্রীদাস গোস্বামী সেই পতিতপাবন শ্রীশ্রীরামদাস বাবাজী মহারাজের প্রেমের ও কৃপার স্পর্শে আমাদের জীবন যাহাতে কৃতার্থ হয় সেই জগু তাঁহারই শ্রীশ্রীপাদপদ্মে বিনীত ভাবে প্রার্থনা ও ভিক্ষা জানাই। তিনি অপ্রকট হইলেও ভাগ্যবানের কানে আসে অত্যাপি তাঁহার শ্রীমুখনিঃসৃত নামগান।

ধর্মই বিশ্বসংসারকে ধারণ করে। ধর্মের বন্ধন শিথিল হইলে মানবসমাজে নানাপ্রকার বিশৃঙ্খলা দেখা দেয়। ধর্মবন্ধনের শিথিল-তাই বিশ্বব্যাপী সকল দুর্দৈব, অশান্তি ও উচ্ছৃঙ্খলতার মূল কারণ।

জগদ্বকুসুন্দর শ্রীশ্রীনামসঙ্কীর্ণনই এই কলিযুগের “যুগধর্ম”।

“প্রণমহ কলিযুগ সর্বযুগ সার।

হরিনাম সঙ্কীর্ণন যাহাতে প্রচার।”

শ্রীশ্রীনাম ও প্রেমের মুর্ত্তিমান বিগ্রহ শ্রীমন্মহাপ্রভুর “সকারুণ্য” বশতঃ অবতরণে কলিযুগ ধন।

“এই অবতাবে বহে প্রেমামৃত বগ্না।

এই বগ্নায় যেই ভাসে সেই হয় ধন।”

এমন কে আছে জীবের—কলিহতজীবের সুস্থঃ, পাপীর বন্ধু, দীনের পারণ, অগতির গতি, কাঙালের ঠাকুর, চিরদিন সঙ্গে সঙ্গে থাকে যে, পতিতে যায় ঘুণা নাই—আছে বুকভরা স্নেহ দরদ, অক্ষ আতুর বাছে না যে, প্রেমের কোলে টানে, পারের কড়ি নেয় না, যে হাসিমুখে পার করে মলিন মুখ দেখিয়া? কি সে অভয় আশ্রয়—কে সে পরম বন্ধু? উত্তর : মধুমাণী হরিনাম। কবিগুরু রবীন্দ্রনাথ গেয়েছেন, “ধনু হরি রাজ্যপাটে, ধনু হরি ঋশানবাটে, বল ভাই ধনু হরি, ধনু হরি”।

শ্রীশ্রীহরিনাম পাজাপাজের বিচার করে না। সম্মুখে বাহাকে দেখে তাহাকেই কোলে টানিয়া লয়। এই বিষয়ে দৃষ্টান্তের অভাব নাই। অজামিল ও রত্নাকর দম্ব্য হইতে আরম্ভ করিয়া জগাই মাধাই পর্যন্ত ; এবং প্রহ্লাদ হইতে আরম্ভ করিয়া মীরাবাই

পর্যন্ত—কেহ বাদ যায় নাই। শিব, শুক, নারদ শ্রীশ্রীনামে বিভোর। বেদ, পুরাণ, সর্বধর্মের সকল গ্রন্থের পাতায় পাতায় সেই বহুশ্রী বিদ্যমান। রামায়ণ মধু নিখার্ক ইহার বিজয়গীতি-বার্ত্তাবহ। সকলে সেই এক কথাই বলে।

“ভজ গোবিন্দং ভজ গোবিন্দং ভজ গোবিন্দং মুঢ়মতে।”

বিশ্বপ্রেমের বিজয়-পতাকা শ্রীহস্তে গগনমণ্ডলে মেঘাবরণ ভেদ করিয়া কে ঐ সোনার মানুষ প্রেমের ঠাকুর আসেন? তাঁহার শ্রীচরণকমলে চন্দ্রকিরণ, শ্রীঅঙ্গে সুধার মাধুরী, নয়নে প্রেম-পরিমল—কে ঐ শ্রীমূর্ত্তি? ইনিই সেই আজামুলধিতভুজ, যুগধর্ম-পালনকর্ত্তা, জগৎপ্রিয়কর, ত্রিকালসত্য নদীয়ার পূর্ণচন্দ্রে শ্রীশ্রীগৌর-সুন্দর, শ্রীশ্রীমন্মহাপ্রভু। ভক্তির লহরী, নামের সুধা ছড়াইয়া দিয়া কলিহত-জীবগণকে অমৃতময় করিবার নিমিত্ত তাঁহার ধরায় অবতরণ ও ধরা দেওয়া। পৃথিবীর সকল ভক্তের আশীর্বাদে আমরা বহুজীব যেন তাঁর রাতুল শ্রীচরণ ধরিতে পারি—কারও বাধা নাই, কারও নিষেধ নাই—অবারিত দ্বার, আমরা প্রাণ ভরিয়া সদাই বলিতে পারি তাঁহারই শ্রীমুখে আনা কলিযুগের জীবের জগু মহাদান তারক-ত্রক্ষ ‘হরিনাম’—

“হরে কৃষ্ণ হরে কৃষ্ণ কৃষ্ণ কৃষ্ণ হরে হরে।

হরে রাম হরে রাম রাম রাম হরে হরে।”

শ্রীশ্রীনামসঙ্কীর্ণনের ও বৈষ্ণবধর্মের শ্রেষ্ঠ স্তম্ভস্বরূপ, ভাগবতোত্তম, বৈষ্ণবজগতের প্রখ্যাত শ্রীগুরু আচার্য্য শ্রীশ্রীরামদাস বাবাজী মহারাজ বিগত ১৮ই অগ্রহায়ণ শুক্রবার রাত্রি ২-৪০ মিনিটে বরাহনগরস্থিত শ্রীশ্রীমন্মহাপ্রভুর পদাঙ্কিত শ্রীশ্রীপাঠবাড়ীতে তাঁহার প্রকটলীলা সংবরণ করিয়াছেন। তাঁহার পবনপাবন শ্রীশ্রীচরণার-বিন্দুর সাক্ষাৎ স্পর্শ-সৌভাগ্যে আমরা বঞ্চিত হইয়াছি। স্বরধুনী-তীরে এই শ্রীশ্রীপাঠবাড়ীতেই তাঁহার চিন্ময় দেহ বৈষ্ণবধর্মের প্রথা অমুসায়ে সমাধিপ্ৰাপ্ত হইয়াছে ও তথায় তাঁহার নিত্য সেবা পূর্ববৎ চলিতেছে। তিনি স্বয়ং অপ্রকট অবস্থাতেও তাঁহার চিরদিনের সেবাসু-নিমগ্ন আছেন। কোন কোন ভাগ্যবান নাকি ইহা দেখিতে পান।

তাঁহার এই প্রকটলীলা সংবরণের কাহিনী হৃদয়কে গভীর স্নান করিয়া দেয়। দেহরক্ষার অব্যবহিত পূর্বে রামদাস নিকটস্থ সেবকগণকে অস্ত্রাস্ত্র সেবকদিগকে ডাকিতে ও সকলকে খবর দিতে বলেন এবং স্থির, ধীর ও শান্তভাবে বলেন যে, তাঁকে যেতে হবে—“দিদি” (নবদ্বীপ সমাজবাটীর শ্রীশ্রীললিতাসখী) “ডাকছেন”, এই বলিয়া তাঁহার আরাধ্য শ্রীশ্রীগুরুদেবের, শ্রীশ্রীনিতাই গৌরের এবং “গোসাইজীর” (শ্রীশ্রীবিজয়কৃষ্ণ গোস্বামী) চিত্রপট তাঁহার সম্মুখে আনিতে বলেন, সেবকগণ তাঁহার আদেশ পালন করেন। সেই চিত্রপটগুলি ও তাঁহার শয়নকক্ষের সকল আরাধ্য চিত্রপট দর্শন, স্মরণ ও ভজন করতঃ ‘জয় মহাবীর জয় রাধরমণ’ বালরা গুরুগভীর স্বরে হুঙ্কার করিয়া জয় নিত্যই বলিয়া, “বকুসুন্দর” শব্দ উচ্চারণ পূর্বক বরাহনগরের বৃন্দে বিনা আসনে উপবেশন করিয়া শ্রীশ্রীনাম করিতে করিতে প্রকটলীলা সংবরণ করেন। লীলাময়ের অপরিমিত কৃপায় কলির জীবের অশেষ কল্যাণের নিমিত্ত সেই শ্রীশ্রীনাম সেই পুণ্যকণ হইতে অত্যাপি শ্রীশ্রীপাঠবাড়ীতে অব্যাহতভাবে চলিতেছে।

স্বর্ণাকর

শ্রীদেবাংশু সেনগুপ্ত

পূর্বাভাষ

[অসিতের বৈঠকখানা। অসিত লেখক। যুবক। সে আজই মাত্র আসিয়া পৌঁছিয়াছে। সন ১৯৪৫, স্থান বাংলা-দেশের একটি ক্ষুদ্র শহর। কাল—রাত্রি দশটা। পর্দা উঠিতে দেখা গেল বাহিরের দিকের চেয়ারখানাতে নবেন্দুবাবু বসিয়া আছেন। নবেন্দু স্থানীয় সাপ্তাহিক পত্রিকা 'সারথি'র সম্পাদক। বয়স চল্লিশ-পঁয়তাল্লিশ। হাতে একখানা ক্যাট-ফাইল, টেবিলের উপর রাখা একখানা গোল করিয়া গুটানো ক্যালেন্ডার। সিগারেট খাইতেছেন এবং মাঝে মাঝে ভিতরের দরজাটার দিকে তাকাইতেছেন। হাতে সিগারেটের টিন। দুই মিনিট কাল পরে অসিতের প্রবেশ। পরনে ধুতি ও গেঞ্জী। হাতে লেগার সরঞ্জাম। নবেন্দু উঠিয়া দাঁড়াইলেন।]

অসিত। কিছু মনে করবেন না, গেতে বসেছিলাম। (উভয়ে বসিলেন) তারপর ?

নবেন্দু। আমার প্রেসের একখানা ক্যালেন্ডার এনেছিলাম, ভাবলাম নূতন এসেছেন, কাজে লাগতে পারে।

অসিত। নিশ্চয় কাজে লাগবে, খুব কাজে লাগবে। কলকাতা থেকেই একখানা নিয়ে আসা উচিত ছিল। (স্মিতহাস্তে) তবে এর জগ্গে আবার এত দাত্রে কষ্ট করে এলেন। (উঠবার উপক্রম)

নবেন্দু। (বাস্ত হইয়া) শুধু এর জগ্গে নয়, আর একটু সামান্য কাজ আছে। (অসিত পুনরায় ভাল হইয়া বসিল। নবেন্দু সিগারেটের টিনটা আগাইয়া দিলেন)।

অসিত। ওটা আর খাই না। বিদেশী বলে ছেড়ে দিয়েছিলাম। চুরুটটা খাই, মাদ্রাজে তৈরি বলে, তাও খুব কম।

নবেন্দু। আপনার কাছে এসেছিলাম একটা ছোট গল্পের জগ্গে। আমার পত্রিকা 'সারথি'কে মনে আছে নিশ্চয়ই? আগামী সংখ্যাটা কালকে বেরুবার কথা, এ শহরে আপনার ফিরে আসবার কথা, বিকেলের অভ্যর্থনা-সভা, আপনার ছোট একটু জীবনী সব মিলে প্রায় এক পৃষ্ঠা দাঁড়িয়েছে, এর সঙ্গে যদি আপনার একটা গল্প পাই—

অসিত। সম্পূর্ণ অসম্ভব। কিছু লেখা নেই।

নবেন্দু। না হয় কালকে সকালে দেবেন, এই সাতটা-আটটা নাগাদ? একখানা না হয় বিকেলেই বেরুবে। আপনার লেখার কল্প সারথি একবেলা দেরি করে বের হলে কেউ কিছু দোষ ধরবে না।

অসিত। আপনি বুঝছেন না। অল্প লেখা জানি না। আমি নিজে যখন তখন মোটেই লিখতে পারি না : আমাকে অনেক ভাবতে হয়।

নবেন্দু। কি যে বলেন! গত এক মাসের মধ্যেও ত আপনার প্রায় পঞ্চাশ-ষাটটা লেখা অন্ততঃ বেরিয়েছে।

অসিত। সব আগের লেখা। জেলে বসে এ ক'বছরে যা লিখেছিলাম, এ ক'মাসে তা ছাপতে দিয়েছি। আর একটাও নেই।

নবেন্দু। ছোট-খাটো যা মনে আসে একটা লিখে দিন।

অসিত। যা মনে আসে লেখা যায় না, লিখলেও আপনি খুশী হবেন না।

নবেন্দু। নিশ্চয়ই হবে।

অসিত। হবেন?—ধরুন যদি লিখি—দশ বছর আগে একটা নেমস্তম্ব-বাড়ীতে ঘটনাক্রমে সারথি-সম্পাদক মশায়ের মুখোমুখি আসন পড়েছিল। মাননীয় সম্পাদক মশায়কে তখন আমি ঠিক চিনতাম না। আমি বললাম, (নবেন্দু উসখুস করিতে লাগলেন) খুব বিনীত ভাবেই বললাম, আপনাকে আগে কোথায় দেখেছি—সম্পাদক মশায় আমাকে কথাটা শেষ করতে পর্যাস্ত দিলেন না।

নবেন্দু। পুরনো কথা তুলে আমাকে আর লজ্জা দেবেন না।

অসিত। উদ্দেশ্য ছিল না। তবে, আপনাদের মত টাইপ যদি না থাকবে পৃথিবীতে, তা হলে লেখকরা লিখবে কি নিয়ে বলুন?

নবেন্দু। (কথা ঘুরাইতে চেষ্টা করিয়া) আর কিছু মনে আসছে না?

অসিত। (হাসিয়া) আসবে না কেন—বালিগঞ্জ থেকে হাওড়ার পথে দুটো অনুপ্রাস এসে মাথায় বাসা বেঁধেছে, 'তিনি ঘাবড়াইতে ঘাবড়াইতে হাবড়া চলিলেন'—'তিনি ডায়েল ভাজিতে ভাজিতে কায়েলে চলিলেন, কিন্তু 'অর্থ তার ভাবি ভাবি গবুচন্দ্র চূপ।'

নবেন্দু। গল্প না হয়, একটা প্রবন্ধ কি কবিতা?

অসিত। আচ্ছা দেখি—(বলিতে বলিতে অগ্গমনস্ত ভাবে টেবিলের উপর আঙুল বাজাইতে শুরু করিল, ভাবটা যেন খুব গভীর চিন্তামগ্ন। নবেন্দু বুদ্ধিতে পারিয়া উঠিয়া পড়িলেন)

নবেন্দু। (অনিশ্চিত ভাবে) কালকে সাতটা-আটটায় আসব? (অসিত তেমনি তন্ময়, শুধু সন্মতিসূচক ঘাড় নাড়িল) একটা গল্প হলেই কিন্তু ভাল হয়। (অসিত পুনরায় তেমনি ঘাড় নাড়িল। অসিতের মুখের দিকে ক্ষণকাল তাকাইয়া থাকিয়া ধীরে ধীরে প্রস্থান)।

[কতক্ষণ সব চূপচাপ, শুধু আঙুল দিয়া অসিতের টেবিল বাজানো শোনা যায়। ধীরে ধীরে জানালার বাহিরে একটা মূর্তির আবির্ভাব হইল। অসিতের মুখ জানালার দিকে হইলেও চোখ কোথাও নিবন্ধ নয়; সে তাহা দেখিতে পাইল না। সমস্ত গায়ে মালিণ্ডের কয়েকটি স্তর স্বাভাবিক গাত্র-

চর্মকে সম্পূর্ণ বিলুপ্ত করিয়াছে, কেবল নাকটি পরিষ্কার এবং চক্‌চক্‌ করিতেছে। মূর্তিটির একটি মুদ্রাদোষ আছে, হাতের তালুর অপর পিঠ দিয়া অনবরত নাক ঘষা। মাথায় দীর্ঘ কেশ, লম্বমান দাড়ি; চক্ষু বসা ও রক্তবর্ণ, আগাগোড়া অসিতের উপর নিবন্ধ। গাত্র হইতে একটি বিকট চিমসে গন্ধ বাহির হইতেছে। ধীরে ধীরে অসিতের আবিষ্ট ভাবটা কাটিয়া যাইতে লাগিল। সে কাগজ-কলম গুছাইয়া মূর্তিটির দিকে প্রথম দৃষ্টিপাত করিল।

অসিত। (ভীত-কর্কশকণ্ঠে) কে, কে ওখানে ?

মূর্তি। (ধীরকণ্ঠে) আমি একটা গল্প—(আরও কিছু বলিল, কিন্তু তাহা শোনা গেল না)।

অসিত। (আশ্চর্য হইয়া আশাবিস্তৃত তরল কণ্ঠে) একটা গল্প বলতে চাও নবেন্দুবাবুর ফরমাশমত ? বেশ, গল্প যদি সত্যিই ভাল হয় এক টাকা বক্‌শিশ দেব। এস, ভেতরে এস। (মূর্তিটির প্রবেশ। অনেক দিন পরে লোকে কোন একান্ত পরিচিত স্থানে ফিরিয়া আসিলে যেমন করিয়া তাকায় সে ঠিক তেমন ভাবেই এদিক-ওদিক তাকাইয়া বিনা বাক্যব্যয়ে নবেন্দুর পরিত্যক্ত চেয়ারটাতে বসিয়া পড়িল। অসিত বলিতে যাইতেছিল, 'বসো' কিন্তু তাহা মুখেই থাকিয়া গেল। সে উঠিয়া গিয়া জানালা ও দরজাগুলি বন্ধ করিয়া দিয়া ফিরিয়া আসিল, এবং পূর্ব ভঙ্গীতে বসিল) হ্যাঁ, বল এবার।

মূর্তি। অসিত, তুমি আমাকে চিনতে পারছ না ? (অসিত বিমূঢ় বিস্ময়ে তাকাইয়া রহিল)। আমাকে তুমি এক সময়ে মেসো-মশায় বলে ডাকতে। আমরা তোমার এ বাড়ীর ঠিক সামনের বাড়ীতে থাকতাম।

অসিত। (ত্রস্তে উঠিয়া দাঁড়াইল, যেন মূর্তিটিকে প্রণাম করিতে যাইবে একবার এইরূপ ভাব দেখাইল, কিন্তু কিছুক্ষণ ইতস্ততঃ করিয়া পুনরায় স্বস্থানে ফিরিয়া আসিল)। [ধরা গলায়] আপনি অঘোর-বাবু ? আপনার এই অবস্থা ! মাসীমা কোথায় ? ছবি, ছবি কোথায় ? [যেন গলাটা বন্ধ হইয়া গেল গলায় হাত দিয়া এইরূপ ভাব করিল]

অঘোরনাথ। হ্যাঁ, আমি অঘোরনাথ বোস। একদিন তুমি আমার মেয়েকে বিয়ে করবার জন্ত পাগল ছিলে। (হাত তুলিয়া যেন অসিতের প্রতিবাদ বন্ধ করিয়া) তুমি বল নি, কিন্তু আমি সব জানি। দীর্ঘদিন পরে শুধু ছবির জন্তই তুমি ফিরে এসেছ এই শহরে, আমি তাও জানি।

অসিত। (ধরা গলায়) ছবি কোথায় ?

অঘোরনাথ। (জেরার কণ্ঠে) অসিত, কবিতাটা তোমার লেখা—? 'যুদ্ধবিবর্তি' কবিতা (আবৃত্তি করিয়া)

—কিন্তু ধেমেছে কি,

দিগবিদিকের বুকফাটা যত মাতাবনিতায় ক্রন্দন ?

মূর্তি অরে বিক্রীতা হুহিতা কিংবদন্তি বলে ?

পথ-প্রান্তরে ফেলে আসা যত গলিত শবে

পেল কি আচ্ছাদন ?

জেনেছ কি ?—

অসিত, আমি পাগল হয়ে গেছি।

অসিত। (ব্যাপারটাকে মোলায়েম করিতে চেষ্টা করিয়া) ভাল হয়ে যাবেন, নিশ্চয় ভাল হয়ে যাবেন, একটু চিকিৎসা আর সেবা— অঘোরনাথ। (বাধা দিয়া, জোরগলায়) না, আমি ভাল হতে চাই না। (আবেগকম্পিত নিম্নকণ্ঠে) জান অসিত, আমি যখন পাগল থাকি তখন খুব ভাল থাকি, খাবার ভিক্ষে করতে হয় না, কাপড়ের প্রয়োজন হয় না, স্মৃতিতে পুড়ে মরি না। আর যখন জ্ঞান হয় তখন দেখি আমি উলঙ্গ, মনে পড়ে আমি কে ছিলাম (স্বর চড়াইয়া), সে যে কি যন্ত্রণা অসিত ! (উত্তেজিত হইয়া উঠিয়া দাঁড়াইলেন)।

অসিত। মেসোমশায় ! বসুন !

অঘোরনাথ। (বসিয়া) যখন ভাল থাকি, কাঁদি। পুরানো জীবনের জন্ত কাঁদি। মনে পড়ে, এই ঘরে বসে আমরা সোনার ভারতের স্বপ্ন দেখেছি ? সকল শহীদের নাম আঁকা দেখেছি ভবিষ্যতে, স্বর্ণাকরে ? (বুক পাতিয়া) দেখ, আমি সেই স্বর্ণাকর। উদ্ভাদ ভিখারী—পথ সম্বল।

অসিত। আপনি আর কোথাও যাবেন না, এখানেই থাকবেন আমার কাছে।

অঘোরনাথ। অসিত, এই শহরে এই একটি মাত্র বাড়ী, যেটা বদলে যায় নি। শহরের বাড়ীগুলো হয় মাটির সঙ্গে মিশে গেছে, নয় তিনতলা হয়ে মাথা তুলেছে। তুমি যা দেখে গিয়েছিলে, কিছুই আর নেই তার। খুব ভাল ছিলে জেলখানায়। ভাবনা ছিল না। চিন্তা ছিল না। পাতা বিছানা পেয়েছ, তৈরি খাবার খেয়েছ, গল্প লিখেছ, কবিতা লিখেছ, নাম করেছ।

অসিত। (স্তম্ভপূর্ণে) আপনি কোথায় ছিলেন মেসোমশায় ? ছবি কোথায় ?

অঘোরনাথ। কি মুখ তুমি ! যতদিন বাড়ী ছিল, বাড়ীতে ছিলাম। তারপর, হ্যাঁ, তারপর, পাগলের কি আর থাকার জায়গার অভাব হয় ? যখন জ্ঞান হয়, কিসের দাবিতে জানি না, তোমার বাবান্দায় এসে আশ্রয় গাড়ি ! আর সন্ধ্যাহিতের মত চেয়ে থাকি, যেখানে আমার বাড়ী ছিল, সংসার ছিল, সেই দিকে, যেখানে এখন সন্ধ্যা দে'র তিনতলা ইমারত উঠেছে, দুখানা মোটর আনাগোনা করে, সেই দিকে। (বাহিরে মোটরের শব্দ হইল) ঐ শোন।

অসিত। ওটা না পূর্বপূর্বের নিজের বাড়ী ছিল ? সন্ধ্যা দে কে ?

অঘোরনাথ। সন্ধ্যাকে মনে নেই ? আমার বাড়ীতে চাকর ছিল ? তিনিই এখন মিঃ সন্ধ্যা দে। দুখানা বাড়ী, দুখানা গাড়ী, আরও অনেক কিছু মালিক।

অসিত । কি আশ্চর্য্য !

অঘোরনাথ । অসিত তুমি গল্পলেখার মশলা পাও না । নবেন্দু চলে যাওয়ার পর থেকে তুমি মাথা খুঁড়ছ, আমি জানলা দিয়ে দেখছি । স্বাস্থ্য ঘূরে বেড়ায় যে সব উলঙ্গ পাগল, তাদের নিয়ে গল্প লেখ, মহা মহা কাব্য সৃষ্টি করতে পারবে । যে জাত-ভিখারী সে পাগল হয় না । যে পাগল হয় তার পেছনে থাকে বিরাট ইতিহাস, (বাঙ্গালীর) তোমার গল্পের উপকরণ !

অসিত । মাসীমা কোথায় ? ছবি কোথায় ? তারক কোথায় ?

অঘোরনাথ । যখন ভাল থাকি তখন পড়তে ইচ্ছে করে । ষ্টেশনে বইয়ের ষ্টলে বাবুরা পাতা ওলটান, আমি পেছন থেকে পড়তে চেষ্টা করি । (বিষন্ন স্বরে) আমাকে বই ছুঁতে দেয় না !

অসিত । আমার বইগুলো সবই যেমন ছিল ঠিক তেমনি আছে । ভাড়াটেরা ওসব কিছু ধরে নি । আরও নতুন বই এনেছি ; যত খুঁশি পড়তে পারবেন । এখন চলুন আপনার শোবার বন্দোবস্ত করে দি' । খাবারও কিছু হয় তো আছে, চলুন, দেখি । (উঠিয়া পড়িয়া কাগজপত্র গুছাইতে সুরু করিল)

অঘোরনাথ । না, না, না । তোমাকে যা বলতে এসেছি সে তো এখনও বলা হয় নি ! তুমিও ত জানতে চাইছ বারবার ।

অসিত । (পুনরায় নসিয়া, যন্ত্রচালিতের মত) মাসীমাদের কথা ?

অঘোরনাথ । তুমি জানতে চেয়েছ—(গভীর আবেগের সহিত)

—কিন্তু থেমেছে কি,

দিগবিদিকের বুকফাটা যত মাতাবনিতার ক্রন্দন ?

মুষ্টি অল্পে বিক্রীতা হুহিতা ফিরেছে ঘরে ?

পথপ্রান্তরে ফেলে আসা যত গলিত শবে,

পেল কি আচ্ছাদন ?

জেনেছ কি ?

অসিত । জেনেছ কি ? (অসিতও কিছু উত্তেজিত হইয়া বিমূঢ়ভাবে তাকাইয়া রহিল)

(যবনিকা)

প্রথম অঙ্ক

[অঘোরনাথের বৈঠকখানা । ঘরটি ক্ষুদ্র । একটি বড় টেবিল, তাহার এক পাশে একখানি কাঠের চেয়ার, অপর দিকে দুইখানা বেতের চেয়ার । দুইটি জানালা, দুইটি দরজা ; খন্দরের পর্দা ঝুলিতেছে ।

সন ১৯৪২ । দেওয়ালে মহাত্মা ও নেতাজীর ছবি । কাঠের চেয়ারটিতে বসিয়া অঘোরনাথ উত্তেজিতভাবে খবরের কাগজ পড়িতেছেন । তাহার পরনে ~~খবরের ধূতি ও ফতুয়া~~ । পায়ে চটি । বেশ পরিচ্ছন্ন ভাব । বৈশিষ্ট্য—পুষ্ট এক জোড়া গোর্ক ও মাথার মাঝখানে চওড়া সিঁধি । বয়স পর্য্যায়ক্রমিক হইতে পঞ্চাশের মধ্যে । অঘোরনাথের স্ত্রী সীতার আগমন । ঘরে

সম্পূর্ণ প্রবেশ করিলেন না ; অন্দরের দিকের দরজার পর্দার দুই অংশ দুই দিকে সরাইয়া প্রথমে দেখিয়া লইলেন বাহিরের ঘরে অপর কেহ আছে কিনা, পরনে আটপোঁবে কাপড় ; নিরাভরণা—কিছু বলিতে যাইবেন এমন সময়—]

অঘোরনাথ । (স্ত্রীর অস্তিত্ব বুঝিতে পারিয়া, টেবিল চাপড়াইয়া) সাবাস মেদিনীপুর ! দেখ মেদিনীপুরে কি হয়েছে, ছোট খবর, কিন্তু—(উচ্চ কণ্ঠে কাগজ হইতে পড়িবার উপক্রম)

সীতা । ডাক্তার কি বলল ?

অঘোরনাথ । আ ?

সীতা । (বিরক্ত হইয়া আর একটু উচ্চ কণ্ঠে) ডাক্তার কি বলল ?

অঘোরনাথ । (হাতের তালুর অপর পিঠ দিয়া নাক ঘষিতে ঘষিতে) ওঃ হাঁ ডাক্তার । রক্ত পরীক্ষায় ম্যালেরিয়া পাওয়া গেছে সে তো কয়েকদিন আগেই বলেছিলেন, না ?

সীতা । ম্যালেরিয়া তো সারাতে পারছেন না কেন ? এক-রকমি ছেলে আর কত ভুগতে পারে, বিছানার সঙ্গে তো মিশে গেছে একেবারে ! (আঙলের পর্ক গুনিয়া) আজ আঠারো দিন হ'ল । (ঘরের মধ্যে এক পা আগাইয়া দৃঢ় কণ্ঠে) এবার অন্য ডাক্তার দেখ ।

অঘোরনাথ । দেখ, দোষ ডাক্তারের নয়, ওষুধের । বসো, বুঝিয়ে বলি । (সীতা পূর্ব্ববৎ পিছনেই দাঁড়াইয়া রহিলেন) বললে মিথো কষ্ট পাবে তাই এতদিন বলি নি । তোমার প্রথম হ'গাছা চুড়ি বিক্রি করে ছ'টা ইন্জেকশন কিনলাম দেখলে । পাঁচটা ইন্জেকশন তোমার সামনেই দেওয়া হতে দেখলে ; শেষটার সময় তুমি ছিলে না । ডাক্তারবাবু বললেন, পাঁচ-পাঁচটা কুইনিন ইন্জেকশন দিলাম জ্বর একটুও কমল না, দোখ তো ! শিশি ভেঙে ওষুধ জিভে দিয়ে কি বললেন জান ? (উত্তরের প্রত্যাশায় কিছুক্ষণ নীরব থাকিয়া) বললেন, ওষুধ নয়, জল । হ'গাছা সোনার চুড়ি বিক্রির টাকা দিয়ে ছ' শিশি স্রেফ জল কিনে আনলাম ! সব কুইনিনের ইন্জেকশনেই নাকি অমন জল বেরুচ্ছে ।

সীতা । (অবসন্ন ভাবে আসিয়া একখানা চেয়ারে বসিয়া পড়িলেন) কি সর্ব্বনাশ !

অঘোরনাথ । (অল্পক্ষণ থামিয়া) তার পর কালোবাজার থেকে আটাশ টাকা দিয়ে দিল্লী কেমিক্যালের সেই বিখ্যাত পেটেন্টটা কিনলাম, লেবেল, সীল, বাজ ঠিক যেমন থাকার কথা তেমনি আছে কিন্তু ভেতরে (ঢোক গিলিলেন) সেই একই ব্যাপার—জল ।

সীতা । (বিশেষ ভীত) কি হবে তা হলে ?

অঘোরনাথ । (দীর্ঘনিঃশ্বাস ফেলিয়া একান্ত হতাশ ভাবে) বোধ হয়, হ'ল না আর !

সীতা । অমন কথা বলো না, আমার বুক কাঁপছে ।

অঘোরনাথ । চারদিকে গুধু মাহু'ব মেয়ে ফেলবার ষড়যন্ত্র । প্রতিজ্ঞা ছিল, কালোবাজার থেকে কিছু কিনব না । তাও হইল

না, কিছু লাভও হ'ল না। বোধ হয় সেই পাপেই—। (কিছু আশ্রয় হইয়া) তবে জ্ঞান ছিল না, আমার একেবারেই জ্ঞান ছিল না। ডাক্তার যখন বললেন, ইনজেকসানে হ'ল না, পেটেন্টটাই একমাত্র ভরসা, দিশেহারা হয়ে ছুটলাম। ও শিশিটার দাম যে ছত্রিশ টাকা হতে পারে না একবার মনেও এল না।

সীতা। তোমার পাপ-পুণ্য বুঝি না বাপু। ঐ ছোট শিশু—নিজের ছেলে : তাকে যে-কোনরকমে বাঁচাবার চেষ্টাকে যারা পাপ বলে তারা হয় পাগল, নয় ত তোমার আশ্রমের লোক। হুই-ই এক কথা।

অঘোরনাথ। এত দিনেও তোমাকে বোঝাতে পারলাম না যে আদর্শের চাইতে বড় কিছু নেই।

সীতা। বোঝাতে পারবেও না কোন দিন। তোমাদের পাগল বললে অনেক কম কবেই বলা হয়। বলি, এতদিন ছেলেটার অস্থখ, একদিন হুঁদণ্ড বসেছ তার কাছে? আজকে আশ্রমের মিটিং, কাল ন'ই আগষ্ট, আর এক দিন কোথায় আইন অমান্ত—এই নিয়ে ত আছ। শুধু আজকেই দেখছি সকাল থেকে ঘরে বসে, তাও ঘরে বসে না থেকে নিজে একটু ঘুরলে বোধ হয় অস্তুত: থোকার বালিটা যোগাড় করে আনতে পারতে।

অঘোরনাথ। সম্পূর্ণ অজ্ঞান আক্রমণ! হাটবাজারের ব্যাপারে শ্রীমান সন্তোষ অনেক দক্ষ। তার পর হয়ত কালোবাজারের দাম দিতে হবে, সে আমি পারব না। তা ছাড়া আশ্রমের লোক দেখলে কালোবাজারীরাও ভয় পেয়ে যায়, বলে জিনিষ নেই। এমনিতেই ওষুধ কেনার ব্যাপারে বেশ নিন্দে রটেছে।

সীতা। তোমার ঐ আশ্রমের লোকদের কাছে ত? হয় তুমি আশ্রম ছাড়, নয় ত একটা লাঠি দিয়ে পরিবারের সকলের মাথা ভেঙে ফেলে আশ্রমে গিয়ে ওঠ, আর যত খুশি সুভাষচন্দ্র আর গান্ধীজীর জয় কর! আজকে বলে নয়, প্রথম থেকেই দেখছি। যাদের অত সাধু হবার খোঁক তাদের বিয়ে করাই উচিত নয়।

অঘোরনাথ। (দীর্ঘনিশ্বাস ফেলিয়া) তখন কি আর জানতাম যে তোমাকে আমি কিছুই শেখাতে পারব না? যে দেশে পুরুষ এক পা এগোলে নারী তাকে হুঁপা পেছনে টেনে আনতে চায় সে দেশে কারুরই বিয়ে করা উচিত নয় একথা নিশ্চয় স্বীকার করতে হবে।

সীতা। (রাগিয়া) কি, আমি তোমাকে পেছু টানছি, না? তা হলে খন্দর-পরা, মিটিঙে নাচনেওয়ালী একটা বিয়ে করলেই পারতে! দিন-রাত এগিয়ে চলত, আর সংসারের বালাই থাকত না, হুঁজনে মিলে জেলের ভাত খেতে!

অঘোরনাথ। (ঈষৎ বিরক্তির সহিত) সেকালে স্বদেশী মেয়ে এত কোথায় পাওয়া যেত। (স্বপ্নাতুর স্বরে) ভেবেছিলাম তোমাকেই আমার মত গড়ে পিটে নেব, সজিনী আর মঞ্জী করব। (হতাশায় মাথা নাড়িলেন) এখন সে সব স্বদূরের স্বপ্ন।

সীতা। তোমার স্বপ্ন নিয়ে তুমি থাক। আমার ত স্বপ্ন দেখলে

চলবে না, এখনি থোকার কাছে গিয়ে বসতে হবে। আর তোমার মেয়েও তেমনি তৈরি হচ্ছে, যখনই কাজের কথা বলি তখনই তাব সূতো কাটার সময়। (বেগে প্রস্থান)

অঘোরনাথ। (অপস্রিয়মান সীতার উদ্দেশ্যে) সীতা শুধু নামেই সীতা! [ভৃত্য সন্তোষের প্রবেশ। এখনও সে বড়লোক হয় নাই—তবে হুইবার লক্ষণসকল প্রকট হইতেছে। বেশভূষা ঠিক অঘোরনাথের মত। মাথার চুলে ঠিক তেমনিই মাঝখানে সিধি, গৌফ জোড়াও অবিকল অঘোরনাথের মত। ভৃত্যসুলভ আচরণ কিছু দেখা যায় না।] (সন্তোষের শূণ্য হাতের দিকে দৃষ্টিপাত করিয়া) কিরে পেলি না?

সন্তোষ। (চতুরতার হাসি হাসিয়া) এক জায়গায় আছে, আর চার টাকা হলে পাওয়া যায়। [ছবির প্রবেশ। আঠার বৎসরের সাধারণ একটি মেয়ে। পরনে খন্দরের সাড়ি। হাতে সুরু একটি ফুলের মালা। মালাটি সন্তোষের সহিত টেবিলের এক কোণে ঝুলাইয়া রাখিল।]

ছবি। বাবা—

অঘোরনাথ। (এতক্ষণ নীরবে সন্তোষের দিকে তাকাইয়া ছিলেন; যেন কথাটা কোন মতেই বিশ্বাস করিতে পারিতেছেন না। ছবি কথা বলিতে তাহাকে নিরস্ত করিয়া) তুই বলিস কি সন্তোষ, এক কোঁটো বালির দাম ছ'টাকা চাইছে? পাঁচ সিকে না দাম ছিল?

সন্তোষ। সে আগের কথা বাদ দিন। বাজারে কোথাও বালি নেই; যদি চান, ছ'টাকা দাম দিতে হবে, নইলে পাবেন না; বাস। (ট্যাক হইতে হুইটি টাকা খুলিয়া টেবিলের উপর রাখিল)

ছবি। আবার বালি কি হবে বাবা? (সন্তোষকে) তুই যে কালকে সন্তোষের পর ছ'কোঁটো বালি এনে বাবার তক্তপোশটটির তলায় লুকিয়ে রাখিল তার একটাও ত এখন পর্যন্ত খোলা হয় নি। মাও ত জানতেন না, মাকেও ত এইমাত্র বললাম।

সন্তোষ। সে আমার বালি। পুরো দাম না পেলে আমি কাউকে ধবতে দেব না। (ক্রমপদে অন্ধরের দিকে অগ্রসর হইল)

অঘোরনাথ। (উঠিয়া দাঁড়াইয়া কঠোর স্বরে) এই, দাঁড়া! (সন্তোষ ধামিল) আগে আমার কথার জবাব দে। তোর বালি মানে কি? তোর কি জ্বর হয়েছে? (সন্তোষ নিরস্তর, অঘোরনাথ জবাবের ভণ্ড অলক্ষণ ধামিয়া তারপর) আর জ্বর হলেই বা ছ' কোঁটো দিয়ে তুই কি করবি? না কি ভাতের বদলে খাবি?

সন্তোষ। ব্যবসা করব। (সংশোধন করিয়া) বিক্রি করব।

অঘোরনাথ। বিক্রি করবি? কত করে?

সন্তোষ। (স্বপ্ন হইয়া) ছ' টাকা করে।

অঘোরনাথ। (অবিশ্বাসের স্বরে) তোর থেকে কে কিনতে যাবে ছ'টাকা করে? তোর কাছে যে আছে সেও ত কেউ জানবে না। কে কিনবে, কেউ কিনবে না।

সন্তোষ । (দৃঢ়তার সহিত) যার দরকার হবে সে-ই কিনবে ।
শহরে আর কোথাও পাওয়া যাবে না ।

অঘোরনাথ । (অবাক হইয়া) যার দরকার হবে ;

ছবি । বুঝলে না বাবা, যেমন আমাদের দরকার হচ্ছে
তেমনি আর কি ।

অঘোরনাথ । (পুনরায় বসিয়া, বিষাদের সহিত ধীরে ধীরে)
বুঝতে কিছুই আর বাকী থাকছে না মা । সব আশ্বে আশ্বে
জলের মত পরিষ্কার হয়ে যাচ্ছে । (সন্তোষকে) কত করে কোঁটো
কিনেছিস ?

সন্তোষ । দু' টাকা করে ।

অঘোরনাথ । হুঁ ; দু' টাকা করে কিনে ছ' টাকা করে বিক্রি,
মোট চব্বিশ টাকা লাভ । (প্রচ্ছন্ন বাজের সহিত) সন্তোষের
ব্যবসার মাথা খুব পরিষ্কারই বলতে হয় !

সন্তোষ । (বাজটাকে প্রশংসা মনে করিয়া) আজ্ঞে আপনার
আশীর্ব্বাদে এ মাসে এখন পর্য্যন্ত আমার একশ' ত্রিশ টাকা লাভ
দাঁড়িয়েছে । (অর্থপূর্ণ দৃষ্টিতে ছবির দিকে চাহিল)

অঘোরনাথ । (ক্রমশঃ উষ্ণ হইতে লাগিলেন) আমার
আশীর্ব্বাদের ভরসায় যদি এ ব্যবসায় নেমে থাকিস খুব ভুল
করেছিস । ক'খ জানতিস না, আমি তোকে হাতে ধরে ষষ্ঠ শ্রেণী
পর্য্যন্ত পড়াসাম, কেন ? চালাক হতে হতে চোরাকারবারী বনে
যাবি তারপর আমার প্রয়োজনের সুর্যোগ নিয়ে, বাজার থেকে সব
মাল সরিয়ে আমার তক্তপোশের তলায় জমা করে পরের দিন
আমার কাছেই তিন গুণ দামে বিক্রি করবি, এই জ্ঞে ?

সন্তোষ । আপনি আমাকে ভুল বুঝছেন । কালকে ডাক্তার-
বাবু যখন বললেন, শহরে অসুখ-বিসুখ বড় বেড়ে যাচ্ছে, বার্লিটা
কিনে ফেলুন, আপনি গা করলেন না । আমি তাড়াতাড়ি
বাজারে যা ছিলাম কিনে ফেললাম, নইলে আজকে কোথায় পেতেন ?

ছবি । বেশ ত, দু' টাকায় কিনেছিস, (টেবিলের টাকা
আগাইয়া দিল) দু' টাকাতেই আমাদের কাছে বিক্রি কর না এক
কোঁটো ? আর গুলো ত তোর রইলই ।

সন্তোষ । (অঘোরনাথকে) দেখুন ত বাবু ; তাতে আমার
লাভ ? মাইনে পাচ্ছি না, তবু আছি, কাজকর্ম করে দিচ্ছি, (ছবির
দিকে অর্থপূর্ণ দৃষ্টিতে চাহিল) আমার চলবে কি করে ?

অঘোরনাথ । মাইনে আজ না হয় কাল পাবি । খাচ্ছিস-
দাচ্ছিস, (বৈঠকখানার মেঝে দেখাইয়া) শোবার জায়গার অভাব
হচ্ছে না, আবার টাকা কি করবি ?

সন্তোষ । বাবুর যেমন কথা ! (ছবিকে) টাকা না হলে কেউ
সম্মান করে ? এখন তুই-তুকারি করছেন, টাকা হলে, হ্যাঁ, তখন—
(ধামিগা) আমাকে বড় হতে হবে ।

অঘোরনাথ । (উচ্চকণ্ঠে) চোরাকারবার ছাড়া অল্প কোন
পথ নেই বড় হবার ? এতদিন এই তোকে দেখাসাম ? বীভ,

গান্ধীজী, সুরভাষক্স, এঁরা বড় হবার কি পথ দেখিয়েছেন, কি
বলেছি তোকে ?

সন্তোষ । আমি টাকা চাই । বড়লোক হবার অল্প যে সব
পথ আছে তাতে অনেক দেবি হয় । তা ছাড়া সবাই এ কাজ
করছে । নবেন্দুবার যে এত ভাল ভাল বক্তৃতা দেন, তিনি
আজকাল কত লাটকে লাট কাগজের চোরাকারবার করছেন
দেখুন ত ।

অঘোরনাথ । (গর্জিয়া উঠিয়া) কি বললি ?

সীতা । (পাশের ঘর হইতে পর্দা ফাঁক করিয়া) কি ষাঁড়ের
মত চেঁচাচ্ছ ! পাশের ঘরে যে এখন-তখন রুগী রয়েছে, সে পেয়াল
আছে ? বার্লিটা খেয়ে একটু ঘুমিয়েছিল, তুমি দিলে উঠিয়ে !
(সন্তোষের দিকে চোখ পড়িতে) কালকে বার্লি এনে রেখেছিস
তা কিছু বলিস নি, আজকে আবার বার্লি আনার ছুতো নিয়ে দু'
ঘণ্টা আজড়া দিয়ে এলি । যা কাজকর্ম কর গিয়ে । (যথালভ
ভঙ্গিতে টেবিল হইতে দ্রুত টাকা দুইটা উঠাইয়া সন্তোষের প্রস্থান)
চেঁচাচ্ছিলে কেন ?

অঘোরনাথ । মানুষ মেঝে ফেলবার ষড়যন্ত্র করছে যে
পাষণ্ডেরা, সন্তোষ তাদের দলে নাম লিখিয়েছে ।

সীতা । মিলিটারিতে ভর্তি হয়েছে ? তা মাইনে-পত্র পাচ্ছে
না—

অঘোরনাথ । না, সৈন্যদলে ভর্তি হয় নি । যা করছে তার
তুলনায় সৈন্যরা তো অহিংস ! যা করছে তার তুলনায় ওরা
তো দয়ালু ! দুই পক্ষে যুদ্ধ হয়, দু'জনের হাতেই অস্ত্র থাকে ।
তারা হুকুমে গুলি চালায়, হিংসা মনে নিয়ে তারা যুদ্ধ করতে আসে
না । নিরস্ত্র আহত শত্রুকে তারা শুশ্রূষা করে, কাঁধে করে বয়ে
নিয়ে যায় । আর যারা চোরাকারবারী, মুমূর্ষুর মুখের পথ্য তারা
কেড়ে নিয়ে যায়, অবোধ শিশুকে তারা অভুক্ত রাখে । বোগীর
ওষুধ লুকিয়ে বেখে তাদের শাসনের দিকে ঠেলে দেয়, অসহায়,
স্বলশীনের যারা শত্রু সন্তোষ তাদের দলে নাম লিখিয়েছে ।

সীতা । (ঘরে ঢুকিয়া ছবিকে) তুই যা খোকার কাছে একটু
বোম গিয়ে, আমি এখুনি আসছি ।

[ছবির প্রস্থান]

দেখ সন্তোষের চালচলন আমারও যেন কেমন আজকাল
একটুও ভাল লাগছে না ।

অঘোরনাথ । একটার থেকেই আর একটা আসে । কোন
জিনিষের যে-কোন দিক থেকেই পচন ধরুক না কেন, আশ্বে
আশ্বে সবটাই যেমন পচে যায়, মানুষও তেমনি একদিকে খারাপ
হতে শুরু করলে অল্প সব দিকেই খারাপ হয়ে যেতে বাধ্য । কি
হয়েছে ?

সীতা । ছবির দিকে ও যেন আজকাল কিয়কম করে তাকায় ।
ওকে শিগগীরই বিদেয় কর ।

অঘোরনাথ । হুঁ ।

সীতা । 'হ' কি ? তোমার তো আজ ময় কাল করে সময় কাটানোর অভ্যেস ।

অঘোরনাথ । শুধু মাইনেটা দিতে পারলেই হয় । হু' মাসের মাইনে বাকী, কোথেকে দি', তাই ভাবছি । তা ছাড়া যা দিনকাল পড়েছে, আমাদের পক্ষে আর চাকর রাখা সম্ভবও নয় ।

সীতা । আমার আর একগাছা চুড়ি বিক্রি কর ।

অঘোরনাথ । (বিষণ্ণভাবে মাথা নাড়িয়া) এর জ্ঞ ? অসুখ-বিসুখের কথা আলাদা ।

সীতা । মেয়ের ভালমন্দ তুমি চিন্তা না করতে পার, আমি করি । ছেলের চাইতেও আমার গয়না বড় নয়, মেয়ের চাইতেও নয় । যা বলি কর । (অঘোরনাথ উঠিয়া বাহিরের দিকে চলিলেন) কোথায় চললে আবার ?

অঘোরনাথ । অসিতের কাছে একবার যাই । এখুনি আসব ।

সীতা । জামাটা পাঠিয়ে দিচ্ছি । গায়ে দিয়ে যাও ।

[প্রস্থান]

[ছবির প্রবেশ]

ছবি । বাবা, বাবা, যেও না !

অঘোরনাথ । কেন রে ?

ছবি । ভোর থেকে অসিতদার বাড়ীতে পুলিশ এসেছে । বাড়ী সার্চ হচ্ছে ।

অঘোরনাথ । কে বললে তোকে ?

ছবি । (জানালার নিকট গিয়া) দেখ এসে ।

অঘোরনাথ । (জানালার নিকট গিয়া দেখিয়া) তাই তো ! (উদ্ভিগ্ন হইয়া নিম্নস্বরে) ছবি, কাগজগুলো—কাগজগুলো কোথায় ? (ছবি অঘোরনাথের কানের কাছে মুখ লইয়া গিয়া কি বলিল, তিনি আশ্চর্য হইলেন) বলা যায় না, এখানে আসতেই বা কতক্ষণ ! তুই জানতিস ?

ছবি । তুমি আবার চিন্তা করবে, তাই তোমায় বলি নি বাবা । (নিম্নস্বরে) কাল সন্ধ্যার সময় অসিতদা এসে বলে গিয়েছিলেন :

অঘোরনাথ । (নিম্নস্বরে) কি বলে গিয়েছিল ?

ছবি । (অম্লরূপস্বরে) অসিতদাকে ধরে নিয়ে যাবে, বাড়ী সার্চ হবে আর আমাদের বাড়ীও সার্চ হতে পারে ।

অঘোরনাথ । আর আমাকে কিছুই বলিস নি ! অসিতকে ধরে নিয়ে যাবে ? (হঠাৎ দৃষ্টিটা একটু তীক্ষ্ণ হইল । পুনরায় চেয়ারে আসিয়া বসিলেন) ও তাই সকাল থেকে টেবিলের কোণে একটা মালা ঝুলছে দেখছি । অসিতের জেঞ্জো বুঝি ?

ছবি । (লজ্জিতভাবে) থোকা বলছিল—

অঘোরনাথ । (কৃত্রিম গাভীর্ষের সহিত) থোকা বলছিল ? কি বলছিল ? কবে বলছিল ?

ছবি । সে অসুখের আগে বাবা । বলছিল, নেতারা যখন জেলে যায় তখন গলার মালা দিতে হয় ; অসিতদাকে যখন ধরে

নিয়ে যাবে তখন ও গলার মালা দেবে, (হাসিয়া) তোমাকে যখন ধরে নিয়ে যাবে তখন তোমাকেও দেবে । (সাড়ির আঁচল আঙলে জড়াইতে জড়াইতে দ্বিধাশ্রুতভাবে) থোকির অসুখ—

অঘোরনাথ । (নির্লিপ্ত কণ্ঠে) মালাটা না হয় তুই-ই দিবি আর কি ।

ছবি । আমি বাবা ?

অঘোরনাথ । নয় তো কে দেবে ? আমি বুড়ো বয়সে ওসব মালাটালা দিতে পারব না । তুই এখন দে । অসিত ফিরে এলে না হয় থোকা দেবে আর একবার ।

ছবি । আচ্ছা, তা হলে না হয় বাবা আমিই দেব । [ছবি খুশিমনে জানালার দিকে অগ্রসর হইল, অঘোরনাথ ছবির পিছনে নীরবে একটু স্নেহের হাসি হাসিলেন ।] (জানালা দিয়া দেখিয়া) আস্তে আস্তে অনেক ভিড় জমে গেছে ত ।

অঘোরনাথ । ছবি, এদিকে আয় । (ছবি নিকটে গিয়া টেবিল ধরিয়া দাঁড়াইল) বোস । (না বসাতে, পুনরায়) বোস । (বসিল) ধরা পড়া, জেলে যাওয়া, এতে উত্তেজনা থাকতে পারে, কিন্তু ওগুলোই আসল নয় । শাস্ত মনে কাজ করে যেতে হবে । এখন যত কাজের লোক কমে যাচ্ছে তত বেশী কাজ করতে হবে ।

ছবি । আজকে আর একটুও সূতো কাটতে পারি নি । সন্ধ্যার বার্লি কেনার নাম করে সকাল থেকে বেরিয়ে গেল, তারপর থোকির কাছে বসলাম,...

অঘোরনাথ । না না, সূতো কাটতে হবে, অন্ততঃ পাঁচ মিনিট হলেও কাটতে হবে । কাজ করতে হলে মন স্থির করা দরকার, মন স্থির করতে হলে সূতো কাটা অবশ্য প্রয়োজন ।

ছবি । হ্যাঁ বাবা ।

(প্রস্থানোত্তর, এমন সময় নেপথ্যে তুমুল ধ্বনিঃ— বন্দেমাতরম, আগষ্ট বিপ্লব জিন্দাবাদ, ইনকিলাব জিন্দাবাদ, সুভাষচন্দ্র জিন্দাবাদ : তুই জনেই উৎকর্ণ হইলেন)

অঘোরনাথ । একি নিয়ে চলল নাকি ?

ছবি । (তাড়াতাড়ি জানালার নিকট গিয়া) না বাবা এ-দিকেই আসছে । (ফিরিয়া আসিল)

অঘোরনাথ । ঘাবড়ে যাস না যেন, ভয়ের কোন কারণ নেই ।

[মুখের কথা শেষ হইতে না হইতে একজন পুলিশ অফিসারসহ অসিতের প্রবেশ । একজন পুলিশ দরজার পর্দা সরাইয়া ভিতরে একবার মুখ বাড়াইয়া বাহিরেই ঠাড়াইয়া রহিল । অসিতের চেহারা প্রায় একই রকম, তবে ভাবটাকে একটু বীরোচিত বলা যাইতে পারে । ছবি তাড়াতাড়ি উঠিয়া একপাশে সরিয়া অসিতের দিকে দাঁড়াইল]

পুলিস ইন্সপেক্টর । (অসিতকে) তাড়াতাড়ি করুন ।

অসিত । (উদ্ভত ভাবে) তাড়াতাড়িই করা হচ্ছে ।

অঘোরনাথ । অসিত ! অসিত ! মাথা গরম করো না ।
বোস, (ইনসপেক্টরকে) বসুন । (কেহ বসিল না)

অসিত । মের্সোমশায়, এই চাবিটা আপনার কাছে রেখে
যাচ্ছি । (পাশের পকেট হইতে চাবি বাহির করিল)

অঘোরনাথ । (মুহূ হাসিয়া) আমারই বা ভরসা কি ?
—(ইনসপেক্টরকে) কি বলেন ? (অসিতকে) তোমার চাকরটি,
কি যেন নাম, সে কোথায় ? চাবি সঙ্গেই নিয়ে যাও না ।

ইনসপেক্টর । মাষ্টারমশায়, আমার ডিউটি আপনাকে সতর্ক
করে দেওয়া । ও চাবি রাগলে আপনার বিপদ বাড়বে ছাড়া কমবে
না । ছেলেপিলে নিয়ে ঘর করেন, তাই বললাম ।

অসিত । কথাটা মিথো নয় মের্সোমশায় । (প্রায় নিজের
মনে) চাবিটা কার কাছে রেখে যাই তাও ত বুঝতে পারছি না ।
সুখন ত পুলিশের টিকি দেখেই কোথায় পালিয়েছে, ব্যাটার আবার
জিনিষপত্রগুলো রয়েছে । তারপর মা যদি হঠাৎ না জেনে এসে
পড়েন কলকাতা থেকে, তা হলেও ত বিপদ ।

ছবি । (আগাইয়া আসিয়া) দিন, আমাকে দিন, (অসিতের
হাত হইতে চাবি প্রায় ছিনাইয়া লইয়া) আমাকে ধরে নিলে
কারুর কিছু ক্ষতি হবে না ।

অসিত । (মুগ্ধ ও আনন্দিত) তা হলে এই টাকাটাও রাখ ।
(ঘড়ির পকেট হইতে ভাঁজকরা একটি দশ টাকার নোট দিল)

ছবি । টাকা কিসের ?

অসিত । সুখনের মাইনেটা দেওয়া হয় নি । ওর মোট
পাওনা সাড়ে-ন-টাকা । আট আনা বকশিশ (হাসিয়া) ওর
বীরশ্বের বকশিশ ।

ইনসপেক্টর । চলুন এবার ।

অঘোরনাথ । (অন্দরের দিকে নির্দেশ করিয়া ইনসপেক্টরকে)

অসিত পাশের ঘরে একবার একটু যেতে পারবে ।

ইনসপেক্টর । (অত্যন্ত সন্দেহ হইয়া) কেন ?

অঘোরনাথ । আমার ছোট ছেলেটির খুব অসুখ, তাই ।
অল্প কোন মতলব নেই । আশুন, দেখুন এসে । [উঠিয়া গিয়া
অন্দরের পর্দাটা তুলিয়া ধরিলেন, ইনসপেক্টর যেন কোন ফাঁদে
পা দিতে যাইতেছেন এইরূপ ভাবে ধীরে ধীরে আগাইয়া মাথাটা
কতক্ষণের জল্প ভিতরে গলাইয়া দিলেন]

[ইতিমধ্যে]

অসিত । (কথা খুঁজিয়া না পাইয়া) ছবি, আমাকে মনে
থাকবে ত ?

ছবি । (মাথা নীচু করিয়া সলজ্জভাবে) কি যে বলেন !

অসিত । কবে ছাড়া পাব, কবে আমাদের বিয়ে হবে—এই
ভেবেই কিন্তু আমার দিন কাটবে । অপেক্ষা করবে ত ?

ছবি । (মুখ তুলিয়া চোখে চোখে তাকাইয়া) করব ।

অঘোরনাথ । (ইনসপেক্টরকে) আপনি না হয় এখানেই
দাঁড়ান । এসো অসিত । অসিত ক্রমকালের জল্প অন্দরে

চলিয়া গেল । নেপথ্যের বন্দেমাতরম্, ইন্কিলাব জিন্দাবাদ,
আগষ্ট-বিপ্লব জিন্দাবাদ, প্রভৃতি ধ্বনি উঠিতে ছবি জানালার
নিকট গিয়া দাঁড়াইল : সে কি বলে শুনিবার জল্প নিকটের
ধ্বনি ধামিয়া শুধু দূরের ধ্বনি শ্রুত হইতে লাগিল)

ছবি । দেখুন, আমার ছোট ভাইটির খুব অসুখ । যদি একটু
আস্তু বলেন ।

[এবার কিছু আবোল-তাবোল গুণ্ণোল শোনা গেল,
তারপর সব নিস্তরু । অসিত ফিরিয়া আসিল । সে সকলের
দিকে একবার তাকাইয়া চলিয়া যাইতেছিল, অঘোরনাথ ইঙ্গিত
করিতে ছবি তাড়াতাড়ি তাহাকে মালাটি পরাইয়া দিল ।
অসিত ফিরিয়া আসিয়া অঘোরনাথকে প্রণাম করিল, তাহা
দেখিয়া ছবিও অসিতকে প্রণাম করিল]

অসিত । (ছবিকে) মা যদি আসেন, একটু দেখাশুনো করো ।
ছবি । আপনি ভাববেন না । মাসীমার কোন অসুবিধে
হবে না ।

অসিত । (হাসিমুখে) আচ্ছা, আসি ।

[সদলবলে অসিতের প্রস্থান । ছবি দ্রুত গিয়া জানালার
দাঁড়াইল । অঘোরনাথ পায়চারি করিতে শুরু করিবেন এমন
সময় ঝড়ের বেগে সীতার প্রবেশ । বাহিরে ধ্বনি শুরু হইল
এবং তাহা আস্তে আস্তে মিলাইয়া গেল]

সীতা । বলি, এসব হচ্ছে কি ?

অঘোরনাথ । অমুয়োধ, একটু আস্তে কথা বল । বলি,
খোকর যে অসুখ সে কি তোমাকেও মনে করিয়ে দিতে হবে ?

সীতা । এসব মালা পরাপরিষ্কার কিসের শুনি ? ছবি, তোমার
বড় বার বেড়েছে, না ? বললাম, বাবাকে জামাটা দিয়ে খোকর
কাছে একটু বস এসে ; না, বসিল না । কে তোকে মালা দিতে
বলেছিল ?

ছবি । (অক্ষুট স্বরে) বাবা । (সীতা জলস্ত দৃষ্টিতে অঘোর-
নাথের দিকে চাহিয়া রহিলেন)

অঘোরনাথ । হ্যাঁ, আমিই বলেছিলাম ।

সীতা । কেন ? তুমি বিয়ের প্রস্তাব করেছিলে ? ও রাজী
হয়েছে ?

অঘোরনাথ । না, বীরের পূজা ।

সীতা । তোমার যত-সব আদিখ্যেতা ! ছবি তুই যা এ ঘর
থেকে । (ছবির প্রস্থান) আর বিয়ের কথাবার্তা ঠিক হলেই বা
কি, তাই বলে অতগুলি লোকের সামনে ? (আরও রাগিয়া
গিয়া) আর বলছিই বা কাকে, নিজের জ্ঞান থাকলে তবে ত অল্পকে
শেখাবে !

অঘোরনাথ । ব্যাপারটা কি, আমি ত কিছুই বুঝছি না ।

সীতা । আর বুঝবেও না । বলছি, বিয়েটা হয়ে গেলেই মাঠা
চুকে যেত, তা তুমি একটু চেষ্টা পর্যন্ত করলে না !

অঘোরনাথ । এতবার এত করে বোঝাতে চেষ্টা করলাম,

তোমার আবার সেই এক কথা। এই ত ধরে নিয়ে গেল, তখন কি হ'ত ছবির ?

সীতা। কেন, আমার কাছে থাকত, তা ছাড়া গবর্নমেন্ট টাকা দিত, পদ্মবাবু বৌ যেমন পাচ্ছে।

অঘোরনাথ। (বাস্তবেরে) ও, ও, ও,—অসিত জেলে গেলে তুমি টাকা পেতে, তাই বল : আমি ভাবলাম মেয়ের ভবিষ্যৎ ভেবে বুঝি উতলা হচ্ছি। তা আমি জেলে গেলে ত পাবে।

সীতা। আমি কি বলি আর তুমি কি বোঝ ! (ঈষৎ অভিমান)

[তারকের প্রবেশ। হাকশাট-পরিহিত উনিশ বৎসরের যুবক। চালচলন ও কথাবার্তা একটু উগ্র। বাপের সঙ্গে বিশেষ মতবিরোধ আছে মনে হয়। হাতে বাজারের থলিয়া, তাহার ভিতর হইতে দুই গাছা ডাঁটা উঁকি দিতেছে ও রুটি তৈয়ার করিবার একখানা ভাঙা বেলুন।]

তারক। (ভাঙা বেলুনটা মাকে দিতে গিয়া) হ'ল না মা।

সীতা। আমাকে এখানে দিচ্ছিস কি, ভেতরে রাখগে যা ; হ'ল না কেন ? ঐ ত সামান্য কাজ, এক মিনিটের ব্যাপার।

তারক। শহরের কোন কাঠ মিস্ত্রীর ঐ এক মিনিটও সময় নেই। আটচল্লিশটা ডেসিং টেবিলের অর্ডার হয়েছে, সাত দিনের মধ্যে ডেলিভারি চাই। সবাই তাতে বাস্তব, আমার কথায় কেউ কানও দেয় না।

সীতা। সে কিরে, এত ডেসিং টেবিল কি হবে ?

অঘোরনাথ। আটচল্লিশটা ডেসিং টেবিল, কে অর্ডার দিলে ?

তারক। শুনলাম মিলিটারির অর্ডার। শহরে মিলিটারি আসছে।

সীতা। মিলিটারি ত বন্দুক নিয়ে লড়াই করে শুনেছিলাম, ডেসিং টেবিল কেন ? [ঘাড় নাড়িয়া তারকের প্রস্থান]

অঘোরনাথ। (উচ্চৈঃস্বরে) রমেনবাবুর খবরের কাগজটা দিয়ে আসিস তারক। [কাগজখানা ভাঁজ করিয়া টেবিলের এক পাশে রাখিলেন] (সীতাকে) বুঝলে না ? ব্রিটিশ ব্যাটারী যুদ্ধ-টুক্ক সব ভুলে গেছে। (উদ্বেজনার উঠিয়া দাঁড়াইলেন) একবার জার্মানীর কাছে মার খাচ্ছে, একবার জাপানের কাছে মার খাচ্ছে, বেশ হচ্ছে, খুব হচ্ছে !

সীতা। বুঝলাম না, যুদ্ধে আবার ডেসিং টেবিল কিসে লাগে ?

অঘোরনাথ। আহা হা, যুদ্ধ এরা করেই না, ডেসিং টেবিলের সামনে দাঁড়িয়ে কেবল টেরী বাগায়। (অনুকরণ করিয়া হাসিয়া উঠিলেন) বিখেস হচ্ছে না ? কাগজে কি লিখেছে শোন তবে। (কাগজখানা পুনরায় খুলিতে লাগিলেন)

সীতা। (বাধা দিয়া) তোমার ত ঐ আনন্দ 'ব্রিটিশ হারছে, ব্রিটিশ হারছে', ব্রিটিশ হারলে তোমাকে যেন কেউ রাজা করে দিচ্ছে ! কাজের কথা বলি, একটু মন দিয়ে শোন।

অঘোরনাথ। (বিমর্ষ চিত্তে) কাগজটা দিয়েই আসুক তা হলে তারক।

[তারকের উদ্দেশ্যে অন্তরের দিকে ঘাড় কিরাইলেন,

এমন সময় বাহিরের দরজার কড়ানাড়ার শব্দ হইল] (সীতাকে) আবার কে এলো ?

সীতা। (মাথায় কাপড় দিয়া দ্রুত উঠিয়া পড়িয়া) নিশ্চয় কোন অচেনা লোক হবে।

(দ্রুত প্রস্থান)

অঘোরনাথ। (বাহিরের দরজার দিকে তাকাইয়া) আসুন, আসুন, ভেতরে আসুন, দরজা খোলা আছে।

[মেজর সাধুলালের প্রবেশ, হঠাৎ দেখিয়া তাকে মিলিটারি কিংবা অবাঙালী কোনটাই বুঝিবার উপায় নাই। পরনে জলপাই-সবুজ কুল প্যান্ট ও ধবধবে দামী হাফ শাট। হাতে সিগারেটের টিন ও দেশলাই। মুখের বিশেষত্ব—বাটার-ক্রাই গৌফ ও মেকি হাসিটি।]

সাধুলাল। আসতে পারি ?

অঘোরনাথ। (সম্পূর্ণ নূতন মুপ দেখিয়া লোকে যেমন বিস্মিত হয় তেমনি ভাবে) আসুন, (সাধুলাল সোজা আসিয়া চেয়ারে বসিল এবং সিগারেটের টিন ও দেশলাই টেবিলের উপর রাখিল) আপনি কোথেকে আসছেন ?

সাধুলাল। (খোলা সিগারেটের টিন সামনে ধরিয়া) মে আই ? (অঘোরনাথ মাথা নাড়িলেন, সাধুলাল নিজে সিগারেট ধরাইল। অঘোরনাথ অন্দরের পদ্মাটা ভাল করিয়া টানিয়া দিলেন।)

অঘোরনাথ। আপনি কি পুলিশের লোক ?

সাধুলাল। না, আমি মিলিটারি।

অঘোরনাথ। (মিলিটারি পোশাক না দেখিয়া) আপনি, কি ?

সাধুলাল। মিলিটারি। শহরে মিলিটারি আসছে শুনে নি ? খবরটা সিক্রেট কিনা, তাই তাড়াতাড়ি জানবার কথা।

অঘোরনাথ। হাঁ, হাঁ, শুনেছি। মিলিটারির জন্ত আটচল্লিশটা ডেসিং টেবিলের অর্ডার হয়েছে। (হাসিয়া ফেলিলেন)

সাধুলাল। আমিই অর্ডার করেছি। আমার নাম, মেজর সাধুলাল।

অঘোরনাথ। (হাসি থামাইয়া) ওঃ।

সাধুলাল। দেশের লোকে টাকা পাবে, মিলিটারির টাকা, গবর্নমেন্টের টাকা।

অঘোরনাথ। তা বটে, তা বটে, (জোর দিয়া) টাকা পাবে। উঁহ, একটা মাহুসও না, একটা পয়সাও নয়। নট এ পাইস, নট এ ম্যান,—গান্ধীজী বলেছেন।

সাধুলাল। আপনি বোঝেন, ভাল হয়েছে। সকলে বুঝে না, সেজন্যই আপনার কাছে আসতে হয়েছে। আপনি মাষ্টারবাবু, অঘোরবাবু ত ?

● অঘোরনাথ। হ্যাঁ। আমার একটা মাইনর স্কুল আছে।

সাধুলাল। দেখুন মিলিটারি আসছে, আপনার শহরের অতিথি, গেট হবে। পাঁচ শ' ঘর চাই, শহরের বাইরে থাকবে। লোকে

বলছে ঘর তৈয়ার করব না। যুদ্ধকে সাহায্য করব না। টেবিল করব, ঘর করব না। টেবিলেও টাকা পাবে, ঘরেও টাকা পাবে, তুফান কি হ'ল? (অন্তরঙ্গ ভাবে) আপনার সাহায্য করতে হবে।

অঘোরনাথ। লোকে যদি না করে আমি কি করব?

সাধুলাল। আপনি লোককে বলে দিন। সবাই বলছে, মাষ্টারবাবু মন্দ বলবে, মাষ্টারবাবু না বললে করব না।

অঘোরনাথ। ডেসিং টেবিলের কথা আলাদা, (দৃঢ়ভাবে) যুদ্ধের কাজে সাহায্য করতে আমি কখনই বলতে পারব না। (উত্তেজিত হইয়া উঠিয়া দাঁড়াইলেন)

সাধুলাল। আপনি আমার সব কথা শুনেছেন না। বসুন, আমাকে পাঁচ মিনিট বলতে সময় দিন, তার পর অপচন্দ হলে আমাকে ঘাড় ধরে বার করে দিবেন।

অঘোরনাথ। না, না, সে কি কথা! (বসিলেন) তা কি হয়। আমাদের মত ভিন্ন হতে পারে, কিন্তু আমরা হ'জনেই ভিন্ন লোক।

সাধুলাল। আমিও সেই কথাই বলি। কিন্তু আমাদের মত ভিন্ন নাই। আপনিও ব্রিটিশের ক্ষতি চান, আমিও ব্রিটিশের ক্ষতি চাই।

অঘোরনাথ। (অবাক হইয়া) কি বলছেন?

সাধুলাল। দেখেন, আমি বরাবর কালকাটায় থেকেছি, ক্যালকাটায় পড়েছি। একজন স্বদেশী-ডাকাত আমার বন্ধু ছিল, সে বলত ব্রিটিশের টাকা লুঠ কর। তখন সুবিধা ছিল না, ধরা পড়বার ভয় ছিল। মিলিটারিতে আসলাম, ডিপার্টমেন্টও এমন হ'ল যত খুশি লুঠ কর কেউ ধরতে পারবে না। যুদ্ধের সময় আরও সুবিধা, এমন ক্ষতি করেছি যে ব্রিটিশ টাকা তৈয়ার করেও সাপ্লাই দিতে পারে না।

অঘোরনাথ। যে টাকাটা ক্ষতি হচ্ছে ব্রিটিশের, সেটা কোথায় চাচ্ছে?

সাধুলাল। আমার কাছে আসছে, আমার মত অল্প পেট্রিয়টের কাছে যাচ্ছে।

অঘোরনাথ। (বিশেষ আমোদ-অনুভব করিয়া) আপনার সেই স্বদেশী-ডাকাত-বন্ধু, আপনি যাঁর শিষ্য বলছেন—সে শুধু টাকা লুঠ করতেই বলেছিল, আর কিছু বলে নি?

সাধুলাল। (মাথা চুলকাইয়া) কৈ, না, আর মনে পড়ছে না।

অঘোরনাথ। ভাল করে ভেবে দেখুন ত, লুঠের টাকাটা ব্রিটিশকে ভারত থেকে সমূলে উচ্ছেদ করার কাজে লাগাতে বলেছিলেন কিনা?

সাধুলাল। (এদিক ওদিক তাকাইয়া নিঃশব্দে) চূপ করুন! এমন কথা ভাবলেও বিপদ!

অঘোরনাথ। (হাসিয়া) বক্তৃতা চুরি করে পকেট ভাঙী করবেন ততক্ষণ নির্ভর, আর বেই তা সত্যের কথা ভাবতে সোলেম অমনি বিপদ আরম্ভ হ'ল!

সাধুলাল। আপনাকে টাকা দিব, আপনি সন্ধ্যা করুন। (ভিতর হইতে সস্তোষের প্রবেশ। কথাটা শুনিয়া দাঁড়াইল)

অঘোরনাথ। (আশাঘিত হইয়া) কি রকম?

সাধুলাল। এখন আমার কাজ ঘর তৈয়ারি করা। নিজে করি না, কনট্রাক্ট দি'। একটা ঘর তৈয়ার হলে দুটা ঘরের বিল হয়। ফালতু টাকা অর্ধেক আমার অর্ধেক কনট্রাক্টের।

(সস্তোষের বাহিরের দরজা দিয়া নিজঃমণ। বাহিরের জানলায় একবার তাহার মাথা দেখা গেল।)

অঘোরনাথ। হুঁ। (অগ্নমনস্ক ভাবে) অসৎ কাজে যুক্তি আর ফন্দি কোনটারই অভাব হয় না।

সাধুলাল। আপনি কনট্রাক্ট করুন। আপনার কিছু চিন্তা করতে হবে না। বন্দোবস্ত সব আমার, খালি নাম আপনার। টাকা নিন, তার পর সেই টাকা (আমতা আমতা করিয়া) যেরকম খুশি সন্ধ্যা করুন। আর যদি বলেন ত, এক মাসের মধ্যে আপনার এই বাড়ী তিনতলা করে দিব।

অঘোরনাথ। (বিনীত ভাবে) মেজর সাধুলাল, আমি সামান্য মাষ্টার মানুষ, কনট্রাক্টের নই। সন্ধ্যা করবার জগু আমার টাকার দরকার হয় না, আমি নিজেকে সন্ধ্যা করি। (অঙ্গুলি দিয়া নিজেকে দেখাইলেন।)

সাধুলাল। কিন্তু আপনার স্কুল ত থাকছে না। তখন কি থাকেন?

অঘোরনাথ। (উত্তেজিত হইয়া) আমার 'আদর্শ প্রাথমিক বিদ্যালয়' থাকছে না? আমার স্কুল, আমি কিছু জানি না! আপনি কি করে জানলেন, আপনি কিছু শুনেছেন?

সাধুলাল। ঐ স্কুলবাড়ীটা আমাকে রিকুইজিশান করতে হবে, আমার অপিস হবে। আগেই নিতাম, ভাবলাম আপনার সঙ্গে যদি বফা হয়। কনট্রাক্ট করুন সব ঠিক হয়ে যাবে।

অঘোরনাথ। এতক্ষণ লোভ দেখাচ্ছিলেন, এখন ভয় দেখাচ্ছেন। (উত্তেজিত হইয়া) মেজর সাধুলাল, আই এম নট এ মার্কেটেবল কমোডিটি, আগুয়রষ্টাণ্ড! (অপেক্ষাকৃত শাস্তভাবে) আপনি বিশ্বাস করবেন কিনা জানি না, সকল মানুষকেই বাজারের মাছ-তরকারির মত কেনা-বেচা যায় না। (উঠিয়া পড়িলেন) আপনি স্কুলবাড়ীটা নিলে, স্কুলটা না হয় আশ্রমে বসবে। আচ্ছা, নমস্কার। (অন্দরের দিকে প্রস্থানের উপক্রম)

সাধুলাল। আশ্রমবাড়ীটাও গবর্নমেন্ট দখল নিয়ে।

অঘোরনাথ। (খামিয়া, বিচলিত হইয়া) কেন?

সাধুলাল। অপ্রিয় সত্য কথাটা আপনাকে এতক্ষণ বলি নি। গবর্নমেন্ট মনে করে, আপনি, আপনার স্কুল, আপনার আশ্রম, গবর্নমেন্টের শত্রুতা করছে। আমি বললাম, না, মাষ্টারমশায়র রাখন দেখবে আমিও স্বদেশী, আমার কথা শুনেবে, নিজে কনট্রাক্ট করবে, না হয় অল্প লোককে বলে দেবে।

অঘোরনাথ। (বিশেষ ক্রুদ্ধ হইয়া) অপ্রিয় সত্য কথাটা আমিও

এতক্ষণ আপনাকে বলি নি। আপনার স্বদেশী বুলিটা সম্পূর্ণ ভগ্ন। আপনার একমাত্র উদ্দেশ্য টাকা চুরি করা আর অল্প লোককে চুরি করতে শেখানো।

সাধুলাল। ব্রিটিশ আমাদের টাকা লুট করে নি? ব্রিটিশের টাকা লুট কবাকে যদি চুরি বলেন তো আমি ভিন্নমত।

অঘোরনাথ। আচ্ছা, নঃস্বার।

সাধুলাল। (ব্যস্ত হইয়া) মাষ্টারবাবু, লেট আস পার্ট ফ্রুগুস। আমি আপনার বন্ধু থাকতে চাই। (তাড়াতাড়ি উঠিয়া অঘোরনাথের কানে কানে কি জিজ্ঞাসা করিলেন, অঘোরনাথ যথাসম্ভব কানটা সরাইয়া লইতে চেষ্টা করিলেন)

অঘোরনাথ। (বন্ধুতা শুনিয়া যথাসম্ভব ক্রুদ্ধ হইলেন) আপনি আমাকে পেয়েছেন কি। আপনাদের দেশে কি হয় জানি না, এটা বাংলা দেশ। আপনি একটি স্বাউণ্ডেল, আপনাকে সত্যিই ঘাড় ধরে বার করে দেওয়া উচিত!

সাধুলাল। নো অফেন্স, আপনিও ব্যাটাছেলে, আমিও ব্যাটাছেলে।

অঘোরনাথ। এসব খবর আমাকে জিজ্ঞেস করছেন! স্বাউণ্ডেল, বাস্কেল, গোট আউট! (বাহিরের দরজার দিকে অঙ্গুলি নির্দেশ করিয়া ক্ষণকাল দাঁড়াইলেন। যখন দেখিলেন সাধুলাল স্বস্থানে বসিয়া পূর্ববৎ হাসিতেছে তখন নিজেই সবোষে অন্দরে চলিয়া গেলেন এবং পর্দার পিছন হইতে হাত বাড়াইয়া দরজাটা বন্ধ করিয়া দিলেন।

সাধুলাল। মাডমান!

[বাহিরের দরজা দিয়া সস্তোষের প্রবেশ]

সস্তোষ। সাহেব!

সাধুলাল। (চমকাইয়া উঠিয়া) কে? কি চাও?

সস্তোষ। (হাত কচলাইয়া) সাহেব, আমি কন্ট্রাক্ট করতে চাই।

সাধুলাল। তুমি! মাষ্টারমশায়ের ভয়ে শহরে কেউ কন্ট্রাক্ট নিতে রাজী হ'ল না, আর তুমি এ বাড়ীতে থেকে—

সস্তোষ। আমি এখন আর কারুর চাকর নই। ইং, মাইনে দিতে পারে না, তাকে আবার ভয়!

সাধুলাল। বেশ! তুমি নাম সই করতে পার? ইংরেজীতে?

সস্তোষ। পারি।

সাধুলাল। পার? (পকেট হইতে নোট, বই ও কলম বাহির করিয়া) লেখ তো? (সস্তোষ লিখিল। তাহা দেখিয়া) এস-ও-এন-ও-এস, ডি-ই—সনোস দে! তোমার নাম কি? কি পড়েছ?

সস্তোষ। হজুর, আমার নাম সস্তোষ দে। ক্লাশ সিক্স পর্যন্ত পড়েছি।

সাধুলাল। (কলম দিয়া দেখাইয়া) দেখ, এখানে একটা 'টি' হবে। আচ্ছা সে ঠিক হয়ে যাবে। তুমি মাষ্টারমশাকে ভয় পাও না, ঠিক? (উঠিয়া দাঁড়াইল)

সস্তোষ। না।

সাধুলাল। (বাইতে বাইতে সস্তোষের পিঠ চাপড়াইয়া) সা-বাস!

[উভয়ের প্রস্থান]

ক্রমঃ



উত্থলে ধানভানা

শিল্পী : শ্রীমণীধী দে

বৈদেশিকী



উদ্বাস্তু জার্মানদের বসবাসের জগু নির্মিত অসংখ্য ঘরবাড়ী

জার্মানীতে জার্মান উদ্বাস্তু

“জার্মানীতে জার্মান উদ্বাস্তু” কথাটি কেমন অদ্ভুত ঠেকে। কিন্তু গত দশ বৎসরের মধ্যে এইরূপ ঘটনাই ঘটিয়া গিয়াছে। দ্বিতীয় মহাযুদ্ধের অবসান হয় ১৯৪৫ সনের প্রথম দিকে। জার্মানী যখন পতনের মুখে, সেই সময় সোভিয়েট শক্তি ক্রমশঃ পোল্যান্ড, চেকো-স্লোভাকিয়া, হাঙ্গেরী অধিকার করিয়া পশ্চিম দিকে অগ্রসর হয় এবং জার্মানীর অভ্যন্তরে প্রবেশ করে। ঐ সকল অঞ্চল হইতে জার্মানগণও পশ্চিম দিকে চলিয়া যাইতে থাকে। ‘বাইক’ বা জার্মান-রাষ্ট্রের পশ্চিমাঞ্চলে—প্লেসভিগ-হল্‌স্টিন, লোয়ার স্যাক্সনি, বাভেরিয়া এবং হেস এই চারিটি রাজ্যে তাহারা গিয়া ভিড় জমায়। এসময়কার লোকপসরণের দৃষ্টান্ত ইতিহাসে দুইটি মেলা ভার। অডার নীস-লাইনের পূর্বাঞ্চল, পোল্যান্ড, চেকোস্লোভাকিয়া, এবং পূর্ব ও দক্ষিণ-পূর্ব ইউরোপ হইতে, যেখানে যত জার্মান ছিল প্রায় সমুদয়ই ঐ ঐ অঞ্চলের বাস তুলিয়া মূল জার্মানীর দিকে প্রধাবিত হয়। পরে গণনা করিয়া দেখা গেছে, এই চলমান জার্মান জাতির সংখ্যা ছিল এক কোটি পঁয়ষট্টি লক্ষের মত। ইহাদের মধ্যে এক কোটি চল্লিশ লক্ষ পশ্চিম জার্মানীতে গিয়া পৌঁছিতে পারিয়াছিল। পশ্চিমের পশ্চিম লক্ষ নর-নারী-শিশু অল্পাভাবে, বহুভাবে, বোগে, মহামারীতে প্রাণ বিসর্জন দেয়।

জার্মান জাতির সমস্যা ত অনেক। পশ্চিম বৎসরের মধ্যে দুইটি মহাযুদ্ধে তাহার যে ক্ষতি হইয়াছে তাহার সীমা-সংখ্যা হয় না। আজিকার দিনে, ইহার জগু দায়ী কে ছিল, কেনই-বা জার্মানী স্বস্ত-বিধ্বস্ত হইয়া গেল সে বিষয়ে আলোচনা করিয়া লাভ নাই। প্রথম মহাসমরের পর লক্ষ লক্ষ বিকলাঙ্গ ও বেকার

জার্মান রাষ্ট্রের এক ভীষণ ভার হইয়া ছিল। এই ভার লাঘব করিবার প্রয়াসে যে-সকল চেষ্টা হয় তাহাতে জাতির স্বতঃই সায় ছিল। এই বিকলাঙ্গ ও বেকার সমস্যা দূরীকরণের পূর্বেই আসিল দ্বিতীয় মহাসমর। যুদ্ধের মধ্যেও যদি-বা জার্মান-রাষ্ট্র তাহার দায় পূরণে ক্রটি করে নাই, কিন্তু জার্মানীর পতনের পর উহাদের দুঃখ-কষ্টের সীমা-পরিমীমা রহিল না। ইহার মধ্যেই আবার দেখা দিল বিরাট জনসমুদ্রের আবির্ভাব। এই সকল কারণে জার্মান জাতির কি দুর্দৈব উপস্থিত হয় তাহা আজ—মাত্র এই দশ বৎসরে কল্পনারও অসাধ্য হইয়া পড়িয়াছে।


মিত্রশক্তিবর্গ—সোভিয়েট রাশিয়া, ফ্রান্স, ব্রিটেন এবং মার্কিন যুক্তরাষ্ট্র—জার্মানীর পতন ঘটাইয়াই ক্ষান্ত হয় নাই। জার্মান জাতিকে নিবিষ করিবার উদ্দেশ্যে জার্মানীকে চারিটি ‘zone’ বা অঞ্চলে বিভক্ত করিয়া প্রত্যেকটিকে তাহারা নিজ নিজ আয়ত্তে আনিল। কিন্তু অল্পপরেই দেখা গেল, সোভিয়েট রাষ্ট্রের সঙ্গে অল্পাঙ্গ রাষ্ট্রের মূলগত বিভেদ রহিয়াছে, তাহাতে তাহাদের একযোগে কাজ করা একেবারেই কঠিন। তখন জার্মান-রাষ্ট্র মোটামুটি দুই ভাগে ভাগ হইয়া গেল—পূর্ব-জার্মানী এবং পশ্চিম-জার্মানী। পূর্ব-জার্মানীতে সোভিয়েট রাশিয়ার একাধিপত্য। এই অঞ্চল কিভাবে শাসিত হইয়াছিল তাহা অপরের জানিবার বৃদ্ধিবার অবকাশও ছিল না। এইজগু একটি কথা বড়ই চলন হয়—পূর্ব-জার্মানী বেন লৌহপর্দার (Iron-curtain) আড়ালে। ফ্রান্স, ব্রিটেন ও মার্কিন যুক্তরাষ্ট্রের তত্ত্বাবধানে পশ্চিম-জার্মানী গণতন্ত্রনীতিতে শাসিত হইতেছে। সেখানে এই তিনটি অঞ্চলে মিলিয়া ফেডারাল

গবর্নমেন্ট বা সম্মিলিত রাষ্ট্র প্রতিষ্ঠিত হইয়াছে। রাষ্ট্রের সাধারণ সমস্যাগুলি ইহা দ্বারা ই সমাধানের চেষ্টা হইয়া থাকে। সাম্রাজ্যবাদের প্রতিষ্ঠা তথা সামরিক প্রাধান্যের আকাঙ্ক্ষা জার্মানদের মন হইতে বিলুপ্ত করাই করাসী-ব্রিটিশ-মার্কিন তত্ত্বাবধায়কদের উদ্দেশ্য। তবে নিজ নিজ আচরণের ফলে ইহা তাহাদের মনে কতটা বহুমূল হইবে বলা যায় না।

উদ্বাস্ত-সমস্যা নিরাকরণে পশ্চিম-জার্মানীর কর্তৃস্থানীয়দের প্রয়াস সত্যিই প্রশংসার্হ। আজ আমরাও এই সমস্যার সম্মুখীন হইয়াছি। এই সময়ে পশ্চিম-জার্মানীতে অবলম্বিত নীতি-পদ্ধতি সম্বন্ধে আলোচনা সময়োপযোগীও বটে। বিরাট উদ্বাস্ত-সমস্যা সমাধান করিতে গিয়া পশ্চিম-জার্মানী যে কতখানি বিপদের সম্মুখীন হইয়াছে তাহা কয়েকটি তথ্যের প্রতি দৃষ্টি রাখিলে পরিষ্কার বুঝা যাইবে। জার্মানীর আয়তনের শতকরা ৫২.৩ অংশ মাত্র পশ্চিম-জার্মানীর ভাগে পড়িয়াছে, অথচ লোকসংখ্যা বর্তমানে সমগ্র জার্মানীর শতকরা ৭৩ ভাগ। দ্বিতীয় মহাসমরের পূর্বে এই অংশের জনসংখ্যা ছিল ৩,৯৩,৫০,০০০; বর্তমানে ইহা দাঁড়াইয়াছে ৪,৮৬,৫০,০০০। ইহার উপর আবার গত বৎসর (১৯৫৩) মার্চ মাসে পূর্বে জার্মানীর সোভিয়েট 'জোন' হইতে যে ব্যাপক জার্মান-বিতাড়ন শুরু হয় তাহার দরুনও এপর্যন্ত কুড়ি লক্ষ জার্মান পশ্চিম-জার্মানীতে আসিয়া পড়িয়াছে।

পশ্চিম-জার্মানী মুখ্যতঃ তিনটি শক্তির মধ্যে বিভক্ত থাকিলেও প্রধান প্রধান বিষয়ে শাসনকার্য পরিচালনা করেন ওখানকার উপরি-উক্ত ফেডারেল গবর্নমেন্ট। জার্মান-উদ্বাস্ত সমস্যার দায় প্রধানতঃ এই সরকারের। টাকাকড়ি যুক্তরাষ্ট্রই বেশীর ভাগ জোগাইতেছে। উদ্বাস্ত-সমস্যা সমাধানকল্পে সরকার কতকগুলি মৌলিক বিষয়ের দিকে দৃষ্টিপাত করিতেছেন। বাস্তবচ্যুত জনগণ যদি শীঘ্র শীঘ্র বসতিস্থাপন করিয়া সমাজবন্ধ ভাবে বাস করিতে আরম্ভ না করে তাহা হইলে তাহারা সমাজশৃঙ্খলা রক্ষায় ভীষণ প্রতিবন্ধক হইয়া উঠে। এ কারণ বাসস্থান নির্দিষ্ট করিয়া তাহাদের মনে একদিকে যেমন আশুপ্রত্যয় ফিরাইয়া আনিতে হইবে, অতীতকে তেমনি সমাজবন্ধ ভাবে বসবাসের সুযোগ দিয়া তাহাদের দায়িত্বশীল করিয়া তুলিতে হইবে। পশ্চিম-জার্মানীর ফেডারেল গবর্নমেন্ট এই বিষয়টির দিকে এ কারণ সর্বপ্রথম বিশেষ ভাবে দৃষ্টিক্ষেপ করিয়াছেন। প্রত্যেকটি জার্মান পরিবারের জঙ্গ স্থান নির্দিষ্ট করিয়া দেওয়া কতখানি সময় ও অর্থসাপেক্ষ তাহা ভাবিয়া কুল পাওয়া যায় না। তথাপি স্থানীয় সরকার মার্কিন যুক্তরাষ্ট্র প্রদত্ত প্রচুর অর্থের দ্বারা উদ্বাস্তদের জঙ্গ স্থান সংগ্রহ ও ঘরবাড়ী নির্মাণে অগ্রসর হইয়াছেন। ১৯৫২ সনের শেষ নাগাদ সাড়ে তিন লক্ষ বাসগৃহ নির্মাণ করা হইয়াছে। প্রতি গৃহে গড়ে চার জনের (এক-একটি পরিবার) স্থান ধরিলে, এযাবৎ চৌদ্দ লক্ষ উদ্বাস্তের পুনর্বাসন সম্ভব হইয়াছে। কুড়ি লক্ষ জার্মান আগেকার তৈরী পাঁচ লক্ষ বাড়ীতেই ইতিমধ্যে স্থান পাইয়াছিল। এখনও আরও বার লক্ষ

বাসগৃহ নির্মিত হওয়া আবশ্যিক, বাহাতে অনূন আটচল্লিশ লক্ষ ছিন্নমূল জার্মানের স্থান হইতে পারে।




১৯৫৪ সনে সোভিয়েট-বিতাড়িত বাস্তব্যাগী চলমান জার্মানগণ—
ইহাদের মধ্যে নারী ও শিশু বিস্তর রহিয়াছে।

উদ্বাস্ত জার্মানদের মধ্যে কৃষকও রহিয়াছে অনেক—প্রায় তিন লক্ষ চাষী-পরিবার। তাহাদের ত শুধু বাসগৃহ নির্মাণ করিয়া দিলেই চলে না, তাহাদের নিমিত্ত চাষের জমিও জোগাড় করিয়া দেওয়া আবশ্যিক। ১৯৪৯ সনের আগষ্ট মাসে একটি আইন প্রণয়িত হইয়া জমি বোপাইবার ব্যবস্থা হইয়াছে। ৫,৬২,৫২৩ একর জমি অতঃপর সংগৃহীত হইয়া চাষীদের ভিতরে বিলি করা হইয়াছে। কৃষকগণ পূর্বের মত এখানেও চাষবাসে রত থাকিয়া গ্রাম্য সাহায্যে জীবনযাপন করিতেছেন।

লোকজন স্থিতি করার সঙ্গে সঙ্গেই দ্বিতীয় সমস্যা দেখা দিল। লক্ষ লক্ষ উদ্বাস্তর জগৎ কর্মসংস্থান এক বিরাট ভাবনার বিষয়। পশ্চিম-জার্মানী ইহার সমাধানেও সচেষ্ট রহিয়াছে। স্থায়ী বাসিন্দা এবং উদ্বাস্ত জার্মান—উভয়ের মধ্যে এ ব্যাপারে কোনরূপ পার্থক্য করা হয় নাই। ফেডারাল গবর্নমেন্টের লক্ষ্যই হইল—উদ্বাস্ত জার্মানরা যেন কোনমতেই মনে না করে যে, তাহারা 'পরবাসী'। 'নিজ বাসভূমে' তাহারা জার্মান জাতির অঙ্গরূপে বসবাস করিতেছে এবং তাহাদের দায় সর্বপ্রকারে বহন করিয়া তাহারা স্বীয় কর্তব্য নিরূহ করিবে—এই বোধ জাগ্রত করানোই বেকারসমস্যা সমাধানের একটি মুগ্ধ উদ্দেশ্য। তাই সরকার এদিকেও মনোযোগী হইয়াছেন। ১৯৫০ সনের



জার্মানীর একটি বোমা বিধ্বস্ত অঞ্চলে উদ্বাস্ত উপনিবেশ



উদ্বাস্তদের জগৎ নির্মিত নূতন ধরনের বাসগৃহ

প্রথমে সমগ্র জার্মান বেকারদের মধ্যে উদ্বাস্ত বেকারসংখ্যা ছিল শতকরা ছত্রিশ, কিকির্দধিক হই বৎসরের মধ্যে তাহা কমিয়া শতকরা উনত্রিশে দাঁড়াইয়াছে। ১৯৫২ সনের ফেব্রুয়ারী হইতে অক্টোবরের মধ্যে মোট উদ্বাস্ত বেকারদের শতকরা আটবাড়ি জনের কর্মসংস্থান হইয়াছে উদ্বাস্ত-অধুষিত এই চারিটি রাজ্য—স্লেশভিগ-হলষ্টাইন, লোয়ার স্যাক্সনি, ব্যাভেরিয়া এবং হেস-এ। ১৯৫২, ফেব্রুয়ারী মাসে বেকারসংখ্যা ছিল ১২,৫০,০০০। ঐ সনের অক্টোবর মাসে তাহা কমিয়া দাঁড়ায় ৬,৭৭,০০০। বেকারসংখ্যা হ্রাসের জগৎ পশ্চিম-জার্মানীতে কোটি কোটি টাকা ব্যয়ে বড় বড় কলকারখানা স্থাপিত হইয়াছে। এই সকল কলকারখানায় নিযুক্ত হইবার পরেও এখনও প্রায় সাড়ে তিন লক্ষ বেকার সেখানে রহিয়াছে।

উদ্বাস্ত-কারবারীদের অর্থসাহায্য দিয়া ব্যবসা বা শিল্প-কারখানার উন্নতির চেষ্টা চলিতেছে, দ্বারাও বেকারসংখ্যা ক্রমে হ্রাস পাইতে

পারে। জার্মানরা পূর্বে স্বাধীনভাবে জীবিকার সংস্থান করিতে সমর্থ ছিল। ছিন্নমূল হইয়া যখন তাহারা প্রথমে পশ্চিম-জার্মানীতে চলিয়া আসে তখন তাহাদের ভিতরে শতকরা আট জন মাত্র পরমুগাপেক্ষী না হইয়া চলিতে পারিত। বর্তমানে অতি দ্রুত তাহাদের কাজের সংস্থান করিয়া দেওয়ায় তাহারা সূদিনের আশায় অনেকটা মনঃস্থির করিয়া চলিতে সক্ষম হইতেছে। সর্বশেষ হিসাব হইতে জানা গেছে, ছিন্নমূল জার্মানদের শতকরা পঁয়ত্রিশ জনের জগৎ সব দিক দিয়াই সুব্যবস্থা করা হইয়াছে। শতকরা পঁয়তাল্লিশ জনের জগৎ প্রারম্ভিক সামাগ্র সুবিধা ভিন্ন আর

বিশেষ কিছুই করা যায় নাই। শতকরা কুড়ি জনের এখনও কোনরূপ ব্যবস্থা হয় নাই—কি বাসস্থানের দিক হইতে, কি কন্সের দিক হইতে। এখনও তিন লক্ষ জার্মান তাঁবুতে জীবনযাপন করিতে বাধ্য হইতেছে।

ফেডারাল গবর্নমেন্ট ছোট ছোট শিল্পকারখানা প্রতিষ্ঠার উৎসাহদান এবং দরিদ্র নিঃস্বল উদ্বাস্তদের মধ্যে স্বাবলম্বন-প্রবৃত্তি উদ্বোধনের উদ্দেশ্যে কিছুদিন পূর্বে সামাগ্র মূলধন লইয়া একটি ব্যাঙ্কও প্রতিষ্ঠা করিয়া দিয়াছিলেন। আজ উদ্বাস্ত জার্মানদের মধ্যে এই ব্যাঙ্ক মারফত প্রচুর লেন-দেন কারবার চলিতেছে। ছোট ছোট কারবারী ও শিল্পকর্মী ইহা দ্বারা সাহায্য পাইতেছে। ব্যাঙ্কের মূলধন আজ ঢের বাড়িয়া গিয়াছে; আর্থিক স্বাবলম্বনের দিক হইতে এটি যে তাহাদের কত উপকারে আসিতেছে তাহা বলিয়া বের করা যায় না।

দেশ হইতে দেশান্তরে লোক-চলাচলের সময় নারী ও শিশুদেরই হুঃখভোগ হয় সবচেয়ে বেশী। গত কয়েক বৎসরের মধ্যে আমরা ভারতবর্ষেও তাহা বিশেষভাবে লক্ষ্য করিতে বাধ্য হইয়াছি। এই সকল নারী ও শিশুর বাহাতে পালন-পোষণের সুব্যবস্থা হয়



বাড গোধেশ বার্গে আমেরিকান হাইকমিশনে নিযুক্ত জার্মান কর্মচারীদের বাসগৃহ

সেদিকেও পশ্চিম-জার্মানীর ফেডারাল গবর্নমেন্ট বিশেষ তৎপর হইয়াছেন। নারীদের মধ্যে বাহারা কর্মক্ষম অথচ অসহায় তাহাদের নিমিত্ত কর্মসংস্থানের আয়োজনেরও ক্রটি হয় নাই। ছিন্নমূল শিশুসমেত কুড়ি লক্ষ জার্মানের পোশাক-পরিচ্ছদ সরবরাহের আয়োজন রাষ্ট্র কর্তৃক করা হইতেছে। ১৯৪২-৫১ সনের মধ্যে নারী ও শিশুদের স্থানান্তরিত করার জন্য ত্রিশ লক্ষ কম-ভাড়ার টিকেট ক্রয় করা হইয়াছিল, ১৯৫২-৫৩ সনে এই টিকেট-সংখ্যা কমিয়া হইতে কুড়ি লক্ষ হইয়াছে।

কেহ কেহ ছিন্নমূল জার্মানদের বিদেশে, বিশেষতঃ অষ্ট্রেলিয়ার মত জনবিরল অঞ্চলে প্রেরণের কথা বলিয়াছিলেন। কিন্তু কি ছিন্নমূল জার্মান, কি মূল জার্মানীর অধিবাসী, কি ফেডারাল গবর্নমেন্ট—এ প্রস্তাবে কোন পক্ষই সম্মত হইতে পারেন নাই। বিদেশে, যেমন অষ্ট্রেলিয়া প্রভৃতি অঞ্চলে বড়জোর পঞ্চাশ হাজার সবল জার্মান যুবকের কর্মের সংস্থান হইত। কিন্তু ইহাতে বিরাট ছিন্নমূল জার্মান জাতির সমস্তা অতি সামান্যই মিটিত। যুদ্ধ-বিক্ষুব্ধ জার্মানীর পুনর্গঠন কার্যে লক্ষ লক্ষ সবল সুস্থ জার্মান প্রয়োজন। এ অবস্থায় তাহাদের মধ্য হইতে সামান্যসংখ্যকও বিদেশে প্রেরণ যুক্তিবদ্ধ মনে হয় নাই। তবে উদ্বাস্ত জার্মানেবা ইচ্ছা করিলে পৃথিবীর যে-কোন অঞ্চলে বা দেশে গিয়া স্বাধীন ভাবে জীবিকার সংস্থান করিতে পারে তাহারা ব্যবসা-শিল্পাদির অস্থগঠন দ্বারা স্বজাতির অর্থশক্তির পুষ্টিসাধনের সম্পূর্ণ অধিকারী।

একটু আগেই বলিয়াছি, বহিরাগত জার্মানদের জন্য বাসগৃহ

নির্মাণ এবং কর্মের সংস্থান এই দুইটি প্রধান কর্তব্য বলিয়া ফেডারাল সরকার স্বীকার করিয়া লইয়াছেন। ইহাদের মধ্যে, বাহারা কৃষিকর্মে অভ্যস্ত ও অভিজ্ঞ তাহাদের নিমিত্ত ভূমিসংগ্রহ করিয়া দেওয়াও হইতেছে; বাহারা ব্যবসা বা শিল্পকর্মে পটু তাহাদের জন্য অর্থের বরাদ্দও সরকার করিতেছেন। তবে এত করিয়াও কিন্তু সবটা করা হয় না—যতক্ষণ না তাহাদের জার্মান নাগরিকের



চিকিৎসক কর্তৃক উদ্বাস্ত শিশুর স্বাস্থ্য-পরীক্ষা

পূর্ণ অধিকার স্বীকৃত হয়। ১৯৫৩ সনের মার্চ মাসে 'ফেডারাল রিকিউজী ল' নামে পরিচিত নাগরিকের অধিকার-স্বীকৃতির আইন বিধিবদ্ধ হইয়াছে। সকল ছিন্নমূল জার্মান—বাহারা পূর্বে পশ্চিম-জার্মানীতে আশ্রয় পাইয়াছিল ও বাহারা সোভিয়েট রাষ্ট্রকর্তৃক ব্যাপক জার্মান-বিতাড়ন নীতি অনুসরণের ফলে এখানে আসিয়া আশ্রয় লইতে বাধ্য হইয়াছে সকলেই—পশ্চিম-জার্মানীর সাহায্য-ঐহীতাদের নাগরিকের অধিকার এই আইনে প্রদত্ত হইয়াছে। জার্মানরা এখন আর 'পরবাসী' নহে। তাহারা হুঃখ-ভোগের মধ্যে আজ স্বাধিকারে নূতন জীবন লাভ করিতে উত্তত।

ইহারই প্রথম ফল বলা যাইতে পারে—সংস্কৃতি-ক্ষেত্রে তাহাদের পরম্পরের মিলনের আন্তরিক প্রয়াস। 'Man does not live by bread alone'—মাত্র খাওয়া-পরাই মনুষ্য-জীবন নহে, এই শাস্ত সত্য কথাটি উদ্বাস্ত জার্মান-সমাজ যেন এত দিন ভুলিয়াই বসিয়াছিল। তাহারা আবার সংস্কৃতির ভিত্তিতে মিলিত হইতে চায়। পশ্চিম-জার্মানীর মূল অধিবাসী এবং বহিরাগত ছিন্নমূল জার্মান সমাজ আজ একই সূত্রে মিলিত হইয়া নূতন জাতি গঠনে লাগিয়া গিয়াছে। যে জার্মান-জাতিকে শক্তিশীল করিবার

অন্য ছিন্নবিচ্ছিন্ন করা হইয়াছিল, সাহিত্য-সংস্কৃতির অমূল্যত্বের কলে আবার তাহারা সম্মিলিত হইবে ইহাই যেন আজ সকলে বুঝিতেছেন। প্রথমে বিভিন্ন অঞ্চলের উদ্বাস্ত জাতিগণ আলাদা আলাদা সমাজ-কল্যাণকর সভা-সমিতি প্রতিষ্ঠা করে। পরে সেখানে তাহাদের কেন্দ্রীয় সমিতিও গঠিত হইয়াছে। বিভিন্ন স্থানের অধিবাসীদের ভাষা, চালচলন, রীতিনীতি, শিক্ষা-সংস্কৃতির সংরক্ষণ ও অমূল্যত্ব এবং বিভিন্ন সম্প্রদায়ের মধ্যে যোগসূত্র স্থাপনেরও আয়োজন চলিতেছে। ইহার ফলে একদিকে যেমন আপন আপন বৈশিষ্ট্য অক্ষুণ্ণ থাকিবে, অন্য দিকে মিলিয়া মিশিয়া কাজ করিবারও প্রবৃত্তি জন্মিবে। গণতন্ত্রের ভিত্তিতে ইহারা রাজনৈতিক দলও গঠন করিতে আরম্ভ করিয়া দিয়াছে।



সোভিয়েট 'জোন' হইতে বার্লিনের পশ্চিম অঞ্চলে আগত উদ্বাস্তদের নাম রেজিস্টারি করা হইতেছে

বিগত ১৯৫০ সনের ৫ই আগস্ট "Charter of the German Expellees" নামে একটি উদ্বাস্ত-সনদ ঘোষণা করিয়াছে ছিন্নমূল জাতিগণ। ইহাতে তাহারা বলিয়াছে যে, তাহারা সর্বপ্রকার প্রতিহিংসা এবং প্রতিশোধ-প্রবৃত্তি পরিহার করিয়া চলিবে। গত দ্বাদশ বর্ষব্যাপী দুঃখ-দৈন্যের চরম ভোগ করিয়াই তাহারা আজ এই সফলগ্রহণে উদ্বুদ্ধ হইয়াছে। ইউরোপের প্রতিটি জাতিকে ভয় এবং বাধাবিমুক্ত করিয়া স্বাধীন ভাবে বসবাসের নিমিত্ত এক সম্মিলিত ইউরোপ গঠনে যথাসাধ্য সাহায্য করিতেও তাহারা প্রতিজ্ঞাবদ্ধ আছে। তাহারা ঘোষণা করিতেছে : "আমরা জাতিগণ এবং ইউরোপ পুনর্গঠনে কঠোর এবং অবিশ্রান্ত কষ্টের দ্বারা সাধ্যমত সাহায্য করিব।" ঈশ্বর সাক্ষী করিয়া তাহারা আপামরসাধারণ এই সফল গ্রহণ করিয়াছে।

লক্ষ লক্ষ জাতিগণের পুনর্বাসনে পশ্চিম-জাতিগণী যেরূপ সার্থক প্রয়াস করিতেছে এবং তাহাতে ফ্রান্স, ব্রিটেন ও বিশেষ করিয়া মার্কিন যুক্তরাষ্ট্র যেরূপ সহায়তা করিতেছে তাহাতে বিচ্ছিন্ন জাতি জাতি আবার সংহত ও শক্তিসম্পন্ন হইয়া উঠিবে আশা করা যায়। জাতিগণের উদ্বাস্ত পুনর্বাসন প্রয়াস—এই সমস্তাশ্রয় অগাধ দেশকেও স্তম্ভ উপায় বাতলাইয়া দিবে। তবে যে সব কারণে জাতিগণ জাতি দুইটি মহাসমরে লিপ্ত হইয়া পড়িতে প্রলুব্ধ ও প্ররোচিত হইয়াছিল তাহার বিলুপ্তি না ঘটিলে জাতিগণ-সংহতি আবার বিপদের কারণ হইবে না ত ?*

য-চ-ব

* প্রবন্ধের তথ্যাদি Germany Reports হইতে প্রাপ্ত

ভ্রম-সংশোধন

সংখ্যা	পৃষ্ঠা	স্তম্ভ	পঙ্ক্তি	হইবে না	হইবে
চৈত্র ১৩৬০	৬৬১	২	৩	নাটকীয় ব্যর্থতা	নাটকীয় বৈপরীত্য
বৈশাখ ১৩৬১	৭৪	১	...	'এসিয়াটিক রিসার্চেস'	'এসিয়াটিক রিসার্চেস'
"	৭৫	২	...	On Flowers and Flower-Garden	On Flowers and Flower-Gardens
"	৭৫	২	...	Vernacular Literature Committee	Vernacular Literature Committee

ময়লার বীজাণু
থেকে প্রতিদিনই
আপনার অসু-
খের সম্ভাবনা
আছে




লাইফবয় মেখে
এই সব বীজাণু
ধুয়ে ফেলে প্রতি-
দিন নিজেকে
রক্ষা করুন



লাইফবয় সাবান

প্রতিদিন ময়লার বীজাণু
থেকে আপনাকে রক্ষা করে

লাইফবয়ের
“রক্ষাকারী
ফেনা” আপনার
স্বাস্থ্যকে নিরা-
পদে রাখে



ভারতে প্রস্তুত

L. 249-X52 BG

পুস্তক পরিচয়

বৈশেষিক-দর্শন—শ্রীহুময় ভট্টাচার্য। বিশ্ববিদ্যাসংগ্রহ। মূল্য আট আনা।

৩৩ পৃষ্ঠায় সম্পূর্ণ এই গ্রন্থে বৈশেষিক দর্শনের সংক্ষিপ্ত পরিচয় অত্রান্তরূপে একজন বিশিষ্ট সংস্কৃতবিৎ পণ্ডিত কর্তৃক প্রদত্ত হইয়াছে। যদুদর্শনের মধ্যে পদার্থবিভাগ বিষয়ক, সুপ্রাচীন কণাদমুনির অবদান ভারতীয় সংস্কৃতির চিরস্থায়ী কীর্তি—সংক্ষেপে তাহার বিষয় জ্ঞাত হওয়া প্রত্যেক শিক্ষিত ব্যক্তির কর্তব্য। সুতরাং যাহারা সংস্কৃতজ্ঞ নহেন এই গ্রন্থ তাঁহাদের অবশ্যপাঠ। আর যাহারা সংস্কৃতজ্ঞ বটে তাহাদের নিকটও এই দর্শনের দুর্লভ তত্ত্বসমূহের সরল প্রাথমিক বিশ্লেষণ মূল্যবান বিবেচিত হইবে। আমরা ইহার বহুল প্রচার কামনা করি। শ্রীবলভাচার্যের “শায়লীলাবতী” প্রশস্তপাদের “ব্যাখ্যা” নহে, (পৃ. ৬), পরস্ত পৃথক প্রকরণ।

উপনিষৎ (প্রথম ভাগ)—স্বামী জগদীশ্বরানন্দ। শ্রীরামকৃষ্ণ বোধচক্র, ১২ শাখারীটোলা ষ্ট্রিট, কলিকাতা-১৪। পৃ. ২৫+১২০, মূল্য ২।

স্বামীজীর এই গ্রন্থে দশটি উপনিষদের সারমর্ম প্রাঞ্জল বাংলায় বিবৃত হইয়াছে—ঈশ, কেন, মুণ্ডক, ঐতরেয়, প্রগ্ন, কঠ, শ্বেতাশ্বতর, কোষিতকী, তৈত্তিরীয়, ও মাণ্ডুক্য। ইহা ঠিক অশুভাদ নহে, সঙ্কলন কিংবা ব্যাখ্যাও নহে।

বর্তমানে ভাষ্যটীকাদিসহ মূল উপনিষদের পাঠকসংখ্যা বঙ্গদেশে ক্রমে কমিয়া যাইতেছে—অথচ উপনিষদের মর্মকথা না জানিলে এখন শিক্ষিত-সমাজে চলা কঠিন। পাঠকসাধারণের মধ্যে উপনিষৎ-প্রভাবের এই নূতন প্রচেষ্টাকে আমরা সাদরে অভিনন্দিত করিতেছি। প্রত্যেক উপনিষৎ সম্বন্ধে যাবতীয় তথ্য ইহাতে সংকলিত হইয়াছে। গ্রন্থশেষে বিদেশে উপনিষৎ প্রচারের মনোজ্ঞ কাহিনী বর্ণিত হইয়াছে।

শ্রীদীনেশচন্দ্র ভট্টাচার্য

রথচক্র—শ্রীগৌরীশঙ্কর ভট্টাচার্য। ওরিয়েন্ট বুক কোম্পানী, ৯ গ্লামাচরণ দে ষ্ট্রিট, কলিকাতা-১২। মূল্য ২।০ টাকা।

কাল পরিবর্তনশীল। কিন্তু কোন কোন যুগ রাষ্ট্রে ও সমাজে পরিবর্তনের কাজটি দ্রুত করিয়া তুলে এবং মানুষের চরিত্রে, চিন্তাধারায় ও কর্মে তাহার চিহ্ন ফুটিয়া উঠে। বিংশ শতাব্দীর কয়েকটি দশকে পৃথিবীর সর্বত্রই এই পরিবর্তন দ্রুততালে ঘটিতেছে। দুটি যুদ্ধ এবং বহু প্রকারের মতবাদ পৃথিবীর মানুষকে হুহির হইয়া কোনকিছুতে চিত্ত নিবিষ্ট করিতে দিতেছে না—নির্দিষ্ট জীবনের ভারকেন্দ্র ঠিক থাকিতেছে না, অথচ সারা দুনিয়াই চঞ্চল হইয়া তাহার শান্তি খুঁজিতেছে। এই পরিবর্তনের ছাপটা অস্তিত্ব দেশের মত ভারতবর্ষে—বিশেষ করিয়া বাংলা-সাহিত্যে স্পষ্ট হইতেছে। ছোট গল্পের


সুপ্রা কালি

দামী ফাউন্টেন পেনের জন্য

সুপ্রা কালি আজ এত জনপ্রিয় কেন? সব বিদেশী দামী কালিকে সে হার মানিয়েছে, সল-এক্সযুক্ত ও তলানিমুক্ত ব'লে অব্যাহত তার প্রবাহ, বর্ণের স্থায়ী ঔজ্জ্বল্য মনে আনে তৃপ্তির নিশ্চিত আশ্বাস। কালির রাসায়নিক গুণে প্রিয় কলমটি থাকে চিরনূতন।



সুপ্রা কালি এণ্ড কেমিক্যাল কোং লিঃ কলিকাতা-৫



রেডিয়াম
ট্যালকাম পাউডার ও
স্নো আপনার
কিছু সজীবতা
সারাদিনের জন্য
অজ্ঞান রাখবে

রেডিয়াম স্নো ও
ট্যালকাম পাউডার

রেডিয়াম স্যানিটাইজার
কলিকাতা-৩৬



যা দিনকাল পড়েছে তাতে প্রতিটি পরস্পর বুঝে না খরচ করে উপায় নেই—সংসার চালানো এক দায়। সম্প্রতি আমার স্বামীর হঠাৎ একদিন বাজার করবার শখ হলো। ফিরলেন যখন তখন আমার ত মাথার হাত! একটা বড় ডালুডা বনস্পতির টিন এনে হাজির করেছেন!

আমি কিসে দুপয়সা বাঁচে তাই ভেবে সংসারের সব জিনিষ, মায় রান্নার জন্তু স্নেহপদার্থ অবধি, সস্তায় খুঁচরো কিনছি, আর এদিকে বাবসাদার স্বামী আমার কিনে আনলেন বড় একটিন ডালুডা বনস্পতি। বেহিসেবী আর কাকে বলে!

কিন্তু স্বামী ঠিক কাজই ক'রেছিলেন। পরে তাঁর সব কথা শুনে বুঝলাম যে রান্নার স্নেহপদার্থ সবকোঁও অনেক কিছু শেখবার আছে...

“দেখ”, স্বামী বললেন, “সংসারে আমাদের কাছে আমাদের তিনটি ছেলেমেয়ের চেয়ে বড় আর কিছুই নেই। তাদের স্বাস্থ্যের দামই আমাদের কাছে সব চেয়ে বেশী। খোলা অবস্থায় খুব দামী স্নেহপদার্থেও ভেজাল চলতে পারে। তা ছাড়া তাতে ধুলোবালি ও মাছি, ময়লা পড়ার দরুণ তা দূষিত হয়ে যেতে পারে।”

“রান্নার ব্যাপারে শুধু একটি কাজ করলে নিশ্চিত হওয়া যায়, সেটি হচ্ছে শীলকরা টিনে স্নেহপদার্থ কেনা, তার ভেতর বীজাণু ঢুকতে পার না, তাই তা সর্বদা খাঁটি ও তাজা থাকে।” স্বামীকে জিজ্ঞাসা করলাম “তা বেছে বেছে ডালুডা বনস্পতি কিনলে কেন?” তিনি

বললেন যে ডালুডা বনস্পতির প্রস্তুতকারীরা বিশ বছর ধরে এই জিনিষ তৈরী করে হাত পাকিয়েছে। একেবারে উৎকৃষ্ট জিনিষ ছাড়া আর কিছুই ডালুডা তৈরীর কাজে ব্যবহার হয় না। প্রতিটি জিনিষ আগে পরীক্ষা ক'রে দেখা হয়, আর তা উৎকৃষ্ট না হ'লে বাদ দিয়ে দেওয়া হয়। ডালুডা বনস্পতিতে এখন ভিটামিন 'এ' ও 'ডি' দেওয়া হচ্ছে।



আপনাদের সুবিধার জন্তু ডালুডা বনস্পতি ১০, ৫, ২ ও ১ পাউণ্ড বায়ুরোধক শীলকরা টিনে বিক্রি করা হয়। ডালুডা বনস্পতি সর্বদা তাজা ও বিশুদ্ধ অবস্থায় পাবেন আর এতে সবরকম রান্নাই চমৎকার হয়, খরচও কম।

আমার স্বামী জোর দিয়েই বললেন “যে জিনিষ পেটে যায় তা নিশ্চিত বিশুদ্ধ হওয়া চাই।” আমাদের বাড়ীতে এখন শুধু ডালুডা বনস্পতিই ব্যবহার হয়—আপনিও তাই করুন।

আপনার দৈনিক খাতে স্নেহপদার্থের কি দরকার? বিনামূল্যে খবর জানবার জন্তু আজই লিখুন:

দি ডালুডা
এ্যাডভাইসারি সার্ভিস
পোস্ট বক্স ৩৫৩, বোম্বাই ১



গাছ মার্কা টিন
বেবে কিনবেন

HVL 211-253 BG

ডালুডা বনস্পতি
রাঁধতে ভালো - খরচ কম

ক্ষেত্র ইহার ব্যতিক্রম নহে। খানিকটা অবসর ও নিরুদ্ভিগ্ন চিত্ত লইয়া যে কাহিনী রচিত হইয়া এককালে গল্প-রসিকের চিত্তবিনোদন করিয়াছে—আজিকার জীবনযাত্রার তালে সেই ধরণের কাহিনী যেন ঠিকমত তাল রাখিতে পারিতেছে না। আজ যাহা রচিত হইতেছে তাহাতে দেখি জীবনের কত ক্ষুদ্র ঘটনার অংশ, দৃশ্যবিক্ষোভ সমাকীর্ণ সংসার, অভাব-তাড়নে সঙ্কচিত্ত মন, কচ বাস্তব পেরণায় লাঞ্চিত ভালবাসা। কিন্তু এই পরিবেশেও বাংলা কথাসাহিত্য সে জীহীন হয় নাই তাহার প্রমাণ আলোচ্য গল্প-সংগ্রহের কয়েকটি গল্পে পাওয়া গেল। ছোট ছোট ঘটনা, সামান্য একটি মনস্তত্ত্বের ইঙ্গিত, হৃৎসংবন্ধ সংলাপ প্রভৃতির দ্বারা এক একটি চিত্র রচনা

করিয়াছেন লেখক। অল্প কথায় এক একটি মানুষ ভিন্নতর মনোবৃত্তি ও চরিত্রসম্পন্ন হইয়া উঠিয়াছে, ঘটনার আবর্ত রচিত না হইলেও কোন কোন ক্ষেত্রে গল্প হইয়াছে উপভোগ্য। সব গল্পই অবশ্য খণ্ড জীবনের ছায়াপাত নহে; কোন গল্প ঘটনার দ্রুত তালে অগ্রসর হইয়াছে—কোথাও বা সামাজিক রেদ-পঙ্কিলতা গভীর প্রতিক্রিয়ার সৃষ্টি করিয়াছে। রঙের মাত্রা অবশ্য সব গল্পে ঠিক থাকে নাই, তবু সেগুলি এই যুগেরই গল্প। অভাব-দৃশ্য-অশান্তি-সমাকুল যুগের লক্ষণটি এগুলির মধ্যে পরিষ্কৃত এবং এই কারণেই পাঠক-মনকে ও স্পর্শ করিতে পারিয়াছে।

শ্রীরামপদ মুখোপাধ্যায়

টমাস হার্ডির জগদ্বিখ্যাত উপন্যাস

টমাস

-এর বঙ্গানুবাদ শীঘ্রই বাহির হইতেছে।

বঙ্গভারতী গ্রন্থালয়

গ্রাম—কুলগাছিয়া; পোঃ—মহিষরেখা; জেলা—হাওড়া

বাংলা সাহিত্যের নরনারী—শ্রী প্রমথনাথ বিশী। বিশ্বভারতী গ্রন্থালয়, ২ বঙ্কিম চার্জ, ষ্ট্রিট, কলিকাতা-১২। মূল্য ২/০।

সাহিত্যের পথে আমরা কত নরনারীর দেখা পাই। অনেককে ভুলি, কিন্তু সকলকে ভুলিতে পারি না। কেহ কেহ পরমাত্মীয়ের মত আমাদের মনের সংসারে চিরদিনের জন্য রহিয়া যান। তাহাদের ধরণ-ধারণ, ভাবভঙ্গী নিত্যন্ত পরিচিত বলিয়া বোধ হয়। অবশ্য পাঠক-বিশেষে এই আত্মীয়তা-বোধের মাত্রাভেদ ঘটে। কিন্তু সাহিত্যের বিশিষ্ট চরিত্রসমূহের স্মরণযোগ্যতা সন্দেহে মতদৈর্ঘ্য নাই। শ্রীযুক্ত প্রমথনাথ বিশী বাংলা-সাহিত্যের সাইত্রিশটি স্মরণীয় চরিত্রের রেখাচিত্র আঁকিয়াছেন। রেখাচিত্র, কিন্তু আদর্শটি বেশ ফুটিয়া উঠিয়াছে। প্রত্যেকের বৈশিষ্ট্য সুপরিষ্কৃত। প্রথমে স্থান পাইয়াছেন বড় চণ্ডীদাসের রাধা, আর সর্বশেষে পরশুরামের শ্যামানন্দ ব্রহ্মাচারী। মাঝখানে আছে যক্ষ্মন্দরাম, ভারতচন্দ্র, টেকচাঁদ, মধুসূদন, দীনবন্ধু, বঙ্কিম, গিরিশ, হরপ্রসাদ, রবীন্দ্রনাথ, প্রভাতকুমার ও শরৎ চন্দ্রের 'কল্পনাসৃষ্ট চরিত্রাবলী'। লেখকের আঁকিবার ভঙ্গিতেও নূতনত্ব আছে। অধ্যয়নপুষ্টি চিন্তা, স্বাভাবিক রসবোধ, মৌলিক কল্পনা এবং স্নিগ্ধ কৌতুকের সমন্বয়ে তাহার রচনা বড়ই উপভোগ্য। হরপ্রসাদের 'ভবভারত পিণ্ডাচ খণ্ডী' এবং প্রভাতকুমারের 'রমাচন্দ্রী' আধুনিক পাঠকের মনে কেতুফল জাগাইবে; রাধা পথের বাহিরে একান্তে এই অল্পটুকু হইলি মূর্তির সাক্ষাৎ পাইয়া পাঠক মনে মনে খুশী হইবেন।

নতুন কবিতা—শ্রী অরীন্দ্রজিৎ মুখোপাধ্যায়। ডি. এম. লাইব্রেরী, ৪২ কর্ণওয়ালিস ষ্ট্রিট, কলিকাতা-৬। মূল্য ২/।

গল্পকার একদা কবি হিসাবে সুপরিচিত ছিলেন। তখন বাংলাদেশের বিভিন্ন পত্রিকায় তাহার মনোজ্ঞ কবিতাবলী প্রকাশিত হইত। বহুদিন তিনি সাহিত্যসময় হইতে নিরুদ্দেশ। এই বহুখানি পাইয়া অনেকদিন আগে শোনা সেই মিঠা হের আবার মনে পড়িল। মনে পড়িল, হারানো যুগের স্মরণার্থি: "মালিনীতীরে তাপসবনে মিলনমধুরাতি"; "কেলাসমন্দিরে যজ্ঞের ধূম"। কিন্তু হায়, সে যুগ হইতে কত দূরে সরিয়া আসিয়াছি। 'টারম্যাকা-ডাইজড্, রাশায়' অরীন্দ্রবাবু আবার আধুনিক বেশে দেখা দিলেন। পুরাতন বেশ ভাল, না নূতন? কে জানে?


"প্রোত আজ নতুন খাতে বইতে;
আজ আমাদের খাট বীধতে হবে নতুন করে।
যুগে যুগে এমনিই হয়ে থাকে।
হাই যুগধর্ম।"

ভাঙ্গো ভাঙ্গো শৃঙ্খল—শ্রী বিমল সেনগুপ্ত। ডি. এম. লাইব্রেরী, ৪২ কর্ণওয়ালিস ষ্ট্রিট, কলিকাতা-৬। মূল্য ১/০।

নেতাজীর মুক্তি-সংগ্রামের কথা লইয়া রচিত 'ছায়ানাট্য'। ছায়ানাট্যের সাফল্য নির্ভর করে প্রধানতঃ উপস্থাপন-কৌশলের উপর। লেখক স্বল্প-পরিসরে কাহিনীটিকে যথাযোগ্য ভাবে ধরিয়া দিয়াছেন।

ডায়াপেপসিন

পরিপাক ক্ষমতাকে
দৃঢ়তন
তেজস্বর্ণ করে



ইউনিয়ন ড্রাগ
কলিকাতা



দ্রুত-ফেনিল সানলাইট

না আছড়ে কাচলেও সাদাও বাকঝাকে করে দেয়



“সানলাইট দিয়ে কাচলে কেমন সহজে কাপড়ের ভেতর থেকে ময়লা বেরিয়ে আসে দেখুন। কয়েক মিনিটের মধ্যেই আপনার রুমাল থেকে আরম্ভ করে বিছানার ছাদর পর্যন্ত সব সাদা কাপড়ই নতুনের চেয়ে আরও সাদা হ'য়ে যায়। আর সানলাইটে কাচা কাপড় আরও বেশীদিন পরা চলে।”



“এ কথা মনে গেঁথে রাখবেন যে আর কিছুতেই না, না সত্যিই আর কিছুতেই রঙিন জিনিস অত সুন্দর বাকঝাকে তক-তকে হয় না যেমন সানলাইট সাবানে হয়। এর দ্রুত উৎপাদিত ফেনা সব ময়লা উড়িয়ে দিয়ে কাপড়ের রঙকে জীবন্ত করে তোলে, আর না আছড়াতেই তাই হয়।”



সানলাইট সাবান

কাপড় কাচায় • পরিশ্রম কাচায় • খরচ কাচায়

দীপিকা—হুমিত্রা। দাশগুপ্ত এণ্ড কোং লিঃ, ৫৪১৩ কলেজ
স্ট্রীট, কলিকাতা-১২। মূল্য ২০।

● "অন্তরে আমার

জাগে এক অজানা বিশ্বয়।"

এই বিশ্বয়ের সুরটি অধিকাংশ কবিতায় বাজিয়াছে। নারী-হৃদয়ের স্নিগ্ধ
সৌকুমার্যে কবিতাগুলি অভিভুক্ত; অসাধারণ না হইলেও শ্রীতিকর।

অবাক্—শ্রীঅতুল ভট্টাচার্য। ৪১ কেরী রোড, শিবপুর, হাওড়া।
মূল্য ১০।

প্রধানতঃ উদ্বাস্তজীবনের দুঃখ-বেদনাকে অবলম্বন করিয়া রচিত সাতটি
কবিতা। নিরুত্ত না হইলেও মনে হয় আন্তরিক, অগ্রহিম—অনুভূতিহীন
কথার কারসাজি নয়।

মানবতার প্রাণশক্তি—রফিকউদ্দীন। জিলাপাড়া, পাবনা।
মূল্য ২১০।

প্রাচীন গ্রীক সংস্কৃতি, প্রাচীন রোমক সংস্কৃতি, প্রাচীন সেমিটিক সংস্কৃতি,
মধ্যযুগীয় আরব্য সংস্কৃতি এবং বর্তমান ইউরোপীয় সংস্কৃতি—এই পাঁচটি প্রবন্ধ
পুস্তকখানিতে সংকলিত হইয়াছে। আজিকার চিন্তাদৈশ্যের দিনে একরূপ
জ্ঞানগর্ভ বিষয়ের আলোচনা স্থলক্ষণ। লেগকের ভাষা সংস্কৃতপন্থী, কিন্তু
আড়ষ্ট। একটি প্রশ্ন পাঠকের মনে স্ভাব্যতঃই জাগিবে, প্রধান প্রধান
সংস্কৃতির আলোচনায় ভারতবর্ষের কথা বাদ পড়িল কেন? ভারতীয়
সংস্কৃতি হইতে কি মানবসমাজ প্রাণশক্তি আহরণ করে নাই?

ব্রাহ্মসমাজের বর্তমান অবস্থা এবং আমার জীবনে
ব্রাহ্মসমাজের পরীক্ষিত বিষয় ও কয়েকটি উপদেশ—
ভক্ত বিজয়কৃষ্ণ গোস্বামী। নববিধান পাবলিকেশন কমিটি, ৯৫ কেশ
সেন স্ট্রীট, কলিকাতা-৯। মূল্য ১০।

একালের বিখ্যাত ভারতীয় ধর্মসাধকগণের মধ্যে বিজয়কৃষ্ণ গোস্বামী
অন্যতম। কিছুকাল তিনি ব্রাহ্মসমাজভুক্ত ছিলেন, পরে ঐ সমাজে
আনুষ্ঠানিক ব্যাপার হইতে দূরে থাকিয়াছেন; অবশ্য উহার উদ্দেশ্যের প্রতি
শ্রদ্ধা হারান নাই। বস্তুতঃ প্রকৃত ধর্মের কোনও গভী নাই। তাহার পণ্ড
প্রশস্ত, সার্বজনীন ও সনাতন। আলোচ্য পুস্তকে প্রথম প্রবন্ধে বিজয়কৃষ্ণ
ব্রাহ্মসমাজের পূর্বতন পবিত্রতা ও মহিমার কথা স্মরণ করিয়া পরবর্তী
কালের আদর্শচ্যুতির জন্ত দুঃখ করিয়াছেন। মহর্ষি দেবেন্দ্রনাথ ও অন্যান্য
ব্রাহ্মসাধকগণের উপদেশ তাহার মনে এক সময়ে যে ভক্তির উদ্রেক করিয়া-
ছিল তাহা উল্লেখ করিয়া তিনি বলিয়াছেন: "আমি জীবনের পরীক্ষায়
বুঝিয়াছি যে ব্রাহ্মসমাজ কোন দল বা সম্প্রদায় নহে। হিন্দু, মুসলমান,
খ্রীষ্টান, ইহুদী সকল সম্প্রদায়েরই সেই এক পরব্রহ্মের পূজা করা লক্ষ্য।...
দলাদলি না করিয়া প্রকৃত ধর্মের জন্য লালায়িত হইলে আর ব্রাহ্মসমাজ
লইয়া বিবাদ-বিসংবাদ করিতে হয় না।" সমাজমন্দিরে বিজয়কৃষ্ণ প্রদত্ত
কয়েকটি ভক্তিসূচক উপদেশ এই পুস্তিকায় সংকলিত হইয়াছে।

ফেংথেজের মহাভূঙ্গরাজ তৈল

চুল উঠা বন্ধ করে
মাথা ঠাণ্ডা রাখে



এই মার্কা দেখে কিনুন•নকল থেকে সাবধান




দিনে দিনে আরও নিৰ্মল, আরও লাবন্যেয় ত্বক্

ক্যাডিলিয়ুজ রেছোনা কে আপনার

জন্মে এই যাদুটি করতে দিন

রেছোনার ক্যাডিলিয়ুজ ফেনা আপনার
গারে আস্তে আস্তে ঘ'ষে নিন ও পরে
ধুয়ে ফেলুন। আপনি দেখবেন দিনে
দিনে আপনার ত্বক্ আরও কতো মসৃণ,
কতো কোমল হচ্ছে—আপনি কতো
লাবণ্যেয় হ'য়ে উঠছেন।



রেছোনা

ক্যাডিলিয়ুজ একমাত্র সাবান

* ত্বক্পোষক ও কোমলতাপ্রসূ কতকগুলি তৈলের বিশেষ
সংমিশ্রণের এক মালিকানী নাম



RP. 118-50 BG

রেছোনা প্রোপ্রাইটারী লিঃএর তরফ থেকে ভারতে প্রস্তুত

মানসমুকুর—শ্রী অসিতকুমার হালদার। দি ইন্ডিয়ান প্রেস, এলাহাবাদ। মূল্য ৫/-।

চিত্রশিল্পী এখানে কাব্যশিল্পীরূপে দেখা দিয়াছেন। অবশ্য কয়েকটি রেখাচিত্রও এ গ্রন্থে আছে। গ্রন্থের বহিঃসজ্জা শিল্পরুচিসম্মত।

'মায়া' সখী মধুমলা ও কারাবাকীকে লইয়া 'মায়াভূমি' অর্থাৎ হরিদ্বার হইতে উত্তরাভিমুখে যাত্রা করিয়াছেন। পথে কুবের আসিয়া তাঁহাকে রথে তুলিয়া অলকাপুরীতে লইয়া গেলেন। এই পর্বস্তু কাব্যের প্রথম সর্গ। দ্বিতীয় সর্গের ঘটনাস্থল অলকা।

"ইন্দ্রিয়ভোগ শূন্যে কুবের, মায়াভূমিস্থতা পেয়েছে চরম,
চূর্ণভ যাহা লভিতে সে চায়, জানিবারে নাথ ছ'থের মরম।"

কৌতুহলবশে মায়া একদিন কুবেরের মুকুর তুলিয়া লইলেন। কুবের-প্রদত্ত 'রসদিষ্টি'-প্রভাবে বিচিত্র দৃশ্য দেখিতে লাগিলেন: সৃষ্টি ও ক্রমবিকাশ, পৃথিবীর আদি ইতিহাস, অতিকায় প্রাণী, 'হিতাই, মিতানি', আর্ধ-অনার্য, রামায়ণ-মহাভারত ও বৌদ্ধপ্রভাবের যুগ—কত না কালের কত না কাহিনী! অবশেষে, "কোথায় কুবের, কোথা হিমগিরি...মানসমুকুর কোথা মিলায়।" প্রাচীন সংস্কৃত কাব্যের ছায়া আর পুরাবৃত্ত মিলাইয়া লেখক একটি কল্পচিত্র রচনা করিয়াছেন। দুই এক স্থানে ভাষার দুর্বলতা থাকিলেও ভাবগৌরবে কাব্যখানি উপভোগ্য।

শ্রীধীরেন্দ্রনাথ মুখোপাধ্যায়

শ্রীরামকৃষ্ণচরিত—শ্রীক্ষিতীশচন্দ্র চৌধুরী। উদ্বোধন কাব্য-লয়, ১ উদ্বোধন লেন, কলিকাতা-৩। ২২৪ পৃষ্ঠা। মূল্য ৫/-।

যুগাবতার শ্রীশ্রীরামকৃষ্ণের জুদ ও বৃহৎ বহু জীবনী প্রকাশিত হইয়াছে, তথাপি এই বইখানি কি উদ্দেশ্যে লিখিত হইল তদ্বত্তরে গ্রন্থকার ভূমিকায় লিখিতছেন, 'পরমহংসদেবের একখানি নাতিদীর্ঘ, তথাবহুল জীবনচরিতের অভাব মোচনকল্পে এই পুস্তকখানি রচিত। ইহাতে তাঁহার জীবনের প্রধান ঘটনাবলী সংক্ষেপে ও যথাযথভাবে বর্ণনের চেষ্টা করা হইয়াছে; কোনরূপ দার্শনিক বিচার-বাখ্যা ইহার বিষয়ীভূত নহে।' এই গ্রন্থ প্রধানতঃ স্বামী সারদানন্দ প্রণীত 'শ্রীশ্রীরামকৃষ্ণলীলাপ্রসঙ্গ' ও মহেন্দ্রনাথ গুপ্ত প্রণীত 'শ্রীশ্রীরামকৃষ্ণ-কথামৃত' অবলম্বনে লিখিত; কারণ এই দুখানি গ্রন্থই; গ্রন্থকারের মতে শ্রীরামকৃষ্ণ সম্বন্ধে সর্বোৎকৃষ্ট ও প্রামাণ্য পুস্তক। 'অবতরণিকা'য় গ্রন্থকার হিন্দুধর্মের যুগসন্ধিক্ষণে যুগাবতার পরমপুরুষের আবির্ভাব সম্বন্ধে আলোচনা করিয়াছেন। ঊনবিংশ শতাব্দীতে ইংরেজের শাসনকালে ইংরেজী-শিক্ষার ফলে পাশ্চাত্য সভ্যতার সংঘাতে যখন একদিকে ডিরোজি ও প্রমুখ শিক্ষকগণের প্রভাবান্বিত নবা বঙ্গ-সমাজ হিন্দুধর্ম ও হিন্দুসমাজের প্রচলিত ধর্ম, সংস্কার ও সংস্কৃতির উপর কঠোরঘাত করিতে লাগিল, অন্যদিকে তুতমনি কেশবচন্দ্র সেন-প্রমুখ ব্রাহ্মগণ হিন্দুসমাজের আচার-ব্যবহার রীতিনীতির সংস্কারে রতী হওয়াতে হিন্দুর সমাজ জীবনে আলোড়নের সৃষ্টি হইল। বিজাতীয় পাশ্চাত্য-সভ্যতার দ্বাবন হইতে

একাধারে চারিটি গুণ


একত্র সমাবেশ করেছে ক্যালকেমিকোর

- ১) নিম দাঁতনের সংক্রমণ-নিবারক, বিধাপহারক, জীবাণুবিনাশক নানা গুণের সঙ্গে দাঁতের ও মাটীর পক্ষে উপকারী কয়েকটি আয়ুর্বেদীয় ভেষজ এবং আধুনিক দস্তবিজ্ঞানসম্মত দাঁতের হিতকর উপাদানও কিছু আছে।
 - ২) দস্তক্ষয় (Caries) ও পায়োরিয়া প্রতিষেধক আমাদের নবাবিষ্কৃত একটি বিশেষ রসায়ন এর মধ্যে আছে।
 - ৩) প্রেসিপিটেটেড চক্, ম্যাগকার্ব ইত্যাদি বিস্কৃত উপাদান অবলম্বনে প্রস্তুত বলে, অম্লসঞ্চারী জীবাণু ধ্বংস হয় ও দাঁতের ক্ষয় নিবারণ করে।
 - ৪) এর মধ্যে মৃথের দুর্গন্ধ নাশক 'ক্লোরোক্সিল' আছে।
- এই টুথ পেপ্ট দিয়ে দাঁত মাজার সময় যে প্রচুর ফেনা হয়, তা দাঁতের ফাঁকে প্রবেশ করে এবং সমস্ত ময়লা ও খাগকণা পরিষ্কার করে। জাঁড়ব চর্বি-বর্জিত সাবান যথাসম্ভব অল্প।

একাধারে এতগুলি গুণ আর কোনও টুথ পেপ্টে নেই।

বড়, সাধারণ এবং ছোট তিন রকম টিউবে পাওয়া যায়।

নিম টুথ পেপ্ট




“যেমন সাদা—তেমন বিশুদ্ধ

লাক্স টয়লেট সাবান

সুগন্ধি সরের মত ফেনা
এর”

নিগার



“সাদা লাক্স টয়লেট সাবান মাথলে
আমার স্বকের এক আশ্চর্য্য পরিবর্তন
লক্ষ্য করি,” নিগার বলেন। “এর
পরিষ্কারক ফেনা লোমকুমপের ভেতর
পর্যাস্ত পৌছে আমার স্বককে
সারাদিন রেশমের মত কোমল ও
লাবণ্যময় ক’রে রাখে। আর আমার
মুখত্রীতে একটা উজ্জল সত্বঃস্নাত ভাব
অনেকক্ষণ পর্যাস্ত থাকে।”

“... সেই জন্য এক লাক্স
টয়লেট সাবানেতেই আমার
প্রসাধন সারা হ’য়ে যায়।”



চিত্র - জারকা দেবী সৌন্দর্য সাবান

ETA 413-X1030

হিন্দুধর্মের সনাতনকে রক্ষা করিবার জন্য একদিকে রাজা রাধাকান্ত দেবী
অন্যদিকে হিন্দুগণ, অন্য দিকে বক্রিম, কুসেব প্রভৃতি নব্যগণ হিন্দুগণ
হিন্দুধর্মকে সনাতনকে তিরস্কৃত উপর প্রতিক্রিয়া ইহাই প্রমাণ করিতে লাগি-
লেন। বেদ উপনিষদ পুরাণাদি শাস্ত্র ও প্রত্যেক ঈশ্বরাত্মত্বের উপর
প্রতিষ্ঠিত হিন্দুধর্মকে সনাতন ধর্মের স্রেষ্ঠ, বিবেকানন্দ অভেদানন্দ প্রভৃতি
ঈশ্বরের শিষ্যগণ নিজ নিজ জীবনের সাধনা দ্বারা শুধু ভারতে নহে,
সমগ্র জগৎসমক্ষে ইহাই প্রমাণ করিয়া ঠাকুরের জীবনদর্শন ও বাণী প্রচার
করিতে লাগিলেন। জীবে প্রেম ও জীবসেবাই যে ঈশ্বরের সেবা, ইহার
সাধনই সকল ধর্মের সার নিহিত, কামিনীকাননে আসক্তি ত্যাগ করিয়া নির্লিপ্ত
ভাবে সংসারধর্ম পালন করাই হিন্দুধর্মের স্রেষ্ঠ উপদেশ, ইহাই ঠাকুর ও
ঠাকুরের ভক্ত শিষ্যগণ প্রচার করিয়া গিয়াছেন। জগতের বহু মনোহী ঠাকুরের
হিন্দুধর্মের ব্যাখ্যা ও উপদেশামৃত পড়িয়া যে হিন্দুধর্মের প্রতি আকৃষ্ট হইয়াছেন,
ইহাই শ্রীরামকৃষ্ণের জীবন ও বাণীর অসাধারণত্ব ও স্রেষ্ঠত্ব প্রমাণ করে।

‘শ্রীরামকৃষ্ণচরিত’ অত্যন্ত সুখপাঠ্য হইয়াছে। কয়েকখানি চিত্র পুস্তকের
শোভারূপী করিয়াছে।

শ্রীবিজয়েন্দ্রকৃষ্ণ শীল

মৃগতৃষ্ণিকা—শ্রীঅন্নপূর্ণা গোস্বামী। বন্দাবন ধর বুক হাউস,
৯৩৩১ বৈঠকখানা রোড, কলিকাতা-২। মূল্য ১।০।

উপন্যাস। অবৈধ প্রেম ও মনস্তত্ত্বের বিশ্লেষণ হইতে আরম্ভ করিয়া
লম্পট অক্ষয় স্বামীকে হত্যা করিবার উদ্দেশ্যে গুলি করা স্বামীকে ধ্বংস
দারী করা, খানা-পুলিস, আদালত ও শেষ পর্যন্ত আত্মসমর্পণ, সমালোচ্য এক
শত পৃষ্ঠার উপন্যাসখানিতে ইহার কোনকিছুর অভাব নাই। সাহিত্যক্ষেত্রে

— মতাই বাংলার গৌরব —

আগড়পাড়া কুর্টীর শিল্প প্রতিষ্ঠানের
গণ্ডার মার্ক

গেঞ্জী ও ইজের সুলভ অখচ সৌধীন ও টেকসই।

তাই বাংলা ও বাংলার বাহিরে যেখানেই বাঙালী
সেখানেই এর আদর। পরীক্ষা প্রার্থনীয়।

কারখানা—আগড়পাড়া, ২৪ পরগণা।

ব্রাঞ্চ—১০, আশার সারকুলার রোড, দিভলে, রুম নং ৩২,
কলিকাতা-২ এবং চাঁদমারী ঘাট, হাওড়া টেশনের সম্মুখে।

ছোট ক্রিমিটোপের অব্যর্থ ঔষধ

“ভেরোনা হেলমিন্থিয়া”

শৈশবে আমাদের দেশে শতকরা ৯০ জন শিশু নানা জাতীয়
ক্রিমিবোগে, বিশেষতঃ কৃত্রিমিতে আক্রান্ত হইতে ভয়-
বাহ্য প্রাপ্ত হয়, “ভেরোনা” জনসাধারণের এই বহুদিনের
অসুবিধা দূর করিয়াছে।

মূল্য—১ আঃ লিপি ভাঃ মঃ মঃ—২।০ আনা।

ওরিয়েন্টাল কেমিক্যাল ওয়ার্কস লিঃ

৩১১ বি, পোবিন্দু আজী রোড, কলিকাতা—২৭

কোম—বালিপুর ১৯২৮

লেখিকার কিছু হুমায় আছে, কিন্তু প্রথমে বিক্রয় আলোচ্য পুস্তকখানিতে তাহা
দ্বিবি অনুভবিত্তে পারেন নাই।

একফালি বারান্দা—শ্রীঅন্নপূর্ণা গোস্বামী। ইষ্টার্ন পাবলি-
শার্স, ২০২ কর্ণওয়ালিস ষ্ট্রিট, কলিকাতা। মূল্য ২।

গল্পপুস্তক। একফালি বারান্দা, রূপান্তর, কালমেয়ে, জোঁক, শিরী,
দধীচি, নারী, লয় যদি হয় অশুকুল, আছতি ও জয়দিন এই দশটি গল্প
পুস্তকখানিতে স্থান লাভ করিয়াছে। প্রথম, দ্বিতীয়, চতুর্থ, পঞ্চম, ষষ্ঠ
নবম ও দশম এই ছয়টি গল্পে লেখিকা যথেষ্ট মূল্যবান দেখাইয়াছেন এবং
প্রথম গল্পটি একটি স্রেষ্ঠ গল্প হইতে পারিত যদি লেখিকা রচনার আর একটু
শালীনতার পরিচয় দিতে পারিতেন। বাকী চারটি গল্প উল্লেখযোগ্য নহে।
আলোচ্য পুস্তকে ইহাদের স্থান না দিলেই ভাল হইত।

লেখিকার ভাষা সহজ, সুন্দর ও সাবলীল এবং ছোট গল্পকে সঙ্গোপিত
করার কৌশলটি তাহার জানা আছে।

ঝড় (চতুর্থ ভাগ)—ইলিয়া এরেনবুর্গ। অনুবাদক—শ্রীঅশোক
গুহ। ভারতী লাইব্রেরী, ১৪৫ কর্ণওয়ালিস ষ্ট্রিট, কলিকাতা-৩। মূল্য ১।

সমালোচ্য পুস্তকখানি ষ্টালিন পুরস্কারপ্রাপ্ত *The Storm*-এর
বঙ্গানুবাদ। অনুবাদক হিসাবে অশোকবাবু যথেষ্ট হুমায় অর্জন করিয়াছেন
এবং আলোচ্য পুস্তকখানিতে তাহার খ্যাতি বৃদ্ধি পাইবে। এই স্তব্ধ পুস্তক-
খানি খণ্ডে খণ্ডে প্রকাশিত হইলেও প্রত্যেকটি খণ্ড স্বয়ংসম্পূর্ণ। এই শ্রেণীর
পুস্তকের অনুবাদ হওয়ার প্রয়োজনীয়তা অপরিমিত। অনুবাদের মাধ্যমে
আমাদের সাহিত্য-ভাণ্ডারকে সমৃদ্ধ করিবার এই উত্তম প্রশংসনীয়।

শ্রীবিভূতিভূষণ গুপ্ত

ব্যাঙ্ক অফ বাঁকুড়া
লিমিটেড

সেন্ট্রাল অফিস—৩৬নং ষ্ট্র্যাও রোড, কলিকাতা
আদায়ীকৃত মূলধন—৫০০০০০. লক্ষ টাকার অধিক

ব্রাঞ্চ :- কলেজ কোয়ার, বাঁকুড়া।

সেভিংস একাউন্টে শতকরা ২ হারে সুদ দেওয়া হয়।
১ বৎসরের স্থায়ী আমানতে শতকরা ৩ হার হিসাবে এবং
এক বৎসরের অধিক থাকিলে শতকরা ৪ হারে
সুদ দেওয়া হয়।

চেয়ারম্যান—শ্রীঅগস্ত্য কোলে, এম. পি.

টোল ও কোম্পানীর

দাদ ও কবুতের মলম

কিউটা-টোন পোরে বোম্বা ও
চম্বেরিয়ামের

নিয় মলম খোস পাঠকে ও
চুলকণীর জন্য

ব্রাহ্মণ ও
কলিকাতা

= বিজ্ঞপ্তি =


আমরা অতীব সন্তোষের সহিত জানাইতেছি যে, পশ্চিমবঙ্গ রাজ্যের সর্বত্র ৫১০ সাড়ে বারো আনা সের দরে চিনি যাহাতে পাওয়া যায় সেজন্য স্থানে স্থানে বিক্রয়কেন্দ্র এবং পাইকারী ও খুচরা বিক্রেতা নিয়োগের সুব্যবস্থা হইতেছে। চিনি সরবরাহে কোন বাধা বিঘ্ন ঘটিলে তৎপ্রতিকারার্থে যে কোনরূপ পরিকল্পনা সাদরে গৃহীত হইবে।

সুগার ডিষ্ট্রিবিউটার্স লিঃ

২নং দরহাটা স্ট্রীট, কলিকাতা—৭

টেলি : টিকানা—চিনিমিকি

ফোন : ৩৩-১০১১



দেশ-বিশ্বদেশের কথা

রবীন্দ্রনাথের স্মৃতিস্মরণ নিমিত্ত আবেদন

রবীন্দ্রনাথের আসন্ন জন্মদিবস উপলক্ষে বঙ্গ বিভিন্ন সাংস্কৃতিক প্রতিষ্ঠানের নিকট সাহায্যের আবেদন জানাইয়া বাংলার বিশিষ্ট

শিক্ষাত্রী, সাহিত্যিক ও সাংবাদিকবৃন্দ 'টেগোর সোসাইটি' কর্তৃক কলিকাতা বিশ্ববিদ্যালয়ে রবীন্দ্রনাথের নামে 'রবীন্দ্র-অধ্যাপক পদ' প্রতিষ্ঠা করিবার নিমিত্ত নিম্নলিখিত মর্মে এক বিবৃতি প্রচার করিয়া-

ছেন—


“বাংলা সাহিত্যের মর্মমূল হইতে ইহার শাখা-প্রশাখায় যে প্রাণ রস সঞ্চারিত তাহার প্রধান উৎস ছিলেন রবীন্দ্রনাথ। পঁচিশে বৈশাখ কবির এই জন্মদিন উপলক্ষে প্রতি বৎসরই বহু সভা-সমিতি, নৃত্য-গীতাদির অমুঠান বাংলায় ও বাংলার বাহিরে উদ্‌যাপিত হইয়া আসিতেছে। কিন্তু এ পর্য্যন্ত রবীন্দ্রনাথের স্মৃতিস্মরণ কোনও স্থায়ী ব্যবস্থা বাংলাদেশে হইয়া উঠে নাই, ইহা সত্যই পরিতাপের বিষয়।

সম্প্রতি কলিকাতার 'টেগোর সোসাইটি' এ বিষয়ে উদ্যোগী হইয়াছেন। তাঁহারা কলিকাতা বিশ্ববিদ্যালয়ে একটি 'রবীন্দ্র-অধ্যাপক' পদ প্রতিষ্ঠা করিবার জ্ঞা বিশ্ববিদ্যালয়ে প্রস্তাব উত্থাপন করিয়াছেন। প্রয়োজনীয় অর্থ সংগৃহীত হইলে এ প্রস্তাব কার্যে পরিণত হইবে। এই ব্যাপারে সর্বসাধারণের ও রবীন্দ্র-সাহিত্যমুগ্ধগীদের সক্রিয় সহযোগিতার প্রয়োজন। আমাদের বিনীত নিবেদন :

বাংলাদেশে এবং বাংলার বাহিরে যে সকল রবীন্দ্র-জন্মোৎসব অনুষ্ঠিত হয়, সেই সকল অনুষ্ঠানের উদ্যোক্তারা যথাসাধ্য অর্থ-সংগ্ৰহ করিয়া তাহা অবিলম্বে 'টেগোর লেকচার ফণ্ডে'—কলিকাতা বিশ্ববিদ্যালয়ের রেজিষ্ট্রারের নামে প্রেরণ করিবেন।”

লেখকের

স্বাক্ষর



ফোন-৩৪— ১৫১১
গ্রাম-ট্রিলিয়াক্সেস,

এম.বি.সরকার এও সন্ন

প্ৰথমত ট্রিলিয়াক্সেসের (লেখকের নিয়ন্ত্রণে ও ইরিক কুবসায়ী
১৬৭সি, ১৬৭সি/১ বহুবাজার ফ্রিট কলিকাতা (আমহার্ট ফ্রিট ও
বহুবাজার ফ্রিটের সংযোগস্থলে) আমাদের পুরাতন শোকসমের বিপরীত দিকে

ব্রাচ-হিলুয়ান মার্ট বালিগড়ী: ১৫৯/১বি, রাজবিহারী এভিনিউ
কলিকাতা : ফোন পি.কে. ৪৪১৬

বাঁকুড়া মধ্যস্বত্বাধিকারী ও কৃষকগণের সাধারণ সভার মন্তব্য

সর্বপ্রথমেই আমরা বলিয়া রাখি যে, আমরা বর্তমান কংগ্রেস গবর্নমেন্টের প্রতি সম্পূর্ণ শ্রদ্ধাবান ও আমরা অল্প কোন রাজনৈতিক দলভুক্ত নহি। গত ইলেকশনে আমরা কংগ্রেস পক্ষকেই সমর্থন করিয়াছি। কংগ্রেস গবর্নমেন্টের প্রত্যেক জনহিতকর কর্মের প্রতি আমরা সম্যক্ সহানুভূতিসম্পন্ন। বর্তমান জমিদারী প্রথা রহিত আইনে জমিদারী, পত্তনী, দরপত্তনী, তালুক, ইজারা প্রভৃতি মৌজাওয়ারী স্বত্ব উচ্ছেদ বিষয়ে আমাদের বিশেষ কোন আপত্তি নাই, কিন্তু ক্ষুদ্র ক্ষুদ্র গাজা, খাজনা বা ভাগচাষ দ্বারা উৎপন্নভোগী মধ্যবিত্তভোগীদের সমস্ত স্বত্ব রহিতসূচক আইন প্রণয়নের দ্বারা যে দেশব্যাপী আতঙ্কের সূচনা হইয়াছে তৎসম্বন্ধে দেশবাসীর মনোভাব প্রকাশ করাই এই সভার প্রধান উদ্দেশ্য।

জমিদারী স্বত্ব উচ্ছেদ আইনের ধারাগুলি সম্যক্ আমাদের হস্তগত না হইলেও সংবাদপত্রে প্রকাশিত ও আলোচিত বিষয়গুলি পাঠ করিয়া আমাদের দৃঢ় ধারণা হয় যে, আইনসভার বহুসংখ্যক সভ্য দেশের মধ্যবিত্ত সম্প্রদায়ের প্রতি সহানুভূতির পরিবর্তে প্রতিকূল ভাবাপন্ন। অনেকে মনে করেন পল্লীগামে মধ্যবিত্ত শিক্ষিত ভদ্রশ্রেণীর লোকগুলির কোন প্রয়োজন নাই, শতকরা ৯৯ ভাগ অশিক্ষিত কৃষক ও মজুর এবং তদুপরি রাজসরকার প্রতিষ্ঠিত থাকিলেই পল্লীর-স্বাস্থ্য, শিক্ষা ও শৃঙ্খলার উন্নতি হইবে, মধ্যবিত্ত জমিজমা উৎপন্নভোগী শ্রেণী, সমাজের আগাছা বিশেষ, তাহাদের সম্যক্ উচ্ছেদ করিলেই পল্লীর সকল প্রকার মঙ্গল হইবে। দেহ হইতে মস্তিষ্ক বা মেরুদণ্ড বাদ দিয়া কেবল হস্তপদকে পুষ্ট করিলে যেরূপ কোন কার্যই সম্পাদিত হইতে পারে না, সেরূপ মধ্যবিত্ত শিক্ষিত শ্রেণীকে বাদ দিয়া পল্লীর কোন কার্যই চলিতে পারে না। এই মধ্যবিত্ত সম্প্রদায়ভুক্ত জনসাধারণ স্বাধীনতা যুদ্ধে প্রাণ উৎসর্গ করিয়াছিল। বড় বড় জমিদার বা কৃষক, মজুর সম্প্রদায় প্রায় কোনদিন স্বাধীনতা আন্দোলনে যোগদান করেন নাই বরং প্রতিরোধিতা করিয়াছিলেন। আইনসভার অনেক সভ্যের ধারণা যে, মধ্যবিত্ত শ্রেণী বা জোতদার শ্রেণী দ্বারা কৃষক ও মজুরগণ প্রেীড়িত হইয়া আসিতেছে, অতএব এই শ্রেণীকে ধ্বংস করিয়া কৃষক ও মজুর রাজ্য প্রতিষ্ঠার দ্বারা দেশে শান্তি স্থাপন করিতে হইবে। কিন্তু আমরা দৃঢ় স্বরে ঘোষণা করিতেছি যে, এই ধারণা সম্পূর্ণ ভ্রমাত্মক। ধীশক্তিই এই জগৎ চালনা করিতেছে এবং ইহার অভাবে জগৎ অচল হইবে, এই চির সত্যের উচ্ছেদ আইন দ্বারা সম্ভব নয়। পল্লীর ব্রাহ্মণ, কায়স্থ, বৈজ্ঞ, বৈষ্ণ প্রভৃতি শিক্ষিত ও মাজ্জিত শ্রেণীর জনসাধারণ মধ্যস্বত্বে স্বত্বাধিকারী হইয়া হাজার হাজার বৎসর জমিজমা দখল করিয়া আসিতেছেন, ইহার উদ্ভব দশ-সাল বন্দোবস্তের সহিত হয় নাই। দশ-সাল বন্দোবস্তের দ্বারা জমিদারী স্বত্বের সৃষ্টি হওয়ার পর জমির মধ্য স্বত্বগুলি নির্ণীত হইয়াছিল মাত্র এবং তদবধি প্রজাস্বত্ব আইন অনুসারে হস্তান্তরযোগ্য বা অস্থায়ী বিভিন্ন প্রকার স্বত্বের প্রবর্তন হইয়াছে, গত সেটেলমেন্টে জমিজমার মধ্যস্বত্বগুলি নিম্নলিখিত শ্রেণীতে বিভক্ত করা হইয়াছে, যথা :

(ক) নিষ্কর—ব্রহ্মোত্তর বা দেবোত্তর, (খ) মোকররী, (গ) দখলী-স্বত্ব বিশিষ্ট মধ্যস্বত্ব (মোকররী নহে), (ঘ) স্থিতিবান রায়ত, (ঙ) রায়ত, (চ) কোর্ক'রায়ত।

উপরোক্ত যে কোন একটি স্বত্বে বা বিভিন্ন স্বত্বে একই ব্যক্তি জমিজমা সাধারণতঃ দখল করিয়া থাকেন এবং এইরূপ স্বত্বাধিকারী প্রজাগণকে বা জমিজমার উৎপন্নভোগীদেরকে তিন শ্রেণীতে বিভক্ত করা যায়। যথা—

(১) মালিক নিজ তত্ত্বাবধানে লাঙ্গল রাখিয়া জমি চাষ করিয়া থাকে।

(২) মালিক অল্প লোকের দ্বারা ভাগচাষে জমি চাষ করাইয়া থাকে এবং প্রচলিত প্রথানুযায়ী উৎপন্ন ফসলের অংশ পাইয়া থাকে।

(৩) মালিক কোন কৃষককে জমির বার্ষিক গড় উৎপন্নের নির্দিষ্ট অংশ (rent in kind) গ্রহণ করিয়া কৃষককে চিরস্থায়ী স্বত্ব প্রদান করে, এইরূপ অংশের পরিমাণ সচরাচর এক-তৃতীয়াংশ বা এক-চতুর্থাংশও হইয়া থাকে।

উপরোক্ত তিন প্রকার প্রণালীতে জমিজমার চাষ-আবাদ প্রথার সুবিধা বা অসুবিধাগুলি আলোচনা করা হউক :—

১। মালিক নিজ তত্ত্বাবধানে নিজের গরু ও লাঙ্গল দ্বারা যেখানে চাষ করে সে সম্বন্ধে বিশেষ কিছু বলিবার নাই। প্রবর্তিত আইনে এই শ্রেণীর কৃষক বা জোতদারের অধিকৃত জমির পরিমাণ ৩৩ একর বা ৯৯ বিঘা বা কম বেশী নির্ধারিত হইয়াছে, এরূপ জোতদারের সংখ্যা অতি অল্প। সাধারণতঃ কৃষকগণ ২।৩ খানি লাঙ্গল দ্বারা ৭০।৭৫ বিঘা বা এক শত বিঘা জমি চাষ করিয়া থাকে—অতিরিক্ত পরিমাণ জমি যথাযথ ভাবে চাষ করাও কষ্টকর ও উৎপনের পক্ষে কঠিকারক, সুতরাং এ বিষয়ে আমাদের বলিবার কিছুই নাই।

২। ভাগচাষ-কর্তা বা ভাগচাষীর বিষয় আলোচনা করিয়া দেখা যায় যে, ভাগচাষে জমি বিলি নিম্নলিখিত কারণে হইয়া থাকে—

(ক) দায়ভাগ আইনে বিভাগ-বন্টনের ফলে এক এক অংশ জমির পরিমাণ এরূপ কম হইয়া যায় যে তাহা একখানি লাঙ্গলের পক্ষে পর্যাপ্ত নহে, সুতরাং অল্পকে বিলি করিয়া কিছু অংশ গ্রহণ করা ব্যতীত গতাস্তর নাই।

— সদ্যপ্রকাশিত নূতন ধরণের দুইটি বই —

বিশ্ববিখ্যাত কথাসিদ্ধি আর্থার কোয়েটলারের

‘ডার্কনেস্ অ্যাট নুন’

নামক অল্পম উপন্যাসের বঙ্গানুবাদ

“মধ্যাহ্নে আঁধার”

ডিমাই ৬ সাইজে ২৫৪ পৃষ্ঠায় সম্পূর্ণ

শ্রীনীলিমা চক্রবর্তী কর্তৃক

অতীব হৃদয়গ্রাহী ভাষায় ভাষান্তরিত

মূল্য আড়াই টাকা।

প্রসিদ্ধ কথাসিদ্ধি, চিত্রশিল্পী ও শিকারী

শ্রীদেবীপ্রসাদ রায়চৌধুরী

লিখিত ও চিত্রিত

“জঙ্গল”

সরল সুবিন্যস্ত ও প্রাণবন্ত ভাষায়

ডবল ক্রাউন ৬ সাইজে ১৮৪ পৃষ্ঠায়

চৌদ্দটি অধ্যায়ে সুসম্পূর্ণ

মূল্য চারি টাকা।

প্রাপ্তিস্থান: প্রবাসী প্রেস—১২০।২, আপার সারকুলার রোড, কলিকাতা—২

এবং এম. সি. সরকার এণ্ড সন্স লিঃ—১৪, বঙ্কিম চাটার্জি ষ্ট্রীট, কলিকাতা—১২



অমৃততাণ্ডন
সর্বপ্রকার বেদনায় 'আণবিক বোমার' ন্যায় কার্যকরী!

দাদেয় মলম
চর্ম রোগে 'পরমাণু শক্তির' ন্যায় কার্যকরী!
অমৃততাণ্ডন লিঃ-পোঃ বক্স নং ৩৮২৫-কলিকাতা ৭

স্বাগিতা: ১৮৯৩



(খ) জমির মালিকের মৃত্যু-রোগ-জনিত অকর্মণ্য বা বার্কাক্য ইত্যাদি অবস্থায় অগ্ৰকে দিয়া চাষ করান ব্যতীত আর কি উপায় হইতে পারে। অগ্ৰ কোন কৃষককে ভাগচাষে বা সাজা অর্থাৎ নির্দিষ্ট ফসলের অংশ বা খাজনা অর্থাৎ নগদ টাকা লইয়া বিলি করিলেই উক্ত কৃষক Intermediary অর্থাৎ মধ্যস্থ পর্যায় আসিবে ও সঙ্গে সঙ্গে বর্তমানে তাহার স্বত্ব রহিত করিলে তাহার পরিবারবর্গের কিরূপ শোচনীয় অবস্থা দাঁড়াইবে তাহা ভাবিলেও কষ্ট হয়।

সাজা অর্থাৎ 'Fixed rent in kind' সন্ধে আইন-সভার অনেক সভ্য এমন কি মন্ত্রীমণ্ডলীরও সঠিক ধারণা নাই, কাহারও কাহারও ভ্রান্ত ধারণা আছে যে ইহা অসঙ্গত, অতএব উচ্ছেদযোগ্য, কিন্তু প্রকৃতপক্ষে ইহা কৃষকগণের পক্ষে দখলিস্বত্ববিহীন ভাগচাষ অপেক্ষা শ্রেষ্ঠতর। প্রচলিত ভাগচাষ প্রথায় মালিকগণ ইচ্ছামত চাষী পরিবর্তন করা হেতু কৃষকগণ তেমন যত্নপূর্বক চাষ করে না, ফলে শস্যের উৎপন্ন কমিয়া যায়। একরূপ স্থলে যদি কৃষককে উৎপন্ন ফসলের নির্দিষ্ট অংশ দিবার সর্তে স্থায়ীভাবে জমি বন্দোবস্ত দেওয়া হয় তাহা হইলে কৃষক উক্ত জমিতে নিজ জমি বিধায় তাহার সমস্ত শক্তি-সামর্থ্য নিয়োগ করিয়া উৎপন্ন বৃদ্ধির জন্ত চেষ্টা করে এবং তদ্বারা তাহাতে যথেষ্ট লাভবান হয়। যদি উক্ত সাজা বন্দোবস্ত দ্বারা কৃষক ক্ষতিগ্রস্ত মনে করিত, তাহা হইলে অনায়াসে ইস্তফা দিতে পারিত। কিন্তু এইরূপ ইস্তফা দেওয়ার দৃষ্টান্ত অতি বিরল। সুতরাং প্রচলিত Fixed rent in kind প্রথাকে Intermediary right শ্রেণীভুক্ত করিয়া মধ্যস্থত্বাধিকারী রায়তি স্বত্ব ধ্বংস করা সম্পূর্ণ অসঙ্গত। বহুকালব্যাপী প্রচলিত আইনের আওতায় যে Intermediary rights-এর সৃষ্টি হইয়াছে তাহা যদি বর্তমান কংগ্রেস গবর্নমেন্ট কর্তৃক অসঙ্গত বিবেচিত হইয়া উচ্ছেদযোগ্য হয় তবে তাহা বাতিল করিয়া বন্দোবস্তকারী মালিককে নিজ তত্ত্বাবধানে চাষ করিবার জন্ত ১০০ বিঘা পূরণ হওয়া পর্যন্ত সর্বাধিক অধিকার দেওয়া হউক। একদল ভূমিহীনকে ভূমিদান করতঃ অপরপক্ষকে ভূমিহীন করার কোন গ্রামসঙ্গত কারণ থাকিতে পারে না।

অগ্রগতির পথে নূতন পদক্ষেপ

হিন্দুস্থান তাহার ষাট্রাপথে প্রতি বৎসর
নূতন নূতন সাফল্য, শক্তি ও সমৃদ্ধির
গৌরবে ক্ষুদ্র অগ্রসর হইয়া চলিয়াছে।

১৯৫৩ সালে
নূতন বীমা :

১৮ কোটি ৮০ লক্ষ টাকার উপর :

আলোচ্য বর্ষে পূর্ব বৎসর অপেক্ষা নূতন
বীমায় ২ কোটি ৪২ লক্ষ টাকা বৃদ্ধি
ভারতীয় : জীবন বীমার ক্ষেত্রে সর্বাধিক।
ইহা হিন্দুস্থানের উপর অনসাধারণের অবিচলিত
আস্থার উজ্জল নিদর্শন।

হিন্দুস্থান কোঃ অপারেশনালিভ

ইন্সিওরেন্স সোসাইটি, লিমিটেড

হিন্দুস্থান বিল্ডিংস্, কলিকাতা-১০

কমিউনিষ্ট মনোভাববিশিষ্ট বহুলোক প্রচার করিতেছে যে, মধ্যস্বভোগী শ্রেণী বিলাস-জীবন যাপন করিতেছে, অপর দিকে যাহারা মাথার ঘাম পায়ে ফেলিয়া শ্রম উৎপন্ন করিতেছে তাহারা বঞ্চিত হইয়া বহু কষ্টে জীবনযাপন করিতেছে। স্বাক্ষরকরা দুই-একজন লোক এইরূপ বিলাসভোগী থাকিলেও প্রকৃত ব্যাপারটি ঠিক বিপরীত। জমিজমার উৎপন্নভোগী মধ্যবিত্ত শ্রেণীর সকলেই আজ সর্ক্সাপেক্ষা কষ্টে দিনাতিপাত করিতেছে। নির্দিষ্ট পরিমাণ প্রাপ্ত ফসল হইতে তাহাদের দুই-চারি মাসের সংস্থান হয় মাত্র। হয়ত কেবল চাউলটি সংগৃহীত হয়। বস্ত্র, শিক্ষা, চিকিৎসা ইত্যাদির ব্যয়ভার অল্প বৃত্তি অবলম্বনে চালাইতে হয়। এই বেকারযুগে যাহারা কোন বৃত্তি বা অবলম্বন যোগাড় করিতে না পারে তাহারা অর্ধাশনে, অর্ধ উলঙ্গ অবস্থায় দিনপাত করিতে বাধ্য হয়। ইহার উপর যদি জমিজমার মধ্যস্ব হইতে চিরতরে বঞ্চিত হয় তবে কৃষকের অধীন মজুর হওয়া ব্যতীত আর কোন উপায় দেখি না। আমরা মন্ত্রীমণ্ডলীকে প্রত্যেক ইউনিয়নে গুণাগমন করিয়া মধ্যবিত্ত, কৃষক ও মজুরদের অবস্থা পর্যবেক্ষণ করিতে অনুরোধ করি। শ্রমমূল্য বৃদ্ধির সুযোগে কৃষকগণ আজ প্রচুর বিত্তশালী হইয়াছে। গোলাভরা ধান, গোয়ালভরা গরু বলিতে কৃষকের বাড়ীতেই দেখিতে পাওয়া যায়। বরং দুঃখের সহিত বলিতে হয় যে, আজকাল কৃষকগণ ক্রমশঃ বিলাসপরায়ণ হইতেছে।

আয়কর Income-tax, কৃষিকর (Agricultural-tax) প্রভৃতি প্রচলিত প্রত্যেক আইনেই দুই-তিন হাজার টাকা বার্ষিক আয় বিশিষ্ট ব্যক্তিকে অব্যাহতি দেওয়া হইয়াছে। সেইরূপ যে সকল মধ্যস্বত্বাধিকারীর বার্ষিক আয় পাঁচ হাজার টাকার অনধিক তাহাদিগকে এই উচ্ছেদ আইনের কবল হইতে অব্যাহতি দেওয়া হউক। তাহা হইলে বহু দরিদ্র পল্লীবাসী আবশ্যিকমত নিজ লাঙ্গলে চাষ বা অথের দ্বারা চুক্তি সত্ত্বে চাষ করাইয়া জীবন অতিবাহিত করিতে পারিবে। অন্ততঃ ৩০ একর জমি বর্তমান প্রত্যেক মালিককে স্বাধীনভাবে বিলি ব্যবস্থা বা মজুর দ্বারা চাষ করিতে বা করাইতে দেওয়া একান্ত আবশ্যিক। ইহার অগ্রথা করিলে পল্লীতে হাহাকার উঠিবে। মুষ্টিমেয় শিক্ষিত সম্প্রদায় যাহারা এখনও পল্লীতে বাস করিতেছে তাহারা জমিজমার স্বত্ব হইতে বঞ্চিত হইলে স্বল্পকালমধ্যেই পল্লী ত্যাগ করিয়া শহর ও শিল্পাঞ্চলে চলিয়া যাইতে বাধ্য হইবে। ক্ষতিপূরণের যৎসামান্য অর্থের দ্বারা পল্লীতে বসিয়া শিল্প বা ব্যবসা করিবার কিছুই নাই। ফলে বেকারের সংখ্যা বৃদ্ধি পাইয়া দেশে ঘোর অশান্তির সৃষ্টি হইবে, উচ্চ প্রণালীর চুরি ডাকাতিরও বৃদ্ধি হওয়া অসম্ভব নয়। শিক্ষিত সম্প্রদায় পল্লী ছাড়িয়া চলিয়া গেলে কাহাকে লইয়া গ্রাম-সংস্কারকার্য সমাধা হইবে।

এতদ্ব্যতীত আর একটি বিষয়ে আমরা বর্তমান কংগ্রেস গবর্ণমেন্টের তীক্ষ্ণ দৃষ্টি আকর্ষণ করি, তাহা সামাজিক পদমর্যাদা ও পরস্পরের প্রীতিবন্ধন। আজ প্রতিটি পল্লীতে টুকিলেই দেখা যায়, ইহার মধ্যে আজও সনাতন চতুর্বার্ণ বিদ্যমান। উচ্চশ্রেণীর লোক সকলেই মধ্যবিত্ত বা জমিজমার উৎপন্নভোগী এবং তাহারাই জমিজমার উপরিস্থ মালিক যদি এই শ্রেণীর স্বত্ব সম্পূর্ণ রহিত করিয়া দেওয়া হয় তবে তাহাদের আর কোন মর্যাদা থাকিবে না, ফলে তাহারা কেহই অন্নহীন বেকার জীবনযাপন করিবার জন্ত পল্লীতে পড়িয়া থাকিবেন না।

মধ্যস্বত্ব চিরকাল ছিল এবং সাময়িকভাবে রহিত করিলেও আবার অল্পসময় মধ্যে গজাইয়া উঠিবে। মনে করুন আজ সমস্ত প্রকার মধ্যস্বত্ব (Rent-receiving right) নষ্ট করিয়া কৃষক ও ভূমিহীনদের মধ্যে নির্দিষ্ট পরিমাণ জমি বিভাগ করা হইল। কিছুদিন পরে কেহ মরিয়া গেল বা কেহ রোগাক্রান্ত হইল তখন তাহার অধিকৃত জমি অথকে বন্দোবস্ত করিয়া তাহার বিধবা নাবালক পরিবারবর্গকে ভরণপোষণ করা ব্যতীত কি উপায় হইতে পারে ?

আমরা ক্রমশঃ উচ্ছেদ প্রথার কুফল সম্বন্ধে আগামী অধিবেশনে আলোচনা করিব। উপস্থিত মন্ত্রীমণ্ডলীকে হঠাৎ একটা আইন পাশ করিয়া বহুদূর প্রসারিত বৃক্ষের মূলচ্ছেদ কার্য হইতে বিরত থাকিতে অনুরোধ করি। ইতি—

বিনীত রাধানগর ইউনিয়নবাসী মধ্যস্বত্বাধিকারী ও কৃষকবৃন্দ



প্রসঙ্গী প্রেস, কলিকাতা

শ্রীচৈতন্য ও বাসুদেব সান্ন্যাসিনী
শ্রীবীরেশ্বর গঙ্গোপাধ্যায়



কলা-সমালোচক শ্রী. ভেঙ্কটচন্দ্রমের আঁকক ব্রোঞ্জমূর্তি

ভাস্কর—শ্রীকেশী প্রসাদ রায়চৌধুরী



শ্রীহরী সম্পাদক কে. স্বর্না রায়চৌধুরীর আঁকক ব্রোঞ্জমূর্তি

বিবিধ প্রসঙ্গ

২৫শে বৈশাখ

এ বৎসরও বরীন্দ্র জন্মোৎসব আগেকারই মত মহা আড়ম্বরের সহিত আমরা, অর্থাৎ বাঙালী ও অবাঙালী বরীন্দ্রভক্তগণ সম্পন্ন করিয়াছি। বহু বক্তৃতা, নৃত্য-গীত, গজ-পদ্ম-মুখরিত অসংখ্য সভা-সম্মেলনে নিবেদন করিয়াছি আমাদের শ্রদ্ধা। কিন্তু আজ সে সকল শেষ হইবার পর মনে যেন একটা তিস্ত আনন্দ রহিয়া গিয়াছে। এ যেন ক্ষুধিত পাষণের সেই "সব খুটা ছায়!"

এই যে এত পূজার অর্ঘ্য, এত যে গুরুদেবের স্মৃতিতর্পণে ঘটা, ইহার মধ্যে কতটা স্থির ও স্থায়ী বিশ্বাস বা ভক্তির উৎস-প্রসূত, কতটাই বা ক্ষণিকের উচ্ছ্বাসজনিত? কতটা গুরুভক্তি অকপট সত্যের আধারে রক্ষিত মহামূল্য রত্ন, কতটাই বা নাট্যমঞ্চের রূপসজ্জার কৃত্রিম আভরণ? অর্থাৎ কতটা নিঃশ্বল, নিঃশূল গুরু-দক্ষিণার নৈবেদ্য আর কতখানি আত্মপ্রসাদ ও আত্মপ্রত্যারণার ক্ষণস্থায়ী উপকরণ?

২৫শে বৈশাখ আসিয়া চলিয়া গিয়াছে, আবার আসিবেই আসিবে। তবে কেন এই সপ্তাহব্যাপী উৎসবের পর মনে তৃপ্তি নাই, আগামী দিনের উৎসবের জন্ত আশাপূর্ণ প্রতীকার ইঙ্গিত মাত্র নাই? উৎসবের পর আজ দেশের দিকে চাহিয়া মনে হয় অবস্থা:

—Like a banquet-hall deserted
When the lights are sped
And the garlands dead
And all the guests departed—

বিলাস-বাসনপূর্ণ উৎসবের শেষে রহিয়াছে শুধু ধূলি-আবর্জনা, ওকানো মালার স্তূপ। ধূপধূনার হোমানলের জ্বাণমাত্র নাই সেখানে।

যে শিক্ষাত্রত তিনি আজীবন উদ্বাপন করিয়া গিয়াছেন, তাহার সম্যক পরিচয় আমরা পাইয়াছি, তাঁহার দৃষ্টান্তে, ভাবায়, লেখায়। আজ এই তাঁহার জন্মভূমিতে শিক্ষার অবস্থা কি?

তাঁহার প্রাণাধিক পিয় শাস্তিনিকেতন ও বিশ্বভারতী তো মহা-শ্মশানে পরিণত হইলেও ছিল ভাল। সে কথা ছাড়িয়া অল্প কথাই বলি।

বাঙালীর সকল গৌরবের উৎস শিক্ষা। ঐ শিক্ষার তুলজাতি অনেক কিছু ছিল সন্দেহ নাই। ঐরূপ শিক্ষার নিন্দাবাদ আজ

চতুর্দিকে চলিতেছে, কেননা উহা হুজুগের সহায়তা করে। নিন্দাবাদ যাহাই হউক, উহা তখন সময়োপযোগী ছিল এবং বাঙালী সেই সুযোগ সম্পূর্ণ গ্রহণ করিয়া অশেষ লাভবান হয়। আজ সেই শিক্ষার পথ ধ্বংস করার ব্যবস্থা চলিতেছে কিন্তু তাহার পরিবর্তে কি আসিবে তাহার সুস্পষ্ট ধারণা কোথায়ও দেখিতেছি না।

তাহার পর শিক্ষকের কথা। শিক্ষার পথ যাহাই হউক, মাধ্যম, পাঠ্য বা প্রণালী যাহাই হউক, শিক্ষক বিনা শিক্ষা অসম্ভব।

এদেশে শিক্ষক এখন ভয়ঙ্কর রক্ষায় অসমর্থ, ইহাই সহজ ভাবায় বলা যায়। শিক্ষকের জীবনব্যতীর মান কোন দেশেই কোন সময়েই অতি উচ্চ ছিল না। বিদেশেও তাঁহাদের আদর্শ ছিল "Plain living and high thinking", অর্থাৎ সম্পূর্ণ বিলাস-বর্জিত জীবন কিন্তু অতি উচ্চস্তরের চিন্তাশীলতা। কিন্তু সেরূপ অবস্থা এবং সম্পূর্ণ সখিহীন দারিদ্র্যে অনেক প্রভেদ। সন্তান-সন্ততির অল্পের চিন্তা, তাহাদের শিক্ষাদীক্ষার অভাব, ইহাই এখনকার শিক্ষকের দৈনন্দিন সমস্যা, সুতরাং অল্প চিন্তার অবকাশ কোথায়?

পূর্বদিনের শিক্ষক ও গুরু ভক্তসমাজের উচ্চতম স্তরে উন্নত মস্তকে চলিতে পারিতেন। তিনি নিরোভ শিক্ষাত্রতী, জ্ঞানার্জনের পথনির্দেশক, ইহাই ছিল উচ্চ সম্মানের কথা। তাঁহার উপার্জনে পরিবার-পরিজনদের মূল্যবান বেশভূষা বা বিলাস-বাসন চলিত না। কিন্তু লজ্জানিবারণ বা ক্ষুধাতৃষ্ণার উপশম হইত এবং উপরন্ত পুত্র-কন্যা সাধারণ অপেক্ষা উন্নততর শিক্ষা প্রাপ্ত হইত। স্ত্রী-পুত্র-পরিবার তাঁহার সম্মানে গর্ভিত হইত। সেই গর্কেই বুনো রাম-নাথের স্ত্রী নদীরার মহারাণীকে বলিয়াছিলেন, "আমার হাতে লাল সূতো বাধা আছে বলেই নবমীপের মান আছে।"

আজ সেই শিক্ষক নিদারুণ অভাবগ্রস্ত, অল্পবয়সের চিন্তায় প্রসীড়িত হইয়া শিক্ষাত্রত উদ্বাপনে অসমর্থ ও অলিপদ। ছাত্রও সেই কারণে শিক্ষকের অবাধ্য, দুর্বিনীত ও উদ্যম ভাবপ্রাপ্ত। তাহাকে শিক্ষা দিবেই বা কে ও তাহার শিক্ষা হইবেই বা কি? সেও চলিয়াছে চরম দুর্গতির পথে।

যে কথা শিক্ষার বিষয়ে বলা যায়, তাহাই তো সাহিত্য-শিল্প ও সকল সংস্কৃতির ক্ষেত্রে প্রযোজ্য। সেখানেও বরীন্দ্রনাথের আদর্শ ও আশিস আমরা কতটুকু লইতে পারিয়াছি?

সরকারী অপব্যয়

কেন্দ্রীয় সরকার বলিতে আমরা বাহা বুঝি তাহা দুইটি ভিন্ন পর্যায়ের ব্যক্তি সমষ্টিতে গঠিত। প্রথমতঃ উচ্চতম অধিকারীবর্গ, অর্থাৎ মন্ত্রী, উপমন্ত্রী, প্যালেমেন্টারী, সেক্রেটারী ইত্যাদি। ইহারা আমাদের বুদ্ধি ও বিবেচনার প্রতীক, কেননা আমরাই ইহাদিগকে নিম্নেদেয় যোগ্য প্রতিনিধি রূপে নির্বাচিত করিয়া লোকসভায় পাঠাইয়াছি। বলা বাহুল্য ইহাদের অধিকাংশই অযোগ্য এবং আমাদেরই মত বিচারবুদ্ধিহীন। দ্বিতীয় পর্য্যায়ে আছেন ব্রিটিশ-রাজের গঠিত, প্রাক্তন “নোকরশাহীর” উচ্চ ও নিম্নস্তরের রাজপুরুষ-বর্গ। ইহারা অভিজ্ঞ, সুচতুর ও কর্মঠ। বলা বাহুল্য, ইহাদের মধ্যে যে বিশাল অংশ উপরন্তু চৌধাণ্ডগুণসম্পন্ন, তাহাদের পক্ষে উচ্চ অধিকারীবর্গের চক্ষে ধূলি দেওয়া অতি সহজ। তাহারই একটি দৃষ্টান্ত নিম্নে প্রদত্ত হইল :

“নয়াদিল্লী, ১২ই মে—খাজ ও কৃষি মন্ত্রণালয়ের ট্রাক্টর সংস্থা কি অবস্থায় কোটি কোটি টাকা মূল্যের ট্রাক্টর ও উহার বিভিন্ন অংশ ‘এলোপাথারিভাবে’ ক্রয় করে, সে বিষয়ে ভারত সরকারকে তদন্ত করিবার জ্ঞান লোকসভায় বায়বরাদ্দ কমিটির বিবরণে সুপারিশ করা হইয়াছে। অদ্য কমিটির সভাপতি শ্রীঅনন্তশয়নম আয়েঙ্গার লোকসভায় উহার বিবরণ পেশ করেন।

ট্রাক্টর, মালপত্র ও উৎকৃষ্ট বিভিন্ন অংশ প্রকৃতি ক্রয়ের ব্যাপারে ‘অবিবেচনাপ্রসূত নীতি’ অনুসরণের ফলে বে গুরুতর ক্ষতি হইয়াছে, ইহার জ্ঞান দায়ী কর্মচারিবৃন্দের বিরুদ্ধে ‘কঠোর শাস্তি’ দেওয়া প্রয়োজন বলিয়া কমিটি বিবেচনা করেন।

তাহা ছাড়া কেন্দ্রীয় ট্রাক্টর সংস্থার হেফাজতে যেসব ট্রাক্টর, সাজ-সরঞ্জাম ও মালপত্র রহিয়াছে, তাহাদের উপযুক্ত মূল্য নির্ধারণ-কল্পে একজন বিশেষজ্ঞ ‘কষ্ট একাউন্ট্যান্ট’সহ একটি ক্ষুদ্র কমিটি নিয়োগের সুপারিশও উহাতে করা হইয়াছে।

কমিটির মতে কেন্দ্রীয় ট্রাক্টর সংস্থা ১৯৫০-৫১ হইতে ১৯৫২-৫৩ সন পর্য্যন্ত ৬৮ লক্ষ ৩২ হাজার ৭০৭ টাকা ক্ষতিগ্রস্ত হইয়াছে। তবে প্রকৃত ক্ষতির পরিমাণ ইহার চেয়েও বেশী; আর আনুমানিক এক কোটি টাকা মূল্যের উৎকৃষ্ট মাল হিসাবের বইয়ে উল্লেখ অনুযায়ী বিক্রয় হইবে কি না এবং ১৯৫৪ সনের ৩১শে মার্চ পর্য্যন্ত বিভিন্ন রাজ্যের নিকট পাওনা ৫ কোটি ১৬ লক্ষ টাকা পুরা উত্তল হইবে কি না, তাহা না জানা পর্য্যন্ত প্রকৃত ক্ষতির হিসাব মিলিবে না।”

পশ্চিমবঙ্গ মধ্যশিক্ষা পর্ষদ বাতল

অযোগ্যতা ও কর্মপরিচালনায় অক্ষমতার অভিযোগে রাজ্য সরকার গত ১১ই মে হইতে পশ্চিমবঙ্গ মধ্যশিক্ষা পর্ষদকে বাতিল করিয়া দিয়াছেন। সরকার কলিকাতা হাইকোর্টের প্রাক্তন বিচারপতি শ্রীগোপেশনাথ দাসকে পর্ষদের এডমিনিষ্ট্রেটর নিয়োগ করিয়াছেন।

মধ্যশিক্ষা পর্ষৎ একটি বিধিবদ্ধ সংস্থা। চারি বৎসর পূর্বে উহা গঠিত হয়। পরম্পর বিবোধী মামা স্বার্থযুক্ত কয়েকটি দলের বাদবিসম্বাদ ও কুটচক্রান্তের অবিরাম সংঘাতের ফলে উহার ব্যর্থতা চরমে উঠিয়াছে। সরকারী অধিকারে ঐরূপ চক্রান্তের কি নূতন রূপ দেখা দেয় তাহাই ভবিষ্যতে দ্রষ্টব্য।

এডমিনিষ্ট্রেটর নিয়োগের ফলে ৪৪ জন সদস্য লইয়া গঠিত মধ্যশিক্ষা পর্ষৎ এবং উহার কার্যানির্বাহক পরিষদের (সদস্য সংখ্যা ১৬ জন) কাজ বন্ধ হইয়া গেল। পর্ষৎ ও উহার কার্যানির্বাহক পরিষদের সাধারণ নির্বাচন ১৯৫১ সনের প্রথম ভাগে সম্পন্ন হয়। ঐ বৎসরেরই জুন মাস হইতে পর্ষদের কাজ শুরু হয়। মধ্যশিক্ষা পর্ষদের পরবর্তী নির্বাচন ১৯৫৫ সনে হওয়ার কথা ছিল।

মঙ্গলবার রাতে পশ্চিমবঙ্গ সরকার নিয়োক্ত বিজ্ঞপ্তি প্রচার করিয়াছেন : “বিগত কিছুকাল ধাবৎ পশ্চিমবঙ্গ সরকার মধ্যশিক্ষা পর্ষদের কার্যকলাপ ক্রমবর্ধমান উদ্বেগের সহিত লক্ষ্য করিতেছিলেন। পর্ষৎ উপযুক্ত পরিবেশে যেসব ক্রটিবিচ্যুতি ও অব্যবস্থার পরিচয় দেয় স্কুল ফাইনাল পরীক্ষা সংক্রান্ত সাম্প্রতিক ঘটনাবলীতে উহার চূড়ান্ত পরিণতি ঘটে। বিশেষ যত্নসহকারে বিভিন্ন তথ্য বিবেচনার পর গবর্নমেন্টের সুস্পষ্ট অভিমত এই যে, মধ্যশিক্ষা পর্ষদের পুনর্গঠনের ব্যবস্থা অবলম্বন করা প্রয়োজন হইয়া পড়িয়াছে। যে পর্ষৎ অযোগ্য বলিয়া প্রমাণিত হইয়াছে, তাহার পুনর্গঠন সম্পূর্ণ না হওয়া পর্য্যন্ত উহাকে বাতিল করিয়া পশ্চিমবঙ্গ মধ্যশিক্ষার নিয়ন্ত্রণ ও ব্যবস্থাপনার ভার গ্রহণকল্পে সাময়িক বন্দোবস্ত করা উচিত বলিয়া সরকার মনে করেন। যেসব নিয়মবহির্ভূত ব্যাপার ও অব্যবস্থার জ্ঞান সরকার পর্ষৎ বাতিল করিবার সিদ্ধান্ত করিয়াছেন নিম্নে তাহাদের কয়েকটি উল্লিখিত হইল—(ক) পরিদর্শনকারী অফিসারদের পরামর্শ উপেক্ষা করিয়া অথবা কোনরূপ পরিদর্শন না করিয়াই কয়েকটি বিদ্যালয়ের অনুমোদন দান; (খ) সাহায্যদান সম্পর্কিত আইনকানুন না মানিয়া বিদ্যালয়সমূহকে সাহায্যদান; (গ) যথাসময়ে বহুসংখ্যক বিদ্যালয়কে সাহায্য না দেওয়ায় ঐসব বিদ্যালয়তনের দুর্ভোগ; (ঘ) অনুমোদনের যোগ্যতা বিচার না করিয়া পাঠ্য পুস্তক অনুমোদন; (ঙ) স্কুল ফাইনাল পরীক্ষার জ্ঞান যেসব প্রশ্নপত্র রচনা করা হয়, সেগুলি যথোপযুক্ত পরীক্ষা করিয়া দেখার অসামর্থ্য; ইহার ফলে গুরুতর তুলক্রটি ঘটে এবং পাঠ্যসূচী বহির্ভূত প্রশ্নপত্র রচনা হয় ও কয়েকবার পরীক্ষা বন্ধ থাকে; (চ) প্রশ্নপত্রের গোপনীয়তা রক্ষার ব্যাপারে ব্যর্থতা; ইহার ফলে কয়েকটি বিষয়ে পরীক্ষা গ্রহণের পূর্বেই প্রশ্নপত্র ফাঁস হইয়া যায়।

গবর্নমেন্ট মনে করেন যে, ছাত্র ও মাধ্যমিক বিদ্যালয়সমূহের স্বার্থ রক্ষার খাতিরেই এ জাতীয় অবস্থা আর চলিতে দেওয়া অনুচিত। এই হেতু সরকার কলিকাতা হাইকোর্টের ভূতপূর্ব বিচারপতি শ্রীগোপেশনাথ দাস এম-এ, বি-এলকে পশ্চিমবঙ্গ মধ্যশিক্ষা পর্ষদের কার্য-পরিচালক নিযুক্ত করিয়াছেন। একটি অর্ডিন্যান্স-বলে নিযুক্ত কার্য-পরিচালক বখাশীজ ছাত্রসম্প্রদায় ও বিদ্যালয়তন-

সমূহের অসুবিধা এবং পূর্বেকার ক্রটিবিচ্যুতি দূর করার উদ্দেশ্যে ব্যবস্থা অবলম্বন করিবেন।

মাধ্যমিক শিক্ষা কমিশনের সুপারিশের ভিত্তিতে গবর্নমেন্ট মধ্য-শিক্ষা পর্ষৎ পুনর্গঠন করিতে ইচ্ছুক। এইসব সুপারিশ কেন্দ্রীয় শিক্ষা উপদেষ্টা পরিষদ অনুমোদন ও ভারত সরকার গ্রহণ করিয়াছেন।”

প্রাথমিক শিক্ষার পুনর্গঠন

পশ্চিমবঙ্গে প্রাথমিক শিক্ষাব্যবস্থার আশু পুনর্গঠনের প্রয়োজনীয়তার প্রতি সকলের দৃষ্টি আকর্ষণ করিয়া এক সম্পাদকীয় নিবন্ধে “মুর্শিদাবাদ সমাচার” পত্রিকা লিখিতেছেন যে, ব্রিটিশ আমলে প্রাথমিক শিক্ষা সরকারের নিকট হইতে যে বৈমাতৃশুলভ ব্যবহার পাইত রাষ্ট্রীয় স্বাধীনতা লাভের পরও তাহার বিশেষ পরিবর্তন হয় নাই।

প্রাথমিক শিক্ষাকে বাধ্যতামূলক করিবার প্রচেষ্টার ফলে পৌর-সভাগুলিতে ক্রমে ক্রমে বিনামূল্যে প্রাথমিক শিক্ষাদানের ব্যবস্থা হয়, গ্রামাঞ্চলেও পাঠশালা চালাইবার জন্ত জেলায় জেলায় স্কুল বোর্ড গঠিত হয়। আদায়ীকৃত শিক্ষা সেস হইতে প্রাপ্ত অর্থ স্কুল বোর্ডের মারফত প্রাথমিক শিক্ষার জন্ত ব্যয় হয়। কিন্তু স্কুলবোর্ডগুলি এমন ভাবে গঠিত বাহাতে প্রাথমিক শিক্ষার বাঞ্ছিত প্রসার হওয়া সম্ভব হয় নাই।

এই সকল অবস্থা বিবেচনা করিয়া পত্রিকাটি মাধ্যমিক শিক্ষা বোর্ডের মত একটি প্রাথমিক শিক্ষাবোর্ড গঠনের পরামর্শ দিয়াছেন। পত্রিকাটির মতে :

“প্রাথমিক শিক্ষাবোর্ড গঠিত হইলে তাহাতে প্রাথমিক শিক্ষকদের প্রতিনিধি থাকা উচিত এবং সেই সঙ্গে জেলা স্কুল বোর্ডগুলিতেও প্রাথমিক শিক্ষক প্রতিনিধিদের অবিলম্বে গ্রহণ করা দরকার। সেই কারণে স্কুল বোর্ডগুলির পুনর্গঠনের প্রয়োজন দেখা গিয়াছে। দেশে প্রাথমিক শিক্ষার উন্নতির জন্ত প্রাথমিক শিক্ষকদের সর্বাত্মক সহযোগিতা দরকার এবং সেই হেতু স্কুল বোর্ডে প্রাথমিক শিক্ষকদের প্রতিনিধি থাকা অবশ্যই প্রয়োজন। দেশে প্রাথমিক শিক্ষার খবরদারীর জন্ত জেলা স্কুল বোর্ডগুলি ঢালিয়া সাজার প্রয়োজন আছে। প্রায় দেখা যায় একই ব্যক্তি ইউনিয়ন বোর্ড, জেলা বোর্ড, স্কুল বোর্ড হইতে আরম্ভ করিয়া বিধানসভা পর্যন্ত সর্বত্র প্রতিনিধিত্ব করিতেছেন। এই জাতীয় প্রতিনিধিবর্গ স্কুল বোর্ডে থাকিয়া দেশে প্রাথমিক শিক্ষার প্রসারকল্পে আত্মনিয়োগ করিতে পারেন না, ইচ্ছা থাকিলেও তাঁহাদের সাধো কুলাইতে পারে না, সে কথা অবশ্যই বলা যায়।”

এই যুক্তি আমরাও সমীচীন মনে করি। যে টাকা শিক্ষা-সেবে আদায় হয় এবং তদুপরি সরকারী সাহায্য যতটুকু আসে, তাহার খরচ যথাযথ ভাবে হইলে প্রাথমিক শিক্ষা কিছু অগ্রসর হইতে পারে।

অবৈতনিক প্রাথমিক শিক্ষার প্রসার দেশব্যাপী তখনই হইবে যখন দেশের লোকে উহার মূল্য ও আবশ্যিকতা বুঝিবে। এখন

পর্যন্ত আমরা বুঝি শুধু দাবী করিতে। সবকিছুই চাই, কিন্তু সে সবই হইবে পরশ্রমেপদী, অর্থাৎ আমি কিছুই দিব না, নগদেও না শ্রমেও না, ইহা সুস্থ মনের লক্ষণ নহে।

স্পেশাল কেডার প্রাথমিক শিক্ষক

পশ্চিম বাংলার শিক্ষিত বেকার সমস্যা লাঘব করিবার উদ্দেশ্যে এবং জনসাধারণের নিরক্ষরতা দূরীকরণ কল্পে সরকার স্পেশাল কেডার প্রাথমিক শিক্ষক নিয়োগ করিবার সিদ্ধান্ত করেন এবং তদনুযায়ী বিভিন্ন জেলায় শিক্ষক নিয়োগের কোটা (quota) ঘোষণা করা হয় এবং গুণানুসারে শিক্ষকদের মাহিনাও ঘোষিত হয়।

মুর্শিদাবাদ জেলায় স্পেশাল কেডার শিক্ষকের সংখ্যা বরাদ্দ ছিল ৫৯৭ জন, এবং উক্ত সংখ্যক বিজ্ঞাপিত পদের জন্ত আবেদন করেন ২৬০০ শিক্ষিত যুবক—তাঁহাদের মধ্যে ৭ জন এম-এ ও এম-এসসি (ইহাদের মধ্যে একজন আবার আরবী ভাষায় প্রথম শ্রেণীর এম-এ); ১২৫ জন বি-এ; ২৫০ জন আই-এ এবং বাকী ম্যাট্রিক। কিন্তু পরে জানান হয় যে, ১৯৫৪ সালে মুর্শিদাবাদে মোট ৩৯২ জন প্রাথমিক শিক্ষক নিয়োগ করা হইবে। আরও জানা যায় যে, পূর্বে-ঘোষিত ১৫০টি নূতন প্রাথমিক বিদ্যালয়ের পরিবর্তে জেলাতে মাত্র ৫৫টি নূতন পাঠশালা খোলা হইবে।

এই সম্পর্কে এক সম্পাদকীয় প্রবন্ধে “মুর্শিদাবাদ সমাচার” লিখিতেছেন যে, সমগ্র পশ্চিমবঙ্গে কিছু সংখ্যক স্পেশাল কেডার প্রাথমিক শিক্ষক হিসাবে কাজ পাইয়াছেন সত্য তবে “তদনুযায়ী বর্ধমানের কতজন কাটিয়া পড়িয়াছেন তাহা সঠিক না জানিলেও কিছু যে কাটিয়া পড়িবার চেষ্টায় আছেন, তাহা স্থির নিশ্চিত।”

স্পেশাল কেডার শিক্ষকদের মাসিক বেতন সর্বপ্রকার ভাতাসহ ৫৫ টাকা। পত্রিকাটির মতে এত অল্প টাকা মাহিনায় এম-এ ও বি-এ প্রার্থীগণ অধিক দিন শিক্ষকতা করিবেন কিনা সে বিষয়ে স্বভাবতঃই সন্দেহ জাগে।

মুর্শিদাবাদ জেলায় এইরূপ শিক্ষক নিয়োগের ব্যাপারে বিশেষ পক্ষপাতিত্ব প্রদর্শন করা হইয়াছে বলিয়া উক্ত সম্পাদকীয় প্রবন্ধে মন্তব্য করা হইয়াছে। জেলা নিকাচকমণ্ডলীর সদস্য ছিলেন স্কুল বোর্ড, জেলা বোর্ড ও জেলা কংগ্রেসের তিন সভাপতি এবং জেলা বিদ্যালয় পরিদর্শক ও সমাজ শিক্ষা প্রাধিকারিক। পত্রিকাটি লিখিতেছেন : “গুনিয়াছি শিক্ষক নিয়োগের ব্যাপারে দুই জন সভ্য বাহা করিয়াছেন তাহাই হইয়াছে।” এক মহকুমার প্রার্থীকে অল্প মহকুমার কাজ দেওয়া হইয়াছে। ইহার ফলে প্রার্থী শিক্ষকগণ কত দূর পর্যন্ত কাজ চালাইয়া যাইতে পারিবেন সে বিষয়ে “মুর্শিদাবাদ সমাচার” বিশেষ সন্দেহান।

বর্ধমানের মহিলা কলেজ

পশ্চিমবঙ্গের স্ত্রীশিক্ষার বর্ধমানের স্তায় বর্ধমানেও বিদ্যালয়, ছাত্র ও ছাত্রীর সংখ্যা বৃদ্ধি পাইয়াছে। সঙ্গে সঙ্গে বালিকা বিদ্যালয়ের সংখ্যাও বাড়িতেছে। বর্ধমান শহরে দুইটি বালিকা বিদ্যালয়

আছে। কিন্তু ইহাদের উপর ছাত্রীসংখ্যার চাপ এত বেশি যে অনায়াসেই আরও একটি বালিকা বিদ্যালয় চলিতে পারে। উক্ত জেলার মফস্বল অঞ্চলের বিদ্যালয়গুলিতেও ছাত্রীসংখ্যা বৃদ্ধি পাইতেছে। কিন্তু বিদ্যালয় ও ছাত্রীসংখ্যা বৃদ্ধি পাইলেও শহরে একটি মহিলা কলেজের অভাবে অনেক ছাত্রীকে স্কুল ফাইনাল পরীক্ষা পাশ করিয়া ইচ্ছা ও অর্থ থাকা সত্ত্বেও পড়া বন্ধ রাখিতে হয়।

“বর্ধমানবাণী” এক সম্পাদকীয় প্রবন্ধে এই অবাঞ্ছনীয় পরিস্থিতির উল্লেখ করিয়া লিখিতেছেন, “বর্ধমানে একটি মহিলা কলেজের অভাব অনেক দিন হইতে অনুভূত হইতেছে। সম্প্রতি শহরের কয়েকজন বিশিষ্ট ব্যক্তি বর্ধমানে মহিলা কলেজ স্থাপনে উদ্যোগী হইয়াছেন দেখিয়া সুখী হইয়াছি।”

পত্রিকাটি বর্ধমান পৌর বালিকা বিদ্যালয়টিকে মহিলা কলেজে রূপান্তরিত করিবার পরামর্শ দিয়াছেন।

পত্রিকাটির সংবাদ অনুযায়ী দুই বৎসর পূর্বে পশ্চিমবঙ্গ সরকার নাকি ডিসপারসাল স্কীম অনুযায়ী উক্ত বালিকা বিদ্যালয়টিকে কলেজে রূপান্তরিত করার প্রস্তাব করিয়াছিলেন এবং তৎক্ষণাৎ প্রয়োজনীয় অর্থসাহায্য দিতেও সরকার স্বীকৃত হইয়াছিলেন, কিন্তু বিদ্যালয় কর্তৃপক্ষ তখন সে প্রস্তাবে সম্মত হন নাই।

বর্তমানে কয়েকজন পৌরসদস্যও মহিলা কলেজ প্রতিষ্ঠায় আশ্রয়িত হইয়াছেন দেখিয়া “বর্ধমানবাণী” আনন্দ প্রকাশ করিয়া লিখিতেছেন: “পৌর কর্তৃপক্ষ উদ্যোগী হইলে কলেজ স্থাপন সহজসাধ্য হইবে। পর্যাপ্ত স্থান যখন আছে তখন নূতন গৃহ নির্মাণের জগ্ন অর্থের অভাব হইবে না বলিয়া মনে করি।”

সরকার ডিসপারসাল স্কীম অনুসারে অর্থ সাহায্যে রাজী ছিলেন কিন্তু বিদ্যালয় কর্তৃপক্ষ সম্মত হন নাই জানিয়া আমরা আশ্চর্যান্বিত হইয়াছি। এমনকি সর্ব্ব ছিল যে ঐ সুযোগ গ্রহণ করা কর্তৃপক্ষের পক্ষে সম্ভব হয় নাই? বস্তুতঃ বাংলাদেশ স্ত্রীশিক্ষা বিষয়ে পিছাইয়া বাইতেছে। এ বিষয়ে প্রত্যেক জেলায় আন্দোলন হওয়া উচিত।

বিহারে বাংলাভাষা

বাংলা ভাষা লইয়া দীর্ঘকালব্যাপী বিহারে যে আন্দোলন চলিতেছে, এত দিনে পারম্পরিক আলোচনার দ্বারা তাহা মিটমাটের পক্ষে এক সম্ভাবনাময় পরিবেশ সৃষ্টি হইয়াছে বলিয়া জানা গিয়াছে। বিহারে বাংলা ভাষা সমস্যা সম্পর্কে আলোচনার জগ্ন এই প্রথম বিহারের মুখ্যমন্ত্রী ও পশ্চিমবঙ্গের মুখ্যমন্ত্রী ডাঃ বিধানচন্দ্র রায় অদূর ভবিষ্যতে এক সম্মেলনে মিলিত হইবেন।

পশ্চিমবঙ্গ রাজ্য কর্তৃপক্ষ বিহার সরকারের সহিত অতীতে কয়েকবারই বিহারে বাংলা ভাষার সমস্যা লইয়া আলাপ-আলোচনা উদ্যোগী হন; কিন্তু বিহার সরকার এইবার প্রথম এই সমস্যা সম্পর্কে আলোচনার জগ্ন পশ্চিমবঙ্গের মুখ্যমন্ত্রী ডাঃ বিধানচন্দ্র রায়ের আহ্বানে সাড়া দিয়াছেন। শিক্ষাপ্রতিষ্ঠানসমূহে ভাষা শিক্ষার যে সকল অসুবিধা রহিয়াছে, তাহা “দূর করার জগ্ন সর্ব্ববিধ চেষ্টা করা

দরকার” বলিয়া পশ্চিমবঙ্গ সরকার যে প্রস্তাব করিয়াছিলেন, বিহার সরকার তাহাতে সম্মত হইয়াছেন বলিয়া জানা গিয়াছে।

আশা করা যায়, এই আলোচনায় পশ্চিমবঙ্গের আয়তন প্রসারের বিপরীত কোনও সিদ্ধান্ত গৃহীত হইবে না।

সিংহলে মার্কিন অনুপ্রবেশ

প্রেস ট্রাষ্ট অব ইণ্ডিয়া'র এক সংবাদে প্রকাশ, মার্কিন যুক্তরাষ্ট্র নাকি সিংহল সরকারকে সাহায্য দিবার প্রস্তাব করিয়াছেন। প্রস্তাবের সর্ব্ব হইল—সিংহল সরকারকে চীনের সহিত বাণিজ্য বন্ধ করিয়া দিতে হইবে।

স্মরণ থাকিতে পারে যে, ১৯৫২ সালে আন্তর্জাতিক বাজারে রবারের দাম অত্যধিক পড়িয়া যাওয়ায় মার্কিন সরকারের তীব্র বিরোধিতা এবং নানাবিধ ছমকি সত্ত্বেও সিংহল সরকার চীনের সহিত এক বিনিময়-বাণিজ্য চুক্তিতে আবদ্ধ হন। তাহাতে স্থির হয় যে, চীন সিংহলকে চাউল দিবে এবং পরিবর্তে সিংহল চীনে রবার দিবে। এশিয়া ও দূর প্রাচ্যের অর্থনৈতিক কমিশনের রিপোর্টে বলা হয় যে সিংহলের পক্ষে এই বাণিজ্যে বিশেষ উপকার হয়। প্রথমতঃ তাহার প্রধান রপ্তানী দ্রব্য রবারের একটি বাজার মিলে এবং দ্বিতীয়তঃ চীন হইতে অপেক্ষাকৃত সস্তা দরে চাউল পাওয়ায় সিংহলের তৎকালীন খাদ্যসঙ্কটের তীব্রতা হ্রাস পায়।

মার্কিন সরকারের সাম্প্রতিক প্রস্তাবে সিংহলের রাজনৈতিক মহলে প্রবল আলোড়নের সৃষ্টি হইয়াছে। পর্যবেক্ষকগণ মনে করেন যে সিংহল সরকার যদি এই প্রস্তাবে স্বীকৃত হন, তবে সিংহলের বর্তমান সরকারী দল এবং মন্ত্রীসভার মধ্যে ভাঙন দেখা দিবে। বহু বেসরকারী মহল হইতে এই মার্কিন প্রস্তাবের নিন্দা করা হইয়াছে। তবে সরকারীভাবে এই প্রস্তাবের কথা স্বীকার বা অস্বীকার কোন কিছুই করা হয় নাই।

ভারত ও আণবিক শক্তি নিয়ন্ত্রণ

“১০ই মে—আণবিক শক্তি নিয়ন্ত্রণের জগ্ন আমেরিকার সর্ব্বশেষ প্রস্তাব সম্পর্কে ভারতের প্রতিক্রিয়া ব্যাখ্যা করিয়া প্রধানমন্ত্রী লীনেহরু আজ পার্লামেন্টে বলেন, সৈন্স বা রফী নিয়োগ লাইসেন্স প্রদান, পনি, কলকারখানা ও কাঁচমালের মালিকানা এবং নিয়ন্ত্রণ ও কোন্ কোন্ দেশের আণবিক শক্তি থাকা বাঞ্ছনীয় তাহা স্থির করার অধিকার সহ, অগ্নাগ্ন দেশের উপর ব্যাপক ক্ষমতাসম্পন্ন রাষ্ট্রসভ্য হইতে স্বতন্ত্র একটি আন্তর্জাতিক সংস্থা গঠনের জগ্ন আমেরিকা সর্ব্বশেষ যে প্রস্তাব করিয়াছে সম্ভাবনার দিক হইতে উহা বাঞ্ছনীয় নহে।

গত বৎসর ডিসেম্বর মাসে রাষ্ট্রসভ্যে বক্তৃতা প্রসঙ্গে প্রেসিডেন্ট আইসেনহাওয়ার আন্তর্জাতিক আণবিক ভাণ্ডার গঠনের যে প্রস্তাব করিয়াছিলেন তাহার উল্লেখ করিয়া প্রধানমন্ত্রী বলেন, আমরা জগতের লোকের সমবেত কল্যাণের জগ্ন ইহাতে প্রস্তুত আছি, এজন্য আমাদের স্বাধীন কর্মপন্থাও সীমাবদ্ধ করিতেও প্রস্তুত আছি,

কিন্তু এই আন্তর্জাতিক সংস্থার উপর কয়েকটি দেশের আধিপত্য বাহনীয় নহে।

শান্তিपूर्ण কাজে আণবিক শক্তি নিয়োগ সম্পর্কে আজ লোক-সভায় ডাঃ মেঘনাদ সাহার প্রস্তাবক্রমে দুই ঘণ্টা যে আলোচনা চলে তাহারই উত্তর দান প্রসঙ্গে শ্রীনেহরু এই মন্তব্য করেন।

প্রধান মন্ত্রী শ্রীনেহরু ডাঃ মেঘনাদ সাহার অধিকাংশ প্রস্তাবের সহিত এক মত হন এবং বলেন—“আমরা আণবিক শক্তি ও অগ্নাশ্রু মারণাস্ত্র নিষিদ্ধ করার, আণবিক শক্তি নিয়ন্ত্রণ এবং শান্তিपूर्ण উদ্দেশ্যে উহার ব্যবহারের পক্ষপাতী। কিন্তু অসুবিধা এই যে, উহা নিয়ন্ত্রণ করা হইবে কি উপায়ে? আমাদের কাঁচামাল ও খনি-গুলি বাহিরের কোন কর্তৃত্বসম্পন্ন সংস্থার হাতে ছাড়িয়া দিতে রাজী হওয়া আমাদের পক্ষে ঠিক হইবে না।”

প্রধানমন্ত্রী আরও বলেন, প্রেসিডেন্ট আইসেনহাওয়ারের মোটামুটি দৃষ্টিভঙ্গীর সহিত আমরা একমত। উহাতে উদারতা-ব্যঞ্জক মনোভাবের পরিচয়ও আছে, কিন্তু তাঁহার প্রস্তাবগুলি অস্পষ্ট। ভারত এবং এশিয়ার ও আফ্রিকার অন্যান্য যে সব দেশে আণবিক শক্তির অভাব আছে সেগুলির পক্ষে শান্তিपूर्ण কাজে আণবিক শক্তি নিয়োগের প্রশ্নটি অধিকতর গুরুত্বপূর্ণ। বাহাদের যথোপযুক্ত পরিমাণ শক্তি আছে নিয়ন্ত্রণ ব্যবস্থায় তাহাদের সুবিধা হইতে পারে। কিন্তু আমাদের পক্ষে ইহা নিয়ন্ত্রিত হওয়া বা বন্ধ হওয়া অসুবিধাজনক। আন্তর্জাতিক আণবিক ভাণ্ডার গঠনের সুবিধাজনক একটা উপায় খুঁজিয়া বাহির করিতে পারিলে আমরা সুখা হইব।

“১০ই মে—আজ বিজ্ঞানশাস্ত্রবিৎ রাজনীতিক ডাঃ মেঘনাদ সাহা লোকসভায় জন-কল্যাণমূলক কার্যে আণবিক শক্তির প্রয়োগ সম্বন্ধে গুরুত্বপূর্ণ বিতর্কের অবতারণা করিয়া বলেন যে, এই দেশে আণবিক শক্তি উৎপাদনের ভবিষ্যৎ উজ্জ্বল।

এই সম্পর্কে ডাঃ সাহা নিম্নলিখিত চারিটি বিশেষ প্রস্তাব করেন : (১) আণবিক শক্তি উৎপাদন সংস্থাকে ব্যাপক ভিত্তির উপর প্রতিষ্ঠিত করা ; (২) কাঁচামাল আহরণের জগৎ বড় একদল পূর্ণ যোগ্যতাসম্পন্ন ভূতত্ত্ববিৎ নিয়োগ ; (৩) বর্তমান আণবিক শক্তি আইন বাতিল করা এবং বর্তমান আইনে গোপনতা রক্ষার যে বিধান আছে, নূতন আইন হইতে তাহা বাদ দেওয়া ; এবং (৪) যথোপযুক্ত তহবিল গঠন (অনুতঃ ২০ কোটি টাকা)।

তিনি বলেন যে, মার্কিন যুক্তরাষ্ট্র আণবিক শক্তি কমিশন খাতে বাজেটে প্রায় দুই শত কোটি ডলার (অর্থাৎ ভারতের সমগ্র জাতীয় বাজেটের সমান) বরাদ্দ করা হইয়াছে। ব্রিটেন ঐ বরাদ্দ বরাদ্দের পরিমাণ মার্কিন বাজেটের শতকরা প্রায় দশ ভাগ এবং ফ্রান্সে উহা ব্রিটিশ বাজেটের প্রায় এক-দশমাংশ।

আণবিক অস্ত্র লইয়া পৃথিবীব্যাপী উত্তেজনা এবং আণবিক অস্ত্রসজ্জা লইয়া পৃথিবীর দুইটি প্রধান রাষ্ট্রগোষ্ঠীর প্রতিযোগিতার কথা উল্লেখ করিয়া ডাঃ সাহা বলেন, “প্রামাণিক নূত্র হইতে বলা

হইয়াছে যে, সম্ভবতঃ মার্কিন যুক্তরাষ্ট্রের ছয় হাজার আণবিক বোমা তৈয়ার করিবার মত ফিশন (আণবিক বিভাজন) যোগ্য উপাদান আছে এবং সোভিয়েট রাশিয়ায় আছে তিন শত বোমা তৈয়ার করিবার মত উপাদান। কিন্তু সোভিয়েট রাশিয়ার আণবিক বোমা উৎপাদনের হার নাকি মার্কিন যুক্তরাষ্ট্রের তুলনায় বেশী। বর্তমানে ‘ফিশন’যোগ্য যে উপাদান হাতে আছে, তাহাতে কয়েক বৎসরের জগৎ পৃথিবীর তাপ-শক্তি ব্যবহারের কাজ চলিয়া যাইবে। কিন্তু কয়লা বা পেট্রলিয়াম পুড়াইয়া শক্তি উৎপাদনের কিংবা জলবিদ্যুৎ উৎপাদনের যে ব্যবস্থা বর্তমানে রহিয়াছে, খরচের দিক দিয়া তাহার সঙ্গে পাল্লা দেওয়ার মত আণবিক শক্তি উৎপাদনের প্রণালী আবিষ্কারের জগৎ আমাদেরকে আরও বৎসর দশেক অপেক্ষা করিতে হইবে। অতএব আমাদের সম্মুখে সঞ্চিত আণবিক শক্তির উপাদানগুলি কাজে লাগানোর এমন একটি পথ খোলা আছে, যেখানে খরচের জগৎ পরোয়া করা হইবে না। যথা : আমরা ঐ উপাদানগুলি দ্বারা আণবিক অস্ত্র উৎপাদন করিতে পারি এবং সাবমেরিন চালাইবার জগৎ আণবিক শক্তি উৎপাদক যন্ত্র চালাইতে পারি। এই কাজ অক্ষুণ্ণভাবে চলিতে পারে। একটি উচ্চশক্তি-সম্পন্ন আণবিক যুক্ত-জাহাজবহর তৈয়ার করিবার কল্পনাও একটা রহিয়াছে। এই সঞ্চিত আণবিক উপাদানগুলি যুদ্ধে ব্যবহৃত না হইলে বৎসরের পর বৎসর এগুলির পরিমাণ বৃদ্ধি পাইতে থাকিবে। তখন এইগুলি দিয়া কি কাজ হইবে, এই প্রশ্ন থাকিয়াই যাইতেছে।”

ক্ষুদ্র ক্ষুদ্র দেশের জন্য নিরাপত্তার ব্যবস্থা

জেনেভা সম্মেলনের উদ্দেশ্য কি এবং সেখানে মিলিত শক্তি-গোষ্ঠীরই বা উদ্দেশ্য কি, এই প্রশ্নের উত্তর ব্রিটিশ ইনফরমেশন সার্ভিস নিম্নে উদ্ধৃত প্রবন্ধে দিয়াছেন :

“জেনেভা সম্মেলনে আলোচনার যে জটিল রূপ প্রত্যক্ষ করা যাইতেছে ইহা আরও জটিল হইতে বাধ্য যদি সম্মেলন দীর্ঘস্থায়ী হয়—তাহার পরিপ্রেক্ষিতে সাধারণের মনে এই প্রশ্নই জাগে বৃহৎ শক্তিগোষ্ঠীর বর্তমান নীতির মূল উদ্দেশ্য কি ?

“সম্মেলনে ব্রিটেনের উদ্দেশ্য কিন্তু সত্যসত্যই অত্যন্ত সহজ ও সরল। ব্রিটেনের উদ্দেশ্য আন্তর্জাতিক নিরাপত্তার এমন এক কাঠামো গড়িয়া তোলা যাহার মধ্যে ক্ষুদ্র ক্ষুদ্র দেশ অগ্নাশ্রু বৃহৎ দেশগুলির গ্নায় নিজেদের নিরাপদ বোধ করিতে পারিবে। বর্তমান ক্ষেত্রে যে ক্ষুদ্র দুইটি দেশের কথা বিবেচনা করা হইতেছে তাহারা হইল কোরিয়া ও ইন্দোচীন।

“এই যে সমস্যা, কিভাবে বৃহৎ বৃহৎ সাম্রাজ্য এবং ক্ষুদ্র ক্ষুদ্র জাতি পাশাপাশি শান্তিपूर्णভাবে বাস করিতে পারে—তাহা আজিকার সমস্যা নয়, এই সমস্যা বহুকাল ধরিয়া মানুষের মনকে আন্দোলিত করিয়া আসিয়াছে। বৃহৎ বৃহৎ সাম্রাজ্যকে দেখা গিয়াছে ক্ষুদ্র ক্ষুদ্র প্রতিবেশী রাজ্যকে গ্রাস করিবার জন্য সর্বদা উৎসুক। অথচ ইতিহাসে দেখা যায় সভ্যতার ক্ষেত্রে এই ক্ষুদ্র দেশগুলির দান

সামান্য নয়, তাহারা এই দিক দিয়া যে-কোন বৃহৎ সাম্রাজ্যের সহিত তুলনীয় হইতে পারে। এথেন্স, ফ্লোরেন্স, হল্যাণ্ড, এলিজাবেথান ইংলণ্ড এবং সেই সঙ্গে দক্ষিণ-পূর্ব এশিয়ার কয়েকটি দেশের কথা এসম্পর্কে উল্লেখ করা বাইতে পারে।

“উপরন্তু বিশ্বশান্তির জগৎ প্রয়োজন আছে এই সকল দেশকে রক্ষা করিবার। ক্ষুদ্র ক্ষুদ্র দেশের নিরাপত্তার অভাবই বরাবর মহাযুদ্ধের কারণ হইয়া আসিয়াছে। নিরাপত্তার এই অভাবই বৃহৎ শক্তিবর্গকে প্ররোচিত করিয়া থাকে পরস্পরের বিরুদ্ধে সংঘর্ষ বাধাইয়া তুলিতে। ১৯১৪-১৮ সালে যুদ্ধ বাধিয়া উঠে ক্ষুদ্র ক্ষুদ্র বলকান রাষ্ট্রের উপর প্রভূত বিস্তার সম্পর্কে অষ্ট্রিয়া ও রাশিয়ার মধ্যে প্রতিযোগিতার জন্ম।

“১৯১৪ সালের যুদ্ধ এবং দ্বিতীয় বিশ্বযুদ্ধের পর আমরা উপলব্ধি করিতে পারি যে, শান্তির জগৎ প্রয়োজন আছে যৌথ ব্যবস্থা। আক্রমণকারীকে রোধ করিবার শ্রেষ্ঠ পন্থা হইল আক্রমণকারীকে বুঝাইয়া দেওয়া যে তাহার এই আক্রমণ প্রতিরোধের চেষ্টা যেমন আক্রান্ত ক্ষুদ্র দেশটি করিবে তেমনই করিবে অল্প সকল ক্ষুদ্র ও বৃহৎ শক্তি বাহারা মনে করে আইনের শাসন আন্তর্জাতিক ক্ষেত্রে শেষ হইয়া যায় নাই। ইহাই ছিল লীগ অব নেশনসের বিধান এবং রাষ্ট্রসংঘের সনন্দের একটা উদ্দেশ্য। বিধান ব্যর্থ হয়। সনন্দ ফলপ্রসূ হয় যদিও আংশিক ভাবে।

“ইহা স্বীকার না করিয়া আজ উপায় নাই যে কোরীয় যুদ্ধের মধ্য দিয়া এই যৌথ নিরাপত্তার ব্যবস্থার পরীক্ষা হইয়া গিয়াছে। আক্রমণকারীরা বিস্মিত হয় যখন রাষ্ট্রসংঘ দক্ষিণ কোরিয়ার বিরুদ্ধে আক্রমণ প্রতিরোধের জগৎ অগ্রসর হয়। যুদ্ধে ক্ষতি হয় যথেষ্ট, কিন্তু রাষ্ট্রসংঘ তাহার কর্তব্য পালন করিতে ক্রটি রাখে নাই। আক্রমণকারীদের হটাইয়া দেওয়া হয় ৩৮ অক্ষরেখার উপর পাবে। তাহাদের এই কথা আরও স্পষ্ট বুঝাইয়া দেওয়া হয় যে, অগ্গকে আক্রমণ করার মধ্যে আজ আর লাভের কোন আশা নাই।

“এই শিক্ষাই যথেষ্ট হয় বিশেষভাবে তাহাদের ভবিষ্যৎ আক্রমণাত্মক কার্যকলাপ সম্পর্কে। কোরীয় যুদ্ধে রাষ্ট্রসংঘ অংশ গ্রহণ না করিলে অগ্নিদিকেও হয়ত এত দিনে যুদ্ধ বাধিয়া উঠিত। ইহা সত্য বটে যে চীনারা ইন্দোচীনে সাহায্য করিয়া আসিতেছে, কিন্তু ইন্দোচীনের অবস্থা অগ্নরূপ। কোরিয়ার দৃষ্টান্ত এক্ষেত্রে না থাকিলে চীনা সেনাবাহিনী কি প্রকাশ্যভাবে ইন্দোচীনের যুদ্ধে অংশ গ্রহণ করিত না ?

“কোরিয়ার যুদ্ধ সেইজন্ম আক্রমণকারী সাম্রাজ্যগুলিকে এই শিক্ষাই দিয়াছে। কিন্তু এই সকল দেশকে এইভাবে ছাড়িয়া দিলে চলিবে না। তাহাদের স্বাধীনতাই তাহাদের শাস্তিতে থাকার পক্ষে যথেষ্ট হইবে না, তাহাদের সুপ্রতিষ্ঠিত করিতে হইবে—ইহার অর্থ হইল বিশ্বের স্বার্থের দিকে লক্ষ্য রাখিয়া তাহাদের অবস্থার উন্নতির জগৎ চেষ্টা করিতে হইবে যাহাতে দেশবাসীর মধ্যে কোথাও কোনরূপ অসন্তোষের ভাবনা থাকে। হুর্কল, বিশৃঙ্খল এবং অসন্তুষ্ট দেশগুলিই শেষ পর্যন্ত সমস্ত গণগোলের মূল হয়। তাহারা বাহিরের লোক আক্রমণকারীদের দৃষ্টি আকর্ষণ করে।

“জেনেভা সম্মেলনের সম্মুখে যে সমস্তা রহিয়াছে তাহা কেবল যুদ্ধ শেষ করিবার সমস্তা নয়, কোরিয়া ও ইন্দোচীনের ভবিষ্যৎ গঠনের সমস্তাও এই সম্মেলনের চিন্তার বিষয়। তাহাদের এমনভাবে পুনর্গঠিত করিতে হইবে যাহাতে তাহাদের পক্ষে স্বাধীন থাকিয়া এবং আভ্যন্তরীণ সুখশান্তি বজায় রাখিয়া আক্রমণ প্রতিরোধের শক্তি অর্জন করা সম্ভব হয়। সম্মেলনে ব্রিটেনের মূল লক্ষ্য ইহাই।

“স্বাধীন এশিয়ার দেশগুলিরও ইহাই লক্ষ্য। ভারত, পাকিস্তান, সিংহল, বর্মা ও ইন্দোনেশিয়ার প্রধান মন্ত্রীদের কলম্বো সম্মেলন জেনেভা সম্মেলনের পূর্বে পরিকল্পিত হইলেও আশ্চর্য্যভাবে জেনেভা সম্মেলনের সহিত প্রায় একই সময় অঘুষ্ঠিত হয়। কলম্বো সম্মেলনে এশীয় জাতিপুঞ্জ এই ইচ্ছাই প্রকাশ করে যে, প্রত্যেক জাতির, ক্ষুদ্র হউক কিংবা বৃহৎ হউক, অধিকার আছে স্বাধীন ভাবে নিজের নিজের ভাগ্য নির্ধারণের, এই ভাগ্য নির্ধারণের ক্ষেত্রে বৃহৎ জাতিপুঞ্জের ও সেনাবাহিনীর হস্তক্ষেপ বাঞ্ছনীয়।”

অপহৃত নারী উদ্ধার

দেশবিভাগের সময় নারীজাতির উপর যে অকথ্য অত্যাচার হইয়াছে সে পাপের প্রায়শ্চিত্ত কোনদিনই হইবে না। প্রতিকারের শেষ চেষ্টা এইবার হইবে এইরূপ সংবাদ নিয়ে প্রকাশিত হইল :

“নয়াদিল্লী, ৮ই মে—অপহৃত নারীদের উদ্ধারের জন্য এখানে তিন দিবসব্যাপী পাক-ভারত বৈঠক আজ সমাপ্ত হইয়াছে। ভারত ও পাকিস্তানে অপহৃত নারীদের উদ্ধার সংক্রান্ত যে সকল কাজ বাকী রহিয়াছে, সেগুলির পরিমাণ নির্ধারণ এবং উভয় দেশে উদ্ধার-কার্য্য দ্রুত সমাপ্ত করার জন্য কি কি ব্যবস্থা অবলম্বন করা উচিত, সে সম্বন্ধে দুই সরকারকে পরামর্শ দানের জন্য একটি যুক্ত তথ্যানির্ধারণ কমিশন গঠন এই বৈঠকে গৃহীত প্রধান সিদ্ধান্তগুলির মধ্যে অন্যতম।

বৈঠকের পর একটি যুক্ত বিজ্ঞপ্তিতে জানান হইয়াছে যে, উদ্ধার-কার্য্যের পরিমাণ নির্ধারণের কাজ দুই জন উচ্চ ক্ষমতাসম্পন্ন সরকারী কর্মচারীর উপর গৃহীত হইবে বলিয়া স্থির হইয়াছে। ছয় মাসের মধ্যে উদ্ধারকার্য্যের পরিমাণ নির্ধারণের কাজ শেষ করিতে হইবে। অপহৃত নারীদের নামের তালিকার সত্যাসত্য যুক্তভাবে দ্রুত নির্ধারণের জন্য অবিলম্বে একটি কার্য্যক্রম রচনা সম্পর্কেও সিদ্ধান্ত হইয়াছে।

অপরাধ মার্জনার জন্য নির্দিষ্ট মেয়াদ অস্ত্রে অপহরণকারীদের শাস্তিদান করা হইবে, এই মর্মে একটি ধারা সংযোগ করিয়া উদ্ধার-কার্য্য সংক্রান্ত বর্তমান আইন সংশোধন তথ্যানির্ধারণ কমিশনের অন্যতম কাজ হইবে।

অপহৃত নারীরা যে দেশ হইতে অপহৃত হইয়াছে, সেই দেশে পুনঃপ্রতিষ্ঠার পূর্বে তাহাদের মনের ইচ্ছা জানা যে দরকার, বৈঠকে তাহা স্বীকৃত হইয়াছে এবং কিভাবে অপহৃতাদের মনোভাব নির্ধারণ করা হইবে বৈঠকে তাহার একটা পদ্ধতি রচিত হইয়াছে।”

কলিকাতায় মৌলবী ফজলুল হক

পূর্ব পাকিস্তানের মুখ্যমন্ত্রী মৌলবী ফজলুল হক সম্প্রতি কয় দিন কলিকাতায় থাকিয়া গিয়াছেন। সেই সময় বহু ব্যক্তি ও বহু সংস্থা ও প্রতিষ্ঠান তাহার সর্ষদনা ও অভিনন্দন করেন। ফজলুল

হক সাহেব তাঁহার ষাভাবিক হৃদয়তার সহিত ঐ সকল অহুষ্ঠানে উপস্থিত হইয়া তাঁহার সম্প্রীতি জ্ঞাপন করেন।

তাঁহার বক্তব্যের মধ্যে নানা অর্থ নানা লোকে সংগ্রহ করিয়াছেন। বলা বাহুল্য প্রকৃত অর্থ হক সাহেবই দিতে পারেন এবং যথাসময়ে দিবেন। সংবাদপত্রে তাঁহার উক্তি যাহা প্রকাশিত হইয়াছে তাহার কিছু আমরা নীচে দিলাম :

“দেশ বিভাগ সম্পর্কে তাঁহার মতামত ব্যক্ত করিতে বাইয়া পূর্ববঙ্গের মুখ্যমন্ত্রী জনাব হক জোর দিয়া বলেন যে, তিনি কোন দেশেরই রাজনৈতিক ব্যবচ্ছেদে বিশ্বাস করেন না। ভারত ও পাকিস্থানের অধিবাসীরা যদি দেশের প্রতি তাঁহাদের কর্তব্য মনে রাখিয়া দেশের অবস্থার উন্নতির জন্ত চেষ্টা করেন তাহা হইলে পৃথিবীর কোন শক্তি আমাদের বিভক্ত করিতে পারিবে না। হক সাহেব বলেন যে, ভারতকে যাহারা বর্তমানের ছায় অর্থহীন ভাবে ভাগ করিয়াছে তাহাদের তিনি দেশের শত্রু বলিয়া মনে করেন। তাঁহার মতে পাকিস্থানের কোন অর্থ হয় না। উহার একমাত্র অর্থ হইতে পারে, মুসলমানদের মনে এই ধারণার সৃষ্টি করা যে তাহারা মেঘলোক হইতে আসিয়াছে এবং দেশের জন্ত তাহাদের কিছুই করিবার নাই। তিনি এই মনোভাবে বিশ্বাসী নহেন।

“তিনি বলেন যে, অবিভক্ত বাংলার মুখ্যমন্ত্রীর পদত্যাগ করিবার ১১ বৎসর পরে তিনি পুনরায় পূর্ববঙ্গের মুখ্যমন্ত্রীর পদে অভিষিক্ত হইয়াছেন। এই সময়ের মধ্যে পাকিস্থানের ঘটনাস্রোত অথবা ভারতের প্রতি পাকিস্থানের নীতি পরিবর্তন করিবার ক্ষমতা তাঁহার ছিল না। বর্তমানে তিনি সবেমাত্র কাজ আরম্ভ করিয়াছেন এবং ভারত ও পাকিস্থানের যুক্ত ইতিহাস সৃষ্টির ব্যাপারে তাঁহার কর্তব্য সম্পর্কে তিনি সচেতন আছেন। ভারত ও পাকিস্থানের মিলিত ভূখণ্ডে ভবিষ্যতে সকল রাজনৈতিক পরিস্থিতিতে তিনি যে অংশ গ্রহণ করিবেন তাহাতে শরৎ চন্দ্র বসু ও নেতাজীর শিক্ষা তাঁহাকে পরিচালিত করিবে। বিশ্বসভায় ভারত ও পাকিস্থানকে মর্যাদার আসনে প্রতিষ্ঠিত করিবার কার্যে তিনি ভারতের নেতৃবৃন্দের সহিত সহযোগিতা করিবেন।

“তিনি আরও বলেন যে, পূর্ববঙ্গের মুসলমান সাম্প্রদায়িক নহে। তাহারা দরিদ্র ও অজ্ঞ; কিন্তু তাহাদের দৃঢ়তা আজ মুসলিম জীগকে পরাজিত করিয়াছে। তাহাদের ঠিক পথে পরিচালিত করিবার জন্ত একজন উপযুক্ত নেতা দরকার এবং উপযুক্ত নেতা পাইলে তাহারা বহু বিরাট কার্য সম্পাদন করিতে পারিবে।”

“পূর্ববঙ্গের মুখ্যমন্ত্রী জনাব ফজলুল হক রবিবার কলিকাতায় এক সম্বর্ধনার উত্তরে বলেন, তাঁহার জীবনের শেষ বয়সে আর কোন আশা নাই, শুধু দুই বাংলার মধ্যে যে বাধা-নিষেধ তাহা যে বাস্তব নহে—স্বপ্ন ও ঘোঁকা মাত্র—সেই ভাব যেন তিনি সৃষ্টি করিয়া বাইতে পারেন। এই উদ্দেশ্য সিদ্ধির জন্ত তিনি সকলের আশীর্ব্বাদ কামনা করিতেছেন।

“সোমবার যাত্রা নেতাজী ভবনে শরৎ চন্দ্র বসু একাডেমী কর্তৃক

প্রদত্ত এক সম্বর্ধনার উত্তরদানপ্রসঙ্গে পূর্ব পাকিস্থানের মুখ্যমন্ত্রী মিঃ এ. কে. ফজলুল হক বলেন, পৃথিবীর বিভিন্ন জাতির মধ্যে যে রাজনৈতিক পরিবর্তন সাধিত হইতে চলিয়াছে, ভারতকে যদি উহাতে অংশ গ্রহণ করিতে হয়, তাহা হইলে তিনি ভারতের এই অংশের নেতৃবৃন্দের সহিত একযোগে দণ্ডায়মান হইয়া ভারতকে বিশ্বের দরবারে যোগ্য আসনে অধিষ্ঠিত করার জন্ত চেষ্টা করিবেন।

“মিঃ হক বলেন যে, তিনি একটি দেশের ‘রাজনৈতিক বিভাগ’ বিশ্বাস করেন না। তাঁহার মতে ভারতের অস্তিত্ব সমগ্রভাবেই বিদ্যমান রহিয়াছে। তিনি দেশ বিভাগকে কৃত্রিম বিভাগ বলিয়া মন্তব্য করেন।”

ঢাকা, ৯ই মে—পূর্ববঙ্গের মুখ্যমন্ত্রী জনাব ফজলুল হক সংবাদপত্রে নিম্নলিখিত বিবৃতি দিয়াছেন :

‘আমি দেখিয়া বিস্মিত হইলাম যে, স্বার্থসংশ্লিষ্ট ব্যক্তিগণ ও রাজনৈতিক দিক হইতে আমার বিরুদ্ধ পক্ষের লোকেরা তাঁহাদের উদ্দেশ্য সিদ্ধ করিবার জন্ত পূর্বাণব সম্পর্কসূত্র হইতে বিচ্ছিন্ন করিয়া আমার বক্তৃতার এক একটি বাক্য পড়িয়াছেন এবং পাকিস্থানে আমার বিশ্বাস নাই, এই বলিয়া নিন্দা করিবার চেষ্টা করিয়াছেন।

“আমি প্রকৃতপক্ষে যাহা বলিয়াছিলাম তাহা এই যে, রাজনৈতিক ভাবে কোন দেশকে বিভক্ত করিলেই তাহাতে উভয় অংশের পারস্পরিক সংযোগ, মৈত্রী এবং পরস্পরের উপর নির্ভরশীলতার ভিত্তি দুর্ব হইয়া যায় না। পাকিস্থান ও হিন্দুস্থানের মধ্যে কোন সম্পর্ক থাকিবে না, কোন ব্যবসা-বাণিজ্য থাকিবে না, এইরূপ অবস্থার কথা আমার পক্ষে ধারণা করা অসম্ভব। আমি যখন পারস্পরিক যোগাযোগের উপকারিতার কথা বলিয়াছিলাম, তখন পাকিস্থান-হিন্দুস্থানের মধ্যে এই ব্যবসা-বাণিজ্যের সম্পর্ক ও পারস্পরিক নির্ভরতার কথাই বুঝাইতে চাহিয়াছিলাম। আজ হিন্দুস্থান এবং পাকিস্থান দুইটি পৃথক ও সার্বভৌম রাষ্ট্রে পরিণত হইয়াছে, ইহা বাস্তব সত্য। এই দুই দেশের অধিবাসীরাই বৃষ্টিতে পারিয়াছে যে, তাহাদের পারস্পরিক মঙ্গলের জন্তই উভয় দেশের মধ্যে সহযোগিতা প্রয়োজন। পৃথিবীর কোন শক্তিই তাহাদের এই মৈত্রী ও পারস্পরিক নির্ভরশীলতা নষ্ট করিয়া দিতে পারে না।

“আমি ভারতীয় সংবাদপত্রগুলি দেখি নাই। আমার কলিকাতার প্রদত্ত বক্তৃতাবলীর কোন কোন অংশ সংবাদপত্রগুলি ব্যবহার করিয়াছে বলিয়া শুনিয়াছি।

“আমি ইহাই বলিতে চাহিয়াছি যে, পারস্পরিক বুঝাপড়ার ভিত্তিতেই উভয় দেশের কল্যাণ সম্ভব হইবে। আমি ব্যর্থতার একথা বলিয়াছি যে, ভারত এবং পাকিস্থান এখন রাজনৈতিক ও ভৌগোলিক দিক হইতে বাস্তব সত্য। পাকিস্থানের সার্বভৌমত্ব একথা যে কোন প্রকৃত পাকিস্থানীর মত আমিও বন্ধ করিব। আমার এই সব প্রতিশ্রুতি সত্ত্বেও যাহারা আমার কথার বিকৃত অর্থ করিয়াছে, পাকিস্থানের নাগরিকগণ সেই সব ব্যক্তির উদ্দেশ্য-

প্রণোদিত প্রচারকার্যে বিশ্বাস করিবেন না, ইহাই শুধু আমি বলিতে পারি।”

মৌলানা ভাসানীর মন্তব্য

সোমবারের (১০ই মে) ‘ষ্টেটসম্যান’ ষ্টাফ রিপোর্টার প্রদত্ত একটি সংবাদ আছে যাহা কলিকাতার অল্প দৈনিকে ঐ দিন ছিল না। উহার বিষয়বস্তু মৌলানা ভাসানীর এক বিবৃতি। ঐ বিবৃতি ৭ই মে রাত্রে ঢাকায় প্রদত্ত হয়। বিবৃতিটি কলিকাতায় মৌলানী, ফজলুল হকের বক্তৃতা ও মন্তব্য সম্পর্কে দেওয়া হয় এবং উহার ভাবার্থ এইরূপ :

“যাহা কথিত হইয়াছে তাহার কৈফিয়ত বা সাফাই হিসাবে যাহাই বলা হউক, তাহাতে যে ক্ষতি ও অনর্থের সৃষ্টি হইয়া গিয়াছে তাহার বিষয় উপশম হইবে না। আমরা পাকিস্থানের জগৎ বহু শ্রম ও অশেষ কোরবানী করিয়াছি এবং কোনও সাক্ষাৎ পাকিস্থানী ভারতের রাষ্ট্রনৈতিক বিভাজনের বিষয়ে হালকাভাবে কথা বলিতে পারে না। ইতিহাসের নজীরে ভারত কখনও অখণ্ড রাষ্ট্র ছিল না। উহার তথাকথিত ঐক্য সাম্রাজ্যবাদী মুঘল ও ব্রিটিশরাজের সৃষ্টি এবং উহার উদ্দেশ্য ছিল সাম্রাজ্যবাদের রীতি অনুযায়ী এই ক্ষুদ্র মহাদেশের বিভিন্ন ছোট ছোট জাতির ও বর্ণের শোষণ ও শাসন।”

মৌলানা আরও বলেন, “পাকিস্থানের ভিত্তি হইল উৎপীড়িত জাতির স্বাভাবিক ও স্বমতপ্রকাশের জন্মগত অধিকার, যাহা গণতন্ত্রের উচ্চতম নীতি। পাকিস্থান চিরস্থায়ীরূপে আসিয়াছে। পৃথিবীর বাবতীয় বস্তুর নথরতা লইয়া দার্শনিক চর্চা এ সম্পর্কে আবাস্তব, কেননা এখন রাজনৈতিক দলগোষ্ঠি লইয়াই চর্চা চলিতেছে, অলস মস্তিষ্কের ভাব ও ইচ্ছা লইয়া নহে।”

তিনি সবশেষে বলেন, “ইউনাইটেড ফ্রন্ট পার্লামেন্টারী পার্টি সম্বন্ধে ইহার আলোচনা করিবে এবং ঐ বৈঠকেই বর্তমান সরকারের নীতি ও কার্যক্রমের শেষ সিদ্ধান্ত রচিত ও গৃহীত হইবে।”

আমাদের দেশে যে ভাবাবিলাসীদিগের দল মৌলানী ফজলুল হকের উক্তির স্বকপোলকল্পিত নানারূপ অর্থ করিতেছেন, তাহারা এই বিবৃতির মর্ম বুঝিবেন আশা করি।

পাকিস্থানের রাষ্ট্রভাষা

৭ই মে পাক-গণপরিষদের এক সিদ্ধান্তে উর্দু ও বাংলাকে পাকিস্থানের রাষ্ট্রভাষারূপে ঘোষণা করা হয়। প্রস্তাবে বলা হয় যে, বাংলা ও উর্দু রাষ্ট্রের সরকারী ভাষা হিসাবে ব্যবহৃত হইবে এবং প্রাদেশিক আইনসভাগুলির পরামর্শমত রাষ্ট্রের কর্তব্য অপরাপর ভাষাকেও এই মর্যাদা দিতে পারিবেন। পার্লামেন্টের সভারা বাংলা, উর্দু অথবা ইংরেজীতে বক্তৃতা করিতে পারিবেন। কিন্তু এতৎসঙ্গেও সংবিধান চালু হইবার পক্ষ ২০ বৎসর পর্যন্ত ইংরেজীতেই সরকারী কার্য পরিচালিত হইবে। বিভিন্ন প্রাদেশিক ভাষার কেন্দ্রীয় পরীক্ষাগুলিকে সমপর্যায়ভুক্ত করা হইবে।

মাধ্যমিক বিদ্যালয়গুলিতে বাংলা, উর্দু এবং আরবী শিক্ষাদানের ব্যবস্থা করিতে হইবে যাহাতে ছাত্রগণ যে ভাষার মাধ্যমে শিক্ষা গ্রহণ করিতেছে তাহা ব্যতীত উপরোক্ত ভাষা তিনটির যে-কোন একটি অথবা দুইটি ভাষায় শিক্ষিত হইতে পারে। রাষ্ট্র সাধারণ জাতীয় ভাষার উন্নতিকল্পে সর্বপ্রকার ব্যবস্থা অবলম্বন করিবে। সংবিধান চালু হইবার দশ বৎসর পর ইংরেজীর পরিবর্তনের জগৎ কি কি পন্থা অবলম্বন করিতে হইবে সে সম্পর্কে সুপারিশ করিবার নিমিত্ত একটি কমিশন নিয়োগ করিতে হইবে। উপরোক্ত সর্তাবলী সত্বেও কেন্দ্রীয় বিধানসভা আইন করিয়া বিশেষ বিশেষ কার্যের জগৎ ২০ বৎসর পরেও ইংরেজীর ব্যবহার চালু রাখিতে পারিবেন।

বাংলা ভাষাকে রাষ্ট্রভাষা হিসাবে স্বীকার করিয়া লওয়ার লীগের প্রভাবশালী অবাঙালী সভ্যগণ নিতান্ত ক্ষুব্ধ হইয়াছেন। গণপরিষদের মুসলিম লীগদলের সভায় যখন প্রথম এই সিদ্ধান্ত গৃহীত হয় তাহার অব্যবহিত পরেই করাচীতে বাংলা-বিরোধী হাজিমা ঘটে। গণপরিষদের আলোচনার সময়েও অর্থমন্ত্রী মহম্মদ আলী, স্বরাষ্ট্রমন্ত্রী গুরমানী, পররাষ্ট্রমন্ত্রী জাফরুল্লাহ এবং পঞ্জাবের প্রধানমন্ত্রী ফিরোজ খাঁ হুন গণপরিষদ ভবনে উপস্থিত থাকা সত্বেও পরিষদের আলোচনায় যোগদান করেন নাই।

করাচীতে বাংলাভাষা-বিরোধী বিক্ষোভ

১২শে এপ্রিল পাক-গণপরিষদের মুসলিম লীগ দলের এক সভায় বাংলা ও উর্দু এই উভয় ভাষাকেই পাকিস্থানের রাষ্ট্রভাষা হিসাবে মানিয়া লওয়ার সিদ্ধান্ত গৃহীত হইলে এই সিদ্ধান্তের বিরুদ্ধে ২২শে এপ্রিল করাচীতে এক বিক্ষোভ প্রদর্শিত হয়। পাকিস্থান পার্লামেন্ট ভবনের সম্মুখে প্রায় পাঁচ হাজার জনতার এক মিছিল কেবলমাত্র উর্দুকেই পাকিস্থানের রাষ্ট্রভাষা হিসাবে গ্রহণের দাবি জানায়। প্রধানমন্ত্রী মহম্মদ আলী তাহাদের সম্মুখে কিছু বলিতে আসিলে তাহারা তাঁহাকে কোন কিছু বলিতে না দিয়া চলিয়া যাইতে বলে।

প্রেস ট্রাষ্ট অব ইন্ডিয়া সংবাদে প্রকাশ যে, ঐদিন শহরে বেশ উত্তেজনা ছিল। বাংলাভাষা-বিরোধী দলের লোকেরা পাড়ায় পাড়ায় গিয়া দোকানপাট বন্ধ করিয়া দেয়। অনেক দোকান সকালে বন্ধ করা হয় নাই, কিন্তু মিছিলের জনসংখ্যা বৃদ্ধির সঙ্গে সঙ্গে ভয়ে সেই সকল দোকানপাট তাড়াতাড়ি বন্ধ করিয়া দেওয়া হয়। বিশ্ববিদ্যালয়ের একদল ছাত্র আসিয়া তারপর মিছিলে যোগ দেয়। তখন বিশ্ববিদ্যালয়ে পরীক্ষা চলিতেছিল, যে সকল ছাত্র পরীক্ষার হল হইতে বাহির হইয়া আসে তাহারা সাংবাদিকদের বলে যে, ঐদিন প্রস্তুত বিতরণ করা হয় নাই এবং পরীক্ষার হলের গার্ডরা নাকি বলে যে ছাত্ররা শান্তিপূর্ণভাবে পরীক্ষার হল হইতে বাহির হইয়া যাইতে পারে। যে সকল ক্ষেত্রে প্রস্তুত বিতরণ করা হইয়াছিল ছাত্ররা তাহা ছিঁড়িয়া ফেলে এবং পরীক্ষার হল হইতে বাহির হইয়া আসিয়া পড়ে।

ঐদিন বিকালে গণপরিষদে ভাষাসমস্যার আলোচনা হওয়ার কথা ছিল, কিন্তু কোন কাজ না করিয়াই গণপরিষদের অধিবেশন

মূলতুর্বা রাখা হয়। বিক্ষোভ প্রদর্শনকারীরা পার্লামেন্ট ভবনে প্রবেশ করিলে পুলিশ তাহাদিগকে বাধা দেয় না। বিক্ষোভকারীদের নেতা মৌলভী ডাঃ আবদুল হককে প্রধান মন্ত্রীর সহিত আলোচনার সুযোগ দেওয়া হয়।

করাচীর উর্দু-পন্থী দৈনিক পত্রিকাগুলি কালো বড়ায় দিয়া কাগজ বাহির করে। কয়েকটি পত্রিকাতে বাংলাবিরোধী এবং উর্দুর স্বপক্ষে সম্পাদকীয় মন্তব্য করা হয়। একটি পত্রিকায় বলা হয় যে, যদি বর্তমান সরকার ভাষা সমস্যার সমাধানে অক্ষম হন তবে যেন তাহারা যোগাতর ব্যক্তিদের আসন ছাড়িয়া দেন।

আসাম সেন্সাস রিপোর্টের কারসাজী

দেশ স্বাধীন হইবার পর ভাষাভিত্তিক রাজ্য গঠনের দাবী প্রবল হইয়া উঠে। ভাষাভিত্তিক রাজ্য গঠিত হইলে যে সকল রাজ্যের আয়তন সঙ্কুচিত হইবার সম্ভাবনা আছে ১৯৫১ সালের লোক-গণনায় বিভিন্ন ভাষাভাষী জনসংখ্যা নির্ধারণে সেই সকল রাজ্য নানাবিধ কারসাজী করে। ২৮শে চৈত্রের “বাতায়ন” পত্রিকা এক সম্পাদকীয় প্রবন্ধে আসাম রাজ্যের ১৯৫১ সালের লোক-গণনার নানাবিধ বিশেষ গুরুত্বপূর্ণ ত্রুটিবিচ্যুতির আলোচনা করিয়া দেখান হইয়াছে কিরূপে আসামে অসমীয়া ভাষাভাষীদের সংখ্যা অস্বাভাবিকরূপে স্কীত করা হইয়াছে এবং তদনুপাতে বাংলাভাষা-ভাষীর সংখ্যা লঘু করা হইয়াছে।

“বাতায়ন” লিখিতেছেন : “১৯৩১ সনে আসামে অসমীয়া ভাষাভাষীর সংখ্যা ছিল ১৯,৭৩,০০০। ১৯৪১ সনের সেন্সাসে ভাষা সম্পর্কে কোন তথ্য প্রকাশিত হয় নাই। ১৯৩১ সনের ১৯,৭৩,০০০ অসমীয়া ভাষাভাষী ১৯৫১ সনে দাঁড়াইয়াছে ৪৯,৭২,৪৯৩ !!! সংখ্যাতত্ত্বের এ ভোক্তবাজীর জোড়া ইতিহাসে আর পাওয়া যায় না।

“অসমীয়া ভাষাভাষীর সংখ্যা বৃদ্ধি হইলে হইতে হইবে স্বাভাবিক কারণে—মৃত্যু হইতে জন্মের আধিক্য হেতু, কারণ অল্প কোন প্রদেশে এমন কোন অসমীয়া ভাষাভাষী লোক নাই, যাহারা আসামে নূতন বসবাস স্থাপন করিয়া অসমীয়া ভাষাভাষীর সংখ্যা বৃদ্ধি করিবে। ১৯২১ সন হইতে ১৯৩১ সন পর্য্যন্ত দশকে আসামের লোকসংখ্যার স্বাভাবিক বৃদ্ধির হার ছিল শতকরা ৬.৫ জন, এবং ১৯৪১ হইতে ১৯৫১ সনে ষে দশক তাহাতে বৃদ্ধির হার শতকরা ১৩, কিন্তু নূতন সেন্সাস মতে গত ২০ বৎসরে অসমীয়া ভাষাভাষীর সংখ্যা বৃদ্ধি পাইয়াছে মোটামুটি শতকরা ২৫০ জন !!!

“১৯৩১ সনের সেন্সাসে করিমগঞ্জের ও শ্রীহট্টের লোকসংখ্যা বাদ দিয়া আসামে বঙ্গভাষাভাষীর সংখ্যা ছিল মোটামুটি ১৮,০০,০০০। উহা বর্তমান ১৯৫১ সনের সেন্সাসে দাঁড়াইয়াছে ১৭,১৯,১৫৫-এ !!! যদি অসমীয়া ভাষাভাষীর সংখ্যা শতকরা ২৫০ জন বাড়িতে পারে তাহা হইলে বঙ্গভাষাভাষীদের লোকসংখ্যা কেন শতকরা ২৫০ জন বাড়িবে না, তাহার কি কারণ থাকিতে পারে ?

“১৯৩১ সনের সেন্সাস রিপোর্টে বঙ্গভাষাভাষীর সংখ্যা ছিল ১৮,০০,০০০, তার পর ১৯৫১ সনের সেন্সাস রিপোর্ট মতে আসামে বাস্তুহারা আসিয়াছে ২,৭৬,৮২৪, তথাপি আসামে বঙ্গভাষাভাষীর সংখ্যা কমিয়া দাঁড়াইল ১৭,১৯,১৫৫-এ !!!”

আসামে বাংলাভাষাভাষীদের সংখ্যা নূন করিয়া দেখাইবার প্রচেষ্টায় যে কিরূপ কারসাজী করা হইয়াছে শ্রীযতীন্দ্রমোহন দত্ত আসামের গোয়ালপাড়া জেলার পরিসংখ্যান দ্বারা তাহা সুস্পষ্ট দেখাইয়াছেন। ১৯১১ সাল হইতে ১৯৫১ সালের সেন্সাস রিপোর্ট হইতে আসাম রাজ্যের গোয়ালপাড়া জেলায় বাংলা ও অসমীয়া ভাষাভাষীদের সংখ্যা যথাক্রমে সাজাইলে যে চিত্র ফুটিয়া উঠে তাহা এইরূপ :

বৎসর	মোট লোকসংখ্যা	বঙ্গভাষাভাষী	মোট জনসংখ্যার কত অংশ শতকরা	অসমীয়া ভাষাভাষী	মোট জনসংখ্যার কত অংশ শতকরা
১৯১১	৬,০১,০০০	৩,১৭,০০০	৫২.৭	১,১৫,০০০	১৯.১
১৯২১	৭,৬৩,০০০	৪,০৬,০০০	৫৩.২	১,৩৯,০০০	১৮.২
১৯৩১	৮,৮৩,০০০	৪,৭৬,০০০	৫৪.০	১,৬১,০০০	১৮.৩
১৯৪১	—	ভাষাভিত্তিক আদমশুমারী হয় নাই	—	—	—
১৯৫১	১১,০৮,০০০	১,৯৩,০০০	১৭.৪	৬,৮৭,০০০	৬২.০

উপরোক্ত তথ্য উদ্ধৃত করিয়া শ্রীযুত দত্ত লিখিতেছেন : “জেলার লোকসংখ্যা ক্রমেই বাড়িয়া চলিয়াছে সত্য, কিন্তু সংখ্যার ও আনু-পাতিক হারে বঙ্গভাষাভাষীর সংখ্যা যে শুধু কমিয়াছে তাহা নহে, অস্বাভাবিকরূপেই কমিয়াছে। বঙ্গভাষাভাষী ও অসমীয়া ভাষা-ভাষীর সংখ্যা বেশ একটা আনুপাতিক হার বজায় রাখিয়া চলিয়াছিল। অসমীয়াভাষীর সংখ্যা হঠাৎ শতকরা ৩২.৭ ভাগ বাড়িয়া গিয়াছে। ইহা স্বাভাবিক বৃদ্ধি হইতে পারে না।”

আসাম রাজ্যের অজ্ঞান জেলা হইতে অসমীয়া ভাষাভাষী লোক এই জেলায় আসিয়া বসবাস করার কালে যে একরূপ হইয়াছে, তাহাও নহে। কারণ ১৯৫১ সালের সেন্সাস হইতেই দেখা যায় যে, আসাম রাজ্যের অভ্যন্তরস্থ অজ্ঞান জেলা হইতে এই জেলায় বস-বাসকারীর মোট সংখ্যা হইল মাত্র ২৮,২২৭। ঐ সময়ে পাঞ্চিহান হইতে আসিয়াছে ৩,৩৫,৬২৬ জন লোক এবং পশ্চিমবঙ্গ হইতে ৮,২৩০ জন লোক—ইহারা সকলেই বঙ্গভাষাভাষী। যদি জেলার মোট বঙ্গভাষাভাষীর সংখ্যা ১,৯৩,০০০ হইতে এই সংখ্যা বাদ

দেওয়া যায় তবে জেলায় আদি বঙ্গভাষাভাষীর সংখ্যা কমিয়া দাঁড়ায় ৪৮,০০০।

শ্রীযুত দত্ত স্মৃতঃপত্র লিপিতেছেন, “এই জেলায় অসমীয়া ভাষা-ভাষী ও বঙ্গভাষাভাষীদের সংখ্যাগুলি যদি পরস্পর অদলবদল করি তবেই একটা যুক্তিযুক্ত কৈফিয়তে পৌঁছিতে পারি। ৬,৮৭,০০০ বঙ্গভাষাভাষী হইতে পাকিস্থান-আগতদের সংখ্যা বাদ দিলে বঙ্গভাষা-ভাষীরা হইবে শতকরা ৫০’০ এবং অসমীয়া ভাষাভাষীদের সংখ্যা হইবে শতকরা ১৭’৪।”

ইহা পূর্ববর্তী সেন্সাস রিপোর্টগুলির সহিত সামঞ্জস্যপূর্ণ।

“কাজেই মনে হয় যেন ভাষাভিত্তিক সংখ্যাগুলিকে পরস্পর অদলবদল করা হইয়াছে। যদি কেহ এই কৈফিয়ত না মানেন তবু এই বিষয়ে কোন সন্দেহ নাই যে, ১৯৫১ সালের আসামের আদমশুমারীতে রাজনৈতিক উদ্দেশ্য লইয়া কারসাজী করা হইয়াছে।”

পূর্বভারতের রাষ্ট্রভাষা বাংলা

ঐ তারিখের “বাস্তায়ন” পত্রিকার এক সংবাদে প্রকাশ, গত ১০ই এপ্রিল বর্তমানে পশ্চিমবঙ্গ প্রদেশ কংগ্রেস সম্মেলনে কংগ্রেস ওয়ার্কিং কমিটির সদস্য আসামের শ্রীদেবকান্ত বড়ুয়া বক্তৃতাকালে বাংলাকে পূর্ব-ভারতের রাষ্ট্রভাষা স্বীকার করিয়া লইবার জন্য বলেন; যেহেতু ঐ অঞ্চলের অধিকাংশ লোকই বাংলাভাষা বৃষ্টিতে পারে।

ইহা লইয়া আসাম কংগ্রেস মহলে বিশেষ হৈচৈ পড়িয়া গিয়াছে।

অর্থনৈতিক নিয়ন্ত্রণ সমস্যা

কেন্দ্রীয় সরকারের বিভিন্ন দপ্তরের খরচা নিয়ন্ত্রণ ব্যাপারে সম্প্রতি কিছু আলোড়ন শোনা গিয়াছিল। কেন্দ্রীয় অর্থমন্ত্রীর প্রস্তাবিত পদত্যাগে সমস্যাটির সমাধান বোধ হয় মূলত্ববী রাখা হইয়াছে। প্রধানমন্ত্রীর নির্দেশ অনুসারে শ্রী এ. কে. চন্দ একটি রিপোর্ট দাখিল করিয়াছেন—কিভাবে বিভিন্ন বিভাগের খরচ নিয়ন্ত্রণ করা উচিত। কেন্দ্রীয় অর্থমন্ত্রী চন্দ-রিপোর্টের সুপারিশ সম্বন্ধে যথেষ্ট আপত্তি করিয়াছেন। বর্তমান ব্যবস্থা অনুসারে অর্থমন্ত্রীর বিভাগ অগ্গাণ্ড বিভাগের খরচের উপর নিয়ন্ত্রণ রক্ষা করেন। প্রত্যেক মন্ত্রী-বিভাগের সঙ্গে একজন করিয়া ফিণ্যান্স অফিসার রাখা হইয়াছে এবং ইহারা প্রত্যেক বিভাগের খরচের প্রস্তাব পরীক্ষা করেন ও অনুমোদন করেন। বলা বাহুল্য, এই সকল ফাইণ্যান্স অফিসাররা অর্থমন্ত্রী-বিভাগ কর্তৃক নিয়োজিত হইয়াছেন। শ্রীযুত চন্দ তাঁহার রিপোর্টে এই ব্যবস্থার বিরোধিতা করিয়াছেন এবং তিনি খরচ করার অধিকার বিনিয়ন্ত্রণের জগৎ সুপারিশ করিয়াছেন। চন্দের মতে অতিরিক্ত কেন্দ্রীয়করণ সুব্যবস্থার সহায়ক নহে, ইহাতে অযথা শাসনব্যবস্থা ব্যাহত হয়, পরিকল্পনা আঁতু কাঁচাকরী করা যায় না। অর্থাৎ, খরচের ক্ষমতা কেন্দ্রীয়করণে শাসনব্যবস্থা অযথা মন্দগতি লাভ করে। প্রত্যেক মন্ত্রী-বিভাগের যদি নিজস্ব খরচের উপর দায়িত্ব এবং অধিকার থাকে তাহা হইলেই সত্যিকার মিতব্যয়িতা

আসিবে। আর দ্বিতীয়তঃ, অর্থমন্ত্রীর বিভাগ খরচ নিয়ন্ত্রণের অজু-হাতে যদি অগ্গাণ্ড বিভাগের উপর কর্তৃত্ব করেন তাহা হইলে কার্যতঃ অর্থমন্ত্রী-বিভাগ “সুপার ক্যাবিনেট” বা উর্দ্ধতন মন্ত্রীপরিষদ পর্যায়ের উন্নীত হইবে এবং ইহা অবাঞ্ছনীয়। বর্তমানে অগ্গাণ্ড বিভাগের অর্থমন্ত্রী-দপ্তরের বিরুদ্ধে অভিযোগ এই যে, যখনই কোন নূতন পরিকল্পনা গ্রহণের প্রস্তাব করা হয় অর্থমন্ত্রী-দপ্তর তখনই তাহাতে আপত্তি করে। কোন নূতন পরিকল্পনাকে কার্যকরী করিতে হইলে অগ্গাণ্ড মন্ত্রী-দপ্তরকে অর্থমন্ত্রী-দপ্তরের সহিত রীতিমত দরকষাকষি করিতে হয়। বর্তমানে অধিকাংশ বিভাগেই অফিসারদের সংখ্যা কম, তাহাতে কার্যে ব্যাঘাত হয়, কিন্তু অফিসার নিয়োগ ব্যাপারে অর্থমন্ত্রী-বিভাগ সব সময়েই আপত্তি করে।

অর্থমন্ত্রী-বিভাগের বক্তব্য অগ্রাহ করা যায় না। ইহাদের মতে খরচ করার অধিকার কেন্দ্রীয়করণে অনেক সুবিধা আছে। প্রধান সুবিধা হইতেছে—অমিতব্যয়িতা বন্ধ করা যায়। অমিতব্যয়িতার দুই একটি উদাহরণ, যথা—কোশী নদী পরিকল্পনা সম্বন্ধে অনুমোদন করার জগৎ কেন্দ্রীয় সেচ-বিভাগ প্রায় দুই কোটি টাকা খরচ করিয়াছে। কিন্তু যখন পরিকল্পনা গ্রহণ করা হইল, তখন উক্ত অনুমোদন কোন কার্যে লাগে নাই। অর্থাৎ, দুই কোটি টাকা প্রায় জলে ফেলা হইয়াছে। হীরাকুণ্ড, দামোদর এবং বগরা-নঙ্গল পরিকল্পনা-ব্যাপারে অমিতব্যয়িতার উদাহরণ প্রচুর। চন্দ-রিপোর্টের বিরোধিতার কারণ সম্বন্ধে শ্রীদেশমুগ বলিয়াছেন যে, ভারতীয় সংবিধান আইন অনুসারে জাতীয় রাজস্ব ও খরচের জগৎ অর্থমন্ত্রী-দপ্তরই ভারতীয় আইন পরিষদের নিকট দায়ী। সুতরাং জাতীয় খরচের বিকেন্দ্রীকরণ সংবিধান-বিরুদ্ধ হইবে। অধিকন্তু, নূতন বাজেটে যে ২৫০ কোটি টাকার ঘাটতি খরচ ধরা হইয়াছে, তাহা উৎপাদনশীল হওয়া উচিত এবং তাহার জন্য অর্থমন্ত্রী-দপ্তরের যথেষ্ট দায়িত্ব আছে।

শ্রীযুত চন্দের সুপারিশ অনুসারে জাতীয় খরচ বিকেন্দ্রীকরণের যেমন অল্পমাত্রায় যৌক্তিকতা আছে, তেমনি বিপদও আছে। আবার, শ্রীদেশমুগের অভিমত অনুসারে খরচ কেন্দ্রীকরণে মিতব্যয়িতা সম্ভবপর, কিন্তু তাহাতে পরিকল্পনার উন্নতি কোন কোন ক্ষেত্রে ব্যাহত হওয়ার সম্ভাবনা রহিয়াছে। পরিকল্পিত অর্থনৈতিক কাঠামোয় অমিতব্যয়িতা অবাঞ্ছনীয়, কিন্তু মিতব্যয়িতাই একমাত্র আদর্শ এবং কাম্য নয়। মিতব্যয়িতার সহিত উন্নতি—ইহাই কাম্য। এই দুইটি বিরুদ্ধ সমস্যার সমাধান অবশ্য হুঁহু। যুদ্ধ-পূর্ব যুগে কেন্দ্রীয় সরকারের বাজেট হইত একশ’ কোটি টাকার মত এবং উন্নয়ন খরচ হইত ১০ হইত ২০ কোটি টাকার মত। বর্তমানে পরিকল্পনা খাতে বৎসরে প্রায় ৫০০ কোটি টাকার মত খরচ হয়—সেই তুলনায় অফিসারদের সংখ্যা অল্প। এই সমস্যার সমাধান করিতে হইলে শাসনব্যবস্থার আমূল পরিবর্তন করা প্রয়োজন—শুধু অর্থনৈতিক কেন্দ্রীকরণের দ্বারা সমস্যা সমাধান হইবে না।

আয়কর ফাঁকি

জাতীয় ট্রেড ইউনিয়ন কংগ্রেসের মুখপত্র “ইণ্ডিয়ান ওয়ার্কার” পত্রিকার ২৪শে এপ্রিলের এক সংবাদে প্রকাশ যে, ১৯৪৭ সালে আয়কর তদন্ত কমিশনের নিয়োগের সময় হইতে এতদিন পর্যন্ত ১৬৬৮টি বিষয় কমিশনের নিকট উপস্থাপিত হয় ; তন্মধ্যে কমিশন ১০৩১টি বিষয়ের নিষ্পত্তি করিয়াছেন এবং ৬৩৭টি কেস এখনও বিবেচনাধীন রহিয়াছে। তদন্ত কমিশন যে ১০৩১টি কেসের নিষ্পত্তি করিয়াছেন তাহা বিশ্লেষণ করিলে নিম্নলিখিত তথ্য জানা যায় :

বৎসর (জানুয়ারী — ডিসেম্বর)	নিষ্পত্তিকৃত কেসের সংখ্যা	লুক্কায়িত আয়ের পরিমাণ রিপোর্ট অনুযায়ী (Report basis) টাকা	বক্ষার ভিত্তিতে (Settlement basis) টাকা	মোট যে পরিমাণ লুক্কায়িত আয়ের সংবাদ পাওয়া গিয়াছে টাকা
১৯৪৮	৪	৩,৭৭,৩৭৭	—	৩,৭৭,৩৭৭
১৯৪৯	১০১	১,৩১,৭৩,১১৯	১,৫৬,৩৩, ৩৩৮	২,৮৮,০৬, ৫০৭
১৯৫০	২৩২	২,০৮,৫০, ১৮৮	৬,০২,৯২, ৭৯৭	৮,১১,৪২, ৯৮৫
১৯৫১	৩২০	৩০,৭৭,০২২	১৭,৮১,৪৯, ৯৫৩	১৮,১২,২৬, ৯৭৫
১৯৫২	২০৬	১,৬৮,৯৪, ৫৩৪	৯,১৯,৬৮, ২২৪	১০,৮৮, ৬২, ৭৫৮
১৯৫৩	১৬৮	২০,৩৯, ০৩১	৫,৭২, ৪৮, ৮৬৭	৫,৯২, ৮৭, ৮৯৮
	১০৩১	৫,৬৪, ১১, ২৭১	৪০, ৩২, ৯৩, ২২৯	৪৫, ৯৭, ০৪, ৫০০

কমিশনের রিপোর্টে বলা হইয়াছে যে, আয়কর ফাঁকি দিবার পদ্ধতিগুলিকে মোটামুটি দুই শ্রেণীতে ভাগ করা যায়—হয় আয় দেখান হয় না বা আয়ের পরিমাণ কম করিয়া দেখান হয়, নতুবা খরচের পরিমাণ স্ফীত করিয়া দেখান হয় অথবা কোন কোন ক্ষেত্রে এই দুই উপায়েই আয়কর ফাঁকি দেওয়ার চেষ্টা হয়। যে সকল ক্ষেত্রে তদন্ত কমিশনের নিকট হিসাবের খাতাপত্র দাখিল করা হয় সে সকল ক্ষেত্রে কমিশন কোন কোন বিষয়ে আয় কমাইয়া দেখান হইয়াছে বা একেবারেই দেখান হয় নাই তাহা নির্দেশ করিয়াছেন। কিন্তু অধিকাংশ ক্ষেত্রেই হিসাবের খাতা কমিশনের নিকট উপস্থিত করা হয় নাই।

যাহাতে ভবিষ্যতে লুক্কায়িত আয়ের সন্ধান পাইলে কব চাপাইতে অসুবিধা না হয় তজ্জন্য বক্ষার ভিত্তিতে যে সকল কেসের নিষ্পত্তি করা হইয়াছে সেই সকল ক্ষেত্রে কমিশন এই মর্মে একটি সর্ব আরোপ করিয়াছেন যে, যে তথ্যের উপর ভিত্তি করিয়া বক্ষা করা হইয়াছে তাহার বাহিরে যদি কোন আয়ের সন্ধান কমিশনের গোচরে আসে তবে সে সম্পর্কে তাঁহারা আইন অনুসারে ব্যবস্থা অবলম্বন করিতে পারিবেন।

আয়কর তদন্ত কমিশনের বার্ষিক রিপোর্ট সম্পর্কে মন্তব্য প্রসঙ্গে নাগপুরের “হিতবাদ” পত্রিকা লিখিতেছেন, অচিরে ভারতীয় বৃহৎ পুঁজিপতিগণ আয়কর ফাঁকি দিতে বিরত হইবার সম্ভাবনা যখন স্পষ্টতঃই অল্প তখন আয়কর তদন্ত কমিশনকে একটি স্থায়ী প্রতিষ্ঠান হিসাবে গঠিত করিলে কালের বিশেষ সুবিধা হইবে এবং বর্তমানে

কমিশনের অস্থায়ী গঠনের সুযোগ লইয়া ব্যবসায়িগণ যে চতুর্থতা করিবার সুবিধা পাইতেছেন তাহা দূর হইবে।

চাউল

ভারতবর্ষ ব্রহ্মদেশ হইতে নয় লক্ষ টন চাউল আমদানী করিতেছে সেই সম্বন্ধে আমরা পূর্বে আলোচনা করিয়াছি। আমরা বলিয়াছিলাম যে, ভারতবর্ষে এই বৎসর চাউলের উৎপাদন যথেষ্ট পরিমাণে বৃদ্ধি পাইয়াছে, সুতরাং অত্যধিক মূল্য দিয়া ব্রহ্ম হইতে এত চাউল আমদানী করিবার কোন প্রয়োজন ছিল না। আসামে এই বৎসর অনুমান আড়াই লক্ষ টন চাউল অতিরিক্ত হইয়াছে এবং

উড়িষ্যায় প্রায় দেড় লক্ষ টন চাউল বাড়তি হইয়াছে অর্থাৎ শুধু এই দুই প্রদেশেই অনুমান চারি লক্ষ টন চাউল বাড়তি আছে। আসাম উনিশ টাকা মণ চাউল বিক্রয় করার প্রস্তাব করিয়াছিল। কিন্তু সুদূর ব্রহ্মদেশ হইতে প্রায় ত্রিশ টাকা মণ চাউল কেন্দ্রীয় সরকার ক্রয় করিতেছেন।

দামোদরের বিপত্তি

দামোদর ভ্যালী কর্পোরেশন সম্বন্ধে যে অনুসন্ধান কমিটি নিয়োগ করা হইয়াছিল সম্প্রতি তাহার রিপোর্ট প্রকাশিত হইয়াছে। কমিটির কার্যতালিকার মধ্যে ছিল :

(১) দামোদর ভ্যালী কর্পোরেশন কর্তৃক পতিত জমি উদ্ধার এবং তাহার পুনর্বসতির বিবরণ ;

(২) কোনার ও তিলায়া বাধের পরিকল্পনার পরিবর্তন এবং তৎসংক্রান্ত কর্তৃত্ব ও পারিশ্রমিক নির্ধারণের ব্যাপার ;

(৩) দামোদর ভ্যালী কর্পোরেশনের মালপত্র ক্রয় করিবার সিদ্ধান্ত ও প্রথা ;

(৪) ১৯৪৮ সালের দামোদর ভ্যালী কর্পোরেশন আইনের উপযুক্ততা, এবং

(৫) কর্পোরেশনের চীফ ইঞ্জিনিয়ার নিয়োগ ব্যাপার। অনুসন্ধান কমিটি তাহীদের রিপোর্টে দামোদর ভ্যালী কর্পোরেশনের অকর্মণ্যতা ও সরকারী অর্থ অপচয়ের জন্য কঠিন মন্তব্য করিয়াছেন।

দামোদর ভ্যালী কর্পোরেশনের অতিরিক্ত কেন্দ্রীভূত শাসনের জন্যও

কমিটি আপত্তি প্রকাশ করিয়াছেন। কমিটি রিপোর্টে এমন সব তথ্য আবিষ্কার করিয়াছেন এবং এমন নিন্দাসূচক মন্তব্য করিয়াছেন যে, এই জাতীয় সরকারী কর্পোরেশনের উপর জনসাধারণের আস্থা রাখা হ্রস্ব ব্যাপার।

কমিটি বলিয়াছেন যে, দামোদর ভ্যালী কর্পোরেশনের শাসন-ব্যবস্থায় মধ্যে পরিকল্পনার অভাব প্রথম হইতেই ছিল এবং টাকা-কড়ি খরচের ব্যাপারে কোন নিয়মই পালন করা হয় নাই। যথেষ্ট খরচ করার ব্যাপার এত অধিক যে, দু'একটি উদাহরণ নিম্নয়োজন। অকল্পিত ব্যবস্থার জন্ত একমাত্র কোনার পরিকল্পনাতেই এক কোটি চৌষটি লক্ষ টাকা ক্ষতি হইয়াছে। প্রায় আড়াই বৎসর ধরিয়া কোন চীফ ইঞ্জিনিয়ার নিয়োগ করা হয় নাই এবং তার জন্ত কমিটি কর্পোরেশনের উপর দোষারোপ করিয়াছেন। চীফ ইঞ্জিনিয়ার নিয়োগ না করার জন্ত ঘন ঘন পরিকল্পনার পরিবর্তন করিতে হইয়াছে এবং তাহাতে অস্বাভাবিক খরচ বৃদ্ধি পাইয়াছে ও সরকারী অর্থের অপচয় হইয়াছে। উপযুক্ত টেকনিক্যাল উপদেশের অভাবে পরিকল্পনার বৃহত্তর সমস্যাগুলির উপলব্ধি সম্ভবপর হয় না। স্তব্ধ প্রথমে প্রয়োজনীয় সরঞ্জাম যোগাড়ের দিকে যথাযথ নজর দেওয়া সম্ভবপর হয় নাই। কার্যসূচীর ঘন ঘন পরিবর্তনের জন্ত সামগ্রিক পরিকল্পনা বাহত হইয়াছে। কমিটি বলিয়াছেন যে, কর্পোরেশন যদিও বার্ষিক কয়লার গনি ১৯৫০ সনের অক্টোবর মাসে পত্তনি লইয়াছে, অত্যাধিক তাহাতে কার্য আরম্ভ করা হয় নাই। ইহা পরিকল্পনার অভাবের পরিচায়ক।

কোনার পরিকল্পনার পরিবর্তনের জন্ত কমিটি তীব্র সমালোচনা করিয়াছেন। ১৯৪৬ সালের প্রথমে মিঃ ভরডুইন কোনার পরিকল্পনা করেন। পরে একটি ফরাসী ফার্ম (Societes de Construction des Batignolles) এই পরিকল্পনাটির পরিবর্তনের জন্ত নিয়োজিত হয় এবং তাহার পরে একটি সুইস ফার্ম কর্তৃক ফরাসী পরিকল্পনার কিছু রদবদল করা হয়। কমিটি বলিয়াছেন, এমন একটি ব্যবহুল পরিকল্পনা কেন সুইস ফার্ম কর্তৃক মঞ্জুর হওয়ার পরই গৃহীত হইল।

চীফ ইঞ্জিনিয়ার নিয়োগ ব্যাপারে যদিও কর্পোরেশনের উপর দোষারোপ করা হইয়াছে, তথাপি তার সত্যিকার দায়িত্ব পড়িয়াছে চেয়ারম্যানের উপর। কমিটির মতে অর্ধ-স্বাধীন কর্পোরেশন এই সকল কার্যের পক্ষে বাঞ্ছনীয়। পরিকল্পনা স্থির হওয়ার পর কর্পোরেশন প্রতিষ্ঠিত হইবে এবং এই পরিকল্পনার পরিবর্তন করার অধিকার কর্পোরেশনের থাকিবে না। আইন-পরিষদ পরিকল্পনাটি ঠিক করিয়া দিবে এবং দৈনন্দিন কার্যের ভার কর্পোরেশনের উপর থাকিবে। পরিকল্পনার পরিবর্তন করিতে হইলে গবর্নমেন্টের অনুমোদন প্রয়োজন।

রেল লাইন ও ত্রিপুরা রাজ্য

২৮শে চৈত্রের "সেবক" পত্রিকার এক সম্পাদকীয় প্রবন্ধে

ত্রিপুরা রাজ্যের সহিত রেল লাইনের সাহায্যে ভারতীয় ইউনিয়নের যোগাযোগ প্রতিষ্ঠার বিশেষ গুরুত্বের প্রতি সরকারের দৃষ্টি আকর্ষণ করা হইয়াছে।

বৎসরাধিক কাল হইতে পাকিস্থানের মধ্য দিয়া ত্রিপুরা রাজ্যে কিছু কিছু মাল আমদানী করা হইতেছিল। কিন্তু পাকিস্থানের কার্গু বিভাগ নতুন আইন চালু করিয়া এইরূপ আমদানীর কাজ ক্রমশঃই দুঃসাধ্য করিয়া তুলিতেছিলেন। সম্প্রতি তাঁহারা একটি পাঁচ দফা আইন সৃষ্টি করিয়াছেন। ত্রিপুরা ব্যবসায়ী সমিতি তাঁহাদের সাম্প্রতিক অধিবেশনে এই সকল নিয়ম মানিয়া চলিতে তাঁহাদের অক্ষমতা জ্ঞাপন করিয়াছেন। তাঁহারা পাকিস্থানের পথ পরিত্যাগ করিয়া বিমানযোগে মালপত্র আমদানীর পক্ষে মত দিয়াছেন।

"সেবক" লিখিতেছেন : "বিমানপথে মাল আমদানী হইলে ব্যবসায়ীদের বাস্তবিক ক্ষতির কোন কারণ নাই। বিমানযোগে মাল আমদানী হইলে অতিরিক্ত মালের ভাড়া জনসাধারণকেই বহন করিতে হইবে। ত্রিপুরার জীবনধারণের মান এমনিতেই অত্যধিক, তারপর বিমানে মাল আমদানী হইতে থাকিলে জনসাধারণ অতিরিক্ত দর দিয়া মালপত্র খরিদ করিতে যথেষ্ট বেগ পাইবে।

"পাকিস্থানের ভিতর দিয়া মাল আমদানী যাহাতে সহজসাধ্য হয় তজ্জন্ত ত্রিপুরা রাজ্যের কর্তৃপক্ষ কুমিল্লার জেলাশাসকের সহিত আলোচনা-আলোচনা চালাইতেছেন। তাহাতে সাময়িক সুভাষা হইলেও বিশেষ কোন স্থায়ী ফল হয় না। যত দিন পর্যন্ত মাল আমদানী ব্যাপারে পাকিস্থানের উপর নির্ভরশীলতা দূর না হইতেছে ততদিন পর্যন্ত সমস্যা থাকিয়াই যাইবে। কেবলমাত্র রেলপথে ভারতীয় ইউনিয়নের সহিত যোগাযোগ সাধনের মাধ্যমেই এই সমস্যার স্থায়ী সমাধান হইতে পারে।"

"সেবক" আরও লেখেন : "ত্রিপুরায় রেলপথে লাইন কেবল প্রয়োজন বলিলেই চলে না; ত্রিপুরাকে বাঁচাইয়া রাখিতে হইলে রেল লাইন অপরিহার্য। ত্রিপুরা সরকার ভারত সরকারকে কথ্যটি সমঝাইতে কি অসমর্থ?"

সবই সত্য। কিন্তু রেল লাইন দুয়ের কথা, যখন রাস্তা নির্মাণ চলিতেছিল তখনই মজুর ও তত্ত্বাবধানের লোকের অভাব দেখা দেয়। ত্রিপুরার লোকের অসুবিধা দূর তখনই হইবে যখন গুণানকার লোকে নিজেদের উন্নতির জন্ত কায়িক পরিশ্রম—অবশ্য মজুরীর বিনিময়ে—করিতে রাজী হইবে। শ্রমিক আনিতে হইবে পাকিস্থান হইতে এবং তত্ত্বাবধায়ক পঞ্জাব হইতে, এই অবস্থায় দেশের উন্নতি কিরূপে সম্ভব?

বালুরঘাটে বিমান-ডাক বন্ধ হওয়ায় অসুবিধা

নবপ্রকাশিত "সাপ্তাহিক আত্মীয়" পত্রিকার ১৩ই বৈশাখ সংখ্যায় সম্পাদকীয় মন্তব্যে বালুরঘাটে বিমানডাক চলাচল বন্ধ

করিয়া দেওয়ায় যে অসুবিধার সৃষ্টি হইয়াছে তৎপ্রতি সরকারের দৃষ্টি আকর্ষণ করিয়া তাহা নিরসনের আবেদন জানান হইয়াছে।

দেশবিভাগের পর পশ্চিম দিনাজপুর জেলার যোগাযোগ ব্যবস্থা ছিন্ন হয়, এবং বহু চেষ্টার পর বিমান ডাকের প্রচলন হয়। কিন্তু ইঞ্জিয়ান এয়ারলাইনস কর্পোরেশন গঠিত হইবার পর বিমানে বালুরঘাটের ডাক চলাচল বন্ধ করিয়া দেওয়া হইয়াছে। ফলে জেলার বাহির হইতে চিঠিপত্র আসিতে চার দিন হইতে আট দিন সময় লাগে, বর্ষাকালে আরও বিলম্ব হয়।

“সাপ্তাহিক আত্রেয়ী” লিগিতেছেন : “একুপ অবস্থায় বিমান-ডাক চলাচল বন্ধ করিয়া দিবার কোন উপযুক্ত কারণ নাই। থাম-পোর্টকার্ডের মূল্য বর্দ্ধিত করিয়া সরকারীভাবে ঘোষণা করা হইয়াছিল যে, যেখানে বিমান-চলাচলের ব্যবস্থা আছে সেখানে বিমানযোগে ডাকবহনের ব্যবস্থা করা হইবে। বালুরঘাটে বিমান চলাচল ব্যবস্থা অব্যাহত থাকা সত্ত্বেও অজ্ঞাত কারণে ডাকবহন বন্ধ করিয়া দিবার পিছনে কোনরূপ সংযুক্তি নাই। এই ব্যবস্থার দ্বারা এই অঞ্চলের অধিবাসীদের অগায়ভাবে অসুবিধার মধ্যে নিষ্ক্ষেপ করা হইয়াছে।”

বর্দ্ধমান শহরে বিদ্যুৎ সরবরাহের অব্যবস্থা

বর্দ্ধমান শহরে বিজলী সরবরাহের অপ্রতুলতা এবং অব্যবস্থা সম্পর্কে “দামোদর” পত্রিকা লিগিতেছেন যে, যদিও সমগ্র পশ্চিম-বঙ্গের মধ্যে বর্দ্ধমানেই বিজলীর ইউনিটের হার সর্বাপেক্ষা বেশী তবু বর্দ্ধমানে বিজলী সরবরাহ ব্যবস্থা এমন নিম্নস্তরের যে তাহাতে জনসাধারণের ধৈর্য্যচ্যুতি ঘটবার উপক্রম ঘটিয়াছে। “কোম্পানীটি অজস্র অর্থ লুটিতেছেন অথচ এমন এক তৃতীয় শ্রেণীর পরিত্যক্ত মেসিন বসাইয়াছেন যাহার প্রচণ্ড শব্দে বর্দ্ধমান হাসপাতালের রোগীরা উত্থিত হইয়া উঠিয়াছে। অন্যস্থলে হাসপাতালের নিকটবর্তী স্থানে শব্দ না করিবার নির্দেশ দেওয়া থাকে, কিন্তু বর্দ্ধমানের শাসন-কর্তৃপক্ষ, স্বাস্থ্য-কর্তৃপক্ষ এবং পৌর-কর্তৃপক্ষ এত উদাসীন যে কেহ ইহার দিকে লক্ষ্য রাখিবারই অবসর পান না।”

পত্রিকাটি অবিলম্বে কোম্পানীর লাইসেন্স বাতিল করিয়া সরকারকে বিজলী সরবরাহের দায়িত্ব গ্রহণের অনুরোধ জানাইয়াছেন যাহাতে দামোদর ভ্যালীর বিদ্যুৎ আসিবার পূর্বেই তাঁহারা আসানসোলের ন্যায় চারি আনা হারে বিদ্যুৎ সরবরাহ করেন।

সাপ্তাহিক “নূতন পত্রিকা”ও এই সম্পর্কে এক সম্পাদকীয় মন্তব্যে বিদ্যুৎ সরবরাহের চরম অব্যবস্থার সমালোচনা করিয়াছেন। পত্রিকাটি বিবৃতি অমুযায়ী বর্দ্ধমানের পৌর-কর্তৃপক্ষ সরকারের বিদ্যুৎ বিভাগীয় উচ্চ কর্মচারীর নিকট এ বিষয়ে অভিযোগ করিলে একজন ইনসপেক্টরকে বর্দ্ধমান পাঠান হয়, কিন্তু তিনি বিজলী কোম্পানী ব্যতীত কাহারও সহিত এমনকি আবেদনকারী পৌর-কর্তৃপক্ষের সহিতও সাক্ষাৎ করেন নাই বা তাঁহাদিগকে কোন সংবাদ দেন নাই। বর্দ্ধমান শহরবাসীদের প্রতি এইরূপ তাচ্ছিল্য পত্রিকাটি ক্ষোভ প্রকাশ করিয়াছেন।

সরকারকে প্রতিকারের জন্য হস্তক্ষেপ করিবার অনুরোধ করিয়া “নূতন পত্রিকা” লিগিতেছেন : “কিছুদিন পূর্বে শহরবাসীর নিকট আবেদন করিয়া এই কোম্পানীই প্রায় লক্ষাধিক টাকার শেয়ার বিক্রয় করেন ও অবিলম্বে যোগ্য যথেষ্ট সরবরাহ ব্যবস্থার প্রতিশ্রুতি দেন। কিন্তু তাঁহারা তাহার পরিবর্তে নূতন কালেকশনের অর্থ গুটাইতেই বেশী আগ্রহ দেখাইয়াছেন। আমরা অবিলম্বে একুপ অব্যবস্থার প্রতিকার ও বিজলী সরবরাহের যথেষ্ট পরিমাণে বাছুর দাবী করি।”

নারীর অধিকার ও মর্যাদা

কলিকাতা হইতে প্রকাশিত ইংরেজী সাপ্তাহিক “ক্লারিয়ন” পত্রিকা ৩রা মে এক সম্পাদকীয় প্রবন্ধে নারীর অধিকার ও মর্যাদা সম্পর্কে আলোচনা প্রসঙ্গে লিগিতেছেন যে, ভারতের প্রগতিশীল জনসাধারণ নারীর পূর্ণ অধিকার এবং মর্যাদা প্রতিষ্ঠায় সবিশেষ উৎসুক। কিন্তু এই উদ্দেশ্য পূরণের পথে নানাবিধ বাধাবিপত্তি রহিয়াছে—যদিও তাহা হ্রাস্য নহে। তবে নারীর মুক্তি যদি কামা হয় তবে এই সকল বাধাবিপত্তি দূর করিবার প্রচেষ্টা এখন হইতেই শুরু করিতে হইবে। তাহা না হইলে কোন কার্যকরী ব্যবস্থা অবলম্বন না করিয়া মহৎ উদ্দেশ্যে কেবল কতকগুলি সুমিষ্ট প্রস্তাব পাশ করিলে সেই উদ্দেশ্য সিদ্ধ হইবে না।

নারীর মুক্তির পথে প্রধান অন্তরায় কতিপয় পুরুষের বিশেষ ধরণের মনোভাব। তাঁহাদের গোঁড়ামি লইয়া একুপ পুরুষেরা মনে করেন, যে কোন স্ত্রীলোকের পক্ষে রাস্তা দিয়া হাঁটিয়া যাওয়া নিতান্ত অস্বাভাবিক। তাঁহারা ভ্রাস্ত হইলেও সহৃদয়েই একুপ করেন। ইহাতে ঈর্ষা অথবা ক্ষতিকর কোন কিছু নাই।

কিন্তু অপরপক্ষে অল্পবয়স্কদের মধ্যে একটা বিপজ্জনক মনোভাব প্রায়ই দেখা যায় যেন রাস্তার উপর সঙ্গীহীন যে কোন রমণীকে তাহারা অপমান করিতে পারে। ভ্রাস্ত ধারণার বশবর্তী এই সকল যুবকের নিকট নারীর স্বাধীনতা অথবা রাস্তা দিয়া একক হাঁটিয়া যাইবার অধিকার প্রভৃতির কোন মূল্য নাই। তাহারা কখনও নারীকে মানুষ হিসাবে, একজন মহা নাগরিক হিসাবে দেখিতে পারে না। নারীকে তাহারা কেবল তাহাদের জঘন্য কামনার বস্ত্র ব্যতীত অপর কোনরূপে চিন্তা করিতে পারে না। ফলে অবস্থা একুপ দাঁড়াইয়াছে যে এমন কতকগুলি স্থান দেখা দিয়াছে যেখান দিয়া কোন সুরুচিসম্পন্ন নারীর পক্ষে রাস্তা দিয়া হাঁটিয়া যাওয়া অসম্ভব। পত্রিকাটি মন্তব্য করিতেছেন যে, একুপ অবস্থায় স্ত্রী-স্বাধীনতার কথা বাঙ্গের মত শোনায়। অন্ততঃ কতকগুলি বিশেষ স্থানে সুরুচি-সম্পন্ন নারীদের কোন স্বাধীনতাই যে নাই তাহা স্বীকার করিতে হইবে।

“ক্লারিয়ন” লিগিতেছেন যে, অনতিকালপূর্বে একটি প্রতিষ্ঠান এই দুর্নীতির ব্যাপকতা পরিমাপ করিবার চেষ্টা করেন। তাঁহাদের সংগৃহীত তথ্য হইতে যে চিত্র প্রকাশ পায় তাহা সত্যই দিঙ্কার-

জনক। প্রশস্ত রাজপথে প্রকাশভাবে ট্রামের উপর একটি নারীকে চুষন করার ঘটনার পরই এই তদন্ত আরম্ভ হয়। সেই ঘটনার সর্বাপেক্ষা আশ্চর্যজনক ব্যাপার হইতেছে এই যে, উহার পর উক্ত বালিকার পক্ষ হইয়া বলিবার মত সাহস ট্রামের লোকের মধ্যেও দেখা যায় নাই।

প্রতিষ্ঠানটির তদন্তের রিপোর্ট হইতে দেখা যায়, সকল সম্প্রদায়ের এবং সকল বয়সের লোকের মধ্যেই এই কুংসিত আচরণ প্রকাশ পায়। তবে পৌড়নের উপায় নানাবিধ। এক ধরণের উচ্ছৃঙ্খল যুবক স্কুল যাতায়াতের পথে বালিকাদিগকে বিরক্ত করে। পোড়া সিগারেটের অংশবিশেষ মেয়েদের মুখে ছুঁড়িয়া দেওয়া হইতে শুরু করিয়া বিভিন্ন অশোভন ব্যবহার দ্বারা তাহারা এরূপ করে। কোন কোন ক্ষেত্রে মহিলাদিগকে স্বহস্তেই এ সকল উৎপীড়নের প্রতিকার করিতে হয়। এ সম্পর্কে পত্রিকাটি কতিপয় বাঙ্গালী টেলিফোন অপারেটর কর্তৃক জনৈক অসভ্য গুণ্ডার শায়েস্তার উল্লেখ করেন।

উপসংহারে পত্রিকাটি লিখিতেছেন, কেবল আইন পাস করিয়া সমান বলিয়া ঘোষণা করিলে নারীর অবস্থার বিন্দুমাত্রও উন্নতি হইবে না। যখন তাহাদের প্রাপ্য মর্যাদা তাহাদিগকে দেওয়া হইবে মাত্র তখনই তাহাদের প্রকৃত স্বাধীনতা লাভ হইবে।

শিক্ষাক্ষেত্রে ইংরেজীর বাধা ও জাতীয় শক্তির অপচয়

“যুগবাণী” লিখিতেছেন : “উচ্চশিক্ষার পথে ইংরেজী কি ভীষণ বাধা এবং জাতীয় শক্তির অপচয়ের কারণ হইয়া দাঁড়াইয়াছে, নূতন বিশ্ববিদ্যালয় আইনের প্রথম সিনেট সভার রিপোর্টে তাহার প্রমাণ রহিয়াছে। প্রায় ৭০ পারসেন্ট ছাত্রছাত্রী সব পরীক্ষায় পাস করে, কিন্তু ইংরেজীতে ফেল করে বলিয়া ফেল হয়।

“১৯৫২ সালে বিভিন্ন পরীক্ষায় পাশের হার ছিল এইরূপ :

আই-এ	শতকরা
আই-এ	৩০.৩
আই-এসসি	৩২.৭
বি-এ	৩১.৪
বি-এসসি	৩৫.৩

“অধীতবা বিষয়গুলি মাতৃভাষায় লিখিতে পারিলে কি ভাবে পাস করে তাহার দৃষ্টান্ত—

আই-এ	
বিষয়	পাসের শতকরা হার
ইংরেজী	৩৫.৮
ইতিহাস	৭৭.২
ন্যায়	৬৮.৫
অঙ্ক	৭২.৬
পৌরনীতি	৮১.৩
বাং	৭০.০১

সংস্কৃত	৭২.৫
অর্থনৈতিক ভূগোল	২১.২
বাণিজ্যের অঙ্ক ও হিসাব	৮৬.১
প্রাণিতত্ত্ব	১০০

আই-এসসি

ইংরেজী	৪০.২
বাংলা	৬৭.৮
রসায়ন	৬৮.৩
পদার্থবিদ্যা	৭১.১
অঙ্ক	৭৩.৫
উদ্ভিদতত্ত্ব	৭২.৩
প্রাণিতত্ত্ব	৬৮.২
শারীরবিদ্যা	১০০
ভূগোল	২১.৪

বি-এ

ইংরেজী	৪৩.৬
বাংলা	৭৭.৫
অতিরিক্ত বাংলা	৮৭.০৮
সংস্কৃত	৬৯.৪
ইতিহাস	৭৮.৩
অর্থনীতি	৬১.৮
দর্শন	৬১.৮

“ইন্টারমিডিয়েট এবং বি-এ পরীক্ষায় আজকাল অধিকাংশ পরীক্ষার্থী বাংলায় উত্তর লিখিতেছে। ছেলেমেয়েদের বুদ্ধি কমিয়া গিয়াছে, পড়াশুনায় মন নাই, একথা যে সম্পূর্ণ ঠিক নয় তাহা উপরোক্ত তালিকায় দেখা যাইতেছে। অধীতবা বিষয়ে মাতৃভাষায় মনের কথা প্রকাশ করিতে পারিতেছে, ইংরেজীতে পারে না। প্রায় তিন-চতুর্থাংশ পরীক্ষার্থী সব বিষয়ে পাস করিতেছে, ঠেকিতেছে আসিয়া ইংরেজীতে।”

এই অবস্থার আশু নিরসন নিতান্তই কাম্য। কেবলমাত্র মাতৃভাষার মাধ্যমে উচ্চতম শিক্ষাদানের ব্যবস্থা দ্বারাই তাহা সম্ভব। কিন্তু সর্বপ্রথমে চাই মাতৃভাষায় লিখিত উচ্চতম মানের পাঠ্য পুস্তক এবং মাতৃভাষায় শিক্ষাদানের জন্য পূর্ণভাবে উপযুক্ত শিক্ষক ও অধ্যাপক। বৈজ্ঞানিক, দার্শনিক ইত্যাদি বিষয়ের বৈদেশিক শব্দ-মালার যথাযথ পরিভাষা ও অভিধান এখনও এদেশে নাই। একমাত্র হায়দরাবাদে উর্দু অভিধান সেই বিষয়ে অগ্রসর। অথচ ঐ সকল ব্যবস্থা না হইলে মাতৃভাষায় উচ্চশিক্ষা দেওয়ার চেষ্টা বৃথা।

ধলভূমের কৃষক ও কৃষি

শ্রীবামন মুখোপাধ্যায় “নবজাগরণ” পত্রিকায় ধলভূমের কৃষকদের অবস্থা সম্পর্কে আলোচনা প্রসঙ্গে লিখিতেছেন যে, কেন্দ্রীয় এবং রাজ্যসরকারসমূহ খাড়ে স্বাবলম্বী হইবার জন্য নানারূপ পরিকল্পনা

গ্রহণ করিয়াছেন অথচ বাহারা এই পরিকল্পনাকে সাফল্যমণ্ডিত করিবে সেই কৃষকসমাজ সম্পর্কে সকলেই সমান উদাসীন। ধলভূমে জমিদারী প্রথা উচ্ছেদ হইয়াছে। চাষীরা কতই না আশা করিয়া-ছিল, কিন্তু তাহাদের কোন আশাই পূর্ণ হয় নাই। বহুক্ষেত্রেই এখনও জমিদারের লোকেয়া খাজনা আদায় করিয়া লইয়া যায়। কারণ জমিদারকে খাজনা দিতে নিষেধ করিয়া সরকার যে বিজ্ঞপ্তি দিয়াছিলেন বহুক্ষেত্রেই তাহা অজ্ঞ কৃষকের গোচরে আনিবার কোন ব্যবস্থা হয় নাই। সরকারী কর্মচারী আসিয়া তারপর খাজনা দাবী করে এবং তাহা না দিতে পারিলে সার্টিফিকেট জারীর ভয় দেখায়।

বামনবাবু সরকারী প্রচার বিভাগের কঠোর সমালোচনা করিয়া লিখিতেছেন : “শহর কেন্দ্রে সংবাদপত্রের অভাব নাই। শহরবাসী অতি সহজেই সরকারের বক্তব্য জানিতে পারে। কিন্তু সেই শহরেই প্রচার বিভাগের মোটরভ্যান মাইকের সাহায্যে চীংকার করিয়া বেড়ায়। অথচ যে স্থানে এই চীংকারের একান্ত প্রয়োজন সে স্থানে চিরনিশ্চরুতাই রহিয়া যায়।”

চাষের উন্নতিকল্পে গৃহীত সরকারী পরিকল্পনাগুলির ত্রুটিবিচ্যুতি সম্পর্কে তিনি লিখিতেছেন : “সরকারী রাজস্ব ধলভূমে অনেক বাধ চাষের সুবিধার জন্ম নিশ্চিত হইয়াছে। কিন্তু বড়ই পরিতাপের বিষয় যে, জল উহার একটি বাধেও দেখিতে পাওয়া যায় না। যে উদ্দেশ্য লইয়া উহা নির্মিত হইল সে উদ্দেশ্যই ব্যর্থ হইল। না পাইল চাষী বাধের জল, না পাইল গ্রামবাসী উহাতে স্নান করিতে বা উহার চাষের বলদগুলিকে জল খাওয়াইতে।” অথচ দরিদ্র গ্রামবাসীর নিকট হইতে এই সকল বাধ নির্মাণের ব্যয়ের অর্দ্ধাংশ আদায় করা হইয়াছে। লেখকের অভিমতে, যদি একই সঙ্গে সকল স্থানের বাধের কাজ আরম্ভ না করিয়া একটি দুইটি করিয়া বাধ নির্মাণ করা হইত তবে সেগুলির নির্মাণ সুষ্ঠুভাবে সম্পন্ন হইত এবং বর্তমানের এই অসন্তোষজনক পরিস্থিতি দেখা দিত না। উপরন্তু সরকার হইতে এই সকল বাধের রক্ষণাবেক্ষণেরও কোন ব্যবস্থা করা হয় নাই।

লেখক বলিতেছেন যে, সরকারী কর্মচারীরা যদি কৃষকদের প্রতি সহানুভূতিসম্পন্ন না হইতে পারেন তবে কোন পরিকল্পনাই সার্থক হইতে পারে না, এবং তাহাতে সরকারের সকল প্রচেষ্টাই ব্যর্থ হইতে বাধ্য। “কৃষক জানে না যে সে তাহার চাষের উন্নতির জন্ম কোথা হইতে ভাল বীজ এবং রাসায়নিক সার পাইতে পারে। অথচ এই সমস্ত দ্রব্য পরিবেশনের জন্ম সরকার অর্থব্যয় করিয়া আপিস খুলিয়াছে। যদি কোন কাজই না হইল তবে এইরূপ অর্থ ব্যয়ের প্রয়োজন কি।”

সোভিয়েট বিজ্ঞানীদের ভারত-সফরে অভিজ্ঞতা

বিগত জাম্বুয়াদী মাসে হায়দরাবাদে অনুষ্ঠিত ভারতীয় বিজ্ঞান কংগ্রেসের বাৎসরিক অনুষ্ঠানে যোগদানের জন্ম আমন্ত্রিত হইয়া অন্যান্য দেশের জায় সোভিয়েট ইউনিয়ন হইতেও এক বিজ্ঞান

প্রতিনিধিদল ভারতে আসেন। সোভিয়েট-জীববিজ্ঞানী এঞ্জেলহাদৎ ঐ প্রতিনিধিদলের অন্যতম সভ্য ছিলেন। গত ১১ই মার্চ মস্কোস্থিত সোভিয়েট বিজ্ঞানমন্দিরের প্রশস্ত হলে অনুষ্ঠিত এক সভায় তিনি তাঁহার ভারত-সফরের অভিজ্ঞতা বর্ণনা করেন।

এঞ্জেলহাদৎ তাঁহার বক্তৃতায় ভারতে বৈজ্ঞানিক গবেষণা কার্যের প্রভূত অগ্রগতির উল্লেখ করেন। তিনি বলেন যে, ভারতীয় বিজ্ঞানীদের কার্যকলাপের সহিত পরিচয় লাভ করিয়া সোভিয়েট বিজ্ঞানীরা যথেষ্ট লাভবান হইয়াছেন। বস্তুতে তাঁহারা ভারতের সর্ববৃহৎ জীবাণু বিজ্ঞান পরিষদটি দেখিয়াছিলেন। ঐ পরিষদের প্রতিষ্ঠাতা ডক্টর চাককিন একজন কৃষক; সংক্রামক ব্যাধির বিরুদ্ধে অভিযানের জন্ম তিনি ভারতে আগমন করেন। হায়দরাবাদে তাঁহারা জীববিজ্ঞানবিষয়ক মিউজিয়মের সকল বৈজ্ঞানিক গবেষণার সহিত পরিচিত হন। বাঙ্গালোরে অবস্থিত রামন ইনস্টিটিউটও তাঁহারা দেখিতে যান। কলিকাতায় সত্যেন্দ্রনাথ বসু প্রমুখ ভারতীয় বিজ্ঞানের বহু প্রখ্যাত প্রতিনিধিদের সহিত তাঁহাদের আলাপ-পরিচয় হয়। সর্বত্রই তাঁহারা সোভিয়েট বিজ্ঞানীদের দান সম্পর্কে ভারতীয় বৈজ্ঞানিকদের মধ্যে গভীর আশ্রয়ের পরিচয় পাইয়া মুগ্ধ হইয়াছেন।

এঞ্জেলহাদৎ বলেন, “কংগ্রেসে ভারতীয় বিজ্ঞানীদের সঙ্গে কাঁধে কাঁধে মিলাইয়া কাজ করিয়া আমরা সম্যক উপলব্ধি করিতে পারিয়াছি যে, বিজ্ঞানের সামাজিক কর্তব্যের ভূমিকা ও বিজ্ঞানীদের দায়দায়িত্ব সম্পর্কিত মনোভাবে আমাদের মধ্যে যথেষ্ট মিল আছে।”

ভারতে বিদেশী মিশনারীদের কার্যকলাপ

“পিপল” পত্রিকা এক সম্পাদকীয় প্রবন্ধে মন্তব্য করিতেছেন যে, একাধিক কারণে ভারতে বৈদেশিক মিশনারীদের কার্যকলাপের অনুসন্ধান হওয়া আবশ্যিক। পত্রিকাটির মতে ভারতের আভ্যন্তরীণ রাজনীতি এবং জাতীয় ও প্রাদেশিক নির্বাচনে বিদেশীদের সক্রিয় মনোযোগ আমরা কখনই নিশ্চিত মনে বসিয়া দেখিতে পারি না। যে কোন উদ্দেশ্যই হউক, তাহারা বেতার প্রেরক যন্ত্র সঙ্গে লইয়া বেড়াইবে তাহাও বরদাস্ত করা যায় না। কি উদ্দেশ্যে তাহারা এসব করে তাহা অনেকের নিকট যথেষ্ট পরিষ্কার। শ্রী সম্পূর্ণানন্দ বলিয়াছেন যে, এই সকল দুষ্কর্তারীদের অধিকাংশই মার্কিন যুক্তরাষ্ট্র হইতে আগত।

তদন্ত কমিশনের কর্তব্য হইবে ইহাদের কার্যকলাপ সম্পর্কে যথাসম্ভব বিস্তৃত সংবাদ সংগ্রহ করা। কোন্ কোন্ অঞ্চলে এই মিশনারীরা কাজ চালায়? কেন সীমাস্তবর্তী অঞ্চলগুলিই তাহাদের এত প্রিয়? কেন বিশেষভাবে গ্রামাঞ্চলেই তাহারা থাকিতে ভালবাসে? পুলিশ কি ইহাদের কার্যকলাপের উপর নজর রাখে? মিশনারীরা অধিকাংশ কোন্ জাতির লোক? তাহারা আজ পর্যন্ত কতদূর সাফল্যলাভ করিয়াছে এবং তাহাদের কার্য হইতে ভবিষ্যৎ

বিপদের সম্ভারনাই বা কতদূর? সম্প্রতি তাহাদের সংখ্যা বৃদ্ধি
পাওয়ার কারণ কি?

পত্রিকাটির খাতে বিশেষ সতর্কতার সহিত এই সকল তথ্য
সংগ্ৰহ করিতে হইবে যাহাতে বিদেশী মিশনারীদের বিরুদ্ধে সরকার
যদি কোন ব্যবস্থা অবলম্বন করেন তখন যেন স্বদেশী খ্রীষ্টানগণ
সরকারের কাছো অস্বাভাবিক কিছু মনে করিতে না পারেন অথবা
আন্তর্জাতিক ক্ষেত্রে যেন ভারত সরকার পরমত-অসহিষ্ণু রূপে
প্রতিভাত না হন।

ভারতকে সাহায্য দান

পঞ্চবার্ষিকী পরিকল্পনায় মার্কিন সাহায্যের উপর কতটা নির্ভর
করা হইয়াছে তাহার সঠিক পরিমাণ জানা যায় না। এবং অল্প
দিকে উহা আদৌ আর পাওয়া যাইবে কিনা—বিনা সন্দেহ—সে
বিষয়েও অনেকে সন্দেহান ছিলেন। সেই হিসাবে নিম্নস্ত বিবৃতি
প্রণিধান যোগ্য:

“ওয়াশিংটন, ৪ঠা মে—মার্কিন প্রতিনিধিসভার বৈদেশিক
বিষয়ক কমিটিতে সাহায্যদান প্রসঙ্গে ভারতস্থ মার্কিন রাষ্ট্রদূত মিঃ
জর্জ ভি. অ্যালেন বলেন, ‘স্বাধীন বিশ্বের শক্তির উৎস হইল স্বাধীন
ভারত।

প্রতিনিধিসভার বৈদেশিক বিষয়ক কমিটিতে শুনানীর দ্বিতীয়
দিনে রাষ্ট্রদূত অ্যালেনই প্রথম সাহায্যদান করেন। সোমবার সহকারী
পররাষ্ট্রসচিব হেনরী এ. বাইরোড কমিটির সম্মুখে হাজির হইয়া-
ছিলেন, কিন্তু তিনি কমিটির গোপন অধিবেশনে সাহায্যদান
করিয়াছিলেন এবং এ সম্পর্কে তাহার কোন বিবৃতি প্রকাশিত হয়
নাই।

ভারতের জন্য মোট ১০,৪৫,০০,০০০ ডলার সাহায্য সুপারিশ
করা হইয়াছে। তন্মধ্যে ৮ কোটি ৫০ লক্ষ অর্থনৈতিক সাহায্য
বাবদ এবং ১ কোটি ৯৫ লক্ষ কারিগরী সাহায্য বাবদ পৃথক রাখা
হইয়াছে।

মিঃ অ্যালেনের বিবৃতির পূর্ণ বিবরণ নিম্নে দেওয়া হইল:

‘এই বৎসর প্রথম দিকে প্রেসিডেন্ট আইসেনহাওয়ার ভারতকে
অর্থনৈতিক ও কারিগরী সাহায্যদানের সুপারিশ করিয়া যে প্রস্তাব
করিয়াছিলেন, তাহা সমর্থনের জগ্ন আপনাদের নিকট উপস্থিত
হইবার সুযোগ পাইয়া আমি আনন্দিত।

‘আমাদের প্রতি ভারতের মনোভাব সম্পর্কে বহু আলোচনা
হইয়াছে এবং নূতন পরিকল্পনা অনুসারে আমাদের সাহায্য চালাইয়া
যাওয়া উচিত হইবে কিনা তাহা লইয়া কেহ কেহ প্রশ্ন করিতেছেন।
ভারতে আমার কার্যকালের মধ্যে আমি যে সকল তথ্য সংগ্ৰহ
করিয়াছি, তাহা কমিটির সদস্যদের সিদ্ধান্ত গ্রহণে সহায়তা করিবে
বলিয়া আমি আশা করি।

‘প্রথমতঃ আমি বলিতে চাই যে, ভারতের নেতৃবর্গ আমাদের
সাহায্য কামনা করেন এবং সাহায্য অব্যাহত থাকিলে তাহারা
প্রীত হইবেন। ব্যক্তিগত অভিজ্ঞতা ও পর্যবেক্ষণ হইতে আমি

বিশ্বাস করি যে, অতীতে আমরা ভারতকে যে সাহায্য দিয়াছি
তাহা সার্থকতার সহিত ব্যবহার করা হইয়াছে এবং ১৯৫৫ সালের
জনা প্রস্তাবিত সাহায্য পরিকল্পনা যদি কংগ্রেস মঞ্জুর করেন, তাহা
হইলে তাহাও অনুরূপভাবেই সার্থকতার সহিত নিয়োগ করা
হইবে।’

‘ভারতকে সাহায্যদানের জন্য আমরা যাহা কিছু করিতেছি
ভারতীয়রা তাহা ভালভাবেই অবগত আছে। আমেরিকানরা
বর্তমানে নয়াদিল্লী ও ভারতের বিভিন্ন মন্ত্রীসভায় পরামর্শদাতা
হিসাবে কার্য করিতেছে। আমেরিকানরা অত্যন্ত বন্ধুত্বপূর্ণ ব্যক্তি-
গত সম্পর্ক গড়িয়া তুলিয়াছে এবং অর্থনৈতিক সাহায্য পরিকল্পনা
তাহাদের কারিগরী পরামর্শের সহায়তা করিতেছে বলিয়া তাহাদের
কার্যাবলী অবিলম্বেই ফলপ্রসূ হইতেছে। ভারতীয় জনগণের
অর্থনৈতিক উন্নতির আশা-আকাঙ্ক্ষা অন্ততঃ কিছু পূরণের জন্য
তাহারা ভারতীয় বিশেষজ্ঞ ও কারিগরদের সহিত একযোগে কার্য
করিতেছে। আমার মতে জাতীয় স্বার্থের খাতিরেই যুক্তরাষ্ট্রের
এরূপভাবে সাহায্য চালাইয়া যাওয়া উচিত যে, তাহার কার্যকারিতা
বাধাপ্রাপ্ত হইবে না।

‘ভারতের জনগণ এবং তাহাদের নেতৃবৃন্দ গণতান্ত্রিক নীতির
উপর প্রতিষ্ঠিত গবর্নমেন্টের প্রতি আস্থা সম্পন্ন, তাহারা গণতান্ত্রিক
পদ্ধতিতে রাষ্ট্রের অর্থনৈতিক উন্নতি বিধানের চেষ্টা করিতেছে।
ইহা স্বৈরাচারী একনাবকতন্ত্রী কমিউনিষ্ট পদ্ধতির সম্পূর্ণ বিপরীত।
ভারতের বর্তমান নেতৃবৃন্দ এবং কংগ্রেসদল গণতান্ত্রিক পদ্ধতিতে
দেশের উন্নতি বিধানের জন্য অঙ্গীকারবদ্ধ। আমি তাহাদের সাহস
ও উচ্চাশার প্রশংসা করি। গণতান্ত্রিক পদ্ধতির উপর তাহাদের
যে আস্থা আছে তাহারা যদি তাহা হারায় এবং গণতান্ত্রিক নীতির
উপর প্রতিষ্ঠিত শাসনব্যবস্থা সম্পর্কে ভবিষ্যতের সকল আশায়
জলাঞ্জলি দেয় তবে তাহা আমাদের পক্ষে অত্যন্ত মশাস্তিক হইবে।
ভারতে বর্তমানে উন্নয়নের যে সকল চেষ্টা হইতেছে, সম্পূর্ণ আমাদের
স্বার্থের খাতিরেই এই সকল প্রচেষ্টায় সাধামত সহায়তা করিতে
হইবে। ভারত সরকার ও আমাদের মধ্যে যে মতবিরোধ ও নীতি
সম্পর্কে অতৈক্য রহিয়াছে তাহা আমি বিশেষরূপে অবগত আছি।
ভারত সরকার ও যুক্তরাষ্ট্রের অনুষৃত বৈদেশিক নীতির মধ্যে
প্রায়ই পার্থক্য দেখা যায়। কিন্তু আমাদের মনে রাখা কর্তব্য
গণতন্ত্র ও অভিমত প্রকাশের স্বাধীনতা অঙ্গাঙ্গী সম্পর্কযুক্ত। এই
স্বাধীনতায় মতানৈক্য প্রকাশেরও অধিকার দিতে হইবে। আমার
ধারণা স্বতন্ত্র ভারত স্বাধীন বিশ্বের শক্তির উৎস।

‘আপনারা জানিয়া রাখুন, ভারতকে আগামী বৎসরে সাহায্য
দানের সিদ্ধান্ত আমি খুব সহজে গ্রহণ করি নাই। এই প্রশ্নটি
আমি গভীরভাবে অনুধাবন করিয়াছি এবং এক বৎসর ধরিয়া চিন্তা-
ভাবনার পর আমি এই সিদ্ধান্তে আসিয়া পৌঁছিয়াছি যে, ভারতকে
বধেষ্ঠ পরিমাণে সাহায্য করা উচিত। এই সাহায্যের ফলে ভারত
এবং আমেরিকা উভয়েই উপকৃত হইবে।’

সপ্তপদী

ডক্টর শ্রীমতা চৌধুরী

সম্প্রতি সাধারণ ব্রাহ্মসমাজের মুখপত্র “তত্ত্বকোমুদী” পত্রিকায় (১৪ই এপ্রিল ১৯৫৪) বিবাহের “সপ্তপদী মন্ত্র” সম্বন্ধে নিম্নলিখিত সম্পাদকীয় মন্তব্য প্রকাশিত হয়েছে :

“সামাজিক অনুষ্ঠানকে যতদূর সম্ভব দেশাচার অনুসারে করিতে উৎসাহ থাকা বাঞ্ছনীয় হইলেও, সেই উৎসাহে আদর্শ হইতে চ্যুত হওয়া কখনই বাঞ্ছনীয় হইতে পারে না। কিন্তু দেখা বাইতেছে ব্রাহ্মসমাজভুক্ত কেহ কেহ উৎসাহের বশে আদর্শের বিপরীত কার্যও করিতেছেন। সম্প্রতি একটি বিবাহ-বাসরে একরূপ অনুষ্ঠান দেখিয়া এ সম্পর্কে আমাদের বিশেষভাবে চিন্তা করিয়া দেখার প্রয়োজনীয়তা সম্পর্কে আমাদের সচেতন হইবার সময় আসিয়াছে বলিয়া প্রত্যয় হইয়াছে। সপ্তপদীগমন একটি পুরাতন দেশাচার। কিন্তু উহার মন্ত্রগুলির মধ্যে এমন কথা আছে যাহা ব্রাহ্ম আদর্শের অন্তর্কূল নহে। ব্রাহ্মসমাজ নর-নারীর সমান অধিকারে আহ্বান, অথচ সপ্তপদী-গমনে পতির অনুভূতা হইবার সঙ্কল্প রহিয়াছে, একরূপ আরও প্রতিজ্ঞা এই মন্ত্রে আছে। সেজন্য দেশাচার অনুসরণ করিবার জন্ত যদি সপ্তপদীগমনের জায় একটি অনুষ্ঠান করিবার বাসনা ব্রাহ্মদিগের মনে থাকে, তাহা হইলে মন্ত্রগুলিকে আদর্শানুযায়ী পরিবর্তন করিয়াই করা উচিত। দেশাচার-নিষ্ঠা যেন আমাদের ব্রাহ্ম পথে লইয়া না যায়।”

ব্রাহ্মসমাজ কোন্ দেশাচার অনুসরণ করবেন, তা অবশ্য সম্পূর্ণরূপে তাঁদের নিজেদেরই কথা—সে সম্বন্ধে কারও কিছু বলবার থাকতে পারে না। কিন্তু আমাদের প্রাচীন শাস্ত্রোক্ত সপ্তপদী মন্ত্রে যে নর-নারীর সমান অধিকার স্বীকৃত হয় নি, এবং নারীকে সম্পূর্ণরূপে পুরুষের অধীনা ও হীনতরা বলে প্রতিপন্ন করা হয়েছে, যেজন্য নর-নারীর সমান অধিকারে বিশ্বাসী ব্রাহ্মগণ এই মন্ত্রসমূহ উচ্চারণই করতে অপারগ—এটি সত্যই অতি বিষয়জনক উক্তি! কারণ আমাদের শাস্ত্রে সপ্তপদী মন্ত্রে, বস্তুতঃ বিবাহের অন্ত্যস্ত সকল মন্ত্রেও, সর্বত্রই বর ও বধুর সমান অধিকার ও মর্যাদা সানন্দে স্বীকৃত হয়েছে।

প্রথমে সপ্তপদীমন্ত্রের কথাই আলোচনা করা যাক। আমাদের উপনয়ন-বিবাহ-জাতকর্ম প্রমুখ সকল সংস্কার বা করণীয় কর্মাদির বিধিবিধান প্রধানতঃ বিভিন্ন গৃহসূত্রাদিতে পাওয়া যায়। একরূপ গৃহসূত্রসমূহ বহুলাংশে বৈদিক মন্ত্রা-বলীর চয়নই মাত্র। প্রায় সকল গৃহসূত্রেই সপ্তপদীমন্ত্রের উল্লেখ পাওয়া যায়।

ঋগ্বেদীয় গৃহসূত্রে সপ্তপদীমন্ত্র

ঋগ্বেদীয় গৃহসূত্রে সুবিখ্যাত “আখলায়ন-গৃহসূত্রে”র সপ্তপদীমন্ত্র নিম্নলিখিতরূপ :

“অধৈনামপরাভিতায়াং দিশি সপ্তপদাভ্যুৎক্রাময়তীঃ একপদার্জে বিপদী
রায়সোবার। ত্রপদী মারোভবার চতুপদী প্রজাতাঃ পঞ্চপদাভ্যুৎক্রাময়তীঃ

সখা সপ্তপদী ভব সা মামনুভবতা ভব পুত্রান্ বিন্দাবহে বহুংস্তে সখ জরনষ্টয়
ইতি।” (১-৩-২০)

অর্থাৎ, বিবাহকালে বর বধুকে সম্মুখে নিয়ে সপ্তপদ গমন করবেন, এবং বর পুরোবর্তিনী বধুকে প্রতি পদক্ষেপের সঙ্গে বলবেন—“আনন্দরসপূর্ণ নবীন জীবন লাভের জন্ত প্রথম পদ ক্ষেপণ কর, শক্তি লাভের জন্ত দ্বিতীয় পদ ক্ষেপণ কর, সমৃদ্ধি লাভের জন্ত তৃতীয় পদ ক্ষেপণ কর, মঙ্গল লাভের জন্ত চতুর্থ পদ ক্ষেপণ কর, সমৃদ্ধি লাভের জন্ত পঞ্চম পদ ক্ষেপণ কর, সাধুসরিক শুভ পরিবেশ লাভের জন্ত ষষ্ঠ পদ ক্ষেপণ কর, সপ্তম পদ ক্ষেপণের সঙ্গে সঙ্গে তুমি আমার সখা বা বন্ধু হও। তুমি আমার ব্রত অনুসরণ কর। আমাদের দীর্ঘজীবী বহু পুত্র হোক।”

এই সুন্দর, সুমিষ্ট মন্ত্রটিতে বধুকে একটি বাক্যাংশ পর্যন্ত দিয়েও বরের অধীনা বা বরের অপেক্ষা কোনো বিষয়ে নানা বলে বর্ণনা করা হয় নি। উপরন্তু বধুই এস্থলে পুরোবর্তিনী—প্রকৃত ও রূপক উভয় অর্থেই। সর্বশেষ ও সর্বশ্রেষ্ঠ সপ্তম পদক্ষেপের সঙ্গে সঙ্গে ত তিনি পতির “সখা” বা অভিগামিনী বন্ধু হয়েই গেলেন; অতএব নর-নারীর সমান অধিকার ব্যতীত আর অজ্ঞ কি এস্থলে বলা হয়েছে? ধারা সমমনঃ-প্রাণ, সমপদস্থ, সমানাধিকারশীল তাঁরাই ত একমাত্র প্রকৃত বন্ধু হতে পারেন—উচ্চ-নীচ, প্রভু-ভৃত্যের মধ্যে সখ্য বা বন্ধুত্বের নিকটতম, মধুরতম সম্পর্ক গড়ে উঠতে পারে না। সুতরাং স্বামী-স্ত্রীর মধ্যে স্বাধীন প্রভু ও পরাধীন দাসীর সম্বন্ধ নয়—সমানমর্যাদাশীল দুই সখার সম্বন্ধ, কেবল এই কথাটিই এই মন্ত্রে স্পষ্টতমভাবে বলা হয়েছে।

“অনুভূতা” কথাটিতেও ভয় পাবার কিছু নেই। এর ব্যাপ্তিগত মুখ্য অর্থ হ’ল, ব্রতের অনুসারিণী হওয়া, বা বরের জীবনব্রতকে নিজের বলে গ্রহণ করে, তাকে সার্থকতম করে তোলা; এবং সাধারণ বা গোণ অর্থ হ’ল, বরের প্রতি নিঃস্বার্থ একনিষ্ঠ প্রেমে বিভোরা হয়ে একমাত্র তাঁকেই জীবন সমর্পণ করা। স্ত্রী স্বামীর জীবনব্রত গ্রহণ করে তাঁকেই মনঃপ্রাণ অর্পণ করবেন—এতে কি স্ত্রীর হীনতা বা পরাধীনতা প্রমাণিত হয়?

অবশ্য কেবল স্ত্রীই যে পতিব্রতা ও পতিগতচিন্তা হবেন, তাই নয়; স্বামীও ঠিক তেমনি পত্নীব্রত ও পত্নীগতচিন্তা হবেন। সেজন্য বিবাহকালে বরও বধুকে অপূর্ব সুন্দর-ভাবে আহ্বান করে স্বয়ং দান করেন এবং বধুর নিকট

আনুগত্যের সকল করেন। একই ভাবে, বধুও স্বয়ং বরকে অনুব্রত হবার জন্য আহ্বান জানান। এ সম্বন্ধে স্বয়ংসংখ্যক মন্ত্র নিয়ে উদ্ধৃত করছি।

এরূপ “আনুভ্রতাই” প্রকৃত সখ্য বা বন্ধুত্বের মূল ভিত্তি। দুই বন্ধুর জীবনব্রত বা লক্ষ্য যদি সম্পূর্ণ বিভিন্ন ও বিপরীতমুখী হয়, তা হলে ত তাঁদের সম্মিলিত আনন্দময় পরিপূর্ণ জীবন অসম্ভব। সেজন্য নিজস্ব স্বাতন্ত্র্য বিসর্জন না দিয়েও বন্ধুর সঙ্গায় নিজেকে মিলিত করাই বন্ধুর কাজ—এখানেই বন্ধুত্বের চরমোৎকর্ষ ও পরম মাধুর্য। একই ভাবে পতিপত্নী হবেন সমমর্মী, সমধর্মী, সমকর্মী—একে অপরের অর্ধাংশ, একে অপরের পরিপূরক, সহায়ক, শক্তি-দায়ক। তবেই ত হবে দুই স্বতন্ত্র জীবনের পূর্ণতম মিলন, “ঐকত্ৰাত্য বা আনুভ্রাত্য” যে মধুর মিলনের অপর নামই মাত্র।

যজুর্বেদীয় গৃহসূত্রে সপ্তপদী মন্ত্র

শুক্লযজুর্বেদের “পারস্কর-গৃহসূত্রে”র সপ্তপদী মন্ত্র উপরের ঋগ্বেদীয় “আশ্বলায়ন-গৃহসূত্রে”র সপ্তপদী মন্ত্রেরই অনুরূপ।

কিন্তু কৃষ্ণ-যজুর্বেদের তিনটি প্রখ্যাত গৃহসূত্রে বর-বধুর সখ্য বা বন্ধুত্বই যে বিবাহের মূল কথা, তা স্পষ্টতর ভাবে সপ্তপদী মন্ত্রে উল্লিখিত আছে। এরূপে “বারাহ-গৃহসূত্রে” “আশ্বলায়ন-গৃহসূত্রে”র উপরি উদ্ধৃত সপ্তপদী-মন্ত্রের পরে একটি স্বতন্ত্র মন্ত্রও এইভাবে আছে :

“অথৈনাং প্রাচীং সপ্ত পদানি প্রকময়তি—একমিমে বিকৃষ্ণাঃ নয়তু। ষে উর্জে। ত্রীদি রায়স্পোষায়। চত্বারি মায়োভবায়। পঞ্চ প্রজাভ্যঃ। ষড়্ভুভ্যঃ। সপ্ত সপ্তভ্যো হোত্রাভ্যঃ। বিকৃষ্ণাঃ নয়ত্বিত্তি দ্বিতীয়প্রভৃত্য-নুযজ্ঞেং।

“সখী সপ্তপদী ভব। সখ্যাং তে গমেয়ং, সখ্যাং তে মা সিনমিত্তি সপ্তম এনাং প্রেক্ষমাণাং সমীক্ষতে।” (১৪-২৩)

“মৈত্রায়ণীয় মানব-গৃহসূত্রে” সামান্য পরিবর্তিত উপরের মন্ত্রের পরে অতিরিক্ত মন্ত্রটি এইরূপ :

“সখা সপ্তপদী ভব। হৃয়ডীকা সরস্বতী। মা তে বোম সন্দৃশী। বিকৃষ্মমুন্নয়ত্বিত্তি সর্বত্রানুযজ্ঞত। (:-১১-১৮)

বিশ্ববিশ্রুত “হিরণ্যকেশি-গৃহসূত্রে”র অতিরিক্ত সপ্তপদী মন্ত্রটি স্পষ্টতম—

“সপ্তমং পদমবস্থাপ্য জপতি। সখ্যায়া সপ্তপদাবভুব, সখ্যাং তে গমেয়ং, সখ্যাং তে মা যোয়ং, সখ্যাং তে মা যোষ্টাঃ ॥” ইতি। (১,২, ১-২)

সপ্তপদী মন্ত্রের অন্তর্গত এই অতিরিক্ত মন্ত্রগুলির অর্থ এইরূপ :

বর বধুকে সপ্তপদ গমনের শেষে বলছেন :

“সপ্তপদ-ক্ষেপণের সঙ্গে সঙ্গে তুমি আমার সখ্য হলে ; আমি যেন তোমার সখ্যলাভ করি , তোমার সখ্য থেকে আমি যেন কোন দিন বিচ্যুত না হই।”

“সপ্তপদ ক্ষেপণের সঙ্গে সঙ্গে তুমি আমার সখ্য হলে, আনন্দদায়িনী, জ্ঞানদায়িনী হলে। আকাশের মতই তুমি আমার সমগ্র জীবন পরিব্যাপ্ত করে থাক। পরমরক্ষক তোমাকে সকল রকমে রক্ষা করুন।”

“সপ্তপদ ক্ষেপণের সঙ্গে সঙ্গে আমরা উভয়ে সখ্য হলাম, আমি যেন তোমার সখ্যলাভ করি ; আমি যেন কোনদিন তোমার সখ্য থেকে বিচ্যুত না হই ; তুমিও যেন কোনদিন আমার সখ্য থেকে বিচ্যুত না হও।”

পতিপত্নীর প্রগাঢ় বন্ধুত্বমূলক এরূপ অত্যাশ্চর্য সুন্দর মন্ত্র জগতের কোনো বিবাহ-বিধিতেই নেই। ঈদৃশ স্পষ্ট ও প্রাজ্ঞসতম মন্ত্র থাকা সত্ত্বেও কি করে বলা চলে যে, প্রাচীন সপ্তপদী মন্ত্র নর-নারীর বৈষম্যমূলক বিধিই মাত্র, এবং নারীদের পরাধীনতা ও নিরুচ্ছতর অবস্থার দ্যোতকই মাত্র।

উপরের যজুর্বেদীয় গৃহসূত্রে “অনুভ্রতাই” কথাটি পর্যন্ত নেই, যদিও পূর্বেই যা বলা হয়েছে, থাকলেও কোন ক্ষতি ছিল না।

সামবেদীয় গৃহসূত্রে সপ্তপদী মন্ত্র

সামবেদীয় “জৈমিনি-গৃহসূত্রে”র সপ্তপদী মন্ত্র উপরের মন্ত্রাদিরই অনুরূপ। “সখা সপ্তপদী ভবেতি সপ্তমে” (১-২১) এইখানেই মন্ত্রের শেষ। “সামামনুভ্রতাই ভব” বা “সখ্যাং তে গমেয়ম্” প্রভৃতির উল্লেখ নেই।

অথর্ববেদীয় গৃহসূত্রে সপ্তপদী মন্ত্র

অথর্ববেদীয় গৃহসূত্রে “কৌশিকসূত্রে”র সপ্তপদী মন্ত্র এইরূপ :

সপ্ত মর্ষাদা ইত্যন্তরতোহগ্নেঃ সপ্ত লেখা লিখতি প্রাচ্যঃ। (৭৬, ২১)
তাহ্ম পদানুক্রাময়তি ১২২ ইমে ভা হুমঙ্গলি প্রজাপতি হুমীম ইতি প্রথমম্ ১২৩ উর্জে ভা রায়স্পোষায় ভা সোভাগ্যায় ভা সাম্রাজ্যায় ভা সপ্তপদে ভা জীবাতবে ভা হুমঙ্গলি প্রজাপতি হুমীম ইতি সপ্তমং সখা সপ্তপদী ভবেতি ১২৪ ॥

অর্থাৎ, “বর বধুকে সম্বোধন করে বলছেন—হে পরম-মঙ্গলময়ি সীমস্তিনি! আনন্দ, শক্তি, সমৃদ্ধি, সোভাগ্য, সাম্রাজ্য, সম্পদ ও সুখময় জীবন-লাভের জন্য যথাক্রমে তুমি প্রথম, দ্বিতীয়, তৃতীয়, চতুর্থ, পঞ্চম, ষষ্ঠ ও সপ্তম পদ ক্ষেপণ কর। হে পরমমঙ্গলময়ি সীমস্তিনি! সপ্তম পদ ক্ষেপণের সঙ্গে সঙ্গেই তুমি আমার সখ্য হও।”

এরূপে, যে সকল গৃহসূত্রে সপ্তপদী মন্ত্র আছে, সে সব-গুলিতেই “সখা সপ্তপদী ভব” এই মন্ত্রের উল্লেখ আছে। দুটীতে “সামামনুভ্রতাই ভব” বলে বলা আছে (ঋগ্বেদীয় আশ্বলায়ন ও শুক্লযজুর্বেদীয় পারস্করগৃহসূত্র) ; পাঁচটিতে নয় (কৃষ্ণযজুর্বেদীয় বারাহ, মানব ও হিরণ্যকেশি-গৃহসূত্র, সামবেদীয় জৈমিনি-গৃহসূত্র, অথর্ববেদীয় কৌশিক-সূত্র)।

দুটিতে “সখ্যং তে গমেয়ম্” প্রভৃতি স্পষ্টতর অতিরিক্ত মন্ত্র আছে (কৃষ্ণযজুর্বেদীয় বারাহ ও হিরণ্যকেশি-গৃহসূত্র) ।

সুতরাং সন্দেহের কোনরূপ অবকাশ থাকতেই পারে না যে, প্রাচীন সপ্তপদী মন্ত্রের একমাত্র উদ্দেশ্যই ছিল বর ও বধুর পরিপূর্ণ সমানাধিকার তাঁদের সম্মিলিত নবজীবনের প্রথম শুভমুহূর্ত থেকেই স্থাপন করা ।

সপ্তপদী মন্ত্রের অল্পরূপ বিবাহের অগ্ণাণ্ড মন্ত্র

পূর্বেই বলা হয়েছে যে, বিবাহবিধির ‘আমুত্রত্যা’ কেবল এক দিক বা কেবলমাত্র বধুর দিক থেকেই ছিল না, দুই দিক বা বরবধু উভয়ের দিক থেকেও ছিল । এ সম্বন্ধে বিবাহের দু’একটি মাত্র মন্ত্রের উল্লেখ করছি । বর বধুকে উদ্দেশ্য করে যে অল্পম মন্ত্রগুলি পাঠ করেন, তার মধ্যে কয়েকটি এইরূপ :

পতির মন্ত্র

“ওঁ সমস্ত বিধে দেবাঃ সমাপো হৃদয়ানি নো ।” (ঋগ্বেদ ১০-৮৫-৪৭ আখণ্ড, ১. ৮. ২)

সং মাতরিধা সংধাতা সমু দেবী দধাতু নো ।”

“সকল দেবতা আমাদের উভয়ের হৃদয় সম্মিলিত করুন । বিধাতা আমাদের বুদ্ধিকে পরস্পরানুকূল করুন (“আবয়োর্বুদ্ধীঃ পরস্পরানুকূলাঃ করোত্তিত্যং”—সায়ণ্য) ।

“বধামি সত্যগ্রহিণী মনশ্চ হৃদয়ঞ্চ তে ।” (সাম-মন্ত্র-ব্রাহ্মণ ১-৩-৮)

“সত্য-গ্রহিণী দ্বারা তোমার মন ও হৃদয় আমি বন্ধন করি ।”

“ওঁ মম ব্রতে তে হৃদয়ং দধাতু ।

মম চিত্তমশুচিস্তং তে অস্ত” ॥

(শাঙ্খায়ন অথবা কৌষীতকি গৃহ-সূত্র—২-৪-১ । মানব-গৃহ-সূত্র—১-১০-১৩ । পারশুর-গৃহ-সূত্র—১-৮-৮ ।

“আমার ব্রতে তোমার হৃদয় দান কর ; আমার চিত্ত তোমার চিত্তেরই অনুগামী হোক ।”

“ওঁ যদেতদ্ হৃদয়ং তব তদস্ত হৃদয়ং মম ।

যদিদং হৃদয়ং মম তদস্ত হৃদয়ং তব ।” (সাম-মন্ত্র-ব্রাহ্মণ ১-৩-৯)

“তোমার যে হৃদয় তা আমার হৃদয় হোক ;

আমার যে হৃদয় তা তোমার হৃদয় হোক ।”

“সহ ধর্ম শর্চতাং সহাপত্যমংপাগতামিতি

ধর্মে চার্থে চ কামে চ নাভিচরয়িতব্যমিতি ।

প্রাজ্ঞাপত্যবিধিঃ প্রথিতঃ ।” (কাঠকগৃহ-সূত্র ভাষ্য ১৫-১)

“সহধর্মীগীকে ধর্মে, অর্থে ও কামে অতিক্রম করবে না—এই হ’ল বিবাহবিধি ।”

“ওঁ ইহ ধৃতিঃ স্বাহা । ইহ স্বধৃতিঃ স্বাহা ।

ইহ রম্ভিঃ স্বাহা । ইহ রমস্ব স্বাহা ।

ময়ি ধৃতিঃ স্বাহা । ময়ি স্বধৃতিঃ স্বাহা ।

ময়ি রমঃ স্বাহা । ময়ি রমস্ব স্বাহা ।”

(লাটায়নশ্রৌত-সূত্র ৩. ৮. ১২ এবং দ্রাহারণ-শ্রৌতসূত্র ।)

“তুমি এই গৃহের প্রতি প্রসন্না হও, তোমার স্বজনবর্গও হোন । তুমি এই গৃহে আনন্দে লীলা কর । তুমি আমার প্রতি প্রসন্না হও, তোমার স্বজনবর্গও হোন । তুমি আমাতে আনন্দে লীলা কর ।”

“ওঁ সম্রাজ্ঞী যশুরে ভব সম্রাজ্ঞী যথাঃ ভব ।

ননান্দরি সম্রাজ্ঞী ভব সম্রাজ্ঞী অধিদেবসু ॥” (ঋগ্বেদ ১০-৮৫-৪৬)

“যশুরের সম্রাজ্ঞী হও, যশুর সম্রাজ্ঞী হও, ননান্দার সম্রাজ্ঞী হও, দেবর-গণের সম্রাজ্ঞী হও ।”

“দশাশ্রাং পুত্রানাধেহি, পতিমেকাদশ কৃধি ।” (ঋগ্বেদ ১০-৮৫-৪৫) ।

“এঁকে দশটি পুত্র দান কর, পতিকে তাঁর একাদশ পুত্র কর ।”

এরূপে উপরের স্বল্প-সংখ্যক বর কতৃক উচ্চার্য বিবাহের মন্ত্র দ্বারাই স্পষ্ট প্রমাণিত হবে যে, বর কোনো ক্ষেত্রেই বধুকে নিজের অধীনা, নিজের সমান অধিকারবিহীনা, নিজের অপেক্ষা হীনা বা নিরস্তরীয়া বলে ইচ্ছিতমাত্রও করেন না । উপরন্তু তিনি সর্বক্ষেত্রেই বধুর অনুগত্য সানন্দে স্বীকার করে তাঁর নিজের চিত্তকে বধুর চিত্তের অনুগামী করেন, এমন কি, তাঁকে সম্রাজ্ঞী ও মাতৃরূপেও শ্রদ্ধাঞ্জলি দান করেন বিনা দ্বিধায় । নারীদের এরূপ উচ্চ সম্মান পৃথিবীর কোনো মন্ত্রেই নেই । অন্যান্য দেশের উদ্বাহ-বিধিতে কেবল পত্নীকেই বারংবার পতির আজ্ঞানুবর্তিনী হতে আদেশ করা হয় । কিন্তু প্রাচীন ভারতীয় বিবাহমন্ত্রে তার চিহ্নমাত্র নেই । বর ও বধু উভয়েই উভয়ের অনুগামী হবেন—দুটি অসম্পূর্ণ অর্ধাংশ মিলে এক সম্পূর্ণ, অখণ্ড সত্তা হবেন—বেদোপনিষৎসম্মত ভারতীয় বিবাহবিধির এইটিই হ’ল মূল কথা । এই অপূর্ব সুন্দর নীতিরই প্রতিধ্বনি করে সুবিধ্যাত, প্রাচীনতম বৃহদারণ্যক উপনিষদ্ বলছেন :

“স ইমমেবাগ্নানং স্বেধাপাতয়ন্ততঃ পতিশ্চ পত্নী চাভবতাং তস্মাদিদমধ-বৃগলমিব স্ব ইতি হ স্মাহ যাজ্ঞবল্ক্যস্তস্মাদয়মাকাশঃ স্ত্রিয়া পৃষত এব ।” (১-৪-৩) ।

“পরমাত্মা নিজেকে দুই সমান ভাগে বিভক্ত করে পতি ও পত্নী সৃষ্টি করলেন । সেজন্তু পতি ও পত্নী প্রত্যেকে একটি পূর্ণ ঋনিকের অর্ধাংশই মাত্র—এইটি মহামুনি যাজ্ঞবল্ক্যের মত । সুতরাং পতির জীবনের শূণ্যস্থান পত্নীর দ্বারাই পূর্ণ হয় ।”

পত্নীর মন্ত্র

এর চেয়েও সুন্দর কথা আছে পত্নীর অন্তপ্রসঙ্গে উচ্চারিত মন্ত্রে । যথা :

“ওঁ অহমস্মি সহমানাথো ভমসি সাসহিঃ ।

মামনু প্র তে মনো বৎসং গোয়িব ধাবতু পথা বারিব ধাবতু ।

(অথর্ববেদ ৩-১৮-৫ আপস্তম্ব গৃহসূত্র ৩-২-৬

আপস্তম্ব মন্ত্র ব্রাহ্মণ, ১-১৫-৫)

“আমি তোমার সঙ্গে জয়যুক্ত হই, তুমিও আমার সঙ্গে জয়যুক্ত হও । বৎস যেমন গাভীর পশ্চাতে, জল যেমন নিম্নভূমিতে স্বভাবতঃই ধাবমান হয়, তুমিও ঠিক তেমনি আমার অনুগামী হও ।” (সায়ণভাষ্য, ঋগ্বেদ, ১০. ১৪৫. ৬—“তে তব ভতুঃ মনঃ মাম্ অমুলক্ষ্য) প্র ধাবতু প্রকর্ষণ শীঘ্রং গচ্ছতু । তত্র নিদর্শনময়মুচ্যতে । গোয়িব যথা গোঃ বৎসং শীঘ্রং গচ্ছতি যথ নিম্নেন মার্গেণ বারিব বারুদকং যথা স্বভাবতো গচ্ছতি তদ্বৎ । অনেন নিদর্শনম্বয়েন উৎসুক্যাতিশয়ঃ স্বাভাবিকতঃ চ প্রতিপাদ্যতে ।”

এরূপে বরই যে কেবল বধুকে অনুব্রতা হতে বলছেন,

তাই নয়, বধুও সমানভাবে বরকে অনুব্রত, অনুগামী, অনুচিত্ত হতে সাদরে, সর্গোদবে আহ্বান জানাচ্ছেন। পরাধীনতা, পুরুষাধীনতা, সমানাধিকারবিহীনতার চিরমাত্র এম্বলে কোথায় ?

পতি ও পত্নীর সন্মিলিত মন্ত্র

এতৎপরে বর ও বধু সন্মিলিতভাবে মন্ত্রোচ্চারণ করেন :

“অরিষ্টানু সচেবহি

বৃহতে বাজসাতয়ে।” (অথর্ববেদ ১৪-২-৭২)

“আমাদের পরস্পরকে সংযুক্ত কর; আমাদের দু'জনের হৃদয় এক ও অভিন্ন কর; বৃহৎ শক্তি লাভের জন্তু আমাদের স্মরিত জীবন যেন অগ্রগতি লাভ করে।”

“ও সং বাং ভগাসো অগাত সং চিত্তানি সমুত্রতা।

যথা সংমনসৌ জুহ্বা সথায়াবিব সচাবহৈ।”

(অথর্ব বেদ ২, ৩০, ২ ; ৬-১৩-১)

“আমাদের দু'জনের ভাগ্য, আমাদের দু'জনের চিত্ত, আমাদের দু'জনের বস্তু বা কর্ম এক হোক, যাতে আমরা অভিন্ন-মন-প্রাণা হয়ে, দুই সখার স্থায় মিলিত হয়ে জীবনপথে নির্ভয়ে অগ্রসর হতে পারি।”

এরূপে প্রথমে বর বধুকে তাঁর অনুব্রতা হতে বা তাঁর জীবনব্রত নিজের জীবনে গ্রহণ করতে ও সখা হতে আহ্বান জানান, এবং স্বয়ং নিজের চিত্তকে বধুর চিত্তের অনুগামী করতে সক্ষম করেন; একই ভাবে বধুও বরকে অনুব্রত ও সখা হতে আহ্বান করেন এবং স্বয়ং নিজের চিত্তকে বরের

চিত্তের অনুগামী করতে সক্ষম করেন। পরিশেষে এরূপে হৃদয় বিনিময়ের পর, এরূপে মধুরতম সখ্যস্থলে শান্তভাবে আবদ্ধ হবার পর, বর ও বধু এক সন্মিলিত অধুও, সম্পূর্ণ সন্তায় পরিণত হয়ে সার্থকতম জীবনলাভ করেন। প্রাচীন ভারতীয় বিবাহনীতির এই হ'ল স্বরূপ ও আদর্শ।

উপসংহার

উপরের সংক্ষিপ্ত আলোচনা হতেই প্রতিভাত হবে যে, প্রাচীন বেদ, উপনিষদ, গৃহস্থত্রাদিতে বিহিত বিবাহমন্ত্রাদি সত্যই নিরুপম। এই ভারতীয় বিবাহবিধির মূল কথা হ'ল বধুর সহধর্মিনীত্ব বা সর্ববিষয়ে পতির অর্ধাঙ্গিনীরূপে তাঁর সঙ্গে অভিন্নত্ব, ক্রীতদাসীরূপে কদাপি নয়। সেজন্য ভারতীয় বিবাহানুষ্ঠানের অন্যতম প্রধান অঙ্গ সপ্তপদীগমনে অকস্মাৎ বধুকে বরের অধীনা, সমানাধিকারবিহীনা বলে গ্রহণ করা হয়—এ যে কেউ ভাবতেই পারেন, সেটাই অত্যন্ত আশ্চর্যের বিষয়! বস্তুতঃ ব্রাহ্ম-বিবাহ-বিধির দুটি প্রধান প্রতিজ্ঞা: “তোমার যে হৃদয় তা আমার হোক, আমার যে হৃদয় তা তোমার হোক”, এবং “ধর্মেতে, অর্থেতে, কামেতে অতিক্রম করিব না”—উপরের সাম-মন্ত্র-ব্রাহ্মণ ও কাঠকগৃহস্থত্রের মন্ত্রেরই অনুবাদ মাত্র। একই ভাবে, পরস্পরের সখ্যমূলক এই অনুপম সপ্তপদী মন্ত্রেও কারও আপত্তি হবার কথা নয়।

ছবি

শ্রীবিজয়লাল চট্টোপাধ্যায়

আজি এই চৈত্রশেষে বসন্তের ছবি—

একি কভু ভুলিবার ? ছলিছে করবী

বায়ুভরে ; রক্তজবা দোলে সমীরণে

'বোগনভিঙ্গা'র গুচ্ছ ছলিছে পবনে ;

নিম্বমঞ্জরীর গন্ধে মন উচাটন ;

কাঠালি-চাপার গুচ্ছ ; কপোত কুজন ;

চামেলির ফুলে ফুলে গুঞ্জে হ্রমর ;

শালিখের কলরব ; বনের মশর

উল্লসিত দোহেলের কণ্ঠ-ভরা গান

জুড়ায় কানের ফুধা, জুড়ায় পরাণ ;

উড়ি:তছে প্রজাপতি আপন খেলালে ;

গ্রামান্তের বন-বেগা দিক্চক্রবালে ।

দিগন্তবিস্তীর্ণ মাঠে চরিছে গোধন .

দেখে দেখে ক্লান্তি নাই, অতৃপ্ত নয়ন ।

চিহ্ন

শ্রীব্রজমাধব ভট্টাচার্য্য

এলাহাবাদ প্যাসেঞ্জারখানা ছাড়ে ঠিক ভোর পাঁচটায়। জানুয়ারীর শেষ। ভোর পাঁচটায় গাড়ী ধরা সামান্য কথা নয়। চারটে না হোক, অন্ততঃ সোয়া চারটে নাগাদ বাড়ী থেকে না বেরুলে গাড়ী ধরা যাবে না।

কাশীতে অত ভোরে গাড়ী পাওয়া এক সমস্যা। গোর্খোলিয়ায় একটা টাঙ্কাওয়ালা ঠিক করছি, যাতে ভোরবেলায় বাড়ী যায়। বিশ্বাসী ও নির্ভরযোগ্য হওয়া চাই। নইলে অত ভোরে গাড়ী পেতেই আশ ধরা বেরিয়ে যাবে।

রাজী হ'ল লোকটা। কিন্তু মিত্রীপোধরায় বাড়ীটা আর বুঝিয়ে উঠতে পারছি না। বলতে কি একটু বামেলাই হ'ল।

গাড়ীর আড্ডায় গাড়ীর তত্ত্ব-তালাস করতে গেছি। অন্যান্য কণ্ঠও প্রশ্নের পর প্রশ্ন করে চলেছিল।

হঠাৎ একজন হিন্দীতেই বললে, “মায় জানতা ছ' আপকা ঘর। মায় লে চলু'গা।”

বাঁচলাম। বললাম, “ঠিক তো?”

অমনি আগেকার লোকটা বাগড়া দিয়ে বললে, “ওর পান্ধী-গাড়ী বাবু।”

“তাই নাকি? না বাবা! যেতেও দেবি, ভাড়াও বেশী। টাঙ্কা চাই।”

রোগা, অস্থিচর্মসার লোকটা। মাথায় একটা বালারুভা ক্যাপ আগাগোড়া গলা পর্যন্ত ঢুকিয়ে পরা। তীক্ষ্ণ ফলার মত নাকটার দু'পাশে জল্ জল্ করছে দুটো চোখ। দুটো গর্ভের মধ্য থেকে উঁকি মারছে। গায়ে ব্যারাকের পরিত্যক্ত ধাক্কী পট্টের শতচ্ছিন্ন মলিন কোট। একখানা ছেঁড়া ধুতি লুক্কীর মত করে পরা। হাতে চাবুক। গা দিয়ে আন্তাবলের গন্ধ বেরুচ্ছে। ঘ্যানঘেনে গলায় বলল, “টাঙ্কার চেয়ে দেবিতা যাবে না। টাঙ্কার ভাড়াই দেবেন। আমি যাব।”

বিশ্বাস হ'ল না। বললাম, “যাবি ত?”

লোকটা সতেজ গলায় বলল, “হ্যাঁ যাব। জানকীবাবুর বাড়ী ত।”

বাস্ নিশ্চিত হলাম—বাড়ী টলে এলাম।

আমি তৈরি। এ সময়টা দিদিই আমার গোছগাছ করে দিতেন। বললেন, “ঠিক রে, তোর গাড়ী ত এল না। চারটে দশ বেজে গেছে যে।”

সত্যিই ব্যস্ত হয়ে পড়েছিলাম।

যখন চারটে পনের তখন আর থাকতে না পেরে বেরিয়ে পড়লাম অল্প গাড়ীর আশায়। ব্যাটারের যদি একটুও কথার ঠিক থাকে।

নিশ্চয় চারিধার। কাশীর শীত। জানুয়ারীর শেষ। হিম যেন সির-সির করে বাবে পড়ছে। কোথায় কুকুরে ছানা দিয়েছে। ছাইয়ের গাদার মধ্যে কুণ্ডলী পাকিয়ে তারা কুঁই কুঁই করছে। অনিদ্রায় ভোগা বড়ী কল খুলে স্নান করে গা মুছতে মুছতে “দেবী সুরেশ্বরী” গান গাইছে কেঁপে কেঁপে। বেতো বড়ো কাতরাচ্ছে আর ডাক দিচ্ছে, “ও বড়-বো, ওঠ না, চায়ের জলটা চাপাও।” তার চাপা গলা বন্ধ দরজা ভেদ করে রাস্তায় ভেসে আসছে। হু হু করে একখানা মোটর বেরিয়ে গেল। বড় রাস্তার এপার ওপারে একখানা গাড়ীর আশাও নেই। ল্যাম্প-পোষ্টগুলি সারি সারি ঠায় জ্বলছে।

হঠাৎ পথের পাথরগুলো যেন ছন্দে ছন্দে গেরে উঠল। ক্ষীণ শব্দ, তবু স্পষ্ট, স্পষ্টতর। ঘোড়াটা আসছে কক্ষমচালে। হ্যাঁ, পান্ধী-গাড়ীই বটে। শান্ত হবার কথা। আরও যেন চটে উঠলাম।

পাশে এসে দাঁড়াতেই বললাম, “বেশ লোক ত তুমি!” দরজা খুলে ভিতরে বসে বিরক্তিপূর্ণ স্বরে বললাম, “জলদি হাঁকো!”

চমৎকার গাড়ীখানা। ভাড়াটে গাড়ী নয় বেশ বোঝা যায়। বাগ্মী টীকের সরু সরু বেটন খাঁজে খাঁজে বসিয়ে গাড়ীর ভিতরটা তৈরি। চমৎকার বানিশ। পথের আলো পড়ে চমকাচ্ছে, গদীগুলোয় কোমল স্পর্শ, বনাতমোড়া, আর স্ত্রীং খুব মজবুত। হাতলগুলো চক্চক্ করছে। ঢাকা চলেছে—এতটুকু শব্দ হচ্ছে না; ঘোড়াটার পা থেকে যেন বায়ীর বোল বেরুচ্ছে, এত ভারী জোরালো তার চাল। র দামী নাল বাঁধানো, বেশ বোঝা যায়, ভাড়াটে গাড়ী নয় এ কিছু বলতে হ'ল না, ও বাড়ীর দিকে চলল। কিছু জবাব দিল না।

দিদি আমার বাসুন্টা বাইরে এনে রেখেছিলেন। এক-বুড়ি রামনগরের বেগুন ছিল। সেটা আনতে পারেন নি। আমি আনতে যাচ্ছি। দিদি বললেন, “তুই কেন বোঝাটা টানবি? রামহরককে ডাক দে।”

আমি তাচ্ছিল্যভরে বললাম, “বুড়োমানুষ শুয়ে আছে। আমিই পারব।”

পরিষ্কার বাংলায় গাড়োয়ান বলল, “ধাক আমি আনছি। কোথায় আছে বলুন। ভেতরে দালানে না ভাঁড়ারঘরের সামনের বারান্দায়।”

ও যেন এ বাড়ীর সব জানে। দিদিই বললেন, “পূর্বের বারান্দাতেই বটে। তুমি কি বাপু বাঙালী?”

সেই বালাক্লাভা-ক্যাপে ঢাকা মুখ। গলাবন্ধ কোট আর লুঙ্গী। বললে, “হ্যাঁ, থাক অজিতবাবু। আপনাকে আর উঠতে হবে না। সরস্বতীপূজা হয় যে দালানে সেখানটায় তো ? তুলসীতলীর পাশে। ও আমি জানি, আনতে পারব।”

আমি বিস্মিত হয়ে গিয়েছিলাম।

গাড়োয়ান ততক্ষণ অদৃশ্য।

দিদি বললেন, “কে জানে বাপু, গেলি নে কেন সঙ্গে। হাঁড়ির খবর জানা লোক ঘরে উঠে গেল।”

উঠবার চেষ্টা করার আগেই ঘোড়াটা কাঁধে করে লোকটি হাজির। গাড়ীর মধ্যে সেটাকে বসিয়ে ও দিদিকে গড় হয়ে প্রণাম করল।

দিদি বললেন, “কে বাবা তুমি ?”

হাসল কি না জানি না। স্বরে কোনও ব্যতিক্রম নেই।

“চিনলেন না চাকু দিদি ? আমি মহেশ।”

পরক্ষণেই ও চেপে বসল ওর আসনে গাড়ীর উপরে। এবং প্রায় সঙ্গে সঙ্গেই গাড়ীটা একটা টাল খেয়েই চলতে শুরু করল। বেগে চলতে লাগল।

ততোধিক বেগে চলতে লাগল আমার চিন্তাধারা। মহেশ ! কোন্ মহেশ ? মহেশ মিত্তির ? সেই ত ছেলেবেলায় আসত আমাদের বাড়ীতে। পাঠশালার পড়তাম তখন। দিদিমা মুড়ি আর নারকেলনাড়ু নিয়ে দাঁড়াতেন পাঠশালার বারান্দায়। আমি উঠে আসতাম। মহেশও আসত, ভাগ নিত। ওর বাড়ী থেকে আসত মালপো, ক্ষীরের ছাঁচ, চন্দ্রপুলি ; ভাগ দিত আমায়। বাকবাকে চেহারার নাহস-নুহস কান্তিকের মত ছেলে—মিত্তির বাড়ীর মহেশ। ওদের পাড়ী ছিল, জুড়ি ছিল। ও আসত একথানা পাকী-গাড়ী। চমৎকার গাড়ী। এটা কি সেই গাড়ী ? সেই শ ও ? তখন ত আমরা ছেলেমানুষ। ওদের বাড়ীতে যেন একটা মামলাঘটিত বিপর্যয় চলছিল। বাবা-জ্যেষ্ঠামশায়ের মুখে প্রায়ই শুনতাম ওতেই নাকি ওরা সর্বস্বাস্ত হয়েছিল।

অত্যধিক নাকউঁচু বনেদী বাড়ী ছিল ওদের। আমাদের সঙ্গে মিশ খেত না। তাই পরের ইতিহাসের শ্রোতে মহেশকে আমি হারিয়ে ফেলেছিলাম।

কিন্তু সেই মহেশ ও ?

গাড়ী ততক্ষণ বেনিয়া পার্কের ধার ধরে চলেছে।

আমি গলাটা বাড়িয়ে ডাকলাম, “মহেশ !”

গাড়ী থেমে গেল।

বললাম, “আমি ওপরে বসব ভাই, গল্প কুরব।”

একটু কি ভাবল যেন ও। বলল, “শীত করবে তোমার বোধ হচ্ছে। তা হোক। এস বস।”

ওভারকোটটার ফাঁকে ফাঁকে কক্ষটারটা গুঁজে দিয়ে দস্তানাটা টেনে এঁটে বসলাম ওর পাশে। অল্প জায়গা তাই একটু বেশী ঘেঁষাঘেঁষি করেই বসতে হ’ল।

লজ্জা করছিল ওর পাশে ওভারকোট আর দস্তানা চাপিয়ে বসতে। ওর গায়ে সেই ছেঁড়া জামা, আস্তাবলের গন্ধ।

চলন্ত ঘোড়াটার উপর চোখ পড়ল। সাদায়-বাদামীতে ছোপধরা রং। বেঁটেখাটো ঘোড়া। আঁটসাঁট শরীরে পেশী-গুলো ছলে ছলে উঠছে কদমে কদমে। মনে হচ্ছে যেন পালিশ করা গা। এই হৃদিনে ছোলা খাইয়ে তৈরি করা শরীর ওর। বাড়ভক্তি লম্বা লম্বা চুপ, ছলকে ছলকে এপাশ ওপাশ করছে। নাক দিয়ে শব্দ করছে, মাথাটা নীচু করে কোকড়ে আবার উঁচু করে ছলে ছলে ছুটছে। পিছনটা চওড়া আর ভারী, অসীম শক্তির পরিচায়ক। পিঠটি নীচু হয়ে গেছে চেউয়ের মত। ক্ষুর অবধি ঝুলছে ভারী গোছার স্লেজ। কান দুটো সজাগ সতর্ক। লাগাম, রাশ, সাজ—সব বাকুবাকে তকতকে।...হ্যাঁ, আদরের ঘোড়া বটে !

আমার ওভারকোটে বাঁ হাত বুলিয়ে বলল, “বেশ দামী জিনিষ, ইংলিশ, নয় ?”

একটুও ভাল লাগে নি বলতে, “হ্যাঁ, কিন্তু তোমার ভাই, এ দশা কেন ?”

মোটো না তাকিয়ে বলল, “তোমারই বা এ দশা কেন ? ...এ প্রশ্ন ওঠে কি ? ‘চক্রবৎ পরিবর্তন্তে সুখানি চ’ দুঃখানি চ’—সত্যই ঠিক। আমি মিত্তিরবাড়ীর ছেলে। আজ অন্ধে বাস নেই, উদরে খাদ্য নেই, শীতের ভোরে গাড়ীর টোঙ্গে চেপে উদরানের সংস্থান করছি—এমনটা হ’ল কি করে ?...বিশ্বয় জাগছে, নয় ? আমারও বিশ্বয় জাগে না কি ভাবতে—চালকলা-বাঁধা পুরুতের ছেলের গায়ে বিলিভী ওভারকোট, হাতে দস্তানা কেন ? কেন ‘সিদ্ধি সাধ্যসতামস্ত’ ছেড়ে বিশ্ববিদ্যালয়ে “to be or not to be” করছ ? হয় না বিশ্বয় ? ক্লাসের সেরা আমি, আজ আমি গাড়োয়ান। বিশ্বয় বটে। আর মাটো ছেলে অজিত এখন কৃতবিদ্যা হতে চলেছে, বিশ্বয় নয় ?...তুমি আরোহী, গদি ছেড়ে টোঙ্গে বসলে সেটা বিশ্বয় নয় ?”

হঠাৎ থক্ থক্ করে কাশতে লাগল। সঙ্গে সঙ্গে ওর সিটের হাতলের সঙ্গে কোলানো একটা টিনের কোঁটা টেনে তুলল। শব্দ করে ঢাকনা দেওয়া, থুতুটা যত্ন করে তার মধ্যে ফেলে আবার বন্ধ করে রাখল।

ঘুগা ও বিশ্বয়ে চেয়ে রইলাম। থুতু ফেলার এত সবল্যাম কেন ?

“থুতুটা রাখায় ফেললে না কেন ?”

“জান না? আমার টি-বি। জেনে-শুনে পথে ফেলি কি করে এই বিষ। কার্বোয়ালিক এ্যাসিড সলুশন আছে ঐ ডিবেতে রোজ পরিষ্কার করি নিজের হাতে...বাঃ চমৎকার সিগারেট ত! গোল্ড ফ্লেক না মার্কেভিশ? একটা দাও না।”

দিলাম একটা সিগারেট। “স্মোক্ কর, ক্ষতি হয় না?”

ঘ্যান্থেনে গলায় আবার হেসে বলল, “জানুয়ারীর শেষে ভোর চারটায় গাড়ী হাঁকিয়ে যদি ক্ষতি না হয়, এতেও হবে না—ডায়ার ক্রটাস—তোমার সহানুভূতির জন্তু ধন্যবাদ!”

ওঃ কি ‘মরবিড’ ওর মন হয়ে গেছে। যে ধার দিয়ে ছুঁই না কেন স্পর্শকাতর, ফিরে আসতে হয়।

নিজে থেকেই ও বলল, “হাউ হ্যাপি!”

“কি?”

“লাইফ—জীবন! মদির গন্ধব্যাকুল এই জীবন। পাছ না গন্ধ? ভোরের বাতাসে জীবনের গন্ধ পাই আমি; রাত্রে অন্ধকারে পাই মৃত্যুর ইশারা।”

কথার মোড় ফেরাবার জন্তু বললাম, “চমৎকার গাড়ীখানা ভাবছিলাম এতক্ষণ। চমৎকার ঘোড়াটি বটে! সুন্দর!”

“কার কথা বলছ, চিহ্নার? ওর নাম চিহ্না, আমার ছলারি চিহ্না।”

ঘোড়াটা যেন বুঝতে পারল। কান দুটো বার বার ঘুরিয়ে ঘাড়টা বঁকিয়ে ও যেন মহেশের কথাগুলো শুনতে লাগল। ছলকি চালে ছন্দ তুলে চলতে লাগল ও।

এবার মহেশ ডুব মারল অতীত-রোমন্থনে। বলতে লাগল, “ওর নাম চিহ্না কেন জান? চিত্রা আর উদ্ধার সমন্বয়ে চিহ্না। চিত্রাকে তুমি চেন না, আমার স্ত্রী, আর উদ্ধা ছিল এই ঘোড়াটির নাম। বড় ভালবাসতাম এই ঘোড়াটাকে তাই স্ত্রী নাম দিয়েছিল চিহ্না। ঠাট্টা-করা নাম। বলত ওর নামে জড়িয়ে আমার নাম যদি মনে পড়ে তোমার। তাই সতীনকে নাম পরিয়ে দিলাম। সত্যিই তাই ওকে চিহ্না বলে ডাকি।...”

“কেন, তোমার তো মনে পড়া উচিত সাদা ঘোড়াটা ছিল আমাদের। তারই বাচ্চা ও। সেই মামলায় আমাদের সবই তো গেল। যেদিন নীলাম হ’ল তার আগের দিন মেজদার কাছে গিয়ে কেঁদে পড়েছিলাম এই ঘোড়াটি আর গাড়ীটার জন্তু। পিসীমা জানতেন আমার সঙ্গে এই ঘোড়াটার সম্পর্কের ইশারা...তারই দয়ায় এ দুটো বজায় থাকে। আমাদের সবই গেছে—কিছু নেই। শেষ ছিলেন মতিদি আর নানুদা। ওরাও গেল বার বেরিবেরিতে শেষ হয়ে গেল।”

“তোমার স্ত্রীর কথা বলছিলে। এর মধ্যে স্মিয়ে করলে কবে? এ ব্যবসাও তো তোমার করবার দরকার নেই। তুমি তো বি-এ অবধি পড়েছ জানতাম।” •

আবার ও আমার দিকে চাইল। কি যেন হ’ল। অনেকক্ষণ কাশলে। টিন খুলে গয়র ফেলল। গা-টা ছম্ছম করতে লাগল।

“বলছি, বলব সে কথা। মিত্তিরবাড়ীর পাত্র: আই-এ পড়তে পড়তেই বিয়ে হয়ে গিয়েছিল। ব্যারিষ্টারের মেয়ে। ওদের পরিবেশ ছিল স্বাধীনতার পরিবেশ। এসে চুকল বেরাটোপ দেওয়া বনেদী বাড়ীর দুর্গে। আভিজাত্য নষ্ট হতে দেওয়া হ’ত না, পিসীমাদের বাড়ীর আর আমাদের বাড়ী অত কাছাকাছি থাকার জন্তু বেরাটোপটা সনাতন ও মোক্ষম ছিল। কার বাড়ীর বাঁধন কত শক্ত। সেই বেড়াগুলো এসে পড়ল চিত্রা।...”

“জান ত ভাই আমি বরাবরই একটু মুছ প্রকৃতির ছিলাম। বউকে পেয়েই ভালবেসেছিলাম, উত্তরা আর অভিমুখ্যর ভালবাসা ভাবতে আমার মিষ্টি লাগত। ঝগড়া-ঝাঁটির মধ্যেই ওদের ছেলেবেলায় বিয়ে হয়েছিল কিনা? কি ভালই বাসতাম চিত্রাকে—আজও তা মনে হলে বাঁচতে ইচ্ছে করে। তার চিন্তার স্মৃতিতেই মাধুরী ভরা।...”

—“তার একটা আবদার ছিল আমার কাছে। বেড়ানো। ঘোড়া চালনায় আমার ভারি প্রীতি ছিল। চিত্রা জানত বই আর বউ ছাড়া আমার তৃতীয় ব্যসন ছিল উদ্ধা...এই ঘোড়াটা। ও ক্রমাগত বলত, ‘আমায় একদিন নিয়ে চল না তোমার গাড়ী চড়িয়ে বেড়াতে। শুধু তুমি আর আমি। দেখব তোমার উদ্ধার গতি। উদ্ধা টের পাবে না যে তার মনিবের লাগাম যার হাতে সে গাড়ীতে স্বয়ং। মজা হবে।’ এমনি কত কথা!

—“কিন্তু পারলাম না তার সে সাধ পুরাতে।...না না, একেবারে পারি নি তা নয়।...প্রথম ছেলে হবার সময় পুরো হ’ল না। বাচ্চাটা তো গেলই চিত্রাকেও মেবে গেল। সেই কথাই বলছি। চিকিৎসা ঘটা করে হ’ল...বড়লোকের বাড়ী তার ক্রটি হ’ল না। কিন্তু বাইরে বার করা গেল না বনেদী ঘরের বোঁকে। তখন মামলায় আমরা হেরেছি তাই বাড়ীটা শোকে মুহমান। রোগীর সেবায় ভাঁটা পড়েছে।...মা আর বাবা আমায় বলে গেলেন, ‘আজ তুমি বৌমার কাছে থাক। আমরা বেরুচ্ছি, আসতে রাত হবে।’ মতিদিকে খুববাড়ী রাখতে নানুদা ভাগলপুর গিয়েছিলেন।...সত্যিই চিত্রার কাছে থাকবার কেউ ছিল না। ও জানত না তিন-চার দিনের মধ্যে বাড়ী ঘরদোর নীলাম হবে। মামলার সংবাদ ওর অজ্ঞাত ছিল।...সেদিন বিকেলটায় আমায় একা পেয়ে ওর

মন যেন গুয়ে উঠল। বলল, ‘এ তোমার উদ্ধাকে আদর করবার সময়। আমার কাছে আজ আটকা পড়েছে। এক কাজ কর না শো, কেউ তো নেই আজ, চল না আজ আমায় নিয়ে বেড়াতে। ওঁরা ফেরবার আগে ফিরে আসবে।...একটু যাব ঐ রাজঘাটের ভাসা পুলটার উপর...গঙ্গার বাতাস, নদীর কলকলানি, তোমার উদ্ধার খুবের শব্দ, তোমার সঙ্গ... চল না গো।’ বাধা দিলাম। বোঝাতে চেষ্টা করলাম যে, এ রোগে এতটা ধকল সহবে না। দুঃসময় আমাদের, এই সময়ে এই ধকল সামলাতে পারা যাবে না। তা ছাড়া বাবা-মাই বা কি বলবেন! বাবা-মা যে এই ক্ষয়া বোঁটাকে ছ’চোখে দেখতে পারতেন না, চিত্রা তা জানত। বললে, ‘কিছু বলবেন না তারা। আগেই ফিরে আসবে। চল না গো। আমি আর ভাল হব? তখন আবার গাড়ী চাপবে কি করে? তোমার মনে আমি রেশমের গুটিপোকা। উড়ে যদি পালাই ফুটো করে দিয়ে যাব। আর কোন কাজে লাগবে না সে গুটি—তুমি তো ভুলতে পারবে না। চল না গো...’

গাড়ী ধরতে যাব, এ কি বালাই! কি গল্প ফাঁদলে ও।

বললাম, ‘থাক্ ভাই গল্প তোমার। ভাল লাগছে না আমার।’

ষড়ষড়ে গলায় ও বললে, ‘লাগছে ভাল আমি জানি, সহিতে পারছ না। হোক তা, শোন হে শোন। গুটিপোকাটা পালাল কেমন করে। বুকটা যে ফুটো করে দিয়ে গেছে তা তো দেখতেই পাচ্ছ।’ কাশতে কাশতে গয়ার ফেলল কোঁটায়।

‘কি যেন নেশায় চাপল। গাড়ীটা আস্তাবলে গিয়ে জুড়ে নিয়ে বেরিয়ে এলাম। ওকে চমৎকার করে সাজলাম নিজের হাতে। রোগা হয় নি ততটা, সাদা হয়ে গিয়েছিল, সীমস্তে সিঁদুর তাই উগড়গ করছিল। বললে, ‘সব করলে, পান দাও খাই। আলতা পেড়ে দাও, নিজে পরব।’ সবই করলাম। সন্তর্পণে সিঁড়ি নেমে গাড়ীতে চাপলাম।

‘পাকী-গাড়ী। এই গাড়ী। আমি উপরে। ওর সান্নিধ্য খুব যে পেলাম, তা নয়। ওর কিন্তু তাতেই আনন্দ।

বলল, ‘রাজঘাটে গিয়ে কিন্তু খানিকটা বাজুর তীরে বসব ছ’জনে, কেমন?’ বসেছিলাম। ওর হাতে যেন স্বর্গ সেদিন। গাড়ীতে চেপে বাড়ী ফিরলাম। দেখি সদবে বাবা দাঁড়িয়ে। রাগে থম্‌থম্‌ করছে মুখ। আমি ভয় পাচ্ছিলাম। মনে হ’ল চিত্রার কথা, ‘কিছু বলবেন না, দেখো।’

‘কিছু তাদের বলতে হ’ল না। বউ আর বাড়ী ঢোকে নি। এই গাড়ীতেই সে মরে গিয়েছিল। মুখে তার আনন্দের রেখা, আনন্দের তুফানে ডুবে মরেছিল চিত্রা।

‘বুকেই পারছ এ গাড়ী আমার কত প্রিয়। তাই পিসীমা দিতে দ্বিধা করেন নি।’

গাড়ীটা চলকে থেমে গেল একটা অন্ধকার জায়গায়।

আমি বললাম, ‘এ কোথায় থামলে এসে?’

ও বললে, ‘মারুয়াডিহ স্টেশন। ক্যান্টের গাড়ী কি আর পেতে? তাই কালীমহল দিয়ে সোজা মারুয়াডিহ এলাম। এখুনি গাড়ী আসবে। দেরি করাই নি তোমায়। কৈ আমার ভাড়াটা দাও।’

মারুয়াডিহ! অবাক হলাম। খুব জোর গাড়ী এসেছে তো! টের পাই নি। দিলাম ভাড়াটা। বললাম, ‘কত আয় হয় রোজ মহেশ?’


‘তা হয়। গাড়ীটা ভাল, ঘোড়াটা ভাল। মাড়োয়ারীরা নেয়।’

‘ঘোড়া গাড়ী এত ভাল রাখ, অথচ তোমার এ অবস্থা কেন?’


‘তাজমহলের উপর শাজাহান যা খরচা করেছিলেন, নিজের ওপর তা করেন নি! কেন হে পণ্ডিত?’ কিছুই যেন বলে নি, এমনি আলগোছে কথাটা বলেই, ‘চিন্কা, আমার চিন্কা—ওর উপর আমার বড্ড টান’—বলে ঘোড়াটার ঘাড়ে ও ছটো চাপড় মারলে আদর করে। ঘাড় থেকে কান অবধি ঘোড়াটার কেঁপে উঠল। চিন্কার পিচ্ছিল দেহে আনন্দের সাড়া।

ট্রেন তখন ‘ইন’ করছে স্টেশনে।





সাহজীর মন্দির—শ্রীবন্দাবন



হিত-হরিবংশজী

শ্রীসুন্দরানন্দ বিজ্ঞাবিনোদ

১

হরিদ্বারের নিকট সাহারাণপুর জেলার দেববন নামক গ্রামে ব্যাসমিশ্র নামক এক গোড় ব্রাহ্মণ বাস করিতেন। তাঁহার পত্নীর নাম ছিল তারা। ব্যাসমিশ্র নিঃসন্তান ছিলেন। তিনি তদানীন্তন দিল্লীর বাদশাহের রাজজ্যোতিষীর কার্য করিতেন। সপরিবার বাদশাহ সিকন্দর লোদী দিল্লী হইতে আশ্রয় গ্রহণের কালে পশ্চিমমুখে (মথুরা-আশ্রয় রোডের উপরে, মথুরার পাঁচ মাইল দক্ষিণে) বাদগ্রামে শিবির স্থাপন করেন। তখন বাদশাহের অমুচর রূপে সপত্নীক ব্যাসমিশ্রও ছিলেন। ১৫৫৯ বিক্রম-সংবতে* (= ১৫০২ খ্রীষ্টাব্দে) উক্ত বাদগ্রামে বৈশাখী শুক্লা একাদশী তিথিতে সোমবারে অরুণোদয়কালে ব্যাসমিশ্রের ভার্য্যা তারা এক পুত্র প্রসব করেন। বহুদিন যাবৎ নিঃসন্তান বিপ্র-দম্পতি একটি সুসন্তান লাভের আশায় শ্রীহরির নিকট প্রার্থনা করিয়া আসিতেছিলেন। নবজাত পুত্রের দ্বারা বংশরক্ষা হইল দেখিয়া তাঁহারা পুত্রের নাম 'হরিবংশ' রাখিলেন। হরি-

বংশের সাক্ষাৎ শিষ্য দামোদর-দাসজী তাঁহার 'সেবকবাণী'-গ্রন্থে হরিবংশের আবির্ভাব-সংবতের উল্লেখ করেন নাই; কেবলমাত্র মাস, তিথি, বার, স্থান ও মাতাপিতার নামোল্লেখ করিয়াছেন।*

চৌদ্দ বৎসর বয়সে, স্বগ্রামে (দেববনে) কুন্সিনী নাম্নী একটি কন্যার সহিত হরিবংশের বিবাহ হয়। ইহার গর্ভে যথাক্রমে বনচন্দ্র, কৃষ্ণচন্দ্র ও গোপীনাথ নামে তিন পুত্র ও সাহেবাদেবী নাম্নী এক কন্যা জন্মগ্রহণ করেন। হরিবংশ পঁয়ত্রিশ বৎসর বয়সে পুত্রকন্যাদির বিবাহ-প্রদানপূর্বক পত্নীকে স্বগ্রামে রাখিয়া শ্রীবন্দাবনের উদ্দেশে যাত্রা করেন (১৫৯৪ বিক্রম-সংবৎ = ১৫৩৭ খ্রীষ্টাব্দ)। পশ্চিমমুখে হোডেলের নিকট চড়থাবল নামক এক গ্রামে আশ্বদেব নামে জনৈক ব্রাহ্মণের গৃহে অতিথি হন। উক্ত ব্রাহ্মণ শ্রীকৃষ্ণ-বিগ্রহের অর্চনা করিতেন। ব্রাহ্মণের কৃষ্ণদাসী ও মনোহরী নাম্নী দুইটি যুবতী অনুচর কন্যা ছিল। ব্রাহ্মণ তাঁহার পুঞ্জিত শ্রীকৃষ্ণবিগ্রহ ও কন্যাদ্বয়কে হরিবংশের হস্তে

* *Mathura: A District Memoir by F. S. Growse (2nd Edition), p. 185. 1880.*

* সেবকবাণী-গ্রন্থ জশবিলাস-নামক ১ম প্রকরণ, ৬ষ্ঠ সংখ্যা শ্রীবন্দাবন ২০০৯ বিক্রম-সংবৎ।


সমর্পণ করিতে ইচ্ছুক হইলে হরিবংশ তাহাতে স্বীকৃত হন। চড়াবল গ্রামেই যথাবিধি বিবাহ-অমুষ্ঠান সম্পন্ন হয়। বিগ্রহ এবং নববিবাহিতা পত্নীদ্বয় ও বহুবিধ যৌতুকদ্রব্য-সস্তার সহ হরিবংশ বৃন্দাবনে আগমন করেন। ১৫৯৮ বিক্রম-সংবতে (= ১৫৪১ খ্রীঃ) কৃষ্ণদাসীর গর্ভে মোহনচাঁদ নামক এক পুত্র জন্মগ্রহণ করেন। মনোহরীর কোন সন্তানাদির কথা জানা যায় না।



হিত-হরিবংশজী

কথিত আছে, প্রায় ১৫৯০ বিক্রম-সংবতে (= ১৫৩৩ খ্রীঃ) শ্রীকৃষ্ণচৈতন্যদেবের পার্শ্বদেব শ্রীল গোপালভট্ট গোস্বামিপাদ ভগবদ্ভক্তি প্রচার করিতে করিতে সাহারাণপুর জিলার দেববন নামক গ্রামের প্রান্তভাগ দিয়া বাইতেছিলেন। প্রাকৃতিক দুর্যোগবশতঃ তিনি উক্ত গ্রামবাসী জনৈক গোড়-ব্রাহ্মণের গৃহে আশ্রয় গ্রহণ করেন। শ্রীগোপাল ভট্টপাদের সৎকার করিয়া উক্ত গৃহস্বামী আপনাকে ধন জ্ঞান করেন এবং তাঁহার প্রথম সন্তানকে ভট্ট গোস্বামিপাদের সেবায় চিরতরে উৎসর্গ করিবেন বলিয়া প্রতিশ্রুতি প্রদান করেন। সেই সময় উক্ত গ্রামবাসী ব্যাসমিশ্রের পুত্র হরিবংশও গোপালভট্ট গোস্বামিপাদের দর্শনে ও বাণীতে আকৃষ্ট হইয়া তাঁহার চরণাশ্রয় করেন এবং অচিরে বৃন্দাবন-গমনে কৃতসঙ্কল্প হন। পূর্বোক্ত ব্রাহ্মণের পুত্র গোপীনাথও

বৃন্দাবনে আসিয়া চিরতরে গোপালভট্ট গোস্বামিপাদের আশ্রয়ে অবস্থান করেন এবং পরে ভট্ট-গোস্বামিপাদের সেবিত শ্রীরাধারমণের সেবার প্রাপ্ত হন। গোপীনাথ দারপরিগ্রহ করেন নাই। তাঁহার কনিষ্ঠ ভ্রাতা দামোদর জ্যেষ্ঠ ভ্রাতা গোপীনাথের আশ্রিত হন এবং সস্ত্রীক বৃন্দাবনে আসিয়া বাস করেন। দামোদরের বংশধরগণের হস্তেই বর্তমানে বৃন্দাবনে শ্রীরাধারমণের সেবার ভার স্থাপ্ত



আচাধ্য-গাদীতে উপবিষ্ট হিত-হরিবংশজী

রহিয়াছে। হরিবংশ ও গোপীনাথ উভয়েই দেববন গ্রাম-নিবাসী ও গোড় ব্রাহ্মণ-কুলে আবিভূত; এ জন্ম গোপীনাথের ভ্রাতা দামোদরের অধস্তন রাধারমণ-শেখার গোস্বামিগণের সহিত হরিবংশের অধস্তন রাধাবল্লভী-সম্প্রদায়ের গোস্বামিগণের বৈবাহিক সম্বন্ধ প্রচলিত আছে।

২

হরিবংশ পূর্বে গোড়ীয় সম্প্রদায়ের (প্রচলিত মতানুসারে মাধ্ব-গোড়েশ্বর সম্প্রদায়ের) আচার্যবর্ষ গোপালভট্ট গোস্বামিপাদের শিষ্য ছিলেন। এজন্য গ্রাউন্স সাহেবও লিখিয়াছেন:

“Originally he (Harivanas) had belonged to the Madhvacharya-Sampradaya.”*

আলিগড়-হাইকোর্টের এডভোকেট বাবু তোতারাম

* Growse's Mathura, p. 186.

ঐহার রচিত ব্রজবিনোদ* পুস্তকেও ইহা সমর্থন করিয়াছেন। ব্রজমণ্ডলের সর্বত্রও ঐরূপ কথা প্রচারিত আছে।

লালদাসকৃত ভক্তমালে পাওয়া যায়—

শ্রীমন্-হরিবংশ-গোস্বামি-চরিত্র ।
জগতে ব্যাপিত হয় পরম পবিত্র ॥
শ্রীমন্ গোপাল ভট্টজীর শিষ্য তেহো ।
মহাভক্তিবান্ তেহো রাধাকৃষ্ণ প্রেমবহ ॥†

শ্রীকৃষ্ণচৈতন্যদেবের চরণানুচর পরম-বিরক্ত লোকনাথ গোস্বামিপাদ ও ভূগর্ভ গোস্বামিপাদ সর্বপ্রথমে বৃন্দাবনে আসিয়া ভজন করিতে থাকেন। তৎপরে রূপ-সনাতন-রঘুনাথ দাস, শ্রীরঘুনাথ ভট্ট, গোপালভট্ট গোস্বামিপাদ প্রমুখ গোড়ীয় বৈষ্ণবচার্যগণ 'কাঁথা-করঙ্গিয়া-কাঙ্গালে'র বেশে বৃন্দাবনে আসিয়া

বাস করেন। ইহার পরে হরিবংশ-পত্নী, পরিকর ও ঐশ্বর্যাদি পরিবেষ্টিত হইয়া বৃন্দাবনে আগমন করেন। প্রাচীন কাগজপত্রাদি হইতে সনাতন ও রূপের ব্রজে আগমনকাল ১৫৭২ বিক্রম-সংবৎ (= ১৫১৫ খ্রীঃ) এবং গোপালভট্টের ব্রজে আগমনকাল—১৫৮৮ বিক্রম-সংবৎ (= ১৫৩১ খ্রীঃ) বলিয়া জানা যায়। হরিবংশের ব্রজে আগমনকাল—১৫৯৪ বিক্রম-সংবৎ (= ১৫৩৭ খ্রীঃ)।

সম্পূর্ণ হরিবংশ বৃন্দাবনে আসিয়া দেখেন, অরণ্য-সমাকীর্ণ বৃন্দাবিপিনের কোথাও গৃহস্থের বাসোপযোগী স্থান নাই। বিশেষতঃ, সেই সময় নরবাহন নামক এক দস্যু-দলপতি দিল্লী ও আগ্রার পথে দস্যুরক্তি করিয়া বেড়াইত এবং লুণ্ঠিত দ্রব্যাদি বৃন্দাবনের গহন অরণ্যে লুকাইয়া রাখিত। নরবাহন যে গ্রামে বাস করিত, উহার নাম হইয়াছিল ভয়গাঁও। এই স্থানটি বৃন্দাবন হইতে প্রায় চারি ক্রোশ উত্তরে যমুনাতীরে অবস্থিত। অত্যাধিক তথায় এক টিলার উপর নরবাহনের স্মৃষ্টি দুর্গের ভগ্নাবশেষ দৃষ্ট হয়।

জনশ্রুতি, হরিবংশ অলৌকিক শক্তি দ্বারা দুর্দান্ত নরবাহনকে স্বীয় পদানুগত করেন এবং নরবাহন চিরতরে দস্যুরক্তি পরিত্যাগ করিয়া হরিবংশের বানী-প্রচারের একজন



বংশীভট্ট—শ্রীবৃন্দাবন

প্রধান সহায়ক ও তৎসম্প্রদায়ের একজন বিশিষ্ট সাধু বলিয়া পরিগণিত হন। হিন্দী ভক্তমাল লেখক নাভাদাসজী ঐহার ভক্তমালে বাইশ জন অশুকুল ভগবদ্ভক্তের অন্ততমরূপে নরবাহনের নাম উল্লেখ করিয়াছেন।*

হরিবংশজী বৃন্দাবনে বরাহঘাটের নিকট মদনটের নামক স্থানে প্রথমে অবস্থান করেন এবং পরে 'পুরানাশহরে' যমুনার তটপ্রদেশে আশ্রমদেব ব্রাহ্মণের প্রদত্ত বিগ্রহকে 'শ্রীরাধা-বল্লভজী' নামে প্রতিষ্ঠিত করেন। হরিবংশের অন্ততম শিষ্য (মতান্তরে হরিবংশজীর তৃতীয় পুত্র গোপীনাথজীর শিষ্য) ও তদানীন্তন দিল্লীর বাদশাহের খাজাখী কায়স্থ সুন্দরদাস শ্রীরাধাবল্লভজীর মন্দির নির্মাণ করিয়া দিয়াছিলেন। অত্যাধিক পুরানাশহরে ঔরঙ্গজেবের দৌরাত্ম্য-কবলিত উক্ত মন্দিরের ভগ্নাবশেষ দৃষ্ট হয়। উহার একটি স্তম্ভে মন্দির-নির্মাণের তারিখ ১৬৮৪ বিক্রম-সংবৎ (= ১৬২৭ খ্রীঃ) বলিয়া উৎকীর্ণ রহিয়াছে।† এখন কেবল মন্দিরের জগমোহন ও নাট-মন্দিরটি অর্ধভগ্নাবস্থায় আছে। উক্ত জগমোহনের এক

* শ্রীভক্তমাল সটীক. ১০৫ ছন্দ, ৬৪৪ পৃষ্ঠা, লক্ষ্মী নবলকিশোর প্রেস, ১৯১৩ খ্রীষ্টাব্দ।

† ১৬১৭ বিক্রম-সংবৎ (= ১৫৬০ খ্রীষ্টাব্দে) আকবর বাদশাহের ৩৪ রাজ্যাব্দে বৃন্দাবনস্থ শ্রীগোবিন্দদেবের নির্মাণকার্য শেষ হয়।

"The temple of 'Radha-Ballabh' is somewhat later than the series of four (Govinda, Madanmohan, Gopinath and Jugalkishore) already described, one of the pillars in the front giving the date of its foundation." —*Muttra A Gazetteer*, Vol. VII, p. 246, edited and compiled by D. L. Drake Brockman, 1911.

* 'ব্রজবিনোদ', ১২৬ পৃষ্ঠা, আলিগড়, ১৮৮৮ সনৎ।

† লালদাসবাবাজী বিরচিত, বলাইচাঁদ গোস্বামি-সম্পাদিত 'শ্রীভক্তমালগ্রন্থ'—২০শ মালায় 'চরিত্র-শ্রীহরিবংশ গোস্বামী', ৩১৯ পৃঃ, কলিকাতা ১৯০৫ বঙ্গাব্দ।

প্রকোষ্ঠের মধ্যে বর্তমানে হিত-হরিবংশের একটি আলেখ্য পুঙ্খিত হইতেছে। মুসলমান-উপক্রমের পূর্বে শ্রীরাধাবল্লভ-জীকে কাম্যবনে স্থানান্তরিত করা হইয়াছিল। ১৮৪১ বিক্রম-সংবতে (= ১৭৮৪ খ্রীঃ) আশ্বিনী শুক্লাদ্বিতীয়া তিথিতে কাম্যবন হইতে পুনরায় রাধাবল্লভজীকে বৃন্দাবনে আনয়ন করা হয়। রাধাবল্লভজী আটখাষা পল্লীর (রাধাবল্লভজীর পুরাতন মন্দিরের পার্শ্বস্থ পল্লী) গদাধরপণ্ডিত গোস্বামিপাদেব পরিবার ভট্টবংশীয় ব্রজবাসী গোড়ীয় বৈষ্ণব ব্রাহ্মণ-গণের গৃহে এক বৎসরকাল অবস্থান করিবার পর পুরাতন



শ্রীসেবকজী মহাশয়.

হিত-হরিবংশজীর শিষ্য দামোদরদাসজী (নামান্তর সেবকজী)

মন্দিরের পার্শ্বে গুজরাটদেশীয় সোল্লুভাই নামক বণিক-নির্মিত নূতন মন্দিরে অধিষ্ঠিত হন।

কাম্যবনে রাধাবল্লভজীর আর একটি সুবৃহৎ মন্দির আছে। রাধাকুণ্ডে (শ্রামকুণ্ডের তটে) রাধাবল্লভজীর একটি মন্দির ও হিত-হরিবংশের একটি বৈঠক আছে। বৃন্দাবনের কেশীঘাট হইতে পূর্বাভিমুখে প্রায় দুই ক্রোশ দূরে মানসরোবর নামক স্থানে হরিবংশজীর ভজনস্থল ও সমাধি বিদ্যমান। বৃন্দাবনে সেবাকুঞ্জও (নিকুঞ্জবন) রাধাবল্লভী সম্প্রদায়ের একটি প্রধান স্থান। শৃঙ্গারবটের নিকট ষমুনার তীরে রাসমণ্ডল নামক স্থানে হিত-হরিবংশের আর একটি সমাধিপীঠ আছে। রাধাবল্লভ সম্প্রদায়ের ব্যক্তিগণ ইহাকে 'হরিবংশসদন' বলেন। ১৬৪১ বিক্রম-সংবতে আষাঢ়ী

কৃষ্ণা দ্বিতীয়া তিথিতে হরিবংশের জ্যেষ্ঠ পুত্র বনচন্দ্রজীর উপস্থিতিতে তাঁহার শিষ্য বিষ্ণুপুত্র-ভগবানদাস স্বর্ণকার বর্তমান আকারে উক্ত সদন নির্মাণ করাইয়াছিলেন। প্রায় ঐ সময়েই (১৬৪০ বিক্রম-সংবতের মধ্যে) হিত-হরিবংশজীর নিধন হয়।* রাধাবল্লভী সম্প্রদায়ের মতে হরিবংশ সশরীরে অদৌকিক ভাবে অহুহিত হন; বৃন্দাবনে ও নানা স্থানে অশ্রুপূর্ণ জনশ্রুতিও প্রচারিত রহিয়াছে। ১২৯৯ বঙ্গাব্দে শ্রীমুক্তিবিনেদ ঠাকুর তৎসম্পাদিত 'সঙ্কনতোষনী' পত্রিকায়† 'শ্রীমানসরোবর' শীর্ষক প্রবন্ধে হিত-হরিবংশজীর সম্বন্ধে কতকগুলি মূল্যবান কথা লিপিবদ্ধ করিয়াছেন।

৩

হিত-হরিবংশ শাস্ত্রীয় বিধি-নিষেধের ধার ধারিতেন না, ইহার ইচ্ছিত কবি নাভাদাসজীও তাঁহার হিন্দী ভক্তমালের মধ্যে প্রদান করিয়াছেন।

সর্বস্থ মহাপ্রসাদ প্রসিধতাকে অধিকারী।

বিধি নিষেধ নহি, দাস অনন্ত উৎকট ব্রতধারী ॥†

শাস্ত্রে একাদশীতে নিরাহার অবশ্যকর্তব্য বলিয়া বিহিত হইয়াছে। বৈষ্ণবগণের পক্ষে নিরাহার বলিতে মহাপ্রসাদই পরিত্যাগই বুঝায়। কারণ তাঁহারা মহাপ্রসাদ ব্যতীত কখনও অন্য কিছু ভোজন করেন না। জীবগোস্বামিপাদ ভক্তিসন্দর্ভে শাস্ত্র-প্রমাণ উদ্ধার করিয়া বলিয়াছেন, "অত্র বৈষ্ণবানাং নিরাহারত্বং নাম মহাপ্রসাদান্ন পকিত্যাগ এব,— তেষামন্তভোজনশ্চ নিত্যমেব নিষিদ্ধত্বাৎ, যথোক্তং নারদ-পঞ্চরাত্রে,—

প্রসাদান্নং সদা গ্রাহ্যমেবাদত্যাং ন নারদ।

রমাদি-সর্বভক্তানামিতরেষাঞ্চ কা কথা ॥ ইতি";**

অর্থাৎ, শ্রীনারদপঞ্চরাত্রে উক্ত হইয়াছে, "হে নারদ! সর্বদা প্রসাদান্নই গ্রহণীয়; কিন্তু একাদশীতে তাহা গ্রহণীয় নহে। এই বিধি স্বয়ং লক্ষ্মীপ্রমুখ ভগবদ্ভক্তগণের পক্ষেও প্রযোজ্য; সাধারণের পক্ষে আর কি কথা!"

রাধাবল্লভী-সম্প্রদায়ে দীক্ষিত ব্যক্তিগণ একাদশী, জন্মাষ্টমী প্রভৃতি হরিতোষণব্রতদিবসেও অন্ন-তাম্বুলাদি প্রসাদ গ্রহণ করেন; তৎসম্প্রদায়ে কোনপ্রকার ব্রতোপবাস স্বীকৃত হয় না। তাঁহাদের সম্প্রদায়ে শালগ্রাম পূজা, বৈদিক মন্ত্র, কামবীজ, কামগায়ত্রী প্রভৃতিও স্বীকৃত হয় না। তাঁহারা

* রামচন্দ্র গুরু-কৃত "হিন্দী সাহিত্যকা ইতিহাস" ১৮০-১৮১ পৃষ্ঠা দ্রষ্টব্য।

† 'সঙ্কনতোষনী'-পত্রিকা, ৪র্থ বর্ষ, ৩য় সংখ্যায় 'শ্রীমানসরোবর' প্রবন্ধ, বঙ্গাব্দ ১২৯৯, পৃঃ ৪৩-৪৪ দ্রষ্টব্য।

‡ শ্রীভক্তমাল সটীক—১০তম ছন্দ ৫৭২ পৃষ্ঠা। লক্ষ্মী, নবলকিশোর প্রেস, ১৯১০।

** শ্রীভক্তিসন্দর্ভ, ২৯৯ অনুচ্ছেদ।

অর্চনে শঙ্খ ও গল্পড়ের মূর্তি-সংযুক্ত বণ্টা ব্যবহার করেন না। ঐসকল উপকরণ রাগমার্গের প্রতিকূল বলিয়া তাঁহারা মনে করেন। শ্রীকৃষ্ণের নৈবেদ্যে তুলসী প্রদান করিলে তাঁহাদের মতে শ্রীকৃষ্ণের ভোগের পূর্বেই তাহা উচ্ছিষ্ট হইয়া যায়। এজন্য তাঁহারা শ্রীকৃষ্ণের নৈবেদ্যে কখনও তুলসী প্রদান করেন না। রাধাবল্লভী ব্রাহ্মণগণ সামাজিক প্রথা অনুসারে ব্রহ্মহৃত্ত গ্রহণ করিলেও ব্রহ্মগায়ত্রী জপ করেন না। এই সম্প্রদায়ে শ্রুতি, স্মৃতি, পুরাণশাস্ত্রের বিহিত উপাসনামূলক সিদ্ধান্তসমূহ স্বীকৃত হয় না। উক্ত সম্প্রদায়ে দীক্ষিত হইলে সকলেই বেদবিধির অতীত রাগমার্গের অধিকার প্রাপ্ত হন বলিয়া তাঁহারা মনে করেন।

ইহার শ্রীমদ্ভাগবতোক্ত গোপীগণের বিরহ স্বীকার করেন না। হিত-হরিবংশী তাঁহার চৌরাশী পদ-ধৃত 'মোহন-মদন-ত্রিভঙ্গী' নামক একটি পদে যে রাসলীলার বর্ণনা করিয়াছেন, তাহাতে শ্রীমদ্ভাগবত-সম্মত শ্রীকৃষ্ণাস্তর্ধান



মানসরোবর

ও গোপীগণের বিরহানুভবের কথা উল্লেখ করেন নাই। তাঁহারা বলেন, হিত-হরিবংশের অনুভবই প্রধান প্রমাণ।

হিত-হরিবংশী বৃন্দাবনে নিম্নলিখিত লুপ্ত লীলাস্থানসমূহ পুনরায় প্রকট করিয়াছেন বলিয়া কথিত হয়। (১) সেবাকুঞ্জ (নিকুঞ্জবন), (২) রাসমণ্ডল (সাহাজীর মন্দিরের পশ্চাতে যমুনাতটে), (৩) বংশীবট ও (৪) মানসরোবর।

হরিবংশের নাদ ও বিন্দু-ভেদে দুই প্রকার পরিবার। নাদ অর্থাৎ শব্দাত্মক মন্ত্র হইতে যে বংশের উৎপত্তি হইয়াছে, সেই শিষ্যবংশই 'নাদ পরিবার'-নামে খ্যাত। আর ঔরসজাত বংশপরম্পরা 'বিন্দু পরিবার' নামে বিদিত। ইহারাই রাধাবল্লভী-গোস্বামিবংশ। শ্রীহরিবংশের জ্যেষ্ঠ পুত্র বনচন্দ্রজীর বংশীয় গোস্বামিগণ শ্রীরাধাবল্লভ বিগ্রহের সেবা করেন।

হিত-হরিবংশী স্বতন্ত্রভাবে যে সম্প্রদায় প্রতিষ্ঠা করেন, তাহা রাধাবল্লভী সম্প্রদায় নামে খ্যাত হয়। ইহারাই শ্রীরাধা-

বল্লভকে রাধাকৃষ্ণের মিলিত স্বরূপ বলেন। এই সম্প্রদায়ের ধ্রুবদাসজীর বাণীতে পাওয়া যায় :

রূপবেলি প্যারী বনি ।
প্রিয়তম প্রেম তমাল ॥
দৌমন মিল একৈ ভয়ে ।
শ্রীরাধাবল্লভ লাল ॥

কথিত আছে, গোপালভট্ট গোস্বামি-পাদের রাধারমণ বিগ্রহের বামে যে রাধিকাস্বরূপ গোমতী-চক্রের সেবা আছে, তদনুসরণে হিত-হরিবংশী রাধাবল্লভ বিগ্রহের বামে রাধিকার গাদী সেবা স্থাপন করেন। ইতঃপূর্বে গোপালভট্ট গোস্বামিপাদ দ্বাদশটি শালগ্রাম সংগ্রহ করিয়া সেবার্থ তাহা বৃন্দাবনে আনিয়াছিলেন। ইহার কিছুদিন পরে কয়েকজন শেঠ গোপালভট্ট গোস্বামীর ভজন-কুটীরে বিগ্রহের শূদ্রার উপযোগী কিছু অলঙ্কারাদি প্রদান করিয়া যান। শ্রীকৃষ্ণের অঙ্কের উপযোগী ঐ সকল অলঙ্কার শালগ্রাম শিলাকে কিরূপে পরাইবেন, ইহা চিন্তা করিতে করিতে গোস্বামিপাদ



মানসরোবরের তটে হিত-হরিবংশের ভজনস্থান

সেই রাত্রি যাপন করেন। রাত্রি প্রভাত হইলে শালগ্রামের সেবার্থ উপস্থিত হইয়া গোস্বামিপাদ দেখিতে পান, দ্বাদশটি শালগ্রামের মধ্যে একটি শালগ্রাম ত্রিভঙ্গভঙ্গিম ব্রজকিশোর দ্বিভূজরূপে প্রকটিত হইয়া অবস্থান করিতেছেন। এই বিগ্রহটিকে রূপ সনাতনাদি গোস্বামিপাদগণের উপদেশানুসারে গোপালভট্ট 'শ্রীরাধারমণ' নামে প্রকাশ করেন। ইহার পর যুগল-সেবা করিবার উদ্দেশ্যে স্বর্ণময়ী রাধারানী মূর্তি রাধারমণের বামে প্রকাশিত করা হয়। সেই রাত্রেই রাধারমণ স্বপ্নযোগে জানান যে, তাঁহার সহিত তাঁহার স্বরূপ-শক্তি শ্রীরাধা নিত্যই আছেন এবং তিনি স্বরূপ-বিগ্রহ; তাঁহার বামে ধাতুময়ী অর্চা স্থাপন করা উচিত হয় নাই। ইহার পরই সেই স্বর্ণপ্রতিমাকে স্থানান্তরিত করিয়া রাধারমণের বামে গোমতী-চক্রসেবা সংস্থাপন করা হয়। ইহার অনুসরণেই পরবর্তীকালে হিত-হরিবংশী রাধা-

বল্লভের বামে ও হরিদাসস্বামী বাকাবিহারীর বামে গাদী-সেবা স্থাপন করিয়াছেন।* রাধাবল্লভীগণ রাধারাণীকে তাঁহাদের আদিগুরু মনে করায় রাধাবল্লভ-বিগ্রহের বামে অধিষ্ঠিত গাদী-সেবাকে গুরুপীঠের সেবা বলিয়া ব্যাখ্যা করেন।

ইহাদের মতে 'হিত হরিবংশ' শব্দটির মধ্যে 'হিত' শব্দের অর্থ পরম মাদুলিক প্রেম; আর 'হরিবংশ' পদের অন্তর্গত 'হ' = হরি, 'র' = রাধা, 'ব' = বৃন্দাবন ও 'শ' (স) = সখী। ইহারা নিম্নলিখিত বাক্যকে মহামন্ত্ররূপে জপ ও কীর্তন করেন :

শ্রীরাধাবল্লভ শ্রীহরিবংশ।

শ্রীবৃন্দাবন শ্রীবনচন্দ্র ॥



সেবাকুঞ্জ, শ্রীবৃন্দাবন

এই 'বনচন্দ্র' হিত-হরিবংশজীর জ্যেষ্ঠ পুত্র। সুতরাং এই পদটি বনচন্দ্রের পরে বা সমকালে তৎসম্প্রদায়ে প্রচলিত হইয়াছে।

পূর্বেই উক্ত হইয়াছে, ইহারা বেদাদি শাস্ত্রকে স্বতন্ত্রভাবে ও স্বকল্পনানুসারে স্বীকার করেন। ব্রহ্মসূত্রের উপর ইহাদের তিনটি ভাষ্য আছে বলিয়া শুনিতে পাওয়া যায়। যতদূর জানিতে পারা গিয়াছে, অদ্যপি কোনটিই মুদ্রিত হয় নাই। পার্টনানিবাসী জর্নৈক প্রিয়দাস ব্রহ্মসূত্রের প্রথম অধ্যায়ের মাত্র তিন পাদের উপর রাধাবল্লভীয় সিদ্ধান্তানুযায়ী এক ভাষ্য রচনা করিয়াছেন। ইহার নাম 'ত্রিপদী ভাষ্য'। এতদ্ব্যতীত বেওয়ার রাজা বিশ্বনাথ সিংহ (রাজত্বকাল সংবত ১৮৯০-১৯১১) 'রাধাবল্লভীয় ভাষ্য' নামক ব্রহ্মসূত্রের একটি সম্পূর্ণ ভাষ্য রচনা করিয়াছেন।† হরিবংশজীর দ্বিতীয় পুত্র কৃষ্ণচন্দ্রজী 'ব্যাসনন্দন ভাষ্য' নামক আর একটি সূত্র-ভাষ্য

* আমরা এই কথাটি বৃন্দাবনের রাধারমণদেৱাঙ্ক সধামগত পণ্ডিত মধুসূদন সার্বভৌম মহাশয়ের মুখে শ্রবণ করিয়াছি এবং এইরূপ কথা বৃন্দাবনের রাধারমণদেৱার সেবকগণের মধ্যে পরম্পরাক্রমে প্রচারিত আছে।

† বেওয়ার নরেশের সরস্বতী-ভাণ্ডার, বঙ্গ নং ১৩, পুস্তক-সংখ্যা ৫১। এই হস্তলিখিত পুথির পত্রসংখ্যা ২৩৩।

রচনা করিয়াছেন একথা ইহারা বলেন; কিন্তু উক্ত ভাষ্যের কোন অস্তিত্বের সন্ধান পাওয়া যায় না। পার্টনানিবাসী প্রিয়দাস ঈশোপনিষদের একটি ভাষ্য লিখিয়াছেন। বৃন্দাবনস্থ রাধাবল্লভী সম্প্রদায়ের কোনও পণ্ডিত ও আচার্য আমাদিগকে বলিয়াছেন, হিত-হরিবংশজীর সিদ্ধান্তের নাম—'সিদ্ধান্তত্ববাদ'; কিন্তু উক্ত মতবাদের বিশ্লেষণাত্মক কোনও গ্রন্থ আজও পর্যন্ত প্রকাশিত হয় নাই। রাধা ও রাধাবল্লভে অদ্বৈতভাব বা অভেদত্ব নিত্যসিদ্ধ—ইহাই সিদ্ধান্তত্ববাদ। ইহা জীবের সিদ্ধান্তবস্থায় ঈশ্বরের সহিত অভেদজ্ঞাপক কেবলত্বত্ববাদ নহে। অপর পক্ষে উক্ত সম্প্রদায়েরই কেহ কেহ বলেন, তাঁহাদের সম্প্রদায়ের কোনও বিশেষ বৈদান্তিক মতবাদ নাই।



সেবাকুঞ্জ (নিকুঞ্জবন), শ্রীবৃন্দাবন

৪

হিত-হরিবংশজী তাঁহার ভজনবিষয়ক মতবাদসমূহ ব্রজ-ভাষাতেই প্রচার করিয়াছেন। ব্রজভাষায় রচিত তাঁহার (১) স্মৃটবানী (২৬টি বা ২৭টি পদ), (২) গদ্যে লিখিত দুইটি পত্র (দেব-বনবাসী 'বিটল্দাস' নামক শিষ্যের নিকট লিখিত) ও (৩) চৌরাশীজী (চৌরাশীটি পদ) এই তিনখানি গ্রন্থ দৃষ্ট হয়। এতদ্ব্যতীত তাঁহার নামে আরোপিত, সংস্কৃত ভাষায় রচিত যমুনাষ্টক ও রাধারসসুধানিধি গ্রন্থও বৃন্দাবন হইতে প্রকাশিত হইয়াছে। শেষোক্ত গ্রন্থটি হরিবংশ ছয় মাস বয়সে দোলায় শায়িতাবস্থায় গান করেন, এরূপ কথা তৎসম্প্রদায়ে প্রচারিত আছে।*

গৌড়ীয় বৈষ্ণবগণের মতে 'শ্রীরাধারসসুধানিধি' গ্রন্থখানি

* শ্রীহিতদাস সম্পাদিত শ্রীরাধাসুধানিধির ভূমিকার অন্তর্গত 'জীবন-চরিত', ৩০ পৃষ্ঠা দ্রষ্টব্য।

শ্রীকৃষ্ণচৈতন্যচরণানুচর প্রবোধানন্দ সরস্বতীপাদের রচিত। তাঁহারা বলেন, প্রবোধানন্দ সরস্বতীপাদের রচিত 'শ্রীবৃন্দাবন-মহিমামৃত', 'শ্রীচৈতন্যচন্দ্রামৃত' প্রভৃতি গ্রন্থের সহিত শ্রীরাধা-রসসুধানিধির ভাব, ভাষা ও ছন্দের এতটা সামঞ্জস্য দৃষ্ট হয় যে, ঐ সকল গ্রন্থ একই ব্যক্তির রচনা—ইহা নিঃসন্দেহে বলা যায়।* তবে যে রসসুধানিধির কোন কোন পুথির পুস্পিকায় বা রসিকোক্ত্যংস-রচিত, মুদ্রিত 'প্রেমপত্নী' গ্রন্থ-ধৃত রাধারস-সুধানিধির দুই-একটি উদ্ধৃতির পূর্বে হিত-হরিবংশজী নাম পাওয়া যায়, তাহার কারণ এই যে, হরিবংশজী গোপালভট্ট গোস্বামিপাদের স্নেহ হইতে বঞ্চিত হইবার পরও ভট্ট-গোস্বামীর বিদ্যাগুরু বর্ষীয়ান প্রবোধানন্দ সরস্বতীপাদ প্রশিষ্য হরিবংশকে আশ্রয়প্রদান এবং স্বলিখিত শ্রীরাধারস-সুধানিধি গ্রন্থটি তাঁহার নামে প্রচার করেন। এই কথা বৃন্দাবন প্রভৃতি স্থানে বহুকাল হইতে প্রচারিত আছে।



শ্রীরাধাবল্লভজীর পুরাতন মন্দিরের ভগ্নাবশেষ—পুরানাশহর, বৃন্দাবন

শ্রীরাধারসসুধানিধির-রচয়িতা তাঁহার গ্রন্থের বহু স্থানেই বৃন্দাবনের বিচিত্র শোভা বর্ণনা করিয়াছেন এবং উক্ত গ্রন্থ রচনাকালে বৃন্দাবনবাসিগণের দর্শনলাভ করায় তাঁহাদের প্রতি তাঁহার আরাধ্য বুদ্ধির উদয় ও গ্রন্থ-রচনায় প্রেরণা লাভ হইয়াছে, ইহাও উক্ত গ্রন্থে বর্ণিত হইয়াছে। ইহা হইতে স্পষ্টই প্রমাণিত হয়, শ্রীরাধারসসুধানিধি বাদগ্রামে দোলায়

* এ সম্বন্ধে বিস্তৃত আলোচনা প্রবন্ধলেখকের রচিত 'শ্রীপ্রবোধানন্দ সরস্বতী' প্রবন্ধে দ্রষ্টব্য।

শায়িত ছয় মাসের শিশুর গান নহে। ইহা বৃন্দাবনবাসী, বৃন্দাবনমহিমামৃত-লেখক, সংস্কৃত দর্শন ও কাব্যশাস্ত্রে পরম-পণ্ডিতের পরিপক লেখনীপ্রসূত স্তোত্রকাব্য।* যথা :

সদযোগীন্দ্র তদুশ সাল্লরসদানন্দৈকসম্মতয়ঃ
সর্বপাভূত সম্মুখি মধুরে বৃন্দাবনে সংগতাঃ।
যে ক্রুরা অপি পাপিনো ন চ সতাং সস্তাষ্য দুশাশ্চ যে
সখান্ বস্তুতয়া নিরীক্ষ্য পরম-স্বাধা-বুদ্ধিমর্ম ॥†

আশ্চর্যময় নিত্য মহিমাশালী মধুর বৃন্দাবনে মিলিত সকলেই সাধুশ্রেষ্ঠ যোগিগণের সুদৃশ্য, গাঢ় আনন্দাস্বাদপ্রদ এবং একমাত্র আনন্দের শোভনবিগ্রহ। এমন কি, যাহারা নৃশংস, পাপপরাধণ, সাধুগণের সম্ভাষণ ও দর্শনের অযোগ্য, তাঁহাদের সকলকে দেখিয়া বাস্তবপক্ষে আমার পরম সুখ-রাধারূপে বুদ্ধি উদিত হইতেছে।



শ্রীরাধাবল্লভজীর বহুমান মন্দির—পুরানাশহর, বৃন্দাবন

রাধাবল্লভী গণ গ্রন্থটিকে 'রাধারসসুধানিধি' নামে অভিহিত না করিয়া 'রাধাসুধানিধি' বলেন। বস্তুতঃ উক্ত গ্রন্থের উপসংহারে গ্রন্থের নাম 'রসসুধানিধি'ই দৃষ্ট হয় :

অভুতানন্দলোভশ্চেন্নান্না রসসুধানিধিঃ।
সুবোধয়ঃ কর্ণ-কলসৈগৃহীত্বা পীয়তাং বৃধাঃ ॥‡

* শ্রীরাধারসসুধানিধিঃ—স্তোত্রকাব্যম্—শ্রীমধুসূদন তদ্ব্যচম্পতিনা বঙ্কতাবানুদিতং সম্পাদিতঞ্চ, আলাটি, হুগলী, বঙ্গাদ ১৩২০, ভূমিকা।

† শ্রীরাধাসুধানিধিঃ, ২৬৪ শ্লোক

‡ ঐ, ২৭০ শ্লোক

হে পণ্ডিতবর্গ, যদি আপনাদের অত্যাশ্চর্য আনন্দপ্রাপ্তি
বিষয়ে সোভ থাকে, তাহা হইলে এই 'রসসুধানিধি' নামক
স্তব কর্ণরূপ কলসসমূহ দ্বারা গ্রহণপূর্বক পান করুন।

হিত-হরিবংশজীর শিষ্য নরবাহন ব্রজভাষায় পদ রচনা
করিয়াছিলেন। হরিবংশের অন্তিম শিষ্য দামোদরদাস
(নামান্তর সেবকজী) 'সেবকবাণী' নামে রস ও সিদ্ধান্তবিষয়ক
পদ ব্রজভাষায় রচনা করিয়াছেন। ইহা মুদ্রিত হইয়াছে।
হরিবংশের জ্যেষ্ঠপুত্র বনচন্দ্র সংস্কৃতভাষায় 'শ্রীরাধাষ্টোত্তর



হিত-হরিবংশজীর সমাধি-মন্দির

শতনামানি', 'হরিবংশাষ্টকম্' ও 'প্রিয়ানামাবলী' এবং ব্রজ-
ভাষায় পদাবলী রচনা করেন। দ্বিতীয় পুত্র কৃষ্ণচন্দ্র সংস্কৃত
ভাষায় 'আশান্তবঃ', 'ব্যাসনন্দনাষ্টকম্', 'বৃহদ্রাধাভক্তিমঞ্জুষা'

'মানাষ্টপদী' (১ম ও ২য়) ইত্যাদি গ্রন্থ এবং ব্রজভাষায়
পদাবলী রচনা করেন। তৃতীয় পুত্র গোপীনাথ ব্রজভাষায়
রসবিষয়ক পদাবলী রচনা করিয়াছিলেন। হরিবংশের দ্বিতীয়
পুত্রী কৃষ্ণদাসীর গর্ভজাত মোহনচন্দ্রও ব্রজভাষায় পদাবলী
রচনা করিয়াছেন। শ্রীরাধারসসুধানিধি হরিবংশজীর রচিত
বলিয়া তৎসম্প্রদায় হইতে দাবি করা হইয়াছে। কিন্তু হরি-
বংশের সংস্কৃতজ্ঞ পণ্ডিত-পুত্রগণ বা তাঁহার শিষ্য-প্রশিষ্যগণ
কেহই উক্ত গ্রন্থের টীকা রচনা করেন নাই। উক্ত
সম্প্রদায়েরই বিবরণানুসারে* অষ্টাদশ শতাব্দীতে সন্তদাস,
লোকনাথ ও তুলসীদাস এবং উনবিংশ শতাব্দীতে দুই-একজন
ব্যক্তি ব্রজভাষায় শ্রীরাধারসসুধানিধির টীকা রচনা করিয়া-
ছিলেন বলিয়া শোনা যায়। যুগ্মই বেকটেশ্বর প্রেস হইতে
১৯৬৪ সংবতে প্রকাশিত সংস্করণে রাধাবল্লভীয় কুপাল
গোস্বামী কর্তৃক ১৮৩০ সংবতে রচিত চষক নামক একটি
সংস্কৃত টীকা মুদ্রিত দেখা যায়। অষ্টাদশ, বিশেষতঃ উনবিংশ
শতাব্দী হইতেই উক্ত গ্রন্থের টীকার বহুল প্রচার-প্রচেষ্টা
পরিলক্ষিত হয়।


রাধাবল্লভী সম্প্রদায়ের মধ্যে কয়েকটি স্বতন্ত্র উপ-সম্প্রদায়ের
সৃষ্টি হইয়াছে।

১। রেওয়া-নিবাসী প্রিয়াদাসজীর স্বতন্ত্র সম্প্রদায়।
ইহারা হরিবংশকে স্বীকার করেন।

২। প্রাণনাথী-সম্প্রদায় (হরিবংশ হইতে চতুর্থ অধস্তন
দামোদরজীর শিষ্য প্রাণনাথের প্রবর্তিত)। ইহারা হরি-
বংশকে মানেন না।

হরিরাম ব্যাস হরিবংশজীকে শিক্ষাগুরুর আয় শ্রদ্ধা
করিতেন; কিন্তু তাঁহার অধস্তনগণ হরিবংশকে হরিরামের
শিক্ষাগুরুরূপে স্বীকার করেন না। তাঁহারা নিজেদের মাধ্ব-
সম্প্রদায়ী বলিয়া পরিচয় দেন।

* শ্রীহিত-রাধাবল্লভীয় সাহিত্যরত্নাবলী, সম্পাদক—কিশোরীশরণ
অলি, বৃন্দাবন ২০০৭ সংবৎ।



শ্বেতাশ্বতরোপনিষৎ

[তৃতীয় অধ্যায়]

অনুবাদিকা—শ্রীচিত্রিতা দেবী

য একো জালবাণীশত ঈশনীভিঃ
সর্বাঙ্লোকানীশত ঈশনীভিঃ
য এতৈবক উদ্ভবে সন্তবে চ
য এতদ্বিহুরমৃতাস্তে ভবন্তি ॥১

একো হি রুদ্রো ন দ্বিতীয়ায়
তস্য য
ইমাঙ্লোকান ঈশত ঈশনীভিঃ
প্রত্যঙ্জনং স্তিষ্ঠতি
সক্কোপাস্তকালে,
সংসৃজ্য বিনা হ্রবনানি গোপাঃ ॥২

বিশ্বতশ্চক্ষুরুত বিশ্বতোমুখো
বিশ্বতোবাহুরুত বিশ্বতস্পাং
স বাহুভ্যাং ধমতি সম্পতত্রৈ
দ্যাবাভূমী জনয়ন্
দেব এবাঃ ॥৩

যো দেবানাং প্রভবশ্চোদ্ভবশ্চ
বিশ্বাদিপো রুদ্রো মহধিঃ
হিরণ্যগর্ভং জনয়ামাস
পূর্বস্ ।
স নো বুদ্ধ্যা শুভয়া সংযুনক্ত ॥৪

যা তে রুদ্র শিবা তনু রঘোর
হপাপবাশিনী
তয়া নস্তল্পবা শস্তময়া
গিরিশস্তাভিচাকশীহি ॥৫

যামিষ্পং গিরিশস্ত হস্তে
বিভষ্যস্তবে
শিবাং গিরিত্র তাং কুরু
মা হিংসীঃ
পুরুষং জগৎ ॥৬

যে পরম এক শাসন করেন, বিশ্বশক্তি মায়া
সংহার নিয়মে, নবীন জন্মে, জীব লভে নবকায়া
যিনি মায়বলে, ঘটান সবার জন্ম অভ্যুদয়,
তাঁহারে স্বরূপে, যে জানে, সেই তে', মর্ত্যে অমৃতময় ॥১

মায়াবী রুদ্র, তুমি অখণ্ড এক,
দ্বিতীয় কাহারে চায়নি তোমার ঋষি,
প্রতি জীবে তুমি অকুর্যামী, বিশ্বে রয়েছে,
তোমারি শক্তি মিশি,
তোমারি শক্তি করিছে সৃষ্টি,
পালিছে নিত্য অনন্ত ত্রিভুবন,
আবার প্রলয়ে সংহার রূপে,
ক্ষয় করিছ আপনি আপন ধন ॥২

এই বিশ্বের চোখ মুখ, আর বাহু, পদ যত,
সকলি তাঁহার ধন ।
পক্ষীরে দেন পঞ্চ, মাকুষে, হস্ত চরণ মন ।
দ্যালোক ভুলোক রচনা করিয়া আপনি প্রকাশ পান,
বিচিত্র রূপে সে অনাদি দেব, একাকী বিবাজমান ॥৩

তাঁহারি মাঝারে, দেবতাগণের
জন্ম অভ্যুদয়,
বিশ্বপালক সর্বজ্ঞানী রুদ্র সর্বময় ।
সৃষ্টিপূর্বে সৃষ্টিশক্তি সৃজেন যে মহামুক্ত ।
সেই প্রভু আজ মোদের বুদ্ধি, মঙ্গলে কর যুক্ত ॥৪

দেহ মাঝে মম, তুমি দেহসুখ, হে রুদ্র মঙ্গল ।
দেখাও তোমার পবিত্র রূপ শুদ্ধ সমুজ্জ্বল ।
শুচিসুন্দর আনন্দময়, তব চক্ষের আলো,
পড়ক মোদের (মূঢ়তার পরে,
দূর হোক যত কালো) ॥৫

ওগো সুখ, ওগো রক্ষক প্রভু
করধ্বতবাণ কর মঙ্গলময় ।
তোমারি জগৎ, তোমারি মানব,
মেরো না তাদের, (আনন্দে করো জয়)
তাহাদের চোখে, নিজেরে কেবলি,
● রেখো না আবৃত করে ।

এমন হিংসা কোরো না গো আর
মিজ সন্তান 'পরে ॥৬

ততঃ পরং ব্রহ্মপরং বৃহত্ত্বং
যথা নিকায়ং সর্বভূতেষু
গৃঢ়ম্ ।
বিশ্বসৈক্যং পরিবেষ্টিতারম্
ঈশং তং জ্ঞাত্বাহমুতা
ভবন্তি ॥৭

বেদাহ মেতং পুরুষং
মহাস্তম্ ।
আদিত্যবর্ণং তমসঃ পরস্তাং ।
তমেব বিদিত্বাহতি মৃত্যু মেতি
নাশ্চঃ পশ্বা বিদ্যাতেহয়নায় ॥৮

যস্মাং পরং নাপরমস্তি
কিঞ্চিদ্
যস্মান্মানীয়ো ন জ্যায়োহস্তি
কশ্চিৎ ।
ব্রহ্ম ইব স্তক্কো দিবি তিষ্ঠত্যেক
স্তেনেদং পূর্ণং পুরুষেণ সর্বম্ ॥৯

ততো যদুত্তরং তদরূপমনামগন্
য এতদ্বিহরমৃত্যুস্তে ভবন্ত্য-
থেতরে, হুংখমেবাপি
যন্তি ॥১০

সর্বাননশিরোগ্রীবঃ সর্বভূতগুহশয়ঃ
সর্বব্যাপী স ভগবাং স্তস্মাং
সর্বগতঃ শিবঃ ॥১১

মহান প্রভূর্বে পুরুষঃ সত্বশৈশ্ব
প্রবর্তবাঃ
সুনির্মলামিমাং প্রাপ্তি
মীশাকো জ্যোতিরব্যায়ঃ ॥১২

অঙ্গুষ্ঠমাত্রঃ পুরুষোস্তুরাশ্বা
সদা জনানাং হৃদয়ে সন্নিবিষ্টঃ
হৃদা ময়ীগো মনসভিকশ্রেণা
য এতদ্বিহরমৃত্যুস্তে ভবন্তি ॥১৩

জগতের আদি মূল বীজ সেই
বিরাট হতেও শ্রেষ্ঠ ।
সর্বভূতের বিভিন্ন দেহে,
নিগূঢ় পরম শ্রেষ্ঠ,
বিশ্ব বেরিয়া অনাদি একক, পরমেশ্বর প্রভু ।
যে জানে তাঁহার স্বরূপ তাহার, জন্ম হবে না কভু ॥৭

জেনেছি তাঁহারে, তমপরপারে,
প্রকাশস্বরূপ সত্য ।
মহান্ পুরুষ পূর্ণ মানব সূর্যের মত দীপ্ত ।
তাঁহারে জানিলে, মৃত্যুসাগর পার হয়ে যায় ভক্ত
তিনি ছাড়া আর পথ নাই কোন
যদি হতে চাও মুক্ত ॥৮

সবার শ্রেষ্ঠ, সকলের নীচে,
অণু হতে অণু, মহতেবো বড়,
মহিমায় উজ্জ্বল ।
বৃক্ষের মত স্তর পুরুষ,
আপন প্রভাবে, ব্যাপিয়া বিশ্ব,
ভরেছে ভুবনতল ॥৯

জগৎ-কারণ-অতীত, মহান, অরূপ অতাপতত্ত্ব ।
যে তাঁরে জেনেছে, সেই তো লভেছে,
পরম অমৃতসত্ত্ব ।
জানে না যাহারা তারা ভোগ করে, হুংখ জীবন ভরে,
(বাসনার জালে জড়িয়ে নিজেরে,
বাঁধে মৃত্যুর ডোরে) ॥১০

মুখ মস্তক কণ্ঠ ও বাহু সর্ব প্রাণীর
সর্ব অঙ্গ পূর্ণ বিভূতিময় ।
তবু বুদ্ধির গহন গুহায় গোপনে সম্প্রবিষ্ট,
মঙ্গলরূপ নিখিল বিশ্বময় ॥১১

অবিনাশী প্রভু, মানসবিহারী,
তাঁরি মহা প্রেরণায়,
চিত্তগহনে, নির্মলা আশা,
তাঁরে লভিবারে চায় ॥১২

হৃদে* দৃশমান, পূর্ণস্বরূপ, অস্তুর্যামীরূপে,
গোপনে গোপনে, সবার হৃদয়ে, ফিরেছেন চূপে চূপে
জ্ঞানালোক জ্বলে, তাঁরে দেখা যায়,
মননে প্রকাশ পান,
যে জানে এ বর্ণী মর্ত্যে সে জন, নিত্য অমৃতবান্ ॥১৩

* হৃদয়ের পরিমাণ অঙ্গুষ্ঠ মাত্র । হৃদয়ে অন্তর্ভুক্ত হন বলে পরমাত্মাকে
যেন অঙ্গুষ্ঠ পরিমাণ বলা হয়েছে ।

সহস্রশীর্ষা পুরুষঃ সহস্রাক্ষঃ
সহস্রপাৎ
স ভূমিং বিশ্বতোবৃহাহত্যতিষ্ঠৎ
দশাকুলম্ ॥১৪

পুরুষ এবৈদং সর্বং যদ্ ভূতং
যজ্ঞভবাম্ ।
উতামৃতত্বস্তে শানো যদ্নে
নাতিরোহতি ॥১৫

সর্বতঃ পাণিপাদস্তৎ সর্বতোহ
ক্ষিণিরোমুখম্
সর্বতঃ শ্রুতিমল্লোবা,
সর্বমাবৃত্য তিষ্ঠতি ॥১৬

সর্বেন্দ্রিয় গুণাভাসং
সর্বেন্দ্রিয়বিবজিতম্ ।
সর্বশ্চ প্রভূমীশানং
সর্বশ্চ শরণং বৃহৎ ॥১৭

নবদ্বারে পুরে দেহী হংসে ।*
লেলায়তে বহিঃ
বশী সর্বশ্চ লোকশ্চ স্থাবরশ্চ
চরশ্চ চ ॥১৮

অপাণিপাদো জবনো গ্রহীতা
পশ্চাত্য চক্ষু স শৃণোত্যকর্ণঃ
স বেত্তি বেদ্যং ন চ তস্মাস্তি
বেত্তা
তমাহবগ্রাং পুরুষং মহাস্তম্ ॥১৯

অণোরণীয়ান্ মহতো মহীয়ান্,
আত্মা গুহায়াং নিহিতোহশ্চ
জস্তোঃ
তমক্রতুং পশ্চতি বীতশোকো,
ধাতুঃ প্রসাদান্মহিমান
মীশম ॥২০

বেদাহমেতমজরং পুরাণং
সর্বাঙ্গানং সর্বগতং বিভূত্বাৎ
জন্মনিরোধ প্রবদন্তি যশ্চ
ব্রহ্মবাদিনো হি প্রবদন্তি নিত্যম্ ॥২১

হাজার চক্ষু কোটি মস্তক, হাজার
চরণতলে,
বিশ্ব ব্যাপিয়া, তাঁহার বিকাশ-
হৃদয় পদ্মতলে ॥১৪

অনাগত তিনি তিনিই অতীত, বর্তমানের অন্তরে ।
মুক্তিবিধাতা নন শুধু তিনি, এই জীবনেরো তরে,
অসীম আশায় অন্ন বহিয়া
ফিরিছেন ধরে ধরে ॥১৫

সকল প্রাণীর মুখ মস্তক, তাঁহারি বলিয়া জেনো,
হস্ত চরণ চক্ষুকর্ণ সকলি তাঁহার মেনো,
তিনিই আত্মা প্রতি প্রাণীদেহে, বিশ্বে বিরাজমান্ ।
সর্বব্যাপিয়া চিত্তে নিগূঢ় নন্দিত করে প্রাণ ॥১৬

সব ইন্দ্রিয় গুণাভাস তিনি,
তবু ইন্দ্রিয় ছাড়া ।
সবার শরণ, পরম কারণ,
তবু তিনি গুণহারা ॥১৭

অবিদ্যাঘাতী পরম আত্মা,
যিনি ত্রিলোকের নিয়ন্তা ।
তিনি অকারণে, দেহ-উপবনে, জীবভাবে হয়ে মুগ্ধ,
নবদ্বারপথে, নিজ মনোরথে, বিষয় লভিতে লুক্ক ॥১৮

অজ্ঞবিহীন করপদহীন তবু দ্রুত চলে যান,
চক্ষুকর্ণ নেই তাঁর তবু দেখিতে গুণিতে পান ।
যাহা জানিবার, জানেন সকলি,
কেউ তো জানে না তাঁরে,
ঋষি বলে তিনি পূর্ণ পুরুষ, চাও তাঁরে জানিবারে ॥১৯

অণু হতে অণীয়ান, মহৎ হইতে মহীয়ান্
গোপন গুহায় নিহিত রয়েছে, জীবের আত্মপ্রাণ ।
বাসনাশূন্য সে মহাচেতনা, এই ক্ষণিকের জীবনে,
শাস্ত আর অক্ষয় রূপে, যে দেখে আপন মনে,
লভে সে শাস্তি, লভে আনন্দ দুঃখশোকের পার ।
তাঁহারি কৃপায় হেলায় তরায় হস্তর পারাবার ॥২০

জন্মবিহীন, অজর (অমর) চির শাস্ত সত্য ।
সর্ব ব্যাপিয়া সকলের মাঝে,
সে দেব আছেন নিত্যা,
জেনেছি তাঁহারে (চিত্ত মাঝারে),
চির অনন্ততত্ত্ব ॥২১

* হংসঃ— অবিদ্যা হনন করেন বলে তিনি হংস ।

দীর্ঘজীবী

শ্রীকুমুদরঞ্জন মল্লিক

হে সুধী, তোমাকে দীর্ঘজীবন দিয়াছেন ভগবান ।

সার্থক তুমি করেছ কি তাঁর দান ?
লইয়া রুগ্ন মন, আর তমু ক্লীণ,
নিরানন্দেই যাপ না তো শুধু দিন ?
তোমার জীবনে বৈচিত্র্যের
হয় নি তো অবসান ?

২

করে না তো আজ একদা-সরস ভাব-ভূয়িষ্ঠ মন—

অতীত সুখ আর দুখই রোমন্থন ?
বহু আগে যদি ছেড়ে যেতে তুমি ধরা—
কি করিতে বাকি রহিত ? উচিত স্বরা,
ভোগ ও রোগের কথাই কেবল
করনা তো চিন্তন ?

৩

আজ তুমি যেন, বিগত দিনের স্মৃতি ও সংস্কৃতি,
শ্রদ্ধা জাগায় তোমার উপস্থিতি ।
বহুদূরগত হে পুরুষ পুরাতন,
আনন্দময় তব সন্দর্শন,
তারা-ভরা তব জীবন-প্রদোষ
যুগের জন্মতিথি ।

৪

দেশ ও জাতির পূর্ণকুম্ভ, তুমি মঙ্গলঘট,
বৃদ্ধ বকুল, তুমি অক্ষয় বট ।
যুগ-দেবতার হে প্রসাদী যুগমদ—
তব গাত্রের সমীরণ পুণ্যপ্রদ,
চক্রতীর্থ তব সন্নিধি
তোমার সন্নিহিত ।

৫

দেহ চেয়ে তব অধিক কৰ্ম করিবে এখন মন ।
প্রভাসে গড়িবে গোকুল বৃন্দাবন ।
মতি অচপল, গতি তব মন্থর,
মানস-পূজার এই শুভ অবসর,
কর তব ম্লান নেত্র দীপেতে
আরতির আয়োজন ।

৬

দেবীর চরণে হয়েছে কি দেওয়া—কাল যে হতেছে গত
নীল উৎপল অষ্টোত্তর শত ?
কর বর লাভ, নাহি তো অধিক দেবী,
শোনো, রহি রহি ওই যে বাজিছে ভেবী,
জয়ের স্বপ্ন দেখিছে এখনো
পতাকা সমুন্নত ।

৭

পরিপূর্ণতা হুল্লভ—উহা অভিশাপ কভু নহে ।
ভবিষ্যতের বীজ যে উহাতে রহে ।
করিবার কাজ এখনো তোমার আছে,
তোমার নিকট ভাব আজও রূপ যাচে,
চন্দনসম সার্থক তুমি—
তব জয় জেনো ক্ষয়ে ।

৮

বুধায় তোমায়ে দীর্ঘজীবন দেন নাই পরমেশ,
তোমায়ে যে চায় এখনো জাতি ও দেশ ।
অকৰ্মণ্য নির্জীব তুমি নহ,
শিব সুন্দরে আলিঙ্গি' তুমি রহ,
মার্কণ্ডেয় সম লাভ কর
অমৃতের পরিবেশ ।



মহেন্দ্রলাল সরকার

শ্রীযোগেশচন্দ্র বাগল

ডাঃ মহেন্দ্রলাল সরকার বাংলার একজন প্রাতঃস্বর্ণীয় ব্যক্তি। তাঁহার একখানি সুষ্ঠু জীবন-চরিত বাংলা ভাষায় এখন পর্যন্ত লিখিত হইল না, ইহা বাস্তবিকই পরিতাপের বিষয়। শ্রীযুত নরেন্দ্রনাথ বসু ডাঃ সরকার সম্বন্ধে মাঝে মাঝে বিভিন্ন প্রবন্ধে কিছু কিছু আলোচনা করিয়াছেন। ডাঃ সরকার নিজের 'ডায়েরী' বা দিনলিপি রাখিয়া গিয়াছেন। তাহাতে অনেক মূল্যবান তথ্য থাকিবার কথা। এই দিন-লিপি যথাযথ সম্পাদনার পর প্রকাশিত হইলে উনবিংশ শতাব্দীর বঙ্গসংস্কৃতির নানা দিকে বিশেষ আলোকপাত করিবে নিঃসন্দেহ। ডাঃ সরকারের কথা সমসাময়িক সংবাদপত্রে, সাময়িকপত্রে, শিক্ষাবিষয়ক সরকারী রিপোর্টে, কলিকাতা বিশ্ববিদ্যালয়ের মিনিটসে এবং নানা পুস্তক-পুস্তিকায় পাওয়া যায়। আমি এই সমুদয় হইতে কিছু কিছু তথ্য বহুদিন সংগ্রহ করিয়া রাখিয়াছি। যিনি বা যঁাহারা ডাঃ সরকারের পূর্ণাঙ্গ জীবনী লিখিবেন, এগুলি তাঁহাদের কাজে লাগিতে পারে, এই ভরসায় এখানে প্রদত্ত হইল।

ছাত্রজীবন

মহেন্দ্রলাল একজন উৎকৃষ্ট ছাত্র ছিলেন। বর্তমান হেয়ার স্কুলের পূর্বনাম ছিল কখনও হিন্দু কলেজ ব্রাঞ্চ স্কুল, আবার কখনও কলুটোলা ব্রাঞ্চ স্কুল। মহেন্দ্রলাল যখন এই বিদ্যালয়ের ছাত্র, তখন ইহা শেষোক্ত নামে আখ্যাত হইতেছিল। এখানে অধ্যয়নকালে তিনি জুনিয়র বৃত্তি লাভ করেন। 'নীলদর্পণ'-প্রণেতা সুপ্রসিদ্ধ দীনবন্ধু মিত্র ডাঃ সরকারের সহপাঠী ছিলেন। ১৮৪৯-৫০ সনে তাঁহারা উভয়েই জুনিয়র বৃত্তি পুনঃপ্রাপ্ত হন। মহেন্দ্রলাল পান ৩০০ নম্বরের মধ্যে ১৭৬.৫ নম্বর। এই বিদ্যালয়ের অধ্যয়ন শেষ হইলে তিনি হিন্দু কলেজে ভর্তি হন। ১৮৫১-৫২ সনের এডুকেশন রিপোর্টে প্রকাশ, এই বৎসর মহেন্দ্রলাল কলেজের তৃতীয় শ্রেণীতে পড়িতছিলেন।

মহেন্দ্রলাল ১৮৫২ সনে তৃতীয় শ্রেণী হইতে পরীক্ষা দিয়া সিনিয়র বৃত্তি প্রাপ্ত হইলেন। তিনি এইরূপ নম্বর পানঃ সাহিত্য—৩৮.৫ ; দর্শন—৪২ ; বিস্কন্ধ গণিত—৪৪.৫ ; মিশ্র গণিত—৬৫ ; ইতিহাস—৪৪.৫ , ইংরেজী রচনা—২৭ ; বাংলা রচনা—১০ , মোট ২৭১.৫।

১৮৫৩-৫৪ এবং ১৮৫৪-৫৫, এই দুই বৎসরের এডুকেশন রিপোর্ট হইতেও সিনিয়র বৃত্তি পরীক্ষায় মহেন্দ্রলালের কৃতিত্বের কথা জানিতে পারি। সিনিয়র বৃত্তির পরিমাণ

ছিল প্রতি মাসে ত্রিশ টাকা। শেষোক্ত সনে তিনি প্রথম শ্রেণীতে অধ্যয়ন করেন। ১৮৫৫ সনের সিনিয়র বৃত্তি-পরীক্ষায় মহেন্দ্রলাল মোট ৫৬০ নম্বরের মধ্যে ২৮৬.৪০ নম্বর পাইয়াছিলেন। তিনি প্রতিটি বিষয়ে কত নম্বরের মধ্যে কত নম্বর পাইয়াছিলেন তাহার বিস্তারিত বিবরণ শেষোক্ত রিপোর্টে পাওয়া যাইতেছে। বলা বাহুল্য, এ বৎসরেরও তিনি সিনিয়র বৃত্তি লাভ করিলেন। নম্বরের বিস্তারিত বিবরণ এইঃ

বিষয়	মোট নম্বর	প্রাপ্ত নম্বর
সাহিত্য	৭০	৪০.৫
দর্শন ও অর্থশাস্ত্র	৬০	৫২
ইতিহাস	৭০	৩৫
বিস্কন্ধ গণিত	১০০	২৯
মিশ্র গণিত	১০০	৪৯.৫
ইংরেজী রচনা	৫০	২৮
অনুবাদ	৫০	২৫
প্রাকৃতিক ভূগোল	৫০	১৭.৪
জরীপ	৩০	১০

মহেন্দ্রলাল ইহার পর কলিকাতা মেডিক্যাল কলেজে ভর্তি হইলেন। তিনি ১৮৬১ সনে এম-বি এবং ১৮৬৩ সনে এম-ডি উপাধি পান। মহেন্দ্রলাল কলিকাতা বিশ্ববিদ্যালয়ের দ্বিতীয় এম-ডি ; প্রথম এম-ডি ছিলেন চন্দ্রকুমার দে।

ভারতবর্ষীয় বিজ্ঞান সভা

ভারতবর্ষীয় বিজ্ঞান সভা মহেন্দ্রলালের অক্ষয় কীর্তি। সমগ্র ভারতে ইহাই সর্বপ্রথম বৈজ্ঞানিক গবেষণা-আলোচনা প্রতিষ্ঠান। ১৮৬৯ সনে তিনি নিজ সম্পাদিত *Calcutta Journal of Medicine* মাসিকে এরূপ একটি প্রতিষ্ঠান স্থাপনের আবশ্যিকতা প্রতিপাদন করিয়া প্রবন্ধ লিখিয়াছিলেন, এই বিষয়ে তিনি ইংরেজী ও বাংলায় একখানি অনূষ্ঠানপত্রও অবিলম্বে প্রচার করেন। ইংরেজী 'প্রসূপেক্টাস' বা অনূষ্ঠানপত্র প্রকাশিত হয় ১৮৭০, ৩রা জানুয়ারী দিবসীয় 'হিন্দু পোর্ট্রায়টে'। ইহার বাংলাটি কিঞ্চিৎ বহুতাকারে আমরা পাই 'বঙ্গদর্শন'—ভাদ্র, ১২৭৯ সংখ্যায় প্রকাশিত বঙ্কিমচন্দ্র চট্টোপাধ্যায়ের "ভারতবর্ষীয় বিজ্ঞান সভা" শীর্ষক একটি প্রবন্ধে। ভারতবর্ষীয় বিজ্ঞান সভা বর্তমানে এক বিশিষ্ট বৈজ্ঞানিক প্রতিষ্ঠানে পরিণত হইয়াছে। ইহা কি উদ্দেশ্যে গঠিত হইয়াছিল তাহার উল্লেখ অপ্রাসঙ্গিক নহে। বস্তুতঃ

এই অনুষ্ঠানপত্রখানি আধুনিক যুগে ভারতীয় বিজ্ঞান-সাধনার 'ম্যাগনা কাটা'। অনুষ্ঠানপত্রখানি এই :

“জ্ঞানাৎ পরতরো নহি।

১। বিশ্বরাজ্যের আশ্চর্য ব্যাপার সকল স্থিরচিত্তে আলোচনা করিয়া অন্তঃকরণে অদ্ভুত রসের সঞ্চারণ হয়, এবং কি নিয়মে এই আশ্চর্য ব্যাপার সম্পন্ন হইতেছে, তাহা জানিবার নিমিত্ত কৌতুহল জন্মে। বদ্বারা এই নিয়মের বিশিষ্ট জ্ঞান হয়, তাহাকেই বিজ্ঞানশাস্ত্র কহে।

২। পুরাকালে ভারতবর্ষে বিজ্ঞানশাস্ত্রের যথেষ্ট সমাদর ও চর্চা ছিল, তাহার ভূরি ভূরি প্রমাণ অদ্যাপি দেদীপ্যমান রহিয়াছে। বর্তমান কালে বিজ্ঞানশাস্ত্রের যে সকল শাখা সম্যক উন্নত হইয়াছে, তৎসমুদয়ের মধ্যে অনেকগুলির প্রথম বীজরোপণ প্রাচীন হিন্দু ঋষিরাই করেন। জ্যোতিষ, বীজ-গণিত, মিশ্রগণিত, রেখাগণিত, আয়ুর্বেদ, সামুদ্রিক, রসায়ন, উদ্ভিদতত্ত্ব, সঙ্গীত, মনোবিজ্ঞান, আত্মতত্ত্ব প্রভৃতি বহুবিধ শাখা বহুদূর বিস্তীর্ণ হইয়াছিল। কিন্তু আক্ষেপের বিষয় এই, এক্ষণে অনেকেরই প্রায় লোপ হইয়াছে, নামমাত্র অবশিষ্ট আছে।

৩। এক্ষণে ভারতীয়দিগের পক্ষে বিজ্ঞানশাস্ত্রের অনুশীলন নিতান্ত আবশ্যিক হইয়াছে; তন্নিমিত্ত ভারতবর্ষীয় বিজ্ঞান সভা নামে একটি সভা কলিকাতায় স্থাপন করিবার প্রস্তাব হইয়াছে। এই সভা প্রধান সভারূপে গণ্য হইবে, এবং আবশ্যিকমতে ভারতবর্ষের ভিন্ন ভিন্ন অংশে ইহার শাখা-সভা স্থাপিত হইবে।

৪। ভারতবর্ষীয়দিগকে আহ্বান করিয়া বিজ্ঞান অনুশীলন বিষয়ে প্রোৎসাহিত ও সক্ষম করা এই সভার প্রধান উদ্দেশ্য; আর ভারতবর্ষ-সম্পর্কীয় যে সকল বিষয় লুপ্তপ্রায় হইয়াছে, তাহা রক্ষা করা (মনোরম ও জ্ঞানদায়ক প্রাচীন গ্রন্থ সকল মুদ্রিত ও প্রচারিত করা) সভার আনুষঙ্গিক উদ্দেশ্য।

৫। সভা স্থাপন করিবার জন্ত একটি গৃহ, কতকগুলি বিজ্ঞানবিষয়ক পুস্তক ও যন্ত্র এবং কতকগুলি উপযুক্ত ও অনুরক্ত ব্যক্তি বিশেষের আবশ্যিক। অতএব এই প্রস্তাব হইয়াছে যে কিছু ভূমি ক্রয় করা ও তাহার উপর একটি আবশ্যিকানুরূপ গৃহ নিৰ্মাণ করা, বিজ্ঞান বিষয়ক পুস্তক ও যন্ত্র ক্রয় করা এবং যাহারা এক্ষণে বিজ্ঞানানুশীলন করিতেছেন, কিম্বা যাহারা এক্ষণে বিদ্যালয় পরিত্যাগ করিয়াছেন, অথচ বিজ্ঞানশাস্ত্র অধ্যয়নে একান্ত অভিলাষী, কিন্তু উপায়াভাবে সে অভিলাষ পূর্ণ করিতে পারিতেছেন না, এরূপ ব্যক্তিদিগকে বিজ্ঞানচর্চা করিতে আহ্বান করা হইবে।

৬। এই সমুদয় কার্য সম্পন্ন করিতে হইলে অর্থ

প্রধান আবশ্যিক, অতএব ভারতবর্ষের শুভানুধ্যায়ী ও উন্নত জনগণের নিকট বিনীতভাবে প্রার্থনা করিতেছি যে, তাঁহারা আপন আপন ধনের কিয়দংশ অর্পণ করিয়া উপস্থিত বিষয়ের উন্নতি সাধন করুন।

৭। যাহারা চাঁদা গ্রহণ করিবেন, তাঁহাদের নাম পত্রে প্রকাশিত হইবে, আপাততঃ যাহারা স্বাক্ষর করিতে বা চাঁদা দিতে ইচ্ছা করিবেন, তাঁহারা নিম্ন স্বাক্ষরকারীর নিকট প্রেরণ করিলে সাদরে গৃহীত হইবে।

অনুষ্ঠাতা শ্রীমহেন্দ্রলাল সরকার।”

অনুষ্ঠানপত্রখানি প্রচারের পর মহেন্দ্রলাল অসীম ধৈর্য-সহকারে বিজ্ঞান সভা স্থাপনে তৎপর রহিলেন। দীর্ঘ ছয় বৎসরকাল অনবরত চেষ্টায় প্রয়োজনানুরূপ অর্থ সংগৃহীত হইল। বাংলা সরকার তাঁহাকে এই কার্যে অর্থসাহায্য করিতে অগ্রসর হইলেন। বাংলা সরকার ১৮৭৬, ২১শে জানুয়ারী বিজ্ঞান সভার জন্ত একটি গৃহের ব্যবস্থা করিতে সম্মত হন। ১৮৭৫-৭৬ সনের এডুকেশন রিপোর্টে এ সম্বন্ধে এইরূপ উল্লেখ আছে :

“In a minute, dated the 21st January, 1876, Sir Richard Temple was pleased to grant the projected Science Association an eligible building with its premises at the junction of the College Street and Bowbazar, for occupation free of all charge for a term of years, on condition that at least Rs. 70,000 be actually obtained by donations of which at least Rs. 50,000 must be invested by the Association in Government securities, and that a monthly subscription of at least Rs. 100 per mensem be promised for two years. The management of the institution was left to the members of the Association, and they were to raise and judiciously invest their funds and collect current subscriptions as far as their funds might permit. The Association has been promised nearly a lakh of rupees in donations, and Rs. 200 a month in subscriptions. The objects of the institution are to provide lectures of a very superior kind in science, especially general physics, chemistry, and geology, mainly for students who have already passed through school or college, or have otherwise attained some proficiency in those subjects. The several sciences will be taught with a view to their application to practical uses. . .”—Report of the Director of Public Instruction, 1875-76, page 83.

ইহার পরবর্তী অনুচ্ছেদে আছে, ছোটলাট টেম্পলের আনুকূল্যে ১৮৭৬, ২১শে জুলাই দিবসে ভারতবর্ষীয় বিজ্ঞান সভার দ্বার উন্মোচিত হইল। টেম্পল সভার স্থায়ী সভাপতি মনোনীত হইয়াছিলেন। বিজ্ঞান-শিক্ষার্থী ছাত্র এবং অগ্ণাতরা আট আনা মাত্র ‘ফি’ দিয়া এখানে প্রদত্ত বক্তৃতা শুনিতে পাইতেন। চাঁদাদাতা ছাত্রের সংখ্যা তখন পঞ্চাশ জন।

নারীর বিবাহের বয়স

ব্রহ্মানন্দ কেশবচন্দ্র সেন-প্রবর্তিত বিবাহ-আইন বিষয়ক আন্দোলনের পরিণতি হয় ১৮৭২ সনের তিন আইনের মধ্যে। নারীর বিবাহের ন্যূনতম বয়স কত হওয়া উচিত তৎসম্পর্কে স্থিরনিশ্চয় হইবার জন্ত ১৮৭১, ১লা এপ্রিল কেশবচন্দ্র বারো জন দেশী-বিদেশী সুবিখ্যাত চিকিৎসকের নিকট ভারত-সংস্কার সভার সভাপতিরূপে একখানি আবেদনপত্র প্রেরণ করেন। ডাঃ মহেন্দ্রলাল সরকার ছিলেন এই বারো জনের মধ্যে অন্যতম। নিজ অভিজ্ঞতা, সামাজিক বীতিনীতি, সমাজের তৎকালীন অবস্থা এবং আঙ্গিরা, মনু, শুক্রত প্রভৃতি শাস্ত্রগ্রন্থ আলোচনাপূর্বক তিনি এই সিদ্ধান্তে উপনীত হন যে, নারীর বিবাহের ন্যূনতম বয়স হওয়া উচিত ষোল। ডাঃ সরকার এই প্রসঙ্গে বলেন : পূর্বে নিয়ম ছিল—উপযুক্ত বয়স না হইলে বিবাহিতা কন্যাকে পতিগৃহে পাঠানো হইবে না। এই নিয়ম ক্রমশঃ শিথিল হইয়া যাইতেছে। সুতরাং বর্তমানে ঐরূপ বয়স নির্ধারণ করাই শ্রেয়ঃ। অল্প বয়সে গর্ভধারণ নারীর সর্ববিধ অকল্যাণই শুধু ডাকিয়া আনে না ; ভবিষ্যৎ-বংশীরদেরও অন্তঃ ইহা দ্বারা সূচিত হয়। ডাঃ সরকার দীর্ঘ মন্তব্যের উপসংহারে বলেন :

"This view of the state of things imperatively demands that, for the sake of our daughters and sisters, who are to become mothers, and for the sake of generations yet unborn, but upon whose proper development and healthy growth, the future well-being of the country depends, the earliest marriageable age of our females should be fixed at a higher point than what obtains in our country. If the old grandmother's discipline, alluded to above, could be made to prevail, there would be no harm in fixing that age at 14, or even 12, but as that is well-nigh impossible or perhaps would not be perfectly right and consistent with the progress of the times, I should fix it at 16."*

কলিকাতা বিশ্ববিদ্যালয়ের সঙ্গে সংস্রব

সেনেট, সিণ্ডিকেট এবং বিভিন্ন 'ফ্যাকাল্টি'র সদস্যরূপে কলিকাতা বিশ্ববিদ্যালয়ের সঙ্গে ডাঃ সরকারের সংস্রব সুবিদিত। বিশ্ববিদ্যালয়ের 'মিনিট'সমূহে ইহার কথা ছড়াইয়া আছে। এখানে ১৮৭৭-৭৮ এবং ১৮৭৮-৭৯ সনের মিনিট বই হইতে মাত্র দুইটি বিষয়ের উল্লেখ করিব। মহেন্দ্রলাল 'ফ্যাকাল্টি অফ আর্টস'র সদস্য ছিলেন। ফাৰ্ণ্ট আর্টসের পাঠ্যতালিকায় বিজ্ঞান শিক্ষার প্রবর্তনকল্পে উক্ত ফ্যাকাল্টি

১৮৭৫, ১১ই ডিসেম্বর একটি সাব-কমিটি গঠন করেন। মহেন্দ্রলাল ইহার অন্যতম সদস্য ছিলেন। তিনি বিজ্ঞান শিক্ষা প্রবর্তনের বিশেষ অনুকূল ছিলেন, ইহা বলাই বাহুল্য। তথাপি সংস্কৃত-শিক্ষার সঙ্কোচসাধন করিয়া বিজ্ঞান-শিক্ষা প্রবর্তিত হউক, ইহা তাঁহার আদৌ অভিপ্রেত ছিল না। আজকাল এক দল তথাকথিত বিজ্ঞানসেবী দেখা দিয়াছেন যাহারা বিদ্যালয়ে সংস্কৃত শিক্ষাদান মোটেই পছন্দ করেন না। সংস্কৃত শিক্ষার প্রয়োজনীয়তা সঙ্কল্পে ডাঃ সরকারের মত এক-জন প্রথম শ্রেণীর বিজ্ঞানীর মতামত তাঁহাদের বিশেষ প্রণিধানযোগ্য। তখনও সংস্কৃত-শিক্ষার বিরোধী লোকের অভাব ছিল না। মহেন্দ্রলাল একটি স্বতন্ত্র মিনিটে ১৮৭৭, ২রা অক্টোবর তাঁহার মত এইরূপ ব্যক্ত করিলেন :

"I am strongly opposed to the abolition of a classical language from the course of the First Arts, and I would retain it even in the B course of the B.A. To the majority of Indian students the classical language is Sanskrit, and, without a knowledge of Sanskrit, the mother of nearly all the Indian vernaculars, their education will be sadly incomplete and useless. The masses can be reached only through the vernaculars, and the alumni of our colleges, to be really and substantially useful to their country, must teach what they have learned of Western literature and science with so much labour, by means of the vernacular, and it is impossible they can do so effectually unless they are acquainted with the parent language."*

১৮৭৮ সনে একটি ব্যাপারে বিশ্ববিদ্যালয় কর্তৃপক্ষ কতকটা বিব্রত হইয়া পড়েন, এবং তাহার উপলক্ষ্য হইলেন ডাঃ মহেন্দ্রলাল সরকার। মহেন্দ্রলাল সেনেটের সদস্য ও 'ফ্যাকাল্টি অফ আর্টস'-এর সভ্য। ১৮৭৮ সনে সেনেটের সভায় সিণ্ডিকেট কর্তৃক প্রেরিত এনুয়্যাল রিপোর্ট উপস্থিত করা হয়। ইহা গ্রহণের প্রস্তাব যথারীতি উত্থাপিত হইল। রিপোর্টের সংশোধনস্বরূপ রেভাঃ কালীচরণ বন্দ্যোপাধ্যায়ের প্রস্তাবে এবং রেভাঃ কৃষ্ণমোহন বন্দ্যোপাধ্যায়ের সমর্থনে ডাঃ সরকার 'ফ্যাকাল্টি অফ মেডিসিন'-এর সভ্য নির্বাচিত হইলেন। ইহা লইয়া গোল বাধিল। ডাঃ সরকার হোমিওপ্যাথি চিকিৎসা-পদ্ধতিতে আস্থাবান এই ওজুহাতে 'ফ্যাকাল্টি অফ মেডিসিন'-এর অন্যান্য চিকিৎসক সভ্য তাঁহার সঙ্গে একযোগে কার্য্য করিতে অসম্মত হইলেন। এই ফ্যাকাল্টির সর্বসম্মতিক্রমে গৃহীত প্রস্তাব সেনেটে আসিল। মহেন্দ্রলাল ১৩ই জুলাই ১৮৭৮ তারিখে চিকিৎসা-শাস্ত্র সঙ্কল্পে তাঁহার মতামত প্রকাশ করিয়া বিশ্ববিদ্যালয়কে একখানি পত্র পাঠাইলেন। সেনেট ঐ দিনের অধিবেশনে ফ্যাকাল্টি

* First Annual Report of the Indian Reform Association, reproduced in Biography of a New Faith, Vol. II, Appendix II, p. 311.

(শ্রীযুক্ত সতীকুমার চট্টোপাধ্যায়ের সৌজন্যে প্রাপ্ত।)

* Calcutta University Minutes, 1877-78, p.

অফ মেডিসিনকে তাঁহাদের সিদ্ধান্ত পুনর্বিবেচনার জন্ত অস্বীকার জানান। কিন্তু ফ্যাকাল্টির সভ্যগণ পূর্বমতে দৃঢ় রহিলেন। এভাবে মহেন্দ্রলাল পুনরায় একখানি পত্র লেখেন (১৭ই আগষ্ট)। ইহাতে তাঁহার মতামত অধিকতর পরিষ্কার করিয়া সর্বশেষে এই অভিপ্রায় ব্যক্ত করিলেন যে, তিনি বিশ্ববিদ্যালয়ের সেবকরূপে ইহাকে আর বিতরিত করিতে চাহেন না, ইহার যে-কোন সিদ্ধান্তই তিনি নতমস্তকে গ্রহণ করিবেন। পরবর্তী ৭ই সেপ্টেম্বর সিণ্ডিকেট-সভা এই সিদ্ধান্ত করিলেন :

“Resolved that Dr. Mahendra Lal Sircar's name be transferred from the Faculty of Medicine to that of Engineering.”

এই প্রস্তাবক্রমে মহেন্দ্রলাল ‘ফ্যাকাল্টি অফ মেডিসিনে’র পরিবর্তে ‘ফ্যাকাল্টি অফ ইঞ্জিনিয়ারিং’-এর সভ্যরূপে গৃহীত হইলেন। বিবাদেরও অবসান হইল। ইহা হইতে দুইটি বিষয় সুবিশেষ জানা গেল। মহেন্দ্রলাল হোমিওপ্যাথি চিকিৎসা-প্রণালীর পক্ষপাতী হওয়ায় এলোপ্যাথ ডাক্তারগণ (স্বদেশীও বিদেশী) তাঁহার উপর হাড়ে হাড়ে চটা ছিলেন। দ্বিতীয়তঃ, মহেন্দ্রলাল যে দুইখানি পত্র লেখেন তাহাতে প্রাচ্য ও প্রতীচ্য চিকিৎসাশাস্ত্রে তাঁহার যথার্থ পাণ্ডিত্য প্রকাশ পাইয়াছিল। এলোপ্যাথি, হোমিওপ্যাথি, আয়ুর্বেদ—প্রতিটি চিকিৎসা-শাস্ত্রই তিনি বিশেষভাবে অধ্যয়ন করিয়াছিলেন। কোনটিরই গুরুত্ব তিনি অস্বীকার করেন নাই, তবে চিকিৎসা-পদ্ধতি হিসাবে হোমিওপ্যাথিই যে সর্বোৎকৃষ্ট ইহা তিনি মনে-প্রাণে বিশ্বাস করিতেন এবং তদনুযায়ী চিকিৎসা-কার্যে লিপ্ত হইয়াছিলেন।

কলিকাতা পাবলিক লাইব্রেরী

বর্তমান ‘গ্ৰাশনাল লাইব্রেরী’ বা জাতীয় গ্রন্থাগারের পূর্বজ ইম্পীরিয়াল লাইব্রেরী। যে সকল লাইব্রেরী বা গ্রন্থাগারকে ভিত্তি করিয়া ইম্পীরিয়াল লাইব্রেরী গঠিত হয় তাহাদের মধ্যে প্রধানতম ছিল কলিকাতা পাবলিক লাইব্রেরী। এই গ্রন্থাগারটির আনুপূর্বিক ইতিহাস আমি পূর্বে কয়েকটি প্রবন্ধে লিখিয়াছি।* ডাঃ মহেন্দ্রলাল সরকার ১৮৬৫ খ্রীষ্টাব্দে ইহার একটি শেয়ার বা অংশ ক্রয় করিয়া অগ্রতম প্রোপ্রাইটর হন। ১৮৭৫ সনে তিনি ইহার আরও একটি শেয়ার কিনিলেন। কলিকাতা পাবলিক লাইব্রেরীতে প্রথমে ইউরোপীয়দের প্রাধান্য ছিল। পরে ক্রমশঃ ইহা দেশীয় নেতৃস্থানীয় ব্যক্তিদের কর্তৃত্বে আসে। ১৮৭৫ সনে মহেন্দ্রলাল লাইব্রেরী কোমিসি ল বা অধ্যক্ষ-সভার সদস্য হন। এই বৎসর গ্রন্থ-নির্বাচন কমিটিতেও সদস্যরূপে প্যারীচাঁদ মিত্রের সঙ্গে তিনি কার্য্য করিয়াছিলেন। ১৮৮৬ খ্রীষ্টাব্দে মহেন্দ্রলাল কোমিসি লের অগ্রতর সহকারী-সভাপতি

হইলেন, তাঁহার সহযোগী ছিলেন শোভাবাজারের মহারাজা নরেন্দ্রকৃষ্ণ বাহাদুর। মহেন্দ্রলাল সহকারী-সভাপতিপদে অধিষ্ঠিত ছিলেন ১৮৮২ সনের পূর্ব পর্য্যন্ত। ১৮৮২-৮৪ পর্য্যন্ত তিনি পুনরায় অধ্যক্ষ-সভার সদস্য নির্বাচিত হইয়াছিলেন।

এই সময় কলিকাতা পাবলিক লাইব্রেরীর আর্থিক অবস্থা শোচনীয় হইয়া পড়ে। সরকার প্রয়োজনানুরূপ অর্থসাহায্য করিতেন না। অবশেষে সরকারের মধ্যস্থতায় কলিকাতা করপোরেশন এবং কলিকাতা পাবলিক লাইব্রেরীর প্রোপ্রাইটরগণ একযোগে ইহার পরিচালনাভার গ্রহণ করেন। করপোরেশন এবং প্রোপ্রাইটরগণের প্রত্যেকের পক্ষ হইতে ছয় জন করিয়া প্রতিনিধি লইয়া অধ্যক্ষ-সভা গঠিত হইল। ডাঃ মহেন্দ্রলাল সরকার এ সময় করপোরেশনের পক্ষে অধ্যক্ষ-সভার সদস্য মনোনীত হইয়াছিলেন।

বেঙ্গল প্রোভিন্সিয়াল কনফারেন্স

প্রাদেশিক বিষয়সমূহ আলোচনার জন্ত বাংলাদেশে কংগ্রেসের ত্রায় বঙ্গীয় প্রাদেশিক সম্মেলন সর্বপ্রথম কলিকাতায় অনুষ্ঠিত হয় ১৮৮৮ খ্রীষ্টাব্দের ২৫শে, ২৬শে ও ২৭শে অক্টোবর তারিখে। ডাঃ মহেন্দ্রলাল সরকার এই সম্মেলনের সভাপতিপদে বৃত্ত হন। তখন আসামের চা-বাগানের শ্রমিকদের দুর্দশা মোচনের জন্ত বিশেষ আন্দোলন উপস্থিত হয়। সম্মেলনের প্রধান প্রস্তাব ছিল চা-বাগানের শ্রমিকদের দুর্দশামোচনের উদ্দেশ্যে। এই সকল শ্রমিক ‘কুলী’ নামে সাধারণ্যে পরিচিত। মহেন্দ্রলাল সভাপতির উপসংহার-বক্তৃতায় এই প্রস্তাবটিকে বিশেষভাবে অভিনন্দিত করেন, এবং ‘কুলী’ শব্দটির প্রয়োগ বর্জন করার নিমিত্ত সকলের নিকট সনির্ভর অস্বীকার জানান। কারণ, ইহার মধ্যে মানবের মনুষ্যত্বের অবমাননাই সূচিত হয়। মহেন্দ্রলালের উপসংহার-বক্তৃতাটির কিয়দংশ এই :

“I have to congratulate you that in your very first resolution you have advocated the cause of the labourers in the tea-gardens in Assam, and do not call them coolies for I hate the name ‘coolie’ being applied to human beings; in passing this resolution you have given unmistakable indication of the sympathy, humanity and philanthropy which should be the guiding principle of all men, both as individuals and forming communities.”

এই উদ্ধৃতিতে মহেন্দ্রলালের গভীর এবং অকুণ্ঠ মানব-প্রীতিই প্রকাশ পাইয়াছে। মহেন্দ্রলালের প্রতিভা ছিল বহু-মুখী; সঙ্কীর্ণ গভীর মধ্যে আবদ্ধ না থাকিয়া মানব-সেবার বিভিন্ন দিকেই তাহা নিয়োজিত হইত। তবে তাঁহার সর্বশ্রেষ্ঠ কীর্তি ভারতবর্ষীয় বিজ্ঞান সভার উৎকর্ষের নিমিত্তই তিনি নিজ সময়, শক্তি ও অর্থ সর্বাধিক ব্যয় করিয়াছিলেন। মহেন্দ্রলালের আদর্শ জীবন-কথা যতই আলোচিত হয় ততই মঙ্গল।

* ‘প্রবাসী,’ কাঙ্ক্ষন ও জৈত্র ১৩৫৭; বৈশাখ ও জ্যৈষ্ঠ ১৩৫৮।

স্বর্বাঙ্গ

শ্রীদেবাংশু সেনগুপ্ত

দ্বিতীয় অঙ্ক

[অঘোষনাথের বৈঠকখানা, কিন্তু পূর্ববৎ সাজান নহে । বেতের চেয়ার দুখানা নাই । বই-সেলফ-পর্দা এই সকলও কিছু নাই । নূতন জিনিষের মধ্যে দেওয়ালের গায়ে নীচু একটা সস্তা ধরণের টুল দেখা যায় । বাহিরের ও অন্তরের দরজা ভেজানো । বাহিরের দরজা ঠেলিয়া তারকের প্রবেশ । মলিন চেহারা, উদ্ভ্রান্ত দৃষ্টি । অন্তরের দিকে অগ্রসর হইয়া ভেজান দরজাটার হাত দিয়া ক্ষণকাল দাঁড়াইল, পরে ফিরিয়া আসিয়া নীচু টুলটাতে হতাশভাবে বসিয়া পড়িয়া মাথায় হাত দিয়া ভাবিতে লাগিল । বাহিরে ঢং ঢং করিয়া কাঁসর বাজাইয়া একজন বাসন ফিরিওয়ালা চলিয়া গেল । তারক মাথা তুলিল না । দুইখানা ছোট ছোট পুরাতন খালা লইয়া ব্যস্তভাবে ছবির প্রবেশ । দেহ সম্পূর্ণ আবরণহীন, বেশ মলিন ।]

ছবি । বাঃ বেশ ত, দাদা, তুমি এখানে চূপ করে বসে আছ আর বাসনওয়ালাটা চলে যাচ্ছে, বাঃ এ কি, ডাকো !

তারক । (নিকংসাহভাবে জানালায় নিকট গিয়া ফিরিয়া আসিল) অনেক দূর চলে গেছে । তা ছাড়া এই খালা দুটো বিক্রি করে ফেললে ভাত খাব কিসে ?

ছবি । ভাত রান্না হলে তবে ত খাবে বাপু, যাও এই খালা দুটো কোনরকমে বিক্রি করে চাল কিনে নিয়ে এসগে যাও । ঘরে কিন্তু কিছু খাবার নেই ।

তারক । (অনড়ভাবে) এ বেলা না হয় খেলাম, তারপর ?

ছবি । তারপরের কথা পরে ভেব, এ বেলা ত চলুক । আমার বড্ড ক্ষিধে পেয়েছে বাপু ।

[সীতার প্রবেশ, বেশ ছবির মত]

সীতা । কিরে ছবি, কায় সঙ্গে—(তারককে দেখিয়া অবাক হইয়া) কিরে তুই যে বড় বাইরের ঘরে এসে বসে আছিস ; আর আমি ভাবছি এত দেবী হচ্ছে কেন তোয় !

তারক । হ'ল না মা ।

সীতা । কোনটাই না ? (তারক মাথা নাড়িল) কি, হবে কি হবে না, কি বলল ?

তারক । হবে হয়ত কোনদিন, কিন্তু তার এখন অনেক দেবী ।

সীতা । (চেয়ারখানাতে বসিয়া পড়িয়া) কি সর্বনাশ ! ওঁকে যে ঘরে নিয়ে গেল, সে ত আজ প্রায় দু'মাস হ'ল, এ দু'মাস যে কি করে চালিয়েছি, সে শুধু ভগবান জানেন আর আমি জানি । আশায় আশায় ছিলার গবর্ণমেন্টের টাকা অন্ততঃ এর মধ্যে এসে যাবে । এখন কি হবে ?

তারক । মজোরের কাছ থেকে আর কিছু টাকা ধার করব মা ?

ছবি । (দৃঢ়ভাবে) শুর থেকে আর কিছু মা নিলে ভাল হবে ।

[ক্যাপ্টেন দীনবন্ধু বোস, আই-এম-এসের প্রবেশ, তাহার ইউনিকর্ন দেখামাত্র সীতা অন্তরের দিকে ছুটিলেন]

—মা, মা, দীঘুদা ! পালিও না ।

দীনবন্ধু । আমি মাসীমা, আমি ।

[সীতা ফিরিয়া আসিলেন]

সীতা । ওঃ আমি এমন ভয় পেয়েছিলাম ! (বৃকে হাত দিয়া চেয়ারে বসিয়া পড়িয়া) বৃকটা এখনও ধড়াস ধড়াস করছে ।

দীনবন্ধু । দোবটা ত তোমারই মাসীমা । পোশাকপরা অবস্থায় ক'বার ত দেখলে আমাকে, তবু ভয় পাও । [তারক টুলটা ছাড়িয়া জানালায় গিয়া দাঁড়াইল, কিন্তু দীনবন্ধু বসিল না]

সীতা । না বাপু, মিলিটারি দেখলেই আমার ভয় লাগে । তা যা বলিস তুই । আর যা শুনি, বাবাঃ ।

দীনবন্ধু । সব শোনা কথায় বিশ্বাস ক'রো না । ধারাপ লোক যে নেই মিলিটারিতে তা নয়, তবে সাধারণ সমাজে যত আছে, তার চাইতে বেশী নয় । তবে কি জান, যারা আগেই ধারাপ ছিল, সমাজের বাইরে এসে, টাকা পয়সা হাতে পেয়ে একটু উচ্ছ্বল হয়ে পড়ে ; তাতে সাধারণ গৃহস্থের কিছু ভয়ের কারণ নেই ।

সীতা । তুই বাপু মিলিটারি পোশাকটা আমার এখানে আসবার আগে ছেড়ে রেখে আসিস ।

দীনবন্ধু । তা যদি বল মাসীমা, আমি ত মিলিটারিই নই ; আমি ডাক্তার । পোশাকটা পরতে হয় এই পর্যন্ত । খাটি মিলিটারি দেখতে চাও ত তোমার নাতিকে দেখো । (হাত দিয়া তাহার ছয় বংসরের পুত্রের উচ্চতা দেখাইল) আবার কালি দিয়ে মোটা এক-জোড়া গোক আকে । (হাসিল এবং পকেট হইতে খামে-করা এক-খানা চিঠি ও একখানা ফটো বাহির করিল) বিশ্বাস না হয়, এই দেখ, তোমার বৌমা পাঠিয়েছে । [সীতা ও ছবি ঝুঁকিয়া পড়িয়া ছবি দেখিল]

ছবি । ও মা, তাই ত, কি সুন্দর !

দীনবন্ধু । ছবি, যা ত চট করে এক কাপ চা করে নিয়ে আর আমার জন্ত ।

সীতা । (মুগ্ধ দৃষ্টিতে তখনও ছবিখানি দেখিতেছিলেন) আমার ত সত্যিই ভয় করছে যে দীঘু ! তা নাতিটির আমার ক'বছর বয়স হ'ল, কি নাম রেখেছিস ?

দীনবন্ধু । বয়স-ছয় । নাম রাণা ।

সীতা । তা বেশ, বেঁচে থাক বাবা ।

দীনবন্ধু । কিরে ছবি, তোকে না চট করে এক কাপ চা করে

আনতে বললাম। (ঘড়ি দেখিরা) আমি আর বেশীকণ বসতে পারব না কিন্তু। (সীতাকে) তোমার হাতাভাঙ্গা হয়ে গেছে মা কি মাসীমা? (ছবিকে) কিরে দাঁড়িয়ে বইলি যে? (ছবি হতাশার চক্ষে এদিক-ওদিক চাহিল)

সীতা। (ছবির অবস্থা বুঝিরা) ধরবে লোক তুই, তোকে বলতে কি, চিনি-চিনি নেই।

দীনবন্ধু। তাতে কি মাসীমা, চিনি ছাড়াই থাক।

সীতা। হুণ্ড নেই বাছা।

দীনবন্ধু। এসবের জন্ত কিছু ভেব না তুমি মাসীমা, আমার শুধু 'লিকার', মানে—চা-ভেজান পরম জল হলেই চলে।

ছবি। (টোক গিলিয়া) চা-ও নেই।

দীনবন্ধু। (হাসিয়া ফেলিয়া) তা হলে তুই একটা বেস্তোয়। খোল ছবি, বেস্তোয়ার চারে আজকাল হুণ্ড-চিনি-চা কোনটাই থাকে না।

সীতা। এক কাজ কর ছবি, রমেনবাবুদের বাড়ী থেকে না হয় এক কাপ চা করে নিয়ে আর। বলগে আমার দাদা এসেছে। মিলিটারিতে কাজ করে, ডাক্তার—

দীনবন্ধু। বল কি মাসীমা, এক কাপ চা পেতে হলে একেবারে এতগুলি গুণ থাকা দরকার। (প্রস্থানোদ্ভূত ছবিকে) তুই বাস মা ছবি, অত হাল্কা মার দরকার নেই।

সীতা। দরকার নেই কিরে, সেই কত সকালে হয়ত বেয়িরেছিস, এখনও খাসনি কিছু—

দীনবন্ধু। (হাত তুলিয়া নিবস্ত করিয়া) খেয়েছি মাসীমা, সকাল থেকে তিন-চার কাপ চা খেয়েছি, এমন অভ্যেস হয়ে গেছে, সব সময়ই খেতে ইচ্ছে করে। আর এক কাপ যে খেলাম না ভালই হ'ল, চা বেশী খাওয়া ত আর ভাল নয়। খাবারও খেয়েছি।

সীতা। ঐ মিলিটারির ছাইভস্ম খাবার ত? কি করে যে খাস তোরা!

দীনবন্ধু। ছাইভস্ম কি মাসীমা! আমরা কি খাই শোন তবে। ভোরবেলা সেই অন্ধকার থাকতে দুখানা বিস্কুট আর চা এক কাপ দু'কাপ দিয়ে ত আরম্ভ হ'ল। তারপর আটটার সময় খেয়েছি দুটো ডিম, বড় হুটুকরো মাছ ভাজা, পোয়াথানেক হুণ্ড দিয়ে একটা খাবার, মাখন দিয়ে রুটি টোট চাখানা, তিন কাপ চা। এটা জলখাবার। (তারক এতক্ষণ জানালার দিকে ফিরিয়াছিল, এবার আবার ফিরিয়া বিস্মিত নেত্রে দীনবন্ধু দিকে তাকাইয়া রহিল) আবার হুণ্ডে খাব, মাছ কিংবা মাংস, হুণ্ড আর ডিম দিয়ে পুজি—

ছবি। [দুখার বস্ত্রণা আর অবিস্থানে উচ্চ হাসি হাসিয়া উঠিল] (উচ্চ কণ্ঠে) দীনবন্ধু নিশ্চয়ই ঠাট্টা করছে মা। বড়লোকেরা পর্যন্ত মাছ-ডিম কিনে খেতে পারছে না, আর তুই এই বাজারে যাওয়ায় ভাল জিনিষ বস্ত্র পাবছেন থাকছেন। হি-হি। (হাসি)

দীনবন্ধু। সত্যি কথা বলছি মাসীমা, বিখাস না হয়, তুমি চল আমার সঙ্গে, তোমাকেও খাওয়াব।

সীতা। যক্ষ কর বাবা। আমার ওসব স্নেহপনা সইবে না। তোমার ভাই-বোনদের না হয় খাওয়াস। হ্যাঁয়ে এসব কি শুধু তোদের জন্ত না ছোট সৈন্তবাও কিছু পার?

দীনবন্ধু। সৈন্তবাও খু-উ-ব ভাল খায়। মোজ ছ'বেলা অন্ততঃ তারা নেমস্তন্ন খায়।

সীতা। ভাই উনি বলতেন, ব্রিটিশরা মাছ খাবার ফাঁদ পেতেছে।

দীনবন্ধু। তা কেন মাসীমা, সৈন্তবা বরাবরই ভাল খায়।

ছবি। কিন্তু দেশে বরাবরই এমন দুর্ভিক্ষ থাকে না, খাবার-পয়বার জিনিষ বাজার থেকে সব উধাও হয় না। উচিত দামের দশ গুণ জিনিষের দাম হয় না। এ সবের মানে আর কিছুই নয়, দেশের লোকে যাতে না খেতে পেরে যুদ্ধের কাজে বেতে বাধ্য হয়। বিপ্লবীরা যাতে জয় হয়!—বাবা বলতেন।

দীনবন্ধু। আস্তে ছবি, আস্তে। আমি সরকারী কাজ করি বাপু। কর্তারা এ সব কথা শুনলে আমার চাকরি চলে যাবে। (অপেক্ষাকৃত নিম্নস্বরে) তুইও বুঝি মেসোমশায়ের দলে?

সীতা। সে কথা আর বলতে। কোনদিন এটাকেও ধরে নিয়ে যাবে দেখিস।

দীনবন্ধু। তারক কোন দলে? (তারককে) তুই যে একদম চুপচাপ, কারণটা কি?

তারক। (নিজ্জীব ভাবে) আমি কোন দলে নই।

সীতা। আর চুপচাপ হবে না বাবা? এত বড় সংসারের চাপ একটা ঘাড়ে এসে পড়েছে, এটুকুন ত ছেলে! কোথায় বেতে হবে, কি করতে হবে, কিছুই জানে না। নয় ত পাওনা টাকা গবর্ণমেন্টের ঘরে পড়ে থাকে আর আমরা না খেয়ে মরি? তুই দেখ না যদি একটু সাহায্য করতে পারিস। তোদের ঐ মিলিটারিরই ত ব্যাপার।

দীনবন্ধু। (তারককে) কাগজপত্রগুলি নিয়ে আর দেখি।

[অন্দরের দিকে তারকের প্রস্থান]

[সীতা চেয়ারটা ছাড়িয়া দিয়া টুলের উপর গিয়া বসিলেন]

সীতা। নে বোস, কতক্ষণ আর দাঁড়িয়ে থাকবি। (দীনবন্ধু একটু ইতস্ততঃ করিয়া বসিয়া পড়িল)

ছবি। (হাসিয়া দীনবন্ধুকে) টুলটার বসলে আবার পিঠে চুপ জোগে বেত। (সীতাকে স্মরণ করাইয়া দিয়া) মা, মেই যে খোকার কথা বলবে বলেছিলে?

সীতা। হ্যাঁ বাবা, বাবার আগে খোকার একটু দেখে বাস বাবা। অবটা ত ছেড়েছে, প্রায় ওবুৎপত্তর ছাড়াই, একমাত্র ভগবানের কৃপায়। (কৃষ্ণকর কপালে ঠেকাইলেন) খাওয়াটা ত

একটুও ভাল হচ্ছে না, একেবারেই নড়তে পারে না। বায়ান্দার বিছানা করে শুইয়ে বেধে এসেছি, আপন মনেই খেলা করছে।

দীনবন্ধু। আমি আর বসব না মাসীমা, চল দেখে আসি।

[সীতা ও দীনবন্ধুর অন্তরের দিকে প্রস্থান। ছবি জানালায় গিয়া দাঁড়াইল। কিছুক্ষণ পরে সন্ধ্যাবের প্রবেশ। তাহার সম্পূর্ণ রূপান্তর ঘটয়াছে। গারে সিন্ধের পাঞ্জাবী, পরনে কোঁচানো কয়াসডাকার মুক্তি। মুখে পাউডারের বাহুল্য। গৌঁফের ছই প্রান্ত ছুঁচালো। মধ্যভাগ অবলুপ্ত। মুখে এক গাল দাড়ি। পকেটে তিনটা ফাউন্টেন পেন, ডান হাতে চারিটা আংটি, বাম হাতে একটা। সমস্তটা জড়াইয়া হস্তবসের সৃষ্টি করে।

সন্ধ্যাবের পদশব্দে ছবি ঘূরিয়া দাঁড়াইয়া বারপরনাই অরাক হইয়া তাকাইয়া রহিল]

সন্ধ্যাব। (একগাল হাসিয়া, গৌঁফে তা দিতে দিতে) কি, চিনতে পারছ না?

ছবি। (বিধাজড়িত কণ্ঠে) সন্ধ্যাব...

সন্ধ্যাব। হ্যাঁ-ও বলতে পার, না-ও বলতে পার। সন্ধ্যাব, কিন্তু সেই সন্ধ্যাব নয়! (সটান গিয়া দীনবন্ধু-পরিত্যক্ত চেয়ারটাতে বসিয়া পড়িয়া টেবিলের উপর পা তুলিয়া দিল। ছবি বিস্ফারিত নেত্রে তাকাইয়া রহিল)

ছবি। (সামলাইয়া লইয়া কঠোর স্বরে) কি, চাই কি?

সন্ধ্যাব। (বহুশব্দে হাসি হাসিয়া) আমি কি চাই? বাও, তারককে জিজ্ঞেস কর।

ছবি। (উৎকণ্ঠে) আমি তোকে জিজ্ঞেস করছি।

সন্ধ্যাব। (গৌঁফে তা দিতে দিতে) জিজ্ঞেস ত করছ বুঝলাম, কিন্তু মেজাজটা অত গরম কেন ঠাকরণ? তারক আমার কাছে একশ'টা টাকা ধার নিয়েছিল, সেই টাকাটা দিয়ে দাও, তার পর যত খুশি গরম হও। আমার সময়ের এখন অনেক দাম, বুঝলে? তোমার সঙ্গে বসে গল্প করতে আমি আসি নি। তা ছাড়া তোমার মত মেয়ে আজকাল পথে ঘাটে ভেসে বেড়ায়, বুঝলে?

ছবি। (অপেক্ষাকৃত নরম হইয়া) তুই এখন কথা না বাড়িয়ে বাড়ী যা। টাকা পেলেই দাদা তোর টাকা দিয়ে আসবে।

সন্ধ্যাব। তা বাড়ীতে বসে টাকা পেতে আমার কিছু আপত্তি নেই। বাড়ীটা আবার বদলালাম কিনা। এটা হচ্ছে চৌরাস্তার মোড়ের তিনতলা বাড়ীটার দোতলা। (অর্থপূর্ণ দৃষ্টিতে ছবির দিকে তাকাইয়া) সুলভ বাড়ী, সামনের ঘরে একটা ক্যান লাগিয়েছি। পেছনের ঘরে একটা ক্যান লাগিয়েছি। তা ছাড়া আমার বাড়ীর চেয়ার এমন শক্ত কাঠের নয়। নীচু নরম নরম, বালিশওয়ালা গদী, হ্যাঁ, হুঁদও বসে আবার আছে। এই বাড়ীতে সাজিয়ে বসে অবধি কত বিয়ের সবকিছু আসছে আমার। কখনো যাদের মাঝার বদলায় ঘটে গেবে, হ্যাঁ, তোমার মত একটি ঘেরও নয়।

[দীনবন্ধু, তারক ও সীতার প্রবেশ। দীনবন্ধুর হাতে

ছোট একটি কাগজের বাস্তিল। তাহার চেয়ারে সন্ধ্যাবে অনড়ভাবে উপবিষ্ট দেখিয়া বিস্মিত হইল]

দীনবন্ধু। (সন্ধ্যাবে ভাল করিয়া পর্যবেক্ষণ করিয়া ছবিকে) কে ইনি?

ছবি। (ঈষৎ ব্যঙ্গস্বরে) ইনি আগে আমাদের চাকর ছিলেন, এখন দাদার কাছে টাকা পাবেন কিনা তাই চেয়ারে বসে অপেক্ষা করছেন।

দীনবন্ধু। বটে! (কঠোর স্বরে সন্ধ্যাবে) গুঁড়তার একটা সীমা আছে, বুঝলে হে ছোকরা? আগে লেখাপড়া শেখ, তার পর সমান চালে চলতে এস। তার পর শুধু লেখাপড়াতেও হয় না। উদ্রলোক হতে তিন পুরুষ লাগে।

সন্ধ্যাব। কে বলে আমি উদ্রলোক হই নি?

দীনবন্ধু। বেশভূষার বলে। আচ্ছা সে কথা না হয় পরে হবে। এখন পয়লা নব্বয় কথা হ'ল, চেয়ারটা ছেড়ে এই এক পাশে দাঁড়াও।

[সন্ধ্যাব যেন কথাটা শুনিতে পার নাই এমন ভাবে সামনের দিকে তাকাইয়া রহিল, এক মুহূর্ত অপেক্ষা করিয়া দীনবন্ধু প্রচণ্ড ধমক দিল]

—এই দাঁড়াও! [সন্ধ্যাব তাড়াতাড়ি উঠিয়া এক পাশে দাঁড়াইল, দীনবন্ধু চেয়ারে বসিয়া পকেট হইতে চেক বই বাহির করিয়া স্থির কণ্ঠে] কত টাকা পাবে?

ছবি। একশ' টাকা। (দীনবন্ধুর চেক লিখিবার উপক্রম)

সন্ধ্যাব। আমি চেক নেব না।

দীনবন্ধু। একশ'টা টাকা বোধ হয় নগদই আছে। (যদি-বাগ বাহির করিয়া টাকা গুণিতে সুরু করিল)

সন্ধ্যাব। আপনার থেকে আমি টাকাও নেব না।

দীনবন্ধু। আচ্ছা বেশ। (তারককে ইসারা করিতে তারক আগাইয়া আসিল, তারকের হাতে টাকা কয়টা দিয়া সে উহা সন্ধ্যাবে দিতে ইসারা করিল। সন্ধ্যাব হাত বাড়াইল না)

সন্ধ্যাব। একবার উকিলের সঙ্গে পরামর্শ করতে হবে।

দীনবন্ধু। তোমার নিজের টাকা নিজে নেবে আবার উকিলের পরামর্শ কিসের?

তারক। (সন্ধ্যাবে) হ্যাণ্ডনোটটা এনেছিস?

সন্ধ্যাব। না।

দীনবন্ধু। (কিবিয়া দাঁড়াইয়া তারককে) হ্যাণ্ডনোটের জন্ত চিন্তা করিস না, টাকা শোধ হলে হ্যাণ্ডনোট ঠিক আদায় হয়ে যাবে। আমি আদায় করে দেব।

(ইতিমধ্যে নিঃশব্দে সন্ধ্যাবের পলায়ন)

ছবি। (প্রায় চীৎকার করিয়া) দীহুনা, দীহুনা, সন্ধ্যাব চলে গেল। (জানালার গিয়া আনন্দের সহিত) ওমা, পালিয়ে যাচ্ছে, কি যজ্ঞ!

সীতা। থাক, আপন গেছে। টাকা না নিতে চায় না নিক।

দীনবন্ধু । আপন গোছে কি আসছে, বলা পক্ষ মাসীমা ।
সীতানটি যে একটি দানবীর এ রকম লক্ষণ ত কিছু দেখলাম না ।
কে যা হোক, আমি বলি মাসীমা, উণ্টো অমন কিছু দেখলেই
সাবধান হওয়া ভাল । চাকর এসে পাওনাদার সঙ্গে গ্যাট হয়ে
চেঞ্জারে বসে থাকে, নগদ টাকা কেবল নেবার জন্ত দেনদারকেই
সাধাসাধি করতে হয়—না মাসীমা, আমার এর কোনটাই ভাল মনে
হচ্ছে না । বিশেষ কিছু মতলব আছে লোকটার ।

সীতা । হ্যাঁ বাবা, তোমার টাকা বেশী হয়েছে নাকি? অমন
চট করে একশ'টা টাকা দিয়ে বসছিল ওকে ।

দীনবন্ধু । ওকে কি আর দিচ্ছিলাম? গবর্ণমেন্টের টাকাগুলি
পেলে তুমিই ত শোধ দিতে । তা ছাড়া যুদ্ধের দৌলতে আর
তোমাদের আশীর্বাদে হু'পয়সা অমনি অমনি হাতে আসছে ।

ছবি । (অবিখ্যাসের হাসি হাসিয়া) আপনার যেমন সব
কথা? টাকা কখনও অমনি অমনি আসে?

দীনবন্ধু । সত্যিই আসে । জান ত মাসীমা, বাজারে কোন
দরকারী ওষুধ মোটে পাওয়া যায় না । আমি ডাক্তার, আমার
হাতে এত সরকারী ওষুধ থাকে দরকারও হয় না, লোকে বাড়ী
এসে দশ গুণ দাম দিয়ে কিনে নিয়ে যায় । আর দিনকাল এমন
হয়েছে, হয় উপরি যোজগার কর, নয় মর, বেঁচে থাকবার আর
কোন পথ নেই । (তারক দীনবন্ধুকে টাকা ফিরাইয়া দিল)

সীতা । উনি যদি একথা বুঝতেন ! একটা মিলিটারী লোক
এসে টাকা দেবার জন্ত কত সাধাসাধি, তোম মেসোমশায় তাকে
গালাগালি দিয়ে তাড়িয়ে দিলেম । আর সন্তোষ, লেখা জানে না,
পড়া জানে না, সেই মিলিটারীটাকে ধরেই বড়লোক । আর
আজকে আমাকে বাড়ীতে এসে অপমান করে যায় । (চোখ
মুছিলেন)

ছবি । আর গৌফ রেখেছে দেখেছেন? হু'পাশে আছে
মাঝখানে নেই । আবার বলে তার সামনের ঘরে ক্যান একটা—
পেছনের ঘরে ক্যান একটা ;—টাকার দেমাকে কি বলবে, কি
করবে, হমিশ-পায় না ।

দীনবন্ধু । মাসীমা কোন মিলিটারীর কথা বলছে তার নাম
জানিস?

তারক । সাধুলাল । মেজর, না কি বেন ।

দীনবন্ধু । মেজর সাধুলালকে মেসোমশায় গালাগালি দিয়ে
তাড়িয়ে দিয়েছে? কৈ সাধুলালের কথা শুনে তা ত মনে হয় না ।
সে আরও মেসোমশায়ের নাম শুনেলে কপালে হাত ঠেকার, বলে
এ রকম লোক সে জীবনে দেখে নি । তোমাদের কথা ত প্রায়ই
জিজ্ঞেস করে ।

সীতা । (ছবি ও তারককে) শুনছিস? শোন । সন্তোষ
আরও বলে যে সাধুলালের আমাদের ওপর হু'ব যাগ ।

দীনবন্ধু । একদম মিথ্যে কথা । আমি প্রথম যে দিন এ
বাড়ীতে এসেছি সে দিনই সে খবর পেয়ে গেছে, যে এখানকার

মিলিটারী ঘাঁটির বড় কর্তা কিনা, সব খবর রাখে । আমা
জিজ্ঞেস করলে তোমরা আমার কেউ হও কিনা । বললাম ।
দিনই সে বলেছিল, তারক আর ছবিকে একদিন নিয়ে যেতে
ছবিকে ত আবার নেমন্তন্নই করে রেখেছে এক রকম । সপ্তাহে
এক দিন যে কেউ বাড়ীর মেয়েদের নিয়ে যেতে পারে । তুমি
আবার মিলিটারী শুনেলেই যেমন ভয় পাও, তাই সন্তোষ বলি
নি । নইলে ত প্রায়ই বলে ।

সীতা । (অনেকক্ষণ ছবি ও তারকের গুঁড় মুখের দিকে চাহিয়া
ধাকিয়া) তা বাবা তুমি যদি বলিস, তুমি নিয়ে যাবি স্তোর বোনকে
—বেশ আজকেই নিয়ে যা । কখন যাবে?

দীনবন্ধু । বিকেলে, সন্ধ্যার পর । আজকেই নিয়ে যেতে
পারব ।

সীতা । আর দেখু তারকেরও একটা কিছু হিল্লৈ করতে পারিস
কিনা । সন্তোষকে বলেছিলাম তারককে সাধুলালের কাছে নিয়ে
যেতে, সে ত ঐ কথা বললে ।

দীনবন্ধু । একটা চাল চেলেছে আর কি ! ও চায় তোমরা
ওর কাছে চিরকাল ধনী হয়ে থাক । আমার ত সে রকমই মনে
হচ্ছে । কিছু একটা ঘোর মতলব আছে মনে হয় । (ছবির প্রতি
ইঙ্গিত করিল) আজ্ঞা এখন যাই মাসীমা, বিকেলে আসব, তোরা
তৈরী হয়ে থাকিস । (প্রস্থানোক্ত)

সীতা । (বাধা দিয়া) তুমি সন্তোষকে একশ'টা টাকা দিয়ে
ফেলছিলি, তাই বলছি । তোম মাসীকে দশটা টাকা ধার দিয়ে
যা । বেশী চাইতে পারি না, কবে শোধ দিতে পারব কে জানে ।

[দীনবন্ধু মনিবাগ খুলিয়া টাকা বাহির করিতে করিতে
ছবি অতি দ্রুত অন্দরে গিয়া একটি খলি নিয়া আসিয়া
তারককে দিল]

দীনবন্ধু । শোধ দেবার জন্ত ব্যস্ত হয়ো না মাসীমা । কাগজ-
পত্র দেখে মনে হচ্ছে গবর্ণমেন্টের টাকা শীগগিরই পেরে যাবে ।
অল্প-স্বল্প টাকার দরকার হলে আমাকে বলবে ।

তারক । কি আনব মা?

সীতা । শুধু চাল আর আলু আনবি । ছবি যা উম্মনে কাঠ
জালিয়ে গরম জল ষমিরে দে গে । (বাহিরে পুনরায় বাসন
ফিরিওয়ালার ঘণ্টা শুনা বাইতে তাই-বোন পরস্পর মুখের দিকে
চাহিল) ঐ খালাটাও নিয়ে যা । (ছবি খালাটা টেবিলের উপর
হইতে উঠাইয়া লইল)

দীনবন্ধু । (কাগজের বাগিলাটা আগাইয়া দিয়া) আর এই
বাগিলাটাও এগন রেখে দে । বিকেলে এগুলো নিয়ে গিয়ে সাধু-
লালের সঙ্গে পরামর্শ করতে হবে । (ছবি বাগিলাটা লইল । ছবি
ও তারক উভয়ে বিপরীত দিকে প্রস্থানোক্ত) একটু দাঁড়া তোমরা ।
পকেট হইতে এক পণ্ড লম্বা চকোলেট বাহির করিয়া এক টুকরা
ভাজিয়া প্রথমে সীতাকে দিল) মাও মাসীমা এইকু তুমি একটু
খেয়ে দেখ ।

সীতা । (সত্বে কিছু হঠিয়া) না বাবা, না বাবা, আমি ওসব জিনিষ খাই না । ওদের দে ।

দীনবন্ধু । (হাসিয়া চকোলেটটি আরও ছুটুকবা করিল এবং এক খণ্ড তারককে ও অপর দুই খণ্ড ছবির হাতে দিল) (ছবিকে) ওটা খোকাকে দিবি । (সীতাকে) তোমার ওপর আমি খুব রাগ করেছি মাসীমা । ঘরে হাঁড়ি পর্যন্ত চড়ছে না, সেটা আমাকে একবার বলছ না । আমি ভাবছি, খোকায় পেটটা এ রকম ভাবে খালি লাগছে কেন । এখন দেখছি, তোমাদের পেট টিপলে সেই এক অবস্থাই দেখতাম । খাবার যদি পেটে ঠিকমত না পড়ে ছেলেটা আর তিন দিনও বাঁচবে না । (তারক ও ছবির চিত্তিত ভাবে প্রস্থান ।)

সীতা । (চোখ মুছিয়া) ভগবান তোর ভাল করুন বাবা । তোর আরও উন্নতি হোক ।

দীনবন্ধু । খোকায় ভাতটা যেন একটু বেশী নরম করে দিও । এখন যাই মাসীমা, বিকেলে আসব । খোকাকে একটা ইন্জেকশানও দিতে হবে ।

(প্রস্থান)

[সীতা আগাইয়া গিয়া বাহিরের দরজাটা ভেজাইয়া দিলেন, এমন সময় যবনিকা]

তৃতীয় অঙ্ক

[মিলিটারী মেসের ডাইনিং হল । এক পাশে এক সেট সোফা অপর পাশে একখানি লম্বা টেবিল, তাহারই অর্ধেক ঘিরিয়া চেয়ার বসান । সাদা টেবিল-ক্লেথের উপর ছয়-খানা প্লেট, গ্লাস ইত্যাদি সাজান । প্রতিটি গ্লাসে ফুলের আকৃতিতে ভাঁজ-করা স্নাপকিন । সব জানালায় এবং উভয় পার্শ্বের দরজায় নীল রঙের পর্দা ঝুলিতেছে ।

দৃশ্য-পট উঠিতে দেখা গেল বয়-বেশে সজ্জিত একজন নেপালী কোমরস্থিত স্নাপকিন দিয়া মুছিয়া মুছিয়া কাঁটাচামচ-গুলি যথাস্থানে সাজাইয়া রাখিতেছে ।

মেস-সেক্রেটারি লেফটেন্যান্ট নরেন রায়ের প্রবেশ । তরুণ বাঙালী অফিসার । হাতে কয়েকটি স্নাপকিন আঁটিবার লেবেল-আটা রিং ও একখানা ইংরেজী খবরের কাগজ । পত্রিকাটি সোফা-সেটের গোলটেবিলে রাখিল]

নরেন । সব ঠিক জায় ?

বয় । (গোড়ালির শব্দ করিয়া) জী ।

নরেন । (রিংগুলি যে স্নাপকিন ছুকাইয়া রাখিবার তাহা ইসারায় বুঝাইয়া, একটির লেবেল পড়িয়া) মেজর সাবকো । (রিংটি টেবিলের বামদিক দিকে রাখিল) লেফটেন্যান্ট ভামা সাবকো (আর একটি রিং বাহিরা উহার দক্ষিণ দিকে রাখিল) ক্যাপ্টেন সিং সাবকো (অল্পরূপ ভাবে আর একটি রিং আগের রিংটির দক্ষিণে রাখিল) মোঃ হুমায়ুন আনান্দ হার উনকো (উহার দক্ষিণে আর

একটি রিং রাখিল) ক্যাপ্টেন বোস সাবকো । (আরও দক্ষিণে আর একটি রিং রাখিল) মেজর (মেজরের বাম দিকে রাখিল)

[স্নাপকিনগুলি যে রিংগুলির মধ্যে রাখিতে হইবে এবং চেয়ারগুলিও যে অল্পরূপ ভাবে সাজাইতে হইবে তাহা ইসারায় বয়কে বুঝাইয়া দিয়া সে একখানা একক সোফায় বসিয়া পকেট হইতে নোট-বুক খুলিয়া লিখিতে লাগিল । বয় নির্দেশ পালন করিল । দীনবন্ধু ও ছবির প্রবেশ]

দীনবন্ধু । আমরা একটু আগেই এলাম ।

নরেন । (নোট-বই পকেটে রাখিয়া উঠিয়া দাঁড়াইল) আস্থান মিস বোস (নমস্কার করিল, ছবিও প্রতিনমস্কার করিল) বস্থন । (ছবি ও দীনবন্ধু দুই জনে সোফাটায় বসিল)

দীনবন্ধু । (নরেনকে দেখাইয়া ছবিকে) ইনি লেফটেন্যান্ট নরেন বোস । বাড়ী বীরভূম, খুব বীর পুরুষ । ভাল বাঙ্গাতে পাবেন ।

নরেন । ক্যাপ্টেন বোসের সব কথা বিশ্বাস করবেন না । (উত্তরে ছবি শুধু হাসিল)

দীনবন্ধু । সে কি ; আমি ত জানতাম আপনার নাম লেফটেন্যান্ট নরেন রায়, বাড়ী বীরভূম !

নরেন । (হাসিয়া) আমি তা বলি নি । (টেবিলের নিকট গিয়া সাজান ঠিক হইয়াছে কিনা পর্যবেক্ষণ করিল) একটু আসছি । (বয়কে লইয়া ভিতরের দিকে অর্থাৎ বায়নাঘরের দিকে প্রস্থান)

দীনবন্ধু । কিরে তুই কথা বলছিস না যে ?

ছবি । আমার ভয় করছে ।

দীনবন্ধু । দূর বোকা মেয়ে, ভয় কিসের ! দাঁড়া দেখি আজকের মেহু কি । [উঠিয়া গিয়া টেবিল হইতে কার্ড-ষ্ট্যাণ্ড হইতে মেহু-কার্ডটা তুলিয়া লইয়া একবার চক্ষু বুলাইল, তারপর চকিতে একবার ঘড়ির দিকে দৃষ্টিপাত করিয়া মেহু-কার্ডটা লইয়া পুনরায় ছবির নিকট গিয়া বসিল] (আঙ্গুল দিয়া নির্দেশ করিয়া) প্রথম ত একটা হাড়ের স্তূপ, তারপর আলু-ভাজা, মাছ-ভাজা, তারপর দেশী-মতে মাংস আর পোলাও—

ছবি । (কানে আঙ্গুল দিয়া) ধামুন ত । এমনতেই যা ক্বিদে পেয়েছে, আমি আর থাকতে পারছি না ।

দীনবন্ধু । কেন, তা বিস্কট খেলি যে ! দুপুর বেলা পেট ভরে খাস নি ?

ছবি । (অফুট করে) না ।

দীনবন্ধু । না ? কেন, বিকেলে নেমস্তন্ন খাবি বলে ? কি বোকা মেয়ে ! আমার কথা যদি শুনিস—ভবিষ্যৎকে কোন দিন বিশ্বাস করবি না ; তা এ বেলাই হউক আর ও বেলাই হউক । আমি অনেক ঠকেছি ।

ছবি । দাদা আসতে না কেন ?

দীনবন্ধু । তারক ত এখানে আসবে না । সে অল্প সৈন্যের

খাবার করে একতরফে খেতে বসে গেছে। এ টেবিলে অকিসার ছাড়া আর কারও বসার অধিকার নেই।

ছবি। বাবু-বে, আমি যে এলাম।

দীনবন্ধু। তুই যে লেডি। তোমার কথা আলাদা। আমাদের নিয়মে যে কোন একজন লেডির সম্মান অকিসারদের চাইতে বেশী। দেখবি মেজরও তোকে সেলাম ঠুকবে।

ছবি। মেজর সাধুলাল ?

দীনবন্ধু। হ্যাঁ।

ছবি। কি সন্ধান ! (মুখে কাপড় দিয়া হাসিতে শুরু করিল)

দীনবন্ধু। দাঁড়া দেখি, তোমার জন্ত অন্ন-খন্ন কিছু—অস্তুতঃ একটু চকোলেট হলেও আনতে পারি কিনা। (রান্না ঘরের দিকে প্রস্থান)

[বাহিরের দরজা দিয়া মোটর-সাইকেল-আরোহীর বেশে সম্ভ্রিত বার্তাবাহকের প্রবেশ]

বার্তাবাহক। (পকেট হইতে একখানা খাম বাহির করিয়া ছবিকে সেলাম করিল) ক্যাপ্টেন ডি, বাস—ইথার আঁয়ে হায় ?

ছবি। হ্যাঁ, উথার হায় (অন্দরের দিকে নির্দেশ করিল) আতি আয়েছে।

বার্তাবাহক। আনেসে বোলিয়ে একঠো বহুত জরুরী মেসেজ আয়া। হাম বাহার ঠারতা। (বাহিরের দিকে প্রস্থান করিয়া বিড়ি ধরাইল। বিড়ির ধোঁয়া দমকে দমকে ভিতরে আসিতে লাগিল। অপর দরজা দিয়া চকোলেট হাতে হাসিতে হাসিতে দীনবন্ধুর প্রবেশ)

দীনবন্ধু। (ছবির হাতে চকোলেট খণ্ড দিয়া) নে খা ততক্ষণ। লেমনেড খাবি ?

ছবি। না। (চকোলেটের অর্ধেক ভাঙ্গিয়া দিয়া) তুমিও অর্ধেক খাও না।

দীনবন্ধু। না। আমি ক্রিধেটা নষ্ট করতে রাজী নই। আর ক'মিনিট মাত্র বাকি।

ছবি। (চকোলেট খাইতে খাইতে বিড়ির ধোঁয়ার প্রতি নজর পড়িল) দেখ, বলতে ভুলে যাচ্ছিলাম, কি একটা জরুরী চিঠি নিয়ে ভূতের পোশাক-পরা একটা লোক এসেছে তোমার কাছে।

দীনবন্ধু। (চাবিদিকে দৃষ্টিপাত করিয়া) অ্যা! কোথায় সে ? (ছবি অঙ্গুলী দিয়া বাহিরের দিকে নির্দেশ করিতে উচ্চকণ্ঠে) এই কোন্ লে আয়া চিঠি ? ইথার আও। (বার্তাবাহকের পুনঃ প্রবেশ ; সে সেলাম করিয়া চিঠিখানা দিয়া সেই কবাইরা লইয়া পুনরায় সেলাম কবাইরা লইয়া প্রস্থান করিল। সংবাদটি পাইবামাত্র তাহার মুখখানা অতিশয় গভীর হইয়া গেল)

ছবি। (উৎকণ্ঠিত হইয়া) চিঠিতে কি আছে, দীন্দা ?

দীনবন্ধু। বিশেষ কিছু না। আমাকে এখুনি একটু বেকতে হবে।

ছবি। সে কি ! না খেয়ে ?

দীনবন্ধু। হ্যাঁ, তাই ত দেখছি। তবে কি জানিস, এমনতেই মিলিটারি কাজের ত সময়ের ঠিক-ঠিকানা নেই, আর ডাক্তারের কাজ কেমন নিশ্চয়ই জানিস। ছটোয় মিলে সোনার সোহাগা আর কি।

ছবি। একটু কিছু খেয়ে নাও না। একটা চকোলেট হলেও না হয় খেতে খেতে যাও।

দীনবন্ধু। (হাসিয়া) না-বে পাগলী, খাবার জন্ত চিন্তা করছি না। যেখানে যাব সেখানে খাবারও নেমস্তন্ন আছে। সেজন্ত নয়। (গভীর হইল)

ছবি। (উঠিয়া পড়িয়া) আমার ভয় করছে দীন্দা। আমাকে বাড়ী পৌঁছে দিয়ে যাও।

দীনবন্ধু। (কাঁধে হাত দিয়া ছবিকে পুনরায় বসাইয়া দিয়া) সে কি হয় নাকি বে ? লোকে বলবে কি ! তুই বস, আমি ঠিক দশ থেকে পনের মিনিটের মধ্যে ফিরে আসব। একটা ইন্জেকশানের ব্যাপার মাত্র। দাঁড়া, আমি লেফটেন্যান্ট রায়কে বলে দিয়ে যাচ্ছি। (অন্দরে ঢুকিয়া অতি অল্প সময়ের মধ্যে বাহির হইয়া আসিল) বস তুই, আমি এখুনি আসছি।

(বাহিরের দরজা দিয়া প্রস্থান)

[আধ মিনিট পরে লে: নরেন রায়ের প্রবেশ, হাতে এক গ্লাস লেমনেড]

নরেন। (অপর একটি সোকার উপবেশন করিয়া) নিন, একটু লেমনেড খান।

ছবি। না, না। ইচ্ছে করছে না।

নরেন। লোকে শুনেছি অনুরোধে ঢেঁকি পর্যন্ত গিলে ফেলে, আর এ ত একটু জল মাত্র। নিন। (ছবি লেমনেড পান করিল) খুব ভয় পাচ্ছেন শুনলাম ?

ছবি। দীন্দা কোথায় যাবেন ?

নরেন। বা-রে! যাবেন কি, তিনি ত কখন চলে গেছেন।

ছবি। ওঃ।

নরেন। আমার কথায় ত জবাব দিলেন না।

ছবি। কোন্ কথায় ?

নরেন। সত্যি সত্যি ভয় পাচ্ছেন ?

ছবি। আমাকে একটু বাড়ী দিয়ে আসতে পাবেন ?

নরেন। ঐ ত ভয় পাচ্ছেন। আপনার ভয়টা ঠিক কিসের ব্যপ্তিতে পারছি না। গোলাগুলি, কামান, বন্দুক এ বাড়ীর ত্রি-সীমানার মধ্যে নেই। আর যদি মাল্লুককে ভয় করেন তা হলে কে কে খাবে, তারা কি রকম লোক বুঝিয়ে বলি শুনুন। আপনাকে, আপনার দাদাকে আর আমাকে বাদ দিলে আর খাবে মাত্র তিন জন। লেফটেন্যান্ট ভার্ণা। আর ক্যাপ্টেন সিং হু'জনেই পরিবার নিয়ে বাস করেন, হু'জনেই জল লোক। আমি আর মেজর হু'জনেই শুধু এই মেসে থাকি। লে: ভার্ণা। আর ক্যাপ্টেন সিংস

বাড়ীর মেয়েরাও কোন-কোন দিন এখানে আপনার মতই নেমস্তর খেতে আসেন।

ছবি। আপনার পরিবার কোথায়?

নরেন। ঠিকানাটা এখনও জানতে পারি নি।

ছবি। সে কি কথা! নিজের বাড়ীর লোকের ঠিকানা রাখেন না?

নরেন। না। মানে এখনও বিয়ে করি নি। (ক্ষণকাল ধামিরা) আমাকে ভয় পাচ্ছেন না ত? তা হলে আমি না হয় কোথাও পালাই ততক্ষণ। (প্রস্থানোচ্চত)

ছবি। (বাধা দিয়া) না, না, ছি, ছি। আপনার কথা আমি একবারও ভাবি নি। একদম সত্যি কথা, বিশ্বাস করুন।

নরেন। (পুনরায় বসিয়া) আপনার দাদা বতরুণ না আসেন, ততক্ষণ আপনার ভাব তিনি আমার উপর দিয়ে গেছেন।

ছবি। আর আপনি আমাকে ফেলে পালাতে চাইছেন? বেশ ত!—বরং আমাকে বাড়ী দিয়ে আসুন। (উঠিয়া দাঁড়াইল)

[বাহির হইতে মেজর সাধুলাল ও ক্যাপ্টেন সিঙের প্রবেশ। সাধুলালের পরনে সুদৃশ্য ডিলার স্যুট। ক্যাপ্টেন সিং মধ্যবয়সী পুরাতন সৈনিক। আগাগোড়া, পাগড়ী হইতে পায়ের অফিসার প্যাটার্নের নরম বুট পর্যন্ত মিলিটারি। বুকে বহুযুদ্ধের নিদর্শনস্বরূপ লম্বা বহু রঙের বিবন। লোকটি অত্যন্ত স্বল্পভাষী। সর্বদা গৌণ বিস্তৃত করিতে বাস্তব। বসিয়াই খবরের কাগজে মন দিল।

সাধুলাল একবার মাত্র দণ্ডায়মান ছবির অপাঙ্গে দৃষ্টিপাত করিল, কিন্তু সে কে বুঝিতে পারিয়াছে এমন কোন ভাব প্রকাশ করিল না।]

নরেন। (লাফ দিয়া উঠিয়া এটেনশান হইয়া) গুড-ইভনিং স্যার!

সাধুলাল। গুড-ইভনিং এভরিবডি। (ছবিকে) নমস্কার, বসুন।

[ছবি প্রতিনমস্কার করিয়া লম্বা কোচখানায় বসিল। সাধুলাল ও সিং দুই জনে দুইখানা একক সোফায় আসন গ্রহণ করিল। নরেন অন্ধরের দিকে কয়েক পদ অগ্রসর হইলে সাধুলাল তাহাকে ফিরাইল] মিঃ স্যার, একটা জরুরী কথা ছিল।

নরেন। (সাধুলালের সম্মুখে ফিরিয়া আসিয়া দাঁড়াইল) ইয়েস স্যার?

সাধুলাল। মেসের টোয় ত আমাদের প্রপাটি, গবর্ণমেন্টের না?

নরেন। না।

সাধুলাল। বিশেষ দরকার হলে বিক্রি করা যায়?

নরেন। (বিনীত ভাবে) কি রকম দরকার, কে কিনবে জানলে...

সাধুলাল। আমার একটা ইন্টিমিট ক্রেতাকে গবর্ণমেন্ট আটক করে রেখেছে। সাধুলোক, নামকরা লোক, আপনি চিনতে পারেন, সকলে মাষ্টারবাবু বলে জানে, নাম অধোরনাথ। তাব ফ্যামিলি গবর্ণমেন্টের টাকা পায় নি দু'মাস হ'ল। খুব অভাব হয়েছে। তাদের জন্তে কিছু টোয় পাঠাতে চাই। দায় আমি দিব। অল-রাইট?

নরেন। (ছবির দিকে একবার তাকাইয়া) ইয়েস স্যার। কি জিনিষ পাঠাতে চান বলুন? যদি এলাউ করেন ত আমিও কিছু কনট্রিবিউট করি।

সাধুলাল। নো, দিস ইজ অ্যাবসোলিউটলি মাই প্রিভিলেজ, হি ইজ মাই ক্রেও। কি জিনিষ চাই? হ্যা—আধ মণ ময়দা, দশ সেব ঘি, এক মণ চাউল, আধ মণ আলু, ব্যাস এখন এই হলে চলবে। ওঃ, হাঁ, দশটা মিক টিন, দশ সেব চিনি আর দু'পাউণ্ড চাও দিবেন।

নরেন। জিনিষগুলি কখন বাবে?

সাধুলাল। এখন বাবে। (বাহিরের দরজার দিকে নির্দেশ করিয়া) এইখানে পাঠিয়ে দিন। মাষ্টারবাবুর ছেলে এসেছে, নিয়ে বাবে। (অন্ধরের দিকে নরেন প্রস্থান করিলে তাহার গতিপথের দিকে ইঙ্গিত করিয়া ছবিকে) আপনার দাদা খুব কাজের লোক।

ছবি। (অভিজুত স্বরে) আমি অধোরবাবুর মেয়ে।

সাধুলাল। ও মাই! মাই! (উচ্ছসিত হইয়া ষাট ষাট ছবির ডান হাতখানা নিজ হইতে উঠাইয়া লইয়া হাওসেক করিতে লাগিল) আপনার সঙ্গে আলাপে খুব আনন্দ পেলাম, খুব আনন্দ পেলাম, খুব আনন্দ পেলাম। (হাত ছাড়িয়া দিয়া) আপনাদের পভাটির কথা বলে দুঃখ দিলাম না ত আপনাকে? ক্ষমা করবেন। (পুনরায় অম্লরূপ ভাবে হাওশেক করন)

ছবি। (আড়ষ্টভাবে একটু দূরে সরিয়া গিয়া মাথা নীচু করিয়া।) আপনার ঋণ কবে শোধ হবে কে জানে!

সাধুলাল। টাকার কথা বলছেন? খুব শীগ্গিরই শোধ হয়ে যাবে। আপনার দাদা মাইনে পেলেই শোধ করে দেবে।

ছবি। দাদা কোন চাকরী করে না।

[নেপালী বয়েস প্রবেশ]

বয়। (সেলাম চুকিয়া সাধুলালকে) খানা তৈয়ার সাব।

[প্রস্থান]

সাধুলাল। কাল থেকে করবে। আমার অপিসে একশ'-পঁচিশ টাকা মাইনার চাকরী তৈয়ার করে আপনার দাদাকে দিলাম।

ছবি। (আরও অভিজুত হইয়া) ওঃ—

সাধুলাল। (বিবরটাকে হালকা করিয়া) কিছু না, কিছু না! (ঘড়ি দেখিয়া) চলুন, সময় হয়েছে, আমরা বসি, চলিয়ে ক্যাপ্টেন সিং।

ক্যাপ্টেন সিং। (খবরের কাগজ নামাইয়া রাখিয়া) চলিয়ে।

[তিন জনে খাবারের টেবিলের দিকে অগ্রসর হইল।

ক্যান্টেন সিং বিংশতীয় সেবেল পড়িয়া স্থান নির্দেশ করিতে
তাহারা নিজ নিজ আসন গ্রহণ করিল]

সাধুলাল। বাসু ইজ মিসিং? ভার্মা ইজ লেট অ্যান্ড ইউ-
জুয়েল। হোয়াই ইজ ডক্টর বাসু?

ছবি। আমার সঙ্গে এসেছিলেন। খুব জরুরী কি কাজে
গেলেন, এখুনি আসবেন।

সাধুলাল। আপনাকে ফেলে যাওয়া খুব দোষ হয়েছে। খাওয়া-
দাওয়ার পরে গেলেই হ'ত। আমি তাকে শাস্তি দিব। (ছবি
সাধুলালের দিকে সভয়ে তাকাইতে, হাসিয়া) আজকে আমার
জায়গায় তাকে সভাপতি বানাব, এই শাস্তি। (স্থাপকিন সমেত
রিং বদলাইয়া ছবির পাশে বসিল এবং আরও হাসিতে লাগিল)

[লে: ভার্মার প্রবেশ। মিলিটারি পোশাকে সজ্জিত
অল্প বয়সী উগ্র প্রকৃতির যুবক।]

লে: ভার্মা। (দরজার নিকট 'এটেনশান' হইয়া) মে আই
কাম্ ইন্ শার?

সাধুলাল। ইয়েস, ইয়েস, উই আর ওয়েটিং ফর ইউ।

লে: ভার্মা। (নিজ স্থানে বসিয়া উগ্রভাবে) বাট আই
অ্যাম নট লেট। ইউ ইজ ওনলি সেভেন ফিফটি ফাইভ বাই দি
ব্যাটালিয়ন ক্লক।

সাধুলাল। পিস ভার্মা, পিস। (ছবিকে পরিচয় করাইয়া)
মিস বোস (ভার্মাকে দেখাইয়া) লে: ভার্মা। (উভয়ে উভয়কে
নমস্কার করিল)

লে: ভার্মা। (ছবিকে) এক রোজ হামারা ঘরমে চলিয়ে
সাবিজীকো সাধ ইনট্রাডিউস কর দেজে।

ছবি। সাবিজী কোন্?

ভার্মা। মেয়া জেনানা। বি-এ তক পড়েখে। (নিজের
মনে) আজ মেহু কা হার? (মেহু পাঠে মগ্ন হইল)

সাধুলাল। (উচ্চকণ্ঠে) বয়! (বয় প্রবেশ করিয়া এটেন-
শান হইয়া দাঁড়াইতে) ঠাণ্ডা সোডা আউর মেয়া ঘরমে বোতলঠো
লে আনা। (বয় প্রস্থান করিতে ছবিকে) বাড়ীতে কাঁটাচামচে খান?

ছবি। (হাসিয়া) না।

সাধুলাল। আপনার দাদা আসলে তবে ডিনার সুরু হবে।
ততক্ষণ আপনাকে কাঁটাচামচের খাওয়া শিখিয়ে দিচ্ছি। (ছবির
হাতে হাত দিয়া শিখাইতে সুরু করিল) নাইফ ডান হাতে,
কাঁটা বাঁ হাতে, চামচ ডান হাতে (বরফ দেওয়া সোডার বড়
পাত্র লইয়া বয় প্রবেশ করিতে ইসারায় উহা সকলকে দিতে
বলিল) নাইফ এমন করে ধরতে হয়, কাঁটা এমন করে ধরতে
হয়। (বয় প্রথমেই সাধুলাল ও ছবির গেলাসে সোডা ঢালিতে)
নিম্ন খান, খুব ঠাণ্ডা। (গ্রাস আগাইয়া দিল।) খান আমরা
একটা অল্পমোধ রাখুন। (ছবি সরল মনে এক চুমুকে গেলাস
নিরুশ্চিন্ত করিয়া কেবল।)

সিং। (ছবির বিপরীত দিকে দৃষ্টি নিবৃত্ত করিয়া ভার্মাকে)
শ্রাদ্দ আদত হায়।

ভার্মা। বড়ে তাজ্জব কি-বাতী হৈ।

সাধুলাল। (ছবিকে) ওদের কথায় কান দিবেন না। ওরা
ওদের ঘরের কথা বলছে। ওরাও আপনার মত নিমন্ত্রণ খেতে
এসেছে; হুণ্ডায় দু'দিন আসে।

ছবি। ওঃ! (বল্গায় মাথা চাপিয়া ধরিল)

সাধুলাল। কি হ'ল?

ছবি। (হাত নাড়াইয়া) না, কিছু না।

সাধুলাল। (পূর্বের জের টানিয়া) এটা মাছ খাবার নাইফ—
[একটা দশ সেরি ঘিয়ের টিন ও এক ধামা আলু লইয়া

খাকি হাফ-প্যান্ট সার্ট-পুরা একটা লোকের প্রবেশ]

লোকটি। কিধার রখেজে সাব?

[নরেনের প্রবেশ]

নরেন। (বাহিরের দরজার পর্দা কাঁক করিয়া বাবান্দা
দেখাইয়া) ইধার রাখ্যা। আওর সব চিজডি লে আও।

[লোকটির প্রস্থান]

সাধুলাল। (ছবিকে) আপনার দাদার আসতে বেশী দেরী
হচ্ছে, আমরা আরম্ভ করি। মিঃ রায়, লেট আস বিগিন।

নরেন। ফাষ্ট, লেট আস টেক আওয়ার সিটস প্রপারলি,
(কতক্ষণ অর্থপূর্ণ দৃষ্টিতে সাধুলালের দিকে তাকাইয়া রহিল কিন্তু
সে তাহা অগ্রাহ্য করিতে, উচ্চকণ্ঠে) ধ্যান বাহাহুর! (অনতি-
বিলম্বে বয়ের প্রবেশ) মেজর সাবকো আপনে জায়গামে বৈঠনে
বোলো। (বয় বিস্মিত দৃষ্টিতে নরেনের মুখের দিকে তাকাইয়া
ধাকিতে, ব্যাখ্যা করিয়া) মেজর সাব ডিসিপ্লিন ত্রেক কিয়া, উনকো
আপনে জায়গামে বৈঠনে বোলো।

বয়। জী, আচ্ছা। (সাধুলালের নিকটে গিয়া এটেনশান
ও শ্রালুট করিয়া) আপ প্রিসিডেন্টকে জায়গামে বৈঠিয়ে সাব।

সাধুলাল। যাও সুপ লে আও। (ছবিকে) আপনি নিজে
যখন লেখাপড়া জানেন, আপনিও চাকরী করতে পাবেন।

[বয় প্রস্থানোত্তত, নরেন তাহাকে নিবৃত্ত করিল]

ছবি। কি করে জানলেন আমি লেখাপড়া জানি?

সাধুলাল। আপনার দেশে বলে, আঙুন ছাই চাপা থাকে না।

ছবি। (দ্রীত হইয়া) ম্যাট্রিকটা পাশ করেছিলাম। ছেলেরাই
চাকরী পাচ্ছে না, আমাকে কে চাকরী দেবে?

[নরেনের নিকট হইতে ইসারা পাইয়া বয় পুনরায়
সাধুলালের নিকট গেল]

বয়। (সাধুলালের কানের কাছে) আপ প্রিসিডেন্টকে
কুবনীমে বৈঠিয়ে সাব।

সাধুলাল। আজকো গিরে ভাঙ্কার সারকো প্রেসিডেন্ট বনারা
গিরা।

বয়। (বুঝিতে মিলব হইল) জী ?

সাধুলাল। আজকো লিয়ে ডাক্তার বাসু সাবকো প্রেসিডেন্ট বনায় গিয়া।

[বয় পুনরায় প্রশ্নানোত্তর, নরেন তাহাকে ইসারায় ডাকিয়া লইয়া জনান্তিকে কিছু বলিল]

সাধুলাল। (ছবিকে বিন্ময়ের ভান করিয়া) অঁ! ম্যাট্রিক পাস করেছেন। তবে ত আমিই আপনাকে চাকরী দিতে পারি। শো টাকা মাহিনা।

ছবি। বাবা আমাকে চাকরী করতে দেবেন কি ?

বয়। (পুনরায় সাধুলালের কানের কাছে গিয়া) ডাক্তার সাব নাহি আয়েজে, আপ প্রেসিডেন্ট বৈঠয়ে।

সাধুলাল। (দ্বিঃ বিবক্তির সহিত) সুপ লে আও না !

বয়। হকুম নেহি হয়। আপ উধার নেহি বৈঠনেসে সুপ নেহি দি যায়গি।

সাধুলাল। (মুহূর্তের জ্ঞ মুখের ভাব অত্যন্ত ক্রুদ্ধ হইল কিন্তু পরক্ষণেই উচ্চ হাসি হাসিয়া) অল রাইট লেফটেনাণ্ট রায়, অল রাইট, ইউ ক্যান বি এ রিয়েল হুইসেল হোয়েন ইউ ওয়ান্ট টু বি। (সাধুলাল উঠিয়া দাঁড়াইতে নরেন বয়কে ইসারা করিল, বয়ের অন্দরের দিকে প্রস্থান) দেখুন মিস বোস, আমাদের এখানে কি কড়া ডিসিপ্লিন।

[নরেন ও সাধুলাল নিজ নিজ স্থানে উপবেশন করিল।

একটি একটি করিয়া সুপের প্লেট আনিয়া বয় পরিবেশন করিতে লাগিল]

ক্যাপ্টেন সিং। (ছবির হাতে বড় গোল চামচ তুলিয়া দিয়া) ইসকো ইস্তেমালা কিজিয়ে।

[সকলে সুপ পান করিতে শুরু করিল, তাহাদের অক্ষু-করণে ছবি এক চামচ মুখে দিল, কিন্তু পরক্ষণেই সুপের প্লেট ঠেলিয়া দিয়া টেবিলের উপর মাথা নীচু করিল। ইহা দেখিয়া ভার্মা ও সিং পরস্পর দৃষ্টি বিনিময় করিল]

নরেন। (আতঙ্কিত হইয়া) কি হ'ল মিস বোস ?

সাধুলাল। (নরেনকে নিরস্ত করিয়া) আপনি বুঝবেন না, আমি জানি কি হয়েছে। (দ্রুত কণ্ঠে) ওঁকে যদি সাহায্য করতে চান শীগ্গির একটা কাজ করুন। আমার জিপটা নিয়ে ক্যাপ্টেন বাসুকে নিয়ে আসুন (নরেন উঠিয়া পড়িয়া ছবির দিকে তাকাইয়া ইতস্ততঃ করিতে লাগিল) বি কুইক। (ছবির দিকে তাকাইতে তাকাইতে নরেনের প্রস্থান) এক্স জ মি, ক্যাপ্টেন সিং, (উঠিয়া দাঁড়াইল) ডায়মন্ড ইন ডিসট্রেস, এক্স জ মি, লেফটেনাণ্ট ভার্মা। সি ইজ দি ডটার অব এ্যান ওল্ড ক্রেণ্ড অব মাইন। (ছবির নিকট গিয়া) হু' মিনিট শুয়ে থাকলেই ভাল হয়ে যাবেন। উঠুন, পাশেই ডাক্তার বাসুর ঘর। ওনাকে আনতে পাঠিয়েছি, উঠুন। (ছবি মুখ তুলিল, গম ও চাউলের বস্তা লইয়া পূর্ববর্ণিত লোকটি আসিল এবং বারান্দার দিকে চলিয়া গেল) উঠতে চেষ্টা করুন। (ছবি উঠিয়া দাঁড়াইয়া দ্বিঃ টলিতে থাকিল) আমাকে

ধরুন না হয় (ছবি সাধুলালের বাহু আঁকড়াইয়া ধরিল। বয়ে প্রবেশ) দোর খানা ডাক্তার সাবকো ঘরমে দেন।

(বয় নরেনের উদ্দেশ্যে এদিক-ওদিক তাকাইয়া নরেন, সাধুলাল ও ছবির সুপ-প্লেট লইয়া অন্দরের দিকে চলিয়া গেল। বাহু সংলগ্ন অবস্থায় ছবি ও সাধুলালের বাহিরের দিকে প্রস্থান)

ভার্মা। (ছবির বাহুসংলগ্ন অবস্থাটাকে ভঙ্গীমহকায়ে ভেঙ্গচাইয়া) দেখা আপনে ?

সিং। হাম বহুত দেখ চুকা, আভি আপলোগ দেখিয়ে।

ভার্মা। (ক্র কুঞ্চিত করিয়া) মেজর লালকো টা ভি মেয়া বহুত বুঢ়া মালুম হোতা হয়। বুঢ়া আদমী, সাদি ভি কহ চুকা। এইসা দো এক আদমী কো লিয়ে নাম খায়াব হোতা, বহুত আপশোষ কি বাত।

সিং। আপান নহি ক ?

ভার্মা। নাহি তো ! কা বাত ?

সিং। মেজর লাল কা ওয়াইফ উনকো ছোড় কহ ভাগ গিয়া। চার মাহিনা ছ্যা।

ভার্মা। আপকো কেইসে মালুম ?

সিং। আরে ! কেইসে মালুম ? যানে কো টাইম পর মেহেরবাণীসে একঠো চিঠি ভি ইধার ভেজা, উ চিঠি হামকো খুঁ দিয়া।

ভার্মা। চিঠি ভেজা ? কা বাতলায়া চিঠিমে ?

সিং। লিখা বহুত তাজ্জব, আউর বহুত মামুলী বাত। (খুব করিয়া) 'মেরি ঘোবন ভুখা মর রহে, হাম চল রহে।'

[হুই প্লেট মাংস লইয়া ধ্যান বাহাছর ঘরটি পার হইয়া গেল।]

ভার্মা। সাদিকা কিংনা যোজ ছ্যাখা ?

সিং। চার বরস।

ভার্মা। ঘরমে কিংনে দিন তক ঠহরা খা ?

সিং। কোঁন ?

ভার্মা। মেজর লাল। [ধ্যান বাহাছর ফিরিয়া ডাইনিং টেবিলের প্লেটগুলি লইয়া অন্দরে চুকিল]

সিং। তিন মাহিনা। অল টোল্ড।

[নেপথ্যে ছবির উচ্চ হাসির শব্দ]


ভার্মা। (সরোষে টেবিল চাপড়াইয়া) আই হেট দিস ওয়ার ! আই হেট দিস ওয়ার ! আই হেট দিস ওয়ার !

সিং। খামোশ, ভার্মা, খামোশ। মেয়া সবানিকি টাইম পর হাম ভি এইসা ঘাবড়ায় খা। [ধ্যান সিং মাংসের প্লেট সাজাইয়া দিয়া গেল] আভি, হু (গোঁক বিস্তৃত করিয়া খাবারে মন দিল)

[নেপথ্যে পুনরায় ছবির মিল-মিল হাসির শব্দ শুনা গেল। ভার্মা চক্ষু বুজিয়া হুই কান হুই হাত দিয়া চাপিয়া ধরিল।]

[স্ববনিকা]

ক্রমণ:



ওয়ালটেরার—ভারতীয় ঐতিহাসিক সম্মেলন

শ্রীযোগেন্দ্রনাথ গুপ্ত

শেষ পর্যন্ত সত্যসত্যই আমার ওয়ালটেরার বাওয়া স্থির হইল। ডক্টর প্রভুলচন্দ্র গুপ্ত আমাকে তাহাদের ঐতিহাসিক সমিতির সদস্য করিয়া লইলেন—তাহার ফলে যাতায়াতের সুবিধা হইল। ২৭শে ডিসেম্বর ওয়ালটেরারের উদ্দেশে বওনা হওয়া গেল। ষ্টেশনে আসিয়া দেখিলাম—বাংলার শ্রেষ্ঠ ঐতিহাসিকের দল সকলেই চলিয়াছেন। দ্বিতীয় শ্রেণীর কামরাগুলি প্রায়ই রিজার্ভ। আমি মধ্যম শ্রেণীর একখানা গাড়ীতে স্থান করিয়া লইলাম। আমাদের সহযাত্রী ছিলেন আশুতোষ কলেজের একজন অধ্যাপক। তিনি সপরিবারে হায়দরাবাদ বিজ্ঞান মহাসম্মেলনে যোগদান করিবার জন্ত যাইতেছিলেন। আর একজন যাইতেছিলেন গুণ্টুর। তাহার নাম বাধামোহন ভট্টাচার্য। আলাপ বেশ জমিয়া উঠিল।

খড়াপুর হইতে গাড়ী চলিল ভিন্ন পথে। এ পথ যদিও পূর্ক-পরিচিত, তবু বহু বৎসর পর যাইতেছি বলিয়া বেশ আনন্দবোধ হইতেছিল।

যাত্রিতে কখন বালেশ্বর, ভদ্রক, কটক, ভুবনেশ্বর, খুর্দা পার হইয়া গেলাম খেয়াল করি নাই। শ্রীক্ষেত্রের পথ খুর্দা জংশন পড়িয়া রহিল। চিঙ্কার কিনারা দিয়া গাড়ী চলিয়া গেল। জানালা খুলিয়া দেখিলাম চিঙ্কার বিরাট বিস্তার। অগভীর নীল সলিলরাশি প্রায় পাঁচ শত বর্গমাইল স্থান অধিকার করিয়া আছে। ক্ষীণ আলো ও অন্ধকারের এক অপূর্ব মিশ্রণে চিঙ্কাকে অতি সুন্দর দেখাইতেছিল। উড়িষ্যার পুরী জেলা হইতে মাজাজের গঞ্জাম জেলা পর্যন্ত ইহার বিস্তার। বঙ্গোপসাগর ও এই চিঙ্কা হ্রদের মধ্যে বাবধান কোন স্থানে অতি সামান্য এবং কোথাও চিঙ্কার সঙ্গে সমুদ্রজলের মিলন হইয়াছে। চিঙ্কা হ্রদ ও তাহার চারিদিকের শোভা বড় সুন্দর। হ্রদের বুকে ছোট ছোট দ্বীপ অনেক, আর পশ্চিমে ও দক্ষিণে উল্লম্বশোভিত পর্বত-প্রাচীর কাঁড়াইয়া আছে। চিঙ্কার পরেই আরম্ভ হইল নবগঠিত অন্তঃস্রাব্য। প্রভাত হইলে দেখা গেল যেন এক সম্পূর্ণ নূতন দেশে আসিয়া পড়িয়াছি। তালবনের সারি। দূরে নীল পাহাড়। ভাষা বাঙ্গালীর সম্পূর্ণ অবোধা। অধিবাসি-গণের দৈনন্দিক গঠনও বাঙ্গালী হইতে সম্পূর্ণ স্বতন্ত্র। একটা ষ্টেশনে—যোধ হ্রদ গলাশ হইবে, পরিচিত কণ্ঠস্বর—‘এই যে দাদা! দূর হইতেই আপনার উঁচু মাথা চোখে পড়িয়াছে।’ প্রবাসীর নলিনী ভায়া (নলিনীকুমার ভদ্র) চলিয়াছেন, বিশাখাপত্তনে একটি সাংস্কৃতিক সম্মেলনে। এ ষ্টেশনে কলা খুব সজ্জা। সুস্বাদুও বটে। চা-পানও আমরা হুঁজনে এখানেই শেষ করিলাম। এখন সহ-যাত্রীদের সঙ্গে বেশ ভাব জমিয়া গিয়াছে। কত কথা, কত তর্কই না হইতেছে।

বিজয়নগর পার হইবার পরই ট্রেন অতি অল্প সময়ের মধ্যে আসিয়া ওয়ালটেরার ষ্টেশনে পৌঁছিল বেলা ঠিক এগারোটায়।

ষ্টেশনে ভলাটিরারবা উপস্থিত ছিলেন। আমরা আমাদের মাল-পত্রসহ অন্তঃ ইউনিভার্সিটির বাসে চড়িয়া অন্তঃ বিশ্ববিদ্যালয়ের হোষ্টেলে গিয়া পৌঁছিলাম। ওয়ালটেরারের প্রধান রাজপথ ধরিয়া আমরা প্রাচীরঘেরা অন্তঃ বিশ্ববিদ্যালয়ের বেটনীর ভিতর দিয়া চলিলাম। প্রবেশদ্বার বেশ বড়। আমরা যে পথ দিয়া বিশ্ব-বিদ্যালয়ে প্রবেশ করিলাম, সেই পথের দক্ষিণে ও বামে একরূপ চারিদিক বেড়িয়া বিভিন্ন শিক্ষাভবন, লাইব্রেরী, ইম্পিরিয়্যাল ব্যাঙ্ক, আর্টস কলেজ, চিকিৎসালয় প্রভৃতি রহিয়াছে। বাড়ীগুলি সুগঠিত, সুন্দর। পথ প্রশস্ত ও পরিষ্কার। অদূরে সমুদ্রের নীল জলরাশি সূর্য্যকিরণে টলমল করিতেছে। শীত নাই, শান্ত স্নিগ্ধ সুমধুর সমীরণ দেহ ও মন শীতল করে।

আমার ও স্নিগ্ধ অতর বন্দোপাধ্যায়ের আস্থানা হইল অশোক বর্ধনের ১২২ নং ঘর। সে ঘরে যে ছেলেটির বাসস্থান ছিল সে তাহার একখানি খাটিয়া আমার জন্ত আনিয়া দিল। ত্রিতল অট্টালিকা। বারান্দায় যে দিকেই দাঁড়াই না কেন মুক্ত জানালা-পথে দেখা যায় সমুদ্রের নীল তরঙ্গভঙ্গী। তালীবননীলা সৈকতভূমি, দূরে ডলকিন্ নোডের গায়ে সমুদ্র-তরঙ্গের ফেনিল উজ্জ্বল। এখানে আসিয়া কেবলই মনে হইতেছিল বহুদিন আগে পঠিত, কবি নিরীন্দ্রমোহিনীর কবিতার কয়েকটি পংক্তি :

আমার এই কুটীরখানি সমুদ্রের ধারে,
মিশিয়ে গেছে জলের বেথা আকাশে ওপারে।
ঘন তালীবনের মাঝে সুর-পথের বেথা,
সুন্দরী-সীমন্তে যেন সিন্দূরের বেথা।
যা ভাস সদা মাতাল যেন উঠে পড়ে ছুটে,
নারিকেলের কুঞ্জগুলি আকুল মাথা কুটে।

সত্যই তাই। সমুদ্রের অনন্ত বিস্তার। নীল জলে তরঙ্গমালা। তালীবনের আড়াল দিয়া পথ। প্রাণে আপনা হইতে একটা উদার ভাবের উদয় হয়। স্বান-আহার সাবিলাম। ব্যবস্থা ছিল সুন্দর। দৈনন্দিন খাওয়ার মধ্যে পোলাও, সামুদ্রিক মৎস্য, মাংসও প্রতিদিন দিবার ব্যবস্থা ছিল। ডিম দিয়াও অনেক বাগান প্রস্তুত হইত। অত্যন্ত যত্নের সহিত আমাদের ভোজ্যদ্রব্য পরিবেশন করা হইত। নিমন্ত্রিত প্রতিনিধিবর্গের কোনরূপ ক্রটি না হয় সেদিকে ছিল সকলেরই বিশেষ লক্ষ্য। পরিবেশকদের মধ্যে পাইয়াছিলাম জগবন্ধুকে। সে বাংলা বলিত এবং বুদ্ধিত আর বাঙ্গালীর খাদ্যাদি সব্বক্ষেত্র ওয়াকিবহাল বলিয়া তাহার একটু পর্বও ছিল। বাঙ্গালী সঙ্গদের জগবন্ধুকে না ডাকিয়া তৃপ্তি হইত না। ভোজনালয়ে প্রায় সব্ব প্রদেশেরই লোক দেখিয়াছি। মনে হইল বাঙ্গালী প্রতিনিধির দলই ছিলেন সংখ্যায় বেশী।

ওয়ালটেরারে এবার ভারতীয় ঐতিহাসিক সম্মেলনের বোড়

অধিবেশন হইল। সাধারণ সভাসংখ্যা বর্তমান বৎসরে পাড়াইয়াছে ৩২৩ জন। এ বৎসর আজীবন-সদস্য হইয়াছেন ৭ জন। ২৮শে ডিসেম্বর আমরা বিজ্ঞান করিলাম ও ইতস্ততঃ বেড়াইলাম— বিশেষ করিয়া সমুদ্রসৈকতে। ডক্টর রমেশচন্দ্র মজুমদার, ডক্টর সুরেন্দ্রনাথ সেন, ডক্টর উপেন্দ্রনাথ ঘোষাল, ডক্টর জিতেন্দ্রনাথ বন্দ্যোপাধ্যায়, কাটোয়া কলেজের অধ্যক্ষ হরিমোহন বাবুও ছিলেন। ডক্টর ঘোষাল, নগ্ন-পদে সমুদ্রের কিনারায় নামিলেন, হরিমোহনবাবুও সঙ্গী হইলেন, নীল সিদ্ধুজল আসিয়া উভয়কে আক্রমণ করিল—ইহারাও লুকোচুরি খেলিতে লাগিলেন। ক্রমে সন্ধ্যা ঘনাইয়া আসিল। আকাশে তাহার মালা কুটিয়া উঠিল। আবার মনে পড়িল গির্জাচন্দ্র ঘোষের প্রিয় সঙ্গীত—“সাগরকূলে বসিয়ে বিবলে গণিব লহরীমালা!” অজানা, উচু-নীচ পথ। উপরে উঠিয়া অশোক বৃক্ষের ঘরে গিয়া পৌঁছলাম। ঘরে ঘরে প্রতিনিধিদের কলগুঞ্জন শোনা গেল।

২৯শে, ৩০শে ও ৩১শে ডিসেম্বর এই তিন দিন সম্মেলনের অধিবেশন হইয়াছিল। আমি বঙ্গীয়-সাহিত্য-পরিষদের প্রতিনিধি রূপে এই সম্মেলনে যোগদান করিয়াছিলাম।

প্রথম দিন সকাল ৮-৩০ মিনিট হইতে

১-৩০ মিনিট পর্যন্ত অধিবেশন হয়। প্রথমেই ডক্টর শ্রীধাধাকৃষ্ণন জানাইলেন তাঁহার স্বাভাবিক সমস বাকো সামর অভিনন্দন, তারপর অন্তর্ বিখ্যবিদ্যালয়ের উপাধ্যক্ষ ডক্টর ভি. এস. কৃষ্ণা তাঁহার স্বাগত-ভাষণে বলেন—ভারতের অজ্ঞাত যে সকল প্রদেশে বিখ্যবিদ্যালয় আছে, সেগুলির মত ওয়ালটেরার ঐতিহাসিক স্থান নহে। কিছুদিন পূর্বেও এ স্থান ছিল বিজ্ঞান—প্রকৃতি তাহার অপরূপ সৌন্দর্যালীলায় এ স্থানটিকে পরম রমণীয় করিয়াছে।—অন্তঃপর তিনি স্থানীয় বিখ্যবিদ্যালয়ের তথা অভ্যাগত প্রতিনিধিগণকে স্বাগত করেন। ডক্টর

রমেশচন্দ্র মজুমদারের প্রস্তাবে ও ডক্টর সুরেন্দ্রনাথ সেনের সমর্থনে মহামহোপাধ্যায় ডক্টর কেন্ সভাপতি নির্বাচিত হন। তাঁহার দীর্ঘ ভাষণে তিনি ইতিহাসের সংজ্ঞা, মহাজ্ঞানোদ্যোগের পুরাবৃত্ত ও অজ্ঞাত বিষয়ের অবতারণা করেন। প্রথম দিনের সভাশেষে ‘জনগণমন অধিনায়ক’ এই জাতীয় সঙ্গীতটি গান করেন একটি অন্তর্ভুক্ত গায়ক। ৩০শে, ৩১শে এই দুই দিনও বিভিন্ন শাখার সভাপতিগণের ভাষণ পঠিত হয়। বিভিন্ন শাখার সভাপতিগণ এক প্রবন্ধ-পাঠকরণ নানা বিষয়ে প্রবন্ধ পাঠ করেন, ভিন্ন ভিন্ন স্থানে তাহার অধিবেশন হইয়াছিল। সর্বত্র ঘুরিয়া কিরিয়া সে সব প্রবন্ধ কুনিয়ার সুযোগ আমরা করিতে পারি নাই।

২৯শে ভাষিত করেকজন সদস্য সীমাচলম্ দেখিতে গিয়াছিলেন। প্রীতিভাজন বন্ধু ডক্টর শ্রীধীয়েন্দ্রনাথ গাঙ্গুলীও ছিলেন তাঁহাদের এক জন। সীমাচলমের প্রসঙ্গে তিনি বলিলেন—‘আপনার পক্ষে সেখানে যাওয়া ঠিক হইবে না। সত্তর বৎসর বয়সে এইরূপ হঃসাহসিক কাজ করিতে গেলে হার্ট ফেল হওয়া অসম্ভব নহে।’ সেখানে কিছু বলিলাম না। পরদিন আমরা তিন জন চলিলাম সীমাচল অভিযানে—সিটি কলেজের অধ্যাপক শ্রীকৃষ্ণচন্দ্র চক্রবর্তী, ইটাকোণা কলেজের অধ্যাপক শ্রীপ্রভাতচন্দ্র সেন ও আমি। খুব সকালে উঠিয়া অন্তর্ ইউনিভার্সিটির বাসে আসিলাম শহরের এক ধায়ে—যেখান হইতে সীমাচলমের বাস চলে।

৭-৩০ মিনিটে বাস ছাড়িল। সঙ্গী হইলেন এক যাত্রাজী ভ্রমলোক। নাম বোধ হয় নারায়ণ রায়—বয়স পর্য্যাপ্ত হইতে চক্ৰিশেষ ভিতরে হইবে। পথের দুই দিকের শোভা অতি সুন্দর। পাহাড়-পর্বত, বনজঙ্গল, থানা, বাজার ও পল্লী। অন্তর্ দরিত্র দেশ। ভালপাতার ছাউনি, অতি ছোট নীচ ঘর, ক্ষুদ্র দরজা। সে ঘরে বাস করে দ্বী পুত্র লইয়া গৃহস্থানী। অভাব ও দৈত্যের জীবন্ত চিত্র।



সভামণ্ডপের সম্মুখে ইতিহাস-কংগ্রেসের করেকজন সদস্য

ধীবর, শ্রমজীবী এবং কৃষিজীবীদের যতটুকু দেখিলাম কোনও উন্নতি হয় নাই। তবে উচ্চশিক্ষিত লোকেরা এবং কলেজের ও বিখ্যবিদ্যালয়ের ছাত্রেরা পোশাক-পরিচ্ছদ এবং অজ্ঞাত বিষয়ে প্রগতির পথে অগ্রসর হইতেছে—ক্রমশঃ এই দেশ উন্নতির উচ্চশিখরে আরোহণ করিবে সন্দেহ নাই। সংস্কৃতির পথেও তাহাদের অগ্রগতির লক্ষণ পরিস্ফুট। কোন দেশ ও জাতির সম্বন্ধে সামান্য পুরিচয় ও হই-এক জিনের দেখায় কোনও সিদ্ধান্তে পৌঁছানো যায় না। তবে এ কথা সত্য—যে দেশের লোক স্বতন্ত্র অন্তর্ রাজ্য গঠনের ক্ষমতা প্রাণ দিতেও কুঠিত হয় নাই তাঁহাদের কে কবিবে ?

৮-৩০ পর্যন্ত বিশাখাপত্তন হইতে রওনা হইয়া ৮-৪০ মিনিটে সীমাচলমে পাদমূলে আসিয়া পৌঁছিলাম। বেশ চওড়া বাস্তু। বাস্তু দুই পাশে সারি সারি দোকান। চা, কফি, কলা ও ইডলি আছে। আমরা তিন জনে কফি ও কদলী ভক্ষণ করিয়া পর্তুগীজের অগ্রসর হইলাম। বড় বাস্তু হইতে একটি প্রশস্ত বাধানো পথ মন্দিরে যাইবার সিঁড়ি পর্যন্ত চলিয়া গিয়াছে। প্রশস্ত সোপানাবলী। এ অঞ্চলে সর্বাপেক্ষা প্রসিদ্ধ মন্দির এই সীমাচলম্। উচ্চতা ৮০০ শত ফুট। বিশাখাপত্তন হইতে উত্তর দিকে দেবমন্দির অবস্থিত।

আমরা ধীরে ধীরে পাহাড়ে উঠিতে লাগিলাম। প্রশস্তনির্মিত দীর্ঘ সোপানশ্রেণী। এরূপ স্থাপিত ও সুপ্রশস্ত সোপান অল্প কোন পর্তুগীজের অবস্থিত দেবমন্দিরে বড় একটা দেখি নাই। মোট সোপানের সংখ্যা এক হাজার আট। আমি ধীরে ধীরে উঠিতে লাগিলাম। যেখানে খাড়াই বেশী সেখানে মধ্যে মধ্যে সোপান-শ্রেণী বিস্তৃত—সোপানের সংখ্যাও অধিক। ইহাতে যাত্রীদের উঠিবার পক্ষে বিশেষ সুবিধা।

পথের দুই পাশে শ্যামল তরুশ্রেণী। পুষ্পিত লতা। নিষ্কর-ধারা ঝন্ ঝন্ করিয়া উপর হইতে পড়িতেছে। পর্তুগীজের আনারস, পেঁপে প্রভৃতির ক্ষেত। বহু গোলাপ এবং নানাজাতীয় আশ্রয় কুরুমের সমাবেশ ও বিচিত্র রূপ পথশ্রম দূর করে। দুই দিকে শ্যামল তরুলতাগুলি থাকায় রৌদ্রের প্রখর তাপ অনুভব করিতে হয় না। আমি মাঝে মাঝে বিশ্রাম করিতে করিতে চলিলাম। ছায়াশীতল পথে চলিতে বেশ লাগিতেছিল। ক্রমে শতাধিক সিঁড়ি উত্তীর্ণ হইয়া আসিলাম একটি ক্ষুদ্র গ্রামে। স্থানটি সমতল। এক স্তম্ভবৎ বটবৃক্ষ দাঁড়াইয়া আছে—বহু স্থান জুড়িয়া-চারিদিকে জট নামিয়াছে মাটিতে। এখানে যাত্রীদের জগু ধর্ম-শালার মত একটি একতলা দীর্ঘ দালান। রন্ধনশালা ও স্নানের জায়গা আছে। এক পাশে সোপানশ্রেণীর কাছে একটি জলাধার। জলাধারটি প্রশস্তনির্মিত। দূরে উচ্চ পর্তুগীজের হইতে নিম্নগামিনী সলিলধারিত পতন-পথে এই জলাধারটি বিদ্যমান। এখানে ভয় ও অভয় কয়েকটি দেবমূর্তি দেখিলাম। পাণ্ডারা এগুলিকে বিভিন্ন নামে অভিহিত করিয়া যাত্রীদের নিকট হইতে পয়সা আদায় করে। আমি এখানে খানিকক্ষণ বিশ্রাম করিলাম। বড় ভাল লাগিতেছিল। পানীয় স্নান—নিষ্করের কলতান—দূরে বহুদূরবিস্তৃত তরঙ্গায়িত পর্তুগীজের—উপরে অনন্ত নীল গগন—নানা রঙের ফুলের রাশি। বহুনিয়মে দেখা যাইতেছিল সমতলভূমির হরিস্বয়ম। আম, কাঁঠাল পাছের সংখ্যাও বড় কম নয়।

মন্দির-সোপান হইতে বন্ধুরা ডাকিতেছিলেন—চলে আসুন আমরা পৌঁছে গেছি। আমিও ধীর পদক্ষেপে উপরে উঠিলাম। এক জয় পাণ্ডাও জুটিল। পাহাড়ের নীচে অর্ধবৃত্তাকার সমতলভূমি। বেশ প্রশস্ত চত্বর বা প্রাঙ্গণ। এক পাশে বিভিন্ন দেবতার মন্দির। আমরা পূজা দিলাম। ঘণ্টা বাজাইলাম। তারপর পৌঁছিলাম

সীমাচলম্ মন্দিরঘাটে। প্রথমেই একটি অনতিবৃহৎ চত্বর। এখানে দক্ষিণাত্যের অজ্ঞাত মন্দিরের মত গোপূরম্ বা মুখমণ্ডপ, গোপূরমের উপরে একটি বৃত্তাকার মঞ্চ। তার পরেই নাটমণ্ডপ। বোলটি প্রস্তর-স্তম্ভের দ্বারা সুসজ্জিত ও সুশোভিত। সম্মুখে একটি প্রশস্ত-নির্মিত রথ, প্রশস্তনির্মিত অশ্বযুগল যথেষ্ট সংযোজিত। সম্মুখে বারান্দা। প্রশস্তস্তম্ভের উপর ছাদ। ছাদের ভিতরের দিকে অতি সুন্দর ভাবে লতা-পাতা, নানা জীবজন্তুর মূর্তি, বিষ্ণুপুরাণ হইতে গৃহীত দেবদেবীর মূর্তি। অনেকগুলি মিশ্রমূর্তিও আছে। পূর্বে আরও অনেক ছিল, কিন্তু ভিজিরাণাগ্রামের রাণী এ সকল মূর্তি দেখিয়া অসন্তোষ প্রকাশ করেন এবং পুরু প্লাষ্টারে এগুলি আবৃত করা হয়। এখনও এ ধরনের মূর্তি একেবারে নাই এমন কথা বলা যায় না। মূল মন্দিরের বেষ্টনীর বাহিরে উত্তরদিকে কল্যাণমণ্ডপ। কল্যাণমণ্ডপটি অপূর্ণ কারুকার্যখচিত ছিয়ানকইটি প্রশস্তস্তম্ভের উপর অবস্থিত। বোলটি সারি। প্রত্যেক সারিতে ছয়টি করিয়া স্তম্ভ। চৈত্র মাসের গুরুপক্ষের একাদশ দিবসে দেবতার বিবাহ-উৎসব সম্পন্ন হয়। এই মন্দির বোধ হয় পরবর্তীকালে নির্মিত হইয়াছিল—স্থাপত্যকলায় দিক দিয়া বিচার করিতে গেলে এই মন্দিরের কারুকার্য তেমন উচ্চশ্রেণীর নহে। তবে যাহারা হিন্দু ভাস্কর্যকীর্তির ও দেবদেবীর পরিচয় জানিতে উৎসুক, তাঁহাদের ভালই লাগিবে। ইহার গায়ে মংস্ত্রাবতার, ধর্মস্বরী, বক্রণ এবং নৃসিংহদেবের মূর্তিসমূহ দর্শনযোগ্য।

এই পর্তুগীজের একটি প্রশস্ত আছে। তাহার নাম গঙ্গাধারা। ইহাতে স্নান করিলে নানা রোগ আরোগ্য হয়, এই বিশ্বাসের বশবর্তী হইয়া এখানে বহু যাত্রীর সমাগম হইয়া থাকে। এখানকার এই পবিত্র জলে স্নান করিলে নাকি মাহুঘের আর পুনর্জন্ম হয় না। একেবারে নির্কারণমুক্তি লাভ হয়।

এক সময়ে—বিশেষতঃ মধ্যযুগে—সীমাচলম্ ছিল বিখ্যাত বিদ্যা-কেন্দ্র। নরহরি তীর্থপ্রসাদ এবং তাঁহার শিষ্য-প্রশিষ্যেরা এখন কলিঙ্গের গঙ্গ রাজা এবং স্থানীয় রাজাদের গুরুপদে প্রতিষ্ঠিত আছেন। তাঁহারা এ অঞ্চলে বৈষ্ণবধর্ম প্রচার করেন। স্থানীয় নৃপতিমণ্ডলীর অর্থাহুকুল্যে অন্তর্গত প্রদেশে বহু মঠ, মন্দির, চতুষ্পাঠী ও বিদ্যালয় প্রতিষ্ঠিত হইয়াছে। সে সকল স্থানে বিবিধ শাস্ত্র, বেদ, জ্যোতির্বিদ্যা এবং দর্শনশাস্ত্র সম্বন্ধে শিক্ষাদান করা হয়।

আবার মন্দিরের কথা বলি। মূল মন্দিরের গায়ে সেকালের সামাজিক ঘটনাবলীর বহু চিত্রও খোদিত আছে। নরনারীর দৈনন্দিন জীবনযাত্রা, কোথাও খোলবানরত নর ও নারী, কোথাও উৎসবদৃশ্য, কোথাও নৃত্যপরায়ণা নারী, কোথাও শোভাযাত্রা—আবার জীবজন্তুর মধ্যে মরাল-ময়ালী, কোথাও হস্তীযুধ, কোথাও সিংহ প্রভৃতি শিল্পনৈপুণ্যের পরিচায়ক।

এখানে প্রথম কক্ষ অতিক্রম করিলে প্রবেশপথের দুই পাশে পদ্মাসনে উপবিষ্ট বৃহদেবের মূর্তি নজরে পড়ে। মূর্তির নয়নে, অধরে স্নিগ্ধ ও পবিত্র প্রশান্ত ভাব। আশ্চর্যের বিষয় বাহু ভঙ্গ।

আমরা মন্দিরমধ্যে প্রবেশ করিলাম। গৃহ অন্ধকার। উচ্চ পিস্তলের প্রকাণ্ড পিলস্ক্রের উপর বৃহৎ পিস্তল-প্রদীপ যতপুষ্ট হইয়া আলোক বিস্তার করিতেছে। সে আলোকে এবং মন্দিরের পূজারী-বৃন্দের গমনাগমনে বেশ একটা প্রশান্ত ভাব অনুভব করিতেছিলাম। কয়েকজন বাঙালী ভদ্রলোক ও বাঙালী মহিলার সঙ্গেও আলাপ-পরিচয় হইল। তাঁহার কেহ তীর্থযাত্রী, কেহ বা এখানে বায়ু-পরিবর্তনের জন্য আসিয়াছেন।

এখানকার প্রধান দেবমূর্তি নৃসিংহদেব। তাহা শিবলিঙ্গের অভ্যন্তরে সংস্থাপিত। চৈত্র মাসের শুক্লা একাদশী ও বৈশাখের

ষোড়শ শতাব্দীতে উড়িষ্যার রাজা গজপতি প্রতাপরুদ্রের যুগে চলিতেছিল, সে সময়ে কৃষ্ণদেব রায় ১৫১৬ খ্রীষ্টাব্দে ও ১৫১৯ খ্রীষ্টাব্দে দুই বার নৃসিংহদেবকে দর্শন করেন। সে সময়ে তিনি দেবতাকে বহু মূল্যবান মণিবস্ত্রচিত্র, অলঙ্কার দান করেন এবং মন্দিরের পূজা, রক্ষণাবেক্ষণ, দেবতার ভোগ, দৈনিক পূজা ইত্যাদির ব্যয়নির্বাহার্থ কয়েকটি গ্রামের রাজস্ব দান করেন। কৃষ্ণদেব রায় প্রদত্ত দেবতার অলঙ্কারের কিছু কিছু এখনও মন্দিরে আছে। সেই সকল অলঙ্কার সেকালের অন্ধ শিল্পীদের শিল্পনৈপুণ্যের পরিচায়ক। কৃষ্ণদেব রায় উড়িষ্যার নৃপতি গজপতির উপর মন্দির



সীমাচলম্ মন্দিরের পথে



ইতিহাস-কংগ্রেসের বাঙালী সদস্যদ্বয়

শুক্লা তৃতীয়ার মহাসমারোহে পূজা এবং উৎসব হয়—চৈত্র মাসে হয় পঞ্চদশব্যাপী উৎসব, বৈশাখের উৎসব একদিন। সেই সময় নৃসিংহদেবের শিবলিঙ্গরূপী আবরণ অপসারিত করা হয়। যাত্রীরা দেবমূর্তির প্রকৃত রূপ দেখিয়া ধস্তা হন। উভয় উৎসবেই দেশ-দেশান্তর হইতে বহু যাত্রীর সমাগম হয়। এই পাহাড়ের নাম সীমাচলম বলা হয় কেন—মন্দিরের পুরোহিত তাহার উত্তরে বলিলেন, মন্দিরের অধিষ্ঠিত দেবতা নৃসিংহ হইতেই এই মন্দিরের ও পার্শ্বতের নাম হইয়াছে। সিংহ-অচলম, সিংহাচলম—ক্রমে রূপান্তরিত হইতে হইতে সিম্বাচলম এবং লোকের মুখে-মুখে দাঁড়াইয়াছে সীমাচলম।

বিজয়নগরের বিখ্যাত নৃপতি কৃষ্ণদেব রায়ের সহিত যখন

রক্ষণাবেক্ষণের ভার দিয়াছিলেন। রাজা গজপতির পতনের পর গোলকুণ্ডার কুতবশাহী সুলতানেরা এই মন্দির বিধ্বস্ত করেন, বহু স্তম্ভ, মূর্তি এবং দুর্গের ধ্বংসসাধন করেন। হুম্মান দরোয়াজার কাছে প্রাচীন দুর্গের কতকটা ধ্বংসাবশেষ দেখিলাম। কুতবশাহী সুলতানদের সামন্তনৃপতি ভিজিয়ানাগ্রামের অধীশ্বর পুনরায় মন্দিরের সংস্কার করেন; মন্দিরের সর্ববিধ ব্যয়নির্বাহার্থ ভূমিদান, অর্থদান করিয়া ইহার পূর্বগৌরব ও সমৃদ্ধি রক্ষা করিয়াছিলেন। তদবধি ভিজিয়ানাগ্রামের রাজারাই মন্দিরের পরিচালক। বর্তমান সময়ে ভিজিয়ানাগ্রামের নৃপতি শ্রীরাজা পঞ্চপতি ভিজিয়ানাম গজপতি বাহাদুর মন্দিরের ঠাট্টি। এখন অবশ্য কতকটা পরিবর্তন হইয়াছে।

আট শ' ফুট উচ্চ পর্বতোপরি বৃহৎ প্রস্তর আনিয়া এমন করিয়া বাহারা এই মন্দির নির্মাণ করিয়াছিলেন তাঁহাদের দেবতার প্রতি ভক্তি ও শ্রদ্ধাব্যঞ্জনা হয় না। কত অর্থব্যয়, কত অধ্যবসায় ও পরিশ্রমে মন্দির নির্মিত হইয়াছে, যাত্রীগণের সুবিধার জন্ত সোপান তৈরি হইয়াছে তাহা ভাবিলে বিস্মিত হইতে হয়। স্তম্ভ বৎসরের বৃক্ষ আমি, আমিই যে শুধু পর্বতারোহণের সময় তিন-চার বার বিশ্রাম করিয়াছি তাহা নহে—পর্বতারোহণে অনভ্যস্ত অনেক সৰল ব্যক্তিকেও বহুবার বিশ্রাম করিতে দেখিয়াছি। অবশ্য অক্ষমের পক্ষে উঠিবার জন্ত ডুলির ব্যবস্থাও আছে। পাণ্ডাদের ব্যবহার ভঙ্গ—কোন জোয়জুলুম নাই। বেশ হাসিখুশি। উপরে উঠিয়া সাক্ষাৎ হইল দুইটি বাঙালী তরুণী সদস্তার সঙ্গে। তাঁহারাও মাঝে মাঝে বিশ্রাম করিয়া উঠিয়াছেন বলিলেন। দর্শনাদি শেষ করিয়া নীচে প্রায় এগারটার সময় নামিয়া আসিলাম এবং অল্প পরেই বাস চলিল। বেলা ১২টা ১০ মিনিটে হোট্টেলে ফিরিয়া আসিলাম।

এখন আবার ঐতিহাসিক সম্মেলনের কথা বলি। নানা স্থানে সম্মেলনের বিভিন্ন শাখার অধিবেশন হইতেছিল। প্রত্নতত্ত্ব-বিভাগের অধ্যক্ষ শ্রীযুত অমলেন্দু ঘোষ আমার বহুদিনের পরিচিত বন্ধু—“শিঙাভাষী”তে ‘আমাদের দেশ’ শীর্ষক বিভাগে ‘ভারতবর্ষের ইতিহাস’, ‘আদি-ভারতের ইতিহাস’ তিনিই লিখিয়াছিলেন। এইবার অনেককাল পরে তাহার সঙ্গে সাক্ষাৎ হইল। অনেক কথাও হইল। প্রত্নতত্ত্ব ও ইতিহাস সম্পর্কে তাঁহার বক্তৃতাটি বড়ই চিত্তাকর্ষক হইয়াছিল। মাটির হাড়ি, কলস এবং বিভিন্ন পাত্রাদি হইতে কেমন করিয়া আমরা আদিযুগের ইতিহাসের সন্ধান পাই এবং বর্তমানকালের সঙ্গে তাহার ঘনিষ্ঠ সম্পর্কও বুঝা যায়, তাহা বাস্তবিকই বিস্ময়কর। মহেঞ্জোদাড়ো, হরপ্পা প্রভৃতি আবিষ্কৃত হওয়াতে যে সকল যুক্তি-নির্মিত কল্পনাদির সন্ধান পাওয়া গিয়াছে, তৎসমুদয় সম্বন্ধে আলোচনা দ্বারা ঐতিহাসিকেরা সেকালের সমাজ, ধর্ম ও জাতিগত রীতিনীতি আচার-অনুষ্ঠানের সন্ধান পাইতে পারেন।

অস্ত্রাশ্রয় শাখার সভাপতিগণের পঠিত প্রবন্ধের মধ্যে ডক্টর অনিল বন্দ্যোপাধ্যায়ের “Modern India” আমার ভাল লাগিয়াছিল—তাহাতে লেখকের অস্তিত্বের পরিচয় পাওয়া যায়, স্বাধীনতার ইতিহাস লেখা সম্পর্কে এই প্রবন্ধে যে ইঙ্গিতটুকু আছে তাহা প্রশংসনীয়। বিভিন্ন শাখায় অনেক প্রবন্ধ পঠিত হইয়াছিল।

এই অধিবেশনের সহিত একটি পুরাতত্ত্ব সম্পর্কিত প্রদর্শনীও হইয়াছিল। প্রদর্শনী ও নানা প্রত্নতত্ত্বের সংগ্রহ বেশ চিত্তাকর্ষক—এস. সোমশেখর শর্মা ইহার উদ্বোধন করেন। তামিল ও অন্যান্যদেশের বিভিন্ন স্থানে যে সকল প্রত্নচিহ্ন আবিষ্কৃত হইয়াছে তাহার চিত্রগুলি ছিল কোতুলোদীপক। মাহুয়া, কাশীপুরম, কাবেরীপুষ্কিনাম, গানাইকোণ্ডাচেলম, বেদি, মেন্ডুপুর,

কলিঙ্গনগর প্রভৃতি স্থানে বহু স্বাধীন নৃপতি রাজত্ব করিয়া গিয়াছেন, তাঁহাদের রাজধানী ও নিকটবর্তী যে সকল স্থানের ঐতিহাসিক কীর্তিমণ্ডিত কাহিনীরঞ্জিত স্তূপ, রাজধানী ও মন্দিরের ধ্বংসাবশেষ আছে, সেই সকল স্থান খনিত হইলে কতই না প্রাচীন ইতিহাসের উপাদান সংগৃহীত হইতে পারে। কি পুরাতত্ত্ব বিভাগ, কি বিশ্ববিদ্যালয় কেহই এদিকে মনোযোগী হন নাই। কোন ধনী ইতিহাসামুরাগীও লক্ষ্যও এদিকে পড়ে নাই।

প্রদর্শনীতে অনুপ্ররাজ্যের প্রাগৈতিহাসিক কীর্তিচিহ্ন, বৌদ্ধ-যুগের নিদর্শন, তাম্রশাসন ও শিলালেখ, কতক কটোগ্রাফ, কতক তাম্রশাসন ও শিলাকলক, প্রত্নতত্ত্ব এবং গিরিমন্দিরের চিত্রগুলি এমন সুন্দরভাবে সাজানো হইয়াছিল যে, তাহা হইতে অতি সহজেই গিরিমন্দিরের ক্রমবিকাশের ধারা বুঝিতে পারা যায়। অজস্র ত কথাই নাই।

আমোদ-প্রমোদের জন্ত অভিনয়ের ব্যবস্থাও ছিল। ২২শে তারিখ রাত্রিতে ইংরেজীতে ওথেলো এবং তেলুগু নাটক—বিশ্বান-তারা অভিনয় অতি সুন্দর হইয়াছিল। মুক্ত আকাশতলে সমুদ্র-বায়ুহিল্লোলে পুলকিত দেহ ও মনে অভিনয় আমাদের বেশ আনন্দ দিয়াছিল।

৩১শে ডিসেম্বর সাড়ে আটটার সভা আরম্ভ হইয়া বেলা একটার শেষ হইল। তার পর অপরাহ্ন আড়াইটার সময় বিশাখা-পত্তন বন্দর, জাহাজ নিষ্কাশনের কারখানা প্রভৃতি দেখিলাম। লঞ্চে করিয়া বন্দরের চারিদিক এবং সমুদ্রমধ্যে থানিকটা ঘুরিয়া আনন্দবোধ করিলাম।

বিশাখাপত্তন শহরের কথা এবার কিছু বলিব। ওয়ালটেয়ারের নগরোপকণ্ঠে বিশাখাপত্তন অবস্থিত। শহর খুব বড় নয়। পথ অপ্রশস্ত, স্থানে স্থানে কোথাও প্রশস্তও রহিয়াছে। আবহাওয়া ও অপরিচ্ছন্নতা সর্বত্র চোখে পড়ে। বর্তমানে পথের অনেক উন্নতি হইয়াছে। বিশাখাপত্তনের উত্তরে ওয়ালটেয়ার। দক্ষিণে সমুদ্রশাখা। যাকে বলে Back water। সেখানে একটি তরুলতাগুণ্ড-সমাক্রম সুন্দর শ্রামল পাহাড়। এই পাহাড়টিকে আকৃতিগত বৈশিষ্ট্যের জন্ত বলা হয় ডলফিনস নোজ। উপরে উঠিবার সিঁড়ি আছে। বর্তমানে পথটি বেশ সুগঠিত। পাহাড়টির উপরে একটি সুন্দর বাড়ী দেখিলাম। সেখানে লঞ্চে চড়িয়া বেড়াইবার সময় দেখিয়াছিলাম সুন্দর ফুলের বাগান।

ডলফিনস নোজের সামুদ্রেশে অপর একটি পাহাড়ে দেখা গেল হিন্দুর মন্দির, খ্রীষ্টানের গীর্জা ও মুসলমানের মসজিদ। তাহাদের সুগঠিত ধ্বলজ্বী চূড়া ও গম্বুজ অতি সুন্দর। এক সময়ে এই শহরে ওলন্দাজদিগেরও উপনিবেশ ছিল। একটি নামমাত্র দুর্গ আছে। রামকৃষ্ণ মঠও আছে একটি। সেখানকার স্বামিনী মন্ত্রদেশবাসী। তিনি পরিষ্কার বাংলা বলেন বলিয়া বন্ধুজনের মুখে শুনিলাম।

এখানকার কয়েকটি শিল্পদ্রব্য বিশেষ প্রসিদ্ধ। গজদন্তনির্মিত

ক্রমা, মহিষের শৃঙ্গের ও চন্দনকাঠের কারুকার্য, কাগজ-কাটা ছবি, ফটোগ্রাফ, কলমদানি, বটি, ঘড়ি ও অজুযীরের বাক্স প্রভৃতি আছে।

ওয়ালটেরার প্রাকৃতিক সৌন্দর্যের লীলানিকেতন। পুরীতে শুধু বালুকাস্তীর্ণ সমুদ্রতট; আর এখানে পাহাড়, জঙ্গল, সমুদ্র একাধারে দেখিতে পাওয়া যায়। ওয়ালটেরারে হাট-বাজার দেখি নাই। গুলিলাম বিশাখাপত্তন হইতে সব সংগ্রহ করিতে হয়।

এখানকার ব্রাহ্মণ ও বৈশ্যেরা মৎস্য-মাংস খান না। শূদ্রেরা মাছ-মাংস খান। অনেকে ভাতের পরিবর্তে এক বেলা মাগুরার জাউ খাইয়া থাকেন।

বিশাখাপত্তনকে সহজ কথায় বলা হয় ভাইজাগ। বিশাখাপত্তনের নাম হইয়াছে বিশাখাদেবীর নাম হইতে। পূর্বে সমুদ্রতটে বিশাখাদেবীর মন্দির ছিল। এখন তাহা সমুদ্রগর্ভে বিলীন হইয়াছে। ওয়ালটেরার হইতে সমুদ্রতট দিয়া বিশাখাপত্তন ঘাইবার সুন্দর পথ। বামে পূর্বদিকে সমুদ্রের বিচিত্র তরঙ্গভঙ্গ আর দক্ষিণে তালীবন-শ্রেণী। সমুদ্রের তীরে ছোট-বড় গণ্ডশিলা—সারি বাধিয়া বহুদূর পর্যন্ত স্তূপের সৃষ্টি করিয়া চলিয়াছে। কোনটি একেবারে জলের মধ্যে নামিয়াছে :

‘ছোট-বড় গণ্ডশিলা পড়ে জলের তীরে,—

করী ঘেন কবত মাধে নেমেছে নীল নীরে।’


আর তীরে তীরে বালুর স্তূপে কড়ি-ঝিনুক মেলা। সমুদ্রসৈকতে একপ্রকার লতাগাছ। বালির মধ্যে বাড়িয়া চলিয়াছে নীল ছোট ছোট ফুল, বড় সুন্দর। ওয়ালটেরার হইতে বিশাখাপত্তন ঘাইতে রাস্তার পাশে সমুদ্রের দিকে ছোট-বড় পাহাড়। পাহাড়ের নীচে অদূরে সাগর। এখানকার রমণীরা অত্যন্ত পরিশ্রমী। পথে দুই জন ধীবর-নারীকে মাথায় মাছের পসরা লইয়া ঘাইতে দেখিলাম। বেশ বড় বড় সামুদ্রিক মৎস্য—দাম সুন্দর।

শিক্ষাপ্রসারের সঙ্গে সঙ্গে এদেশে নারীদের মধ্যেও শিক্ষার প্রচলন বাড়িতেছে। হোষ্টেলের কয়েকটি শিক্ষিত যুবকের সঙ্গে স্ত্রীশিক্ষা ও এদেশের জনশিক্ষা সম্বন্ধে আলাপ হইল। তাঁহারা বলিলেন, ধীরে ধীরে আমাদের দেশের অশিক্ষিত লোকেরা শিক্ষার প্রতি অমুরাগী হইতেছে, তবে খুব দ্রুত কিছুই হইতেছে না। এ বিষয়ে আমাদের সামাজিক বাধাবিঘ্নও যথেষ্ট আছে। একটি ছেলে আমাকে বলিল, আমি ব্রাহ্মণ নই, সেজন্য সমাজে ব্রাহ্মণদের কাছে আমরা এখনও মূগিত। অনেকেরই মুণ্ডিত কেশ, নগ্ন পদ দেখিলাম। কলেজের ছাত্রদের সকলেরই ইংরেজী পোশাক পরা। আমাদের সঙ্গে ইংরেজীতেই কথাবার্তা হইয়াছে। ছোট ছোট ভৃত্যেরাও ভাঙ্গা ভাঙ্গা ইংরেজীতে কথা বলে।

এখানে সমুদ্রতীরে বসিলে দেখা যায়, জেলেরা কয়েক বগু কাঠ একত্রে বাধিয়া তাহাতে আরোহণপূর্বক দূর সমুদ্রে মৎস্য ধরিতেছে। অসাধারণ সাহসী ও পরিশ্রমী এই ধীবরদের কর্মতৎপরতা দেখিলে বিম্বিত হইতে হয়।

ইহারা তালপত্রে ছাওয়া, একধারবিশিষ্ট নিত্যস্ত নীচ ঘরে বাস করে। গৃহের মেঝে মৃত্তিকা হইতে এক হাতের বেশী উঁচু নহে। ঘরের দেওয়াল মাটির। চাল মৃত্তিকার উপর হইতে দুই বা আড়াই হাতের বেশী উচ্চ নহে। প্রাচীরগাত্র বিচিত্র আঙ্গিনা ঘরা চিত্রিত—বেথা ও বিন্দু-রচিত।

ভারতীয় ইতিহাস সম্মেলনে আসিয়া দেখিলাম বিভিন্ন প্রদেশ-বাসীরা বাঙালী ঐতিহাসিকগণের প্রতি শ্রদ্ধাবান। পঞ্চাশের মেলা-মেশার অবসর বড় হয় নাই। বাঙালীদের মধ্যেও সমায়ত্ত্বাব,



সীমালম্, নৃসিংহদেবের মন্দিরের কারুকার্য

বিভিন্ন শাখায় অধিবেশনে যোগ দেওয়ার সময় করিতে পারেন নাই। সভায় উপস্থিতি, ভোজন, ভ্রমণ ও বিশ্রান্তালাপেই এই তিনটি দিন অতিবাহিত হইয়াছে। ঐতিহাসিক সম্মেলনের সম্পাদক ডক্টর প্রভুস গুপ্ত সভা পরিচালনা করিয়াছেন ধীর ও শান্তভাবে। তাঁহার প্রতি প্রত্যেক প্রদেশবাসী সদগুণ শ্রদ্ধাচিত দেখিলাম।

এখানে আমার পুরীতন বন্ধু পরমানন্দ আচার্য্যকে দেখিয়া পরম শ্রীতিলাভ করিলাম, তিনি এখন তুবনেখরে আছেন, বহু দিন পরে দেখিতে পাইয়া অতীতের কত কথাই বলিলেন। আর পাইলাম

আমার তরুণ বন্ধু পাণ্ডিত্যহীনে, সে আমার কলিকাতার বাসায় কত দিন আসিয়াছে—সে আমাকে ভুলে নাই। আমি ভুলিয়াছিলাম। বিচিত্র ভ্রমণের সময় পরমানন্দ মহাশয় নানা ভাবে সাহায্য করিয়াছিলেন, তাঁহারও চেহারার অনেক পরিবর্তন হইয়াছে। পাণ্ডিত্যহী এখন যুবক, অধ্যাপকরূপে কৃতিত্ব অর্জন করিয়াছে।

মহারাজা আলামবাজার ও তাঁহার স্ত্রী থাকিতেন পথে বীচ হোটেলে। হোটেলটি সমুদ্রের উপর। নারিকেল ও তালীবন-যেষ্টিত, সম্মুখে অনন্ত পায়বায়। চক্রবালরেখায় নীল জল আর নীল আকাশের মিলন। বড় সুন্দর—কোথাও গভীর নীল, কোথাও কৃষ্ণবর্ণ, তাহ তুলনা মিলে না। সন্ধ্যার পর দূরে আলোকোজ্জ্বল অর্ণবপোত চলিতেছে, ডলফিন্‌স নোজের দিকে আলোকস্ফোরকের চঞ্চল আলো নাচিয়া বেড়ায়, ছুটিয়া বেড়ায় কখনও বা নিবিয়া যায়। সে এক অপূর্ণ দৃশ্য।

কবি গিরীন্দ্রমোহিনী অনেক দিন ওয়ালটোয়ারে ছিলেন।

এখানে আসিয়া তাঁহার লিখিত 'সমুদ্রদর্শনে' কবিতাটি মনে পড়িতেছিল—বিদায়ের বেলা সমুদ্রকে প্রাণ ভরিয়া নরন ভরিয়া দেখিয়া মনে হইতেছিল :

“এমনি চঞ্চল জীবন-বারিধি
নাহিক এমনি আশার অবধি
হেন ভীমস্রোত বহে নিরবধি
সতত হুয়াশা-কূলে।

এমনি সঞ্জন, এমনি তবল,
এমনি উদ্যম, এমনি প্রবল
এমনি ছুটিয়া কবি কলকল,
লুটিয়া বেলায় কোলে।”

দ্বিতীশবাবু ও আমি এক গাড়ীতে কিয়লাম। প্রভাতচন্দ্র

বামেশ্বরের দিকে চলিয়া গেলেন।

শুকতারা

শ্রীসবিতা চৌধুরী

তোমার নির্মল দৃষ্টি সজল করুণ
জননীর স্নেহ-স্পর্শ সেখায় মেশানো,
তোমার ইঙ্গিতে আসে প্রভাত অরুণ
আলোকের রশ্মি-রথে। শিশির-ভেজানো
শ্রামল তৃণের শীর্ষে তোমার আশিস
হীরকের দীপ্তি সম জলে সর্গোরবে।
তোমাতে শ্রিয়য়া বুঝি ধরা অহর্নিশ
বায়ুতে সিঞ্চিত করে কুসুম-সৌরভে ?
তুমি কি রাতের অশ্রু, রুদ্ধ-বেদনার ?
যন্ত্রণার নিষ্পেষণে নীল-হ্রাস্তিময় ?
না তুমি হুঃস্বপ্নভরা রাত্রে সান্ত্বনার
মূর্ত্তি বাণী, মানবের দাত্রী বরাভয় ?
অন্ধকার-সমাচ্ছন্ন নিদ্রিত পয়ণ
তোমার ইঙ্গিতে পায় আলোর সন্ধান।

পূর্ণিমায় পল্লীগাম

শ্রীসুধীর গুপ্ত

পূর্ণ-চন্দ্র আনন্দ-কমল ফুটিল রে
নীলাশ্বর-সরোবরে, বজ্রত-ধবল
ফুল্ল-দল বিস্তারিয়া ; শ্রামল—কোমল
সুমন্ত পল্লীর বল্লী-বীথিকার পরে,
বেণু-বনে, বাপী-বারি লহরে—লহরে
শুভ্র হাসি শিহরিছে ; সুন্দর-নীতল
ঝলিছে শিশির-কণা ; মেলিতেছে দল
মালধের শতদল শাস্ত্র লীলাভরে।
পূর্ণ চন্দ্র পদ্ম-মধু—কবিছে জোছনা
সুপ্তি-স্বপ্ন-মুগ্ধ-মতি পল্লীর হিয়াতে।
অকস্মাৎ আনন্দেতে আমি অকমনা
হেয়লাম, হেমন্তের চন্দ্র-কান্ত রাতে
রুদ্ধ বর্জ্জুরেয়ও বীথি আনন্দাঙ্ক ফেলে ;
তাল-তরু উর্ক-লোকে ডানা বুঝি মেল।

পরিব্রাজক শ্রীশ্রীকৃষ্ণানন্দ স্বামী

শ্রীকুমুদবন্ধু সেন

বাংলা সালের ত্রয়োদশ শতকে আমাদের দেশে যে-সব শ্রমণীয় মনীষী ও মহাপুরুষের আবির্ভাব হয়েছে স্বামী কৃষ্ণানন্দ ছিলেন তাঁদের অন্ততম। আজ এই সভায়* তাঁর জীবন-কথা নিয়ে কিঞ্চিৎ আলোচনা করতে আমি আপনাদের মতন বিদ্বান ও সুধীবৃন্দের সম্মুখে উপস্থিত হয়েছি। সাহিত্যিক বলে স্পষ্টা করবার আমার হৃঃসাহস নেই, দোষত্রুটির জন্তু আপনারা নিজগুণে আমাকে ক্ষমা করবেন। সাহিত্যসম্রাট বঙ্কিমচন্দ্র যার গীতার্থ সন্দীপনী পাঠ করে লিখেছিলেন “ইহার ভাব ও রচনা চিরদিন বাংলা ভাষায় অপূর্ব রত্নরূপে বিরাজিত থাকিবে”, এই সাহিত্য-বাসরে তাঁর বিষয় আলোচনা অশোভন হবে না।

ত্রয়োদশ শতকের মধ্যভাগেই পাশ্চাত্য-শিক্ষা ও সংস্কৃতি শিক্ষিত বাংলার চিন্তে প্রাচীন ভারতের গতানুগতিক ধর্মের অমুঠান, সামাজিক দীতি-নীতি, আচার-ব্যবহার ও শাস্ত্রাদির বিরুদ্ধে একটা বিদ্রোহের ভাব জাগিয়ে তুলেছিল। এই রূপান্তরের ও সংঘর্ষের যুগে ১২৫৬ সালের ১৭ই শ্রাবণ মঙ্গলবার হিম্মোল দাদনী তিথিতে গোধূলিলগ্নে পিতা কবিরাজ ঈশ্বরচন্দ্র কবিভূষণের গৃহে, হুগলী জেলার গুপ্তিপাড়া গ্রামে শ্রীকৃষ্ণপ্রসন্ন সেন জন্মগ্রহণ করেন। মাতা ভবসুন্দরী দেবী ভক্তিপ্রিয়া রমণী ছিলেন। এই শ্রীকৃষ্ণপ্রসন্ন পবে তাঁহার গুরুদত্ত নাম শ্রীকৃষ্ণানন্দ স্বামী নামে—হিন্দী ও বাংলা ভাষায় ভারতের অদ্বিতীয় বক্তা এবং ধর্মপ্রচারক বলিয়া প্রসিদ্ধ হন। গুপ্তিপাড়া ভাগীরথীতটবিশিষ্ট পুণ্যতীর্থ গ্রাম, এখানে প্রাচীন শ্রীশ্রীবন্দ্যবনচন্দ্রের মন্দির রয়েছে। শ্রীকৃষ্ণপ্রসন্ন প্রথম স্থানীয় ব্রাহ্মচারী গুরুমহাশয় গোবিন্দচন্দ্র মুখোপাধ্যায়ের পাঠশালায় অধ্যয়ন করেন। পবে মাতুলস্থান কালনায় ইংরেজী মিশনারি বিদ্যালয়ে কিছুকাল পাঠ করে বহরমপুরে মামাতো ভাই সুপ্রসিদ্ধ শ্রীচরণ কবিরাজের নিকট অবস্থান করেন। সেখানে ছাত্রবৃত্তি পরীক্ষায় উত্তীর্ণ হন ও পরে কলেজিয়েট স্কুলে অধ্যয়ন করতে থাকেন। শ্রীচরণ কবিরাজ বহরমপুরের দানশীলা মহারানী স্বর্ণময়ীর গৃহ-চিকিৎসক ছিলেন। সে কারণ মহারানীর গৃহে ব্রাহ্মণপণ্ডিতদের শাস্ত্রালোচনা শুনবার ও তাঁদের সংস্পর্শে আসবার সুযোগ শ্রীকৃষ্ণপ্রসন্নের হ'ত। কীর্তন ও বাজাতিনয়ে তাঁর খুব উৎসাহ ছিল। কিশোর বয়সেই তিনি গীত-রচনা করতেন, পরে এই গীতগুলি “সঙ্গীত মঞ্জরীতে” প্রকাশিত হয়। সাংসারিক, পারিবারিক বিপদে ও আর্থিক অনটনের জন্তু মুন্সেবে বেলে তিনি কার্ঘ্য গ্রহণ করেন। অখণ্ড ব্রহ্মচর্য্য তিনি কিশোর বয়স থেকেই পালন করতেন। যৌবনেও তা অটুট ছিল—শ্রীকৃষ্ণপ্রসন্ন দারপরিগ্রহ করেন নাই। বেলে চাকুরিতে ছুটি নিয়ে ভারতের নানা তীর্থ-

দর্শন ও দেশ-পর্যটন করেন। তৎকালে “সোমপ্রকাশ” ও “হাওড়া ইতকরী” দুইখানি পত্রিকায় তাঁর ভ্রমণবৃত্তান্ত প্রকাশিত হয়েছিল। সেই সব প্রবন্ধে দেশের আধ্যাত্মিক ও সামাজিক সমস্যা নিয়ে তিনি আলোচনা করেছেন। মুন্সেবের কটহারিণী ঘাটেই এক দিন সিদ্ধ মহাপুরুষ দয়ালদাস মহারাজ প্রসন্ন দৃষ্টিতে জনতার ভিতর থেকে যুবক শ্রীকৃষ্ণপ্রসন্নের নিজের কাছে ডেকে নেন এবং গঙ্গাতীরে তাঁকে ব্রহ্মমন্ত্রে দীক্ষিত করেন। দীক্ষাকালে বাবা দয়ালদাস তাঁকে বলেছিলেন, “যদি অরূপকে রূপের ভিতর দর্শন করতে চাও তবে তোমার দৃষ্টিকে অন্তর্মুখী কর।”

শ্রীকৃষ্ণপ্রসন্ন দেখতে পেলেন—ইংরেজী শিক্ষিত যুবকেরা হিন্দুর সনাতন আদর্শ বিশ্বৃত হয়ে পাশ্চাত্য ভাবে বিজ্ঞান হচ্চে। তিনি মুন্সেবে আর্ষাধর্মপ্রচারিণী সভা, সুকুমার বালকদের বালাকালে সদাচার ও সুনীতি শিক্ষা দিবার জন্তু সুনীতিসংকারিণী সভা স্থাপন করেন। তাঁর চরিত্র-মাধুর্য্যে, পাণ্ডিত্যে, ধর্মনিষ্ঠায় ও অমায়িক ব্যবহারে অনেকে তাঁকে শ্রদ্ধা করতেন। তাঁর হিন্দুশাস্ত্রাদির অপূর্ব ব্যাখ্যা, সহজ সরলভাবে ওজস্বিনী ভাষায় বক্তৃতা শুনে সকলে মুগ্ধ হতেন। শহরের আবালবৃদ্ধবনিতা হিন্দুধর্মের প্রতি প্রগাঢ় শ্রদ্ধাভক্তিসম্পন্ন হলেন। চারিদিকে শ্রীকৃষ্ণপ্রসন্নের খ্যাতি ছড়িয়ে পড়ল।

শ্রীকৃষ্ণপ্রসন্ন বাংলাভাষার গ্রাম হিন্দী ভাষাতেও সুপণ্ডিত ছিলেন। তিনি অতি সুসলিল হিন্দীতে ওজস্বিনী ভাষায় বক্তৃতা করতেন। হিন্দুস্থানী শ্রোতার যুগপৎ শ্রদ্ধা ও বিশ্বাসে তা শুনতেন। বাংলা ও হিন্দী ভাষায় তিনি “ধর্মপ্রচারক” নামে একটি মাসিক পত্রিকা প্রকাশ করেন। হিন্দী ভাষায় যুক্তিতর্ক সহকারে প্রবন্ধ-রচনার তাঁর অপূর্ব প্রতিভা ও অসাধারণ দক্ষতা দেখে কানীধামের হিন্দী পণ্ডিতমণ্ডলী তাঁর প্রতি আকৃষ্ট হলেন। কানীধামের শ্রীমদ্-বিগ্গহানন্দ স্বামী, মহামহোপাধ্যায় বাসুদেব শাস্ত্রী, শ্রীরামমিশ্র শাস্ত্রী প্রভৃতি ও অজ্ঞাত সাহিত্যাচার্য্যগণ সরস্বতীর বয়পুত্র, পরিব্রাজক, কুমার শ্রীকৃষ্ণপ্রসন্নের উৎসাহদাতা ছিলেন এবং তাঁর সঙ্গে মিলিত হলেন। একথা মুক্ত কণ্ঠে বলতে পারি, শ্রীকৃষ্ণপ্রসন্নের পূর্বে আর কোন বাঙালী হিন্দী ভাষায় বক্তৃতা, পত্রিকা-প্রকাশ ও পাণ্ডিত্যপূর্ণ প্রবন্ধ রচনা করেন নি এবং হিন্দুস্থানী শ্রেষ্ঠ ব্যক্তিদের কাছে আজ পর্যন্ত এমন সম্মান লাভ করেন নি।

শ্রীঠান মনীষীবৃন্দ ও বাগ্মী কেশবচন্দ্রের অগ্নিময়ী বাণী হিন্দুসমাজে আলোড়ন তুলেছিল। সুপণ্ডিত, সুবক্তা শশধর তর্কচূড়ামণি, বাগ্মী শ্রীশিবচন্দ্র বিজ্ঞানব্রহ্মচূড়িত তাঁদের গতিবোধের জন্তু পাড়িয়ে-ছিলেন। এই সব পণ্ডিতমণ্ডলী পরিব্রাজক শ্রীকৃষ্ণপ্রসন্নের যুক্তিতর্ক-সহ শাস্ত্রসিদ্ধান্তের ব্যাখ্যা, গভীর শাস্ত্রজ্ঞান দেখে বিস্মিত হন ও

* রবিবারের ২২শ অধিবেশন (১৩৫২)

তার সহিত যোগদান করেন। পরীতে পরীতে হরিসভা, শাস্ত্রপাঠ, স্থনীতিসকারিণী সভার প্রতিষ্ঠা, সংস্কৃত বিদ্যালয় ও চতুর্পাঠী স্থাপিত হ'ল এবং সমগ্র বাংলা বিহার উড়িষ্যা ও আসাম পর্ষাৎ হরিসঙ্কীর্ণনে মুখরিত হয়ে উঠল। হিন্দু কুটির সেই সঙ্কটকালে শ্রীকৃষ্ণপ্রসন্নের সাধনার হিন্দুজাতি ঘেন আত্মসম্বিং ক্রিয়ে পেল।

মাতার মৃত্যুর পর পরিব্রাজক শ্রীকৃষ্ণপ্রসন্ন বাবা দয়ালদাসের নিকটে সন্ন্যাসগ্রহণ করলেন। অত্যন্তকালেই পরমহংস পরিব্রাজকচাৰ্য্য শ্রীকৃষ্ণানন্দস্বামী'র যশঃপ্রভা ভারতের সর্বত্র পরিব্যাপ্ত হ'ল।

শ্রীকৃষ্ণানন্দে'র কর্মশক্তি চিন্তা করলে বিশ্বয়ে হৃদয় পরিপূর্ণ হয়। এক দিকে সমগ্র ভারতের নানা স্থানে প্রচার ও বক্তৃতা, ইংরেজী, হিন্দী ও বাংলা ভাষায় মাসিক পত্রিকা সম্পাদন, পাণ্ডিত্যপূর্ণ প্রবন্ধরচনা, ইংরেজী ভাষায় 'Motherland' নামক সাপ্তাহিক পত্রিকা প্রকাশ, মুদ্রাবন্দ স্থাপন; অপর দিকে ভাষাটীকাসহ প্রাঞ্জল বাংলা ভাষায় নিরুক্ত গীতার্থ সঙ্গীতনীতে গীতার গুঢ় তাৎপর্য্য ও তৎস্ববিচার, নারদ ও শাশ্বিন্দ্রের বিশদ ব্যাখ্যা, ভক্তি ও ভক্তের মহিমা বর্ণনা, বাস-নীতা, শব্দার্থসার, মণিরত্নমালা, পঞ্চমুখ, স্বপ্নতন্ত্র, যোগ ও যোগী এবং স্তমধুর হিন্দী ও বাংলা ভাষায় সঙ্গীতাবলী রচনায় নিবৃত—এক দিকে ভারতে পাশ্চাত্যভাবে অসুপ্রাপিত সমাজসংস্কার, ধর্মের ও শাস্ত্রাদির বিকৃত ব্যাখ্যায় পারমাধিক অবনতির প্রতিরোধ করবার ঐকান্তিক উদ্যম ও চেষ্টা; অপর দিকে হিন্দুধর্মের সনাতন আদর্শে নানা প্রতিষ্ঠান গড়তে বাস্তব সমাজে তনীতি অনাচার বিজাতীয় অসুখরূপ দূর করতে দৃঢ়সঙ্কল্প। অক্লান্তকর্মী একদিকে তিনি আপামর সাধারণের মাঝখানে দাঁড়িয়ে অসুলিনির্দেশে বঙ্গগম্ভীর হয়ে প্রকৃষ্ট পথ দেখিয়ে দিচ্ছেন—অপর দিকে কাশীধামে বিশ্বনাথ ও অন্নপূর্ণার মন্দিরের অদূরে যোগাশ্রম স্থাপন করে তাতে অন্নপূর্ণার বিগ্রহ প্রতিষ্ঠা করে মাতৃভাবে মাতোয়ারা বালক। একদিকে তিনি হিতপ্রসক্ত আত্মত্যাগী কোর্পীনসম্বল নিকিঞ্চন গৈরিকধারী মুণ্ডিতমস্তক পরমহংস সন্ন্যাসী, অপর দিকে নিষ্কাম পরহিতব্রতী দেশপ্রেমিক দেশসেবক কর্মযোগী। একদিকে বক্তৃতার জলন্ত আগেরগিরির অগ্নিময় উচ্ছ্বাস, অপর দিকে ভক্তিবিগলিত হৃদয়ে গদগদ কণ্ঠে মাতৃনামে বিভোর—কথায় গানে ভাবের নিখরিনী হয়ে যাচ্ছে।

স্বামী শ্রীকৃষ্ণানন্দে'র বক্তৃতা অনর্গল গৈরিক-প্রপাতি-ধারায়, স্তমধুর শব্দস্রবময়, ভাষায় ভাবসম্পদে শ্রোতাদের মনে বিশ্বয় ও অন্ধা সঞ্চার করত। টাউন হলে তাঁর প্রথম বাংলা বক্তৃতা হাইকোর্টের বিচারপতি স্তার গুরুদাস বন্দ্যোপাধ্যায়ে'র সভাপতিত্বে শ্রীকৃষ্ণানন্দ স্বামী দেন। সেই বিরাট সভায় বক্তৃতাতে সভাপতি বলেন—“বক্তৃতার যে অবিরল ভাবস্রোত চলিয়াছিল তাহার সমালোচনা করা আমার সাধ্যাতীত। এই সভায় শঙ্করাচার্য্য বা চৈতন্যদেবে'র মত মহাপুরুষ সভাপতি হইলে সঙ্গত হইত।” তিনি আরও বলেছিলেন “বঙ্গভাষায় শঙ্করণের নিকট এ ভাষায় এই শক্তির পরিচয়

করিয়া দিয়া তিনি মাতৃভাষার মুখোচ্ছল করিয়াছেন, তিনি সার্থক-জন্মা।”

১৮৯৬ খ্রীষ্টাব্দে হারিসন রোড এবং আমহাট্ট স্ট্রীটের সংযোগস্থলে এক ত্রিতল অট্টালিকায় প্রভুপাদ বিজয়কৃষ্ণ বাস করতেন। আমি তাঁর কাছে যাতায়াত করতাম। একদিন 'শ্রীকৃষ্ণানন্দ স্বামী' সেখানে এসেছিলেন—সন্ধ্যার পর আমিও সেখানে উপস্থিত ছিলাম। বোধ হয় সংবাদ পূর্বে পাঠানো হয়েছিল, তাই একটি পৃথক আসন তাঁর জন্য নির্দিষ্ট রাখা হয়। মুণ্ডিতমস্তক, সৌম্য-দর্শন, গৈরিক বসনপরিহিত স্বামী শ্রীকৃষ্ণানন্দ গোঁসাইজীকে ভূমিষ্ঠ হয়ে প্রণাম করলেন। হুই জনে নানা প্রশ্নের আলাপ-আলোচনায় পর গোঁসাইজী বললেন, “কুস্তমেলার আপনার সমাদরের কথা শুনেছি। আপনার হিন্দী ভাষায় বক্তৃতা শুনে সকলেই মুগ্ধ হয়েছে—এ সবই ভগবদ্ ইচ্ছায় হচ্ছে। আপনার গুরুদেব বাবা দয়ালদাসের আপনার প্রতি অশেষ কৃপা।” শ্রীকৃষ্ণানন্দ বিদায়গ্রহণ করার পর উপস্থিত একজন ভদ্রলোক অপর এক ব্যক্তিকে জিজ্ঞাসা করলেন, “এই সাধুটি কে?” গোঁসাইজী তা শুনে পেয়ে বললেন—“এ কে জানেন না? ইনি পরিব্রাজক শ্রীকৃষ্ণানন্দ স্বামী। আজ যে আমাদে'র দেশে সহস্রে সহস্রে পরীতে পরীতে হরিসভা দেখছেন—এই সব এ'র কীর্তি—এ'র প্রভাব। আজীবন অথও ব্রহ্মচর্য্য পালন করেছেন—ইনি কুমার-সন্ন্যাসী। এ'র গুরুদেব বাবা দয়ালদাস এক জন সিদ্ধ মহাপুরুষ, স্বামীজীর উপর তাঁর অশেষ কৃপা—তাই ইন্দ্র-দর্শন ও ভগবৎকৃপা লাভ করতে সক্ষম হয়েছেন। গুরু ও ইন্দ্র কৃপায় এ'র শক্তিও অসাধারণ।” এই বলে গোঁসাইজী নীরব হলেন। গোঁসাইজীর কথা শুনে আমার বাল্যস্মৃতি ভেঙ্গে উঠল। দর্জিপাড়া জয়মিত্রের লেনে এক সুবৃহৎ অট্টালিকায় প্রশস্ত প্রাঙ্গণে শ্রীকৃষ্ণানন্দে'র বক্তৃতা শোনবার সৌভাগ্য আমার হয়েছিল। হাজার হাজার শ্রোতা স্নানাভাবে দাঁড়িয়ে শ্রীকৃষ্ণানন্দে'র অগ্নিগর্ভ বক্তৃতা শুদ্ধিত হয়ে শুনেছে। সেই স্মৃতি এখনও সমুচ্ছল রয়েছে—সেই স্তমধুর স্বরায় এখনও স্মরণ হলে কানে বেজে ওঠে। গোঁসাইজীর কথা শুনে আমার অন্তরে শ্রীকৃষ্ণানন্দে'র প্রতি শ্রদ্ধভক্তি গভীর হ'ল।

কিছুদিন পরে একদিন প্রাতে সংবাদপত্রে দেখলাম শ্রীকৃষ্ণানন্দকে কুৎসিত অভিযোগে ফৌজদারী আসামী রূপে পুলিশ ধরেছে। বড় বড় অক্ষরে তা ছাপা হয়েছে—“এক দিন সন্ধ্যারতির পর যোগাশ্রমে গুপ্ত ধ্যানকক্ষে একটি বার বছরের মেয়েকে বলাৎকারে সতীত্বনাশ করেছেন।” বঙ্গবাসী পত্রিকায় শুভে “প্রভু ভূমি কে” প্রবন্ধে সেই কাহিনী বিস্তারিত ভাবে বিবৃত হয়েছিল। জনসাধারণের মধ্যে একটা ঘোর আন্দোলন হতে লাগল। ‘বঙ্গবাসী’র বিবরণে কৃষ্ণানন্দে'র এই অপকীর্তি তীব্র ভাবে প্রকাশিত হ'ত, আবার নব-প্রকাশিত ‘বঙ্গমতী’তে এর প্রতিবাদে কৃষ্ণানন্দে'র বিরুদ্ধে এটি বক্তৃতা বলে আভাস দেওয়া হ'ত। মামলার বিবরণে হুই কাগজে ঠিক মিল ছিল না। এই সংবাদ, এই অভিযোগ সত্য বলে মনে নিতে পারি নি। কিন্তু আদালতের জুরীর বিচারে অজ-

সাহেবের দ্বারা শ্রীকৃষ্ণানন্দের বধন কঠোর সশ্রম কারাদণ্ড হ'ল তখন মনে হ'ল বোধ হয়, এর মূলে কিছু সত্য আছে, নতুবা সাহেব জঙ্গ তাঁকে দণ্ড দেবেন কেন? প্রায় পঞ্চাশের কাছে যার বয়স— এক রকম বৃদ্ধ বললেই হয়, তাঁর এইরূপ অধঃপতন! আশ্চর্য্য কি—পুরাণে কত ঋষি-মহর্ষির সম্বন্ধেও এইরূপ ঘটনার উল্লেখ দেখা যায়। যাক্ মনে মনে তাঁর প্রতি আমার একটা বিজাতীয় অশ্রদ্ধাই জন্মেছিল। কারাগার থেকে মুক্ত হয়ে তিনি ভগ্নস্বাস্থ্য নিয়ে নানা-স্থানে প্রচারকার্য্যে ঘুরে বেড়ালেন। সাধারণ লোকের মনে তাঁর প্রতি আর পূর্বের মত শ্রদ্ধা-ভক্তি ছিল না! হ'বছর পরে কাশী-ধামে তিনি বিখ্যাতের পাদপদ্মে দেহরক্ষা করেন।

কার্য্যোপলক্ষে ১৯০৩ থেকে ১৯০৫ খ্রীষ্টাব্দের মার্চ মাস পর্য্যন্ত আমি বোম্বাইয়ে থাকি। ষোল্ল রোড়ে টোপিয়াল চালে ছিলাম। তিনতলা চারতলা প্রকাণ্ড বাড়ীকে তারা 'চাল' বলে থাকে। সেখানে তেতলার একটি ফ্ল্যাটে বাঙালীর মেস ছিল—আমিও সেখানে ছিলাম। দোতলার বাঙালী, গুজরাটী, মরাঠী, প্রভৃতি ভদ্রলোকেরা ঘর ভাড়া নিয়ে বাস করতেন। এঁরা প্রায় সকলেই চাকুরিজীবী। সেখানে একদিন দোতলার ফ্ল্যাটের একটি বাঙালী ভদ্রলোক আমি নবাগত বলে আলাপ করতে এসেছিলেন—তাঁর নাম...সেন—বৈষ্ণ, ঢাকা বিক্রমপুরে তাঁর দেশ। বি-বি-সি-আই বেলে তিনি কেবাণীগিরি করেন। তিনি চলে গেলে অজ্ঞাত বাঙালী ভদ্রলোক আমার বললেন, ইনি কাস্তকালীর স্বামী। কাস্ত-কালীর নাম শুনে আমি জিজ্ঞাসা করলাম—“তিনি কে?” তাঁরা আশ্চর্য্য হয়ে বললেন, “কাস্তকালীর নাম শোনেন নি? যার জঙ্গ কুমার-পরিব্রাজক শ্রীকৃষ্ণপ্রসন্ন জেলে গেছে!” কয়েক দিন পরে ভদ্রলোকটিকে কথাপ্রসঙ্গে বললাম, “আপনি যাকে বিয়ে করেছেন শুনেছি তিনি নাকি কৃষ্ণানন্দের দ্বারা ধর্ষিতা—মামলায় তা প্রমাণ হয়েছে।” তিনি খানিকক্ষণ চুপ করে রইলেন, পরে ধীরে ধীরে বললেন, “আপনারা যা শুনেছেন বা খবরের কাগজে পড়েছেন তা সত্য নয়। শ্রীকৃষ্ণপ্রসন্ন তাকে বলাৎকার করেন নি, তাঁর বিরুদ্ধে একটি বড়বন্দন হয়েছিল—আমার স্ত্রী তখন নিতান্ত বালিকা। তাকে যা শেখানো হয়েছিল তাই সে করেছে, বলেছে।” আমি প্রশ্ন করলাম, “খামকা অপরের কথায় তিনি শেখানোমত কাজ করলেন কেন?” তিনি উত্তর করলেন, “আমার স্ত্রী যার আশ্রয়ে ছিল—তিনি বড়বন্দন ছিলেন। তাঁর কথা ঠেলেতে পারে নি পাছে তারা তাড়িয়ে দেয়। তার মা অল্প লোকের কাছে থাকত।” কিন্তু এই কথায় মনের খটকা গেল না। নিজের দোষফালনের জঙ্গ স্ত্রী মিথ্যা বলে, এরূপ দৃষ্টান্তের অভাব নেই। যাক্, স্ত্রী ও স্বামীর মধ্যে প্রায়ই ঝগড়া হ'ত যদিও একটি ছেলে হয়েছিল। একদিন এমন হ'ল যে বোম্বাই-প্রবাসী কোন যুবকের সঙ্গে স্ত্রীকে আসক্ত জেনে অল্প স্থানে বাস স্থাপন করলেন। উক্ত যুবকটি পুত্রসহ কাস্তকালীর ব্যয়নির্বাহ করত। প্রবাসী বাঙালী-সমাজ উক্ত পরিবারকে হেয় চক্ষে দেখত। এই ঘটনা ঘটে ১৯০৪ খ্রীষ্টাব্দে নবেম্বর মাসে।

১৯০৪ খ্রীষ্টাব্দে ডিসেম্বর মাসে বোম্বাই শহরে ভারতীয় জাতীয় কংগ্রেসের অধিবেশন হয়। সার কিরোজ শা মেটা অভ্যর্থনা সমিতির সভাপতি। ডাঃ সার বালচন্দ্র কৃষ্ণ মেটা সাহেবের দক্ষিণহস্তরূপ ছিলেন। তাঁর সঙ্গে আমার ঘনিষ্ঠ পরিচয় থাকায় একদিন আমাদের চারজন বাঙালীকে তিনি আহ্বান করে মেটার সঙ্গে সাক্ষাৎ করিয়ে দেন। তাঁর চেয়ারে আমরা গেলে মেটা সাহেব আমাদের সম্বোধন করে বললেন, “শুনেছি আপনারা এখানকার কংগ্রেসের সদস্য না হলেও কংগ্রেসের প্রতি আপনাদের সহানুভূতি ও শ্রদ্ধা আছে। এবার বাংলাদেশ থেকে আশী জন প্রতিনিধি আসছেন এবং সিন্ধুদেশ থেকেও অনেকে আসবেন। তাঁরা সকলেই আমিষ-ভোজী। এই শিবিরগুলির তদারক ও আহারের বন্দোবস্তের ভার আপনাদের উপর দিতে চাই। আপনারা যা পরামর্শ দেবেন আমরা তা করব—আপনাদের অভ্যর্থনা সমিতির সদস্য করে নিলাম। নিয়ামিষ-ভোজীদের ভার মাননীয় দীক্ষিতের উপর গুস্ত করা হয়েছে। সার হেনরী কটম জাতীয় মহাসমিতির সভাপতিরূপে আসছেন। আমরা সম্মত হলাম। সেবারে কংগ্রেসের বিয়াট আয়োজন—সুবহৎ কংগ্রেস-মণ্ডপ, দশ সহস্র দর্শকের জঙ্গ চেয়ার আর তার সামনেই প্রকাণ্ড এগজিভিশন। আমাদের চার জনের মধ্যে তিন জনই যেলের কক্ষচারী, সুতরাং বেশীর ভাগ কাজকর্ম দেখা-শুনা আমাদেরই করতে হয়। তাঁরা কেউ প্রাতে এক ঘণ্টা এবং সন্ধ্যার পর এসে তদারক ও আমার সাহায্য করতেন।

একদিন কাশীধামের নির্কীর্ষিত এক বাঙালী প্রতিনিধি আমাকে অসুযোগ করলেন যে, সন্ধ্যার পর তাঁকে শহর দেখাতে নিয়ে যেতে হবে। একটি ভিক্টোরিয়া অর্থাৎ খোলা ছোট ফিটন গাড়ী ভাড়া করে তিনি এবং আমি চললাম। ভদ্রলোকটি পরিচয় দিলেন তিনি কাশীধামের উকিল নাম...মজুমদার। খানিক দূর যেতেই চলন্ত গাড়ীতে আমাকে একটু বাস্তভাবে বললেন, “আপনি ত যুবক, বোধ হয় বিয়ে করেন নি?” আমি বললাম, “না”। তিনি অমনি রসিকতার সুরে বললেন, “তবে এখানকার...সন্ধান জানেন, শহর আর কি দেখব—এক জায়গায় নিয়ে চলুন।” বিবস্তি সহকারে আমি বললাম, “আপনি কংগ্রেস ডেলিগেট—আমাদের অতিথি, তাই আপনার অসুযোগে আপনাকে শহর দেখাতে যাচ্ছি। কিন্তু আপনি ভদ্রতার সীমা লঙ্ঘন করছেন। আপনার মত শিক্ষিত ও প্রৌঢ় ব্যক্তির কাছে এইরূপ ভদ্রতা ব্যবহার আশা করি নি। আমি এখান থেকে নেমে যাচ্ছি।” ভদ্রলোক গাড়ী হাত করে ক্ষমা চাইলেন। অগত্যা তাঁর সঙ্গে চললাম।

কিছুদূর গেলে হঠাৎ তিনি আমাকে বললেন, “আপনি কিছু মনে করবেন না—বন্ধুভাবেই আপনাকে জিজ্ঞেস করছি। আমাদের কাস্তকালী বোম্বাই শহরে তার স্বামীর সঙ্গে বাস করছে। আপনিও বাঙালী—তার স্বামীও বাঙালী, আপনি তাদের চেনেন কি? আমি বললাম, “কোন কাস্তকালী?” “খবরের কাগজে পড়েন নি—যে কাস্তকালীর জঙ্গ শ্রীকৃষ্ণপ্রসন্নের জেল হয়েছিল?” আমি বললাম,

“সে কাস্তাকালীর সঙ্গে আপনার সম্পর্ক কি? সে বৈষ্ণব—আপনি ব্রাহ্মণ।” তিনি বললেন, “ওকে খুব জানি—আমাদের বাড়ীতেই থাকিত—ওর মতো তাত্ত্বিক পূর্ণানন্দেব ভৈরবী।” আমি বললাম, “ওর ঘামী আমাকে বলেছেন যে, তাঁর স্ত্রী তাকে এই সবকিছু বলেছেন—শ্রীকৃষ্ণানন্দ তাকে ধর্ষণ করে নি—সে ছেলেমানুষ ছিল, বড়বস্ত্রকারীরা বা শিলিয়েছে তাই বলেছে।”...মজুমদার বললেন, “তা ঠিক।” আমি জিজ্ঞাসা করলাম, “আপনিও কি এই বড়বস্ত্রে ছিলেন?” “নিশ্চয়ই ছিলাম—ওকে...যোগাশ্রমে পাঠাই, সঙ্গে সঙ্গে ওর মা পুলিশ নিয়ে হাজির। পুলিশকে পূর্বেই হাত করা ছিল—মোকদ্দমাও ওর বিরুদ্ধে আমি উকিল ছিলাম।” আমি ধীরভাবেই বললাম, “আপনার তার প্রতি এত আক্রোশ কেন? এক জন নির্দোষ ব্যক্তিকে বড়বস্ত্র করে জেলে পাঠিয়ে আপনার লাভ কি? বিশেষ তিনি ছিলেন সন্ন্যাসী, পণ্ডিত, প্রসিদ্ধ বক্তা।” ভদ্রলোক উত্তেজিত হয়ে বললেন, “বেটা বদা হয়ে ব্রাহ্মণকে শিষ্য করে মাথায় পা তুলে দেয়। বেটা সন্ন্যাসী সঙ্গে ধর্মগুরু হয়েছিল—ব্রাহ্মণকে শিষ্য করে—বামুনদের পায়ে ধুলা দেয়। একি সস্ত্র হয়—এই বড়বস্ত্রে আমি একা ছিলাম না, বাংলাদেশের বড় বড় ব্রাহ্মণপণ্ডিতরাও ছিলেন। ব্রাহ্মণ-সমাজ কি মরেছে? চিরকাল ব্রাহ্মণই হিন্দুর ধর্মগুরু—ব্রাহ্মণ ছাড়া পুণ্ডা, বিয়ে, শ্রাদ্ধ কিছুই হবার জো নেই। পণ্ডিত, বক্তা, সাধু হয়ে তার মত গুরু—এত অহঙ্কার ছিল। তেমনি জন্ম হয়েছে, আর মাথা তুলতে পারে নি। যেমন সুনাম আর প্রতিপত্তি হয়েছিল তেমনি ছন্দামে সারা ভারত ছেড়ে গিয়েছে। অস্ত্র উপায়ে এমন ভাবে জন্ম করা যেত না।” শেষ কথা বলার সঙ্গে সঙ্গে তিনি আমার নিকট মুখ এনে বিকট হাস্য করলেন। তাঁর মুখে একটা দুর্গন্ধ পেলাম—বুঝলাম সুরাসক্ত। তাঁর কথা সত্যি কিনা জানবার জন্য কেতুহল হ'ল। আমি তাঁকে আমার বাসগৃহে নিয়ে গিয়ে মোতলা ফ্রাণ্টের ঘর দেখিয়ে দিলাম—যেখানে কাস্তাকালী হ'বজ্বরের ছেলে নিয়ে বাস করছে। অস্ত্ররালে আমি দাঁড়িয়ে বইলাম—দেখলাম...মজুমদার “কাস্তাকালী” করে অতি আদরের সুরে ডাকতে ল গলেন। শ্রামবর্ণা কুরুণা যুবতী কাস্তাকালী দোর খুলেই...মজুমদারকে দেখে আনন্দে অভিভূত হয়ে পড়ল।...বাবু তার ঘরে প্রবেশ করলেন। এই দৃশ্য দেখে...মজুমদারের উজ্জ্বলিত আমার সংশয় রহিল না।

পরদিন কংগ্রেস পাণ্ডালের কাছে দাঁড়িয়ে আছি, দেখলাম আমার আত্মীয় কাশীধামের সুপ্রসিদ্ধ উকিল নিবারণ গুপ্ত একজন বৃদ্ধের সঙ্গে সেখানে উপস্থিত হলেন। কথাপ্রসঙ্গে আমি...মজুমদারের কথাগুলি তাঁরই শোনালাম। বৃদ্ধ ভদ্রলোকটিকে দেখিয়ে নিবারণবাবু বললেন—“উনি তখন সরকারী উকীল ছিলেন। মামলা উনি চালিয়েছিলেন।” জিজ্ঞাসা নেত্রে তাকে বললাম, “আপনি কি বলেন—এটা সত্য, না মিথ্যা বড়বস্ত্র।” তিনি বললেন—“আমি সব জানি। প্রমাণ বেশ দুর্বল ছিল—যদি দারদার জন্ম সাহেব

না হতেন—তবে কৃষ্ণানন্দ বেকহর খালস হতেন বলে আমার বিশ্বাস। সাহেবের ধারণা ছিল—হিন্দু সন্ন্যাসীমাত্রই বদমাস।

নির্দোষ নিকটস্থ সর্বভোগী সন্ন্যাসীরও আভিজাত্যের অত্যাচারের হাত থেকে নিস্তার নেই। ঈর্ষা, পরজীকাতবতা, নীচতা, দলাদলি সমাজকে কতটা নীচ করছে—তা এই সব ঘটনা থেকে বোঝা যায়। তথাকথিত সমাজের শীর্ষস্থানীয় কয়েকজন ব্রাহ্মণপণ্ডিতের গর্ক মিথ্যা অভিমান কুট চক্রান্ত আমাদের সমাজকে কতদূর অধঃপাতিত করতে পারে তা ভেবে দেখা উচিত। তাগ সদাচার চরিত্র বীর্ঘ পৃথিবীর সকল দেশেই আদর্শরূপ। মহাত্মভবতা পরার্থপরতা হিন্দু কখনও তুলতে পারে না। কিন্তু আমাদের অতীত ইতিহাসে যেমন ব্রাহ্মণের গৌরবমহিমা দেখতে পাওয়া যায় তেমনি নীচ স্বার্থপর কুটচক্রী তথাকথিত ব্রাহ্মণাভিমानी হীন চরিত্রেরও অভাব নেই। শ্রীচৈতন্যদেবের প্রচার “চণ্ডালোহপি দ্বিজশ্রেষ্ঠ হরিভক্তি-পরায়ণঃ...” কিংবা “মুচি হয়ে গুচি হয় যদি বৃক্ষ ভজে” সর্বভূতে নারায়ণ—সর্বখন্ডিনঃশ্রদ্ধ, আমাদের ধর্মাচার্যেরা প্রচার করেছেন। এই সব কথা শুধু মুখেই আমরা বলি—জীবনে, সামাজিক জীবনে তা কখনও রূপায়িত হয় নি। বাংলার প্রেমের অবতার নিমাই সমাজে এই ভগবদ্ দৃষ্টির সাম্যবাদ আনতে চেয়েছিলেন—কিন্তু কয়েকজন দুষ্ট হৃদয় ব্রাহ্মণপণ্ডিতের হাত থেকে নিস্তার তিনি পান নি। তারা তাবন্ধরে প্রচার করত—

সন্ন্যাসী পণ্ডিতগণের করিতে সর্বনাশ।

নীচ শূত্র দিয়া করে ধর্মের প্রকাশ।

এমনকি কায়স্থ নরোত্তম দাসের অনেক ব্রাহ্মণ শিষ্য ছিল—তা শুনে ব্রাহ্মণসমাজ উত্তেজিত হয়েছিল। নানারূপ চক্রান্ত করেও তাঁর সঙ্গে তারা এঁটে উঠতে পারে নি—তিনি ছিলেন রাজপুত্র, তাঁর গুণগ্রাহীদল তাঁকে বেঁটন করে রাখত। তাঁর অতুগত বৈষ্ণব-সমাজ তাঁকে বিগ্ন ব্রাহ্মণ বলে উপবীত পরিয়ে দেয়। নিফল আক্রোশে ও ক্রোধে নরোত্তম-বিরোধী দল অস্ত্রের অস্ত্রেরে দগ্ন হলেন। তখন ইংরেজী আদালতের উকীলের দল ছিল না—যারা হরকে নয় এবং নয়কে হয় করতে পারত। এ ত প্রতিদিন আমাদের চোখের উপর ঘটছে, ধনী জালজুয়াচুরি মিথ্যা সাক্ষ্য দিয়ে গরীবকে নিশ্চেষ্ট করে আদালতে ডিক্রি পেয়ে পথের ভিগারী করছে। আগে এইরূপ জঘন্ট বা নীচ উপায় অবলম্বন করতে লোকে কুঠা বোধ করত।

কিন্তু শ্রুতিবানী অর্থার্থ : “সত্যমেব জয়তে নানৃতম্”—সত্যেরই জয় হয়, মিথ্যার জয় ক্ষণস্থায়ী। শ্রীকৃষ্ণানন্দ আর ইহজগতে নেই, দুষ্কৃতকারীরাও কোথায় বিলীন হয়েছে। মিথ্যার ঘন আবরণ কোথায় সবে গিয়েছে। শ্রীকৃষ্ণানন্দের সমুচ্ছল গৌরবমুষ্টি এখন প্রকাশ পাচ্ছে। হিন্দী ভক্তিমাল গ্রন্থে তাঁর জীবনী প্রকাশ হয়েছে। তাঁর শতবার্ষিকীর জয়ন্তী উৎসবে ভারতের এক প্রান্ত থেকে অপর প্রান্ত তাঁর কীর্তিগানে মুখরিত হয়েছে। জমজুমি জগতিপাড়ার শ্রীকৃষ্ণানন্দের স্মৃতিসৌধ নির্মিত হয়েছে। তাঁর পুণ্য জীবন-কাহিনী

তাঁর এছাবলী, তাঁর অলৌকিক গুণাবলী, প্রচারিত আদর্শ ও বাণী শিক্ষিত সম্প্রদায়ের মধ্যে আলোচিত হচ্ছে। যে মধ্যাহ্নসূর্য্য ঘন মেঘে আবৃত হয়েছিল—সে মেঘ কেটে গিয়েছে, দ্বিগুণ তেজে তাঁর প্রভা ছড়িয়ে পড়ছে। ঐ শোন সাধক সিদ্ধ পরিব্রাজকের ব্রজভাবে মাতোয়ারা গান—

“যমুনে এই কি তুমি সেই যমুনা প্রবাহিণী ।
ও যার বিমল তটে রূপের হাতে বিকাত নীলকান্তমণি ।”

ঐ শোন পরিব্রাজকের ভক্তিমাতা নগর-সঙ্কীর্তন

“নামামৃত পান সবে কর ভাই । (হরি)
এমন নাম কখনও শুনি নাই ।

হরিনাম যে করে সাব ভবে ভাবনা কিবা তাঁর
নামে যায় মহাপাপ যোগ-শোক-তাপ সংসার-বিকার ।
(হরি) নামে জগাই-মধাই উদ্ধারিল নাম শুনার গৌর-নিতাই ।”
এই গান বাংলার পথে-ঘাটে ভিখারী, এমন কি চাষী দিনমজুরের কণ্ঠে ধ্বনিত হয়েছে, আমরা তরুণ বয়সেও তা শুনেছি। অনেকে নগরকীর্তনে এই গীত গেয়েছে, প্রেমোন্মত্তভাবে নৃত্য করেছে।

এই হৃদ্যিনে, এই সঙ্কটকালে নানা দুর্নীতি অনাচারের মাঝে তাঁর পবিত্র জীবন, তাঁর বাণী কি আমাদের পথনির্দেশ করবে না? পরমহংস, পরিব্রাজক, বাগ্মীশ্রেষ্ঠ, বাণীর বরপুত্র শ্রীকৃষ্ণানন্দ স্বামী আর ইহজগতে নেই, কিন্তু চিহ্নমূর্তিতে নিজের কীর্তিপ্রভায় তিনি অমর, নিত্যভাস্বর।

জাগরণ

শ্রীধীরেন্দ্রকৃষ্ণ চন্দ্র

১

কোথা হতে আসিয়াছি কোথা যাব চলে
হৃদ্যিনের দেখা-শোনা। সেই পরিচয়
এপারে মৃত্তিকা-বক্ষে না রহে অক্ষয়,
তবু ব'সে মালা গাঁথি কত কি যে ছলে।
স্বপ্নাতুর জীবনের মান-অভিমান
চক্রের পেষণে জানি ব্যর্থ হয়ে যাব,
তবু যদি দেখা হ'ল তোমায় আমার
গেয়ে যাব মিলনের প্রথম সে গান।
অবাচিত কণিকের পরিচয়ে আন্ড
বাহা আমি পাইয়াছি, বাহা পাই নাই,
সেগুলি কুড়িয়ে লয়ে শুধু পূজিয়াছি
অতি তুচ্ছ কুদ্রতাকে, ঘিরে রাখি তাই
গর্বে প্রাচীর নিয়ে। পিছনে তাকাই
যে সুরে উঠেছি জেগে আজো ওঠে বাজি'।

২

ওপারের প্রান্ত হতে এপারের কুলে
প্রসারিত কণিকের সঙ্কীর্ণ বন্ধন,
তারি তরে এত লোভ অক্ষয় ক্রন্দন
সীর্ণ এই বক্ষ মাঝে ওঠে ফুলে ফুলে।
কামনার শেষ নাই, শুধু বক্রি-জ্বালা
দগ্ধ করে, ভস্ম করে যত কিছু দান,
আজ বাহা খরদীপ্ত কাল তাহা মান,
পড়ে রহে পবিত্র জীবনের ডালা।
খুঁজিয়া পাই না তবু কি যে চাহিলাম,
কার তরে সারা বেলা কুসুম-চয়ন,
হৃদয়ের সিংহাসনে করে রাখিলাম,
গোপনে ফেলিল অক্ষয় বিরহী নয়ন।
স্বপ্ন সম কণিকের এই জাগরণ,
তবু লহ হে মৃত্তিকা, একটি প্রণাম।

হাঁটু দুটোকে একত্র করে তারই উপর মাথাটা রেখে গোবরমাটি লেপা দাওয়ার উপর বসে ছিল অবনী। প্রভাতের স্নিগ্ধ সূর্য্য অবনীর রোগে-ভোগা শরীরটার উপর বুলিয়ে দিচ্ছিল উষ্ণ পরশ। ভারি আরাম বোধ হচ্ছিল অবনীর। ক্লাস্তির মাজমেজে ভাবটা কেটে গিয়ে আবেগে জড়িয়ে আসছিল চোখ দুটি।

—এই নাও গরম জল। শৈলজা একটা পাত্রে কিছু গরম জল এনে স্বামীর পাশে রেখে দিয়ে বলল।

অবনী একবার পাত্রটার দিকে ও একবার শৈলজার দিকে তাকিয়ে বলল, গরম জল কেন, একটু ঠাণ্ডা জলই দাও—গা-টা ঠাণ্ডা হোক।

—না, কবরাজ মশায় এখনও ঠাণ্ডা জল ব্যবহার করতে বলেন নি।

কবিরাজ মশায় বা বলে যাবেন তা থেকে একচুল এদিক-ওদিক হবে না, সেবাপরায়ণা এই নারীটির আচরণে, সেবায়, যত্নে। বেশী অমুরোধ করা নিবর্থক মনে করে আর কোন কথাই বলল না অবনী। শৈলজাও কথা না বাড়িয়ে ঠায় দাঁড়িয়ে রইল—যদি সাহায্যের প্রয়োজন হয় এই ভেবে।

অবনী জলের পাত্রে, বাম হাতটা রেখে তাকিয়ে দেখছিল শৈলজাকে—সে দৃষ্টিতে মেশানো ছিল শ্রদ্ধা, ছিল ভালবাসা; আর ছিল অস্ত্রের কৃতজ্ঞতা। অবনী জানে যে শত কবিরাজ এলেও এ যাত্রায় তাকে কিরিয়ে আনতে পারতেন না, যদি না শৈলজার কলাণ-হস্ত দুটি তার সেবার জল সর্ব্বদা ব্যাপৃত থাকত।

শৈলজা স্বামীকে অপলক নেত্রে তার পানে তাকিয়ে থাকতে দেখে মুহূ হস্তে বলল, কি দেখছ অমন করে?

অত্যন্ত সহজ গলায় উত্তর দিল অবনী—তোমাকে।

—আমাকে কি কোন দিন দেখ নি নাকি?

দেখেছে। বছর দেখেছে, কিন্তু এমন পরিবেশে, এত আপন করে কোন দিন দেখেছে বলে মনে পড়ছে না অবনীর। কৈশোর থেকে প্রৌঢ়ের সীমা পর্যন্ত অবনীকে কাটাতে হয়েছে বিদেশে। ভগ্ন ছিল সংসার—অবনীকে চালিয়ে নিয়ে যাবার নিষ্ঠুর তাগিদ, সাংসারিক অনটনের মাঝে, বছ থেকে শৈলজাকে আলাদা করে দেখবার প্রয়োজন উপলব্ধি করে নি। অবসরও হয় নি। প্রথম প্রথম শৈলজা আপনাকে দেখাবার বাসনা নিয়েই এসেছিল স্বামীর কাছে। আপনার বিরহ-বেদনার লিপিকা পাঠিয়ে চেয়েছিল স্বামীর সোহাগ, কিন্তু দিতে পারে নি অবনী। পাছে লোকে কিছু বলে, পাছে সংসার-তবণীর মধ্যে প্রবেশ করে বাবিরানি সামান্য এই ছিল-পথ দিয়ে। একবার মনে আছে তার—সে শৈলজাকে স্পষ্টই ত্রিখে-ছিল :—‘তুমি আমার স্ত্রী, আমার অর্দ্ধাঙ্গিনী—আমার যাত্রাপথে তুমি সঙ্গিনী, আমাকে সাহায্য করবে, আমাকে শক্তি দেবে।’ শৈলজা

সেদিন এ পত্রের কি মানে করেছিল—তা সেই জানে, কিন্তু এর পর কোন দিন নিজের জন্ত একটা চুল-বাধার ফিতেও চায় নি। আজ সে সব দিনের কথা চিন্তা করতে গেলেও বাধার হুমড়ে পড়ে অবনীর অস্ত্র। অপরাধী মনে হয় আপনাকে। কি ভুলই করেছে, একটি কিশোরীর কচি মনকে পিবে মেরেছে সে। অমু-তাপে দগ্ধ হয় অবনী।

—যেমন দেখা উচিত ছিল—তা দেখি নি বৈ কি বড়বোঁ! আমাকে তুমি মাপ কর।

অবনীর সখের উক্তি শৈলজার মর্ম্মলে গিয়ে আঘাত করল। হৃদয়-বীণার বাধা তারগুলো আঘাত পেয়ে বন্ধ হইয়া উঠল সাঝা অস্ত্রঃকরণ মথিত করে—চোখের কোণে দেখা দিল উল্লসিত অশ্রু। আর সেখানে সে দাঁড়িয়ে থাকতে পারল না—স্বরিতপদে ঘরের মধ্যে ঢুকে খানিক কাঁদল, এখন যে তার কিছু নেই—এখন যে সে বিজ্ঞা! কি উপচৌকন দেবে তার স্বামীর পায়ে! হার বে হতভাগিনী, সময় না হতেই ফুলকে বস্তুচ্যুত করলি? খানিকক্ষণ কাঁদার পর মনের ভার খানিকটা লাঘব হলে কিরে এসে বলল, ভুলেই গিয়েছিলাম যে তোমার সাঙ চাপিয়ে এসেছি, না গেলে সবটুকু ফুটে ফুটে মরে যেত! ওমা, এখনও মুখ ধোও নি?

—এই ধুঁছ। কিন্তু—

—কিন্তু আবার কি?

—একবার দেবে না?

শৈলজা বুলল, অবনী তামাকের কথা বলছে। তামাকটা বেশী না গেতেই মানা করেছেন কবিরাজ মশায়, তাই এটার একটু কড়া-কড়ি ব্যবস্থা গ্রহণ করতে বাধ্য হয়েছে শৈলজা। বছর বসেছে—‘তামাক ছাড়তে হবে তোমাকে’, কিন্তু পারে নি অবনী। প্রতি-ক্রমিত দিয়েছে দিনে-রাত্রে তিন বারের বেশী নিশ্চয় থাকে না, কিন্তু কার্যক্ষেত্রে সে প্রতিক্রমিত রক্ষা করা যায় নি। শৈলজা বিরক্ত হয়েছে, রাগ করেছে—অভিমান করেছে—তবু না।

—বাসিমুখে সতীনের চুমু না খেলে আর মুখে জল দেবে না? বেশ, এনে দিচ্ছি—

—আহা রাগ করছ কেন বড়বোঁ, এতকালের অভ্যাস—

—কিন্তু ইদানীং সে অভ্যাসটা যে বাড়ছে, পরও হয়েছে পাঁচ বার, কাল সাত বার, আর আজ এই আরম্ভ হ'ল।

—সকী বল, বন্ধ বল—আপনজন বল, ওইটাই ত আছে বড়-বোঁ। বাদেয় আপন করে নিয়েছিলাম তাহা ত কৈ কেউ রইল না। তুমি আপত্তি করো না বড়বোঁ—আপত্তি করো না।

কথাটা নেহাত মিথ্যা নয়।

সব সূখ ছিল অবনীর। পরম যৌবন জাই পেয়েছিল, হাস্ত-মুখর একটি পরিবার পেয়েছিল, সমস্ত সূখ পায়ের মত ছিল পিণ্ডা,

তাদের কলহাস্তে মুগ্ধিত থাকত অবনীৰ ছোট সংসারটি। কিন্তু কোন পথ দিয়ে শনি প্রবেশ করে তার কাছ থেকে কেড়ে নিয়ে গেল সকল সম্পদ, তার মুখের হাসি, মনের শান্তি।

সান্ত নিয়ে প্রত্যহই পীড়াপীড়ি করতে হয় শৈলজাকে। কিছুতেই ঐ পদার্থটা আর মুখে তুলতে চায় না অবনী, কিন্তু শৈলজাও ছাড়বার পাত্রী নয়, অনেক অহুঁনয়বিনয়, শেষে চোখের জল কেলে সাঙটুকু খাওয়াতে হয়।

আজও সান্ত হাতে নিয়ে কাছে আসতেই অবনী বলে বসল, ওটা কেলে দাওগে, আমি খেতে পারব না।

কি একটা কথা বলতে যাচ্ছিল শৈলজা, কিন্তু ঠিক সেই মুহূর্তেই সময় এসে উপস্থিত হতেই আর বলা হ'ল না।

সময় অবনীৰ সৰ্ককনিষ্ঠ ভয়ীপতি।

—ও মা ঠাকুর জামাই বে! বলে মাথার কাপড়টা একটু সামনের দিকে টেনে দিল শৈলজা।

—এস ভাই, এস। বড়বৌ, সময়কে হাত-পা ধোবার জল দাও, চা করে দাও।

সময় বলল, আপনি যে অস্থূখে ভুগছেন তা ত কেউ জানায় নি!

কীণ, কৃশ হুঁকল মানুষটিকে দেখে দুঃখ হ'ল সময়ের।

ভূমিও ত ভাই কোন খোজখবর নাও নি। হাসতে হাসতে বলল শৈলজা।

তা অবশ্য নেওয়া উচিত ছিল, কিন্তু না নিয়ে যে অজ্ঞায় করেছে তা স্বীকার করে বলল, বিপদটা যখন আপনাদের তখন আপনাদের জানানোই ছিল প্রথম কর্তব্য।

—কেন জানাই নি ত পয়ে বলব ভাই, এখন হাত-মুখ ধুয়ে নাও।

অস-গামছা সময়ের কাছে এগিয়ে দিয়ে গেল শৈলজা, সময় অবনীৰ অত্যন্ত স্নেহের পাত্র। মা-বাবা যখন হুঁজনেই সান্ত মাসে পর পর মারা গেলেন তখন কল্যাণী ছোট। মা মরবার পূর্বমুহূর্তে অবনী আর শৈলজাকে ডেকে বললেন, তোরা ছাড়া আমার কল্যাণীৰ আর কেউ রইল না বাবা, তাই তোদের হাতেই ওকে দিয়ে গেলাম, একটি সম্পাত্তের হাতে যেন আমার কল্যাণী পড়ে—এইটুকু দেখিস।

মৃত্যুপথযাত্রিনীৰ নিকটে সেদিন চোখের জলে যে প্রতিজ্ঞাতি দিয়েছিল অবনী, তা অক্ষরে অক্ষরে পালন করেছে। পুত্রকন্ডা কিছু ছিল না শৈলজার, শূন্ত কোলে কল্যাণীকে টেনে এনে আদরে বড়ে তার সমস্তটুকু স্নেহরসে সিক্ত করে কল্যাণীকে কঙ্কায় অধিক স্নেহে মানুষ করেছিল সে, বিবাহের বয়স উপস্থিত হলে অবনী নিজে কল্যাণীৰ পাত্র-নির্বাচন করেছিল। সময় গরীব, কিন্তু তার রূপ, তার গুণ অজ্ঞ সকলের থেকে সম্পদশালী করেছিল সময়কে। তার উপর সময় ছিল উপার্জনশীল।

বিয়ের দিনকয়েক আগে কল্যাণীকে রান্নাবান্ন জতই অবনী

শৈলজাকে লক্ষ্য করে বলেছিল, জান বড়বৌ, কল্যাণীৰ বে বর হচ্ছে সে দেখতে ভালই, তবে যংটি ময়লা।

দাদার মুখে তার হবু স্বামীৰ বর্ণনা শুনে অভিমানে সাদাদিন আর ধায় নি কল্যাণী। শৈলজা অভিমানের কারণ জিজ্ঞাসা করতে গিয়ে বকুনি খেল; ছোট বৌ আবার বেশী বাড়াবাড়ি সহ করতে পারত না, সে কতকটা জানত ঠাকুরঝির রাগের কারণ, তাই বড় জাকে তিরস্কৃত হতে দেখে বললে, ওগো দিদি, রাজকঙ্কায় রাজপুত্র ছাড়া মনে ধরবে না; যাও বড়-ঠাকুরকে বল—তিনি আবার বেকরন রাজপুত্রের সন্ধানে।—কল্যাণী এবার কেঁদে কেলে বলল, আমি কি তাই বলেছি নাকি! দাও না আমার বিয়ে, আমি যদি না মরি...শৈলজা থপ করে কল্যাণীৰ মুখখানা চাপা দিয়ে বলল, কেন যদি ও কথা মুখে আনিস তবে আমিই মার দোব। এর পর চূপ করল কল্যাণী।

অবনী সব শুনে খানিক হাসল, তারপর অভিমানাহতা বোনটিকে আপনায় বুকুর কাছে টেনে নিয়ে, তার মাথার হাত বুলোতে বুলোতে বলল, ইয়ায়ে, তোম বর কি কালো হয়। দেখবি ছাদনাতল আলো-করা বর আসবে তোম, চল, খাবি আমার সঙ্গে। সেদিন একই খালায় হুঁভাই-বোনে খেল।...

সেই কল্যাণীৰ স্বামী—এই সময়, সে যে কত আদরের তা কি প্রকাশ করে বলা যায়।

বিয়ের পর বর-কনে বিদায় হবার দিন অবনী সময়ের হাতে কল্যাণীকে সঁপে দিয়ে বলল, একদিন আমার মা আমাকে কল্যাণীকে দিয়ে গিয়েছিলেন—ভাই, আজ তোমার হাতে দিচ্ছি আমি। কল্যাণী যেন সুখী হয় সময়—এইটুকুই আমার আকাঙ্ক্ষা।

একদিনেই এই মানুষটির অন্তরধানি দেখতে পেয়েছিল সময়—কত নির্মূল আর কত পবিত্র! মানুষটির সংস্পর্শে এলে আপনিই স্বপ্নায় মাথা নত হয়ে পড়ে, ভালবাসতে ইচ্ছা হয়। সেদিন সময় কল্যাণীকে সুখী করবার প্রতিজ্ঞাতি দিয়ে বিদায় নিয়েছিল দাদা-বৌদিদির কাছ থেকে, আজও সে প্রতিজ্ঞাতি ভাঙে নি সে।

হাত-মুখ ধোয়ার পর শৈলজা চা এনে দিতেই সময় বলে উঠল, বাড়ীটা বড় কাঁকা কাঁকা ঠেকছে যে, তারপর আপনি চা এনে দিচ্ছেন। ছোট বৌদিরা কোথায়?

চারের ব্যাপারটা ছোটবৌ-ই করত, ঠাকুর জামাইদের চা পরিবেশন করা ছিল তার কাজ, তাই অবাঁক হ'ল সময়।

—ওমা ছোট বৌয়ের দিদির বাড়ী গেছে ভাই।

—ছোটদাও?

—হ্যাঁ।

—কেন?

—এখন শুধু গরু কুলে বেলা যে বেড়ে যাবে ভাই, তার চেয়ে ভূমিমান সেরে খেতে বসবে—আমি তোমাকে হাওয়া করতে করতে সব বলব।

সেখতে সেখতে কৈশাখী সূর্য্যের অগ্নিশ্রাবী রূপের প্রকাশ ঘটল। অবনী পক্ষে আর বসে থাকার সম্ভব হ'ল না। দুর্বলতা তাকে এত বেশী কাবু করে ফেলেছে যে একবার খুঁটি ধরে উঠতে গিয়ে বসে পড়ল অবনী। ধাক্কা খেয়ে খুঁটিটার কাটল দিয়ে করে পড়ল খানিকটা খুলো—ঘুণ ধরেছে খুঁটিটার। ভিতরে ভিতরে কাঁক করে দিয়েছে ঐ নিরেট শক্ত পদার্থটাকে। হুঃখ হ'ল অবনীর।

এই খানেই ছিল কোঠা-বাড়ী। গাঁয়ের মধ্যে সেরা বাড়ী ছিল অবনীদেব কোঠা, কিন্তু রাখতে পারে নি, উপরি-উপরি করেক বৎসর বর্ষায় আর কালবৈশাখীর ঝড়ে কোঠার আচ্ছাদনটাকে উড়িয়ে নিয়ে গিয়ে দেয়ালগুলোকে করে দিয়েছিল নরম। তারপর এই বৎসর-খানেক হ'ল একেবারেই ভূমিসাৎ হয়ে গেছে। সময়ের বিয়ের বৎসরেও কোঠাটা ছিল পড়েপড়ে। তারপর অবনী নিজে বন থেকে বেছে বেছে শক্ত কাঠ এনে খুঁটি করে এই চালাটা তুলেছে, সেটারও মূলে ধরেছে ঘুণ। হুঃখ হবে বৈকি।

স্বামীকে বসে পড়তে দেখে শৈলজা এগিয়ে এসে বললে, অনেকক্ষণ বলে আছ, চল এবার শোবে।

অর্পণ কবল না অবনী। শৈলজার প্রসারিত বাহুযুগলের উপর আপনার ভার অর্পণ করতে দ্বিধা করল না। শুধু যাবার সময় বলল, খাওয়া-দাওয়ার পর সময়ের জঞ্জ আমার কাছেই একটা বিছানা করে দিও। বা গরম পড়েছে।

স্বামীকে শুইয়ে দিয়ে এসে জানে পাঠিয়ে দিল সময়কে শৈলজা। সময় কিরে এলে তাকে খাবার বেড়ে দিয়ে পাশটিতে বসল পাখা হাতে নিয়ে।

—এখন বলুন দেখি, ছোটদায়া হঠাৎ চলে গেছেন কেন?

জ্ঞান হাসি বেরিয়ে এল শৈলজার মুখে।

—এখনও তা বলতে হবে ভাই, ভাতের খালার দিকে তাকিয়ে ঝাচ করতে পার না? তোমাকে একটা তরকারি বৈ দুটো দিতে পারি নি যে!

এমনই একটা অনুমান করেছিল সময়, তবু সবটুকু শুনবার আকাঙ্ক্ষা তার প্রবল হয়ে উঠল এবং বা ঘটেছে তাই বলবার জঞ্জ অনুবোধ করল বড়বৌদিকে।

শৈলজা সবই বলল, একটুও বাড়িয়ে বা কমিয়ে নয়। অবনী বিহারের কোন এক কাবখানার চাকুরি করত, মাইনেও পেত ভাল। ঐ দিকেই সংসারের যাবতীয় খরচ চলত, কিন্তু একদিন হাল্লামা রাখল কাবখানার। শমিকেরা নাকি কাদের প্ররোচনায় বলল, বাঙালী বাবুয়াই তাদের ক্ষতি করছে। সাহেব ওদের কথা শুনে অনেককে বিদায় করে দিলেন, শুধু থেকে গেল অবনী। কিন্তু শেষ পর্যন্ত আত্মসম্মান বজায় রেখে সেখানে টিকে থাকা সম্ভব হ'ল না তার। তাই কাজে ইস্তফা দিয়ে চলে এল অবনী। সংসারের ভার গিরে পড়ল স্বামী উপর। গ্রামে ডাক্তার বলতে কেউ ছিল না, স্বমীর খানিকটা কমপাউণ্ডারী বিজ্ঞা ছিল, সেই বিজ্ঞাকেই পুঁজি করে ডাক্তার হয়ে বসল সে। টাকাও বোজগার হতে লাগল।

প্রথম প্রথম উপার্জনের সব টাকা দাদার হাতেই তুলে দিত স্বমী, কিন্তু ছোটবৌয়ের তা সছ হ'ত না। অকস্মাৎ স্বামীর প্রতি দরদ-ভালবাসা তার উথলে উঠল। একদিন বলল, একা কি জোয়ারই সংসার যে খাওয়া নেই দাওয়া নেই এমনি ভুজের মত টাকা টাকা করে বেড়াচ্ছ। দেহটার দিকে নজর আছে কি?

—না ছোটবৌ, সংসার আমাদের বাবার। আর আবার খাটার কথা বলছ? তা নিজের পোষাদের মুখে ভাত তুলে দিতে হলেও খাটুনি কিছু কমবে বলে ত মনে হচ্ছে না।—এরপর আর কিছু বলে নি ছোটবৌ। বলাও চলে না।

—তারপর? ভাতের গ্রাস মুঠোর ভিতর রেখে জিজ্ঞাসা করল সময়।

তারপর? পুরুষ-মানুষের মন মেয়েদেব কাছে কত দিন শক্ত থাকে ভাই?

—দাদার ত ছিল, জানি।

—তোমার দাদা এক শ'য়ে একটি বৈ ত নয়। বাক শোন—ওমা তুমি খাওয়া বন্ধ করে দিলে কি করে বলি।

—না বলুন, এই খাচ্ছি।

আবার আরম্ভ করল শৈলজা :

ছোটবৌয়ের আচারে-ব্যবহারে এমনই সব অশোভনতা প্রকাশ পেতে লাগল যে তা বলতে গেলেও হুঃখ হয়। অবনীর চিরকালের নিয়ম, বাড়ীতে থাকলে দুটি ভাই পাশাপাশি খেতে বসতেন। পাশে বসে খুঁটিয়ে খুঁটিয়ে খাওয়ানতেন কনিষ্ঠকে। বললে বলতেন, আমি না থাকলে পেট ভরে স্বমী খায়ও না। এই নিয়ম চলে আসছিল বরাবর, হঠাৎ একদিন আবিষ্কার করলেন অবনী—দুটো খাবারের খালা দু' বকম খাড়া-সামগ্রীতে ভর্তি। এই স্বাতন্ত্র্য লক্ষ্য করেও কোনও কথা বললেন না অবনী, কিন্তু দ্বী হয়ে শৈলজা স্বামীর প্রতি এই অপমান সছ করতে পারে নি। সে ছোটবৌকে ডেকেই বলেছিল, এ বকম কবিস না ছোটবৌ, ওদের মন ভাঙিয়ে দিস না। ওরা দুটি মায়ের পেটের ভাই, আমরা ত পয়।

বড়বৌয়ের এই কথায় কুপিত হ'ল ছোটবৌ। একদিন বাজ্রে স্বামীকে চুপি চুপি জানাল সেদিনের ঘটনা অতিরঞ্জিত করে। তার উপর বড়দি তাকে নাকি যে অপমান করেছে, তা সয়ে এ বাড়ীতে থাকা সম্ভব নয়। সে চলে যেতে চাইল, কিন্তু বাধা দিল স্বমী অপমানের কারণ অনুসন্ধান করবার আশ্বাস দিয়ে।

আশ্বাস পেয়ে মুগ্ধ খুলে গেল ছোটবৌয়ের। একদিন স্বমীকে একলা পেয়ে বলল, তুমি ত টাকা এনে হাতে দিচ্ছ বড় দাদার, কিন্তু সেই টাকার কি হচ্ছে কিছু খোঁজপত্র রাখ কি?

—না।

—কেন শুনি?

—এ বাড়ীর নিয়ম নয় বড় ভাইয়ের উপর খবরদারি করা।


—নিয়ম শুধু নিজের দ্বীকে দিনের পর দিন শুকিয়ে যাওয়া, লাঞ্ছিত করা।




মার্কিন যুক্তরাষ্ট্রে ইডাহো প্রপাতের নিকট প্রথম আণবিক শক্তি হইতে উৎপন্ন বৈদ্যুতিক আলোক



ডেনভার, কলোরাডোতে, 'এমিলি গ্রিফিথ অপারচুনিটি স্কুলে' ভারতীয় সেকেন্ডারী এডুকেশন কমিশনের সভ্যগণ।
 ঐ দিন হইতে জাতীয় সোভারাইনের একটি টিচার' টেপিং কলেজের মাধ্যমে কীর্ঘকালী ৫ম পানামিকার



অনেক ইটালীয় কারুশিল্পীর যুগপাতের বিপণি



ইটালীয় সেজিয়ের (ভুরিন) শীতকালীন স্কিইং ক্রীড়া-কেন্দ্রের একটি দৃশ্য

—তুমি আবার লাহিতা হলে কার কাছে ?

—ঐ তোমাদের বড়বৌদিদির কাছ থেকে। ছেলে-মেয়ে-গুলোর জামায় আজ এক মাস হ'ল একটু সাবান পড়ে নি, তাই চাইতে গেলাম, বললাম, দিদি গোটাকয়েক পরমা দেবেন ভাই ! তা উত্তর এল, বাড়তি পরমা কি আর আছে ছোটবৌ ? ফারে বসিয়ে দিস। আমার বেলাতেই ফার, সোডা, আর নিজের গায়ে-মাথা সাবানটি না হলে চলে মা।

কথার কোনও উত্তর দিল না রমণী, কিন্তু মনে মনে জাগল ত্রিভঙ্গাসা ; জমে উঠল সন্দেহের কালো মেঘ, দিনের পর দিন পুঞ্জীভূত হ'ল অসত্য-আশ্রয়ী বিকোভ। একদিন দাদাকে না বলে থাকতে পারল না রমণী যে, তার দ্বারা এত খরচ সামলানো সম্ভবপর হবে না। অত্যন্ত সোজা মানুষ অবনী, তাই রমণীর বক্তব্যের গূঢ়ার্থ উপলব্ধি না করেই বললেন, এই যে চালাচ্ছিস ভাই, কয় জনে তা পারে ?

—কিন্তু আর পারব না দাদা।

কথাটা অপ্রত্যাশিত—তাই হাঁ করে ক্ষণকাল তাকিয়ে রইলেন অবনী ভাইয়ের মুখের দিকে। সে মুখমণ্ডলে কি দেখল অবনী তা সে-ই জানে, কিন্তু আজ পর্যন্ত তা প্রকাশ করে নি।

যেদিন ছোটবৌ সকল ব্যবস্থা করল তার দিদির বাড়ী যাবার সেই দিনই শুধু অবনী বলল, ওরে আমি বাবার কাছে প্রতিজ্ঞা করে তার নিয়েছিলাম এ সংসারের—বলেছিলাম আমরা কোনও দিন পৃথক হব না, ভাইয়ে ভাইয়ে আলাদা খাব না।

চূপ করে রইল অবনী। এক পাশে দাঁড়িয়ে কাঁদল শৈলজা। কিন্তু ব্যবস্থার কিছু ওলট-পালট হ'ল না।

রমণী যখন ছেলেমেয়েগুলোকে নিয়ে গাড়ীতে উঠল, তখনই রমণীর ছোট সন্তানটিকে কোলে নিয়ে তার ছোট্ট মুখে চুমো দিয়ে জিজ্ঞেস করল অবনী, আমাকে একলা ফেলে যাচ্ছিস জ্যেঠামণি—। সেদিন পলাটা জড়িয়ে ধরে ছোট অবোধ শিশু, আধ আধ সুরে বলল, আমি যাব না জ্যেঠামণি—আমি—

কিন্তু শেষ করে ওকে বলতেও দিল না ওরা গুই ছোট শিশুটির মনের কথা। ট্রেনের সময়ের নাম করে কেড়ে নিয়ে গেল খোকাকে।

—জানলে ভাই সেই শোক কাটাতে পারলেন না তোমার দাদা। জয়ে পড়লেন।...

খাওয়া হয়ে গিয়েছিল সময়ের—উঠে হাত ধুয়ে অবনীর ঘরে গিয়ে বসল সে। এঁটো খালাটা পরিষ্কার করে শৈলজাও গেল সেখানে।

বৈশাখী আকাশের পশ্চিম-দিগন্তে দেখা দিল ঝড়ের পূর্বাভাস—আঁধার হয়ে এল চারিদিক—অবনী আপন মনেই বলল, চালাটাকেও হয়ত রাখা যাবে না ভাই।

—ভেঙেই যখন গেছে দাদা, তখন আর ওটার উপর মায়া কেন ? ভেঙে যেতে দিন।

মান হাসি বেরিয়ে এল অবনীর রোগ-পাণ্ডুর মুখে। আশ্চর্যে অবলল, তাই কি দিতে পারি সময়, আমার বাপের ভিটে, এই ঘরেই যে আবার একদিন ফিরে আসবে রমণী। তার পরমা আছে—সে তুলবে আবার সেই কোঠাবাড়ী।

“শিরসি মা লিখ”

শ্রীকমল বন্দ্যোপাধ্যায়

আর কত গান গাহিবে এখনো কবি ?

উষর মরুতে ঢালিবে কতই সুর ?

কি ফল লভিবে ভয়ে ঢালিয়া হবি,

সকলেই যবে নিজের নেশায় চুর ?

বীণা তুলে রাখো ঝঞ্ঝারে নাই কাজ,

মীড়ে ও গমকে আলাপন অশোভন ;

স্বার্থ-সঙ্ক আমাদের নাই লাজ,

অবসিকে বুধা করো বস-নিবেদন।

মানুষ আমরা কুপ-মণ্ডুক সম,

চির-বিত্রত নিজের সমশ্রায় ;

নিষিক্ত গীতি স্বধারসে অল্পম

করিতে কে বলো বার্থ প্রয়াস পায়।

চির জাগরুক মোদের আশ্র-প্রীতি,—

কবিতা না বলি ওনাও অর্থনীতি।

অশোক ও কুগাল

শ্রীশুজিতকুমার মুখোপাধ্যায়

সম্রাট অশোক চতুরশীতিসহস্র ধর্মরাজিকা^১ প্রতিষ্ঠা শেষ করিয়া গুলিলেন—সেইদিন তাঁহার পদ্মাবতী নারী রাজ্ঞী এক পরমসুন্দর পরমসুন্দর পুত্র প্রসব করিয়াছেন। কুমারের নয়নযুগল অতীব শোভনীয়—ইহা শ্রবণ করিয়া অশোক বলিলেন :

“লভিসু পরমশ্রীতি
পরিতৃপ্ত প্রাণ।
ধর্মসেবি লভিলাম
ধর্মেরি এ দান।
বংশের ভূষণ মম
সর্বশোকহারী।
ধর্ম হতে জন্ম, হোক
ধর্মরক্ষিকারী।”

সম্রাটের এই উক্তি শ্রবণ করিয়া অমাত্যগণ কুমারের নাম রাখিলেন, “ধর্মবর্দ্ধন।” কুমারকে যখন রাজসমীপে আনয়ন করা হইল, তখন রাজা প্রসন্ন বদনে কহিলেন :

“সুজাত-নীলোৎপলসদৃশ এ আঁখি দুটি।
পূর্ণ এ শশীসম মুখে রহে প্রসুটি।”

“এমন সুন্দর নয়ন কেউ কোথাও দেখিয়াছেন কি ?”

অমাত্যগণ কহিলেন, “দেব, মনুষ্যের মধ্যে দেখি নাই, কিন্তু পর্বতরাজ হিমালয়ে কুগাল নামক এক জাতীয় পক্ষী বাস করে, তাহাদের নয়নযুগল এইরূপ সুন্দর।”

ইহা শ্রবণ করিয়া সম্রাট কহিলেন, “কুগালপক্ষী কিরূপ দেখিতে চাই।” রাজ-আদেশে কুগাল পক্ষী আনা হইল। কুগালপক্ষী ও কুমারের নয়ন নিরীক্ষণ করিয়া রাজা কোনই প্রভেদ দেখিতে পাইলেন না। তখন তিনি কহিলেন, “নয়ন যখন কুমারের কুগালপক্ষীর স্থায় তখন কুমারের নাম রাখা হউক কুগাল।”

ক্রমে কুমার বাল্যকাল অতিক্রম করিয়া কৈশোরে এবং কৈশোর অতিক্রম করিয়া যৌবনে পদার্পণ করিলেন। তখন কাঞ্চনমালা নামে সর্বাঙ্গসুন্দরী এক কন্যার সহিত তাঁহার বিবাহ হইল।

কুমার কুগাল একদিন সম্রাটের সহিত কুর্কুটারাম বিহারে গমন করিলেন। সেখানে তখন ভিক্ষুসঙ্ঘের অধ্যক্ষ ছিলেন যশঃ নামক ঋদ্ধি-সম্পন্ন এক স্ত্রী। তিনি দেখিলেন কুমারের নয়নযুগল অবিলম্বে বিনষ্ট হইবে। পদতলে প্রণত কুমারকে সঙ্ঘোধন করিয়া তিনি বলিলেন :

“সতত শতক দুঃখ দিতেছে এ নয়নযুগল।
সতর্কে পরীক্ষ দৌহে। হে কুমার, স্বভাবচঞ্চল,
মিত্ররূপী শত্রু এরা। বোঝে না তা জনসাধারণ।
রূপেতে আসক্ত তারা করে কত পাপ-আচরণ।”

স্বভাবতঃ ধর্মপরায়ণ কুগাল স্ত্রীর আদেশ শিরোধার্য্য করিয়া নির্জনে সতত নয়নযুগলের অনিত্যতা এবং নয়নের অনুবর্তী হইয়া মনুষ্যকুল সমাজের যে সর্বনাশ সাধন করে সে-সম্বন্ধে ভাবনা করিতে লাগিলেন। একদিন অন্তঃপুরের এক নির্জন প্রদেশে এইরূপ অনিত্য-ভাবনায় কুমার যখন মগ্ন হইয়া আছেন, তখন সম্রাটের অগ্রমহিষী তিষ্যরক্ষিতা তথায় আগমন করিলেন। কুমারের পরমসুন্দর নয়নযুগলের প্রতি আকৃষ্ট হইয়া তিনি তাঁহাকে আলিঙ্গন করিয়া বলিলেন :

“হেরিয়া তোমার এই অভিরাম নয়নযুগল,
কমনীয় কান্ত তনু, সুন্দর অতি সুকোমল ;
জ্বলিছে বক্ষেতে মোর অবিশ্রাম দাবানল-শিখা,
দহিছে কোনল হৃদি লক্ষ লক্ষ অনল-কণিকা।”

ইহা শ্রবণ করিয়া কুমার সন্ত্রস্তচিত্তে উভয় হস্তে শবণ যুগল আচ্ছাদন করিয়া বলিলেন :

“অযুক্ত এ বাক্য দেবি,
আমি যে মা তোমার সন্তান !
অধর্মের পথ বাহি
নরকে মা করো না প্রস্থান।”

তিষ্যরক্ষিতা এইভাবে প্রত্যাখ্যাত হইয়া অত্যন্ত ক্রুদ্ধ হইয়া কহিলেন :

“অনুরক্ত তোমা প্রতি
আসিহু লভিতে শ্রীতি
মোরে তুমি করিলে নিরাশ !
মুখ তুমি হতজ্ঞান
মোরে কর প্রত্যাখ্যান
অবিলম্বে লভিবে বিনাশ।”

কুগাল উত্তর দিলেন, “বিনাশ লভি তাহাতে ক্ষতি নাই। কিন্তু ধর্মপথে থাকিয়াই যেন বিনাশ লাভ করি।”

সেই হইতে তিষ্যরক্ষিতা কুমারের ছিদ্র অন্বেষণ করিতে লাগিলেন। এই সময় উত্তরাপথে তক্ষশিলা নগরে বিদ্রোহ উপস্থিত হইল। সম্রাট স্বয়ং এই বিদ্রোহ দমনে প্রস্তুত হইতেছিলেন। অমাত্যগণ বলিলেন, “মহারাজ, কুমার কুগালকে প্রেরণ করুন। তিনিই বিদ্রোহ দমন করিবেন।” সম্রাট অমাত্যগণের বাক্য শ্রবণ করিয়া কুমারের যুদ্ধযাত্রার সর্বপ্রকার আয়োজন করিলেন।

অতঃপর রাজমার্গ হইতে স্ত্রীর, ব্যাধিগ্রস্ত ও আতুর-

১ ধর্মরাজ = বুদ্ধ। ধর্মরাজিকা = বৌদ্ধত্ব।

জনকে অপসারিত করিয়া একই বধে কুমার কুণালের সহিত স্বয়ং সত্রাট পাটলিপুত্র নগরের বহির্দ্বার পর্য্যন্ত অনুগমন করিলেন। অবশেষে কুমারকে স্নেহভরে আলিঙ্গন করিয়া বিদায় দিয়া সজল নয়নে কহিলেন :

“সকল সে নয়নের জ্যোতিঃ, সে-জন্যই নয়ন সকল।
অবিরাম হেরে অভিরাম যে-জন এ আধি-শতদল।”

ক্রমে কুমার তক্ষশিলায় উপস্থিত হইলেন। তথাকার নাগরিকগণ নগরের পথসমূহ ও গৃহাদি সুসজ্জিত করিয়া পূর্ণকুম্ভাদি মাদলিক সামগ্রী নগরদ্বারে স্থাপন করিলেন। অতঃপর সকলে প্রত্যাগমন করিয়া কুমারকে অভ্যর্থনা করিলেন।

ঠাহারা সসম্মানে কুমারকে অভিবাদন করিয়া বিনীতভাবে বলিলেন, “আমরা কুমার বা সত্রাট অশোকের সহিত বিরোধ করিতে চাহি না। দৃষ্ট অমাত্যগণ আমাদের অপমান করিয়াছিলেন বলিয়াই আমরা বিদ্রোহ করি।” এই বলিয়া ঠাহারা সসম্মানে কুমারকে নগরে প্রবেশ করাইলেন।

ইতিমধ্যে সত্রাট অশোকের এক ভয়ঙ্কর ব্যাধি হইল। তিনি অনবরত বমন করিতে লাগিলেন। রোমকুপসমূহ হইতেও ঠাহার দুর্গন্ধি মল বাহির হইতে লাগিল। চিকিৎসকগণের সমস্ত চিকিৎসা বিফল হইল। অশোক অধৈর্য্য হইয়া আদেশ দিলেন, “কুমারকে আনয়ন কর। ঠাহাকেই রাজ্যে প্রতিষ্ঠিত করিব। এইরূপ জীবনধারণের প্রয়োজন নাই।”

ইহা শ্রবণ করিয়া তিষ্যরক্ষিতা চিন্তা করিতে লাগিলেন, “কুণাল যদি রাজ্যলাভ করে তাহা হইলে আমার জীবনের আশা নাই।” তিনি সত্রাটকে বলিলেন, “আমি মহারাজকে সুস্থ করিব। কিন্তু বৈদ্যগণ যেন মহারাজের নিকট না আসে।”

অতঃপর তিষ্যরক্ষিতা বৈদ্যগণকে বলিলেন, “আপনাদের নিকট যদি এইরূপ রোগাক্রান্ত কোন পুরুষ বা স্ত্রীলোক আসে আমাকে দেখাইবেন।” এক আভীরের এই রোগ হইয়াছিল। আভীর-পত্নী বৈদ্যগণের নিকট আসিয়া তাহা নিবেদন করিল। বৈদ্যগণ কহিলেন, “রোগীকে আনিতে হইবে, তাহাকে না দেখিয়া চিকিৎসা করা যাইবে না।” আভীরকে তখন বৈদ্যগণসমীপে উপস্থিত করা হইল। বৈদ্যগণ তাহাকে তিষ্যরক্ষিতার নিকট পাঠাইলেন।

তিষ্যরক্ষিতা গোপনে তাহাকে হত্যা করাইয়া তাহার উদর ভেদ করিয়া পাকস্থলী পরীক্ষা করিলেন। অস্ত্রের মধ্যে এক বিরাট কুমি দৃষ্ট হইল। সেই কুমি যখন উর্দ্ধদিকে গমন করিতেছিল, তখনই রোগীর মুখ দিয়া অস্ত্রটি নির্গত হইতেছিল।

তিষ্যরক্ষিতা মরিচ চূর্ণ করিয়া ঐ কুমির উপর নিক্ষেপ করিলেন। কুমি মরিচ না। এইভাবে পিপুল ও আদা দিলেন। তথাপি কোন ফল হইল না। অবশেষে পলাণ্ডুর রস প্রচুর পরিমাণে ঠাহার উপর নিক্ষেপ করিলেন। কুমি বিনষ্ট হইল।

তিনি তখন সত্রাট অশোককে নিবেদন করিলেন, “দেব, পলাণ্ডু ভক্ষণ করুন। সুস্থ হইবেন।” সত্রাট কহিলেন, “আমি ক্ষত্রিয়। কেমন করিয়া আমি পলাণ্ডু ভক্ষণ করি।” তিষ্যরক্ষিতা বলিলেন, “দেব, ইহা ঔষধ। প্রাণরক্ষার জন্ত ইহা গ্রহণ করিতে হইবে।”

প্রভূত পরিমাণে পলাণ্ডুভক্ষণে কুমি নির্গত হইল। সত্রাট সম্পূর্ণ সুস্থ হইলেন। পরম পরিতুষ্ট সত্রাট তিষ্যরক্ষিতাকে বর দিতে চাহিলেন। তিষ্যরক্ষিতা করজোড়ে বলিলেন, “হে দেব, যদি আপনি প্রসন্ন হইয়া থাকেন, আমাকে সপ্তাহকালের জন্ত রাজ্য প্রদান করুন।”

অতঃপর রাজ-আদেশে সপ্তাহকালের জন্ত তিষ্যরক্ষিতা সমস্ত সাম্রাজ্যের কত্রী হইলেন। তিনি স্থির করিলেন সেই সপ্তাহের মধ্যেই কুণালের প্রতি ঠাহার প্রতিহিংসা চরিতার্থ করিবেন। তৎক্ষণাৎ এইরূপ এক লিপি প্রস্তুত করা হইল :

প্রচণ্ড প্রতাপশালী সত্রাট অশোক,

এই ঠাহর দণ্ডদেশ হস্তেছে প্রচার :

“কুলের কলঙ্ক মম কুণাল কুমার,

অবিলম্বে উৎপাটন করো অক্ষি ত্যার !”

সত্রাটের যে আদেশ অত্যন্ত জরুরী তাহা দস্ত-মুদ্রার দ্বারা মুদ্রিত হইত। তিষ্যরক্ষিতা ঠাহার এই আবেদনপত্র দস্তমুদ্রার দ্বারা মুদ্রিত করিবার জন্ত নিদ্রিত সত্রাটের শয়ন-কক্ষে প্রবেশ করিলেন। রাজা সহসা ভীতচকিত হইয়া উখিত হইলেন। তিষ্যরক্ষিতা প্রশ্ন করিলেন, “দেব ! একি !” রাজা কহিলেন, “দেবি, এক অশুভ স্বপ্ন দর্শন করিলাম। যেন দুই গৃধ্র কুণালের অন্ধ্রিয় উৎপাটন করিতে চাহিতেছে।” দেবী সাস্তনা দিয়া বলিলেন, “কুমারের মঙ্গল হইবে।” এইভাবে পুনর্বার সত্রাটের নিদ্রাভঙ্গ হইল। পুনর্বার তিনি বলিলেন, “দেবি। অশুভ স্বপ্ন দেখিলাম। যেন দীর্ঘশশক, দীর্ঘকেশ, দীর্ঘনখধারী কুণাল পুরপ্রবেশ করিতেছে।” দেবী পুনরায় সাস্তনা দিলেন, “কুমারের মঙ্গল হইবে।”

অতঃপর সত্রাট নিদ্রিত হইলে তিষ্যরক্ষিতা সেই লিপি দস্তমুদ্রার দ্বারা মুদ্রিত করিয়া তক্ষশিলায় প্রেরণ করিলেন। রাজা তখন স্বপ্ন দেখিতেছেন যে, দস্তসমূহ ঠাহার বিশীর্ণ হইতেছে।”

যাত্রি প্রভাত হইলে সম্রাট জ্যোতিষীগণকে আহ্বান করিয়া জিজ্ঞাসা করিলেন, “এই স্বপ্নের ফল কি হইবে?” জ্যোতিষীগণ বলিলেন :

“শীর্ণ হয় দম্বরাজি, অথবা পতিত হয় স্বপনেতে যার,
অবশ্যই চক্ষুনাশ, হবে বা জীবননাশ সম্ভানের তাঁর।”

ইহা শ্রবণ করিয়া সম্রাট চকিতে সিংহাসন হইতে উখিত হইয়া কুতাজলিপুটে চতুর্দিকে দেবতাগণের নিকট প্রার্থনা করিতে লাগিলেন :

“প্রসন্ন মে-দেবগণ ধর্মরাজ হুগতের প্রতি,
সর্বত্র আছেন ধারা মানবের দৃষ্টি-অস্তরালে।
বরিষ্ঠ যে-ঋষিগণ তপোনিষ্ঠ ধর্ম নিষ্ঠ অতি,
ঐহারা করুন রক্ষা ধর্ম শীল কুমার কুণালে।”

তিষ্যরক্ষিতা-প্রেরিত সম্রাটের দস্তমুদ্রাক্রিত দণ্ডদেশ যখন তক্ষশিলায় পৌঁছিল, তখন সেখানকার অধিবাসিগণ অতীব বিস্মিত হইলেন। কুমার কুণালের গুণমুগ্ধ পৌরজন প্রথমতঃ সেই অপ্রিয় আদেশ তাঁহাকে নিবেদন করিতে ইতস্ততঃ করিতে লাগিলেন। অবশেষে তাঁহারা কুমারকে উহা নিবেদন করাই স্থির করিলেন। তাঁহারা বলিতে লাগিলেন, “চণ্ড এবং দুঃশীল সম্রাট যখন নিজের পুত্রকেই ক্ষমা করেন না, তখন এই আদেশ অমান্য করিলে পরকে কি কখনও ক্ষমা করিবেন?”

তাঁহারা কুমারের হস্তে সম্রাটের সেই দণ্ডদেশ-লিপি অর্পণ করিলেন। কুণাল তাহা পাঠ করিয়া বলিলেন, “যাহা করণীয় তাহা আপনারা নিশ্চিতচিত্তে সমাপ্ত করুন।” তখন কুমারের নয়নদ্বয় উৎপাটন করিবার জন্ত চণ্ডালগণকে আহ্বান করা হইল। তাহারা কুতাজলিপুটে কহিল, “আমাদের শক্তি নাই ইহার নয়ন উৎপাটন করি :

“অগজন মনোলোভা
অনুপম শশিশোভা
কে হরিবে বল মোহ-বশে ?
শশিসম য়েবয়ান
তার শোভা এ নয়ান
কে নাশিবে কেমনে রভসে !”

তাহাদিগকে এইরূপ ইতস্ততঃ করিতে দেখিয়া কুমার কুণাল তাঁহার মুকুট দান করিয়া বলিলেন, “এই দক্ষিণা লইয়া আমার নয়ন উৎপাটন কর।” ভবিতব্য কে নিবারণ করিতে পারে? অষ্টাদশ হুর্লক্ষগুণ এক পুরুষ জনতার মধ্য হইতে অগ্রসর হইয়া কহিল, “আমি ইহার চক্ষু উৎপাটন করিব।”

তাঁহাকে কুণালের নিকট আনয়ন করা হইল। ঠিক সেই সময়ে যশঃ নামক সজ্জীবিরের বাণী কুমারের কর্ণে ধ্বনিত হইতে লাগিল :

“সতত শতক দুঃখ দিতেছে এ নয়নযুগল।
সতর্কে পরীক্ষা দোহে। হে কুমার, যতাবচঞ্চল,
মিত্ররূপী শত্রু এরা। বোকে না তা জনসাধারণ।
রূপেতে আসক্ত তারা করে কত পাপ-আচরণ।”

অতঃপর কুমার কুণাল সেই নিষ্ঠুর পুরুষকে বলিলেন, “প্রথমে একটি নয়ন উৎপাটন করিয়া আমার হস্তে অর্পণ কর।” সেই ব্যক্তি কুমারের নয়ন উৎপাটনে প্রবৃত্ত হইলে বহু সহস্র নরনারী আর্তনাদ করিয়া উঠিল, “হায় হায়! কি হইল!”

“কমল কে নিল ভুলে, অবোধ কে মোহে ভুলে হরি নিল শশী!
বরষি মধুর হাসি, অতুল জোছনারাশি পড়িল কি খসি!”

অসংখ্য নরনারী যখন এইভাবে রোদন করিতেছে, তখন সেই নির্দয় পুরুষ কুণালের একটি নয়ন উৎপাটন করিয়া তাঁহার হস্তে প্রদান করিল। কুমার সেই নয়ন হস্তে ধারণ করিয়া ধীরে ধীরে বলিলেন :

“কোথা সেই দৃষ্টি-শক্তি তব, দর্শন করো না রূপরাজি?
পালিহু আপন ভাবি সদা, অচেতন মাংসপিণ্ড আজি!
মিত্ররূপী শত্রু তুমি হায়, বোকে না তা জনসাধারণ।
রূপেতে আসক্ত সদা তারা, করে কত পাপ আচরণ।”
এমনি ভাবনা জাগে অস্তরেতে তাঁর
সবে যবে করে আতর্নাদ;
ভাঙিল মোহের ঘোর, লভিলা কুমার,
অমৃতের প্রথম আশ্বাদ!

অতঃপর কুমার সেই নির্দয় পুরুষকে আজ্ঞা দিলেন, “এইবার দ্বিতীয় নয়ন উৎপাটন কর।” তখনই দ্বিতীয় নয়ন উৎপাটন করিয়া সেই নিষ্ঠুর পুরুষ কুণালের হস্তে প্রদান করিল। কুণাল বলিয়া উঠিলেন :

“বিধাতার শ্রেষ্ঠ সৃষ্টি হুর্লভ যুগল নয়ন,
অপহৃত আজি মম। তথাপি বিষয় নহে মন!
চম-চক্ষু হরি নিয়া কে করিল দিব্যচক্ষু দান,
বিশুদ্ধ ও অনিন্দিত; অপূর্ব আনন্দে ভরি প্রাণ।
রাজ্যেশ্বর পিতা মোর করিলেন মোরে নিরাশ্রয়,
ধর্মরাজ ক্রোড়ে তুলি পুত্র বলি দিলেন আশ্রয়।
পার্থিব ঐশ্বর্য যাহা সর্বদুঃখশোকের আকর,
হারিয়ে তা লভিলাম যে-ঐশ্বর্য অজর অমর।”

কুমার যখন জানিতে পারিলেন, সম্রাট অশোক নহেন, তিষ্যরক্ষিতাই সম্রাটের নামে এই নিষ্ঠুর আদেশ দিয়াছেন, তখন কহিলেন :

“চিরস্থখে থাক দেবি, হে তিষ্যরক্ষিতা!
হও তুমি আয়ুধমতী তেজোবলাধিতা।
কৃতার্থ হলাম মাতঃ, তোমারি কুপার,
তোমারি এ কীর্তি দেবি, নমি তব পার!”

কুমারের নয়নযুগল উৎপাটিত হইয়াছে—এই ভয়ঙ্কর সংবাদ শ্রবণ করিয়া কাঞ্চনমালা উদ্ভ্রান্তচিত্তে ছুটিয়া আসিয়া কুমারের পদতলে মুচ্ছিত হইয়া পড়িলেন। মুচ্ছাভঙ্গে অক্ষয়

কুণালকে দর্শন করিয়া হতভাগিনী করুণস্বরে বিলাপ করিতে
লাগিলেন :

“কাজলবরণ মেঘের মতন বে-ছটি সরল আঁধি,
হরবি এ তনু প্রাণে দিত দোল। বরবি মধুর মেহ।
খেতশতমল ছাড়িয়া অমর কোথা গেল দিয়ে কাকি,
তারি সাথে হায় বায় মোর প্রাণ ছাড়ি এ বিধুর দেহ।”

কুণাল মধুর স্বরে তাঁহাকে সাঙ্গনা দিতে লাগিলেন :

“গুণাগুণ কর্মবশে চলে এই লোক।
দেখনি কি দুঃখময় জীবের জীবন ?
লভিছে বিচ্ছেদ দুঃখ সদা সর্বজন।
।প্রয়া মোর, বুখা তুমি করিতেছ শোক !”

অতঃপর রাজদণ্ডপ্রাপ্ত কুমার ভার্যাসহ তরুশিলা হইতে
অপসারিত হইলেন। রাজকুমার, তাহাতে অন্ধ। কোনরূপ
দাসস্বের কার্যে অভ্যস্ত নন। রাজকুমারীর অবস্থাও তাই।
উভয়ে বীণা বাজাইয়া গান করিয়া ভিক্ষা করেন, সেই ভিক্ষাই
তাঁহাদের উপজীবিকা। এই ভাবে বহুকাল ধরিয়া দেশ-
দেশান্তরে ঘুরিতে ঘুরিতে একদিন তাঁহারা পাটলিপুত্রে
উপস্থিত হইলেন। কিন্তু রাজপ্রাসাদে প্রবেশ করিতে
পারিলেন না। দ্বারপাল ভিক্ষুক ভাবিয়া বাধা দিল।
অনুপায় দম্পতী সত্রাটের যানশালায় রাত্রিযাপন করিলেন।
ব্রাহ্মমুহুর্তে কুমার কুণাল বীণা বাজাইয়া গান ধরিলেন :

“নয়ন শ্রবণ আদি ইন্দ্রিয়সমূহ,
পবিত্র প্রজ্ঞার দীপে হেরি ভাগ্যবান ;
ভেদ করি সংসারের জন্মমৃত্যু-বৃহ,
মুক্তি-স্থল লাভ করি তৃপ্ত করো প্রাণ।

সেই অপূর্ব মধুর কণ্ঠস্বর সত্রাট অশোকের কর্ণগোচর
হইল। তিনি উৎকণ্ঠিত চিন্তে কহিলেন :

“স্বপনে ভাসিয়া আসে দূর হতে দূর,
কার এই গীতধ্বনি অপূর্ব মধুর ?
কুমার কুণাল মোর গাহিছে কি গান ?
শিহরিছে অঙ্গ মোর কাপিতেছে প্রাণ !
গেছে সে নন্দন করি নিরানন্দ গেহ,
তাহারে খুঁজিতে প্রাণ ছাড়ে বৃষ্টি দেহ !”

তিনি তৎক্ষণাৎ একজন ভৃত্যকে কহিলেন, “কুমার
কুণাল আসিয়াছেন। শীঘ্র তাঁহাকে লইয়া আইস।” ভৃত্য
যানশালায় প্রবেশ করিয়া কোথাও কুমারকে দেখিতে পাইল
না। বাতাতপ-পীড়িত অনশনক্রিষ্ট, জীর্ণবসন, শীর্ণাকৃতি
অন্ধকে রাজকুমার বলিয়া কে বিশ্বাস করিবে ? সে ফিরিয়া
আসিয়া সত্রাটকে নিবেদন করিল, “কুমার নহেন, অন্ধ এক
ভিক্ষুক ভার্যাসহ যানশালায় আশ্রয় লইয়াছে। তাহারাই
বীণাযোগে গান করিতেছে।” সত্রাট আকুল হইয়া চিন্তা
করিতে লাগিলেন, ‘তবে কি আমার স্বপ্ন সত্য হইল ?
সত্যই কি কুমার কুণালের নয়নবুগল বিনষ্ট হইল ?’ সত্রাট
অশ্রুজড়িত স্বরে কহিলেন :

“হোক সে ভিক্ষুক ! ঘরা করি নিজে এসো তারে।

ঘাও দ্রুতগতি !
হৃৎের সঙ্কট-শঙ্কা ব্যাকুল করেছে মোরে,
চিন্তি নুক অতি !”

অবিলম্বে পত্নীসহ কুমার রাজসমীপে নীত হইলেন।
হৃদশাগ্রস্ত অন্ধ কুণালকে পিতাও তাঁহার চিনিতে পারিলেন
না। বিষয়ে উৎকণ্ঠিত চিন্তে সত্রাট প্রশ্ন করিলেন, “তুমি
কুণাল !” অন্ধ, শীর্ণ, জীর্ণাকৃতি, কোপীন-পরিহিত কুমারের
উত্তর শুনিয়া অশোক মুচ্ছিত হইয়া ভূতলে পতিত হইলেন :

“কমললোচনহীন কোমল আনন,
শীর্ণ ম্লান কুণালের হেরিলা বখন।
দহিলা জনক হিয়া নিদারুণ শোক,
মুচ্ছিত ভূতলে পড়ে ভূপতি অশোক !

মুছাভঙ্গে কুণালেরে করি আলিঙ্গন,
মুছিলা সযত্নে নৃপ পুত্রের আনন।
কণ্ঠ ধরি কুমারের রুদ্ধ কণ্ঠস্বর,
অজস্র বিলাপ করে নৃপ রাজ্যেশ্বর !

কুণাল-পক্ষীর স্থায় অক্ষি অনিন্দিত
হেরিয়া কুণাল নামে করি অভিহিত।
সে-আঁধি না হেরি আজি ভাসি আঁধিলোরে
কেমনে কুণাল নামে ডাকি বৎস তোরে।”

শোকাক্ত সত্রাটের সুগম্ভীর কণ্ঠস্বর এবং অস্তঃপুরিকা-
গণের করুণ বিলাপ সমস্ত রাজপুরী ধ্বনিত করিল :

“শতদল-সমশোভা
শতজন-মনোলোভা
কে হরিল সে-ছটি নয়ন !
আকাশের শশিতারা
হরি আহা নিল কারা
জ্যোতিহারী সে চারু বয়ন।”

সত্রাট যখন জানিতে পারিলেন তিস্যবন্ধিতাই সত্রাটের
নামে এই নৃশংস কর্ম করিয়াছেন তখন তিনি শোকে, ক্রোধে
ক্রোধে, ক্ষিপ্ত হইয়া উঠিলেন। কুণাল পিতাকে স্ত্রীহত্যারূপ
দুর্কর্ম হইতে ক্ষান্ত করিবার জন্ত সাঙ্গনা দিতে লাগিলেন :

“ক্ষান্ত হও পিতা তুমি !
এ জগৎ কর্ম-ভূমি
শোননি কি হে রাজন মূনিস বচন ?
আপনার কর্ম দিয়া
স্থখে দুঃখে ভরি হিরা
আপন জগৎ মোরা করেছি রচন।

কারে হায় দিব দোষ,
কার প্রতি করি রোষ ?
● আপনারি ভ্রমে আজি কেলি অশ্রুজল !
কবে কোন্ জন্মান্তরে
রোপিনু আপন করে
আজিকে ভিক্ষু সেই বিধবৃন্দ-কল।”

শোকহৃৎ কুক পিতৃহৃদয় ইহাতে সাস্বনা মানিল না।
হৃদ্যস্ত সত্রাট ক্রমেই অধিকতর উত্তেজিত হইতে
লাগিলেন :

“এখনই নয়ন এর করি উৎপাটন !
স্বতীক নথর-অস্ত্রে করিব ছেদন
দেহ এর ? বধিব কি তুলি শূলোপরি ?
কুর দিয়া জিহ্বা এর নেব ছিন্ন করি ?
বিষ দিয়া বধিব কি ? বল কি প্রকারে
করি হত্যা ছুটা এই তিষ্যরক্ষিতারে !”

কুগাল পিতাকে স্নেহভাবে জড়াইয়া ধরিয়া বলিলেন :

“হিংসাতরে করেছে যা জননী আমার,
নৃশংস সে-কর্ম তাত ক'রো নাকো আর !
হৃর্ভাগা জননী মোর ! ক'রো তারে ক্ষমা।
হিংসা নহে—স্নেহ, প্রেম, মৈত্রী অমুপমা,

অস্ত্রে বিতরে শান্তি—হৃগতের বাণী।
ভরো প্রাণ অমৃতের প্রশ্রবণ আনি।
প্রসন্ন অমুর মোর নাহি ছুখে তাপ।
নাহি হিংসা, নাহি ক্রোধ, নিমল নিম্পাপ,
প্রশান্ত এ চিত্ত মোর ! হরিল যে আঁধি,
তার প্রতি বিশ্বমাত্র বিবেচনা না রাখি।
বলিহু যা তাহা যদি হয় অবিতথ,
অক্ষয়ুগ হোক মোর পূর্বকার মত।”
যেমন উচ্চারণে ইহা কুগাল কুমার
আচম্বিতে প্রস্তুটিল পদ্য-আঁধি তার !*

* সংস্কৃতে রচিত “অশোকাবদান” অন্তর্গত “কুগালাবদান” হইতে
অনূদিত। এই অবদান কখন রচিত হইয়াছিল বা কাহার দ্বারা রচিত
হইয়াছিল জানা যায় না। তবে ইহা যে খুব প্রাচীন ২৮১-৩০৬ খ্রীষ্টাব্দে
কৃত ইহার চীনা অনুবাদ তাহার সাক্ষ্য।

শঙ্করাচার্য্য-গিরিতে

শ্রীমহাদেব রায়

শঙ্করের গিরি-গাত্রে উর্দ্ধ স্বজু-পথে
খাস-কষ্ট ক্ষীণ বক্ষে—তবু মনোরথ
দরিদ্রের শক্তিদাতা সারথি মহান,
শীন-বল তাঁরই বলে মহাশক্তিমান,
কুপার তাঁহারই পঙ্কু লজে তুঙ্গ গিরি,
অনায়াসে আকা-বাকা পথে ঘুরি' ফিরি'
দক্ষিণে ও বামে করি দিবা উপভোগ—
ডাল হ্রদ এক দিকে, অণু দিকে ষোগ
স্বচ্ছ ধরি বাকা তলোয়ার ঝিলমের—
নেত্রপাতে বিসর্পিল কাস্তি হেরি এর।
গিরি-গাত্র হ'তে নিম্নে মহানগরীর
হেরি নাই কাস্তি হেন স্নিগ্ধ সোনালির
চিনারের ফাঁকে ফাঁকে গৃহ গুহাবলী—
সুসজ্জিত চিত্রে যেন অর্পিত সকলি।
রক্ষী-ঘেরা পুরী যেন পপলার চিনারে,
শ্রামল শস্ত্রের ক্ষেত হ্রদের আধারে
সম-চতুষ্কোণ—শ্রাম-সৌন্দর্য্য-নিভয়,
আঁধির জিজ্ঞাসা—কোথা এ বৈচিত্র্যময়
রূপসজ্জা—শ্রাম শয্যা করে বাহুমল ?
বর্ণাঢ্য চিনার-পত্র আরক্ত উজ্জল—

হোথা ডাল স্বচ্ছ-তোয়, হোথা গিরি' পরে
উত্তুঙ্গ সুরম্য তুর্গ আকাশে বিহরে।
হেরিয়া মন্দিরে লিঙ্গ-মূর্ত্তি দেবতার
ভরি' গেল বক্ষঃ, ভূমি-নত নমস্কার
করি' ভিক্ষা চাহি দেব। প্রসন্ন সহাস
অস্ত্রে জাগায়ে রেখো অটল বিশ্বাস,
দেব-দেব, হে শঙ্কর, অনাদি দেবতা,
শিখাইতে ভোগে ত্যাগ—যেন পবিত্রতা
ভ্রম-রাগ-রূপে তব রাখে মোরে ঘিরে,
বাহু পিপাসার পুনঃ হেরি ঘুরে ফিরে'
বুরে হিম-শীর্ষ শৈলমালা স্বর্গ চুমি'
নিম্নে হেরি স্বপ্ন-রাজ্য বৈজয়ন্তী ভূমি।
সমক্ষে দেবতা—চারি দিকে তাঁরই রূপ
—শিবময়—অনন্ত সৌন্দর্য্যে অপরূপ।
শ্রীনগর-গাত্রে এ উত্তুঙ্গ গিরি মোর
সর্ব্ব হিয়া দিল ভরি'—কল্পিল বিভোর।
আকা-বাকা তলোয়ারে বাবংবার হেরি—
অভূত আঁধর নেশা রহে মোরে ঘেরি'।

মেয়েদের রোজগার

শ্রীদীপ্তি পাল

মধ্যবিত্ত ঘরের মেয়েদের উপার্জন জিনিষটা আমাদের দেশে নূতন নয় ; কিন্তু গত মহাযুদ্ধের সময় থেকে এর চেহারা যেন পাণ্টে গেছে । যুদ্ধের আগে আমাদের দেশের অনেক মধ্যবিত্ত ঘরের মেয়েরাই কাজ করতেন ঘরের বাইরে । কিন্তু বিশ্লেষণ করলে দেখা যাবে যে, তখন সেই জাতীয় মেয়েরাই রোজগারের জন্তু বাইরে বেরুতেন যাঁরা কারুর গলগ্রহ হতে চাইতেন না কিংবা যাঁদের ভরণ-পোষণ করার মত কোন আত্মীয়স্বজন থাকত না । যে সব মেয়েরা বিয়ে করতেন না কিংবা যাঁরা দুর্ভাগ্যক্রমে বিধবা হতেন তাঁদের মধ্যে অনেকেই রোজগার করে স্বাবলম্বী হতেন । গত মহাযুদ্ধের সময় মধ্যবিত্ত-ঘরে আর্থিক অনটন যেমন বেড়েছিল, চাকরির হরিবলুষ্ঠও তেমনি হয়েছিল । সত্যি কথা বলতে কি, বেকার শব্দটাই তখন যেন এই চির বেকারের দেশ থেকে ভোজ-বাজির মত উবে গিয়েছিল । পুরুষদের উপার্জন যথেষ্ট নয় এবং চাকরির সুবিধা আছে বলে তখন বহু মেয়েই ঘরের বাইরে কাজ করতে আরম্ভ করেন ।

মেয়েদের কাজের ব্যাপারে এই সময় আর একটি লক্ষণীয় পরিবর্তন হ'ল—কাজের বৈচিত্র্য । আগে মেয়েরা প্রধানতঃ শিক্ষয়িত্রী বা সেবিকার কাজই গ্রহণ করতেন ; যুদ্ধের সময় আপিস-আদালতে তাঁদের হ'ল অব্যাহতি । যুদ্ধ শেষের সঙ্গে সঙ্গেই এই রামরাজত্বের অবসান হ'ল ; তবে রাবণের রাজত্বও যে আরম্ভ হ'ল তাও নয় । ততদিনে আপিস-আদালতে মেয়েরা বেশ চলতি হয়ে গেছেন ; এ বাদেও তাঁরা কাজে ফাঁকি দিতেন কম এবং অর্ধ-লোলুপতা, প্রভৃতি থেকে তাঁরা বরাবরই দূরে থাকতেন । আর সত্যি কথা বলতে কি, আপিসের কাঠখোঁটা আবহাওয়া কয়েকটি সহকর্মিনীর উপস্থিতিতে অনেকটা পরিবর্তিত হয়ে উঠলে তাতে আপত্তি করতে দেখা যেত না বড় একটা কাউকেই । বরং অনেকের কস্মোত্তম এতে বেড়ে গেছে বলেই শুনেছি । অবশ্য ঐ মেয়েদের জন্তুই যে সব ছেলের কাজ পেতেন না আমি তাঁদের কথা বলছি না ।

এই ভাবেই আপিস, আদালত, স্কুল, কলেজ, হাসপাতাল ইত্যাদিতে মেয়েরা কাজ করে আসছেন । কিন্তু সংখ্যাগতভেদে দিক থেকে এইসব মেয়ের সংখ্যা একেবারেই নগণ্য । যুদ্ধোত্তর কালে মধ্যবিত্ত ঘরে আর্থিক অনটন বেড়েছে বৈ কমে নি ; বেকার সমস্যাও ছেলেমেয়ে উভয়তঃ ভয়াবহরূপে

ধারণ করছে । বর্তমানে একটি রোজগারে লোকের একাধিক রোজগারে সুষ্ঠুভাবে সংসার চলা শতকরা নিরানব্বইটি মধ্যবিত্ত ঘরে সম্ভব নয় । এই অবস্থায় মেয়েরা যদি সফলবলে বাহিরে রোজগার করতে যান তবে তাঁদের কাজ হয়তো জুটতে পারে, কিন্তু তাঁদেরই জন্তু তাঁদের বাপ, দাদা, স্বামীর কাজ থেকে বঞ্চিত হবার আশঙ্কা আছে । আর একটি কথাও মনে রাখা দরকার যে, অভাব শতকরা ৯৯টি ঘরে থাকলেও বাহিরে কাজ করার সুযোগ-সুবিধা এবং প্রয়োজনীয় শিক্ষা অনেকেই নাই । সুতরাং সমস্যাটা দাঁড়াল এই যে, অভাবটা মেটাতে হবে এবং সম্ভব হলে ঘরে বসে অবসর সময়ে কাজ করে সেটা মেটাতে হবে । অর্থাৎ, কুটীরশিল্পকেই এখন মুশকিল আসান করতে হবে ।

সমস্যার যে সমাধান আমি তুলে ধরলাম সেটা এত পুরনো, অতি ব্যবহারে এত জীর্ণ এবং এতই নগণ্য ফলপ্রসূ যে, এটা হ'ল দুধের অভাব মেটাবার জন্তু রুগ্ন বুড়ো গরু কেনার পরামর্শের মত । যে গাই বাছুর হবার পবে কিছুদিন দুধ দেয় ঠিকই, কিন্তু তার পরিমাণ সামান্য এবং পরের দুধের পরিমাণ সামান্যতর—তখন তার গোবরই গৃহস্থের একমাত্র ভরসা । কুটীরশিল্প বলতে মেয়েদের উপযোগী যে সব কাজের কথা মনে হয় সেগুলি হ'ল—দরজির কাজ, এমব্রয়ডারি বোনা, চামড়ার ব্যাগ ইত্যাদি বানানো বা একটু তাঁত চালানো । আর এর সঙ্গে থাকে আচার, বড়ি, পঁাপর ইত্যাদি তৈরি করা একে ত এই কাজগুলি অধিকাংশ ঘরের মেয়েরাই জানেন বলে অবস্থাপন্ন কয়েকটি পরিবার ভিন্ন মেয়েদের জিনিষ বড় কেউ কিনতে চান না ; দ্বিতীয়তঃ ঠিক পেশাদার ব্যবসায়ীর মত দর সস্তা হয় না বলেও বাজারে এই সব জিনিষের কাটতি হয় কম । সেই জন্তুই যত মেয়ে এই কাজগুলিকে উপার্জনের উপায় হিসাবে গ্রহণ করেছেন তাঁদের সকলকে সব সময় কাজ দেওয়া যায় না অথবা বিক্রয়ের (Marketing) অসুবিধার জন্তু তৈরি জিনিষ-গুলি জমা হয়ে কর্মীদের টাকা আটকে পড়ে থাকে ।

এই সমস্যার সমাধান হিসাবে অনেকে দেখিয়ে দিয়েছেন—সুতোকাটা, বাস্তব করা, মৌমাছি-পালন, হাঁস-মুরগী-পালন ইত্যাদি । এই সব কাজের সুবিধা-অসুবিধাগুলি এক এক করে বিচার করে দেখা যেতে পারে । সুতোকাটা

অবসরের কাজ হিসাবে শহরে না হলেও গ্রামে অনেকদিন থেকেই চলতি ; কিন্তু কাটুনিরা এর থেকে নিয়মিত এবং যথেষ্ট রোজগার খুব কমই করতে পেরেছেন। মিলের সূতোর সঙ্গে হাতেকাটা সূতো পাল্লা দিয়ে পারবে না এ বলাই বাহুল্য ; বরং আমার মনে হয়, বড় বড় নদীতে বাধ দেবার ফলে জল-বিদ্যৎ সুলভ হলে উপযুক্ত শিক্ষাপ্রাপ্ত মেয়েরা বাড়ীতে 'Powerloom' বা বৈদ্যুতিক শক্তিতে চালানো তাঁত বসিয়ে বেশ কিছু রোজগার করতে পারবেন। তাড়াতাড়ি হবে বলেই তখন জিনিষের দাম হবে সস্তা অথচ এতে শিল্পী তাঁর নিজস্ব প্রতিভার বৈশিষ্ট্য ফোটাতে পারবেন বলে Mass production-এর একধেয়েমি এতে থাকবে না—উৎপন্ন দ্রব্য হবে জনপ্রিয়। এমনকি উপযুক্ত প্রতিষ্ঠানের মাধ্যমে এগুলি বিদেশে রপ্তানি করাও যেতে পারে।

বাগান করে কিছু উপার্জন করা শহর-বাজারে একেবারেই সম্ভব নয় কেবলমাত্র স্থানাভাবে। গ্রামে অবশ্য যত্ন করলে প্রচুর শাকসব্জি উৎপন্ন হতে পারে—কিন্তু সেখানে সমস্তা বিক্রয়ের। মৌমাছি বা গুটিপোকাকার চাষ এখনও আমাদের দেশে বিশেষ চল হয় নি ; কিন্তু এসবও যে গ্রাম ভিন্ন শহরে প্রায় অসম্ভব তা বলাই বাহুল্য। হাঁসমুরগী পোষা গ্রামে বেশ চল আছে, আর প্রধানতঃ মেয়েরাই এইকাজ করে ; কিন্তু উপযুক্ত শিক্ষার অভাবে এর দ্বারা তারা যথেষ্ট রোজগার করতে পারে না।

সম্প্রতি কেন্দ্রীয় ও রাজ্যসরকারসমূহের দৃষ্টি পড়েছে এই সব অসুবিধার দিকে এবং তাঁরা এর প্রতিবিধান করারও চেষ্টা করছেন। কেন্দ্রীয় সরকার কতকগুলি বোর্ড গঠন করে কুটীরশিল্পের বিভিন্ন দিক পর্যালোচনা করে দেখেছেন। এদের মধ্যে আছে অল ইণ্ডিয়া হ্যাণ্ডলুম বোর্ড, অল ইণ্ডিয়া হ্যান্ডিক্রাফ্টস বোর্ড, অল ইণ্ডিয়া খাদি এণ্ড ভিলেজ ইণ্ডাস্ট্রিজ বোর্ড। এ বোর্ডে খাদির প্রসারের জন্ত তাঁরা সরকারী প্রয়োজনে খাদি কিনতে রাজী হয়েছেন এবং তার জন্ত শতকরা পনের ভাগ পর্যন্ত দাম বেশী দিতেও স্বীকার করেছেন। পশ্চিমবঙ্গ সরকারও এ বিষয়ে অগ্রণী হয়েছেন। তাঁরা কুটীরশিল্পীদের আর্থিক সাহায্য করবার জন্ত স্টেট ইণ্ডাস্ট্রিয়াল ফাইন্যান্স করপোরেশন প্রতিষ্ঠা করতে উদ্যোগী হয়েছেন এবং উদ্বাস্ত মেয়েদের হাতে তৈরি বিভিন্ন জিনিস বিক্রির সুবিধার জন্ত রিকিউজী হ্যান্ডিক্রাফ্ট সেল্‌স এম্পোরিয়াম স্থাপন করেছেন। সরকারী মহলের ধারণা যে, এই সব

ব্যবস্থার কার্যকারিতা অচিরেই জানা যাবে ; কিন্তু জনসাধারণের তরফ থেকে বলব যে, “না আঁচালে বিখ্যাস নেই”।

উপরে যে-সব ব্যবস্থার কথা বলেছি সেগুলি সাধারণভাবে কুটীরশিল্পীদের জন্তেই করা হয়েছে। মধ্যবিত্ত ঘরের মেয়েদের চেয়ে কুটীরশিল্পী-পরিবারই এর থেকে বেশী সুবিধা পাবেন। বিশেষ করে মেয়েদেরই জন্তে সম্প্রতি দিল্লীতে একটি ব্যবস্থা করা হয়েছে। দেশলাইয়ের কারখানায় অবসর সময়ে কাজ করার সুবিধা এখানে আছে। এই ব্যবস্থায় মেয়েদের কতটা উপকার হয় তা কিছুদিন অপেক্ষা করলেই দেখা যাবে।

কুটীরশিল্পের অসাধারণ উন্নতি হয়েছে জাপানে। এদেশে কুটীরশিল্পের ব্যবস্থাপনা অতি চমৎকার। এখানে যে কেবল নানা জাতীয় জিনিস প্রচুর পরিমাণে প্রস্তুত হয় তা নয়—উৎপন্ন দ্রব্যের বিক্রয়-ব্যবস্থাও সুপরিচালিত। এমন অনেক জিনিস এখানে তৈরি হয় যার বিভিন্ন অংশ বিভিন্ন শিল্পী তৈরি করেন। শিল্পীরা নিজের নিজের বাড়ীতে বসে কাজ করেন—একটি কেন্দ্রীয় প্রতিষ্ঠান এক শিল্পীর কাছ থেকে জিনিস নিয়ে পরবর্তী শিল্পীকে দেন এবং তৈরি মাসের বিক্রয়-ব্যবস্থা করেন। এইভাবে বাড়ীতে বসেই শিল্পীরা যথেষ্ট উপার্জন করতে পারেন। কাঁচামাল সংগ্রহ বা তৈরি মাল বিক্রয়ের ভাবনা তাঁদের ভাবতে হয় না। জাপানের কুটীরশিল্পের মধ্যে উল্লেখযোগ্য হ'ল সূতি, গরম ও রেশমী কাপড়, বাঁশের ও কাগজের নানারকম জিনিস, সেফ্‌টিপিন, আলপিন, ছুঁচ ইত্যাদি।

মধ্যবিত্ত-ঘরের মেয়েদের জীবন-সংগ্রামে সাহায্য করতে হলে জাপানী প্রথার অনুকরণ করা ভাল। প্রধানতঃ যে জিনিসগুলি আমরা বিদেশ থেকে আমদানী করি আর যে-সব জিনিস তৈরির কাঁচামাল আমাদের দেশে সহজে পাওয়া যায়—এই দুই জাতীয় জিনিসের প্রতি লক্ষ্য রেখে আমাদের কুটীরশিল্পের পরিকল্পনা করতে হবে। এই সঙ্গে দেখতে হবে উৎপন্ন দ্রব্যের যথেষ্ট চাহিদা দেশে আছে কিনা, প্রয়োজনীয় যন্ত্রপাতি ও শিল্পীদের শিক্ষার ব্যবস্থা করা যাবে কিনা এবং উৎপন্ন দ্রব্য বিক্রয়ের কি ব্যবস্থা হবে। সহৃদয়তা ও সুবিবেচনা নিয়ে কাজে নামলে সরকারী মহল যে মধ্যবিত্ত ঘরের মেয়েদের উপার্জনের ব্যবস্থা করে তাদের আর্থিক হৃদশা বহুলাংশে মোচন করতে পারবেন সে বিষয়ে সন্দেহ নাই।



গাংনানী যমুনার উৎস সন্ধান

জুড়ন্ত বন্দ্যোপাধ্যায়

ডিঙিলগাঁওর যে উৎসাই, তার সীমা গাংনানী পর্যন্ত। একটানা উৎসাই—এবার শুধু নেমে যাওয়ার পালা। পাহাড়ের উপর উঠে মনে হয় বিরাট একটা মালভূমি আছে আছে নেমে চলে গেছে যমুনার ধার পর্যন্ত। যমুনা এখান থেকে সম্পূর্ণ প্রকাশমান। নয়, তাঁর সাক্ষাৎ মিলবে গাংনানী পৌঁছানোর পর। ডিঙিলগাঁও থেকে গাংনানী সাড়ে তিন মাইল। আশ্রয়ের ব্যবস্থা সেখানে, খাতবস্তুর সন্ধানও সেখানে, এ বিদ্যুটে পাহাড়টার উপর কেবল ঐ অপাংক্তের চায়ের দোকান আর তারই সংলগ্ন একটা গোয়ালঘর, যেখানে একটু বসে চলে মাত্র। নামা শুরু হ'ল।

যমুনোত্তরী পথের বৈশিষ্ট্য শুধু তার দুর্গমতাই নয়, আর একটি সম্পদও সে যাত্রীদের জন্তে নিজস্ব ভাণ্ডারে জমা করে রেখেছে, সেটি জলকষ্ট। মাইলের পর মাইল পেরিয়ে যাচ্ছে, বুকের ভেতরটা মনে হচ্ছে শুকিয়ে উঠেছে—অথচ ধারে কাছে কোথাও জল নেই। পথ থেকে নেমে অনেকটা অমুপ্রবেশের প্রচেষ্টার বর্ণা থেকে জল হয় ত আসে, কিন্তু লাভের কড়ি তাতে যায় ফুরিয়ে। মধ্যে মধ্যে পথে-প্রান্তরে হুধ মেলে—তৃষ্ণার তাই হ'ল কাণ্ডারী। গাংনানীর আগেও তাই—পরেও তাই। ওখানে পৌঁছানোর পর যদি-বা যমুনার সাক্ষাৎ মেলে—কিন্তু তাও স্থানবিশেষে অসুখ্যাম্পশা, বহু দূর দিয়ে তিনি প্রবাহিনী, শব্দ শুনে সন্তুষ্ট থাকতে হয়। গঙ্গোত্তরীর পথে এটা নেই—মা গঙ্গাকে দরকার মত আহ্বান জানালেই তিনি ধরা দেন। যমুনা রহস্যময়ী, স্তব্ধতার মধ্যে দিয়েই তাঁর আসা।

বেশ নেমে যাচ্ছি, এ পাথর ডিঙিয়ে, ও পাথর মাড়িয়ে। হাতে লাঠি, দুর্গতদের সহায়। আকাশে মেঘ জমে উঠেছে, জল আসার আগেই গাংনানী পৌঁছলে হয়। সূর্যদেব ঠিক মাথার ওপর আসেন নি, বুকলাম বারটার আগেই ডিঙিলগাঁও পেরিয়ে গেলাম। পশ্চিম দিগন্তের ওদিকটার একসার পাখী পাহাড়ের উপর মেমে পড়ল, ওয়াও ক্লাস। মালভূমির উৎসাইয়ের পরই প্রাগৈতিহাসিক পাহাড়গুলো বোবার মত কাঁড়িয়ে—তারও ওদিকটার যমুনোত্তরী, আমাদের স্বাক্ষর যেখানে শেষের ইঙ্গিত। নামতে নামতে দেড়

মাইলের মাথায় শিমলী পার হলাম। শিমলী ত শিমলী, শুধু নামটি আছে, আর পাণ্ডার বিলনো ফ্রাণ্ডবিলে ওর পরিচয় আছে, আর কিছু নেই। টিম টিম করছে হু'একটি দোকান, হু'একখানি ঘর। এখানে নামার মুখে পায়ের ক্লাস্তির মধ্যে একটু ছায়াচ্ছন্ন পরিবেশ আছে। একটু বসে যাওয়া যায়।

গাংনানী পৌঁছলাম একটা নাগাদ। আজকেও, দশ মাইল হাঁটা হ'ল—একটা চড়াই পেরোন হ'ল, এসে গেলাম গাংনানী, যমুনোত্তরীর পথে যে স্থান সমুদ্রের দাবী করতে পারে। যমুনাকে ওখান থেকে পাওয়া যাবে, এখন এরই ধারে ধারে আমাদের পথ চলা। তৃষ্ণায় কাতর—অনাহারে ক্লিষ্ট—তার ওপর ধর্মশালার ব্যাপার আছে—যমুনা পরে দেখব, দেখা ত নয়—দর্শন। ধর্মশালার এলাম—উপরের দোতলার ঘরে স্থানও পেলাম। এবারকার তীর্থ-পর্যাটনে এই ঘর পাওয়াটাও নানা দিক থেকে যোগাযোগের পর্যায়ের। এখানে যাত্রীর অভাব ছিল না—ভারতভূমির নানা জায়গার নানা মানুষ, সিদ্ধী, গুজরাটী, দক্ষিণী... যমুনোত্তরীর যাত্রী আবার গঙ্গোত্তরীর ফেরত যাত্রী, গাংনানীতে তাদের থাকতে হবেই। ভয় ছিল হয়ত বারান্দার একটা ভগ্নাংশ কপালে আছে—কিন্তু আসার সঙ্গে সঙ্গেই আস্তানা জুটে গেল, পেয়ে গেলাম চারটে দেয়ালের একটা হুপ্রাপ্য সংস্থান, অথচ আমি একাই এসেছি, দোকলা বলে আমার পরিচয় ছিল না। শুধু এখানে নয়—গোটা তীর্থপথেই, কেন জানি না, আশ্রয় আমার জুটে গেছে—আশ্রয় আমি পেয়েছি। সুদূর বাংলাদেশের ঘর গেছে অদৃশ্য হয়ে কিন্তু এখানকার ঘর আমার সঙ্গে সঙ্গেই চলেছে গঙ্গোত্তরীর মন্দির পর্যন্ত। বহু যাত্রীর অভিযোগ পেশ হয়েছে চৌকীদার সমীপে, লাগান-ভাঙানোর কথাটা শুনেছি আমার এই ঘর পাওয়াকে কেন্দ্র করে—তবু আস্ত একখানা ঘর শেষ পর্যন্ত মিলে গেছে। কেদারবন্দরীর পথে হুর্ভোগের অভাব ছিল না—এখানে সে হুর্ভোগের একটা কণাও খুঁজে পাই নি। কেন কে জানে? বোধ হয় মাঝেরই খেলা।

কিছুক্ষণ পর এসে গেল ধরম সিং আর তার পিছু পিছু বীর-

বলের সংসার। যত ত আমি পারই, এ ত তাদের জানা... সোজা চলে এল আমার ঘরে চারটি প্রাণী। বিছানা পড়ে এলাকা তৈরী হয়ে গেল তাদের... আমিও খুশী, তারাও খুশী।

আগে স্নান তার পর পাওয়া। ক্ষিধে বত না পাক—যমুনার গর্ভে আমার দরকার ছিল বেশী। বেলা একটা তখন, ধর্ম সিং রান্নাবান্নার কাজে নেমে গেল, আমি চলে গেলাম যমুনার তীরে।

যমুনা, যমুনা—যমুনা এসে গেল, আমি তার তীরে দাঁড়িয়ে। ডিঙিলগাও চড়াইয়ের উপর থেকে যমুনাকে প্রথম দেখি, পাহাড়ের গা বেয়ে সফ্র ফিতের আকারে নেমে আসছে। এই প্রথম দর্শনকে বিশ্লেষণের গুণীতে আনা বৃথা, ব্যক্তিগত অনুভূতিরই তার একমাত্র সম্পদ। ধর্মশালার কিছুদূরেই যমুনা, বেশ একটু নেমে আসতে হয়। উপলগণ্ড সমাকীর্ণ তীরভূমি, একটি পারে নানাবিধ গাছের সমারোহ, তাতে পাণীর কাকলী আছে, কুজন আছে। প্রশান্তির ছায়া নেমে আছে ঘন। স্রোতধারায় বেগ আছে, অবগাহনের চেষ্টা ছাড়া। এক খণ্ড বড় পাথরের উপর বসে স্নান সেবে নিলাম। কতকটা দূরে যমুনার উপর ব্রীজ দেওয়ার চেষ্টা চলছে, স্থানীয় ইঞ্জিনিয়ারিং বৃদ্ধিই এর মূলধন। লোহালকড় নেই, স্পীকৃত সিমেন্টের বস্তা নেই, যন্ত্রের ঝন্ঝনা নেই...পাইন কাঠ আর বৃহদাকার প্রস্তরখণ্ডের যুক্ত সম্মেলনের উপর সেতুর আকৃতিকে গড়া হয়েছে। দুটো দিকের প্রসারিত বন্ধনীর উপর একটিমাত্র কাঠের 'লগ' ফেলা যা বাকী, এটি সুসম্পন্ন হলেই মানুষের যাতায়াত চলবে, গরু ভেড়াও বাদ যাবে না। যান্ত্রিক সভ্যতাকে এখানে মূল্য দেওয়া হয় নি, মূল্য দেওয়া হয়েছে প্রকৃতিকে আর মানুষের সহজাত বুদ্ধিকে। যমুনার ধারে ধারেই একটি সর্পিলা পথ চলে গেছে গাংনানীর অপর পারেব রাজতার গ্রামের দিকে, সমৃদ্ধির দিকে—গ্রামের অবদান প্রামাণিক। কাঠ আর পাথর দিয়ে গড়া এই সেতুর কিছু দূরেই বৃহদাকার শাল বৃক্ষ চেরাই করান হচ্ছে, শোনা গেল জুলাই মাসের শেষে যমুনাতে বর্ষার জল নেমে এলে ছ'তিন লক্ষ টাকার এই সব সম্পত্তি ভাসতে ভাসতে চলে যাবে উত্তর ভারতের দিকে। কাঠ চেরাই আর যমুনার ধারার শব্দ, দুটো মিশিয়ে সুরের একটা বৈশিষ্ট্য সৃষ্টি হয়েছে এখানে।

ভাবলাম, এ শব্দ খেমে বাক...লোকজন অদৃশ্য হয়ে বাক—যমুনার আওয়াজই যখন সত্যি হয়ে দাঁড়াবে, তখন আবার আসা যাবে। এখন আমি চলে বাই। প্রবাহিনীর স্বরূপ জানা যাবে না এখন, এর মর্মকথাও নয়।

সন্ধ্যার একটু আগে সকলের অলক্ষ্যে আবার এখানে এসে দাঁড়ালাম। নিঃশব্দ পরিবেশ, প্রকৃতির চোখে এবার সৃষ্টির জড়িমা এসে লেগেছে। পাণীর কাকলী গেছে থেমে, রাজতার গ্রামের সফ্র রাস্তাটাও আর দেখা যায় না—যমুনার গর্জনই এখন শাস্ত, অস্ত্র কোন শব্দের অপূর্ণতাও বেঁচে নেই।


শীতল চাকা আমি—চূপ করে জপ করতে করতে পাথরের

একটা কোণে এমন করে বসি যাতে যমুনার ধারাকে হাত বাড়ালেই ছোঁয়া যায়।

চিন্তার গভীরতা সেইখানে, যেখানে বৃষ্টি প্রকৃতিও গভীর। চোখ দিয়ে দেখার ভেতর যদি অনুভূতির ঝারোদৃঘাটন হয়, তা হলে মনের গহনে ও গভীরে অচেনা চেনা হয়—অদৃশ্য রূপ তখন রূপময়ী হতে থাকে। সন্ধ্যার অবগুণ্ঠনে ঢাকা লজ্জানতা, বেপথুমতী যমুনার কাছে বসে বসে আমার আসল মন্দিরে অকস্মাৎ কাঁসর-ঘণ্টা বেজে ওঠে—অজানিতে ও অলক্ষ্যে। যা ভাবি নি, তাই এল জল জল হয়ে, চিন্ময়ী হয়ে।

চোখের সামনে যমুনা—ফিকে সবুজ রঙের গর্বে গরীরসী। চোখ বৃষ্টি, পরিব্রাজক জীবনের দেখা সব নদনদী যায় মিলিয়ে, মাতৃরূপিণী হয়ে ভেসে উঠে চারটি ধারা, যে ধারাকে মানুষ নিয়েছে, জীবনের প্রবাহিনী হিসেবে, সাধকেরা দেখে গেছে তপস্কার ক্ষেত্র রূপে। কেদারনাথকে কেন্দ্র করে, তারই পাশে পাশে প্রবহমাণা ঘনশ্যামা মন্দাকিনী এসে মিশেছেন রুদ্রপ্রয়াগে ধূসর অলকানন্দায়। ঘন নীল রং গেছে বিসর্জন হয়ে সর্বশক্তিরূপী পরমপুরুষের ভিতর... মা সেখানে নিঃশ্বা, সর্বস্বত্যাগিনী, তাই অলকানন্দার ধূসর জটাঞ্জালই চোখে পড়ে, অস্ত্র কিছু নয়। এত যে ঘন নীল রং, রুদ্রপ্রয়াগের আবর্তে তার কণামাত্র পড়ে নেই, তার সব শেষ সেখানে। মার সেখানে নিঃশেষে মিশে যাওয়া, ব্যোমভোজা ত্রিনেত্রই সব আকর্ষণ করে নিয়েছেন, পুরুষ নিয়েছেন প্রকৃতিকে। আবার দেবপ্রয়াগেই ওই মা-ই চিন্ময়ী, আত্মশক্তি—পুরুষ সেখানে শব ও নিবীর্ঘ্য। সেখানে ধূসর রং গেছে পুছে, তপস্বিনী ভাগীরথীর গৈরিক রংটাই সেখানে প্রামাণিক। পুরুষ সেখানে শক্তিহীন ও জড়পরমাপ্রকৃতি সেখানে সৃষ্টিক্রপিণী, সর্বশক্তির আধারভূতা।

যমুনার ধারে বসে বসে মনে হয় ভবতারিণী মায়েব পাশে বসে আছি—সেই স্নেহ, সেই মায়া, সেই চিরন্তন আশ্বাস ও আশ্রয়। এই ফিকে সবুজ রঙের বেনারসী শাড়ীপরা প্রবাহিনী যমুনা. এ মায়েবই আর একরূপ, আর এক উপলক্ষির অধায়। মায়েব দুটো বাহুর ভেতর যে সব পাওয়ার উষ্ণতা, এখানে বসে বসে তারই স্পর্শ পাই সপুপরমাণু হিসেবে; মনে হয় জীবন ধঞ্জ হ'ল, পবিত্র হ'ল। পুরুষ ও প্রকৃতির লীন হয়ে যাওয়ার ভেতর আধ্যাত্মিক মার্গের সমস্ত কিছু জানার সীমাও শেষ হয়ে গেল—গাড়োয়াল রাজ্যের মধ্যাহ্নমালয়ের এই ধারা ক'টির ভিতর সে সীমার সার্থকতা ত আছেই—আবার মাতৃস্বরূপার একক রূপটিও এই প্রবাহিনীর ভিতর অলক্ষ্যে যে মিশে আছে সে বিষয়ে সন্দেহ নেই। মাতৃরূপ একটি নয়—সৃষ্টির জঞ্জ মাতৃরূপের বিকাশ বহুধা ও ব্যাপক। তাঁর সন্তান তাঁকে যে যে ভাবে চেয়েছে, পেয়েছেও সেই সেই ভাবে। এখানে যমুনাকে আমার মা বলেই ডাকা; দেখাও সেইভাবে। যে দয়া ভুলনাহীন, যে মায়া বিশেষণহীন; যে স্নেহ পরিমাণহীন—যমুনাকে দেখা আমার ঠিক এইভাবে। গঙ্গোত্রীর পথে বা বদরীকার পথে প্রবাহিনীর একক মূর্ত্তিকে দেখেছি



গাংনানীর যমুনা

তপস্বিনীরূপে, বৈরাগিনীরূপে। এ ছুটি পথের ধারে ধারে মা ভাগীরথী সন্ন্যাসিনীর উত্তরীর তুলে ধরেছেন সন্তানদের জন্তে, সাধকদের জন্তে, তাপসদের জন্তে—তাই তাঁর গায়ের যঙে গেরুয়ার ছোপ। কেদারনাথের পথে মন্দাকিনীর যে রূপ, সে রূপ আর চণ্ডালিকা রূপ, ভীমা ও ভরতীর রূপ। সে ধারাকে স্থানবিশেষে যাহুঁষ নিয়েছে প্রলয়রূপিনী হিসেবে, খড়্গধারিনী হিসেবে, তাই ত মায়ের মং সে ধারার ঘননীল। বদরীকার পথে দেবপ্রসাদের পর অলকানন্দা বেন রাজমাজেশ্বরী, সর্বপ্রার্থ্যময়ী, নানালকারবিভূষিতা।

সার্থক রূপের সার্থক পরিচয় সেখানে—নারায়ণের বদরীকার সঙ্গে তার ঐতিহ্যময় সামঞ্জস্য আছে। সুমহান সুপ্রাচীন চারিটি তীর্থ—যমুনোত্তরী, গঙ্গোত্তরী, কেদারনাথ ও বদরীকানাথ—যুগযুগান্তের ইতিহাস যেখান জড়ান ও মেশান—তাদেরই পাশে পাশে চির-প্রবহমাণা যমুনা, গঙ্গা, মন্দাকিনী ও অলকানন্দা—আধ্যাত্মিক যুগের সার্থক এ সম্বন্ধে সার্থক এ সৃষ্টি।

গাংনানীর এই যমুনা, স্নেহাতুর মায়ের অঞ্চলই এ, আর এই অঞ্চল ধরে ধরে আমার বা আমাদের মত অর্ধাচীন সন্তানের উঠে

আমি তীর্থেই শুভানে। সাক্ষ্য একটিমাত্র প্রসঙ্গ উপর, সেটা হ'ল
ব্রহ্মসময়ী-মায়ের ছোট্ট দুটি পা আমি পূজা করতে পেরেছি
কিনা কাঁপাব কিনা। সবকিছুই ভারসাম্য ঐ দুটি জিনিষের
উপর—অজ্ঞান জীবনে হাহাকার উঠবে, গোলাপের বাগান যাবে
তুকিয়ে। মৃষ্টিময়ী মা এখানে চেয়েছেন জীবনের সব তিত্তীক্য
ষোল আনা, এ পথ সেই পথ যে পথে এই ষোল আনারই পূজা
চাই, কড়াফাল্টি তার থেকে ভাঙলে চলবে না। যমুনাস্তরীর
আসল পথ এই গাংনানীর পথ থেকে, পথের প্রান্তে যা ফেলে
এলাম তা জোড়া লাগবে তারই উপর যাকে জীবনভোর বলে
এসেছি—‘নমঃ।’ এ তীর্থ হ'ল মহত্তম, সাধকদের বৃক্কের রক্ত
দেওয়া, সিদ্ধযোগীদের আশীর্বাদে যে মহান তীর্থভূমির আকাশ-
বাতাস মথিত হয়ে আছে। তাঁরা অলক্ষ্যে টেনেছেন তাই স্মৃতিতে
মনে হয়েছে জীবনের আশীর্বাদ, আশ্রয় পবন সদগতি।

বাক্সের প্রথম বাম—আকাশে চাঁদ উঠেছে, গোলাকার বক্রকে
চাঁদ। তবল রূপোর মত চারিদিকে পাহাড়গুলোতে এই চাঁদেরই
চাঁদোয়া পরিবেছে কে! সারা আকাশটা ঘিরে কোটি কোটি
নক্ষত্রের মায়াজাল আর নীহারিকার অনন্ত জিজ্ঞাসা—মায়েরই
আর এক সার্থক সৃষ্টি! যমুনার জলে চাঁদের আলো পড়েছে, মনে
হচ্ছে সমগ্র স্রোতধারায় অস্ত্রের কুচি মেশান, ফিকে সবুজ শাড়ীর
উপর এক অদৃশ্য শিল্পী চুম্বকি বসিয়েছে যেন।

জপের সঙ্গে মিশে গেছে ধ্যান, ধ্যানের বেদীতে বিশ্বচরাচর-
সৃষ্টিকারিণী মাতৃরূপা সমাসীনা... ডুবে গিয়েছিলাম গহনে গভীরে—
চমকে উঠলাম, মনে হ'ল রাত ন'টা বেজে গেছে। উঠে পড়লাম
পাষণ্ডগু থেকে, ফেরা যাক এইবার!

ধর্মশালার ফিরে এসে দেখি আমার নামে নিকুদ্দেশের পরোয়ানা
জারী হয়েছে, আমি যে গাংনানীতে নেই এবং আমাকে ধরে
টেনে নিয়ে গেছে কোন অশরীরী মানুষ সে বিষয়ে কারুর সন্দেহ
নেই। ধর্ম সিংকে দেখি ধর্মশালায় তলাকার বারান্দায় কয়েক-
জন বাক্সীকে নিয়ে গবেষণা শুরু করেছে, সে গবেষণাকে দস্তুরমত
প্রথম শ্রেণীর বলা যায়। আমাকে দেখা আর ভূত দেখা কতকটা
একই পংক্তিতে, অনেক কষ্টে নিজেকে সামলে চোখ দুটো বড় বড়
করে বলে, “আপ কিথার গিয়া।” কিছু না বলে উপরে উঠে
গেলাম আমি। দেখলাম ঘরেও সেই অবস্থা। বীরবল, তার মা,
রুক্ষিণী অপেক্ষায় বসে আছে আমার জন্তে, অল্পজল ত্যাগ করে
বাক্সির প্রহর গুনছে। কৈফিয়ত দিতে কেটে গেল আধ ঘণ্টা
এবং এ রকম আর হবে না এই প্রতিজ্ঞাটি পেয়ে তবে তারা সন্তুষ্ট
হ'ল। নিকুতি পেলাম আমি, ঝড়টি মিটে গেল।

যাত্রা খাওয়া-দাওয়া চূকে গেল—বাক্সীনিবাস হয়ে এল
নিকুত, বীরবল এক কাহিনী শুরু করল—যদি শুধু আমার মত
অর্ধাটীন মানুষের জন্তেই নাকি তোলা ছিল। কাহিনীটি অদ্ভুত,
সাধারণ বক্তব্যের বিশ্বাসের মাপকাঠির ভিতর নাও

আসতে পারে—তবে এটি সত্যি, সাময়িক উচ্ছ্বাসের ভিতর ভাব-
শ্রেণীকে শিথলী করে কোন মিথ্যে জিনিষ চালিয়ে দেওয়া নয়।
আমি এটি পুরোপুরি বিশ্বাস করেছি আর মেনেও নিয়েছি। স্মৃতি
নিয়ে যারা আসে, কল্যাণ নিয়ে যারা আসে তারা সবই পায়, অজ্ঞান
তাদের ভরে উঠে। বীরবলপ্রদত্ত কাহিনীটি শুয়ে শুয়ে যা শুনলাম
তা এই পর্যায়ে।

কাহিনীটি বীরবলের মায়ের। কানায় কানায় তাঁর সবকিছু
পূর্ণ হয়ে উঠেছে—তাই তাঁর পাওয়া। ডিঙিলগাওয়ের চড়াই
পেরিয়ে আসার সময়ে এ ঘটনাটি ঘটে। বৃদ্ধা সকলের আগেই
আসছিলেন, বীরবল ও রুক্ষিণী ছিল পিছিয়ে। আপন মনেই
আসছিলেন তাঁর গুরুজীর নাম স্মরণ করতে করতে, হঠাৎ সামনের
দিকে পথের পাশে এক পাইনগাছের দিকে তাঁর দৃষ্টি পড়ে গেল—
যে পড়ে যাওয়াটা গোটা জীবনের শ্রেষ্ঠতম সম্পদ। তিনি দেখলেন,
গাছটির উপরকার শাখা-প্রশাখার ভিতর একটি বৃদ্ধ-মূর্তি—শেতকায়
ও অক্ষয়মণ্ডিত। গাছের একটি ডালের উপর তিনি বসেছিলেন,
ক্ষীণকায় শরীর, বীরবলের মায়ের দিকেই তিনি তাকিয়ে ছিলেন
এক দৃষ্টে। অবিস্মরণীয় ঘটনা, অলৌকিক ঘটনা। মায়ের চলা
গতি গেল রুদ্ধ হয়ে, তিনি শুধু দৃষ্টিটুকু খোলা রাখলেন সেই অদ্ভুত
মূর্তিটির দিকে। ইতিমধ্যে বীরবলরা এসে যায়। আঙ্গুল বাড়িয়ে
বীরবলকে তিনি দেখাতে যাওয়ামাত্র মূর্তি গেল অদৃশ্য হয়ে—
দীর্ঘ মহীকালের কাণ্ড আর ডালপালাই বইল দৃশ্যমান
হয়ে।

বীরবলের ধারণা তার মাতাজীর তীর্থে আসা সার্থক হয়ে গেল,
পাত্র গেল পূর্ণ হয়ে। তার নিজের আক্ষেপ যে তার পাপের ঝোঝা
এখনও টানতে হবে, ভুল-ত্রুটি তার জীবনে এখনও আছে, সেইজন্তে
সেই অদ্ভুত মূর্তিটির দেখা পেল না। বাক্সীনিবাসের ছোট্ট ঘরটুকু
তার মস্তান্তিক আক্ষেপে ভারী হয়ে উঠল যেন। তার একমাত্র
কথা—“মাতাজীকে দর্শন মিলে, হামকো নহি।”

বুঝলাম, যা শুনে এসেছি তা বাস্তবে এল। যমুনাস্তরীর
বহুশ্রম অঞ্চলে সিদ্ধযোগীরা দেখা দেন সেই মানুষদের যাদের
মন্দিরে ধূপধূনার গন্ধের অভাব নেই—বীরবলের মা সেই মন্দিরেরই
একজন যোগ্য পূজারিণী, তাই দর্শন পেয়েছেন, আশীর্বাদ পেয়েছেন
যা সকলের ভাগ্যে জোটে না। এই দর্শন পাওয়ার সার্থকতার রূপ
আমরা দেখেছিলাম ওই বৃদ্ধার ভিতর। এই ঘটনাটি ঘটে যাওয়ার
পর তাঁর জীবনে কোথা থেকে যে অকাল ভারুণ্য নেমে এল বুঝলাম
না। গাংনানীর পরই তাঁর পায়ের গতি যায় বেড়ে, তিনি বৃদ্ধের
গণ্ডী ছাড়িয়ে নেমে এসেছিলেন অদ্ভুত এক পংক্তিতে যেখানে
মানুষের আসাটা সচরাচর ঘটে না। যমুনাস্তরীর দুয়ারোহ দুর্গম
পথকে তিনি গ্রাস করেন নি—সকলের আগেই তিনি পথ পেরিয়ে-
ছেন, পথ হেঁটেছেন, কোথা থেকে যে শক্তি এসেছিল কে জানে!
যে পথ কারার পথ, গোটা জীবনের অধ্যবসায়ের পথ সেই পথে
এই বৃদ্ধাকে দেখেছি হাসতে হাসতে চলেছেন বিজয়িনীর মত—অধঃ

বা অসম্ভৱ ও অবিশ্বাস। এটি ঘটেছিল ঐ মূৰ্তিটিৰ সঙ্গে বোগাবোগ ঘটবাব পৰাই।

ভোৱবেলা গাংনানী ছাড়ালাম—আজকেৰ পাড়ি বিবম পাড়ি, একটানা বোল মাইল। সামনে চড়াই আছে, বন্ধুৰ পথ আছে, জলকষ্টও আছে প্রচুৰ। গাংনানী থেকে খারারী তিন মাইল। যমুনাকে বা দিকে রেখে পথ চলে গেছে পাইনগাছের ভিতৰ দিয়ে। এ পথটুকুকে অপবাদ দেওয়া যায় না, বরং তাকে সুখ্যাতি করা যায়। সমতল বাস্তা—পাহাড়গুলো মাৰমুখী নয় এই বা। যমুনা কখন কাছে, কখন দূৰে দূৰে—ওদিকটায় গাছের সমারোহ নেই, সমারোহ যত পথের ডান দিকে—সারা পথের উপৰ শুকনো পাতার আন্তরণ। মধ্যে মধ্যে ছোট ছোট কুটীরের সন্ধান পাওয়া যায়। এখানকার স্ত্রী-পুরুষ বা দেখছি—শ্রদ্ধা আসছে তাদের দেখে। বীৰ্যবান, স্বাস্থ্যবান, রূপবান। পাহাড়ের হাওয়া আর স্বৰ্গৰাজ্যের প্রভাব তারা বোল আনাই পেয়েছে—কি সহজ, কি সরল, কি অমায়িক। আসাৰ পথে দেখা গেল এমনি একটি অনামী কুটীৰে চালকোটার পৰ্কেৰ মেতে আছে একটি মেয়ে—আমাদের দিকে তাকিয়ে হাসল, আমরাও হাসলাম, বে হাসিটুকু এ অঞ্চলেই মেলে, অন্ত কোথাও নেই। ধৰম সিং বললে, 'ওৰ কাছ থেকে কিছু চাল কিনে নেওয়া দরকাৰ।' বুঝিয়ে দি, চটিতে চটিতে আশ্রয় মেলে ওই চাল-ডাল কেনাৰ উপৰ, 'চাল আমাৰ সঙ্গে কেনা আছে' বললে, ৰাত্ৰেৰ আশ্রয় নাও মিলতে পাৰে। ধৰম সিং নিবস্ত হয়, মেয়েটিৰ সঙ্গে আলাপ কৰাও হয় না তাৰ, সেই সঙ্গে চাল কেনা। খারারীৰ নাম পাওয়া যায় ছাপাৰ অক্ষরে পাণ্ডাৰ দেওয়া বইয়ের ভিতৰ, তাতে লেখা আছে খারারীতে কমপক্ষে দুটি চটিৰ অস্তিত্ব আছে। তিন মাইল পেরিয়ে এসে দেখি, খারারীতে ছোট্ট একটি চায়ের দোকান লোকালয়বৰ্জিত আবহাওয়ার ভিতৰ জিজ্ঞাসাৰ মত জেগে আছে—গাছের ছেঁড়া ছেঁড়া পাতাৰ আন্তরণ দেওয়া একটি মাত্র বাস্তব—তারই ভিতৰ নামমাত্র সাজ-সৰঞ্জাম নিয়ে চায়ের এই বিপণি। দোকানের মালিককে জিজ্ঞাসা কৰি, "গ্রাম-টাম নেই?" হাত উঁচিয়ে দিক্চক্রবালের কাছাকাছি কয়েকটি বিন্দুৰ মত কুটীৰ দেখিয়ে দেয়, সেগুলোই নাকি খারারী গ্রামের ভগ্নাংশ। ইতিহাসের পণ্ডিতের কাছে চুপ কৰে শুধু চায়ের ভাঙটি টেনে নি, উত্তৰ দিই না। এখানে হুধ বিক্রি কৰা হচ্ছে, ইচ্ছে কৰলে কেনা যায়। আমি শুধু চা-ই খেলাম।

সামনে চড়াই—আৰ এ চড়াইয়ের জের চলল পাঁচ মাইল দূৰেৰ যমুনা চটি পর্যন্ত। চাৰিদিকেই পাহাড়, আৰ এ পাহাড়ের কোনরকম শালীনতাবোধ নেই, খাড়াই উৰ্দ্ধমুখে উঠে গেছে। পথের কোলীজও নেই, তারও নিঃশেষে শেষ হয়ে গেছে...এদিকে-ওদিকে শুধু পাথৰ হুড়ান, বুরো পাথৰ, এর উপৰ দিয়েই যমুনা চটিৰ অবাস্তব বাস্তা। গাংনানী থেকে খারারী পর্যন্ত আমরা দলে ছিলাম সাত-আট জন বাতী মাজ, এর মধ্যে ব্যক্তিকেত্ৰিক বিচ্ছিন্নতা আসে নি। খারারীৰ পৰ সব কেটে বেৰিয়ে গেলাম,

ঝোড় বলে কিছু বইল না, বিজোড়ই তখন এ পথের মূলধন। জল নেই—শুধু যমুনাৰ শব্দ শুনেই আন্তত্ব হতে হয়। যমুনা এ পথ থেকে বহু দূৰেই প্রবহমাণা—মা এখানে তৃষ্ণাৰ্ত্ত বাতীকে নিজের শব্দই শুনিয়েছেন, অঞ্জলিতে বাৰিবিন্দু দান কৰেনি নি।

কোন রকমে এসে গেলাম পাঁচ মাইলের কুচ্ছ সাধন শেষ কৰে যমুনা চটিতে—বেলা তখন দশটা। যমুনাৰ ঠিক ধাৰেই চটিৰ অস্তিত্ব, সেই জন্তে স্থানটিৰ নামেৰ আগে অনিবার্য 'যমুনা' শব্দটিৰ বোগ হয়েছে। এখানে এসে ক্লাস্তি দূৰ হয়ে গেল, মনে হ'ল পেছনের কেলে-আসা চড়াই-ভাঙাটা দিবাস্বপ্ন হয়ে গেছে। যমুনা চটি বৰণীয় স্থান, বৰণীয় এর পরিবেশ। জীবনের চাঞ্চল্য আছে এ স্থানটিতে। আবহাওয়া স্তিমিত নয়—মাহুৰেৰ পদসঞ্চাৰ আছে। ধৰ্মশালা রয়েছে কালী কমলীওয়ালায়, হু'পাচটা দোকান-পাটের হুংপিণ্ডেৰ ধুকধুকনীও এখানে বৰ্তমান। তবে এখানে বিজ্ঞামের যতটা তাগিদ অনুভবে আসে, ৰাত্ৰিযাপনের প্রয়োজনীয়তা ততটা নেই। কেননা সাধাৰণ বাতীদেৰ লক্ষ্য থাকে যমুনা চটি পেরিয়ে আৰও আট মাইলের মাধ্যম হুমান চটিতে পৌছনোর। বাৰা খারারীৰ চড়াইয়ের দাপটে অশক্ত হয়ে নেমে আসে, তাদের পক্ষে এখানে মাধা শুঁজে থাকবাৰ বন্দোবস্ত আছে—সে কোলীজের বদনাম যমুনা চটিৰ নেই। তবে আমাদের মুষ্টিমেয় বাতীদলে সে রকম অশক্ত কেউ ছিল না। আমরা শুধু বিশ্রাম নিলাম কিছুক্ষণ, তার পর যমুনা চটিকে ছাড়িয়ে পুল পেরিয়ে আবার পথের প্রান্তে নেমে এলাম। এবাৰ আট মাইলের আৰ একটা পরীক্ষা, আৰ সেটি উত্তীৰ্ণ হতে পাৰলে হুমান চটিতে পৌছনোর অধিকাৰ মিলবে।

পরীক্ষা আৰ পরীক্ষা—চৰমতম তথা বৃহত্তম। গাংনানী ছাড়ানোর পর মা যমুনাকে বা দিকে প্রবহমাণা দেখেছিলাম, এবাৰ যমুনা চটিৰ পর তিনি ডান দিকে এলেন, সেই ফিকে সবুজ শাড়ী-পরা মায়াবিনীয় রূপ, যাৰ সামান্যতম দৰ্শনেই সন্তুষ্টিৰ বজা নেমে আসে। আধ মাইল পাৰ হবাৰ পর যমুনা ধীৰে ধীৰে পাহাড়ের গহনতায় অদৃশ্য হলেন—আমাদের মত বাতীদেৰ জন্যে এ সৰে-যাওয়া বিগত বাত্ৰিৰ স্বপ্ন মাত্র! মনে হ'ল, কাছাকাছি জল আছে, তবে সে জল নয়, জলের আলেখ্য। এখানে ব্যথা জমে মনে মনে, অভিমানে বুক ভরে যায়। মনে হয় কিরে বাই। যমুনোত্তরী তীৰ্থের ইতিহাসপ্রসিদ্ধ জলকষ্ট এই স্থান থেকেই সূৰু হয়েছে সার্থক হয়ে—কেননা সামনের চড়াইয়ের যেমন তুলনা নেই, তেমন তুলনা হয় না একটিমাত্র অঞ্জলিৰ জলের হা-হতাশের! যমুনা চটিৰ আগেও জলকষ্ট যে নেই তা নয়, তবে সে মাহুৰেৰ সহশক্তিৰ সীমাকে পেরিয়ে যায় নি।

বে চড়াইয়ের সামনে এসে দাঁড়লাম আমরা, উত্তৰ থেকে দুৰ্দ্ধিণ, পূৰ্ব থেকে চম—সমস্তদিকেই তার একটা অমাহুৰিক স্পৰ্শা যেন হুটে বেরুচ্ছে। বাতীদেৰ জানিয়েছে সৰ্বাস্বক 'চ্যালেঞ্জ' ও শুভতোর হুচ্চকু। এ চড়াই কান্নাৰ চড়াই। পথ ত নেই-ই,

তায় থাকে শুধু আদলমাত্র—আর এই আদলের উপর লক্ষ কোটি পাথরের বিকিণ্ড আস্তরণ, যার উপর পায়ের পাতা হুটিকে সমান ভাবে রাখার উপায় নেই বাত্মীনের—অদ্ভুত অসমান পথ, মনে হয়, যার কি করে? এরকম পথ গঙ্গোস্তরীর পথে নেই—এই ধরণের পথ যমুনোস্তরীরই একমাত্র সম্পদ।

চড়াই যে পেরোই নি তা নয়, বাঘাবর জীবনের তলা দিয়ে পথের ইতিহাসই চলে গেছে যেন—তবু সে ইতিহাসের সাক্ষ্য আছে, কেননা অধাবসায়ের পরীক্ষায় এমনভাবে স্পর্ধার স্বরূপটি ফুটে ওঠে নি। কাশ্মীর থেকে কুমারিকা, ভারত-ভূমির নানা প্রান্তে নানা দিকে কাঁধের ঝুলিকে সঞ্চল করে পথ হেঁটেছি প্রচুর, কেননা জীবনে ভগবান ঘর দিলেও আমার পথকেই করেছেন সত্যের আরাধনা—তাই বেঁচে থাকার পথই আমার পথ আর পথই আমার বেঁচে থাকা। ধরিত্রীর নানা রূপকে দেখেছি হুঁচোখ মেলে, কেননা তার দরকার ছিল পর্যটনের খাতার পাতায়। অসমান, বন্ধুর, ছুরাবোহ, এসব বিশেষণের মাত্রায় ভূপৃষ্ঠের যে ক্রমবিকাশের ধারা আমার ঝুলিতে তার স্বাক্ষর বড় কম নয়। গত বছরে ত্রিযুগী-নারায়ণ আর তুঙ্গনাথের সামনে দাঁড়িয়ে ভেবেছিলাম—উর্ধ্বমুখী এ বিদ্রোহীযুগলের ক্রকুটির সামনে তীর্থপ্রয়াসের ঝুলি শূন্য হয়ে যাবে না ত? কিন্তু শূন্য হয় নি, লাভই হয়েছে—কেননা তাদের ক্রকুটিকে মেনে নেওয়া যায়, মানুষের সহশক্তির সীমা তারা লঙ্ঘন করে নি। চড়াই সেখানে পথ বেগে গেছে, পথের মর্যাদাকে তারা এমন ভাবে নষ্ট করে নি।

কিন্তু এ কি! এর ত কিছুই নেই—এর নিরাভরণতার সবটাই যে অদ্ভুত! না আছে পথ, না আছে পাকদস্তী, না আছে এ দুটি জিনিষের সৃষ্টির এতটুকু প্রয়াস—বিধাতা তাঁর বিরাট খড়া দিয়ে শুধু খেয়ালেরই অজুহাতে এ অঞ্চলটিকে ভেঙে চূরমার করে দিয়েছেন—আর তাঁর একটা অটুহাশ্ব এখানকার আকাশে-বাতাসে মধিত হয়ে রয়েছে।

কিন্তু চলতে ত হবে, পথ ত আমার জন্যে নতুন করে দেখা দেবে না, তাই চড়াইয়ের উপর ঝাঁপিয়ে পড়ি। বন্ধমুষ্টির ভিতর চেপে ধরি লাঠিটাকে—সেই বিপদের কাণ্ডারী হয়ে ওঠে এ পথে। আমি, ধরম সিং আর বীরবলের মা এক সঙ্গেই এসেছি এ পথটুকু—বিচ্ছিন্নতা আসে নি। কল্পিত বীরবল আসছিল একটু পিছিয়ে—আমার সঙ্গে তাদের মাতাজী আছে, তাই তাদের সাক্ষ্য ও শাস্তি। এক পা, হুঁ পা—মনে হয় এ যেন দিনের শেষের অবসাদ ও খিন্নতা। একটি সমান্তরাল রেখা ধরে এ যেন আট-ন'তলা বাড়ীর আলসে-বরাবর উঠে যাওয়া—সেই জন্যে প্রতি পাদবিক্ষেপে বিদ্রোহ ঘনিয়ে উঠে। চড়াই ভাঙার মুখে এক বোঝাইবাসী দম্পতীর সঙ্গে দেখা হয়। বিপুলকারা গৃহিণী অসহায়ভাবে বসে পড়েছেন একটি পাথরের উপর, মুখে শার্বীক ক্লান্তিজনিত হুঁ হতাশ বে, এত কষ্ট করেও যমুনোস্তরী দর্শন আর হ'ল না—ঘর্ষাঙ্ক-কলেবরা ও অসহায়দের প্রতিমূর্তি। সঙ্গে চলমান পাণ্ডা ও

চারটি বাহকের পিঠে বাবতীর ইহলৌকিক তত্ত্বের সাজসরঞ্জাম, এমন কি ট্রাকও বাদ নেই। বুঝা গেল, রোপ্যমুদ্রার অভাব নেই, লক্ষী বিবাহমানা। স্বামী শুধু বুঝিয়ে যাচ্ছেন যে, এরকম করে শক্তিহীনা হলে তার হাজার টাকার একটা অঙ্ক সামান্য কারণে ব্যর্থ হয়ে যাবে। কথাবার্তার বুঝা যায়—আজকের দুঃখ তার তীর্থের নয়, কাঞ্চনমুদ্রার। পাণ্ডাকে ডেকে বলি, “কাণ্ডী করা হয় নি কেন ভদ্রমহিলার জন্যে? টাকার ত অভাব নেই!” সংক্ষেপে উত্তর দেয়, “এত বড় কাণ্ডী পাওয়া দুঃসাধ্য।”

সত্যিই ত! বীরবলের মা নিজের উদাহরণ দেখিয়ে বোঝাই-বাসিনীকে নানা ভাবে উৎসাহ দেন। এতে কাজও হয় কিছু। উঠেন—কিন্তু কতকটা চড়াই উঠে আবার সেই অবস্থা—সেই কান্না আর—‘হামকো নেহি হোগা—।’ উপায়ান্তর না দেখে আমরা এদের এড়িয়ে যাই। হনুমান চটিতে এদের আমরা দেখি নি তা নয়, দেখেছিলাম—কিন্তু সে এক ধ্বংসস্তূপের অবস্থা।

চড়াই ভাঙার মুখে তিন মাইলের মাথায় পাওয়া গেল উজলী। নামমাত্র চটি, সেই টিমটিমে চায়ের দোকান একটি, আর তার লাগোয়া একটি পোড়ো জীর্ণ ঘর। উজলীর পর চড়াইয়ের একটু দয়া-দাক্ষিণ্যের ভাব আছে, অর্থাৎ চারিদিকের পাহাড়ের গা বেয়ে যে পথ তার নিম্নমুখী হওয়ায় ঔদার্য্য আছে খানিকটা। পাইনেরই সমারোহ চলছে একটানা—এত পাইন গাছ হুনিয়ার আর কোথাও নেই। ধরাস ছাড়ার পর সেই যে এদের পথ-পরিক্রমা শুরু হয়েছে—এর পরিসমাপ্তি ঘটেছে খরসালীতে। গাছের সারি চলেছে ত চলেছেই, এর আর শেষ নেই। কষ্টসহিষ্ণুতার ভিতর এদের স্মৃতি শাখত।

এক মাইল নেমে আসার পর যমুনার তীরে একটি স্থানের সামনে এসে দাঁড়ান গেল—যার পরিচয় আমাদের জানা ছিল না। শোনা গেল এ স্থানটির নামকরণ হয়েছে নয়া চটি। কালী কমলীওয়ারালার ধর্মশালা তৈরী শুরু হয়েছে, শেষ হতে বেশী দেরি নেই। একতলার কাঠামো শেষ হয়ে গেছে, দোতলাও তাই, শুধু ছাদ হওয়া বা বাকি। ধর্মশালার আশপাশে জীবনের চাঞ্চল্য দেখা গেল অর্থাৎ দোকানপাটের বনিয়াদ গড়ে উঠেছে স্পষ্ট ভাবে। সবই পাওয়া গেল—চাল, ডাল, আটা, মশলা ও কাঠ। স্নান করা হ'ল যমুনায়—সে স্নান গা ডুবিয়ে নয়, পাথরের ওপর বসে বসে মাথায় জল ঢালা। এখানে যমুনা বেগবতী ও ধরপ্রোতা।

নয়া চটি থেকে যাত্রা শুরু হ'ল আবার বেলা তিনটায়—এইবার হনুমান চটি, সেখানে বিশ্রাম ও বাত্রিভাস। নয়া চটির সামনেই যে যমুনা তার উপর একটি আন্ত পাইনগাছ ফেলা আছে—ওটাই ত্রীজ আর ওরই নীচে দিয়ে মাত্র চার-পাঁচ ফুট তলাতেই শ্রোতস্থিনীর ঝোড়ো রূপ, শুধু পা হড়কে পড়তে বা বাকি, মুহূর্তে অদৃশ্য হওয়ার সম্ভাবনা। যতবার যমুনাকে পেরুলাম আমরা—ত্রীজের ঐ একটিমাত্র রূপ, অর্থাৎ বিরাটকার একটি গাছ ফেলা। পেরুতে পারলে ভাল—না পারলেও গাছ কল্পিতকালে উঠবে না।

এখান থেকে হুম্মান চটি তিন মাইল। আজ তের মাইল হাঁটা শেষ হয়ে গেছে, যোল মাইল পূর্ণ হলে তবে আজকের মত নিষ্কৃতি পাব, বিশ্রাম পাব। পথ সেই চড়াইয়ের ইতর-বিশেষের মধ্যে দিয়ে চলেছে, একটানা চড়াই আর নেই। যমুনা আবার বাম দিকে এলেন, কেননা পথ ঘুরেছে, নানা বাঁকের মধ্য দিয়ে পথের সোজা পরিচয় আর নেই। এদিকে-ওদিকে বন ও উপবন—পাহাড়ের সেই অনন্ত রুক্ষতা। পায়ের উপর মাংসপেশীর চাপ পড়ছে, কেননা একটানা তের মাইলের একটা অঙ্ক শেষ হয়ে গেছে আমার। কাঁধের উপর ঝোলান একটিমাত্র ব্যাগ, তাই মনে হচ্ছে ভারী, ওটা কেলে দিলেই হয়। গগলসের ভিতর চোখ দুটো হয়ে এসেছে স্তিমিত—মনে হয় ঘুমিয়ে পড়ি। চামড়ার উপরেও কিসের একটা টান পড়েছে, এর কারণ আর কিছু নয়, মর্ত্যের মানুষ আমরা বহুদূর উঠে এসেছি বলে। আকাশ ঘোলাটে, পাংশুবর্ণ—এ আকাশ যেন আমার আকাশ নয়। চারিদিকে নগ্ন পাহাড়-পর্বত—একটানা নীরজ্জ নিস্কৃতা—এ পৃথিবী যেন আমার চেনা পৃথিবী নয়। গোটা আবহাওয়ায় কি বকম ছমছমে ভাব—মনে হয় আমাদের পথ চলার আওয়াজ এখানে আপাংস্ক্য ও অর্থোস্তিক। প্রাগৈতিহাসিক পৃথিবীর এক ক্ষুদ্র ভগ্নাংশের ভিতর দিয়ে সর্পিলা গতিতে চলেছি আমরা মুষ্টিমেয় তীর্থযাত্রী—অবাস্তব উপজ্ঞাসের ছেঁড়া পাতার মত।

হুম্মান চটির আগে পাইন ছাড়াও আর এক বকমের গাছের সন্ধান পাওয়া গেল, এ দেখা প্রথম। এ দেশের ভাষায় তাদের নাম রিঙাল, আমাদের ভাষায় শর জাতীয় গাছের ঝোঁপ। পাহাড়ের নগ্ন আবরণের ভিতর শেকড় চালিয়ে অজস্র এই রিঙালের বেঁচে থাকা—প্রথম দৃষ্টিতে এদের বেথাপ্লা বলে মনে হয়। ভাল খুঁড়ি বোনা চলে এ দিয়ে। বাংলাদেশ হলে কখন নিশ্চিহ্ন হয়ে যেত। হুঁ'একটা অনামী ফুলের গাছও দেখা গেল—পাহাড়ী অনামী ফুল, নাম জানি না। চটিতে পৌঁছানোর আগে পথটা অজুত ভঙ্গীতে ঢুকে গেছে গ্রামের ভিতর—যমুনা ছাড়াও আর একটি নদীর উপর দিয়ে কাঠের সেতু পেরিয়ে যাত্রীদের প্রবেশের ব্যবস্থা, পরে জেনেছি ও নদীটির নাম হুম্মান, যমুনোত্তরী গ্লেশিয়ার থেকেই নেমে এসেছে। যমুনা ছাড়া এই প্রথম তৃতীয় স্রোতধিনীর সন্ধান পেলাম আমরা, এর আগে কোথাও পাই নি, যমুনাকেই দেখে এসেছি একমেবাদ্বিতীয়ম্ হিসেবে। সন্ধ্যা হব হব—হুম্মান চটিতে এসে গেলাম আমরা।

যোল মাইলের একটা ধাক্কা—জীবনে একটানা পথ কখনও যা হাঁটি নি। এটি সম্ভব হ'ল তার কারণ এটি স্বর্গরাজ্যের অন্তর্ভুক্ত বলে। সবই এখানে সম্ভবের পরিপ্রেক্ষিতে।

এখানে শীত আছে, বাত্রে কথলের প্রয়োজন হয়। যমুনা চটিতে শীতের আবেশ লেগেছে, এখানে তার বহিঃপ্রকাশেরই একটা ধাপ, যমুনোত্তরী যে কাছে, এখানকার শীতের অসুভূতিই তার প্রমাণ। বাত্রে ধর্ম সিং চমৎকার ডাল আর কটি পাকাল—

একটা অজুত আবেষ্টনীর শিহরণের ভিতর অলস কাঠের সামনে তাই বসে বসে খাওয়া গেল। বীরবলরা তাদের তৈরি বাস্তব কতক অংশ দিয়ে যার। আমরা একই ঘরে,—এখানেও নির্বিবাদে উপরের ভাল ঘরটি জুটে গেছে আমাদের। পায়ের তেল মাখানোর প্রস্ন নিয়ে ধ্বস্তাধ্বস্তি হ'ল একবার বীরবলের সঙ্গে, বহু কষ্টে তাকে নিবৃত্ত করা গেল। এ সংসারটি আমাদের মিশিয়েছে কি আমিই তাদের সংসারকে মিশিয়ে নিয়েছি নিজের ভিতর বুঝা দুষ্কর। অজুত এক রাজ্যের ভিতর বৃহত্তর স্বার্থের খাতিরে মানুষের কোন পংক্তিভাগ এখানে নেই—সব মিশে একাকার হয়ে গেছে।

অনেক রাত পর্যন্ত ঘুম এল না চোখে। নানা বকম ভাবনা, নানা বকম আত্মবিশ্লেষণ। যা 'নয়' তাই চলে আসছে স্বীকৃতির ভিতর, সিনেমার পর্দার মত যত রাজ্যের সব চিন্তা ভেসে ভেসে যাচ্ছে। ডানদিকে ধর্ম সিং—অবোধ শিশুই সে, অঘোরে ঘুমুচ্ছে। ঘরের ভিতর একটিমাত্র লঠনের স্তিমিত আলোর জ্যোতির সঙ্গে ঘন বেধেছে ভিতরের ও বাইরের অন্ধকারের—সভ্যতার ও নিদর্শনটুকুকেও মনে হয় অর্কাচীন, ও আলোটুকু নিভে গেলেই যেন ভাল হ'ত। ওদিকটার আপাদমস্তক ঢাকা বীরবল, রুক্মিণী, তার শিশু ও মাতাজী—কারুর সাড়া নেই। আমার যেন মনে হয় ওরা বোধ হয় বেঁচে নেই! অশরীরী আত্মার পদসঞ্চারণের আবেষ্টে নিশ্চিহ্ন হয়ে যাওয়া হুম্মান চটি, আমি শুধু প্রহর গুনি। যে চিন্তাটুকু আর সব চিন্তাকে ঠেলে ফেলে দিয়ে বড় হয়ে ওঠে—সে চিন্তা সেই ব্রহ্মতালের, সেই স্বপ্নের ঘোরে দেখা এক মায়াবিনীর রূপ, সেই ফিকে সবুজ শাড়ী! সেই পথটুকু, পাহাড়েরই এক ভগ্নাংশে মিশে-বাওয়া একটি পথ, যার এক প্রান্তে দেখা দিয়ে সেই অসুখ্যাপর্শা লঘুহন্দে মিশে গেলেন আর আমি শুধু কিসের ঘোরে যেন তাই দেখলাম অথচ বুঝা গেল না, জানা গেল না... অসুভূতিতে এসেও যেন হারিয়ে গেল! আজকের এই মায়াময় আবেষ্টনীর এক অখ্যাত প্রান্তে শুয়ে শুয়ে সেই দেগাটাই কুণ্ডলী পাকিয়ে ওঠে শত বাহু নিয়ে, কিছুতেই ভুলতে পারি না...ঘুম আসে না আমার!

সারা পথ যা পেরিয়ে এলাম তা তন্ন তন্ন করে খুঁজে এলাম, ব্রহ্মতালে দেখা সেই পথের সঙ্গে যদি মেলে—কিন্তু মেলে নি। সেই বাঁকটুকু, পথের প্রান্তে অনাদৃত হুঁ'একটি পাথরের টুকরো, কয়েকটি পাইনগাছের ছোট্ট একটি উপনিবেশ...সারা পথ অসুসন্ধান করে এলাম, জিজ্ঞাসা কেবল জিজ্ঞাসাই থেকে গেল। কোথায় সেই পথ—কোথায় সেই দেবীমূর্তির ছায়া? পাই নি...এল না। বহু শুধু বহুশ্রুতমের আবরণ নিয়ে থেকেছে পথের প্রান্তে—জীবনের প্রান্তে।

অনাশ্বাদিত ইতিহাসকে চেনে না কেউ, তাই তার সন্ধান কেউ বেরায় না। যা চির অদৃশ্যমান—তা দৃষ্টির সামনে আসেও না, দাপও কেলে না কোনদিন। জীবনে তারই প্রয়োজন বেশী, যা হুরে হুরে চার মিলে যাওয়ার মত মিলে যার জীবনে, তাই

সার্থক, তাই মূল্যবান। কিন্তু আলোর মত যে ষড়ৈর্ঘ্যে শুধু এসেই নিভে গেল, বৃষ্টি দিলে না, জানতে দিলে না—তার জন্তে কারা বড় বেশী হুটো হাতের বৃহৎ অঞ্জলির ভিতর এক তুলনা-হীন সম্পদ পুষ্পাঞ্জলি হয়ে যদি বা এল, না পারা গেল তার জ্ঞান অন্বেষণ করতে, না পাওয়া গেল নৈবেদ্য দেওয়ার শেষ অধিকারটুকু। মধ্যরাত্রে আকাশে এ যেন এক বিহ্বালের আলো, শুধু আলোই নিভে যাওয়া...

যুম আসে না আমার... যুম আমার হুঁচোখ থেকে কে যেন পুঁছে নিয়েছে। সবই কি মায়া, সবই কি ভুল? কেবল কি চড়াই-উৎরাইয়ের ক্লাস্তিটুকু নিয়ে বাড়ী ফিরব? যার জন্যে আসা, তার লাভের কড়ি যদি না মূলিতে আসে—তা হলে যমুনোত্তরী তীরের মাহাত্ম্যই বা কেন? বা এর ঐতিহ্যের প্রচার কেন দিকে দিকে?

একটা অহেতুক অভিমান বৃকের পাঁজরাগুলোতে যেন বেজে উঠে... কেমন যেন শূন্য বলে মনে হয় নিজেকে...

কালকেই ত পূর্ণিমা—কালকেই যমুনোত্তরী পৌঁছানোর কথা। মধ্যে খরসালী ও ভৈরবঘাট—তার পরই তীরের শেষ, যাত্রার প্রথম অধ্যায়ের হবে পরিসমাপ্তি! উষ্ণ মত ছুটে এসেছি আমরা হৃৎসর্কিত এক মনুষ্যগোষ্ঠী—কালকেই তার বেগ হবে প্রশমিত। কোথায় ছিলাম আর কোথায়-বা এলাম—একটা জগৎ ছিন্ন হয়ে আর একটা জগৎ তাতে জুড়ে গেছে আর এই শেষের জগতের একটি স্তূর্ণময় যুগের ইতিহাসের সঙ্গে হবে দেখা। কোথায় বাংলা-দেশ আর কোথায় যমুনোত্তরীর পথের প্রান্তে নগণ্য এই হুম্মান-চটির ঘর—সমুদ্রপৃষ্ঠ থেকে দশ হাজার ফুটের উপর, আমিই বা কে, ওরাই-বা কে?

আর যেন ভাবতে পারি না... কয়েকটা ঘণ্টা মাত্র—পাখী ডেকে উঠবে, সকাল হবে; তার পর চরম পুরস্কার লাভের চেষ্টার আবার সেই চড়াই ওঠা, উৎরাই ভাঙা হবে শুরু! আর একটি দিন... চম্বিশ ঘণ্টা একটা ব্যবধান—তার পরেই মায়েব আশীর্বাদ পাব, ধন্য হব আমরা!

ঘড়ির কাঁটার মত যাত্রা শুরু হ'ল—সকাল ছ'টার মধ্যে হুম্মান চটির মায়া কাটিয়ে পথে নেমে এলাম, পথ হ'ল একান্তের পরিচিত, একান্তের কাব্য, আজকে নতুন আশা; নতুন উত্তম... এর যেন শেষ নেই। 'যমুনামারী কি জয়' ধ্বনিত আবেগে ঘন হয়ে উঠল... যাত্রীরা যেন পুনর্জন্মের পর্যায়ের নেমে এসেছে। ক্ষয়িষ্ণু মানুষ বলে এদের আর চেনা যায় না... আজকের দিনে এরা মহত্তমের গণ্ডিতে এসে মিশেছে। যে ভাবের বিকাশটি দেখেছিলাম বদরীকার আগে, সেখানেও সেই হুম্মান চটি ছাড়ার পর... যে একাকারের চরমতম পর্যায় চোখে পড়েছিল কেন্দ্রনাথের আগে রামবরহা ছাড়ার পর—আজকে যমুনোত্তরীর আগেও সেই একই ভাব—সেই একই অমুভূতিই চোখে পড়ল। বড় সূক্ষ্ম, বড় মহান মানুষের এই ভাব—এর তুলনা নেই। গণ্ডীবদ্ধ মানুষের নিঃশব্দ ও নেউলে হয়ে যাওয়ার উদাহরণই বেশী, বত পাপ বত দীনতা,

অগুচিতার পাকে পাকে আমাদের ভিতরকার সম্পদ হয়ে গেছে ভিগারী বৃন্দকুড়ো—আমরা তাই আজকে দেখি না, তার অবমাননা করি পদে পদে! সমাজের স্তরে স্তরে গ্লানির স্তূপ—আর এই স্তূপের পলিমাটির ভিতর আমরা আটকা পড়ে আছি, তাই ভুল আমাদের পদে পদে, রাজসিক ও তামসিক বৃত্তিটাই হয়ে উঠেছে বড়।

কিন্তু...

প্রত্যেক মানুষের মধ্যে অনাজাত পুষ্পের মত একটি বৃত্তিও ভগবান দিয়ে রেখেছেন, সে পুষ্প দুর্লভ, সে অজ্ঞান। তাকে চিনতে হয় বৃষ্টি দিয়ে—আত্মবিশ্লেষণের ভিতর, তবে সেই ফুলের সার্থকতা। মাটির উর্ধ্বতাই যখন সব—তখন সে ফুলের জন্তে ভাবনা নেই। হুম্মান চটি ছাড়ার পর মনে হ'ল মাটির এই উর্ধ্বতায় ভিতর প্রত্যেকটি যাত্রীর সেই বৃত্তির দ্বারোদ্ঘাটন হয়েছে... খুলে গেছে সব। এখানে মানুষ শুধু মানুষই নয়, এখানে তার সংজ্ঞা আলাদা, পরিচয় আলাদা। গাইতের মায়েব মুখে এক-একটি বিরাট সভ্যতা আবিস্কৃত হয়েছে সকল যাত্রীর ভিতর, তাই মানুষ এখন কেবলমাত্র নয় নয়, সে নরোত্তম। বা অসত্য, বা ভুল তাই ধুয়ে মুছে গেছে—মায়েব আশীর্বাদপূত সন্তানের বিরাটত্বের এখানে তুলনা নেই। তাই এই বৃক্ষকাটা চীংকারের ওঙ্কার—'যমুনামারী কি জয়'।

তিন মাইল পথ পেরিয়ে এলাম, আর এক মাইল, তার পর খরসালী—যমুনোত্তরী পথের মানুষের গড়া শেষ উপনিবেশ। এই এক মাইল শুরু হ'ল আর চলতে চলতে চোখে পড়তে লাগল নানা-বিধ পুষ্পসস্তার, নামী ও অনামী। চিনতে বা পারলাম, তা হ'ল কাঠ গোলাপের ঝোঁপ, কিংককের গুচ্ছদল আর বগুফুলের সস্তার, আর এদের পটভূমিকায় ধ্যানগম্ভীর বিশাল অর্জুনগাছের অতল সাক্ষীর মত জেগে থাকা। পাইনগাছ দেখতে দেখতে এসেছি, মনে হয়েছে এ ছাড়া আর কোন বৃক্ষের উৎপত্তির সন্ধান নেই এ পথে—ফুল ত চোখে পড়েই নি। খরসালীর আগে এদের পরিচয়টি আকস্মিক ও অনাস্বাদিত বলে প্রত্যেক যাত্রীকে ভাবিয়ে তোলে। পাখীর কাকলীর শুরুও এখানে, ইতি খরসালীর শেষে। গোলাপের ঝোঁপ সংখ্যাহীন—অকৃপণভাবেই পাবাণ মৃত্তিকাকে এরা বর্ণ দিয়েছে, পরিচয় দিয়েছে, আর আবহাওয়াকে করে তুলেছে নম্র ও মিষ্টি। কিংককের পরিচয়ও তাই—তারাও সংখ্যাতত্ত্বকে হার মানিয়েছে, প্রত্যেক ফুলটি সৃষ্টিতত্ত্বের এক-একটি সম্পদ, মনে হয় দেবাদিদেবের জটাজ্বালের উপর একাদশীর চাঁদের মত এক-একটি ফুলের পরিচয়। বত দূর দৃষ্টি চলে শুধু ফুল আর ফুল—আর তা চলল ঐ গ্রাম পর্যন্ত।

ভাবছিলাম সৃষ্টির কি অপার মহিমা, ধ্যানের ভিতর দিয়ে এ মহিমার সূত্র খোঁজা যায় শুধু। এ ফুল-কল ত এতনি নয়, সৃষ্টি হয়েছে এদের একটি বিশেষ অধ্যায়ের জন্তে—এদের সৃষ্টি জীবনের শ্রেষ্ঠতম পূজার নৈবেদ্যের জন্তে, বরণডালা সাজানোর জন্তে। মায়েব মন্দির ত আর বেশী দূর নয়, সামনে খরসালী আর তা

ছাড়ানোর পর একটিমাত্র ছরুহ চড়াইয়ের বা কুকুটি, তার পবেই মা যমুনার আঞ্চলিক আশীর্বাদ নেমে আসবে যাত্রীদের উপর, তাঁরই সৃষ্ট সন্তানদের উপর। আর এই সন্তানদের অঞ্জলির জগ্গে পুষ্প-সম্ভারের অভাব রাখেন নি মা, তিনি যে চিন্তাহরণী ও চিন্ময়ী। মারা অঞ্চল জুড়ে শুধু ফুলেরই ইতিহাস আর সেই সঙ্গে পট-পরি-বর্তনের আভাস, এ আর কিছু নয়, এ কেবল তাঁরই প্রয়োজনের জগ্গে। ষোড়শোপচারের পূজার জগ্গে ফুলসম্ভার...কাঠগোলাপ আর কিংক, কিংক আর বিড়াল—সবই তিনি কঠিন পাষণমৃত্তিকার ভিতর ধরে-বিধরে সাজিয়ে রেখেছেন। আমরা—যারা হামাগুড়ি দিতে দিতে এত দূর উঠে এলাম, আমাদের কর্তব্য হ'ল অঞ্জলির ভিতর এ গুচ্ছদল তুলে নেওয়া আর মায়ের মন্দিরে বৃহত্তম কল্যাণের জগ্গে পৌঁছে দেওয়া। চোখের ভিতর দিয়ে আস্থার উপলব্ধির ভিতর এর সংকেত যদি না আসে, তা হলে বুঝব কিছুই চেনা হ'ল না, জানা হ'ল না কিছুই।

বিভোর হয়ে চলছিলাম এ পথে। সারা দেহে রোমাঞ্চ আসছিল দৃষ্টির বাইরে সেই পরমাশক্তির কথা ভেবে—যার সৃষ্ট বিশ্বচরাচরে কোন কিছুরই অভাব নেই। আমরা তাঁকে দেখি না, খুঁজি না, তাই তিনি আসেন না। গুচ্ছিয়ে রেখেছেন তিনি সব, ছোট ও বড়—আমরা চোখের দেখার ভিতর দিয়ে তার কল্যাণকে হারিয়ে ফেলি।

পরমালী গ্রামের আগে এই এক মাইল পথ, ফুলের বর্ণ-উচ্ছ্বাসে সমৃদ্ধ ও স্তমহান্ চিন্তার ভিতর একটা নেশার আমেজ যেন...বিভোর হয়েই পথচলা আমার।

কত কে আসছে, যাচ্ছে...দেখেও দেখি না, অনামী তারা, পরিচয়হীন গোত্রহীন তারা...তীর্থ পথের পাশকাটান নয়নারী! আমি ফুলের মহিমা জপতে জপতেই পথ হাঁটছি।

কিন্তু এ কি?

পাহাড়ের নেমে-আসা বাকের মুখে পথেরই উপর এই পাশ-কাটান নর ও নারীর ভিতর একটি অদ্ভুত লাবণ্যসমৃদ্ধা অষ্টাদশীর আবির্ভাব...ফিকে সবুজ শাড়ী অঙ্গে জড়ান, হন্ হন্ করে আসছে এদিকে। দেখেও দেখি না—এ পরিচয়হীনদের ভিতর কেউ হবে বা। হ'পাশে ফুলের যে সমারোহ তার উপরেই আমার দৃষ্টি—আর তার অধ্যাত্মিক বিশ্লেষণেই মন ছায়াচ্ছন্ন, তাই সূত্র হারিয়ে ফেলি, দেখেও দেখি না। আমার পাশ ঘেঁষেই অষ্টাদশী চলে গেল একটি বিশেষ অনাবিকৃত ছন্দে মত, তরঙ্গের উচ্ছ্বাসের মত।

কেমন একটা শিহরণ—কিসের একটা অদ্ভুত অমুভূতি—শিবা-উপশিষায়...ঝিমঝিম করে উঠে সারাটা শরীর আমার।

এ রকম ত হয় না, এ অমুভূতি ত নতুন, অনাস্বাদিত!

চমকে মুখ ফিরিয়ে তাকাই—অনামী কাস্তার অনিন্দ্যসুন্দর মুখের উপর ফেলা ফিকে সবুজ শাড়ীর অবগুঠন, তারই সিঁথির সীমন্তে সোনার একটি টিকলী, ছায়াঘন-পল্লবিত হুটি চোখ—মায়াবিনী পথেরই প্রান্তে অদৃশ্য হয়ে কর্প বের মত উবে যায়—।

আমারই সামনে—তবাতুর হুটো চোখেরই সামনে এ অষ্টাদশীর বাতাসে লীন হয়ে যাওয়া! কয়েকটি মুহূর্ত—তার পবেই বাজ-পড়ার মত উপলব্ধির আকাশে চৈতন্যোদয়ের একটা চোখ ধাঁধান আলোর ঝলক, যা সমস্ত জীবনের বুদ্ধির ও অমুভূতিকে বিদীর্ণ ও মথিত করে চলে যায়।

কয়েকটি সেকেণ্ড, তার পবেই জলজলিয়ে সেই ব্রহ্মতালে দেখা দৃশ্যসম্পদ ভেসে ওঠে মনের ভেতর। যে পথে চলছিলাম—তাকে আবার দেখি, বিচার করে নি, মিলিয়ে নি।

সেই পথের বাক—অসমাপ্ত তরুবীথিকার ছায়াচ্ছন্ন পরিবেশ! সেই ফিকে সবুজ শাড়ী, সেই বহুশ্রমযীর অদৃশ্য হয়ে যাওয়া—সব ঠিক, কোন ভুল নেই!

কিন্তু আমার ভুল হয়ে গেল। ভুল হয়ে গেল গোটা জীবনের। এ ভুল সর্বগ্রাসী ভুল। মা ফুল দেখিয়ে ভুলিয়ে রেখেছিলেন আমার মত নিকোঁদ শিশুকে, তারই আকর্ষণে সম্পদ হারালাম আমি—। এক মিনিটের ইতিহাস জীবন ইতিহাসে যা চির আরাধনার, বন্দনার ও সর্বোত্তম স্মৃতির, হারালাম আমি—।

হলুমান চটির অন্ধকারাচ্ছন্ন ধম্মশালার ঘরের একটি প্রান্তে বুক-জোড়া অভিমান সমুদ্রের ঢেউয়ের মত ফুলে ফুলে উঠেছে গত রাত্রে—তন্ন তন্ন করে খুঁজে দেখেছি মনের ভিতর ফেলে-আসা পথকে যদি ব্রহ্মতালে দেখা স্বপ্নের পাপ্রান্তটুকুকে সামঞ্জস্যের সীমায় আনা যায়...অভিমানই থেকে গেছে, সে পথের সাদৃশ্য পাই নি কোন-খানে।

কিন্তু...

একটি রাত্রে পর সে অভিমান ঘোচাতে এলেন সেই মাতৃমুর্তি, পরে এলেন নানালঙ্কার বিভূষিতা হয়ে, ফিকে সবুজ শাড়ী পরে। যে পথকে দেখেছিলাম সেই পথই ছবির মত পরমালীর প্রান্তসীমায় ফুটে উঠল বাস্তব হয়ে, সত্য হয়ে, শান্ত হয়ে। আমি ফুল দেখলাম, তার রং দেখলাম—অথচ আসল ফুল অঞ্জলিতে নিলাম না—তার রংও আমি চিনলাম না।

মম্মাস্তিক যন্ত্রণায় বসে পড়লাম আমি সংমূঢ়ের মত একটি পাথরের উপর। চোখে হাত দিলাম। কাঁদছি আমি শিশুর মত। সব হারানোর হাহাকারে বকের এক প্রান্ত থেকে অপর প্রান্ত পর্যন্ত ছিঁড়ে গেল বেণু বেণু হয়ে—মনে হ'ল পাগলের শেষ দশা আমার। আমি কি হারালাম? আক্ষেপের আবর্তে আমি যেন শতধাবিত্ত্ব হয়ে গেছি।

কলম ও কালি দিয়ে এ নিগূঢ় তত্ত্বের মম্মকথার স্বরূপ উদ্ঘাটন সম্ভব নয়, তাই সে প্রচেষ্টাকে নিবৃত্তির পথে টেনে আনাই উচিত। যে জিনিষ দেখেছি, হারিয়েছি যে সম্পদ সামাগ ভুলের জগ্গে, ভবিষ্যৎ জীবনেতিহাসের পাতায় পাতায় তার প্রভাব কতখানি—তার কড়া-ক্রান্তির হিঁস এখানে থাক। এ প্রচেষ্টা আমার শুধু মায়ের কাঠামোর উপর অবোধ শিল্পীর মত রং বুলান মাত্র, আসল রং কি দেওয়া যায়? সে রং থাক আমার মনেরই ভিতর।

যা শুধু তা চিরকালই মুক, যা অবাস্তু তা চিব মৌন... খর-
সালীর পথপ্রান্তে ফেলে-আসা কাচিনী এই পূর্ণায়—একে বাক্য
দিয়ে, বিশেষণ দিয়ে বৃদ্ধান যাবে না।

তবে উপসংহারের ভাগিদ মত এইটুকু বলে রাগি—পাত্র পূর্ণ
হওয়া চাই না হলে আরাধা সম্পদ আসবে না, এলেও তা মরীচিকার
মায়াই শুধু জীবনে এনে দেবে। মানুষের আধ্যাত্মিক জীবনধারণে
সার্বস্বত সে জীবনের যোগাযোগ—তারও মাপ আছে, পরিধি
আছে, ব্যাপ্তি আছে। এই যোগাযোগ আসে তখনই যখন আত্মা
প্রদীপের উজ্জ্বলতার মত ঠিকই উদ্দেশ্যে অগতঃ পাবে যাকে আমরা
চিরকাল জীবনের প্রণাম জানিয়েছি। এ প্রণাম হওয়া চাই পূর্ণাঙ্গ
—স্বয়ংসম্পূর্ণ—রূপের ভিতর দিয়ে এ প্রণাম তৃপ্তপ্রতির হওয়া
চাই। না হলে চাকাচাকট থেকে যাবে, সব পেয়েও শূন্য হয়ে
যাবে সব।

যমুনোত্তরী তর্পণের অঞ্চল—বহুস্তের পীঠস্থান। এমন কোন
জিনিস নেই যা মেলে না ওখানে। অতন্দ্র বিশ্বাস নিয়ে এগুতে হবে,
পথ চলতে হবে—ভুল হলে চলবে না। সম্পদের পর সম্পদ—
ঐশ্বর্যের পর ঐশ্বর্য—শুধু আমাদের জন্মেই ওখানে থরে-বিথরে সাজান
—সুদৃষ্টির মাঠে—যোগাযোগের সন্ধিপূজায় মানুষের জীবনে
এদের স্রোতস্থিনীর মত নেমে আসা অপরিহার্য ও অমোঘ।

এক মাইলের বই স্বর্ণাঞ্চল শেষ হয়ে গেল, এসে গেল খরসালী,
সমাজবন্ধ মানুষের গড়া যমুনোত্তরী পথের শেষ জনপদ, দুটো
পথ। প্রথম পথটি গ্রামকে হাতছানি দিয়ে দূর দিয়ে চলে গেছে,
গিয়ে মিশেছে যমুনার ধার ববাবর। দ্বিতীয় পথটি খরসালী গ্রামের
মধ্যে দিয়ে চলে গেছে একে-বেকে—এরও শেষ যমুনায়। খরসালীর
নাম শুনেছিলাম—না দেখেই যাব? দ্বিতীয় পথকেই বেছে
নিলাম। রাস্তার দু'ধারেই লাইনবন্দী ঘর অর্থাৎ মকান আর রাস্তাটি
এ বাড়ীর উঠান ও বাড়ীর চাতালের তলা দিয়ে চলে গেছে—আমরা
যেন বাস্তবিশেষের বাড়ীর ভিতর দিয়ে হেঁটে যাচ্ছি। পথঘাট

নোংরা—অশুচিতায় ভরা যেন সমগ্র খরসালী গ্রাম—অথচ যমুনোত্তরী
মন্দিরের অধিকাংশ পাণ্ডাদের আস্তানা এখানে। বদরীকার পথের
পাণ্ডুকেশ্বরকে স্মরণ করিয়ে দেয় অপরিচ্ছন্নতার দিক থেকে। একটি
মন্দির চোখে পড়ল—অনামী মন্দির, নাম পেলাম না বা বিগ্রহ দর্শন
হ'ল না। ছোট্ট গ্রাম খরসালী, তবে বসতি ঘন—প্রাণের চাকলা
আছে। আদ ঘণ্টার ভিতর চলার বেগে খরসালী গ্রাম মায়া কাটাল
আমাদের, এসে পড়লাম যমুনার তীরে। এখানেও সেতুর সেই
সহজ সংস্করণ অর্থাৎ কাঠের গুঁড়ি ফেলা আছে—কোনরকমে পার
হওয়া গেল। যমুনার স্রোত এখানে মারমুখী ও ভীষণ—
উন্মাদিনীর মূর্তিতে পৃথিবীর দিকে ছুটে চলেছেন। গাংনানীর সে
যমুনা এ নয়—যমুনা এখানে ভৈরবিনীর মূর্তি ধারণ করেছেন।

যমুনার অপর পারে জানকীমাই চটি। বিশ্রামের যোগা স্থান
বটে—হেঁটে এসেছি অনেকটা, সামনে ভৈরবঘাটের বিখ্যাত
প্রাগৈতিহাসিক চড়াই—বসে যাই একটু যমুনার ধারে—শান্তি
মিলবে।

দরম সিং তাঁর বললে—“বাবাজী, উধার দেগ।” চা খাচ্ছিলাম,
ঘাড় ঘুরিয়ে দেখি দৃশ্যের এক বৃহত্তম সম্পদ। দূর আকাশের
নীলিমায় যমুনোত্তরী পবিত্র শৈলীর অভভেদী রূপ, সূর্যহান ও শাশ্বত।
গোটা দিকচক্রবাল ঘিরে তুমারমণ্ডিত গিরিশৈলীর অস্তুহীন শোভা-
যাত্রা একটি অখণ্ড ডিজ্জাসার মত ফুটে আছে—পাতলা মেঘের
একটি আস্তরণ এই শোভাযাত্রার উপর মালার মত জড়ান। যা
দেখলাম—এরই নাম যমুনোত্তরী গ্রেসিয়ার, এর রূপ ব্যাখ্যায় আনা
তসোধ্য। যা দেখেছিলাম কেদারের পথে অগস্ত্যমুনি ছ'ড়ার পর,
এবার থেকে ওধার পবাস্তু ধূম জটাঝালের প্রচ্ছন্ন রূপ, জানকীমাই
থেকে সেই দেখার খাব এক অদ্যায়ের সৃষ্টি হয়। ঐ পবাস্তুধূমের
তলায় যমুনামায়ের মন্দির। যার জন্মে আমাদের উঠে আসা।

আর দেখি নেই—পথ শেষ হয়ে এল।

ক্রমশঃ





ইটালীর সাম্প্রতিক চিত্রকলা ও চলচ্চিত্র

২

ইটালীর চিত্রকলার ঐতিহ্য গৌরবময়। প্রাচীনকালে ইটালীতে যেমন লিওনার্দো ডা ভিঞ্চি প্রমুখ শ্রেষ্ঠ শিল্পীদের আবির্ভাব হইয়াছে, বর্তমানকালেও তেমনি ইটালীয় চিত্রশিল্পী পিকাসোর খ্যাতি সমগ্র পৃথিবীতে ছড়াইয়া পড়িয়াছে। ইটালীর সাম্প্রতিক চিত্রকলা সনাতন পন্থা পরিত্যাগ করিয়া এক সম্পূর্ণ নূতন খাতে বহিয়া চলিয়াছে। ১৯৫৩ সালে ইটালীতে অনুষ্ঠিত চিত্র-প্রদর্শনীসমূহে আধুনিক শিল্পীদের যে সকল চিত্রকর্মে নব নব রূপলোক উদ্ঘাটিত হইয়াছে, বর্তমান প্রবন্ধে আমরা তৎসম্বন্ধে সংক্ষেপে আলোচনা করিব।

দুইটি বিশ্বযুদ্ধের অন্তর্বর্তীকালে যে শিল্পীগোষ্ঠীর অভ্যুদয় হইয়াছে, উনবিংশ শতাব্দীর গতাত্মগতিক পন্থা পরিত্যাগ করিয়া যাহারা নূতন পথ ধরিয়া চলিতেছেন, তাঁহাদের সম্বন্ধে আমরা কঠোর মন্তব্য করিতে পারি, কিন্তু একথা স্বীকার করিতেই হইবে যে, তাঁহাদের চিত্রকর্মে যে প্রাণশক্তির পরিচয় স্পষ্টবিস্তৃত তাহা উপেক্ষণীয় নহে। বচ্চিওনি, মোদিলানি প্রমুখ শিল্পীদের পরবর্তী শিল্পীগোষ্ঠীর চিত্রকর্মের অনেক বিরুদ্ধ সমালোচনা হইয়াছে, বয়স্ক লোকেরা ঐ সকল চিত্রের তাৎপর্য বুঝিতে পারেন নাই, অত্যন্ত সাবধানী সমালোচকেরাও তাঁহাদের আঁকা ছবি, অভিজ্ঞতা এবং গবেষণার উপর আন্তর্জাতিকতার মারকা মারিয়া দিয়া থাকেন। এ সকল হইতে ইহাই প্রমাণিত হয় যে, ঐ সকল শিল্পীর রচনায় সজীবতা এবং নৈপুণ্য উভয়ই বিজ্ঞমান। অবশ্য ইটালীর নব্য-চিত্রকলার রুচি যে আন্তর্জাতিক তাহাতে সন্দেহ নাই। কিন্তু আধুনিক রুচির উপযোগী কোন নিজস্ব দানই ইটালীর চিত্রকলার নাই—এ অভিযোগ যে সর্বকালের মিথ্যা, তাহা 'ফিউচারিজম'র প্রভাব এবং গু চিরিকোর 'মেটাকিজিক্যাল পেন্টিংস' বা অনৈসর্গিক

চিত্রকলা হইতেই প্রমাণিত হয়। ইটালীর জাতীয় ঐতিহ্য সম্বন্ধেও ইটালীর সাম্প্রতিক শিল্পীরা উদাসীন নহেন। আসল কথা হইতেছে, শুলমাষ্ঠারী মনোভাবই নূতন শিল্পকলার পক্ষে সবচেয়ে মারাত্মক।

ভাবাবেগপ্রবণ বাস্তবতার ক্ষেত্রে নূতন পথ আবিষ্কারের জন্য প্রয়োজন হইয়াছিল জিনো বনিচি এবং তাঁহার বন্ধু মাফাইয়ের স্বাভাবিক প্রতিভার। সকল প্রকার ক্লাসিক্যাল এবং অনৈসর্গিক (Metaphysical) ভাব বর্জন করিয়া তৎপরিবর্তে রোমাটিক বিষয়বস্তু অবলম্বন করা অত্যাশঙ্কক হইয়া উঠিয়াছিল। কাজেই খুব সাবধানতা সহকারে আধুনিক শিল্পীগোষ্ঠী এবং তাঁহাদের শিল্পকর্মের বিচার করিতে হইবে।

ভারজিলিউ গুইদি বয়সে তরুণ না হইলেও, গত কয়েক বৎসরের মধ্যে তাঁহার শিল্পকলার নবজন্মলাভ হইয়াছে। তিনি পূর্বে ছিলেন বিংশ শতাব্দীর ক্লাসিসিজমের অঙ্গসরণকারী, কিন্তু বর্তমানে তিনি নূতন পন্থা অঙ্গসরণ করিয়া চলিতেছেন।

চিত্রকলা এবং ভাস্কর্য উভয়ক্ষেত্রে রূপাত্মক শিল্পের (Figurative Art) এখন বস্তু-নিরপেক্ষ (Abstract) হইয়া উঠিবার প্রবণতা দেখা যাইতেছে। Abstractionism (বস্তু-নিরপেক্ষতা) শব্দটিকে পরিপূর্ণভাবে ব্যাখ্যা করিয়া বলিতে গেলে বলিতে হয়—ইহা হইতেছে চিত্রের কবিতা এবং ইহাই সাম্প্রতিক কালের অনেক ইটালীয় চিত্রশিল্পীর লক্ষ্য হইয়া উঠিয়াছে।

এপ্রিল এবং মে মাসে ভ্যালি জিউলিয়ার আর্ট ক্লাবের বার্ষিক প্রদর্শনীতে ফরাসি এবং ইটালীয় শিল্পীদের আঁকা অনেকগুলি এবল্ট্রাক্ট চিত্র প্রদর্শিত হইয়াছে। ই. প্রাম্পোলিনি এমন একটি সমিতির সভাপতি যাহা ক্রমে ক্রমে পুরাপুরি এবল্ট্রাক্ট চিত্রের সাধনায় নিরত শিল্পীগোষ্ঠীর বিশেষ প্রতিষ্ঠানে পরিণত হইয়াছে। তথাকথিত ফিগারেটিভ আর্টের চর্চায় যাহারা বার্থ হইয়াছে তথাকথিত কতিপয় তরুণবয়স্ক সোঁগীন শিল্পীকেও ইহাতে ভর্তি করা হয়। ই. প্রাম্পোলিনি তাঁহার চিত্র-তালিকার ভূমিকায়



"পানশানা"

শিল্পী : ইলিয়ানো পানচুৎসি

দৃঢ় বিশ্বাসের সঞ্চিত বলিয়াছেন—“চিত্রকলার ঐতিহ্যের যে রূপাত্মক প্রকাশ (Figurative presentation), নিশ্চিতরূপে তাহার মূর্ত্যু হইয়াছে, এবং এবট্রাক্ট অথবা বস্তুনিরপেক্ষ আর্ট হইতেছে একমাত্র জীবন্ত এবং যথার্থ আর্ট। তার হাজার বা ততোধিক বৎসর-কাল শিল্পকর্মের মাধ্যমে আত্মপ্রকাশের পর ফিগারেটিভ আর্ট আমাদের কাছে আর নূতন কি বলিতে পারে ?

আর্ট ক্লাব প্রদর্শনীতে ইটালী ও ফ্রান্সের গ্রন্থ চিত্রকর এবং ভাস্করদের শিল্পকর্মের সঙ্গে এবট্রাক্টশনিষ্ট শিল্পীদের মধ্যে সর্বাপেক্ষা নিষ্ঠাবান আতানাসিও সোলদাতির ছবিও প্রদর্শিত হইয়াছে। দুর্ভাগ্যক্রমে এই বৎসরে ইহার মূর্ত্যু হইয়াছে—কিউবিজম, মেটাফিজিক্যাল পেইন্টিং এবং এবট্রাক্টশনিষ্ট কলাবিধ ক্ষেত্রেই এই শিল্পীর শক্তির ক্রমবিকাশ হইতেছিল এবং তাঁর অনুরাগীর সংখ্যাও উল্লেখ্যর বাড়িতেছিল

ইটালী এবং ফরাসীদেশের যে সকল শিল্পী দর্শকদের রুচির পরিবর্তনের জন্য অল্প কিছু প্রচেষ্টা করিয়াছেন, তাঁহাদের শিল্পকর্মের তুলনার উদ্দেশ্যে উক্ত বৎসরে তুরিনে যে তৃতীয় ইটালো-ফ্রেন্স প্রদর্শনী অনুষ্ঠিত হয় তাহাও বিশেষ উল্লেখযোগ্য। সাম্প্রতিক ইটালীয় শিল্পকলা বস্তুনিরপেক্ষতা এবং বাস্তবতার সংঘাতের মধ্যেই সীমাবদ্ধ নহে, মাফাই, পিরান্দেলো প্রমুখ শিল্পীদের সঙ্ঘে একথা বলা যাইতে পারে যে, তাঁহারা আধুনিকতার ফর্মুলাসমূহের মধ্যে মানবীয় এবং কবিত্বপূর্ণ বিষয়বস্তু-প্রয়োগে-ক্ষমতার পরিচয় দিয়াছেন—তাঁহারা সাম্প্রতিক চিত্র-কলাকে প্রথাগত-বন্ধনের হাত হইতে মুক্তি দিয়া ইহার মধ্যে প্রাণস্ফূর্ত করিয়াছেন, নতুবা সমালোচনার কচকচানিতে ইহার রসবস্তু চাপা পড়িয়া যাইত।

ইহা সহজেই উপলব্ধি করিতে পারা যায় যে, প্রথমে 'রোম গ্যালারি অব মডার্ন আর্ট' এবং তার পরে 'মিলান রয়্যাল প্যালেস' অনুষ্ঠিত পিকাসো প্রদর্শনী ইটালীর শিল্পকলার ক্ষেত্রে একটি অননুসাধারণ গুরুত্বপূর্ণ ঘটনা এবং শিল্পানুরাগীরা এখনও সত্যসত্যই একটি স্মরণীয় বিষয় বলিয়া এ সঙ্ঘে আলাপ-আলোচনা করিয়া থাকেন।

অবশ্য শিল্পী স্বয়ং প্রদর্শনীর উদ্বোধন-অনুষ্ঠানে উপস্থিত থাকিতে পারেন নাই, কিন্তু ইটালীয় শিল্পকলার নেতৃস্থানীয় ব্যক্তি-দের এবং শিল্পানুরাগীলনকারীদের (রাজনৈতিক জগতের কতিপয় ব্যক্তির কথা না হয় বাদই দিলাম) উদ্যোগে অনুষ্ঠিত প্রদর্শনীটিতে বাস্তবিকই উৎসব-সমারোহের সৃষ্টি হইয়াছিল এবং এটাও খুবই আনন্দের বিষয় যে, স্বয়ং রিপাব্লিকের প্রেসিডেন্ট পর্যন্ত এই অনুষ্ঠানে যোগ দিয়াছিলেন। চিত্রকলার বিরাট ঐতিহ্যময় দেশ ইটালী অত্যন্ত জাঁকজমকের সহিত এমন একজন সমসাময়িক চিত্র-করের প্রতি শ্রদ্ধা প্রদর্শন করিয়াছিল, যিনি সর্বশ্রেষ্ঠ বলিয়া গণ্য এবং আধুনিক রুচিসম্মত চিত্রকলা নিঃসংশয়ে যাহার নেতৃত্বে বিকাশলাভ করিতেছে। রোম অপেক্ষা মিলান প্রদর্শনীতে অধিকতরসংখ্যক চিত্রকর্ম প্রদর্শিত হইয়াছিল। শত সহস্র লোক রয়্যাল প্যালেসে এই মহান শিল্পীর আঁকা ছবি দেখিবার জন্য আসিয়াছিল। ১৯৩৬

দর্শকের সংখ্যা হইয়াছিল অত্যধিক। প্রদর্শনীটি যে যে কারণে চিত্রকর্মক হইয়াছিল তন্মধ্যে সর্বপ্রধান হইতেছে এই যে, শিল্পী ইহাতে বিপুলসংখ্যক এমন সব ছবি দিয়াছিলেন যাহা দেখিবার সুযোগ দর্শকদের এই প্রথম হইয়াছিল এবং তন্মধ্যে কতকগুলি ছিল নিতান্ত আধুনিকতম ছবি। ইহাতে কতিপয় অধুনাবিখ্যাত ছবির সঙ্গে দর্শকেরা এমন কতকগুলি ছবি দেখিতে পাইয়াছিল যাহা পূর্বে কখনও শিল্পীর ষ্টুডিওর বাহিরে প্রদর্শিত হয় নাই। শিল্পী গত কয়েক বৎসর যাবৎ তাঁর রচনায় কিউবিজম, এক্সপ্রেসনিজম এবং অতিবাস্তবতা (super-realism) প্রভৃতি বিভিন্ন পদ্ধতির প্রয়োগে যে সবল সার্থক এবং অপেক্ষাকৃত অল্প

পিকাসো এবং চাগাল (শেষোক্ত শিল্পী উক্ত বৎসরে তুরিনে তাঁর শিল্পকর্মের একটি গুরুত্বপূর্ণ প্রদর্শনীর আয়োজন করিয়াছিলেন) যেমন নিজেদের পাণ্ডিত্যে এবার অধিকতর স্তপ্রতিষ্ঠিত করিয়াছেন, তেমনি ইটালীর অজ্ঞাত চিত্রকর এবং ভাস্কর্যেরাও বিদেশে একক ও সমবেত প্রদর্শনীর ব্যবস্থা করিয়াছিলেন। ফিউচারিজমের যুগ হইতে আরম্ভ করিয়া বর্তমানকাল পর্যন্ত বিভিন্ন পদ্ধতিতে আঁকা ইটালীয় চিত্রকর্মের কতকগুলি প্রদর্শনী লিসবন এবং অপোর্তোতে অনুষ্ঠিত হইয়াছে। অল্পদিকে লণ্ডনে, অশলোতে, টকহোমে এবং নিউইয়র্কে অনুষ্ঠিত একক-প্রদর্শনীসমূহ ইটালীতে অনুষ্ঠিত পিকাসো এবং চাগালের প্রদর্শনীর সমগোত্রীয় বলিয়া প্রমাণিত হইয়াছে। এগুলির সঙ্গে রোম গ্রাশনাল গ্যালারিতে অনুষ্ঠিত বর্তমান গ্রীক শিল্পীদের প্রদর্শনীগুলির কথাও উল্লেখ করিতে পারা যায়।



“জৈনিক নাবিক”

শিল্পী : টমাসো বেত্তোলিনো



“প্রতিরূতি”

শিল্পী : ফিয়োর বি, জাকারিয়ান

সার্থকপ্রয়াস করিয়াছেন, এই সমুদয় চিত্রকর্ম দেখিয়া তৎসম্বন্ধে দর্শকদের মনে কতকটা ধারণা জন্মিয়াছিল। ১৯৫৩ সালে অনুষ্ঠিত ইটালীর পিকাসো প্রদর্শনীসমূহ দ্বারা নিম্নোক্ত তিনটি বিষয় প্রমাণিত হইয়াছে। প্রথমতঃ—ইটালীর চিত্র-সমালোচনার উচ্চ মান যাহা তথ্য এবং ঔপপত্তিক (Theoretical) ও প্রণালীবদ্ধ সংজ্ঞার ক্ষেত্রে বর্তমান জগতে অদ্বিতীয়। দ্বিতীয়তঃ—সাম্প্রতিক শিল্পকলার প্রতি-অ-বিশেষজ্ঞ সাধারণ লোকদের অপরিমীম কোতূহল। তৃতীয়তঃ—ইটালীর নব্য শিল্পীগোষ্ঠীর উপর পিকাসোর বিপুল প্রভাব এবং পিকাসোর চিত্রকর্মের সহিত এই শিল্পীগোষ্ঠীর সাক্ষাৎ সংস্পর্শ-স্থাপনের যুক্তিসঙ্গততা।

এতদ্ব্যতীত রাম এগজিভিশন প্যালেসে দক্ষিণ ইটালীর শিল্প-কলারও একটি প্রদর্শনী হইয়া গিয়াছে এবং রোমে ইউনিভার্সাল এগ্রিকালচারাল এগজিভিশনে কৃষি-বিভাগ হইতে অনুপ্রেরণা-প্রাপ্ত, চিত্রকলা এবং ভাস্কর্যের আরও একটি প্রদর্শনী অনুষ্ঠিত হইয়াছে। কিন্তু কলা-বিশেষজ্ঞগণ শেষোক্ত দুইটি প্রদর্শনী অপেক্ষাকৃত কম গুরুত্বপূর্ণ বলিয়া মনে করেন যদিও প্রথমোক্তটি বাস্তবিকই সুন্দর ও সৌহার হস্তশিল্প বিভাগটি শিক্ষাপ্রদ হইয়াছিল। সর্বশেষে একথা বলা দরকার যে, অজ্ঞাত বৎসরের ত্রায় এবারও অসংখ্য শিল্প-প্রতিযোগিতা হইয়াছে এবং যোগ্য শিল্পীদের পুরস্কারও প্রদান করা হইয়াছে। আজিকার দিনে দেশের আর্থিক

জীবন যখন বিপর্যস্ত তখন এই সমস্ত পুরস্কারের নৈতিক মূল্য স্বীকার না করিয়া পারা যায় না।

এক কথায় ইটালীতে চিত্রকলায় ক্ষেত্রে যে ভারসাম্য বজায় রাখিয়াছে তাহা বাস্তবিকই প্রীতিকর। ইটালী শিল্পকলায় ক্ষেত্রে




'লাভ উন্ দি টাউন' ফিল্মের চিত্রপরিচালক আন্তোনিওনি

আধুনিকতাকে ভয় পায় না, তাহা সস্বৈর সে বিহীন অতীতকে—
দূর এবং নিকট উভয় অতীতকে, সম্মানপ্রদর্শনে কীৰ্তিত নহে।
যে সকল ইটালীয় শিল্পকর্ম জ্ঞানগণ কর্তৃক অপসারিত হইয়াছিল
সেগুলি আবার ইটালীতে ফিরাইয়া আনিবার ভক্ত সম্প্রতি এক
চুক্তি হইয়াছে। পুরনো শিল্পকলায় আশানাল গালাবি পুনরায়
রোমে খোলা হইয়াছে। ফরাসীদেশের
প্রাচীন এবং অতি-আধুনিক কারকাষাচিত্র
বস্ত্রসমূহও প্রদর্শিত হইয়াছে। সর্বশেষে
১৯৫৩ সনের ডিসেম্বর মাসে প্যালাংসো
ভেনেৎসিয়াতে চমৎকার এবং অসাধারণ
মিনিয়চারসমূহ একত্রে প্রদর্শিত হইয়াছে।
ইহার দরুন রোমে প্রাচীন ও সাম্প্রতিক
চীনা চিত্রকলা এবং ভাস্কর্যের এমন সজ্জা
নিদর্শন আনীত হইয়াছে যাহা দ্বারা এদেশে
প্রথম প্রাচ্য-শিল্পকলায় মিউজিয়ামের গোড়-
পত্তন হইবে—শিল্পরসিকগণ এতকাল এই
জিনিষটির অভাব তীব্রভাবে অনুভব করিতে-
ছিলেন।

২

'ইউরোপ, '৫১ সন' নামক চলচ্চিত্র দ্বারা ১৯৫৩ সনের
ইটালীয়ান সিনেমার উদ্বোধন হইয়াছিল। তাহাতে বিস্তারিত
কিন্তু ভাগ্যবিড়ম্বিতা একটি নারীর কাহিনী চিত্রে রূপায়িত
হইয়াছে। এই কাহিনী হইতে যে শিক্ষা পাওয়া যায় তাহা
হইতেছে এই যে, আজিকার দিনে পাশ্চাত্যে যে সফট দেখা দিয়াছে
তাহার দরুন পাশ্চাত্য সংস্কৃতির, সুতরাং পাশ্চাত্য সিনেমার উপর
গুরুতর প্রতিক্রিয়ার সৃষ্টি হইয়াছে এবং চলচ্চিত্রের ক্ষেত্রে নব্য-
বাস্তবতার (Neo-realism) প্রবর্তন হইয়াছে—নব্য-বাস্তবতার
শ্রদ্ধা রোসেলিনি এবং তাহার ভবিষ্যৎ সম্ভাবনা সম্বন্ধে দর্শকদের মনে
নূতন আশার সঞ্চার হইয়াছে। লুচিনো ভিসকন্তি হইতেছেন
ইটালীর সাম্প্রতিক চিত্রপরিচালকদের শীর্ষস্থানীয়দের অগ্রতম।
তার স্বজনী-প্রতিভা এখন সিনেমা এবং বঙ্গমঞ্চ এই দুয়ের মধ্যে
দোহুলামান। ভিসকন্তির 'সেন্স' নামক চিত্রনাট্যটির বিষয়বস্তু
হইতেছে প্রণয় এবং মৃত্যু—বিগত শতাব্দীর রোমান্টিক ভাব ইহার
সচিত্র ওতপ্রোত। অবশ্য ইহার মধ্যে বাস্তবতার স্পর্শও
রহিয়াছে।

পঞ্চাশতের গত বৎসর বেনাতো কাস্তেলানির নিকট হইতে
নূতন কিছুই পাওয়া যায় নাই। ১৯৪২ সালে একটি রোমান্টিক
ফিল্ম লইয়া কাস্তেলানির চলচ্চিত্র-পরিচালক-জীবনের সূচনা।
সম্প্রতি তিনি 'রোমিও এণ্ড জুলিয়েটের' একটি চিত্র-রূপায়ণের
পরিবর্তন করিতেছেন। কিন্তু মনে হয়, বাস্তবতা লইয়া পরীক্ষণকে
উপেক্ষা করিতে তিনি অনিচ্ছুক এবং একটি নূতন চিত্রে তিনি
বাস্তবতার প্রয়োগ করিতে আগ্রহান্বিত—অবশ্য বিষয়টি তিনি
গোপন রাখিয়াছেন। গত বৎসর নব্য-বাস্তবতার একটি অভিনব
পদ্ধতির সচিত্র দর্শকেরা পরিচিত হইয়াছে—তাহাকে বলা যাইতে
পারে অনুসন্ধানমূলক চিত্র (Enquiry film) ইহাতে সাত জন



'ইন্ আদার টাইমস' ফিল্মে গু সিসা এবং কিনা লোলোত্রিঞ্জিদি

বিভিন্ন চিত্র-পরিচালক দ্বারা চমটি কাহিনী বিশদভাবে চিত্রে রূপায়িত হইয়াছে। 'লাভ ইন দি টাউন' (শহরে প্রেম) নামক চিত্রে রাস্তা হইতে কুড়ানো লোকেদের ক্যামেরার সামনে ঠাজির করা হইয়াছে এবং তাহাদের জ্বানিতে তাহাদের জীবনকথা এবং সমস্যা-গুলি বলানো হইয়াছে। 'প্রণয়ীদের আত্মহত্যা' নামক যে কাহিনীটি মিচেল আজিলো আন্তোনিওনির পরিচালনায় চিত্রে রূপায়িত হইয়াছে তাহা অগাধ চিত্রসমূহ অপেক্ষা ঢের বেশী সার্থক হইয়াছে।

মিচেল আজিলো আন্তোনিওনি কতক-গুলি Documentary film (শিক্ষামূলক চিত্র) লইয়া তাঁহার চিত্র-পরিচালক-জীবন শুরু করেন। তাঁহার 'টাউন স্কাভেঞ্জারস' (শহরের ঝাড়ুদার) 'এ লাভিং লাই' (একটি মনোরম মিথ্যা (প্রভৃতি চিত্র বিশেষ গুরুত্ব-পূর্ণ, কেননা ঐ সকল শিক্ষামূলক চিত্রেই প্রথম বাস্তবতার বীজ উদ্ভূত হয়। ওগুলিকে বলা যাইতে পারে সিনেমায় নব্য-বাস্তবতার সূতিকাগার। প্রথম 'ফিচার-ফিল্ম' 'দি ক্রনিক্লে অব এ লাভ' যখন মুক্তিলাভ করিল তখন আধুনিককালের একজন শ্রেষ্ঠ চল-চিত্র-সমালোচক আন্তোনিওনিকে এক নূতন পদ্ধতির প্রবর্তক-বলিয়া অভিনন্দিত করেন।

গত বৎসর আন্তোনিওনির 'দি লেডি উইদাউট দি ক্যামেলিয়াস' দর্শকবৃন্দকে মুগ্ধ করিয়াছে। এই চিত্রে নাট্যিকার ভূমিকা প্রথম দেওয়া হয় জিনা লোলোত্রি গিদাকে, কিন্তু শেষে তিনি চুক্তির সত্ত্বে ভঙ্গ করায় মিস লুশিয়া বোসেকে এই ভূমিকা গ্রহণ করিবার জগু আহ্বান করা হয়। তিনি একজন খাঁটি আর্টিষ্ট। 'দি লেডি উইদাউট দি ক্যামেলিয়াস'-এ অননুসাধারণ প্রতিভাময়ী চিত্র-পরিচালকরূপে আন্তোনিওনি প্রতিষ্ঠালাভ করেন।

এই সমস্ত বিষয় হইতে স্পষ্টই প্রতীয়মান হইবে যে, ইটালীর সাম্প্রতিক সিনেমার সর্বপ্রধান ধর্মই হইতেছে নব্য-বাস্তবতা। অবশ্য ব্যবসায়িক ফিল্মগুলি (commercial film) উৎকর্ষ লাভ না করিলেও সংখ্যার দিক দিয়া বাড়িতেছে।

১৯৫৩ সনের সর্বাপেক্ষা বিতর্কমূলক ফিল্ম হইতেছে 'ইজি টাইমস'। আমলাতন্ত্রের মধ্যে দুর্নীতি ইহার বিষয়বস্তু। অনেক পরস্পর-বিরোধী বিষয় স্থান পাওয়া সত্ত্বেও ইহাতে বে সকল গুরুত্বপূর্ণ প্রশ্ন



"দি লেডি উইদাউট দি ক্যামেলিয়াস" গিলো লুশিয়া বোসে উত্থাপিত হইয়াছে তজ্জগু ইহা দর্শককে আকৃষ্ট করে, যদিও শিল্প-রচনার দিক দিয়া ইহা পুরাপুরি ব্যর্থ হইয়াছে।

উপসংহারে রুডিও গোরার 'দি ফায়ার অব লাইফ' (জীবনের তাপ) নামক ছবিটি বিশেষভাবে উল্লেখযোগ্য। গোরা আগে ছিলেন সাধারণ একজন অভিনেতা, আজ চিত্র-পরিচালকরূপে তিনি বিশেষ শক্তির পরিচয় দিতেছেন।

আজিকার দিনে চল-চিত্রের ক্ষেত্রে নানা সমস্যা দেখা দিয়াছে। নূতন সংস্কৃতির প্রবর্তন এবং পরিমিত সাহসিকতার দ্বারাই শুধু সকল সমস্যার সমাধান হইতে পারে। আজ শুধু ইটালীর নহে, সমগ্র পাশ্চাত্যের চল-চিত্র-জগৎ এমন একজন শক্তিমান শিল্পীর প্রতীক্ষা করিতেছে যিনি ভাবীকালের মানুষকে নূতন আশায় উদ্দীপ্ত করিয়া তুলিতে পারিবেন।

ন. ভ.

"East and West" ত্রেমাসিক নামক হইতে তথ্যাদি গৃহীত

সত্য ও স্বপ্ন

শ্রীকালিদাস রায়

তুমি কি জান না কবি মরুময় চন্দ্র উপগ্রহ
তারে তুমি নিশাপতি তারানাথ শশী কেন কহ ?
চকোবের গিটাইতে ক্ষুধা,
কোথা পেলে চন্দ্রিকায় স্রধা ?

প্রাকৃতিক বিপর্যয়ে, ক্ষুধায়, তৃষায়,
অথবা নবীন ত্রিষ্ণু স্রষ্টার আশায়,
তুমি কি জান না কবি করে থাকে পাণীরা চীংকার ?
তাহারে সঙ্গীত বলি কেন তুমি কবিছ প্রচার ?

তুমি কি জান না কবি ফুলে মধুগন্ধের বসতি
অন্য ফুলে কবাইতে পরাগসঙ্গতি ?
পতঙ্গে আহ্বান শুধু ফন্দী প্রকৃতির,
কোথা পেলে তার মাঝে প্রেমলীলা মোহন মদির ?
কোথা পেলে রসাবেশ লাজুক বধুর ?
অলি সে ত তস্বর মধুর ।

তুমি কি জান না কবি সূর্য্যাতাপে উঠে বাষ্পরাশি,
ঘনীভূত হয়ে তাই মেঘরূপে উড়ে আসে ভাসি ?
তাহার উদয়ে তব মন কেন উদাস অমন,
তার মাঝে হের মিথ্যা অতীতের মোহন স্বপন ।

সবচেয়ে এ বড় অদ্ভুত,
সে মেঘে করিতে চাও প্রেয়সীর বার্তাবহ দূত ।

ধীরে ধীরে কহিলেন কবি,
তোমার দৃষ্টিতে দেখে জানি বন্ধু জানি আমি সবি ।
আরো জানি নারীদেহ অস্তিমজ্জা মেদোরক্রময়,
তার স্তন্যধারয়ুগ মাংসপিণ্ড ছাড়া কিছু নয় ।
রূপের মাধুর্য্যে তবু সে দেহের পাই না'ক সীমা,
প্রেমে তারই মগ্ন রই, বর্ণিতে মহিমা
ক্লাস্ত নহি কোন দিন, তার মাঝে আমি দেখিলাম
ধর্ম্ম অর্থ মোক্ষ আর কাম ।

একা আমি মুগ্ধ নই, তুমিও তাহাই
আমার রয়েছে কল্পস্বপ্নদৃষ্টি, তোমার নাই ।
রূপে-রসে-গন্ধে-স্পর্শে-শব্দে শুধু উপাদান লভি,
নূতন করিয়া গ'ড়ে নিই আমি সবি
মনের মাধুরী দিয়ে, স্বপ্ন দিয়ে তাই আমি কবি ।

মহাসুপ্তি

শ্রীঅমরকুমার দত্ত

মধুর তোমার আলিঙ্গনেতে প্রিয়
চেতনা হারায়ে শয়ন লভি গো যবে,
অপবে অধর বাগিয়া মরিয়া যাই
বেপথু হৃদয়ে কল্পিত অমুভবে ।

অমৃত-সরস সে মোহ পরশটুকু
নীরব মধুর নিবিড় সুপ্তিতলে,
আত্মারে মোর উধাও লইয়া যায়
অমরায় যেথা অমর প্রদীপ জ্বলে ।

বাতিরে ধরণী কি জানি কেমন করি'
ধীরে অতি ধীরে অচিন হইয়া যায়,
অস্তর মোর ধলির কক্ষ ছাড়ি'
স্বরগের পানে পক্ষ মেলিয়া ধায় ।

সুনীল আকাশে যেন দেখিবারে পাই
তোমার নয়ন-তারকা রয়েছে আঁকা,
স্বরমণ্ডলে মোদের পরাণ ছুটি
মিলিছে সেথায় বন্ধ করিয়া পাণা ।

সেথায় তোমার বাহুর পরশ প্রিয়
কত স্তমধুর পারি না বুঝিতে আমি,
মহাসুপ্তির নিবিড় আবেশ ভরে
অস্তর মোর ঢেকে যায় দিবায়ামী ।

ভিতরে বাতিরে আঁদারে-আলোকে এক
জাগে আনন্দ শাস্তির পারাবারে,
অসীম শূন্যে তারকার অঁাপি ভাতি
লুপ্ত হইয়া মুছে যায় একেবারে ।

আলোকের মাঝে চাহিয়া দেখি যে তবে
স্বর্ণ গলিয়া ঝরিয়া ঝরিয়া পড়ে,
পরমানন্দে বিশ্ব পূর্ণ হয়ে
হৃদয়ের 'পরে পরতে পরতে যাবে ।

বাহুর ডোরেতে বাধা হয়ে যবে থাকি
চেতনা আমার লুপ্ত হইয়া যায় ;
গভীর সুপ্তি নীরবে কখন আসি,
সজাবে মোর নিয়ে যায় কোথা হায় ।

তড়িৎ-মতা

শ্রীপ্রভুল গঙ্গোপাধ্যায়

৭

তখন অনেক রাত। অন্ধকার গের্ঘো রাস্তায় চলেছি চার-পাঁচটি ভিন্ন ভিন্ন দলে, বিভিন্ন পথে। কিন্তু অবশেষে মিলতে হবে আমাদের সবাইকে এক গাছের নীচে।

কোথাও ক্ষেত, কোথাও যোপ-ঝাড়-জঙ্গল। কাহারও মুখেই কথা নেই, মনের সমস্ত শক্তি নিবদ্ধ হচ্ছে ঐ আগত একশনের মধ্যে। তাড়াতাড়ি হাঁটার উপায় নেই। একে অচেনা পথ, তায় এমনি ঘন অন্ধকার, মনে হচ্ছিল যেন শরীরে তার স্পর্শ অনুভব করতে পারছি। জঙ্গলের মধ্য দিয়ে হাঁটতে যেমন লোকে হুঁহাতে ছোট ছোট গাছপালা সরিয়ে এগোর, এ যেন তেমনি করেই অন্ধকার ঠেলে পথ এগোতে হবে বলে মনে হচ্ছিল! তখন আমরা হাঁটছিলাম একটা জঙ্গলের মধ্য দিয়ে। গাছপালা; নীরব, নিথর, নিরীহ ভদ্র-সস্তানদের ডাকাতি করার সাহস দেগে বোধ হয় স্তম্ভিত হয়েছিল। আমার বুকের মধ্যে কিন্তু হুক হুক করছিল, হৃৎপিণ্ডে যন্ত্রচলাচলের শব্দ যেন শুনতে পাচ্ছিলাম।

কিছুক্ষণের মধ্যেই একটা বিশাল মাঠে এসে পড়লাম। আকাশ মিলেছে ঐ দিগন্তে মাঠের সীমারেখায়। অগণিত তারা মিটি-মিটি করে আমাদেরই লক্ষ্য করছে। হঠাৎ বিমুদা গান ধরে বসলেন—

নিশি অবসান প্রায়,

শ্যাম আর কেন হে কর দেবী

আমরা যে অবলা বালা।

বিমুদা তা হলে গাইতে পারেন। তখন বেশ কৌতুকবোধ করে-ছিলাম সন্দেহ নেই, কিন্তু একটু পরেই জানতে পারলাম ওটা হচ্ছে সঙ্কেত। দূরে একটা মানুষের ছায়া ফুটে উঠল। আমার দিকেই এগিয়ে আসছে। সন্দেহ হ'ল—কিরে বাবা, তুমি আবার কে? বিমুদাকে এ বিষয়ে সতর্ক করব কি করব না ভাবছিলাম, হঠাৎ দেখি বিমুদা আমাদের ছেড়ে একটু জোরে হেঁটে গিয়ে লোকটির সঙ্গে মিলিত হলেন। কি যেন কথা হ'ল, তারপর আবার হুঁজনে ছাড় ছাড়ি।

কিছুক্ষণের মধ্যেই আমরা গিয়ে পৌঁছলাম একটা প্রকাণ্ড গাছের নীচে। গাছের তলাটার অন্ধকার যেন জমে আছে। সেখানে তখন আর সবাই উপস্থিত, সকলেই নীরব।

বিমুদা জনা হুই ছেলেকে নিয়ে আশে-পাশে একটু ঘোরাঘুরি করে টর্চ জ্বলে একটা কাগজের উপর থেকে নীচ পর্যন্ত ভাল করে দেখে নিলেন। টর্চের আলো ছড়িয়ে না পড়তে পারে এমন ভাবে ভাল করে ঢেকে নিয়েছিলেন। তালিকাতুল্য সকলে এসেছে কিনা জেনে নিলেন। তারপর আমাদের সবাইকে ভাল করে বলে দিলেন—চারটি ঘরে চার জন করে ষোল জন, বাড়ীর সামনে হুই

জন, পেছনে হুই জন প্রহরী। হুই জন ঘুরে ঘুরে সব দেখবেন আর বিমুদা স্বয়ং পরিচালক। আমরা সবসুদ্ধ তেইশ জন ছিলাম।

আমরা তখন বিভিন্ন দলে বিভক্ত হয়ে পর পর দাঁড়িয়ে আছি। বিমুদা একে একে আমাদের সকলের কপালে দেবতার আশীর্বাদী ফুল ছুঁইয়ে দিলেন। দেবতার আশীর্বাদ যেন হৃদয় স্পর্শ করল। এক স্বামীজী ছিলেন আমাদের সমিতির পরম শুভাকাঙ্ক্ষী। এমনি বিপদের ঝুঁকি নিতে হলে তিনি তাঁর পূজার আশীর্বাদী ফুল পাঠিয়ে দিতেন।

তার পরের পর্ব—সকলের হাতে তার কর্ম অনুসারে হাতিয়ার বণ্টন করা। কার হাতে কি থাকবে পূর্বেই স্থির করা ছিল এবং তালিকায় লেখা ছিল। আমার হাতে এল একটা পিস্তল। সকলের মুখেই লাল মুখোশ, লাল সালু-কাপড়ের তৈয়ারি, চোখ আর নাকের দিকটা ছিঁদ করা। কয়েক জনের হাতে বোতলের মশাল। বোতলের ভিতরে কেয়োসিন তেল, মুখে বড় শলিতা কাদামাটি দিয়ে আটকানো।

প্রত্যেককেই আবার একবার করে তার যথানির্দিষ্ট কর্তব্য বুঝিয়ে দেওয়ার পর সকলকে অগ্রসর হওয়ার সঙ্কেত দেওয়া হ'ল।

নির্দিষ্ট বাড়ীর সম্মুখে পৌঁছে মশালগুলি একই সঙ্গে জ্বলে, একটা বিকট আওয়াজ করে বিদ্যুৎগতিতে আমরা সবাই বাড়ী ঢুকে পড়লাম। মুহূর্তমধ্যে যে ঘর নির্দিষ্ট স্থান অধিকার করল। বাড়ীর সামনে ও পিছনে হুঁজন করে লোক দাঁড়িয়ে গেল রাইফেল নিয়ে পাহারা দেওয়ার জন্ত, কেউ যেন আমাদের অতর্কিতে আক্রমণ করতে না পারে। আর জনা হুই বাড়ীর চারদিক ঘুরে পাহারা দিতে লাগল। বিমুদা একশন পরিদর্শন করতে লাগলেন, ও ঘুরে-ফিরে যথাযথ নির্দেশ দিতে লাগলেন, কোথাও বা দরজা-ভাঙ্গা কি সিদ্ধকভাঙ্গায় সাহায্য করতে লাগলেন।

আমাদের দল একটা দরজা ভেঙ্গে ঘরে ঢুকল। ঘর তখন অন্ধকার। টর্চ ফেলে দেখতে পেলাম একটা হারিকেন লঠন। তক্তপোশের উপর ছিল এক বৃদ্ধ, তাকে আলোটা জ্বালতে বলা হ'ল। আমরা জ্বালাতে চাইলাম না, বাজে কাজে কেউ অড়িয়ে না পড়াই জন্ত।

ভীতিবিহ্বল বৃদ্ধ স্পিত হস্তে ও কাজটা কিছুতেই করতে পারছে না দেখে দরজার আড়াল থেকে একটি যুবতী মেয়ে (বোধ হ'ল ঐ ভদ্রলোকের কন্যা, বয়স বছর বাইশ-তেইশ হতে পারে) বেরিয়ে এসে বললেন, বাবা, দিন আমিই জ্বলে দিচ্ছি। আপনি ভয় পাবেন না, এরা ডাকাত নয়। কথা শেষ করেই বৃদ্ধকে আড়াল করে নিজে আলোটা জ্বালিয়ে দিলেন। আলো জ্বলতেই মহিলাটির সর্ব্বাঙ্গের অলঙ্কার ঝলমল করে উঠল।

এই বলসানিতে প্রলুব্ধ হয়ে আমাদের একটি ছেলে তার হাত ধর করে ধরে ফেলে বলল, তোমার গহনাগুলি খুলে দাও ত।

ওর অদৃষ্ট গারাপ। তখনই বিহুদা ঘরে ঢুকলেন। অবস্থা দেখেই, বুঝি তিনি স্তন্যভেদ পেয়ে থাকবেন—ওর গালে খুব জোরে চড় কষিয়ে দিলেন—হাত ছাড়, গুয়ার কোথাকার!

ছেলেটি অধোবদনে অপরাধীর মত দাঁড়িয়ে রইল। মহিলাটি আশ্বে আশ্বে সমস্ত গহনা বার করে দিতে লাগলেন। পরিষ্কার উজ্জ্বল বর্ণ, কপালের সিঁহুর প্রভাতসূর্যের মত টকটকে লাল। চোখে নির্ভীক দীপ্তি। তাঁর প্রতি শ্রদ্ধায় ও সন্ত্রমে মাথা যেন আপনিই হয়ে পড়তে চায়। কিন্তু আশ্চর্য্য হয়ে লক্ষ্য করলাম যে, একটি গৃহস্থ বাঙালী মেয়ে ভয়ে চোখ মুগ না ঢেকে অস্ত্রধারী লাল মুগোশপরা ডাকাতের দিকে চেয়ে আছেন। মেয়েটি বিহুদার দিকে অপলক নেত্রে তাকিয়ে রয়েছেন, মনে হ'ল চোখ যেন তিনি ফেরাতে পারছেন না, তাঁর স্নন্দর চোখ দুটি দিয়ে যেন প্রীতি ও শ্রদ্ধা ঝরে পড়ছে।

গহনাগুলি খুলে দিতে দেগে বিহুদা সেই ছেলোটিকে বললেন—“দেখ হতভাগা, মেয়েছেলে হয়ে হাসিমুখেই গা থেকে গহনা খুলে দিতে যিনি পারেন, তুই গিয়েছিলি তাঁর গা থেকে গহনা জোর করে খুলে নিতে।”

যুবতী মেয়েটি গা থেকে গহনা খুলতে খুলতে হাসিমুখে বললেন—“মেয়েরা সবকিছু পারে, সোনার গহনা ত তুচ্ছ।” আমার দামী গয়নাগুলো কিন্তু দিলাম না।”

আমরা অবাক হয়ে চেয়ে রইলাম—তাঁর গায়ে ত আর কোন গহনাই নেই।

তিনি হেসে বললেন—“অবাক হচ্ছন। এঁই দেখুন আমার হাতের নোয়া ও শাঁখা—এর চেয়ে মূল্যবান বস্তু আর আমার নেই। এ দেবার শক্তি আমার নেই, আর এ আমার কাছ থেকে কেড়ে নেওয়ার ক্ষমতাও কারুর নেই।”

তাঁর এই শ্লেষ বিহুদাকে বিদ্ধ করেছে দেখলাম। যে লোক ছনিষ্কার শত আঘাত অনায়াসে অবহেলা করতে পারে তাকেও এই শ্লেষোক্তি আহত করেছে দেগে আশ্চর্য্য হয়েছিলাম। তিনি বললেন—আপনার কাছে স্বর্ণালঙ্কার বাজে, তুচ্ছ হলেও আমাদের ওরই জগৎ এই কাজে নামতে হয়েছে। জোর করে না নিয়ে আপনার কাছ থেকে চেয়ে নিতে পারলেই শীঘ্রই হতাম বেশী। আপনি যদি ফেরত চান তবে তাও দিতে পারি ফিরিয়ে।”

তার পর অল্পগ্রহপ্রার্থীর মত অনুনয় বললেন—“দেখুন সত্যি বলছি, বিশ্বাস করুন—গয়নাগুলো ফেরত দিতে হচ্ছে। এগুলো নিয়ে যান।”

যুবতীটির পাতলা ঠোঁটে হাসির বেগা ফুটে উঠল, বললেন—“আপনারা বড় দুর্বল! ভাবাঙ্গে কর্তব্যও ভুলে যান।”

বিহুদা যেন আঘাত পেলেন, বললেন—“ঠিক বলেছেন। এগুলো

নেওয়া আমাদের কর্তব্য। তবে আপনার দান হিসেবেই চেয়ে নিলাম।

—“খাক, হয়েছে! জোর করে ছিনিয়ে নেওয়া জিনিস দান বলে উৎসর্গ করবার ইচ্ছা আমার নেই। এখন নিজেদের কাজ করুন গিয়ে।”

মেয়েটির কথাব ঝাঁজ অগ্রাহ্য করে বিহুদা বিনীতভাবে বললেন, “গাপ করবেন। কর্তব্য আমরা করবই। আপনি যাই বলুন—এগুলি আপনার দান বলেই চিরদিন স্মরণ রাখব।”

ততক্ষণ জনা দুই লোক বৃদ্ধকে সিঁদুকের চাবির জগৎ পীড়াপীড়ি করছিল। বৃদ্ধ এত লাঞ্ছনাও চাবি দিচ্ছিলেন না। কেবল বলছিলেন—আমার কিছু নেই, কিছুই নেই।

মহিলাটির পা জড়িয়ে বছরতিনেকের একটি শিশু নির্বাক বিষ্ময়ে এ দৃশ্য দেখছিল। একজন শিশুটিকে মহিলার কাছ থেকে ছিনিয়ে নিয়ে এক হাতে তাকে তুলে ধরে আর এক হাতে তীক্ষ্ণ ধারালো বকরকে ভোজালি উত্তত করে বললে, “চাবি না দিলে এর গলা কেটে ফেলব।” বৃদ্ধ মাটিতে লুটিয়ে পড়ে আকুল কণ্ঠে বললেন, “সব নিয়ে যাও তোমরা, সব নিয়ে যাও, দাহুভাইকে আমার ফিরিয়ে দাও। ওর মা বড় দুঃখী।”

শিশুর মাও যেন মুহূর্তের জগৎ চঞ্চল হয়ে উঠলেন—চোখ জলে ভরে এল, গলা কেঁপে গেল, স্বর রুদ্ধ হ'ল, কথা বলতে পারলেন না। কিন্তু এ সব মুহূর্তের জগৎই। অচিরেই তাঁর হাসি ফিরে এল। বললেন, “মিছে ভয় পাচ্ছেন বাবা, এ কাজ ওরা করতে পারবেন না।” আর আমাদের দিকে ঘুরে বললেন, “তা আপনারা পারবেন না, সে ক্ষমতা আমাদের নেই। শরীরে দয়ামায়া বেখে ডাকাত হওয়া যায় না। সাজলেই ডাকাত হতে পারে না। আমি আমাদের চিনে ফেলেছি।”

তার এই অসীম সাহস আর নির্ভীক দৃষ্টি ততক্ষণে আমাদের সবাইকে যেন পরাস্ত করেছে। বিহুদা বললেন, “আমরা ডাকাতি করতে এসেছি সত্যি, কিন্তু আমরা ডাকাত নই বোন। লোকে মিছিমিছি আমাদের ভয় পায়। আমাদের ভয় দেগানোতে ভয় না পেলেই আমরা জন্ম হয়ে যাই। এ গোপন তথ্য আপনি কি করে জানলেন তাই ভাবি।”

বিহুদা শিশুটিকে ছাড়িয়ে নিয়ে ওর মার কাছ ফিরিয়ে দিলেন। গাল টিপে একটু আদর করে বললেন, “এখানেই দাঁড়িয়ে থাক ভাই।” মহিলাকে লক্ষ্য করে বললেন, “ওকে ধরে রাখুন, হঠাৎ আঘাত লেগে যেতে পারে।”

পরে আমাদের লক্ষ্য করে বললেন, “পীড়ন করে যত সময় নষ্ট হবে তার আগে আমাদের হাতিয়ার দিচ্ছেই কাজ সাফতে পায়ব। মিছিমিছি লোককে পীড়ন করা কেন? এস।”

কথা শেষ করেই একটা লোহার ছেনী সিঁদুকের ডালার কিনারে সংযোগস্থলে রেখে বললেন, “হাতুড়ি চালাও। ছেনীর মুখটা একটু ঢুকতেই তিনি নিজ হাতে হাতুড়িটা নিয়ে যা মারতে

লাগলেন। আর একটু ফাটল ধরতেই একটা ঝং মুখবাকানো ষ্টীলের ডাণ্ডার মুখটা তার মধ্যে ঢুকিয়ে দিয়ে নির্দেশ দিলেন— আমাদের হু'জনকে ডাণ্ডার এক ধারে চাপ দেওয়ার জ্ঞান। আমার হাতে পিস্তল দিল, তার 'সেফটি' টানা-ই ছিল, ওটাকে নিরাপদে না রেখে ও কাজ করতে গেলাম; সিন্দুকের ডালাটা খুলে গেল বটে, কিন্তু হাতের চাপে বা অজ্ঞ কোন কারণে একটা গুলি গুঁড়ুম করে বেরিয়ে এল—আর বিদ্ধ করবি ত কর একেবারে বিহুদার উরুতে বিদ্ধ করল।

সিন্দুকের ডালাটা খুলে পড়তেই চকিতে রোপা ও স্বর্ণমুদ্রা-গুলি ঝক্ ঝক্ করে যেন হেসে উঠল। সোনার মোহরগুলি হতে যেন আলো ঠিকরে বের হতে লাগল। আমাদের সকলের চোখ-মুখ ক্রমে তরে আনন্দে উজ্জ্বল হয়ে উঠল। কিন্তু এই আকস্মিক বিপদ এই আনন্দোজ্জ্বল দীপ্তিকে স্তান করে দিল, সবই যেন মধ্যাহ্নিক বিক্রমে পরিণত হ'ল। তখনই অজ্ঞান ঘর থেকে খবর এল, তারাও পেয়েছে অনেক মুদ্রা।

ক্ষতস্থান থেকে ফিনিকি দিয়ে রক্ত চুর্টাছিল। বিহুদা নিজের পরনের কাপড় দিয়েই ক্ষত স্থান চেপে বসে পড়লেন। প্রকাশ না করলেও মুখ ক্রমে বেদনায় রঞ্জিত হ'ল।

আমারই হাতের পিস্তলের গুলিতে বিহুদার জীবনাস্ত হবে এই কথা ভেবে আমি বেদনায় অস্থির হয়ে পড়লাম, স্থান কাল সব ভুলে গিয়ে হাউ হাউ করে কেঁদে উঠলাম। এক হাতে নিজের ক্ষতস্থান চেপে, অপর হাতে আমার গলা জড়িয়ে ধরে বিহুদা বললেন—“ছিঃ। এখন এমনি অবস্থায় দিশেহারা হতে নেই। আকস্মিক দুর্ঘটনা কারও স্বেচ্ছাকৃত নয়। একে রোধ করা যায় না। আমার হাত থেকেও এমনি হতে পারত। এখন বিহ্বল হয়ে পড়লে সব ত নষ্ট হবেই, তা ছাড়া আমাদের সবার হাতেই হাতকড়ি পড়তে পারে। এ সময়ে মন খারাপ করলে কিন্তু কাজও পণ্ড হবে। তুই এজ্ঞ কিছু ভাবিস নে। তোমার কোন দোষ নেই। তবে জেনে রাখ, এমনি গুলিভরা পিস্তল বা রিভলবার নিয়ে এমন কাজ করতে নেই—ওটাকে 'সেফটি' বন্ধ করে সাবধানে রেখে তবে অজ্ঞ কাজে হাত দিতে হয়। আমারই ভুল হয়েছে—এ বিষয়ে তোদের আগে সাবধান করি নি বলে। ভাগ্যিস তোমার নিজের গায়ে লাগে নি।”

“এ তুমি কি বলছ বিহুদা, আমার গায়ে লাগলে এর চেয়ে ঢের ভাল ছিল। তোমার কিছু হলে সমিতির ক্ষতি হবে প্রচুর।”

বিহুদা আমার কথার কোন জবাব দিলেন না। বিমলদাকে ডাকিয়ে এনে বললেন, “আমি যায়েল হয়ে পড়লাম ভাই। এখন থেকে তুমিই এই কাজ পরিচালনা কর। টাকা পেয়েছি আমরা অনেক। বছরদিন পর এমনি সাফলালভ করেছি। বেশ কিছুদিন ডাকাতির পথে পা না দিলেও চলবে। তুমি টাকা ও স্বর্ণালঙ্কার নিয়ে চলে যাও। আর শোন, যেতে হবে অনেক দূর, পথঘাটও মোটেই ভাল নয়। আমার পক্ষে হেঁটে যাওয়া একান্তই অসম্ভব।

আমাকে নিতে হলে বয়ে নিয়ে যেতে হবে। বুঝতে পারছ ত বাইরে অনেক লোক বাধা দেবার জ্ঞান জমায়েত হয়েছে। কাজেই আমাকে বয়ে নিয়ে যাবে কি করে? বাইরের স্কোকেব হাতেও যে বন্দুক আছে তার আওয়াজ ত পাচ্ছি।”

কথা বলতে কষ্ট হওয়া সত্ত্বেও বিহুদা বলতে লাগলেন, “ধাতব দ্রব্যের বিষম ভার। যে কুলি হু'মণ চালের বস্তা অক্লেশে মাথায় করে বয়ে নিয়ে যায়, সে হু' হাজার রুপোর টাকা অর্থাৎ পঁচিশ সের পর্যন্ত টাকা বয়ে নিতে পারে, তাও অতি কষ্টে, অতি ধীরে ধীরে হেঁটে। কাজেই এত টাকা নিয়ে অপর পক্ষের বাহ-ভেদ করাই মুশকিল। তার উপর আমাকে যদি বহিতে হয় তবে তোমাদের ধরা পড়তে হবে নিশ্চয়। রাত থাকতেই তোমাদের পৌঁছতে হবে কোন নিরাপদ স্থানে। আর আমার দেহটা ত জীবিতই থাক আর মৃতই হোক এখানে পড়ে থাকলে পুলিশে সনাক্ত করে ফেলবে। কাজেই আমার মাথাটা...

কথা শেষ হওয়ার আগেই বিমলদা তার মুখ চেপে ধরে বললেন, “খাম, পাগলের মত যা তা বকছিস!” ওদিকে তীব্র বেদনার্ত কণ্ঠে “ওঃ ভগবান” বলে অক্ষুট কণ্ঠে চীৎকার করে যুবতীটি দুই হাতে মাথা চেপে ধরে নিজের কম্পিত দেহটাকে যেন স্থির রাখতে প্রাণপণ চেষ্টা করছে।

বিমলদার হাত সরিয়ে দিয়ে বিহুদা বলতে লাগলেন, “অমন অবস্থা হয়ো না ভাই। স্থির হয়ে কথা শোন, আমার শরীর ক্রমে অবশ হয়ে আসছে, ক্ষতস্থানের বেদনাও ক্রমশঃ যেন বেড়ে যাচ্ছে, এর পর হয়ত আর কথাই কইতে পারব না। আমার মাথাটা কেটে ফেল, আর শরীরটাকে ক্ষত-বিক্ষত করে দিয়ে যাও যেন কেউ সনাক্ত করতে না পারে। মাথাটাকে যদি টুকরো টুকরো করবার সময় না পাও তবে ছোরা দিয়ে মুখটাকে বিকৃত করে দিও। এই দাগটা দেখে কেউ হয়ত আমার মৃতদেহটা চিনে ফেলতে পারে। মাথাটাকে পথে একটা জঙ্গলে পুতে রেখে যেও, জঙ্গল-জানোয়ারে গেয়ে ফেলবে, কোন চিহ্নই থাকবে না। আর আমার এই জামা-কাপড় খুলে নিয়ে যেও। ভুলো না কিন্তু। ওগুলো পুলিশের হাতে না পড়ে।

ওদিকে মাথা কেটে নেওয়ার কথা বলামাত্র মেয়েটি “ওঃ” বলে একটা মধ্যবিদ্যবক কাতরোক্তি করে দুই হাতে নিজের মাথা চেপে ধরে চোখ বুঁদে মাথা নীচু করে রইল। তার দেহ খর খর করে কেঁপে কেঁপে উঠে দেখা গেল। বিহুদার চোখ এ দৃশ্য এড়ায় নি, তিনি মেয়েটির দিকে চেয়ে আমাকে ইঙ্গিত করলেন। আমি মেয়েটির মাথায় হাত দিয়ে বিহুদার কাছে যেতে বললাম। কাছে যেতেই বিহুদা সস্বহে তার হাত ধরে বললেন, “অমন অস্থির হয়ো না বোন, শক্ত ও।” বিহুদার দিকে কিছুক্ষণ নিষ্পলক দৃষ্টিতে চেয়ে থেকে মেয়েটি হঠাৎ অঝোরে কেঁদে ফেললেন।

আশাতীত সাফল্যে বেমন আমরা সবাই উৎফুল্ল হয়ে উঠছিলাম, তেমনি এই অপ্রত্যাশিত দুর্ঘটনা আমাদের সকলের মধ্যে এনে

দিয়েছিল এক অবসাদ ও নিষ্ক্রিয়তা ! কিন্তু বিহ্বলতা আমাদের বিশদ ভেদে আনবে, তাই অবস্থা আমাদের আয়ত্তে রাখবার জ্ঞান বন্ধপনিকর হলুম। সকলেই বিমলদার আদেশের অপেক্ষা করতে লাগল।

বিমলদার চোখে জল ! বিহ্বদাকে জড়িয়ে ধরে বাষ্পরুদ্ধ কণ্ঠে বললেন, “চাই টাকা ! টাকা দিয়ে কি হবে ! ও অনেক পাওয়া যাবে ! কিন্তু তোরা মত প্রাণ দুটি খুঁজে পাব না ! এ আমরা নষ্ট হতে দেব না !”

বিহ্বদা হাত তুলে বিমলদার চোখ মুছিয়ে দিয়ে তাঁর একটা হাত নিজের বুকে চেপে ধরে স্তম্ভিত কণ্ঠে বললেন, পাটির কথা জেবে মেগ ! অর্থাভাবে সমিতির আজ কি দুর্দশা ! টাকার অভাবে আজ আমাদের ডাকাতি করতে হচ্ছে ! ডাকাতি আমরা পছন্দ করিনে, করতে চাইনে, বাধা হয়ে করি। কেউ ত আমাদের অর্থাভাবা করে না !

বাথায় বিহ্বদার মুগ বিবর্ণ হয়ে আসতে লাগল। যেন হাঁপাতে লাগলেন। একটু জল খেয়ে পুনরায় বললেন, “আজ প্রায় লক্ষ টাকা পাব। সমিতির মঙ্গলসাধন ছাড়া আমার প্রাণের আর কি মূল্য বল ত বিমল !” তা ছাড়া, আমিই ত আজকের নায়ক, আমার আদেশ অমান্য করে না।

বিহ্বদার এই কথায় মধ্যে বিমলদা যেন খুঁজে পেলেন তাঁর পথ। বিহ্বদাকে ছেড়ে দিয়ে স্থির কণ্ঠে বললেন, “না, তুমি নও, আমি আজকের নায়ক। এইমাত্র তুমি আমার হাতে তুলে দিয়েছ আজকের কাজের ভার একটু আগেই। এখন থেকে আমার আদেশই চলবে।”

বিহ্বদা আমাদের মুগের দিকে চোখ একবার বুলিয়ে নিয়ে ঈর্ষ্য হেসে বললেন, “ও, তোদের মায়া হচ্ছে, বুঝেছি তোরা পারবিনে।” আমার দিকে হাত বাড়িয়ে বললেন, দে ত পিস্তলটা—

আমি হুকুমমানার অভ্যাসবশে বুদ্ধিজ্ঞান হয়ে হাত বাড়িয়ে দিতে যাচ্ছি, বিমলদা প্রচণ্ড ধমক দিয়ে বললেন, “সাবধান, পিস্তল দিস নে।” তারপর আমাকে দাকা দিয়ে ঘোষণা করলেন যে তার কবাই এখন থেকে হুকুম। তখনই নির্দেশ দিলেন—যাওয়ার তোড়জোড় করতে। তিনি বললেন, টাকা-পয়সা কিছু নিয়ে যাব না। পথগরচ ত সঙ্গেই নিয়ে এসেছি। শুধু বিহ্বদাকে নির্দিষ্ট বয়ে নিয়ে যেতে হবে লোকের ভিড় এড়িয়ে।

ওদিকে বিহ্বদা পিস্তলটা চাওয়ামাত্রই সেটি ভীত আঙুল কণ্ঠে ‘ও মাগো’ বলে চীৎকার করে বিহ্বদার বুকে হাতের ঝাঁপিয়ে পড়ে অশ্রুসিক্ত কণ্ঠে বললেন, “তুমি কি মানুষ ! এ দেহটা কি তোমার নয় ! নিজের গলাটা কেটে ফেলতে হুকুম দিও, তাও নিজের প্রিয় বন্ধকে—তোমার গলা একটু কাপল না ! এত কঠিন তোমার হৃদয়।

বিহ্বদার বুকের উপর মাথা রেখে চোখের জলে তাঁর বুক ভিজিয়ে

দিয়ে মেয়েটি বললেন, “যারা ভালবাসে তাদের কাঁদিয়ে তোমার এত আনন্দ ! তুমি এত নিষ্ঠুর !”

বিহ্বদা মেয়েটিকে নিজের বুকের উপর থেকে সরিয়ে একটু ঠেলে দিয়ে গভীর স্বরে বললেন, “এতটা আত্মহারা হতে নেই। স্থির হয়ে ওখানে বসুন গিয়ে। যান বলছি।”

মেয়েটির মুগ স্নান হয়ে গেল, একটু যেন বিব্রত হয়ে পড়লেন, বোধ হয় একটু লজ্জিতও হলেন। একটু সরে বসে, মনে হ’ল যেন অভিমানহত কণ্ঠে বললেন, “হ্যাঁ, বড় আত্মহারা হয়ে পড়েছিলাম। আত্মহারা হয়ে দূরের মানুষকে এত আপন ভাবতে নেই। মাপ করুন। সত্যি বলতে কি আপনাকে ‘আপনি’ সম্বোধন করতে মুখে আটকে গেল। বড় লজ্জা বোধ হ’ল, মিথ্যাচার করছি মনে হ’ল। দেবতাকে কেউ ‘আপনি’ সম্বোধন করে না, আর করে না থাকে—” দীর্ঘনিশ্বাস মোচন করে বললেন, “যাক, আপনাকে বলা বৃথা, আপনি বুঝতে পারবেন না। তবু একটা কথা বলছি, আত্মহারা হওয়াটা সব সময় হারিয়ে যাওয়া নয়।”

বৃদ্ধ ভদ্রলোকের কি করে যেন মনে হ’ল যে তার পুত্রবধুটি কোনরকমে বোধ হয় আমাদের বিরক্তিভাজন হয়ে পড়েছে। তিনি এগিয়ে এসে বললেন, “মা, তোমার যা মুখের ধার, এতে রাগ না হয় কার !” তারপর আমাদের দিকে হাতজোড় করে বললে, “আমার মায়ের কথায় আপনারা রাগ করবেন না, মা আমার চিরহুঃখিনী। তাও আমারই দোষে—আমি শীল স্বার্থপর হয়ে এমন—”

মেয়েটি একটা ট্রাঙ্ক খুলতে খুলতে স্বপ্নরূপে বললেন, “আঃ বাবা, আপনি চূপ করুন। আমাদের এখন অনেক কাজ, আপনি পোকাকে নিয়ে ও ঘরে গিয়ে চূপ করে বসে থাকুন।”

জতস্থান ব্যাণ্ডেজ করবার জ্ঞান মাত্র আমার নিজের কাপড় ছিঁড়তে শুরু করেছি, যুবতীটি তখন তীক্ষ্ণ কণ্ঠে বললেন, “ও বেগে দিন, ময়লা কাপড়ে ব্যাণ্ডেজ করা যাবে না।” দেখি আমাদের সকলের অজান্তে ততক্ষণে মেয়েটি পরিষ্কার একখানা সাড়ী ছিঁড়ে ফেলেছেন। আমার পাশে এসে আমার সরে যেতে বলে নিজেই নিপুণ হাতে পরিষ্কার করে ব্যাণ্ডেজ বেঁধে দিয়ে আর একখানা ধোয়া সাড়ী আমার হাতে দিয়ে বললেন, “এটাও সঙ্গে নিয়ে যান, প্রয়োজন হতে পারে।” আলনা থেকে একখানা ধুতি টেনে নিয়ে আমার হাতে দিলেন ; বললেন, “এর সমস্ত কাপড় রক্তে ভিজে গেছে, এই ধুতিখানা ঠেকে পরিবে দিন।”

বিমলদা সাড়ীখানার পাড় দুটি ছিঁড়ে দিলেন আর ধোয়ার দাগ সাড়ী ও ধুতির যে কোণটিতে ছিল তাও ছিঁড়ে ফেললেন। মহিলাটি কোঁতুক বোধ করলেন, এর উদ্দেশ্য তার চোখ এড়ায় নি। তিনি বললেন, “যাক, হুঁসিয়ার হতে দেখছি একটুও ভুল হয় না !” ঠোঁটের হাসি দাঁতে চেপে বললেন, “সাড়ী বাব করতে ট্রাঙ্কটা খুলে বেগে এসেছি। ভেতরটা দেখুন, আপনাদের নেবার বোগা কিছু আছে কি না।”

বিমলদার ফর্সা মুখে রক্ত হুটে উঠল, “সব জেনে বুঝে কেন

আর আমাদের আঘাত দিচ্ছ বোন্। যে স্নেহমমতা দিয়ে আমাদের এই দৌরাঙ্কাকে মাথা হেঁট করতে বাধা করেছ, তার চেয়ে বড় আঘাত আজ পর্যন্ত কেউ কোনদিন করতে পারে নি।”

“এতক্ষণে আমাদের অত্যাচারের প্রতিশোধ নিচ্ছেন নয় কি?” বললেন বিমলদা।

“আপনারা বলেই সাহস করে আঘাত দিচ্ছি, ডাকাত হলে একটা কথা বলতেও সাহস করতাম না, আমাদের যে কি দশা হ'ত ভাবলে গা শিউরে উঠে। আর প্রতিশোধ নেব কার উপর? প্রতিশোধের মতো থাকে দেয়া-নেয়ার সম্পর্ক। আমরা ত শুধু পেলামই। আপনারা শুধু দিয়েই গেলেন দেশবাসীকে, পেলেন না ত কিছুই।”

ওদিকে বাইরে লোক জমেছে অনেক। তারা নিরস্ত্র নয়, বন্দুক, বর্শা, রামদা, লাঠি তাদের হাতে। বিমলদা হুকুম দিলেন ঢাকা রেখে যাওয়ার জন্ত। বিমলদা বিউগল বাজিয়ে সঙ্কেতধ্বনি করে সকলকে একত্র করে এক সারিতে দাঁড় করালেন। আমাদের নিয়ম ছিল—বিউগল বা হুইসেলে “ফল ইন” করার আদেশ পাওয়া মাত্র সব কাজ ফেলে দৌড়ে এসে একত্র দাঁড়াতে হবে। বিমলদা লোকগণনা করলেন, সকলে উপস্থিত আছেন কি না দেখে নিলেন, সব ঠিক আছে কি না দেখে নিশ্চিত হলেন। বিমলদাকে ঘিরে বাহ রচনা করে গুলি ছুঁড়তে ছুঁড়তে বেরিয়ে যাব, এই ঠিক হ'ল। আমরা প্রস্তুত হলাম যাওয়ার জন্ত। বিমলদা বিমলদাকে কাঁধে তুলে নিলেন, অগ্নিসর হবার আদেশ দিলেন।

মেয়েটি ছুটে সামনে এসে বাধা দিয়ে বিমলদাকে উদ্দেশ্য করে বললেন, “দেখুন, দয়া করে এক মিনিট অপেক্ষা করে আমার একটা কথা শুনুন—ওঁকে আপনারা বয়ে নিয়ে যেতে পারবেন না। উনি এরই মধ্যে বোধ হয় জ্ঞান হারিয়ে ফেলেছেন। ওঁর জন্ত একজন ডাক্তার অবিলম্বে দরকার। আপনাদের কত পথ যেতে হবে তার ঠিক নেই। ওঁকে বয়ে নিয়ে দৌড়ে যেতে পারবেন না। আপনাদের এতগুলো লোকের বিপদের কথা একবার ভেবে দেখুন। আমি বলি ওঁকে এখানেই আমার কাছে রেখে যান। কাল পুলিশ এলে বলব আমার দাদা, ডাকাতদের বাধা দিতে গিয়ে জখম হয়েছেন।”

আমরা সকলেই মূহুর্তের জন্ত স্তম্ভিত হয়ে গেলাম। বিমলদা বললেন, “না, তা হয় না।”

“কেন হয় না? আমাকে বিশ্বাস হচ্ছে না? ধরিয়ে দেব মনে করছেন? একটু বিশ্বাস করেই দেখুন না। আপনারা শুধু নিজদের নিয়েই আছেন কিনা, তাই আপনাদের দলের বাইরেও যে বিশ্বাসযোগ্য লোক থাকতে পারে তা মনেও করতে পারেন না। আমাদের বাড়ী ডাকাতি করেছেন, ধরিয়ে দেওয়া স্বাভাবিক। কিন্তু চোর চুরি করে চোরাই রান্নাটা কেলে পালাচ্ছে আর তার পিছু পিছু বাঘের মালিক দৌড়ছে বাঘ মাথার করে, চোরকে সেটা

ধরিয়ে দেবার জন্তে—এমন পুণ্যকাহিনী আমাদের দেশেও আছে। আমি যে এদেশেরই মেয়ে।”

বিমলদা বললেন, “কিন্তু আপনি জানেন না, ওঁর সবকিছু পুলিশের নখদর্পণে। আপনার স্নেহাঙ্কলে ওঁকে টেকে রাখতে পারবেন না। আমাদের সঙ্গেই ওঁকে যেতে হবে।”

বিমলদা মেয়েটিকে ইশারায় খুব নিকটে ডেকে নিয়ে তাঁর হাতে নিজের হাত রেখে বললেন, “তোমার হাতে নিজেকে সম্পূর্ণ সঁপে দিতে পারি একেবারে—একটুও দ্বিধা না করে। তোমাকে প্রাণ দিয়েও বিশ্বাস করি। তোমাকে মুখে ধন্যবাদ দিতে লজ্জা হচ্ছে। তুমি আমাদের অবাক করে দিয়েছ! তুমি আমাদের এমন আপন করে নিয়েছ যে তোমাকে কখনও ভুলতে পারব না। এমন জায়গায় এমন অবস্থায় একরূপ অমূল্য বস্তুর সন্ধান পাব ভাবতেও পারি নি।” বিমলদা মেয়েটির হাতে মূহূ চাপ দিলেন। মেয়েটি যেন কৃতার্থ হ'ল। মেয়েটির চোখের জলের মধ্যেও তৃপ্তির অপূর্ণ আভা যেন ফুটে উঠল।

আমরা আর কালবিলম্ব না করে গুলি ছুঁড়তে ছুঁড়তে বেরিয়ে গেলাম। অপর পক্ষও আমাদের উপর বন্দুক চালাচ্ছে ও মাঝে মাঝে বর্শা ছুঁড়ছে।

কয়েক মাইল যাওয়ার পর যখন নিশ্চিত রূপে বুঝতে পারলাম যে আমাদের আর কেউ অহুসরণ করছে না তখন একটা গাছের ছায়ার বসে অস্ত্রশস্ত্রগুলি ও অস্ত্রাশ্রয়াদি নিরাপদ স্থানে প্রেরণের সুব্যবস্থা করে আর সবাইকে পাঠিয়ে দেওয়া হ'ল চারিদিকে ছড়িয়ে। ফেরবার সময় কে কোন্ পথে যাবে আগেই তা স্থির করা ছিল। কেবল পাঁচ জন রয়ে গেলাম বিমলদাকে বয়ে নিয়ে যাওয়ার জন্ত।

মাইল আষ্টেক দূরে যশোদল গ্রাম পর্যন্ত বিমলদাকে কাঁধে করেই বয়ে নিয়ে যেতে হ'ল। সেখান থেকে একটা ডুলি যোগাড় করে প্রায় মাইল পঞ্চাশ দূরে গৌরীপুর চলে গেলাম। আমরা নিজেরাই বেহারা সঙ্গে ডুলি বয়ে নিয়ে গেলাম।

আমাদের পথ অফুরন্ত। মানুষকে এমনি করে হাঁটতে হয়, এই আমার প্রথম অভিজ্ঞতা। দিনের বেলায় পথচলা অসম্ভব। প্রভাতেই সম্ভবমত কোন বিশ্বস্ত সত্যের নিকট আশ্রয় নিয়ে আবার রাত্রির অন্ধকারে হাঁটতে শুরু করেছি। দিন দুই আশ্রয় নিয়েছি সবল কৃষকের গৃহে। এমনি করে তিন-চার দিন পর এক নিরাপদ স্থানে এসে পৌঁছলাম—সেখানেই মিলল আমাদের আশ্রয়।

খবর পাঠালা চাকায় চান্দসীর অস্ত্র-চিকিৎসকের কাছে। তিনি ছিলেন আমাদের সত্যিতির একজন পরম শুভাঙ্কুখ্যায়ী সত্য। তিনি ছুটে এলেন। তাঁর নিপুণ চিকিৎসায় বিমলদার ঘা শীঘ্রই গেয়ে গেল। কিন্তু বস্তুর হয়েছিল মেলাই, তাই পরীক্ষার স্বত্ব সবল হতে বেশ কিছুদিন সময় লাগল।

এই ঘটনার পর কিছুদিনের জন্ত বিমলদার কাঁধ থেকে বিছিন্ন হয়ে পড়েছিল। পরে আবার সেলা হ'ল।

নিশ্চয় যাত্রি। শান্ত নদীর মুঠ কলরোল যেন চুপি চুপি কথা কইছে। নদীর ধারে এক ডিঙিতে বসে বিহুদার জগা অধীর আশ্রয়ে অপেক্ষা করছি। ছোট ছোট টেউ ডিঙির পাশে লেগে ছলাং ছলাং করে আমার উৎকণ্ঠা ক্রমশঃ বাড়িয়ে তুলছে। এতক্ষণ দেবি হচ্ছে কেন, তার ত অনেক আগেই ফিরে আসবার কথা! রাত তখন বোধ হয় এগারটা হবে। এত রাত্রে এপারে নৌকা রাখবার নিয়ম নেই। সমস্ত নৌকা তখন ওপারে চলে গিয়েছে। ওপারেও নৌকার আলো নিভে গেছে। অত রাত পর্যন্ত তেল পোড়াবার পয়সা দরিদ্র মাঝিদের নেই। ওপারে কারুর কারুর বাড়ী থেকে মাঝে মাঝে আলো চিক্ চিক্ করে উঠছে।

খেয়াপারাপার বন্ধ হয়ে গেছে অনেকক্ষণ। এক ভদ্রলোক অসময়ে এসে আমার ডিঙি দেখে একটু আশ্চর্য হয়েছিলেন। কিন্তু অনেক পীড়াপীড়ি করেও যখন আমায় রাজী করতে পারলেন না তখন অভিযাপ দিতে দিতে চলে গেলেন। বেশী পয়সা দিলেও যে মাঝিরা রাজী হয় না, এই বোধ হয় তার জীবনে প্রথম। আজকাল মাঝিদের পয়সা হয়েছে, তাই তাদের দেমাক। এমনি আরও অনেক মস্তব্য করতে করতে উনি চলে গেলেন।

মনে মনে না হেসে পারলাম না। পোশাক তা হলে মানানসই হয়েছে। খানিক বাদে পুলিশ এসে চৌদ্দগুটির খবর নিয়ে গেল। এবার আমার মেক-আপ সম্পর্কে নিশ্চিত হলাম—অবশ্য যাত্রির অঙ্ককার যে আমার সহায় হয়েছিল সে বিষয়ে সন্দেহ নেই।

তবুও বিহুদার দেখা নেই। উৎকণ্ঠা ক্রমশঃ ভয়ে পরিণত হতে লাগল। হঠাৎ মনে হ'ল কে যেন আসছে, চমকে উঠলাম। তবে কি কেউ আমাদের খবর পেয়ে আসছে। এতক্ষণ নৌকোর পাটাতনের ওপর কাত হয়েছিলাম—উত্তেজনায় সোজা উঠে বসলাম। মনকে সান্ত্বনা দেওয়ার জগা ভাবতে লাগলাম, নিশ্চয় কোন মাতাল। কিন্তু মাতাল হলে আরও মুশকিল। এখনি চেষ্টামেচি করে একেবারে মাথায় করে তুলবে ছনিয়া!

কিছুক্ষণের মধ্যেই শঙ্কা টুটে গেল। দেখলাম বিহুদা-ই, আশ্বে আশ্বে নৌকোর কিনারা ধরে উঠছেন। একটু যেন টলছেন, হাঁটুজলে নেমে এক হাত দিয়ে নৌকো ধরে অপর হাতে হাতমুগ ধুয়ে, ভিতরে উঠে এলেন। উঠেই কোন কথা না বলে আশ্বে আশ্বে পাটাতনের উপর সোজা হয়ে শুয়ে পড়লেন।

আমি শঙ্কিত হলাম, কি হয়েছে বিহুদা।

কৈ কিছু হয় নি ত। তুই এতক্ষণ ভাবছিলি ত, কোন হান্দামা হয় নি?

তার কণ্ঠস্বর ক্ষীণ, বথায় তেজ নেই। আমি প্রশ্ন করলাম, আমায় ফাঁকি দিও না, কি হয়েছে বল না।

আবে না পাগল, কিছু হয় নি। তোরা যাওয়া হয়েছে কি? কেমন ছিলি এতক্ষণ? কোন গোলমাল হয় নি ত? স্পষ্টই বুঝতে পারলাম অতি কষ্টে কথা বলতে চেষ্টা করছেন।

না খাই নি, তোমারই অপেক্ষা করছিলাম। একটা পুলিশ এসেছিল। জিজ্ঞাসাবাদ করে চলে গেল, সাধারণ পাহারাওয়ালার কনেটবল।

তুই কি বললি।

বললাম, চাচা গেছে বাজারে তেল আনতে।

ওরা হাঁটার পয়সা ঘুষ নিতে আসে। দিয়ে দিলে আর অত জিজ্ঞাসাবাদ করে না।

একটু খেমে পুনরায় হেসে বললেন, তবু যা হোক তুই যে চাচা বলেছিস, দাদা না বলে।

আমি বললাম, তুমিই ত বলে দিয়েছিলে আমরা সবাই যে পরস্পর সন্তোদর ভাইয়ের চেয়েও বেশী তা গোয়েন্দা পুলিশ টের পেয়েছে। তাই যখন যা সুবিধে তাই বলতে হবে।

হঠাৎ বিহুদা আমার দিকে উল্টো হয়ে কাত হলেন। পয়নের কাপড়টা টেনে নাক মুছে কপালে চেপে ধরলেন। আমার সন্দেহ উত্তরোত্তর বাড়তে লাগল। কিছু একটা নিশ্চয় হয়েছে। পাটাতনের নীচে রাখা লণ্ঠনটা বার করে আলো ধরতেই যা দেখলাম তাতে আমার বিশ্বাসের আর অবধি রইল না। এ কি ব্যাপার, তোমার যে সারা কপাল ছিন্ন ভিন্ন, নাক দিয়ে ঝগ ঝগ করে রক্ত পড়ছে।

আমাকে আলো জ্বালতে দেখে বিহুদা ধমক দিলেন। আমি বললাম, আলো জ্বলে অগ্নয় করেছি, কিন্তু এ তুমি কি গোপন করছ বল ত?

তুই অত চেচাস নি ওষুধ দিলে এখনুনি সেবে যাবে। দেখ ত পাটাতনের নীচেই বোধ হয় শিশিটা আছে। বার করে দে দিকিন। পরে চিড়ে শুড় বার করে নিজেও যা আমাকে যা হোক কিছু দে। আর দেবি করা মোটেই সঙ্গত নয়। আমাদের যেতে হবে অনেক দূর। রাতারাতিই মালপত্র নিরাপদ স্থানে পৌঁছাতে হবে।

তোমার শরীরের ঐ অবস্থা, আমি একা এত পথ কি করে নিয়ে যাব। কোন বিপদ না হয়।

কিছু বিপদ হবে না। আমি শুধু হাল ধরে থাকব। তুই দাড় টেনে যাবি, পরিশ্রম আমার কম হবে। আজ রাতের অঙ্ককারে যে করেই হোক যেতে হবে।

চিড়ে শুড় বার করলাম। চিড়েটা ধুয়ে নিলাম নদীর জলে। খানিকটা আমি নিলাম আর বাকীটা দিলাম বিহুদাকে। আহা-হাস্তে বিহুদা ভদ্রবেশ ত্যাগ করে মাঝির বেশ ধারণ করলেন। তিনি বোসেদের বাড়ী গিয়েছিলেন, সে বাড়ীর একটি ছেলের সঙ্গে দেখা করতে হয়েছিল তাই তার ভদ্রবেশ ছিল।

হাল ধরে বললেন, শুরু কর টানতে। আর শোন, তোকে বলছি ঘটনাটা। অভিজ্ঞতা হবে অনেক। কাজে লাগতে পারে—

গিয়েছিলাম বোসেদের বাড়ী। মনে করেছিলাম ক্ষীরোদ ওর পড়ার ঘরেই থাকবে। আমায় দেখলে ঘরে ডেকে নিয়ে যাবে। কিন্তু হঠাৎ এই, ও বাড়ী ছিল না। কাকে জিজ্ঞেস করি বল। নিরাপদ মনে করলাম না।

ওদের বসবার ঘরের বারান্দায় বসে কয়েকটি যুবক তখন বেশ আড্ডা জমিয়েছে। বারান্দাটা বাঁশের বেড়া দিয়ে ঘেরা। ব্যক্তির নিস্তব্ধতায় ওদের কথা স্পষ্ট শুনতে পাচ্ছি। পাড়াগায়ের লোক তাড়াতাড়ি খাওয়া-দাওয়া করে শুয়ে পড়ে। তাই এমন নিব্বম। হুঁচাব কথা শুনেই বুঝতে পারলাম, ওরা একেবারেই আড্ডাবাজ আর গোয়েন্দাভীতিই হচ্ছে ওদের আলোচ্য। ওদের কাছে জিজ্ঞেস করা বোলতার চাকে টিল ছোঁড়ার মত বিপজ্জনক।

খোলা জানালায় মধ্য দিয়ে ওদের স্পষ্ট দেখতে পাচ্ছিলাম। এদের মুখেই শুনে শুনে ওদের নামগুলি আমি জেনে নিলাম।

প্রথম কে যে কথাটা বলেছিল তা ঠিক ধরতে পারি নি, কিন্তু ওটাই হ'ল গিয়ে সূত্রপাত। কে যেন বলল, আজকাল স্পাইয়ের যা উৎপাত বেড়েছে তা আর কি বলব।

এই কথা শোনামাত্রই ওদের মধ্যে একটা চাকলা লক্ষ্য করলাম। সবাই যেন একটু নড়ে চড়ে বসল এবং এতক্ষণে একটি রসালো বস্তুর সন্ধান পেয়েছে বলে মনে হ'ল। প্রথম উৎসাহ কেটে যেতে বোধ হ'ল—সবার চোখে যেন উদ্বেগের চিহ্ন। এর অবশ্য কারণ ছিল। এদের সবই হচ্ছে গিয়ে সেই শ্রেণীর যাদের উপর 'মুখেন মারিতং জগৎ' কথাটা প্রযোজ্য।

আড্ডায় বসে ইংরেজ নিপাত না করতে পারলে ওদের হুঁবেলা ভাত হজম হ'ত না। ওদের কাছে ওটা ফাশান। তাই ওদের ভাবনা যে, স্পাই ওদের পেছনে নিশ্চয়ই লেগে আছে। যদি স্পাই পেছনে না থাকে, তবে আর স্বদেশী হ'ল কি!

যা হোক ওদের আলোচনা শুনতে মন্দ লাগছিল না। ঘরে বসেই ইংরেজের নৌবহর ডুবিয়ে দিচ্ছে সমুদ্রের অতলে। কখন কখনও ফরাসী, রুশ, জার্মান, মায় আফগানিস্তান আর নেপালের সাহায্যে তাড়াচ্ছে ইংরেজকে দেশ থেকে। এর পরেও চরম আছে—শুনলাম একটু বাদেই। একজন বললে, এতক্ষণ সে চূপ করে ছিল—কেন ধর না আমাদের স্বাধীন ত্রিপুরার কথা। ও-রাজ্যের মহারাজ কি করে বসেন তার ঠিক নেই। মহারাজ আসলে ভীষণ স্পিরিটেড। সেজগতই ত তার সঙ্গে অগাধ রাজাদের বনিবনাও হয় না।

আমার হাসি বোধ করা ক্রমশঃই কঠিন হয়ে উঠছিল। এরা মুখেই জটায় বাঁধন খুলে দিয়ে পৃথিবীতে বিপ্লবের গঙ্গা বইয়ে দিতে চায়। এদের সিদ্ধান্ত এই যে, দিন আর বাকি নেই—শ্রীঅরবিন্দ নাকি ওদের দাদার কাছে পত্র লিখে এ খবর পাঠিয়েছেন। আবার দাদাই নাকি ওদের জানিয়েছে। এমন কি শ্রীঅরবিন্দের পত্রও নাকি পড়ে শুনিয়েছে।

তোর হয় ত জানতে ইচ্ছে হচ্ছে যে ওদের দাদা কি করে এই গোপন খবর ওদের বললে। আরে ভাঙতা দিয়ে দল পাকায় এমন দাদাও আছে, আর ওদের ধারণা যে ওদের পরামর্শ ছাড়া দাদার এক পা নড়বার উপায় নেই। এমনি ওরা। তাই ত সমস্ত গোপন খবর ওদের নখদর্পণে। এই সমস্ত থেকেই ওদের সিদ্ধান্ত যে,

গোয়েন্দা ওদের পেছনে একেবারেই জোঁকের মত লেগে আছে।

তুই হয় ত জানিস নে নীতীশ, দেশের বুর্জমান অবস্থার সুযোগ নিয়ে কত কুমতলব কত লোকে হাঁসিল করে নিচ্ছে দেশোদ্ধারের জীগির তুলে। এরা শুরু করে বড় বড় কথা বলে, কথা ভাড়িয়ে সরলমতি ছেলেদের সামনে তুলে ধরে রোমাঞ্চকর এক উজ্জল জীবন—তার পর শুরু হয় চুরি, ডাকাতি, তার পর সমস্ত অর্থ নিজেরা আত্মসাৎ করে সরে পড়ে, মারা পড়ে ঐ ছেলে-গুলো। অবশ্য সবক্ষেত্রেই যে ওরা পরিভ্রাণ পায় তা নয়।

ওদের স্পাই-ভীতি হ'ল সবচেয়ে বেশী। তাই ওদের পাল্লায় পড়ে কত দরিদ্র নিরপরাধ লোক, সন্ন্যাসী, ভিক্ষুক, কবি, বোষ্টম লাহিত হয়েছে তার অস্ত নেই। কেননা ওদের বন্ধমূল ধারণা এরাই আসলে স্পাই প্রায় সকলেই। তবে ওদের অধিকাংশেরই বরাত ভাল থাকে যে, ওদের হাত নির্দোষের গায়েই পড়ে, সত্যি-কারের স্পাইয়ের গায়ে পড়লে রোগ হুঁদিনে ঘুচে যেত।

এতক্ষণ ওদের আলোচনা যে ধারায় চলেছিল, তার পর ওদের শুরু করতে হ'ল কার পেছনে কত স্পাই লেগেছে, আর কে কত ঠেঙ্গিয়েছে। নটবরই কথাটা পেড়েছিল—আরে ভয়ানক, ভয়ানক, ধর না আজকের সঙ্কোবেলাকার ঘটনাই বলি, বেড়িয়ে কিবচি—দেগি একটি আমার পিছু নিয়েছে! বাছাধনকে তিন পাক ঘুরিয়ে এক সুযোগে চো করে বেরিয়ে এলাম। টের পাবার জোটি নেই।

কথাটা শেষ করে নটবর সগৌরবে সকলের দিকে তাকিয়ে একটু নড়ে-চড়ে বসল।

স্বরনাথ পিছু হটবার ছেলে নয়। সে বলতে শুরু করল—আরে জানিস সে ভারি মজা—দূরে দেখি এক বাছাধন ঘুরে বেড়াচ্ছেন, তঠাৎ আমার সামনে পড়তেই একেবারে 'অন্ধ নাচার বাবা' সেজে বসলেন। আরে বাবা, আমাদের চোখ এড়ানো কি এত সহজ। ইচ্ছে হচ্ছিল বাটাকে ঠেঙ্গিয়ে স্পাইগিরি একেবারে জন্মের মত ঘুচিয়ে দিই। কিন্তু অনেক কষ্টে চেপে গেলাম।

যাদের বিরুদ্ধে ওদের এই অভিযান তাদের কেউ ওদের কাছাকাছি থাকতে পারে সে গেয়াল ওদের এতক্ষণ ছিল না। সবাইকে সাবধান করবার উদ্দেশ্যে সর্বমোহন বলল, আরে অত চেঁচাস নে, কে কোথায় ঘাপটি মেটে বসে আছে তার ঠিক নেই। কথায় বলে দেয়ালেরও কান আছে। জানিস ত এ বাড়ীর উপর পুলিশের নজর।

সবাই মনে মনে কত কন্ঠের জগা হয় ত অনুভূত করছিল। সবাই এদিক-ওদিক তাকিয়ে নিজেদের নিরাপত্তা সম্পর্কে নিশ্চিত হতে চাইল। নটবরও দেখলাম কানে কানে সর্বমোহনের কাছে যেন কি বলল।

সর্বমোহন ল্যাম্প নিয়ে বেরিয়ে এল। তাড়াতাড়িতে আমি

নিজেকে সামলাতে পারলাম না। আমাকে দেখেই হঠাৎ ও আঁতকে উঠল, 'কে?'

মনে মনে আমার হাসি পেলেও চেপে গিয়ে বললাম, ভয় পাবেন না।

আমার জবাব শুনে ওর সখিৎ ফিরে এল। ভয় পাওয়া যে ওর একান্তই অমুচিত্ত, বিশেষ করে প্রায় ওর সমবয়সী এক ছেলের কাছেই ও ভয় পাবে এটা মেনে নেওয়া তার পক্ষে একান্ত অসম্ভব। তাই ও চেঁচিয়ে উঠল, ভয়—ভয় আবার কিসের। আপনি কে, আপনার নাম কি, কাকে চাই। একনিশ্বাসে অনেকগুলি প্রশ্ন করে হাঁক ছেড়ে বাঁচল।

আমি ক্ষীরোদের বন্ধু, ওর খোঁজে এসেছি।

ততক্ষণে আর সবাই এসে গিয়েছে। শশধর বলে একটি ছেলে ছিল ওদের মধ্যে, সেটি দেখলাম ভারি ওস্তাদ। সে বললে, আস্তন ভেতরে, তার পর আপনার সব কথা শুনব।

আমি একটু চিন্তিত হলাম। কিন্তু ওদের সঙ্গে না গিয়ে উপায় নেই। যবে ঢোকামাত্রই ওদের সবার মুখে শত শত প্রশ্ন ফুটে উঠল। স্পাইয়ের যে ভূত এতক্ষণ ওদের আশে-পাশে ঘুরে বেড়াচ্ছিল, এবার সেটা ওদের ঘাড়ে চেপে বসেছে। নটবরই বাবে বারে জিজ্ঞেস করতে লাগল, তুমি কে বাছাধন বল ত, কার খোঁজে এসেছ।

বলেছি ত ক্ষীরোদের খোঁজে।

উঃ, আবার চোখ বাজায় যে। কি চাই তোমার?

ওর সঙ্গেই আমার প্রয়োজন। আপনাদের কাছে বলবার হলে এতক্ষণে বলতাম।

ক্ষীরোদ বলে এখানে কেউ নেই।

কেন মিথো গুণগোল করছেন বলুন ত? আপনারা আমাকে না চিনলেও ক্ষীরোদের সঙ্গে আমার পরিচয় অনেক দিনের।

তার পুরো নামটি বলতে পারবে?

এ প্রশ্নের জবাব দিতে মন চাইছিল না, কিন্তু চেঁচামেচি বন্ধ করবার জন্ত বললাম, ক্ষীরোদ বস।

সবাই হো হো করে হেসে উঠল। পুরো নামটি ত জেনে আস নি দেখছি। সে কি করে?

স্কুলে পড়ে।

তার পর কি জিজ্ঞাসা করবে তার খেই মন ওরা চারিদে ফেলল। হঠাৎ ওদের খেয়াল হ'ল, আমি পুরো নাম বলতে পারি নি, তাই আমি নিশ্চয়ই বদমায়েস। আমি মজল ঘোলা করেছি এ সূত্রেই তা ওরা প্রমাণ করতে চায়। তাই ওরা শুরু করে দিল চেঁচামেচি। কিন্তু ওদের একটা মুশকিল হয়েছিল যে, যাকে ওরা ঘাঁটাচ্ছিল সে ছিল একান্ত উদ্বেগশূন্য ও উদাসীন। তবে মুজা জানিস ত তাতেই ওদের বাগ ক্রমশঃ বেড়ে উঠছিল। জেরা করে যখন ওদের আশ মিটল না তখন প্রত্যক্ষভাবেই আমাকে

অপমানজনক কথাবার্তা বলতে শুরু করল। চোখা চোখা বাণ বর্ষিত হতে লাগল।

ওদের মধ্যে একটি দেখলাম বেশ বসিক—“কেন ভদ্রলোকের ছেলেকে অপমান করছিস, ছেড়ে দে, ছেড়ে দে, যথেষ্ট হয়েছে।”

ভদ্রলোক না ইয়ে। বেটা চোর না হয় স্পাই। নয় ত জানলা দিয়ে উঁকি মারবে কেন?

হাত থাকতে মুখে কেন বাবা? দাও ঘাকতক বসিয়ে—কথায় বলে লাঠির ঘায় বাবো দেবতা খাটে। এখন ভালমাসুঘটিব মুখে রা-টি নেই, উত্তম-মধ্যম পড়লেই একেবারে চড় চড় করে বেরিয়ে আসবে সব কথা।

এতক্ষণে যেন বারুদে আগুনের স্পর্শ লাগল, ওরা একেবারে সবাই আমার ওপর লাফিয়ে পড়ল। তার পর যে যা পারল তাই শুরু করে দিল। তার পরিমাণ বোধ হয় কিছু অসুমান করতে পারছিস।

ইচ্ছে করলে ওদের প্রতিরোধ করতে পারতাম। কিন্তু আমার চিন্তা হ'ল যদি ওদের চেঁচামেচিতে সত্যিকারের পুলিশের লোক কিম্বা স্পাই এসে জোটে তবেই হবে মুশকিল। কিংবা সত্যিই যদি ওরা খানায় পবর দেয়? তুই বসে আছিস নৌকোর একা, কিছু মালও আছে। তোর ত এসব কিছুই জানা নেই যে তুই এখান থেকে চলে গিয়ে আত্মরক্ষা করবি কিংবা মালগুলি বাঁচাবি। ওদের তখন নেশা চলে গিয়েছে। ওদের ছেলেমাসুঘি আর সহ হচ্ছিল না। হঠাৎ একটা বুকি মাথায় চাপল। ভাবলাম কৈয়ের তেলেই কৈ ভাজতে হবে। ওদের বললাম, শুমন, আমাকে একা পেয়ে আপনারা খুব ত বীরত্ব প্রকাশ করছেন। কিন্তু আপনারা জানেন না যে আমি সত্যিই একজন স্পাই। একটা বড় মামলা শীগগির শুরু হবে, তারই সমস্ত আসামী আমি খুঁজে বেড়াচ্ছি। আপনাদের নামে অনায়াসে আমি রিপোর্ট করতে পারি। তার ওপর আমার শারীরিক ক্ষতি যদি পুলিশকে জানাই তা হলে আপনাদের যে কি অবস্থা হবে সে কথাটা একবার চিন্তা করে দেখেছেন কি? প্রথমেই ত কয়েক গাড়ী লাঠি নিয়ে ছুটে আসবে, তার পরের অবস্থা—

মাপের মাথায় ধুলো-পড়া পড়ল। সকলের মাথামুখ মুহূর্তমধ্যে বিবর্ণ হয়ে গেল। প্রহার করলে স্পাই যে ওদের ক্ষতি করতে পারে এ হুঁস ওদের একেবারেই ছিল না। সম্ভাব্য বিপদ ওদের হাত অচল করল।

সর্বমোহন ছেলোট দেখলাম সব ব্যাপারেই অগ্রণী। সেই বললে, বয়ে গেল, ভয় আবার কি, আমি ত আর কোন স্বদেশী ব্যাপারে নেই?

শশধর অত সহজে দমবার পাত্র নয়। সে বললে, ভয়টা কিসের শুনি। যে লোক চুপি চুপি ঘরে ঢুকতে চায়, তাকে ট্রেসপাস কেসে ফেলে একেবারে চোর বলে ধরিয়ে দেব না?

ধরিয়ে দেব বললেই ধরিয়ে দেওয়া যায় না। পুলিশ কি আর

ওকে ধরবে। কানে পড়বে তুমিই। স্বদেশী মামলা হুঁকে দিলে
তখন ঠেলা বুঝবে। আমি বাপু মারতেও বলি নি, আমি এ সব
কিছু জানি নে, এ কথা জানিয়ে দিল সর্বমোহন।

সুমনাথও আর এর মধ্যে থাকতে চায় না। সেও বলল, শশ-
ধরটার একগুঁরেমির জন্ত চিরকাল আমাদের হাঙ্গামা পোরাতে হয়।
আমি বাপু মারবোর চিরকাল অপছন্দ করি।

নটবরও দেখলাম এ ব্যাপারে পিছ-পাও হতে চায় না। সে
আমায় সাক্ষী মেনে বলল, আমি আপনাকে একেবারেই মারি নি।
তুধু আপনাকে ধরেছিলাম মাত্র।

তখন আমার সমস্ত শরীর আঘাতে ব্যথিত ও ক্লান্ত। ওদের
এই ছেলেমানুষি আর কাপুকষতা দেখে আমার হাসি পেল। তবু
ওদের বললাম, ভয় নেই, তবে এমনি ছেলেমানুষি আর কোন দিন
করবেন না।

পারলে তখন ওরা নাকে খত দেয়। তখন ওদের মধ্যে কাড়া-
কাড়ি পড়ে গেল আমায় সাহায্য করবার জন্ত। আমি ওদের ধনু-
বাদ জানিয়ে চলে এলাম।

এই কাহিনী আমি নির্ঝাঁক বিশ্বরে গুনছিলাম, গুনতে গুনতে
আমার শরীর উত্তেজিত হয়ে উঠেছিল ভীষণ। মনে হাঙ্গুল, যদি
পেতাম ঐ কাপুকষগলোকে হাতের কাছে! আমার নিফল ক্রোধ
নদীর বুকে আছাড় খেয়ে পড়তে লাগল। ঝপাঝপ দাঁড় ফেলছি।
নৌকো ছুটেছে ক্ষতগতিতে।

বিহ্বলা আমাকে বললেন, জানিস, এটা কোন একটা বিচ্ছিন্ন
ঘটনা নয়। উচ্চ আদর্শ তাদের মনের মধ্যে উকিঝুকি দেয় কিন্তু
পথ পায় না। মন দুর্বল হয়ে পড়ে।—নিষ্ক্রিয় হয়ে পড়ে, না
হয় বিপথে যায়।

আরও অনেক আলোচনার মধ্যে আমি ডুবে রইলাম। কেন
জানি না আমি একেবারে তন্ময় হয়ে গিয়েছিলাম। কতক্ষণ দাঁড়
বেয়েছি সে সম্বন্ধে আমার খেয়াল ছিল না। খেয়াল হ'ল যখন
আমরা আমাদের নির্দিষ্ট ঘাটে এসে নৌকা থামলাম। প্রায়
চার ঘণ্টার পথ ঘণ্টাভিনেকের মধ্যে চলে এসেছি।

নতুন পাতার জনমতিথির দিনে

শ্রীঅপূর্বকুমার ভট্টাচার্য্য

বাসরঘরের বাসি কুসুমের সম
আমি যে বিরলে শুনি বিদায়ের বাণী।
আজি কোন মালা মর্শ্বের কাছে মম
সোহাগে আবেশে বলে নাকো—ভালবাসি।
আমার এ পথে সন্ধ্যার কালো জলে
খেয়াতরী এসে নিতে চায় মোরে কোলে।
তোমার নয়নে নিশীথের নীলাকাশে
তারকালোকের আঁরতির শিখা দোলে।

আমার আকাশে সোনালী রঙের রেখা
গোধূলি বেলায় দিগ্‌বধু একে ব্যয় :
তোমার ভুবনে কল্পনা ফোটে কত,
কুসুমের মত মুহূর্ত দখিণা ব্যয়।
এখনো তোমার পরিচিত রাজপথে
কত মানসীর দেখা যায় বাঁকা বেণী।
এখনো তোমার স্বপনের সরোবরে
শতদল সনে খেলিছে ময়ালশ্রেণী।

সে যেন কিসের আশা করে অবেলায়,
যার বাঁধাঘাট ভেঙ্গে পড়ে নদীজলে !
কুয়াশা-আকুল হিমেলি হাওয়ায় যার
পঙ্কুর মত দিনগুলি যায় চলে !
নতুন পাতার জনমতিথির দিনে
জীর্ণপাতারে কে বলে ধরিয়া বাণে !
পৃথিবী তোমারে ভালোবাসা দিতে চায়,
আমারে সে আর সমাদরে নাহি ডাকে।

আমার শীতনে আসে নাই শুভদিন
শুনেছি কুয়ত আশা-নিরাশার বাণী।
মানুষের শিখা মানুষ পাই নি খুঁজে
আমি কেন আজো হৃদয়ের সন্ধানী ?
এ সংসার-পথে নেমে আসে বেলা মোর,
তোমার প্রীতি আলোকের কণা ব্যয়ে :
আমার যে পান-হয় নিকো গাওয়া আজো
বেণে গেছু কবি ! তোমাদের সভাবরে।



আমাদের জাতিভেদ রহস্য

শ্রীযোগেন্দ্রকুমার চট্টোপাধ্যায়

ভারতের হিন্দুসমাজ নানা জাতিতে বিভক্ত। বিদেশীরা আমাদের এই জাতিভেদ দেখিয়া বিস্মিত হয়। তাহারা বুঝিতে পারে না— এক ভাষাভাষী, এক দেশবাসী, এবং এক ধর্মাবলম্বী মনুষ্য-সমাজের মধ্যে এই জাতিগত পার্থক্য কেন? বিরূপে ইহা হইল?

আবার বঙ্গদেশে এই অসংখ্য জাতিভেদ দেখিয়া ভারতের অজ্ঞা প্রদেশবাসীরাও বিস্ময় প্রকাশ করিয়া থাকে। বস্তুতঃ, বাংলার হিন্দুসমাজ যত অধিকসংখ্যক জাতি এবং উপজাতিতে বিভক্ত, বোধ হয় অল্প কোন প্রদেশে সেরূপ নহে। আমাদের সমাজে এই জাতিগত প্রভেদ এত প্রবল হইল কিরূপে? কত দিন হইতে ইহার সূত্রপাত হয় এবং কেনই বা এই প্রথা নানা শাখা-উপ-শাখায় বৃদ্ধি পাইল আজ আমরা সেই বিষয়ে কিছু আলোচনা করিব।

সমাজতত্ত্বজ্ঞ পণ্ডিতেরা বলেন, অতি প্রাচীনকালে অর্থাৎ যে যুগে আৰ্য্য-সভ্যতা ভারতে প্রবেশ করিয়া ধীরে ধীরে আপনার মহিমা প্রচার করিতেছিল, সে যুগে সেই আৰ্য্যসমাজে কোনরূপ জাতিভেদ ছিল না। তখন আৰ্য্যসমাজভুক্ত যে-কোন লোক যে-কোন বৃত্তি অবলম্বন করিতে পারিত। কোনও অ-সভ্য সমাজ যখন বৃষ্টিতে পারে যে, কেবল মৃগয়ার দ্বারা স্ত্রী-পুত্রাদি পালন আর সম্ভব হইতেছে না, তখন উক্ত সমাজ মৃগয়ার অতিরিক্ত অল্প কোন বৃত্তি অবলম্বনে সচেষ্টি হয়। এই চেষ্টার ফলে কৃষিকার্যের দিকে এবং পশুপালনের দিকে লোকের দৃষ্টি পতিত হয়। ফলে মৃগয়া ত রহিলই, তাহার উপর কৃষিকার্য ও পশুপালনে লোক অগ্রসর হইল। কিন্তু এই দুই নূতন বৃত্তি সম্পূর্ণ নিরাপদ ছিল না। বহু পশু ও আদিম জাতির আক্রমণে এই কৃষিকার্য এবং পশুপালন অনেক সময়ে বাহত হইতে লাগিল। তখন এই ব্যাঘাত হইতে পরিত্রাণের জন্ত নূতন বৃত্তিৎয়কে রক্ষার ব্যবস্থা করিতে হইল; ফলে এক শ্রেণীর লোক বাহুবল, অস্ত্রবল এবং বুদ্ধিবলের দ্বারা এই নূতন বিপদ দূর করিবার জন্ত নিযুক্ত হইল। সমাজে তখনও জ্ঞানচর্চার প্রয়োজন তত অল্পভূত হয় নাই, স্তব্রাং অনুমান করা যায় যে, বৈশ্য এবং ক্ষত্রিয় বর্ণ সভ্যতা-শৃঙ্গের আরোহণে প্রথম পথিপ্রদর্শক হইয়াছিল। তাহারা পশুপালন এবং কৃষিকার্য করিত তাহারা আৰ্য্যসমাজে "বৈশ্য" নামে এবং তাহারা উপস্রব নিবারণের জন্ত ব্যাপৃত ছিল তাহারা "ক্ষত্রিয়" নামে অভিহিত হইল।

ক্ষত্রিয়দিগের বাহুবলে রক্ষিত সমাজ এইরূপে যখন শান্তি রূপ ভোগ করিতে লাগিল তখন সেই সমাজের মধ্যে তাহারা অপেক্ষাকৃত বৃদ্ধিমান ও জ্ঞানবান ছিলেন তাহারা জ্ঞানচর্চার মনোনিবেশ

করিলেন। কারণ তাহারা দেখিলেন যে, কেবল বাহুবল বা পশু-বলের দ্বারা কোন সমাজের প্রকৃত উন্নতি হইতে পারে না। সমাজের উন্নতির জন্ত বুদ্ধিবলেরও আবশ্যিক। আবার জ্ঞানচর্চা না হইলে বুদ্ধিবলও সম্যক পুষ্টলাভ করিতে পারে না। আবার অপর দিকে বাহুবলশালী এক দল লোক না থাকিলে সমাজের সেবা হয় না। তাহারা এইরূপে কেবল শারীরিক শক্তির দ্বারা সমাজ-সেবার নিযুক্ত হইল, তাহারা সমাজের সেবক বা দাস বলিয়া অভিহিত হইল। এই দাস শ্রেণীর অধিকাংশই অনাৰ্য্য জাতি হইতে গৃহীত হইল। যে সকল অনাৰ্য্য আৰ্য্যদিগের সংস্রবে আসিয়াছিল, তাহারা আৰ্য্যদিগের অপেক্ষা কৃষ্ণবর্ণ ও ক্ষুদ্রকায় ছিল। সেই জন্ত তাহারা "ক্ষুদ্র" বলিয়া কথিত হইত। এই ক্ষুদ্র শব্দ কালসহকারে "শূদ্র" শব্দে রূপান্তরিত হইয়াছিল। এইরূপে ভারতীয় আৰ্য্যসমাজে চারিটি পৃথক বর্ণের সৃষ্টি হইল। বাহুবল অপেক্ষা বুদ্ধিবল শ্রেষ্ঠ সেই জন্ত বুদ্ধিজীবীরা সমাজের শীর্ষস্থান অধিকার করিলেন। সমাজ তখন ব্রাহ্মণ, ক্ষত্রিয়, বৈশ্য, শূদ্র এই চারি বর্ণে বিভক্ত হইল। কিন্তু তখন এমন কোন নিয়ম ছিল না যে, ব্রাহ্মণের পুত্র হইলেই তাহাকে ব্রাহ্মণ হইতে হইবে বা ক্ষত্রিয় অথবা বৈশ্যের পুত্র হইলে তাহাকে ক্ষত্রিয় কিংবা বৈশ্য হইতে হইবে। তখন জ্ঞান ও কর্মের দ্বারা লোকের বর্ণ নির্ধারিত হইত। গীতাতেও আমরা দেখিতে পাই যে, জ্ঞান ও কর্মের দ্বারাই আৰ্য্যসমাজ চারি বর্ণে বিভক্ত হইয়াছিল; বর্তমান কালে বিশ্ববিদ্যালয়েসমূহ যেরূপ জ্ঞান ও বিচার পরিমাণ অনুসারে কাহাকেও বি-এ কাহাকেও এম-এ প্রভৃতি উপাধি প্রদান করে, কিন্তু বি-এ উপাধিধারীর পুত্রকে বি-এ বলিয়া বা এম-এ উপাধিধারীর পুত্রকে এম-এ বলিয়া অভিহিত করে না। সেকালের প্রাচীন আৰ্য্যসমাজেও বর্ণাশ্রমিগণ পৈত্রিক মর্যাদা পাইত না। সকলেই নিজের জ্ঞান ও বৃত্তি অনুসারে চতুর্বর্ণের অন্তর্গত হইত। ক্রমে ক্রমে এই বর্ণ বংশগত হইল, অর্থাৎ ব্রাহ্মণের পুত্র ব্রাহ্মণ, ক্ষত্রিয়ের পুত্র ক্ষত্রিয়, বৈশ্যের পুত্র বৈশ্য এবং শূদ্রের পুত্রেরা শূদ্র বলিয়া পরিগণিত হইল।

আৰ্য্যসমাজ চারি বর্ণে বিভক্ত হইবার পরে ব্রাহ্মণ এবং ক্ষত্রিয়-গণের মধ্যে সময় সময় বিবাদ-বিসংবাদ হইত এমন কি যুদ্ধবিগ্রহও হইত। ব্রাহ্মণ পরশুরাম কর্তৃক এক সময় ক্ষত্রিয়কুল নিমূল হইবার উপক্রম হইয়াছিল তাহা রামায়ণের পাঠকগণ অবগত আছেন। এই বিবাদের ফলে শেষে বোধ হয় একরূপ একটা মীমাংসা হইয়াছিল যে, ব্রাহ্মণগণ ভোগস্পৃহা পরিত্যাগপূর্বক সমাজ হইতে দূরে অবস্থান করিবেন এবং সমাজের উন্নতির জন্ত নানা প্রকার উপায় উদ্ভাবন করিবেন। ক্ষত্রিয়েরা রাজ্য শাসন করিবেন এবং তাহারা

ব্রাহ্মণকে সমাজের শীর্ষস্থানীয় বলিয়া স্বীকার করিবেন। সে সময় বোধ হয় এই চতুর্ভুজের ব্যবস্থা বংশগত হইয়া পড়িয়াছিল—কেননা আমরা মহাভারতে দেখিতে পাই যে, দ্রোণাচার্য্য, কৃপাচার্য্য, অশ্বথামা ব্রাহ্মণ হইয়াও ক্ষত্রিয়-বৃত্তি অবলম্বন করিয়াছিলেন, কিন্তু তাঁহারা ব্রাহ্মণ-সমাজভুক্তই ছিলেন।

এই চতুর্ভুজে বিভক্ত সমাজব্যবস্থা বুদ্ধদেবের সময় পর্য্যন্ত প্রচলিত ছিল। বুদ্ধদেবই প্রথমে এই ব্যবস্থার বিরুদ্ধে দণ্ডায়মান হইয়াছিলেন—তিনি সমাজের এই বর্ণভেদ স্বীকার করিলেন না। তাঁহার মতে সকল মানুষই সমান। বুদ্ধদেবের প্রচারিত ধর্ম্ম যেকোন ব্যক্তি গ্রহণ করিলেই বৌদ্ধ বলিয়া গণ্য হইত। এই বৌদ্ধ ধর্ম্মের প্লাবনে পূর্ব-ভারত অর্থাৎ বর্তমান বঙ্গদেশ, বিহার, আসাম, নেপাল, ভূটান এবং সিকিম প্রভৃতি দেশও প্লাবিত হইয়া গেল। আমাদের বঙ্গদেশে মাত্র কয়েক শত ঘর ব্রাহ্মণ বৌদ্ধধর্ম্ম গ্রহণ করেন নাই, কুলাচার্য্যদিগের মতে সাত শত ঘর ব্রাহ্মণ নিজেদের ব্রাহ্মণা-ধর্ম্ম রক্ষা করিয়াছিলেন। কিন্তু বেদ-বেদান্ত প্রভৃতি ধর্ম্মগ্রন্থের চর্চা না থাকায় তাঁহারা নামেই ব্রাহ্মণ রহিলেন, বেদোক্ত যাগ-যজ্ঞাদি ও কর্ম্মকাণ্ডের জ্ঞান তাঁহাদের মধ্যে ক্রমে ক্রমে বিলুপ্ত হইয়া গেল।

বঙ্গদেশে এই বৌদ্ধপ্লাবন সুদীর্ঘকাল ব্যাপিয়া অব্যাহত ছিল। পূর্বেই বলিয়াছি, বৌদ্ধসমাজে জাতিভেদ ছিল না, এখনও নাই। সেই জন্ম বৌদ্ধযুগে সর্বত্র আন্তর্বিবাহ বিশেষ প্রবল ছিল। পাত্র বা কণা যে বর্ণেরই হউক না কেন, তাহাদের বিবাহে কোনও বাধানিষেধ ছিল না। ফলে বঙ্গদেশে বহু বর্ণসঙ্করের সৃষ্টি হইয়াছিল। এক-দেশবাসী, এক-ভাষাভাষী এবং এক-ধর্ম্মাবলম্বী হওয়াতে সমাজে উচ্চনীচ ভেদবৈষম্য ছিল না। প্রায় এক হাজার বৎসর পূর্বে বাংলার হিন্দু রাজা আদিশুর বঙ্গদেশে পুনরায় বর্ণাশ্রমশ্রয়ী ব্রাহ্মণ-প্রভাব প্রতিষ্ঠা করিবার জন্ম বন্ধপরিষ্কার হইয়াছিলেন। তাহার কয়েক শত বৎসর পূর্বে দক্ষিণ-ভারতে শঙ্করাচার্য্য অসাধারণ পাণ্ডিত্য ও যুক্তিবলে বৌদ্ধ-শ্রমণদিগকে পরাস্ত করায় তথায় পুনরায় বৈদিকধর্ম্মের প্রচার আরম্ভ হয়। সে সময়ে দক্ষিণাত্যে বৌদ্ধের সংখ্যা খুব বেশী ছিল না। সুতরাং শঙ্করাচার্য্যকে বিশেষ বাধার সম্মুখীন হইতে হয় নাই। কিন্তু বঙ্গদেশের অবস্থা সেরূপ ছিল না। বঙ্গের পালবংশীয় নৃপতিগণ বৌদ্ধ ছিলেন। সেনবংশীয় নৃপতিদিগের মধ্যেও অনেকেই বৌদ্ধ ছিলেন। বঙ্গদেশে আদিশুর বৈদিকধর্ম্ম পুনঃপ্রচারের জন্ম বাহুবলের আশ্রয় লইতেও পশ্চাৎপদ হন নাই। এইরূপ জনপ্রবাদ প্রচলিত আছে যে, তাঁহার প্রকৃত নাম ছিল বীরসেন। বাহুবলে বৌদ্ধদিগকে পরাস্ত করায় তিনি “আদিশুর” এই গৌরবজনক উপাধি প্রাপ্ত হইয়াছিলেন এবং তদবধি ইতিহাসে তিনি আদিশুর নামেই পরিচিত।

আদিশুর অপুত্রক ছিলেন। সেইজন্ম তিনি পুত্রলাভের আশায় বেদোক্ত পুত্রোষ্টি যজ্ঞ করিবার সঙ্কল্প করেন। কিন্তু সে সময় বঙ্গদেশে যে অল্পসংখ্যক ব্রাহ্মণের বাস ছিল, তাঁহাদের মধ্যে কেহই বৈদিক ক্রিয়াকাণ্ড বা যজ্ঞাদিতে অভিজ্ঞ ছিলেন না।

তখন আদিশুর অস্থপায় হইয়া তাঁহার আত্মীয় কান্তকুজের অধীশ্বরকে পাঁচ জন বেদজ্ঞ ব্রাহ্মণ পাঠাইতে অনুরোধ করিলেন। আত্মীয়ের অনুরোধে কান্তকুজের রাজা পাঁচ জন ব্রাহ্মণকে বাংলার পাঠাইয়া দেন। এইরূপ প্রবাদ আছে যে, মহারাজ আদিশুর ঐ পঞ্চ ব্রাহ্মণকে বরেন্দ্রভূমিতে বাস করাইয়াছিলেন। বরেন্দ্রভূমিতে তাঁহারা বিবাহাদি করিয়া বাস করিতে লাগিলেন। ওদিকে কান্তকুজেও ঐ পঞ্চ ব্রাহ্মণের যে সকল সন্তানাদি ছিলেন, তাঁহারাও পিতৃগণের কোনও সংবাদ না পাইয়া বঙ্গদেশে আসিয়া উপস্থিত হইলেন। আদিশুর তাঁহাদের পরিচয় পাইয়া সসম্মানে তাঁহাদিগকে অভ্যর্থনা করিলেন এবং বঙ্গদেশে বৈদিকধর্ম্ম প্রচারের জন্ম রাঢ়দেশে বাস করাইলেন। এই রাঢ়দেশবাসী পঞ্চ ব্রাহ্মণের বংশধরগণ বাটীশ্রেণী ব্রাহ্মণ নামে পরিচিত। এই আদি পঞ্চ ব্রাহ্মণের সহিত পাঁচ জন কায়স্থ-সন্তানও কান্যকুব্জ হইতে বাংলার আসিয়াছিলেন। বর্তমান বঙ্গদেশে ঘোষ, বসু, মিত্র, গুহ ও দত্ত উপাধিধারী কায়স্থ-গণের পূর্বপুরুষেরাও বাংলার আদি অধিবাসী নহেন।

যাহা হউক, বাংলায় বৈদিকধর্ম্মের পুনঃপ্রতিষ্ঠা হওয়ার বাংলার বৌদ্ধসমাজ নিশ্চিহ্ন হইয়া গেল। তখন সকলেই হিন্দু-সমাজভুক্ত হইল। কিন্তু একটা বিষয়ে গোল বাধিল। তাহারা হিন্দুসমাজে কোন বর্ণের অন্তর্গত হইবে? বৌদ্ধযুগে চতুর্ভুজের মধ্যে বৈবাহিক কার্যের দ্বারা বর্ণসঙ্কর উৎপন্ন হইয়াছিল। আমাদের মনে হয় ইহাদিগকে হিন্দুসমাজে গ্রহণ করিবার সময় যাহাদের শরীরে শূদ্রশোণিত ছিল না, তাহারা নবশাখ বা সংশূদ্র বলিয়া পরিগণিত লইল। আর যাহাদের শরীরে শূদ্রশোণিত ছিল, তাহারা নবশাখশ্রেণীভুক্ত শূদ্র অপেক্ষা নিম্নতর শ্রেণীভুক্ত হইল। সদব্রাহ্মণগণ তাহাদের পৌরোহিত্য করিতে বা তাহাদের দান গ্রহণ করিতে অসম্মত হইলেন। তখন যে সকল ব্রাহ্মণ লোভে পড়িয়া বা দারিদ্র্যবশতঃ ঐ নিম্নস্তরশূদ্রের যজ্ঞ, যাজ্ঞ বা দান গ্রহণ করিয়া-ছিলেন, সেই সকল ব্রাহ্মণের বংশধরগণ বর্তমানকালে বাংলার ব্রাহ্মণসমাজে “বর্ণের ব্রাহ্মণ” বলিয়া পরিচিত।

আমার বন্ধু ও সহকর্ম্মী পরলোকগত পণ্ডিত সখারাম গণেশ দেউস্বর একদিন আমাকে জিজ্ঞাসা করিয়াছিলেন, “আপনাদের বাংলায় শুনিতে পাই, বর্ণের ব্রাহ্মণ বলিয়া একশ্রেণীর ব্রাহ্মণ আছেন। কুলীন বা শ্রোত্রিয় ব্রাহ্মণেরা তাঁহাদের সহিত বৈবাহিক সম্বন্ধ তো দুবের কথা তাঁহাদের অল্প পর্য্যন্ত গ্রহণ করেন না ইহার কারণ কি?” উত্তরে তঁহার বালিলাম, তাঁহারা নবশাখ-শ্রেণীভুক্ত শূদ্র অপেক্ষাও নিম্নতর শ্রেণীভুক্ত শূদ্রদের যজ্ঞ-যাজ্ঞ বা দানগ্রহণে ব্রাহ্মণসমাজে পতিত হইয়াছেন। উত্তরে সখারামবাবু বলিলেন, “বেশ কথা, কিন্তু মনে করুন, নিম্নশ্রেণীভুক্ত একজন শূদ্র কোন পাপকার্য্য করিয়াছে। সে স্মার্তপণ্ডিতের নিকট হইতে ব্যবস্থা লইল যে, তাহাকে আদি কাহন কড়ি উৎসর্গ করিতে হইবে এবং বাবটি ব্রাহ্মণ ভোজন করাইতে হইবে। কিন্তু কোনও সদব্রাহ্মণ যদি তাহার দান গ্রহণ না করেন, বা সে নিম্নবর্ণীয় বলিয়া

তাহার স্বামীতে কোনও না করেন, তাহা হইলে ত সে বেচারার প্রায়শ্চিত্ত কয়ই হয় না। ঐ প্রায়শ্চিত্ত না করার দরুন যে পাপ, সে পাপের ভার কাহার স্বন্ধে অপিত হইবে? বলা বাহুল্য, নব-রামবাবুর এই যুক্তি আমি খণ্ডন করিতে পারি নাই। এস্থলে আর একটি কথাও বোধ হয় অপ্রাসঙ্গিক হইবে না। মনে করুন, একজন ব্রাহ্মণ গৃহনির্মাণের জন্ত রাজমিস্ত্রী লাগাইলেন। তখন একজন নবশাখ সেই মিস্ত্রীকে নিজের বাড়ীতে কাজ করিতে বলিলে সেই মিস্ত্রীও ত উত্তর দিতে পারে যে, “আমি ব্রাহ্মণের মিস্ত্রী, নব-শাখের মিস্ত্রী নই।” ঐরূপ একজন সূত্রধরও ত বলিতে পারে, “আমি ব্রাহ্মণ, বৈজ্ঞ ও কায়স্থের সূত্রধর, আপনি সুবর্ণবণিক, আমি আপনার বাড়ীতে কাজ করিলে আমার জাতি বাইবে, আমাকে আমার স্বসমাজে পতিত হইতে হইবে।” ঐরূপ একজন নাপিত বা রজক কোন নির্দিষ্ট জাতিকে ক্ষৌরকার্য্য করিবার জন্ত বা বস্ত্র ধোত করিবার নিমিত্ত যদি স্বসমাজে পতিত হয়, তাহা হইলে দেশের অবস্থাটা কিরূপ হইবে? ঐরূপ যদি কৰ্ম্মকার, সূত্রধর, রাজমিস্ত্রী প্রভৃতি শিল্পীরা অবাধে সকল জাতির কার্য্য করিতে পারে, তাহা হইলে ব্রাহ্মণবাই বা কেন সকল জাতির যজন-যাজন করিয়া ব্রাহ্মণ-সমাজ কর্তৃক জাতিচ্যুত হইবেন? কবিগুরু রবীন্দ্রনাথ ঠাকুর মহাশয় কবি বিহারীলাল চক্রবর্তীর পুত্রের সহিত নিজের একটি কস্তার বিবাহ দিয়াছিলেন। বিহারীলাল সুবর্ণবণিকের ব্রাহ্মণ ছিলেন। আমি এই বিবাহের কথা শুনিয়া একদিন রবীন্দ্রনাথকে বলিলাম, “আপনি বেনের বামুনের সহিত কুটুম্বিতা করিলেন, ইহাতে আপনাকে সামাজিক মর্যাদায় ছোট হইতে হইল না?” হাসিয়া রবীন্দ্রনাথ বলিলেন, “তুমি ত জান আমরা পিরালী, আমার মেয়েকে বিবাহ করিয়া আমার জামাতার জাতি গেল, না, সোনার বেনের বামুনের ছেলের সঙ্গে মেয়ের বিয়ে দিয়া আমার জাতি গেল?” অর্থাৎ, তাহার বক্তব্য এই, ব্রাহ্মণসমাজের মধ্যে এই যে শাখা-উপশাখা, জাতি-উপজাতি প্রভৃতি রহিয়াছে, ইহার কোন অর্থ হয় কি?

ফলতঃ, আমরা দেখিতে পাই যে, বঙ্গদেশ বৌদ্ধপ্লাবন হইতে আবার বৈদিকধর্মে দীক্ষিত হইলে নানা জাতি-উপজাতিতে বিভক্ত হইয়া পড়িল। এই সকল জাতির উৎপত্তি সম্বন্ধে অগ্নিপুৰাণ প্রভৃতি শাস্ত্রগ্রন্থে উল্লেখ দেখিতে পাওয়া যায়। তাহাতে বেশ স্পষ্ট বৃত্তিতে পারা যায় যে, ব্রাহ্মণ ক্ষত্রিয় এবং বৈশ্য এই তিন বর্ণের মধ্যে বৌদ্ধমতে বিবাহের ফলে যে সঙ্কর জাতির উদ্ভব হইয়াছিল, তাহাবাই হিন্দুসমাজে নবশাখ বা সঙ্কর রূপে পরিগণিত হইল। আর যে সকল সঙ্করজাতির শরীরে ব্রাহ্মণ বা ক্ষত্রিয়ের বস্তু ছিল, তাহারা নিম্নশ্রেণীর শূদ্র বলিয়া গণ্য হইল। ইহাবাই বর্তমানকালে “তপশীলী জাতি” বলিয়া গণ্য হইয়াছে। কিন্তু বৌদ্ধযুগের পূর্বে ঐরূপ যে সঙ্করজাতি হিন্দুসমাজে নিম্নম অনুসারে বিবাহিত দম্পতির বংশে উৎপন্ন হইয়াছিল, তাহারা সমাজে পতিত হয় নাই। এদেশে এরূপ একটা জনপ্রবাস আছে যে, ব্রাহ্মণ

পিতা ও বৈশ্য মাতার গর্ভমাত সন্তানেরাই “বৈজ্ঞজাতি” বলিয়া পরিগণিত। তবে তাহাদের উদ্ভবকাল বৌদ্ধ-প্লাবনের পূর্বে এবং তাহাদের আদি জনকজননী হিন্দুশাস্ত্রমতে বিবাহিত হইয়াছিল। তখন সমাজে অমুল্যম ও প্রতিমুল্যম বিবাহ প্রচলিত ছিল। সেইজন্ত বৈজ্ঞেরা দ্বিজ-মর্যাদার চিহ্নরূপ উপবীত-ধারণের অধিকারী। ঐরূপ বিবাহ সমাজে পূর্বে অনেক ঘটত। আরও পূর্বকালে অমুল্যম বিবাহজাত সন্তানেরা পিতৃমর্যাদা বা পিতার জাতি প্রাপ্ত হইতেন। মহর্ষি বেদব্যাসের জননী মৎস্তগন্ধা শূদ্র-জাতীয়া। কিন্তু বেদব্যাস শুধু যে ব্রাহ্মণ হইয়াছিলেন, তাহা নহে, তিনি মহর্ষিও হইয়াছিলেন।

কিন্তু বৌদ্ধযুগে যখন সকলেই এক জাতি হইল, দ্বিজ ও অ-দ্বিজ কোনও প্রভেদ রহিল না, তখন পরম্পরের বিবাহে উৎপন্ন সন্তান সকলেই এক জাতি হইয়া গেল। পুরাণে উল্লেখ আছে যে, ব্রাহ্মণ পিতা ও ক্ষত্রিয়া জননীর গর্ভে তন্তুবায় এবং কুলকাবের উৎপত্তি হইয়াছে। কিন্তু ইহাদের আদিপুরুষের বিবাহ হিন্দু শাস্ত্রানুসারে না হইয়া বৌদ্ধমতে হইয়াছিল। সেকালের সমাজ-ব্যবস্থায় দ্বিজাতির মধ্যে ব্রাহ্মণ প্রথম, ক্ষত্রিয় দ্বিতীয় এবং বৈশ্য তৃতীয় শ্রেণীভুক্ত। বৈজ্ঞগণ ব্রাহ্মণ এবং বৈশ্যের সংমিশ্রণে উৎপন্ন হইয়াও সমাজে শূদ্রশ্রেণীতে পরিণত হয় নাই। ইহার কারণ কি? অথচ আমরা দেখিতে পাই যে, ব্রাহ্মণ ও ক্ষত্রিয়ার সম্মিলনে উৎপন্ন তন্তুবায় এবং কুলকাবগণ নবশাখ বা সংশূদ্র রূপে গণ্য হইয়াছে। ইহার কারণ আর কিছুই নহে, বৈজ্ঞদের আদিপুরুষের বিবাহ হিন্দু-শাস্ত্রের অনুমোদন অনুসারে হইয়াছিল, আর নবশাখগণের আদি-পুরুষের বিবাহ বৌদ্ধমতে হইয়াছিল। সেই জন্তই নবশাখেরা শূদ্র হইল।

এই নবশাখগণ প্রথমে নয়টি শাখায় বিভক্ত ছিল, যথা—

- তিলি মালী তামুলী,
- কামার, কুমার, পুটুলী,
- গোপ, নাপিত, গোছালী।

এই শ্লোকে “পুটুলী” বলিয়া যাহাদিগকে উল্লেখ করা হইয়াছে তাহারা বণিক এবং “গোছালী”গণ বর্তমান বারুজীবী বা বারুই। কিছুদিন পরে এই বণিক-জাতি আবার চারিটি শাখায় বিভক্ত হইয়া পড়িল। যথা,—(১) গন্ধবণিক, (২) সুবর্ণ বণিক (৩) কাংস্যবণিক এবং (৪) শঙ্খবণিক।

প্রথমে এই বণিকগণ নবশাখ, সূত্রবাং সংশূদ্র বলিয়া বিবেচিত হইত। রাজা বল্লালসেনের কোপে পড়িয়া সুবর্ণবণিকগণ সমাজে পতিত হইল। তাহাদের যজন-যাজনের জন্ত একশ্রেণীর ব্রাহ্মণও “বর্ণের ব্রাহ্মণ” অর্থাৎ বেনের বামুন বলিয়া গণ্য হইলেন। কিন্তু গন্ধবণিক, কাংস্যবণিক বা কাঁসারি এবং শঙ্খবণিক বা শাখারি পূর্ববৎ নবশাখই রখিয়া গেল। সদব্রাহ্মণবাই তাহাদের যজন-যাজন করিতে লাগিলেন।

বুদ্ধদেবের পর বোধ হয় মহাপ্রভু গৌরানন্দের জাতিভেদ অস্বীকার


করিয়াছিলেন। তাহার মতামতবর্তীরা ও তাহার অনুগণ সমানে “বৈষ্ণব” বলিয়া কথিত হইল। নিম্নশ্রেণীক শূদ্রগণও অর্থাৎ বৈষ্ণব-সম্প্রদায়ে প্রবেশ করিতে লাগিল। আমাদের পল্লীতে কৈলাস নামে একজন চর্মকার বাস করিত। আমরা বাল্যকালে দেখিয়াছি যে, কোনও ক্রিয়াকর্ম উপলক্ষে আমাদের বাড়ীতে কৈলাস বা তাহার পরিবারবর্গ উঠানের একপার্শ্বে বসিয়া ভোজন করিত। কিছুদিন পরে কৈলাস সপরিবারে “ভেক” লইয়া বৈষ্ণব হইল। মাংস-ভোজন ত্যাগ করিল। আমাদের পাড়ায় আরও দুই-তিন ঘর বৈষ্ণবের বাস ছিল এবং এখনও আছে। কৈলাস মুচি যখন উঠানে বসিয়া খাইত, তখন অগ্ন্যগ্ন বৈষ্ণবগণ যোয়াকের উপর বসিয়া খাইত। কৈলাস “ভেক” লইয়া বৈষ্ণব হইল এবং উঠান হইতে যোয়াকে তাহার প্রমোশন হইল। অগ্ন্যগ্ন বৈষ্ণবগণের তাহাতে কোনও আপত্তি দেখা যায় নাই। গোঁবাদের প্রচারিত প্রেমধর্ম জাতিভেদের মূলোৎপাটন করিতে গিয়া এক নূতন “বৈষ্ণব” জাতির সৃষ্টি করিল। গোঁরাজ মহাপ্রভু আর একটি নূতন জাতির সৃষ্টি করিয়াছিলেন বলিয়া জনপ্রবাদ প্রচলিত আছে। তিনি যখন সন্ন্যাস-গ্রহণ করেন, তখন মধুসূদন নামক একজন নাপিত তাঁহার ক্ষৌরকার্য সম্পাদন করে। মস্তকমুণ্ডনের পর সেই নাপিত মহাপ্রভুকে প্রণাম করিয়া বলিল, “প্রভো, আমি আপনার মস্তক স্পর্শ করিয়াছি। যে হাতে আপনার মস্তক স্পর্শ করিয়াছি, আশীর্বাদ করুন সেই হাতে যেন অপর কাহারও চরণ স্পর্শ করিয়া পদাঙ্গুলির নখ ছেদন করিতে না হয়।” উত্তরে মহাপ্রভু বলিলেন, “তোমার নাম মধু, তোমার ভক্তিও সেইরূপ মধুর। তোমার মিষ্ট কথায় আমি সন্তুষ্ট হইয়াছি। তুমি এবং তোমার আত্মীয়কুটুম্বগণ মিষ্টানের ব্যবসা কর, তোমাদের বংশধরগণ সমাজে “মধুনাপিত” বলিয়া পরিচিত হইবে।” এই মধুনাপিতগণই বর্তমানকালে “মোদক” বা “ময়রা” নামে পরিচিত।

ব্রহ্মানন্দ কেশবচন্দ্র সেন মহাশয় জাতিভেদ অগ্রাহ্য করিয়া সকল অনুবর্তীকেই এক জাতিতে পরিণত করিয়াছিলেন। ইহারা সাধারণতঃ “ব্রাহ্ম” বলিয়াই পরিচিত। কিন্তু রাজা রামমোহন ঠাকুরের দ্বারা প্রচারিত ব্রাহ্মধর্মে জাতিভেদের বিরুদ্ধে কোনও ব্যবস্থা ছিল না। কেবল সাধারণ ব্রাহ্মসমাজে ও নববিধান সমাজে জাতিভেদ নাই। গুরুগোবিন্দের প্রচারিত “শিখধর্মে” বা দয়ানন্দ সরস্বতী-প্রচারিত “আর্য্যসমাজেও” জাতিভেদ নাই। আর্য্যসমাজে অনেক

মুসলমান, খ্রীষ্টান, এমন কি খেতাব ইউরোপীয় পর্ব্বান্ত প্রবেশলাভ করিয়াছে। শিখসমাজেও মুসলমান-বংশধরের অভাব নাই। তবে বৌদ্ধধর্ম বৈষ্ণব সমগ্র পূর্ব-ভারতকে এক সময়ে গ্রাস করিয়াছিল, শিখ, ব্রাহ্ম বা আর্য্যসমাজ সেরূপ করিতে পারেন নাই। শিখগণ পঞ্জাব প্রদেশে এবং আর্য্যসমাজীরা পশ্চিম ভারতের কিয়দংশে প্রভাব বিস্তার করিয়াছে। ব্রাহ্মগণের প্রভাবও বঙ্গদেশের শিক্ষিত-সম্প্রদায়ের মধ্যেই সীমাবদ্ধ হইয়া রহিয়াছে।

ভারতে, বিশেষতঃ বঙ্গদেশে—পাশ্চাত্যশিক্ষা প্রচলিত হওয়ার উচ্চশিক্ষিত ব্যক্তিগণের মধ্যে জাতিভেদের কঠোরতা ক্রমশঃ শিথিল হইয়া পড়িতেছে। সনাতন হিন্দুসমাজের অন্তর্গত থাকিয়াও পাশ্চাত্য শিক্ষায় শিক্ষিত ব্যক্তিগণের মধ্যে অনেকেরই অল্প জাতির অন্তর্গত, এমন কি অল্প জাতির সহিত বিবাহবন্ধনে আবদ্ধ হইতে আর আপত্তি দেখা যায় না। গীতার ভগবান বলিয়াছেন—শ্রেষ্ঠ ব্যক্তির যেরূপ আচরণ করেন লোকে তাহারই অনুবর্তন করে। বর্তমানকালে পাশ্চাত্য জ্ঞানবিজ্ঞানে শিক্ষিত ব্যক্তিরাই আমাদের সমাজে আদর্শ বলিয়াই গণ্য হইয়া থাকেন। এই শিক্ষিত-সমাজে যেরূপ আচার-ব্যবহার পোশাক-পরিচ্ছদ, পান-আহার প্রচলিত আছে, তাহাই ধীরে ধীরে সমাজের সকল স্তরে প্রবেশ ও বিস্তারলাভ করিতেছে। সুতরাং কিছুদিন পরে রাজধানী ও নগরীর এই সত্যতা সর্ব্ব মঞ্চালের পল্লীগ্রামে প্রভাব বিস্তার করিবে তাহাতে সন্দেহ নাই। পৃথিবীর কোনও শক্তিই ইহাতে বাধা দিতে পারে না এবং পারিবেও না। মুসলমান-শাসনকালে ভারতের শ্রেষ্ঠ সমাজে মুসলমানী আদবকায়দা, বেশভূষা এবং ভাষা প্রবেশলাভ করিয়াছিল; তাহার চিহ্ন এখনও বিদ্যমান রহিয়াছে।

তাহার পর ইংরেজ আমলেও ইউরোপীয় আচার-ব্যবহার বেশভূষা এবং ‘এটিকেট’ বাংলার শিক্ষিত-সমাজে প্রবেশ করিয়াছে। ইহা একেবারে নিমূল হইবে না, কতকটা থাকিয়া যাইবে। তবে আশার কথা এই যে, ভারতবর্ষ স্বাধীন হওয়ার আর কোনও বিদেশীয় জাতি মুসলমান বা ইংরেজের দ্বারা ভারতে প্রভাব বিস্তার করিতে পারিবে না। শিক্ষিত ভারতবাসী, বিশেষতঃ বাঙালীর মনে আত্মমর্যাদাবোধ জাগ্রত হইয়া উঠিয়াছে। বাঙালী জাতি নিজ সংস্কৃতির প্রতি আকৃষ্ট হইয়াছে। ঈশ্বর বাঙালীর এই আত্ম-মর্যাদাবোধ উত্তরোত্তর বর্দ্ধিত করুন, ইহাই আমাদের একমাত্র কামনা।



গান

কথা, সুর ও সুরলিপি—শ্রীনির্মলচন্দ্র বড়াল

যাহার—একতাল:

আকাশ তোমার বন্দনা গায়
বাতাস করে বীজন
ভূমি তোমায় প্রণাম করে
নদী ধোয়'য় চরণ!

কুলগুলি সব ফুটে উঠে
তোমার চরণধূলায় লুটে—
চন্দ্রতারা জ্বালায়ে দীপ
করে আরাধন!

পাখীরা সব আনন্দে গায়
নীল আকাশের সীমা না পায়—
প্রেম-আকাশে চিত্র কবে
কববে বিহরণ!

বিশ্ব মধুর মেলা তোমার
অস্তুরে কি লীলা অপার—
খুলিয়া দাও অন্ধ নয়ন
করি দর্শন ॥

II ২^৮ সা সা মা | ৩ মা সা -া | ০ মপা -ধা পা | ১ মা জ্ঞা -া I
আ কা শ তো মা র ব০ ন্ দ না গা য

২^৮ মা গা -া | ৩ ধা ধা গধা | ০ পা -স'না -স'া | ১ -া -া -া I
বা তা স্ ক রে বী০ জ ০০ ০ ০ ন্ ০

২' গা গা -না | ৩ পা পা -না | ০ মজ্জা জ্ঞা -মা | ১ গা পা -না I
 ছু মি ০ তো মা য় প্র গা য় ক রে ০

২' মা মজ্জা া | ৩ জ্ঞা রজ্ঞা -মা | ০ রা -না -না | ১ সা -না -না II
 ন দী ০ ধো রা ০ য় চ ০ ০ র ০ ৭

II ২' মা -গা ধা | ৩ ধা ধা -না | ০ না না -সী | ১ সী সী -না I
 (ছু ল শু লি স ব্ ফু টে ০ উ ঠে ০

২' সী নসী -রা | ৩ রা সী -না | ০ সী নসী -রসী | ১ গা ধা -না I
 তো মা ০ য় চ র ৭ ধু লা ০ ০ য় লু টে ০

২' সী -মা মা | ৩ জ্ঞা জ্ঞা -না | ০ মা মা -না | ১ রা সী -না I
 চ ন্ ত্র তা রা ০ জ্ঞা লা ০ য়ে দী প

২' গা গা -পা | ৩ পা -সী না | ০ সী -না -না | ১ -না -না -না I
 ক রে ০ আ ০ রা ধ ০ ০ ০ ন্ ০

২' গা গা -না | ৩ পা পা -না | ০ মজ্জা জ্ঞা -মা | ১ গা পা -না I
 ছু মি ০ তো মা য় প্র গা য় ক রে ০

২' মা মজ্জা -না | ৩ জ্ঞা রজ্ঞা -মা | ০ রা -না -না | ১ সা -না -না II
 ন দী ০ ধো রা ০ য় চ ০ ০ ০ র ০ ৭

II ২' সা সা -মা | ৩ মা মা -না | ০ মা মা -না | ১ মা মা -না I
 পা ধা ০ রা স ব্ আ ন ন্ দে গা য়

২' মা -পা পা | ৩ পা পা -না | ০ মা পা -মা | ১ জ্ঞা জ্ঞা -না I
 মী ঙ্ আ কা শে র্ মী মা ০ না পা র্

২' গা -না পা | ৩ পা পা -না | ০ মজ্ঞা -না মা | ১ গা পা -না I
 প্রে ম্ আ কা শে ০ চি ০ ত্ত ক বে ০

২' মজ্ঞা -না জ্ঞা | ৩ রজ্ঞা -মা রা | ০ সা -না -না | ১ -না -না -না } II
 ক র্ বে বি ০ ০ হ র ০ ০ ০ ০ ০ ০ ০ ০

II { ২' মা -না গা | ৩ ধা ধা -না | ০ না না -সী | ১ সী সা -না I
 বি ০ ঞ্ ম ধু র্ মে লা ০ তো মা র্

২' না -না রী | ৩ রী সী -না | ০ সী নসী -রসী | ১ গা ধা -না } I
 অ ন ত রে কি ০ লী লা ০ ০০ অ পা র্

২' সী মী -না | ৩ জ্ঞা জ্ঞা -না | ০ রজ্ঞা -মী মী | ১ রী সী -না I
 ধু লি ০ যা দা ৩ অ ০ ন্ ধ ন য ন্

২' গা গা -পা | ৩ পা -সী না | ০ সী -না -না | ১ -না -না -না I
 ক রি ০ দ ০ র শ ০ ০ ০ ০ ন্ ০

২' গা গা -না | ৩ পা পা -না | ০ মজ্ঞা জ্ঞা -মা | ১ গা পা -না I
 ছু মি ০ তো মা য় প্রে গা ম্ ক রে ০

২' মা মজ্ঞা -না | ৩ জ্ঞা রজ্ঞা -মা | ০ রা -না -না | ১ সা -না -না II
 ন দী ০ ০ ধো রা ০ র চ ০ ০ ০ ০ ০ ০ ০ ০

রোস্তুমজী

শ্রীঅমিতাকুমারী বসু

ডিসেম্বর মাস, ক্রীষ্টমাস উপলক্ষে ইন্দোরের সর্বশ্রেষ্ঠ “বেনুবো” হোটেল সরগরম, আশপাশের নানা শহর থেকে আগন্তুকে শহর-ভর্তি। হোটেলটাও দেখবার মত, যেমনি তার নূতন ধরণের কক্ষগুলি, তেমনি তার বহু মূল্যবান আসবাবপত্র। নিকটবর্তী অঞ্চলের রাজা-মহারাজা, সদ্ধার-সামন্ত এসে এই হোটেলই অলঙ্কৃত করে থাকেন। এবার এই হোটেলের দ্বিতলের কক্ষগুলি অধিকার করেছেন এক মরাঠা সামন্তরাজ, তার সভাসদ ও বিশিষ্ট কয়েকজন নিমন্ত্রিত সভাস্ত অতিথি—উর্দূপরা খানসামা, বয় এদের আর বিবাম নেই, খানিক পর পরই ঘণ্টি বেজে উঠে, আর ‘বয়’রা এ কামরা, ও কামরা করে ছুটাছুটি করতে থাকে। তকমামোড়া সুগন্ধি পান, সর্বোৎকৃষ্ট সিগার, আর ছইস্কি-শ্যাম্পেনের ছড়াছড়ি। সন্ধ্যা হতে না হতেই গোটা রেইনবো হোটেল দীপমালায় আলোকিত হয়ে উঠে, আর কোন কোন দিন বা তবলার তালের সঙ্গে নর্তকীর নূপুরের কণ্ঠস্বর আওয়াজ হাওয়ায় ভেসে আসে। বহু দূর থেকে দীপমালায় উদ্ভাসিত, নৃত্যগীতমুখরিত বেনুবো হোটেলের দিকে চেয়ে সাধারণ পথিক ভাবতে থাকে, আচ্ছা এদের কি আনন্দের জীবন!

বিশিষ্ট অতিথিদের মধ্যে একজন ইংরেজ, একজন রাজপুত সর্দার ও পাশী রোস্তুমজী উল্লেখযোগ্য ছিলেন। পাশী রোস্তুমজী অতি সুদর্শন, তার মাথার সেই বিশেষ ধরণের পাশী টুপী, আর “গগরাজ পায় লাজ” তীক্ষ্ণ নামিকাটি না লক্ষ্য করলে তাকে লোকে ইংরেজ বলেই ভ্রম করত।

রোস্তুমজী খুবই আনন্দে, কথাবাতায় দিলখোলা, নানা রকম গোলগলে আসর জমিয়ে রাখেন। কিন্তু এত আমোদ-প্রমোদের মধ্যে থাকলেও বিশেষ লক্ষ্য করলে মনে হয়, মাঝে মাঝে তার মুখে কেমন একটা বিষাদের ছায়া গেলে যাচ্ছে।

সেদিনের হলঘরে সামন্তরাজ বন্ধুবন্ধ-পরিবৃত হয়ে খুব আসর জমিয়ে বসেছেন, অনেক রাত পর্যন্ত তাস জুয়া এবং মজাপান চলল। সভাভাঙ্গার সঙ্গে স্থির হ’ল পরদিন তারা শিকারে যাবেন।

নিকটবর্তী বিদ্যাপর্কণের জঙ্গলগুলি শিকারের জন্য বড় চমৎকার জায়গা। জঙ্গলে বুনো শুয়োর, ভালুক, চিত্তা কোনকিছুরই অভাব নেই। বন্ধুবান্ধবদের প্রায় অধিকাংশেরই সখ আছে শিকারের, তাই সবাই হাততালি দিয়ে রাজাসাহেবের প্রস্তাব সমর্থন করলেন, এক রোস্তুমজী ছাড়া।

রোস্তুমজী বললেন, “আমাকে মাপ করুন রাজাসাহেব, আমি শিকারে যেতে পারব না।”

হ’জন সভাসদ ছইস্কি খেয়ে চুর হয়েছিল, তারা হাততালি দিয়ে

হাসতে লাগল, রোস্তুমজী ভয় পেয়ে গেছেন শিকারের নামে। পলকের জন্ম রোস্তুমজীর মুখ লাল টকটকে হয়ে উঠল, বৃণা-ভরা চোখে ওদের পানে তাকালেন, তার পর মুখ ফিরিয়ে যখন বসলেন, তখন তার সমস্ত মুখ একেবারে সাদা, যেন বক্তৃতা হয়ে গেছে। সর্দাররাজ তার চেহারার এই পরিবর্তন দেখে বিস্মিত হলেন, বললেন, রোস্তুমজী শিকারের প্রস্তাবে আপনার কেন ভাবান্তর হ’ল বুঝতে পারলাম না। আপনার সঙ্গে বন্দুক রয়েছে, আমার ত ধারণা আপনি একজন বড় শিকারীই হবেন, তবে শিকারের প্রস্তাবে আপনার এ অনিচ্ছার কারণ কি বলবেন না?

রোস্তুমজী ক্ষণকাল চুপ করে থেকে বললেন, “রাজাবাহাদুর, আজ আমাকে মাপ করুন, আপনারা শিকার করে আসুন, আপনাদের শিকারযাত্রা সফল হোক। একদিন নিরিবিলিতে আপনার প্রস্নের উত্তর দেব।—বলে রোস্তুমজী বিদায় নিয়ে নিজ কক্ষে চলে গেলেন, সঙ্গে সঙ্গে আসর ভেঙে গেল। পরদিন সামন্তরাজ সন্ধ্যাবেলা শিকারের উদ্দেশ্যে যাত্রা করলেন—তিন দিন পর ফিরে এলেন সঙ্গে দুটো হরিণ, একটা নীল গাই, আর একটা চিত্তা। হোটেলের হৈ চৈ পড়ে গেল, রাতে হরিণের মাংসের বিরাট ভোজ হ’ল, আর চিত্তার চামড়া খুলে পাঠিয়ে দেওয়া হ’ল দোকানে—তাতে কৃত্রিম চোখ বসিয়ে ও দেখ তৈরি করে দিতে রাজপ্রাসাদের শোভাবন্ধনের উদ্দেশ্যে।

তারপর হোটেলের বিরাট ‘হল’ দু’চারদিন চুপচাপ, সবাই ঘুমিয়ে শিকারের ক্লান্তি দূর করতে লাগল। একদিন সামন্তরাজ নৈশ-ভোজের পর রোস্তুমজীকে নিজ-কক্ষে নিয়ে এলেন, সোফাতে নিজের পাশে সমাদরে বসিয়ে বললেন, “এবার আমার প্রস্নের জবাব দিন, আমি খবর নিয়ে জেনেছি, আপনি পূর্বে মজতে একজন নামকরা শিকারী ছিলেন, তবে এখন আপনার এই শিকার-বৈরাগ্যের কি কারণ?”

রোস্তুমজী ক্ষণকাল নির্ঝাক থেকে তার কাঠিনী বলতে শুরু করলেন :—“আমি পিতার একমাত্র সন্তান, মজতে আমার পিতার মস্ত বড় কারখানা, পিতা লক্ষপতি। বহুদিন থেকেই পিতার সাধ পূত্রবধূর মুখ দেখবার। আমাকে তখন শিকারের নেশায় পেয়ে বসেছে, বিয়েতে আমার মন নেই, কোন নারীর দিকে মন দেবার অবস্থা আমার ছি না। আমার বয়স যখন পঁচিশ তখন একদিন বিকেলে বাবা আমাকে বসবার ঘরে ডেকে পাঠালেন। ঘরের দরজায় ঢুকেই আমি থমকে দাঁড়ালাম, সোফাতে একটি কিশোরী বসে আছে—অপরূপ রূপসী, আমার জুতার আওয়াজ শুনেই কিশোরীটি মুখ তুলে চাইল, চার চোখের মিলন হ’ল। সে চোখ নামিয়ে নিল, আমি নিম্পলক দৃষ্টিতে তার দিকে চেয়ে বইলাম,

হঠাৎ হুঁস হ'ল আমি ধীরে ধীরে ঘরের ভিতর দিয়ে বারান্দায় চলে গেলাম বাবার খোঁজে। দেখি বাবা বেলিং ধরে বারান্দায় দাঁড়িয়ে আছেন, আমাকে দেখে বললেন, এই যে রোস্তম ভেতরে এস, তোমাকে গুলবেনের সঙ্গে আলাপ করিয়ে দি'। বাবার মধ্যস্থতায় গুলবেনের সঙ্গে আমার প্রথম আলাপ হ'ল।

খানিক পরে গুলবেন তার আত্মীয়ের সঙ্গে চলে গেলে বাবা আমাকে বললেন, “এবার আর তোর আপত্তি শুনব না, এই মেয়েটির সঙ্গে আমি তোর বিয়ে দেব। মেয়েটির বাবা নৌসারিতে বাবসা কবেন, এককালে অবস্থা খুবই ভাল ছিল, এখন বাবসা মন্দ পড়েছে, তা অর্থের মোহ আমার নেই, এ জীবনে যথেষ্ট রোজগার করেছি, তুই সাবান্দীবন বসে গেলেও এই অর্থ শেষ হবে না। আমার শেষ বয়সের সাদ, একটি পুত্রবধু এসে আমার হারানো কগার স্থান পূর্ণ করুক, একটি নাতি এসে তার কলরবে আমার গৃহ মুগ্ধিত করে তুলুক।”

আমি বাবার এই অন্বয়মিশ্রিত আদেশের বিরুদ্ধে আপত্তি করতে পারলাম না। গুলবেনের অপূর্ণসুন্দর মুখখানা আমার চোখে ভেসে উঠল, আমি মাথা নীচু করে আমার সম্মতি জানালাম, বাবার আনন্দের অস্ত্র বইল না।

কিছুদিনের মধ্যেই বাবা আমার আর গুলবেনের বাগদান-উৎসব খুব সমারোহের সহিত সম্পন্ন করলেন, চার মাস পর বিয়ের দিন স্থির হ'ল। বিয়ের মাসখানেক আগে বাবা আমাকে বললেন, “রোস্তম তুই বোধে থেকে ঘরে আয়, তোর পছন্দমত বিয়ের পোশাক তৈরি করে আন।”—আর বাবার ভাবীবধুর জগেও সাড়ী-গয়না এসবের হাডার দিলেন পছন্দ করে আনতে।

আমি বাবার প্রস্তাবে সানন্দে বোধে রওনা হলাম সঙ্গে একজন কমচারী নিয়ে। বোধে যাবার পথে কোন অজুহাতে নৌসারীতে গিয়ে গুলবেনের সঙ্গে দেখা করলাম। অপ্রত্যাশিত ভাবে আমাকে দেখে গুলবেন আনন্দে উৎফুল্ল হয়ে উঠল। বিদায়-মুহুর্তে গুলবেনের মুগ্ধ গান হয়ে এল, শীগগিরই গুলবেন আর আমার চিরদিনের জগা মিলন হবে এই আশ্বাস দিলাম, বিদায়ক্ষেণে তার আরক্ত মুগ্ধের ছল ছল দৃষ্টি আমাকে বাথিত করে তুলল, আমি তার কুম্মপেলব হাত ছপানি ধরে ওঠাপরে ছুঁইয়ে বিদায় নিলাম, তখন তখন কি জানতাম, গুলবেন, আমার প্রিয়তমা গুলবেন, আমাকে শেষ বিদায় দিচ্ছে।

আমি তখন বোধের নানা জায়গায় ঘুরে বড়াছি, বড় বড় দোকান ঘুরে ফিরে সাড়ী, গয়না আমার পেলাক এসব কেনা-কাটা করছি, আনন্দভরা দিনগুলো রঙ্গীন প্রজাপতির মত উড়ে যাচ্ছিল। একদিন সকালে আমাদের অগ্নিমন্দির স্থান করে ওন্দ হয়ে গিয়ে উপাসনা করে এলাম আমাদের ভবিষ্যৎ মিলিত জীবনের কল্যাণার্থে—কিন্তু সেদিনই সন্ধ্যায় তার পেলাম, নৌসারিতে গুলবেন, হঠাৎ প্লেনে আক্রান্ত হয়ে মারা গেছে। বিনা মেঘে বজ্রপাতের মত মধ্যাহ্নিক খবরটা এল। রাতটা কি দুঃসহ যন্ত্রণার মধ্যে কাটল

বলবার নয়। পরদিন আমি উদ্ভ্রান্তের মত এধার-ওধার ঘুরতে ঘুরতে গিয়ে মালাবার হিলের উত্থানে বসলাম। একে একে গুলবেনের কত স্মৃতি মনে পড়তে লাগল। গুলবেন, হ্যাঁ গুলবেনই, গুলবেনের মতই তার সৌন্দর্য ছিল, কি অপকল্প রূপসী ছিল সে। বইয়ের ভাষায় তার রূপবর্ণনা চলে না, তার ঠোট দুটি যেন পদ্মকোরক, হাসলে মুস্তার মত দাঁতগুলি শোভা পেত, যখন তার রূপের স্মৃতি করতাম, লজ্জায় তার গৌর মুখ লাল হয়ে উঠত, মনে হ'ত যেন একটি তাজা গোলাপ। বড় বড় ভাসা ভাসা চোখ দুটি কি সুন্দর! তার ঐ আয়ত চোখের দৃষ্টি ছিল স্নিগ্ধ প্রেমভরা। ঐ দৃষ্টিতে আমি আত্মহারা হয়ে যেতাম। ভাবতাম আমি কি স্মৃতি, কি ভাগ্যবান। শুধু যে সে অপকল্প সুন্দরী ছিল, তা নয়, তার স্বভাবও ছিল অতি মিষ্টি, কোমল।

আমার কত রাত মধুর কল্পনায় কেটে গেছে। কত ভাবে, কত রূপে কল্পনায় তাকে বিয়ের সাজে দেখতে চেয়েছি। সাড়ী, অলঙ্কার, এক-একটা কিনছি, আর ভেবেছি তাকে কি চমৎকার মানাবে। আমাদের পাশী মেয়েরা কপালে সিন্দুরের ফোটা দেয় না, কিন্তু নিয়ম আছে বিয়ের সময় দিতে হয়। গুলবেনের সুন্দর গৌরবর্ণ মুখে, শুভ্র ললাটে, ছোট সিন্দুরবিন্দু, তার কি রূপই না খুলবে। এ সব চিন্তায় বিভোর হয়ে থাকতাম।

গুলবেনের কথা ভাবতে ভাবতে কখন যে টাওয়ার অব মায়লেঙ্গে এসে দাঁড়ালাম নিজেই বুঝতে পারি নি, দেখলাম শকুনির দল আকাশে উড়ছে, আর টাওয়ার অব মায়লেঙ্গের প্রাচীরঘেরা গোল চত্বরে নামছে আর উপরে উঠছে। শরীরটা শিউরে উঠল, ভাবলাম আমার প্রিয়তমা, অপকল্প রূপলাবণ্যবতী গুলবেনের দেহও ও ভাবে শকুন তার তীক্ষ্ণ চক্ষু দিয়ে ছিঁড়ে ছিঁড়ে খাবে। অসহ্য বেদনায় আমার সমস্ত সন্দয় টুকরা টুকরা হয়ে যেতে লাগল। মৃত্যুর পর সুন্দর মনুষ্যদেহের কি শোচনীয় পরিণতি!

সুখে হোক, দুঃখে হোক দিন চলে যায়, বসে থাকে না, আমারও দিন কাটতে লাগল, কিন্তু আমি আর মত্তে যেতে পারলাম না। গুলবেনকে পেয়ে শিকার ভুলেছিলাম, আবার শিকার করা শুরু হ'ল, যেখানেই যাই, আশেপাশের জঙ্গলে শিকার করে বেড়াই। গুলবেনের মৃত্যুর পাঁচ বছর পর মত্তে ফিরলাম, বাবা তখন অস্তিম শযায়। বাবার মৃত্যুর পর বাধ্য হয়েই আমাকে মত্তে থাকতে হ'ল সমস্ত কাজকর্ম বিষয় সম্পত্তি দেখবার জগে। মৌর জঙ্গলে ঘুরে বেড়াতে শুরু করলাম—একদিন জঙ্গলে রাস্তার মোড়ে দেখা হয়ে গেল পেরিনের সঙ্গে। দুটি তেজী ঘোড়ায় দু'জন সওয়ার, একটি প্রৌচ, অপরটি তরুণী। আমার ঘোড়া ওদের অতিক্রম করে চলে গেল। আমি জঙ্গলের দিকে যাচ্ছি আর ওরা ফিরছে। পেরিন আর আমার দু'জনের চোখাচোখি হ'ল, ক্ষুর দিয়ে বুন্দো উড়িয়ে আমার সাদা ঘোড়া ছুটে চলল। ভাবতে লাগলাম, কে এই মেয়েটি যে মছর জঙ্গলে ব্রিচেস পরে ঘোড়ার পিঠে চড়ে বেড়ায়। খোজ নিয়ে জানলাম সম্পত্তি কিছুদিন হ'ল

ক্যান্টনমেন্টে একজন পাশী মিলিটারী অফিসার এসেছেন, মেয়েটি তাঁরই। মেয়েটি আধুনিক, আর শিকারের দিকে তার খুব ঝোঁক। একদিন এক পাটিতে ভদ্রলোকের সঙ্গে পরিচয় হ'ল, আমি ভদ্রলোক ও তাঁর কণ্ঠকে পরদিন চায়ের নিমন্ত্রণ করলাম। যথাসময়ে গুঁরা এলেন। ভদ্রলোক সোরাবজীর একমাত্র কণ্ঠা পেরিন। সোরাবজী খুব আলাপী। কথাবার্তা বেশ জমে উঠল। পেরিনের দিকে ভাল করে চেয়ে দেখলাম ছিপছিপে তরী শ্যামলী, অপূর্ব রূপসী নয়। কিন্তু চেহারা অকর্ষণীয়-শক্তি আছে, চোখ দুটি বুদ্ধি দীপ্তিতে উজ্জ্বল। তার সপ্রতিভ আচরণ ও চালচলন আমাকে আকৃষ্ট করল। আমি তাকে জিজ্ঞেস করলাম, আপনি বৃষ্টি শিকার করতে ভালবাসেন? পেরিন মিষ্টি হাসি হেসে বললে, হ্যাঁ।

সোরাবজী বললেন, আপনার মত বয়সে আমিও খুব শিকার করেছি, এখন বয়স হয়েছে, তাই আর শিকারে যাই না। তবু বিষ্কা-পর্বতের জঙ্গল যখন দেখি মনটা নেচে উঠে শিকারের জগ। পেরিনের খুব সখ আছে, ছোটবেলা থেকেই সে আমার সঙ্গে শিকারে যেত। একমাত্র মেয়ে বিপদের আশঙ্কায় তার মা কত আপত্তি করতেন, তা মেয়ে সেকথা গুনবে না, মাকে বলত, মা আমাকে ভীষণ বানাতে চাও? আজ গুর মা মারা গেছেন দু'বছর, ও এখন স্বাধীন—শিকারে যেতে অস্থির, তা সুযোগ বড় হয়ে উঠে না।

প্রথম পরিচয়ের পর থেকে তাদের সঙ্গে সর্বদাই আসা-যাওয়া চলল, আমি মেজর সোরাবজীর বিশেষ প্রিয়পাত্র হয়ে উঠলাম। পেরিনের সঙ্গে প্রথমে বন্ধুত্ব, তার পর বন্ধুত্ব ক্রমশঃ গাঢ় হতে হতে ভালবাসায় পরিণত হ'ল। মাকে মাকে গুলবেনের অপূর্বসুন্দর মুখ-খানা চোখের সামনে ভেসে উঠত কিন্তু পেরিনের আকর্ষণ এত প্রবল হয়ে দাঁড়াল যে তাকে এক রকম ভুলেই গেলাম। পেরিনের সঙ্গে পরিচয়ের এক বছর পর তার কাছে আমি প্রেমনিবেদন করলাম, তাকে পত্নীরূপে গ্রহণ করতে চাইলাম, পেরিন সানন্দে আমার প্রস্তাবে রাজী হ'ল। আমরা উভয়ে বাড়ী ফিরে মেজর সোরাবজীকে প্রণাম করলাম, তিনি আনন্দে উৎফুল্ল হয়ে আমাদের বৃকে জড়িয়ে আশীর্বাদ করলেন, দু'জনে চিরসুখী হও।

সুদীর্ঘ পাঁচ বছর পর মন আবার রঙীন স্বপ্নের জাল বুনতে শুরু করল। পেরিনের সংস্পর্শে এসে, তার গাঢ় ভালবাসার প্রলেপে আমার ভগ্ন হৃদয়ের গভীর ক্ষত মুছে গেল। আবার নিজেকে পরম সুখী মনে করলাম। পৃথিবী আমার কাছে মনোরম হয়ে উঠল।

এমন সময় একদিন খবর এল, মহুর জঙ্গলের ভিতর থেকে একটা বড় চিতা দেখা দিয়েছে। খবর পাওয়ামাত্রই আমি শিকারে যেতে মনস্ত করলাম। পেরিন শুনে বলল, সেও আমার সঙ্গে যাবে। আমি বললাম, না না, এখন তোমার শিকারে-টিকারে যাওয়া হবে না—পেরিন আমার হাত ছুঁখানা ধবে এমন অহুঁনয় করে বললে, লক্ষ্মীটি আমাকে বাধা দিও না, আমি তোমার সঙ্গে যাবই।—মায়াবিনীর চোখে কি যাহু ছিল জানি না, তাকে বাধা

দিতে পারলাম না। সে খুশী হয়ে এক রকম নাচতে নাচতে চলে গেল তৈরি হবার জগে। সে যখন প্রস্তুত হয়ে এল, তখন তার দিকে চেয়ে রইলাম। সে সবুজ ব্রিচেস আর সবুজ কোট পরেছে, চুলগুলো বেণী করে উপরে ঝিবন দিয়ে বেঁধে রেখেছে, পায়ে সেই ভারী বুট জুতা হাঁটু অবধি, হাতে বন্দুক, মুখে চটুল হাসি, চোখ দুটি খুশীর দীপ্তিতে উজ্জ্বল। আমি চট করে টেবিল থেকে ক্যামেরাটা তুলে তার ঐ হাসিমাখা তেজী মুখখানার ফটো তুলে নিলাম।

তারপরে দু'জনে ঘোড়ায় চড়ে রওনা হলাম। আমাদের ঘোড়া কদমে কদমে চলতে লাগল, সঙ্গীরা শিকারের সাজ-সরঞ্জাম নিয়ে এগিয়ে গেল। সেই জঙ্গলে বাস্তায় দু'জনে পাশাপাশি ঘোড়া চড়ে কত কথা বলতে বলতে চললাম, তারপর এক সময়ে জোরে ঘোড়া ছুটিয়ে দিলাম। মাঝে মাঝে তার শ্রমকাতর, আবক্ষ মুখখানার দিকে চেয়ে দেখি, আর দেহমনে অপূর্ব পুলকের শিহরণ খেলে যায়।

বনের ভিতর গিয়ে দেখলাম মাচান তৈরি হয়েছে, দূরে একটা খুটিতে একটা ছাগশিশু বাধা আছে। পেরিন সব সুবাবস্থা দেখে উৎফুল্ল হয়ে আমার আগেই মাচানে উঠল। দু'জনে বহুক্ষণ বন্দুক হাতে নিয়ে বাঘের অপেক্ষায় মাচানে বসে রইলাম। দু'জনেই চুপচাপ, কোন কথা বলবার উপায় ছিল না, কারণ সামান্য ফিসফিস আওয়াজও বাঘের কানে গেলে বাঘ নিকটে থাকলে পালাবে। ঘণ্টাখানেক উভয়ে নীরবে পাশাপাশি বসে রইলাম। সে সময়কার উত্তেজনা ও উৎকণ্ঠাপূর্ণ তার দেহের স্পর্শ আমার শরীরে লেগে আছে।

ঘণ্টাখানেক পর সত্যি সত্যি ঝোপ নড়ে উঠল, এবং ঝোপের ভিতর থেকে বেরিয়ে এল এক বিশাল চিতা নিরীহ ছাগ শিশুকে লক্ষ্য করে। অক্ষকারে আঙনের গোলায় মত চিতার চোখ দুটা জ্বল জ্বল করে উঠল, আমি পেরিনকে একটু ধাক্কা দিলাম। পেরিন বাঘকে লক্ষ্য করে গুলি চুঁড়ল। বন্দুকের ধোয়াটা মিলিয়ে যাবার পর দেখতে পেলাম, ছাগশিশুটি অক্ষত অবস্থায় মৃতবৎ দাঁড়িয়ে আছে, তবে কি বাঘ পালাল? পেরিন বললে, গুলি না লেগে যায়ই না, দূর থেকে একটা গো গো আওয়াজ শুনে পেরিন মাচা থেকে তর তর করে নেমে পড়ে ঝোপের দিকে এগিয়ে গেল, চোখের পলকে এ ঘটনা ঘটল, আমি পেরিনকে বাধা দেবার অবসর পেলাম না। আমিও লাফিয়ে নীচে পড়লাম। হঠাৎ পেরিনের আত্মনাদে চমকে উঠে যা দৃশ্য দেখলাম, তাতে আমার শরীর ভয়ে আচ্ছন্ন হয়ে গেল।

ঝোপে লুকানো আহত বাঘটা দৃশ্য হয়ে পেরিনের ঘাড় লাফিয়ে পড়েছে তবু বাঘের আঘাতে পেরিনের হাত থেকে বন্দুকটা দু'দূরে ছিটকে পড়ল। কোন রকমে নিজেকে সচেতন করে পেরিনকে বাচাতে উন্মাদের মত পর পর দুটা গুলি চুঁড়লাম বাঘের মথ্যা লক্ষ্য করে। বাঘটা ভীষণ আত্মনাদ করে পেরিনকে ছেড়ে দূরে লাফিয়ে

পড়ল, সঙ্গে সঙ্গে পেরিনের সংজ্ঞাহীন দেহ মাটিতে লুটিয়ে পড়ল। লাল টুকটুকে বস্ত্রে তার সমস্ত পোশাক ভিজে উঠেছে, তার পিঠের ডান দিকের একপাবলা মাংস উঠে গেছে, ত্রীন হাতটা অর্ধেক খসে পড়েছে। বন্দুকের গুলির শব্দে, আর বাঘের আর্তনাদে সব লোকজন একত্র হয়েছে—আমার মানসিক যন্ত্রণা অবর্ণনীয়। আহা, আমার প্রাণের চেয়েও প্রিয় পেরিনের সেই নিদারুণ দৃশ্য স্মৃ কবতে না পেলে আমি হতভম্ব হয়ে আছি। হাতের মুখ ঢাকলাম। পেরিনকে শহরে হাসপাতালে নিয়ে আসা হ'ল। তীব্রবেগে মোটর চুটল ইন্দোরের শ্রেষ্ঠ ডাক্তারকে আনতে। যথাসাধ্য চিকিৎসার বন্দোবস্ত করলাম, কিন্তু সব বার্থ হ'ল—কয়েক ঘণ্টা অসহ্য যন্ত্রণা ভোগ করে পেরিন আমারই কোলে মাথা বেগে শেষ নিঃশ্বাস ত্যাগ করল। শৈশব থেকেই সে অসীম স্নেহী ছিল, আর এই দুঃসাহসই তার কাল হ'ল।

আজ দশ বছর ধরে আমার এই অভিশপ্ত জীবন বহন করে চলেছি। সেই নিদারুণ ঘটনার পর থেকে আমি শিকার করা ছেড়ে দিয়েছি। অভ্যাসবশে বন্দুকটা সঙ্গে থাকে মাত্র।*

বোস্তমজী তার কোটে বুলানো ঘড়ির মোটা সোনার চেনটা থেকে একটা সোনার লকেট বই বের করলেন, তার ঢাকনা খুলে সামন্তরাজের সামনে তুলে ধরলেন। সামন্তরাজ দেখতে পেলেন বইয়ের দু'পাতায় দুটি নারীর বড়ী ফটো। একটি কিশোরী, হাসিমাখা মুখখানি অপূর্ব রূপলাবণ্যে ঢলঢল, ওহুটি একটি তরুণীর—মুখে চটুল হাসি, চোখ দুটি বুদ্ধির দীপ্তিতে উজ্জ্বল। বোস্তমজী লকেট বন্ধ করে গভীর স্বরে বললেন, রাজাসাহেব ভাগ্যচক্রের পাড়নে আজ আমি নিষ্পেষ্ট। আমার অর্থের অভাব ছিল না, একের পর এক এভাবে দুটি নারী ক্ষণিকের স্তম্ভ এসে আমার জীবন মধুময় করে তুলেছিল; ভেবেছিলাম, আমি অতি ভাগ্যবান, কিন্তু এখন দেখছি আমার মত দুর্ভাগা খুব কমই আছে।—বোস্তমজী বীরে ধীরে উঠে তার কক্ষে চলে গেলেন। সমস্ত কক্ষটা বাথায় ধম ধম করে উঠল। সামন্তরাজ বহুক্ষণ অভিভূতের মত নীরবে বসে থেকে শয্যাগ্রহণ করলেন। টিপয়ের উপর তাঁর নিয়মিত পেয় ছইস্কির পেগ অমনি পড়ে রইল অস্পৃষ্ট।*

* সত্য ঘটনা অবলম্বনে লিখিত।

গ্রন্থাগার-আন্দোলন

শ্রীবিমলকুমার দত্ত

জাতির সম্পূর্ণ আজ যে সকল প্রধান প্রধান সমস্যা দেখা দিয়াছে, সেগুলির মধ্যে শিক্ষাবিস্তার অগ্রতম। কিছুদিন যাবৎ জাতীয় সরকার ও নেতৃবৃন্দ এই বিষয়ে চিন্তা করিতেছেন, কিন্তু আজও তাহারা কোন সিদ্ধান্তে আসিতে পারেন নাই। বয়স্কদিগের শিক্ষা-বাবস্থার সম্বন্ধে গ্রন্থাগার-আন্দোলনকে যদি একযোগে সুপারিকল্পিত বাবস্থার মধ্য দিয়া সৃষ্টিভাবে পরিচালনা করা যায়, তাহা হইলে অদূরভবিষ্যতে অশিক্ষা-দূরীকরণ সমস্যার সমাধান করা সম্ভব হইতে পারে। কেবলমাত্র শিক্ষাবিস্তারের জ্ঞান নয়—দেশের বেকার সমস্যা সমাধানেরও ইহা একটি প্রশস্ত পথ।

গ্রন্থাগার-আন্দোলন বলিতে সাধারণতঃ আমরা কি বুঝি? এই আন্দোলনের প্রধান উদ্দেশ্য দেশে শিক্ষা ও সৃষ্টি বিস্তার করা। বিভিন্ন চিন্তাধারা, পরিবেশ ও শিক্ষাবিধি নানা মতের সাধারণ মন্ত্রণের কাছে তাহাদের উপযোগী পুস্তকাদি নিয়মিত পরিবেশন করিয়া তাহাদের শিক্ষা ও কটির মান উন্নয়ন করাতেই এই আন্দোলনের সার্থকতা।

দেশের জনসাধারণের মধ্যে ব্যাপকভাবে শিক্ষাবিস্তার করা স্বাধীন দেশের সরকারের অগ্রতম প্রধান কর্তব্য। সকল দেশের গ্রন্থাগার আন্দোলনই চিরকাল এই সত্য প্রচার করিবার চেষ্টা করিতেছে। গ্রন্থাগার-আন্দোলনের পরচ অগাধ আন্দোলন পরিচালনা অপেক্ষা অনেক কম, কিন্তু একমাত্র টাকার সাহায্যেই এই আন্দোলনকে সার্থক করা যায় না। ইহাকে সম্পূর্ণ সার্থক

করিতে হইলে একদল কক্ষীর নিঃস্বার্থ ও প্রাণপণ চেষ্টার প্রয়োজন। অগাধ দেশের গায় আমাদের দেশেরও এই সকল কক্ষীর চেষ্টা যেদিন জীবনব্রতের পন্থায়ভুক্ত হইবে সেইদিনই আমরা এ আন্দোলনকে সার্থক করিয়া এই দেশ হইতে অশিক্ষা দূর করিতে সমর্থ হইব। কিন্তু আমার দৃঢ় বিশ্বাস যে, কার্য শুরু হইলে কক্ষীর অভাব হইবে না।

আজ ভারতবর্ষের সকল শিক্ষিত যুবকদিগের মধ্যে বেকারসমস্যা এক জটিল আকার ধারণ করিয়াছে। যদি তাহাদের জন্য কাজের বাবস্থা করা যায় তাহা হইলে দেশের গঠনমূলক অনেক কাজে তাহাদের সাহায্য লাভ করা যায়। গ্রন্থাগার-আন্দোলন পরিচালনা যদি জাতীয় সরকার কোনদিন গ্রহণ করেন তাহা হইলে অল্পদিনের মধ্যেই এই সকল বেকার যুবকের কাজের সংস্থান করা যাইবে। সরকারের ভাবা উচিত যে, এই আন্দোলন দ্বারা যে কেবল বেকারদের চাকুরির সুবিধা হইবে তাহা নয়, দেশের শিক্ষিত যুব-শক্তির নিকট হইতে উপযুক্ত পরিমাণে কাজ আদায় করিয়া লওয়া যাইবে। তাহাদিগের সর্বাঙ্গীণ সাহায্য ব্যতীত দেশের কোন ব্যাপক গঠন-মূলক কাজে সাফলালাভ কোনদিনই সম্ভব নয়।

দেশে ব্যাপকভাবে শিক্ষাবিস্তার ব্যতীত জাতির মান ও মর্যাদা বাড়াইবার অন্য কোন দ্বিতীয় পথ নাই এবং ব্যাপক ও সৃষ্টিভাবে শিক্ষাবিস্তার করিতে হইলে গ্রন্থাগার ও গ্রন্থাগারিকদিগের সাহায্য অবশ্য গ্রহণীয়। সে কারণে গ্রন্থাগার-আন্দোলনকে সার্থক করিতে

হইলে চাই সরকারের নিকট যথাযোগ্য অর্থসাহায্য। আশা করা যায়, অগ্ন্যাগ্ন স্বাধীন দেশসমূহের জায় আমাদের সরকারও এ ব্যাপারে সার্বজনীন বা দ্বিধা করিবেন না। এখন দেখা যাক—গ্রন্থাগার আন্দোলনকে কোন্ পথে পরিচালিত করিলে উহা সার্থক ও কার্যকরী হইতে পারে।

সুষ্ঠু ও স্বশৃঙ্খল পরিচালনা বাতীত কোন আন্দোলনকে সাফল্যমণ্ডিত করা সম্ভব নয়। সরকার যদি গ্রন্থাগার-আন্দোলনের দায়িত্ব গ্রহণ করেন তাহা হইলে ইহার পরিচালনার জগৎ “গ্রন্থাগার অধিকর্তা” নামে একটি নতুন পদ সৃষ্টি করিতে হইবে এবং তিনি প্রত্যক্ষভাবে এই আন্দোলন পরিচালনার সকল দায়িত্ব গ্রহণ করিবেন। এই আন্দোলনের যে বায় তাহার আংশিক সফলানের জগৎ “গ্রন্থাগার আন্দোলন আইন” (Library Act) দ্বারা “গ্রন্থাগার কর” ধাৰ্য্য করিতে হইবে। অনুরূপ গ্রন্থাগার আন্দোলন আইন ১৯৪৮ সালে মাদ্রাজে পাস হইয়াছে। এই আইনের বলে সরকার সাধারণ গ্রন্থাগারসমূহের তত্ত্বাবধান ও পরিচালনা করিতে পারিবেন। সম্ভব হইলে “গ্রন্থাগার অধিকর্তা” সরকারী শিক্ষাবিভাগ ও সরকারী কেন্দ্রীয় গ্রন্থাগারের সহিত একযোগে কাজ করিবেন।

বর্তমানে সাধারণতঃ প্রদেশসমূহের রাজধানীতেই একমাত্র বিশ্ববিদ্যালয়ের মারফতে “গ্রন্থাগার বিজ্ঞান” শিক্ষা দেওয়া হয়। ইহা অত্যন্ত ব্যয়সাপেক্ষ, সে কারণ সাধারণের পক্ষে এ শিক্ষা গ্রহণ করা সম্ভব হইয়া উঠে না। কিন্তু গ্রন্থাগার আন্দোলনকে সার্থক করিতে হইলে বিজ্ঞানসম্মত প্রণালীতে শিক্ষিত গ্রন্থাগারিক চাই। বাস্তব সাধারণে অল্প ব্যয়ে এই বিজ্ঞান শিখিবার সুবিধা পান সেজন্য সরকারী প্রচেষ্টায় প্রতি গ্রীষ্মকালীন ছুটির সময় প্রত্যেক মহকুমার সদরে স্বল্পদিনব্যাপী এই শিক্ষাদানের ব্যবস্থা করা যাইতে পারে। এই ব্যবস্থার ফলে প্রতি মহকুমার ছাত্রছাত্রী তল্প ব্যয়ে গ্রন্থাগার বিজ্ঞানের মোটামুটি বিষয়গুলি শিখিবার সুযোগ পাইবেন।

গ্রামগুলিকে কেন্দ্র করিয়া এই আন্দোলন গড়িয়া তুলিতে হইবে ও গ্রন্থাগারগুলি গ্রাম, থানা, মহকুমা, জেলা এবং কেন্দ্রীয় সদর এই পর্যায়ের স্তরে স্তরে বিভক্ত থাকিবে। প্রতি দশথানা গ্রামের কেন্দ্রীয় স্থানে একটি করিয়া সাধারণ গ্রন্থাগার প্রতিষ্ঠিত হইবে এবং যানবাহনাদির সাহায্যে উক্ত কেন্দ্রীয় গ্রন্থাগার হইতে দশথানা গ্রামে পুস্তক সরবরাহ করা হইবে। সেই সঙ্গে জনশিক্ষার জগৎ গ্রামোফোন রেকর্ড, রেডিও, শিক্ষামূলক ফিল্ম ও চিত্রাদির সাহায্য লইতে হইবে। চিত্তাকর্ষক ব্যবস্থার মধ্যদিয়া শিক্ষাদানের জগৎ ইহা বিশেষ প্রয়োজন।

এইভাবে যখন দেশময় গ্রন্থাগারের বিস্তার হইবে তখন উহাদের পরিচালনা ও নিয়মিত তত্ত্বাবধান করা বিশেষ প্রয়োজন। অগ্ন্যাগ্ন হয়ত তাহারা ভুল পথে চালিত হইয়া অকালমৃত্যুর সম্মুখীন হইতে পারে। সরকার প্রতি প্রদেশে সরকারী সাহায্যপুষ্ট শিক্ষালয়গুলির নিয়মিত তত্ত্বাবধানের জন্য বহু School Inspectors বা বিদ্যালয় পরিদর্শক নিয়োগের ব্যবস্থা করিয়াছেন। এই সকল বিদ্যালয়-পরিদর্শককে যদি স্বল্পদিনব্যাপী গ্রন্থাগার-

বিজ্ঞান শিখিতে বাধা করা যায় তাহা হইলে সরকার একাধারে ইহাদের দ্বারা গ্রন্থাগার ও বিদ্যালয়সমূহের পরিদর্শকের কাজ পাইতে পারেন, নতুনভাবে নিয়োগ-ব্যবস্থা করিতে হয় না। •

সরকারী সাহায্যপুষ্ট গ্রন্থাগারসমূহ যদিও সরকারের নিকট হইতে অর্থসাহায্য পাইবেন তথাপি স্থানীয় জনসাধারণের উপর তাঁহাদিগকে অনেকখানি নির্ভর করিতে হইবে। গ্রন্থাগারের কার্য-ব্যবস্থার উপর জনসাধারণের বিশ্বাসই গ্রন্থাগারের ভিত্তি সুদৃঢ় করিতে পারে। জনসাধারণের মধ্যে বিশ্বাস ও শ্রদ্ধা আনয়নের উদ্দেশ্যে প্রতিটি সরকারী সাহায্যপুষ্ট গ্রন্থাগারকে সোসাইটিস রেজিস্ট্রেশন এক্ট অনুযায়ী রেজিস্ট্রীভুক্ত হইতে হইবে।

এই সকল গ্রন্থাগারে পুস্তক সরবরাহের দিকে সবিশেষ দৃষ্টি রাখা একান্ত প্রয়োজন। বর্তমানে আমাদের দেশে এই ধরনের প্রাথমিক বইয়ের একান্ত অভাব। যে সমস্ত বই বর্তমানে বাজারে পাওয়া যায় তাহাদিগের মধ্যেও কিছু কিছু বই অভিজ্ঞ গ্রন্থাগারিক দ্বারা নিক্ষেপন করা হইয়া পরিবেশন করা উচিত। স্থানীয় জনসাধারণের রুচি, শিক্ষার মান, জীবনযাত্রার প্রণালী ইত্যাদির উপর লক্ষ্য রাখিয়া এই নিক্ষেপন করিতে হইবে।

সাধারণতঃ শ্রামিক ও চাষী শ্রেণীর লোকেরা দিনের বেলা কাজ-কন্ঠে ব্যস্ত থাকেন। সারাদিনে তাঁদের আদৌ ফুরসত নাই। সন্ধ্যার পর তাঁহারা সুবিধা হইলে শিক্ষার জগৎ এক আধ ঘণ্টা সময় দিতে পারেন। গত ত্রিশ বৎসরের মধ্যে ইউরোপের বিভিন্ন অংশ হইতে প্রায় দুই শত পঞ্চাশ লক্ষ শ্রমিক আমেরিকায় আসিয়াছেন। ইহারা সম্পূর্ণ নিরক্ষর, কিন্তু মার্কিন সরকার নৈশ বিদ্যালয়ের মারফত বাবাস্থামূলক শিক্ষা-ব্যবস্থার দ্বারা এই সকল নিরক্ষর শ্রমিকগণকে শিক্ষিত করিয়া তুলিতে সক্ষম হইয়াছেন। এই উপায়ে আমাদের দেশেও সরকার ইচ্ছা করিলে কি অশিক্ষা দূর করিতে পারেন না?

দীর্ঘদিনের পরাধীনতা ও অশিক্ষার দরুন আমাদের দেশের সাধারণ মানুষ আজ পিছনে পড়িয়া আছেন। শিক্ষা তো দূরের কথা, কোনক্রমে গ্রাসাচ্ছাদনের জগৎ তাহাদের উদয়াস্ত পরিশ্রম—জীবনমরণ সংগ্রাম। ধুমস্ত লোককে জাগাইতে হইলে যেমন একটা বড় রকমের ঝাঁকুনি দেওয়া প্রয়োজন, সেইরকম আমাদের সাধারণ লোকের মধ্যে আবার জ্ঞান-পিপাসা ও চেতনা জাগাইতে হইলে দেশব্যাপী নিয়মিত প্রচারকাব্য একান্ত প্রয়োজন। সরকারী প্রচার-বিভাগের রেডিও, সংবাদপত্র, সিনেমা, বক্তৃতা ও চিত্রাদির সাহায্যে এই প্রচারকাব্য চালাইতে হইবে। প্রচার বাতীত আমাদের দেশে গ্রন্থাগার আন্দোলনকে সার্থক করিয়া তুলিবার আশা খুব কম।

দেশের শিক্ষা-সমস্যা স্বাধীন জাতীয় সরকারের সর্কপ্রধান সমস্যা এবং এই সমস্যা সমাধানের একমাত্র উপায় দেশব্যাপী বহুস্ত-শিক্ষাকেন্দ্র স্থাপন ও গ্রন্থাগার আন্দোলনের পসার করা। দিল্লীতে সাধারণ গ্রন্থাগার পরিকল্পনা অনুযায়ী কিভাবে কাজ হইতেছে এবং পঞ্চবার্ষিকী পরিকল্পনার মধ্যে গ্রন্থাগারকে কিভাবে সাহায্য করা যায়—এ বিষয় লইয়া আজ দেশের অনেকেই চিন্তা করিতেছেন।

পদার্থবিদ্যায় আরব্য বিজ্ঞানীদের দান

শ্রীকৃষ্ণবিহারী পাল

রোম সাম্রাজ্য এবং সংস্কৃতির পতন হয়েছিল ষষ্ঠ শতাব্দীর প্রথম দিকে। ৫২৯ খ্রীষ্টাব্দে সম্রাট জাস্টিনিয়ান, এথেন্স শহরে যে একটি মাত্র শিক্ষাকেন্দ্র ছিল তাও বন্ধ করে দেওয়ার আদেশ দিলেন, সঙ্গে সঙ্গে রোমীয় বিজ্ঞান-সাধনারও পরিসমাপ্তি ঘটল। তখন থেকে মধ্যপ্রাচ্যের কয়েকটি স্থানে (যেমন এডিসা, নিসিবিস প্রভৃতি) এবং মিশরের আলেকজান্দ্রিয়ায় রোমীয় বিজ্ঞানের প্রভাব এবং তদনুসীলন বিশেষ ভাবে আরম্ভ হয়। নেপ্টোরিয়ানদের প্রচেষ্টায়ই এ কাণ্ড সম্ভব হয়েছিল। ক্রমে দক্ষিণ-পশ্চিম পারস্যের জগুসাপুরে বিজ্ঞান আলোচনার একটি প্রধান কেন্দ্র স্থাপিত হয়। এখানে জগৎ সম্বন্ধে গ্রীক বিজ্ঞানীদের পার্থিব মতবাদ এবং হিন্দু দার্শনিকদের রহস্যবাদের এক অদ্ভুত সমন্বয় ঘটেছিল। ইসলাম-সভ্যতার ক্রমবিকাশের সঙ্গে সঙ্গে যখন বাগদাদ শহরে ৭৫০ খ্রীষ্টাব্দে হারিফাদের রাজত্ব সুপ্রতিষ্ঠিত হয় তখন উপরোক্ত শিক্ষাকেন্দ্র বাগদাদে স্থানান্তরিত হ'ল। এখানে বলে রাখা প্রয়োজন যে, মুসলমান বিজ্ঞানীদের বৈজ্ঞানিক ভাব ও চিন্তাধারা গ্রীকদের জ্যামিতিক মতবাদ এবং হিন্দুদের বিশ্লেষণবাদের সমন্বয়ে গঠিত। এই দুই বিভিন্ন মতবাদের সমন্বয়ে মুসলমান বিজ্ঞানীরা যে নূতন মতবাদের সৃষ্টি করতে সমর্থ হয়েছিলেন তার দান বিজ্ঞানক্ষেত্রে অবহেলার নয় মোটেই।

৭৫০ থেকে ৯০০ খ্রীঃ অব্দের মধ্যে গ্রীক পদার্থবিজ্ঞান সমুদয় তৎক্ষণি আরবী ভাষায় অনূদিত হয়েছিল, কোন কোন ক্ষেত্রে তা মূল থেকে উৎকর্ষলাভও করেছিল। তা ছাড়া সংস্কৃত থেকে ত্রিকোণমিতি এবং জ্যামিতির পার্বণাও আরব্য পণ্ডিতগণ আয়ত্ত করেছিলেন। এই সময় ইউক্লিডের আলোতত্ত্বের উন্নত সংস্করণ আরবী ভাষায় প্রকাশ করলেন এল-কিন্দি। প্লিনইয়ার্ড সম্বন্ধে বিশেষ অধ্যয়ন করলেন খাবিট-ইবন-কুরা এবং বাহু-মুসা যন্ত্রবিজ্ঞান সম্বন্ধে প্রামাণ্য গ্রন্থ প্রণয়ন করেন। এক কথায় বলা যায় যে, পদার্থবিজ্ঞান মধ্যে যন্ত্রবিজ্ঞান এবং আলোবিজ্ঞান সম্বন্ধেই আরব্য বিজ্ঞানীদের দান সর্বাধিক।

নবম থেকে একাদশ শতাব্দীই হ'ল আরব্য বিজ্ঞান সাধনার সর্বশ্রেষ্ঠ সময়। মধ্যপ্রাচ্যের সর্বশ্রেষ্ঠ মনীষীদের আবির্ভাব ঘটেছিল এ সময়ে। তারা জগতের জ্ঞানভাণ্ডার মগ্নন করে নিত্য নূতন রহস্যের আন্বেষণে আরব্য বিজ্ঞানের চরমতম উৎকর্ষসাধন করেছিলেন। এদের মধ্যে আর-রাজী চিকিৎসাবিদ হয়েও আলোতত্ত্ব, পদার্থের গুণাগুণ নির্ধারণ, তাদের গতি, আয়তন ও কালের সঙ্গে এদের কি সম্পর্ক এসব নিয়ে যথেষ্ট গবেষণাকার্য্য করেছেন। ইবন-সিনা ছিলেন একাধারে দার্শনিক, পদার্থবিদ এবং চিকিৎসাবিদ। ইনি যে অতি উন্নত স্তরের একখানা পদার্থবিজ্ঞান পুস্তক প্রণয়ন

করেছিলেন তার এক গুণ ইয়ারখন্দের একটি মকুতানে সম্প্রতি আবিষ্কৃত হয়েছে। তার পর ইবন-অল-হেইথাম এবং কবি ফেরদৌসীর সমসাময়িক অল-বিরুণীর নামও বিশেষ ভাবে উল্লেখযোগ্য। অল-বিরুণীর ছিল বহুমুগী প্রতিভা, তিনি বিজ্ঞানের প্রায় সব শাখায়ই কমবেশী কৃতিত্ব অর্জন করেছিলেন। তবে ইনি বিশেষ ভাবে ধাতব পদার্থের এবং মূল্যবান প্রস্তরের আপেক্ষিক গুরুত্ব নির্ধারণ কার্য্যে ব্যাপ্তি অর্জন করেন।

মধ্যযুগীয় ইউরোপে অল-হাজেন নামে খ্যাত ইবন-অল-হেইথাম জন্মগ্রহণ করেছিলেন অবশ্য বসরায়, কিন্তু জীবনের শেষ দিন পর্যন্ত তিনি কায়রোর অল-আজারের উপকণ্ঠে অতিবাহিত করেছেন। আলোবিজ্ঞানে এর গবেষণাকার্য্য অতুলনীয়। গ্রীক বিজ্ঞানীরা আলোর প্রতিফলন ক্রিয়াটি লক্ষ্য করেছিলেন মাত্র, কিন্তু অল-হাজেন সে সম্বন্ধে উপযুক্ত গবেষণাকার্য্য করে তা নিয়মবদ্ধ করেছিলেন। ইউক্লিড ও গ্রীক বিজ্ঞানীরা সরল কাচের ক্ষেত্রে আলোর প্রতিফলনের নিয়ম আবিষ্কার করেছিলেন। তিনি গণিতসাহায্যে উক্ত নিয়ম যে সংবৃত-মধ্য কাচ (concave mirror) এবং অনুবৃত্তাকার কাচের ক্ষেত্রে প্রযোজ্য তা প্রমাণ করে দেখালেন। তিনি Spherical aberration আবিষ্কার করেন এবং অনুবৃত্তেরও যে কেন্দ্র আছে তা নির্ধারণ করেন। অল-হাজেনের গবেষণাপদ্ধতি পশ্চিমদেশীয় স্বনামধন্য বিজ্ঞানীদের পর্যন্ত প্রভাবান্বিত করেছিল। আলোবিজ্ঞানে বিভিন্ন তথ্যের অবতারণা এবং তার সমাধান করতে গিয়ে তিনি যে উচ্চস্তরের গণিতের সাহায্য নিয়েছিলেন তা আলোচনা করলে বিস্ময়ান্বিত হতে হয়। গোপুলির আলোর সম্বন্ধেও তিনি প্রচুর গবেষণা করেছিলেন। তা ছাড়া আলোর উৎস সম্বন্ধে তিনি বলেছিলেন, যে-কোন আলোদানকারী পদার্থই আলোর উৎস, যদিও এ সময় ইউক্লিড এবং টলেমীর মত ছিল যে, আমাদের চক্ষুদ্বয় থেকে এমন একটা পদার্থ বহির্গত হয় যা কোন পদার্থের উপর পতিত হয়েই আলোর অনুভূতি দান করে। আলোর প্রতিসরণ সম্বন্ধে অল-হাজেন বহু পরীক্ষা করে যে মত প্রকাশ করেছিলেন তা অজাবধি চলে আসছে। তিনি বললেন, কোন ঘনতর মাধ্যমে আলোর গতিবেগ কমে যাবে এবং কোন পদার্থ ঘনতর মাধ্যমে অবস্থিত থাকলে তা যখন কোন কমঘন মাধ্যম থেকে দেখা যাবে তখন তার গভীরতা অনেকটা কম হবে। চৌবাচ্চায় জলভরা থাকলে তার তলাটা একটু উঁচু বলে মনে হওয়া আমাদের নিত্যকারের ঘটনা। পরীক্ষাকার্য্য করে এসব মতবাদের সত্যতা প্রমাণিত হয়েছে। কিন্তু আশ্চর্যের বিষয় যে, অল-হাজেনের প্রায় সাতশত বছর পরে নিউটন যে আলোতত্ত্ব আবিষ্কার করে-

ছিলেন তার সাহায্যে ঘনতর মাধ্যমে আলোর গতিবেগ কমে যাওয়ার ব্যাখ্যা সম্ভব হয় নি। অল-হাজেন আলোর সম্বন্ধে যে গবেষণাকার্য্য করেছিলেন তা প্রধানতঃ পাঁচটি অংশে ভাগ করা যায় : (১) পরবর্তীকালে নিউটন-আবিষ্কৃত পদার্থের গতিবেগের প্রথম নিয়মটি তিনি সম্যক উপলব্ধি করেছিলেন, (২) Rectangle of forces সম্বন্ধে তাঁর জ্ঞান ছিল, (৩) আলোর রশ্মি যে নিকটতম এবং সহজতম পথে চলাফেরা করে তা তিনি বলেছিলেন। এ নিয়মটি পরবর্তীকালে ফারমেট আবিষ্কার করেছিলেন, (৪) আলোর প্রতিসরণের প্রথম নিয়মটি তিনি জানতেন, (৫) প্রতিসরণের দ্বিতীয় নিয়মটি স্নেল ১৬২১ খ্রীষ্টাব্দে আবিষ্কার করেছিলেন : কিন্তু অল-হাজেন এ নিয়মটি জ্ঞাত ছিলেন, কেবল ভাষায় প্রকাশ করে যান নি। এ ছাড়া কুজকাচের ভিতর দিয়ে দেখলে পদার্থের আয়তন যে বহুগুণে বেড়ে যায় তা এবং বায়ুমণ্ডলের প্রতিসরণ সম্বন্ধেও তিনি যথেষ্ট গবেষণাকার্য্য করেছিলেন।

১২৫৮ খ্রীষ্টাব্দে নাসির-উদ্দিন-আট-টুসীকে প্রধান পর্ষাবেক্ষক নিযুক্ত করে আজারবাইজানে তৎকালীন সম্রাট হলাজুখান একটি মান মন্দির নির্মাণ করান। এখানে নামকরা মহাকর্ষীদের সাহায্যে আট-টুসী জ্যোতির্বিদ্যার যন্ত্রপাতি বিশেষ নিপুণতার সহিত তৈরি করেন। তিনিও আলো-বিজ্ঞানে বিশেষ পণ্ডিত ছিলেন এবং আলোর প্রতিফলন বিষয়ে পুস্তক প্রণয়ন করেন। তাঁরই এক ছাত্র কুতুবউদ্দিন আস-সিরাঙ্গী (১২৩৬-১৩১১ খ্রীষ্টাব্দ) বৃষ্টি-বিন্দুতে আলোর প্রতিসরণ সম্বন্ধে গবেষণা করেছেন। এর ছাত্র কামাল-উদ্দিন অল-ফারিসি চতুর্দশ শতাব্দীর প্রথম দিকে অল হেইআমের আলোবিজ্ঞান পুস্তকের একটি সংক্ষিপ্ত সংস্করণ প্রকাশ করে তার এক মনোজ্ঞ সমালোচনা লিখেছিলেন।

সিসিলির সম্রাট দ্বিতীয় ফেড্রিক আরব্য-বিজ্ঞানের বিশেষ উৎসাহী পর্ষাবেক্ষক ছিলেন। তাঁরই একান্ত চেষ্টায় আরব্য বিজ্ঞানের পুস্তকগুলি লাতিন ভাষায় অনূদিত হয়। ১২২৪ খ্রীষ্টাব্দে তিনি নেপলস বিশ্ববিদ্যালয় স্থাপন করে তাতে আরব্য বিজ্ঞানের সকল

প্রকার গ্রন্থেবই পাণ্ডুলিপি সংগ্রহ করেন। এখান থেকেই বোলোগ্না ও প্যারিসে মুসলিম বিজ্ঞানীদের কার্য্যাবলী ছড়িয়ে পড়ে। একথা বললে অত্যাঙ্কিত করা হবে না যে, আলোবিজ্ঞানের নূতন তথ্যাদির জন্ম ইউরোপের নামজাদা বিজ্ঞানীরা আরব্য বিজ্ঞানের নিকট বিশেষভাবে ঋণী।

১১৫০ খ্রীষ্টাব্দের পর থেকেই আরব্য বিজ্ঞানের অবনতি আরম্ভ হয়। এ সময় আর্কমিডিসের সূত্র-সাহায্যে পদার্থের আপেক্ষিক গুরুত্ব নির্ণয়, দণ্ড-যন্ত্র (lever), তুলাদণ্ড, জল ঘড়ি প্রভৃতি তৈরী ব্যাপারে আরব্য বিজ্ঞানীরা বিশেষ তৎপর হয়ে উঠেন। যদিও এ সমস্ত কার্য্য বহু দিন পূর্বেই আরম্ভ হয়েছিল, তথাপি এ সময় এ যন্ত্রগুলির বিশেষ উৎকর্ষ সাধিত হয়। দ্বাদশ শতাব্দীর মাঝামাঝি সময় দামাস্কাসে একটি ঘড়ি স্থাপিত হয় যা তৎকালে বিশেষ খ্যাতি অর্জন করেছিল। ইবন-আস-সাটি এ ঘড়ি সম্বন্ধে ১২০৩ খ্রীষ্টাব্দে এক পুস্তক প্রণয়ন করেন। ত্রয়োদশ শতাব্দীর একেবারে প্রথম দিকে অল-খাজিনি এবং অল-জাজারী যন্ত্র-বিজ্ঞান সম্বন্ধে দু'খানা অতি চমৎকার প্রমাণ্য গ্রন্থ রচনা করেন। মুসলমান বিজ্ঞানীগণ নানা প্রকার বৈজ্ঞানিক যন্ত্রপাতি তৈরির কাজেও বিশেষ নিপুণতার পরিচয় দিয়েছিলেন।

আলো-বিজ্ঞান ও যন্ত্র-বিজ্ঞান ব্যতীত মধ্যযুগীয় মুসলমান বিজ্ঞানীরা পদার্থবিজ্ঞানের অগাধ শাখায় তেমন পারদর্শিতা লাভ করতে পারেন নি। জবির-ইবন-হাজান অষ্টম কিংবা নবম শতাব্দীতে চুম্বক-শক্তির সম্বন্ধে কিঞ্চিৎ গবেষণাকার্য্য করেছিলেন। কিন্তু চুম্বকশলাকা দিয়ে দিগদর্শন যন্ত্র চীনদেশেই প্রথম আবিষ্কৃত হয়েছিল। মুসলমান নাবিকগণ এ কম্পাস বিশেষভাবে তৎকালে ব্যবহার করত। তবে একটা বিষয় লক্ষ্য করবার যে, অল-হাজেনের গবেষণাকার্য্য বাদ দিলে আরব্য বিজ্ঞানীদের গবেষণাকার্য্য এরিস্টটল ধর্ম্মী। এরিস্টটল ও ইউক্লিড কর্তৃক এদের গবেষণাকার্য্য প্রভাবান্বিত।





“বিদ্যাপতির পদাবলী”

অধ্যাপক শ্রীচিন্তাহরণ চক্রবর্তী

প্রাচীনকালে যে সমস্ত কবি জনসমাজে সমধিক প্রতিষ্ঠা ও সমাদর লাভের সৌভাগ্য অর্জন করিয়াছেন, তাঁহাদের রচনার আদি ও অকৃত্রিম রূপ উদ্ধার করা এক কঠিন সমস্যা হইয়া দাঁড়াইয়াছে। যুগে যুগে তাঁহাদের লেখা লোকের হাতে হাতে মূখে মূখে এমন ভাবে পরিবর্তিত হইয়াছে—তাঁহাদের লেখার মধ্যে অপ্রাচীন লেখকদের রচনা এত বেশি ঢুকিয়া গিয়াছে যে, অনেক ক্ষেত্রে ‘তিন নকলে আসল খাস্তা’ হইয়া গিয়াছে—নকলের মধ্য হইতে খাঁটি জিনিষ খুঁজিয়া বাহির করা একরূপ অসম্ভব হইয়া উঠিয়াছে। সংস্কৃতে ব্যান-বাগ্মীকির মূল রচনা লইয়া যে সমস্তা বাংলায় কুড়িবাস কাশীরাম চণ্ডীদাস মুকুন্দরামের রচনা লইয়া ততোধিক সমস্তা দেখা দিয়াছে। তাই একজন সমালোচক ভ্রম করিয়া বলিয়াছেন, কুড়িবাসের রামায়ণ নামে আজ যাহা প্রচলিত তাহার এক পংক্তিও কুড়িবাসের অবিকৃত রচনা নহে। তবে ভ্রমের বিষয়, কুড়িবাসের মত যে কবি বাংলার ঘরে ঘরে আজও শ্রদ্ধা ও সমাদরের উচ্চ সিংহাসনে সমাসীন তাঁহার রচনার যথাসম্ভব আদিরূপ উদ্ধার করিবার জন্ত আমরা যথোচিত যত্ন করি নাই। ব্যাসের মহাভারত ও বাগ্মীকির রামায়ণের প্রাচীন রূপ প্রতিষ্ঠার জন্ত পুণা ও বরোদায় যেরূপ চেষ্টা চলিতেছে তাহার অনুরূপ প্রাদেশিক সাহিত্যেও বাঞ্ছনীয়। স্থলের কথা, বাঙালী তাহার পরম গৌরব ও আদরের বস্তু বৈষ্ণব পদাবলী সম্পর্কে দীর্ঘ দিন ধরিয়া এই জাতীয় কিছু কিছু চেষ্টা করিয়া আসিতেছে। তাহারই একটি উল্লেখযোগ্য ফল অধ্যাপক শ্রীমুনীতিকুমার চট্টোপাধ্যায় ও শ্রীহরেকৃষ্ণ মুনোপাধ্যায় কর্তৃক বহু পুথি ও পদসংগ্রহ গ্রন্থ অবলম্বনে সম্পাদিত চণ্ডীদাস পদাবলী। ইহার আর একটি ফল বিদ্যাপতির পদাবলীর সম্প্রতি প্রকাশিত শোভন সংস্করণ।

মৈথিল কবি বিদ্যাপতির পদ মৈথিল ভাষায় লিপিত হইলেও বাংলার নিকট ইহা বাংলা এবং বঙ্গবলি পদের মতই পরিচিত ও প্রিয় দীর্ঘকাল ধরিয়া বাংলার সাধক ও রমিক বিদ্যাপতির পদ শুনিয়া পরিতৃপ্তি লাভ করিয়াছে। আজ প্রায় এক শত বৎসর যাবৎ বাংলার সাহিত্যিকগণ আধুনিক পদ্ধতিতে ইহার আলোচনা ও সংকলনের কায়ে বতী হইয়াছেন। প্রথম দিকে যাহারা এই কার্যে হস্তক্ষেপ করেন তাঁহাদের মধ্যে কলিকাতা হাইকোর্টের প্রাক্তন বিচারপতি পরলোকগত সারদাচরণ মিত্র মহাশয় অগ্রতম। তিনি ইহার কর্মজীবনের প্রারম্ভে বিদ্যাপতির পদসংকলনে বাপুত হন। ১২৮১ সাল হইতে খণ্ডশঃ প্রকাশিত অক্ষয়চন্দ্র সরকার সম্পাদিত ‘প্রাচীন কাব্য সংগ্রহে’ তাঁহার সহযোগিতা ছিল। ১২৮৫ সালে* তিনি ‘প্রাচীন কাব্য সংগ্রহ’ অবলম্বনে স্বতন্ত্রভাবে ‘বিদ্যাপতির পদাবলী’ প্রকাশ করেন। এই সংস্করণকে দ্বিতীয় সংস্করণ বলা হয়। ইহাতে মাত্র ১২৫টি পদ প্রকাশিত হইয়াছিল।

পরবর্তীকালে (১৩১৬ সালে) তাঁহারই তত্ত্বাবধানে ও ব্যয়ে বঙ্গীয় সাহিত্য-পরিষদ গণ্ডাবলীর মধ্যে নগেন্দ্রনাথ গুপ্ত সম্পাদিত বিদ্যাপতি-

* ঐ সালেই চু চুড়া হইতে অক্ষয়চন্দ্র সরকার-সম্পাদিত ‘বিদ্যাপতিবৃত্ত পদাবলী’ও প্রকাশিত হয়। ইহা ‘প্রাচীন কাব্য সংগ্রহে’ প্রকাশিত পদের পুনর্মুদ্রণ মনে হয়।

পদাবলীর ব্যাপক সংগ্রহ প্রকাশিত হয়। ইহাতে নানাবিধক ২৩৫টি পদ স্থানলাভ করে। মিত্র মহাশয়ের পরলোকগমনের পরে তাঁহার সহযোগ্য পুত্র শ্রীশরৎকুমার মিত্র মহাশয় এই পদাবলী প্রচারে পিতার পদাঙ্ক অনুসরণ করিয়া চলিয়াছেন। ফলে তাঁহারই প্রযোজকতায় অমূল্যচরণ বিদ্যাপতি ও শ্রীখগেন্দ্রনাথ মিত্র মহাশয়ের সম্পাদনে এই পদাবলীর আর একটি সংস্করণ প্রকাশিত হয়। সম্প্রতি মিত্র মহাশয় ও অধ্যাপক শ্রীবিমান-বিহারী মজুমদার মহাশয়দ্বয়ের সম্পাদনায় এক নূতন সংস্করণ প্রকাশিত হইয়াছে।

এই সংস্করণে প্রকাশিত পদের সংখ্যা প্রায় এক হাজার। পদগুলি ছয়টি খণ্ডে সাজান হইয়াছে। প্রথম খণ্ডে রাজনামাঙ্কিত পদ, দ্বিতীয় খণ্ডে মিথিলা ও নেপালে প্রাপ্ত বিদ্যাপতির ভণিতায়ুক্ত অছাত্ত পদ, তৃতীয় খণ্ডে কেবল মাত্র বাংলাদেশে প্রচলিত রাজার নামবিহীন বিদ্যাপতির পদ, চতুর্থ খণ্ডে মিথিলায় লোকমুখে সংগৃহীত হরগৌরী ও গঙ্গাবিষয়ক পদ, পঞ্চম খণ্ডে বিভিন্ন স্থরে প্রাপ্ত নাতিপ্রামাণিক পদ, পরিশিষ্টে রাজনামাঙ্কিত আরও কিছু পদ, বাংলার বিদ্যাপতির পদ এবং বিদ্যাপতির পদসংবলিত গ্রন্থে প্রাপ্ত অছাত্ত কবিদের পদ সন্নিবেশিত হইয়াছে। অছাত্ত সম্পাদক শ্রীযুক্ত মজুমদার মহাশয়ের মতে ইহাদের মধ্যে ৭৯৯টি পদ অকৃত্রিম অর্থাৎ বিদ্যাপতির রচিত বলিয়া মনে করা যাইতে পারে। বিস্তৃত ভূমিকায় তিনি বিদ্যাপতির পদের কৃত্রিমতা অকৃত্রিমতা ও অছাত্ত প্রসঙ্গের (যথা, বিদ্যাপতির বংশ, জীবন, কাল, পদাবলীর আকর, কবিচিত্তের ক্রমবিকাশ প্রভৃতি) দীর্ঘ পাণ্ডিত্যপূর্ণ আলোচনা করিয়াছেন। সংস্করণখানিকে সকল দিক দিয়া অঙ্গসন্ধিৎসু পাঠকের ব্যবহারের উপযোগী ও অধিকতর আলোচনার সহায়ক করিয়া তুলিবার জন্ত যথেষ্ট চেষ্টা করা হইয়াছে। প্রতি পদের সঙ্গে তাহার বিভিন্ন আকর নিদেশ করা হইয়াছে এবং অনেক স্থলে পাঠান্তর উল্লিখিত ও আলোচিত হইয়াছে। এই জন্ত কিছু কিছু নূতন পুথি ও গ্রন্থের সাহায্য লওয়া হইয়াছে। বিভিন্ন আকর-গ্রন্থের সহিত বর্তমান সংস্করণের যোগাযোগ কয়েকটি নির্ঘণ্ট প্রদর্শিত হইয়াছে। পদগুলির সঙ্গে সঙ্গে প্রদত্ত বঙ্গানুবাদ ও শব্দার্থ এবং গ্রন্থশেষের অর্থসংহিত শব্দসূচী পাঠকের বিশেষ কাজে লাগিবে। পদসংগ্রহগ্রন্থাদি হইতে পদগুলির প্রসঙ্গ উল্লিখিত হইলে পদের তাৎপর্ষ্য গ্রহণে সুবিধা হইত। বিবিধ নির্ঘণ্ট ও সূচী সমন্বিত এই সংস্করণে বিদ্যাপতির পদাবলীর বিভিন্ন আলোচনার—অন্ততঃপক্ষে ইহার বিভিন্ন সংস্করণের—একটি কালক্রমিক তালিকা ও বিবরণের অভাব অনুভূত হয়। বিদ্যাপতির পদাবলীর সংস্করণ ক্রমিক উন্নতির দ্বারা অনুসরণ করিয়া আজ যে স্তরে আসিয়া পৌঁছিয়াছে তাহাতে অচিরকাল মধ্যে এ জাতীয় অভাব-অভিযোগ দূরীভূত হইবে বলিয়া আশা করা যায়।*

* **বিদ্যাপতির পদাবলী**। সম্পাদক শ্রীখগেন্দ্রনাথ মিত্র এম্-এ, কলিকাতা বিশ্ববিদ্যালয়ের অবসরপ্রাপ্ত রামতনু লাহিড়ী অধ্যাপক এবং শ্রীবিমানবিহারী মজুমদার এম্-এ, পি-আর-এস্, পি-এইচ-ডি, ভাগবত-রত্ন, বিহার বিশ্ববিদ্যালয়ের কলেজসমূহের পরিদর্শক। প্রকাশক—শ্রীশরৎকুমার মিত্র বি-এল্, চব্বনং গ্রে স্ট্রীট, কলিকাতা। মূল্য পঁচিশ টাকা।



অগ্রগতির পথে নূতন পদক্ষেপ

হিন্দুস্থান তাহার ষাড়াপথে প্রতি বৎসর
নূতন নূতন সাফল্য, শক্তি ও সমৃদ্ধির
গৌরবে জুত অগ্রসর হইয়া চলিয়াছে।

১৯৫৩ সালে
নূতন বীমা :

১৮ কোটি ৮০ লক্ষ টাকার উপর :

আলোচ্য বর্ষে পূর্ব বৎসর অপেক্ষা নূতন
বীমায় ২ কোটি ৪২ লক্ষ টাকা বৃদ্ধি
ভারতীয় জীবন বীমার ক্ষেত্রে সর্বাধিক।
ইহা হিন্দুস্থানের উপর জনসাধারণের অবিচলিত
আস্থার উজ্জল নিদর্শন।

হিন্দুস্থান কো-অপারেটিভ
ইন্সিওরেন্স সোসাইটি, লিমিটেড
হিন্দুস্থান বিল্ডিংস, কলিকাতা-১৩

যারা কেশের প্রকৃত উৎকর্ষ সাধনে আগ্রহী...

তাদের একটি কথা মনে রাখা উচিত যে প্রকৃত উপকারী কেশ তৈল নির্বাচন
না করলে ও যথাযথ প্রণালীতে ব্যবহার না করলে উপকার পাওয়া যায় না।
স্নানের আগে মিনিট পাঁচেক চুলের ভেতর ঘষে ঘষে তৈল মাখা প্রয়োজন এবং স্নানের
পর পরিষ্কার করে মাথা মুহূর্ত চুল শুকিয়ে ফেলা ও সপ্তাহে অন্ততঃ একবার করে মাথা
ধোয়া বিধেয়।

স্নানের সময় ক্যালকেমিকোর মহাভূক্তরাজ তৈল "ভূঙ্গল" ব্যবহারে মাথা স্নিগ্ধ রাখে,
স্নান শান্তি করে, রক্তের চাপ কমায় এবং চুল ঘন ও কৃষ্ণবর্ণ করে। বৈকালিক কেশ
প্রসাধনে সুগন্ধি বিশুদ্ধ ক্যাষ্টর অয়েল—"ক্যাষ্টরল" ব্যবহারে কেশগুলোর উন্নতি হয়,
কেশমূল দৃঢ় হয় ও নতুন সুগন্ধে মন প্রফুল্ল করে।

এই প্রণালীতে দৈনন্দিন পরিচর্যায় ছুটি কেশ তৈল কিছুদিন ব্যবহার করলে
উপকারিতা বুঝতে পারবেন। সপ্তাহে একবার করে সুগন্ধি শ্যাম্পু "সিলট্রেস" দিয়ে
মাথা ও চুল পরিষ্কার করা উচিত। ভূঙ্গল ও ক্যাষ্টরল এর যে কোন একটিতেও সুফল
পাওয়া যায়, তবে দুটিই ব্যবহার করলে কেশের উন্নতি জুত ও নিশ্চিত হয়।



ভূঙ্গল * ক্যাষ্টরল
সুগন্ধি মহাভূক্তরাজ তৈল • সুবাসিত ক্যাষ্টর অয়েল

বিভিন্ন প্রণালী খানিতে
"কেশপরিচর্যা" পুস্তিকার জন্য লিখুন।

দি ক্যালকাটা কেমিক্যাল কোং, লি: কলিকাতা-২৯

পুস্তক পরিচয়

গানের গান—শ্রীনলিনীকান্ত গুপ্ত। অরবিন্দ আশ্রম, পণ্ডিচেরী। মূল্য এক টাকা।

বাইবেল শুধু ধর্মগ্রন্থ নয়, পাশ্চাত্য-সাহিত্যের ভাব ও ভাষার সহিত ইহা ওতঃপ্রোতভাবে বিজড়িত। বাইবেলের নানা প্রসঙ্গের উল্লেখ ইংরেজী সাহিত্যের রাস্বিন প্রমুখ লেখকগণের রচনারীতিকে বৈশিষ্ট্য দান করিয়াছে। ওল্ড টেস্টামেন্টে কতকগুলি অপূর্ণ অধ্যায় আছে। ধর্ম এবং আধ্যাত্মিকতার কথা ছাড়িয়া দিলেও সাহিত্য হিসাবে সেগুলি অতুলনীয়। 'সং অফ সলোমন' বাইবেলের এইরূপ একটি অংশ। যুগে যুগে মিষ্টিক কাব্য মানুষের মনকে আনন্দরসে অভিভুক্ত করিয়াছে। আমাদের দেশে বৈষ্ণব পদাবলী এবং বাউলের গান মিষ্টিক কাব্যের উদাহরণ। ভক্ত ও ভগবানের মধ্যে যে সম্বন্ধ সেই সম্বন্ধ একটা অনুভূতির ব্যাপার। সে অনুভূতি অনির্দেশনীয়। অথচ সে অনুভূতিকে প্রকাশ না করিয়াও উপায় নাই। যাহা দিয়া, যাহা অপার্থিব তাহাকে লৌকিক এবং সাংসারিক প্রসঙ্গের মধ্য দিয়া ভাবায় ব্যক্ত করিতে হয়। তাই ভক্ত ভগবানকে কখনো প্রেমিক, কখনো বা প্রেমিকা সাজাইয়াছে। 'সং অফ সলোমন'র আর একটি নাম 'সং অফ সংস'। লেখক অনুবাদ করিয়াছেন, 'গানের গান'। 'সং অফ সংস'কে মিষ্টিক কবিতার অগ্রদূত বলা যাইতে পারে।

শ্রীনলিনীকান্ত গুপ্ত শুধু পণ্ডিত নন, তিনি রসজ্ঞ। তাহার সাহিত্য-সম্পর্কিত লেখাগুলি পাঠককে বহুদিন বরিয়ান আনন্দ দান করিয়া আসিয়াছে। ভূমিকায় লেখক বলিতেছেন, "ইংরেজী বাইবেল ভাষা-বৈদগ্ধ্য অতুলনীয়।" বাইবেলের অনুবাদ দুক্লহ, বিশেষতঃ 'সং অফ সংস'র মত অংশের অনুবাদ। এই দুক্লহ কার্যে লেখক সফলতা লাভ করিয়াছেন। গদ্যকাব্যে গীতিকাব্যের সুর বাজিয়াছে।

"তোমার ভালবাসা আমার চেয়ে মধুর। তোমার হৃদয় অঙ্গুরাগের স্বাসে তোমার নামটিতেও নেমেছে হৃদয়ের তল—তাই তুমি কুমারীরা তোমায় বাসে ভাল।"

"শারণ দেশের গোলাপ আমি, আমি পাহাড়তলির কুমুদ কলি।"

"ডুমুরের গাছে কচি ডুমুর ধরেছে, কাঁচা আঙ্গুরে ভরা আঙ্গুরলতায় অগন্ধ ছড়িয়েছে; উঠে এস প্রিয় আমার, হৃদয় আমার, এস চলে।"

"রাজে আমার শয্যায় তাকে খুঁজলাম আমি, যিনি আমার প্রাণের প্রিয়—খুঁজলাম কিন্তু পেলাম না ত।"

"আমি ধুমিয়ে, হৃদয় কিন্তু আমার জেগে। ও যে আমার দয়িতের কণ্ঠ—দরজায় যা দিয়ে তিনি বলছেন, খুলে দাও, খুলে দাও, এ যে আমি।"

"দরজা আমি খুলে দিলাম আমার দয়িতের জন্য—কিন্তু দয়িত আমার তখন যে ফিরে গিয়েছেন, চলে গিয়েছেন। যখন তিনি আমায় ডেকেছিলেন, তখন হৃদয় আমার সাড়া দিল না। তাকে খুঁজলাম, কিন্তু পেলাম না ত—ডাকলাম তিনি উত্তর দিলেন না।"

"বহুল জন্মধারা ভালবাসাকে নিবিঁয়ে দিতে পারে না—সকল বস্তু মিলে তাকে ডুবিয়ে দিতে পারে না। ভালবাসার বিনিময়ে ঘরের যাবতীয় সম্পদ দিয়ে দিলেও তা হবে অকিঞ্চিৎকর।"

ইংরেজী বাইবেল যাহাদের আছে তাহারা মিলাইয়া দেখিতে পারেন, শ্রীনলিনীকান্ত গুপ্তের অনুবাদ মূল্যবান হইয়াও কত হৃদয় এবং সাবলীল হইয়াছে। একটি প্রশ্ন আছে, সং অফ সংস 'গানের গান' না 'গানের সেরা গান'? আকারে বৃহৎ না হইলেও এই বত্রিশ পাতার বইখানি রসগ্রাহী পাঠকের চিত্তকে নন্দিত করিবে।

শ্রীশৈলেন্দ্রকৃষ্ণ লাহা

চায়াছবি—শ্রীঅমলা দেবী। ইণ্ডিয়ান এসোসিয়েটেড পাবলিশিং কোং লিঃ, ৯৩, হারিসন রোড, কলিকাতা-৭। মূল্য আড়াই টাকা।

আলোচ্য উপস্থাপনকারি কাহিনী গড়িয়া উঠিয়াছে জীবন-অপরোধে উপনীত এক কর্মময় জীবনের স্মৃতি-রোমস্থনের মধ্য দিয়া।—নায়কের চরিত্র এলবামে অসংখ্য আলোকচিত্র; সেইগুলির মধ্যে পাওয়া যায়—কেমন

ডোল এণ্ড কোম্পানীর

দাদ ও কুমুদরের মলম
কিউটা-টোন গোড়া বেদনা ও চর্মরোগের জন্য
বিয় মলম খোস পাচড়া ও চুলকামীর জন্য
 বরানগর কলিকাতা ৩৫



অমৃততাঞ্জন
 সর্বপ্রকার বেদনায় 'আণবিক বোম্বার' ন্যায় কার্যকরী!

দাদদের মলম
 চর্ম রোগে 'পুষ্টিগাণ্ড শক্তির' ন্যায় কার্যকরী!
 অমৃততাঞ্জন লিঃ-পোঃ বক্স নং ৩৮২৫-কলিকাতা ৭

স্থাপিত: ১৮৯৩





দিনে দিনে আরও নির্মল, আরও লাবণ্যময় ত্বক্



ক্যাডিলমুক্ত রেছোনা কে
আপনার জন্ম এই
যাত্রাটি করতে দিন

রেছোনার ক্যাডিলমুক্ত ফেনা আপনার
গায়ে আস্তে আস্তে ঘ'ষে নিন ও পরে
ধুয়ে ফেলুন। আপনি দেখবেন দিনে
দিনে আপনার ত্বক্ আরও কতো মসৃণ,
কতো কোমল হচ্ছে—আপনি কতো লাবণ্যময়
হ'য়ে উঠছেন।

রেছোনা

ক্যাডিলমুক্ত একমাত্র সাবান

* ত্বক্পোষক ও কোমলতাপ্রসূ কতকগুলি তৈলের
বিশেষ সংমিশ্রণের এক মালিকানী নাম



করিয়া এক অতিসাধারণ মধ্যবিত্ত ঘরের ছেলে সুযোগ, সুবিধা ও কর্মোদ্যমের সদ্যবহারে অতুল ধনসম্পদ মানবশের অধিকারী হইয়াছে। প্রেমের স্পর্শ ও কামনার কুখা দুই তাহার জীবনক্ষেত্রে প্রভাব বিস্তার করিয়াছে। গল্পটিতে ঘটনা এবং চরিত্রের সংখ্যাও কম নহে—দ্রুত সঞ্চরণশীল ছবির মতই সেগুলি মনের পর্দায় ছায়া ফেলিয়া দৃষ্টির নেপথ্যে অন্তর্হিত হইয়া যায়, বেশীক্ষণের জন্ত মনে দাগ কাটয়া রাখে না। ছবির গতি যেমনই হোক—লেখিকার বাস্তবজ্ঞান প্রথর—কল্পনার ছায়া কোথাও গভীর হয় নাই, মনস্তত্ত্বের গভীরেও আসল বস্তুটিকে সন্ধান করিয়া লইয়াছে। একটি জীবনকে জড়াইয়া সামাজিক ক্রেদ ও গ্লানি এবং তাহারই সঙ্গে কামনা-দুর্কল কয়েকটি নরনারীর মনকে অদ্ভুতভাবে উন্মোচন করিয়াছেন লেখিকা। কাহিনীটি

পূর্ণ পরিণতির দিকে পৌঁছবার সুযোগ না পাইলেও—চিত্র হিসাবে সার্থক হইয়াছে। বর্তমান জীবনের প্রতিক্রিয়া গল্পটিকে স্থানে স্থানে ছুঁইয়া গিয়াছে; কোথাও সমস্তায় জটিল কিংবা সমাধানে তৎপর হয় নাই। এই কারণে গল্পটির গতি হইয়াছে সাবলীল। এই ছায়াছবির মধ্যে যুগের প্রভাবটি বেশী পড়িয়াছে। পড়িতে পড়িতে মনে হয় যেন যুগ-প্রভাবান্বিত জীবন-বৃত্তান্ত পড়িতেছি—ভালমন্দ-মেশানো যে জীবন নিষ্ঠাভরে রুঢ় বাস্তবকেই অমুসরণ করিয়া চলিয়াছে। প্রচ্ছদ-সজ্জা সুরচির পরিচায়ক।

শ্রীরামপদ মুখোপাধ্যায়

টমাস হার্ডির জগদ্বিখ্যাত উপন্যাস

টমাস

-এর বঙ্গানুবাদ শীঘ্রই বাহির হইতেছে।

বঙ্গভারতী গ্রন্থালয়

গ্রাম—কুলগাছিয়া; পোঃ—মহিষবেরখা; জেলা—হাওড়া




গঠনকর্ম ও গঠনকর্মীর প্রাণধর্ম—শ্রীরঞ্জনকুমার দত্ত।

১৩১, শশীভূষণ দে ট্রাট, কলিকাতা-১২। পৃষ্ঠা ৭৬। মূল্য ১।০ আন।

লেখক ১৯০৮ সনে মহাত্মা গান্ধীর আদর্শে গঠনমূলক কার্যে আত্মনিয়োগ করিবার উদ্দেশ্যে সোদপুরে খাদি প্রতিষ্ঠানে যোগদান করেন। ১৯৪৩ সনে তিনি বগুড়া জেলায় এক গ্রাম-কেন্দ্রের ভারপ্রাপ্ত হন। ঐ বৎসর যখন নোয়াখালিতে দাঙ্গা হয় তখন শ্রীসতীশচন্দ্র দাশগুপ্তের পরিচালনাধীনে সংগঠিত অহিংস শান্তি মিশনের কর্মীরূপে সেখানে যান। ১৯৪৬, অক্টোবর হইতে ১৯৫১ জানুয়ারী পর্যন্ত তিনি নোয়াখালিতে ছিলেন। পরে তিনি বরিশালের শ্রীসতীশচন্দ্র সেন কর্তৃক পরিচালিত গান্ধীগ্রাম সেবাশ্রমে অধ্যক্ষরূপে যোগদান করেন। গান্ধীবাদে যাহারা সম্পূর্ণ বিশ্বাসী লেখক তাহাদেরই একজন। সমালোচ্য এই ক্ষুদ্র পুস্তিকায় তাহার জীবনের মূল্যবান অভিজ্ঞতা চিত্তাকর্ষক ভাবে লিপিবদ্ধ হইয়াছে। তিনি দেশবাসীর দুর্বলতা এবং ক্রটিবিচ্যুতি সম্বন্ধে অনবহিত নহেন। কি উপায়ে এই গলদ দূর করিয়া দেশকে উন্নত করিতে হইবে এ বিষয়ে তিনি যে সকল মতামত প্রকাশ করিয়াছেন তাহা যে-কোন গ্রাম-উন্নয়ন কর্মীর পক্ষে খুব মূল্যবান। লেখক কমিগণকে যে সকল গুণের অধিকারী হইতে বলিয়াছেন তাহা খুবই সমীচীন। অবশ্য কর্মীর সংখ্যার উপর লেখক মোটেই জোর দেন নাই। তিনি দেশপ্রেমিক এবং দেশের মানুষকে ভালবাসেন, তাই বলিয়াছেন—গ্রাম্য দলাদলি, সঙ্ঘর্ষতা, জাতিভেদ, হিন্দু-মুসলমানের ভেদ-বৈষম্য, অপমান, ক্ষতি, মিথ্যা বদনাম ইত্যাদি নানা প্রতিকূলতার ভিতর দিয়া গ্রাম-কর্মীকে কর্তব্য করিয়া যাইতে হইবে। সত্যের আলোকে পথ চিনিয়া ভগবানে বিশ্বাস রাখিয়া একমনে কার্যে ব্রতী হইতে হইবে।

স্বাধীনতালাভের পর ভারতে নূতন করিয়া গ্রাম-উন্নয়নের উদ্যোগ-আয়োজন চলিতেছে। গান্ধীজীর মূল আদর্শও যে পরিবর্তিত হইতেছে না তাহা বলা চলে না। গ্রাম-উন্নয়ন ব্যাপারে মার্কিনী আদর্শ প্রবেশলাভ করিতেছে। ইহা ভাল কি মন্দ এ বিষয়ে চূড়ান্ত মতামত প্রকাশ করিবার সময় না আসিলেও এখন হইতেই দেশের চিন্তাশীল ব্যক্তিগণের এ বিষয়ে লক্ষ্য রাখা খুবই বাঞ্ছনীয়। ভারতের আত্মা গ্রাম—একথা কেবল মুখে স্বীকার করাই যথেষ্ট নয়, প্রকৃত স্বরাজের প্রতিষ্ঠা এই গ্রামেই করিতে হইবে। লেখক যেভাবে গ্রাম পুনর্গঠনের কর্মসূচী দিয়াছেন তাহা সফল করিতে হইলে আর্থিক ও সামাজিক কাঠামো নূতন করিয়া সৃষ্টি করিতে হইবে, জীবনের প্রতি প্রত্যেকের দৃষ্টিভঙ্গির সম্পূর্ণ পরিবর্তন দরকার হইবে। এক কথায় পল্লীস্বরাজের প্রতিষ্ঠা করিতে হইবে। রাষ্ট্রের সার্বভৌম শক্তির বিকেন্দ্রীকরণ দ্বারা পল্লীর পুনরুজ্জীবন ছিল মহাত্মাজীর স্বপ্নের ভারতের আদর্শ। আমাদের সংবিধান এই আদর্শে রচিত হয় নাই যদিও ইহাতে পল্লী-পঞ্চায়তের উল্লেখ আছে। লেখক যে দরদের সহিত এই পুস্তক প্রণয়ন করিয়াছেন তাহা পাঠকের অন্তর স্পর্শ করিয়া তাহার মনকে পল্লীমুখী করিবে।


শ্রীঅনাথবন্ধু দত্ত



জাবার গরম প'ড়লো— গা বহুবেশী চটচটে আর নোংরা বোধ হচ্ছে কি ?

ময়লার বীজাণু থেকে
প্রতিদিনই আপনার
অসুখের সম্ভাবনা
আছে


লাইফবয় মেখে এই সব
বীজাণু ধুয়ে ফেলে প্রতি-
দিন নিজেকে রক্ষা
করুন



লাইফবয় সাঝান

প্রতিদিন ময়লার বীজাণু থেকে
আপনাকে রক্ষা করে

লাইফবয়ের “রক্ষা-
কারী ফেনা” আপ-
নার স্বাস্থ্যকে নিরা-
পদে রাখে



চলতি পথে—শ্রীমৃগালকান্তি বসু। চক্রবর্তী চট্টার্জি এণ্ড কোং লিঃ, ১৫, কলেজ স্কোয়ার, কলিকাতা-১২। মূল্য ১।০ আনা।

গ্রন্থকার সাংবাদিক এবং রাজনীতিক মহলে সুপরিচিত। জীবনের চলতি পথে যাহা তিনি দেখিয়াছেন ও শিখিয়াছেন, তাহার কয়েকটি সারকথা এখানে গুছাইয়া বলিয়াছেন। অলঙ্কারবিহীন বা সাহিত্যিক আড়ম্বর নাই, সহজ সরল আলোচনা। কাজের লোকের কাছে নিশ্চয়ই ইহার আদর হইবে। ইহাতে মোট তেইশটি অধ্যায় আছে, তন্মধ্যে কয়েকটি—কথোপকথনের কৌশল, ভুল স্বীকার, ধনিক-শ্রমিক বিরোধ, কথা ও কাজ, আত্ম-প্রত্যয়, মানুষচেনা, ভাবনা ও নির্ভাবনা। অভিজ্ঞতা ও স্বাধীন-চিন্তার ছাপ আছে বলিয়াই বইখানিকে মামুলি উপদেশ-সংগ্রহের পর্যায়ে ফেলা চলে না।

অহনা—শ্রীযতীন্দ্রনাথ দাস। শ্রীঅরবিন্দ আশ্রম, পণ্ডিচেরী। মূল্য ২।০ আনা।

“চিন্ময়ী বাহ্যরূপে হলে সমৃদ্ধিতা,
মুময়ী চেতনা লভি' ভুবন-বন্দিতা।”

কবিতাগুলিতে চিন্তাশীল মার্জিত মনের ছাপ রহিয়াছে। ভাবগৌরব ও ভাষাগাভীরবের মিলনে রচনা বৈশিষ্ট্যপূর্ণ। অধ্যায়-চেতনার একটি গিধ্ব আভা সর্বত্র বিকীর্ণ।

মনীষীদের দৃষ্টিতে আচার্য স্বামী প্রণবানন্দ—

সম্পাদক স্বামী আত্মানন্দ। ভারত সেবাশ্রম সঙ্ঘ, বালিগঞ্জ, কলিকাতা-১৯। মূল্য ১।০,

হিন্দুসমাজে আত্মপ্রত্যয় ও চেতনা-সম্ভারের জন্ম স্বামী প্রণবানন্দ বিশেষ ভাবে চেষ্টা করিয়া গিয়াছেন। তাহার কর্মশক্তি দেশবাসীর শ্রদ্ধা অর্জন করিয়াছে। এ গ্রন্থে শ্রীমা প্রসাদ মুখোপাধ্যায়, মনুখনাথ মুখোপাধ্যায়, শ্রীশ্রীকুমার বন্দ্যোপাধ্যায়, শ্রীরাধাকৃষ্ণ মুখোপাধ্যায়, শ্রীরমেশচন্দ্র মজুমদার প্রভৃতি বাইশ জন ব্যক্তির শ্রদ্ধাশ্রুচক রচনা সংকলিত হইয়াছে।

কুরুক্ষেত্র—স্বামী সমুদ্রানন্দ। শ্রীরামকৃষ্ণ আশ্রম, বোম্বাই-২১। মূল্য ১ টাকা।

ইতঃপূর্বে লেখক কঠ ও কেন উপনিষদ অবলম্বনে ‘নটিকেশ্বরী’ এবং ‘উমা’ নাটিকা রচনা করিয়াছেন। আলোচ্য নাটিকাখানি ‘গীতা’ অবলম্বনে রচিত। বিষয়-গৌরব ক্ষুণ্ণ না করিয়া এই ভাবে শাস্ত্রকথাকে জনপ্রিয় আকারে উপস্থিত করার প্রয়োজন যথেষ্ট। শ্রীকৃষ্ণের মহান জীবনদর্শন ঘটনাবলীর মধ্য দিয়া ইহাতে পরিস্ফুট হইয়াছে। এক স্থানে (পৃ. ৩৪) পগুচন্দ্র রচনাকে গদ্য আকারে সাজানো হইয়াছে। বোধ হয় উহা পদ্য আকারে সাজাইলে ভালো হইত।

শ্রীধীরেন্দ্রনাথ মুখোপাধ্যায়

সর্বোদয় ও ভূদান—শ্রীস্ব-মো-দে। ওরিয়েন্ট বুক কোং, ৯, শ্রীমাচরণ দে ষ্ট্রীট, কলিকাতা-১২। মূল্য ৬।০ আনা।

‘বিদ্রবী মেদিনীপুর’ ও ‘সপ্তরশ্মি’ প্রণেতা গ্রন্থকার এই ক্ষুদ্র গ্রন্থে ‘সর্বোদয় সমাজ ও ভূদানযজ্ঞ’ শীর্ষক একটি প্রবন্ধ এবং কয়েকটি কবিতা ও গান লিখিয়া আচার্য বিনোবা ভাবেজীর নামে উৎসর্গ করিয়াছেন। প্রথম কবিতাটির নাম ‘জয়তু বিনোবা’।

জননী সারদেশ্বরী—শ্রীঅর্চনাপুরী। শ্রীশ্রীনাথ পাবলিশিং হাউস, ৫১-সি, কলেজ ষ্ট্রীট মার্কেট, কলিকাতা-৭। ২৪৬ পৃষ্ঠা। মূল্য ৩।

শ্রীশ্রীমার (জননী সারদেশ্বরী) শতবার্ষিকী উপলক্ষে অনেকগুলি পুস্তক বাহির হইয়াছে। কিন্তু এই পুস্তকখানিতে একটি বৈশিষ্ট্য লক্ষিত হয়, রচনা-মাধুর্য্যে ও ভাষার স্বাক্ষরে এখানিকে গদ্য-কাব্য বলিয়া যায়। ভূমিকায় ডাঃ সাতকড়ি মুখোপাধ্যায় লিখিয়াছেন, ‘মাতা অর্চনাপুরী এই জীবনালেখ্যে অঙ্কিত করিয়াছেন ভক্তির আবেশে। তাহার চিত্ত শ্রীশ্রীমাতার ধ্যানরসে পূর্ণ হইয়া পূর্বকল্পের স্থায় অতিরিক্ত ভাবাবেগে উচ্ছলিত হইয়া পরিগ্রহিত লাভ করিয়াছে ভাষায়।’ শ্রীরামকৃষ্ণ যেমন মানবদেহ ধারণ করিয়া লীলা করিয়াছিলেন, শ্রীশ্রীমাও তেমনি জগজ্জননী মহামায়ারূপিণী পরিপূর্ণ নারীশক্তিরূপে আবির্ভূতা হইয়াছিলেন। তাহার মহিমা শ্রীরামকৃষ্ণ পূর্ণরূপে উপলব্ধি করিতেন। তাহার জীবনকাহিনী আগোপান্ত গল্পের মত করিয়া লিখিয়াছেন মাতা অর্চনাপুরী, পড়িতে পড়িতে ভাবরসে হৃদয় উদ্বেলিত হয়, অপূর্ব পুলকের আবেগে অন্তর অভিঙ্গিত হয়। শিল্পাচার্য্য নন্দলাল বসু অঙ্কিত প্রচ্ছদপট ও ভিতরের একখানি ছবি এবং শ্রীমা ও শ্রীরামকৃষ্ণের ছবি পুস্তকের সৌষ্ঠব বৃদ্ধি করিয়াছে। পরিশিষ্টে শ্রীমার বাণীসকল সংক্ষিপ্তরূপে লিপিবদ্ধ হইয়াছে।

পঞ্চমী—শ্রীসত্যেন্দ্রচন্দ্র ভট্টাচার্য্য। ৫১-বি, কৈলাস বস্ত্র ষ্ট্রীট, কলিকাতা-৭। পৃষ্ঠা ৩২। মূল্য ১।০ আনা।

গ্রন্থকার ইতিপূর্বে কয়েকখানি কবিতার বই লিখিয়া পাঠকদের দৃষ্টি আকর্ষণ করিয়াছেন। সরলতা, মাধুর্য্য, ভাবুকতা ও রচনানৈপুণ্যে কবিতাগুলি অন্তর স্পর্শ করে।

ছায়া—শ্রীকরঞ্জাক বন্দ্যোপাধ্যায়। রমা নিকেতন, প্রসন্নকুমার ঠাকুর ষ্ট্রীট, কলিকাতা-৭। পৃষ্ঠা ৭২। মূল্য ১।০।

কবিতাগুলিকে ‘ক’ হইতে ‘ছ’ ক্রমানুসারে সাজানো হইয়াছে। ‘ঙ’র কবিতাগুলি প্রথমে সাহিত্যিক ও কল্পবীরগণের উদ্দেশ্যে লিখিত, ‘চ’-য়ে কয়েকটি বাঙ্গ-কবিতা স্থান পাইয়াছে, অবশিষ্ট কবিতাগুলিতে কবি-জীবনের বিবিধ ভাবের অভিব্যক্তি ও কবিমানসের দর্শন ও জিজ্ঞাসা প্রতিফলিত হইয়াছে। কবিতাগুলি পগাঢ় ভাবাভিব্যক্তি ও সহজ সরল ছন্দে অল্প কথায় বিপুল বাঙ্গনায় পাঠকের চিত্ত তৃপ্ত ও রসাপন্ন করে। কবি করুণানিধান ভূমিকায় লিখিয়াছেন, কবির লেখা পড়িয়া তিনি শ্রীত হইয়াছেন।

অপ্রত্যাশিত—শ্রীসত্যেন্দ্রনাথ বড়াল। রঘুনাথগঞ্জ। পৃষ্ঠা ৯০। মূল্য ১।

ছোট গল্পের সঙ্কলন। বারটি গল্প আছে। লেখকের লিপিকৌশল ও বর্ণনাভঙ্গী গল্পগুলিকে সার্থক ও সুখপাঠ্য করিয়াছে।

শ্রীবিজয়েন্দ্রকৃষ্ণ শীল

অন্তর ও বাহির—শ্রীস্ববোধচন্দ্র মজুমদার। জিজ্ঞাসা, ১৩৩এ রাসবিহারী এভিনিউ, কলিকাতা-২৯। মূল্য ২।

দুইটি দুর্দান্ত ছেলেকে কেলে করিয়া কাহিনী গড়িয়া উঠিয়াছে। ভালমন্দ সবকিছু লইয়াই মানুষ—এই কথাটাই উপন্যাসখানিতে মুখ্য স্থান অধিকার করিয়া আছে। এই দুইটি ছেলের জীবনে যে সকল স্ত্রী-পুরুষের প্রভাব পড়িয়াছে তাহাদের মধ্যে মায়ের চরিত্রটি লেখকের অপূর্ব সৃষ্টি। মাতার কাজের মধ্যেই স্বকীয় মহিমায় সমৃদ্ধ হইয়া উঠিয়াছেন। আর ভাল লাগিল আনন্দ ঠাকুরাণীকে। খুব অল্প সময়ের জন্যই তাঁর দেখা পাওয়া যায়, কিন্তু এই ক্ষণস্থায়ী স্মৃতিটুকু মনে গভীর রেখাপাত করে। বক্তব্য গুছাইয়া বলিবার ক্ষমতা লেখকের আছে।

শ্রীবিভূতিভূষণ গুপ্ত



দ্রুত-ফেনিল সানলাইট

না আছড়ে কাচলেও সাদাও স্বাক্ষরকে ক'রে দেয়



“শিক্ষয়িত্রী বলেন আমি বেশ ফিটফাট থাকি। তার কারণ মা সানলাইট সাবান দিয়ে আমার ফ্রক ধপধপে সাদা ক'রে কেচে দেন। সানলাইটের শুপাকার সরের মত ফেনা শীঘ্র ও সহজেই কাপড়-চোপড় থেকে ময়লা বার করে দেয় — আছড়াতেও হয় না।”



“আমার ক্লাসের মধ্যে আমাকেই সব চেয়ে চমৎকার দেখায়। সানলাইট দিয়ে কাচার জন্ত আমার রঙিন ফ্রক কেমন স্বাক্ষরকে থাকে দেখুন। মা বলেন সানলাইট দিয়ে কাচলে কাপড়-চোপড় নষ্ট হয় না আর তা টেকেও বেশী দিন। এতে খুব খুসী হবার কথা — নয় কি?”



সানলাইট সাবান

কাপড় বাঁচার, পরিশ্রম বাঁচার, খরচ বাঁচার।

অপ্রকাশিত রাজনৈতিক ইতিহাস—ডাঃ শ্রীকৃষ্ণেন্দ্রনাথ দত্ত। নবভারত পাবলিশার্স, ১৩৩১, রাধাবাজার স্ট্রীট, কলিকাতা-১। পৃ. ১+৩৫০। মূল্য সাড়ে চারি টাকা।

গ্রন্থকার 'মুখবন্ধে' লিখিয়াছেন: "এই পুস্তকখানি 'অপ্রকাশিত রাজনৈতিক ইতিহাস' নামে প্রকাশিত হইলেও, ইহা লেখক-প্রণীত 'ভারতের দ্বিতীয় স্বাধীনতা সংগ্রাম' নামক পুস্তকের দ্বিতীয় খণ্ডরূপেই পরিগণিত হইবে। এই পুস্তকে বিদেশে ভারতীয় বৈপ্লবিকদের কার্যের বিবরণই বিশেষ করিয়া প্রদত্ত হইয়াছে। বার্লিন কমিটির সেক্রেটারীরূপে অধিকাংশ ঘটনাগুলির সহিত লেখক সংশ্লিষ্ট ছিলেন।"

এই আদর্শে পুস্তকখানি রচিত হইলেও প্রবীণ বৈপ্লবিক গ্রন্থকার ভারত-বর্ষের, বিশেষতঃ বঙ্গের প্রদেশসমূহের বিপ্লব-প্রচেষ্টার কথাও ইহাতে বিবৃত করিয়াছেন। পুস্তকখানি প্রধানতঃ দুই অংশে বিভক্ত। মূল অংশ সতরটি অধ্যায়ে তিনি ভাগ করিয়াছেন। (পৃ ১-১৬৮); পরিশিষ্ট অংশে রহিয়াছে ছয়টি অধ্যায় (১৬৯-৩৫০)। প্রথম মহাযুদ্ধের প্রাক্কাল হইতে ১৯২৬ সনে গ্রন্থকারের ভারত-প্রত্যাবর্তন পর্যন্ত বিদেশে বিপ্লবকার্যের কথা এখানে সন্নিবেশিত হইয়াছে। ভারতের বিপ্লব আন্দোলন সম্পর্কে এপর্যন্ত অনেকগুলি বই প্রকাশিত হইয়াছে। কিন্তু ভারতের বাহিরে ইউরোপে, আমেরিকা, নিকট ও দূর-প্রাচ্যে ভারতীয় বিপ্লবীরা যে-সব বিপ্লব-কর্মে

জীবনপণ করিয়া লিপ্ত হইয়াছিলেন তাহার একটি তথ্যমূলক ধারাবাহিক ইতিহাসের একান্ত অভাব ছিল। আমরা এথাবৎ খণ্ডশঃ কোন কোন আন্দোলন বা বিপ্লব-কার্য সম্বন্ধে পুস্তক-পুস্তিকা কিংবা লোকমারফত কিছু কিছু জানিতাম শুনিতাম; কিন্তু একখানি ধারাবাহিক বর্ণনামূলক ইতিহাস-পুস্তকের প্রয়োজন বরাবরই অনুভূত হইয়াছে। গ্রন্থকার স্বতঃপ্রবৃত্ত হইয়া এইরূপ অমসাধ্য কার্যে হস্তক্ষেপ করায় বাস্তবিকই জাতির ধন্যবাদভাজন হইয়াছেন।

গ্রন্থকারের পক্ষে একপুস্তক প্রণয়নের একটা সুবিধাও ছিল খুবই। তিনি দীর্ঘকাল ভারতের বাহিরে থাকিয়া, ভারতের স্বাধীনতা-প্রতিষ্ঠার উদ্দেশ্যে যে-সব বিপ্লব-প্রচেষ্টা হইয়াছে তাহার সঙ্গে ঘনিষ্ঠরূপে যুক্ত ছিলেন। তিনি স্বদেশী আন্দোলনের মরশুমে কারামুক্ত হইয়া মার্কিন যুক্তরাষ্ট্রে যান এবং সেখান হইতে তুরস্কে গমনান্তর জার্মানীতে গিয়া অবস্থান করেন। প্রথম মহাযুদ্ধকালে তিনি বার্লিনে ছিলেন। যুদ্ধান্তেও বার্লিনকে কেন্দ্র করিয়া সমগ্র মধ্য ও পূর্ব ইউরোপে ভারত-কথা প্রচারে নিবিষ্ট হন। সোভিয়েট বিপ্লবের পরে তিনি মস্কোতেও গিয়াছিলেন। গ্রন্থকার বীরেন্দ্রনাথ চট্টোপাধ্যায় প্রমুখ বিপ্লবীদের সঙ্গে একযোগে বার্লিন কমিটি নামে বিপ্লবী কর্মসংস্থা প্রতিষ্ঠা করেন। এই কমিটিকে কেন্দ্র করিয়া সমগ্র ইউরোপে এবং আমেরিকায়ও বিপ্লব-কর্ম পরিচালিত হইতে থাকে। কমিটি নানা স্থানে প্রচুর অর্থসাহায্য প্রদান করেন। এই সকল কার্যের একটি তথ্যগত বিবরণ আলোচ্য গ্রন্থখানিতে পাঠক পাইবেন।

স্বদেশের স্বাধীনতাকল্পে ভারতবর্ষে এবং ভারতবর্ষের বাহিরের বিপ্লব-প্রচেষ্টা কেন সাফল্যমণ্ডিত হয় নাই সে সম্বন্ধেও গ্রন্থকার স্বীয় অভিজ্ঞতাপ্রসূত অভিমত সুস্পষ্ট ভাষায় ব্যক্ত করিয়াছেন। তাহার সঙ্গে অনেক মতানৈক্যের অবকাশ আছে, একপক্ষে তর্কোতর্কাই সম্ভব। তবে একটি কথা আমাদের নিকট যথার্থ বলিয়া মনে হয়। ১৯২১ সনের পূর্বে ভারতের সহিংস বা নিয়মানুগ আন্দোলনের পরিচালনায় জনসাধারণের সঙ্গে সংযোগরক্ষা করা হয় নাই। তাই পদে পদে ব্যর্থতা ও নৈরাশ্রেরই সম্মুখীন হইতে হইয়াছে। ভারতীয় রাজনীতিক্ষেত্রে মহাত্মা গান্ধীর অবিভাবের পর হইতেই সত্যকার গণসংযোগ প্রতিষ্ঠা সম্ভবপর হইয়াছে, আবার এই গণসংযোগ যতই দৃঢ়মূল হইয়াছে ব্রিটিশ সাম্রাজ্যবাদের ভিত্তি ততই টলিয়াছে। গ্রন্থকারের এই ব্যাখ্যান শুধু ইতিহাস-অনুগ নহে, ইহা ভবিষ্যৎ ভারতের বিবিধ উন্নতি-প্রচেষ্টায় সাফল্য বা অসাফল্যেরও নির্দেশ দিতেছে। সমগ্র সমাজ বা মানবসমষ্টি লইয়াই ভারত-বর্ষ—একথা যেন আমরা গ্রহণনীয় মনে রাখি। পুস্তকখানি আদ্যোপান্ত পাঠ করিলে একটি বিষয় পাঠকের বিশেষভাবে অনুভূত হইবে। আমাদের জাতীয় চরিত্রে বহু দোষ-ত্রুটি রহিয়াছে—নেতাদের এবং তাহাদের অনুবর্তী-দল উভয়েরই। আজ ইংরেজ ভারতবর্ষ ছাড়িতে বাধ্য হইয়াছে। আজ স্বদেশের উন্নতি-অবনতির জন্য আমাদেরিগকেই দায়ী হইতে হইবে। গ্রন্থকার বিদেশে, এবং স্বদেশেও, ভারতবাসীদের যে-সব দোষ-ত্রুটি লক্ষ্য করিয়াছেন ও সৎ ভাষায় সমুদয় বিবৃত করিয়া আমাদেরিগকে সাবধান হওয়ার নির্দেশ দিয়াছেন, তৎসম্বন্ধে আমরা যেন সবিশেষ অবহিত হই। ইতিহাস আলোচনায় তথ্যনিষ্ঠ প্রয়োজন। ইদানীং কোন কোন লেখকের মধ্যে বিপ্লব-ইতিহাস বর্ণনায় ইহার ব্যত্যয় দেখিয়া গ্রন্থকার তাহার প্রতিবাদ এবং সংশোধন করিতেও ক্ষান্ত হন নাই। পরিশিষ্ট অংশে ডাঃ যাহ্নগোপাল মুখোপাধ্যায় প্রমুখ বিখ্যাত বিপ্লবীদের বিরতি দেওয়ার গ্রন্থখানির গৌরব বৃদ্ধি হইয়াছে। পুস্তকের 'মস্কো-যাত্রা' অধ্যায়টি দীর্ঘ ও বহু তথ্যে পূর্ণ। ভারতবর্ষের স্বাধীনতা-প্রচেষ্টার ইতিহাস-রচনায় বর্তমান গ্রন্থখানি বিশেষ সাহায্য করিবে। একপ মূল্যবান একখানি আকর-গ্রন্থের স্থানে স্থানে মুদ্রণ-প্রমাদ পীড়াদায়ক।

শ্রীযোগেশচন্দ্র বাগল

সুপ্রা কালি


দায়ী ফাউন্টেন পেনের জন্য

সুপ্রা কালি আজ এত জনপ্রিয় কেন?

সব বিদেশী দায়ী কালিকে সে হার মানিয়েছে, সল-এক্সযুক্ত ও তলানিমুক্ত বলে অব্যাহত তার প্রবাহ, বর্ণের স্থায়ী ওজ্জ্বল্য মনে আনে তৃপ্তির নিশ্চিত আশ্বাস। কালির রাসায়নিক গুণে প্রিয় কলমটি থাকে চিরনূতন।




সুপ্রা কালি এন্ড কেমিক্যাল কোং লিমিটেড কলিকাতা-৩



রবিবাসরের রজত-জয়ন্তী বর্ষ

বাংলাদেশের কোন বিশিষ্ট সাহিত্য-সভা সাধারণতঃ দীর্ঘজীবী হয় না। 'রবিবাসর' এই নিয়মের ব্যতিক্রম। এই প্রসিদ্ধ সাহিত্য-প্রতিষ্ঠানটি পঞ্চবিংশতি বর্ষে পদার্পণ করিল। রবীন্দ্রনাথ ইহার অধিনায়ক ছিলেন। কবিগুরুর সাদর আহ্বানে ১৩৪৩ সালে শান্তিনিকেতনে ইহার যে অধিবেশন হয় তাহা এক স্মরণীয় ঘটনা। শরৎচন্দ্র যতদিন জীবিত ছিলেন ততদিন প্রায় ইহার প্রতি অধিবেশনে উপস্থিত থাকিতেন। নবীন এবং প্রবীণ খ্যাতনামা সকল সাহিত্যিকই কোন না কোন সময় 'রবিবাসর'র সদস্যশ্রেণীভুক্ত ছিলেন। স্বর্গীয় রামানন্দ চট্টোপাধ্যায় ইহার সভা ছিলেন। স্বর্গত

জলধর সেন ছিলেন ইহার প্রথম সর্বাধ্যক্ষ। বর্তমান সর্বাধ্যক্ষ অধ্যাপক শ্রীখগেন্দ্রনাথ মিত্র। বিশিষ্ট সাহিত্যিক, শিল্পী, সাংবাদিক এবং সাহিত্যানুধারী লইয়া এই প্রতিষ্ঠানটি গঠিত। এক সময় পরলোকগত ব্রজেন্দ্রনাথ বন্দ্যোপাধ্যায় এবং পরে শ্রীশৈলেন্দ্রকৃষ্ণ লাহা ইহার সম্পাদক ছিলেন। ভারতবর্ষ-সম্পাদক ফণীন্দ্রনাথ মুখোপাধ্যায় কিছুদিন ইহার সম্পাদকত্ব করিয়াছিলেন। বর্তমানে দীর্ঘকাল ধরিয়া শ্রীনরেন্দ্রনাথ বসু ইহার সম্পাদকপদে অধিষ্ঠিত। গত ৫ই বৈশাখ রবিবার তাঁহার আহ্বানে তাঁহার ভবনে রবিবাসরের রজত-জয়ন্তী বর্ষের প্রথম অধিবেশন অনুষ্ঠিত হইয়াছে। অধ্যাপক শ্রীখগেন্দ্রনাথ মিত্র অনুষ্ঠানে পৌরোহিত্য করেন।



রেডিয়ামের
ট্যালকাম পাউডার ও
স্নো আপনার
অল্প সজীবতা
সামান্যদিনেই জনা
অস্বাস্তি নাথাকে

**রেডিয়াম স্নো ও
ট্যালকাম পাউডার**

রেডিয়াম স্যানিটাইজিং
কলিকাতা-৩৬

কাজল কালি
১৯২৪ সাল
মস্তক লাভ করেছি। এত
কালিয়া চিহ্নেরী কাজল
যেই কোথাও পাইব না।
ইতি ২৭ ফেব্রুয়ারি ১৯৩৬
শ্রী রবিচন্দ্রনাথ বসু

কাজল-কালি
প্রথম ভারতীয়
ফাউন্টেন পেন কালি
-১৯২৪।
কোমিক্যাল এনোসিয়েশন
কলিকাতা-৬

শ্রীচন্দ্রলালাজী ভট্টাচার্য্য কর্তৃক বৈদিকমন্ত্রে স্বস্তিবাচন পাঠ হওয়ার পর সর্বাধ্যক্ষ মহাশয় তাঁহার উদ্বোধন-ভাষণ প্রদান করেন। শ্রীমতী চিত্রিতা দেবী উপনিষদ হইতে কয়েকটি শ্লোকের বাংলা অনুবাদ পাঠ করেন। শ্রীশৈলেন্দ্রকৃষ্ণ লাহা রবিবাসরের রচিত জয়ন্তী উপলক্ষে রচিত একটি কবিতা পাঠ করিয়া সকলের আনন্দবিধান করেন। এই অধিবেশনে প্রবীণ সাহিত্যিক শ্রীকেশবচন্দ্র গুপ্ত "দেশমাতৃকা মুম্বয়ী ও চিম্বয়ী" শীর্ষক একটি মনোজ্ঞ প্রবন্ধ পাঠ করেন।

পরিভ্রাজক স্বামী শ্রীশ্রীকৃষ্ণানন্দ মহারাজের স্মৃতিস্মরণার্থে প্রতিষ্ঠিত "শ্রীকৃষ্ণ সংস্কৃত বিদ্যালয়" কাব্য ও ব্যাকরণ অধ্যয়ন-অধ্যাপনা আরম্ভ হইয়াছে। পণ্ডিতপ্রবর শ্রীযুক্ত যোগেন্দ্রনাথ কাব্য-ব্যাকরণ-স্মৃতি সাংখ্যতীর্থ মহাশয় অধ্যাপনাকার্য্যে অতী হইয়াছেন। গুপ্তিপাড় ও নিকটবর্তী অঞ্চলের ছাত্রেরা ইহাতে অধ্যয়ন করিতেছে। উক্ত প্রতিষ্ঠানে মেয়েদের সংস্কৃত-অধ্যয়নের পৃথক ব্যবস্থা শীঘ্রই করা হইতেছে।

শ্রীকৃষ্ণ সংস্কৃত বিদ্যালয়

গত ৩রা বৈশাখ গুপ্তিপাড়ায় নবনির্মিত শ্রীকৃষ্ণানন্দ হরিমন্দিরে

সম্প্রতি কলিকাতায় প্রাচ্যবাণীমন্দিরের একাদশ বার্ষিক

অধিবেশন অনুষ্ঠিত হইয়াছে। বার্ষিক কার্য্য-বিবরণী

প্রাচ্যবাণীমন্দির

বর্ণনাপ্রসঙ্গে প্রাচ্যবাণীমন্দিরের যুগ্মসম্পাদক উক্তর শ্রীযুক্তবিমল চৌধুরী বলেন যে, বিগত একাদশ বৎসরে প্রাচ্যবাণীমন্দির হইতে ১১০খানা গবেষণামূলক গ্রন্থ প্রকাশিত হইয়াছে। প্রাচ্যবাণীমন্দিরের জন্ম বিগত এক বৎসরে দশ হাজার টাকা সাহায্যদানের নিমিত্ত উক্তর চৌধুরী কেন্দ্রীয় সরকারকে ধন্যবাদ জ্ঞাপন করেন। তিনি আরও বলেন, ভারতের বিভিন্ন অঞ্চলে প্রাচ্যবাণীমন্দিরের শাখাসংস্থাসমূহ বিশেষ কৃতিত্বের সহিত কার্য্যপরিচালনা করিতেছে এবং সংস্কৃত-প্রতিষ্ঠানসমূহ সূচাররূপে পরিচালিত হইতেছে।

এই উপলক্ষে প্রাচ্যবাণীমন্দিরের যে সকল সদস্য বিভিন্ন ভূমিকায় অভিনয় করিয়াছিলেন, তাঁহাদের উচ্চারণ-নৈপুণ্য ও অভিনয়-কৌশল উপস্থিত সকলের বিশেষ প্রশংসা অর্জন করে।


দিল্লীতে শ্রীগোপেশ্বর

বন্দ্যোপাধ্যায়ের সংবর্ধনা

দিল্লী রাষ্ট্রীয় অনুষ্ঠান উপলক্ষে সঙ্গীতনায়ক শ্রীগোপেশ্বর বন্দ্যোপাধ্যায় ও তাঁহার পুত্র শ্রীরমেশচন্দ্র বন্দ্যোপাধ্যায় গত ১লা এপ্রিল দিল্লী পৌছিলে ষ্টেশনে তাঁহাদিগকে বিপুল ভাবে সংবর্ধনা করা হয়। নিউদিল্লী কালীবাড়ী ক্লাব, বেঙ্গলী ক্লাব এবং অন্যান্য প্রতিষ্ঠানের

অনুষ্ঠান

অধিবেশন




এম.টি. সরকার এণ্ড সন্স

ফোন-৩৪— ১৭৬১
গ্রাম-টিলিয়াকেস,

পুস্তকালয় ও বইয়ের দোকান
১৬৭ সি, ১৬৭ সি/১ বহুবাজার স্ট্রীট কলিকতা (আমহার্ট স্ট্রীট ও বহুবাজার স্ট্রীটের সংযোগস্থলে) আমাদের পুরাতন শোরুমের বিপরীত দিকে

ব্রাঞ্চ-হিন্দুস্থান মার্চ বালিগঞ্জী: ১৫৯/৪ বি, রামাবিহারী এভিনিউ
কলিকতা: ফোন পি.কে. ৪৪৬৬

বাড়ীতে রাঁধা খাবার খেয়েও বিপদ হ'তে পারে !



ডাক্তারবাবুর
কথা শুনে আমি ত অবাক ! আমার
দোষেই নাকি ছেলেরা এত ভোগে।



গত ৬ মাসের মধ্যে পেটের গোলমালে ছেলেরা
ছবার ভুগলো। তার উপর গত মাসে স্বামীও
বিছানা নিলেন। বড় বিপদে পড়লাম। জানেনই
ত কি রকম দিনকাল পড়েছে, এমনতেই খরচ
কুলানো দায় এর উপর আবার ডাক্তার ও
ওষুধপত্রের ধাক্কা এলে বড়ই মুশ্কিল।

আশ্চর্য্য ! আমার পরিবারের সকলেই অল্পের ডিপো হয়ে দাঁড়ালো
দেখছি ! ডাক্তারবাবুকে গিয়ে এ কথা বলতে তিনি জিজ্ঞেস করলেন
'রান্নার ব্যাপারে আপনি বেশ সাবধান ত ?'

'নিশ্চয়' আমি বললাম।

'রান্নার জন্ত স্নেহপদার্থ কেনেন কি ভাবে ?'

'কি করে আবার ? খুচরো কিনি, তাতেই সুবিধা' আমি
উত্তর দিলাম।

'ভেবে দেখেছেন কি, খুচরো স্নেহপদার্থে রোগের বীজাণু থাকতে
পারে' ডাক্তারবাবু বললেন, 'আর খোলা অবস্থায় থাকে বলে তাতে
ভেজাল দেওয়া চলে, ময়লা হাতে ছোঁয়া হতে পারে ও ধুলোবালি ও
মাছিময়লা পড়তে পারে। কে জানে, হয়ত এরকম স্নেহপদার্থ খেয়েই
আপনার পরিবারের সকলে ভুগছে।'

আগে ভাবতাম যে রান্নার জন্ত স্নেহপদার্থ খুচরো কিনলেই পয়সা বাচে,
সস্তায় হয়। কিন্তু প্রতি মাসে ডাক্তার ও ওষুধের খরচ খতিয়ে দেখে ঠিক
করলাম অমন সস্তায় আর কাজ নেই।

সেই দিন থেকেই বায়ুরোধক, শীলকরা টিনে ডাল্‌ডা বনস্পতিই কিনি।
ডাল্‌ডা বনস্পতিতে সব রকম রান্নাই চমৎকার হয়। আর স্বামী ও
ছেলেমেয়েরা ডাল্‌ডা বনস্পতিতে রাঁধা খাবার তৃপ্তির সঙ্গে খায়।



পরিবারের সকলের স্বাস্থ্যরক্ষার জন্ত সর্বদা
আপনার সবরান্না ডাল্‌ডা বনস্পতি দিয়ে করুন।
ডাল্‌ডা বনস্পতি সর্বদা তাজা ও ঠাঁট
অবস্থায় পাবেন আর ব্যবহার করে বুঝবেন
যে রান্নার ব্যাপারে ডাল্‌ডার জুড়ি নেই। ভিটামিন 'এ' ও 'ডি'
যুক্ত ডাল্‌ডা বনস্পতি আপনাদের সুবিধার জন্ত ১০, ৫, ২ ও ১
পাউণ্ড টিনে সর্বত্র বিক্রী করা হয়।

কি ক'রে ছেলেমেয়েদের স্বাস্থ্যের উন্নতি করা যায়?

বিনামূল্যে খবরের জন্ত আজই

লিখুন :

দি ডাল্‌ডা

এ্যাডভাইসারি সার্ভিস

পোস্ট বক্স ৩৫৩, বোম্বাই ১



গাছ মার্কা টিন দেখে
কিনবেন

HVM. 212-X62 BG

আপনার স্বাস্থ্যের জন্য

ডাল্‌ডা বনস্পতি দিয়ে রাঁধুন
রাঁধতে ভালো-খরচ কম

পক্ষ হইতে সঙ্গীতনায়ক মহাশয়কে মালাভূষিত করা হয়। ৩রা এপ্রিল রাত্রিতে রাষ্ট্রীয় অনুষ্ঠানে তাঁহাদের দরবারী কানড়া, নায়েকী কানড়া, বিহঙ্গড়া ও বাহার রাগের আলাপ, ধ্রুপদ এবং ধামার শ্রোতৃমণ্ডলীকে মুগ্ধ করে। তানসেন-প্রবর্তিত সঙ্গীতধারার ইহারা শ্রেষ্ঠ প্রতিনিধি। রাগ-আলাপ বিস্তার, মীড়, গমক, মুর্ছনা, তাঁহাদের সঙ্গীতকে মাধুর্যমণ্ডিত করিয়াছিল। অনুষ্ঠানের সমাপ্তি-সঙ্গীত যত ভট্ট রচিত “আজ বহত বসন্ত পবন” গানটি শ্রোতৃবর্গের নিকট বিশেষ চিত্তাকর্ষক হইয়াছিল। ৪ঠা এপ্রিল সন্ধ্যায় নিউ দিল্লী কালীবাড়ীতে দিল্লীর বাঙ্গালী-সমাজ সঙ্গীতনায়ক মহাশয় ও

রমেশচন্দ্রকে অভিনন্দিত করেন। সুপ্রীম কোর্টের বিচারপতি মাননীয় শ্রীবিজ্ঞানবিহারী মুখোপাধ্যায় কর্তৃক তাঁহারা মালাভূষিত হইল। সঙ্গীতনায়ক মহাশয় তাঁহার অতুলনীয় কণ্ঠসঙ্গীতে সকলকে পরিভূক্ত করেন। রমেশবাবুর উচ্চাঙ্গ রবীন্দ্র-সঙ্গীত, শ্যামা-সঙ্গীত বিশেষ উপভোগ্য হয়। সকলের অনুরোধে রবীন্দ্রনাথ-রচিত “আজি বহিছে বসন্ত পবন” গানটি গাহিয়া তিনি শ্রোতৃবৃন্দকে মুগ্ধ করেন।

পরলোকে সুধীরকুমার বন্দ্যোপাধ্যায়

গত ৯ই এপ্রিল ‘ক্যালকাটা পোস্টেলিন ওয়ার্কস লিমিটেডের’ প্রতিষ্ঠাতা সুধীরকুমার বন্দ্যোপাধ্যায় মাত্র পঁয়ত্রিশ বৎসর বয়সে

ব্যাক অফ বাঁকুড়া লিমিটেড

সেন্ট্রাল অফিস—৩৬নং ষ্ট্র্যাণ্ড রোড, কলিকাতা
আদায়ীকৃত মূলধন—৫০০০০০.লক্ষ টাকার অধিক

ক্রাঞ্চ :—কলেজ স্কোয়ার, বাঁকুড়া।

সেভিংস একাউন্টে শতকরা ২ হারে সুদ দেওয়া হয়।

১ বৎসরের স্থায়ী আমানতে শতকরা ৩ হার হিসাবে এবং
এক বৎসরের অধিক থাকিলে শতকরা ৪ হারে
সুদ দেওয়া হয়।

চেয়ারম্যান—শ্রীজগন্নাথ কোলে, এম. পি.

ছোট ক্রিমিরোগের অব্যর্থ ঔষধ “ভেরোনা হেলমিনথিয়া”

শৈশবে আমাদের দেশে শতকরা ৬০ জন শিশু নানা জাতীয় ক্রিমিরোগে, বিশেষতঃ ক্ষুদ্র ক্রিমিতে আক্রান্ত হয়ে ভগ্ন-স্বাস্থ্য প্রাপ্ত হয়, “ভেরোনা” জনসাধারণের এই বহুদিনের অসুবিধা দূর করিয়াছে।

মূল্য—৪ আ: শিশি ডা: মা: সহ—২।০ আনা।

ওরিয়েন্টাল কেমিক্যাল ওয়ার্কস লি:

১।১ বি, গোবিন্দ আড্ডী রোড, কলিকাতা—২৭

ফোন—আলিপুর ৪৪২৮

— সদ্যপ্রকাশিত নূতন ধরণের দুইটি বই —

বিশ্ববিখ্যাত কথাশিল্পী আর্থার কোয়েষ্টলারের

‘ডার্কনেস্ অ্যাট নুন’

নামক অনুপম উপন্যাসের বঙ্গানুবাদ

“মধ্যাহ্নে আঁধার”

ডিমাই ৫ সাইজে ২৫৪ পৃষ্ঠায় সম্পূর্ণ

শ্রীনৌলিমা চক্রবর্তী কর্তৃক

অতীব হৃদয়গ্রাহী ভাষায় ভাষান্তরিত

মূল্য আড়াই টাকা।

প্রসিদ্ধ কথাশিল্পী, চিত্রশিল্পী ও শিকারী

শ্রীদেবীপ্রসাদ রায়চৌধুরী

লিখিত ও চিত্রিত

“জঙ্গল”

সবল সুবিন্যস্ত ও প্রাণবন্ত ভাষায়

ডবল ক্রাউন ৫ সাইজে ১৮৪ পৃষ্ঠায়

চৌদ্দটি অধ্যায়ে সুসম্পূর্ণ

মূল্য চারি টাকা।


প্রাপ্তিস্থান : প্রবাসী প্রেস—১২০।২, আপার সারকুলার রোড, কলিকাতা—২

এবং এম. সি. সরকার এণ্ড সন্স লি:—১৪, বঙ্কিম চাটাজি ষ্ট্রীট, কলিকাতা—১২

শুভবিবাহের প্রীতিভোজের নিমন্ত্রণে...



বা সন্ধ্যাভ্রমণে যাবার সময়



একটু

হিমালয় বোকে পারফিউম

আপনাকে আরও মোহময় ক'রে তুলবে

সুগন্ধের মাধুর্যে অনুপম এই পারফিউম গুণে
অতি মিল্ক ও মনোহর। সৌখিন ও রসজ্ঞ
ব্যক্তিমাত্রেই হিমালয় বোকে পারফিউমের
কদর জানেন।



আর একটি সূচু
ইন্ডাস্ট্রি সৃষ্টি

HB. 23-50 BG

ইন্ডাস্ট্রিক কোং, লি: লণ্ডনের তরফ থেকে ভারতে প্রস্তুত।

পরলোকগমন করিয়াছেন। তাঁহার অকালমৃত্যুতে শিল্পজগতের অপূরণীয় ক্ষতি হইল।



শ্রীযুক্ত বন্দ্যোপাধ্যায়

শ্রীযুক্ত কুমার ছিলেন গবর্ণমেন্ট কমার্শিয়াল ইনস্টিটিউটের অবসর-প্রাপ্ত প্রিন্সিপ্যাল শ্রীযুক্ত হরিদাস বন্দ্যোপাধ্যায় মহাশয়ের পুত্র। বাঁকুড়া জেলার বিষ্ণুপুরে ১৯১৯ খ্রীষ্টাব্দে তাঁহার জন্ম হয়। গবর্ণমেন্ট কমার্শিয়াল ইনস্টিটিউটে 'কমার্স' বিভাগের ছাত্ররূপে কলিকাতায় তিনি শিক্ষালাভ করেন এবং কলিকাতা বিশ্ববিদ্যালয়ের 'কমার্স' গ্রাজুয়েট হন। তার পর তিনি বিক্রয়কর বিভাগে যোগদান

— লভ্যই বাংলার গৌরব —


আগড়পাড়া কুটীর শিল্প প্রতিষ্ঠানের
গণ্ডার মার্ক

গেঞ্জী ও ইজের সুলভ অথচ সৌখীন ও টেকসই।

তাই বাংলা ও বাংলার বাহিরে যেখানেই বাঙালী
সেখানেই এর আদর। পরীক্ষা প্রার্থনীয়।

কারখানা—আগড়পাড়া, ২৪ পরগণা।

ব্রাঞ্চ—১০, আপার সার্কুলার রোড, দ্বিতলে, রুম নং ৩২,
কলিকাতা-২ এবং চাঁদমারী ঘাট, হাওড়া স্টেশনের সম্মুখে।




শ্রেষ্ঠে
মহাভূক্তরাজ তৈল

চুল উঠা বন্ধ করে
মাথা ঠাণ্ডা রাখে



এই মার্ক দেখে কিনুন নকল থেকে সাবধান





লাক্স টয়লেট সাবান
সারা শরীরের সৌন্দর্যের জন্য

সৌন্দর্য্য বাড়াবার সুখবর! এখন আপনি বিশুদ্ধ, সাদা লাক্স টয়লেট সাবান এক বিশেষ বড় সাইজে পাবেন! এ সেই সুগন্ধি সাবান যা চিত্র-তারকারা সর্বদা ব্যবহার করেন—সেই রেশমের মত কোমল ফেনা আর মনোহর সুবাস এতে পাবেন! এখনই বড় সাইজের লাক্স টয়লেট সাবান কিনুন!

যেমন সাদা, তেমন বিশুদ্ধ আর সুগন্ধি

চিত্র - তারকার সৌন্দর্য সাবান

কয়েক এবং কয়েক বৎসর উক্ত বিভাগে বিভিন্ন পদে কাজ করেন। অল্প বয়স হইতেই ব্যবসা-বাণিজ্যের দিকে তাঁহার বিশেষ ঝোঁক ছিল। সরকারী চাকুরি পরিত্যাগ করিয়া তিনি জেনারেল ম্যান্নেলারূপে তাঁহার পিতার প্রতিষ্ঠিত “ব্যাঙ্ক অব ঝাঁকুড়া”র কার্যে আত্মনিয়োগ করেন।

ব্যবসায়ে আত্মপ্রতিষ্ঠার দৃঢ় সংকল্প লইয়া সুধীরকুমার ১৯৪৬ খ্রীষ্টাব্দে সামান্য মূলধনে বেঙ্গলঘরিয়ায় ১৪ বিঘা জমির উপর “ক্যালকাটা পোস্টেলিন ওয়ার্কস” নামক শিল্পসংস্থাটি স্থাপিত করেন। কেবলমাত্র নিজের অল্পস্বল্প চেঁচায় স্বল্পকাল মধ্যেই তিনি আর্থিক সঙ্কটের সম্মুখে এই প্রতিষ্ঠানের মূলধন প্রভূত পরিমাণে বাড়াইতে সক্ষম হন। কিন্তু অতিরিক্ত কাজের চাপ পড়ায় অবশেষে ১৯৫২ খ্রীষ্টাব্দে তিনি ব্যাঙ্কের কাজ ছাড়িয়া দেন এবং পোস্টেলিন ওয়ার্কস-এর উন্নতিবিধানে নিজের সমস্ত শক্তি নিয়োজিত করেন। তিনি এই শিল্পের উৎকর্ষসাধনে জীবন উৎসর্গ করিয়াছিলেন একথা বলিলে কিছুমাত্র অত্যাুক্তি হয় না। নিজের স্বাস্থ্যের দিকে লক্ষ্য না রাখিয়া তিনি দিনরাত এই শিল্প প্রতিষ্ঠানটির উন্নয়নের জন্ম কাজে লিপ্ত থাকিতেন। এই প্রতিষ্ঠানের সাফল্যের মূলে রহিয়াছে তাঁহার প্রথর ব্যবসাবুদ্ধি ও কঠোর পরিশ্রম। কোম্পানীর বর্তমান কার্যকরী মূলধন (working capital) দাঁড়াইয়াছে পাঁচ লক্ষের উপর এবং ইহাতে মাসিক ৩৫,০০০ টাকা মূল্যের বিভিন্ন দ্রব্য প্রস্তুত হয়। সুধীরবাবু ‘হরিদাস মেডিক্যাল হল লিমিটেড’ এবং ‘বেলেঘাটা হোসিয়ারি লিমিটেডে’র ডিরেক্টর ছিলেন।

ফ্যাক্টরির কর্মচারীদের প্রতি সুধীরবাবু অত্যন্ত স্নেহপরায়ণ ছিলেন। তিনি তাঁহাদিগকে বাহিরের সাহায্যের মুখাপেক্ষী না হইয়া আত্মশক্তির উপর নির্ভর করিবার উপদেশ দিতেন। অভিনয়ে তাঁহার অনুরাগ ছিল। বিশ্বকর্মা পূজা উপলক্ষে ফ্যাক্টরির কর্মীদের সঙ্গে ‘কেদার রায়ে’র অভিনয়ে তিনি শ্রীমন্তের ভূমিকা গ্রহণ করিয়াছিলেন।

নিরুপমা দত্ত

অবিভক্ত বাংলা সরকারের ইকনমিক বোর্ডানিষ্ঠ, সুপ্রসিদ্ধ কুণ্ডিতস্ববিদ দ্বিজদাস দত্ত মহাশয়ের পত্নী নিরুপমা দত্ত গত ৯ই চৈত্র পরলোকগমন করিয়াছেন। মৃত্যুকালে তাঁহার বয়স ৬৩ বৎসর হইয়াছিল। তাঁহার পিতা আনন্দকিশোর দত্তরায় সবজ্ঞ ছিলেন।

নিরুপমা ছিলেন একজন স্বভাব-কবি। পিতৃগৃহের ও স্বামী-গৃহের অমূল্য আবেষ্টনীতে অল্প বয়সেই তাঁহার কবিত্বশক্তির উন্মেষ হয়। অধুনালুপ্ত ‘বামাবোধিনী পত্রিকা’র তিনি একজন নিয়মিত লেখিকা ছিলেন। তাঁহার বহু কবিতা ঐ পত্রিকায় প্রকাশিত হইয়াছে। দিনের অধিকাংশ সময় তিনি কাব্য, সাহিত্য আলোচনা করিয়া ও ধর্মগ্রন্থ পড়িয়া কাটাইতেন। বৈষ্ণব সাহিত্যে তাঁহার প্রগাঢ় জ্ঞান ছিল। তাঁহার সাহিত্য-প্রতিভা বিদগ্ধজনের নিকট প্রশংসাজাত করে।



নিরুপমা দত্ত

নিরুপমা ধর্মপ্রাণা ও লোকহিতৈষিনী ছিলেন। তাঁহার দেশপ্রীতি ছিল সুগভীর—বঙ্গভঙ্গ আন্দোলনের সময় হইতে তরুণ বয়সেই তিনি স্বদেশীমন্ত্রে দীক্ষিতা হন। পারতপক্ষে তিনি বিদেশী দ্রব্য ব্যবহার করেন নাই। ধর্মের প্রতি প্রবল অনুরাগ থাকায় নিরুপমা বহু সাধুর সঙ্গ লাভ করিয়াছেন। পার্থিব জীবনের সুখসম্পদের অধিকারিণী হইয়াও তিনি গৃহী-সন্ন্যাসিনীর জীবনযাপন করিয়া গিয়াছেন।




নববর্ষার আবাহন
শ্রীবীবেশচন্দ্র গঙ্গোপাধ্যায়

প্রবাসী পত্র, কলিকতা


Coch B



নিউ দিল্লীতে লোকসভার স্পীকার জি. ভি. মবলকার সহ সিংহল 'পারলামেন্টারি ডেলিগেশনে'র সদস্যগণ
(বাঁ দিক হইতে দ্বিতীয়) প্রতিনিধিদলের নেতা এলবার্ট এফ. পেরিজ



নিউ দিল্লীতে হাতে ছাপা ভারতীয় বয়ন-শিল্পের প্রদর্শনীতে ভারতের শিল্প ও বাণিজ্যমন্ত্রী শ্রী টি. টি. কুম্ভাচারী
(ছবির ডান দিকে) শ্রীমতী কমলাদেবী চট্টোপাধ্যায়



“সত্যম্ শিবম্ সুন্দরম্
নামমাশ্রয় বলহীনেন লভ্যঃ”

১৪শ ভাগ
১ম খণ্ড

আষাঢ়, ১৩৩১

৩য় সংখ্যা

বিবিধ প্রসঙ্গ

পশ্চিমবঙ্গের আয়তন বৃদ্ধি

বাঙালী মাতেই পশ্চিমবঙ্গের আয়তন বৃদ্ধি চাহেন। এই আকাঙ্ক্ষা কাহারও ক্ষেত্রে সৃষ্টি হইতে পারে না। স্বাভাবিক কারণেও জায়সঙ্গত কারণেও ভিত্তিতে স্থাপিত, কাহারও বা কেবলমাত্র অল্প সকল বিষয়ে বেরূপ স্বার্থচিন্তা থাকে সেইরূপ চিন্তাশ্রমিত। আবার এরূপ বহু লোক আছেন যাহাদের ঐ বিষয়ে চিন্তার অবকাশই নাই, শুধু মাত্র উচ্ছ্বসিত ভাবনার ধূম-কেনিল স্বপ্নের উপরেই তাঁহাদের ঐ ঈশ্বা ভাসিয়া বেড়ায়। বলা বাহুল্য, প্রথম শ্রেণীর লোক সংখ্যায় অতি সামান্য, দ্বিতীয় শ্রেণীর লোক অনেক বেশী এবং তৃতীয় শ্রেণীর লোকই বাঙালী সাধারণের অধিকাংশ।

সম্প্রতি পশ্চিমবঙ্গের সীমানার পরিবর্তনের ভাষাভিত্তিক দাবী কেন্দ্রীয় সীমান্ত পরিবর্তন কমিটিতে প্রেরিত হইয়াছে। দাবীর নথী (Memorandum) সম্পর্কে কোনও সমালোচনা এখন করা শুধু বৃথা নয়, বোধ হয় অসমীচীনও বটে। কেননা উহাতে প্রতিপক্ষের সুবিধা হইতে পারে। সুতরাং এইমাত্র বলা চলে যে, ঘাঁহারা প্রকৃতপক্ষে ঐ পুস্তকের বিষয়বস্তু রচনা ও যুক্তিতর্কের উপস্থাপন করিয়াছেন তাঁহারা আরও দুই-তিন জন সহকারী পাইলে হয়ত পশ্চিমবঙ্গের দাবি আরও সম্পূর্ণ ও দৃঢ় ভাবে গঠিত করিতে পারিতেন। আমরা জানি মাত্র দুই-তিন জন পূর্ণ মনোনিবেশ করিয়া ঐ কার্যে চেষ্টিত হইয়াছিলেন, অথবা তাঁহাদের সময় নষ্ট ও অলীক যুক্তি উপস্থাপন ভিন্ন বিশেষ কিছু করেন নাই। যাহাই হউক মোটের উপর কার্যফল মন্দ হয় নাই।

আর এক দল লোক সম্প্রতি করনাপ্রসূত ইচ্ছার ভেলায় ভাসিয়া ভাবোচ্ছ্বাসের তরঙ্গের সাহায্যে পূর্ব ও পশ্চিম-বঙ্গের মধ্যস্থ রাষ্ট্রীয় সীমানা উড়াইয়া দিতে চেষ্টিত হইয়াছিলেন। ইহাদের মধ্যে কলিকাতার এক দল সাংবাদিক ও ব্যবসায়ী নাগরিকই প্রধান অংশ গ্রহণ করিয়াছিলেন। তাঁহাদের উদ্দেশ্য ভাবোচ্ছ্বাসের সঙ্গে মৌলবী কজলুল হক পলচাত ও পূর্ব-পাকিস্থানের প্রায় আট শত পদস্থ নাগরিক বন্দী।

দোষের মধ্যে হক সাহেবের তাঁহাদের করনাপ্রসূত সাহায্য কিছু উপকরণ দিয়াছিলেন। তাহাকেই অতিরঞ্জিত করিয়া মিথ্যান-মারাজাল রচিত হয়।

ভারতবর্ষের স্বাধীনতার ইতিহাস সংকলন

কিছুদিন পূর্বে ভারত-সরকার ভারতবর্ষের স্বাধীনতা আন্দোলনের নির্ভরযোগ্য প্রামাণিক ইতিহাস সংকলনের জন্ত বিশেষজ্ঞদের লইয়া একটি কমিটি গঠন করিয়াছেন। এই উদ্দেশ্যে মালমশলা সংগ্রহের নিমিত্ত এই কমিটি যেমন চেষ্টা করিতেছেন, সেইরূপ ইউনিয়ন-সরকারের নির্দেশে বিভিন্ন রাজ্য-সরকারও যথোপযুক্ত মালমশলা সংগ্রহার্থে এক একটি কমিটি নিয়োগ করিয়াছেন। এই সকল কমিটি আবার গবেষক ও অনুসন্ধানকারী নিয়োগ দ্বারা এই কার্য করিতে অগ্রসর হইয়াছেন। পশ্চিমবঙ্গ রাজ্য-সরকারও একটি কমিটি গঠন করিয়াছেন। এই কমিটির পক্ষে কয়েকজন গবেষক নিযুক্ত হইয়াছেন বিভিন্ন সরকারী বিভাগ, বেসরকারী প্রতিষ্ঠান ও নেতৃবর্গের নিকট হইতে উপাদান সংগ্রহের জন্ত। এই বিষয়ে কতটা অগ্রসর হওয়া গিয়াছে তাহারও একটা ফিরিস্তি আমরা সম্প্রতি জানিতে পারিয়াছি। ভারতবর্ষের স্বাধীনতা আন্দোলন সূচনার তারিখ এক এক প্রদেশে এক এক প্রকার। তবে মোটামুটি ১৭৫৭ সনে পলাশীর যুদ্ধের সময় হইতে ইহার সূচনা বলিয়া ধরিয়া লওয়া হইতেছে। অষ্টাদশ শতাব্দীর সন্ন্যাসী বিদ্রোহ বা চুয়ার বিদ্রোহকে কি ইহার অন্তর্ভুক্ত করা হইবে? কিছুকাল পূর্বে আমাদের একজন মুসলমান বন্ধু জিজ্ঞাসা করিয়াছিলেন, টিপু সুলতানের যুদ্ধকে কি স্বাধীনতা সংগ্রাম বলিয়া ধরা হইবে না? পলাশীর যুদ্ধে আমাদের স্বাধীনতা অপহৃত হইয়াছে বটে, তবে ঐ সময়কে স্বাধীনতা আন্দোলনের ইতিহাসের সূচনা বলিয়া ধরা হইলে নানা বিপদ আছে এবং বিতর্কেরও উদ্ভব হইতে পারে।

এই প্রসঙ্গে আমরা কয়েকটি কথা স্পষ্ট করিয়া বলিতে চাই। বিদেশী রাজ্যলোলুপ ক্ষি দেশীয়দের সহায়ে নবাব সিরাজদ্দৌলাকে পলাশীর বগক্ষেত্রে চিরতরে হারাইয়া দেয় বটে, কিন্তু নবাবের নৃশংস অত্যাচার হেতু নেতৃস্থানীয় বাঙালীরা পূর্ব হইতেই তাঁহার উপরে তিক্ত বিরক্ত হইয়া উঠিয়াছিলেন এবং গোবিন্দরাম মিত্র প্রমুখ কতিপয় বাঙালী-প্রধান হাজার বিরুদ্ধে বিদ্রোহও করিয়াছিলেন।

বস্তুতঃ পক্ষে আমরা ‘স্বাধীনতা’ বলিতে যাহা কিছু বৃদ্ধি, তদ্বিবরক আন্দোলন শুরু হয় উনবিংশ শতাব্দীর প্রথম-পাদে। সমাজ, ধর্ম, রাষ্ট্রনীতি প্রভৃতি নানা বিষয়েই

সুগোপযোগী সংস্কারের বার্তা লইয়া ভারতবর্ষে-আবির্ভূত হইলেন রাজা রামমোহন রায়। তাঁহার পর প্রায় পঞ্চাশ বৎসর যাবৎ কলিকাতা শহরে প্রগতিশীল অর্থাৎ নিয়মতান্ত্রিক আন্দোলনসমূহ আরম্ভ হয়; তাহা ক্রমে সমগ্র দেশে, গ্রামে ও পল্লীতে ছড়াইয়া পড়ে। এই পঞ্চাশ বৎসরের মধ্যে, পলাশীর যুদ্ধের ঠিক এক শত বৎসর পরে, ১৮৫৭-৫৮ সনে যে সিপাহী বিদ্রোহ হয় তাহাকেও কেহ কেহ ভারতবর্ষের প্রথম স্বাধীনতা-সমর বলিয়া উল্লেখ করিয়া থাকেন। ইহা যে জরাজীর্ণ শতছিন্ন দিল্লীর বাদশাহী-তন্ত্রকে পুনরায় পূর্ক গৌরবে বসাইবার জগ্গই একটি মধ্যযুগীয় প্রচেষ্টা, যাহার সঙ্গে জনসাধারণের যোগ ছিল না বলিলেই চলে, সে কথা নিরপেক্ষ তথ্যাদর্শী ঐতিহাসিক মাত্রেই স্বীকার করিবেন। এই অভিমতের সমর্থনে আচার্য্য জে. বি. কৃপালনীর সাম্প্রতিক আলোচনার প্রতিও আমরা সকলের দৃষ্টি আকর্ষণ করিতেছি। শুধু ভাবালুতার বশবর্তী হইয়া সিপাহী বিদ্রোহকে প্রথম স্বাধীনতা সমর আখ্যা দিয়া আমরা যেন ঐতিহাসিক সত্য ও তথ্যকে ক্ষুণ্ণ এবং বিকৃত না করি।

বাংলার প্রায় সমসময়ে সাংস্কৃতিক ও রাজনৈতিক আন্দোলন মাত্রাজ এবং বোম্বাই শহরেও শুরু হয়, কিন্তু তাহা ছিল নিতান্তই প্রাদেশিক; নিখিল-ভারতীয় আদর্শ সমগ্র ব্রিটিশ ভারতের রাজধানী এই কলিকাতা শহর হইতে অগ্গা প্রদেশে বিচ্ছুরিত হয়। অষ্ট-শতাব্দীব্যাপী এই প্রয়াসের ফল—ভারতীয় গাশনাল কংগ্রেস প্রতিষ্ঠা। স্বাধীনতা আন্দোলনের ইতিহাস রচনাকালে এ কথাটা ভুলিলে চলিবে না। বাংলা দেশের এই সব আন্দোলন ক্রমে দুইটি ধারায় চলিতে থাকে: একটি আইনামুগ, অপরিচিষ্ট বৈপ্লবিক। এ সকল বিষয় সবিশেষ আলোচিত হইয়া পুস্তকে গল্পবিষ্ট হইবে এরূপ আশ্বাস পাওয়া গিয়াছে।

স্বাধীনতা আন্দোলনের ইতিহাসের উপাদান সম্পর্কেও দুই একটি কথা বলা আবশ্যিক। সরকারী ও বেসরকারী উভয় সূত্র সম্পূর্ণ ঘাটাই করিয়া তবে সত্য নিষ্কারিত করিতে হইবে। অবশ্য এ বিষয়েও আশ্বাস পাওয়া গিয়াছে। কতকগুলি বিষয় এখনও সরকারী দপ্তরখানায় এবং আইন-আদালতে মজুত রহিয়া গিয়াছে। সম্প্রতি আলিপুর বোমার মামলার নথিপত্র, মায় শ্রীঅরবিন্দের স্বহস্তলিখিত পত্র ও রচনাদি, কলিকাতায় প্রদর্শিত হইতেছে। এইরূপ বিভিন্ন ইতিহাস-প্রসিদ্ধ রাজনৈতিক ও বৈপ্লবিক মামলার বিবরণ আইন-আদালতের নথিপত্র হইতে সংগৃহীত হওয়াও প্রয়োজন। চট্টগ্রাম অস্ত্রাগার অধিকা এবং জালালাবাদ পাহাড়তলীতে সরকারী সেনাদের সঙ্গে বিপ্লবীদের সংগ্রাম সংক্রান্ত তথ্য হয়ত এখনও হাইকোর্টের বিশেষ দপ্তরে কিছু কিছু রহিয়া গিয়াছে। বিশ্বস্তসূত্রে অবগত হইয়াছি, নিজ বন্ধু দ্বারা লিখিত বিপ্লবীদের কোন কোন চিঠি হাইকোর্টে বিচারকালে প্রদর্শিতও হইয়াছিল। ইহার সন্ধান পাওয়া গিয়াছে কি? গুপ্ত পুলিশবিভাগে নয় শতাধিক ফাইল এখনও রহিয়াছে, যাহাতে বিপ্লবী ও অবিপ্লবী রাজনীতিক আন্দোলন এবং রাজনীতিক কর্মীদের বিবরণ লিপিবদ্ধ আছে।

বাংলাদেশে যে বিপ্লব আন্দোলন বর্তমান শতকের প্রথমে স্বদেশী আন্দোলনের পূর্বেই আরম্ভ হয় তাহা ক্রমে ভারতবর্ষে বিস্তৃত হয়। এই সকল আন্দোলনের উদ্দেশ্য ভারতবর্ষের স্বাধীনতা-লাভ। এই প্রসঙ্গে বঙ্গের অনুশীলন সমিতির নাম সর্ব্বাঙ্গে করিতে হয়। সূত্রের বিষয়, সরকারী ও বেসরকারী সূত্রে আজ এই সমিতি ও অনুরূপ প্রতিষ্ঠানসমূহের ষথায়থ ইতিহাস লিপিবদ্ধ হইবার অনেকটা সুরোগ ঘটয়াছে। গুপ্ত সমিতির কোনকম লিখিত বিবরণ না থাকায় সে সম্বন্ধে খুব সতর্কতার সহিতই স্বাধীনতার ইতিহাস-রচয়িতাদের অর্ধসর হইতে হইবে।

এখানে আর একটি বিষয়ও স্বাধীনতার ইতিহাস-রচয়িতাদের বিশেষ স্মরণ রাখিতে হইবে: ভারতের বিপ্লব আন্দোলন বহু চিন্তাবীর মনীষীর চিন্তা ও সাধনাপ্রসূত। দাদাভাই নোরজী, এ. ও. হিউম প্রমুখ নেতৃত্বগের পরিচালিত কংগ্রেসের নিয়মামুগ আন্দোলন যে আমাদের স্বাধীনতা আনিবার পক্ষে মোটেই যথেষ্ট ছিল না, শ্রীঅরবিন্দ প্রমুখ চিন্তানায়কেরা ইহা বুঝিয়াছিলেন এবং শক্তি-সাধনায় প্রবৃত্ত হইয়াছিলেন। এই শক্তি-সাধনা ক্রমে বিপ্লব-আন্দোলন নামেই আখ্যাত হয়। এই শক্তি-সাধনার মধ্যে যে কতখানি সার্থকতা নিহিত আছে তাহা পরবর্তীকালে গান্ধীজী-প্রবর্তিত ভারত ছাড় আন্দোলন এবং ভারতবর্ষের স্বাধীনতা প্রতিষ্ঠার নিমিত্ত নেতাজী সুভাষচন্দ্রের পরিচালনায় আজাদ হিন্দ ফৌজ গঠন ও ব্রিটিশ শক্তির বিরুদ্ধে সংগ্রামই তাহার প্রমাণ। ঐতিহাসিকের দৃষ্টিতে এই বিপ্লব-আন্দোলনের সার্থকতা আজ দিবালোকের মতই সুস্পষ্ট। শেষোক্ত সংগ্রাম না হইলে আমাদের স্বাধীনতা হয়ত আরও বিশ বৎসর বিলম্বিত হইত।

প্রতিটি রাজ্যে যে সব মালমশলা সংগৃহীত হইতেছে, নিখিল-ভারতীয় ইতিহাস রচনায় তাহা ব্যবহৃত হইবে বটে, কিন্তু প্রত্যেক রাজ্যের আলাদা বিশদ ইতিহাস রচনায়ও রাজ্য-সরকারসমূহ ইচ্ছা করিলে এ সকল ব্যবহার করিতে পারিবেন। ভারতের পূর্ক প্রাপ্তব, বিশেষতঃ বাংলাদেশের এই সকল মালমশলা সংগ্রহের জগ্গ কেন্দ্রীয় সরকার বিশেষ কিছু অর্থসাহায্য করিতেছেন না। ১৯৫৩ সনের ১লা আগষ্ট হইতে এ বিষয়ে বাংলায় কার্য্য আরম্ভ হইয়াছে। পশ্চিমবঙ্গ সরকার রাজ্য-কমিটি মাফকত গবেষক ও অনুসন্ধান-কারীদের বেতন-ভাতা এবং আনুষঙ্গিক ব্যয় পূরাপূরি বহন করিতেছেন। গত বৎসরে তাঁহারা দিয়াছেন দশ হাজার টাকা; এবারে তাঁহারা দিবেন কুড়ি হাজার টাকা। আশা করা যায়, বর্তমান বৎসরের মধ্যে মালমশলা সংগৃহীত হইয়া ১৯৫৫ সনের শেষ নাগাদ ভারতের স্বাধীনতা আন্দোলনের ইতিহাস পুস্তকাকারে প্রকাশিত হইবে। ভারত-সরকার এবং রাজ্য-সরকার জনসাধারণের নিকটও উপাদানাদি সংগ্রহে সাহায্য চাহিয়া আবেদন জানাইয়াছেন।

পশ্চিমবঙ্গে জমিদারী বিলোপ

আমরা জমিদার নহি এবং জমিদারের সপক্ষে বা বিপক্ষে বলিবার কোনও ব্যক্তিগত কারণ আমাদের নাই। তাহা সত্ত্বেও এই নূতন বাবস্থা চলিবার বিষয়ে আমরা নিরুদ্বেগ নহি।

জমিদারদিগের কি হইবে তাহা আমাদের চিন্তার কারণ নহে। যে শ্রেণীর লোক নিজেদের সপক্ষে কিছু বলিতেও অপারগ তাহাদের স্থান বর্তমান জগতে নাই। ইহাদের পূর্বপুরুষের মধ্যে অনেক কৃতী ও জনহিতৈষী লোক ছিলেন, যাঁহারা দেশের ও দেশের অশেষ উপকার করিয়া গিয়াছেন, যথা : মহারাজা মণীন্দ্রচন্দ্র নন্দী। তাহাদের স্মরণ করিয়াই সে প্রসঙ্গে শেষ করি। আমাদের চিন্তার প্রধান কারণ জমিদারীতে নিযুক্ত সপরিবার ৮৫ হাজার লোক ও নানকল্পে আজও দেড় দুই লক্ষ পরিবার যাঁহারা জমিদার আশ্রিত বা প্রতিপালিত তাহাদের কি হইবে ?

১৩৬২ সনের ১লা বৈশাখ পশ্চিমবঙ্গের সমস্ত জমিদারী ও মধ্যস্থত্ব রাজ্য সরকারের দখলে আসিতেছে। এই জমিদারী দখলের ব্যাপক ও জটিল কার্য সুসম্পন্ন করার জন্ত সরকার এখন হইতেই উদ্যোগ আয়োজন আরম্ভ করিয়াছেন। ১৩৬১ সনের ৩১শে চৈত্রের মধ্যে এই রাজ্যের ২৫ হাজার জমিদারী ও ১৩১৪ লক্ষ মধ্যস্থত্ব ভোগীর জমি বাস্তবায়ন করার ব্যবস্থার জন্ত রাজ্য মন্ত্রীসভা ১৯৫৪-৫৫ সনের জন্ত ১৬ লক্ষ টাকা মঞ্জুর করিয়াছেন।

জমিদারী গ্রহণ কার্য আরম্ভের জন্ত প্রয়োজনীয় কর্মচারী নিয়োগেরও ব্যবস্থা হইয়াছে। ৪ জন ডেপুটি কালেক্টর, ২৮ জন সাব-ডেপুটি কালেক্টর, ৬০ জন সেটেলমেন্ট কানুনগো, ৬০৪ জন তহশীলদার, ২৮৪ জন কেবালী, ১১৫৯ জন পিওন, আদালতী প্রভৃতি নিযুক্ত করা হইবে বলিয়া স্থির হইয়াছে। পাণ্ডদপ্তরের উন্নত কর্মচারী ও বিভিন্ন জমিদারের কার্যে নিযুক্ত কর্মচারীদের মধ্য হইতে এই লোক নিয়োগ করা হইবে। আনুমানিক হিসাবে দেখা গিয়াছে যে, জমিদারীর কাজে প্রায় ৮৫ হাজার লোক নিযুক্ত আছে।

গত ২৭শে জ্যৈষ্ঠ পশ্চিমবঙ্গ মন্ত্রীসভার এক বৈঠকে জমিদারী সরকারী কর্তৃত্বে আনার সর্বস্বত্ব ব্যবস্থা গ্রহণের কাজ আরম্ভ করার প্রাথমিক কর্মসূচী লইয়া আলোচনা হয়। ১৯৫৩ সনের পশ্চিমবঙ্গ জমিদারী দখল আইন অনুযায়ী ১৯৫৫ সনের ১৫ই এপ্রিল (বাংলা ১৩৬২ সনের ১লা বৈশাখ) রাজ্যের সমস্ত জমিদারী ও মধ্যস্থত্বভোগীর জমি সরকারের দখলে আসিবে। এখন পর্যন্ত হিসাব করিয়া দেখা গিয়াছে যে, সরকারকে ৮০১৯০ লক্ষ বাস্তব পাঞ্জনা আদায় করিতে হইবে। ১৩৬১ সনের ৩১শে চৈত্রের মধ্যে সমস্ত জমিদার ও মধ্যস্থত্বভোগীকে আইন অনুযায়ী নোটিশ দেওয়া, জমাজমির হিসাব তৈয়ারী করা, পাঞ্জনা আদায়ের ব্যবস্থা প্রভৃতি নানাবিধ বিরাট ও জটিল কাজ সরকারকে শীঘ্রই আরম্ভ করিতে হইবে। এই কাজের জন্ত কর্মচারীদের ট্রেনিং দেওয়ার ব্যবস্থাদি করিতে হইবে। ইহা ছাড়া জেলা ও মহকুমা সদরে লোকজন নিয়োগের ব্যবস্থাদি ইতিমধ্যে শেষ করিতে হইবে। রাজ্য সরকার ১৯৫৪-৫৫ সালে এই কাজ বাবদ মোট ১৬ লক্ষ টাকা মঞ্জুর করিয়াছেন। রাজ্যের জমিদারী দখলের জন্ত প্রয়োজনীয় সেটেলমেন্ট কার্য নিষ্পন্ন করার নিমিত্ত পূর্বেই ১ কোটি ১৭ লক্ষ ৭৭ হাজার টাকা মঞ্জুর করা হইয়াছে।

কেসি-নেহরু সংবাদ

অষ্ট্রেলিয়ার পররাষ্ট্রমন্ত্রী মিঃ আর. জি. কেসি জেনেভার পথে নয়া দিল্লী হইয়া গিয়াছেন। তাহার সমাচার নিম্নস্থ সংবাদে আছে :

“নয়া দিল্লী, ১০ই জুন—আজ পররাষ্ট্র দপ্তরে প্রধানমন্ত্রী শ্রীজবাহরলাল নেহরুর সহিত অষ্ট্রেলিয়ার পররাষ্ট্রমন্ত্রী মিঃ আর. জি. কেসির যে আলাপ-আলোচনা হইয়াছে, দিল্লীর রাজনৈতিক ও কূটনৈতিক মহল তাহার উপর বিশেষ গুরুত্ব আরোপ করিতেছেন।

মিঃ কেসি দূর-প্রাচ্য সংক্রান্ত সম্মেলনে যোগদানের নিমিত্ত জেনেভা গমনের পথে ঐ স্থানে আগমন করেন। তিনি যে নির্দিষ্ট কোনও প্রস্তাব লইয়া চলিয়াছেন, এ কথা তিনি অস্বীকার করেন, কিন্তু পালাম বিমান ঘাঁটিতে উপনীত হইয়া তিনি বলেন, ‘ইন্দো-চীন সমস্যা সম্পর্কে অষ্ট্রেলিয়ার একটি নিজস্ব মনোভাব আছে। এই মনোভাব প্রধানমন্ত্রী শ্রীনেহরুর মনোভাবের অনেকটা অনুরূপ। ইন্দো-চীনে যুদ্ধবিঘ্নিত তত্ত্বাবধায়ক কমিশন নিয়োগ সম্পর্কে কমিউনিষ্ট ও অ-কমিউনিষ্ট মতবাদের মধ্যে সামঞ্জস্য বিধান করিয়া লইতে হইবে।’

রাজনৈতিক পর্যবেক্ষকগণ শ্রীনেহরুর মতামতের বিষয় এই প্রসঙ্গে স্মরণ করিতেছেন। শ্রীনেহরু বলিয়াছিলেন যে, দক্ষিণ-পূর্ব এশিয়ার কোনও মীমাংসা করিতে হইলে চীনাগণ ও পাশ্চাত্য শক্তি-বর্গের উভয় পক্ষ সম্মত ভিত্তিতেই তাহা সম্পাদন করিতে হইবে, তথাকথিত ‘প্রতিরক্ষা সংক্রান্ত মৈত্রী চুক্তির ফলস্বরূপ’ মীমাংসা করিলে চলিবে না।

ইন্দো-চীনে অবলম্বনীয় কর্মসূচী সম্পর্কে যদি উভয় পক্ষ সম্মত মীমাংসার সূত্র গৃহীত হয়, তাহা হইলে এই সূত্র প্রাচ্য ও পাশ্চাত্যের মধ্যে স্থিতাবস্থা অব্যাহত রাখার জন্ত দক্ষিণ-পূর্ব এশিয়ার অগাধ অংশেও প্রয়োগ করা যাইবে। এই প্রকার মীমাংসার সূত্রের সহিত যুক্ত থাকিতে ভারতেরও কোনও অসুবিধা হইবে না।

কমনওয়েলথভুক্ত দেশগুলিতে ইন্দো-চীন সম্পর্কে যে ক্রমবর্ধমান ‘সাধারণ আদর্শ ও উদ্দেশ্য’ দেখা দিয়াছে, তাহার পরিপ্রেক্ষিতে শ্রীনেহরুর সহিত অষ্ট্রেলীয় পররাষ্ট্রমন্ত্রী মিঃ আর. জি. কেসির আলোচনা বিশেষ গুরুত্ব অর্জন করিয়াছে। জেনেভায় ব্রিটিশ পররাষ্ট্র-মন্ত্রী মিঃ এন্টনী ইডেনের মীমাংসা প্রচেষ্টা এবং সেই সময়ে উক্ত নগরীতে শ্রীকৃষ্ণ মেননের উপস্থিতিতে যে রাজনৈতিক মতের প্রাবল্য দেখা দিয়াছিল, ইন্দো-চীনে মীমাংসার ব্যাপারে শ্রীনেহরুর তথা ভারতের মন্তব্য তৈরি উচিত—মিঃ কেসির এই মত তাহারই প্রতিধ্বনি বলিয়া বিশেষজ্ঞ মহল মনে করেন।”

মার্কিন রাষ্ট্রের বুদ্ধিহীন কার্যকলাপে ভারতের দ্বারে যে নূতন বিপদের আশঙ্কা দেখা দিয়াছে সে সম্পর্কে মিঃ কেসি কিছু গুনিয়া গিয়াছেন কিনা আমরা বুঝিলাম না। যাহার গৃহদ্বারে বিপদ ঘনাইয়া আসিবার চিহ্ন দেখা দিয়াছে সে অপরের বগড়া মিটাইবার জন্ত দূরদেশে জড়াইয়া পড়িবে কোন্ বুদ্ধিতে, সে বিষয়ে উপযুক্ত বিশেষজ্ঞমহল কি বলেন ?

পূর্ব-পাকিস্তান ও আমেরিকা

পূর্ববঙ্গে হক মন্ত্রীসভার পদচ্যুতি সম্পর্কে ৩রা জুন এক সম্পাদকীয় মন্তব্যে “চিত্তবাদ” পত্রিকা লিখিতেছেন যে, হক মন্ত্রীসভার পদচ্যুতির পিছনে আমেরিকার চাপ আছে বলিয়া যে সকল সংবাদ প্রকাশিত হইয়াছে সেই প্রসঙ্গে পূর্ববঙ্গের নূতন গভর্নর হিসাবে মেজর জেনারেল ইন্সদর মির্জার নিয়োগও বিশেষ তাৎপর্যপূর্ণ। জেনারেল মির্জা যখন পাকিস্তানের প্রতিরক্ষা সচিব ছিলেন তখন পাক-মার্কিন সামরিক চুক্তি এবং পাক-ভূত্ব চুক্তি সম্পাদনে তিনি বিশেষ গুরুত্বপূর্ণ এবং সক্রিয় ভূমিকা অবলম্বন করিয়াছিলেন। পূর্ববঙ্গ হইতে এইরূপ সামরিক চুক্তির বিরুদ্ধে প্রবল প্রতিবাদ জানান হইয়াছিল। নির্বাচনে যুক্তফ্রন্টের জয়লাভেও সেই প্রতিবাদেরই প্রতিফলন দেখা গিয়াছিল। এই অবস্থায় সামরিক চুক্তির অল্পতম সমর্থককে গভর্নর করিয়া পাঠানোর পশ্চাতে কোন তাৎপর্য নাই মনে করা যায় না।

পূর্ব-পাকিস্তানের ঘটনাবলী হইতে আর একটি দিকের প্রতি সকলের দৃষ্টি আকৃষ্ট হইয়াছে। মার্কিন যুক্তরাষ্ট্র সকল সময়েই বলে যে, কমিউনিজমের বিরুদ্ধে গণতন্ত্রকে সমর্থন করাই তাহার নীতি। বস্তুতঃ আমেরিকা ঘোষণা করিয়াছে যে, কমিউনিজমের অগ্রগতি রোধ করিয়া গণতন্ত্রকে শক্তিশালী করিবার জন্যই তাহাদের সামরিক সাহায্য দানের কল্পনয়া গৃহীত হইয়াছে। কিন্তু পাকিস্তানে কি গণতন্ত্র আছে? কয়েকটি সংশোধনসহ ১৯৩৫ সনের পুরাতন ভাবত শাসন আইন এখনও পর্য্যন্ত পাকিস্তানে বলবৎ রহিয়াছে; এখনও সেখানে কোন নূতন শাসনতন্ত্র গৃহীত হয় নাই। উক্ত আইনের বলে গবর্নর-জেনারেল যে কোন মন্ত্রীসভাকে গদীচ্যুত করিতে পারেন। ব্রিটিশ রাজত্বে গবর্নর জেনারেল মাত্র একবার এই ক্ষমতা ব্যবহার করিয়াছিলেন যখন দ্বিতীয় মহাযুদ্ধের সময় সিদ্ধি আল্লাবক্স মন্ত্রীসভাকে বরণাস্ত করা হয়। কিন্তু পাকিস্তান সৃষ্টির পর করাচীর শাসকচক্রের অপ্রিয় বিভিন্ন জনপ্রিয় মন্ত্রীসভাকে গদীচ্যুত করা নিতানৈমিত্তিক ঘটনায় পরিণত হইয়াছে। উত্তর-পশ্চিম সীমান্ত প্রদেশে থানসাহেব মন্ত্রীসভা, পশ্চিম পঞ্জাবে মামদোত মন্ত্রীসভা, সিদ্ধিতে খুরো মন্ত্রীসভা, কেজে নাজিমুদ্দীন মন্ত্রীসভা এবং সর্বশেষে পূর্ব-পাকিস্তানে হক মন্ত্রীসভাকে গবর্নর-জেনারেল ক্ষমতাচ্যুত করিয়াছেন। ইহাতে কি পাকিস্তানে গণতন্ত্রের অস্তিত্বের পরিচয় পাওয়া যায়? “মুখে গণতন্ত্রের মহান সমর্থক বলিয়া প্রচার করিলেও পাকিস্তানের সচিব মিলিত হইয়া আমেরিকা কি গণতন্ত্রের সমাধি রচনায় সাহায্য করিতেছে না?”

নারায়ণগঞ্জে আদমজী মালো দাঙ্গা

পূর্ব-পাকিস্তানের নারায়ণগঞ্জে আদমজী পাটকলে দাঙ্গার ফলে প্রায় পাঁচ শতাধিক লোক নিহত এবং তাহারও বেশী লোক আহত হয়। এই দাঙ্গার উদ্ভব সম্পর্কে আলোচনা করিয়া অধিসাপ্তাহিক

“ওয়ারতান” (১০ই জ্যৈষ্ঠ) এক সম্পাদকীয় মন্তব্যে লিখিতেছেন, “এইরূপ একটি শোচনীয় ঘটনা একদিনে ঘটিতে পারে না। ইহা একটি সুপরিকল্পিত অভিবান এবং এখানে কোন বিশেষ স্বার্থের প্রশ্ন সুপরিকল্পিত ভাবে কাজ করিয়াছে।” পত্রিকাটির মতে, অবাকালীদের প্রভুত্বপ্রিয়তা এবং বাঙ্গালীকে স্তম্ভের না দেখিবার অভ্যাসই এই শোচনীয় দাঙ্গার কারণ। “ওয়ারতান” লিখিতেছেন: “ব্যক্তিগতভাবেও আমাদের যে অভিজ্ঞতা জাগিয়াছে তাহা হইতে একথা বলিতে পারা যায় যে, নানাফেত্রে অবাকালীরা বাঙ্গালীদের উপর প্রাধিকার বিস্তার করিতে এবং অতি সাধারণ ব্যাপারেও তাহাদের শোষণ করিতে কার্পণ্য করে নাই। মুসলীম লীগের প্রাধিকারের সময় উহার কোন প্রতিকার হয় নাই। সুতরাং ইহা স্বাভাবিক যে লীগ শাসনের পতনের পর অবাকালীদের সেই স্বার্থের প্রশ্ন বিয়িত হইবার আশঙ্কায় তাহারা উত্তেজিত হইতে পারে এবং বাঙ্গালীদের মনেও নূতন আশার সঞ্চার হওয়া স্বাভাবিক।”

হক মন্ত্রীমণ্ডলী সম্প্রসারিত হইবার পরফণেই এই বীভৎস দাঙ্গার সঙ্ঘটন বিশেষ তাৎপর্যপূর্ণ। একজন মন্ত্রীর প্রাণপণ চেষ্টাতেও দাঙ্গা প্রতিরোধ করা সম্ভব হইল না। মিলের মধ্যে বহু-সংখ্যক পুলিশ থাকা সত্ত্বেও নারী এবং শিশুসহ পাঁচ শত লোকের হত্যা ও অনুরূপসংখ্যক লোককে আঘাতের হাত হইতে রক্ষা করা গেল না। “জনতাকে নিরস্ত করিবার নামে কারণে অকারণে গুলি চালাইতে অভ্যস্ত পুলিশ সেদিন একটি বুলেটও নিক্ষেপ করিল না—অথচ গুপ্তার দল আগ্নেয়াস্ত্র হইতে আরম্ভ করিয়া সব অস্ত্রই ব্যবহার করিতে পারিল। সেই সব কোথা হইতে রাতারাতি আমদানী হইল? তারপর তথা হইতে বাহির হইয়া গ্রামের উপরেও উত্তেজিত হস্তীর দল চড়াও করিল এবং আগুন দিয়া হত্যা করিল। এই সকল ঘটনা পর্যালোচনা করিলে কি এত বড় একটা ঘটনার জন্য একটি নরহত্যার উদ্ভেজনার ফলে রাতারাতি প্রস্তুতি সম্ভব বলিয়া মনে হইতে পারে? অতঃপর অবাকালীদের প্রত্যেকের বাহুতে কাল ফিতা এবং গৃহলীর্ষে কাল নিশান উড়ুটীন করাও কি অর্থবাহক নহে? প্রভুত্বপ্রিয় অবাকালীরা বাঙ্গালীদের মুখখোলার বিরুদ্ধে একটা চরম শিক্ষা দিবার মানসিকতা লইয়াই যে এই বীভৎস কাণ্ড করিয়াছিল এই সকল ঘটনা বিশ্লেষণ করিয়া তাহাই আমাদের মনে হইতেছে।”

দাঙ্গার ফলে যুক্ত ফ্রন্ট মন্ত্রীসভার বিরুদ্ধে অনাস্থা প্রকাশ পাইয়াছে এই যুক্তি গণন করিয়া “ওয়ারতান” লিখিতেছেন যে, নির্বাচনেই অনাস্থা-অনাস্থার প্রশ্ন চূড়ান্ত ভাবে নির্ধারিত হইয়াছিল। যদিও মন্ত্রীসভার প্রতি কাহারও অনাস্থা থাকিয়া থাকে তবে তাহা মুষ্টিমেয় লীগপন্থীদেরই ছিল। “সুতরাং অনাস্থা প্রকাশের জন্য যদি দাঙ্গার প্রয়োজন কেহ বোধ করেন তবে তাহা হইবে। অতএব এইরূপ কোন পরিকল্পনা তাহাদের ছিল কিনা সে কথা একমাত্র তাহা হই বলিতে পারেন। অপরের পক্ষে তাহা বলা সম্ভব নয়।

কমিউনিষ্টরা এই দাঙ্গা সৃষ্টি করিয়াছেন বলিয়া প্রধান মন্ত্রী মহম্মদ আলী বাহা বলিয়াছেন তাহার বিজ্ঞপ্তি করিয়া পত্রিকাটি বলিতেছেন, “যদি এইরূপ তথ্যাদি পূর্ব হইতেই করাচীতে পুঞ্জীভূত হইয়া উঠিতেছিল তাহা হইলে কেন পূর্ব হইতেই প্রতিরোধ-বাবস্থা হয় নাই? করাচী কি তবে নাবায়গঞ্জের এই হত্যাকাণ্ডের জন্য অপেক্ষা করিতেছিল?”

পূর্বপাকিস্তানে হক মন্ত্রীসভার পদচ্যুতি

৩০শে মে পাকিস্তানের কেন্দ্রীয় সরকার পূর্ব-পাকিস্তানের হক মন্ত্রীসভাকে পদচ্যুত করিয়া সেখানকার শাসনভার স্বহস্তে গ্রহণ করেন এবং পূর্বপাকিস্তানের গবর্নর চৌধুরী খালিকুজ্জমানকে অপসারিত করিয়া পাকিস্তানের প্রতিরক্ষা সচিব মেজর-জেনারেল ইকবাল মির্জাকে তথাকার গবর্নর করিয়া পাঠান। ঐ তারিখের পাকিস্তান গেজেটের এক অতিরিক্ত সংখ্যায় কেন্দ্রীয় সরকারে ঐরূপ সিদ্ধান্তের সংবাদ প্রকাশ করিয়া বলা হয় যে, পূর্ব-পাকিস্তানের আইনসভাকে বাতিল করা হয় নাই এবং স্বাভাবিক অবস্থা ফিরিয়া আসিলেই পুনরায় সেখানে জনপ্রিয় মন্ত্রীমণ্ডলীর হস্তে শাসনভার প্রত্যর্পণ করা হইবে।

কেন্দ্রীয় সরকারের এই সিদ্ধান্ত প্রকাশিত হইবার সঙ্গে সঙ্গেই পূর্ব ও পশ্চিম পাকিস্তানে ব্যাপক ধরপাকড়ের তিড়িক পড়িয়া যায় এবং ১১ই জুন পর্যন্ত ১৯ জন আইনসভার সদস্যসহ ৮২৩ জনকে গ্রেপ্তার করা হয়। ইহাদের মধ্যে কয়েকজন বিশিষ্ট ডাক্তার, সাংবাদিক এবং শিক্ষাবিদও রহিয়াছেন। পূর্ব-পাকিস্তান আওয়ামী লীগের সম্পাদক এবং হক মন্ত্রীসভার সমবায় মন্ত্রী ক্রীমুজিবুর রহমানকে গ্রেপ্তার করা হয় এবং মৌলবী ফজলুল হককে স্বগৃহে অন্তরীণ করা হয়। পূর্ব-পাকিস্তানের আওয়ামী লীগের সভাপতি মৌলানা আবদুল হামিদ ভাসানীর বিরুদ্ধেও গ্রেপ্তারী পরোয়ানা জারী করা হয়। তিনি বর্তমানে বিশ্বশান্তি সংসদের অধিবেশনে যোগদানের জন্য ইউরোপে আছেন।

গবর্নরী শাসন শুরু হইবার পর হইতে পূর্ব পাকিস্তানের জনমত বিশেষ ক্ষুব্ধ হইলেও অবস্থা শাস্ত হই থাকে, কিন্তু তৎসঙ্গেও গ্রেপ্তার চলিতে থাকে। কয়েকটি সংবাদপত্রের উপর পূর্বনিয়ন্ত্রণ বাবস্থা প্রবর্তিত হয়; ১১ই জুন এই আদেশ প্রত্যাহার করা হইয়াছে। পূর্ব পাকিস্তানের প্রায় প্রত্যেক শহরে মিলিটারী টহল দিতে থাকে। ১৪৪ ধারা জারী করা হয় এবং সমস্ত প্রকার সভা শোভা-যাত্রার উপর নিষেধাজ্ঞা ঘোষিত হয়। যাহাতে কোন প্রকার ছাত্র আন্দোলন না হইতে পারে সেজন্য সকল স্কুল-কলেজ বন্ধ করিয়া দেওয়া হইয়াছে। নবনিযুক্ত গবর্নরের আশ্বাস সত্ত্বেও ৬ই জুন যুক্ত ফ্রন্টের সভা করিতে দেওয়া হয় নাই।

হক মন্ত্রীসভাকে পদচ্যুত করার সঙ্গে সঙ্গেই পাকিস্তানের প্রচার ও বেতার বিভাগের ভার শোয়াইউব কুরেশীর নিকট হইতে প্রধান-মন্ত্রী মহম্মদ আলী স্বহস্তে গ্রহণ করেন। ৩০শে মে এক বেতার বক্তৃতায় মহম্মদ আলী বলেন, পাকিস্তান সরকারের নিকট যে

সকল সংবাদ পৌছিয়াছে তাহাতে দুইটি জিনিস বিশেষ পরিকাররূপে বুঝা গিয়াছে। প্রথমতঃ পূর্ব-পাকিস্তানে শত্রুর চরম পাকিস্তানের ঐক্য ধ্বংস করিবার কার্যে ব্যাপৃত রহিয়াছে। তাহার মুসলমানকে মুসলমানের বিরুদ্ধে এবং প্রদেশকে কেন্দ্রের বিরুদ্ধে উদ্বানি দিয়া পাকিস্তানের অস্তিত্ব বিপন্ন করিয়াছে। দ্বিতীয়তঃ স্পষ্টই দেখা গিয়াছে যে, হক মন্ত্রীসভা এই সকল চক্রান্তকারীকে দমন করিতে অক্ষম অথবা অনিচ্ছুক। তিনি আরও বলেন যে, কমিউনিষ্টরা পূর্ব-পাকিস্তানে ধুবই তৎপর হইয়া উঠিয়াছে এবং কেন্দ্রীয় সরকার কঠোর হস্তে তাহাদিগকে দমন করিবেন।

৫ই জুন ঢাকায় এক সাংবাদিক সাক্ষাৎকার প্রসঙ্গে নবনিযুক্ত গবর্নর জেনারেল মির্জা বলেন, বর্তমানে অবস্থা শান্ত থাকিলেও কোনরূপ গণ্ডগোল দেখা দিলে তিনি তৎক্ষণাতঃ সামরিক আইন জারী করিতে বিধা করিবেন না। তিনি বলেন যে, প্রদেশের সর্বত্র প্রয়োজনীয় সৈন্য মোতায়েন করা হইয়াছে। তিনি আরও স্বরণ করাইয়া দেন—পূর্বপাকিস্তানে চল্লিশ হাজার পুলিশ আছে।

কমিউনিষ্টদের বিরুদ্ধে কঠোর দমননীতি চালাইবার সঙ্কল্প প্রকাশ করিয়া জেনারেল মির্জা বলেন, সকলপ্রকার শ্রমিক আন্দোলন তাহার সর্বশক্তি প্রয়োগ করিয়া দমন করিবেন। কোন শিল্পপ্রতিষ্ঠানে শ্রমিকদের মধ্যে বিশৃঙ্খলা দেখা দিলে সেই প্রতিষ্ঠান বন্ধ করিয়া দেওয়া হইবে। যে সকল শিল্পপ্রতিষ্ঠানে পাঁচ হাজারের অধিক শ্রমিক কাজ করে সেই সকল প্রতিষ্ঠান হইতে কমিউনিষ্টদের বিতাড়িত করিবার জন্য “ক্লিনিং বোর্ড” গঠন করা হইবে। ঐ সকল প্রতিষ্ঠানকে সংরক্ষিত বলিয়া ঘোষণা করা হইবে এবং শ্রমিকদিগকে স্ব স্ব প্রতিকৃতি সহ পাসপোর্ট দেখাইয়া কাজে যোগদান করিতে দেওয়া হইবে। ছোট ছোট প্রতিষ্ঠানগুলিতে কমিউনিষ্টরা যাহাতে প্রবেশ করিতে না পারে তাহার জন্য ম্যানেজারদের দায়ী করা হইবে।

পূর্ব-পাকিস্তান আওয়ামী লীগের সভাপতি এবং যুক্ত ফ্রন্ট দলের অন্যতম নেতা মৌলানা আবদুল হামিদ ভাসানী ৩১শে মে লণ্ডন হইতে এক বিবৃতিতে বলেন যে, পাকিস্তান সরকার কর্তৃক হক মন্ত্রীসভার পদচ্যুতি গণতান্ত্রিক ব্যবস্থার ইতিহাসে অভূতপূর্ব ঘটনা। তিনি বলেন, পূর্ব-পাকিস্তানে যে সকল দাঙ্গা হইয়াছে তাহার জন্য দায়ী মুসলিম লীগ এবং প্রধানমন্ত্রী মহম্মদ আলী। এক জন সামরিক বিভাগীয় ব্যক্তিকে গবর্নর নিযুক্ত করায় তিনি দুঃখ প্রকাশ করেন। তিনি বলেন যে, কমিউনিষ্টরা পূর্ব-পাকিস্তানের একটি দল; কিন্তু তাহার যুক্ত ফ্রন্ট নাই।

আওয়ামী লীগের নেতা মিঃ সুরাবর্দী হক মন্ত্রীসভার পদচ্যুতিতে “চরম দুঃখ” প্রকাশ করেন বলিয়া করাচী আওয়ামী লীগের সভাপতি মিঃ এম. এইচ. উসমানী ১লা জুন এক বিবৃতি দেন। ৫ই জুন এক বিবৃতিতে মিঃ সুরাবর্দী স্বয়ং অমুরূপ দুঃখ প্রকাশ করিয়া বলেন, গণতন্ত্রের ইতিহাসে নিকরচনের অব্যবহিত পরেই মন্ত্রীসভাকে এইভাবে বাতিল করিয়া দেওয়া অভূতপূর্ব।

উত্তর-পশ্চিম সীমান্ত প্রদেশের আওয়ামী লীগের সভাপতি, মানকী শরীফের পীর পাকিস্তান সরকারের এই ব্যবহারকে “বধেচ্ছা-চার” বলিয়া নির্দী করেন। পেশোয়ারে অনুষ্ঠিত এক জনসভায় বক্তৃতাদানকালে তিনি বলেন যে, হক মন্ত্রীসভা হয়ত ভুল করিয়া থাকিতে পারে; কিন্তু বিচারালয়ে তাহাদের দোষ সাব্যস্ত হয় নাই।

বিগত মে মাসের মাঝামাঝি পূর্ব-পাকিস্তানের নারায়ণগঞ্জে অবস্থিত আদমজী পাটকলে বাঙালী ও অবাঙালী মুসলমান শ্রমিক-দের মধ্যে এক দাঙ্গার ফলে প্রায় ৫০০ লোক নিহত এবং ১০০০ হাজার লোক আহত হয়। দাঙ্গার জগ্ন কেন্দ্রীয় সরকার হক মন্ত্রী-সভায় উপর দোষাবোপ করেন এবং বলেন যে, কমিউনিষ্টরাই এই দাঙ্গার জগ্ন দায়ী। মৌলানা ফজলুল হক এক বিবৃতিতে কেন্দ্রীয় সরকারের কঠোর সমালোচনা করিয়া বলেন যে, কমিউনিষ্টরা কোন-ক্রমেই জুর্টমিলের দাঙ্গার জগ্ন দায়ী নয়। তিনি দাঙ্গার জগ্ন মুসলিম লীগ এবং কেন্দ্রীয় সরকারের গৃহীত নীতিকেই দায়ী করেন। তখন কেন্দ্রীয় সরকার মৌলবী হক ও তাঁহার পাঁচ জন সহকর্মীকে করাচীতে ডাকিয়া পাঠান। করাচীতে হক এবং মহম্মদ আলীর মধ্যে যে সাক্ষাৎকার হয়, তাহাতে হক সাহেব পূর্ববঙ্গের জগ্ন প্রাদেশিক স্বায়ত্ত শাসন দাবী করেন। কিন্তু কেন্দ্রীয় সরকার তাহাতে অস্বীকৃত হইয়া মন্ত্রীসভাকে পদচ্যুত করিয়া তথায় গবর্নরী শাসন প্রবর্তন করিয়াছেন।

গবর্নর ইস্কান্দর মির্জার বিবৃতি

সাংবাদিক বৈঠকে জেনারেল ইস্কান্দর মির্জার প্রদত্ত বিবৃতির নিম্নরূপ বিবরণ সাংবাদপত্রে প্রকাশিত হইয়াছে। ইহাতে তিনি হিন্দুদের যে উপদেশ দিয়াছেন তাহা প্রবিধানযোগ্য :

“ঢাকা, ২ই জুন—পূর্ববঙ্গের গবর্নর মেজর জেনারেল ইস্কান্দর মির্জা আজ সকালে এখানে তাঁহার সাংবাদিক বৈঠকে বলেন যে, পূর্ববঙ্গে গবর্নরের শাসন প্রবর্তিত হওয়ার পর হইতে যে ৭০৬ ব্যক্তিকে গ্রেপ্তার করা হইয়াছে তন্মধ্যে দেড়শতাধিক কমিউনিষ্ট ও তাহাদের সমমতাবলম্বী লোক আছে। সরকার শীঘ্রই এই সব ধৃত ব্যক্তিদের জিজ্ঞাসাবাদের জগ্ন কমিটি নিয়োগ করিতেছেন। এই কমিটি ইহাদের বিষয় বিবেচনা করিবেন।

তিনি আরও বলেন যে, সম্প্রতি নারায়ণগঞ্জ পাটকলে যে দাঙ্গা-হাঙ্গামা হইয়া গিয়াছে তৎসম্পর্কে তদন্তের জগ্ন শীঘ্রই একজন হাইকোর্টের বিচারপতির নেতৃত্বে একটি বিচার-ধ্বিভাগীয় তদন্ত কমিটি নিযুক্ত হইবে। এই হাঙ্গামায় প্রায় ছয় হাত লোক নিহত এবং প্রায় এক হাজার লোক আহত হইয়াছে।

মেজর জেনারেল মির্জা বলেন যে, ধৃত ব্যক্তিগণ আইন ও শৃঙ্খলা বিপন্ন করিতে পারে এই আশঙ্কাতেই আইন ও শৃঙ্খলার স্বার্থে এই সব গ্রেপ্তার হইয়াছে। কেবলমাত্র রাজনৈতিক কারণে ইহাদের গ্রেপ্তার করা হয় নাই।

তিনি আরও বলেন, ‘অধিকসংখ্যক লোকের সর্বাধিক কল্যাণ সাধনের জগ্নই সরকার। মুষ্টিমেয় পেশাদারী রাজনীতিকের সুবিধার জগ্ন সরকারের তৎপর হওয়া কর্তব্য নহে। যতদিন

গবর্নরী শাসন বলবৎ থাকিবে ততদিন কোন স্বার্থাঘেবী ব্যক্তি কিংবা দল জনসাধারণকে যাহাতে স্বীয় স্বার্থে কাজে লাগাইতে না পারে তৎসম্পর্কে অবহিত থাকিতে আমি কৃতসঙ্কল্প। জনসাধারণের অভাব-অভিযোগকে পূঁজি করিয়া সরকারের বিরুদ্ধে অসন্তোষ ও ঘৃণা ছড়াইতে আমি কোন রাজনৈতিক আন্দোলনকারীকে কিছুমাত্র স্বেচছা দিব না।’

জেনারেল মির্জা বলেন যে, বর্তমানে এই প্রদেশে অসামরিক শাসন-ব্যবস্থার সাহায্যকল্পে প্রভূত সামরিক শক্তি নিযুক্ত আছে। ‘একজন সৈনিক হিসাবে আমি আপনাদের বলিতে চাই যে, সৈনিকের নিকট স্বদেশে শাস্তি-শৃঙ্খলা পুনঃস্থাপনের কার্যে নিযুক্ত হওয়ার চাইতে অপ্রীতিকর কাজ কিছু নাই।’

হিন্দুদের তিনি এই প্রতিশ্রুতি দেন, ‘হিন্দু বন্ধুদের এখানে অন্য যে কোন ব্যক্তির মতই এখানকার নাগরিক অধিকার আছে। তাহাদের সম্মান ও আমার সম্মানে কোন পার্থক্য নাই। তবে তাহাদের একটি কর্তব্য করিতে হইবে—চিন্তায় ও কার্যে তাহাদের পাকিস্তানী হইতে হইবে এবং সংযুক্ত বাংলার স্বপ্ন দেখা তাহাদের ভাগ করিতে হইবে।’

সম্প্রতি প্রযুক্ত কয়েকটি নিরাপত্তার ব্যবস্থার উল্লেখ করিয়া তিনি বলেন, ‘আমি কোনপ্রকার শাস্তিভঙ্গ বন্ধ করিতে চাই এবং এই উদ্দেশ্যে যে কোন আবশ্যিক ব্যবস্থা অবলম্বনে আমি দ্বিধা কিংবা ইতস্ততঃ করিব না।’

জেনারেল মির্জা কমিউনিজমকে পাকিস্তানের ‘পয়লা নম্বর শত্রু’ এবং মোল্লাতন্ত্রকে ‘দুই নম্বর শত্রু’ বলিয়া অভিহিত করেন। তাহার উপর ভার দেওয়া হইলে তিনি সারা পাকিস্তানে কমিউনিষ্ট পার্টিকে বেআইনী ঘোষণা করিবেন। তিনি জনসাধারণকে অন্তর হইতে প্রাদেশিকতার বিষবাপ্প নিঃশেষে মুছিয়া ফেলিতে উপদেশ দেন।”

তুরস্কে পাক-প্রধানমন্ত্রী

এশিয়া মহাদেশে পাক-মার্কিন চুক্তির প্রধান খুঁটি তুরস্ক। পাকিস্তানের প্রধানমন্ত্রী সেখানে গিয়াছেন ঐ খুঁটির সঙ্গে পাকিস্তানের যোগ দৃঢ়তর করার জগ্ন। ইহার ফল কি হইবে তাহা এখন বিচার করা চলে না। তবে মিশর ও আরব দেশে প্রতিকূল সমালোচনা চলিতেছে।

তুরস্ক ইসলামের প্রাচীন মতবাদ অনেক দিনই ছাড়িয়া দিয়াছে। এখানে পাকিস্তানের মুসলিম রাষ্ট্রবাদ কিরূপে খাপ খায় তাহা দ্রষ্টব্য।

“আঙ্কারা, ১১ই জুন—পাকিস্তানের প্রধানমন্ত্রী মিঃ মহম্মদ আলি গতকাল এখানে পৌঁছিবার সঙ্গে সঙ্গে তুরস্কের সাংবাদপত্রে তাঁহার এই সফরকে এক মহান মুসলিম রাষ্ট্রের নেতার সফর বলিয়া বর্ণনা করা হইয়াছে। অবশ্য সরকারী মহল হইতে অনন্তবিলম্বে এইরূপ সন্তব্য করা হইয়াছে যে, পাকিস্তান প্রতিনিধি দলের এই সফরের সহিত ‘মুসলিম’ বলিয়া কোন কিছু সম্পর্ক নাই।

কোন বিশিষ্ট ব্যক্তি তুরস্ক সফরে আসিলে বাহিরে যে জাঁকজমক

পরিমিত হইয়া থাকে, এক্ষেত্রে সাধারণ মানুষ সেইরূপ কোন নিদর্শন পায় নাই। গত মার্চ মাসে মার্শাল টিটো সফরে আসিলে এবং গ্রীসের বাজার সফরকালে রাস্তায় রাস্তায় যে বিজয়তোরণ শোভা পাইছিল এবার সেইরূপ একটি তোরণও কোন রাস্তায় দেখা যায় নাই এবং রাজপথে যে পতাকা উড্ডীন ছিল, উহার সংখ্যা নিতান্তই সামান্য। যুগোশ্লাভ ও গ্রীক দূতবাসের পক্ষে তাহাদের রাষ্ট্রের প্রধানের সফর সম্পর্কে তুরস্কের জনসাধারণকে সজাগ রাখিবার জ্ঞান ত্রিশ সহস্রাধিক টাকা রাষ্ট্রীয় পতাকা প্রভৃতির জ্ঞান ব্যয় করা হয়।

তুরস্কের প্রধানমন্ত্রী আদনান মেস্তাবেস, পররাষ্ট্রসচিব ফুয়াত করকনু এবং অন্যান্য পদস্থ কর্মচারীরা পাক প্রধানমন্ত্রী মিঃ আলিকে বেল ট্রেশনে সন্দর্শনা করেন। মার্কিন দূত মিঃ আভরা ওয়ারেনও ট্রেশনে ছিলেন। ওয়াকিবহাল সূত্রে বলা হইয়াছে যে, মিঃ ওয়ারেনকে বর্তমান আলোচনায় সক্রিয় অংশ গ্রহণ করিতে হইবে।

উভয় দেশের প্রধানমন্ত্রীদের মধ্যে আজ যে আলোচনা আরম্ভ হইবে উহার ভিত্তি প্রস্তুত করিবার জ্ঞান তুরস্কের পররাষ্ট্র দপ্তরের সহিত প্রাথমিক আলোচনা চালাইতে পররাষ্ট্র দপ্তরের সেক্রেটারী মিঃ জে. এ. রহিমকে ভার্যাপণ করিয়া পাকিস্তানের প্রধানমন্ত্রী মিঃ আলি এখানে পৌঁছিবাব অব্যবহিত পরেই সামাজিক অনুষ্ঠানাদি লইয়া বাস্তব হইয়া পড়েন।

তুরস্কের পদস্থ কর্মচারীরা পি.টি.আই প্রতিনিধির নিকট বলেন যে, তুরস্ক ও পাকিস্তানের মধ্যে যত বেশী সম্ভব সহযোগিতার ব্যবস্থা করাই প্রধানমন্ত্রীদের আলোচনার উদ্দেশ্য। কিন্তু মিঃ আলির নিজস্ব বিবৃতি এবং তুরস্কের কর্মচারীরা ইতিপূর্বে ঘরোয়াভাবে যে আশা ব্যক্ত করিয়াছেন তাহাতে এইরূপ আভাষ পাওয়া যায় যে, মধ্যপ্রাচ্যের গোষ্ঠীভুক্ত করিবার লক্ষ্য লইয়া তুর্কী-পাকিস্তানী চেষ্টা কেন্দ্রীভূত করা সম্পর্কে আলোচনা হইবে।

মিঃ মহম্মদ আলির সঙ্গে পররাষ্ট্র দপ্তরের সেক্রেটারী মিঃ রহিম, সিরিয়া, লেবানন ও জর্ডানের পাকিস্তানী দূত ডাঃ মামুদ হুসেন আছেন। এতদ্বিধ তুরস্কের নবনিযুক্ত দূত মিঃ আমিনুল্লাহনও আলোচনায় সকল দিক দিয়া সহযোগিতা করিবেন।

ব্যাঙ্ক রেট

বিলাতের ব্যাঙ্ক অব ইংলণ্ড সম্প্রতি তাহাদের ব্যাঙ্ক রেট হ্রাস করিয়া দেওয়ায় ভারতেও অনেকে দাবি করিতেছেন যে ব্যাঙ্ক রেট হ্রাস করিয়া দেওয়া হউক। বিলাতের ব্যাঙ্ক রেট শতকরা ৪ হইতে ৩।০ এবং পরে শতকরা তিনে নামাইয়া দেওয়া হইয়াছে। ভারতের ব্যাঙ্ক রেট ১৯৫১ সনের নবেম্বর মাসে শতকরা ৩ হইতে সাড়ে তিনে বাড়াইয়া দেওয়া হইয়াছে এবং বর্তমানেও তাহাই আছে। ব্যাঙ্ক রেট হইল বাট্টার হার যাহাতে দেশের কেন্দ্রীয় ব্যাঙ্ক প্রথম শ্রেণীর ব্যবসায়িক হুণ্ডী ক্রয় করে কিংবা বাট্টা দেয়—ইহা বাজারের সাধারণ সূদের হার নয়। ব্যাঙ্ক রেটের কার্যকারিতা

বাজারের সূদের কাঠামোর উপর প্রান্তিকভাবে হয়, সুতরাং ব্যাঙ্ক রেট নিজস্বভাবে একটা বৃহৎ কিছু ব্যাপার নয়। অনেকগুলি আনুভবিক পরিবেশের উপর ইহার কার্যকারিতা নির্ভর করে। বিলাতের টাকার বাজার সুগঠিত এবং ব্যাঙ্ক অব ইংলণ্ড আমাদের রিজার্ভ ব্যাঙ্কের মত হুঁটো জগন্নাথ নয়। হুণ্ডী শেষ দফায় বাট্টা দিয়া ব্যাঙ্ক অব ইংলণ্ড বিলাতের টাকার বাজারকে প্রায় মুঠার মধ্যে রাখে, তাই ব্যাঙ্ক রেট ওখানে অধিক কার্যকরী। ভারতবর্ষে রিজার্ভ ব্যাঙ্কের শেষ দফায় হুণ্ডীর বাট্টা দেওয়া (lender of the last resort) প্রায় নাই বলিলেই চলে, তাই ব্যাঙ্ক রেট এদেশে তেমন কার্যকরী নয়। রিজার্ভ ব্যাঙ্কের সঙ্গে টাকার বাজারের লেনদেন সীমাবদ্ধ বলিয়া ব্যাঙ্ক রেট প্রায় অকেজো।

দ্বিতীয়তঃ, লণ্ডন আন্তর্জাতিক টাকার বাজারের একটি প্রধান কেন্দ্র লণ্ডনের মারফতে আন্তর্জাতিক ব্যবসায়ের লেনদেন হয় বেশীর ভাগ ক্ষেত্রেই হুণ্ডীর দ্বারা। লণ্ডনের বাজারে হুণ্ডীর বাট্টার হার হ্রাস পাওয়ায় ওখানকার ব্যাঙ্ক রেট বাজার হারের অনেক উপরে ছিল। আন্তর্জাতিক হুণ্ডীর বাজার হিসাবে লণ্ডনের উপযোগিতা বজায় রাখিবার জ্ঞান ব্যাঙ্ক রেট হ্রাস করিয়া দেওয়া হইয়াছে। অধিকন্তু, আমেরিকার ব্যাঙ্ক রেট হইতে বিলাতের ব্যাঙ্ক রেট অধিক থাকায়, আন্তর্জাতিক টাকার ব্যবসায়ীরা স্বল্পমেয়াদী আমানত বিলাতের ব্যাঙ্কগুলিতে রাখিতে আরম্ভ করিয়াছিল অধিক সূদের লোভে। এইরূপ স্বল্পমেয়াদী আন্তর্জাতিক টাকার আমদানী বড় বিপজ্জনক, কারণ উহা যেমন হঠাৎ আসে তেমনই হঠাৎ চলিয়া যায়। যাইবার সময় টাকার বাজারে একটা বিপর্যয় সৃষ্টি করিয়া যায়। এই স্বল্পমেয়াদী টাকার আমদানী বন্ধ করিবার জ্ঞানও বিলাতের ব্যাঙ্ক রেট হ্রাস করা হইয়াছে।

বিলাতের ব্যাপার ভারতবর্ষের পক্ষে প্রযোজ্য নয়। এখানে ব্যাঙ্ক রেট বৃদ্ধি করা হইয়াছে মূদ্রাস্ফীতি তথা দ্রব্যমূল্য হ্রাস করিবার জ্ঞান। ব্যাঙ্ক রেট যখন কম ছিল তখন ফাটকার বাজার অত্যন্ত ব্যাপক ছিল। তখন সূদে ব্যাঙ্ক হইতে ব্যাপারীরা টাকা ধার লইয়া প্রয়োজনীয় দ্রব্যসামগ্রী ধরিয়া রাখিত পরে চড়া দামে বেচিবার জ্ঞান। ফলে দ্রব্যমূল্য অত্যন্ত বৃদ্ধি পাইয়াছিল। কোরিয়া যুদ্ধ আরম্ভ হওয়ার পর ব্যাপারীদের ফাটকার বাজার অসম্ভব রূপে বৃদ্ধি পায় এবং দ্রব্যমূল্য প্রায় দুমূলা হইয়া ওঠে, ইহাকে বন্ধ করার জ্ঞান ব্যাঙ্ক রেট বৃদ্ধি করা হইয়াছিল।

অধিকন্তু ভারতবর্ষে অন্যান্য দেশ : এদেশে বর্ধিত পরিমাণে সঞ্চয় হইতেছে না, যাহার ফলে শিল্পমুসধন গড়িয়া উঠিতেছে না। ব্যাঙ্ক রেট তথা সূদের হার বেশী থাকিলে জনসাধারণের সঞ্চয়ের আকাঙ্ক্ষা বৃদ্ধি পাইবে। ১৯৫১ সনে ভারতে সূদের হার বৃদ্ধির পর বাজারের সূদের হার বৃদ্ধি পাইয়াছে। উচ্চ ব্যাঙ্ক রেট তাই সঞ্চয়ের সহায়ক, সুতরাং এ অবস্থায় ব্যাঙ্ক রেট হ্রাস করিলে দেশের ক্ষতি হইবে—ফাটকার বাজার বাড়িবে, দ্রব্যমূল্য বাড়িবে এবং জাতীয় সঞ্চয় হ্রাস পাইবে।

ব্যক্তিগত শিল্পক্ষেত্রে মূলধন

ভারতে শিল্পমূলধনের অভাব ইহা সর্বজনবিদিত। পঞ্চবার্ষিকী পরিকল্পনার আশায়রূপ মূলধন ব্যক্তিগত শিল্পক্ষেত্রে আসে নাই, ইহাতে পরিকল্পনা বহুল পরিমাণে ব্যাহত হইতেছে। এই অবস্থায় রিজার্ভ ব্যাঙ্ক একটি কমিটি নিয়োগ করেন কি উপায়ে ব্যক্তিগত শিল্পের উচ্চ অধিক হারে মূলধন পাওয়া যায়। এই কমিটির চেয়ারম্যান ছিলেন শ্রী এ. ডি. শ্রক। কমিটির রিপোর্ট সচল প্রকাশিত হইয়াছে, কিন্তু এ কথা মনে করা ভুল হইবে যে, কমিটির রিপোর্ট প্রকাশিত হওয়ার পর হইতেই ব্যক্তিগত মূলধন অবিলম্বে বৃদ্ধি পাইবে।

কমিটির কার্যতালিকা নিম্নলিখিত ভাবে নির্দিষ্ট ছিল :

(১) পঞ্চবার্ষিকী পরিকল্পনার হিসাব অনুযায়ী কেন ব্যক্তিগত শিল্পক্ষেত্রে মূলধন পাওয়া যায় নাই এবং কি উপায় অবলম্বন করিলে ইহার সুরাহা হইতে পারে।

(২) কর অনুসন্ধান কমিশন যে সকল ব্যবস্থা সম্পর্কে অনুসন্ধান করিতেছে সে সকল ব্যবস্থা বাতীত অল্প কি উপায়ে মূলধনের হার বৃদ্ধি পাইতে পারে।

(৩) ব্যক্তিগত শিল্পকে ব্যাঙ্কগুলি মূলধন দিয়া সাহায্য করিতে পারে কিনা।

কমিটির রিপোর্টে বলা হইয়াছে যে, দেশে মূলধনের অভাব নাই, কিন্তু অর্থনৈতিক এবং রাজনৈতিক অনুকূল পরিবেশের অভাবে মূলধনের অভাব হইতেছে। কমিটি বলিয়াছেন, ব্যক্তিগত শিল্পকে সরকার সন্দেহের চক্ষে দেখেন বলিয়া ব্যক্তিগত শিল্প ভরসার সহিত মূলধন বৃদ্ধি করিতে পারে না। সুতরাং কেবলমাত্র মূলধন সরবরাহের প্রতিষ্ঠান বৃদ্ধি করিলেই মূলধনের পরিমাণ বৃদ্ধি পাইবে না। অল্প দুই কারণও মূলধনের অভাবের জন্ম দায়ী, প্রথম কারণ এই যে, অতিরিক্ত মুনাফা প্রবৃত্তিকে সমাজ ঘৃণা করে এবং দ্বিতীয় কারণ সঞ্চয়ের অভাব। সরকারী সন্দেহ সশঙ্কে কমিটি যাহা বলিয়াছেন সে বিষয়ে হুঁ'একটি কথা বলা প্রয়োজন। ভারত স্বাধীন হওয়ার পর হইতে প্রধান প্রধান শিল্পগুলি—যথা বস্ত্রশিল্প ও শর্করাশিল্প—যে রূপ দুর্নীতির আশ্রয় লইয়াছে সেই তুলনায় ভারত সরকার যথেষ্ট অনুকম্পা (কিংবা দুর্বলতা) দেখাইয়াছেন। এই শিল্পগুলির গত কয়েক বৎসরের ইতিহাস শুধু অসামাজিক ও দুর্নীতিপরায়ণ কার্যাবলীতে পূর্ণ। অধিকন্তু ব্যক্তিগত শিল্পগুলি আয়কর পালকি দিয়াছে এবং দিতেছে ও বুদ্ধকালীন গুপ্ত মুনাফাকে ইহার নূতন মূলধন হিসাবে কার্যে না লাগাইয়া বিদেশীদের দ্বারা প্রতিষ্ঠিত চলতি ব্যবসায়ী কারবারগুলি ক্রয় করিতেছে। অর্থনৈতিক সংজ্ঞায় ইহাতে দেশের সত্যকার সমৃদ্ধি কিছুমাত্র বৃদ্ধি পায় না। নূতন শিল্প প্রতিষ্ঠা করিতে সরকার কোন সময়ে আপত্তি করেন নাই, বরং সব সঙ্কল্পে তাঁহারা সর্বতোভাবে সাহায্য করিয়াছেন।

বর্তমানে আমরা নূতন অর্থনৈতিক পরিবেশের মধ্য দিয়া বাইতেছি এবং পৃথিবীর সর্বত্রই নূতন অর্থনৈতিক দৃষ্টিভঙ্গী

আসিতেছে। পরিকল্পিত অর্থনৈতিক পরিবেশে ব্যক্তিগত শিল্প-কাঠামোর পরিবর্তন অবশ্যস্বাভাবী এই কথাটি আমাদের দেশের শিল্প-পতিরা ভুলিয়া যান, কারণ তাঁহাদের দৃষ্টিভঙ্গী এখনও ঊনবিংশ শতাব্দীর ব্যক্তিগত দ্বারা প্রভাবান্বিত।

কিন্তু তাহার উপর আরও দুইটি কারণ দেশের ব্যক্তিগত শিল্প উদ্যোগের পথে বিশেষ প্রতিবন্ধক হইয়া আছে। সেই দুইটির পূর্ণ আলোচনা বা বিচারের স্থান সম্পাদকীয় মন্তব্যের মধ্যে দেওয়া অসম্ভব। সংক্ষেপে তাহার বিবৃতিমাত্র দেওয়া যায়।

প্রথমতঃ, দেশের শিল্পে সাধারণের সংযোগের অভাব। শিল্পপতি বলিতে যাহারা এদেশে আছেন তাঁহাদের মধ্যে টাটা, মার্টিন-বার্ণ ও কয়েকটি বৈদেশিক চালিত প্রতিষ্ঠানের অধিকারী ভিন্ন প্রায় সকলেই জুয়াড়ী ও কালোবাজারের প্রবন্ধক। ইহাদের মধ্যে শিল্পচালনার বুদ্ধি-বিবেচনা বা পরিচালনক্ষমতা কিছুই নাই। অল্প সময়ের মধ্যে প্রভূত লাভ কি করিয়া হইতে পারে তাহাই ইহাদের একমাত্র চিন্তা, তা সে সত্বেই হউক বা অসৎ উপায়েই হউক। ইহাদের উপদেশ, অনুযোগ বা শাস্তি দিলেও শিল্প-উদ্যোগের প্রকৃত পথে ইহারা চলিতে অক্ষম। সুতরাং অল্প উপায়ে, যথা সাধারণের সঞ্চিত অর্থের দ্বারা তিল কুড়াইয়া তাল করিয়া শিল্প প্রতিষ্ঠা করা ভিন্ন গতি নাই। সে ক্ষেত্রেও বহু জুয়াচোরে গরীবের সর্বনাশ করিয়া সাধারণের বিশ্বাস নষ্ট করিয়াছে। ঐ বিশ্বাস পুনঃ-প্রতিষ্ঠা করিতে হইলে সরকারী তদারক ও সাহায্যে মূলধন গচ্ছিত করিবার এবং খাটাইবার জন্ম "গ্যারান্টি ট্রাষ্ট কর্পোরেশন" বা সমবায় জাতীয় নূতন প্রতিষ্ঠান স্থাপন করা প্রয়োজন।

দ্বিতীয় প্রতিবন্ধক, দেশের অধিকাংশ শ্রমিক নেতারা। ইহাদের মধ্যে ক্ষমতালোলুপতা ও প্রকৃত বিচার-ক্ষমতার অভাব প্রায় সকলেরই আছে। উপরন্তু অধিকাংশেরই সত্যাসত্যের বালাই নাই ও ভবিষ্যৎ দৃষ্টি একেবারেই নাই। ইহাদের শিক্ষাদান না করিলে এবং সংঘের পথে না আনিলে এদেশের শ্রমিক কার্যক্ষম হইবে না।

নূতন শিল্পপ্রতিষ্ঠাকে উৎসাহিত করিবার জন্ম কমিটি অভিমত দিয়াছেন যে, জাতীয়করণ ব্যাপারে সরকারী মনোভাব সুস্পষ্ট করিয়া বলা উচিত। কেন্দ্রীয় সরকার তাঁহাদের জাতীয়করণ নীতি পূর্বে বহুবার বাস্তব করিয়াছেন, কিন্তু তৎসঙ্গেও শিল্পপতিরা নাকি আশঙ্কিত হইতে পারিতেছেন না। উদাহরণস্বরূপ তাঁহারা বলেন যে, সম্প্রতি কেন্দ্রীয় আইন পরিষদের এন্টিমেটস কমিটি ইম্পিরিয়াল ব্যাঙ্ককে জাতীয়করণের জন্ম সুপারিশ করিয়াছেন। কিন্তু শিল্পপতিদেরও স্বরণ যাহা প্রয়োজন যে, পরিকল্পিত অর্থনীতি কতকটা সমাজতান্ত্রিক অর্থনৈতিক ভিত্তির উপর প্রতিষ্ঠিত হইতে বাধ্য। সুতরাং এ অবস্থায় গবর্ণমেন্ট কোনক্রমেই চিবকালের জন্ম আশ্বাস দিতে পারেন না যে, ব্যক্তিগত ব্যবসায়িক প্রতিষ্ঠানকে কোন অবস্থাতেই জাতীয়করণ করা হইবে না। জাতীয় স্বার্থ হইবে একমাত্র মাপকাঠি এবং ইহার দ্বারাই অবস্থাবিশেষে বিচার্য হইবে যে কোনও ব্যক্তিগত শিল্প প্রতিষ্ঠানকে জাতীয়করণ করা

হইবে কি না। তাহা করা হইলেও শিল্পপতিরা ক্ষতিপূরণ পাইবেন, তাহাই কি যথেষ্ট নয়? তাহার পরে, বর্তমানে কংগ্রেস গবর্ণমেন্ট যদি আশ্বাস দেনও, কিন্তু ভবিষ্যতে উচ্চ কোন দলীয় গবর্ণমেন্ট যদি ক্ষমতা পায় তাহা হইলে সে আশ্বাস পালন নাও করিতে পারে। সুতরাং পার্লামেন্টারী গবর্ণমেন্টে নিছক সরকারী আশ্বাস সাময়িক মাত্র।

শিল্পমূলধনের উৎস হইতেছে ব্যক্তিগত তথা সামাজিক সঞ্চয়। ভারতবর্ষ গরীব দেশ, এখানে গড়পড়তা মাথাপিছু বাৎসরিক আয় ২৬৫ টাকা মাত্র। সুতরাং, ব্যক্তিগত সঞ্চয়ের পরিমাণ পৃথকভাবে ষৎসামান্য হইতে বাধ্য। আয় এই সঞ্চয় বর্তমানে বহুধা বিভক্ত, তাই জাতীয় সঞ্চয়কে সামগ্রিকভাবে শিল্পাভিমুখী করণ সহজসাধ্য নয়। পঞ্চবার্ষিকী পরিকল্পনায় ধরা হইয়াছে যে, কমাশিয়াল ব্যাঙ্কগুলি অঙ্কিত: ১৫৮ কোটি টাকার মত অতিরিক্ত ঋণ দিবে শিল্পগুলিকে; এই হারে ঋণ দিতে হইলে কমাশিয়াল ব্যাঙ্কগুলির আমানত অঙ্কিত: ২৩০ কোটি টাকার মত অতিরিক্ত হওয়া চাই। কিন্তু গত তিন বৎসরে ব্যাঙ্ক আমানত একেবারে বৃদ্ধি পায় নাই! ব্যাঙ্কগুলি কি করিয়া শিল্পগুলিকে সাহায্য করিতে পারে সে সম্বন্ধে কমিটি কতকগুলি অভিমত প্রকাশ করিয়াছেন। ব্যাঙ্কের কার্যকলাপ বৃদ্ধির অন্তরায় হইতেছে এইগুলি: (১) দেশে ব্যাঙ্ক মনোবৃত্তির অভাব; (২) শ্রমিক আদালতের সুপারিশ অনুসারে ব্যাঙ্কগুলির প্রতিষ্ঠান খরচা বৃদ্ধি পাওয়ায় নূতন শাখা প্রতিষ্ঠা করা সহজসাধ্য হইতেছে না; (৩) সরকারী মূলধন অধিকতর হারে বৃদ্ধি পাওয়ায় ব্যাঙ্কগুলি কঠিনতর প্রতিযোগিতার সম্মুখীন হইয়াছে; (৪) ব্যাঙ্কগুলি যে সকল ক্ষেত্রে গ্যারান্টি দেয় সে সকল ক্ষেত্রে কোম্পানীর কাগজ জমা রাখার জগু গবর্ণমেন্ট দাবি করেন; এবং (৫) আয়কর এবং বিক্রয়কর বিভাগ ব্যক্তিগত আমানত সম্বন্ধে ব্যাঙ্কে অনুসন্ধান করার ফলে ব্যাঙ্ক আমানত হ্রাস পাইতেছে ইত্যাদি। এই অসুবিধাগুলি দূরীভূত করিবার জগু কমিটি সুপারিশ করিয়াছেন।

ইহা বাতীত ব্যাঙ্কগুলি যাহাতে তাহাদের আমানত বৃদ্ধি করিতে পারে এবং শিল্পগুলিকে অধিকতর হারে সাহায্য করিতে পারে তাহার জগু কমিটি নিম্নলিখিত অভিমত দিয়াছেন: বিজার্ভ ব্যাঙ্ক সম্প্রতি যে ছুতীর বাজারপ্রথা সৃষ্টি করিয়াছে তাহার আরও সম্প্রসারণ, টাকা পাঠানোর অধিকতর সুবিধা, গ্রামে শাখা খোলার জগু ব্যাঙ্কগুলিকে অর্থসাহায্য দেওয়া, আমানত বীমা প্রচলন, মিথ্যা চেক কাটা আইনত: দণ্ডনীয়, গ্রামে ব্যাঙ্কগুলির নিরাপত্তা সম্বন্ধে যথোচিত বন্দোবস্ত করা, ভ্রাম্যমাণ ব্যাঙ্ক এবং ব্যাঙ্কিং মনোবৃত্তি বাড়ানোর জগু প্রচারণা।

কমিটির প্রধান প্রতিপাদ্য বিষয় ছিল কমাশিয়াল ব্যাঙ্কগুলি কেমন করিয়া দীর্ঘমেয়াদী ঋণ দিয়া শিল্পগুলিকে সাহায্য করিতে পারে। কমাশিয়াল ব্যাঙ্ক প্রধানত: স্বল্পমেয়াদী আমানত গ্রহণ করে এবং স্বল্পমেয়াদী ঋণ দেয়। শিল্প-মূলধন দীর্ঘমেয়াদী, তাই কমাশিয়াল ব্যাঙ্ক দীর্ঘমেয়াদী মূলধন সরবরাহ করে না, কারণ তাহা

বিপজ্জনক। কমাশিয়াল ব্যাঙ্ক শিল্পপ্রতিষ্ঠানকে সাধারণত: কার্যকরী মূলধন দিয়া সাহায্য করে, যাহা অবশ্যই স্বল্পমেয়াদী। ভারতবর্ষে ব্যাঙ্ক ফেল হওয়ার প্রধান কারণ এই যে, কমাশিয়াল ব্যাঙ্কসমূহ দীর্ঘমেয়াদী ঋণ দিয়া নিজেদের কাঁচা টাকাকে আবদ্ধ করিয়া রাখিয়াছিল। জার্মানীতে মিশ্র ব্যাঙ্কিং প্রথা প্রচলিত আছে, অর্থাৎ কমাশিয়াল ব্যাঙ্ক দীর্ঘমেয়াদী শিল্পমূলধন সরবরাহ করে; কারণ জার্মানীতে ব্যাঙ্কিং মনোবৃত্তি খুব ব্যাপক এবং দ্বিতীয়ত: জার্মানীতে শিল্পী, শ্রমিক ও পরিচালক তিনটিই দায়িত্বজ্ঞানযুক্ত ও সুশিক্ষিত হওয়ায় শিল্পব্যর্থতা প্রায় নাই বলিলেই চলে, তাই কমাশিয়াল ব্যাঙ্ক যদিও দীর্ঘমেয়াদী শিল্পমূলধন সরবরাহ করে, তথাপি তাহাতে বিপদ প্রায় নাই।

শ্রম কমিটি অবশ্য মিশ্র ব্যাঙ্কিং প্রথা সমর্থন করেন নাই। কারণ ভারতবর্ষ অনুরূপ দেশ, এখানে কমাশিয়াল ব্যাঙ্ক যদি দীর্ঘমেয়াদী শিল্পমূলধন অধিক পরিমাণে সরবরাহ করিতে আরম্ভ করে তাহা হইলে বিপদ অনিবার্য। তবে সীমাবদ্ধভাবে কমাশিয়াল ব্যাঙ্ক যদি শিল্পের দীর্ঘমেয়াদী কাগজ ক্রয় করিয়া টাকা খাটায় তাহা হইলে দেশের শিল্পোন্নতিতে সাহায্য করা হইবে। প্রত্যক্ষভাবে দীর্ঘমেয়াদী মূলধন না দিয়া পরোক্ষভাবে শিল্পের ডিবেঞ্চার কিংবা অন্যান্য সিকিউরিটিতে ব্যাঙ্ক টাকা খাটাইতে পারে। শ্রম কমিটি তিনটি উপায় প্রস্তাব করিয়াছেন যাহার দ্বারা ব্যাঙ্ক দেশের শিল্পমূলধন বৃদ্ধি করিতে পারে, যথা: (১) প্রথম শ্রেণীর শিল্প প্রতিষ্ঠানের ডিবেঞ্চার এবং শেয়ার ক্রয় করিয়া; (২) এইরূপ শেয়ার এবং ডিবেঞ্চারের বিক্রয়ে টাকা ধার দিয়া এবং (৩) ইণ্ডাস্ট্রিয়াল ফিন্যান্স কর্পোরেশন ও প্রাদেশিক ফিন্যান্স কর্পোরেশনের অধিক পরিমাণে বণ্ড ও সেয়ার ক্রয় করিয়া। কমিটি মনে করেন যে, পরোক্ষভাবে শিল্পকে মূলধন যোগাইলে ব্যাঙ্কের কাঁচা টাকার গতি (liquidity) অব্যাহত থাকিবে। কিন্তু এই প্রস্তাবে বিপদের দিকটা বোধ হয় কমিটির নজরে পড়ে নাই। শেয়ার বাজারে ফাটকার পাল্লায় যদি কোন শিল্প প্রতিষ্ঠানের শেয়ার মার খায়, তাহা হইলে সংশ্লিষ্ট ব্যাঙ্কের উপর 'রান' অবশ্যস্তাবী, কারণ ব্যাঙ্কের ব্যাপারে আমরা সদাই আশঙ্কিত না হইয়া বরং আতঙ্কগ্রস্ত হইয়া থাকি। কেহ কেহ বলিবেন যে, কেন বিজার্ভ ব্যাঙ্ক ত আছে, ব্যাঙ্কের ভয় কি? কিন্তু গত কয়েক বৎসরের ব্যাঙ্ক বিপর্যয়ের ইতিহাসে দেখা যায় যে, বিজার্ভ ব্যাঙ্ক থাকে শিল্পীরা মত মুক দ্রষ্টা হিসাবে। ব্যাঙ্ক পুর ব্যাঙ্ক যখন দরজা বন্ধ করিয়াছে (যাহারই দোষে হউক না কেন), বিজার্ভ ব্যাঙ্ক তখন আইনের অক্ষরগুলি আঁকড়াইয়া ধরিয়া শিল্পের নিঃশ্বাস ফেলিয়াছে এই বলিয়া যে ব্যাঙ্ক গেল ঠিকই, কিন্তু আইন ত বাঁচিল। তাই শ্রম কমিটি যেমন উপায়ের কথা ভেবেছেন তেমনি আশঙ্কার কথাও ভাবা উচিত ছিল।

এই বিষয়ে শ্রম কমিটির আর একটি প্রস্তাব আছে। কমিটির মতে ব্যাঙ্কগুলি দীর্ঘমেয়াদী শিল্পমূলধন পরোক্ষভাবে যোগাইতে পারে যদি ভারতের প্রধান প্রধান ব্যাঙ্কগুলি ও বীমা কোম্পানীসমূহ একটি সম্মতি স্থাপন করিয়া যুক্তভাবে নূতন শিল্প-প্রতিষ্ঠান-

সমূহের ডিবেকার এবং শেয়ার ক্রয় করে। যদি ব্যাঙ্কগুলি তাহাদের আমানতের অন্ততঃ শতকরা পাঁচ ভাগ এইভাবে নিয়োগ করে তাহা হইলে ব্যক্তিগত শিল্পকে আরও অতিরিক্ত ত্রিশ কোটি টাকার মূলধন দিয়া সাহায্য করিতে পারে। এই ব্যাঙ্ক-বীমা সমিতি ভারতের বৃহত্তম ব্যাঙ্ক, ইম্পিরিয়াল ব্যাঙ্কের নেতৃবাহীনে কাৰ্য্য করিবে। এই জগৎ ইম্পিরিয়াল ব্যাঙ্ক আইনের কিছু বদল করা প্রয়োজন। কমিটির এই প্রস্তাবটি মন্দ নয়, কিন্তু প্রাথমিক-লেখাতে (underwriting) যদি ব্যাঙ্কের টাকা খাটানো হয় তাহা হইলে শিল্পগুলির কাৰ্য্যকরী মূলধন পাওয়ার অসুবিধা হইবে। শিল্পের কাৰ্য্যকরী মূলধন বর্তমানে ব্যাঙ্ক দেয়, কিন্তু ব্যাঙ্কের টাকা প্রাথমিক-লেখাতে আটক থাকিলে কাৰ্য্যকরী মূলধন-সরবরাহ হ্রাস পাইবে, যদি অবশ্য ব্যাঙ্কের আমানত খুব বেশী পরিমাণে না বৃদ্ধি পায়। আর যদি বিশ্বব্যাঙ্কের সহায়তায় প্রস্তাবিত ডেভেলপমেন্ট কর্পোরেশন স্থাপিত হয় তাহা হইলে আর এইরূপ ব্যাঙ্ক-বীমা সমিতির কোন প্রয়োজন থাকিবে না।

চলচ্চিত্র অনুসন্ধান কমিটির রিপোর্ট

ভারতীয় চলচ্চিত্র অনুসন্ধান কমিটির সুপারিশসমূহ সম্পর্কে ভারত-সরকার যে সকল সিদ্ধান্তে উপনীত হইয়াছেন গত ১৯শে মে এক লিখিত বিবৃতি মারফত কেন্দ্রীয় তথ্য ও বেতার মন্ত্রী শ্রী বি. ভি. কেশকার তাহা লোকসভা ও রাষ্ট্রীয় পরিষদের নিকট উপস্থাপিত করেন।

শ্রীকেশকারের বিবৃতিতে প্রকাশ যে, কোনও চলচ্চিত্রকে লাইসেন্স দিতে অস্বীকার করা হইলে ঐ সিদ্ধান্তের বিরুদ্ধে আপীল করিবার অধিকার দিবার জগৎ কমিটির সুপারিশ সরকার মানিয়া লইয়াছেন। কিন্তু সরকার চলচ্চিত্রের দৈর্ঘ্য সম্পর্কে বিধিনিষেধ অপসারণ করিতে সম্মত হন নাই। কারণ সরকার মনে করেন যে, দৈর্ঘ্য হ্রাসের ফলে বিবিধ শ্রেণীর চলচ্চিত্রের উৎপাদন-বৃদ্ধির সঙ্গে সঙ্গে সংবাদচিত্র ও প্রামাণ্য চিত্রের উৎপাদনও বৃদ্ধি পাইবে। সংক্ষিপ্ত অভিব্যক্তি ও আবাস্তর ঘটনা পরিহার দ্বারা চলচ্চিত্রের মান উন্নীত হইবে। সরকার মনে করেন, প্রতিটি চলচ্চিত্রের দৈর্ঘ্য অনধিক ১১ হাজার ফুট ও ট্রেলাবের দৈর্ঘ্য ৪০০ ফুট হওয়া আবশ্যিক। এ বিষয়ে যেচ্ছা-প্রণোদিত ব্যবস্থা অবলম্বনের জগৎ ভারতীয় চলচ্চিত্র সম্বন্ধে জানান হইবে চলচ্চিত্র-গৃহ নির্মাণ সম্পর্কে বিধিনিষেধ রহিত করিতে সরকার সম্মত হইয়াছেন। চলচ্চিত্রের উৎপাদন, বন্টন ও প্রদর্শনের জগৎ অবিলম্বে সরকারী, চলচ্চিত্র শিল্প ও শিল্পীদের প্রতিনিধিবৃন্দ লইয়া একটি অস্থায়ী ভারতীয় চলচ্চিত্র পরিদপ্তর গঠন করার প্রস্তাবে সরকার অসম্মত হইয়াছেন। জাতীয় সংসদে, শিক্ষা ও জনস্বাস্থ্যের মাধ্যমরূপে চলচ্চিত্র শিল্পের উন্নয়নের জগৎ ভারত-সরকার একটি চলচ্চিত্র উৎপাদন সংস্থা ও চলচ্চিত্র নিকেতন খুলিবার সিদ্ধান্ত করিয়াছেন। কমিটি অভিনেতা, অভিনেত্রী ও শিল্পীদের শিক্ষার জগৎ দুইটি চলচ্চিত্র নিকেতন খোলার পরামর্শ দিয়াছিলেন। সরকার

আরও স্থির করিয়াছেন যে, সর্বত্র সমধর সাধনের জগৎ বর্তমানের কেন্দ্রীয় চলচ্চিত্র সমালোচনা পর্ষতের (Central Board of Film Censor) পরিবর্তে তিনটি আঞ্চলিক শাখাসহ একটি জাতীয় চলচ্চিত্র পর্ষৎ গঠিত হইবে। এই পর্ষৎ চলচ্চিত্র উৎপাদন সংস্থা ও চলচ্চিত্র নিকেতনের কাজকর্ম সম্পর্কে খোজখবর লইবেন এবং প্রয়োজনীয় পরামর্শাদি দান করিবেন। চলচ্চিত্র উৎপাদন নিয়ন্ত্রণের পূর্ণ কর্তৃত্ব গ্রহণের জগৎ আইনামুগ ব্যবস্থা করিতে কেন্দ্রীয় সরকার সম্মত হইয়াছেন। সামঞ্জস্য বিধানের জগৎ সিনেমা আইন রাজ্য গবর্নমেন্টের তালিকা হইতে যুক্ত তালিকায় স্থানান্তরিত করিতে সরকার সম্মত নহেন; তবে সামঞ্জস্য সংরক্ষণের জগৎ একটি আদর্শ আইন প্রণয়নের ব্যবস্থা করা হইতেছে।

শিশুদের উপযোগী চলচ্চিত্র নির্মাণের দায়িত্ব সরকারকে গ্রহণ করিবার জগৎ কমিটি সুপারিশ করেন। সুপারিশে আরও বলা হয় যে, সমগ্রতঃ অন্ততঃ একদিন শিশুদিগের জগৎ পরিকল্পিত চলচ্চিত্র প্রদর্শনের ব্যবস্থা করিতে হইবে এবং প্রকৃত প্রদর্শনী খরচ ব্যতীত অতিরিক্ত অর্থ ও আমোদকর শিশুদের নিকট হইতে আদায় করা চলিবে না। সরকার নীতি হিসাবে, প্রয়োজনবোধে শিক্ষণীয় ও শিশুদের উপযোগী চলচ্চিত্র গ্রহণের জগৎ আর্থিক সাহায্য দিতে স্বীকৃত হইয়াছেন। এইরূপ চলচ্চিত্র গ্রহণ ও উহা সর্বত্র প্রদর্শনের জগৎ একটি সমিতি গঠন করা উচিত বলিয়া সরকার অভিমত প্রকাশ করিয়াছেন এবং এই প্রস্তাব বর্তমানে বিবেচনাধীন রহিয়াছে। শিক্ষা মন্ত্রণালয়ের সাহায্য লইয়া ফিল্মস ডিভিসনকে বিদ্যালয়ের উপযোগী চলচ্চিত্র গ্রহণের জগৎ যে সুপারিশ কমিটি করেন সরকার তাহা পরীক্ষা করিয়া দেগিবেন। বর্তমানে শিক্ষা মন্ত্রণালয়ের সহিত পরামর্শক্রমে প্রতি বৎসর বুনিয়াদী ও সামাজিক শিক্ষা সম্পর্কে ১২টি চলচ্চিত্র গ্রহণের জগৎ ফিল্মস ডিভিসনের দুইটি শাখা খোলা হইয়াছে। চলচ্চিত্র প্রদর্শনের যত্নপাতি ক্রয়ের জগৎ বিদ্যালয়গুলিকে স্বতন্ত্রভাবে অর্থসাহায্য দান সম্পর্কে সুপারিশটির প্রতি ভারত-সরকার বিভিন্ন রাজ্য সরকারের দৃষ্টি আকর্ষণ করিয়াছেন। সকল রাজ্যের বিদ্যালয়ে ও সুদূর পল্লী অঞ্চলে চলমান গাড়ীর সাহায্যে চাক্ষুশ শিক্ষাদানের ব্যবস্থা করিবার জগৎ কমিটি একটি সুপারিশ করিয়াছিলেন। সেই সম্পর্কে জানান হয় যে, সামাজিক ও চাক্ষুশ শিক্ষাদান কার্যে বর্তমানে ভারতের বিভিন্ন রাজ্যে মোট ২৩১টি চলমান গাড়ী নিয়োজিত রহিয়াছে। বোম্বাই, মাদ্রাজ, মহীশূর, উত্তর প্রদেশ ও মধ্যপ্রদেশে এজগৎ স্বতন্ত্র বিভাগও আছে। পঞ্চবাষিকী পরিকল্পনার প্রচারণার জগৎ ঐরূপ ৩২টি গাড়ী নিয়োজিত রহিয়াছে। তাহা ছাড়া, সমাজ-উন্নয়ন কর্তৃপক্ষ ঐ অঞ্চলসমূহে চলচ্চিত্র প্রদর্শনের জগৎ যত্নপাতি সরবরাহ করিতেছেন। শিশুদিগকে পিতামাতা অথবা অভিভাবকের সহিত একমাত্র প্রাপ্ত-বয়স্কদের জগৎ নির্দ্ধারিত চলচ্চিত্রসমূহও দেখিবার অনুমতি দিতে সরকার স্বীকৃত হন নাই।

বাধ্যতামূলক ভাবে প্রামাণ্য চিত্র ও সংবাদচিত্র প্রদর্শনের কল

বিশেষ ভালই হইয়াছে বলিয়া কমিটি অভিমত প্রকাশ করিয়া সরকারকে আরও কিছুকাল এইরূপ চিত্র গ্রহণের অনুরোধ জানাইয়াছিলেন। বেসরকারী প্রযোজকদিগকেও এ বিষয়ে উৎসাহ দিবার নিমিত্ত তাঁহারা সুপারিশ করিয়াছেন। সরকার এই বিষয়ে মোটামুটি ভাবে সন্মত আছেন এবং প্রতি বৎসর বেসরকারী প্রযোজকদিগের দ্বারা এইরূপ ১২টি চলচ্চিত্র তোলাইবার সিদ্ধান্ত করিয়াছেন।

চলচ্চিত্রের সাহিত্যিক ও শৈল্পিক কার্যাদির সংজ্ঞা নির্ধারণের জ্ঞান আইনের পরিধি বৃদ্ধির যে পরামর্শ কমিটি দিয়াছিলেন, সরকার জানাইয়াছেন যে সেই মর্মে ভারতীয় সংসদে একটি প্রস্তাব গৃহীত হইয়াছে এবং শিক্ষা মন্ত্রণালয় অবিলম্বে একটি সুদূরপ্রসারী আইন প্রবর্তনের ব্যবস্থা করিতেছেন।

সরকার প্রতি বৎসর শ্রেষ্ঠ চলচ্চিত্র, শ্রেষ্ঠ প্রামাণ্য চিত্র ও শ্রেষ্ঠ সংবাদচিত্রকে পুরস্কার দান করিবেন। তাহা ছাড়া আঞ্চলিক ভাষা-ভিত্তিতেও শ্রেষ্ঠ চলচ্চিত্রগুলিকে পুরস্কৃত করা হইবে।

মহাজনদের অভিপ্রেত আধিপত্য হইতে চলচ্চিত্রের উৎপাদকদিগকে বক্ষা করিবার জ্ঞান এক কোটি টাকা আদায়ীকৃত মূলধন লইয়া একটি ফিল্ম ফাইন্সান্স কর্পোরেশন গঠনের প্রস্তাব অর্থাৎ ভাবেব জ্ঞান সরকার গ্রহণ করেন নাই। তবে বিশেষ প্রদর্শনী প্রভৃতির দ্বারা চলচ্চিত্র-শিল্প অর্থসংগ্রহ করিতে চাহিলে সরকার প্রয়োজনীয় ব্যবস্থা অবলম্বন করিবেন। নূতন ঋণ করিয়া চলচ্চিত্রের প্রদর্শনী কার্যে ২৬ কোটি টাকা এবং উৎপাদন ও বণ্টন কার্যে ৯ কোটি টাকা মূলধনসহ মোট ৩৫ কোটি টাকা বিনিয়োগ করিবার যে প্রস্তাব কমিটি করিয়াছিলেন কেন্দ্রীয় অর্থ মন্ত্রণালয় সেই বিষয়ে তথ্য ও বেতার মন্ত্রণালয়ের সহিত আলোচনা-আলোচনা চালাইবেন। বিদেশে ভারতীয় চলচ্চিত্রের সরবরাহ-বৃদ্ধির জ্ঞান চলচ্চিত্র শিল্প যদি একটি বণ্টনী কর্পোরেশন স্থাপন করিতে স্বীকৃত হন তবে সরকার সকল সম্ভাব্য সুবিধা প্রদান করিবেন। ভারতীয় চলচ্চিত্র-শিল্পের জ্ঞান ২৪ কোটি ফুট কাঁচা ফিল্ম, ৪৫ লক্ষ টাকার ষ্টুডিওর যন্ত্রপাতি ও ১ কোটি ১০ লক্ষ টাকার থিয়েটারের আসবাব-পত্র ও কার্বন অবাধ সাধারণ লাইসেন্স অনুযায়ী আমদানী করিবার ব্যবস্থায় সরকার সন্মত হইয়াছেন।

ভারতে কাঁচা ফিল্ম উৎপাদনের জ্ঞান মণীশ্বরে একটি বিদেশী কোম্পানীর সহযোগিতায় চেষ্টা চলিতেছে। তাহা সাফল্য লাভ না করিলে সরকার স্বয়ং একটি কারখানা স্থাপনে ত্রুটি হইবেন। চলচ্চিত্র শিল্পের জ্ঞান প্রোজেক্টের নির্মাণের একটি পরিকল্পনা সরকার মঞ্জুর করিয়াছেন। অজ্ঞাত যন্ত্রপাতি নির্মাণের বিষয়ও সরকার বিবেচনা করিতে প্রস্তুত আছেন। জাতীয় মান-নির্ধারণ প্রতিষ্ঠান চলচ্চিত্রের যন্ত্রপাতির মান এবং রসায়ন দ্রব্যাদির যথার্থতা নির্ধারণ করিবেন। প্রয়োজনীয় অর্থসংস্থান হইলেই শিল্প ও বিজ্ঞান গবেষণা পরিষদ চলচ্চিত্রের যান্ত্রিক সমস্যাসমূহ সম্পর্কে গবেষণা চালাইবার ভার লইবেন।

মুর্শিদাবাদ সীমান্তে ব্যাপক মাল-পাচার

মুর্শিদাবাদ সীমান্ত দিরা বেআইনী ভাবে ব্যাপক মাল চলাচলের সংবাদ প্রায়ই জেলার স্থানীয় সংবাদপত্রগুলিতে প্রকাশিত হয়। সম্প্রতি উক্ত পত্রিকাগুলিতে যে সকল সংবাদ প্রকাশিত হইয়াছে তাহা বর্ধিত হইলে সীমান্ত দিরা অবৈধ মাল-পাচারের ব্যাপকতা যে ভয়াবহ রূপে বৃদ্ধি পাইয়াছে তাহা অস্বীকার করা যায় না। ভারত ও পাকিস্থানের সীমান্তে এইরূপ অবৈধ বাণিজ্যের ফলে পাকিস্থান হইতে রেডিও, গ্রামোফোন, সাইকেল, লাইট, ঘড়ি, পেঙ্গিল, সোনা, রূপা, চাদি, ব্লেড প্রভৃতি জিনিষ ভারতে আসে এবং ভারত হইতে প্রধানতঃ সূতা, কাপড়, গামছা, বিড়ির পাতা, মশলা ইত্যাদি দ্রব্য পাকিস্থানে যায়। ইহার ফলে লক্ষ লক্ষ টাকা গুচ্ছ হইতে ভারত-সরকার বঞ্চিত হইতেছেন।

৪ঠা জৈষ্ঠের “মুর্শিদাবাদ সমাচারে” প্রকাশিত এক সংবাদে দেখা যায় যে, গত ১২ই মে পাকিস্থান হইতে বেআইনী ভাবে আমদানী করিবার পথে ৮৬০ তোলা পাকা রূপা ধরা পড়ে। পত্রিকাটির জলদীক্ষিত সংবাদদাতা লিখিতেছেন, “প্রকাশ, ঐ রূপা পাকিস্থানের রাজসাহী হইতে আমদানী করা হইয়াছে। বর্তমানে ঐ রূপার মালিক জীজগন্নাথ মারোয়াড়ী, কলিকাতার ১৫০।১ কটন ষ্ট্রীটের ‘গৌরীশঙ্কর নায়ায়ণ দাস’ নামক একটি বৃহৎ কার্খের মালিক। প্রকাশ, উক্ত বাসখানি নাকি বহরমপুরের জনৈক ব্যবসায়ীর এবং জলদীক্ষিত-বহরমপুর উহার ক্রীড়া।” অবশ্য কাহাকেও প্রমাণ করা হয় নাই।

১৭ই জৈষ্ঠ সীমান্তে মাল-পাচার সম্পর্কে উক্ত পত্রিকায় এক বিশেষ প্রবন্ধে লেখা হইয়াছে যে, সম্প্রতি নাকি পাকিস্থান হইতে ১০ হাজার গ্রোস বিলাতি ভেনাস পেঙ্গিল কলিকাতায় চালান দেওয়া হইয়াছে। প্রবন্ধে বলা হইয়াছে, বর্তমানে মুর্শিদাবাদ সীমান্ত লুণ্ঠের রাজ্যে পরিণত হইয়াছে। চর কানাইনগর, চর ফজলীনগর, মধুবোনা, জলঙ্গী, দয়ারামপুর, সরদাঘাট, কাতলামারী, চর সন্নন্দপুর, পতিবোনাঘাট, মাণিকচক, কোন্দালনাটি, হুলভৈপুর, জয়কৃষ্ণপুর প্রভৃতি এলাকা দিরা ব্যাপকভাবে মাল পাচার হইতেছে। পাচারকারীদের পাসপোর্ট নাই, কিন্তু তাহারা অবাধে সকল স্থানেই যাইতে পারে।

এই ব্যাপানে দুর্নীতিপরায়ণ সরকারী কর্মচারীদের নাকি যথেষ্ট উৎসাহ আছে। পাচারের সময় যে সকল মাল সীমান্তে ধরা পড়ে তাহার অধিকাংশ ক্ষেত্রেই লাভের অংশ লইয়া গোলমালের সূচনা হয়। প্রবন্ধটিতে বলা হইতেছে: “চাঁদনীচক হইতে ধুলিয়ান পর্যন্ত ২০ মাইলের মধ্যে দুইটি থানা সূতী ও সমসেবগঞ্জ এবং দুইটি মাল গুচ্ছ বিভাগের অফিস আওরংগাবাদ ও ধুলিয়ান। তবুও লক্ষ লক্ষ টাকার কাপড়, সূতো আর বিড়ির পাতা ও মশলা কিভাবে পাচার হয়ে বাছে ভাবতেও আশ্চর্য লাগে।”

এই ব্যবসার প্রধান কর্মী কাহারা? প্রবন্ধকারের ভাষায়,

“কলিকাতার স্ট্রীট লুট ও মধ্য কলিকাতার কয়েকটি বিশেষ বিশেষ গুণ্ডামল্লপুলিস কমিশনারের তাড়া খেয়ে নদীয়া-মুর্শিদাবাদ সীমান্ত এলাকায় গিয়ে দল বেঁধে শুরু করেছে এই ব্যবসা। এরাই একদিন ব্রিটিশ আমলের পোষা ছিল। স্থানীয় বেকার উদ্বাস্ত যুবকদের নিয়ে চমৎকার এই ব্যবসা ফেঁদেছে আর দাবার ঘোড়াকে সামলে বেখে লুটের রাজত্ব কিম্বা মাতেব জগৎ ছড়াচ্ছে হাজার হাজার টাকার খেল।”

কি ভাবে এই দুর্নীতিমূলক ব্যবসায় চালানো হয় প্রবন্ধটিতে তাহাও বলা হইয়াছে। ঝালু ব্যাপারীরা কলিকাতার এক ভূয়া ঠিকানা দিয়া ভূয়া এবং চটকদার নামের ফার্ম গড়িয়া তোলে। এইরূপ ফার্ম হইতে মুর্শিদাবাদের সীমান্তবর্তী এলাকাতে বিভিন্ন ব্যাপারীর নিকট মাল পাঠান হয় রাত্রির অন্ধকারে। অল্পরূপতাবে পাকিস্থান হইতে আগত মালও ঐ সীমান্তের ব্যবসায়ীর নিকট পৌঁছায়। এই সকল মাল ট্রাক বোঝাই করিয়া উপরে কিছু পাট, গুড় বা করোগেট টিন চাপাইয়া রাতারাতি একদিকে কলিকাতা এবং অপরদিকে রাজসাহীতে চালান দেওয়া হয়। এই ভাবে দিনের পর দিন ব্যবসা চলে; কেবল লভ্যাংশ লইয়া বিবাদ হইলেই ধরা পড়ে এবং তখন কয়েকদিনের মত ব্যবসায় মন্দা দেখা দেয়।

নিমত্তিতা অঞ্চলে এই চোরাকারবারের ফলে সামাজিক এবং নৈতিক জীবনে যে ক্ষতি হইতেছে উক্ত পত্রিকার নিজস্ব সংবাদ-দাতার প্রেরিত একটি সংবাদে তাহা বিশেষ পরিস্ফুট হইয়াছে। প্রকাশ যে, উক্ত এলাকার গ্রাম্যরক্ষীদলে নাকি ভাঙন ধরিয়াকে। কারণ চোরাকারবার সম্পর্কে পত্নস্বরের মধ্যে অনৈক্যের ফলে স্বার্থপ্রণোদিত হইয়া একে অন্ধকে দল হইতে বাদ দিয়া নিজের পছন্দমত লোক নিয়োগ করিতেছে।

“রাত্রি দশটা হইতে নাকি ঐ এলাকায় গ্রাম্য রক্ষীদল, চৌকিদার ও ব্যবসায়ীর সমাবেশে বাজার বেশ কক্ষতৎপর হইয়া উঠে। অতঃপর রাত্রির অন্ধকার থাকে পর্যন্ত সুযোগ-সন্ধানীরা তাহাদের নিত্যনৈমিত্তিক কার্য্য অবাধগতিতে চালাইয়া যায়। অপরদিকে চোরাকারবারপুষ্ঠ দোকানদারগণ দোকানের একটি পাট খুলিয়া বা অনেক সময় সম্পূর্ণ বন্ধ করিয়াই ভিতরে আলো জ্বালাইয়া মাল পাচারের কার্য্য অবাধগতিতে চালাইয়া আসিতেছে। ভয়ের বালাই নাই—কেহ কিছু বলিবার বা কহিবার নাই। লাভের একটা অংশ ধরিয়া দিলেই হইল। এ যে এক আশ্চর্য্য দেশের লুটের রাজত্ব।...” (‘মুর্শিদাবাদ সমাচার’, ৩৭ই জ্যৈষ্ঠ)

সীমান্ত মাল-পাচার সম্পর্কে ৬ই জ্যৈষ্ঠ এক সম্পাদকীয় মন্তব্যে “ভাবতী” লিখিতেছেন, প্রত্যেক দেশেই সীমান্ত দিয়া অবৈধ মাল-পাচার হয় বটে, কিন্তু কোন দেশেই তাহার এরূপ ব্যাপকতা নাই। সরকার এই দুর্নীতি সম্পর্কে সম্পূর্ণ অবহিত বলিয়া পত্রিকাটি মনে করেন না। “কিন্তু ইহা স্মরণ রাখা কর্তব্য যে চোরাকারবারিগণের এইরূপ কার্য্যকলাপের ফলে একদিকে যেমন

দুর্নীতি প্রশস্ত পাইতেছে ও জাতীয় জীবনের নৈতিক মান কলুষিত হইতেছে অপর দিকে তেমনি লক্ষ লক্ষ টাকা গুড় হইতে সরকার বঞ্চিত হইতেছেন।”

সীমান্তে সরকারী গুড়-বিভাগীয় পরিচালনা ব্যবস্থাকারীর সমালোচনা করিয়া পত্রিকাটি লিখিতেছেন: “বিত্ত সীমান্ত রক্ষা সম্ভব নহে এই অজুহাতে আমাদের সরকার তাঁহাদের পোষা কর্মচারিবৃন্দের দোষ জ্ঞাননের জগৎ যত চেষ্টাই করুন না কেন, অত্যন্ত রুঢ় ও বাস্তব সত্য এই যে চোরাকারবারিগণের এই সাহসের উৎস নিহিত রহিয়াছে দুর্নীতিপরায়ণ সরকারী কর্মচারিগণের সক্রিয় সহযোগিতার মধ্যে।” এই অবস্থায় আইন-শৃঙ্খলার প্রতি যদি জনসাধারণ আস্থা হারায় তবে তাহাতে বিস্মিত হইবার কিছু নাই। পত্রিকাটি দৃঢ়ত্বের এই অনাচার বন্ধ করিবার জগৎ সরকারকে অমুরোধ জানাইয়া লিখিতেছেন যে, অগ্রথা যে কোন ভাবে জনসাধারণকে স্বহস্তেই এই দুর্নীতি দমনের জগৎ অগ্রসর হইতে হইবে। তৎজগৎ প্রয়োজন হইলে সরকারের উপর চাপ দিবার জগৎ দেশব্যাপী আন্দোলন গড়িয়া তুলিতে হইবে।

পশ্চিমবঙ্গে প্রাথমিক শিক্ষা ও শিক্ষক

নবপ্রকাশিত “প্রাথমিক শিক্ষক পত্রিকা”র ১৮ই বৈশাখ সংখ্যায় পশ্চিমবঙ্গ এবং ভারতের কয়েকটি বিশিষ্ট রাজ্যের প্রাথমিক শিক্ষা এবং শিক্ষক সম্পর্কে তুলনামূলক তথ্য দেওয়া হইয়াছে। তাহা হইতে দেখা যায়, একদিন বাংলাদেশ শিক্ষাব্যাপারে ভারতের অপরাপর প্রদেশ হইতে অগ্রসর থাকিলেও বর্তমানে সেই অবস্থার পরিবর্তন ঘটয়াছে। প্রদত্ত পরিসংখ্যান হইতে দেখা যায় যে, যেস্থলে আসাম ও মহীশূরে প্রতি এক শত জন অধিবাসীর জগৎ একটি, বোম্বাই রাজ্যে প্রতি বারো শত জনের জগৎ একটি এবং মাদ্রাজ ও উড়িষ্যা রাজ্যে প্রতি ১৬ শত জনের জগৎ একটি করিয়া প্রাথমিক বিদ্যালয় আছে সেস্থলে পশ্চিমবঙ্গে প্রতি সত্তর শত জনের জগৎ একটি করিয়া প্রাথমিক বিদ্যালয় আছে।

অর্থব্যয়ের দিক হইতেও অবস্থা প্রায় অনুরূপ। দিল্লী রাজ্যে মাথাপিছু শিক্ষার ব্যয় ৩০.৫ টাকা, বোম্বাই রাজ্যে ২৮.২ টাকা, পঞ্জাবে ২৩.৪ টাকা, মধ্যপ্রদেশে ২১.৪ টাকা, মাদ্রাজে ১৯.৪ টাকা আর পশ্চিমবঙ্গে ১১.৮ টাকা।

প্রাথমিক শিক্ষকদের বেতন এবং মহার্ঘ্য ভাতার হিসাবে দেখা যায় যে, যেখানে সরকারী পরিচালনাবিনে বিদ্যালয়ে কর্মরত শিক্ষকরা দিল্লীতে পান ১৩০ টাকা, আজমীড়ে ১১৮ টাকা, কুর্গে ১১৩ টাকা, হায়দ্রাবাদে ৯৮ টাকা, কচ্ছ ৮৭ টাকা, বিহারে ৬৭.০ টাকা, মাদ্রাজে ৬৩ টাকা সেস্থলে পশ্চিমবঙ্গে তাঁহারা পান মাত্র ৫০ টাকা।

স্থানীয় স্বায়ত্তশাসনমূলক প্রতিষ্ঠান কর্তৃক পরিচালিত প্রাথমিক বিদ্যালয়গুলির শিক্ষকদের মাসিক বেতন দিল্লীতে ১২০ টাকা,

আজমীড়ে ১০৫ টাকা, কুর্গে ৬৫ টাকা, মাদ্রাজে ৬২ টাকা এবং পশ্চিমবঙ্গে ৪৭১০ টাকা।

ব্যক্তিগত পরিচালনাধীন প্রাথমিক বিদ্যালয়ে কর্মরত শিক্ষকদের বেতন দিল্লীতে ১২০ টাকা, হায়দ্রাবাদে ১০৮ টাকা, আজমীড়ে ১০৫ টাকা, কুর্গে ৬৮ টাকা, মাদ্রাজে ৫৬ টাকা এবং পশ্চিমবঙ্গে ৩০ টাকা।

প্রবন্ধটিতে বলা হইয়াছে, “বৎসর তিনেক আগে তেজ কল ও ময়দার কলে নিযুক্ত শ্রমিকদের সর্বনিম্ন বেতন ধার্য করার জন্ত পশ্চিমবঙ্গ সরকার দুইটি কমিটি নিযুক্ত করেন; কমিটির সিদ্ধান্ত অনুযায়ী মজুরদের বেতন মাসিক ৫০ টাকা ধার্য হয়। তাহা ছাড়া প্রদেশের বহু কারখানায় ঐ শ্রেণীর শ্রমিকেরা মাথাপিছু মাসিক ৮০ টাকা হইতে ১০০ টাকা পর্যন্ত উপার্জন করে। স্ততবাং দেখা যাইতেছে, পশ্চিমবঙ্গ সরকার প্রাথমিক শিক্ষকগণকে তথাকথিত মজুর অপেক্ষাও হীন মনে করেন।”

প্রবন্ধটিতে প্রাথমিক শিক্ষকদের বেতন ও ভাতা মিলাইয়া মাসিক ১০০ টাকা করিয়া দিবার জন্ত অনুরোধ করিয়া বলা হইয়াছে, ইহাতে পশ্চিমবঙ্গের ৪৮ হাজার প্রাথমিক শিক্ষকের জন্ত শিক্ষাখাতে সরকারের বায় বড় জোর বার্ষিক ৪ কোটি টাকা বৃদ্ধি পাইবে।

পশ্চিমবঙ্গে স্পেশাল ক্যাডার শিক্ষক নিয়োগ

বর্তমান বৎসরে স্পেশাল ক্যাডার শিক্ষক নিয়োগ সম্পর্কে আলোচনা প্রসঙ্গে ৪ঠা জ্যৈষ্ঠ “মুর্শিদাবাদ সমাচার” পত্রিকায় জি. প্রসাদ লিখিতেছেন যে, গত বৎসর স্পেশাল ক্যাডার শিক্ষক হিসাবে মনোনীত অনেক প্রার্থীই কাজে যোগদান করেন নাই এই কথা স্বরণ রাখিয়া যেন এই বৎসর শিক্ষক নিয়োগ করা হয়। তিনি যে হিসাব দিয়াছেন তাহাতে দেখা যায়, ১৯৫৩-৫৪ সনে মোট ৮৫০০ স্পেশাল ক্যাডার প্রাথমিক শিক্ষক নিযুক্ত করা হয়; কিন্তু তাঁহাদের মধ্যে শতকরা ১৯ জন কাজে যোগদান করেন নাই। উক্ত পদের জন্ত কলিকাতায় ৫০০০ এবং অন্যান্য জেলায় ৩২০০০ মোট ৩৭০০০ আবেদন পত্র পাওয়া যায়। এই সংখ্যার মধ্য হইতে যাহাদিগকে মনোনীত করা হয়, নিয়োগের পনের দিন পরে দেখা যায় যে তাঁহাদের শতকরা ৬০ জন তখনও কাজে লাগেন নাই। শিক্ষাবিভাগ তখন ১০,০০০ শিক্ষকের এক প্যানেল করিয়া যাহারা গ্রামে কাজ করিতে অনিচ্ছুক তাঁহাদের বাদ দিয়া শিক্ষক নিয়োগের ব্যবস্থা করিলেন। কিন্তু এখনও নাকি ১০০০টি পদ অপূর্ণ রহিয়াছে।

বর্তমান বৎসরে সমগ্র পশ্চিমবঙ্গে ৭৫০০ প্রাথমিক শিক্ষক নিযুক্ত হইবেন। মুর্শিদাবাদ জেলায় স্পেশাল ক্যাডার শিক্ষক নিয়োগ ব্যাপারে গত বৎসর যথার্থ যোগ্যতার পরিচয় পাওয়া যায় নাই। অধিকাংশ ক্ষেত্রেই স্বজনপোষণ নীতি অনুসৃত হইয়াছিল। প্রবন্ধকার লিখিতেছেন, ঐকম নীতি বর্তমান বৎসরেও অনুসৃত হইলে গত বৎসরের মত অধিকাংশ শিক্ষকেরই কাজে যোগদানের

সম্ভাবনা সম্পর্কে সন্দেহ থাকিবে। গত বৎসর নাকি শিক্ষক-নিয়োগের ব্যাপারে কান্দী মহকুমা হইতেই অধিক ব্যক্তিকে চাকরী দেওয়া হয়। “আরও শোনা যায়, সিলেকশন বোর্ডের সিলেক্টেড লিষ্টও নাকি পরে বদলাইয়া দেওয়া হয় এবং তাহা লইয়া জেলার কংগ্রেসী এম. এল. এ-দের মধ্যে কিছু মনকষাকষিও হইয়া যায়। ইহার সবই যে গুজব ঘটনাপরম্পরায় তাহা মনে হয় না। এবারে নূতন স্কুলবোর্ডে যদি সংখ্যালঘু দল দলে ভারী হইয়া যায়, তাহা হইলে স্পেশাল ক্যাডারের শিক্ষক নিয়োগ কি ভাবে হইবে তাহা আল্লাই বলিতে পারেন। বেকার-সমস্যা ও সমাজসেবা লইয়াই কি কম ব্যাপার চলিতেছে?”

পুনর্কাসন মন্ত্রণাদপ্তরের বিলোপ

কেন্দ্রীয় সাহায্য ও পুনর্কাসন মন্ত্রী জি. এ. পি. জৈন সম্প্রতি সাহায্য ও পুনর্কাসন মন্ত্রণাদপ্তরগুলি বিলোপের যে প্রস্তাব করিয়াছেন ২৮শে মে এক সম্পাদকীয় প্রবন্ধে “ক্রনিকল” পত্রিকায় তাহার বিশেষ প্রতিবাদ করা হইয়াছে। উক্ত প্রবন্ধে বলা হইয়াছে যে, উদ্বাস্তুদের সাহায্য এবং পুনর্কাসনের কার্য সমাপ্ত হইয়াছে বলিয়া কেন্দ্রীয় মন্ত্রীমহোদয় যাহা বলিয়াছেন তাহা কোনরূপেই প্রমাণিত-যোগ্য নহে। আসামে উদ্বাস্তুদের অবস্থা বর্ণনা প্রসঙ্গে পত্রিকাটি লিখিতেছেন, সকল উদ্বাস্তু পুনর্কাসন ত দূরের কথা শতকরা ৪০ জন উদ্বাস্তুকে কোন সাহায্যই দেওয়া হয় নাই। কাছাড় জেলায় আগত উদ্বাস্তুদের মধ্যে যাহারা সরকারী তাঁবুতে আশ্রয় গ্রহণ করিয়াছিলেন কেবলমাত্র তাঁহাদিগকেই চা-বাগানের জঙ্গল, ডুহালিয়া, কাঠিরাইল প্রভৃতি টিলায় অথবা কিন্নোয়ার খাল প্রভৃতি জলাভূমিতে বাসের ব্যবস্থা করিয়া দেওয়া হয়। উদ্বাস্তু উপনিবেশ-গুলির ভৌগোলিক অবস্থানের জন্তই পুনর্কাসনের সকল ব্যবস্থা বানচাল হইয়া যায়। তদুপরি সরকারী কর্মচারীদের নানাবিধ গাফিলতি রহিয়াছে। যে ভাবে উদ্বাস্তু সমস্যা স্থায়ী সমাধান সম্ভব তাহা কিছুই করা হয় নাই। কৃষকদিগকে জমি দিবার বন্দোবস্ত হয় নাই বা যাহারা কৃষক নহেন তাঁহাদিগকে শিল্পের মাধ্যমে কর্মে ব্যাপ্ত করারও কোন প্রচেষ্টা হয় নাই। উদ্বাস্তুদের মধ্যে যাহারা সরকারী তাঁবুতে আশ্রয় গ্রহণ করেন নাই তাঁহাদের সংখ্যা নির্ণয়ের চেষ্টা পর্যন্তও করা হয় নাই। এই ব্যাপারে বিভিন্ন দল এমন কি কংগ্রেসের আবেদনও বিফল হইয়াছে।

প্রসঙ্গক্রমে মর্শিদাবাদের রাজ্যগুলিতে পূর্ববঙ্গ হইতে আগত উদ্বাস্তুদের পুনর্কাসনের জন্ত কলিকাতায় একজন কেন্দ্রীয় উপমন্ত্রী-নিয়োগের পরিকল্পনা কেন্দ্রীয় সরকারের বিবেচনাধীন রহিয়াছে বলিয়া সম্প্রতি নয়া দিল্লী হইতে বেসরকারী সূত্রে যে সংবাদ প্রকাশিত হইয়াছে পত্রিকাটি তাহাতে আনন্দ প্রকাশ করিয়াছেন।

রাজচাকুরীর পুনর্গঠন

নয়া দিল্লীতে প্রধানমন্ত্রী নেহরু কর্তৃক “ইনস্টিটিউট অব পাবলিক অ্যাডমিনিস্ট্রেশনে”র উদ্বোধন উপলক্ষে এক প্রবন্ধে শ্রীমগনভাই

দেশাই লিখিতেছেন, “আমাদের রাজচাকুরীর দৈনন্দিন কার্যক্রমে যে সকল সমস্যায় লোকের মন উদ্ভিন্ন হইয়া উঠিতেছে সেই সকল সমস্যার দিকে প্রতিষ্ঠানটি প্রথম মনোযোগ দিবেন ইহাই আশা করা যায়।”

রাজকার্য পরিচালনার সমস্যাগুলির অন্ততম হইল লাল ফিতার দৌরাখ্যা, দুর্নীতি এবং অস্বাভাবিকতা। প্রকাশ যে উক্ত সংস্থা রাজকার্য পরিচালনার বিভিন্ন সমস্যা সম্পর্কে গবেষণা করিবেন। কিন্তু মগনভাই বলেন, “এ সকল সমস্যার সমাধান রাজসরকারকেই করিতে হইবে। নূতন সংস্থাটি বাস্তব ও বৈজ্ঞানিক অনুসন্ধান এবং আলোচনা করিয়া কর্তৃপক্ষ ও জনসাধারণের সমক্ষে তাহাদের সিদ্ধান্ত জানাইয়া দিতে পারেন মাত্র।”

আলোচনা প্রসঙ্গে শ্রীদেশাই আরও কয়েকটি সমস্যার প্রতি দৃষ্টি আকর্ষণ করিয়াছেন। রাজপুরুষেরা অধিকাংশই তাঁহাদের পুরাতন আমলাতান্ত্রিক মনোভাব ত্যাগ করিতে পারেন নাই। বর্তমান গণতান্ত্রিক ব্যবস্থায় তাঁহাদের ঐ মনোভাব পরিত্যাগ করা নিতান্ত জরুরী প্রয়োজন। তিনি এই সকল সমস্যা বিচার-বিশ্লেষণ করিয়া দেওয়া রাজপুরুষদের সমক্ষে স্পষ্ট কর্তৃপক্ষ তুলিয়া ধরিবার প্রয়োজনীয়তার উপর জোর দিয়াছেন। অন্তর্গত রাজ্যে রামমূর্ত্তি কমিটি দেখাইয়াছেন যে, সেখানে রাজসরকারের ঘোষিত নীতিকে আমলাতন্ত্র নষ্ট করিয়া দিয়াছিল। মধ্যপ্রদেশের মাদকনিষেধ অনুসন্ধান কমিটিও অনুরূপ ক্রটির উল্লেখ করিয়াছেন। এইগুলিরও অনুসন্ধান ও আলোচনার আয়োজন নূতন প্রতিষ্ঠানে থাকা উচিত।

আর একটি মৌলিক প্রশ্ন হইল—ভবিষ্যতে রাজচাকুরীতে কিরূপে লোক নিয়োগ হইবে? লেখাপড়া, শিক্ষাদীক্ষা ও অগ্র কি গুণ থাকিলে চাকুরীতে লওয়া হইবে?

শ্রীদেশাই লিখিতেছেন : “রাজপুরুষদের কিরূপ ভাষাজ্ঞান থাকা প্রয়োজন তাহা সংবিধানের কথা স্মরণে রাখিয়া স্থির করিতে হইবে। সংবিধানের ৮ম সিডিউলে ভারতবাসী যে সকল ভাষা ব্যবহার করিবে তাহার তালিকা দেওয়া হইয়াছে। আস্তঃপ্রাদেশিক সর্বভারতীয় ক্ষেত্রে কোন্ ভাষা চলিবে তাহাও ঐস্থানে উল্লিখিত আছে। নূতন রাজপুরুষদের এই প্রয়োজন মিটাইবার যোগ্যতা থাকা চাই। বিশ্ববিদ্যালয়গুলি লক্ষ্য রাখিবেন যেন ছাত্রেরাও প্রয়োজনানুরূপ শিক্ষালাভ করে। শিক্ষার্থীরা নিজ আঞ্চলিক ভাষার মাধ্যমে শিক্ষালাভ করিবে এবং তাহারা সর্বভারতীয় রাষ্ট্রভাষা হিন্দী ভাষাও জানিবে ও তৃতীয় ভাষা ইংরেজীও জানিবে।”

আমরা মনে করি কুপোষা-পোষণ দোষ না হইলে রাজচাকুরীতে যোগ্য লোক স্থান পাইবে না। যোগ্য লোক নিযুক্ত না হইলে সকল সমস্যাই বাড়িয়া যাইবে।

মেদিনীপুর জেলা বিভাগের অপপ্রচেষ্টা

সম্প্রতি “উৎকল সন্মিলনী”র পক্ষ হইতে মেদিনীপুর জেলার কয়েকটি অংশকে বিচ্ছিন্ন করিয়া উড়িষ্যার সহিত যুক্ত করিবার যে প্রস্তাব করা হইয়াছে সে সম্পর্কে এক সম্পাদকীয় মন্তব্যে ১৬ই

জ্যৈষ্ঠ “মেদিনীপুর পত্রিকা” লিখিতেছেন, ব্রিটিশ সরকার দুই বার এইরূপ চেষ্টা করা সত্ত্বেও সফলতা লাভ করিতে পারে নাই। মেদিনীপুরে মুকুটহীন রাজা দেশপ্রাণ বীরেন্দ্রনাথের বিরাট ব্যক্তিত্ব, কুরখার যুক্তিজাল এবং অদম্য ও অনমনীয় দৃঢ়তা সকল প্রকার অপপ্রচেষ্টাকে ব্যাহত করিয়াছিল। আজ বীরেন্দ্রনাথ জীবিত না থাকিলেও মেদিনীপুরের অন্তরাখ্যা আজিও জীবিত আছে। তাই বাতাসে এই অপপ্রচেষ্টার কথা শুনিবামাত্র দলমতনির্বিশেষে ৪০ জন মেদিনীপুরবাসী একবাক্যে ইহার বিরুদ্ধতা করিয়াছে।

মেদিনীপুরবাসীর সমবেত প্রতিষ্ঠান “মেদিনীপুর সন্মিলনী”র ৮ম বার্ষিক সাধারণ সভায় জেলা বিভাগের সকলপ্রকার অপপ্রচেষ্টার বিরুদ্ধতা করিয়া সম্প্রতি যে প্রস্তাব গৃহীত হইয়াছে তাহার উল্লেখ করিয়া পত্রিকাটি লিখিতেছেন :

“যাঁহারা যে কোন অছিলায় মেদিনীপুর বিভাগের স্বপ্নও দেখেন তাঁহারা আশা করি সময়মত সংযত হইবেন। নচেৎ তাঁহাদের জানিয়া বাণা উচিত যে, পরাধীন ভারতে মেদিনীপুরের যে ঐতিহ্য আছে স্বাধীন ভারতেও তাহার সে ঐশ্বর্য দেশের ডাকে কখনও ম্লান হইবে না।” আমরাও তাহা আশা করি।

বাকুড়ায় সরিষার তৈলে ভেজাল

“ক্রীতমূর্খ” ১৮ই জ্যৈষ্ঠ “হিন্দুবানী”তে লিখিতেছেন, “আমরা বিশ্বস্তসূত্রে জানতে পেরেছি ‘তিবামিরা’ বীজ নামক একজাতীয় তৈলবীজ বাকুড়ায় সম্প্রতি প্রায় ২৫০০ মণ আমদানী হয়েছে। এই বীজের তৈল সরিষার তৈলের সহিত ভেজাল হিসাবে মিশান চলে। আমাদের মনে হয়, এই উদ্দেশ্যেই এত প্রচুর পরিমাণ বীজ আমদানী হয়েছে। এই বিষয়ের প্রতি আমরা এনফোসমেন্ট বিভাগ ও জেলা ম্যাজিস্ট্রেটের দৃষ্টি আকর্ষণ করছি। অবিলম্বে তৎপর না হলে তৈলের সাথে মেশান হয়ে যাবার সম্ভাবনাই প্রবল।”

থবর যদি সত্য হয় তবে কর্তৃপক্ষের অবহিত হওয়া উচিত।

রবীন্দ্রজয়ন্তী পালনে সরকারী হস্তক্ষেপ

রবীন্দ্র-জন্মোৎসব একটি জাতীয় উৎসবে পরিণত হইয়াছে। কিন্তু তবুও বলিতে হয় যে, বর্তমানে রবীন্দ্র-জয়ন্তী উপলক্ষে যে সকল অনুষ্ঠান হয় তাহাতে রবীন্দ্রনাথের আদর্শ সর্বদা প্রধান স্থান পায় না। এই প্রসঙ্গে এক সম্পাদকীয় প্রবন্ধে “বঙ্গবানী” লিখিতেছেন, অধিকাংশ অনুষ্ঠানেই অনুষ্ঠানকারীদের বিলম্বিত প্রচারের গন্ধ থাকে। যে সকল অনুষ্ঠানে রবীন্দ্র-সাহিত্যের পূর্ণাঙ্গ আলোচনার ব্যবস্থা সত্যি থাকে সেই সকল স্থলেও একশ্রেণীর শ্রোতাদের নিকট হইতে প্রতিবাদ আসে—বক্তৃতা নহে গান চাই। ইহা ক্রটির অধোগতিরই পরিচায়ক।

পত্রিকাটি লিখিতেছেন : “সম্প্রতি আবার শোনা গেল পশ্চিমবঙ্গের শিক্ষাপ্রতিষ্ঠানে কিরূপভাবে রবীন্দ্র-জন্মোৎসব পালিত হইতে পারে তাহার জগৎ উদ্ধতন কর্তৃপক্ষ নির্দেশ দিয়াছেন। এমন কি অনুষ্ঠানসূচীও সংবাদপত্রে প্রকাশিত হইয়াছে। অথচ ইহার কোন প্রয়োজন ছিল না। কবিগুরুকে স্মরণ করিবার নামে

এইরূপ অনাবশ্যক হস্তক্ষেপের পশ্চাতে আর বাহাই থাকুক অমুঠাতির সূক্ষ্মতা নাই। ইহাতে রবীন্দ্র-জয়ন্তী উৎসব পরিপূর্ণ হয় না, সংকীর্ণ হয়।” রবীন্দ্রনাথ স্বয়ং তাঁহার এক জয়ন্তী অনুষ্ঠানের ভাষণে বলিয়াছিলেন, তাঁহাকে গ্রহণ করিয়া দেশ যদি কোন দিক হইতে লাভবান না হইয়া থাকে তবে এই উৎসবের কোনই তাৎপর্য নাই। কবি, ঔপন্যাসিক, প্রবন্ধকার, ঋষি, সাধক বহুতর প্রতিভার উজ্জ্বল জ্যোতিষ্ক রবীন্দ্রনাথ—কোন বাধাধরা অনুষ্ঠানের মধ্য দিয়া কখনই এই বিরাট প্রতিভার সম্যক উপলব্ধি সম্ভব নহে।

বহরমপুরে নূতন উন্মাদ হাসপাতাল

“মুর্শিদাবাদ সমাচারে” ২৮শে বৈশাখের এক সংবাদে প্রকাশ যে, পশ্চিমবঙ্গ সরকার বহরমপুরে একটি উন্মাদ হাসপাতাল খুলিতে মনস্থ করিয়াছেন। প্রস্তাবিত হাসপাতালটি বহরমপুরের প্রাক্তন জেলভবনে খোলা হইবে। বর্তমানে উক্ত ভবনে এক শত জন কিশোর অপরাধী চিকিৎসাধীন আছে। ঐ স্থানে হাসপাতালটি প্রতিষ্ঠিত হইলে বহরমপুরের বোর্ডাল স্কুলটি নাকি রাজ্যসরকার কর্তৃক সাত লক্ষ টাকা মূল্যে ক্রীত বর্ধমানের গোলাপবাগে স্থানান্তরিত করা হইবে। প্রস্তাবিত হাসপাতালে ৫০০ রোগীর অবস্থানের ব্যবস্থা থাকিবে।

বর্তমানে রাঁচীতে পাগলের চিকিৎসার জগৎ জনসাধারণকে প্রচুর অর্থব্যয় এবং নানাবিধ অসুবিধার সম্মুখীন হইতে হয়। হাসপাতালটি প্রতিষ্ঠিত হইলে প্রয়োজনবোধে রাঁচী হইতে পশ্চিমবঙ্গের উন্মাদকে কিছু কিছু করিয়া ফিরাইয়া আনা হইবে বলিয়া জানা গিয়াছে।

পশ্চিমবঙ্গে এইরূপ হাসপাতালের বিশেষ অভাব। সেইজন্য এই প্রস্তাবটি কি ভাবে গৃহীত ও কার্যে পরিণত হয় সেদিকে সাধারণের মনোযোগ থাকা প্রয়োজন।

আগরতলায় জলকষ্ট

ত্রিপুরায় বিশেষতঃ আগরতলা শহরে প্রচণ্ড গ্রীষ্মাধিক্য, অনাবৃষ্টি এবং জলকষ্ট সম্পর্কে এক সম্পাদকীয় প্রবন্ধে ২রা জ্যৈষ্ঠ “সেবক” লিখিতেছেন যে, বর্তমান বৎসরে বৃষ্টি এবং পানীয় জলের অভাবে জনসাধারণ বিশেষভাবে ক্লিষ্ট হইতেছে। বৃষ্টির অভাবে চাষী ক্ষেতে লাঙ্গল দিতে পারিতেছে না। বিস্তৃত পানীয় জল না পাওয়ায় বলিতে গেলে প্রতিগৃহে টাইফয়েড, প্যারা-টাইফয়েড, আমাশয় প্রভৃতি রোগের প্রাদুর্ভাব হইতেছে।

পত্রিকাটি লিখিতেছেন, প্রতি বৎসরই চৈত্র-বৈশাখ মাসে আগরতলা শহরে টাইফয়েড রোগের প্রাদুর্ভাব হয়। বিস্তৃত জলের অভাবই তাহার অঙ্গতম প্রধান কারণ। আগরতলায় টিউবওয়েলের জল দূষিত থাকার জগুই এরূপ হয়। একই কারণে তথায় অধিকাংশ লোকই পেটের পীড়ায় ভোগেন। “এই প্রশ্ন ভারতীয় পার্লামেন্টেও উঠিয়াছিল এবং খাদ্যমন্ত্রী স্বীকার করিয়াছিলেন যে, আগরতলায় টিউবওয়েলে যে জল পাওয়া যায় তার শতকরা নব্বই

ভাগই পেটের পীড়ায় বীজাণুমিশ্রিত। মফস্বলের টিউবওয়েলের জলের বিস্তৃততা সম্পর্কে এখনও কিছু জানা যায় নাই।”

এরূপ অবস্থায় আগরতলা শহরে অনতিবিলম্বে একটি পূর্ণাঙ্গ ওয়াটার ওয়ার্কস স্থাপনের প্রয়োজনীয়তা দেখা দিয়াছে। আগরতলা নিউ মিউনিসিপ্যালিটি একটি ওয়াটার ওয়ার্কস স্থাপনের পরিকল্পনা করিয়াছিলেন, কিন্তু সরকারী অর্থসাহায্য ব্যতীত ওয়াটার ওয়ার্কস স্থাপিত হইবার সম্ভাবনা আছে বলিয়া “সেবক” মনে করেন না। কিন্তু কাজের মস্তুর গতি দেখিয়া পত্রিকাটি এ বিষয়ে বিশেষ আশাশ্রিত নহেন। যাহা হউক যাহাতে দ্বিতীয় পঞ্চবার্ষিকী পরিকল্পনায় আগরতলায় একটি পূর্ণাঙ্গ ওয়াটার ওয়ার্কস স্থাপিত হইবার ব্যবস্থা হয় সম্পাদকীয় মন্তব্যে তৎপ্রতি সকলের দৃষ্টি আকর্ষণ করা হইয়াছে।

আসানসোল হাসপাতালে বসন্ত ওয়ার্ডের অভাব

“বঙ্গবাণী” লিখিতেছেন, আসানসোল পশ্চিমবঙ্গের অঙ্গতম প্রধান শিল্পাঞ্চল। ঐ শহরে প্রতি বৎসরের জায় এ বৎসরেও বসন্ত মহামারীরূপে দেখা দিয়াছে। কিন্তু স্থানীয় এল. এম. হাসপাতালে বসন্ত রোগীদের জগু কোন ওয়ার্ড নাই।

পত্রিকাটির সংবাদ অনুযায়ী তিন বৎসর পূর্বে বসন্ত ওয়ার্ডের জগু বর্ধমান হইতে তাঁবু পাঠানো হয়। কিন্তু যে-কোন কারণেই হউক সেই সকল তাঁবু ফেবত পাঠানো হয়। অবশেষে স্থানীয় আন্দোলনের ফলে তিন বৎসর পরে পুনরায় তাঁবু আনা হয় বটে, কিন্তু সেগুলি খাটাইতে অযথা বিলম্ব করা হয়। ইতিমধ্যে রোগের প্রকোপে বহু লোকের প্রাণহানি ঘটে। কিন্তু গত ২৭শে মে ঝড়বৃষ্টিতে উক্ত তাঁবুগুলিও উড়িয়া যায়। হাসপাতালের কর্মচারিগণের তৎপরতার ফলে অবশ্য রোগীদের বিশেষ কোন ক্ষতি হয় নাই। তবে রোগীদিগকে নাকি তাহাদের নিজ নিজ স্থানে পাঠাইয়া দেওয়া হইয়াছে।

“বঙ্গবাণী” লিখিতেছেন : “অনেকেরই সন্দেহ জাগিতেছে যে কর্তৃপক্ষ বোধ হয় ঐ দুইটি তাঁবু দেখাইয়া small pox wardটি স্থায়ী ভাবে না করিবার মতলবে আছেন। আমরা জানি হাসপাতালের চরম দায়িত্ব পশ্চিমবঙ্গের জনস্বাস্থ্য মন্ত্রী মহোদয়ের। এই ব্যাপারে তিনি সক্রিয় হস্তক্ষেপ না করিলে হাসপাতালের নানা অভিযোগ উত্তরোত্তর বৃদ্ধি পাইতে থাকিবে। আসানসোলের মত এমন গুরুত্বপূর্ণ শহর যেখানে বসন্ত মহামারীরূপে দেখা দেয় সেখানে তাঁবু খাটাইয়া সাময়িক এবং অস্থায়ী ভাবে বসন্ত রোগের প্রতিকারের চেষ্টা করায় আমরা সমর্থন করিতে পারি না।” পত্রিকাটি যথেষ্টসংখ্যক শব্দাসম্বলিত একটি স্থায়ী ওয়ার্ড প্রতিষ্ঠার অনুরোধ জানাইয়াছেন।

আমাদের ব্যক্তিগত অভিজ্ঞতা এই যে, পশ্চিমবঙ্গের কর্তৃপক্ষ এখনও পশ্চিমবঙ্গ বলিতে কলিকাতা ও তাহার আশপাশই বুঝেন। দামোদরের ওপার ত শুধু শ্রমসংগ্রহের আকর মাত্র বলিয়া জ্ঞাত। এই অবস্থায় স্থানীয় প্রতিনিধিবর্গ যদি পরিষদে বা লোকসভায় কিছু বলেন তবে সুকল হইতে পারে। তবে সে ক্ষেত্রেও যদি বোগ্যতার অভাব থাকে ত উপায় কি? আসানসোল ত পরিষদে একজন প্রতিনিধি পাঠাইয়াছিলেন। তিনি এ বিষয়ে কি বলেন?

বিহার মাধ্যমিক শিক্ষাবোর্ডের অব্যবস্থা

বিহার মাধ্যমিক শিক্ষাবোর্ড গত দুই বৎসর ধাবৎ পরীক্ষার উত্তীর্ণ প্রথমশ্রেণী জনের নাম প্রকাশ করিতেছেন না। উপরন্তু বাহারা বৃত্তি পাইবার অধিকারী তাহাদের নামও বধাসময়ে প্রকাশিত করা হয় না। ২৬শে বৈশাখ “নবজাগরণ” পত্রিকার সংবাদে প্রকাশ, ১৯৫২ সনে বাহারা বিহার মাধ্যমিক বোর্ডের স্কুল ফাইনাল পরীক্ষার বৃত্তি অর্জন করিয়াছিল দীর্ঘ দুই বৎসর পর সম্প্রতি তাহাদের নাম প্রকাশিত হইয়াছে। এই ব্যাপারে বোর্ডের দায়িত্বজ্ঞানহীনতার সমালোচনা করিয়া পত্রিকাটি লিখিতেছেন : “বর্তমান শিক্ষাবিভাগে অকর্মণ্যের দল সংখ্যাগুরু হওয়ায় কত প্রতিভা অকুরে বিনাশপ্রাপ্ত হয়, কত সম্ভাব্য জীবনে ছেদ পড়ে তাহার হিসাব কে রাখে? বাহারা বৃত্তি লাভ করিয়াছে তাহাদের মধ্যে হস্ত অনেকেই অর্থ-অসচ্ছল্যে উচ্চতর শিক্ষায় বঞ্চিত হইয়া উচ্ছলতর ভবিষ্যতের সন্ধান পাইল না। সময়ে ইহার প্রকাশ হইলে প্রত্যেক বৃত্তিভোগী প্রথম সোপানে জয়ের গৌরব স্বরণ করিয়া উচ্চতর শিক্ষায় জ্ঞান প্রেরণা পাইয়া প্রতিভা সুরণের অধিকতর সুযোগ পাইত।”

পরীক্ষায় যে ছাত্র বা ছাত্রী প্রথম স্থান অধিকার করে তাহাদের এবং বৃত্তিঅর্জনকারী ছাত্র-ছাত্রীর নাম প্রকাশের ব্যবস্থা বাহাতে পরীক্ষার ফল প্রকাশের অব্যবহিত পরেই করা হয় সেই পরামর্শ দিয়া পত্রিকাটি কর্তৃপক্ষের কর্তব্যপদ্ধতির পরিবর্তন ও তাহাদের সম্মান হইবার দাবি জানাইয়াছেন।

জামসেদপুর “রবীন্দ্র-স্মৃতি তহবিলের হিসাব”

গত ২৬শে বৈশাখ এক সম্পাদকীয় প্রবন্ধে “নবজাগরণ” লিখিতেছেন, রবীন্দ্রনাথের স্মৃতিরক্ষার্থে রবীন্দ্র স্মৃতি ভাণ্ডার সৃষ্টি হইলে ১৯৪৫ সালে জামসেদপুরে টাটা কোম্পানীর তদানীন্তন জেনারেল ম্যানেজারকে লইয়া একটি রবীন্দ্র স্মৃতি সমিতি গঠিত হয় এবং তাহারা অর্থসংগ্রহও আরম্ভ করেন। পত্রিকার মন্তব্য অমুখ্যায়ী জানা যায়, “অর্থসংগ্রহ হইয়াছিলও প্রচুর কিন্তু তাহা যে কি হইল অস্তাবধি জনসাধারণকে জানান হয় নাই। তবে অর্থের যে অপচয় হয় নাই তাহাই বা বলি কি করিয়া বখন গুনিতে পাই পরলোকগত খানবাহাদুর প্যাটেল বীণাল সিনেমায় একটি চ্যারিটি শোর আয় কিকির্দধিক দুই শত টাকা স্মৃতি-তহবিল সমিতিতে দান করেন। তাহা ব্যাঙ্কে জমা না দিয়া স্মৃতি-তহবিল সমিতির সহচর ও অমুচররা নাকি যেশন ও অজ্ঞান অভাব মিটাইবার জন্ত টাকাটা খাটাইতেন। এমন সময় টাটা কোম্পানীর একজন উচ্চপদস্থ কর্মচারী উক্ত দুই শত টাকা তাহার ব্যক্তিগত ব্যবহারের জন্ত লন, কিন্তু তাহার পর নাকি উক্ত টাকার আয় পুস্তকা নাই। জামসেদপুর রবীন্দ্র-স্মৃতি সমিতির নির্বাচিত যুগ্ম-সম্পাদক দুই জন পদাধিকারী বিশিষ্ট বাঙালী ভ্রাতৃলোক। জনসাধারণের মধ্যে তাহাদের নাম অনেকে ভুলিয়া যান নাই। রবীন্দ্র-স্মৃতি তহবিলের স্তিমিত জানিবার জন্ত জনসাধারণ সেজন্ত দাবি জানাইতেছেন। আমরা সম্পাদকবৃত্তকে অমুদ্রোধ করিতেছি রত শীঘ্র সম্ভব রবীন্দ্র-স্মৃতি তহবিলের পূর্ণ হিসাব প্রকাশ করুন।”

মন্তব্য নিম্নরোজন, তবে বলা দরকার যে বাহারা টাটা দিয়াছিলেন তাহারা যদি এদিকে দৃষ্টি রাখিতেন তবে এরূপ অবস্থার সৃষ্টি হইত না।

ওয়াশিংটনে বৌদ্ধ মন্দির নির্মাণের উদ্যোগ

মার্কিন যুক্তরাষ্ট্রে বসবাসকারী বৌদ্ধগণ ওয়াশিংটনে একটি বৌদ্ধ মন্দির নির্মাণে উদ্যোগী হইয়াছেন। মন্দির নির্মাণের জন্ত ৫০ লক্ষ হইতে এক কোটি ডলার অর্থের প্রয়োজন হইবে। প্রকাশ, থাইল্যান্ড সরকার এজ্ঞা অর্থসংহায্য করিতে স্বীকৃত হইয়াছেন। অজ্ঞা স্থান হইতে অর্থসংগ্রহের কার্য ইতিমধ্যেই আরম্ভ হইয়াছে।

সানফ্রানসিসকো, লস এঞ্জেলস ও সিয়াটলেই প্রধানতঃ মার্কিন যুক্তরাষ্ট্রের এক লক্ষ বৌদ্ধধর্মাবলম্বীরা বাস করেন। বর্তমানে হাওয়াই দ্বীপে ৫টি, লস এঞ্জেলসে ১৩টি, সানফ্রানসিসকোতে ৪টি এবং নিউ ইয়র্ক সিটিতে ২টি বৌদ্ধ মন্দির রহিয়াছে।

মিশিগানের অন্তর্গত অ্যান আর্কাবের নিকট একটি বৌদ্ধ পাঠকেন্দ্র নির্মাণের জন্তও চেষ্টা চলিতেছে।

যুক্তরাষ্ট্রের বিদ্যালয়সমূহে বর্ণবৈষম্য নীতি


গত ১৭ই মে মার্কিন যুক্তরাষ্ট্রের সুপ্রীম কোর্ট সরকারী বিদ্যালয়সমূহে বর্ণবৈষম্য নীতি বিধিবহিত বলিয়া ঘোষণা করিয়াছেন। প্রধান বিচারপতি রায়দানপ্রসঙ্গে বলেন যে, মার্কিন যুক্তরাষ্ট্রে সংবিধানের চতুর্দশ সংশোধনে নিগ্রো ও অজ্ঞা সংখ্যালঘুদের জাতি-বর্ণনির্দেশে আইনের দৃষ্টিতে সমান বলিয়া স্বীকার করা হইয়াছে। যুক্তরাষ্ট্রের কয়েকটি রাজ্যের বিদ্যালয়গুলিতে নিগ্রোদের প্রবেশাধিকার অস্বীকার করার ফলে নিগ্রোদিগকে এই অধিকার হইতে বঞ্চিত করা হইয়াছে।

যুক্তরাষ্ট্রের ১৭টি রাজ্যে সরকারী বিদ্যালয়গুলি স্থানীয় আইনের বলে নিগ্রোদিগকে খেতকারদিগের সহিত একই বিদ্যালয়ে যোগ দিতে দেওয়া হয় না। তদ্ব্যতীত আরও ৪টি রাজ্যে এই পৃথকীকরণ নীতি অল্পবিস্তর বিদ্যমান রহিয়াছে।

সুপ্রীম কোর্টের সর্বসম্মত রায়ে বলা হইয়াছে, “আমরা মনে করি যে সাধারণ শিক্ষার ক্ষেত্রে ‘পৃথক অথচ সমান’ নীতি অচল। শিক্ষাব্যাপারে পৃথক সুরবিধান মূলতঃ অসম্পূর্ণ।

সুপ্রীম কোর্টের এই সিদ্ধান্ত মার্কিন গণতন্ত্রের ইতিহাসে একটি সবিশেষ গুরুত্বপূর্ণ ঘটনা বলিয়া বর্ণনা করা হইয়াছে। কিন্তু এই সিদ্ধান্ত খেতকারদিগের অনেকেই মনঃপূত হয় নাই এবং ইহাকে কার্যক্ষেত্রে বাস্তবায়ন করিবার জন্ত তাহারা নানারূপ ফিকিরের সন্ধানে রহিয়াছেন। “মার্কিনবার্তা”র সংবাদে প্রকাশ, বহু সংবাদপত্রে এই সিদ্ধান্তকে অভিনন্দন জানান হইলেও “সুপ্রীম কোর্টের সিদ্ধান্তটি সমরোচিত হইয়াছে কিনা, বহু সংবাদপত্র অবশ্য সে বিষয়েও গুরুতর সংশয় প্রকাশ করিয়াছেন। দক্ষিণাঞ্চলের বহু প্রভাবশালী সংবাদপত্র সিদ্ধান্তটিকে অনিবার্য বলিয়াই গ্রহণ করিয়াছেন।”

পৃথিবীর বৃহত্তম গণতন্ত্রবাদী দেশে বর্ণবৈষম্য দূর করিয়া প্রকৃত সাম্যের পথের নির্দেশ এতদিনে দেওয়া হইল। দেখা বাউক এই প্রগতিমূলক ব্যবস্থা কিরূপে গৃহীত হয়।



শ্রুতি ও স্বরস্থান (প্রাচীন)

শ্রীলক্ষ্মীকান্ত মুখোপাধ্যায়

সামবেদ হইতে আমাদের সঙ্গীত স্বরগ্রহণ করিয়াছে এইরূপ একটি জনশ্রুতি আছে বটে, কিন্তু কেহই স্বরগুলির অবস্থান অর্থাৎ একটি স্বর হইতে আর একটি স্বর কতখানি উচ্চ, তৎসম্বন্ধে কোনরূপ আলোকসম্পাত করিতে পারেন না। এমন কি কাশীধামের বিখ্যাত সামবেদিগণও এ সম্বন্ধে নির্দিষ্ট কিছুই বলিতে পারেন নাই। বেদগান সুরে স্তোত্রপাঠের মতই ছিল। প্রথমতঃ তিনটি, পরে চারটি এবং শেষ পর্যন্ত সাতটি স্বরই ব্যবহার করা হইত বটে, কিন্তু সেই স্বরগুলির অবস্থান সম্বন্ধে বিশেষ কিছুই জানা যায় না।

ভারতবর্ষে আজকাল দুইটি সঙ্গীত পদ্ধতি প্রচলিত আছে—(১) হিন্দুস্থানী বা উত্তর-ভারত পদ্ধতি, (২) কর্ণাটক বা দক্ষিণ ভারত পদ্ধতি। প্রাচীনকালে মাত্র একটি পদ্ধতিই সর্বভারতে প্রচলিত ছিল, এবং ঠিক কোন সময় হইতে যে দুইটি পদ্ধতিতে পরিণত হইল তাহা ঠিক কবিয়া বলা কঠিন। তবে কর্ণাটক পদ্ধতিতে ‘শ্রুতি’র পর্যাপ্ত ব্যবহার দেখিয়া মনে হয়, প্রাচীন সঙ্গীতের যাহা কিছু এই পদ্ধতিতেই অবশিষ্ট আছে, পক্ষান্তরে (মুসলমানগণের দ্বারা আনীত পারস্য-সঙ্গীতের প্রভাবে) উত্তর-ভারত স্বরস্থানের উপর বেশী জোর দেওয়ার ফলেই শ্রুতির ব্যবহার কমিয়া গিয়া বর্তমান হিন্দুস্থানী পদ্ধতির উদ্ভব হইয়াছে।

আমাদের আলোচ্য বিষয়—শ্রুতি ও স্বরস্থান। তিনটি ভাগে আমরা এ বিষয়ের আলোচনা করিব—(১) প্রাচীনকাল, (২) মধ্যযুগ ও (৩) বর্তমান কাল।

আমাদের মনে সঞ্চিত হইবে যে, যেমন পূর্ব ভাষা ও পরে তার ব্যাকরণ—সঙ্গীতেও তেমনি, আগে সঙ্গীত পরে তাহাকে সূত্রবদ্ধিত করিবার শাস্ত্র। সঙ্গীত অগ্রগামী ও পদ্বিকর্তনশীল। কারণ লোককণ্ঠের উপর সঙ্গীত নির্ভরশীল। দেশ কাল পাত্রভেদে লোককণ্ঠের যেরূপ পরিবর্তন হয়, সঙ্গীতেও সেইরূপ পরিবর্তন অনিবার্য এবং সঙ্গীতশাস্ত্রবও আনুমানিক সংস্কার প্রয়োজন হয়।

যে-কোন সঙ্গীত সম্বন্ধে জ্ঞানলাভ করিতে হইলে তাহার শুদ্ধ স্বরস্থান কি, তাহা জানা প্রয়োজন। যে কয়টি স্বর (বা শ্রুতি) সাহায্যে সঙ্গীতের অভিব্যক্তি, তাহাদের অবস্থান সপ্তকে কোথায় কোথায় তাহা জানা নিতান্ত প্রয়োজন।

ভারতীয় সঙ্গীত-শাস্ত্রের প্রাচীনতম প্রামাণ্য গ্রন্থ ভারতের ‘নাট্যশাস্ত্র’। তাৎকালিক বা তাহার কয়েক শত বৎসর

পরবর্তীকালে লিখিত গ্রন্থে ভারতেরই মত পরিবর্তিত ভাষায় দেখিতে পাওয়া যায়। তাহার প্রদর্শিত উপায়েই আমরা তাহার শ্রুতি ও শুদ্ধ স্বরস্থান বুঝিতে চেষ্টা করিব। তখনকার দিনে “ষড়্জ” ও “মধ্যম” দুইটি গ্রাম বা সপ্তক দেশে প্রচলিত ছিল এবং মনে হয় প্রত্যেক শিল্পীরই দুইটি গ্রাম সম্বন্ধেই ধারণা এবং ব্যুৎপত্তি ছিল। ষড়্জ গ্রাম সম্বন্ধে তিনি লিখিয়াছেন :

ষড়্জশ্চতুঃশ্রুতির্জেয় ঋষভস্ত্রিশ্রুতিস্তথা ।
দ্বিশ্রুতিশ্চৈব গান্ধারো মধ্যমশ্চ চতুঃশ্রুতিঃ ॥
চতুঃশ্রুতিঃ পঞ্চমঃ স্রাদ্ধৈবতস্ত্রিশ্রুতি স্তথা ।
নিবাদো দ্বিশ্রুতিশ্চৈব ষড়্জগ্রামে ভবন্তি হি ॥”

অর্থাৎ, ষড়্জগ্রামে ষড়্জ, মধ্যম ও পঞ্চমের চারটি করিয়া শ্রুতি, ঋষভ ও দৈবতের তিনটি করিয়া এবং গান্ধার ও নিবাদের দুইটি করিয়া শ্রুতি হইবে। প্রত্যেক স্বর তাহার শেষ শ্রুতির উপর স্থাপিত হইবে। তাহা হইলে এইরূপ দাঁড়াইবে। ২২টি শ্রুতি পর পর বসাইয়া স্বর স্থাপনা করা হইল ষড়্জ গ্রাম :

১	২	৩	৪	৫	৬	৭	৮	৯	১০	১১
			মা			রে		গা		
১২	১৩	১৪	১৫	১৬	১৭	১৮	১৯	২০	২১	২২
	মা				পা			ধা		নি

মধ্যম গ্রাম সম্বন্ধে তিনি লিখিয়াছেন : “মধ্যম গ্রামে শ্রুতাপকুষ্ঠঃ পঞ্চমঃ কাণ্ড্যঃ।” অর্থাৎ, মধ্যম গ্রামে পঞ্চম তাহার তৃতীয় শ্রুতির উপর স্থাপিত হইবে। অর্থাৎ ষড়্জ গ্রামের পঞ্চম অপেক্ষা মধ্যম গ্রামের পঞ্চম ১ম শ্রুতি নিয়ে অবস্থিত থাকিবে :

১	২	৩	৪	৫	৬	৭	৮	৯	১০	১১
			মা			রে		গা		
১২	১৩	১৪	১৫	১৬	১৭	১৮	১৯	২০	২১	২২
	মা				পা			ধা		নি

“পঞ্চম শ্রুত্যা কৰ্মাপকৰ্ষাভ্যাং যদন্তরং মাদ্বাদায়তত্বাদ্ বা তৎ প্রমাণশ্রুতিয়া” নাট্যশাস্ত্র

অর্থাৎ, মধ্যম গ্রামের পঞ্চমকে ১ শ্রুতি উচ্চ করিয়া ষড়্জগ্রামে পরিণত করিয়া বা ষড়্জগ্রামের পঞ্চমকে ১ শ্রুতি নামাইয়া মধ্যমগ্রামে পরিণত করিয়া একটি শ্রুতির প্রমাণ বুঝিতে হইবে।

এইবার তাহার প্রদর্শিত উপায়ে আমরা দেখি, কি

করিয়া তিনি ২২টি শ্রুতি প্রমাণ করিয়াছেন এবং স্বরস্থান ও একটি শ্রুতির “মাপ” সম্বন্ধে কি বলিয়াছেন।

“যথা ঐদে বীণে তুল্যপ্রমাণ-তন্ত্র্যুপ-পাদন-দণ্ড-মূর্ছনে ষড়্জ গ্রামাশ্রিতে কার্যে।”

অর্থাৎ, দুইটি বীণা লও যাহাদের কাঠের ফ্রেম, তার ইত্যাদি একইরূপ (absolutely identical) এবং দুইটি বীণাই ষড়্জ গ্রামের মূর্ছনায় বাধিয়া লও। দুইটি বীণা পাশাপাশি রাখিয়া যেটি সেই ভাবেই ষড়্জ গ্রামের মূর্ছনায় বাধা থাকিবে তাহার নাম ধ্রুব বা অচল বীণা এবং যে বীণাটি পরিবর্তন করিয়া শ্রুতি প্রদর্শিত হইবে তাহাকে “চল” বীণা আখ্যা দেওয়া হইল।

“তয়োৱেকতরীং মধ্যম গ্রামকীং কৃত্বা পঞ্চমস্তাপকর্ষণে শ্রুতিম্ ॥”

অর্থাৎ, ২য় বা “চল” বীণার পঞ্চম ১ শ্রুতি নামাইয়া বীণাটি মধ্যম গ্রামে পরিণত কর।

“তামেব পঞ্চমবস্ত্রাং ষড়্জ গ্রামকীং কুর্য্যাৎ”

অতঃপর সেই বীণাকেই ‘পঞ্চম’ স্থির রাখিয়া ষড়্জগ্রাম বীণায় পরিবর্তিত কর। অর্থাৎ সা, রে, গা, মা, ধা, নি প্রত্যেক স্বরকে এক এক শ্রুতি নামাইয়া লও। ইহা হইতে বুঝা যায় তখনকার দিনে একটি শ্রুতি সম্বন্ধে শিল্পীর স্পষ্ট ধারণা ছিল এবং এই প্রক্রিয়াও খুব সহজসাধ্য ছিল।

“এবং (সা বীণা) শ্রুতিরপকৃষ্টা ভবতি ॥”

তাহা হইলে “চল” বীণাটি যাহা মধ্যম গ্রামে পরিণত হইয়াছিল, পুনরায় ষড়্জ গ্রামে পরিণত হইল। কারণ পঞ্চম ব্যতীত প্রত্যেক স্বরের একটি করিয়া শ্রুতি নামানো হইল।

“পুনরপি তদ্বদেবাপকর্ষণং, গান্ধার নিষাদবস্তৌ স্বরৌ ইতরশ্রাং ধৈবতর্ষভৌ প্রবিশতঃ দ্বিশ্রুত্যাধিকত্বাদ্ ॥”

এইরূপ আর একবার পরিবর্তন করিলে “চল” বীণার গান্ধার ও নিষাদ অচল বীণার ঋষভ ও ধৈবতে প্রবেশ করিল, কারণ—ইহারা মাত্র ২ শ্রুতি উপরে ছিল।

ধ্রুব } শ্রুতি	১	২	৩	৪	৫	৬	৭	৮	৯	১০	১১	১২	১৩	১৪	১৫	১৬	১৭	১৮	১৯	২০	২১	২২
বীণা } স্বর				সা			রে		গা				মা				পা			ধা		নি
চল } শ্রুতি	১	২	৩	৪	৫	৬	৭	৮	৯	১০	১১	১২	১৩	১৪	১৫	১৬	১৭	১৮	১৯	২০	২১	২২
বীণা } স্বর				সা			রে		গা				মা				পা			ধা		নি
মধ্যম গ্রাম				সা			রে		গা				মা			পা			ধা		নি	
২য় পরিবর্তন			সা			রে		গা				মা			পা			ধা		নি		
৩য় ”			সা			রে		গা				মা			পা			ধা		নি		
৪র্থ ”		সা			রে		গা				মা			পা			ধা		নি			
৫ম ”		সা			রে		গা				মা			পা			ধা		নি			
৬ষ্ঠ ”	সা			রে		গা					মা			পা			ধা		নি			
৭ম ”	সা			রে		গা					মা			পা			ধা		নি			
৮ম ”			সা			গা					মা			পা			ধা		নি			সা

“পুনস্তদ্বদেবাপ কর্ষণৈধৈবতর্ষভা বিতরশ্রাং পঞ্চম ষড়্জৌ প্রবিশতঃ (ত্রি) শ্রুত্যাধিকত্বাৎ ॥”

এইরূপ আর একবার পরিবর্তন করিলে “চল” বীণার ধৈবত এবং ঋষভ “অচল” বীণার পঞ্চম ও ষড়্জ হইবে। প্রাচীন শাস্ত্রকারগণের মতামতসারে ঋষভ এবং ধৈবত ষড়্জ ও পঞ্চম হইতে মাত্র ৩ শ্রুতি উপরে অবস্থিত।

“তদ্বৎ পুনরপকৃষ্টায়াং তন্ত্রাং পঞ্চম-মধ্যম-ষড়্জাঃ

ইতরশ্রাং মধ্যম গান্ধার নিষাদবস্তৌ প্রবেক্ষ্যন্তি চতুঃ-শ্রুত্যাধিকত্বাৎ ॥”

আর একবার এইরূপ শ্রুতি নামাইলে “চল” বীণার পঞ্চম, মধ্যম এবং ষড়্জ “অচল” বীণার মধ্যম, গান্ধার এবং নিষাদ হইবে—কারণ এই স্বরগুলির পার্থক্য মাত্র ৪ শ্রুতি।

“এবং অনেন নিদর্শনেন দ্বৈগ্রামিকো দ্বাবিংশতিঃ শ্রুতয়ঃ প্রত্যবগন্তব্যঃ ॥”

এই নির্দেশন দ্বারা, অর্থাৎ এইরূপ প্রক্রিয়া দ্বারা দুইটি গ্রামের ২২টি শ্রুতি অবগত হওয়া যাইবে।

এখন দেখি, আমরা ইহা হইতে কি বুঝিতে পারি। ভারতের নির্দেশে দুইটি বীণার প্রত্যেকটিতে সাতটি করিয়া তার থাকিবে। তারগুলি ষড়জগ্রামের সা, রে, গা, মা, পা, ধা, নি-তে বাঁধিয়া লইতে হইবে; তৎপরে ষড়জগ্রামের পঞ্চমকে ১ শ্রুতি নামাইয়া মধ্যম গ্রামে পরিণত করিতে হইবে। ষড়জ ও মধ্যম গ্রামের স্বরগুলির সম্বন্ধে ধারণা না থাকিলে একটুও অগ্রসর হওয়া সম্ভব নয়। আমাদের প্রশ্ন হইতেছে—ষড়জ বা মধ্যম গ্রাম কি ছিল? নাট্যশাস্ত্র-কার আশা করিয়াছেন—তঁাহার গ্রন্থের পাঠকের ষড়জ এবং মধ্যম গ্রাম সম্বন্ধে পূর্ণ জ্ঞান রহিয়াছে। পঞ্চম স্বরকে কতটুকু নামাইলে ১ শ্রুতি নামানো হইল তাহাও নিশ্চয় করিয়া বলা হয় নাই। এইটুকু মাত্র বুঝা যাইতেছে যে, প্রত্যেক তার একটু একটু টিলা করিয়া এক এক শ্রুতি করিয়া নামাইতে হইবে। তঁাহার ২য় নির্দেশে সা, রে, গা, মা, ধা ও নি-র এক এক শ্রুতি করিয়া নামাইতে হইবে। কর্ণেঞ্জিয়ের সাহায্যে “মনাক্ উচ্চধ্বনি” প্রমাণে শ্রুতি পরিবর্তনকে বৈজ্ঞানিক ব্যাখ্যা বলা চলে না। প্রত্যেক গ্রামে বা সপ্তকে ২২টি শ্রুতি থাকিলে এবং প্রত্যেক শ্রুতি সমান হইলে তবেই ঐরূপ পরিবর্তন সম্ভব। তিনি যেভাবে প্রমাণ করিয়াছেন তাহাতে শ্রুতি যে ২২টি তাহা পূর্বেই ধরিয়া লওয়া হইয়াছে, প্রমাণ করা হয় নাই। কয়েক শতাব্দী ব্যবধানে আমরা তাহার শ্রুতি ব্যাখ্যার দ্বারা তখনকার দিনে প্রচলিত শুদ্ধস্বর সপ্তক কি করিয়া বুঝিব? ভারতের নিজের ব্যাখ্যা হইতে তাহা জানিবার উপায় নাই। গ্রীক বীণকার পিথাগোরাস দেখাইয়াছেন যে, যে-কোন তার বাঁধিয়া বাজাইলেই তাহার আনুষঙ্গিক উচ্চধ্বনিতে তাহারই ৫ম স্বরও বাজে। কাজেই কোন তার বাঁধিলেই তাহার ৫ম স্বর জানিতে বিলম্ব হয় না। কাজেই সমস্ত শ্রুতিগুলিই সমান মনে করিলে কোন নির্দিষ্ট গ্রাম বা সপ্তক হয় না এবং শ্রুতিও ২২টির কম হয়।

সঙ্গীতরসিকের প্রণেতা শার্ঙ্গদেবও ভারতের মত শ্রুতির একটা নির্দিষ্ট “মাপ” (definite unit) ধরিয়া লইয়াছেন। শ্রুতি সম্বন্ধে তিনি বলিয়াছেন :

“দ্বৈ বীণে সদৃশে কার্যে যথা নাদঃ সমোভবেৎ ।

তয়োর্দ্বাবিশ্ৰুতিস্তম্ভ্যঃ প্রত্যেকং তাস্মু চাদিমা ॥

কার্য্যা মন্ত্রতমধ্বানা দ্বিতীয়োচ্চ-ধ্বনিমর্নাক্ ।

আন্বিতরতা শ্রুতোমধ্যে ধ্বন্যস্তব শ্রুতেঃ ॥” রসিকের

একই আকারের দুইটি বীণা একই সুরে (নাদে) বাঁধিতে হইবে। তাহার একটিতে ২২টি তার থাকিবে (শার্ঙ্গদেবের

একটি শ্রুতি-বীণা ছিল)। সর্ধনিয় নাদ বা শ্রুতি হইতে ২য় তার একটু উচ্চ শ্রুতিতে, ৩য় তার তাহা হইতে একটু উচ্চ ধ্বনিতে এইরূপ ভাবে ২২টি শ্রুতি ক্রমশঃ উচ্চ সুরে চড়াইয়া বাঁধিয়া শ্রবণেন্দ্রিয়ের সাহায্যে নির্দিষ্ট করিয়া লইতে হইবে। “মন্ত্রতমধ্বানা দ্বিতীয়োচ্চ ধ্বনিমর্নাক্” ব্যাখ্যা দ্বারা তাহার শ্রুতি স্থির করিয়া লইতে হইবে। এখানে প্রশ্ন উঠিবে—তিনি কি প্রথমে স্বরস্থান নির্দিষ্ট করিয়া শ্রুতি বিভাগ করিয়াছেন অথবা শ্রুতিদ্বারা স্বরস্থান নির্দিষ্ট করিয়াছেন। আমরা আগেই বলিয়াছি, পূর্বে সঙ্গীত পরে তাহাকে সুনিয়ন্ত্রিত করিবার শাস্ত্র। তখনকার সঙ্গীতের শাস্ত্রোক্ত রূপ দর্শাইবার জন্য স্বরস্থান নির্দিষ্ট করা বিশেষ প্রয়োজন। এই স্বরস্থান শ্রুতির সাহায্যে স্পষ্ট করিবার চেষ্টাতেই যুগ-যুগান্তর ব্যাপী মতবিরোধের সৃষ্টি হইয়াছে। স্বরস্থান বুঝিতে হইলে তঁাহাদের মতে শ্রুতি, তাহাদের মাপ ও অবস্থান বুঝিতে হইবে। স্বরস্থান না বুঝিতে পারিলে গ্রাম, মুর্চ্ছনা ইত্যাদি লইয়া কোন আলোচনা চলে না। অতএব তিনি বলিয়াছেন :

“বক্ষ্যতে স্বরবীণাত্র তস্মামপি বিচক্ষণাঃ ।

অন্ধিত্বা স্বরদেশানাং ভাগাহুস্তিষ্ঠতে শ্রুতিঃ ॥”

স্বরবীণায় (শ্রুতিবীণায় নয়) বিচক্ষণ ব্যক্তি স্বরদেশ অর্থাৎ স্বরগুলির মধ্যবর্তী স্থান অঙ্কন দ্বারা শ্রুতিবিভাগ করিয়া লইবেন। তাহা হইলে দেখা যাইতেছে যে, স্বরস্থান পূর্বেই নির্দিষ্ট ছিল। শ্রুতিবিভাগ দ্বারা স্বরস্থান বুঝাইবার চেষ্টাতেই প্রকৃত বিষয়টি দুর্বোধ্য হইয়া পড়িয়াছে। পণ্ডিত আব্রাহাম (তাঞ্জোর) বরোদা নিখিল-ভারত সঙ্গীত সম্মিলনীতে শার্ঙ্গদেবের শ্রুতি সম্বন্ধে বলিয়াছেন :

“No Scale in which the Struties were taken as unequal could under any circumstances be accepted as Sarngdeva's Buddha Scale”

অর্থাৎ, কোন সপ্তক, যাহাতে শ্রুতিগুলি অসমান, শার্ঙ্গদেবের শুদ্ধস্বর সপ্তক বলিয়া গ্রহণ করা চলে না। সমস্ত শ্রুতিগুলি সমান মনে করিয়া স্বরস্থাপনা করিলে কোন সপ্তক হইতে পারে না। প্রথমে স্বরস্থান নির্দিষ্ট করিয়া শ্রুতিগুলি সমান দেখানো সম্ভব নয়। কারণ মধ্যযুগে পণ্ডিতগণ দেখাইয়াছেন :

“উত্তরোত্তর-সঙ্কোচস্তাকাশে ভবতি ধ্রুবম্ ।

সমভাগ প্রকল্পো ত্র ন সাধু মণ্ডতে বুধেঃ ॥” অরুপবিলাস

নাদ যত উচ্চ হইবে ততই উত্তরোত্তর স্থানে (আকাশ = Space) সঙ্কোচ হইবে। কাজেই স্বরগুলির মধ্যবর্তী স্থান বিষম হইতে বাধ্য। Music Academy of Madras, (January, 1930, Vol. I, No. 1.) পত্রিকায় ইহাদের শ্রুতি সম্বন্ধে দেখা যায় :

“How to tune the 22 sruties to their respective pitches—is the problem. The authors' (Bharat and Sangdea's) own idea as to how this is to be done has never been sufficiently brought to light and hence all the conclusions based on assumptions have been invalidated.”

তাহা হইলে দেখা গেল যে, ভরত ও শাঙ্গদেবের শুদ্ধস্বর তাঁহাদের নির্দেশিত ব্যাখ্যা দ্বারা এখনও স্পষ্ট বুদ্ধিতে পারা যায় নাই। শুদ্ধস্বরসম্প্রদায় না বুদ্ধিতে পারিলে গ্রাম, মুর্ছনা ইত্যাদির আলোচনাও অসম্ভব। এই দুইখানি বিখ্যাত শাস্ত্রগ্রন্থ লইয়া আরও গবেষণা প্রয়োজন। যদিও তৎকালে প্রচলিত সঙ্গীত হইতে আমাদের সঙ্গীত অনেক উন্নত বলিয়া মনে হয় তবুও ইহাদের গ্রন্থ দুইখানি লইয়া আরও গবেষণা করিলে সারা বিশ্বের সঙ্গীতের মূলসূত্র খুঁজিয়া পাওয়া যাইতে পারে বলিয়া আমাদের ধারণা।

মধ্যযুগে চার জন পণ্ডিতের নাম বিশেষ উল্লেখযোগ্য : (১) লোচন, (২) অহোবল, (৩) হৃদয়নারায়ণ ও (৪) শ্রীনিবাস। ইহাদের সময় ১৫০০ হইতে ১৮০০ খ্রীঃ পর্য্যন্ত। লোচন-পণ্ডিতের রাগতরঙ্গিনীই বর্তমান সঙ্গীতের ভিত্তিস্থাপক বলিয়া কেহ কেহ মনে করেন। রাগতরঙ্গিনী (লোচন), সঙ্গীত পারিজাত (অহোবল), হৃদয়প্রকাশ, হৃদয়কৌতুক (হৃদয়-নারায়ণ), রাগতরঙ্গিবোধ (শ্রীনিবাস)—ইহাদের স্বরস্থান একই, কাজেই আমরা প্রতিনিধি হিসাবে সর্বশেষ শ্রীনিবাসের শুদ্ধস্বরস্থান আলোচনা করিব। ইহারা ক্ষতি অপেক্ষা স্বরস্থানের উপরই বেশী জোর দিয়াছেন। তারের দৈর্ঘ্যের উপর কোন স্থানে কোন স্বর বাজে তাহা দেখাইয়া সঙ্গীত-জগতের মহা উপকার করিয়াছেন। এখান আমরা শ্রীনিবাসের স্বরস্থান আলোচনা করিব :

“স্বরস্ব হেতুভূতায়ী বীণায়াস্চাক্ষুধস্বতঃ।

তত্র স্বরবিবোধার্থং স্থান লক্ষণমীর্ষতে ॥”

স্বরোৎপাদক বীণা প্রত্যক্ষ দেখা যায়, ইহার উপর স্বর জানিবার স্থান বলা হইতেছে।

“স্বরজ্ঞান বিহীনেভ্যা মার্গোহয়ং দশিতো ময়া।

স্বরস্বাদিতাজ্ঞানস্বরস্থাপনকারণম্ ॥”

যাহাদের উত্তম স্বরজ্ঞান নাই তাহাদের গকে এই উপায় দেখানো হইল। স্বরস্থাপনের নিমিত্ত “স্বরস্বাদিতাজ্ঞান” অর্থাৎ ষড়্জ-পঞ্চম সংস্ক (সা-প) জ্ঞান থাকা প্রয়োজন।

“ষড়্জ-পঞ্চম-ভাবেন ষড়্জে জেয় স্বরা বৃষ্টঃ”

ষড়্জ গ্রামে অর্থাৎ শুদ্ধস্বরসম্প্রদায়ের স্বর পূর্বাঙ্কের স্বরের সম্বাদী অর্থাৎ এম স্বর হইবে।

“সপয়ো বিধয়োঽশ্চ তথৈব গণিষ্য দয়োঃ।

সম্বাদ-সম্মত লোকে মসয়ো স্বরয়োমিথঃ ॥”

স্বরস্থাপন করিতে সা-প, রে-ধা, গা-নি-মা-সা এই সংস্ক ঠিক রাখিতে হইবে।

একটি বীণার তার ৩৬ ইঞ্চি দীর্ঘ ধরিয়া লওয়া হইল। অর্থাৎ, বীণার উত্তর ও পূর্ব মেরুর মধ্যস্থানের তারের দৈর্ঘ্য ৩৬ ইঞ্চি, এই তারে ষড়্জ স্বর বাজিতেছে। এখন দেখা যাক—৩৬ ইঞ্চি দৈর্ঘ্যে যদি সা স্বর বাজে তবে অন্ত্যন্ত স্বর কোথায় বাজিবে। আমাদের মনে রাখিতে হইবে যে তারের দৈর্ঘ্য যত কমিতে থাকিবে নাদ বা সুরও তত উচ্চ হইতে উচ্চতর হইতে থাকিবে।

পূর্বমেরু সা রে গা মা পা ধা নি উত্তরমেরু
| | | | | | | |
৩৬" ৩২" ৩০" ২৭" ২৪" ২১" ২০" ১৬" ৯"

সা, সা

“পূর্বোক্ত রয়োর্মেষোশ্চ মধ্য তারকঃসংস্থিতঃ।

তদর্ধ স্থাতিতাস্ব স্বরস্বস্থিতির্ভবেৎ ॥”

পূর্ব এবং উত্তর মেরুর ঠিক মধ্যস্থলে তার ষড়্জ এবং তাহার অর্ধস্থলে অতি তার ষড়্জ বাজিবে।

তারের দৈর্ঘ্য ৩৬ ইঞ্চি ; $৩৬ \div ২ = ১৮$; $৩৬ - ১৮ = ১৮$ ইঞ্চি। এই ১৮ ইঞ্চিতে তাপ সা বাজিবে এবং তাহার

অর্ধেক অর্থাৎ ৯ ইঞ্চিতে অতি তার সা বাজিবে।

মা :

“মধ্যস্থানাদিমষড়্জমাতস্য তারকজদম্।

স্বত্রং কুর্য্যাৎ তদর্ধে তু স্বরঃ মধ্যমাচরেৎ ॥”

মধ্য ও তার ষড়্জের মধ্যস্থানে মধ্যম স্বর বাজিবে। $৩৬ - ১৮ = ১৮$ (এখন মাত্র ১৮ হইতে ৩৬ ইঞ্চি আমাদের আলোচ্য স্থান) ; $১৮ \div ২ = ৯$; $১৮ + ৯ = ২৭$ ইঞ্চি মধ্যমের স্থান।

পা :

“ভাগত্রয় সমায়ুক্তঃ তৎস্বত্রং ; কারিতং ভবেৎ।

পূর্বভাগদ্বয়াদগ্রে স্থাপনীয়োহথ পঞ্চমঃ ॥”

মধ্য সা ও তার সা-এর মধ্যস্থানকে ৩ ভাগ করিয়া পূর্বের ২ ভাগের অগ্রে পঞ্চম স্থাপন করিবে :

$৩৬ - ১৮ = ১৮$; $১৮ \div ৩ = ৬$; $৬ \times ২ = ১২$; $৩৬ - ১২ = ২৪$ ইঞ্চি পঞ্চমের স্থান।

গা :

“ষড়্জ পঞ্চমমধ্যে তু গাক্ষারস্থানমাচরেৎ ॥”

মধ্য ষড়্জ ও পঞ্চমের মধ্যস্থানে গাক্ষারের স্থান আচরণ করিবে। সা হইতে প $৩৬ - ২৪ = ১২$; $১২ \div ২ = ৬$ ইঞ্চি ; $৩৬ - ৬$ অথবা $২৪ + ৬ = ৩০$ ইঞ্চি গাক্ষারের স্থান (শ্রীনিবাসের অর্থাৎ মধ্যযুগের গাক্ষার আমাদের বর্তমান কোমল গাক্ষার)।

রে :

“ষড়্জ পঞ্চমগং সূত্রমং শত্রয় সমন্বিতম্ ।

তত্রোৎপন্নয়ং সংত্যাগাং পূর্বভাগে তু বির্ভবেৎ ॥”

ষড়্জ ও পঞ্চমের মধ্যবর্তী স্থানকে তিন ভাগ করিয়া দুই ভাগ ত্যাগ করিয়া পূর্বভাগে ঋষভ হইবে :

সা হইতে পা = ৩৬ - ২৪ = ১২ ; ১২ ÷ ৩ = ৪ ; ৪ × ২ = ৮ ; পা = ২৪ + ৮ = ৩২ ইঞ্চি ঋষভের স্থান ধা :

“পঞ্চমোত্তর ষড়্জাখ্য মধ্যো দৈবতমাচরেৎ ॥”

পঞ্চম ও উত্তর ষড়্জের মধ্যো দৈবত আচরণ করা উচিত । মধ্যো শব্দটির দুইটি অর্থ হইতে পারে, ঠিক মধ্যস্থানে অথবা মধ্যো কোন জায়গায় ।

পা থেকে সা = ২৪ - ১৮ = ৬ ; ৬ ÷ ২ = ৩ ; ১৮ + ৩ অথবা ২৪ - ৩ = ২১ ইঞ্চিতে হয় । এক্ষুণ্ণ দৈবতকে ঋষভের

১	২	৩	৪	৫	৬	৭	৮	৯	১০	১১	১২	১৩	১৪	১৫	১৬	১৭	১৮	১৯	২০	২১	২২	
			সা			রে		গা				মা				পা			ধা		নি	প্রাচীন
			সা			রে		গা				মা				পা			ধা		নি	আধুনিক

পঞ্চম স্বর হইতে হইবে । বৈরাণিকের সাহায্যে আমরা দেখি যে দৈবত কোথায় পড়ে :

সা : প : রে : ধা অর্থাৎ ৩৬ : ২৪ : ৩২ : ধা

অথবা $\frac{২৪ \times ৩২}{৩৬} = \frac{৬৪}{৩} = ২১\frac{১}{৩}$ দৈবতের স্থান

নি :

“পসরোর্যং ভাগেস্ত্যাং ভাগত্রয় সমন্বিতম্ ।

পূর্বভাগদ্বয়ং ত্যক্ত্বা নিষাদো-রাজতে স্বর ॥”

পঞ্চম ও তার ষড়্জের মধ্যস্থানকে তিনভাগ করিয়া পূর্বের দুই ভাগ ত্যাগ করিয়া নিষাদ স্বর অবস্থিত :

প থেকে সা = ২৪ - ১৮ = ৬ ; ৬ ÷ ৩ = ২ ইঞ্চি ;

২ × ২ = ৪ ; ২৪ - ৪ = ২০ ইঞ্চি নিষাদের স্থান (শ্রীনিবাসের নিষাদ আমাদের বর্তমান কোমল নিষাদের সমান) ।

মধ্যযুগে পণ্ডিতগণ তাঁহাদের বিকৃত স্বরগুলির অবস্থানও সহজ সরল ভাষায় নির্দেশ করিয়া গিয়াছেন । প্রাচীন গ্রন্থের মতানুসারে ইঁহারাও ২২টি শ্রুতি এবং প্রত্যেক শুদ্ধস্বর তাহার শেষ শ্রুতিতে অবস্থিত স্বীকার করিয়া লইয়াছেন ।

আধুনিক কালে স্বরস্থান প্রাচীন ও মধ্যযুগ হইতে কিছু ভিন্ন হইয়াছে দেখা যায় । কবে হইয়াছে তাহা এই প্রবন্ধের আলোচ্য বিষয় নহে । তবে এইটুকু বলিতে হইবে যে, কোন কালেই কোন স্বরস্থান কেহ সৃষ্টি করেন না বা করিতেও পারেন না । সঙ্গীতে ব্যবহৃত স্বরের অবস্থান আমরা দেখাইতে পারি, সৃষ্টি করিতে পারি না । কারণ

সঙ্গীত শিল্পীমনের স্বাভাবিক স্মরণ—সে কোন বিধিনিষেধ মানে না । এখন দেখা যাক—স্বরস্থানের কি পরিবর্তন হইয়াছে ।

“বেদাচলাক্ষশ্রুতিষু ত্রয়োদশ্যাং শ্রুতৌ তথা

সপ্তদশ্যাং চ বিংশ্যাং চ দ্বাবিংশ্যাং চ শ্রুতৌক্রমাৎ ॥

ষড়্জা দিনাং স্থিতি প্রোক্তা শুদ্ধাখ্যা ভবতাদিতি :

হিন্দুস্থানীয় সঙ্গীতে শ্রুতিক্রমবিপর্যাতঃ ।

এতে শুদ্ধস্বরাসপ্ত স্বস্বাণশ্রুতি সংস্থিতাঃ ॥”

অভিনব রাগমঞ্জরী

প্রাচীন ও মধ্যকালে শুদ্ধস্বরগুলি তাহাদের অস্তিম শ্রুতির উপর স্থাপিত হইত । কিন্তু আধুনিককালে প্রত্যেক শুদ্ধস্বর তাহার শ্রুতিগুলির আদি শ্রুতিতে স্থাপিত । এইরূপ পরিবর্তনে শুদ্ধস্বরস্থানের কিছু পরিবর্তন সংঘটিত হইয়াছে । যেমন :

ষড়্জ, মধ্যম ও পঞ্চম পূর্বের স্থানেই আছে (বা থাকিতেই হইবে) । প্রাচীন ও মধ্যকালের গান্ধার (গা) ও নিষাদ (নি) আমাদের কোমল গান্ধার ও নিষাদের সমান । কারণ মধ্যযুগে কাফি ঠাট শুদ্ধস্বর সপ্তক ছিল । কিন্তু শুদ্ধ ঋষভ (রে) ও শুদ্ধ দৈবত (ধা) এক এক শ্রুতি উচ্চ হইয়াছে । একটি তানপুরায় পঞ্চমের তারে পঞ্চম স্বরের সঙ্গে আনুষঙ্গিক “রে” এবং খরজের মোটা পিতলের তারে শুদ্ধ গান্ধার (গা) শোনা যাইবে ।

এখন প্রশ্ন উঠিতে পারে, শুদ্ধ স্বরসপ্তক কাহাকে বলা হয় । “ষড়্জ-পঞ্চম-ভাবেন ষড়্জে জোয়াঃ স্বরা বৃধেঃ ॥” ষড়্জগ্রামে অর্থাৎ শুদ্ধস্বরসপ্তকে ষড়্জ-পঞ্চম-ভাব (relation of the 5th) ঠিক রাখিতে হইবে । তাহা হইলে দেখা যাইতেছে যে, ষড়্জ পরিবর্তন দ্বারা যে স্বরগুলি পাওয়া যাইবে তাহাই শুদ্ধস্বর ।

যাঁহারা ছানপুরায় গান করিতে অভ্যস্ত তাঁহারা জানেন যে, পঞ্চমের (পা) সঙ্গে তাহার পঞ্চমস্বর ঋষভ (রে) বাজে, রে রে সঁধিলে তাহার পঞ্চমস্বর দৈবত পাওয়া যায় । খরজের তারে গান্ধার (গা) শোনা যায় । দৈবতকে সা করিলেও তাহার পঞ্চম গান্ধার পাওয়া যায় । গান্ধারের পঞ্চম নিষাদ পাওয়া যায় । মধ্যম দুইটি কাজেই শুদ্ধ নিষাদে তীব্র এবং কোমল নিষাদে শুদ্ধমধ্যম পাওয়া যায়, যদিও পঞ্চমকে ষড়্জ মনে করিলে ষড়্জ মধ্যমে পরিণত হয় ।

সুতরাং স্বরগুলি শুনিয়া লইয়া তারের দৈর্ঘ্যের উপরে

(মধ্যযুগের বর্ণনামুসারে) তাহাদের স্থান দেখানো সম্ভব ; কম্পনসংখ্যা দ্বারাও স্বরস্থান নির্দেশ করা যাইতে পারে। তারের কোন্ স্থানে কোন্ স্বর বাজিতেছে জানিতে পারিলে অঙ্কের সাহায্যে সহজেই কম্পনসংখ্যা (frequency) বাহির করা যায়। যেমন :

$$\frac{\text{ষড়্জের কম্পনসংখ্যা} \times \text{তারের দৈর্ঘ্য}}{\text{আলোচ্য স্বরের তারের দৈর্ঘ্য}} = \text{সেই স্বরে কম্পনসংখ্যা}$$

তারের দৈর্ঘ্য যদি ৩৬ ইঞ্চি ধরিয়া লই এবং ৩৬ ইঞ্চি লম্বা তারে যে ষড়্জ ধ্বনিত হইতেছে তাহার কম্পনসংখ্যা যদি ২৪০ (প্রতি সেকেন্ডে) ধরিয়া লই তাহা হইলে মধ্যমের কম্পনসংখ্যা কত হইবে? তারের উপর মধ্যম-স্থানের দৈর্ঘ্য ২৭ ইঞ্চি দেখা গিয়াছে। তাহা হইলে এইরূপ দাঁড়ায় :

$$\frac{২৪০ \times ৩৬}{২৭} = ৩২০ \text{ প্রতি সেকেন্ডে}$$

ইহা দ্বারা আমরা পাশ্চাত্য দেশে ও আমাদের দেশে প্রচলিত স্বরস্থানের তুলনা করিয়া দেখিতে পারি। আমাদের মনে রাখিতে হইবে, তারের দৈর্ঘ্য যত কম হইবে কম্পনসংখ্যা এবং স্বরের উচ্চতা (pitch) তত বৃদ্ধি পাইবে (অর্থাৎ inversely proportionate)। কম্পনসংখ্যার (আন্দোলন) সাহায্যে আমরা পাশ্চাত্য স্বরগুলির সঙ্গে আমাদের স্বরগুলির অবস্থান তুলনা করিয়া দেখি। সা-এর কম্পনসংখ্যা ২৪০ মানিয়া লইলে।

	সা	রে	রে	গা	গা	মা
পাশ্চাত্য	২৪০	২৫৬	২৭০	২৮৮	৩০০	৩২০
প্রাচ্য	২৪০	২৫৪ $\frac{১}{২}$	২৭০	২৮৮	৩০১ $\frac{১}{২}$	৩২০

এইরূপে আমরা সহজেই পিয়ানো বা হারমোনিয়ামে বাঁধা স্বরগুলির সঙ্গে আমাদের ব্যবহৃত স্বরগুলির ব্যবধান বুঝিতে সক্ষম হইলাম। যে স্বরের কম্পনসংখ্যা তুলনায় যত বেশী সেই স্বরটির উচ্চতাও তদনুপাতে তত বেশী হইবে। আমাদের কোমল রে ও কোমল ধা পাশ্চাত্য রে ও ধা হইতে একটু নিম্নে এবং শুদ্ধ গা, মা, ধা ও শুদ্ধ নি পাশ্চাত্য স্বরগুলি হইতে একটু উচ্চে অবস্থিত।

প্রাচীনকালে অত্যধিক শ্রুতির ব্যবহার দৃষ্টে মনে হয়,

তখনকার সঙ্গীত খুব দৃঢ় বা অনমনীয় (rigid) ছিল। বর্তমান সঙ্গীতে স্বরগুলি হেলাইয়া দোলাইয়া ব্যবহার করা হয়, কাজেই শ্রুতির কড়া নিয়মের বশবর্তী হওয়া তার পক্ষে সম্ভব নয়। পূর্বকালে চ্যুত ষড়্জ চ্যুত পঞ্চম কাকলীনিষাদ ইত্যাদি শ্রুতি-স্বর ব্যবহৃত হইত, কিন্তু আধুনিককালে সঙ্গীতে “শ্রুতি” এই নামটুকুই মাত্র বর্তমান। স্বরের নামেই যখন সমস্ত শ্রুতিগুলি ব্যবহৃত হয়, ষড়্জ ও পঞ্চম স্বর যখন অচল অর্থাৎ অবিকৃত বলিয়া গণ্য করা হয় ও কোন রাগের বৈশিষ্ট্য ফুটাইয়া তুলিবার জন্য স্বরের যে উচ্চতা বা নিম্নতা দেখাইতে হয় তাহা যখন “কণে”র (grace note) সাহায্যে করা হয় তখন ষড়্জ ও পঞ্চম এক এক শ্রুতির ধরিয়া লইয়া মধ্য সা হইতে তার সা পঞ্চম স্থানে অসংখ্য শ্রুতি স্বীকার করিয়া লইলেই চলিতে পারে এবং সঙ্গীতও মুক্তি লাভ করিয়া আরও দ্রুতগতিতে জয়-যাত্রার পথে অগ্রসর হইতে পারে। একটি সপ্তক (৮টি স্বর)-কে দুই ভাগে ভাগ করিলে এক এক ভাগে চারটি করিয়া স্বর হয়, ইহাকে চতুঃস্বরিক গ্রাম (scale) বা Tetra-chord বলা হয়। পূর্বাঙ্কের সা, রে, গা, মা ও উত্তরাঙ্কের পা, ধা, নি সা-র অনুপাত শুদ্ধস্বর সপ্তকে সমান রাখিতে হইবে, অর্থাৎ সা হইতে রে যতটা উচ্চ পা হইতে ধা ততটা উচ্চ হইবে। সুতরাং সা : পা :: রে : ধা ; রে : ধা :: গা : নি ; গা : নি :: মা : সা। অথবা সা-রে = পা-ধা, রে-গা = ধা-নি ; গা-মা = নি-সা। এইরূপে যে-কোনও শিল্পী শুদ্ধস্বরগুলির

মা	পা	ধা	ধা	নি	নি	সা
৩৩৭ $\frac{১}{২}$	৩৬০	৩৮৪	৪০০	৪৩২	৪৫০	৪৮০
৩৩৮ $\frac{১}{২}$	৩৬০	৩৮১ $\frac{১}{২}$	৪০৫	৪৩২	৪৫২ $\frac{১}{২}$	৪৮০

ক্রমোচ্চতা বৃদ্ধিতে সক্ষম হইবেন। শুদ্ধ সাতটি ও বিকৃত পাঁচটি এই বারোটি স্বর লইয়া আমাদের সপ্তক গঠিত। ইহারা প্রত্যেকেই এক একটি করিয়া শ্রুতি। রাগে ব্যবহৃত হইবার সময়ে স্বরের নামে সমস্ত শ্রুতিগুলিই ব্যবহৃত হয়। শ্রুতির নামে সঙ্গীতের কোন কার্যই হয় না। তাই শাস্ত্রে দৃষ্ট হয় :

“সর্বাচ্চ শ্রুতয়ন্তস্তদ্রাগেয়ু স্বরতাং গতাঃ।

রাগ হেতুত্বং এতাসাং শ্রুতি সঞ্জৈব সম্বতা ॥” রাগমঞ্জরী





প্যান

শ্রী বিশ্বনাথ চক্রবর্তী

SUSANTA

“মামা, ও মামা, বলি কানের মাথাটা খেয়েছ নাকি?”

“আহা-হা, মামা ঘুমুচ্ছে, বিরক্ত করো না।”

চৌথটা একটু লেগে এসেছিল, ধড়মড় করে চমকে উঠে চারদিকে তাকালাম। না, আমাকে নয়, গাড়ীর ওদিকে এক প্রোট ভদ্রলোককে ঘিরে বসেছে নানান বয়সী কয়েকটি ছেলে, তাদের মধ্যেই কথা হচ্ছে। ভদ্রলোক আমার দিকে পিছন ঘিরে বসেছেন, নাতি-উজ্জল আলাতে চকচক করছে তাঁর প্রকাণ্ড টাকথানা।

শীতের সন্ধ্যা। আপিস-ফেরত বুড়ো ডেলি প্যাসেঞ্জার কেবাণী-দের মতই ক্লাস্ত লোকাল ট্রেনটা। প্রতি পদক্ষেপেই থেমে থেমে লম্বা নিশ্বাস নিচ্ছে আর চলতে আরম্ভ করলেই সমস্ত শরীর তার ধরধর করে কাঁপছে আর হাড় পাজরায় ঠোকাঠকি লেগে বিকট শব্দ হচ্ছে। ঘুমের আশায় জলাঞ্জলি দিয়ে বিরক্ত হয়ে ভাল করে তাকালাম চারদিকে। কামরাটা যে ওয়াট সাহেবের আমলের তৈরি সেটা শুধু শব্দে নয়, ভিতরের বন্দোবস্ত থেকেও উপলব্ধি করলাম মুহূর্তমধ্যে। বেঞ্চগুলো অনেকটা ট্রামের সেকেন্ড ক্লাসের সীটের মত, পিঠে পিঠ দিয়ে বসতে হয়। শুধু তফাতের মধ্যে মাঝের পাটিশনগুলো অনেকখানি উঁচু হওয়াতে একজনের পিঠের ভার অন্য জনকে বহন করতে হয় না। বেঞ্চগুলোর দিকে চেয়ে ভাবতে চেষ্টা করলাম—পাটিশনগুলো এত উঁচু করার দরকারটা কি ছিল, খাটো লোক বসলে ত একেবারে ঢাকা পড়ে যাবে! এটা কি শুধু কাঠের অপচয় নয়? সে যুগের বিলিভী ইঞ্জিনিয়ারদের বুদ্ধির কথা ভেবে একটু হাসি আসছিল, এমন সময় একটা প্রবল ঝাঁকুনিতে নিজের মাথাটা পেছনের দেয়ালের সঙ্গে ঠেকে যেতেই হৃদয়ঙ্গম করলাম তাঁদের সুবিবেচনা। বুঝছি, যাত্রীদের পরস্পরের মাথা-ঠোকাঠকি বাঁচানোর জন্মই সেগুলো তাঁরা বসিয়ে গেছেন দয়া

করে। কিন্তু ছাদ থেকে ঝুলে পড়া হাঙ্গারের মত ঐ কাঠগুলো? ওগুলোর প্রয়োজন?

গবেষণায় বাধা পড়ল। আবার তাদের গলা।

“আজ এত গস্তীর কেন মামা? বড় সাহেব ডেকেছিল বুঝি? না মামী বকেছিল?”

“বলছি আজ মামাকে জ্বালিও না। মামা তোমাদের কোন্ পাকা ধানে মই দিয়েছে যে তোমরা এমনি করে কাঠি দিচ্ছ?”

“দ্যাপ ফণে ভাল হবে না বলে দিচ্ছি। জানিস আজকে কি হয়েছে? দুপুরে কাজ করতে করতে চঠাৎ মামার মনে পড়ে গেছে মামীর আংটিটা আনা হয় নি পাথর লাগাবার জন্মে। তাই মামার মনটা এত খারাপ। বাড়ীতে ঢুকতে পেরে হয়।”

“আচ্ছা আচ্ছা, সেজন্মে ভয় নেই। আমরা রয়েছি কি করতে? বলি একটা পান দাও না মামা।”

নেহাত মন্দ লাগল না ব্যাপারটা। দিনভর খাটুনির পরেও এদের ক্ষুধা মরে নি—কে বলে কেবাণীদের লাইফ নেই! একটু আশাবিত্ত হয়ে উঠে সেদিকেই কান দিতে চেষ্টা করলাম, ট্রেনের হাড়-পাজরা গোণ্ডায় চেয়ে এ অস্তুতঃ ভাল কাজ। কিন্তু আর কিছু শোনার আশেই কানে এল এক প্রচণ্ড বিস্ফোরণ—“দূর শালারা। একটুও শান্তিতে থাকতে দেবে না।” চেয়ে দেখলাম ভদ্রলোক ছাতা উঁচিয়ে বসেছেন।

“মামা মুখ খুলেছে, মামা মুখ খুলেছে।”

“জল জল। বাতাসটা একটা পাখা।”

“আচ্ছা মামা সত্যি করে বল তো কি ভাবছিলে এতক্ষণ?”

ভদ্রলোক নড়ে চড়ে ঠিক হয়ে বসলেন। আড়মোড়া ভাঙলেন। একটা পান মুখে দিলেন। তারপর বললেন, “কি ভাবছিলাম? শুনিব সেকথা? তবে শোন। ভাবছিলাম তোদের মামীর

কথাই। সেই যখন প্রথম এসেছিল তেবো বছরের মেয়েটি, লাল চেলি পরে, কশালময় সিঁদুর লেপটে। কি টকটকে রূপ ছিল তখন, ঠিক যেন আগুনের মত।”

“আগুনের মত?”

“হ্যাঁ আগুনের মত। আমি তো ক’দিন কাছে ঘেঁষতেই সাহস পাই নি। তারপর একদিন কি মনে হতে কলেজ থেকে পালিয়ে এসে চুপিচুপি ঘরে চুকলাম বাড়ীর সকলের নজর এড়িয়ে। দেখি ও কনুইয়ে ভর দিয়ে বিছানায় বসে রয়েছে পেছন ফিরে। হঠাৎ মনে হ’ল চোখ দুটো টিপে ধরলে কেমন হয়। এই না ভেবে যেই...”

“হুঁ রে।”

জয়ধ্বনি শুনে ভাল করে তাকালাম। একটা ছিপছিপে লগা ছেলে বেড়ি ছেড়ে উঠে দাঁড়িয়ে ডান হাতটা মাথার উপর তুলে চোখের নিম্নে কয়েকটা ঘুরপাক খেয়ে নিল। আমি একটু অস্বস্তি অনুভব করলাম। ছেলেটা তেইশ-চব্বিশের উপরে হবে না, যারা ভদ্রলোকের সঙ্গে বসিকতা করছে তাদের মধ্যেও ত্রিশ-বত্রিশের উপরে নেই। কেমন যেন দৃষ্টিকটু ঠেকল ব্যাপারটা।

“হতভাগা দিলি তো সব মাটি করে! মামার ফিলিং জমে উঠেছিল আর এমন সমস্ত তুই তেই কাজ করলি? তোর মরণ হয় না বে হতভাগা? হ্যাঁ মামা, তার পর? তার পর কি হ’ল?”

“তার পর? হাতের কাছে ছিল একটা পাখা। তাই দিয়ে চোখে এমন খোচাই মারলে...”

“কি সর্বনাশ! এ রকম বসভঙ্গ!”

“আচ্ছা মামী তো তখন ছিল আগুনের মত। আর এখন?”

“কেন দেখিস নি বুঝি কোনোদিন? এই যে সেদিনও সকাই মিলে নেমস্তম্ব খেয়ে এলি? এর মধ্যেই ভুলে গেলি সে কথা? নেমস্তম্ব ম’সব।”

“আহা চটক কেন? তোমার মুখ থেকেই শুনতে চাই মামীকে এখন কেমন দেখতে।”

“এখন? আহা কে কি রূপ আর কি গুণ! হাসিলে মুকুতা ঝরে, কাঁদিলে পান্না। কল্পনা করতেই রোমাঞ্চ হয়। ওবে, ভাড়া মন্দির দেখেছিস তে?”

“সাবান মামা, মামীর এত নিন্দে কবলে ভাল হবে না বলে দিচ্ছি। নিন্দে না হ’ল ভাড়া কুলো, তাই বলে মামীকেও ভাড়া মন্দির হতে হবে না কি? ভাল চাও তো ক’লা ফেরান, নইলে...”

পাজাবির আস্তিন গুটিয়ে উঠে দাঁড়াল সেই ছেলেটা।

“আচ্ছা আচ্ছা ফেরাচ্ছি কথা। উঃ! কে বলে আমরা স্বাধীন হয়েছি। নিজের বাতীতে তো দূরের কথা, রাস্তার-ঘাটে পর্যন্ত হক কথাটা বলার জো নেই।”

“আচ্ছা এবার শুরু করো মামীর কথা।”

“সেই কথাই তো বলতে যাচ্ছিলাম, দিলি কৈ বলতে। আজ সকালে বেরুবার সমস্ত দেখি গিন্নী একথানা বাহারে শান্তিপুত্রী

পরেছে, চুলও আঁচড়ে বেঁধেছে। মাথাটা চুলকোতে চুলকোতে বললাম, ‘ভাড়া মন্দিরে যেন আল্পনা আঁকা হয়েছে বলে মনে হচ্ছে।’ গিন্নী কি উত্তর দিলে জানিস? বললে, ‘মন্দিরে ব’দিন দেবতা থাকেন ত’দিন আল্পনা আঁকলে ক্ষতি আছে কি কিছু? মন্দিরে চিড় ধরলেই বুঝি আল্পনা আঁকা বন্ধ করতে হয়?’ শুনে আমি ভাজ্জব বনে গেলাম, কি জবাব দেবো ভেবে পেলাম না চট করে।”

“ভেবে পেলে না বলেই বুঝি সিন্ধের জামাটা চড়িয়েছ এই শীতের মধ্যে।”

“দূর গাধা এটা সিন্ধের কোথায়? বুড়ো বয়সে আমার মুখে কালি মাগাচ্ছিস।”

“ঠিক বলেছ মামা, এটা সিন্ধের নয় গরদের বটে। তা মামা তুমি চুপ করে চলে এলে মামীর কথা শুনে? আসল কথাটাই কিন্তু বল নি। মামী কেন সেজেছিল?”

“আবে সেই কথাতেই তো এত বিপদ। আমি বললাম, ‘গিন্নী, কি ব্যাপার বল তো?’ অমনি গিন্নীর মুগথানা ভাব হয়ে এল, বললে, তোমার সবটাকেই ইথাকি।’ তারপর ঝট করে মুখ ঘুরিয়ে চলে গেল যেন...”

“যেন সেই তেবো বছরের মেয়েটি?”

“রক্ষে বর ভগবান, সেই চোখ নিয়ে ঝাড়া তিন মাস ভুগে-ছিলাম, লজ্জায় কাউকে মুখ দেখাতে পারি নি। তারপর শোন। হঠাৎ মনে পড়ে গেল ক’দিন হ’ল জগাই এসেছে বটে। তা’দাতাড়ি দৌড়ে গিয়ে ওর প’চলটা তোন বরে বললাম, ‘হাঃ! আমি কি দখতে খুঁটী পামা? চেয়ে দেখ তো ওকবার ভাল করে।’ সে কথা শুনে গিন্টি বসকি তাই গিন্নী পুণী যেন উপচে পড়তে লাগল ম’রা কপীর বেয়ে। বিস্ময় করলে ক’ জানিস? কোথেকে একটা খুস্তি নিয়ে এসে কামর নাফের ওগার ঘুরিয়ে বললে, ‘বুড়ো মিন্দের তিন কাল গিয়ে এ’ল কা’লে ঠেকছে, এগনও কত চঃ! জিভের আর বাধন নেই।’ আমি প’প করে গিন্নীর একটা হাত ধরে ফেলে বললাম ‘জিভের বাধন থাকবে কোথেকে? ঠোট বন্ধ করার সুযোগ প’দেছ কোনা’দিন?’

গিন্নী আর এক হাতে খুস্তি উঁচিয়ে বললে, ‘ও সব কি হচ্ছে। ছেলেমেয়েরা ব’ড়ী নেই নাকি?’ আমি তা’ডাতাড়ি ছেড়ে দিলাম। অবিশ্বাস ছেলেমেয়েদের ভয়ে নয় খুস্তিটার চেহারা দেখেই। পাপার বাঁটের চেয়ে ঢের শক্ত সেট। কিন্তু কি অদ্ভুত দেখাচ্ছিল গিন্নীকে তখন। ঠিক যেন...”

“ঠিক যেন কোমর বেঁধে দাঁড়িয়েছে পড়শীর সঙ্গে ঝগড়া করতে।”

“ওঃ আর একটা ফাষ্ট ক্লাস উপমা হত্যা করলি তুই। তোকে আমি শূলে চড়াব বে হতভাগা ঠুপিড। বল মামা তারপর কি হ’ল?”

“গিন্নী তো হাত ছাড়িয়ে নিলে, কিন্তু চলে গেল না। দরজার কাছে গিয়ে আবার ফিরে এল। হ’হাত কোমরে বেখে একথানা

মোকদ্দম জুড়িয়ে চাড়া। তাই দেখে আমার বুকটা এমন ভাবে লাগতে লাগল যে মনে হ'ল পাঞ্জাব মেলটা যেন এইমাত্র ঠিক আমার কানের পাশ দিয়ে বেঘিরে গেল হ হ করে। ওদিকে গিল্লীর চুল থেকে ডুবডুব করে গন্ধ আসছে, শান্তিপুত্রীর আঁচল বাতাসে উড়ছে, আবার খুন্ডির মাথাটাও উঁকি মারছে পেছন থেকে। অনেকটা সেই পঁচিশ বছর আগেকার রোমান্টিক ট্র্যাভেলের মত। তারপর—”

“তারপর? তারপর?” উদ্গ্রীব হয়ে উঠল শ্রোতারা।

“তারপর বউ আস্তে আস্তে বললে, ‘তোমার মনে নেই আজকে আমাদের বিয়ের তিথি?’”

“হৃদয় আমার নাচে যে আজিকে, ময়ূরের মত নাচে রে।”

কি হ'ল? তাকিয়ে দেখি সেই চ্যাঙা ছেলেটা বসে বসেই গান শুরু করে দিয়েছে আর বাকি সবাই তাল দিচ্ছে মাথা নেড়ে



সে হঠাৎ ভদ্রলোকের গলাটা জড়িয়ে ধরল। বলল, “ও তাই বলি মামা আজ এত খোশ মেজাজে কেন, হ্যাঁ মামা, তুমি কি বললে?”

আর পা ঠুকে ঠুকে। তারপর সে হঠাৎ ভদ্রলোকের গলাটা জড়িয়ে ধরল। বলল, “ওঃ তাই বলি মামা আজ এত খোশ মেজাজে কেন। হ্যাঁ মামা, তুমি কি বললে?”

“ঠিক আর বললাম। একটা জুংসই জবাব খুঁজছিলাম এমন সময় ঘড়িতে ঢং ঢং করে আটটা বাজল আর আমি দৌড়ে বাইরে চলে এলাম।”

একটু চুপ করলেন ভদ্রলোক। কোঁটো থেকে একটা পান বের করে মুখে দিলেন। সেই অবসরে একজন প্রশ্ন করল, “যাক, এবার জামাইয়ের গল্প বল। কি রকম বুঝ বাবাজীকে?”

“জামাই? সে ব্যাটার কথা কি আর বলব। ভগবানের পণ্ডশালায় যত রকম বিচিত্র জীব আছে তার লিষ্ট আমার জামাইকে ছাড়া পুরো হবে না। একেবারে মেনি বেড়ালটি—রাতদিন ফিটফাট থাকবে, সেন্ট পাউডার মাগবে, কোঁচানো ফরাসডাডা পরবে। চেহারাটা কিন্তু মেনি বেড়ালের ধারকাছ দিয়েও যায় না। লম্বায় ছ'ফুট, চওড়াও সেই অল্পপাতে, বং উজ্জল কৃষ্ণবর্ণ, রাত্তিরে হঠাৎ দেখলে আঁতকে উঠতে হয়। এদিকে

আবার দাড়ি পোক লব টায়াকোস্ট। মালটা কি পাকিস? কিশোরীপ্রিয়। কিশোরীপ্রিয় মিত্তির। স্বভাবটা আবার ঠিক মেয়েদের মত। আমাকে দেখলেই কেমন যেন জড়সড় হয়ে পড়ে, আমতা আমতা করে তাড়াতাড়ি বসে পড়ে অজ্ঞানিক। অথচ শুনেছি আমার গিল্লীর সঙ্গে নাকি বেশ কথাটথা বলে। আর মেয়ের সঙ্গে—সেটা অবিশ্বাস্য রাতদিনই চলে সমান তালে।”

আমি নিবিষ্ট চিন্তে লক্ষ্য করতে থাকি ছেলেবুড়োর মিলিত কাণ্ডকারখানা। গোড়ার দিকে সমস্তটাই একটু যেন গেরো মনে হয়েছিল, কিন্তু কখন যে মনের সবটুকু বিরূপ ভাব ঝেড়ে কেলে নিজের অজ্ঞাতেই আমি সে দলের একজন হয়ে গিয়েছিলাম টের পাই নি।

হঠাৎ আমার বাঁ হাতে একটা মুহূর্ণ চমকে উঠলাম। পকেটমার নাকি? পাশের দিকে তাকিয়ে দেখি একটা বিরাটদেহী

লোক আমার একেবারে কাছে এসে বসেছে।

মুখ বিহ্বল ভাব, চোখে ভয়চকিত দৃষ্টি।

“আপনার কাছে টাইম টেবিল আছে?”

চ'পা গলায় সে জিজ্ঞাসা করল। সে কণ্ঠস্বর শুনে আমি একটু হকচকিয়ে গেলাম। কিন্তু নিজেকে সংযত করে সংক্ষেপে জবাব দিলাম, “না।” একটু সরেও বসলাম।

“তা হলে? কি উপায় এখন? কার কাছেই বা পাই?” অনেকটা যেন আপন মনেই বলল সে।

কাছাকাছি আর লোক নেই। আমরা

বসেছি একেবারে পিছনের দিকে। আমাদের আগের হুঁসারি বেঞ্চি একেবারে খালি।

হঠাৎ সে যেন অন্ধকারে আলো দেখতে পেল। উৎসুক হয়ে জিজ্ঞাসা করল, “আচ্ছা, এ লাইনের স্টেশন আর ট্রেনের সময় সবকিছু আপনি খোজ-খবর রাখেন নিশ্চয়ই?”

“আজ্ঞে না। জীবনে এই প্রথম এদিকে যাচ্ছি। নামব সেই শেষ মাথাস”, মাথা নেড়ে জবাব দিলাম আমি। শুনে লোকটি একেবারে মুগ্ধ হয়ে পড়ল। মুখ শুকনো করে বসে রইল গালে হাত দিয়ে।

কি ব্যাপার? তুমি ট্রেনে উঠেছে নাকি? জিজ্ঞাসা করলাম। অতি কষ্টে একটু হাসি টেনে এনে সে জবাব দিল, “না মশাই না, ঠিক গাড়িতেই উঠছি কিন্তু...” কথাটা আর শেষ করল না।

আমি সহানুভূতির স্বরে বললাম, “আগে বাঁমা বসে রয়েছেন তাঁদের কাছে থাকতে পারে টাইম টেবিল। ওদিকে গিয়ে খোজ করতে পারেন।”

“না, সে পথ বন্ধ। সে কনজা আমার সেই।” মাথা নাড়তে নাড়তে সে বলল।

আমার কেমন বেন ব্যাপারটা ভাল লাগল না। কুল ট্রেনে উঠে নিতু টাইম টেবিল চাই—অর্থাৎ উঠে গিয়ে আর কার্য কাছে খোঁজও করবে না। ট্রেনে ষ্টীমারে অনেক রকম ঠগ জুরাচার গুণ্ডার কথা শোনা ছিল। লোকটার চেহারাও সন্দেহজনক। কাছাকাছি কেউ নেই, কি জানি লোকটা কি ফাঁদে ফেলে। নাঃ এখান থেকে সরে পড়াই নিরাপদ দেখছি। এই ঠিক করে মুখে বললাম, “আচ্ছা তা হলে আমিই বাচ্ছি ঠগের কাছে, দেখি পাই কি না টাইম টেবিল।”

“না না আপনি যাবেন না, প্রীজ”, চাপা গলায় অস্বাভাবিক ভাবে বলে উঠল সে। আমার একটা হাতও চেপে ধরল। “আমি ভীষণ বিপদে পড়েছি, আপনি যাবেন না—একটু বসুন দয়া করে। সব খুলে বলছি।”

আমার সমস্ত শরীরের ভিতর দিয়ে সির সির করে একটা হিম-শ্রোত বয়ে গেল। কিন্তু উপায় নেই, হাতটা শক্ত করে ধরে রয়েছে সে।

“আমারি নাম কিশোরীপ্রিয় মিত্র।
ও ভুললোক আমারই স্বপ্নমশাই।”

বিস্ময়ে আমার মুখ দিয়ে কোন কথা বেরুল না।

একটু ধেমের কিশোরীপ্রিয় বললেন, “আপনি বোধ হয় সবই শুনেছেন। কি অবস্থায় যে আমি পড়েছি সেটা আর বুঝিয়ে বলতে হবে না আশা করি। টাইম টেবিল খুঁজছিলাম এই জগেই যে, যদি মাঝের কোন ট্রেনে নেমে পড়ে পরের ট্রেনে স্বপ্নমশাই পৌঁছতে পারি। কিন্তু তা তো হবার নয় দেখছি। উনি গল্পে মশগুল না থাকলে যে-কোন মুহুর্তে আমাকে দেখে ফেলতে পারেন। এখন না দেখলেও আমার সমস্ত দেখে ফেলবেনই, আর তা হলেই

কেলেঙ্কারির একশেষ। আপনি একটা উপায় বাতলে দিন দাদা।” কিশোরীপ্রিয় এমনভাবে আমার দিকে চেয়ে কথাগুলো বললেন যে মনে হ’ল উপায়টা আমার হাতের মুঠোর মধ্যেই আছে।

ধাক্কাটা সামলাতে বেশ কিছুক্ষণ পেরে। তারপর বললাম, “সে জে: শব্দের কথা মশাই। কিন্তু একই কামরার আপন’রা হু’জনে চলেছেন অর্থাৎ কেউ কাউকে দেখতে পান নি? অকুত মাহুত তো আপনারা।”

“সত্যিই অকুত। তবে আমি এসে বসেছি গাড়ী প্ল্যাটফর্মে টুকতেই, আর ঠগা খুব সম্ভব এসেছেন গাড়ী ছাড়ার একটু আগে। তখন মাঝখানে ভিড়ও ছিল। তা ছাড়া সীটগুলো দেখেছেন তো কি রকম বিদ্যুটে—হঠাৎ কাউকে নজরে পড়ে না। তার উপর আমরা হু’জনেই হু’জনের দিকে পেছন দিয়ে বসেছি বলেও হয়ত কেউ কাউকে দেখতে পাই নি। অবিশ্যি গাড়ী ছাড়ার কিছুক্ষণ পরেই টের পেয়েছিলাম সব, কিন্তু ব্যাপার তখন অনেক-দূর গড়িয়েছে। সেই থেকে অনেক ভেবেছি, কিন্তু কিছুই বুঝে উঠতে পারছি না—কি করা যায়। আপনি আমার একটুখানি সাহায্য করুন দয়া করে।”

সাহায্য করব আমি? আকস্মিক ঘটনাসংযোগে যে নাটক ক্রমশ: জমে উঠছে, এবং আর কিছুক্ষণের ভিতরেই য: একেবারে ক্লাইমাক্সে পৌঁছবে—কয়েক জনের কাছে সেটা মর্মান্তিক সন্দেহ নেই, কিন্তু আমার কাছে শ্রেফ হাস্যরস ছাড়া আর কিছু নয়। আমার দুঃখ শুধু এইটুকু যে এর পরের ঘটনাগুলো আমি আর দেখতে পার না, জানতেও পারব না।



ঠোটেব কোণে একটুখানি হাসি ফুটে উঠেছিল হয়ত।

কিশোরীপ্রিয় করুণ স্বরে বললেন, “হাসছেন দাদা।”

ঠোটেব কোণে একটুখানি হাসি ফুটে উঠেছিল হয়ত। কিশোরী-প্রিয় করুণ স্বরে বললেন, “হাসছেন দাদা! আপনার কাছে হয়ত এটা হাসির ব্যাপার, কিন্তু আমার যে প্রাণ নিয়ে টানাটানি। একটু ভেবে দেখুন দেখা হয়ে গেলে কি অবস্থা হবে হু’পক্ষেই।”

“হাঃ হাঃ হাঃ।”

কিশোরীপ্রিয়র স্বপ্ন অট্টহাস্য করছেন। আর সকলেও যোগ দিয়েছে তাতে। কিশোরীপ্রিয় চমকে উঠে মাথা নীচু করে নিলেন।

“...যা বলিছিস তাই। ওইটুকু হলেই আমি যথেষ্ট মনে
করব। আর উপার্জনের দিক দিয়ে কত দূর বাবে সন্দেহ। তবে
ছোঁড়াটা ডাক্তার, যদি কিছু করে খেতে পারে ভবিষ্যতে।” ভদ্র-
লোকের গলা শোনা গেল।

“কেন ভবিষ্যতে কেন? এখন কেমন?”

“এখন শুধু বাঁজানের হোটেল। মেয়ে বলে বাবাজী কাজের
মধ্যে দিনরাত এখানে সেখানে আড্ডা মারে, ভাস পেটে, ইয়ার
বন্দীদের সঙ্গে ফ্যা ফ্যা করে খুঁবে বেড়ায়, শিকারে যায় আর যতক্ষণ
বাড়ীতে থাকে পালি ধূমপান করে। আর হতভাগার ধূমপানেরও
বলিহারি! হুকো সিগারেট পাইপ চুরুট চণ্ডু কেঁনটাতে আপত্তি
নেই। না পেলে বিড়ি বিড়িই সই। বামোঃ, মনে করতেও গা
ঘিনঘিন করে।”

“তা হলে তোমার সঙ্গে কথাবার্তা হয় নি বড় একটা?” এক
জন জিজ্ঞাসা করলে।

“কৈ আর হ'ল? হতভাগা পান খায় না শুনেই তো আমার
মেজাজটা প্রথম থেকে বিগড়ে গিয়েছিল। তা ছাড়া ওর মেয়েলি
স্বভাবের কথা তো আগেই বলেছি—আমাকে দেখলেই
পালিয়ে যায়। তাতেও কিছু এসে যেত না, আমি সব ঠিক করে
নিশ্চয়। কিন্তু আবার গিন্নী পালি পেছন থেকে চোখ বাড়ায়,
আমি যেন তার জামাইয়ের সঙ্গে বেশী কথা না বলি। বলছিলাম
না আমরা এখনও স্বাধীন হই নি। আর গিন্নীর সেই চোখ
বাড়ানিকে পরোয়া না করার কথা কল্পনাও করা যায় না। শুধু কি
গিন্নীই! মেয়েটা পর্যন্ত হাতে পায়ে ধরে। স্ত্রীমানের সঙ্গে আমি
যেন বেশী ইয়ে না করি। তা হলে নাকি বেটির আর মান-সম্মান
থাকবে না স্বত্ত্ববাড়ীতে। শোন কথা শোন। নিজের জামাইয়ের
সঙ্গে পর্যন্ত খুশীমত কথা বলতে পারব না এমনিই আমাদের
স্বাধীনতা।”

কিশোরীপ্রিয়র সঙ্গে চোখাচোখি হ'ল। একটু হেসে বললেন,
“শুনলেন? আমার চেহারা বা ধূমপান সম্বন্ধে উনি যা বলেছেন
আমি তা বিনা প্রতিবাদে মেনে নিচ্ছি, শুধু একটা বিষয় আপনাকে
না জানিয়ে পারছি না। সেটা আমি এইমাত্র বুঝতে পেরেছি
এতদিন পরে। আমার বিয়ে হয়েছে মাসচারেক হ'ল। বিয়ের
পর এই প্রথম স্বত্ত্ববাড়ী আসা। এসেছি পাঁচ-ছ'দিন কিন্তু স্বত্ত্ব-
মশায়ের সঙ্গে পাঁচ-ছ'মিনিটের বেশী কথা হয় নি কোনদিন। একে
তো উনি বেরিয়ে পড়েন সকাল আটটায় আর ফেরেন রাত ন'টায়,
তার উপর যতবার ওঁর গভীর মুখ আর বিরাট গৌফজোড়ার কথা
মনে হয়েছে ততবারই আলাপ জমাবার ইচ্ছে দূরে চলে গেছে,
মনে হয়েছে—ভীষণ রাশভারি লোক উনি আর সত্যি সত্যিই ছ'
একটা কুশল-সন্তোষণ ছাড়া আর কিছু উনি বলেন নি কখনও,
আমিও তাতে মনে মনে স্বস্তি অনুভব করেছি। অথচ আসলে
ব্যাপারটা যে কি তা এই এত দিন পরে বুঝতে পারলাম। মন্দ
নয়! স্ত্রী আর মেয়েতে মিলে ওঁর মুখ আটকে রেখেছে আর সেই

কপট গভীর দেখে এক দিকে আমি ওঁকে গভীর প্রকৃতির ভেবে
দূরে সরে সরেছি, অন্য দিকে উনি ভাবছেন আমার স্বত্ত্ববাড়ী ঘেঁষে
মত। এদিকে দুনিয়ার লোকে আমার কাছ বেঁকতে চায় না বেশী
কথা বলি বলে। আচ্ছা, স্বত্ত্বমশাই এদিকে চাইছেন না তো?”

আমি দেখে বললাম, “নাঃ। আপাততঃ তার স্বত্ত্ববাড়ী
নেই।”

পকেট থেকে একটা সিগারেটের প্যাকেট বের করতে করতে
কিশোরীপ্রিয় বললেন, “কিছু মনে করবেন না শ্রম, স্বত্ত্বমশায়ের পেছনে
বসে সিগ্রেট টানছি বলে। সত্যি বলতে কি, আপনাকে সব বলে
কেলে আমি যেন অনেকখানি খাতস্থ হচ্ছি। চিন্তের ভাবনার
একটু আগে পর্যন্ত সিগ্রেটের কথা একদম ভুলে ছিলাম। অথচ
পনেরো মিনিট পর পর সিগ্রেট না খেলে আমার হার্টকেল করে মারা
যাবার অবস্থা হয়।

জামাইটিও তা হলে নেহাত কম ধান না! গোল্ড স্নেকের ধোঁয়া
ছাড়তে ছাড়তে ছ'জনেই কান দিলাম ওদিকে।

কিশোরীপ্রিয়র স্বত্ত্বর বলে চলছিলেন, “ওদেশে থাকতে থাকতে
ছোঁড়া বিলকুল ওদেশী হয়ে গেছে। যেমনি চেহারা তেমনি
ব্যবহারে। গিন্নী বলে—এখানে এসে অবধি বাবাজী যতদিন
চূপচাপ মাঠের দিকে তাকিয়ে থাকে আর সিগারেট ফোঁকে একটায়
পর একটা।”

কিশোরীপ্রিয়র দিকে তাকিয়ে হেসে বললাম, “কোথায় থাকেন
আপনি?”

“তা এমন কোন মেসোপটেমিয়ার নয়। ছেলেবেলায় কুন্সোলে
ফেল না করে থাকলে নামটা হয়ত শুনে থাকতে পারেন।
জায়গাটা হচ্ছে কতেগড়, কানপুর ছাড়িয়ে। বছদিন পরে বাংলা
মূলুকে এসেছি, রেলের টাইমের খবর না জেনে বেরিয়ে কি বিপদেই
পড়েছি মশাই!”

“কলকাতায় গিয়েছিলেন কি উদ্দেশ্যে? শহর দেখতে নাকি?”
একটু হেসে জিজ্ঞাসা করলাম।

“না, অতটা আনাড়ী নই। বলে এসেছিলাম বটে কয়েকজন
বন্ধুবান্ধবের সঙ্গে দেখা করতে বাচ্ছি, কিন্তু উদ্দেশ্যটা ছিল আরও
একটু গভীর। সম্ভব, মানে আমার স্ত্রীর সঙ্গে কয়েকটা টুকিটাকি
জিনিস আর কিছু বই কিনতে এসেছিলাম, কেনাকাটা শেষ করে
মনে হ'ল ধূমপানের সবজাম কিছু নিয়ে গেলে মন্দ হয় না।
কিন্তু পরমা বেশী ছিল না তাই অতি অল্প...”

বলতে বলতে কিশোরীপ্রিয়র পাশের একটা বস্ত্রপ্রমাণ নতুন
কিট ব্যাগ খুললেন। প্রথমে বেরুল কয়েকখানা ধূতি সাড়ি
ইত্যাদি। তার নীচে ছ'টা বড় বড় প্যাকেট, বুললাম তাতে তার
স্ত্রীর কয়েক টুকিটাকি জিনিস আর বই। তারও তলায় সমস্ত যুক্ত
নানা আকারের অগুণতি কোটো, টিন, বাস্র এবং প্যাকেট। দেখে
চক্ষু জুড়িয়ে গেল। লোকটা গুণী বটে।

নাইন নাইন্টি-নাইনের একটা টিন আমার হাতে ওঁকে দিয়ে

কিশোরীপ্রিয় বললেন, “এটি হ’ল শ্রম আপনার জন্তে। না না, আপনি আপত্তি করবেন না, আপনি আমার দুঃসময়ের বন্ধু, আপনি ছাড়া আর কে আছে এ বিপদে।”

টিনটার দিকে আড়চোখে চাইতে চাইতে হেসে বললাম, “আচ্ছা তা নয় হ’ল কিন্তু এখন কি করা যায় সে সম্বন্ধে কিছু ভেবেছেন কি? আর বোধ হয় বেশীক্ষণ নেই আপনার ষ্টেশন আসতে।”

“এ্যা, তাই তো। তা হলে?”

“আচ্ছা মাঝখানের কোন ষ্টেশনে নেমে গেলে কেমন হয়?”

“সেকথা যে আমিও ভেবেছিলাম তা তো বলেছি আপনাকে। কিন্তু এদিককার রাস্তাঘাট বা ট্রেনের সময় সম্বন্ধে আমি একেবারে অজ্ঞ, যদি আজ পৌঁছতে না পারি তা হলেও বিপদ কম নয়। শ্রমশ্রমশাই বুঝেছেন আমার স্বভাবটা একেবারে মেয়েলি। আজ না পৌঁছলে বাড়ীতে কান্নাকাটি পড়ে যাওয়া বা খানায় থবর চলে যাওয়া একটুও অস্বাভাবিক নয়।”

আমি খানিকক্ষণ ভেবে বললাম, “তা হলে একটা কাজ করা যাক। বাথরুমটা পাশেই আছে। আপনি বাথরুমে ঢুকে পড়ুন আর আমি...”

উৎসাহে প্রায় লাফিয়ে উঠে কিশোরীপ্রিয় বললেন, “ঠিক। তাই করি।”

কিন্তু পরমুহুর্তেই তাঁর উৎসাহ নিভে গেল। বিমর্ষভাবে বললেন, “কিন্তু সেখানেও যে সেই প্রশ্ন থেকে যায়। পরের ষ্টেশন কত দূরে কে জানে। রাত্তিরে না ফিরতে পারলে তো ছলছল কাণ্ড। তা ছাড়া রমা এখনও ছেলেমানুষ, বেচারী কি ভাবে কাটাতে যাক্টিবটা ভেবে দেখুন। আর জিনিষগুলো কষ্ট করে বয়ে নিয়ে এসেছি শুধু ওরই জন্তে, ওকে অবাক করে দেব বলে আগে থাকতে কিছু জানাই নি। মনে মনে কত প্রাণ করেছি সেই মুহূর্তটির জন্তে; কিন্তু সে সব তো কিছুই হবে না, মাঝখান থেকে বনে-বাদাড়ে ঘুরে বেড়াব এই মোট মাথায় করে?” করুণ চোখে কিশোরীপ্রিয় তাকালেন আমার দিকে।

এতক্ষণে সমস্তাটার গুরুত্ব সম্পূর্ণভাবে হৃদয়ঙ্গম করলাম। কিন্তু বিষয়টা যে অতি জটিল। ভাবতে ভাবতে হঠাৎ একটা কথা মনে পড়ল। বললাম, “আচ্ছা আপনার ব্যাগের ভেতর একটা শাল দেখেছিলুম না?”

“হ্যাঁ, হ্যাঁ—একটা আছে বটে। বেরুবাম সময় বমা আমাকে জোর করে গছিয়ে দিয়েছিল। আপনাদের এখানকার শীত মশাই আমার কাছে নশি। তবুও ঘাড়ে বয়ে এনেছি, ওর কথাটা ফেলতে পারলাম না। হত সব...”

বাধা দিয়ে বললাম, “কখনও স্ত্রীর কথার অব্যাহা হতে নেই। ঐ শালখানাই এখন আপনাকে রক্ষা করবে। আপনি শাল মুড়ি দিয়ে বেড়িয়ে জড়সড় হয়ে পড়ে থাকুন, লোকে ভাববে আপনি ঘুমুচ্ছেন। কেউ কিছু জিজ্ঞাসা করলে আমি বলব, আপনি আমার ছোট ভাই, জবে বেছ শ হয়ে পড়ে য়েছেন। আপনাদের ষ্টেশন

তো খুব ছোট নয়—অন্ততঃ মিনিট চার-পাঁচেক ট্রেনটা ধামবেই। আপনার শ্রমশ্রমশাই নেমে গেলে আমি দেখতে থাকব জানালা দিয়ে। দু’তিন মিনিটের মধ্যে উনি প্ল্যাটফর্মে, অন্ততঃ দৃষ্টিব বাইরে চলে যাবেন নিশ্চয়ই। উনি চলে গেলেই আমি আপনাকে ইশারা করব। আপনি তখন নিশ্চিত মনে নেমে পড়বেন। আর ধরুন যদি এমনই হয় যে উনি নেমে পড়েও ঠিক এই কামবার সামনেই দাঁড়িয়ে দাঁড়িয়ে গল্প করতে লাগলেন তবে আপনাকে একটু কষ্ট করতে হবে। তা হলে গাড়ী একটু চলতে আরম্ভ করে দু’দশ পা এগোলে রানিং ট্রেন থেকেই লাফিয়ে নেমে পড়তে হবে আপনাকে। পারবেন না?...”

“খুব। তা ছাড়া প্ল্যাটফর্মে একটু গড়িয়ে পড়লেও এই বিরাট বপুখানার বিশেষ ক্ষতি হবে না।”

“বেশ। আর যদি গাড়ীটা বেশী এগিয়ে যায় তবে নিশ্চিত মনে এলাম চেন ধরে ঝুলে পড়বেন। এ গাড়ীটার এলাম বন্ধ রাখে নি দেখা যাচ্ছে। যদি কিছু জিজ্ঞেস-টিগোস করে, বলবেন নামতে গিয়ে গাড়ীর ভেতর আছাড় পেয়ে এতক্ষণ অজ্ঞানের মত পড়ে রয়েছিলেন। আর যদি কেউ আসবার আগেই কেটে পড়তে পারেন তবে তো আরও ভাল।”

কিশোরীপ্রিয় এতক্ষণ হাঁ করে আমার কথা শুনছিলেন। এবার বলে উঠলেন, “ধন্য ধন্য। এত সহজে সবকিছুর সমাধান করে দিলেন আর আমি বোকা তখন থেকে ভেবে ভেবে মরছি। আচ্ছা আপনি কোথায় কাজ করেন বলুন তো? আই.বি.তে?”

কিশোরীপ্রিয় শুয়ে পড়লেন। আমি তাঁর সর্বাঙ্গ ঢেকে দিলাম শালখান দিয়ে। হঠাৎ কিশোরীপ্রিয় বলে উঠলেন, “কিন্তু আরও একটা মুশকিল আছে যে।”

“কি?”

“শ্রমশ্রমশাইকে চিনতে আপনার বাকি নেই নিশ্চয়ই। যদি উনি নামার সময় নিজেই কিছু জিজ্ঞেস করে বলেন আপনাকে?”

“তা হলে সেই কথাই বলব, ভায়ের জ্বর হয়েছে।”

“উহু।” উনি আবার বাড়ীতে হোমিওপ্যাথি করেন। যদি জ্বরের কথা শুনে বাস্তব হয়ে নাড়ী-টাড়ী দেখতে এগিয়ে আসেন?”

ভেবে বললাম, “আচ্ছা তা হলে না হয় বলব এমনিই ঘুমিয়েছেন।”

“কিন্তু এমনিই ঘুমলে নাক কান ঢেকে ঘুমুনা একটু অস্বাভাবিক নয় কি? বিশেষ করে এইটুকু বেড়িয়ে?”

কথাটা একেবারে উড়িয়ে দেবার মত নয়। কিন্তু একটু চিন্তা করতেই আলো দেখতে পেলাম। বলে উঠলাম, “ঠিক, আপনি আমার বউ হবেন। আপনার আর শোবার-টোবার দরকার নেই, এক কোণে শাল মুড়ি দিয়ে বসে থাকুন মুখে ঘোমটা টেনে, বাস।”

অভিভূতের মত আমার দিকে চেয়ে কিশোরীপ্রিয় বললেন, “সত্যি আপনি একটা জিনিয়াস। আপনার পায়ের ধুলো মাথায় নিতে ইচ্ছে হচ্ছে। এত সহজে আপনার মাথা খোলে, আশ্চর্য।”

বলতে বলতে নিজের রিটওয়ার্চের দিকে চেয়ে চমকে উঠলেন, আর মাত্র পাঁচ মিনিট।

কিশোরীপ্রিয়কে নিখুঁতভাবে অবগুণ্ঠিত করে দিয়ে ভাবতে লাগলাম পরবর্তী প্লান সম্বন্ধে। আচ্ছা কতক্ষণ লাগবে ঠিক খণ্ডের চলে যেতে? এক মিনিট? দু' মিনিট?

চমক ভাঙল তাঁরই হাসিতে। ওদিক দিয়ে না নেমে ভদ্রলোক দেখি এদিক দিয়ে—আমাদের ঠিক পাশের দরজা দিয়েই নামবার উপক্রম করছেন। একটু ভয় ভয় হতে লাগল আমার। উদাস ভাবে অন্ধ দিকে মুখ ফিরিয়ে থাকতে চেষ্টা করলাম।

একটু পরেই আমার কানের কাছে শুনতে পেলাম তাঁর গলা, “আরে এটা আবার কি! চালের বস্তা? না গুড়ের কলসী?”

ভদ্রলোকের হাসির সঙ্গে যোগ দিল আরও কয়েকটা পূর্ব-পরিচিত কণ্ঠ। আমি অন্ধ দিকেই মুখ ফিরিয়ে রইলাম, যেন কিছুই কানে আসে নি।

“মহাশয় কি নিদ্রা যাচ্ছেন? কিন্তু আপনার চক্ষুধর্য তো খোলাই রয়েছে দেখছি। বলুন না মশাই, ওটাতে কি পদার্থ আছে।” এবার কথার সঙ্গে আমার কাঁধে ভদ্রলোকের করস্পর্শ অনুভব করলাম।

ফিরে তাকালাম। জুঁকুচে বললাম, “কি রকম ভদ্রলোক মশাই আপনি? গায়ে হাত দিচ্ছেন কেন?”

“চটে গেলেন ভায়া? এ লাইনে নতুন যাচ্ছেন বুঝি? নইলে...”

“নতুন হই, পুরনো হই তাতে আপনার কি? ভদ্রলোকের সঙ্গে যে ভদ্র ব্যবহার করতে হয় তা কি এখনও শিখাতে হবে আপনাকে?” একটু গরম হয়ে জবাব দিলাম।

“ঘাট হয়েছে মশাই। অসাধারণ কিছু দেখলেই লোকের কৌতূহল হয়। এই তো দেখুন না বস্তাটা এত গরমের মাঝেও কেমন অবিচলিত রয়েছে। এটা কি একটা অসাধারণ বস্তা নয়?”

“এখনও বলছি আপনি ভদ্রভাবে কথা বলুন। জানেন উনি আমার স্ত্রী?”

ভদ্রলোক একেবারে হকচকিয়ে গেলেন। আমতা আমতা করে বললেন, “তাই নাকি, তাই নাকি। ইয়ে আমি ঠিক বুঝতে পারি নি। উনি ও রকম ভাবে ঢাকা দিয়ে বসে রয়েছেন বলেই—

“বসে রয়েছেন তো বেশ করেছেন। তাতে আপনার কি হয়েছে মশাই?” এবারে আর একটু গলা চড়ালাম।

“আমার? কিছু নিশ্চয়ই হয়েছে।

আপনার স্ত্রী বুঝি দশ নম্বর এলবার্ট পায়ে দেন? হাঃ হাঃ হাঃ।”

আমি [স্তুভিত। কিশোরীপ্রিয়র বিবাত জুতোজোড়া ঠিক নীচেই পড়ে রয়েছে।

“তা ছাড়া আপনার ইঞ্জি দেখছি সব দিক দিয়েই আপনার

চতুর্গ। এ কোন দেশী ইঞ্জি মশায়? দিশী না বিলিভী? ওরে, ব্যাপারটা তো খুব স্তম্ভিতের মনে হচ্ছে না। দেখতে হচ্ছে তো ভাল কবে।”

এবার ভদ্রলোক কিশোরীপ্রিয়র সামনে বেঁটে চেষ্টা করলেন। আমি দাঁড়িয়ে উঠে বাধা দিয়ে বললাম, “খবরদার। এক পা এগোবেন কি পুলিশ ডাকব। অচেনা স্ত্রীলোকের গায়ে হাত দিতে যাচ্ছেন এত বড় ইত্যর আপনি। এর পর কোন কিছু হলে আপনি দায়ী থাকবেন—আমার স্ত্রী...”

আবার হকচকিয়ে গেলেন ভদ্রলোক। কিন্তু একটু পরেই মুচকি হেসে বললেন, “আমি বিন্দুমাত্র অবিশ্বাস করছি না, খুবই সম্ভব সেটা। সত্যিই কোন মুলতানী বা অষ্ট্রেলিয়ান ভগবতীকে কৌশলে স্থানান্তরিত করা হচ্ছে, না এর ভেতরে কোন বহু-আকাঙ্ক্ষিত মহাপ্রভু বিবাজ করছেন সেটা দেখাই আমার উদ্দেশ্য—পরস্পর প্রতি আমার লোভ নেই বিন্দুমাত্র। ওরে, তোরা ধবে রাখ তো এ লোকটাকে।

গাড়ীর গতি প্রায় থেমে এল। আমি মরীয়া হয়ে বললাম, “খবরদার। আমি এখনুনি পুলিশ ডাকছি।”

ভদ্রলোক হেসে বললেন, “ধাক, ধাক—আর কষ্ট করতে হবে না। আমরাই ডাকছি।”

তারপর কিশোরীপ্রিয়র কাছে গিয়ে দাঁড়িয়ে বললেন, “কৈ গো সখি, এত কাছে এলাম তবুও অভিমান গেল না! একবার অবগুণ্ঠন উন্মোচন কর বধু, কণিকের তরে তোমার চন্দ্রবদন দর্শনে




মুহূর্তমাত্র অবসর। তার পরেই এক হ্যাঁচকা টানে গোটা শালখানা

উঠে গেল কিশোরীপ্রিয়র শরীর থেকে

তুপ্ত হই। কি? কিছু বলছ না যে? শুনতে পাচ্ছ না? না শুনবে না? তা হলে তো আমাকেই এগোতে হয় দেখছি।”

আশ্চর্যসাদের হাসি হেসে একবার তিনি তাকালেন চারিদিকে, মুহূর্তমাত্র অবসর। তার পরেই এক হ্যাঁচকা টানে গোটা শালখানা উঠে গেল কিশোরীপ্রিয়র শরীর থেকে।



পঞ্জাবের বিবাহ ও লোকগীত

শ্রী অমিতাকুমারী বসু

ভারতের তিন্ন তিন্ন প্রদেশের বিবাহের রীতি-নীতি বিভিন্ন হলেও অনেকক্ষেত্রে স্ত্রী-আচারগুলিতে সামঞ্জস্য দেখতে পাওয়া যায়। বিবাহ-উৎসবে সমস্ত জাতির মধ্যেই খুব জাঁকজমক, গানবাজনা ও ভোজের ধুম বিশেষ আড়ম্বরে অনুষ্ঠিত হয়। বিবাহে উত্তর হিন্দুস্থানের অন্তর্গত ঘেরকম, পঞ্জাবেও সেরকম গানের খুব প্রচলন আছে।

পঞ্জাবী নারীরা বিয়ের উৎসবে রাতের পর রাত গান-বাজনায় মশগুল হয়ে থাকে। ঘরে শতরক্ষি বিছিয়ে মেয়েরা গোল হয়ে বসে। গাঢ় রঙের সার্টিনের শালোয়ার পাজামা ও সূক্ষ্ম রেশমী ওড়নায় সুসজ্জিতা নারীদের নৌরোজার হাট বসে যায়। একজন বধিয়সী নারী ঢোল বাজাতে থাকে, অন্য কোন একটি নারী ছ'হাতে ছুটা পাথর নিয়ে সেই ঢোলের গায়ে ঠক্ ঠক্ আওয়াজ করে বাজিয়ে ঢোলের সঙ্গে তাল রাখে ও গায়িকারা সমন্বরে গান গাইতে শুরু করে। বলা বাহুল্য, উত্তর হিন্দুস্থান, মধ্যভারত ও পঞ্জাব ইত্যাদি প্রদেশের নারীরা ঢোলক বাজাতে বিশেষ পারদর্শিনী।

প্রায় সব দেশেই বিয়ের পূর্বে বর ও কনেকে তাদের পিত্রালয়ে আশীর্বাদ করা হয়। হিন্দুস্থানীদের আশীর্বাদকে সাগাই ও পঞ্জাবী আশীর্বাদকে মংনী বলে। বিবাহের কথাবার্তা সোক মারফত বা চিঠিপত্রে স্থির হয়। সাবেকী প্রথামত বরপক্ষের সোক কনেকে দেখতে যায় না, আত্মীয় ও বন্ধুবান্ধবের মতামতের উপর নির্ভর করে বিবাহ স্থির করে। আমাদের দেশের মত এদেরও রাশিচক্রসহ জাত-পত্রিকা মিলিয়ে বিবাহ স্থির হয়। রাশিচক্র মিললে বিবাহ সম্বন্ধ পাকা হয় ও কনের বাড়ী থেকে ২৫ বা ৩০ বা ১০১ টাকা, নারকেল, চন্দন ও জাফরান একটা থালাতে রেখে বরের বাড়ীতে কনের দাদা, মামা বা দূরসম্পর্কের আত্মীয় পৌঁছে দেয়। এদেশে পণপ্রথার অত্যাচার নেই। বরপক্ষ কন্যাপক্ষের নিকট কিছুই দাবী দাওয়া করে না, কিন্তু কন্যাপক্ষ নিজের মানমর্যাদা বজায় রাখার জন্য কন্যাকে যথাযোগ্য শাড়ী কাপড়, অলঙ্কার, বাসনপত্র, আসবাব যথেষ্ট দিয়ে থাকে। আত্মীয়স্বজন পাড়াপ্রতিবেশী বন্ধুবান্ধবের নিকট নিজের "ইজ্জৎ" রাখবার জন্য বশ খরচ করে এবং পণপ্রথার জোর জবরদস্তি না থাকায় ছ'ই পক্ষের সম্বন্ধই তিক্ত সম্বন্ধ না হয়ে মধুর সম্বন্ধে পরিণত হয়। উত্তর প্রদেশের মত এদের বিবাহে দীর্ঘকালব্যাপী আনন্দ উৎসব হয় না। বিবাহ সম্বন্ধ স্থির হওয়ার সঙ্গে সঙ্গে কয়েকদিনের ভিতরই

বিবাহ উৎসব ও স্ত্রী-আচার ইত্যাদি শেষ করে দেয়। অন্যান্য দেশের মত এদের ডেল-হলুদ লাগাবার নিয়ম মেই, কিন্তু বিয়ের আগের দিন বর ও কনের হাতে-পায়ে মেন্দী লাগানো হয়। সাতটি কুমারী কন্যা প্রথমে বরের বা কনের হাতে ও পায়ে মেন্দী লাগাবে, পরে একে একে অন্য সধবারা মেন্দী লাগিয়ে দেয়। মেন্দী লাগানো শেষ হলে বর বা কনে হাত উন্টিয়ে পেছনের দেয়ালে হাতের ছাপ মারবে। যেখানে দেয়ালে মেন্দীর ছাপ দেওয়া হয় সেই দেয়ালের কাছে দেবী বসে। পাঁচটা ছোট ছোট মাটির ঘটে কোনটাতে আটা, কোনটাতে গুড়, কোনটাতে মিঠাই ইত্যাদি সাজিয়ে রাখে। বর বিয়ে করে বাড়ী ফিরে কনেকে নিয়ে প্রথমে ঐখানেই বসে এবং তখন বর-কনেকে যে যার উপহার দেয়। বর আত্মীয়স্বজন ও কনের উপহারসামগ্রীসহ স্বশুরবাড়ীর উদ্দেশে যে শোভাযাত্রা করে তাকে এদেশে "বরাত" বলে। এদেশে বর ঘোড়ায় চড়ে বিয়ে করতে যায়, স্বশুরবাড়ী বিদেশে হলে ট্রেন পর্যন্ত ঘোড়ায় চড়ে যায় খুব ধুমধামে। ছ'তিন রকমের বাজনা বাজতে থাকে ও রকমারি আতসবাজী জ্বলে, ঘোড়াকে খুব সুন্দর করে কাঁচের মালা, পুঁতির মালা ও ফুলের হারে সাজিয়ে আনে।

বরাত যাবে, বর রেশমী লংকোট আর রেশমী চুড়িদার পাজামা পরবে, মাথায় বাঁধবে রেশমী পাগড়ী আর কোমরে রেশমী চাদরে তলোয়ার, অভাবপক্ষে বড় ছুরি বাঁধবে। পঞ্জাবী বরের পোষাক খুব চটকদার হয়, অনেকটা দেশী রাজাদের পোষাকের মত। পঞ্জাবীরা বিয়ের মুকুটকে "সেইরা" বলে। নকল মোতির সাতটি লহর একসঙ্গে গাঁথা থাকে, বর বিয়ের পোষাকে সজ্জিত হলে কপালে এ নকল মোতির সেইরা বেঁধে দেয়। কপাল থেকে সাতটি মোতির লহরী মুখের উপর ঝুলে থাকে ও তাতে সবটা মুখ ঢেকে যায়। বিয়ের সময় বরের কপালে মোতির সেইরার উপর সুগন্ধি ফুলের সেইরা বেঁধে দেয়, বুক অবধি সেই ফুলের লহরগুলি ঝুলতে থাকে। বরাত যাবার আগে বর বিয়ের পোষাকে সুসজ্জিত হয়ে ঘরে একখানা বড় পিঁড়িতে বসে। মা প্রথমে এসে ছেলের কপালে চন্দন দিয়ে আশীর্বাদ করে, যা দিবার দিয়ে দেয়। তারপর একে একে বাবা, কাকা, দাদা, মামা, মামী, কাকী ইত্যাদি পরিবারস্থ ঘনিষ্ঠ আত্মীয়রা শুধু এই বেলা উপহার দিয়ে থাকে। এই সময় সাধারণতঃ সবাই টাকা দেয়। যে যার সামর্থ্য ও পদমর্যাদানুযায়ী ২৫

টাকা থেকে শুরু করে ৫০১ টাকা পর্যন্ত দিলে থাকে। বরের আশীর্বাদী পালা শেষ হলে কুলের হারে সজ্জিত ঘোড়ার পিঠ বর চড়ে বসে ও পরিবারের অন্য অন্য আত্মীয় কুটুম্ব এবং নিমন্ত্রিত হুচার জন পুরুষ ও পরিবারের নারীরা দলে দলে চলে শোভাযাত্রা করে। ব্যাঙ বাজতে থাকে তুমুল ভাবে। এই শোভাযাত্রা একটা কুলগাছের কাছে গিয়ে ধামে। বর কোমরের তলোয়ার বা ছুরি বের করে সবুজ পাতাভরা একটা ডাল কেটে ফেলে দেয়, তখন মা সবার হাতেই একটা পাত্র থেকে শুঁড়া চিনি অল্প অল্প বেঁটে দেয়। বরকে নিয়ে বরের বাপ, কাকা, দাদা, মামা যারা সঙ্গে যেতে চায় সবাই চলে স্টেশনের উদ্দেশ্যে, বর শ্বশুরবাড়ী যাত্রা করবে ওখান থেকেই। মা অন্য নারীদের সহিত নিজ বাড়ীতে প্রত্যাবর্তন করে। এই শোভাযাত্রার সময় সেকলে নারীরা সুসজ্জিত ঘোড়ার বিষয়ে গান করে, গানের নাম হ'ল “ঘোড়ী” :

“বীরা, তেরি ঘোড়ী, সারে দরওয়াজে খাড়ী,
তেরে বাপ হাজারীনে মোল লী।
তেরি মাতা রাণী, ওয়ারে মোতিরোঁদি লরী
মোতিগুঁদি লরি, হীরোসে জড়ি ॥
বীরা তেরি ঘোড়ী, সারে দরওয়াজে খাড়ী,
তেরে চাচে হাজারীনে মোল লী
তেরি চাচী রাণী, ওয়ারে মোতিরোঁদি লরী
মোতিগুঁদি লরি, হীরোসে জড়ি ॥”

“বোন, বীরা, মানে ভাইকে বলছে, ভাই তোর জন্য ঘোড়া দরজায় দাঁড়িয়ে আছে, তোর রাজা বাপ হাজার টাকা দিয়ে ঘোড়া কিনেছে, তোর মা রাণী, হীরা মোতি জড়ানো হার দিয়ে ঘোড়াকে আরতি করছে। ভাই, তোর ঘোড়া দরজায় দাঁড়িয়ে আছে, তোর কাকা হাজার টাকা দিয়ে ঘোড়া কিনেছে, তোর কাকী রাণী, হীরা মোতি জড়ানো হার দিয়ে ঘোড়ার আরতি করছে।”

এভাবে দাদা, দিদি, মামা, মামী সবার নাম নিয়ে নিয়ে গান গায়। ঘোড়ায় চড়ে বরাত যাবার সময় আর একটা গান গায়, তার নামও “ঘোড়ী”

“খোল খোল, মরাজা ওয়ে
খোল খোল, সেহরঁয়া ওয়ালয়া ওয়ে।
দো তুরীয়ঁ, এক ঢোল মরাজা ওয়ে,
দো তুরীয়ঁ এক ঢোল সেহরঁয়া ওয়ালয়া ওয়ে।
তুরীয়ঁ জানজ সোহাই, মরাজা ওয়ে
তুরীয়ঁ জানজ সোহাই, সেহরঁয়া ওয়ালয়া ওয়ে।
কেড়য়েঁ দেশেঁ। আয়া, মরাজা ওয়ে
কেড়য়েঁ দেশেঁ। আয়া, সেহরঁয়া ওয়ালয়া ওয়ে
বুনয়েঁ দেশেঁ। আয়া, মরাজা ওয়ে

বুনয়েঁ দেশেঁ। আয়া, সেহরঁয়া ওয়ালয়া ওয়ে
বুনয়েঁ দেশেঁ। আয়া, মরাজা ওয়ে
বুনয়েঁ দেশেঁ। আয়া, সেহরঁয়া ওয়ালয়া ওয়ে
কলী হুন্দাদানী, মরাজা ওয়ে
কলী হুন্দাদানী সেহরঁয়া ওয়ালয়া ওয়ে।”

“বরকে আরতি কর, মুকুটওয়ালাকে আরতি কর। হুই তুরী আর এক ঢোল ও মুকুটওয়ালার বর বরাতের শোভা বাড়িয়ে তুলছে। ও বর, ও মুকুটওয়ালার, আমরা কোন দেশে এলাম ? ও মুকুটওয়ালার বর, আমরা পাহাড়ের নীচে সমতল-ভূমিতে এসে গেছি। ও বর, এদেশের চিহ্ন হ'ল চিকুণী আর হুন্দাদানী।”

বর শোভাযাত্রা করে শ্বশুরবাড়ী চলে গেল। বরের বাড়ীর উৎসব অর্ধস্বগিত হয়ে রইল। বরের সঙ্গে কনের জন্য মূল্যবান সার্টিনের শালোয়ার কামিজ ও ওড়না এবং সোনার গয়না দেওয়া হ'ল। পঞ্জাবী বিয়েতে হিন্দুস্থানী বিয়ের মত মণ্ডপ বাঁধবার কোন উৎসব হয় না। উঠানের মাঝখানে মাটি দিয়ে বেশ উঁচু বেদী বাঁধানো হয়। সেই বেদীকে বরকনে সপ্ত প্রদক্ষিণ করে। পঞ্জাবী বিয়েতে শুভকাজে নাশ্তেনীর কোন দরকার করে না। পুরোহিতের নির্দেশমত শুভমুহুর্তে সাত পাক হয়। বিয়ের আসরের একপাশে হোমের আঙুণ জ্বলতে থাকে, অগ্নি সাক্ষী করে বিয়ে হয়। বরের চাদরে ও কনের ওড়নাতে গাঁটছড়া বাঁধা হয়। আগে বর পেছনে কনে এভাবে চারবার ঘুরবার পর কনে সামনে এসে যায়, বর পেছনে থাকে এভাবে তিন বার ঘুরলে সাতপাকের পালা শেষ হয়। সপ্তপ্রদক্ষিণের পর কণ্ডার পিতা বরের হাতে কণ্ডা সম্প্রদান করে ও বরকে সোনার আংটি বা ঘড়ি ও রেশমী বস্ত্র দক্ষিণাস্বরূপ দান করে।

কনের বাড়ীর বিবাহ উৎসব সমাপ্ত হয়, এবার পুত্র ও পুত্রবধূসহ পিতা নিজ বাড়ীর উদ্দেশ্যে যাত্রা করে। কনের বাড়ী থেকে বরের বাড়ীর জন্ত তত্ত্ব যাবে। পুরুষদের জন্য যাবে রেশমী লংকোট, ইজার ও পাগড়ীর রেশমী বস্ত্র এবং পরিবারস্থ মহিলাদের জন্য যাবে শালোয়ার পাঞ্জাবী ওড়না সব মিলিয়ে পুরা পোষাকের সার্টিনের কাপড়। কন্যাপক্ষ যারা একান্ত গরীব তারা সকলের জন্য পোষাক দিতে না পারলেও বরের মামা ও কাকার জন্য পুরা পোষাকের রেশমী কাপড় দিবেই। এই সঙ্গে প্রচুর মিঠাইও দেওয়া হয়। কনের বাড়ীতে বিয়ের সময় যে গান গাওয়া হয় তার নাম “সোহাগ”, সংস্কৃত “সৌভাগ্য”। রূপার আংটি, কড়ি, পুঁতি ইত্যাদি একটা কালে সূতোয় গাঁথা থাকে। বর শোভা-যাত্রা করে যাবার পূর্বে বরের হাতে ঐ আংটি কড়িসহ

কালো সূতো বেঁধে দেওয়া হয় এবং কনের জন্মও আর একগাছা নিয়ে যাওয়া হয়। বিয়ের দিন কনের হাতে ঐ কালো সূতো বেঁধে দেয়। বিয়ের দিন কনের হাতে হাতীর দাঁতের লাল রং করা চুড়ি, প্রায় অধিকাংশ কনেরই কচুইর নীচ থেকে সুরুর করে মণিবন্ধ অবধি পরানো হয়। কনেকে “বোটি” বলা হয়।

কনের বাড়ীতে কনে যে দেয়ালে তার হাতের মেন্দী-ছাপ দিয়েছিল, সেখানে কনেকে একখানা পিঁড়িতে বসিয়ে রাখা হয়। সামনে একটি প্রদীপ জালিয়ে রাখে, তাতে অনবরত তেল ঢালতে থাকে যাতে প্রদীপ না নিভে। কনে বিয়ে না হওয়া পর্যন্ত সারাদিন ওখানেই থাকবে প্রদীপের দিকে মুখ করে। প্রদীপের দিকে সারাক্ষণ চেয়ে থাকলে নাকি পতির আদরিণী হওয়া যায়।

বরকে পঞ্জাবীরা “মরাজা” বলে। খুব সম্ভব সংস্কৃত “মর্য্য” শব্দেরই অপভ্রংশ মরাজা। মরাজাকে বিশেষ আড়ম্বর করে বাজনা বাজিয়ে শোভাযাত্রা করে কনের বাড়ীতে নিয়ে আসে। মরাজার সমস্ত মুখ ফুলের পর্দায় ঢাকা থাকে, বরের ঘোড়ারও অর্ধেক শরীর ফুলে ফুলময় থাকে। বরকে ষোড়া থেকে নামিয়ে এনে কনে যে ঘরে সারাদিন বসে আছে, সে ঘরের দরজায় দাঁড় করায়। কনেকে কনের ভাই বা ভাইবোঁ উঠিয়ে ধীরে ধীরে নিয়ে আসে বরের সামনে। বর সুদৃশ্য সুগন্ধি ফুলের মালা কনের গলায় পরিয়ে দেয় ও কনেও আর একটি সুদৃশ্য পুষ্পহার পরিয়ে দেয় বরের গলায়। এ সময় কনের মস্তক অবগুষ্ঠনশূন্য থাকে, কাজেই অনেক বরকনে এ সময়ই দৃষ্টি বিনিময় করে নেয় :

“লিখা পোচি মাড়ী তে পলক বিছয়া

উতে চড় হতা বেটীদা, বাবল, কে

নী দ কেই আয়ি হী ।

বাবল, তুদ কই নী দ পিয়ারী

সলই বেটি বর মংদী ।

হস্ত চড়ে যা, তেরা দাদাকে চুও নগর নগর

সবনা নগরোমে জলকর নগর মেরে মন বশয়া ।

বেটি, হস্ত চড়ে যা তেরা বাবল

চুয়ে কুরম কুরম ।

সবনা কুরমা বিচো ওমপ্রকাশ মেরে মন বশয়া ।

হস্ত চড়ে যা মেরা বীরা, ওর

চুও কাঁহান কাঁহানী

সবনা কাঁনা বিচো চান্দ মের মন বশয়া ।”

“ঘর লেপে পুঁছে পরিষ্কার করে পালক বিছানো হয়েছে, মেয়ের বাপ শুয়ে আছে। মেয়ে বলছে বাবা তোমার চোখে

কি করে ঘুম আসছে? মিত্রা তোমার এতই পিয়ারী যে তুমি মেয়ের বিয়ের কথাও ভুলে গেছ?

পিতা জবাব দিচ্ছে, বেটি ঘোড়ায় চড়ে তোয় ঠাকুরদা মগয় খুঁজে বেড়াচ্ছে। সব নগরের মধ্যে তাঁর জলকর নগরই পছন্দ হয়েছে। বেটি তোয় বাবা ঘোড়ায় চড়ে বেহাই খুঁজে বেড়াচ্ছে, সব বেহাইর মধ্যে ওমপ্রকাশ বেহাই সবচেয়ে পছন্দ হয়েছে। ঘোড়ায় চড়ে তোয় ভাই বর খুঁজে বেড়াচ্ছে, সব বরের মধ্যে বর চাঁদই আমাদের মনের মত হয়েছে।”

বর বিবাহান্তে কনেকহ নিজ বাড়ীতে পৌঁছলে, যে দেয়ালে বরের হাতের মেন্দী ছাপ থাকে সেখানে নিয়ে প্রথমে বরকনেকে বসানো হয়। তখন নানাপ্রকার স্ত্রী-আচার ও হাসি-তামাসা হয়। কনের হাতের কড়িগাঁথা সেই কালো সূতো বর খুলবে ও কনে বরের হাতের কালো সূতো খুলবে। যাতে বরকনে অনায়াসে সূতো খুলতে না পারে সেজন্য দু’পক্ষের নারীদল বিশেষ চেষ্টা করে। একটা হাঁড়িতে দুধের মধ্যে বর ও কনের আংটি ফেলে দেওয়া হয়, বরকনের মধ্যে যে আগে আংটি বের করে তুলতে পারবে তারই জিৎ। কনের সামনে পাশাপাশি সাতখানা থালা রাখা হয়, কনে একে একে সাতটা থালা ধীরে ধীরে একের পর এক সাজিয়ে রাখবে, একটুও আওয়াজ হবে না, যদি আওয়াজ হয় তবে বুঝতে হবে যে কনের স্বভাব একটু ঝগড়াটে হবে। এভাবে নারীদের বহু আমোদ-প্রমোদের পর নিমন্ত্রিত ব্যক্তিদের ভোজ হয়, ও যারা বরকনেকে আশীর্বাদ করে উপহার দিতে চায় এই সময় দেয়। রাত্রে “সোহাগ রাত” হয়। বিয়ের উৎসব শেষ হলে, বিশেষ কোন অঘটন না ঘটলে কনে এক বৎসর স্বস্তরগৃহে কোন কাজ করে না।

বিবাহ উৎসব দেখে ও বিবাহ-পদ্ধতির বিষয়ে অসুসন্ধান করতে গিয়ে বেশ কয়েকটি পরিবারেই দেখতে পেলাম বর্তমান যুগের বিবাহ উৎসবে সেকেলের রীতিনীতি, স্ত্রী-আচার ইত্যাদিতে অনেক শৈথিল্য এসে গেছে। বিয়েতে সেকলে গান প্রায় উঠেই যাচ্ছে এবং তার পরিবর্তে আধুনিক ব্যঙ্গগান ও সিনেমা থিয়েটারের প্রেমের গান গাওয়া হয়। সেকলে গানগুলির বিশেষত্ব এই যে প্রাচীনকালের লোকদের রচিত গানগুলির ভিতর দিয়ে নিজ নিজ সমাজের রীতিনীতি, ভাবধারণা, মনের আনন্দ, দুঃখ অতি সুন্দরভাবে পরিস্ফুট হয়ে উঠে।

কনের বাড়ীতে আধুনিকদের একটি আধুনিক গানের নমুনা দিলাম :

“ভাগী সাম মায় ক্যাসনাবেল, জট পলে পেগরা

হায় নি মে কি করো, ও মেরা ভোগা রহা গয়া ।

জট নু মে আখিয়া, পার্স লেকে দে
হায় নি মে কি করে, থইলা লেকে আগয়া।
জটনু মে আখিয়া, মোটর লায়া দে
হায় নি মে কি করে, ঠেলা লেকে আগয়া।

ইত্যাদি—

“আমি ফ্যাসনাবেল মেয়ে ছিলাম, আর আমার বিয়ে
হ’ল কিনা এক হাবারামের সঙ্গে। হায় আমি কি করি,
আমার অদৃষ্টে এক হাবাই জুটল। হাবুকে একদিন বললাম,
আমার জন্য মানিব্যাগ নিয়ে এস, কিন্তু কি আর বলব,
ও নিয়ে এল একটা থলে। অপদার্থ বেকুপকে বললাম

আমার জন্য একটা মোটর নিয়ে এস, ও নিয়ে এল মাল
নেবার একটা ঠেলা গাড়ী। হায় আমি কি করি, আমি—
ফ্যাসনাবেল মেয়ের অদৃষ্টে এই ছিল।”

এই গানটা থেকে বুঝতে পারা যায়, ব্যাজকালকার
ফ্যাসনাবেল মেয়ে মনের মত পতি না পেলে সন্তুষ্ট হয় না,
অপদার্থ স্বামীদের নিয়ে কিভাবে অপদস্থ হতে হয়, আধুনিক
গায়িকারা এই গান রচনা করে তাই বোঝাতে চেয়েছে।
কনের বাড়ীতে বিয়ের আসরে সুসজ্জিতা, সালঙ্কতা আধুনিক
তরুণীরা এই গান গেয়ে বরকে জ্বল করে।

বিষয়বসায়ী

শ্রীকুমুদরঞ্জন মল্লিক

জীবিতকে দ্রুত মৃত করিবার গবেষণা চলিয়াছে
সাফল্যে তার বহু গৌরব আছে।
আণবিক বোমা, উদযান বোমা, নিতি—
প্রলয় এবং ধ্বংসের আনে ভীতি,
শোভনা ধরণী বালসিয়া যাবে
মুহূর্তে তার আঁচে।

২

সর্বধ্বংসী অশুভসংগী এই যে আবিষ্কার
প্রতিভা এবং মনীষার ব্যভিচার।
এই উদ্যম, শক্তির অপচয়—
জাতি ও সমাজ কুতুহলী হয়ে সয়।
মারণাস্ত্রের বীভৎস লীলা
লাগায় চমৎকার।

৩

একটি মৃতকে পারো কি করিতে পুনর্জীবন দান ?
কই আগ্রহ, কই অমুসন্ধান ?
জীবন এত কি তুচ্ছ এবং হেয়।
মরণ হলো কি এতই শ্রেয় ও প্রেয়।
ধরণীকে মৃত গ্রহ করিবার
চালাইছ অভিযান ?

৪

মহামরণের পরিধি বাড়ায়ে কৃতিত্ব কিছু নাই,
মরণ হইতে জীবন আনাই চাই।
সঞ্জীবনী সে শক্তির অধিকারী,
হতে যে পারিবে জয়মালা জেনো তারি,
জানাইয়া দাও কিসে অমৃতের—
সন্ধান মোরা পাই।

৫
বিষয়বসায়ী, গরল বণিক, ওকি তব উদ্যোগ !

আনিবে প্রলয় রাত্রির দুর্ভোগ ?
অপশক্তির কেন করি অর্চন
বিষাক্ত করি তুলিতেছ দেহ মন ?
ডাকিছ মৃত্যু মনস্তর
অনন্ত দুর্ভোগ।

৬


অমৃতপুত্র, অমৃতাবেশী, অমৃতপিয়াসী নর,
মারণমন্ত্র জপে কেন তৎপর ?
লক্ষ নরের বধে কেন উল্লাস ?
কোটি কোটি জীব কি হেতু করিবে নাশ ?
হওনা একটি মৃত পিপীলিকা
বাঁচাতে অগ্রসর।

৭

শবভূমে যাবে অকীর্তি কর জয়স্তম্ভ গাড়ি’
মানবক তব আকাঙ্ক্ষা বলিহারি !
সৃষ্টিনাশক নহেন দেবতাগণ,
ব্যর্থ হবে এ অশুভ আন্দোলন,
চির-বিষহারী ভুবনেশ্বর—
এ ভুবন জেনো তাঁরি।

৮

নূতন জগৎ তোমরা গড়িবে ? মুখে শান্তির কথা
বাগিছে বৃকের উদ্যম বিষলতা।
জাতিকে জাতিতে বাঁধিবে নিবিড় করি,
মৈত্রীতে নয়—দিয়ে বিষ-বল্লরী
কুৎসিততর করিবে ধরাকে
তোমাদের কুটিলতা।





শিশুনিকেতনের শিশুদের নৃত্য

শিক্ষাব্রতী মায়ালতা সোম

শ্রীনীলিমা দত্ত

শিক্ষালাভের সার্থকতা তখনই অনুভূত হয় যখন মানব-প্রাণ থেকে স্বতঃ উৎসারিত এক আনন্দরসধারা প্রবাহিত হয় এবং অল্পকৈ সেই আনন্দরস পান করাবার জ্ঞান মানুষের চিত্ত ব্যাকুল হয়ে উঠে—মানুষ তখন জ্ঞানলাভ ও জ্ঞানবিতরণকে তার জীবনের ব্রত বলে গ্রহণ করে এবং অসাধারণ ধৈর্য্য, উৎসাহ ও নিষ্ঠার সঙ্গে সেই ব্রত পালন করাবার জ্ঞান অগ্রসর হয়। যুগে যুগে বিভিন্ন সম্প্রদায়ের মধ্যে এইরকম শিক্ষাব্রতীর আবির্ভাব হয়েছে, যারা জীবন পণ করেও রেখে গেছেন পৃথিবীর বুকে এক অবিদ্যমান কীর্তি, এক সাংস্কৃতিক প্রচেষ্টা, জাতির ইতিহাসে এক মহাকল্যাণের মাসীর্বাদ। এমনি একটি শিক্ষাব্রতীর জীবনের বিষয় আজ আলোচনা করব।

শ্রীহট্টনিবাসী জয়গোবিন্দ সোম মহাশয়ের কনিষ্ঠা কন্যা ছিলেন মায়ালতা সোম। উক্ত কলিকাতায় নিজ বাটী ১নং বলদেও পাড়া রোডে ১৯২৫ সনের ৯ই মার্চ মায়ালতার জন্ম হয়। পিতা জয়গোবিন্দ সোম মহাশয় খ্রীষ্টীয় সম্প্রদায়ের একজন বিশিষ্ট ব্যক্তি ছিলেন। কলিকাতা বিশ্ববিদ্যালয় থেকে যারা গোড়ার দিকে বি-এ পাস করেন

তিনি তাঁদের মধ্যে একজন ছিলেন। তিনি একই বৎসরে বি-এ ও এম-এ পরীক্ষায় সম্মানে উত্তীর্ণ হন। বিপিনচন্দ্র পাল, কালীচরণ বন্দ্যোপাধ্যায় ও আনন্দমোহন বসু প্রমুখ মনীষীদের তিনি সমসাময়িক ছিলেন এবং জাতীয় উন্নতি-মূলক বিভিন্ন কার্যের সঙ্গে ঘনিষ্ঠভাবে সংশ্লিষ্ট ছিলেন। খ্রীষ্টীয় ধর্মশাস্ত্রের সার সত্য ও হিন্দুধর্মের সামাজিক ও আধ্যাত্মিক আদর্শবাদের উপর ভিত্তি করে তিনি একটি ভারতীয় খ্রীষ্টীয় সমাজ গঠন করাবার প্রয়োজনীয়তা উপলব্ধি করেছিলেন। তাঁর অন্তরঙ্গ বন্ধু ছিলেন কালীচরণ বন্দ্যোপাধ্যায় মহাশয়। তাঁরই সাহায্যে ও নিজের চেষ্টায় তিনি 'ইণ্ডিয়ান খ্রীষ্টান হেরাল্ড' নামে একটি সাপ্তাহিক পত্রিকা প্রকাশ করে নিজে তা সম্পাদনা করেন। মাতা মনোমোহিনী অতি নিষ্ঠাবর্তী ও পরম স্নেহশীলা নারী ছিলেন।

মায়ালতা পিতা ও মাতার বিশেষ সদৃশগুণসমূহের যে প্রকৃত উত্তরাধিকারিণী ছিলেন তার দৃষ্টান্ত তাঁর পরবর্তী জীবনে পাই। তিনি ছিলেন অবস্থাপন্ন ঘরের কনিষ্ঠা সন্তান, সুতরাং স্বভাবতঃই ছিলেন সকলের অত্যন্ত আদরের পাত্রী। ইচ্ছা

করলেই তিনি জীবনে নিরুপদ্রব আরামের পথ বেছে নিতে পারতেন। কিন্তু তাঁর মধ্যে ছিল সমাজকল্যাণের এক হৃদমনীয় আকাঙ্ক্ষা যা বারে বারে তাঁকে সহজ আরাম এবং স্বচ্ছন্দ ভোগবিলাসের কোল থেকে বাইরে টেনে এনেছে জনকল্যাণের কণ্টকময় পথে। ছোটবেলা থেকেই নিজেকে পরের কাজে নিযুক্ত করবার আগ্রহ তাঁর মধ্যে দেখা যেতে লাগল। স্নেহময়ী ধর্মনিষ্ঠ মাতার সুপরিচালনায় তিনি নিজের জীবনের ভিত্তিটিকে সুগঠিত করে নেবার সৌভাগ্য



মায়ালাতা সোম

লাভ করেছিলেন। তাঁর বিদ্যাশিক্ষা আরম্ভ হয় ক্রাইস্ট চার্চ স্কুলে। সেখান থেকে প্রবেশিকা পরীক্ষায় উত্তীর্ণ হয়ে বেথুন কলেজে ভর্তি হন ও আই-এ পরীক্ষায় উত্তীর্ণ হন। এই সময় থেকেই নিজে যথোচিত শিক্ষালাভ করে শিক্ষা-বিতরণ করবার জন্ম তাঁর মধ্যে একটা আগ্রহ দেখা যেতে লাগল। তখন উপযুক্ত শিক্ষার প্রয়োজন উপলব্ধি করে কয়েকজন শিক্ষিত ব্যক্তির চেষ্টায় ব্রাহ্ম ট্রেনিং স্কুল নামে একটি ট্রেনিং বিভাগ ব্রাহ্ম বালিকা শিক্ষালয়ে খোলা হয়। বর্তমানে উহা ব্রাহ্ম ট্রেনিং কলেজ নামে পরিচিত।

মায়ালাতা এই বিভাগে ১৯২০ সনে ট্রেনিং পরীক্ষায় সসম্মানে উত্তীর্ণ হন। অল্পদিনের মধ্যেই ঐ বিভাগের শিক্ষয়িত্রীর পদে তিনি নিযুক্ত হলেন। লোকান্তরিতা পূর্ণিমা বসাক সেই সময় ব্রাহ্ম ট্রেনিং বিভাগের প্রধানা শিক্ষয়িত্রী ছিলেন। মায়ালাতা সহকর্মীরূপে তাঁর সঙ্গে ঘনিষ্ঠভাবে যুক্ত হন। সেই সময় অনেক সধবা ও বিধবা মেয়ে ঐ বিভাগে শিক্ষয়িত্রী হবার জন্ম ট্রেনিং নিতে আসতেন এবং অনেক সময় নানা প্রতিকূল অবস্থার মধ্যে দিয়ে তাঁদের শিক্ষাগ্রহণ করতে হ'ত। তিনি সাধ্যমত তাঁদের নানাভাবে সাহায্য করবার চেষ্টা করতেন। এই সময় হতেই তাঁর নারীহৃদয়ের সুপ্ত সমাজকল্যাণ রূপ বাইরে প্রকাশিত হতে আরম্ভ করে। তিনি প্রায় সকল সম্প্রদায়ের মহিলা-প্রতিষ্ঠানগুলির সঙ্গে ঘনিষ্ঠভাবে সংযুক্ত হলেন এবং যে সম্প্রদায়ের মধ্যে যে গুণটি বিশেষভাবে তাঁর চোখে পড়ত তা গ্রহণ করবার জন্ম প্রাণপণ চেষ্টা করতেন। নিজের দেশের মেয়েদের সঙ্গে ত অন্তরঙ্গতার সহিত মেলামেশা করতেনই তা ছাড়া বিদেশী মেয়েদের সঙ্গেও তিনি প্রগাঢ় বন্ধুত্বসূত্রে আবদ্ধ ছিলেন। অনেক সময় তাঁদের বিভিন্ন গুণাবলীর উল্লেখ করে বলতেন—তিনি তাদের সঙ্গে মিশে নিজেকে উপযুক্ত করে তোলাবার কত সুযোগ পেয়েছিলেন।

ব্রাহ্ম ট্রেনিং বিভাগে কিছুকাল শিক্ষিকা থাকার পর শিশুশিক্ষা বিষয়ে বিশেষ জ্ঞানলাভ করবার জন্ম ১৯৩১ সনে নিজ অর্থে তিনি ইংলণ্ডে যান ও মাদাম মন্তেসরি'র নিকট হতে শিশুশিক্ষা বিষয়ে বিশেষ শিক্ষাগ্রহণ করে ডিপ্লোমা প্রাপ্ত হন। মাদাম মন্তেসরি'র নাম বাংলাদেশে

আজ সুপরিচিত। তাঁর শিশুশিক্ষা-প্রণালীর বিস্তৃত বিবরণ ইংরেজী ভাষায় প্রকাশিত হয়। মায়ালাতা ডাঃ মন্তেসরি'র কয়েকটি বক্তৃতা বাংলা ভাষায় অনুবাদ করে, বাংলাদেশের লোকেরা যাতে শিশুদের সম্বন্ধে বিশেষভাবে জানবার সুযোগ পান তার ব্যবস্থা করে গেছেন। তাঁর পুস্তকখানির নাম 'মন্তেসরি বক্তৃতা'। বঙ্গী বাহুল্য, এখানি সুধীসমাজে বিশেষ আদৃত হয়েছে।

১৯৩২ সনে সোম মহোদয়া ভারতবর্ষে প্রত্যাবর্তন করে ব্রাহ্ম বালিকা শিক্ষালয়ে মন্তেসরি বিভাগের

প্রধানা শিক্ষয়িত্রীরূপে নিযুক্ত হন। তিনি ইতিপূর্বেই বিভিন্ন শিক্ষাক্ষেত্রের নিকট সুপরিচিত হয়েছিলেন। তাঁর মধ্যে ছিল অনাবিল সহজ সরল শিশুভাব, সেজন্য অল্পদিনের মধ্যে শিশুদের বড় আদরের 'মায়াদি' হয়ে উঠলেন। ব্রাহ্ম বালিকা শিক্ষালয়ে একটি শিশুবিভাগ পূর্বেই খোলা হয়েছিল। মায়ালাতা ঐ বিভাগটি মস্তেসরি শিক্ষাপ্রণালীর সাহায্যে সুগঠিত করে তুললেন। শিশুশিক্ষা-বিশাব্দ হিসাবে তাঁকে অগ্রণীদের মধ্যে একজন বলা যেতে পারে। শিশুদের



মাদাম মস্তেসরি

প্রতি একটা স্বাভাবিক ভালবাসা তাঁকে তার কাজে এগিয়ে নিয়ে চলত। মস্তেসরি বিভাগটি ডাঃ মস্তেসরি-উদ্ভাবিত প্রণালীতে শিশুশিক্ষা দানের একটি আনন্দনিকেতন বলা যায়। এই বিভাগে শিশু নিজ শক্তি ও পছন্দমত কাজ করবার স্বাধীনতা পায়। শিক্ষয়িত্রী প্রত্যেকটি শিশুর মনস্তত্ত্ব সম্বন্ধে সজাগ দৃষ্টি রেখে ব্যক্তিগতভাবে প্রত্যেকের আচরণ পর্যবেক্ষণ করে তাকে তার নিজ কাজে সাহায্য করেন ও তার স্বাভাবিক বৃত্তিসমূহের বিকাশসাধনের দিকে দৃষ্টি দিয়ে

থাকেন। মায়ালাতা ব্রাহ্ম বালিকা শিক্ষালয়ে মস্তেসরি বিভাগটিতে কয়েক বৎসর শিক্ষিকারূপে থেকে শিশুশিক্ষা সম্বন্ধে প্রচুর অভিজ্ঞতা অর্জন করেন। নিজ অভিজ্ঞতা ও কল্পনা দিয়ে স্বাধীনভাবে একটি শিশুবিদ্যালয় স্থাপন করবার ইচ্ছা অনেক সময়েই তাঁর মনে স্থান পেত। হয়ত উহা তাঁর পরবর্তী জীবনের সফলতার একটু আভাস মাত্র ছিল।

খুব অল্পদিনের মধ্যেই তাঁর ঐ প্রকার ইচ্ছাকে রূপ দেবার সুযোগ তিনি পেলেন। এই বিষয়ে মায়ালাতার নিজ উক্তি থেকে কিয়দংশ উদ্ধৃত করি : “শিশু-প্রতিষ্ঠান গড়বার সঙ্কল্প আমার মনের ভেতর সুপ্ত অবস্থায় ছিল অনেকদিন থেকে। সুযোগ হ'ল ১৯৪২ সনে, যে সময় যুদ্ধের জগৎ চারিদিকে হৈ চৈ পড়ে যায়। জাপানীরা ভারত আক্রমণ করবে বলে সরকারের নির্দেশমত সব স্কুল বন্ধ অথবা স্থানান্তরিত হয়ে যায়। ব্রাহ্ম বালিকা শিক্ষালয়ের শিশু-বিভাগ বন্ধ হয় ও উপরের শ্রেণীগুলি মধুপুরে স্থানান্তরিত হয়। আমি শিশুবিভাগের প্রধানা শিক্ষয়িত্রী ছিলাম। আমিও কলকাতা ছেড়ে কিছুদিন বাইরে যাই বহরমপুরে।”

সেখানে মিস্ উশার (Miss Usher) এল. এম. এস মিশন স্কুলটি তাঁকে একটি নার্সারি বিদ্যালয় করবার জগৎ ছেড়ে দেন। তিনি কতকগুলি উদ্বাস্তু ছেলেমেয়েদের নিয়ে একটি বিদ্যালয় খুললেন। কিন্তু পর বৎসর অনেক ছেলেমেয়ে অগ্নি জায়গায় চলে যাওয়াতে তাঁর নার্সারি স্কুলটি ঠিকমত চলতে পারে নি। ১৯৪৩ সনে তিনি কলকাতায় ফিরে আসেন। এই বিষয়ে লিখেছেন :

“১৯৪৩ সনে মে মাসে কলকাতায় ফিরে এলাম। আমার ফিরে আসার খবর পেয়ে কয়েকজন বন্ধু তাঁদের ছেলেমেয়েদের প্রায় জোর করে আমার কাছে পাঠাতে শুরু করলেন। এভাবে কয়েকমাস পড়াবার পর ঘটনাক্রমে সুনীতিবালা গুপ্তা মহাশয়ার সঙ্গে সাক্ষাৎ হয়। তিনি ঐ সময় বর্ধমান ও প্রেসিডেন্সি বিভাগের প্রধান পরিদর্শিকা ছিলেন। ত্রীযুক্ত গুপ্তা আমার সকল খবর নিয়ে আমাকে একটি নার্সারি স্কুল খোলবার পরামর্শ দেন। তাঁর প্রেরণায় আমি এই কাজে অগ্রসর হই।”

এই শিশু-বিদ্যালয়টি স্থাপন করবার সময় তাঁর দিন কাটত এক কঠোর সাধনার মধ্য দিয়ে। শিশু মনস্তত্ত্বের বিষয়গুলি গভীরভাবে চিন্তা করে, কেমন করে একটি আদর্শ শিশুনিকে-তন গড়ে তোলা যায় তারই চিন্তায় বিভোর হয়ে থাকতেন। সে সময় তাঁর বাইরের সুযোগ ছিল কম, কিন্তু অন্তরের দুর্দমনীয় ইচ্ছাশক্তি ছিল প্রবল, সেজন্য সব রকম বাধা-বিপত্তিকে অতিক্রম করে তিনি এগিয়ে চললেন তাঁর অতীষ্ট পথে। বিদ্যালয়ের উপযুক্ত বাড়ী না পাওয়ায় অবশেষে ঘনিষ্ঠ

আত্মীয় ডাঃ জ্যোতিষচন্দ্র দত্ত তাঁর বসতবাড়ীর নিয়তলা বিদ্যালয়ের জগু ব্যবহার করতে দিতে প্রতিশ্রুত হন।

১লা মার্চ ১৯৪৪ সনে মাত্র ৫টি শিশু নিয়ে নিজের শোবার ঘরে ডাঃ দত্তের বাড়ীতে নার্সারি স্কুল আরম্ভ করলেন। শ্রীযুক্তা গুপ্তকে সেই বিষয় জানিয়ে দিলেন।


ডাঃ দত্ত তাঁর বাড়ীর নিয়তলা এপ্রিল মাস হতে নার্সারি বিদ্যালয়রূপে ব্যবহার করবার জগু মায়ালতা সোমকে দেন বিনা ভাড়ায়। এক বৎসর বিদ্যালয়টি বিনা ভাড়া ছিল। বিদ্যালয়টি কিভাবে গড়ে উঠবার সুযোগ পেল সে বিষয় তিনি লিখেছেন :

“আমি একটি স্কুল করেছি জেনে আমার বন্ধুরা অর্থাৎ পুরানো ছাত্র-ছাত্রীর মায়েরা তাঁদের ছেলেমেয়ে ভর্তি করে দিলেন। আমি শ্রীমতী নীলিমা দত্ত ট্রেণ্ড বি-এ, সন্ধ্যা গুপ্ত ট্রেণ্ড ম্যাট্রিক ও নীরা বসু ম্যাট্রিক গীতত্রীকে ৬০, ৪০ ও ১০০ টাকা মাহিনায় ১লা এপ্রিল থেকে নিয়োগ করলাম। স্কুলের শিশুদের ব্যবহারোপযোগী চেয়ার টেবিল ইত্যাদি ৫০ জন শিশুর মত প্রায় ১৬০০০ টাকার জিনিষ স্কুলকে তখনকার মত দান করলাম। পরিচালনা করবার ব্যয়ভার সম্পূর্ণ আমারই ছিল। শিশুদের স্কুলে বেতনের হার ৫ টাকা ছিল, স্কুলের নাম রাখা হয় ‘শিশুনিকেতন’।

নিয়মিত ব্যক্তিদের নিয়ে এপ্রিল মাসের কার্যনির্বাহক সমিতি গঠন করলাম। ডাঃ প্রফুল্লচন্দ্র মিত্র, শ্রীযুক্ত নলিন পাল, অধ্যাপক চারুচন্দ্র ভট্টাচার্য্য, অধ্যাপক হরিপদ মাইতি, ডাঃ জ্যোতিষচন্দ্র দত্ত, ডাঃ অমলানন্দ মল্লিক, শ্রীমতী সুনীতি ঘোষ, শ্রীমতী নীলিমা দত্ত।”

যেদিন এই বিদ্যালয়টি স্থাপন করলেন তাঁর সেদিনকার আনন্দ ভোলবার নয়। সহায় নেই, সম্পদ নেই— অথচ সে কি উৎসাহ, সে কি উত্তম! মায়ালতার সঙ্গে প্রথম পরিচিত হই ১৯২৭ সনে ছাত্রীরূপে, ব্রাহ্ম ট্রেণিং স্কুলে তিনি তখন শিক্ষয়িত্রী ছিলেন। সেই সময় তাঁর উদার, স্নেহপ্রবণ, উৎসাহী মনের পরিচয় আমি পাই ও পরে ব্রাহ্ম বালিকা শিক্ষালয়ে সহকর্ম্মিনীরূপে আরও ঘনিষ্ঠভাবে

পরিচিত হই। এই সময় তাঁর কর্ম্মপ্রণালী ও চিন্তাধারার সঙ্গে মনের আদান-প্রদান করতাম। তাঁর মধ্যে যে একটা বিশেষ স্বজনীপ্রতিভা ও সমাজকল্যাণ-রূপ আছে তাও মনে মনে স্বীকার করেছি। তাই যখন ১৯৪৪ সনে তাঁর পরিকল্পিত শিশু-বিদ্যালয় “শিশুনিকেতন” নাম নিয়ে জনসমাজে আশ্ব-প্রকাশ করল তখন মন তৃপ্তিতে ভরে গেল। শিশুনিকেতনে সহকর্ম্মিনীরূপে তাঁর সঙ্গে যুক্ত হয়ে তাঁর বিশেষ গুণটির দিকে দৃষ্টি পড়ল—শিশুদের প্রতি দয়াদী সেই মন, যা শিশুচিন্তের আনাচে-কানাচে ঘুরে বেড়াত শিশু-কল্যাণ কামনায়। সব ছোট শিশুবিভাগটি ছিল তিন-চার বছরের শিশুদের নিয়ে। তারা নূতন বিদ্যালয়ে এসে হাত কাঁট



শিশুদের হাতের কাজের প্রদর্শনী

আরম্ভ করে দিত, অনেকে আবার কিছুতেই বিদ্যালয়ে থাকতে চাইত না। সেই শিশুগুলির মনোরঞ্জনের জগু তিনি নানা উপায় অবলম্বন করতেন। কখনও হয়ত গল্প বলা, কখনও ছবির বই দেখানো, কখনও আবার তাদের লজেন্স খেতে দিয়ে তাদের সঙ্গে ভাব করে নিতেন। ভাব হয়ে গেলে তাদের কান্না বন্ধ হ’ত, তারা আনন্দ করে অগু ছেলেমেয়েদের কাছে যেতে চাইত, পরে আস্তে আস্তে নিজের বিভাগটিতে পছন্দমত কাজ বেছে নিয়ে কাজে লেগে যেত। বিদ্যালয়টি তাঁদের আনন্দ-নিকেতন হয়ে উঠত।

প্রথম কয়েক বৎসর বিদ্যালয়টিকে পরিচালিত করতে মায়ালতাকে কঠোর পরীক্ষার সম্মুখীন হতে হয়েছিল, কিন্তু

তাঁর সদাপ্রস্থল মুখে কোনদিন নিরাশার রেখাপাত হতে দেখি নি অথবা তাঁকে কোনদিন আদর্শভ্রষ্ট হতে দেখি নি। স্থানাভাবের জন্ত তিনি বেশী ছাত্র-ছাত্রী বিদ্যালয়ে রাখবার সুবিধা করতে পারেন নি—সেজন্য আয় অপেক্ষা ব্যয়ভারই তাঁর বেশী থাকত, কিন্তু তীব্র অর্থাভাবের সময়েও দেখেছি বিদ্যালয়ের আদর্শ রক্ষা করবার জন্ত তাঁর দৃঢ় সঙ্কল্পের ভাবটি। ঠিক যে কয়টি ছাত্র-ছাত্রীকে ব্যক্তিগত ভাবে তত্ত্বাবধান করে সুযোগ-সুবিধা দিয়ে বিদ্যালয়ে রাখা সম্ভবপর হ'ত সেই কয়টি ছাত্র-ছাত্রীই তিনি ভর্তি করতেন। বেশী ছাত্র ছাত্রী ভর্তি করে হয়ত টাকার অঙ্ক তিনি বৃদ্ধি করতে পারতেন, কিন্তু

গল্পের মধ্য দিয়ে, অভিনয়ের মধ্য দিয়ে তিনি ফুটিয়ে তোলবার চেষ্টা করতেন। যেমন নিম্নের গান দুটিতে পাই :

“ছোট শিশু মোরা, তোমার করুণা হৃদয়ে মাগিয়া লব,
জগতের কাজে, জগতের মাঝে আপনা ভুলিয়া রব।
ছোট তারা হাসে আকাশের গায়ে, ছোট ফুল ফুটে গাছে
ছোট বটে, তবু তোমার জগতে আমাদেরো কাজ আছে।”

—যোগীন্দ্রনাথ সরকার

“তোমারি গেহে পালিছ স্নেহে, তুমিই ধন্য ধন্য হে।
আমার প্রাণ তোমারি দান, তুমিই ধন্য ধন্য হে।
পিতার বক্ষে রেখেছ মোরে, জনম দিয়েছ জননীক্রোড়ে,
বেধেছ সখার প্রণয়-ডোরে, তুমিই ধন্য ধন্য হে।”

—রবীন্দ্রনাথ



শিশুনিকেতনের প্রাঙ্গণে শিশুদের খেলা

তিনি আদর্শকে ক্ষুণ্ণ করে টাকাকে বড় বলে কোনদিন মনে স্থান দিতে পারেন নি; তাই নীরব কন্ঠী মায়াসতার শিশুনিকেতনটি আজ মাত্র দশ বৎসরের মধ্যে একটি আদর্শ নার্সারি বিদ্যালয় বলে বিশিষ্ট স্থান অধিকার করেছে।


আদর্শ রক্ষা করে যাওয়াই শিক্ষা বিভাগের চূড়ান্ত সার্থকতা। শিক্ষাবিভাগ অথবা শিক্ষক-শিক্ষিকা যদি আদর্শভ্রষ্ট হন তা হলে তাঁরা অকল্যাণের পথে চালিত হন। কারণ শুধু নিজের জীবন অথবা ছাত্র-ছাত্রীর জীবন গঠনের দায়িত্বই তাঁদের নয়, সমগ্র জাতির উন্নতির মেরুদণ্ড তাঁরা। এই আদর্শবাদ মনে-প্রাণে বরণ করে নিয়েছিলেন মায়া-সতা। তাঁর বিদ্যালয়—“শিশুনিকেতন”টিতে শিশুদের মনের মধ্যে সং হবার ইচ্ছা গানের মধ্য দিয়ে, খেলার মধ্য দিয়ে

ব্যবহৃত হয়ে আসছে।

এই গানগুলি বিদ্যালয়ের কাজ আরম্ভ করবার আগে ছাত্র-ছাত্রীরা গাইত; আজও গায়। গানের কলির ভিতর সুন্দর শব্দগুলি শিশুকে কাজে উৎসাহিত করে; মনের মধ্যে অলক্ষ্যে কাজ করে যায় ও আদর্শের প্রতি এক স্বাভাবিক মমতা শিশুকাল থেকেই শিশুচিত্তে সংগঠিত হতে থাকে। শিশুনিকেতনটিকে যে আদর্শে তিনি গড়ে তোলবার স্বপ্ন দেখেছিলেন সেই আদর্শমত একটি ‘বিদ্যালয় সঙ্গীত’ শ্রীযুক্ত অনরকুমার দত্তকে দিয়ে লিখিয়ে, গীতশ্রী শ্রীমীরা বসুকে দিয়ে সুর সংযোজনা করিয়ে নিয়েছিলেন। সেই গানটি তাঁর শিশুনিকেতনের ‘বিদ্যালয় সঙ্গীত’ রূপে

ছোট শিশুদের দল,
শিশু নিকেতনে চল;
হেসে খেলে অবিরল।
ছোট হাতে হাত ধরে
খেলা সাথে ভাব করে
চলেছি পড়ার তরে
অলোকেতে উজ্জ্বল।
চল ভাই তোরা আজ,
পরিয়া যে যার সাজ;
হাতে লয়ে নিজ কাজ।
সেথায় আপন মনে
খেলিয়া ফুলের সনে
শিখে লব জনে জনে
সব কিছু অবিকল।

বর্তমানে শিশুবিদ্যালয় স্থাপন করবার জগ্গে অনেকের মনে একটা উৎসাহের সাড়া পড়ে গেছে। কিন্তু স্থাপনার সঙ্গে সঙ্গে আমাদের মনে রাখতে হবে কেবলমাত্র অর্থোপার্জনকর পথ অথবা ছাত্র-ছাত্রীর সংখ্যাবৃদ্ধিই যেন বিদ্যালয়ের কাম্য না হয়। আদর্শবাদ রক্ষার মধ্য দিয়ে যেন বিদ্যালয়গুলি বেড়ে উঠে। একথা মনে রাখতে হবে যে, আদর্শবাদী শিক্ষাব্রতীর সাধনা স্বার্থশিদ্ধিতে নয়, জনকল্যাণের আদর্শমুখল পরিণতিতে, তার তৃপ্তি সাধনার সফলতায়। এই ভাব মায়ালতার মধ্যে দেখা গিয়েছিল সুন্দরভাবে। ১৯৫২ সনে বিদ্যালয়টির ক্রমবর্ধমান উন্নতিতে আনন্দপ্রকাশ করে তিনি লিখেছেন :



শিশুদের জলযোগ

“স্কুলটি এখন যথেষ্ট সুনাম অর্জন করেছে ; প্রায় প্রতি মাসে বিভিন্ন শিক্ষাপ্রতিষ্ঠান থেকে, এমন কি কলকাতার বাইরে যেমন ডায়মণ্ডহারবার, মেদিনীপুর, ছগলী থেকে শিক্ষাবিদ ও শিক্ষার্থীরা স্কুলটি দেখতে আসেন। কখন কখন শিক্ষাবিভাগের অধিকর্তা অথবা কোন উচ্চপদস্থ কর্মচারী প্রেরিত শিক্ষাব্রতীরা সুদূর দিল্লী, মাদ্রাজ, বোম্বাই, পাটনা ও হায়দারাবাদ হতেও স্কুলটি দেখতে এসেছেন ও খুশী হয়ে তাঁদের মন্তব্য স্কুলের খাতায় লিখেছেন।”

অত্যধিক মানসিক উত্তেজনা ও পরিশ্রমের ফলে মায়ালতা ১৯৪৭ সনে এপ্রিল মাসে হঠাৎ হৃদরোগে আক্রান্ত হয়ে পড়েন। আত্মীয়দের বিশেষ সেবা ও চিকিৎসায় তিনি সুস্থ হয়ে উঠেন সত্য, কিন্তু এই সময় হতেই তাঁর অটুট স্বাস্থ্য ভাঙন ধরল : এর পর যে কয় বৎসর তিনি জীবিত ছিলেন,

নানাপ্রকার বাধি তাঁর শরীরে আশ্রয় গ্রহণ করল, কিন্তু কোনদিন তাকে তাঁর সাধনার পথ থেকে বিচলিত করতে পারে নি। যেদিন অসুস্থতার জগ্গ বিদ্যালয়ে উপস্থিত থাকতে পারতেন না, সেদিনও নিজের ঘরে বসে যতখানি সম্ভব বিদ্যালয়ের কাজ গুছিয়ে দিতেন লেখার সাহায্যে। তাঁর রোগযন্ত্রণাকাতর অবস্থা দেখে আমরা অনেক সময় বিচলিত হয়ে যেতাম। বলতাম—“আপনি কি করে এমন শরীরে কাজ করেন ?” তিনি বলতেন, “আমি কি করি, ভগবান তাঁর কাজ আমাকে দিয়ে করিয়ে নিচ্ছেন।” আমরা শুরু হয়ে যেতাম। ঈশ্বরের নিকট কি চমৎকার আত্মসমর্পণ ! নিজেকে আড়াল রেখে সং কাজ করবার কি সুন্দর প্রয়াস !

শিশুনিকেতনের শিক্ষয়িত্রীদের সহিত মায়ালতা গোস্বামী
(মধো উপবিষ্ট)

তাঁর মৃত্যুকালীন রোগযন্ত্রণার কষ্টকর অবস্থার মধ্যেও সেই সুন্দর শান্ত প্রফুল্ল ঈশ্বরে সমপিত রূপটি ফুটে উঠেছিল। এই ঈশ্বরপ্রীতির ভাবটি শিশুদের মনের মধ্যেও যাতে রেখাপাত করে সে চেষ্টা তিনি করতেন। তাঁর লিখিত ‘হাতেখড়ি’ নামক পুস্তিকায় “শিশুর কামনা” নামক পদ্যটির মধ্যে আমরা দেখতে পাই :

“ভাই বোন তুমি দিলে মোরে
পিতামাতা দিলে দয়া করে।
চোখ মেলে যদিকেতে চাই
কত দয়া দেখিয়ে পাই।
তাই আমি তোমায় জানাই
ভাল ছেলে হতে মোরা চাই।
ভাল কাজ নিয়ে যেন থাকি
ভোর পায়ে যেন তোমা ডাকি।”

যখন তাঁকে কোন বিশেষ সমস্যার সম্মুখীন হতে হয়েছে, দেখেছি—বাইবেল খুলে মনের অবস্থার উপযোগী অংশ পড়ে

সমস্যার সমাধান করবার চেষ্টা করেছেন, মনে নূতন শক্তি, নির্ভরতা এনেছেন। এইপ্রকার নির্ভরতা, ঈশ্বরে বিশ্বাস না থাকলে কোন সাধকের সাধনা সত্যরূপ ধারণ করতে পারে



মিসেস কেসি, মায়ালাতা সোম (মধ্য) প্রভৃতি

না। শিক্ষাব্রতীর জীবনের সাধনা অ অঘোষণায় নয়, আত্ম-বিলোপের মধ্য দিয়ে।

মায়ালাতা আজীবন কুমারী অবস্থায় থেকে তাঁর আদর্শের দিকে সোৎসাহে এগিয়ে চলেছিলেন। তিনি নিজে খ্রীষ্টধর্মাবলম্বী ছিলেন এবং খ্রীষ্টধর্মের মূল সত্য জীবনে পালন করবার জন্ত বার বার চেষ্টা করে গেছেন। বি, চাকর, সহকর্মিণী ও অভিভাবকদের সঙ্গে সুমিষ্ট ব্যবহার করে সকলকে আপনাতর করে নিতেন। সেইজন্ত তিনি অনেকের কাছ থেকেই সাহায্য পেতেন। কেউ হয়ত বিদ্যালয়টির জন্তে অর্থসাহায্য করেছেন, কেউ সংপরামর্শ দিয়েছেন, কেউ আবার ব্যক্তিগতভাবে তাঁর কাজের সঙ্গে জড়িত রয়েছেন। সহকর্মিণীদের সঙ্গে কখনও মতের বিরোধ হলেও

তিনি বিরুদ্ধভাব পোষণ করতেন না। প্রসন্ন মনে সকলকে ক্ষমা করতে পারতেন। সবাইকে স্নেহদৃষ্টিতে দেখে, সকলের দুঃখ দূর করবার জন্যে একটি বিশেষ প্রেরণা তাঁর

মধ্যে দেখা যেত। ১৯৪৬ সনের আগষ্ট মাসের ভয়াবহ দাঙ্গা-হাঙ্গামার ফলে অসংখ্য নরনারী দুর্দশাগ্রস্ত হয়ে পড়েন। এই সময় মায়ালাতা নিজে ও তাঁর সহকর্মিণী শিক্ষয়িত্রীদের নিয়ে দুর্গতদের জন্য অর্থবস্ত্রের সংস্থানে লেগে যান ও পুরানো, নূতন কাপড় সংগ্রহ করে, হাতে তৈরি কিছু খেলনা বিক্রি করে সেই টাকা শরণ চন্দ্র বসুর রিলিফ সোসাইটিতে পাঠিয়ে দিয়ে অনাবিল আনন্দ লাভ করেন।

মায়ালাতা গত ২০শে ফেব্রুয়ারী ১৯৫৪ তারিখে ইহধাম ত্যাগ করেন। যে আদর্শবাদের প্রদীপ তিনি আমাদের সকলের সম্মুখে, বিশেষ করে শিক্ষাজগতের সামনে জ্বলে দিয়ে গেলেন, সেই প্রদীপ থেকে আমরা জালিয়ে নেব আমাদের প্রাণের শিখা; মনের সমস্ত ভ্রান্ত সংস্কার দূর করে দিয়ে নিষ্কলঙ্ক শিক্ষব্রতের উজ্জ্বল আলোকতীর্থের সম্মুখে দাঁড়িয়ে প্রতিজ্ঞাবদ্ধ হয়ে চলব, বলব :

“যে পথ এনে দেয় না জাগতিক সুখের সন্ধান, যে পথে বিছানো নেই কোমল ফুলের পাপড়ি, যে পথে হয়ত মেলে না আত্মখ্যাতি, যে পথে আছে দুঃখ, আত্মপরীক্ষা, ধৈর্য, সংযম ও আত্মদান, সেই পথই হোক আমাদের চলার পথ,



প্রদেশপাল কৈলাসনাথ কাটজু, মায়ালাতা ও শিক্ষয়িত্রীগণ


(শিশুনিকেতনের শিশুদের সহিত)

সেই পথ দিয়েই বয়ে নিয়ে যাব আমরা আমাদের শিক্ষাজগতের আদর্শবাদ জাতির মহাকল্যাণের অশেষ শুভকামনার সম্ভাবনায়।”



স্বর্ণাকর

শ্রীদেবাংশু সেনগুপ্ত



চতুর্থ অঙ্ক

[অঘোরনাথের বৈঠকখানা : কিন্তু পূর্বেরকার কোন কিছুই দেখা যায় না। সোফা, কোচ, সেক্রেটারিয়েট টেবিল, সাধারণ টেবিল, টিপয়, গদী-আটা চেয়ার, দামী ফুল-দানী, তাহাতে ফুল, বইয়ের আলমারী ইত্যাদিতে গৃহে তিল-ধারণের স্থান নাই। আগের জিনিসের মধ্যে সাধারণ কাঠের বেঞ্চি মাত্র আছে। দরজায় এবং জানালায় বহুমূল্য ব্রোকেডের পর্দা। দেয়ালে মহাত্মা ও নেতাজীর ফটো হইখানা পূর্ববংই আছে, কিন্তু বাকী স্থানসমুদয় দেশী-বিলাতী অভিনেত্রীদের বাঁধানো ফটোতে পূর্ণ হইয়া গিয়াছে। সেক্রেটারিয়েটের টেবিলের উপর একটি সুদৃশ্য টেবিল ল্যাম্পও রহিয়াছে। কাল—প্রায়াক্রকার অপরাহ্ন।

সীতার প্রবেশ। তাহারও পরিবর্তন ঘটিয়াছে। মুখে স্নো পাউডার, চোখে চশমা, দেহে বড় বড় ফুল আঁকা ড্রেসিং গাউন, হাতে উল বোনার সরঞ্জাম। ঘরে ঢুকিয়া সুইচ টিপিয়া প্রথমে ঘরের আলোটি জ্বলাইলেন, তাহাতে সন্তুষ্ট না হইয়া টেবিল ল্যাম্পটিও জ্বলাইয়া বড় সোফাটিতে কিছুক্ষণ বসিলেন। কিন্তু অচিরেই অস্বস্তি প্রকাশ পাইল এবং স্থান পরিবর্তন করিয়া একখানা গদী-আটা চেয়ারে বসিয়া দুই এক ঘর বুনিতে চেষ্টা করিলেন, কিন্তু চেয়ারের হাতলগুলি কনুইয়ে ঠেকিয়া বাধার সৃষ্টি করিতে লাগিল। অবশেষে বিরক্ত হইয়া উঠিয়া পড়িলেন এবং ভিতর ও বাহিরের দরজা ভেজাইয়া আসিয়া নিশ্চিন্ত আরামে কাঠের বেঞ্চিতে বসিয়া পূর্ণোচ্চমে উল বুনিতে শুরু করিলেন, দেখা গেল সেটি একটি আধবোনা বড় সোয়েটার।]

সীতা। (ভিতরের দরজায় শব্দ হইতে) আঃ এদের জ্বালায় নিশ্চিন্ত মনে কোন কাজ করবার জো নেই! (বেঞ্চ হইতে উঠিয়া সোফায় বসিয়া) কে রে? কি চাই? লক্ষ্মী নাকি রে?

নেপথ্যে স্ত্রীলোকের কণ্ঠস্বর—হ্যাঁ মা।

সীতা। কি চাস, আয়।

(লক্ষ্মীর প্রবেশ। আটপোর্টে বেশে মধ্যবয়স্ক। স্বভাব খুব নম্র)

লক্ষ্মী। আপনার চা এখন এনে দেব মা?

সীতা। না, না, এখন না, আগে তোমার দাদাবাবু, দিদিমণি ফিরুক। আচ্ছা দিদিমণি ফিরলেই দিস। বাড়ীতে চা খাওয়া তোমার দাদাবাবু তো ছেড়েই দিয়েছে। (বিরক্ত হইয়া) ছবিও বড্ড দেবী করে আজকাল! দেখ তো, আসছে দেখা যায় কি না?

লক্ষ্মী। (একবার বাহিরে গিয়া ফিরিয়া আসিল) না মা। (বাহিরের দরজা খোলা রহিল)

সীতা। আচ্ছা তুই যা। (লক্ষ্মী প্রস্থানোক্ত) হ্যাঁরে খোকা কি করছে?

লক্ষ্মী। ভেতরের বারান্দায় গেলা করছে। (ক্ষণকাল দাঁড়াইয়া ভিতরের দিকে অগ্রসর হইল)

সীতা। দেখিস, বেশী ছোটোছুটি যেন না কবে, ওর শরীরটা কিন্তু এখনও ভাল হয় নি, হার্ট দুর্বল। (লক্ষ্মী দরজা পার হইয়া যাইতে উচ্চৈঃস্বরে) দরজাটা ভেজিয়ে দিয়ে যাস! (দরজা বন্ধ হইতে পুনরায় কাঠের বেঞ্চির উপর গিয়া বুনিতে শুরু করিলেন।)

[বাহিরের দরজার পর্দার ফাঁক দিয়া চকিতে একবার অঘোরনাথকে দেখা গেল। হাতে একটি খন্দরের ঝোলা এবং আলগা ভাবে কনুই জড়ান ক্ষুদ্র একটি বিছানা। তিনি ঘরে একবার মাত্র পা দিয়াই বাহির হইয়া গেলেন]

অঘোরনাথ। (বাহির হইতে উচ্চৈঃস্বরে) বাড়ীতে কে আছেন?

সীতা। (বোনা রাখিয়া লাকাইয়া উঠিয়া) সে কি কথা! (বাস্ত হইয়া) ভেতরে এসো! নিজের বাড়ীতে আবার ডাকাডাকি হাঁকাহাঁকি কিসের! ভেতরে এস! (দরজার দিকে আগাইয়া গেলেন)

[অঘোরনাথের প্রবেশ। চেহারা ও হাবভাবে বুঝা যায় তিনি অত্যন্ত ক্লান্ত এবং অসুস্থ। সীতা বিছানা ও ঝোলা তাহার হাত হইতে লইবার জগ্গ হাত বাড়াইলেন]

অঘোরনাথ। (মুখে হাসি আনিতে চেষ্টা করিয়া) ওঃ তুমি!

সীতা। (জিনিসগুলি লইয়া একপাশে নামাইয়া রাখিতে রাখিতে, লজ্জিত ভাবে) আমি না তো কে? কি যে বল! এখুনি বসে বসে তোমার জগ্গে একটা সোয়েটার বুনছিলাম, এই দেখ। (বোনাটা তুলিয়া দেখাইতে গিয়া মুগোমুগি হইতে) ও মা, এ কি চেহারা হয়েছে, (উৎকণ্ঠিত হইয়া) অসুখ বিনুখ করে নি তো? চল, ভেতরে চল। জিনিসগুলি এখন থাক। (অঘোরনাথকে ভিতরে লইয়া যাইবার জগ্গ হাত বাড়াইলেন কিন্তু অঘোরনাথ ধীরে ধীরে একটা সোফায় উপবেশন করিয়া মাথাটা এলাইয়া দিলেন। যেন কিছু আনিতে যাইতেছেন এমন ভাবে সীতা দ্রুত ভিতরের দিকে প্রস্থানোক্ত হইলেন।)

অঘোরনাথ। (খড়মড় করিয়া সোজা হইয়া বসিয়া চীৎকার করিয়া) ছবি! ছবি! ছবি-ই।

সীতা। (ফিরিয়া আসিয়া) ছবি কি করবে? হাত-পা ধোও, বিছানাটা করে দি, একটু বিশ্রাম কর, কিছু মুগে দাও, ছবি ততক্ষণে এসে পড়বে। আজকে ওর একটু দেবী হচ্ছে।

অঘোরনাথ। (উঠিয়া উত্তেজনায় পায়চারি করিতে লাগিলেন)

একটু দেবী কি? হ' ঘটাবও আগে শহরের সব স্কুল ছুটি হয়ে গেছে। মেয়ে এখনও বাড়ী ফিরছে না, আর তুমি নিশ্চিত মনে বসে উল বুনছ!

সীতা। (অঘোরনাথকে ধরিয়ে বসাইয়া) বস। বলছি, শাস্ত হয়ে শোন, দেখবে চিন্তার কোন কারণই নেই।

অঘোরনাথ। (কথকিং শাস্ত হইয়া) বল।

সীতা। (পাশে বসিয়া) তোমার অস্থগ করেছ। (কপালে হাত দিয়া) জ্বর তো বেশ আছে দেখছি।

অঘোরনাথ। অস্থগ করেছ, সারছে না, সেজগই তো ছেড়ে দিয়েছে।

সীতা। অস্থগের মধ্যে এ রকম চেঁচামেচি কর না। শহরে স্কুল কি ছাই একটাও খোলা আছে বেছবিকে সেখানে কেউ কাজ দেবে? ও একটা আপিসে কাজ করে, একশ টাকা মাইনে পায়, আবার উপরিও পায়। দেবীও করে না। দেবী হলে, সঙ্কো হলে, সাহেব গুকে নিজে গাড়ী করে পৌঁছে দিয়ে যায়।

অঘোরনাথ। (সন্দ্বিগ্ন ও ক্রুদ্ধ স্বরে) কোন সাহেব?

সীতা। আমি কি ছাই সাহেবের নাম জানি, না আপিসের নাম জানি? ঐ যে গো, সস্তোষকে যে বড়লোক করে দিয়েছে।

অঘোরনাথ। (সীতার বাধা না মানিয়া জোর করিয়া উঠিয়া দাঁড়াইয়া পাথচারি করিতে করিতে মাথা চাপড়াইতে লাগিলেন) হায়! হায়! তবে তো আমি ভুল দেগি নি, তবে তো আমি ভুল দেগি নি, হায়! হায়! তবে তো আমি ভুল দেগি নি!

সীতা। (অঘোরনাথকে ছুই হাতে ধরিয়ে আবার সোফায় আনিয়া বসাইয়া, ভয়ানক স্বরে) কি হয়েছে, আমি যে কিছুই বুঝতে পারছি না!

অঘোরনাথ। (মাথা চাপড়াইয়া) হায়! হায়! আমি ঠিকই দেখেছি।

সীতা। (আরও ভয় পাইয়া) কি দেখেছ?

অঘোরনাথ। ছবিকেই দেখেছি। (উঠিয়া ছুটাছুটি করিতে লাগিলেন)

সীতা। (মিনতি করিয়া) ওগো বল, কি হয়েছে?

অঘোরনাথ। ষ্টেশন থেকে বাড়ী ফিরছি, হ্যা ধুকতে ধুকতে বাড়ী ফিরছি। চলতে পারছি না। মিলিটারি মেসটার সামনে এসেছি দেখি ছবি।

সীতা। (পুনরায় এক রকম জড়াইয়া ধরিয়ে সোফায় বসাইয়া মাথায় হাত বুলাইতে বুলাইতে উচ্চ স্বরে) লক্ষ্মী! ও লক্ষ্মী! (ভিতর হইতে সাড়া আসিল 'বাই মা') শিগ্গির এক ঘটি জল আর পাখা নিয়ে আয়। (অঘোরনাথকে সাত্ত্বনা দিবার প্রয়াসে) তুমি ভুল দেখেছ, এ হতেই পারে না! (আরও জোরের সহিত) কিছুতেই হতে পারে না।

অঘোরনাথ। (সীতার হাতের গুঞ্জিয়া এবং কথার দৃঢ়তায় শাস্ত হইয়া কতকগুণ চোখ বুজিয়া বহিলেন, ইতিমধ্যে লক্ষ্মী জলের

ঘটি আর পাখা লইয়া আসিয়া অঘোরনাথ ও সীতাকে ঐরূপ অবস্থায় দেখিয়া বিস্মিত হইয়া দাঁড়াইয়া বহিল। অঘোরনাথ চক্ষু বুজিয়া একটু নরম স্বরে জবাব দিলেন) কিন্তু আমি নিজে দেখলাম—

সীতা। (লক্ষ্মীর ঐরূপ ভাব লক্ষ্য করিয়া) কি দাঁড়িয়ে বইলি কি, একটা তোয়ালে দিয়ে যা, তারপর আমার ঘরের বিছানাটা চাদর বদলে পেতে দে।

লক্ষ্মী। মা, চা করব?

সীতা। হ্যা, আগে বিছানাটা কর তারপর চা আর লুচি কর। (অঘোরনাথকে) দেখ, তুমি একদম কথা না বলে চুপ করে গুয়ে থাক। (লক্ষ্মীর প্রস্থান) আমি ওর মা, আমার চোখকে কি ও ফাঁকি দিতে পারবে? তা ছাড়া ছবি তোমার মেয়ে, তোমারই আদর্শ ও মানুষ হয়েছে। ও এখনুনি এসে পড়বে, দেখবে তুমি যা ভেবেছ তার কিছুই নয়। (লক্ষ্মী তোয়ালে আনিয়া দিয়া প্রস্থান করিল। সীতা অঘোরনাথের মাথা ও হাত-পা মুছিয়া দিলেন। ভিতর হইতে নিজেই একখানা চিরুণী আনিয়া মাথা আঁচড়াইয়া দিয়া ধীরে ধীরে মাথায় হাওয়া দিতে কাগিলেন। অঘোরনাথ ধীরে ধীরে তন্দ্রাচ্ছন্ন হইতে লাগিলেন।)

অঘোরনাথ। (বাহিরে কিসের একটু খুঁট করিয়া শব্দ হইতে চমকাইয়া উঠিয়া) কি, এসেছে?

সীতা। না, আসবে এখনুনি। বিছানা হয়েছে, ভিতরে শোবে চল। চা-লুচিও থাকে তো? রাত্রে কি থাকে? ডাক্তার কি বলেছে?

অঘোরনাথ। আগে বাছাবাছি করত। এখন সব পেতে বলেছে।

সীতা। (অঘোরনাথের হাত ধরিয়ে) চল, ভেতরে চল।

অঘোরনাথ। (জেদ করিয়া) ছবি আসুক।

সীতা। (একটু চুপ করিয়া থাকিয়া) ঐ সাহেব তোমার বন্ধু না?

অঘোরনাথ। (সন্দেহের স্বরে) সাধুলাল আমার বন্ধু? তাই বলেছে বন্ধু? (কিছুক্ষণ চুপ করিয়া থাকিয়া) মানুষের শয়তানির আর সীমা নেই!

সীতা। সাধুলাল শয়তান! (উদ্ভিন্ন হইয়া উঠিলেন)

অঘোরনাথ। অসিতকে যেদিন ধরে নিয়ে গেল সেদিন যে ঐ লোকটা এসেছিল তোমার মনে আছে?

সীতা। হ্যা।

অঘোরনাথ। লোকটা সেদিন কি মতলবে এসেছিল জান?

সীতা। কি করে জানব, তুমি কি ছাই কোন কথা আমাকে বল নাকি?

অঘোরনাথ। প্রথম তো সস্তোষকে দিয়ে যে কাজ করাচ্ছে সেই পস্তাব আমাকেও দিলে, অর্থাৎ চুরির বণ্ডার প্রস্তাব। কণ্ট্রাক্টের ছুতোয় আমার নামে টাকা চুরি করবে, অর্ধেক আমার, অর্ধেক তার। আর আমাকে যুদ্ধের কাজে নামাতে পারলে

আমাদের এখনকার প্রতিরোধটাই ধ্বংস হয়ে যাবে। এতে এখন রাজী হলাম না তখন আর একটা কাজে আমার সাহায্য চাইল, সেটা যেমন ঘৃণা, তেমনি অপমানকর।

সীতা। কি সর্বনাশ! তুমি কি বললে?

অঘোরনাথ। (গর্কের সহিত) কি আর বলব, বললাম গেট আউট! (হাত দিয়া দরজার দিকে দেখাইয়া পরক্ষণেই নিম্প্রভ হইয়া গেলেন) না, হ্যাঁ, আর বলেছিলাম গর্ক করে. এটা বাংলা দেশ!

সীতা। সে নিশ্চয়ই অল্প কেউ হবে। বাংলা দেশেই কি আর খারাপ লোকের অভাব আছে। এটা না বললেও পারতে।

অঘোরনাথ। (কথা ঘুরাইয়া) আর তারক যে কি কাজ করে, চিঠিতে সব কথা লেখ, ওটা লেখ না। অথচ আমি প্রত্যেক চিঠিতে জানতে চাইছি।

সীতা। তারক এলে জানতে পারবে। আমি ওসব কথা বলি না। (দূরে একটা ট্রা-লা-লা-লালা সুর শ্রুত হইল) ঐ আসছে বোধ হয়।

অঘোরনাথ। (চক্ষু মুদ্রিয়া) ছবি তারকের সঙ্গে ফেরে না কেন?

[ট্রা-লা-লা সুর ক্রমশঃ নিকটবর্তী হইয়া উচ্চগ্রামে শ্রুত হইতে লাগিল। অঘোরনাথের প্রশ্নের উত্তরে সীতা কি বলিলেন এই শব্দে তাহা চাপা পড়িয়া গেল। দরজা ঠেলিয়া সশব্দে তারকের প্রবেশ। তাহার পরনে সুদৃশ্য সূট। হাতে সিগারেটের টিন ও দেশলাই। ঘরটি ট্রা-লা-লা মুখরিত হইয়া উঠিল। সীতা নিঃশব্দে অঘোরনাথের প্রতি তারকের দৃষ্টি আকর্ষণ করিলেন]

তারক। (ঈষৎ বাঙ্গসহকারে) ও এসেছেন। (সূটের ভাঁজ না ভাঙিয়া বতটুকু নীচু হওয়া যায় হইয়া অঘোরনাথের পদধূলি লইবার ভঙ্গি করিল। সীতা অঙ্গুলিদ্বারা তারকের সিগারেটের টিনের দিকে দৃষ্টি আকর্ষণ করিলেন। টিনটি আড়াল করিয়া মুখ বিকৃত করিয়া ভিতরের দিকে যাইতে যাইতে, অনুচ্চ স্বরে) ভাত দিতে পারেন না কিলোবার গোসাই, ওঃ। (অঘোরনাথ ইহাতে ক্রুদ্ধ হইয়া চোখ মেলিলেন, কিন্তু তারক ততক্ষণে ভিতরে চলিয়া গিয়াছে। অঘোরনাথ আবার চক্ষু বুজিলেন)

অঘোরনাথ। (দীর্ঘনিঃশ্বাস ফেলিয়া) পরের ছেলে মানুষ করেই জীবন কাটালাম, নিজের ছেলেকে নিজের আদর্শে আনবার আর সময় পেলাম না! এখন তো মনে হচ্ছে এটা একেবারেই গোল্লায় গেছে। তবু, ডাক ওকে।

[ময়লা খাঁকি হাফ প্যান্ট ও কোট পরা একটি লোকের প্রবেশ]

লোকটি। কণ্ট্রাক্টরবাবু ফিরেছেন?

অঘোরনাথ। (উঠিয়া ভাল করিয়া বসিয়া তাকাইলেন) কে কণ্ট্রাক্টর?

সীতা। একটু বাইরে অপেক্ষা কর, এখুনি আসছে। (লোকটির বাহিরে প্রস্থান)

অঘোরনাথ। (এতক্ষণে সীতার বেশভূষা ভাল করিয়া পর্যবেক্ষণ করিয়া ঘণার সহিত) তুমিও গোল্লায় গেছ। (বাজের সুরে) তারক কি কাজ করে তুমি তা জান না, না? (উত্তরের জন্ম কিছুক্ষণ অপেক্ষা করিয়া) কি, চূপ করে রইলে যে? (সীতার হাত ধরিয়া ঝাঁকানি দিলেন) সীতা মাথা নত করিলেন। অঘোরনাথ দূরে সরিয়া পূর্ববৎ গা এলাইয়া দিয়া চক্ষু মুদ্রিয়া) হুঁ। চূপ করে থেকে কি আর কিছু চাপা রাখতে পারবে! এ ঘরের প্রত্যেকটি আসবাব, তারকের কোট প্যান্ট, তোমার গাউন, সবই চীৎকার করে রোজগারের কথা জানিয়ে দিচ্ছে। (আবার চোখ খুলিয়া উঠিয়া বসিয়া) চারদিকে দুর্ভিক্ষ, হাহাকার। রাস্তায় রাস্তায় নিম্পাপ শিশুর দল এক চুমুক ভাতের ফ্যানের জন্ম কেন্দ্রে মরছে আর আমার বাড়ীতে আজ নতুন নতুন আনন্দের মহরত হচ্ছে। হে ভগবান, এ সব দেখবার আগে আমাকে অন্ধ করে দিলে না কেন, পাগল করে দিলে না কেন? (আবার এলাইয়া পড়িয়া চক্ষু বুজিলেন)

[ভিতর হইতে ড্রেসিং-গাউন-শ্লিপার-পরিহিত তারকের প্রবেশ। একহাতে ফাউন্টেন পেন ও একখানা লম্বা হিসাবের খাতা, অপর হাতে পূর্ববৎ সিগারেটের টিন ও দিয়াশলাই]

তারক। (ভিতরের পর্দা ফাঁক করিয়া উচ্চ স্বরে) আমার চা বাইরের ঘরে দিস লক্ষ্মী! (বাহিরের দরজা ফাঁক করিয়া অল্পশু কুলি ও মিস্ত্রীদের প্রতি) তোমরা একটু বোস, হিসেবটা কয়ে নি। আজকেই তোমাদের বাকী পাওনা সব মিটিয়ে দেব। আর সবাইকেও ডেকে নিয়ে এস। (ফিরিয়া আসিয়া চেম্বারে বসিয়া সিগারেট দিয়াশলাই টেবিলে রাখিল এবং হিসাবের খাতায় মনোনিবেশ করিল। কতক্ষণ পরে অল্পমনস্ক ভাবে একটা সিগারেট মুখে দিতে গিয়া অঘোরনাথের দিকে দৃষ্টি পড়িতে আবার নামাইয়া রাখিল। একটু ইতস্ততঃ করিয়া সীতাকে উদ্দেশ্য করিয়া একটু বিবস্ত্রভাবে) তোমরা এখন ভিতরে যাও না মা, এখুনি সব লোকজন আসবে। (গাউনের পকেট হইতে কয়েকটি নোটের তাড়া বাহির করিয়া টেবিলের উপর সাজাইয়া রাখিতে লাগিল)

[অঘোরনাথ বোধ হয় একটু আচ্ছন্ন হইতেছিলেন। হঠাৎ চক্ষু মেলিয়া নোটের তাড়ার দিকে নজর পড়িতে কতক্ষণ বিস্মিত হইয়া রহিলেন। বিস্ময়ের স্থানে ক্রমশঃ ক্রোধ আসিয়া আশ্রয় লইল, কিন্তু তিনি তাহা যথাসম্ভব দমন করিয়া রাখিতেই চেষ্টা করিলেন]

তারক। (অধৈর্য হইয়া) মা! (হঠাৎ অঘোরনাথের নিবন্ধ দৃষ্টি দেখতে পাইয়া পুনর্বার হিসাবে মন দিল)

অঘোরনাথ। এত টাকা কিসের?

তারক। (নির্লিপ্ততার ভান করিয়া) কণ্ট্রাক্টরী টাকা, মানে কুলী পেমেণ্টের টাকা।

অঘোরনাথ। মিলিটারী কণ্ট্রাক্ট?

তারক । (উদ্ধত স্বরে) হ্যাঁ তাই ।

অঘোরনাথ । হ্যাঁ । আমার ছেলে হয়ে তুই মিলিটারী কন্ট্রাক্ট করছিল তাতে আমার সম্মান বাড়ছে মনে করিস ? লোকে হাসছে না ? (স্বব চড়াইয়া) কার হুকুমে তুই মিলিটারী কন্ট্রাক্ট নিয়েছিল ? (তারককে ভেদাইয়া) তোমরা এখন ভিতরে যাও মা ! (ক্রুদ্ধ স্বরে) তোমার কথা মত এখন ভেতর বার করতে হবে ? না ?

সীতা । আমার মাথা খাও, অসুখ শরীর নিয়ে অমন রাগায়াগি কর না । চল (অঘোরনাথের হস্ত আকর্ষণ করিলেন) ।

অঘোরনাথ । (সবেগে হাত ছাড়াইয়া লইয়া) আমি কোথাও যাব না, আমি এখানেই বসব । আমি সব প্রশ্নের জবাব চাই, তবে এখান থেকে নড়ব । কি, চূপ করে বইলি যে ?

তারক । (উষ্ণ না হইয়া) চূপ করে না থেকে কি করব বল ? বললে তো বলতে হয় পেটের হুকুম তামিল করছি । তুমি তো দিবা জেলে গিয়ে বসে বইলে । আর যাই হউক, দু'বেলা পেট ভরে গেতে পেয়েছি । আমরা এদিকে, আর উপোস—উপোস—উপোস ; পেটের জ্বালা যে কি, তা কি তুমি এক দিনের জন্তেও জেনেছ ?

অঘোরনাথ । (দমিত না হইয়া) মিলিটারী কন্ট্রাক্ট ছাড়া কি কাজ ছিল না পৃথিবীতে ?

তারক । ছিল হয়ত । পঁচাত্তর টাকার মাইনের একটা চাকরী আরম্ভ করেছিলাম, আমার আর ছবির দু'জনের দেড়শোর থেকে ধার শোধ করে যা থাকত, তাতে এক বেলার ভাতও...

অঘোরনাথ । (বাধা দিয়া) সেও তো মিলিটারির চাকরী, অল্প কথায় ব্রিটিশের যুদ্ধে সাহায্য করা ! তাদের এতদিন তা হলে শেখলাম কি ?

তারক । সবই শিগিয়েছ, শুধু না খেয়ে কি করে বেঁচে থাকতে হয় সেটা শেখাও নি ।

অঘোরনাথ । মরে যেতিস, আদর্শচ্যুত হওয়ার চাইতে মরে যাওয়া ভাল ।

তারক । তোমার আদর্শ যদি আমারও আদর্শ হ'ত হয়ত তা হলে তাই করতাম । কিন্তু ভেবে দেখ, তাতেও তো সমস্যা মিটত না, (মাকে দেখাইয়া) এঁদের কি হ'ত, গোকার কি হ'ত ?

[ট্রে হাতে লক্ষ্মী আসিয়া অঘোরনাথ ও তারকের খাবার সাজাইয়া দিয়া গেল]

অঘোরনাথ । আমার আদর্শ যে খারাপ আমার অতি বড় শত্রুও কোন দিন বলে নি ।

তারক । তোমার আদর্শ তোমার কাছে আর তোমাদের থাকে বল জাতীয়তার সৈনিকদের কাছে বড়, (মাকে দেখাইয়া) আমার আর এঁদের কাছে নয় । দূরে ছিলে তাই মনে করছ আমরা চেষ্টা করি নি, বতদিন পেয়েছি আমরা আধপেটা খেয়ে উপোস করে কাটিয়েছি ; তার পরে আর পারি নি । মার গয়না

বিক্রি তো তুমিই আরম্ভ করেছিলে, তারপর একে একে বাসনপত্র, টেবিল চেয়ার সব গিয়েছিল । আদর্শ দিয়ে আমি কি করব, লোকে বলে আপনি বাঁচলে তবে বাপের নাম ।

অঘোরনাথ । (প্রায় চীংকার করিয়া) আর লোকে এ কথা কি কোন দিন বলেছে যে, আদর্শের জন্ত যারা প্রাণ দেয় তাদের নাম ইতিহাসের পাতায় স্বর্ণাক্ষরে লেখা থাকে ?

তারক । হয়ত বলেছে, কিন্তু না খেয়ে মরা আর আদর্শের জন্ত প্রাণ দেওয়া কি এক কথা । আজকের দুর্ভিক্ষে লক্ষ লক্ষ লোক প্রাণ দিচ্ছে, তাতে কি যুদ্ধ আটকাচ্ছে ? তোমরা জেলে গিয়েছ কিন্তু যুদ্ধ বন্ধ করতে পেরেছ ? যুদ্ধ বন্ধ কর, দুর্ভিক্ষ বন্ধ হবে, দুর্ভিক্ষ বন্ধ হলে লোক গেতে পাবে, লোক গেতে পেলে তখন নানান রকমের আদর্শের কথা ভাবতে পারবে । আমার সোজা হিসেব ।

সীতা । (অঘোরনাথকে) চা-টা ঠাণ্ডা হয়ে গেল, খেয়ে নেও ।

অঘোরনাথ । (দৃঢ় ভাবে) না, এ চুরির টাকার খাবার আমি খাব না ।

তারক । চুরির টাকা ।

অঘোরনাথ । সাধুলালের সঙ্গে চুরির বখরা বন্দোবস্ত হয় নি ?

তারক । কৈ না !

অঘোরনাথ । (জেরার স্বরে) টাকা পেলি কোথায় ?

তারক । যখন কোন উপায় ছিল না, বাড়ী বন্ধক দিয়ে টাকা যোগাড় করতে হ'ল । কন্ট্রাক্ট না নিলেও বাড়ী বন্ধক দিতে হ'ত ।

অঘোরনাথ । আমার সেই ছাড়া বাড়ী বন্ধক কি রকম ? (তারকের নিকট উত্তর না পাইয়া সীতাকে) আমার সেই ছাড়া টাকা দিলে সে কোন মূর্ণ ?

সীতা । তোমার সেই তো হয়েছে ।

অঘোরনাথ । আমার সেই হয়েছে ?

সীতা । তোমার সেই তারক করেছে । - (পক্ষ সমর্থনে) তুমি জেলে, তোমাকে ও কোথায় পাবে ? তা ছাড়া তোমাকে জানালেও তুমি নানা রকম ফাকড়া বার করতে ।

অঘোরনাথ । হায় ভগবান, আমাকে আর কি শুনতে হবে !

তারক । (উদ্ধত স্বরে) আমাকে তুমি জেলে দিতে পার, কিন্তু আমি আমার মা-ভাই-বোনকে বাঁচাবার জন্তে যা করেছি, ঠিক করেছি । (চা ও খাবার খাইতে শুরু করিল)

অঘোরনাথ । (দাঁড়াইয়া উঠিয়া) বাব্বল, তোকে জেলে দেওয়াই উচিত ! তোকে...

তারক । (বাধা দিয়া) আস্তে কথা বল, বাইরে আমার লোকজন রয়েছে ।

অঘোরনাথ । (চীংকার করিয়া) কি, তোমার লোকজনকে আমি ভয় করি, আমি, আমি... (রাগে কাঁপিতে লাগিলেন)

(সীতা উঠিয়া আসিলেন । সঙ্গে সঙ্গে অন্দরের দরজা দিয়া

লক্ষ্মীর ও বাহিরের দরজা দিয়া সাধুলালের প্রবেশ। তাহারা দুই জনেই দরজার নিকট দাঁড়াইয়া রহিল। লক্ষ্মী ভীত, সাধুলাল অবিচলিত, মুখে অভ্যাসের হাসিটি লাগিয়া আছে।

সীতা। (অঘোরনাথের হাত ধরিয়া পিছনে আকর্ষণ করিয়া) সত্যিই তো ওর এখন একটা সম্মান হয়েছে, বাইরে কুলী কামলারা কি মনে করবে, চলে এস।

অঘোরনাথ। (কিছু না শুনিতে পাইয়া) না, আমি এর একটা হাস্তগ্ৰাস্ত করব, তুমি যাও। (হাত দিয়া সীতাকে সরাইয়া দিতে গিয়া সাধুলালকে দেখিতে পাইলেন) কি, এখানে পর্যাস্ত তাড়া করেছ, কি চাই ?

সাধুলাল। কি চাই ? ও, হ্যাঁ, যেতে যেতে দেখলাম ব্লাক-আউটের অর্ডার সঙ্গেও জানালা খোলা, বাইরে আলো পড়েছে। বন্ধুভাবে একটু ওয়ার্নিং দিতে এলাম। (আঙ্গুল দিয়া জানালা দেখাইল)

[লক্ষ্মী ও তারক একসঙ্গে জানালার দিকে অগ্রসর হইল, এমন সময় জানালায় সস্তোমের মুখ দেখা গেল। লক্ষ্মী আগাইয়া গেলে তারক ফিরিয়া আসিল। লক্ষ্মী সস্তোমের মুখের উপরে জানালাটা বন্ধ করিয়া দিল। এত গোঙোগোল কিসের তারকবাবু।

অঘোরনাথ। তাতে তোমার কি দরকার হে ? এ আমার বাড়ীর ব্যাপার। গেট আউট ! (বাহিরের দরজার দিকে অঙ্গুলি-নির্দেশ করিলেন)

সাধুলাল। (নির্লিপ্তভাবে) ও আচ্ছা। (অতি দীর পদক্ষেপে বাহিরের দরজার দিকে অগ্রসর হইতে লাগিল)

অঘোরনাথ। (মনে পড়িতে, চীৎকার করিয়া) আমার মেয়েকে তোমরা কি করেছ সাধুলাল ? আমার মেয়ে কোথায় ? তোমাদের প্রত্যেকটি মিলিটারী এক একটি স্বাউণ্ডেল ! আমার মেয়ে কোথায় ?

[সাধুলাল খামিয়া ঘুরিয়া দাঁড়াইল। অভ্যাসের হাসিটি

এই প্রথম লুপ্ত হইয়া চোখে মুখে ক্রুরতার ছাপ ফুটিয়া উঠিল।

সাধুলাল। (আগাইয়া আসিয়া অঘোরনাথের মুখের কাছে মুখ আনিয়া আবেগকম্পিত ভাঙ্গা কণ্ঠে) আমার স্ত্রী কোথায় মাষ্টার ?

অঘোরনাথ। (হতভম্ব হইয়া দুই পা পিছাইয়া গেলেন) তোমার স্ত্রী ? তার আমি কি জানি ?

সাধুলাল। তুমি না জান, তোমার মত আর একজন মাষ্টার জানে। আমার দেশে তোমার মুলুকের মত সোনা ফলে না। আমরা যখন বাহিরে বার হই টাকা বোজগার করতে দেশে থাকে আমাদের স্ত্রী ছেলে মেয়ে, চৌকিদার, পোষ্ট মাষ্টার আর তোমার মত গোবেচারী দেখতে সব ভণ্ড মাইনর স্কুলের মাষ্টার। অল্প সময় কখনও বছরে ছ'মাস বাড়ী থাকি কখনও স্ত্রী সঙ্গে থাকে। আজকে তিন বছর আমি ঘরছাড়া, সেই সুবিধায় তোমার মত এক

বেটা মাষ্টার আমার বউ নিয়ে পালিয়ে গেছে। এখন আমি যদি বলি, তোমাদের প্রত্যেকটি মাষ্টার এক একটি স্বাউণ্ডেল ! খুশি হয়ে নাচবে ?

অঘোরনাথ। (আন্তে আন্তে পিছাইয়া সোফায় গা ছাড়িয়া দিয়া প্রায় স্বগত) কি ভয়ানক কথা, মাষ্টার হয়ে... (একটু খামিয়া) কি ভয়ঙ্কর এই যুদ্ধ ! মানুষের ভেতরকার নরক নিলক্ষ্ম হয়ে বাইরে বেরিয়ে আসে। (তর্কচ্ছলে) তবে যাই বলেন, আপনার স্ত্রীও তো দোষ আছে ? (সীতার ভিতরে প্রশ্ন)

সাধুলাল। প্রথমে আমিও সেরকম মনে করেছিলাম। কিন্তু এখন আমি নিজেকে দিয়ে বুঝতে পারি। হাজার হলেও রক্তমাংসের মানুষ তো ?

অঘোরনাথ। তা হলে মানুষ আর পশুর তফাৎ কি ?

সাধুলাল। (অল্পনয়ের স্বরে) ভেবে দেখুন, অনেক বিষয়েই কোন তফাৎ নেই। একটু ক্ষমা করতে শিখুন মাষ্টারবাবু !

অঘোরনাথ। (অনেকটা স্বগতভাবে) ক্ষমা নিশ্চয় সঙ্গুণ, কিন্তু পাপকে ক্ষমা, সেও কি সঙ্গুণ ? (চিন্তামগ্ন হইয়া দুই হাতে মুখ ঢাকিয়া মাথা রাখিলেন। এই স্ত্রযোগে সাধুলাল তাড়াতাড়ি বাহিরের দরজায় গিয়া হাত বাড়াইয়া ইসারা করিতে ছবি প্রবেশ করিল। তাহারও বেশভূষায় বিলক্ষণ চাকচিক্য হইয়াছে। তবে সে খন্দর বন্ধন করে নাই। ঢুকিয়াই ক্ষিপ্ত অথচ নিঃশব্দ পদে ঘরটি অতিক্রম করিয়া বাইতে চেষ্টা করিল, কিন্তু সফল হইল না। অঘোরনাথ মুগ্ধ তুলিলেন) না, কখনও না, ক্ষমা, যথা ক্ষীণ দুর্বলতা, হে রক্ত, নিষ্ঠুর যেন হতে পারি তথা তোমার আদেশে ! (পলায়মান ছবিকে দেখিয়া ফেলিয়া চীৎকার করিয়া) এই, এদিকে আয় ! (অন্তোপায় ছবি আসিয়া প্রণাম করিয়া মাথা নত করিয়া দাঁড়াইল) মুগ্ধ তোল। (দৃঢ়স্বরে) আমার চোখে চোখে তাকা। (ছবি কোনক্রমে মুগ্ধ তুলিল) কোথায় ছিলি এতক্ষণ ?

ছবি। (আমতা আমতা করিয়া) আমার এক বন্ধুর বাড়ী গিয়েছিলাম।

অঘোরনাথ। হু, মিথো কথাও শিখেছ ! কোথায় ছিলে সেটা যদি আমি নিজের চোখে না দেখতাম, তাহলে তোমাদেরই জয় হ'ত, আমার নাকের উপর দিয়ে পাপের বেসানি চালাতে পারতে। না, আর নয়, এ পাপের গোয়াল আমি পরিষ্কার করব। (উঠিয়া দাঁড়াইয়া বাহিরের দরজা নির্দেশ করিয়া) বের হ এখন থেকে ! (ছবি কিছুক্ষণ মাথা নীচু করিয়া দাঁড়াইয়া রহিল, তারপর উল্টা দিকে অর্থাৎ ভিতরের দিকে আন্তে আন্তে অগ্রসর হইতে লাগিল। না ওদিকে নয়। (বাহিরের দরজা নির্দেশ করিয়া ক্ষিপ্তস্বরে) ওদিকে। পাপ ব্যবসা চালাবার জায়গা এটা নয়।

[ছবি আর অল্পক্ষণ মাথা নীচু করিয়া দাঁড়াইয়া অবশেষে উদ্ধতভাবে বাহির হইয়া গেল। সাধুলালের ও ছবির পায়ে পায়ে দ্রুত প্রশ্ন]

তারক। (অতিমাত্রায় ক্রুদ্ধ হইয়া) মিছিমিছি গোয়ালু'মি

করে লাভটা কি হচ্ছে শুনি? এই রাত্তির বেলা মেয়েটা বাবে কোথায় ভেবে দেখেছ?

অঘোরনাথ। (তারকের কথা কানে গেল না। তুই হাতে নিজেই মাথাটা চাপিয়া ধরিয়া পুনরায় সোফায় গা এলাইয়া দিলেন) উঃ।

(সীতার প্রবেশ)

সীতা। ছবির গলা শুনলাম মনে হ'ল। (অঘোরনাথকে) কার সঙ্গে চেঁচামেচি করছিলে? (উত্তরের জন্ম প্রথম অঘোরনাথের দিকে পরে তারকের দিকে তাকাইলেন। কেহ জবাব দিল না। অঘোরনাথের দিকে তাকাইয়া তাঁহার অবস্থা দেখিতে পাইলেন এবং উদ্ভিন্ন হইয়া তাঁহার পাশে গিয়া বসিলেন) কি, মাথাটা একটু টিপে দেব? যন্ত্রণা হচ্ছে? (আকর্ষণ করিয়া) ঘরে না যাও, এখানেই একটু ভাল হয়ে শোও, মাথাটা একটু টিপে দি।

অঘোরনাথ। (সামলাইয়া লইয়া) না, আমাকে তুমি ছুঁয়ো না। (ঘুণার সহিত) দূর হও।

তারক। আবার মার পেছনে লেগেছ? একজনকে...

সীতা। (বাধা দিয়া) যা বলুন, বলতে দে। ভর কি এখন মাথার ঠিক আছে? বরাবরই দেখিস তো কি রকম, প'ন থেকে চূণ পসবার উপায় নেই, তায় আবার অসুস্থ শরীর ও পথের পরিশ্রম। একটু বিশ্রাম করলে, রাত্তিরটা ঘুমোলে সব ঠিক হয়ে যাবে।

অঘোরনাথ। (চমকাইয়া) কি ঠিক হয়ে যাবে?

সীতা। (ভুলাইবার চেষ্টা করিয়া) সব ঠিক হয়ে যাবে। একটু চূপ করে বিশ্রাম কর। (কাপ প্লেট ইত্যাদি গুছাইয়া লইয়া প্রস্থান)

অঘোরনাথ। (কতক্ষণ মৌন থাকিয়া) সাধুলালের সঙ্গে চুবির বগরা হয় নি তো, তোকে কি সেধে কন্ট্রাক্ট দিল, না তুই দরখাস্ত করেছিলি?

তারক। না ঠিক দরখাস্ত দিতে হয় নি, সামান্য মাইনেতে চলছে না বলাতেই হয়ে গেল।

অঘোরনাথ। আর চাকরিটা হয়েছিল কি করে?

তারক। আমাদের দূরবস্তার কথা শুনে ডেকে চাকরী দিয়েছিল। দয়া বলতে পার।

অঘোরনাথ। ছবির চাকরিও ডেকে দিয়েছিল?

তারক। হ্যাঁ।

অঘোরনাথ। দখলকরা স্কুল বাড়ীর টাকা, আর আমার ভাতার টাকা কেউ ডেকে দিল না কেন? সে তো এখনও পাওয়া যায় নি?

তারক। (বিস্ময়ে হইয়া) না, কি সব আইনের ক'য়াকড়া হয়েছে। (দীর্ঘনিশ্বাস ফেলিয়া) পাওয়া যাবে হয়ত একদিন!

অঘোরনাথ। (দৃঢ়ত্বেরে) আমি জানতে চাইছি, মিলিটারী

চাকরি, কন্ট্রাক্ট, ওসব সাধুলালের দয়া, না আমি যা ঘুণার সঙ্গে প্রত্যাখ্যান করেছি তা তোদের দিয়ে করিয়ে আমার উপর প্রতিহিংসা নিচ্ছে। না এর সঙ্গে আরও কিছ?

(থাকি প্যান্ট-সার্ট পরা লোকটির পুনঃ প্রবেশ)

তারক। (লোকটিকে) হয়ে গেছে। হ'ল বলে।

অঘোরনাথ। (অধৈর্য হইয়া) কি আসল, তলাকার ব্যাপারটা কি?

তারক। (টাকা গুণিতে মন দিয়া) তলাকার ব্যাপার কিছু নেই।

অঘোরনাথ। (ফাটিয়া পড়িয়া) স্বাউগ্লে, তুই আমাকে ফাঁকি দিবি? তুই গাউন আর সোফা কিনবার আগে ছবিকে কেন চাকরির থেকে ছাড়িয়ে আনলি না? ছবিকে তুই সঙ্গে না এনে সাধুলাল কেন নিয়ে আসে? স্বাউগ্লে, ঐ টাকা তোর বোন বিক্রির টাকা? (অঙ্গুলী নির্দেশ করিয়া রহিলেন)।

তারক। (রাগান্বিত হইয়া) কি বাজে বকচ? ভেতরে যাও।

অঘোরনাথ। হুঁ। দ্যাট ইজ দি ট্রুথ? মরি, বাঁচি, এ আমি সহ্য করব না (উঠিয়া দৌড়াইয়া কাঁপিতে লাগিলেন)

তারক। (ক্রোধ ও তচ্ছিন্নতা সহকারে) যা করতে পার কব গিয়ে যাও!

অঘোরনাথ। (হুঙ্কার দিয়া) বটে। (অতি দ্রুত তুই হাতে টেবিলের টাকাগুলি লইয়া জানালা খুলিয়া ফেলিয়া দিলেন। তারপর রাগত ভাবে তারকের দিকে আগাইয়া গেলেন, কিন্তু সে টেবিলের অপর পাশে চলিয়া গেল। অঘোরনাথ আরও বেশী কাঁপিতে লাগিলেন)

তারক। (অঘোরনাথকে এড়াইয়া বাহিরে যাইবার চেষ্টায় বিফল হইয়া, অপর লোকটিকে) দাঁড়িয়ে দেখেছ কি? শিগুগির যাও টাকাগুলি নিয়ে এস!

(লোকটি দৌড়াইয়া বাহির হইয়া গেল)

অঘোরনাথ। আজ তোবই একদিন, কি আমারই একদিন! (সামান্য বিরতি। লোকটির দৌড়াইয়া পুনঃ প্রবেশ)

লোকটি। (উত্তেজিত ভাবে) একটা টাকাও নাই। রাস্তা ফাঁকা!

তারক। (আর্তনাদ করিয়া) অ্যা!

[তারক দৌড়াইয়া বাহির হইতে গেলে অঘোরনাথ বাধা দিলেন। তারক অঘোরনাথকে প্রবল এক ধাক্কা দিয়া বাহির হইয়া গেল। অঘোরনাথ দেওয়ালের উপর পড়িয়া গিয়া মাথায় আঘাত পাইয়া জ্ঞান হারাইলেন। তারক অবিলম্বে ফিরিয়া আসিয়া অঘোরনাথেরই জুতা কুড়াইয়া তাঁহাকেই নির্বিচারে প্রহার করিতে লাগিল এবং হুঙ্কার দিতে লাগিল। সঙ্গে সঙ্গে সীতা লক্ষ্মী ও বাহিরের কুলীয়া আসিয়া ঘরটি পরিপূর্ণ করিয়া ফেলিল। সীতা তারককে

ছিনাইয়া আনিবার জন্তু ধ্বস্তাধ্বস্তি শুরু করিলেন এবং ক্রণ-
কালের জন্তু পারিলেনও]

সীতা । (তারককে জড়াইয়া ধরিয়া) ছি ছি, বাবার উপরে
হাত তুলতে হয় ?

তারক । গেতে দিতে পারে না, সে আবার বাপ । অনেক
সহ্য করেছি, আর করব না । আমার সর্বস্ব ফেলে দিয়েছে ।
(অঘোরনাথ সশ্বিং পাইয়া টলিতে টলিতে উঠিয়া দাঁড়াইলেন)
আমি আজকে খুন করব । (জুতা হাতে পুনরায় অগ্রসর হইল,
সীতাকে শুদ্ধ টানিয়া লইয়া চলিল)

অঘোরনাথ । (বগ্ন জন্তুর মত আর্তনাদ করিয়া) ওরে
আমাকে মারিস নি, আমি তোরা বাপ । ওরে মারিস নি, আমি
তোরা বাপ । (সঙ্গে সঙ্গে তাঁহার পাগল হইবার লক্ষণ সকল
ফুটিয়া উঠিল । মাথার চুল ছিঁড়িতে ছিঁড়িতে বাহিরের অন্ধকারে
মিলাইয়া গেলেন)

সীতা । (অনুন্নয় করিয়া) ওরে যা এখনও ফিরিয়ে আন ।
(কুলীদের) ওগো তোমাদের পায়ে পড়ি ঠুঁকে ফিরিয়ে আন ।
(কেহ নড়িল না) ওগো ফিরে এস । এ সব স্বপ্ন, সব ঠিক হয়ে
যাবে, ফিরে এস । (বাহিরের দরজা দিয়া প্রস্থান)

[হাকপ্যাট পরা লোকটি ইশারা করিতে কুলীরা বাহির
হইয়া গেল । সকলে গেলে ঐ লোকটিও তাহাদের পিছু
লইল । লক্ষ্মীও বাহির হইয়া গেল । তারক কিছুক্ষণ
নিশ্চল থাকিয়া চেয়ার-টেবিলগুলিকে লাথি মারিয়া উল্টাইয়া
ফেলিতে লাগিল ।]

(সস্তোষের প্রবেশ)

সস্তোষ । (তারককে নিবস্ত করিতে চেষ্টা করিয়া) আহা হা,
কর কি ! কর কি !

তারক । (বিমূঢ়ভাবে) আ ?

সস্তোষ । এই সব টেবিল চেয়ার বাড়ী-ঘর এসব যে আমার
সে কি ভুলে গেছ ? মানে এসব যে আমার কাছে বন্ধক আছে,
সে কি ভুলে গেছ ? (তারক পুনরায় শুরু করিল) দেখ তুমি যদি
না খাম ত পুলিশ ডাকব ।

তারক । (খামিয়া বিস্মিত ভাবে) কিসের পুলিশ ?

সস্তোষ । সে যাকগে । জিনিসপত্রগুলি ভেঙ্গ না । আজকে
না আমায় স্বদের টাকা দেওয়ার কথা ছিল ? টাকা কোথায় ?

তারক । টাকা ? (তিক্ত হাসি হাসিয়া জানালা নির্দেশ
করিল) ঐ কোথায় !

সস্তোষ । কি ব্যাপার ? আমি তো কিছু জানি না, আমি
তো এই আসছি ।

তারক । ওঃ এই আসছ, তা শোন । তোমারই যখন বাড়ী !
(দীর্ঘ নিশ্বাস ফেলিয়া) দেখি আর একবার ।

(প্রস্থান)

সস্তোষ । ছবিকে হারালাম বটে, কিন্তু বাড়ীটা পাব, এ কেউ
আটকাতে পারবে না । ভাব একবার, এ বাড়ীতে একদিন আমি
চাকর ছিলাম ! (এক হাতে জামার পকেট হইতে টাকার বাগুল-
গুলি বাহির করিতে লাগিল অপর হাতে গোঁফে তা দিতে থাকিল)

(ষবনিকা)

পঞ্চম অঙ্ক

[টেনের কামরা । প্রথম শ্রেণী, কিন্তু ছয়বস্থা দেখা
হঠাৎ তাহা মনে হয় না । উপরে ফ্যান, ব্রাকেট লাইট কিছুই
নাই । যেখানে আয়না ছিল সেখানে শুধু ফ্রেম আছে এবং
ফ্রেম-সংলগ্ন তাক আছে । গদী ছিন্ন, স্প্রীডের জাল বাহির
হইয়া পড়িয়াছে । কেবল উপরের বাগগুলি ঠিক আছে মনে
হইতেছে ।

বেশ বড় কামরা, কিন্তু লোক মাত্র দুই জন । এক জন
সাধুলাল অপর জন ছবি । মেঝেয় একধারে একটা বড়
ট্রাক ও তাহার উপরে এক বড় স্ট্রটেকেশ । বিছানাসমেত
হোল্ড-অলটি একটি বেঞ্চের উপর বিছান । তাহার উপর
বহিয়াছে গ্রাস, খারমস, জলের বোতল ও সাধুলালের
টুপী ।

বিছানার উপরে কাঠের দেয়ালে হেলান দিয়া,
পা ছড়াইয়া সাধুলাল সিপারেট খাইতেছে এবং একখানা
টাইম টেবিল পড়িতেছে । চেহারা ও বেশভূষায় তাহার কিছু
পরিবর্তন হয় নাই । ছবি তাহার উল্টাদিকের বেঞ্চে হাঁটু
গাড়িয়া বসিয়া জানালা দিয়া বাহিরে মুখ বাড়াইয়া
আছে । (আর সকল জানালা-দরজা বন্ধ) । তাহার মুখ
দেখা যায় না, কিন্তু তাহার মুসাবান শাড়ী-জুতা ও রঞ্জিত, নখ-
শোভিত পা দুখানি দেখা যায় । পর্দা উঠিবার মিনিট ধানেক
পরে সাধুলাল কথা কহিল ।]

সাধুলাল । ছবি, তাড়াতাড়ি জানালাটা বন্ধ করে এদিকে
এসে বস, এখুনি একটা টেশন এসে পড়বে । (ঘড়ি দেখিল)
এস ।

ছবি । (ঐ অবস্থাতেই সামান্য মুখ ঘুরাইয়া) না !

সাধুলাল । তুমি আমার সোব ব্যবস্থা নষ্ট করবে, টাকা নষ্ট
করবে ।

[ছবি জানালা বন্ধ করিল না বটে, কিন্তু নামিয়া ঘুরিয়া
বসিল । না বলিয়া দিলে এখন তাহাকে চেনা হুঙ্কর ।
কামানো ক্র, কজ লিষ্টিক, চুলের ষ্টাইল সব মিলিয়া বেশ
একটা ছদ্মবেশ পরা হইয়াছে]

ছবি । কি সাংঘাতিক ব্যাপার ! (খামিয়া) হাজার হাজার
লোক বলে যাচ্ছে, আর আমরা এত বড় কামরাতে মাত্র
দু'জন । কয়েকজন লোককে এ গাড়ীতে ডেকে নেওয়া উচিত ।

আর এমন আশ্চর্য্য যে, সব গাড়ীতে ধাক্কাধাক্কি মারামারি হচ্ছে আর এ গাড়ীকুটবোর্ডে পর্যাস্ত লোক নেই।

সাধুলাল। পৃথিবীর একমাত্র আশ্চর্য্য জিনিষ হচ্ছে টাকা, আর কিছু আশ্চর্য্য নাই। ষ্টেশনে এসে কি দেখলে? গাড়ীতে সিট নাই, পরের গাড়ী মানে যেটা কাল ছাড়বে সেটায় যান, না হয় অন্য মিলিটারি বোঝাই কামরায় যান। পাঁচটা টাকা হাতে দিলাম, বাস একটা গোটা কামরা এসে গেল। এসব যুদ্ধ-সময়ের ভাষা, আমার বুঝতে কষ্ট হয় না।

ছবি। হাঁ।

সাধুলাল। লোকে এ গাড়ীতে আসে না কেন শুনবে? বাইরে সব বড় বড় মিলিটারী সাহেব আর তাদের মেমদের নাম লিখিয়ে নিয়েছি। দেশী মিলিটারীরা সাহেবদের এড়িয়ে চলে আর সিভিলিয়ানরা তো মিলিটারী দেখলেই ডরায়। বাস।

ছবি। যে রকম লোক মূল্যে, কিছু লোক এ গাড়ীতে উঠিয়ে নেওয়া নিশ্চয় উচিত।

সাধুলাল। হুঁ, তাই করি আর কি! একবার লোক উঠতে আরম্ভ করলে আমরাই জায়গা পাব না। এখন লোক ফার্ট-ক্লাশ সেকেন্ড ক্লাশ মানে? যাকগে বাজে কথা, এদিকে এসে বস। (নিজের পার্শ্ববর্তী স্থান নির্দেশ করিল)

ছবি। না।

সাধুলাল। নাঃ, এত কবেও তোমার মন পেলাম না! এমন কি, আমাকে তুমি একটু 'তুমি' বললে খুশি হই তা পর্যাস্ত বলতে চাও না।

ছবি। মন? (উপার সহিত) মন দিয়ে কি হবে আপনার? আমাকে যর ছাড়া পর্যাস্ত করেছেন। আমার কি এখন আর বুঝতে কিছু বাকী আছে এতদিনে? আপনি নিজেই তো কত রকম বাহাহরী করেছেন। আরও কত কি সব, আমার ভাবতেও মাটির সঙ্গে মিশে যেতে ইচ্ছে করে। আর এখন আমার ভালবাসা চাইছেন? লজ্জার কি আপনার একটুও অবশিষ্ট নেই?

সাধুলাল। লজ্জা? তা লজ্জার বদনাম আমাকে কেউ দিতে পারবে না। তবে কি জান, নাথিং ইজ আনফেয়ার ইন লাভ এণ্ড ওয়ার। 'যুদ্ধ আর প্রেমের ব্যাপারে অগ্নায় বলে কিছু নেই।'

ছবি। যে পায় তার কাছে না থাকতে পারে, যে হারায় তার কাছে আছে।

সাধুলাল। 'যে পায় তার কাছে'—নাঃ, তক আমার ধাতে সম্ব না। আমি কাজ বুঝি, এ দিকে এস।

ছবি। না। [ট্রেনখানা খাম্বা এবং বাহিরে প্রবল কোলাহল হইতে লাগিল।]

সাধুলাল। (উঠিয়া জানালাটা বন্ধ করিয়া ছবিকে নিজের কাছে লইয়া আসিতে আসিতে) যা হবার হয়ে গেছে। ভুলে গিও। আর আমিও একবার যখন তোমাকে খাঁচায় পুরেছি তখন

আর কিছুতেই ছাড়ছি না, তা তুমি বতই তর্ক কর। আর তর্কেরই বা কি দরকার, (জোর করিয়া বসাইল) আমি ত স্বীকারই করেছি যে আমিই তোমার দীনুদাকে রাতারাতি বন্দি করেছি, আমি কোশলে তোমার বাবাকে দিয়ে তোমাকে তাড়িয়েছি। অল্প বেখানে যাবে আগের মত না খেয়ে শুকিয়ে মরতে হবে। আমার সঙ্গে একটু ভাবসাব করে থাকলে স্তখে থাকবে। (ছবিকে নিজের দিকে আকর্ষণ করিল)

ছবি। (ছাড়াইয়া লইয়া) না, মরবার পথ আমার সবসময়ই গোলা আছে। তবে মরতে যে পারছি না!

সাধুলাল। (উচ্চ হাসি হাসিয়া) কেন মরতে পারছ না তাও অবশ্য আমি জানি।

ছবি। (উদ্ধত ভাবে) কেন?

[এমন সময় দরজায় প্রবল ভাবে আঘাত পড়িতে লাগিল। সাধুলাল ছবিকে নিঃশব্দ থাকিতে ইঙ্গিত করিল। দরজার আঘাত অল্পক্ষণ থামিয়া দ্বিগুণ শব্দে আরম্ভ হইল]

সাধুলাল। (নিম্ন স্বরে) আচ্ছা বিপদে পড়া গেল তো। কার এমন সাহস যে সাহেব মিলিটারীকে কেয়ার করে না!

ছবি। (উঠিয়া গিয়া জানালার নীচের দিকের খড়খড়ি সামান্য ফাঁক করিয়া দেখিয়া সাধুলালকে নিম্নস্বরে) পুলিশ! এবার উপরের দিকের একটা খড়খড়ি তুলিয়া উঁকি দিয়াই ত্রস্তে বন্ধ করিয়া দিয়া অতিমাত্রায় বিব্রত হইয়া দাঁড়াইয়া রহিল।

সাধুলাল। খুলে দাও। দরজা দেখছি ভেঙেই ফেলবে। (ছবিকে নিশ্চল দেখিয়া চোঁচাইয়া) আরে, খুলে দাও! (অবাক হইয়া নিজেই দরজা খুলিয়া দিল)

[একদিকে হাঁফাইতে হাঁফাইতে একজন পুলিশ ও একজন দারোগার সহিত অসিতের প্রবেশ, অপরদিকে ছবি তাড়াতাড়ি এটা ওটা হাতড়াইয়া একটা নীল চশমা চোখে দিয়া সাধুলালের পরিত্যক্ত স্থানে বসিয়া টাইম-টেবলের আড়ালে মুখ লুকাইল। যেন কিছুই হয় নাই এইরূপ ভাবে হাসিতে হাসিতে সাধুলাল ছবির পরিত্যক্ত স্থানে আসিয়া বসিল। সঙ্গের কুলি বাস্ত-বিছানা উঠাইয়া দিয়া যাইতে অসিত ও সঙ্গীরা উন্টাদিকের খালি বেঞ্চটি দখল করিল]

অসিত। (তখনও হাঁফাইতে থাকিয়া সঙ্গের দারোগাকে) আপনি তো মশাই ভয়েই অস্থির; আমি যদি জোর না করতাম তা হলে আজকের মত এই ষ্টেশনেই পড়ে থাকতে হ'ত। (সাধুলাল ও ছবিকে দেখাইয়া) এই তো মশায় আপনার সাহেব আর মেম, (হাত দিয়া গাড়ীর ফাঁকা স্থান দেখাইয়া) একেবারে গিসগিস করছে।

দারোগা। (অপ্রতিভভাবে, রুমাল দিয়া কপালের ঘাম মুছিয়া) বাইরে থেকে কিছু কি বুঝবার উপায় যেথেনে এনারা? তা ছাড়া লেবেল রয়েছে।

অসিত। সাহেব-মেমদের আর যাই দোষ থাক তারা দরজা-



লন্ডন-কারমো বেতার-আলোচনায় কারমোর ডক্টর হাসান আবু আল সৌদ ও মিসেস হায়ফা আল-সানাওয়ারি



বি-বি-সি'র ষ্টুডিওতে লন্ডন-কারমো বেতার-আলোচনায় (বাঁ দিক হইতে) ডক্টর ডিক্টর পুরসেল,
 ডক্টর হুইটফিল্ড ও মিসেস হায়ফা আল-সানাওয়ারি



মাতকালাইয়ে করাচী ভারত মুক্তি-পরিষদের সভায় বক্তৃতা-প্রদান-রত পশ্চিমের প্রাক্তন মেয়র
শ্রী.ক. মুখা পিল্লাই। তাঁহার ডান দিকে ই. গৌবার্ট এবং বি. মুখুমারাপ্পা বেড্ডিয়ার



রাস্তা নির্মাণ-রত একটি 'কমিউনিটি প্রজেক্ট' অঞ্চলের গ্রামবাসীগণ

জানালা বন্ধ করে চোরের মত লুকিয়ে বসে থাকে না। (জানালা-গুলি সব একে একে খুলিয়া দিয়া, সাধুলালকে) হ্যাঁ মশায়, যদি বিজার্ভ করে থাকেন তা হলেও তো আপনার দুটি সিট মাত্র পাওনা, সমস্ত গাড়ীটা দখল করতে চান কোন আঙ্কেলে ?

সাধুলাল। (বাপারটা হাসিয়া লঘু করিতে চেষ্টা করিয়া) বুঝলেন না, পার্টি-স্পিরিট। দেখবেন আপনিও কিছুক্ষণ পরে আমার পার্টিতে যোগ দেবেন। এটা ট্রেন-ডনিয়ার নিয়ম।

অসিত। (সাধুলালের মুখের দিকে তাকাইয়া থাকিয়া সাব-ইন্সপেক্টরকে) কি মশাই, আপনি কিছু বুঝলেন ?

সাধুলাল। ট্রেন-ডনিয়ায় মাত্র দুটা দল আছে, একটা ট্রেনের ভিতরকার দল, একটা বাহিরের দল। ভিতরের দল বাহিরের দলকে না ঢুকতে দেওয়ার জগ্গ বগড়া করবে; কিন্তু বাহির থেকে একজন যদি কোন রকমে ঢুকে আসতে পারে সেও অমনি ভিতরের দল হয়ে বাহিরের দলকে ঠেলে রাখবে। এ নিয়ম জানেন না ? [ছবি ও অসিত ছাড়া অপর সকলের উচ্চহাস্য]

অসিত। না, আমি এ নিয়ম জানি না, মানি না। (দৃঢ়ভাবে) বিশেষ করে যদি জায়গা থাকে।

সাধুলাল। (সাব-ইন্সপেক্টরকে) ভদ্রলোকের মাথাটা একটু বিশেষ গরম আছে। তা আপনারা যাবেন কতদূর ?

দারোগা। এই ভদ্রলোকের জেল বদল করবার হুকুম হয়েছে। আমরা দু' স্টেশন পরে নামব।

সাধুলাল। (অসিতকে ইঙ্গিত করিয়া) স্বদেশী বুঝি ?

অসিত। আপনি কি বিদেশী ? বিলেত থেকে আমদানী ? তা হলে দেশে ফিরে যান, কুইট ইণ্ডিয়া !

সাধুলাল। আমি স্বদেশী পার্টির কথা বলছি। নো অফেন্ড।

অসিত। স্বদেশী বললে আবার অপমান কিসের ? আপনারও তো যোগ দেওয়া উচিত।

সাধুলাল। (অপ্রস্তুতের হাসি হাসিয়া) হে, হে, কি যে বলেন ! আমরা হলাম মিলিটারী।

অসিত। মিলিটারী হলেও দেশের লোক তো, মানুষ তো ? ছেড়ে দিয়ে যোগ দিন।

সাধুলাল। স্বদেশী করা মানে তো দেখছি জেলে গিয়ে বসে থাকা। তা হলে যুদ্ধ করবে কে ?

[একজন টিকেট চেকারের প্রবেশ। পিছনে একজন গোয়ালী, তাহার কাঁধের দুই দিকে বাঁশে ঝুলান দুইটি ভারী বড় কেবোসিনের টিন। চেকার কিছু থাইতেছেন]

চেকার। (গোয়ালীকে একটি স্থান নির্দেশ করিয়া) এইখানে রাখ। (গোয়ালী টিন দুইটি নামাইয়া রাখিল) নীচেই বসে থাকিস, উপরে উঠে বাবুদের সঙ্গে বসিস না।

সাধুলাল। (চেকারকে) এরও কি আপনার ক্লাশ টিকেট ? (চেকার কোন জবাব না দিয়া নামিয়া গেলে অসিতকে) দেখছেন তো ? এখনও অন্ততঃ দরজাটা বন্ধ করুন।

[কথা বলার সঙ্গে সঙ্গে ছোট একটি পুঁটলী লইয়া একজন বুদ্ধার প্রবেশ]

পুলিস। (বুদ্ধাকে) উতার যাও। উতার যাও। ই কাষ্টো ক্লাশ হায়।

বুদ্ধা। (অশ্রুসিক্ত কণ্ঠে) আমাকে একটু দয়া কর বাবা, আমি বুড়ো মানুষ, কোথাও উঠতে পারছি না।

পুলিস। ইধার নেহি। (পা বাড়াইয়া দিয়া বুদ্ধার পথ আটকাইল)

অসিত। (দৃঢ়কণ্ঠে, কনেটবলকে) আসতে দাও, পথ ছাড়। (বুদ্ধাকে) এস দিদিমা, আমার কাছে এসে বস।

বুদ্ধা। কে তুমি বাছা, দিদিমা ডাকছ ? বুড়ো হয়েছি, চোখে ভাল দেখতে পাই নি। (অসিতের কাছে গিয়া মেঝেতে বসিতে অসিত তাহাকে ঠঠাইয়া পাশে বসাইল) কে তুমি বাছা ?

অসিত। (বুদ্ধার কানের কাছে মুখ লইয়া উচ্চস্বরে) আমি তোমার একজন নাতি। পথে পাওয়া নাতি।

বুদ্ধা। (দীর্ঘনিশ্বাস ফেলিয়া) নাতি আমার একজন ছিল। (হাত দিয়া একটি তিন চার বছরের ছেলের মাপ দেখাইয়া) এই এতটুকু, এখন আর নেই। (একটু খামিয়া) তুমি বড় ভাল বাবা।

অসিত। (গোয়ালীকে) টিনে কি আছে ?

গোয়ালী। রসগোল্লা। (বুড়ী ও ছবি ছাড়া সকলের উচ্চহাস্য)

অসিত। দিদিমা, রসগোল্লা খাবে ? ফিদে পেয়েছে ? (অসিত, বুড়ী ও ছবি ছাড়া সকলের হাস্য)

বুড়ী। আমার আর ফিদে তেষ্ঠা পায় না বাবা, তোমরা খাও।

অসিত। (গোয়ালীকে) কত করে হে রসগোল্লা ?

গোয়ালী। বিক্রির নয় বাবু। একজন কন্ট্রাক্টরের মেয়ের বিয়ের অর্ডার।

অসিত। তবে যে দেখলাম ঐ টিকিট বাবু খাচ্ছে ? (গোয়ালী নিরুত্তর) ও বুঝেছি, ওটা ঘুঘের ব্যাপার। তা ক'টা খেলেন ?

গোয়ালী। তা বাবু আমার এত বড় একটা উবুগায় করলেন—

অসিত। (ধমকাইয়া) ক'টা খেয়েছেন ?

গোয়ালী। তা বাবু খেয়েছেন মাত্র একটা আর—

[পুনরায় চেকারের প্রবেশ, গোয়ালী চূপ করিল। চেকার যেমন আসিয়াছিল তেমনই নামিয়া গেল, কিন্তু সঙ্গে সঙ্গে কুলীয়া আসিয়া একের পর এক চাউলের বস্তা আনিয়া গাড়ীটি ভরাইয়া ফেলিতে লাগিল]

সাধুলাল। (চোঁচাইয়া ইন্সপেক্টরকে) দেখুন তো লোকটা গেল কোথায় ? এটা কি মালগাড়ী পেয়েছে নাকি ?

দারোগা। (জানালা-দিয়া দোখিয়া লইয়া) কোথাও তো এখন টিকিটি দেখতে পাচ্ছি না।

বুড়ী। (অসিতকে) এত কিসের বস্তা বাবা ?

অসিত। চালের বস্তা।

বুড়ী। (দুই চক্ষু দিয়া জল গড়াইতে লাগিল) চাল ! এত চাল ! আর বাবা, আমার নাতিটা হ' মুঠো চালের জন্ম না গেয়ে মরল। আমাকে যম নিলে না। (কাঁদিতে শুরু করিল)

[অসিত বৃদ্ধার পিঠে আশ্বে আশ্বে হাত বুলাইতে লাগিল। এদিকে চালের বস্তা বোঝাই হইয়া গেলে কেহ বাহির হইতে বন্ধ করিয়া দিতে ট্রেন ছাড়িবার বাঁশী বাজিল এবং ট্রেন চলিতে আরম্ভ করিল।]

দারোগা। ট্রেন ছাড়ল তা হলে এতক্ষণে। দেখি অসিত-বাবু একটা সিগারেট দিন। [অসিতের নাম উল্লেখে সাধুলাল একবার তীক্ষ্ণদৃষ্টিতে অসিতের মুখের দিকে, একবার ছবির মুখের দিকে তাকাইল। অসিত পকেট হইতে সিগারেট বাহির করিয়া দিতে সাব-ইনস্পেক্টর একটা নিজের নিল, একটা সাধুলালকে দিল। দুই জনেই সিগারেট ধরাইল।]

[বৃদ্ধার ক্রন্দন একটু বাড়িয়া ধীরে ধীরে থামিয়া গেল, অসিত তবুও আরও কতক্ষণ তাহার পিঠে হাত বুলাইয়া দিল]

অসিত। (এদিক ওদিক দেখিয়া) তাই ত ! এত চাল যাচ্ছে কোথায় ? চালের মহাজনকেও তো দেখছি না।

দারোগা। (বিজ্ঞ হাসি হাসিয়া) দেখবেন না তো ! মহাজন — মহাজনো যেন গতঃ স পন্থাঃ হয়েছেন।

অসিত। মানে ?

পুলিস। পুলিস দেখকে ভাগ গিয়া।

অসিত। কেন ?

পুলিস। (হাসিয়া) ঐসে কভি কভি ভাগতা।

অসিত। ও ব্লাক মার্কেটের চাল বুঝি ! (সাব-ইনস্পেক্টরকে) তা চালটা তো মাঝে গেল ?

দারোগা। তা ঠিক বলতে পারি না, ওটা রেল-পুলিসের কাজ। চেকার যখন সাহায্য করছে তখন কিছু না হবারই কথা।

অসিত। (উদ্ভ্রান্ত হইয়া) বলেন কি মশাই ! দেশে যখন দুর্ভিক্ষ চলছে, লোকে এক মুঠো ভাতের জন্ম হাহাকার করছে, বস্তায় বস্তায় চাল চোখের উপর দিয়ে চোরা চালান হবে, আর আপনি পুলিস হয়ে কিছু বলবেন না ? (দারোগা হাসিল) আরও আপনি হাসছেন ? কি লক্ষ্যের কথা। লোকটাকে পেলে হ'ত একবার !

দারোগা। তা পারেন না। (ধ্বংসক ভাবে) পেলে আমারও একটু কথাবার্তা ছিল।

অসিত। কি ? ঘুষের কথাবার্তা ?

দারোগা। পাওয়া যখন যাচ্ছে না, তখন এ নিয়ে আপনার সঙ্গে তর্ক করে লাভ কি ?

সাধুলাল। মশায়, এঁরা লাভ-লোকসান বোঝেন না, শুধু তর্ক বোঝেন।

অসিত। কি রকম ?

সাধুলাল। এই যে রকম একটু আগে বলছিলেন আমাকে চাকরী-বাকরী ছেড়ে আপনাদের দলে গিয়ে জেলের ভাত খেতে।

অসিত। ত্যাগের মধ্যেও যে আনন্দ আছে সে কথা আপনি কখনও শোনে নিন ?

সাধুলাল। ত্যাগ, মানে, স্ভাঙ্কিফাইস ? আমি বলব যে আপনাদের হ'ল সখের 'ত্যাগ'। টাকার চিন্তা, পরিবারের চিন্তা যে আমাকে ঘরছাড়া করেছিল সেটা কি 'ত্যাগ' নয় ? কিন্তু যার জন্ম ত্যাগ করলাম সেই আমাকে ত্যাগ করল। আপনার মতে এতে আমার আনন্দ পাওয়া উচিত ?

অসিত। আপনার স্ত্রী ?

সাধুলাল। (তিক্তভাবে) আজ্ঞে হ্যাঁ।

অসিত। হঠাৎ একটা বিশেষ ঘটনা ঘটে যেতে পারে, সেটা বড় কথা নয়। মানুষের মধ্যে ব্যতিক্রম দু'একটা আছে।

সাধুলাল। দু'একটা ব্যতিক্রম ? যুদ্ধের পিছনকার গবর আপনি কিছুই রাখেন না মিষ্টার। ঠিক এ রকম ঘটনায় পড়ে কত সৈন্য পাগল হয়ে গেছে, কত সৈন্য আত্মহত্যা করেছে তার গবর রাখেন ?

অসিত। এ হচ্ছে আদর্শের অভাব, উভয় পক্ষেই।

সাধুলাল। আদর্শের অভাব নয় মশাই, পাদ্যের অভাব না হয় অবসর-সঙ্গিনীর অভাব। শাদা কথা কে মোলা করবেন না। শুকনো আদর্শে কারও পেট ভরে না।

অসিত। তা হলে মানুষ আর পশুতে তফাৎ রইল কি ?

সাধুলাল। অনেক বিষয়েই কোন তফাৎ নেই। এক এক করে ভেবে দেখুন।

অসিত। বুকে হাঁটা প্রাণী দু'পেয়ে মানুষে পরিণত হতে কয়েক কোটি বছর হয়ত পেরিয়ে গেছে। মানুষ নিজের মাথা খাটিয়ে নিয়মের শাস্তিতে বাচবার ব্যবস্থা করেছে মাত্র কয়েক হাজার বছর। জানি না সব মানুষকে এই আদর্শে আসতে লক্ষ বছর লাগবে কিনা, কিন্তু যারা এর মধ্যে পৌঁছে গেছেন, যারা এই আদর্শকে বাঁচিয়ে রাখবার জন্ম জীবনপণ করেছেন তাঁরাই সভ্য মানুষ, সত্যিকারের মানুষ।

সাধুলাল। (হাসিয়া) আমি এক জনকে জানি, আপনার আদর্শে জীবনপণ করে এখন পাগল হয়ে রাস্তায় রাস্তায় উলঙ্গ হয়ে ঘুরে বেড়িয়ে খুব সভ্যতা দেখাচ্ছেন !

অসিত। (দৃঢ়তার সহিত) কত লোক হয়ত পাগল হয়েছেন, কত লোক জীবন দিয়েছেন, কিন্তু তাঁরা যদি নিজের জীবন দিয়ে মানুষকে তার প্রতিজ্ঞার কথা, মানুষ-জীবনের পরম আদর্শের কথা মাঝে মাঝে স্মরণ করিয়ে না দেন, তা হলে সভ্যতার দীপ যে নিভে যাবে ! মানুষ চতুষ্পদ জীবের পর্যায়ে নেমে যাবে। মানুষের জীবনে যুদ্ধের বেশে যখন ঘোর ছান্দন ঘনিয়ে আসে তখন এমনই আত্মদানের বেশী প্রয়োজন হয়।

সাধুলাল। ভীতু লোকেবাই শুধু যুদ্ধকে ভয়ানক ভাবে। পৃথিবীতে লোক বেশী হয়ে গেলে পাইকারি হারে কিছু মরবেই, সে ভূমিকম্পে হটক, মহামারী লেগে হটক, কি যুদ্ধে হটক।

অসিত। যুদ্ধে কি শুধু মানুষ মরে? মনুষ্যত্বের মৃত্যু হয়। যুদ্ধের আদর্শ খুন, চুরি, জুয়াচুরি, ডাকাতি, মিথ্যা—শাস্তির সময়ে যা থাকে ঘৃণ্য এক একটা যুদ্ধের ফলে মানুষের সভ্যতা উর্নোটারথে চড়ে বসে।

সাধুলাল। তার আমরা কি করতে পারি? যুদ্ধের জগত তা আমরা সাধারণ লোক দায়ী নই।

অসিত। যতক্ষণ না কোন দেশের সাধারণ লোক যুদ্ধের জগত পাগল হয়—অর্থাৎ তাকে পাগল করতে না পারা যায় এও বলতে পারেন—ততক্ষণ অতি বড় ডিক্টেটারও যুদ্ধ ঘোষণা করতে সাহস পায় না। জোর করে সৈন্যদলে ঢোকান যায় কিন্তু সত্যিকারের যুদ্ধ করান যায় না। জার্মানীর কথাই একবার ভাবুন না?

সাধুলাল। জাপান-জার্মানী যুদ্ধ করছে বলেই তো আমরাও নেমেছি। তাই তো বলছি, আমরা কি করতে পারি? শাস্তির কথা তো অনেকেই বলেন কিন্তু সত্যিকারের পথ কেউ দেখাতে পারেন না।

অসিত। যুদ্ধের পথ যেমন যুদ্ধের জগত পাগল হওয়া, শাস্তির পথ তেমনি শাস্তির জগত পাগল হওয়া। এ যুদ্ধ থামলে পৃথিবীর সাধারণ লোকে যদি শাস্তির জগত পাগল হয় তা হলে আর কোন যুদ্ধবাজ যুদ্ধ বাধাতে সাহস পাবে না। অবশ্য অনেক যুদ্ধবাজ থাকবে, কিন্তু শাস্তির প্রচারকারী যদি আরও বেশী উদ্গ্রীব হয়, শাস্তির জয় নিশ্চিত।

সাধুলাল। শাস্তির জগত লোকে কেন পাগল হবে? সবাই দেখছে যুদ্ধের সময় সব কাজেই বেশী লাভ।

[ট্রেন থামিল। গোয়ালারা তাহার টিন ছুইটি কাধে ঝুলাইল]

সাধুলাল। ষ্টেশন নাকি?

দারোগা। হ্যাঁ। আমরা এর পরের ষ্টেশনে নামব।

[পুলিশটি দাঁড়াইয়া দরজা দিয়া মুখ বাড়াইল]

অসিত। (জানালা দিয়া বাহিরে একবার মুখ বাড়াইয়া) কি রকম ষ্টেশন এটা। লোকজন নেই, একটা খাবারওলাও তো দেখছি না।

গোয়ালারা। (জিনিষপত্র লইয়া পুলিশের পিছনে থামিয়া) সিপাই সাহেব, হাম হিঁয়া উতার যায়গা।

দারোগা। উতার যায়গা করে বাটা, আমাদের মিষ্টি পাইয়ে যা। পয়সা পাবি।

গোয়ালারা। বিক্রির না ছজুর! (পুলিশের পাশ কাটাইয়া নামিবার উপক্রম)

পুলিস। (ধমকাইয়া) এই, কিধার যাতা উল্ল! (বোচকা হইতে একটা ঘটি বাহির করিয়া গোয়ালার সামনে ধরিল) থানামে

বানে মাংতা? এতনা মিঠাই বানানেকা চিনি কিধারসে চোরি কিয়া?

[গোয়ালারা কাচুমাচু হইয়া ঘটি ভর্তি করিয়া রসগোল্লা দিয়া দিল। দারোগা একটা টাকা ছুঁড়িয়া দিতে তাহা কুড়াইয়া লইয়া গোয়ালার দ্রুতপদে প্রস্থান। পুলিশটি ঘটি সামলাইতে বাস্তব এমন অবস্থায় তাহার পিছন দিয়া একজন মুসলমান ভিখারিণী উঠিয়া আসিল। তাহার পরনে একখানা নুতন ময়লা সাড়ি, মাথার চুল কিছু অবিগ্ৰস্ত। বয়স বিশ-বাইশ হইবে। নজর করিয়া দেখিলে বিশেষ হুঃস্থা বলিয়া মনে হয় না।]

ভিখারিণী। (অসিতের নিকট গিয়া অতি সহজ কণ্ঠে) আমাবে কিছু ভিক্ষা দেন বাবু। (হাত পাতিল)

অসিত। (দারোগাকে) একটা পয়সা থাকলে দিন তো।

ভিখারিণী। (তাড়াতাড়ি হাত পিছনে লইয়া) চাইব পয়সার কমে আমি ভিক্ষা লই না। মিলিটারী লঙ্গরখানার পিছনে গেলে অনেক ভাল ভাল খাওয়ার জিনিস পাওয়া যায়।

অসিত। আরে! তুমি ত বড়লোক দেখছি। তা হলে তোমাকে আমরা ভিক্ষা দি কেন?

ভিখারিণী। আপনারা ভিক্ষা দেন আপনেনগো আবেবের লাইগা।

পুলিস। (ভিখারিণীকে) এই উতবো, গাড়ী ছোড়তা। [ভিখারিণীর প্রস্থান] পুলিশটি দরজা বন্ধ করিয়া দিল (বাঁশী বাজিল ও গাড়ী ছাড়িল)

অসিত। অ্যা! কি বলল?

দারোগা। বলল, আপনারা ভিক্ষে দেন আপনাদের পর-কালের জগত, তা না হলে ওনার ভিক্ষে করবার বিশেষ গরজ নেই, উনি শুধু মুখগানা দেখাতে এসেছিলেন। [সাধুলাল, দারোগা ও অসিতের উচ্চহাস্য, পুলিশটিও অন্ধক বুকিয়া একটু দেরীতে হাসিতে শুরু করিল]

বুদ্ধা। (বিরক্ত হইয়া) তা হলে চাং করতে ভিক্ষের জগত আসাই বা কেন রে বাপু?

সাধুলাল। (হাসিয়া) অভ্যাস বোধ হয়। দিনের বেলাটা তো কাটাতে হবে।

দারোগা। (অসিতকে) দেখুন; বলছিলাম না, যুদ্ধের বাজারে ভিখারীরও লাভ!

সাধুলাল। আপনার সঙ্গে ঠিক একমত হতে পারলাম না। যুদ্ধ শেষ হবার আগেই হয়ত দেখবেন এই মেয়েটাই কুষ্ঠ হয়ে রাস্তায় পড়ে আছে। আর এর মধ্যেই আর দশটা লোককেও যে মরবার সঙ্গী করে নি তাও জোর করে বলতে পারি না।

দারোগা। হু'একটা কেস হয়ত হতেও পারে, কিন্তু আর সকলে?

সাধুলাল। আর সকলের কথাই এক, কুষ্ঠ সকলেই হবে,

দেহে কিম্বা মনে। বাদের আজকে দেখছেন নতুন গাড়ী হাঁকাচ্ছে, বাজী করছে, যুদ্ধের অতি-রোজগার খেমে গেলেও অতি-লোভটা যাবে না, শাস্তির সময় এরা হঠাৎ লাভের বাঁকা পথ ধরবে। ক্রিমিনাল হবে।

দারোগা। বাঃ সমাজে যেন অপরাধ আর অপরাধী কোন কালে ছিল না।

অসিত। কিন্তু সাধুলোকের সংখ্যা ছিল অনেক বেশী। এবার অসাধুর দল সংখ্যায় অনেক ভারী হবে। এখনই দেখছেন, সমাজের যারা কোনদিন অসৎ কাজ করে নি এখন তারা রাত্রির অন্ধকারে চোর জোচ্চোরের কাছ থেকে চাল কিনছে, কাপড় কিনছে; আর এ খবর তাদের বাড়ীর ছোট ছেলেমেয়েদেরও অজানা থাকছে না। চোরের কেনা আর চোরের বেচা, এ দুয়ের মধ্যকার সূক্ষ্ম পার্থক্য ভেঙে পড়তে দেবী হয় না। এরাই একদিন বড় হবে। সভ্য সমাজের বুনিয়ে দা চোখের সামনেই ধ্বংস পড়ছে।

সাধুলাল। সমাজই যখন ভেঙে পড়ছে তখন চাচা আপন-প্রাণ বাঁচা নীতিই ভাল। [গ্রাসে মদ লইয়া আস্তে আস্তে থাইতে লাগিল] (দারোগাকে) চলবে নাকি একটু ?

দারোগা। না, ও অভ্যাসটা এখনও করি নি।

অসিত। গীতার পড়েছিলাম, পৃথিবী যখন ঘুমোয় মূনিরা তখন জেগে থাকেন, পৃথিবী জাগলে তবে মূনিরা ঘুমোন। আমি মনে করি সভ্যতার শিরে এখন কারও কারও জেগে থাকবার প্রয়োজন আছে। আপন প্রাণ সকলের কাছে বড় নয়।

সাধুলাল। হোঃ। জেগে থেকে কাজটা কি করবে ?

অসিত। বাইবেলের গল্পে পড়েছিলাম, সমস্ত পৃথিবী যখন একবার বন্যায় ভেসে গিয়েছিল, নোয়া বলে একজন লোক পৃথিবীর সকল জীবজন্তুর নমুনা সংগ্রহ করে বাঁচিয়ে রেখেছিল। সভ্যতার বীজগুলিও যাতে নিশ্চল হয়ে না গিয়ে কারও কারও মধো বেঁচে থাকে সে চেষ্টা করতেই হবে।

দারোগা। তা হলে আপনি স্বীকার করে নিচ্ছেন বন্যার মত যুদ্ধও কেউ ঠেকাতে পারে না।

অসিত। এ যুদ্ধ হয়ত পারবে না কিন্তু পরের যুদ্ধ নিশ্চয়ই পারবে।

দারোগা। কি করে? ওয়ার টু এণ্ড ওয়ার, এই তো চিরকাল শুনে আসছি।

অসিত। না। উদ্দেশ্য যাই হোক, যুদ্ধ সবই এক। যুদ্ধের বীভৎস রূপ সকলেই জানে কিন্তু বালের ব্যবধানে তা ভুলে যায়। নূতন রক্তের উদ্যমতা পুরনো রক্তের সাবধানতাকে ডুবিয়ে দেয়। সমৃদ্ধ পাহাড় আর রাজনৈতিক সীমারেখা অতিক্রম করে ঠোতোক তরুণ-তরুণীর কানে বার বার শোনাতে হবে মানুষের সভ্যতা কি দিয়ে তৈরী হয় আর যুদ্ধ তাকে কি করে ভাঙে। গল্প নয়, সত্যি-

কারের বিবরণ দিয়ে। একমাত্র যুবশক্তি যদি যুদ্ধের বিরোধী হয় তবেই যুদ্ধ আর বাধবে না।

দারোগা। (জানালা দিয়া একবার বাহিরে তাকাইয়া) ষ্টেশন আসছে, এবার আমাদের নামতে হবে অসিতবাবু। যা ভিড় দেখছি, একটু তাড়াতাড়ি করতে হবে।

[সাধুলাল সামান্য একটু বেসামাল হইয়াছে মনে হইল। সে ঘন ঘন একবার অসিত ও একবার ছবির দিকে তাকাইয়া গ্রাস হাতে উঠিয়া দাঁড়াইল]

সাধুলাল। (অসিতের দিকে হাত বাড়াইয়া) নো অফেন্স মিষ্টার।

অসিত। (উঠিয়া সাধুলালের করমর্দন করিয়া) না, অফেন্স কিসের ?

সাধুলাল। অফেন্স একটু দিতে পারতাম কিন্তু দিলাম না। আপনার শহরে আমি ছিলাম, আপনার কথা আমি সব জানি। আপনার ভাবী-পত্নীকে ফেলে এসেছেন, আপনার চিন্তা হয় না ?

অসিত। (হাসিয়া) কিসের চিন্তা ?

সাধুলাল। শহরে কত রকম লোক এসেছে, আমার স্ত্রীর মত তাকে যদি কেউ নিয়ে যায় ?

অসিত। (মুখখানি হাসিতে আরও উদ্ভাসিত হইল) তাকে আপনি জানেন না; কত সুন্দর নিষ্পাপ সে !

[দারোগা ও পুলিশটি উঠিয়া দাঁড়াইল]

দারোগা। আসুন অসিতবাবু। (জানালা দিয়া) এই কুলী।

অসিত। (বৃদ্ধাকে) এবার দিদিমা তুমি ওদিকে গিয়ে ঐ মহিলাটির কাছে বস। এখনি গাড়ীতে ছড়োছড়ি পড়ে যাবে। (হাত ধরিয়া অপর পাশের বোঝাতে পার করিয়া দিয়া সাধুলালকে) একে একটু দেখবেন। (সাধুলাল বৃদ্ধাকে ছবি ও নিজের মাঝখানে বসাইয়া ফিরিয়া আসিল।

[একজন কুলী আসিয়া চাউলের বস্তাগুলি সবাইয়া বাস-বিছানা নামাইতে লাগিল। সাধুলাল ভিতরের দিকে পিছন ফিরিয়া কুলীকে সাহায্য করিতে লাগিল। দারোগা, পুলিশটি ও অসিত নামিয়া গেল। ইতিমধ্যে]

বৃদ্ধা। (ছবিকে) বড় ভাল ছেলে মা। (ছবি বৃদ্ধাকে জড়াইয়া ধরিয়া কাঁদিতে শুরু করিল। বৃদ্ধা ছবির সাড়ি ও গহনা হাত দিয়া দেখাইয়া) এমন সুন্দর সাড়ি পাবেছ, গয়না পাবেছ, তুমিও কাঁদছ! তোমাকেও কি যুদ্ধে কাঁদাচ্ছে মা? (ছবিকে জড়াইয়া ধরিয়া চোখ মুছিতে লাগিল। ছবি হঠাৎ বৃদ্ধাকে ঠেলিয়া তুলিয়া দাঁড়াইল এবং ষ্টেশনের উল্টো দিকে নামিয়া গেল)।

সাধুলাল। (ভিনিসপত্র নামান হইলে দরজার বাহিরে মুখ গলাইয়া) নমস্কার! (সাধুলাল আস্তে আস্তে ভিতরের দিকে মুখ ফিরাইতে লাগিল এমন সময়—)

(ধবনিকা)

মহানগরীর জাগরণ

শ্রীকৃষ্ণধন দে

হে মহানগরী, এখনো তোমার ভাঙ্গে নি ধুম ?
শমরাত্রির বাপ্‌সা-আঁধারে তদ্রাতুর ?
আকাশের মাঠে জেগেছে আলোক-তৃণাকুর,
কালো চাদরের আড়ালে মাটিতে সব নিবুম !

চক্চকে পথ যেন লকুলকে জিহ্বা কার,
প্রানাদের সারি নিঁড়ি-ওলা কোন্ দৈত্যলোক,
মান আলোঙলো আদবোজা কার কুটিল চোখ,
শেষের প্রহরে ওৎ পেতে যেন খোঁজ শিকার !

ফিকে আকাশের বুক ওড়ে ছেঁড়া মেঘের দল
মাগর-বেড়ানো হাটুরের মত আবছা রং,
গরুর গাড়ীর চাকার নেমীতে বাজে সারং,
স্বাভেজারের ঘোড়ার খুরেতে বাজে মাদল !

ভর্জু-বিহীনা-রাত্রিজঠরে কম্পমান,
আলোকের ক্রম, লজ্জায় ধরা কৃষ্ণ-নীল,
কুৎসিত-হাতে ইঙ্গিত হয়ে উড়িছে চিল,
গোপন হাসির আভায় আকাশ ধূসর-মান !

পূর্বাচলের দ্বার খুলি আসে আলো-মিছিল,
বিপ্লবী-হাতে রক্তপতাকা কি সুন্দর !
দৃঢ় মুঠি দিয়ে আগে ধরে ধনী-গৃহ-শিখর,
ভোরের কুয়াসা খন্ডম্ করে শঙ্কানীল !

শিরা-উপশিরা-স্নায়ু-পেশীমারো জাগে কাঁপন,
বন্দীশালায় সজ জেগেছে মহাপাগল,
ইট-কাঠ-মাটি-লোহা ও পাথরে বাঁধা শিকল—
পাশমোড়া দিতে বেজে বেজে ওঠে বনাৎ-বান !

হে মহানগরী, অতীত নিশার ছায়া-স্বপন
একে একে চোখে ভাসিছে এখনো আলো-ধাঁপায় ?
ঘোলাটে আকাশে কোন্ ছবি ফোটে কালো-সাদায়,
মনে কি পড়েছে যা' কিছু আঁধারে ছিল গোপন ?

ভীকু নবোটার প্রণয়স্বাদের পহেলি রাত,—
শঙ্কায় লাজে রাঙা হয়ে গেল দুটি কপোল,
দ্রুত নিঃশ্বাসে অঙ্গে জড়ায় নীল নিচোল,
মুহু কম্পনে কাঁপিছে কাঁকন-পরানো হাত !

হে মহানগরী, প্রানপ্রপাতের সুরোল্লাস
যামিনীবিলাসে শুনেছিলে কানে স্বপ্নাতুর ?
ক' পান তীপিনী গ্লথ-করে তার খোলে নূপুর,
মদিরোৎসবে এলায়ে দি়েছে অঙ্গবাস !

কুয়াসা-জড়ানো ল্যাম্প-পোষ্টের মুহু আলোক
নির্জন পথে এঁকে দেয় চোখে মারাকাজল,
অপেক্ষমাণা বারবধুটির চেলাঞ্চল
ঢাকিতে পারে না চঞ্চল দুটি ভীকু চোখ !

রং-মাথা-ঠোটে বরিছে প্রণয়ী প্রতিনিশার,
বিষকণ্ঠার চুসনে নর বিষকাতর,
মৌগুণী কুলে বাণ খুঁজে ফেরে পঞ্চশর,
ক্ষণবসন্ত ধরা পড়ে জালে মরুভূমার !

হে মহানগরী, তোমার স্বপ্ন, তোমার রাত,
বীভৎসরূপ কুহেলি আঁধারে কি পাঞ্জুর !
তোমার বিরাট প্রাসাদ-আড়ালে তৃণাতুর
জীবনযাত্রী পথ খুঁজে নিতে বাড়ায় হাত !

গভীর রাতের আঁধার ভেদিয়া জলে হাপর,
কাস্তে-হাতুড়ি বানায় কামার নেশায় বুঁদ,
ঠক্-ঠক্‌ঠক্‌ ফুলুকি আঙনে ওড়ে বারুদ,
কালুশিরা-ওঠা হাত হয় কালো, ঘামে পাঁজর !

কোপাও বেতলা পানের গমকে বাজে ঢোলক,
—খোলার বস্তি, পচা নন্দামা, অসহ রাত,
নড়বড় করে চটের পর্দা, ফোকলা দাঁত,
হাসে কোথা বুড়ী, কাশে কোথা বুড়ো খকর্-খক !

* বয়স-পাকানো মেয়েগুলো কোথা চুংরী গায়,
থন্থনে গুলা গান গেয়ে গেয়ে সাঁঝ-সকাল,
রং-চটা-মগে মদ ঢেলে খায় পাঁড়-মাতাল,
ঘেয়ো কুকুরেরা কেঁউ কেঁউ করে' কি কাংরায় !

গাদা-করা আছে আস্তাবলের নোংরা খড়,
তারি একপাশে কুকুড়ে রয়েছে ভিখারী-দল,
ফুঁপিয়ে ফুঁপিয়ে যে-মেয়েটি মোছে চোখের জল,
রেগে উঠে এসে সর্দার তারে মারে চাপড় !

পাশাণ-প্রাসাদে নিশ্চিন্তার লাগে ছোঁয়াচ,
বাস্তুরাশি ইষ্টিশানেই বেঁধেছে ঘর,
চোখে ভাসে শুধু দূরে সরে' যাওয়া পদ্মাচর,
মশাল-আগুনে চলেছে বোথায় পিশাচ-নাচ !

নগর-শাশানে নিভে আসে চিত্তা বহ্নিমান,
সজ-বিধবা শাঁখা-ভাঙা-হাতে মোছে সিঁড়র,
নর্দীর ওপারে ডোবে স্নান চাঁদ শোক-বিধুর,
শেষ জোছনায় হ'ল যে তাহার মুক্তি-স্নান !

চটকলে কোথা বাজে হুইসলু, জাগে শ্রমিক,
মা মরা মেয়েটি কচি হাতে গলা ছাড়ে না তার,
বার বার করি' পুতুল আনার অঙ্গীকার,
শিরা-ওঠা হাতে বৃকে চেপে তারে পরে ক্ষণিক !

গ্রাম্যবধূটি ভেবে জানাপায় দেখে শহর,
যুথী-মালতীর স্বপন-জড়ানো ডাগর চোখ,
মনে পড়ে' যায় নিকানো উঠানে চন্দ্রালোক,
বনতুলসীর গন্ধ-উতলা শেষ প্রহর !

বা ভাস-কাঁপানো সজিনার ফুলে হারানো মন,
আম-বউলের নেশায় বিভোর ফাগুনরাত,
কোনু সে ডাইনী মন্তর দিয়ে অকস্মাৎ
ইট ও পাথরে বদল করেছে শিউলিবন !

হে মহানগরী, দিনের আলোকে যারা লুকায়,
শোন নি কি কানে তাদেরি গোপন পদক্ষেপ ?
তাদের মুখোশে দেখ নি আঁধার-কালো প্রলেপ ?
শকুনের মত হিংসালু কারা ঘুরে বেড়ায় ?

প্রোষিত-ভর্তা-মদিরাক্ষীর কাটে না রাত,
যৌবন তার সাপ হয়ে যেন তনু জড়ায়,
কবরীমালার নিশিগন্ধা সে ছিঁড়ে ছড়ায়,
অভিমাণে চালে বারিধারা দুটি আঁখিপ্রপাত !

ছপের ফেনায় ছায়াপথ বুঝি হয় পিছল,
তাই অপ্সরী নামে রূপ ধরি বিদেশিনীর,
সোনালী বেণীতে দোলে অকিড্ অতনুতীর,
দূর্বাগন্ধী কালোমাঠে ঘোরে প্রেম-পাগল !

হে মহানগরী, স্থবির পৃথিবী মুক্তি চায়,
দ্বিধা-সংশয়ে বন্ধন তার হয় শিথিল,
আন্তরাতের ক্রন্দনে কাঁপে সারা নিখিল,
মানুষের হাটে মানুষ শুধুই কোথা লুকায় !

কোথা শোকাতুরা জননী গণিছে দণ্ডপল,
অসহ ব্যথায় মাথা কুটে করে করে স্মরণ,
কাঁদীর মঞ্চে সন্তান তার বরে মরণ,
আসন্ন উষা হেরি অন্তর হয় বিকল !

রক্ত-পিপাসু কালো বাতুড়ের পাখা-কাপট,
কঙ্কালরূপী সর্বহারারা বকে প্রলাপ,
হিমপাগুর বিবর্ণ ঠোটে কি অভিশাপ,
নোঙ্গর-হারা ভাঙা তরী খোঁজে সিন্ধুতট !

হে মহানগরী, গত রজনীর স্বপ্ন শেষ,
ইন্দ্রজালের পটভূমি ধরে রূপ নূতন,
কালো-যবনিকা দূরে ফেলি ওড়ে আলো-কেতন,
জীবন-বীণায় বঙ্কত নব ছন্দ-রেশ !

শিকারী রাত্রি তোমার শিয়রে পেতেছে জাল,
এক চোখে তার জলে নৃশংস হিংসানল,
আর-চোখ তার ঋণামায়ায় হয় সজল,
স্ফুট-অস্ফুট ইঞ্জিত বৃকে নামে সকাল !

বিদ্বদ্‌বল্লভ বসন্তরঞ্জন

শ্রীসুখময় সরকার

গত বৎসর (১৩৫২) পূজার পাঁচ-সাত দিন পরে বেলিয়াতোড় গিয়াছিলাম। সঙ্গে ছিলেন এক বিদ্যালুরাগী বন্ধু। তিনি বলিলেন, “এই গ্রামেই বিদ্বদ্‌বল্লভ মশাইয়ের বাড়ী নয়? একবার সাক্ষাৎ করলে হ'ত।”


বেলিয়াতোড়ে আমার মাতুলালয়। এই হেতু বাল্যকালে বসন্তরঞ্জন রায়—বিদ্বদ্‌বল্লভ মহাশয়কে কয়েকবার দেখিবরে সুযোগ হইয়াছিল। মাতুলবংশের সহিত তাঁহার সম্পর্কও ছিল। শুনিতাম, রায়মহাশয় খুব পণ্ডিত লোক। কিন্তু ঐ পর্যন্ত। প্রকৃত বসন্তরঞ্জনকে তখন কি চিনিতাম? কলেজে পড়িবার সময় জানিলাম, বড়ু-চণ্ডীদাসের ‘শ্রীকৃষ্ণ-কীর্তন’-পুথি আবিষ্কার বাংলা-সাহিত্যের ইতিহাসে এক যুগান্তকারী ঘটনা এবং বসন্তরঞ্জন রায় বিদ্বদ্‌বল্লভ মহাশয় ইহার কলহাস। বসন্তরঞ্জন-সম্পাদিত ‘শ্রীকৃষ্ণকীর্তন’ের মুদ্রিত সংস্করণ দেখিয়া তাঁর অসামান্য পাণ্ডিত্য ও কৃতিত্বের পরিচয় পাইলাম। পুথিটি কেবল আবিষ্কার করিয়াই তিনি ক্ষান্ত হন নাই, উহা উত্তমরূপে সম্পাদন করিয়া টীকা-টিপ্পনী সহযোগে প্রকাশ করিয়াছেন। কোনও বাংলা পুথি এমন সুসম্পাদিত হইয়া প্রকাশিত হইয়াছে বলিয়া আমার জানা নাই।

সেই অবধি বসন্তরঞ্জনকে নূতন করিয়া দেখিবার একটা অদম্য আকাঙ্ক্ষা বহুদিন হইতেই হৃদয়ে বহিষ্খার মত জলিতেছিল। বন্ধুর প্রস্তাবে তাহাতে যেন ঘুতাহুতি হইল। সন্ধ্যা হইয়া গিয়াছে। রাত্রি আটটার টেন ধরিয়া বাঁকুড়ায় ফিরিতে হইবে। অল্প সকল কাজ ফেলিয়া বিদ্বদ্‌বল্লভ মহাশয়ের দর্শনলাভের জন্ম হই বন্ধু মিলিয়া, তাঁহার দ্বারস্থ হইলাম। দ্বারে এক কিশোর দাঁড়াইয়া ছিল। বোধ হয় বসন্তবাবুর পৌত্র। তাহাকে বলিলাম, “ভাই, বসন্তবাবুকে একটু সংবাদ দাও তো, আমরা বাঁকুড়া থেকে এসেছি, তাঁর সঙ্গে দেখা করব।”

বসন্তবাবু তখন আহার করিতেছিলেন। বয়স অধিক হইয়াছিল, সন্ধ্যাকালেই আহার সারিয়া লইতেন। শ্রবণ-শক্তি অত্যন্ত হ্রাস পাইয়াছিল। কিশোর তাঁহার কানের কাছে মুখ লইয়া খুব জোরগলার আমাদের আগমন-সংবাদ জানাইলে তিনি প্রশ্ন হইয়া বলিলেন, “বেশ, বেশ। বৈঠকখানায় বসতে বল।”

আমরা কয়েক মিনিট বৈঠকখানায় অপেক্ষা করিতেছি,

এমন সময় কিশোরটি তাঁহাকে ধরিয়া ধরিয়া লইয়া আসিল। মেঝেয় শতরঞ্জী পাতা ছিল, তাহাতেই তিনি আমাদের সঙ্গে বসিলেন। বার্ক্যশীর্ণ দেহ, দীর্ঘ শুভ্র শ্মশ্রু, দৃষ্টি অন্তর্মুখী। পরিধেয় বস্ত্রটি অনতিপরিসর, উর্ধ্বাঙ্গে একটি মোটা চাদর। আমরা প্রণাম করিতেই কৃষ্ণিত হইয়া বলিয়া উঠিলেন, “আপনারা কি ব্রাহ্মণ?” কণ্ঠে এখনও



শ্রীবসন্তরঞ্জন রায়

ওজস্বিতা আছে। বিশেষ পরিচয় না দিয়া বলিলাম, “আজ্ঞে না। অর হলেই শু কি? আপনি বসীয়ান্ মনীষী, সকলারই প্রণম্য।”

একটু হাসিয়া বলিলেন, “বসীয়ান্ বট, কিন্তু মনীষী নই। আমি এণ্টান্স পাস নই। তা ছাড়া আমি কি-ই বা করেছি?”

“আপনি যা করেছেন, অন্নের কাছে যাই হোক, বাংলা ভাষা আর বাংলা-সাহিত্যের অনুরাগীদের নিকটে তার মূল্য অসামান্য।”

“না, না। আমি বৈষ্ণব-বিনয়ে এ কথা বলছি না। বাস্তবিক দেশের উপকারার্থে আমি কিছুই করি নাই। করবার ক্ষমতাই বা কি? যেটুকু করেছি, তাঁরই রূপা।” এই বলিয়া তিনি উর্ধ্বহস্ত উত্তোলন করিয়া, বোধ হয় সেই অজ্ঞাত চিন্ময় পুরুষকে স্মরণ করিলেন। মনে হইল, ইনি যথার্থই বিদ্বান। বিদ্যার ফল যে বিনয়, তাহা ইঁহার মধ্যে প্রত্যক্ষ করিলাম।

তিনি বলিলেন, “আপনারা এসেছেন, আনন্দের কথা। কিন্তু বাড়ীতে লোকজন নাই, আপনাদের যত্ন করতে পারছি না।”

আমরা বলিলাম, “না, না। সেজ্ঞ আপনাকে ব্যস্ত হতে হবে না; আমরা কেবল আপনাকে দর্শন করতে এসেছি; এখনই চলে যাব। আপনার জন্মস্থান কি এখানেই?”

“হাঁ। এই বেলেতোড়ে। পিতার নাম রামনারায়ণ রায়।”

“জন্মদিবস?”

“বাংলা ১২৭২ সাল। তারিখটা ঠিক মনে নাই। সেদিন জিতাষ্টমী ছিল। জিতাষ্টমী জানেন তো?”

“আজ্ঞে, জানি। গৌণচন্দ্র আশ্বিন কৃষ্ণাষ্টমী; মহাষ্টমীর পূর্বের অষ্টমী।”

“বটে! আপনি জ্যোতিষ-চর্চা করেন না কি?”

“আজ্ঞে না। তবে যোগেশবাবুর সাহিত্য-সাধনায় সহযোগিতা করবার সুযোগ পেয়ে কিছু কিছু শিখেছি।”

যোগেশচন্দ্রের নাম শুনিয়াই তিনি সশ্রদ্ধ যুক্তকরে বলিলেন, “বিদ্যানিধি মহাশয়ের কথা বলছেন?”

“আজ্ঞে হাঁ।”

“তাঁকে নমস্কার করি। তিনি যথার্থ বিদ্যানিধি। তাঁর জন্ম আমাদের বাঁকুড়া জেলা ধনু হয়েছিল।” একটু নীরব থাকিয়া বলিলেন, “কিন্তু তিনি যে ‘চণ্ডীদাস চরিত’ পুথিখানা সম্পাদন করেছেন, ওটা জাল। আমার শ্রীকৃষ্ণ-কীর্তন প্রকাশিত হলে তিনি ‘প্রবাসী’তে ‘শ্রীকৃষ্ণকীর্তনে সংশয়’ লিখেছিলেন। তাঁর ‘চণ্ডীদাসচরিত’ প্রকাশিত হলে আমিও ‘চণ্ডীদাসচরিতে সংশয়’ লিখলাম।” বলিয়া তিনি উচ্চ কণ্ঠে হাসিয়া উঠিলেন; প্রাণথোলা শিশুর হাসি।

আমি বলিলাম, “বিদ্যানিধি মহাশয় বলেন, ‘চণ্ডীদাস-চরিতে’ অনেক প্রক্ষেপ আছে সত্য, কিন্তু পুথিটা একেবারে

জাল নয়। এতে এমন সব কথা আছে, যা ইদানীং কেউ লিখতে পারত না।” তিনি বলেন, ‘শ্রীকৃষ্ণকীর্তন সম্পাদনা বিদ্বদ্বল্লভ মহাশয়ের অক্ষয় কীর্তি; যত দিন বড় চণ্ডীদাসের নাম থাকবে তত দিন তাঁরও নাম থাকবে।’

“আমাকে তিনিও ‘বিদ্বদ্বল্লভ’ বললেন? নবদ্বীপের ভুবনমোহন চতুষ্পাঠী আমাকে এই উপাধিটা দিয়েছিলেন। কিন্তু সংস্কৃত-পণ্ডিতেরা স্বভাবতঃ অত্যাভিপ্রিয়। আমার বিদ্যা কারও জানতে বাকী নাই। পুরুলিয়া জেলা ইন্সকুল হতে এণ্ট্রান্স পরীক্ষা দিয়েছিলাম, অঙ্কে ফেল হয়ে গেলাম। আর ইন্সকুলে পড়া হ’ল না। কিন্তু আমার খেয়াল হ’ল, যে বই সবাই পড়েছে, শুধু এমন বই পড়ব না; যে বই কেউ পড়ে নি এমন বই পড়তে হবে। সমস্তপুরে রেল-আপিসে একটা চাকরি জুটেছিল। কিন্তু লেখাপড়া ছাড়ি নাই। মৈথিলী, অসমীয়া, বাংলা, উড়িয়া বাড়ীতে বসেই পড়তে লাগলাম। আর সুযোগ পেলেই গাঁয়ে গাঁয়ে পুথি সংগ্রহ করে বেড়াইতাম। এ পর্যন্ত আমি আট শত পুথি সংগ্রহ করেছি, আর সবগুলিই সাহিত্য-পরিষদকে উপহার দিয়েছি। বিষ্ণুপুরের কাছে কাঁকিল্যা গ্রামে এক গৃহস্থের গোয়ালঘরের মাচায় আরও পাঁচ-ছয়টা অল্প পুথির সঙ্গে একদিন পেয়ে গেলাম বড় চণ্ডীদাসের শ্রীকৃষ্ণকীর্তন। সেই দিনই আমার পুথি-সংগ্রহের সাধনায় সিদ্ধি।”

বাস্তবিক বসন্তরঞ্জন যদি কেবলমাত্র শ্রীকৃষ্ণকীর্তন পুথিই আবিষ্কার ও সম্পাদন করিতেন, তাহা হইলেই তিনি অমর হইয়া থাকিতেন।

আচার্য যোগেশচন্দ্রের সহিত তাঁহার পত্রালাপ হইত। ১৩২৪।৩১ জ্যৈষ্ঠ তারিখে কলিকাতা হইতে যোগেশচন্দ্রকে লিখিত তাঁহার এক পত্রের কিয়দংশ অবিকল উদ্ধৃত করিতেছি:

* * * কৃষ্ণকীর্তনের পাতা উন্টাইতেছেন, অবশ্য টীকাও দেখিতে-ছেন, ইহাতেই অম সফল জ্ঞান করিতেছি। টীকা লিখিতে কতকাল লাগিয়াছিল, কেন এ প্রস্ন করিয়াছেন, বুঝিলাম না। দীর্ঘকাল—জীবনের অধিক একমাত্র প্রাচীন বাংলা-সাহিত্যের অদর্শানে কাটাইয়া দিয়াছি। এ সম্পর্কে ২।১০ খানা হাতের লেখা পাচীন পুথি লইয়া নাড়াচাড়া করিয়াছি। বাংলা ভাষার প্রকৃতি অবধারণের অভিপ্রায়ে প্রাকৃত এবং কোন কোন আধুনিক ভাষা তথা সাহিত্যের কিঞ্চিৎ আলোচনা না করিয়াছি এমন নহে। এখন অসম্বোধে বলিতে পারি, বাংলা ভাষা সম্বন্ধে আমাদের অভিজ্ঞতার দৌড় বড় বেশী নয়। কৃষ্ণকীর্তন-সম্পাদনে ভ্রম-প্রমাদ, ত্রুটি-বিচ্যুতি যথেষ্ট থাকিবার সম্ভাবনা। যাহা হউক, আপনাদের বক্তব্য জানিলে সুখা হইবে। * * *

গ্রামে গ্রামে ঘুরিয়া পুথি সংগ্রহ করা সহজ কাজ নহে। বহু স্থানে তাঁহাকে বিপন্ন হইতে হইয়াছে, প্রাণসংশয় পর্যন্ত হইয়াছে। কিন্তু তাঁহার পুথিসংগ্রহের সাধনায় বিরতি হয় নাই। প্রাচীন পুথির মধ্যে পুরাতন, অধুনালুপ্ত শব্দগুলি

তাঁহাকে বিশেষ ভাবে আকর্ষণ করিত এবং সেগুলি তিনি সংগ্রহ করিয়া রাখিতেন। পুথিসংগ্রহ ও সাহিত্য-পরিষৎকে তাহা উপহার দেওয়ার জন্ত পরিষদের সহিত তাঁহার সম্পর্ক অতি নিবিড় হইয়া উঠে। আচার্য রামেন্দ্রসুন্দর ত্রিবেদী এবং দীনেশচন্দ্র সেনের সহিত তাঁহার বিশেষ পরিচয় ও পরে সৌহার্দ্য জন্মে। পরিষদের তদানীন্তন সম্পাদক ত্রিবেদী মহাশয় সাহিত্য-পরিষদের কার্য-বিবরণীতে (১৭-বর্ষ, ১৩৩ পৃষ্ঠা) বলিয়াছিলেন,

“বসন্তবাবু পরিষদের পুথি-সংগ্রাহক। তাঁহার ঐকান্তিক যত্নে পরিষদে পুথির সংখ্যা অনেক বাড়িয়া গিয়াছে এবং কতকগুলি নূতন নূতন পুথির উদ্ধার হইয়াছে। এই পুথি সংগ্রহের জন্ত তাঁহাকে গ্রামে গ্রামে ঘুরিতে হয়। তজ্জন্ত ইহার খাই-খরচ আছে, বাহনের খরচ আছে; পরিষদ হইতে তিনি তাহার এক কপর্দকও লয়েন না, বা এই কার্যের জন্ত পারিশ্রমিক হিসাবেও কিছু চাহেন না। * * আমি পরিষদের এই চির উপকারী সদস্যকে ইহার বিশেষ সদস্যপদে নির্বাচিত করিতে প্রস্তাব করিতেছি।”

রামেন্দ্রসুন্দরের এই প্রস্তাব সর্বসম্মতিক্রমে গৃহীত হয় এবং বসন্তরঞ্জন কয়েক অবসর গ্রহণের পরও বিশেষ সদস্যরূপে পরিষদের সেবা করিতে থাকেন। কিছুদিনের জন্ত তিনি পরিষদের পুথিশালার কর্মীরূপেও কার্য করিয়াছিলেন। সাহিত্য পরিষদের জন্মকাল হইতেই বসন্তরঞ্জন ইহার সহিত সংশ্লিষ্ট ছিলেন। পরিষদের পূর্ব রূপ ‘বেঙ্গল একাডেমি অব লিটারেচার’-এরও তিনি সদস্য ছিলেন।

তাঁহার পর বসন্তরঞ্জনের জীবন-প্রবাহ এক নূতন খাতে বহিল। এতকাল তিনি শিক্ষার্থী ছিলেন, এইবার শিক্ষক হইলেন। স্বর আশুতোষের একান্ত যত্নে কলিকাতা বিশ্ববিদ্যালয়ে এম-এ পর্যন্ত বাংলা ভাষা ও সাহিত্য পঠন-পাঠনের ব্যবস্থা হইল। কিন্তু অধ্যাপক কোথায়? তখন আমাদের দেশের অধিকাংশ বিদ্বান ইংরেজী-নবীশ। একদা রামেন্দ্রসুন্দর আশুতোষের নিকটে গিয়া বলিলেন, বিশ্ববিদ্যালয়ে মাতৃভাষার আসন প্রতিষ্ঠা হইল, এখন মাতৃভাষার একনিষ্ঠ সেবকের সমাদর কর্তব্য; বসন্তরঞ্জন বিশ্ববিদ্যালয়ে বাংলা ভাষা অধ্যাপনার উপযুক্ত ব্যক্তি। আশুতোষের ত্রায় গুণগ্রাহী আর কে ছিলেন? তাঁহার মত ‘লোক বাছিতে’ আর কে জানিতেন? ডিগ্রীর আড়ম্বরে ভুলিবার পাত্র তিনি ছিলেন না। তিনি বিশ্ববিদ্যালয়ের অধ্যাপকপদে বসন্তরঞ্জনকে নিযুক্ত করিতে মনস্থ করিলেন। আশুতোষের এক প্রিয়পাত্র ইহাতে এই বলিয়া আপত্তি জানাইয়াছিলেন যে বসন্তবাবু ইংরেজী জানেন না। বহু বাধাবিঘ্ন অতিক্রম

করিয়া বসন্তরঞ্জন ইং ১৯১৯ সনে বিশ্ববিদ্যালয়ের অধ্যাপকপদ লাভ করেন।

তিনি বলিলেন, “এক দিন কলকাতায় ট্রামে চলেছি। সেনেট হাউসের সামনে ট্রাম দাঁড়াতেই দীনেশ সেন এসে উঠলেন। আমায় দেখে বললেন, ‘ইউনিভারসিটিতে আপনার চাকরি হয়ে গেছে, খবর পেয়েছেন?’ আমি বললাম, ‘না, আমি তো জানতে পারি নি।’ সেন মহাশয় বললেন, ‘কর্তার সঙ্গে একটু সাক্ষাৎ করা দরকার।’ কর্তা মানে আশুতোষ। কেন তাঁর সঙ্গে দেখা করতে হবে, কি বলতে হবে, কিছুই জানি না। আমরা বাঁকড়ী লোক, তোষামোদ করতেও শিখি নাই। যাই হোক, পরদিন সকালে আশুতোষের সঙ্গে সাক্ষাৎ করতে গেলাম। সেই কৃষ্ণবর্ণ বিরাট বপু আর সেই প্রকাণ্ড গৌফ জোড়াটা! বাঘই বটে! আমি যেতেই উঠে দাঁড়ালেন, সাদর সম্ভাষণ করে বসতে বললেন। আমি কোন কথা বলবার পূর্বেই তিনি বললেন, ‘আমি কাজের ভার তো অপাত্রে অর্পণ করি নি।’ আমি হাঁ-না কিছুই না বলে চলে এলাম। সেই অবধি ইং ১৯৩২ সাল পর্যন্ত বিশ্ববিদ্যালয়ে অধ্যাপনা করেছি।”

বাংলা ১৩৪০ এবং ১৩৪৮-৫৩ সনে তিনি বঙ্গীয় সাহিত্য-পরিষদের অন্যতম সহ-সভাপতি নির্বাচিত হন। ইতিপূর্বে তিনি “বাংলা প্রাচীন পুথির বিবরণ” সঙ্কলন করেন। ইহার বহু পূর্বে ১৩১৬ সালে তিনি ‘ফ্লেমান্ডের মনসামঙ্গল,’ ‘সারঙ্গ-রঙ্গদা’, ১৩১৭ সালে ‘কৃষ্ণপ্রেম-তরঙ্গিনী’ এবং ১৩২৩ সালে ‘চণ্ডীদাসের শ্রীকৃষ্ণকীর্তন’ সম্পাদন ও প্রকাশ করেন। দীনেশচন্দ্রের সহযোগিতায় তিনি ‘গোপীচন্দ্রের গান’ এবং জয়নারায়ণ সেনের হরিলীলা’ সম্পাদন করেন; কলিকাতা বিশ্ববিদ্যালয় এই দুখানি পুস্তক প্রকাশ করিয়াছেন। অটলবিহারী ঘোষের সহযোগিতায় তিনি ‘কমলাকান্তের সাধকরঞ্জন’ সম্পাদন করেন। এই পুস্তক বঙ্গীয় সাহিত্য-পরিষদ ১৩৩২ বঙ্গাব্দে প্রকাশ করিয়াছেন।

বসন্তরঞ্জনের অন্তরে যে রসের ফল্গুধারা বহিত, পরিষৎ পত্রিকায় “ছেলেভুলানো ছড়া” সঙ্কলন করিয়া তিনি তাহার পরিচয় দিয়াছেন। যঁাহাদের সাধনায় আমরা বাংলার লোকসাহিত্যকে মর্যাদা দিতে শিখিয়াছি এবং লোকসাহিত্যের মধ্যেও উৎকৃষ্ট সাহিত্য-রসের সন্ধান পাইয়াছি, বসন্তরঞ্জন তাঁহাদের অগ্রতম।

“পুঁচু গৌ কাদে,
আমি কাঁপ দিব গো বাদে।
পুঁচু যদি গো হাসে,
আমি উঠব ভেসে ভেসে।”

এইরূপ গ্রাম্য ছড়ার মধ্যে তিনি যে অকৃত্রিম বাৎসল্য-

রসাবগাঢ় মাতৃহৃদয়ের পরিচয় পাইয়াছিলেন, তাহাতেই তিনি ছড়া-সঙ্কলনের প্রেরণা লাভ করেন।

সাহিত্য-সাধনার পুরস্কারস্বরূপ কলিকাতা বিশ্ববিদ্যালয় তাঁহাকে ইংরেজী ১৯৪১ সালে ‘সরোজিনী-সুবর্ণপদক’ দানে সম্মানিত করেন।

পূর্বে বলিয়াছি, বসন্তরঞ্জন প্রাচীন পুথির পুরাতন শব্দ সঙ্কলন করিতে আরম্ভ করেন। এই কর্মের গুরুত্ব উপলব্ধি করিয়া কলিকাতার রয়াল এসিয়াটিক সোসাইটি তাঁহাকে ইংরেজী ১৯৪৪ সালে সদস্য রূপে গ্রহণ করেন। পরিষৎ পত্রিকায় তাঁহার “দ্বাদশ শতকের বাংলা শব্দ” প্রকাশিত হইয়াছিল।

ডাক্তার শ্রীসুনীতিকুমার চট্টোপাধ্যায় তাঁহার ‘বাংলা ভাষা-তত্ত্বের ভূমিকা’ পুস্তকে লিখিয়াছেন, “বসন্তবাবুকে প্রাচীন বাংলা সাহিত্যের ঘুণ বলা হয়েছে। এটি তাঁর যথাযথ বর্ণনা। এ বিষয়ে তাঁর সমকক্ষ বাংলাদেশে দ্বিতীয় ব্যক্তি আছেন বলে তো জানি না।” সুনীতিকুমারের এই উক্তি বর্ণে বর্ণে সত্য। ‘প্রবাসী’তে প্রকাশিত আচার্য যোগেশচন্দ্রের ‘গহনা’ শীর্ষক প্রবন্ধের সমালোচনা করিয়া কলিকাতা হইতে ইংরেজী ১৯২৭।৩ নবেম্বর তারিখে তিনি যে পত্র লিখিয়াছিলেন, এখানে তাহার কিয়দংশ উদ্ধৃত করিতেছি; তাহাতে তাঁহার প্রতি প্রযুক্ত ‘বাংলা সাহিত্যের ঘুণ’ বিশেষণটি যে কতদূর সার্থক, তাহা প্রমাণিত হইবে:

“* * * ‘চুড়ি’ নাম নেহাৎ হালী মনে হয় না। নীচে কয়েকটি দৃষ্টান্ত দেওয়া গেল।

- বাহুতে কনক চুড়ি মুকুতা রতনে জড়ি
রতন কঙ্কণ করমূলে। ক. ‘কী. পু. ৩৮১।
বেশর খচিত শতেশ্বরী পহিরল
চুরি কনক করকণ্ঠে। বিদ্যাপতি, পৃ. ৩২৮।
শঙ্খের উপরে শোভে কনকের চুড়ি।
মালাধর বসুর ‘শ্রীকৃষ্ণ বিজয়, পৃ. ৮২।
কনক কঙ্কণ চুড়ি বাহুর উপরে তাড়।
কৃত্তিবাসী—লঙ্কা, পৃ. ৫০৪।
খমিয়া পড়িল হাতের সুবর্ণের চুড়ি
বিজয়গুপ্তের পদ্মপুরাণ, পৃ. ২৭।
পরি দিব্য পাট শাড়ী কনক রচিত চুড়ি
চুই করে কুলুপিয়া শঙ্খ। কবিকঙ্কণ, পৃ. ১১৭।
শঙ্খের উপরে পরে কনকের চুড়ি। ঐ পৃ. ১৫৭।
‘চুরি গুজরাতি’। আলাওলের পদ্মাবতী।
কারিকুরী করে পরে কাঞ্চনের চুড়ি।
মাগিকের ধর্ম মঙ্গল।
সুবলিত ভুজে সাজে কাঞ্চনের চুড়ি।
রামেশ্বরের শিবায়ন।

আর বিস্তরে প্রয়োজন নাই। তৎকালের মধ্যে গহনাটি ক্রমে বাহু হইতে করমূলে নামিয়াছে। হেমচন্দ্রের ‘দেশী নামমালা’ ও ধনপালকৃত ‘পাইঅলচ্ছী নাম মালা’তে বলয় অর্থে চুড় শব্দ বৃত্ত হইয়াছে। প্রায় শত

বৎসর পূর্বে প্রকাশিত হোটনের (sir G. C. Haughton) বাংলা অভিধানে ‘চুড়ি’ শব্দ আছে। * * *

এক ‘চুড়ি’ শব্দের উল্লেখ খুঁজিয়া বাহির করিবার জন্ত বসন্তরঞ্জন যে কত পুথি ঘাঁটিয়াছেন, তাহা চিন্তা করিলে পাঠকের বিশ্বয়ের অবধি থাকিবে না।

তিনি বলিলেন, “মনে করেছিলাম, পুরাতন শব্দের একটা অভিধান করে যাব। কিন্তু সেটা বোধ হয় আর হয়ে উঠল না। কালিম্পীর ওপার হতে বংশীধ্বনি শোনা যাচ্ছে।” কৃষ্ণকীর্তনের আবিষ্কার যেন শ্রীরাধার সেই চিরসুতনী ভাষার প্রতিধ্বনি করিলেন:

“কে না বাঁশি বাএ বড়ায়ি
কালিনী নই কুলে।”

কি আশ্চর্য! এই কথা বলিবার পর তিনি আর এক মাস মাত্র ইহলোকে ছিলেন। ১৩৫৯ বঙ্গাব্দের ২৩শে কার্তিক তারিখে তিনি বাড়গ্রামে সজ্জানে বাঞ্ছিত ধামে গমন করিয়াছেন। কেবল আমার জননীর জন্মপল্লী বলিয়া নহে, বিদ্যদ্বন্দ্বভ মহাশয়ের জন্মস্থান বলিয়াও বেদিয়াতোড় গ্রাম আমার নিকটে তীর্থস্বরূপ হইয়াছে।


গত পূজা-সংখ্যা “হিন্দুবানী” পত্রিকায় আচার্য যোগেশচন্দ্রের জীবনকথা বর্ণন-প্রসঙ্গে লিখিয়াছিলাম, ‘প্রদীপের নীচেই অঙ্ককার।’ কিন্তু বাঁকুড়াবাসী আমরা যেন গাঢ় অঙ্ককারে থাকিতেই ভালবাসি, আলোয় বাহির হইতে ভয় পাই। বাঁকুড়া জেলাও রঙ্গ-প্রসবিনী, একথা আমরা ভাবি না। অত্যন্ত আশ্চর্যের বিষয়, বাঁকুড়ার অনেক শিক্ষিত লোকও বিদ্যদ্বন্দ্বভ মহাশয়ের নাম পর্যন্ত শোনে নাই। আগ্রহ থাকিলে অবশ্য গুণিতে পাইতেন, কারণ তিনি সামান্য ব্যক্তি ছিলেন না। আচার্য যোগেশচন্দ্র ও বিদ্যদ্বন্দ্বভ বসন্তরঞ্জন বাংলা ভাষাতত্ত্বের পথিকৃৎ। বাঁকুড়ার পক্ষে ইহা কম গৌরবের বিষয় নহে।

এক বৎসর হইল বসন্তরঞ্জন পরলোকে প্রয়াণ করিয়াছেন, এ পর্যন্ত আমরা তাঁহাকে স্মরণ করি নাই। ভাবিয়াছিলাম বাঁকুড়া সাহিত্য-পরিষদ তাঁহার স্মৃতিসভার অনুষ্ঠান করিবেন। কিন্তু সে ভাবনা মিথ্যা হইল। যাহা হউক, যদি বাঁকুড়া সাহিত্য-পরিষদ প্রতি বৎসর জিতাষ্টমীর দিন তাঁহার জন্মতিথি পালনের ব্যবস্থা করেন তাহা হইলেও বাঁকুড়ার এই কৃত্তী সন্তানের পুণ্যস্মৃতি রক্ষিত হইবে এবং অনাগত ভবিষ্যতে হয় তো কেহ কেহ তাঁহার ভাবে অনুভবিত হইতে পারিবে।*

* বাঁকুড়া টাউন হলে বসন্তরঞ্জন রায় বিদ্যদ্বন্দ্বভের মৃত্যুবার্ষিকী অনুষ্ঠানে পঠিত।

ট্রলার

শ্রীদেবেন্দ্রনাথ মিত্র



যে ধরণের জাহাজের দ্বারা সমুদ্রে মৎস্য ধরা হয় তাহাকে ইংরেজীতে সাধারণতঃ ট্রলার বলা হয়। গত ১৯৫০ সাল হইতে পশ্চিমবঙ্গ সরকার এইরূপ দুইখানি জাহাজ বা ট্রলারের সাহায্যে বঙ্গোপসাগরে মাছ ধরিবার ব্যবস্থা করিয়াছেন। এই ব্যবস্থা সম্পর্কে বহু ব্যক্তি বিভিন্ন মতামত ও তীব্র মন্তব্য প্রকাশ করিয়াছেন ও করিতেছেন, অনেকেই এই ব্যবস্থাকে “টাকার শ্রাদ্ধ” বলিয়া অভিহিত করেন। তাঁহাদের মতে দেশের আভ্যন্তরীণ জলাশয়গুলির সংস্কার এবং উন্নত প্রণালীতে মাছের চাষের প্রবর্তন করিয়া মাছের উৎপাদন বাড়াইতে পারিলেই দেশের মাছের অভাব পূরণ হইয়া যায়। মাছের উৎপাদন বাড়াইতে হইলে মৎস্য-জীবীদের সাহায্য এবং উৎসাহ দেওয়াও দরকার। বাস্তবিকই দুই-তিন বৎসরের মধ্যে ট্রলারের সাহায্যে ধৃত মাছের দ্বারা মাছের আমদানী তেমন বাড়ে নাই, অভাবও কিছুমাত্র পূরণ হয় নাই এবং মূল্যও আদৌ কমে নাই। এই সম্পর্কে ইহাও বলা দরকার যে, আমাদের মধ্যে বর্তমানে অনেকেরই সমুদ্রের মাছের প্রতি তত অসুরাগ বা রুচি নাই। সমুদ্রের মাছের প্রতি অসুরাগ বা রুচি সৃষ্টি করাও সময়সাপেক্ষ।

পশ্চিমবঙ্গ সরকার কর্তৃক বর্তমান পরিকল্পনা গৃহীত হইবার পূর্বে বাংলাদেশে গভীর সমুদ্রে মাছ ধরিবার জন্য কোন সুনির্দিষ্ট প্রণালী অবলম্বিত হয় নাই। তবে এই সম্পর্কে উল্লেখ করা যাইতে পারে যে, ১৮৯২ খ্রীষ্টাব্দে “ইনভেন্টিগেটার” নামক জাহাজের সাহায্যে কারপেন্টার এবং হস্কিন নামক দুই শ্বেতাঙ্গ বঙ্গোপসাগরের বিভিন্ন প্রাণিবর্গের বৈজ্ঞানিক পরীক্ষা করিয়াছিলেন। ইহার পর বিংশ শতাব্দীর প্রারম্ভে কয়েকজন জার্মানদেশীয় বৈজ্ঞানিক “ভালডিভিয়া” নামক জাহাজের সাহায্যে এ সম্বন্ধে কিছুদিন গবেষণা করিয়াছিলেন। কিন্তু এই দুই চেষ্টার ফলাফল সম্পর্কে তেমন কোন সঠিক তথ্য পাওয়া যায় না। ১৯০৮ সালে বাংলা সরকার এ সম্বন্ধে প্রথম উদ্যোগী হন এবং “গোল্ডেন ক্রাউন” নামক জাহাজের সাহায্যে ১৯০৮ সালের জুন মাস হইতে ১৯০৯ সালের ডিসেম্বর মাস পর্যন্ত সমুদ্রে মৎস্য ধরিবার জন্য অভিযান করা হয়। এই অভিযানের ফলে জানা যায় যে, বৎসরের সব ঋতুতেই ট্রলারের সাহায্যে বঙ্গোপসাগরে মাছ ধরা সম্ভব এবং প্রায় সকল স্থানেই মাছ পাওয়া যায়; তবে কোন কোন ঋতুতে কোন কোন

স্থানে মাছের পরিমাণ বেশী হয়। দশ ফ্যাডম হইতে এক শত ফ্যাডমের (এক ফ্যাডম = ছয় ফুট) মধ্যেই মাছ পাওয়া যায় এবং সাধারণতঃ বিশ হইতে ত্রিশ ফ্যাডমের মধ্যে উৎকৃষ্ট শ্রেণীর মাছ দেখা যায়। বঙ্গোপসাগরের মাছ দেখিতেও সুন্দর আশ্বাদেও উৎকৃষ্ট। “গোল্ডেন ক্রাউন”র সাহায্যে মাছ ধরার ব্যবস্থা বেশী দিন চলে নাই।

১৯৪৯ সালে পশ্চিমবঙ্গের মুখ্যমন্ত্রী ডাঃ বিধানচন্দ্র



গলদা চিংড়ী

রায় যখন ইউরোপে গিয়াছিলেন তখন তিনি কোপেনহেগেনের মৎস্য-বিশেষজ্ঞ ডাক্তার এইচ. ব্রেগভ্যাডের সহিত এই বিষয়ে বিশেষভাবে আলোচনা করেন এবং ইউরোপ হইতে প্রত্যাবর্তনের পর ১৯৫০ সালের মে মাসে ডেনমার্কের এক জন বিশেষজ্ঞকে এদেশে আহ্বান করেন। তিনি পশ্চিমবঙ্গ সরকারের মৎস্য বিভাগের কর্মচারিগণের সহযোগে এ সম্বন্ধে প্রাথমিক অন্বেষণ করিয়া একটি পরিকল্পনা প্রস্তুত করেন। এই পরিকল্পনা অনুসারে গভীর সমুদ্রে মৎস্য ধরিবার জন্য দুইখানি জাহাজ (ট্রলার) এবং অগাধ সাজ-সরঞ্জাম ক্রয় করিবার ব্যবস্থা হয় ও মৎস্য ধরিবার জন্য

বিশেষজ্ঞ ও তাঁহাদের সহকর্মী আনিবার ব্যবস্থা হয়। এই পরিকল্পনার মূল উদ্দেশ্য হইতেছে :

- ১। বর্তমান সময়ে মৎস্য ধরিবার উপযুক্ত স্থান নির্ণয় করা।
- ২। মৎস্য ধরিবার উপযুক্ত ঋতু নির্ধারণ করা।
- ৩। জলের বিভিন্ন গভীরতায় বিভিন্ন শ্রেণীর মাছ সম্বন্ধে অভিজ্ঞতা অর্জন করা।
- ৪। জলের বিভিন্ন গভীরতায় মাছ ধরিবার উপযুক্ত বিভিন্ন ধরনের যন্ত্রাদি নিরূপণ করা।
- ৫। দেশীয় ব্যক্তিগণকে গভীর সমুদ্রে জাহাজের সাহায্যে মাছ ধরিবার পদ্ধতি শিক্ষা দেওয়া।

পশ্চিমবঙ্গ সরকারের মৎস্য বিভাগের সচিব এবং ভারত সরকারের মৎস্য-পরামর্শদাতা দুইখানি জাহাজ ক্রয় করিবার



মাছ বাছাই হইতেছে

ও বিশেষজ্ঞগণের সহিত পরামর্শ করিবার জন্ম ১৯৫০ সালের জুলাই মাসে ইউরোপ যাত্রা করেন। সেখানে অবস্থানকালে ইঁহারা বহু আলোচনা এবং পরামর্শ করিয়া দুইখানি জাহাজ ক্রয় করিবার ব্যবস্থা করেন। এদেশের গভীর সমুদ্রের মাছ ধরিবার উপযোগী করিবার জন্ম জাহাজ দুইখানির সাজসজ্জামের কিছু অদলবদলও করা হয়। জাহাজ দুইখানির মোট দাম পড়ে ৫,৯১,১৭২ টাকা ; জাহাজ দুইখানির বিদেশীয় নাম বদলাইয়া বাংলা নামকরণ করা হইয়াছে 'বরুণা' ও 'সাগরিকা'। বরুণাতে ৫৫ টন মাছ এবং সাগরিকায় ৬৪ টন মাছ রাখিবার ব্যবস্থা আছে। 'বরুণা' ৭২ ফুট ৭ ইঞ্চি লম্বা এবং ১৯ ফুট ৩ ইঞ্চি চওড়া ; 'সাগরিকা' ৭৪ ফুট লম্বা এবং ২০ ফুট ৭ ইঞ্চি চওড়া।

১৯৪৭ সালের সেপ্টেম্বর মাসে 'বরুণা' এবং ঐ সালের জুলাই মাসে 'সাগরিকা' নির্মিত হইয়াছিল।

দুইখানি জাহাজ পরিচালনার জন্ম কর্মচারিবৃন্দের সংখ্যা, বেতন, ভাতা ইত্যাদির হার এইরূপ ছিল :

- ১। বিশেষজ্ঞ একজন—মাসিক বেতন ৩০০ পাউণ্ড ; দৈনিক ভাতা ৩ পাউণ্ড (তীরে অবস্থানের সময়), ১ পাউণ্ড ১০ শিলিং (জাহাজে অবস্থানের সময়), বিনা ভাড়ায় সজ্জিত গৃহ।
- ২। অধ্যক্ষ (Skippers) দুই জন—মাসিক বেতন প্রত্যেকের ১৭৫ পাউণ্ড ; দৈনিক ভাতা ৫ টাকা ; বিনা ভাড়ায় সজ্জিত গৃহ।
- ৩। মাছ ধরিবার মাল্লা ছয় জন—মাসিক বেতন প্রত্যেকের ১১৪ পাউণ্ড ; দৈনিক ভাতা ৫ টাকা ; বিনা ভাড়ায় সজ্জিত গৃহ।



'বরুণা' জাহাজের ডেকে মাছের স্তপ

গার্ডেনরীচে একটি কার্যালয় স্থাপন করা হয় ; এইখানে জাহাজ দুইখানির কর্মচারীবৃন্দের জন্ম বিশ্রামের স্থান, ছোট-খাটো রকমের মেরামতের জন্ম একটি কারখানা, মাছ রাখিবার স্থান প্রভৃতিও আছে।

১৯৫০ সালের অক্টোবর মাসের প্রথমে জাহাজ দুইখানি ডেনমার্ক হইতে রওনা হইয়া কলিকাতায় ১২।১৩ই ডিসেম্বর পৌঁছায়। ২৬শে ডিসেম্বর জাহাজ দুইখানি মৎস্য ধরিবার জন্ম প্রথম অভিযানে বাহির হয়। ১৯৫৩ সালের সেপ্টেম্বর মাস পর্যন্ত দুইখানি জাহাজ ৪৬ বার সমুদ্রে গিয়াছে এবং ৪৭৪ দিন সমুদ্রে অতিবাহিত করিয়াছে।

এই ৪৭৪ দিনে ২৩২৪৭ মণ মাছ ধরা হইয়াছে। অর্থাৎ, দৈনিক মোটামুটি ৪৯ মণ। মাছ বিক্রয় করিয়া ৩৮৯২৪০৭ টাকা পাওয়া গিয়াছে। প্রথম অবস্থায় মাছ বিক্রয়ের কোন সুব্যবস্থা করা সম্ভব হয় নাই। মৎস্যব্যবসায়িগণ সমুদ্রের মাছের ব্যবসা আরম্ভ করিতে দ্বিধা প্রকাশ করেন। প্রথম তিনটি অভিযানে যে মাছ পাওয়া গিয়াছিল মৎস্য বিভাগের কর্মচারিগণ কর্তৃক তাহা প্রধানতঃ নীলামে বিক্রয় করা হইয়াছিল।

বর্তমান এজেন্ট এইরূপ মূল্য দিতেছেন : ভালু মাছ প্রতি মণ ৫২০ টাকা, ছোট ছোট চাঁদা, ভোলা প্রভৃতি মাছ প্রতি মণ ২৪০ টাকা হইতে ১০৭ টাকা, এবং সার্ক, রে মাছ প্রভৃতি প্রতি মণ ৬০ টাকা।



জাহাজের গিট খোলা হইতেছে




ভেটকি মাছ

দুইটি জাহাজের সাহায্যে নিয়মিতভাবে মাছ সরবরাহ করা সম্ভব নহে, এবং বিভিন্ন স্থানে খুচরা বিক্রয় করাও লাভজনক নহে। এই কারণে একজন এজেন্ট নিযুক্ত করা হয়। বর্তমানে আর একজন এজেন্ট নিযুক্ত করা হইয়াছে। জাহাজ হইতে এজেন্ট নির্দিষ্ট সময়ের মধ্যে মাছ বাহির করিয়া তাঁহার নিজের খরচে গুদামজাত করিবেন। বিভিন্ন স্থানে পাঠাইবার ও বিক্রয় করিবার ব্যবস্থাও তিনি করিবেন।

পরিকল্পনাটিকে এখনও পরীক্ষামূলক বলা যাইতে পারে। বিভিন্ন প্রকারের তথ্য আবিষ্কার করাই ইহার উদ্দেশ্য। সুতরাং এই পরিকল্পনা অনুসারে সমুদ্রে মাছ ধরিবার সহিত এখন পর্যন্ত লাভ লোকসানের কোন প্রমাণ নাই। তবে আশা করা যায়, যাবতীয় তথ্য অনুসন্ধানের পর গভীর সমুদ্রে মাছ ধরা ব্যর্থতায় পরিণত হইবে না।*

* পশ্চিমবঙ্গ সরকার কর্তৃক প্রকাশিত "Harvest of the Deep Sea" পুস্তিক। অবলম্বনে লিখিত।





মহামুক্তি

শক্তিপদ রাজশূর

কুলের প্রথম জন্ম হয়েছিল কোন ক্ষণে, কবে কোন মুহুর্তে নবকিশ-
লয়ের শীর্ষে প্রকৃতি এনেছিল তার জন্মের ইচ্ছিত, পাঙ্কায় আড়াল
থেকে ধীরে ধীরে কি করে সে চোখ মেলেছিল আকাশের পানে
নিজের রূপসগন্ধসৌরভ নিয়ে, মাঝে মাঝে তার সংবাদ রাখে না।
সংবাদ রাখে না তার নিজেকে সুন্দরতর করে তোলায় সাধনার।
কিন্তু যেদিন হয় তার উদ্বোধ, তখন মানুষ চেয়ে থাকে তার দিকে
মুগ্ধ দৃষ্টিতে, খবর পৌঁছে যায় ভ্রমরের কানে। সেও জানাতে আসে
গুঞ্জনধ্বনিতে বনভঙ্গল মুগ্ধ করে তার বন্দনাগান। একটা—বড়
জোর হুটো দিন সে দেখে নেয় চোখ মেলে পৃথিবীকে, ভ্রমরের
পরাপলাঙ্কিত পদক্ষেপের মুহুর্তে সে স্বপ্ন দেখে সৃষ্টি, দিনের সূর্য্যের
বিদায়ের সঙ্গে সঙ্গেই অন্ধকার হয়ে আসে তার পৃথিবী—তারপর?
রাতেই অন্ধকারে নক্ষত্রের পানে শেষ চাওয়া চেয়ে সে করে পড়ে।
কেউ রেখে যায় ঝরে-পড়া বৃন্তে তার আগামীদিনের সৃষ্টির বীজ,
কেউ বিনা পরিচয়েই নীরবে চলে যায়।

প্রকৃতির এই বীতি মানুষের ক্ষেত্রেও প্রযোজ্য। যে কুল
বিনা পরিচয়েই ঝরে গেল পৃথিবী থেকে—তাদের আসাও যদি সত্যি
হয়, তবে নামহীন গোত্রহীন তারা চলে যায় পৃথিবী থেকে, তাদের
জীবনও সত্যি—তাদের জীবনও সুন্দর। আমার কাহিনী তাদেরই
এক জনকে নিয়ে।

হুপুং হয়ে গেছে। সকাল থেকে পাকা সাত ক্রোশ পথ হেঁটে
এসেছি। মাঠপথ—আল টপকে নালা ঝাঁপ দিয়ে পার হয়ে নানা
কসবত করে আসার জন্তে পরিশ্রম হয়েছে দ্বিগুণ। তেঁটা মিটিয়েছি
কুয়ে নদীর জলে। কালো জল ঘন অজ্জুনগাছের নীচে দিয়ে
এঁকে-বঁেকে চলে গেছে, কয়েক আঁজলা মুখে-চোখে দিয়ে ঢক্ঢক্
করে গিলে চলেছি, শুকনো গলা ভিজল, কিন্তু পেটের জ্বলুনি
ধামল না। তখনও নার্ন র পৌঁছতে প্রায় তিন ক্রোশ পথ বাকী।
রোদের তেজও বেড়ে উঠেছে, পথ হাঁটা যাবে না, বাধ্য হয়েই
ঝাঁকড়া বটগাছতলাতে একটু গড়িয়ে নেবার যোগাড় করছি, হঠাৎ
কার ডাকে ফিরে চাইলাম।

“নদীর জলে যদি পেট ভরতো তা হলে সমাই যি ভেক
লিত গো?”

কাটা ঘায়ে হুনের ছিটের মত চিন্চিন করে ওঠে মনটা। ফিরে
চাইলাম—দেখি নদীর জলে চাল ধুচ্ছে একটা মেয়ে। ধারালো
চুরির ফলার মত এক ঝিলিক হেসে বসে উঠে, “ঘর পালিয়ে এসেছ,
না বোয়ের সঙ্গে ঝগড়া করে বিবাহী হইছ?”

“ওসব বালাই-ই নাই।”

জবাব শুনে নিলজ্জের মত হাসছে মেয়েটা। মাথার উপর
একরাশ এলোচুল চূড়া করে বাঁধা, পরনে গেরুয়া বড় ছোপানো

কালোপেড়ে সাড়ী। নিটোল পরিপুষ্ট গড়ন। সম্বর্ণে এঁটেল মাটির
উঁচু ‘পাড়ি’ বয়ে উঠে এল আমার দিকে। তীক্ষ্ণ দৃষ্টিতে খাতিকক্ষণ
চেয়ে থেকে বলে, “কোথায় বাবা?”

—নার্ন র।

—“সী ত ঢেক পথ, শুকিয়ে থাকবা কেনে? আমাদের সঙ্গেই
হুঁমুঠো সিজিয়ে দোব?”

“না।” প্রতিবাদ করি দৃঢ়ভাবে।

মেয়েটির চোখে খেলে যায় হাসির একটু ঝিলিক। মাথার
একরাশ চূড়াকরা চুল ভেঙ্গে গিয়ে লুটিয়ে পড়েছে কাঁধের উপর—
কালো চুলের বাশ যেন ফেঁপে উঠেছে মস্ত উয়ালে।—“জাত
যাবে? পথে বার হয়ে এখনও আছে লাগছে উয়াল?”

বাধ্য হয়েই সত্যি কথাটা বলে এড়াবার চেষ্টা করি—“পরসাকড়ি
কিছুই নাই।” এতক্ষণে দেখি হাসির রূপ বদলেছে।

“লাজ-লজ্জা-ভয় তিন থাকতে লয়। ভোগায় জন্তে পথ লয়
গোঁসাই, ফিরে গিয়ে সংসার করগা। চাম-টাম করে এস—আমি
ভাত চাপাচ্ছি। উখালেই খাবে ইঁকোলা।” চলে গেল মেয়েটি।

হুপুংয়ের বোদ হৃদয়ে হয়ে আসে। নির্জন নদীতীরের হুঁপাশে
ঘন অজ্জুন কাদাজাম শরঝোপ মুখর হয়ে উঠে পাখীর কাকলিতে।

“ওই, বাঃ বাহারের লোক ত তুমি, দিব্যি খেয়ে-দেয়ে সটান
নাক ডাকাচ্ছি। ইদিকে বেলা যে শেষ হয়ে এল।”

লজ্জা পেয়ে গেলাম। দেখি ওদের জিনিষপত্র সব বাঁধা হয়ে
গেছে হুটো খলিতে। জিনিষপত্র বলতে হুঁকোকল্কে—একটা
এনামেলের হাঁড়, টুকিটাকি কি সব, আর একটা লাউয়ের খোলের
তৈরি একতারা। আমিও উঠে পড়লাম ওদের সঙ্গে। নদী পার
হয়ে আলপথ ধরে আবার শুরু হ’ল পথচলা। আগে আগে
গগনদাস—মধ্যখানে কদম—পিছনে আমি।

কীর্ত্তাহার ইষ্টিশানে এসে দাঁড়ালাম। এদের ছেড়ে যেতে
হবে এইবার। গগনদাস বলে উঠে—“পথ ত সবই সমান। চল
কেনে আমারই ওখানে?”

দেখি আর একজোড়া কাজলকালো চোখ নীরব ভাষায় আমার
দিকে চেয়ে রয়েছে। পরক্ষণেই চোখের তারায় তারায় সেই
বিজ্রপের চমক।

—“উত যাবে নার্ন র?”

—“ধাম না তুই। তা হলে তিনখানাই টিকিট করি কি বল?”

সেই থেকেই রয়ে গেলাম গগনদাসের সঙ্গে, কিসের আকর্ষণে
ঠিক জানি না।

বাংলার পশ্চিম সীমান্ত, সাঁওতাল পরগণার কাছাকাছি অঞ্চল।

এককালে মোগল পাঠান সকলেরই পায়ের চিহ্ন পড়েছিল, মহাকালের ইতিহাসের পৃষ্ঠায় রচিত হয়ে চলেছে নূতন অধ্যায়— তাই তাদের পায়ের চিহ্নও নূতন পদচিহ্নের ভিড়ে হারিয়ে গেছে, তবু আজও ধ্বংস-পড়া প্রাসাদের ধ্বংসস্তুপে, বনানীর মর্ষরক্ষনিত্তে দূর আমলাঘোড়ার পাহাড়কোল থেকে শালকুলের গন্ধমদির বাতাসে, দিগন্তসীমার পলাশের রক্তরাগের ভাবায় মনে পড়ে সেই বিশ্বৃত যুগকে। মুসলমানশাহী অত্যাচারের কঠিন পাষণগাজেও ফুটে উঠেছিল হু'একটি জাফরানী বড়ের ফুল, চেহেলস্তর কোন ভালবাসার আমেজ লাগা গুলাবী তার নেশা, খোশবু তার দেশকালের সীমা পার হয়েও চলে এসেছে উত্তরযুগে। ওদের ধ্বংসলীলা সুফীযাদের বীজকে নিঃশেষ করতে পারে নি। চিশতী, সুয়াবদী, কাদিরী, নক্সবন্দী প্রকৃতি প্রেমপন্থী সাধকদের উত্তরসাধক হয়ে আজও সেখানে রয়ে গেছে দরবেশ, শাই-আউল-বাজিলের দল। ওদের দেশ নাই— জাতি নাই—সমাজও নাই। বাস্তব জগতের মানুষের কাছে ওরা অসার, অনিষ্ঠা, অপব্যয়।

গগনদাস কক্ষ ওদেরই দলে।

বলে গগনদাস—“মরার ত কোন সামাজিক দায় নাই। মরলেই সব দায় থেকে খালাস। আমাদিকে মরানি মনে কর।”

প্রথম প্রথম আমারও ওদের কথাগুলো পাগলের প্রলাপ বলেই মনে হয়েছিল। বাতুল মানেই পাগল। কিন্তু তখনও ঠিক ওদের চিনতে পারি নি।

সন্ধ্যা নেমে আসে গ্রামের প্রান্তে গগনদাসের আশ্রমে। হু'দিকে ধানী জমি, একপাশে গ্রামের সীমানা। পশ্চিমদিকে লাল-কপিশ প্রান্তরের প্রান্তে শালবনের প্রহরা। দূরে উজ্জ্বল আকাশে হুমকায় পর্বতশ্রেণী আবছা অন্ধকারে মুর্ত্তিমান প্রেতাঙ্গার মত আকাশজোড়া তমসার বৃহৎ রচনা করেছে। ভীকু চাহনি মেলে ফুটে উঠে হু'একটা তারার রোশনাই। গ্রামের দিক থেকে ভেসে আসছে শব্দ-কঁসবের শব্দ। মন্দিরে কোথায় আরতি হচ্ছে। এদের দেবতা প্রেমময় কোন নিরাকার মহাপুরুষ—যাঁর প্রেমে নিজেকে বিলিয়ে দেওয়াই এদের সাধনা। গগনদাসের সুর শোনা যায় :

“ও তোর কিসের ঠাকুরঘর ?

(যারে) ফাটকে তুই করলি আটক

তারে আগে খালাস কর—

মস্ত্রে তস্ত্রে পাতলি যে ফাঁদ

দেবে সে কি ধরা ?

(ওরে) উপায় দিয়ে কে পায় তারে

শুধু আপন ফাঁদে মরা”

আবছা অন্ধকারে কার পায়ের শব্দে মুগ্ধ ভুলে চাইলাম। কদম এসে নিঃশব্দে বসল, কয়েক দিন থেকে লক্ষ্য করেছি ওর মধ্যে একটা পরিবর্তন। মাঝে মাঝে ওর হাসির স্বচ্ছধারার কোথায় যেন চিন্তার গুরুভার পাথর এসে বাধা দেয়। মনে হয় এই জীবনকে মেনে নিতে সে হয়ত পারে নি। ভ্রাম্যমাণ জীবন...

কোথাও কোন বাধন নেই, পৃথিবীর সমস্ত উপভোগ থেকে নিজেকে বঞ্চিত করার কেন এই সাড়বর আয়োজন ? তার হাতখানা অজ্ঞাতসারেই আমার হাতে এসে পড়ে। নরম একটু স্পর্শ, কেমন যেন একটা শিহরণ ! তার প্রশ্নে একটু বিস্মিত হয়ে বাই, “তুমি কেন এ পথে এসেছ ?”

কদমের কণ্ঠস্বরে কি যেন একটা ব্যাকুলতা ! জবাব দিই “কোন পথ আর পাই নি।”

“তাই সামনে যে পথ পেয়েছ তাই ধরেই চলেছ তুমি ?”

মনে মনে ভাবি হয়ত তাই। নিজের অতীত জীবনের ব্যর্থ কাহিনী আজ আমার কাছেই বড় হয়ে ওঠে।

জাত-বোষ্টমের ছেলে, জন্ম-ইতিহাস সঠিক জানি না—হয়ত কোন তিমির বহুস্তাবৃত। জীবনরক্ষার প্রয়োজনে বাবা ধর্মের ধ্বজাধারী হয়, আমি ছেলেবেলা থেকেই তাদের আওতায় মাহুব হয়েছি। আখড়ার ফুল তুলতাম, মন্দির সাক্ষ্য করতাম—মজ্জবের সময় এঁটো পাতা পরিষ্কার করেছি। আরতির সময় খোল বাজানো কীর্তনের ধুয়ো ধরা, দোয়ার্কে করা কোনটাই বাদ যায় নি। ধর্মের মতি ছিল বলে মোটেই নয়, চাটি ভাতের জন্তে লোকে কাজ করে—আমিও তাই করেছিলাম।

“হঠাৎ সে সব ছেড়ে চলে এলে কেন ? এখানে কি কাজ না করে যেতে পারে ?” কদমের কথায় বিরক্ত হয়ে উঠি। নিজের উপরও রাগ হয়।

হাতের উপর নরম চাপ পড়ে, যেন অল্প মোচড় দিচ্ছে হাতটাতে, “রাগ করলে ?”

চূপ করে থাকি। অতীত দিনের ছবিগুলো চোখের সামনে ভেসে ওঠে। আখড়ার শ্রাম ছায়াঘন সেই গোলাপজাম গাছগুলো, নিমগাছের ডালে ডালে মাধবীলতার গুচ্ছ, সন্ধ্যার সময় ভিজে ঘাসের সোদা গন্ধের সঙ্গে বুমকো লতার বুক থেকে ভেসে আসত মিঠে একটা সুবাস...কার দুটো কাজলকালো চোখ—শত কাজের ফাকেও চেয়ে থাকত আমার পানে। অনাজাতা ফুলের মত নব-যৌবনের প্রথম বসমদির একটি মন...মালতী।

“কথা কইছ না যে ? সেই আখড়ায় আর কে ছিল ?”

কদমের ডাকে ফিরে এলাম আবার সেই পৃথিবীতে, লাঙ্গমাটির বৃকে—তারাতারা আকাশের নীচে।

এমনি কত সন্ধ্যায় মধুগন্ধভারাক্রান্ত তারকিণী বাজির আকাশ-তলে বসে থাকতাম আমি আর মালতী। কত কথা—সে ভাষাও আজ ভুলে গেছি।

শেষদিনের কথা মনে পড়ে। আখড়ার বাঙ্গাগোঁসাইয়ের সঙ্গে তার মালাচন্দনের ঠিক হয়ে গেছে। বাঙ্গা গোঁসাই-ই হবে এর পর মোহাড) তার দাবিই সর্ব্বাঙ্গে। সেখানে আমি মন্দিরের একটা সামান্য পেটগোরাকী চাকর ছাড়া কিছুই নই, আমার কোন কথাই ওঠে না। মালতীর চোখে জল...মনের কোণে কি তার কোন

কামনাই ছিল না আখড়ার মালিক হবার? না হলে কেন সে চলে এল না আমার সঙ্গে—বুড়ো রাজাগোসাইকেই মেনে নিল?

তবু আজও মনে পড়ে মালতীর চোখের জল, তার স্তব্ধ ক্রন্দন, আমার মনে সেইটুকুই থাক সান্ত্বনা, একজনও ভালবেসেছিল, একজনও ফেলেছিল আমার জন্তে তার চোখের জল—থাক না সে লোকচক্র অস্তবালে একান্ত আমারই সান্ত্বনা হয়ে।

সেই রাত্রিই আমার বিলীখাসপুরের আখড়ার শেষরাত্রি হয়ে আছে এ কথা কদমকে বলতে পারি না।

দেগি একদৃষ্টে কদম আমার দিকে চেয়ে রয়েছে। অজ্ঞাতসারে কদম কখন আরও কাছে এসে বসেছিল জানি না, তার উষ্ণ নিঃশ্বাস আমার কপোলে পরশ দেয়...ওর দেহের উত্তাপ আমাকে চঞ্চল করে তোলে—উঠে পড়লাম নীরবে।

রাত্রি নেমে আসে নির্জন আখড়ার বুকে। জানালার বাইরে ফুটন্ত কয়েকটি করবী ফুলের গাছের ওপাশে বাউলদের সমাজগড়ার স্মৃতিপ্রদীপটা জ্বলে জ্বলে শেষ হয়ে গেছে। ভেগে আছে আকাশের দু'একটা তারা। চারিদিক নীরব, নিস্তব্ধ, মাঝে মাঝে ভেসে আসে শিয়ালের ডাক।

ঘুম ভাঙল তখন বেলা অনেক হয়ে গেছে। সোনালী রোদ লুটিয়ে পড়েছে মহুয়া গাছের ঘনকালো পাতায়—আখড়া প্রায় জনশূন্য। গগনদাস গেছে গ্রামান্তরে মাধুকরীতে। সন্ধ্যা স্নান সেরে কদম ফিরছে ঝরণা থেকে ভিজে কাপড়ে। মিঠে সোনালী রোদে ভরে গেছে চারিদিক। গুন গুন করে একটা কলি গাইতে থাকি :

প্রভাতে উঠিয়া ও মুখ দেখি

দিন যাবে আজি ভালো—

কদমের মুখে সেই ধারালো হাসির ঝিলিক। দাওয়াতে কলসীটা নামিয়ে রেখে ভিজে কাপড়খানা বাশের আলনায় মেলে দিতে দিতে বলে, “এটা বোষ্টমের আখড়া লয় গোসাই যে মালসামভোগ পাটবে, আর আদিরসের কেতন গাইবে, চল দিকি মুষ্টিভিক্ষায়।”

“এই কথা! তোমার সঙ্গে আগুনেও দৌঁতে পারি—ভিক্ষে ত সামান্য কাজ।”

কথা কইল না কদম, মুখ তুলে স্থির দৃষ্টিতে চেয়ে থাকে আমার দিকে।

গ্রামের পথে দুজনকে একসঙ্গে দেখে অনেকেই বিস্মিত দৃষ্টিতে চেয়ে রয়েছে। কে যেন মন্তব্য করে, “এটিকে জোটাল কোথেকে হে?”

প্রতি গৃহস্থের বোঁ-ঝি ছেলেমেয়েদের মাঝে কদমের অবাধ গতি। অনেক কোঁতুলী দৃষ্টির সামনে নিজেকে বিব্রত বোধ করি।

ফিরতে বেলা হুপুর গড়িয়ে যায়। তীব্র রোদের লেলিহান শিখা হাজার রেখায় নৃত্য করে বিসর্পিল গতিতে। লাল ধুলোর

বুকে ঘূর্ণিহাওয়া বনতলের সাড়া আনে, ধরণীর নিঃশ্বতাকে প্রকট করে তোলে বৈরাগীর একতারার উদাসী সুর।

কয়েকটা মাস কোন্ দিকে কেটে গেল জানতে পারি নি। সেদিন সন্ধ্যার সময় গগনদাসের গ্রামের কয়েকজন মাতব্বরকে নিয়ে পবন চাটুজোকে আসতে দেখে সরে এল কদম। লোকটাকে হুঁচোখে দেখতে পারে না সে। ইতিপূর্বে পথে-ঘাটে নির্জন বনের ধারে কদমকে কয়েকবারই প্রেমনিবেদন করবার ব্যর্থ চেষ্টা করেছে, হুঁচোর ‘মাপ’ ধান সাজাবন্দোবস্ত করে দিয়ে পাকাপাকি করবার প্রস্তাবও করে নি তা নয়। হেসেছিল কদম, “আমাকে রাখতে লারবা ঠাকুর। ধান তোমার বনশুয়োবেই থাকে। তার চেয়ে বিচে-খুচে ঠাকুরের নারকেল ফুল কিনে দিও, দোজপক্ষের গিল্মী খুনীও হবে—জিনিষটাও ঘরে থাকবে।”

সেই থেকেই পবন চাটুজো কদমের নামে প্রকাশেই বিদ্রোহ ঘোষণা করেছে।

আজ তারাই দল বেঁধে এসেছে—আশ্রমে সামান্য কিছু সাহায্য যা করে তারই দাবিতে হুমকি দিতে এসেছে।

“ওই যে নতন চেলাটি তোমার, ওর সঙ্গে মাধুকরী করতে দাও কেন কদমকে?”

আর একজন বলে উঠে, “ওকে গাঁ ঢুকতে দেব না—ওর মতলব ভাল নয়—”

“কোথেকে এনেছ ওটিকে?”

“হ্যাঁ, ওই কদমই জুটিয়ে এনেছে বুঝলে না।”

অন্ধকারে মালতীগাছের পাশে দাঁড়িয়ে দাঁড়িয়ে ওদের কথা-গুলো শুনছিলাম। সারা শরীরে জ্বালা ধরে আসে। মনে হয় বিনা প্রতিবাদে এখান থেকে চলে যাওয়াই বোধ হয় ভাল।

গগনদাস কি জবাব দেয় ঠিক বুঝা গেল না, কদমকেও দেখি না আশেপাশে। অনর্থক আমার জগুই তাকে এই কলঙ্কের ভাগী হতে হ'ল।

চলে যাওয়াই ভাল, এত বড় পৃথিবীতে ঠাই কি কোথাও হবে না। পরদিন সন্ধ্যাবেলাতে আমিই কথাটা তুললাম। গগনদাসের মুখে মলিন মন্বুর হাসি।

“ওরা চিরকালই ওই কথা বলবে। মানুষের দোষগুণ সবই আছে বাবা। তা নিয়েই মানুষ...এর জগু হুঃখ করো না, হুঃখ হয়ত পাবেই, সেই পথে ভগবানকে পাওয়ার সাধনাই করতে হবে—”

চূপ করে যায় সে। অতল অন্ধকারের মতই অতল চিন্তা কি যেন তার মনে তোলপাড় করে। গুন গুন করে সে সুর ধরে উদাস দৃষ্টিতে :

“হুঃখে হুঃখে জলুক রে আগুন,

পরান ফেটে আধার কেটে

বার হোক রে আগুন।”

সুরটা ছড়িয়ে পড়ে আধার আকাশের বুকে। মনের অসীম

উদার উপলব্ধির ব্যাকুল আবেদনময় সে সুর—তারই মূর্ছনা
ঝরাপাতার মর্ম্মরধ্বনিতে, দিকছায়া বাতাসের মাঝে।

নীরব শব্দায় মনটা ভবে ওঠে, এতদিন ঠিক চিনি নাই ওকে।
ভাবতাম বিল্লীখাসপুরের আখড়ায় ঝাদের দেখে এসেছি এ তাদেরই
শ্রেণীর একজন—ওই রাঙাগোঁসাইয়ের দলেরই, ধর্ম্মের নামে ক্ষমতা-
প্রভুত্ব-বিলাসভোগীদেরই দলে, কিন্তু আজকের রাত্রির পরিচয়
আমার ধারণা ণানিকটা বদলে দিল।

ঘরের দাওয়ায় উঠতে যাব সামনে দেখি কদম, বলে উঠে সে-ই,
“বাবাজীকে এগনও চেন নি—অমন মানুষ হয় না।”

হেসে ফেলি, “চিনতে কি চাই তোমাকেই পেরেছি?”

এগিয়ে আসে কদম, “চেনবার চোখই তোমার নাই।”

আবছা তারার আলোতে কেমন যেন একটা শিহরণ। দূরে
শালবনে যে ঝড় উঠেছে—একটা চাপা দীর্ঘশ্বাস—কদমের কালো
চোখের কোলে চিক চিক করে ছুঁফোঁটা জল, একটা নিবিড় স্পর্শ,
খোঁপায় গোঁড়া মালতী ফুলের মৃদু স্রবাস সবই যেন কেমন ঘুলিয়ে
যায়। নিজেকে নিবিড় অন্ধকারে হারিয়ে ফেলেছি।

“ছাড়, কেউ এসে পড়বে।” কদম নিজেকে ছাড়িয়ে নিয়ে
ক্ষিপ্ৰপদে মিলিয়ে গেল অন্ধকারের মধ্যে।

রাত্রে হঠাৎ কার চীৎকারে ঘুম ভেঙে গেল। চোখ মেলেই
অনুভব করলাম—গলার কাছে একটা কি যেন চাপ বেঁধে শ্বাসবোধ
করবার উপক্রম করেছে। চোখের সামনে ঘরের চালটা দাউ দাউ
করে জ্বলছে। কপাটে কে ঘা দিয়ে চলেছে।

কোন রকমে কপাটটা খুলে বার হয়ে এলাম, বাবান্দাটা জ্বলছে,
বাঁশ ফাটার শব্দে নৈশ আকাশ মুগ্ধ, আগুনের আভায় করবী-
মল্লিকা গাছগুলো আধাপোড়া হয়ে গেছে।

ছুটে আসছে কদম, মাথার চুলগুলো খুলে পড়েছে, আঁচলটা
পুঁটাচ্ছে মাটিতে, আমাকে জড়িয়ে ধরে হাঁফাতে থাকে, “লাগে নি
ত কোথাও?”

উত্তর দেবার অবকাশ নাই। কুয়ো থেকে জল তুলতে যাব,
বাধা দেয় গগন, “পুড়ুক।”

থমকে দাঁড়ালাম, মুখে-চোখে তার কোন ভাষাস্তর নেই।
নির্বিষ্কার হয়ে দাঁড়িয়ে দেখছে জ্বলন্ত ঘরপানার পানে।

গ্রামের ছাঁচার জনও মজা দেখতে এসেছে। কে যেন বলে
উঠে, “আশ্রমে পাপ স্পর্শ না করলে ব্রহ্মার কোপ হবে কেন?”

গগন কোন উত্তর দেয় না। আমি জানি কথাটা কার উদ্দেশ্যে
এবং কাজটা ঘটলই বা কেন।

ভোর হয়ে আসতে দেরি নেই, লোকজন ফিরে গেছে সবাই।
পোড়া ঘর—কালো ছাই—অন্ধারের রাশি—জ্বলন্ত বাঁশের নিবু-
নিবু অগ্নিশিখার পাশে শ্মশানের চিতাভস্ম আগলে বসে আছি
আমরা তিন জন।

—“আবার সব গড়ে তুলব বাবাজী”

কদমের কথায় মুখ তুলে চাইল গগন। মুখে তার একটুকরো

মলিন বিষয় হাসির আভা। আগুনের নিবু-নিবু শিখায় দেখি তাতে
যেন বিষাদ ঝরে পড়ছে।

“লাভ কি কদম? দরবেশ-দিওয়ানা-বাউল, তাদের মাথা
গুঁজতে এত বড় আকাশই আছে।”

“তাই বলে ওদের ভয়ে পালাব?”

“ওরে ঝগড়া করা যে আমাদের ধর্ম্মের বাইরে। ওরা
না চায় এ মাটিতে থাকবি নে। ঢের ঠাই আছে এই ছুনিয়ায়।
আর শোনু মায়া কাটাতেই পথে নেমেছি—তবে আর এ ঘরের
মায়া কেন রে?”

মাটির নিবস্ত্র আগুন বিস্তারলাভ করেছে পূর্ব আকাশের
কোলে—মুক্ত উদার শালবনসীমার উর্ধ্বে তমসাচ্ছন্ন আকাশের বৃকে
আলোর নিশানা। ঘুমভাঙা পাখীর ডাক আবছা অন্ধকার ভেদ
করে কানে আসে। স্তব্ধ হয়ে পূর্ব আকাশের দিকে চেয়ে, নূতন
আলোকশিখার সন্ধানে বসে রয়েছে গগনদাস।

“কদম—”

গগনের ডাকে মুখ তুলে চাইল সে, তার চোখেও জল। কথা-
গুলো শুনে স্তব্ধ হয়ে যায় কদম।

“আমি একাই যাব রে—”

আর্তনাদ করে ওঠে কদম, “জানি কেনে তুমি আমাকে ছেড়ে
যাচ্ছ। বাবাজী—শেষকালে তুমিও আমাকে সন্দেহ করলে।”

“ছিঃ, কদম। তুই-ই আমার গুরু। তুই গাইতিস মনে পড়ে :

‘হৃদয়-কমল উঠেছে গো ফুটে যুগ যুগ ধরি

তাতে তুমিও বাঁধা আমিও বাঁধা—উপায় কি করি।’

মুক্তি পেতে গেলে তাই সব বাঁধনই ছি ডতে হবে রে।”

আখড়ার ভস্মস্তূপের নীচে সমাধিস্থ হয়ে রইল কদমের কত স্বপ্ন-
রঙীন সঙ্গীতমুগ্ধ দিন। নির্জন প্রাস্তরের বিস্তৃত গুধু বৃদ্ধি পেল
মাত্র। এক বৈশাখী ঝড়ে লাল ধুলো আর বনের ঝরাপাতা আখড়ার
ভস্মস্তূপের স্মৃতিকাবাকে বিস্মৃত করে দিল।

গগনদাস কোথায় চলে গেছে, আমি আর কদম তখন এক-
চক্রাগর্ভাবাসের গ্রামসমায় দ্বারকানদীর তীর ধরে চলেছি সীমাহীন
পথরেণায় কেন্ নূতন দিগন্তের সন্ধানে।

শীতের শেষ। মাঠের সোনাধানের আস্তরণ মিলিয়ে গেছে।
বিস্তৃত শাখার বৃকে লাগে দূর্ব আকাশসীমা হতে ছুটে আসা হিমেল
হাওয়া, কোন রক্তসন্ন্যাসীর তীব্র নেত্রশাসন মৌনমুক নিঃশ্ব কবে
রেখেছে ধরিত্রীকে। শিমূলগাছের ডালে তুলো ফুটে শুরু হয়েছে,
নীচের বনঝোপের মাথায় হাজারোকণা তুলোর আস্তরণ; দমকা
হাওয়ায় পথের ধুলো উড়ে চলে—তারাপীঠে পৌঁছতে সেদিন সন্ধ্যা
হয়ে গেল।

“চল না পাব হয়ে যাই, কোশতিনিক মাঠ পবেই ত
মল্লাবপুর ইষ্টিশান—”

অজানা পথ, যেতে চাই না। বাধ্য হয়েই অনিচ্ছাস্বপ্নেও
থাকতে হ’ল কদমকে।

মন্দিরে সন্ধ্যারতি হয়ে গেছে, শঙ্খ-ঘণ্টা আর টিকারার শব্দ
দ্বারকার বেশ্বনসমাকীর্ণ সীমারেণা পার হয়ে মিলিয়ে গেল দূর
দিগন্তে । কয়েকজন সাধু-সন্ত-তান্ত্রিক ওদিকে নানা তর্কে মত্ত ;
মায়াবাদ অদ্বৈতবাদ—পিঙ্গলা-সুবুমা নাড়ীর তন্ত্রব্যাখ্যায়—তর্কে-
বিতর্কে মুগ্ধ হয়ে উঠেছে মন্দির-প্রাঙ্গণ ।

৩৬ পাণ্ডিত্য আর উৎকট আত্মপ্রতিষ্ঠার জোরালো যুক্তির চোটে
মন্দিরের দর্শকস্বাতীরা অতিষ্ঠ হয়ে উঠেছে । এমন সময় মন্দিরের
পূজারী পড়ম পায়ে আসছিলেন, কদম আর আমাকে দেখেই
দাঁড়ালেন । মুখে তার মুহূ হাসি,

“একটু নামগান হোক—না হোক দেহতন্ত্র ।”

প্রণাম করে হাসে কদম—“অধম আমবা, কিই বা জানি বাবা ?”

তবুও তার একতারায়ে বেজে উঠে রিণি রিণি সুর । ওদের
তক খেমে যায় । শিখাধারী তন্ত্রজ্ঞানীর দল এসে ভিড় করেছে
আমাদের চারি পাশে । গেয়ে চলেছে কদম সুবেলা মিঠে গলায় :

ধন্য আমি শূণ্ণকুস্ত পূর্ণকুস্ত নই ।

তাই তো তোমার জলের খেলায়

বুকের তলে রই গো সগি

বুকের তলে রই ।

যাবা তোমার পূর্ণকুস্ত, তাদের রাগো গো তীরে ।

কাজের লাগি লইয়া গো যাও যখন যাও ঘরে ফিরে ।

আমি নাচি তোমার সাথে আনন্দনীরে ।

আমায় তুমি বাধলা প্রেমের বাহুতে ঘিরে ।

(তাই) জলতরঙ্গে (তোমার) বুকতরঙ্গে

নেচে আকুল হই ।

চারিদিক নিস্তন্ধ । তার্কিক পণ্ডিতের দল মুগ্ধ বিষয়ে চেয়ে
থাকে । কদমের সারা মনে বাংলার সহজ পথের পথিকের পরম
তৃপ্তির সুর । খ্যাতি প্রতিপত্তি শাস্ত্রবিধি সব হারিয়ে একেবারে
শূণ্ণকুস্ত হয়ে মহাবিশ্বের প্রেমলীলায় সেই পবন প্রিয়ের সান্নিধ্যলাভের
একান্ত কামনার সুরই ধ্বনিত হয় তার সুরে সুরে ।

কদমকে আজও চিনতে পারি নি । কোথায় যেন অসীম
বহুশ্রু ওব চারিপাশ ঘিরে রয়েছে । এত কাছে পেয়েও ওকে
ধরতে পারি নি । মাঝে মাঝে নিজেকে প্রকাশ করে ও সরিয়ে নিয়ে
গেছে সেই বহুশ্রু অস্তুরালে ।

ভোর হয়ে গেছে, মন্দিরের চারিপাশ খুঁজেও তাকে দেখতে
পেলাম না । জিনিসপত্র সবই রয়েছে, কিন্তু সে-ই নেই । আশেপাশে
খুঁজতে থাকি । রাস্তার উপরেই দ্বারকানদীর তীরভূমি । বাশবন,
বইচি-সেঁয়াকুল, বুনো ঝাড়ুয়ের বান আবৃত সরু পথটা গিয়ে শেষ
হয়েছে নদীতীরের শ্মশানে । কাদে কোলাহল, একটা পরিচিত
কণ্ঠে কান্নার শব্দ শুনে এগিয়ে গেলাম সেদিকে ।

ঘোপের এপাশ থেকে দৃশ্যটা দেখে থমকে দাঁড়ালাম । পা
দুটো কে যেন আটকে রেখেছে । বছর দশবারো বয়স হবে ছেলের
মৃতদেহ দাহ করতে এনেছে । কদমকে কোন দিনও কান্দতে

দেখি নি ওভাবে কে একজন শ্মশানবন্ধুদের মধ্য থেকে বলে
উঠে—“সবে যাও বাপু, মা হয়েও এতদিন ফেলে ছিলে, আজ আবার
কান্না কেন ?”

বলে ওঠে কদম অশ্রুপূর্ণ কণ্ঠে “তোমরাই ত তাড়িয়ে দিয়ে
ছিলে আমাকে । মায়ের বুক থেকে তোমরাই ছিনিয়ে নিয়েছিলে
আমার ছেলেকে—রাগতে পেরেছ তাকে ?”

ওপাশে কে একজন নীরবে বসে ছিল । স্তব্ধ শোকাচ্ছন্ন
চেহারা—সে-ই এগিয়ে আসে—“সেদিন আমিই ভুল করেছিলাম
আজ সব ভুল আমার ভেঙেছে । ফিরে চল তুমি, বল বাবে ?”

চোখের সামনে ছবিটা স্পষ্ট হয়ে ওঠে—কদমের পূর্বেরকার
ইতিহাস । স্বামী ঘরসংসার সবই ছিল । কিন্তু দুর্ভাগ্যই বিতাড়িত
করেছিল তাকে এই সীমাহীন পথে । তারই মধ্যে সে খুঁজেছে এত
দিন মুক্তির উপায় সমস্ত আঘাত নীরবে সহ করে ।

হাতটা ছাড়িয়ে নেয় কদম, “আর তা হয় না । সবই শেষ হয়ে
গেল যখন—তবে আর মিছে মায়্যা কেন ।”

চিতায় তুলছে ছেলেটাকে হরিধ্বনি দিয়ে । চোখের জল মুছে
এগিয়ে এল সে । বনের মধ্য দিয়ে ফিরে এলাম আমি কদমকে
দেখা না দিয়েই

বিম্মিত হয়ে যাই—কেন আজ সে তার আহ্বান—শাস্তিনীড়ের
সন্ধান প্রত্যাগমন করে ফিরে এল । দেহের আকর্ষণ ? তা হলে
অন্য পথই ছিল তার ভাল । কিন্তু কেন ? এর উত্তর পাই নি ।

হয় ত সে পেয়েছিল তার জীবনে অসীম তৃপ্তি, বিবাত বিশ্বের
সঙ্গে নিজেকে মিশিয়ে দিয়ে সেই অসীম আনন্দময় মুক্তির স্বাদ ।
তাই কোন বন্ধনই তাকে বাধতে পারে নি

—“চল, বেরিয়ে পড়ি ।”

কথাটা শুনে কদমের মুগ্ধের দিকে চাইলাম । কেমন যেন
একটা থমথমে ভাব ।

যাত্রা করলাম হুঁজনে । নদীর বালুচর পার হয়ে কাশবনের
ভিতর দিয়ে মাঠের দিকে এগিয়ে চললাম—মল্লারপুর ষ্টেশনের
দিকে ।

সেই রাত্রিতে ষ্টেশনের বাইরে একটা কাঁকড়া বটগাছের
নীচে বসে আছি, ট্রেন সেই রাত্রিভোরে । কদম একবারও
সকালের ঘটনার সন্ধকে কোন কথাই বলে নি । সারাদিন আজ
তার হাসির মাত্রা বেড়ে গেছে । কারণে অকারণে হাসির লহর
তুলে নিজেকে ভুলিয়ে রাখতে চায় । রাত্রির অসীম বহুশ্রময়ী রূপে
মতই সে অজানা হয়ে উঠেছে । চারিদিক নীরব, নিস্তন্ধ ।

“কদম ।”

আমার ডাকে ফিরে চাইল ।

“কেন তুমি ফিরে গেলে না ওদের কাছে ?”

চমকে ওঠে সে অতুল্য করি তার সমস্ত শরীরে এক
শিহরণ । একটু চূপ করে থেকে বলে ওঠে—“তা হলে সবই
জেনেছ তুমি ?”

নিজেকে আজ স্থির রাখতে পারি না মানুষের চিরন্তন কামনা আজ আমাকে আত্মহারা করে তোলে।

—“ফিরেই যদি না যায় তা হলে আমাদের পথে বাধা কি থাকতে পারে?”

কথাটা শুনে কোন জবাব দেয় না কদম, নীরবে কি যেন ভাবছে। জোয়ারের মত সমস্ত কামনা আমার উর্ধ্বমুখী হয়ে চলেছে আরও কাছে টেনে নিই তাকে—“অমর ঘর বাধব কদম, তুমি পাশে থাকলে সব আমি পারব—”

—“আবার ঘর!” হাসে কদম, শাস্ত বিবাদক্লিষ্ট হাসি। নিজেকে সরিয়ে নিল দূরে। ওর চোখে-মুখে কি যেন একটা শাস্ত মধুর দৃঢ় ভাব।

—“রূপ দেখেই মজলে গোঁসাই, এ ছাড়া কি কিছুই দেখ নি?”

চুপ করে থাকি। কদম কি যেন ভাবছে, গুন গুন করে অশ্রু-মনস্কভাবে সে একটা গানের কলি গাইছে:

ডুবতে কিরে পারে সবাই

রূপতরঙ্গে যায় যে ভেসে।

মরমের পথ পাইল না যে

কপেই ভাসায় আপনারে সে।”

সারা মনে ঝড় বয়ে চলেছে আমার। দীর্ঘ ছ’ বৎসর ধরে কদমকে দেখে আসছি একটা আলেয়ার মত, অন্ধকারের বৃকে আলোর রেখা, কিন্তু ধরতে গেলেই সে সরে যায় বহুশ্রাবৃত তমসার মাঝে।

বলে ওঠে কদম, “রূপে বাধা পড়লে সাধনার পথে যে সমূহ বিপদ গোঁসাই, রূপসাগরে ভেসে বেড়ানোর মত দুর্গগতি আর নাই।”

‘তুমি কি কোনদিনই চাও নি কিছু?’

‘ভুল হয়ত করেছিলাম, কিন্তু সেইটাই বড় করে দেখে না।’

গোঁসাই, ভালবেসে যদি আবার সেই ফাদেই জড়ালাম, তা হলে বরসংসারই বা কি দোষ করলে?”

আজ ওসব যুক্তি মানতে চাই না। বলিষ্ঠ বাহুর মধ্যে টেনে নিই তাকে। আজ আমি বেপরোয়া হয়ে উঠেছি। হঠাৎ তার চোখে জল দেখে বিস্মিত হয়ে যাই, ব্যাকুল কণ্ঠে অম্মনয় করে সে, ‘আমাকে ভুল বুঝ না গোঁসাই, এ পথ আমার তোমার কারুরই পথ নয়। গগনদাসকে মনে পড়ে?’

শাস্ত হয়ে আসি। কদমের চোখের জলের অর্থ বুঝি না। ভালবেসেছিল, কিন্তু তার কোন পরিণতিই ঘটল না—তাই হয়ত এই অশ্রু।

সেই রাত্রেই টেনেই কদম চলে গেল পশ্চিমের দিকে—আমি পড়ে রইলাম একা। যে পথ গগনদাসকে ডাক দিয়েছিল—সেই অসীম পথই মুক্তি দিল কদমকে আমার কামনাজাল থেকে—সেই পথই আবার আমাকেও তার বৃকে আশ্রয় দিল, এনে দিল মহা-শান্তির বাণী।

সন্ধ্যার ছায়া নেমে এসেছে আশ্রমের বেণুবনসীমায়া। নীরবে বসে রয়েছি, বৃদ্ধ বাউল তার কাহিনী শেষ করল। পাণ্ডুর নীলাভ হুই চোখে তার কি যেন মৌন বাধা, জীর্ণ মলিন বেশ...তবু অন্তরে কোথায় যেন কি অমৃতের সন্ধান।

“আর কদমকে দেখতে পাও নি?”

মাথা নেড়ে একটু হাসল বৃদ্ধ, “এত বড় হুনিয়ায় কোথায় সে মিলিয়ে গেছে।”

ধীরে ধীরে বার হয়ে এলাম আশ্রম থেকে। গুলক গাছের পত্র-হীন ডালে থোলো থোলো ফুলের অমলিন হাসি, রাতের অন্ধকারে জায়গাটা হেনাফুলের স্রবাসে ভরে উঠেছে, অন্ধকারের মাঝে জ্বলছে সন্ধ্যাদীপ। শাস্ত স্তব্ধ পরিবেশে বৃদ্ধের জীর্ণ কণ্ঠে কোন চিরন্তন পথ স্মরণিত হয়।

‘হৃদয় কমল চলছে যে গো ফুটে যুগ যুগ ধরি,

হাতে তুমিও বাধা আমিও বাধা উপায় কি করি।’

সুরশিল্পী

শ্রীঅমিয়রতন মুখোপাধ্যায়

বাশেরে করেছে বাঁশী সুরোচ্ছাসী সাওতালী ছেলে।
বুঝি বা প্রতিজ্ঞা তার হবে না সে সুরহীন পুরে
জনতার কোলাহলে এতটুকু পথ যদি মেলে
সহসা সুরের রঙ্গে যাবে চলি একান্ত সুরদূরে।

অথবা হয়তো ক্লান্ত কোলাহলে দানি’ ক্লান্ত সুর
বিমূঢ় অন্তর-রাজ্যে আনি দিবে স্বপ্নের সন্ধান,
অনুর্কীর মরু-বৃকে দেখা দিলে শ্যামল মধুর
তুলসীর কাণ্ডত কেশ নব সুরে গাবে কারো গান

বাশ যদি বাঁশী হয়, মন কেন সুর হবে না-ক’
হৃদয় হবে না কেন প্রেম? জনতার কলরব
কেন বা হবে না কলগীতি? কবি, আজ সন্দ’ রাখো,
প্রসন্ন বিশ্বাসে মানো আছে বিশ্ব সুরের উৎসব।

০

অন্তরে আশ্রয় আনো, প্রাণের পিপাসা স্বপ্নে জ্বলে
চলো যেথা বাঁশী হাতে সুরশিল্পী সাওতালী ছেলে।



জাতীয় যখনার উৎস সম্বন্ধে

জুজু বন্দ্যোপাধ্যায়

বেলা তখন এগারটা—পাওয়ার তাগিদ ছিল, জানকীমাই চটিতে পুরি ভাজিয়ে নেওয়া হ'ল। ছোট্ট একটি ছেলে আটা আনল, ঘি আনল আর তার কাজ সমাপনের ভার নিল স্বয়ং ধরম সিং। কাজটি সে এক রকম জোর করেই নিল, অবশ্য অগ্নি উদ্দেশ্যে নয়, সময়ের অপচয় দূর করার জগে। গরম গরম পুরি পাওয়া যমুনোত্তরীর পথে এই আমার প্রথম—রোপ্য মুদ্রার অভাবের জগে এ পর্যন্ত ধরম সিংয়ের হাতে গড়া শুকনো কুটিই গলাধঃকরণ করতে হয়েছে। আমার কুচি ছিল না, তাই এ জিনিষও বাদ বাধ থেকে—বীরবলতা বেশী করেই ভাজায় আর খায়ও বেশী। পাওয়ার পাট তখনও চলছে, এমন সময়ে একটি বাঙালী সন্ন্যাসী এসে পড়েন—পরিচয় হয়ে যায় নিবিড় ভাবে। এ পথে এই প্রথম বাঙালীর দর্শন পাওয়া, তাও সন্ন্যাসীর উত্তরীয় পরা বাঙালী। তাঁর মতে সামনের যে চড়াই এটাই এ পথের বৃহত্তম ও কঠিনতম। সাড়ে তিন মাইলের চড়াইকে মনে হবে দশ মাইলের চড়াই, চড়াই হিসেবে যার তুলনা নেই।

বললাম, “যমুনা চটির পর যে চড়াইটা পেরিয়ে এলাম, সেটা?”

বললেন, “ওটা এর তুলনায় শিশু। চড়াই হিসেবে তারও মূল্য আছে, তবে ভৈরবঘাট যাত্রীর প্রাণশক্তিকে যেন শুয়ে নেয়। তবে প্রত্যেক যাত্রীর ওপর তাঁর করণার অভাব নেই, নচেৎ যমুনোত্তরীর মন্দিরে যেত কে? শঙ্কর কারণ নেই, তাঁকে স্মরণে রাখবেন, তা হলেই হ'ল।”

বাঙালী মূর্তি পণ্ডিত ওস্কারনাথের শিষ্য, হুগলী জেলায় বাড়ী। আধ ঘণ্টা কথাবার্তার পর উঠে গেলেন। আমরাও উঠে পড়ি। পরসালী গ্রামের আগে দিয়ে যে রাস্তা এসে যমুনাকে চুঁয়ে, অপার পারে এসে পড়েছে, আমাদের চলা শুরু হয় এই পথকে সম্বল করে। আধ মাইল বড় জোর যমুনার ধার বরাবর পথ—এটি পেরুনের পর আচমকা যমুনের মত একটা পাহাড় মাথামুগী হয়ে

দাঁড়িয়ে পড়ে আমাদের সামনে, চড়াইয়ের শুরু এর কোল থেকে... ভৈরবঘাটের ঐতিহাসিক চড়াই! বিহ্বল হয়ে আমরা দাঁড়িয়ে যাই!

লাঠি মাঝে চড়াই—এর নাম শুনেছিলাম, পরিচয়টা হ'ল এখানে। নিউজিাল চড়াই...একটা বিকটাকার পাহাড় একেবারে মৃত্তিকার বুক চিরে হাউইয়ের মত আকাশের দিকে ছুটে গেছে কিসের একটা প্রচণ্ড তাড়া খেয়ে। মনে হ'ল, বর্ণনার মধ্যে ভুল থেকে গেছে—যমুনা চটির পর পাহাড়গুলোকে চড়াইয়ের দিক থেকে প্রাধান্য দিয়ে। সত্যিই তারা শিশু...পথের সামনে যা এল এর অগ্রজ হওয়ার দাবী আমার পরিব্রাজক ভীষনে আর কেউ করে নি। সত্যিই এর তুলনা নেই—সমগ্র জীবনকে যেন তাল ঠুকে চোপ রাঙিয়েছে সামনের ওই পাহাড়—এই প্রাগৈতিহাসিক পাষণ-সস্তার!

তলা থেকেই দেখতে পাচ্ছি এক থাক, দু'থাক, তিন থাক যাত্রীর এক-একটি ভগ্নাংশ পাহাড়ের বিভিন্ন স্তরবিচ্ছিন্নের ভিতর পিঁপড়ের সারির মত চলেছে, দূর থেকে তাদের চলমান বিন্দুর মিছিল বলে মনে হয়। ঘোরানো সিঁড়ির মত একটা সর্পিলা পথরেখা ঘুরে ঘুরে আকাশের মেঘের মধ্যে যেন হারিয়ে গেছে। চড়াইয়ের সামনে আমাদের বুক অজানিত শঙ্কায় ছক ছক করে ওঠে—মনে হয় তিত্তিকার কাঠামোতে অদৃশ্য মহাশক্তির বিশাল বাহুর একটা টান পড়েছে যাতে এই মুহূর্তে সে কাঠামো ভেঙে চুরে খণ্ডবিখণ্ড হয়ে যেতে পারে।

নিরেট একটা অখণ্ড পাহাড়...মহাকালের মত পথ কথ্যে দাঁড়িয়ে আছে। এর দৃষ্টির যেমন সীমা নেই—তেমনই নেই এর স্পন্দার তুর্গানাম স্মরণ করে মুষ্টিমেয় যাত্রীর একটি দল চড়াইয়ের উপর ঝাঁপিয়ে পড়ি। অগ্রদূতের এই দলের প্রথমে কাণ্ডারীর মত বীর বল হঠাৎ গেয়ে ওঠে আজ্ঞার হিন্দ ফৌজের সেই গান—‘কদম



যমুনোত্তরীর চড়াই

কদম বড়াহে যা—' ওর মার কাছ থেকেই শোনা, ও এককালে মিলিটারীতে কাজ করেছে, এ গানের জন্ম সেখান থেকেই—তবে শুনি নি কোন দিন। অদ্ভুত এক আবেগ সৃষ্টি হয় এ গানে, রক্তে তার প্রভাব বুঝতে পারি। বীরবলের পেছনে আমি—তার পর মাতাজী ও রুক্মিণী—সব শেষে ধরম সিং। এক মাইলের একটা পথ—হ্যাঁ, সে পথই বটে! সেই ছায়ামাত্র, আর কোন কিছু বলাই নেই। অসংখ্য গুণবিগুণ পাথর ছড়ান পথের উপর—হুঁধারে ঘন জঙ্গল আর এই জঙ্গলের জঠরে স্তূপীকৃত অক্ষকারের রাজ্য—সূর্যের আলোর পরাভব ঘটেছে যেখানে। দশ পা কোন বকমে গুঠবার পরেই বসে পড়ি—দম নি, নিঃশ্বাস-প্রশ্বাসের ভিতর অথবা একটা বিরোধ বাধে। বীরবলের প্রাণমাতানো গান পাহাড়ের নির্জনতায় একটা অবদানের সৃষ্টি করে, মনে হয় বীরবলের এ গান ভিন্ন চলতাম কি করে? জাতীয় সঙ্গীতের সুর, তাল, লয়, মান বীরবল ছবছ অনুকরণ করেছে—আজকের এই অর্ধাটীন পথের ওপর এ অনুকরণের মর্যাদা শত গুণে বেড়ে গুঠে। মোটামুটি এক মাইল এই বকম খাসকষ্টকর যুদ্ধের ব্যাপারটি—তার পর এই পথটি নেমে গেছে সোজাসুজি উংরাইয়ের সামান্য একটু সাপ্তনার ভিতর—যার শেষে একটি ঝর্ণার ধারার উৎপত্তি আর তারই পাশে পাহাড়ের গায়ে একটি ছোট্ট চায়ের দোকান। এখানে এলাম আমরা শূন্য হয়ে, দেউলে হয়ে, বিস্ত্র হয়ে!

রুক্মিণীর মুখের দিকে তাকাই, দেখি ক্লান্তিতে তার মুখটি কালো হয়ে উঠেছে—পিঠের ওপর তার শিশুটিকে সে বেঁধেছে বন্ধ করে নানাবিধ গরম কাপড়ের অরণ্যের ভিতর। বড় সুন্দর লাগে ওকে, বৈরাগ্যের পথে মাতৃমূর্তির মহিমাঙ্কিত রূপ! জিজ্ঞাসা করে হা হতাশের একটি শব্দও তার কাছ থেকে পাই না। বুঝিয়ে দেয় কষ্ট না করলে ভগবান মেলে না। দুটো চোণ বসে গেছে—রক্ত এক মাথা চুলের বগ্না, ডুরে শাড়িপরা আহমদাবাদী অঙ্করণে, দাঁতে দাঁত বসে গেছে রুক্মিণীর—তবু ওষাতুর দুটো ঠোঁটের ওপর বিজয়িনী হা স।

বীরবলের মাতাজীও অটুট ও সঙ্কল্পে মহত্তমা...বুদ্ধাকে এখানে গোটা হিন্দুধর্মের একটা বিশেষ ধারা বলে মনে হয় আমার...বড় ভাল লাগে। বীরবলের ত কথাই নেই—আজকে সে এই উর্ধ্ব-মুখী পাহাড়ের মতই সর্ব দিক দিয়ে বড় হয়ে উঠেছে...এও তুলনা পাই না। এখানে চা ছাড়াও গরম দুধ পাওয়া যায়, হ্রতক্রমা একটা চড়াইয়ের পর এই দুধের অবদানটিও কম নয়।

চলে আসা দু'মাইল আর এই দু'মাইল আরও ভীষণ, আরও ভয়াবহ। যে চড়াইবৈফেলে এলাম তার চতুর্গুণ হুরারোহ এই শেষের পথটুকু। এক মাইলের কুচ্ছসাধনার পর চা ও দুধের মনোরম পরিবেশটুকু, এ আর কিছু নয়, সামনের এই দু'মাইলের "টাগ অফ ওয়ারের" আগে সাপ্তনার একটা ছেঁড়া পাতা। ভৈরবঘাটির এই

ছই মাইলের পরীক্ষা, এর শেষও যেমন নেই, তেমনি নেই এর অর্থের ব্যাপকতা। আদিম এই পাহাড়—বর্ষের এই চড়াই যমুনোত্তরী যাত্রীর শেষের এই পরীক্ষার তুলনা ভারতভূমির কোন তীর্থের ইতিহাসে নেই। গঙ্গোত্তরী মন্দিরের আগে আর এক ভৈরবঘাটির চোখ ধাঁধান বহিঃপ্রকাশ আছে—কিন্তু সেখানে ভৈরবের রক্তচক্ষুতে মুহু সাধুনার ইঙ্গিত আছে দেপেছি, এখানে সেটির গুরুতর অভাব। ভৈরব এখানে ক্ষেপা ও উলঙ্গ...

তুঙ্গনাথ ও ত্রিযুগীনারায়ণের উপর উঠে যার! আত্মপ্রসাদে সন্তুষ্ট হন—ঠায়া যেন একবার এদিকে এসে এই শেষের ছ'মাইলের শিক্ষাটি নিয়ে যান। মাফাতার রূপ যেমন পাহাড়ের—তেমনি অবিনাশী রূপ এই সঙ্কীর্ণ পথেরথার। সৃষ্টির এ বকম দানবীয় রূপ আর কোথাও দেখি নি আমি। সাপের মত কুণ্ডলী পাকিয়ে এক বিশাল পাহাড় দীর গভীর মূর্তিতে অসীমের দিকে ধাওয়া করে গেছে... অদ্ভুত এই পাহাড়, অবিদ্যবনীর এর স্মৃতি! পথ কোথাও কুপনতম—কোথাও সে একেবারেই নিশ্চিহ্ন হয়ে গেছে পাহাড়ের গহনতায়। পথচলা শুরু হতে মনে হ'ল আমি হারিয়ে গেলাম চিরদিনের মত—এ হারানোর থেকে মুক্তি পাওয়ার সম্ভাবনা নেই! কে যেন গ্রাস করে নিল সব—উদ্যীরণের পালা শেষ হয়ে গেছে এর। পথ ত প্রায় নেই—স্থানবিশেষে উপরকার ধ্বস নেমে আসার ফলে তারও ক্ষীণ পরিচয় হারিয়ে গেছে। কোথাও ন'দশ ইঞ্চির পথের হারিয়ে যাওয়ার ভিতরও পরীক্ষার এক উলঙ্গতা প্রকাশ হয়েছে... আসতে আসতে দেখা যায় পথ একে-বারেই নেই, তার উপর কেবলমাত্র একটি কাঠ ফেলা এক হাতে পাহাড়ের গা ধরে পাশের অস্তুহীন খাদের দিকে একবারও না তাকিয়ে এই কাঠটিকে সম্বল করে যাত্রীদের এগোতে হয় এক পা এক পা করে—পা ফসকালেই মুতু আর মুতুই চরম এখানে। সেই বাডালী সন্ন্যাসীর কথাই সত্যি—“তিন মাইলের চড়াই মনে হবে দশ মাইল। তাঁর কথা শ্রবণে রাখবেন, তা হলেই পরীক্ষার উত্তীর্ণ হবেন।”


কথাটা সত্যি শুধু নয়—এমন প্রামাণিক বাস্তব আর কিছু নেই। পরীক্ষাই বটে—এ পরীক্ষা যোল আনার ওপর আসার আনা। সর্বক্ষেত্রেই এই একই সূত্র—একই ধারা। ভারতভূমির কেদারনাথ—বদরীনাথ—গঙ্গোত্তরী ও যমুনোত্তরী মন্দির দর্শনের আগে অবিচ্ছেদ্য এই পরীক্ষার ইতিহাসটি প্রত্যেকটি তীর্থের সঙ্গে যুক্ত ও অবিভাজ্য। কেদারের প্রবেশপথে তুষার ঝাড়া ও প্রাকৃতিক নিরাভরণতার বৈধব্য রূপ—বদরীকার আগে হুমান চটির পর সুবিশাল সেই দিগন্তবিস্তারী চড়াইয়ের ক্রকুটি আর আজকের এই ভৈরবঘাটির 'বণং দেহি' মূর্তি—একটি সূত্রে গাঁথা মালার মত—একই তিতিক্ষার মর্মকথাটি যেন কানে শুনেতে পাওয়া যায়। মা তাঁর অবস্থানের স্বরূপটি সার্থক ভাবে দর্শন করানোর আগে সন্তানদের একটা আত্মবিশ্লেষণ রূপ বাধার সৃষ্টি করে রেখেছেন সব জায়গায়—যমুনোত্তরীর ভৈরবঘাটির এই ছ'মাইলের প্রাণাস্ত-

কর পরিচ্ছেদ তারই একটা জাজ্জল্যমান উদাহরণ। তিনি এখানে প্রতিটি পাদবিক্ষেপের ভিতর দিয়ে শারীরিক ও মানসিক অবসাদে ভিতর অবগাহন স্নান করিয়েছেন যাত্রীদের, বুঝিয়ে দিয়েছেন—‘কষ্ট না করলে কষ্ট মেলে না।’ এখানে মা নিঃশ্ব কবে নিয়েছেন যাত্রীদের, নিঃশেষ করে নিয়েছেন অধ্যবসায়ের সঞ্চয়। কেদার-বদরীর পথে যা ভেবেছিলাম হামাগুড়ি দিয়ে উঠতে উঠতে এখানে সেই ভাবনা নতুন রূপে দেখা দিল।

এক পা, দু'পা—এমনি করে মাত্র দশটি পাদবিক্ষেপ—তার পরেই বুকের ভিতর হাতুড়ি বেজে ওঠে—স্বাভাবিক রক্তসঞ্চালনে বাধা আসে, মনে হয় মুখের ভিতর দিয়ে প্রাণের ধুকপুকুনিটা বেরিয়ে যাবে। উঃ! কি অদ্ভুত চড়াই, কি নির্বিশেষ পরীক্ষা! পা আর চলে না, বিজ্রোহ করে উঠে শিরা-উপশিরা, মনে হয় ভগবান, এ কি তোমার পরীক্ষা! এ পরীক্ষার কি শেষ নেই? কাঁটার আগাতে পা যায় ছিঁড়ে—বসে পড়ি, রক্ত মুছে নি—তবু চলা চাই অন্ধকার ঘনিষে আসার যে আর দেবী নেই! মধ্যাহ্নে মনে হয় যাত্রীর প্রথম প্রহর—কোটি কোটি মহীকহের শাখাপ্রশাখার বেড়াজালে আকাশের সূর্যের আলো গেছে মুছে, তার আলোর প্রবেশের অধিকার এ রাজত্বে অপাংক্লেয় হয়ে গেছে! এ এক প্রাগৈতিহাসিক সৃষ্টিতত্ত্বের প্রথম পাতার পরিচয় বিংশ শতাব্দীর সবকিছুকে এ মুংকারে উড়িয়ে দিয়েছে।

এমনি করে ছ'মাইলের এই নিষ্ঠুর পরীক্ষা শেষ হয়ে গেল—পৌঁছে গেলাম পাহাড়ের শীর্ষে—যেখানে এ কৃচ্ছসাধনের শেষ মাতাজীই আগে পৌঁছে গেলেন—তার পর আমি—তার পর বীর-বল ও কৃষ্ণী। যে বাহিক্য ঘরে থাকার কথা নানা পরিজন স্তম্ভকার ভেতর—আজকে দেখলাম তারই জয় হ'ল প্রথম—অশীতি-পর বৃদ্ধা আগেই পৌঁছে গেলেন। অদৃশ্য করুণার এও এক অজস্র আশীর্বাদ—বুদ্ধি দিয়ে যার ব্যাথা চলে না।

এখানে ভৈরবনাথের জীর্ণ মন্দির—শতধা বিভক্ত, প্রাচীন ইতিহাসের স্বাক্ষর আছে। ছোট মন্দিরটি—রূপ নেই, বিলাস নেই, নিরাভরণ মন্দির এ। ভিতরে ঢুকে বিগ্ৰহ দর্শন করলাম। কালিকা মূর্তি—চতুর্ভুজা নন, দ্বিভুজা। এক হাতে ত্রিশূল আর এক হাতে গণ্ডিত নবমুণ্ড। কালিকা মূর্তির হাতে ভৈরবের ত্রিশূল—এর সামঞ্জস্য ভারতবর্ষের অত্র কোথাও আছে বলে জানা নেই। মাতৃমূর্তিকে আমরা দেখেছি চতুর্ভুজা হিসেবে—ববাভয়দাত্রী, খড়্গা-গারিণী ও নমুণ্ডমালিনীরূপে—মায়ের পূজা সেই রূপেই! কিন্তু এ ত্রিশূল মায়ের ডান হাতের মুষ্টির ভিতর আবদ্ধ কেন? এই প্রশ্নের উত্তর প্রচ্ছন্ন হয়ে এখানেই আছে—মুহূর্তের চিন্তাতেই তার স্বরূপ ধরা পড়ে। মা এখানে সাধকের দৃষ্টিতে সর্বশক্তিরূপিনী—শবরূপী পুরুষের বুকের উপর মহাশক্তির আধারভূতা, তাই শিব লীন হয়ে গেছেন মাতৃশক্তিতে—ত্রিশূলের আর দ্বিতীয় সংজ্ঞা নেই, মায়ের দক্ষিণ হস্তেই সে মহাস্ত্রের সার্থকতা চরম ভাবে প্রকট হয়েছে। ভৈরবনাথের মন্দির এটি অথচ ভৈরব নেই নিগূঢ় কোন



কারণে সাধকেরা এখানে প্রকৃতিকেই প্রতিষ্ঠা করে গেছেন। মন্দিরের সামনেই একটি নামহীন গাছ, তাতে অসংখ্য কাপড়ের ছিন্ন অংশ বাঁধা—শোনা গেল ঐ গাছটিকেই ভৈরব বলে মেনে নেওয়া হয়। বদরীকার পথে চৌরবাসা ভৈরবেরও এই নিয়মের ব্যতিক্রম নেই, সেখানেও ভৈরবকে বস্ত্র-দান প্রথাকে বড় করে নেওয়া হয়েছে। সেখানে কালীমূর্তি দেখি নি, এখানে দেখা গেল। অদ্ভুত এক বিদ্যুৎ আবহাওয়ার পরিপ্রেক্ষিতে দশ হাজার ফুটের উপর এই কালীমূর্তিটির অধিষ্ঠানকে কেমন যেন অদ্ভুত বলে মনে হয়। মায়েব রূপে চতুর্ভুজেরই স্বাক্ষর মিলেছে যুগে যুগে—এখানে তারই ব্যতিক্রম। কত শতাব্দী আগে এক তাপস এ মূর্তিকে প্রতিষ্ঠা করে মাতৃসাধনা করে গেছেন কে জানে—তার দেখা স্বপ্ন মা কি ভাবে এসেছিলেন তার ঐতিহাসিক তত্ত্বকে খুঁড়ে বার করা এখানে দুঃসাধ্য। আমরা এগিয়ে যাই, বেলে যাই জীবনের সশ্রদ্ধ প্রণামের একটি অঞ্জলি।

ভৈরবনাথের মন্দির থেকে আর আধ মাইল পথ, এই পথই ক্রমশঃ ক্রমশঃ নিম্নাভিমুখী হয়ে চলে গেছে যমুনোত্তরীর গহবরে। এ পথটুকুও পথ নয়—এ পথটুকুতেও ক্লাস্তি আছে যোল আনা। কখন উঠে—কখন বসে বসে, এ পাথর থেকে সে পাথরের উপর পা রেখে নেমে যেতে হয়। চোখের সামনেই গ্লেশিয়ারের তুষারশুভ্র অত্রভেদী রূপ—তার বুক থেকে দেখা যায় মা যমুনার ক্ষীণ রূপালি ধারা নেমে এসেছে পৃথিবীর বৃকে—এ যে কি দৃশ্য তা বোঝাই কি করে? চারিদিকের যে পাহাড়শ্রেণী তার মধ্যে ছুটি পাহাড় বঙ্গ-মঞ্চের 'উইংস'র মত দু'দিক থেকে তলায় নেমে গেছে—এর মধ্যে যে স্বল্প ব্যবধান, তারই সামনে বহু দূরে ঐ গ্লেশিয়ারের অস্তহীন শোভাযাত্রা। অদ্ভুত এই দৃশ্যটি! যমুনোত্তরী মন্দিরকে পাহাড়ের উপর থেকে দেখা যায় না—এ মন্দিরের অবস্থান প্রাকৃতিক গহবরের ভিতর সে বিষয়ে সন্দেহ নেই। সমগ্র অঞ্চলটি কিসের যেন এক অস্তহীন লজ্জায় অধোবদনের রূপটি নিয়ে আছে—এও এক প্রাকৃতিক বিষয়। চারিদিকের পাহাড়ের সে উদ্ভূত রূপটি আর নেই—একই ছন্দে একই তালে সকলের যেন একটুকরো ভূখণ্ডকে গহবরের আকার দেওয়ার জন্তে কাড়াকাড়ি। মন্দিরের এ রকম সাংস্কৃতিক আশ্চর্য্য রূপ ভারতবর্ষে আর কোথাও নেই। যমুনোত্তরী তীরের সবটাই এক রহস্য, এই আধ মাইল পথ নামতে নামতে সেই কথাটাই আবার আমার মনে হ'ল।

এ পাথর থেকে সে পাথর—ওঠা-বসার এই রকম এক পরীক্ষা শেষ করে অবশেষে পৌঁছে গেলাম যমুনার তীরে ধর্মশালায়—সন্ধ্যার তখন আর বেশী দেবী নেই। গোলাকার ঝক্‌ঝকে একটি চাঁদ উঠে গেছে আকাশের নক্ষত্র নীহারিকাবৃষ্টি মায়াজালের ভিতর... আজ পূর্ণিমা, আমার জীবনেরও পূর্ণিমা।

এ হুর্গম তীরেও কালীকমলীওয়ালার ধর্মশালা—অবাক হয়ে যেতে হয় এই ভেবে যে ইট কাঠ পাথরের তৈরী আশ্রয়ের এ মহা-মূল্যবান আচ্ছাদনটুকু তৈরী হ'ল কি করে। মানুষের এও এক

সার্থক জয়যাত্রা। অভিমান নিয়ে, বেদনা নিয়ে তীর্থপর্যটনের শেষে কমলীবাবার এই দুঃখই বেশী করে বেজে ওঠে যে তীর্থযাত্রী-দের কষ্টের অবধি নেই কেবল আশ্রয়ের জন্তে, চারটে দেয়ালের আচ্ছাদনের জন্তে। তাঁর ঘরে ছিল লক্ষ্মী, টাকার তাঁর অভাব ছিল না। আর এই টাকার এক বিরাট অংশ অকাতরে ব্যয় করেছেন ভারতবর্ষের প্রত্যেকটি তীর্থপ্রাস্তরে—তাঁরই চেষ্টায় গড়ে উঠেছে ঘরবাড়ী ও সদাব্রত। সন্ন্যাসীদের জন্তে তৈরী হয়েছে কুটীর ও রম্য পরিবেশ। তাঁর এই বিরাট অবদান প্রত্যেক তীর্থ-যাত্রীর অমূল্য পাথর—এ অবদান তিনি সৃষ্টি না করে গেলে তীর্থ-মাহাত্ম্য প্রচার হ'ত না, করুণা পেত না কেউ। আজকের এই যমুনোত্তরী তীরে কমলীবাবার ধর্মশালায় একটি ঘরের উত্তাপ পেয়ে মনে হ'ল সার্থক সেই মহাপ্রাণ মানুষ, সার্থক তাঁর দান। এ ধর্ম-শালাটি এখানে গড়ে না উঠলে এ তীরে আসত না কেউ, অস্তিত্ব: আমাদের মত গৃহগতপ্রাণ মানুষ—নির্জ্বলতার রাজত্ব হ'ত... যমুনোত্তরী, যাত্রীর কলধ্বনি আর শোনা যেত না এখানে।

কি সাজাতিক শীত। পা জড়িয়ে যায়—বস্ত্র জমে যায় যেন তুষাররাজ্যে এসে গেছি আমরা, তাই শীতই এখানে একমাত্র আবহাওয়ার খবর। একে ঐ ভৈরবঘাটের রাঙ্কুসে চড়াই পেরুনো, তার উপর এই হাড়টকটকানি শীতের প্রকোপ, তিনথানা কবলের অরণ্যে শুয়েও মনে হ'ল এই বৃষ্টি জমে যাব। কেদারে পৌঁছে গত বছর এই রকম হয়েছিল—কিন্তু সে জিনিষ এ নয়। এ শীত আদিম—উলঙ্গ, মাথা পর্যন্ত ঘুরে যায়। ভাবছিলাম আজ থাক, বিশ্রাম নিই, মানুষের মত হই, তার পর কাল সকালে মন্দির দেব। কিন্তু পাণ্ডা ছাড়ে না, স্মরণ করিয়ে দেয়—“আজ ত বাবুজী পূর্ণিমা।”

লাফিয়ে উঠি। মনে হয়, সত্যিই ত, ভুলেই গিয়েছিলাম যে আকাশে অদ্ভুত সুন্দর একথানা চাঁদ আমারই জন্তে অপেক্ষা করে আছে। গরম জামার স্তূপ হয়ে বেরিয়ে পড়ি। আমার আগেই ধরম সিং আর বীরবলরা বেরিয়ে গেছে।

যমুনোত্তরীতে পূর্ণিমা। মুঠো মুঠো তারা আর তারা—আকাশের দূর প্রান্তে একটি মাত্র ছায়াপথ, আর এই স্বর্গরাজ্যের উপর অতুল নিশাচর সাক্ষীর মত ধকধকে একথানা চাঁদ ফুটেছে। ধানের পালা চলেছে আশেপাশের পাহাড়গুলোর, মনে হ'ল যোগ-মগ্ন সব, নিঃসীম হয়ে যেন মিশে গেছে প্রকৃতি-পুরুষের আরাধনার ভিতর। চারিদিক এত চূপচাপ, এত নিথর যে মনে হয় সৃষ্টির জড়িমায় মায়েব চোখছটি বোঁজা, এ সৃষ্টির যেন শেষ নেই। কাঠের সেতুর তলা দিয়ে যমুনা পেরিয়ে গেল—অপর পারে মন্দির, মৃগারবিন্দু ও তপ্তকুণ্ড। চাঁদের আলোয় বলমলে মা যমুনার চল-ছলানি কাণে আসে—তার পর মস্ত পৌঁছয় আর সে মস্ত কিসের এক অমুভূতিতে অনড় হয়ে যায়, স্তব্ধ হয়ে যায়। হিমবাহজাতা যমুনার প্রস্তরগণ্ডের ধাক্কায় তাঁর ধারার সে কি উচ্ছাস, লক্ষ কোটি জলবৃদ্ধদের কেনিল আক্কেপ আর এই উচ্ছাসের উপর নেমে এসেছে

তরল আলোর বগা। শ্রোতস্থানীকে দেখে মনে হয় আশেপাশে কোথাও অভ্রের খনি আবিষ্কৃত হয়েছে আর তারই মুকুট মাথায় করে মা যমুনার এই উচ্চাসময় গতিপথের আকুলি। মুহূর্তের জগ্গে অবশ হয়ে যাই—মনে হয় এখানে একটি কুটীর বাধি, থেকে যাই চিরকাল।

পাহাড়েরই একটি ধাপ, তারই পাশে আসল তপ্তকুণ্ডের ধক-ধকানি, এখানে এখন যাত্রীর ভিড় নেই। তার কারণ এই কুণ্ডের জলেই যাবতীয় আহাৰ্য্যবস্তু পক হয়ে আহাৰের উপযোগী হওয়ার ব্যাপারটি—জলের ভিতর আটার লেচি কিম্বা চালের পুটুলি ফেলে দিয়ে আধ ঘণ্টার মত অপেক্ষা করে থাকি, তার পরই কুণ্ড তা উদ্গীরণ করে দেবে সিদ্ধ অবস্থায়, এখানে কাঠ জ্বলে রান্নাবাড়ার পাট নেই, ঐ তপ্তকুণ্ডের জলই সব। এই কুণ্ডের বা দিকে ঐ পাহাড়ের ধাপের একাংশে বহু প্রাচীন একটি গুহা—তার ওদিকে কুণ্ডের কোল ঘেঁষে যমুনোত্তরীর মন্দির।

নিরাভরণ মন্দির—অলঙ্কারবর্জিত মন্দির। ভাস্কর্য্য নেই, শিল্পীর আরাধনা নেই—নগ্ন পরিবেশের ভিতর নগ্ন মন্দির—এই রূপেই একে মানিয়েছে, দেখিয়েছে মহান। কাঠের রেলিং দিয়ে ওপরে উঠে যেতে হয়। মন্দিরের দ্বার বন্ধ ছিল—পয়সার বিনিময়ে পুরোহিত অনুগ্রহ করে খুলে দিলেন সেটি—প্রবেশাধিকার মিলল। গঙ্গা-যমুনার মূর্তি, এদিক-ওদিকে আরও কয়েকটি বিগ্রহের নামমাত্র থাকি। একটি প্রদীপ জ্বলছে উদ্গমুখী হয়ে—তার আলোর সামান্য একটু প্রকাশ—মন্দিরের গর্ভগৃহে বাদবাকী অন্ধকারাচ্ছন্ন। যাত্রীদের ফিস ফিস আওয়াজ কানে আসে, মন্ত্র উচ্চারণ ও স্তবস্তুতি শুনতে পাই... আপাদমস্তক ঢেকে চূপচাপ দাঁড়িয়ে থাকি এখানে কিছুক্ষণ। বিগ্রহের উদ্দেশ্যে প্রণাম জানাই—শ্রদ্ধা জানাই। তীর্থে তীর্থে মন্দিরকেই প্রাধান্য দিয়েছে মানুষ, যা কিছু স্তবস্তুতি ঐ মন্দিরকে ঘিরে, মাথা কোটা, আকুলি-বিকুলি সব সেখানেই অর্থাৎ মন্দিরের পায়ণবিগ্রহকে ঘিরে। কিন্তু যমুনোত্তরী মন্দিরে তারই অভাব। মন্দির গড়ে উঠেছে বটে—গঙ্গা-যমুনাও সমাসীন, তবু তীর্থযাত্রীর ভিড় থাকলেও ভক্তির উচ্চাসের ব্যাঘাত ঘটেছে। মন্দির প্রাচীন নয়, নবীন—বর্তমান শতাব্দীতেই শোনা যায় এ মন্দিরের বনিয়াদ গড়ে উঠেছে আর এই গড়ে-ওঠাটুকু মনে হয় অনিবার্য্য কারণের জগ্গে, যার সঙ্গে ভক্তিমাগের সম্পর্ক কতকটা ছিন্ন হয়ে গেছে। এ তীর্থের যাবতীয় মহাশয়ের ব্যাপকতা এখানকার মুখারবিন্দকে ঘিরে—ছোট্ট একটি চতুষ্কোণ গহ্বর থেকে দু'তিনটি স্বতঃ উৎসের নামমাত্র যা ধুকপুকুনি, শোনা যায় এই কুণ্ডটুকু যমুনার উৎসের মূলসূত্র—তার স্তম্ভপিত্ত। তীর্থযাত্রীদের পূজা-অর্চনা, প্রসাদ দান—ভক্তির উচ্চাসকে এই মুখারবিন্দের ঐতিহাসিক তত্ত্ব গ্রাস করে নিয়েছে—এখানেই মানুষের জলের স্পর্শ নিয়ে জীবনকে ধন্য করার মন্বাস্তিক প্রয়াস। সামনের হিমবাহ থেকে নেমে আসা যমুনার অদৃশ্য ধারার প্রাণটুকু নাকি এখানেই উচ্ছলিত—তার মুখ অরবিন্দের মুখ—তাই এই মুখারবিন্দের যুগব্যাপী

সম্বন্ধনা। চতুষ্কোণ একটি গহ্বর—এই জগ্গে আমাদের ছুটে আসা, তিতিক্ষার প্রাণান্তকর অভিযান। মন্দির হস্ত গেছে মূল্যহীন, গতানুগতিক—গহ্বরই মানুষকে হুলভতমের বার্তা ঘোষণা করেছে। পূর্ণিমার রাত্রে পূজা দিলাম—উৎসের জলে জীবন ধন্য করা হ'ল। মুখারবিন্দের কাছেই আর দুটি তপ্তকুণ্ড—এদের গহ্বর পূর্ণ হয়েছে সামনের ঐ বড় কুণ্ড থেকে, মন্দিরের পাশেই যার অবস্থিতি। জল বাধা মানে না—পাত্র পূর্ণ হলেই তার উচ্ছলতা স্বাভাবিক, এ দুটি কুণ্ড ঐ স্বাভাবিকতাতেই পুষ্ট হয়ে চলেছে যুগের পর যুগ, শতাব্দীর পর শতাব্দী। এখানে স্নানের ব্যবস্থা—গরম জল একটি পাত্রে করে মাথাটুকুকে ভিজিয়ে নিতে হয়, এইটাই মহিমা। আমরা তাই করলাম। সাক্ষী রইল পূর্ণিমার চাঁদ—জীবনের স্বাক্ষর হয়ে রইল সে।

এখানে দাঁড়িয়ে দাঁড়িয়ে, কেন জানি না, কেদারনাথকে বড় বেশী করে মনে হয়ে গেল। এও মহাতীর্থ, কেদারও ত তাই... মনে হ'ল যেন স্বয়ম্ভু মহাদেবের অনন্ত জটাজালের বিস্তারের প্রভাব যাত্রিক জীবনে বড় বেশী ব্যাপক। সেখানে মন্দিরের পিচ্ছিল গর্ভগৃহের ভিতর পূজীভূত অন্ধকারের পরিবেশের মধ্যে ব্যক্তি-বিশেষের যে উচ্চাস দেখেছি তার তুলনা একমাত্র কেদারনাথেই সম্ভব। মানুষ নিজেকে যেন ঢেলে দিয়েছে অসীমতার উপলব্ধির ভিতর—ভিখারী শিবের ভিক্ষার পাত্রে পূর্ণ করে দিয়েছে যেন জীবনের পূর্ণাছতির নৈবেদ্য। কেদারনাথে মানুষের পাগল হয়ে যাওয়া—দেউলে হয়ে যাওয়া। ধকধক করে জ্বলছে পঞ্চপ্রদীপের উদ্গমুখী শিখা, তারই সামনে পায়ণ-মুক্তিকার বুক চিরে দেবাদিদেবের অদ্ভুত প্রকাশ দেখেছি, মানুষ কাঁদছে হাউ হাউ করে—বুক দিয়ে পড়েছে শিবলিঙ্গের উপর—মানুষের সে পর্য্যায় নরোত্তমের পর্য্যায়—নর ও নারায়ণের মিশে যাওয়া যেন। এখানে সবই আছে—কিন্তু সেই অবর্ণনীয় উচ্চাসটি নেই। এখানে এসে ব্যর্থ হয়ে যাওয়ার অভিমানের কথা বলছি না—যা নেই তাই বলছি। শক্তিই যে বড় আর মহাদেবই যে শক্তির আদি—কেদারনাথের মন্দির-ভাস্করে মানুষের যে প্রকাশ—সেই বিরাটেরই ইতিহাস তৈরী হয়েছে সেখানে।

আমার মনে হয় যমুনোত্তরী তীর্থের চরম প্রকাশ প্রকৃতিতে—প্রকৃতিই এখানে সর্বাভীতির সন্ধান দিয়েছে। দৃষ্টির সম্মুখে তুষার-ভ্রম হিমবাহ থেকে সরু রূপালি ফিতের মত যমুনার যে ধারা আর সেই ধারার দুটি পাশে আর দুটি ধারার যে সহযাত্রিক গতিপথ—মানুষের অন্তরের অন্তরে এই প্রকৃতি এখানে আসার বৃহত্তম পুরস্কার। মনে হয় সমস্ত জীবন ধরে শুধু ঐ গ্লেশিয়ারের দিকে চেয়ে থাকি! মন্দির খুঁড়ি থাক, মুখারবিন্দ পড়ে থাক—এক দৃষ্টে অপলকনেত্রে ঐ দৃশ্য দেখে আমার ধ্যান নেমে আসুক, আমি মগ্ন হয়ে যাই। “উৎসের” মত দুটি যে পাহাড়, তারও যেমন তুলনা নেই, তেমনি তুলনা নেই এখানকার প্রাকৃতিক নিস্তরতার মায়াময় রূপের। যাত্রীর সংখ্যা এখানে অল্প,

তাই নিস্তরুতায় নিজস্ব সস্তাটি এখানে বেঁচে আছে। এখানে প্রত্যেকটি পাহাড়ের অর্থ অজানা, বাজনা আলাদা, বিশেষণ আলাদা। প্রাকৃতিক গহবরের ভিতর ঐতিহাসিক এই মহাতীর্থ... এর তুলনা অল্প কোথাও আছে বলে মনে হয় না আমার।

ষমুনোত্তরীতে দ্বিতীয় দিনের সূরু হ'ল যমুনার মূর্ছনার ভিতর।

স্মরণীয় একটি দিনের শেষে আর একটি দিনের সূরু... প্রাকৃতিক গহবরে আর একটি দিনের ইতিহাসের উন্মোচন।

ধরম সিং চা সংগ্রহ করে আনে—মুগ ধোয়ার জন্তে গরম জলও সংগ্রহ করে এনেছে সে। মাতাজী উঠেছেন আর জপের মালা নিয়ে বসেছেন—বীরবল রুক্ষিণী তখনও অকাতবে ঘুমুচ্ছে। আমরা এখানেও একটি ঘরে আশ্রয় পেয়েছি যোগাযোগের একটি পাতার মত।

আজকেও এখানে থেকে যাব—কাল সব কিছু জানা হয় নি, বোঝা হয় নি। এত দূর এলাম, যদি আর একটি দিনের স্মৃতি সঞ্চয়ের ভাঁড়ারে না আসে তা হলে এত দূর এলাম কেন? তা ছাড়া থেকে যাওয়ার বিশেষ কারণও ছিল।

একজন বিখ্যাত পরিব্রাজকের লেগা বইয়ের ভিতর পড়েছিলাম যে তিনি এখানে এসে মন্দিরের পুরোহিতের সাহায্য নিয়ে যমুনোত্তরীর বিখ্যাত গ্লেশিয়ারের ওপর উঠে দূর থেকে চম্পা সরোবর দেখেছিলেন : তাঁর মতে ঐ সরোবরই যমুনার উৎপত্তিস্থান আর সে অঞ্চল অগম্য ও দেবতাদের আবাসভূমি। বান্দরপুছ পর্বতের শেবাংশও তিনি দেখেছিলেন আর পৃথিবীর বৃকে নেমে আসা তিনটি ধারার তিনি বর্ণনা দিয়েছেন অপূর্বভাবে সে বইয়ের ভেতর।

হনুমান চটিতে রাত্রে শুয়ে শুয়ে সে বইয়ের কথা আমার স্মরণে যে আসে নি তা নয়, এসেছিল, আর মনের অবচেতনায় সঙ্কল্প ব্যাপকতার রূপ যে পরিগ্রহ করে নি তাও নয়। ভেবেছিলাম, যমুনোত্তরীতে পৌঁছে একবার চেষ্টা করে দেখব।

চা খাওয়া শেষ করে ধরম সিংকে নিয়ে বেরিয়ে পড়ি পাহাড়ের আবিষ্কারে। 'উহংস' অর্থাৎ ডানার মত যে দুটি পাহাড় যমুনার ধার বরাবর নেমে চলে এসেছে, তারও ওদিকে মন্দিরের পশ্চিমাংশে পাহাড়গুলোতে সন্ধান নিই যদি পাহাড়ের ওপরে উঠে সামনের গ্লেশিয়ারে রওনা দেওয়ার কোন সূত্র খুঁজে পাই কি না। কাঁটার ঝোপ—মহীকহের একছত্র রাজত্ব পাহাড়গুলোতে—কত যুগ থেকে যে এ রাজত্ব গড়ে উঠেছে কে জানে? তবুও উঠে যাই কতকটা—দৃষ্টিটাকে মেলে দিই দূর দিকচক্রবালের অনন্ততায়—কিন্তু ঐ তিনটি ধারার অস্পষ্ট গতিরথাই চোখে পড়ে, অল্প কিছু নয়। বহু দূরে গ্লেশিয়ারের পরিক্রমণ—তারই বৃক থেকে নেমে আসা ঐ যমুনার ক্ষীণ ধারা, সেই ধারাই ধরাতলে নেমে এসে হারিয়ে গেছে এটুকু বেশ বোঝা যায়। কিন্তু ঐ হিমবাহস্রাজ্যে যাওয়া দূরের কথা, স্বপ্ন দেখাও ত চলে না। মন্দিরের সামনেই যে যমুনা তার ভীম গর্জনের প্রবাহ ঐ দুটি পাহাড়ের মধ্য দিয়ে প্রবহমান। পেছনেই ওই গ্লেশিয়ার, যা বহু দূরে—মানুষের যাওয়া সেখানে সাধ্যাতীত।

পাহাড়ের ওপর উঠে পরিষ্কার ধারণা হয়ে গেল মনুষ্যদেহী মানুষের ও গ্লেশিয়ারের সন্ধানে চম্পা সরোবরের আবিষ্কারের নেশায় যাওয়া চলে না—ওটা অসম্ভব বলেই মনে হ'ল আমার। শুধু শুভ্র ভূবারের রাজ্য সে—মানুষের যাওয়া সেখানে চলে না। তবে যমুনোত্তরীর এ তীর্থে সিদ্ধ যোগীদের নিঃশব্দ পদসঞ্চারণ আছে সে বিষয়ে সন্দেহ নেই—তাঁদের ধ্যানস্থ মূর্তি ওখানে থাকা অসম্ভব নয়। তবে নিঃসন্দেহে বলা যায়—সাধারণের পক্ষে ওস্থান অগম্য। যমুনোত্তরীতে দ্বিতীয় দিনটি কাটে আমার শুধু পাহাড়ের আবিষ্কারের নেশায় নয়, অজ্ঞা অক্ষয়তৎপরতাও ছিল। সারাটা দুপুর আর বিকেল কেটেছে মন্দিরের ধারের কাছে, যমুনার তীর বরাবর আর সূদূরপ্রসারী হিমবাহের হাতছানিতে। যাত্রী যারা এসেছে বা এল তাদের সঙ্গে পরিচয়সূত্রে সঞ্চয় তুলে নিয়েছি প্রচুর। কত দেশের মানুষ—যমুনোত্তরীর গহবরে এসে একাকারের পর্যায়ে এসে সব মিশে গেছে যেন। সকলের লক্ষ্য এক, তাই ভূমিকা গেছে লুপ্ত হয়ে—এখানে একটিমাত্র উপগাস, সে উপগাস মানুষের জয়-যাত্রার উপগাস। এখানে মানুষের সুর এক, ছন্দ এক। অথচ নিম্নভূমির এ অশুচিতার পাতা যায় উড়ে, বর্ণ যায় মুছে, তখন এ মনুষ্যগোষ্ঠীকে আর চেনা যায় না, ধরা যায় না।

সেই বেনিয়া দম্পতি অবশেষে এসে গেছে, সেই বিপুলকায়্য বোম্বাইবাসিনীকেও দেখলাম মুখারবিন্দের কাছে। কায়্য বিদ্রোহী হয়েছিল, কিন্তু মন ছিল অটুট, তাই মাথার ঘাম পায়ে ফেলা সার্থক হয়েছে। মুখে-চোখে একটা দিগ্বিজয়ের ছাপ—চলাফেরায় বিজয়িনীর চমক। আলাপ হয়—নিমন্ত্রণ পাই বোম্বাই গিয়ে একবার পায়ের ধূলা দেওয়ার। বললাম, “বাব—” মনে মনে ভাবি, এখানে যে পরিচয়ের হৃদয়তা, তা বাষ্প হয়ে উড়ে যাবে হয় ত—দেখলে চিনতে পারা হৃদয় হয় ত হবে বোম্বাইতে। দশ হাজার ফুটেরও ওপর যমুনোত্তরী, মানুষের মন উচু হওয়াটা এখানে স্বাভাবিক।

ঘুরি, ফিরি আর অভিজ্ঞতা সঞ্চয় হয়। কনকনে বাতাস, এ বাতাস ঐ গ্লেশিয়ারকে মুছে নেওয়া—তাই হাড়ের ভিতর গিয়ে ঢুকে আর বেরুতে চায় না। সাধু সন্ন্যাসীর খোঁজে নিরালা স্থানের খোঁজ নিই, দেখা পাই না কারুর।

সবই দেখি, সবই বুঝি কিন্তু খরসালীর সে স্মৃতি সবকিছুকে গ্রাস করে নেয় যেন, কেমন যেন বিষণ্ণ বোধ করি নিজেকে, কিছুই যেন ভাল লাগে না আমার।

এবার ফেরার পালা, তীর্থ পর্যটনের একটি ইতিহাস শেষ হয়ে গেল, আর একটি বাকী। তৃতীয় দিনে সকাল হতে না হতেই সূরু হ'ল গোছগাছ, মালপত্র বেঁধে নেওয়া। দুটি দিনের মাত্র স্মৃতি—এ স্মৃতি সঞ্চয় হয়ে থাক জীবনে, জপমালায় ভিতর এ স্মৃতির ঐশ্বর্য্য নেমে আসুক। আসা—আসা—আসা—এসে গেলাম অবশেষে, চড়াই ভেঙে, উংরাই ভেঙে, বন্ধুর পথরেথায় জীবনের মায়া কাটিয়ে, স্বপ্নের যমুনোত্তরীতে এসে গেলাম।

এবার ফেরার পালা, মাত্র দুটি দিন... জীবনে তাই সার্থক হয়ে

জলে থাক। একটি অধ্যায় শেষ হয়ে গেল, জীবনেরও একটি পূর্ণ অধ্যায় যেন শেষ হয়ে যাওয়া। কি পেলাম আর কি হারালাম, তার কড়াক্রান্তির হিসেব জমা করে তুলে রাখি জীবনে, ভবিষ্যতের ইতিহাসে এ হিসেব হয় ত বা মূলধন হয়েই দেখা দেবে।

আসার লগ্ন এসেছিল তাই এসেছিলাম, এ লগ্ন সৃষ্টির মালিক ত আমি নই, তাই গতিবেগটাকেই বুঝেছি, অণু কিছু নয়। এ লগ্ন শেষ হয়ে গেল, তাই ফিরে যাওয়া। পরিচ্ছেদের পর পরিচ্ছেদ, একটি খসে গেল জীবনের বৃন্ত থেকে, আর একটি পরিচ্ছেদের শেষ হবে, ভাগীরথীর উৎস সন্ধানের কুচ্ছ সাধনে।

তাই চলা শুরু হ'ল আবার। একটি স্বর্ণাঙ্কলের শেষে আর একটি স্বর্ণাঙ্কলের অদৃশ্য ইশারা, তারই জগ্গে যাযাবর জীবনে পা দুটোকে নিবৃত্তি দেওয়ার উপায় নেই। জগদীশ্বর অনন্ত পথ দিয়েছেন আমাকে, তাই পথের প্রান্তে নেমে আসার উদ্যোগ শুরু হয়।

বীরবলদের পিছনে রেখে ধরম সিং আর আমি রওনা দিলাম। মন্দিরে ওরা শেষের পূজাটি দিয়ে যেতে চায়, তাই এই বিলম্ব। বললাম, হনুমানচটিতে দেখা হবে আবার। আমার পূজা আর দেওয়া হ'ল না, জীবনের পূজা ত দেওয়াই বইল।

প্রকৃতির গহ্বর থেকে হেঁচড়ে উঠে আসি উপরে, আধ মাইলের সমতল ভূমির মায়া কাটিয়ে দেখা হয় সেই জীর্ণ মন্দিরটির সঙ্গে, যার ঐতিহাসিক তত্ত্ব সাধারণ যাত্রীদের কাছে অজানা ও অচেনা। যমুনোত্তরীর ঐ মন্দিরের সঙ্গে এ মন্দিরের কোন কিছুর মিল না থাকলেও প্রাচীনতায় কে বড় বোঝা গেল না, হয় ত এই মন্দিরই অগ্রজ। কিছুক্ষণ আমি এখানে কালিকামূর্তিকে আবার দেখি, ভাবি মা যমুনার মোহিনীমূর্তির রাজত্বে ঐ ঘনশ্যামার উদ্ভব কেন? প্রণাম জানাই, তার পর আবার এগিয়ে চলি।

যে ঐরাবত অজগর পাহাড় চড়াই হিসেবে অধাবসায়ের শেষ কণাটুকু শুধে নিয়েছে, নেমে আসার মুখে তার সান্ত্বনার আভাসমাত্র পাই না। উৎরাই হয়েছে চড়াই আর চড়াই উৎরাই। সেই দু'তিন ঘণ্টার ধ্বস্তাধ্বস্তি পাহাড়ের সঙ্গে, থেমে যাওয়া আর দম নেওয়া, তবে এবার একটু সহজ বলে মনে হয় যেহেতু কষ্টসাধনার উপর এক পশলা বর্ষণ ত আসার মুখেই হয়ে গেছে।

জানকীমাত্ৰ চটিতে এসে যাই সকাল সকাল, চায়ের পাত্র টেনে নিই, এখানে একটু বিশ্রাম ও কিছু আহাৰ্য্যবস্তু গ্রহণ করা এই যা। তার পর ধীরে ধীরে পুল পেরিয়ে যাই যমুনার, সেই যমুনা, স্মৃতির ভিতর যা এ ধারার মতই বয়ে চলেছে।

পাহাড়ের ঢালু অংশে মাহুষের বহু আয়াসের ফলে গড়ে ওঠা শশ্যশ্যামলা ধাত্তক্ষেতটি পেরিয়ে যাই, এর পর খরসালী গ্রাম এসে যায়।

আন্তে আন্তে চলি, গতিবেগে মস্তুরতা নেমে আসে কি জানি কেন! সেই খরসালী—জীবনে যা অনন্ত প্রশ্ন হয়ে রয়ে গেল। এ গ্রামখানা জীবনের ঐস্থিতে ঐস্থিতে জড়িয়ে গেছে যেন। বাড়ী-ঘরদোর—অনামী সেই গ্রাম্যমন্দির পেরিয়ে যাই, এসে পড়ি সেই

পথটুকুতে, যা উপলব্ধির বৃকের উপর সব হারানোর বিষণ্ণতার চিত্তা জ্বালিয়ে দিয়েছে। সেই নিস্তরক নিথর পথটুকুর মায়া—এখানে থেমে যাই নিজের অগোচরে!

অবুঝ ধরম সিংকে কিছু না বললেও জীবনের উপর দিয়ে একটা যে প্রচণ্ড ঝড় বয়ে গেছে আর সে ঝড়ের রুদ্রমূর্তি যে এই খরসালীর গ্রামের পথপ্রান্তে প্রকাশ পেয়েছে সেটা সে বুঝেছিল! চূপচাপ একটা পাথরের উপর যখন বসে আছি তখন সে এসে যায়—তারপর পিঠ থেকে বোঝা নামিয়ে সেও আমার সঙ্গে বসে পড়ে। তারপর শুরু করে সান্ত্বনা আর প্রবোধবাক্য—বন্ধুর মত, গুরুজনের মত, পরমাত্মীয়ের মত। বাহক হয়ে উঠে মন জানা-জানির সেতু—উত্তরকাশীর বালক হয়ে উঠে আলোকবর্তিকা! অথচ এ পথটুকুতে অববর্তনবাদের যে ইতিহাস তৈরি হয়ে গেল আমার জীবনে তার একটা কণাও তার জানা নেই। খেয়ালখুসিমত সে সান্ত্বনা দেয়—আমিও তাই শুনে যাই!

আর কি মায়াবিনীকে দেখা যায়? সে ফিকে সবুজ সাড়ীপরা রহস্যময়ীর সন্ধান আর কি আমি পাই? যা হারাল—তা হারাল, মাথা খুঁড়ে মরে গেলেও আমি আর তা পাব না! ওসব জিনিষ আসে একবারই—হ'বার নয়! হাহাকারের শূণ্যতাই জীবনে থেকে গেল...আমি যে পথের প্রান্তে ফুল দেখেছি, তাই এ অভিশাপের পসরা ও মরুভূমির দক্ষতা।

সরু সীমস্তের উপর স্বর্ণময় টিকলী...ওই স্মৃতির ভিতর বজ্রনী-গন্ধার মত ফুটে থাক...! খরসালী থেকে ছ' মাইলের মাথায় হনুমানচটি এসে পৌঁছই দ্বিপ্রহরের আগে—আজকের মত এখানে রাত কাটানো তারপর গাংনানীর পথে পাড়ি দেওয়া। সেই হনুমান-চটি, চিন্তার স্তূপ যেখানে মনের ভিতর বাসা বেঁধেছিল, যার থেকে নিষ্কৃতি ফেরার পথেও পেলাম না। সন্ধার ঝোঁকে যমুনার তীরে চলে যাই, বসে থাকি অনেকক্ষণ...যমুনোত্তরীর স্মৃতি তোলপাড় করতে থাকে মনের ভিতর। শীতের কাঁপুনি এখানেও—তাই বেশীক্ষণ বসা যায় না, উঠে পড়ি। বীরবলরা এসে গেছে...আমার ঘরেই তারা এসেছে, একসঙ্গে থাকার ব্যতিক্রম ঘটে নি, হনুমান-চটিতেও সেই উপরের ঘর...যাত্রার পথে যে ঘরটিতে কাটিয়ে গেছি। অদ্ভুত এই যোগাযোগ...ধর্মশালার আন্তর্জাতিক দাক্ষিণ্যে ভিতরেও আমি ঘরের দিকে বেশী না ছুটলেও ঘরই ছুটে এসেছে আমার দিকে বেশী করে। এর বিশ্লেষণ করেও সূত্র খুঁজে পাই নি। বীরবলদের এমন এক অদ্ভুত বিশ্বাস জন্মে গেছে যে বাবাজী ধর্মশালায় গেলেই ঘর পাবে, আর সে ঘর হবে উপরের ঘর, মজবুত ঘর, আভিজাত্যের পরিচয় আছে যাতে। উত্তরকাশী পর্যন্ত তাদের এ বিশ্বাসটি ওঁড় নি আর ভাঙে নি বলেই ওরা ঘর পাওয়ার না পাওয়া নিয়ে মোটেই মাথা ঘামায় নি!

সকাল হতে না হতেই চলা শুরু হয়। উজলী পেরিয়ে গেল—অনামী, গোত্রহীন উজলী! উজলীর পর যমুনাচটি—এখানে এসে গেলাম ন'টার মধ্যেই। যাওয়ার মুখে যে চড়াইটা বুকে বেজেছিল,

এবার সেটা উংরাইয়ের আকারে সুদে-আসলে আদায় করে নিয়েছে—তবে একবার অভিজ্ঞতার মধ্যে এসে গেলে সংশয় বায় কমে, ক্লাস্তি আসে কম। কাজেই ও চড়াইটা আর বিরাট কিছু হয়ে আসে নি—তবে সেই জলকষ্ট, যেটি যমুনোত্তরীর পথের নিত্য সঙ্গী। ধরম সিং যমুনাচটির আগে বৃদ্ধি করে কোথা থেকে যে জল নিয়ে এসে আমাদের পাওয়ায় বুঝতে পারি না! পাহাড়ী ছেলে অদৃশ্য ঝর্ণাকেও স্তম্ভে বার করে যেন। যমুনাচটিতে স্নান সেরে নি—চা খাই আর সেই সঙ্গে খাই গভীরতর হনুমানচটি থেকে আনা কিছু খাবার! কতক্ষণ থাকব এখানে? মাত্র সকাল ত নটা—তাই পথের প্রান্তে আবার নেমে আসি।

যমুনাচটি থেকে খারারী—তারপর সেই গাংনানী। বেলা একটার মধ্যেই পৌঁছে যাই। আজকের মত রাত্রিবাসের আয়োজন এখানে—তারপর কাল রওনা হতে হবে গঙ্গোত্তরীর দিকে।

একটি মহাতীরের ইতিহাস পরিক্রমা শেষে আর একটি মহাতীরের সংযোগস্থলে এসে গেলাম! এই নব ইতিহাসের পাতায় পাতায় আমার মত মূল্যহীন মানুষের জন্যে কি কাহিনী লিপিবদ্ধ হওয়ার নিমিত্ত উন্মুখ হয়ে আছে জানি না...! যাই থাকুক, তাকে অঞ্জলিভরে গ্রহণ করা চাই...সামান্য ভুলের জন্যে খরসালীর পথ-প্রান্তে সেই অত্যাশ্চর্য সম্পদের অর্থা হারানোর বিষাদসিঁদুর উৎপত্তি না হয়।

বদরীকানারায়ণের সেই মহাপুরুষ, যিনি বলেছিলেন—
“গঙ্গোত্তরী জানেসে মিল জায়গা—।”* গাংনানীর পর থেকে ভাগীরথীর ধারে ধারে সেই চরম ইঙ্গিতের ইতিহাস শুরু...।

ক্রমশঃ

* ‘শ্রীশ্রীকেশবদেবনাথ ও বদরীনাথ’ দ্রষ্টব্য।

হিন্দু কোড বিল ও বিশেষ বিবাহ বিল

শ্রীজ্যোতিষ্ময়ী দেবী

১৯৫২ সনের নির্বাচনের পর ছয় মাস পরেই ৬ই মে আর জুনের শেষভাগে “শ্বেটস্ম্যানে” হিন্দুকোড বিল ধামাচাপা দেওয়া সম্বন্ধে যে দুটি মস্তব্যসূচক লেখা বেরোয় তা সত্য প্রমাণ হয়ে গেছে, এতে আর দ্বিমত নেই।

এখন যা হোক কিছু ভেবে নিয়ে বিশেষ বিবাহ বিল নামে একটি বিল আমাদের সামনে আসছে। এটি শুধু বিবাহ-সম্পর্কেরই সংস্কার। সমস্ত হিন্দুজাতির পুরুষের এক-বিবাহ আর নরনারী উভয়েরই বিবাহ-বিচ্ছেদে সমান অধিকারের প্রস্তাব এতে রয়েছে। এতদিন অবধি পুরুষের ইচ্ছামত একাধিক বিবাহ হতে পারত এবং বিবাহ বিচ্ছেদ বা ত্যাগ করাটাও ছিল পুরুষেরই বিশেষ অধিকার। স্ত্রীর পরিত্যক্তা হলেও সেই স্বামীর স্ত্রীই থেকে যেতেন।

এসব কথাই আগে আর যে দু-একটি কথা এসব সম্পর্কে আমাদের মনে হয়েছে তা একটু বলি।

স্বাধীন ভারতের সংবিধানে আমরা মেয়েরা যে অধিকার পেয়েছি তার সঙ্গে এই হিন্দু কোড বিল চাপা দিয়ে সামান্য একটু বিবাহ সংস্কার বিল আনায় মোটেই সামঞ্জস্য নেই। কেননা, একথা সকলেই জানেন অর্থনৈতিক স্বাধীনতা না থাকলে, সন্ন্যাসী ছাড়া আর কারো সমাজে সম্মানিত জীবন-যাপন করা সম্ভব নয়। অসুগৃহীত জীবন নরনারী কোনো মানুষেরই কখনই বাঞ্ছনীয় নয়। হিন্দু কোড বিলে মেয়েরা এই অসুগৃহীত জীবন নিয়ে বেঁচে থাকা থেকে খানিকটা মুক্ত হতেন। সন্তান হিসাবে তাঁরা গণ্য হচ্ছিলেন। কণ্ঠ্য অধিকার বজায় ছিল বাপের সম্পত্তিতে।

এখন যে বিল আসছে তাতে সংবিধান অনুসারে মেয়েদের বিশেষ কিছুই পাওয়া হবে না। কেননা সমাজে নানা কারণে স্বভাবতঃই অসবর্ণ বিবাহ চলেছে এবং হিন্দু মতেই হচ্ছে, যদিও রেজিস্ট্রী করে হচ্ছে এবং এই মতে বিবাহ-বিচ্ছেদও অচল নয়, তাও প্রয়োজন হলে হয়ে থাকে। তবু এটা অবশ্যই স্বীকার করতে হবে—আনুষ্ঠানিক ক্ষেত্রে এই বিল খানিকটা স্বেচ্ছাচার, অনাচার, অত্যাচার বন্ধ করতে পারবে।

কিন্তু ভাল বলে মেনে নিলেও বলতে হয়, এই ভাড়াচোরা কাটা বাদ দেওয়া বিলটিও যেন আমাদের বহু-প্রচারিত পঞ্চবার্ষিক পরিকল্পনার মতই—মানুষের গোড়ায় দরকার, প্রথম ও প্রধান প্রয়োজন এবং সমস্যাগুলি থেকে দৃষ্টি সরিয়ে এক সুদৃঢ় ভবিষ্যতের অবস্থাকে অনুসরণ করে কাজ করার প্রয়াস। তার লক্ষ্য যেন এ যুগের দীনদরিদ্র মানুষ নয়, আগামী যুগের মানুষ।

যখন দেশে স্বচ্ছন্দ অন্নবস্ত্র পাওয়া, স্বাস্থ্যের ব্যবস্থা হওয়া, অবৈতনিক ও বাধ্যতামূলক প্রাথমিক শিক্ষা দরকার, তখন গ্রামে গ্রামে পল্লীতে পল্লীতে বয়স্ক-শিক্ষা নিয়ে অজস্র অর্থ-ব্যয় করা হচ্ছে। অথচ তাদেরই বালকবালিকাদের পড়া-শুনার খরচ, স্কুল-পাঠশালার বেতন, বইয়ের খরচের চাপে তারা জর্জরিত। বয়স্ক-শিক্ষা খুবই দরকার কিন্তু সঙ্গে সঙ্গে তার গোড়ার কথা—জাতির ভবিষ্যৎ আশা বালকবালিকা-গুলির ভাতকাপড়ের, স্বাস্থ্যের ভাবনা, বিনা মাহিনায় পড়া-শুনার আশু কি ব্যবস্থা আছে ঐ পরিকল্পনায়?

অথচ খরচ এবং করের দিকও তাঁরা দরিদ্র তাঁরাই বহন করছেন অর্ধাংশে, অভাবের নানা কুচ্ছ সাধনে। তাঁরা সন্তানদের শিক্ষা, স্বাস্থ্য ও অন্তঃস্বস্তি সহজলভ্য হলে কৃতার্থ হতেন।

আমাদের আরও মনে হয়, এই পরিকল্পনাটি রচনার সময়ে যে লক্ষ্য ছিল তার থেকে দূরে সরে যাওয়া হয়েছে। এখন যেন তার দৃষ্টির সামনে রয়েছে বিদেশের সমালোচক, দর্শক—দেশ নয়। এবং এও মনে হয় গান্ধীজী বেঁচে থাকলে দেশ ও দেশবাসী সামনে থাকত।

এই বিলেও ঐ কথাই আমাদের মনে হয় বিদেশের কাছে দেখানো হচ্ছে, অথবা প্রচার করা হচ্ছে, আমরা বিদেশী সভ্যজাতির মতই বিধিব্যবস্থা গ্রহণ করছি। না হলে মানুষের অধিকার সংবিধান অনুসারে মেনে নিলে তো হিন্দু কোড বিলের নারীর বিশেষ অধিকারের কথা আর নতুন করে ওঠে না। কেননা নরনারী জাতিবর্ণনিবিশেষে একই অধিকারভুক্ত; আইনের কাছে উভয়ের সমান অধিকার, সমান দাবি—এই কথা সংবিধানে স্পষ্ট রয়েছে।

এখন আমি গান্ধীজীরই ‘উইমেন এণ্ড সোশ্যাল ইন্জাস্টিস্’ অথবা ‘নারী ও সামাজিক অবিচার’ নামক বই থেকে দু’চার কথা তুলে দিচ্ছি কংগ্রেসের সামনে।

গান্ধীজী ঐ বইয়ে ‘মেয়েদের অবস্থা’ নামক প্রবন্ধে বলেন, ‘আমার অভিমত এই যে, মেয়েদের আইনতঃ কোন অধিকারই মেনে নেওয়া উচিত নয়...আমি ছেলে এবং মেয়েকে সমান মনে করা উচিত মনে করি...। এ ছাড়া আমার মনে হয় এই সব অত্যাচারের মূল আরো গভীরভাবে সমাজে বা পুরুষের মনে আছে যা সকলে বুঝতে পারেন না। এটা রয়েছে পুরুষের ক্ষমতালোলুপতা যশাকাজক্ষা...ইত্যাদির মধ্যে। সম্পত্তির অধিকারিত্ব এই ক্ষমতা দেয়। এটা হওয়া উচিত নয়...। আমি কোন সময়েই আইনগত অধিকারকে সমর্থন করি না।’ (পৃ. ১২) এই বইয়েরই মেয়েদের আর্থিক স্বাধীনতা থেকে তুলে দিচ্ছি আর একটুকু :

প্রশ্ন—অনেকের মত, বিবাহিতা মেয়েদের আর্থিক স্বাধীনতা দিলে সমাজ-জীবনে দুর্নীতি দেখা দেবে...। এ বিষয়ে আপনার কি মত ?


গান্ধীজীর উত্তর—আমি আপনাদের পাল্টে প্রশ্ন করব। ঐ স্বাধীনতা কি পুরুষ-সমাজকে দুর্নীতিপরায়ণ করেছে ?

যদি বলেন, হ্যাঁ, তা হলে আমি বলব মেয়েরাও তা হতে পারেন...। (পৃ. ১০৪)

এই অমূল্য চিন্তাসম্পদ ও অভিমতবিশিষ্ট বই থেকে আর একটু তুলে দেওয়ার ছিল, যাতে সর্বত্রই কি বিবাহ-ক্ষেত্র, কি অর্থনৈতিক ক্ষেত্র, স্পষ্ট এবং মিতভাষণের মালা থেকে গান্ধীজীর সমগ্র অভিমতটুকু পাওয়া যায়, সেটা সরকারকে দেখানোর জন্ত। কিন্তু সেকথা বাহুল্য হবে, কেননা, নেতারা জানেন কি করে চরকা-খদ্দেরের শাঁখ-খণ্টা বাজিয়ে বছরে একবার মহাত্মা গান্ধীর পূজা করতে হয় এবং বাকি দিনগুলি কি ভাবে যাপন করতে হয়।

আমার শেষ কথা : যে মহাত্মা ১৭৭৪ সনে আমাদের দেশে জন্মেছিলেন এবং ধর্ম্মকর্ম্মে সংস্কারে বহু দুর্লভ্য প্রতিকূলতা অতিক্রম করেছিলেন আর যঁার হৃদয়বস্তা ও মনীষা সমান ছিল, সেই মহামানব রাজা রামমোহন রায় নারীর বেঁচে থাকার অধিকার—তার নিজের প্রাণ-রক্ষার অধিকার স্বীকার করিয়ে নেন সমাজকে। স্ত্রীজাতির সম্বন্ধে তাঁর অত্যাচার মন্তব্য ও রচনা থেকে দু’একটা কথা তুলে দিচ্ছি যা প্রায় দেড়শো বছর আগের কথা। তাঁর জীবনচরিতে দেখি, “স্ত্রীলোকেরা শিক্ষিতা হয়; তাহারা তাহাদের উপযুক্ত অধিকার ও সম্মান লাভ করে...প্রাচীন শাস্ত্রানুসারে তাহাদের স্ত্রীধন ও দায়াদিকার সম্বন্ধে অধিকার পুনঃপ্রাপ্ত হয়।” এ ছাড়া বহুবিবাহ চিরবৈধব্য জন্ত সামাজিক বহু গ্লানির কথাও আলোচনা করেন। সেকথা যাক, মোটামুটি আমরা দেখতে পাচ্ছি মহামানব ও মনীষীদের চিন্তাধারা একই পথে চলে। তাঁদের চোখে নরনারী সমান, সব মানুষ একজাতি। ব্রাহ্মণশূদ্র, নরনারী, সাদাকালো—সব মানুষ সমান।

মহাত্মা গান্ধী আরও বলেন, বিচারের মানদণ্ড পুরুষের জন্ত এক রকম, নারীর জন্ত আর এক রকম হতে পারে না। নীতিগত নিষ্ঠা বা আনুগত্য দু’জনের সমান হওয়া উচিত। আমাদের ১৯শে এপ্রিলের সর্বভারতীয় মহিলাদিবস উপলক্ষ্যে সভায় যে কয়টি প্রস্তাব গ্রহণ করা হয়েছে, এখন সে বিষয়ে মেয়েদের বক্তব্য এই—নরনারী সকলেই এই বিষয়টি নৈব্যক্তিক ও নিলিপ্ত পরিচ্ছন্ন দৃষ্টিভঙ্গী নিয়ে যেন আলোচনা করেন—নর ও নারী দুই জাতি হিসাবে না করে মানুষ মনে করে’।





দাসত্ব-শৃঙ্খলিত মানবের মুক্তি

শ্রীঅনাথবন্ধু দত্ত

উনবিংশ শতাব্দীর প্রথম ভাগে তথাকথিত উন্নত এবং সভ্য দেশ-সমূহে দাসপ্রথা বিশেষভাবে প্রচলিত ছিল। ১৮৩৫ সনে উন্নত ইউরোপীয় জাতিসমূহের উপনিবেশে—উত্তর ও দক্ষিণ আমেরিকায়, দাসপ্রথা খুবই চালু ছিল। এই দাসপ্রথাকে আশ্রয় করিয়া খাড়া ছিল সমাজ ও সমাজের আর্থিক কাঠামো। তাহারা এই অমানুষিক সমাজব্যবস্থার উচ্ছেদ চাহিত, সাধারণ অপরাধীর মত তাহাদিগকে সাজা না দিলেও, তাহাদিগকে সমাজবিধ্বংসী আদর্শের অনুসরণকারী বলিয়া জ্ঞান করা হইত। অথচ ইহার অষ্টশতাব্দীর মধ্যই সর্বত্র দাসপ্রথার বিলোপসাধন হইয়া গেল।

প্রাচীন কিংবদন্তীতে দাসপ্রথার মূলের সন্ধান পাওয়া যায়। বেবিলনের প্রাচীনতম আইন অনুসারে এক জন মানুষ আর এক



এবে গ্রেগরী

জনের মালিক হইতে পারিত এবং এই সকল মানুষের উপর প্রায় মেষ প্রভৃতি জন্তুর মতই যথেষ্ট ব্যবহার করিত। মিশর, গ্রীস, রোম এবং প্রাচ্যের সকল দেশে দাসপ্রথার প্রচলন ছিল। গ্রীসের অগ্রতম শ্রেষ্ঠ দার্শনিক এরিস্টটল বলিয়াছেন, “নিম্নশ্রেণীর মানুষেরা স্বভাবতঃই দাস। তাহাদের কল্যাণার্থে—সর্বপ্রকার নিম্নশ্রেণীর জীবের জন্তই—তাহাদের উপর এক জন প্রভু থাকা বাঞ্ছনীয়।”

প্রাচীনকালে মানুষ নিজেকে কিংবা পরিবারের অগাধ ব্যক্তিকে দেনার দায়ে দাসরূপে বিক্রয় করিত। গ্রীসদেশে পাওনাদার দোকানকে দাসে পরিণত করিবার অধিকারী ছিল—অবশ্য এই নিয়ম পরে তুলিয়া দেওয়া হয়। তখনকার দিনে এক দেশের লোক

অপর দেশের লোককে হীন মনে করিত বলিয়া দাসপ্রথা ব্যাপকভাবে প্রচলিত হইতে পারিয়াছিল। ‘বর্কর’, ‘স্লেচ্ছ’ প্রভৃতি কথা হইতেই বিদেশীর প্রতি প্রাচীন জাতিসমূহের মনোভাব বোঝা যায়। বিজয়ী জাতি কেবল বিজিতের দেশ ও পশুপাল দখল করিত না, দেশের অধিবাসিগণের উপর মালিকানা পাইত। জুলিয়াস সীজার এক সময়ে ৬০,০০০ বন্দী দাসরূপে বিক্রয় করিয়াছিলেন।

বর্তমানকালে সমাজে কলকজার যে স্থান, অধিকাংশ প্রাচীন সমাজে দাসেরা সেই স্থান গ্রহণ করিয়াছিল। দাসেরা ছিল যেন সেকালের উৎপাদন-যন্ত্রের বিশেষ বিশেষ অংশ-স্বরূপ। মিশরের ফ্যারাওগণের বিরাট পিরামিড, রোমের বিস্তীর্ণ জলাধার এই দাসেরাই তৈরি করিয়াছিল। পুরাতন কালের জাহাজের দাঁড় বাওয়া, গ্রীস এবং রোমের খনি ক্ষেত্রে কাজে এই দাসদিগকে লাগানো হইত।

সকল সময়ই যে দাসেরা শোচনীয় ভাবে জীবন যাপন করিত তাহা নহে। এথেন্সে দাসেরা সুখেই থাকিত একরূপ জানা যায়। তাহারা উত্তম পোশাক-পরিচ্ছদ পরিত এবং একদিন তাহারা দাসত্ব-শৃঙ্খল হইতে মুক্ত হইতে পারিত। বিখ্যাত প্রাচ্যতত্ত্ববিদ পণ্ডিত রেনে গ্রসে (Rene Grousset) বলিয়াছেন, “এথেন্সে এক জন দাস এতটা ভাল ব্যবহার পাইত যে অগাধ দেশে স্বাধীন মানুষও ততটা পাইত না।”

অবশ্য রোমেই এই দাসপ্রথা সবচেয়ে বেশী প্রসারলাভ করিয়াছিল। যুদ্ধজয়ের পুরস্কার হিসাবে বিজয়ী জাতির লক্ষ লক্ষ দাস লাভ হইত এবং ইহারাই রাষ্ট্রের ভিত্তি-স্বরূপ হইয়া পড়িয়াছিল। দাসেরাই ছিল চিকিৎসক, শিক্ষক, পরিবারের ভৃত্য, ক্ষেত-মজুর। নাট্যাভিনয়, দড়ির উপরে নাচের খেলা, মানুষ ও জানোয়ারের সহিত কসবল এ সকলও দাসশ্রেণী দেখাইত। এথেন্সের মত রোমে দাসগণের অতটা স্বাধীনতা না থাকিলেও, রোমীয় দাস নিজের যোজগার হইতে অর্থ বাচাইতে পারিত এবং পরে উহা দ্বারা মুক্তি অর্জন করিতে পারিত।

কিন্তু প্রাচীনকাল হইতেই গ্রীস ও রোম, উভয় দেশেই দাস-প্রথার বিরুদ্ধে প্রতিবাদ উঠিয়াছিল। কোন অবস্থায়ই দাস সম্পত্তির মালিক হইতে কিংবা নাগরিকের অধিকার লাভ করিতে পারিত না। দাসের পুত্রকন্যারা ছিল প্রভুর সম্পত্তি। প্রভু ইচ্ছা করিলে ইহাদিগকে বিক্রয় করিতে পারিত। একমাত্র প্রভুর মজুর উপরেই নির্ভর করিত দাসের সুখ এবং দুঃখ। দাসের জীবন মরণ ছিল তাহার প্রভুর হাতে।

পেরিক্লিসের সময়ে (খ্রীষ্টপূর্ব ৫ম শতাব্দী) সোফোক্লিস এবং ইউরিপিডিস এথেন্সবাসীকে লক্ষ্য করিয়া বলিয়াছিলেন যে, দাসও মানুষ। “যদিও দাসের শরীর দাসত্বের বন্ধনে আবদ্ধ, তথাপি

তাহার আত্মা বন্ধনহীন বা মুক্ত”—ইহা সোফোক্লিসের উক্তি। কিন্তু তখন পর্য্যন্ত কেহই দাসপ্রথার উচ্ছেদ সম্বন্ধে কিছু বলেন নাই, কারণ সকলেই ভাবিতেন দাসপ্রথা উঠিয়া গেলে সমাজ অচল হইবে।

রোমের ইতিহাসে অনেক ‘দাস-বিদ্রোহ’ হইয়াছে—খ্রীষ্টপূর্ব ৭৩ সনে স্পার্টেকাসের নেতৃত্বে যে বিদ্রোহ হয় তাহা উল্লেখযোগ্য। কাপুয়া নামক স্থানের কসরত শিক্ষালয় (School of Gladiators) হইতে পলায়ন করিয়া স্পার্টেকাস বিসুবিয়াস পর্বতে গমন করে এবং সেখানে তাহারই মত ৬০,০০০ পলাতক দাস-সৈনিক সংগ্রহ করে। রোম হইতে প্রেরিত সৈন্যদল দুই বৎসর ধরিয়া বার বার তাহার নিকট পরাজিত হয়। কিন্তু এই

বহুদিন ধরিয়া মুসলিম দেশসমূহে দাসপ্রথা চলিয়া আসিতেছে এবং বিচ্ছিন্নভাবে ইহা এখন পর্য্যন্ত নানা দেশে দেখা যায়। কিন্তু মহম্মদের বাণী হইতেছে এই—“যে কেহ একজন মাত্র দাসকে মুক্তি দিবে সে নিজের সমস্ত শরীর নরকের অগ্নি হইতে রক্ষা করিবে।”

ভারতবর্ষে জাতিভেদ প্রথার কড়াকড়ির দরুন দাসপ্রথা কখনও বিশেষভাবে প্রসারলাভ করে নাই। জাপানে দাসপ্রথা বাহুতঃ কখনও দেখা যায় নাই।

খ্রীষ্টীয় চতুর্থ শতাব্দীর পবে ধীরে ধীরে ইউরোপ হইতে দাসপ্রথা উঠিয়া যায়। ইহার স্থলে মধ্যযুগীয় সার্ক-প্রথা দেখা দেয়।



উইলিয়াম হোয়েন



জোয়াকুম নাবুকো

বিদ্রোহ পরে দমন করা হয়। স্পার্টেকাস নিহত হইল, তাহার ছয় হাজার অনুবর্তীকে রোমে যাওয়ার পথে ক্রুশবিদ্ধ করিয়া হত্যা করা হইয়াছিল।

প্রাচীন খ্রীষ্টীয় প্রচারকেরা মানুষের আত্মার সাম্যের কথা ঘোষণা এবং দাসগণকে অগ্নাশ্রম সকলের তুল্য বিবেচনা করায়, দাসেরা এই নূতন ধর্ম গ্রহণ করিতে থাকে। আশ্চর্যের বিষয়, যে সময়ে খ্রীষ্টানেরা এইরূপ প্রচার করিতেছিল এবং দাসগণের উন্নয়ন-প্রচেষ্টায় ব্যাপৃত ছিল, প্রায় সেই সময়ে ৩৫ খ্রীষ্টাব্দে চীন সম্রাট কুয়াং-উ দাসগণের জীবনরক্ষার্থে আইন প্রণয়ন করিলেন এবং দাসের হস্তপদ বা অগ্নাশ্রম অঙ্গচ্ছেদের বিরুদ্ধে নিষেধাজ্ঞা প্রচার করিলেন।

চীনা নীতির মাপকাঠিতে একজন দাসকে কঠোরভাবে তিরস্কার করিলে অপরাধের পরিমাণ এক গুণ, তাহাকে রোগে চিকিৎসা না করিলে বা অতিদ্রুত খাটাইলে অপরাধের পরিমাণ দশ গুণ, তাহাকে বিবাহিত হইতে না দিলে অপরাধ শত গুণ, আর তাহাকে মুক্তি অর্জন করিতে না দিলে অপরাধ পাঁচ শত গুণ।

শ্রমিকের উপর প্রভুর মালিকানা রহিল না বটে, তবে সে প্রভুর কতকগুলি কাজ করিতে—বেগার খাটিতে, বাধা রহিল। কেহ পলায়ন করিলে প্রভু তাহাকে গ্রেপ্তার করিবার অধিকারী হইল। তবে কোন স্বাধীন নগরীতে সে এক বৎসর একদিন আত্মগোপন করিয়া থাকিতে পারিলে আইনের বিধান অনুযায়ী তাহাকে আর গ্রেপ্তার করা চলিত না। প্রভুর হুকুম ব্যতীত সার্ক নিজের বস্ত্র বিবাহ দিতে পারিত না। ইংলণ্ডে ১৩৮১ খ্রীষ্টাব্দের বিখ্যাত কৃষক-বিদ্রোহের (Peasant Revolt) পর সার্ক-প্রথা লোপ পায়—ফরাসীদেশে লোপ পায় ফরাসী-বিদ্রোহের প্রায় সঙ্গে সঙ্গেই। রুশদেশে জার দ্বিতীয় আলেকজান্ডার ১৮৬১ সনে চার কোটি সার্ককে মুক্ত করিয়া দেন।

পঞ্চদশ শতাব্দীতে যখন ইউরোপীয়গণ প্রথম নিগ্রোদের সংস্পর্শে আসে তখন আবার দাসপ্রথা প্রচলিত হয়। ১৪৪৪ খ্রীষ্টাব্দে পর্তুগীজেরা দাসব্যবসায় আরম্ভ করে, কিন্তু পর্তুগীজ রাজকুমার বিখ্যাত নাবিক হেনরী এই ব্যবসা নিষিদ্ধ করিয়া দিয়াছিলেন।

ইহার কিছু পরে নূতন জগৎ (আমেরিকা) আবিষ্কৃত হয় । স্পেন পর্ন্ত গাল, ইংলণ্ড এবং অল্পাংশ ইউরোপীয় জাতির জাহাজগুলি আফ্রিকা ও আমেরিকার সমুদ্রপথে এই যুগিত মানুষ-চালান-ব্যবসা আরম্ভ করে । এরূপ অনুমান করা হয়, ষোড়শ ও ঊনবিংশ শতাব্দীর মধ্যে ৩,২০,০০,০০০ নিগ্রোকে আফ্রিকা হইতে আমেরিকায় চালান দেওয়া হইয়াছিল ।

প্রতি চারিটি নিগ্রোর মধ্যে একটি আমেরিকায় জীবন্ত পৌঁছিত । আফ্রিকায় যে 'মানুষ শিকার' চলিত তাহাতে কিংবা পথের কষ্টে তিন জন মারা পড়িত । যে রকম নির্মমভাবে জন্তু-জানোয়ারের মত জাহাজে ঠাসাঠাসি করিয়া তাহাদিগকে সাগরপারে চালান দেওয়া হইত তাহা অবর্ণনীয় । যখন দাসব্যবসায় আইন করিয়া



উইলিয়াম উইলবারফোর্স

তুলিয়া দেওয়া হইল তখন দাসগণের দুর্দশা আরও বাড়িল । সমুদ্রে সরকারী বক্ষী-জাহাজ তাড়া করিলে দাসবহনকারী জাহাজ উহার 'মানুষ-মাল'গুলি সমুদ্রের জলে নিক্ষেপ করিত ।

দাস-ব্যবসায়ের নিষ্ঠুরতার কাহিনী যতই ইউরোপীয় জনগণের কানে পৌঁছিতে লাগিল ততই মানুষের বিবেক ও বিচারবুদ্ধি ইহার বিরুদ্ধে বিদ্রোহ করিয়া উঠিল । দাসব্যবসা-বিলোপ আন্দোলনের অগ্রদূত ছিলেন একজন ইংরেজ—পোয়েকার উইলিয়াম পেন । পরধর্মসহিষ্ণুতা ও বিবেকের স্বাধীনতারক্ষা এই দুই আদর্শে অনুপ্রাণিত হইয়া তিনি পেনসিলভেনিয়ায় একটি উপনিবেশ স্থাপন করিয়াছিলেন । ১৬৯৭ সনে তিনি ইংলণ্ড ফিরিয়া গিয়া নিগ্রো-দাস-ব্যবসায় রোধ করিবার জন্ত আন্দোলন আরম্ভ করিলেন । তখনও দেশ তাঁহার উদার মনোভাবপ্রসূত আন্দোলনের জন্ত প্রস্তুত হয় নাই । পরবর্তী শতাব্দীতে বহু লোক পেনের মতই দাস-ব্যবসায় তুলিয়া দিবার জন্ত আন্দোলন করিয়াছিল । আমেরিকায়

প্রেসিডেন্ট টমাস জেফারসন দাসপ্রথার বিরোধী ছিলেন । তিনি মাত্র এক ভোটে পরাজিত না হইলে ১৭৮৭ সনের মার্কিন সংবিধানের বলেই দাসপ্রথা বাতিল হইয়া বাইত ।

মোটামুটি ভাবে দাসপ্রথার বিলোপে দুইটা স্তর দেখা যায়— প্রথমে দাস-ব্যবসায় তুলিয়া দেওয়া হয় এবং পরে দাসপ্রথা বাতিল করা হয় ।

১৭৭৬ সনে ইংলণ্ডের হাউস অব কমন্সে এরূপ একটি প্রস্তাব উপস্থাপিত হয়—“দাস-ব্যবসায় ভগবানের বিধান এবং মানবাধিকার-বিরোধী ।” এই প্রস্তাব প্রত্যাখ্যাত হয়, কিন্তু দাসপ্রথার আয় শেষ হইয়া আসিয়াছিল । ১৭৯২ সনে ডেনমার্ক পাশ্চাত্য দেশ-সমূহের মধ্যে সর্বপ্রথমে দাস-ব্যবসায় বাতিল করিবার গৌরব অর্জন করে ।

ইংরেজ জাতির মধ্যে দাসব্যবসা-বোধ আন্দোলনে উইলিয়াম উইলবারফোর্সের (১৭৫৯-১৮৩৩) নাম চিরস্মরণীয় হইয়া আছে । বহু আয়াসের পরে ১৮০৭ সনে তিনি জয়যুক্ত হন এবং ক্রমে ইংলণ্ডের চেষ্টায় সমগ্র ব্রিটিশ সাম্রাজ্যেও দাসব্যবসা বাতিল হইয়া যায় । ইংলণ্ডের অনুসরণ করিয়া আমেরিকার যুক্তরাষ্ট্র ১৮০৮ সনে দাসব্যবসা অবৈধ ঘোষণা করে । ইতাল্যেও ১৮১৪ সনে এবং ফরাসী-দেশে ১৮১৫ সনে দাসব্যবসায় বেআইনী বলিয়া ঘোষণা করা হয় ।

'দাস-ব্যবসা' ত রোধ হইল কিন্তু 'সত্যতার কলঙ্ক' দাস-প্রথা রহিয়া গেল । ইংলণ্ডে উইলবারফোর্স ব্যাপকভাবে আন্দোলন চালাইতে লাগিলেন । ছোট ছোট সংস্কারমূলক আইন পাস হইল । ইউরোপের ক্ষুদ্র ক্ষুদ্র দেশগুলি দাসপ্রথা আইনের বলে তুলিয়া দিল । ইহাতে ইংলণ্ডের সমাজ-সংস্কারকগণ নূতন অনুপ্রেরণা লাভ করিলেন । উইলবারফোর্সের মৃত্যুর তিন বৎসর পরে ১৮৩৮ সনে ইংরেজশাসিত দেশের দাসগণ সম্পূর্ণভাবে মুক্তি পাইল, দাসপ্রথার পুরাপুরি উচ্ছেদ হইল ।

ফরাসী দেশে দাসমুক্তি-আন্দোলন নানা বৈপ্লবিক আন্দোলনের সহিত বিজড়িত ছিল । ১৭৮৮ সনে এই উদ্দেশ্যে একটি সমিতি (Societe des Amis des Noirs) স্থাপিত হয় । ফরাসী জাতি বিপ্লবের মধ্যেই ১৭৯৪ সনে জাতীয় সম্মেলনে একটি ডিক্রী দ্বারা দাসপ্রথা বাতিল করে । এই সময় সর্বপ্রকার অধিকার-বঞ্চিত ইহুদীগণকে নাগরিক এবং রাষ্ট্রীয় অধিকার দেওয়া হয় । কিন্তু ১৮০৯ সনে নেপোলিয়ান উপনিবেশসমূহে দাসপ্রথা পুনঃপ্রবর্তন করেন । ভিক্টর স্কোয়েলসের নেতৃত্বে দাসপ্রথার বিরুদ্ধে প্রবল জনমত গড়িয়া উঠে, ফলে ১৮৪৮ সনে দাসপ্রথা সম্পূর্ণরূপে বাতিল হইয়া যায় ।

কিন্তু দাসপ্রথা বিদূরণে উত্তর এবং দক্ষিণ আমেরিকা প্রচণ্ড প্রতিকূলতার সৃষ্টি করে, কারণ সেখানকার আর্থিক বনিয়াদ ছিল দাসপ্রথার ভিত্তির উপর স্থাপিত । দাস-ব্যবসা বেআইনী এবং নিষিদ্ধ হওয়া সত্ত্বেও চতুর ও নিষ্ঠুর দাসব্যবসায়িগণের দাস-আমদানীর বিরাম ছিল না । ১৮২০ সনের একটি হিসাবে জানা

যার বে, প্রতি বৎসর আমেরিকার প্রায় ২০,০০০ নিগ্রো দাস আমদানী করা হইত। ১৮৪০ হইতে ১৮৬০ পর্যন্ত এই ব্যবসারের একটি প্রধান কেন্দ্র ছিল নিউ ইয়র্ক—বোটন ও পোর্টল্যান্ডের স্থান ছিল ইহার নিজে। ১৮৫৬ সনে আনুমানিক চল্লিশখানি আহাজ দাস আমদানীর জন্য উত্তর আমেরিকার বন্দর হইতে বাজা করে এবং এই মুণিত ব্যবসারে ১,৭০,০০,০০০ ডলার মুদ্রাফা বেগায়।

১৮৫২ সনে 'আকল টমস কেবিন' নামক একখানি বিখ্যাত পুস্তক হেরিয়েট বিচার টোই কর্তৃক লিখিত হয়। এই পুস্তক বহু ভাষায় অনূদিত হইয়াছিল। মূল পুস্তক প্রকাশের দীর্ঘকাল পরে বাংলা ভাষায়ও 'টমকাকার কুটীর' নামে ইহার একখানি অনুবাদ প্রকাশিত হয়। দাসপ্রথার বিলোপ-সাধনে আকল টমস কেবিন খুবই সাহায্য করিয়াছিল। দীর্ঘকালব্যাপী রক্তক্ষয়ী গৃহযুদ্ধের অবসানে, আমেরিকার সংবিধানের ত্রয়োদশ সংশোধন মঞ্জুর হইলে ১৮৬৫ সনের ডিসেম্বর মাসে দাসপ্রথা যুক্তরাষ্ট্রে চূড়ান্তভাবে বাতিল হইয়া যায়।

লাটিন আমেরিকায় কিন্তু ইহার পূর্বে হইতেই দাসপ্রথা ক্রমে ক্রমে উঠিয়া যাইতেছিল। ইকোয়েডর ১৮৫১ সনে দাসপ্রথা তুলিয়া দেয়। একমাত্র ব্রেজিলদেশেই দাসপ্রথা আরও কিছুদিন শিকড় গাড়িয়া ছিল।

১৫৮০ সনে ব্রেজিল আবিষ্কৃত হয়। ইহার ত্রিশ বৎসর পরেই এখানে দাসপ্রথা প্রচলিত হয়। ৩০০ বৎসর ধরিয়া ব্রেজিলে দাসপ্রথা চালু ছিল—অষ্টাদশ এবং ঊনবিংশ শতাব্দীতে এখানে দাসব্যবসা প্রবলভাবে চলিয়াছিল। কত নিগ্রো আমদানী হইয়াছিল তাহার সঠিক হিসাব না পাওয়া গেলেও, ইহাদের সংখ্যা যে বহু লক্ষ তাহাতে সন্দেহ নাই।

আশ্চর্যের বিষয় এই যে, ব্রেজিলে যে সকল নিগ্রো-দাস আমদানী হইত তাহারা অনেকে স্থানীয় অধিবাসীবৃন্দ অপেক্ষা শিক্ষা-দীক্ষার শ্রেষ্ঠ ছিল। ইহাদের অনেকেই ভাল লেখাপড়া জানিত এবং কেহ কেহ আবার আরবী ভাষায় ব্যুৎপন্ন ছিল। এই জগৎ নিগ্রোরা নির্বিবাদে এই দাসত্বকে মানিয়া লয় নাই—ব্রেজিলের ইতিহাসে নিগ্রো-বিদ্রোহের অনেকগুলি দৃষ্টান্ত আছে। পলাতক দাসগণ আত্মরক্ষার্থ বিপুল সংখ্যায় একত্রিত হইয়া গভীর জঙ্গলে কুইলম্বো বা উপনিবেশ স্থাপন করিত। সপ্তদশ শতাব্দীতে উত্তর-পূর্ব ব্রেজিলে এরূপ একটি কুইলম্বো গড়িয়া উঠে। বহু পলাতক দাস হাজারে হাজারে মিলিয়া প্রায় ২৪০ মাইল ব্যাপিয়া সুরক্ষিত গ্রামে ঘাঁটি স্থাপন করে। ইহারা এতই শক্তিশালী হইয়া উঠে যে সত্তর বৎসরের চেটারও প্রথমে ওলন্দাজ এবং পরে পর্তুগীজেরা

ইহাদের সংহতিকে বিনষ্ট করিতে পারে নাই। বহু বৃদ্ধের পর কুইলম্বো বা 'নিগ্রো রিপাব্লিক' ১৬৯৭ সনে দমন করা হয় এবং ইহার নিগ্রো নেতা জুর্জী নিহত হন।

বত বুর জানা যার, ব্রেজিলে সর্বপ্রথম জেনুইট ম্যানোল ড নেভ্রেগা লিসবনে তাঁহার বক্তৃৎগণের নিকট পত্র লিখিয়া সেদেশে নিগ্রো দাস আমদানীর প্রতিবাদ করেন। ১৭৫৮ সনে ম্যানোল দ্য যোচা লিসবনে একখানি পুস্তক প্রকাশ করিয়া দাস আমদানীর বিরুদ্ধে মত প্রকাশ করেন। ক্রমে দাসেদের মুক্তির অহুকুলে একল জনমতের সৃষ্টি হইতে লাগিল। ১৮৭১ সনে "ল অব রাইও জারকো" অহুসায়ে ক্রীতদাসের পুত্র-কন্যাগণ মুক্ত বলিয়া ঘোষণা করা হইল।

১৮৮০ সনে চারিদিকে দাসমুক্তি-আন্দোলন প্রবলভাবে চলিতে লাগিল। বিখ্যাত রাষ্ট্রবিদ এবং বক্তা রয় বরবোসা সাহিত্যিক গঞ্জাগার কর্তে কঠ মলাইয়া প্রচার করিলেন—“কেহ দাস থাকিলে না, কেহ মালিক থাকিলে না, সকলের হস্ত হইবে বন্দনহীন,



বন্দীকৃত নিগ্রোদের পায়ে হাঁটাইয়া সমুদ্রতীরে লইয়া যাওয়া হইতেছে

সকলের মন হইবে মুক্ত।” ব্রেজিলের দাস-মুক্তি-আন্দোলনের নেতৃত্ব গ্রহণ করিলেন জোয়াকুইম নাবুকো। পার্লামেন্টের প্রথম বক্তৃতায় তিনি বলিয়াছিলেন, “আমি এখানে উদারনৈতিক দলের লোক দেখিতেছি, কিন্তু উদার নীতি দেখিতেছি না।” আন্দোলনের সূচনাতেই সহস্র সহস্র দাসকে মুক্ত করিয়া দেওয়া হইতেছিল। ১৮৮৮ সনে রাইওর কেন্দ্রীয় সরকার প্রিন্সেস ইসাবেলের আদেশে অবশিষ্ট ৬,০০,০০০ নিগ্রো দাসের মুক্তির কথা ঘোষণা করিলেন।

মায়ুবেব ইতিহাসের কলঙ্করূপ এই অবাঞ্ছিত দাসপ্রথা খুব অল্প দিনের চেটারই বিলুপ্ত হইয়াছে বলা চলে। এককালে এই প্রথায় উচ্চদ্রাঘ আদর্শবাদ বলিয়া উপেক্ষিত হইত। কিন্তু মহামুণ্ডর মানবধর্মী ব্যক্তিগণের অব্যবসায় ও অক্লান্ত চেটার কলে আজ সাধারণ মায়ুবেব ব্যক্তি-স্বাধীনতার তাৎপর্য বৃদ্ধিতে পানিয়াছে।

প্রতি দেশেই বহু মরণারী মায়ুবেব এই মৌলিক অধিকারের

কৃত সংগ্রাম করিয়াছে। এই সম্পর্কে আমেরিকার প্রেসিডেন্ট আব্রাহাম লিংকনের কীর্তি অমর চইয়া আছে। অপর যে কয়জনের নাম এই প্রসঙ্গে বিশেষ উল্লেখযোগ্য, তাহারা দেশবিদেশে বিখ্যাত আ হইলেও বদেশে স্বর্গীয় হইয়া রহিয়াছেন। তন্মধ্যে কয়েক জনের সংক্ষিপ্ত পরিচয় নিম্নে দেওয়া হইতেছে :

ফ্র্যাঙ্ক গ্রেগরি (১৭৫০-১৮৩১)। ইহার চেষ্ঠার ১৭৯৪ সনে ক্রীতদাস দেশে দাসপ্রথার উচ্ছেদের সুত্রপাত হয়।

উইলিয়ম গ্লেডেন (১৮০১-১৮৭৬)। ইনি হল্যান্ডে দাসপ্রথা নিরাসনের কৃত আন্দোলন করেন।



মুক্তিলাভে ক্রীতদাসগণের উল্লাস

জোয়াকিম নাবুকো (১৮৪৯-১৯১০)। ইনি হইতেছেন ব্রেজিলের দাসপ্রথা-বিলোপ আন্দোলনের বিখ্যাত নেতা।

একদা খ্রীষ্টান ধর্মের প্রেমের বাণী দাসদিগকে উদ্ধৃত করে। পরবর্তী যুগে কিন্তু খ্রীষ্টান পাদরীগণকেই দাসপ্রথার সমর্থন করিতে দেখা গিয়াছিল। অবশ্য, পরে আবার দাসপ্রথার উচ্ছেদসাধনে খ্রীষ্টীয় মূল্য প্রদর্শিত হয়।

দাসদের উপর কি রকম অত্যাচার করা হইত, কাদার

টমাস মার্কেটোর উক্তি (১৫৬২ সন) হইতে তাহা জানা যায় :

“উহাদিগকে (দ্রুত নিগ্রোদিগকে) সমুদ্রতীরে বিবিন্না রাখা হইত এবং একজন জন হিটাইরা দিয়া খ্রীষ্টান করিত। ইহা ছিল অত্যন্ত বীভৎস আচরণ, কেননা খ্রীষ্টান করার পথেই ইহাদের প্রতি জানোয়ারের মত ব্যবহার করা হইত। ইহাদিগকে বাধিয়া শূকরের জায় জাহাজের খোলের মধ্যে বোকাই করা হইত।” ক্রীতদাসগণের উপর অকৃত্রিম অত্যাচারের আর একটি বর্ণনা উদ্ধৃত করা যাইতেছে :

“বন্দীকৃত নিগ্রোগণকে তিন বা ততোধিক মাস পায়ে হিটাইয়া সমুদ্রতীরে উপস্থিত করা হইত। এই পথ অতিক্রমণই ছিল তাহাদের পক্ষে শৌচনীয় ও ভয়াবহ। তাহাদের হাত দুইখানি পিছমোড়া করিয়া বাধা থাকিত, পশুর মত প্রত্যেকেরই গলায় দড়ি—এক দড়িতে সকলে বাধা। অনেক সময় মুখে ঘোড়ার লাগামের মত একটা কিছু আঁটা থাকিত। ক্রহ পলাইয়া বাইবে সন্দেহ করিলে তাহার ঘাড়ে চারি হস্ত প্রমাণ বৃহৎ কাঠখণ্ড বাধিয়া দেওয়া হইত—ঐ কাঠখণ্ডকে দুই দিকে লৌহশলাকা দ্বারা ঘাড়ের সঙ্গে আঁটিয়া দেওয়া হইত। বিক্রয়ার্থ এই ‘মানুষপণ্য’কে কোথাও দাঁড় করাইতে হইলে চারিদিকে বেড়া দ্বারা ইহাদের সুরক্ষিত করা হইত।”

মানুষ মানুষের প্রতি যে সকল চূড়ান্ত রকমের নিষ্ঠুর আচরণ করিয়াছে, দাসপ্রথা তাহার অগ্রতম। আজ দাসপ্রথা প্রায় নিঃশেষে লোপ পাইয়াছে বটে, কিন্তু দুর্বলের উপর প্রবলের অত্যাচারের অবসান আজও হয় নাই। দুর্গতদের দুঃখমোচন করিতে গিয়া যে সকল শ্রেষ্ঠ মানব জীবনপাত করিয়াছেন তাহাদের কৃতি ও আদর্শ যদি সমগ্র মানবসমাজকে কল্যাণের পথে পরিচালিত করে তাহা হইলেই হিংসাধ্বকলুষিত, ভেদবৈষম্যপূর্ণ পৃথিবীতে প্রকৃত শান্তি প্রতিষ্ঠিত হইবে।*

* রাষ্ট্রপুঞ্জ কর্তৃক প্রকাশিত তথ্যাদি এই প্রবন্ধে ব্যবহৃত হইয়াছে



অকস্মাৎ সেদিন নীলার মুখ দেখতে পাই নি—কিন্তু কথার সুরে মনে হ'ল ওর অথবা কুটে উঠেছে আত্মপ্রত্যয়ের হাসি—‘সব কথা মুখ কুটে বলবার দরকার হয় না নীতীশদা! আমিও নারী—আমার চোখ দুটো আর মন বলে একটা পদার্থ আছে। তুমি প্রতিদিন যে আকর্ষণের জাল ছাড়িয়ে দিচ্ছিলে তার স্মৃতির যে কখন আমার মন জড়িত হয়ে পড়েছিল, তা তোমার মত আমিও প্রথম টের পাইনি। তোমার চলাকোরার ব্যঙ্গের আমার প্রাণে দোলা দিয়েছিল। তোমার প্রতি আমার মন শ্রদ্ধার আকৃষ্ট হ'ল। তারই মুকুটে একদিন আবিষ্কার করলাম তোমার ছবি। কিন্তু এ পথও আমাদের নয়।’

‘তুমি আমায় তুল বুল না। তোমার ভালবাসা পেয়েছি এর চেয়ে বেশী আমার আর চাইবার কিছু নেই। নিষ্কাম ভালবাসা আদর্শ বলে গ্রাহ্য হতে পারে; কিন্তু প্রতিদিনকার জীবনে তাকে প্রতিষ্ঠার কথা চিন্তা করে দেখি নি। তবে সাধারণ মানুষ অত ভাবে না, তারা বাইরেটা দেখেই সব বিচার করে। তুমি তাদের চোখে হীন হয়ে যাবে—এ আমি কিছুতেই সহ্য করতে পারব না।’

নীলার উপদেশের উত্তাপ আমাকে ক্রমশঃ অতিষ্ঠ করে তুলল। কেমন একটা অস্বস্তি বোধ করতে লাগলাম। সহশক্তির সীমা যেন ছাড়িয়ে যেতে লাগল। নীলার আঙুলগুলি আমার চুলের মধ্যে তখন বিচরণ করছিল। আমি নীলার হাত চেপে বললাম, তুমি আমায় ক্ষমা কর নীলা।

নীলার কণ্ঠে আবেগের সুর, তুমি অপরাধ করলে কোথায় যে তোমায় ক্ষমা করব। তুমি কোন দোষ করো নি নীতীশদা। তুমি আমায় ভালবেসেছ। তারই আকর্ষণে আমার মনে জাগল তোমার প্রতি শ্রদ্ধা। আমিও আমার একান্ত অজান্তে তোমায় আকর্ষণ করতে লাগলাম। তুমি ক্রমেই কাছে আসতে লাগলে। মনে হয়েছিল তোমায় পেলে আমার জীবন সার্থক হবে।

তবে, তবে, কেন তুমি আজ আমার এমনি করে প্রত্যাখ্যান করতে চাইছ নীলা!

গভীর দীর্ঘনিঃশ্বাস ত্যাগ করে নীলা বলতে লাগল, ‘কিন্তু একদিন আবিষ্কার করলাম তোমার হৃদয়ে বিপ্লবের প্রবাহ বড় সঙ্গীর্ণ। কামনা-বাসনার পাঁক জমে জমে একদিন ও পথ বন্ধ হয়ে যাবে। তোমার মনটা একটা বন্ধ জলাভূমিতে পরিণত হয়ে, তুমি সমিতির অস্বাস্থ্যের কারণ হয়ে দাঁড়াবে। সেদিন থেকেই নিজের মনকে শক্ত করতে চেষ্টা করলাম। তুমি ভেবো না—আমি সেই জাতের মেয়ে যারা পুরুষের দুর্বল-মূর্খত্বের সুযোগ নিয়ে তাদের দাবিয়ে রাখে, কর্তৃত্ব করে। এভাবে কেউ কেউ নিজেকে আকর্ষণ-যোগ্য বলে পরোকে প্রচার করে আর সূচ্য বাড়ায়। চুষক ছাড়া যেমন লোহা আকৃষ্ট হয় না, তেমনি নারীর প্রথম না থাকলে পুরুষও এপোতে সাহস পায় না। অবশ্য হুবুঁজের কথা আলাদা। ওরা মনের ধার ধারে না।’

‘তুমিই কেন তবে আমার হৃদয়ের পাঁক মুখে সন্নিবেশ দিয়ে আমার সাধী হও না নীলা।’

‘তা'আর হয় না নীতীশদা! তুমি ধরে কিয়ে বাও। বিয়ে করে সুন্দর সংসার পড়ে তোল আর সমিতির প্রতি সহানুভূতি রাখ অচঞ্চল। তাতেই হবে তোমার সবচেয়ে সার্থকতা, সমিতির সবচেয়ে বড় সহায়তা। তুমি কি জান না আমাদের কত সহানুভূতি-শীল গৃহী সন্ত্য আছে যারা পদে পদে সাহায্য করে আমাদের পথ দিয়ে দিচ্ছে আদর্শের পথে।’

আমার আত্মাভিমানের আঘাত লাগল। দুর্বলতার স্মৃতি এতক্ষণ আমাকে ভাসিয়ে নিয়ে চলেছিল তার গতি হঠাৎ বন্ধ হওয়া আশ্চর্য্যে নীলার হাত আমার মাথার ওপর থেকে সন্নিবেশ দিয়ে ছেড়ে উঠে বললাম, নীলাকে বললাম, ‘তুমি আমায় তুল বুলে নীলা। তুমি আমার হৃদয়ে দেখতে পেয়েছ বিপ্লবের কীর্ণ ধাক্কা, কিন্তু মনে বেগ তাই হবে এক দিন বিঘাট নদী। যে দুর্বলতার পাঁককে তুমি আজ আজুল দিয়ে দেখিয়ে দিলে তাকে ভাসিয়ে দেব বিপ্লবের বজ্র—নিজের মনের আগুনে দেব পুড়িয়ে যা কিছু জঞ্জাল জমেছিল।’

নীলা আবেগপূর্ণ কণ্ঠে বললে, ‘তোমার জীবন সার্থক হোক এই আমার কামনা। আমায় ধারণা মিথ্যা হলে আমার চেয়ে বেশী সুখী আর কেউ হবে না নীতীশদা। আমি তোমার দয়িতা হতে পারলাম না বলে মাপ কর। তবে এ তুমি নিশ্চয় জেনো যতদিন বেঁচে থাকবে ততদিন আমি তোমার বন্ধু—অকপট। এ শুধু আমার মুখের কথা নয়—একথা আমার অন্তর থেকেই বলছি।’

কথা শেষ করে নীলা আমার হাত ধরে আশ্চর্য্যে আশ্চর্য্যে বাইরে টেনে নিয়ে গেল। যেন বহুচালিত হয়ে চলেছি তেমনি করেই ওর সঙ্গে গেলাম। সমস্ত কথা আমার ফুরিয়ে গেছে।

কাহিনী শেষ হ'লে আমার হৃদয় মথিত করে দীর্ঘনিঃশ্বাস বেরিয়ে এল। বিহুদা কোন মন্তব্যই করলেন না।

আমি কি তবে সংসারে একা। আর কেউ কি আমার মত পেয়ে হারায় নি। এই যে আমার সঙ্গে চলেছে আমার সহবাত্রী, পথপ্রদর্শক, বন্ধু—যে শত সহস্র লোকের নেতৃত্বদে প্রতিষ্ঠিত তার মনে কি কেউ কখনও এমনি করে অস্তুতঃ ক্ষণেকের তরেও তীব্র আগুন জালিয়ে দিয়ে যায় নি! কোন তড়িৎ-লতাই কি তার হৃদয়কে স্পর্শ করে নি। দয়া, মায়ী, স্নেহ, শ্রীতি সবই ত বিহুদার অন্তর ভরে রয়েছে। কেবল কি নারীর প্রেমই তাকে ছুঁয়ে যেতে পারে নি। অকস্মাৎ ওর মুখ দেখতে পেলাম না। কে জানে কোন ভাবের গাড়ে ওর মন ডুব দিয়েছে।

বুড়িগঙ্গা ধলেশ্বরীতে গিয়ে যে আত্মসমর্পণই করেছে তা নয়, বেরিয়েও এসেছে ধলেশ্বরীর প্রবাহ থেকে। চলতে চলতে একদিন

কেন কিসের খেয়ালে স্বভিগদাকে অস্ত পথে হইতে দিয়ে আবার
কিঘিরে নিয়ে এল আপন অকলতলে। নদীই বোধ হয় এখনি
খেয়ালী হতে পারে। মানুষের জীবনে কি এনিধারা ঘটে। চলতে
চলতে হাদের পথ আলাদা হয়ে গেল, তারা কি আবার একই
কোছানার মিলিত হয়। কিংবা জনমভোর ভিন্ন পথে চলে গুরবে
কর। বিষহ-বেদনার।

আজ এসব লিখতে গিয়ে নীলার প্রতি শ্রদ্ধার মাথা নত হয়ে
এল। ও যে আমায় অন্তরের অন্তস্তল পর্যন্ত দেখতে পেয়েছিল
জা সেদিন স্বীকার করতে পৌরবে বাপলেও আজ আর স্বীকার
করার কি করে।

হঠাৎ বিমুদার কথায় চমকে উঠলাম। তিনি বললেন, "দেখ

মানুষের মনের সবটুকু কি কেউ দেখতে পার—নিজেও নয়, পংক
ত নয়ই।"

আবার সব চূপচাপ। অদূরবর্তী ঠান্ডারের সন্ধানী আলোর
তীব্র রেখা আমাদের ওপর দিয়ে ওপায়ে ঘুরে গেল। বিমুদার মুখ
আলোর উজ্জ্বলিত হয়ে উঠল। চোপ ছুটি কোন্ সূত্রে ডুব দিয়ে
আছে কে জানে। অন্তরে কিসের ভাবনা—সমিতির না স্মৃতির।

হঠাৎ বিমুদা চিংকার করে উঠলেন—"নীতীশ, সামলে,
সামলে।" একটা বড় নৌকা ছুটে আসছে ঠিক আমাদের সামনা-
সামনি। বিমুদা নিজেই কিপ্র হস্তে আমাদের নৌকার গতিপথ
একটু বাঁকিয়ে দিলেন—বড় নৌকাটা তীব্রবেগে আমাদের নৌকার
পাশ ঘেঁষে ছুটে চলে গেল।

ক্রমশঃ

প্রবাসে

শ্রীকরণাময় বসু

পারুলবনে ওঠে যখন চতুর্দশীর চাঁদ,
হয়তো অনেক রাত ;
তখন বসে ভাবি,
কানে হয়তো হুলিয়ে ছল, নাকে নাকছাবি,
আয়না নিয়ে দেখছ তোমার মুখ।
প্রবাসকালে এই ভাবনাই সুখ।

আবার যখন ফাকা মাঠের ধারে
আপন মনে বেড়াই অক্ষকারে ;
হঠাৎ এলো ঝোড়ো মেঘের হাওয়া,
তখন দেখি কার দুখানি ব্যাকুল চোখের চাওয়া ;
ডেকে বলল, বাবা,
বৃষ্টি আসে নদীর পারে, গলার স্বরটি কাঁপা ;
চমকে দেখি আমার মেয়ে অজ্ঞানারই মুখ।
প্রবাসকালে এই ভাবনাই সুখ।

শাস্ত

শ্রীআশুতোষ সান্যাল

কতবার এসেছি এ সুন্দর ধরায়,—
লেছি কত যে খেলা তুমি আর আমি
পাগুড়াকা ছায়াঢাকা কত যে কুটীরে
নিশিদিন ! মন্দির এই গন্ধবহ,
এ মন্দির মায়ায় মাধবী যামিনী,
পরাণ-পাগলকরা হেনার স্রবাস,
বাসকশয়নলীন দেহবল্লী তব—
বহি' আনে কোন্ পূর্বজনমের স্মৃতি
জীবনের ছায়াচ্ছন্ন পরপার হ'তে !
সুনিবিড় পরিচয় তোমায় আমায়,—
এ তো নহে বটচ্ছায় মুহুর্তের দেখা
দুরাগত ছুটি ক্লাস্ত পথিকের সনে
পরস্পর ! এ যুগল হিয়ার স্পন্দন
কোটি কল্প একসাথে বাজে অমুকণ।



প্রাচীন রোম-ভারত যোগাযোগের কথা

প্রাচীনকালে ভারতবর্ষের সঙ্গে বিভিন্ন দেশের যে নানা সূত্রে যোগাযোগ ঘটিয়াছিল সে কথা আজ আর কাহারও অবিদিত নাই।



রোমের বাসিলিকাস্থিত সেন্ট পীটারের ব্রোঞ্জ মূর্তি

গ্রীক ও ভারতীয় সভ্যতা-সংস্কৃতির মধ্যে আদান-প্রদানের নিদর্শন অতীত বর্তমান রহিয়াছে। খ্রীষ্টীয় প্রথম শতকগুলিতে ইউরোপে রোম-সাম্রাজ্য বিশেষ প্রবল হইয়া উঠে। রোমক সভ্যতা-সংস্কৃতি

তখন চারিদিকে ছড়াইয়া পড়ে। ঐ সময় ভারতবর্ষের সঙ্গেও রোমের যোগাযোগ স্থাপিত হয়। তবে এই যোগাযোগ প্রধানতঃ ঘটে ব্যবসা-বাণিজ্যের মাধ্যমে। রোমীয় মুদ্রা ভারতবর্ষের বিভিন্ন অঞ্চলে, বিশেষতঃ পশ্চিম ও দক্ষিণ ভারতে পাওয়া যায়। ইহা দ্বারা উভয়ের বাণিজ্যিক সম্পর্কের কথা বিশেষ রূপে প্রমাণিত হয়। কিছুকাল পূর্বে আর একটি নিদর্শন আবিষ্কৃত হইয়াছে, যাহার ফলে উভয়ের ভিত্তিকার শুধু বাণিজ্যিক নহ, সাংস্কৃতিক সম্পর্কও সুপ্রতিষ্ঠিত হইয়া গিয়াছে।

উত্তর-পশ্চিম সীমান্ত প্রদেশ এখন পাকিস্তানের অন্তর্গত। ভারতবর্ষের এই অংশ এবং ইরান-আফগানিস্তানেরও খানিকটা প্রাচ্য-প্রতীচ্য মিলনহেতু সভ্যতা-সংস্কৃতিতে বৈশিষ্ট্যলাভ করিয়াছিল। এখানে আবিষ্কৃত ভাস্কর্যাংশে গ্রীক প্রভাব সুস্পষ্ট। রোম সাম্রাজ্যের জীবদ্দিকালেও এই অঞ্চলকে কেন্দ্র করিয়া ইউরোপ ও ভারতবর্ষের মধ্যে স্থলপথে ব্যবসা-বাণিজ্য চলিত। সে যুগে এই অঞ্চলে—গান্ধার রাজ্যের একটি সমৃদ্ধিশালী নগরী ছিল পুষ্পলাবতী। খ্রীষ্টীয় চতুর্থ শতকে চীন পরিব্রাজক ফা হিয়ান যখন এখানে আসেন তখন গান্ধারের রাজধানীরূপে পুষ্পলাবতী বিশেষ সমৃদ্ধ ছিল। সপ্তম শতকে পুষ্পলাবতীতে আগমন করেন দ্বিতীয় চীন পরিব্রাজক হিউয়েন-সাং। তখন পর্য্যন্তও ইহা সর্গোরবে বিরাজ করিতেছিল। ইউরোপের সঙ্গে স্থলপথে বাণিজ্যিক আদান-প্রদানের কেন্দ্রস্থল বলিয়াই হয়ত ইহার এত সমৃদ্ধি হয়। দশম শতক নাগাদ মুসলমান আক্রমণ ও দৌরাখ্যাহেতু এই সমৃদ্ধিশালী নগরীটি একেবারে বিনষ্ট হইয়া যায়। ক্রমে পূর্বনাম পরিত্যক্ত হইয়া 'চারসাদা' নামে পুষ্পলাবতী অভিহিত হইয়া থাকে।

এই চারসাদার প্রত্নতত্ত্ববিভাগের উদ্যোগে খননকার্য্য পরিচালিত হইয়াছিল। সেই সময় এখানে একটি প্রতিমূর্তি আবিষ্কৃত হয়। ইহা রোমের বিখ্যাত সেন্ট পীটার স্টেচু

ইবন নকল। খ্রীষ্টীয় চতুর্থ শতক হইতে রোম সাম্রাজ্যের গৌরব-
রবি অস্তমিত হইতে থাকে। তখন পশ্চিম-দক্ষিণ ইউরোপের
অধিবাসীরা খ্রীষ্টধর্ম গ্রহণ করিয়াছিল। রোমে খ্রীষ্টান-জগতের
নেতৃরূপ পোপের আধিপত্য প্রতিষ্ঠিত হয়। সেন্ট পীটার খ্রীষ্টান-
জগতের একজন প্রধান সন্ত, শ্রদ্ধেয় ও উপাস্য ব্যক্তি। রোমে



সেন্ট পীটারের প্রতিমূর্তির সন্মুখ-দৃশ্য, রোম

পোপের আধিপত্য প্রতিষ্ঠিত হইবার পর পঞ্চম শতকে সেখানে
সেন্ট পীটারের একটি সুদর্শন মূর্তি পরিকল্পিত ও নির্মিত হয়।
ইহার পূর্বে সেখানকার বিখ্যাত ভূনিয়ন্ত্র ভজনালয়ের প্রাচীরগাত্রে
তাঁহার চিত্র অঙ্কিত হইয়াছিল।

রোম সাম্রাজ্যের গৌরবের দিনে ভারতবর্ষের সঙ্গে ইহার
বাণিজ্যিক যোগাযোগ যে সুপ্রতিষ্ঠিত হইয়াছিল তাহার একটিমাত্র
প্রমাণ আরম্ভেই উল্লেখ করিয়াছি। ভারতবর্ষ হইতে পরিধেয়,
আহার্য, মশলাদি বিভিন্ন দ্রব্য রোমে রপ্তানী হইত। গলজাতির
নেতা রোম লুণ্ঠন করিয়া (৪১০ খ্রীষ্টাব্দ) ভারতের আমদানী
পাঁচ হাজার পাউণ্ড লক্ষা সেখান হইতে লইয়া গিয়াছিলেন! তখন
স্থলপথেই বাবসা-বাণিজ্য চলিত। রোম সাম্রাজ্যের পতনের পরেও
বহু শতাব্দী যাবৎ এই বাবসা-বাণিজ্য উভয়ের মধ্যই বলবৎ ছিল।
বাণিজ্যসূত্রে যে শুধু মালপত্রেরই আদান-প্রদান হইত এমন নহে,
ভারতবর্ষ এবং রোমের ভিতরে সাংস্কৃতিক যোগাযোগও বিস্তার
ঘটিয়াছিল। গ্রীক-ভারত সাংস্কৃতিক যোগাযোগ শিল্প-সাহিত্য-
গণিত-জ্যোতিষ নানা বিভাগেই যে ঘটিয়াছিল তাহা এখন

ঐতিহাসিক সত্য। বিশেষজ্ঞেরা মনে করেন, চারসাদায় রোমের সেন্ট
পীটারের মূর্তির অরূপ সেন্ট পীটারের প্রতিমূর্তি আবিষ্কৃত হওয়ায়
ইহাদের ভিতরেও সাংস্কৃতিক সম্পর্ক বেশ পুষ্টলাভ করিয়াছিল।

এখন এই মূর্তিটি কবে নির্মিত হইল, চারসাদায় কি করিয়া
আসিল—এই সকল বিষয় সম্বন্ধে নানাভাবে নানারূপ মত প্রকাশ
করিতেছেন। তবে এসব বিষয়ে বিশেষজ্ঞদের মতই ধর্তব্য। মূল



রোমের ভূনিয়ন্ত্র ভজনালয়ের প্রাচীরে সেন্ট পীটারের চিত্র

সেন্ট পীটারের মূর্তিটি রোমে নির্মিত হইয়াছিল খ্রীষ্টীয় পঞ্চম শতকে।
পঞ্চম, ষষ্ঠ ও সপ্তম শতকেও রোম-ভারত বাণিজ্যিক যোগসূত্র অটুট
ছিল। তাই কোন কোন বিশেষজ্ঞ বিভিন্ন দিক আলোচনা
করিয়া এই সিদ্ধান্তে উপনীত হইয়াছেন যে, হয় ষষ্ঠ শতকের
শেষার্ধে নতুবা সপ্তম শতকের উত্তরাৰ্ধে সেন্ট পীটারের নকল প্রতি-
মূর্তিটি চারসাদা বা তখনকার পুঙ্লাবতীতে আনীত হইয়াছিল।
বিশেষজ্ঞদের ভিতরে অনেকের ধারণা বাণিজ্যসূত্রেই এই মূর্তিটি
এখানে আনয়ন করা হয়। তবে সরাসরি রোম হইতেই যে
পুঙ্লাবতীতে আসে তাহা নয়; মিশর ও বাইজানটিয়ামে এটি
প্রথম আনীত হয় এবং ঐ ঐ স্থল হইতেই পরে এখানে আসে।
এরূপ যে হইতে পারে সে সম্বন্ধে সন্দেহান হওয়াও হয়ত
যুক্তিযুক্ত হইবে না। তবে আর একটি মতও ইদানীং মাথা চাড়া
দিয়া উঠিয়াছে এবং তাহাতে অনেকের বিশ্বাসও জন্মিতেছে। এই
কথাই এখন বসি।

ভারতবর্ষের সঙ্গে খ্রীষ্টধর্মের যোগ বহু পুরাতন, এমন কি
ইহার প্রচারের আরম্ভ হইতেই। এরূপ জনশ্রুতি, বীণ্ডুখ্রীষ্টের
অন্যতম অস্তরঙ্গ শিষ্য টমাস খ্রীষ্টের তিরোধানের অব্যবহিত পরেই

দক্ষিণ ভারতে মালাবারে আগমন করেন। তদবধি সেখানে ইহুদী আকর্ষণ করিয়াছেন। উভয়েই প্রাপ্তবয়স্ক শাশুগুণ্ড ও ঘন কেশ খ্রীষ্টানগণ বসবাস করিয়া আসিতেছেন। রোমে খ্রীষ্টান-জগতের সমন্বিত। মূর্তির হুইখানি হাতই বক্ষস্পৃষ্ট, খ্রীষ্টীয় বিশেষ প্রতীক



চারসাদায় আবিষ্কৃত সেন্ট পীটারের প্রতিমূর্তি

উপরে পোপের প্রাধান্য প্রতিষ্ঠিত হইলে তিনি বিভিন্ন দেশের খ্রীষ্টান-গণকে নানা খ্রীষ্ট-নেতার অধীন করিয়া লইলেন। ইরান, আফগানিস্থান এবং পশ্চিম ভারতের খ্রীষ্টানগণকেও ষষ্ঠ শতকে আরাবা নামে এইরূপ এক খ্রীষ্ট-নেতার অধীন করা হইল। তিনি স্বভাবতঃই [ঐ সব অঞ্চলে খ্রীষ্টধর্ম প্রচারে তৎপর হইয়াছিলেন। কাজেই এই সময়ে উক্ত প্রতিমূর্তিটি রোমের পোপ কর্তৃক এখানে প্রেরিত হইয়া থাকিবে। এ মতটিকেও স্মরণে রাখা করা চলে না।

রোমের সেন্ট পীটারের মূর্তি এবং চারসাদায় প্রাপ্ত মূর্তির মধ্যে যে অনেকটা সাদৃশ্য রহিয়াছে, সেদিকেও বিশেষজ্ঞগণ আমাদের দৃষ্টি



সেন্ট পীটারের প্রতিমূর্তি, সম্মুখ ভাগ

দুটি চাবি হাতে রহিয়াছে। চারসাদায় প্রাপ্ত প্রতিমূর্তিটির হাতে একটি কি দুইটি চাবি পরিষ্কার বুঝা যায় না। হয়ত দুইটি চাবিই একটির উপর আর একটি থাকায় ঠিক দৃষ্টিগোচর হইতেছে না। মূর্তিটি কিঞ্চিৎ অস্পষ্ট হইয়া গিয়াছিল; এহেতু মূল মূর্তিতে যেমন বাম দিকে চাবি রহিয়াছে, সেইরূপ এখানেও ছিল, কি ডান দিকে ছিল বুঝা কঠিন। রোমের ভিত্তিকানে সেন্ট পীটারের দুইটি মূর্তি আছে—একটি ব্রোঞ্জের এবং দ্বিতীয়টি মার্বেলের পাথরের। চারসাদায় প্রাপ্ত মূর্তিটি ব্রোঞ্জের মূর্তিটিরই অবিকল প্রতিক্রম, যদিও ইহার শিল্পকর্ম আসলটির মত তেমন উচ্চাঙ্গের নহে।

বড়ই দুঃখের বিষয়, এরূপ একটি মূল্যবান গুরুত্বপূর্ণ মূর্তি বিলুপ্ত হইয়া গিয়াছে। ভারত সরকারের প্রত্নতত্ত্ববিভাগ ১৯১০-১১ সনে ইহার যে আলোকচিত্র বাণিয়াছিলেন তাহাতেই বর্তমানে আমাদের সম্বন্ধে থাকিতে হইতেছে। এই মূর্তিটির গুরুত্ব উপলব্ধি করিয়া কেহ কেহ এ বিষয়ে পুস্তক-পুস্তিকাও লিখিয়াছেন। এগুলির মধ্যে ব্রেঞ্জামিন রোলাও কৃত "St. Peter in Gandhara, an early Christian Statuette in India" বিশেষ উল্লেখযোগ্য। এই মূর্তিটির গুরুত্ব সম্বন্ধে আর একজন বিশেষজ্ঞ যাহা বলিতেছেন তাহাও প্রণিধানযোগ্য :

"But the rude statuette of St. Peter that has come to light among the ruins of Charsadda, is not only an unlooked for, and from many points of view an extraordinary landmark in a very intricate question of mediaeval history. Its presence in Indian soil shows indeed that, in one way or another, relations with Rome did not cease entirely even after the fall of the imperial power in the West, when the Rome of the Cæsars no longer existed and all that remained was the Rome of the Popes, foretelling new glories to come. The very fact that it is a faithful copy of the great bronze statue of the Apostle, still venerated in the greatest basilica of Rome, shows that in all probability the statuette was of Roman origin, thus differentiating it from others that have been found and of which all that can be said is that in all probability they came from the Romanized lands of the Mediterranean or else are evidently of Egyptian or Syrian origin. The statuette is, therefore, of real importance, and the long series of problems it raises are of exceptional interest."

এখানেও এই মূর্তিটির গুরুত্ব বিশেষভাবে স্বীকৃত হইয়াছে। উপরে যে সকল কথা বলা হইল তাহাতে নানা প্রমাণ সহযোগে

উহার গুরুত্ব দেখানোও হইয়াছে। বর্তমান আলোচনা হইতে এই কয়টি বিষয় সুস্পষ্ট জানা গেল। প্রথমতঃ খ্রীষ্টপূর্ব কয়েক শতকে গ্রীক-ভারত সভ্যতা ও সংস্কৃতির মিলন ঘটিয়াছিল, খ্রীষ্ট-পরবর্তী শতকগুলিতে রোম-ভারত সভ্যতা-সংস্কৃতিরও সংযোগ স্থাপিত হয়। এই সংযোগের দুইটি উপায় : (১) রোমের সঙ্গে স্থলপথে ভারত-বর্ষের ব্যবসা-বাণিজ্য এবং (২) ভারতবর্ষে খ্রীষ্টধর্ম প্রচার। রোম সাম্রাজ্যের গোঁড়বের দিনে এবং উহার পতনের পরও বহু শতাব্দী যাবৎ ভারতবর্ষের সঙ্গে রোমের যোগাযোগ বজায় ছিল। স্থলপথে পূর্ব-দক্ষিণ ইউরোপ, সিরিয়া, ইরান ও আফগানিস্থানের ভিতর দিয়া মালপত্র রোম ও ভারতের মধ্যে আদান-প্রদান হইত। ভারতবর্ষে খ্রীষ্টধর্মের আবির্ভাব সম্বন্ধে নানা কাহিনী প্রচলিত আছে। তবে রোমে খ্রীষ্টান-জগতের তৎকালীন নেতা পোপের প্রাধান্য প্রতিষ্ঠিত হইলে ভারতবর্ষের সঙ্গে ধর্মবিষয়েও নানারূপ যোগাযোগ দৃঢ় ভাবে স্থাপিত হইয়াছিল। যেমন বাণিজ্যসূত্রে উক্ত সেণ্ট পীটারের প্রতিমূর্তিটি এখানে আনীত হইয়াছিল বলিয়া এক দলের মত, তেমনি খ্রীষ্টধর্মকে পশ্চিম ভারতে দৃঢ়মূল করিবার জ্ঞেও উক্ত মূর্তিটি আনীত হইয়াছিল এরূপ আর এক দল বিশ্বাস করেন। কিন্তু এ বিষয়ে সকলে একমত এবং বিশেষ ভাবে তাহা প্রমাণিতও হইয়াছে যে, রোম সাম্রাজ্য ও ভারতবর্ষের মধ্যে শুধু বাণিজ্য নহে, সংস্কৃতিক্ষেত্রেও যোগাযোগ স্থাপিত হইয়াছিল।*

য. চ. ব.

* ১৯৫৪, জানুয়ারী সংখ্যা "East and West"-এ প্রকাশিত "An Important Document on the relations between Rome and India" প্রবন্ধ অবলম্বনে

স্বর্ণ-আলো

(শ্রীঅরবিন্দের "The Golden Light" অবলম্বনে)

শ্রীরবি গুপ্ত

মস্তিষ্কে আমার এলো নামি' তব আলোক স্বর্ণের
মনের ধূসর কীট করি' স্পর্শ তীব্র সবিতায়
হ'ল, এক প্রদীপ্ত উত্তর—মহাজ্ঞান বহুশের
উঠিল বিলসি' শাস্ত সমুদ্ভাসে—ফটিক-শিখায়।

কণমাঝে এলো মোর নামি' তব আলো স্বর্ণময়,
দেবতার ছন্দে এবে ধরে মোর সকল ভাষণ,
উৎসারিত ঐকতান গাহে মোর তোমারি বিজয় ;
করি' পান অমরায় সুরা মোর বিহ্বল বচন।

এলো তব স্বর্ণালোক নামি' মোর হৃদয়ের মাঝে
অস্তহার্য ছন্দে তব আঘাতিয়া জীবন আমার ;
জীবন-মন্দির এবে যেথা চির দেবতা বিরাজে
সকল উল্লাস মম জানে এক তারি অভিসার।

স্বর্ণ-আলোক তব লভে আসি' আমার চরণ
পৃথী মোর এবে তব লীলাস্থল তোমারি আসন।

গীতা-প্রবচন

শ্রীবিনোবা ভাবে

অনুবাদক—শ্রীবীরেন্দ্রনাথ গুহ



অষ্টাদশ অধ্যায়

১

বন্ধুগণ! ঈশ্বরের অনুগ্রহে আজ আমরা অষ্টাদশ অধ্যায়ে আসিয়া গিয়াছি। জগৎ ক্ষণে ক্ষণে বদলাইতেছে। এখানে কোন সফল পুরা হওয়া না-হওয়া সে ঈশ্বরের হাতে। তা ছাড়া জেলের অনিশ্চয়তা ত আছেই। এখানে কোন কাজ শুরু করিয়া পুরা করা যাইবে এই ভরসা কম। আরম্ভ করার সময় এই আশা আদৌ ছিল না যে গীতা শেষ করা যাইবে। কিন্তু ঈশ্বরের রূপায় আমরা আজ উপসংহারে আসিয়া গিয়াছি।

চতুর্দশ অধ্যায়ে সাত্ত্বিক, রাজস ও তামস এই তিন ভাগে জীবন বা কর্মকে ভাগ করা হইয়াছে। তাহা হইতে রাজস ও তামস বাদ দিয়া সাত্ত্বিক গ্রহণ করিতে হইবে, ইহা আমরা দেখিয়াছি। পরে সপ্তদশ অধ্যায়ে একথাই আর এক ভাবে বলা হইয়াছে। যজ্ঞ, দান, তপ কিংবা এক কথায় বলিলে যজ্ঞই জীবনের সার। যজ্ঞোপযোগী যে আহাৰাদি কর্ম, তাহাকেও সাত্ত্বিক ও যজ্ঞরূপ দিয়া গ্রহণ করিবে। যজ্ঞরূপ ও সাত্ত্বিক কর্মই করার যোগ্য, অল্প সব ত্যাজ্য, এই কথা সপ্তদশ অধ্যায়ে ধ্বনিত হইয়াছে। ঔ তৎ সৎ এই মন্ত্র কেন যে অনুক্ষণ স্মরণ করিতে হইবে তাহাও আমরা দেখিয়াছি। ঔ মানে সাতত্যা, তৎ মানে অলিপ্ততা, সৎ মানে সাত্ত্বিকতা। আমাদের সাধনাতে সাতত্যা, অলিপ্ততা ও সাত্ত্বিকতা আসা চাই। তবেই না সেই সাধনা পরমেশ্বরে অর্পণ করার মত হইবে। কোন কর্ম গ্রাহ্য আর কোন কর্ম ত্যাজ্য, তাহা এই সব কথা হইতে বুঝা যায়।

গীতার শিক্ষা পূর্বাপর লক্ষ্য করিলে এই ধারণা জন্মে যে, স্থলবিশেষেও কর্ম ত্যাগ করিতে নাই। গীতা কর্মফল ত্যাগের কথা বলে। কর্ম সতত করিবে, কিন্তু ফল ত্যাগ করিবে এই শিক্ষা গীতার সর্বত্র দেখা যায়। কিন্তু এ ত গেল এক দিক। অল্প দিক হইতেছে এই যে কিছু কর্ম করিবে, আর কিছু কর্ম ত্যাগ করিবে। তাই শেষটায় অষ্টাদশ অধ্যায়ের আরম্ভে অর্জুন প্রশ্ন করিলেন—“একদিকে হচ্ছে, যে-কোন কর্ম ফলত্যাগ-পূর্বক করবে। আর এক দিকে বলা হচ্ছে, কিছু কর্ম অবশ্যই ত্যাজ্য, আর কিছু করার যোগ্য। এ দুয়ের সামঞ্জস্য কিরূপে করা যায়?” জীবনের দিক স্পষ্ট করিয়া লওয়ার

জন্ম আর ফলত্যাগের মর্ম বুঝার জন্ম এই প্রশ্ন। শাস্ত্রে যাহাকে সন্ন্যাস বলে তাহাতে কর্ম স্বরূপতঃ ছাড়িতে হয়। কর্মের যাহা স্বরূপ তাহা ত্যাগ করিতে হয়। ফলত্যাগে কর্ম ফলতঃ ত্যাগ করিতে হয়। এখানে প্রশ্ন উঠিবে—গীতার ফলত্যাগের জন্ম কর্মত্যাগের আবশ্যিকতা আছে কি? সন্ন্যাসের পক্ষে ফলত্যাগের কষ্টপাথর প্রয়োজন কি? সন্ন্যাসের সীমা কোন পর্যন্ত? সন্ন্যাস ও ফলত্যাগ এই দুইয়ের সীমা কি ও কতটা? ইহাই অর্জুনের প্রশ্ন।

২

ফলত্যাগের কষ্টপাথর যে সার্বভৌম বস্তু এ কথা ভগবান উত্তরে সাফ করিয়া দিলেন। ফলত্যাগের তত্ত্ব সর্বত্র প্রয়োগ করা যায়। সব কর্মের ফলত্যাগ আর রাজস ও তামস কর্মের ত্যাগ এই দুইয়েরই মধ্যে বিরোধ নাই। কিছু কর্মের স্বরূপই এই যে, ফলত্যাগের যুক্তি প্রয়োগ করিলে তাহা আপনা হইতেই বাদ পড়ে। ফলত্যাগপূর্বক কর্ম করার অর্থই এই যে, কিছু কর্ম ত্যাগ করিতে হইবে। ফলত্যাগপূর্বক কর্ম করার কথায় কিছু কর্মের প্রত্যক্ষ ত্যাগের প্রসঙ্গ আসিয়া যায়।

কথাটা একটু গভীরভাবে বিচার করুন। যাহা কাম্য কর্ম, যাহার মূলে কামনা রহিয়াছে, ফলত্যাগপূর্বক কর একথা বলা মাত্র সে কর্মের মূলে ছাই পড়ে। ফলত্যাগের সামনে কাম্য ও নিষিদ্ধ কর্ম তিষ্ঠিতেই পারে না। ফলত্যাগ-পূর্বক কর্ম করা—কৃত্রিম, তাত্ত্বিক, যান্ত্রিক ক্রিয়া নহে। কোন কর্ম করিতে হইবে, আর কোন কর্ম করিতে নাই এই কষ্টপাথরে কষিলেই তাহা ঠিক ধরা পড়িবে। কেহ কেহ বলেন, “গীতা বলে ফলত্যাগপূর্বক কর্ম কর। বাসু এই পর্যন্ত। কিরূপ কর্ম করিবে একথা বলে না।” এরূপ মনে হয় বটে, কিন্তু তাহা ঠিক নহে। কারণ ফলত্যাগ-পূর্বক কর্ম কর—এ কথা বলামাত্র কোন কর্ম করার যোগ্য আর কোন কর্ম অযোগ্য তাহা সুস্পষ্ট হইয়া যায়। হিংসাত্মক কর্ম, অসতাময় কর্ম, চৌর্য্যকর্ম ইত্যাদি ফলত্যাগ-পূর্বক করা যায় না। ফলত্যাগের কষ্টপাথরে কষিতেই তাহা নাকচ হইয়া যায়। সূর্যের আলো পড়ামাত্র সব বস্তু উজ্জ্বল দেখায়; কিন্তু আঁধার উজ্জ্বল হয় কি? তাহা নষ্ট হইয়া যায়। নিষিদ্ধ ও কাম্য কর্মের অবস্থাও তদ্রূপ। ফলত্যাগের কষ্টপাথরে কর্ম যাচাই করিয়া লইতে হইবে।

আমি যে কর্ম করিতে চাই, ফলের লেশমাত্র বাসনা না রাখিয়া অনাসক্তিপূর্বক তাহা করিতে পারিব কিনা তাহা আগে দেখিয়া লওয়া দরকার। ফলত্যাগই কর্ম করার কষ্টিপাথর। এই যাচাইয়ে কাম্য কর্ম আপনা হইতেই ত্যাজ্য প্রমাণিত হইবে। উহার সন্ন্যাসই বাঞ্ছনীয়। বাকি থাকিতেছে শুদ্ধ সাত্ত্বিক কর্ম। তাহা অনাসক্তভাবে অহংকার ত্যাগপূর্বক করা চাই। কাম্য কর্মের ত্যাগ, তাহাও ত এক কর্মই। তাহাতেও ফলত্যাগের কাঁচি চালাও। কাম্য কর্মের ত্যাগও সহজ হওয়া চাই।

এই ভাবে তিন বস্তু আমরা পাইলাম। এক—যে কর্ম আমরা করি তাহা ফলত্যাগপূর্বক করা চাই। দুই—রাজস ও তামস কর্ম নিষিদ্ধ আর কাম্য কর্ম ফলত্যাগের কাঁচির সংস্পর্শে আপনা হইতেই বাদ যায়। তৃতীয় কথা—এত ত্যাগ করিয়াছি এমন অভিমান মনে না জন্মে, তজ্জন্ম যে ত্যাগ করা হইবে তার উপরও ফলত্যাগের কাঁচি চালাইতে হইবে।

রাজস ও তামস কর্ম কেন ত্যাজ্য? কারণ তাহা শুদ্ধ নহে। শুদ্ধ নয় বলিয়া কর্তার চিন্তে ছাপ পড়িয়া থাকে। কিন্তু আরও বিচার করিয়া দেখিলে দেখা যাইবে যে, সাত্ত্বিক কর্মও সদোষ। কর্মমাত্রেরই দোষ আছে। চাষ-আবাদরূপ কর্মের কথা ধরুন। তাহা শুদ্ধ সাত্ত্বিক ক্রিয়া। কিন্তু যজ্ঞময় এই স্বধর্মরূপ চাষেও হিংসা আছে। লাঙ্গল ইত্যাদি ক্রিয়ায় অসংখ্য জীব মারা যায়। কূপের ধারে কাদা না হয় এই জন্ম পাথর বসাইতে গেলেও বহু জীব নষ্ট হয়। সকালে ঘরের দরজা খুলিতেই সূর্যকিরণ ঘরে প্রবেশ করে, আর অগণিত প্রাণী মারা যায়। বাহাকে আমরা শুদ্ধীকরণ বলি তাহা মারণক্রিয়া ছাড়া আর কি! সারাংশঃ সাত্ত্বিক, স্বধর্মরূপ কর্মেও যদি দোষ স্পর্শে ত উপায়?

আগেই বলিয়াছি যে, সকল গুণের বিকাশ হইতে এখনও বাকি আছে। জ্ঞান, ভক্তি, সেবা, অহিংসা, এ সকলের কেবল বিন্দুমাত্র উপলব্ধি হইয়াছে। সুরুতেই সকল উপলব্ধিলাভ হইয়াছে, তাহা নহে। উপলব্ধি করিতে করিতে জগৎ অগ্রসর হইয়া চলিয়াছে। চাষ-আবাদের কাজেও হিংসা আছে, অতএব অহিংসায় বিশ্বাসী লোকেরা তাহা করিতে পারে না। তাহারা ব্যবসা করুক। এইরূপ এক ভাব মধ্যযুগে দেখা গিয়াছিল। তাহারা বলিত—ধান বোনা পাপ, ধান বেচা পাপ নহে। কিন্তু এভাবে কর্ম এড়াইলে হিত হয় না। লোকে যদি এভাবে কর্ম সঙ্কোচ করিতে থাকে তবে শেষটায় আত্মনাশ হইবে। কর্ম হইতে নিষ্কৃতি পাওয়ার কথা মানুষ যত ভাবিবে কর্মের প্রসার তত বাড়িবে। আপনার ধানের ব্যবসায়ের জন্ম কাহাকে কি

চাষ করিতে হইবে না? সেই চাষ-বাসের হিংসার ভাগ আপনাতে বর্তাইবে না কি? কার্পাস বুনিলে যদি পাপ হয়, তবে সেই উৎপন্ন কার্পাস বেচাও পাপ। কার্পাস উৎপাদন করা দোষের বলিয়া এ কর্ম ছাড়িয়া দেওয়ার মধ্যে বুদ্ধি-দোষ রহিয়াছে। সকল কর্ম বর্জন করা, এ কর্ম নয়, ও কর্ম নয়, কিছুই করিও না, এই যে ভাব তাহাতে দয়ার লেশও নাই, দয়া মরিয়া গিয়াছে একথা বুঝা চাই। পাতা ছিঁড়িলে গাছ মরে না, উন্টা তাহা পল্লবিত হয়। ক্রিয়ার সঙ্কোচ করিলে আত্মসঙ্কোচ ঘটে।

৩

এখন প্রশ্ন এই, সব ক্রিয়াতেই যদি দোষ তবে সকল কর্মই কেন না ত্যাগ করিব? পূর্বে একবার এ কথার উত্তর দিয়াছি। সকল কর্মত্যাগের কল্পনা খুব সুন্দর। এই চিন্তা মনভুলানো। কিন্তু এই অসংখ্য কর্ম ছাড়ার যাহা উপায়, তাহা সাত্ত্বিক কর্মের বেলায়ও কি প্রযুক্ত? সদোষ সাত্ত্বিক কর্ম হইতে বাঁচার উপায় কি? মজা হইতেছে এই যে, “ইন্দ্রায় তক্ষকায় স্বাহা” নীতি অবলম্বনে মানুষ যখন চলিতে থাকে তখন অমর বলিয়া ইন্দ্র মরে না, আর তক্ষকও মরে না, উন্টা দৃঢ় হইয়া বসে। সাত্ত্বিক কর্মে পুণ্য আছে, আর দোষও কিছু আছে। কিন্তু কিছু দোষ আছে বলিয়া এই দোষের সহিত যদি পুণ্যকেও আছতি দাও ত, নাশ হওয়ার নয় বলিয়া পুণ্যক্রিয়া নষ্ট হইবে না, কিন্তু দোষক্রিয়া কেবল বাড়িয়া চলিবে। এরূপ গড়পড়তা নির্বিচার ত্যাগ দ্বারা পুণ্যরূপ ইন্দ্র ত মরেই না, আর দোষরূপ তক্ষক যে মরিতে পারিত সেও মরে না। অতএব উহা ত্যাগ করার উপায় কি? হিংসা করে বলিয়া বিড়াল ত্যাগ করেন ত ইঁদুর হিংসা করিবে। সাপ হিংসা করে বলিয়া সাপ দূর করিলে শত শত জীব ফসল নষ্ট করিবে। ফসল নাশ হইলে হাজারো লোক মরিবে। ত্যাগ বিচারযুক্ত হওয়া চাই।

গোরখনাথকে মচ্ছীন্দ্রনাথ বলিলেন, “এ বালককে ধুয়ে আন।” পা ধরিয়া গোরখ বালককে খুব আছড়াইল আর বেড়ার উপর শুকাইতে দিল। মচ্ছীন্দ্রনাথ জিজ্ঞাসা করিলেন, “ধুয়ে এনেছ বালককে?” গোরখনাথ বলিল, “ধুয়ে শুকাতে দিয়েছি।” এই কি বালক ধোয়ার রীতি? কাপড় ধোয়ার আর মানুষ ধোয়ার রীতি এক নয়। এই দুই উপায় ভিন্ন ভিন্ন। তজ্জন্ম রাজস ও তামস কর্মের ত্যাগে আর সাত্ত্বিক কর্মের ত্যাগে ব্যবধান আছে। সাত্ত্বিক কর্ম-ত্যাগের উপায় আলাদা।

বিচারবিহীন ভাবে কর্ম করিলে কিছু উন্টাপাণ্টা ত হইবেই। তুকারাম বলিয়াছেনঃ

ত্যাগ থেকে অন্তরে জাগে ভোগ।

বল দাতা! কি করে যাবে এ রোগ।”

ছোট ত্যাগ করিতে যাই ত বড় ভোগ মনে আসিয়া বাসা বাঁধে। তাই ঐ সামান্য ত্যাগও মিথ্যা হইয়া যায়। ছোটখাটো ত্যাগের পূর্তির জন্ম বড় বড় ইন্দ্রপুরী রচনা করি। তাহা অপেক্ষা ঐ কুঁড়েই ত ভাল ছিল, পর্যাপ্ত ছিল। নেংটি পরিয়া রাজ্যের বিলাস-বৈভব আশপাশে জড়ো করা অপেক্ষা ধুতি ও সার্ট-কোট পরা অনেক ভাল। তাই ভগবান সাত্ত্বিক কর্মত্যাগের পদ্ধতিই পৃথক ভাবে নির্দেশ করিয়াছেন। সাত্ত্বিক কর্মমাত্রই করিতে হইবে, কিন্তু ফল তার ফেলিয়া দিতে হইবে। কিছু কর্ম ত মূল্যেই ত্যাগ্য। আর কিছু ফল ত্যাগ করিতে হয়। শরীরে দাগ লাগে ত ধুইয়া ফেলা যায়। কিন্তু প্রকৃতি যেখানে কালো রং দিয়াছে, সেখানে গায়ে হোয়াইট ওয়াশ লাগাইয়া কি লাভ? কালো রং আছে থাকিতে দাও। সে কথাই ভাবিও না। তাকে অমঙ্গলের মনে করিও না।

একটি লোক ছিল। নিজ গৃহ তার অশুভ মনে হইতেছিল। গৃহ ছাড়িয়া সে এক গাঁয়ে গেল। সেখানেও সে আবর্জনা দেখিতে পাইল। তাই গেল সে বনে। এক আম গাছের নীচে সে বসিয়াছে। একটা পাখী উপর হইতে তার মাথায় মলত্যাগ করিল! জঙ্গলও অমঙ্গল একথা বলিয়া সে নদী-জলে গিয়া দাঁড়াইল। নদীতে বড় মাছে ছোট মাছ খায়। ইহা দেখিয়া তার ঘৃণার অবধি রহিল না। সারা সংসারই অমঙ্গলে ভরা। সে ঠিক করিল মরা ছাড়া আর কোন পথ নাই। জল হইতে উঠিয়া আসিয়া সে আগুন জ্বলাইল। ওদিক হইতে এক ভদ্রলোক আসিয়া বলিলেন, “জীবন দেবে নাকি?” লোকটি বলিল, “কি আর করি! এ জগৎটাই অমঙ্গল।” গৃহস্থ বলিলেন, “তোমার এ দুর্গন্ধময় শরীর, এ চৰি এখানে পোড়ালে মহা দুর্গন্ধ ছড়াবে। পাশেই আমরা থাকি। আমরা তখন যাব কোথায়? একটি চুল পোড়ে ত কি গন্ধ! আর তোমার সব চৰি যে পুড়বে। চিন্তা করে দেখ কেমন দুর্গন্ধ ছড়াবে।” লোকটি হয়রান হইয়া বলিল, “বেঁচে থাকার সুযোগ নেই, মরারও সুবিধা নেই, এমনি এ ছুনিয়া। কি করি!”

তাৎপর্য এই : অশুভ, অমঙ্গল বলিয়া সব কিছু ছাড়িলে ত চলে না। ছোট কর্ম হইতে বাঁচিতে যাইবে ত অপার বড় কর্ম কাঁধে চাপিয়া বসিবে। স্বরূপতঃ বাহির হইতে ত্যাগ করিলেই ত কর্ম ছাড়ে না। প্রবাহপ্রাপ্ত কর্মের বিরুদ্ধে যাওয়ার জন্ম যদি কেহ শক্তি ক্ষয় করে, প্রবাহের উল্টা দিকে যাইতে চাহে ত শেষটায় ক্লান্ত হইয়া প্রবাহের

দিকেই সে ভাসিয়া যাইবে। প্রবাহের অনুকূল যে কর্ম তাহা করিয়াই তাহাকে আত্ম-উদ্ধারের পথ দেখিতে হইবে। তাহার ফলে মনের মলিনতা কমিতে থাকিবে, চিন্তাশুদ্ধি হইতে থাকিবে। আগে চলিতে চলিতে আপনা হইতে ক্রিয়ার শেষ হইতে থাকিবে। কর্মত্যাগ না হইয়াও ক্রিয়া লুপ্ত হইয়া যাইবে। কর্ম যাইবে না, ক্রিয়া লোপ হইবে।

ক্রিয়া ও কর্ম এই দুইয়ে ব্যবধান আছে। উদাহরণার্থ— কোথাও খুব গোলযোগ চলিতেছে আর তাহা বন্ধ করা দরকার। কোন সিপাহী আসিল আর সোরগোল বন্ধ করার জন্ম নিজে জোরে চিৎকার করিল। গোলমাল বন্ধ করার জন্ম উঠেচম্বরে বলা-রূপ তীর কর্ম তাহাকে করিতে হইল। অপর এক জন আসিল, শ্রেফ দাঁড়াইয়া থাকিল আর অঙ্গুলি তুলিল। ব্যস, যথেষ্ট। তাহাতেই লোক শান্ত হইয়া গেল। তৃতীয় একজনের উপস্থিতি মাত্রই সব শান্ত হইল। একজনের করিতে হইল তীর ক্রিয়া, দ্বিতীয়ের ক্রিয়া অনেকটা সৌম্য, আর তৃতীয়ের ক্রিয়া সূক্ষ্ম। ক্রিয়া ক্রমশঃ কমিয়া চলিল। কিন্তু লোককে শান্ত করার কর্ম ছিল সমান। যেমন যেমন চিন্তাশুদ্ধি হইতে থাকিবে, ক্রিয়ার তীব্রতা তেমন তেমন কমিতে থাকিবে। তীব্র হইতে সৌম্য, সৌম্য হইতে সূক্ষ্ম ও সূক্ষ্ম হইতে শূন্য হইতে থাকিবে। কর্ম এক, ক্রিয়া আর এক। কর্তার যাহা ইষ্ট তাহাই কর্ম—ইহাই কর্মের সংজ্ঞা। কর্মে প্রথম ও দ্বিতীয়া বিভক্তি হয় ত ক্রিয়ার জন্ম এক স্বতন্ত্র ক্রিয়াপদ ব্যবহার করিতে হয়।

কর্ম ও ক্রিয়াতে যে ব্যবধান তাহা বুঝিয়া লউন। চটিয়া গেলে কেহ বহু চিৎকার করিয়া আর কেহ আদৌ কিছু না বলিয়া রাগ প্রকাশ করে। জ্ঞানী পুরুষ লেশমাত্রও ক্রিয়া করেন না। কিন্তু অনন্ত কর্ম করেন। তাহার অস্তিত্বমাত্রই অপার লোকসংগ্রহ করিতে সক্ষম। জ্ঞানী পুরুষের উপস্থিতিই যথেষ্ট। তাহার হাত-পা কার্য না করিলেও তিনি কাজ করেন। ক্রিয়া যত সূক্ষ্ম হইতে থাকে কর্ম তত বাড়িতে থাকে। বিচারের এই ধারা যদি আরও অগ্রসর করিয়া দেন আর চিন্তা পরিপূর্ণ শুদ্ধ হইয়া যায়, তবে অন্তে ক্রিয়া শূন্যময় হইয়া অনন্ত কর্ম হইতে থাকিবে, একথা বলা চলে। প্রথমে তীব্র, পরে তীব্র হইতে সূক্ষ্ম, সূক্ষ্ম হইতে শূন্য, এইভাবেই ক্রিয়া শূন্যত্ব প্রাপ্ত হইবে। কিন্তু তখন অনন্ত কর্ম আপনা হইতে হইতে থাকিবে।

উপর উপর দূর করিল কর্ম দূর হওয়ার নয়। নিকামতা-পূর্বক করিতে করিতে আন্তে আন্তে সে উপলব্ধি হইবে। কবি ব্রাউনিং ‘কপটাচারী পোপ’ নামে একটি কবিতা লিখিয়াছিলেন। পোপকে কেহ জিজ্ঞাসা করিয়াছিল,

“তুমি সাজগোজ কর কেন? এই সব আঙ্গরাখা কেন? ওপরের এ চং কেন? কেনই বা এ গস্তীর মুদ্রা?” পোপ বলিলেন, “কেন যে করি তা বলি। এ অভিনয় করতে করতে অজ্ঞাতেই সম্ভবতঃ শঙ্কার ছোঁয়াচ লাগবে।” তাই নিকাম ক্রিয়া করিয়া যাইতে হইবে। আন্তে আন্তে নিষ্ক্রিয়তা আয়ত্ত হইয়া যাইবে।

৪

তাৎপর্য এই, রাজস ও তামস কর্ম অবশ্য ত্যাগ করিতে হইবে আর সাত্ত্বিক কর্ম করিতে হইবে এবং এই বিচার জাগ্রত হওয়া চাই যে, যে সাত্ত্বিক কর্ম সহজ প্রবাহে আসে, সদোষ হইলেও তাহা ত্যাজ্য নহে। দোষ আছে থাক। তুমি নাককাটা। হইলেই বা। কাটিয়া সুন্দর করিতে যাইবে ত আরও অধিক বিশী তাহা হইবে। তাহা যেমন আছে তেমনই ভাল। সাত্ত্বিক কর্ম সদোষ হইলেও সহজ প্রবাহপ্রাপ্ত বলিয়া ত্যাগ করিতে নাই। তাহা করিতে হইবে, কিন্তু ফল তার ত্যাগ করিতে হইবে।

আর এক কথা বলা দরকার। যে কর্ম সহজ স্বাভাবিক-রূপে প্রাপ্ত নহে, তাহা উত্তমরূপে করা যাইবে মনে হইলেও করিতে যাইও না। যাহা প্রবাহপ্রাপ্ত তাহা কর। বাস্তব সমস্ত হইয়া, দৌড়-ঝাপ করিয়া অল্প নূতন কর্মের চক্রে পড়িতে যাইও না। যে কাজ স্পষ্টতঃই তোড়জোড় করিয়া করিতে হয়, যতই ভাল হোক, তাহা হইতে দূরে থাক—তার মোহে পড়িও না। সহজ-প্রাপ্ত কর্মের কেবল ফল-ত্যাগ করা যাইতে পারে। এ কর্ম ভাল, ও কর্ম ভাল এই লোভে যদি মানুষ চারিদিকে দৌড়াইতে থাকে তবে আর ফলত্যাগ কি করিয়া হইবে? সারা জীবনটাই নাশ হইবে। ফলের আশায় সে পরমধর্মরূপ কর্ম করিতে চাহিবে, আর ফলও হাত হইতে খোয়াইয়া বসিবে। জীবনে কোনরূপ স্থিরতাই তার লাভ হইবে না। মনে ঐ কর্মের আসক্তি জড়াইয়া যাইবে। সাত্ত্বিক কর্মেরও যদি লোভ জন্মে ত সে লোভ দূর করিতে হইবে। ঐ নানাবিধ সাত্ত্বিক কর্ম যদি করিতে যাও ত তাহাতে রাজস ও তামস ভাব আসিবে। তাই যাহা তোমার সহজ-প্রাপ্ত সাত্ত্বিক স্বধর্ম তাহাই তুমি কর।

স্বধর্ম স্বদেশী ধর্ম, স্বজাতীয় ধর্ম ও স্বকালীন ধর্ম থাকে। এই তিনে মিলিয়া স্বধর্ম। আমার বৃত্তির পক্ষে কি অনুকূল ও অনুরূপ, কিরূপ কতবধু আমি পাইয়াছি, স্বধর্ম নির্ধারণ করার সময় এ সব দেখিতে হয়। তোমাতে ‘তুমিত্ব’ বলিয়া কিছু আছে আর তাই ত তুমি ‘তুমি’। প্রত্যেকেরই বিশেষ কিছু থাকে। ছাগ থাকতেই ছাগের বিকাশ।

ছাগ থাকিয়াই উহাকে নিজ বিকাশ করিয়া লইতে হইবে। ছাগ যদি গরু হইতে চায় ত তাহা সম্ভব নহে। স্বয়ংপ্রাপ্ত ছাগত্ব ত্যাগ সে করিতে পারে না। তাহার জন্ত তাহাকে শরীর ত্যাগ করিতে হইবে। নবধর্ম, নবজন্ম গ্রহণ করিতে হইবে। কিন্তু এ জন্মে ঐ ছাগত্বই তাহার পক্ষে পবিত্র। বলদ ও ব্যাঙের গল্প আছে না? ব্যাঙের বড় হওয়ার একটা সীমা আছে। ব্যাঙ যদি বলদের সমান হইতে যায় ত মরিবে। অপরের রূপ নকল করিতে যাওয়া ঠিক নহে। তাই পরধর্মকে ভয়াবহ বলা হইয়াছে।

স্বধর্মের আবার দুই ভাগ। এক বদলায়, আর এক বদলায় না। আজিকার আমি আগামী কালের আমি নহি, কালের আমি পরন্তর নহি। আমি নিরন্তর বদলাইতেছি। বাল্যকালের স্বধর্ম কেবল সংবর্দ্ধন। যৌবনে আমাতে কর্ম-শক্তি ভরপুর থাকিবে আর তদ্বারা আমি সমাজসেবা করিব। প্রৌঢ়াবস্থায় অপরে আমার জ্ঞানের ফল পাইবে। কতকগুলি স্বধর্ম এইভাবে বদলাইয়া থাকে, আর কতকগুলি আদৌ বদলায় না। পুরাতন শাস্ত্রীয় সংজ্ঞায় বলিলে বলিব, “মানুষের স্বধর্ম দ্বিবিধ—বর্ণধর্ম ও আশ্রমধর্ম। বর্ণধর্ম বদলায় না। আশ্রমধর্ম বদলায়।”

আশ্রমধর্ম বদলায় মানে, ব্রহ্মচারীপদ পূর্ণ করিয়া গৃহস্থ হই, গৃহস্থ হইতে বানপ্রস্থী, আর বানপ্রস্থী হইতে সন্ন্যাসী। আশ্রমধর্ম এইভাবে বদলাইলেও, বর্ণধর্ম বদলানো যায় না। নিজ নৈসর্গিক সীমা আমার পক্ষে লঙ্ঘন করা সম্ভব নয়। সেই প্রযত্নই মিথ্যা। তোমাতে যে তুমিত্ব রহিয়াছে তাহা ছাড়ার সাধ্য নাই, এই কল্পনার উপর বর্ণধর্ম প্রতিষ্ঠিত। বর্ণধর্মের কল্পনা মধুর। বর্ণধর্ম একেবারেই অপরিবর্তনীয় কি? ছাগীর যেমন ছাগীত্ব, গাভীর যেমন গাভীত্ব, ব্রাহ্মণের ব্রাহ্মণত্ব, ক্ষত্রিয়ের ক্ষত্রিয়ত্বও কি তদ্রূপ? একথা আমি স্বীকার করি যে, বর্ণধর্ম এরূপ অনড় নহে। তবে উহার মর্গ বুঝা চাই। সামাজিক ব্যবস্থার উপায়-স্বরূপে যখন বর্ণধর্মের ব্যবহার হয়, তখন উহার ব্যতিক্রম অবশ্যই হইবে। এরূপ ব্যতিক্রম গৃহীত বলিয়া ধরিতে হইবে। এই ব্যতিক্রম গীতা স্বীকার করিয়াছেন। তাৎপর্য এই—এই দ্বিবিধ ধর্ম চিনিয়া লওয়ার পরে, অবাস্তর ধর্ম সুন্দর ও মনোহর মনে হইলেও তার ফাঁদে পড়িবে না।

৫

ফলত্যাগ-কল্পনার যে ব্যাখ্যা আমরা এ পর্যন্ত করিয়াছি তাহা হইতে নিম্ন অর্থ পাওয়া যায় :

- ১। রাজস ও তামস কর্মের পূর্ণ ত্যাগ।
- ২। সেই ত্যাগেরও ফলত্যাগ। উহার অহংকার যেন না থাকে।

৩। সাত্ত্বিক কর্ম স্বরূপতঃ ত্যাগ না করিয়া কেবল ফলত্যাগ।

৪। সাত্ত্বিক কর্ম সদোষ হইলেও তাহা ফলত্যাগ-পূর্বক করা।

৫। ফলত্যাগপূর্বক ঐ সব কর্ম সতত করিতে করিতে চিন্তা শুদ্ধ হইবে এবং তীব্র হইতে সৌম্য, সৌম্য হইতে সূক্ষ্ম আর সূক্ষ্ম হইতে শূন্য—এই ভাবে যাবতীয় ক্রিয়া লোপ পাইবে।

৬। ক্রিয়া লুপ্ত হইয়া যাইবে, কিন্তু কর্ম—লোক-সংগ্রহরূপ কর্ম চলিতেই থাকিবে।

৭। সাত্ত্বিক কর্মের মধ্যে যে কর্ম স্বাভাবিকভাবে প্রাপ্ত তাহা করিতে হইবে। যাহা সহজপ্রাপ্ত নহে, যতই ভাল মনে হোক, তাহা হইতে দূরে থাকিতে হইবে। তার মোহ যেন না হয়।

৮। সহজপ্রাপ্ত স্বধর্ম আবার দুই প্রকারের। এক বদলায়, আর এক বদলায় না। বর্ণধর্ম পরিবর্তিত হয় না। আশ্রম-ধর্ম বদলায়। পরিবর্তনশীল স্বধর্মের পরিবর্তন হইতে থাকা চাই। তাহা হইলে প্রকৃতি বিগুহ্ন থাকিবে।

প্রকৃতির বহিতে থাকা চাই। কারণ যদি না বহে তবে তাহা হইতে দুর্গন্ধ আসিবে। আশ্রম-ধর্ম সম্বন্ধেও ঐ কথা। প্রথমে মানুষ পায় পরিবার। আত্মবিকাশের জন্ত সে নিজেকে পরিবারের বন্ধনে বাঁধে। তাহা হইতে নানা অভিজ্ঞতা লাভ করে। কিন্তু পারিবারিক বন্ধনে যদি সে বরাবরের মত জড়াইয়া যায় ত তার বিনাশ হয়। পরিবারে ভুক্ত হওয়া যাহা একসময়ে ধর্মরূপ ছিল, তাহা তখন অধর্মরূপ হইবে। কারণ সেই ধর্ম বন্ধনের হেতু হইয়া গিয়াছে। পরিবর্তনশীল ধর্ম যদি আসক্তি হেতু না ছাড় ত তার পরিণাম ভয়ানক হইবে। ভাল জিনিষেও যেন আসক্তি না জন্মে। আসক্তি হইতে ঘোর অনর্থ ঘটে। ক্ষয়ের জীবাণু ফুসফুসে প্রবেশ করিলে সারা দেহটাই ভিতরে ফোকলা করিয়া দেয়। সাত্ত্বিক কর্মে আসক্তির জীবাণু যদি অসাবধানতাবশতঃ প্রবেশ করিতে দাও ত স্বধর্মে পচন ধরিবে। সেই সাত্ত্বিক স্বধর্মে রাজস ও তামসের দুর্গন্ধ জন্মিবে। তাই পরিবার-রূপ পরিবর্তনশীল স্বধর্ম সময়মত খসিয়া পড়া চাই। দেশধর্ম সম্বন্ধেও ঐ কথা। দেশধর্মে যদি আসক্তি আসে, আর কেবল নিজ দেশের কথাই যদি আমরা ভাবিতে থাকি তবে দেশভক্তি ভয়ঙ্কর বস্তু হইবে। তার ফলে আত্মবিকাশ বন্ধ হইয়া যাইবে। চিন্তে আসক্তি ঘর বাঁধিবে আর অধঃপাত সুরু হইবে।

৬

সারাংশ—জীবনের ফলিত পাইতে চাও ত ফলত্যাগরূপী চিন্তামণির শরণ লও। তাহা তোমায় পথ দেখাইবে। ফল-

১৩

ত্যাগের তত্ত্ব নিজ সীমাও নির্দেশ করে। এই দীপ নিকটে থাকিলে কি করিতে হইবে, কি করিতে হইবে না, কখন কি বদলাইতে হইবে এ সবই বুঝা যাইবে। কিন্তু আর একটি বিষয় বিচার করিয়া দেখা যাক। সম্পূর্ণ ক্রিয়া-লোপের যে অন্তিম স্থিতি তার দিকে কি সাধকের লক্ষ্য রাখা দরকার? ক্রিয়া না করিলেও অসংখ্য কর্ম হইতে থাকে, জ্ঞানী পুরুষের এই যে স্থিতি তার দিকে কি সাধকের দৃষ্টি রাখিতে হইবে?

বস্তুতঃ তাহা নহে। এখানেও ফলত্যাগের কষ্টিপাথর ব্যবহার কর। আমাদের জীবনের স্বরূপ এমনই সুন্দর যে, যাহা আমাদের প্রয়োজন তার দিকে দৃষ্টি না রাখিলেও তাহা আমাদের লাভ হইবে। জীবনের সর্বাপেক্ষা বড় ফল মোক্ষ। ঐ মোক্ষ, ঐ অকর্মাৱস্থা তাহাতেও লোভ করিও না। ঐ স্থিতি অজ্ঞাতেই লাভ হইবে। সন্ন্যাস বস্তুটি এরূপ নয় যে অকস্মাৎ দুই পাঁচ মিনিটে আসিয়া যাইবে; সন্ন্যাস যান্ত্রিক বস্তু নহে। তোমার জীবনে তাহা কি ভাবে বিকশিত হইতে থাকিবে, তুমি টেরও পাইবে না। তাই মোক্ষের চিন্তা ছাড়।

ভক্ত সদা ভগবানকে বলে, “এ ভক্তিই আমার যথেষ্ট। ঐ মোক্ষ, ঐ অন্তিম ফল তা আমি চাই না।” মুক্তি মানে একপ্রকারের ভুক্তিই বটে। মোক্ষ একপ্রকারের ভোগই বটে—এক ফলই বটে। এই মোক্ষরূপ ফলের উপরও ফল-ত্যাগের কাঁচি চালাইবে। কিন্তু তাহাতে মোক্ষ হাত-ছাড়া হওয়ার নয়। কাঁচি ভাঙিবে, ফল অধিক দৃঢ় হইবে। মোক্ষের বাসনা ছাড়িয়াছ ত অজ্ঞাতেই মোক্ষের দিকে অগ্রসর হইয়াছ। সাধনাতে এমন তন্ময় হইয়া যাও যে, মোক্ষের কথাই যেন মনে না থাকে আর মোক্ষ তখন তোমায় খুঁজিয়া তোমার সামনে আসিয়া দাঁড়াইবে। সাধক সাধনাতেই মজিয়া যাইবে। ‘মা তে সঙ্কোহং কর্মণি’—অকর্মদশার, মোক্ষের আসক্তি রাখিও না—একথা ভগবান আগেই বলিয়াছেন। এখন অস্ত্রে আবার বলিতেছেন :

‘অহং ভ্যাং সর্বপাপেভ্যো মোক্ষয়িষ্যামি মা শুচঃ’

আমি মোক্ষদাতা, সমর্থ। মোক্ষের ভাবনা ভাবিও না। তুমি সাধনার কথাই ভাব। মোক্ষের কথা ভুলিয়া গেলে সাধনা উৎকৃষ্ট হইবে আর মোক্ষ বশীভূত হইয়া তোমার কাছে আসিবে। মোক্ষনিরপেক্ষ বৃত্তিতে একমাত্র সাধনায় তন্ময় হইলে মোক্ষলক্ষ্মী সাধকের গলায় মাল্যদান করেন।

সাধনার যেখানে পরাকাষ্ঠা সেখানে সিদ্ধি করজোড়ে দণ্ডায়মান। যাহাকে বাড়ী যাইতে হইবে, সে গাছের তলে বসিয়া যদি ‘বাড়ী বাড়ী’ বলিতে থাকে তবে বাড়ী দূরেই থাকিয়া যায়, আর তার জকলে থাকার পাল্লা আসিবে।

বাড়ীর কথা ভাবিতে ভাবিতে যদি রাস্তায় বিশ্রাম করিতে থাক তবে ঐ অস্তিম বিশ্রামস্থান হইতে দূরেই থাকিবে। চলার চেষ্টা আমায় করিতে হইবে। বাড়ী তখন একেবারে সামনে আসিয়া যাইবে। মোক্ষের নিশ্চেষ্ট স্বরণে, আমার প্রযত্নে, আমার সাধনায় শিথিলতা দেখা দিবে আর মোক্ষ দূরে চলিয়া যাইবে। মোক্ষ উপেক্ষা করিয়া সতত সাধনা করা মোক্ষ হাতে পাওয়ার উপায়। অকর্মাবস্থার—বিশ্রামের—লালসা রাখিও না। সাধনার প্রেমে মজ, মোক্ষ আসিবেই আসিবে। উত্তর-উত্তর করিয়া চিৎকার করিলে প্রশ্নের উত্তর মেলে না। উহার যে উপায় আমি পাইয়াছি তাহা দ্বারা ক্রমশঃ উত্তর মিলিবে। সে উপায়ের যেখানে সমাপ্তি সেখানে উত্তর তোমার অপেক্ষায় হাজির। সমাপ্তির পূর্বে কিরূপে সমাপ্তি হইবে? উপায়ের আগে উত্তর কি করিয়া পাওয়া যাইবে? সাধকের অবস্থায় সিদ্ধাবস্থা কিরূপে পাওয়া যাইবে? জলে হাবুডুবু খাইতে খাইতে অপর পারের মজার কথায় মশগুল হইলে কিরূপে চলিবে। সে অবস্থায় এক এক হাত করিয়া জল কাটিয়া আগে যাওয়াই একমাত্র লক্ষ্য হওয়া চাই। তাহাতে সারা শক্তি লাগানো চাই। সাধনা পূর্ণ কর, সমুদ্র লঙ্ঘন কর, মোক্ষ আপনা হইতে আসিয়া হাজির হইবে।

৭

জ্ঞানী পুরুষের অস্তিম অবস্থায় সকল ক্রিয়া লুপ্ত হইয়া যায়, শূন্যরূপ হইয়া যায়। কিন্তু তার মানে এই নয় যে, ঐ অস্তিম অবস্থায় ক্রিয়া হইবেই না। তাহা দ্বারা ক্রিয়া হইবে আবার হইবেও না। এই অস্তিম অবস্থা অতীব রমণীয়, উদাত্ত। এই অবস্থায় যাহা কিছু হইবে তাহার ভাবনা তাহার থাকে না। যাহা কিছু হইবে, শুভ ও সুন্দর হইবে। সাধনার পরাকাষ্ঠা অবস্থায় তখন সে উপস্থিত। এ অবস্থায় সবকিছু করিয়াও সে কিছু করে না। সংহার করিয়াও সংহার করে না। কল্যাণ করিয়াও কল্যাণ করে না।

এই অস্তিম মোক্ষাবস্থা বলিতে সাধকের সাধনার পরাকাষ্ঠা বুঝায়। সাধকের সাধনার পরাকাষ্ঠা মানে সাধকের সহজ অবস্থা। আমি কিছু করিতেছি এ বোধ পর্যন্ত এই অবস্থায় থাকে না। অথবা এই দশাকে আমি সাধকের সাধনার ‘অনৈতিকতা’ বলিব। সিদ্ধাবস্থা নৈতিক অবস্থা নহে। ছোট শিশু সত্য কথা বলে। কিন্তু তাহা নৈতিক নহে। কারণ অসত্য যে কি তা সে জানেই না। অসত্যের জ্ঞান হওয়ার পরে সত্য বলে ত তাহা নৈতিক কর্ম। সিদ্ধাবস্থায় অসত্য বলিয়া কিছু থাকে না। সেখানে একমাত্র সত্যই আছে। তাই সেখানে নীতি নাই। যাহা নিষিদ্ধ তার সেখানে ঠাই নাই। যাহা শোনার মত নয় তাহা কানে প্রবেশ করে না।

যাহা দেখার মত নয় তাহা চোখ দেখে না। যাহা করার যোগ্য হাত তাহা করে। চেষ্টা করিতে হয় না। যাহা করার অযোগ্য তাহা বর্জন করিতে হয় না। আপনা হইতেই তাহা দূরে থাকে। এরূপই এই নীতিশূন্য অবস্থা। সাধনার এই যে পরাকাষ্ঠা, সাধনার এই যে সহজ অবস্থা অথবা অনৈতিকতা বা অতিনৈতিকতা যাহাই বলুন, সে অতিনৈতিকতায় নীতির চরমোৎকর্ষ রহিয়াছে। ‘অনৈতিকতা’ শব্দ আমার ভাল লাগিয়াছে। অথবা এই অবস্থাকে ‘সাত্ত্বিক সাধনার নিঃসত্ত্বতা’ও বলা যাইতে পারে।

এ দশার বর্ণনা করা যায় কিরূপে? গ্রহণের আগেই যেমন বেধ* লাগে তদ্রূপ দেহান্তের পরে যে মোক্ষদশা লাভ হইবে তাহার আভাস দেহপাতের পূর্বেই দেখা দেয়। দেহাবস্থায়ই ভাবী মোক্ষাবস্থার উপলক্ষি হইতে থাকে। এই যে স্থিতি তার বর্ণনা করিতে বাণী খতমত খায়। যত ইচ্ছা হিংসা করিলেও সে কিছু করে না। তাহার ক্রিয়া এখন কোন মাপকাঠিতে মাপা যাইবে? যা কিছু সে করিবে সবই হইবে সাত্ত্বিক কর্ম। সকল ক্রিয়া ক্ষয় হইয়া গেলেও সারা বিশ্বের লোকসংগ্রহ সে করে। কি ভাষায় তাহা ব্যক্ত করা যায় তা নির্ণয় করা কঠিন।

এই অস্তিম অবস্থায় তিন ভাব হয়। এক ত বামদেবের দশা। “এ বিশ্বে যা কিছু রহিয়াছে, সে আমি” তাহার এই প্রসিদ্ধ উক্তির কথা ধরুন। জ্ঞানী পুরুষ নিরহংকার হইয়া থাকে। তাহার দেহাভিমান থাকে না। সকল ক্রিয়া শেষ হইয়া যায়। তখন সে এক ভাবাবস্থা প্রাপ্ত হয়। ঐ অবস্থার ঠাই এক দেহে হয় না। ভাবাবস্থা ক্রিয়াবস্থা নহে। ভাবাবস্থা মানে ভাবনার উৎকর্ষতার অবস্থা। এই ভাবাবস্থার উপলক্ষি ক্ষুদ্রাকারে আমাদের সকলেরই হয়। পুত্রের দোষে মাতা দোষী, আর গুণে গুণী হইয়া থাকে। পুত্রের দুঃখে দুঃখী, সুখে সুখী হইয়া থাকে। মার এই ভাবাবস্থা পুত্রেতেই সীমাবদ্ধ। সন্তানের দোষ সে নিজ দোষ বলিয়া মানিয়া লয়। জ্ঞানী পুরুষও ভাবনার উৎকর্ষ হেতু সারা জগতের দোষ নিজের উপর লইয়া থাকে।

ত্রিভুবনের পাপে সে পাপী, আর পুণ্যে পুণ্যবান। আর তাহা সত্ত্বেও ত্রিভুবনের পাপ-পুণ্যের ছোঁয়াচমাত্রও তার লাগে না। রুদ্র-সূক্তে ঋষি বলেন নাই কি :

“যবাশ্চ মে তিলাশ্চ মে গোধূমাশ্চ মে”

আমাকে যব দাও, তিল দাও, গম দাও। এইরূপ যে বলে সেই ঋষির পেট কত বড়? কিন্তু ঐ প্রার্থনাকারী সাড়ে তিন হাত দেহধারী ছিলেন না। তাহার আত্মা বিশ্বাকার হইয়া বলিতেছে। ইহাতে আমি “বৈদিক

* বেধ—গ্রহণের পূর্বকার আট বা দশ ঘণ্টা কাল।

বিশ্বাস্যভাব” বলি। বেদান্তে এই ভাবনার পরমোৎকর্ষ দেখা যায়। গুজরাটের সাধু নরসী মেহতা কীর্তন করিতে করিতে বলিয়াছেন :

“বাগ্জী পাপ মেঁ কবণ কীধাঁ হশে.
নাম লেঠা তারুঁ নিত্রা আবে।”

“ভগবান, কি পাপ করেছি যে, কীর্তন করিতে থাকিলেই আমার নিত্রা আসে?”—ঘুম কি নরসী মেহতার আসিত? ঘুম আসিত শ্রোতাদের। কিন্তু শ্রোতাদের সহিত একরূপ হইয়া নরসী মেহতা জিজ্ঞাসা করিতেছেন। ইহা তাঁহার ভাবাবস্থা। জ্ঞানী পুরুষদের এইরূপই ভাবাবস্থা হয়। এই ভাবাবস্থায় সকল পাপ-পুণ্য তাহা দ্বারা হইতেছে এরূপ আপনাদের মনে হইবে। সে নিজেও তেমন মনে করিবে। ঐ ঋষি বলিয়াছেন না কি, “করার অযোগ্য কত কর্মই না আমি করেছি, করছি আর করব।” এই ভাবাবস্থা প্রাপ্ত হইলে আত্মা পাখীর মত উড়িতে থাকে। পাখিবতার উর্দ্ধে তাহা উঠিয়া যায়।

এই অবস্থার মত জ্ঞানী পুরুষের এক ক্রিয়াবস্থাও আছে। জ্ঞানী পুরুষ স্বভাবতঃ কি করিবেন? যাহা কিছু তিনি করিবেন তাহা সাত্ত্বিক হইবে। যদিও দেহের সীমায় আজও তিনি আবদ্ধ তথাপি তাঁহার সমস্ত শরীর, সকল ইন্দ্রিয় সাত্ত্বিক হইয়া গিয়াছে, আর তাহার ফলে তাঁহার সকল ক্রিয়া সাত্ত্বিকই হইবে। ব্যবহারিক দৃষ্টিতে দেখেন ত সাত্ত্বিকতার চরম সীমা তাঁহার ব্যবহারে দেখা যাইবে। বিশ্বাস্যভাব হইতে দেখেন ত মনে হইবে ত্রিভুবনের সকল পাপপুণ্য যেন তিনি করিতেছেন। আর তাহা হইলেও তিনি অলিপ্ত। কারণ প্রলেপের মত লেপটানো এ দেহ তিনি উপড়াইয়া ফেলিয়া দিয়াছেন। ক্ষুদ্র দেহ নিক্ষেপ করিলে না তিনি বিশ্বরূপ হইবেন।

ভাবাবস্থা ও ক্রিয়াবস্থা ছাড়া জ্ঞানী পুরুষের তৃতীয় আর এক অবস্থা আছে। তাহা হইতেছে জ্ঞানাবস্থা। এ অবস্থায় তিনি না করেন পাপ সহ, না করেন পুণ্য সহ। ঝাপটা দিয়া সবকিছু ফেলিয়া দেন। এই ত্রিভুনকে আঙুন ধরাইয়া জ্বলাইয়া দিতে তিনি প্রস্তুত হইয়া যান। একটি কর্মের দায়িত্ব লইতেও তিনি প্রস্তুত নহেন। তাহার স্পর্শ পর্যন্ত তাঁহার কাছে অসহ্য। এই যে তিন অবস্থা তাহা জ্ঞানী পুরুষের মোক্ষদশায়, সাধনার পরাকাষ্ঠা-দশায়ই সম্ভব।


এই অক্রিয়াবস্থা, এই অস্তিম দশা, এ দেহে আয়ত্ত করার উপায়? আমরা যে কর্মই করি না কেন, তাহার কর্তৃত্ব নিজেতে আরোপ না করার অভ্যাস করা। মনে করিবে আমি নিমিত্ত মাত্র, কর্মের কর্তৃত্ব আমার নহে এই অকর্তৃত্ব-

বাদের ভূমিকা আগে নম্রভাবে গ্রহণ কর। কিন্তু তাহা হইলেই সম্পূর্ণ কর্তৃত্ব লোপ পাইবে, তেমন নুহে। আন্তে আন্তে এই ভাবনার বিকাশ হইতে থাকিবে। আমি অতি তুচ্ছ, তাঁহার হাতের পুতুল, তিনি যেমন নাচান তেমন নাচি এ ভাব প্রথমে জন্মিতে দাও। তারপরে এ-কথা মনে করার প্রযত্ন কর যে, যত কিছু কর্ম তাহা এই দেহের। তাহার সহিত আমার সম্পর্ক মাত্র নাই। এ সকল ক্রিয়া এ শবের। আমি শব নহি, আমি শিব। একথা মনে করিয়া দেহ-প্রলেপের সহিত লেশমাত্র লিপ্ত হইও না। তাহা হইলে, দেহের সহিত যেন কোন সম্পর্ক নাই—এই যে জ্ঞানী পুরুষের অবস্থা তাহা প্রাপ্ত হইবে। ঐ অবস্থায় পুনরায় উপরে বর্ণিত তিন অবস্থা হইবে। এক, তাহার ক্রিয়াবস্থা, যাহাতে অত্যন্ত নির্মল ও আদর্শ ক্রিয়া তাহা দ্বারা হইবে। দুই—ভাবাবস্থা, যাহাতে ত্রিভুবনের সকল পাপ-পুণ্য আমি করি এরূপ অনুভব হইবে, অথচ তাহাতে তার ছোঁয়াচ পর্যন্ত লাগিবে না। তিন—তাহার জ্ঞানাবস্থা, যে অবস্থায় কর্মের লেশও তিনি নিজের কাছে রাখিবেন না। সকল কর্ম ভ্রমসাৎ করিয়া দিবেন। এই তিন অবস্থা দ্বারা জ্ঞানী পুরুষের বর্ণনা করা যাইতে পারে।

৮

এই সব বলার পরে ভগবান অর্জুনকে বলিলেন—
“আমি তোমায় এই যে সব বললাম, তা তুমি মনোযোগ দিয়ে শুনেছ ত? এবার আগাগোড়া বিচার করে যা তোমার ভাল মনে হয় কর।” ভগবান উদার চিত্তে অর্জুনকে স্বাধীনতা দিলেন। ভগবদ্গীতার বিশেষত্বই এই। কিন্তু ভগবানের আবার দয়া হইল। যে ইচ্ছা-স্বাতন্ত্র্য দিয়াছিলেন তাহা তিনি ফিরাইয়া লইলেন। বলিলেন—“অর্জুন, তোমার ইচ্ছা, তোমার সাধনা সবকিছু ফেলে দাও, আমার শরণ লও।” নিজের শরণ লইতে বলিয়া যে ইচ্ছা-স্বাতন্ত্র্য তিনি দিয়াছিলেন তাহা স্বয়ং কাড়িয়া লইলেন। এর অর্থ এই যে—“নিজ মনে তুমি স্বাতন্ত্র্য-ইচ্ছা আসতে দিও না। আপন ইচ্ছা নয়, তাঁর ইচ্ছা চলুক, এভাবে অবলম্বন কর।” স্বাতন্ত্র্যে আমার দরকার নাই, এরূপ আমায় ভাবিতে দাও। আমি নাই, সবকিছু তুমি, এরূপ হোক। ঐ বকরী জীবিত দশায়—“মেঁ মেঁ মেঁ...” করে, অর্থাৎ “আমি আমি আমি” বলে। কিন্তু মরার পরে উহার তাঁত যখন পিঞ্জনে পরানো হয় তখন দাড় বলেন—“তুহী তুহী তুহী—সে তুহী তুহী তুহী বলে।” তখন ত সব “তুহী... তুহী... তুহী।”

রবিবার, ১৯. ৬. '৩২



কালিদাসের রস-পরিবেশন

[বিদূষকের মাধ্যমে]

ডক্টর শ্রীযতীন্দ্রবিমল চৌধুরী

পাশ্চাত্য সাহিত্যের হাস্যোদ্দীপক চরিত্রের সঙ্গে [buffoon] সংস্কৃত সাহিত্যের বিদূষক চরিত্রের মৌলিক পার্থক্য এইখানে যে, পাশ্চাত্য সাহিত্যের উদৃশ্য চরিত্র মৌলিক নাট্যবস্তুর সঙ্গে অতি হাস্য ভাবে থাকে সংলগ্ন, তাকে পরিত্যাগ করলেও নাটকীয় বস্তুর পরিণতির তেমন বাধাত ঘটে না। কিন্তু সংস্কৃত সাহিত্যের বিদূষকের সঙ্গে নাটকীয় ঘটনা থাকে পূর্ণ সংশ্লিষ্ট। বিদূষকের প্রভাব সর্বত্র হয় প্রতিফলিত। বিদূষক নাটকের বন্ধু এবং বহুল ক্ষেত্রে নানা প্রকার সম্বন্ধের উপায় উদ্ভাবক। নাটকের ভবিষ্যৎ ফল তারই বুদ্ধির প্রণয়নের উপরে নির্ভর করে।

সংস্কৃত নাটকের মধ্যে অধুনালুক প্রাচীনতম গ্রন্থ অশ্বঘোষের সারিপুস্তপ্রকরণ ও অগ্নি দুটি বৌদ্ধধর্মমূলক নাটক। এর মধ্যে সারিপুস্তপ্রকরণে ও অগ্নি একটি নাটকেও বিদূষকের অবতারণা আছে। এমন কি, শাস্ত্রসংগ্রহে আধ্যাত্মিক গ্রন্থেও বিদূষকের অবতারণা থেকে এ স্বতঃই মনে হতে থাকে যে, আরও বহু পূর্বে রচিত যে সব সংস্কৃত নাটক কালের কবলগ্রস্ত হয়েছে, তাদের মধ্যে সব কয়টি বা অনেকগুলিতে অন্ততঃ বিদূষক একটি বলিষ্ঠ চরিত্র-স্বরূপে নিশ্চয় ছিলেন। সারিপুস্ত প্রকরণ গ্রন্থে দেখতে পাই বিদূষক স্বীয় বন্ধু মৌদুগলাগকে বৌদ্ধধর্মে দীক্ষিত হতে বাধ্য করছেন। তাঁর যুক্তি অসামান্য। বুদ্ধদেব নিজে ছিলেন ক্ষত্রিয়, কাজেই ক্ষত্রিয়-প্রচারিত ধর্মে ব্রাহ্মণের দীক্ষিত হওয়া অতি অধর্ম ও অ-শাস্ত্রীয় ব্যাপার। অগ্নি নাটকের বিদূষকের নাম কোমুদগন্ধ—ফুলের নামানুসারে নাম। অবশ্য এই গ্রন্থে এত খণ্ডিত অবস্থায় পাওয়া যায় যে, বিদূষকের চারিত্রিক পরিপূর্তি সম্বন্ধে এত স্বল্প সামগ্রী অবলম্বনে কিছুই মন্তব্য করা যেতে পারে না।

জয়দেব কবিতার প্রসন্নরাগে ভাসকে 'হাস' বলে বর্ণন করেছেন। ফলতঃ ভাসের অঙ্কনে বিদূষকের চরিত্র বড় সমৃদ্ধ হইয়া ফুটে উঠেছে। তাঁর প্রতিজ্ঞাযোগস্বায়ংগণের ও স্বপ্নবাসবদন্তের বসন্তক, অবিমারকের সঙ্কট, এবং চারুদন্তের মৈত্রয়ে অনবণ্ড সৃষ্টি। মূর্ত্ত্যাবাজক চাতুর্য্য পরিবেশনে সঙ্কট নাট্যমোদিগণের সন্তোষ-বিধানের সমর্থ। এদের পরবর্তী কবি শূদ্রকের মুচ্ছকটিকের মৈত্রয়ে নাট্যরসিকগণের চিরমিত্র, এত অপূর্ণ হাস্যোচ্ছলিত মধুরিমাময় চিত্র কদাচিৎ দৃষ্ট হয়। কালিদাসের কাব্যমহিমা রূপে, রসে, গন্ধে পরিপূর্ণিত। মৌন্দর্ঘ্যের শ্রেষ্ঠ প্রতীক তাঁর কাব্যরূপ। তরলতার ইত্যর রূপের স্থান তাতে নেই। ফলে কালিদাসের বিদূষকগণ অতি সুকৃতিসম্পন্ন, তাদের হাস্যভাব চালচলনে একটা চাপা হাসি আছে, উল্লাস আছে, চলচলে থলথলে পান খাওয়া মুখে তরল বসিকতা তাতে নেই। মালবিকাগ্নিমিত্রের গোতম, বিক্রমোর্কশীর

মাণবক এবং শকুন্তলার মাধব্য—এরা সকলেই অপূর্ণ সৃষ্টি এবং স্ব-স্ব গৌরবে মহীয়ান।

কালিদাস অভিজাত Romantic কবি। চরম মৌন্দর্ঘ্যসৃষ্টি তাঁর একমাত্র অভিপ্রেত। জগতের কদর্ঘ্য নগণ্য জিনিষ নিয়ে হাস্যোদ্দীপন তাঁর অভিপ্রেত হতেই পারে না। আলঙ্কারিকের নির্দিষ্ট সংজ্ঞানুসারে তিনি তাঁর তিনটি নাটকেই বিদূষকের চরিত্র সৃষ্টি করেছেন বটে—কিন্তু অলঙ্কারের অস্থিপঞ্জরের উপরে তিনি তাঁর অপূর্ণ কবিত্বশক্তির প্রভাবে কেবল রক্তমাংসই সঞ্চারিত করেন নি, প্রত্যেকটি বিদূষককেই নব নব প্রাণোন্মাদনায় চির সজীব করে গেছেন। অলঙ্কারের সংজ্ঞানুসারে মালবিকাগ্নির গোতম, বিক্রমোর্কশীর নাটকের মাণবক এবং অভিজ্ঞানশকুন্তলের মাধব্য সকলেই ব্রাহ্মণ, নাথকত্রয়ের সহচর এবং সকলের আনন্দবর্ধনে সূচতুর। অবশ্য জাতিতে ব্রাহ্মণ হলেও এই বিদূষকত্রয় কার্যতঃ ব্রহ্মবন্ধু—বিদ্যাচর্চার দিকে কারও কোন উৎসাহ নাই। সকলেরই অঙ্গ বিকৃত, বেশভূষা বাবহার চালচলন সকলেরই হাস্যের উদ্রেক করে। ভোজন-বিলাস এবং কর্মবিমুগতা, বিদূষকগণের যা স্বভাবসম্মত, তা এই তিন জন বিদূষকের ক্ষেত্রেই বিলক্ষণ পরিদৃষ্ট হয়।

তা হলেও, অলঙ্কার-নির্দিষ্ট আইনকানুনের দিক থেকে এই তিন জন বিদূষকের সঙ্গে অগ্নি নাটকের বিদূষকের সামঞ্জস্য থাকলেও, মহাকবি কালিদাসের অপূর্ণ সৃষ্টিকৌশলে এরা যেন নব পর্যায়ের নব রস পরিপূর্ণিত বিদূষক—স্ব স্ব ক্ষেত্রে স্ব স্ব মহিমায় প্রোঞ্জল। এই তিনটি বিদূষক একে অগ্নি থেকে সম্পূর্ণ পৃথক। মালবিকাগ্নিমিত্রের গোতম—অত্যন্ত বিচক্ষণ, ধূর্ত, উপস্থিত বুদ্ধিসম্পন্ন এবং নানা রকম উপায় উদ্ভাবনে সুপটু। তার প্রত্যেকটি চিন্তাধারা—প্রত্যেক নাটকের কোন না কোন কার্যোদ্ধারের নব পরিকল্পিত সৃষ্টি উপায়ের উদ্ভাবক মাত্র। বিক্রমোর্কশীর মাণবক অত্যন্ত মূর্খ। কার্যপন্থা তার ভ্রমপরিপূর্ণ। তার কথাবার্তা অনেক সময় প্রলাপ-সদৃশ। যদিও বহুস্থলে তার কথার মধ্যে বুদ্ধিমত্তা লুক্কায়িত ভাবে প্রকাশ পেয়েছে, তবুও তার কর্মপ্রচেষ্টায় গ্রন্থের নাটকের অনিষ্ট ব্যতীত কোন স্থানে ইষ্ট সম্পাদিত হয় নি। অভিজ্ঞানশকুন্তলের মাধব্য পাশ্চাত্য নাটক সাহিত্যের প্রকৃত পরিহাসক (buffoon); নাট্যরসের ঘনীভূত পরিবেশন কল্পে অতি সঙ্কটময় স্থলে তার প্রাঙ্ক-ভাব হয়, অলঙ্কারের জগ্ন তাতে তরল ভাবের সঞ্চার, কঠোর হয় সুকুমার, উচ্ছ্বাস প্রসাদময় প্রাঙ্ক আত্মপ্রকাশ করে।

এই তিনটি বিদূষক-চরিত্রের সৃষ্টিতে কালিদাসের কবিমানসের একটি প্রকৃষ্ট চিত্র আমাদের মানসপটে প্রতিফলিত হয়। মালবিকাগ্নিমিত্র থেকে বিক্রমোর্কশীর মাধ্যমে অভিজ্ঞানশকুন্তলের সুবর্ণ-প্রকোষ্ঠে যখন প্রবেশলাভ করি, তখন কেবলই মনে হতে থাকে

বিদূষকচরিত্রের প্রতি কালিদাসের প্রশংসনীয় মনোভাব ক্রমেই যেন ক্রীণতা প্রাপ্ত হয়েছে। মালবিকাগ্নিমিত্রের বিদূষক গ্রন্থের নায়ক না হলেও প্রায় নায়কের সমান স্থান অধিকার করে আছে, ঘটনার পরিপূর্তি তার উপরেই সম্যক ভাবে নির্ভর করে। তার পাশে গ্রন্থের নায়ক অগ্নিমিত্রও যেন হান ভাব ধারণ করে। বিক্রমো-
ক্ষণীয় নাটকে বিদূষকের এত উচ্চস্থান আর নেই। বিদূষকের সম্বন্ধে কালিদাসের পূর্ব মনোভাব পরিবর্তিত হয়ে গেছে। বিক্রমো-
ক্ষণীয় গ্রন্থে এইটি সুস্পষ্ট যে, বিদূষক মগ্নবক ভ্রমে প্রমাদে সাধারণ ব্যক্তির মতই জীবন-পথে অগ্রসর হচ্ছে। প্রবীণতা, পটুতা, কোন ক্ষেত্রেই সুপ্রকট নয়। তাই শুধু নয়, নায়কের গতিপথে সে বাধা-
স্বরূপ। কালিদাসের কবিপ্রতিভা যখন চরম সীমায় উপনীত, তখন অনিচ্ছানশকু হলে সৃষ্টি, এই গ্রন্থের বিদূষক কেবল হাস্যপরি-
বেশক মাত্র; নাট্যের মূল বস্তুর সঙ্গে তার সংযোগ অত্যন্ত শিথিল, নাট্যের দ্রুত গতি তার উপরে মোটেই নির্ভর করে না এবং কবি যখনই ইচ্ছা করেন তখন নির্বিবাদে বিদূষক মাথব্যকে ঘটনাস্থল থেকে বহুদূরে সরিয়ে দেন।

মালবিকাগ্নিমিত্রের গোঁতম

গোঁতম কালিদাসের বিদূষকগোষ্ঠীর মধ্যে শ্রেষ্ঠ সৃষ্টি, কালি-
দাসের অনবদ্য প্রতিভা তাকে নাট্যরসিকগণের নিকট অমর করে রেখে গেছে। তার প্রত্যেক কল্পপন্থা পরিণামকুশল। অথচ ক্ষুরধার বুদ্ধি ও হাস্যরসিকতা যুগপৎ ভাবে তার কল্পপটুতার সহায়তা করে।

অনেকের মতে কালিদাস গোঁতম-চরিত্র সৃষ্টিতে অনেকটা পক্ষ-
পাতিত্ব করেছেন। যার ফলে গোঁতমের পার্শ্বে এমন কি নাটকের নায়ক অগ্নিমিত্রকেও পরিগ্ৰহণ দেখা যায়। আবার অনেকে মনে করেন আলঙ্কারিকের সুনির্দিষ্ট সংজ্ঞার চারিধারে ক্ষুদ্র কবিদের মত নিরন্তর ঘোরাফেরা করা কালিদাসের মত শ্রেষ্ঠ কবির পক্ষে সম্ভবপর নয়, কাজেই তিনি সর্বতোভাবে সুনিপুণ এবং সুপরিপুষ্ট একটি বিদূষক-চরিত্র জীবনের প্রথম গ্রন্থে সৃষ্টি করেছেন। এই বিষয়ে মালবিকাগ্নিমিত্র গ্রন্থের পরিপ্রেক্ষিতে আলোচনা করলে—
নিরপেক্ষ ভাবে আমাদের বলতে হয়, কালিদাস জীবনের প্রথম ভাগে, যখন তিনি ভাস, কবিপুত্র ও সোমসের কাব্যপ্রতিভায় অত্যন্ত বিমুগ্ধ তখন তিনি বহুলাংশে সাময়িক ইতিহাসের সাহায্যে স্বীয় কাব্যপ্রতিভার মহিমাময় প্রকাশ করে গেছেন—মালবিকাগ্নি-
মিত্র গ্রন্থে। মালবিকার মত নায়িকার পাণিগ্রহণ অগ্নিমিত্রের গায় হর্ষল-চরিত্র নৃপতির পক্ষে পবন সৌভাগ্যের বিষয়। ভূতপূর্ব কবি-
গণের পদাঙ্ক অনুসরণে তিনি স্বকীয় নব নাট্যগ্রন্থে বিদূষক-চরিত্রের অবতারণা করেছেন, কিন্তু তাঁর ভবিষ্য অপরূপ কাব্যপ্রতিভার পূর্ণ-
ছোতক মালবিকার সংপ্রাপ্তি বিষয়ে পরিপূর্ণ সহায়করূপে এই বিদূষককে তিনি গ্রন্থে স্থান দিয়েছেন—ফলে গোঁতম কার্যকুশলতায়, বুদ্ধিমত্তায়, হাস্যরসের ক্ষণিকালোকে, কার্যসামর্থ্যে সকলের চিত্ত-
হরণে নিপুণতা অর্জন করেছে। কার্যতঃ গোঁতম বিদূষক

হলেও, স্বীয় নামানুসারে হাস্যরস পরিবেশন তার কর্তব্য হলেও, মালবিকার প্রেমার্জনে প্রকৃষ্ট হেতু গোঁতম নিজে।

যদিও পূর্ব ঘোষণানুসারে মালবিকা অগ্নিমিত্রের পত্নী হিসাবে নির্দিষ্ট হয়েছিলেন এবং সেই হিসাবে কালিদাস ক্রমাগত তাঁদের মিলন দেখাবার পথে অগ্রসর হতে পারতেন তা হলেও অগ্নিমিত্র অত্যন্ত হর্ষল ও ভীক প্রকৃতির লোক ছিলেন বলেই কালিদাসকে বাধা হয়ে বিদূষকের চরিত্র একাধারে নায়কোচিত ও বিদূষকোচিত করে অঙ্কিত করতে বাধ্য হয়েছেন।

ফলে বিদূষক হয়েছেন একাধারে বুদ্ধিমান ও মুখ, চালাক এবং বোকা, নবীন উপায়োদ্ভাবক অথচ জ্ঞানহীন, মুখ হয়েও প্রথম শ্রেণীর বুদ্ধিবৃত্তির অবিকারী। বিদূষকরূপে তার চরিত্র কারো কারো চোখে নায়কোচিত বলে অনেক সময় বিসদৃশ ঠেকলেও খুঁটিয়ে দেখলে দেখা যাবে যে, তার বিদূষকজনোচিত মুখতা, স্বকপোলকল্পিত সত্যের উদ্ভাবন এবং হাস্যরসে গূঢ় অভিপ্রায় সংসাধন এই সমস্ত প্রকৃষ্ট বিদূষকের পরিচায়ক। উদাহরণক্রমে বলা যেতে পারে যে, যদিও সঙ্গীতজ্ঞ গণদাস বিদূষকের সম্বন্ধে কোন উচ্চ ধারণা পোষণ করতেন না তা হলেও মালবিকাগ্নিমিত্রের ১ম অঙ্কে বিদূষক নিজের কথার চাতুর্যে ও স্বকীয় কুশল প্রভাবে রাজার সঙ্গে মাল-
বিকার প্রথম দর্শন রূপ অভিপ্রায় সাধন করার উদ্দেশ্যে মুক্তি-
জাল বিস্তার করেছিল তাতে গণদাস বিমূঢ় হয়ে যায়। গণদাসের সঙ্গে অল্প সঙ্গীতজ্ঞ হরদত্তের যে কলহ সে বাধিয়ে দেয় তাতেই তার অভীষ্ট সিদ্ধ হয়। রাণী ধারিণী রাজার সঙ্গে মালবিকা সন্দর্শনের বিরোধী হয়ে যে তর্কবিতর্কের সৃষ্টি করেন গোঁতম কৌশলক্রমে সে সমস্ত মুক্তির অবতারণা এমন নৈপুণ্যের সঙ্গে করেন যে রাণী ধারিণী বিদূষকের সঙ্গে মুক্তিতর্কে কিছুতেই জয়লাভ করতে পারলেন না। মালবিকা যখন বঙ্গমঞ্চে অবতারণা করলেন তখন বিদূষক কৌশল-
ক্রমে তাঁকে দীর্ঘক্ষণ আটক করে রাখলেন। যদিও প্রাজ্ঞা কৌশিকী এবং রাজা নিজে বিদূষকের অভিপ্রায় এবং উপায় প্রয়োগ সম্বন্ধে সম্পূর্ণ জ্ঞাত ছিলেন তা হলেও বিদূষক এত সুনিপুণ ভাবে অনায়াসে জয়লাভ করবে সেটা তাঁদেরও যেন ধারণা হয় নি।

অতঃপর মালবিকার সঙ্গে গোঁতমের প্রথম নিবিড় পরিচয় সংগঠনেও গোঁতমের কৌশল উদ্ভাবনের অস্ত্র নাই। মুখতাব্যঞ্জক ভাবে সে ধারিণীকে দোলা থেকে মাটিতে ফেলে দিয়ে তার বা পা দ্বারা করে দেয়। ফলে বসন্ত উৎসবের সমস্ত কার্যক্রম উল্টে যায়। ধারিণী মালবিকাকে নিজের পরিচারিকারূপে নিযুক্ত করে বস্ত্রা-
শোকের দোহদের নিমিত্ত তাঁর পাদঘাত প্রচারের উদ্দেশ্যে প্রেরণ করেন। এক্ষণে মালবিকার প্রমোদবনে যাবার সুযোগ সৃষ্টি করে গোঁতম দোলাগৃহে ইড়াবতীর সঙ্গে রাজার নিবিড় পরিচয়ের সুযোগ সৃষ্টি করে দেয়। গোঁতম যে উপায়ে মালবিকার কাবাগার থেকে বন্ধনমুক্তির ব্যবস্থা করে তা অতি চমকপ্রদ। সে নিজে এমন ছল করে যেন রাণী ধারিণীর জন্ত পুষ্পাঙ্গনে ফুল তুলতে গিয়ে নিজে সর্পদষ্ট হয় এবং কাতরে চীৎকার করে এমন করুণ পরিবেশের সৃষ্টি করে যাতে রাণী

ধারিণী দয়াপূর্বক হয়ে নিজের হাতের অঙ্গুরীয় বিদূষকের হাতে দিয়ে দেন। সেই অঙ্গুরীয়ক মুদ্রা ব্যতীত মালবিকাকে কারাগার থেকে উদ্ধার করবার আর উপায় ছিল না। কৌশলক্রমে ঐ মুদ্রা রাণী থেকে গ্রহণ করে গোঁতম মালবিকার উদ্ধার সাধনপূর্বক রাজার সঙ্গে পূর্ণ মিলনের পথ সুগম করে দেয়।

গোঁতম এক দিকে মূৰ্খতার ছল করে রাণীকে বলেন—“দেবি! চলুন, আমরা ভেড়ার যুদ্ধ দেখি, যদি যুদ্ধই না করবে তবে এ ভেড়া পোষণের ফল কি?” অল্প দিকে গণদাসের প্রতি লক্ষ্য করে রাণী ধারিণীর কথাগুলি গোঁতম এমন কৌশলে ব্যাখ্যা করে দেয়—যে ব্যাখ্যা অল্পের পক্ষে সম্ভবপর নয়। সে রাণীর কথা গণদাসকে এরূপ বুঝিয়ে দিলে যে, গণদাসের মনে ধারণা হ’ল রাণী চান যেন রঙ্গমঞ্চে স্বীয় বুদ্ধিমত্তার পরিচয়স্বরূপ মালবিকাকে নৃত্যে নিয়োজিত করে নিজের শিক্ষাদানের প্রশংসা তিনি অর্জন করে নেন। গোঁতম বললে—“রাণী চান যাতে তুমি তোমার মান রক্ষা কর—সেই জন্তই তিনি হয়েছিলেন রাজার উপর অসন্তুষ্ট—কারণ তিনি স্মৃতিভাবে জানেন যে কোনও শিক্ষক বিশেষ পণ্ডিত হয়েও অধ্যাপনার সূচতুর না হতেও পারেন।” ফলে গণদাস মালবিকাকে রঙ্গমঞ্চে আনয়ন করে নিজের শ্রেষ্ঠ শিক্ষাদান কৌশলের প্রমাণ দিতে উদ্যত হন।

গোঁতম একবার নিজে অত্যন্ত মূৰ্খতার পরিচয় দেয়—যখন সমুদ্রগৃহে রাজা অগ্নিমিত্র এবং মালবিকা প্রেমালিঙ্গনে ব্যাপ্ত তখন সে দ্বাররক্ষণকারী। হঠাৎ সে ঘুমিয়ে পড়ে—এবং স্বপ্নে মালবিকার নাম উল্লেখ করে—ইড়াবতী ঘটনাক্রমে সে স্থলে এসে পড়ে। ইড়াবতীর পরিচারিকা বিদূষকের সর্পাকৃতি দণ্ডটি ভয় পাওয়ার জন্ত তার গায়ের উপর ফেলে দেয়—বিদূষক হঠাৎ লাকিয়ে উঠে “একটি সাপ, একটি সাপ আমাকে দংশন করেছে” বলে চীৎকার করে উঠে। যা হোক এ ভাবে অপ্রস্তুত হয়েও সে নিজের অহঙ্কার ভুলতে পারে না, কারণ এই ঘটনার ব্যাখ্যাস্বরূপ সে বলছে “কেতকী কণ্টকের দ্বারা নিজের অঙ্গুলি ক্ষত করে সর্প দ্বারা আহত হয়েছি বলে আমি ইতঃপূর্বে অভিনয় করেছিলাম—এ তারই প্রতিদান”২। তার উচ্চহাস্য থেকে বুঝা যায় কি করে সে রাণী ধারিণীর অঙ্গুরীয়ক মুদ্রা আহরণের জন্ত স্বকীয় অঙ্গুলির উপর সর্প দংশনের প্রমাণ উপস্থাপিত করতে সমর্থ হয়েছিল। এই সব থেকে প্রমাণিত হয় গোঁতম স্বকীয় বুদ্ধিমত্তা এবং কার্য-কুশলতার প্রভাবে স্বীয় বন্ধু দুর্ভঙ্গ রাজা অগ্নিমিত্রের পরম হিত-

১। অবিহা, অবিহা ভো বয়সস, সপো মে উবরি পড়িদো (অবিধা, ভো বয়স! সপো মে উপরি পুতিতঃ)।

২। কঃ দণ্ড কট্ট এদম্ অহং উর্ধ্বে জাণে জং ময়ে কেদন্তুকণ্ট এহি দংসং করিয় সপ্পশ্চ ইব দংসো কিদো তং মে ফলিদিত্তি (কথং দণ্ডকট্টম্ এতৎ। অহং পুনর্জানে যম্ময়া কেতকীকণ্টকৈঃ দংশং কুস্মা সর্পস্যেব দংশং কৃতং, তন্নে ফলিতমিত্তি)।

সাধনে সমর্থ হয়েছিল এবং সঙ্গে সঙ্গে নাট্যমৌদীনেরও প্রকৃষ্ট আনন্দের উপাদানস্বরূপ হয়েছিল।

মাগবক

মাগবকের সঙ্গে গোঁতমের চরম পার্থক্য এই, মাগবকের বিদূষক রূপে মূৰ্খতার যে অবতারণা তা কার্য সাধনের জন্ত ছলমাত্র নয়, তা সত্যই মূৰ্খতা। গোঁতম বিদূষকরূপে বিচরণতার অবতারণা, কিন্তু মাগবক সত্যই বোকা। নিজের মূৰ্খতার কলে সে বিক্রমো-র্কশীয় ঐশ্বেয় নায়ক পুরুষবাকে বহুবার বিপন্ন করেছে। নিজের বোকামির সঙ্গে অবশ্য কালিদাসের সৃষ্টি রূপে তার মধ্যে চরমপ্রদ ভণ্ডামির একটি রূপ রয়েছে—যার দ্বারা সে পরম হাস্যরসের উদ্দীপনা করতে সমর্থ হয়। পুরুষবার মঙ্গলপথে বাধাস্বরূপ হলেও আবার ঘটনাচক্রে কি করে সমস্ত বিষয়ের মীমাংসা হয়ে যায় এবং পুরুষবার উর্কশী লাভ ঘটে তা অতি কৌতুকপ্রদ ঘটনা।

মাগবক নিজের পেটের ভিতর কোন কথা লুকিয়ে রাখতে পারে না। সে তা বলে ফেলবার জন্ত হাঁসফাঁস করে। তাই পরিচারিকার সন্দর্শনমাত্র সে নিজের মনের কথা বলে দেয় এবং এই রূপেই ধূর্ত পরিচারিকার হাতে সে বিপর্যস্ত হয়। মিতাণ্ড মূৰ্খের মত প্রেমপত্র হারিয়ে সে রাণীর হাতে আর একবার নিজেকে বিপন্ন করে তোলে।

উর্কশী দুর্ভঙ্গরাজে রাজার জন্ত প্রেম স্বীকার করে পত্র দেয়—রাজা সংরক্ষণের জন্ত তা মাগবকের হাতে দেয়—উর্কশী হঠাৎ সে স্থানে এসে উপস্থিত হওয়ায় মূৰ্খ মাগবক তার রূপে এত বিমুগ্ধ হয় যে, সে হাঁ করে তার দিকে তাকিয়ে থাকে এবং ভুলক্রমে দুর্ভঙ্গরাজের চিঠিখানা হাত থেকে মাটিতে ফেলে দেয়।

মাগবক সত্যই এত বোকা যে, তার অসম্ভব বোকামি হাস্য রসের উদ্রেক করে। রাজা যখন অত্যন্ত প্রেমপ্রসীড়িত, তখন সে রাজাকে একান্ত গাভীর্ঘ্যসহকারে বলছে—চল, আমরা রান্নাঘরে যাই। সেখানে নানারূপ জিনিসের প্রস্তুতি হুঁচোখ ভরে দেখলে আমাদের আর কোন কষ্ট থাকতে পারে না। রাজা যখন তার সুবুদ্ধি গ্রহণ করলেন না এবং রাজানুরোধে সে প্রমোদ-উদ্যানে যেতে বাধ্য হ’ল আর রাজা তাকে স্বীয় হৃদয়ের হুঃখ বিদূষণ করার নিমিত্ত উপায় উদ্ভাবনের জন্ত অনুরোধ করলেন তখন সে পুনরায় গভীর ভাবে সমাধিতে নিমগ্ন হয়ে গেল। সমাধি ভঙ্গের পরে অতি সতঃ উপায় উদ্ভাবনের উল্লেখ করে সে বলল,—“তুমি নিজের অভিভূত হয়ে তোমার প্রেমিকার স্বপ্ন দেখঃ অথবা তার প্রতিমূর্তি অঙ্কিত করে তার দিকে এক দৃষ্টিতে তাকিয়ে থাক।” পুনরায় সে চিত্রলেখাকে উর্কশী বলে ভ্রম করে এবং বলে “উর্কশী কোথায়”, এই সত্যই উর্কশী না চিত্রলেখা—ও রাজা প্রেমপত্র সম্বন্ধে প্রশ্ন করলে সে উত্তর দেয়, “প্রেমপত্র কোথায় গেছে আমার জানা নেই। মনে হয় উহা উর্কশীর পথে চলে গেছে।”

পরিহাসরসিক বিদূষক অনেক সময় স্বীয় অজ্ঞতানুচক উপহাস পরিত্যাগ করেও সাক্ষাৎ বস্ত বিবয়ক বা ব্যক্তিগত পরিহাসের অব-

স্বয়ংক্রিয় করে সকলের আনন্দবর্ধন করে। প্রেমপত্র হাতে করে রাণী যখন উপস্থিত হন এবং রাজা ও বিদূষক হাতে হাতে ধরা পড়ে গেলেন তখন মাণবক বলছে—“জিনিষপত্রসহ চোর ধরা পড়ে গেলে তার আর উত্তর দেওয়ার কি থাকতে পারে?” রাণীকে সম্বোধন করে বলছে—“তাড়াতাড়ি রাজার ভোগ্যবস্তু দিয়ে দিন—হাতে তাঁর পিণ্ড না হয়।” ওয় অর্থে তার দুটো মজার পরিহাস আছে। উর্কশী এবং তার সঙ্গিনীকে উদ্দেশ্য করে গৌতম জিজ্ঞাসা করছেন—“তোমরা দুই জন এখানে উপস্থিত হলে পরে সূর্যাস্ত হ’ল, না আগেই সূর্যদেব অস্ত গেছেন?” এই পরিহাসের গূঢ়ার্থ এই যে, সূর্য অস্তমিত হয়েছেন এবং রাজা ও উর্কশী যথাকাম আচরণ করতে পারেন। পরে অন্ধ স্থলে দেখা যায়—উর্কশীর নিজের স্বামীকে যখন তাঁর নূতন প্রেমসীর হস্তে সমর্পণ করছেন তখন বিদূষক বলছে—“মাছ যখন পালায়, তখন জেলে বলে, মাছ ছেড়ে দেওয়া আমার ধর্ম”; রাণীকে সম্বোধন করে সে বলছে—“দেবি! রাজার মূল্য কি এতই বেশী যে তুমি এত সহজে ঠেকে ছেড়ে দিচ্ছ?”

নিজেকে নিয়ে উপহাস করেও বিদূষক মাণবক হাশ্ব পরিবেশনে সচল। “হৃৎস্বরের মধ্যে আমি যেমন সুন্দর, লোকোত্তরা উর্কশীও কি নারীদের মধ্যে তেমনি সুন্দরী?” এবং এ ক্ষেত্রে আমাদের অবশ্য স্মর্তব্য এই বিদূষকই তরুণ রাজপুত্রের কাছে নিজেকে বানর বলে বর্ণনা করেছিল। অন্ধ স্থলে উদীয়মান চন্দ্রের দিকে তাকিয়ে সে বলছে—“হা, হা, সখে! ব্রাহ্মণপতি চন্দ্র এখন উদ্ভিত হচ্ছেন—দেখে মনে হচ্ছে যেন চিনির গোলা।” এখানে প্রকারান্তরে চন্দ্রকে ব্রাহ্মণপতি এবং চিনির গোলা বলায় এই বলা হ’ল—প্রত্যেক ব্রাহ্মণই চিনি; তাই তাঁরা এত মিষ্টপ্রিয় এবং ব্রাহ্মণের পতি মিষ্ট মণ্ডায় পরিপূর্ণ।

ভুল করেও তা থেকে অব্যাহতি পাওয়ার প্রয়াসে বিদূষকের বাহাতুরি আছে। গোপন সত্য প্রচার না করা বিষয়ে সব ঠিক আছে কিনা রাজা জিজ্ঞাসা করলে সে তখনই স্মরণ করল যে পরিচারিকার কাছে সে সত্য কথা বলে ফেলেছে তজ্জগ্ন সে গভীর ভাবে উত্তর দিল—“আমি আমার জিহ্বা এমনি করে চেপে রেখেছি যে তোমার কাছেও চট করে উত্তর দিতে পারছি না।”

এ ভাবে গৌতম চরিত্রের সম্পূর্ণ বিপরীত হয়েও, পুরুষাবহিতসাধনে অসমর্থ হয়েও বিদূষক মাণবক নিজের প্রতি ব্যঙ্গোক্তি, পরের প্রতি পরিহাসোক্তি এবং মুখতা বিষয়ে মুখতা প্রকাশ করে এমন একটি হাস্যোদ্দীপক পরিবেশের সৃষ্টি করতে পারে, যা কেবল কালিদাসের সৃষ্টিতে সম্ভব।

শকুন্তলার মাধব্য

শকুন্তলার মাধব্যকে আমরা দেখি কথ শবির আশ্রমের মাতি-দূরে মালিনীতীরে যখন গ্রীষ্মে সকলে শ্রীপীড়িত তখন সে নিজের কপালকে ধিক্কার দিচ্ছে। আকৃতিখানা তার প্রবল শ্রোতোবেগে নিষ্পিষ্ট বেতনলতার মত নিজের দণ্ডের উপর নির্ভর করে সে দণ্ডারমান এবং তার নিজের কথায় রাজার শকুন্তলা-সন্দর্শন ব্যাপার

সে যেন “গণ্ডের উপর পিণ্ডের উৎপত্তি”।^১ ফলতঃ শকুন্তলা সধকে মাধবোর কোনও উৎসাহ নেই—সমগ্র শকুন্তলা নাটক বিশ্লেষণ করলে দেখা যায়, প্রয়োজনস্থলে মাধব্য পলায়নরূপে অথবা সম্পূর্ণ নিরুৎসাহ। সে রাজপরিবেশ, রাজসাজসজ্জা, ভূষণ ভোজন পছন্দ করে, ইঙ্গুদি ফলের রসসিক্ত এবং সুদীর্ঘ দাঁড়িবিশিষ্ট আশ্রমস্থ প্রাণিনিচয়ের জগ্ন তার কোন প্রশংসা যে নেই শুধু নয়, সে তাদের অত্যন্ত ঘৃণা করে। মাধব্য পরিপূর্ণ ভাবে বিদূষক। কালিদাসের চিন্তা ক্রমে ক্রমে বিদূষকের চরিত্র অতি গুরু থেকে অতি লঘু, অতি উন্নত থেকে প্রায় মর্যাদাহীন করে অঙ্কিত করেছেন।

মাধবোর চরিত্র শকুন্তলা নাটকের স্বল্পপরিষর যাত্র পরিগ্রহ করেছে। নিছক পরিহাস সৃষ্টির জগ্ন তার উপজীব্যতা। নায়িকার দিক থেকে সে থাকলে বা না থাকলে বিশেষ যেন ক্ষতিবৃদ্ধি হয় না। ফলতঃ অভিজ্ঞানশকুন্তলা নাটকে তাকে আমরা স্বল্পমাত্রাই দেখতে পাই, অবশ্য সে যা বলে তা অত্যন্ত সুন্দর, কালিদাসের শ্রেষ্ঠ কবিপ্রতিভার পূর্ণ ছোঁতক। তবে শকুন্তলা বিষয়ে মাধবোর উৎসাহহীনতা অগ্নাচ্ছ বিদূষকের সঙ্গে তার চরিত্রের পূর্ণ পার্থক্য সূচনা করে। বলতে কি, শকুন্তলার মাধবোর কোন প্রয়োজন নেই। প্রকৃত শকুন্তলাকে সে কোন দিন চোখেও দেখে নি।

অগ্নাচ্ছ বিদূষকের মত মাধব্য ভোজনলোলুপ, রাজা যখন তাকে মৃগয়া থেকে পরিভ্রাণ দিয়ে অগ্ন একটা বিষয়ে সহায়তা করার অনুরোধ জানালেন তখন সে বলছে “কি মোদক খাদন বিষয়ে? তা হলে আমি একাই রাজী আছি।”^২

হৃৎস্বর যে কোন অরণ্যবাসিনীর সঙ্গে প্রেমাসক্ত হবে সেটা মাধব্য ভাবতেই পারে না—সে যেন প্রচুর খর্জুর ভোজনের পরে তেঁতুলের প্রতি আসক্তির মত, তবে সত্যিই সে যদি সুন্দর হয়, তা হলে হৃৎস্বরের হাতে পড়ে ইঙ্গুদী তৈলসিক্ত মস্তকবিশিষ্ট কোন সন্ন্যাসীর হাতে পড়া থেকে শকুন্তলা রক্ষা পেলেই ভাল।

হৃৎস্বর যখন শকুন্তলার প্রেম সম্বন্ধে তখনও সন্দেহ ছাড়তে পারেন নি, তখন মাধব্য হালকা করে বলছে, “তুমি ভাবতে পার না যে তোমাকে দেখা মাত্রই সে কোলে চড়ে বসবে।”^৩ হৃৎস্বরের শকুন্তলার ব্যাপারটা মাধবোর গোড়া থেকে অপছন্দ। সে বলছে, “যত পার চেষ্টা কর, এবং এই তপোবনকে প্রমোদোত্তানে পরিণত কর।”^৪ রাজার যখন আশ্রমে যাওয়া প্রয়োজন তখন রাজস্ব আদায়

১। তদো গণ্ডশ্চ উপরি পিণ্ডস্ত সংবৃত্তো (ততো গণ্ডশ্চ উপরি পিণ্ডকঃ সংবৃত্তঃ) অর্থাৎ একটি বড় ফোঁড়ার উপর আর একটি ছোট ফোঁড়া।

২। কিং মোদকখাদিকায়াম্। তেন হি অয়ং সুগৃহীতো জনঃ।

৩। ন কথু দিট্টমে স্তুত্ব অয়ং সমারোহদি নে (থলু দৃষ্ট-মাত্রাণ্ড তব অয়ং সমারোহতি)।

৪। কিং তু এ উববণং তবোণং ত্তি পেকথামি (কৃতং স্বয়া উপবনং তপোবনমিতি প্রেক্ষে)।

কয়ার ছল কবে যাবার জন্ত মাধব্য তাঁকে উপদেশ দিচ্ছে, ১ সৌভাগ্যক্রমে যখন আশ্রমবাসীদের কাছ থেকে তপোবন গমনের আহ্বান এল, তখন রাজা মাধব্যকে জিজ্ঞাসা করলেন, “শকুন্তলাকে দেখবার তোমার কোন অভিলাষ আছে কি?” ২ তখন বিদুষক বলছে, “পূর্বে পূর্ণমাত্রায় ছিল, এখন অস্বরদের নাম শুনেছি, স্মরণে দেখবার তিলমাত্র অভিলাষ নাই।” ৩

যখন মাতৃকৃত্যে যোগদান করবার জন্ত রাজা দুঃখস্তেব আহ্বান এল, তখন কোন দিকে অগ্রসর হবেন রাজা মনস্থির করতে না পেয়ে তাকে জিজ্ঞাসা করছেন, কোন পথে যাব? বিদুষক নির্বিকার চিন্তে বলে দিল, “ত্রিশঙ্কর জায় মাঝপথে ঝুলে থাক।” তার পর অভিজ্ঞানশকুন্তলে দীর্ঘকাল আমাদের সঙ্গে বিদুষকের দেখা নাই, রাজদরবারে তাকে দেখবার আভাসমাত্র পাই, কিন্তু নির্মম কবি সেখান থেকেও তাকে বিতাড়িত করে দিয়েছেন। হংস-পাদিকার পরিচারিকাগণের নির্মম পরিগ্রহ থেকে তার উদ্ধার আমাদের আকাঙ্ক্ষিত, কিন্তু সেই উদ্ধার “অপ্সরার হাত থেকে মুনির উদ্ধার পাওয়ার মত।”

অতঃপর গণ্ডের উপর পিণ্ডের মত শকুন্তলা যখন বিহম ব্যাধিতে পরিণত হয়েছে তখন রাজাকে উদ্ধার করবার জন্তে বিদুষকের প্রযত্ন করতে দেখতে পাই। তার মতে বসন্তক লীন চাতপুষ্প রাজার সব ব্যাধির কারণ এবং লাঠি ছুড়ে আত্মপুষ্প নষ্ট করলেই ব্যাধির উপশম হয় এবং সে সেই প্রচেষ্টায় রত। অতঃপর রাজা যখন শকুন্তলার চিত্র অঙ্কিত করে ভীতসমস্ত হয়ে হস্তদ্বয় সংযোগে বদন আবৃত করে দণ্ডায়মানা শকুন্তলার চিত্র অঙ্কন করে গভীর চিন্তায় রত, তখন সে নিজের ভাবেই নিজে উক্তি করছে—“এই শালা মধুকর বাদীর বেটা, এই শালা যত দুঃখের কারণ।” অতঃপর শাস্তি

১। কো অবরো অবদেসো তুম্হাণং রাআণং। নীবার-
চ্ছট্ঠভাঅং অম্হাণং উবহবস্ত্তি (কোপবোহপদেশো যুম্মাকং রাজ্জাম্।
নীবারষষ্ঠভাগম অম্মাকম্পহবস্ত্ত ইতি)।

২ মাধব্য অপ্যাস্তি শকুন্তলাদর্শনে কুতূহলম্।

৩ পটমং সপরিবাহম্ আসি। দাণিং রক্গস বৃত্তস্তেন
বিন্দুবি গাবসেসিদো (প্রথমং সপরিবাহম্ আসীং। ইদানীং রাক্গস-
বৃত্তাস্তেন বিন্দুরপি নাবস্পেষিতঃ)।

স্বরূপে রাজা যখন মধুকরের পদ্ম-কারা গৃহে নির্বাসন দণ্ড ঘোষণা করলেন তখন রাজা সান্ন্যস্তী এরা সকলেই ভ্রমরের আশ্রয় বিষয় ভেবে বিব্রত, কি করে সে রাজাজ্ঞা উপেক্ষা করে। তখন বিদুষক উচ্চগাশ্র করে বলছে, “নিশ্চয় রাজা পাগল হয়ে গেছে এবং তাঁর ছোঁয়া লেগে আমিও খানিকটা তাই হয়েছিলাম। সত্যি এ ছবি মাত্র।” অতঃপর মাতলি কর্তৃক ভিচ্ছমান বিদুষকের দ্রবস্থা আমাদের দৃষ্টির গোচরীভূত হয়, “অত্রাক্ষণ্যং অত্রাক্ষণ্যং” ঘোষণায় ইকুদণ্ডের মত তার বিক্রম ভাব প্রাপ্তি এবং ত্রিখণ্ডে পরিণত হওয়ার কথা আমরা জানতে পারি। রাজা সেইস্থানে উপস্থিত হলেও তিনি বিদুষককে দেখতে পাচ্ছেন না। সে বলছে, “হায় হায় আমি তোমাকে দেখছি, আর তুমি আমাকে দেখতে পাচ্ছ না, আহা বিড়ালের মুখের ইন্দুরের মত আমার রক্ষা পাওয়ার কোনও সম্ভাবনা নেই।” এর পর সে যে বিদায় নিল, তার সঙ্গে আর দেখা সাক্ষাৎ আমাদের হ'ল না।

মাধব্য এমনি করে নাটকের প্রায় অবাস্তব চরিত্র রূপে আমাদের আনন্দবর্ধন করে—নিজের পরিহাসপটুতায়, ভোজনপ্রীতিতে, ভীতি-প্রকটনে। অগ্গাণ্ড বহুলাংশে সে পূর্বে পূর্বে কবিসৃষ্ট বিদুষকের মতই তুল্যাকার, কিন্তু নায়কের প্রেম বিষয়ে বৈরাগ্য তার একলার সম্পদ।

সে সন্ন্যাসীকে ভালবাসে না কিন্তু নায়কের প্রেমাসক্তি বিষয়ে সে বেন চির-সন্ন্যাস গ্রহণ করে বসে আছে। এই পটভূমিকায় পরিহাসপটু নদীতটস্থ বেতসাকৃতি মাধব্য আমাদের চিন্তে একটি প্রশস্ত স্থল অধিকার করে রয়েছে।

কালিদাসের সৃষ্ট বিদুষক অগ্গাণ্ড কবিদের সৃষ্ট বিদুষক থেকে ভিন্ন। অগ্গাণ্ড বিদুষকের মত তাদের অনিবার্য ভোজনস্পৃহা, ব্রাহ্মণ্যগর্ব প্রভৃতি সবই আছে, কিন্তু স্বকীয় আভিজাত্য, স্ব স্ব চরিত্রের নবীনতায়, স্ব স্ব ক্ষেত্রে অপূর্ব মাহাত্ম্য ব্যঞ্জনায তারা অতুলনীয়।

কালিদাসের অঙ্কিত তিনটি বিদুষক চরিত্রই সম্পূর্ণ স্বতন্ত্র। মহাকবি কালিদাস অনেক চরিত্রের প্রতি অনেক সময় প্রয়োজনবোধে উপেক্ষা করেছেন, কিন্তু বিদুষকের প্রতি নয়। তাঁর বিচারগৌরবে তিনটি বিদুষকই স্ব স্ব মহিমময় প্রোজ্জ্বল দীপ্তিতে পূর্ণ ভাস্বর, পূর্ণ দ্যুতিমান।



শ্রীসন্তোষকুমার ঘোষ

আপিস থেকে সবে ফিরেছে মণিমালা। ভিজে জুড়ি হয়ে গেছে গরমের জামা, সাড়ী, ব্লাউজ। পায়ের জুতোজোড়ার অবস্থা হয়েছে আরও শোচনীয়। শুধু অকালবর্ষণ নয়। বীতিমত দুর্ঘ্যোগ শুরু হয়েছে শীতের সঙ্কায়। ধামতে আর চাইছে না কিছুতেই প্রকৃতির আকস্মিক উদ্গাদনা। কাপড় বদলে ভিজে সাড়ীটা নিংড়াতে যাচ্ছিল ও। মেয়ে কুস্তলা সস্তর্পণে এসে কাছ ঘেঁষে দাঁড়াল। বড় করণ ভাবে চাইল একবার মায়ের পানে। মাত্র সাত বছর বয়স মেয়েটার। কিন্তু সাংসারিক সুখ-দুঃখ বোঝবার জ্ঞানই চেতনা নিয়েই যেন জন্মেছে সে। সস্তর্পণে অল্প কণ্ঠে বললে, দাদার আবার দুপুর থেকে জ্বর এসেছে মা। তুমি আসতে দেবি করছ। পিসিমা কিছুতেই ধামতে আর পারে না। কেঁদে কেঁদে এই একটু আগে ঘুমিয়ে পড়েছে।

চমকে উঠল মণিমালা। আবার জ্বর! কিসের একটা ভয় যেন সর্বস্বপ্নের মত স্নায়ুগুলোকে স্পর্শ করল আচমকা। ভিজে সাড়ী পড়ে রইল মেঝেয়। তাড়াতাড়ি এগিয়ে গেল মণিমালা মেঝেয় পাতা বিছানাটার কাছে। হাত দুটো জলে ভিজে ঠাণ্ডা হয়েছে অসম্ভব রকম। ঝুঁকে পড়ে ছেলের কপালে বুকে গাল ঠেকিয়ে তাপ অনুভব করলে বারকয়েক। গা পুড়ে যাচ্ছে ছেলের জ্বরের তাপে। ঘুমোয় নি ছেলে। জ্বরের ঝাঁকে হুঁস নেই যেন আর বাছার। ছেলে ওর রোগা—দুর্বল। প্রায় আড়াই মাস ভুগে দিনকতক হ'ল পথ্য পেয়েছিল সবে। আবার এ কি বিপত্তি!

মেয়ে ফিস ফিস করে বললে—বিকলে ডাক্তার বাবুকে ডেকে এনেছিলাম মা। কত কি বললেন। পিসিমা সব শুনেছে। তুমি কিন্তু কাল আর আপিস যেও না মা।

মেয়েটা ছোট হলেও অনুভূতি ওর প্রখর। সব কথা না বুঝলেও—ডাক্তারের মুখ চোখের ভাব লক্ষ্য করে বেশ বুঝেছে—দাদার আবার জ্বর হওয়ায় ভয়ের কারণ কতখানি। মা সর্বক্ষণ কাছে থাকলে দাদা অত ঘ্যান ঘ্যান করত না হয় ত। জ্বরও আর আসত না নিশ্চয়ই। সত্যি তাই। ন'দশ বছরের ছেলে মন্ট। ভুগে ভুগে বয়স যেন ওর কমে গেছে কত! কোলের খোকার মত মায়ের সান্নিধ্য চায় এখন সর্বক্ষণ। চায় ক্ষণে ক্ষণে মায়ের স্নেহমমতার স্পর্শ—আদর সোহাগ। কত করে ভুলিয়ে, গায়ে মাথায় হাত বুলিয়ে—কত আদর করে তবে যেতে পায় ও রোজ আপিসে! না হলে ফুঁপিয়ে ফুঁপিয়ে কাঁদে একটানা—অনেকক্ষণ ধরে। গায়ে আবার জ্বর দেখা দেয় যদি—সে ভাবনাও কম ছিল না। আপিসে সে কাজই করে সত্যি। মন কিন্তু রোগা ছেলের কাছে পড়ে থাকে সর্বক্ষণ। ভুল হয় কাজে। সাজ্বাতিক ভুলও করে

বসেছিল একদিন। উপরওয়ালার কাছে কৈফিয়ত দিতে গিয়ে শুধু আবক্ত হয়েই ওঠে নি, নারীঘ মাটিতে মিশে যেতে চেয়েছিল সেদিন। সত্যি লজ্জায় দিকারে মাতৃসভা মণিমালার সঙ্কচিত হয়ে আসছে যেন দিনে দিনে।

দূর সম্পর্কের বিধবা দিদি সামনে এসে দাঁড়ালেন। বাম্বাবাম্বার কাজে এতক্ষণ ব্যস্ত ছিলেন তিনি। মণিমালার চেয়ে বয়সে অনেক বড়। ঠুঁকে দেখে উচ্ছসিত ক্রন্দন রুদ্ধ হয়ে গেল মণিমালার। অক্ষুট আর্ন্তনাদ যেন বেরিয়ে এল বুক চিরে—'কি হবে দিদি?' কি যে হতে পারে—তা দিদির অজানা নয়। তবু ঝাঝাঝাপটে দিদির বুক কাঁপে না আর। ছোট-বড় পাঁচটি সন্তান, স্বামী, শেষ অবস্বন ছোট ভাইটি—অকালে একে একে সকলকে তুলে দিয়েছেন উনি চির নিশ্চিতের হাতে। নিজেরই হৃৎপিণ্ড পুড়েছে যেন বাবে বাবে চিত্তার আগুনে। বৃকের দহনজ্বালা শাস্ত প্রশমিত হয়ে এসেছে আশ্বে আশ্বে। নিজের অস্তিত্বকে সঁপে দিয়েছেন অবশ্যস্তাবীর হাতে—ভবিতব্যের পাদমূলে। তিন কুলে সম্পর্কের একটিমাত্র সূত্র এই মণিমালা আর তার ছেলেমেয়ে দুটি। এদেরই অবলম্বন করে ওঁর পৃথিবী এখন আবর্তিত হয় অনিশ্চিতের পথে। তাড়াতাড়ি ঝুঁকে পড়ে মন্টর কপালে হাত রাখলেন দিদি। চমকে উঠলেন যেন একটু। সত্যি—বিকলের চেয়ে তাপ যেন বেড়েছে দ্বিগুণ। শাস্ত অবিচলিত কণ্ঠে বললেন শুধু—ভয় নেই, অধীর হ'স নে মণি। ডাক্তার বলেছে—কাল-পরশুর ভেতবেই জ্বর নেমে যাবে।

কথাটা হয়ত নিতান্ত সাধুনাবাক্য। ডাক্তার সবকিছু খুলে না বললেও—ভয়াবহ একটা পরিণতির আভাস ছিল যেন তাঁর কথায় আর ইঙ্গিতে। দিদি বোঝেন সব—এমন অনেক দেখেছেন শুনেছেন জীবনে। কিন্তু ছেলের মাকে সব কথা না শোনানোই ভাল। মণিমালার মন বোঝেন উনি। নামে শিক্ষিতা ও। মন কিন্তু ওর অবলম্বনহীন। একেবারে ভেঙ্গে পড়বে আবার তা হলে।

বাইরে যেন দুর্ঘ্যোগ বেড়েই চলেছে। ছেলের গায়ের তাপও যেন বাড়তে লাগল রাত বাড়ার সঙ্গে সঙ্গে। মাঝ রাত থেকে ছেলে প্রলাপ বকতে লাগল জ্বরের ঝাঁকে। এক বুলি হ'ল ছেলের—আমি মার সঙ্গে যাব—মা কেন আমায় নিয়ে গেল না আপিসে।—তার সঙ্গে সেই একটানা বায়না ধরার মত কান্না।

এ কিন্তু বায়না নয়। ভুল বকছে ছেলে জ্বরের ঝাঁকে। ভয়ে কাঁঠ হয়ে গেল মণিমালা। চোখ ছাপিয়ে জল এল দুর্বীর বেগে। দিদি ছেলের গায়ে মাথায় হাত বুলিচ্ছিলেন। শাস্ত করবার চেষ্টা করছিলেন তাকে। সহজ গলায় বললেন—ভয় নেই।

চোখের জল ফেলিস নে অমন করে। মা মঙ্গলচণ্ডীকে ডাক এক-মনে। মা যেন শীগগির ভাল করে তোলেন বাছাকে।

হাঁ করে তাকিয়ে রইল মণিমলা দিদির মুখের পানে। মা মঙ্গলচণ্ডী! কে তিনি—কেমন করে ডাকলে সাড়া দেন তিনি—বরাভয় মূর্তি তাঁর কেমনতর—এ সব তো জানা নেই মণিমালার! এ সব জানবার প্রয়োজন হয় নি তার জীবনে কোন দিন। কোথায় বা তার সেই নারীমূলভ ভক্তিনিষ্ঠ মন। সে মন নিষ্পিষ্ট হয়ে, নিঞ্জীব হয়ে গেছে চিরদিনের মত। কাজের লাগাম-পর্যায় যান্ত্রিক জীব হয়ে উঠেছে সে এই ক'বছরের মধ্যেই। দৈনন্দিন দশটা-পাঁচটার টানা পোড়েন—আপিসের কাঁড়ি কাঁড়ি ফাইল ঘাঁটা—উপরওয়ালাদের মন জোগানোর প্রাণাস্তকর প্রয়াস—উঃ! ভাবতে গেলে, ওর স্নায়ুগুলিই শুধু বিক্ষুব্ধ হয়ে ওঠে না—অভিশাপজর্জরিত করে দিতে চায় সে পৃথিবীকে—নিজেকে—নিজের ভাগ্যবিধাতাকে। সত্যি—কক্ষচ্যুত হয়েছে যেন মণিমলা চিরদিনের মত। সংসারের সনাতন কল্যাণভূমি সরে যাচ্ছে পায়ের তলা থেকে। বাচার নামে পদে পদে অপমৃত্যু ঘটছে এখন তার। যে নারী মঙ্গলময়ী—বধু জায়া জননী—তাকে যেন খুঁজে পায় না আর মণিমলা নিজের মধ্যে।

জলভরা ঝাপসা চোখে চায় সে ছেলের দিকে। ওর মনে পড়ে হঠাৎ নিজের মায়ের কথা। মা ছিলেন চির-কল্যাণের প্রতীক। স্নেহ-ভালবাসা আদর-যত্ন, কল্যাণ-দাক্ষিণ্যের অফুরন্ত উৎস যেন। সেই উৎসনিঃসৃত আনন্দরসধারার স্পর্শে সঞ্জীবিত হয়ে উঠত প্রতিদিনের সংসার। কি শুচি স্নিগ্ধ মন ছিল তাঁর! বেশ মনে পড়ে—কারও অসুখ-বিসুখ হলে কত ভক্তিতরে দেবদেবীর নাম করে কপালে তার পয়সা ছুঁইয়ে রাখতেন মা। মানত করতেন মনে মনে। ঠাকুরদেবতার নাম ধরে ডাকতেন অক্ষুটে। মনে বল পাবার জগ্গেই হয় ত বা করতেন ও সব। তেমনি করে আজ মা মঙ্গলচণ্ডীকে মণিমলা ডাকতে পারবে কি? সেই মায়েরই মেয়ে ও সত্যি। কিন্তু মায়ের সেই মনোধর্মে দীক্ষা পায়নি ও কোন দিন। কিশোর বয়সে ওর মনের ভিত গড়ে উঠেছিল বাবার খেয়ালখুশিমত। ঠাকুরদেবতা মানতেন না তিনি। মায়ের ভক্তিপ্রবণতার বহর দেখে জলে উঠতেন পদে পদে। প্রাচীন সংস্কারের কাঠামোগুলোকে ভেঙে গুঁড়িয়ে চুরমার করে দেবার উদ্যে ঝাঁকই ছিল শুধু তাঁর। নূতনের কল্যাণময় রূপের স্বপ্ন দেখেন নি কোন দিন, শুধু চাকচিক্যময় নূতনের প্রতি ছিল এক ধরণের মোহ। মায়ের মন ছিল কিন্তু দুর্ভেদ্য দুর্গের মত। সে মনের ভিত টলাতে পারেন নি তিনি শত চেষ্টাতেও।

হাল চেড়ে দিয়ে গৌ ভরে তাই মেয়েকে নিয়ে পড়েছিলেন। স্কুল ছাড়বার পর মায়ের অনিচ্ছাসম্মেও তাকে পড়িয়েছিলেন কলেজে। কিন্তু সে হাঁল তোতাপাখীর মত বুলি কপচানোর ব্যর্থ প্রয়াস। চারটে বছর কেটেছে এই ভাবে। অনেক বয়স পর্যন্ত ফ্রক আর হিল-উঁচু জুতো পরিয়ে—সভা-সমিতিতে, খেলার মাঠে সর্বত্র ঘুরিয়ে নিয়ে বেড়াতেন তিনি—

আধুনিক বানাবার চেষ্টা। মায়ের অনুযোগের আর অস্ত ছিল না এর জগ্গে। পুণ্যপুকুর, শিবপূজা, বারব্রত পালন, সংসারের সেবাধর্ম, কিছুই শিখল না মেয়ে। ফোভে দুঃখে এক দিন অনেক-কিছু শুনিতেও দিতেন তিনি স্বামীকে। মেয়েটার মাথা খাচ্ছ তুমি বাপ হয়ে। যার ঘর করতে যাবে ও এর পর—তাকে পেয়ে হয় ত সুখী হবে না সে জীবনে, সংসারে সার্থক হয়ে ফুটতে পারবে না কোনদিন। ঠিক এই কথাগুলি না বললেও—এমনি ভাবেই কত কি বলতেন তিনি। সত্যি তাই। আজও মনে মনে উপলক্ষি করে সে কথার সত্যতা কতখানি। যার সঙ্গে তার চিরজীবনের সম্পর্ক স্থাপিত হয়েছিল বিবাহ-অনুষ্ঠানের ভিতর দিয়ে, অদৃষ্টদোষে সে মানুষটি তার মনের মত হয় নি। তাকে আপনার বলে ভাবতে পারে নি সে কোনদিন। স্বামী সখ্যারণ মানুষ হলেও অস্তরের সবটুকু ভালবাসা দিয়ে জীবনকে সার্থক করে তোলার যে তপস্বী তা ছিল না ওর।...

ছেলেটা যেন শাস্ত হয়েছে একটু। দিদি অবিচলিত চিত্তে তার গায়ে মাথায় হাত বুলাচ্ছেন। ঘরের আবহাওয়ার মধ্যে কাল যেন স্তব্ধ হয়ে গেছে স্থাপুর মত। হঠাৎ স্তব্ধতার বৃক্ক মৃদু তরঙ্গ তুলে দিদি বললেন, দিনকতক আর আপিসে যাস নে তুই। মন্ট তোকে কাছে চায় সর্বক্ষণ। বায়না ধরে কেঁদে কেঁদেই গায়ে জ্বর ডেকে এনেছে ছেলে। ছেলের প্রাণটা আগে। তারপর তোমার চাকরিবাকরি—আর যা কিছু সব।

সত্যি তাই। ছেলে বাঁচলে তবে না আর সবকিছু। নাড়ী-ছেঁড়া ধন এই সম্ভান। বড় হবে, মানুষ হবে। শতদলের মত ফুটে উঠবে একটু একটু করে। পাপড়ি মেলে সৌরভ ছড়িয়ে বরণ্য হয়ে উঠবে একদিন—তবে না ওর স্বজন-সাধনা হবে সার্থক! কিন্তু মায়ের সে সোনার স্বপ্ন মিলিয়ে যাচ্ছে ছায়াছবির মত। তার সাধনা এখন নিছক বাচার সাধনা। জন্তুর মত, আদিম মানুষের মত—শুধু জীবনকে টিকিয়ে রাখবার মর্মান্তিক প্রয়াস! এ বৃষ্টিবা অপমৃত্যুরই নামাস্তর। একান্ত অনিচ্ছা সম্মেও দেহকে টেনে নিয়ে যেতে হয় বোজ আপিসে। অস্তরের বিদ্রোহ-বিক্ষোভকে সে প্রকাশ পেতে দেয় না বাইরে। ভিতরটা কিন্তু ওর ক্ষয়ে ক্ষয়ে ক্ষীণ হয়ে আসছে ক্রমশঃ। উঃ, আপিস ত নয়! যেন শয়তানের কারখানা। অস্ততঃ ওর তাই মনে হয় এখন। বিচিত্র পৃথিবীর অদ্ভুত জীব যেন সব। মেয়ে টাইপিষ্ট, মেয়ে-কেরানীদের লক্ষ্য করে কি অদ্ভুত রসিকতাই না করে পুরুষগুলো নির্লিচারে। চোখের দৃষ্টিও যেন কেমনতর। ষিক এদের শিক্ষাদীক্ষায়। আপিসের উপরওয়ালার মনিবটিও নামে আর চেহারায় মানুষ। কাজের ছুতো ধরে মণিমলাকে প্রায়ই ডাকে নিজের কক্ষটিতে। কাগজ-পত্র ফাইল ইত্যাদি নাড়তে নাড়তে আবশ্যিক অনাবশ্যক অনেক-কিছু উত্তরও দিতে হয় তাকে। ছাড়তে আর চায় না যেন কিছুতেই লোকটা! মণিমলাকে সামনে পেলে তার কাজে যেন আসক্তি বাড়ে দ্বিগুণ। চোখে চোখ পড়ে প্রায়ই।

বয়স হলে কি হবে, দৃষ্টি দিয়ে সে যেন ওর সর্বাঙ্গ লেহন করতে চায়। হায় রে—এই মানুষই ওর ভাগ্যবিধাতা! কর্মক্ষেত্রে উন্নতি-অবনতির রেখা টানবার মালিক। দুর্ভেদ্য বর্ষ দিয়ে মনকে আগলে রাখতে হয় মণিমালার। বিধবা সে—ছেলেমেয়ের মা। লোকটা জানেও সব। প্রসাধনের সযত্ন স্পর্শ দিয়ে দেখে আর রূপকে প্রকাশ করবার চেষ্টা করে না মণিমালার কোন দিন। সেজে-গুজে খানিকটা শ্রীময়ী হতে হয় অবশ্য ওকে নিত্য আপিস যাবার মুখে। রেহাই নেই কিন্তু তাতেই। লোকটার সামনে সে যেন লজ্জায় মাটিতে মিশে যায়। জীবনে এ কি বিড়ম্বনা! কালা পায় ওর মাঝে মাঝে। বয়স ওর ত্রিশ পেরিয়েছে সবে। লাবণ্যের নদীতে জোয়ার খেমেছে-সত্যি—ভাঁটার টান কিন্তু শুরু হয় নি এখনও। আয়নার সামনে দাঁড়িয়ে নিজের দিকে চেয়ে চমকে উঠে ও মাঝে মাঝে। সত্যি আজও অপরূপা সে—বুঝি-বা অতুলনীরী। ছেলেমেয়ে কাছে থাকলে আয়নার সামনে বসতে—চুলের গোছা নিয়ে আঁচড়াতে বিহুনি বাধতে কেমন যেন সঙ্কোচ বোধ হয় ওর আজকাল।

এই তো সেদিনের কথা। ব্যাপারটা ভাবলে শুধু লজ্জায় সঙ্কচিত হয়েই উঠে না সে, যেন একেবারে মরমে মরে যায়। মন্ট তখন জ্বরে পড়ে নি। বরাহনগরে গঙ্গার ধারে একু বাগানবাড়ীতে ওদের আপিসের লোকেরা মিলে জলসার ব্যবস্থা করেছিল। গান এক সময়ে বেশ ভালই গাইত মণিমালার। এখন কিন্তু গায় না আর। স্ববের সমাধি হয়ে গেছে ওর জীবনে চিরদিনের মত। জলসায় ও যাবে না কিছুতেই। হাজার অনুরোধ করুক না কেন ওরা। একটা কিছু অসুখ-বিসুখের অজুহাত দেবে—এমনি সঙ্কল্প নিয়েই ও বসেছিল বাড়ীতে নির্দিষ্ট দিনটিতে। কিন্তু অকস্মাৎ অল্পবয়সী অফিসার হুঁজন একেবারে মোটর নিয়ে হাজির ওর বাসাবাড়ীতে। অপ্রত্যাশিত আগমন। কিসের আকর্ষণে এসেছিল ওরা তা ওর অজানা নয়। পুরুষের অল্পবয়সী, পুরুষের সাধ্যসাধনা, সব কিছুকে উপেক্ষা করবার মত শক্তি আছে ওর মনে। চাকরির খাতিরেই—হাঁ তাই—চাকরির জন্তেই শুধু অনুরোধ এড়ানো যেন হুঁসাধ্য হয়েছিল সেদিন ওর পক্ষে। আপিসে সচল থাকতে গেলে—একটু উন্নতির মুখ দেখতে হলে—এদের মন জোগাতে হয় বই কি? এ ত আকছার দেখছে আপিসে। অফিসার হুঁজনই ওর প্রায়—সমবয়সী। কি কোঁতুকোচ্ছল ওরা। অল্প একটু সঙ্কোচ জাগে নি যে তা নয়। কিন্তু বসন্ত-বাতাসে বোঁটা-খসা পাতার মত উড়ে গিয়েছিল সে সঙ্কোচটুকু হঠাৎ। আয়নার সামনে দাঁড়িয়ে একটু প্রসাধন করবার ছরস্তু লোভকেও দমাতে পারে নি সেদিন—কেন কে জানে! চমকে উঠেছিল সে অঙ্গবাগরঞ্জিত নিজের রূপ-ঐশ্বর্য দেখে। ছিঃ, ছিঃ ছেলেমেয়ের মা, বিধবা সে। ওর সাড়ী পরার ধরন দেখে ছোট মেয়েটা পর্যন্ত অবাক হয়ে জিজ্ঞাসা করেছিল তাকে—কোথায় যাবে মা তুমি? যারা মোটরে করে এসেছে ওরা কারা?

দিদি ওর গতিবিধির দিকে নজর দিতেন না বড় একটা। যাকে অবলম্বন করে ভাসছেন তিনি—সে উজান বেয়ে উঠছে, কি ভাঁটার নামছে—তা দেখবার প্রয়োজন ছিল না যেন তাঁর। আর মন্ট! মন্ট কথা কয় নি একটুও। শুধু জানলার কাছে দাঁড়িয়ে কেমন করে যেন তাকিয়ে ছিল নীরবে। মোটরে দুটি সম্পর্কহীন যুবকের পাশে গিয়ে বসতে হয়েছিল ওকে। কি মর্ষভেদী দৃষ্টি দিয়ে দেখছিল মন্ট দাঁড়িয়ে দাঁড়িয়ে সে দৃশ্য। দৃষ্টি যেন কেমনতর। ফ্লোভ, হুং, কাল্লা, ঘণা—সে দৃষ্টির মধ্যে সবকিছুই প্রকাশ ছিল যেন। সেদিন ফিরতে ওর রাত হয়েছিল একটু। ছেলেমেয়ে দুটি ঘুমিয়ে পড়েছিল তখন। মন্টটা কিন্তু ছটফট করেছিল সারা রাত—হুঃস্বপ্নের ঘোরেই সম্ভবতঃ। পরদিন সকালে—ছেলেমেয়ের মুখের দিকে তাকাতে আর পারে না সে কিছুতেই। কেমন যেন লজ্জা লেগেছিল মণিমালার। মন্টর দৃষ্টি যেন ভংসনার ভরা। ছেলের সে দৃষ্টির ভিতর দিয়ে সমস্ত সংসার যেন তাকে দিকার দিয়ে উঠেছিল।...ভাবতে ভাবতে হঠাৎ অস্ফুট আর্তনাদ করে উঠল মণিমালার। দিদি চমকে উঠে বললেন, কি হ'ল রে—গড়িয়ে নে তুই একটু। সারাদিন খেটেছিস আপিসে। রাত কত হ'ল দেখ দেখি।

টাইমপিসটার দিকে তাকাল একবার মণিমালার। রাতের তৃতীয় প্রহর এগিয়ে চলেছে মন্থরগতিতে। সারা অঙ্গ জুড়ে ওর ক্লান্তি নেমেছে। মন গ্রানিভারে অবসন্ন। কিন্তু চোখ বুজবে কেমন করে মণিমালার। বাইরের হুঁস্যাং হাঁক পাড়ছে তখনও মাঝে মাঝে। অস্তরের মধ্যেও তার ঝঞ্ঝার প্রমত্ততা শুরু হয়েছে যেন। ঘুমন্ত মেয়েটা পাশ ফিরল। কোলের উপর এসে পড়ল মেয়ের হাতখানা। কি যেন ভেঙে পড়ার শব্দ হ'ল বাইরে। উৎকর্ণ হয়ে উঠল মণিমালার। বুকটা কেঁপে উঠল সঙ্গে সঙ্গে। আকুলভাবে আঁকড়ে ধরল ঘুমন্ত মেয়েকে। মনে হ'ল শুধু ঝঞ্ঝা নয়, ঝঞ্ঝার সঙ্গে উন্মাদ তরঙ্গ তুলে এগিয়ে আসছে যেন কিসের সর্বগ্রাসী কুটিল শ্রোতোধারা। খসে খসে ভেঙে ভেঙে পড়ছে সবকিছু শ্রোতের মুখে। শাখত মহিমা সমস্ত শক্তি দিয়ে আঁকড়ে ধরে আছে তার ভিত্তিভূমি। কিন্তু কি হুঁনিবার এই শ্রোতের গতিবেগ! মাথা হুঁসিয়ে হেলে পড়ে—আর্তনাদ তুলে একে একে খসে ভেঙে বিলুপ্ত হচ্ছে মহিমময় অস্তিত্ব। বৃকের মধ্যে—অস্তরের মধ্যেও সক্রিয় হয়ে উঠেছে সে শ্রোতোবেগ। ভাঙন শুরু হয়েছে দুর্বারভাবে মানুষের মর্ষভূমিতে। মাতৃহৃদয়ের পুঞ্জীভূত মহিমা, নারী-জীবনের যুগযুগান্তর-লালিত ঐশ্বর্য—সব কিছু ধসে ভেঙে নিশ্চিহ্ন হচ্ছে শ্রোতের মুখে—তরঙ্গের তাড়নায়। বুকটা ওর কেঁপে উঠল আবার। ওর নিজেরও মাতৃসন্তার ভিত্তি-ভূমিতে ফাটল ধরবে বুঝি! বিলুপ্ত হবে হয়ত ওরও অস্তরের মহিমামণ্ডিত ঐশ্বর্য! বিচ্ছিন্ন হয়ে যাচ্ছে যেন ছেলেমেয়ের সঙ্গে অস্তরের যোগসূত্র। চোখ ফেটে জল এল ওর। এ শ্রোত কোথায় নিয়ে চলেছে তাকে—অজানার অভিসারে অকুলের আবর্তে। মানুষের কল্যাণতীর্থ যেন দূরে সরে যাচ্ছে ক্রমশঃ।

তন্ত্রাভরে যেন আচ্ছন্ন হয়ে আসছে সবকিছু। দিদি ঢুলছেন ওপাশে। ছেলেটাও এবার ঘুমিয়ে পড়েছে যেন। অস্থিরতা খেমেছে তার। কেন কে জানে—দুর্যোগঘন লগ্নে কানে ভেসে এল হঠাৎ নহবতের প্রসন্নমধুর আলাপ! ইমনের রেশ খেমে গিয়ে শুরু হ'ল যেন সুলালিত সাহানারাগ। বিনিয়ে বিনিয়ে বাজতে লাগল সানাই। পাড়ার কোন উৎসবের আনন্দঘন অভিব্যক্তি নয় এ। অতীতের পথ থেকে ভেসে আসছে বোশনচৌকির ক্ষীণ সুরতরঙ্গ। গ্রামের পথ ধরে চতুর্দোলায় চড়ে বরকনে চলেছে। কনে এই মণিমালা। লোকে লোকারণ্য পথ। কতবার নামতে হ'ল পথের পাশে দেবদেবীর স্থানে। হোক সংস্কার তবু মাথা হুইয়েছিল সেদিন মণিমালা সব দেবতার কাছেই। সিদ্ধেশ্বরী-তলা, বুড়ো শিবতলা, শেতলাবাড়ী, হরিসভা, সতাপীরের ঠাই, পুরুষোত্তমের মন্দির, সব জায়গার ধূলিপ্পর্শ নিয়ে—সব দেবতার আশীর্বাদ কুড়িয়ে তবে নাকি নববধূ প্রথম পদার্পণ করে চিরদিনের গৃহপ্রাপ্তি। যুগযুগ ধরে পল্লীতে এমনি করেই নাকি প্রতি গৃহে গৃহলক্ষ্মী এসে প্রথম পা দিয়ে দাঁড়ান দুধ-আলতার খালায়। এই চিরমঙ্গলের পথে মণিমালারও পদচিহ্ন পড়েছিল এক দিন।

চৌধুরীবাড়ী, রাজবাড়ী ও অকলের। নববধূ হয়ে ও এল যেদিন—ভাঙন শুরু হয়েছে তখন বনেদি বাড়ীর ভিত্তে ভিত্তে। ভিতরটা অস্ত্রসারশু হয়ে এসেছে পুরোপুরি। বাইরেও ফাটল দেখা দিয়েছে স্পষ্টভাবে। বনেদিমানার ঠাট বজায় রাখার জগে কি বিপুল প্রয়াস চলেছে তখনও! সামাগ্র এক ভগ্নাংশের মালিকেরাও অসামাগ্র আভিজাত্য আঁকড়ে ছিল তখনও—চুরমার হয়ে ভেঙে পড়ার ভয়েই সম্ভবতঃ। প্রজাদের সামনে, প্রতিবেশীদের সামনে নিজেদের রাজমাহাত্ম্য প্রচার করবার সর্বনাশা প্রতিযোগিতারও অস্ত ছিল না শরিকদের মধ্যে। বড় অংশীদারেরা গ্রাম ছেড়েছে তখন অনেকেই। দরদালানে দেউড়িতে দেউড়িতে ঝাঁট পড়ে না আর তখন। কড়িবরগা, ঝাড়লঠান, সব একে একে আর্ন্তনাদ তুলে খসে ভেঙে পড়েছে। আস্তাবল বাড়ীর উঠোন, বোয়াক শেয়ালকাটা আর বনতুলসীতে ছেয়ে গেছে। চামচিকে চরছে তোশাখানা, বালাখানা আর হেঁসেলবাড়ীতে। গৃহদেবতার মন্দিরের ভগ্নদশা হয়েছে আরও মর্মান্তিক। দ্বাদশ শিবের মন্দির-গুলোও অশথ-বটের শিবস্ৰাণ পরেছে সব। ফুল জল পান না আর তখন ভিতরের শিবসুন্দর। চকমেলানো বাড়ীর পাশেই দীঘি। কাকচক্ষু জল দেখা যায় না আর তখন। মজে-হেজে শ্রীহীন হয়ে গেছে দীঘির সারা অঙ্গ। ফাটলধরা ধসেপড়া শানবাঁধানো ঘাটগুলো লতাগুল্মের আশ্রয় জড়িয়ে পড়ে আছে হতভাগার মত। ভাঙনের লক্ষণ সর্বত্র। তবু বুনিয়াদীর সব বাঁধন এলিয়ে যায় নি যেন তখনও। ওর নিজের সং-শাওড়ীকে একলে তখনও বাণীমা বলত। এ বাড়ীর সব নতুন বউই নাকি বৌরাণী। ঐ সন্ধাননে মণিমালাও সম্মানিত হয়েছিল দিনকতক। আন্তরিক না হোক মৌখিক মর্যাদা মিলত তখনও এদের অনেকের।

আরও আবরণ সবে গেল বছরকয়েক ওবাড়ীতে ঘর করবার পর। রাজবাড়ীর ভিতরের ভগ্নদশা আরও প্রকট হয়ে উঠল। স্বামী—নারীজীবনের সেরা অবলম্বন—পরম সম্পদ। অদৃষ্টদোষে সেই স্বামী মানুষটি ছিল ওর অপদার্থ। দেড় পাইয়ের মালিক। ভাঙতে ভাঙতে কোথায় এসে পড়েছে—চেতনা নেই তখনও তার যথাসর্ব্ব্ব বাঁধা পড়েছে। শেষ সম্বল স্ত্রীর গয়না—তাতেও হাত পড়তে শুরু করেছে। তখনও মকারের সাধনায় মত্ত লোকটা ও বংশের নাকি ওই ধারা। কলকাতার বাড়ীতে পড়ে থাকত। কালেভদ্রে দেশে ফিরত। মণিমালাকে আসবাবের সামিল ভাবত। ব্যবহারও ছিল তেমনি। এ মানুষকে ভালবাসতে পারে নি ও কোন দিন। প্রেম নাকি পরশমণি। প্রেমের ছোয়া লাগলে মন নাকি সোনা হয়। ভালবাসলে এমন মানুষ সোনা হয়ে উঠত কিনা—কে জানে। সব কথা ভাবলে—ওর চোখ ছাপিয়ে জল আসে এখনও। বাবা আজ স্বগত। তবু রাগ হয় তাঁর উপর। ওদের বাইরের চটকের কথাই শুধু শুনেছিলেন তিনি। ভিতরের ভাঙন লক্ষ্য করবার মত দৃষ্টি ছিল না তাঁর। সম্প্রদান করেন নি—বিসর্জন দিয়েছিলেন তিনি। বিয়ের সময় মা বেঁচে থাকলে এমনটি ঘটত না নিশ্চয়ই। মা মারা যাবার পর বাবা যেন অবলম্বন হারিয়েছিলেন। মনে প্রাণে পালটে গিয়ে ভিন্ন মানুষ হয়ে গিয়েছিলেন একেবারে।

তার পর বছরকয়েকের মধ্যেই কত কি বিপর্যায় ঘটল। শুধু বিপর্যায় নয়—আমূল পরিবর্তন যেন জীবনের। স্বামী মারা গেলেন হঠাৎ। ছেলে মেয়ে নিয়ে অকুলে ভাসল মণিমালা। গ্রামের পরিবেশ ছেড়ে পালিয়ে আসতে হয়েছে এখানে ওকে। নীলামে যথাসর্ব্ব্ব্ব গেছে তখন। মানসঙ্গম বাঁচানোর কথা—ছেলেমেয়ের ভবিষ্যৎ—সবকিছুই ভাবতে হয়েছে ওকে। এ ছাড়া আর উপায় ছিল না বুঝি বা। সংশাওড়ী সত্যিই সং ছিলেন। নিঃসন্তান তিনি। ছাড়তে চান নি মণ্ট আর কুস্তীকে। মণিমালা কিন্তু তাঁর বারণ মানে নি।

এক জীবনেই জন্মান্তর ঘটে গেল যেন। বনেদী জমিদার-বাড়ীর বৌ ছিল মণিমালা। স্রোতের মুখে পড়ে ভাসতে ভাসতে আজ এসে পড়েছে সে কোথায়, শহরতলীর এই অপরিচ্ছন্ন পরিবেশ, কোটবের মত ভাড়া-করা দুখানি অপরিসর ঘর—এই এখন তার আশ্রয়। সেদিনের বধূরাণী—হারিয়ে গেছে যবনিকার আড়ালে। জীবনমঞ্চে দৃশ্যপট বদলেছে। কেবানী মণিমালা—ডেলিপ্যাসেঞ্জারী করে এখন। যান্ত্রিক জীব যেন। বাবা তাকে লেখাপড়া শিখিয়েছিলেন কি এই ভাবে তিলে তিলে ক্ষয় হবার জগে। চোখ ছাপিয়ে ওর ধারা নামল। ভাসতে ভাসতে নেমে এসেছে নিম্নমধ্যবিত্তদের ভিড়ের মধ্যে।

হাবিকেনের আলোয়—অস্পষ্ট সবকিছু। স্বপ্নের ঘোর তখনও কাটে নি। ঘুমন্ত মেয়ের মুখের দিকে চেয়ে আঁতকে উঠল মণিমালা। কুস্তী যেন বড় হয়েছে। ছেলেমেয়ের মা হয়েছে। শরিকদের সঙ্গে

বস্তির বীভৎস পরিবেশের মধ্যে জীবনের জের টেনে চলেছে পরম তৃপ্তিতে—কুস্তি আর তার ছেলেমেয়েরা।

উচ্ছিন্নজীবী যেন সব। যন্ত্রযুগের সম্মোহনে পড়ে মনুষ্যত্ব হারিয়েছে পুরোপুরি। উঃ—একি ভয়াবহ পরিণতি—ভবিষ্যতের রূপ। আবার আতকে উঠল মণিমালা। দূরের চটকলে প্রথম বাঁশী বেজে উঠল সঙ্গে সঙ্গে। ভোর হয়ে এসেছে এরই মধ্যে। বাইরে প্রকৃতির প্রমত্ততাও খেমেছে কখন। 'দিদি ছেলের পাশটায় একটু কাত হয়ে চোখ বুজেছেন ইতিমধ্যে। বিমব্বিম করছে মণি-মালার মাথার ভেতরটা। চিত্তার চাপে স্নায়ুগুলো নিষ্পেষিত হয়েছে অসম্ভব রকম। দেহ আর বইতে পারছে না ক্রান্তিভার। ঘুমের ঘোরে মেয়েটা অক্ষুট একবার 'মা' বলে ডাকল যেন। তাকে বুকের কাছে টেনে নিয়ে মণিমালাও চোখ বুজল তাড়াতাড়ি।

দিদির ডাকে ঘুম ভাঙল মণিমালার। দুর্ঘোণের রাত কেটে গেছে তখন। পূবদিকের জানালা ছোটো খুলে দিয়েছেন কখন দিদি। দিনের যাত্রা শুরু হয়েছে খানিক আগে। জ্যোতিষ্ময়ের রূপ ফুটেছে অনন্ত আকাশের কোলে। আকাশে-বাতাসে গ্রানি-বিক্ষোভের চিহ্ন নেই আর কোন রকম। প্রসন্নতার ইঙ্গিত সব দিকে। ছেলেটা ঘুমুচ্ছে তখনও। সব কাজ ফেলে—তাড়াতাড়ি স্নান সেরে এল মণিমালা। ভক্তিতরে ছেলের কপালে পয়সা ছুঁইয়ে তুলে রাগলে কুলুঙ্গিতে। মনে মনে মানত করলে বোধ হয়। মা মঙ্গলচণ্ডীকে ডাকল যেন কয়েকবার অক্ষুটে। বুকে বল এল হঠাৎ—সনাতন ভক্তিপথ ধরে। মায়ের মঙ্গলদৃষ্টি ঘিরলে ছেলেকে রক্ষাকবচের মত।

তৃপ্তির নিখাস ছেড়ে তাড়াতাড়ি চিঠি লেখার পাড় নিয়ে

লিখতে বসল মণিমালা। চাকরিতে ও ইস্তফা দেবে—আজই—এখনই। রাতের দুর্ঘোণ—রাতের দুশ্চিন্তারশি—ওর মনে নূতন এক সঙ্কল্প জাগিয়ে গেছে। দিদি এসে ঘরে ঢুকলেন। অবাক হলেন একটু। বললেন—সকালে সব ফেলে চিঠি লিখতে বসলি কাকে বে ?

লিখতে লিখতেই বললে মণিমালা—চাকরি আর করব না ঠিক করেছি দিদি। তাই চিঠি দিয়ে জানিয়ে দিচ্ছি আপিসে। স্তম্ভিত হয়ে বললেন দিদি—সে কি রে!—কিন্তু এতগুলো পেট চালাবি কি করে?—হাসলে মণিমালা। প্রশান্ত স্তম্ভর হাসি। বললে—সে ব্যবস্থাও করছি দিদি। আমরা সবাই আবার গ্রামে ফিরে যাব—সংশোধিত কাছ। তাঁকেও লিখব এখনি। তাঁর নিজের নামে সামান্য বা জমিজমা আছে—তাতে আমাদের ক'টা পেট চলে যাবে কষ্টেহুটে। তুমি সবই ত দেখছ দিদি। তুমিও ছেলে-মেয়ের মা। এখানে আর পড়ে থাকলে—এভাবে চললে—জীবনের শ্রেষ্ঠ সম্পদ পোয়া যাবে আমার হয় ত। আমি নিঃশ্ব হয়ে যাব চিরদিনের মত। তুমি আশীর্বাদ কর দিদি—ছেলেমেয়ের হাত ধরে আমি যেন আবার গায়ে খুন্সরের ভিটেয় ফিরে যেতে পারি।

পাণলের মত কি সব বকছে মেয়েটা। দিদি অত শত বোঝেন না। বিস্মিত দৃষ্টি নিষ্ক্ষেপ করেন তিনি—জানালার বাইরে—দূর আকাশে—বুঝিবা অনিশ্চিত ভবিষ্যতের পানে। নিজের ভাগ্যের ভাঙন দশা নতুন করে ভাবিয়ে তোলে যেন ভাগ্যহীনাকে।

তুমিও আমাদের সঙ্গে যাবে দিদি—বলে মণিমালা মুখ ফেরাল। দিদি চাইলেন ওর মুগের পানে। এক রাতের মধ্যেই বদলে গেছে যেন মণিমালা। রূপান্তর ঘটেছে যেন ওর—বুঝিবা জগ্মান্তর। যেন দৃঢ় একটা অবলম্বন পেয়েছে বুকের কাছে। চোখে মুখে ফুটে উঠেছে সন্তানবতীর প্রসন্ন কল্যাণ দীপ্তি।



আমাদের সাহিত্য

শ্রীযোগেন্দ্রকুমার চট্টোপাধ্যায়

সাহিত্য শব্দটা “সহিত” শব্দ হইতে উৎপন্ন হইয়াছে। সহিতের ভাব “সাহিত্য”, সহিত শব্দের অর্থ সঙ্গ। “হরি রামের সঙ্গে যাইতেছে” আর “হরি রামের সহিত যাইতেছে”, এই দুটি বাক্যই একার্থবাক্য। যাহা আমাদের সমাজে, আমাদের জীবনে বা আমাদের ধর্মের সহিত অবিচ্ছিন্নভাবে জড়িত তাহাই আমাদের সাহিত্য। আমাদের সমাজের বা জীবনের চিত্র দুই প্রকারে প্রকাশ করিতে পারা যায়। এই দুই প্রকার হইতেছে—“চিত্রশিল্প” এবং “ভাষাশিল্প”। চিত্রশিল্পের সাহায্যে শিল্পীরা সমাজের, ব্যক্তির বা ঘটনাবিশেষের বাস্তব প্রকাশ করিতে পারেন। কিন্তু চিত্রের দ্বারা অস্তবের রূপ প্রকাশ করিতে পারা যায় না। অস্তবের রূপ প্রকাশ করিতে হইলে ভাষার সাহায্য লইতে হয়।

এক জন সুদক্ষ চিত্রকর তুলিকার সাহায্যে কোনও ব্যক্তির ক্রোধ, হিংসা, স্নেহ দয়া প্রভৃতি চিত্রের চোখে, মুখে ও ভঙ্গিতে প্রকাশ করিতে পারেন। কিন্তু সেই ক্রুদ্ধ বা দয়ালব ব্যক্তির অস্তবে কেন ক্রোধ অথবা দয়ার উদ্বেক হইল, তাহা ভাষার সাহায্য ব্যতীত প্রকাশ করিতে পারা যায় না। চিত্রের মুখে ভঙ্গি দেখিয়া আমরা বুঝিতে পারি যে, চিত্রাঙ্কিত ব্যক্তি ক্রুদ্ধ হইয়াছেন, কিন্তু তাহার ক্রোধের কারণ কি তাহা ভাষায় বাক্য না করিলে বুঝিতে পারা যায় না।

পৃথিবীর সকল সভ্য সমাজেই সেইজন্ম ভাষা-সাহিত্য সমাদৃত হইয়া থাকে। আমরা রামায়ণ পড়িয়া বুঝিতে পারি—রামায়ণের যুগে সমাজ কিরূপ ছিল। রাজারা কিরূপে রাজ্যশাসন ও পালন করিতেন, প্রজারা কেন রাজাকে নবরূপী দেবতা বলিয়া ভক্তি করিত, আবার অনেক সময় সেই নবরূপী দেবতারা সন্তানবৎ স্নেহাস্পদ প্রজাদের দ্বারা কেন সিংহাসনচ্যুত, এমন কি নিহত পর্য্যন্ত হইয়াছেন, তাহা তৎকালীন ইতিহাস পাঠে আমরা জানিতে পারি। তুলিকা ও রঙের সাহায্যে সে কারণ প্রকাশ করা যায় না। যে গ্রন্থে সমাজনীতি, ধর্মনীতি, অর্থনীতি, গার্হস্থ্যনীতি প্রভৃতি এককালীন বহুলাংশে বর্ণিত আছে, সেই সব গ্রন্থ শ্রেষ্ঠ গ্রন্থের পর্য্যায়-ভুক্ত বলিয়া বিবেচিত হয় এবং সেই সকল গ্রন্থকার মহাকবিরূপে সাহিত্যক্ষেত্রে চিরস্থায়ী আসন লাভ করিয়া থাকেন। বাল্মীকি, বেদব্যাস, কালিদাস, সেক্সপীয়র, মিল্টন এবং রবীন্দ্রনাথ এইজন্মই মহাকবি রূপে গণনীয় হইয়াছেন।

আমি বর্তমান প্রবন্ধের নাম দিয়াছি, “আমাদের সাহিত্য”। অর্থাৎ আমি বাংলা সাহিত্য সম্বন্ধে আমাদের মনোভাব পাঠকবর্গকে জানাইতে ইচ্ছা করি। আমার মনে আজকাল মধ্যে মধ্যে এই প্রশ্নের উদয় হয় যে, আমাদের বাংলা-সাহিত্যের গতি বর্তমানকালে “উৎকৃষ্টা” না “নিম্নমুখী”। আমাদের কৈশোরে এবং যৌবনকালে

আমরা যে সকল পাঠ্যপুস্তক ও পাঠ্যতালিকার বহির্ভূত পুস্তকাদি পাঠ করিয়াছিলাম, তাহার তুলনায় এখনকার ঐ শ্রেণীর পুস্তক আমার মতে যথেষ্ট অবনত হইয়াছে। অবশ্য আমি সকল পাঠ্য-পুস্তককেই অবনত শ্রেণীতে ফেলিতেছি না। মধো মধো এমন দুই-চারিখানি পাঠ্যপুস্তক আমার দৃষ্টিগোচর হয়, যাহা পাঠে ছাত্রগণ প্রকৃত উপকারলাভে সমর্থ হইতে পারে। আমি বিশেষ দুঃখের সহিত বলিতে বাধ্য হইতেছি যে, সেকালের অর্থাৎ ষাট-সত্তর বৎসর পূর্বেরকার লেখকেরা ভাষার বিস্তৃততার প্রতি সেরূপ দৃষ্টি রাখিতেন, বর্তমানকালের পাঠ্যপুস্তক-প্রণেতারা সেরূপ দৃষ্টি রাখেন না। হয়ত সেরূপ দৃষ্টি দিবার ক্ষমতাও তাহাদের নাই। আমি দৃষ্টান্তস্বরূপ কোনও পুস্তকের নাম উল্লেখ না করিয়া মাত্র কয়েকটি শব্দের উল্লেখ করিতেছি। অনেক পাঠ্যপুস্তকে দেখিয়াছি, গ্রন্থকার অকারণে বহুবচনে বাহুল্য দেখাইয়া থাকেন। অনেকে বহুবচনবোধক পদ বিশিষ্ট শব্দের পূর্বে এবং পরে এক সঙ্গেই ব্যবহার করিয়া থাকেন। “ঐসকল বালকগণ”, “এই সমস্ত বক্তারা” প্রভৃতি পদ ব্যবহার করেন। কেহ-বা লেখেন, “বালকগণেরা”। সংস্কৃত এবং ইংরেজীতে এইরূপ double plural অবশ্য-ব্যবহার্য। ব্যবহার না করিলে ব্যাকরণের নিয়ম লঙ্ঘন করা হয়। ইংরেজীতে “all those boys” বা সংস্কৃতে “তোঁ দৌ নরোঁ” না লিখিয়া this boys বা সঃ দৌ নরঃ লিখিলে ব্যাকরণ শুদ্ধ হয় না। কিন্তু বাংলা ব্যাকরণে সে নিয়ম নহে। সংস্কৃত ভাষা বাংলা-ভাষার জননী বা মাতামহী হইলেও উহা সংস্কৃত হইতে পৃথক। এই পার্থক্য কিছুতেই লঙ্ঘন করা উচিত নহে।

লেখকদের একটা কথা মনে রাখা উচিত যে, খাঁটি বাংলা শব্দে ব্যাকরণে সন্ধি হয় না। সন্ধিটা সংস্কৃত ব্যাকরণ মতেই হইয়া থাকে। সংস্কৃত দুইটা শব্দ পাশাপাশি থাকিলে তাহাদের মধ্যে সন্ধি হইতে পারে, যথা—রাম+অভিধান=রামাভিধান, কিন্তু বাংলাভাষায় পাকা+আমড়া সন্ধি করিয়া “পাকামড়া” হয় না। একটা বাংলা বা সংস্কৃত শব্দের সহিত কোনও বিদেশীয় শব্দেরও সন্ধি হয় না। তবে বর্তমান বাংলাভাষায় এরূপ সঙ্কর সন্ধি দুই-একটা প্রচলিত হইয়াছে। যথা : “ইংলণ্ডেশ্বর”। তবে “ইংলণ্ড” শব্দটা দেশের নাম বলিয়া এবং উহা অকারাস্ত বলিয়া এই সন্ধি চলিয়া গিয়াছে! কিন্তু রুশিয়া+ঈশ্বর=“রুশিয়েশ্বর” অথবা জার্মানী+ঈশ্বর=“জার্মানীশ্বর”—বাংলাভাষায় এরূপ ব্যবহার হয় না। আমরা বাল্যকালে যখন প্রথম বাংলা ব্যাকরণে সন্ধিসূত্র পাঠ করিয়াছিলাম, তখন আমরা কোঁতুলবশে ব্যাকরণে পাণ্ডিত্যপ্রকাশ করিবার জন্ত বলিতাম, “এ বৎসর যতপ্যাটচালা (যতপি+আটচালা) করিতে নাও পার, তথাপ্যেকচালা (তথাপি+

একটানা) খানা করিতেই হইবে। দুঃখের বিষয় একরূপ অদ্ভুত সন্ধি অনেক সময় আজকাল আমার নয়নগোচর হয়। আর একটা ব্যাকরণগুষ্ঠ শব্দ আজকাল অনেক পুস্তকে ও সংবাদপত্রে দেখিতে পাই, অনেকে লিখেন, “আবশ্যকীয়”। তাঁহারা মনে করেন যে, “প্রয়োজন” হইতে যখন “প্রয়োজনীয়” হয়, তখন “আবশ্যক” হইতে “আবশ্যকীয়” হইবে না কেন? তাঁহারা ভুলিয়া যান যে, “প্রয়োজন” শব্দ বিশেষ্য, উহা হইতে বিশেষণ হইয়াছে “প্রয়োজনীয়”। কিন্তু “আবশ্যক” শব্দ বিশেষ্য নহে, বিশেষণ। উহা “অবশ্য” হইতে হইয়াছে। একটা বিশেষ্যকে উপর্যুপরি দুইবার বিশেষণ করা অসঙ্গত। ইংরেজী “use” হইতে বিশেষণ হইয়াছে “useful”। কিন্তু “আবশ্যকীয়” শব্দকে ইংরেজী করিতে হইলে লিখিতে হয় “usefulable”।

ব্যাকরণ সম্বন্ধে আর একটা কথা বলিয়া ব্যাকরণের পালা শেষ করিব। আজকাল অনেক লেখকের লেখায় দেখিতে পাই, তাঁহারা লেখেন, “না বলিয়া পারি না”, “না দেখিয়া পারি না”। এইরূপ অসমাপিকা “বলিয়া”র পর “পারি না” লিখিলে তাহার কোনও অর্থ হয় কি? ইংরেজীতে হয়ত একরূপ লেখা চলে। “I could not but hear” ইংরেজী ভাষার ভঙ্গী। বাংলায় উহা চলে না। “না বলিয়া যাইতে পারি না”, “না দেখিয়া যাইতে পারি না”—এইরূপ লেখা উচিত। তাহা না লিখিলে ব্যাকরণের নিয়ম লঙ্ঘিত হয়। অথচ বিশ্বের বিষয় এই যে, অনেক খ্যাতনামা লেখকও এইরূপ ব্যাকরণগুষ্ঠ বাক্য লিখিয়া থাকেন। একটু সাবধান হইয়া লিখিলে ভাষার এই অশুদ্ধতা অনায়াসে দূর করিতে পারা যায়।

অনেক দিন পূর্বে আমি যখন “হিতবাদী”র সেবায় নিযুক্ত ছিলাম তখন একজন খ্যাতনামা গ্রন্থকাবের পুস্তকে দেখিয়াছিলাম, “বদাণবতী মহিলা”। এই লেখক বাংলা-সাহিত্য চর্চার জগৎ “রায়সাহেব” উপাধি পাইয়াছিলেন এবং তিনি উপর্যুপরি কয়েক বৎসর প্রবেশিকা পরীক্ষার বাংলাভাষার পরীক্ষকও নিযুক্ত হইয়াছিলেন। বোধ হয় এই লেখকের ধারণা ছিল যে, যদি “লাবণ্য-বতী” শব্দ চলে তবে “বদাণবতী” চলিবে না কেন? “লাবণ্য” শব্দ বিশেষ্য আর “বদাণ” শব্দ বিশেষণ। “জ্ঞানবান ব্যক্তি” বলা চলে, কিন্তু “জ্ঞানীবান” লেখা চলে কি? আর একজন বিখ্যাত লেখকের কথা বলি, ইনিও সাহিত্যচর্চার জগৎ সরকারের নিকট হইতে “রায়বাহাদুর” উপাধি পাইয়াছিলেন। তাঁহার লেখা একখানি পুস্তকে দেখিয়াছিলাম, “ভগবতী কালীর বরাভয়প্রদ হাতখানি”। আমরা সকলেই জানি “খানি” “খানা” শব্দ একবচনে ব্যবহৃত হয়। কালী চতুর্ভুজা, তাঁহার উপরের দুই হস্তের একটিতে ‘অসি’ একটিতে ‘অভয়’। আর নীচের দুই হস্তের একটিতে ‘নরমুণ্ড’, আর একটিতে ‘বর’। অভয় দিবার সময় হাত ভুলিয়া হাতের তালু দেখাইতে হয়। কিন্তু বর দিবার সময় বা আশীর্বাদ করিবার সময় হাত নীচু করিয়া এবং সেই হস্তের তালু নিয়ে রাখিয়া বর দিতে

হয়। সুতরাং একখানি হাত একই সময়ে ‘বর’ এবং ‘অভয়’ দিতে পারে না। এই দুই জন গ্রন্থকারই অধুনা-পরলোকগত। আমার বক্তব্য এই যে, যে সকল খ্যাতিমান লেখকের পুস্তক ছাত্র-দিগের পাঠ্য বলিয়া নির্দিষ্ট হইয়াছিল, তাঁহারা ছাত্রদের উপকার করিয়াছেন, কি অপকার করিয়াছেন, তাহা পাঠকগণ বিচার করিবেন।

অলঙ্কারশাস্ত্রে “গুরুচণ্ডালী দোষ” একটা গুরুতর দোষ বলিয়া বাণত হইয়াছে। “গুরুচণ্ডালী” অর্থে বিসুদ্ধ সাধুভাষার সহিত কথিত প্রাকৃত ভাষা যোগ করিয়া একটি বাক্য গঠন করা। আমরা যখন স্কুলে পড়িতাম, তখন আমাদের শিক্ষক মহাশয় এই দোষের যে উপমা আমাদের দিয়াছিলেন, তাহা আমার এখনও মনে আছে। তিনি বলিয়াছিলেন, “রুদ্দ্বাসে ধাবমান মহেশচন্দ্র সহসা পদস্থলিত হইয়া বাতাহত কদলীর শায় ধপাৎ কোরে পোড়ে গিয়ে কাদায় মাখামাখি হোলো”। এই বিসুদ্ধ ভাষার সহিত কথিত ভাষার সংযোগ “গুরুচণ্ডালী” বলিয়া অভিহিত হয়। নাটক বা উপন্যাসে ব্যক্তিবিশেষের কথোপকথনে এইরূপ ভাষা মার্জ্জনীয় হইতে পারে। কিন্তু লেখক যেখানে সাধুভাষায় লেখনী-মুখে নিজের বক্তব্য প্রকাশ করিতেছেন, সেখানে কিছুতেই “গুরুচণ্ডালী” দোষ থাকা সমীচীন নহে। যে যেরূপ স্তরের লোক, তাহার মুখে সেই স্তরের ভাষাই শোভনীয়। বহুকাল পূর্বে আমি একখানি নাটকে পড়িয়াছিলাম, রানী তাঁহার দাসীকে আহ্বান করিলে—দাসী রানীর সম্মুখে গিয়া করজোড়ে বলিল, “অয়ি ভর্তৃ-দায়িকে, দাসী উপস্থিতা”। আর এক স্থলে রাজার গুরু রাজার নিকট কোনও বহু-সন্তানবতী মহিলার উল্লেখ করিয়া বলিতেছেন, “মাগীর একপাল ছেলে দেখে মনে হয়—মাগীর যেন ছায়পোকার বিয়ান”। দাসীর মুখের ভাষা এবং রাজগুরুর মুখের ভাষার এই পার্থক্য দেখিয়া লেখকের বিচারশক্তির প্রশংসা করিতে হয় কি? কিন্তু দুঃখের বিষয়, আজকাল অনেক পুস্তকেই এইরূপ অদ্ভুত বিচারশক্তির পরিচয় পাই। কয়েক বৎসর পূর্বে আমার শিশু পৌত্রদের জন্ম একখানি শিশুপাঠ্য ছবির বই কিনিয়াছিলাম। সেই পুস্তকে ভূতের গল্পে দেখিলাম, লেখক ভূতের রূপবর্ণনাকালে বলিতেছেন, “ভূতের গায়ের রং যেন ধানসেদ্ধ হাঁড়ি—”। লেখকের বক্তব্য বৃথিতে কষ্ট হয় না। কিন্তু “হাঁড়ির তলা” না বলিয়া তিনি যে শব্দটা ব্যবহার করিয়াছেন, সেরূপ শব্দ কোন বালকবালিকার মুখে শুনিলে তাহাদের অভিভাবকগণ তাহাদিগকে কঠোর শাসন করিয়া বলিয়া থাকেন, “ও কথা মুখে আনিতে নাই। ওরূপ অশ্লীল শব্দ ইতর লোকের মুখে শুনা যায়, খবরদার ও কথা মুখে আনিতে নাই।”


আজকাল গুরুচণ্ডালী দোষের এতই বাহুল্য হইয়াছে যে, তাহা দেখিয়া মনে হয়, এদিকে কোন কোন লেখকের দৃষ্টির বড়ই অভাব। আমি আজই প্রাতঃকালে একখানি শিশুপাঠ্যপুস্তক পড়িতেছিলাম। সেই পুস্তকের বিজ্ঞাপনে দেখিলাম, লেখক “সত্য”র পরিবর্তে

“সত্যি”, “মিথ্যার” পরিবর্তে “মিথ্যে” “বাহিরের” পরিবর্তে “বাইরে”, “ভিতরের” পরিবর্তে “ভেতরে” এইরূপ অনেক শব্দ ব্যবহার করিয়াছেন। অবশ্য গল্পে বর্ণিত কোনও লোকের মুখে একরূপ ভাষা চলিতে পারে, কিন্তু পুস্তকের বিজ্ঞাপনে কেন? বালক-বালিকাদিগকে এইরূপ ভাষা শিখাইলে কি তাহাদের ভাষাজ্ঞানের সাহায্য করা হয়? আমি অবশ্য একথা বলি না যে, বিদ্যাসাগর মহাশয়ের “সীতার বনবাসে” লিখিত “এই গিরির শিখরদেশ সতত সঙ্করমাণ নবজলধরপটলসংযোগে নিরন্তর নিবিড় নীলিমায় অলঙ্কৃত হইয়া আছে” চালু হউক। এককালে এইরূপ সংস্কৃতবহুল, সমাস-সঙ্কিতে সমাকীর্ণ ভাষার আদর ছিল। হয়ত কতকটা প্রয়োজনও ছিল। কিন্তু বিদ্যাসাগর মহাশয়ের যুগ বহুকাল হইল অতীতের অন্তরালে চলিয়া গিয়াছে। বঙ্কিম-যুগের প্রথম অবস্থায়ও কিছুকাল এইরূপ ভাষার প্রভাব ছিল। বঙ্কিমবাবুর রচিত প্রথমকালের পুস্তকগুলির সহিত তাঁহার শেষ বয়সের পুস্তকের ভাষার তুলনা করিলে উভয়প্রকার ভাষার পার্থক্য বেশ স্পষ্ট বৃদ্ধিতে পারা যায়।

সমাজের গতির সহিত ভাষার গতি অবিচ্ছেদ্য বন্ধনে আবদ্ধ। বামমোহন রায়ের গদ্য এবং বিদ্যাসাগর মহাশয়ের গদ্য এক নহে। আবার বিদ্যাসাগর মহাশয়ের গদ্য এবং বঙ্কিমবাবুর গদ্য একরূপ নহে। কালক্রমে জটিল ভাষা ক্রমশঃ সরল ভাষায় পরিণত হয়। ভাষার এই গতি অনিবার্য। ইংরেজী সাহিত্যে, ফরাসী সাহিত্যে ও যাবতীয় সভ্যদেশের সাহিত্যে এইরূপ পরিবর্তনের সুস্পষ্ট প্রমাণ পাওয়া যায়। যে ভাষার এইরূপ পরিবর্তন হয় না, সে ভাষাকে “জীবিত ভাষা” বলা চলে না। তাহা “Dead Language” বা মৃত ভাষা। সংস্কৃত, জৈন্দ, হিব্রু, গ্রীক, লাতিন এ সমস্তই মৃত ভাষা। ঐ সকল ভাষার সাহিত্যে অমূল্য ও অপূর্ক রত্নরাজি আছে সত্য, কিন্তু সেই সকল রত্ন প্রাচীন মৃত ভাষাকে জীবন্ত ভাষায় পরিণত করিতে পারে না। সংস্কৃত ভাষা সমাজের

পরিবর্তনের সহিত বদলাইয়া প্রাকৃত ও পালি ভাষার মধ্য দিয়া অবশেষে বর্তমান বাংলা, উড়িয়া, মরাঠী, গুজরাটী প্রভৃতি আধুনিক ভাষায় পরিণত হইয়াছে।

আজকাল অনেকের মুখে শুনিতে পাই, “প্রগতি সাহিত্য” বলিয়া একটা কথা প্রচলিত হইয়াছে। যখন ভাষামাত্রই গতিশীল, তখন ভাষার পূর্বে “প্রগতি” বিশেষণ ব্যবহারের সার্থকতা কি? আমরা কি কখনও বলি, “নদীতে তরল জল আছে”? জল বলিলেই ত তাহার তরলতা সঙ্গে সঙ্গেই মনে হয়। আজ যাহা “প্রগতি সাহিত্য”, শত বৎসর পরেও কি তাহা “প্রগতি-সাহিত্য” বলিয়া বিবেচিত হইবে? তবে একটা কথা আমার মনে হয় যে, “প্রগতি সাহিত্য” ওয়ালাদের মধ্যে অনেকে আপনাদের অজ্ঞতা ঢাকিবার জ্ঞান ব্যাকরণ-দৃষ্ট শব্দকে প্রগতি-সাহিত্যের ভাষা বলিয়া চালাইবার চেষ্টা করিতেছেন। বহুকাল পূর্বে রবীন্দ্রনাথ বলিয়াছিলেন, ভাষা-সরস্বতী দেবতা, কঠোর সাধনা ভিন্ন কোনও দেবতার অমুগ্ধ লাভ হয় না। স্তবরাং ভাষাশিক্ষার জ্ঞানও কঠোর সাধনার প্রয়োজন। আমি যাহা লিখিব, তাহাই সাহিত্যে স্থান পাইবে, এ আশা দুরাশা মাত্র। যাহার অক্ষর-পরিচয় হইয়াছে সে অনায়াসে সকল কথাই লিখিতে পারে, কিন্তু তাহার লিখিত সকল কথাই কি সাহিত্যে স্থান পাইবার যোগ্য? দেবী-সরস্বতী কেবল যে জ্ঞানের অধিষ্ঠাত্রী দেবতা তাহা নহে; তিনি সঙ্গীতেরও দেবতা। তাই তিনি “বীণাপুস্তকরঞ্জিতহস্তা”। তাঁহার এক হস্তে পুস্তক, অন্য হস্তে বীণা। বীণার তাবে অক্ষুন্নি স্পর্শ করিবামাত্রই একটা ঝঙ্কার উঠে। কিন্তু যিনি বীণা বাদনে দক্ষ নহেন, তিনি বীণার তার স্পর্শ করিয়া ঝঙ্কার তুলিতে পারেন, কিন্তু তাহা সঙ্গীত নহে—তাহাতে বাগবাগিনীর চিহ্নমাত্রও থাকে না। বীণা-বাদন শিখিতে হইলে কঠোর পরিশ্রম ও সাধনা করিতে হয়। সেইরূপ সাদা কাগজে কালীর আঁচড় কাটিয়া কিছু লিখিলেই তাহা সাহিত্য হয় না, ইহার জ্ঞানও কঠোর পরিশ্রম ও সাধনা চাই।





যা দিনকাল পড়েছে তাতে প্রতিটি পয়সা বুঝে না খরচ করে উপায় নেই—সংসার চালানো এক দায়। সম্প্রতি আমার স্বামীর হঠাৎ একদিন বাজার করবার শখ হলো। ফিরলেন যখন তখন আমার ত মাথায় হাত! একটা বড় ডালুডা বনস্পতির টিন এনে হাজির করেছেন!


আমি কিসে দুপয়সা বাঁচে তাই ভেবে সংসারের সব জিনিষ, মায় রান্নার জন্য স্নেহপদার্থ অবধি, সস্তায় খুঁচরো কিনছি, আর এদিকে ব্যবসাদার স্বামী আমার কিনে আনলেন বড় একটিন ডালুডা বনস্পতি। বেহিসেবী আর কাকে বলে!

কিন্তু স্বামী ঠিক কাজই ক'রেছিলেন। পরে তাঁর সব কথা শুনে বুঝলাম যে রান্নার স্নেহপদার্থ সম্বন্ধেও অনেক কিছু শেখবার আছে...

“দেখ”, স্বামী বললেন, “সংসারে আমাদের কাছে আমাদের তিনটি ছেলেমেয়ের চেয়ে বড় আর কিছুই নেই। তাদের স্বাস্থ্যের দামই আমাদের কাছে সব চেয়ে বেশী। গোলা অবস্থায় খুব দামী স্নেহপদার্থেও স্বেজাল চলতে পারে। তা ছাড়া তাতে ধুলোবালি ও মাছি, ময়লা পড়ার দরুণ তা দূষিত হয়ে যেতে পারে।”

“রান্নার ব্যাপারে শুধু একটি কাজ করলে নিশ্চিত হওয়া যায়, সেটি হচ্ছে শীলকরা টিনে স্নেহপদার্থ কেনা, তার স্তের বীজাণু ঢুকতে পায় না, তাই তা সর্বদা খাঁটি ও তাজা থাকে।” স্বামীকে জিজ্ঞাসা করলাম “তা বেছে বেছে ডালুডা বনস্পতি কিনলে কেন?” তিনি

বললেন যে ডালুডা বনস্পতির প্রস্তুতকারীরা বিশ বছর ধরে এই জিনিষ তৈরী করে হাত পাকিয়েছে। একেবারে উৎকৃষ্ট জিনিষ ছাড়া আর কিছুই ডালুডা তৈরীর কাজে ব্যবহার হয় না। প্রতিটি জিনিষ আগে পরীক্ষা ক'রে দেখা হয়, আর তা উৎকৃষ্ট না হ'লে বাদ দিয়ে দেওয়া হয়। ডালুডা বনস্পতিতে এখন ভিটামিন ‘এ’ ও ‘ডি’ দেওয়া হচ্ছে।



আপনাদের সুবিধার জন্য ডালুডা বনস্পতি ১০, ৫, ২ ও ১ পাউণ্ড বায়ুরোধক শীলকরা টিনে বিক্রি করা হয়। ডালুডা বনস্পতি সর্বদা তাজা ও বিশুদ্ধ অবস্থায় পাবেন আর এতে সবরকম রান্নাই চমৎকার হয়, খরচও কম।

আমার স্বামী জোর দিয়েই বললেন “যে জিনিষ পেটে যায় তা নিশ্চিত বিশুদ্ধ হওয়া চাই।” আমাদের বাড়ীতে এখন শুধু ডালুডা বনস্পতিই ব্যবহার হয়—আপনিও তাই করুন।

আপনার দৈনিক খাণ্ডে স্নেহপদার্থের কি দরকার?

বিনামূল্যে খবর জানবার জন্য আজই লিখুন:

দি ডালুডা
এ্যাডভাইসারি সার্ভিস
পোষ্ট বক্স ৩৫৩, বোম্বাই ১



ডালুডা বনস্পতি
রাঁধতে ভালো - খরচ কম

HVM 211-X52 BG

পুস্তক পরিচয়

নেতাজীর জীবনবাদ—অনিল রায়। অগ্রগামী সংস্কৃতি পরিষদ, ৪৭-এ রাসবিহারী এভিনিউ, কলিকাতা-২৬। পৃষ্ঠা ১০৬। মূল্য ১।০।

ভারতের মর্মান্বী, ভারতীয় সাম্যবাদ, নেতাজীর দৃষ্টিতে মাক্সবাদ, ফ্যাসীবাদ, নেতাজী এবং নেতাজীর জীবনবাদের পটভূমিকা—এই পাঁচটি অধ্যায়ে বইখানি শেষ হইয়াছে। মহাত্মাজীর সহিত নেতাজীর মতভেদ এবং তদানীন্তন ঘটনাবলীর দরুন ভারতের স্বাধীনতা-সংগ্রামের ইতিহাসে এক গুরুতর পরিস্থিতির উদ্ভব হইয়াছিল, নানা কারণে অনেকে নেতাজীকে ভুল বোঝিয়াছিলেন। কিন্তু নেতাজীর প্রতি মহাত্মাজীর স্নেহ এবং মহাত্মাজীর প্রতি নেতাজীর শ্রদ্ধা শেষ পর্যন্ত অক্ষুণ্ণ ছিল, একথা নিঃসন্দেহে বলা চলে। ভারতের ইতিহাসে নানা আদর্শের ঘাতপ্রতিঘাত চিরদিনই হইয়াছে। স্বাধীনতা-সংগ্রামে এই বিচিত্র আদর্শ-সজ্বাত গুরুত্বপূর্ণ। যুগসন্ধিক্ষণে নেতাজীর মত শক্তিমান পুরুষ এই বিভিন্নমুখী আদর্শের সমন্বয়বিধান করিতে পারিয়াছিলেন বলিয়া তরুণ ভারতের নিকট তাঁহার জনপ্রিয়তা অতুলনীয়। সুভাষচন্দ্রের নিকট বিখ্যমানবতা খুবই প্রিয় ছিল, কিন্তু তাই বলিয়া তিনি প্রাচীন ভারতের শাশ্বত আদর্শ বর্জন করিবার পক্ষপাতী ছিলেন না। মাক্সবাদের ঐহিক হিতসাধন যেরূপ তাঁহার জীবনবাদে সুস্পষ্ট, তেমনি মহাত্মাজীর আধ্যাত্মবাদও তাঁহার জীবনে স্থায়ী রেখাপাত করিয়াছে। আবার ফ্যাসীবাদীর শক্তিসাধনা এবং জাতীয়তাবাদও তাঁহার কর্মসূচীতে স্থান পাইয়াছে। কিন্তু এই সকল বিভিন্ন মতবাদ ও আদর্শের কোনটিই তাঁহাকে সম্পূর্ণরূপে গ্রাস করিতে পারে নাই। এইখানেই তাঁহার স্বকীয়ত্ব। সুভাষচন্দ্রের জীবনবাদে জাতীয়তাবাদ ও সমাজতন্ত্রবাদের সমন্বয় সাধিত হইয়াছিল। তাঁহার বিশ্বপ্রেম স্বদেশপ্রেমের পরিণতি মাত্র।

"সুভাষচন্দ্রের রাষ্ট্রদর্শনে একদিকে রয়েছে নাৎসীবাদের কতকগুলি উপাদান যথা: জাতীয়তাবাদ, সামরিক শৃঙ্খলা, স্বেচ্ছাসেবক-সংগঠন প্রভৃতি। তেমনি অন্যদিকে রয়েছে মাক্সবাদেরও উপাদান, যথা: সমাজতন্ত্র। এ ছাড়া রাষ্ট্রপ্রবর্তিত সমাজ-পরিকল্পনা বা প্ল্যানিং একনায়কীয় রাষ্ট্র বা একদলীয় রাষ্ট্রশাসন, ভিক্টোরীয় গণতন্ত্রে আস্থাহীনতা প্রভৃতি মতবাদগুলি ফ্যাসীবাদ ও মাক্সবাদ এই দু'য়ের থেকে নেওয়া। এই সব উপাদানের সমন্বয় করে সুভাষ তাঁর রাষ্ট্রদর্শন গড়েছেন।" সুভাষচন্দ্রের মধ্যে যে ঐহিকতা ও আধ্যাত্মিকতার সমন্বয় দেখা যায় তাহাকে মডার্নিজম বা আধুনিকতা বলা যায়। নেতাজী প্রত্যেক 'বাদ'কেই যথাযথ মূল্য দিয়াছেন। কোনটিকে পুরাপুরি বর্জন বা গ্রহণ করেন নাই। এই সময়ের ভিত্তির উপরেই তিনি ভারতের সার্বভৌম স্বাধীনতা-সৌধ গড়িতে চাহিয়াছিলেন। লেখক বলিয়াছেন, "মাক্সবাদ, গান্ধীবাদ, ফ্যাসীবাদ সকল মতবাদের আতিশয্যকে ছেড়ে ভারতবর্ষকে নেতাজীর পথে নূতন সময় গড়ে তুলতে হবে। এই সময়ই এযুগের বাণী। এই বাণীই মনুষ্যত্বের বন্ধনমুক্তি ঘটতে পারে নেতাজীর জীবনবাদই বন্ধনমুক্তির যুগ-দর্শন।"

সুভাষচন্দ্র গান্ধীযুগের বিদ্রোহী তরুণসম্প্রদায়ের আপোষহীন মুক্তি-সংগ্রামের অপরাধে সৈনিক। স্বাধীন ভারতের তরুণেরা তাঁহার আদর্শে দেশগঠনকার্যে প্রবৃত্ত হইলে নেতাজীর স্বপ্ন সফল হইবে।

শ্রীঅনাথবন্ধু দত্ত

১। ভাষাতত্ত্ব মঞ্জুরী। ২। বেদপুরাণকাব্য (পৃথিবী ও ভারতের ইতিহাস)—অধ্যাপক শ্রীরামপ্রসাদ মজুমদার, এম্-এ। গুমাডাঙ্গী রজনী গ্রন্থাগার, গুমাডাঙ্গী, পোঃ মুন্সিরহাট, হাওড়া। মূল্য যথাক্রমে এক টাকা ও দুই টাকা।

বিভিন্ন ভাষাগোষ্ঠী, অর্ধভাষার শাখা, বৈদিক ও পরবর্তী সংস্কৃত, প্রাকৃত ও আধুনিক ভারতীয় অর্ধভাষা, ধনিপরিবর্তনের নিয়মাবলী, রূপভেদ নানা ভাষার শব্দসাদৃশ্য—ভাষাতত্ত্ব সংক্রান্ত এই কয়টি বিষয়ের আভাস প্রথম পুস্তিকাখানিতে দেওয়া হইয়াছে। আভাসই বলিব, আলোচনা নহে।

টমাস হার্ডির জগদ্বিখ্যাত উপন্যাস


টমাস হার্ডির জগদ্বিখ্যাত উপন্যাস

-এর বঙ্গানুবাদ শীঘ্রই বাহির হইতেছে।

বঙ্গভারতী গ্রন্থালয়

গ্রাম—কুলগাছিয়া; পোঃ—মহিষবেখা জেলা—হাওড়া

টোল এণ্ড কোম্পানীর



দাদ ও কমডরের মলম

কিউটা-টোন পোড়ে বেদনা ও চর্মরোগের জন্য

বিম মলম খোস পাড়ে ও চুলকামীর জন্য

বরানগর কলিকাতা ৩৫

ময়লার বীজাণু থেকে
প্রতিদিনই আপনার
অসুখের সম্ভাবনা
আছে



লাইফবয় মেখে এই
সব বীজাণু ধুয়ে ফেলে
প্রতিদিন নিজেকে
রক্ষা করুন



লাইফবয় সাবান

প্রতিদিন ময়লার বীজাণু
থেকে আপনাকে রক্ষা করে

লাইফবয়ের "রক্ষা-
কারী ফেনা" আপ-
নার স্বাস্থ্যকে
নিরাপদে রাখে



কতকটা তাড়াতাড়ি 'নোট' টুকিয়া রাখার মত। আশা করি, লেখক সঙ্গতক বিস্তৃত আলোচনায় মনোনিবেশ করিবেন।

দ্বিতীয় পুস্তিকার বিষয়ও কোতূহলোদ্দীপক। লেখক পড়াশুনা করিয়াছেন, কিন্তু বৈধ ধরিয়া বক্তব্য বিষয় গুচ্ছাইয়া বলিতে চেষ্টা করেন নাই। দশ পৃষ্ঠায় গ্রন্থের প্রথমাংশ সমাপ্ত; তাহার সহিত ভিন্ন আকারের আর কয়েকখানা পৃষ্ঠা কোনমতে জুড়িয়া দেওয়া হইয়াছে। বিষয়ের গুরুত্ব এবং নিবারণিত অর্থমূল্য (দুই টাকা) উভয় দিক বিবেচনা করিয়াই লেখকের রচনা ও পুস্তিকার বহিঃসৌষ্ঠবের প্রতি আরও যত্নবান হওয়া উচিত ছিল।

ভাবরূপা—শ্রীকালীকঙ্কর সেনগুপ্ত। সংস্কৃত পুস্তক ভাণ্ডার, ৩৮ কর্ণওয়ালিস স্ট্রিট, কলিকাতা-৬। মূল্য ২২।

গ্রন্থকার নামের তাৎপর্য ব্যাখ্যা করিয়া বলিয়াছেন : "শ্রীমতী রাধা-বিক্রপিয়া-মীরা-করমেতি ও যশোধরা চরিত্রের ভাব লইয়াই তাহাকে রূপ দেওয়া হইল।" ইহাদের ভগবৎ প্রেমের আদর্শ কবির অন্তরে প্রেরণা সঞ্চার করিয়াছে, তাই ইতিহাস ও বর্মের প্রসঙ্গ কবিত্বমণ্ডিত হইয়াছে। রচনায় পকর্ষবান চিত্রের পরিচয় পাই।

শ্রীধীরেন্দ্রনাথ মুখোপাধ্যায়

সাত সমুদ্রের তের নদীর পারে—স্বপনদুর্জো। ওরিয়েন্ট বুক কোম্পানী। কলিকাতা-২। দাম আড়াই টাকা।

১৩৫৯ সালে ভিয়েনাতে অনুষ্ঠিত আন্তর্জাতিক শিশুরক্ষা সম্মেলনে ভারতের অন্ততম প্রতিনিধিরূপে আমন্ত্রিত হইয়া লেখক কে. এল. এম. বিমানযোগে ইউরোপে যান। সমালোচ্য পুস্তকে তিনি ইটালী, অস্ট্রিয়া এবং সুইজারল্যান্ড এই তিনটি দেশে তাহার ভ্রমণের অভিজ্ঞতা ছোটদের উপযোগী সহজ ও প্রাঞ্জল ভাষায় লিপিবদ্ধ করিয়াছেন। এই ভ্রমণকাহিনীর মধ্যে দুইটি জিনিষ সুপরিষ্কৃত হইয়া উঠিয়াছে—প্রকৃতির রূপবৈচিত্র্যের প্রতি লেখকের অহরাগ, আর মানুষের উপর তাঁর ভালবাসা। অল্প কথায় এমন চমৎকার ভাবে তিনি নৈসর্গিক দৃশ্যাবলীর বর্ণনা করিয়াছেন যে, মনে হয় যেন সেগুলি নিপুণ হাতে হালকা তুলির টানে আঁকা ছবির মালা। কোথাও অপরিমিত রেখার বাহুল্য নাই, অনাবশ্যক রঙের প্রলেপে চমক লাগাইবার প্রয়াস নাই। বিদেশে শূণ্য গৃহে অথবা বিভিন্ন প্রতিষ্ঠানে নয়, পথে ঘাটে ট্রেনে ট্রামে যেসকল নরনারীর সঙ্গে তাহার আলাপ-পরিচয় হইয়াছিল তাহাদের কথাও তিনি অত্যন্ত চিত্তাকর্ষক ভাবে বর্ণনা করিয়াছেন। পোশাক-পরিচ্ছদ, ভাষা, আচার-ব্যবহার ইত্যাদির পার্থক্য সঙ্গেও মানুষ যে মানুষের পরমাত্মীয়, দরদী মন থাকিলে পরকে আপন করিয়া লইতে যে বেশী সময় লাগে না, লেখকের পথের সঙ্গীদের আলাপে ও আচরণে তাহাই পরিষ্কৃত হইয়াছে। বিশেষতঃ মেহপরায়ণা 'অস্ট্রিয়ার মানিমা'কে তেঁা আমাদের একান্ত আপনার জন বলিয়া মনে হয়।

শিশুর মত খোলা মন ও জাগ্রত কোতূহল লইয়া লেখক বিদেশ ভ্রমণ করিয়াছেন। বিদেশী শিশুদের কথা বলিয়াছেন তিনি গভীর দরদের সহিত,

ফেংথেজের মহাভূঙ্গরাজ তৈল

চুল উঠা বন্ধ করে

মাথা ঠাণ্ডা রাখে



এই মার্কা দেখে কিনুন•নকল থেকে সাবধান



“যেমন সাদা-তেমন বিশুদ্ধ-

লাক্স টয়লেট সাবান-কি সরের মত

সুগন্ধি ফেনা এর।”

নিশ্চি বলেন



ভারতে
প্রস্তুত

সকলেই লাক্স টয়লেট সাবানে।
শুভ্রতার তারিফ করেন—অতি বিশুদ্ধ
তেল দিয়ে তৈরী বলে এত সাদা। “লাক্স টয়লেট
সাবান মেখে সুন্দর হওয়া কত সহজ” নিশ্চি বলেন।

“এর সুগন্ধি সরের মতো ফেনা বেশ ক’রে র’গড়ে মেখে
নিন—এতে গায়ের চামড়া ভালো ক’রে পরিষ্কার
হ’য়ে যায়। আপনার মুখশ্রীর এক চমৎকার উজ্জ্বল
আভা দেখে আপনি আশ্চর্য হ’য়ে যাবেন!”



সুখবর!

নতুন

বড় সার্থক

সারা শরীরের সৌন্দর্যের জন্ম

এখন পাওয়া যাচ্ছে

আজই কিনে দেখুন!

“...সেই জন্মেই ত
আমার যৌবনোজ্জ্বল মুখশ্রী
বজায় রাখতে আমি লাক্স টয়লেট
সাবান পছন্দ করি।”

চি ত্র - তা র কা দে র সৌ ন্দ র্য সা বা ন ★

তাহাদের সঙ্গে মিশিয়াছেন তিনি তাহাদেরই একজন হইয়া, সেইজন্মই তাহার রচনায় যে আন্তরিকতার ভাবটি কুটিয়া উঠিয়াছে তাহা মনকে মুগ্ধ করে। 'ভিয়েন্নার হাসপাতালে ছেলেমেয়েদের বিজ্ঞানসম্মত পন্থায় চিকিৎসা-প্রণালীর বর্ণনা প্রসঙ্গে তিনি আমাদের দেশের শিশুদের চিকিৎসা সম্বন্ধে যাহা বলিয়াছেন তাহা গভীরভাবে প্রণিধানযোগ্য।

বিদেশে গিয়াও লেখক দেশের ছেলেমেয়েদের ভুলিতে পারেন নাই, মাঝে মাঝে "সব পেয়েছির আসরে"র সোনার কাঠিদের স্মরণ করিয়াছেন। গ্রন্থখানি লেখক আমাদের দেশের ছেলেমেয়েদের হাতেই তুলিয়া দিয়াছেন। যে আনন্দের প্রেরণায় তিনি এই ভ্রমণকথা রচনা করিয়াছেন, তাহা ছোটদের মনে সঞ্চারিত হইবে, ছবির রসে তাহারা তন্ময় হইয়া যাইবে। লেখকের বাহাদুরি এইখানে যে পুস্তকখানি ছেলে বৃদ্ধা সকল শ্রেণীর পাঠকের পক্ষেই উপভোগ্য হইয়াছে। অনেকগুলি পূর্ণপৃষ্ঠা ছবি এই পুস্তকের সৌষ্ঠব-রক্ষি করিয়াছে।

শ্রীমলিনীকুমার ভদ্র

আরেক আকাশ—শ্রীঅমলা দত্ত। গ্রন্থাগার, পি-৫৮, ল্যান্সডাউন রোড, কলিকাতা-২৯। মূল্য ২৫০ আনা।

অধ্যাপক-স্বামী লণ্ডন স্কুল অফ ইকনমিক্সে কাজ করিতে চলিয়াছেন, লেখিকাও লণ্ডন বিশ্ববিদ্যালয়ে পড়িতে চলিয়াছেন—আড়াই বৎসরের মধ্যে পড়াশুনা সমাপ্ত করিয়া দেশে ফেরেন। এই সময়ের মধ্যে লণ্ডন বিশ্ববিদ্যালয় ও ইউরোপের নাম-করা দেশগুলির বিশ্ববিদ্যালয়, তথাকার অধ্যাপকগণের

শিক্ষা-প্রণালী, ইউরোপীয় ছাত্রগণের পাঠাভ্যাস এবং অধ্যাপক-ছাত্রের সম্পর্ক প্রভৃতি বিষয়ের বর্ণনা এই গ্রন্থের মুখ্য উদ্দেশ্য। গোণ উদ্দেশ্য—লণ্ডন সহ গোটা ইউরোপের জীবনধারার সহিত পাঠকের পরিচয় করাইয়া দেওয়া। 'পথের পাঁচালী' নামক প্রথম অধ্যায়ে আছে কলিকাতা হইতে বোম্বাই হইয়া এডেন ও পোর্ট সৈয়দ ছাড়াইয়া ভূমধ্যসাগর অতিক্রমপূর্বক সোজা টিলবেরীতে পৌঁছনো এবং তথা হইতে টেনযোগে লণ্ডনে গিয়া লণ্ডন ইউনিভার্সিটিতে ডের স্থাপনের বর্ণনা। পরবর্তী পরিচ্ছেদে লণ্ডন বিশ্ববিদ্যালয়, তথা সারা ইউরোপের বিশ্ববিদ্যালয়গুলির অধ্যাপক, ছাত্র, পাঠাগার, শিক্ষাদান-প্রণালীর বর্ণনা প্রসঙ্গে লেখিকা ক্রাসের 'লেকচার' অপেক্ষা টিউটোরিয়াল ক্লাসগুলির প্রাধান্যের ও উৎকর্ষের কথা উল্লেখ করিয়াছেন। তৃতীয় পরিচ্ছেদে 'টার্মের একদিনে'র কথা; 'ঋতুচক্রে' বিভিন্ন ঋতুর পরিবর্তনে লণ্ডনের জীবনধারার পরিবর্তনের কথা উল্লিখিত হইয়াছে।

'ইউরোপ'-এ সুইজারল্যান্ডের আলস পাহাড়ের জেনেভা, লজান, ইন্টারলাকেন প্রভৃতি বিলাস-আবাসগুলির বর্ণনা পড়িয়া রস পাঠকের চোখে অপরূপ রূপলোকের ছবি ভাসিতে থাকে। 'কাফে-রেস্তোরাঁ'য় ইউরোপের খাওয়া-দাওয়ার বর্ণনা, 'দোকান-পসারে' ইউরোপের দোকান-পাট চালানোর ব্যাপারে বিস্ময়কর নৈপুণ্য, 'লণ্ডনে ভারতীয়' নামক অধ্যায়ে ইউরোপে ভারতীয়গণের জীবনযাত্রাপ্রণালী নিখুঁতভাবে অঙ্কিত হইয়াছে। 'মিউজিয়াম ও আট গ্যালারি' নামক অধ্যায়ে ইউরোপের শিল্পনুরাগ ও সৌন্দর্য্যপ্রীতি অকুণ্ঠিত প্রশংসার দাবি করে। 'স্যাণ্ডিনেভিয়ার শিল্প ও ভাস্কর্য্য' গ্রন্থকর্ত্রী লিখিতেছেন, দাস ও ইটালী চিরদিনই শিল্পীর স্বপ্ন দিয়ে ঘেরা দেশ, কিন্তু নরওয়ে ডেনমার্ক সুইডেনের শিল্পও কিছুমাত্র পশ্চাদ্গত

যাঁরা কেশের প্রকৃত উৎকর্ষ সাধনে আগ্রহী...

তাঁদের একটি কথা মনে রাখা উচিত যে প্রকৃত উপকারী কেশ তৈল নির্বাচন না করলে ও যথাযথ প্রণালীতে ব্যবহার না করলে উপকার পাওয়া যায় না। স্নানের আগে মিনিট পাঁচেক চুলের ভেতর ঘষে ঘষে তৈল মাথা প্রয়োজন এবং স্নানের পর পরিষ্কার করে মাথা মুছে চুল শুকিয়ে ফেলা ও সপ্তাহে অন্ততঃ একবার করে মাথা ঘষা বিধেয়।

স্নানের সময় ক্যালকেমিকোর মহাভূঙ্গরাজ তৈল "ভূঙ্গল" ব্যবহারে মাথা স্নিগ্ধ রাখে, স্নায়ু শান্তি করে, রক্তের চাপ কমায় এবং চুল ঘন ও কৃষ্ণবর্ণ করে। বৈকালিক কেশ প্রসাধনে সুগন্ধি বিশুদ্ধ ক্যাষ্টের অয়েল—"ক্যাষ্টেরল" ব্যবহারে কেশগুলোর উন্নতি হয়, কেশমূল পৃষ্ঠ হয় ও মধুর সুগন্ধে মন প্রফুল্ল করে।

এই প্রণালীতে দৈনন্দিন পরিচর্যায় দু'টি কেশ তৈল কিছুদিন ব্যবহার করলে উপকারিতা বুঝতে পারবেন। সপ্তাহে একবার করে সুগন্ধি শ্যাম্পু "সিলটেস" দিয়ে মাথা ও চুল পরিষ্কার করা উচিত। ভূঙ্গল ও ক্যাষ্টেরল এর যে কোন একটিতেও সুফল পাওয়া যায়, তবে দুটিই ব্যবহার করলে কেশের উন্নতি দ্রুত ও নিশ্চিত হয়।

ভূঙ্গল * ক্যাষ্টেরল
সুগন্ধি মহাভূঙ্গরাজ তৈল • সুবাসিত ক্যাষ্টের অয়েল

বিশ্বত প্রণালী জানিতে
"কেশপরিচর্যা" পুস্তিকার জন্য লিখুন।

দি ক্যালকাটা কেমিক্যাল কোং, লি: কলিকাতা-২৯





দ্রুত-ফেনিল সানলাইট না আছড়ে কাচলেও সাদা ও ঝকঝকে করে দেয়



স্বামী হিসেবে সত্যিই আমি ভাগ্যবান কারণ আমার স্ত্রী আমার কাপড়-চোপড়ের বিশেষ যত্ন নেন—সানলাইট সাবানের সাহায্যে। সানলাইট সাবানের দ্রুত-উৎপাদিত ফেনা কাপড়ের সব ময়লা বার করে দেয়, কাপড় আছড়াবার দরকার হয় না। তার মানে আমার পয়সা বাঁচে, কারণ আমার কাপড়-চোপড় টেকে বেশী দিন।



সানলাইট সাবান দিয়ে সহজে ও তাড়াতাড়ি কাপড় কেচে আপনার আমোদ প্রমোদের অবসর বাড়ান। সানলাইট সাবানের কার্যকরী ফেনা কাপড়ের ময়লাকে ঝেঁটিয়ে বার করে দেয়, আর রঙ্গীন কাপড়কে উজ্জ্বল ও ঝকঝকে করে তোলে।



সানলাইট সাবান

কাপড় বাঁচায় • পরিশ্রম বাঁচায় • গরুচ বাঁচায়

বলা যায় না। 'জনশিক্ষা'র বলেন, মিউজিয়াম, চিত্রশালা, গ্রন্থাগার, খবরের কাগজ ও রেডিওর মাধ্যমে জনগণের মধ্যে শিক্ষাবিস্তারকল্পে ইউরোপের অপরিদেয় অধ্যবসায় ও কষ্টব্যবৃদ্ধি বিশেষ প্রশংসার যোগ্য। লণ্ডন বিশ্ববিদ্যালয়ে অধ্যাপক লাক্সার অধ্যাপনা ও পরিচালনাপ্রিয়তা, ইণ্ডিয়া হাউসে উচ্চ পদে ভারতীয়গণের এবং কেরানী ও আর্দালির পদে ইংরেজের সংখ্যাধিকার প্রসঙ্গ, ইউরোপে প্রবাসী আগা খাঁর সহিত এডিয়-লে-বেয়ঁতে লেখিকার সাক্ষাৎ ও আলাপ উপভোগ্য। লিখনভঙ্গী ও বর্ণনাকৌশলে গ্রন্থখানি উপস্থাসের মতই সুখপাঠ্য। প্রচ্ছদপটের চিত্রটিতে শিল্পীর দৃষ্টিতে ইউরোপের রূপ পরিকল্পিত হইয়াছে।

রক্তকমল—শ্রীবিষ্ণু সরস্বতী। বিমলা পাবলিশিং হাউস, ঠাণ্ডা, মুর্শিদাবাদ। মূল্য ১০।

যীশুখ্রীষ্টের জীবনের কতিপয় প্রধান প্রধান ঘটনা অবলম্বনে রচিত কয়েকটি সুললিত ও সুমধুর কবিতার সমষ্টি। হীনতম মানবসম্মান ও মানসের চোখে সূচ্যতম পাপীর প্রতি অনন্ত প্রেম এবং অনুরাগই মহামানব খ্রীষ্টকে কোটি কোটি হৃদয়ের রাজা করিয়াছে। যুগোপযোগী ভাবে ও সুরে অনুপ্রাণিত কবিতাগুলি পড়িলে চিত্ত এক মহান উন্নত ভাবরসে আকৃত হয়। 'কৃষ্ণিকা'র খ্রীষ্ট সম্বন্ধে

বাইবেলোক্ত ঘটনা ও কাহিনীগুলির সংক্ষিপ্ত পরিচয় দিয়া গল্পকার পাঠকের সুবিধা করিয়া দিয়াছেন। কবি ইতিপূর্বে 'যুগশঙ্কা' 'বিরহী মাধব' প্রভৃতি কাব্যগ্রন্থ লিখিয়া কবিপরিচিতি লাভ করিয়াছেন। এই কাব্যগ্রন্থখানি পড়িয়াও পাঠক পরিতৃপ্ত হইবেন।

কাব্যাকালি—শ্রীরমেন্দ্রনাথ মল্লিক। সাহিত্যতীর্থ, ৬৭ পাথুরিয়াঘাট স্ট্রীট, কলিকাতা-৬। মূল্য ১২।

সাহিত্যজগতে নবাগত তরুণ উদীয়মান কবিকে স্বাগত অভিনন্দন জানাইতেছি। তাঁহার কাব্য পুরাতন ছন্দে ও সনাতন ভাবধারায় রচিত হইলেও ইহাতে আধুনিকতম প্রগতিবাদী সুর প্রতিধ্বনিত হইতেছে, নতন ও পুরাতন দুইয়ের সমন্বয়ে কবি পাঠককে তাঁহার প্রথম সৃষ্টি উপহার দিয়াছেন। কিন্তু বর্ণবিভাগে, শব্দচয়নে ও ভাবপকাশে একটি ত্রুটি চোখে পড়িল। কবিতাগুলিতে আধুনিকতম কৃতিত্ব দেখাইতে গিয়া স্থানে স্থানে অজ্ঞানিক দোষ আসিয়া পড়িয়াছে, ভবিষ্যতে কবি ইহা কাটাইয়া উঠিবেন আশা করি। তাঁহার কাব্য উত্তরোত্তর নব নব সুরে ও ছন্দে সম্পূর্ণতালভ করুক ইহা বাঞ্ছনীয়।

শ্রীবিজয়েন্দ্রকুমার শীল

— সত্যই বাংলার গৌরব —

আগড়পাড়া কুটীর শিল্প প্রতিষ্ঠানের
গণ্ডার মার্ক

গেঞ্জী ও ইজের সুলভ অথচ সৌখীন ও টেকসই।

তাই বাংলা ও বাংলার বাহিরে যেখানেই বাঙালী
সেখানেই এর আদর। পরীক্ষা প্রার্থনীয়।

কারখানা—আগড়পাড়া, ২৪ পরগণা।

ব্রাঞ্চ—১০, আপার সার্কুলার রোড, দ্বিতলে, রুম নং ৩২,
কলিকাতা-২ এবং চাঁদমারী ঘাট, হাওড়া স্টেশনের সম্মুখে।

ছোট ক্রিমিরোগের অব্যর্থ ঔষধ

“ভেরোনা হেলমিন্থিয়া”

শৈশবে আমাদের দেশে শতকরা ৬০ জন শিশু নানা জাতীয়
ক্রিমিরোগে, বিশেষতঃ ক্ষুদ্র ক্রিমিতে আক্রান্ত হইয়া ভগ্ন-
বাহ্য প্রাপ্ত হয়, “ভেরোনা” জনসাধারণের এই বহুদিনের
অসুবিধা দূর করিয়াছে।

মূল্য—৪ আঃ শিলি ডাঃ মাঃ সহ—২১০ আনা।

ওরিয়েন্টাল কেমিক্যাল ওয়ার্কস লিঃ

২১৩ বি, গোবিন্দ আড্ডী রোড, কলিকাতা—২৭

কোন—আলিপুর ৪৪২৮

সুপ্রা কালি
দামী ফার্টেন্ট পেনের জন্য

সুপ্রা কালি আজ এত জনপ্রিয় কেন ?

সব বিদেশী দামী কালিকে সে হার মান-
য়েছে, সল-এক্সযুক্ত ও তলানিমুক্ত বলে
অব্যাহত তার প্রবাহ,
বর্ণের স্থায়ী ওজ্জ্বল্য
মনে আনে তৃপ্তির
নিশ্চিত আশ্বাস।
কালির রাসায়নিক
গুণে প্রিয় কলমটি
থাকে চিরনূতন।



সুপার টয়লেট এণ্ড কেমিক্যাল কোং.লিঃ কলিকাতা-৫

দিনে দিনে আরও নির্মল, আরও লাবণ্যময় ত্বক্

ক্যাডিলিয়ুজ রেছোনা কে আপনার
জন্মে এই যাত্রাটি করতে দিন


রেছোনার ক্যাডিলিয়ুজ ফেনা আপনার
গায়ে আস্তে আস্তে ঘ'ষে নিন ও পরে
ধুয়ে ফেলুন। আপনি দেখবেন দিনে
দিনে আপনার ত্বক্ আরও কতো মসৃণ,
কতো কোমল হচ্ছে—আপনি কতো
লাবণ্যময় হ'য়ে উঠছেন।



রেছোনা

ক্যাডিলিয়ুজ একমাত্র সাবান

* ত্বকপোষক ও কোমলতাপ্রসূ কতকগুলি তৈলের বিশেষ
সংমিশ্রণের এক মালিকানী নাম



RP. 118-60 BG

রেছোনা প্রোপ্রাইটারী লিঃএর তরফ থেকে ভারতে প্রস্তুত

ব্রাহ্মসমাজের পঞ্চবিংশতি বৎসরের পরীক্ষিত

বৃত্তান্ত—দেবেন্দ্রনাথ ঠাকুর। সাধারণ ব্রাহ্মসমাজ, ২১১ কর্ণওয়ালিস স্ট্রিট, কলিকাতা-৩। মূল্য দশ আনা।


বাংলা ১২৭১ সালের ২৬শে বৈশাখ মহর্ষি দেবেন্দ্রনাথ ঠাকুর কলিকাতা, পরে আদি ব্রাহ্মসমাজ মন্দিরে 'ব্রহ্মবজ্র সভা'র অধিবেশনে উক্ত বিষয়ে একটি সারগর্ভ বক্তৃতা প্রদান করেন। এই বক্তৃতাটি পূর্বেও অন্তর মুদ্রিত হইয়াছে; সম্প্রতি সাধারণ ব্রাহ্মসমাজ এখানি পুনরায় স্বতন্ত্র পুস্তিকাকারে প্রকাশিত করিয়া পাঠক-সাধারণের ধর্মবাদেরাজন হইয়াছেন। নামেই প্রকাশ, ব্রাহ্মসমাজের প্রথম পঁচিশ বৎসরের বৃত্তান্ত ইহাতে প্রদত্ত হইয়াছে। এই বৃত্তান্ত মহর্ষি দেবেন্দ্রনাথের প্রত্যক্ষীভূত, কাজেই স্বল্পপরিসরে হইলেও পুস্তিকাখানির ঐতিহাসিক মূল্য যথেষ্ট। 'জ্ঞান-শ্রীতি-অনুষ্ঠান' ব্রাহ্মধর্মের এই নূতন আদর্শ দ্বারা সেযুগের যুবকগণ উদ্বুদ্ধ হইয়াছিলেন। "হিন্দু ধর্মকেই উন্নত করিয়া ব্রাহ্মধর্মে পরিণত করিতে হইবে", "ভারতবর্ষের সমুদয় পাদদেশকে একত্রিত করিবার জগৎ সংস্কৃত-রজ্জু চাই"—প্রায় শতবর্ষ পূর্বেকারী এই সব উক্তির যথার্থ আজও আমরা অনুভব করি। পুস্তিকাখানি বাঙালী মাতেরই পঠনীয়।

সমবায় নীতি—রবীন্দ্রনাথ ঠাকুর।

শিক্ষা—রবীন্দ্রনাথ ঠাকুর।

বিষভারতী, ৬৩ দ্বারকানাথ ঠাকুর লেন, কলিকাতা-৭। মূল্য যথাক্রমে আট আনা এবং তিন টাকা।

রবীন্দ্রনাথের মৃত্যুর পর তাঁহার জন্মতিথি উপলক্ষে প্রতি বৎসর স্মৃতি-পূজা হইয়া আসিতেছে। বর্তমান বৎসরেও হইয়া গিয়াছে। বাঙালী-সাধারণের মধ্যে, কি বঙ্গদেশে কি অন্তর্গত ক্রমশঃ বেক্রম ভাবে এই রবীন্দ্র-পূজা ব্যাপ্তিলাভ করিতেছে তাহাতে অনেকে বিস্ময়াবিষ্ট হইয়াছেন। কেহ কেহ ইহাকে 'রবীন্দ্র-বিলাস' বলিয়াও উক্তি করিয়াছেন। আমরা কিন্তু এরূপ ব্যাপ্তিলাভে আদৌ বিস্ময়াবিষ্ট হই নাই, কিংবা 'রবীন্দ্র-বিলাস' বা এরূপ কোন ব্যঙ্গোক্তিও সমর্থন করি না। রবীন্দ্রনাথের জীবনাদর্শ যতই




রেডিয়াম
ট্যালকাম পাউডার ও
স্নো আপনার
ফিফ সজীবতা
দারাদিনের জন্য
অস্বাদন রাখবে

**রেডিয়াম স্নো ও
ট্যালকাম পাউডার**

রেডিয়াম স্যানিটাইজার
কলিকাতা-৩৬

ডায়াপেপসিন

পরিপাক ক্ষমতাকে
শুভন
তেজপূর্ণ করে



**ইউনিয়ন ড্রাগ
কলিকাতা**

**ব্যাঙ্ক অফ বাঁকুড়া
লিমিটেড**

সেন্টাল অফিস—৩৬নং স্ট্রাও রোড, কলিকাতা
আদায়ীকৃত মূলধন—৫০০০০০ লক্ষ টাকার অধিক
ব্রাঞ্চ :- কলেজ স্কোয়ার, বাঁকুড়া।
সেভিংস একাউন্টে শতকরা ২ হারে সুদ দেওয়া হয়।
১ বৎসরের স্থায়ী আমানতে শতকরা ৩ হারে হিসাবে এবং
এক বৎসরের অধিক থাকিলে শতকরা ৪ হারে
সুদ দেওয়া হয়।

চেয়ারম্যান—শ্রীজগন্নাথ কোলে, এম. পি.

সাধারণ্যে প্রকটিত ও প্রচারিত হইবে, বাঙালী জাতি যত বেশী করিয়া ইহার সঙ্গে ঘনিষ্ঠভাবে পরিচিত হইবে ততই রবীন্দ্র স্মৃতি-পূজা ব্যাপকতা লাভ করিবে। কারণ রবীন্দ্র-প্রতিভা শুধু কাব্য, উপন্যাস, গল্প বা নাটকেই নিবদ্ধ নয়—অবশ্য এ সমুদয়ের ভিতর দিয়াও তিনি বঙ্গচিন্তকে উদ্বোধিত করিয়াছেন, কিন্তু জাতির প্রতিটি সমস্তা, প্রতিটি অভাব, প্রতিটি দুর্গতি তাহার জীবন-বীণার তারে ঝঙ্কত হইয়া উঠিয়াছে। আর এসকলের সমাধানে এবং নিরাকরণে তাহার সমুদয় শক্তি—বিশেষ করিয়া মননশক্তি সর্বপ্রকারে নিয়োজিত করিয়াছিলেন। আধুনিক পরিভাষায় যাহাকে বলে 'রচনাত্মক কাব্য', রবীন্দ্রনাথ লেখনীমুখে তাহার ভাবাদর্শ ব্যক্ত করিয়াছেন; আর এই ভাবাদর্শ ব্যক্ত করিয়াই তিনি ক্ষান্ত হন নাই, স্বীয় সাধ্যমত তাহা কল্পে

রূপায়ণেও তিনি প্রতিনিয়ত তৎপর ছিলেন। তিনি কবি, কিন্তু তিনি শুধু ভাবের আকাশে উড়িয়া বেড়ান নাই; ওয়ার্ডসওয়ার্থের চাতক পাখীর মত মস্তকের দিকেও তাহার তীক্ষ্ণ দৃষ্টি ছিল। এই কারণেই তিনি জাতির চিত্তকে জয় করিয়াছেন, সাধারণের সঙ্গে একাত্ম হইয়া উঠিতেছেন। যতই দিন যাইবে ততই এই একাত্মতা বেশী করিয়া পরিস্ফুট হইবে।

আলোচ্য পুস্তক দুইখানি রবীন্দ্রনাথের এই 'রচনাত্মক' দিকটির প্রতিই বিশেষভাবে আলোকপাত করিতেছে। সম্প্রতি 'সমবায়' আন্দোলনের জয়ধ্বনি হইয়া গেল। কিন্তু যখন এদেশে সমবায়ের কথা কেহ ভাবে নাই, কল্পে রূপায়ণ তো দূরের কথা, সেই সময়েই রবীন্দ্রনাথ এবিষয়ে লেখনী-ধারণ করিয়াছিলেন এবং নিজ জমিদারীতে ইহার প্রবর্তনে তৎপর হইয়া-

ছিলেন। 'সমবায়' পুস্তিকাখানিতে বিভিন্ন সময়ে সমবায়ের উপর লিখিত রবীন্দ্রনাথের পাঁচটি প্রবন্ধ (পরিশিষ্ট সমেত) সংকলিত হইয়াছে। প্রবন্ধগুলি পূর্বেও হয়ত বিভিন্ন পত্রিকায় অনেকে পাঠ করিয়াছেন, কিন্তু একত্র সমাবেশেই 'সমবায়' সম্পর্কে রবীন্দ্রনাথের অশ্রুত, বাংলার জনসাধারণ—কৃষকশ্রেণীর মধ্যে ইহার বহুল প্রচারে তাহার আগ্রহ, বিভিন্ন দেশের তুলনায় এখানে ইহার অত্যাশ্চর্যকতা প্রভৃতি নানা বিষয় স্বল্প সময়ে জানিবার সুযোগ ঘটিয়াছে। বিশ্ববিদ্যা-সংগ্রহের শততম গ্রন্থরূপে এখানি প্রকাশ করিয়া বিশ্বভারতী বাংলাভাগী মাসেরই প্রশংসা অর্জন করিলেন। স্বাধীন ভারতে সমবায়ের আদর্শ পল্লীগত হইলে আশ্চর্য মঙ্গল। আজকাল যে 'কমুনিটি প্রোজেক্ট'-এর কথা শোনা যাইতেছে, তাহারও বীজ রবীন্দ্রনাথের কোন কোন লেখায় পাইতেছি।

দ্বিতীয় গ্রন্থ—'শিক্ষা' সম্বন্ধে বিশেষ কিছু বলা আবশ্যিক করে না। রবীন্দ্রনাথ ছিলেন সত্যকার শিক্ষারতী। ১৮৯৩ সন হইতে মুতাকাল পর্যন্ত তিনি বাঙালী তথা ভারতবাসীর শিক্ষা সম্বন্ধে শুধু আলোচনাই করেন নাই, বঙ্গচর্চা বিদ্যালয়, বিশ্বভারতী, শ্রীনিকেতন প্রভৃতি স্থাপন করিয়া স্বীয় ভাবাদর্শ—যাহা ছিল ভারতীয় ভাব ধারণারই সৃষ্ট প্রকাশ—কল্পে রূপায়িত করিয়া গিয়াছেন। 'শিক্ষা' প্রথম পুস্তকাকারে প্রকাশিত হয় বাংলা ১৩১৫ সালে। এখানি ইহার পরিবর্তিত সংস্করণ। ইহাতে বাংলা ১২৯৯ সাল হইতে ১৩৪৩ সাল পর্যন্ত বিভিন্ন সময়ে রচিত ও প্রদত্ত বক্তৃতা-প্রবন্ধ এবং ভাষণ সন্নিবেশিত হইয়াছে। এগুলির মধ্যেও কেহ কেহ কোন কোনটি বা অনেকগুলি ইতিপূর্বেই হয়ত পড়িয়া থাকিবেন। কিন্তু ইহার



ফোন-৩৪—১৬১১
গ্রাম-ট্রিলিয়াক্স

এম. এ. সরকার এও সন্স

পুস্তকচর্চা-সংস্করণের অশ্রুতের আভিজাত্য ও ইতিব-বুঝসাহায্য

১৬৭ সি, ১৬৭ সি/১ বহুবাজার স্ট্রীট কলিকাতা (আমহার্ট স্ট্রীট ও বহুবাজার স্ট্রীটের সংযোগস্থলে) আমাদের পুরাতন শোকসের বিপরীত দিকে

ব্রাঞ্চ-হিন্দুস্থান স্ট্রীট বালিগঞ্জ: ১৫৯/১ বি, রাসবিহারী এভিনিউ
কলিকাতা : ফোন পি.কে. ৪৯১৬

সমুদয় বা কোন কোনটি এখন নূতন করিয়া পাঠ করিলেও আমাদের উপলক্ষি হইবে যে, প্রায় অর্ধ-শতাব্দী পূর্বে রবীন্দ্রনাথ প্রচলিত শিক্ষাপদ্ধতির যে সব ত্রুটি-বিচ্যুতির কথা আমাদের চোখে আঙ্গুল দিয়া দেখাইয়া দিয়াছিলেন, আজিও তাহা সম্পূর্ণ নিরাকৃত হয় নাই। বরং কোন কোনটি বিশাল সমাজ-দেহকে বিবাক্ত করিয়া নিয়ত ক্ষয়ের দিকেই লইয়া যাইতেছে। শিক্ষার আদর্শ এবং প্রণালী আমাদের ছেলেমেয়েদের 'মানুষ' করিয়া তুলিবার পক্ষে নিতান্তই অসুপযুক্ত ও অযথেষ্ট। মানসিক শক্তির বিকাশ, চরিত্রগঠন, সমাজ-কল্যাণ—যে শিক্ষায় এবং বিধি বিধয়সমূহের ক্ষুণ্ণিতা না হইল তাহা শিক্ষার পর্যায়সীমাই পড়ে না। বিশ্বপ্রকৃতির সঙ্গে আমরা নিজেদের একাত্ম করিয়া ভাবিতে শিখি নাই। জাতির বর্তমান প্রধানতম সমস্যা—শিক্ষার আদর্শ স্থাপন এবং প্রণালী নির্ধারণ। এই সময়ে রবীন্দ্রনাথের চিন্তাধারা আমাদের বিশেষ কাজে আসিবে নিঃসন্দেহ। রবীন্দ্রনাথ-কথিত বিশেষ বিশেষ বিষয়—যেমন শিক্ষার বাহন প্রভৃতি আলোচনার যোগ্য তো বটেই, কিন্তু আজ বেশী করিয়া প্রয়োজন হইয়া পড়িয়াছে ঐ দুইটি। আর সময় নাই; আজই আমাদের শিক্ষার হালচাল পরিবর্তন ও সংশোধন করিতে হইবে। জাতির কিশোরসমাজ আমাদের নিকট আজ এই দাবিই করিতেছে। এই সময়ে রবীন্দ্রনাথের ভাবাদর্শ আমাদের পথনির্দেশক হোক। 'শিক্ষা'র বহুল প্রচার কাম্য। অ-বঙ্গ-ভাষী ও যাহাতে ইহার বিষয়বস্তুর সঙ্গে পরিচয় লাভ করিতে পারেন তাহার ব্যবস্থা হওয়া আবশ্যিক।

নবযুগের বাংলা (প্রথম অংশ, দ্বিতীয় অংশ)—বিপিনচন্দ্র পাল। যুগযাত্রী প্রকাশক লিঃ, ৪১-এ বলদেও পাড়া রোড, কলিকাতা-৬। মূল্য প্রতি অংশ এক টাকা।

'বিপিনচন্দ্র রচনাবলী'র অন্তর্গত উক্ত পুস্তক ক্রমশঃ প্রকাশিত হইতেছে। প্রথম অংশ—বাংলার বৈশিষ্ট্য, যুগ-প্রবর্তক রামমোহন ও ইংরেজী শিক্ষার প্রথম যুগ : যুক্তিবাদ ও ব্যক্তিবাদ; এবং দ্বিতীয় অংশ—ব্রাহ্মসমাজ ও দেবেন্দ্রনাথ, ব্রাহ্মসমাজ ও ব্রহ্মানন্দ, ব্রাহ্মসমাজ ও স্বাধীনতার সংগ্রাম (প্রথম অধ্যায়) ও ঐ (দ্বিতীয় অধ্যায়) প্রকাশিত হইয়াছে। প্রবন্ধগুলি প্রথমে মাসিকপত্র বাহির হইয়াছিল। সকল প্রবন্ধই, মায় গিরিশচন্দ্রের নাট্য-প্রতিভা বিষয়ক প্রবন্ধ পাঁচ অংশে পাঁচ মাসের মধ্যে বাহির করিতে প্রকাশকগণ মনস্থ করিয়াছেন। মনখী বিপিনচন্দ্র পালের বহু হুচিস্থিত প্রবন্ধ বিভিন্ন মাসিক পত্র ছড়াইয়া আছে। এসমুদয় পুস্তকাকারে প্রকাশিত হইলে একটি সত্যিকার অভাব বিদূরিত হইবে, সঙ্গে সঙ্গে বাংলার মনন-সাহিত্যও বিশেষ সমৃদ্ধ হইবে। পুরাতন মাসিক পত্র দুস্ত্রাপ্য, সাধারণের পক্ষে সহজে পড়িতে পাওয়া একরূপ অসম্ভব। একরূপ অবস্থায় বাঙালী পাঠকমাজেই এই প্রয়াসকে অভিনন্দিত করিবেন। বিপিনচন্দ্রের মনস্বিতা কত প্রগাঢ় ও ব্যাপক, তাহার প্রবন্ধগুলি পাঠ করিলে তাহা সম্যক উপলক্ষি হয়। বাংলাভাষী পাঠকসমাজ 'বিপিনচন্দ্র রচনাবলী'র অন্তর্গত পুস্তকসমূহ পাঠে অবহিত হইলে আমরা নিজেদের ক্লান্তিতে বৃথিতে পারিব। ইহা বর্তমানে একান্ত আবশ্যিক। আত্মপ্রত্যয় এবং দেশজ্ঞান স্বাধীনতা পথ-যাত্রীদের প্রধানতম সম্বল। এই রচনাবলীর বহুল প্রচার বাঞ্ছনীয়। একটি কথা সঙ্কলয়িতাদের সর্বিনয়ে নিবেদন করিব। কোন প্রবন্ধ কোন মাসিক-পত্রে কবে প্রকাশিত হইয়াছে তাহার নির্দেশ থাকিলে ভাল হয়

শ্রীযোগেশচন্দ্র বাগল

অগ্রগতির পথে নূতন পদক্ষেপ

হিন্দুস্থান তাহার ষাট্রাপথে প্রতি বৎসর
নূতন নূতন সাফল্য, শক্তি ও সমৃদ্ধির
গৌরবে ক্ষুণ্ণ অগ্রসর হইয়া চলিয়াছে।

১৯৫৩ সালে
নূতন বীমা :

১৮ কোটি ৮০ লক্ষ টাকার উপর :

আলোচ্য বর্ষে পূর্বে বৎসর অপেক্ষা নূতন
বীমায় ২ কোটি ৪২ লক্ষ টাকা বৃদ্ধি
ভারতীয় জীবন বীমার ক্ষেত্রে সর্বাধিক।
ইহা হিন্দুস্থানের উপর জনসাধারণের অবিচলিত
স্বাস্থ্যর উজ্জ্বল নিদর্শন।

হিন্দুস্থান কো-অপারেটিভ

ইন্সিওরেন্স সোসাইটি, লিমিটেড

হিন্দুস্থান বিল্ডিংস, কলিকাতা-১৩



দেশ-বিদেশের কথা



আচার্য যোগেশচন্দ্র রায় বিদ্যানিধির সম্বন্ধনা

গত ১৭ই বৈশাখ বঙ্গীয় সাহিত্য পরিষদের বিষ্ণুপুর শাখার কতিপয় সভ্য বাঁকুড়া গিয়া আচার্য যোগেশচন্দ্র রায় বিদ্যানিধি মহাশয়কে সংবন্ধনা জ্ঞাপন করেন। উক্ত প্রতিষ্ঠানের পক্ষ হইতে আচার্য যোগেশচন্দ্রকে একটি মানপত্র দেওয়া হয়। ঐ দিনই তাঁহার সম্মতিক্রমে বঙ্গীয় সাহিত্য পরিষদ, বিষ্ণুপুর শাখার মিউজিয়মটির নামকরণ করা হয়—“যোগেশচন্দ্র পুরাকৃতি ভবন।” পুরাকৃতি ভবন কথাটি আচার্য বিদ্যানিধি মহাশয় কর্তৃক উদ্ভাবিত। উক্ত মিউজিয়মে সংরক্ষণের জন্ত আচার্য যোগেশচন্দ্র একটি “সূর্যামূর্তি” দান করেন।

ক্ষিতীশ মুক-বধির বিদ্যালয়, বাঁচ

বাঁচির ক্ষিতীশ মুক-বধির বিদ্যালয় একটি বিশিষ্ট জনকল্যাণ-মূলক প্রতিষ্ঠান। বিহার প্রদেশে মুক-বধিরের সংখ্যা প্রায় ২৬০০০,



বাঁচি মুকবধির বিদ্যালয়ের শিক্ষক, ছাত্র ও কর্মীবৃন্দ। মধ্যস্থলে সম্পাদক শ্রীবিজয়কৃষ্ণ দত্ত এম-এসসি (উপবিষ্ট বাম দিক হইতে তৃতীয়)

তন্মধ্যে কয়েক হাজার মুক-বধির বালক বালিকা বিদ্যালয়ে প্রেরণ-যোগ্য। কিন্তু হুংগের বিষয়, সরকার ইহাদের উপযুক্ত শিক্ষাব্যবস্থার প্রয়োজনীয়তা সম্বন্ধে আশামূরূপ অবহিত নন। ১৯৩৮ সনে স্থাপিত এই প্রতিষ্ঠানটির নাম ছিল ছোটনাগপুর মুক-বধির বিদ্যালয়।

বর্তমানে প্রতিষ্ঠাতা পরলোকগত ক্ষিতীশচন্দ্র বসু মহাশয়ের নামানুসারে ইহার নূতন নামকরণ হইয়াছে। মন্ত্রী মহোদয়গণ, শাসন-অধিকর্তা, শিক্ষা-অধিকর্তা, কলিকাতা মুক-বধির বিদ্যালয়ের অধ্যক্ষ, বিদ্যালয়ের পরিদর্শক প্রভৃতি এই প্রতিষ্ঠান পরিদর্শন করিয়া



বাঁচি ক্ষিতীশ মুক-বধির বিদ্যালয়ের শিল্পবিভাগ

এখানকার কর্মপ্রচেষ্টার ভূয়সী প্রশংসা করিয়াছেন। ছোটনাগপুর আদিবাসী-সম্প্রদায়ের শ্রীসহরাই টিরকী নামক জর্নৈক আদিবাসী শিক্ষক ১৯৩৮ সন হইতে এই প্রতিষ্ঠানে শিক্ষকতা কার্যে নিযুক্ত আছেন। এই প্রতিষ্ঠানের উন্নতিকল্পে মুক-বধির শ্রীমতী খুলিয়া টোপো অক্লান্তভাবে পরিশ্রম করিতেছেন। বর্তমানে এই প্রতিষ্ঠানের ছাত্রসংখ্যা ৩০ জন। লেখাপড়া ছাড়া ছাত্রগণকে কাটা কাপড়ের কাজ, তাঁতবোনা, সূতাকাটার কাজ, কাঠের কাজ ও চিত্রাঙ্কন শিক্ষা দেওয়া হয়। ক্ষিতীশচন্দ্র বসুর সহকর্মী শ্রীবিজয়কৃষ্ণ দত্ত, এম-এসসি মহাশয়ের অক্লান্ত ও নিঃস্বার্থ কর্মপ্রচেষ্টায় এই বিদ্যালয়ের একটি নিজস্ব গৃহনির্মাণ সম্ভব হইয়াছে।

সমগ্র ছোটনাগপুর বিভাগে ইহাই মুক-বধিরদের একমাত্র শিক্ষা-প্রতিষ্ঠান, কিন্তু বিহার সরকার ও বাঁচি পৌরসভার নিকট হইতে ইহা যে সাহায্য পাইয়া থাকে তাহা প্রয়োজনের তুলনায় খুবই কম।

সরকার এবং জনসাধারণ সকলেরই এই প্রতিষ্ঠানের উন্নতিকল্পে মনোযোগী হওয়া উচিত।

প্রবাসী বাঙালী সম্মেলন পাঠাগার, কসৌলী

হিমালয় পর্বতের উপবিহিত ক্ষুদ্র কোঁজী ষ্টেশন কসৌলীতে
প্রবাসী বাঙালীর সংখ্যা নগণ্য, তথাপি বাংলা সাহিত্য ও সংস্কৃতির



কসৌলী, বাঙালী সম্মেলন পাঠাগারের উৎসবে সমবেত মহিলা,
পুরুষ ও বালক-বালিকাগণ

সহিত যোগাযোগ রক্ষা করিবার জ্ঞত কসৌলীতে 'প্রবাসী বাঙালী
সম্মেলন পাঠাগার' নামক প্রতিষ্ঠানে গত বারো বৎসর ধরিয়৷



কসৌলী-প্রবাসী বাঙালী শিল্পী-নির্মিত সরস্বতী মূর্তি

— সদ্যপ্রকাশিত নূতন ধরণের দুইটি বই —

বিশ্ববিখ্যাত কথাশিল্পী আর্থার কোয়েষ্টলারের

'ডার্কনেস্ অ্যাট নুন'

নামক অমুপম উপন্যাসের বঙ্গানুবাদ

“মধ্যাহ্নে আঁধার”

ডিমাই ৫ সাইজে ২৫৪ পৃষ্ঠায় সম্পূর্ণ

শ্রীনীলিমা চক্রবর্তী কর্তৃক

অতীব হৃদয়গ্রাহী ভাষায় ভাষান্তরিত

মূল্য আড়াই টাকা।

প্রসিদ্ধ কথাশিল্পী, চিত্রশিল্পী ও শিকারী

শ্রীদেবীপ্রসাদ রায়চৌধুরী

লিখিত ও চিত্রিত

“জঙ্গল”

সবল সুবিন্যস্ত ও প্রাণবন্ত ভাষায়

ডবল ক্রাউন ৫ সাইজে ১৮৪ পৃষ্ঠায়

চৌদ্দটি অধ্যায়ে সুসম্পূর্ণ

মূল্য চারি টাকা।

প্রাপ্তিস্থান : প্রবাসী প্রেস—১২০।২, আপার সারকুলার রোড, কলিকাতা—২

এবং এম. সি. সরকার এণ্ড সন্স লিঃ—১৪, বঙ্কিম চাটাজি ষ্ট্রীট, কলিকাতা—১২

চেষ্টায় ত্রুটি করে নাই। প্রতিষ্ঠানের গ্রন্থাগার শ্রেষ্ঠ সাহিত্যিকগণের গ্রন্থসম্বলিতে সমৃদ্ধ, সাময়িকপত্রাদিও এখানে নিয়মিত ভাবে রাখা হয়। কসৌলী-প্রবাসী বাঙালী সম্মেলন পাঠাগারের উদ্যোগে "বাণী অর্চনা" উৎসব সূত্রে ভাবে উদ্‌ঘাটিত হইয়া থাকে।

পূর্ণিমা সম্মেলন

গত ৫ই বৈশাখ সন্ধ্যায় বাগবাজার রোডিং লাইব্রেরী হলে

বাণীমন্দির সঙ্গীত সমাজ, সাহিত্যসভা ও তরুণসঙ্ঘের উদ্যোগে পূর্ণিমা সম্মেলনের প্রথম অধিবেশন অনুষ্ঠিত হয়। এই অনুষ্ঠানে পৌরোহিত্য করেন প্রবাসী-সম্পাদক শ্রীকেশবনাথ চট্টোপাধ্যায়। শ্রীযুক্ত মনমথমোহন বসু প্রথমে মাস্তুলিক উচ্চারণ করিয়া সভার উদ্বোধন করেন। ইহার পর শ্রীঅক্ষয়কুমার গঙ্গোপাধ্যায় ও শ্রীহীবেন্দ্রকুমার গঙ্গোপাধ্যায়ের বক্তৃতার পর সভাপতি মহাশয় সময়োপযোগী একটি মনোজ্ঞ ভাষণ দেন। তিনি তাঁর ভাষণে বর্তমান সাহিত্য ও শিল্পের গতিপ্রকৃতি বিশ্লেষণ করিয়া বাঙালী তরুণ-সম্প্রদায়কে স্বজনধর্মী সাহিত্যসৃষ্টির জ্ঞান আবেদন জানান। অতঃপর বিখ্যাত সঙ্গীতশিল্পী



পূর্ণিমা সম্মেলনের অধিবেশন। মাইকের সামনে উপবিষ্ট শ্রীমনমথমোহন বসু, তাঁহার বাম পার্শ্বে—সভাপতি শ্রীকেশবনাথ চট্টোপাধ্যায়, শ্রীঅক্ষয়কুমার গঙ্গোপাধ্যায় প্রভৃতি



অমৃতাজিন

সর্বপ্রকার বেদনায় 'আণবিক বোম্বার' ন্যায় কার্যকরী!

দাদেয় মলম

চর্ম রোগে 'পরমানু শক্তির' ন্যায় কার্যকরী!
অমৃতাজিন লিঃ-পোঃ বক্স নং ৩৮২৫-২, মিলকতা ৭

স্বাগিতা ১৮৯৩



চিত্রশিল্পী শ্রীচিত্তরঞ্জন রায়

সম্প্রতি মুম্বাইতে অনুষ্ঠিত "অল ইণ্ডিয়া থাট্রি, স্বদেশী এণ্ড ইণ্ডাস্ট্রিয়াল এগজিবিশনে"র কলাবিভাগে প্রদর্শিত "অবসরপ্রাপ্ত কাপ্তান" নামক প্রতিকৃতি-চিত্রের জন্ম মাদ্রাজপ্রবাসী শিল্পী



শিল্পী শ্রীচিত্তরঞ্জন রায়

শ্রীযুক্ত চিত্তরঞ্জন রায় প্রথম পুরস্কার লাভ করিয়াছেন। ইনি প্রখ্যাত ভাস্কর ও শিল্পী শ্রীদেবীপ্রসাদ রায় চৌধুরীর একজন কৃতী ছাত্র। শ্রীহট্ট জেলার সমিপুর গ্রাম ইহার জন্মস্থান।




হাটের পথে

[শিল্পী—মণীষী দে]

ভ্রম সংশোধন

প্রবাসী, জ্যৈষ্ঠ ১৩৬১ : রডীন চিত্র "শ্রীচৈতন্য ও বাসুদেব সার্কর্ভোম"-এর শিল্পী 'শ্রীবীরেশ্বর গঙ্গোপাধ্যায়' স্থলে 'শ্রীবীরেশচন্দ্র গঙ্গোপাধ্যায়' পড়িতে হইবে।
: ১৫৯ পৃষ্ঠার ২য় স্তম্ভের ৩য় পংক্তির "*" হইবে না। "*" চিহ্নিত নিম্নের পাদটীকাও বর্জনীয়।






आदिवासी

श्रीमती. श्रीमती. श्रीमती.


श्रीमती. श्रीमती. श्रीमती.



श्री श्रीमद्भक्त प्रसाद . श्रीमद्भक्त प्रसाद . श्रीमद्भक्त प्रसाद



श्री श्रीमद्भक्त प्रसाद . श्रीमद्भक्त प्रसाद . श्रीमद्भक्त प्रसाद



“সত্যম্ শিবম্ সুন্দরম্
নায়মাস্মা বলহীনেন লভ্যঃ”



১৪শ ভাগ
২ম খণ্ড

শ্রাবণ, ১৩৩১

৪র্থ সংখ্যা

বিবিধ প্রসঙ্গ

ভাঙ্গা-নাজাল

ইতিহাসের স্রোতের মধ্যে অবস্থিত যাহারা তাহাদের পক্ষে স্রোতের গতি, লক্ষ্য বা পরিমাণ অনুমান করা দুর্লভ। আমরা—ভারত-বাসীরা—কতকটা সেইরূপ অবস্থায় রহিয়াছি। বর্তমান বা অতীত-নিকট ভবিষ্যতের বাহিরে দৃষ্টিক্ষেপ করিবার অবসর, ক্ষমতা ও বিচার-বুদ্ধি আমাদের মধ্যে অতি অল্প লোকেরই আছে। আজিকার ব্যক্তিগত সমস্যাই আমাদের এরূপ আচ্ছন্ন করিয়া রহিয়াছে যে, দূরস্থ বা ভিন্ন ক্ষেত্রস্থ সমস্যা ও তাহার সমাধানের চিন্তাই আমাদের আয়ত্তের বাহিরে। ইহার নিদর্শন আমরা সম্প্রতি পাইয়াছি।

পঞ্জাবের দুইটি প্রধান উর্দু দৈনিক “মিলাপ” ও “প্রতাপ” দেশবিভাগের পর লাহোর হইতে ভারতে চলিয়া আসে এবং আসিবার পর হইতেই পণ্ডিত নেহরুর মন্ত্রীসভার কার্যাবলীর তীব্র সমালোচনা, নিন্দা ও বিদ্রূপ সমানে চালায়। মাঝে ঐ মন্তব্য এতই বিষাক্ত হয় যে, ঐ দুই পত্রিকার উপর কর্তৃপক্ষ কঠোর হস্তক্ষেপ করেন। অবশ্য সেই হস্তক্ষেপ স্থায়ী হয় নাই, কেননা সংবাদপত্র-জগৎ ঐরূপে সংবাদপত্রের স্বাধীনতার উপর হস্তক্ষেপে চঞ্চল ও মুগ্ধ হইয়া উঠে ও ফলে ঐ দুইটি সংবাদপত্রের মতামত প্রকাশের বাধা সরাইতে কর্তৃপক্ষ বাধ্য হইয়াছিলেন।

সম্প্রতি ভাঙ্গা-নাজাল বাধ ও সেচপ্রণালীর প্রথম অংশের উদ্বোধন হইয়াছে। উক্ত বাধ ও সেচপ্রণালী এবং তাহার আনুষঙ্গিক বিদ্যুৎ-উৎপাদন ব্যবস্থার পূর্ণ বিবরণ, যাহা পূর্ব-পঞ্জাবের মুখ্যমন্ত্রী শ্রীভীমসেন সাচার তাঁহার বক্তৃতায় দিয়াছেন, আমরা অঙ্কিত দিলাম।

ভাঙ্গা-নাজালের সেচপথে জল চলিবার সঙ্গে সঙ্গেই “মিলাপ” ও “প্রতাপ” সুর বদলাইয়াছেন। দুই পত্রিকাই মুক্তকণ্ঠে স্বীকার করিয়াছেন যে, তাঁহারা স্বপ্নেও ভাবেন নাই যে পঞ্জাব, পেপসু ও রাজস্থানের সর্বাপেক্ষা জটিল, মরণ-বাচনের সমস্যায় এইরূপ সমাধান পণ্ডিত নেহরুর শাসনতন্ত্র কোনও দিনই করিতে পারিবে। “মিলাপ” লিখিয়াছেন, “যখন পণ্ডিত নেহরু কোণঠাসা হইয়া আবেদন করিয়াছিলেন যে, তাঁহাকে দশ বৎসর সময় দেওয়া হউক, তখন আমরা বিদ্রূপ করিয়া ঐ আবেদনকে উড়াইয়া দিয়াছিলাম।

আজ সাত বৎসরও পূর্ণ হয় নাই, কিন্তু যাহা দেখিতেছি তাহা স্বপ্নাতীত।” ভাঙ্গা-নাজাল অঞ্চল পূর্ব-পঞ্জাবের অন্তর্গত, অঞ্চল ঐ প্রদেশেরই দুই প্রধান সংবাদপত্র এইরূপে বিস্তৃত হইয়াছে। ইহাতেই বুঝা যায় আমাদের কুপক্ষ অস্বাভাব প্রকৃত রূপ।

ভাঙ্গা-নাজাল পঞ্চবাষকী পত্রিকার অংশমাত্র। ঐ পত্রিকার পূর্ণ রূপ ধারণ করিলেই যে দেশের ও দেশের সকল সমস্যায় সমাধান হইবে এ কথা কেহই বলে না। তবে যাহারা শুধুমাত্র নেতিবাচক ও নিন্দাবাদের আশ্রয় লইয়া উচ্চকণ্ঠে নিজস্বের ভিত্তিবুদ্ধি ও বিচক্ষণতার পরিচয় দিয়া থাকেন ভাঙ্গা-নাজাল তাঁহাদের অজ্ঞতার কিছু প্রমাণ দিয়াছেন।

জগদ্বিখ্যাত মার্কিন বৈজ্ঞানিক টমাস এডিসন বলিয়াছিলেন, “মানুষের জগতে এমন কোনও সমস্যা আসিতে পারে না যাহার সমাধান মানুষ উদ্যোগ, পরিশ্রম ও বুদ্ধির সাহায্যে করিতে পারে না।” ভাঙ্গা-নাজাল ঐ উক্তির উপর আলোকপাত করিতেছে।

দেশবিভাগের পূর্বে পূর্ব-পঞ্জাব অঞ্চল খাদ্যশস্য ইত্যাদিতে বিশেষ সমৃদ্ধ ছিল না। বরঞ্চ সেখানে কিছু অভাবই ছিল। অঞ্চল আজ পূর্ব-পঞ্জাবে গম নয় টাকা মণ, ডাল এগার টাকা হইতে ডের টাকা মণ, খাঁটি ঘি সাড়ে তিন টাকা সের, সরিষার তৈল এক টাকা চারি আনা সের, দুধ টাকার সওয়া ছয় সের। অর্থাৎ, ভারতের অন্যান্য প্রদেশের তুলনায় ঐ দেশ খাদ্যপূর্ণ ও সম্ভার অঞ্চল। ইহার পিছনে আছে পঞ্জাবী—বিশেষতঃ পশ্চিম-পঞ্জাব হইতে আগত উদ্বাস্ত পঞ্জাবী—চারী ও শ্রমিকের পরিশ্রমশীলতা, আত্মনির্ভরতা ও উদ্যোগ। ভিত্তিবুদ্ধি তাহাদের নিকট ঘৃণ্য। সুতরাং ভাঙ্গা-নাজালের জলসেচ ও বিদ্যুৎ-সরবরাহ তাহাদের ভবিষ্যৎ উজ্জ্বল করিয়া দিবে তাহারা বিশ্বাস করিতেছে এবং ঐ বিশ্বাসের প্রতিচ্ছায়া আমরা পাই “মিলাপ” ও “প্রতাপের” সম্পাদকীয় স্তম্ভে।

ভাঙ্গা-নাজালের সার্থকতার আর একটি প্রমাণ পাকিস্তানী মুসলীম লীগ সরকারের তীব্র গোত্রদাহ। ঐ বাধ, সেচ-প্রণালী ও বিদ্যুৎ-উৎপাদন কেন্দ্র যখন পূর্ণ রূপ ধারণ করিবে তখন উক্ত-ভাঙ্গা-নাজাল কল্পিত সবল ও স্বয়ংসম্পূর্ণ হইবে তাহার পরিচয় উহাতেই পাওয়া যায়। ভাঙ্গা-নাজাল সমস্ত ভারতের আলোকিত।

চু-এন-লাই-নেহরু আলোচনা

গত মাসে রাজনৈতিকক্ষেত্রে দুইটি গুরুত্বপূর্ণ আলোচনা হয়। একটি নয়াদিল্লীতে অষ্টটি ওয়াশিংটনে। নয়াদিল্লীর আলোচনাই ভারতের ভবিষ্যৎ হিসাবে অধিক গুরুত্বপূর্ণ। চীনের প্রধানমন্ত্রীর এদেশে আগমন ও দীর্ঘকাল আলোচনা করা এই দুই ব্যাপারই বিশ্ব-পরিস্থিতির উপর প্রভাব বিস্তার করিবে। তবে তাহার প্রত্যক্ষ ফল আমাদের গোচরীভূত হইবার সময় হয়ত এখনও আসে নাই।

চু-এন-লাই-নেহরু আলোচনা সম্পর্কে যে যুক্ত বিবৃতি প্রকাশিত হইয়াছে, তাহাতে বলা হইয়াছে যে, ইন্দোচীনের যুদ্ধ-বিবৃতি সম্পর্কে জেনেভা আলোচনার যে কিছু অগ্রগতি হইয়াছে, উভয় প্রধানমন্ত্রী সম্ভাষণসহকারে তাহা লক্ষ্য করেন। তাঁহারা ঐকান্তিকতার সহিত আশা করেন যে, অদূর ভবিষ্যতে এই প্রচেষ্টা সাফল্যমণ্ডিত হইবে এবং উহার ফলে উপরোক্ত অঞ্চলের সমস্যা-সমূহ সম্পর্কে একটা রাজনৈতিক মীমাংসা হইবে।

উভয় প্রধানমন্ত্রীই প্রস্তাব করেন যে, ইন্দোচীনে রাজনৈতিক মীমাংসার উদ্দেশ্য হওয়া উচিত স্বাধীন, গণতান্ত্রিক, সুসংহত ও স্বতন্ত্র রাজ্যসমূহ গঠন করা। এই রাজ্যগুলিকে আক্রমণাত্মক উদ্দেশ্যে ব্যবহার করা হইবে না এবং এই রাজ্যগুলিতে বৈদেশিক হস্তক্ষেপ করিতে দেওয়া চলিবে না।

তিক্তীয় বাণিজ্য লইয়া উভয় দেশের মধ্যে সম্পাদিত চুক্তির পাঁচটি ধারাই উভয় প্রধানমন্ত্রী সমর্থন করেন। উক্ত পাঁচটি ধারায় নিম্নের নীতিগুলি স্বীকৃত হইয়াছে : পারস্পরিক আঞ্চলিক অখণ্ডতা ও সার্বভৌমত্বের প্রতি পরস্পরের সম্মান প্রদর্শন ; অনাক্রমণ ; পরস্পরের আভ্যন্তরীণ ব্যাপারে হস্তক্ষেপ না করা ; সমতা ও পারস্পরিক উপকার সাধন এবং শান্তির সহিত একত্রে অবস্থান। তাঁহারা মনে করেন যে, এশিয়ার অগাধ রাষ্ট্র তথা বিশ্বের অগাধ অংশের সহিত তাঁহাদের সম্পর্ক স্থাপনের ব্যাপারেও এই নীতিগুলি মানিয়া চলা উচিত।

উভয় প্রধানমন্ত্রী স্বীকার করেন যে, এশিয়া তথা বিশ্বের বিভিন্ন অংশে বিভিন্ন ধরনের সামাজিক ও রাজনৈতিক পদ্ধতি প্রচলিত। কিন্তু উল্লিখিত নীতিগুলি যদি স্বীকার করিয়া লওয়া হয় এবং কোনও দেশ যদি অপর দেশের ব্যাপারে হস্তক্ষেপ না করে, তাহা হইলে এই প্রভেদ শান্তি স্থাপনের পথে অন্তরায় হইবে না, অথবা কোনও সংঘর্ষেরও সৃষ্টি করিবে না।

প্রধানমন্ত্রীদের বিশেষভাবে এই আশা প্রকাশ করেন যে, উপরোক্ত নীতিগুলি ইন্দোচীনের সমস্যা সমূহ সমাধানের ক্ষেত্রেও প্রয়োগ করা হইবে।

যুক্ত বিবৃতিতে আরও বলা হইয়াছে যে, উভয় প্রধানমন্ত্রী ভারত ও চীনের সাধারণ স্বার্থসংশ্লিষ্ট বহু বিষয়ে আলোচনা করিয়াছেন। দক্ষিণ-পূর্ব এশিয়ায় শান্তি প্রতিষ্ঠার সম্ভাবনা এবং জেনেভা সম্মেলনে ইন্দোচীন সমস্যা সংক্রান্ত আলোচনার গতি-প্রকৃতি উভয় প্রধান-মন্ত্রীর আলাপে বিশেষ স্থান লাভ করিয়াছে।

উভয় প্রধানমন্ত্রীর আলোচনার উদ্দেশ্য ছিল, জেনেভায় এবং অগাধ শান্তিপূর্ণ মীমাংসার জন্ম যে সকল চেষ্টা হইতেছে, তৎসমূহে যথাসম্ভব সাহায্য করা। তাঁহাদের প্রধান উদ্দেশ্য ছিল, পরস্পরের সহিত এবং অগাধ দেশের সহিত সহযোগিতা করিয়া শান্তিরক্ষার কার্যে সাহায্য করিবার জন্ম পরস্পরের মনোভাব আরও ভাল করিয়া বুঝা।

যুক্ত বিবৃতিতে আরও প্রকাশ, উভয় প্রধানমন্ত্রীর এই আলোচনা অমুষ্টিত হইয়াছিল এশিয়ার সমস্যা সমূহ আরও বিশদভাবে হৃদয়ঙ্গম করিবার কার্যে সাহায্য করিবার জন্ম এবং এই সকল সমস্যা ও অমুরূপ অগাধ সমস্যা সমাধানের ব্যাপারে বিশ্বের অপরাপর রাষ্ট্রের সহিত একযোগে শান্তিপূর্ণভাবে চেষ্টার কার্যকে অগ্রসর করিবার জন্ম।

উভয় প্রধানমন্ত্রীই স্বীকার করেন যে, উভয় দেশের মধ্যে যাহাতে পারস্পরিক বুঝাবুঝি পূর্ণমাত্রায় চলিতে থাকে, তন্মুখ্যে তাঁহাদের উভয় দেশের মধ্যে ঘনিষ্ঠ যোগাযোগ বন্ধিত হওয়া আবশ্যিক।

ভারত ও চীনের প্রধানমন্ত্রীদের যুক্ত বিবৃতির পূর্ণ বয়ানের প্রায়শ্চেষ্টে বলা হইয়াছে, "চীনা জনগণের রিপাব্লিকের প্রধানমন্ত্রী ও পররাষ্ট্রমন্ত্রী মিঃ চু-এন-লাই দিল্লীতে আগমন করেন ভারতীয় রিপাব্লিকের প্রধানমন্ত্রী ও পররাষ্ট্রমন্ত্রী জীজবাহরলাল নেহরুর আমন্ত্রণে। তিনি তিন দিন এখানে অবস্থান করেন। এই সময়ের মধ্যে উভয়ে চীনের সাধারণ স্বার্থসংশ্লিষ্ট বহু বিষয়ে, বিশেষতঃ দক্ষিণ-পূর্ব এশিয়ায় শান্তি স্থাপনের সম্ভাবনা এবং জেনেভা সম্মেলনে ইন্দোচীন সংক্রান্ত আলোচনার গতি-প্রকৃতি সম্পর্কে আলোচনা করিয়াছেন। ইন্দোচীন পরিস্থিতি এশিয়ায় তথা বিশ্বে শান্তি প্রতিষ্ঠার ব্যাপারে বিশেষ গুরুত্বপূর্ণ ; এইজন্যই জেনেভা সম্মেলনে এবং অগাধ শান্তি প্রতিষ্ঠার জন্ম যে সকল প্রচেষ্টা চলিতেছে, উভয় প্রধানমন্ত্রী সাগ্রহে তাহার সাফল্য কামনা করেন।

সম্প্রতি চীন ও ভারতের মধ্যে তিক্তীয় বাণিজ্য সম্পর্কে সম্পাদিত চুক্তিতে পারস্পরিক অনাক্রমণ, আঞ্চলিক অখণ্ডতা রক্ষা প্রভৃতি পূর্বোল্লিখিত যে পাঁচটি নীতি গৃহীত হইয়াছে, উভয় প্রধানমন্ত্রী পুনরায় তাহা সমর্থন করিয়া সর্বত্র এই সকল নীতির প্রয়োগ কামনা করেন।

পৃথিবীর বিভিন্ন দেশে বিভিন্ন ধরনের রাজনৈতিক ও সামাজিক পদ্ধতি বিদ্যমান থাকিলেও উপরোক্ত নীতিগুলি মানিয়া চলা হইলে উক্ত পদ্ধতিগত শুভেচ্ছাগুলি শান্তির পথে বিঘ্ন সৃষ্টি করিবে না অথবা সংঘর্ষের সৃষ্টি হইবে না। পারস্পরিক আঞ্চলিক অখণ্ডতা ও সার্বভৌমত্বের মর্যাদা রক্ষা করা হইলে এবং অনাক্রমণের নীতি মানিয়া চলিলে বিভিন্ন দেশ শান্তিতে পাশাপাশি বাস করিতে পারিবে। ইহাতে উত্তেজনা হ্রাস পাইবে এবং শান্তির আবহাওয়া সৃষ্টি হইবে।

ইন্দোচীনের ব্যাপারে এই সকল নীতি মানিয়া চলা হইলে

ইন্দোচীন রাজ্যত্রয়ের মধ্যে আত্মবিশ্বাস ফিরিয়া আসিবে এবং প্রতিবেশী রাষ্ট্রগুলির সহিত তাহাদের বন্ধুত্বের সম্পর্ক প্রতিষ্ঠিত হইবে। তাহা ছাড়া, এই নীতিগুলি মানিয়া চলিলে যে “শান্তি অঞ্চল” গড়িয়া উঠিবে, ক্রমশঃ তাহার আরও পরিসর সাধন করা যাইবে এবং সমগ্র পৃথিবীতে যুদ্ধের সম্ভাবনা হ্রাস পাইবে, শান্তির আদর্শ আরও শক্তিশালী হইয়া উঠিবে।

উভয় প্রধানমন্ত্রীই বিশেষ শান্তি প্রতিষ্ঠার ব্যাপারে চীন-ভারত মৈত্রীর উপযোগিতা স্বীকার করিয়াছেন।

চীনের প্রধানমন্ত্রী মিঃ চু-এন-লাই এবং ভারতের প্রধানমন্ত্রী শ্রীনেহরু উভয়েই পরস্পরের সহিত সাক্ষাতের এবং বিভিন্ন বিষয়ে পূর্ণমাত্রায় মতবিনিময়ের সুযোগ হওয়ায় আনন্দ প্রকাশ করিয়াছেন। কারণ তাহাদের মতে এই সাক্ষাত্কার ও মতবিনিময় পরস্পরের মনোভাব আরও স্পষ্টভাবে হৃদয়ঙ্গম করিবার কার্য্যে এবং শান্তি প্রতিষ্ঠার উদ্দেশ্যে পারস্পরিক সহযোগিতাকার্য্যে বহুল পরিমাণে সাহায্য করিয়াছে ও করিবে।”

খাদ্য বিনিয়ন্ত্রণ

ইংরেজীতে একটি প্রবাদ আছে, একেবারে না হওয়ার চেয়ে বিলম্ব হওয়া ভাল। ভারতে খাদ্য বিনিয়ন্ত্রণ বহুদিন আগেই হওয়া উচিত ছিল এবং স্মরণ থাকিতে পারে যে, মহাত্মা গান্ধী ইহার জ্ঞান বহু পীড়াপীড়ি করিয়াছিলেন। সুগের বিষয়, কর্তৃপক্ষের শেষকালে সুবিবেচনা হইয়াছে এবং খাদ্য বিনিয়ন্ত্রিত করিয়া দেওয়া হইয়াছে। যুদ্ধ শেষ হইয়াছে ১৯৪৫ সালে, আর খাদ্য নিয়ন্ত্রণ বজায় রাখা হইয়াছিল ১৯৫৪ সালের মাঝামাঝি পর্য্যন্ত অর্থাৎ যুদ্ধ শেষ হওয়ার পর নয় বৎসর পর্য্যন্ত কৃষিপ্রধান দেশে নিয়ন্ত্রণ বজায় রাখা হইয়াছিল এবং ইহা নিশ্চয়ই কৃতিত্বের পরিচায়ক নহে। সুতরাং খাদ্য বিনিয়ন্ত্রণে কর্তৃপক্ষের কৃতিত্ব দাবী করিবার মত কিছু নাই—অক্ষমতার অবসান হইয়াছে মাত্র।

খাদ্য বিনিয়ন্ত্রণ আকস্মিক ভাবেই করা হইয়াছে, যদিও অবশ্য ইহা অপ্ৰত্যাশিত ছিল না। কয়েকটি ঘটনা খাদ্য বিনিয়ন্ত্রণকে ত্বরান্বিত করিয়াছে, যথা—ভারত-ব্রহ্ম চাউল চুক্তি, উড়িষ্যা ও আসামে অতিরিক্ত চাউল উৎপাদন এবং ব্রিটেনে খাদ্য বিনিয়ন্ত্রণ। ব্রহ্মদেশের সঙ্গে চাউল আমদানীর চুক্তি যে ভারতের পক্ষে বিরাট ক্ষতির কারণ হইয়াছে সে কথা সরকার নিশ্চয়ই আজ বুঝিতে পারিয়াছেন। দেশের উৎপাদনই যখন অতিরিক্ত হইয়া যাইতেছে তখন বিদেশ হইতে চাউল আমদানী করিবার পিছনে সত্যকার কোন যুক্তি নাই এবং সরকারী যুক্তি-অযুক্তিতে ভরা। ব্রিটেনের খাদ্য বিনিয়ন্ত্রণ ভারত-সরকারকে নিশ্চয়ই লজ্জা দিয়াছে। খাদ্য সরবরাহের জন্য ব্রিটেনকে বেশী ভাগই আমদানীর উপর নির্ভর করিয়া থাকিতে হয়, তাই ব্রিটেনের বিনিয়ন্ত্রণ আন্তর্জাতিক খাদ্য সরবরাহে সচ্ছলতার পরিচায়ক। আর ভারতের পক্ষে নিয়ন্ত্রণ বজায় রাখা হাস্যকর, দেশবাসীর অকর্ম্মণ্যতার পরিচায়ক।

আর বাংলাদেশ কি করিয়াছে? মাত্রাজ বহু আগে খাদ্য বিনিয়ন্ত্রণ

করিয়াছে, তার পরে করিয়াছে বোম্বাই এবং তার পরে বাংলাদেশ। এমন একদিন ছিল যখন বাংলাদেশ আজ যাহা চিন্তা করিত ভারত-বর্ষ কাল তাহাই চিন্তা করিত। বর্তমানে হইয়াছে ঠিক ইহার বিপরীত, অর্থাৎ বাংলাদেশ এখন ভারতের অজ্ঞাত প্রদেশের নির্দেশের দিকে তাকাইয়া থাকে। খাদ্য বিনিয়ন্ত্রণ ব্যাপারেও ইহার ব্যতিক্রম হয় নাই।

ভারতীয় পাটকলের কার্যকাল বৃদ্ধি

ভারতীয় জুটমিল সমিতি সম্প্রতি ঠিক করিয়াছেন যে, পাটকল-সমূহের কার্যকাল সপ্তাহে সাড়ে বিয়াল্লিশ ঘণ্টা হইতে পঁয়তাল্লিশ ঘণ্টায় বৃদ্ধি করিয়া দেওয়া হইবে। পরে জুটমিলের সাপ্তাহিক কার্যকাল আটচল্লিশ ঘণ্টা করা হইবে। বর্তমানে প্রত্যেক মিলের শতকরা সাড়ে বারো ভাগ তাঁত বন্ধ করিয়া রাখা হইয়াছে কাঁচা পাটের অভাবে। জুটমিলের কার্যকাল বৃদ্ধির ফলে অপেক্ষাকৃত ভাল মিলগুলি এবং যে সকল মিল আধুনিক যন্ত্রপাতি বসাইয়াছে তাহারা তাহাদের উৎপাদন বৃদ্ধি করিতে পারিবে, উৎপাদন খরচ হ্রাস পাইবে এবং ফলে বিক্রয় বৃদ্ধি পাইবে। পাটের আন্তর্জাতিক ব্যবসা বজায় রাখিতে হইলে জুটমিলগুলির উৎপাদন বৃদ্ধি করিবার ক্ষমতা থাকা অবশ্যপ্রয়োজনীয়, বিশেষতঃ যখন ইউরোপীয় জুটমিলসমূহ সম্ভবত্বভাবে ভারতীয় প্রতিযোগিতাকে সর্বতোভাবে ঠেকানোর চেষ্টা করিতেছে। সম্প্রতি বেলজিয়াম, ইটালী, পূর্ব-জার্মানী, ফ্রান্স এবং নেদারল্যান্ডসের জুটমিলগুলি একটি অধিবেশনে ঠিক করিয়াছে যে, ভারতীয় প্রতিযোগিতাকে ঠেকানোর জন্য ইহারা নিম্নলিখিত উপায় গ্রহণ করিবে। এই পাঁচটি দেশের পাট বোনা সমিতি তাহাদের দেশের গবর্নমেন্টকে আবেদন করিবে যাহাতে তাহারা পাকিস্থানকে তাহার পাট রপ্তানী কর তুলিয়া লইতে অনুরোধ করেন। ইহাতে ইউরোপীয় জুটমিলগুলির উৎপাদন খরচ অনেক কম হইবে। দ্বিতীয়তঃ, ইহারা বিলাতের জাহাজ কোম্পানীগুলিকে অনুরোধ করিবে যাহাতে তাহারা পাট বহন করিবার ভাড়া হ্রাস করিয়া দেয়। তৃতীয়তঃ, ব্রিটেন যাহাতে এই পাঁচটি দেশের সঙ্গে এক হয়, পাট ব্যবসায় তাহার চেষ্টা করা হইবে। ইহাতে প্রতীক্ষমান হয় যে, ইউরোপীয় জুটমিলগুলি একত্রিত হইতেছে পাটের আন্তর্জাতিক বাজার দখল করিবার জন্য। দুইটি জিনিষ তাহাদের সহায়ক—সস্তায় পাকিস্থানী পাট আমদানী এবং উন্নততর যন্ত্রপাতি যাহার দ্বারা উৎপাদন খরচ কম হইবে। সুতরাং ভারতীয় পাটের ব্যবসাকে কঠিনতর প্রতিযোগিতার সন্মুখীন হইতে হইবে। এই বিষয়ে তাহাদের দুইটি বাধা আছে—প্রথমতঃ, পুরানো যন্ত্রপাতি, যাহাতে উৎপাদন খরচ অধিক পড়ে এবং দ্বিতীয়তঃ, উৎকৃষ্টতর পাট পাকিস্থান হইতে আমদানী করিতে হইবে অধিক মূল্যে। ফলে আন্তর্জাতিক বাজারে ভারতীয় পাটের মূল্য স্বভাবতঃই বেশী থাকিবে যাহার দরুণ রপ্তানী হ্রাস পাইবার সম্ভাবনা আছে।

১২ই জুলাই হইতে ভারতীয় জুটমিলগুলি সপ্তাহে ৪৫ ঘণ্টা

করিয়া হ্রাস করিয়ে কমে উৎপাদন পরিমাণ প্রায় প্রত্যেক বৎসর ভাগ হিসাবে বৃদ্ধি পাইবে। অর্থাৎ, এই বৎসরের এপ্রিল-মে মাসের গড়পড়তা উৎপাদন হারের ভিত্তিতে প্রায় ৪,৩০০ টন অতিরিক্ত পাটজাত দ্রব্য মাসে উৎপন্ন হইবে। ইদানীং আমেরিকার যুক্তরাষ্ট্র বহন ভারতীয় হেসিয়ান আমদানী করিতেছে, অষ্ট্রেলিয়া খলি আমদানী করিতেছে এবং আর্জেন্টিনা কলিকাতা পাটের বাজারে অর্ডার পাঠাইতেছে, তখন আশা করা যাইতেছে যে এই অতিরিক্ত উৎপাদন কাটতি হইয়া যাইবে।

এই অতিরিক্ত পরিমাণ পাটজাত দ্রব্য উৎপাদন করিবার জন্ত ভারতীয় জুটমিলগুলির কাঁচা পাট সরবরাহে পাওয়ার কোন অসুবিধা হইবে না। ৪,৩০০ টন পাটজাত দ্রব্য উৎপাদন করিবার জন্ত মাসে প্রায় ২৪,৯৪০ গাঁইট কাঁচা পাট প্রয়োজন, অর্থাৎ বৎসরে প্রায় ২৯৫,৬০০ গাঁইট কাঁচা পাট প্রয়োজন। আগামী বৎসর কাঁচা পাট উৎপাদন বেশী হওয়ার সম্ভাবনা। ১৯৫৪-৫৫ সালে পাকিস্থানে ৬০ লক্ষ গাঁইট কাঁচা পাট উৎপাদন হইবে ও ভারতে হইবে ৪০ লক্ষ গাঁইট। পাকিস্থানে গত বছরের উৎপাদিত পাট আছে ১২ লক্ষ গাঁইট এবং গত বৎসরে ইহার মোট রপ্তানীর পরিমাণ ছিল ৪৮ লক্ষ গাঁইট। পৃথিবীর কাঁচা পাটের চাহিদা হইতেছে মোট ৯০ লক্ষ গাঁইট এবং আগামী বৎসরে মোট সরবরাহের পরিমাণ দাঁড়াইবে ১১২ লক্ষ গাঁইট, সুতরাং উৎপাদিত যথেষ্ট থাকিবে।

তবে পাকিস্থানী জুট রপ্তানী নীতি কি হয় তাহার উপর ভারতের পক্ষে পাকিস্থানী পাট পাওয়া অনেকখানি নির্ভর করিবে। পাকিস্থান কেন্দ্রীয় সরকার সম্প্রতি ঘোষণা করিয়াছেন যে, পাট লাইসেন্স ফী আবার আরোপ করা হইবে। ভারতবর্ষ গত বৎসর পাকিস্থানের সহিত চুক্তিবদ্ধ হইয়াছে যে, তিন বৎসর ধরিয়া ভারতবর্ষ পাকিস্থান হইতে ১৮ লক্ষ হইতে ২৫ লক্ষ গাঁইট পাট আমদানী করিবে। গত বৎসর কিন্তু আমদানীর পরিমাণ ছিল মোট ১২ লক্ষ গাঁইট, কারণ ভারতীয় পাটজাত দ্রব্যের রপ্তানী হ্রাস পাইয়াছিল। সুতরাং ভারতবর্ষ পাকিস্থান হইতে কাঁচা পাট প্রয়োজনমত আমদানী করিতে পারিবে।

স্থানীয় স্বায়ত্তশাসন ও গ্রাম্য পঞ্চায়েৎ

ভারতবর্ষে ৫,৫৮,০৮৯ গ্রাম আছে এবং মাত্র ৩,০১৮ শহর আছে। মোট জনসংখ্যা হইতেছে ৩৫.৬৯ কোটি, তন্মধ্যে ২৯.৫০ কোটি বাস করে গ্রামে। স্বরাজ্যীত কাল হইতে ভারতের গ্রামাশাসন পঞ্চায়েৎ প্রথা দ্বারা চালিত হইয়াছে। গ্রাম্য পঞ্চায়েতের নিজস্ব বৈশিষ্ট্য ছিল এবং গ্রাম তথা তার সম্পদের মালিক ছিল গ্রাম্য পঞ্চায়েৎ। বাস্তবক্ষেত্রে পঞ্চায়েৎ ছিল গ্রামাশাসনের ভিত্তিস্বরূপ এবং সে ভাবধারা আমাদের বর্তমান সংবিধানে বজায় রাখা হইয়াছে। ভারতীয় সংবিধানের ৪০ দ্বারা বলা হইয়াছে যে, রাষ্ট্র পঞ্চায়েৎ গঠনের জন্ত যথোচিত বন্দোবস্ত করিবে এবং স্থানীয় স্বায়ত্তশাসনের শাখা হিসাবে কার্যকরী করার জন্ত প্রয়োজনীয় ক্ষমতা ও কর্তৃত্ব ইহাদের দেওয়া হইবে।

সম্প্রতি সিমলাতে স্থানীয় স্বায়ত্তশাসন মন্ত্রীদের একটি অধিবেশন হয়। এই অধিবেশনে পঞ্চায়েৎ প্রথার বিষয়ে আলোচনা হয়। আলোচ্য বিষয়গুলি ছিল এইরূপ :

- (১) দ্বিতীয় পঞ্চবার্ষিকী পরিকল্পনার পঞ্চায়েতের স্থান ;
- (২) গ্রাম্য পঞ্চায়েতের খরচের সংস্থান ; (৩) পঞ্চায়েৎকে অধিকতর ক্ষমতা দেওয়া ; (৪) বিভিন্ন পঞ্চায়েতের মধ্যে সংযোগ রক্ষা করা, ইত্যাদি।

অধিবেশনে নূতন সামাজিক কাঠামোর ভিত্তি হিসাবে পঞ্চায়েতের উপর জোর দেওয়া হইয়াছে এবং বিচারভার ও কার্যকরী ক্ষমতা দিয়া পঞ্চায়েতের ক্ষমতা বৃদ্ধি করার কথা বলা হইয়াছে। গ্রামের সর্বাঙ্গীন উন্নতি করার ভার পঞ্চায়েতের উপর থাকিবে এবং কেবলমাত্র অর্থনৈতিক ব্যাপারগুলি গ্রাম্য সমবায় সমিতির উপর থাকিবে, যেমন ক্রয়-বিক্রয়, দানন দেওয়া, কাঁচা মাল ক্রয় করা প্রভৃতি। পঞ্চবার্ষিকী পরিকল্পনাতে পঞ্চায়েৎরা যথেষ্ট দায়িত্বপূর্ণ কার্য করিতেছে, যদিও তাহাদের টাকার যথেষ্ট অভাব। জমি সংরক্ষণ, বৃক্ষ রোপণ, জ্বালানি রক্ষণ, শিক্ষা বিতরণ প্রভৃতি কার্যে পঞ্চায়েতের প্রচেষ্টা সত্যি প্রশংসনীয় হইয়াছে। পঞ্চায়েতের সাহায্যে উন্নত ধরনের বীজ রক্ষণ এবং উন্নত ধরনের কৃষিকার্যও সহজসাধ্য হইবে, অধিবেশনে এই অভিমতই প্রকাশ করা হইয়াছে।

প্ল্যানিং কমিশন প্রাদেশিক সরকারসমূহকে জানাইয়াছেন যে, দ্বিতীয় পঞ্চবার্ষিকী পরিকল্পনা গ্রাম এবং জেলাগুলিকে লইয়া শুরু হইবে। অর্থাৎ, প্রত্যেক পরিবারের উন্নতি এবং গ্রামোন্নতি অঙ্গাঙ্গি ভাবে জড়িত থাকিবে। গ্রামোন্নয়ন পরিকল্পনার কার্যতালিকা এমন ভাবে করা হইবে যাহাতে প্রত্যেক পরিবারের নিজস্ব উন্নতি হয়। কৃষি ও বিকল্পিক ব্যবসা সমবায় সমিতির দ্বারা কার্যকরী করা হইবে এবং প্রত্যেক পরিবার যাহাতে সমবায় সমিতির সভ্য হয় তাহার চেষ্টা করা হইবে। ব্যক্তিগত উন্নতির সঙ্গে গ্রামের সামগ্রিক উন্নতি জড়িত থাকিবে। তবে কর-রাজস্ব দ্বারা পঞ্চায়েতের আয় বৃদ্ধি করিবার আর কোন উপায় নাই। বর্তমান কর-রাজস্ব হইতে পঞ্চায়েতের জন্ত আয় বৃদ্ধি করা সম্ভবপর নয় এবং পঞ্চায়েতের জন্ত আয় নূতন কর বসানোও বাঞ্ছনীয় নয়। গ্রামে ডিস্ট্রিক্ট বোর্ড ও লোক্যাল বোর্ডের জন্ত অনেক রকম কর দিতে হয়, তাহার উপর আবার পঞ্চায়েতের জন্ত নূতন কর স্থাপন করিতে গেলে গ্রামের অর্থনৈতিক জীবনের উপর অতিরিক্ত চাপ পড়িবে। অধিকন্তু একই ব্যাপারে দুই বার করিয়া কর দিতে হইবে। পঞ্চায়েতের দায়িত্ব এবং কার্য বৃদ্ধি পাইলে ইহাদের জন্ত রাষ্ট্রীয় অর্থনৈতিক সাহায্য অবশ্যজ্ঞাবী। লোক-প্রতিষ্ঠান (public utility) সংক্রান্ত বিষয়ে পঞ্চায়েৎ যে কার্য করিবে তাহার জন্ত প্রয়োজনীয় মাল কিংবা মালের খরচ রাষ্ট্র বহন করিবে। প্রদেশগুলি তাহাদের বাজেট হইতে শিক্ষা, জনস্বাস্থ্য, সমাজ-সেবা প্রভৃতি বিষয়ের জন্ত টাকা বরাদ্দ করিবে এবং তাহা পঞ্চায়েতের মাধ্যমে খরচ হইবে। পঞ্চায়েৎ বিনা খরচে শ্রমিক ও অজ্ঞাত কর্মী যোগাইবে।

স্বায়ত্বশাসন-সিদ্ধান্তের মন্ত্রীদের লইয়া একটি কর্ম-পন্থিবদ্ধ গঠন করিবার প্রস্তাব চলিতেছে। পঞ্চায়েৎ এবং প্রাদেশিক সরকারের মধ্যে সংযোগ রক্ষা করিবে ডিষ্ট্রিক্ট বোর্ড। পঞ্চায়েতের সঙ্গে ডিষ্ট্রিক্ট বোর্ড সংযোগ রক্ষা করিবে এবং তাহাদের কার্যের তত্ত্বাবধান করিবে। ডিষ্ট্রিক্ট বোর্ডের সভারা প্রধানতঃ পরোক্ষভাবে নির্বাচিত হইবেন গ্রাম্য পঞ্চায়েৎ-মণ্ডলী হইতে। ডিষ্ট্রিক্ট বোর্ড নির্বাচনের জন্ত গ্রাম্য পঞ্চায়েৎ হইবে নির্বাচকমণ্ডলী। মঙ্গল হিসাবে পঞ্চায়েতে নির্বাচন করা উচিত হইবে না এবং সামগ্রিকভাবে গ্রামের সকল জনসাধারণের প্রতিনিধি লইয়া পঞ্চায়েৎ গঠিত হইবে।

অধিকাংশ প্রদেশেই গ্রাম্য জনসাধারণ গ্রাম্য পঞ্চায়েৎ এবং ডিষ্ট্রিক্ট বোর্ডের সভাদের নির্বাচন করে। এই দুইটি প্রতিষ্ঠানের কার্য গ্রাম্য এলাকাতেই সীমাবদ্ধ এবং ইহাদের উভয়ের আয়ের উৎস প্রায় একই; তাহার জন্ত ইহাদের মধ্যে সংযোগ রক্ষা করা অবশ্যপ্রয়োজনীয় যাহাতে ঐক্য-ব্যবস্থা এবং ঐক্য শাসন-ব্যবস্থা না হয়। ঐক্য ব্যবস্থা পরিহার করার সহজ উপায় হইতেছে—ডিষ্ট্রিক্ট বোর্ড শীর্ষ প্রতিষ্ঠান হিসাবে জেলায় সমস্ত পঞ্চায়েতের কার্য সংযোগ করিবে এবং তত্ত্বাবধান করিবে। কিন্তু তাহার পূর্বে ডিষ্ট্রিক্ট বোর্ড ও পঞ্চায়েতের কার্যাবলীর মধ্যে পরিষ্কারভাবে সীমারেখা টানিয়া দিতে হইবে এবং রাজস্ব উৎসেরও পরিষ্কার বণ্টন-ব্যবস্থা থাকা প্রয়োজন।

বর্তমানে পঞ্চায়েতের রাজস্বের এবং বিচারক্ষমতার বিস্তৃতি প্রয়োজন। কয়েকটি প্রদেশ ইতিপূর্বেই পঞ্চায়েতের উপর রাজস্ব আদায়ের ভার দিয়াছে এবং তাহার জন্ত পঞ্চায়েৎ কিছু কমিশন পায়। ইহাতে ফল ভাল হইতেছে। কয়েকটি প্রদেশে পঞ্চায়েতের উপর বিচারভার দেওয়া হইয়াছে; এই পঞ্চায়েৎ আদালত কয়েকটি পঞ্চায়েৎ দ্বারা নির্বাচিত হয়। গ্রামে কৃষিবিভাগ এবং পঞ্চায়েতের মধ্যে যোগাযোগ সৃষ্টি করা প্রয়োজন যাহাতে উন্নত ধরনের বীজ এবং কৃষি প্রতিযোগিতা করা সম্ভবপর হয়। গ্রাম্য পঞ্চায়েতের অধীনে ট্রাক্টর এবং অজান্ত কৃষি যন্ত্রপাতি থাকিবে। ইহারা চাষীদের ভাড়া দিবার ব্যবস্থা করিবে। এই ব্যবস্থার চাষীদের সুবিধা হইবে, কারণ সকল চাষীর পক্ষে ট্রাক্টর ক্রয় করা সম্ভবপর হইবে না। ছোট ছোট সেচকার্য—যথা, দীঘি, খাল, কুপ ইত্যাদির ভার পঞ্চায়েতের উপর থাকিবে। বর্তমানে গ্রাম্য ঋণ সমিতিগুলি এবং কৃষি ক্রয়-বিক্রয় সমিতিগুলি প্রাদেশিক সমবায় বিভাগের তত্ত্বাবধানে কাজ করে। কিন্তু নূতন ব্যবস্থায় ইহারা পঞ্চায়েতের অধীনে কাজ করিবে। মিউনিসিপালিটির কাজ যথা—জনস্বাস্থ্য রক্ষণাবেক্ষণ, পঞ্চায়েত করিবে এবং ইহারা পাহারা ও চৌকিদারীরও বন্দোবস্ত করিবে। নূতন পরিপ্রেক্ষিতে পঞ্চায়েতের প্রয়োজনীয়তা অনেক বেশী। ভারতবর্ষে সমবায় প্রথা প্রায় ব্যর্থ হইয়া গিয়াছে। সমবায়ের কাজ যদি পঞ্চায়েৎ দ্বারা করানো যায় তাহা আনন্দের কথা। পঞ্চবার্ষিকী পরিকল্পনায় জনসাধারণের সাহায্য এবং সহযোগিতা প্রয়োজন। তাহার জন্তও পঞ্চায়েৎ প্রধান বিস্তৃতি বাঞ্ছনীয়।

ভাৰুগ-নাকাল বাঁধ ও খাল

ভাৰুগ খালের উদ্বোধন সম্পর্কে পূর্বে পঞ্জাবের মুখ্যমন্ত্রীর ভাষণের সারাংশ এইরূপ :

জলন্ধর, ৭ই জুলাই—আগামীকলা ভারতের প্রধানমন্ত্রী জীনেহরু নাকালে যে ভাৰুগ খালের উদ্বোধন করিবেন, তত্পলক্ষে অল্প 'অল ইণ্ডিয়া রেডিও'র জলন্ধর কেন্দ্র হইতে বেতার বক্তৃতা প্রসঙ্গে পূর্বে-পঞ্জাবের মুখ্যমন্ত্রী জীসাচার ভাৰুগ খাল সম্পর্কে উল্লেখ করিয়া বলেন, "এই বিরাট প্রচেষ্টার ইতিহাস হইতেছে নিষ্ক্রিয়তার উপর প্রগতিশীল শক্তির, সক্ষমতা ও হতাশার উপর আস্থার এবং ঐদাসীন্দের উপর সহযোগিতা ও যুক্ত প্রচেষ্টার বিজয়ের ইতিহাস। এই প্রচেষ্টা হইতে প্রমাণিত হয় যে, একটি সংহত জাতিক্রমে আমরা বড় বড় কার্য করিতে পারি। প্রকৃত প্রস্তাবে আমাদের এখনও আরও বড় বড় কার্য করিতে হইবে। এই শুভ দিবসে আমরা প্রত্যেকে যদি মাতৃভূমি ও স্বদেশবাসীর সেবা করিবার প্রতিশ্রুতি নূতন করিয়া গ্রহণ করি, তাহা হইলেই আমাদের পক্ষে বড় বড় কাজ করা সম্ভব হইবে।"

ভাৰুগ-নাকাল খাল খননের বিরাট পরীক্ষামূলক কার্যের ইতিহাস বর্ণনা করিয়া মুখ্যমন্ত্রী বলেন, "৮ই জুলাই আমাদের ইতিহাসে চিরস্মরণীয় হইয়া থাকিবে। কারণ এই দিন আমাদের দীর্ঘকালের আশা-আকাঙ্ক্ষা পূর্ণ হইতেছে। প্রায় সাত বৎসর পূর্বে ভারত রাজনৈতিক স্বাধীনতা অর্জন করিয়াছে, কিন্তু খাটোংপাদন ও শিল্পোৎপাদন, জীবনযাত্রার মানোন্নয়ন প্রভৃতি করিয়া অভাবের বিরুদ্ধে সংগ্রাম করতঃ স্বাধীনতা অর্জন এখনও বাকী আছে। আমাদের প্রিয় নেতা জীনেহরু হস্তে ভাৰুগ খালের উদ্বোধন এই সকল অভাবের প্রতি একটা জবাবস্বরূপ। এই প্রকার আরও অনেক পরিকল্পনা দেশের বিভিন্ন স্থানে কার্যকরী করিবার চেষ্টা হইতেছে।

"দেশ-বিভাগ আমাদের আদিগকে চূড়ান্ত আঘাত হানিয়াছে। আমরা অতি সামান্যসংখ্যক খালই পাইয়াছি। শুধু মরুভূমিপ্রায় বোটাক, হিসার প্রভৃতি জেলায় ও বিকানীর সংলগ্ন অঞ্চলে প্রচণ্ড দুর্ভিক্ষ দেখা দেয়। যে সকল অঞ্চল লইয়া আজ পূর্বে-পঞ্জাব গঠিত, তাহার অধিকাংশই অতীতে বিদেশী শাসকদের আমলে তাজ্জিলোর বস্ত ছিল।

"এই কারণেই আমাদের জাতীয় সরকার প্রথম পঞ্চবার্ষিক পরিকল্পনার অংশস্বরূপ প্রকাণ্ড ভাৰুগ-নাকাল খাল পরিকল্পনা গ্রহণ করেন। অনেক পূর্বেই এই পরিকল্পনা বিবেচিত হইলেও ইহার প্রতি কার্যতঃ বিশেষ মনোযোগ দেওয়া হয় স্বাধীনতা অর্জনের পর। এই দেশের এবং সম্ভবতঃ পৃথিবীর মধ্যে বৃহত্তম এই খাল পরিকল্পনার উদ্দেশ্য হইবে সেচকার্য ও বিদ্যুৎ উৎপাদনের জন্ত শতদ্রু নদীর জলরাশির সদ্ব্যবহার করা। এই পরিকল্পনার বিশেষ উল্লেখযোগ্য অংশগুলি হইল ভাৰুগ বাঁধ, নাকাল বিদ্যুৎ উৎপাদন কেন্দ্র এবং বিস্তৃত সেচব্যবস্থা।"

"৮ই জুলাই ভাৰুগ খালের উদ্বোধনের সঙ্গে সঙ্গে এই পরি-

কল্পনার সেচব্যবহার খিরাট সম্ভাবনা বাস্তবে পরিণত হইতে চলিয়াছে। এই খাল সম্পূর্ণ হইলে মোট প্রায় এক কোটি একর জমিতে জলসেচন সম্ভব হইবে। ইহার মধ্যে প্রধান ভাক্রা খাল পরিকল্পনার যে ৫৮৮৩৭০৫ একর জমি এবং শিরহিন্দ পরিকল্পনা অমুখ্যায়ী যে ৩৭২৫০৬৪ একর জমিতে জলসেচন সম্ভব হইবে, তাহাও অন্তর্ভুক্ত রহিয়াছে। প্রধান খাল ও উহার শাখাগুলির দৈর্ঘ্য ৬৭৭ মাইল এবং উহা হইতে যে সকল শাখা প্রশাখা বাহির হইয়া জমিতে জল সরবরাহ করিবে, সেগুলির দৈর্ঘ্য প্রায় ৩৯৫৮ মাইল। সংযুক্ত খাল ও শাখাগুলির দৈর্ঘ্য ৩৪১ মাইল।

“এই সিদ্ধি এলাকায় আনুমানিক ১৩২ কোটি টাকা মূল্যের সস্তাদি উৎপন্ন হইবে। তন্মধ্যে প্রতি বৎসরে খাদ্যশস্য জন্মিবে ১১.৩ লক্ষ টন, ইক্ষু পাঁচ লক্ষ টন, ডাল ও তৈলবীজ এক লক্ষ টন, গুড় ও কাঁচা পণ্ডখাদ্য তৃণাদি পনর লক্ষ টন, তুলা আট লক্ষ গাঁট। ইহার ফলে এই রাজ্যের রাজস্ব ৩ কোটি ২০ লক্ষ টাকা বৃদ্ধি পাইবে, এই অর্থ অগাধ উন্নয়ন কার্যে নিয়োজিত হইতে পারিবে।

“প্রধান ভাক্রা খাল ও উহার শাখাগুলি ১৯৫৫ সনে এবং নারোয়ানা শাখা ও দোয়াব খাল ১৯৫৬ সনে সমাপ্ত হওয়ার কথা ছিল, কিন্তু আমাদের ইঞ্জিনীয়ারদের ও কারিগরদের তৎপরতার ফলে এই কার্য অনেক পূর্বে সমাধা হইয়া গিয়াছে এবং দ্রুত কার্য সমাপ্তির ফলে সাড়ে তিন কোটি টাকা পরচ বাঁচিয়া গিয়াছে।”

“যখন বিবেচনা করা হয় যে, কঠিন পার্শ্বভূমির মধ্য দিয়া এবং বহু পার্শ্বতা স্রোতস্বিনী পার হইয়া এই খাল খনিত হইয়াছে, তখন এই কার্যের তাৎপর্য আরও গুরুত্বপূর্ণ বলিয়া প্রতীয়মান হয়।

“এককথায় বলিতে গেলে, আশ্চর্য্য এক কার্য সাধিত হইয়াছে, ইহাতে দেশবাসী আশ্চর্য্য ফলও পাইবে। পঞ্জাব, পেপস্থ ও রাজস্থানের উত্তর অঞ্চলগুলি শীঘ্রই হরিং শস্যক্ষেত্রে পরিণত হইবে। ইহাতে শুধু যে আমাদের বৈষয়িক সমৃদ্ধি বর্দ্ধিত করিবে তাহা নহে, ইহার ফলে সামাজিক, সাংস্কৃতিক ও জাতীয় জীবনের নূতন মাপকাঠি প্রতিষ্ঠিত হইবে।”

ভাক্রা খাল ও পাকিস্তান

সম্প্রতি ভারত-সরকার ঘোষণা করিয়াছেন যে, পাকিস্তান বিশ্ব-ব্যাঙ্কের প্রস্তাব অগ্রাহ্য করায় তাহারা সম্পূর্ণ দায়মুক্ত হইয়াছেন। বিশ্বব্যাঙ্কের প্রস্তাব ও তাহার প্রত্যাখ্যানের সংবাদ এইরূপ :

“২৬শে জুন—খালের জল লইয়া ভারত ও পাকিস্তানের মধ্যে যে বিরোধ চলিতেছে, তাহার মীমাংসার দৃষ্টি বিশ্বব্যাঙ্ক যে প্রস্তাব করিয়াছিল, পাকিস্তান তাহা অগ্রাহ্য করায় একটি আন্তর্জাতিক প্রতিষ্ঠানের সকল চেষ্টাই ব্যর্থতায় পর্যাবসিত হইল।

সিন্ধু নদ অববাহিকায় যে সব ভারতীয়, পাকিস্তানী ও বিশ্ব-ব্যাঙ্কের ইঞ্জিনীয়ার কাজ করিতেছিলেন, সমস্তার সমাধানের জন্ত এই সেদিন পর্য্যন্ত তাহারা দিল্লী, করাচী ও ওয়াশিংটনে ছুটাছুটি করিতেছিলেন। শেষ পর্য্যন্ত বিশ্বব্যাঙ্কের প্রতিনিধিগণ এক বিস্তৃত পরিকল্পনা পেশ করিয়াছিলেন।

এই পরিকল্পনার সুপারিশ করা হয় : (১) পশ্চিমাংশের নদীগুলি, যথা—সিন্ধু, বিতস্তা ও চল্লাভাগার জল একমাত্র পাকিস্তানই ব্যবহার করিতে পারিবে, কেবল সামান্য জল কাশ্মীরের ভাগে পড়িবে। (২) পূর্বাংশের সমস্ত নদী, যথা—ইয়াবতী, বিপাশা ও শতদ্রুর জল একমাত্র ভারতই ব্যবহার করিবে, তবে কিছুদিন, অন্ততঃ পাঁচ বৎসর ভারত পাকিস্তানকে এই সব নদীর জল ব্যবহার করিতে দিবে। কারণ নদীর গতি পরিবর্তন ও নূতন যোগাযোগের জন্ত এই সময় প্রয়োজন। (৩) যে দেশের ভাগে যে কাজ পড়িবে, সে দেশ উহা সম্পাদন করিবে এবং ইহাতে যে দেশ উপকৃত হইবে, সে দেশই কাজের ব্যয়ভার বহন করিবে। ষোঁধভাবে উভয় দেশের উপর কোন কাজের ভার না দিলেও ভারত হইতে জল সরবরাহ বন্ধ করার জন্ত পাকিস্তানে বিভিন্ন খালের যে নূতন যোগাযোগ করিতে হইবে, ভারতই তাহার ব্যয়ভার বহন করিবে।”

গুয়াতেমালা

পশ্চিম গোলার্ধের মধ্যে মধ্য ও দক্ষিণ-আমেরিকা বিদ্রোহ এবং বিপ্লববাদের জন্ত প্রসিদ্ধ। কিন্তু সম্প্রতি গুয়াতেমালায় বাহা ঘটয়াছে তাহাতে বিশ্ব-শক্তিপুঞ্জের দুই প্রধান প্রতিদ্বন্দীর জীলা-পেলারই পরিচয় পাওয়া যায়। বিদ্রোহী দল ঝটিকা যুদ্ধে এত দ্রুত জয়লাভ করিল কিভাবে তাহার একটি মাত্র কৈফিয়ত পাওয়া যায়। আরম্ভ ত বহির্দেশ হইতে রীতিমত যুদ্ধ অভিযানের মতই চালিত হয়। তাহার বিবরণ এইরূপে প্রকাশিত হয় :

“নিউইয়র্ক, ১৯শে জুন—আজ যে সব সংবাদ পাওয়া গিয়াছে তাহাতে দেখা যায় যে, পাশ্চবর্তী হুগুয়াস হইতে আক্রমণকারী সৈন্যবৃন্দ জল ও স্থলে আক্রমণ চালাইয়া সীমান্তবর্তী কয়েকটি শহর ও ক্যারিবিয়ান উপকূলে অবস্থিত একটি গুরুত্বপূর্ণ বন্দর দখল করিয়া লইয়াছে।

গুয়াতেমালা বিমান বাহিনীর নির্কাসিত প্রাক্তন বড়কর্তা কর্নেল ক্যাষ্টিলো আবমাসের নেতৃত্বে পাঁচ হাজার ব্যক্তি গুয়াতেমালার বামপন্থী সাত হাজার সরকারী সৈন্যের বিরুদ্ধে অভিযান চালাইতেছে। আক্রমণকারীদের বিমানবহর গুয়াতেমালা শহর, সান জোসে পিওর্স্তো বারিয়সের উপর হানা দেয়। গুয়াতেমালা বেতারের এক খবরে বলা হইয়াছে যে, প্রেসিডেন্ট জেকব আরবেনজের সরকার প্রেসিডেন্টের রক্ষী-বাহিনীর ব্যারাকের উপর বোমা বর্ষণের পর শহরে নিস্প্রদীপের আদেশ দিয়াছেন।

কলিকাতায় ছুর্ভ্রের উপদ্রব

এতদিনে কলিকাতায় শান্তি শৃঙ্খলার অবস্থার প্রতি কর্তৃপক্ষের দৃষ্টিপাতের অবসর হইয়াছে। ব্যবস্থা ত হইতেছে, তবে ফলেন পরিচয়তে।

কলিকাতা রাইটার্স বিল্ডিং হইতে ২৭শে আবার প্রকাশিত পশ্চিমবঙ্গ গবর্নমেন্টের এক প্রেসনোটে বলা হইয়াছে যে, কলিকাতা শহরের কোন কোন অংশে সম্প্রতি গুণ্ডামি ও হাঙ্গামা সৃষ্টি বৃদ্ধি পাইয়াছে এবং এই সমস্ত সমাজবিরোধী কার্যকলাপ দমনের উদ্দেশ্যে

কঠোর ব্যবস্থা অবলম্বনের জন্ত জনপ্রতিনিধিগণ গবর্ণমেন্টকে অস্বীকার করিয়াছেন।

এই ধরনের অপরাধ সম্পর্কে ব্যবস্থা অবলম্বনের জন্ত কলিকাতা পুলিশ ইতিপূর্বেই একটি স্বতন্ত্র বিভাগ সৃষ্টি করিয়াছেন। জব্বাদি কাড়িয়া লওয়া, পটকা নিক্ষেপ, ইষ্টক নিক্ষেপ এবং নারীর উপর অত্যাচার প্রভৃতি অপরাধ এই বিভাগের আওতায় পড়ে। গত চার মাস্তাহে ৪৯১ জন দুষ্টি প্রকৃতির লোক এবং ১৯ জন গুণ্ডার প্রতি ব্যবস্থা অবলম্বন করা হইয়াছে। কলিকাতা পুলিশ এই সকল হান্দামা সৃষ্টিকারীদের বিরুদ্ধে ব্যাপক অভিযান চালাইবেন। এই বিভাগের ভার ক্রীউপানন্দ মুখুজ্যের উপর থাকিবে। ক্রীযুত মুখুজ্যে বিভিন্ন থানা পরিদর্শন করিয়া স্থানীয় বিশিষ্ট ব্যক্তিদের সঙ্গে আলোচনা করিবেন। পুলিশ প্রতি অঞ্চলের গুণ্ডা প্রকৃতির লোক-সমূহের এক তালিকা প্রস্তুত করিয়াছেন এবং তাহাদের উপর দৃষ্টি রাখিবার জন্ত পুলিশের বিশেষ টহলের ব্যবস্থা করা হইবে। কাহাকেও অগ্নায় কার্যকলাপে লিপ্ত হইতে দেখিলে তাহার সম্পর্কে কঠোর ব্যবস্থা অবলম্বন করা হইবে।

স্পেশাল অফিসারের পরিদর্শন তালিকা নিয়মিতভাবে ঘোষিত হইবে এবং যাহারা এই ধরনের অপরাধ নিবারণ চাহেন, তাহারা স্পেশাল অফিসারের নিকট তথ্যাদি পেশ করিতে পারিবেন।

ধলভূমের পশ্চিমবঙ্গভুক্তির জন্য রাজ্যপুনর্গঠন

কমিশনের নিকট ধলভূমবাসীদের আবেদন

রাজ্যপুনর্গঠন কমিশনের নিকট এক স্মারকলিপিতে ধলভূমের অধিবাসীবৃন্দ ধলভূমকে পশ্চিমবঙ্গের সহিত যুক্ত করিবার জন্ত দাবি জানাইয়াছেন। স্মারকলিপিতে বলা হইয়াছে যে, ভৌগোলিক, ঐতিহাসিক, ভাষাগত এবং রাজনৈতিক ও অর্থনৈতিক সকল দিক হইতেই এই দাবির যৌক্তিকতা প্রতিপন্ন হয়।

ভৌগোলিক দিক হইতে বিচার করিলে দেখা যায় যে, ধলভূম বাংলার সমতলভূমির একটি অংশ এবং উহার সংলগ্ন। কোনমতেই উহাকে ছোটনাগপুরের মালভূমির একটি অংশ বলা যায় না। সমুদ্র-পৃষ্ঠ হইতে ধলভূমের গড় উচ্চতা ৪০০ হইতে ৬০০ ফুটের মধ্যে এবং পশ্চিমবঙ্গের জেলাগুলির উচ্চতার সমরূপ। ধলভূম পরগণাটির আয়তন প্রায় ১১৬৪*৮৪ বর্গমাইল এবং ইহার সীমা : উত্তরে, মানভূমের সদর মহকুমা যাহা সম্পূর্ণরূপে একটি বঙ্গভাষাভাষী এলাকা ; দক্ষিণে, অধুনা উড়িষ্যার সহিত সংযুক্ত ময়ূরভঞ্জ যাহা একটি ওড়িয়াভাষী অঞ্চল ; পূর্বে, পশ্চিমবঙ্গের মেদিনীপুর জেলা, পশ্চিমে ওড়িয়াভাষী-অধ্যুষিত সেরাইকেলা মহকুমা। অতএব দেখা যাইতেছে ঐ পরগণার কোন সীমানাই হিন্দীভাষী এলাকার সংলগ্ন নহে।

ধলভূমের প্রাচীন ইতিহাস সংগ্রহ করা কঠিন। আইন-ই-আকবরী হইতে জানা যায় যে, উহা তৎকালীন সুরে বাংলার অংশ-বিশেষ মান্দারণ মহলের অন্তর্গত ছিল। ধলভূম ১৮৪৬ খ্রীষ্টাব্দের পূর্বে একটি স্বতন্ত্র পরগণা হিসাবে ছিল ; সিংভূমের অংশ ছিল না। ধলভূম পূর্বে বাঁকুড়া ও বর্তমানের জঙ্গল মহলের অংশ ছিল। পরে

জঙ্গল মহল জেলা ভাঙ্গিয়া ধলভূমকে বাংলাদেশের মেদিনীপুর জেলার অন্তর্গত করা হয় এবং ১৮৩৩ খ্রীষ্টাব্দ পর্যন্ত উহা মেদিনীপুরের অংশরূপেই থাকে। তারপর শাসনকার্যের সুবিধার জন্ত উহাকে বাংলাদেশের নবসৃষ্ট মানভূম জেলার অন্তর্ভুক্ত করা হয়। ১৮৩৬-৩৭ সনে সিংভূম বিভাগ গঠিত হয় এবং ১৮৪৬ সনে মানভূম হইতে ধলভূমকে সিংভূম বিভাগে স্থানান্তরিত করা হয়। কিন্তু ১৮৭৬ সনের ১৯শে ডিসেম্বর সরকারী নির্দেশে ধলভূম পরগণার একটি অংশ সিংভূমের অধীন হইতে পুনরায় মেদিনীপুরের সহিত সংযুক্ত করা হয়। ঐ অংশ এখনও পর্যন্ত মেদিনীপুর জেলার ঝাড়গ্রাম মহকুমার অন্তর্ভুক্ত রহিয়াছে ; ফলে দ্বিধাবিভক্ত ধলভূম পরগণার একটি অংশ সিংভূম এবং অপর অংশ মেদিনীপুরের অন্তর্গত রহিয়াছে।

স্মারকলিপিতে বলা হইয়াছে, “বর্তমান সিংভূম জেলার অপর দুইটি পরগণা পোড়াহাট, অথবা কোলহান এবং প্রকৃতপক্ষে মূল বিহার ভূখণ্ডের কোন অঞ্চলের সহিতই ধলভূম পরগণার অধিবাসীদের ভাষাগত, সংস্কৃতিগত এবং সমাজবিধিগত কোন সমতা নাই। ভাষাগত ও জাতিগত ক্ষেত্রেও সিংভূম জেলার সদর এবং ধলভূম মহকুমা দুইটির পার্থক্য সম্পূর্ণ বিপরীতধর্মী (১৯৩১ সনের লোকগণনা রিপোর্ট—২৪১ পৃষ্ঠা)।”

ভাষাগত দিক হইতে বিচার করিলেও দেখা যায় যে, ধলভূমের অধিকাংশ অধিবাসী বাংলাভাষাভাষী। স্মারকলিপিতে দেখানো হইয়াছে যে, জামসেদপুর ব্যতিরেকে ধলভূমের শতকরা প্রায় ৬২ জন অধিবাসী বাংলাভাষাভাষী, যেহেতু ধলভূমের ১,৪১,০১০ জন অধিবাসীর ৬৪,০১০ জন আদিবাসী বিকল্পভাষা হিসাবে বাংলা ভাষায় কথা বলিয়া থাকেন। ১৯৩১ সনের আদমশুমারীর হিসাবমত ধলভূমের শতকরা ৩৬ জনের মাতৃভাষা বাংলা এবং বাংলাই ধলভূমের একক সংখ্যাগরিষ্ঠ সম্প্রদায়ের মাতৃভাষা। ধলভূমে ভূমিজ, সাঁওতালী ও হো এই তিনটি আদিবাসী ভাষা প্রচলিত। ১৯৩১ সনের আদমশুমারীর হিসাব হইতে দেখা যায়, প্রতি দশ হাজার ভূমিজ মধ্যে ৬০৭৪ জন বাংলা এবং মাত্র সাত জন হিন্দুস্থানী বিকল্প ভাষা হিসাবে ব্যবহার করিয়া থাকে। প্রতি দশ হাজার সাঁওতালের মধ্যে ৩৭৭২ জন বাংলা এবং মাত্র ৩৩ জন হিন্দুস্থানী ভাষা ব্যবহার করে। উক্ত সেন্সাস রিপোর্টে স্পষ্টই বলা হইয়াছে, “জামসেদপুর ব্যতিরেকে বাংলাই ধলভূমের সর্বপ্রধান ভাষা ; ওড়িয়ার স্থান কোনমতে দ্বিতীয় এবং খুবই লঘিষ্ঠ সংখ্যায় হিন্দুস্থানী তৃতীয় স্থান অধিকার করে।”

অতি প্রাচীনকাল হইতেই ধলভূমে বাংলা ভাষা জনসাধারণের ভাষা হিসাবে প্রচলিত ছিল। ইতিহাস হইতে তাহার বহু নজীর মিলে। সর্বপ্রাচীন যে দলিলসমূহ ধলভূমের রাজসেবেস্তার রহিয়াছে তাহা বাংলায় লিখিত এবং ধলভূমের যে দলিলপত্রাদি সিংভূমের ডেপুটি কমিশনারের দলিলাগারে রহিয়াছে সেগুলি হয় বাংলায় অথবা ইংরেজীতে লিখিত। ধলভূম-রাজাকে ১৭৭৭ খ্রীষ্টাব্দের এপ্রিল মাসে যে তহশীলনামা দান করা হইয়াছিল তাহাও বাংলা ভাষায় ছিল। প্রাচীনকাল হইতে রাজা এবং জমিদারগণ খাজনার বসিদ

বাংলাতেই দিয়াছেন। “১৯০৭-০৮ এবং ১৯৩৫-৩৬ সনে পরগণার সেটেলমেন্ট স্থায়ী করিবার উদ্দেশ্যে মালিকানা ইত্যাদির জঙ্গ যে দলিল রচিত হইয়াছিল তাহা বাংলায়।”

কিছুদিন পূর্বে পর্যন্তও পরগণার আদালতে বাংলা ভাষাই ব্যবহৃত হইত। মাত্র কয়েক বৎসর পূর্বে জনসাধারণের প্রবল বিরোধিতাকে অগ্রাহ্য করিয়া বলপূর্বক হিন্দীকে আদালতের ভাষা নির্বাচিত করা হইয়াছে এবং বাংলাকে বিকল্পভাষা করা হইয়াছে। সিংভূমের একজন প্রাক্তন ডেপুটি কমিশনার এবং জেলা বোর্ডের চেয়ারম্যান মিঃ জে. ই. স্কট, আই-সি-এস যিনি সিংভূমের সাবজুজ হিসাবে বহুকাল যাবৎ দেওয়ানী মামলার বিচার করিয়াছিলেন, তিনি বিচারের জনশিক্ষা অধিকর্তার নিকট ১৯২৪ সনে এক পত্রে লেখেন, “সিংভূম ওড়িয়াভাষাভাষী জেলা নহে এবং নামমাত্র কয়েকজন ব্যতীত কোনস্থল হইতেই ওড়িয়া ভাষা শিক্ষার জঙ্গ প্রকৃত দাবি করা হয় নাই। সর্বসাধারণ বাংলা ভাষার মাধ্যমেই চিঠিপত্রাদি লিখিয়া থাকেন।” তিনি আরও লেখেন : “ধলভূম সম্পূর্ণরূপে বাংলাভাষাভাষী।”

স্মারকলিপিতে ১৯৩১ সনের আদমশুমারীর তথ্যাদি উদ্ধৃত করিয়া দেখানো হইয়াছে যে, বাঙালীরাই ধলভূমের একক সংখ্যা-গরিষ্ঠ সম্প্রদায়। উহাতে বলা হইয়াছে যে, “ধলভূমে যাহারা হিন্দী-ভাষাভাষী তাহারা প্রধানতঃ ঘাটশীলা, নবসিংগড়, চাকুলিয়া, হলুদ-পুকুর প্রভৃতি শহরের মারোয়াড়ী ব্যবসায়ী। ইহাও উল্লেখযোগ্য যে, তাহারা সকলেই বাংলায় সহজভাবে কৃত কথা বলিয়া থাকে এবং ইহার দ্বারাই প্রমাণিত হয় যে ধলভূম একটি সম্পূর্ণ বাংলাভাষাভাষী এলাকা।”

“ধলভূমের গাওতালদিগের সহিত পশ্চিমবঙ্গের মেদিনীপুর এবং বাঁকুড়া, সন্নিহিত এই জেলা দুইটির গাওতালদিগের বিবাহগত সম্বন্ধ রহিয়াছে।”

স্মারকলিপিতে আর একটি উল্লেখযোগ্য বিষয়ের প্রতি দৃষ্টি আকর্ষণ করিয়া বলা হইয়াছে যে, ধলভূম এবং পার্শ্ববর্তী বাঁকুড়া জেলায় বহুসংখ্যক গাওতাল রহিয়াছে অথচ সিংভূমের কোলহান ও পোড়াহাট পরগণায় গাওতাল এবং ভূমিজ প্রায় নাই বলিলে চলে।

জামসেদপুর শহরেও সম্ভবতঃ বাংলাভাষীরাই একক সংখ্যা-গরিষ্ঠ হইবে। ঐ শহরে বিভিন্ন ভাষাভাষী লোক বাস করেন। তাঁহাদের মধ্য হইতে মারোয়াড়ী, গুজরাটী, পঞ্জাবী প্রভৃতিদের বাদ দেওয়া হইলে হিন্দীভাষীরা নিতান্তই শাংখ্যালঘিষ্ঠ। জামসেদপুর ছাত্রছাত্রীদের যে বিভিন্ন ভাষার মাধ্যমে শিক্ষা দেওয়া হয় তাহার হার : বাংলা ১২,৫০০ ; হিন্দী ১০,০৬৪ ; উর্দু ৩,২০০ ; ওড়িয়া ২,৩০০ ; অজ্ঞাত ভাষা ২,১০০।

স্মারকলিপিতে আরও বলা হইয়াছে যে, ধলভূমের অধিকাংশ অধিবাসীর আচার-ব্যবহার এবং রীতিনীতি বাংলাদেশের অধিবাসীদের সহিত অঙ্গাঙ্গিভাবে জড়িত রহিয়াছে, কিন্তু জেলার অবশিষ্ট অঞ্চলের সহিত তাঁহাদের কোন সমতা নাই।

অতঃপর, বিহারে বাংলাভাষাভাষীদের উপর যে বৈষম্যমূলক আচরণ করা হইতেছে, স্মারকলিপিতে সে সম্পর্কে রাজ্যপুনর্গঠন কমিশনের দৃষ্টি আকর্ষণ করা হইয়াছে। প্রথমে বাংলা ভাষাকে হটাইয়া ওড়িয়া ভাষা প্রচলনের বার্থ চেষ্টা হয়। তাহার পর শুরু হয় হিন্দী ভাষা চাপাইবার অপচেষ্টা। “আদালতের ভাষা পরিবর্তন, শিক্ষাদানে হিন্দী মাধ্যমের প্রচলন, যে সমস্ত বিদ্যালয়ে হিন্দী প্রচলন করা হয় নাই তাহাদের অমুমোদন না দেওয়া এবং আরও বহু-প্রকার অনাচারের শুরু হয়। এই সমস্ত দমনমূলক অনাচার ক্রমশঃ সহ্যের সীমা অতিক্রম করিয়া গিয়াছে।”

বিহার সরকারের নীতির ফলে তথায় বাঙালীদের অস্তিত্বই আজ বিপন্ন হইয়া পড়িয়াছে। এ সম্পর্কে বিহার শিক্ষাবিভাগের ব্যবহার প্রবাসী বাঙালীদের নিকট দুর্বিষয় হইয়া উঠিয়াছে। পাটনা বিশ্ববিদ্যালয়ের ডেপুটি রেজিষ্ট্রারের ১৯৫১ সনের সেপ্টেম্বর মাসে এক সাকুলারে বলা হইয়াছে যে, ১৯৫৬ সনের পূর্ব ভাষা ব্যতীত সমস্ত বিষয়ে শিক্ষাদান ও পরীক্ষা গ্রহণ হিন্দীতেই হইবে। এই ব্যবস্থার প্রতি রাজ্যপুনর্গঠন কমিশনের দৃষ্টি আকর্ষণ করিয়া স্মারকলিপিতে বলা হইয়াছে যে, জনসংখ্যার অধিকাংশই বঙ্গভাষাভাষী। স্থানীয় আদিবাসীরা বিকল্প হিসাবে বাংলা ভাষা ব্যবহার করে এবং তাহাদের কোন নিজস্ব লিপি নাই। এই অবস্থায় সেনেটের যে প্রস্তাবমতে উপরোক্ত সাকুলার প্রচারিত হইয়াছে তাহার দ্বারা ধলভূমের বিপুলসংখ্যক অধিবাসী যাহাদের নিজস্ব লিপি ও সংস্কৃতি রহিয়াছে তাহাদের উহা সংরক্ষণের অধিকার হইতে বঞ্চিত করা হইবে, যে অধিকার সংবিধানের ২৯ ধারায় স্বীকার করিয়া লওয়া হইয়াছে। ধলভূমবাসী বিভিন্ন সভাসমিতি মারফত বিশ্ববিদ্যালয়ের ঐ সিদ্ধান্তের পুনর্বিবেচনার জঙ্গ অমুমোদন জানাইয়াছেন ; কিন্তু বিশ্ববিদ্যালয় নির্বাক রহিয়াছেন। যদি এই সাকুলার প্রত্যাহত না হয় তবে বাঙালীদের সম্মানসম্মতি মাতৃ-ভাষায় শিক্ষালাভের সুযোগ হইতে বঞ্চিত হইবে এবং ক্রমে তাহারা মাতৃভাষাও ভুলিতে থাকিবে ; বাংলা ভাষা এবং সংস্কৃতিও লোপ পাইবে। ইহা ব্যতীত অর্থনৈতিক, শাসনতান্ত্রিক এবং রাজনৈতিক সকল ক্ষেত্রেই বাঙালীদিগকে পঙ্গু করিয়া রাখা হইয়াছে। বাঙালীরা বংশপরম্পরায় ধলভূমের অধিবাসী হইলেও সরকারী চাকুরীর ক্ষেত্রে তাহাদের নিকট ডোমিসাইল সার্টিফিকেট দাবি করা হয় এবং বাঙালীদের পক্ষে এই ডোমিসাইল সার্টিফিকেট সংগ্রহ করা প্রায়শঃই বিশেষ দুঃখ ব্যাপার হইয়া উঠে। বাংলাভাষা এবং বাঙালী জাতিকে ধ্বংস করিবার প্রচেষ্টায় বিহার সরকার যে ভূমিকা গ্রহণ করিয়াছেন স্মারকলিপিতে তাহাতে বিশেষ দুঃখ প্রকাশ করা হইয়াছে।

পশ্চিমবঙ্গের সহিত যুক্ত হইবার জঙ্গ ধলভূমবাসীর ব্যগ্রতার উল্লেখ করিয়া স্মারকলিপিতে বলা হইয়াছে যে, ধলভূম এবং বিহারের বঙ্গভাষাভাষী অজ্ঞানা অঞ্চল পশ্চিমবঙ্গের নিকট প্রত্যর্গণের প্রসঙ্গটি ভাবপ্রবণতার ব্যাপার নহে। “ইহা অসংখ্য বাঙালীর নিকট জীবন-

মরণের প্রসঙ্গ। ইহা সম্পূর্ণরূপে স্থানীয় অধিবাসীদের আত্মনিয়ন্ত্রণ অধিকারের প্রসঙ্গ; শিল্পাঞ্চলের নিছক ভাসমান জনগণের কথা নহে। ধলভূমের প্রায় প্রতিটি অধিবাসী তাহাদের ভাষা, সংস্কৃতি, শিক্ষা এবং রাজীতিক জীবন বাঁচাইয়া রাখবার জগাই বাংলার শাসনাধীনে প্রত্যাবর্তন প্রার্থনা করে এবং ইহার জগ্গ বারংবার তাহারা চেষ্টা করিয়া আসিতেছে। এমন একটি গবর্ণমেন্ট যাহার সহিত এখানকার অধিবাসীদের কোন মিল নাই তাহার অধীনে ইহাদের ধরিয়া রাখা অজায় কার্য্য হইবে এবং উহাতে অবাঞ্ছনীয় পরিণাম ঘটিবে ও উহাদের অস্তিত্বই বিপন্ন হইবে।

“যদি আপনাদের কমিটি মানভূম অথবা অস্ততঃ ইহার সদর মহকুমা পশ্চিমবঙ্গে এবং সেরাইকেল্লা ও খরসওয়ান উড়িষ্যায় যাইবে একরূপ সিদ্ধান্ত ও সুপারিশ করেন তবে ধলভূম বিহার হইতে সকল দিকেই বিচ্ছিন্ন এলাকায় পরিণত হইবে কারণ তখন ধলভূমের পশ্চিম ও দক্ষিণ সীমানায় থাকিবে উড়িষ্যা এবং পূর্ব ও উত্তর সীমান্ত হইবে পশ্চিমবঙ্গ। এই কারণেও ধলভূম পশ্চিমবঙ্গে প্রত্যর্পিত হওয়া উচিত যাহা কিছুদিন পূর্বেও পশ্চিমবঙ্গের একটি অবিচ্ছিন্ন অংশ ছিল।”

স্মারকলিপিতে প্রস্তাব করা হইয়াছে যে, যদি রাজ্যপুনর্গঠন কমিশন ধলভূমকে পশ্চিমবঙ্গের সহিত সংযুক্ত করেন তবে যেন ইহাকে মেদিনীপুর জেলার ঝাড়গ্রাম মহকুমার সহিত সংযুক্ত করিয়া একটি নূতন জেলা গঠন করা হয়; কারণ মেদিনীপুর এখনও একটি খুবই বৃহৎ জেলা এবং উহাকে আরও বড় করিয়া তুলিলে শাসনতান্ত্রিক ও অন্যান্য অসুবিধা দেখা দিতে পারে। (‘নব-জাগরণ’ বিশেষ সংখ্যা, ৯ই আঘাট)

ভারত-রাষ্ট্রে বাংলা সাহিত্যের স্থান

শ্রীজ্যোতিষচন্দ্র ঘোষ “সম্মেলনী” পত্রিকায় এক প্রবন্ধে ভারতে বাংলা ভাষা ও সাহিত্যের স্থান সম্পর্কে আলোচনা প্রসঙ্গে লিখিতেছেন, “সাহিত্যই জাতিগঠনের, জাতিকে মহীয়ান ও গরীয়ান করিবার অনুপ্রেরণা যোগায়। এ যুগে ভারতের স্বাধীনতা অর্জনের শক্তি ও স্পৃহা এক শতাব্দী ব্যাপিয়া বাংলা সাহিত্যই উদ্বোধিত করিয়াছে। কবি রবীন্দ্রনাথ বাংলা ভাষাতেই মহামানব গোষ্ঠী সৃষ্টির কল্পনা দিয়া গিয়াছেন। বহু শতাব্দী ধরিয়া বৈষ্ণব গীতকাব্য প্রেম-রসের বজা, সবারই উপর মানব এই চেতনা সমগ্র ভারতে বহাইয়া দিয়াছে। এযুগের গল্প ও কথাসাহিত্য ভারতে বিভিন্ন সাহিত্যেরই আদর্শ ও অনুকরণীয় হইয়া আছে। ইংরেজী সাহিত্যে যে বিশাল ভাবধারা প্রবাহিত তাহা বাংলা সাহিত্যের মধ্যেই ভারতে প্রথম প্রকাশিত হয়।

“বাংলার বহু মনীষীর সাধনাতে বাংলা সাহিত্য পুষ্টিলাভ করে এবং তাহাই সমগ্র ভারতকে নবজাগরণে উদ্বুদ্ধ করিয়াছে। ভারতের বিভিন্ন সাহিত্য স্রষ্টারা বাংলার সে অবদান প্রাণ ও মন দিয়া গ্রহণ করিয়াছেন।...

...“গুজরাট সাহিত্য পরিষদ, নাগরী প্রচারিণী সভা প্রভৃতি

সাহিত্য প্রতিষ্ঠানগুলি বঙ্গীয়-সাহিত্য-পরিষদেরই আদর্শ ও নিয়মে গড়িয়া উঠে। নানা সাহিত্যে বাংলারই উপল্লাস, গল্প ও কবিতা লেখকেরই সাধনার ফল ছত্রে ছত্রে প্রতিফলিত হয়। “স্বাধীনতার উন্মাদন মন্ত্র ‘বন্দেমাতরম্’ ও ‘জনগণমন’ ভারতের জাতীয় সঙ্গীত রূপে স্বীকৃতি লাভ করে।”

কিন্তু দুঃখের বিষয় ভারতের স্বাধীনতালাভের পর বঙ্গসাহিত্যের সে অবদানকে অস্বীকার করিবার একটি প্রবল ঝোঁক দেখা দিয়াছে! অতি উৎসাহী প্রচারকের দল হিন্দীকে রাষ্ট্রভাষারূপে প্রতিষ্ঠা করিবার আশ্রয়ের বাংলাসহ অজ্ঞাত ভাষাসমূহের বিরুদ্ধে কুংসা প্রচারে লাগিয়াছেন এবং ভারতে ভাষাগত সাম্রাজ্যবাদের লক্ষণ দেখা দিয়াছে। কিন্তু সর্বাপেক্ষা দুঃখের বিষয় এই যে, বাংলায় অনেক লেখক মনীষী ও সাংবাদিক এই নূতন সাম্রাজ্যবাদের প্রতি নতি স্বীকার করিয়া বাংলা সাহিত্যের ও ভাষার প্রসারের গতি ব্যাহত করিতেছেন।

লেখক বলিতেছেন যে, ভারতীয় সংবিধানে কোন ভাষাকেই রাষ্ট্রভাষা অথবা জাতীয় ভাষার মর্যাদা দেওয়া হয় নাই। শাসনতন্ত্রে বাংলাসহ ১৪টি ভাষাকে সমান মর্যাদা দান করা হইয়াছে। অবশ্য ৩৫৩ ধারায় ১৫ বংসর পরে ইংরেজী স্থানে নাগরী অক্ষরে হিন্দীর ব্যবহারের নির্দেশ দেওয়া হইয়াছে। কিন্তু তাহাতে যে হিন্দীকে রাষ্ট্রভাষার মর্যাদা দেওয়া হয় নাই স্বয়ং পুরুষোত্তমদাস ট্যাগুন মহাশয় তাহা স্বীকার করিয়াছেন।

ভারতীয় রাষ্ট্রনায়কগণ মনে করেন যে, ভারতের বিভিন্ন ভাষাভাষীর বোধগম্য একটি সর্বভারতীয় ভাষার ব্যবহার রাষ্ট্রের মর্যাদা বৃদ্ধি করিবে। সেই জগ্গই ১৫ বংসরের মধ্যে সকল ভাষা হইতে সরল শব্দ চয়ন করিয়া সকল ভাষাভাষীর বোধগম্য “হিন্দী” নামেই একটি ভাষা গঠনের ভার বিভিন্ন ভাষাভাষী বিশেষজ্ঞদের লইয়া গঠিত একটি সমিতির উপর আর্পিত হইয়াছে। গত মে মাসে পুণাতে যে ভারতীয় ভাষা মহাসম্মেলন হয় তাহার সভাপতি মহা-মহোপাধ্যায় কালে মহাশয় ভারতীয় সংবিধানের ভাষা ও সাহিত্যের অধিকার ধারাগুলি বিশ্লেষণ করিয়া দেখাইয়া দিয়াছেন যে হিন্দীর স্থান ও অধিকার রাষ্ট্রভাষা রূপে নয়, প্রাদেশিক বা আঞ্চলিক ভাষাসমূহই শিক্ষা ও রাষ্ট্র পরিচালনার বাহন।

সকল ভারতবাসীর নিকট সহজবোধ্য একটি সর্বভারতীয় ভাষার সৃষ্টিতে বাংলা সাহিত্য ও সাহিত্যিকদের সাহায্য যে একান্ত প্রয়োজন তাহা অনেক অবাঙালী ভারতীয় মনীষীও স্বীকার করিয়াছেন। এমনকি স্বয়ং রাষ্ট্রপতি ডঃ রাজেন্দ্রপ্রসাদও বলিয়াছেন যে, উত্তর ভারতের বিভিন্ন বিশ্ববিদ্যালয়ে বাংলা পঠন-পাঠনের ব্যবস্থা করিলে, সেই কল্পিত জাতীয় ভাষা গঠনের পথ সুগম হইবে এবং সেই ভাষা সমৃদ্ধিশালী হইবে।

ঐশক মনে করেন যাহাতে বাংলাভাষা ও সাহিত্য স্বাধীন ভারতে আপন মর্যাদা প্রতিষ্ঠিত করিতে পারে সে বিষয়ে বাঙালী সাহিত্যিকদিগেরও বিশেষ দায়িত্ব রহিয়াছে।

আসাম-ত্রিপুরা-মণিপুর সাহিত্য সম্মেলন

গত ১৪শে ও ২০শে জুন কৰিমগঞ্জ কলেজ হলে আসাম-ত্রিপুরা-মণিপুর বঙ্গভাষা ও সাহিত্য সম্মেলনের অধিবেশন হয়। ভারত-সরকারের অর্থ-বিভাগের উপমন্ত্রী শ্রী অক্ষয়চন্দ্র গুহ সম্মেলনের উদ্বোধন করেন এবং বিখ্যাত সাংবাদিক শ্রীহেমেন্দ্রপ্রসাদ ঘোষ মহাশয় সম্মেলনে সভাপতিত্ব করেন। সম্মেলনে আসাম, ত্রিপুরা ও মণিপুর হইতে দুই শতাধিক প্রতিনিধি এবং নানাধিক দুই সহস্র দর্শক উপস্থিত ছিলেন।

দুই দিন ব্যাপী অনুষ্ঠিত এই সম্মেলনে মোট এগারোটি প্রস্তাব গৃহীত হয়। আরও স্থির হয় যে, সম্মেলনের পরবর্তী অধিবেশন শিলচরে অনুষ্ঠিত হইবে।

গৃহীত প্রস্তাবসমূহে আসামে বঙ্গভাষা ও সংস্কৃতির বলপূর্বক সংকোচননীতির নিন্দা করিয়া বলা হইয়াছে যে, ঐরূপ সঙ্কীর্ণ নীতির ফলে কেবল যে বঙ্গভাষাভাষী সম্প্রদায়ের ক্ষতি হইতেছে তাহা নহে, “উহাতে জাতীয় ঐক্য বিনষ্ট, জাতীয় সমৃদ্ধি ব্যাহত ও জাতীয় ভাব ক্ষুণ্ণ হইতে চলিয়াছে।” গোঁহাটি বিশ্ববিদ্যালয়ের বিভিন্ন বিভাগীয় পরীক্ষায় প্রশংসনীয় কৃতিত্ব প্রদর্শন করিয়াও বাঙালী ছাত্র-গণ সরকারী বৃত্তি হইতে বঞ্চিত হন। এমনকি রাজ্যের উচ্চতর শিক্ষা-প্রতিষ্ঠানগুলিতে তাহাদের প্রবেশাধিকার পর্যাপ্ত অগ্নায়ভাবে সঙ্কুচিত করা হইতেছে। একটি প্রস্তাবে এই বৈষম্যমূলক ব্যবহারের প্রতি রাজ্য-সরকার ও কেন্দ্রীয় সরকারের দৃষ্টি আকর্ষণ করা হইয়াছে।

আসামের বিভিন্ন অঞ্চলের বঙ্গভাষাভাষী প্রধান বিদ্যালয়-গুলিতে বাংলা ভাষার মাধ্যমে শিক্ষার উপর সরকারী বিরূপতার সমালোচনা করিয়া আসাম সরকারকে বাঙালীদের কোণঠাসা ও নাজেহাল করিবার এই নীতি অবিলম্বে বর্জন করিবার জ্ঞান অরোধ জানানো হইয়াছে। অপর একটি প্রস্তাবে আসামে আগত পূর্ববঙ্গের উদ্বাস্তুদের পুনর্বাসনের আবাবস্থার উল্লেখ করা হইয়াছে।

আসামে বাঙালী এবং অসমীয়া ভিন্ন অগ্নায় ভাষাভাষীদের প্রতি সর্বক্ষেত্রে যে বৈষম্যমূলক আচরণ করা হয় কয়েকটি প্রস্তাবে তাহার তীব্র সমালোচনা করা হয়। একটি প্রস্তাবে বলা হইয়াছে যে, “এই বৈষম্যমূলক আচরণের জ্ঞান শুধু যে আসাম সরকারই দায়ী তাহা নয়, কেন্দ্রীয় সরকারও ইহাতে সহযোগিতা করিয়া যাইতেছেন।”

ত্রিপুরা রাজ্যে বাংলা ভাষা ও সাহিত্যের মর্যাদাকে ক্ষুণ্ণ করিবার জ্ঞান যে উদ্দেশ্যপ্রণোদিত স্বকৌশল পরিকল্পনা চলিতেছে একটি প্রস্তাবে সে সম্পর্কে ত্রিপুরাবাসী ও ত্রিপুরা রাজ্য-সরকারকে প্রতি-বক্ষামূলক সতর্কতা অবলম্বন করার জ্ঞান অরোধ জ্ঞাপন করা হইয়াছে। অপর একটি প্রস্তাবে বিচারের মানভূম অঞ্চলে বাংলা ভাষা ও সাহিত্যের মর্যাদা বক্ষার জ্ঞান লোকসেবক সজ্জ যে সংগ্রাম চালাইতেছেন তাহাকে সমর্থিত করিয়া তাহার সাফল্য কামনা করা হয়।

দশ নম্বর প্রস্তাবে বলা হইয়াছে, “১৯৫১ ইংরেজীর আদম-সুমারীতে আসাম রাজ্যে বঙ্গভাষাভাষী ও পার্শ্বতা অধিবাসীদের যে জনসংখ্যা নির্দিষ্ট হইয়াছে, তাহা নিতুল বলিয়া গ্রহণ করিতে এই সম্মেলন প্রস্তুত নহেন।”

সর্বশেষ ও একাদশ প্রস্তাবে “আসাম-মণিপুর-ত্রিপুরার বাংলা-ভাষা এবং বাংলাভাষাভাষীদের সহিত সংযোগ স্থাপন, সাহিত্যের পুষ্টি ও বিকাশ সাধন এবং এই অঞ্চলের অগ্নায় সাহিত্য ও সংস্কৃতির সহিত যোগাযোগ, ঘনিষ্ঠ সম্পর্ক ও ভাবের আদান-প্রদান দৃঢ়তর করিবার উদ্দেশ্যে একটি স্থায়ী সংস্থা গঠন করার জ্ঞান শ্রীবিধুভূষণ চৌধুরীকে আহ্বায়ক করিয়া একটি প্রস্তুতি কমিটি গঠন করা হয়। “উক্ত প্রস্তুতি কমিটি ২১শে জুনের মধ্যে স্থায়ী সংস্থা গঠনের সর্ব-প্রকার ব্যবস্থা অবলম্বন করিয়া ‘আসাম-ত্রিপুরা-মণিপুর বঙ্গভাষা ও সাহিত্য সমিতির’ কম্পকর্তা ও কার্যা-পরিষদের সভ্যদের নাম ঘোষণা করিবেন।”

“উক্ত সমিতি বঙ্গভাষাভাষীদের মধ্যে সাংস্কৃতিক চেতনা ও কণ্ঠ-তৎপরতা উদ্দীপিত করিবার জ্ঞান একটি সাংস্কৃতিক মুগ্ধপত্র প্রকাশের এবং বিভিন্ন শহরে ‘বঙ্গীয় সাহিত্য পরিষদের’ শাখা স্থাপনের নিমিত্ত ব্যবতীয় প্রাবল্ভিক ব্যবস্থা অবলম্বন করিবেন।” (“যুগশক্তি”, ১০ই আষাঢ়)

সম্মেলনের এই সকল সমালোচনা ও প্রস্তাব ইংরেজী ও হিন্দীতে অনুবাদ করিয়া সমস্ত সংবাদপত্রে ও কেন্দ্রীয় লোকসভার সকল সভাকে প্রেরণ করা উচিত। বাঙালীর পরিচালনায় যে সকল ইংরেজী সংবাদপত্র আছে তাহাদের এ বিষয়ে দায়িত্ব বহিয়াছে আমরা মনে করি।

আসামে ডোমিসাইল সম্পর্কিত নিয়মাদি

আসামের ডোমিসাইল সম্পর্কিত আইনের সমালোচনা করিয়া এক সম্পাদকীয় মন্তব্যে “বাতায়ন” লিখিতেছেন, আসামে আসাম একজিকিউটিভ ম্যানুয়ালের ৩০৭ (২) অনুচ্ছেদে ডোমিসাইল সম্পর্কিত নিয়ম বিধিবদ্ধ বহিয়াছে। “উক্ত নিয়মমতে যে ব্যক্তি আসামের ‘নেটিভ’ বা দেশজ নহেন, তিনি যদি আসামে নিজস্ব গৃহাদি অর্জন করিয়া সেই গৃহে অন্ততঃপক্ষে দশ বৎসর কাল বাস করিয়া থাকেন, এবং আমৃত্যু সেই গৃহে বাস করিবার ইচ্ছা পোষণ করেন, তবেই তিনি ‘ডোমিসাইল্ড’ (বাসিন্দা) বলিয়া পরিগৃহীত হইবার উপযুক্ত হইবেন।” পত্রিকাটির অভিমতে এই নিয়ম ভারতীয় সংবিধানের ১৬(১) ও (২) ধারার স্পষ্টতঃ বিরোধী এবং ১৩(১) ধারা মতে স্বভাবতঃই অসিদ্ধ (void)।

কিন্তু তথাপি আসাম সরকার শুধু উহাকে আঁকড়াইয়া থাকিয়াই সন্তুষ্ট হন নাই : ১৯৫৩ সনের ৩০শে জুলাই এক গোপন সাকুলারে আসাম সরকারের নিয়োগ বিভাগ এই সম্পর্কে কতকগুলি অতিরিক্ত নিয়ম জারী করিয়াছেন। “বাতায়ন”র সংবাদ অনুযায়ী তাহাতে বলা হইয়াছে যে, “শ্রীহট্টের যে সমস্ত

'দেশজ' বা বাসিন্দা অথবা আসামের 'নেটিভ' (দেশজ) বা 'ডোমিনাইন্ড' (বাসিন্দা) হিসাবে চাকুরীতে গৃহীত হইয়াছিলেন ও ভারত বিভাগের পর ভারতে চাকুরীর ইচ্ছাও (opt) গ্রহণ করিয়াছিলেন, তাহাদিগের সম্ভ্রতিগণ চাকুরী প্রার্থনার পূর্বে বিভাগান্তর আসামে 'অস্তুতঃ দশ বৎসর' কাল ধরিয়৷ যদি বাস করিয়া থাকেন এবং আয়ত্ব তথায় বাস করিবার ইচ্ছা পোষণ করেন তাহাদিগের পিতা কর্তৃক অর্জিত গৃহে, তবেই তাহারা নতন আসামের দেশজ বা বাসিন্দা হিসাবে গৃহীত হইতে পারিবেন। এই নিয়ম অনুসারে এইরূপ চাকুরীয়ার পুত্রেরা ১৯৫৭ সনের ১৫ই আগষ্টের পূর্বে তো কোন চাকুরীর প্রার্থী হইতে পারিবেন না। আর যে সমস্ত ব্যক্তি প্রাক-বিভাগ যুগে শ্রীহট্টের দেশজ বা বাসিন্দা ছিলেন তাহারা বিভাগান্তর আসামে দেশজ বা বাসিন্দা হিসাবে গৃহীত হইবেন, শুধু যদি তাহারা ভারত বিভাগের পূর্বে বিভাগান্তর আসামের কোন স্থানে গৃহাদি অর্জন করিয়া বসবাস স্থাপন করিয়া থাকেন এবং তদবধি সেখানে বাস করিতে থাকেন।...

উক্ত নিয়মানুযায়ী বাস্তুহারাদিগকে কেবলমাত্র তখনই চাকুরীতে লওয়া হইবে যখন আসামের 'দেশজ' বা 'বাসিন্দা'দিগের মধ্য হইতে কোন উপযুক্ত প্রার্থী পাওয়া যাইবে না।

আসাম সরকারের এই বৈষম্যমূলক আচরণ বিচারালয়ে নিন্দিত হওয়া সত্ত্বেও সরকারের চৈতন্যদয় হয় নাই। "শ্রীহট্ট সমুদ্রুত ও শ্রীহট্ট সমাগত দুই জন অধ্যাপকের প্রতি বিসদৃশ ব্যবহার সাম্প্রতিক কালে আসাম হাইকোর্ট কর্তৃক বিধিবহিত বলিয়া ঘোষিত হইয়াছে এবং উক্ত অধ্যাপকদ্বয় স্ব স্ব চাকুরীতে পুনঃপ্রতিষ্ঠিত হইবার আদেশ পাইয়াছেন।..."

উপসংহারে "বাতায়ন" আসাম সরকারকে তাহাদের এই বৈষম্যমূলক আচরণ পরিত্যাগ করিয়া সংবিধানসম্মত আইন প্রচলন করিবার জগু অনুরোধ জানাইয়াছেন।

কুচবিহারের তামাক চাষ

কুচবিহার অপেক্ষাকৃত একটি ছোট জেলা; আয়তন মাত্র ১৩০০ মাইল। জেলার প্রধান দুইটি উৎপন্ন দ্রব্য হইল পাট ও তামাক। তবে জেলার অর্থনীতিতে তামাকের প্রাধান্যই বেশী, কারণ পাট অপেক্ষা অধিক মূল্যের তামাক উৎপন্ন হয়। ইংরেজী সাম্প্রতিক "ওয়েষ্ট বেঙ্গল" পত্রিকায় কুচবিহারে তামাক চাষ সম্পর্কে এক প্রবন্ধে শ্রী জে. এন. মহলানবীশ লিখিতেছেন, কুচবিহারের মাথাভাঙ্গা ও দিনহাটা এই দুইটি বিভাগেই প্রধানতঃ তামাকের চাষ সীমাবদ্ধ। প্রায় ২৭,৮০০ একর জমিতে তামাকের চাষ হয়। মাথাভাঙ্গাতে বৃহত্তর ক্ষেত্রে তামাকের চাষ হয় তবে দিনহাটায় উৎপন্ন তামাকই গুণে শ্রেষ্ঠতর।

উৎপন্ন তামাক দুই প্রকারের—জাতি ও মতিহারী। জাতি তামাক প্রধানতঃ ধূমপানের জন্য ব্যবহৃত হয় এবং মতিহারী তামাক প্রধানতঃ চিবাইয়া খাওয়া হয়। দেশীয় চুরুট তৈয়ারী

করিবার জগুও জাতি তামাক ব্যবহৃত হয়। বর্তমানে মতিহারী তামাকের দর প্রতি মণ ১২০ হইতে ১৬০ টাকা এবং জাতি তামাকের দর প্রতি মণ ৮০ হইতে ১২৬ টাকা। • যুদ্ধের সময় এবং যুদ্ধান্তর যুগে তামাকের মূল্য খুবই বৃদ্ধি পায়। ১৯৫২ সনের মার্চ মাসে মূল্যত্বাসের লক্ষণ প্রকাশ পায়; তবে সাম্প্রতিক কালে মূল্যমানের উর্দ্ধগতি দেখা দিয়াছে এবং আশা করা যায় যে দেশের আভ্যন্তরীণ কৃষি-অর্থনীতির কোন হঠাৎ পরিবর্তন না ঘটিলে তামাকের মূল্যমান স্থির থাকিবে।

অনুমান করা হয়, কুচবিহারে আড়াই লক্ষ মণ তামাক উৎপন্ন হয়; তন্মধ্যে এক-তৃতীয়াংশ জাতি এবং অবশিষ্ট মতিহারী। তামাকের মূল্য প্রতি মণ ১০০ টাকা করিয়া ধরিলেও ইহার দ্বারা প্রতি বৎসর কুচবিহারের ২ কোটি ৬০ লক্ষ টাকা আয় হয়।

দেশবিভাগের ফলে কুচবিহারে উৎপন্ন তামাকের চাহিদার বিশেষ পরিবর্তন ঘটিয়াছে। দেশবিভাগের পূর্বে অধিকাংশ জাতি তামাক পূর্ববঙ্গে বাইত। কিন্তু দেশবিভাগের পর সেখানে আর কুচবিহার হইতে তামাক যায় না; ফলে জাতি তামাকের একটি প্রধান বাজার নষ্ট হয় এবং জাতি তামাকের দর পড়িতে থাকে। সাম্প্রতিক কালে আসামে কুচবিহারের জাতি তামাকের চাহিদা বৃদ্ধি পাওয়ায় জাতি তামাকের মূল্য কিছু পরিমাণে বৃদ্ধি পাইয়াছে। অপরপক্ষে দেশবিভাগের পর পূর্ববঙ্গ হইতে মতিহারী তামাক আমদানী বন্ধ হওয়ায় পশ্চিমবঙ্গে মতিহারী তামাকের মূল্য বিশেষ বৃদ্ধি পায়। ফলে মতিহারী তামাকের চাষ বাড়িয়াছে এবং জাতি তামাকের চাষ হ্রাস পাইয়াছে।

শ্রীযুক্ত মহলানবীশ লিখিতেছেন যে, কুচবিহারের মাটি এবং আবহাওয়া উভয়ই তামাকচাষের পক্ষে বিশেষ উপযোগী। কিন্তু এখনও পর্যন্ত তথায় উন্নত ধরনের তামাক চাষের কোন সুসংবদ্ধ প্রয়াস হয় নাই। সম্প্রতি কেন্দ্রীয় তামাক কমিটি দিনহাটার নিকট একটি তামাক উৎপাদন গবেষণা-কেন্দ্র খুলিয়াছেন। সেখানে কোন প্রকারের তামাকের চাষ কুচবিহারে সর্বাপেক্ষা বেশী ফলপ্রসূ হইবে সে সম্পর্কে গবেষণা চলিতেছে।

যদিও তামাক কুচবিহারের অর্থনীতিতে একটি প্রধান ভূমিকা গ্রহণ করিয়াছে তথাপি তামাকচাষীরা নিতান্ত দুর্বস্থায় রহিয়াছে। কারণ বিল্লেখ্য করিয়া লেখক বলিতেছেন যে, তামাক বিক্রয়ের কোন সুবন্দোবস্ত না থাকায় মহাজন এবং ধনী ব্যবসায়ীরাই লাভের অধিকাংশ ভোগ করে। যে জমিতে তামাক চাষ হয় তাহার অধিকাংশই জমিদার এবং জোতদারদের হাতে; তাহারা চাষীদের নিকট ভাগে জমি বন্দোবস্ত দেয়। গরীব কৃষকেরা অধিকাংশ ক্ষেত্রেই ঋণগ্রস্ত হওয়ায় তাহারা জমিদার, জোতদার এবং মহাজনদের নিকট উৎপন্ন তামাক অতি নিম্নমূল্যে বিক্রয় করিতে বাধ্য হয়।

তামাকের মূল্য নিষ্কারণ ব্যবস্থাও ক্রটিপূর্ণ। প্রচলিত প্রথা অনুযায়ী ৯৩ তোলাতে এক সের ধরা হয়। সেইজগু অল্প দরিদ্র

চারীদের পক্ষে মূল্য নির্ধারণ বিশেষ কষ্টকর হয়। তাহা ছাড়া উৎপাদক কৃষককে বিক্রীত প্রতি মণ তামাকের সহিত সকল ক্ষেত্রেই দেড় সের হইতে আড়াই সের তামাক বিনামূল্যে দিতে হয়।

তামাক কাটার অব্যবহিত পরে তামাকের মূল্যমান হ্রাস পায়; কিন্তু দরিদ্র কৃষকের পক্ষে তামাক বেশী দিন ধরিয়া রাখা সম্ভব নয় বলিয়া তাহাকে অল্প দামেই তামাক বিক্রয় করিতে হয়। উপরন্তু তামাক গুদামজাত রাখাও বিশেষ কষ্টসাধ্য এবং বায়ুসাপেক্ষ। কিছুদিন পর যখন তামাকের মূল্যবৃদ্ধি ঘটে তখন ব্যবসায়ীরা উচ্চমূল্যে তামাক বিক্রয় করিয়া প্রভূত লাভ করে।

এই সকল অবস্থা বিবেচনা করিয়া মহলানবীশ লিখিতেছেন যে, তামাকচাষীরা যদি সমবায় পদ্ধতিতে তামাক বিক্রয়ের জ্ঞান সচেষ্ট হয় তবে তাহাতে তাহারা বিশেষ উপকৃত হইতে পারে। তবে প্রথমদিকে তাহাদের হাতেই সবকিছু ছাড়িয়া দিলে সফলতার আশা সুদূরপরাহত; কারণ অজ্ঞ, দরিদ্র কৃষকের পক্ষে সমবায় পদ্ধতিতে চলিতে হইলে সময়ের প্রয়োজন এবং ততদিন শিক্ষিত লোকদের তাহাদিগকে সাহায্য করিতে হইবে।

মুর্শিদাবাদের গজদস্ত শিল্প

বিগত দুই শতাব্দী যাবৎ মুর্শিদাবাদ জেলার গজদস্ত শিল্পের খ্যাতি এককালে বহুদূর বিস্তৃত ছিল। বহরমপুরের গজদস্ত-শিল্পীরা সমগ্র ভারতের মধ্যে গজদস্তশিল্পের শ্রেষ্ঠ কারিগর হিসাবে পরিগণিত হইতেন। মুর্শিদাবাদের ডিয়াগঞ্জ ও বহরমপুর পশ্চিমবঙ্গের অগ্রতম গজদস্ত-শিল্পকেন্দ্র রূপে বিখ্যাত ছিল। বর্তমান শতাব্দীর প্রথম হইতে ৪৫ বৎসর এই শিল্প ভালই চালু ছিল। দ্বিতীয় মহাযুদ্ধের সময়ে এই শিল্পের সমৃদ্ধি বিশেষরূপেই বৃদ্ধি পাইয়াছিল। কিন্তু বর্তমানে এই শিল্প ধ্বংসোন্মুখ।

গজদস্ত-শিল্পীদের ভাস্কর নামে অভিহিত করা হয়। বর্তমানে মুর্শিদাবাদে দশ ঘর ভাস্করও কজি-রোজগারের জ্ঞান গজদস্তশিল্পের উপর সম্পূর্ণরূপে নির্ভর করেন কিনা সন্দেহ। “মুর্শিদাবাদ সমাচার” লিখিতেছেন যে, “বহরমপুরে যে তিন-চার ঘর এখনও হাতের দাঁতের জিনিষপত্র ও প্রতিমূর্তি নিষ্কাশন করেন, তাহাদের অপরাপর আয়ের পথ না থাকিলে এতদিন বাধা হইয়া এই শিল্প পরিত্যাগ করিতেন।”

গজদস্ত শিল্পের বর্তমান দুর্বস্থার কারণ অনুসন্ধান করিয়া পত্রিকাটি লিখিতেছেন যে, ক্রেতার অভাবেই গজদস্ত শিল্প বর্তমান দুর্দশার সম্মুখীন হইয়াছে। পূর্বে রাজা-মহারাজা এবং জমিদারগণ গজদস্তের সামগ্রী ক্রয় করিতেন। অপেক্ষাকৃত হুমুলাতা হেতু সাধারণ লোক কখনই এই সকল দ্রব্য ক্রয় করিতে পারিত না। বর্তমানে রাজা-মহারাজা ও জমিদারশ্রেণীর অবস্থার অবনতি ঘটায় এবং সাধারণ লোকের আর্থিক অবস্থার বিশেষ উন্নতি না হওয়ায় গজদস্ত সামগ্রীর ক্রেতা প্রায় নাই বলিলেও চলে। দেশীয়-ধনিক সম্প্রদায় এই শিল্পকে কোন পৃষ্ঠপোষকতা করেন না বলিলেই হয়। তা ছাড়া বিদেশী বাজারে এই শিল্পজাত দ্রব্যাদি বিক্রয়ের

কোন সুবন্দোবস্ত না থাকিতে গজদস্ত-শিল্পীদের বাধা হইয়া বহু কালের জাতব্যবসা পরিত্যাগ করিতে হইতেছে।

তাহার উপর রহিয়াছে কাঁচা মালের অতিরিক্ত চড়া মূল্য। “মুর্শিদাবাদ সমাচার” লিখিতেছে, “দেশের গজদস্ত-শিল্পীর ব্যবসা চলুক আর নাই চলুক শুনিয়াছি যাহারা হস্তীদস্ত বিদেশ হইতে আমদানী করে, তাহাদের লাভের পরিমাণ যথেষ্ট এবং হস্তীদস্ত আমদানীর কারবার শজা আমদানীর কারবারের মত এক বিশেষ শ্রেণীর একচেটিয়া। সরকারী হস্তক্ষেপে যদি হস্তীদস্ত আমদানীর একচেটিয়া কারবার বন্ধ হয়, তাহা হইলে অন্ততঃ গজদস্ত-শিল্পীগণ কাঁচা মাল অপেক্ষাকৃত সস্তা দরে পাইতে পারে। কিন্তু এ যাবৎ সেরূপ কোনও চেষ্টা হয় নাই।”

এ সম্পর্কে পশ্চিমবঙ্গ সরকারেরও যথেষ্ট কর্তব্য আছে বলিয়া পত্রিকাটি মনে করেন। “দক্ষিণ-ভারত বা দিল্লী-জয়পুরের গজদস্ত-শিল্পীরা সম্বন্ধে সেই দেশের রাজা-সরকার ইতিমধ্যেই অবহিত হইয়াছেন। পশ্চিমবঙ্গ-সরকারও এই শিল্পটি সংরক্ষণে অতঃপর অগ্রসর না হইলে কোনও উপায় নাই।” (২৫শে জৈষ্ঠ)

জঙ্গীপুর মহকুমার সমস্যাবলী

“ভারতী” এক সম্পাদকীয় প্রবন্ধে জঙ্গীপুর মহকুমার সমস্যাবলীর প্রতি কর্তৃপক্ষের দৃষ্টি আকর্ষণ করিয়া অনুরোধ জানাইয়াছেন যাহাতে দ্বিতীয় পঞ্চবার্ষিকী পরিকল্পনাতে ঐ সকল সমস্যা নিরসনের চেষ্টা হয়।

পত্রিকাটি লিখিতেছেন, সমগ্র পশ্চিমবঙ্গের সর্বাপেক্ষা অবজ্ঞাত সীমান্তবর্তী মুর্শিদাবাদ জেলার মধ্যে জঙ্গীপুর মহকুমা আনুপাতিকভাবে আরও বেশী অবজ্ঞাত। প্রথম পরিকল্পনায় গাশনাল হাইরোড ছাড়া আর কিছু ঐ মহকুমার ভাগে পড়ে নাই।

জঙ্গীপুরের প্রধান সমস্যা যোগাযোগ ব্যবস্থার অভাব। ‘ভারতী’ লিখিতেছেন, “গাশনাল হাইরোড ও জঙ্গীপুর-লালগোলা রোড দ্বারা কিছু সুরাহা হইলেও পার্শ্ববর্তী গ্রামাঞ্চলের সহিত যোগাযোগ রক্ষার ব্যবস্থা না হইলে গ্রামবাসীদের যাতায়াতের অসুবিধা থাকিয়া যাইবে। মহকুমার বিশিষ্ট ব্যবসাকেন্দ্র ধুলিয়ান রেলপথ হইতে বিচ্ছিন্ন। টেনের অব্যবস্থার জ্ঞান এই অঞ্চলের অধিবাসীদের কলিকাতা এবং অন্নাড় জায়গায় যাতায়াতের বিশেষ অসুবিধা হইতেছে।”

ফরাকতে গঙ্গার উপর একটি বাঁধ না দেওয়ার ফলে বৎসরের অধিক সময় গঙ্গার বৃক চড়া পড়িয়া থাকে। অবিলম্বে ঐ স্থানে বাঁধ না দিতে পারিলে “উত্তরবঙ্গের সহিত যোগাযোগ রক্ষা হইবে না এবং এই অঞ্চলের বিস্তৃত এলাকা জুড়িয়া শিল্প ও কৃষির উন্নতি সম্ভব হইবে না।”

ঐ মহকুমার অপর একটি প্রধান সমস্যা হইল জলকষ্ট। গ্রীষ্ম-কালে তিন-চার মাইল দূর হইতেও পল্লীবধূগণ পানীয় জল সংগ্রহ করিতে পাবেন না। নলকূপের অভাবে বিস্তৃত পানীয় জল প্রায় পাওয়া যায় না বলিলেও চলে। ফলে কলেরা, আমাশয় প্রভৃতি

রোগের প্রাদুর্ভাব ঘটে। “যদিও গত কয়েক বছর এ অঞ্চলে বন্যার প্রাবল দেখা যায় নাই তবুও ফরাঙ্গা-সমসেরগঞ্জ অঞ্চলে শিরা-পাহাড়, তেঘরী, গোবিন্দপুর এলাকায় দুর্জনখালি, দয়্যারামপুর, লালগোলা অঞ্চলে চিলাকুঠির ডাঁরা ইত্যাদি বর্ষার সময়ে গ্রামস্থ মানুষকে সম্ভ্রান্ত করিয়া রাখে।”

জঙ্গীপুরে ছোটখাট সেচ-পরিবহনকারী বিশেষ অভাব বহিয়াছে। সমাজ উন্নয়ন পরিকল্পনার একটি ব্লকও নাকি মুর্শিদাবাদের অন্তর্ভুক্ত করা হয় নাই। বীরভূম সীমান্তে হিলোরা-জাজিগ্রাম বাতীত সরকারী খানা বা ইউনিয়ন স্থাপনা ইউনিট ঐ মহকুমায় নাই। মহকুমার কুটীরশিল্পের অবস্থাও বিশেষ সুবিধার নয়। বেশমশিল্প লুপ্তপ্রায় এবং কাংশিল্প ও তাঁতশিল্পও অচল অবস্থার সম্মুখীন।

ত্রিপুরা সরকারের পুনর্কাসন বিভাগের গাফিলতি

এই আঘাত এক সম্পাদকীয় মন্তব্য প্রসঙ্গে “সেবক” লিখিতেছেন যে, ত্রিপুরা সরকারের পুনর্কাসন বিভাগের গাফিলতির জগৎ রুদ্র-সাগরস্থ ছয় শত মংশুজীবী পরিবারের পুনর্কাসন ব্যবস্থা বিপর্যয় হইয়া পড়িয়াছে। ত্রিপুরাতে অবস্থিত তিন-চার লক্ষ উদ্বাস্তুদের মধ্যে রুদ্রসাগরের এই ছয় শত মংশুজীবী পরিবারই প্রকৃত পুনর্কাসন পাইয়াছিল। সরকার এই মংশুজীবী পরিবারদিগের জগৎ সর্বসমেত পাঁচ লক্ষ টাকা ব্যয় করিয়াছেন। কিন্তু বর্তমানে একটি স্মাইস গেটের অভাবে সরকারের রুদ্রসাগর ফিসারি পরিবহন বানচাল হইয়া যাইতেছে। এইরূপ একটি গেটের অভাবে বর্ষাকালে লক্ষ লক্ষ পোনা চলিয়া যায় এবং উদ্বাস্তুদের হাজার হাজার মণ বোরো ফসল নষ্ট হয়। গত দুই বৎসরের সকল আবেদন-নিবেদন সত্ত্বেও এই ব্যাপারে সরকারী উদাসীনতার অবস্থানের কোন সূচনা দেখা যায় নাই।

উক্ত সম্পাদকীয় মন্তব্য অনুযায়ী ভারত-সরকার স্মাইস গেটটি নিষ্কাশনের জগৎ প্রয়োজনীয় অর্থ দিতে সবিশেষ আগ্রহান্বিত। তাঁহারা নাকি বরাবর ত্রিপুরা সরকারের নিকট গেট নিষ্কাশনের ব্যয়ের একটি এন্টিমেটের জগৎ তাগাদা দিয়াছেন; কিন্তু ত্রিপুরা সরকার এন্টিমেট দাখিল করেন নাই। পূর্নবিভাগ এ ব্যাপারে সম্পূর্ণ উদাসীন এবং পুনর্কাসন বিভাগও পূর্নবিভাগের উপর এজগৎ কোন চাপ দেন নাই। কারণ, পত্রিকাটির ভাষায়, “স্মাইস গেট নিষ্কাশন হইয়া গেলে এই ছয় শত পরিবার সম্পূর্ণ পুনর্কাসন পাইয়া যায়। ... উদ্বাস্তুদের পুনর্কাসনকার্য যদি সম্পন্ন হইয়া যায় তাহা হইলে বিভাগটির দরজা বন্ধ হওয়ার আশঙ্কা তো আছেই।”

ত্রিপুরায় বন্যা

“সেবক” পত্রিকার ১৩ই জুন সংখ্যায় প্রকাশিত সংবাদে জানা যায়, সপ্তাহব্যাপী প্রবল বারিপাতের ফলে ত্রিপুরায় বিভিন্ন অঞ্চল বন্যার জলে জলমগ্ন হওয়ায় যানবাহন এবং ডাক চলাচল ব্যবস্থায় বিলম্ব ও বিশৃঙ্খলা দেখা দিয়াছে। বিমানঘাঁটিতে জল উঠায় কৈলাসহর ও কমলপুরে বিমান চলাচলে অসুবিধা ঘটে।

যোগাযোগ ব্যবস্থা বিচ্ছিন্ন হওয়ায়, সরকারী কর্মচারিগণের পক্ষেও আর মফস্বল পরিদর্শনে যাওয়া সম্ভব হইতেছে না। তদুপরি ডাক বিভাগীয় বেতারযন্ত্র বিকল হওয়ায় মফস্বল হইতে টেলিগ্রাম আদান-প্রদান বন্ধ হইয়াছে। প্রবল বারিপাতের ফলে হাওড়া নদীর বাধ ভাঙিয়া আগরতলা জলমগ্ন হইয়া যায়।

আসাম-আগরতলা সড়কটি বর্ষার আগমনে বিশেষ সঙ্কটজনক অবস্থায় পড়িয়াছে। উক্ত পত্রিকার ২৭শে জুন সংখ্যায় ষ্টাফ রিপোর্টার প্রদত্ত বিবরণীতে প্রকাশ যে, ১লা জুলাই ত্রিপুরা সরকারের নিকট ঐ রাস্তাটি আসাম পি-ডব্লিউ-ডি কর্তৃক হস্তান্তরিত হইবার কথা ছিল। কিন্তু আসামের পূর্নবিভাগ সময়োপযোগী কার্য সম্পাদন না করায় তাহা সম্ভব হইবে না। উক্ত রিপোর্টারের সংবাদ অনুযায়ী “ঐ সড়কটির কাজ সহসা সম্পূর্ণ হইবার বিশেষ লক্ষণ দেখা যাইতেছে না।” ঘন ঘন ঠিকাদার পরিবর্তন ও এক-জনের পদ আর একজনকে দিতে গিয়াই নাকি এই অবস্থার সৃষ্টি হইয়াছে।

ত্রিপুরায় প্রায় প্রতি বৎসরেই বন্যার প্রকোপে বিশেষ ক্ষতি হয়। এই সম্পর্কে এক সম্পাদকীয় প্রবন্ধে “সেবক” লিখিতেছেন, রাজ্যের প্রধানতম নদীগুলির জল বহন করিবার ক্ষমতা লোপ পাওয়ার ফলেই এইরূপ বন্যা ঘটিয়া থাকে। লোকসংখ্যা এবং বসতিবৃদ্ধির ফলে রাজ্যের বিভিন্ন অঞ্চলের বহু বনসম্পদ নষ্ট হইয়াছে। এখন বৃষ্টি হইলেই জল কোথাও বাধাপ্রাপ্ত না হওয়ায় সহসা গড়াইয়া আসিতে পারে; ফলে বহু অঞ্চল হঠাৎ জলমগ্ন হইয়া যায় এবং বন্যা দেখা দেয়।

কিন্তু ঐরূপ ক্ষতি সত্ত্বেও ত্রিপুরার জল ত্রিপুরায় থাকে না। “একদিকে যেমন বন্যার জলে ফসল নষ্ট হয় অন্যদিকে জল আটকাইয়া রাখার ব্যবস্থা না থাকায় জলাভরে কৃষিকার্যও ব্যাহত হয়।” বাধ বাধিয়া জল আটকাইয়া রাখিলে তাহাতে কৃষিকার্যেরও প্রভূত সাহায্য হইবে এবং সঙ্গে সঙ্গে সম্ভ্রান্ত জলবিদ্যুৎ উৎপন্ন করা যাইবে, যাহার সাহায্যে ত্রিপুরায় উন্নয়ন কার্য বহুলাংশে ত্বরান্বিত করা যাইতে পারে। দ্বিতীয় পঞ্চবার্ষিকী পরিকল্পনাতে সাহায্যে ত্রিপুরার এই একান্ত প্রয়োজনীয় ব্যবস্থাটি উপেক্ষিত না হয় সেজগৎ উক্ত পত্রিকা অমুরোধ জানাইয়াছেন।

নেপা মিল পরিকল্পনা

ভারতে বর্তমানে কোন নিউজপ্রিন্ট উৎপন্ন হয় না। ভারতে প্রতি বৎসর ৭৫,০০০ টন নিউজপ্রিন্ট ব্যবহৃত হয়, উহার জগৎ প্রায় বার্ষিক ছয় কোটি টাকা বিদেশী মুদ্রা ব্যয় করিতে হয়। সাহায্যে ভারতে নিউজপ্রিন্ট উৎপন্ন করা যায় তজ্জগৎ মধ্যপ্রদেশের নেপা-নগরে একটি নিউজপ্রিন্ট কারখানা স্থাপনের কার্য চলিতেছে। উক্ত কারখানা হইতে প্রতি বৎসর ৩০,০০০ টন নিউজপ্রিন্ট উৎপন্ন হইবে বলিয়া আশা করা যাইতেছে। ইহাতে ভারতের প্রতি বৎসর প্রায় দুই কোটি টাকা মূল্যের বিদেশী মুদ্রা বাঁচিয়া যাইবে।

প্রস্তাবিত মিল স্থাপনের কার্য অনেক দূর অগ্রসর হইয়াছে। ৩রা জুলাই “হিতবাদ” পত্রিকার সংবাদে প্রকাশ যে, আনুমানিক মোট ব্যয় ৫ কোটি ৫৭ লক্ষ টাকার মধ্যে ইতিমধ্যেই প্রায় সাড়ে চার কোটি টাকা ব্যয়িত হইয়াছে এবং কার্যতঃ প্রায় সমুদয় যন্ত্রপাতি বসানোর কাজও সম্পন্ন হইয়াছে। আগামী অক্টোবর মাস হইতেই উক্ত মিলে দৈনিক ২৫ টন নিউজপ্রিন্ট উৎপাদন আরম্ভ করা হইবে।

উক্ত পত্রিকার সংবাদ অনুযায়ী ভারত-সরকার অত্যাধিক ঐ পরি-কল্পনার জন্ত এক কোটি টাকা ঋণ দিয়াছেন; মধ্যপ্রদেশ সরকার ২ কোটি ২৫ লক্ষ টাকা ঋণ হিসাবে দিয়াছেন এবং শেয়ার কাপি-টাল হিসাবে দিয়াছেন ৬৫ লক্ষ টাকা। মূলধন হিসাবে জন-সাধারণের নিকট হইতে তোলা হইয়াছে ৭৫ লক্ষ টাকা।

নির্ভরযোগ্য সূত্র হইতে জানা গিয়াছে যে, মধ্যপ্রদেশ সরকার নাকি উক্ত পরিকল্পনার জন্ত ভারত-সরকারের নিকট আরও সোয়া এক কোটি টাকা ঋণ প্রার্থনা করিয়াছেন। কিন্তু ভারত-সরকার আপাততঃ সেই ঋণ দান স্থগিত রাখিয়াছেন। গত বৎসর কেন্দ্রীয় সরকার তিন জন লইয়া গঠিত একটি বিশেষজ্ঞ কমিটিকে নেপানগরে পাঠান সেখানকার কার্যকলাপ পর্যবেক্ষণ করিবার জন্ত। ঐ বিশেষজ্ঞ কমিটির পরামর্শ সম্পর্কে সিদ্ধান্ত গৃহীত হইলে কেন্দ্রীয় সরকার নূতন ঋণ দান সম্পর্কে বিবেচনা করিবেন।

সম্প্রতি মধ্যপ্রদেশ রাজ্য-সরকারের আমন্ত্রণক্রমে কেন্দ্রীয় অর্থ-মন্ত্রী শ্রীচিষ্টামন দেশমুগ নেপা মিল পরিদর্শনে গিয়াছিলেন। নাগ-পুর পরিভ্রমণের অব্যবহিত পূর্বে এক বিবৃতিতে তিনি বলেন যে, নেপা মিলের কার্য এখনও অন্ধ-সমাপ্ত; এখনও অনেক যন্ত্রপাতি বসানো বাকি রহিয়াছে, অর্থাৎ তাহা করা যাইতেছে না।

মধ্যপ্রদেশ সরকার শ্রীদেশমুগের এইরূপ মন্তব্যের প্রতিবাদ করিয়াছেন।

ভারতে কারিগরি শিক্ষার প্রয়োজনীয়তা

কোন দেশ প্রাকৃতিক সম্পদে সমৃদ্ধ হইলেও উহার অধিবাসীরা দরিদ্র হইতে পারে—বৈজ্ঞানিক জ্ঞান ও কারিগরি কুশলতার অভাবে। ভারত এই আপাতবিরোধী পরিস্থিতির প্রকৃত দৃষ্টান্ত-স্থল। কাজেই ভারতে উন্নত ধরনের বৈজ্ঞানিক ও কারিগরি শিক্ষার প্রয়োজন যে কত বেশী তাহা বুঝাইয়া দেন কলিকাতা বিশ্ব-বিদ্যালয়ের উপাচার্য ডাঃ জে. সি. ঘোষ আকাশবাণীর জাতীয় কাব্য-সূচী পর্যায়ে সম্প্রতি প্রদত্ত এক মনোজ্ঞ ভাষণে। ঐ বক্তার ভাষণের সারমর্ম দেওয়া হইল :

“মানুষের জীবন-ধারণের জন্ত সর্ব্বদাই কতকগুলি জিনিষ অত্যাবশ্যক যেমন, জমি, বায়ু, জল, উপত্যকার নদীনিচয়, পৃথিবীর উপরিভাগের সবুজ গাছপালা এবং অস্ত্রের খনিজ সম্পদ। ইহাদের মধ্যে কতকগুলি মানুষ খুঁড়িয়া কুহর করে, কতকগুলি চাষ করে, কোনও কোনটা তৈয়ার করে বা প্রয়োজনমত শোধন করে। এই কাজে সাহায্য যতটা সাফল্যলাভ করে তাহা ততটা সমৃদ্ধিশালী হয়। জ্ঞান ও উচ্চতর উপরই এই সাফল্য নির্ভর করে।

অজ্ঞানতা ভগবানের অভিশাপ, জ্ঞানরূপ ডানায় ভর করিয়াই আমরা স্বর্গদ্বারে পৌঁছাই—ইহা শ্রেষ্ঠ ইংবেজ কবির উক্তি। কবির দেশের লোকেরা বাস্তব জীবনে কবির উক্তির তাৎপর্য্য সপ্রমাণ করিয়াছেন। অজ্ঞানতা ও আলস্যই দুর্দশার প্রসূতি, ইহা অনেক-দিন আগেই তাহারা উপলব্ধি করিয়াছেন। বিদ্যা ও তাহার সার্থক প্রয়োগের ফলে ধন উৎপাদন করা যায়। কেহ কেহ এমন কথা পর্য্যন্ত বলিয়াছেন যে, কর্তব্য সম্পাদন উপাসনারই নামাস্তর।

ইংলণ্ডে নদী-উপত্যকা অঞ্চলগুলিতে কিছু ভাল জমি আছে, আর মাটির নীচে আছে প্রচুর কয়লা। তথাকার অধিবাসীরা স্টীম ইঞ্জিন আবিষ্কার করিল এবং এইরূপে শক্তি উৎপাদনের জন্ত কয়লা ব্যবহারের উপায় করিল। খনিজ লৌহ ও কয়লা হইতে ব্যাপক ভাবে ইস্পাত উৎপাদনের একটি প্রক্রিয়া তাহারা উদ্ভাবন করিল। সূতাকাটা ও বস্ত্রবয়নের যান্ত্রিক পদ্ধতি তাহারা অবলম্বন করিল। বেলেওয়ে ও বাষ্পীয় জাহাজ তৈয়ার করিয়া তাহারা স্থলপথে ও জল-পথে পরিবহন ব্যবস্থার যুগান্তর আনয়ন করিল। রাসায়নিক সার ও উন্নত ধরনের কৃষিপদ্ধতি প্রয়োগ করিয়া তাহারা পূর্বের চেয়ে পাঁচগুণ বেশী শস্য উৎপাদন করিতে সক্ষম হইল। এক জন লোক অল্প দেশের দশ জন লোকের সমান দক্ষতায় কাজ করিতে লাগিল। ফল হইল এই যে, যে সকল দেশের লোকেরা জীবিকার জন্ত কেবল মাংসপেশীর শক্তি এবং আদিম নিপুণতার উপর নির্ভর করিত সেই সকল দেশের এক জন লোকের তুলনায় ১৯শ শতাব্দীর শেষভাগে এক জন ইংবেজ দশ গুণ সম্পদ উৎপাদন ও ভোগ করিতে লাগিলেন।

সাম্প্রতিকালে মার্কিন যুক্তরাষ্ট্র আরও আগাইয়া গিয়াছে। গত শতাব্দীর ষষ্ঠ দশকে লিঙ্কন মানুষের দাস ব্যবসার অবসান করেন। আজ এক একজন আমেরিকানের শতাধিক দাস রহিয়াছে—তবে সে দাস মানুষ নহে, যন্ত্র। প্রশ্ন হইতে পারে, এই যান্ত্রিক দাস-গুলি কি করিতে পারে? নিপুণ প্রভুর পরিচালনায় ইহারা মৃত্তিকা খনন করে, জমি চাষ করে, শস্য বপন করে এবং পাকা ফসল ঘরে তোলে; স্থলে, জলে, অস্ত্রবীক্ষে তাহারা মানুষ ও দ্রব্যসামগ্রী পারা-পার করায়; নানাপ্রকার শিল্পোপকরণ দ্বারা তাহারা মানুষের প্রয়ো-জনীয় যাবতীয় দ্রব্য তৈয়ার করে, অবিশ্যাত্ত অল্প সময়ের মধ্যে তাহারা পৃথিবীর বিভিন্ন অঞ্চলের লোকের পরস্পরের মধ্যে সংযোগ ঘটায়।

এইজগৎই যুক্তরাষ্ট্রের জীবন-ধারণের মান অত্যন্ত উন্নত। সেখানে সকলেই ভাল খায়, ভাল ভাল কাপড় জামা পরে এবং ভাল ঘরে থাকে। সেখানকার স্বাস্থ্য-ব্যবস্থা এত ভাল যে, সে দেশের লোকের গড়পড়তা আয়ু ৭০ বৎসর—ভারতের লোকের গড়পড়তা আয়ু কিন্তু মাত্র ২০ বৎসর। চার জন লোকের ছোট একটি পরি-বারেরও আছে একটি মোটরগাড়ী, একটি টেলিফোন ও একটি রেডিও। সেই দেশের ১৬ কোটি অধিবাসী যে স্বচ্ছন্দ্য ও প্রাচুর্য্যের মধ্যে বাস করে তাহা জগতের ঈর্ষার বস্তু। অথচ মাত্র ৩০০ বৎসর পূর্বে সেই দেশ ছিল পথঘাটহীন একটি বিরাট জঙ্গল।

সেক্সপীয়ার ইংরেজদিগকে যাহা বলিয়াছিলেন বেঞ্জামিন ফ্রাঙ্কলিন আমেরিকানদের তাহাই বলিলেন, অবশ্য অল্প ভাষায়। তিনি প্রচার করিলেন যে, প্রাকৃতিক জ্ঞান বৃদ্ধি ছাড়া মানুষের উন্নতির আর কোনও নিশ্চিত পথ নাই। আমেরিকানরা তাঁহার উপদেশ মানিয়া লইল। নূতন জ্ঞান অর্জনের জন্ত, নূতন পদ্ধতি আবিষ্কারের জন্ত, নূতন নূতন এবং উন্নত ধরণের দ্রব্য প্রস্তুত করার জন্ত, জমির উর্বরতা বৃদ্ধির জন্ত, বৈজ্ঞানিক ব্যবস্থায় উন্নত ধরণের গাছপালা ও পশুপক্ষীর জন্ম সম্ভব করিবার জন্ত সমানে অবিরাম চেষ্টা চলিতেছে।

প্রাকৃতিক সম্পদে কোনও দেশ সমৃদ্ধ হইতে পারে—কিন্তু ঐ দেশেরই অধিবাসীরা দরিদ্র হইতে পারে—ঐ সম্পদ নিজেদের কাজে লাগাইবার জ্ঞানের অভাবে। আজকাল যে-কোনও দেশের শ্রেষ্ঠ সম্পদ হইল বৈজ্ঞানিক জ্ঞান ও কারিগরি নিপুণতা। প্রাকৃতিক সম্পদের জায় এই সম্পদ ব্যবহারে কমিয়া যায় না—বাড়ে, আর অল্পকে ইহার অংশ দিলে ইহা আরও বাড়ে।

এই সত্য যে দেশ উপলব্ধি করিয়াছে সেই দেশ প্রাকৃতিক সম্পদে খাট হইলেও সমৃদ্ধ হইতে পারে। যেমন সুইজারল্যান্ড। আধুনিক শিল্পের পক্ষে যে সমস্ত জিনিষ অপরিহার্য বলিয়া গণ্য হয় যেমন, কয়লা, ইস্পাত, তামা প্রভৃতি—কিছুই সেখানে নাই। অথচ সুইজারল্যান্ডে উৎপন্ন বড় বড় বৈজ্ঞানিক যন্ত্র পৃথিবীর বাজারে সুলভ মূল্যে বিক্রয় হইয়া থাকে। সুইস কারিগরেরা ঘড়ি নিৰ্মাণে যে কাৰ্য্যকুশলতার পরিচয় দিয়াছে তাহার তুলনা নাই—এইজন্ত তাহারা যথার্থই গর্ববোধ করিয়া থাকে।

ভারত দরিদ্র-অধুষিত সম্পৎশালী এক অতি বিচিত্র দেশ। পাঁচ হাজার বৎসর পূর্বে সিন্ধুনদের অববাহিকায় যখন প্রথম সভ্যতার উন্মেষ ঘটে তখন ভারতবাসীর জীবিকানির্বাহের মান যাহা ছিল আজও প্রায় তাহাই আছে। ইহার কারণ অনুসন্ধান করিতে বেশী দূর বাইতে হইবে না। ভারতের শতকরা ৮০ জন লোক সেই আদিম প্রথায় কৃষিকার্যের উপরেই নির্ভর করিয়া আছে এবং তাহার অবশ্যজ্ঞাবী ফল হইতেছে—অজ্ঞতা, দারিদ্র্য ও অপুষ্টি। পল্লীবাসীর শোচনীয় আত্মতুষ্টি এবং ভাগ্যের উপর নির্ভরশীলতা দূর করিয়া তাহার স্থলে মানুষের চেষ্টা ও শক্তির উপরে বিশ্বাস জাগ্রত করিতে হইবে। তাহাদের মধ্যে উন্নত জীবনধারণের বাসনা উদগ্ৰ করিয়া তুলিতে হইবে।

আধুনিক বিজ্ঞান ও কারিগরি বিদ্যা সেই বিশ্বাস ও বাসনা জাগাইয়া তুলিতে পারে। এই কারণেই আমাদের প্রধানমন্ত্রী প্রায়ই বলিয়া থাকেন যে, প্রাকৃতিক সম্পদের প্রাচুর্যের মধ্যে নিদারুণ দারিদ্র্যের বিচিত্র সমস্যা সমাধান করিতে পারে বিজ্ঞান ও কারিগরি বিদ্যা। তাঁহার বিশ্বাস ভারতের সাধারণ মানুষ ইউরোপের সাধারণ মানুষের তুলনায় অধিক বৃদ্ধি ধারণ করে। আধুনিক বিজ্ঞানে ব্যাপ্তি ও কারিগরি জ্ঞান থাকিলে তাহারাও স্কন্দরতর জীবনধারণের প্রয়াস পাইত।

স্বাধীনতালাভের পর হইতেই সরকার বিজ্ঞান ও কারিগরি শিক্ষা এবং জ্ঞান প্রসারের পরিকল্পনাকে সর্বাপেক্ষা অগ্রাধিকার দিয়াছেন। গত ছয় বৎসরে আমাদের কারিগরি শিক্ষায় বিস্তার-লাভ করিয়াছে দুই মহাযুদ্ধের অন্তর্কর্তী ২১ বৎসরেও তাহা সম্ভব হয় নাই। ভারত-সরকার সম্প্রতি মোট দুই কোটি টাকা ব্যয়ে সতরটি কারিগরি শিক্ষালয় স্থাপনের পরিকল্পনা গ্রহণ করিয়াছেন।

ভবন ও সাজসরঞ্জাম থাকিলেই শিক্ষায়তন গড়িয়া উঠে না। সেখানে যাহারা কাজ করে তাহাদের গুরুত্বই বেশী। যুদ্ধের পর হইতেই বহুসংখ্যক শিক্ষার্থীকে বিজ্ঞান ও কারিগরি শিক্ষার জন্ত বিদেশে প্রেরণ করা হইতেছে। অনেকেই মনে করেন, বিদেশে শিক্ষার্থীদের শিক্ষাগ্রহণ পরিবর্তন ফলপ্রসূ হয় নাই। আমি এই মত সমর্থন করি না। যাহারা বিদেশ হইতে কারিগরি শিক্ষা গ্রহণ করিয়া আসিয়াছেন তাহারা সকলেই গুরুত্বপূর্ণ পদে সুনামের সহিত কাজ করিতেছেন। উচ্চতর কারিগরি শিক্ষা প্রসারের উপরেও যথেষ্ট জোর দেওয়া হইতেছে। বাঙ্গালোরের বিজ্ঞান গবেষণা মন্দির বিপুলাকায়ে সম্প্রসারিত করা হইয়াছে।

যে সকল তরুণ বর্তমানে বিভিন্ন শিল্পে নিযুক্ত আছেন এবং উচ্চতর কারিগরি শিক্ষা গ্রহণে উৎসুক তাহাদের সুবিধার জন্ত সন্ধ্যাবেলায় ক্লাস বা দিনের বেলায় পার্টটাইম ক্লাসের ব্যবস্থা করিতে হইবে। ইংলণ্ডেও এইরূপ ব্যবস্থা আছে। সেখানে দিনের বেলায় পুরাপুরিভাবে ৩৯ হাজার ছাত্র কারিগরি শিক্ষা গ্রহণ করে, কিন্তু সন্ধ্যাবেলা ও পার্টটাইম ক্লাসে শিক্ষার্থী ছাত্রের সংখ্যা ২২ লক্ষ। ভারত-সরকার ইহার জন্ত ২০ লক্ষ টাকা মঞ্জুর করিয়াছেন। আমার মনে হয়, আগামী পাঁচ বৎসরে এই টাকার পরিমাণ অন্ততঃপক্ষে আরও ২০ গুণ বাড়ানো উচিত।”

লাল ফিতার দৌরাত্ম্য

“বাতায়ন” পত্রিকায় আসামের সরকারী বিভাগে লাল ফিতার দৌরাত্ম্য সম্পর্কে সম্প্রতি যে সংবাদ প্রকাশিত হইয়াছে তাহা নিতান্তই করণ এবং মর্শম্পর্শী। ধুবড়ীর পি-ডব্লিউ-ডি আপিসের কেবাণী দেওয়ান খুশনুর আলী ১৯৫১ সনের মে মাসে যক্ষ্মা রোগাক্রান্ত বলিয়া ধরা পড়ে। রোগ ধরা পড়িবার পর চিকিৎসার জন্ত সরকারী নির্দেশ প্রার্থনা করিলে এক বৎসর পর ১৯৫২ সনের মে মাসে সেই নির্দেশ আসে এবং খুশনুর শিলং যাইয়া সেখানকার যক্ষ্মা স্বাস্থ্যকেন্দ্রে আশ্রয় লয়। কিন্তু “সরকারী খরচে চিকিৎসার নিয়ম সত্ত্বেও স্বাস্থ্যকেন্দ্রে কাৰ্য্যাধ্যক্ষ রোগীর স্বতন্ত্রভাবে ফী দাবী করেন—ফী না পেয়ে অসুস্থ হয়ে কয়েক দিন পরেই রোগীকে ২৪ ঘণ্টার নোটিশে স্বাস্থ্যকেন্দ্রে পরিত্যাগ করতে বলেন, এই অজুহাতে যে রোগী ছয় মাসের বেশী বাঁচতে পারে না বলে সেখানে আর তাঁর চিকিৎসা চলবে না।” অবশ্য তাহাকে স্থানান্তরিত করিয়া যে রোগীকে ভর্তি করা হয় সে নাকি এক পক্ষকাল পূর্ণ হইবার পূর্বেই মারা যায়।

খুশনুর নিজের চেষ্টায় মাদ্রাজের কোন স্বাস্থ্যকেন্দ্রে স্থানলাভের অনুমতি পাইয়া সরকারের অনুমোদনের জন্ম ১৯৫৩ সনের জুলাই মাসে চিঠি দেন। “হু-মাসের মধ্যে সেই স্বাস্থ্যকেন্দ্রে স্থান খালি ছিল—কিন্তু সরকার তরফের কোন জবাব না আসাতে সেই স্থানটি হারালো খুশনুর—লালফিতার বেড়া জাল পেরিয়ে সরকারী অনুমোদন এল এক বছর পরে ‘৫৪ সালের এপ্রিল মাসে।” তাহার পর কোন হাসপাতালে স্থান লাভ করিবার পূর্বেই ৬ই মে খুশনুর পৃথিবী হইতে চিরবিদায় গ্রহণ করে।

“এই স্মরণীয় তিন বৎসর রোগভোগের মধ্যে ধুবড়ী পি-ডব্লিউ-ডি আপিসে খুশনুর তার হকের ‘সফর ভাতা’, বন্দ্যোবোগীদের (সরকারী কর্মচারী) জন্ম সরকারনির্দিষ্ট রেশন ভাতা, তার পাওনা ছয় মাসের গড়পড়তা বেতন এবং প্রভিডেন্ট ফণ্ডের টাকা বার বার তাগাদা দেওয়া সত্ত্বেও পেল না। কালবোগের চিকিৎসার সামান্যতম সুরযোগ লাভ করতে পারলো না—এমন কি তার মৃত্যুর পর তার শ্রাব্দের জন্ম পুত্রশোকাতুরা বিধবা মাতার আবেদন সত্ত্বেও তার পাওনা অল্প টাকা বা প্রভিডেন্ট ফণ্ডের একটি টাকাও দেওয়া হ’ল না।”

২০শে জুন পর্যন্ত এই সংবাদের কোন সরকারী প্রতিবাদ হয় নাই।

কম্যুনিষ্ট পার্টিগুলির সভ্যসংখ্যা

মস্কো হইতে প্রকাশিত একটি পুস্তিকায় বলা হইয়াছে যে, পৃথিবীর এমন কোন দেশ নাই যেখানে প্রকাশ্য বা গোপন কম্যুনিষ্ট পার্টি নাই। পুস্তিকাটি রুশ কম্যুনিষ্টদের ব্যবহারের জন্ম প্রণীত। তাহাতে বিভিন্ন দেশের পার্টিগুলির যে সভ্যসংখ্যা দেওয়া হইয়াছে তাহা এইরূপ : কোরিয়া ১০ লক্ষ, ভিয়েতনাম ৭ লক্ষ; ফ্রান্স ৮ লক্ষ (বর্তমানে ৫ লক্ষ—স.প্র.); ইটালী ২১ লক্ষ ২০ হাজার; ব্রিটেন ৩৫,০০০; বেলজিয়ম ২ লক্ষ; হল্যান্ড ৫০,০০০; ডেনমার্ক ৫০,০০০; সুইডেন ৬০,০০০; ফিনল্যান্ড ৫০,০০০; জাপান ১ লক্ষ; ভারত ৬০,০০০ (বর্তমানে ৭০,০০০—স.প্র.)।

পুস্তিকাটিতে যে সভ্য-সংখ্যা দেওয়া হইয়াছে তাহা ১৯৪৮-৫০ সনের। কেবল ভারতের ক্ষেত্রে ১৯৫৩ সনের সভ্য-সংখ্যা দেওয়া হইয়াছে।

সোভিয়েট দেশে কালিদাসের রচনাবলী

“তাস” কর্তৃক প্রকাশিত একটি নিবন্ধ প্রবন্ধ হইতে জানা যায় যে, ভারতীয় সাহিত্যের মধ্য হইতে “দর্শনশাস্ত্রমূলক কাব্য” ভগবদ্গীতা সর্বপ্রথম রুশ ভাষায় অনূদিত হইয়া ১৭৮৮ খ্রীষ্টাব্দে মস্কো হইতে প্রকাশিত হয়। প্রায় সঙ্গে সঙ্গেই প্রসিদ্ধ রুশ লেখক, প্রাবন্ধিক এবং ইতিহাসবেত্তা কারামজিন মহাকবি কালিদাসের নাটক ‘অভিজ্ঞানশকুন্তলমে’র ১ম ও ৪র্থ অঙ্ক রুশ ভাষায় অনুবাদ করেন। ঐ অনুবাদ ১৭৯২ খ্রীষ্টাব্দে প্রকাশিত হয়। ভাষান্তরিত

সংস্করণের নাম দেওয়া হয় “ভারতীয় নাটক শকুন্তলার কতিপয় দৃশ্য”। অনূদিত গ্রন্থের ভূমিকাতে কারামজিন লেখেন : কাব্যরস-মাধুর্যের চরমোৎকর্ষ আমি আজ খুঁজিয়া পাইয়াছি। সে অনুভূতি এত কোমল এত সুললিত যাহা বলিবার নহে। এ যেন এক নিখর নিস্তরক বৈশাখী রজনীর অনির্বচনীয় সুন্দর কমনীয়তা, অননুভবনীয় প্রকৃতির পবন পবিত্রতা এবং কলার চরমোৎকর্ষ। হোমারের কাব্যগুলিকে যেমন প্রাচীন গ্রীসের চিত্রাবলী বলিয়া অভিহিত করা হয় তেমনি কালিদাসের কাব্যগুলিকে প্রাচীন ভারতের অননুভবনীয় চিত্রাবলী বলিয়া অভিহিত করা যাইতে পারে, যেগুলির মধ্যে রূপ পরিগ্রহণ করিয়াছে তথাকার তদানীন্তন অধিবাসীদের চরিত্র, আচার ও ব্যবহার। আমার বিবেচনায়, মহিমায় কালিদাস হোমারের সমতুল। উভয়েই প্রকৃতির হস্ত হইতে তুলিকা উপহার পাইয়াছেন এবং উভয়েই প্রকৃতিকে চিত্রায়িত করিয়াছেন।

১৮৭৯ সনে সমগ্র অভিজ্ঞানশকুন্তল নাটকটি সংস্কৃত ভাষা হইতে সরাসরি অনুবাদ করিয়া মস্কো হইতে প্রকাশ করেন আলেকসান্দ্রী পুতিয়াভা। ১৮৯০ সনে কালিদাসরচিত অভিজ্ঞান-শকুন্তল, রঘুবংশ মহাকাব্য এবং রসপ্রধান মেঘদূত “সংস্কৃত কাব্য-মালিকা” নামক গ্রন্থাকারে ভলোগদা হইতে প্রকাশিত হয়। ঐ অনুবাদ করেন এন. ভলোৎস্কি। ১৯১৬ সনে রুশ কবি বালমন্ত কালিদাসের তিনখানি নাটক—মালবিকাগ্নিমিত্র, শকুন্তলা এবং বিক্রমোর্কশী—রুশ ভাষায় অনুবাদ করেন। ঐ অনুবাদ কালিদাসের নাটকসমূহের রুশ সংস্করণগুলির মধ্যে সৌন্দর্যের দিক হইতে শ্রেষ্ঠ আসন লাভ করিয়াছে।

রুশ ভাষা বাতীত সোভিয়েটের অজ্ঞাত ভাষাতেও কালিদাসের রচনাবলী অনূদিত হইয়াছে। ১৯২৮ সনে বিখ্যাত সংস্কৃতবিদ আচার্য্য পি. রিত্তার কাব্যচ্ন্দে উক্রেইনীয় ভাষায় মেঘদূত কাব্যের অনুবাদ প্রকাশ করেন। আচার্য্য রিত্তারই সর্বপ্রথম রুশ ভাষায় কালিদাসের কুমারসম্ভব ও রঘুবংশের অনুবাদ করেন।

রুশিয়ার সংস্কৃতবিদ পণ্ডিতগণ কালিদাসের রচনাবলী বিশেষ আগ্রহের সহিত আলোচনা করিয়াছেন এবং বিভিন্ন বিশ্ব-বিদ্যালয়ে সংস্কৃত ভাষার প্রধান পাঠ্য পুস্তক হিসাবে কালিদাসের রচনাবলীই পড়ানো হয়। লেনিনগ্রাদ বিশ্ববিদ্যালয়ে কালিদাসের সাহিত্য লইয়া বিশেষ ব্যাপকভাবে অধ্যয়ন করা হইয়াছে। উক্ত বিশ্ববিদ্যালয়ের ভারতীয় ভাষাতত্ত্ব ও প্রাচীন ভারতীয় সাহিত্যের ইতিহাস সম্পর্কিত বক্তৃতামালার এক গুরুত্বপূর্ণ ভূমিকা গ্রহণ করিয়াছে কালিদাসের রচনাবলী।

মধ্যযুগের ভারতীয় কাব্য-সাহিত্যে বর্ণনার জন্ম যে মাধ্যম ব্যবহার করা হইয়াছে তাহা কতকটা অসাধারণ এবং সে মাধ্যম ব্যুৎপত্তির জন্ম রুশ পাঠকের বিশেষভাবে নিজেকে প্রস্তুত করা দরকার। কিন্তু তাহা সত্ত্বেও সোভিয়েট দেশের জনসাধারণের মধ্যে কালিদাসের রচনাবলী সম্পর্কে বিশেষ আগ্রহ দেখিতে পাওয়া যায়।

কল্যাণব্রতী রাষ্ট্র

শ্রীবিজয়কৃষ্ণ গোস্বামী

স্বাধীনতা লাভ করিবার পর ভারত এক সার্বভৌম প্রজাতন্ত্রী দেশ রূপে স্বীকৃতিলাভ করিয়াছে, ইহার আদর্শ ও কার্যক্রম জনকল্যাণমূলক রাষ্ট্র অনুসারী বলিয়া স্থিরীকৃত হইয়াছে। প্রধানমন্ত্রী পণ্ডিত নেহরুও বহুবার ঘোষণা করিয়াছেন যে, কল্যাণমূলক রাষ্ট্রগঠনই ভারতের লক্ষ্য। বাষিক হিসাব-নিকাশের সময় দেখা গিয়াছে, প্রায় প্রতিটি রাজ্য-সরকারই ক্রমাগত বিরাট ঘাটতির সম্মুখীন হইতেছেন এবং অধুনা সমাজকল্যাণ খাতে অধিকতর অর্থব্যয় হইতেছে বলিয়াই সরকারপক্ষ ঘাটতি বজেটকে সরাসরি সমর্থন করিতেছেন। অতএব কল্যাণব্রতী রাষ্ট্র সঙ্ক্ষে এবং তাহার লক্ষ্য উপনীত হওয়ার উপায় ও পথের সম্ভাব্য বাধাবিঘ্নের গতিপ্রকৃতি সঙ্ক্ষে কিঞ্চিৎ আলোচনা করা যাইতেছে।

কেন্দ্র বিশ্ববিদ্যালয়ের অধ্যাপক পিণ্ডু বলিয়াছেন, অর্থনীতিশাস্ত্রের চর্চা করার প্রধান উদ্দেশ্য, মানুষের সামাজিক উন্নয়নে সহায়তা-লাভ। অতএব তাঁহার মতে, অর্থ-বিজ্ঞানও সাধারণ না হইয়া ফলিত বিজ্ঞান হওয়া উচিত। যাহা হটক, এখন দেখিতে হইবে 'কল্যাণ' বলিতে প্রকৃতপক্ষে কি বুঝায়। অর্থনীতিক্ষেত্রে 'কল্যাণ' বা 'welfare' বলিতে মোটামুটি তাহাই বুঝায় যাহা অর্থের মাপকাঠিতে পরিমাপ করা যায়। এই কল্যাণের হ্রাসবৃদ্ধি তখন বুঝি যখন দেখা যায়, এক বা একাধিক ব্যক্তি অপরের স্বাচ্ছন্দ্যলাভে বিঘ্ন সৃষ্টি না করিয়াও নিজেরা আর্থিক ক্ষেত্রে কমবেশী শ্রীবৃদ্ধি লাভ করিয়া থাকে। মার্কেটাইলিষ্ট বা ফিজিওক্রাট নামীয় গোষ্ঠীর অর্থনীতিবিদগণ ও বিখ্যাত অর্থনীতিজ্ঞ পণ্ডিত এডাম স্মিথও 'জাতীয় কল্যাণ'কে তাঁহাদের স্ব স্ব আলোচনা-ক্ষেত্রে পুরোভাগে স্থান দিয়াছিলেন, যদিও এই কল্যাণের লক্ষ্য উপনীত হইবার পথ ছিল তাঁহাদের সম্পূর্ণ বিভিন্ন।

সমাজ-বিজ্ঞানের ইতিহাসে দেখা যায়, অতীতে জনগণের অর্থনৈতিক জীবনে রাষ্ট্রের হস্তক্ষেপকে বিশেষ উৎসাহ দেওয়া হইত না। রাষ্ট্রের কার্যকলাপ তখন কেবলমাত্র পুলিশী ব্যবস্থার মধ্যেই সীমাবদ্ধ ছিল। অবশ্য জনসাধারণও রাষ্ট্রের প্রয়োজন ইহার বেশী অনুভব করিত না। অষ্টাদশ শতাব্দীর মধ্যভাগে যখন শিল্প বিপ্লব শুরু হয়, তখন মারা ভূনিয়ার পুরাতন সমাজব্যবস্থা একেবারে ওলটপালট হইয়া যায়। ইহার ফলে দেখা দেয় পুঁজিবাদের সূত্রপাত। ইংলণ্ডে তখন গণতন্ত্র বেশ জাঁকিয়া উঠিয়াছে, মার্কিন যুক্ত-

রাষ্ট্রেও গণতান্ত্রিক সরকার প্রতিষ্ঠিত হইয়াছে এবং ফরাসী বিপ্লবের মন্ত্র সমগ্র ইউরোপে ছড়াইয়া পড়িয়াছে। নেপোলিয়নের পতনের পর ইউরোপের ক্ষুদ্র ক্ষুদ্র রাজ্য-গুলিতে প্রায় একই সঙ্গে পুঁজিবাদ ও সমাজতন্ত্রবাদ বাড়িয়া উঠিতে থাকে। আজিকার জগতের যত অসাম্য ও যত 'বাদে'র উদ্ভব, সকলের মূলেই সেই শিল্প-বিপ্লব। নানারূপ কলকজা আবিষ্কারের ফলে কারখানা-ব্যবস্থার প্রবর্তন হয়। যাহারা মালিক, তাহাদের হাতে প্রভূত ধনসম্পদ আসিয়া জমা হইতে থাকে। যাহারা কারখানার মজুর বলিয়া পরিগণিত হইল, তাহারা আর্থিক দৈন্যে দিন দিন ক্ষীণ হইতে ক্ষীণতর হইতে লাগিল। এইরূপে সমাজে দুইটি পৃথক শ্রেণীর উদ্ভব হয় এবং উভয়ের মধ্যে নানারূপ বৈষম্য দিন দিন বাড়িয়াই চলে। অতঃপর ধীরে ধীরে কারখানা-ব্যবস্থার নানারূপ কুফল সমাজে দেখা দিতে শুরু করে। মূলতঃ এই বৈষম্য ও গলদ দূরীকরণের জন্মই সমাজ-ব্যবস্থার উপর রাষ্ট্রের হস্তক্ষেপ অপরিহার্য হইয়া পড়ে। এদিকে পুঁজিবাদের জয়রথ পূর্ণোচ্চমে আগাইয়া চলিল এবং বলা বাহুল্য, রাষ্ট্রের হস্তক্ষেপ ও বিভিন্ন ব্যবস্থা অবলম্বন সত্ত্বেও ইহার কুফলগুলি সম্পূর্ণরূপে দূরীভূত হইল না। কার্ল মার্ক্স আসিয়া পুঁজিবাদের কুফলগুলি একেবারে চোখে আঙুল দিয়া দেখাইলেন। জনসাধারণের মঙ্গলসাধনের উদ্দেশ্যে রাষ্ট্র উত্তরোত্তর অধিকতর ক্ষমতা লইয়া আর্থিক কার্যকলাপ নিয়ন্ত্রণ করিতে উদ্যোগী হইল। রাজনীতি ও অর্থনীতি পরস্পরের প্রতি পূর্বাশঙ্কা অধিকতর নির্ভরশীল হইয়া পড়িল এবং দারিদ্র্য একটি সামাজিক অভিশাপ বলিয়া স্বীকৃত হইল। এই অভিশাপ হইতে মুক্তিলাভের জন্ম অতঃপর দুনিয়ার সর্বত্র তোড়-জোড় শুরু হয়।

'কল্যাণব্রতী রাষ্ট্র' সঙ্ক্ষে বর্তমানে নানা ক্ষেত্রে আলোচনা হইতেছে এবং বিভিন্ন ব্যক্তি বিভিন্নভাবে এই শব্দ যুগলের ভাষ্য রচনা করিতেছেন। ফলে, এক্ষেত্রেও নানারূপ মতবৈধ ও বাগ্বিতণ্ডার সৃষ্টি হইয়াছে। বস্তুতঃ কল্যাণব্রতী রাষ্ট্রের মূল কথা—জাতীয় সম্পদ উৎপাদনের উপকরণ-সমূহ সৃষ্ট বস্তুতঃ মূল দায়িত্বভার রাষ্ট্র নিজ সঙ্ক্ষে গ্রহণ করিবে। এই সৃষ্ট বস্তুতঃ হইবে জনগণের অত্যাশঙ্ক প্রয়োজন—শিক্ষা, স্বাস্থ্য, চিকিৎসা, বাসস্থান ও জীবিকার উপায়াদি উদ্ভাবনকল্পে। এই সঙ্গে আরও কতকগুলি বিশেষ দায়িত্ব রাষ্ট্রের রহিয়াছে, যথাঃ বেকার-বীমা,

সামাজিক নিরাপত্তা বীমা, বার্কক্য-রক্ষি ও অপরাপর কল্যাণ-কর ব্যবস্থা। এইগুলি বর্তমানে কল্যাণত্রতী রাষ্ট্রের সাধারণ কর্মসূচীর অন্তর্ভুক্ত বলিয়া পরিগণিত হইয়াছে। কল্যাণ-ত্রতী রাষ্ট্রকে মোটামুটি তিন শ্রেণীতে বিভক্ত করা যায়। প্রথম শ্রেণীর রাষ্ট্রের মূল কথা—ব্যক্তিগত সম্পত্তি ও বর্তমান মূল্যব্যবস্থা অক্ষুণ্ণ রাখিয়া এবং যাহারা উদ্যমশীল তাহাদের ব্যক্তিগত প্রচেষ্টার মাধ্যমে ভাগ্যোন্নয়নে উৎসাহ প্রদান করতঃ সমাজের সকলের জন্য ন্যূনতম প্রয়োজন মিটাইবার ব্যবস্থা করা। এই ব্যবস্থায় ব্যক্তিগত উন্নতির ফলে রাষ্ট্র লাভবান হইবে। ফলতঃ, ইহা আমেরিকা-অনুসৃত ব্যক্তি-গত উদ্যম-নীতিরই মূল কথা। দ্বিতীয়তঃ, কল্যাণত্রতী রাষ্ট্রের আর একটি সমাজতান্ত্রিক রূপ আছে। ইহা ব্রিটেন প্রভৃতি দেশে চালু হইয়াছে। এই ব্যবস্থা অনুসারে, “সামাজিক জায়বিচারের মূলনীতি ও অর্থনীতিকক্ষেত্রের স্থায়িত্ব বজায় রাখিবার” সম্পূর্ণ দায়িত্ব হইবে রাষ্ট্রের এবং অবশিষ্ট আর্থিক কার্যকলাপ ব্যক্তিগত মালিকানায় পরিচালিত হইবে। তৃতীয় পর্যায়ের কল্যাণত্রতী রাষ্ট্রের নীতি অনুসারে দেখা যায়, অর্থনীতিকক্ষেত্রে রাষ্ট্রই হইবে যাবতীয় কার্যকলাপের একমাত্র ভারপ্রাপ্ত কর্তা। দেশের সমুদয় শিল্পসংস্থা রাষ্ট্রায়ত্ত-করণ ও পরিকল্পনানুযায়ী অর্থনীতিক ব্যবস্থা পরিচালনা এই রাষ্ট্রনীতির মূল বৈশিষ্ট্য। এইরূপ রাষ্ট্রের উদাহরণ বর্তমান জগতে একমাত্র সোভিয়েট রাশিয়া।

ইহা হইতে স্ভাবতঃই প্ল্যানিং বা পরিকল্পনার প্রয়োজনীয়তা সম্বন্ধে আলোচনা আসিয়া পড়ে। হুঃখের বিষয়, বিশেষজ্ঞ এবং অর্থনীতিজ্ঞ পণ্ডিতদের মধ্যেও প্ল্যানিং বা পরিকল্পনা সম্বন্ধে কদাচিৎ মতৈক্য দৃষ্ট হয়। যাহা হউক, একথা সত্য যে, পুঁজিবাদী বা সমাজবাদী উভয় রাষ্ট্রব্যবস্থারই পরিকল্পনা প্রণয়ন সম্ভবপর। জি. ডি. এইচ. কোল, বাবারা উটন প্রভৃতি বিশেষজ্ঞগণ পরিকল্পনা-প্রণয়নের গোড়া সমর্থক, পরন্তু ডাঃ হায়াক ও জিউক্স প্রভৃতি মনীষিগণ ইহার ঘোর বিরোধী। সুতরাং প্রথমেই ইহার অর্থ বিশ্লেষণে মনোনিবেশ করা প্রয়োজন। যদি প্ল্যানিং বলিতে রাষ্ট্রের সকল কার্যে কেন্দ্রীয় সরকারের সর্বময় কর্তৃত্বই বুঝায়, তবে নিশ্চয়ই তাহা জনসাধারণের মনঃপূত হইবে না। কিন্তু প্ল্যানিং যদি সুচিন্তিত ও সুশৃঙ্খল বাধ্যপ্রণালী হয়, তবে আশা করা যায়, তাহা নিঃসন্দেহে অধিকাংশ লোকের সমর্থন লাভ করিবে। পরিকল্পনা-ব্যয়িতারা সর্বদাই রাষ্ট্রের কার্যক্ষমতার উপর অত্যধিক ক্রোধ আরোপ করিয়া থাকেন এবং উদাহরণস্বরূপ রাশিয়ার পঞ্চ-বাষিক পরিকল্পনা-গুলির সাফল্য চোখের সামনে তুলিয়া ধরেন। পুঁজিবাদী অর্থনীতি ব্যবস্থায় যে একচেটিয়া ব্যবসায়-সংস্থার উদ্ভব হয়

এবং মানুষে মানুষে আয়ের ক্ষেত্রে যে আশমান-জমিন ফারাক সৃষ্টি করে, পরিকল্পনামূলক অর্থনীতিতে সে সব কুফল সম্ভব নহে। অধিকন্তু যে ব্যক্তিগত উদ্যমকে উৎসাহ দিয়া এত দীর্ঘদিন জীয়াইয়া রাখা হইয়াছে, বর্তমান পরিবর্তিত অবস্থায় তাহার অস্তিত্ব বজায় রাখিবারও কোন যুক্তিসঙ্গত কারণ নাই। অধিকাংশ দেশেই সাধারণ মানুষের জীবিকার মান এত নিম্নে যে, অর্থনৈতিকক্ষেত্রে রাষ্ট্রের হস্তক্ষেপ ব্যতিরেকে তাহাদের ভাগ্যোন্নয়নের কোন আশাই নাই। জাতীয় সম্পদ উৎপাদন, বণ্টন, ভোগ ও বিনিময় ব্যবস্থার মধ্যে যে গরমিল রহিয়াছে, রাষ্ট্রের হস্তক্ষেপের ফলে তাহাও দূরীভূত হইবে। আধুনিককালে যুজ্জাব্যবস্থা ও আমদানী-রপ্তানী বাণিজ্য যে পর্যায়ের আসিয়া পৌঁছিয়াছে, তাহাতেও পল্লি-প্রাচীন অপরিহার্য হইয়া দাঁড়াইয়াছে। এক কথায়, পরিকল্পনা-রচনার মূল উদ্দেশ্য বৈষয়িক ক্ষেত্রে জনগণের অবস্থার উন্নয়ন এবং ঐ উদ্দেশ্য সিদ্ধির জন্য কোন বিশেষ লক্ষ্য পৌঁছানো।

অপর একদল বিশেষজ্ঞ আবার প্ল্যানিং সম্বন্ধে অত্যন্ত বিরূপ ধারণা পোষণ করেন। ডাঃ হায়াকের মতে ‘ইহা নিয়ন্ত্রিতদের নির্যাতনের জন্য রাষ্ট্রনায়কদের হাতে এক অদ্ভ-বিশেষ’। বেলক বলিয়াছেন, ‘অর্থ-উৎপাদন-ব্যবস্থাকে নিয়ন্ত্রণ করিতে গেলে সমগ্র সমাজ-জীবনকেই নিয়ন্ত্রণের নিগড়ে বাঁধিয়া ফেলিবার আশঙ্কা থাকে’। বিখ্যাত অর্থ-নীতিবিদ কার ইহার নিন্দা করিয়া বলিয়াছেন, ‘সমগ্র সমাজের চিন্তাধারাকে নিয়ন্ত্রণ করিবার কল্পনা হইতেই শিল্প-ক্ষেত্রে রাষ্ট্রকর্তৃত্বের উদ্ভব হইয়াছে।’ বিরোধীরা আরও বলেন, পরিকল্পনার ধর্মই এই যে, হয় ইহা চূড়ান্তরূপে সফল হইবে নয় ত সম্পূর্ণরূপে ব্যর্থ হইবে। সবচেয়ে বড় বিপদের কথা এই, ইহাতে নাগরিকগণের অর্থনীতিক বা রাজনীতিক স্বাধীনতা একেবারে লোপ পাইবে। আরও বলা হয়, ইহার ফলে সমাজের স্বাভাবিক বা বৈশিষ্ট্য বলিয়া কিছু আর থাকিতে পারে না। তা ছাড়া জাতীয় অর্থনীতি-ক্ষেত্রে স্বয়ংসম্পূর্ণতা লাভ করিলে আন্তর্জাতিক ক্ষেত্রে সহ-যোগিতার পথ সঙ্কুচিত হইয়া আসিবার সম্ভাবনা আছে খুবই। ফলে, রাজনীতিকক্ষেত্রেও সহযোগিতার পথ রুদ্ধ হইবে। অথচ সকলেই জানেন, নয়া ছুনিয়া গড়িয়া তুলিতে আন্তর্জাতিক সহযোগিতার মূল্য আজ কতখানি। সেজন্যই আধুনিক যুগের পণ্ডিত অধ্যাপক মীড ও অধ্যাপক রবিন্স উভয়েই এই ব্যাপারে যথেষ্ট সতর্কবাণী উচ্চারণ করিয়াছেন। ম্যাকগ্রেগর আবার বলিতে চাহেন, গণতন্ত্রসম্মত সমাজ-তন্ত্রবাদ প্রবর্তন করিয়া পুঁজিবাদী ব্যবস্থায়ও সকল সমস্যার সুরাহা সম্ভব। অধ্যাপক রবিন্স এ অভিমত স্বীকার

করেন না। তাঁহার মতে শান্তিপূর্ণ সময়ে রাষ্ট্রে বর্তমানের
চায় মূল্যব্যবস্থা অবশ্যই বজায় থাকিবে এবং রাষ্ট্র-পরিচালিত
পরিকল্পনা বা নিয়ন্ত্রণ ব্যক্তিগত প্রচেষ্টাকে অগ্রায় ভাবে
বিতাড়িত না করিয়া তাহার সহিত সহযোগিতার ভিত্তিতে
পাশাপাশি অবস্থান করিতে পারিবে। আবার এ কথাও
বলা যায়, বর্তমানে ব্যক্তিগত উদ্যমের যে সব ক্রটি-বিচ্যুতি
বা কুফল দেখা গিয়াছে তাহা সম্পূর্ণরূপে সংশোধন করিয়া
বা দূরীভূত করিয়াও পরিকল্পনা কিংবা রাষ্ট্রকর্তৃত্বের প্রয়োজন
মোটানো যাইতে পারে।

এই দুই দল ব্যতীত আর এক দল আধুনিক পণ্ডিত
আবার মিশ্র অর্থনীতির উপর গুরুত্ব আরোপ করিতে
আরম্ভ করিয়াছেন। ধনতন্ত্রবাদ ও সমাজতন্ত্রবাদ—এই
দুইটি পরস্পরবিরোধী অর্থনৈতিক মতবাদের প্রত্যেকটি
হইতে কিছু কিছু গ্রহণ করিয়া মিশ্রণের সাহায্যে একটি
আধুনিক মতবাদের সৃষ্টি করা হইয়াছে। ইহারই নাম
মিশ্র অর্থনীতি। সম্পূর্ণভাবে মিশ্রণের দ্বারা সৃষ্ট বলিয়া
মিশ্র অর্থনীতি এখনও কোন নির্দিষ্ট রূপ বা স্বতন্ত্র অস্তিত্ব
লাভ করিতে পারে নাই। ধনতন্ত্রবাদ ও সমাজতন্ত্রবাদ
উভয়ের মধ্যে দীর্ঘকালীন বিরোধ বা সংগ্রামের ফলে উভয়েই
আজ ক্ষতবিক্ষত। এই সংগ্রাম হইতে আশ্রয়লাভ করিবার
জন্য উভয়ে উভয়ের কাছ হইতে কিছু কিছু সারাংশ লইয়া
নিজ অস্তিত্ব বজায় রাখিবার জন্য আজ সচেষ্ট। ইহার
মূলকথা, অর্থনীতি-ক্ষেত্রের কর্তৃত্ব অধিকাংশই রাষ্ট্রের হাতে
থাকিবে, তবে দেখিতে হইবে যে, নাগরিকগণের স্বার্থ যেন
তাঁহার ফলে বিন্দুমাত্র বিঘ্নিত না হয়। ব্যক্তিগত উদ্যমকেও
সংগঠিত মৰ্যাদাসহকারে স্বীকার করিতে হইবে এবং
যাহাতে ইহা সর্বতোভাবে জনগণের কল্যাণসাধনে
নিয়োজিত হয় তজ্জন্য উৎসাহ দিতে হইবে। জন জিউক্স
কলেন, ছনিয়ার প্রত্যেকটি সৃষ্ট অর্থনৈতিক ব্যবস্থাই মোটা-
মুটি ভাবে মিশ্র অর্থনীতি। সুতরাং একথা বলা চলে না,
কল্যাণব্রতী রাষ্ট্রগঠন কেবলমাত্র কোন এক বিশেষ অর্থ-
নৈতিক ব্যবস্থায়ই সম্ভব। যে-কোন ব্যবস্থায়ই ইহার লক্ষ্য
এক, কিন্তু লক্ষ্যে উপনীত হইবার পথ আলাদা আলাদা।

কল্যাণব্রতী রাষ্ট্রের মূল তত্ত্ব সম্বন্ধে যাহারা খুব বেশী
আলোচনা করিয়াছেন তাঁহাদের মধ্যে সর্বাগ্রে নাম করিতে
হয় লর্ড বিভারিজের। তাঁহার মতবাদকে মোটের উপর
নিরপেক্ষ বলা চলে। তিনি সমাজতন্ত্রবাদ বা পুঁজিবাদ
কোন দিকেই বিশেষ ঝোঁক দেখান নাই। তাহার পরি-
কল্পনার ভিতর প্রতিটি নাগরিকের জন্য ন্যূনতম কল্যাণ-
বিধানের ব্যবস্থা আছে। একথা ঠিক, বর্তমানে একজন
উপার্জনশীল ব্যক্তির উপর অপরের নির্ভরপরায়ণতা যথেষ্ট

পরিমাণে বাড়িয়াছে। ইহাদের শৈশবের ও বার্দ্ধক্যের সকল
দায়িত্বই রাষ্ট্রকে লইতে হইবে। ইহা ছাড়াও অভিভাবক-
হীনতা, বৈধব্য, আধিব্যাধি, পঙ্গুতা, দুর্ঘটনা, বেকার-সমস্যা
ও অন্যান্য অপ্রত্যাশিত দুর্বিপাক ত আছেই। শিল্পভিত্তিক
সভ্যতার সঙ্গে সঙ্গে এই সব দুর্বিপাকের মাত্রাও উত্তরোত্তর
বিপুল পরিমাণে বাড়িয়া যাইতেছে। সামাজিক অভাববোধ
হইতে মুক্তিলাভের বাসনায় সর্বত্র মানুষের মনে সামাজিক
নিরাপত্তার স্পৃহা জাগিয়া উঠিয়াছে। বর্তমানে রাষ্ট্রই
সাধারণের সম্মিলিত প্রতিষ্ঠান; প্রতিটি মানুষের কল্যাণ-
সাধনকল্পে উপযুক্ত সংস্থার মাধ্যমে জনগণকে নানাপ্রকার
বিপদ-আপদ হইতে রক্ষা করিবার জন্য রাষ্ট্রই একমাত্র
দায়ী।

সামাজিক নিরাপত্তা বলিতে সাধারণতঃ আয়ের ক্ষেত্রে
নিরাপত্তা বা অভাবের বিরুদ্ধে নিরাপত্তা বুঝায়। রোগ,
অশিক্ষা, অস্বাস্থ্য, আলস্য, অভাব—মানবকল্যাণের পথে এই
পঞ্চদানব সর্বত্রই সক্রিয়ভাবে বিরাজমান। এই সব দানবের
কবল হইতে আশ্রয়লাভ করা সমাজের অবশ্যই কর্তব্য এবং
সামাজিক নিরাপত্তাও বিশদ অর্থে এই সকল দুর্দৈব হইতেই
আশ্রয়লাভ। বিভারিজ পরিকল্পনায় একটা বীমা-ব্যবস্থার কথা
আছে। বিশেষ করব্যবস্থার দ্বারা আদায় করিয়া এই বীমার
অধিকাংশ টাকা রাষ্ট্রকেই প্রদান করিতে হইবে। যে পরিমাণ
অর্থ ইহাতে দেওয়া হইবে তাহার বিনিময়ে নিরাপত্তামূলক
ব্যবস্থার পরিমাণ স্থিরীকৃত হইবে। প্রশ্ন উঠিতে পারে,
ইহার ফলে লোকের কর্মশক্তি যথেষ্ট পরিমাণে শিথিল হইয়া
পড়িতে পারে কিনা। কিন্তু ইহাতে কেবলমাত্র ন্যূনতম
প্রয়োজন মিটাইবার ব্যবস্থাই আছে, উচ্চতম নহে।
পরিকল্পনায় রাষ্ট্রের অধীনে একটি জাতীয় স্বাস্থ্যবিভাগ
খুলিবারও কথা আছে। সকল ব্যবস্থা সৃষ্টভাবে পরিচালনার
জন্য ইহা সমাজ-নিরাপত্তা মন্ত্রণালয়ের অন্তর্ভুক্ত হয়—ইহাই
বিভারিজের সুপারিশ। ব্যাপকতা, নিয়মতন্ত্রাভ্যায়ী রচনা,
নাগরিকগণের শ্রেণীবিভাগ করণ, বাধাবিধি হারে তহবিলে
অর্থপ্রদান ও তদনুসারে ক্ষতিপূরণ লাভ—সকল দিক
হইতেই পরিকল্পনাটি বৈশিষ্ট্যপূর্ণ।

অভিজ্ঞতা হইতে দেখা গিয়াছে, “বিবর্তনমূলক অভিযানে
সামাজিক নিরাপত্তা ব্যবস্থার পরিধি অতি বিস্তৃত।”
সাধারণতঃ ইহা দুই প্রকারে দেওয়া যাইতে পারে। প্রথমতঃ,
সামাজিক সহায়তা; দ্বিতীয়তঃ, সামাজিক বীমা। সামাজিক
সহায়তা-ব্যবস্থা দুঃস্থদিগকে সাহায্যকল্পে রাণী এলিজাবেথের
সময় হইতেই ইংলণ্ডে আরম্ভ হয় এবং তদনুসারে ১৬০১ সনে
ইংলণ্ডে প্রথম দুঃস্থ আইন (Poor Law) বিধিবদ্ধ হয়।
পরবর্তীকালে অবশ্য ইংলণ্ডে এই উদ্দেশ্যে আরও অনেকগুলি

আইন পাস হয়। এখানে বলা প্রয়োজন যে, সে সময় দারিদ্র্যমোচন ব্যবস্থাকে সর্বত্র অবজ্ঞার চোখে দেখা হইত। কিন্তু বর্তমানে দারিদ্র্য একটি সামাজিক অভিশাপ বলিয়া স্বীকৃত হইয়াছে এবং এই গণতন্ত্রের যুগে এতাদৃশ মনোভাবও গড়িয়া উঠিয়াছে। বার্ককা-ভাতা দেওয়ার জ্ঞান নানারূপ আইন পাস হইয়াছে। প্রথমে ইহা ১৮৯১ সালে ডেনমার্কের আরম্ভ হয়, পরে নিউজীল্যান্ড, অষ্ট্রেলিয়া, ফ্রান্স ও গ্রেট-ব্রিটেন এই ব্যবস্থা গ্রহণ করে। বর্তমানে কোথাও নগদ টাকায়, কোথাও বা কাজের দিনমুখে বেকারভাতা দেওয়ার ব্যবস্থা হইয়াছে। ইংলণ্ডে সাধারণতঃ নগদ টাকায় বেকারভাতা দেওয়া হয়। আমেরিকা আবার পূর্বেকার্যের মাধ্যমে বেকারদিগকে কাজ করাইয়া তবে ভাতা দিয়া থাকে। ইহাকে সাধারণতঃ 'মজুরি রোধ' ব্যবস্থা বলিয়া অভিহিত করা হয়, অর্থাৎ বেকার ব্যক্তি স্বাভাবিক কাজে নিযুক্ত থাকিলে যে মজুরি উপায় করিতে পারিত, এ অবস্থায় তাহা অপেক্ষা অনেক কম মজুরি পাইবে। তাহার ফলে বেকার শ্রমিকগণ দীর্ঘদিন রাষ্ট্র-দান্ধিণ্যের উপর নির্ভর করিয়া থাকিবে না। সর্বদা উপযুক্ত কর্মের সন্ধানে সচেষ্ট থাকিবে। মোট কথা, স্বেচ্ছাকৃত বেকার হওয়া বা আলস্যের প্রশয় নিবারণই ইহার আসল লক্ষ্য। পরিবারের স্বাভাবিক আয় বন্ধিত করার জ্ঞান যাহা প্রয়োজন, সেই হারে পরিবারভাতা দেওয়ার ব্যবস্থাও হইয়াছে। সামাজিক সহায়তা ব্যবস্থা অনুসারে দরিদ্রদের জ্ঞান বিশেষ ব্যবস্থা আছে। যুক্তরাষ্ট্রের প্রসূতিভাতা আইন, ১৯৪৫ সালের বিলাতের পরিবারভাতা আইন ও ১৯৪৪ সালের কানাডার অনুরূপ আইন—সবই সামাজিক সহায়তা ব্যবস্থা প্রবর্তনের উদ্দেশ্যে রচিত।

১৯১১ সালে ইংলণ্ডের তৎকালীন প্রধান মন্ত্রী লয়েড জর্জ কর্তৃক জাতীয় বীমা-আইন পাস হইবার পর হইতে সমাজবীমা-নীতি জনপ্রিয়তা অর্জন করিতে থাকে। অবশ্য এই বীমানীতি গত শতাব্দীতে বিস্মার্ক কর্তৃক জার্মানীতে প্রথম প্রবর্তিত হয়। ইহার পর বিলাতে স্বাস্থ্য-বীমার কাজ আরম্ভ হয়। বীমাকারী শ্রমিককে কাজে নিযুক্ত থাকাকালীন প্রতি সপ্তাহে কিছু টাকা দিতে হয়। ইহার সহিত মাসিকের দেয় টাকা ও সরকার হইতে অবশিষ্ট টাকা লইয়া এই বীমা-ভাণ্ডার পূর্ণ করিতে হইতেছে। এই তহবিল হইতে রোগাক্রান্ত বা পঙ্গু ব্যক্তিকে ও প্রসূতি নারীদিগকে নগদ টাকায় সাহায্য দেওয়া হয়। ইহা ব্যতীত বার্ষিক ৪২০ পাউণ্ডের নিম্নে যাহাদের আয়, কৃষি ও শিল্পক্ষেত্রে নিযুক্ত সেই সব শ্রমিকের জ্ঞান বেকার বীমার ব্যবস্থা আছে।

দ্বিতীয় বিশ্বযুদ্ধের অবসানে ইংলণ্ডের শ্রমিক সরকার শাসনক্ষমতা লাভ করিবার পর এক 'শ্বেতপত্র' প্রকাশ করিয়া

ঘোষণা করেন যে, দেশে পূর্ণনিয়োগ ব্যবস্থা অব্যাহত রাখিবার সমস্ত দায়িত্ব সরকার গ্রহণ করিবেন। এখানে একথা মনে রাখা দরকার, যদিও সমাজবীমা-ব্যবস্থা বেকার বা রোগাক্রান্ত অবস্থায় শ্রমিকদের মস্ত বড় অবলম্বন, তথাপি ইহা এখনও পুরাদস্তুর বা একমাত্র অবলম্বন হইয়া উঠিতে পারে নাই।

আমেরিকায় অবশ্য যথেষ্ট সমাজ-কল্যাণ ব্যবস্থা প্রবর্তিত হইয়াছে। রুজভেল্টের সময়ে 'নয়া ব্যবস্থা'র মারফত এসব বন্দোবস্ত চরম পর্যায়ে পৌঁছে। প্রথমতঃ চতুর্বিধ পরিকল্পনা লইয়া 'নয়া ব্যবস্থা' রচিত হয়, যথা—রোগ বা বার্ককোর জ্ঞান যাহারা কর্মচ্যুত হইবে তাহাদের রক্ষাকল্পে সমাজ-কল্যাণমূলক আইন প্রণয়ন; শ্রমিক যাহাতে জাতীয় মজুরি পায় তজ্জ্ঞান তাহাকে যথোপযুক্ত পরামর্শ ও সাহায্যদান; কৃষিক্ষেত্রে উন্নয়নমূলক ব্যবস্থা প্রণয়ন; একচেটিয়া ব্যবসায়-সংস্থাসমূহের নিয়ন্ত্রণ। আমেরিকার ব্যক্তিগত মালিকানাধীন পরিচালিত বেসরকারী শিল্পপ্রতিষ্ঠানগুলিও সমাজকল্যাণ ব্যাপারে যথেষ্ট গুরুত্বপূর্ণ ভূমিকা গ্রহণ করিয়া থাকে।

সোভিয়েট রাশিয়ার অর্থনীতিক ব্যবস্থা সমাজতান্ত্রিক সেখানে সকলেরই কাজ করিবার এবং অবসর উপভোগ করিবার অধিকার আছে। রাষ্ট্রের পরিচালনাধীনে আসার ফলে ব্যবসায়ক্ষেত্রে বাণিজ্যচক্রের অবসান হইয়াছে এক ব্যক্তিগত উদ্যোগের বা মূলধনের পারিশ্রমিক বলিয়া কথিত লাভ অথবা ক্ষুদ্রের কোন স্বীকৃতি নাই। বৈদেশিক বাণিজ্য তিন সম্পূর্ণরূপে রাষ্ট্রের নিয়ন্ত্রণাধীন। শিল্পপ্রতিষ্ঠানগুলিকে তিন পর্যায়ভুক্ত করিয়া তাহাদের পরিচালনাভার কিছু কেন্দ্রীয় সরকার, কিছু রাজ্য-সরকার ও কিছু স্বায়ত্তশাসনশীল প্রতিষ্ঠানগুলির হাতে গুস্ত হইয়াছে। রাশিয়ার ব্যাপারে যেমন সম্পূর্ণ স্বতন্ত্র তেমনি তাহার সমস্তাবলীও একেবারে ভিন্ন ধরনের।

এ সকল দেশের কল্যাণমূলক ব্যবস্থার আলোচনা করিয়া বুঝা যাইতেছে, সমাজকল্যাণ-ব্যবস্থার প্রকৃতি কিরূপ ও উহার ক্রটি-বিচ্যুতি কোনখানে। বলা বাহুল্য, সামাজিক দুর্ভাগ্য হইতে রক্ষাকল্পে যেসব কল্যাণমূলক ব্যবস্থা এ যাবৎ প্রবর্তিত হইয়াছে, বিভিন্ন দেশে তাহার বিভিন্ন রূপ। কোন দেশের জ্ঞান ব্যাপকভাবে কল্যাণমূলক ব্যবস্থা প্রবর্তন করিবার পূর্বে সেই দেশের সমস্তাবলী ও বৈশিষ্ট্য সম্বন্ধে সম্যক অবহিত হওয়া প্রয়োজন। তা ছাড়া, কল্যাণমূলক ব্যবস্থার মধ্যে কতকগুলি সমস্তা লুক্কায়িত থাকে, সেগুলি সর্বপ্রথমে পর্যালোচনা করা দরকার।

'কল্যাণ' বা 'welfare' শব্দটি যদিও আজ সর্বত্রই জনপ্রিয় হইয়াছে, তথাপি ইহা হইতে বিভ্রান্তির সৃষ্টি হওয়া

বিচিত্র নহে। কল্যাণত্রতী রাষ্ট্রে যে কেবল জনগণের জীবিকা-সংস্থানেই নিয়োজিত থাকিবে তাহা নহে। কোন দেশের জীবিকার মান সাধারণতঃ সেই দেশের মোট উৎপাদন হইতে মূলধন খাতে বিনিয়োগ-যোগ্য ও রপ্তানীযোগ্য দ্রব্যাদি বাদ দিয়া যাহা অবশিষ্ট থাকিবে তাহার উপর নির্ভরশীল। উপরে যে সকল কল্যাণমূলক ব্যবস্থার কথা বলা হইয়াছে, তাহা মোটেই উৎপাদনবৃদ্ধির জন্ম নহে। বস্তুতঃ উৎপাদনের সহিত উহাদের লেশমাত্র সম্পর্ক নাই। তাহাদের একমাত্র উদ্দেশ্য—অবস্থানির্দেশে প্রত্যেক নাগরিক যাহাতে তাহার ন্যূনতম প্রয়োজন মিটাইবার জন্ম দেশের উৎপাদনের অংশ পায় তাহার ব্যবস্থা করা। ইহাতে দেশের উৎপাদন-ব্যবস্থার উপর এই নীতির যে কিছু অপ্রত্যক্ষ প্রতিক্রিয়া না হইতেছে তাহা নহে। অধ্যাপক কেণ্ট বলেন, কল্যাণত্রতী রাষ্ট্রের উদ্ভবের ফলে ব্যবসাবিগ্ণ্য-ক্ষেত্রে বিনিয়োগ করার জন্ম মধ্যবিত্ত শ্রেণীর আর্থিক চাহিদা কমিয়া গিয়াছে। অবশ্য তজ্জন্ম কেবলমাত্র কল্যাণত্রতী রাষ্ট্রের উপর দোষারোপ করা চলে না। তবে মনে রাখিতে হইবে যে, সমস্যাটা হইতেছে লাভ-লোকসানের ক্ষমতা আনয়ন করা। কল্যাণত্রতী রাষ্ট্রে প্রতিষ্ঠার প্রথম অবস্থায় উৎপাদন ব্যাহত হওয়া মোটেই অস্বাভাবিক নয় এবং উৎপাদনের প্রয়োজনীয় উপকরণ হাসপ্রাপ্ত হইলে কোনরূপ সুফললাভও অনিশ্চিত। সুতরাং প্রারম্ভেই এই অসুবিধার দিকে দৃষ্টিক্ষেপ করা প্রয়োজন। একথাও সত্য, সমাজ-কল্যাণ-ব্যবস্থার সুফল দ্বারা নাগরিকদের উন্নতিবিধানের জন্ম রাষ্ট্রের কর্মপ্রচেষ্টা বৃদ্ধিত হইবে এবং শিল্পপতিদের সুবিধা-অসুবিধা বা লাভালাভের কথা যথোপযুক্ত ভাবে বিবেচিত হইলে শিল্পক্ষেত্রেও কর্মপ্রচেষ্টা বৃদ্ধি হইবে। যে দেশে জনসংখ্যা বিপুল বেগে বাড়িয়া যাইতেছে এবং জীবনযাত্রার মান অত্যন্ত নিম্নগ্ৰহী, সেখানে উৎপাদন ব্যাহত হওয়ার পরিণাম অত্যন্ত গুরুতর।

শিল্পপ্রধান অর্থনৈতিক ব্যবস্থার অভিজ্ঞতা হইতে দেখা গিয়াছে, পূর্ণাবয়ব কল্যাণত্রতী রাষ্ট্রে সর্বক্ষণ মুদ্রাস্ফীতি বিদ্যমান থাকিবার আশঙ্কা আছে। কৃষিপ্রধান অর্থনীতিতে এই বিপদের ভয় আরও বেশী। অতএব কল্যাণমূলক ব্যবস্থার জন্ম যে তহবিল প্রয়োজন তাহা অতি সতর্কতার সহিত গড়িয়া তুলিতে হয়। কল্যাণ করিতে গিয়া জনসাধারণকে যেন নূতন করভারে প্রেীড়িত করা না হয়। সাধারণের সঞ্চয়স্পৃহা বা মূলধনসৃষ্টি যেন বাধাপ্রাপ্ত না হয়। শীর পদক্ষেপে অগ্রসর হইয়া কল্যাণ-ব্যবস্থা প্রবর্তিত করিলে ফললাভ কতকটা ত্বরান্বিত করা যায়। ফরধাম বিশ্ব-বিদ্যালয়ের অধ্যাপক ফ্রেডরিক বেইরওয়াল্ড বলিয়াছেন :

“যেখানে বেকার-সমস্যা স্থায়ীভাবে শিকড় গাড়িয়া বসিয়াছে, কোনরূপ নিরাপত্তা বা কল্যাণমূলক ব্যবস্থাই সেখানে সুচারুরূপে কার্যকরী হওয়া সম্ভব নহে। অতএব সমাজকল্যাণ-ব্যবস্থা সার্থক রূপে প্রবর্তন করিবার জন্ম সর্বপ্রথমে প্রয়োজন এমন একটি বিনিয়োগব্যবস্থা যাহাতে শ্রমিক মহলে কোনরূপ অসন্তোষের অবকাশ থাকিবে না। ইহা সফল হইলে দীর্ঘমেয়াদী সমাজ নিরাপত্তা পরিকল্পনা ফলপ্রসূ হইবে, আর বার্থ হইলে আইন করিয়াও সর্বগ্রাসী মন্দা ঠেকানো যাইবে না।” পূর্ণ নিয়োগব্যবস্থার তাৎপর্য্য এই যে, কর্মে নিযুক্ত হওয়ার সুযোগ যেন মনোরম পরিবেশে সর্বদাই উন্মুক্ত থাকে। এক কর্ম হইতে অল্প স্থানান্তর বা কন্মান্তরের তাগিদ ন্যূনতম অঙ্কে স্থিরীকৃত হইবে অথচ জীবনযাত্রার মান সম্পূর্ণরূপে অব্যাহত থাকিবে। ব্রিটিশ ‘স্বেতপত্রে’ পূর্ণনিয়োগ ব্যবস্থা বজায় রাখিবার জন্ম তিনটি অত্যাৱণক উপায়ের কথা উল্লেখ করা হইয়াছে—(১) মূল ব্যয়ের অঙ্ক অপরিবর্তিত রাখা, (২) উৎপাদন উপকরণসমূহের স্ফুট বণ্টন অব্যাহত রাখা ও (৩) মজুরিহার ও মূল্যমান সম্পূর্ণরূপে আয়ত্বাধীন রাখা। এ বিষয়ে বিখ্যাত অর্থনীতিবিদ লর্ড কেইনস বা মীড্‌য়েসব উপদেশ দিয়াছেন তাহা প্রকৃতই মূল্যবান।

ইহা ব্যতীত কল্যাণময় রাষ্ট্রে উৎপাদনবৃদ্ধি ও অবাঞ্ছনীয় ধনবৈষম্য লোপের কথাও বিবেচনার যোগ্য। বর্তমান-কালে সর্বত্রই অল্প ব্যবস্থা বাদ দিয়া মুদ্রানীতির রদবদল করিয়া এই গলদ দূর করিবার চেষ্টা চলিতেছে। তজ্জন্ম আয়কর ও অন্যান্য প্রধান প্রধান প্রত্যক্ষ করের উপর বর্তমানে অধিক গুরুত্ব আরোপ করা হইতেছে। কিন্তু এই ব্যাপারে খুব সতর্কতার প্রয়োজন এইজন্য যে, এই সম্পর্কীয় কোন ব্যবস্থাই যেন সাধারণের সঞ্চয়-প্রবৃত্তি বা বিনিয়োগস্পৃহা কিংবা মূলধনগঠনের পথে অন্তরায় হইয়া না দাঁড়ায়।

এতক্ষণ আমরা কল্যাণত্রতী রাষ্ট্রের নানারূপ সম্ভাব্য সমস্যাবলী লইয়া আলোচনা করিলাম। এখন ভারতে ঐ সব সমস্যা কতটা বিদ্যমান এবং উহাদের প্রকৃতি বা স্বরূপ কিরূপ তাহা লইয়া কিঞ্চিৎ আলোচনা করা যাইতে পারে। বলা বাহুল্য, ভূরিত্তকে কল্যাণত্রতী রাষ্ট্রে রূপান্তরিত করিবার নীতি ঘোষণার ফলে আমাদের সমস্যার গুরুত্বও পূর্বাশঙ্কা অনেক বৃদ্ধিত হইয়াছে। দেশকে প্রকৃতই কল্যাণত্রতী করিতে আজ সকলেই উৎফুল্ল ও আগ্রহান্বিত।

স্বাধীনতাপাভের সঙ্গে সঙ্গে যেসব সমস্যা আমাদের সম্মুখে প্রকট হইয়া উঠে, তাহাদের মধ্যে প্রধানতঃ দেশ-

বিভাগ, মুদ্রাস্ফীতি, উৎপাদন-ঘাটতি ও গঠনমূলক কাজে মূলধনের অভাব বিশেষ গুরুত্বপূর্ণ। অসহায় শ্রমিকদের হুঃখ লাঘব করিবার জন্ত ১৯২৩ সনে ভারতে প্রথম শ্রমিক ক্রতিপূরণ আইন পাস হয়। কিছুদিন পূর্বে শিল্পাঞ্চলের শ্রমিকদের জন্ত শ্রী বি. পি. আদারকর একটি স্বাস্থ্যবীমা পরিকল্পনা সরকারের নিকট দাখিল করিয়াছেন। এই বীমা তহবিলে চান্দা দেওয়া বাধ্যতামূলক করিবার জন্ত তিনি সুপারিশ করিয়াছেন। সরকার অবশ্য এখন পর্য্যন্ত কোন সামাজিক বীমা পরিকল্পনা গ্রহণ করেন নাই, তথাপি আজ দেশের সর্বত্রই ইহার প্রয়োজনীয়তা অনুভূত হইতেছে। খনি অঞ্চলের নারী শ্রমিকদের জন্ত ১৯৪১ সনে খনি মাতৃমঙ্গল আইন বিধিবদ্ধ হয়। ১৯৪৮ সনের রাষ্ট্রবীমা আইনটি নানা কারণে উল্লেখযোগ্য। সমাজ-বীমাক্ষেত্রে ইহা অভিনব হ্র দাবি করিতে পারে। ইহাতে স্বাস্থ্যবীমা সমেত শ্রমিকদের ক্রতিপূরণ ও আসন্নপ্রসব নারীদের জন্ত সাহায্যের ব্যবস্থা আছে। শিক্ষা ও চিকিৎসাক্ষেত্রে নানারূপ উন্নততর ব্যবস্থা অবলম্বিত হইতেছে। কৃষিপ্রদান ও নিরক্ষর অপিবাসী-প্রধান দেশের সঙ্কট পদে পদে এবং এই সঙ্কট উত্তীর্ণ হইবার জন্ত বিচক্ষণ ও ক্ষমতাশালী রাষ্ট্রনীতিজ্ঞের প্রয়োজন।

কল্যাণব্রতী রাষ্ট্র-গঠনের উচ্চাভিলাষ লইয়া অতি ধীর পদক্ষেপে অগ্রসর হইতে হয়। তাড়াহুড়া করিলে পরিকল্পনার মূল উদ্দেশ্যই বার্থ হইতে বাধ্য। সাত বৎসর পূর্বে স্বাধীনতালাভ করিলেও বৈষয়িক ক্ষেত্রে এখনও আমরা আশঙ্করূপে অগ্রসর হইতে পারি নাই—এই কথা মনে রাখিয়া আমাদের ভবিষ্যৎ কল্পনাসূচী স্থিরীকৃত হওয়া প্রয়োজন। বস্তুতঃ ভারতের বৈষয়িক অবস্থা আজ অত্যন্ত শোচনীয়। আয় ও ব্যয়ের মধ্যে সমতা আনয়ন করিতে না পারিলে সাধারণ মানুষ হয় ঋণভারে জঙ্করিত। কিন্তু এ ব্যাপারে ঋণগ্রস্ত সরকারের ভয় নাই, কারণ নিতানূতন করের মারফতে জনসাধারণকে দেউলিয়া বানাইবার ক্ষমতা তাহাদের অক্ষুরস্ত। বর্তমান আর্থিক বৎসরে অর্থাৎ ১৯৫৪-৫৫ সনে কেন্দ্রীয় সরকারের ঘাটতির পরিমাণ ২৬ কোটি ৬ লক্ষ টাকা, আর গত বৎসর পশ্চিমবঙ্গে ঘাটতি ছিল ১২ কোটি ৪৩ লক্ষ টাকা, বিহারে ৩০ কোটি ৪১ লক্ষ টাকা, উড়িষ্যায় ৭৩ কোটি ৩৯ লক্ষ টাকা, আর আসামে ২ কোটি টাকা। এক কথায় কেন্দ্রীয় সরকার হইতে সুরু করিয়া রাজ্যসরকারগুলির মধ্যে যেন ঘাটতির প্রতিযোগিতা সুরু হইয়া গিয়াছে। মানুষের নিত্যপ্রয়োজনীয় দ্রব্যসামগ্রীর উপর করের বোঝা এমন জগদ্দল পাথরের মত চাপিয়া বসিয়াছে যে, তাহা লাঘব করিবার নামগন্ধও নাই। তদুপরি কেন্দ্রীয় সরকার আবার এ বৎসর সিমেন্ট, সাবান, জুতা, মিহি কাপড়, সুপারি ও

প্লাষ্টিকের দ্রব্য প্রভৃতি অত্যাৱশ্যক জিনিষের উপর কর বসাইয়াছেন। অসহায় দেশবাসীকে কি ভাবে ও কত রকমে নিঃস্ব করা যায় তৎপ্রতি সরকারের দৃষ্টি যেন লাগিয়াই আছে। সরকার বলিতেছেন, জনসাধারণের বৈষয়িক উন্নয়নের জন্তই এত সব করিতে হইতেছে। ডেভেলপমেন্ট প্ল্যান বা উন্নতি-পরিকল্পনা দ্বারা তামাম দেশ তাঁহারা কল্যাণমূলক রাষ্ট্র বা ‘ওয়েলফেয়ার স্টেট’ রূপে গড়িয়া তুলিয়া দেশের চেহারা আয়ুল বদলাইয়া দিবেন। কিন্তু তজ্জন্ত প্রতিবৎসর বোবার উপর শাকের আটির ঋয় ক্রমবর্দ্ধমান করভার চাপাইবার ফলে জনসাধারণের পৃষ্ঠদেশ এমনিতেই ঝাঁকিয়া গিয়াছে এবং অচিরেই যে তাহাদের মেরুদণ্ড ভাঙ্গিয়া পড়িবে একথা মনে রাখা দরকার।

কেন্দ্রীয় বজেট অনুসারে দেখা যায় রাজস্বের হিসাব বাদে এককালীন ব্যয়, লগ্নী এবং ঋণখাতে চলতি বৎসরে ঘাটতি ১১১ কোটি টাকা এবং আগামী বৎসরে ২২৪ কোটি টাকা। আলোচ্য দুই বৎসরে ঋণ ও এককালীন আদায় খাতে যথাসম্ভব আয় বাদ দেওয়ার পরে এই ঘাটতির অঙ্কগুলি সঙ্কলিত হইয়াছে। আর বজেট অনুসারে চলতি বৎসরের সংশোধিত হিসাব ও আগামী বৎসরের প্রাথমিক হিসাব মিলাইয়া রাজস্বখাতে ঘাটতি দেখানো হয় ৪৩ কোটি টাকা। অর্থমন্ত্রী শ্রীদেশমুখ সিদ্ধান্ত করিয়াছেন, এই দুই বৎসরের মোট ঘাটতি ৩৭৮ কোটি টাকার মধ্যে ৩৬ কোটি টাকা প্রারম্ভিক তহবিল হইতে এবং ১২ কোটি টাকা আগামী বৎসর কতকগুলি পণ্যের উপর উৎপাদন-কর স্থাপন করিয়া ও চলতি করভার বৃদ্ধি করিয়া আদায় করিয়া লইবেন। বলা অনাবশ্যক, এই করভারের বোঝা অধিকাংশই পড়িবে দরিদ্র ও মধ্যবিত্ত শ্রেণীর দুর্বল স্কন্ধে। বাকী ৩৩০ কোটি টাকা রিজার্ভ ব্যাঙ্কের নিকট জমা রাখিয়া কঙ্ক লওয়া হইবে স্থির হইয়াছে। কিন্তু এ প্রস্তাবের পিছনে মুদ্রাস্ফীতির বিপজ্জনক সম্ভাবনা রহিয়াছে বলিয়া এ বিষয়ে সতর্কতা অবলম্বন আবশ্যক। রিজার্ভ ব্যাঙ্কের হিসাবে দেখা যায়, ১৯৫০ সনের ডিসেম্বর মাসে ১১৪৪ কোটি টাকার, ১৯৫১ সনের ডিসেম্বর মাসে ১১৪১ কোটি টাকার, ১৯৫২ সনের ডিসেম্বরে ১০৯০ কোটি টাকার ও ১৯৫৩ সনের ডিসেম্বর মাসে ১১২১ কোটি টাকার নোট চালু ছিল। অর্থাৎ, গত চার বৎসরে বাজারে চালু নোটের পরিমাণে তেমন কিছু ইতরবিশেষ ঘটে নাই। কিন্তু অর্থসচিব স্থির করিয়াছেন, আগামী মার্চ মাসের মধ্যে বিদেশে ৭৫ কোটি টাকা ও দেশের মধ্যে নূতন নোট ছড়াইয়া মোট ২৫৫ কোটি টাকা পর্য্যন্ত ঘাটতি খরচ করিবেন। কিন্তু গত যুদ্ধের সময় হইতে আমাদের যে অভিজ্ঞতা হইয়াছে তাহাতে মনে হয়,

এইভাবে টাকার বাজার কাঁপিয়া উঠিলে মুনাফাখোর ও মজুত-দারগণ জনসাধারণকে শোষণ করিবার অপূর্ব সুযোগ পায়।

বজেট ঘাটতির আর একটি বিপদ এই যে, যে-কোন উপায়েই হউক, জনসাধারণের ট্যাক হইতেই অর্থ বাহির কারয়া এই ঘাটতি পূরণ করিতে হয়। অধিকাংশ রাজ্যের অর্থসচিবগণ বলিতেছেন, পূর্বাপেক্ষা অনেক বেশী পরিমাণ অর্থ জনকল্যাণমূলক খাতে বরাদ্দ করিবার ফলেই এবার তাঁহারা বিপুল ঘাটতির সন্মুখীন হইয়াছেন। ইহা আশার কথা। পণ্যমূল্য কতকটা নিয়মুখী হইয়াছে, খাদ্যশস্য ও অন্যান্য কৃষিজাত দ্রব্যের উৎপাদন বাড়িয়াছে—এ সবই সত্য। কিন্তু সঙ্গে সঙ্গে জনসাধারণের আয়ের পরিমাণ হ্রাস পাইতেছে, বেকারসমস্যা বৃদ্ধি পাইতেছে, এবং ক্রয়ক্ষমতা হ্রাসের ফলে ব্যবসা-বাণিজ্য মন্দার সন্মুখীন হইতেছে—ইহাও সমান সত্য।

দুই দিকের এই অবস্থার প্রতি লক্ষ্য করিলে দেখা যাইবে, করভারের অতি পীড়ন ও উন্নয়নমূলক পরিকল্পনার বিস্তার সত্ত্বেও সরকারী হিসাবে ঘাটতি এবং দেশবাসীর আর্থিক ক্রমাবনতি—এ সবে মিলিয়া দেশে এক ভয়াবহ এবং উদ্বেগজনক পরিস্থিতির উদ্ভব হইয়াছে। একদিকে নিদারুণ অভাব, অতীতকালে এই অভাব দূরীভূত করিবার জন্য উন্নয়নমূলক ব্যবস্থা প্রবর্তন—এই দুইয়ের সামঞ্জস্যবিধান করিতে হইলে বিপুল অর্থসংগ্রহ প্রয়োজন। ইহার জন্য ভবিষ্যতে নূতন করবৃদ্ধির পন্থা আবিষ্কার করা ভিন্ন অন্য উপায় নাই।

কিন্তু জনসাধারণ আজ এমন দৈনন্দিন উপনীত হইয়াছে যে, সেদিক দিয়া বিশেষ ভরসা নাই, লোকে বেকার ও ঋণগ্রস্ত হইয়া পড়িতেছে। অতীতকালে সরকারও তেমনি ঘাটতির দায়ে জর্জরিত। ক্রমবর্ধমান আর্থিক দৈন্য এবং ক্রমবর্ধমান উন্নয়ন পরিকল্পনা ও ঘাটতির পুনরাবৃত্তি—এই দুইয়ের সমন্বয়সাধন কতদিনে হইবে তাহা বলা কঠিন। এই অবস্থার অবসান ঘটাইতে হইলে দেশে যেরূপ শিল্পবাণিজ্য ও উৎপাদনের প্রসার আবশ্যিক—এবারকার কোন বজেটেই তাহার বিশেষ আভাস পাওয়া যায় নাই। গত কয়েক বৎসরে উন্নয়ন পরিকল্পনা সত্ত্বেও জনসাধারণ এবং সরকারের অর্থসমস্যা বাড়িয়াই চলিয়াছে। শিল্পবাণিজ্যের উন্নতি নাই, জীবিকার নূতন পন্থা আবিষ্কার হয় না, খাদ্যশস্যের মূল্য হ্রাস পাওয়া সত্ত্বেও জনসাধারণের তাহা কিনিবার সামর্থ্য নাই। এই অবস্থার উন্নতি হইবে কি প্রকারে? উন্নয়ন পরিকল্পনার অগ্রগতির সঙ্গে সঙ্গে মানুষের আর্থিক অবস্থার উন্নতি না হইলে আসল সমস্যার সমাধান হইবে না। একদিকে উন্নয়ন পরিকল্পনা আগাইয়া চলিতেছে, অতীতকালে মানুষের অভাব দিন দিন বাড়িতেছে এই অদ্ভুত রহস্যের উদ্ঘাটন কবে সম্ভব হইবে আজ ইহাই জিজ্ঞাস্য। এই প্রশ্নের উত্তর বজেট-বণিত কোটি কোটি লক্ষ লক্ষ টাকার হিসাবের মধ্যে পাইতে গিয়া লোকে বিভ্রান্ত হইয়া পড়িয়াছে। আর ইহার সন্তোষজনক উত্তর না পাইলে কল্যাণব্রতী রাষ্ট্রে কল্যাণ হইবে কাহার?


আমার কবিতা

শ্রীক্ষেত্রমোহন বন্দোপাধ্যায়

আমার কবিতা আজি লিখে যাই আকাশের গায়
গ্রহ-উপগ্রহ আর চন্দ্র-সূর্য, তারার অক্ষরে ;
চিরন্তন হয়ে থাক অন্তর্হীন মহাশূন্য পরে,
আন্তর আকৃতি মোর জ্যোতিষ্কের জ্যোতির্গয়তায়।

অতপ্ত আত্মার ক্ষোভ এ দিনের মর্মান্ত-হেলায়
আলোর স্পন্দনে যেন রাত্রি-দিন কাঁদে আর্তস্বরে ;
নিষ্করণ বক্ষনার সত্য যেন সবার উপরে
উদয়াস্ত জাগে বসি নিম্পলক পুত্রশোক-প্রায়।

আনন্দের অবসরে কোনো দিন মুহূর্তের ভুলে
বারেকের তরে যদি যুক্তকরে উর্ধ্বমুখে চেয়ে
সুকৃতার তলাতলে হারাইয়া ফেলো আপনারে,
স্বর্ণের সরোরুহ নয়নের সুনীল স্নকুলে
বিকশিবে বক্ষ টুটি ; কবিতার ভীক আলো পেয়ে
তৃণাঙ্কুর-শিহরণ গুঞ্জরিবে সঙ্কানি আমারে।



কৌতু

শ্রীমানবেন্দু পাল

বসন্ত বাড়ী ফিরল সেদিন রাত দশটায়। এপাশে ওপাশে সব বাড়ীতেই তখন কর্মচঞ্চলতা থেমে গেছে। জানালা দিয়ে দেখা যাচ্ছে সারি সারি মশারি ফেলা। কেউ-বা তখনও রেডিও শুনছে, কেউ পড়ছে নভেল। ঠুং-ঠাং করে বাসন রাখার শব্দ আসছে নীরেনবাবুর বাড়ী থেকে। বোধ হয় খাওয়া-দাওয়ার পাট সাজ হ'ল।

বসন্ত এসে দরজায় ধাক্কা দিল সন্তর্পণে। কোনও সাড়া-শব্দ পাওয়া গেল না। এবার কড়া নাড়ল। তবু সাড়া নেই।

বসন্ত এবার ডাকল, খোকন!

উত্তর না দিয়ে দরজা খুলে দিল শোভা।

বসন্ত বললে, বাবাঃ, এর মধ্যেই একেবারে ঘুমে অচেতন!

ঘর অন্ধকার। বসন্ত নিজেই আলো জ্বাললে। দেখল, খাওয়া-দাওয়ার পাট সবার চুকে গিয়েছে। তার জন্তে আলাদা করে খানকয়েক রুটি খালা ঢাকা রয়েছে।

কিন্তু বসন্ত 'সেন্টিমেন্টাল' নয়। সে জানে, আগেকার কালের ভক্তিমতী স্ত্রীদের যুগ কেটে গিয়েছে। ভক্তি হয়ত ঠিকই আছে, কেবল তার প্রকাশটার ঘটা নেই। কি করবে? সারাদিন হাড়ভাঙ্গা পরিশ্রমের পর আর সংসারের হুশিস্তা পুষতে পুষতে আধুনিক স্ত্রীরা আজ আর ভক্তির প্রকাশ ঘটা করে দেখাবার সুযোগ পায় না। তাই স্বামীর পথ চেয়ে ক্ষুধার্ত পাকস্থলীকে নিপীড়ন করে রাত জাগা এ কালের স্ত্রীদের পক্ষে সম্ভব নয়।

বসন্ত তা বোঝে। কিন্তু তবু অন্য একটা কিছু আশা করে বৈকি। একটু মিষ্টি হাসি—একটু সহানুভূতি, তার সঙ্গে অসীম আগ্রহ, সব জড়িয়ে এমনি একটি পারিবারিক শান্তিই যে তার ক্ষতবিক্ষত সন্তাকে মধুময় করে তুলতে পারে।

কিন্তু শোভা যেন দিনে দিনে সেই অনুভূতির জগৎ থেকে সরে যাচ্ছে দূরে—অনেক দূরে। এক এক সময়ে সেই চিন্তাটাও বসন্তকে আঘাত করে বসে বড় নির্মমভাবে। তবু বসন্ত হাসে, ঠাট্টা করে—হাল্কা আনন্দ দিয়ে ভুলিয়ে রাখতে চায়।

আজও বসন্ত তাই ঠাট্টা করে বললে, কি, সব খেয়ে-দেয়ে বসে আছ?

শোভা গম্ভীরভাবে বললে, হ্যাঁ, সারাদিন খাটব-খুটব

আবার রাত জেগে তোমার পথ চেয়ে না খেয়ে বসে থাকব, আমার দ্বারা তা সম্ভব হবে না।

অপ্রস্তুত হয়ে পড়ল বসন্ত নিজের কাছেই। ঠিক এভাবে সে ত প্রশ্ন করে নি। ভুল বোঝাবুঝির একটা সমস্যা আছে সকল ক্ষেত্রেই। স্বামী-স্ত্রীর মধ্যেও আছে, প্রণয়ী-প্রণয়িনীর মধ্যেও আছে, বন্ধুবান্ধবেরাও বাদ যায় না। কিন্তু দীর্ঘদিনের দাম্পত্য-জীবনের মধ্যে পরস্পরকে অনুভব না করার যে ব্যর্থতা তার আঘাত যে নিদারুণ!

আজ শোভা অকস্মাৎ বসন্তের সেই বিশ্বাসের উপর আঘাত হানল। বসন্ত গুম হয়ে গেল।

কিন্তু বসন্ত বোঝে গিঁটের উপর গিঁট দিলে বন্ধন জটিল হয়ে যায়। তাই হেসে বললে, এত মেজাজ! আমার অপরাধ কি আজ সীমা ছাড়িয়ে গিয়েছে শোভা?

শোভা উত্তর দিল না। ষ্টোভ জালিয়ে ছোট ছেলেটার জন্তে দুধ গরম করতে লাগল।

বসন্ত হাসল আবার। বললে, কি গো কথা বন্ধ করে বসে রইলে যে!

—তোমার সঙ্গে কথা বলতে ঘেন্না করে!

—ওরে বাবাঃ! এত বড় আক্রমণ! অপরাধটা কি? শোভা এক মুহূর্তের জন্ত বসন্তের উপর অগ্নিদৃষ্টি বর্ষণ করে বললে, অপরাধ কি, নিজে তা জান না?

বসন্ত গম্ভীর গলায় বললে, না।

—না! আপিসের পর এমন কোথায় রোজ আড্ডা মারতে যাও, যে বাড়ীর কথা মনে থাকে না?

—আড্ডা মারবার কি দেখেছ শুনি?

—তবে রোজ রোজ তোমার ফিরতে এত দেরি হয় কেন? আমার বাবা কি কখনও আপিস করেন নি? না আর কেউ করে না? সব বাড়ীতে ছাটার মধ্যে আপিস থেকে ফিরে আসে, আর যত কাজ তোমার? সংসারে আর কিছু দায়িত্ব তোমার নেই?

বসন্ত একটা সিগারেট ধরিয়ে বললে, সব সময়ে তুমি আমার কাছে কৈফিয়ত চাও কেন?

শোভা বললে, কৈফিয়ত চাইতে হয় বৈ কি! পুরুষ-মানুষের দায়িত্ব যদি চোখে আঙুল দিয়ে দেখিয়ে দিতে হয়, তা হলে আর লজ্জার সীমা থাকে না। তুমি আমাকে দিনের পর দিন সেই লজ্জায় ডুবিয়েছ। আজ তাই ত মুখ ফুটে কথা বলতে হয়।

বসন্ত বললে, তুমি জান, আপিস ছাড়াও আমার এমনক কাজ আছে, যার সম্বন্ধে তোমার বিন্দুমাত্র ধারণা নেই ?

শোভা ক্রকুটি করে বললে, রোজই তোমার এমন কাজ কি ফিরতে ফিরতে রাত দশটা ? অবাক করলে !

বসন্ত চীৎকার করে ওঠে—কাজ না থাকলে কি আড্ডা মেরে বেড়াই ? আর যদি আড্ডাই মারি তা হলে বেশ করি । পরদিন আপিসের খাটুনির পর আমার যা খুশি তাই করব । তার জন্তে কাউকে কৈফিয়ত দেবো না ।

শোভা তার কোনও জবাব না দিয়ে সহসা ক্ষিপ্ৰগতিতে উঠে দাঁড়াল । তারপর মশারি তুলে ঘুমন্ত খোকনের পা ধরে টানতে টানতে মাটিতে আছড়ে ফেলল । হাতের কাছে ছিল একটা পাখা, সেই পাখার বাঁট দিয়ে নির্মমভাবে প্রহার শুরু করলে শোভা । চীৎকার করে কেঁদে উঠল খোকন ।

শোভার কণ্ঠস্বর তখন কাঁপছে—হতভাগা ছেলে, পড়া নেই, শোনা নেই, রাত দশটা বাজতে না বাজতেই ঘুম ! আয় তোর চোখে কত ঘুম আছে তাই আজ দেখি ।

দেখতে দেখতে পিঠ ফুলে উঠল খোকনের । চোখের জলে ভেসে গেল গাল । মাটিতে পড়ে উপুড় হয়ে কাঁদতে লাগল ডুকরে ডুকরে ।

শোভা চীৎকার করে উঠল—যাও শীগ্গির মুখ ধুয়ে পড়তে বস গে । লেখাপড়া শিখবে না, চিরকাল মুখ্য হয়ে থাকবে ?

নিঃশব্দে বসন্তর হাতে সিগারেট পুড়ে চলল । সামনে খালা-ঢাকা রুটি পড়ে রইল একান্ত অবহেলায় ।

শোভা তখনও চীৎকার করছে—যাও পড়তে বস গে । বাপ দেখবে না, মাষ্টার রাখবে না—এতখানি বয়স হ'ল তবু স্কুলে ভর্তি করলে না । কি হবে এ অপোগণ্ড পুুষে ? দেব একদিন ছেলে দুটোর গলা টিপে শেষ করে । ছুটু গরুর চেয়ে আমার শূণ্য গোয়াল ভাল ।

কথা বলতে বলতে অকস্মাৎ শোভার দুই চোখ বেয়ে নাগল অশ্রুধারা । ফুঁপিয়ে উঠে মুখ লুকোল বালিশে ।

দূরে পাথরের মূর্তির মত নির্ধাক নিশ্চল বসন্ত তাকিয়ে রইল বাইরের দিকে । যেন এসব ঘটনা রঙ্গমঞ্চে ঘটা কোন এক শোচনীয় অধ্যায় ।

কিন্তু এটুকু বুঝল বসন্ত শোভার অভিমান কোথায় । অথচ সে অভিমানের কোনও সাস্ত্রনা নেই । যে আঙুলটায় ফোস্কা পড়েছে সেই আঙুলের উপর অভিমান করে খুন্তি ধরতে গেলে আঙুল জলে উঠবেই । বসন্তও জলছে । কিন্তু এতে কি অভিমান যায় ?

অনেক সমস্তার মধ্যে বসন্তর জীবনে এই মুহূর্তে আর একটি দারুণ সমস্যা হয়ে দাঁড়িয়েছে খোকন ।

যতদিন খোকন ছোট ছিল ততদিন বসন্তকে আলাদা ভাবতে হয় নি কিছু । দশটা-পাঁচটা আপিস করেছে ; মাস গেলে মাইনে পেয়েছে । গত মাসের দেনা চুকিয়ে বাকি টাকায় সংসার চালিয়েছে । যখন অচল হয়েছে তখন আবার হাত পেতেছে বন্ধু-বান্ধবদের কাছে ।

এ হাত পাতায় লজ্জা নেই তার । কারণ এটুকু না করলে সংসার চলবে না ।

তা ছাড়া ধার করে না কে ? বৃত্তাকারে দেনা পরি-শোধের চক্র ঘুরে চলেছে সমস্ত মধ্যবিত্ত-শ্রেণীর উপর দিয়ে । আজ ধার করা গেল একজনের কাছে, কাল অন্য জনের কাছ থেকে চেয়ে সেই দেনা শোধ হ'ল । আজ ধার করে আনা গেল দশ টাকা, কালে বিকলে খবর নিয়ে জানা গেল স্ত্রীর কাছ থেকে পাশের বাড়ীর বৌ দু' টাকা ধার নিয়ে গেছে ।

এই পরস্পর-নির্ভরতা আজ পূর্ণবেগে চলেছে । আর চলেছে বলেই সমস্ত মধ্যবিত্ত সমাজটা রয়েছে বেঁচে । কিন্তু যে মুহূর্তে ঘটে কোথাও ছন্দপতন, তখনই টলে ওঠে গোটা সংসার—দেড়শত টাকা মাইনের কেবানীর সুখ-দুঃখে গড়া তাসের ঘর ।

বসন্তর অদৃষ্টে এখন শনির দশা । দেনার পরিমাণ এত বেশী বেড়ে উঠেছে যে মাইনে থেকে পুরোপুরি শোধ করলে সংসার চলে না । তাই তাকে ঘুরতে হয় ।

ঘুরতে হয় বৈ কি পাঁচটার পর এখানে-ওখানে, যদি মিলে এক-আধটা টিউশন—যদি মিলে কোন পার্টটাইমের কাজ কিংবা অন্য যে কোন উপায়ের পথ ।

দপ্তরীর কাছে কিছুকাল শিখছিল ফর্মা ভাঁজাই । কিন্তু তাও সুবিধে হ'ল না । কাদের মিঞা হেসে বললে, বাবু, আপনারা হলেন ভদ্রলোক, চেয়ার-টেবিলে বসে কাগজ-কলম নিয়ে কাজ-কাম । আপনারা এসব পারবেন কি করে ?

একরকম ভদ্রভাবেই কাদের মিঞা জবাব দিয়ে দিল । মাথা নীচু করে চলে এল বসন্ত সরকার ।

মোড়ের মাথায় আসতেই হঠাৎ একটি ছেলে এসে হেঁট হয়ে বসন্তর পায়ের ধুলো মাথায় নিয়ে বললে, কেমন আছেন স্যার ?

ত্রিশ বছর বয়স বসন্ত সরকারের । এ যুগেরই যুবক । তবু বিশ্বাস হয় না, একদিনও এমন কোন ছাত্র আছে নাকি যে পৃথিবীর মধ্যে হঠাৎ পায়ের ধুলো নিতে পারে তিন বছর আগেরকার এক গৃহশিক্ষকের ?

আশীর্বাদ করা হ'ল না । বসন্ত সরকার মুহূর্তখানেক

তার মুখের দিকে তাকিয়ে রইল। তারপর ধীরে ধীরে বললে, কে কুল্যাণ? কেমন আছ?

—ভাল স্মার।

—পড়াশুনো 'কনটিনিউ' করছ?

—থার্ড-ইয়ারে পড়ছি।

—বেশ বেশ! পিঠ চাপড়াল বসন্ত।

এমনই করে ঘুরতে ঘুরতে কখন যে ম'টা বেজে যায়, খেয়াল থাকে না। যেদিন সংসার একান্ত অচল হয় সেদিন চলে আসে পুরনো মেসে। এর-ওর সঙ্গে গল্প করে, শুধু পেটে ছ' কাপ চা খেয়ে ফেরার সময় হয়ত ওকে চাইতে হয় পাঁচটা টাকা।

—দিত্তেই হবে অসীম, বিশেষ দরকার। বলতে লজ্জা নেই, পকেট একেবারে শূন্য। কবে দেব? ঠিক পরলা। এই সন্ধ্যা সাড়ে সাতটা-আটটা।...

মাইনে পেয়েই বসন্ত আসে। কিন্তু এসেই ত আর টাকা শোধ করে যেতে পারে না? তা হলে জীবনটা আর বন্ধুদের সঙ্গে সম্পর্কটা যেন মহাজন আর দেনাদারের মত স্থূল হয়ে দাঁড়াবে।

তার চেয়ে হাসতে হাসতে এসে বন্ধুদের কাছে চা খেয়ে, সিগারেট ফুঁকে পলিটিক্স থেকে আলোচনা শুরু করে প্রেমের কবিতা পর্যন্ত আওড়ে চলে যাবার সময় অসীমের হাতে পাঁচ টাকার একটা নোট গুঁজে দিয়ে যাবার ভেতর আর যাই থাকুক দীনতার আঁচ থাকে না। এইটেই যথেষ্ট।

খোকনকে নিয়ে সমস্যা এত দিন ছিল না। কিন্তু কবে যে খোকনের সাত বছর গিয়েছে—কবে যে তার প্রথম ভাগ, দ্বিতীয় ভাগ শেষ হয়ে স্কুলে যাবার যোগ্যতালাভ হয়েছে—দৈনন্দিন সমস্যা নিয়ে মাথা ঘামাতে ঘামাতে সে খবর বসন্ত রাখে নি। রাখে নি নয়, রাখতে পারে নি।

মেসের কোণের ঘরে বসে এক পেয়লা চা আর সিগারেটের পোঁয়ার রিং ছুঁড়তে ছুঁড়তে বসন্ত যখন হালুকা হাসিগল্পর ভেতর দিয়ে কিভাবে পাঁচটা টাকা চাইবে চিন্তা করত, তখন সেখান থেকে তিন মাইল দূরে মধ্য কলিকাতার কোন এক 'বাই লেনে'র অঙ্ককার অল্পপরিসর ঘরে ছেঁড়া মাত্রের পেতে খোকন ছলে ছলে পড়ত—ঐক্য বাক্য কুবাক্য। সামনে বসে শোভা। অটুট গান্ধীর তার মুখে। বসন্তর তখনকার সে হাস্যোচ্ছাসের এক ফণাও শোভার কাছে এসে পৌঁছত না।

তাই যেদিন শোভা আত্মগর্বে হাসতে হাসতে বললে, খোকনকে এবার ইস্কুলে ভর্তি না করলেই নয়, সেদিন বসন্তও হাসতে হাসতে খুব হালুকা সুরে বললে—তাই নাকি?

—তবে? খবর রাখ, ছেলে কত দূর এর মধ্যে পড়ে ফেলেছে? একেবারে ক্লাস খিতে ভর্তি করতে হবে।

বসন্ত একটা দেশলাইয়ের কাঠি জ্বলে বললে, যাক বাঁচা গেল।

শোভা হঠাৎ এই বেঁচে যাওয়ার অর্থ ধরতে পারল না। বললে, তার মানে?

—মানে আর কি, ছেলে ত সাবালক হয়ে উঠল। এবার আমার দুর্ভাবনাও ঘুচবে। আর ছ' বছর পরে যা হোক একটা কাজে লাগিয়ে দেব—হয় চায়ের দোকানে, নয় তো মুদির দোকানে।

—আহা কি কথার ছিরি!

শোভা ঠাট্টা ধরতে পারল না। মুখ গম্ভীর করে উঠে চলে গেল।

শোভা উঠে যাবার সঙ্গে সঙ্গেই বসন্তকেও উঠতে হ'ল। তাকে এখুনি একবার যেতে হবে বেহালা। এক বন্ধু কিছু টাকা যোগাড় করে দেবে প্রতিশ্রুতি দিয়েছে। দশ-পাঁচ টাকা নয়, অন্ততঃ গোটা পঞ্চাশ। এর জন্তে অবশ্য সূদ দিতে হবে।

তাই মই—তাতেই রাজী। পঞ্চাশ টাকার আশু প্রয়োজন। সামনে শীত। লেপগুলোর যা দশা হয়েছে—তা ছাড়া গায়ে দেবার মত কোন গরম কাপড়ই নেই। ছেলে দুটোর সোয়েটার না হলে নিউমোনিয়ায় মরবে। তা ছাড়া গত মাসের ডাক্তারের বিলটা এখনও শোধ হয় নি। সূতরাং টাকারই দরকার আগে, সূদের চিন্তা পরে।

বসন্ত বেরিয়ে পড়ল, আর সঙ্গে সঙ্গে মন থেকে মুছে গেল ছেলেকে ভর্তি করার কথা। ও আলোচনাটা যেন সকাল-বেলায় চা খাওয়ার মুখে বেশ একটা রুচিকর বিষয়। ছেলে বড় হচ্ছে...

এর চেয়ে বেশী ও বিষয়কে প্রশ্ন দেওয়া যায় না। বই কেনার খরচ, তার উপর মাসে মাসে স্কুলের মাইনে। হয়ত আবার প্রাইভেট টিউটরও লাগবে। এ খরচ চালানো তার এখন সাধ্যের বাইরে।

খোকনের মুখের উপরকার মারের দাগগুলো পরের দিনও মিলায় নি। রাত্রি:বলার সেই নিষ্ঠুর মার বসন্ত দেখে গিয়েছিল। কিন্তু আশ্চর্য, এতটুকু বাধা দেয় নি, প্রতিবাদটুকু পর্যন্ত করে নি। আর করে নি সে দুটো জিনিষ স্পর্শ সে রাত্রে। শোভার হাত আর তার হাতে-তৈরি রুটি। এক-রকম সমস্ত রাতটা বসন্ত সিগারেট ফুঁকে কাটিয়ে দিল মশারির বাইরে আধ-শোওয়া অবস্থায়।

পরের দিন আপিসফেরতা তেমন কোন কাজ ছিল না।

হচ্ছে করলেই ছাঁটার মধ্যে বাড়ী ফিরতে পারত। কিন্তু ফিরল না। কিছুক্ষণ এদিক-ওদিক ঘুরে শেষে একটা সিনেমায় গিয়ে ঢুকল।

তারপর রাত দশটায় যখন বাড়ী ফিরল তখন আগের দিনের মতই দেখা গেল প্রতিবেশীদের মশারি সারি সারি ফেলা; কেউ-বা তখনও রেডিও শুনছে, কেউ পড়ছে তন্ময় হয়ে বই। চুংঠাং করে শব্দ আসছে নীরেনবাবুর কলতলা থেকে।

কেবল ব্যতিক্রম—তার ঘরের দরজা আজ খোলা। আলো জ্বলছে। মশারির ভেতর ঘুমুচ্ছে তার দুই পুত্র। আর শোভা সযত্নে খোকনের পড়ার বইগুলোতে মলাট লাগাচ্ছে।

আজও কেউ কারও সঙ্গে বিশেষ কথা বললে না। শোভার খাওয়া হয়ে গিয়েছে কিনা বোঝা গেল না। ও শুধু উঠে একটা আসন পেতে দিলে।

কিছুদিন পর অকস্মাৎ একদিন বসন্ত রাত ন'টার সময় ফিরল উৎসাহে আর আনন্দে চঞ্চল হয়ে।

শোভা তখনও খোকনকে আঁক কষাচ্ছিল। সামনে এক ঘটি জল। তুলুনি এলেই শোভা খোকনের চোখে জল দিয়ে দিচ্ছিল। এমনই সময় বসন্ত ঢুকল হাসতে হাসতে। ধূপ করে এক ঠোঙা মাংস মাটিতে ফেলে বললে, নাও রাঁধো। আজ থেকে কিছুদিনের জন্তে কপাল ফিরল।

শোভা এ রকম একটা মুহূর্তের জন্তে প্রস্তুত ছিল না। একদিকে স্বামীর এই অপ্রত্যাশিত স্মৃতি, আর এক দিকে সচ কিনি আনা মাংস, দুটোই সমান বিষয়ের। কোনটার কারণ আগে জিজ্ঞাসা করবে স্থির করার আগেই বলে ফেলল, এত রাত্রে মাংস! তোমার কি আক্কেল বল ত!

—তা হোক। না হয় সারা রাত জেগেই আজ মাংস খাব।

—তুমি না হয় সারা রাত জেগে মাংস খেলে, কিন্তু খোকনটা? ও কি রকম মাংস খেতে ভালবাসে বল দিকি!

ঈশৎ অপ্রতিভ হয়ে বসন্ত বললে, তাই নাকি? তা ত খেয়াল ছিল না। আচ্ছা, ওর জন্তে না হয় আর এক-দিন নিয়ে আসব। কিছুদিনের জন্তে এখন আমি রাজা।

শোভা একটু শ্বাস হাসল। বললে, কি জানি, তোমার উৎসাহ দেখে আমার বড় ভয় করছে। নিশ্চয়ই একটা কিছু ঠাট্টা করবে।

বসন্ত হেসে বললে, না ঠাট্টা নয়, একটা টিউশন পেয়েছি। ক্লাস থির একটি ছেলেকে পড়াতে হবে, কুড়ি টাকা করে দেবে।

বসন্ত একটু থামল। তারপর একটা সিগারেট ধরিয়ে বললে, আজই একবার টেষ্ট করে দেখলাম। বুদ্ধিমান ছেলে। বছর সাতেক বয়স। এত বুদ্ধিমান, এত চটপটে, ও যদি ভাল মাষ্টারের হাতে পড়ে তা হলে জোরগলায় বলতে পারি, ও একজন স্কলার হয়ে উঠবে। তা ছাড়া—

শোভা অকস্মাৎ গম্ভীর হয়ে গেল। দুই চোখের দৃষ্টি যেন নিবে গেল। ধীরে ধীরে উঠে বাইরে চলে যাচ্ছিল—বাস্তব হয়ে বসন্ত ডাকল—এ কি, উঠে যাচ্ছ!...তা কুড়ি টাকা মন্দ কি? যে ক'দিন যা পাওয়া যায় তাই লাভ।

শোভা ফিরে দাঁড়াল। ধীর সংযত কণ্ঠে বললে, ওই টাকারটার অর্ধেক আমায় দেবে?

হঠাৎ এমনিতর একটা প্রস্তাবের জন্তে বসন্ত প্রস্তুত ছিল না। একটু ইতস্ততঃ করে বললে, অর্ধেক!

—হ্যাঁ, দশ টাকা।

বসন্ত আরও একটু চিন্তা করে বললে, আচ্ছা, দেব।

—কিন্তু সে টাকার হিসেব তুমি চাইতে পারবে না।

বসন্ত ভেবে উত্তর দিলে—বেশ চাইব না। কিন্তু আর ঝগড়া করবে না ত?

শোভা বিস্মিত হ'ল। বললে, ঝগড়া! আমি বুঝি আগে ঝগড়া করি?

—ঝগড়া না কর, মুখখানা হাঁড়িপানা করেও থাকতে পারবে না, এই সত।

—আচ্ছা।

খোকন ঢুলছিল। শোভা কাছে এসে ওর হাত ধরে তুলে স্নিগ্ধ কণ্ঠে বললে, খোকন শোওগে, আজ তোমার ছুটি।

“নীচৈর্গচ্ছত্যপরি চ দশা চক্রনেমিক্রমেণ”—মানুষের দশা চক্রনেমির গায় নীচে এবং উপরে যায়।

অনেককাল আগে কালিদাস পড়বার সময় বসন্ত কথাটা মুখস্থ করে রেখেছিল। মুখস্থ করার কারণটা ঠিক পরীক্ষা পাস নয়, এমন অনেক কথা আছে যার অর্থ অনেক সময় পরীক্ষা-পাসের সফল গম্ভীর চেয়ে অনেক উর্ধ্ব মানুষের অনুভূতিকে নিয়ে যায়।

জীবনের পরীক্ষায় পাস-ফেলে কত বার যে সাল্লানার প্রয়োজন হয় তার কি কোন হিসাব আছে? তাই কেউ কেউ অমূল্য উক্তি খুঁজে পায়—ভাঙার পূর্ণ করে রাখতে চায় এমন মহাসঙ্কয়ে যা সারা জীবন ধরে যোগাবে পাথের।

বসন্ত আজ তাই দীর্ঘ আট মাস পর যখন অকস্মাৎ তার কুড়ি টাকা মাইনের টিউশনটা খোয়াল তখন তার সর্বাগ্রে মনে পড়ল কালিদাসের উক্তি।

কিন্তু বসন্ত সাস্ত্রনা পেলেও তার এমন কোন সঞ্চয় নেই বা দিয়ে শোভাকে সাস্ত্রনা দিতে পারে।

শোভা যে মনে মনে এই ক্লাস খিব ছেলেটির উপর অপবিসীম ভরসা করে ফেলেছিল এবং সেই ভরসার উপর নির্ভর করে এই জানুয়ারীতে বসন্তকে না জানিয়েই ছেলেকে ভতি করে দিয়েছিল একেবারে ক্লাস ফোরে।

বসন্ত যখন শুনল তখন রাগের চেয়ে আশ্চর্যই হ'ল বেশী।

—খোকনকে ক্লাস ফোরে নিলে!

—নেবে না? কম পরিশ্রম করেছি ওর পেছনে? তুমি ত একটা দিনও ছেলেটাকে দেখলে না। কেবল পরের ছেলে মানুষ করেই গেলে।

বসন্ত হেসে বললে, পরের ছেলে মানুষ করার বিনিময়েই ত নিজের ছেলের ভবিষ্যৎ গড়ে উঠছে, এটা ভোল কেন?

শোভা তা কোন দুর্বল মুহূর্তেও ভোলে নি এবং ভোলে নি বলেই পরের ছেলের গৌরবোজ্জ্বল ভবিষ্যতের সঙ্গে নিজের ছেলের ভবিষ্যতের একটা যোগসূত্র রচনা করে ফেলেছিল।

কিন্তু আজ—

শোভা নিরুপায় হয়ে শুধু একবার জিজ্ঞেস করলে, ওরা ছাড়িয়ে দিলে কেন?

—আবে বলো না আর। যা অবস্থা। মাসের শেষে টাকা দিত ধার-কজ করে। শেষাশেষি বললে, মাষ্টারমশাই, আর ত পারি নে। হয়ত ছেলেটার পড়াশোনাই বন্ধ করে দিতে হয়।—প্রোট ভদ্রলোক কেঁদে ফেললেন। কি আর করি। নমস্কার করে চলে এলাম।

—আহা, ছেলেটার সঙ্গে দেখা করলে না?

—নাঃ, ও আর আমার সামনে বেরোয় নি। আমারও মনটা কেমন খিঁচড়ে গেল। চলে এলাম।

শোভার বুক ঠেলে একটা দীর্ঘশ্বাস বেরিয়ে এল—আহা!

—কিন্তু নিজের ছেলের উপায় এখন কি হবে? মাইনের টাকা থেকে একটা আখলা বেশী খরচ করবার উপায় নেই, কোন টিউশনও আপাতত জুটছে না। আর জুটলেও ওরকম গরীবের বাড়ী আর পড়াব না।

একটু কি ভেবে শোভা বললে, আচ্ছা দেখি কতদূর কি করতে পারি।

কিন্তু শোভার একার সাধ্য আর কতদূর? বসন্তর কাছ থেকে প্রতি মাসে যে দশটা করে টাকা নিয়েছে তা থেকে ছেলের স্কুলের মাইনে, বই, খাতা, পেন্সিল কিনে এবং সংসারের টুকিটাকি প্রয়োজন মিটিয়ে যা অবশিষ্ট ছিল তা থেকে চলল আর তিন মাস।

স্কুলে আগষ্ট মাসের মাইনে বাকি পড়ল। বাকি পড়ল সেপ্টেম্বর মাসেরও। পূজোর ছুটি অক্টোবরের প্রথম সংগ্রাহ।

খোকন এর আগে দু'তিন বার এসে বলেছে মাইনের জন্মে। বলেছে, মাষ্টারমশাইরা রোজ জিজ্ঞেস করেন, আজ মাইনে এনেছ? আমি কিছু বলতে পারি না মা।

শোভাও উত্তর দিতে পারে নি। নিঃশব্দে শুধু ছেলের মাথায় হাত বুলিয়ে দিয়েছে। আর—

আর বসন্ত এলে অতি সঙ্কোচে আবেদন করেছে—

ঠ্যা গো, দুটো টাকা অন্তত দিতে পার এই মাসে?

বসন্ত নিঃশব্দে মাথা নেড়েছে।

নিরাশ হয়ে শোভা বলেছে, এদিকে মাইনে বাকি পড়ে যাচ্ছে। স্কুলে মানও থাকে না।

বসন্ত সিগারেটের ছাই বাড়তে বাড়তে মনে মনে কি হিসেব করে নেয়। বলে, পূজোর ছুটির আগে একেবারে তিন মাসের মাইনে মিটিয়ে দেবো।...

অক্টোবর এল।

খোকন একদিন স্কুল থেকে ফিরে এসে বললে, মা, মাষ্টারমশাই আমায় বলে দিয়েছেন, যেদিন ইস্কুল বন্ধ হবে সেদিন সমস্ত মাইনে দিয়ে দিতেই হবে।

একটু বিরক্ত হয়ে শোভা বললে, আচ্ছা আচ্ছা হবে। তারপর নীচু গলায় জিজ্ঞেস করলে—তোদের ক্লাসের সবাই মাইনে দিয়েছে?

খোকন মাথা নেড়ে বললে, ঠ্যা, কবে! কেবল আমিই—

শোভা ছেলেকে কাছে টেনে চোখ মুছিয়ে দিয়ে বললে, কবে তোদের ইস্কুল ছুটি হবে?

—পরশু দিন।

—পরশু দিন! মনে মনে শোভা যেন কি ভেবে নিল।

বসন্ত আপিস থেকে ফিরলে সেই দিনই শোভা বললে, ঠ্যা গো, গোটাকতক টাকা ত খোকনের ইস্কুলে দিতেই হয়।

—কি করে সম্ভব?

মেজাজটা রুদ্ধ হয়ে উঠল শোভার। বললে, সম্ভব নয় কেন?

বসন্ত বললে, পাওনাদাররা সব সামনে পূজো বলে হাঁ করে আছে। তাদের দেনা ত আগে শুধতে হবে।

—কিন্তু খোকনের নাম যদি কেটে দেয়?—শোভার কণ্ঠস্বর কেমন যেন কেঁপে উঠল।

বসন্ত বললে, পূজোর পর ফাইন-টাইন দিয়ে যা হোক ব্যবস্থা করব।

শোভা বললে, তবু কাল একটু আপিসে চেষ্টা করো, যদি টাকা যোগাড় করতে পার।

বসন্ত তার আর কোন উত্তর দেয় নি।

পরের দিন ছটার মধ্যেই বাড়ী ফিরল বসন্ত। শোভা খোকনের একটা শার্ট প্যান্ট আজ সাবান দিয়ে কেচে দিয়েছিল। এখন ইঞ্জি করে দিচ্ছে।

কাল ইস্কুল হয়েই পূজোর ছুটি হয়ে যাবে। এই দিন পড়াশুনা নয়, শুধু হাসি গান কলকাকলি। ছেলেরা যাবে যে যার ভাল কাপড়-জামা পরে। স্কুল-বাড়ী সাজাবে ফুলে পাতায় রঙীন কাগজে। ঠোঙা ঠোঙা খাবার নিয়ে সব বাড়াকাড়ি করবে।

এই আনন্দে যদি কেউ বাদ পড়ে তবে সে একান্ত হতভাগ্য। ছেলেরা মনে মনে কামনা করে, এই পরম শুভ দিনটি কবে আসবে, তাদের শিশুমনে এই ব্যাকুলতার মুহূর্তে থাকে না কোন শ্রানি, কোন মলিনতা। নবেম্বরের শেষে তারা তাদের বার্ষিক পরীক্ষার বিভীষিকার কথাও ভুলে যায়। তাদের সামনে যে তখন কেবল ছুটির আনন্দ—দীর্ঘদিনের হাসিখুশিতে ভরা পূজোর বাজনা-বাজা রঙীন দুর্লভ মুহূর্তগুলি।

শোভাও তাই তার ছেলের আনন্দের অংশ গ্রহণ করবার জন্তে আজ মনপ্রাণ দিয়ে লেগে পড়েছে। কাল এই শার্ট প্যান্ট পরে খোকন স্কুলে যাবে, তার জীবনের এই প্রথম শুভসম্মেলনে।

বসন্ত ঘরে ঢুকতেই খোকন ছুটে গিয়ে জড়িয়ে ধরে বললে, বাবা, জান আমাদের ইস্কুলটা কি সুন্দর সাজিয়েছে।

—তাই নাকি ?

নিলিগু কণ্ঠে ছোট্ট একটা প্রশ্ন করে বসন্ত জামা খুলতে লাগল।

খোকন আরও কি বলতে যাচ্ছিল, কি একটা আকুল প্রশ্ন অতি সঙ্কোচে শোভারও কণ্ঠে বেরিয়ে আসছিল, কিন্তু বাধা পড়ল।

বাইরে থেকে কচি গলায় এই সময়ে কে ডাকল, খোকন আছিস ?

গলাটা খোকনের খুবই পরিচিত। উৎসাহে একলাফে খোকন বাইরে এসে দাঁড়াল।

—কে রে নস্তু ? আয় আয়। ও মা, আমার সেই বন্ধু নস্তু এসেছে।

শোভা তাড়াতাড়ি এগিয়ে গিয়ে নস্তুকে ডাকল—এস, এস। লজ্জা কি ?

বেশ ছেলেটি। ফুটফুটে চেহারা। পরনে সাদা হাফ প্যান্ট, হালুকা নীল রঙের হাফ শার্ট। পরিপাটি করে সিঁথিকাটা, কালো কোঁকড়ানো চুলে ভরা মাথা।

নস্তু একটু লাজুক। তাই বেশী পরিচয় করতে পারল না কারও সঙ্গে। একপাশে দাঁড়িয়ে খোকনের হাত ধরে

দোলা দিয়ে বললে, কাল কিন্তু খুব ভোরে ইস্কুল যাস। আমিও যাব। তোর আর ভাবনা কি ভাই, বাড়ীর কাছে ইস্কুল। আর আমার আসতে হবে কতদূর থেকে।

খোকন বললে, আমার কিন্তু ভাই বড্ড ভয় করছে, যদি ঘুম না ভাঙ্গে।

নস্তু বললে, ভয় আমারও করছিল, কিন্তু দিদি বলেছে তুলে দেবে। তোদের এলার্ম দেওয়া ঘড়ি নেই ?

খোকন এলার্ম দেওয়া ঘড়ির নামই জানে না। তাই নিঃশব্দে মাথা নাড়ল।

নস্তু বললে, আমাদের আছে।

এমনি সময়ে শোভা এল ছোট্ট রেকাবিতে একটা রসগোল্লা নিয়ে, আর এক হাতে খোকনের ছোট্ট গেলাস ভরে জল।

কিছুতেই খাবে না নস্তু। শোভা বললে, তাই কি হয় বাবা, তুমি খোকনের সঙ্গে পড়—খোকনের বন্ধু। এই প্রথম এলে—

নস্তু নিরুপায় হয়ে মিষ্টিটা তুলে নিয়ে খোকনের সঙ্গে বাইরে এসে দাঁড়াল।

তারপর যাবার সময় বলে গেল—কাল ভোরবেলায় তোকে ডাকব। আমি না ডাকা পর্যন্ত যাস নে যেন।

খোকন মাথা নেড়ে বললে—না না।

শোভা আর চুপ করে থাকতে পারল না। নস্তু চলে যাবার পরেই বললে কাঁপা গলায়—হ্যাঁ গো, খোকনের মাইনেটা—

খুব সহজভাবে বসন্ত বললে, নাঃ, কিছুতেই যোগাড় করতে পারলাম না।

শোভার মাথাটা এক মুহূর্তের জন্তে যেন কি রকম ঘুরে উঠল, দাঁড়িয়ে থাকতে পারল না, তখনই চোঁকির উপর বসে পড়ল।

খোকনও কখন এসে বাবার কাছ ঘেঁষে দাঁড়িয়েছিল—তার মনে তখন অনেক আশা, অনেক আনন্দ। কিন্তু হঠাৎ বাবার মুখের ঐ একটা কথা থেকেই ও যেন সব বুঝে নিলে। মুখ শুকিয়ে গেল।

বসন্তও যেন মাতাপুত্রের ব্যথাটা অনুভব করতে পারলে। বললে, ঠিক আছে। অত ভাবনা কি ? কাল আমি একটা চিঠি লিখে দেব হেডমাষ্টারকে। যে ক'মাসের মাইনে বাকি আছে সব তুলে খুললেই মিটিয়ে দেব। যদি দরকার হয়ত ফাইনও দেব।

হ্যাঁগো, আমার লেটার-হেড প্যাডটায় দু'একটা পাতা আছে ত ?

শোভা যেন কি রকম বিকল হয়ে পড়েছে। কোন-
রকমে মাথা নেড়ে সায় দিল মাত্র।

পরের দিন ভোরে যদিও খোকন ফর্সা শাট প্যাণ্ট পরে
যাবার জন্তে প্রস্তুত হ'ল তবুও যেন তার সমস্ত শিশুমন ছেয়ে
কি এক নিদারুণ বিষাদ ঘনিয়ে রইল। অতি প্রত্যুষে শোভা
ঘুম থেকে উঠে ষ্টোভ জালিয়ে খোকনের জন্তে মোহনভোগ
আর চা তৈরি করে দিলে বটে, কিন্তু তার মাতৃ-হৃদয়ের কোন্
গোপন অন্তঃপুরে কি একটা বেদনা গুমরে উঠতে লাগল।

আর বসন্ত—যে কোন দিনই সাতটার আগে ঘুম থেকে
উঠে না, সে-ও আজ স্ত্রীপুত্রের সঙ্গে ভোর চারটায় বিছানায়
উঠে বসেছে।...

বর্ষা কেটে গেছে। আশ্বিনের শেষ। থেকে থেকে
সির্ সির্ করে উঠছে গা। কোথায় যেন শিউলি ফুটেছে।
মৃদু গন্ধ আসছে তার। বসন্ত একটা চাদর গায়ে দিয়ে
বাইরের একফালি বারান্দায় এসে বসল।

কাল রাত্রেই হেডমাষ্টারকে চিঠিখানা লিখে রেখেছিল।
তার অনেক দিন আগেকার দামী কাগজে ভাল ছাপার
অক্ষরের লেটার-হেডে শুদ্ধ ইংরেজীতে লেখা একটা আকৃতি-
ভরা আবেদন।

আজ প্রত্যুষে সেই চিঠিখানার ভাষাই বারে বারে তার
মনকে বিভ্রান্ত করে তুলতে লাগল।

চা মোহনভোগ খেয়ে শাট আর প্যাণ্ট পরে খোকন
যখন প্রস্তুত হ'ল—যখন শোভা তার পুরনো ট্রাকের তলা
থেকে মরচে-ধরা একটা কোঁচো বার করে নিজের আঁচল
দিয়ে খোকনের মুখে পাউডার মাখিয়ে দিতে লাগল; তখন
বাইরের বারান্দায় বসে বসন্ত সহসা ডাকল—খোকন!

সে কণ্ঠস্বর শুনে শোভা যেন চমকে উঠল।

মা আর ছেলে এসে দাঁড়াল সামনে। বসন্ত নিঃসঙ্কোচে
একবার হাতটা বাড়িয়ে বললে, চিঠিখানা দেখি।

তাড়াতাড়ি খোকন বুকপকেট থেকে বের করে দিল
দামী কাগজে লেখা বাবার জরুরি পত্রখানা।

চিঠিখানা কয়েকবার নিবিষ্ট চিন্তে পড়ে বসন্ত বললে,
নাঃ, এ চিঠি দেওয়া যায় না।

বলে তখনি চিঠিখানা কুচি কুচি করে ছিঁড়ে ফেলে
দিল রাস্তায়।

স্বাগুর মত দাঁড়িয়ে রইল শোভা আর খোকন। মুখ
তাদের ভাষা নেই। দৃষ্টি অচঞ্চল।

—না শোভা, খোকনকে ইস্কুলে যেতে হবে না আজ।
যাওয়ার আনন্দের চেয়ে ঢের বেশি লজ্জা ওকে পেতে হবে।
সে লজ্জা ও সারাজীবনে ভুলবে না।

অনেকক্ষণ চুপ করে থেকে যখন পেছন ফিরল বসন্ত,
তখন সেখানে আর কেউ দাঁড়িয়ে নেই।

কিন্তু সামনে তখন আর একটা কিশোরমূর্তি সেই আবছা
আলো-আঁধারে এসে দাঁড়িয়েছিল—সে নস্তু।

নস্তু ডাকতে যাচ্ছিল খোকনকে, কিন্তু তার আগেই
নিঃসঙ্কোচ গাভুরীর্ষে বসন্ত বললে, খোকন যাবে না। ওর
আজ অসুখ করেছে।

সিগারেটের পর সিগারেট ধ্বংস করে চলেছে বসন্ত
সরকার। শরতের এই স্বল্প আলো-আঁধার-মেশানো প্রত্যুষে
সহসা সে যেন হারিয়ে ফেলেছে নিজের সত্তা। যেন সে
ভুলে গিয়েছে কলকাতার এই অল্পপরিসর কক্ষ—এই
স্ত্রীপুত্র, এই সংসার—এই বেদনা-নৈরাশ্রের সক্রমণ
অভিনয়।

আজ ক্ষণকালের জন্তে তার বস্তুবাদী মন এই লৌহ-
কপাট উন্মোচন করে ছুটে গেছে দূরে, বহু দূরে তার ফেলে-
আসা শৈশবের কোন্ বিস্মৃতির অতল-তলে!

সেও ছিল শরতের এমনি এক মধুর প্রভাত। পূজোর
ছুটির স্কুলমাতানো রমণীয় উৎসবের দিন। নিজের হাতে
সাজিয়েছিল সেদিন স্কুলের কক্ষ ফুলে-পাতায়, রঙীন কাগজে।
সকলের মুখে সেদিন সে কি উজ্জল দীপ্তি—সকলের বুকে সে
কি উদ্দাম কলরোল!

...দেড়শো টাকা মাইনের বসন্ত সরকার আজ সহসা
এ কি শিশুমনের অতলে তলিয়ে গেল! কোথায় গেল
তার উদ্ধত যোদ্ধমন—কোথায় গেল তার হাত পাতার
নিঃসঙ্কোচ নৈপুণ্য?

বসন্তর অন্তঃস্থল থেকে আর এক ক্ষতবিক্ষত শিশুমন
সহসা যেন আজ কেঁদে উঠল। লক্ষ টাকার বিনিময়েও
খোকনের সাত বছর বয়সের এই প্রথম উৎসাহের উৎসব-
মুহূর্তটি আর ফিরে পাওয়া যাবে না।



বঙ্গভাষানুবাদক সমাজ

শ্রীযোগেশচন্দ্র বাগল

১

এ কথা অস্বীকার করিলে চলবে না যে, গত শতাব্দীতে পাশ্চাত্য শিক্ষা-সভ্যতার সংস্পর্শে আসিয়া আমরা আত্মস্থ হইতে উদ্বুদ্ধ হই। তখন দেবভাষা সংস্কৃতের ব্যাপক অনুশীলনের সূচনা হয়। ইংরেজী ভাষা-সাহিত্যের মোহন স্পর্শে দেশ-ভাষাসমূহেরও নিজ নিজ প্রচ্ছন্ন শক্তির উন্মেষ হইতে থাকে। বাংলা ভাষা-সাহিত্য ভারতবর্ষের প্রাদেশিক ভাষা-

লয়াদিতে পঠন-পাঠনের নিমিত্ত পুস্তক প্রকাশে নিয়োজিত ছিলেন। বাংলা ভিন্ন ইংরেজী ও অগ্ণাঢ় দেশীয় ভাষার পুস্তক প্রকাশেও তাঁহারা রত হন। কলিকাতার গোড়ীয় সমাজও (প্রতিষ্ঠাকাল ১৮২৩) দেশীয় সংস্কৃতি এবং সংস্কৃত ও বাংলা ভাষার অনুশীলনে মনোযোগী হইয়াছিলেন। এই সমাজ দ্বারা বাঙালী সাহিত্যিকবৃন্দ সে যুগে বিশেষ অনুপ্রাণিত হন। মহর্ষি দেবেন্দ্রনাথ ঠাকুরও তত্ত্ববোধিনী সভার মাধ্যমে প্রতিষ্ঠাবধি (১৮৩৯) স্বদেশীয় ভাষা-সাহিত্যের চর্চায় উৎসাহ এবং অনুপ্রেরণা দিতেছিলেন। তত্ত্ববোধিনী সভা 'তত্ত্ব-



জে. ই. ডি. বেথুন

গুলির মধ্যে অনেকটা উন্নত ছিল। গত শতাব্দীর প্রথমেই বঙ্গভাষাবিৎ উইলিয়ম কেরী ইহাকে পৃথিবীর অগ্রতম শ্রেষ্ঠ ভাষা বলিয়া উল্লেখ করিয়াছিলেন। বাংলা ভাষা-সাহিত্য সে যুগের বিভিন্ন সভা-সমিতির মারফত প্রকর্ষ লাভের সুযোগ পায়।

এই সকল সভা-সমিতি বা প্রতিষ্ঠানের মধ্যে প্রথমে ১৮১৭ সনে আরকু কলিকাতা স্কুল-বুক সোসাইটির নাম উল্লেখ করিতে হয়। তবে নাম হইতেই প্রকাশ, এই প্রতিষ্ঠানটি নব্যশিক্ষার উপযোগী নূতন প্রতিষ্ঠিত বিদ্যা-



মহর্ষি দেবেন্দ্রনাথ ঠাকুর

বোধিনী পত্রিকা' প্রকাশ করিয়া বাংলা সাহিত্যের অনুশীলনে সবিশেষ তৎপর হন। তবে এই সভা বিশিষ্ট ধর্মভাব প্রচারকল্পেই ভাষার সহায়তা লইয়াছিলেন। ট্রাস্ট সোসাইটি বা ক্রিশ্চিয়ান নলেজ সোসাইটি, এশিয়াটিক সোসাইটি প্রভৃতিও নিজ উদ্দেশ্য অনুযায়ী ভাষা-সাহিত্যের চর্চা করিতেন। তাহাতে বাংলাভাষী নরনারীস্ব সাধারণ পাঠোপযোগী পুস্তকের অভাব মেটানো সম্ভব ছিল না।

তখনও সংস্কৃতি-ক্ষেত্রে দেশী-বিদেশীর সম্মিলিত ভাবে

কার্য্য করিবার সুযোগ-সম্ভাবনা একেবারে লোপ পায় নাই। বস্তুতঃ উপরি-উক্ত অভাব স্থানীয় ইংরেজ ও বাঙালী মনীষি-গণ সমানভাবেই অনুভব করিতেছিলেন। সে যুগের সংবাদ পত্র হইতে জানিতেছি, এই অভাব বিদূরণের নিমিত্ত উত্তর-পাড়ার জনহিতব্রতী জমিদার জয়কৃষ্ণ মুখোপাধ্যায় এবং হাওড়ার সহকারী ম্যাজিষ্ট্রেট হজসন প্রাট সমান উদ্যোগী হইয়াছিলেন।* ইহার পূর্বেই যে লণ্ডনের 'পেনি ম্যাগাজিনের'



রাজেন্দ্রলাল মিত্র

আদর্শে এখানে একখানি স্বল্পমূল্যের বাংলা মাসিকপত্র প্রকাশের জল্পনা-কল্পনা চলিতেছিল তাহাও জানা যাইতেছে।† কাজেই মনে হয়, সাধারণ গৃহস্থ-পাঠ্য পুস্তকের অভাব মোচনের উদ্দেশ্যে উদ্যোগ-আয়োজন ১৮৫০ সনের মাঝামাঝি হইতে চলিয়া আসিতেছিল। এই আয়োজন একটি স্পষ্ট রূপ পরিগ্রহ করে ১৮৫০ সনের ডিসেম্বর মাসে। আর ইহার নামকরণ হইল "Vernacular Literature Society" বা "Vernacular Literature Committee"। ইহা প্রথম

* "বেঙ্গল হরকরা" 'সংবাদ পূর্ণচন্দ্রোদয়' হইতে এই সংবাদটি অনুবাদ করিয়া ১৮৫০, ১৯শে নবেম্বর সংখ্যায় প্রকাশ করেন :

"Vernacular Society—We hear that Baboo Joykissen Mookerjee, zemindar of Uttarpara and Mr. Pratt, Asst. Magistrate of Howrah, are the principal promoters of the intended Vernacular Society,

† ঐ, ১৯ই নবেম্বর ১৮৫০

প্রথম "Vernacular Translation Society" বা "Committee" নামেও অভিহিত হইয়াছিল। এই কমিটি বা সোসাইটির ক্রমে বাংলা নামকরণ হইল "বঙ্গভাষানুবাদক সমাজ", আরও পরে সংক্ষিপ্তাকারে মাত্র "অনুবাদক সমাজ"।

বঙ্গভাষানুবাদক সমাজের প্রতিষ্ঠাকাল সম্বন্ধে কিঞ্চিৎ ভ্রান্ত মত রহিয়াছে দেখিতেছি। যতদূর মনে হয়, লঙ্কৃত বাংলা ভাষা-সাহিত্যের ইংরেজী রিটানগুলি হইতেই এরূপ ভ্রম হইয়া থাকিবে। আদতে বঙ্গভাষানুবাদক সমাজ প্রতিষ্ঠিত হয় ১৮৫০ সনের ডিসেম্বর মাসে। ১৪ই ডিসেম্বর ১৯৫০ তারিখের "সত্যপ্রদীপ" এই সমাজ-প্রতিষ্ঠার সংবাদ দিয়া ইহার উদ্দেশ্য এবং কর্মকর্তৃগণের বিষয় প্রকাশ করিয়া ছিলেন। পরবর্তী ২৮শে ডিসেম্বর সংখ্যা 'সত্যপ্রদীপে' সমাজের অনুষ্ঠানপত্র সবিস্তারে প্রকাশিত হয়। কাজেই বঙ্গভাষানুবাদক সমাজের প্রতিষ্ঠাকাল 'ডিসেম্বর ১৮৫০' বলিয়া নিঃসন্দেহে ধরিয়া লইতে পারি। অনুষ্ঠানপত্রখানি হইতে এই সমাজের উদ্দেশ্য, কমিটির সদস্য, অনুবাদের জন্ম প্রস্ভাবিত পুস্তকসমূহ, আদায়ীকৃত টাকা ও টাঙ্গাদাতার নাম প্রভৃতি বিষয়ক নানা কথা জানা সম্ভব হইয়াছে। ২৮শে ডিসেম্বর ১৮৫০ দিবসীয় 'সত্যপ্রদীপ' হইতে বঙ্গভাষানুবাদক সমাজের অনুষ্ঠানপত্রখানি এখানে তুলিয়া দেওয়া গেল :

"বঙ্গভাষার পুস্তক অনুবাদার্থ সভা।

"বর্তমান মাসের ১৪ তারিখে সত্যপ্রদীপে অনুবাদার্থ যে সভা-বিষয়ক বৃত্তান্ত প্রকাশ হয়, এইক্ষণে তাহার অনুষ্ঠানপত্র প্রকাশ করিতেছি।...

"নিম্নের লিখিত মহাশয়েরা ইঙ্গরাজীতে সর্বলোকেরদের পাঠ্য ও উত্তম পুস্তক বঙ্গভাষায় অনুবাদ করিয়া প্রকাশার্থ সভাস্থাপন করিয়াছেন।

শ্রীযুত অনারিবেল জে ই ডি বীটন সাহেব।

শ্রীযুত বাবু দেবেন্দ্রনাথ ঠাকুর।

শ্রীযুত এ গোট সাহেব।

শ্রীযুত বাবু জয়কৃষ্ণ মুখোপাধ্যায়।

শ্রীযুত পাদরি ডবলিউ কে সাহেব।

শ্রীযুত ডাক্তার লাম সাহেব।

শ্রীযুত জে সি মার্শমান সাহেব।

শ্রীযুত এচ প্রাট সাহেব।

শ্রীযুত বাবু রসময় দত্ত।

শ্রীযুত ই এ সামুয়েলস সাহেব।

শ্রীযুত সিটনকার সাহেব।

শ্রীযুত উডরো সাহেব।

শ্রীযুত এস প্রাট সাহেব।

শ্রীযুত টোনসেও সাহেব।

} সেক্রেটারী।



“ট্রাঙ্ক সোসাইটি কিম্বা খ্রীষ্টান নলেজ-সোসাইটি কি ইন্স্কুল বুক সোসাইটি কিম্বা আসিয়াটিক সোসাইটি চতুষ্ঠয় সভার নিয়মমতে সর্বসাধারণের পাঠ্য উত্তমং যে সকল পুস্তক প্রকাশ করিতে পারেন না তাহা উক্ত কমিটির সাহেবেরা প্রকাশ করিবেন।

“উক্ত সাহেবেরা আপনারদের মুখ্যাভিপ্রায় সিদ্ধ করণার্থে যে পুস্তক প্রকাশ করিতে মনস্থ করেন সেই পুস্তকের রচনা বঙ্গদেশীয় লোকের মতানুসারে কিঞ্চিৎ পরিবর্তন করিয়া অনুবাদ করিবেন।

“উক্ত সাহেবেরা প্রথম বৎসরে ৫০০০ টাকা পর্যন্ত সংগ্রহ করিলে নিম্নের লিখিত গ্রন্থ ভাষান্তর করিয়া প্রকাশ করিবেন।

“রবিনসন ক্রসো। বেকন সাহেবের প্রবন্ধ বাক্য। ইতিহাসের সমকালীন ঘটনা। আবরক্রাফি সাহেবের রচিত মনোগুণ। চেম্বার্স ও নাইট সাহেবের ও পেনি মাগাজিনের প্রকাশিত নানা-বিধ বিজ্ঞা বিবরণাদি সংগৃহীত এক পুস্তক। মহাপীটরের আয়ুর বিবরণ। কলম্বাসের আয়ুর বিবরণ। ক্লাইব সাহেব ও ওয়াবেণ হেষ্টিংস সাহেবের বিষয়ে মাকালি সাহেবের প্রবন্ধ বাক্য।

“কমিটির সাহেবেরা আবশ্যিক ধন সংস্থাপনার্থে এই নিয়ম করিয়াছেন বঙ্গদেশীয় লোকেরদের স্বেচ্ছামতে পাঠ্য বঙ্গভাষীয় ও কৰ্ম্মণ্য পুস্তক প্রস্তুত করণার্থে এই দেশীয় লোকেরদের মঙ্গলাকাঙ্ক্ষী হইয়া যাঁহারা সাহায্য করিতে চাহেন তাঁহারা অনূন পঞ্চাশ টাকা বার্ষিক চাদা দেন। তন্নিম্ন যাঁহারা যাহা চাদা দিতে চাহেন তাহা গ্রাহ হইবেক।

“যে কোন মহাশয় পঞ্চাশ অবধি টাকা দেন তিনি আপনার দত্ত মূদ্রাক্রমে কমিটির প্রকাশিত তৎতুল্য মূল্যের পুস্তক ঐ পুস্তক প্রকাশ করণের দরে পাইবেন। যথাসাধ্য অল্পব্যয়ে পুস্তক প্রকাশ হইবেক।

“কমিটির সাহেবেরা আপনারদের কার্যের বৃত্তান্ত প্রতি বৎসরান্তে প্রকাশ করিবেন।

“যে কোন ব্যক্তি পাঁচ শত টাকা দেন তিনি যে কোন পুস্তক অনুবাদপূর্বক প্রকাশ করিবার পরামর্শ দেন যদি কমিটির বিবেচনায় সেই পুস্তক সর্বসাধারণের পাঠ্যপুস্তক হয় এবং যে প্রকার পুস্তক প্রকাশ করণে তাঁহাদের অভিপ্রায় থাকে তাহার বিপরীত প্রকারের পুস্তক না হয় তবে তাহার অনুবাদ করণের উপায় করিবেন।

“যতপি উপযুক্ত সংখ্যক টাকা প্রাপণপ্রযুক্ত সভার ক্ষতি না করিয়া ছয় পুস্তকের অধিক বর্তমান বৎসরে প্রকাশ করা যাইতে পারে এবং কমিটির সাহেবেরা উত্তরকালে আরো বিস্তারিতরূপে কার্যসিদ্ধির উপায় করিতে পারেন তবে তাঁহারা সাধারণ মহাশয়েরদের কৃত সাহায্যের উপযুক্ত ভাবমতে আপনারদের কার্য চালাইবেন এই প্রতিজ্ঞাতে বদ্ধ হইয়াছেন। মহাশয়েরা ঔদার্য্যপূর্বক এই কার্যের সাহায্য করিবেন কমিটির এই আশা হইতেছে এবং এই দেশীয় লোকেরদের মঙ্গলাকাঙ্ক্ষী মহাশয়েরা যথেষ্ট সাহায্য করেন এই নিবেদন।

“নীচের লিখিত টাকা পাওয়া গিয়াছে।

	দান	বার্ষিক চাদা
“ক্রীযুত বাবু জয়কৃষ্ণ মুখুয়া ও রাজকৃষ্ণ মুখুয়া	...	১২০০
” ডাক্তর লাম সাহেব	১০০	২০০
” এম ওয়াইলি সাহেব	৫০	৫০
” এচ উডবো সাহেব	৫০	৫০
” এচ প্রাট সাহেব	৫০	৫০
” ই এ সামুয়েল সাহেব	৫০	৫০
” বাবু রসময় দত্ত	৫০	৫০
” এ গোট সাহেব	৫০	৫০
” পাদরি ডবলিউ কে সাহেব	১০০	৫০
” এ জে এম মিলস সাহেব	৫০	৫০
” এম টোনসেগু সাহেব	৫০	৫০



প্রসন্নকুমার গাঙ্গুল

“উপরে লিখিত কএক পুস্তকের অনুবাদ করণ অর্গোণে আবশ্য হইবেক। যাঁহারা এত কার্যার্থে কোন টাকা দিতে মনস্থ করেন তাঁহারা সেক্রেটারী সাহেবেরদের কিম্বা কমিটির কোন মহাশয়ের নিকটে টাকা প্রেরণ করুন। কলিকাতা ১৮৫০ সাল। বঙ্গভাষানুবাদক সমাজ স্থাপিত হইল। অনুষ্ঠানপত্র প্রকাশের অব্যবহিত পরেই সমাজ-কমিটি বা অধ্যক্ষ-সভা কার্যে

নিবিষ্ট হইলেন। যে কার্যের জন্ম মূলতঃ সমাজ প্রতিষ্ঠিত হইয়াছে তাহা সত্ত্বর শুরু করিতে তাঁহারা মনস্ত করিলেন। ১৮৫১ সনের প্রথম দিককার ইংরেজী-বাংলা সংবাদপত্রে সমাজের অধিবেশন এবং ইহার নানা সঙ্কল্পের কথা প্রকাশিত হইতে লাগিল। ৪ঠা ফেব্রুয়ারী ১৮৫১ তারিখের 'বেঙ্গল হরকরা' 'সত্যপ্রদীপ' সাপ্তাহিক হইতে একটি সংবাদের মর্ম প্রদান করিয়া জানান যে, বঙ্গভাষানুবাদক সমাজ প্রস্তাবিত পুস্তকসমূহের কিঞ্চিৎ রদবদল করিয়াছেন। পরবর্তী ৭ই এপ্রিলে 'বেঙ্গল হরকরা' এই মর্মে লেখেন, 'রবিন্সন ক্রুসো'র অনুবাদ কার্য শেষ হইয়াছে, 'পীটার দি গ্রেট' ও কলম্বসের জীবনী অনুবাদও অনেকটা অগ্রসর। লণ্ডন হইতে ছবির প্লেট আসিয়া না পৌঁছায় 'পেনি ম্যাগাজিনে'র

দেবীতে প্রকাশিত হওয়ায় মনে হইতেছে, বঙ্গভাষানুবাদক সমাজের অন্যান প্রথম দেড় বৎসরের কার্য-বিবরণ ইহাতে প্রদত্ত হইয়াছিল। এই বিবরণ হইতে জানা যায়, ত্রীরামপুরের পাদ্রী জে. রবিন্সন 'রবিন্সন ক্রুসো', ড. রোয়ার 'ল্যামস টেলস ফ্রম সেক্সপীয়র' এবং হরচন্দ্র দত্ত মেকলেস 'লাইফ অফ ক্লাইব' বাংলা ভাষায় অনুবাদ করিয়াছেন। এ তিনখানি পুস্তকই যন্ত্রস্থ হইয়াছে। আরও জানা যাইতেছে যে, রাজলক্ষ্য বন্দ্যোপাধ্যায়, ভূদেব মুখোপাধ্যায় ও রাজেন্দ্রলাল মিত্র যথাক্রমে কলম্বস, পীটার দি গ্রেট এবং শিবাজীর জীবনী অনুবাদ-কার্যে রত হইয়া ইহাতে অনেকটা অগ্রসর হইয়াছেন। পাদ্রী লণ্ড বাংলা সাময়িকপত্র হইতে যে সঙ্কলন করিতেছিলেন তাহাও প্রায় শেষ হইয়া আসিয়াছে।



পণ্ডিত ঙ্গরচন্দ্র বিজ্ঞানাগর

আদর্শে সঙ্কলিত মাসিক পত্রিকাখানির প্রকাশে বিলম্ব ঘটিতেছে। এখানে উল্লেখযোগ্য যে, ব্লকের কাজ তখনই এদেশে খানিকটা চালু ছিল, তথাপি বঙ্গভাষানুবাদক সমাজ নিজ পুস্তক ও পত্রিকার উপযোগী ব্লক বিলাত হইতেই আনাইবার ব্যবস্থা করেন। উহার অধিকতর উৎকর্ষই হয়ত ইহার কারণ।

প্রতিষ্ঠাবধি বর্ষাধিককাল পর্যন্ত সমাজের কি কি কাজ হইয়াছিল তাহার একটি ফিরিস্তি ইহার প্রথম রিপোর্ট হইতে পাওয়া যায়। এই রিপোর্টের সারমর্ম ১৮৫৩, ১৭ই জানুয়ারী সংখ্যা 'হিন্দু ইন্টেলিজেন্সারে' প্রকাশিত হয় এত।

বঙ্গভাষানুবাদক সমাজের প্রথম বৎসরের একটি প্রধান কার্য—রাজেন্দ্রলাল মিত্রের সম্পাদনায় 'বিবিধার্থ সংগ্রহ' প্রকাশ। বাংলা ১২৫৮, কার্তিক মাস হইতে ইহা চিত্রশোভিত হইয়া প্রকাশিত হইতে আরম্ভ হয় বিলাতের 'পেনি ম্যাগাজিনে'র আদর্শে। প্রত্যেক সংখ্যায় ষোল পৃষ্ঠা এবং তিনখানি চিত্র প্রদত্ত হইতে থাকে। সম্পাদক রাজেন্দ্রলাল মিত্র সমাজের নিকট হইতে প্রতি মাসে আশী টাকা করিয়া পাইতেন। পত্রিকার উদ্দেশ্য এইরূপ বিজ্ঞাপিত হইয়াছিল : "যাহাতে বঙ্গদেশস্থ জনগণের জ্ঞান বৃদ্ধি হয় এমৎ সং ও আনন্দজনক প্রস্তাব সকল প্রচার করা উক্ত [বঙ্গভাষানুবাদক] সমাজের মুখ্য কল্প, এবং ইংরেজী ভাষায় 'পেনি ম্যাগাজিন' নামক পত্রের অনুবর্তিত এতৎপত্রে তদভিপ্রায় সিদ্ধার্থে অবিরত সম্যক চেষ্টা করা যাইবেক। আবালবৃদ্ধবনিতা সকলের পাঠযোগ্য করণার্থে উক্ত পত্র অতি কোমল ভাষায় লিখিত হইবেক, এবং তত্রত্য প্রস্তাবিত বস্তু সকলের বিশেষ পরিজ্ঞানার্থে তাহাতে নানাবিধ ছবি থাকিবেক।" এই পত্রিকার মূল্য প্রতি সংখ্যা দুই আনা এবং বামিক দেড় টাকা।

সম্পাদক রাজেন্দ্রলাল মিত্র প্রথম সংখ্যায়ই সম্পাদকীয় নিবেদনে বঙ্গভাষানুবাদক সমাজের কথা এইরূপ লিখিয়াছেন :

"বঙ্গভাষানুবাদক সমাজের আত্মকুলো এই পত্র স্থাপিত হইল, অতএব তৎসমাজস্থ মহোদয়গণের নিকট আমরা কৃতজ্ঞতা স্বীকার করিতেছি। উক্ত সমাজস্থ মহাশয়েরা বঙ্গভাষানুবাদে জনগণের উপহাস সহ্য করত শুদ্ধ পরোপকারার্থে এতদ্দেশীয় ভাষায় উন্নতি চেষ্টায় প্রবর্ত হইয়াছেন, এবং বিপুলার্থ ব্যয় করিয়া নানাবিধ উত্তম গ্রন্থ সকল প্রস্তুত করাইতেছেন, অতএব ভদ্র সমাজে উহারা অবশ্য

সমূহ প্রশংসার পাত্র হইবেন, এবং এতদেশস্থ সকলেই যে ইহাদের
বঙ্গবাদ করিবেন ইহাতে কোন সন্দেহ নাই।”

বিলাত হইতে ব্লক আনাইবার বিষয় এই বিবরণে বিশেষ
ভাবে উল্লিখিত হয়। পত্রিকা এবং পুস্তকাদি চিত্রশোভিত
করিবার নিমিত্ত সমাজ ইতিমধ্যেই বিলাতে এক হাজার
টাকা মূল্যের ব্লকের অর্ডার দিয়াছিলেন। সমাজের অষ্টম
প্রধান উৎসাহী অধ্যক্ষ ড্রিক ওয়াটার বেথুন লণ্ডনের বিখ্যাত
পুস্তক-প্রকাশক চার্লস নাইটের নিকট হইতে সাতাশিখানা
ব্লক বিনামূল্যে আনাইয়া সমাজের পত্রিকা ও পুস্তকাদির
ব্যবহারের জন্ত দেন। তবে ব্লক-দাতা নাইটের নামোল্লেখ
করিয়া ঋণ স্বীকার করিতে হইবে—এরূপ কথা থাকে।
এই বিবরণ হইতে আরও জানা যায়, উত্তরপাড়ার জমিদার
জয়কৃষ্ণ মুখোপাধ্যায় নিজ গ্রন্থাগারের যাবতীয় মুদ্রিত বাংলা
পুস্তক সমাজকে দান করেন। ড. রোয়ার ও হরচন্দ্র দত্ত
বিনা দক্ষিণায় পূর্বোল্লিখিত পুস্তকদ্বয় অনুবাদ করিয়াছিলেন।
বাঙালী পাঠক-পাঠিকার মধ্যে প্রকৃত জ্ঞান বিতরণের জন্তই
এই সমাজের প্রতিষ্ঠা। এ কারণ কর্তৃপক্ষ পাঠক
সাধারণের সাহায্য ও সহানুভূতি বিশেষরূপে যাজ্ঞা করেন।

অনুষ্ঠানপত্রে যে সব পুস্তকের অনুবাদ প্রকাশের কথা
রহিয়াছে, এই বিবরণ হইতে জানা যায় তাহার কয়েকখানি
পরিত্যক্ত হইয়াছে, এবং তাহার স্থলে কয়েকখানি নূতন পুস্তক
অনুবাদ, সংকলন ও প্রকাশের প্রস্তাব হইয়াছে। এ সময়কার
অধ্যক্ষ সভায়ও কয়েকজন বাঙালী এবং বিদেশীর নাম নূতন
দেখিতেছি, যথা—পণ্ডিত ঈশ্বরচন্দ্র বিদ্যাসাগর, প্রসন্নকুমার
ঠাকুর, পাদ্রী লঙ্ ও ড. স্প্রিঞ্জার। মহর্ষি দেবেন্দ্রনাথ
ঠাকুর এবারকার অধ্যক্ষ-সভায় ছিলেন না। সম্পাদক মাত্র
এইচ. প্রাট। বেথুন সাহেব ১৮৫১, ১২ই আগষ্ট মৃত্যুমুখে
পতিত হন। সমাজ উক্ত রিপোর্টে এজন্ত বিশেষ দুঃখ
প্রকাশ করেন। তাঁহার স্থলে প্রধান সভ্য দেখিতেছি
জে. আর. কলভিলকে। বড়লার্ট লর্ড ডালহৌসী বঙ্গ-
ভাষানুবাদক সমাজের ‘পেট্রন’ বা পৃষ্ঠপোষক হইলেন।

এই বিবরণে বঙ্গভাষানুবাদক সমাজের নিমিত্ত যাঁহাদের

নিকট হইতে টাকা পাওয়া গিয়াছিল তাঁহাদেরও একটি
তালিকা প্রদত্ত হয় :


লর্ড ডালহৌসী	৫০০
জে ই ডি বেথুন	১,০০০
জয়কৃষ্ণ ও রাজকৃষ্ণ মুখো	১,০০০
ডাঃ ল্যাথ	৩০০
এম ওয়াইলি	১০০
এ গ্রোট	১০০
জে সি মার্শমান	১০০
লেঃ বেকন	৫০
এম টাউনসেণ্ড	৫০
এইচ উডো	৫০
রসময় দত্ত	১০০
পাদ্রী জে লঙ্	৫০
ডবলিউ সিটন-কার	৫০
জে ডবলিউ ডালরিম্পল	১০০
এফ জে হেলিডে	৫০
ড. বেলি	৫০
এ স্বজ	৫০
জে জে ওয়াড	৫০
গোপীকৃষ্ণ গোস্বামী	৫০০*
জে ডবলিউ কলভিন	১০০
লর্ড বিশপ	১০০
প্রসন্নকুমার ঠাকুর	৫০০
পাদ্রী ডবলিউ কে	১৫০

৪,৬০০

সমাজের কার্য—বাংলা-ভাষায় অনুবাদ পুস্তক এবং
পত্রিকা প্রকাশ—সোৎসাহে চলিতে লাগিল। ইহার উদ্দেশ্যও
ক্রমশঃ ব্যাপকতর হইল। এ বিষয় পরে আলোচ্য।

* গোপীকৃষ্ণ গোস্বামী কোম্পানীর কাগজে পাঁচ শত টাকা
অর্পণ করায় মোট হিসাবে ইহা ধরা হয় নাই।





কচুরিপানা

শ্রীদেবেন্দ্রনাথ মিত্র

অজ্ঞাত বহু প্রকার ফুলজ ও জলজ উদ্ভিদের গায় কচুরিপানারও বীজ এবং কাণ্ড হইতে নূতন গাছ জন্মে ; আমাদের দেশের আবহাওয়া বিপরীত থাকায় বীজ অপেক্ষা ভাসমান কচুরিপানার কাণ্ড হইতেই অধিক পরিমাণে নূতন গাছ জন্মে । প্রসঙ্গক্রমে ইহা জানিয়া রাখা দরকার যে, কাণ্ড হইতে উদ্ভূত গাছের বীজ কম উৎপন্ন হয় ।

কচুরিপানা গাছের জন্মবৃত্তান্ত এবং বৃদ্ধি একটি চিত্তাকর্ষক বিষয় । প্রত্যেক বৃক্ষের যেরূপ গাট থাকে তেমনি কচুরিপানা-গাছেরও গাট আছে । কচুরিপানা-গাছের ঐরূপ প্রত্যেক গাট হইতে একটি করিয়া কুঁড়ি বাহির হয় ; ইহা কিন্তু ফুলের কুঁড়ি নহে, নূতন গাছের জন্ম অবস্থা । কুঁড়িটি ফুটিলে একটি নূতন এবং পৃথক গাছ জন্মাইবে । প্রথম অবস্থায় কুঁড়িটি কাণ্ডের সহিত লাগিয়া থাকে ; কিন্তু কুঁড়িটির ক্রমবৃদ্ধির সহিত উহার একটি বোঁটা জন্মায় এবং তাহা বাড়িয়া সাত-আট ইঞ্চি পর্য্যন্ত লম্বা হয় ; ইহার ফলে বোঁটা সমেত কুঁড়িটি মূল গাছ হইতে দূরে সরিয়া আসে এবং উহা হইতে কাণ্ড ও পাতা বহির্গত হয় । কুঁড়িটি পৃথক হইবার পর উহার তলদেশ হইতে শিকড় বাহির হইতে থাকে ; পরে মূল গাছ হইতে বোঁটাটি ভাঙিয়া গেলে উহা একটি পৃথক এবং স্বাবলম্বী গাছে পরিণত হয় । এইরূপে প্রত্যেক গাট হইতে উদ্ভূত কুঁড়ি হইতে পৃথক পৃথক গাছ জন্মলাভ করে । কচুরিপানার টাঁটা বায়ুপূর্ণ "ব্লাডারে"র গায় স্থায়ী হওয়ায় ইহা জলের উপর অনায়াসে ভাসিয়া থাকিতে পারে ; ইহার উপর উহার পাতা নৌকার পালের মত কাজ করায় অল্প বাতাসে অথবা প্রোতে উপরোক্ত ভাবে উৎপন্ন গাছ বহুদূর পর্য্যন্ত নীত হইয়া নিজেদের বংশ বৃদ্ধি করে । অনুসন্ধান জানা গিয়াছে যে, কচুরিপানার একটি ছোট অংশ হইতে বৎসরের মধ্যে দশ হাজার বর্গগজ ব্যাপী কচুরিপানার ঘন দল সৃষ্টি হইতে পারে ।

কচুরিপানার কাণ্ড শুষ্ক আবহাওয়া দীর্ঘকাল সহ্য করিতে পারে । ঐরূপ নীচস আবহাওয়ায় কচুরিপানার কাণ্ডের জীবনীশক্তি বিনষ্ট হয় না ; কেবলমাত্র অল্পমাত্রায় নিস্তেজ হইয়া পড়ে এবং আবার উপযুক্ত আবহাওয়া পাইলে তাহা কচুরিপানার বংশবৃদ্ধিতে সহায়তা করে । বোঁটা ভাঙিয়া নবোদ্ভূত গাছ যে সকল সময়েই মূল গাছ হইতে বিচ্ছিন্ন হইয়া পড়ে তাহা নহে ; অনেক সময় মূল গাছের সহিত যুক্ত থাকিয়া তাহার বংশ বৃদ্ধি করিতে থাকে । এইরূপ এক একটি ঘন দল বহুদূরে অনায়াসে ভাসিয়া গিয়া ক্রমাগত বংশ-বৃদ্ধি করে ।

বীজ হইতে কি প্রকারে কচুরিপানার বংশবৃদ্ধি হয় তাহাও জানিয়া রাখা দরকার । সাধারণতঃ বৎসরে দুই বার কচুরিপানার ফুল হয় ; একবার চৈত্রের মাঝামাঝি হইতে বৈশাখের শেষ


পর্য্যন্ত এবং দ্বিতীয় বার শ্রাবণ মাসের মধ্যভাগ হইতে অগ্রহায়ণ মাসের শেষাংশে কচুরিপানার গাছ ফুল ধারণ করে । তবে বর্ষায় ফুলের পরিমাণ বৃদ্ধি পায় । ভোরবেলাতেই ফুল ফুটিয়া থাকে এবং চক্ৰিশ ঘণ্টার মধ্যে তাহা শুকাইয়া যায় ।

অগ্রভাগে একটি দণ্ডের উপর কচুরিপানার ফুল উৎপন্ন হয় । ফুলের পুরুষ-কেশরের পরাগ গর্ভকেশরের উপর পতিত হইলে ফুলগুলি শুকাইয়া গিয়া ফুলসমেত দণ্ডটি বাঁকিয়া জলের নীচে চলিয়া যায় । জলের গভীরতা কম হইলে অথবা ডাঙ্গায় কাদা-মাটিতে উৎপন্ন হইলে উহা মাটিতে ঢুকিয়া যায় । জলের নীচেই ফুল হইতে ফল ও বীজ উৎপন্ন হয় । ইহা মনে রাখা দরকার যে, সকল ফুলের পরাগ গর্ভকেশরের সহিত মিশ্রিত হয় না, আবার যাহাদের হয় তাহাদের মধ্যে অনেক ফুল হইতে ফল ও বীজ উৎপন্ন হয় না এবং সব ফলের সকল বীজ হইতে অঙ্কুর বাহির হয় না । বিশেষ অবস্থায় আবহাওয়ার আনুকূল্যে জলের উপরেও ফল হইতে বীজ জন্মায় ।

জলের নীচে ফলগুলি পাকিয়া ফাটিয়া গেলে বীজগুলি জল অপেক্ষা ভারী হওয়ায় জলতলস্থিত মাটিতে ছড়াইয়া পড়ে । বৃষ্টিপাত এবং বায়ুর আর্দ্রতার উপরই ফুল হইতে বীজ এবং ফল উৎপাদন নির্ভর করে । বাংলাদেশে অজ্ঞাত সময় অপেক্ষা আশ্বিন মাসের মাঝামাঝি হইতে অগ্রহায়ণ মাসের মাঝামাঝি যে সকল ফুল ফোটে তাহা হইতেই ফল ও বীজ উৎপন্ন হয় ।

কচুরিপানা যে রকম ধ্বংসশীল তেমনি এর জীবনবৃত্তান্তও জটিলতায় পূর্ণ । ইহার বীজ ছয় মাস পর্য্যন্ত নিষ্ক্রিয় থাকেই, অনেক ক্ষেত্রে তার বেশী সময়ও নিষ্ক্রিয় থাকিতে দেখা যায় । বীজ জলের নীচে থাকে বলিয়া প্রয়োজনীয় আলো-উত্তাপের অভাবে সময় মত অঙ্কুরিত হইতে পারে না । কচুরিপানার জীবনীশক্তির প্রাচুর্য্য অত্যধিক, একাদিক্রমে পাঁচ বৎসর পর্য্যন্ত ইহা জলের নীচে ধুমস্ত অবস্থায় থাকিতে পারে ; এবং তৎপরে উপযুক্ত আবহাওয়া পাইলে অঙ্কুরিত হয় । কচুরিপানার বীজের এত দেরিতে অঙ্কুরিত হইবার আরও একটি কারণ ইহার উপরকার শক্ত আবরণ । শক্ত আবরণ বর্তমান থাকায় জলের ভিতর থাকাকালীন উপযুক্ত পরিমাণ বাতাস উহার মধ্যে প্রবেশ করিতে পারে না ।

যে সকল জলাশয়ে কচুরিপানা উৎপন্ন হয় সেগুলি গ্রীষ্মকালে শুকাইয়া গেলে পর মাটির উপরিভাগে যে বীজগুলি থাকে তাহা বোঁড়ে শুকাইতে থাকে ; অল্প বৃষ্টিপাতে বীজ আরও অনাবৃত হইয়া পড়ে । তখন সরস আবহাওয়ায় তাহা অঙ্কুরিত হয় । কিন্তু যে সকল বীজ মাটির তলদেশে থাকে তাহাদের একটু একটু করিয়া উপরিভাগে আসিয়া অঙ্কুরিত হইতে যথেষ্ট সময় লাগে । শুভবাহ



কচুরিপানার বীজ উৎপাদন ও বীজ হইতে বংশ-বিস্তারের বিভিন্ন স্তর

(ক) কচুরিপানার পুষ্পদল পরাগ সংযোগের পর জলের ভিত্তয় প্রবেশ করিয়াছে ; (খ) কচুরিপানার ফল ; (গ) বীজ ; (ঘ) বীজ হইতে অঙ্কুর বাহির হইতেছে ; (ঙ) অঙ্কুরের দ্বিতীয় স্তর ; (চ) অঙ্কুরের তৃতীয় স্তর ; (ছ) কাদায় আবদ্ধ অবস্থায় চারাগাছের বৃদ্ধি ; (জ) চারাগাছ বড় হওয়া এবং উহার কাণ্ড হইতে নূতন গাছের উৎপত্তি

ইহার প্রতি দীর্ঘকাল সতর্ক দৃষ্টি রাখা দরকার। এক্ষেত্রে ইহা মনে রাখা প্রয়োজন যে, পাঁচ বৎসর পর্যন্ত কচুরিপানার বীজ জীবনী-শক্তি সম্পন্ন থাকে।

যে সকল জলাশয়ের পাড় খুব উচ্চ এবং খাড়া সে সকল জলাশয়ে বৃষ্টির জল ছড়াইয়া পড়িবার অবকাশ না পাওয়ার সেগুলি অতিরিক্ত জলে পূর্ণ হইয়া যায়, সুতরাং ঐরূপ জলাশয় কচুরিপানার দ্রুত বিস্তারের প্রতিকূল; কিন্তু ঢালু পাড়-সম্পন্ন জলাশয় কচুরিপানা জন্মাইবার এবং বৃদ্ধির পক্ষে আদর্শ জায়গা, কারণ বৃষ্টির জল পুকুরের চতুর্দিকে ছড়াইয়া পড়ায় অধিক জল জমিতে পারে না। সুতরাং শুষ্ক এবং অগভীর জলাশয়ে প্রচুর পরিমাণে জল প্রবেশ করাইয়া দিলে বীজ অঙ্কুরিত হইতে পারে না।

বীজ অঙ্কুরিত হইবার পর প্রচুর জল এবং উর্বর মাটি পাইলে কচুরিপানা গাছ দ্রুত বর্ধিত হয়, এইরূপ ক্ষেত্রে পাতাগুলি উপরের দিকে মোজা উঠিতে থাকে; ঐরূপ অবস্থার অভাব ঘটিলে পাতা উপর দিকে না উঠিয়া জলের উপর সমান্তরাল ভাবে ছড়াইয়া থাকে। কেবলমাত্র উপর দিকে উত্থিত পাতাসম্পন্ন কচুরিপানাই শিকড় ছিঁড়িয়া জলের উপর ভাসিতে থাকে। সমান্তরাল পাতাসম্পন্ন গাছ কদাচিৎ জলের উপর ভাসিয়া উঠে। সাধারণতঃ সকাল ৭টা হইতে ১১টা পর্যন্ত এবং অপরাহ্ন ৪টা হইতে সন্ধ্যা ৮টা পর্যন্ত জলের উপর কচুরিপানার গাছের ভাসিয়া উঠিবার সময়।

কচুরিপানা জলজ উদ্ভিদ হইলেও জমিতে অঙ্কুরিত বীজ গাছে পরিণত হয়; শুষ্ক জলাশয়ে অল্প রসের সন্ধান পাইলেই কচুরিপানার বীজ অঙ্কুরিত হইতে পারে; ঐরূপ শুষ্ক জলাশয়ের কচুরিপানার শিকড় রসের সন্ধান জমির বহু নীচে চলিয়া যায়; সুতরাং জলাশয়ের পাড়ে কচুরিপানা জন্মাইলেও তাহা ধ্বংস করিয়া ফেলা দরকার।

আর একটি বিষয় লক্ষ্য রাখা উচিত। শুষ্ক জলাভূমিতে কচুরিপানার বীজ পড়িয়া থাকে, উষ্ণ ভূমিতে পশু-পক্ষী ইত্যাদি আসিলে তাহাদের দ্বারা বীজ বহুদূরে নীত হয় এবং প্রয়োজনীয় আবহাওয়ায় তাহা অঙ্কুরিত হয়।

কচুরিপানা আমাদের সমৃদ্ধিলাভের পথে একটি বিশেষ অন্তরায়— ইহা সকলকে মানিয়া লইতেই হইবে। বাংলা দেশের যে কোন গ্রামে গেলেই ইহার ভয়াবহ ধ্বংসলীলা পরিলক্ষিত হইবে। সুতরাং কচুরিপানার দ্রুত বিনষ্টকরণ প্রয়োজন। কচুরিপানার জন্ম এবং বৃদ্ধির মূলে যে কাণ্ডের কার্য সমধিক তাহা বিশেষভাবে মনে রাখা দরকার। সুতরাং এই কাণ্ডটিকে এমন ভাবে মারিয়া ফেলা উচিত যাহাতে উহা আর নূতন গাছের জন্মদান না করিতে পারে। যদিও বীজ হইতে কচুরিপানার বৃদ্ধিসাধন শিথল হয় না তথাপি বীজ হইতে উৎপাদিত একটি গাছ কিরূপে বিনষ্টসাধন করিতে পারে তাহা স্বরণে রাখিয়া বীজোৎপাদন বন্ধ করিতে হইবে; এক স্থান হইতে অল্পস্থানে যাহাতে ভাসিয়া না যাইতে পারে তাহার প্রতি লক্ষ্য রাখাও আবশ্যিক।

কচুরিপানা ধ্বংসের সাধারণ এবং সহজ পদ্ধতি হইতেছে উহার জন্মস্থান হইতে উহাকে উচ্ছেদ করিয়া তাহাকে সম্পূর্ণরূপে মারিয়া ফেলা, অল্পাংশ দেশের দ্বায় আমাদের দেশেও এই পদ্ধতি জনপ্রিয় হইয়াছে। ইহা অবশ্যস্বীকার্য যে, সমবেত প্রয়াস ব্যতীত একক ভাবে এই ব্যবস্থা অবলম্বন অসম্ভব।

বৎসরের যে কোন সময়েই কচুরিপানা বিনষ্ট করিয়া ফেলা যাইতে পারে, তবে আশ্বিন হইতে বর্ষার পূর্ব পর্যন্ত সময়ই সুবিধাজনক; কাণ্ড এবং বীজ উভয়কেই যদি নষ্ট করিবার অভিপ্রায় থাকে তাহা হইলে ফুল ফুটিবার পূর্বে অর্থাৎ আশ্বিন মাসের পূর্ব হইতেই এই কার্য আরম্ভ করা প্রয়োজন। কচুরিপানা গাছ উঠাইয়া তাহাকে পোড়াইয়া পচাইয়া অথবা সমুদ্রে ভাসাইয়া দিয়া নষ্ট করা উচিত।

কচুরিপানা বিনষ্ট করিবার বিভিন্ন পন্থা আছে; এইগুলি নির্ভর করে কচুরিপানার জন্মস্থান এবং তাহার প্রকৃতির উপর। ছোট ছোট নালা, খাল, ডোবা ইত্যাদিতে যেখানে কচুরিপানা ঘনভাবে বিস্তৃত হইতে পারে না এবং যেখানে নিকটেই উঁচু জমি আছে সেখানে কচুরিপানা নষ্ট করিতে গেলে যে নির্দেশ মানিতে হইবে উহার বিপরীত অবস্থার কচুরিপানার ধ্বংসসাধনে অল্প ব্যবস্থা অবলম্বন করিতে হইবে।

প্রথমোক্ত স্থানের কচুরিপানা বিনষ্ট করিতে গেলে সর্বপ্রথম কচুরিপানার গাছ, গাছ হইতে বিচ্ছিন্ন কাণ্ড, শিকড় ইত্যাদি উত্তোলন করিয়া পাড়স্থিত উঁচু ডাঙ্গা জমিতে গাদা করিয়া রাখিয়া রৌদ্রে শুকাইতে হইবে, উপযুক্ত ভাবে শুষ্ক হইলে পর তাহা সম্পূর্ণরূপে ভস্মীভূত করিয়া ফেলিতে হইবে। কাণ্ডের জীবনীশক্তি অসীম; ইহা রৌদ্রে বিনষ্ট হয় না, এমনকি উত্তমরূপে না পোড়াইলে উহা আবার ধ্বংসসাধনে প্রবৃত্ত হইতে পারে। এক্ষেত্রে একটি বিষয় মনে রাখা কতব্য যে ডাঙ্গা জমিটি যেন জলাশয় হইতে দূরে অবস্থিত হয় নতুবা উত্তোলিত কচুরিপানা জলের সংস্পর্শ পাইলে বিনষ্টকরণের পরিকল্পনা বানচাল করিয়া দিবে। যে সকল কাণ্ড পোড়ানোর পরে শক্ত থাকিবে সেগুলিকে দুই-তিন হাত গভীর গর্ত করিয়া মাটিতে পুঁতিয়া ফেলিতে হইবে।

ইহা ব্যতীত অল্প আর একপ্রকার ব্যবস্থা অবলম্বন করা যাইতে পারে। উহাকে গাদা করিয়া পচানো; প্রথমে উহার একটি স্তর করিতে হইবে এবং উহা ভাল করিয়া চাপিয়া দিতে হইবে; গাদার ভিতর চূণ এবং গোবর সন্নিবেশিত হইলে উহা শীঘ্র পচিয়া যায়।

প্রথম স্তরটি পচিলে উহার উপর আর একটি স্তর করিয়া তাহাতেও গোবর-চূণ নিক্ষেপ করিতে হইবে; এইরূপে একটি স্তরের উপর আর একটি স্তর করিতে পারা যায় এবং সবচেয়ে শেষের স্তরের উপর গোবর লেপিয়া দেওয়া দরকার। স্তরগুলির আশ-পাশে নূতন গাছ বাহির হইলে তাহাকেও স্তরের ভিতর গাদিয়া দিতে হইবে। কেবলমাত্র কচুরিপানার স্তর না করিয়া উহার

উপর ঘাসজঙ্গলের স্তর করিলে ভাল হইবে। একটি গোববের স্তরের উপর ঘাসজঙ্গলের স্তর, তাহার উপর কচুরিপানার স্তর এইরূপে পর্যায়ক্রমে স্তরনির্মাণ করিতে হইবে। প্রত্যেক স্তর ভাল করিয়া চাপিয়া দিতে হইবে। এই স্তরগুলি পচিয়া এত উত্তাপের সৃষ্টি করে যে নূতন গাছ আর জন্মিতে পারে না। এই স্তরগুলি পচিয়া অতি উত্তম সারে পরিণত হয়।

এ সম্বন্ধে ব্রহ্মদেশের পরীক্ষার ফলাফল খুবই শিক্ষাপ্রদ। সেখানে আশ্বিন-কার্তিক মাসে কচুরিপানা উঠাইয়া উহার সহিত গোবর, কাদা ইত্যাদি মিশ্রিত করা হয়। মাটিতে একটি গর্ত করিয়া উক্ত মিশ্রিত কচুরিপানার একটি স্তর তৈয়ারী করা হয়। এইরূপে তিনটি স্তর উপযুপরি করিয়া সর্বশেষ স্তরের উপর মাটি লেপিয়া দেওয়া হয়। এক মাস এইরূপ রাখিবার পর স্তরটিকে ওলট-পালট করিয়া দিতে হয়, যাহাতে সর্বাংশে হাওয়া প্রবেশ করিতে পারে। ওলট-পালট করিয়া উহার দ্বারা একটি স্তূপ করা হয়। দ্বিতীয় মাসের শেষের দিকে উহা সম্পূর্ণরূপে পচিয়া একটি মূলাবান সারে পরিণত হয়; এই সার প্রয়োগ করিয়া দেখা গিয়াছে যে, দুই-তিন বৎসর ধানের ফলন খুব বেশী হয়।

যে স্থলে উঁচু জমি নাই এবং কচুরিপানা খুব ঘনভাবে বিস্তৃত হইয়া পড়িয়াছে সেই অঞ্চলে উপরোক্ত প্রকারে বিনষ্টসাধন খুবই শ্রমসাধ্য। এইরূপ ক্ষেত্রে জলের মধ্যেই পচাইবার ব্যবস্থা করিতে হইবে। প্রথমে একটি ঘন দল বাছিয়া লইয়া তাহার উপর একের পর এক কচুরিপানার স্তর নির্মাণ করিতে হইবে। স্তূপগুলি যখন খুব ভারী হইয়া যাইবে তখন ভিত্তিস্বরূপ কচুরিপানার যে দল ছিল তাহা মাটিতে যাইয়া সেকিবে এবং তাহার উপরিস্থিত স্তরগুলিও জলের নীচে চলিয়া যাইবে। স্তূপ জলের নীচে না থাকিলে উহা পচিবে না। যাহাতে ভিত্তি ও তাহার উপরের স্তরগুলি ভাসিয়া না যায় তাহার জগা উহার চারিধারে বাঁশের বেড়া দিতে হইবে।

যেখানে জলাশয় অতিমাত্রায় প্রশস্ত এবং কচুরিপানার ঘন-বিস্তৃতিও অধিক সেই সকল স্থানে কচুরিপানার ঘন দলকে কয়েক ভাগে ভাগ করিয়া বাঁশের গোয়াড় প্রস্তুত করিয়া তাহার উপর কচুরিপানা পচাইবার ব্যবস্থা পূর্বোক্ত প্রণালীতে করিতে হইবে। যদি গোয়াড় প্রস্তুত সম্ভব না হয় তাহা হইলে এক এক ভাগে বাঁশ পুতিয়া তাহার চারি ধারে খড়ের গাদার দ্বারা কচুরিপানার গাদা করিতে হইবে। ইহার ফলে কিছুদিনের মধ্যেই গাদা পচিতে আরম্ভ করিবে। উপরের পানা কিন্তু সহজে পচে না, স্তরবাং উপরের পানাকুলিকে পচা-গাদার মধ্যে ঠাসিয়া দিতে হইবে। জলের মধ্যে পচা কচুরিপানার গাদার উপর লাউ, কুমড়া, টেঁড়স প্রভৃতির চাষ করা যায়। জলের ভিতর কচুরিপানা পচাইতে গেলে কতকগুলি কচুরিপানা একত্র করিয়া তাহার উপর আরও

কয়েকটি কচুরিপানার স্তর করিতে হইবে যাহাতে পাঁচ জন লোক তাহার উপর দাঁড়াইতে পারে। এই ভাসমান কচুরিপানার স্তূপটিকে তখন অনায়াসে এক স্থান হইতে অল্পস্থানে চালনা করিয়া লওয়া যায়। চালনার সময় আশপাশের কচুরিপানা তুলিয়া স্তূপটিকে বড় করা যায়। স্তূপটির পরিসর বৃদ্ধি পাইলে উহার মধ্য দিয়া একটি বাঁশ চালাইয়া যে-কোন স্থানে স্তূপটিকে আবদ্ধ করিয়া রাখা যায়। এই অবস্থায় আবদ্ধ স্তূপের পরিমাণ কমিতে থাকিলে উহার উপর আরও নূতন কচুরিপানার স্তর নির্মাণ করা চলিতে পারে।

যে সকল স্রোতসম্পন্ন নদীতে কচুরিপানার প্রাবল্য দেখা যায় সেখানে কচুরিপানাকে স্তূপীকৃত করিয়া নদীর স্রোতের মুখে আনিয়া দিলে উহা বড় নদী অথবা সমুদ্রে নীত হয়। ইহা অসম্ভব হইলে বেড়া দিয়া কচুরিপানাকে আবদ্ধ করিয়া রাখিয়া পরে উহা উঠাইয়া পোড়াইয়া বা পচাইয়া ফেলিতে হইবে।

কচুরিপানা যখন বড় বড় নদীর মধ্য দিয়া ভাসিয়া যায় তখন উহা বিশেষ অনিষ্টকারক নয়; কিন্তু বঙ্গা বা প্লাবনের সময় নদীর জল যখন কুল ছাপাইয়া গ্রামস্থ জলাশয়, ডোবা ইত্যাদিতে আসিয়া পড়ে তখন তাহার সহিত কচুরিপানা আসিয়া অনিষ্টসাধন করিতে শুরু করে। ইহা হইতে রক্ষা পাইতে হইলে জলাশয়গুলির যে স্থান দিয়া কচুরিপানা আসিয়া পড়ে তাহা বেড়া দিয়া বন্ধ করিতে হইবে। নদী ও খালের জল যেখানে পাড় ছাপাইয়া জমিতে আসিয়া পড়ে সেই জমির আইলের উপর ধকে, হিজল, অড়হর প্রভৃতি গাছের বেড়া দিলে সম্ভব কচুরিপানার আক্রমণ কতক পরিমাণে নিবারণ করিতে পারা যায়।

পরিশেষে কচুরিপানার ধ্বংসলীলা হইতে দেশকে বাঁচাইতে হইলে জনসাধারণকেও বিশেষ ভাবে সতর্ক থাকিতে হইবে। কচুরিপানার বিস্তার রোধ করিবার জগা জনসাধারণের প্রথম করণীয় হইতেছে জলাশয় ইত্যাদি পরিষ্কার করিয়া নিশ্চিত হইয়া বসিয়া না থাকা। দুই-একটি কচুরিপানা উৎপন্ন হইলে তাহা তৎক্ষণাত্ সমূলে উৎপাটন করা দরকার। মাছ ধরিবার বেড়া জাল বন্ধ করিতে হইবে, নতুবা বেড়ার গায়ে কচুরিপানা আটকাইয়া থাকিয়া বংশবিস্তার করিবে। ইহা ছাড়া খাল নালা নদীতে বাঁশ, জঙ্গল, ডুবানো নৌকা ইত্যাদি রাখা উচিত নহে, কারণ তৎসমূহে কচুরিপানা আটকাইয়া বিস্তারলাভ করিতে থাকিবে। ঐ একই কারণে কচুরিপানার চাপান দিয়া পাট পচানোর প্রক্রিয়া বন্ধ রাখিতে হইবে।

উপরোক্ত প্রণালী কয়টির দ্বারা কচুরিপানা দূরীকরণ যে খুবই শ্রমসাধ্য সে বিষয়ে সন্দেহ নাই, কিন্তু দেশের শ্রী এবং স্বাস্থ্যের জগা আমাদের তাহা না করিয়া পায় নাই।



কাণ্ডের ও পাতার সংযোগস্থলের কৃড়ি হইতে নতুন গাছের জন্ম



(ক) জলে গাদা করিয়া কচুরিপানা পচাইবার প্রণালী : (খ) কচুরিপানার ভাসমান ভেলা

রবীন্দ্রনাথের ছোটগল্প

শ্রীতপনকুমার বন্দ্যোপাধ্যায়

কবি রবীন্দ্রনাথের অসামান্য প্রতিভা ছোটগল্পের মধ্যে বাংলা সাহিত্যের যে একটি অনাবিকৃত দিক আবিষ্কার করিয়াছে, তাহার সম্যক পরিচয় লইতে হইলে আমাদেরকে কয়েকটি বিষয় সম্বন্ধে প্রথমে অবহিত হইতে হইবে। আমরা প্রথমে দেখিব— সাহিত্য-শিল্প হিসাবে ছোট গল্পের এমন কি একটি বিশিষ্ট পরিচয় রহিয়াছে তাহার জ্ঞান সাহিত্য-প্রতিভার এক বিশিষ্ট রূপ আমাদের নিকট ধরা পড়ে; দ্বিতীয়তঃ বাহিরের ও অন্তরের কি অল্পবর্তনে এবং প্রবর্তনায় রবীন্দ্রনাথের কবি-প্রতিভা গল্প-সাহিত্যকে আশ্রয় করিয়া আপনাকে প্রকাশ করিয়াছে। এই বিষয় দুইটি আমাদের নিকট স্পষ্ট হইয়া উঠিলে আমরা রবীন্দ্রনাথের ছোট গল্পগুলির যথাযথ পরিচয় লইতে পারিব।

সাহিত্য-শিল্প হিসাবে ছোট গল্পের পরিচয় কি এবং তাহার মূল্য কতখানি এ প্রশ্নে সুধীরা অনেকে অনেক কথা বলিয়া থাকেন। যে-কোন ছোট গল্পেরই রসের আবেদন বিশ্লেষণ করিলে এই কথাটিই মুখ্য হইয়া উঠে যে, জীবনের একটি খণ্ডাংশের মধ্যে জীবনের একটি অখণ্ড রূপের পরিচয় দেওয়াই ছোটগল্পের কাজ। সাহিত্যের অগাধ বিভাগগুলি যেন মুক্ত প্রাঙ্গণ, যেখান হইতে আমরা জীবনের আকাশকে একটা বিশাল পরিসরের মধ্যে দেখিতে পাই। ছোট গল্পগুলি যেন ক্ষুদ্র বাতায়ন, সেই বাতায়ন হইতেও জীবনের বিরাট আকাশকে দেখিতে পাওয়া যায়, কিন্তু দেখিবার স্থানটি সেখানে স্বল্প পরিসরের মধ্যে বদ্ধ। আমাদের জীবনে সব সময়ে মহাকাব্যের উপাদান খুঁজিয়া পাওয়া যায় না, কোন অনির্করণীয় বাণী তাহার ব্যাপ্তি ও গভীরতা লইয়া আমাদের জীবনের মধ্যে ধরা পড়ে না। কিন্তু তবু কখনও কখনও জীবনে এমন এক একটি পরিবেশ গড়িয়া উঠে যেখানে আমাদের জীবনের মধ্যে অনির্করণীয়তা আপনাকে আভাসিত করিয়া যায়। “ছোট গল্প” নামক একটি গল্পে কবি বলিয়াছেন—“মানুষের জীবনটা বিপুল একটা বনস্পতির মত। তার আয়তন, তার আকৃতি স্ঠাম নয়। দিনে দিনে চলছে তার মধ্যে এলোমেলো ডালপালার পুনরাবৃত্তি। এই স্তূপাকার একঘেয়েমির মধ্যে হঠাৎ একটা ফল ফলে ওঠে, সে নিটোল, সে সুডোল, বাইরে তার বড় বাঁটা কিম্বা কালো, ভিতরে তার রস তীব্র কিম্বা মধুর। সে সংক্ষিপ্ত, সে অনিবার্য, সে দৈবলক্ষ, সে ছোট গল্প।”

মহাকাব্যের কথা ছাড়িয়া দিই, আমাদের সাধারণ বস্তুগত জীবনে উপন্যাসের অবকাশও রচিত হয় না। কিন্তু ছোট গল্পের অবকাশ আমাদের জীবনে মাঝে মাঝে দেখিতে পাওয়া যায়। দৈনন্দিন জীবনের গতানুগতিক তুচ্ছতার মধ্যেই আমাদের সুখ-দুঃখ, হাসি-অশ্রু ছোট ছোট প্রকাশগুলি ঝরণার আঘাতে উপলব্ধের মত

বাজিয়া উঠে। সেই ক্ষণিতে বিশ্বসঙ্গীতের সুর হয় ত সব সময় ধরা পড়ে না, কিন্তু তাহার মধ্য দিয়াও জীবনের সঙ্গীত আর এক ভাবে শুনিতে পাই। সেই ক্ষুদ্র সঙ্গীতকে যে বীণকার তাঁহার তন্ত্রীতে বাঁধিয়া লন, তিনিই ছোট গল্পের শিল্পী।

আমাদের জীবনের এই ক্ষুদ্র খণ্ড প্রকাশগুলির মধ্যে ছোট গল্পের শিল্পী রসলোকের সন্ধান পান, তাঁহার প্রতিভা আমাদের জীবনের এই ক্ষুদ্র বাতায়নগুলিকে সন্ধান করিয়া ফেবে। তাহার জ্ঞান তাঁহাকে আমাদের সাধারণ জীবনের সুরে নামিয়া আসিতে হয়। আমাদের এই সাধারণ জীবনের সহিত শিল্পী যদি দূরত্ব রক্ষা করিয়া চলেন, তবে তিনি ছোটগল্পের উপকরণ হইতে বঞ্চিত হন। তাই ছোট গল্পের যিনি রচয়িতা, আমাদের সাধারণ দৈনন্দিন জীবনের সহিত তাঁহার যোগটি খুব ঘনিষ্ঠ হওয়া প্রয়োজন। এই ঘনিষ্ঠতায় তিনি আমাদের দৈনন্দিন জীবনের সুখ-দুঃখের পরিচয় লাভ করেন।

রবীন্দ্রনাথের সাহিত্য সাধনায় এই ছোটগল্পের অবকাশ কি ভাবে রচিত হইয়াছিল তাহা ভাবিয়া দেখা যাক।

রবীন্দ্রনাথের যে সাহিত্য-প্রতিভা আপনার স্বল্প ভাবানুভূতি-গুলি লইয়া আপন হৃদয়-সমৃদ্ধ-মস্তনে মগ্ন ছিল এবং কাব্য-জীবনের প্রথম পর্বের কবি যখন আপনার “হৃদয়-অরণ্যে”র গহনে পথ হারাইয়া ফেলিতেছিলেন, সেই সময় তাঁহাকে জমিদারীর কার্য পরিচালনার নিমিত্ত শিলাইদহে ও পদ্মার তটে আসিয়া বাসা বাঁধিতে হয়। এই সূত্রে বাহিরের পৃথিবীর সহিত কবিচিত্তের একটি নিবিড় সম্বন্ধ স্থাপিত হয়। কবি যেমন এক দিকে প্রকৃতির কোলের মধ্যে আসিয়া বসিলেন, তেমনি আর এক দিকে মানুষের দৈনন্দিন জীবনযাত্রার নাট্যমঞ্চের সম্মুখে আসিয়া দাঁড়াইলেন। এখন এক দিকে কবির কাব্যে যেমন বিশ্বজীবনের উপাদান আসিয়া উপস্থিত হইল, বিচিত্র ঋতুবসন-পরিধানা শ্যামলা বসুন্ধরাকে কবি যেমন মাতৃমূর্তিতে দেখিলেন এবং মহাদেশ ও মহাকালব্যাপী অখণ্ড জীবন-প্রবাহের স্রোতে কবির জীবনের সোনার তরীটি ভাসিয়া চলিল, তেমনি আর এক দিকে লোকালয়ের সুখ-দুঃখের খণ্ড খণ্ড চিত্রগুলি কবিমনকে এক অনাস্বাদিতপূর্ব আনন্দে ভরাইয়া তুলিল। ‘সোনার তরী’ কাব্যে এক দিকে যেমন এই বিশ্বানুভূতির প্রকাশ দেখি, বিভিন্ন ছোটগল্পগুলির মধ্যে অপর দিকে তেমনি পল্লীজীবনের সেই ছোট ছোট চিত্রগুলির প্রকাশ দেখিতে পাই। ‘চিত্রা’ কাব্যের যুগে পৌঁছিয়া যে স্বেচ্ছেনার মধ্যে কবি-মানসের এই দুই ধারা স্ফাসিয়া একত্রিত হইয়াছে, ‘মানুষের ধর্ম’ গ্রন্থে আমরা তাহারই একটি উল্লেখ পাই। কবি সেখানে বলিয়াছেন—“বর্ষার সময় খালটা থাকত জলে পূর্ণ। শুকনোর দিনে লোক চলত তার

উপর দিয়ে। এপায়ে ছিল একটা হাট, সেখানে বিচিত্র জনতা। দোতলার ঘর থেকে লোকালয়ের লীলা দেখতে ভাল লাগত। পদ্মায় আমার জীবনযাত্রা ছিল জনতা থেকে দূরে। নদীর চর—ধূ ধূ বালি, স্থানে স্থানে জলকুণ্ড ঘিরে জলচর পাখি। সেখানে যে-সব ছোট গল্প লিগেছি তার মধ্যে আছে পদ্মাতীতীরের আভাস। সাজাদ-পয়ে যখন আসতুম চোখে পড়ত গ্রাম্য জীবনের চিত্র, পল্লীর বিচিত্র কল্পোদ্ভব। তারই প্রকাশ 'পোষ্টমাষ্টার', 'সমাপ্তি', 'ছুটি' প্রভৃতি গল্পে। তাতে লোকালয়ের খণ্ড খণ্ড চলতি দৃশ্যগুলি কল্পনার দ্বারা ভরাট করা হয়েছে।

“দোতলার জানলায় দাঁড়িয়ে সেদিন দেখছিলাম, সামনের আকাশে নববর্ষার জলভারনত মেঘ, নীচে ছেলেদের মধ্যে দিয়ে প্রাণের তরঙ্গিত কল্লোল। আমার মন সহসা আপন গোলা হুয়ার দিয়ে বেরিয়ে গেল বাইরে স্তূপে। অত্যন্ত নিবিড় ভাবে আমার অন্তরে একটা অনুভূতি এল; সামনে দেখতে পেলাম নিত্যকাল-ব্যাপী একটি সর্বানুভূতির অনবচ্ছিন্ন ধারা, নানা প্রাণের বিচিত্র লীলাকে মিলিয়ে একটি অগুণ্ড লীলা। নিজের জীবনে যা বোধ করছি, যা ভোগ করছি, চারদিকে ঘরে ঘরে জনে জনে মুহূর্তে মুহূর্তে যা কিছু উপলব্ধি চলেছে—সমস্ত এক হয়েছে একটি বিরাট অভিজ্ঞতার মধ্যে। অভিনয় চলেছে নানা নটকে নিয়ে, স্মৃতি-স্মরণের নানা খণ্ড প্রকাশ চলেছে তাদের স্বতন্ত্র জীবনযাত্রায়, কিন্তু সমস্তটার ভিতর দিয়ে একটা নাট্যরস প্রকাশ পাচ্ছে এক পরম দৃষ্টার মধ্যে যিনি সর্বানুভূঃ। এত কাল নিজের জীবনে স্মৃতি-স্মরণের যে সব অনুভূতি একান্ত ভাবে আমাকে বিচলিত করেছে, তাকে দেখতে পেলাম দৃষ্টারূপে এক নিত্য সাক্ষীর পাশে দাঁড়িয়ে।

“এমনি করে আপনা থেকে বিবিক্ত হয়ে সমগ্রের মধ্যে খণ্ডকে স্থাপন করবামাত্র নিজের অস্তিত্বের ভার লাঘব হয়ে গেল। তখন জীবনলীলাকে বসরূপে দেখা গেল কোন রসিকের সঙ্গে এক হয়ে।”

এই প্রসঙ্গে রবীন্দ্রনাথ আরও বলেন, “সেদিন হঠাৎ অত্যন্ত নিকটে জেনেছিলুম, আপন সন্তার মধ্যে ছুটি উপলব্ধির দিক আছে। এক, যাকে বলে আমি, আর তারই সঙ্গে জড়িয়ে মিশেয়ে যা-কিছু, আমার সংসার, আমার দেশ, আমার ধনজনমান, এই যা কিছু নিয়ে মারামারি, কাটাকাটি ভাবনা-চিন্তা। কিন্তু পরমপুরুষ আছেন সেই সমস্তকে অধিকার করে এবং অতিক্রম করে, নাটকের স্রষ্টা ও দ্রষ্টা যেমন আছে নাটকের সমস্তটাকে নিয়ে এবং তাকে পেরিয়ে।”

প্রথম দিকটি, যে দিকটি আত্মার রহস্য ও সৌন্দর্য—সেই রহস্যের ও সৌন্দর্যের রসাস্বাদন অনুভব করি কবির কাব্যে, সঙ্গীতে, রূপক নাটকগুলিতে; আর যেখানে এই বাহিরের সংসার, যাহা লইয়া মারামারি, কাটাকাটি, ভাবনা-চিন্তা, তাহারই প্রকাশ দেখি কবির উপল্যাসে, নাটকে এবং ছোটগল্পে। বলাই বোধ হয় বাহ্যিক যে, এই দ্বিতীয়ের মধ্যে প্রথমেরও আভাস পাওয়া যায়।

কবি রবীন্দ্রনাথের ছোটগল্পে এই বাহিরের সংসার কিভাবে স্থান লাভ করিয়াছে তাহা দেখা যাক। ইহার জন্ম বাহিরের সংসারের সহিত কবির ষোগটি কিরূপ তাহা বুঝিয়া দেখতে হয়। কবি বলিয়াছেন, “দোতলার ঘর থেকে লোকালয়ের লীলা দেখতে ভাল লাগত।” রবীন্দ্রনাথ তাঁহার সাহিত্য-সাধনায় বাহিরের লোকালয়কে অনেকাংশে এই ‘দোতলার ঘর’ হইতে দেখিয়াছেন। প্রতিভার সহিত অ-প্রতিভার যে একটি মানসিক দ্বন্দ্ব থাকে, সেই মনোজীবনের দ্রবত্বের জন্মই নহে, আরও একদিক দিয়া সাধারণের দৈনন্দিন জীবনের কেন্দ্রস্থলে উপস্থিত হওয়া কবির পক্ষে সম্ভব ছিল না। কবি ছিলেন পল্লীর জমিদার, জমিদারীর কার্যোপলক্ষে বিভিন্ন স্থানে ঘুরিয়া বেড়াইলেও তাঁহার সহিত পল্লীবাসীর একটি সমস্রম দ্বন্দ্ব রচিত হইয়া থাকিত। কবি পল্লীর লোকালয়ের সংস্পর্শে আসিয়াছিলেন, তিনি দেখিয়াছিলেন হাটের পথে লোকের আনাগোনা, গেয়াঘাটের পারাপার, দৈনন্দিন জীবনযাত্রার বিচিত্র দৃশ্যপট। কিন্তু সে দৃশ্যের একেবারে কেন্দ্রস্থলে গিয়া উপস্থিত হইতে পারেন নাই বা উপস্থিত হইতে চাহেন নাই। হাটের শেষে যে হাটুরেরা গৃহের দিকে ফিরিয়াছে, গেয়াঘাটের যে যাত্রীরা পারঘাটের দিকে চলিয়াছে, তাহাদিগকে কবি কিছুদূর পর্য্যন্ত অনুসরণ করিয়াছেন, তাহাদের সঙ্গে সঙ্গে একেবারে তাহাদের ঘরের দাওয়ায় আসিয়া বসিতে পারেন নাই। সে ক্ষেত্রে কবি তাঁহার কল্পনাকে ছাড়িয়া দিয়াছেন।

তাই লোকালয়ের লীলাকে কবি শেষ পর্য্যন্ত সম্পূর্ণভাবে লোকালয়ের মধ্যে রাখিয়াই দেখেন নাই, সে লীলাকে তিনি শেষ পর্য্যন্ত অনুসরণ করিতে পারেন নাই। একস্থানে আসিয়া লোকালয়ের লীলা কবির দৃষ্টি হইতে সরিয়া গিয়াছে এবং কবি তখন সেই লীলার সহিত অগতর কি এক জীবন-লীলা যুক্ত করিয়া দিয়াছেন। শুধুমাত্র ছোটগল্প রচনায় বাহিরের সংসারের উপাদান হিসাবে লোকালয়ের লীলা-প্রসঙ্গেই নয়, জীবনের অল্প যে-কোন কাহিনীই কবি রচনা করিতে চাহিয়াছেন সেখানেই আমাদের সাধারণ জীবন-লীলার সহিত এই এক নবতর জীবন-লীলা আসিয়া মিশিয়াছে। অর্থাৎ, ছোটগল্প রচনায় কবিকল্পনা বাহিরের সংসারের উপকরণের অভাবের জন্মই প্রযোজিত হয় নাই, কবির শিল্পসৃষ্টির একটি অন্তর্গত নিয়ম ও প্রেরণাবশতঃই তাহা নিয়োজিত হইয়াছে। কবি তাঁহার শিল্পসৃষ্টির সকল ক্ষেত্রেই বাহিরের সংসারের নাট্য-লীলার সহিত অল্প একটি নাট্যলীলা যুক্ত করিয়া দিয়াছেন। কোন ক্ষেত্রে বাস্তব সংসারের উপকরণ অধিক পরিমাণে পাইয়াছেন, কোন কোন ক্ষেত্রে সেগুলির কিছু অভাব ঘটিয়াছে। তবে মোটের উপর আমরা বলিতে পারি যে, বাহিরের সংসারের উপকরণগুলির সহিত কবির পরিচয় ঘটিয়াছে বলিয়াই, তাঁহার সাহিত্যসাধনায় ছোটগল্পের আবির্ভাব। একদিকে কবি-কল্পনা, আর একদিকে বাস্তব জীবনের উপকরণ—ইহারই টানা-পোড়েনে রবীন্দ্রনাথের ছোট গল্পগুলি রচিত। এই টানা-পোড়েনের বুনানি দেখিবার পূর্বে কবি-

রস ও বাস্তবজীবন উভয়কে পৃথকভাবে চিনিয়া লইতে হইবে।

আমরা ইতিপূর্বে বাস্তবজীবনের উপকরণ সম্বন্ধে বলিয়াছি। এ প্রসঙ্গে কবি বলেন, “আমি একদা বাংলাদেশের নদী বেয়ে তার প্রাণের লীলা অনুভব করেছিলুম, তখন আমার অন্তরাঙ্গা আপন আনন্দে সেই সকল সুখ-দুঃখের বিচিত্র আভাস অন্তঃকরণের মধ্যে সংগ্রহ করে মাসের পর মাস বাংলার যে পল্লীচিত্র রচনা করেছিল তার পূর্বে আর কেউ করে নি।” এই পল্লীচিত্রের বাস্তব উপাদান সম্বন্ধে অনেকে আশানুরূপ সম্ভাষণ প্রকাশ করেন না। সে প্রসঙ্গে রবীন্দ্রনাথ বলেন, “আমার গল্পে বাস্তবের অভাব কখনো ঘটে নি। যা কিছু লিখেছি, নিজে দেখেছি, সে আমার প্রত্যক্ষ অভিজ্ঞতা। গল্পে যা লিখেছি তার মূলে আছে অভিজ্ঞতা, আমার নিজের দেখা। তাকে গীতধর্মী বললে ভুল করবে। ‘কঙ্কাল’ কি ‘ক্ষুধিত-পাষণ’কে হয়ত খানিকটা বলতে পার কারণ সেখানে কল্পনার প্রাধান্য, কিন্তু তাও পুরোপুরি নয়।”

অর্থাৎ, কবির অভিজ্ঞতার সীমা যেমনই হউক না কেন, বাস্তব জীবনই কবির ছোটগল্পের উপাদান। কিন্তু আমরা বলিব, এই বাস্তব উপাদানগুলির সহিত এক কবি-কল্পনা আসিয়া মিশিয়াছে। এই কবি-কল্পনা অর্থে কবিত্বময় কল্পনা নহে, নিছক রোমাঞ্চসিজম্ অথবা গীতিধর্মিতাও নহে; ইহার একটি বিশিষ্ট অর্থ এবং তাৎপর্য রহিয়াছে।

এই কবি-কল্পনা একটি বিশিষ্ট জীবন-দর্শনকে অবলম্বন করিয়া আছে। ইতিপূর্বে ‘মানুষের ধর্ম’ গ্রন্থ হইতে যে উদ্ধৃতির উল্লেখ করিয়াছি, তাহাতে কবি যে আপন সত্তার মধ্যে দুইটি উপলব্ধির কথা বলিয়াছেন, এই কবি-কল্পনা তাহারই একটি হইতে উদ্ভূত। তাহা হইল কবির আত্মদর্শনের দিক। কবি রবীন্দ্রনাথের মধ্যে আত্মদর্শন বা আত্মানুভূতি রসসৃষ্টির উপাদান হইয়া উঠিয়াছে এবং সেইজগাই তাহা হইতে উৎসারিত কবি-কল্পনা একটি বিশিষ্ট শিল্প-প্রেরণা লাভ করিয়াছে। অতঃপর কবির যখন বিশ্বানুভূতি ঘটিয়াছে, তখন তাহা হইতে কবি যে শিল্পোপকরণ লাভ করিয়াছেন, তাহাতে এই সৃষ্টিধর্মী কবি-কল্পনা মিশিয়া গিয়া শিল্পের একটি নূতন রূপ দান করিয়াছে। কবির আত্মদর্শনের বিষয়টি যদি রসসৃষ্টির উপাদান হইয়া না উঠিত, তাহা হইলে এই কবি-কল্পনা ছোটগল্প রচনার ক্ষেত্রে কোন সক্রিয় অংশ গ্রহণ করিত না এবং শিল্পসৃষ্টিতে তাহা সহায় না হইয়া বাধা হইয়া দাঁড়াইত। পূর্বেই বলিয়াছি, লোকালয়ের জীবনের সহিত নিগূঢ়তর সংযোগের অভাবে ছোটগল্প রচনায় কবির পক্ষে এই কল্পনার বিশেষ প্রয়োজন ছিল। এই কল্পনা সৃষ্টিধর্মী হওয়ায় কবির পক্ষে কল্পনার আশ্রয় গ্রহণ করা শিল্পের দিক হইতে হানিকর হয় নাই।

এই কবি-কল্পনার ধর্ম ও উপাদান কি? কবি রবীন্দ্রনাথের আত্মজিজ্ঞাসা হইতে যে একটি জীবনতত্ত্ব উদ্ঘাটিত হইয়াছে, কবি-কল্পনা সেই জীবনতত্ত্বকে গভীর হইতে গভীরে অনুসরণ করিয়া

চলিয়াছে। সেই জীবনতত্ত্বটি হইল সংক্ষেপে এই যে—মানুষের দায় মহামানবের দায়, অন্তহীন সাধনার ক্ষেত্রে তার বাস। মানুষের সত্য এই অন্তহীন তপস্যার মধ্য দিয়া অভিব্যক্ত হইয়া উঠিতেছে। মানুষের ধর্ম বলিতে আমরা যাহা বুঝি তাহা মানুষকে অর্জন করিতে হয়। মানুষের এই মনুষ্যত্বের পরিচয় রহিয়াছে এক সর্বজনীন, সর্বকালীন মানবমনের ভূমিকায়। কিন্তু মানুষের মধ্যে দুইটি ভাব আছে, একটি জীবভাব আর একটি বিশ্বভাব; এই বিশ্বভাবের মধ্যে মানবধর্মের সার্থক পরিচয়। মানুষ এই জীবভাব হইতে বিশ্বভাবের দিকে আপন আপন অন্তরের আহ্বানকে অনুসরণ করিয়া চলিয়াছে। মানুষ আপনার স্বার্থের দ্বারা, অহঙ্কারের দ্বারা, লোভ ও ভেদবুদ্ধির দ্বারা এই জীবভাবের মধ্যে বন্ধ থাকে; কিন্তু বৃহত্তর মানবধর্ম প্রেমের দ্বারা, মঙ্গল-বোধের দ্বারা, আনন্দবোধের দ্বারা তাহাকে কেবলই ক্ষুদ্র জীবন হইতে বৃহত্তর জীবনের দিকে লইয়া যাইতে চায়।

কবি রবীন্দ্রনাথ তাঁহার আত্মজিজ্ঞাসা হইতে আমাদের জীবনের মধ্যে এই বৃহত্তর জীবনের ধন্দকে এবং তাহারই ভূমিকায় এক মানবধর্মকে আবিষ্কার করিয়াছেন; রবীন্দ্রনাথের কবি-কল্পনা এই বৃহত্তর জীবনকে আশ্রয় করিয়া আছে। ইহাতে রবীন্দ্রনাথ জীবনের ধন্দকে একটি বিশেষ দিক হইতে দেখিয়াছেন—তাহা হইল এক কথায় জীবভাবের সহিত বিশ্বভাবের ধন্দ। এই ধন্দকে কবি আপনার মধ্যে অনুভব করিয়াছেন এবং বাহিরের সংসারে তাহাকে আবিষ্কার করিয়াছেন। এই ধন্দের প্রকৃতি হইতেই বুঝিতে পারি, এই ধন্দকে আশ্রয় করিয়া আছে যে কবি-কল্পনা, আমাদের মানবজীবনই সেই কবি-কল্পনার উপাদান। আমাদের জীবনের মধ্যে এই ধন্দের প্রকারও বিভিন্ন, প্রকাশও বিচিত্র; তাই কবি-কল্পনা সহজেই বিস্মৃতি ও গভীরতা লাভ করিতে পারিয়াছে।

এই ধন্দকে আশ্রয় করিয়া কবি-কল্পনা যে অংশে আত্মদর্শনে ও আত্মজিজ্ঞাসায় নিয়োজিত, সেখানে কেমন করিয়া তাহা কাব্য-সৃষ্টির কারণ হইয়া উঠে, ‘অন্তর্ধামী’ কবিতায় কবি তাহার উল্লেখ করিয়াছেন। এখানে যে ‘কবি-কল্পনা’ তাহা আর কবির কল্পনা নহে, কবির অন্তরের মধ্যে আর একজন যে কবি বসিয়া আছেন, যিনি রবীন্দ্রনাথকে জীবভাব হইতে বিশ্বভাবের দিকে লইয়া যাইতেছেন, ইহা সেই কবির কল্পনা। এই কবি-কল্পনা সৃষ্টিধর্মী। তাহা শুধু কবি রবীন্দ্রনাথের জীবনকেই একটি বিশিষ্ট রূপ দিতেছে না, তাঁহার কাব্যকেও তাহা নূতন রূপে গড়িয়া তুলিতেছে। এই কবি-কল্পনা রবীন্দ্রনাথের মধ্য দিয়া প্রকাশ পাইতেছে মাত্র, কবি ইহার রহস্যকে বুঝিতে পারে না। একদিকে যেমন কাব্য-রচনা-প্রসঙ্গে কবি এই সৃষ্টিধর্মী কবি-কল্পনার উল্লেখ করিয়াছেন, অপর দিকে ছোট গল্প রচনার ক্ষেত্রেও এই কবি-কল্পনারই সক্রিয় প্রকাশ আমরা দেখিতে পাই। ছোট গল্প রচনার ক্ষেত্রে বাহিরের সংসারের সহিত কবি-চিন্তের সংযোগ আর একভাবে ঘটিয়াছে এবং বাহিরের

সংসারের উপকরণগুলি লইয়া কবি-কল্পনা ছোট গল্পের বিশিষ্ট শিল্প-মুর্তিগুলি গড়িয়া তুলিয়াছে।

একদিকে বাস্তব সংসারের উপকরণ, আর একদিকে কবি-কল্পনা, ইহারই টানা-পোড়েনে রচিত ছোটগল্পগুলিকে আমরা তিন ভাগে ভাগ করিতে পারি। প্রথম পর্যায়ের ছোট গল্পগুলি হইল তাহাই যেগুলিতে বাস্তব উপকরণের পরিমাণ অল্প এবং কবি-কল্পনা অপেক্ষাকৃত অধিক। শিল্প-ভঙ্গী দিক দিয়া এই সকল গল্প রোমাঞ্চ বা কল্পকথার পর্যায়ে ফেলিতে পারা যায়। এখানে যেটুকু উপকরণ মাত্র কবি-কল্পনা জীবনের একটি ক্ষেত্রে আবদ্ধ থাকিতে পারে, সেইটুকু মাত্র জীবনের ক্ষেত্র হইতে গ্রহণ করা হইয়াছে। কিন্তু প্রতি মুহূর্তেই কবি-কল্পনা যেন কাহিনীকে অতিক্রম করিয়া যাইতেছে এবং তাহারই আবেগে দৃশ্য-পটের সুলভতা দূর হইয়া গিয়া জীবন যেন একটি নানা বর্ণে চিত্রিত সূক্ষ্ম জলের আকার লাভ করিয়াছে। জীবনকে তখন যেন আর বাস্তব বলিয়া, সত্য বলিয়া বোধ হয় না, তখন তাহা কল্পকথা হইয়া দাঁড়ায়। সেগুলি যেন জীবনের স্রোত হইতে আপনার অন্তঃস্থিত ভাবের আবেগে বৃদ্ধদের মতন ভাসিয়া উঠে : সেই বৃদ্ধগুলির বাহিরের উপাদান খুবই সূক্ষ্ম, তাহাদের উপর বিভিন্ন বর্ণবৈচিত্র্যই লক্ষ্য করিবার বিষয়, বাস্তব উপাদান খুঁজিতে গেলে সেখানে তেমন কিছু পাওয়া যাইবে না। এই শ্রেণীরই এক গল্পের শেষভাগে নায়কের মুখে কবি যাহা বলিয়াছেন তাহা এই গল্পগুলি সম্বন্ধে প্রযোজ্য : “এই সূর্যালোকিত অনাবৃত জগৎদৃশ্যের মধ্যে সেই মেঘাচ্ছন্ন কাহিনীকে আর সত্য বলিয়া মনে হইল না। আমার বিশ্বাস আমি পর্বতের কুয়াশার সহিত আমার সিগারেটের ধূম ভূরি পরিমাণে মিশ্রিত করিয়া একটি কল্পনাখণ্ড রচনা করিয়াছিলাম—সেই মুসলমান ব্রাহ্মণী, সেই বিপ্রবীর, সেই ষমুনাতীরের কেলা, কিছুই হয়ত সত্য নহে।”

প্রথম পর্যায়ের ছোট গল্পগুলিতে বাস্তবজীবনের উপকরণ যাহা রহিয়াছে, তাহা এই পর্বতের কুয়াশার মত, তাহা কবি-কল্পনার কাছে বাধা হইয়া দাঁড়ায় না, কবি-কল্পনা তাহাকে লইয়া যেমন খুশি মূর্তিদান করিতে পারে। প্রথম পর্যায়ের গল্পগুলির মধ্যে দালিয়া, একরাত্রি, জয়-পরাজয়, মহামায়া, অসম্ভব কথা, ক্ষুধিত পাষণ, হুরাশা প্রভৃতিকে গণ্য করা যায়।

দ্বিতীয় পর্যায়ের ছোটগল্পগুলি হইল তাহাই যেগুলিতে বাস্তব উপকরণই একান্ত হইয়া উঠিয়াছে এবং কবি-কল্পনা আপনাকে তেমন অধিক পরিমাণে প্রকাশ করে নাই। এগুলিকে গল্পের পাতিরে গল্প বলিতে পারি। এখানে কাহিনীই সর্বস্ব। প্রথম পর্যায়ের গল্পের উপকরণকে যদি পূর্বতাদেশের কুয়াশার সহিত তুলনা করা যায়, তবে এই পর্যায়ের গল্পের উপকরণ পাহাড়ের পাথরের সহিত তুলিত হইতে পারে। এখানে উপাদানগুলি গুরুভার, কবির বিশিষ্ট বাচনভঙ্গীতে ও শিল্পকৌশলে রসসৃষ্টির উপকরণ হইয়া উঠিয়াছে। কবির বাঙ্গ ও হাশ্বরসাত্মক গল্পগুলি এবং আরও অল্পাংশ

কতকগুলি গল্প এই পর্যায়ভুক্ত। গিন্নি, তাবাতসম্মের কীর্তি, মুক্তির উপায়, খাতা, আপদ, মানভঞ্জন, ঠাকুর্দা, পুত্রযজ্ঞ, ডিটেকটিভ, অধ্যাপক, রাজটীকা, সদর-অন্দর দর্পহরণ, তপস্বিনী প্রভৃতি গল্পকে এই শ্রেণীভুক্ত করা যায়।

তৃতীয় পর্যায়ের ছোটগল্পগুলি হইল তাহাই যাহাতে বাস্তব-জীবনের উপাদান এবং কবি-কল্পনা দুইই সমভাবে আসিয়া মিশিয়াছে। রবীন্দ্রনাথের অবিশিষ্ট ছোটগল্পগুলিকে এই পর্যায়ের মধ্যে গণ্য করা যায়। এখানে কবি আমাদের জীবন-লীলা প্রত্যক্ষ করিয়াছেন এবং কবি-কল্পনা সেই জীবন-লীলার মধ্যে আর একটি বৃহত্তর জীবন-লীলাকে আবিষ্কার করিয়াছে। কবি যে বলিয়াছেন, “জীবন-লীলাকে রসরূপে দেখা গেল কোন রসিকের সঙ্গে এক হয়ে” সেকথা এই গল্পগুলির সম্বন্ধে বিশেষ ভাবে প্রযোজ্য।

এখন, এই যে-কোন এক রসিকের সঙ্গে এক হইয়া কবি আমাদের জীবন-লীলাকে প্রত্যক্ষ করিলেন, ইহাতে কবি দেখিলেন কি, জীবনের কোন রসরূপ তাহার নিকট উদঘাটিত হইয়া গেল ?

কবি দেখিলেন, এক ‘আবেগময়ী’ প্রেম আমাদের জীবনের ক্ষুদ্র সীমার মধ্যে জাগিয়া উঠিয়া আমাদের জীবনের মধ্যে অভিনব দ্বন্দ্বের সৃষ্টি করিয়া আমাদের একটা বৃহত্তর সীমার মধ্যে লইয়া যাইতে চাহিতেছে। এই প্রেমই আমাদের মধ্যে সুন্দরের পূজার আয়োজন গড়িয়া তোলে, সত্যের প্রতি আমাদের নিষ্ঠা জাগাইয়া রাখে এবং চেতনাকে উদ্বোধিত করিয়া একটি আত্মোপলব্ধির ভূমিকা রচনা করিয়া দেয়। এই প্রেম ‘আবেগময়ী’, ইহার মধ্যে এক দিকে যেমন একটি গতি রহিয়াছে, অপর দিকে তেমনি একটি শ্রী, হ্রী ও ধী রহিয়াছে। ইহা জীবনকে রূপ হইতে রূপান্তরে—একটি বৃহত্তর রূপে লইয়া যাইতেছে—কখনও তাহার পথ মৃত্যুর মধ্য দিয়া, কখনও বা অমৃতের মধ্য দিয়া, কখনও জয়ের মধ্য দিয়া, কখনও বা পরাজয়ের মধ্য দিয়া, কখনও আশার মধ্য দিয়া, কখনও বা হুরাশার মধ্য দিয়া। কিন্তু সকল ক্ষেত্রেই ইহার মধ্যে একটি গতির আবেগ রহিয়াছে এবং এই আবেগের অন্তে একটি না-পাওয়ার ভূমিকা আছে।

“মানুষের ধর্ম” গ্রন্থে কবি যাহাকে নিত্যকালব্যাপী একটি সর্বানুভূতির অনবচ্ছিন্ন ধারা বলিয়া উল্লেখ করিয়াছেন, আমাদের জীবনে তাহাই এই ‘আবেগময়ী প্রেম’ রূপে আবির্ভূত হয়। জীবনের সেই সর্বানুভূতির অনবচ্ছিন্ন ধারার পিছনে একটি বিরাটের ভূমিকা রহিয়াছে, সেই বিরাট পরমস্রষ্টা, তিনি সর্বানুভূতঃ। আমরা যখন অহং-এর ঐকান্তিকতায় এই বিরাট হইতে নিজেকে বিচ্ছিন্ন করিয়া রাখি, তখন সেই সর্বানুভূতির ধারা একটি আবেগময়ী প্রেমরূপে আমাদের জীবনে বিচিত্র দ্বন্দ্বের সৃষ্টি করিয়া আমাদের স্মৃতি-হৃৎ-আন্দোলিত করিতে থাকে ; আর যখন আমরা নিজেকে সেই বিরাটের সহিত যুক্ত করিয়া দেখি, তখন সেই আবেগময়ী প্রেম আমাদের মধ্যে আনন্দময় আত্মোপলব্ধি জাগাইয়া তুলিয়া মুক্তিরূপ হইয়া উঠে।

শিল্প-প্রেরণা ও শিল্প-সৃষ্টির বিশিষ্ট রহস্য অমুসন্ধান করিয়া আমরা রবীন্দ্রনাথের ছোটগল্পের যে তিনটি শ্রেণীবিভাগ করিলাম তদনুযায়ী কয়েকটি শ্রেষ্ঠ গল্পের পরিচয় লইব।

প্রথম পর্ষায়ের গল্পগুলির মধ্যে 'হুয়াশা' ও 'ক্ষুধিত পাষণ' উল্লেখযোগ্য। 'হুয়াশা' গল্পটির বিষয়বস্তু এক যবনহৃত্তির আকুল প্রণয়াভিযান। এই প্রণয় এক আদর্শের প্রতি প্রণয়; সেই আদর্শের ধানে তাহার জীবন নানা সুখ-দুঃখ বাধা-বিঘ্নের মধ্য দিয়া বিকশিত হইয়া একটি নবতর রূপলাভ করিয়াছে,—যবনহৃত্তি অস্তরে-বাহিরে কায়মনোবাক্যে ব্রাহ্মণ হইয়া উঠিয়াছে। আপন অস্তরের আহ্বানে জীবনের এই যে একটি বৃহত্তর রূপবিকাশ, কবি রবীন্দ্রনাথের ইহা একটি অগুতম শিল্প-প্রেরণা। আমাদের সাধারণ দৈনন্দিন জীবনে এই আহ্বান সব সময়ে আসিয়া উপস্থিত হয় না। রবীন্দ্রনাথ স্ক্রোকোশলে জীবনের এমন একটি পরিবেশ গড়িয়া তুলিয়াছেন যেখানে আদর্শের এই আহ্বানটি সহজ হইয়া দেখা দিয়াছে। অথচ সেই আদর্শের পথে চলিবার একটি বাধাও অপসারিত হয় নাই। একদিকে অসুখ্যম্পশা অস্তঃপুংচারিণী কোমলপ্রাণা নবাবহৃত্তি, অপর দিকে নির্ভীক নির্লিপ্ত ব্রহ্মচারী কেশরলাল। উভয়ের মধ্যে আকাশ-পাতাল প্রভেদ। অস্তরের মধ্যে প্রেমের আবেগ জাগাইয়া তুলিয়া এবং একটি ঐতিহাসিক ঘটনার অবতারণায় স্ক্রোকোশলে বাহিরের পরিবেশ সৃষ্টি করিয়া রবীন্দ্রনাথ সেই অসুখ্যম্পশা নবাবপুত্রীকে সংসারবিরাগী ব্রহ্মচারীর দিকে লইয়া যাইতে চাহিয়াছেন। বলিতে চাহিয়াছেন, "নবাব-অস্তঃপুংচারের বালিকার পক্ষে বাহিরের সংসার একান্ত দুর্গম বলিয়া মনে হইতে পারে, কিন্তু তাহা কাল্পনিক; এক বার বাহির হইয়া পড়িলেই একটা চলিবার পথ থাকেই। সে-পথ নবাবি পথ নহে, কিন্তু পথ; সে পথে মানুষ চিরকাল চলিয়া আসিয়াছে—তাহা বন্ধুর বিচিত্র সীমাহীন, তাহা শাখা-প্রশাখায় বিভক্ত, তাহা সুখে-দুঃখে বাধাবিঘ্নে জটিল, কিন্তু তাহা পথ।"

এই পথকে নবাবহৃত্তি সাধারণ মানুষের পথ বলিয়া উল্লেখ করিয়াছে, কিন্তু আমরা জানি, দুঃখের দ্বারা দীপ্ত, মৃত্যুর দ্বারা মার্জিত এই পথ একটি বৃহত্তর জীবনের পথ। রবীন্দ্রনাথ নৈপুণ্য-সহকারে নবাবহৃত্তির বাস্তব-জীবন-সাধনার মধ্য দিয়া আমাদের কাছে সেই বৃহত্তর জীবনকে বাস্তবরূপে উপস্থিত করিতে চাহিয়াছেন। ইহার মধ্যেই তাহার শিল্প-সৃষ্টির বিশিষ্ট রহস্যটি ধরা পড়িয়াছে।

নবাবহৃত্তির সহিত পাঠকের পরিচয়সাধনে রবীন্দ্রনাথ সুনিপুণ শিল্পচাতুর্য দেখাইয়াছেন। তিনি যদি সহসা আমাদের কাছে সেই বিলুপ্ত-ইতিহাস নবাব-আমলের কাহিনী উপস্থিত করিতেন, তাহা হইলে আমাদের বাস্তববুদ্ধি পীড়িত হইয়া ইহাকে সহজেই ছেলেভুলানো রূপকথা বলিয়া ধার্য করিত, ইহার সহিত আমরা আমাদের জীবনবোধকে সহজে যুক্ত করিতে পারিতাম না।

কিন্তু মেঘাচ্ছন্ন নির্জন ক্যালকাটা রোডে রোক্তদ্যমানা সন্ন্যাসিনীর সহিত লেখকের প্রচ্ছন্ন বিজ্ঞপাত্তক বাক্যালাপ পরিবেশটিকে খুব সহজ করিয়া তুলিয়াছে। আমরাও কৌতুকের সহিত উভয়ের কথোপকথন লক্ষ্য করিতেছিলাম। প্রসঙ্গক্রমে লেখক বলিলেন, "নবাবজাদীর ভাষামাত্র শুনিয়া সেই ইংরেজ-রচিত আধুনিক শৈল-নগরী দার্জিলিঙের ঘন কুঞ্জাটিকাজালের মধ্যে আমার মনশ্চক্ষের সম্মুখে মোগল সম্রাটের মানসপুত্রী মায়াবলে জাগিয়া উঠিতে লাগিল, খেতপ্রস্তুতরচিত বড়ো বড়ো অভভেদী সৌধশ্রেণী, পথে লক্ষপুচ্ছ অশ্বপৃষ্ঠে মছলনের সাজ, হস্তীপৃষ্ঠে স্বর্ণঝালর খচিত হাওদা, পুরবাসি-গণের মস্তকে বিচিত্র বর্ণের উক্ষীষ, শালের রেশমের মসলিনের প্রচুর প্রসর জামা-পায়জামা, কোমরবন্ধে বক্র তরবারি, জরির জুতার অগ্রভাগে বক্রশীর্ষ—সুদীর্ঘ অবসর, সুলভ পরিচ্ছদ, প্রচুর শিষ্টাচার।"

ইহার পর যখন নবাবপুত্রী তাহার কাহিনী আরম্ভ করিয়াছে তখন আমরা আর কোন প্রশ্ন করি নাই, আমরাও যে কখন মায়াবলে দার্জিলিঙের ক্যালকাটা রোড হইতে মোগল আমলে চলিয়া গিয়াছি, তাহা জানিতেও পারি নাই।

এই নবাবপুত্রীর আত্মকাহিনী যেমন বিচিত্র, তাহার বিবৃতির জগৎ রবীন্দ্রনাথ তেমনি উপযুক্ত ভাষায় সৃষ্টি করিয়াছেন। সেই ভাষায় মধ্যে এমন একটি গতি রহিয়াছে, যাহা সেই আবেগমগ্নিত জীবনের গতিশীল কাহিনীকে সমবেগে বহন করিয়া লইয়া যাইতে পারে—অপরদিকে সেই গতিশীল জীবনের গান্তীর্ঘ ও মাধুর্যকে নিপুণ শব্দসত্তারের দ্বারা সমানভাবে প্রকাশ করিতে পারে। এখানে তাহারই একটি নমুনা উদ্ধৃত করিলাম—“আকাশের চন্দ্র, যমুনা-পারের ঘনকুম্ব বনবেশা, কালিন্দীর নিবিড় নীল নিধম্প জলরাশি, দূরে আশ্রবনের উর্দ্ধে আমাদের জ্যোৎস্নাচিকণ কেল্লার চূড়াগ্রভাগ, সকলেই নিঃশব্দ গভীর ঐকতানে মৃত্যুর গান গাহিল; সেই নিশীথে গ্রহচন্দ্রতারাগচিত নিস্তর তিনভুবন আমাকে একবাক্যে মরিতে কহিল, কেবল বীচিভঙ্গবিহীন প্রশান্ত যমুনাবক্ষোবাহিত একখানি অদৃশ্য জীর্ণ নৌকা সেই জ্যোৎস্নারজনীর সৌম্যসুন্দর শান্ত-শীতল অনন্তভুবনমোহন মৃত্যুর প্রসারিত আলিঙ্গনপাশ হইতে বিচ্ছিন্ন করিয়া আমাকে জীবনের পথে টানিয়া লইয়া চলিল। আমি মোহমগ্নাভিহিতার জায় যমুনার তীরে তীরে কোথাও বা কাশবন, কোথাও বা মরুভালুকা, কোথাও বা বন্ধুর বিদীর্ণ তট, কোথাও বা ঘনগুম্বদুর্গম বনখণ্ডের ভিতর দিয়া চলিতে লাগিলাম।"

নবাবপুত্রীর জীবনের এই বিচিত্র অভিযান এক হুয়াশার মধ্যে পরিসমাপ্তি লাভ করিয়াছে। নবাবপুত্রী তাহার আদর্শকে অমুসরণ করিয়া মনেপ্রাণে ব্রাহ্মণ হইয়া উঠিয়াছে, কিন্তু যাহার জগৎ এত ত্যাগস্বীকার সেই কেশরলালকে সহসা মেকী বলিয়া বুঝা গেল, কেশরলালের ব্রাহ্মণ্যকে নকল বলিয়া জানা গেল। কিন্তু সেই মেকী ব্রাহ্মণ্যের জন্য আর একজনকে কতখানি ত্যাগ স্বীকার করিতে হইয়াছে! জীবনের সমস্ত সাধনা যদি এমনই একটি

শূন্যতার আসিয়া শেষ হয় তাহা হইলে তাহা অপেক্ষা ট্রাজেডির বিষয় আর কি আছে। নবাবপুত্রীর জীবনে এই ট্রাজেডি আনিয়া রবীন্দ্রনাথ আমাদিগকে তাহার সুখদুঃখের অংশভাগী করিয়া তুলিয়াছেন।

‘ক্ষুধিত পাষণ’ গল্পটি রবীন্দ্রনাথের আর একটি শ্রেষ্ঠ গল্প। কবিকল্পনা এখানে কোন বৃহত্তর জীবনসাধনার কথা বলে নাই, তাহা একটি বহুশ্রম সৌন্দর্যলোক সৃজনে নিয়োজিত হইয়াছে। ইহার মূলেও একটি বৃহত্তর সৌন্দর্যধ্যান রহিয়াছে, যে সৌন্দর্যধ্যান প্রাকৃতজগতে সম্ভব নহে, তাহার জন্য আমাদিগকে অতিপ্রাকৃত-জগতে উঠিয়া আসিতে হয়। এখানেও কাহিনীর পরিবেশ হইল প্রাচীন মোগল আমল। মোগল হারেমের যে বাসনা-বিক্ষুব্ধ, বিলাসচঞ্চল জীবনপ্রবাহ তাহার সকল সৌন্দর্য, মাধুর্য ও রসাবেগ লইয়া লোকচক্ষুর অন্তরালে স্বপ্নের গায় মনোরম এবং কল্পকাহিনীর গায় রোমাঞ্চকর নাট্যলীলা রচনা করিয়া চলিত, কবি-কল্পনা তাহারই একটি রমণীয় অধ্যায়কে মহাকালের জীর্ণ প্রস্তরভিত্তির শাসনপাশ হইতে উদ্ধার করিয়া আমাদিগকে তাহা প্রত্যক্ষ করাইয়াছে। ইহার জন্ম কবি আমাদের মনে এক অপূর্ণ বিভ্রম সঞ্চারিত করিয়াছেন এবং সুকৌশলে আমাদিগকে এক বহুশ্রমলোকে লইয়া গিয়াছেন। এই বহুশ্রমলোকে সন্দেহের সহিত আমাদের সাক্ষাৎ ঘটাইয়া দেওয়াই কবি-কল্পনার উদ্দেশ্য। সৌন্দর্য এখানে অশরীরী। কিন্তু অশরীরী বলিয়া সেই সৌন্দর্য কিছু ম্লান হইয়া যায় নাই, পরন্তু দেহের মধ্যে রূপ লাভ করিলে যাহা পরিস্ফুট হইয়া উঠিত, দেহের অভাবে তাহাই অপরিষ্ফুট থাকিয়া আমাদিগকে অধিকতর আকৃষ্ট করে। সৌন্দর্যের দেহহীনতা সৌন্দর্যের সহিত আমাদের একটি ব্যবধান গড়িয়া তোলে এবং তাহাতে তাহা আমাদের মধ্যে একটি ব্যাকুল তৃষ্ণা জাগাইয়া তুলিয়া অধিকতর রমণীয় হইয়া উঠে।

‘ক্ষুধিত পাষণ’ গল্পে তাই অতিপ্রাকৃত ঘটনা ও সৌন্দর্য-চিত্র অঙ্গাঙ্গিভাবে মিশিয়া আছে। অতিপ্রাকৃতের বিষয় এবং সৌন্দর্যের বিষয় এখানে পৃথক নহে। এখানে রসের ব্যঞ্জনাটি সৌন্দর্যলোকের প্রতি, কিন্তু তাহার উপায়টি অতিপ্রাকৃত-বোধের মধ্য দিয়া। তাই অভাবনীয়তার চমক এবং সৌন্দর্যবোধের আনন্দ উভয়ের মিশ্রণে আমাদের চিত্তে একটি অভিনব রসাবেশের সৃষ্টি হয়।

চিত্তবৃত্তির এই যে রাসায়নিক মিশ্রণ, ইহা একেবারে অসম্ভব নহে। সৌন্দর্যের অনুভূতির সহিত ভয়ের অনুভূতির কোথায় যেন একটি সূক্ষ্ম যোগ রহিয়াছে। পরিপূর্ণ সৌন্দর্যের মধ্যে এক প্রকার অভাবনীয়তা দেখা যায়, আমরা যাহাকে ‘বিউটিকুল’ বলি, তাহাকে অনেক সময় ‘ওয়াগ্নারফুলও বলি। বিউটির পরিপূর্ণতা হইতে ওয়াগ্নারেরও পরিপূর্ণতা আসে এবং ওয়াগ্নারের পরিপূর্ণতায় একপ্রকার ভয়ের বোধ জন্মে। ইংরেজ কবি কোলরিজ তাঁহার কাব্যে যেখানে অতিপ্রাকৃতের অবতারণা করিয়াছেন, সেখানে সেই সঙ্গে সৌন্দর্যের অবকাশও রচনা করিয়াছেন। একটি অপরটির

পরিপন্থী না হইয়া পরিপূরক হইয়া উঠিয়াছে। ‘Rime of the Ancient Mariner’ কবিতায় যেখানে অতিপ্রাকৃত ঘটনা ঘটিতেছে, সেখানে প্রাকৃতিক পরিবেশটিও অতীব মনোরম। ‘Christabel’ কবিতার অতিপ্রাকৃত রমণী রূপে অতুলনীয়। কিন্তু কোলরিজ অতিপ্রাকৃত বিষয় ও সৌন্দর্যের বিষয় উভয়ের দুই পৃথক আবেদন স্পষ্ট করিয়া দেখাইয়াছেন, উভয়ের এক রাসায়নিক মিশ্রণ ঘটাইতে পারেন নাই। কিন্তু রবীন্দ্রনাথ উভয়কে একীভূত করিয়া দিয়াছেন, যাহা ভয় দেখাইতেছে, তাহাই একই কালে মুগ্ধও করিতেছে। ‘ক্ষুধিত পাষণে’ দেখি—“আমি সেই দীপহীন জন-হীন প্রকাণ্ড ঘরের প্রাচীন স্তম্ভশ্রেণীর মাঝখানে দাঁড়াইয়া শুনিতে পাইলাম—ঝর ঝর শব্দে ফোয়ারার জল সাদা পাথরের উপর আসিয়া পড়িতেছে, সেতাবে কি সুর বাজিতেছে বুকিতে পারিতেছি না, কোথাও বা স্বর্ণভূষণের শিঞ্জিত, কোথাও বা নুপুরের নিকণ, কোথাও বা বৃহৎ তাম্রঘণ্টায় প্রহর বাজিবার শব্দ, অতি দূরে নহবতের আলাপ, বাতাসে দোহুল্যমান ঝাড়ের ক্ষুটিকদোলকগুলির ঠুন ঠুন ধ্বনি, বারান্দা হইতে খাচার বুলবুলের, বাগান হইতে পোষা সারসের আমার চতুর্দিকে একটা প্রেতলোকের রাগিনী সৃষ্টি করিতে লাগিল।” এখানে দেখি, শরীরী হইলে যে সকল বিষয় সুরলোক রচনা করিতে পারিত, সেইগুলিই অশরীরী হইয়া প্রেতলোক রচনা করিয়াছে। কিন্তু এ প্রেতলোকে ভয়ের কিছু নাই। এখানে “লাইফ ইন্ ডেথ” নাই, মৃতদেহ এখানে প্রাণ পাইয়া জাগিয়া উঠিয়া ভয় দেখায় না। এখানে—“সেই স্বপ্নখণ্ডের আবের্ডের মধ্যে এই কচিং হেনার গন্ধ, কচিং সেতারের শব্দ, কচিং সুরভিজলীকর-মিশ্র বায়ুর হিল্লোলের মধ্যে একটি নায়িকাকে ক্ষণে ক্ষণে বিদ্যুৎ-শিখার মত চকিতে দেখিতে পাইতাম। তাহারই জাকবাণ রঙের পায়জামা এবং দুটি শুভ্র বস্ত্রিম কোমল পায়ে বক্রশীর্ষ জরীর চটি পরা, বক্ষে অতিপিনদ্ধ জরীর ফুলকাটা কাঁচলী আবদ্ধ, মাথায় একটি লাল টুপী এবং তাহা হইতে সোনার ঝালর ঝুলিয়া তাহার শুভ্র হলাট এবং কপোল বেঁধেন করিয়াছে। সে আমাকে পাগল করিয়া দিয়াছিল। আমি তাহারই অভিসারে প্রতি রাত্রে নিদ্রার রসাতল রাজ্যে স্বপ্নের জটিল পথসঙ্কুল মায়াপুরীর মধ্যে গলিতে গলিতে কক্ষে কক্ষে ভ্রমণ করিয়া বেড়াইয়াছি।”

এই সৌন্দর্যালোকে ও বহুশ্রমলোকে কবি আমাদিগকে অবলীলাক্রমে লইয়া গিয়াছেন, কোলরিজের ‘Ancient Mariner’এর মত এখানেও একজন বস্তু রহিয়াছে, কিন্তু পূর্বের বস্তুকে যেমন বহুশ্রমিণ্ডিত ও অতিপ্রাকৃত জগতের সহিত ঘনিষ্ঠ সম্বন্ধযুক্ত বলিয়া মনে হয়, এখানে কাহিনীর বস্তুকে তাহার চেয়ে আরও অনেক সহজ লোক ও কাছের মানুষ বলিয়া মনে হয়। বস্তু সহসা অতিপ্রাকৃতের অবতারণা করে নাই, হাশ্বকৌতুকের মধ্য দিয়া কাহিনী শুরু করিয়াছে এবং অতিপ্রাকৃতের বিষয় সম্বন্ধে তাহার অবিশ্বাসও আমাদের জানাইতে চাহিয়াছে। এইরূপে তাহার দৃষ্টি এবং শব্দের উপর আমাদের একটা আস্থা জন্মিয়া গিয়াছে এবং তাহাকে অনুসরণ

কবিগণ তাহার অনুভূতিগুলিকে আমরা আপনাব করিয়া লইয়াছি। কাহিনীর শেষে যখন জিজ্ঞাসার সময় আসিয়াছে তখন লেখক তাকে আমাদের দৃষ্টির সম্মুখ হইতে একেবারে অপসারিত করিয়া আমাদের সকল প্রশ্নকে মুক করিয়া রাখিয়াছেন।

“ক্ষুধিত পাষণ” গল্পের সবচেয়ে আকর্ষণীয় বিষয় হইল ইহার ভাষার ব্যঞ্জনা ও বর্ণনাকৌশল। যাহা অবিদ্বান, যাহা নাস্তি, ভাষার সাহায্যে মনোরম বর্ণনায় কবি তাহাকে বিশ্বাসযোগ্য করিয়া তুলিয়াছেন, তাহাকে এত প্রত্যক্ষ করিয়া তুলিয়াছেন যে তাহার অস্তিত্বের যেন আর কোন প্রশ্নের প্রয়োজন হয় না। আমরা যেন তাহাকে পঞ্চ ইন্দ্রিয়ের দ্বারা গ্রহণ করিতে পারি। বস্তুর মুখে আমরা গুণিত পাই—“দেখিতে পাইলাম, আয়নায় আমার প্রতিবিশ্বের পার্শ্বে ক্ষণিকের জগৎ সেই তরুণী ইরানীর ছায়া আসিয়া পড়িল— পলকের মধ্যে গ্রীবা বাঁকাইয়া তাহার ঘনকৃষ্ণ বিপুল চক্ষুতরকার মুগভীর আবেগতীত বেদনাপূর্ণ আগ্রহকটাক্ষ পাত করিয়া সরসসুন্দর বিশ্বাধরে একটি অক্ষুট ভাষার আভাসমাত্র দিয়া, লঘু ললিত নৃত্যে আপন যৌবনপুষ্পিত দেহলতাটিকে দ্রুতবেগে উল্কাভিমুখে আবর্তিত করিয়া—মূহূর্ত্তকালের মধ্যে বেদনা, বাসনা ও বিভ্রমের, হাশু, কটাক্ষ ও ভূষণজ্যোতির স্কুলিক রুষ্টি করিয়া দিয়া দর্পণেই মিলাইয়া গেল।” এই বর্ণনায় আমরা আর বস্তুগত অস্তিত্বের অভাব অনুভব করি না।

আমরা অতঃপর রবীন্দ্রনাথের দ্বিতীয় পর্যায়ের ছোটগল্পগুলি—যগুলি মূলতঃ হাশুরসাম্বন্ধ, সেই পর্যায় হইতে একটি গল্পের আলোচনা করিব। ইতিপূর্বে বলিয়াছি, এই শ্রেণীর গল্পে কবি-কল্পনার প্রকাশের সুযোগ অল্প। এখানে কাহিনীই মুখ্য এবং কাহিনীর বিষয়বস্তুও সামান্য। এখানে আমাদেরই সাধারণ জীবনের চিত্র লইয়া নিপুণ বাগবিলাসে বিস্তৃত হাশুরসের অবতারণা করাই কবি-প্রতিভার কাজ।

‘মুক্তির উপায়’ গল্পটি এই পর্যায়ের গল্পগুলির মধ্যে অগতম। গম্ভীর প্রকৃতির ফকিরচাঁদের জীবনের যে বিড়ম্বনার কথা বলা হইয়াছে, তাহা আমাদের সহজ সামাজিক পটভূমিকায় গড়িয়া উঠিয়াছে বলিয়া বিষয়টিকে আমরা যথেষ্ট আনন্দের সহিত উপভোগ করিতে পারি। সংসারের তাড়নায় এই যে অবিবেচক ব্যক্তির সন্ন্যাসী হইয়া যাওয়া, এ কাহিনী আমাদের সংসারে খুবই সুপরিচিত। সন্ন্যাসগ্রহণের এই কারণটি সহজেই আমাদের চিত্তে রসসঞ্চার করে। অতঃপর আর এক জনের গৃহে আর এক নূতন সংসারের অধিকারী হইয়া ফকিরচাঁদকে যে নিঃশেষ সহ্য করিতে হইয়াছে, তাহা আমরা সহ্য কৌতুকে উপভোগ করি। ষষ্ঠীচরণ মাখনলাল ভ্রমে ফকিরকে ধরিয়া আনিয়াছেন। পুত্র যখন গৃহে থাকিতে চাহিতেছে না, তখন আমাদের সমগ্র বঙ্গ-পরিবার ও সমাজ কি গভীর উৎকণ্ঠায় তাহাকে ধরিয়া রাখিতে চায় এবং বিষয়টি ক্ষেত্রবিশেষে কিরূপ প্রহসনের সৃষ্টি করে, ফকিরচাঁদের প্রতি মাখন-লালের গৃহের এবং গ্রামের ব্যবহার হইতে তাহা অতি সুন্দরভাবে

ফুটিয়া উঠিয়াছে। প্রহসন হিসাবে বিষয়টি তাই খুবই উপযোগী। ইহার পিছনে আমাদের সমাজমানসের একটি ভূমিকা রহিয়াছে। মাখনলালের দুই স্ত্রী, তাহার পিতা ও পুত্রকন্যাগণ, দুই পক্ষের শ্যালক ও শ্যালিকা, প্রতিবাসীরা, এমন কি গ্রামের জমিদার পর্যন্ত এই সামাজিক প্রহসনের বিষয়ীভূত হইয়া উঠিয়াছে। তাহাদের দিক হইতে মাখনলাল ভ্রমে ফকিরচাঁদকে ধরিয়া রাখা কোমলতার পরিচায়ক সন্দেহ নাই, কিন্তু লেখক তাহাদের লক্ষ্যের কেন্দ্রটিকে সরাইয়া দিয়া মুমুকু ফকিরচাঁদের উপর তাহাদের সকল প্রচেষ্টাকে ন্যস্ত করিয়া সমস্ত বিষয়টিকে হাসির ফোয়ারায় পরিণত করিয়াছেন। ফলে যাহা আমাদের স্বভাবে ও জীবনে রহিয়াছে তাহাকেই কবি হাসির কারণ করিয়া তুলিয়াছেন। ইহাতে কাহারও ক্ষতি নাই, কাহারও অসম্মান নাই, কারণ মূলে একটি ভ্রান্তি। সেই ভ্রান্তিটুকু ঘুচিয়া গেলে আবার সবকিছু স্বাভাবিক হইয়া উঠবে।

হাশুরস সৃষ্টিতে রবীন্দ্রনাথের এই একটি বিশেষ ভঙ্গী দেখিতে পাওয়া যায়, যাহাকে লইয়া হাসিতে হইবে তাহাকে সোজাসজি আক্রমণ না করিয়া তাহাকে এমন একটি পরিবেশের অধীন করিয়া তোলে, যে পরিবেশের অসঙ্গতি হইতে হাশুরসের উদ্ভব হয়। ইহাতে ব্যক্তি আঘাত পায় না, কারণ সাময়িকভাবে পরিবেশের অধীন হইলেও ব্যক্তির ব্যক্তিত্ব পরিবেশকে অতিক্রম করিয়া প্রকাশ পায়। অতঃপর ব্যক্তি যখন পরিবেশ হইতে মুক্তি পায় তখন সে নিজেও নিজেকে লইয়া হাসিতে পারে। কথাটা আরও একটু স্পষ্ট করিয়া বলিতে গেলে বলিতে হয়—রবীন্দ্রনাথ ব্যক্তিকে লইয়া হাসেন না, ব্যক্তিকে একটি বিশেষ পরিবেশের অধীন করিয়া এবং ব্যক্তির ব্যক্তিত্বকে তাহার উল্কে জাগাইয়া তুলিয়া, পরিবেশের অধীন যে ব্যক্তি তাহাকে লইয়া হাশুরসের সৃষ্টি করেন। হাশুরসের সৃষ্টিতে জীবনের অসঙ্গতিকে তিনি পরিবেশের অধীন করিয়া দেখিয়াছেন, সম্পূর্ণরূপে ব্যক্তিত্বের অধীন করিয়া দেখেন নাই। ইহাতে ব্যক্তি নিজেও আপনাব সেই সাময়িক পরিবেশের অধীন ব্যক্তিসত্তাকে দেখিয়া আমাদের সহিত সমানভাবে হাসিতে পারে। আলোচ্য গল্পে মাখনলালের যে দুর্ব্বস্থা আমরা উপভোগ করিতেছি, পরিবেশ হইতে মুক্ত হইলে মাখনলালও তাহা সমভাবে উপভোগ করিবে, তাহার মনে কোন তথাকথিত অসঙ্গতের গ্লানি থাকিবে না।

আমরা অতঃপর রবীন্দ্রনাথের তৃতীয় পর্যায়ের গল্পগুলি হইতে কয়েকটি গল্পের পরিচয় গ্রহণ করিব। এই গল্পগুলির মধ্যে আমাদের দৈনন্দিন জীবনের সহিত এক বৃহত্তর জীবনকথা প্রকাশ পাইয়াছে। আমাদের জীবনের মধ্যে এই বৃহত্তর জীবনকথাটি যচনা করিতে কবি-কল্পনা ও শিল্প-নৈপুণ্যের যে অভিনব প্রকাশ পাইয়াছে, তাহাই এখানে বিশেষ লক্ষণীয়। এখানে আমরা এই পর্যায়ের ‘ঘাটের কথা’, ‘শেষমাষ্টার’, ‘কাবু ওয়ালা’, ‘দান-প্রতিদান’, ‘স্ত্রীর পত্র’, ‘দৃষ্টি-দান’ ও ‘নষ্টনীড়’ এই কয়টি গল্পের আলোচনা করিব।

‘ঘাটের কথা’ গল্পে একটি পল্লী-বালবিধবার প্রেমের কথা বলা

হইয়াছে। কুসুম তরুণ সন্ন্যাসীকে ভালবাসিয়াছিল। কিন্তু সেই প্রেমে তাহার অধিকার ছিল না, সে বালবিধবা। কুসুম তরুণ সন্ন্যাসীকে ভক্তি করিত, তাঁহাকে দেবতার ন্যায় পূজা করিত। সামাজিকভাবে গৃহত্যাগী সন্ন্যাসীর প্রতি বিধবা নারীর অন্তরের এই শ্রদ্ধার্থা নিবেদনে কোন বাধা বা অপরাধবোধের স্থান ছিল না। নিষ্কাম ভক্তি সেখানে দেবপূজারই নামান্তর। কিন্তু কুসুমের চিত্ত এই শুদ্ধভক্তি লইয়াই রহিল না, তাহার অন্তরে ভক্তির পাত্রকে লইয়া এক স্বপ্নের অবকাশ রচিত হইয়া গেল— যে স্বপ্ন দেবতাকে প্রিয় করে, হৃদয়ের স্বামী বলিয়া দেবে, যে স্বপ্নে চিত্ত শুধু প্রশংসা করিয়াই চরিতার্থ হয় না, তাহা একটি প্রেম-উদার কবম্পর্শ লাভ করিয়া ধল হইতে চায়।

এই প্রেমের আকাঙ্ক্ষা সামান্য, বাসনা খুব সূক্ষ্ম; কিন্তু বিগত ভক্তির সম্মুখে দাঁড়াইলে ইহা যেন ভীত হইয়া পড়ে, ইহার মধ্যে যেন পাপের বোধ জাগিয়া উঠে।

সব শুনিয়া সন্ন্যাসী কুসুমকে বলিলেন যে, তাহাকে ভুলিতে হইবে, সেই ভুলিবার জ্ঞান সাধনা করিতে হইবে।

সন্ন্যাসী চলিয়া গেলেন। কুসুমের সাধনা শুরু হইল। দেহের সহিত, মনের সহিত কুসুমের প্রেমের বিবাদ বাধিয়া গেল। সেই বিবাদকে কুসুম অতিক্রম করিয়া গেল মৃত্যুকে বরণ করিয়া।

এই যে কুসুম কথাটি না বলিয়া কালোজলের গভীরে তলাইয়া গেল ইহাই তো প্রেমের সাধনা। তাহার প্রেম বড় বলিয়াই তাহা অন্তর দেহ ও মনকে বিসর্জন দিয়া আপনার বিগততাকে প্রচার করিয়া গিয়াছে। দেহে বাঁচিয়া থাকিলে প্রতি পদে তাহার প্রেমের, তাহার প্রিয়ের অসম্মান ঘটিত, তাহার নবোন্মেষিত প্রেমের পক্ষে তাহার এই জীবন বড়ই দীন, আধার বড়ই তুচ্ছ। মৃত্যুর কাছে বৃহত্তর জীবন কামনা করিয়া কুসুম তাহার এই দীন জীবনের অবসান ঘটাইয়াছে। সেই বৃহত্তর জীবনের কোন বাস্তব রূপ নাই, এই দীন জীবনের জ্বালা হইতে অব্যাহতলাভই তাহার স্বরূপ। কুসুমের মৃত্যুবরণের মধ্য দিয়া সেই বৃহত্তর জীবনসাধনার কথা রবীন্দ্রনাথ বলিয়াছেন, এই সাধনার অবলম্বন হইল তাহার প্রেম।

আর সেই তরুণ সন্ন্যাসী? পাষণে ঘটনা অঙ্কিত হয় না; যদি হইত তাহা হইলে তাঁহার অন্তরের মধ্যে কি এই ঘাটের কথা লিপিবদ্ধ হইয়া যাইত? 'ঘাটের কথা' কি তাহারই কথা হইয়া উঠিত?

'পোষ্ট মাষ্টার' গল্পে একটি নগণ্য পল্লীগ্রামের সামান্য বেতনের পোষ্টমাষ্টার ও তাহার সেবিকা রতনের কথা বলা হইয়াছে। এই কাহিনীটির মধ্যে ছোট গল্পের ধর্মটি বিশেষভাবে ফুটিয়া উঠিয়াছে। কাহিনীর মধ্যে অভিনবত্ব তেমন কিছু নাই। উলাপুর গ্রামের পোষ্ট মাষ্টার তাহার প্রবাসের দুঃখ অন্তরে বহন করিয়া যখন নিরানন্দ দিনগুলি যাপন করিতেছিল, তখন সময় কাটাইবার জ্ঞান সে তাহার সঙ্গী হিসাবে পাইয়াছিল পিতৃমাতৃহীনা অনাথা বালিকা

রতনকে। রতন সাধ্যমত তাহার দাদাবাবুর কাজ করিয়া দিত এবং পোষ্ট মাষ্টার রতনকে বর্ণ-পরিচয় পড়াইত। পোষ্ট মাষ্টারের অসুখের সময় রতন তাহার মনিবের সেবা করিয়া তাহাকে আরও আপন করিয়া পাইল। কিন্তু কিছুদিন পরেই পোষ্ট মাষ্টার উলাপুর ত্যাগ করিয়া চলিয়া গেল। রতন একবার অবোধের মত তাহার সঙ্গে যাইতে চাহিয়াছিল, কিন্তু পোষ্ট মাষ্টারের কাছে সে প্রস্তাব অসঙ্গত বলিয়াই বোধ হইল। পোষ্ট মাষ্টার চলিয়া গেল; রতন তাহার ক্ষুদ্র হৃদয়-বেদনা ও ক্ষীণ আশা লইয়া সেই পোষ্ট-আপিস গৃহের চারিদিকে কেবল অশ্রু বিসর্জন করিয়া ঘুরিয়া ঘুরিয়া বেড়াইতে লাগিল।

কাহিনী সামান্যই, কিন্তু ইহার মধ্যে ছোটগল্পকার হিসাবে রবীন্দ্রনাথের শ্রেষ্ঠত্বের পরিচয় পাওয়া যায়। রতন এক সামান্য পল্লীবালিকা, তাহার হৃদয়বেগের মূল্য আরও সামান্য। এই পৃথিবীতে যে জীবনশ্রোত নিত্য বহিয়া চলিয়াছে, রতনের ক্ষুদ্র হৃদয়বেগ তাহার মধ্যে স্বল্পতম কালে সক্ষীর্ণতম স্থানও অধিকার করিবে না, ইহাকে নিতান্ত তুচ্ছ বলিয়া মনে হইবে। কিন্তু এই ক্ষুদ্র বেদনা সেই বালিকার পক্ষে ত অসহ হইয়া উঠিল: সে যে অশ্রুজলে ভাসিয়া তাহার প্রভুর ছাড়িয়া যাওয়া গৃহের চতুর্দিকে ঘুরিয়া বেড়াইতেছে, ইহার কারুণ্যও ত উপেক্ষার বিষয় নহে এমনই একটি দুঃসহ হৃদয়বেদনার সহিত আমরা পরিচিত ছিলাম না। রবীন্দ্রনাথ নগণ্য গ্রাম্যবালিকা রতনের মধ্যে সেই হৃদয়বেদনাকে আবিষ্কার করিয়াছেন। শ্রদ্ধেয় ডঃ শ্রীকুমার বন্দ্যোপাধ্যায় বলেন, "আমাদের যে আশা আকাঙ্ক্ষাগুলি বহির্জীবনে বাধা পাইয়া, বাহ্যবিকাশের দিকে প্রতিহত হইয়া অন্তরের মধ্যে মুকুলিত হয় ও সেখানে গোপন মধুচক্র রচনা করে, রবীন্দ্রনাথ নিজ ছোটগল্পগুলির মধ্যে তাহাদিগকে সম্পূর্ণরূপে বিকশিত হইবার অবসর দিয়াছেন। বাস্তবজগতের রিক্ততার মধ্যে যে ভাবসম্পদ কবিচক্ষুর প্রতীক্ষায় আত্মগোপন করিয়া আছে তিনি সেই ছদ্ম আবরণ ভেদ করিয়া তাহাদের স্বরূপ অভিব্যক্ত করিয়াছেন।" 'পোষ্ট মাষ্টার' গল্পটির ক্ষেত্রে এই উক্তি বিশেষভাবে প্রযোজ্য, বালিকার সেই বেদনা লোকচক্ষুর অগোচরে কুমুমিত হইয়াছে, কাহিনী হইতে তাহার মধ্যে আমরা মানবহৃদয়ের চিরন্তন বেদনার সন্ধান পাই। যে প্রেম কেবলই বন্ধন স্বীকার করিতে ও স্বীকার করাইতে চাহিতেছে, তাহারই ব্যাকুল ক্রন্দন পরিবেশের তুচ্ছতার আবরণ ভেদ করিয়া আমাদের নিকট ধরা পড়ে। রতনের একটি সঙ্গত সসঙ্কোচ অনুরোধে তাহা বাঞ্জিতে থাকে— "দাদাবাবু, আমাকে তোমাদের বাড়ী নিয়ে যাবে?"

'কাবুলিওয়াল' গল্পেও রবীন্দ্রনাথ এইরূপ লোকচক্ষুর অন্তরালে বহমান প্রেমের একটি ক্ষীণ অথচ বেগবতী ধারাকে বাহিরের সংসারে মুক্তি দিয়াছেন। সুদীর্ঘদেহী কাবুলিওয়াল তাহার মস্ত টিলা জামার মধ্যে যে একটি ক্ষুদ্র হাতের পাঞ্জার ছাপ সযত্নে বহন করিয়া ফিরিতেছে, সে কথা আমাদের জানা ছিল না।

আমরা কাবুলিওয়ালাকে বাহির হইতেই দেখিয়াছি, তাহাকে বন্ধক রাখিবার নিষ্ঠুর বলিয়াই জানি; কিন্তু সে যে শুধুমাত্র কাবুলি মেওয়াওয়ালার নয়, সে যে তাহার প্রবল পিতৃশ্রদ্ধে লইয়া আর একটি বৃহত্তর পরিচয়ের অধিকারী, যে পরিচয়ের নিয়মে তাহার সহিত একজন সম্ভ্রান্তবংশীয় বাঙালীর কোন প্রভেদ নাই—রবীন্দ্রনাথ আমাদেরই মতোই আমাদিগকে সেকথা বুঝাইয়া দিলেন।

কাবুলিওয়ালার মিনির মুখে তাহার সেই পর্বতবাসিনী কন্ঠার মুখচ্ছবি দেখিতে পাইয়াছে। তাহারই আকর্ষণে সে তাহার সামাগ মেওয়া উপহার লইয়া এই শিশুর মনটিকে জয় করিতে চাহিয়াছে। এই দুই অসমবয়সী বন্ধুর সরল হান্তালাপ অনাবিল আনন্দলোকের সৃষ্টি করিয়াছে।

জেলা হইতে খালাস পাইয়াই কাবুলিওয়ালার তাহার 'খোকী'কে দেখিতে আসিয়াছে। তাহার এই পিতৃশ্রদ্ধকে কবি তুচ্ছতাচ্ছল্য করিতে পারেন নাই। শরতের স্নিগ্ধ রৌদ্রকিরণে কলিকাতার এক গলিতে বসিয়া রহমত আফগানিস্থানের এক মরুপর্বতের যে স্বপ্ন দেখিতেছিল, কবি সেই স্বপ্নলোক হইতে তাহাকে বিচ্ছিন্ন করিয়া রাখেন নাই। তাহাকে কন্ঠার কাছে প্রেরণ করিয়া উৎসবের মঙ্গল-আলোককে উজ্জ্বলতর করিয়া তুলিয়াছেন।

'দান-প্রতিদান' গল্পটিতে একাল্লবর্তী বাঙালী পরিবারের একটি সুখ-দুঃখের কাহিনী বলা হইয়াছে। যে প্রেমের বন্ধন একাল্লবর্তী পরিবারের মধ্যে কামা অথচ যাহাকে আমরা স্বার্থের দ্বারা, ভেদবুদ্ধির দ্বারা ক্ষয় করিয়া ফেলি, সেই প্রেমের কথাই কবি এখানে বলিয়াছেন। বিষয়টি আমাদের নিকট তাই সহজেই আবেদন জানায়।

রাধামুকুন্দ ও শশিভূষণ সহোদর ভাই না হইলেও ইহাদের পরস্পরের প্রীতিবন্ধন সহোদর ভাইয়ের চেয়ে কিছু কম নহে। এই ভ্রাতৃশ্রদ্ধে পারিবারিক কলহের সম্মুখীন হইয়াছে, স্বার্থ তাহার নগদস্ত বিস্তার করিয়া ইহাকে ছিন্নভিন্ন করিয়া দিতে চাহিয়াছে, রাসমণির আত্মসম্মান ইহাকে বিকার দিতে চাহিয়াছে, কিন্তু তথাপি এই বন্ধন কোথাও এতটুকু শিথিল হয় নাই। ইহা ত স্বার্থপরতার বন্ধন নয়, পরাম্প্রত্যাশীর সূচতুর ছদ্মবেশ নয়, ইহার মূল জীবনের আরও গভীরে; সেখানে দুইটি বালক দুইটি লতার গায় একে অপরকে জড়াইয়া বৃদ্ধি পাইয়াছে, আজ তাহাদের বাহির হইতে পৃথক করিবার উপায় নাই!

তবু বাহির হইতে আঘাত আসিয়া পড়ে। দুই ভায়ের মধ্যে আর্থিক অসাম্য দেখা দেয় এবং সেই বাহিরের আঘাতই বড় হইয়া উঠিয়া দুই জনকে দুই দিকে ঠেলিতে থাকে। এই বাহিরের প্রভেদ যুগাইবার জন্ত রাধামুকুন্দ একটি ঘটনার সৃষ্টি করিয়াছে, শশিভূষণের দেয় সন্দর খাজনা লুট করাইয়া তাহার সম্পত্তি নীলাম করাইয়াছে। কিন্তু তাহার মূলে শশিভূষণের সহিত প্রেমের সম্বন্ধটি অটুট রাখিবার বাসনা ছাড়া অন্য কোন স্বার্থের দুরভিসন্ধি ছিল না। শশিভূষণের মৃত্যুকালে যখন রাধামুকুন্দ তাহার অপরাধ স্বীকার করিয়া ক্ষমাপ্রার্থনা করিল, তখন আমরা জানিলাম শশিভূষণ

পূর্বেই রাধামুকুন্দের অপরাধের কথা জানিতে পারিয়া তাহাকে ক্ষমা করিয়াছে। রাধামুকুন্দ শশিভূষণকে তাহার হৃত সম্পত্তি দান করিতে চাহিয়াছিল, শশিভূষণ তাহার ক্ষমা ক্ষমিয়া উপযুক্ত প্রতিদান দিয়াছে। এই ক্ষমা না পাইলে রাধামুকুন্দের দান করিবার অধিকারই জন্মিত না। ভ্রাতৃপ্রেমের এই দান-প্রতিদানের কাহিনীটি একটি বৃহত্তর জীবনের পরিবেশ রচনা করিয়াছে। আমাদেরই ঈর্ষাবিক্ষুব্ধ, কলহমুগ্ধ সাধারণ পারিবারিক জীবনের মধ্যে এই একটি বৃহত্তর জীবনের চিত্র দেখিয়া আমরা আনন্দিত হই।

'স্ত্রীর পত্র' গল্পটিতে বাঙালী বধুর জাগ্রত আত্মবোধের সহিত সঙ্কীর্ণ বাঙালী জীবনের দ্বন্দ্বের চিত্রটি রবীন্দ্রনাথ নিপুণভাবে প্রকাশ করিয়াছেন। মৃগাল যে কোন বাঙালী গৃহের শুধুমাত্র মেজবউ নয়, জগৎ ও জগদীশ্বরের সহিত তাহার যে অঙ্গ সম্বন্ধও রহিয়াছে—যে সম্বন্ধে মানুষ আপনার আত্মার পরিচয় লাভ করে, যে সম্বন্ধে মানুষ কোনপ্রকার ক্ষুদ্রতার বন্ধন স্বীকার করে না, বাহাতে জীবনের মহিমা অনুভব করিয়া আপনাকে বড় বলিয়া চিনিতে পারে—মানুষের সেই পরিচয়টি নানা দুঃখের আঘাতে, আত্ম-অবমাননার দহনে, পরিপার্শ্বের হীন বিবোধিতায় এবং পরিশেষে মৃত্যুর শিক্ষায় মৃগালের জীবনে আসিয়া উপস্থিত হইয়াছে। এই যে জাগ্রত ব্যক্তিত্বের সহিত সঙ্কীর্ণ সমাজ-মনের দ্বন্দ্ব, যে দ্বন্দ্ব সমাজের সঙ্কীর্ণতাকে অতিক্রম করিয়া ব্যক্তি আপনার মহিমাকে তাহার উর্ধ্বে প্রকাশ করে, ব্যক্তিত্বের এই দ্বন্দ্ব রবীন্দ্রনাথের একটি অশ্রুতম শিল্প-প্রেরণা। বাঙালী বধুর যে জীবনের ধারা আমাদের সমাজ ছক কাটিয়া ঠিক করিয়া দিয়াছিল, তাহার জগৎ যে সকল আদর্শকে প্রচার করিয়া আসিতেছিল, গল্পের মৃগাল বাঙালী বধুর সেই বাধাধরা পথে চলিতে পারিল না। তাহাতে তাহার আত্ম-মর্যাদা প্রতি পদে পীড়িত হইতে লাগিল। বাঙালী সমাজ সর্বতোভাবে তাহাকে বাঙালী বধু করিয়া রাখিতে চাহিয়াছে। অগ্নায়ের বিরুদ্ধে প্রতিবাদ করিবার ক্ষমতা দিয়া, সত্যের প্রতি নিষ্ঠা দেখাইবার স্রবোগ দিয়া, জীবনের প্রতি প্রেম প্রকাশের অবকাশ দিয়া তাহাকে মানুষের পরিচয় গ্রহণ করিতে দেয় নাই। কিন্তু যাহার মধ্যে মনুষ্যত্ব রহিয়াছে, সে কখনও 'মেজবউ' এই সঙ্কীর্ণ আবরণের মধ্যে আবদ্ধ থাকিতে পারে না, সেই আবরণ বিদীর্ণ করিয়া সে একদিন বাহির হইয়া পড়ে।

আমাদের বৃহত্তর জীবনের একটি দ্বন্দ্বের বিষয়কে রবীন্দ্রনাথ একটি সাধারণ বাঙালী বধুর জীবনের দ্বন্দ্ব করিয়া তুলিয়া শিল্প-ভাবনার অভিনবত্বের পরিচয় দিয়াছেন। মেজবউয়ের জীবনে খুব সাধারণ বিষয়ের মধ্য দিয়াই এই মহান দ্বন্দ্বটি দেখা দিয়াছে এবং দ্বন্দ্বের কারণ ও দ্বন্দ্বের প্রসূতিকে কবি অত্যন্ত সহজভাবে আকিয়াছেন। বিন্দুর প্রতি মেজবউয়ের শ্রদ্ধে বাধার সম্মুখীন হইয়াছে, অবলা নারীর প্রতি সমস্ত সংসারের নিদারুণ অত্যাচার তাহার মর্ম্মস্থল বিদ্ধ করিয়াছে; অবশেষে বিন্দুর মৃত্যু তাহার কাছে নব-

জীবনের বিশ্বাস আনিয়া দিয়াছে। পৃথিবীতে কেহ যে কাহাকেও বাঁধিয়া রাখিতে পারে না, কোন অত্যাচার অবিচারই যে জীবনকে চিরদিন ধরিয়া পীড়া দিতে পারে না, মৃত্যু আসিয়া জীবনকে অসম্মান হইতে রক্ষা করে, জীবনের এই বৃহত্তর সত্যের সহিত মেজবউয়ের পরিচয় হইয়াছে। এই পরিচয় লাভ করিয়া সে চারিদিক হইতে বন্ধন খসাইয়া ফেলিল, 'মেজবউ' হইতে 'মৃগাল' হইয়া উঠিল।

এই আত্মোপলক্ষির বিষয়টি আত্মবিবৃতির মধ্য দিয়া অতি সুন্দর ভাবে প্রকাশ পাইয়াছে। এখানে দ্বন্দ্বের প্রকৃতিটি মানসিক, বাহ্যিকের ঘটনা হইতে দ্বন্দ্বটিকে সব সময় বুঝা যাইবে না। এখানে তাই ঘটনাগুলিকে বিশ্লেষণ করিয়া অস্তিত্বের পরিচয়টি দিতে হইবে। পত্রের আকারে বিবৃতির মধ্য দিয়া শিল্পের সেই উদ্দেশ্য সাধিত হইয়াছে।

'দৃষ্টিদান' গল্পটিও একটি অক্ষুণ্ণ পতিব্রতা বধুর জীবন-দ্বন্দ্বের কাহিনী। এখানে তাহার প্রতিপক্ষ সমগ্র সমাজ নহে, এখানে প্রতিপক্ষ তাহার স্বামী। কুমু স্বামীলাভের জন্ম দেবপূজা করিয়াছিল। সে দেবতার মত স্বামী চাহিয়াছিল, কিন্তু তেমনটি পায় নাই। তাহার স্বামী আপনার অহঙ্কারের দ্বারা, সোভের দ্বারা, সঙ্কীর্ণ হৃদয়বৃত্তির দ্বারা আপনাকে বার বার ছোট করিয়া ফেলিয়াছে। এই ক্ষুদ্রতার সহিত কুমুকে অহরহ সংগ্রাম করিতে হইয়াছে এবং অনেক পেসারত তাহাকে দিতে হইয়াছে। সে তাহার চক্ষু দুইটি দান করিয়াছে, কিন্তু এই দৃষ্টিদানেও তাহার স্বামী সমৃদ্ধ হয় নাই; স্বামীর সহিত সে অচ্ছেদ্য ধর্মবন্ধনে জড়িত, সেই ধর্মকে তাহার স্বামী বারবার লাঞ্চিত করিয়াছে এবং তাহাকেও বারবার ছোট করিয়াছে। মৃগালের ক্ষেত্রে গোটা সমাজই বিরুদ্ধে দাঁড়াইয়াছিল, তাই সমাজ ত্যাগ না করিয়া, স্বামীকে ত্যাগ না করিয়া মৃগাল মুক্ত পায় নাই। কিন্তু কুমু স্বামীকে ত্যাগ করিতে পারে নাই, ত্যাগ করিতে চাহেও নাই। স্বামীকে সে শোধন করিয়া লইয়াছে। স্বামী যখন তাহাকে ত্যাগ করিয়া অগ্ন্যুত্তর বিবাহ করিতে চলিল, সে তখন স্বামীকে বলিয়াছে— "আমার বৃকের ভিতর চিরিয়া দেখ? আমি সামান্য রমণী, আমি মনের মধ্যে সেই নববিবাহের বালিকা বই কিছু নই; আমি বিশ্বাস করিতে চাই, নির্ভর করিতে চাই, পূজা করিতে চাই; তুমি নিজেকে অপমান করিয়া আমাকে হুঃসহ হুঃখ দিয়া তোমার চেয়ে আমাকে বড় করিয়া তুলিও না—আমাকে সর্ব বিষয়ে তোমার পায়ের নীচে রাখিয়া দাও।"

কুমু যে জীবনের কথা বলে তাহা দেবীত্ব নয়, তাহা পৃথিবীর ধূলির জগৎ ছাড়িয়া কোন এক অতিলৌকিক জগৎ নয়; তাহা এই পৃথিবীরই উপর একটি বৃহত্তর জগৎ। তাহার স্বামী আপনাকে ছোট করিয়া সেই জগৎ হইতে নির্বাসিত হইয়াছেন। তাই তাহার ও কুমুর মধ্যে ব্যবধান।

আপনার আদর্শকে হৃদয়ের মধ্যে অক্ষুণ্ণ রাখিবার জন্ম, সর্বপ্রকার

দীনতাকে ও তুচ্ছতাকে জীবনে জয় করিবার জন্ম নারী-হৃদয়ের এই একটি মৌন সংগ্রামকে রবীন্দ্রনাথ অপর শিল্পরূপ দান করিয়াছেন। এখানেও কাহিনীটি বিবৃতির আকারে প্রকাশ করা হইয়াছে, তবে ঘটনাসংস্থান ও চরিত্রচিত্রণে অত্যন্ত নিপুণতা দেখানো হইয়াছে। সর্বোপরি কুমুর অস্তিত্বের যে আবেগ প্রকাশ পাইয়াছে, রবীন্দ্রনাথ তাহার উপযুক্ত ভাষা তৈয়ারী করিয়াছেন। একদিকে অক্ষুণ্ণ শব্দ-গন্ধ-স্পর্শময় পৃথিবীকে তিনি বর্ণনার মধ্য দিয়া নিপুণভাবে উপস্থিত করিয়াছেন, অপরদিকে অক্ষুণ্ণ নারীর মুক বেদনাকে উপযুক্ত ভাষা দিয়াছেন।

'নষ্টনীড়' গল্পটি রবীন্দ্রনাথের আর একটি শ্রেষ্ঠ গল্প। অমল চাকর দুঃসম্পর্কীয় দেবর। উহার প্রতি চাকর প্রীতি উত্তরোত্তর বর্ধিত হইয়া অবশেষে তাহা প্রণয়ে পরিণত হইয়াছে। প্রীতির এই প্রণয়ে পরিণতির একটি সুন্দর মনস্তাত্ত্বিক চিত্র রবীন্দ্রনাথ আঁকিয়াছেন। জীবন কোন না কোন একটা অবলম্বনের মাধ্যমে আপনাকে প্রকাশ করে। চাকর স্বামী স্বামিত্বের অগ্ন্যাগ্নি কর্তব্য পালন করিতেন, কিন্তু চাকর চিত্তবিনোদনের কোন চেষ্টাই করিতেন না। তাহার যে কোন প্রয়োজন আছে, চাকর যে তাহাকে লইয়াই একটি নূতনতর মনোজগৎ গড়িয়া তুলিতে পারে, সংসারের কর্তব্যগুলি পালন করিতে করিতে সেকথা তাহার ভাবিয়া দেখিবার অবসর হয় নাই। এদিকে অমল তাহার গোলালাপে, আবদারে অভিমানে, কলহে, কৌতুকে চাকর সময়টি ভরাইয়া রাখিত; অমলকে না হইলে চাকর চলিত না। অমল এইরূপে চাকর জীবনে ক্রমে একান্ত হইয়া দাঁড়াইল এবং ইতিমধ্যে নন্দার মারফতে চাকর অস্তুরে ঈর্ষার সঞ্চার হওয়াতে অমলকে বিশেষভাবে আপনার করিয়া পাইবার জন্ম চাকর মনে একটা আকাঙ্ক্ষা জাগিয়া উঠিল। এতদিন অমলের যে সান্নিধ্য সে কামনা করিত, তাহার সহিত সাহিত্য-বিলাস, উদ্যান-পরিভ্রমণ এবং অমলের ফাইফরমাস খাটিয়া দেওয়ার মমতা মিশিয়াছিল। কিন্তু এখন ঈর্ষার সঞ্চার হওয়াতে অগ্ন্যাগ্নি বিষয়গুলি তুচ্ছ হইয়া গিয়া অমলকে সে অমলের জন্মই চাহিতে লাগিল। এই ঈর্ষা হইতে অভিমান জাগিয়া উঠায় অমলকে সে বিশেষ করিয়া আপনার বলিয়া ভাবিতে লাগিল এবং সেই অভিমান পরিতৃপ্ত না হওয়াতে অমলের জন্ম তাহার অস্তুরে ধীরে ধীরে একটি তৃষ্ণার বোধ জাগিয়া উঠিল। চাকর মনের এই অবস্থায় লেখক সূক্ষ্মশীল অমলকে চাকর নিকট হইতে সরাইয়া লইয়াছেন এবং চাকর নবজাগৃত তৃষ্ণার জ্বালা সম্মুখে অগ্নি কোন উপকরণ না পাইয়া চাকরকেই দগ্ধ করিয়াছে।

ভ্রাতৃজায়া ও দেবরের এই যে অসামাজিক প্রণয়ের চিত্র, আমাদের সমাজবোধে এই প্রণয়সম্বন্ধ গর্হিত, তাই আমরা ইহাকে শিল্পের বিষয় বলিয়া মর্যাদা দিতে চাই না। রবীন্দ্রনাথ ইহাকে শিল্পায়িত করিয়া যুগোপযোগী মনোবৃত্তির পরিচয় দিয়াছেন। রবীন্দ্রনাথ চাকর দগ্ধ হৃদয়ের জ্বালা এমনভাবে আঁকিয়াছেন যে, আমরা চাকর প্রণয়কে নীতিজ্ঞান লইয়া বিচার করিতে প্রবৃত্ত

হয় না, তাহার অসুন্দার দেগিয়া আমরা তাহার প্রতি সহানুভূতিই প্রকাশ করি। বিশেষ করিয়া এই অবৈধ প্রণয়ের মধ্যে রবীন্দ্রনাথ কল্পবৃত্তিকে এমন সংযত করিয়া রাখিয়াছেন যে তাহা বিক্ষুব্ধ বাসনার তাড়নায় নিল্লজ্জ নগ্নতা প্রকাশ করিতে পারে নাই। বিশেষতঃ চাক নিজেও তাহার এই প্রণয়কে অশ্রদ্ধা করে নাই। অমলের উদ্দেশ্যে সে বলিয়াছে, “আমার জীবনের শ্রেষ্ঠ পদার্থ তুমিই ফুটাইয়াছ, আমার জীবনের সাবভাগ দিয়া প্রতিদিন তোমার পূজা করিব।”

জীবনের এমন একটি স্বন্দের চিত্র রবীন্দ্র-সাহিত্যে আমরা প্রথম দেখিলাম। চিত্রটি যেমন করুণ, তেমনি সুন্দরও। বিশ্লেষণাত্মক বলিয়া এখানে বাচনভঙ্গী খুব সংক্ষিপ্ত ও স্পষ্ট।

এইভাবে রবীন্দ্রনাথের শ্রেষ্ঠ গল্পগুলির আলোচনা করিয়া আমরা দেখি, তাঁহার লোকোত্তর প্রতিভা আমাদের দৈনন্দিন সাধারণ জীবনের নাট্যলীলার মধ্যে কেমন ভাবে আর একটি বৃহত্তর জীবনের নাট্যলীলাকে প্রত্যক্ষ করিয়াছে এবং সেই বৃহত্তর জীবনের স্বন্দ আমাদের জীবনকে যেভাবে তরঙ্গায়িত করিয়াছে, তাহারই চিত্রগুলি কবি কেমন অনবদ্য ভাবে আঁকিয়াছেন। এইরূপে আমাদের জীবনের একটি বৃহৎ অংশ রবীন্দ্রনাথের ছোটগল্পের মধ্যে ধরা পড়িয়াছে এবং বাংলা-সাহিত্যে রবীন্দ্রনাথের ছোটগল্প স্বকীয় বৈশিষ্ট্যে নিজস্ব আসনে সর্গোৎসবে অধিষ্ঠিত হইয়াছে।

দেহাত্মবাদ


শ্রীকালিদাস রায়

জ্ঞানের মর্যাদা বুঝি শৌর্য্য-বীর্য্য রূপের গৌরব,
ধর্ম্মের মহিমা বুঝি, বুঝি কস্মীবলের বৈভব,
মানবের সভ্যতার উচ্চস্তরে ক্রম আরোহণ।
তাও বুঝি, মনে হয় সব মিথ্যা মায়ায় স্বপন,
যখনই ভাবিয়া দেখি—সমস্তই করেছে আশ্রয়
পরের দুর্ব্বল দেহে। শত শত রোগের নিলয়
যে দেহ ভঙ্গুর ক্ষীণ, আজ আছে কাল নাই আর,
চারিদিকে অস্ত্র হানে শত শত অরাতি যাহার,
যে দেহ প্রকৃতি হস্তে খেলানার পুতুলের মত,
দুঃখ শোকে অবসন্ন ভীতিমূঢ় ত্রিতাপে বিক্ষত,
সেই তুচ্ছ মৃত্যুভয়ে জর্জরিত শিথিল পঞ্জর
দেহেরে যা যুগে যুগে একমাত্র করেছে নির্ভর,
গৌরব মর্যাদাময় হোক যত, তার কিবা দাম ?
যাহারে করিবে শূন্য বহ্নিময় শেষ পরিণাম।

এত বড় পরিহাস করি তুমি দেহের বিধাতা,
তব নামে নোওয়াইতে চাহ দীন দেহীদের মাথা ?
যে কণ্ঠ টিপিয়া ধরি একদিন হরিবে পরাণ
সেই কণ্ঠে শুনিবারে চাহ তুমি তব স্তব গান ?
সেই বক্ষ পদাঘাতে চূর্ণ তুমি করিবে হে বাম,
সেই বক্ষে তব কীর্ত্তি ধ্যানলগ্ন রবে অবিরাম !
নরসিংহনখে চিরি যেই ফুল দলিবে চরণে
সেই ফুল মধুগন্ধে ও চরণ পূজিবে কেমনে ?
এরি তরে কৃতজ্ঞতা ভক্তিপূজা চাহ দেহাতীত,
দেহের অধীন রাখি দেহীদের করি প্রবঞ্চিত ?
নিজে দেহমুক্ত রহি চিরদিন ভাঙ্গি আর গড়ি
করিছ পুতুলখেলা, হে নিষ্ঠুর তোমা নাহি ডরি।
মনে হয় চাও নাক তুমি নিজে ভক্তি আরাধনা,
দুর্ব্বলে দেখায়ে ভয়, এইটুকু আছে বিবেচনা।

মানুষ নিজেরই স্বার্থ সাধিবারে হইয়া প্রণত

তোমারে বানাল ভক্তিপূজালোভী নিজেদেরই মত।



হারজিৎ

শ্রীসুধীরচন্দ্র রাহা

বিপিন যখন গ্রামের স্কুল হইতে ম্যাট্রিক পাস করিয়া দশ টাকার জলপানি পাইল, তখন সারা গ্রামে ধল ধল পড়িয়া গেল। গ্রামস্থ বৃদ্ধগণ, স্কুলের শিক্ষকগণ ও অভিভাবকেয়া সকলেই বিপিনকে প্রাণ খুলিয়া আশীর্বাদ করিয়া বলিতে লাগিলেন—এত দিনে গ্রামের মুখ উজ্জ্বল হইল। কয়দিন বনমালীর বাড়ীতে পাড়ার ছেলেমেয়েদের ও গ্রামস্থ ভদ্রবাস্তুগণের যেমন ভিড় হইতে লাগিল, তেমনি নানা প্রকার উপদেশও বৃদ্ধ বনমালী এবং বিপিনের উপর বর্ষিত হইল। কেহ বলিল—বনমালীদা, তোমার এমন সোনার চাদ ছেলেকে যেমন করেই হোক কলেজে পড়াও, এ ছেলে দেখে ভবিষ্যতে দশ জনের একজন হবে। সোজা কথা নয়, কত হাজার হাজার ছেলের মধ্যে, জলপানি পাওয়া কি চাউড়গানি কথা।—বনমালী মুহূর্ত্তে সমস্তই গুণিতে লাগিলেন। পুত্রের প্রশংসায় গর্বে যেমন বুক ফুলিয়া উঠিল, মনে আনন্দের স্রোত বহিতে লাগিল—তেমনি অল্প দিকে দুঃখের সাগর যেন উচ্ছ্বসিত হইয়া উঠিল। বনমালীর শুধু আজ মনে পড়িতে লাগিল, মৃত পত্নীর কথা। আজ যদি বিপিনের মা বাঁচিয়া থাকিতেন, তবে কতই না সুখের ব্যাপার হইত! আজ তাঁহার ছেলে পাস করিয়াছে, জলপানি পাইয়াছে—লোকে কত প্রশংসা করিতেছে। ইহার মত সুখ, ইহার মত আনন্দ, পিতামাতার নিকট আর কি হইতে পারে।

সকলের অলঙ্কিতে বনমালীর একটা দীর্ঘনিঃশ্বাস পড়িল। বনমালী বলিলেন, ভাই আমার অবস্থা ত জান। বেজেট্টী আপিসে দলিল লিখে সংসার চালাই। ছেলেকে কলেজে পড়ানোর মত অবস্থা আমার নয়। তবুও এক বেলা খেয়ে না খেয়ে ওকে মানুষ করেছি। আর ও যাতে লেখাপড়া শিখতে পারে সেদিকেও আমি চেষ্টার ক্রটি করিনি। আমার ঐ একটি মাত্র ছেলে। হায়, আজ যদি ওর মা বেঁচে থাকত—। বৃদ্ধ বনমালীর কণ্ঠ রুদ্ধ হইয়া আসিল। ধরা গলায় বলিলেন, কি কষ্টে যে ছেলেকে মানুষ করেছি, তা আমি জানি, আর জানেন ভগবান। রাতে ঘুমুই নি, কোনদিন এক বেলা খেয়েছি, কোলে পিঠে করে, চকিশ ঘণ্টা কাছে কাছে, বেখে বড় করেছি। এখন তোমাদের পাঁচ জনের আশীর্বাদে যদি ওকে পড়াতে পারি। নইলে আমার আর সাধা কি বল—

রাত্রে যখন চতুর্দিক নিস্তর হইয়া গেল, গ্রামের ঘরে ঘরে দরজা-জানালা বন্ধ হইল, আলো নিভিয়া গেল, কোথাও এতটুকু জীবনের লক্ষণ নাই, তখন বৃদ্ধ বনমালী উঠিয়া, ঘরের নিবস্ত্র প্রদীপের সলতেটি উস্কাইয়া দিয়া, বিছানার উপর উঠিয়া বসিলেন। পার্শ্বে পুত্র বিপিন গাঢ় ঘুমে মগ্ন। পুত্রের কপালের উপর হইতে অতি ধীরে ধীরে কেশগুচ্ছ সরাইয়া দিয়া পরম স্নেহে পুত্রের মুখের

দিকে তাকাইয়া বসিয়া রহিলেন। সম্মুখে দেয়ালে টাঙ্গানো লোকান্তরিতা পত্নীর ফটোগানি অস্পষ্ট হইয়া গিয়াছে। সেই ফটোগানির দিকে চাহিয়া বনমালী আবেগপূর্ণ স্বরে বলিলেন—ওগো, তোমার থোকাকে বড় কষ্টে মানুষ করেছি। সেই থোকা বড় হয়েছে—একটা পাস দিয়ে জলপানি পেয়েছে, একবার চেয়ে দেখ।—বৃদ্ধ সেই অস্পষ্ট ফটোগানির দিকে, নির্নিমেষ নয়নে চাহিয়া, রহিলেন। তাঁহার হৃদয় শীর্ণ চক্ষুর কোণ বাহিয়া দু' ফোঁটা জল গালের উপর গড়াইয়া আসিল। নিদ্রিত বিপিনের মাথার উপর হাত রাখিয়া অক্ষুণ্ণ স্বরে বনমালী আশীর্বাদ করিতে লাগিলেন। আজ তাঁহার আনন্দের সীমা নাই, কিন্তু একটা ভাবনায় মন অস্থির হইয়া উঠিয়াছে। কি করিয়া বিপিনকে কলেজে পড়াইবেন এবং পুত্রকে বিদেশে রাখিয়া তিনি নিজেই বা কি করিয়া একা একা থাকবেন।

গালে হাত দিয়া বনমালী অনেকক্ষণ ভাবিলেন, তার পর আস্তে আস্তে উঠিয়া এক কলিকা তামাক সাজিয়া হাঁকা টানিতে টানিতে গভীর ভাবনায় ডুবিয়া গেলেন। অনেকক্ষণ চিন্তার পর স্থির করিলেন, এখানকার বাসা উঠাইয়া, শহরে বাসা ভাড়া করিয়া সেখানে বাস থাকিবেন। শহরে গেলে দলিলপত্র লিখিয়া এখানকার চেয়ে বেশী উপার্জন হইতে পারে। বনমালী অনেক রাত পর্যন্ত, তামাক খাইতে খাইতে কত কথাই ভাবেন। এই বাড়ীখানির ভাব গ্রামের কাহারও উপর দিবেন, আর যে সামান্য জমি আছে তাহাও ভাগচাষে বন্দোবস্ত করিয়া দিবেন। সম্পত্তি বলিতে ত এই। গ্রামের উপর যে আকর্ষণ, যে মায়া-মমতা ছিল, তাহা যেন বিপিনের মায়ের মৃত্যুর পর হইতেই ছিন্ন হইয়া গিয়াছে। শুধু বিপিনের পড়ার জগুই এই ভিটা ঝাঁকড়াইয়া পড়িয়া ছিলেন। এখন ত আর এখানে পড়িয়া থাকিলে চলবে না। নিজের গোনা দিন ত শেষ হইয়া আসিতেছে। এখন বিপিনকে কোনমতে সংসারী দেখিয়া দুই চোখ বুঁজিতে পারিলে সে-ই পরম শান্তি।... ক্রমশঃ রাত্রি গভীর হইতে গভীরতর হয়, গ্রাম্য চৌকিদার বাঁশের লাঠি ঠক ঠক করিতে করিতে ও এক-একবার প্রচণ্ড হাঁক পাড়িতে পাড়িতে গ্রাম হইতে গ্রামান্তরে চলিয়া যায়। রাত্রির নিস্তরতাকে ভঙ্গ করিয়া মাঝে মাঝে কচিং কোন কুকুরের চীৎকার-শব্দ, নৈশ বাতাসে ভাসিয়া আসে। গ্রাম ঘুমাইতেছে—মানুষ সুখে নিদ্রা যাইতেছে। সমস্ত বিশ্ব-প্রকৃতি, তাহার অসংখ্য জীবজন্তু গাছ-পালা লইয়া নিস্তর নিশীথ রাত্রে গাঢ় নিদ্রায় আচ্ছন্ন। শুধু মাত্র বৃদ্ধ বনমালীর চক্ষেই ঘুম নাই। ঘরের নিবু নিবু প্রদীপের আধো আলো-ছায়ার মাঝে, ঘুমন্ত পুত্রের পাশে নিঃশব্দে স্তর হইয়া বসিয়া থাকেন।

সেদিন সকালবেলায় বনমালী নিজের ঘরে বসিয়া চোখে চশমা লাগাইয়া একখানি দলিল লিখিতেছিলেন। দলিলখানি আজই লিখিয়া শেষ করিতে পারিলে কিছু টাকা আয় হইবে। এমন সময় শব্দ হইল, নমস্কার হই মশাই—বনমালী ঘাড় তুলিয়া দেখিলেন এক জন অপরিচিত ব্যক্তি, সম্ভরণে পায়ের সাদা ক্যাম্বিসের জীর্ণ জুতা-জোড়াটি খুলিয়া, বাঁশের মোটা লাঠিগাছটি ঘরের কোণে কাত করিয়া রাখিয়া নিজেই আসন গ্রহণ করিতেছে। বনমালী কলম রাখিয়া বলিলেন, বসুন—বসুন। কোথা থেকে আসছেন? দলিল হবে বোধ করি। অপরিচিত ব্যক্তিটি হাসিয়া বলিল—না পালমশাই, দলিল-টলিল নয়। তবে এও ঐ দলিলের মতই গুরুতর কাজ। আমি পঞ্চানন ঘটক। আমার নাম শোনে নি বুঝি? শরডাক্ষর পঞ্চানন ঘটকের নাম ওদিগের সকলেই জানে। লোকে বলে, আমি নাকি অঘটন ঘটাতে পারি। কিন্তু মশাই—অঘটন ঘটানো আমার কাজ নয়, তবে বাঁকাকে সোজা করতে পারি। ঐ চৌধুরীদের মেজো ছেলের বিয়ের সময়ে কি হ'ল তা জানেন না বুঝি? বলছি সবই কিন্তু পালমশাই, তার আগে তামাক চাই কিন্তু—

বুদ্ধ বনমালী অতিমাত্রায় ব্যস্ত হইয়া নিজেই হাত-মুখ ধোয়ার জল দিয়া, তামাক সাজিয়া ত্রাঙ্কণের হুকটি যত্নে ধুইয়া মুছিয়া পঞ্চানন ঘটকের হাতে দিলেন। পঞ্চানন হাত মুখ ধুইয়া, বেশ জুং করিয়া আসন গ্রহণ করিল এবং দুই চোখ বন্ধ করিয়া অনেকক্ষণ ধরিয়া তামাক টানিয়া বলিল, তার পর পালমশাই, গুনলাম আপনার ছেলে জলপানি পেয়ে একটা পাস করেছে। বাবাজী এই তুল্লবয়সে যে বকম পাস দিয়েছে, সে ত সামান্য কথা নয়। ওইটুকু ছেলে ঐ ত রাস্তায়ই পরিচয় পেলাম—দেখলাম আপনার ছেলেকে। থামা ছেলে—চমৎকার ছেলে—একেবারে বড়। বয়স ত ওই, এখনও দুধের ছেলেই বলা চলে। আশপাশের সব গায়ে ধক্তি ধক্তি পড়ে গিয়েছে মশাই। তাই ত, কাল ক্ষীরপুরের মেজো-বাবু বললেন, পঞ্চানন, 'ওই ছেলেকে আমি চাই'। বুদ্ধ বনমালী বোধ হয় কথাটার অর্থ বুঝিলেন না, তাই জিজ্ঞাস্ননেত্র পঞ্চাননের দিকে চাহিয়া বহিলেন।

ঘটক বলিল, ক্ষীরপুরের দে-বাবুদের নাম শুনেছেন ত। মস্ত ঘর—মস্ত বড়লোক—আর বনেদী বড়লোক মশাই। এ হালের ফুটো বাবু নয়। বাড়ীতে মস্ত পূজোবাড়ী—দোল-তুর্গোৎসব হয়, কত অতিথি, ফকির, গরীবগুরবো থায়—হাঁ, আর দান-ধ্যানও তেমনি। ইদিকে, চাষ-আবাদ, মহাজনী, জমিদারীতে মা লক্ষ্মী উপচে পড়ছেন। মেজোকর্তা কাল আমায় তাঁর খাস-কামরায় ডেকে বসালেন, বসিয়ে বললেন, 'পঞ্চানন বড় মেয়ে টুহুর জন্মে এ ছেলে চাই। ছেলেকে আমি কলেজে পড়াব—চাই কি বিলেত পর্য্যন্ত পাঠাব। তুমি যাও, সম্বন্ধ ঠিক করে এসে এই মাসের মধ্যেই হ'হাত এক করে দেবার ব্যবস্থা কর'। মেজোবাবুর তাড়াতেই ত সেই ভোরে উঠে আসছি—নইলে কোমরের বাতের বাধাটাম—। বুদ্ধ বনমালী অবাক হইয়া বলিলেন, বলেন কি ঘটক-মশাই। ক্ষীরপুরের বাবুরা, ওরা যে মস্ত ঘর—মস্ত বড়লোক।

সেই ঘরের মেয়ে আমি আনব এই ভাড়া ঘরে। এ যে ভাবতেও পারি নে। আমি গরীবমানুষ, কোনরকমে ছেলোটাকে মানুষ করেছি। আমার মত গরীবের কি তাঁদের সঙ্গে কুটুম্বিতা করা সম্ভব?—পঞ্চানন ব্যস্ত হইয়া, বাধা দিয়া বলিল, আহা, তার জন্মে ভাবতে হবে না পালমশাই। তিনি বিয়ে দেবেন আপনার ছেলের সঙ্গে, আপনার ঘরের সঙ্গে ত নয়। ওসব কথা রাখুন। মানে আপনার ছেলেটিকে মেজোকর্তার ভারি মনে ধরেছে। আর মেয়ের রূপের কথা কি বলব পালমশাই। যেন সাক্ষাৎ ডানাকাটা পরী। গায়ের রং কি! তেমনি চোখ-মুখের গড়ন পেটন। আপনি ব্যস্ত হবেন না—একে একে সব কথা বলছি। আমি পঞ্চানন ঘটক—আমি মাঝে থাকতে আপনার কোন চিন্তা নেই পালমশাই। ঐ এক ছেলের জন্মে রাজার হালে থাকবেন, বড়ো বয়সে আর খেটেখুটে গেতে হবে না। কোন ভাবনা নেই—সব ঠিক করে দেব। কিন্তু এখন একটু চায়ের ব্যবস্থা যে করতে হয় পালমশাই। চা চিনি পেলে আমি নিজের হাতেই সব করে নিচ্ছি—এ ভারী বদনেশা বুঝলেন কিনা—ভাত একবেলা না হলেও চলে। কিন্তু এই চা—এটি নইলে মশাই মনে হয় পৃথিবী শূন্য।—এই বলিয়া পঞ্চানন হাঃ হাঃ করিয়া হাসিতে লাগিল।

ইহার পর পঞ্চানন ঘটক আরও বারকয়েক যাওয়া-আসা করিল। মেয়ে সত্যিই পরমানন্দরী। পাঁচ দণ্ড দেখিবার মত। ঠিক হইল, মাঝের একটা মাস বাদ দিয়া আগামী কালীন মাসেই শুভকার্য্য সমাধা হইবে। কণাপক্ষ নগদ যৌতুক, গহনাপত্র ও অজ্ঞান দান-সামগ্রী দিবে এবং বিপিনকে কলেজে পড়াইবার সমস্ত ব্যয়ভার বহন করিবে। বিপিনকে মানুষের মত মানুষ করিতে বিপিনের হবু শশুর-মশায় যে দৃঢ় পণ করিয়াছেন, একথা পঞ্চানন ঘটক বার বার বনমালীকে স্মরণ করাইয়া দিয়া বলিল, আর কেন পালমশাই, ছেলের ত রাজার ঘরে সম্বন্ধ হ'ল, আপনার আর চিন্তার কারণ কি? বলেছিলাম না, পঞ্চানন ঘটক যখন মাঝে আছে তখন আর ভাবনা চিন্তা কি? তবে পালমশাই, আমার কথাটা যেন আপনার স্মরণ থাকে।—বুদ্ধ বনমালী বলিলেন, না ভুলব না। কিন্তু একটা কথা শুধু কাল থেকে ভাবছি।—পঞ্চানন তাড়াতাড়ি বলিল, এর মধ্যে ভাবাভাবির আর কি আছে? এমন সম্বন্ধ, এমন মেয়ে আর পাবেন না। বলে, অন্ধক রাজত্ব আর রাজকণ্ডা আপনার ছেলের হাতে তুলে দিলাম। এখন আর ভাবাভাবির কি আছে—

বনমালী বলিলেন, টাকাকড়ি বা পাওনা-গণ্ডার কথা ভাবছি নে ঠাকুরমশাই। ভাবছি শুধু ছেলের কথা। যে ছেলেকে আজ এই ষোল-সতের বাঁসর ধরে কত কষ্টে মানুষ করলাম, সেই ছেলে বড়লোক শশুর পেয়ে আর ধন-দৌলত বিষয়-আশয় দেখে আমায় যদি ভুলে যায়, শুধু এই কথাটি ভাবছি ঘটকমশাই। বিপিনের যা মরবার সময় আমার হাতে ওকে দিয়ে বলে গিয়েছিল, 'বিপিনকে মানুষ করো, বড় করো। আমি বড় আশা নিয়ে চলে যাচ্ছি, আমার আশা যেন অপূর্ণ না থাকে।' ঘটকমশাই, আমি

সাধ্যমত তার সে আশা পূর্ণ করবার চেষ্টা করেছি। স্বর্গে গিয়ে সে সবই দেখেছে। কিন্তু আজ ভাবছি, বিপিন ছেলেমানুষ, নতুন যশুরবাড়ীর ধন-দৌলত দেখে, ও ছেলেমানুষ সব ভুলতে পারে, শেষে যদি আমাকেও ভুলে যায়। তাই যদি হয়, তবে কোন আশায়, কার মুগ্ধ চেয়ে এই বুড়ো বয়সে বাঁচব বলতে পারেন ঘটকমশাই? উচ্চ হাঙ্গা করিয়া পঞ্চানন বলিল, সব মিথো আশঙ্কা—কিছু ভাববেন না। এখন শুভ কাণ্ডটা সমাধা হয়ে যাক, এই শুধু প্রার্থনা করুন।—বনমালী বলিলেন, ও মানুষ হোক, আমার অবস্থামানে যেন কোন কষ্ট না পায় এই প্রার্থনাই ভগবানের চরণে দিনরাত জানাচ্ছি ঘটকমশাই।

মানুষ কত আশা লইয়া কত স্বপ্ন রচনা করে। কিন্তু তার সব স্বপ্ন, সকল আশা মহাকালের এক ফুৎকারে সমূলে ধ্বংস হইয়া যায়। বৃদ্ধ বনমালীরও তাহাই হইল। হঠাৎ কোথা হইতে সামান্য সর্দিজ্বর দেখা দিল, ক্রমশঃ রোগ কঠিনতর হইল। একদিন অশ্রুসিক্ত নিম্পলক নেত্রে পুত্রের মুগ্ধ দেখিতে দেখিতে বৃদ্ধ শেখ-নিঃশ্বাস ত্যাগ করিলেন। কত কি বলিবার ছিল, কত কি জানাই-বার ছিল, কিন্তু কিছুই হইল না। মৃত্যুর দুই-তিন দিন পূর্বে হইতে তাহার কথা বন্ধ হইয়া গেল। তদুত্তর অমানুষিক চেষ্টায় বনমালী বিপিনকে দুই হাতে বকের কাছে টানিয়া অক্ষুট ভগ্নকণ্ঠে কি বলিতে চেষ্টা করিলেন, কিন্তু কিছুই বুঝা গেল না। বনমালী নিজেও বুঝিতে ছিলেন যে, তাহার কথা বিপিন বুঝিতে পারিল না। তাই সকল ক্ষেপে, সকল ভাবনা-চিন্তা, দুঃখ-বেদনা অশ্রু-আকারে চক্ষের কোণে বাহিয়া ধরিতে লাগিল। এই নির্বাক পৃথিবীতে আত্মীয়হীন, বন্ধুহীন কঠিন সংসারে প্রাণাধিক প্রিয় পুত্রকে যে নিতান্ত একেলা রাখিয়া অপার বহুসময় অজানা দেশে যাত্রা করিলেন এই দুর্ভাবনা বৃদ্ধকে আরও অস্থির করিয়া তুলিল, দুঃসহ যন্ত্রণা ও চিন্তার মাঝে বনমালীর শেষ নিঃশ্বাস ত্যাগ হইল।

মাসখানেক পর বনমালীর শাদ্দ-শাস্তি শেষ হইলে পঞ্চানন ঘটক আসিয়া বলিল, বাবাজী যা হবার তা তো হয়েই গেল। আহা, এমন মানুষ আর হয় না। কিন্তু বাবাজী, শোকে মুহাম্মান হয়ে বসে থাকলে তো চলবে না। সংসার-ধন সবই তো করতে হবে। এখন বাবুরা, গিন্নীমারা তোমায় একবার দেখতে চান। তুমিও পাত্রী দেখে পছন্দ করে আসবে। এ ত একদিনের বাপার নয়, এটা চিরকালের। জানই তো, পালমশায় একরকম সবই পাকা করে গেছেন, এখন শুধু দুই হাত এক হতে বাকি।—বিপিন বলিল, এত তাড়াতাড়ি কিসের। এই তো সেদিন বাবা গেলেন, আরও দু-চার মাস থাক না।—পঞ্চানন বলিল, আহাঃ, তার জগে কি আটকাচ্ছে। উপস্থিত হুঁরা যখন একটু দেখতে চান তাতে আর দোষ নেই তো বাবাজী। শুভকাণ্ডটা না হয় দু'এক মাস পরেই হবে, কিছু ক্ষেতি নেই—

শুভদিন দেখিয়া পঞ্চানন ঘটক বিপিনকে লইয়া ক্ষীরপুবে যাত্রা করিল। সেখানে আদর-আপ্যায়ন প্রভৃতি ঘটা করিয়া হইল।

একবাড়ী স্ত্রী-পুরুষ ও কর্তাদের সম্মুখে বিপিন যেন নিতান্ত অসহায় অবস্থায় পড়িল। একমাত্র সঙ্গী ঘটকমশাই, কিন্তু তিনিও যেন সময় বুঝিয়া অন্তরালে গিয়াছেন। স্ত্রী-পুরুষের জোড়া জোড়া চক্ষের সম্মুখে বসিয়া রীতিমত পরীক্ষার মতই নানা প্রশ্নের উত্তর দিতে দিতে বিপিনের মনে হইল, ইহার চেয়ে মাতৃক পরীক্ষা অনেক সহজ ছিল। হঠাৎ এক সময় কে যেন বলিল, ঘাড় তোল ত বাবা। এই আমার মেয়ে টুহু, দেখ, ভাল করে দেখ। বিপিন ঘাড় তুলিতেই দেখিল, একটি তের-চৌদ্দ বছরের মেয়ে তাহার সম্মুখস্থ চেয়ারে আসিয়া বসিল। পঞ্চানন ঠিকই বলিয়াছে, মেয়ের গায়ের রং হুধে-আলতায় মেশানো। কথাটা মিথ্যা নয়। আর রূপও চমৎকার, দেখিলেই চোখ ফেরানো যায় না। কিন্তু বিপিন ইতিপূর্বে এমন সামনাসামনি কোন অনাঙ্গীয়া মেয়েকে দেখে নাই, তাহার অত্যন্ত সঙ্কোচবোধ হইল, তাই একবার মাত্র তাকাইয়াই ঘাড় নীচু করিল। বিপিনের চোখমুখ বাড়া হইয়া উঠিল, কপালে মুগ্ধ ঘাম ফুটিয়া উঠিল। তাহার বার বার মনে হইতে লাগিল, কোনক্রমে চলিয়া যাইতে পারিলে সে বাঁচিয়া যায়। কে একজন বলিল, হাঁ বাবা, মেয়ে পছন্দ তো। ঘাড় কাত করিয়া বিপিন অন্ধশূট কণ্ঠে বলিল, হাঁ—

বাড়ীর একজন গিন্নী বলিলেন, কিরে তোর বর কেমন লাগল? মনে ধরেছে তো। এইবার পরিষ্কার কণ্ঠে টুহু বলিল, বলেছি তো আগেই—গরীবদের আমি ঘেন্না করি। এইটুকু মেয়ের মুখে এমন পাকা কথা শুনিয়া সকলেই আশ্চর্য হইয়া গেল। অত্যন্ত অপমানে বিপিন উঠিয়া দাঁড়াইল। কণ্ঠাপক্ষ বিপিনের হাত ধরিয়া কত কি বুঝাইল, কিন্তু বিপিন শুনিল না। শুধু বলিল, না, আর হয় না।

পাত্রীর এমন অশোভন আচরণে পঞ্চানন ঘটক পর্যন্ত অবাক হইয়া গিয়াছে। এমন অভাবনীয় বাপার পঞ্চানন কখনও প্রত্যাখ্য করে নাই। পাত্রপক্ষ পাত্রী দেখিতে আসিলে কণ্ঠা একরূপ মুগ্ধই তোলে না, কথা তো দূরের কথা। কিন্তু মেজবাবুর এই মেয়েটি একেবারে সৃষ্টিছাড়া। পঞ্চানন বলিল, দেখ বাবাজী, আমার মনে হয় এ ভালই হ'ল। ভগবানের ইচ্ছে নয় যে এই বিবাহ হয়। ও-মেয়ে অনেক দুঃখ পাবে, এ আমি বলে রাখলাম। কিন্তু উপস্থিত পঞ্চানন অনেক দুঃখ পাইয়াছে। বিপিনের সহিত বিবাহটা ঘটাইয়া দিতে পারিলে তাহার তো অনেককিছুই লাভ হইত। এই লোকসানে পঞ্চানন যেন উগ্র হইয়া উঠিল। তাই ক্রোধকম্পিত কণ্ঠে বলিল, দেখিও মেয়েকে কেমন করে মেজবাবু পার করেন। তুমি ভেব না বাবাজী, এ ভালই হয়েছে। আমি ভাল মেয়েই ঠিক করে দিচ্ছি। তোমার যেমন অপমান হ'ল, তেমনি অপমান আমারও হয়েছে। এ অপমান শীঘ্র ভুলতে পারব না, ভুলতে সময় লাগবে—

বনমালীর মৃত্যুর পর, বনমালীর দূরসম্পর্কীয়া এক বিধবা

আসিয়া সংসারের সকল ভার ঘাড়ে তুলিয়া লইয়াছিলেন। বিবাহ সংসারে কেহই ছিল না। নিজের ভাইয়ের বাড়ীতে কোনরূপে কাল কাটাইতেছিলেন। এক্ষণে বনমালীর মৃত্যুর পব বিপিনের কাছে আসিয়া বলিলেন, বাবা, আমি তোমার পিসীমা হই। ভাইয়ের ওখানে দাসীরূতি করতাম, দিনান্তে একমুঠো ভাত পেতাম। কিন্তু তাতেও কত কথা শুনতে হ'ত। বিপিন বলিল, পিসীমা আপনি গুরুজন। আমার মা নেই, বাবাকেও হারালাম। আপনি আমার মায়ের মত এই সংসারে থাকুন। সেই হইতে বিধবা সংসারের যাবতীয় কাজকর্মের ভার নিজের মাথায় তুলিয়া লইলেন।

কিন্তু বিপিনের আর পড়া হইল না। কলেজে পড়িবার আকাঙ্ক্ষা, কত স্বপ্ন বিলীন হইয়া গেল। কিন্তু চূপ করিয়া বসিয়া রহিলে তো সংসার চলবে না। বিপিন পড়ার চেষ্টা না করিয়া চাকরির চেষ্টা করিতে লাগিল। কিন্তু কোন ভাল চাকরি না পাওয়াতে অগত্যা গ্রামের প্রাথমিক বিদ্যালয়ে পর্যট্রিশ টাকা বেতনে শিক্ষকতার কাজ লইয়া ছোট ছোট ছেলেমেয়েদের পড়াইতে লাগিল। বিপিন ভাবিল, এই ভাল। অবসর সময়ে নিজ হাতে বাগান কোপাইয়া সে তরিতরকারী উৎপন্ন করিতে লাগিল। ক্ষেতের তরকারি, জমির ধান ও মাসান্তে পর্যট্রিশ টাকা—বিপিনের মনে হইল এই বেশ। এই জীবনই তো কামা—বিদেশে থাকিয়া ইহার উহার মন রাখিয়া কথা বলিতে হইবে না। আপিসের বড়বাবু ও উপরওয়ালার কথা শুনিতে হইবে না। নিজ গৃহে থাকিয়া এই সুস্থ, সুন্দর ও সরল জীবনই শ্রেয়ঃ।

বিপিনের পিসী মাঝে মাঝে বলিতেন, বাবা বিপিন, এইবার বিয়ে থা কর। বউ নিয়ে আয়, তোকে সংসারী দেখে সাধ-আহ্লাদ মেটাই। ইতিমধ্যে যে পিসী গোপনে গোপনে পঞ্চানন ঘটককে মেয়ে দেখিবার জন্ম বলিয়াছিলেন, ইহা বিপিন জানে না। এক দিন পঞ্চানন আসিয়া বলিল, কই গো পিসীমা। বিপিন বলিল, আসুন। পঞ্চানন আসন গ্রহণ করিয়া বলিল, বসছি বাবাজী। এবার সব ঠিকঠাক। নিজের চোখে মেয়ে দেখে এস। কালই শুভদিন, বুঝলেন পিসীমা, আমি বলি, এই মাসেই শুভকাম্য হয়ে যাক। মেয়েটি বড় ভাল, বড় লক্ষ্মী। আপনি যেমনটি চেয়েছিলেন, ঠিক তেমন মেয়েই পেয়েছি। আর শুনেছেন—ক্ষীরপুরের মেজবাবুর মেয়েরও নাকি এই মাসে বিয়ে। কলকাতার খুব বড় ঘরে বিয়ে হচ্ছে। কিন্তু এ আমি বলে রাখলাম, ও মেয়ের কপালে অনেক দুঃখ আছে।

বিধাতার কি আশ্চর্য্য বিধান, যেদিন বিপিনের বিবাহ সেই দিনেই ক্ষীরপুরের মেজবাবুর মেয়েরও দিন স্থির হইল। বিপিনদেরই গ্রামের রেল স্টেশনে বহু বরষাত্রীসহ যখন বর স্টেশনের প্ল্যাটফর্মে নামিল, তখন নানাবকম বাজী পুড়িতে লাগিল ও বাজনা বাজিয়া উঠিল। বাজী-বাজনা-বোম-হাউই প্রভৃতিতে সমস্ত গ্রাম সচকিত হইয়া উঠিল, লোকজনের কোলাহলে ও নানাপ্রকার মেধামে গ্রামের আবালবৃদ্ধবনিতার ঘুম ভাঙিয়া গেল। উহার

মহাসমারোহে চলিয়া যাইবার পূর্বে, বিপিন পাকীতে চড়িয়া এবং দুইখানি গরুর গাড়ীতে পুরোহিত ও বরষাত্রীসহ গ্রামান্তরে বিবাহ করিতে চলিল। ইহাদের বাজী নাই, আলো নাই, বাজনা নাই। মুহু লগ্ননের আলোতে, গরুর গাড়ী ধীর গতিতে গ্রাম্য পথ ভাঙিয়া, মাঠের ভিতর দিয়া, কখনও নিবিড় জঙ্গল ও লোকালয়ের পাশ দিয়া চলিতে লাগিল।

নির্দিষ্টে বিপিনের বিবাহ শেষ হইয়া গেল, বধু লইয়া বিপিন বাড়ী চলিয়া আসিল। গ্রামের নিরীহ স্কুলমাষ্টারের বৌ—অপরূপ সুন্দরীও নহে—তেমন কিছু যৌতুক বা দানসামগ্রীও বিপিন পায় নাই।

প্রতিবেশীরা ক্ষীরপুরের মেজবাবুর মেয়ের বিবাহে গিয়াছিল, তাহারা আসিয়া বিবাহের বর্ণনা দিল। কি বিবাহ ব্যাপার—কি ধুমধাম—কি সে সমারোহ আর ঐশ্বর্যের প্রাচুর্য্য। যেমন দানসামগ্রী, তেমনি কলার সর্ব্বাঙ্গে অলঙ্কারের রাশি। পিতল কাসার বাসন—রূপার বাসনকোসন, খাট, টেবিল, চেয়ার, আয়না—কত যে জিনিষ, তাহা আর বলিয়া শেষ করিতে পারা যায় না। একজন আক্ষেপ করিয়া বলিল, আহা, এ সবই বিপিনের হ'ত গো—কিন্তু সবই কপাল—।

প্রতিবেশীরা চলিয়া যাইবার পূর্বে বিপিন তাহার কিশোরী বধুকে কাছে টানিয়া লইল। বধু সুন্দরী নহে বটে, তবুও মুগ্ধখানি এত সুকুমার, এত কাঁচা ও কচি যে, সংসারের কোন কিছু তাহাকে যেন স্পর্শ করে নাই। সে যে যৌবনে পা দিতে চলিয়াছে—এই খবরটিও যেন তাহার অন্তরে পৌঁছায় নাই। তখন সন্ধ্যা হইয়া আসিতেছিল, স্নিগ্ধ নিভৃত পল্লীর উপর সন্ধ্যার স্নিগ্ধ ছায়া প্রসারিত হইতেছিল। চৈত্রেয় শশাঙ্ক, দিগন্তপ্রসারিত ধূসর, মাঠের মধ্যে সূর্যাস্তের শেষ আবার ছড়াইয়া পড়িয়াছে। রাখালেরা রাস্তার ধূলি উড়াইয়া, গরুর পাল লইয়া ফিরিতেছে, ঘরে ঘরে সন্ধ্যা-প্রদীপ জ্বলিয়া উঠিতেছে। সেই নিভৃত নিঃশব্দ শান্তির মধ্যে, কিশোরী বধু শাস্তির হাতে হাত রাখিয়া বিপিনের মন একটা অনাবিল আনন্দে ভরিয়া উঠিল, সে দুই চক্ষু মুদ্রিত করিল। তাহার মনে হইল, এই তরঙ্গবিধুর সংসার-সাগরের এক পাশে, এই নিভৃত নিরীহ পল্লীতে, আজ যে নূতন জীবন আসিয়া তাহার জীবনের সহিত মিলিত হইয়াছে, তাহাকে লইয়াই তাহার জীবন যেন চিরকালের মত সুন্দর ও সহজ হয়। সন্ধ্যার স্নিগ্ধ হাওয়ার সহিত আত্মমুকুলের গন্ধ ভাসিয়া আসিয়া সেই অখণ্ড শাস্তিকে যেন আরও নিবিড় ভাবে আবিষ্ট করিয়া তুলিল। তাহার মনে হইল, এই ত বেশ। তাহার বড়লোক হইবার বাসনা নাই—ঐশ্বর্য্য সে চাহে না। টুহুর সহিত বিবাহ নাই হইয়া ভালই হইয়াছে। ঐশ্বর্য্য ও প্রাচুর্য্যের জ্বালা হইতে সে পরিত্রাণ পাইয়াছে।

ইহার পর দেড় বৎসর কাটিয়া গিয়াছে।

বিপিনের জীবন ঠিক সেই ভাবেই চলিতেছে। সেই গ্রামের স্কুলে, সামান্য বেতনে শিক্ষকতা করিয়া সংসার চালাইতেছে। ইতিমধ্যে বিপিনের একটি পুত্রসন্তান হইয়াছে। সুখে-দুঃখে সংসার চলিয়া যাইতেছে।

অভাবের সময় ধার করে, আবার হাতে টাকা আসিলে শোধ করিয়া দেয়। মাহিনা পাইলে শাস্তির জঞ্জ এক গজ সস্তা ছিট, অথবা একখানি রঙীন তাঁতের সাড়ি কিনিয়া তাহার হাতে দেয়। শাস্তি হাসিমুখে সাড়িখানি লইয়া বলে, বাঃ ভারি চমৎকার পাড় ত—তা বাপু, আমার জঞ্জ কেন? তোমার ত কাপড় সব ছিঁড়ে গেছে, তোমার একখানা ধুতি কিনলেই পারতে।—বিপিন শুধু হাসে। ছেলেটিকে কোলে লইয়া আদর করিতে থাকে। পিতার আদরের আতিশয্যে শিশু দুই রাঙা ঠোঁট ফুলাইয়া কাঁদিয়া উঠে। শাস্তি তাড়াতাড়ি ছেলেকে কোলে লইয়া বৃকে চাপিয়া ধরিয়া বলে, আবার কাঁদালে ত। এখন আমার কত কাজ পড়ে রয়েছে। দেখ দেখি কি জ্বালাতন—। শাস্তি সকোপে বিপিনের দিকে তাকায়।

স্কুল হইতে ফিরিয়া বিপিন বাগানে কাজ করিতে থাকে। কোদাল দিয়া মাটি কোপায়—শাস্তি ঘড়া ঘড়া জল আনিয়া গাছে ঢালে। ছুটির দিনে দুপুরে বিপিন মেঝের উপর শুইয়া শুইয়া খবরের কাগজ অথবা পুরাতন কোন মাসিক পত্রিকা পড়িতে থাকে। পাশে শিশুপুত্রটি ঘুমায়। শাস্তি বত রাজোর ছেঁড়া কাপড়-চোপড় দিয়া, ছোট ছোট কাঁথা সেলাই করিতে থাকে। কোন দিন হাঁড়ি হাঁড়ি ধান সিদ্ধ করে, বিপিন উঠানের বোদে ধান ছড়াইয়া দিয়া পাহারা দেয়। এমনি সকাল হইতে সন্ধ্যা পর্যন্ত অজস্র ছোট বড় কাজের মধ্যে উভয়কে ভালবাসিয়া, বিশ্বাস করিয়া, জীবনের পথে তাহারা চলিতে থাকে। সংসারে অভাব নিত্য লাগিয়াই আছে, কিন্তু তবুও কোন অশান্তি নাই—বগড়া নাই।

মেবার স্কুলের বার্ষিক পরীক্ষার পর বিপিন একবার কলিকাতায় গেল। ইচ্ছা—গ্রামাঞ্চলে প্রাথমিক বিদ্যালয়ের পাঠ্য পুস্তক ও খাতা পেনসিল প্রভৃতির ব্যবসা করিবে। এই ব্যবসাটি সাময়িক হইলেও বেশ কিছু আয় হয়। তাই প্রকাশকদের সহিত কমিশন প্রভৃতির ব্যবস্থা পাকা করিবার জঞ্জ বিপিন কলিকাতায় আসিয়াছিল। সেদিন দুপুরের বোদে এখানে ওখানে টো টো করিয়া ঘুরিয়া ঘুরিয়া অত্যন্ত ক্লান্ত পদে হাঁটিতেছিল। ভাবিল, কোন এক চায়ের দোকানে চুকিয়া এক কাপ চা ও কিছু খাবার খাইয়া শরীরটাকে চাঙ্গা করিয়া লইবে। সেই উদ্দেশ্যে ফুটপাথ হইতে নামিয়া অল্প ধারে যাইবার জঞ্জ রাস্তায় পা দিয়াই পিছাইয়া আসিল। একখানি মোটর একেবারে তাহার গা ঘেঁষিয়া থামিয়া পড়িল। বিপিন অবাক হইয়া দেখিল, এক সুন্দরী তরুণী মোটর চালাইতেছে। তরুণীটি বলিল—চিনতে পারেন—পারেন না? আশ্চর্য—দেখুন দেখি ভাল করে। এই বলিয়া তরুণীটি টিপিয়া টিপিয়া হাসিতে লাগিল।—বিপিন অবাক বিশ্বয়ে, নিম্পলক নেত্রে শুধু চাহিয়া রহিল। তরুণীটি আর কোন কথা না বলিয়া, বাঁ হাত দিয়া দরজাটি খুলিয়া বলিল, আসুন—

পরিচয় দিচ্ছি—আসুন—ভয় নেই। আমি টুন্সু—ক্ষীরপুরের—আর বলিতে হইল না—এইবার বিপিন বেশ চিনিয়াছে।

কিন্তু একি ব্যাপার? সেই ক্ষীরপুরের প্রগলভা মেয়ে। টুন্সু, যে একদিন তাহার প্রতি অপমানসূচক উক্তি করিয়াছিল, আজ সে রাস্তার মাঝে নিজে সাদরে ডাকিয়া তাহারই মোটরে একেবারে নিজের পাশে বসাইল। গ্রাম্য স্কুলের পাঠশালার দরিদ্র শিক্ষক অবাক হইয়া গেল। কিন্তু সেই টুন্সু—সেই ক্ষীরপুরের মেয়ে টুন্সুর সহিত আজ এই টুন্সুর কত তফাৎ। যে হীরা ছিল খনির ভিতর ধূলা-মাটির সহিত, সেই হীরককে কে যেন কাটিয়া ছাঁটিয়া ঘসিয়া মাজিয়া নূতনভাবে তৈয়ারি করিয়াছে। টুন্সুর সর্বাঙ্গ দিয়া উগ্র রূপের আগুন যেন ঠিকরাইয়া বাহির হইতেছে। বিপিন অবাক হইয়া তাকাইয়া রহিল। টুন্সু মোটর চালাইতে লাগিল, তাহার এলো খোপার উপর হইতে কাপড় খসিয়া গিয়াছে, হাতের সফ সোনার চুড়ি দামী হাত-ঘড়ি চিক্‌চিক্‌ করিতেছে। বাতাসে টুন্সুর চুল উড়িতেছে—আঁচল উড়িতেছে। মোটর ক্ষুত্রবেগে সম্মুখে ছুটিয়া চলিতেছে। বাতাসে টুন্সুর ঘন চুলের গুচ্ছ হইতে দু'একটি চূর্ণ কুস্তল মুখের এদিকে-সেদিকে দোলা খাইতেছে—একটা মুহু মুহু স্নগন্ধ বার বার বিপিনের নাকে আসিয়া লাগিতে লাগিল। বিপিন আড়ষ্টভাবে কাঠ হইয়া চুপ করিয়া বসিয়া রহিল। রাস্তায় টুন্সু আর কোন কথা বলিল না।

অবশেষে মোটরখানি আসিয়া থামিল একটি অভিজাত হোটেলের সম্মুখে। টুন্সু বলিল, আসুন বিপিনবাবু।...একখানি টেবিলের দুই ধারে মুখোমুখি দুই জনে বসিল। টুন্সুই চা আর খাবারের হুকুম করিল। বিপিন সেখানকার অভিজাত্য, পরিপাক-পরিচ্ছন্নতা লক্ষ্য করিল এবং নিজের ময়লা জামা-কাপড়ের দিকে আড়চোখে তাকাইয়া অত্যন্ত সঙ্কচিত হইয়া উঠিল। টুন্সুই বলিল, চা খান বিপিনবাবু। বিপিন চা খাইতে শুরু করিল। টুন্সু হাসিয়া বলিল, আচ্ছা আপনার বৌ কেমন হ'ল বিপিনবাবু। আমার মত—না আমার চেয়ে সুন্দরী? বিপিন লজ্জায় লাল হইয়া উঠিল, অস্ফুট স্বরে কি যে বলিল, তাহা যেন নিজেও শুনিতে পাইল না। চায়ে চুমুক দিয়া টুন্সু বলিল, খুব মুশকিলে পড়েছেন না? ভাবছেন একদিন যে মেয়ে মুখের ওপর কথা শুনিয়েছিল—আজ সে যেচে এত খাতির করছে কেন? তা নয়—হাজার হোক, দেশের লোক যে আপনি, এখানে দেশের লোকের মুখ দেখলে বড় ভাল লাগে, মনে হয় এরা আমার সবচেয়ে আপনজন। সিগারেট খান তো? বেয়ারাকে আনতে বলি, খান না—বাঃ বেশ। তাহার প্রগলভতায় বিপিন আশ্চর্য হইয়া গেল। অবাক বিশ্বয়ে বিপিন হাঁ করিয়া টুন্সুর মুখের দিকে চাহিয়া রহিল। টুন্সু মুহু হাসিতে লাগিল বলিল, আচ্ছা বিপিনবাবু আপনার বৌ যদি শোনে এই সব—তবে কি ভাবে বলুন তো—যেচারা বোধ করি কেঁদেই আকুল হবে, না? টুন্সু থল থল করিয়া হাসিয়া উঠিল। হাসি ধামাইয়া টুন্সু বলিল, ভাল কথা—কি জঞ্জ কলকাতা



কথাকলি নৃত্যের একটি ভঙ্গী




কথাকলি নৃত্যস্থান—মুম্বাই-রচনা





ম্যালেরিয়া-নিয়ন্ত্রণ-কার্যে বর্ত একটি ম্যালেরিয়া 'ইউনিটে'র কর্মীগণ



ত্র্যম্বে, তৈলবিশোধনাগার ও বৃচার আয়ল্যাণ্ডে'র মধ্যে যোগস্থাপনকারী সাবমেরিণ তৈলনালীর একাংশ

এসেছেন, তা তো বললেন না? চাকরি-বাকরির খোজে নাকি?

বিপিন বলিল, না এই স্কুলের একটু কাজে।

ওঃ। স্কুলের কাজে? স্কুল—সেই তো পাঠশালা। গুরুগিবি আর কতদিন করবেন। ওতে চলে? তার চেয়ে অন্য চাকরি করেন না কেন? করবেন? ওঁকে বললেই হয় কিন্তু—

বিপিন বলিল, ইয়ে—শম্ভুবাবু কোথায়?

—তিনি? তিনি তাঁর ব্যবসায় নিয়ে মেতে আছেন। লোহার কারবারী, মনটাও তাই লোহার মতন। কোন রসকথ নেই—খালি টাকা আর টাকা। বুললেন বিপিনবাবু। ওঁর টাকা আছে—কিন্তু হৃদয় নেই। আবার যাদের হৃদয় আছে তাদের টাকা নেই। পৃথিবীর এটাই মজা। পুরো মানুষ পাবার উপায় নেই। আপনার ছেলেপুলে কি? এক ছেলে—বাঃ। এর মধ্যেই ছেলের বাবা হয়েছেন। কিন্তু আর না। রাত ন'টায় ডিরেক্টরের সঙ্গে দেখা করতে হবে—চলুন। বিপিন বলিল, ডিরেক্টর? কিসের—। মহাশয় টুন্সু বলিল, বাঃ! জানেন না বৃষ্টি। আমি যে সিনেমায় নেমেছি। 'ঝড়ের শেষে' বই দেখেন নি বৃষ্টি। আর একখানা নতুন বইয়ে নামব, তারই বনুটাক্টে আজ হবে। কাল থেকে যান বিপিনবাবু, আমার অভিনয় দেখে যান।

বিপিন বলিল, নাঃ এ যাত্রা আর হ'ল না। স্কুল কামাই হবে। টুন্সু ও বিপিন মোটরে উঠিয়া বসিল। টুন্সু বলিল, কোথায় নামবেন বলুন। নামিয়ে দিয়ে যাব। বিপিন বলিল, থাকি এক বন্ধুর বাসায়। বৌবাজারের মোড়ে নামিয়ে দিলেই হবে। কিন্তু এখন কোথায় যাবেন?

সবিস্ময়ে টুন্সু বলিল, কে, আমি? আমি এখন কত জায়গায় যাব, তার কি ঠিক আছে। কেন বলুন তো—

বিপিন বলিল, না—মানে, একা একা যাবেন তো।

হিঃ হিঃ করিয়া হাসিয়া টুন্সু বলিল, তা ছাড়া সঙ্গী পাচ্ছি কোথায়? বললাম তো সঙ্গী হোন—কিন্তু রাজী হচ্ছেন না—

হঠাৎ কি ভাবিয়া বিপিন বলিয়া ফেলিল, শম্ভুবাবুর সঙ্গে যাওয়াই ভাল—

টুন্সু মোটরের বেগ আরও বাড়াইয়া দিয়া বলিল, ওঃ তিনি? বাঃ বেশ সঙ্গীর নাম করেছেন আপনি। তিনি আছেন তাঁর দোকানে, তা ছাড়া এসব তিনি পছন্দ করেন না—

—তাই নাকি? তবে স্বামীর অমতেই এসব করছেন। এ তো ভাল নয়—

টুন্সু যেন জলিয়া উঠিল, ভাল নয়? কেন নয়? আমি কি মানুষ নই—আমার সাধ-আহ্লাদ, স্বাধীনতা বলে কি কিছুই নেই। কি ভাবেন আপনারা মেয়েদের বলুন তো। তাঁর সঙ্গে আমার সম্বন্ধ এই—তিনি স্বামী, আমি স্ত্রী। আমি সে সম্বন্ধ হতে মুক্তি নিচ্ছি বিপিনবাবু। ডাইভোর্স—যাকে বলে বিবাহ-বিচ্ছেদ করব।

বিপিন যেন আকাশ হইতে পড়িল—কোনমতে গুধু কণ্ঠে বলিল, বিবাহ-বিচ্ছেদ? বলেন কি—

—হাঁ। ওই ত বললাম বিপিন বাবু—যার টাকা আছে, তার হৃদয় নেই—আর যার হৃদয় আছে, তার টাকা নেই। টাকা আর হৃদয়—মনের আর মতের মিল—এ সব এক সঙ্গে পাওয়া যায় না—ভারি দুর্লভ—এটাই বড় মুশকিলের কথা। একটা কথা বলি, একদিন আপনাকে মুখের ওপর কড়া কথা শুনিয়া দিয়েছিলাম। কিন্তু আমার জিৎ হয় নি, বরং হারই হয়েছে—।

মোটর দ্রুত গতিতে ছুটিয়া চলিল—। বিপিন টুন্সুর দিকে চাহিয়া, গুধু মুখে কি যেন ভাবিতে লাগিল।

পরের দিন, বিপিন যখন গ্রামের ষ্টেশনে নামিল, তখন বৈকাল-বেলা। অকালে আকাশ ভাঙিয়া বৃষ্টি নামিয়াছে। গ্রামা রাস্তা কাদায় জলে এবহাটু—চারিদিক ইহারই মধ্যে অন্ধকার হইয়া উঠিয়াছে। ক্ষুদ্র রেল ষ্টেশনে ট্রেন মুহূর্তখানেক থামিয়া আবার সেই জল মাথায় করিয়া ছুটিয়া চলিল। বিপিন জীর্ণ ছাতাটি মেলিয়া, জলে-ডোবা রাস্তায় নামিল। বৃষ্টিতে পথ-ঘাট খাল মাঠ ডুবিয়া গিয়াছে—রাস্তার উপর বাঁশঝাড় হুইয়া পড়িয়াছে। বিপিন জল কাদা ভাঙিতে ভাঙিতে হাঁটিতে লাগিল।

রাত্রি খাওয়া-দাওয়ার শেষে বিপিন ঘরে আসিল। উপরিসর বিছানা—এক পাশে থোকা ঘুমাইতেছে। তখনও তেমনি ঝম ঝম শব্দে অবিশ্রান্ত বৃষ্টি পড়িতেছে। এলোমেলো সজল হাওয়া বহিতেছে—আকাশে গুরু গুরু করিয়া মেঘ ডাকিতেছে—মাঝে মাঝে বিদ্যুৎ চমকাইয়া উঠিতেছে। ঘরের ভিতর লুণের আলোটি স্তিমিতভাবে জ্বলিতেছে। শান্তির এখনও রান্নাঘরের কাজ শেষ হয় নাই। বিপিন আনমনে শুধু টুন্সুর কথাই ভাবিতেছিল। তাহার বার বার মনে হইতেছিল—আহা টুন্সু শেষে দুঃখ পাইবে। বিপিনের মনে পড়িল, টুন্সুর কথাগুলি—তার উগ্র রূপের প্রথরতা—আর দ্রুত মোটর চালাইবার ইচ্ছা—। ঐ রূপ—ঐ যৌবন লইয়া, সে যে পথে ছুটিয়া চলিয়াছে—উহাতে পরিণামে কি সুখ-শান্তি আসিবে? আজ এই বর্ষমুগুর নিভৃত অন্ধকার রাত্রিতে বিপিন বার বার টুন্সুর কথাই ভাবিতে লাগিল। এক দিন সে তাহাকে অপমান করিতে কুণ্ঠাবোধ করে নাই—আজ সে-ই তাহাকে যাচিয়া, সাদরে কাছে টানিয়া কি যেন বলিতে চাহিয়াছিল—কিসের বেদনা যেন প্রকাশ করিতে চাহিয়াছিল। বিপিন ভাবিয়া দেখিল, টুন্সুর সেই কথা ভুলিতে পারে নাই। যে একদিন অবহেলা করিয়াছিল, যে তাহার তরুণ জীবনে বেদনা দিয়াছিল—বাথা দিয়াছিল, প্রচণ্ড আঘাত হানিয়াছিল; কৈ তাহার স্মৃতি ত একে-বারে নিঃশেষে অবলুপ্ত হইয়াই, বরং হৃদয়ের অতি নিভৃত এক-প্রান্তে স্থান জুড়িয়া টুন্সুর আসন পাতা ছিল। আজ সময়ের স্রোতে ভাসিতে ভাসিতে হুই জনে পরস্পরের কাছাকাছি আসিয়াছিল, খানিক সাম্মিখ্যের পর আবার হুই জনে বিপরীত দিকে চলিয়া গেল।

হঠাৎ খট করিয়া শব্দ হইতেই বিপিন সজাগ হইয়া দেখিল, শাস্তি হাসিমুখে থোকার দুধ লইয়া ঘবে ঢুকিতেছে। বুড়ির ছাটে শাস্তির কাপড় ভিজিয়াছে—মাথা হাত মুখ সবই জলে ভাসিয়া গিয়াছে। শাস্তি বলিল, কি গো—বসে বসে কার ধান করছ ?

বিপিন কি মনে ভাবিয়া উঠিয়া দাঁড়াইয়া জামার পকেট হইতে

একগাছি ফুলের মালা বাহির করিয়া শাস্তির গলায় পরাইয়া দিল।

সবিস্ময়ে শাস্তি বলিল—বাঃ এ আবার কি—

বিপিন বলিল, কলকাতা থেকে কিনে এনেছি। আজকের তারিখটা মনে নেই বুঝি। আজ যে আটাশে, আমাদের বিয়ের দিন—।

হায়দর আলি এবং তাঁহার ইউরোপীয় সেনানীবর্গ

অম্বুজনাথ বন্দ্যোপাধ্যায়, এম-এ

হায়দরের পিতা ফতে মহম্মদ মহীশুর রাজ্যের জনৈক ফৌজদার বা অধস্তন সেনানায়ক ছিলেন। সাহবাজ বা ইশ্বাইল নামে হায়দরের দুই বৎসরের বয়োজ্যেষ্ঠ এক ভ্রাতাও ছিল। নিতান্ত অল্প বয়সে ভ্রাতৃত্বের পিতৃবিয়োগ হয়। নাবালক পুত্র দুটিকে লইয়া তাহাদের জননীর হৃদশার অন্ত রহিল না। নানা ভাগ্যবিপর্যয়ের পর সাহবাজ মহীশুরী সেনাবিভাগে প্রবেশ করে। তখনকার দিনে উৎসাহী কৃত্তী ব্যক্তির পদোন্নতিতে বিলম্ব ঘটত না। দেবানপল্লী অভিযানে (১৭৪৯ খ্রীঃ) ভ্রাতৃত্বের কৃতিত্ব দর্শনে প্রীত হইয়া মহীশুরের দলবাহী বা প্রধান সেনাপতি নন্দিরাজ* জ্যেষ্ঠকে বাঙ্গালার প্রদেশ জায়গীর এবং কনিষ্ঠকে অধস্তন সেনানায়কের পদ দিয়াছিলেন। কর্ণাটক সমরকালে নিজাম নাসিরজঙ্গের সাহায্যার্থ মহীশুর হইতে যে সৈন্যদল প্রেরিত হইয়াছিল ভ্রাতৃত্বও তাহার অন্তর্ভুক্ত ছিলেন। সমরাসানে স্বদেশে ফিরিবার পথে হায়দর পঞ্জিচেরী দেখিতে যান। তথায় ফরাসীদের দুর্গ, বন্দর, সৈন্যদল, নৌবহর, অস্ত্রশস্ত্র, শিল্প-বাণিজ্য—বিশেষতঃ অদ্বৈতকন্যা দুপ্পেকে দেখিয়া তাঁহার বিস্ময়ের অবধি রহিল না। পাশ্চাত্ত্য সমরপদ্ধতির উৎকর্ষই যে ইউরোপীয়দের প্রতিষ্ঠার মূল কারণ, তাহা তিনি সমাক উপলব্ধি করিয়াছিলেন এবং মহীশুরে ফিরিয়া সাহবাজকে সকল কথা বুঝাইয়া ইউরোপীয় সৈনিকলাভে সমুৎসুক করিয়া তুলিয়াছিলেন। মালাবার উপকূল হইতে ক্রমে বিভিন্ন প্রদেশীয়, ইউরোপীয় প্রায় ত্রিশ জন মাল্লা সংগৃহীত হয়। উহাদের হস্তে হায়দর তাঁহার তোপখানার ভার দিয়াছিলেন। এই সময় বোম্বাই-সরকারের নিকট হইতে অস্ত্রশস্ত্র কিনিবার জ্ঞা ভ্রাতৃত্ব জৈনক পার্সী ব্যবসায়ীকে নিযুক্ত করেন। এই ব্যক্তি উহাদের নিকট হইতে ছয়টি মেঠো তোপ এবং ২০০০ সঙ্গীন সমেত বন্দুক ক্রয় করিয়াছিল। সুতরাং সাহবাজ এবং হায়দরকেই আমরা প্রথম ভারতীয় সর্দার বলিতে পারি যাহারা বন্দুক-

বেয়নেটে সজ্জিত সিপাহী-সেনা এবং ইউরোপীয় গোলন্দাজদল সংগঠন করিয়াছিলেন।

দুপ্পের প্রবোচনায় ইহার অল্পকাল পরেই নন্দিরাজ তাঁর মিত্র-গণকে পরিত্যাগ করিয়া ফরাসীপক্ষ অবলম্বন করিলেন। এরূপ কার্যের প্রধান কারণ, ত্রিচিনপল্লী প্রদানের অঙ্গীকার করিয়া মহীশুরী সাহায্য লাভ করা সত্ত্বেও নবাব মহম্মদ আলি প্রতিশ্রুতি রক্ষা না করায় তিনি তাঁহার প্রতি জাতক্রোধ হইয়াছিলেন এবং এবারকার অভিযানের নেতৃত্ব হায়দরকে প্রদত্ত হইয়াছিল। যুদ্ধের বিবরণ এখানে নিম্প্রয়োজন। হায়দর ফরাসীদের যতখানি সম্ভব কাছাকাছি শিবির স্থাপন করিতেন। ইহাতে বিরক্ত হইয়া ফরাসীরা নন্দিরাজের নিকট অনুরোধ করিলে তিনি কৈফিয়ত দিয়াছিলেন যে, উহাদের নিকট হইতে সাময়িক জ্ঞানলাভের জ্ঞা তিনি তাদের সান্নিধ্যকামী, তত্ত্বিন্ন তাঁর অপর কোন উদ্দেশ্য নাই। বাস্তবিক হায়দর ফরাসী সৈনিকগণের যাবতীয় কাথাকলাপ তীক্ষ্ণ দৃষ্টিতে পর্যবেক্ষণ করিতেন। উহাদের অনুকরণে তিনি নিজ সিপাহীদিগকে ডিল এবং প্যারেড শিখাইতে আরম্ভ করিয়াছিলেন। অনভ্যাসবশতঃ যখন উহারা হাঙ্গোদীপক অঙ্গভঙ্গীর সহিত এই সকল কার্য করিত তখন ফরাসীদের আমোদের সীমা থাকিত না। এইরূপে হায়দর পাশ্চাত্ত্য সমরপদ্ধতিতে কাজ চালাইবার মত জ্ঞানলাভ করিয়াছিলেন। ফরাসী-কর্তৃপক্ষ কিন্তু তাঁহার একটি কার্য প্রীতির চক্ষে দেখিতে পাবেন নাই। প্রলোভন দেখাইয়া তিনি বহু ফরাসী সৈনিককে নিজের দিকে ভাসাইয়া লইয়াছিলেন। কিন্তু হায়দরকে হাতে রাখা তখন তাঁদের নিতান্ত প্রয়োজন, এমন কি অপরিহার্য ছিল বলিয়া উহারা সে বিষয়ে বাঙনিম্পত্তি করেন নাই। ষ্টেনেট নামক জনৈক ফরাসী সৈনিক এই সময় (১৭৫৩ খ্রীঃ) হায়দরের নিকট কার্য গ্রহণ করে। এই ব্যক্তি ফরাসীরাজের ভাসাই-রাজ-প্রাসাদের রক্ষী “সুইস গার্ড” নামক রেজিমেন্টের একজন সৈনিকের পুত্র ছিল। ত্রিচিনপল্লী অবরোধের সময় সে কর্ণেল জ্যাক ল'য়ের দলের অন্তর্ভুক্ত ছিল। ১৭৭০ খ্রীষ্টাব্দেও উহাকে মহীশুরী বাহিনীতে গোলন্দাজ-দলের ক্যাপ্টেন পদে অধিষ্ঠিত দেখিতে পাওয়া যায়।

* নেপালরাজ্যের মত মহীশুরে এই সময় সেনাপতিই রাজ্যের সর্কেসর্কা ছিলেন ; রাজা শুধু নামেই রাজা থাকিতেন।

১৭৫৬ খ্রীষ্টাব্দে অপূত্রক সাহবাজের মৃত্যু হইলে হায়দর তাঁহার যাবতীয় সম্পত্তি, মায় সামরিক জায়গীর, দুর্গ, সেনাদল প্রভৃতির পরিচালনা হইয়াছিলেন। প্রধানমন্ত্রীও তাঁহাকে ভ্রাতার শূণ্যপদে মহীশূরী বাহিনীর অধ্যক্ষ নিযুক্ত করিয়াছিলেন। এই সময় হায়দরের সম্পূর্ণরূপে আক্রমণে নিজস্ব সেনাদলে ১৫০০০ অশ্বারোহী, ৩০০০ পদাতিক এবং দুই শতেরও অধিক ইউরোপীয় সৈনিক ছিল। এখানে একটি কথা বলিয়া রাখা আবশ্যিক, হায়দর আলি এবং টিপু অগাধ সমসাময়িক রাজগণের মত ইউরোপীয় অকিসারবন্দ কর্তৃক গঠিত পাশ্চাত্য সমর-পদ্ধতিতে শিক্ষিত সিপাহীবাহিনী গঠনে যত্নবান ছিলেন না। অশ্বারোহী, পদাতিক অথবা গোলন্দাজ ইউরোপীয় সৈনিক-লাভেই তাঁহারা আগ্রহান্বিত ছিলেন এবং সেজন্য যথেষ্ট অর্থব্যয়ও করিতে কুণ্ঠিত হন নাই। এক সময়ে মহীশূরী সেনাদলে ইউরোপীয় সৈনিকের সংখ্যা আট শতেরও অধিক ছিল। ফরাসী শিল্পীদের সাহায্যে হায়দর স্বীয় প্রয়োজন মিটাইবার উপযোগী মন্ত্রশস্ত্র নির্মাণের কারখানাও স্থাপন করিয়াছিলেন।

১৭৬১ খ্রীষ্টাব্দে ইংরেজ-হস্তে পণ্ডিচেরীর পতনের পর বহু ফরাসী সৈনিক শত্রুর হাতে হইতে কোনমতে আত্মরক্ষা করিয়া অপর কোন আশ্রয়স্থলের অভাবে হায়দর-সকাশে আগমন করিয়াছিল। প্রখ্যাতনামা মেজর আলোঁ, কর্ণেল হুগেল, দেলাতুর, রাসেল এবং সম্ভবতঃ কর্নিষ্ট লালীও এই সময় তাঁহার কক্ষ গ্রহণ করিয়াছিলেন।

এই প্রসঙ্গে ডম এন্টনিও নরোনহার কথা বলা প্রয়োজন। উহার প্রথম জীবন, ভারতবর্ষে আগমনের কারণ বা সময় সবকিছুই অজ্ঞাত। নামেমাত্র বিদ্যমান এশিয়া মাইনরের অন্তঃপাতী হালিকানাসাসের (আধুনিক নাম Budrun) তিনি নাকি বিশপ ছিলেন। উক্ত পদ তাঁহাকে কে দিয়াছিল জানা যায় নাই। পণ্ডিচেরীর উপকণ্ঠে উম্মালগারেট নামক স্থানে তিনি কিছুকাল বাস করেন এবং তথা হইতে পাওনাদারের তাগাদায় উতাজ্ঞ হইয়া দেশের অভ্যন্তরভাগে ভাগ্যলক্ষীর অন্বেষণে গিয়াছিলেন। ১৭৫৩ খ্রীষ্টাব্দের শেষের দিকে সাভানুরে মজংফরজঙ্গ নামক জনৈক ব্যক্তির অতিথিরূপে তাঁহাকে বাস করিতে দেখা যায়। ঐ ব্যক্তি প্রথমে পর্তুগীজ সেনাদলে একজন সাধারণ সিপাহী ছিল, পরে কতকগুলি অনুচর সংগ্রহ করিয়া সে এক দস্তাসর্দার বা বৈদেশিক ভাগ্যান্বেষী সৈনিকে পরিণত হইয়াছিল—যদুচ্ছা লুণ্ঠন অথবা অর্থ-বিনিময়ে পরেয় জ্ঞান যুদ্ধ করা—ইহাই ছিল তাহার পেশা। ‘রতনেই রতন চেনে!’ অল্পদিনেই উভয় বন্ধুতে মিলিয়া নিকটবর্তী জনপদ-সমূহ উৎসাদিত করিয়া ফেলিলেন। নরোনহার এই সময়ে একটি দেশীয় নামকরণ হইয়াছিল দিলবর জঙ্গ। তিনি সর্বত্র প্রচার করিলেন যে, গোয়া এবং পণ্ডিচেরীর কর্তৃপক্ষের সহিত তাঁহার বিশেষ ঘনিষ্ঠতা আছে, যে-কোন নৃপতি বা সর্দার অর্থবিনিময়ে ফিরিঙ্গী সৈনিক লাভ করিতে চাহেন তাহাকেই তিনি উহাদের নিকট হইতে সহস্র সহস্র সৈনিক সংগ্রহ করিয়া দিতে পারেন। গুটির মরাঠা-

সর্দার মুবারি রাও তাঁহাকে এক হাজার পর্তুগীজ সৈনিক যোগাড় করিয়া দিবার ভার দিলে নরোনহা গোয়া গিয়াছিলেন (ফেব্রুয়ারী ১৭৫৬)। বলা বাহুল্য, তাঁহার উদ্দেশ্য সিদ্ধ হয় নাই। শূণ্য হস্তে ফিরিতে সাহস না হওয়ায় তিনি পুনরায় পণ্ডিচেরীতেই গমন করিলেন। পশ্চিমদে আওরঙ্গাবাদে সুপ্রসিদ্ধ ফরাসী সেনাপতি বৃশীর সহিত সাক্ষাৎ করিয়া পাওনাদারদের হস্ত হইতে তাঁহাকে রক্ষা করিবার জ্ঞান সনির্বন্ধ অনুরোধক্রমে গভর্নর দে লেরিটের নামে একখানি পত্র তাঁহার নিকট হইতে লিখাইয়া লইয়াছিলেন।

সপ্তবর্ষব্যাপী সমরে ইংরেজ সেনা কর্তৃক পণ্ডিচেরী অবরুদ্ধ হইলে স্বদেশ হইতে কোন প্রকার সাহায্যপ্রাপ্তির আশা নাই দেখিয়া লালী নরোনহাকে দেশীয় দরবারসমূহ হইতে সাহায্যলাভের জ্ঞান চেষ্ঠা করিতে আদেশ দিয়াছিলেন। কড়াপানাথমের মরাঠা সর্দার বিশ্বজী পশু এককালে ফরাসীদিগের অনুগত ছিলেন। তাঁহাকে পুনরায় সপক্ষে আনিবার জ্ঞান সচেষ্ঠ হইতে নরোনহা আদিষ্ট হইলেন। ঘনাককার নিশীথে পোতারোহণে অবরুদ্ধ নগরী পরিত্যাগ করিয়া শত্রুর শোনদৃষ্টি কোনমতে এড়াইয়া তিনি দিনেমাত্র অধিকৃত ট্রাকুইবারে আসিয়া পৌঁছিলেন এবং অদূরে সংস্থিত কর্ণেল পেট্রনের বাহিনীর পাশ কাটাইয়া কুন্তুকোল্লমের সল্লিকটে কাবেরী নদী উত্তীর্ণ হইয়া দশম দিনে গন্তব্য স্থানে উপনীত হইলেন। কিন্তু মহম্মদ আলির চরেবা তৎপূর্বেই তথায় আসিয়া পৌঁছিয়াছিল এবং সর্দার যাতাতে ফরাসীপক্ষ অবলম্বন না করেন তাহার জ্ঞান চেষ্ঠা করিতেছিল। অতঃপর দুই দলে দরকষাকষি আরম্ভ হইল। নরোনহা অল্প লক্ষ টাকা দর দিতে চাহিলে অপর পক্ষ পাঁচ লক্ষ টাকা হাঁকিল। ফরাসী রাজভাণ্ডার তখন শূণ্য, নরোনহা নগদ দর আর বাড়াইতে না পারিয়া থিয়ানার দুর্গ পাল্লায় চাপাইলে প্রতিপক্ষ দশ লক্ষ টাকা দর হাঁকিয়া বসিল। তিনি সুবিখ্যাত গিল্লি দুর্গের দর বাড়াইলে উত্তরে অপর পক্ষ কুড়ি লক্ষ টাকা হাঁকিল। ইহার পর আর কথা চলে না। বিশ্বজী জানাইলেন ফরাসীদিগকে সাহায্য করিতে তিনি অপারগ। নরোনহা আর পণ্ডিচেরী ফিরিলেন না। তখন পণ্ডিচেরী প্রত্যাবর্তন আর ইংরেজের কারাগারে গমন একই কথা। আগমনকালে প্রায় বৈশ্ব শত সৈনিক এবং শিল্পী, যথা—কামার, ছুতার, মিস্ত্রী, অস্ত্রনির্মাতা নরোনহার অনুগামী হইয়াছিল, খাজাভাবে লালী উহাদিগকে অবরুদ্ধ নগরী হইতে বিদায় দিতে বাধ্য হইয়াছিলেন। ইতিপূর্বে লালী রসদ সংগ্রহ করিবার জ্ঞান থিয়াগার এবং পার্কৃত্য অঞ্চলের মধ্যবর্তী স্থানে মেজর আলোঁ (Alain) এবং ক্যাপ্টেন হুগেলের (Hugel) নেতৃত্বে একদল সৈন্য রাখিয়াছিলেন। থিয়াগার দুর্গমধ্যেও একদল ফরাসী-সৈন্য রক্ষিত ছিল। লালীর অধিকার হায়দর পণ্ডিচেরীতে অবরুদ্ধ ফরাসীদিগের সাহায্যের জ্ঞান তাঁহার শ্যালক এবং অগতম সুদক্ষ সেনানায়ক মঘম্ম আলি থাকে পাঠাইলেন। পশ্চিমদে আলোঁ হুগেলের দল এবং থিয়াগা দুর্গের ফরাসী সেনা তাঁহার সহিত যোগদান করিল। পণ্ডিচেরীর অদূরে আসিয়া ক্ষুণ্ণীভূত অবরুদ্ধ নগর-

বাসিগণের জ্ঞান তিনি বহুবিধ আচার্যদ্রব্য পাঠাইয়া দিয়াছিলেন, কিন্তু লালীকে তিনি কোনমতে নগর পরিত্যাগ করিয়া বাহির হইয়া আসিতে সম্মত করাইতে পারেন নাই। দীর্ঘ দুই মাস কাল এই ভাবে কাটিয়া গেলে তিনি প্রত্যাবর্তন আরম্ভ করিলেন। বাধা-বিঘ্নমঙ্গল পথে পতনোন্মুখ নগরীতে ফিরিয়া গিয়া ইংরেজের কাব্য-বরণ অপেক্ষা অসিহস্তে যশ ও অর্থের সন্ধানে মহীশুরে গমন করিয়া ভবিষ্যতের আশা-সমুজ্জ্বল ভাগ্যাম্বুধী সৈনিক-বৃত্তি অবলম্বন শ্রেয়স্কর বিবেচনায় ফরাসীরাও তাঁহার অনুগামী হইয়াছিল। এই তিন বিভিন্ন দলে প্রায় দেড় শত ফরাসী পদাতিক, আড়াই শত অশ্বারোহী সৈনিক, শতাধিক স্ত্রীশিল্পী ও মিস্ত্রী এবং কতকগুলি দেশীয় সিপাহীও ছিল। বলা বাহুল্য, এক সঙ্গে এতগুলি নূতন ফিরঙ্গী সৈনিক লাভ করিয়া হায়দর সবিশেষ উৎফুল্ল হইয়াছিলেন, কারণ খণ্ডেরাও নামক জনৈক মরাঠা সর্দারের চক্রান্তে তাঁহার সমস্ত ইউরোপীয় সৈনিক এই সময় তাঁহাকে পরিত্যাগ করিয়া প্রতিপক্ষকে আশ্রয় করিয়াছিল। ঐ ব্যক্তি এককালে হায়দরের কাম্ভারী ছিলেন, নিরক্ষর হায়দর শাসন-সংক্রান্ত সকল বাপারে উহার উপর নির্ভর করিতেন, তিনিই উহার সকল উন্নতির মূল, তাঁহারই চেষ্টায় মহীশুরাধিপতি উহাকে দলবা বা প্রধানমন্ত্রীর পদ দিয়াছিলেন। কিন্তু ঐ পদে অধিষ্ঠিত হইয়া খণ্ডেরাও প্রধান সেনাপতির পদ হইতে হায়দরকে বিতাড়িত করিবার উচ্চ তৎপর হইলে উভয়ে বিরোধ বাধিল। খণ্ডেরাও পুণাদরবারকে সাহায্যার্থে আহ্বান করিলে মরাঠারা মহীশুর রাজ্য আক্রমণ করিল। এদিকে খণ্ডেরাওয়ের নিকট অধিকতর বেতনপ্রাপ্তির প্রলোভনে হায়দরের পর্তীগীজ এবং ফরাসী সৈনিকগণ তাঁহাকে পরিত্যাগ করিয়া উহার নিকট গমন করিল। তাঁহার অধিকাংশ সৈন্য অল্পই যুদ্ধনিবৃত্ত, এমন সময় শত্রুপক্ষ কড়কু সহসা আক্রান্ত হইয়া হায়দর তাঁহার শিবিরস্থ যাবতীয় দ্রব্যাদি, মায় স্বীয় পরিজনবর্গকে পর্যাস্ত পরিত্যাগপূর্বক কোনমতে পলায়ন করিয়া প্রাণ বাঁচাইতে বাধ্য হইয়াছিলেন।

সুতরাং এই বিপদের দিনে অতগুলি শিক্ষিত নূতন সৈনিক-লাভে হায়দর যে কিরূপ আনন্দিত হইয়াছিলেন তাহা সহজেই অনুমেয়। কিন্তু বিশেষ কোন যুদ্ধবিগ্রহ হইল না। পণ্ডিচেরীর পতনের (১৭৬১ খ্রীঃ) সংবাদে সঙ্গে সঙ্গেই উত্তরাপথে পাণিপথের কালসমরে মরাঠাদের শোচনীয় পরাজয়ের সংবাদ আসিয়া পৌঁছিল এবং উহার সে সময়ে মহীশুর পরিত্যাগ করিয়া নিজেদের রাষ্ট্ররক্ষা করিতে স্বদেশে প্রত্যাবর্তন করিয়াছিল। তখন নিশ্চিন্ত এবং নববলে বলীয়ান হইয়া হায়দর খণ্ডেরাওয়ের সহিত বলপরীক্ষায় প্রবৃত্ত হইলেন। কিন্তু তজ্জগ তাঁহাকে বিশেষ বেগ পাইতে হয় নাই, কারণ খণ্ডেরাওয়ের সৈনিকগণকে তিনি প্রলোভনে বশীভূত করিয়া ফেলিলেন। শুধু উহার দেহরক্ষীরা সামান্য বাধা দিয়াছিল। ইহাতে মেজর আলের দল নিজেদের কৃতিত্ব দেখাইবার সুযোগ পাইল। উহার প্রতিপক্ষের শিবিরের উপর আপতিত হইল এবং একটি প্রাণীরও প্রাণ বিনাশ বাতিরেকে

তত্রস্থ যাবতীয় দ্রব্যাদি এবং তোপখানা অধিকার, মায় ফিরঙ্গী গোলা-ন্দাজ দল ও যে সকল ইউরোপীয় সৈনিক ইতিপূর্বে হায়দরের নিকট হইতে তাঁহার দলে আসিয়াছিল তাহাদের সকলকেই ধৃত করিল।

যে সকল ইউরোপীয় ইতিপূর্বে তাঁহার অথবা তাঁহার ভ্রাতার দলে ছিল তাহাদের তিনি গম্মুখে আসিবার আদেশ দিয়াছিলেন। উহাদের অস্ত্র পরিত্যাগ করাইয়া এবং প্রত্যেককে এক ঘা মাঝিরা তিনি সকলকে শিবির হইতে তাড়াইয়া দিয়াছিলেন। বলিয়াছি, তাঁহার সমগ্র সৈন্যবাহিনীর মধ্যে একমাত্র উহারাই তাঁহার এবং তাঁহার ভ্রাতার নিকট হইতে যথেষ্ট পরিমাণেই অক্ষুণ্ণ লাভ করা সম্ভবে তাঁর বিরুদ্ধে অস্ত্রধারণ করিতে দ্বিধামাত্র করে নাই। সেই জগই তিনি উহাদের বিরুদ্ধে একপ কঠোরতা অবলম্বনে বাধ্য হইয়া-ছিলেন। পণ্ডিচেরী হইতে নবাগত ফরাসী সৈনিকগণ এ দৃশ্য প্রত্যক্ষ করে এবং ইহা সমর্থনের ভানও করিয়াছিল। তখন আবার দুই দলে মিলিয়া একদলে পরিণত হইল। হায়দর প্রধান সেনাপতি-পদের সহিত দলবা বা প্রধানমন্ত্রী-পদও প্রাপ্ত হইলেন। খণ্ডেরাওকে এক লৌহপিঞ্জরে আবদ্ধ করিয়া প্রকাশ্য স্থানে রাখা হইল। তাঁহার মৃত্যু ঘটিলেও জীর্ণ অস্থিগুলি দীর্ঘকাল ধরিয়াই ঐ ভাবে প্রদর্শিত হইতে থাকিল।

মেজর আলের, ক্যাপ্টেন হুগেল এবং দেলাতুর সঙ্ঘর্ষে বিশেষ কিছু জানা যায় না। প্রথম দুই জন ফরাসী সেনাবিভাগের উচ্চ-পদস্থ অফিসার ছিলেন—দেখা যায়। কিছুকাল পরে আলের অবসর লইলে হুগেল দলের অধাক্ষতা লাভ করেন। তিনি আলশাস প্রদেশের অধিবাসী ছিলেন, সেই জগ তাঁর নাম এই প্রকার জর্মন ধরণের। প্রায় তিন বৎসর কাল তিনি হায়দরের কক্ষে নিবৃত্ত ছিলেন এবং বহু অভিযানে স্বীয় কৃতিত্ব দেখাইয়াছিলেন। তন্মধ্যে সাতানুরের অদূরে একটা যুদ্ধে কড়াপা, কুলুল এবং সাতানুরের পরাক্রান্ত পাঠান নবাবজয়ের পরাজয় সমধিক উল্লেখযোগ্য।*

স্বদেশে সমস্ত প্রতিদ্বন্দীকে পর্যুদস্ত করিবার পর হায়দর মরাঠাদের পাণিপথজনিত দুর্বলতার সুযোগে সমীপবর্তী অঞ্চলসমূহে, বিশেষতঃ কৃষ্ণাতটপ্রান্তে মহীশুরী অধিকার বিস্তারে সচেষ্ট হইয়াছিলেন। সে সকল অভিযানের কথা বলা এখানে অনাবশ্যক। নিজামের ভ্রাতা গুণ্টার-আদোনির জায়গীরদার বসালজঙ্গ ও এই সুযোগে দাক্ষিণাত্যে একটি স্বতন্ত্র স্বাধীন রাজপাট স্থাপনে প্রয়াসী হইয়াছিলেন। তাঁহার জায়গীর এবং মহীশুর রাজ্যের মধ্যবর্তী সিরা জনপদ মরাঠাদের দুর্বলতার সুযোগে হস্তগত করিতে সমুৎসুক হইয়া তিনি সিরাহুর্গ অবরোধে (জুন ১৭৬১) প্রবৃত্ত হইয়াছিলেন। কিন্তু অচিরেই তিনি দেখিলেন, উক্ত স্ত্রীচ দুর্গাধিকার তাঁহার সাধ্যের বাহিরে। তখন তিনি হায়দরের নিকট সাহায্যকারী হইলেন। নিজের সুবিধা ভিন্ন তাঁহাকে বিনা স্বার্থে সাহায্য করিতে যাইবার পাত্র

*Wilks:—History of Mysore, Vol. I, p. 459.

হায়দর অবশ্য একেবারেই ছিলেন না। বসালংজঙ্গকে বাধ্য হইয়াই তাহার প্রস্তাবে সম্মত হইতে হইল। অগ্গাথায় অবরোধ পরিত্যাগ করিয়া লজ্জাবনতমস্তকে প্রত্যাবর্তন করা ব্যতীত তাঁহার গত্যস্তর ছিল না। স্থির হইল, সিরি অধিকৃত হইলে তিন লক্ষ টাকা বিনিময়ে উক্ত সুবার নবাবীপদ হায়দর পাইবেন এবং কামান, গোলাবারুদ ইত্যাদি সমর ও রসদসস্তার এবং অগ্গাথ বহনোপযোগী দ্রব্যাদি বসালংজঙ্গ লইবেন। অর্থাৎ বাঘ মারিবার পূর্বেই তাহার চামড়া চর্কি নথ দস্ত ভাগ হইয়া গেল। হায়দরের আক্রমণের এক মাসের মধ্যেই সিরার পতন হইল (নভেম্বর ১৭৬১)। বলা বাতুল্য, ইউরোপীয় গোলন্দাজগণের দ্বারা পরিচালিত তোপখানার জগুই তাহা সম্ভবপর হইয়াছিল। কর্ণাটক প্রদেশে সিরি ছিল মরাঠাদের সমরসস্তার এবং রসদের সর্বপ্রধান কেন্দ্র। দে লা তুর নিজেই বলিয়াছেন, ভারী কামানসমূহ অথবা অগ্গাথ যাহা কিছু দ্রব্য তিনি স্বয়ং গ্রহণের অভিলাষী ছিলেন তৎসমুদয় গোপনে সরাইয়া ফেলিয়া অথবা ভূগর্ভে পুতিয়া ফেলিয়া মাত্র চার-পাঁচটি ভাঙ্গা কামান সঙ্গে পাঠাইয়া দিয়া তিনি বসালংজঙ্গকে বিজয় লাভের উচ্চ অভিনন্দিত করিয়া এক পত্র লিখিয়াছিলেন।*

নরোনহা ইহার পর আরও কিছু কাল হায়দর-সকাশে অবস্থান করেন। পাদ্রীপুঙ্গব হইলেও লোকটির ধর্মসম্বন্ধীয় অনুরাগ অপেক্ষা সমরবিজায় দক্ষতা অধিক ছিল। মরাঠা এবং তেলেঙ্গা পলিগড়গণের বিরুদ্ধে সংগ্রামে তাঁহার সামরিক জ্ঞান ও পরামর্শ হায়দরের পক্ষে সবিশেষ কার্যকরী হইয়াছিল। উহাকে তিনি বিপক্ষের দুর্গাধিকারের এক নূতন পন্থা শিখাইয়াছিলেন। এযাবৎ মহীশূরী সেনা সনাতন পদ্ধতিতে স্বদীর্ঘ মইযোগে প্রাচীর উল্লঙ্ঘন করতঃ দুর্গাভ্যন্তরে প্রবিষ্ট হইয়া দুর্গ অধিকারের চেষ্টা করিত, কিন্তু এতদধর্মের স্বদৃঢ় গিরি দুর্গসমূহের বিরুদ্ধে সে উপায় বিশেষ কার্যকরী হইত না। তৎপরিবর্তে দুর্গপ্রাকারের তলদেশে শুড়ঙ্গ খননপূর্বক তন্মধ্যে বারুদ প্রোধিত করিয়া উহাতে অগ্নিসংযোগে বিস্ফোরণের ফলে প্রাচীরের একাংশ চূর্ণ করিয়া রক্তপথে সম্মুখ আক্রমণে নরোনহা মদকসিরা এবং চিক্কাবালাপুরের স্বদৃঢ় দুর্গদ্বয় অধিকার করিয়া নিপুণ সেনাপতিত্ব ও প্রকৃত নির্ভীকতার পরিচয় প্রদান করেন। প্রথমটিতে হায়দরের সহিত তিনিও শত্রুপক্ষকে সম্মুখে আক্রমণ করিয়াছিলেন এবং যেখানেই সংগ্রামের জটিলতা সেখানেই তাঁহাকে দেখা গিয়াছিল। মধ্যে একবার সৈনিকগণ পশ্চাৎপদ হইবার ভাব দেখাইয়াছিল, কিন্তু তাঁহার জলন্ত উৎসাহবাক্যে এবং অমিত সাহসের দৃষ্টান্তে সকলে অনুপ্রাণিত হইয়া পুনরায় আক্রমণে অগ্রসর হইলে সে বেগ রোধ করিতে অসমর্থ শত্রুসৈন্য রণে ভঙ্গ দিল। দ্বিতীয় যুদ্ধটিতে তিনি ভগ্ন প্রাকারপথে স্বীয় মুষ্টিমেয় অনুচরবৃন্দসহ প্রবেশ করিয়া মূল আক্রমণকারীদল আসিয়া না পৌঁছানো পর্য্যন্ত উহা বেদখল করিয়া রাখিয়াছিলেন।

* Wilks:—*History of Mysore*, Vol. I, p. 437; A. C. Banerji:—*Madhava Rao*, p. 36.

নরোনহার পক্ষে দীর্ঘকাল হায়দরের নিকট অবস্থান করা সম্ভবপর হইল না। উভয়েই গর্বিত, দাঙ্কিক, উদ্ধত এবং একান্ত ভাবে প্রতিবাদ-অসহিষ্ণু। মদকসিরার দরবার মধ্যে ইহাদের দুই জনের বালকোচিত চাপল্যের দীর্ঘ বিবরণ পিয়েক্সেটো* লিপিবদ্ধ করিয়াছেন। নরোনহা মহীশূর রাজ্য পরিত্যাগ করিতে চাহিলে তাঁহাকে অনুমতি এবং তৎক্ষণাৎ একটি গাইডও সঙ্গে দেওয়া হইল। উহাকে হায়দর গোপনে আদেশ দিয়াছিলেন যে অগু পথে ঘুরাইয়া নরোনহাকে পুনরায় মহীশূর রাজ্যেই যেন সে ফিরাইয়া আনে। ধৃত্ততায় নরোনহাও বড় কম যাইতেন না, এরূপ কিছু যে ঘটিতে পারে তাহা পূর্বেই অনুমান করিয়া লইয়া তিনি অর্থপ্রদানে পথ-প্রদর্শককে বশীভূত করিয়া তাহার সাহায্যে গোয়ায় গমন করিতে সমর্থ হইয়াছিলেন। এখানে আসিয়াই তাঁহার মনের মত একটি কাজ জুটিয়া গেল। গোয়া এবং সালসিতির নিরাপত্তার জগু পর্তু-গীজ-কর্তৃপক্ষ সমীপবর্তী পোণ্ডা এবং জামবৌলিস নামক দুইটি অঞ্চল দীর্ঘকাল হইতে আত্মসাৎ করণের অভিলাষী ছিলেন। নরোনহা যখন গোয়ায় আসিয়া পৌঁছিলেন তখন (১৭৬৩ খ্রীষ্টাব্দের প্রারম্ভ)† ডোমিঙ্গো ফ্রান্সো বেলিকো দি ভেলাঙ্কো নামে জনৈক সেনানীর নেতৃত্বে পশ্চিম হইতে একটি সামরিক অভিযান যাত্রার আয়োজন করিতে-ছিল। নরোনহাও নামে না হইলেও কাষাৎ ভেলাঙ্কোর সহকারী এবং পরামর্শদাতা রূপে এই দলের সহিত চলিলেন। সুগুণ্ডা এবং ভোসলা রাজারা পর্তু-গীজদের সাহায্য করিবে বলিয়াছিলেন। কিন্তু কাষাকালে উহারা কিছুই করিলেন না। উহাদের প্রতিজ্ঞার উপর নির্ভর করিয়াই ভেলাঙ্কো মাত্র ৭০০ সৈনিকসহ শত্রুরাজ্যে প্রবেশ করিয়াছিলেন। এক্ষণে প্রমাদ গণিয়া তিনি পশ্চাৎপদ হইবার চিন্তা করিতেছেন এমন সময়ে নরোনহার সাহসে এবং সামরিক কৃতিত্বে সকল দিক রক্ষা পাইল। সৈন্যদলের পরিচালনা-ভার স্বহস্তে গ্রহণ করিয়া এবং পশ্চিম হইতে আরও ৪৫০ জন দেশীয় সিপাহী চাহিয়া পাঠাইয়া তিনি পূর্বকৃত বাবস্থামত যেন কিছুই ঘটে নাই সেই ভাবে সম্মুখে অগ্রসর হইয়া চলিলেন। কয়েক

* পর্তু-গীজ ভাষায় রচিত সন্দর্ভের পাণ্ডুলিপি ব্রিটিশ মিউজিয়মে আছে (Br. Ma. Addl. Mss. 1287).

† Dom Eloy gose borrea Eloy Piexoto হায়দরের একজন পর্তু-গীজ ভাগ্যাবেদী সৈনিক। তাঁহার রচিত “হায়দর আলি খার অভ্যুত্থানের কাহিনী” একখানি উৎকৃষ্ট সন্দর্ভ। উহাতে হায়দর এবং তাঁহার নানা যুদ্ধাভিযান সম্বন্ধে বহু তথ্য সন্নিবিষ্ট আছে। অগ্গাথ সূত্র হইতেও পরিজাত তথ্যসমূহের সহিত তাহাদের বিশেষ কোন তারতম্য দৃষ্ট হয় না। নরোনহা সম্বন্ধে যাহা কিছু বলা হইল তাহা উক্ত গ্রন্থ হইতেই গৃহীত। লোকটি তাদৃশ শিক্ষিত ছিল না। উক্ত গ্রন্থের এক অপ্রকাশিত ইংরেজী অনুবাদের পাণ্ডুলিপি চার্লস ফিলিপ ব্রাউন নামক জনৈক ব্যক্তি কর্তৃক সম্পাদিত হইয়া ইণ্ডিয়া অফিস লাইব্রেরীতে (No. Eur, D. 295) সংরক্ষিত আছে।

মাসের মধ্যে জেলা দুইটি অধিকৃত হইলে তথাকার শাসনভার তাঁহার হস্তেই প্রদত্ত হইয়াছিল (আগষ্ট ১৭৬৩ খ্রীঃ)। মরাঠা আধিপত্যের বিরুদ্ধে সমীপবর্তী সর্দারবৃন্দকে অভ্যুত্থানে প্ররোচিত করিতে তিনি আদিষ্ট হইয়াছিলেন। পর্ভীগীজ গবর্ণমেন্টের অভি-প্রায় ছিল এইরূপে তাঁহাদের রাজ্য-সীমা আরও দক্ষিণে এবং পূর্ব-দিকে বিস্তার করা। এ কার্য নরোনহার খুবই কঠিন ছিল সন্দেহ নাই, কিন্তু কার্যভার গ্রহণের পূর্বেই হুগেলের গোয়াতে আগমন-সংবাদে তাঁহাকে তথায় ফিরিয়া যাইতে হইয়াছিল। তাঁহার কারণ যথাস্থানে বলা যাইবে।

কিরূপে সামান্য হায়দর নামের নিজ কক্ষমতা এবং শক্তি-বলে ক্রমে মহীশুর রাজ্যের একমাত্র অধীশ্বর এবং প্রবল প্রতাপাধিত হায়দর আলি খা বাহাদুরে পরিণত হইয়াছিলেন সে ইতিহাস অগ্ৰত দৃষ্টব্য। বর্তমান প্রবন্ধে তাঁহার দরবারে ভাগ্যান্বেষণ নিরত ইউরোপীয় সৈনিকগণের কাহিনী-প্রসঙ্গে সাধারণ ভাবে কিছু কিছু বলা যাইতেছে মাত্র। ১৭৬৩ খ্রীষ্টাব্দে হায়দর বেদনুর রাজ্য জয় করেন। এই বিজয়লাভে তিনি তাঁহার পরবর্তী সকল সাফল্যের মূল সোপান বলিয়াই বিবেচনা করিতেন। বেদনুর রাজত্ব-প্রারম্ভের দীর্ঘকাল-সঞ্চিত অতুলনীয় ধনবাশি তাঁহার হস্তগত হইয়াছিল। তিনি নাকি শুধু স্বর্ণ এবং রৌপ্যই ১২২ কোটি টাকার পাইয়াছিলেন। অভিযান-সংশ্লিষ্ট ফরাসী সৈনিকগণের কাহিনী হইতে প্রকাশ—জহরং এবং মুক্তার পরিমাণ এত অধিক ছিল যে আরব্যোপগাম-বর্ণিত কাহিনীর মতই তাহা শত্ৰু মাপিবার পাত্রে করিয়া ওজন করিতে হইয়াছিল।

বেদনুর-অধিপতিগণের দুর্বলতার সুযোগে পর্ভীগীজের উচ্চর কতক অংশ গ্রাস করিয়াছিল। হায়দর প্রথমে উচ্চদিগকে ভদ্রভাবে তাহা প্রত্যর্পণ করিতে অনুরোধ করিয়াছিলেন। কিন্তু তাহাতে কোন ফলোদয় না দেখিয়া তিনি বাহুবল প্রয়োগে যত্নবান হইলেন। কারবার জেলা দখল করিয়া তাঁহার সৈন্যগণ রামগড় দুর্গ অবরোধ করিল। উচ্চ হস্তগত হইলে পর্ভীগীজদের অধিকৃত জনপদমধ্যে প্রবেশপথ উন্মুক্ত হইল, কিন্তু হায়দরের ফরাসী সৈনিকগণ কিছুতেই অপর এক ইউরোপীয় জাতির বিরুদ্ধে অস্ত্রধারণে সম্মত হইল না। এমনকি তাঁহার পরমস্নেহভাজন হুগেল পর্যাস্ত স্পষ্ট ভাবে জানাইলেন যে, অধিক পীড়াপীড়ি করিলে বরং তাঁহারা বিপক্ষ-শিবিরে আশ্রয় লইবেন তথাপি কোনমতেই উচ্চদের বিরুদ্ধে অস্ত্রধারণ করিবেন না। অতঃপর হায়দর পর্ভীগীজদের সহিত একটা রফা করিয়া নিজ রাজ্যে ফিরিয়া আসিলেন। ফিরিস্কা গোলন্দাজরা যুদ্ধ না করিলে যে সুদৃঢ় রামগড় দুর্গ অধিকার করা সম্ভবপর নয় তাহা তিনি জানিতেন। এই ঘটনা এবং অন্যান্য আরও দুই-একটি ঘটনা হইতে হায়দর ভাল করিয়াই বুঝিলেন যে, যদি না সে সময় ইউরোপে সেই জাতির সহিত ফরাসীদের সমরানল প্রজ্জ্বলিত থাকে ত কোন ইউরোপীয় জাতির সহিত যুদ্ধ বাধিলে, তাঁহার ফরাসী সৈন্যদিগের নিকট হইতে তিলমাত্র সাহায্যপ্রাপ্তিরই আশা নাই।

ইহার স্বল্পকাল পরে হুগেল হায়দর আলির কক্ষত্যাগ করিয়া-

ছিলেন। মাদুরার সুবেদার ইউসুফ খা যখন ইংরেজদিগের এবং তাঁহাদের মিত্র আর্কটের নবাব মহম্মদ আলির বিরুদ্ধে অভ্যুত্থান করেন তখন তিনি হুগেলের দলটিকে হাতে পাইবার জন্ত সমুৎসুক হইয়া ম্যাগলেট নামক তাঁহার অধীনে কক্ষবর্ত জর্নৈক ফরাসীকে বহু অর্থ দিয়া উচ্চদের আনিতে পাঠাইয়াছিলেন। হায়দর যে সহজে হুগেলকে ছাড়িয়া দিবেন না তাহা বুঝিয়াই ম্যাগলেট গোপনে তাঁহার সহিত পত্রবাবহাবে প্রবৃত্ত হইয়াছিলেন। কিন্তু হায়দরের চক্ষে ধূলিনিক্ষেপ করা সহজ ছিল না। তিনি সকল কথা জানিতে পারিয়া হুগেলকে মহীশুর রাজ্য পরিত্যাগ না করিতে অনুরোধ করিয়াছিলেন। ইহার কিছুকাল পরে ইউরোপে ইংলণ্ড এবং ফ্রান্সের মধ্যে সমরবিবর্তির সংবাদ এদেশে আসিয়া পৌঁছিল। অতঃপর ফরাসীদের নিকট হইতে বিশেষ কিছু আর আশা করিবার নাই বুঝিয়া তখন তিনি হুগেলকে বিদায় দিতে সম্মত হইয়াছিলেন। কিন্তু তথাপি বাহাতে ইংরেজেরা তাঁহার আচরণে অসন্তোষের কিছু না পান তজ্জন্ত সোজাপথে উচ্চকে মাদুরা যাইতে না দিয়া গোয়ায় পাঠাইয়া দিয়াছিলেন। ইউসুফ খা প্রদত্ত অর্থে মুক্তিলাভ করিয়া দুই শত অনুচরসহ গোয়ায় আসিয়া পৌঁছিলেও (জানুয়ারী ১৭৬৪ খ্রীঃ) হুগেলের কিন্তু তাঁহার নিকট যাইবার কোন আশ্রয় দৃষ্ট হইল না।

নরোনহা কিন্তু নূতন এডভেপারের নামে মাতিয়া উঠিলেন। গবর্ণরের নিকট হইতে একপানি সমরপোত চাহিয়া লইয়া ট্রাঙ্কুইবার পর্যাস্ত তিনি বিনা বাধায় আসিয়া দেখিলেন যে, ইংরেজ সেনা যেভাবে চতুর্দিক হইতে মাদুরা পরিবেষ্টন করিয়াছে এবং যেরূপ সতর্ক প্রহরার ব্যবস্থা করিয়া রাখিয়াছে তাহাতে কাহারও পক্ষে মাদুরায় গমন সম্পূর্ণ অসম্ভব। ইহার পর নরোনহার আর কোন সন্ধান পাওয়া যায় না। সৈনিকগণের প্রয়োজনীয় বায়নিক্রান্তের কোন প্রকার ব্যবস্থা করিতে অসমর্থ হইয়া তখন হুগেল ইউসুফ খার পক্ষে যোগ না দেওয়ার মূল্যস্বরূপ ইংরেজদিগের নিকট ফরাসী ভারতের নবনিযুক্ত গবর্ণর বারন জঁল দিলরিস্ত আসিয়া না পৌঁছানো পর্যাস্ত তাঁহার দলের যাবতীয় বায়ভার দাবি করিয়া পত্র লিখিয়াছিলেন। বলা বাহুল্য, মাদ্রাজ গবর্ণমেন্ট তাহার কোন প্রত্যুত্তর প্রদান করাও আবশ্যক বোধ করেন নাই।

অতঃপর হুগেল দক্ষিণাত্যের বিভিন্ন দেশীয় দরবারে কক্ষলাভের চেষ্টা করিয়াছিলেন। কিন্তু আশাতুরূপ কার্য কোথাও না পাইয়া তিনি স্বদেশে প্রত্যাবর্তন করেন। সেখানেও অধিক দিন থাকিতে ভাল না লাগায় তিনি পুনরায় পুরাতন কক্ষক্ষেত্রে ফিরিয়া আসেন (১৭৬৯ খ্রীঃ)। কিন্তু ভগবান তাঁহাকে আর এ পৃথিবীতে বেশী দিন রাখেন নাই। ১৭৭১ খ্রীষ্টাব্দে মরাঠাদের সহিত সমরে চেরকুলি বা চিনাকুবালির যুদ্ধে (১৭৭১ খ্রীঃ) সাংঘাতিক রূপে আহত হইয়া কয়েক দিনের মধ্যেই তিনি মানবলীলা সংবরণ করিয়াছিলেন।

বেদনুর হস্তগত করিবার পর হায়দরের পক্ষে পার্শ্ববর্তী জনপদসমূহ অধিকারে সচেষ্ট হওয়া খুবই স্বাভাবিক ছিল।

মালাবার দেশ এই সময় বহুসংখ্যক ক্ষুদ্র-বৃহৎ নায়ার সর্দারের আধিপত্যে বিভক্ত ছিল। এই সময় নায়াবদিগের সহিত মোপলাদিগের প্রায়ই বিরোধ লাগিয়া থাকিত। সুতরাং ইসলাম ধর্মাবলম্বী হায়দরকে অনতিদূরে প্রতিষ্ঠিত হইতে দেওয়া মোপলারা সবিশেষ আনন্দিত হইয়াছিল। এই সময় উভয় জাতিতে পুনরায় বিরোধ বাধিলে কানানোরের মোপলাসর্দার আলি বেজা খাঁ হায়দরকে স্বধর্মাবলম্বীদের সাহায্যার্থ আহ্বান করিয়াছিলেন। ইহাতে ঔদাসীণ দেখাইবার পাত্র হায়দর ছিলেন না। জামোরিণের নিকট তাঁহার কিছু অর্থপ্রাপ্তি বাকি ছিল। পুরাতন দাবির অজুহাতে তিনি সসৈন্যে মালাবার প্রদেশে প্রবেশ করিলেন। তাঁহার সঙ্গে তখন মাত্র ১২০০০ সৈন্য এবং ইউরোপীয় 'কোর্প' (corps) ছিল। পক্ষান্তরে নায়াবদের সৈন্যসংখ্যা লক্ষাধিক ছিল বলিয়া কথিত হইয়া থাকে। উহাদেরও ইউরোপীয় এবং ফিরঙ্গী গোলন্দাজবাহিনী ছিল। সংক্ষেপে বলা দরকার যে মালাবার জয়ে হায়দরকে বিশেষ বেগ পাইতে হয় নাই।

উপকূলভাগের আধিপত্য লাভ করিয়া হায়দর একটি নৌবহর গঠনে সচেষ্ট হইয়াছিলেন। আলি বেজার নিজের একটি সুন্দর নৌবহর ছিল। হায়দর তাঁহাকে স্বীয় বহরাধ্যক্ষ নিযুক্ত করিয়াছিলেন। অনতিকাল পরে আলি বেজা মালদ্বীপপুঞ্জ জয় করিয়া তথাকার নৃপতিকে বন্দী এবং অক্ষ করিয়া হায়দর-সকাশে আনিয়াছিলেন—সম্ভবতঃ মনে করিয়াছিলেন তাঁহার কার্যে হায়দর সন্তুষ্ট হইবেন। হায়দর কিন্তু স্বভাবতঃ একান্ত নিষ্ঠুর ছিলেন না। পরাজিত শত্রুর এইরূপ অথথা নিগ্রহে তাঁহার ক্ষোভ ও বিরক্তির অবধি রহিল না। তাঁহার নিকট বারংবার ক্ষমা-প্রার্থনাপূর্বক যথাসম্ভব স্বাচ্ছন্দ্যের সতিত তাঁহার থাকিবার ব্যবস্থা করিয়া দিয়া তিনি আলি বেজাকে পদচ্যুত এবং ষ্ট্যানেন্ট নামক জনৈক ইংরেজকে বহরের অধ্যক্ষতা প্রদান করিলেন।

তখন বর্ষাকাল সমাগতপ্রায়। মালাবারের নিদারুণ বর্ষা সর্বজনবিদিত। নবজিত জনপদের অদূরে বর্ষাযাপন করা মনস্ত করিয়া হায়দর কৈম্বাটুরে ফিরিয়া গিয়াছিলেন। তথা হইতে ছয় ক্রোশ দূরে মদগিরি নামক স্থানে চাদ সাহেবের পুত্র রাজা সাহেবের অধীনে অগ্রগামী এক দল সৈন্য রক্ষিত ছিল। তিনি এই সময় মহীশূর দরবারে ভাগ্যান্বেষণনিরত ছিলেন। হায়দর হৃত মনে ভাবিয়াছিলেন যে অতঃপর মালাবার প্রদেশে শাস্তি প্রতিষ্ঠিত হইয়াছে, নায়াবরা আর কোন উৎপাত করিবে না, কিন্তু তাঁহার সে ধারণা অচিরেই ভ্রান্ত প্রতিপন্ন হইয়াছিল। তাঁহার প্রত্যাবর্তনের তিন মাসের মধ্যেই নায়াবরা অধীনতাপাশ মোচনার্থ অভ্যুত্থান করিল (মে ১৭৬৪)। মদগিরির অদূরে পুদি'চেরি নামক গ্রামে একদল মহীশূরী প্রহরী-সেনা অবস্থিত ছিল। সহসা একদিন গ্রামবাসিগণ অস্ত্রধারণ করিয়া তাহাদের প্রাণবধ করিল। পরদিবস মাহে হইতে পাঁচ জন পলাতক ফরাসী সৈনিক এসব কথা না জানিয়াই হায়দরের কক্ষ গ্রহণ করিবার অভিপ্রায়ে তথায় আসিয়া উপস্থিত হইয়াছিল।

উত্তেজিত জনতার হস্ত হইতে তাহারাও রক্ষা পাইল না। দেখিতে দেখিতে সমগ্র মালাবার উপকূলে বিদ্রোহের আগুন ছড়াইয়া পড়িল।

নায়াবরা তাহাদের দেশের ঘোর বর্ষায় অভ্যস্ত। উহারা আশা করিয়াছিল, হায়দরের আগমনের পূর্বেই তাহারা কালিকট পুনরধিকার করিতে সমর্থ হইবে। এরূপ সতর্কতার সহিত তাহারা সকল আয়োজন করিয়াছিল যে, রাজা সাহেব বা হায়দর কেহই কোন কথা ঘূণাক্ষরে জানিতে পারেন নাই। কালিকট এবং পাণিয়ানি নগরদ্বয় আক্রান্ত হইবার পরে রাজা সাহেব নায়াবদের অভ্যুত্থানের সংবাদ পাইয়াছিলেন। পাণিয়ানির অবরুদ্ধ কিল্লাদার কর্তৃক প্রেরিত জনৈক পর্তুগীজ জাতীয় নাবিক তাঁহার নিকট এই সংবাদ আনিয়াছিল। দুর্গাধ্যক্ষ উহাকে স্তম্ভচূর পুরস্কারের লোভ দেখাইয়া উক্ত বিপজ্জনক কার্যে পাঠাইতে পারিয়াছিলেন। নায়াবদিগের ভয়ে দিবাভাগে যাইতে সাহসী না হইয়া ঐ ব্যক্তি শুধু রাত্রিযোগে মাত্র একটি ছোট পকেট-কম্পাস সম্বল করিয়া হিংস্র স্বাপংস্কুল অরণ্যমধ্যে প্রবাহিত শক্রসমাকীর্ণ দীর্ঘ নদীপথ বাশের ভেলায় একাকী পাড়ি দিয়া মদগিরিতে আসিয়া পৌঁছিয়াছিল।

অনন্তর হায়দর চতুর্দিক হইতে নিজ বিক্ষিপ্ত সেনাবল সংহত করিয়া বিদ্রোহদমনে অগ্রসর হইয়াছিলেন। পণ্ডিচেরী এবং কলম্বো হইতে সগদমাগত তিন শত ইউরোপীয় সৈনিক এই সময় তাঁহার দলে যোগদান করিয়াছিল। হুগেলের প্রস্থানের পর তাঁহার শ্বেতকায় সৈনিকগণের সংখ্যা নিতান্ত হ্রাস পায়। উহাদের আগমনে সে ক্ষতি তাঁহার অতঃপর পূর্ণ হইয়াছিল। লে মেত্র দে লা তুর নবাগত সৈনিকগণের অধ্যক্ষ ছিলেন। তাঁহার প্রথম জীবন সম্বন্ধে কোন কথা জানা যায় নাই। অপরাপর বহু ভাগ্যান্বেষীর মত তিনিও সর্বপ্রথম ফরাসী সৈনিকের বেশে এদেশে আসিয়াছিলেন বলিয়াই মনে হয়। তখন দারুণ বর্ষা—সমস্ত দেশ জলপ্লাবিত। মহীশূরীদের কোথাও বা একবৃক জল ঠেলিয়া, কোথাও বা সাঁতার কাটিয়া অগ্রসর হইতে হইয়াছিল। হায়দর যে অত শীঘ্র আসিয়া দেখা দিবেন নায়াবরা তাহা মনে ভাবে নাই। পণ্ডিয়াগড়ি নামক স্থানের অদূরে উহারা শত্রুপক্ষকে বাধাদানে দাঁড়াইল। হায়দর নিজ সেনাদল তিন অংশে বিভক্ত করিয়া বামপ্রান্তের ভার জনৈক ইংরেজ সেনানায়ককে এবং দক্ষিণপ্রান্তের ভার গোয়া হইতে সমাগত একজন পর্তুগীজ জাতীয় লেফটেন্যান্ট কর্নেলকে* দিয়া স্বয়ং কেন্দ্র-

* প্রেসিয়াধিপতি ফ্রেডারিক দি গ্রেট কর্তৃক উদ্ভাবিত সামরিক ব্যায়ামের উৎকর্ষ জন্ম ইউরোপের অগ্গা স্কল রাষ্ট্র তাহা গ্রহণ করিয়াছে শুনিয়া হায়দর তাহা নিজ সৈন্যদলে প্রবর্তন করিতে ইচ্ছুক হইয়া গোয়া, পণ্ডিচেরী, মাদ্রাজে উপযুক্ত শিক্ষকের জন্ম পত্র লিখিয়াছিলেন। ইহার ফলে গোয়া দরবার ঐ ব্যক্তিকে হায়দর-সমীপে পাঠাইয়া দিয়াছিল। যুদ্ধে উহার অযোগ্যতা দর্শনে হায়দর তাহার প্রতি নিতান্ত বিরক্ত হইয়াছিলেন। পরদিবস কোন কারণে উভয়ের মধ্যে বচসা হয়। ইহাতে নিজেকে অপমানিত বিবেচনা করিয়া কর্নেল কক্ষে ইস্তফা দিয়া স্বদেশ প্রত্যাবর্তন করিয়াছিলেন।

দেশে মূল বাহিনী লইয়া স্থানগ্রহণ করিয়াছিলেন। তাঁহার পশ্চাতে রিজার্ভ সেনাদল ও ইউরোপীয়গণ অবস্থিত ছিল। উভয় সেনাদলের মধ্যে একটি অপ্রশস্ত খাতের ব্যবধান। হায়দরের নিকট হইতে শরকসেনাকে আক্রমণ করিবার আদেশ পাইয়া পর্তুগীজ সেনানাযক নিজ সৈনিকগণকে ঐ নালাব প্রান্ত পর্য্যন্ত লইয়া গিয়াছিলেন, কিন্তু সেই পর্য্যন্ত গিয়া তাঁহার সকল সাহস বিলুপ্ত হইল, তিনি আর অধিক অগ্রসর হইতে সাহসী না হইয়া সেইখান হইতেই উহা-দিগকে প্রতিপক্ষের উপর গুলি চালাইবার আদেশ দেন। সুরক্ষিত আশ্রয়স্থল হইতে মুঘলধারে গুলিধুটি করিয়া নাযাররা উন্মুক্ত স্থানে অবস্থিত মহীশূরীদিগকে বিপর্য্যস্ত করিয়া ফেলিল। প্রায় দুই ঘণ্টা ধরিয়া এই হত্যাকাণ্ড চলিতে থাকে। অকারণ লোকক্ষেয়ে হায়দরের ক্রোধের সীমা রহিল না। কন্ডবোর খাতিরে তিনি লক্ষ সৈনিকের দেহভাগে কাতর হইতেন না; কিন্তু তেমনি একটি লোকেরও অকারণ মৃত্যু তিনি সহ্য করিতে পারিতেন না। দে লা তুর এযাবৎ স্বীয় কৃতিত্ব দেখাইবার কোন সুরযোগ পান নাই! তিনি হায়দরের নিকট ইউরোপীয়গণ ও রিজার্ভ দলসহ সিপাহীদের নেতৃত্ব লইবার প্রস্তাব করিয়াছিলেন। ফরাসীরাও মদগিরিতে নিহত সহযোগীবৃন্দের শোচনীয় হত্যাকাণ্ডের প্রতিশোধ লইবার জন্ত অধীর হইয়া উঠিয়াছিল। উহারা মহোৎসাহে দ্রুত ধাবনে ব্যবধানপথ, মধাবর্তী খাত অতিক্রম করিয়া ভীমবেগে শরকসেনার উপর আপতিত হইয়াছিল। সে আক্রমণের বেগ রোধ করার সাধ্য নাযারদের হইল না। ফিরঙ্গীদিগের বীরত্বে ও সাহসে অনুপ্রাণিত হইয়া সমগ্র মহীশূরী-বাহিনী শরকে আক্রমণে অগ্রসর হইল, কিন্তু নাযাররা আর তাহাদের বাধা দিতে দাঁড়াইতে পারে নাই।

হায়দর সৈনিকগণের কৃতিত্বে পবন প্রীতিলাভ করিয়াছিলেন। দে লা তুরকে তিনি “বাহাদুর” উপাধিসহ দশহাজারী মনসবদারী এবং তোপখানার অধক্ষপদ দিয়াছিলেন। প্রত্যেক সৈনিককে তিনি ৩০ টাকা পুরস্কার দিয়াছিলেন। আহতদিগকে ইহার দ্বিগুণ পরিমাণ অর্থ দেওয়া হইয়াছিল। ফিরঙ্গীদের তসমসাহসিক কাণ্ডে মালাবারীদের প্রাণে বিষম আতঙ্কের সঞ্চার হইয়াছিল। সুরযোগ বুঝিয়া হায়দর তাহাতে ইন্ধন প্রদান করিতে আরম্ভ করিলেন। তিনি চারিদিকে প্রচার করিয়া দিলেন যে, ফিরঙ্গীস্থান হইতে শীঘ্রই তাঁহার বহু সৈন্য আসিবে এবং উহারা নবমাংসলোলুপ দুর্দান্ত জীব! নাযাররা শীঘ্র বশতা স্বীকার না করিলে তিনি উহাদের হস্তে তাহা-দিগকে শাস্তি করিবার ভার দিবেন। বৈরনির্ঘাতনপরতন্ত্র ফরাসী সৈনিকগণ যে অমানুষিক অত্যাচার করিয়াছিল তাহা হইতে জনসাধারণের মনে হায়দরের সকল কথা সত্য বলিয়াই বোধ হইয়াছিল। অতঃপর তাহারা অবাধ্যতা হইতে নিবৃত্ত হইয়া মহীশূরী শাসন স্বীকার করিয়া লইল।

দে লা তুর এই সময়কার কতকগুলি কৌতুকবহু ঘটনার উল্লেখ করিয়াছেন। এগুলে সকলগুলি প্রদান করা সম্ভব নহে; সংক্ষেপে শুধু দুই-একটিরই উল্লেখ করা যাইতে পারে। নাযারদের সহিত

যুদ্ধকালে হায়দর চমরাও নামক একজন মরাঠা সর্দারকে চারি হাজার বর্গী সৈন্য সংগ্রহ করিয়া দিবার ভার দিয়াছিলেন। লোকটি নিতান্ত কুপণ ও অর্থগ্ৰহ ছিল। আবশ্যিকমত অর্থব্যয় না করিতে তাহার সৈনিক-সংগ্রহে বহু বিলম্ব ঘটে, ধীর মন্থরগতিতে প্রায় বৎসরকাল পরে মরাঠারা যখন আসিয়া দেখা দিয়াছিল তখন আর তাহাদের কোন প্রয়োজনই ছিল না। উহাদের না ছিল অস্ত্রশস্ত্র, না ছিল সামরিক শিক্ষাদীক্ষা। সৈনিক না বলিয়া উহাদের একদল লুণ্ঠন-লোলুপ দস্যু বলাই অধিকতর সঙ্গত। উহাদের দেখিয়াই হায়দরের চক্ষুস্থির। তিনি তাহাদের বলিয়াছিলেন, যে সময়টা তাহারা অকারণ নষ্ট করিয়াছে, সে সময়ের বেতন তিনি দিবেন না। বলা বাহুল্য, এ ধরণের কথা শুনিতে মরাঠারা অভ্যস্ত ছিল না। তাহারা সক্রোধে জানাইয়াছিল যে, এক ঘণ্টার মধ্যে তাহাদের দাবি মেটানো না হইলে তাহারা নিজেদের ব্যবস্থা নিজেরাই করিবে।

হায়দরের নিকট তখন মাত্র পাঁচ শত এবং দে লা তুরের দলের ত্রিশ জন সৈনিক ছিল। উহাদের লইয়া চারি হাজার উত্তেজিত বর্গীর মহড়া লওয়া যে কিরূপ কঠিন ব্যাপার তাহা সহজেই অনুমেয়! সৌভাগ্যক্রমে মরাঠারা যুগে আফালন করিয়াই ক্ষান্ত হইয়াছিল। তাহারা সহসা কিছু করিতে সাহস করিল না। বাহুবলে উহাদের নির্জিত করা একেবারে অসম্ভব না হইলেও সে কাৰ্য্য শাস্তভাবে সাধিত হয় তাহা হায়দরের অভিপ্রেত ছিল। দে লা তুরকে তিনি সেকথা বলিয়া বর্গীদের শাস্ত করিবার ভার দিয়াছিলেন। “ফরাসী সেনাপতি—হায়দর তাঁহার প্রতি যে বিশ্বাস বৃদ্ধি করিয়াছিলেন নিজেকে তাহার উপযুক্ত প্রমাণ করিতে সমুৎসুক হইয়াছিলেন এবং কীদৃশ গুরুভার তাঁহার প্রতি সমর্পিত হইয়াছে তাহা বুঝিলেও মহোৎসাহে তাহা সাধনে আত্মনিয়োগ করিয়াছিলেন।” মদগিরির ফোর্ডদারকে যত অধিক সম্ভব টোপাসী* সংগ্রহ করিয়া পাঠাইবার এবং তাঁহার ফরাসী সৈনিকদের তথা হইতে যথাসম্ভব কৈম্বাটুরে আসিবার আদেশ দিয়া তিনি মরাঠা সর্দারের সহিত একবার সাক্ষাৎ কামনা করিয়াছিলেন এবং তাঁহাকে বলিয়াছিলেন যে তাঁহাদের নিজেদের অবস্থাও কোনমতে উহাদের অপেক্ষা ভাল নহে; কারণ নাযারদিগের সহিত যুদ্ধকালে তাহারা মহীশূরে আসিয়াছিলেন বলিয়া তখন নবাবের সহিত তাহাদের বেতন-ভাতা ইত্যাদি সম্বন্ধে কোন কথা হয় নাই। সুতরাং নিজেদের স্বার্থ-রক্ষাকল্পে ফরাসীরা ও মরাঠারা যদি একযোগে কাজ করে তাহাতে উভয় পক্ষেরই মঙ্গল হইবে। নবাব তাহাদের সম্বন্ধে কি স্থির

* টোপাসী কথাটির প্রকৃত অর্থ টুপীপরিহিত ব্যক্তি। বর্গ-সঙ্ঘর পর্তুগীজদের ইউরোপীয় টুপীর জন্ত উক্ত আখ্যা প্রদত্ত হইয়াছিল। কিন্তু বাস্তবিক পক্ষে টোপাসীদের দলে বিভিন্ন শ্রেণীর বহু ব্যক্তি স্থান পাইত। উহাদের সকলের ইউরোপীয় উৎপত্তি সন্দেহস্থল। তোপখানার ভার প্রধানতঃ টোপাসীদের হস্তে থাকিত।

করিলেন তাহা জানিবার জ্ঞান তাঁহার অবশিষ্ট সৈন্যগণ ছই-এক দিনের মধ্যে কৈশাটুরে আসিবে ; যত দিন না তাহারা আসিয়া দেখা দেয় ততদিন চূপ করিয়া থাকাই সঙ্গত । ইতিমধ্যে তিনি একবার নবাবের নিকট কথাটা পাড়িয়া দেখিবেন বলিলেন । মরাঠারা তাঁহার সকল কথা সত্য বলিয়া বিশ্বাস করিল ।

মদগিরিতে তখন প্রায় চারি শত ইউরোপীয় সৈনিক ছিল । পরদিবস প্রায় সায়াদিন ধরিয়া উহারা ক্ষুদ্র ক্ষুদ্র দলে বিভক্ত হইয়া কৈশাটুরে আসিতে লাগিল । প্রত্যেক দলই আসিয়া বলিল যে মূল বাহিনী তাহাদের পিছনে আসিতেছে । সন্ধার পর বাগভাণ্ড-সহকারে টোপাসীরা আসিয়া দেখা দিল । অন্ধকারে তাহাদের টুপি এবং ব্যাণ্ড হইতে মরাঠারা ভাবিল বুঝি-বা এইবার প্রধান দলই আসিল । উহাদের পক্ষে ফিরঙ্গীদের প্রকৃত সংখ্যা অবগত হওয়া সম্ভব ছিল না । মরাঠারা উহাদের বাস্তবিক সংখ্যা অপেক্ষা অনেক বেশী বলিয়াই মনে ভাবিল ।

পরদিবস দে লা তুর চমরাজকে বলিলেন যে হায়দরের সহিত তিনি দেখা করিয়াছেন এবং তিনি তাঁহাকে যে সত্ৰ দিয়াছেন তাহা অসম্মত মনে না হওয়ায় তাহাতে সম্মত হইয়া আসিয়াছেন এই আশায় যে মরাঠাদের মত বুদ্ধিমান এবং বিচক্ষণ ব্যক্তির কখনও অবুঝ হইবেন না । বলা বাহুল্য, তিনি হায়দর-প্রদত্ত পূর্বেকার সত্ৰগুলির পুনরুক্তি করিলেন মাত্র । ইহাতে বিরক্ত হইয়া মরাঠারা দরবার হইতে প্রস্থান করিল । গভীর নিশীথে লালী নামক দে লা তুরের জনৈক এডজুটান্ট তাঁহার আদেশে কয়েকটি কামানসহ মরাঠা-শিবিরের অদূরে স্থান পরিগ্রহ করিলেন । সকালে উঠিয়া কামান-সমূহের পার্শ্বে বর্তিকাহস্তে করাসী গোলন্দাজদের দেখিয়াই মরাঠাদের সকল সাহস বিলুপ্ত হইল । হায়দর এইরূপে তাঁহার ইউরোপীয় সেনাপতির কৌশলে অনায়াসে একদল অপদার্থের জ্ঞান অহেতুক অর্থব্যয় হইতে নিষ্কৃতি পাইলেন এবং স্বীয় শ্রীতির নিদর্শন-স্বরূপ তাঁহাকে দেহরক্ষী-দল গঠনের অমুমতিসহ তজ্জ্ঞ কুড়িটি সুন্দর ঘোটক উপহার প্রদান করিয়াছিলেন । বক্সীকে তিনি ফরাসীদের বেতনাদি প্রদানের ব্যবস্থা করিতে আদেশ দিলেন । দে লা তুর বলেন যে, উহাদের দাবি অত্যধিক মনে হওয়ায় বক্সী তাহা দিতে অসম্মত হইয়াছিলেন এবং তাঁহার প্রদত্ত অর্থ অত্যল্পবোধে ফরাসীরা তাহা লইতে চাহে নাই । এ সংবাদে হায়দর নাকি উহাদের নিজ সমক্ষে ডাকাইয়া আনিয়া বলিয়াছিলেন, “গুলিলাম বক্সীর সহিত তোমাদের মতভেদ হইয়াছে ? ইহাতে আমি নিতান্ত দুঃখিত । তোমরা আমাকে সকল কথা বল নাই কেন ? তোমরা কি জান না

তোমরা আমার কত প্রিয় ? আমার বাহা কিছু আছে সবই আমি তোমাদের দিতে পারি ।” অনন্তর তিনি বক্সীকে উহাদের নির্দিষ্ট হারে বেতন দিতে আদেশ দিয়াছিলেন এবং পরদিবস স্বীয় আবাসে এক ভোজে উহাদের সংবন্ধিত করিয়াছিলেন ।*

এবারে দ্বিতীয় কাহিনীটির উল্লেখ করা যাইতেছে । মেকুইনেজ নামক হায়দরের একজন পর্তুগীজ জাতীয় সৈনিক ছিল । দীর্ঘকাল পরম বিশ্বস্তভাবে প্রভুর পরিচর্যা করিয়া মরাঠাদের সহিত এক যুদ্ধে ঐ ব্যক্তি নিহত হইয়াছিল । কৃতজ্ঞতার নিদর্শনস্বরূপ হায়দর তদীয় বিধবা পত্নীকে তাহার মৃত্যুর পর কর্ণেল পদসহ রেজিমেন্টের অধ্যক্ষতা দিয়াছিলেন । মাদাম সৈন্যগণের সহিত সর্বত্র যাইতেন, উহাদের কুচকাওয়াজাদি নিয়মিত ভাবে পর্যবেক্ষণ করিতেন, তাহাদের বেতন তাঁহার হস্তেই প্রদত্ত হইত । কিন্তু যুদ্ধের সময় রেজিমেন্টের দ্বিতীয় অধ্যক্ষ তাহাদের পরিচালনা করিতেন । হায়দর আদেশ দিয়াছিলেন—মৃত মেকুইনেজের নাবালক-পোষাপুত্র প্রাপ্তবয়স্ক না হওয়া অবধি এই ব্যবস্থা বলবৎ থাকিবে ।

এখনকার মত তখনকার দিনেও স্ত্রীলোকেরা স্বামীদের অগোচরে সংসার-খরচের টাকা হইতে কিছু কিছু জমাইতে ভালবাসিত । ইউরোপীয় বা খ্রীষ্টান মহিলারা সঞ্চিত অর্থ নিজেদের কাছে না রাখিয়া সাধারণতঃ পাত্রীদের নিকট উহা গচ্ছিত রাখিত । স্বামী বা অপরাপর আত্মীয়বর্গ ঐ টাকার কথা অনেক সময় কিছুই জানিত না, সুতরাং দৈবক্রমে কাহারও মৃত্যু হইলে পাত্রীমহাশয়ই লাভবান হইতেন । তবে সাধারণতঃ উহাদের বিশ্বাস ভঙ্গ করিতে দেখা যাইত না । মাদাম মেকুইনেজও স্বীয় অর্থালঙ্করাদি জনৈক পর্তুগীজ জেসুইট পাত্রীর নিকট গচ্ছিত রাখিয়াছিলেন । পর্তুগীজ পাত্রী স্বীয় অধিকার-মধ্যে জেসুইট-সম্প্রদায়কে নিরোধ করিবার আদেশ দিলে উক্ত পাত্রী রাজভক্তি দেখাইবার জ্ঞান মহীশূর রাজ্য পরিত্যাগ করিয়া স্বদেশ-প্রত্যাবর্তন-মানসে গোয়ায় ফিরিয়া গিয়াছিলেন । মাদাম তাঁহার নিকট গচ্ছিত সম্পত্তি দাবি করিলে তিনি তাঁহাকে লিখিয়া-ছিলেন যে, আসিবার সময় তিনি জিনিসগুলি জেভিয়ার পল্লীম নামক স্থানের পাত্রীর নিকট রাখিয়া আসিয়াছেন । বিবি মেকুইনেজ তাঁহাকে ঐগুলি প্রত্যর্পণ করিতে বলেন, কিন্তু তিনি এ বিষয়ে কিছুই জানেন না বলিলেন । মাদাম নবাব সহকারে অভিযোগ করিলে হায়দর দে লা তুরের হস্তে বিচারের ভার দিয়াছিলেন । ক্রমশঃ

* এ সকল কথা কিন্তু সত্য বলিয়া মনে হয় না । উক্ত কালে হায়দরের লালীকে বেতন দানে এ প্রকার দাক্ষিণ্যের পরিবর্তে যথেষ্ট কার্পণ্যের পরিচয়ই পাওয়া যায় ।





সাহসী যাত্রার উদ্দেশ্যক্রমে

জুড়ন্ত বন্দ্যোপাধ্যায়

সিলকিয়ারার পাহাড় থেকে নেমে আসার পর গাংনানীর আগে ছোট্ট একটি বর্ণার ধারার সন্ধান মেলে—তার ওপর একটি কাঠের সেতু আর ঐ সেতুটি পেরুলেই গাংনানী জনপদের এজিয়ার। এবার পথের শুরু ঐ সেতু পেরিয়ে নয়, তারই ধার বরাবর দুটি পথেরপার সন্ধিস্থলের পাশে। একটি পথ উল্টোমুখে চলে গেছে ধরাসুর দিকে, আর একটি পথ চলে গেছে গঙ্গোত্তরীর দিকে। ঐ পুলের কিছুটা দূরে সাধারণ যাত্রীদের জগে বিজ্ঞপ্তি—‘গঙ্গোত্তরী কো সড়কা’

এখানে থেকেই প্রকৃত পক্ষে আর একটি মহাতীর্থের প্রথম পরিচ্ছেদের প্রথম পাতাটির আবিষ্কার—পুণালোভাতুর যাত্রীদের এই বাস্তবিকই নূতন জীবনের তথা নূনাতম অভিজ্ঞতার আস্থান জানিয়েছে।


ধরাসুর থেকে যাত্রার প্রারম্ভে যাত্রীসংখ্যা ছিল দশ-বার জন, অদৃশ্য এক সংখ্যাতন্ত্রের মন্বনে সেই নূনাতম সংখ্যা যে কি করে বাইশে দাঁড়াল তা ভেবে পাই না। অচেনা মুখ দেখতে পাই—অচেনা দল চোখে পড়ে। এরা রাতারাতি যমুনোত্তরী তীর্থ শেষ করে কি করে যে গাংনানীর ধর্মশালায় এসে গেছে তার হিসেব আমার কাছে নেই—সব এসে গেছে এই যা! শ্রোতের মুখে কুটোর মত সব এরা, ভাসতে ভাসতে চলে এসেছে, আর এই চলে আসাটাই সত্যি। জানি, অচেনা বলে যাদের মনে হ’ল, একাকাদের ঘূর্ণিবায়ুতে সে সব যাবে উড়ে—আমরা সব মিশে যাব একটি ধারায়—একটি প্রবাহিণীতে। এ পুণারাজ্যে চেনা-অচেনার কুহেলিকা মাত্র একটি নুহুর্ভের—অপরিচিত বলে যাদের মনে হচ্ছে, পথ চলার গতিবেগে সে মনে হওয়া শূন্য অঙ্কে নেমে আসবে।

বর্ণার সেই ধারাকে বাঁ দিকে পথ চলেছে একেবেঁকে, প্রায় এক মাইলের মাথায় সেই পথটি একটি চায়ের দোকানের সামনে এসে শেষ হয়ে গেল। বোঝা গেল—চায়ের দোকানটির অস্তিত্ব এখানে সাজ্বাতিক—সামনেই চড়াই—তারই পরিচয়ের বার্তা জানিয়েছে।

সত্যি তাই, সিজুটের বিখ্যাত চড়াইটা এর পর থেকেই শুরু। গাংনানীর ধর্মশালায় যাত্রীদের মুখে মুখে যাব কাহিনী আমার শোনা।

শোনা গেল, চড়াইটা একটানা ছ’মাইল—উংরাই তিন মাইল।

বেদের বাঁশী শুনে গোথরো সাপ বেরিয়ে এসে ফণা উঁচিয়ে দাঁড়ায়, গান শোনে। সেখানে বাঁশী, তাই তার বিষের হাত থেকে বেদের নিষ্কৃতি। কিন্তু এখানে বাঁশী কৈ? যে সর্পিল পথ কুণ্ডলা পাকিয়ে এই পাহাড়ী ময়াল সাপকে বেষ্টন করে আছে—তাকে খামাই কি করে? কাজেই সাপকেই গ্রাহ্য করে নিতে হয়। এগুলো হয় এক পা এক পা করে। সিজুটের চড়াইটা তার নিজস্ব বৈশিষ্ট্যে গরীয়ান, এ তীর্থভূমির কোন চড়াইয়ের সঙ্গে তার মিল নেই। যমুনোত্তরীতে যাওয়া ও ফিরে আসার মধ্যে যতগুলো চড়াই পাওয়া গেছে—এ চড়াইটা তাদের সঙ্গে মিশে গিয়ে নিজের মধ্যাদা ক্ষুণ্ণ করে নি। চড়াই কখন পাহাড়কে বেষ্টন করে অথবা এ পাহাড় শেষ হয়ে অগ্নি পাহাড়ে—কিন্তু সিজুটের এ চড়াই পথ একেবারে ঘুরে ঘুরে পাহাড়ের শীর্ষ দিয়ে উঠে তার ক্রমোচ্চ গতিকে শেষ করেছে, তার পর তার উংরাই অভিযান। এ রকমটি অগ্নি কোথাও নেই। কিছু দূর ওঠার পর পাইনের ছড়াছড়ি শেষ—এ অঞ্চলে দেখা যাচ্ছে নিম্নভূমির মায়াই হ’ল পাইনের মূলধন, উচ্চতার মাপকাঠিতে সে মায়াও আর নেই, সে মূলধন হারিয়ে গেছে। চড়াই ভাঙার সঙ্গে সঙ্গে পাইনের সে নয়নাভিরা মদুশোর বদলে দেখা দিল অনামী মহীরুহের দ্বীপ ও উপমহাদেশ—লতাগুণ্ডের ঘেরাটোপের ভিতর ছায়াচ্ছন্ন বনানীর আত্মপ্রকাশের কুহেলিকা। বিজ্ঞ পথ ও নিঃশব্দ আবেষ্টনীর সঙ্গে শারীরিক ক্লান্তির একটা দ্বন্দ্ব বেধে যায়। কত রকমের গাছ যুগযুগান্তের সাক্ষীর মত পাষণ্ড মুক্তিকার বুক চিরে জেগে আছে—এ সব গাছের পরিচয় নেই, এরা গোত্রহীন। ঐরাবত সিজুটের পাহাড়—যাত্রার শুরুতেই এক নির্বিশেষ পরীক্ষার ভূমিকা হয়ে আছে যেন।



তুষারাচ্ছন্ন গিরিশ্রেণীর অন্তহীন শোভাযাত্রা—সিন্ধুট

সিলকিয়াবার পাহাড়, যমুনা চটির পর চড়াইয়ের দাপাদাপি, তার পর ভৈরব ঘাঁটির সেই অমানুষিক পরিশ্রম—সবই ত পেরিয়ে এলাম, কাজেই বুকের রক্ত জল করে সিন্ধুটকেও হারিয়ে দি, একেবারে পাহাড়ের চূড়োতে গিয়ে উঠি—লাটিমের পাকের মত পাকদণ্ডী পথ পাহাড়ের মাথায় গিয়ে যার শেষ হয়েছে। ক্রমোচ্চ পথটি শেষ করে যখন পাহাড়ের ওপর উঠলাম তখন বেশ বোঝা গেল আমি নিঃশেষ হয়ে গেছি। পাহাড়ের শীর্ষদেশ টিক সেলাইয়ের চূঁচের আকৃতি নয়, এখানে মুক্তিকার সামগ্র্য দাক্ষিণ্য আছে—খানিকটা সমতলভূমি স্বাতীসমারোহকে অভ্যর্থনা জানিয়েছে যেন। এখানেও একটি চায়ের দোকান, নিঃশেষিত প্রাণশক্তিকে ফিরিয়ে আনার জঞ্জাই যেন এর সৃষ্টি! একেবারে পাহাড়ের চূড়ায় এরকম চায়ের বিজ্ঞপ্তি পরিব্রাজক জীবনে অল্প কোথাও খুঁজে পাই নি। দোকানটি দেখে মনে হ'ল যাক, সভ্যতা এখনও বেঁচে আছে...আমরা এখনও হারিয়ে যাই নি। গুটি গুটি এখানে হাজির হই এক ভাঁড় চায়ের আশায়।

সিন্ধুটের এই পাহাড়টির ওপর উঠবার পর চারিদিকের দৃশ্যাবলী যে ভাবে আত্মপ্রকাশ করে তার তুলনা যমুনোত্তরী ও গঙ্গোত্তরীর ইতিহাসে অল্প কোথাও নেই। এ যকমটি যে দেখব আশা ছিল

না বা বুঝিও নি। সাড়ে আট হাজার ফুটের এই পাহাড়ের আকাশমুখী অভিযান—অসমাপ্ত উপত্যাসের মতই এর স্বরূপ! ধু ধু করছে চারিদিক—আবহাওয়া যেন দৈব আবহাওয়া। দৃষ্টির বাধা নেই এখানে—গোটা পৃথিবীটাই যেন উন্মুক্ত হয়ে গেছে চোখের সামনে। শুধু তাকিয়ে তাকিয়ে জীবন কেটে যায় যেন। মনে হয় এই মুক্তিকার এইটুকু দাক্ষিণ্যের ভেতর ছোট্ট একটি কুটীর বাধি—আর সমস্ত দিনরাত কেবল এই অসীমতার ও শূন্যতার মাঝার ভেতর দৃষ্টিটাকে মেলে রাখি...আর কিছুই দরকার নেই এখানে, শুধু চেয়ে থাকতে পারলেই ব্যক্তিবিশেষের জীবন ধন হয়ে যাবে।

সমগ্র পূর্ব ও পশ্চিমকে কেন্দ্র করে দিকচক্রবালের মেথলায় তুষারাচ্ছন্ন গিরিশ্রেণীর অন্তহীন শোভাযাত্রা, মনে হ'ল ভ্রম্যচ্ছাদিত মহাদেবের গলায় একটি শ্রীর মাল্য জড়ান রয়েছে। ফুলের স্তবকের মত একটির পর একটি গ্রেসিয়াবের ফুটে থাকা—দৃষ্টির সামনে এই মহিমার রূপবর্ণনা কির কি করে? এখানে দাঁড়িয়ে দাঁড়িয়ে পূর্ব প্রান্তে যে গিরিশৃঙ্গ চোখে পড়ে ওটা কেদারনাথের, যা গত বছরে দেখে এসেছি। তারই পাশে যমুনোত্তরী তিমবাহের শুভ গিরিশৃঙ্গ, যা দেখে এলাম, যা স্মৃতিতে এখনও জাগরক

হয়ে আছে। তার পাশে একটি সমান্তরাল রেখায় গঙ্গোত্তরী গ্রেসিয়ারের অক্ষুট এক হাতছানি, যার আকর্ষণে আজকের এই মহাযাত্রা। দূরে সুরু ক্ষীয়মান একটা ধারা দেখতে পাচ্ছি, ইনিই গাংনানীর মা যমুনা, যার দর্শনে ধলা হয়ে এলাম। আমার ডান দিকে বিন্দুর মত ছোট ছোট ঘর বাড়ী, ওই হ'ল স্বপ্নের উত্তর কাশী, যেখানে পৌঁছতে আর দেবী নেই—এই বিন্দুর সারির পাশে আর একটা প্রবাহিণীর সন্ধান মেলে; ধরম সিং পরিচয় করিয়ে দেয় ওই মা ভাগীরথী, যার পাশে পাশে আমাদের যাত্রা হবে সুরু। সারা দিগন্ত জুড়ে যে গিরিশৈলীর যুগব্যাপী পরিক্রমা—সামনের ওই গঙ্গোত্তরী হিমবাহের পেছনেই কৈলাসশৃঙ্গ আর মাক্কাতার অবস্থিতি। যতদূর দৃষ্টি চলে শুধু পাহাড় আর পাহাড় আর তার জঠরের ভেতর মর্ত্যের মানুষের ছোট ছোট সংসারের জনপদের আকুলি। এধার থেকে ওধার—পবনশক্তির এক অত্যাশ্চর্য সৃষ্টি-তত্ত্বের প্রকাশের ভেতর দিয়ে মানুষের অন্তরে শ্রদ্ধা ও বিশ্বাসের স্তূপ নেমে আসে। এ দৃশ্য সার্থক দৃশ্য—এ দৃশ্যের তুলনা নেই।

সিঙ্গুটের পাহাড়ের ওপর দাঁড়িয়ে দাঁড়িয়ে বড় বেশী করে চেনা যায় কেদারনাথকে আর যমুনোত্তরীকে, আর এ দেখা অমুভূতিকে নূতন রূপ যে দেয় সে বিষয়ে সন্দেহ নেই। গত বছরের দেখা কেদারের সে মহিমামণ্ডিত শাস্ত অবিদ্যাক্ষী শৈলরাজি যে চোখের সামনে আবার ফুটে উঠবে তা জানা ছিল না, তাই দেখার ভেতর দিয়ে আনন্দের আর এক উচ্ছ্বাস সৃষ্টি হ'ল এখানে। যমুনোত্তরীকে দেখা এই ত ক'দিনের—আবার তারই রূপ দেখলাম আর এক সৃষ্টির অধ্যায়ে, এখানে তার একক রূপটি নেই—বহুর ভেতরেই সে হিমবাহের নবজন্মের রূপ। গঙ্গোত্তরীর হিমবাহকে এখনও দেখা হয় নি, তাই এ দেখাও চরম দেখা। কৈলাসকে এখান থেকে দেখা না গেলেন বৃথা যায় যে, এই শোভাযাত্রার পেছনে আর একটা সুপ্রাচীন তীর্থভূমি অদৃশ্য হয়ে জেগে আছে। এখানে এসে ক্লাস্তি গেল দূর হয়ে—শাস্তি হ'ল নিঃশেষ। আমরা নীচেকার মানুষ, তাই ছোট প্রবৃত্তির ছোট হাতার পরিবেশনে সন্তুষ্ট থেকে যাই...উচুতে আমরা উঠি না, তাই আমাদের আধ্যাত্মিক সঙ্কে এত ক্ষয় ও ক্ষতি। এখানে তাই উঠে আসার পর ব্যক্তিবিশেষের তলাকার ফেলে আসা মাটির কথা মনে থাকে না, সাময়িক হলেও এ দৈব ভাবের স্পর্শটি বড় মধুর। দার্শনিক হয়ে ওঠে মন—গণ্ডী যায় লুপ্ত হয়ে। পাহাড় এখানে শুধু পাহাড় নয়—মানুষী প্রবৃত্তির বা কিছু মহৎ, যা কিছু মহান তাই যেন উচ্চমুখে উঠিয়ে নিয়ে গেছে...পাহাড়ের বিবাত্ত্বের সঙ্গে, মনের বিবাত্ত্বেরও তাই সহজ সঙ্কে আছে এখানে। ইটকাঠ পাথরের মধ্যে দৃষ্টির যে বিরোধ, তার বিরোধ আত্মারও সঙ্গে, জীবনের বহুর কল্যাণের সঙ্গেও—কিন্তু এখানে যে অনন্ত প্রসারিত দৃষ্টির সুযোগ ভগবান করে রেখেছেন, তার সঙ্গে মানুষের নারায়ণে রূপান্তরিত হওয়ারও সুযোগ আছে। পাহাড়ের গুহায়, পবনতের উচ্চদেশে তাই তাপসের বাঘছাল পাতা...সাধকের হোমায়িত্ব আশ্রয় তাই সেখানে জলে।

আমার পাশ দিয়েই বীরবলরা নেমে উৎরাইয়ের পথ ধরলে, অপেক্ষা তারা করল না, সিঙ্গুটের ধর্মশালায় যদি না উঠে সোভা নাকুরীতে গিয়ে উঠি সেই ভয়ে আমাকে তারা ছাড়বে না। ধরম সিং আর আমি এখানে অনেকক্ষণ থাকি—প্রায় এক ঘণ্টা। এ অল্পবিস্তর স্থানটুকু আমার কাছে কাব্য হয়ে ওঠে, সম্পদ হয়ে ওঠে...দেখে দেখে আর আশ মেটে না। কিন্তু দীর্ঘনিশ্বাস নেমে আসে এই ভেবে যে এই কাব্য প্রাত্যহিক জীবনের কাব্য নয়—এ কাব্যের আয়ু মাত্র এক ঘণ্টা।

এবার নামা। যেমন ওঠার ব্যাপারটি, তেমনি অবতরণেরও একেবারে বাড়াই পথ নেমে গেছে টানা তিন মাইল। উঁকি মেরে তাকিয়ে দেখলাম বহুদূরে সমান্তরাল রেখায় পিঁপড়ের সারির মত মানুষের যাতায়াত—উৎরাইয়ের ইতরবিশেষের ভেতর যেটি সম্ভব নয়। এ পাথর আর সে পাথর—এ গাছের কাণ্ড আর ও গাছের শাখা-প্রশাখার প্রাস্ত ভাগ এই ধরে ধরে নামতে নামতে তিন মাইলের এই পরীক্ষাটুকুও পার হওয়া গেল। পাহাড়ের তলাতেই সিঙ্গুট—একটি ধর্মশালা আর তৎসংলগ্ন একটি মাত্র দোকান। বাস! এই নাকি সিঙ্গুট যার জন্তে আমরা ন'মাইলের এই ভীষণ ব্যাপারটি শেষ করে এলাম। আজকে এইখানেই আমাদের রাত্রিবাস।

বেলা তখন একটা—শুয়ে আছি, ঘরে মাতাজী আর কুন্সিণী, বীরবল আর ধরম সিং নেই, ওরা গেছে চাল-ডালের জোগাড় করতে। হঠাৎ একটা গুঞ্জরণ উঠল তলাকার দোকান থেকে। ব্যাপার কি? উঠে এসে বারান্দা থেকে দেখলাম বীরবল ভীষণ হাত-পা ছুঁড়ে মিলিটারি কায়দায় দোকানীকে কি সব বোঝাচ্ছে, আশেপাশে দশ বার জন যাত্রী, তারাও বীরবলের দলে বলে মনে হ'ল। ভাল করে কান পেতে বীরবলের হাত-পা ছোঁড়ার অর্থ বোঝা গেল। আটার সের চৌদ্দ আনা, বাইশ জনের যাত্রীর দল দেখেই দোকানী টাকায় উঠে গেছে—তাই বীরবলের এই প্রতিবাদের ঝড় তোলা। দশ-বার মিনিট এই যুদ্ধ, তার পর শাস্তি, ঐ চৌদ্দ আনা সেরদরের আটাই বীরবল আর ধরম সিং আদায় করে নিয়ে এল। ও যে মিলিটারিতে এক দিন ছিল তারই প্রমাণ পাওয়া গেল এখানে।

থাওয়া-দাওয়া সারতেই পাঁচটা বেজে গেল, তার পর এ অঞ্চলে যে রকম হয়, দেখতে দেখতে অন্ধকার নেমে এল। রাত আটটা পর্যন্ত লোকজনের কথাবার্তার আওয়াজ যা কানে আসে, তারপরেই নিথর হয়ে যায় ধর্মশালা, একটানা নিস্তব্ধতার রাজত্ব হয়ে ওঠে। কান পেতে শুধু কিঁকিঁপোকাকার শব্দ শুনি আমি...

এবার উত্তর-কাশীর পথে। সকাল হয়ে যায়, চলাও সুরু হয়। আজকেও সেই ন'মাইলের ব্যাপার।

শোনা গেল এ ন'মাইলের মধ্যে সিঙ্গুট পাহাড়ের মত একটা প্রতিবন্ধকের পাঁচিল তোলা নেই—এ পথ সোজা পথ—সরল পথ। ধর্মশালায় তলায় নেমে আসি, চা খাই তার পর বাস্তবিক ব্যাপার

কাধের ওপর তুলে নি...নেমে আসি পথের প্রান্তে। চোখ খোলার পরেই মনের ভেতর আনন্দের বজা নেমেছে আজ... উত্তরকাশীতে আজ পৌঁছব। একটু দেরী কবেই বওনা দি'... ভিড় যে আমার সহীবে না!

যে উৎসাইটা নেমে এসে সিক্কুটে শেষ হয়েছে তারই জের চলে গেছে এক মাইল পর্যন্ত। হ' মাইল একটু চড়াইয়ের ভাব— তার পরেই নাকুরী।

ভাগীরথীলাঙ্গিতা নাকুরী, ওদিকে যেমন যমুনালাঙ্গিতা গাংনানী। ফিকে সবুজ সাড়ীর বাহার আর নেই—মার এখানে তপস্বিনীর মূর্তি—সারা অঙ্গে তাঁর গৈরিক উত্তরীষ। রঙের এই পরিবর্তনটি আনল কে? গাংনানীতে এসে যমুনাদর্শনে যে আনন্দের মূর্ছনা—এখানেও তাই। সেখানে এক ভাব, এখানে আর এক ভাব। যে গঙ্গাকে এখানে প্রথম দেখা, এরই রূপের মহিমা জপতে জপতে যেতে হবে গঙ্গোত্তরী আর তারও ওদিকে গোমুখ।

জাহ্নবীর রূপ এখানে মাতৃরূপিনী, তাঁর নিঃশব্দ আশীর্বাদই আমাদের সঞ্চয়, আমাদের সবকিছু। এখানে এসে প্রবাহিনীকে দেখে মনে হ'ল কতদিন আমাদের ছাড়াছাড়ি, কতদিনের আমাদের বিচ্ছেদ। দেখা হ'ল আমাদের নতুন এক আবেশের ভেতর... অনুভূতির ভেতর। এ মিলন শুধু চোখের মিলন নয়, এ মিলন যেন জীবনের সঙ্গে জীবনের। মা বসেছিলেন, পুত্র গুনছিলেন—দীর্ঘ প্রবাসের অবসাদে দেউলে হয়ে আমি এসেছি—তিনি কোলে তুলে নিলেন...আমি পূর্ণ হয়ে গেলাম, ধন্য হয়ে গেলাম।

ভাগীরথী এলেন যাত্রাপথের ডানদিকে—তিন মাইলের নাকুরী পেরিয়ে গেলাম, উত্তরকাশীর সোজা সড়কটা চোখে পড়ল—হ' মাইলের একটানা পথ। গাংনানীর পর যমুনা যেমন অদৃশ্য মায়াবিনী, এ পথে মা গঙ্গার ধারায় সে স্রুদ্রের হাতছানি নেই: সর্বসময়ের জগ্গেই তিনি...কখন দেখছি কাছে, কখন দূরে।

উত্তরকাশীর পথে এ হ' মাইলের হিসেবে কোন লাভ-লোকসানের ব্যাপার নেই, এ পথটুকুতে পাহাড়ের কোলে কোলে ক্ষেতখামারের শ্যামলিমা, সবুজ ও হলদে রঙের মায়াজাল। মানুষের এ অঞ্চলে বাঁচবার চেষ্টা, ফসল বুনে গৃহস্থালীকে সার্থক করবার শুভবুদ্ধি। এই শুভবুদ্ধির সঙ্গে পাহাড়গুলোরও সাদৃশ্য আছে—তারা তাদের বৃহৎ অবয়ব দিয়ে বাধার আগড় টানে নি। পাঁচ মাইল পেরিয়ে যাওয়ার পর দূর থেকে দেখা গেল মুনিষিদের ছোট ছোট কুটিরশ্রেণী, বৈরাগ্যের সাধনা চলছে তাঁদের। এ সব পেরিয়ে যাই, শুধু চোখের দেখাই সার্থক হয়ে থাকে। শেষের এক মাইলের পরিচয়ে বাংলাদেশের আবহাওয়া—দেখা গেল কলাগাছের ঝাড় ও পেয়ারা গাছের সারি। মনে হ'ল ফেলে আসা দেশের একটা ছেঁড়া পাতা এখানে হাওয়ায় উড়ে এসেছে যেন।

এই এক মাইলের পথটুকুও শেষ হয়ে যায়, এসে বাই উত্তরকাশীতে...বিখনাথের বাজাথে, পরমপুরুষের আশীর্বাদের ভেতর।

পথটা একটা হ্যাঁচকা টান মেরে ওপরে উঠে গেছে, সামনেই একটা স্যাম্পপোস্ট পথের ওপর অর্ধাটীনের মত দাঁড়িয়ে—ধরম সিং বুঝিয়ে দেয় এই পোস্টটাই উত্তরকাশীর সীমানাকে নির্দেশ করেছে, এর পর থেকেই শহরের সুর।

সিক্কুট ছাড়ানোর পর ধরম সিংয়ের ভাবান্তর শুরু। ও এখন অল্প মানুষ, অনামী মানুষের পংক্তিতে ও আর পড়ে না। তার সাধের উত্তরকাশী এসে যাচ্ছে, যার মৃত্তিকার আশীর্বাদেই ওর আঠাবোটা বংসর গড়ে উঠেছে। এখানেই ওর জন্ম, তার বড় হয়ে ওঠা। হৃষিকেশ থেকে পেয়েছি আমি ওকে, যমুনোত্তরী শেষ হয়ে গেছে...পথচলার ইতিহাসের পাতায় ধরম সিংয়ের অবদান বড় কম নয়, বাহক হলেও তাকে পেয়েছি সখোর ও অস্বস্ততার ভেতর। অনেক আগেই সে আমার কাছ থেকে প্রতিশ্রুতি পেয়েছে যে, উত্তরকাশীতে পৌঁছে তার বাড়ীতে আমি যাব আর একটা রাত আমার সেখানে কাটবে।

সেই স্বপ্নের উত্তরকাশী তার এসে গেল। ধরম সিং এখানে ঢুকল বীরের মত, আলেকজান্ডারের থেকে কোন অংশে সে কম নয় আজ। মুখেচোখে খুশী তার উপছে পড়ছে—একগাল হাসি নিয়েই ওর এখানে প্রবেশ। যাকে ফেলে এসেছি পেছনে, সেই আজ আমার আগে আগে উত্তরকাশীতে ঢোকে, শিশুর পায়ে নানচন ওর পা হুটোয়। যে হ'একটা দিন এখানে আমার থাকার কথা, সবই যেন ওর—আমার কিছুই করার নেই এখানে। সিন্ধুকিয়ারা, গাংনানীর ধরম সিং ও নয়, পরিচয় বদলে গেছে ওর—আজ একান্তভাবেই ধরম সিং উত্তরকাশীর।

এখানে দুটি ধর্মশালা। কালীকমলীবাবার ত আছেই, তা ছাড়া বিড়লার তৈরী একটি প্রাসাদোপম ধর্মশালাও এখানে তৈরী হয়েছে। ধরম সিং জিজ্ঞাসা করে কোনটা আমার পছন্দ। কোটিপতি বিড়লা আমার সহ্য হয় না—যে কোটিপতি দানে নিঃশ্ব হতে পেরেছে তাঁকেই বেছে নি। বেলা দশটার ভেতরেই ধর্মশালায় পৌঁছে যাই। ইট-কাঠ-পাথরের তিনমহলী বাড়ী, কমসে কম একশটা ঘর—ধরম সিং জানায় উত্তরাখণ্ডের পথে এত বড় যাত্রী-নিবাস আর কোথাও নেই।

ধর্মশালার চৌকীদার ত ধরম সিংয়ের দেশোয়ালী—পরিচয়ের সখ্য হ'জনের, তাই ভাল ঘর পেতে বেগ পেতে হয় না। দোতলার ওপর একটা চমৎকার ঘর জুটে যায়, যার হু'দিকেই টানা বারান্দা চলে গেছে। ভাবলাম, যাক বাঁচা গেল, হু' একদিন আরাম করে কাটানো যাবে। সামনেই গঙ্গার প্রবাহিনী—বড় সুন্দর দৃশ্যটি। গোটা পরিবেশটুকুকে মনে-প্রাণে বরণ করে নি। বীথবলদের খোঁজ পাই না। বৃহৎ মটালিকার গভে কোথায় যেন হারিয়ে গেছে ওরা। ভাবি, পরে খুঁজে নেওয়া যাবে। উপস্থিত একটা ঘরেই আমার একসার আধিপত্য।

এই ত মাত্র দশটা, একটু ঘুরে আসা থাক। এই একটু ঘুরে

আসার তাৎপর্যটা ধরম সিং বুঝত। বিনা বাক্যব্যয়ে সে বলে—
“চলিয়ে মহারাজ।”

ধর্মশালার কিছু দূরেই একটা চায়ের দোকান। বৃদ্ধ দোকানী,
দেখে বড় ভাল লেগে গেল। এখানে চা খাই আর তার দীর্ঘ
দিনের অবস্থানের স্রোযোগ নিয়ে কথাবার্তার ভেতর দিয়ে এখানকার
সাধুসন্তদের খবরগুলো জেনে নি। ধরম সিংয়ের এ সব জানা,
তাই হুঁজনের চোখের ভেতর দিয়ে অস্বস্তি ইঙ্গিতের একটা বুঝা-
পড়া হয়। বৃদ্ধের মতে—গঙ্গার ধারে উত্তরকাশীর একটু দূরে
পশ্চিমাংশে একজন মহামানব থাকেন, নাম বিষ্ণুদত্ত। তাঁর দর্শনই
সেবা দর্শন, তাঁর পাওয়া আশীর্বাদই ব্যক্তিবিশেষের জীবনে চরম...
অল্প কোথাও ঘুরে না বেড়িয়ে ঠাঁয় কাছেই যাওয়া দরকার, স্রুতির
অঙ্গলিতে অশেষ সম্পদ এসে যেতে পারে।

বৃদ্ধের কথা মেনে নি। ধরম সিংকে বলি—“চল, বহোত দেব
হায়, খোড়া উদার সে, ঘুমকে চলে আয়েজে।” সঙ্গে দোকানীর
কথামত একটা পাত্রে কিছু দুধ আর চিনি নি।

যে পথকে উত্তরকাশীতে ঢোকবার আগে ফেলে এসেছি, ওই
পথটাই উত্তরদিকে সীমন্তের মত গঙ্গার ধারে ধারে চলে গেছে।
জনবহুল উত্তরকাশীর আওতার বাইরে এ পথের নির্দেশ। তাই
হুঁ একজনকে না জিজ্ঞাসা করে নিলে এ পথের ঠিক মত হৃদিস
মিলবে না। পথটি অনুসরণ করে এসে দেখা গেল তা দুটি কুটীরের
সামনে এসে শেষ হয়ে গেছে। বেশ বোঝা যায় এর পর পথের
সঠিক পরিচয় আর নেই।

দুটি কুটীর...নগ্ন ও অনাদৃত। একটির সামনে বাশের আনলার
ওপর গৈরিক রঙের একটা ল্যাণ্ডট কুলছে, দোর গোলা, হাঁ হাঁ
করছে। জনমানবহীন...শুধু মানুষের থাকার ঐ একটামাত্র পরিচয়,
গৈরিক ল্যাণ্ডট। বৃষ্টিলাম, আর কোন ভুল নেই, এখানেই বিষ্ণু-
দত্ত থাকেন। সব শেষ হয়ে গেছে যাব, তাগের পূর্বকলসে যাব
আত্মার জ্যোতির্ময় প্রকাশ, হুনিয়ায় তাঁর কেবলমাত্র সঞ্চল ঐ
ল্যাণ্ডট, আবার তারও রং গেকুয়া। সব মিলে গেল, কোন ভুল
নেই। নিষ্কল পরিবেশ, শাস্ত সমাহিত আবহাওয়া, বুটীর দুটির
সামনেই গঙ্গা...উচু পাড়, ধারাকে এখান থেকে দেখা যায় না,
কিন্তু শব্দটুকু শোনা যায়। এখানেই অপেক্ষায় বসা থাক, হয় তা
কোথাও গেছেন।

শুধু কুটীর দুটির সামনে বসে বসে অনেক কিছুই ভাবছিলাম,
এমন সময়ে আজানুলব্ধিত গৈরিকবসন-পরিহিত এক মূর্তির
আবির্ভাব। আমাদের প্রত্যাশা করেন নি, তাই তাঁর গলার স্বরে
বিশ্বয়ের ভাবটা ফুটে ওঠে। জিজ্ঞাসা করেন—কোথা থেকে
আসছি আমরা, কি চাই। উত্তর দিই...স্বামত। উত্তরে নিজের
পরিচয় দেন। বলেন, কুটীর দুটির মধ্যে একটি তাঁর, বিষ্ণুদত্ত
তাঁরই গুরু। দর্শনের উৎস্রুকা প্রকাশ করতে বলেন—
“ঐনকা সাথ দর্শন মিলনা বড়া মুসীবত হায়, কেও কি উয়ে

গঙ্গাজীকা উপর পূজামে ব্যস্ত হায়। দোপহর কে দো বজে কে
আগে তো অধিকতর গঙ্গাজী সে নহী উঠতে।”

কি রকম একটা অদ্ভুত জেদ চেপে যায় আমার। না খাওয়া,
না দাওয়া...বিকেলের দিকে এলেও ত চলে, তবু যখন এসেছি তখন
দর্শন আমার চাই। বলি—“তিনি না আসা পর্যন্ত অপেক্ষা করব,
যখন এসেছি তখন দেখে যাব—।” তিনি আবার ঐ কথারই জের
টানেন—“দূর হী সে পরণাম কিজীয়ে গা। উসী সে ফলপ্রাপ্তি
হোগা।”

আমি যখন ঠাঁয় সঙ্গে কথাবার্তায় ব্যস্ত, তখন দেখি সামনের ঐ
উচু পাড়টার ধার ঘেঁষে সম্পূর্ণ একটি উলঙ্গ মূর্তি আস্তে আস্তে উঠে
আসছেন এদিকে। আসছিলেন নিজের ভাবে, হঠাৎ আমাকে
দেখেই ধমকে দাঁড়িয়ে গেলেন শ্রস্তরমূর্তির মত, তারপর খানিক-
ক্ষণ একদৃষ্টে আমাকে দেখে নিলেন ঘাড় ঘুরিয়ে, আর দেখার পর
বিনা বাক্যব্যয়ে আবার গঙ্গার গর্ভে নেমে গেলেন। বুঝলাম
ইনিই বিষ্ণুদত্ত—উত্তরকাশীর সাধনমাগের মধ্যমণি। উলঙ্গ
মূর্তি, বস্ত্রের একটি টুকরোও শরীরে কোথাও নাই, অনাবৃত মাথাটির
ওপর সাদা সাদা চুলের রেখা...জটাবিহীন। মূর্তিটিকে দেখে মনে
হ’ল, আমি যা চাইছিলাম তার যোল আনার ওপর আঠার আনা
সামঞ্জস্য আছে এর ভেতর। ঠাঁয় প্রস্থানপর্কটির ভেতর কিসের
একটা ইঙ্গিত ছিল। মনে হ’ল এখানে অপেক্ষা না করে ওদিকটায়
যাওয়া থাক, তিনি এখানে আসবেন না এখন। দুধের পাত্রটি
শিষ্যটির হাতে সমর্পণ করে গঙ্গার পাড়ের ওপর এসে যাই, দেখি
বিভোর হয়ে উলঙ্গ বিষ্ণুদত্ত অর্দ্ধনিমজ্জিত অবস্থায় সূর্যের দিকে
চেয়ে আছেন, হাত দুটি প্রণামের ভঙ্গীতে বৃকের ওপর জড়ো করা।
একটি নগ্ন শিশু যেন—জাকবীর বৃকের ওপর একটা গোটা
ঐতিহ্যের মত দাঁড়িয়ে আছেন। স্তব করছেন সূর্যের...
পৃথিবী গেছে লুপ্ত হয়ে। আমাদের দিকে ঠাঁয় শরীরের পশ্চাদ্-
ভাগ...একটা পাথরের ওপর বসে পড়ি আমি—দূর থেকেই
অতিমাহুষ্টির কাব্যকলাপ দেখে যাই, তাতেই জীবন ধন হয়ে
যাবে।

স্তব শেষ হয়, দেখি—সামনের গঙ্গার তীরভূমির ওপর ছড়ানো
কয়েকটি বিশেষ পাথরের ওপর অঞ্জলি ভরে জল ছিটোতে শুরু
করেন। বিষ্ণুদত্ত কয়েকটি বিশেষ পাথর—কালো রঙের পাথর জল
ছিটিয়ে পরিষ্কার করে নিচ্ছেন, তারাও বিষ্ণুদত্তের হাতে স্নানের পর্কে
গরীয়ান্। এ পর্কটির মধ্যেও ঠাঁয় অদ্ভুতভাবে বিভোর হয়ে যাওয়া!
সূর্যের স্তব আবার ঐ পাথরগুলির ওপর জল সিকন এই চলতে
থাকে সমানে—এমনি করেই বায়ু হয় সময়ের এক বৃহৎ ভগ্নাংশ।

আমি শুধু নিনিমেষ হয়ে চেয়ে চেয়ে দেখি একটি শিশুর
গেলা। একদল পাহাড়ী মেয়েছেলে ঠাঁয় কিছু দূরে স্নান করতে
নামে...বিন্দুমাত্র ভ্রূক্ষপ নেই। কে এল আর কে গেল তাতে
তাঁর কি? আমরাও যে পেছনে এসে বসে আছি সে খেয়ালও ঠাঁয়
ছিল না।

পেছন ফিরে তাকাই, দেখি ঠর শিষ্যটি আমাদের অনুসরণ করে কখন যে পেছনে এসে দাঁড়িয়েছেন বুঝতে পারি নি। বলি—“ঐভাবে পাথরগুলোকে স্নান করানোর অর্থ কি?” বলেন—“জব তক্ উয়ে স্নান ঠর সুরজদেবকী পূজা মে লগে রহতে হৈ, তবতক দেবতাও কে আবির্ভাব উনহী পথরো পর হোতা হৈ। হামলোগো কো তো নহী দীখতা, পরন্তু বে তো হৈ সিদ্ধ যোগী—যোগকে পরভাওয়সে উনহৈ সব দিখাই দেতা হৈ। উন পথরোকী কিমাং উনকে লিয়ে তো উনকে প্রাণ সে ভী অধিক হৈ। ইসী লিয়ে ওয়হ ভগওয়ানজী কী বেদী ঠর যিন্ সব পথরো কে যে স্নান করাতে হৈ। কোই কিসী প্রকার কী অপবিত্রতা উন পর ফৈলাতা হৈ তো জরুর উনকী কোই বড়ী—দুর্গতী হোতী হৈ।” অদ্ভুত তথ্য। কিন্তু বিশ্বাস করি সমস্ত মনপ্রাণ দিয়ে। চোখের সামনে যে অতি-মানুষকে বিশ্বসংসার-ভোলা অবস্থায় দেখছি, তাঁর উপাসনার মহেন্দ্রক্বে সাফাং শঙ্কর এসে যে পাথরগুলোকে বেছে নেবেন আপন বেদী হিসেবে, তাকে আর অবিশ্বাসের কি আছে? এ সব মানুষ অতীন্দ্রিয় সত্তায় লীন হয়ে গেছেন, এঁদের বিচার বস্তুতাত্ত্বিক চোখ দিয়ে চলে না...এঁদের জীবন-ইতিহাসে সবই সম্ভব। শিষ্যটি আবার বলেন—“আপ পরনাম ইয়হী সে কর লিজীয়ে। লাগ কোশিশ পর ভী বে তো গঙ্গাজী সে নহী উঠেঙ্গে, ঠর নহি বোলেন্গে।” আমার চোখের সামনেই ঠর পেছন দিক। ভাবি, উনি মুখ না ফেরালে প্রণাম করি কি করে? শিষ্যটিকে জানাতে তিনি দূর থেকে প্রণাম করার অনুরোধই জানান।

যে মুহূর্তে প্রণাম জানাই, ঠিক সেই মুহূর্তেই তিনি চকিতে ফিরে তাকান, যেন আমার প্রণামটির সঙ্গে বিদ্যুৎ-প্রবাহের সম্বন্ধ আছে। হাত দুটিকে তিনি আশীর্বাদেব ভঙ্গীতে উদ্ধাকাশে তুলে ধরেন।

এ বকমটি যে হবে, প্রণামের অঞ্জলিতে যে একজন বিদ্বান্ স্পৃষ্টের মত ঘুরে দাঁড়াবে এটা জানা ছিল না...অভিজ্ঞতার শিহরণে আমি যেন পাথর হয়ে গেলাম।

বিষ্ণুদত্ত যে কি জিনিষ, কত দূরদূরান্তে যে এ মানুষটির গতিবিধি তার প্রমাণ মিলে গেল। দূর থেকে পেছন ফিরে যে প্রণামকে বুঝতে পারে, সে মানুষের বিশ্লেষণ করি কি করে?

বিষ্ণুদত্ত...উত্তরকানীর সম্পদবিশেষ...একটি বিশেষ ইতিহাসের মূর্তমান প্রতীক...আধ্যাত্মিক সাধনার পূর্ণকৃষ্ণ যেন। বিভোর হয়ে উঠে আসি গঙ্গার তীর হতে। দুটি বাহুর আশীর্বাদই জীবনের সঞ্চয় হয়ে থাক : কথা নাই বা হ'ল, যা পেলাম তাই সার্থক, তাই পুণ্যময়।

চলে আসার সময় শাস্ত্রমূর্তি শিষ্যটি বলে দেন—“ঠর এক সিদ্ধ মহান্বাজী ইয়হী উন কে সাথ রহতে থে—বিলকুল নঙ্গে। উয়ে অব ইয়হী নহী রহতে হৈ অব উয়ে গঙ্গোত্তরী মন্দির কে উন্নী পার ভারী জঙ্গল মে রহতে হৈ। বড়ে বিরাট পুরুষ হৈ উয়ে—অগর আপকী স্কৃতি হৈ তো উনকা দর্শন মিলনা অসম্ভব নহী হৈ।

অগর উনকী আশীর্বাদ মিলে তো সমঝিয়ে কি ঠর আপ পর প্রসন্ন হৈ—।

বলি—“আছা।”

ধর্মশালায় ফিরে আসি যখন তখন বেলা দেড়টা। ঝাঁ ঝাঁ করছে বোদ, ঠিক যেন বাংলাদেশের আবহাওয়া। বিষ্ণুদত্তের কথা চিন্তা করতে করতেই সময় পার হয়ে গেছে, খাওয়ারাওয়ার কথা মনেই ছিল না। ধরম সিং স্মরণ করিয়ে দেয়, বিকেলে ওদের বাড়ীতে যাওয়ার কথা—ভাইয়ের মারফত সে অনেক আগেই খবর পাঠিয়ে দিয়েছে তাদের গ্রামে। আজকের বাত্রে আমি নাকি ওদের সম্মানীয় অতিথি। তাও ত বটে! বলি—“রান্নাবাড়া যা হোক ছোটো করে নে—সাড়ে তিনটের ভেতরেই বওনা হবে, ভয় নেই।”

কালীকমলীওয়ালা ধর্মশালায় লাগোয়া প্রশস্ত ঘাট—নাম রাজঘাট। অপবপারে মনিকানকা, কেদারঘাট। কালীই স্মৃতি বচন করছে উত্তরকানী। ওদিকে ত্রিবেণী-বরণা ও অসি সেখানে মিলেছেন। যে অসি-বরণার সন্ধান পাই বারানসীতে—এখানেই সে দুটি ধারার সার্থক পরিচয়। রাজঘাটের ব্যবস্থাটি বড় সুন্দর, যে ব্যবস্থার দ্বিতীয় রূপ আর কোথাও নেই। গঙ্গার খরস্রোতকে পাথরের বৃত্তের ভেতর বন্দী করা হয়েছে আর ধর্মশালায় অন্দরমহল থেকেই পাকা বাধানো সিঁড়ি নেমে এসেছে গঙ্গার জল পর্যন্ত। স্নানার্থীদের জন্মে সিঁড়ির দু'পাশে লোহার শেকল শক্ত করে বাধা। এখানে পরম পরিতৃপ্তির সঙ্গে স্নান সেরে নি।

কিন্তু পরিতৃপ্তি স্নানেরই হ'ল শুধু, থাকার নয়। ঘরে আসার দশ মিনিটের মধ্যেই গৈরিকবসনপরিহিত একটি ভোজপুরী মানুষের অবাঞ্ছিত উপস্থিতিতে একলা থাকার আরামটুকু কপূর্বের মত উবে গেল। বিষ্ণুদত্তেরই ধ্যানে ছিলাম, ছিঁড়ে গেল তা। ঘরের ভেতর ঢুকলেন ছড়মুড়িয়ে, যেন আমি কেউ নই। কৈফিয়ত তলব করার আগেই পরিচয় দিলেন চড়া গলায় যে তিনিই মূর্তমান কালীকমলীওয়ালা, যমুনোত্তরী ও গঙ্গোত্তরী পথের সমুদয় ধর্মশালায় তিনিই মালিক, তিনিই যাবতীয় বিষয়ের একচ্ছত্র কাণ্ডারী। অদ্ভুত দস্তের সুর গলায়, হাত-পা নেড়ে কথা বলার ভেতর আশ্চর্য্য এক নাটকীয় ভাব। জানতে চাইলেন, তাঁর অনুমতি না নিয়ে এ ঘর কে আমাকে দিয়েছে?

রাগে সমস্ত শরীর আচমকা যেন বিধিয়ে ওঠে, লোকটির ওপর অশ্রদ্ধা কেমন যেন বেড়ে যায়। তারই সুর ছবছ অনুকরণ করে বলি যে, চিরাচরিত প্রথা অনুযায়ী চৌকিদারের কাছ থেকেই ঘর নেওয়া হয়েছে। অজায় কিছু করা হয় নি। উত্তরে বলেন—“ওসব বাত ছোড়দো। ঠরা দেনে ন দেনে কা মালিক তো খুদ বহী হৈ—। চৌকিদার কেই নহী হৈ। ইস কমরে মে একেলা রহনা তো হোগা নহী—কমসে কম ঠর চাব যাত্রী মেয়ে ইস কমরে মে আয়েঙ্গে।”

এরপর আর কিছু বলাও চলে না, অস্তুতঃ এ মানুষের সঙ্গে।

ধরম সিংকে ডাকি, বলি বিছানাপত্র বেঁধে নাও—এ ঘরে থাকা চলবে না। ধরম সিং বোঝে তার অসুস্থতায় গুরুতর একটা কিছু ঘটেছে। বিনাবাক্যে সে সব গুছিয়ে নেয় আর আমিও বিকৃত্তি না করে ঘর থেকে বেরিয়ে আসি। কালীকমলীওয়ারা ধর্মশালায় থাকা এইখানেই আমার ইতি। লোকটি শুধু ফ্যাল ফ্যাল করে তাকায় আমার দিকে ভীকর মত। এখান থেকে সোজা চলে আসি বিড়লার ধর্মশালায় যেখানে কোন কিছুই অভাব আমার হয় নি। শাপে আমার বর হয়ে গেল। পরে শুনেছিলাম, বীরপুঞ্জবটির ঔদ্ধত্যের পরিচয় উত্তরকাশীর সকলেরই জানা। অর্থের লালসা একে অমানুষ করেছে, অধর্মকে ধর্মের খোলস পরাতে এরকম ওস্তাদ মানুষ এখানে খুব কমই আছে। কমলীবাবার মহান যাত্রীবাসের বৃকের ওপর এ বসে আছে জগদল পাথরের মত। সকলেই চায় এ এখান থেকে সরে যাক—যাত্রী-নিবাসে শৃঙ্খলা ও শ্রায় নেমে আসুক।

খাওয়াদাওয়া শেষ হ'ল, ধরম সিংয়ের হুকুমও শুরু হ'ল। এখানে আমি কেউ নই, বিছানার ভেতর থেকে বার করল পাতলা ধবধবে কাপড়, সেই সঙ্গে কাচানো একটা জামা। আলোয়ানটা ঝেড়েঝুড়ে পরিষ্কার করে নেয়, চোখের গগল্‌সটা ঠিক করে রাখে। আমার যাত্রাপথের চিবস্তন পোশাককে খুলে নেয় সে—আজকে সে আসল বাঙালী সাজেই আমাকে দেখতে চায়। বালকের আবদারটুকু অমূল্য বলে মনে হয়, তার সব অসুস্থতায় মেনে নি। পরে নি কাপড়, কাচানো গেঞ্জী ও পাঞ্জাবী—আলোয়ান সেই ছোট ছোট হাত দিয়ে আমার শরীরে জড়িয়ে দেয়। গগল্‌সটা চোখে দি, তার মতে এতে নাকি আমাকে ভীষণ মানায়। হাতে লাঠিটা পুরে দেয়, জুতো দুটোকে ঝেড়েঝুড়ে সেই পরায়। উত্তরকাশীর পথে যখন চলতে শুরু করি তখন মনে হয় তামাম ছনিরা জয় করে ফিরছি আমি, আর পুরো-ভাগে চলেছেন আমার প্রধান সেনাপতি। ধরম সিংয়ের সে কি খুশী ভাব—যাকেই সামনে পায় তাকেই বলে, “কলকাতাসে আয়া হায়...বাঙালী বাবু—মেরা মোকামমে যাতা।”

একটা খাড়াই পাহাড়ের ওপর ধরম সিংদের বাড়ী, গাঁয়ের নাম বাংওয়ানী। উঠতে পরিশ্রম হ'ল কম নয়, কিন্তু ওপরে উঠে পরিশ্রমের এক কণাও পড়ে যাইল না আমার। পাহাড়ের শীর্ষে একটি নরম ঘাসের আস্তরণ বিছানো যেন, দূর থেকে দেখলাম পাহাড়ী তরুণীরা মাথায় করে জিনিষপত্র বয়ে নিয়ে চলেছে আর একটি সুরে গানও গুনি তাদের। এত ভাল লাগে যে কি বলব। এই 'লনের শ্যামলিমায় ছোট ছোট কুটীরের সমারোহ...এ পাশে পাহাড়, ওপাশে পাহাড়, তারই মধ্যে এ পার্শ্বত্যা গ্রামের মারাময় অবস্থান...এত সুন্দর পরিবেশের ভেতর যে ধরম সিংয়ের বাড়ী জানা ছিল না। ভেবেছিলাম, উত্তরকাশী জনপদের ভেতরেই ওর বাড়ী; কিন্তু এখানে এসে বুঝলাম ধরম সিং কেন এত নির্মল, কেন এত সুন্দর। যে পরিবেশের ভেতর ও মানুষ

হয়েছে তার ষোল আনা সার্থকতা পেয়েছে ও, সে বিষয়ে সন্দেহ নেই।

আমার আসার সংবাদ যে এ গ্রামে ধরম সিংয়ের ভাই মারফত ভাল ভাবে পরিবেশিত হয়েছে সে সন্দেহ সন্দেহ যাইল না, চোকর মুখেই পেলাম সন্দেহনা—রাজকীয় কারদাকানুন। অনেকে জড়ো হয়েছে, স্ত্রী-পুরুষ, শিশুর দল। “কলকাতার বাঙালীবাবু”র এ গ্রামে আসা যে বিশেষ সম্মান জনক ব্যাপার সেটা জানা ছিল না। তাই বা পেলাম তাই আমার কাছে অবিশ্বাস। ধরম সিংয়ের বাড়ীতে যখন পৌঁছলাম তখন পেছনে দেখি সারা গ্রামের লোক জড়ো হয়েছে।

ছোট্ট একটি কাঠের বাড়ী, মাত্র দুটি ঘরের সংস্থান। একটি ঘরে আমার জঙ্গে বিশেষ ব্যবস্থা হয়েছে, ধবধবে একটি বিছানা পাতা, আর তারই একটি কোণে বাগাবান্নার ব্যাপার। ধরম সিংয়ের ভাই ছাড়াও একটি বোন আছে, নাম সোনা। বড় সুন্দর দেখতে। ওর মাকে দেখি, আতিথেয়তার আর সেবার সম্রাজ্ঞী মনে হ'ল তাঁকে! কি অদ্ভুত সরল মন—আমাকে তিনি কি ভাবে নিলেন তার গভীরতা মাপা আমার পক্ষে দুঃসাধ্য। একটি রাত আর এক বেলা তাঁর আদর-আপ্যায়ন ধন্য হলাম আমি। একে ভোলা যাবে না কোন দিন। রাত্রি গ্রামের প্রধানেরা এলেন, ধরম সিং পিতৃহীন, তাই আমার অসুবিধার কথা চিন্তা করেই তাঁদের আসা। অনেক কথাবার্তা হ'ল এঁদের সঙ্গে, সুখদুঃখের ও হাসিকান্নার। সরলতার প্রতীক এঁরা—মানুষের মত মানুষ। অনেক রাত্রি খাওয়া শেষ হয়, আজকে সে ডাল-রুটির অদ্ভুত ব্যাপারটি নেই, মাতৃস্বরূপার হাতের নানাবিধ বাগ্না খেলাম আজ, বা অনেকদিন আমার ভাগ্যে জোটে নি।

কোথাকার মানুষ কোথায় আমার রাত কাটানো...হৃষিকেশের ধরম সিং, সেই আজ পরম সুন্দর, মনুষ্যত্বে যে আমার থেকেও বড়। অদ্ভুত আবেষ্টনী ও পরিবেশ...পরিচয়হীন একটি পরিবারের সঙ্গে যে এমন করে মিশে যাব জানা ছিল না। রাত্রি যখন শুলাম তখন দেখা গেল আমারই পায়ের তলায় ধরম সিং, সোনা আর তার ভাই একটি লাইনে শুয়ে পড়েছে। ও ঘরে ওর মা—এ ঘরে আমরা। আমিই বা কে? ওরাই বা কারা? মানুষের সহজাত শুভবুদ্ধির আবেষ্টনী পংক্তিভাগ উড়ে গেছে, সারল্য ও বিনয়ের অঞ্জলিতে লোকলৌকিকতা কোথায় ভেসে গেছে। এরা পাহাড়ের মানুষ, অতিথিকে তাই এরা ভগবান বলে মেনে নেয়। অখ্যাত ও অনামী এরা—তাই তথাকথিত সভ্যতার নোংরামি এরা পায় নি।

মাঝরাতে ঘুম ভেঙে যায়, ঘরের বাইরে চলে আসি নিঃশব্দে কাউকে না জাগিয়ে। কেন যে আচমকা ঘুম ভেঙে গেল বুঝি না। কুটীরের সামনে যে একফালি বাবান্না তারই একটা কাঠের খুঁটি ধরে হঠাৎ ধেমে যাই।

নিশ্চিন্ত ও নিস্তরক রাত...ঘন অন্ধকারে অবলুপ্তপ্রায় প্রপঞ্চজগৎ। পাহাড়গুলোর অবয়ব চোখে পড়ে না, তাদের চূড়া-



পরম সিঙের গ্রামের পথে (উত্তরকাশী)

গুলো যেন বর্ষাফলকের মত উল্কাকাশে উচিয়ে আছে, অন্ধকারের ভেতর তাদের ছায়ামাত্র দেখতে পাই, আর কিছু নয়। মধারাত্তরের ঠাণ্ডা বাতাস... চাদরটাকে গায়ে টেনে নি আমি।

অপণ্ড একটা আকাশ। সপ্তর্ষিমণ্ডলের দুটি বৃহৎ তারা ওদিকটার পাহাড়ের ওপর জলজল করে জ্বলছে... নীহারিকার জ্যোতির্ষ্ময় প্রকাশ গেছে মুছে... অতল্য় মায়াময় ব্রহ্মাণ্ডের ইতিহাসে শুধু ঐ দুটি তারার প্রহর-জাগা, আর সব যোগনিদ্রায় লীন হয়ে গেছে যেন। মনে হ'ল দুটিমাত্র তারা অনন্ত এক জপমালা গুণে চলেছে কিসের এক আরাধনায়। আজকের রাত্রে ওরাই প্রাণময়— বাদবাকী মহানিদ্রায় আছন্ন যেন।

অনুভূতির পর অনুভূতি... সে সব যায় লুপ্ত হয়ে, লীন হয়ে... শাস্ত হলে যে মহাতত্ত্বটি জেগে ওঠে প্রদীপের উদ্গিশিগার মত তার তুলনা পাই না। বিশেষ স্থানে বিশেষ আত্মানুসন্ধানের পদ্ম উটে যায় আমার...

ও দুটি তারার ত ধুম নেই, ওরাই বা অমন করে প্রহর গুণছে কেন? ওরা কারা?

একটি নয়, দুটি—একটি তারাকেই বা দেখি না কেন? এর অর্থ কি? এ যোগের বাজনা কোথায়?

জপের মন্ত্রের ভেতর দিয়ে চিন্তার আচ্ছন্নতার বেদীতে ও দুটি তারাকে আর তারা বলে মনে হয় না। মনে হয় মাথার ওপর আশীর্বাদের মত প্রকৃতি ও পুরুষের আবির্ভাব হয়েছে। একটি পরমশক্তি আর একটি পরমাশক্তিরূপিণী—একটি শিব আর একটি মহামায়া। গাংনানীর যমুনার তীরে সন্ধ্যার অন্ধকারে প্রবাহিণীর ফিকে সবুজ রঙের ভেতর আজকের এই ভাবটির প্রথম পরিচ্ছেদ উদ্গাটিত হয়েছিল আমার কাছে, এখানে সেই ভাবটির ভাস্বর রূপ আরও বেশী করে প্রকট হয়ে ওঠে। নিস্তর হয়ে এখানে দাঁড়িয়ে দাঁড়িয়ে পিতৃসত্তা ও মাতৃসত্তার চরম যুক্ত বিকাশকে যেন মর্মে মর্মে বুঝতে পারি। যেখানে প্রকৃতি সেইখানেই পুরুষ, যেখানে পুরুষ সেইখানেই প্রকৃতি।

জলজলে ও দুটি তারা আর কেউ নয়—আমার বোধেরও প্রকৃতি-পুরুষ।

মানুষের আরাধনা শুধু একটিমাত্র শক্তিকে ঘিরে নয়, আরাধনার সবকিছু যুক্তশক্তির বেদীতে। মাতৃসত্তাকে অগ্রাহ করে শক্তিকে জাগান যায় নি কোন কালে, সাধনার সঙ্কোচ স্তর দুটি শক্তিকে ঘিরেই। সূর্যের চারিদিকে যেমন পৃথিবীর পরি-ক্রমণ, তেমনি সাধনমার্গের পরিক্রমা পুরুষ-প্রকৃতিতে। মাতৃগর্ভে সৃষ্টির সম্ভাবনায় শুধু মাই সব নয়, সেখানে পুরুষের অমোঘ অবদান আছে। শক্তিপূজায় দীক্ষিত যুগের তপশ্রায় একটি শক্তিকে আবাহন করা হয় নি, সেখানে সাধিকার প্রয়োজন হয়েছে যুগে যুগে। ত্রীকৃষ্ণের লীলাখেলায় রাধা আছেন, গৌপিনীরা তাই সেখানে ছুয়ে ছুয়ে চার মিলে যাওয়ার মত। তান্ত্রিকদের শব সাধনায় ভৈরবীর প্রয়োজন হয়েছে, ভৈরব সেখানে একা নয়।

পুরুষের দেহ সেখানে শবের মত যেখানে তার বুকের ওপর কালিকা-মূর্তির ঘনশামা মূর্তিটি নেই। বরাভয়দায়িনীকে তখনই আনতে পারা যাবে, যখন শিবের পূজায় আমরা বিভোর হয়ে যাব। চিন্তার মায়ের বিকাশ ভিখারী মহাদেবের ভিতর, আবার মহাদেবের সকল সার্থকতা অল্পপূর্ণার মহাদানে।

সকালবেলা ধরম সিং নিয়ে যায় একটি সাধুর কাছে। গ্রামের তিনি প্রাণস্বরূপ। এর কথা ও আমাকে বহু বার বলেছে।

গ্রামের শেষ কুটীরটি শেষ হয়ে গেল, পাহাড়ের পানিকটা ঢালু জমি, তার পর নানাবিধ গাছপালার ছায়াচ্ছন্ন পরিবেশ, এরই মধ্যে অনামী একটি কুটীর—এইখানেই তিনি থাকেন। ভিতরে ঢুকে দেখলাম ঘরের মধ্যে বিরাট একটি বাঘছাল পাতা। এক-পাশে কমণ্ডলু আর চিমটে—আর এই বাঘছালটির ওপর তিনি বসে আছেন আসনের ভঙ্গীতে। বসে পড়ি একপাশে, তারপর হাতটা বাড়িয়ে দি' প্রণামের উদ্দেশ্যে। প্রণাম তিনি নেন, একটু হাসেন, তারপর ডান হাতটা আশীর্বাদের ভঙ্গীতে উল্কাকাশে তুলে ধরেন। মনে হ'ল, এ ভিন্গায়ে আমার মত একটা 'বাঙালী বাবুর' আসার খবর লোকমারফত আগেই তিনি পেয়েছেন। আমার সঙ্গে ধরম সিংকে দেখে তাঁর বিশ্বয় জাগে, কোঁতুল ফুটে ওঠে। বিনা ভূমিকাতেই জিজ্ঞাসা করেন ধরম সিংকে দেখিয়ে—“আরে, উনসে আপ কিধার মিলে?” এ জিজ্ঞাসা তিন-চারবারই তিনি আমাকে করেন। বুঝিয়ে দি তাঁকে সব ইতিহাস, স্ময়িকেশ থেকে শুরু করে যমুনোত্তরী ঘুরে ধরম সিংকে কি ভাবে পেয়েছি, কি ভাবে সে আমাকে সাহায্য করেছে তার সব কিছুই তাঁকে শোনাই। শোনার পর মস্তব্য হয়, “আপ বহুত আছে আদমী মিলে, মেরে সাথ এ লেড়কা সগরু গিয়া। আপকা পুণ্য— পরতাপ হী ইসে মিলা দিয়া। মেরে সাথ চার যাত্রী গুর থে— উনমে সে কোই ভী নহী সহ সকে—ইস বালককে দ্বারা ওয়হ সস্তব হুয়া ধা—”

ছাত করে ওঠে মনটা। মনে পড়ে সব। সগরুর বহু গল্প, ধরম সিং পথে যেতে যেতে বলেছে : জানিয়েছিল সগরু সেই জায়গা যেখানে সাধু দেখার ষোলকলা পূর্ণ হয়ে যায়। হুর্গম হুবা-রোহ এ তীর্থ, সবাই যেতে পারে না, যারা পারে তাদের অশেষ কল্যাণ হয়, না পাওয়ার তাদের কিছু থাকে না। ধরম সিংয়ের চলতি গল্প কতক শুনেছি, কতক শুনি নি—কতক বিশ্বাস করেছিলাম, কতক অবিশ্বাসের পর্যায়ে থেকে গেছে। কিন্তু এখানে এই সাধু-মূর্তির মুখে যা শুনি—তাতে ধরম সিংয়ের ওপর শ্রদ্ধা আমার বেড়ে যায়, মনে হয় একে পাওয়া যোগাযোগের পাওয়া।

ভাটোয়ারী থেকে বেশ কিছু দূরে গঙ্গার পূর্বদিকে পাহাড়-পর্বতের বেড়াজালের ভিতর সগরু তীর্থ, সিদ্ধ ষোগীপুরুষদের আবাসভূমি, তাঁদের সাধনার গাঁঠস্থান। সগরু রাজার নাম

থেকে সগর শব্দের উৎপত্তি, সে তীর্থ তুষারতীর্থ, সাধারণ যাত্রীদের কথা মানুষের কাছে সগর, 'দুর্গম গিরি কান্তার মরু হস্তর পারাবার হে—' নানা কথাবার্তার মধ্যে ঐ তীর্থ-উপাখ্যানটি বড় হয়ে ওঠে, ব্যাপক হয়ে ওঠে। বৃহতে পারি ধরম সিঙের ধার্মিক জীবনে তিত্তিকার উৎকর্ষতা—তার আশীর্বাদই সে শুধু পায় নি, সঙ্গী হিসেবে যাওয়ার বিরাট সম্মানটুকুও সে পেয়েছে। সগরর কথা আমি এর আগে অল্প কোথাও পাই নি, বা পড়ি নি। যেটুকু কথা ইনি পরিবেশন করেন, তাতে মনে হয় যে তীর্থভূমি মহাপুণ্যের, মহাভাগ্যের। বলেন, গঙ্গোত্তরী শেষ করে ফেরার পথে আমার যদি যাওয়ার ইচ্ছে হয় তা হলে তিনি আমার সঙ্গী হতে পারেন। নানা কারণে এ যাওয়া আমার ঘটে ওঠে নি। সগর যাওয়ার গল্প আমার কাছে আলেয়াই থেকে গেছে। যে সগর বংশের ধ্বংসের ফলে ভাগীরথীর উৎপত্তি, ভাগীরথ যে শাপ খণ্ডনের জন্যে মহাতপস্শায় রত ছিলেন—সেই ইতিহাস-আকীর্ণ 'সগর'কেই দেখা হয় নি। এই সাধুটি আমাকে যোগাযোগের পথ করে দিয়েছিলেন, কিন্তু আমার দুর্ভাগ্য যে আমি সেই যোগাযোগকে বরণ করে নিতে পারি নি।

ধরম সিঙের মা ছাড়েন না—গরম গরম ভাত, আলুর তরকারি চাটনি ইত্যাদি গেতেই হ'ল। মাতৃস্নেহ অসীম, সে যে কোন নিদ্রা গভীরে আবদ্ধ নয়—তার জলজলে প্রমাণ পাই এর ভেতর। ধরম সিঙের মত ছেলের তিনি মা—তাই রত্নপ্রসবিনী। থাকে রাতে আমার আসাকে উপলক্ষ্য করে ভূরিভোজনের যে প্রমাণ পেয়েছি তাও মনে থাকার কথা। কাছে বসিয়ে থাইয়েছেন, আমি খেয়েছি আর সেই সঙ্গে এও বুঝেছি সর্বদেশে সর্বকালে মাঃমুক্তি সমান। ধরম সিঙের বাবা তিনি অনেকদিন আগেই মারা গেছেন। এখানে এসে আর একবার বুঝে গেলাম যে, দারিদ্র্যের সংসারে বেশী করে মায়া থাকে, স্নেহ থাকে, মানুষের আত্মা এখানে অবমানিত হয় না। যেখানে অর্থের অভিমানে নেই, সেখানে মনুষ্যত্বটা বড় বেশী করে বেঁচে থাকে। দীনদরিদ্র ধরম ও তার পরিজন; তাই ভগবান আশ্রয় নিয়েছেন এদের ভিতর।

এখান থেকে বিড়লার ধর্মশালায় ফিরে আসি বেলা এগারটার ভিতর। চলে আসার সময় সে করুণ দৃশ্য ভোলবার নয়।

বিকালবেলা বেরিয়ে পড়ি উজলীর দিকে। এখানে নাকি সাধুসন্তদের আস্তানা, খবর দেয় ধরম সিং। বিফুদন্তকে দেখার পর অবশ্য অল্প মানুষ দেখার প্রয়োজন ছিল না, তবু কেমন যেন ঔৎসুক্য জেগে ওঠে; মনে হয় একবার ঘুরেই আসি। ব্যাপারটা একবার নিজের চোখে দেখে আসা দরকার।

উজলী উত্তরকান্দীর পৌরশাসনের এলাকার বাইরে, বেশ গানিকটা দূরে। জনপদ সেখানে ফুরিয়ে গেছে, গঙ্গার ধারে নিস্তক পরিবেশের মধ্যেই উজলীর পরিচয়। ঘণ্টাখানেকের মধ্যেই এখানে পৌঁছে যাই।


এসে দেখি, আস্তানাই বটে—বিস্তীর্ণ এক এলাকা জুড়ে সাধু-সম্প্রদায়ের অতি আধুনিক ঘরবাড়ীর সমন্বয়ে এক বিরাট উপনিবেশ। এখান থেকে ওখান পর্য্যন্ত লম্বা এক পাঁচিল, তার ভিত্তিতে নানা মানুষের সাধনমার্গের হস্তর পরীক্ষা। যত মানুষ তত মত ও পথ। সাধুদের আনাগোনা দেখি—ফিটকাট, পরিষ্কার করে দাড়ি-গোঁফ কামান ও মুগ্ধিত মস্তক...মনে হয় সবেমাত্র প্রাত্যহিক ক্ষৌরকার্ণের পালা যেন শেষ হয়েছে এঁদের। গৈরিক বসনকে কেতাহরস্তভাবে পরা হয়েছে—কোথাও এতটুকু ময়লা বা দাগ নেই—যেন ধোপারবাড়ী থেকে ওগুলো সবেমাত্র এসেছে। ভিতরে ঢোকান আগে এদের দোণ আর মনের ভেতর এক বিজাতীয় মনস্তত্ত্বের উদ্ভব হয়। উজলী আর উজ্জল হয়ে ওঠে না, মনে হয়, না এলেই যেন ভাল হ'ত। ভাবি গঙ্গার ধারে একটু বসি, তারপর সন্ধ্যা ঘনিয়ে এলেই উঠে যাব।

"ও মশাই শুভুন।"—পাঁচিলের ওদিকটা থেকে কে যেন ডাক দেন। চমকে তাকাতেই দেখি একজন হাত তুলে আমাকে ডাকছেন। পরিষ্কার বাঙালীর কথা, কোন ভুল নেই। এ উপনিবেশের মধ্যে তা হলে বাঙালীও আছেন! ভিতরে ঢুকে বিষয় শুরু হয়। হালক্যাসানের ছোট ছোট বাড়ী, প্রত্যেকটি নিজস্ব বৈশিষ্ট্যের দাবি রাখে। বাড়ীর বং আগাগোড়া গেরুয়া—বৈরাগ্যের রঙকে ইটকাঠ পাথরের মধ্যেও টেনে আনা হয়েছে। আমার আসা দেখে এসব বাড়ীঘরের-দোরের সাধুমালিকরা তটস্থ হয়ে উঠলেন, আমি কখন তাদের প্রণাম করব তারই যেন সঙ্কল্প প্রতীক্ষা। যিনি আমাকে ডাকলেন—তার বাড়ীতে সিঁড়ি বেয়ে উপরে উঠি। সামনে ছোট একটু বাগান—কলাগাছ ও উচ্ছেগাছকে বহু আয়াসে পোঁতা হয়েছে। বুঝলাম, সাধনমার্গে গৃহস্থালীও পাল্লা দিয়েছে যোল আনা। বকবকে তকতকে কয়েকটি ঘর, একটি লম্বা দালান, দালানের এক কোণে বাশীকৃত বইপত্রের স্তপ। বাঙালী ভদ্রলোকের সঙ্গে আলাপ হয়। আসল কথার আড়ালে স্পষ্ট বাংলাদেশের ফেলে আসা সংসারের খুঁটিনাটি কথাও এসে পড়ে তাঁর। বলেন—"কিছু কি করবার আছে, এই ত দেখুন না কলকাতা থেকে মেয়ে চিঠি লিখেছে, জামাইয়ের অসুখ, টাকা চাই। সে মনে কবে তার বাবার এখানে জমিদারী, তার থেকে টাকা পেয়ে পেয়ে আমার সিন্দুক গেছে ভবে। আর পারি নে মশাই, এদিক সামলাই না ওদিক সামলাই।"

—"কলাগাছ আর উচ্ছেগাছ পুঁতেছে কে? আপনি?"

—"সে আর বলতে। শ্রেফ আলু আর আলু, এ ছাড়া কি এদের দেশে আর কিছু আছে? মুখ ত বদলান চাই। ফেরার মুখে আসবেন একবার, উচ্ছে খাওয়াব।"

এই সব কথার মধ্যেই এক ঘণ্টার উপর কেটে গেল—এতে কবে তৃপ্তি হয় না। দেখে শুনে মন ফুলিয়ে ওঠে...একরকম জোর করেই পালিয়ে আসি। উপনিবেশের আর সব বিংশ-শতাব্দীর সাধুরা চেয়েছিলেন আমি তাদের কাছে বসি আর তত্ত্বকথা



উত্তরকাশীর শিবমন্দির ও ত্রিশূল

শুনি। আমার ক্ষমতায় কলোয় নি তা। মানুষ এখানে বৈরাগ্যের পথ ধরে নি, তাকে শিখণ্ডী করে এক অন্তহীন প্রবন্ধনার সাধনা চলেছে এখানে...এখানে না এলেই যেন ভাল হ'ত।

আজকের রাত ফুরলেই উত্তরকাশীতে থাকা শেষ হয়ে যাবে—স্বপ্ন হবে নতুন পথ ও নতুন অভিজ্ঞতা। যেটি আসল, যার জন্যে উত্তরকাশীর সকল মহিমা ও সকল ঐতিহ্য, বিষ্ণুদেবের যোগমগ্নতা যাকে ঘিরে সেই ভগবানের ভগবান বিশ্বনাথকেই আমার এগনও দেখা হ'ল না। উজলী থেকে ফেরার পথেই সঙ্কারণ অন্ধকার ঘনিয়ে আসে, ভাবি অন্ধকারের ভিতরই শঙ্করকে দেখে আসি একবার। আলোর ভিতর ভগবানকে দেখি নি, সেই যেন ভাল হয়েছে। আমি আর ধরম সিং পা চালিয়ে দি'— আরতির সময়ও ত হয়ে এল।

বারাণসীর বিশ্বনাথ আর উত্তরকাশীর এই বিশ্বনাথ—তফাৎ শুধু ব্যাপক নয়, বহুধা। সেখানে বিরাট শহরের স্থানবিশেষের গরিমা—সারবন্দী দোকান আর পুণ্যলোভাতুর মানুষের সংমিশ্রণে

পাণ্ডারের মিছিল। সেখানে দেবাদিদেব যেন হারিয়ে গেছেন ভিড়ের ভিতর, তাকে যেন চেনা যায় না...তার স্পর্শ পেতে পেতেই যাত্রী নিঃশ্ব হয়ে যায়, দেউলে হয়ে যায়। এখানে মন্দিরের রুস্তোর ভিতর প্রবেশ করেই মনে হ'ল দৈবভাবের ভিতর জীবনের সজ্জা যেন গেথে যেতে বসেছে।

নিরাভরণ মন্দির। অলঙ্কারের আতিশয্য নেই, ভাস্কর্যের আঁত সাধারণ বন্ধনের একটি পাষাণপ্রাচীরকে কেন্দ্র করে তিনটি সমসূত্রে গাথা মন্দিরের অবস্থিতি গবাক্ষহীন, একটিমাত্র প্রবেশপথ দিয়েই যাত্রীসাধারণের আসা-যাওয়া। মধ্যে অল্পপরিসর একটি নাটমন্দিরের ইঙ্গিত, তার ওদিকে পাষাণবেদীর ওপর স্বয়ম্ভু মহাদেবের উদ্ভব। তার পাশে উত্তরকাশীর সুবিখ্যাত অষ্টধাতুর ত্রিশূল, যার প্রাচীনতা ত্রিকালকেও হার মানিয়েছে।

ভাবে বিভোর হয়ে এখানে যখন এসে যাই তখন আরতি শুরু হয়েছে। পাহাড়ী কিশোরদের হাতে বেজে ওঠে বাজনার অদ্ভুত সঙ্গর্গনা। ঠিক সময়েই এসেছি আমি...

পূজারী বুদ্ধ, হাঁটুর ওপর কাপড়, একটি শুভ্র গরম আলোয়ান মুক্ত দেহের ওপর জড়ানো—গোটা জীবন এর সংঘর্ষের মধ্যেই ত কেটেছে। বাঁ-হাতে তাঁর ঘণ্টা, ডান-হাতে কপূরের দীপাধার... আরতি শুরু হয় ক্ষেপা মহাদেবের। বিশ্বযোনির প্রকাশকে দেখা যায় না, মাতৃশক্তি এখানে ভূগর্ভে প্রোধিত।

মন্দিরের আশেপাশে রাত্রির অন্ধকার, কিছুই দেখা যায় না মন্দিরাভ্যন্তরে সামান্য আলোর যা একটু প্রকাশ—বাদবাকী বিশ্বসংসারকে কে যেন অন্ধকারের অবগুণ্ঠন পরিষে দিয়েছে।

শিবের পূজা যে শুরু হয়েছে, তাই প্রকৃতি স্মৃষ্টিতে মগ্না, বিশ্বচরাচর তাই স্তব্ধপ্রায়। কুমারসত্ত্বের ক'টি লাইন আমার মনে পড়ে যায় :

নিষ্কম্প বৃক্ষম্, নিভৃত ধিরেভম্
মুকাগুজম শাস্ত্রমুগপ্রচারম্ ;
তচ্ছাশাষণাং—কাননমেব সর্বম্
চিত্রাপিতারস্ত ইবা বতস্বে।

মুখের ওপর আঙ্গুল রেখে নন্দী যেন বলছেন—'মা চপলায়।' যেহেতু উমা শঙ্করের পূজায় বসেছেন, তোমরা চপল হইও না। এখানে উমা নেই, কিন্তু মানুষ আছে, আজকে তার পূজাও বড় কম নয়। কপূরের ধোয়ায় মন্দিরের আবহাওয়া ভারী হয়ে ওঠে। পূজারীর বহুবিধ মুদ্রার ভিতর দিয়েই এ আরতির প্রকাশ... শিব-লিঙ্গের বৃকের ওপর দীপাধার যেন জ্বলে জ্বলে ঘুরতে থাকে। উত্তর কাশীতে লিঙ্গমূর্তি সোজা ওঠেন নি, দেবাদিদেবের পূর্নদিকে বঙ্কিম-ভাবে তাঁর অবস্থান।

কপূরের আরতির পর পঞ্চ প্রদীপের আরতি... বোধের বৃকের ওপরেও যেন আমার আরতি হতে থাকে। এ যে কি তা আমি বুঝাই কি করে। প্রদীপের পর দর্পণ, তার পর চামর, তার পর শঙ্খ... সর্বশেষে পুষ্পের অঞ্জলিতে বিলপত্রের আবাহন।

পূজারী আরতিতে যৎক্ষণ বিভোর ততক্ষণ নাটমন্দিরের প্রায়াক্রকারের ভিতর মাড়বার-হুহিতাদের সমন্বরে গান শোনা যায়, শঙ্করাচার্যের প্রসিদ্ধ শিবস্তোত্রম্।

কতবার এ স্তোত্র শুনেছি, কিন্তু স্থানবিশেষের মহিমায় এ স্তোত্রের অর্থ অমূল্য হয়ে ওঠে। এক দিকে কাঁসরঘণ্টার গুরু-গম্ভীর আওয়াজ—এক দিকে আরতির সজ্জারাম আর তার সঙ্গে এই স্তোত্রের অপার্থিব আধ্যাত্মিক মূল্যের যোগাযোগ... সবকিছু মিলিয়ে বিশ্বনাথের মন্দির মরকতরাজ্য হয়ে ওঠে। ত্রিনেত্র মহাদেব মানুষকে এখানে ভক্তিমার্গের সোনার কাঠির স্পর্শ বুলিয়ে নরোত্তম

করে তুলেছেন... তাঁর সৃষ্ট জীব অস্তিত্ব: এই সময়টুকুতে মহত্তম ও বিজ্ঞোত্তম।

কেদারের পথে গুপ্তকাশীতেও এই অমুভূতি পেয়েছিলাম— এখানেও সেই অবাক্ত অমুভূতিত্বের আর এক অধ্যায়। ওদিকে কাশীর বিশ্বনাথ—এদিকে গাড়োয়ালরাজ্যের পাহাড়-পর্বতের গহ্বরে গুপ্তকাশী আর উত্তরকাশী... কাশী নামেই এক অপূর্ন দৈবভাবের সমন্বয়। এখানে বসে বসে রক্তের ভিতর যে রোমাঞ্চের সাড়া পাই তার তুলনা নেই। এ কেন? কিসের এই সাড়া? ঐ ত একখণ্ড পাথর—তাকে ঘিরেই মানুষের জীবনের চরম বন্দনা, চরম আরাধনা... কেন এরকম হয়, কেনই বা মনে হয় নিরাভরণ মন্দিরের এই স্বল্পপরিসর স্থানটুকুর ভিতর জীবনের বাকী ক'টা দিন পড়ে থাকি। ভগবানকে যদি না দেখা যায়, তবে কেন এই প্রাণের আকুলি-বিকুলি—কেন এই সর্বাভীতির আবিষ্কারের চোখের জল!

মাড়বার-হুহিতাদের মনে হয় স্বর্গ থেকেই ওরা নেমেছে, পৃথিবীর মানুষ ওরা নয়। বিরাট একটি প্রদীপ দীর্ঘদণ্ডের ওপর জ্বলছে—তার উর্দ্ধমুগী শিখাকে মনে হয় জীবনের সকল বৃদ্ধির সকল আত্মত্বেরও শিখা যেন, যা অবিনাশী, যা চিরজ্যোতির্ময়...। কাঁসর-ঘণ্টার আওয়াজ শুনি আর শুনি অপূর্ন স্তোত্রের স্মরণ :

গিরিরাজ-সুতাস্বিত-বামতনুম্
তনুনিদিত-রাজিত-কোটিবিধুম্।
বিধি-বিষ্ণু-শিবস্তত পাদযুগম্।
প্রণমামি শিবং শিবকল্পতরুম্ ॥


আরতি শেষ হয়ে যায়... উঠে পড়ি ধরম সিংকে নিয়ে, সে-ও ভাবের ঘোরে বিভোর, তার সরল মুখের বড় বড় চোখ ছুটিও ভূষ্টিতে বৃজে গেছে যেন। মন্দিরের চত্বর ছাড়িয়ে পথের প্রান্তে নেমে আসি, তবু বাতাসে যেন ভাসতে থাকে—

নয়নত্রয়ভূষিত-চাকুমুগম্,
মুগ্পদ্বিবিরাজিত-কোটি-বিধুম্।
বিধুগুণ্ড বিমণ্ডিত ভালতটম
প্রণমামি শিবং শিবকল্পতরুম্ ॥

ক্রমশঃ

দ্রষ্টব্য : গত বৈশাখ সংখ্যায় যমুনোত্তরী ও গঙ্গোত্তরীর উদ্দেশে যাত্রার তারিখ দেওয়া হয়েছে—'জুনের বাইশে, বাংলার এগারই বৈশাখ।' এতে অসঙ্গতি রয়েছে। ইংরেজী তারিখ হবে—'২৪শে এপ্রিল।

—লেখক



পাবলিক লাইব্রেরী—সিডনি

দক্ষিণ-পূর্ব এশিয়া গ্রন্থাগার সম্মেলন

শ্রীবিমলকুমার দত্ত

১৯৫২ সালের জানুয়ারী মাস। ভারত-সরকারের শিক্ষাদপ্তর থেকে অগ্রতম প্রতিনিধি হিসাবে দক্ষিণ-পূর্ব এশিয়া গ্রন্থাগার সম্মেলনে যোগ দেবার নির্দেশ এল, আর তারই দু'একদিন পরে দিল্লীস্থ অষ্ট্রেলিয়ান রাজদূতের আমন্ত্রণ এসে হাজির হ'ল অষ্ট্রেলিয়ান সরকারের তরফ থেকে।

এই সম্মেলনের বাবস্থা হয়েছিল কলম্বো পরিকল্পনামুযায়ী এবং সম্মেলনের যাবতীয় দায়িত্ব গ্রহণ করেছিলেন অষ্ট্রেলিয়ান সরকার। ভারত, ফিলিপাইন ও ইন্দোনেশিয়ার গ্রন্থাগারিকগণ বোগদান করেছিলেন—পাকিস্থানেরও প্রতিনিধি প্রেরণের কথা ছিল, কিন্তু শেষ পর্যন্ত তা আর হয়ে উঠে নি। এঁদের সঙ্গে ছিলেন অষ্ট্রেলিয়ার গ্রন্থাগারিক—রথী-মহারথী।

আজকের পৃথিবীতে শিক্ষা-দীক্ষায় দক্ষিণ-পূর্ব এশিয়া অনেকটা পিছিয়ে পড়ে আছে। গ্রন্থাগার-উন্নয়ন-পরিকল্পনার মধ্য দিয়ে সারা দক্ষিণ-পূর্ব এশিয়ায় কি করে শিক্ষা-দীক্ষার মান অধিকতর সার্থক ও সম্পূর্ণ করা যায়—এই ছিল সম্মেলনের মূল উদ্দেশ্য।

ভারত-সরকার ভারতের বিভিন্ন প্রদেশ ও বিভিন্ন ধরনের গ্রন্থাগার হতে ছয় জন প্রতিনিধি পাঠিয়েছিলেন। দিল্লী ও বিশ্ব-ভারতী বিশ্ববিদ্যালয় থেকে দু'জন; জাতীয় গ্রন্থাগার থেকে একজন; আসাম ও হায়দরাবাদ সরকারী গ্রন্থাগার থেকে দু'জন এবং দিল্লীস্থ কৃষি গবেষণা মন্দির হতে একজন—এই ছ'জন। দমদম বিমান-

ঘাট থেকে ২২শে ফেব্রুয়ারী মধ্যরাতে বি. ও. এ. সি. বিমানে আমরা অষ্ট্রেলিয়া মহাদেশের উদ্দেশ্যে যাত্রা করিলাম।

দীর্ঘ চার মাস ধরে এই সম্মেলনের বিভিন্ন অমুষ্ঠান হয়েছিল অষ্ট্রেলিয়ার বিভিন্ন প্রদেশের রাজধানীতে।

অষ্ট্রেলিয়ার রাজধানী ক্যানবেরা—দিল্লীর মত ছড়ানো শহর। আশে-পাশে পাহাড়ের চূড়া দেখা যায় আর দূরে ছোট নদী। ক্যানবেরা নামটা কিন্তু অষ্ট্রেলিয়ানদের দেওয়া নয়; এ নামটা দিয়েছিল ওদেশের আদিম অধিবাসীরা। কথাটার মানে হচ্ছে—মিলনক্ষেত্র। কবে কে এই নামকরণ করেছিল কে জানে, কিন্তু স্থানটি সার্থকনামা হয়েছে। এই ক্যানবেরাতেই শুরু হ'ল আমাদের প্রথম অধিবেশন কেন্দ্রীয় বিশ্ববিদ্যালয়ের প্রশস্ত সভাকক্ষে। সম্মেলনের উদ্বোধন করলেন অষ্ট্রেলিয়ার কেন্দ্রীয় শিক্ষামন্ত্রী। সভায় যারা ভাষণ দেন তাঁদের মধ্যে ছিলেন ভারতের বাহুবলু জীদলীপ সিংজী। ছোট সারগর্ভ বক্তৃতায় তিনি ভারতের গ্রন্থাগার আন্দোলনের একটা ছবি সকলের চোখের সামনে তুলে ধরলেন। ক্রিকেটের মত বক্তৃতায়ও যে তিনি স্ননিপুণ তা আগে জানা ছিল না।

এরপর থেকেই ঠিক “দেওয়া নেওয়ার” কাজ শুরু হ'ল। ধারাবাহিকভাবে অষ্ট্রেলিয়ার অভিজ্ঞ গ্রন্থাগারিকগণ তাঁদের কার্য-কলাপের একটা ফিরিস্তি আমাদের দিনসাতক ধরে শোনালেন।

যাকি সাতদিন ঘোরাফেরা দেখাওনা খানা পিনার ফাঁকে ফাঁকে সময় করে ঐ ফিরিস্তির সূক্ষ্ম আলোচনা চলল। দেখে এবং শুনে আশ্চর্য্য হলাম মাত্র একশ' বছরের মধ্যে একটা মরুভূমিকে কেমন সোনার দেশ করে তুলেছে সবদিক থেকে। মনে পড়ে পনের দিন ক্যানবেরায় অবস্থান করে ছেড়ে আসবার আগেকার দিন অষ্ট্রেলিয়ান পার্লামেন্টের খানাঘরে মিঃ কেসী জিজ্ঞাসা করেছিলেন, "কেমন দেখছেন এই দেশ ও তার গ্রন্থাগার?" উত্তরে বলেছিলাম, "যতই দেখছি ততই আশ্চর্য্য হচ্ছে। বাহাহুরি বটে আপনাদের!"

ক্যানবেরা থেকে আমরা এলাম এডেলডে। এডেলডে দক্ষিণ অষ্ট্রেলিয়ার রাজধানী, ছোট্ট চৌকা ঝকঝকে শহর। এখানে আমাদের কাজ হ'ল ইউনিভার্সিটি ও স্টেট পাবলিক লাইব্রেরি দেখা। এরা এত অল্প দিনের মধ্যেই সমাজ-জীবনে যোগ্য স্থান দিয়েছে গ্রন্থাগারকে। গ্রন্থাগারের সব কিছু নিখুঁত ও সুন্দর করবার একটা অক্লান্ত চেষ্টা চলেছে। সবচেয়ে যেটা ভাল লাগল সেটা হচ্ছে শহর থেকে দূরে বাস করেন যে সব ছাত্র বা নাগরিক—

তাদের কাছে বিনা খরচায় ডাকযোগে বই পৌঁছে দেবার ব্যবস্থা।

এডেলডে আমাদের ভাল লেগেছিল, সেখানকার লোকেরা আমাদের ভালবেসেছিল। ছেলেবুড়ো স্ত্রীপুরুষ সকলের আমাদের দেশের কথা জানবার কি আগ্রহ! এডেলডে বিশ্ববিদ্যালয়ের ছাত্রেরা ধরে বসলেন—বিশ্বকবি ও বিশ্বভারতী সম্বন্ধে কিছু বলতে হবে। বক্তৃতা হ'ল জনপূর্ণ ওয়াই-এম-সি-এর সভাকক্ষে। বক্তৃতার পর হাজারো প্রশ্নের জবাব দিতে হ'ল—তাদের ঔঃস্বকোর প্রশংসা করি। একজনের কথা বিশেষ করে মনে পড়ে—মিস জিন হোয়াইট—ভারতের উপর তার কি গভীর শ্রদ্ধা।

আর একদিন। রবিবার সকালে কাজকর্ম নেই সেই ফাঁকে একটু ঘুরতে বেরিয়েছি—দেশী পোশাকে। অসংখ্য কোঁতুলী চোখ এড়িয়ে সদর রাস্তার চৌমাথায় এসে সবমাত্র পৌঁছেছি। ঠাৎ চমকে উঠলাম পেছন থেকে এক পুলিশের কর্কশ কণ্ঠস্বর শুনে—উইল ইউ ফলো মি টু দি পুলিশ স্টেশন, প্লিজ।" বিনা বাক্য-ব্যয়ে মহাজনের পদাঙ্ক অনুসরণ করে থানায় এসে হাজির হলাম। প্রায় আধঘণ্টা একটা ওয়েটিং রুমে বসে থাকবার পর দেখি স্বয়ং পুলিশ ইন্স্পেক্টর এসে হাজির। আমার হাত ধরে ক্ষমা চেয়ে বললেন—"মাপ করবেন, আমরা অত্যন্ত লজ্জিত। এই মূর্খ কন-স্টেবলটি জানে না যে এই আপনাদের জাতীয় পোশাক। আমি তার হয়ে আবার ক্ষমা চাচ্ছি।" এতক্ষণে পুলিশে ধরার কারণটা স্পষ্ট হ'ল।

এডেলডে প্রায় দশ দিন কাটিয়ে আমরা এলাম ভিক্টোরিয়ার

রাজধানী মেলবোর্নে। এত দিন বেশ চলছিল—খুব ঠাণ্ডা কোথাও পাই নি, কিন্তু এখানে ত বরফ পড়তে শুরু হয়েছে তার উপর কনকনে ঝোড়ো হাওয়া।

মেলবোর্ন অষ্ট্রেলিয়ার অল্পতম বৃহৎ শহর। যে সমস্ত




সম্মেলনের যোগদানকারী গ্রন্থাগারিবৃন্দ—ডানদিকে সর্বশেষে লেখক

ভাগ্যঘেয়ী একশ' বছর আগে সোনার খোজে ইউরোপ থেকে এদেশে পাড়ি দিয়েছিল তাদের চেষ্ঠায় এই শহরের পত্তন হয় এবং তাদের দৌলতেই এর যা কিছু বাড়বাড়ন্ত। সোনা হয়ত এখন আর পাওয়া যায় না, কিন্তু চারদিকে একটা সোনালী পরিবেশ আজও চোখে পড়ে।

মেলবোর্নে ভিক্টোরিয়া স্টেট লাইব্রেরী বিরাট ন্যাপার। একে ব্রিটিশ মিউজিয়মের একটা ছোট সংস্করণ বলা যায়। সঙ্গে বিরাট ও সমৃদ্ধ আট গ্যালারি।

শহর থেকে মাইল দুয়েক দূরে এক ভদ্রলোকের বাড়ীতে আমাদের থাকবার ব্যবস্থা হয়েছিল। ভদ্রলোক এবং তাঁর স্ত্রী আমাদের যত্নের ক্রটি করেন নি, কিন্তু পথের দূরত্ব কমাবার জন্য ইউনিভার্সিটি ও স্টেট লাইব্রেরীর কাছে বিখ্যাত হোটেল—ভিক্টোরিয়া প্যালেসে আস্তানা নিলাম।

এইবার পুরাদমে কাজ চলল। তন্ন তন্ন করে ইউনিভার্সিটি ও স্টেট লাইব্রেরির প্রতিটি দপ্তর দেখা—বিশেষ করে তাদের কাজের পদ্ধতি আলোচনা করা। এক এক দপ্তরে প্রায় দু'তিন দিন ধরে কাজ চলত। কাজের চাপ খুব বেশী, তা সত্ত্বেও তাঁরা প্রত্যেকে খুব বড় আন্তরিকতার সঙ্গে আমাদের কাজ বুঝিয়ে দিতেন ও আমাদের কাঁই থেকে যদি কিছু নেবার থাকত তা গ্রহণ করতেন। অসংখ্য দপ্তর, অসংখ্য কর্মচারী আর দিনরাত স্রোতের মত পাঠকের যাতায়াত এই সব গ্রন্থাগারে, কিন্তু কোথাও টু শব্দটি পর্যন্ত নেই, কঠিন গৃহালা ও সৃষ্ট কর্ম পদ্ধতির ছাপ যেন



ইউনিভার্সিটি লাইব্রেরী সিডনি

সব জায়গায় লেগে আছে। মেলবোর্ন ইউনিভার্সিটিতে অনেক ভারতীয় ছাত্রের সঙ্গে আলাপ হ'ল। এখানকার শিক্ষার মান অত্যন্ত উঁচু, সেজন্য অনেক ভারতীয় আজকাল ইউরোপে না গিয়ে ঐ দেশে উচ্চশিক্ষার জন্ম যাচ্ছেন। মেলবোর্নে আমাদের সঙ্গে এক জন আমেরিকান ঐচ্ছাগারিক মিঃ বিহাইমার আলাপ হয়। তিনি এদেশে 'লেকচার টুরে' এসেছিলেন—ভারি অমায়িক ও ভঙ্গ।

দৃষ্টিভঙ্গি থেকে। অনেক কিছুই পেয়ে এয়েছি। দু'হাত ভরে নিয়ে এসেছি, কিন্তু দিতে পেয়েছি কতটুকু।

ফেব্রুয়ারি আগে সিডনি শহরের মেয়র আমাদের সকলকে চায়ের আসবে নিমন্ত্রণ করে বিদায়-সম্ভাষণ জানালেন। তাঁর শেষের কথাগুলো আজও মনে আছে—“আপনাদের মাধ্যমে দক্ষিণ-পূর্ব এশিয়ার সঙ্গে অষ্ট্রেলিয়ার বন্ধুত্ব দৃঢ় হতে দৃঢ়তর হউক।”

মোহনদাস

শ্রীশৈলেন্দ্রকুমার লাহা

আমি হেথা বসে আছি অগমনে একান্ত একাকী,
নিঃসঙ্গ সে মেঘখানি ভেসে যায়, দূরে ভেসে যায়,
কখন যে অকস্মাৎ নীল তার নীলিমা হারায়,
দিগন্ত মলিন, তবু প্রতীক্ষায় শূন্যে চেয়ে থাকি।
এস—এস—এস বলি' বার বার করে আমি ডাকি ?
সীমাহীন ধূসরতা, মন শুধু করে হায় হায়,
সুন্দর কোমল কালো—চিত্ত মোর তোমাবেই চায়,
তোমার করুণা দিলে আমার ক'শ দাও ঢাকি'।

বিহ্বাৎ চমকি যায়, বজ্র হাঁকে, হা-হা করে হাওয়া,
ধূসর নৈঃশব্দ ভাঙি' ছরস্বের জাগিল বিদ্রোহ,
ঝর-ঝর বারিধারা, এর সাথে যায় গান গাওয়া,
পূর্ণ হয়ে গেল প্রাণ, চূর্ণ হ'ল দারুণ সম্মোহ,
যে ছিল অনেক দূরে তারে যেন কাছে গেল পাওয়া,
ভাল লাগে ঘন-ঘটা, শ্রাবণের এই সমারোহ।

সুজাতার পোক

শ্রীবিখনাথ চট্টোপাধ্যায়

গভীর মনোবোগের সঙ্গে কি একখানা বই পড়ছিলেন ডাক্তার সোমনাথ অধিকারী। সম্ভবতঃ কোন ডাক্তারী বই। হাসপাতালের ডিউটি সেরে কতক্ষণ হ'ল বাড়ী ফিরেছেন তিনি এবং ফিরেই পোশাক-আশাক ছেড়ে বইখানা টেনে নিয়ে বসেছেন। চিকিৎসা-ক্ষেত্রে তাঁর আবির্ভাব দীর্ঘদিনের নয়—মাত্র এক বছর আগে পাস করে বেয়েছেন। নূতন ডাক্তার। এখনো হাসপাতালেই আবদ্ধ হয়ে আছেন। নিজে স্বাধীনভাবে চিকিৎসা-ব্যবসায় আরম্ভ করেন নি এখনো। না করে ভালই করেছেন। একটা প্রবচন আছে—শতমারী ভবেঐদ্যঃ সহস্রমারী চিকিৎসকঃ! সুতরাং ও কাজটা হাসপাতালে চুকিয়ে নেওয়াই সুবিধাজনক, নইলে আখেরে পসারের বিষ হতে পারে। হাসপাতালের এলাহী কাণ্ড—উদার পিণ্ডি বুধের ঘাড়ে চাপিয়ে হাত পাকাবার সেখানে বিশেষ অসুবিধা নেই। কিন্তু গোল বাধিয়েছেন ডাক্তার অধিকারীর আত্মীয়-পরি-জনেরা। তাঁরা তাঁকে হাত পাকাবার অবসরটুকুও দিতে রাজী নন। একটুকু শারীরিক অসুস্থতা আর কেউ ধরদাঙ্গ করতে চান না। কারো একটু মাথা নপ, নপ, কিংবা পেট ভুটভাট করলেই ডাক পড়ে ডাক্তার সোমনাথের। কার ছেলের সর্দি হয়েছে, যাত্রা যুঁতে যুঁতে আবার একবার কাশির ভাব হয়েছিল—ওষুধ দিতে হবে সোমনাথ ডাক্তারকে। অমূকের ক্ষিধে হয় না—অমূকের ছেলে কেবল খাই খাই করে এমনিতির হাজার জনের হাজার রকম ব্যাপারের ব্যবস্থা করতে হয় ডাক্তার অধিকারীকে। ইচ্ছায় অনিচ্ছায় এসব করতেই হয় তাঁকে। তা ছাড়া নতুন বিজ্ঞা প্রকাশ করারও একটা মোহ আছে।

ইতিমধ্যে বাড়ীর দরজার একটি নেমপ্লেটও লাগানো হয়েছে—ডাঃ সোমনাথ অধিকারী, এম-বি। কিন্তু চিকিৎসার ক্ষেত্রে এখনো আত্মীয়দের মধ্যেই সীমাবদ্ধ আছে। অবশ্য এজগ্রে ডাক্তার অধিকারী বিশেষ দুঃখিত নন। সুদিনের জগ্রে অপেক্ষা করার ধৈর্য্য তাঁর আছে।

মাস দুই থেকে একটি নূতন রোগী তাঁকে বড়ই বিব্রত করে তুলেছে। পাশের বাড়ীর বলরামবাবু তাঁদের আত্মীয়েরই সামিল। দীর্ঘকাল পাশাপাশি বাস করাতে উভয় পরিবারের মধ্যে একটা মধুর ঘনিষ্ঠতা জন্মে গেছে। বলরামবাবুর বড় মেয়ে সুজাতাকে ডাক্তার অধিকারী অত্যন্ত প্লেহ করেন। সম্প্রতি সেই সুজাতারই ছেলের নিত্য নূতন অসুখ নিয়ে তিনি অতিশয় বিব্রত হয়ে পড়েছেন এবং ক্রমেই তাঁর প্লেহের উপর বেন অভ্যাচার শুরু করে দিয়েছে সুজাতা। সুজাতার ইচ্ছে—ডাক্তারকাকা সব কাজ ছেড়ে ছুড়ে দিন-রাত্ত তাঁর ছেলের কাছে হাজির থাকুন। কেন কোন ক'ক দিবে কোন রোগ এসে না তাঁর ছেলেকে আক্রমণ করতে পারে। কিন্তু

তাও কি সম্ভব? ডাক্তার অধিকারী কি ডাক্তারি পাস করেছেন শুধু সুজাতার ছেলেকে চিকিৎসা করবার জগ্রে? মাঝে মাঝে ভারি বিরক্তি বোধ হয় তাঁর। স্পষ্টই বলে বলেন, তোমার ছেলের জগ্রেই শেষ পর্যন্ত আমার দেশছাড়া হতে হবে দেখছি। অন্ত যোগাই বা যোজ যোজ আসে কোথেকে ছেলের?

সুজাতা লজ্জা পায়। চোখ দুটো ছল ছল করে আসে তাঁর। আন্তে আন্তে মুখ নীচু করে বলে, অসুখ করে, তাঁর আমি কি করব।—বলেই অভিমানে ঘাড় বাঁকিয়ে ডাক্তার অধিকারীর সামনে থেকে দ্রুত চলে যায়। কিন্তু চলে গেলেই ত আর সব গোল মিটে গেল না। এখুনি যদি কোনক্রমে সুজাতার কাকীমাম, অর্থাৎ ডাক্তার অধিকারীর সহধর্মিণী মায়ী দেবীর কানে এই সামান্য খবরটুকুও পৌঁছয় তা হলে আর উপায় থাকবে না। মায়ী দেবীর সঙ্গে সুজাতার ভারি ভাব। দিনের অধিকাংশ সময় মায়ী দেবীর কাছেই অতিবাহিত হয় সুজাতার। সুজাতার ছেলের জামা-প্যান্ট সাজ-পোশাক সবই প্রায় মায়ীর তত্ত্বাবধানে তৈরি হয়। ছেলের ব্যাপারে মায়ীর পরামর্শ সুজাতার পক্ষে অপরিহার্য। দিনরাত্ত ওই ছেলেটিকে নিয়েই হু'জনের কাটে। কাজেই সুজাতা যাগ করে চলে গেলেও ডাক্তার অধিকারীর যাগ করে বসে থাকা চলে নন! তাঁকেও সুজাতার অসুস্থতায় করতে হয়। অসুস্থতায় করতে হয় বাধ্য হয়েই। নইলে মায়ীর মুখ ভার হবে, চোখে হয়ত জল আসবে সুজাতার দুঃখে।

বাস্তবিক, ডাক্তার অধিকারীকে ক্রমেই অতিষ্ঠ করে তুলেছে ওরা হু'জনে। বলরামবাবু মাঝে মাঝে তামাশা করে বলেন, সোমনাথ ভায়ার ডাক্তারী বিছোটা আমার নাতির কল্যাণেই দেখছি পাকাপোক্ত হয়ে গেল। এখন ভায়ী তুমি স্বচ্ছন্দে হাসপাতাল ছেড়ে ওকে আগলেই বসে থাকতে পার—তাতে তোমার শিকাকে কাজে লাগানোর কোন অসুবিধে হবে না।

সোমনাথ হাসেন। হেসে বলেন, তা যে হবে না সে আমিও বিশ্বাস করি। তবে কথা কি জানেন—সুজাতার খণ্ডরকে বলে করে আমার কিঞ্চিৎ প্রাপ্তির ব্যবস্থা করে দেন তা হলে আমি না হয়—

—অর্থাৎ তুমি ভিজিটের কথা বলছ ত? এটা কিন্তু সুজাতারই ব্যবস্থা করা উচিত।

সুজাতা সেকথা শুনেই হলে হয় নীরবে স্থান ত্যাগ করে, নয় তুরু কুঁচকে বলে, ঠকে দিয়ে ওর নাতির চিকিৎসা করাই এই তো বখেট! তাঁর আবার ভিজিট!

—বটে! আচ্ছা, এবার ছেলের অসুখ করলে ডাকতে বেরো! ডাক্তার অধিকারী চোখ পাকিয়ে তাকান সুজাতার দিকে। সাল্লি-পাতিকই হোক আর—

ডাক্তার অধিকারীর কথাই স্মৃজাতা যেন চমকে ওঠে। তাড়া-তাড়ি ছেলেদের বৃক্কের মধ্যে চেপে ধরে সে চলে যায় সেখান থেকে। হয়ত মনে মনে বলতে বলতে যায়—বালাই ষাট! কেন অসুখ করবে। ও যোগ শত্বের হোক! হয়তো ডাক্তার কাকার কথাটা কাকীমার কানে পৌঁছে দেবার জন্তে তৎক্ষণাতঃ পাশের বাড়ীর উদ্দেশ্যেই পা বাড়ায়।...

ডাক্তার অধিকারী স্তব্ধভাবে সেইখানে দাঁড়িয়ে দাঁড়িয়ে ভাবতে থাকেন আকাশপাতাল। স্মৃজাতার কাছে সংসারে একমাত্র তার ছেলে ছাড়া আর কিছুই যেন অস্তিত্ব নাই। ছেলে ছেলে করে সে যেন একেবারে পাগল হয়ে গেছে। কিন্তু ডাক্তার অধিকারীর কেন এ কর্তব্যভোগ। স্মৃজাতার ছেলের জন্মেই না শেষ পর্যন্ত তাঁকে দেশান্তরী হতে হয়! পোড়া ছেলের—রোগও কি জোটে যত বিদ্যুটে বিদ্যুটে! তার উপর এক দাগ ওষুধে কিংবা একটা ট্যাবলেটে যদি অসুখ না সারে তা হলে আর উপায় নেই। মায়াতে আর ওই স্মৃজাতায় তাঁর ডাক্তারী-বিছার নিকুচি করে ছাড়বে। তা ছাড়া শুধু রোগের চিকিৎসা করেই নিষ্কৃতি নেই তাঁর, বোগীর শুক্রবাণ্ড তাঁকেই করতে হবে। আবার বিরক্ত হলে চলবে না—হাসিমুখে সব করতে হবে। মায়া বলে, দাদামশাই যখন হয়েছ—বিরক্ত হলে চলবে কেন? কৈ আমি তো বিরক্ত হই না! কত অত্যাচার তো আমার উপর করে। ওর ছেলেটাকে নিয়েই তো আমার দিন কাটে। কাচ্চাবাচ্চা ঘরে না থাকলে কি মানায়। স্মৃজাতার ছেলেটা আছে তাই—

কাচ্চাবাচ্চা বড় ভালবাসে মায়া। ডাক্তার অধিকারীই কি কম বাসেন! কিন্তু তাই বলে কাচ্চাবাচ্চার অত্যাচার কাহাতক সওয়া যায়। মায়া সেকথা কানেই নেয় না। বলে, ভালবাসার অত্যাচারই যদি না সহিতে পারলে ত সে আবার ভালবাসা নাকি? ছেলের ধকল বড় ধকল গো! ওইখানেই ভালবাসার যাচাই হয়ে যায়।

ডাক্তার অধিকারী বলেন, কিন্তু সব জিনিসেরই তো সীমা থাকা উচিত। এ যে—

—সীমা! সীমা আবার কিসের? বিশ্বের বিশ্বয় পরিস্ফুট হয়ে ওঠে মায়ার চোখে-মুখে। বলি, ভালবাসার কি আবার সীমা আছে নাকি গো?...না, আপন-পর আছে? এ যদি তোমার নিজেরই হ'ত? তা হলে কি এমনি বিরক্ত হতে পারতে?

—না না, নিজের পরের প্রশ্ন নয়—মানে—

—থাক, আর মানে বুঝাতে হবে না।

অপ্রস্তুত ডাক্তারের মুখের উপর একটা কঠিন কটাক্ষপাত করে মায়া সশব্দে স্থানত্যাগ করে।...

সত্যিই ডাক্তার অধিকারীর অবস্থাটা যেন সাপে ছুঁচো গেলার মত হয়েছে। গিলতেও পারছেন না, ফেলতেও পারছেন না। তা ছাড়া শুধু তো রোগের চিকিৎসা করিয়েই স্মৃজাতা খুশী নয়—যায়না

যে অনেক বকম! স্মৃজাতার ছেলেটিকে সব সময় যদি তিনি কোলেপিঠে নিয়ে ঘুরে বেড়ান তা হলেই যেন ভাল হয়। সারাদিন ডাক্তারের ছোঁয়ায় রোগের আশঙ্কা আর তা হলে বৃষ্টি থাকে না ছেলের। অবশ্য স্মৃজাতার ছেলে—তাঁর আদরের। ভালও লাগে তাঁর, কিন্তু তাই বলে সব সময়? তাঁর কি সময়ের কেন দাম নেই? মায়া এবং স্মৃজাতা এ সব কথা শুনেই চায় না—বুঝতেই চায় না। কিছু বললেই স্মৃজাতার অমনি চোখ ছল ছল করে আসবে—মায়া ঝঙ্কার দিয়ে উঠবে। বিপদ আবার এইখানেই শেষ নয়। তাঁর দিক থেকে যদি স্নেহের এতটুকু বাড়াবাড়ি কোন মুহূর্তে ভ্রমক্রমেও আত্মপ্রকাশ করে, তা হলে আবার মায়ার তরফ থেকে হাসি, টিটকারি ঠাট্টার অস্ত্র থাকবে না।

এই তো ক'দিন আগেই একটা কাণ্ড ঘটে গেল, যার ডের এখনো চলছে। সেদিনও ঘরে বসে একখানা বই নিয়ে পড়ছিলেন তিনি। গভীর মনোযোগের সঙ্গে পড়ছিলেন। হঠাৎ এক সময় চমক ভাঙল তাঁর এবং তিনি আবিষ্কার করলেন—তাঁর কোলের পাশে স্মৃজাতার ছেলেকে। বোধ করি কখন স্মৃজাতাই তাকে এই ভাবে শুইয়ে রেখে গেছে।

অনেকক্ষণ ছেলেটার মুখের দিকে চেয়ে রইলেন তিনি নির্নিমেষ চোখে। ঘটা করে সাজানো হয়েছে ছেলেকে। কাজল-টাজল পরিয়ে বেড়ে দেখতে হয়েছে কিন্তু। কখন অগমনস্কের মত তাকে কোলে তুলে নিলেন তিনি। একটু আদরও করেছিলেন হয়তো। তার পর টেবিলের উপর তাকে বসিয়ে খেলা শুরু করেছিলেন। আড়াল থেকে মায়া আর স্মৃজাতা যে সব লক্ষ্য করেছে তিনি তা জানতেই পারেন নি। হঠাৎ চমকে উঠলেন তাদের কলহাস্তে। অপ্রস্তুতের একশেষ আর কি! তাড়াতাড়ি ছেলেটাকে নড়া ধরে টেবিল থেকে নামিয়ে পাশে শুইয়ে দিতেই মায়া সহাস্ত বিক্রপের স্বরে বলে উঠলেন—না না, লজ্জার কি আছে! অমন হয় গো হয়। দাছ-নাতি সম্বন্ধ যে! নাও, ওকে তুলে নিয়ে ওর সঙ্গে খেলা কর—আমরা চলে যাচ্ছি। বলেই তেমনি হাসতে হাসতে স্মৃজাতাকে নিয়ে মায়া অদৃশ্য হয়ে গেল। একটা গুরুতর অপরাধ করে ঘরা পড়ে গেলে মানুষের যে অবস্থা হয় ডাক্তার অধিকারীর অবস্থাও ঠিক যেন তেমনি হ'ল। তিনি মুখখানাকে যতদূর সম্ভব গভীর করে চূপচাপ বসে রইলেন।

এ ঘটনার পর থেকেই ডাক্তার অধিকারী স্মৃজাতা এবং তার ছেলের সম্বন্ধে রীতিমত সাবধান হয়ে চলছিলেন। পাছে কোন বকম দুর্বলতা প্রকাশ হয়ে মায়ার কাছে হাশ্বাস্পদ হন এই ভয়ে ক'দিন ওদের খোঁজখবরই করেন নি। কিন্তু তিনি খোঁজখবর না করলেও ওরা ছাড়বে কেন।

স্মৃজাতাকে ডাক্তার অধিকারী সত্যিই অত্যন্ত স্নেহ করেন—স্মৃজাতার উপর রাগ করে থাকারও তাঁর পক্ষে কষ্টকর। কিন্তু মুশকিল স্মৃজাতার হয়েছে ওই জন্মযোগী ছেলেটাকে নিয়ে।

সুজাতার প্রতি তাঁর এবং মায়ার ভালবাসা দেখে বাড়ীর সকলে
হাসি করে। বলে—সুজাতা আজ না হয় বাপের বাড়ী আছে,
কদিন পরে খুঁজবাবাড়ী গেলে তোরা থাকবি কি করে?—কথাটা
সুজাতাই ভাববার।

সুজাতার বিষম মুখ, ছল ছল চক্ষু ডাক্তার অধিকারীর অসহ।
ডাক্তার কাকার ফাইকরমাশ খাটতে তেমনি সুজাতারও আশ্রয়ের
অবধি নেই। ডাক্তার ভাবেন, মেয়েটার সব ভাল, কেবল ছেলেটাই
যত বিভ্রাটের মূল!

কদিন যে কারণেই হোক সুজাতা তাঁর সামনে আসে নি।
আর তিনিও তাকে ডাকেন নি বা তার খোঁজ করেন নি। অন্তরে
কেমন একটা বেদনা বোধ করছিলেন। একটা হুঁচিস্তাও পাক
খাচ্ছিল মনের মধ্যে। ছেলেটার কি আবার কোন গোলমালে
অশ্রু বিস্মৃৎ করল নাকি? একবার না হয় গিয়ে দেখে এলে
হয়। অভিমান করে হয়ত সুজাতা ডাকে নি তাঁকে। মায়ার কাছে
কি পবরটা একবার নেবেন?

এই সব পাঁচ বকম চিন্তা কদিন ধরেই করছিলেন তিনি।
হঠাৎ সমস্ত চিন্তার অবসান হয়ে গেল।—

ভবানীপুরে এক আশ্রয়ীর বাড়ীতে সকালে রোগী দেখতে গিয়ে-
ছিলেন তিনি। যখন ফিরলেন তখন বেলা আড়াইটে প্রায়। ফিরে
সবে মাত্র পোশাক পরিবর্তনের যোগাড় করছেন এমন সময় কান্দতে
কান্দতে সুজাতা এসে আছাড় খেয়ে পড়ল তাঁর সামনে। তারই
সঙ্গে সঙ্গে আবার মায়াও এসে জুটল তাকে সান্ত্বনা দেবার জগ।

—আরে, আরে। কি হ'ল—কি হ'ল তোরা? বাতিবাস্ত
হয়ে পড়লেন ডাক্তার অধিকারী। কি করবেন, কি বলবেন কিছুই
যেন স্থির করতে পারলেন না। এমন ফ্যাসাদেও মানুষ পড়ে।
সুজাতার কাণ্ড তাঁর অসহ। তাড়াতাড়ি সুজাতার হাত ধরে
তাকে সামনে দাঁড় করিয়ে বললেন, কি হয়েছে বল না? কান্দচিস
কেন?

—আমার ছেলে—আর কোন কথা সুজাতার মুখ থেকে বেরুল
না—কম্বায় সব কথা মিলিয়ে গেল।

অধিকারী বললেন, তোরা ছেলে? কি হয়েছে? বল ভাল করে
—অস্বগ করেছ? পড়ে গেছে?

—না গো—

—না গো, তবে কি?

কোন কথা না বলে সুজাতা আরও আকুল হয়ে কেঁদে উঠল।
ব্যাপারটা শেষ পর্যন্ত মায়ার মুখেই প্রকাশ পেল। মায়া যা বললে
তাঁর সংক্ষিপ্তসার হচ্ছে, আজ পরেশনাথ বেরিয়েছিল। সুজাতার
ছোট ভাই ছলল কাউকে কিছু না বলে ওর ছেলেকে নিয়ে পরেশ-
নাথ দেখতে যায়, কিছুক্ষণ আগে ছলল ফিরে এসেছে,
কিন্তু ওর ছেলেকে আনে নি। অনেক জিজ্ঞাসাবাদের পর ছলল
বললে, কাদের বকে বসে বসে একমনে প্রসেশন দেখছিল সে, পাশেই
ছিল ছেলে, হঠাৎ নিজের পড়তেই দেখলে কে নাকি ছেলেটাকে তুলে

নিরে চলে গেল। তার পর অনেক সন্ধান করেও আর ছেলেকে
পেলে না।

সর্বনাশ! ডাক্তার অধিকারী বললেন: আচ্ছা, তুই চূপ
কর সুজাতা—কান্দিস নি! আমি তোরা ছেলেকে খুঁজে আনছি।
পোশাক পরিবর্তন আর হ'ল না ডাক্তার অধিকারীর। তিনি সেই
অবস্থায়ই ছেলে খুঁজতে বেরলেন। কৰ্মভোগ আর কাকে বলে!
বহু অসুস্থানের পর সন্ধ্যা নাগাদ তিনি বাড়ী ফিরলেন।
ফিরলেন অবশ্য সুজাতার ছেলে নিয়েই। সুজাতারই এক বাসবীর
কাছে ছেলেটিকে পেলেন তিনি। সেই মজা করবার জগে
ছেলেটাকে নিয়ে গিয়েছিল।

ছেলে পেয়ে তবে সুজাতার মুখে হাসি ফুটল। ভিড়ের ঠেলা-
ঠেলিতে ছেলেটার একটা হাতে চোট লেগেছিল, ডাক্তারকাকার
দৃষ্টি সেই দিকে আকর্ষণ করে ছেলের মা ব্যাকুল হয়ে কেঁদে
উঠল। ছেলের যন্ত্রণাটা নিজের ভেতরই যেন অনুভব করলে
সে। ডাক্তার অধিকারী তাড়াতাড়ি ছেলেটার হাতে ভাল করে
ব্যাণ্ডেজ বেধে দিলেন। ওষুধ খাওয়ালেন, ইন্জেকশন দিলেন।
এই সব নিয়ে প্রায় রাত দশটা পর্যন্ত কাটল তাঁর। ছেলের চেয়ে
ছেলের মায়ের অস্থিরতাই তাঁকে বিব্রত করে তুলেছিল বেশী।
সুজাতাকে সামলাতেই তাঁর প্রাণ কঠাগতপ্রায়। তার সেই
অস্থিরতা দেখে মায়া পর্যন্ত হেসে ফেলেছিল। মেয়েটা কি
ছেলে ছেলে করে পাগল হয়ে যাবে নাকি! এতটা বাড়াবাড়ি কিন্তু
ভাল নয়। তার সেই অস্বাভাবিক ব্যাকুলতা দেখে বাড়ীর
লোকেরাও বিরক্ত হয়ে উঠেছিল।

যাই হোক, তার পর রাত্রিটা নির্বিঘ্নেই কাটল।

সকালেই ডাক্তার অধিকারী হাসপাতালের কাজে বেরিয়ে পড়ে-
ছিলেন। সেখানে একটা রোগীকে নিয়ে সমস্ত দিন ভয়ানক ব্যস্ত
থাকতে হয়েছিল তাঁকে। এই এতক্ষণে নিষ্কৃতি পেয়ে বাড়ী ফিরে-
ছেন এবং ফিরে পোষাক-আশাক ছেড়ে একথানা বই টেনে নিয়ে
আরাম করে বসেছেন। হাসপাতালে আজ তাঁর ভাবি খাটুনি
গেছে। কিন্তু সহস্র কাজের ভিড়েও থেকে থেকে মনে পড়েছে
গত রাত্রে সুজাতার সেই কাতরতা তার ছেলের জগে।
ভেবেছেন—এখন সুজাতা কি করছে? কি করা সম্ভব?
ছেলেকে নিয়ে হয়ত খুব ব্যস্ত হয়ে আছে। হয়ত ছেলের হাতের
ব্যাণ্ডেজ আলগা হয়ে গেছে—যন্ত্রণা শুরু হয়েছে হয়ত এতক্ষণ!
জ্বরও আসতে পারে। ডাক্তারকাকার জগে হয়ত সে আকুলি-
বিকুলি করছে। কিংবা মায়ার কাছে তাঁর নামে অমুযোগ
করছে, 'ডাক্তারকাকা কিছু জানেন না কাকীমা। এই দেখ
আমার ছেলের হাতখানার কি হাল করেছে। আমারও যেমন
মতিবুদ্ধি—মোড় থেকে তখন জগৎ ডাক্তারকে ডেকে একবার
দেখালেই হ'ত; তা নয়—এখন আমি ছেলেকে বাঁচাই কি করে?'
এমনি কত কথাই আজ সারা দিন ভেবেছেন ডাক্তার অধিকারী।

ডাক্তার অধিকারী ঝইখানা পড়ছিলেন কিনা কে জানে—
তবে দৃষ্টিটা তাঁর সেই দিকে নিবদ্ধ ছিল। হঠাৎ ঠক ঠক করে
পাশে একটা শব্দ হতেই চমকে উঠলেন তিনি, চোখ তুলে তাকাতেই
দেখলেন মারা। মারা তাঁর চা এবং জলখাবার এনে টেবিলের
উপক রাখছে। একটু যেন বিস্মিত হলেন তিনি। বিস্মিত হবার
কারণ অল্প কিছু নয়—এই সব ছোট-খাটো কাজগুলো তাঁর
সুজাতাই করে থাকে—চা এনে দেওয়া, জলখাবার, আহাৰাদির
পয় পান বা মশলা এনে দেওয়া, সুজাতা ছাড়া এগুলি আর
কারও কববার উপায় থাকে না। ডাক্তার কাকার কাজ করতে
সুজাতা ভালবাসে। না বাসবেই বা কেন? ডাক্তার কাকা তার
ছেলের সঙ্গে অত্যন্ত মনোযোগ করেন!

এখন তাই সুজাতার পরিবর্তে মারাকে তাঁর চা-জলখাবার
আনতে দেখে তিনি ভুরু কোঁচকালেন। বাড়ী এসেই সুজাতাকে
দেখতে পাবেন এই আশাই করেছিলেন। সুজাতার ছেলের খবরটা
জানা বিশেষ দরকার। কিন্তু—

মারার দিকে তাকিয়ে ভ্রুকুটি করলেন তিনি।—সুজাতা
কোথায়?

—বাড়ীতে।

—এখানে আসে নি?

—এসেছিল বৈকি। এই ত দু'মিনিট আগে এসে তোমার
খবর নিয়ে গেছে। বলে গেছে—তোমার জলখাওয়া হলেই
একবার অবিশ্রিত অবিশ্রিত যেন যাও। ওর ছেলের হাতের ব্যাণ্ডেজ
খুলে গেছে—জবে গা পুড়ে যাচ্ছে। এখন তার মাথায় আইস-
ব্যাগ দিতে হচ্ছে।

—মারা একটু খামল। আঁচলের খুঁট দিয়ে মুখটা মুছে নিয়ে
বললে, ভারি ভয় পেয়ে গেছে মেয়েটা! বললে, ছেলের অবস্থা
দেখে হাত পা তার পেটের ভেতর সঁধিয়ে যাচ্ছে—ছেলে এখন
বাঁচলে হয়।

—বল কি?

—হ্যাঁ। তুমি এখন চট করে চা খেয়ে নাও। নিয়ে
ছেলেটাকে একবার দেখে এস। আর ওষুধ ইন্জেকশন সব সজে
করে—

মারার কথা শেষ হ'ল না। ঠিক সেই মুহূর্তেই সুজাতার
বিলাপ শোনা গেল। হায় হায় করতে করতে ছুটে আসছে সে।
উভয়েই চমকে উঠলেন তাঁরা।

—কি—কি—কি হ'ল। বলতে বলতে ঘর থেকে বেরিয়ে
গেলেন দু'জনে।

এই বাড়ীর উঠানে এসে একেবারে বসে পড়ছে সুজাতা
সুজাতার ছেলের কোন অকল্যাণ হয়েছে ভেবে আঁতকে উঠলেন
তাঁরা, বাড়ীর আর আর সকলেও।

ডাক্তার অধিকারীকে দেখে সুজাতা কান্নাজড়ানো সুরে বল
উঠলেন, কাকু, আমার ছেলের...সে একেবারে কুপিয়ে কেঁদে
উঠল।

—কি হয়েছে—কি হয়েছে? চল দেখি।

—আর কি দেখবে—উ—উ—খোকার—এ—এ—

অবশেষে অনেক চেষ্টার পর বেটুকু জানা গেল তা এই:
সুজাতা ঘরের মেঝের বসে তার জ্বরাক্রান্ত ছেলের মাথায় আইস-
ব্যাগ দিচ্ছিল। পাছে ছেলের ঠাণ্ডা লাগে এই ভয়ে ঘরের জানলা
কপাট বন্ধ করে দিয়েই ছেলের গুজ্জবা করছিল সে। এমন সময়
কোথা থেকে তার বাবা বলরামবাবু ঘরে এসে তার ছেলের...আর
কিছু সে বলতে পারল না—কান্নায় তার কণ্ঠ কঁদে হয়ে এল।

সর্বনাশ! চমকে উঠলেন ডাক্তার অধিকারী। তবু তাকে
সান্ত্বনা দেবার জন্যে বললেন, আচ্ছা, আচ্ছা—কাদিস নি। ও
কিছু নয়—সব ঠিক হয়ে যাবে। মালিশের ভাল ওষুধ—

—আর কি ঠিক করবে একেবারেই যে...। বলেই তেমনি
কাদতে কাদতে সুজাতা পিতার পাতৃকপিষ্ট, ছেলের গুণ আলুর
পুতুলটা ডাক্তারের পায়ের কাছে ফেলে দিলে।

এতক্ষণে আশ্রয় হলেন ডাক্তার অধিকারী আর তাঁর স্ত্রী।
ওঃ, খোকার তা হলে কিছু হয় নি—কৃতি যা হয়েছে সে ওর
পুতুলের। কিন্তু যা ব্যাপার করে তুলেছিল সুজাতা, তাতে স্বামী-
স্ত্রী উভয়ে তো রীতিমত ঘাবড়ে গিয়েছিলেন। ছেলের প্রতি
সুজাতার অন্ধ স্নেহের কথা ডাক্তার অধিকারী জানতেন। কিন্তু
তা যে এতটা বাড়াবাড়িতে, একেবারে অস্বাভাবিকত্বের পর্যায়ে
পৌঁছেছে তা তিনি কল্পনাও করতে পারেন নি।

সুজাতাকে সান্ত্বনা দিয়ে স্বামী-স্ত্রী বাড়ী ফিরে এলেন।
“বুঝলে মারা”, ডাক্তার অধিকারী বললেন, “একেই বলে ফেটিশ বা
কোনকিছুর প্রতি অত্যাশক্তি এবং তাই নিয়ে বাড়াবাড়ি। ছেলের
প্রতি অন্ধ স্নেহ সুজাতাকে এমনি মোহাচ্ছন্ন করে ফেলেছে যে, তার
কাছে ছেলের খেলার পুতুলটা পর্যন্ত সজীব প্রাণীর সামিল হয়ে
দাঁড়িয়েছিল, তাই তার এ শোক। সুজাতার আচরণ তোমাদের
নিকট হয়তো অস্বাভাবিক ঠেকবে। তার কাছে কিন্তু খোকার
পুতুলের শোক পূত্রশোকের চেয়ে কিছুমাত্র কম নয়।”

মারা কোন জবাব দেয় না—শোকবিহ্বলা সুজাতার করুণ
মুখচ্ছবি তার চোখের সামনে ভেসে ওঠে।



কেরলের কথাকলি নৃত্যশিল্পীরূপ

কথাকলি

শ্রী এম. মুকুন্দ রাজা

অভিনয়, নৃত্য ও গীত—এই তিনটি চারুকলায় জটিল সমন্বয়ে কথাকলির সৃষ্টি। কথাকলি নৃত্যে শিল্পীর গান করার এমন কি, কথা বলারও অধিকার নেই। শুধু অঙ্গ ও মুখভঙ্গি এবং হাতের রূপক মূদ্রার মাধ্যমে তাকে নৃত্যের বিষয়বস্তু ও ভাবকে রূপায়িত করতে হবে। নৃত্যকলা-অনভিজ্ঞ সাধারণ লোকের মনেও তাব প্রতিধ্বনি জেগে উঠবে। মুক অথচ ভাবমুখর প্রকাশ-পদ্ধতিই কথাকলির বৈশিষ্ট্য। এই স্বকীয় বৈশিষ্ট্যে সমৃদ্ধ, বিচিত্র সুন্দর নৃত্যকলা! কেরলের অনন্তসাধারণ অবদান।

উৎপত্তি : এই নৃত্যকলার উৎপত্তি নিয়ে বিতর্কের যথেষ্ট অবকাশ রয়েছে। তবে এর উৎপত্তি—এই প্রশ্নে সমালোচক এবং বিদ্বজ্জন একমত হতে পাবেন নি। কোজি থোদ অঞ্চলে প্রবাদ আছে, জামোরিণের এক রাজা প্রথম কৃষ্ণ নাট্যম্ নামে ধর্মীয় নাট্যাভিনয় সংগঠন করে তোলেন। এই অভিনয় খুবই জনপ্রিয় হয়ে ওঠে এবং ক্রমে এই অভিনয়ের প্রতি ত্রিবাকুয়ের অন্তর্গত কোট্টারাক্ষার রাজার দৃষ্টি আকৃষ্ট হয়। কোট্টারাক্ষার রাজা জামোরিণের রাজাকে তাঁর অভিনয়কুশলী দলকে পাঠিয়ে দেয়ার অনুরোধ করেন। এঁদের চুঁজনের মধ্যে সতাব ছিল না। সেই

कारणे ढर्बावित हवे जामोरिणेर राजा तांर अनुरोध प्रत्याख्यान करेन। कोट्टारक्षार राजा एर उपयुक्त प्रतिशोध नेवार जल निजेइ उद्योगी हवे राम नाट्यम् नामे सम्पूर्ण नूतन एक धरणेव अभिनय-दल गडे तोलेन। परे एरइ नाम हर कथकलि। उतुव केरलेव जनश्रुति एइ रकम।

आवार एर ठिक विपरीत काहिनीओ प्रचलित आछे दक्षिण केरले। तांरा बलेन, राम नाट्यम् वा कथकलिव जगुइ आगे, परे अनुरूप एकइ कारणे कृष्ण नाट्यमेव उडुव। किन्तु कृष्ण नाट्यमेव श्रुकार निजेइ नाटकेर शेषे एकटि श्लोके एर रचनाकाल उल्लेख करेछेन। तिनि बलेछेन, कलिव ११,७७,७१२ साले एटि रचित। श्रुष्टादेव हिसावे एइ समय १७५७ साल। पशुतगणेर गवेषणार फले जाना वार, राम नाट्यमेव रचयिता पञ्चदश शताब्दीर शेषभागे जीवित छिलेन। एर सञ्चर सिंहासने आरुठ धाकार समयेइ, १८८७ साल थेके १८९१ सालेर मध्ये तिनि एटि रचना करेन। एते राम नाट्यमेव आनुमानिक रचनाकाल जाना वार, किन्तु ए थेके कथकलिव उत्पत्ति कोन समये ता अनुमान करा सञ्चर नय।

রামনাট্যম্ নিঃসন্দেহে কথাকলি-সাহিত্যের অল্পতম প্রাচীন গ্রন্থ। কিন্তু কথাকলি আরও অনেক বেশী প্রাচীন বলেই মনে হয়। কথাকলির নিখুঁত নৃত্যকলা, অভিনয়-ভঙ্গী এবং সাজ-পোশাকের বৈচিত্র্য মাত্র দুই এক শতাব্দীর মধ্যে গড়ে ওঠা সম্ভব নয়। কথাকলির উৎপত্তি সম্বন্ধে শ্রী জি. ভেঙ্কটচলম বা বলছেন এক্ষেত্রে তা বিশেষভাবে উল্লেখযোগ্য। তাঁর মত—কথাকলি একটি জাতির ঐতিহ্য, জাতির মতই তা সুপ্রাচীন।

কেরল কলামগুলম্ : এই সেদিন পর্য্যন্তও কথাকলি কেবলে খুবই জনপ্রিয় ছিল। অভিজাত-পরিবার মাত্রেই কথাকলি দল ব্যপ্তেন এবং সর্বপ্রকারে এই কলার উৎসাহ দিতেন। জনসাধারণও সেই সঙ্গে কথাকলির সমর্থনার হয়ে উঠেছিলেন। কিন্তু পশ্চিমী শিক্ষার প্রভাব তরুণদের মধ্যে তীব্র হয়ে দেখা দিলে এই অবস্থার পরিবর্তন ঘটে। যারা শিক্ষিত বলে গর্ব করতেন, প্রাচীন শিল্প-কলার প্রতি নাসিকাকুঞ্চনই ছিল তাঁদের উচ্চশিক্ষার মানদণ্ড। তথাকথিত বুদ্ধিবীীদের আজ আবার মনের পরিবর্তন ঘটেছে। গৌরবময় অতীতের উজ্জ্বল সম্পদ—শিল্পকলার পুনরুজ্জীবনে আজ আবার সাদা জেগে উঠেছে। তবে এর জন্ম কেবলের মহাকবি ভাল্লাথোলের নিকট ঋণ স্বীকার করতেই হয়। তিনিই ১৯৩০ সালে কয়েকজন বন্ধুর সাহায্য ও সহযোগিতায় বর্তমানের সুবিখ্যাত কেবল কলামগুলম্ কথাকলি ইনষ্টিটিউট সংস্থাপন করেন। এই প্রতিষ্ঠানের অনলস প্রচেষ্টায় কথাকলির প্রতি কেবলের তথা ভারতের জনসাধারণের মনোভাব সম্পূর্ণ পরিবর্তিত হয়। কিছুকাল পূর্বেও বিশিষ্ট ব্যক্তিগণ যেমন, ত্রিবান্দুর-কোচিনের মহারাজা, কাদাথানাভের রাজার উদ্যোগে কয়েকটি কথাকলি শিক্ষাকেন্দ্র পরিচালিত হ'ত; আজ মাত্র দুটির অস্তিত্ব কোন গতিকে বক্ষিত হয়েছে। একটি হ'ল কেবল কলামগুলম্, অপরটি বৈদ্যরত্নম পি. এস. ওয়ারিয়ের প্রতিষ্ঠিত 'কোটা কাল'।

প্রাচীন কথাকলি সাহিত্য : কথাকলির প্রাচীনতম সাহিত্য হ'ল কোটাবাক্সার রাজার রচনা রামনাট্যম্। রামায়ণ কাহিনীর মূল কাঠামোর উপর তিনি এই নাট্যগ্রন্থ রচনা করেন। এটি পুরোপুরি অভিনয় করতে আট রাত্রি লাগে। তাঁর পরে কোটায়মের পাঝাসি রাজা, উন্নায়ী ওয়ারিয়ের, ইবিয়িম্মান, তাম্পি প্রমুখ বিশিষ্ট কবি অনেকগুলি নাট্যগ্রন্থ রচনা করেন।

মোট দেড় শতের মত কথাকলি-নাট্যের কথা আমরা জানি; তবে এগুলির মধ্যে বিশ-চব্বিশটি নাটকই বিশেষ জনপ্রিয় এবং প্রচলিত। আধুনিক মালয়ালম্ সাহিত্যসৃষ্টির মূলে কথাকলি নাট্য-গ্রন্থের অবদান যথেষ্ট এবং এগুলির সাহিত্যমূল্যও কম নয়।

সাজসজ্জা : কথাকলি নাট্যের হিহিনী রামায়ণ, মহাভারত এবং পুরাণ থেকে গৃহীত। তাই প্রতিটি নাট্য-চরিত্র সাংস্কৃতিক, রাজসিক বা তামসিক গুণের প্রতীক। চরিত্রের গুণ অনুযায়ী সাজ-সজ্জার পরিবর্তন করা হয়, আধুনিক নাট্যকালিনের বাস্তবমুখী নীতি এখানে অচল। সজ্জা-পরিবর্তনের পিছনে দীর্ঘকালের

পর্যবেক্ষণ এবং পরীক্ষার অভিজ্ঞতা বিদ্যমান। যারা বাস্তববাদী তাঁরা হয়ত এই সাজসজ্জাকে অস্বাভাবিক ও অবাস্তব বলে উড়িয়ে দিতে পারেন।

কবি ভাল্লাথোলের উক্তিতে এই সব বাস্তববাদী সমালোচকের উত্তর মিলবে। তিনি বলেছেন, “যে কলা চরম উন্নতির আসনে সমাসীন, তার রূপ—এই সব সমালোচক যে অর্থে ‘বাস্তব’ শব্দের ব্যবহার করে থাকেন, তদনুরূপ হতেই পারে না। বিখ্যাত সঙ্গীতজ্ঞদের কাছ থেকে আমরা যে সঙ্গীতকলা লাভ করেছি তাও মূলতঃ প্রকৃতির অনুকরণেই সৃষ্টি! মানুষের মনেই সঙ্গীত রূপ পরিষ্কৃত করেছে। কবিতাও তাই। বহু শতাব্দীর সংস্কৃতির স্রোতধারায় কলার নিজস্ব রীতি ও ধরণ গড়ে ওঠে এবং প্রায়শঃই তা হয় অতি উচ্চাঙ্গের প্রতীকধর্মী। এই কারণেই মহৎ ভাব প্রকাশের তা সম্পূর্ণ অনুকূল। মহাকাব্যে উল্লিখিত চরিত্রগুলি কে কি পোশাক পরতেন তার সবিস্তার উল্লেখ কাথায়ও নেই। কলার আদর্শ ও রূপ অবিকৃত রেখে সাজসজ্জার রীতি আমাদের সৃষ্টি করে নিতে হয়।”


কথাকলির সবকয়টি চরিত্রই মহাকাব্যের বা পুরাণের, তাই তাদের সাজসজ্জা ও দেহ-চিত্রণ বাস্তবমুখী হবে এটা আশা করা যায় না। কল্পনার আশ্রয় নিতেই হয়। চরিত্র বহু এবং বিচিত্র, সাজসজ্জার রীতিও বিচিত্র এবং জটিল। তৎসঙ্গেও চরিত্রের রূপ-দানে সাজসজ্জার প্রভাব সহজ এবং প্রত্যক্ষ।

নৃত্যনাট্য : কথাকলি একাধারে নৃত্য ও নাটক। তবে অভিনয়ই এর মুখ্য অংশ। কথাকলির অভিনয় স্বতন্ত্র জিনিস, নাটকের অভিনয়ের তুলনায় এ অভিনয় অনেক উচ্চাঙ্গের। পূর্বেই বলেছি, কথাকলি বাস্তবধর্মী কলা নয়, ভরতমুনি-কথিত বঙ্গক চারুকলা। প্রতিটি ভাবকে আদর্শে রূপায়িত করে মুগ্ধঙ্গীর মাধ্যমে মূর্ত্ত করে তোলা হয়। মুগ্ধের কথার চাইতে এর আবেদন অনেক বেশী স্বতঃস্ফূর্ত্ত, তীব্র। নৃত্যের তাল এবং সঙ্গীতের সুরও থাকে সেই ভাব প্রকাশের অনুকূল। তাই দর্শকের উপর তার প্রভাবও হয় সহজ, সুন্দর, মর্ম্মস্পর্শী।

কথাকলি নৃত্য দেখে উদয়শঙ্কর একবার মন্তব্য করেন—মুক অভিনয়ের মধ্য দিয়ে কথাকলি-শিল্পীরা যেভাবে যুদ্ধ ও হত্যার বীভৎসতা, প্রেমের বিচিত্র ভাব এবং বিরহের বেদনা প্রকাশ করেছেন তা সত্যি আশ্চর্যের। বিভিন্ন প্রতীক-মূর্ত্তা ছাড়াও শুধু মুগ্ধঙ্গীর মাধ্যমেও শিল্পীরা দর্শকের মনে যথার্থ ভাব প্রতিকলিত করে তুলতে পারেন।

অভিনয় : মানব-হৃদয়ের বিচিত্র ভাব প্রকাশ করাই কথাকলির অভিনয়ের একমাত্র উদ্দেশ্য নয়। অভিনয়ের মধ্য দিয়ে একই সঙ্গে পরিবেশ অর্থাৎ চারিদিকের লোকজন, দৃশ্য প্রভৃতিও পরিষ্কৃত করে তুলতে হবে। কথাকলি-শিল্পী যখন কোনও কিছু বোঝাতে চান তিনি নিজেই যেন আকার ও ভাবে তার রূপ পরিষ্কৃত করেন। একজন গভীর অরণ্যের মধ্য দিয়ে চলেছে, অরণ্যের

প্রতিটি দৃশ্য ও শব্দ তার মনে বিচিত্র ভাবের সৃষ্টি করেছে। শিল্পী এক দিকে যেমন এই অরণ্যচারীর মনোভাব প্রকাশ করছেন তখন দিকে, তেমনি তাঁর অভিনয় ও নৃত্যকলায় মামণ্ডে অরণ্যের সেই রহস্যময় শব্দ ও দৃশ্য দর্শকের চক্ষে প্রতিভাত করে তুলছেন। এক বার তিনি নিরীহ শিকারের পশ্চাত ধাবমান ক্ষুধার্ত সিংহের রূপ ধারণ করছেন, আবার কুজনরত বিরহী কোকিলের বেদনা নিবেদন করছেন, কিংবা গগনভেদী পাহাড়ের পাদদেশে ঘুমন্ত হ্রদের শাস্ত তরঙ্গ-হিল্লোল সৃষ্টি করছেন। এখানেই কথা-কলির কাব্য ও দৃশ্যময় প্রকাশমাধুর্য।



মুদ্রা :—কথাকলির সবচেয়ে আশ্চর্য্য জিনিষ হ'ল তার মুদ্রা—কথিত ভাষার প্রতীক। পর্দার পেছন থেকে গায়ক অভিনীত চরিত্রের বক্তব্য গেয়ে চলেছেন, আর শিল্পী মঞ্চের উপরে মুখভঙ্গী, দেহভঙ্গী এবং মুদ্রার মাধ্যমে তার ছব্ব রূপদান করছেন। সঙ্গীতের সঙ্গে তাল রেখে তিনি নাচছেন ও অভিনয় করছেন, আবার সেই সঙ্গে গীত বিষয়ের ভাবও ফুটিয়ে তুলছেন। মুদ্রা অবশ্য নৃত্য ও অভিনয়েরই অপরিহার্য্য অঙ্গ।

'হস্ত-লক্ষণ-দীপিকা' গ্রন্থের উপর ভিত্তি করেই কথাকলির মুদ্রার উদ্ভব। এই গ্রন্থে মাত্র চব্বিশটি মুদ্রার কথা উল্লেখ করা আছে। কিন্তু কয়েক শতাব্দীর পরীক্ষা-নিরীক্ষার ফলে আজ কথা-কলি অনূন সাত শতাব্দিক মুদ্রা সৃষ্টি করে নিয়েছে। জীবিতদের মধ্যে মুদ্রা ও অভিনয়কলার শ্রেষ্ঠ বিশেষজ্ঞ হলেন নাট্যাচার্য্য পি. কে. কৃষ্ণকৃষ্ণ; তাঁর শিষ্যগণের মধ্যে গোপীনাথ, মাধবন, আনন্দ শিব-রাম ও কৃষ্ণ নায়ার দেশ-বিদেশে খ্যাতি অর্জন করেছেন। এই প্রসঙ্গে একটি কথা উল্লেখ করা প্রয়োজন মনে করি। দিল্লীর ভারতীয় কলাবেঙ্গল অথবা 'সঙ্গীত নাটক একাদামী' যদি কথাকলি মুদ্রার একটি অভিধান রচনা করেন তবে এই কলার উন্নয়নে সেটি বিশেষ সহায়ক হবে। পৃথিবীর কোথাও এইরূপ সুবিস্তৃত প্রতীকী কলার অস্তিত্ব নেই। যুদ্ধের সময়ে (১৯৪০-৪৩) ভারত সরকারের ফটোগ্রাফার শ্রীমতী ষ্ট্যান হার্ডিং একটি মোটামুটি রকমের সচিত্র অভিধান রচনা করেছিলেন। এই উদ্দেশ্যে ১৯৩০ সাল থেকে তিন বৎসর কাল তিনি কেবলে কথাকলি শিল্পীদের মধ্যে অতি-বাহিত করেন। আমি যতদূর জানি, অর্থের অভাবে এবং ভাল প্রকাশক না পাওয়ায় অভিধানখানি আজ পর্য্যন্ত প্রকাশিত হয় নি।

নৃত্য : অনেক বিদেশীই কেবলে এসে থাকেন। কেউ আসেন বিচিত্র কলা কথাকলির অভিনয় দেখতে, কেউ আসেন কথা কলি-কলা আয়ত্ত করতে। তাঁদের অধিকাংশই নৃত্যকলায় বিশেষ আগ্রহী বলে শুধু নৃত্যের অংশটুকু গ্রহণ করেই মুগ্ধ হন। কথাকলির অপর দিক তাঁদের কাছে উপেক্ষিত। তাই প্রায়ই তাঁরা বলেন, সাজপোশাকের আড়ম্বর কমিয়ে শিল্পীর শরীরের আরও খানিকটা উন্মুক্ত করে নৃত্য-সৌন্দর্য্য প্রকাশলাভের পথ সহজতর করে তোলা উচিত। নৃত্যের শারীরিক সৌন্দর্য্য-বিচারে এটি অবশ্যই অতি

মুখোমুখি কথাকলি নৃত্য্যভিনয়

উত্তম প্রস্তাব। কিন্তু কথাকলির বিচারে এর সম্পূর্ণ বিপরীত মতই বাক্য করতে হয়। কারণ নৃত্য, অভিনয় ও সঙ্গীতের সমান-সংশ্লিষ্টেই কথাকলির সৃষ্টি। কথাকলি শব্দের অর্থ কাহিনী-নাট্য। তাই প্রতিটি চরিত্রের সাজ-সজ্জাও সম্পূর্ণ চরিত্রাঙ্গ। নৃত্য ভাব-প্রকাশের এবং দর্শকের চিত্তজয়ের অব্যর্থ অস্ত্র।

সঙ্গীত : সঙ্গীতও কথাকলির অপরিহার্য্য অঙ্গ। সম্মিলিত সঙ্গীতসৃষ্টির জন্ম থাকেন দু'জন কণ্ঠসঙ্গীত-শিল্পী—একজন কাসি-জাতীয় বাছয়ন্ত্র 'চেংগালা' এবং অপর জন করতাল-জাতীয় 'এলাখালাম' বাজিয়ে গান করেন। আর থাকেন দুইজন বাছয়ন্ত্রী—একজন চেন্দা (টোল-জাতীয়) অপর জন দাক্ষিণাত্যের বৈশিষ্ট্যপূর্ণ মদঙ্গ মাদালাম বাজান। কাহিনীর কথোপকথন কাব্যে রচিত। দুইজন কণ্ঠসঙ্গীত-শিল্পী সেগুলো গেয়ে চলেন। কথাকলির সঙ্গীত কর্ণাট-সম্প্রদায়ের খাটি মার্গসঙ্গীত।

কথাকলি কলার কাঠামো খুবই আটসাত—একটি অংশের সঙ্গে আর একটি অংশ মিলে মিশে একাকার হয়ে গেছে। কিছু না কিছু ক্ষতি না করে একটির থেকে আর একটি বিচ্ছিন্ন করা অসম্ভব, যেমন অসম্ভব দেহ থেকে অঙ্গ-প্রত্যঙ্গ বিচ্ছিন্ন করা। সময়ের সঙ্গে তাল রেখে জীবনের মত কলারও প্রতি মুহূর্তেই পুনরুজ্জীবন প্রয়োজন। চলতি যুগের রুচি ও প্রবণতার সঙ্গে তাকে খাপ খাইয়ে নিতে হবে।

কেরলের নিজস্ব সম্পদ : কথাকলি কেরলের স্বতন্ত্রতাপূর্ণ ঐতিহ্যগত সম্পূর্ণ নিজস্ব কলা। এই কলার মধ্য দিয়েই কেরলের শ্রমজীবী মানুষ, করণাময়ী নারী, তাদের সরলতা, ভক্তি, বর্মণীয় ডুমির গর্বে গর্ভিত হৃদয় যেন মূর্ত হয়ে উঠেছে। কথাকলি অভিনয় দর্শনের পর কবিগুরু রবীন্দ্রনাথ যে উক্তি করেছিলেন এখানে তার উল্লেখের সবিশেষ প্রয়োজন আছে। তিনি বলেছিলেন : আমাদের মধ্যে যাঁরা উত্তর ভারতের অধিবাসী এবং খাটি ভারতীয় নৃত্যকলায় স্মৃতি যাঁদের মন থেকে মুছে গেছে, তাঁরা কেরলের এই বিস্ময়কর কলা 'কথাকলি' দেখে আনন্দে অভিভূত হবেন। ভারতের এই প্রাচীন কলা যে তার শক্তি, সৌন্দর্য্য ও সূক্ষ্ম প্রকাশমাধুর্য্য নিয়ে এখনও বর্তমান তার জন্ম গর্ভবোধ করছি।

কালিদাস-সাহিত্যে রূপবর্ণনা

শ্রীরঘুনাথ মল্লিক

রূপবর্ণনা, বিশেষতঃ নারীর রূপবর্ণনা সকল দেশের, সকল কবির অতি প্রিয় বিষয়। কোনও কোনও কবি এমন সুন্দরভাবে উপমাবঙ্গীর সাহায্যে নারীর রূপবর্ণনা করিয়াছেন যে, যে-কোনও পাঠক পড়িয়া তৃপ্তি লাভ করিবেন। মহাকবি কালিদাসের কাব্য-নাটকে নারীর, এমন কি পুরুষেরও রূপবর্ণনা বহু স্থানে পাওয়া যায়, এখানে তাহাদের কয়েকটি দেখানো গেল।

প্রথমে মহাকবির তরুণ বয়সের রচনা, তাঁহার প্রথম কাব্য 'কুমারসম্ভবে'র শ্লোক হইতে পার্শ্বতীর রূপবর্ণনার আলোচনা করিব। একে নবীন কবি, তায় জীবনের প্রথম রচনা, পার্শ্বতীর রূপবর্ণনা তাই তরল উচ্চাসে পূর্ণ এবং তাঁহার ঢাঁকাকার মল্লিনাথের মতে স্থানে স্থানে অতিশয়োক্তির অভাব নাই। তাঁহার পরিণত বয়সের রচনা 'রঘুবংশে' নায়িকাদের রূপবর্ণনায় গাভীর্য ও সংযম পাঠকের মন মুগ্ধ করিয়া দেয়।

পার্শ্বতী পর্বতরাজ হিমালয়ের কণ্ঠা, রূপের তাঁহার তুলনা ছিল না। মহাকবি অতি নিপুণ ভাবে, কেবল নিপুণ ভাবে নয়, যেন নিখুঁত ভাবে তাঁহার প্রতি অঙ্কের রূপের বর্ণনা করার চেষ্টা করিয়াছেন। বাল্যকাল অতিক্রম করিয়া পার্শ্বতীর যখন নব যৌবন আরম্ভ হইল, মহাকবি বলিতেছেন, তখন তাঁহাকে দেখাইতে লাগিল যেন 'একখানি তুলিকা দ্বারা অঙ্কিত চিত্র,' যেন, 'একটি সূর্য্যকিরণে প্রস্ফুটিত পদ্ম।' পর পর সতেরটি শ্লোকে তিনি পার্শ্বতীর রূপবর্ণনা করিয়াছেন। মল্লিনাথ বলেন, 'পার্শ্বতী দেবী, মানবী নহেন, তাই ধার্মিক লোকেদের নিয়ম অনুসারে মহাকবি তাঁহার রূপের বর্ণনা তাহার চরণ হইতে আরম্ভ করিয়াছেন, মানবী হইলে আরম্ভ করিতেন কেশের বর্ণনা দিয়া।'।

তাঁহার চরণের সৌন্দর্য্য কিরূপ ছিল? মহাকবি বলিতেছেন, 'তাঁহার চরণযুগলের রক্তিম আভা যেন বাহিরে ফুটিয়া বাহির হইত, মনে হইত বুঝি দুইটি স্থলপদ্ম পৃথিবীর উপর চলিয়া বেড়াইতেছে।' তাঁহার চলার সাবলীল ভঙ্গী দেখিলে মনে হইত যেন, 'রাজহংসেরা বুঝি তাঁহার নিকট হইতে চলিবার আরও উৎকৃষ্ট ভঙ্গী শিখিবার জন্মই তাঁহাকে তাহাদের মত গতিভঙ্গী শিক্ষা দিয়াছে।' তাঁহার জন্ম দুইটি? মহাকবি তাহাদের বর্ণনা দিতেছেন :— তাঁহার সে

সুগোল, নাতিদীর্ঘ, মনোহর জন্ম দুইটি সৃষ্টি করার সময় মনে হয়, বুঝি বিধাতা তাঁহার সঞ্চিত যত কিছু সৌন্দর্য্য সমস্তই নিঃশেষে ঢালিয়া দিয়াছিলেন, তাই তাঁহার অপর অঙ্গগুলির সৃষ্টির সময় আবার তাঁহাকে নূতন করিয়া সৌন্দর্য্য আহরণ করিতে হইয়াছিল। কলাগাছের সহিত উরুর উপমা প্রাচীন কবিদের অনেক কাব্যে পাওয়া যায়, মহাকবিও পার্শ্বতীর রূপবর্ণনা-প্রসঙ্গে তাঁহার উরুর উপমা দিয়াছেন কদলী, এবং হস্তীশুণ্ডের সহিত। তিনি বলিতেছেন, 'ঐরাবত হস্তীর শুণ্ড বা রামরস্তার মত কদলীবিশেষের নিজেদেরকে সুন্দর দেখাইবার ঐকান্তিক চেষ্টা সত্ত্বেও পার্শ্বতীর উরুযুগলের সহিত উপমিত হইবার মত সৌন্দর্য্য তাহারা কিছুতেই ধারণ করিতে পারিল না।' তাঁহার নিতম্বের বিশেষ কোনও বর্ণনা মহাকবি দেন নাই, কেবল বলিয়াছেন, 'গিরীশের অঙ্গে যে নিতম্ব ছাড়া আর অণু কোনও নিতম্ব কখনও স্থানলাভ করিতে পারে নাই, তাহা যে কত সুন্দর তাহা অনুমান করা কঠিন নয়।' তারপর বক্ষ-বর্ণনায় বলিতেছেন, 'সেই কমল-নয়নীর বক্ষের গড়ন এরূপ সুপুষ্ট যে তাহাদের মধ্যে যুগলসুত্রও বুঝি স্থানলাভ করিতে পারে না।' বাছ দুইটির বর্ণনায় মহাকবি বলিয়াছেন, 'আমার মতে তাঁহার বাহুযুগল শিরীষ পুষ্প অপেক্ষাও কোমল, কারণ হরের নিকট পরাজিত হইয়াও মদন উমার বাছ দুইটিকে তাঁহারই কণ্ঠবন্ধনের রজ্জ করিয়া দিয়া গিয়াছিলেন।'

'কণ্ঠে যখন তিনি মুক্তার হার পরিয়া থাকিতেন, এবং যে হার তাঁহার বক্ষের উপর লম্বমান হইয়া থাকিত, দেখিলে মনে হইত যেন উভয়ের সৌন্দর্য্যে উভয়ের সৌন্দর্য্য বৃদ্ধি পাইয়াছে।' মুখ-সৌন্দর্য্য বর্ণনায় মহাকবি বলিতেছেন, 'লোকে বলে শোভা চন্ডলা, চন্দ্রকে যখন আশ্রয় করে, পদ্ম তখন থাকে অনাদৃত, আবার পদ্মকে যখন অনুগৃহীত করিতে থাকে, চন্দ্র তখন পর হইয়া যায়, উমার মুখে কিন্তু পদ্ম ও চন্দ্রের শোভা একই সঙ্গে প্রীতিপ্রসন্ন মনে অবস্থান করিয়া রহিল।' ঐ অতুলনীয় সুন্দর মুখে—যে মুখে এক সঙ্গে পদ্ম ও চন্দ্রের শোভা বিরাজ করিত, সংসারে যাহা দেখিতে পাইবার কোনও উপায় নাই, যখন তিনি হাসিতেন, তখন কিরূপ দেখাইত? মহাকবি বলিতেছেন, 'নব পল্লবের উপর প্রস্ফুটিত পুষ্প, কিংবা সুন্দর প্রবালের পাশে বসানো

মুক্তা দেখিলে, মনে হইবে, তাহার বুকি তাঁহার রক্তবর্ণের অধরের উপর ঈষৎ বিকশিত, শুভ্র দন্তরাজিয়ুক্ত বিশুদ্ধ মৃদু হাস্যের অনুকরণ করার চেষ্টা করিতেছে।

তাঁহার মুখের বাক্যগুলি কম মধুর ছিল না, মহাকবি তাই বলিতেছেন, ‘যখন তিনি কথা কহিতেন, তখন তাঁহার অমৃতের মত মনোহর স্বর ও মধুর বাক্যগুলি শুনিলে কোকিলার স্বরও লোকের কর্ণে অসমবন্ধ তন্ত্রী শব্দের মত কেবল বেদনা উৎপাদন করিত।’ পার্শ্বতীর চাহনির বর্ণনা দিতে গিয়া মহাকবি বলেন, ‘তাঁহার সে মনোরম চঞ্চল দৃষ্টি দেখিয়া বায়ুসঞ্চালিত পদ্মকে মনে পড়িয়া যাইত এবং বুঝা যাইত না যে, এ চাহনি তিনি হরিণীদেব নিকট শিখিয়াছেন, না হরিণীরাই তাঁহার নিকট শিক্ষা করিয়াছে।’ ইহার পর মহাকবি তাঁহার ক্রয়ুগলের বর্ণনা করিতেছেন, ‘তাঁহার সে আয়ত নয়নের সুঠাম বন্ধিম ক্রয়ুগল দেখিলে মনে হইত, বিধাতা বুকি তুলিকা দিয়া অতি নিপুণভাবে সেগুলি অঙ্কিত করিয়াছেন, আর রতিপতিও যেন সেদিকে চাহিয়া আপনার পুষ্পধনুর সৌন্দর্য্যগর্ভ পরিত্যাগ করিতে বাধ্য হইয়াছেন।’

কেশের বর্ণনায় মহাকবি বলেন, ‘ইতর প্রাণীদের যদি লজ্জা থাকিত, তবে একথা নিশ্চয় করিয়া বলা যাইতে পারে যে, পার্শ্বত-রাজকন্য়ার কেশকলাপ দেখিয়া চমরীদেরও পুচ্ছক্রীতি শিখিল হইয়া যাইত সন্দেহ নাই।’ যত রকমে পাষা যায় উপমা দিয়া পার্শ্বতীর রূপবর্ণনা করিয়াও মহাকবি যেন তৃপ্ত হইতে পারেন নাই, তাই তিনি শেষে বলিতেছেন, ‘তাঁহাকে দেখিলে মনে হইত, বিশ্বস্রষ্টা বুকি জগৎ-সংসারের মাঝে উপমা দিবার মত যত কিছু সুন্দর বস্তু আছে, তাহাদের সবগুলিকে একত্র দেখিতে পাইবেন, এই আশা লইয়াই অতি যত্ন সহকারে, যেখানে যেমনটি দিলে মানায়, তেমনি করিয়া তাঁহার দেহখানি নির্মাণ করিয়াছেন।’

পার্শ্বতীর রূপবর্ণনা এই খানেই শেষ হয় নাই। মদন যেদিন মহেশ্বরকে ‘সম্মোহন’ নামক পুষ্পবাণের আঘাতে বিচলিত করিয়া পার্শ্বতীকে বিবাহ করাইবার বৃথা চেষ্টা করিয়া নিজেই ভস্মীভূত হইয়া গেলেন, পার্শ্বতী সেদিন প্রতিদিনের মত শিবার্চনা করিতে গিয়াছিলেন। সহসা সেদিন আশ্রমে অসময়ে বসন্তের নানাবিধ পুষ্প প্রস্ফুটিত হইতে দেখিয়া তাঁহার সখীরা তাঁহাকে পুষ্পের আভরণে সাজাইয়া দিয়াছিলেন। তখন তাঁহাকে কিরূপ দেখাইতেছিল, মহাকবি তাহার বর্ণনা দিতে বলিতেছেন, তাঁহাকে দেখাইতেছিল ‘সঞ্চারিণী পল্লবিনী সতেব’ (কু-৩৫৪), যেন একটি পুষ্পিতা সত্য সজীব হইয়া চলিয়া বেড়াইতেছে।

এতক্ষণ মহাকবি গৌরীর যে রূপ দেখাইয়াছেন তাহা রাজকন্য়ার রূপ, পার্শ্বতরাজ হিমালয়ের রাজপ্রাসাদে বিলাস-

বৈভবে প্রতিপালিতা আদরিণী কন্য়ার রূপ। ‘কুমারসন্তবে’র পঞ্চম সর্গে তিনি তাঁহার ‘তপস্বিনী-রূপ’ দেখাইয়াছেন। তপস্বিনীর রূপবর্ণনা করা হয়ত চলে না, তাই তিনি যেটুকু না বলিলেই নয়, যেন সেইভাবে সামান্য কিছু বলিয়াছেন। পার্শ্বতী যখন তপস্যা করিতে যাইবার জন্ত মহামূল্য বস্ত্র, আভরণ প্রভৃতি খুলিয়া ফেলিয়া দিয়া পরিলেন বৃক্ষের বন্ধল, মস্তকে বাধিলেন জটা, তখন? মহাকবি বলিতেছেন, ‘জটা ধারণ করিলেও তাঁহার মুখখানি কেশবিন্যাসের পর যেরূপ সুন্দর দেখাইত, সেইরূপ মনোহর দেখাইতে লাগিল। পদ্মের উপর কেবল যে ভ্রমর বসিয়া থাকিলেই তাহার শোভা বৃদ্ধি হয়, তাহা নহে, শৈবালের সাহচর্য্যেও তাহার সৌন্দর্য্যের কোনও হানি হয় না’ (কু-৫১২)। ঠিক এই ধরণের উপমা ‘অভিজ্ঞান শকুন্তলে’ও পাওয়া যায়। মহর্ষি কণ্ঠের আশ্রমে বন্ধলধারিণী শকুন্তলাকে দেখিয়া রাজা দুঃস্বপ্নও বলিয়াছিলেন, ‘পরসিদ্ধমহুবিদ্ধং শৈবালেনাপি রম্যং—শৈবাল অর্থাৎ শেওলা লাগিয়া থাকিলেও পদ্মের শোভা সমান রমণীয় থাকে’, কারণ, তিনি বলিতেছেন, ‘কিমিবহি মধুরাণাং মণ্ডনং নাকৃতানাং’, অর্থাৎ—মধুর যাহার আকৃতি, যাহা কিছু তাহাকে পর দান যায়, তাহাই তাহার ভূষণ হইয়া পড়ে, তাই বন্ধল পরিয়া থাকিলেও শকুন্তলাকে এত সুন্দর দেখাইতেছিল।

ছদ্মবেশী শিব তপস্কারতা গৌরীকে বলিতেছেন, ‘যদুচ্যতে পার্শ্বতি পাপবৃত্তয়ে ন রূপমিত্যব্যভিচারি তদ্বচঃ’, অর্থাৎ, ‘পার্শ্বতি, লোকে যে বলে অতি সুন্দর যার মুখখানি, সে যে কোনও পাপ করে নাই, একথা মিথ্যা হইতে পারে না।’ এ কথা বলার উদ্দেশ্য—‘তোমার ঐ অল্পপম সুন্দর মুখখানি দেখিলে বেশ বুঝিতে পারা যায় যে, জীবনে তুমি কোনও পাপ কর নাই, তবে আর এ কঠোর তপস্যা করার উদ্দেশ্য কি?’ গৌরীর মুখখানি যে অতি সুন্দর ছিল, তাহা শিবের কথায় বেশ বুঝা যাইতেছে। তারপর তিনি আবার বলিতেছেন, ‘কেন তুমি এ নবীন যৌবনে দেহের সমস্ত আভরণ খুলিয়া ফেলিয়া দিয়া, যা বন্ধকে শোভা পায়, সেই বন্ধল পরিয়া রহিয়াছ? নিশার আকাশ যখন চাঁদের জ্যোৎস্নায় ও তারার মালায় সুশোভিত থাকে, কাহারই-বা তখন ইচ্ছা হয় তাহার অরুণোদয়ের সময়কার রিক্তাবস্থার কল্পনা করিতে? অর্থাৎ, রাত্রিতে যখন আকাশ চন্দের জ্যোৎস্নায় ও নক্ষত্রপুঞ্জের শোভায় হাসিতে থাকে, তখন কি কাহারও ভাবিতে ইচ্ছা হয়, আকাশের ভোরবেলার অবস্থা—চাঁদ যখন স্তান হইয়া পড়ে, উজ্জ্বল নক্ষত্রগুলি মিলাইয়া যায়, এ অতুলনীয় নয়নাভিরাম সৌন্দর্য্য আর থাকে না।’

পার্শ্বতীর মুখখানি সুন্দর ছিল বটে, তবু অনশনে ক্লিষ্ট

হওয়ায় দেখাইতেছিল যেন, 'শশাঙ্ক লেখামিব পশুতো দিনা', অর্থাৎ, সকালে উদিত চন্দ্রের মত ফ্যাকাশে।

পার্বতীর শুভবিবাহের দিন তাঁহার বধুবেশ-রূপ মহাকবি কি ভাবে বর্ণনা করিয়াছেন, দেখা যাক। হিমালয়ের বন্ধুবান্ধবদের স্ত্রীরা ও তাঁহার আত্মীয়স্বজনদের বাড়ীর পতিপুত্রবতী মেয়েরা—যাঁহারা পার্বতীকে কনে' সাজাইবার ভার লইয়াছিলেন, যখন প্রথমে হিমালয়ের স্নানাগারে—যাঁহার মেঝে ছিল মরকতমণি দিয়া নিশ্চিত ও মুক্তার দ্বারা বিচিত্রিত, লইয়া গিয়া সোনার কলসীতে তুলিয়া রাখা জলে বেশ করিয়া স্নান করাইয়া শুভ্র একখানি বস্ত্র পরাইয়া দিলেন, তখন 'বৃষ্টির ধারায় স্নাতা ও প্রস্ফুটিত কাশপুষ্পে শোভিতা ধরণীর ঞ্চায় তাঁহার দেহে অতি রমণীয় শ্রী ফুটিয়া উঠিল।' তারপর যখন স্ত্রীলোকেরা তাঁহাকে সাজাইবার জন্ত 'কৌতুকবেদীর' উপর পূর্বমুখ করিয়া বসাইলেন, তখন মহাকবি বলিতেছেন, 'পার্বতীকে তাঁহারা সাজাইবেন কি, তাঁহার সন্মুখে দাঁড়াইয়া কেবল নিষ্পলক নেত্রে তাঁহার দিকে চাহিয়াই রহিলেন, তাঁহাদের মনে হইতে লাগিল, এ রূপের কাছে আবার অলঙ্কার? তবু না সাজাইলে নয় বলিয়া তাঁহারা সাজাইতে বসিলেন।'

পরিপাটি করিয়া যখন তাঁহার বেনীবন্ধন করিয়া দেওয়া হইল তখন সকলের মনে হইতে লাগিল যে 'পদ্মের উপর কালো ভোমরা বসিয়া থাকিলে অথবা চন্দ্রের বিম্বের ঠিক উপরটিতে এক ফালি কুম্ভমেঘ লাগিয়া থাকিলে তাহাদের যে শোভা হয়, সে শোভার উল্লেখও এ শোভার কাছে করা চলে না। কেশবিন্যাসের পর যখন তাঁহার মুখে লোভ্র-পুষ্পের পরাগ মাখানো হইল, তখন তাঁহার বর্ণের ঔজ্জ্বল্য এত বৃদ্ধি পাইল যে, তাঁহার মুখের দিকে একবার যে চায়, তাহার আর চক্ষু ফিরাইয়া লইবার ক্ষমতা থাকে না।' যাঁহার উপর কাজল পরাইবার ভার ছিল, 'গৌরীর চক্ষুর সৌন্দর্য্য দেখিয়া তিনি মুগ্ধ নয়নে তাঁহার নয়নের দিকে চাহিয়াই রহিলেন। শেষে অবশ্য পরাইয়া দিলেন কাজল, চক্ষুর সৌন্দর্য্য বাড়িবে বলিয়া নয়, বিবাহে এ মাস্তুলিক অশুষ্ঠান না করিলে নয় বলিয়া পরাইয়া দিলেন। তারপর যখন তাঁহাকে বিবিধ রত্নালঙ্কারে বিভূষিত করা হইল, তখন 'প্রস্ফুটিত কুম্ভশোভিতা লতার ঞ্চায়', 'নক্ষত্রপুঞ্জ বিভূষিতা রাত্রির ঞ্চায়', 'পক্ষিশোভিতা স্রোতস্বিনীর ঞ্চায়' তাঁহাকে পরম রমণীয় দেখাইতে লাগিল।

বিবাহ-সভায় বধুবেশধারিণী উমাকে কিরূপ দেখাইতেছিল, মহাকবি তাঁহার সে রূপেরও বর্ণনা দিয়াছেন,—ঠিক মুখ্যভাবে নয়, যেন গোপন ভাবে। তিনি বলিতেছেন, হিমালয় যখন উমার হাতখানি শিবের হাতে সম্প্রদান

করিতেছিলেন, দেখিয়া মনে হইতেছিল, 'যেন মহেশ্বরের ভয়ে ভীত মদন উমার দেহে পরম নিশ্চিন্ত মূগ্ধ লুকাইয়া রহিয়াছেন, তাঁহার হাতখানি যেন মদনের প্রথম অঙ্কুর।' এখানে মহাকবি বুঝাইতেছেন যে, সেদিন উমার রূপ কেন যে এত বেশী দর্শনীয় ও আকর্ষণীয় হইয়াছিল, তাহার কারণ এই হইতে পারে যে, হয়ত রতিপতি মনে করিলেন, যেখানেই তিনি আশ্রয় লন না কেন, মহেশ্বরের ক্রোধায়ি সেখানে গিয়া তাঁহাকে ভয় করিয়া ফেলিবে। তাই ত্রিভুবনের আর কোথাও থাকিবার নিরাপদ স্থান না পাইয়া অবশেষে নিরুপায় হইয়া গৌরীর দেহে লুকাইয়া রহিলেন এই ভরসায় যে, মহেশ্বর যদি জানিতেও পারেন, তবু পার্বতীর দেহে আশ্রয় লইয়াছেন বলিয়া তাঁহার কোনও অনিষ্ট করিতে পারিবেন না, কারণ তাঁহাকে ভয় করিতে গেলে গৌরীকে ভয় করিতে হয়।

বিবাহের পর স্বামীগৃহে থাকাকালীন পার্বতীর রূপের বর্ণনা দিয়াছেন মহাকবি। কৈলাসের 'শিবালয়ে' রত্নময়ী সভার মাঝে স্বর্ণময় পাদপীঠবিশিষ্ট, ও মহামূল্য মণিকাঞ্চন-খচিত বিচিত্র 'ভদ্রাসনে' মহেশ্বর বসিয়াছিলেন, ক্রোড়ে পার্বতী। 'শিবের শুভ্র উন্নত দেহের উপর পার্বতীর নবীন স্বর্ণলতার ঞ্চায় দীপ্তিমান লীলায়িত তনুটি, দেখাইতেছিল যেন শরতের শুভ্র মেঘকে সৌদামিনীর উজ্জ্বল ছটা আলিঙ্গন করিয়া রহিয়াছে।'

'মেঘদূতে' যক্ষপত্নীর রূপবর্ণনার বিশেষত্ব এই যে, তাঁহার রূপের বর্ণনা করিতেছেন তাঁহারই বিরহে কাতর প্রবাসী স্বামী, সুতরাং বর্ণনায় যে কিছু বাড়াবাড়ি হইবে তাহাতে আর সন্দেহ নাই। তবু মহাকবি যতটা পারিয়াছেন সংযতভাবে বর্ণনা দিয়াছেন। রামগিরিতে নির্বাসিত যক্ষ, গুহক, তাহার প্রিয়ার বিরহ-বেদনা কয়েক মাস অতি কষ্টে সহ করিয়া পয়লা আঘাতে সন্মুখে নূতন মেঘ দেখিয়া যখন আর ধৈর্য্যের বাঁধন রাখিতে পারিল না, তখন সেই চলন্ত মেঘকেই নিজের একটা সংবাদ অলঙ্কারে তাহার পত্নীর নিকট দিয়া আসিবার জন্ত অক্ষরোধ করিয়া বসিল। কিন্তু মেঘ ত যক্ষের স্ত্রীকে কখনও দেখে নাই, সুতরাং যাহাতে তাহার সেই 'তন্বী গ্রামা শিখরীদশনা' পত্নীকে চিনিয়া লইতে কোনও অসুবিধা না হয়, তাই যক্ষ বলিতেছে, 'সে কুশাঙ্গী, যৌবন তার সারা দেহে উছলে উঠেছে, পাকা বিশ্বফলের মত রাঙা তার অধরটি, দাঁতগুলি কিছু উঁচু, চাহনি তার হরিণীদের মতই চকিত, নাভিদেশনীরু, নিতম্বের ভাবে সে চলিতে পারে না, আর সুপুষ্ট বক্ষের ভাবে কিছু নত হয়েই থাকতে হয় তাকে, দেখলে তোমার নিশ্চয়ই মনে হবে, যেম বিধাতার সৃষ্টির সেই বুঝি প্রথম তরুণী।'

ইহার পর যক্ষপত্নীর 'বিরহিণী-রূপের' বর্ণনা দেওয়া

পরীক্ষা দিবার জন্ত মালবিকা যখন পরিক্ষার্থিনী হইয়া মঞ্চের উপর অভিনয় করিতেছিলেন, তখন তাঁহাকে দেখিয়া অগ্নিমিত্র বলিতেছেন, ‘অনিন্দনীয় এঁর রূপ, যেমন দীর্ঘ টানাটানা চোখ, তেমনি শরৎকালের চন্দের মত সুন্দর মুখ-কান্তি; হাত দুখানি যেন স্কন্ধকে নত করিয়া রাখিয়াছে, আর সুপুষ্ট বক্ষের নিবিড়তা হৃদয়কে একেবারে ক্ষীণ করিয়া ফেলিয়াছে, কটিদেশও কি ক্ষীণ! মনে হয় বুঝি, হাতের মুঠার মধ্যে ধরিয়া রাখা যাইতে পারে, অথচ জঘন কি বিশাল। পায়ের অঙ্গুলিগুলি কেমন বাঁকা, দেখিলে মনে হয় এঁর দেহটি যেন নৃত্যশিল্পকের নৃত্যছন্দের মানসী-প্রতিমার অনুরূপে সৃষ্ট হইয়াছে।’

মালবিকাকে চাক্ষুষ দেখার পূর্বে অগ্নিবর্ণ তাঁহার চিত্র দেখিয়াছিলেন, তারপর যখন তাঁহার বাস্তব রূপ দেখার সুযোগ আসিল তখন তাঁহার মনে হইল, ‘চিত্রকর এঁর রূপ ঠিকমত অঙ্কিত করিতে পারে নাই।’ অভিনয়ের পর যখন বিদূষকের রসিকতায় সকলে হাস্য করিতেছিলেন, মালবিকাও মুহূ হাস্য না করিয়া থাকিতে পারিলেন না। সে সময় তাঁহার মুখখানি ও ঈষৎ অভিব্যক্ত দস্তরাজি দেখিয়া অগ্নিবর্ণের মনে হইল, যেন ‘ঈষৎ বিকশিত পরাগযুক্ত একটি প্রফুল্ল কমল শোভা পাইতেছে।’

এবার আমরা ‘রঘুবংশ’ হইতে রূপবর্ণনার আলোচনা করিব। ‘রঘুবংশে’ প্রথমে মহারাজ দিলীপের কথা—রাজার যৌবন প্রায় শেষ হইয়া আসিয়াছে, পত্নী সুদক্ষিণাও আর তরুণী নাই, তাই যখন দিলীপ তাঁহার পাটরাণী সুদক্ষিণাকে পাশে বসাইয়া রথে চাপিয়া কুলগুরু বশিষ্ঠের আশ্রমে যাইতে-ছিলেন তখন মহাকবি মহারাণীর রূপবর্ণনার চেষ্টা করেন নাই; কেবল পাশাপাশি উপবিষ্ট রাজা-রাণীকে কিরূপ দেখাইতেছিল তাহাই উপমা দিয়া বলিয়াছেন, যেন ‘চন্দের পাশে চিত্রা নক্ষত্র, যেন ‘ঐরাবতের পাশে বিদ্যুৎ’, এই পর্য্যন্ত।

তারপর দিলীপের পুত্র দিগ্বিজয়ী রঘুর পত্নী সঙ্কল্পে মহাকবি যাহা বলিয়াছেন, তাহা যেন কেবল নিয়মরক্ষা হিসাবে কিছু না বলিলে নয়, তাই বলিয়াছেন। রঘু যখন যৌবনে পদার্পণ করিলেন, কালিদাস বলিতেছেন, ‘তাঁহার গুরু (পিতা দিলীপ) ‘গোদান’ অর্থাৎ কেশ-সংস্কারের পর তাঁহার বিবাহ দেওয়াইলেন, দক্ষরাজার কন্যা চন্দ্রকে পতি পাইয়া যেমন সুশোভিতা হইয়াছিলেন, রাজ-কন্যাও তেমনি রঘুর মত সঙ্কল্পের সহিত মিলিতা হইয়া নিজেদের শোভারুদ্ধি করিয়া লইলেন। রঘুর পুত্রলাভের সময় মহাকবি বলিতেছেন, ‘তাঁহার দেবী (পত্নী) পুত্র প্রসব করিলেন।’ কিন্তু দেবীর নামটি যে কি, কোন্ রাজার কন্যা, কেমন রূপসী ছিলেন, তিনি সে সঙ্কল্পে পাঠকের

কৌতূহল চরিতার্থ করার কোনও চেষ্টা করেন নাই। রঘুর পত্নী অথবা পত্নীদের সঙ্কল্পে কিছু না বলার জটিল যেন মহাকবি রঘুর পুত্র অজের পত্নীর বর্ণনায় পরিপূর্ণভাবে সারিয়া লইয়াছিলেন। কারণ অজের জীবনের শ্রেষ্ঠ ঘটনা, তাঁহার বিবাহ, পত্নীর ইন্দুমতীর স্বয়ংবর, অকালমৃত্যু ও তাঁহার পত্নীশোক, যেন অজের সঙ্কল্পে কোনও কিছু বলিতে গেলে তাঁহার পত্নীর কথাও কিছু বলিতে হয়, পত্নীকে বাদ দিয়া কিছু বলা চলে না।

ইন্দুমতীর অনেক কথাই ‘রঘুবংশে’ পাওয়া যায়। প্রথমে তাঁহার দেখা পাই বিদর্ভনগরের ‘স্বয়ংবর সভায়’। শিবিকায় বসিয়া যখন তিনি বিবাহবেশে মনোমত পতি বরণ করার জন্ত সভায় আনীতা হইলেন তখন তাঁহাকে কিরূপ দেখাইতে-ছিল? মহাকবি বলিতেছেন, ‘উপস্থিত রাজকন্যাবর্গের শত শত নেত্রের একমাত্র লক্ষ্য, বিধাতার সেই অপূর্ব সৃষ্ট নারী-মূর্তির দিকে তাঁহাদের অন্তঃকরণগুলি চলিয়া গেল, আর নিষ্পন্দ দেহগুলি সিংহাসনের উপর পড়িয়া রহিল।’

মহাকবি এখানে ইন্দুমতীর বিভিন্ন অঙ্গ-প্রত্যঙ্গের বর্ণনা না করিয়া, অথবা সুন্দর সুন্দর বস্তুর সহিত তাহাদের উপমা না দিয়া কেমন একটি কথায় তাঁহার রূপবর্ণনা করিয়াছেন, ‘বিধাতুবিধানাতিশয়ে’, অর্থাৎ ‘বিধাতার নিষ্ক্রমকৌশলের পরাকাষ্ঠা’ যে নারীমূর্তিটি তাহার দিকে উপস্থিত রাজকন্যার চক্ষু এমন নিবিষ্টভাবে নিপতিত হইল যে, মনে হইল যেন তাঁহাদের সমস্ত সত্তা, মন, ইন্দ্রিয়ানুভূতি সবকিছুই বুঝি দেহ ছাড়িয়া চক্ষুর ভিতর দিয়া সেই ‘পতিংবরা কুপ্ত বিবাহবেশা’ তরুণীর নিকট চলিয়া গেল আর নিষ্পন্দ দেহগুলি আসনের উপর অসাড় হইয়া পড়িয়া রহিল। সুতরাং ইন্দুমতী যে কি অপূর্ব রূপসী ছিলেন তাহা তাঁহার প্রতি অজের বর্ণনা দিলে ইহা অপেক্ষা কি অধিকতর হৃদয়গ্রাহী হইত?

ইন্দুমতীর রূপবর্ণনা কালিদাস আরও এক স্থানে করিয়া-ছেন। স্বয়ংবর সভায় রাজকুমার অজের সন্মুখে দণ্ডায়মানা লজ্জায় নিষ্পন্দ রাজকুমারীর হাত দুইটি ধরিয়া যখন তাঁহার ধাত্রী সুনন্দা লোহিত পুষ্পের ‘বরণ মালা’টি অজের কণ্ঠে পরাইয়া দিলেন, এবং যখন তাঁহাদের যথারীতি বিবাহ দেওয়াইবার জন্ত ভোজরাজ শোভাযাত্রা করিয়া স্বয়ংবরসভা হইতে রাজপ্রাসাদের বিবাহ-সভায় বরবধুকে আনিতেন তখন যে সমস্ত পুরনারী নিজেদের কাজকর্ম ফেলিয়া জানালার ধারে ছুটিয়া আসিয়া বর-কনে দেখিতে লাগিলেন, তাঁহাদের মুখ দিয়া মহাকবি বলিতেছেন, ‘যেন নারায়ণের সহিত পদ্মার (লক্ষ্মীর) মিলন’; ‘এমন স্পৃহনীয় শোভায়ুক্ত বর-কনেকে যদি মিলিয়ে না দিতেন প্রজাপতি, তা হলে তাঁর এত ‘রূপবিধান যত্ন’ অর্থাৎ এত যত্নের রূপসৃষ্টি ব্যর্থ

হয়ে যেত।' কেহ বলিলেন, 'এরা পূর্বজন্মে নিশ্চয়ই মদন আর রতি ছিল, নইলে দেখলে না, মেয়েটা কেমন সহস্র সহস্র রাজাদের মাঝে নিজের স্বামীটিকে বেছে নিলে, পূর্বজন্মের ভালবাসা—ও কি ভুলবার।' এখানে পুরনারীরা 'পদ্মা' এবং 'রতি'র সহিত ইন্দুমতীর উপমা দিয়া তাঁহার অতুলনীয় সৌন্দর্য্যখ্যাতির যেন পুনরুক্তি করিয়াছেন। অবশ্য, অজের সৌন্দর্য্যও যে অল্প ছিল না, তাহাও নারীদের কথা হইতে বেশ স্পষ্ট বুঝিতে পারা যায়।

তারপর বিবাহ-সভা। 'কুমারসম্ভবে' মহাকবি উমার বধুবংশের যেমন বর্ণনা দিয়াছেন, 'বধুবংশে' বধুবেশিনী ইন্দুমতীর তেমন কোনও বর্ণনা দেন নাই। কেবল বলিয়াছেন, রাজকুমার অজ যখন বধু ইন্দুমতীর হাতখানি ধরিয়া রহিলেন, দেখাইল যেন 'সহকার তরু তাহার পল্লব দিয়া অশোকলতার পল্লব গ্রহণ করিয়া লইল।' বিবাহ হইয়া যাইবার পর অজ যখন তাঁহার নবপরিণীতা পত্নীকে লইয়া অযোধ্যায় যাত্রা করিলেন তখন যে সব রাজারা ও রাজপুত্রেরা ইন্দুমতীকে বিবাহ করার আশায় বিদর্ভনগরের স্বয়ংবরসভায় আসিয়া নিরাশ হইয়া গৃহে ফিরিতেছিলেন, তাঁহারা প্রতিহিংসার বশবর্তী হইয়া সকলে পরামর্শ করিলেন, ইন্দুমতীকে তাঁহার স্বামীর হাত হইতে সবলে কাড়িয়া লইবেন। এই অভিপ্রায়ে একজোট হইয় তাঁহারা পথরোধ করিয়া দাঁড়াইয়া রহিলেন। অজ আসিবামাত্র যুদ্ধ আরম্ভ হইয়া গেল। তারপর যুদ্ধে জয়লাভ করিয়া অজ যখন আবার অযোধ্যার দিকে চলিতে লাগিলেন তখন তিনি ইন্দুমতীকে রথের উপর নিজের পাশটিতে বসাইয়া লইলেন, মহাকবি বলিতেছেন, ইন্দুমতীকে তখন দেখাইতেছিল যেন অজের 'বিজয়লক্ষ্মীটি'।

অজের পুত্র রাজা দশরথের প্রায় একই সঙ্গে কোশল, কেকয় ও মগধ দেশের তিন রাজকন্যার সহিত বিবাহ হইয়াছিল, কিন্তু মহাকবি 'বধুবংশের' কোথাও কোশল্যা, কৈকেয়ী বা সুমিত্রাদেবীর রূপ সম্বন্ধে একটা কথাও বলেন নাই।

'বধুবংশে' যেমন রাজা দশরথের পত্নীদের রূপবর্ণনার কোনও প্রয়াস নাই, তাঁহার পুত্রবধুদের সম্বন্ধেও অনেকটা তাই। এক শ্রীরামচন্দ্রের পত্নী সীতা ছাড়া আর কাহারও—উষ্মিলা, মাণ্ডবী বা শ্রুতকীর্তির রূপ সম্বন্ধে মহাকবি কোথাও কোনও কথা বলেন নাই। হরধনু ভঙ্গ করিয়া শ্রীরামচন্দ্র যখন সীতাকে লাভ করার যোগ্যতা অর্জন করিলেন, মিথিলাধিপতি জনক তখনই 'লক্ষ্মীর মত রূপবতী' ('রূপিণীং শ্রিয়ামিব') কন্যা সীতাকে আনাইয়া রামের হস্তে দান করিয়া দিলেন। তারপর রাম যখন পিতৃসত্য পালন করার জন্ত বনে গমন করিতেছিলেন, আর সীতা তাঁহার পিছনে পিছনে চলিতেছিলেন, মহাকবি সে দৃশ্যের উপমা দিয়া

বলিতেছেন, 'সীতাকে দেখিয়া মনে হইতেছিল, যেন রাজ-লক্ষ্মীই বুঝি রামের গুণে মুগ্ধ হইয়া কৈকেয়ী কর্তৃক নিষিদ্ধা হইয়াও, বনে বনে তাঁহার অনুসরণ করিয়া চলিয়াছেন।' মহাকবি দুই স্থানেই সীতার প্রসঙ্গে দুই বার 'লক্ষ্মী' উপমা প্রয়োগ করিলেন। 'বধুবংশের' চতুর্দশ সর্গেও মহাকবি বলিতেছেন, পিতৃরাজ্য ফিরিয়া পাইয়া রাম যখন অযোধ্যায় সুখে রাজত্ব করিতে লাগিলেন, তখন সীতার সাহচর্য্যে তাঁহার দিনগুলি সুখে অতিবাহিত হইতে লাগিল, মনে হইতে লাগিল, 'যেন লক্ষ্মীই বুঝি সীতার চারু দেহ আশ্রয় করিয়া রামের সহিত মিলিত হইয়াছেন'। এখানেও সীতার বেলায় সেই এক উপমা—'লক্ষ্মী'। যেন সীতার রূপবর্ণনার প্রসঙ্গে লক্ষ্মী ছাড়া আর অণু কোনও উপমা মহাকবির মনঃপুত হয় নাই, যেন সীতার আকৃতি ও প্রকৃতিতে যে এক শাস্ত, স্নিগ্ধ, নয়ন রঞ্জন পবিত্র ভাব ছিল, যাহার দিকে চাহিলে মানুষের মনে একটি প্রীতি ও শ্রদ্ধার ভাব আসিয়া পড়ে, সেই ভাবটি বর্ণনা করার উপযুক্ত উপমা লক্ষ্মী ব্যতীত আর কিছুই হইতে পারে না, ইহাই ছিল মহাকবি কালিদাসের মত।

'বধুবংশের' এক স্থানে (চতুর্দশ সর্গে), শ্রীরামচন্দ্র যখন শোভাযাত্রা করিয়া অযোধ্যা নগরীতে ফিরিয়া আসিতেছিলেন তখন তাঁহার রথের পশ্চাতে একখানি 'দ্বীবহন-যোগ্য' ক্ষুদ্র রথে বসিয়া সীতা আসিতেছিলেন। তখন তাঁহাকে কিরূপ দেখাইতেছিল? মহাকবি বলিতেছেন, অনসূয়া তাঁহাকে এমন দীপ্তিশালী অঙ্গরাগে সাজাইয়া দিয়াছিলেন যে, তাঁহাকে দেখিয়া লোকের মনে হইতেছিল, 'রাম বুঝি তাঁহাকে পরীক্ষা করার জন্ত আবার একবার অগ্নির মধ্যে বসাইয়া দিয়াছেন।' অর্থাৎ, সীতাকে এমন উজ্জল বর্ণের বেশভূষায় ও দ্ব্যতিময় অলঙ্কারে এবং প্রসাধনে সজ্জিত করা হইয়াছিল যে তাঁহার দেহে সেদিন অগ্নির মত একটা অস্বাভাবিক উজ্জল্য ফুটিয়া উঠিয়াছিল, যাহার দিকে ভাল করিয়া চাহিতে পারা যায় না, চাহিলে চোখ ঠিকরাইয়া যায়।

তারপর সীতার বনবাস। বনবাসে অর্থাৎ মহর্ষি বাসীকির আশ্রমে থাকাকালীন আশ্রমকন্যাদের মত জীবন-যাপন করার ফলে তাঁহাকে কিরূপ দেখাইত, তাহার আভাস মহাকবি দিয়াছেন 'বধুবংশের' পঞ্চদশ সর্গে। শ্রীরামচন্দ্র যখন লব-কুশের মুখ হইতে তাঁহার চরিত্র অবলম্বনে রচিত সুমধুর রামায়ণ গান শুনিয়া গানের রচয়িতা মহর্ষি বাসীকির আশ্রমে তাঁহার সহিত সাক্ষাৎ করিতে গেলেন, মহামুনি তখন সীতাকে, সেখানে আনাইয়া লইলেন। সম্মুখে দণ্ডায়মানা সীতাকে দেখিয়া রামের মনে হইল যেন 'মহর্ষির তপস্কার সিদ্ধি' অর্থাৎ, মহর্ষি বাসীকির ঐকান্তিক তপস্কার সিদ্ধি বুঝি মুক্তি পরিগ্রহ করিয়া তাঁহার সম্মুখে আবির্ভূতা হইয়াছেন।

ইহার পর মহর্ষি যখন সীতাকে রামচন্দ্র কর্তৃক পুনর্গৃহীত করাইবার আশায় তাঁহাকে ও লব-কুশকে সঙ্গে লইয়া অযোধ্যায় আসিয়া কোতুহলী লোকে পূর্ণ রামচন্দ্রের সভায় প্রবেশ করিলেন, তখন দেখাইল যেন 'সংস্কারপূত গায়ত্রী বৃষ্টি স্বর্ষ্যের সম্মুখে আসিয়া উপস্থিত হইলেন।' সীতার উপমা দেওয়া হইল একস্থানে মহর্ষি বান্দীকির 'তপস্কার সিদ্ধির' সহিত, আর একস্থানে 'সংস্কারপূতা গায়ত্রীর' সহিত—পুষ্পিতা লতা, পল্লব বা পদ্ম চন্দ্রের সহিত নহে। তারপর মহাকবি বলিতেছেন, সীতার

তখন পরনে ছিল রক্তাধর, দৃষ্টি ছিল নত, চরণের উপর নিবন্ধ, তাঁহার সে 'শাস্ত দেহ', পবিত্র মুখ দেখিয়া মনে হইল, যেন ইনি 'সর্বতোভাবে শুদ্ধা' অর্থাৎ যেন এই পবিত্রতার পরীক্ষার জন্য আর অন্য কোনও প্রমাণের আবশ্যক নাই, তাঁহার দেহের পবিত্র ভাবই তাঁহার চরিত্রের বিশুদ্ধির সর্বোৎকৃষ্ট প্রমাণ। সীতা-চরিত্র বর্ণনার সময় মনে হয় যেন মহাকবি দেখাইতে চাহেন যে প্রথম জীবনে তিনি ছিলেন মুক্তিমতী লক্ষ্মী, পরজীবনে মুক্তিমতী পবিত্রতা।

হোত্র

শ্রীজীবনময় রায়

আজি এ প্রভাতে নয়ন মেলিয়া নভে
পেয়েছি মা তব নয়নের পরসাদ ;
হে দেশজননি ! আবার মাঠেঃ ববে
ডাকো সন্তানে—দূর করো পরমাদ ।
হৃর্ভাগা নহে আমার জন্মভূমি
ষড়ৈশ্বর্যময়ী যে জননী তুমি,
প্রকাশো বিভূতি দূর করো অবসাদ ।

স্ব-কৃত পাপের পঙ্ককুণ্ড হতে,
আহ্বানি' লও তোমার আলোকমাঝে ;
শতদল মেলি' জাগুক জীবন-পথে,
পঙ্কশয্যা ভেদিয়া দীপ্ত সাজে ।
তোমার চরণে অর্ঘ্য-পূজার ফুল—
সার্থক হোক এ জীবন প্রতিকূল
ঘূচাও জননি ! সকল দৈগ্ধ-লাজে ।

দেখেছি তোমাতে ছিন্নমস্তারূপে
আপন হস্তে আপন মুণ্ড ছেদি'
করিতেছ স্নান, তপ্ত রক্ত-কুপে ;
উঠিছে শোণিত-উৎস হৃদয় ভেদি' ;
ছিন্ন মুণ্ড করিছে রক্তপান,
উঠে অমা ভেদি' শিবাক্রন্দন তান ;
শ্মশানে মশানে রচিত্তেছ শব-বেদী ।

দেখেছি তোমাতে মহাকাল রক্তাণী,
নিজ সন্তানে নিছ তীক্ষ্ণ অসি,
নৃমুণ্ডমালা বন্ধে—আয়ু পিণি—
কুস্তল ভেদি' নাগিনীয়া উঠে অসি' ;
প্রলয়ঙ্করী বজ্রা, রক্তনীকুপা,
নিজ মজলে দলিছে মধিছে দু' পা
সর্বনাশের প্রলয়-অতলে পশি' ।

কোথা মা তোমার সেই প্রচণ্ড লীলা,
বিবশ নয়নে কেন মা রয়েছ চেয়ে ?
বৃকের মাঝারে বহে কি অন্তঃশীলা
দুখের অক্ষ, গোপন মর্ম বেয়ে ?
শৃঙ্খল তব চূর্ণ—তবু মা কেন,
শোকের প্রতিমা হেরি গো তোমাতে তেন ?
ঝরিছে করুণা সকল অঙ্গ ছেয়ে ।

জানি মা তোমারে করিয়াছে বঞ্চনা,
সন্তান তব, মুক্তির ছল ধরি' ;
চলেছে সরবে ধনিকের অর্চনা
ক্ষণিকের মদে অধমে রিস্ক করি ।
অজ্ঞানতার তিমিরে ডুবিয়ে রাগি',
অক্ষম তব সন্তানে দেয় ফাঁকি,
অন্ন, বস্ত্র, স্বাস্থ্য মুক্তি হরি' ।

উঠ মা জননি ! তাজ এই শোকসাজ,
তোমার খজা দাও সন্তানকরে,
বীথ তোমার সঞ্চারো প্রাণে আজ
ভ্রাতৃঘাতীয়ে হানিতে বক্ষ 'পরে ।
মুক্তি-যজ্ঞ হবে না ত সমাপন
বিনা নয়বলি না দিলে শোণিত পণ ।
সঞ্চারো প্রাণ মুর্ছিত অন্তরে ।


ভৈরবী ভীমা, উর মা চণ্ডী সাজে,
জ্বালাও বহি, জাগো গো বক্ষাসম ;
বজ্র তোমার হানো স্মৃষ্টি মাঝে,
বিচূর্ণ করো মৃত্যুভূতিন-তমঃ ।
ঘূচাও অলস হানিয়া দীপ্ত রোধ
জাগুক চমকি, শুনি' তব নির্ঘোষ
হানো প্রেম তব স্কটোর নির্মম ।



ফিয়াট ফ্যাক্টরির পঞ্চাশ বৎসর

ফিয়াট কারের ক্রমোন্নতি, ইহার প্রাপ্তি, সংস্থা প্রভৃতির কাহিনী বিংশ শতাব্দীর তুরিনের জীবনের অবিচ্ছেদ্য অংশ। বৎসরের পর বৎসর ফিয়াটের যে সমস্ত প্রধান মডেল তৈরি হইয়াছে, পাঠকের চোখের সামনে সেগুলি তুলিয়া ধরাই এই কাহিনী-বর্ণনার শ্রেষ্ঠ উপায়। এই দিক দিয়া খুব অল্প চেষ্টাই হইয়াছে। অবশ্য মিঃ বিসকারেত্তির চলন্ত উৎসাহে সম্প্রতি তুরিনে একটি মোটরকার মিউজিয়াম প্রতিষ্ঠিত হইয়াছে। কিন্তু মোটরকারের কোন প্রণালীবদ্ধ তালিকা পাওয়া কঠিন।


দুইটি সমান্তরাল সিলিণ্ডারযুক্ত এবং পিছনদিকে জুড়িয়া দেওয়া। ইহার চাকা প্রতি মিনিটে ৭০০ বার আবর্তিত হইত এবং ভাল রাস্তায় ইহা ঘণ্টায় ২০।২২ মাইল বেগে চলিতে পারিত।



ফিয়াট ১৪০০

পূর্বনির্মিত কার অপেক্ষা উৎকৃষ্ট কার নির্মাণের উদ্দেশ্যে এক এক জন পরিকল্পনাকারী এক একবার এক একটি করিয়া কার তৈয়ারী করিয়াছেন, ক্রেতাদের বাস্তবিক ইচ্ছা অনুযায়ী বিভিন্ন ধরনের মডেল তৈরি হইয়াছে। বর্তমান প্রবন্ধে ফিয়াট কার সম্পর্কিত আলোচনা প্রথম তেরিশ বৎসরের উপর অধিক গুরুত্ব আরোপ করা হইবে।

১৮৯৯ খ্রীষ্টাব্দে করসো দাস্তে ফ্যাক্টরিতে নির্মিত ফিয়াট কারটি দুইটি আসনবিশিষ্ট, ইহাতে ষ্টীয়ারিং হাতল আছে। ইহার এঞ্জিন



১৮৯৯ সালের প্রথম ফিয়াট কার


১৯০১ সালে নির্মিত কারেই প্রথম আকৃতিগত উৎকর্ষ পরি-লক্ষিত হয়। এই মডেলের অধিকাংশই এখনও দুইটি সমান্তরাল সিলিণ্ডারযুক্ত, কিন্তু এগুলি অধিকতর শক্তিশালী।

ফিয়াট কারের ইতিহাসে ১৯০২ সালটি স্মরণীয়, কেননা এই বৎসরেই প্রথম চার-সিলিণ্ডার এঞ্জিন উদ্ভাবিত হয়। ইহার দরুন কারের গড়নের অদল-বদল হইয়া যায় এবং কয়েক বৎসর এই আকৃতিই, বজায় থাকে। ইহার এঞ্জিন সামনের দিকে।

ইটালী-ভ্রমণের জগ ১৯০১ সালেই ফিয়াট কর্তৃক আর একটি বিশেষ ধরনের কার নির্মিত হয়। গীয়ারহীন অবস্থায় ইহার গতি ছিল ঘণ্টায় চল্লিশ মাইল এবং গীয়ারযুক্ত অবস্থায় ইহা ঘণ্টায়

পঞ্চাশ মাইল বেগে ছুটিতে পারিত। তখনকার দিনে মোটরকারের
এরূপ দ্রুতগতি ছিল অবিদ্যমান।

১৯০২ সালে যে চার-সিলিণ্ডার 'বেস-কারের' উদ্ভব হয়
তাহারই ক্রমবিকাশিত রূপ বর্তমান ১৪০০ কিয়াট। ইহার
সিলিণ্ডার ২৪-অংশভিত্তিক। এই কার বিখ্যাত ইটালীয়
পার্কিং দৌড়-প্রতিযোগিতা—মুসা মনসেনিসিউতে, ঘণ্টায় ষাট
মাইল বেগে ছুটিয়া অসঙ্গত প্রতিদ্বন্দী মোটরকারগুলিকে পিছনে
ফেলিয়া নির্দিষ্ট পথ অতিক্রম করে। ১৯০৩ সালে 'সুপারকম্পেশন'
এবং 'ফোর-স্পিড-গিয়ার' জুড়িয়া দিয়া ১৯০২-এর উক্ত বেসি-
কারের গতিবেগ বাড়ানো হয়। পুরণো কারের এই নব সংস্করণ
ঘণ্টায় নব্বই মাইল বেগেচ লিয়া পৃথিবীতে গতিবেগের নূতন
রেকর্ড স্থাপন করে।



ফিয়াটের 'এসেম্বলিং ওয়ার্কসের' অভ্যন্তরভাগের দৃশ্য।

এই সমস্ত তথ্য হইতে ইহাই প্রমাণিত হয় যে, গত পঞ্চাশ
বৎসরে মোটরগাড়ীর উৎকর্ষসাধন যে কিরূপ দ্রুত গতিতে হইয়াছে,
তাহা যিনি এ সম্বন্ধে ওয়াকিব হাল নহেন তেমন লোকের ধারণার
অতীত। প্রথম চারি বৎসরের মধ্যেই ফিয়াট কারের ভাবী
চরমোৎকর্ষের গোড়াপত্তন হয়। সর্বত্রই ইহা পৃথিবীর রেকর্ড ভঙ্গ
করে। ফলে বিদেশী ক্রেতাদের মধ্যে ফিয়াট কার সম্পর্কে কিঞ্চিৎ
আগ্রহ পরিলক্ষিত হয়।

এমনি ভাবে ফিয়াট কারের উৎকর্ষ সাধিত হইল বটে, কিন্তু
সঙ্গে সঙ্গে ইহার উৎপাদন-ব্যয়ের সমস্যা দেখা দিল। ইহার
সমাধানের একমাত্র উপায় হইল—আমেরিকায় "মাস" অথবা
'এসেম্বলি লাইন প্রোডাকশন' (যন্ত্র সাহায্যে বহুল পরিমাণে
উৎপাদন, নামক যে সকল অভিনব পদ্ধতি প্রচলিত সেগুলি
অবলম্বন করা। এই পদ্ধতিতে প্রস্তুত মোটরকারগুলি প্রত্যেকটি
ছিল একই আকারের। কাঙ্ছেই একটির স্থান অপরাটি পূর্ণ করিতে
পারিত। ফিয়াট ফ্যাক্টরিতে এই পদ্ধতি প্রবর্তিত হওয়াতে ফল
ভালই হইল। ইহাতে ফিয়াট কারখানাগুলির বাজারে দাঁড়াইয়া
এবং বিদেশে চালান দিয়া ক্রমোন্নতিশীল বিদেশী প্রতিদ্বন্দী
প্রতিষ্ঠানগুলির সহিত তীব্র মূল্য-প্রতিযোগিতার প্রবৃত্তি হইবার
স্বযোগ উপস্থিত হইল।

১৯০৪ সালে প্রথম ট্রাক এবং বাসের আবির্ভাব হইল। তখনও
এগুলির ড্রাইভারের সীট ছিল সন্ন্যাসি সামনের দিকে, কিন্তু চার
সিলিণ্ডারযুক্ত এঞ্জিন ইহার নীচে ঢাকা থাকিত। ইহার মাল-বহন-
ক্ষমতা ছিল ৮০ হন্দর। তখন ইহার টায়ার ছিল লোহার তৈরি,
কেননা তৎকালে যবার এই যন্ত্র গুরুত্ব বহনের পক্ষে উপযোগী
বলিয়া বিবেচিত হইত না। বিভিন্ন শহরের মধ্যে যাতায়াতকারী
বাসগুলি ছিল দোতলা (double-deckers), উপরের তলার
ছাদ ছিল না, বাহিরের দিকে লাগানো একটি স্তম্ভের সিঁড়ির সাহায্যে
উপরের তলার উঠিতে হইত। ইহা একধেপে ছত্রিশ জন লোক বহন
করিতে পারিত, ইহার চাকার ছিল টিউবহীন ববাবের টায়ার এবং
ইহা ঘণ্টায় কুড়ি মাইল চলিতে পারিত।

চার সিলিণ্ডার মটরযুক্ত, অভিনব, ছয়টি সীটওয়ালা সিট্রান
প্রথম প্রস্তুত হয় ১৯০৪ সালে। ইহা তিন সারিতে সংস্থাপিত
ছিল—প্রতি সারিতে দুইটি করিয়া সীট। এদিকে আসনদ্বয়-
বিশিষ্ট (Two seater) বেসিং-কারেরও প্রভূত উৎকর্ষ
সাধিত হইল—ঘণ্টায় ইহার গতিবেগ হইল ১০০ মাইল। ইহার
চক্রাবর্তনের সংখ্যা মিনিটে ১০০ বার। ১৯০৫ সালে এই একই
শ্রেণীর একটি মোটরকার, 'অটোমবাইল' বেস প্রতিযোগিতার
ইতিহাসে প্রথম ঘণ্টায় ১২৫ মাইল বেগে ছুটিয়া আর একবার
নূতন রেকর্ড স্থাপন করিল।

১৯০৬ এবং ১৯০৭ সালে আরও নানা দিক দিয়া মোটরকারের
উৎকর্ষ সাধিত হইল। চক্রাবর্তনের সংখ্যা এবং ক্ষমতা আরও
বাড়িল। হালকা, অধিকতর দ্রুতগামী এবং অপেক্ষাকৃত স্বল্পমূল্যের
কারের দিকেই লোকের ঝোক বেশী দেখা গেল।

১৯০৮ সালে মডেলের সংখ্যা কমিল বটে, কিন্তু মোটরকারগুলি
অধিকতর সুনির্দিষ্ট আকার লাভ করিল।

১৯১৩ সালে আবির্ভূত "থ্রি বিজ আমেরিকা"য় প্রথম
বৈজ্ঞানিক ট্রাকের সংশ্লিষ্ট হইল। ১৯১৪ সালে চালু-হওয়া একটি
বেসিং ২১।২ লিটার কারে প্রথম একজোড়া সম্মুখের ব্রেক পরিলক্ষিত
হয়। প্রথম বিশ্বযুদ্ধের সময়—ট্রাক, প্লেন মোটর, ম্যারিন এঞ্জিন,
প্ল্যান্ট এবং সামরিক যানবাহন ইত্যাদির উদ্ভব হইল। সেই সময়
প্রকৃতপক্ষে "৭০" এবং "২" এই দুইটি মাত্র মডেলই ছিল ইটালীয়
বাজারে প্রাপ্তব্য মোটরকার।

১৯১৯ সালের শেষভাগে আবির্ভাব হইল "৫০১"-এর। ইহা
মোটরকারের ক্ষেত্রে নূতন ইতিহাস রচনা করিতে সক্ষম হইল।
যুদ্ধের সময়েই ইহার পরিকল্পনা করা হয় এবং যুদ্ধবিধির অব্যবহিত
পরেই ইহার পরীক্ষণ এবং বিভিন্ন অংশের সংযোজনাদি কার্য শেষ
হয়। এই কার সহসা আপন বৈশিষ্ট্য সকলের তাক লাগাইয়া
দেয়। ইহার আবির্ভাবের পর বাজারে যেন নূতন হাওয়া বহিল।
এই কার মোটর-উৎপাদন-প্রচেষ্টার অগ্রগতির পক্ষে বিশেষভাবে
সহায়ক হইয়াছিল। ইহা ক্রমবর্দ্ধমান চাহিদা মিটাইতে সক্ষম
হইল, ইহার দৌলতে ইটালীতে এবং ইটালীর বাহিরে মোটর-বিহার

অধিকতর জনপ্রিয় হইল—অগাধ বহুল-প্রচলিত মডেলগুলি ইহার সহিত প্রতিযোগিতায় পিছু হঠিতে বাধ্য হইল। বৎসরের পর বৎসর পায় হইয়া চলিল, অবশেষে “৫০১” কিছু অদলবদলের ফলে নবকলেবর ধারণ করিল। “৫০৩” অধিকতর সৌধবসম্পন্ন এবং কার্ধ্যোপযোগী হইয়া প্রায় দশ বৎসরকাল নিজের শ্রেষ্ঠত্ব বিশ্বয়কররূপে বজায় রাখিয়া চলিয়াছিল। ইহার উৎকর্ষের কথা লোকমুখে প্রায় রূপকথার পর্যায়ে আসিয়া দাঁড়াইয়াছিল। এই মোটরকারের জন্মের পর তেত্রিশ বৎসর অতিবাহিত হইয়াছে, আজও পর্যন্ত ইহার অনেকগুলি নব নব সংস্করণ বাজারে প্রাধান্য বজায় রাখিয়া চলিয়াছে।

“৫০১” মডেল ফিয়াট ছিল তখনকার দিনের হালকা, চার সিলিণ্ডার এবং পার্শ্ব বালব (side valves) যুক্ত মোটরকার। ইহার চাকা মিনিটে ২৮০০ বার ঘুরিত এবং ইহা ২২-অশ্বশক্তি-সম্পন্ন ও চারিটি স্পীড গীয়ারযুক্ত ছিল। ইহার গতিবেগ ছিল ঘণ্টায় ৪৬ মাইল। ইহাই ‘ষ্টার্ট’-সম্বলিত পুরোপুরি বৈজ্ঞানিক প্ল্যান্টযুক্ত প্রথম মোটরকার। ১৯২৩ সালে আরও উৎকর্ষরূপে নির্মিত “৫০২” মডেল ছিল ইহা অপেক্ষা কতকটা আলাদা রকমের এবং ইহা বিশেষভাবে ট্যান্ডিম হিসাবে ব্যবহৃত হইত। “৫০৩”-এর জন্ম হইল ইহার পরের বছর—ইহা ছিল আয়তনে কিছু বড় এবং ইহার চারিটি চাকাতেই ব্রেক জুড়িয়া দেওয়া হইয়াছিল।

যুদ্ধের পর ৫০১-এর পাশাপাশি একটি অপেক্ষাকৃত বৃহত্তর কার (“৫০৫”) নূতন আকারে বিকাশলাভ করিল। ইহাও চারিটি সিলিণ্ডারযুক্ত, চক্রাবর্তনের সংখ্যা মিনিটে ২৬০০ বার। তিন বৎসরের মধ্যে ইহাই সম্মুখের ব্রেকযুক্ত ৫০৭-এ পরিণত হইয়া নূতন রূপ পরিগ্রহ করিল। ৬ সিলিণ্ডারযুক্ত, ৪৪-অশ্বশক্তিসম্পন্ন এবং ঘণ্টায় ৫৫ মাইল গতিবেগবিশিষ্ট “৫১০”-ও এই শ্রেণীরই অন্তর্ভুক্ত। মোটরকারের মধ্যে বিশিষ্ট স্থান অধিকারকারী ট্রাস-বর্গ মডেল ১৯২২ সালে এবং ‘মোনজা টু লিটাস’ ১৯২৩-এ চালু হইল। শেষোক্তটি এই বৎসরেই মোনজা প্রতিযোগিতায় জয়ী হয়।

কুম্ভাকৃতি কারের উপযোগিতা সম্বন্ধে একদা অনেক বাদানুবাদ, অনেক লেখালেখি হইয়া গিয়াছে। প্রতিকূল মত অগ্রাহ্য করিয়া, বহু প্রত্যাশার পর ১৯২৫ সালের শরৎকালে ফিয়াট মোটর-জগতে যুগান্তকারী আর একটি কার—“৫০৯” উৎপাদন করে। বহু-প্রত্যাশিত এই ছোট, স্বল্পমূল্যের স্বয়ং-গতিশীল (automobile) চক্রযানটি জনপ্রিয়তা অর্জন করিয়া ফিয়াটের প্রচেষ্টাকে সাফল্য-মণ্ডিত করে। ইহার চক্র মিনিটে আবর্তিত হয় ৩৪০০ বার—ইহা ২২-অশ্বশক্তিসম্পন্ন, ৩টি স্পীড গীয়ার বিশিষ্ট। ইহার ওজন ১৭০০ পাউণ্ড, ইহাতে চার জন বসিতে পারিত। চারিটি চাকাই ছিল ব্রেকযুক্ত এবং ইহার গতিবেগ ছিল ঘণ্টায় ৫২ মাইল। সংখ্যাধিক্য এবং ঘনসন্নিবিষ্ট স্থল অংশগুলির নূতন আকৃতির জল বহুল-উৎপাদনে (Mass production) ইহার আকারসাম্য

(uniformity) আংশিকভাবে ব্যাহত হইল। কিছু কিছু ত্রুটি সম্বন্ধে এই কার অনেক মোটর-বিলাসীর মন জিতিয়া লইল।




গিয়াভার্নি এগনেল্লি ও হেনরি ফোর্ড

পরবর্তী কয়েক বৎসরে “৫০৯” তাহার ছোটখাটো বাস্তবিক ত্রুটিগুলি শোধরাইয়া লইতে সক্ষম হইল এবং বস্তুতই: তাহার বিজয়-ভেরী-নির্নাদে সমগ্র পৃথিবী মুগ্ধিত হইয়া উঠিল। সেই ধনির বেশ এখনও পুরাপুরি মিলাইয়া যায় নাই।

এই ক্ষুদ্র যানটি—বাহার সম্বন্ধে বলা যাইতে পারে :

“এতটুকু যন্ত্র হতে এত শব্দ হয়
দেখিয়া বিশ্বের লাগে পরম বিস্ময়”—

অনেকের বিরূপ সমালোচনার বিষয়ীভূত হইয়া দাঁড়াইল। আমেরিকান কারের পক্ষপাতীদের পছন্দসই ছিল—আরামদায়ক, অপেক্ষাকৃত ভারী, অধিকতর প্রশস্ত, অন্যায়সে চালনা করা যায় এবং কম খরচ পড়ে এমন এঞ্জিনযুক্ত মোটরকার। এই প্রতিক্রিয়ার ফলে উদ্ভাবিত হইল ছয় সিলিণ্ডারযুক্ত, ৪৬-অশ্বশক্তিসম্পন্ন, ২৬০০ পাউণ্ড ওজনবিশিষ্ট “৫২০”কার। এইটিই ছিল প্রথম বাম-হস্ত চালিত ফিয়াট কার এবং পরবর্তী সকল কারই ইহার চিহ্নিত পথ অনুসরণ করিয়া চলিতে লাগিল। ইহার কতকগুলি বৈশিষ্ট্য হইতেছে: (১) চারিটি চাকায়ই স্বতন্ত্রালািত ব্রেক, (২) আরামদায়ক গদী-আঁটা সীট এবং (৩) প্রত্যেক দিকে তিনটি কাচের সার্ভিসবিশিষ্ট, কামরার ধাঁচের দেহ।



আকাশ হইতে ফিয়াট ফ্যাক্টরীর দৃশ্য।

ইহার উন্নত সংস্করণ “৫২১” “৫২২” এবং “৫২৪”-এ স্টীয়ারিং
সাসপেন্শন এবং ব্রেকের উৎকর্ষ সাধিত হইল, পাঁচ জনের জায়গায়



ফিয়াট ১২০০

সাত জনের বসিবার স্থান হইল—এবং পরবর্তী পাঁচ বৎসর এই
কারই বাজারে প্রাধান্য বজায় রাখিয়া চলিল।

১৯২৮ এবং ১৯২৯ সালে আরও দুইটি অমূরূপ কাবের উদ্ভব
হইল—“৫২৫” ও “৫১৪” এবং যদিও পরবর্তী বৎসরে
“৫১৫” এই আগ্যায় দৃঢ়তর এবং অধিকতর আরামদায়করূপে
“৫১৪”-র পুনরাবির্ভাব হইল, যদিও ১৯৩১ সনে ইহাতে
হাইডলিক ব্রেক জুড়িয়া দেওয়া হইল, তৎসত্ত্বেও কিন্তু ইহা বাজারে
তেমন সুবিধা করিতে পারিল না। মোটরের বাজার তখনও
ইহার পূর্ববর্তী ৫০১ এবং ৫০৯-এর মূঠোর মধ্যে। চার বৎসর
পরে ফিয়াট এমন একটি শ্রেষ্ঠ অথচ ছোট কার উৎপাদন করিল
যাহা জনপ্রিয়তায় ইহার পূর্বেউৎপাদিত সকল কারকে ছাড়াইয়া
গেল।

১৯৩২ সালে ১৬০০ পাউণ্ড ওজনবিশিষ্ট “বালিলা” খ্যাতির
একেবারে শীর্ষস্থানে আবোহণ করিল। ছোট, ঠাসবোনা, দ্রুত-
গামী, স্বল্পমূল্যের ইটালিয়ান বেলিলা কার প্রথম আবির্ভাবের সঙ্গে
সঙ্গেই মোটরজগতে যুগান্তর সৃষ্টি করিল এবং ফিয়াটের সর্বাপেক্ষা
উল্লেখযোগ্য সাফল্য বলিয়া গণ্য হইল। একুশ বৎসর পরে আজও
সে তাহার আদর্শে তৈরি মোটরকারসমূহের মাধ্যমে স্বকীয় বৈশিষ্ট্য
এবং শ্রেষ্ঠত্ব বজায় রাখিয়াছে।

এই বৎসরেই ফিয়াট কর্তৃক প্রবর্তিত আর একটি কার (আরদিশা)
অপেক্ষাকৃত কম সাফলাভ করে, কেননা ৬-সিলিণ্ডার এঞ্জিন-
বিশিষ্ট, ১৯৩৪-এর ১৫০০ মডেল অতিক্রমত ইহাকে কোণঠাসা
করিয়া দেয়। যাবতীয় যান্ত্রিক সমস্যার সমাধান-নৈনপুণ্যের জগৎ
ফিয়াটের উৎপাদন-ক্ষেত্রে ১৫৩০ মডেলকে বথার্থই একটি ল্যাণ্ডমার্ক

বা সীমানানির্দেশক অভিজ্ঞান বলিয়া গণ্য করা যাইতে পারে ইহা ইটালীর মোটরকার-শিল্পের ঐতিহ্য এবং ক্রেতাদের কচির মোড় ফিরাইয়া দেয়।

স্থানাভাবে বর্তমান প্রবন্ধে আর কেবলমাত্র বহুল-পরিমাণে উৎপাদিত টুরিষ্ট কার এবং আরও হু'একটি ছাড়া অল্প কোন মডেলের কথা উল্লেখ করা সম্ভবপর নহে। অপর একটি ল্যাণ্ডমার্ক স্থাপনকারী মোটরকারের কথাও উল্লেখ করা হইতেছে, তাহা ছোট, আরামদায়ক—“৫০০”কার। এই কারের অগণত মালিক এবং অনুরাগীরা ইহার নূতন নামকরণ করেন—টপোলিনো বা মিকি-মাউস। ১৯৩৫ সালে ইহার আবির্ভাব এবং এখনও ইহার অগ্রগতি অব্যাহত রহিয়াছে।

ফিয়াটের উৎপাদিত সর্বশেষ মোটর ১১০০-র পূর্ববর্তী ১৪০০ মডেল শুধু বাহ্য দৃশ্যের দিক দিয়াই নহে, ভিতরকার যন্ত্রসমূহের সূক্ষ্মতম খুঁটিনাটির দিক দিয়াও অভিনব। ইহা আমেরিকার আদর্শে পরিকল্পিত—যেমন অপেক্ষাকৃত স্বল্পব্যয়সাধ্য তেমনি অধিকতর আরামদায়ক।

এমনিভাবে ইটালীর মোটরকার-শিল্প ধাপে ধাপে ক্রমোন্নতির পথে আগাইয়া চলিয়াছে। পরবর্তী কালের অগ্রগতির কাছে আগেকার উৎকর্ষ-সাধন-প্রচেষ্টা নিতান্ত নিম্নস্তর বলিয়া প্রতীয়মান হইয়াছে। এমন কি এঞ্জিনীয়ারিং বিদ্যার অগ্রতম শ্রেষ্ঠ ফল ১৪০০ মডেলকেও হাইড্রোলিক জয়েন্টযুক্ত ১৯০০ টাইপের কাছে হার মানিতে হইয়াছে। ফিয়াটের এঞ্জিনীয়াররা মোটর-শিল্পের ক্ষেত্রে চূড়ান্ত সাফল্যলাভের আশায় অক্লান্তভাবে কাজ করিয়া চলিতেছেন।

ন. ভ.



হাটের পথে

শিল্পী : শ্রীমনীষী দে

বিশ্বকবির কৌতুক

শ্রীপুষ্প দেবী

আজকে কবিগুরুর যে গল্প পাঠকদের কাছে বলব, মনে হয়, তা শুনে পাঠক-পাঠিকারা খুশী হবেন। শ্রদ্ধেয় জগদানন্দ রায়ের বিষয়ে ভারি সুন্দর একটি গল্প শুনেছিলাম পিতৃবন্ধু যতিনাথ ঘোষ মশায়ের কাছ থেকে। কোন একটা ছুটিতে তিনি সপরিবারে ভাগলপুর যাচ্ছিলেন। ইন্টার ক্লাসে বেজায় ভিড়, তারই মধ্যে প্রথম দেখেন জগদানন্দ রায় মহাশয়কে। মানুষটির বাইরের চেহারা সাধারণ বাঙালীর মতই, রংও বেশ কালো। তবু তিনি যে সাধারণের সঙ্গে এক শ্রেণীর নন তার পরিচয় দিচ্ছিল—তাঁর প্রতিভাদীপ্ত ছুটি চোখ। যতিনাথবাবু জগদানন্দের পরিচয় পেয়ে তাঁর

স্বভাবসিদ্ধ বিনয় প্রকাশ করে বলেন—আপনার লেখা বই পড়ে সত্যি সত্যিই উপকৃত হয়েছিলাম। শুনে হেসে জগদানন্দবাবু বলেন, তবে শুধু এই বই লেখার জন্মকথা :—

তখন বয়স অল্প, সবে বি-এ পাস করেছি কিন্তু সংসারের অবস্থা একান্তই অচল। কাজেই ঠাকুর ঠেটে জমিদারীর গোমস্তার কাজ আরম্ভ করলাম। সামান্য তিরিশটি টাকা মাইনে, নিজে রাঁধি-মাড়ি খাই। কিন্তু পেটের ক্ষিধে মিটসেও তাতে মনের ক্ষিধে মেটে না। সেখানে এক-মাত্র আকর্ষণ ছিল বাবুমশায়ের জন্তে আসা-বিজ্ঞানের পত্রিকাগুলি। হঠাৎ একদিন তলব পড়ল আমার—খোদ

বাবুমশায়ের কাছ থেকে। আমার তো শঙ্কা উপস্থিত। গিয়ে দেখি বৈঠকখানা ঘরে বাবুমশাই বসে আছেন। মুখ অত্যন্ত গম্ভীর। আমায় বসতে বললেন, ভয়ে ভয়ে তো বসলাম। বাবুমশাই বলেন, “দেখুন আপনাকে দিয়ে জমিদারীর কাজ তো চলবে না। এর আগে কোন জমিদারী সেরেস্তায় কাজ করেছিলেন আপনি?” সবিনয়ে নিজের অজ্ঞতা স্বীকার করে নিতে বাধ্য হই। তখন বাবুমশাই বলেন, “এমন কি, খাতা লিখতেও আপনি জানেন না—তবে কি সাহসে এখানে চাকরিতে ঢুকলেন? কেই বা বহাল করল আপনাকে?” জিজ্ঞাসু দৃষ্টিতে তিনি আমার দিকে চেয়ে থাকেন। আমার তখনকার অবস্থা আপনাকে বলে বোঝাতে পারব না। কিছুতেই বুকে উঠতে পারছি না কি অপরাধে এত অসন্তুষ্ট তিনি হলেন? মনের ভেতর নানা ভয় আশঙ্কা। কিন্তু সব ছাপিয়ে বারে বারে মনে হচ্ছিল যদি এ চাকরি যায় তবে কি দশা আমার হবে! মাসান্তে যে পনের-কুড়িটা টাকা পাঠাই বাড়ীতে তাও বুঝি বন্ধ হ’ল। চোখে প্রায় জল আসার উপক্রম। আবার সেই জলদ-গম্ভীর সুরে বাবুমশাই বলেন, “দেখুন আজ সাত পুরুষ ধরে এই জমিদারীর খাতায় পিতা বানান লেখা হচ্ছে পয়ে দীর্ঘ-ই করে। আপনি এসে বদলে দিলেন লিখে পয়ে হ্রস্ব-ই। তারপর চিরদিন লেখা হচ্ছে ‘গৃহিতা’ আপনি এসে তাকে লিখলেন ‘গ্রহীতা’, কাজেই আপনাকে দিয়ে জমিদারী সেরেস্তার কাজ হওয়া অসম্ভব। তা ছাড়া না বলে অপরের জিনিষ নেওয়ার অভ্যাসটাও বড় ভাল নয়—সেটাও আপনার আছে।

এবার আমার অবস্থা সত্যিই চরমে পৌঁছয়; এমন কি, আমার লেখা বানান দুটিই যে ঠিক তাও বলার মনে কথা পড়ে না। আবার শুনি—‘কাজেই জমিদারী সেরেস্তার কাজে আপনার জবাব হয়ে গেল। আরও এক মাসের মাইনে আপনাকে দেওয়া হবে, তবে ও কাজের সত্যিই আপনি অনুপযুক্ত। তা ছাড়া শুনি দিবারান্তির আপনি বই পড়েন। মন যদি আপনার এত বিক্ষিপ্ত হয়, তা হলে একাজ আপনি করবেন কি করে? আমি দীর্ঘদিন ধরে লক্ষ্য করেছি, আমার নামে যেসব বৈজ্ঞানিক কাগজপত্র আসে তা সবই

প্রথমে ছ’চার দিনের জন্তে অন্তর্দান হয়ে যায় এবং তা হয় আপনার দ্বারাই, বলুন তা সত্যি কি না?” এবার আমি সত্যিই লজ্জিত হই এবং নিজের অপরাধ স্বীকার করে বলি, আমায় এবারের মত মাপ করুন আর কখনও এ রকম দোষ হবে না। বিশ্বাস করুন সত্যিই একটা সংসার অচল হয়ে যাবে আমার এই চাকরিটুকু গেলে। সত্যিই না খেয়ে মরে যাব।

সামনে আরশি ছিল না, নিজের মুখে তখন কি ভাব হয়েছিল বলতে পারব না। কিন্তু এবার যেন তাঁর মুখে পরিবর্তন দেখলাম, চোখের কোণে যুড় কোঁতুকের হাসি যেন বিলিক মেরে গেল। গম্ভীর স্বরে বললেন, “তা হলে কি বলেন আপনার ভুলের জন্তে কি আপনার খাওয়ার ভার আমায়ই নিতে হবে? বেশ! কাল থেকে আপনি আমার সঙ্গেই থাকেন আর আমার ছেলে রথীকে পড়াবেন, মাইনে হ’ল পঞ্চাশ টাকা করে। রথীকে প’এ দীর্ঘ ইকার পিতা বানান শেখানো সত্যি সত্যিই আমি চাই না। তবে আরও একটা কাজ আপনাকে করতে হবে, শুধু— ঠিক ছোট ছেলেদের উপযোগী করে বিজ্ঞানের বিষয় লিখতে শুরু করে দিন; আমার সমস্ত লাইব্রেরী খোলা রইল আপনার জন্তে, তা ছাড়া যখন যা বই দরকার আমায় জানালেই পাবেন।” আনন্দে যে মানুষের কথা বলার শক্তি চলে যায় তা সেইদিনই প্রথম আমি জানলাম। অনেক কষ্টে শক্তি সংগ্রহ করে বলি, “কিন্তু লিখতে আমি ঠিকমত পারব কি?” এবার আর ভুল নয়, সন্দেহ নয়—বৈঠকখানা ঘর ছাপিয়ে উঠল তাঁর সরল কণ্ঠের হাসি; বললেন, “ভয় হচ্ছে বানান ভুল হবার? না না ঐ বানানই চলবে, লিখুন লিখুন, আমি না হয় দেখে দেবো ভয় কি?”

এর পর থেকেই আমার এই নবজন্মগ্রহণ। মনের সাধে যা খুশি লিখি, দিনরাত বই পড়ি আর বাবুমশায়ের সঙ্গে খাই চর্ক চোষা লেহ পেয়—রাজকীয় রাজভোগ—যা সত্যি সত্যিই একদিন আগেও আমার ধারণার অতীত ছিল। কাজেই আমার লেখার দ্বারা সত্যিই যদি কেউ উপকৃত হয়ে থাকেন, তা কবির জন্তেই—নইলে জমিদারী সেরেস্তার খাতার তলায় যে এর সমাপ্তি ঘটত তার সন্দেহ নেই।



অশরীরী

শ্রীকুমুদরঞ্জন মল্লিক

ত্যাগ্ত বিশাল ভগ্ন ভবন—

বন জল মাঝে,
সেখানে সতত আলো আঁধার,
বিকির ঝ ঝর বাজে ।
ছিন্ন সৌধমালা,
স্বতির বন্দীশালা,
তোরণে তাহার কুতূহলী হয়ে
পঁছছিছু এক সঁঝে ।

২

ডাকিলাম জ্বরে, 'কোথা পুরবাসী ?
কোথা ওগো পুরবাসী ?
লও ডেকে লও, অতিথি তোমার
দ্বারে যে দাঁড়ালো আসি ।'
ধ্বনিত হইল গেহ,
আসিল না কই কেহ ?
শুধু পেচকের কর্কশ রব
সাড়া দিল উপহাসি ।

৩

দ্বিতলের সব কক্ষে কক্ষে
বায়ু বহি' সন্সনি'
গত-গৌরব গম্বুজগৃহে
তুলিল প্রতিধ্বনি ।
কে যেন বলিছে 'আজও
আছ কি তোমরা আছো ?
শতাব্দী পর শতাব্দী ধরে
আমরা যে দিন গণি ।'

৪

সুরহৎ বট রচি' মণ্ডপ,
'নামালে'র পাকে পাকে,
রয়েছে দাঁড়ায়ে, হোয়েছ সাঙ
হয়তো দেখেছে তাকে ।
দম্কা বাতাস লাগি,
শিলা-ছবি উঠে জাগি,
বলে 'আমাদের ভরা ঘুমে কে রে
গায়ে হাত দিয়া ডাকে ?'

রঞ্জিত ঘেম হয়েছে বাড়িটি ০০০
যুগের যুগের কলে,
ডালিম গাছেতে ডালিম ধরেছে
ফেটে পড়ে রূপে রসে ।
ফুটিয়াছে হয়ে ফুল ?
কাহারা হয় যে ভুল ?
মানুষ মরে কি ফুল ফল হয় ?
আমি ভাবি হেথা বসে ।

৬

ভগ্ন স্তূপে উঠেছে যে সব
বলিষ্ঠ তরু-লতা,
সাবাসি তাদের উদ্দাম গতি,
আরণ্য সরসতা ।
যাহাদের এই ঘর,
এরা কি তাদের পর ?
পায়নি কি রূপ এতেই—তাদের
বন্ধের ব্যাকুলতা ?

৭

হাজার বছর আগে এ আবাসে
ছিল যারা পরিজন,
অনিম্য শত মুখচ্ছবি যে
করছি নিরীক্ষণ ।
সুমুখে ঘুরিছে তারা,
জরা ও মৃত্যু হারা,
রূপ যে অমর, যুগে যুগে তার
নাহি পরিবর্তন ।

৮

কণ্ঠের স্বর তেমনি—সুর যে
অবিনশ্বর ভবে,
শুণী মহাকাল মধুরতা তার
নেমানে কাড়িয়া লবে ?
সুরভিত চারিপাশ
করে কস্তুরী বাস,
সুবাসিত যাহা করিত সুদূর
অতীত মহোৎসবে ।

৯

হাজার বছর কয়টা বা দিন
কয়টা বা মিঃখাস ?
হাজার বছর ত্র্যম্বকের যে
একটা অট্টহাস ।
মাটির প্রদীপে হায়—
একটা দীপালী যায়,
নিরঞ্জন ত নব বোধনের
কেবল পূর্বাভাস ।

১০

এখানে জমেছে কালের কুহেলি
যন যবনিকা প্রায়,
রহস্যময় করি চরাচর
আবরি' রাখিতে চায় ।
মোরা ধরণীর প্রাণী—
ধরাই আসল জ্ঞানি,
তাহাকেই যেন চায়া মনে হয়
এ ভবন আভিনায় ।

১১

এখানে যা শুনি তাহাই ত ধ্বনি,
প্রতিধ্বনি ত নয়.
আমরা যা বলি তাহাদেরি কথা
নাহি তাতে সংশয় ।
স্পন্দন তাহাদের,
এই বুকুে পাই টের,
তাহাদের হৃৎ হৃৎস্থি
হয়ে আছে অক্ষয় ।

১২


আসল ভুবন কোমটা ? তারা'ই
জানে বুঝি সন্ধ্যাম,
তাদের জগৎ স্থির—আমাদের
সদা দোহুল্যমান ।
ভাবি মোরা যাবো যেধা,
উহারা রয়েছে সেধা,
যে সুধার মোরা পিয়াসী—তারা ত:
আগেই করেছে পান ।

১৩

কর্মতাদের দিয়ে চলে গেছে
লভিবারে বিশ্রাম,
সেই সে আদিম ভীতি ও ভাবনা
মোরা সহি' অবিরাম ।
সেই চলাপথে চলি,
সেই বলা-কথা বলি,
মোদের সাধনা পূর্ণ করিছে
তাদেরি মনস্কাম ।

১৪

তাদের খবর অধিক কি পাবো
মাটি ও পাথর খুঁড়ে,
এখন তাহারা বসত করিছে
নিখিল ভুবন জুড়ে ।
ডাকিয়া বলিছে “আজও
আছ কি তোমরা আছো ?
দেবতার কাছে আছি বটে—নাই
তোমাদের বেশী দূরে ।”



তড়িৎ-লতা

শ্রীপ্রতুলচন্দ্র গঙ্গোপাধ্যায়

১০

অনেকক্ষণ ধরে লক্ষ্য করছিলাম দূরে টিম্ টিম্ করে আলো জ্বলছে। ষ্ট্রিমারের সার্চ-লাইট বা সন্ধানী আলোতে দেখতে পেলাম একটা খাল এসে পড়েছে নদীতে একটু দূরেই। তারই মুখে আছে একটা বড় নৌকো, তার গায়ে লেগে আছে ছোট-মাঝারি আরও গোটা-কয়েক।

‘ঐ নৌকোগুলো দেখেছো’—বিহুদার দৃষ্টি আকর্ষণ করলাম।

দেখেছি ওটা হচ্ছে গিয়ে তোর ষ্টপ-বোট, এটা হ’ল চলতি কথা। আসল ব্যাপার এটাও একটা থানা—জল-পুলিশের থানা। ডাক্তার যেমন চোর ডাকাত ধরবার ব্যবস্থা, জলেও তেমনি এসব ব্যবস্থা। ঐ যে ছোট-বড় নৌকো বাঁধা ওগুলো হচ্ছে কোনটা ছিপ, কোনটা বা এমনি সাধারণ ডিজি। এই পথে বা আশ-পাশ দিয়ে যারা যায় তাদের উপর এরা দৃষ্টি রাখে। সন্দেহ হলে ধরে নিয়ে এসে জিজ্ঞাসাবাদ করে ছেড়ে দেয়—ভয় দেখিয়ে পয়সা নিয়ে ছাড়ে, কাউকে বা এমনিতেও ছেড়ে দেয়। এই ডিজি বা ছিপের সাহায্যে চারদিকে পেটল করে বেড়ায় সন্দেহজনক নৌকার খোঁজে বা যারা এমনিতে আসবে না তাদের ধরে আনবার এই ব্যবস্থা!

সন্ধানী আলো আমাদের উপর পড়ায় বড় ক্ষতি হ’ল, আমাদের নিশ্চয় ওরা দেখেছে। এমনিতে না যাই, ধরে নিয়ে যাবে। এমনিতে গেলে হয়ত বিনা তল্লাসীতেও বেহাই পেতে পারি, কিন্তু ধরে নিয়ে গেলে সব ওসটপালট করে ছাড়বে। মানে মানে যাওয়াই ভাল।

‘রিভলবার আর কাগজ’

‘ওগুলো কোমরে বেঁধে নিয়ে চল। তেমন তেমন হলে হয় গুলি করে, নয় জলে লাফিয়ে পড়ে যা-হোক করে পালাবার ব্যবস্থা করা যাবে’খন।’

আমাদের নৌকো এসে ষ্টপ বোটের সামনে ভিড়ল। এতক্ষণে দেখলাম একগানা ছোট ছিপ আমাদের পিছন পিছন আসছিল। এখানে ভিড়তে দেখে পাশ কাটিয়ে চলে গেল। বিহুদা বললেন, ‘দেখলি ত কেমন পিছু নিয়েছিল!’

বোটের পাটাতনের উপর দারোগাবাবু চেয়ারে হেলান দিয়ে বসে আছেন। একটু দূরে একটা গ্যাস-লাইট জ্বলছে। যত রাজ্যের উই-পোকা ওর গায়ে মাথা খুঁড়ে মরছে।

হুটো পুলিশ একটা জেলে নৌকো থেকে মাছ তুলছে হুটো ছিপ বোটের আর এক পাশে বাঁধা।

আমাদের এগোতে দেখে একটা পুলিশ ধেঁকিয়ে উঠল, ‘এই তোরা কারা।’

‘আজ্ঞে এই দারোগাবাবুকে সেলাম দিতে এলাম’—জবাব দেয় বিহুদা।

এদিকে জেলে-নৌকো থেকে জেলেরা বলছে, ‘আজ্ঞে কত্না আজ আর জালে তেমন পড়ে নি—আর একদিন না হয় বেশী নেবেন।’

একটা পুলিশ ধমকে বলল, ‘খাম, তোদের ঐ এক কথা রোজই লেগে আছে। সরকার তোদের মাছ ধরবার সুযোগ দেয় কিনা তাই তোদের এই আশ্পর্কা। নে, নে, তোলা...’

বিহুদার উপস্থিতবুদ্ধি দেখে অবাক হলাম। ফস করে বললেন, ‘আরে মিংগ, এদের মেহেবানীতে করে খাও। দিয়ে দাও, দিয়ে দাও। হুজুরকে খুশি রাখলে হু’পয়সা বাড়তি রোজগার হবেই।’

দারোগাবাবুর দৃষ্টি দেখলাম এবার আমাদের উপর পড়ল। এতক্ষণ তিনি নীরবে জেলেদের নিমকহারামী লক্ষ্য করে—দিনকাল যা হয়েছে, সে বিষয় চিন্তা করে জেলে-ব্যাটারদের উচিতমত শিক্ষা দেওয়ার কথা চিন্তা করছিলেন। বিহুদার কথায় তাঁর মেজাজটা যেন একটু শান্ত হ’ল, তিনি প্রায় ধমকের সুরেই বললেন, ‘এই তোরা আবার কি চাস’—তেমন চড়া নয় সুর।

বিহুদা এতক্ষণে পাটাতন খুলে কাছিমটি বার করে ফেলেছেন। ওটাকে ষ্টপ বোটের পাটাতনের উপর রেখে বললেন, ‘আজ্ঞে সন্ধ্যার পর পড়েছে, ভাবলাম আপনার ছিচরণে দিয়ে যাই।’

দারোগাবাবু—কত চাস?

বিহুদা জিব কেটে বললেন, কি যে বলেন হুজুর! পুরানটা চাইল, যাই দারোগাবাবুকে সালাম দিয়ে আসি।, এর জন্ম আবার পয়সা কি?

‘হু, তোদের বাড়ী কোথায়’—দারোগাবাবুর কথায় মুকুন্দিয়ানার সুর।

‘আজ্ঞে হোথা, ঐ চরে।’

তোদের চরেও এবার অনেক তরমুজ হয়েছিল—কৈ দেগি নি ত তখন তোকে।

‘আজ্ঞে আমার গেতেরটা তেমন সুবিধে হয় নি তাই কত্নাকে পান খেতে দিতে সাহস হ’ল না। হুজুরের হুকুম হলে সব হয়।’

‘হুঃ।’

বিহুদা বোটের ধার ছেড়ে দিলেন। আমাদের নৌকো ভাসতে লাগল। একটা পুলিশ বলল, ‘এই ব্যাটারা তরমুজ জরুর আনবি কিন্তু।’

একটু তাড়াতাড়ি নৌকা চালিয়ে মাঝগাজে এসে পড়লাম। বিহুদা বললেন, ‘দেখলি তোর অযাত্রা কেমন যাত্রাপথ সুগম করে দিল। ওটা না থাকলে আজকে লাঞ্চার একশেষ হ’ত।’

আর একটা পুরনো কথা আজ আবার নতুন করে ধরা

পড়ল—চোখ, কান খোলা আর বুদ্ধিটা ফুরধার না রাখলে আমাদের এগিয়ে যাওয়া সম্ভব নয়।

চেউয়ের দোলায় মনে হ'ল আমরা ধলেশ্বরীর চওড়া বৃকে এসে পড়েছি। গতি তীক্ষ্ণ হলেও অচঞ্চল—টেউ বিশাল হলেও সুবিচলিত, ছন্দোময়, গড়িয়ে গড়িয়ে চলেছে গুরুগভীর মেজাজে।

মাঝখানে থাকা আর নিরাপদ নয় মনে কবে আমরা আশ্বে আশ্বে বা পাড়ের দিকে এগোতে লাগলাম। সামনেই যেন মনে হ'ল লোকালয়।

‘আমরা কোথায় এলাম বিমুদা?’

‘আর একটু এগোলেই আমরা বস্তাবন্দী চরের কাছে এসে পড়ব। জানিস ত এ জায়গাটার খুব বদনাম, এখানে হামেশাই ডাকাতি মেগে আছে। যাত্রী-নৌকো এখানে একেবারেই নিরাপদ নয়। নিরীহ লোকই চিবকালের মত, এখানেও বেশী মরে।’

‘কিন্তু তোমার ঐ যে ষ্টপ বোট, ছিপ নৌকো, আর জল-পুলিস এরা তবে কি জন্মে আছে।’

‘ওসব ব্যবস্থা ভাই আমাদের জন্মে কেবল। কিন্তু দেখলি ত ওদের নাকের ওপর দিয়েই বেরিয়ে এলাম। এমনি করেই সবাই যায়। ওদের দাপট কেবল নিরীহ যাত্রী-নৌকো, কিংবা গরীব ব্যবসায়ীর ওপর। এই ব্যবস্থা করে ঘুস আদায়ের আর এক কন্দী ব্যবহার করেছে। অত্যাচারীর সত্যিকারের সন্ধান যদি ওরা করত বা করতে চাইত তবে ত দেশ মহাসুখে বেড়ে উঠত ভাই।’

‘যদি আমাদের নৌকো কেউ আক্রমণ করে’—আমি আশঙ্কা প্রকাশ করলাম।

‘আমাদের নৌকোর উপর কোন হামলা হবে না। আর যদি একান্ত হয়ই তবে এই অন্ধকার যাত্রাপথে আবার আর এক নতুনর আশ্বাদ পাব, তাতে বিপদের চেয়ে মজাই বেশী হবে।’ সহজ করে জবাব দিলেন বিমুদা।

কিছুক্ষণ আবার সব চূপচাপ। আমাদের নৌকো চলেছে চেউয়ের দোলায়—আশঙ্কায় নয়—ছন্দে—আনন্দে।

নদীর চেউ আশ্বে আশ্বে ভেঙ্গে যাচ্ছে। কান পেতে থাকলে মনে হবে যেন নদীর বৃক চিরে দীর্ঘনিশ্বাস উঠছে। এতক্ষণ কাম্পচঞ্চলতার পর এই মুহূর্তে যেন সব নীরব নিথর মনে হতে লাগল। অগণিত চেউয়ের দীর্ঘনিশ্বাস, একটানা জলশ্রোতের মুহূ ছল্ ছল্ আওয়াজ, কিছুই যেন রাতের তপশা ভাঙতে পারছে না। এসব কিন্তু সত্যই শব্দ, না নিস্তব্ধতার সুর! ঐকতান সঙ্গীতে বাজে নানান চঙ্গের, নানান সুরের বাজ, কিন্তু আশ্চর্য্য এরা সবাই হারিয়ে ফেলে নিজস্ব সত্তা, সবাই বিলীন হয়ে যায় একটি মাত্র সুরে—একটি মাত্র সঙ্গীতে। এর মধ্যে যেন আজ রাতের নীরবতার সুরকে মধুময় গভীর করে তুলেছে।

নীরবতা ভঙ্গ করলেন বিমুদা, তাঁর কণ্ঠের শাস্ত গভীর আওয়াজ। আজকের এই অপূর্ব পরিবেশের মধ্যে হুনিয়ার সারা মানুষের সঙ্গে নতুন করে পরিচয় হ'ল। এই মুহূর্তের এই বিরাট একাকিত্বকে

দূরে ভাসিয়ে দিয়ে সবাই যেন আমার চার পাশে এসে দাঁড়িয়েছে হাতে হাত ধরে। সবাইকে পেতে ইচ্ছে হচ্ছে একেবারে কাছ, গা ঘেঁষে। যাকে দেখেছি, যাকে দেখি নি সবাই যেন আমার আপন একান্তভাবে। যাকে ভাল লেগেছে, যাকে ভাল লাগে নি কেউ আর আজ দূরে নেই। যে প্রাণে দাগ কেটে গভীর আশ্বাসে বিলীন হয়ে গেছে, যার সঙ্গে জীবনে আর কোন দিনই হয়ত দেখা হবে না, কিংবা যার সঙ্গে আবার দেখা হবে—সবাইকে পেতে ইচ্ছে হচ্ছে একেবারে বৃকের কাছে। বিমুদা হঠাৎ থেমে গেলেন। মনে হ'ল নিজের কথাগুলিই বৃকি অন্তর দিয়ে উপলব্ধি করবার চেষ্টা করছেন।

বিমুদা হেসে উঠলেন। হাসতে হাসতে বললেন, ‘বড় বেশী কাব্য হয়ে গেল যে, বাঙালীর ভাববিহ্বল বলে যে বদনাম আছে তা দেখছি একেবারে মিথো নয়।’

‘তুমিও ত মানুষ বিমুদা।’

‘ঠিক বলেছিস; এমনি মানুষের মন নিয়ে দরদ দিয়ে যদি সকলকে বিচার করতে পারি। সবার সেবায় জীবনের শ্রোত বইয়ে দিতে পারি, তবে না জন্ম সার্থক।’

কিসের ইঙ্গিত বিমুদার মনকে টেনে নিয়ে এসেছে নতুন দরদের সন্ধানে তার যেন আভাস এতক্ষণে পেলাম। ভাবের শ্রোত বোধ হয় ছোঁয়াছে। আমি গা না ভাসিয়ে দিয়ে থাকতে পারলাম না, ‘সত্যিই বিমুদা, এমনি অভিজ্ঞতা আমার জীবনেও এই প্রথম। তুমি সেই রাতের ডাকাতির কথা বলছ ত? সত্যিই ত অদ্ভুত। চোখ-ধাঁধানো রূপ আর মন-ভোলানো ব্যবহার। জানি না ওর কথাই আজ তুমি বলছ কিনা—কিন্তু আজও আমি ওকে ভুলতে পারি নি।’ আমার মুখে আর কথা এল না। বিমুদাও নীরব। মনে হ'ল দীর্ঘনিশ্বাস ত্যাগ করলেন।

তারপর আশ্বে আশ্বে বলতে লাগলেন, ‘তোকে বলতে আমার বাধা নেই... তাকে ভুলব কিবে—তার স্মৃতি আমার যাত্রাপথে নতুন অনুপ্রেরণার সঞ্চার করেছে। মানুষের চাই এগিয়ে যাবার ভরসা—এমনি প্রেরণা।’

নীলার স্মৃতি আজ আমার উদ্বেলিত করেছিল, কিন্তু বিমুদার কথায় যেন নিজের মনে শান্তি খুঁজে পেলাম। আশ্চর্য্য হয়ে ভাবলাম—যে বন্ডায় মানুষের মন হাবুড়বু খায় তাকে বিমুদা বেঁধে ফেলেছেন। আর তারই সঞ্চিত জল বইয়ে দিয়েছেন ছোট ছোট জলধারায় নানান পথে ধরণীকে শস্ত শ্যামলা করতে।

কিছুক্ষণ যাবৎ লক্ষ্য করছিলাম যেন একটা ছিপ নৌকো আমাদের দিকেই আসছে। কাছাকাছি আসতে নৌকোর গতি অনেক কমল। আওয়াজ এল—‘ও মাঝি, আগুন আছে কবে ধরাব।’

আমার মুখ থেকে ‘না’ জবাবটি প্রায় বেরিয়ে এসেছিল। আমার বলবার আগেই বিমুদা উত্তর দিলেন, ‘না মিঞা, আমরাও আগুন খুঁজছি। কতক অনেকক্ষণ ধরে শুকনো।’

ঐ নৌকো থেকে জবাব এল, 'খুব যে বাহাহু'।'

বিমুদা প্রত্যুত্তর দিলেন, 'বতনই বতন চেনে।'

ঐ নৌকো থেকে—'দেব নাকি শালাদের দুই ঠোঁড় দিয়ে।'

বিমুদা একটু হেসে বললেন, 'তা' মন্দ হ'ত না মিশ্রণ, কাঠে কাঠে ঠোঁকাঠুকি; নদীর বুকে আগুন জলত বৈকি।'

বক্ বক্ করতে করতে নৌকোটা দূরে চলে গেল।

আমার সবকিছুতেই অবাক হতে হয়। নিত্য-নূতন অভিজ্ঞতা যেন আমার প্রাত্যহিক জীবনকে সরস করে তুলছে। 'একি হ'ল বিমুদা, এর কিছুই যে বুঝতে পারলাম না।'

'এ হ'ল ডাকাতের নৌকো।'

'তুমি বুঝলে কি করে।'

কঙ্কতে আগুন ধরাবার ছল করেই এরা নৌকোর ধারে আসে। তারপর সুর্যোগ বুঝে বাঁপিয়ে পড়ে যথাসর্বস্ব লুণ্ঠন করে নেয়। এই হ'ল ওদের সাধারণ পদ্ধতি।

সত্যিই আমরা একটা বিপদের সম্মুখীন হয়েছিলাম তা জানতে পেয়ে মনটা মুহূর্তের জগ্ন শঙ্কিত হল কি হতে পারত ভেবে।

'আচ্ছা, যদি ওরা আক্রমণ করত।'

'তবে এমন শিক্ষাই ওদের দিতাম, যেন জীবনে আর কারুর কাছে আগুন চাইবার দরকার না হয়।'

নিজের সম্পর্কে সাবধান হতে বিমুদাকে কোন দিনই দেখলাম না।

কিছুক্ষণ পরে হঠাৎ নারীকণ্ঠের চীৎকারে আমরা ত'জনেই সচকিত হয়ে উঠলাম। আবার—আবার! কান খাড়া করে শুনতে চেষ্টা করলাম, আওয়াজ কোন দিক থেকে আসছে। আমরা বন্ধাবলীভ চরের প্রায় পাশ ঘেঁষেই যাচ্ছিলাম। জলের বুক থেকে কিনারা খানিকটা উঁচু। অদূরে চরটা যেন ঘুরে গেছে বলে মনে হয়। সেই বাকের ওধারেই যেন কিছু ঘটছে বলে মনে হ'ল।

বিমুদা একটু নীরব থেকে বললেন, 'নিশ্চয় কোন যাত্রী-নৌকো আক্রান্ত হয়েছে। আর একটু সময়ও আমাদের নষ্ট করা উচিত নয়। চট্ করে নৌকোর পালটা খুলে ফেল; আর দ্রুত নৌকো চালিয়ে—যদি কিছু করতে পারি।'

নূতন এক উত্তেজনায় যেন নৌকো ছলে উঠল। তীরবেগে ছুটে চললাম। চরের বাক ঘুরতেই লক্ষ্য করলাম—একটা ছইওয়াল নৌকোর পাশে আর একখানা ছিপ নৌকো আর ধূপধাপ চেঁচামেচি। আমরা খুব ভাড়াভাড়ি নৌকো বেয়ে গিয়ে ঐ ছইওয়াল নৌকোর পাশে লাগিয়ে বিভ্রলবার থেকে এলোপাথাবি গুলি ছুঁড়তে ছুঁড়তে আক্রান্ত নৌকোয় লাফিয়ে উঠলাম।

আমাদের এগোতে দেখে ডাকাতেরা চেঁচিয়ে উঠেছিল—'কোন শালারা আসছে যে এদিকে, প্রাণে বাঁচতে চাস ত এদিকে আসবি নে।' আমাদের সত্যি সত্যি নৌকোয় বাঁপিয়ে পড়তে দেখে আর গুলির আওয়াজ শুনে ওরা মনে করেছিল নিশ্চয় জল-পুলিশ ওদের আক্রমণ করেছে। ওরা ভয়ে চারিদিকে লাফিয়ে

পড়তে লাগল। কেউ কেউ আমাদের নৌকোয় কেউ-বা ফলে, আবার কেউ কেউ ওদের নিজেদের নৌকোয়।

চক্ষের নিমেষে লোকগুলি আমাদের আর ওদের নৌকো নিয়ে পালিয়ে গেল। আক্রান্ত নৌকো যে আমাদের এখন একমাত্র ভরসা তা অনুভব করলাম উত্তেজনার প্রথম বেগ কাটলে।

'যাক, কেউ যে গুলির ঘায়ে মরে নি এটাই বাঁচোয়া, খুনোখুনি হলে আবার কিসের হাঙ্গামায় জঁড়াতে হয় তা কে জানে'—খস্তির নিশ্বাস ছাড়লেন বিমুদা।

'কেন ডাকাত মারলে, আর কি হয়েছে!'

'ওতে ভাবনা আছে বৈ কি! গুলি কারা মারলে ডাকাত না সমিতির লোক! পুলিশের মনে সন্দেহ জাগলে আমাদেরই যে বিপদ ভাই।'

আমাদের নৌকো তখন স্রোতের বেগে ঘুরতে ঘুরতে চলেছে। বিমুদাকে জিজ্ঞেস করলাম, 'আচ্ছা, আমাদের নৌকো ত ডাকাতে নিয়ে পালান, এখন কি করি বল ত!'

'কি আর করবি বল, যে নৌকোয় দাঁড়িয়ে আছিস তাতেই ভাসতে থাক, কিনারা মিলবেই।'

আমরা নৌকোর যে পাশটার লাফিয়ে উঠেছিলাম সেই দিকটার একেবারে শেষে দুটো লোক জঁড়াজড়ি করে পড়েছিল। আমরা নিজেদের উত্তেজনায় ওদের অস্তিত্ব লক্ষ্য করি নি। হঠাৎ ওদের গৌ গৌ শব্দ কানে এল। ডাকাতদের দুটোই কি তবে রয়ে গেল নাকি। ওরা কে তবে!

বিমুদা ধমকের সুরে বললেন, 'এই তোরা কে!' কোন জবাব নেই। 'কিরে, কোন শব্দ করছিস না কেন!' তবু কোন সাড়া নেই।

'যদি ডাকাত হয় তা হলে কি করবে বিমুদা!'

'কি আর করব, ওদের ফেল দিয়ে যাব ঐ চরে। তুই দেখ ত ওদের শরীর ভাল করে তল্লাস করে।' আর লোক দুটোকে লক্ষ্য করে বললেন, 'দেখ তোরা চূপ করে থাকবি। নড়েছিস কি গুলি করে মেরে ফেলব।'

ওদের দিকে ঝুঁকে পড়ে বসে লোক দুটোর চেহারা আন্দাজ করতে চেষ্টা করলাম। এবারে ওরা কেঁদে ফেলল—'দোহাই বাবু, দোহাই কত্তা, আমাদের মারবেন না, দোহাই আপনাদের; আমরা কিছু জানিনে কত্তা।'

'হুঁঃ, কিছু জানেন না, গাাকা চেঁতন। চেপে ধরলে চিঁ চিঁ করি, ছেড়ে দিলে লাফ মাঝি! এখন বেকাদায় পড়ে—কিছু জানেন না'—ধমক দিয়ে উঠে বিমুদা।

'দোহাই ধম্মাবতার, আমরা কিছু জানি নে। তেনাদেরকে নিয়ে আমরা নৌকো বেয়ে চলছি, কোথেকে এই শালা-পোয়েবা নৌকায় লাফিয়ে উঠে আমাদেরকে বেধে ফেলল। তারপর কত্তা আপনারা ত সব জানেন। দোহাই ধম্ম, আমাদের কোন দোষ নেই কত্তা।'

ওদের কথা শুনে ভাল করে তাকিয়ে দেখি ওদের কথা সত্যি বটে। বিহুকে বললাম। বিহুদার কথার ওদের বাধন খুলে দিতে ওরা উঠেই আমার পা চেপে ধরল, 'দোহাই ছুঁর আমরা কিছু জানি নে।'

'নে আর চেঁচাস নে, নৌকোর ছইটা অনেক জায়গায় ছুঁতে গেছে, ডাকাতদের ধস্তাধস্তিতে, এটা আগে ঠিক করে ফেল দিকিন,' ধমক দিলেন বিহুদা। ওরা কাঁপতে কাঁপতে ছইয়ের দিকে এগিয়ে গেল। বিহুদা পুনরায় বললেন, 'একজন বরং আগে বাতিটা জ্বাল আর একজন ছই ঠিক কর। আমি হাল ধরছি। নৌকো এমন ভারি লাগছে কেন রে!' কথা শেষ করেই নৌকার এক ধারে চাপ দিয়ে বললেন, 'ও অনেক জল উঠেছে নৌকায়! সোঁচে ফেল তাড়াতাড়ি।'

মাঝিদের একজন ছই সারাতে লাগল, আর একজন খুঁজে পেতে দেশলাই বাব করে আধা ভাঙ্গা একটা লঠন জ্বালাল।

ওর আলো জ্বালা শেষ হলে বিহুদা বললেন, 'আয় এখন হালে বস এসে, নৌকো চালা দেখি।'

'কোন দিকে যাব কথা।'

'যে দিকে যাচ্ছিলি।' আমাকে লক্ষ্য করে বললেন, 'দেখ প্রথম ধাক্কা সামলানো গেল। দেখ ত লক্ষ্য করে ঐ দূরে যেন কতগুলি নৌকো দেখতে পাওয়া যাচ্ছে না! ওরা যেন এদিকে সেদিকে ঘুরছে!'

বিহুদার আঙুল যদিকে সেই নিশানায় ভাল করে চেয়ে দেখলাম ওর অসুমান সত্য।

বিহুদা বললেন, 'দেখ ওগুলো নিশ্চয় ডাকাতদের নৌকো নয়। কেননা ওরা ফিরে আসতে সাহস পাবে না। মনে হচ্ছে হয়ত জল-পুলিশের নৌকোই বিভলবারের গুলির শব্দে আকুষ্ট হয়ে ব্যাপারটার অনুসন্ধান করতে চেষ্টা করছে। যাই হোক সাবধান হওয়া প্রয়োজন। প্রথম কাজ, আমাদের বেশ পরিবর্তন করে ফেলা। ভদ্রবেশী যাত্রী সাজতে না পারলে একটু মুশকিল হতে পারে।'

যে মাঝিটা ছই ঠিক করছিল তার কাজ মোটামুটি ততক্ষণে শেষ হয়ে গেছে। তাকে লক্ষ্য করে বিহুদা বললেন, 'এই মাঝি, যা তুই এখন দাঁড় ধর গিয়ে।' আমাকে লক্ষ্য করে বললেন, 'আয় দেখি ছইয়ের মধ্যে—কি আছে।'

ঐ কালী-ভক্তি লঠন নিয়েই ছইয়ের মধ্যে ঢুকে পড়লাম। লঠনটা উপরে তুলে ধরে ঢুকছি। ক্ষীণ আলোতে লক্ষ্য করলাম, হুঁজন স্ত্রীলোক মুচ্ছিত হয়ে পড়ে আছে! কারও মূণ ভাল করে দেখা যায় না; উবু হয়ে পড়ে আছে। ভাল করে লক্ষ্য করতে দেখলাম একটি যুবতী, অপরটি বৃদ্ধা যতটা দেখা গেল তাতে বৃদ্ধার শরীরে কোন আঘাতের চিহ্ন নেই, শুধু যুবতীটির মাথায় আঘাত লেগেছে বলে মনে হ'ল।

গোছা গোছা কালো চুল এলোমেলো ছড়িয়ে পড়ে আছে। পায়ের কাছেও হুঁ এক গোছা এসে পড়েছে। ওগুলি হাত দিয়ে

সরিয়ে বিহুদা আমার বললেন, 'ওদিকে তুই একটা জ্বাকড়া নিয়ে বুড়ীর চোখে মুখে জ্বল দে, একুনি ঠিক হয়ে যাবে। মনে হয় ও ভয়ে অজ্ঞান হয়ে গেছে। আমি একে দেখছি।'

এদিক ওদিক তাকিয়ে একটা ছোট ঘটি করে জ্বল নিয়ে এসে বিহুদা পাটাতনের উপর বসে পড়লেন। এমনি করে বসলেন যেন হাওয়া ছইয়ের ভিতর ঢুকতে অসুবিধা না হয়। যুবতীর মাথাটা একটু উপরে তুলে রাখার প্রয়োজন। এদিক-ওদিক তাকিয়ে কোন নরম জিনিষ না পেয়ে আশ্চর্যে আশ্চর্যে ওর মাথাটা নিজের কোলের উপর রাখলেন। মুখে-চোখে সঙ্কোচের ভাব। আবাল্য-সংস্কার আর সমিতির কঠিন শিক্ষায় বিহুদা মেয়েটির মুখের দিকে তাকিয়ে দেখতে পারলেন না। তিনি ক্রমাগত চোখে মুখে জ্বল ছিটিয়ে দিতে লাগলেন।

নদীর ঝিরঝিরে হাওয়া আর বিহুদার পরিচর্যায় যেন ওর জ্ঞান ফিরে আসতে লাগল। যুবতী পাশ ফিরল। কয়েক সেকেন্ড পরেই ধপ করে উঠে বসে—'কে রে! পাজী, বদমাস দেখিয়ে দেব না'—বলতে বসতে হাত মুষ্টিবদ্ধ করলে।

ততক্ষণে উভয়ের চোখোচোখি হয়েছে। যুবতী তার আয়ত চোখ দু'টি গোল করে বললে—'এ্যাঃ, তুমি, এখানে!'

মনে হ'ল বিহুদাও যেন ক্ষণেকের জঞ্জ আশ্চর্য্য হয়ে গেলেন—'তুমি, কোথায়...'

মুহূর্তমধ্যে যেন সব ভেঙ্কিবাজী খেলে গেল। সঠিক যেন কোন কিছুই ভাবতে পারা যাচ্ছে না।

বিহুদা তার মাথায় আশ্চর্য্যে আশ্চর্য্যে হাত বুলিয়ে দিতে দিতে—'ছিঃ ছিঃ, এমন করতে নেই!—তারপর যেন নিজের মনেই বলতে লাগলেন, আশ্চর্য্য বিধাতা! যার লুঠ করেছি আর যে লুঠ করল এই যাদের পরিচয়, তাদের আবার আজ আর এক পরিবেশের মধ্যে ফেলে দিয়ে তিনি কিসের ইঙ্গিত দিচ্ছেন কে জানে!'

'ওগো, না, না, তুমি অমন করে বলো না। পরিচয় এক দিনের নয়—এক দিনের নয়। তোমায় আমি চিনি, জন্ম—জন্মান্তর থেকে। তুমি আমার ক্ষমা করো না!'

বিহুদার বুক ভেদ করে গভীর দীর্ঘ নিশ্বাস বেরিয়ে এল। শব্দ হ'ল, এখন ভাববিলাসের সময় নয়। একটু ভদ্রস্থ হওয়ার মত কাপড় দিতে পারবে। মনে হয় না পুরুষের কাপড় তোমাদের সঙ্গে আছে। সরু পাড়ের সাদা সাদী হলেও আপাততঃ চলে যাবে।' কথা শেষ করে বিহুদা যুবতীর হাত ধরে তাকে বসিয়ে দিলেন। যুবতী যেন মাথা উঁচু করতে সাহস পাচ্ছিল না।

'ঠিক, আছে কাপড়-চোপড়।'

'ই্যা, পুরুষের ধুতিই বোধ হয় দিতে পারব। একটু অপেক্ষা করুন।' কথা শেষ করে বৃদ্ধার দিকে তাকিয়ে জিজ্ঞেস করলেন, 'দিদিমার কি জ্ঞান ফিরে এসেছে?—কথা শেষ করেই বুড়ীর দিকে ঝুঁকে ওর কানের কাছে মূণ নিয়ে কি যেন আশ্চর্য্যে আশ্চর্য্যে কিস কিস করে বলল। মনে হ'ল বুড়ীর জ্ঞান অনেকক্ষণ আগেই ফিরে

এসেছে, বোধ হয় এমনিতেই চূপ করে পড়েছিল। যুবতীর গলার আওয়াজ পেয়ে চেঁচিয়ে উঠল, 'কি বললি, পুরোনো কাপড়ের পুঁটলটাও চাই ওদের। সব ত নিয়েছিস বাবা; ওটাতে হুঁচাব-খান ছেঁড়া কাপড় নিয়ে যাচ্ছি কাঁথা সেলাই করব! তাও চাই ওদের। দিয়ে দে, দিয়ে দে, শমী।'

বুড়ী আবার চেঁচিয়ে উঠল—ওরা আমাদের কোথায় নিয়ে চলল রে শমী।

বিহুনা পরিহাস সঞ্চার করতে পারলেন না। হেসে বললেন, 'দেখানে তোমরা নিয়ে যেতে বলবে দেখানেই যাব। তোমায় আর কোথায় ছেড়ে দেব বল। এই মাঝগাঙ্গে ত নয়ই—শেষে কি তোমার অপমৃত্যু হবে নাকি! নাতি হয়ে কি তা আমি সহিতে পারব!'

বুড়ী এবার কেঁদে ফেলল। বিনিয়ে বিনিয়ে বলতে লাগল, 'কি ঘেন্না, কি ঘেন্না; পোড়াকপাল আমার। অদেষ্ঠে এও লেখা ছিল। আমি হলাম গিয়ে ডাকসাইটে বংশের মেয়ে। কত লেঠল দেখেছি, কত সড়কিওয়াল ছিল আমাদের। বাপ-খুড়োদেরও দেখেছি লাঠি-সড়কি চালাতে—দশ-গাঁয়ের লোক তাদের সঙ্গে এঁটে উঠতে পারত না। দেখতাম ওরা বেরিয়ে যেতো বড় বড় ভিপে। ওদের শরীরেও দেখেছি কত লাঠি-সড়কির আঘাতের চিহ্ন। বাড়ীর ত্রিসীমানায় হাঁটলে লোকে সেলাম দিত—দশ মাইলের মধ্যে কাকুর সাধা ছিল না, বখরা না দিয়ে যায়। যে বংশের লোক লাঠি সড়কির জোরে জমিদারী পাকা করল, সেই বংশের মেয়ে হয়ে আজ কিনা আমার নৌকোয় ডাকাতি—আর আমাকে নিয়ে ঠাট্টা।'

'আঃ, কি বকছ দিদিমা, চূপ কর না।'—লজ্জার রেখা ফুটে উঠে যুবতীর মুখে।

'কি বললি, চূপ করব, কেন করব, আমার গায়ে ডাকাতি, আর আমিই থাকব চূপ করে। কেবল দাখানা বাগিয়ে ঠিক করে ধরেছিলাম। বাতের কাপুনিতে পড়ে গেলাম। নইলে দিতাম বসিয়ে এক কোপ। আমি সেই বংশেরই মেয়ে কিনা যে চূপ করে সম্মে যাব।

'দিদিমা, তোমার পায়ে পড়ি, তুমি একটু শুয়ে বিশ্রাম কর।' বিহুদাকে লক্ষ্য করে বললে, 'জানেন আমার দিদিমার খুব সাহস।'

বুড়ীর মুখে বেন হাসি ফুটে উঠল। খুশী হয়ে বলল, 'তাই বল।'

কথাবার্তার ফাঁকে যুবতীটি পুঁটলি থেকে দুখানা পুরোনো কাপড় বের করে দিল।

বিহুদা একখানা কাপড় ফিরিয়ে দিলেন। আমাকে লক্ষ্য করে বললেন, 'দেখ নীতীশ হুঁজন এক সঙ্গে ভদ্রলোক সাজা উচিত হবে না। কিছুক্ষণের জঞ্জ বাইরে বোস। ওরা আমাদের কাছে এলে তখন তুইও মাঝির সঙ্গে দ্বিতীয় দাঁড়ে বসে যেতে পারবি। তোকে বোধ হয় আর অপেক্ষা করতে হবে না। ঐ দেখ দুখানা নৌকো

আসছে আমাদের দিকে। তুই চট করে দাঁড় বেঁধে বসে পড়।'

'কিন্তু ওরা এগোলে কি আমরাই প্রথম গুলি করব।'

'না, গুলি করলে আমাদের পালিয়ে যাওয়া মুশকিল হবে। আর তা ছাড়া পেট্রোল বোট হলে ত কথাই নেই। ওদের সঙ্গে বাইফেল থাকে। আমাদের বিভলবারে কুলোবে না। আমি ছইয়ের মধ্যেই থাকব। উপস্থিতমত সব দেখা যাবেখন।'

নৌকো দুখানা আস্তে আস্তে এসে আমাদের নৌকোর হুঁপাশে লাগল। পেট্রোল বোটই বটে।

'কারা যায়'—একটা পুলিশ চেঁচিয়ে উঠল।

'এরা আবার কে রে শমী,' জিজ্ঞাসা করে বুড়ী।

'তুমি শুয়ে থাক। উঠবার দরকার নেই—পুলিশের নৌকো।' পেট্রোল বোট লক্ষ্য করে বললে, 'আপনারা কি চান।'

নারীকণ্ঠের আওয়াজ শুনে মনে হ'ল পুলিশের লোকেরা একটু লজ্জিত হ'ল। 'ও, আপনারা মেয়েরা যাচ্ছেন। তা আপনারদের কোথায় যাওয়া হবে।'

'বেলগাঁ।'

'আপনারা আসছেন কোথেকে।'

'শহর থেকে।'

'আপনারদের সঙ্গে কি কোন পুরুষ আছে, না আপনারাই যাচ্ছেন।'

'আমি, আমার বুড়ী দিদিমা, আর উনি অসুস্থ হয়ে শুয়ে আছেন। ডেকে দেব।'

পুলিশের নৌকোয় যিনি কড়াবাক্তি, তিনি বললেন, 'দরকার নেই। এই নদীতে ডাকাতির খুব ভয়। মাঝিদের বলুন সাবধানে নৌকো চালিয়ে নিয়ে যেতে। আচ্ছা, আপনারা কি এই আশেপাশে গুলির আওয়াজ শুনে পেয়েছেন?'

'আওয়াজ শুনেছি বটে, কিন্তু তা কিসের অনুমান করতে পারি নি। আমি রোগীর পাশেই বসেছিলাম—মাঝিরা ভয় পেয়েছিল—ওরা খুব তাড়াতাড়ি নৌকো বাইতে শুরু করে দিলে।'

মাঝিদের উপর তখন প্রশ্রবাণ শুরু হ'ল। 'এই ব্যাটারা, তোরা কি শুনেছিস, কিছু দেখতে পেয়েছিস।'

বড় মাঝি হাত জোড় করে বলতে লাগল—'দোহাই ধম্মাবতার, আমরা গরীব মাঝি, আমাদের কোন দোষ নেই। মাঠানকে জিজ্ঞেস করুন।'

পেট্রোল-বোটের কড়া মনে হ'ল একজন এমিষ্ট্যান্ট সাব ইন্সপেক্টর। ওর বয়সও কম। বোধ হয় সবে এ লাইনে ঢুকেছে। মাঝিদের ধমক দিয়ে বললে 'চূপ কর, বেকুফ কোথাকার। তোদের কথা কে বলছে। সাবধানে নৌকো চালিয়ে নিয়ে যাবি। চব্বের পাশ দিয়ে যাবি নে।'

পেট্রোল-বোট দুটো আমাদের নৌকো ছেড়ে চলে গেল। আমি দাঁড় ছাড়লাম, বিহুদা উঠে বসলেন।

যুবতী একটু মুহূর্তে হেসে জিজ্ঞাসা করলে—‘একটা কৌতূহল কিন্তু এখন মিলে না—আপনারা এ নৌকায় এলেন কি করে। এবারও কি বীরপুরুষেরা কেবল দ্বীপলোক দেখেই ঘাবড়ে গেলেন নাকি।’

‘তা যে বকম কথাই ধর, তাতে ঘাবড়ার কারণ আছে বৈকি।’

‘কিন্তু আমার প্রশ্নের জবাব এখনও পাই নি।’

মনে হ’ল মাঝিরা মন দিয়ে শুনছিল। বড় মাঝি বললে, ‘মাঠান, সত্যি করে বলব, একটা নৌকো কাছ ঘেঁষে আসতে আসতে জিজ্ঞেস করলে—আগুন আছে মাঝি, কক্ষে ধরাব। এই কথা বলতে বলতে ওরা এসে আমাদের নৌকোর পাশে ভিড়ল, তারপর নৌকোয় লাফিয়ে পড়ে আমাদের হাতে পায়ে বেঁধে নৌকার গায়ে বেঁধে রাখল। আমরা তা ভাবলাম, আর প্রাণে বাঁচব না। তা খোদা ওদের পাঠিয়ে দিলেন—ওরাই নৌকোয় এসে আমাদের বাঁচিয়ে দিলে। নইলে ডাকাতরা আজ আমাদের সবাইকে কেটে ফেলত।’

মাঝি চূপ করলে, যুবতী বললে, ‘আপনাদের আবির্ভাবের কাহিনী শুনলাম—কিন্তু এই মাঝগাজে, এই গভীর দাত্রে কি অবস্থায় এলেন তার জবাব পেলাম না।’

‘আমরা এমনি ভাবেই আবির্ভূত হয়ে থাকি। এই ধর যদি এই জলের মাঝগান থেকেই উঠে এসে থাকি ঠিক তোমাদের নৌকোর উপর।’

‘এটা জবাব নয়।’

‘যদি বলি স্বাক্ষরের হাত থেকে রাজকন্যাকে উদ্ধার করতে।’

রূপকথার শেষ আছে। জীবনকাঠি মরণকাঠি ছুঁইয়ে রাজকন্যাকে বাঁচিয়ে কি রাজপুত্র চলে গেল নিজের দেশে, না রাজকন্যাকেও সঙ্গে নিয়ে গেল। আগের দিনের রাজপুত্রেরা তা কন্যাকে সঙ্গে নিয়ে যেত। কিন্তু তোমাদের তা আলাদা বিচার—যুবতীর কথায় কৌতূহলের সুর।

‘কিন্তু তোমার নামটি জানতে পারি নি। বৃড়ী বলছিল শমী।’

‘ওটা শম্পার অপভ্রংশ।’

‘একটা কথা বোধ হয় এতক্ষণে বুঝতে পেরেছ শম্পা যে এবার পীড়িতের আর্ন্ত চীৎকারই আমাদের টেনে এনেছে। কোথা থেকে এলাম, তার খবর এখানে নয়, আর কোথায় তার খবর তোমরাই ভাল জান।’ তার পর আবার পবিত্রাস করে বললেন, ‘তোমাদের বৃড়ী দিদিমা সেই থেকে চূপ করে পড়ে আছে, বেচারীকে একটু ভরসা দাও।’

‘ও দিদিমা, ও দিদিমা, চোখ খোল। তোমার ভরসায় এলাম, আর তুমিই চোখ বুজে আছ।’

‘ভয়, ভয় আবার কিসের। শুধু বাতের বাধায় মাথাটা তুলতে পারছিলাম না।’ তারপর শম্পাকে মুখের কাছে টেনে নিয়ে গিয়ে চেঁচিয়ে বলতে লাগলেন, ‘ডাকাত হলে কি হয়—মুখ দেখলে মায়া হয়, আদর করতে ইচ্ছে হয়।’

‘তুমি বৃড়ী হয়ে মজে গেলে, আর আমি কি করব দিদি।’

বিমুদা নাটকীয়ভাবে বৃড়ীর পা ধরে প্রণাম করে বললে, ‘নাতির গলায় দা বসাতে চাও ত দাও বসিয়ে, দিলাম গলা বাড়িয়ে—নইলে বাড়ী গিয়েও যে জ্বালাতন করব, খাবার চাইব—এটা দাও, ওটা দাও করব।’


এবার বৃড়ী সত্যিই হেসে ফেলল—‘বেঁচে থাক বাবা, বেঁচে থাক। স্মৃতি স্মৃদ্ধি ফিরে আসুক।’ শম্পার দিকে তাকিয়ে বলল—‘দেখলি ডাকাত হলেও এরা মানুষ চেনে—কেমন মিষ্টি এদের কথা।’

‘এবার চূপ কর দিদিমা, ডাকাত ডাকাত করে চীৎকার করলে আমাদেরই বিপদ হবে।’

নৌকো ততক্ষণে এসে পড়েছে একটা খালের মুখে। মাঝি ভরসা দিয়ে বলল, ‘আর দেবি নেই মা-ঠাকরণ, এসে পড়লাম বলে।’

বাইরে পূর্ব আকাশে তখন আলোর নিমস্তরণ। আঁধার পাতলা হতে শুরু করেছে। কাটবে এই রাত্রি—আসবে অরুণের খালা নিয়ে উষা।

ক্রমশঃ



দেশ-বিদেশের কথা

আড়াই মাইল দীর্ঘ সাবমেরিন তৈলনালী স্থাপন

'বুচার ঘীপ ম্যারিন টার্মিঞ্জাল এবং জ্যেষ্টিত ২ লক্ষ টন বয়্যা শেল তৈল বিশোধনাগারের মধ্যে সংযোগ স্থাপনকারী সাব-মেরিন তৈলনালী (Pipe line) প্রতিষ্ঠার প্রাথমিক পর্ব সমাপ্ত হইয়াছে। এই ২০,০০০ ফুট দীর্ঘ ইম্পাতের নালী—তন্মধ্যে ১২,০০০ ফুটই জলের নীচে—'বুচার আয়ল্যাণ্ড' হইতে মূল তৈল-ক্ষেত্র পর্যন্ত প্রসারিত। অবিশোধিত (Crude) তৈল এবং তৈরি মাল (finished products) রপ্তানীর জগৎ ইহা ব্যবহৃত হইবে।

অনেক বাধা-বিপত্তির মধ্যে কাজ করিয়া "দি বোসে পোর্ট ট্রাষ্ট কর্পোরেশন" অবশেষে একটি বারো ইঞ্চি এবং দুইটি যোল ইঞ্চি তৈলনালী বসাইতে সমর্থ হন। পরিকল্পিত যে সাতটি ইম্পাতের নালী ম্যারিন অয়েল টার্মিঞ্জালের সহিত জ্যেষ্টিত দুইটি বিশোধনাগারের যোগস্থাপন করিবে তন্মধ্যে এই তিনটি মাত্র নির্মিত হইয়াছে। আশা করা যায় যে, বর্ধার অবসানে একটি আট ইঞ্চি এবং তিনটি চব্বিশ ইঞ্চি তৈলনালী বসানো হইবে।

এই সমস্ত নালী বসানো বড়ই ছরুহ কাজ এবং কার্যে প্রবৃত্ত হইবার পূর্বে যথেষ্ট চিন্তা ও গবেষণার প্রয়োজন হয়। দৃষ্টান্ত-স্বরূপ বলা যায়, যে খালটি মূল তৈলক্ষেত্র হইতে 'বুচার আয়ল্যাণ্ড'কে পৃথক করিয়া রাখিয়াছে; তৈলনালী স্থাপনের আগে তাহার প্রবল বাত্যা, স্রোত, প্রবাহের গতিপ্রকৃতি ইত্যাদি সম্পর্কে সুনির্দিষ্ট জ্ঞানলাভ করা একান্ত প্রয়োজনীয় হইয়া দাঁড়ায়। অতঃপর,

ছোট ক্রিমিরোগের অব্যর্থ ঔষধ

"ভেরোনা হেলমিন্থিয়া"

শৈশবে আমাদের দেশে শতকরা ৬০ জন শিশু নানা জাতীয় ক্রিমিরোগে, বিশেষতঃ ক্ষুদ্র ক্রিমিতে আক্রান্ত হইয়া ভয়-যন্ত্রণা প্রাপ্ত হয়, "ভেরোনা" জনসাধারণের এই বহুদিনের অসুবিধা দূর করিয়াছে।

মূল্য—৪ আ: শিশি ডা: মা: সহ—২।০ আনা।

ওরিয়েন্টাল কেমিক্যাল ওয়ার্কস লি:


১।১ বি, গোবিন্দ আড্ডী রোড, কলিকাতা—২৭

কোন—আলিপুর ৪৪২৮

সমুদ্রগর্ভে স্থাপনের পূর্বে নালীগুলিকে সাময়িকভাবে সমুদ্রপৃষ্ঠে বসাইবার কালে, 'ইকোমিটার' নামক যন্ত্রের সাহায্যে পৃথাকপৃথাক-রূপে পরীক্ষণকার্য চালানো হয়।

শ্রীরামকৃষ্ণধাম, আলমোড়া

আলমোড়া হিমালয়ের ক্রোড়ে অবস্থিত। ঐক্যকালে বহু সাধু-সন্ন্যাসী এবং অজ্ঞাত তীর্থযাত্রীরা কৈলাস যাত্রাপথে আলমোড়ায় আসিয়া উপস্থিত হন। এখানকার শ্রীরামকৃষ্ণধামের কর্তৃপক্ষ ইহাদের আহার, বাসস্থান এবং অজ্ঞাত সুযোগ-সুবিধার ব্যবস্থা করিবার উচ্চ সাধামত চেষ্টা করিয়া থাকেন। এই আশ্রমে নিয়মিত ভাবে ধর্ম-তত্ত্বের ক্লাস পরিচালিত হয় এবং বামনাম, শ্যামনাম, শিবনাম, দেবীনাম ও ভজন ইত্যাদি গীত হইয়া থাকে। এই সমস্ত পুস্তক প্রকাশিত হইয়া সাধারণের মধ্যে বিনামূল্যে বিতরিত হয়



ইউনিয়ন ড্রাগ
কলিকাতা

আশ্রমের সীমাবদ্ধ শক্তি অসুখাধী দরিদ্র ছাত্রদের সাহায্য করাও হইয়া থাকে।

মৌমাছি-পালন বিশেষ লাভজনক শিল্প। খাতি সর্বদে স্বয়ং-সম্পূর্ণ হইতে হইলে মৌমাছি-পালনের গুরুত্ব যে কতখানি সে সর্বদে দেশবাসীকে আজ অবহিত হইতে হইবে। এই বিষয়ে বৈজ্ঞানিক প্রণালীতে শিক্ষাদান হইতেছে সর্বাপেক্ষা অধিক গুরুত্বপূর্ণ। যাহারা মৌমাছি-পালনে আগ্রহী তাহাদিগকে বিনামূল্যে বৈজ্ঞানিক প্রণালীতে শিক্ষাদানের ব্যবস্থা করিয়া আলমোড়া জীৱামকুঞ্চধামের কর্তৃপক্ষ এই শিল্পের যাহাতে উৎকর্ষ সাধিত হয় সে বিষয়ে বিশেষ উদ্যোগী হইয়াছেন। আশ্রমের লাইব্রেরিতে ধর্মবিষয়ক গ্রন্থের সঙ্গে মৌমাছি-পালন সম্পর্কিত আধুনিক বৈজ্ঞানিক গ্রন্থসমূহও স্থান পাইয়াছে।

আশ্রম এবং মধুমক্ষিকা-নিকেতনের কার্যের সম্প্রসারণ একান্ত প্রয়োজন। এই উদ্দেশ্যে কিছু জমি ক্রয় করিতে হইবে। দর্শকদের উপকারার্থে একটি প্রদর্শন-গৃহ নিৰ্মাণ করাও অত্যাবশ্যক হইয়া দাঁড়াইয়াছে। আশ্রমের যে সমস্ত পরিকল্পনা আছে সেগুলি কার্যে পরিণত করিতে হইলে অন্ততঃ দশ হাজার টাকার প্রয়োজন।

আশ্রম ইহার জন্য সর্ব-সাধারণের নিকট সাহায্যপ্রার্থী। সকলেই সাধ্যমত অর্থসাহায্য করিয়া আশ্রমের বহুমুখী কর্মপ্রচেষ্টাকে সাফল্য-মণ্ডিত করিবার চেষ্টা করা উচিত। টাকাকড়ি নীচের ঠিকানায় প্রেরিতব্য: স্বামী পবত্রজ্ঞানন্দ প্রেসিডেন্ট জীৱামকুঞ্চ ধাম, আলমোড়া, হিমালয়, উত্তর-প্রদেশ।

দিল্লীতে আশ্রমিক সঙ্ঘের রবীন্দ্র-জন্মোৎসব

গত ৮ই মে দিল্লী-প্রবাসী বাঙালীদের উদ্যোগে, শান্তিনিকেতন আশ্রমিক সঙ্ঘের দিল্লী শাখার পরিচালনায় শ্রীচিন্তামনু দেশমুখের পৌরোহিত্যে রবীন্দ্র-জন্মোৎসব উদ্‌যাপিত হইয়াছে। এই উপলক্ষে রাষ্ট্রপতি রাজেন্দ্রপ্রসাদ একটি বাণী প্রেরণ করেন। রবীন্দ্রনাথের জন্মদিনের প্রসঙ্গে তিনি বলেন—গুরুদেব রবীন্দ্রনাথের জন্মদিন শুধু এই দেশের মানুষের নয়, সমগ্র পৃথিবীর শিক্ষিত লোকেদের পক্ষেই পবন শুভদিন। গুরুদেব তাঁহার রচনার মাধ্যমে সমগ্র মনুষ্য-সমাজকে নূতন প্রেরণা দিয়া গিয়াছেন।

রাষ্ট্রপতির বাণী পঠিত হইবার পর শ্রীঅনাথনাথ বসু এবং শ্রীঅনিলকুমার চন্দ রবীন্দ্রনাথের কবিতা আবৃত্তি করেন। শ্রীমৈথিলী-


GOVERNMENT
কুথোডের
মাতা ঠাণ্ডা রাজ তৈল

চুল উঠা বন্ধ করে
মাথা ঠাণ্ডা রাখে




এই মার্কা দেখে কিনুন•নকল থেকে সাবধান





জাবার গরম পড়লো— গা বহুবেশী চটচটে আর নোংরা বোধ হচ্ছে কি?

ময়লার বীজাণু থেকে
প্রতিদিনই আপনার
অসুখের সম্ভাবনা
আছে



লাইফবয় মেখে এই সব
বীজাণু ধুয়ে ফেলে প্রতি-
দিন নিজেকে রক্ষা
করুন



লাইফবয় সাঝান

প্রতিদিন ময়লার বীজাণু থেকে
আপনাকে রক্ষা করে

লাইফবয়ের “রক্ষা-
কারী ফেনা” আপ-
নার স্বাস্থ্যকে নিরা-
পদে রাখে



শরণ শুভ্র এম-পি কর্তৃক স্বরচিত একটি হিন্দী কবিতা পঠিত হয়। ১৯১৪ সালে ইংরেজ ছাত্রদের উপর এবং অসহযোগের আমলে, বিশেষতঃ জালিয়ানওয়ালাবাগ হত্যাকাণ্ডের পরে পঞ্জাবে রবীন্দ্রনাথের প্রভাব সম্পর্কে দেওয়ান চমনলাল এম-পি একটি ব্যক্তিগত স্মৃতিমূলক প্রবন্ধ পাঠ করেন। ক্রীদেশমুখ কবিগুরুর প্রতি শ্রদ্ধাঞ্জলি-স্বরূপ নিজে যে সমস্ত সংস্কৃত শ্লোক রচনা করিয়াছেন সেগুলি এবং রবীন্দ্রনাথের কতকগুলি বাংলা কবিতা তাঁহার চিত্তাকর্ষক ভাষণ-প্রদানের সময় আবৃত্তি করেন। অতঃপর আশ্রমিক সজ্জের সভা ও সভ্যাগণ কতকগুলি রবীন্দ্র-সঙ্গীত গাহিয়া অনুষ্ঠানকে প্রাণবন্ত করিয়া তোলেন।

কাঁঠালপাড়া, বঙ্কিমভবন

বন্দেমাতরম্ মন্ত্রের উদ্‌গাতা, ঋষি বঙ্কিমচন্দ্রের স্মৃতিবিজড়িত নৈহাটী-কাঁঠালপাড়াস্থ বৈঠকখানাটির জীর্ণ দশা দেখা দিলে বঙ্গীয়-সাহিত্য-পরিষদ, নৈহাটী শাখার সম্পাদক শ্রীঅতুলচরণ দে পশ্চিমবঙ্গ সরকারের তদানীন্তন মন্ত্রী শ্রীবিমলচন্দ্র সিংহ ও শিক্ষা-মন্ত্রীর দৃষ্টি তৎপ্রতি আকর্ষণ করিয়া বঙ্কিম-ভবনটি সংগ্রহশালারূপে রক্ষণাবেক্ষণের জন্ত আবেদন জানান। মন্ত্রীদ্বয়ের সচিব বহু চিঠিপত্রের আদান-প্রদান ও সাক্ষাতের ফলে পশ্চিমবঙ্গ সরকার ইহাকে পুরাকীর্তি সংরক্ষণ আইন অনুসারে (Ancient Monument Preservation Act) রক্ষিত কীর্তি বলিয়া স্বীকার করিয়াছেন। বঙ্গীয়-সাহিত্য-পরিষদের পক্ষ হইতে উহার নৈহাটী শাখার সম্পাদক শ্রীঅতুলচরণ দে'র অক্লান্ত চেষ্টায় পরিষদ-সম্পত্তি বঙ্কিম-ভবনটির দলিল রেজিষ্ট্রি করিয়া পশ্চিমবঙ্গ সরকারকে দান করা হয়। ১৩৫৯ সালের ২৩শে আষাঢ় তারিখে নৈহাটী শাখা-পরিষদের উদ্যোগে অনুষ্ঠিত এক সভার অধিবেশনে, সাহিত্য-পরিষদের সভাপতি বঙ্কিম-ভবনটির ভার তদানীন্তন মন্ত্রী শ্রীযুক্ত বিমলচন্দ্র সিংহের হস্তে অর্পণ করেন। বঙ্কিম-ভবনকে ঋষি বঙ্কিমচন্দ্র ঐশ্বাগার ও সংগ্রহশালা নামে ঘোষণা করা হইয়াছে। উক্ত ঐশ্বাগার ও সংগ্রহশালা পশ্চিমবঙ্গ সরকারের শিক্ষাবিভাগের নিয়ন্ত্রণাধীন। কালে ইহা একটি গবেষণাগারে পরিণত হইবে। একটি পরিচালন সমিতির উপর এই ঐশ্বাগার ও সংগ্রহশালার দৈনন্দিন কার্যভার স্তম্ভ হইয়াছে। কমিটির সভাপতি-বারাকপুরের মহকুমা হাকিম, সম্পাদক-শ্রীকবীন্দ্রনাথ মুখোপাধ্যায়, এম-এল-এ, যুগ্মসম্পাদক—শ্রীঅতুলচরণ দে।

ব্যায়ামবীর শ্রীনীতিন মণ্ডল

শ্রীযুত নীতিন মণ্ডল বাল্যকালে অত্যন্ত রুগ্ন ও দুর্বল ছিলেন। কলিকাতায় কয়েকজন বিশিষ্ট ব্যায়ামবীরের ব্যায়াম-প্রদর্শন দেখিয়া তাঁহার মনে শরীরচর্চার ইচ্ছা জাগে। কিছুকাল নিয়মিত ভাবে ব্যায়াম করিবার পর ইনি স্বাস্থ্য ও শক্তি সঞ্চয় করেন এবং ১৯৪৭ সালে মাণিকতলা, বীরশ্রমী শ্রেষ্ঠ দেহী-প্রতিযোগিতায় প্রথম




ব্যায়ামবীর নীতিন মণ্ডল

স্থান অধিকার করিতে সমর্থ হন। ১৯৪৮ সালে আস্তঃ-বিশ্ববিদ্যালয় শ্রেষ্ঠ দেহী-প্রতিযোগিতায় দ্বিতীয় স্থান, এবং ১৯৫০ সালে উক্ত প্রতিযোগিতায় প্রথম স্থান অধিকার করিয়া বিশেষ পুরস্কার পান। সম্প্রতি ইনি নেপালের মহারাজা এবং কংগ্রেস-সভাপতি শ্রীবিশ্বেশ্বর-প্রসাদ কৈরালার বাড়ীতে যোগ-ব্যায়াম, ওসাধারণ ব্যায়াম শিক্ষা দিতেছেন।



অমৃতাজন
সর্বপ্রকার বেদনায় 'আণবিক বোম্বার' ন্যায় কার্যকরী!

দাদের মলম
চর্ম রোগে 'পরমাণু শক্তির' ন্যায় কার্যকরী!
অমৃতাজন লিঃ-পোঃ বক্স নং ৩৮২৫-কলিকাতা ৭



স্বাগিতা ১৮৯৩



দ্রুত-ফেনিল সানলাইট না আছড়ে কাচলেও সাদাও ঝকঝকে করে দেয়



“সানলাইট দিয়ে কাচলে কেমন সহজে কাপড়ের ভেতর থেকে ময়লা বেরিয়ে আসে দেখুন। কয়েক মিনিটের মধ্যেই আপনার ক্রমাল থেকে আরম্ভ করে বিছানার ছাদর পর্যন্ত সব সাদা কাপড়ই নতুনের চেয়ে আরও সাদা হ'য়ে যায়। আর সানলাইটে কাচা কাপড় আরও বেশীদিন পরা চলে।”



“এ কথা মনে গেঁথে রাখবেন যে আর কিছুতেই না, না সত্যিই আর কিছুতেই রঙিন জিনিস অত সুন্দর ঝকঝকে তক-তকে হয় না যেমন সানলাইট সাবানে হয়। এর দ্রুত উৎপাদিত ফেনা সব ময়লা উড়িয়ে দিয়ে কাপড়ের রঙকে জীবন্ত করে তোলে, আর না আছড়াতেই তাই হয়।”

সানলাইট সাবান

কাপড় বাঁচায় • পরিশ্রম বাঁচায় • খরচ বাঁচায়



ভারতে প্রস্তুত

প্রবাসী বাঙালী বালিকার কৃতিত্ব

দিল্লী-প্রবাসী সাহিত্যিক লীদেবেশ দাশ আই-সি-এসের অষ্টম-বর্ষীয়া কন্যা শ্রীমতী অম্বরূপা কথক নৃত্যে নৈপুণ্য প্রদর্শন করিয়া



শ্রী অম্বরূপা দাস

প্রবাসী বাঙালী সমাজের নাম উজ্জ্বল করিতেছে। জয়পুরে নিখিল-ভারত সাহিত্য সম্মেলন উপলক্ষে প্রদর্শিত তাহার নৃত্যটি ফিল্মস ডিভিসন ১৯৫৩ সনের শ্রেষ্ঠ ঘটনাবলীর অগ্রতম বলিয়া চলচ্চিত্রে তুলিয়া সারা ভারতে দেখাইয়াছে। কথক নৃত্য দুর্লভ ও বহু সাধনা-সাপেক্ষ। বাঙালী নৃত্যশিল্পীদের মধ্যে ইহার বিশেষ প্রচলন নাই।

শ্রীশ্রীবালানন্দ ব্রহ্মচারী সেবায়তন

উত্তর কলিকাতায় হালসিবাগানে (১০৫১২, রাজা দীনেন্দ্র ষ্ট্রীট) শ্রীশ্রীবালানন্দ ব্রহ্মচারী সেবায়তন ভবনের চারিতলা সম্প্রতি সম্পূর্ণ হইয়াছে। এতদিন বিতলে চৌদ্দটি রোগীকে রাখিয়া বিনাব্যয়ে চিকিৎসার ব্যবস্থা ছিল। উপরের দুইটি তলা সম্পূর্ণ হওয়ায় ফলে আরও পঁচিশটি বেড বোলা যাইবে।

দয়িত্ববাহুব ভাণ্ডারের পরিচালনার প্রায় দুই বৎসর পূর্বে সেবায়তনে রোগী ভর্তি করা আৰম্ভ হয়। এখানে বিনাব্যয়ে প্রাথমিক রোগীদের চিকিৎসার ব্যবস্থা আছে। তা ছাড়া সেবায়তনের চিকিৎসকগণ প্রয়োজনমত রোগীর বাড়ীতে গিয়া চিকিৎসা করেন এবং বিনামূল্যে ফল, দুধ, দামী ঔষধ ও ইন্জেকশন প্রভৃতি দেওয়া হয়। সেবায়তনের কার্য স্তূৰ্ভভাবে পরিচালনার

জন্য প্রচুর অর্থ এবং অসংখ্য জিনিষপত্রের প্রয়োজন। নগর টাকা-কড়ি অথবা হাসপাতালের উপযোগী জিনিষপত্র (বধা রোগীর শয্যা, আসবাব, রেফ্রিজারেটর, পাখা, বিজলীর সরঞ্জাম প্রভৃতি) নীচের ঠিকানায় প্রেরিতবা :

শ্রীচন্দ্রশেখর গুপ্ত, সম্পাদক, দয়িত্ববাহুব ভাণ্ডার, ৬৫১২বি, বিডন ষ্ট্রীট, কলিকাতা-৬

পরলোকে ডক্টর যোগীশচন্দ্র সিংহ

১৮৯৩ খ্রীষ্টাব্দের ২রা মে কাটদহ (বর্তমান নাম পোড়াদহ) গ্রামে যোগীশচন্দ্র সিংহের জন্ম হয়। গ্রামের স্কুলে প্রাথমিক শিক্ষা-লাভান্তে কলিকাতায় আসিয়া তিনি হেয়ার স্কুলে ভর্তি হন এবং ১৯০৯ সনে কলিকাতা বিশ্ববিদ্যালয় হইতে এণ্ট্রান্স পরীক্ষায় উত্তীর্ণ



যোগীশচন্দ্র সিংহ

হন। ১৯০৯ হইতে ১৯১৫ খ্রীষ্টাব্দ পর্য্যন্ত তিনি প্রেসিডেন্সী কলেজে অধ্যয়ন করেন। ছাত্রজীবনে স্মার জে. সি. কয়াজী এবং অধ্যাপক গিলখ্রাইস্টের সংস্পর্শে আসিবার পর তাঁহার জ্ঞানস্পৃহা অধিকতর বলবতী হয়। ১৯১৫ সনে কলিকাতা বিশ্ববিদ্যালয় হইতে তিনি অর্থনীতিতে প্রথম শ্রেণীতে প্রথম স্থান অধিকার করিয়া এম-এ উপাধি লাভ করেন এবং উক্ত বৎসরেই কলিকাতা বিশ্ববিদ্যালয়ে অর্থনীতির মিল্টো অধ্যাপকের সহকারী রূপে নিযুক্ত হন। গবেষণায় কৃতিত্বের জন্য যোগীশচন্দ্র প্রেমচাঁদ ঝাংচাঁদ বৃত্তি (১৯২০-২৩) ও মোএট স্বর্ণপদক প্রাপ্ত হন। ১৯১৬ হইতে ১৯২৩ সন পর্য্যন্ত যোগীশচন্দ্র কলিকাতা বিশ্ববিদ্যালয়ে অর্থনীতির লেকচারার ছিলেন। ১৯২৩ খ্রীষ্টাব্দে তিনি ঢাকা বিশ্ববিদ্যালয়ে বোগদান করেন। ১৯৩২ সন পর্য্যন্ত তিনি ইহার বীডার এবং

অর্থনীতি ও রাষ্ট্রনীতির প্রধান অধ্যাপকের পদে অধিষ্ঠিত ছিলেন। ১৯২৭ সনে তিনি কলিকাতা বিশ্ববিদ্যালয় হইতে পিএইচডি ডিগ্রি লাভ করেন। ১৯৩২ সনে ডক্টর সিংহ ঢাকা হইতে কলিকাতায় চলিয়া আসেন। তিনি অর্থনীতির সিনিয়র অধ্যাপকরূপে প্রেসিডেন্সী কলেজে যোগ দেন এবং বাংলা সরকারের অর্থনীতির উপদেষ্টা নিযুক্ত হন। আঠার বৎসর কাল তিনি প্রেসিডেন্সী কলেজে কাজ করেন। মধ্যে ছয় মাসের জন্ম প্রেসিডেন্সী কলেজের অধ্যক্ষতাও করিয়াছিলেন।

১৯৫০ সনে ডঃ সিংহ প্রেসিডেন্সী কলেজের কর্ম হইতে অবসর লন এবং ঐ বৎসরেই মহারাজা মণীন্দ্রচন্দ্র কলেজের অধ্যক্ষের


দায়িত্বপূর্ণ কর্তব্যে গ্রহণ করেন। কিন্তু স্বাস্থ্যহানি হওয়ার দরুন দুই বৎসর পরে ঐ কাজ ছাড়িয়া দেন।

ঢাকা বিশ্ববিদ্যালয়ের দায়িত্বপূর্ণ কার্য পরিচালনার ব্যাপ্ত থাকাসঙ্গেও ডঃ সিংহের অধ্যয়নামুখ্য হ্রাসপ্রাপ্ত হয় নাই। অবসরসময়ে গভীর অভিনিবেশের সহিত তিনি অর্থনীতিবিষয়ে গ্রন্থাদি পাঠ করিতেন। ১৯২৭ সনে "ইকনমিক এনালিস অব বেঙ্গল" নামক তাঁহার বিখ্যাত গ্রন্থ প্রকাশিত হয়। ইহাতে ১৭৫৭ খ্রীষ্টাব্দ হইতে ১৭৯৩ খ্রীষ্টাব্দ পর্য্যন্ত বাংলা দেশের অর্থনীতিক জীবন সম্বন্ধে আলোচনা করা হইয়াছে। ক্রমে ক্রমে কারেন্সি এবং ব্যাঙ্কিং-এর সমস্ত প্রতি ডক্টর সিংহ আকৃষ্ট হইয়া পড়েন। এই বিষয়ে

'সংখ্যা' পত্রিকায় তাঁহার কতকগুলি মূল্যবান প্রবন্ধ প্রকাশিত হয়। ১৯৩১ সনে ভারতীয় ব্যাঙ্কিং অনুসন্ধান (Indian Banking Enquiry) ব্যাপারে বেঙ্গল প্রভিন্সিয়াল ব্যাঙ্কিং এনকোয়ারী কমিটির সভারূপে তিনি সক্রিয় অংশ গ্রহণ করেন। দিল্লী বিশ্ববিদ্যালয়ের উদ্যোগে ১৯৩৭ সনে যোগীশচন্দ্র কর্তৃক প্রদত্ত স্মার কিকাভাই প্রেমচাঁদ রীডারশিপ বক্তৃতামালা—১৯৩৮ সনে 'Indian Currency Problems in the Last Decade 1926-36' এই নামে পুস্তকাকারে প্রকাশিত হয়। ভারতীয় কারেন্সি সমস্যা সম্পর্কে ইহা একখানি অমূল্য গ্রন্থ।

উপরোক্ত দুখানি গ্রন্থ ছাড়া ডক্টর সিংহ বেঙ্গল ইকনমিক জার্নাল, জার্নাল অব দি এশিয়াটিক সোসাইটি অব বেঙ্গল, মডার্ন-রিভিউ প্রভৃতি নানা পত্র-পত্রিকায় অনেকগুলি মূল্যবান প্রবন্ধ লিখিয়াছেন। তিনি বেঙ্গল জুট এনকোয়ারী কমিটি, ইণ্ডিয়ান হিস্টরিক্যাল রেকর্ডস কমিশন প্রভৃতি কতকগুলি সরকারী অনুসন্ধান সমিতির সভ্য ছিলেন। জুট এনকোয়ারী কমিটির সদস্যরূপে তিনি যে স্বতন্ত্র মত প্রদান করেন তাহা সুচিন্তিত এবং ভারতীয় স্বার্থের অনুকূল। ইহা লইয়া তখন বিশেষ আন্দোলন হয়।

গত ১০ই মে তারিখে কলিকাতায় এক শোচনীয় দুর্ঘটনায় ডক্টর সিংহের মৃত্যু হইয়াছে। কর্মজীবন হইতে অবসর গ্রহণ করিলেও দেশের বিভিন্ন সমস্যা সম্বন্ধে তিনি অবহিত থাকিতেন। ডক্টর সিংহ সহজ সরল এবং সর্বপ্রকার বাহুল্যবর্জিত মানুষ ছিলেন। জ্ঞানের সাধনায় তিনি জীবনপাত করিয়া গিয়াছেন।



ফোন-৩৪— ১৫১১
গ্রাম-ট্রিলিয়াক্স,
এম.বি. সরকার এণ্ড সন্স
প্ৰখ্যাত চীনিজদের অপেক্ষার নিয়মিত ও ইতিবাচক ব্যবসায়ী
১৬৭ সি, ১৬৭ সি/১ বহুবাজার স্ট্রীট কলিকাতা (আমহার্ট স্ট্রীট ও
বহুবাজার স্ট্রীটের সংযোগস্থলে) আমাদের পুরাতন স্মারকের বিপণীও দিক
ব্রাঞ্চ-হিন্দুস্থান স্ট্রীট বালিগঞ্জ: ১৫৯/১ বি, রাসবিহারী এভিনিউ
কলিকাতা : ফোন পি.কে. ৪৪১৬

শ্রীশ্রীমা শতবর্ষজয়ন্তী “উদ্বোধন”

শ্রীশ্রীরামকৃষ্ণ পরমহংসদেবের সহধর্মিণী মাতাঠাকুরাণী শ্রীশ্রী সারদামণি দেবীর জন্মশতবার্ষিকী উপলক্ষে প্রকাশিত ‘উদ্বোধন’ পত্রিকার শ্রীশ্রীমা শতবর্ষ জয়ন্তী সংখ্যাখানি কি রচনাসম্ভার, কি চিত্র-সম্পদ, কি মুদ্রণ-পারিপাট্য সকল দিক দিয়াই অনবদ্য হইয়াছে। একদিকে যেমন স্বামী বিবেকানন্দ হইতে আরম্ভ করিয়া মায়েব বহু সম্মাসী ভক্ত ও শিষ্যের রচনা, অল্পদিকে তেমনি মায়েব জীবন এবং তপস্യാপূত চরিত্র সম্বন্ধে বাংলা-সাহিত্যে লক্ষপ্রতিষ্ঠ বহু লেখক-লেখিকার রচিত প্রবন্ধ ইহাতে সন্নিবিষ্ট হইয়াছে। এই পুস্তকে পরিবেশিত প্রাচীন ভারতের নারীজাতি সম্বন্ধে গবেষণামূলক প্রবন্ধাবলীও বিশেষ মূল্যবান। শ্রীশ্রীমায়েব কতকগুলি অপ্ৰকাশিত চিত্র এই পুস্তকের অত্যন্ত আকর্ষণ। প্রবাসী কার্যালয়ের সৌজন্মে প্রাপ্ত, নন্দলাল বসু প্রমুখ শ্রেষ্ঠ শিল্পীদের অঙ্কিত বহু চিত্র এই পুস্তকের সৌষ্ঠব বৃদ্ধি করিয়াছে। চরিত্র-মাহাত্ম্য এবং আধ্যাত্মিক শক্তিবলে শ্রীশ্রীমা বর্তমান যুগের নারী-সমাজে শীর্ষস্থানে অধিষ্ঠিতা হইয়াছেন। ‘উদ্বোধন’ পত্রিকার জয়ন্তী সংখ্যায় এই মহীয়সী মহিলার চরিত্রকে বিভিন্ন দৃষ্টিকোণ হইতে প্রদর্শনের এবং তাহার জীবনসাধনার স্বরূপ উদ্ঘাটনের প্রয়াস সার্থক হইয়াছে।


“বাংলার কৃষক-বিপ্লব”

গত শতাব্দীর মধ্যভাগে বাংলায় নীল-আন্দোলন তীব্র আকার ধারণ করিয়াছিল। একদিকে প্রবল-প্রতাপ ‘স্বাধীন’ ইউরোপীয় নীলকর সমাজ এবং অল্পদিকে দরিদ্র পরাধীন বাঙালী নীলচাষীগণ। নীলচাষী প্রজাকুল সঙ্কল্প করে—প্রাণ গেলেও তাহারা আর নীলচাষ করিবে না। তাহাদের উপর সরকারী কর্তৃপক্ষীদের সহায়ে ইউরোপীয় নীলকরেরা অনেক অত্যাচার-উৎপীড়ন করে, কিন্তু কৃষকগণ শেষ পর্যন্ত সঙ্কল্পে দৃঢ় থাকে। এই আন্দোলনের গুরুত্বকে ভ্রাস করিবার জন্য স্বার্থপর লোকেরা ইহাকে ‘নীল-হাঙ্গামা,’ ‘নীল-বিদ্রোহ’ প্রভৃতি আখ্যা দিয়াছে। কিন্তু ইহা যে সত্যসত্যই একটি সার্থক সমাজ-বিপ্লবের সূচনা, কলিকাতাস্থ ‘হিন্দু পেট্রিয়ট’-পত্রিকা সম্পাদক সুবিখ্যাত হরিশ্চন্দ্র মুখোপাধ্যায় তখনই তাহা সভ্য-জগতের গোচরীভূত করিয়াছিলেন। এই সময়ে, ১৮৬০ সনে, যশোহর হইতে যুবক শিশিরকুমার ঘোষ উক্ত ‘হিন্দু পেট্রিয়টে’ ‘M.L.L.’ ছদ্মনামে ছয়খানি এবং কোন নাম না দিয়া আরও ছয়খানি, একুনে বারখানি পত্র লেখেন। এগুলি উহাতে পর পর যথারীতি প্রকাশিত হয়। শ্রীযুক্ত যোগেশচন্দ্র বাগল ‘হিন্দু পেট্রিয়ট’-এর ফাইল হইতে এই পত্রগুলি উদ্ধার করিয়া সম্প্রতি *Peasant Revolution in Bengal* (ভারতী লাইব্রেরী, ১৪৫, কর্ণওয়ালিস স্ট্রীট, কলিকাতা-৮) শীর্ষক একখানি পুস্তকে গ্রথিত করিয়াছেন। এই পত্রগুলি সর্বপ্রথম একসঙ্গে পুস্তকাকারে প্রকাশিত করিয়া যোগেশবাবু নীল-আন্দোলনের বিন্মুতপ্রায় অধ্যায়ের উপর প্রচুর আলোকপাত করিয়াছেন। আচার্য ড. বহুনাথ সরকারের একটি মনোজ্ঞ অথচ তথ্যপূর্ণ ভূমিকা সন্নিবেশিত হওয়ায় পুস্তকখানির গৌরববৃদ্ধি হইয়াছে। বর্তমানে স্বাধীনতার ইতিহাস রচনাকালে এ বইয়ের প্রয়োজন বিশেষভাবে অনুভূত হইবে।

দক্ষিণেশ্বর মন্দিরের প্রতিষ্ঠা শতবার্ষিকী

গত ১লা আষাঢ় শুভ স্নানযাত্রার দিন পুণ্যলোকা বাণী রাসমণি প্রতিষ্ঠিত যুগাবতার শ্রীশ্রীরামকৃষ্ণদেবের সাধনপীঠ দক্ষিণেশ্বর মন্দিরের প্রতিষ্ঠা-শতবার্ষিকী অনুষ্ঠিত হয়। এই উপলক্ষে এই আষাঢ় পর্যন্ত কয়দিন বাণী মন্দিরের উৎসব চলিয়াছিল। ১লা আষাঢ় প্রাতে উদ্বোধন-সভায় পৌরোহিত্য করেন মহামহোপাধ্যায় শ্রীযোগেন্দ্রনাথ তর্ক-সাংখ্য-বেদান্ততীর্থ এবং প্রধান অতিথির আসন গ্রহণ করেন বিখ্যাত সাংবাদিক ও সাহিত্যিক শ্রীহেমেন্দ্রপ্রসাদ ঘোষ। এই দিন মন্দিরে বাণী রাসমণির যে প্রস্তবমূর্তি স্থাপিত হয়, তাহার আবরণ উন্মোচন করেন ডক্টর শ্রীরমা চৌধুরী এম-এ, ডি-ফিল, এফ-এ-এস।

৪ঠা আষাঢ় শনিবার অপরাহ্নে এক বিশেষ অনুষ্ঠানে বাংলার প্রসিদ্ধ গায়ক-গায়িকাদের সঙ্গীত এবং বিশিষ্ট নৃত্যশিল্পীদের নৃত্য প্রদর্শিত হয়। এই তাবিখের সভায় খ্যাতনামা ঐতিহাসিক ডক্টর



রেডিয়ামের
ট্যালকাম পাউডার ও
স্নো আপনার
ক্ষিঃ সজীবতা
দারাদিনের জন্য
অম্মান রাখবে

রেডিয়াম স্নো ও
ট্যালকাম পাউডার

রেডিয়াম ল্যান্ডবেট্টী
কলিকাতা-৩৬

অগ্রগতির পথে নূতন পদক্ষেপ

হিন্দুস্থান তাহার বাজাপথে প্রতি বৎসর
নূতন নূতন সাফল্য, শক্তি ও সমৃদ্ধির
গৌরবে ক্ষত অগ্রসর হইয়া চলিয়াছে।

১৯৫৩ সালে
নূতন বীমা :

১৮ কোটি ৮৯ লক্ষ টাকার উপর :

আলোচ্য, বর্ষে পূর্ব বৎসর অপেক্ষা নূতন
বীমায় ২ কোটি ৪২ লক্ষ টাকা বৃদ্ধি
ভারতীয় জীবন বীমার ক্ষেত্রে সর্বাধিক।
ইহা হিন্দুস্থানের উপর জনসাধারণের অবিচলিত
আস্থার উজ্জল নিদর্শন।

হিন্দুস্থান কো-অপারেটিভ

ইন্সিওরেন্স সোসাইটি, লিমিটেড

হিন্দুস্থান বিল্ডিংস, কলিকাতা-১৩

— সদ্যপ্রকাশিত নূতন ধরণের দুইটি বই —

বিশ্ববিখ্যাত কথাশিল্পী আর্থার কোয়েষ্টলারের

‘ডার্কনেস্ অ্যাট নুন’

নামক অল্পম উপন্যাসের বঙ্গানুবাদ

“মধ্যাহ্নে আঁধার”

ডিমাই ৬ সাইজে ২৫৪ পৃষ্ঠায় সম্পূর্ণ

শ্রীনীলিমা চক্রবর্তী কর্তৃক

অতীব হৃদয়গ্রাহী ভাষায় ভাষান্তরিত

মূল্য আড়াই টাকা।

প্রসিদ্ধ কথাশিল্পী, চিত্রশিল্পী ও শিকারী

শ্রীদেবীপ্রসাদ রায়চৌধুরী

লিখিত ও চিত্রিত

“জঙ্গল”

সবল সুবিন্যস্ত ও প্রাণবন্ত ভাষায়

ডবল ক্রাউন ৬ সাইজে ১৮৪ পৃষ্ঠায়

চৌদ্দটি অধ্যায়ে সুসম্পূর্ণ

মূল্য চার টাকা।

প্রাপ্তিস্থান : প্রবাসী প্রেস—১২০১২, আপার সারকুলার রোড, কলিকাতা—২

এবং এম. সি. সরকার এণ্ড সন্স লিঃ—১৪, বঙ্কিম চার্টার্ড স্ট্রীট, কলিকাতা—১২



শ্রীরমেশচন্দ্র মজুমদার ও প্রখ্যাত ঔপন্যাসিক তারানাথকর বন্দ্যোপাধ্যায় স্বাক্ষরক্রমে সভাপতি এবং প্রধান অতিথি আসন গ্রহণ করেন।

এই উপলক্ষে বাংলার প্যাতনামা লেখক-লেখিকাদের রচনা সংবলিত 'দক্ষিণেশ্বর মন্দির' (শতবার্ষিকী সংখ্যা) নামে একটি পুস্তকও প্রকাশিত হয়। পুস্তকগানি সম্পাদনা করেন সাহিত্যিক শ্রীগোপালচন্দ্র রায়।

প্রথম সারিতে উপবিষ্ট : ডান হইতে বামে—ড. রমেশচন্দ্র মজুমদার, শ্রীতারানাথকর বন্দ্যোপাধ্যায়, শ্রীসাবিত্রীপ্রসন্ন চট্টোপাধ্যায়, শ্রীগোপালচন্দ্র রায়

আলোচনা

দ্বিজ রায়বসন্ত ও দ্বিজ রামপ্রসাদ শ্রীমঞ্জুলা সানা

গত অগ্রহায়ণ সংখ্যা 'প্রবাসী'তে শ্রীযুত পূর্ণেন্দু গুহ রায়ের 'পদাবলী সাহিত্যে রায়বসন্ত' শীর্ষক প্রবন্ধটি পড়িলাম। যশোহর-রাজ বসন্তরায় সম্পর্কে কোন আলোচনায় প্রবৃত্ত না হইয়া দ্বিজ রায়-বসন্ত ও তাঁহার সহিত তুলনামূলকভাবে উল্লিখিত দ্বিজ রামপ্রসাদ সম্পর্কে দু-একটা কথা বলিব। যশোহররাজ বসন্ত ও দ্বিজ রায়-বসন্তের পার্থক্য পূর্ণেন্দুবাবু সন্দেহ প্রকাশ করিয়াছেন।

বাংলা সাহিত্যে বসন্তরায় সম্পর্কে পণ্ডিতগণের মধ্যে মতভেদ আছে। ডঃ দীনেশচন্দ্র সেন বলিয়াছেন, "রায়বসন্ত নরোত্তম ঠাকুর মহাশয়ের শিষ্য। শেষবয়সে ইনি বৃন্দাবনবাসী হইয়াছিলেন এবং জীবগোন্ধারীর পত্র লইয়া গোঁড়ে একবার শ্রীনিবাস আচার্য্যের নিকট আসিয়াছিলেন।...ইহাকেই পদকর্তা 'দ্বিজ বসন্তরায়' বলিয়া বোধ হয়; যশোহরনিবাসী কায়স্থ 'রায় বসন্তের' নাম ইদানীং প্রবন্ধাদিতে পাইয়া থাকি, কিন্তু কোনও প্রাচীন পুস্তকে উক্ত পদকর্তা সম্বন্ধে প্রমাণ আমাদের হস্তগত হয় নাই। একটি প্রাচীন পদে দৃষ্ট হয়, গোবিন্দদাস কবি মহারাজ প্রতাপাদিত্যের গুণকীর্তন করিতেছেন। কিন্তু রায়বসন্তের পদে প্রতাপাদিত্য কিছা যশোহরের কোন উল্লেখ দৃষ্ট হয় না।" (বঙ্গভাষা ও সাহিত্য) 'বাংলা সাহিত্যের ইতিহাস'-করে ডঃ শ্রীসুকুমার সেন লিখিয়াছেন—"গোবিন্দদাস কবিবাজের সুহৃদ রায়-বসন্ত নরোত্তম দাসের শিষ্য ছিলেন বলিয়া বোধ হয়।...পদকর্তারূপে রায়-বসন্তের অনেকগুলি ব্রজবুলি ও বাঙ্গালাপদ সংকলিত হইয়াছে। তিনটি পদে রায়-বসন্তের ও গোবিন্দদাসের যুক্ত ভণিতা দেখা যায়।

কর্ণানন্দের মতে রায়-বসন্ত ব্রাহ্মণ ছিলেন। ইহা সত্য না হইলে ইহাকে প্রতাপাদিত্যের পিতৃব্য বসন্ত-রায় মনে করিতে ইচ্ছা হয়, বিশেষ করিয়া যখন গোবিন্দদাসের দুই-একটি পদের ভণিতায় 'প্রতাপ-আদিত'-এর উল্লেখ রহিয়াছে এবং '(নৃপ) উদয়াদিত্য' ভণিতায়ও পদ পাওয়া যাইতেছে।"

'যশোহর-খুলনার ইতিহাস'-লেখক সতীশচন্দ্র মিত্র মহাশয়ের অভিমত পূর্ণেন্দুবাবুর প্রবন্ধে অনুল্লসিত হইয়াছে।

এক্ষণে আমাদের বক্তব্য : 'ঠাকুর' উপাধির বলেই কায়স্থ বসন্তরায়ের 'দ্বিজ' ভণিতা হইতে পারে না। বৈষ্ণব সাহিত্যে কায়স্থ নরোত্তম দত্ত তো নরোত্তম ঠাকুর নামেই সমধিক পরিচিত ছিলেন, কিন্তু তাঁহার ভণিতায় কোথাও 'দ্বিজ নরোত্তম' পাওয়া যায় কি? 'স্ববন' হরিদাসও হরিদাস ঠাকুর নামে অভিহিত হইতেন। পূর্ণেন্দুবাবু পদকর্তা গোবিন্দদাসের উল্লেখ করিয়াছেন, কিন্তু একমাত্র গোবিন্দ চক্রবর্তীই কেবল দ্বিজ ভণিতা প্রয়োগ করিয়াছেন। নিঃসন্দেহে অত্রাহ্মণ, এমন কোন কবির 'দ্বিজ' ভণিতা প্রাচীন বঙ্গ সাহিত্যে সচরাচর দেখা যায় না।

তাঁহার মন্তব্যে নজীর স্বরূপ দ্বিজ রামপ্রসাদের উল্লেখ করিয়া পূর্ণেন্দুবাবু ভুলের মাত্রা বৃদ্ধিই করিয়াছেন। কবিরঞ্জন রামপ্রসাদ সেন ছাড়াও বাঙ্গালা সাহিত্যে একাধিক দ্বিজ রামপ্রসাদ আছেন। কলিকাতা সিমলানিবাসী এক কবিওয়ালা দ্বিজ রামপ্রসাদ ছিলেন। পূর্ববঙ্গে এক বিখ্যাত তান্ত্রিক সাধক ও সঙ্গীত-বচয়িতা দ্বিজ রামপ্রসাদ ছিলেন। তাঁহার বহু গান কবিরঞ্জন রামপ্রসাদের পদাবলীতে স্থান পাইয়াছে। সত্যনারায়ণ, সুবচনীর্ পাঁচালী প্রভৃতি বচয়িতা দ্বিজ রামপ্রসাদও আছেন।



নৃত্যের তালে তালে...

সত্যিই কি আনন্দ যে হয়েছিল যখন দর্শকদের হাততালি আর হৃদয়নির মধ্যে আমার নাচ শেষ হ'লো। উৎসাহ আর উত্তেজনায় মনে হচ্ছিল সারা রাত নাচতে পারি। তারপর যখন প্রথম পুরস্কার নোনার মেডেল নিতে গেলাম, তখন মনে হ'লো আমার মতো সুখী কেউ নেই। আর আমার নাচের গুরু কি আনন্দ! মাকে বললেনঃ "কে বলবে এই মেয়েই ছু বছর আগের সেই রুগ্ন নিশ্চৈজ মেয়ে?" মাও আনন্দে, উত্তেজনায় নিশ্বাস ক'রে।

গুরু ঠিকই ব'লেছিলেন। দু বছর আগে পনেরো মিনিট এক সঙ্গে নাচতে পারতাম না, আর কি ক্লান্তই লাগত। মা তো ভেবেই অস্থির, ডাক্তারকেও দেখালেন। "ভাববার কিছুই নেই" ডাক্তার বললেন, "মেয়ের খাওয়াদাওয়ার দিকে নজর দিন। সময়যুক্ত খাবারের ব্যবস্থা করুন। দেখবেন যেন এর খাবারে আমিষজাতীয় খাবার, শর্করাজাতীয় খাবার, খনিজপদার্থ, ভিটামিন, আর সবের সঙ্গে স্নেহপদার্থ থাকে। খাঁটি, তাজা স্নেহপদার্থ প্রত্যাহ আমাদের প্রত্যেকের খাবারে থাকা চাইই, কারণ এর থেকেই আমরা আমাদের দৈনিক শক্তি সামর্থ পাই।"

মা পরের দিন দোকানে গিয়ে দোকানদারের কাছে রান্নার জন্য পুর ভালো স্নেহপদার্থ চাইলেন। দোকানদার তখন একটিন ডালুডা

বনস্পতি বার করে বললে "এর চেয়ে ভালো জিনিষ পাবেন না।" ডালুডায় রান্না খাবার খেয়েই আমার ক্ষিদে ফিরে এলো। ডালুডা বনস্পতি সব রকম খাবারের নিজস্ব স্বাদ গন্ধ ফুটিয়ে তোলে। শীগুগুগুগু সেই আগেকার ক্লান্ত, নিশ্চৈজ ভাব কেটে গেলো, আর অল্প দিন পরেই তিন ঘণ্টা ধরে নাচ শেখা, নাচের মহড়া চলতে লাগল। শক্তি দিতে ডালুডা বনস্পতির চেয়ে ভালো আর কিছুই নেই। ডালুডায় এখন ভিটামিন এ ও ডি দেওয়া হয়। ডালুডা বনস্পতি বায়ুরোধক, শীলকরা টিনে সফলদা তাজা ও খাঁটি অবস্থায় পাওয়া যায়। ডালুডায় খরচও কম। আজই একটিন ডালুডা কিনে আপনার সংসারের সব রান্না এতেই করতে আরম্ভ ক'রে দিন।

শরীর গঠনকারী খাওয়ার
প্রয়োজনীয়তা

বিনামূল্যে উপদেশের জন্য আজই লিখুন:

দি ডালুডা


এ্যাডভাইসারি সার্ভিস

পোঃ, আঃ, বঙ্গ নং ৩৫৩, বোম্বাই ১

১০, ৫, ২ ও ১ পাউণ্ড টিনে পাবেন।

ডালুডা বনস্পতি

রাঁধতে ভালো - খরচ কম'



HVM. 216-X52 BQ

সম্প্রতি প্রকাশিত কয়েকখানি বাংলা বৌদ্ধ গ্রন্থ

অধ্যাপক শ্রীচিন্তাহরণ চক্রবর্তী

প্রায় পঞ্চাশ বৎসর পূর্বে রবীন্দ্রনাথ আমাদের দেশে বৌদ্ধ শাস্ত্রালোচনার দৈর্ঘ্য সম্পর্কে চুংথ করিয়াছিলেন এবং এই দিক দিয়া বাংলা সাহিত্যের কলঙ্ক মোচন করিবার জ্ঞান আবেদন জানাইয়াছিলেন। এই কলঙ্ক এখন পর্য্যন্ত সম্পূর্ণ ভাবে দূর হয় নাই সত্য, তবে স্মৃতির বিষয় এই যে ধীরে ধীরে বাংলা দেশে বৌদ্ধ শাস্ত্রের প্রচার বৃদ্ধি প্রাপ্ত হইতেছে। বিভিন্ন ব্যক্তি ও প্রতিষ্ঠান কর্তৃক বহু বৌদ্ধ গ্রন্থ বঙ্গানুবাদসহ প্রকাশিত হইয়াছে। এই জাতীয় কিছু কিছু গ্রন্থের পরিচয় এই পত্রিকায় মধ্যে মধ্যে প্রদত্ত হইয়াছে—যেমন, বুদ্ধবংশ, ধর্মপদার্থ কথা (শ্রাবণ, ১৩৪২), স্তম্ভনিপাত (জ্যৈষ্ঠ, ১৩৪২), মহাপরিনির্মানস্তু (কার্তিক, ১৩৫৩), বোধি-চর্যাবতার (জ্যৈষ্ঠ, ১৩৪১, ফাল্গুন, ১৩৪২, বৈশাখ, ১৩৫৬)।

সম্প্রতি প্রকাশিত বইয়ের মধ্যে বিশ্বভারতীর 'বৌদ্ধধর্ম ও সাহিত্য' ও 'ধর্মপদ পরিচয়'* বই দুইখানি মূলতঃ বিবরণাত্মক। প্রথমখানিতে স্বল্পপরিমিতের মধ্যে অনেক মূল্যবান তথ্যের সমাবেশ করা হইয়াছে। অনুসন্ধিৎসু পাঠক ইহা পাঠ করিয়া যথেষ্ট উপকৃত হইবেন—বৌদ্ধধর্ম ও সাহিত্যের বৈচিত্র্য ও বৈশিষ্ট্য উপলব্ধি করিয়া বিশ্বয়বিমুক্ত হইবেন।

ইহাতে বৈভাষিক সৌত্রান্তিক মাধ্যমিক যোগাচার বজ্রযান 'সহজযান প্রভৃতি বৌদ্ধদের বিভিন্ন সম্প্রদায়ের মোটামুটি বিবরণ দেওয়া হইয়াছে—বৌদ্ধ সাহিত্যের পরিচয় প্রদান পক্ষে মূল গ্রন্থ ও প্রাচীনকালে বিভিন্ন দেশে তিব্বতী, চীনা, মঙ্গোলীয় প্রভৃতি বিভিন্ন ভাষায় অনূদিত গ্রন্থের উল্লেখ করা হইয়াছে। অনুবাদগ্রন্থগুলি নানা দিক দিয়া বিশেষ মূল্যবান। অনূদিত অনেক গ্রন্থের মূল এখন আর পাওয়া যায় না। অনেক স্থলে অনুবাদের সাহায্যে মূল গ্রন্থ উদ্ধার করিবার চেষ্টা করা হইয়াছে। ইহারা বৌদ্ধধর্মের ব্যাপকতা ও বৌদ্ধ সাহিত্যের বিশালতার জীবন্ত সাক্ষী।

এই সাহিত্যের অঙ্গীভূত ধর্মপদ সংক্ষেপে সাধারণ পাঠকের বিবিধ জ্ঞাতবা তথা 'ধর্মপদ পরিচয়' গ্রন্থে সন্নিবিষ্ট হইয়াছে। উপনিষদ, গীতা ও ধর্মপদকে গ্রন্থকার 'ভারতবর্ষের' ত্রিরত্ন আখ্যা

দিয়াছেন এবং ইহাদিগকে 'বিশ্ববিজয়ের প্রস্থানত্রয়' বলিয়া উল্লেখ করিয়াছেন, যেহেতু 'এই তিন মহারত্নই ভারতবর্ষকে বিশ্বসমাজে শ্রদ্ধার আসনে বসাইয়াছে। শুধু বৌদ্ধধর্মের নয়, সারা ভারতের মর্মবাণী ধর্মপদের মধ্য দিয়া অভিব্যক্ত হইয়াছে। ব্রাহ্মণ্য ধর্মাবলম্বীদের গীতার মত এই গ্রন্থের সমাদর আজ বিশ্বব্যাপী অতি প্রাচীন কাল হইতেই ইহা সমগ্র এশিয়ার বৌদ্ধ সমাজে প্রতিষ্ঠা লাভ করে। এই দিক দিয়া ইহার প্রচার গীতার অপেক্ষা বেশি। দেশে বিদেশে যুগে যুগে ধর্মপদের প্রচার ও বিভিন্ন ভাষায় ইহার নানা রূপান্তরের চিন্তাকর্ষক কাহিনী এই গ্রন্থে বর্ণিত হইয়াছে। 'ইহার ধর্মপদ প্রচয়' শীর্ষক অধ্যায়ে ধর্মপদের সার্বভূত কতকগুলি বাছাই করা শ্লোকও বঙ্গানুবাদসহ প্রকাশিত হইয়াছে।

এই ভূমিকামাত্রে সন্তুষ্ট না হইয়া যিনি বাংলার মধ্য দিয়া সমগ্র ধর্মপদ গ্রন্থের রসাস্বাদ করিতে চাহেন তাঁহাকে ধর্মপদের সামগ্রিক অনুবাদের আশ্রয় লইতে হইবে। এইরূপ দুইখানি অনুবাদ সম্প্রতি প্রকাশিত হইয়াছে।* ভিক্ষু শীলভদ্রের অনুবাদের দ্বিতীয় সংস্করণ প্রকাশিত হওয়ায় মনে হয় ইহা পাঠক সমাজে কথঞ্চিৎ সমাদর লাভ করিয়াছে। ইহার মূল্য সুলভ—আকার ও আয়তন সাধারণের ব্যবহারোপযোগী। তবে অনুবাদের ভাষা অনেক ক্ষেত্রেই নির্দোষ ও স্পষ্ট নহে। প্রজ্ঞালোক মহাস্থবির ও ভিক্ষু অনোমদশীর 'ধর্মপদ' অধিকতর তথ্যসমৃদ্ধ। ইহাতে প্রতি শ্লোকের পরিচিতি, অনুবাদ ও ব্যাখ্যা প্রদত্ত হইয়াছে। সর্বত্র বুদ্ধমোষের ভাষা অনুসৃত হইয়াছে। কোন্ শ্লোক কোন্ উপলক্ষ্যে বুদ্ধদের কর্তৃক উচ্চারিত হইয়াছিল তাহার কাহিনী পরিচিতি প্রসঙ্গে বর্ণিত হইয়াছে। তবে বৌদ্ধদর্শনের সহিত অপরিচিত পাঠকের পক্ষে এই গ্রন্থখানি সম্পূর্ণ উপযোগী হইবে মনে হয় না। তাহা ছাড়া, নানা কারণে অনুবাদ ও ব্যাখ্যা অনেক স্থলে দুর্বোধ্য ও মূলের অর্থ বিশদ করিতে অসমর্থ। আশা করি, ভবিষ্যতে এই শোভন সংস্করণখানিকে সকল দিক দিয়া পাঠকের উপযোগী করিবার চেষ্টা করা হইবে।

* সাহিত্য—শ্রীপ্রবোধচন্দ্র বাগচী। বিশ্বভারতী গ্রন্থালয়, ১, কলিকাতা। মূল্য আট আনা।

—শ্রীপ্রবোধচন্দ্র সেন। বিশ্বভারতী গ্রন্থালয়, ২ বঙ্কিম চৌধুরী স্ট্রীট, কলিকাতা। মূল্য আট আনা।

* ধর্মপদ—ভিক্ষু শীলভদ্র। প্রকাশক, মহাবোধি সোসাইটি, ৪ এ, বঙ্কিম চ্যাটার্জি স্ট্রীট, কলিকাতা ১২। মূল্য এক টাকা।

ধর্মপদ—আচার্য্য শ্রীমৎ প্রজ্ঞালোক মহাস্থবির ও ভিক্ষু অনোমদশী, এম্. এ. স্তম্ভ-বিশারদ। প্রজ্ঞালোক প্রকাশনী, কলিকাতা। মূল্য সাড়ে চার টাকা।

“যেমন সাদা - তেমন বিশুদ্ধ -
লাক্স টয়লেট সাবান -
কি সরের মতো, সুগন্ধি ফেনা এরা।”

রমলা চৌধুরী
বলেন।



এই সাদা ও বিশুদ্ধ সাবান রোজ ভালো করে
মাথলে আপনার মুখে এক সুন্দর শ্রী ফুটে উঠবে।
“গায়ের চামড়া রেশমের মতো কোমল ও সুন্দর
রাখতে লাক্স টয়লেট সাবানের সুগন্ধি, সরের মতো
ফেনার মত আর কিছু নেই।” রমলা চৌধুরী
বলেন। “এতে আপনার স্বাভাবিক রূপলাবণ্য
ফুটিয়ে তোলে আর আপনি এর বহুক্ষণ-
স্থায়ী মিষ্টি সুগন্ধ নিশ্চয়ই পছন্দ করবেন।”

সুখবর!

নতুন

বড় সার্ভিস

সারা শরীরের সৌন্দর্যের জন্য
এখন পাওয়া যাচ্ছে
আজই কিনে দেখুন!

“...সেইজন্মেই ত আমি আমার মুখশ্রী
সুন্দর রাখবার জন্য লাক্স টয়লেট
সাবানের ওপর নির্ভর করি।”

চি ত্র - তা র কা দে র সৌ ন্দ র্য সা বা ন ★

পুস্তক পরিচয়

বাংলার উচ্চশিক্ষা—শ্রীযোগেশচন্দ্র বাগল। বিশ্বভারতী গ্রন্থালয়, ২, বঙ্কিম চার্নো স্ট্রীট, কলিকাতা ১২। 'বিশ্ববিদ্যালয়সংগ্রহ' ১০৪। পৃষ্ঠা ৬০। মূল্য আট আনা।

কেবল গবেষণা-পুস্তকের সংগঠনই হইলেই সমষ্টিগতভাবে কোন সমাজের তদনুপাতে জ্ঞানবৃদ্ধি হয় না। গবেষণার পরিণত ফল মাতৃভাষার মাধ্যমে সহজভাবে পরিবেশিত না হইলে পাণ্ডিত্য ফলপশু হয় না।

বিশ্বভারতীর 'বিশ্ববিদ্যালয়সংগ্রহ' পরিকল্পনা নানাবিধ বিচার সারবস্তুর সহিত বাঙালীকে পরিচিত করাইবার অভিনব প্রয়াস। ইহার লেখকগণ প্রত্যেকেই আপন আপন ক্ষেত্রে সুপরিচিত; প্রত্যেকেই শক্তিশালী লেখক। ইহার পৃথক পৃথক করিতেছেন।

বাংলার উচ্চশিক্ষার ইতিহাস রচনা সম্বন্ধে শ্রীযুক্ত যোগেশচন্দ্র বাগল যে যোগাত্মক ব্যক্তি সে দ্বিবে সন্দেহ নাই। তিনি বৈজ্ঞানিক প্রণায় মৌলিক দলিল, দস্তাবেজ, সমসাময়িক সংবাদপত্র ও সাহিত্যের আলোচনা করিয়া উনবিংশ শতাব্দীর সমাজ, চিন্তাধারা, চরিত্র এবং প্রধান পুরুষদের জীবনী সম্বন্ধে বহু পত্র ও কয়েকখানি প্রামাণিক পুস্তক লিখিয়া বাঙালী গবেষকদের মধ্যে পুরোধাগে গ্রামনলাভের অবিকার অর্জন করিয়াছেন। তাহার অসহযোগিতা ও পরিশ্রম বিশ্বব্যপক। তিনি পেশায় 'সংবাদপত্রসেবী (Journalist)' হইলেও ধর্মতত্ত্ব, সিদ্ধ ইতিহাসিক (Historian)। তিনি এই বিষয়ে আচার্য্য মহনাথের শিষ্য এবং পরলোকগত ব্রজেননাথ বন্দ্যোপাধ্যায়ের অগ্রজ।

ভূমিকায় লেখক বলিয়াছেন, "উচ্চশিক্ষা বলিতে আমরা এখানে ইংরেজী শিক্ষাই বুঝিব।" ইহাতে হিন্দুকলেজ স্থাপনের পরিকল্পনা (১৮১৬) হইতে কলিকাতা বিশ্ববিদ্যালয় প্রতিষ্ঠা (১৮৫৭) পর্যন্ত বাঙালদের ইংরেজী শিক্ষার ইতিহাসের সংক্ষিপ্তসার যোগেশবাবু আলোচনা করিয়াছেন। অধ্যায় ভাগগুলি এইরূপ: উচ্চশিক্ষার আয়োজন; গবর্ণমেণ্টের শিক্ষানীতি; ইংরেজী শিক্ষার প্রসার; শিক্ষার অবস্থা ও শিক্ষার বাহন নিদ্রারণ; সরকারী শিক্ষা-নীতির মৌলিক পরিবর্তন; উচ্চশিক্ষা, খ্রীষ্টানী-বিরোধী আন্দোলন ও সরকার; উচ্চশিক্ষার নূতন পদ; উচ্চশিক্ষার ফলাফল।

ভূমিকা ও নির্দেশিকা সহ এতগুলি প্রয়োজনীয় অধ্যায় মাত্র ৬০ পৃষ্ঠায় সীমাবদ্ধ করিয়াছেন; পাকা হাত না হইলে ইহা সম্ভবপর হয় না। "উচ্চশিক্ষার ফলাফল" সম্পর্কিত আলোচনা তাহাকে বাধ্য হইয়া পাঁচ পাতায় সারিতে হইয়াছে। ৫০তম পৃষ্ঠায় লিপিবদ্ধ একটি সিদ্ধান্তের প্রতি আমরা সকলের দৃষ্টি আকর্ষণ করা সমীচীন বিবেচনা করি। আমরা উচ্চশিক্ষা করিলাম, কারণ উহা আর সংক্ষিপ্ত করা যায় না—অত গুছাইয়া বলিতে পারি না:

"তবে ভারতবাসী তথা বাঙালীরা যে উচ্চশিক্ষার জন্ত লালিয়াই হইয়া উঠিতেছিল, সে কিসের জন্ত? :১৮১৬ খ্রীষ্টাব্দে যখন ইংরেজী শিক্ষার উদ্যোগ হিন্দুকলেজ প্রতিষ্ঠার আয়োজন হয়, তখন সরকারী চাকুরিতে খুব কম বাঙালীই নিয়োজিত হইতেন। সরকারী কোন কোন বিভাগে এদেশীয়দের নিয়োগ একেবারে নিষিদ্ধ ছিল। ইংরেজি শিথিয়া উচ্চ রাজকাৰ্য্যে নিয়োজিত হইতেন—একমাত্র এ বারণার বশবর্তী হইয়াই যে তাহারা তখন ইংরেজী শিক্ষায় প্রয়াসী হইয়াছিলেন এ কথা জোর করিয়া বলা যায় না। অধিক আদালতেও তখন ফারসি ভাষার চল। তবে ব্যবসায়িক ও অন্যান্য রাজকাৰ্য্যে ইংরেজের সংস্পর্শে বাঙালীদের প্রতিনিয়ত আসিতে হইত।

টমাস হার্ডির জগদ্বিখ্যাত উপন্যাস

টমাস

-এর বঙ্গানুবাদ শ্রী বাহির হইতেছে।


বঙ্গভারতী গ্রন্থালয়

গ্রাম—কুলগাছিয়া; পোঃ—মহিষরেখা জেলা—হাওড়া

সুপ্রা কালি

দামী ফাউন্টেন পেনের জন্য

সুপ্রা কালি আজ এত জনপ্রিয় কেন?
সব বিদেশী দামী কালিকে সে হার মানিয়েছে, সল-এক্সযুক্ত ও তলানিমুক্ত বলে অব্যাহত তার প্রবাহ, বর্ণের স্থায়ী উজ্জ্বল্য মনে আনে তৃপ্তির নিশ্চিত আশ্বাস। কালির রাসায়নিক গুণে প্রিয় কলমটি থাকে চিরনূতন।



সুপ্রা টায়লেট এণ্ড কেমিক্যাল কোং.লিঃ কলিকাতা-৩

দিনে দিনে আরও নিৰ্মল, আরও লাবণ্যেয় ত্বক্



ক্যাডিলমুক্ত রেসোনাকে

আপনার জন্মে এই যাত্নটি
ক'রতে দিন

রেসোনার ক্যাডিলমুক্ত ফেনা আপনার
গায়ে আস্তে আস্তে ঘ'ষে নিন ও পরে
ধুয়ে ফেলুন। আপনি দেখবেন
দিনে দিনে আপনার ত্বক্ আরও
কতো মসৃণ, কতো কোমল হচ্ছে—
আপনি কতো লাবণ্যময় হ'য়ে উঠছেন।

রেসোনা

ক্যাডিলমুক্ত একমাত্র সাবান

★ ত্বক্পোষক ও কোমলতা প্রসূ কতকগুলি তৈলের
বিশেষ সংমিশ্রণের এক মালিকানী নাম

উচ্চমনা ইংরেজেরও তখন অভাব ছিল না। তাঁহাদের মারফত ইংরেজি সাহিত্যের এবং ইংরেজ-চরিত্রের সঙ্গ্ণাবলী উপলব্ধি করিয়াও ইহার দিকে বাঙালী-প্রধানেরা আকৃষ্ট হইয়া থাকিবেন। ইংরেজের সঙ্গে বিগা-বুদ্ধিতে সমান তালে চলিতে হইলে ইংরেজি ভাষা ও পাশ্চাত্য বিজ্ঞান আয়ত্ত করা দরকার একথাও হয়তো তাঁহারা ভাবিয়াছিলেন। বিশেষতঃ রাজা রামমোহন রায়ের ইংরেজ-সংস্পর্শ এবং তাঁহার আংলো-হিন্দু স্কুলের ইংরেজি শিক্ষাদান-প্রণালী ইহাই সূচিত করে।”

এই ইতিহাসে আর একটি প্রণিধানযোগ্য বিষয়—পাশ্চাত্য-বিচার প্রকৃতি সনাতনপন্থী হিন্দুসমাজের উদার দৃষ্টি এবং শিক্ষাকে কালোপযোগী করিবার প্রশংসনীয় উদ্যম। মোক্ষসমাজ তখনও ইসলাম ও বাদশাহীর দোহাই দিয়া মুসলমানকে আরবাবারসির ‘খোয়াড়ে’ আগলাইয়া রাখিয়াছে; উচ্চশিক্ষায় বাঙালী-মুসলমানকে পিছনে ফেলিয়া রাখিবার জগু ইহারাই দায়ী। দ্বিতীয় কথা—হিন্দুকলেজ স্থাপনার ব্যাপারে রামমোহন গা ঢাকা না দিলে কার্যই পণ্ড হইত, সেকালের সাহেবেরা রামমোহনকে ভুল বুঝেন নাই; হালে আমরাই ভুল বুঝিতেছি।

আমরা এই ‘পুস্তিকা’খানি পাঠ করিয়া উপকৃত হইয়াছি। এইট রচনা করিতে লেখককে যে কি কঠোর পরিশ্রম করিতে হইয়াছে তাহা ইহার ক্ষুদ্র আকার দেখিয়া বুঝা যাইবে না। হয়ত ‘নির্দেশিকা’ ও স্মৃতিতে চোখ বুলাইলে কতকটা আন্দাজ হইবে। পুস্তিকাখানি বাছাই করা তথ্যে

একেবারে ঠাসা, তথাপি বাগল মহাশয়ের সিদ্ধ লেখনীগুণে কোথাও নীচ হইয়া নাই। ইহা কেবল অনুসন্ধিৎসু সাধারণ পাঠকগণের নয়, সকল শিক্ষা-বৃত্তীর এবং আধুনিক ভারতীয় ইতিহাসের ছাত্রদের reference-book হিসাবে প্রয়োজন হইবে। বইখানিতে ছাপার ভুল নাই বলিলেই চলবে। ৪এর পৃষ্ঠায় চতুর্থ পংক্তিতে একটি ভুল চোখে পড়িল। ১৯১৫ খৃঃ নিশ্চয়ই ১৮৯৫ হইবে।

প্রচ্ছদপটের ছবিটিও উল্লেখযোগ্য।

শ্রীকালিকারঞ্জন কানুনগো

দৃষ্টিধারা—শ্রীআনন্দ। ইন্টার গ্রাশনাল পারিকেশন কনসার্ণস্

৬৭, রাজা বসন্ত রায় রোড, কলিকাতা-২৯। পৃ ১১৫। মূল্য দুই টাকা।

অ্যালেকজান্ডার কুপ্রিন ‘য়ামা দি পিট’ লিখিয়া জগদ্বিখ্যাত হইয়াছেন। পতিতা-জীবনের এমন নিপুণ আলেখ্য বিধ-সাহিত্যে বিরল বলিলেই হয়। বইখানি পৃথিবীর প্রায় সমস্ত ভাষায় অনূদিত হইয়া এক সময়ে সাহিত্য-জগতে রীতিমত আলোড়নের সৃষ্টি করিয়াছিল। তাহারই প্রভাব ‘দৃষ্টিধারা’ কাহিনীর মধ্যে পড়িয়াছে। রুশ লেখক তাঁহার বিরাট গ্রন্থে সেই সমস্তকে ব্যাপক-ভাবে তুলিয়া ধরিয়াছেন এবং পতিতা-জীবনের বহু দিক লইয়া পুঙ্খানুপুঙ্খ আলোচনা করিয়াছেন। আলোচ্য স্বল্প-পরিসর উপস্থাস্থানিতে লেখক সেই জীবনের একটি দিকে সামান্যমাত্র আলোকপাত করিতে চেষ্টা করিয়াছেন। পটভূমি বা গল্পের পরিসর সঙ্কীর্ণ বলিয়া চরিত্রবিকাশের তেমন সুযোগ ঘটে নাই। তাহা ছাড়া এটি গল্পের প্রথম খণ্ড; পরবর্তী খণ্ডগুলিতে হয়তো বা গল্পটি সম্পূর্ণতা লাভ করিবে। তথাপি যে নারী-চরিত্রটি লইয়া গল্পের পরীক্ষা—সেটিতে তুলির শেষ টান দিয়াছেন লেখক। সুতরাং এই চরিত্রটি তাঁহার সমস্ত-সদল গল্পাংশকে কতখানি সার্থক করিয়াছে তাহা মোটামুটি ভাবে বলা যায়। ঐ পতিতা-চরিত্রটির পটভূমিকা সচ্ছ নয়। মধ্য-পর্বে ঘর-বাধার বিবরণ এবং শেষ পর্কে ১১-দিক পরিবর্তনের রূপ—কোনটিই সূক্ষ্ম মনোবৃত্তির ক্রিয়াকে পরিস্ফুট করিতে পারে নাই। গল্পে আর একটি চরিত্র আছে—মিঃ চৌধুরী। ইনি একাধারে সমালোচক ও লেখক; গল্পের হয়তো সুবোধও তিনি। কিন্তু তাঁহার মন্তব্যগুলি গল্পের গতিককে একটুও সাবলীল করে নাই। কোন কোন সমালোচনায় বাস্তবের নির্ভীক প্রকাশ আছে, কিন্তু গল্পের সঙ্গে সে সর্বের যোগসূত্র ক্ষীণ। নূতন বলিয়া ঘোষণা করিলেও দৃষ্টিধারা কাহিনীতে বা প্রকাশভঙ্গীতে নূতনত্ব কিছু চোখে পড়ে না। অবশ্য ‘ইতিকথা’র কতকটা চমক লাগাইবার প্রয়াস আছে; কিন্তু গল্প পড়িবার সঙ্গে সঙ্গে মনে হয় সেটি সেই জাতীয় চমক—যাহার মধ্যে প্রচ্ছন্ন-ভাবে প্রচারতর্কই নিহিত থাকে।

শ্রীরামপদ মুখোপাধ্যায়

কর্মবাদ ও জন্মান্তর—প্রবন্ধমালা দত্ত। প্রাপ্তিস্থানঃ— ১৯২৬বি, কংগ্রেস স্ট্রীট, কলিকাতা। মূল্য আড়াই টাকা।

বঙ্গভাষায় যাহারা প্রাচ্য ও পাশ্চাত্য দর্শন আলোচনা করিয়াছেন, তাঁহাদের মধ্যে পরলোকগত হীরেন্দ্রনাথ দত্ত মহাশয়ের নাম বিশেষ উল্লেখযোগ্য। আলোচ্য গ্রন্থখানিতে কর্মবাদ ও জন্মান্তর—এই দার্শনিক সমস্ত দুইটির সমাধান সরলভাষায় লিপিবদ্ধ হইয়াছে। প্রাচীন শাস্ত্র এবং আধুনিক দার্শনিক গ্রন্থাদি আলোচনা করিয়া পক্ষপাতহীন দৃষ্টিতে গ্রন্থকার নিজ সিদ্ধান্তে উপনীত হইয়াছেন। গ্রন্থখানি যে বাঙালী পাঠক সমাজে সমাদার লাভ করিয়াছে, তৃতীয় সংস্করণ প্রকাশই তাহার প্রমাণ। তথ্যসন্ধিৎসুরা ইহা পড়িয়া লাভবান হইবেন

শ্রীঅনন্তলাল ঠাকুর

ব্যাঙ্ক অফ বাঁকুড়া লিমিটেড

সেন্ট্রাল অফিস—৩৬নং ষ্ট্র্যাণ্ড রোড, কলিকাতা

আদায়ীকৃত মূলধন—৫০০০০০. লক্ষ টাকার অধিক

ব্রাঞ্চঃ—কলেজ স্কোয়ার, বাঁকুড়া।

সেভিংস একাউন্টে শতকরা ২ হারে সুদ দেওয়া হয়।


১ বৎসরের স্থায়ী আমানতে শতকরা ৩ হার হিসাবে এবং

এক বৎসরের অধিক থাকিলে শতকরা ৪ হারে

সুদ দেওয়া হয়।

চেয়ারম্যান—শ্রীজগন্নাথ কোলে, এম. পি.

ডোল ও কোম্পানীর



দাদ ও ক্রাউলের মলম

ক্রিউটা-টোন

গোজ বেদনা ও
চর্মরোগের জন্য

খোস পাচড়ে ও
হৃৎপিণ্ডের জন্য

বিয় মলম

বরানগর
কলিকাতা ৩৫

বাংলার বিপ্লববাদ—শ্রীমলিনীকিশোর গুহ। এ. মুখার্জী
এণ্ড কোং লিঃ। ২ কলেজ স্কোয়ার, কলিকাতা-১২। পৃ. ১ + ৩৬৭।
মূল্য ছয় টাকা।

বঙ্গের বিপ্লব-আন্দোলন সম্পর্কিত এই মূল্যবান পুস্তকখানি প্রথম
প্রকাশিত হয় ১৯২৩ সনের মে মাসে। ইহার ছয় বৎসর পরে ১৯২৯ সনে
এখানির দ্বিতীয় সংস্করণ বাহির হইয়াছিল। আলোচ্য পুস্তক ইহার পরিবর্তিত
সংস্করণ বলিয়া গ্রন্থকার 'নিবেদনে' উল্লেখ করিয়াছেন। ইহার মতে, "যাহাকে
ইতিহাস বলে তাহা আমি লিখি নাই। আমি লিখিয়াছি—অন্তঃ লিখিতে
চেষ্টা করিয়াছি—বিপ্লব আন্দোলনের মর্ম্মকথা। আমার বক্তব্যের "সমর্থনে
ঘটনার ও ব্যক্তির পরিচয় অনেক স্থানে উপস্থিত করিয়াছি।"

পুস্তকখানি যিনিই পাঠ করিবেন তিনিই লেখকের এই উক্তির তাৎপৰ্য্য
সম্যক উপলব্ধি করিতে পারিবেন। বাংলার বিপ্লববাদের মূল কথা, অর্থাৎ
ইহার ভাবাদর্শ গ্রন্থকার যেরূপ সরল ভাষায় পরিষ্কার করিয়া বিবৃত
করিয়াছেন, ইদানীন্তন প্রকাশিত বিপ্লববাদের অল্প কোন বইয়ে প্রায়ই
তেমনটি পাই না। গ্রন্থকার স্বয়ং বিপ্লবী; ১৯০৮ সনে স্বদেশীর মরম্মে
কলেজে অধ্যয়নকালে ধৃত হইয়া বন্দী হন। ইহার পর দীর্ঘকাল তিনি
বন্দীজীবন যাপন করেন। ১৯৪৭ সনে স্বাধীনতা-লাভের পূর্ব পর্যন্ত বাংলা-
দেশে, বঙ্গের প্রদেশসমূহে এবং বিদেশে বিপ্লবায়ুক যতবিধ আন্দোলন, প্রয়াস
বা কার্য হইয়াছে, সে সকলের সঙ্গে কখনও সাক্ষাৎভাবে কখনও পরোক্ষভাবে,
তিনি যুক্ত ছিলেন। বর্তমান পরিবর্তিত সংস্করণ একারণ একদিকে যেমন
তথ্যভুল হইয়াছে, তেমনি বর্ণিত বিষয়াদির সঙ্গে লেখকের ঐকান্তিক
পরিচয় হেতু বর্ণনার-কৌশলে তাহা পাঠক-হৃদয়েও গাথিয়া যাইতেছে।
বিপ্লব-আন্দোলনের ইতিহাস না হইলেও, পূর্ণাঙ্গ ইতিহাস-রচনার সঙ্গে
ইহাতে প্রচুর মালমশলা পরিবেশিত ও সংরক্ষিত হইয়াছে।

বিপ্লব-প্রচেষ্টা সম্বন্ধে আলোচনা করিতে গিয়া আমরা একটি কথা সচরাচর
ভুলিয়া যাই। কংগ্রেস যখন সর্ব-ভারতীয়ের পক্ষে রাষ্ট্রীয় আন্দোলন
চালাইতেছিল, তখন বিপ্লব-প্রচেষ্টার মাথকতা কি ছিল? কংগ্রেস প্রথমাবধি
নিয়মানুগ আন্দোলন পরিচালনা করিতেছিল। কিন্তু কোন পরাধীন-
জাতির পক্ষে স্বাধীনতা লাভ করিতে হইলে শুধু নিয়মানুগ কাগ্যই যথেষ্ট নয়,
জাতির অন্তঃ একাংশের শক্তিসাধনায় প্রবৃত্ত হওয়াও আবশ্যিক। গত
শতাব্দীর শেষ দশকেই বাঙালী মনীষী ইহা বুঝিতে পারিয়াছিল। আর
বর্তমান শতকের প্রারম্ভ হইতে বিপ্লব-প্রয়াসের মধ্যে এই শক্তিসাধনার
বহিঃপ্রকাশ লক্ষ্য করি। ভারতবর্ষের স্বাধীনতাকল্পে এই শক্তিসাধনা যে
একান্ত আবশ্যিক ছিল, মহাত্মা গান্ধী প্রবর্তিত 'আগষ্ট বিপ্লব' তথা 'ভারত-
ছাড়' আন্দোলন এবং নেতাজী সুভাষচন্দ্র বসুর আজাদ হিন্দ ফৌজ গঠন দ্বারা
বাহির হইতে ব্রিটিশশক্তির বিরুদ্ধে সংগ্রাম পরিচালনায় তাহা বিশেষভাবে
প্রদর্শিত হইয়া গিয়াছে। গ্রন্থকার পুস্তকখানিতে শুধু বিপ্লব-প্রয়াসের
বহিঃপ্রকাশের কথাই বলেন নাই, বাংলা তথা ভারতের এই শক্তিসাধনার ভাবা-
দর্শনের উপরেও বিশেষ আলোকপাত করিয়াছেন। ইহার উক্তি প্রত্যক্ষীভূত
ঘটনার সমবায়ে বিশেষ মনোজ্ঞ হইয়া উঠিয়াছে। আমরাও এই সকলের
মান্নিধালাভজনিত হৃদয়বেগে আশ্রিত হই।

অনেকের ধারণা, বাংলার বিপ্লববাদ সাধারণে স্নহজরে দেখিতে পারে
নাই। হয়ত কোন কোন স্থলে সাধারণের সমর্থন ইহাতে পাওয়া যায় নাই,
বিশেষতঃ ডাকাতি ও খুনখারাপির ফলে এক শ্রেণীর লোক বিপ্লবীদের উপর
বিস্মিত হইয়া উঠিয়াছিল। কিন্তু ব্রিটিশ-বিদ্বেষ যে এসকলকে ছাড়িয়াই
গিয়াছিল, আমরা কৈশোরে প্রথম যুদ্ধের সময় স্মদূর পল্লীগামে বসিয়াই তাহা
বুঝিতে পারিতাম। মাতা এবং ভগিনীগণই বিপ্লবীদের প্রধান অবলম্বন ও
সহায় ছিলেন একথা মলিনীবাবু মস্তকণ্ঠে স্বীকার করিয়া ভালই করিয়াছেন।

দীর্ঘ ৩০ বৎসরের গবেষণা প্রচেষ্টায়, পরীক্ষিত-
প্রতিষ্ঠিত একমাত্র ভারতীয় কাউন্টেনপেন কালি

কাজল-কালি

'কাজল-কালি'র উৎকর্ষতার মহিমা অপরের
ব্যবহারে ও জবানীতেই প্রচারিত এবং অবধারিত

রবীন্দ্রনাথের বাণীতে—“এর কালিমা বিদেশী কালির
চেয়ে কোন অংশে কম নয়।”

কেদারনাথের টিপ্পনীতে—“কালি চেষ্টে কথ্য কন না;
তাই সাহস ক'রে বলতে পারছি, বেশ জ্বর কালো; সরল
ও তরল বলতেও বাধে না।”

ভারতশঙ্কর—“কাজল অভ্যাস করা চোখের মত কলমে
কাজল-কালি যেন অভ্যাস হয়ে গেছে।”

তাইতো বিনা দ্বিধায় প্র. না. বি. লিখলেন—
“কাজল-কালি বাণীর কালি।”

কেমিক্যাল এসোসিয়েশন (কলিকাতা)-
কলিকাতা-৯

— মতাই বাংলার গৌরব —

আ গ ড় পা ড়া কু টী র শি ল্প প্র তি ষ্ঠা নে র
গণ্ডার মার্কা

গেঞ্জী ও ইজের সুলভ অথচ সৌখীন ও টেকসই।

তাই বাংলা ও বাংলার বাহিরে যেখানেই বাঙালী
সেখানেই এর আদর। পরীক্ষা প্রার্থনীয়।

কারখানা—আগড়পাড়া, ২৪ পরগণা।

ব্রাঞ্চ—১০, আপার সার্বুলা রোড, দিল্লি, ক্রম নং ৩২,
কলিকাতা-৯ এবং চাঁদমারী ঘাট, হাওড়া স্টেশনের সম্মুখে।

প্রথম মগাধুদ্ধের সময়কার বালিন কমিটি এবং দ্বিতীয় যুদ্ধকালে আজাদ হিন্দ সেনাবাহিনীর আশ্রয়ে থাকিলেও তাঁহারা যে নিজ বৈশিষ্ট্য অক্ষুণ্ণ রাখিয়াই কার্য করিতেন, গ্রন্থকার এ বিষয়টির দিকেও পাঠকের দৃষ্টি আকর্ষণ করিয়াছেন। বিপ্লবীদের মধোও বহু দল; কিন্তু তিনি নিরপেক্ষ ভাবে সকল দলের কৃতিত্বের কথাই বইখানিতে উল্লেখ করিয়াছেন। এখানির বহুল প্রচার হইবে নিশ্চয়।

বিপ্লবের পদচিহ্ন—শ্রীভূপেন্দ্রকুমার দত্ত। সরস্বতী লাইব্রেরী,

● বঙ্কিম চাট্টাঞ্জী ষ্ট্রিট, কলিকাতা-১২। পৃ. ১ + ৩৮১। মূল্য চারি টাকা।

শ্রীভূক্ত ভূপেন্দ্রকুমার দত্ত জীবনের শ্রেষ্ঠতম অংশ—প্রায় দশ বৎসর যাবৎ বিপ্লবকর্মে আত্মনিয়োগ করিয়া নানারূপ নির্গাতন, অত্যাচার এবং অকথা দুঃখ-কষ্ট নীরবে সহ করিয়াছেন। আলোচ্য পুস্তকখানিতে মোটামুটি ১৯১৫ সন হইতে ১৯২৮ সনের প্রথম ভাগ পর্যন্ত নিজ স্মৃতি-কথা বর্ণন-ব্যপদেশে বিপ্লবকর্মের ইতিবৃত্ত ভূপেন্দ্রবাবু প্রদান করিয়াছেন। পুস্তকে বর্ণিত কতকগুলি ঘটনা বিশেষ রোমাঞ্চকর। প্রথম দিন তাঁহার গ্রেপ্তারকালে এমদানেডে পুলিশের লোকের সঙ্গে কস্তাপস্তি, রাজবন্দীদের প্রতি সরকারী চর্যাবহারের নিরোধের জন্ত আটাত্তর দিনব্যাপী অনশন-ব্রত, এবং আরও নানা কাহিনী পাঠকের মন বিশেষ ভাবে আকৃষ্ট করিবে। রাহপুর জেলে ডাঃ মোদী, সেখ গস্ট ও চন্দ্রিকাপ্রসাদের যে দরদী চিত্রলেখক আঁকিয়াছেন তাহা পাঠকমাত্রেই হৃদয় স্পর্শ করিবে। পুস্তকখানিতে নিজ স্মৃতি-কথা-প্রসঙ্গে বিপ্লব-প্রচেষ্টার আদর্শ, গতি-প্রকৃতি, বিভিন্ন দলের কার্য-কলাপ প্রভৃতি সংক্ষেপে তিনি অনেক কথা বলিয়াছেন—কখনও আনন্দ, কখনও বা বিশেষ দুঃখের সঙ্গে। কোন কোন বিপ্লবী দলের প্রতি কটাক্ষপাত এবং তাঁহাদের সংক্ষেপে সমালোচনা করিতেও তিনি ছাড়েন নাই। তাঁহার মতামতের সঙ্গে হৃদয় অনেকের মতভেদ থাকিবে। তথাপি নিজের দিক হইতে তাঁহার বক্তব্য বেশ পরিষ্কার করিয়াই বলিয়াছেন। লেখক বিপ্লবী, কিন্তু আদর্শে তিনি একজন উচ্চদরের সাহিত্যিক। নিজ স্মৃতি-কথা তিনি এমন সরল করিয়া বলিয়াছেন যে এমনটী এধরণের বইয়ে কচিৎ দেখা যায়।

সাহিত্যিক গুণপনা ছাড়া আরও কয়েকটি বিশেষত্বের কথা শ্রীভূক্ত অরুণ-চন্দ্র গুহ ইহার ভূমিকায় এইরূপ লিখিয়াছেন: "এই পুস্তকের প্রধান বিশেষত্বই হ'ল—গোপন ষড়যন্ত্র থেকে গণ-আন্দোলনের পথ, বিদ্রোহ থেকে বিপ্লবের পথ, রাষ্ট্রীয় স্বাধীনতা থেকে অর্থনৈতিক ও সামাজিক স্বরাজ্যলাভের পথ গ্রহণের ক্রমবিকাশকে ব্যাখ্যা করা। এই হ'ল এ গ্রন্থের দার্শনিক তত্ত্ব,— এই গ্রন্থের মধ্যমণি। গ্রন্থের যে অংশ প্রকাশিত হচ্ছে, দেখানেই এর শেষ নয়, আরম্ভ মাত্র।" গ্রন্থের প্রচ্ছদপট স্মরণসম্মত। কয়েক জন উৎসর্গী-কৃতপাণ নিরলস বিপ্লবকর্মীর চিত্রও ইহাতে সন্নিবেশিত হইয়াছে।

রক্ত-বিপ্লবের এক অধ্যায়

শ্রীজ্যোতিষ্ময় ঘোষ। বন্দোপাধ্যায়। বসন্ত-কুটীর, গোলন্দপাড়া, চন্দননগর। পৃষ্ঠা ১১০ + ১৫৪ + ৫। মূল্য দুই টাকা।

এই পুস্তকখানিতে লেখক চন্দননগরের অন্তর্গত গোলন্দপাড়াকে কেন্দ্র করিয়া যে বিপ্লব-প্রচেষ্টা দীর্ঘকাল যাবৎ চলিয়াছিল তাহার একটি তথ্যমূলক বিবৃতি প্রদান করিয়াছেন। গোলন্দপাড়া নানা কারণে প্রাচীনকাল হইতে বৈশিষ্ট্য অর্জন করিয়াছিল। এখানে বাংলা-সাহিত্য সেবার বিশেষ আয়োজন হয়। আর এই সাহিত্য-চর্চার মাধ্যমে যুবকগণ স্বদেশসেবায় এবং প্রথম বিপ্লব-প্রচেষ্টায় উদ্বুদ্ধ হন। এখানকার একজন অধিবাসী বিখ্যাত বিপ্লবী সাহিত্যরসিক উপেন্দ্রনাথ বন্দোপাধ্যায়। সুবিখ্যাত অমরেন্দ্রনাথ চট্টোপাধ্যায় এবং জ্যোতিষ্ময় ঘোষ মহাশয়দ্বয় ভিন্ন অঞ্চলের অধিবাসী হইয়াও এই পল্লীর সঙ্গে বিশেষভাবে যুক্ত হইয়াছিলেন। গোলন্দপাড়ার কথা বলিতে গিয়া সমগ্র বিপ্লব-প্রয়াসের উপরেও নানা দিক হইতে আলোকপাত করা হইয়াছে। কারণ এ অঞ্চলটি সেই বৃহৎ প্রচেষ্টারই অঙ্গরূপে গণ্য। এইরূপ বিভিন্ন অঞ্চলের বিশেষ বিশেষ বিপ্লব-প্রয়াস আলোচিত হওয়া আবশ্যিক। তাহা হইলেই পূর্ণ প্রচেষ্টা সংক্ষেপে ধারণা করা সম্ভব। বিখ্যাত বিপ্লবী ও স্বদেশপ্রেমিক শ্রীভূক্ত অমরেন্দ্রনাথ চট্টোপাধ্যায়ের ভূমিকা পুস্তকখানির গৌরব বৃদ্ধি করিয়াছে।

বাংলার একটি বিস্মৃত রত্ন—শ্রীজ্যোতিষ্ময় ঘোষ। ৯ মতোন

দত্ত রোড, কলিকাতা-২১ হইতে লেখক কর্তৃক প্রকাশিত। পৃষ্ঠা ৬৬। মূল্য এক টাকা।

লেখক স্বীয় পিতৃদেব স্বর্গীয় গোপালচন্দ্র ঘোষের (১৮৬৫-১৯১২) মূল্যবান জীবনকথা এই পুস্তকখানিতে সংক্ষেপে বিবৃত করিয়াছেন। যশোরের নড়াল মহকুমার সমীপবর্তী ভদ্রবিলা গ্রামে একটি ভদ্র অথচ দরিদ্র মধ্যবিত্ত পরিবারে গোপালচন্দ্র জন্মগ্রহণ করেন। শৈশব ও কৈশোরেই তাঁহার বিস্ময়কর প্রতিভা সংস্কৃত ও অক্ষশাস্ত্রের মাধ্যমে পরিষ্কৃত হয়। তিনি দুই বার ডবল প্রমোশন পাইয়া একেবারে পঞ্চম শ্রেণী হইতে নবম শ্রেণীতে উন্নীত হন। নবম শ্রেণীতে অধ্যয়নকালে গ্রন্থের বিখ্যাত 'Elegy'র পঞ্চদশ সংস্কৃত অনুবাদ করেন। নড়াল স্কুলের তৎকালীন প্রধান শিক্ষক রায় সাহেব ঈশানচন্দ্র ঘোষ এই কবিতা মুদ্রিত করাইয়া স্কুলে স্কুলে বিতরণ করিয়াছিলেন। সময়কার বঙ্গবাসী, সময়, এডুকেশন গেজেট প্রভৃতি সংবাদপত্রে ইহার বিশেষ প্রশংসা বাহির হয়। প্রথম শ্রেণীতে অধ্যয়নকালে বাৎসরিক পারিতোষিক বিতরণকালে তিনি সংস্কৃত পড়ে বৃত্ততা দিয়াছিলেন। অক্ষশাস্ত্রেও তিনি গভীর মনোযোগ পরিচয় দেন। বি-এ পরীক্ষায় উত্তীর্ণ হইয়া বাংলার বিভিন্ন অঞ্চলে প্রধান শিক্ষকের পদে কর্ম করেন। কিন্তু তাঁহার সাহিত্য-প্রতিভা বরাবর অক্ষুণ্ণ ছিল। তিনি বিখ্যাত 'Self-Culture'-পুস্তকখানির বাংলা অনুবাদ করিয়া পুরস্কৃত হন। এখানি পুস্তকাকারে প্রকাশিত হয়। গোপালচন্দ্র মান উনপঞ্চাশ বৎসর বয়সে পরলোকগমন করেন। বাংলাদেশের একমাত্র একমাত্র রত্নকে বিস্মৃত হইতে দেওয়া উচিত নহে। গোপালচন্দ্রের স্মরণার্থে পত্র ডঃ জ্যোতিষ্ময় ঘোষ নিজে এই পুস্তক প্রণয়ন ও প্রকাশের ভার লইয়া বাঙালী-মাত্রেই দৃষ্টিবর্জিত হইয়াছেন। গোপালচন্দ্রের একটি সুন্দর চিত্র পুস্তকের সৌষ্ঠব বৃদ্ধি করিয়াছে।

শ্রীযোগেশচন্দ্র বাগল




প্রবাসী প্রেস, কলিকাতা

শকুন্তলা, অনসূয়া ও প্রিয়ম্বদা

ত্রৈলোক্যনাথ লাহা



নিউ দিল্লীতে চীন রিপাবলিকের প্রধানমন্ত্রী চু-এন-লাইয়ের সহিত করমর্দনরত ভারতের
উপরাষ্ট্রপতি ডক্টর এস. রামাকৃষ্ণন



প্রধানমন্ত্রী শ্রীজবাহরলাল নেহরু কর্তৃক আনুষ্ঠানিক উদ্বোধনের পর নাজাল
সাইকেল প্যাথ পেরাভিত্তে মতঙ্গ নদীর জলবাণী দর্শন-রত জনতা

আনন্দ

"सताम् शिवम् सुन्दरम्
नायमात्मा बलहीनेन लभाः"

১৪শ ভাগ
১ম খণ্ড

ভাদ্র, ১৩৩১

Cooh Behar সংখ্যা

বিবিধ প্রসঙ্গ

স্বাধীনতা দিবস

ভারতের স্বাধীনতার সাত বৎসর পূর্ণ হইল। বহুদিন পবে এইবার কলিকাতায় স্বাধীনতা দিবসের শোভাযাত্রা, জলসা, সম্মেলন ইত্যাদি বিনা গণ্ডগোলে সম্পন্ন হয়। তাহার দুইটি কারণ শোনা যায়। প্রথমতঃ দেশে অল্পবস্ত্রের কষ্ট কিছু লাঘব হইয়াছে, দ্বিতীয়তঃ কোন বিশেষ রাষ্ট্রনৈতিক দলের বিদেশী প্রভুতা আদেশ দিয়াছেন ঐ দিনে যেন অশাস্তির সৃষ্টি করা না হয়। যদি উহা যথার্থ হয় তবে প্রথম কারণ আনন্দের বিষয়, দ্বিতীয়টি লজ্জার।

কেননা এই দিন শুধু আনন্দের দিন নহে, উহা আত্মজিজ্ঞাসার দিন, অস্ত্রের হিসাব-নিকাশের দিন। স্বাভাবিক অধিকারী হইবার যোগ্যতা, স্বাধীনতা বক্ষণ ক্ষমতা আমরা কতটা অর্জন করিয়াছি, এই দিন সেই সকলের বুঝাপড়া করিবার দিন।

দেশে অভাব-অনটন এখনও যথেষ্ট বহিয়াছে। বেকার সমস্যা বাড়িয়াই চলিতেছে। তাহার ফলে সমাজের যে স্তর এই স্বাধীনতার জগা সর্কাপেক্ষা অধিক বলি ও আছতি দিয়াছে সেই মধ্যবিত্ত স্তরই আজ বিশেষ ভাবে ক্লিষ্ট, ভারাক্রান্ত ও ধ্বংসপ্রায়। জগতের প্রত্যেক স্বাধীন দেশের প্রত্যেক প্রগতি অভিযানের নায়ক ও অগ্রগামী দল এই স্তরই যোগাইয়াছে ও এখনও যোগাইতেছে। অদৃষ্টের পরিণামই হউক বা মানব-সমাজের বুদ্ধিব্রংশই হউক কোনও অজানা কারণে এই মধ্যবিত্তই আজ এদেশে সর্কাপেক্ষা দলিত ও অবহেলার পাত্র।

এদেশের শাসনতন্ত্রের অধিকারীদিগের কাণ্ডজ্ঞান ফিরিয়া আসিলে তাঁহারা বুঝিবেন যে, সমাজের বৃনয়াদ গঠিত এই মধ্যবিত্ত স্তরেরই রক্ষণাস ও কঙ্কালে। এবং দেশের সকল সমস্যা পূরণ নির্ভর করে ঐ স্তরের সখিঃ ফিরাইয়া আনার উপর।

শোনা যায়, স্বাধীন ভারত কল্যাণমূলক রাষ্ট্র, যাহাকে ইংরেজীতে বলে 'ওয়েলফেয়ার স্টেট'। রাষ্ট্রচালনার যে নিদর্শন দিল্লী, কলিকাতা ও বোম্বাইয়ে আমাদের চক্ষুগোচর হইয়াছে তাহাতে মনে হয় সরকারী কর্মচারী, অধিকারিবর্গের দলীয় পোষাবর্গ এবং মুষ্টিমেয় সম্ভবতঃ শ্রমিক, অর্থাৎ সবুজ দেশের জনসংখ্যার শতকরা এক ভাগ মাত্র ঐ "কল্যাণ" ভোগের অধিকারী।

এই অবস্থার পরিবর্তন নিতান্তই প্রয়োজন। নচেৎ স্বাধীনতা দিবসের কোনই অর্থ হয় না।

সুরেশচন্দ্র মজুমদার

দীর্ঘদিনের বন্ধুত্ব ও অকৃত্রিম মৌহার্দ্য যাহার সঙ্গে জড়িত, সেরূপ নিতান্ত স্বজনের মৃত্যুর পর তাঁহার বিষয় লেখা অত্যন্ত দুঃস্থ, বিশেষতঃ যেখানে বন্ধুবিয়োগ এমনি আকস্মিকরূপে ঘটে। সে কারণে আমরা আমাদের এই চিরস্বস্ত্রদের আত্মার শান্তি ও কল্যাণ কামনা এবং তাঁহার সংক্ষিপ্ত পরিচয় দিয়া ক্ষান্ত হইলাম।

সুরেশচন্দ্র ১৮৮৮ খ্রীষ্টাব্দে জন্মগ্রহণ করেন এবং কৃষ্ণনগরে শিক্ষালাভ করেন। তিনি অত্যন্ত দীনভাবে জীবন আরম্ভ করিয়া কঠোর সংগ্রামের মধ্য দিয়া সাফল্য অর্জন করেন। তিনি ১৯২২ সনে আনন্দবাজার পত্রিকার পরিচালনভার গ্রহণ করেন। তাঁহার পরিচালনায় হিন্দুস্থান ষ্ট্যাণ্ডার্ড ও দেশ পত্রিকা প্রকাশিত হয়। সুরেশচন্দ্র কংগ্রেসের স্বাধীনতা আন্দোলনে যোগদান করিয়া একাধিক বার কারাবরণ করেন। তিনি এককালে উত্তর কলিকাতা কংগ্রেসের সভাপতি ছিলেন। গত নির্বাচনে তিনি ভারতীয় রাষ্ট্র পরিষদে কংগ্রেসী সদস্য রূপে নির্বাচিত হন। তিনি নিখিল-ভারত সংবাদপত্র সম্মেলন এবং ইণ্ডিয়ান এণ্ড ইষ্টার্ন নিউজ পেপার সোসাইটির ষ্ট্যাণ্ডিং কমিটির সদস্য এবং নিখিল-ভারত রবীন্দ্র স্মৃতি-সমিতির সম্পাদক ছিলেন। বাংলা মুদ্রণ-শিল্পের ক্ষেত্রে তাঁহার বিশিষ্ট দান প্রথম বাংলা লাইনো-টাইপের প্রবর্তন করেন—সুরেশচন্দ্র অকৃত্রিম ছিলেন।

১৯১০ সনে গোয়েন্দা পুলিশ পুলিশ-সুপার সামসুল হুদাকে হত্যার অভিযোগে যতীন্দ্রনাথ মুখোপাধ্যায় ও অন্নাগদের সহিত সুরেশচন্দ্রকেও গ্রেপ্তার করে। জেলে থাকার সময় যতীন্দ্রনাথ ও তাঁহাকে হাওড়া রাজনৈতিক বড়যন্ত্র মামলায়ও জড়িত করা হইয়াছিল। কিন্তু ১৯১১ সালে তাঁহারা সকলেই মুক্তি পান।

তরুণ বয়স হইতেই মুদ্রণ-শিল্পের প্রতি সুরেশচন্দ্রের স্বাভাবিক প্রবণতা ছিল। কারামুক্তির পর ১৯১২ সালে তিনি ইরাসমাস এণ্ড জোন্স কোম্পানীর অধুনালুপ্ত ক্যাঙ্কিয়ান প্রেসে যোগদান করেন। কিন্তু এই প্রেসের সীমিত পরিধির মধ্যে তাঁহার প্রতিভা বেশী দিন আবদ্ধ থাকিতে পারিল না। ১৯১৪ সালে তিনি

কলিকাতার একটি ক্ষুদ্র গৃহে প্রেস খুলিয়া বসিলেন, উহাই বর্তমানে 'কলিকাতা প্রেস' নামে পরিণত হইয়াছে। সামান্য মূলধনে প্রতিষ্ঠিত এই ক্ষুদ্র প্রেসে তাঁহার কল্পনা ও প্রতিভা স্বল্পে বিকাশ লাভ করিতে লাগিল। কয়েক বৎসর পরে এইখানেই তিনি বাংলা লাইনো-টাইপ উদ্ভাবনের কল্পনা করেন। দীর্ঘ ছয় বৎসর অক্লান্ত পরিশ্রমের পর তিনি বাংলা লাইনো-টাইপ কী-বোর্ড উদ্ভাবন করেন। বাংলা ভাষার ৬ শত অক্ষরকে কমাইয়া মাত্র ১২৪টি করা হইল। ১৯৩৭ সালে বাংলা লাইনো-টাইপ মেশিনে আনন্দবাজার পত্রিকা মুদ্রিত হইতে লাগিল। মুদ্রণ-শিল্পে ইহা একটি বিস্ময়কর বৈপ্লবিক উদ্ভাবন বলিয়া স্বীকৃত হইয়াছে।

স্বদেশচন্দ্র মুদ্রণ ও সংবাদপত্র ব্যবসায় লিপ্ত থাকিয়াও দেশের জাতীয় আন্দোলনের সব পর্যায়ের সক্রিয় অংশ গ্রহণ করিয়াছেন। ১৯২৭ সাল হইতে ১০ বৎসর পর্যন্ত তিনি উত্তর কলিকাতা কংগ্রেস কমিটির সভাপতি ছিলেন। ১৯৪২ সালে তিনি 'ভারত ছাড়' আন্দোলনের জগৎ প্রেক্ষার হইয়া কাবাগারে আটক ছিলেন। গান্ধীজীর এই নূতন আন্দোলনে তাঁহার বহুল প্রচারিত সংবাদপত্রগুলি মর্কতোভাবে সমর্থন জানাইয়াছিল এবং তৎকালীন প্রেস আইনের প্রতিবাদস্বরূপ কিছুকালের জগৎ পত্রিকা প্রকাশ স্থগিত ছিল।

নেতাজী সুভাষচন্দ্র বসুর সহিত তাঁহার ঘনিষ্ঠতা ছিল।

১৯৪৫ সালে তিনি রবীন্দ্র স্মৃতিরক্ষা কমিটির সাধারণ সম্পাদক হন। এই কমিটি পরে রবীন্দ্র ভারতীতে পরিণত হইয়াছে।

অসহযোগ আন্দোলনের সময় হইতে স্বদেশচন্দ্র তাঁহার বাস্তব ও সংবাদপত্রের প্রভাবে ক্রমশঃ বাংলার কংগ্রেসের স্তম্ভস্বরূপ হইয়া উঠিয়াছিলেন। ১৯৪৭ সালে তিনি কংগ্রেস প্রার্থীরূপে গণপরিষদে নির্বাচিত হইয়া সংসদের কার্যে মনোনিবেশ করেন। সংসদে প্রবেশ তাঁহার কর্মজীবনের নূতন অধ্যায় রচনা করিল। স্বাধীন প্রজাতন্ত্রী ভারতের সংবিধান রচনার তিনি অংশ গ্রহণ করিয়াছিলেন। ভারতের জাতীয় সঙ্গীত হিসাবে 'বন্দে মাতরম্' সঙ্গীত গ্রহণের জগৎ তিনি যে চেষ্টা করিয়াছিলেন, দেশবাসী তাহা কৃতজ্ঞতার সহিত চিরদিন স্মরণ করিবে।

১৯৫২ সালে প্রাপ্তবয়স্কদের ভোটাধিকারের ভিত্তিতে স্বাধীন ভারতের প্রথম সাধারণ নির্বাচনের দ্বারা যখন রাজ্য আইনসভা ও ভারতীয় সংসদ গঠিত হইল, তখন তিনি কংগ্রেসপ্রার্থী হিসাবে রাজ্যপরিষদের সদস্য নির্বাচিত হন।

গোয়া

১৫ই আগষ্ট, ভারতের স্বাধীনতা দিবসে দুই দল স্বেচ্ছাসেবক ভারতীয় জাতীয় পতাকা লইয়া পর্তুগীজ সীমানা অতিক্রম করিয়া গোয়া অঞ্চলে প্রবেশ করেন। ইহা সকলেই গোয়ানিবাসী। ভারতীয় কেহই গোয়া প্রবেশ করিতে পায় নাই। ভারতীয় পুলিশে বাধা দিয়াছে। এই গোয়া সত্যগ্রহ অভিযানের ফলাফল বিচারের সময় এখনও আসে নাই। তবে বিগত সপ্তাহের সংবাদগুলি প্রণিধানযোগ্য।

“১০ই আগষ্ট—ভারতে অবস্থিত পর্তুগীজ অধিকৃত অঞ্চল গোয়া, দমন ও দিউ-র অবস্থা “নিরপেক্ষভাবে পর্যবেক্ষণ ও তৎসম্পর্কে রিপোর্ট দাখিলে”র জগৎ পর্তুগীজ সরকার যে প্রস্তাব করিয়াছিলেন, ভারত সরকার সেই প্রস্তাবকে অভিনন্দিত করিয়া স্বীকার করিয়া লইয়াছেন।

ভারত সরকার “নিরপেক্ষ পর্যবেক্ষণ ও রিপোর্ট দাখিলে”র প্রস্তাব স্বীকার করিয়া লইলেও পর্তুগীজ সরকারের নোটে উল্লিখিত কয়েকটি প্রস্তাব এবং অভিযোগাদির ও ভ্রান্ত তথ্যের বিস্তৃত ফিরিস্তিকে অবাস্তব ও অনুপযোগী বলিয়া অগ্রাহ্য করিয়াছেন। এই কারণে নিরপেক্ষ পর্যবেক্ষণের নীতি কার্যে প্রযুক্ত করার পন্থা ও পদ্ধতি সম্পর্কে ভারত সরকারের প্রতিনিধিদের সহিত আলাপ-আলোচনার জগৎ ভারত সরকার পর্তুগীজ সরকারকে অবিলম্বে প্রতিনিধি নিয়োগের জগৎ অনুরোধ করিয়াছেন। আজ দ্বিপ্রহরে পররাষ্ট্র দপ্তরের সেক্রেটারী শ্রী আর. কে. নেহরু ভারত সরকারের এই সিদ্ধান্ত জ্ঞাপন করিয়া দিল্লীস্থ পর্তুগীজ দূত ডাঃ ভাসকো গারিথের নিকট এক লিপি অর্পণ করিয়াছেন।

ভারত কর্তৃক তিনটি এবং পর্তুগাল কর্তৃকও তিনটি বিদেশী রাষ্ট্র মনোনয়নের যে প্রস্তাব পর্তুগীজ নোটে করা হইয়াছে, সেই প্রস্তাব আপাততঃ উঠে না। অতএব ভারত সরকার কূটনৈতিক পন্থাই অবলম্বন করিতে অগ্রসর হইয়াছেন।

বিশিষ্ট কূটনৈতিক মহল মনে করেন যে, প্রাপ্ত সাহায্যে বলীয়ান পাকিস্তান জগৎবাসীর দৃষ্টি গোয়ার দিকে আকৃষ্ট হওয়ার সুযোগে স্বার্থ সিদ্ধি করিবার পূর্বেই ভারত সরকার ভারতে অবস্থিত পর্তুগীজ অধিকৃত অঞ্চলগুলির সমস্যা সমাধান করিতে একান্ত আগ্রহান্বিত।

১০ই আগষ্ট,—ভারতে পর্তুগীজ ছিটমহলসমূহে উদ্ভূত পরিস্থিতি সম্পর্কে নিরপেক্ষ পর্যবেক্ষণ এবং অবস্থা স্বল্পে রিপোর্টদানকল্পে পর্তুগাল যে প্রস্তাব করিয়াছে, ভারত সরকার তাহাতে সম্মত হইয়াছেন। কিন্তু পর্তুগাল এই ব্যাপারে যে কর্মপদ্ধতি অনুসরণের প্রস্তাব করিয়াছে, তাহা ভারত সরকার ও “কার্যের অনুপযোগী” বলিয়া মনে করেন। এই কারণে ভারত সরকার নিরপেক্ষ পর্যবেক্ষণের নীতি বাস্তবে রূপায়িত করার প্রস্তাব কার্যে পরিণত করার জগৎ অবিলম্বে উভয় সরকারের প্রতিনিধিদের এক বৈঠক আহ্বানের সুপারিশ করিয়াছেন।

পররাষ্ট্র দপ্তরের সচিব শ্রী আর. কে. নেহরু অদ্য নয়াদিল্লীস্থ পর্তুগীজ দূত ডাঃ ভালোগারিনের নিকট ভারত সরকারের সিদ্ধান্ত সম্বলিত একটি লিপি প্রদান করেন। গত রবিবার পর্তুগালের পক্ষ হইতে ভারত সরকারকে একটি পত্র দিয়া মঙ্গলবার বেলা চারিটার মধ্যে উত্তর দিবার জগৎ অনুরোধ করা হইয়াছিল।

পর্তুগীজ ছিটমহলসমূহে উদ্ভূত অবস্থা এবং উহার নিকটবর্তী ভারতীয় এলাকার অবস্থা পর্যবেক্ষণ করিয়া তৎসম্বন্ধে রিপোর্ট দিবার জগৎ যে সকল দেশের সহিত উভয় রাষ্ট্রেরই কূটনৈতিক সম্পর্ক

আছে সেই সকল দেশ হইতে পর্যবেক্ষক নিয়োগ করার জ্ঞপ্তি পর্ন্তগাল প্রস্তাব করিয়াছিল। ভারত ও পর্ন্তগাল উভয়েই প্রত্যেকে তিনটি করিয়া দেশ মনোনীত করিবে।

ভারত সরকার সুস্পষ্টভাবে জানাইয়া দিয়াছেন যে, তাঁহারা কেবলমাত্র নিরপেক্ষ পর্যবেক্ষণের নীতি স্বীকার করিতেছেন, উহার কার্যপদ্ধতি স্বীকার করিতেছেন না, পরবর্তী ব্যবস্থা পর্ন্তগালের উপরই নির্ভর করে।

কারোয়ার, ১১ই আগষ্ট—যে সমস্ত লোক কারোয়ারে চলিয়া আসিতেছে তাহাদের নিকট হইতে জানা গিয়াছে যে, গোয়ার অভ্যন্তরে সীমান্তের নিকটে প্রায় তিন মাইল স্থানে অসামরিক ব্যক্তিদের প্রবেশ নিষেধ বলিয়া ঘোষণা করা হইয়াছে।

গোয়া সরকার অজ্ঞ হইতে সীমান্তবর্তী পথে পথচারীদের যাতায়াতও বন্ধ করিয়া দিয়াছেন এবং পথচারীদের সতর্ক করিয়া দিবার জ্ঞপ্তি বিভিন্ন ঘাটতে শক্তিশালী লাউডস্পীকার লাগান হইয়াছে।

জাতীয় কংগ্রেস মহল হইতে জানা গিয়াছে যে, গোয়ায় বিভিন্ন শহরের জনসংখ্যার অঙ্কেরও বেশী লোক নিকটবর্তী গ্রামসমূহে চলিয়া গিয়াছে অথবা ভারতে চলিয়া গিয়াছে।

সীমান্তবর্তী উক্ত তিন মাইল স্থানের সমস্ত বাড়ী ও দোকানের লোক সরাইয়া দেওয়া হইয়াছে।

বোম্বাই, ১৩ই আগষ্ট—বোম্বাইস্থিত গোয়া যুক্তফ্রন্টের ওয়ার্কিং কমিটি ১৫ই আগষ্ট যুগপৎ দমন ও গোয়ায় সত্যগ্রহ আন্দোলন আরম্ভ করিবার সিদ্ধান্ত করিয়াছেন।

সুরাটের এক সংবাদে প্রকাশ যে, গুজরাটের প্রজা-সমাজতন্ত্রী মেতা ক্রীষ্ণরলাল ছোন্ডাই দেশাই ১৫ই আগষ্ট পর্ন্তগীজ অধিকার-ভুক্ত দমনে এক সহস্র সত্যগ্রহীকে পরিচালিত করিয়া লইয়া যাইবার পরিকল্পনা করিয়াছেন। তিনি পর্ন্তগীজ সরকারকে সতর্ক করিয়া দিয়া বলিয়াছেন : “সাম্রাজ্যবাদী সরকার আমার দেশের সুনাম মসীলিষ্ট করিবে, স্বাধীন ভারত করজোড়ে বসিয়া তাহা দেখিতে পারে না।” তিনি দমনের গবর্ণরের নিকট প্রেরিত এক স্মারকলিপিতে “স্বাধীন জনগণের যে নবসমাজ উপনিবেশিক যুগের অবসানের পর অবধারিতভাবে রূপ গ্রহণ করিতে যাইতেছে, তাহাতে সহযোগিতা করিতে” পর্ন্তগীজ সরকারের নিকট আবেদন জানাইয়াছেন।

গোয়া যুক্তফ্রন্টের সভাপতি ও মুক্তিফৌজের সর্কাধিনায়ক মি: মাসকারেনহাস যীও ব্রীষ্টের নামে পর্ন্তগালের প্রধানমন্ত্রী ডা: সালজারের নিকট “শেষ মুহূর্তের” আবেদন জানাইয়া তাহাতে “আপনার নাগরিকগণের মৃত্যুর পরোয়ানা যাহাতে স্থগিত থাকে এবং প্রাচ্য জনগণের মনে আপনার দেশের জনগণের জ্ঞপ্তি যে সদিচ্ছা আছে, তাহা যাহাতে মুছিয়া না যায়, তাহার জ্ঞপ্তি ব্যবস্থা অবলম্বন করিতে” বলিয়াছেন। তিনি আবেদনে আরও বলিয়াছেন : “শেষ মুহূর্ত অতিক্রান্ত হইলেই কেবল সংগ্রামের পথ

খোলা থাকিবে এবং ভগবান আপনাকে ও আপনার লোকদিগকে কৃপা করুন।”

ইন্দোচীন

গত জুলাই মাসের শেষে জেনেভায় ইন্দোচীনে যুদ্ধ বিরতির প্রস্তাব গৃহীত হয়। জেনেভায় ফরাসী প্রধান মন্ত্রী ও চীনের প্রতিনিধি মন্ত্রী এই দুই জনের সংসাহস ও রাষ্ট্রনীতিজ্ঞান এবং শ্রীনেহেরু প্রতিনিধি শ্রীমেননের অক্লান্ত পরিশ্রমে এই সিদ্ধান্ত গৃহীত হয়। তাহার পর নয়া দিল্লীতে তদারকী কমিশনের প্রথম অধিবেশন বসে। তাহার সংক্ষিপ্ত বিবরণ এইরূপ :

নয়াদিল্লী, ১লা আগষ্ট—ইন্দোচীন অস্ত্র সংবরণ তদারকী কমিশনের সদস্য-রাষ্ট্র পোলাণ্ড, কানাডা এবং ভারতের প্রতিনিধিদের সম্মেলনের উদ্বোধন করিয়া আজ ভারতের প্রধানমন্ত্রী শ্রীনেহেরু বলেন যে, এই কমিশন শুভেচ্ছা ও সহযোগিতার মনোভাব লইয়া কাজ করিবেন এবং এই কমিশনের উপর যে দায়িত্ব অর্পণ করা হইয়াছে তাঁহারা তাহা পালন করিবেন বলিয়া তিনি আশা করেন। এই কমিশনে কানাডা ও পোলাণ্ডের সহিত একত্র কার্য করিবার এবং এই গুরুতর দায়িত্ব পালনের অধিকার লাভে ভারত নিজেকে সম্মানিত বোধ করিয়াছে। শ্রীনেহেরু বলেন যে, তাঁহাদের উপর অত্যন্ত গুরুত্বপূর্ণ কার্যভার অর্পণ করা হইয়াছে। এই কর্তব্য সম্পাদনে এই কমিশনের সকল সদস্যের এবং যে সকল রাষ্ট্রের সহিত এই কমিশনের কার্য করিতে হইবে সেই সকল রাষ্ট্রের নিষ্ঠতম সহযোগিতা সর্কাপেক্ষা বেশী প্রয়োজন। কমিশনের সদস্যদের নিকট হইতেই শুধু নয়, সংশ্লিষ্ট সকল রাষ্ট্রের নিকট হইতেই যে পূর্ণ সহযোগিতা পাওয়া যাইবে, সে বিষয়ে তাঁহার দৃঢ় বিশ্বাস আছে। একান্ত আশা হিসাবেই তিনি এই মনোভাব প্রকাশ করিতেছেন না, জেনেভা সম্মেলনের আলোচনা হইতে তাঁহার যে ধারণা হইয়াছে সেই ধারণা হইতেই তিনি ইহা বলিতেছেন। এই সম্মেলনে পরস্পরের সহিত সহযোগিতার, পরস্পরের অন্তর্বিধা ও মনোভাব বৃদ্ধিতে চেষ্টা করিবার ইচ্ছা প্রকাশ পাইয়াছে। প্রত্যেক পক্ষই কোন একটি মীমাংসায় পৌঁছিবাব মনোভাবে উদ্বুদ্ধ হওয়ার জন্যই জেনেভা সম্মেলনে সিদ্ধান্তগুলি গ্রহণ সম্ভব হইয়াছে। সেই দিক হইতে জেনেভা সম্মেলনকে অভূতপূর্ব বিবেচনা করা যাইতে পারে বলিয়া তিনি মনে করেন।

ভারতে ফরাসী এলাকা

ফরাসী প্রধানমন্ত্রী মঁসিয়ে মঁদে-ফ্রাঁস যেরূপ বাস্তব দৃষ্টিভঙ্গীতে ফ্রান্সের উপনিবেশিক সমস্যাগুলির সমাধানের পথ খুঁজিতেছেন, তাহাতে আশা করা যায় যে, এদেশস্থ ফরাসী উপনিবেশগুলি শীঘ্রই স্বাধীন ভারতে যুক্ত হইবে। কিন্তু এখনও আলোচনা মাত্রই চলিতেছে।

সংবাদপত্রে এবিষয়ে ইতিপূর্বে যাহা প্রকাশিত হইয়াছে তাহার চূড়ক এইরূপ :

প্যারিস, ৫ই আগস্ট—ভারতে অবশিষ্ট ফরাসী অধিকৃত এলাকা স্যুয়াম্পর্কে ফ্রান্স ও ভারতের মধ্যে পুনরায় সরকারী-ভাবে আলোচনা আরম্ভ হইয়াছে। এ সম্পর্কে অদূর্ভবিষ্যতে এক চুক্তি সম্পাদনের দ্বারা আলাপ-আলোচনার অবসান হইবে বলিয়া আশা করা যায়। কিন্তু ১৪ই আগস্টের মধ্যে ফরাসীদের ভারত ত্যাগের যে আশা পোষণ করা হইতেছে, তাহা অতিমাত্রায় বেশী বলিয়া কুটনৈতিক মহঙ্গ মনে করেন।

৪ঠা জুন প্যারিসে ফরাসী-ভারত আলোচনা ফাঁসিয়া যাইবার পর হইতেই নয়াদিল্লীতে ফরাসী রাষ্ট্রদূত ভারত সরকারের সহিত সংযোগরক্ষা করিয়া আসিতেছেন।

প্যারিসের আলোচনার পণ্ডিচেরী, কারিকল, মাত্রে ও ইয়ামন এই চারটি উপকূলবর্তী এলাকা সম্পর্কে বিবেচনা করা হয়। ১৬ই জুলাই মাত্রে শাসন-ক্ষমতা হস্তান্তরিত হওয়ায় এবং মাসপানেক পূর্বে ইয়ামন “ভুক্ত” হওয়ায় বর্তমান আলোচনাটি কেবল পণ্ডিচেরী ও কারিকল সম্বন্ধেই সীমাবদ্ধ থাকে।

ফরাসী এলাকার তিন লক্ষ অধিবাসীর মধ্যে বেশীর ভাগই পণ্ডিচেরী ও কারিকলে বসবাস করে। পঞ্চম উপনিবেশ চন্দননগর ১৯৫১ সনের গণভোটারের পর ভারতভুক্ত হয়।

প্যারিস, ১০ই আগস্ট—ফরাসী উপনিবেশমন্ত্রী মঃ রবার্ট বুয়ো অজ বসেন সে, পূর্বাঙ্কে স্থানীয় অধিবাসীদের সহিত আলোচনা না করিয়া ভারতের ফরাসী উপনিবেশসমূহের সার্বভৌম ক্ষমতা হস্তান্তরিত করা হইবে না।

জাতীয় পরিষদে সদস্যদের প্রশ্নের উত্তরে মঃ বুয়ো বলেন যে, ১৭৬৩ এবং ১৮১৪ সনের আন্তর্জাতিক চুক্তি অনুযায়ী এইসব উপনিবেশে সামরিক বলপ্রয়োগের কোন অধিকার ফ্রান্সের নাই। কিন্তু ভারতের পর্তুগীজ উপনিবেশসমূহের অবস্থা অন্বেষণ করুন।

জাতীয় পরিষদে টিউনিসিয়ায় সরকারী নীতির পূর্ণাঙ্গ আলোচনার তারিখ নির্ধারণকল্পে বিতর্ককালে ভারতের প্রসঙ্গ উত্থাপিত হইলে উপনিবেশমন্ত্রী উপরোক্ত মন্তব্য করেন।

মঃ বুয়ো প্রস্তাব করেন যে, ২৭শে আগস্ট টিউনিসিয়া প্রসঙ্গ আলোচনাকালে ভারতের সম্পর্কেও আলোচনা হইতে পারে। ইহাতে কোন সদস্য আপত্তি করেন নাই।

উপনিবেশ সংক্রান্ত বিষয়ে আলোচনার সময় অজ গলপস্থী সদস্য মঃ রেমো ভারতের মনোভাবের নিন্দা করেন এবং মঃ পিয়ের মেদে ফ্রান্স আত্মঘাতী নীতি অনুসরণ করিতেছেন বলিয়া মন্তব্য করেন। তিনি আরও বলেন, “গোয়া সম্পর্কে পর্তুগীজ সরকার যে দৃঢ় মনোভাব অবলম্বন করিয়াছেন, ফরাসী সরকার তাঁহাদের উপনিবেশ সম্পর্কে নয়াদিল্লীর প্রতি কেন সেইরূপ দৃঢ় মনোভাব অবলম্বন করিতেছেন না?”

আরও দুইজন বামপন্থী সদস্য ভারত সম্পর্কে সরকারী মনোভাবের নিন্দা করিয়া সরকারকে পর্তুগালের দৃষ্টান্ত অনুসরণ করিতে বলেন।

পরের খবরে, ১৪ই আগস্টে, জানা যায় যে, ফরাসী সরকার উপনিবেশগুলি সম্পর্কে আলোচনা করিতে প্রস্তুত।

টিউনিসিয়াতে ফরাসী সন্ত্রাসবাদ

ব্রিটিশ পার্লামেন্টের সদস্য মিঃ ফ্রেনার ব্রকওয়ে সম্প্রতি টিউনিসিয়ার ট্রেড ইউনিয়ন কংগ্রেসের অধিবেশনে যোগদান করিবার উদ্দেশ্যে তথায় গিয়াছিলেন। ২৪শে জুলাই “ভিজিল” পত্রিকায় এক প্রবন্ধে তিনি লিখিতেছেন যে, উপর হইতে টিউনিসিকে শাস্ত দেখাইলেও সেখানে প্রবল অসন্তোষ এবং হিংসা রহিয়াছে।

প্রায়ই টিউনিসির রাস্তায় ফরাসী সৈন্যদের মার্কট করিয়া যাইতে দেখা যায়। তাহারা বাড়ীতে বাড়ীতে গিয়া থানাতল্লাসী করে পুস্তক-পুস্তিকা বাজেয়াপ্ত ও লোককে গ্রেপ্তার করে। সশস্ত্র ফরাসী গুণ্ডার দল আরব অধিবাসীদিগকে নির্বিচারে গুলি করিয়া মারে। প্রথম দিকে টিউনিসিয়গণ প্রত্যন্তর দিষ্টেন না, কিন্তু গুণ্ডাদের নিপীড়ন বৃদ্ধি পাওয়ায় এখন তাঁহারা প্রতিশোধ গ্রহণ করিতে আরম্ভ করিয়াছেন।

বর্তমানের এই সন্ত্রাসবাদী কার্যকলাপ শুরু হয় গত জুন মাসের প্রথম দিকে। কায়রুওয়ানের নিকটে জাতীয়তাবাদী কৃষক হাকুজ ভ্রাতৃদ্বয়কে হত্যা করা হয়। হত্যার জন্ত কাহাকেও গ্রেপ্তার করা হয় নাই। ১৩ই জুন জাতীয় অর্থনৈতিক পরিষদে নির্বাচনের সময় চারি জন আরব ভোটার তা নিহত হন। পরদিন মঃ পিক নামে এক জন ফরাসীকে হত্যা করা হয়। তারপর বেডসে দুই জন আরবকে হত্যা এবং চার জনকে আহত করা হয়। প্রতিশোধ হিসাবে এক জন ফরাসী নিহত এবং পাঁচ জন আহত হন। কেঞ্জেল বুঁ জেলখাতে ফরাসীরা তিন জন টিউনিসিয়কে হত্যা এবং সাত জনকে আহত করিয়া উহাদের উপর প্রত্যাঘাত করে।

গত বৎসর টিউনিসিয় ট্রেড ইউনিয়ন নেতা ফারহাত হাসাদকে হত্যা করা হয়। হত্যার জন্ত কেহই গ্রেপ্তার হয় নাই। অবশ্য টিউনিসিয়দিগকে হত্যার জন্ত কোন দিনই কোন ফরাসীকে গ্রেপ্তার করা হয় নাই। হাসাদের মৃত্যু এখনও রহস্যাবৃত রহিয়াছে। সরকার সত্য ঘটনা প্রকাশ করিতে সাহসী হয় নাই, কারণ তাহা হইলে সরকার স্বয়ং লোকচক্ষে তেয় হইবে।

মিঃ ব্রকওয়ে লিখিতেছেন যে, প্রায় ষোল শত টিউনিসিয় বিনাবিচারে আটক রহিয়াছেন। সন্দেহবশে স্বল্পকালের জন্ত যে কত লোককে বন্দী করা হইয়াছে তাহাদের সংখ্যা জানা যায় না। তবে এইটুকু বলিলেই যথেষ্ট যে, টিউনিসিয়ার জেলখানাগুলি পরিপূর্ণ রহিয়াছে এবং যে ঘরে পূর্বে আশী-নব্বই জনের স্থান সঙ্কুলান হইত বর্তমানে সেই ঘরে দেড় শত হইতে এক শত ষাট জন লোককে রাখা হইয়াছে। বিচারে পরে যে কত নর-নারীকে বন্দী করা হইয়াছে তাহাও অজ্ঞাত। জাতীয়তাবাদী নেতা মিঃ মঙ্গী মিম মিঃ ব্রকওয়েকে বলেন যে, টিউনিসি অবাঞ্ছিত সামরিক আদালতের অধিবেশন সপ্তাহে তিন বার করিয়া হয় এবং প্রতি অধিবেশনে পঁচিশ হইতে ত্রিশ জনকে শাস্তি দেওয়া হয়। এই হিসাবে বিচারপ্রাপ্ত বন্দীদের সংখ্যা প্রায় এক হাজার হইবে।

মধ্য হইতে পারে না। ললিতকলার উন্নয়নের জন্ত সরকার অবশ্যই চেষ্টা করিব; তবে শক্তিশালী বেসরকারী প্রতিষ্ঠানের উদ্যোগ ছাড়া ললিতকলার যথার্থ উন্নয়ন সম্ভব নয়। ঠিক এই কারণেই ললিতকলা আকাদেমী স্থাপন করা হইতেছে। সরকার কর্তৃক স্থাপিত হইলেও ইহা স্বশাসিত সংস্থা হিসাবে পরিচালিত হইবে এবং ইহার কার্যে সরকার কোনও প্রকারে হস্তক্ষেপ করিবেন না।”

আমরা শিক্ষামন্ত্রীর ঐ শেষ মন্তব্য সমর্থন করি। ললিতকলার ক্ষেত্রে সরকারী সাহায্য প্রয়োজন সন্দেহ নাই, কিন্তু তাহার উন্নয়ন ও প্রসার রসবেস্তা এবং রসগ্রাহী সাধারণের চেষ্টা ও ইচ্ছা ভিন্ন সম্ভব নহে।

ঐ অনুষ্ঠানে ক্রীদেবীপ্রসাদ রায়চৌধুরী বলেন :

“ভারত সরকারের উদ্যোগে এই প্রথম এই দেশে একটি জাতীয় ললিতকলা আকাদেমী প্রতিষ্ঠা হইল। আমাদের দেশের ললিতকলার শক্তি বৃদ্ধি, কলাবিদদিগকে উৎসাহ দান প্রভৃতি যে সকল মহত্বদেয় লইয়া এই প্রতিষ্ঠান স্থাপিত হইয়াছে সেই সকল যাহাতে পূরণ হয় আমরা শিল্পীরাই সেই বিষয়ে দৃষ্টি দিব। এই আকাদেমীর সাফল্যই আমাদের চরম সার্থকতা।

“বিচিত্র প্রতিভার অধিকারী ও খেলালী শিল্পীদের সঙ্গে কাজ করা কত কঠিন তাহা আমি জানি। কিন্তু ক্ষুধার্ত হইলে অথবা যশঃপ্ৰহা পরিভূক্ত না হইলেই মানুষ ভয়ঙ্কর হইয়া উঠে। একটু সহায়ভূতি একটু সমাদর মানুষের জীবনের গতি পরিবর্তন করিতে পারে। এই প্রসঙ্গে আমার নিজের জীবনের একটি কথা বলিতেছি। এক দিন সৌভাগ্যক্রমে আমার প্রথম ছবিটি তিন টাকায় বিক্রয় করিতে পারিয়া আমি অশেষ আনন্দপ্রসাদ লাভ করিলাম। ক্রেতা মহাশয় আমাকে উৎসাহ-বাণীও শুনাইলেন। তাহার এই প্রশংসা ও উৎসাহমূলক বাণীই আমাকে বড় হইতে সাহায্য করিয়াছে।”

উত্তরবঙ্গে প্লাবন

উত্তরবঙ্গে এ বৎসর আবার বঙ্গার বিভীষিকা দেখা দিয়াছে। জলপাইগুড়ি কুচবিহার ইত্যাদি অঞ্চলের অধিবাসিগণ অত্যন্ত দুর্গত হইয়াছে। তাহাদের সাহায্যের জন্ত যে আবেদন করা হইয়াছে তাহাব মর্ম্ম নিয়ে দেওয়া হইল।

পশ্চিমবঙ্গের খাদ্যমন্ত্রী শ্রীপ্রফুল্লচন্দ্র সেনকে চেয়ারম্যান করিয়া “উত্তরবঙ্গ বঙ্গা সাহায্য সমিতি” নামে একটি সমিতি গঠিত হইয়াছে। এই সমিতির পক্ষ হইতে বঙ্গাপীড়িতদের সাহায্যের জন্ত জনসাধারণের নিকট এক আবেদন প্রচার করা হইয়াছে।

উক্ত আবেদনে বলা হইয়াছে, “উত্তরবঙ্গে সাম্প্রতিক বঙ্গায় যে ক্ষয়ক্ষতি হইয়াছে তাহা আপনারা সকলেই অবগত আছেন। বিস্তীর্ণ অঞ্চল জলপ্লাবিত হইয়াছে এবং ঐ অঞ্চলের নদী ও খালগুলিতে জলক্ষীতি দেখা দিয়াছে। বেলপথ ও স্থলপথে যানবাহন চলাচল বিপর্যাস্ত হইয়াছে। বাসগৃহ, শস্য ও গবাদি পশুর প্রচুর ক্ষতি হইয়াছে, কৃষিকার্যে অচল অবস্থার সৃষ্টি হইয়াছে। ফলে কৃষিজীবী ও অগ্ৰাণ শ্রমিকগণ বেকার হইয়া পড়িয়াছে।

এই সব দুর্গত অঞ্চলের অধিবাসীরা এক অবর্ণনীয় দুঃখকষ্টের সম্মুখীন হইয়াছে। ব্যাপক অনশন ও মহামারীর প্রাতুর্ভাবের সম্ভাবনা রহিয়াছে। কেবল সরকারী সাহায্যে এই ধরণের বিপর্যয়ের সম্মুখীন হওয়া সম্ভব নহে। এইরূপ জরুরী অবস্থায় জনসাধারণের নিকট হইতে প্রচুর সাহায্য ও সহযোগিতা আসা একান্ত প্রয়োজন। সাহায্যকার্য চালাইবার জন্ত যথোপযুক্ত তহবিল গঠনের উদ্দেশ্যে উক্ত সাহায্য সমিতি গঠিত হইয়াছে। যাবতীয় সাহায্য নিম্নলিখিত ঠিকানায় পেরিতব্য :

১। শ্রীপ্রফুল্লচন্দ্র সেন, মন্ত্রী, পশ্চিমবঙ্গ সরকার, মিনিষ্টারস কোয়ার্টার, “রাজভবন”, কলিকাতা-১; অথবা শ্রী এন. পি. রায়, কোষাধ্যক্ষ, এস কে. ব্যানার্জি এণ্ড কোম্পানী, ৯, এজরা ষ্ট্রীট, কলিকাতা-৬।

কংগ্রেস তথা সরকারী শিল্পনীতি

কংগ্রেস পার্টি ভারতীয় আইন পরিষদে সংখ্যাগরিষ্ঠ দল, সুতরাং তাহাদের দলীয় নীতি সরকারী নীতিকে বিশেষভাবে প্রভাবান্বিত করিবে ইহা খুবই স্বাভাবিক। কংগ্রেস কমিটির আজমীর অধিবেশনে তাই আশা করা গিয়াছিল যে, সরকারী শিল্পনীতির একটি সুচিন্তিত সিদ্ধান্ত গ্রহণ করা হইবে। সরকারী শিল্পনীতি সম্বন্ধে দেশে যথেষ্ট মতবিরোধ আছে; কারণ সরকারী নীতি গৌজামিল ও অনিশ্চয়তায় ভরা। কংগ্রেস কমিটির অধিবেশনের প্রস্তাবগুলি বৃহত্তর গতানুগতিক মঙ্গল কামনায় পূর্ণ মাত্র—বাস্তবতার কষ্টপাথরে ম্লান হইয়া উঠে। ফলে প্রস্তাবগুলি গ্রহণের পর তাহাদের কার্যকারিতা সম্বন্ধে কেহ আর মাথা ঘামায় না। ভরসা ছিল যে, কংগ্রেসের আজমীর অধিবেশন জাতীয়তাকরণ, জাতীয়তাকরণের জন্ত ক্ষতিপূরণ, বৃহদায়তন ও ক্ষুদ্রায়তন শিল্পস্বার্থের সমন্বয় সাধন, জমি দখলের পরিমাণ নিয়ন্ত্রণ ইত্যাদি জাতীয় সমস্যাগুলি সম্বন্ধে স্পষ্ট নির্দেশ দিবে, কিন্তু এই সকল ব্যাপারে আজমীর অধিবেশন নিরাশ করিয়াছে। গতানুগতিক আদর্শবাদের আকাশ-কুসুম কল্পনায় আজমীর অধিবেশনের প্রস্তাবগুলি ভরা; বাস্তব কার্যকারিতার স্থান তাহাতে নাই।

শিল্পনীতি সম্বন্ধে বড় সমস্যা হইতেছে যে, মিশ্রনীতির কোন পরিবর্তন অথবা পরিবর্তন প্রয়োজন কিনা। ব্যক্তিগত অর্থনীতির ক্ষেত্রে স্বীকার করিয়া লওয়া হইয়াছে, কিন্তু তাহারা যে আশ্বাস চায় সে আশ্বাস তাহারা পায় নাই। মিশ্রনীতিতে রাষ্ট্র ব্যক্তিগত অর্থনীতিকে নিয়ন্ত্রণ করিতে পারিবে, কিন্তু সেই নিয়ন্ত্রণের পরিধি কতখানি? নিয়ন্ত্রণ যদি জাতীয়তাকরণে পরিসমাপ্তি লাভ করে তাহা হইলে শিল্পপতিরা আপত্তি জানাইবে। তাহাদের বক্তব্য এই যে, জাতীয়তাকরণ করা হইবে না, এ আশ্বাস না পাইলে শিল্পপতিরা নূতন শিল্পপ্রতিষ্ঠায় তেমন আগ্রহ প্রকাশ করিবে না। তাহাদের দাবি অবশ্য যুক্তিহীন ও অসম্ভব। ভারতীয় রাষ্ট্র অল্পবিস্তর সমাজ-তান্ত্রিক আদর্শের ভিত্তির উপর প্রতিষ্ঠিত। সুতরাং সেই পরি-শ্রেণিতে ভারতীয় শিল্পপতিরা কোনরূপেই নিরঙ্কুশ স্বাধীনতা পাইতে

পারেন না, অর্থাৎ তাঁহারা বত অন্টারই করুন না কেন, রাষ্ট্র তাঁহাদের অর্থনৈতিক স্বাধীনতার হাত দিতে পারিবে না এ দাবি আজকাল অচল।

আজমীর অধিবেশনের শিল্পনীতি প্রস্তাবে বলা হইয়াছে যে, দেশের সম্পদ নূতন শিল্প প্রতিষ্ঠায় নিয়োজিত হইবে, বর্তমান ব্যক্তিগত শিল্পগুলিকে জাতীয়করণের জন্ত জাতীয় সম্পদ নিয়োজিত করা হইবে না। এই আশ্বাস শিল্পপতিদের স্বপক্ষেই যায়। কিন্তু এই প্রস্তাবের পরেই বলা হইয়াছে যে, জাতীয় স্বার্থের খাতিরে ব্যক্তিগত শিল্পগুলিকে জাতীয়করণ করা যাইতে পারে। আর ইহাতেই শিল্পপতিদের আপত্তি; কারণ জাতীয়তাকরণের হুমকি যখন বর্তমান থাকিতেছে তখন ব্যক্তিগত শিল্পপ্রসার বাহত হইতে বাধ্য। অবশ্য পণ্ডিত নেহেরু আশ্বাস দিয়াছেন যে, অর্থনৈতিক অযোগ্য প্রতিষ্ঠানগুলিকে জাতীয়করণ করা হইবে না। কিন্তু তাহা হইলে সুপরিচালিত স্বাবলম্বী ব্যক্তিগত প্রতিষ্ঠানকে জাতীয়করণ করার কোন প্রয়োজন নাই। অর্থাৎ, বাস্তবক্ষেত্রে জাতীয় স্বার্থের বিরোধী না হইলে কোন ব্যক্তিগত শিল্পকে রাষ্ট্র জাতীয়করণ করিবে না। কিন্তু শিল্পনীতির জাতীয়তাকরণ ধারার অস্তিত্বই নাকি শিল্পপতিদের ভীতির কারণ এবং ইহার জন্ত শিল্পপ্রসার আশারূপ হইতেছে না।

এই সমস্যার সমাধানের দুইটি উপায় আছে। রাষ্ট্র যদি মনে করে যে, নিজেই প্রয়োজনীয় সকল নূতন শিল্প প্রতিষ্ঠা করিতে পারিবে এবং সেই সঙ্গে দেশের বেকার-সমস্যারও সমাধান হইবে তাহা হইলে আর শিল্পপতিদের উপর ভরসা রাখিবার কোন প্রয়োজন নাই। সেই অবস্থায় কিন্তু পূর্ণ সমাজতান্ত্রিক অর্থনৈতিক কাঠামো অবশ্যম্ভাবী এবং মনে-প্রাণে ভারত সরকারকে সেই দায়িত্ব গ্রহণ করিতে হইবে। দুই নৌকায় পা দিয়া থাকিলে চলিবে না। ধনীত্যাগ নীতি পরিহার করিতে হইবে। সমাজতান্ত্রিক অর্থনীতিতে ব্যক্তিগত শিল্পের অস্তিত্ব নিষ্প্রয়োজন।

কিন্তু ভারত সরকার তথা কংগ্রেস পার্টি যদি পূর্ণ সমাজতান্ত্রিক অর্থনৈতিক আদর্শ বর্তমানে গ্রহণ করিতে অপারগ হন, তাহা হইলে মিশ্র অর্থনৈতিক কাঠামোকে শুধু স্বীকার করিলেই চলিবে না, তাহাকে বাস্তবে কার্যকরী করিবার জন্ত তৎপর হইতে হইবে। ভারত সরকার যদি মনে করেন যে, তাঁহারা নিজেরা প্রয়োজনীয় সকল শিল্প প্রতিষ্ঠা করিতে অসমর্থ এবং দেশের বেকার সমস্যা সমাধানের জন্ত ব্যক্তিগত শিল্পের সাহায্য প্রয়োজন, তাহা হইলে শিল্পপতিদের অথবা ভীতিপ্রদর্শন করিয়া লাভ নাই। জাতীয়তাকরণের ধারাটি শিল্পনীতির প্রস্তাব হইতে তুলিয়া লইলেই যদি শিল্পসম্প্রসারণ ঘটে তবে তাহা আনন্দের কথা। সুতরাং ভারত সরকারের এই ধারাটি তুলিয়া লইতে আপত্তি থাকার কোন কারণ থাকিতে পারে না। যদি কোন শিল্প জাতীয়তাবিরোধী কার্য করে (বহু ব্যক্তিগত শিল্পই জাতীয়তাবিরোধী কার্য করিতেছে) তাহা হইলে সরকার বর্তমান “শিল্প বিবর্ধন ও নিয়ন্ত্রণ” আইনের সাহায্যেই সেই শিল্পকে জাতীয়করণ করিতে পারেন।

কংগ্রেসের শিল্পনীতির ব্যাখ্যা করিতে গিয়া পণ্ডিত নেহেরু বলিয়াছেন যে, যেখানে শিল্পসম্পদ সীমাবদ্ধ, সেখানে এই নূতন শিল্প প্রতিষ্ঠানে নিয়োজিত হইবে, না ইহার দ্বারা পুরনো প্রতিষ্ঠান ক্রয় করা হইবে? যদি নূতন শিল্পপ্রতিষ্ঠায় নিয়োজিত হয় তাহা হইলে রাষ্ট্রপরিচালিত শিল্পপ্রতিষ্ঠানগুলি ক্রমশঃ বিবর্ধিত হইবে এবং ব্যাপ্তি লাভ করিবে। তিনি বলিয়াছেন, কিন্তু যদি পুরনো প্রতিষ্ঠানকে জাতীয়করণ করা হয় তাহা হইলে জাতীয় সম্পদের বদলে রাষ্ট্র কতকগুলি পুরনো এবং ভাঙ্গাচোরা যন্ত্রপাতি পায় মাত্র। নূতন শিল্পপ্রতিষ্ঠা দ্বারা অধিকতর উৎপাদন সর্বদাই কাম্য। কিন্তু পুরনো প্রতিষ্ঠান দ্বারা উৎপাদন বৃদ্ধি না পাইয়া একই হারে বর্তমান থাকে, তাহাতে জাতীয় ক্ষতি হয়। নিঃসন্দেহে ইহা খুবই সুচিন্তিত অভিমত এবং মিশ্র অর্থনীতির পরিপোষক। তবে শুধু একটি কথা জিজ্ঞাস্য। ভারতীয় বিমানপথ জাতীয়তাকরণের সময়ে জাতীয় সম্পদের বিনিময়ে কতকগুলি পুরনো এবং ভাঙ্গাচোরা বিমান ক্রয় করা হইয়াছে কেন? এই বিমানগুলির অধিকাংশের মূল্য পুরনো লোহার চেয়ে অধিক ছিল না। ইতিমধ্যেই কয়েকটি বিমান দুর্ঘটনায় নষ্ট হইয়াছে— ইহাতে শুধু জাতীয় সম্পদের অপচয় হইয়াছে। পণ্ডিত নেহেরুর উপরি-উক্ত চিন্তা তখন কোথা ছিল যখন পুরনো বিমানগুলি সোনার দরে ক্রয় করা হইয়াছিল। এই সকল পুরনো অযোগ্য বিমান ক্রয় না করিয়া নূতন বিমান ক্রয় করিয়া ভারতীয় বিমানপথ প্রতিষ্ঠা করিতে পারিতেন।

শিল্পনীতির আর একটি সমস্যা হইতেছে, বৃহদায়তন ও স্বল্পায়তন শিল্পের মধ্যে সীমা-নির্ধারণ। সীমানা পূর্বেই নির্ধারিত হইয়াছে, কিন্তু তাহা বৃহদায়তন শিল্পগুলির বিপক্ষে। যেমন মিল-বস্ত্র উৎপাদন হ্রাস করিয়া এবং তাহার উপর কর-বসাইয়া তাঁত-বস্ত্রকে সাহায্য করা হইতেছে। অনেকক্ষেত্রে বৃহদায়তন শিল্পের স্বার্থকে বলি দিয়া স্বল্পায়তন অযোগ্য শিল্পপ্রতিষ্ঠানকে সাহায্য করা হইতেছে। ভারতীয় মিলবস্ত্র এখন যথেষ্ট পরিমাণে রপ্তানী হইতেছে, কিন্তু মিলবস্ত্রের রপ্তানী হ্রাস করিয়া দেওয়াতে রপ্তানী ব্যবসায়ের ক্ষতি হইতেছে। সুতরাং শিল্পের শ্রেণীবিভাগে ক্ষতি বই লাভ হয় নাই। পশ্চিম বাংলার মুখামন্ত্রী কংগ্রেস কমিটির অধিবেশনে শিল্পনীতি সম্বন্ধে প্রস্তাবটি উত্থাপন করিয়া বলেন যে, শিল্পের বর্তমান শ্রেণীবিভাগ অবাঞ্ছনীয়। তবে সরকার উৎপাদন-ক্ষেত্র ভাগ করিয়া দিতে পারেন বিভিন্ন প্রকার শিল্পের মধ্যে। কুটির-শিল্পের স্বরূপ কি রকম হইবে বৃহদায়তন ও স্বল্পায়তন শিল্পের মধ্যে শ্রেণীবিভাগ করিবার দায়িত্ব মুখ্যতঃ সরকারের, কংগ্রেস কমিটির নয়।

কংগ্রেস দলই অবশ্য শাসনভার পাইয়াছেন, কিন্তু আইন-পরিষদের মধ্যে কংগ্রেস দল ও আইন-পরিষদের বাহিবে কংগ্রেস দলের মধ্যে তফাৎ অনেক। আইন-পরিষদের কংগ্রেস দল দেশের বৃহত্তম স্বার্থের জন্ত দায়ী এবং তাহাদের দৃষ্টিভঙ্গী দলীয় না হইয়া জাতীয় হওয়া

উচিত। ব্রিটেনে যখন শ্রমিক দল শাসনভার পাইয়াছিলেন তখন ঠিক সেই সময়ই উঠিয়াছিল যে, শ্রমিক গবর্নেন্ট শুধু দলীয় ক্ষতোরা শুনিবেন না, সামগ্রিকভাবে আইন-পরিষদের কথা শুনিবেন। শেষে সিদ্ধান্ত হয় যে, শ্রমিক গবর্নেন্ট শুধু দলীয় নির্দেশ শুনিতে বাধ্য নয়—ইহার দৃষ্টিভঙ্গী জাতীয় এবং স্বার্থ সার্বজনিক। আমাদের দেশের কংগ্রেস সরকার দলীয় দৃষ্টিভঙ্গী ও কতকগুলি দলীয় বাস্তবিক কাটাইয়া উঠিতে পারেন নাই। বৃহদায়তন ও স্বল্পায়তন শিল্পের মধ্যে শুধু উৎপাদন দীমানা নির্ধারণ করিলেই চলিবে না—স্বল্পায়তন শিল্পের জগৎ আধুনিক যন্ত্রপাতি ও উন্নততর উৎপাদন প্রণালী, গবেষণার বন্দোবস্ত, বিক্রয়-সংস্থা স্থাপন প্রভৃতি প্রয়োজন। শুধু কুটীরশিল্পে দৃষ্টিভঙ্গী আবদ্ধ রাখিলে ভারতের অর্থনৈতিক উন্নতির গতি নির্দিষ্ট গণ্ডীর মধ্যেই আবদ্ধ থাকিবে—যেমন ছিল এত দিন পর্যন্ত।

শিল্প বিবর্ধন কর্পোরেশন

ভারতে শীঘ্রই একটি শিল্প বিবর্ধন কর্পোরেশন সরকারী মূলধন লইয়া প্রতিষ্ঠিত হইবে। পৃথিবীর অগাধ উন্নত দেশগুলিতে ইন-ভেটমেন্ট ট্রাষ্ট নামক বহু প্রতিষ্ঠান গড়িয়া উঠিয়াছে যাহারা শিল্প প্রতিষ্ঠার ব্যাপারে গোড়ার রচনা-কার্য সম্পাদন করিয়া থাকে। শিল্পোন্নতির সহায়ক হিসাবে প্রাথমিক রচনা কার্য অবশ্যই প্রয়োজনীয় এবং তাহার জগৎ বিশেষ ধরণের মূলধন-সরবরাহকারী প্রতিষ্ঠানের প্রয়োজন। ভারতীয় ফাইন্স্যান্স কর্পোরেশন যখন প্রতিষ্ঠা করা হয় তখন ইহা ঠিক ছিল যে, এই কর্পোরেশন প্রথম রচনা-কার্যে সহায়ক হইবে এবং সেই সংক্রান্ত ধারা ইহার সংবিধানে নির্দিষ্ট ছিল। কিন্তু কার্যকালে দেখা গেল, দীর্ঘ-ময়াদী ঋণ না দিয়া ইহা কেবল মাত্র কার্যকরী মূলধন সরবরাহ করিতে লাগিল। গত বাৎসরিক সভায় ফাইন্স্যান্স কর্পোরেশনের ভূতপূর্ব চেয়ারম্যান নূতন সংজ্ঞা দ্বারা ব্যাখ্যা করিলেন যে, ফাইন্স্যান্স কর্পোরেশনের কাজ প্রাথমিক রচনা নয়, ইহার কাজ কার্যকরী মূলধন সরবরাহ করা। ভারত সরকার এই ব্যাখ্যা নিষ্প্রবাদের মানিয়া লইলেন—যদিও ফাইন্স্যান্স কর্পোরেশন আইনের ২৩ (গ) ধারা অনুসারে পরিষ্কার নির্দেশ দেওয়া আছে যে, কর্পোরেশন প্রাথমিক রচনা-কার্য সম্পাদন করিতে পারিবে। ভারতীয় কমাশিয়াল ব্যাঙ্কগুলিই শিল্প-সমূহকে কার্যকরী মূলধন দিয়া সাহায্য করে এবং সেই কার্যের জগৎ ফাইন্স্যান্স কর্পোরেশনের কোন প্রয়োজন ছিল না। এই কর্পোরেশন প্রতিষ্ঠার প্রধান উদ্দেশ্য ছিল প্রাথমিক রচনা-কার্য সম্পাদন করা।

ভারতে প্রাথমিক রচনা-কার্যের জগৎ প্রতিষ্ঠানের খুবই প্রয়োজন। প্রস্তাবিত শিল্প-বিবর্ধন কর্পোরেশনের প্রধান কাজ হইবে প্রাথমিক রচনা। প্রতিষ্ঠানটি সর্বতোভাবে সরকারী হইবে, যদিও ইহার বোর্ড অব ডিরেক্টরদের মধ্যে বেসরকারী প্রতিনিধি থাকিবেন। এই কর্পোরেশন ভারতের শিল্পোন্নতির গতি দ্রুত করিবে। ইহার মূলধন হইবে মাত্র এক কোটি টাকা এবং এই টাকার সবটাই ভারত সরকার দিবে। কর্পোরেশন প্রাথমিক রচনা-কার্য সম্পন্ন করিয়া পরে সেই শিল্পের শেয়ার অর্জকে

বিক্রয় করিয়া দিবে; কিংবা ইচ্ছা করিলে সরকার নিজেই বিশেষ কোন শিল্প প্রতিষ্ঠানের অংশ নিজের অধিকারে রাখিতে পারেন এবং সেই সঙ্গে শিল্প প্রতিষ্ঠানের পরিচালনাও নিজেরা করিতে পারিবেন।

তবে প্রাথমিক লেখণীর দায়িত্ব অনেক এবং তাহাতে কিছু পরিমাণ বিপদের সম্ভাবনা আছে। কর্পোরেশন সাধারণতঃ সরকারী শিল্প প্রতিষ্ঠান ব্যাপারেই সাহায্য করিবে; কিন্তু ব্যক্তিগত শিল্পপ্রতিষ্ঠান ব্যাপারেও সাহায্য করিতে পারেন। এবং এইখানেই ব্যক্তিগত স্বার্থের সহিত সরকারী স্বার্থের সজ্বাত অবশ্যস্বাভাবী। সরকারী মূলধন দ্বারা যেখানে প্রাথমিক রচনা-কার্য সম্পন্ন করা হইবে সেখানে সরকারের সর্ব্বেষ দায়িত্ব—যাহাতে প্রতিষ্ঠানটি চালু হয় এবং লাভজনক হয়, তাহা না হইলে সরকারী মূলধন বজায় থাকিবে না। এবং সেইজগৎ প্রয়োজন হইলে ব্যক্তিগত শিল্প প্রতিষ্ঠানের পরিচালনা সরকারী কর্তৃত্বাধীনে রাখিতে হইবে। তখনই শিল্পপতির চীৎকার করিবেন যে, তাঁহাদের স্বার্থ সরকার উপেক্ষা করিলেন এবং দেশে অর্থনৈতিক ব্যক্তিস্বাধীনতা রহিল না।

এই সজ্বাত পরিহার করিতে হইলে প্রয়োজন যে, এই কর্পোরেশন শুধু সরকারী শিল্প প্রতিষ্ঠান ব্যাপারেই সাহায্য করিবে। বেসরকারী শিল্প প্রতিষ্ঠানের জগৎ আন্তর্জাতিক ব্যাঙ্কের সাহায্যে ও আমেরিকার মূলধনে যে আর একটি ডেভেলপমেন্ট কর্পোরেশন প্রতিষ্ঠা করা হইবে তাহার উপরই প্রাথমিক রচনার ভার দেওয়া উচিত। সরকারী কর্পোরেশন সম্বন্ধে একটি বিষয় লক্ষণীয় যে ইহাকে প্রাইভেট কোম্পানী হিসাবে রেজিস্টারী করা হইবে। উদ্দেশ্য এই যে, ইহার দৈনন্দিন কাজের উপর ভারতীয় আইন-পরিষদের কোন কার্যকরী ক্ষমতা থাকিবে না। ইহার ভাল মন্দ দুইটি দিকই আছে। ভাল দিক এই যে, কর্পোরেশন নির্বিবাদে স্বাধীনভাবে কাজ করিতে পারিবে, আইন-পরিষদের দলীয় রাজনীতির সজ্বাতে আসিবে না। কিন্তু মন্দ দিকটি এই যে, সরকারী অর্থের নির্বিবাদে অপচয় হইবার সম্ভাবনা আছে। আর অডিট রিপোর্টে যদি দোষ দেয় তাহাতে ভাবিবার মত কিছু নাই। কারণ অডিট রিপোর্টে সরকারী অর্থের অপচয় ভারত-শাসনের একটি স্বাভাবিক ব্যাপার হিসাবেই সরকার তথা জনসাধারণের গা সহ্য হইয়া গিয়াছে।

বর্ধমান হাসপাতালে অব্যবস্থা

৭ই শ্রাবণ সংখ্যা “দামোদর” পত্রিকায় বর্ধমান ফ্রেজার হাসপাতালে রোগী ভর্তি ও তাহাদের চিকিৎসাব্যাপারে চরম অবহেলা ও উদাসীনতার পরিচয় পাওয়া যায়। পত্রিকাটির সংবাদে প্রকাশ যে, গত ১৭ই জুলাই সকাল ১০টার সময় জনৈক দরিদ্র গ্রামবাসী শ্রীঅনাথ চক্রবর্তী তাহার দুই বৎসর বয়স্ক পুত্রকে ফ্রেজার হাসপাতালে ভর্তি করেন। ছেলের রক্তবমি ও বাহু হইতেছিল এবং সেই সময়েই ছেলেরি নাড়ী প্রায় পাওয়া যাইতেছিল না।

উক্ত পত্রিকার সংবাদে আরও প্রকাশ, “শিশুকে যে সীট দেওয়া হয়, তাহার দুই পার্শ্বে দুইটি শিশুকে মৃত অবস্থায় পড়িয়া

ধাকিতে দেখা যায়। ইহাতে শিশুর পিতামাতা শঙ্কিত হইয়া পড়েন।”

প্রকাশ, উক্ত মৃত শিশুদ্বয় পূর্ববাত্রি হইতে ঐরূপ অবস্থায় পড়িয়া ছিল এবং বেলা ১২টার সময় তাহাদের মৃতদেহ অপসারিত করা হয়।

কিন্তু রুগ্ন শিশুটির চিকিৎসার কোন ব্যবস্থা না হওয়ায় তাহার পিতামাতা বেলা প্রায় ১টার সময় তাহাকে হাসপাতাল হইতে লইয়া গিয়া শহরে অল্প চিকিৎসকের নিকট যায়। কিন্তু সকল প্রয়াস ব্যর্থ করিয়া শিশুটি পরদিন ভোরে মারা যায়।

পত্রিকাটির সংবাদদাতা হাসপাতালের অব্যবস্থার দৃষ্টান্তরূপ আরও বলিতেছেন : “গত ৫ই জুলাই ১নং ওয়ার্ডের ৯নং রোগী রাত্রি ৯টার মারা যায়, কিন্তু তাহার মৃতদেহ পরদিন বেলা ২টার সম উক্ত সিট হইতে অপসারিত হয়। উক্ত ওয়ার্ডের অগাধ রোগীরা ঘুণা ও আতঙ্কে দিন যাপন করিতে বাধ্য হয়।”

এই শোচনীয় ঘটনার সমালোচনা করিয়া মস্তব্য প্রসঙ্গে “নূতন পত্রিকা” ১৩ই শ্রাবণ লিখিতেছেন : “শিশুটিকে হাসপাতালে ভর্তি হই ঘণ্টা পরও কোন চিকিৎসক তাহাকে পরীক্ষা পর্যন্ত করিলেন না, কোনরূপ চিকিৎসার ব্যবস্থাও পর্যন্ত হইল না। এই অবহেলার জন্ত দায়ী কে?”

পত্রিকাটি বলিতেছেন যে, হাসপাতালে রোগীদের প্রতি দুর্ব্যবহারের দৃষ্টান্ত এই একটি মাত্র নহে, ঔষধপথা, রোগীদের প্রতি ব্যবহার এবং নানারূপ দুর্নীতিমূলক ব্যাপারে জনসাধারণের অভিযোগের অন্ত নাই। এই সম্পর্কে কর্তৃপক্ষের দৃষ্টি আকর্ষণ করিয়া বলা হইয়াছে, “আমরা আশা করি কর্তৃপক্ষ উল্লিখিত ঘটনা সম্পর্কে যথাবিহিত তদন্ত করিয়া জনসাধারণের জ্ঞাতার্থে তাহা প্রকাশ করিবেন।”

উক্ত হাসপাতালে দুর্নীতি যে কত ব্যাপক ৩০শে জুলাইয়ের অপর এক সংবাদে “দামোদর” পত্রিকা তাহা প্রকাশ করিয়া লিখিতেছেন, রোগীদিগকে অধিকাংশ দিনই পাউডার গোলা দুধ খাওয়ান হয়, যদিও হাসপাতালের মধ্যে মহিষ রহিয়াছে। রোগীদিগকে যে চাউল খাইতে দেওয়া হয় তাহা নাকি বাজারের সর্কাপেক্ষা নিকৃষ্ট।

পত্রিকার সংবাদদাতা লিখিতেছেন, হাসপাতালের মহিষগুলিকে নাকি অন্ধকারে দোহন করা হয়। “অন্ধকারের সময় যে বালতিতে দুধ দোহন করা হয় তাহাতে পূর্ব হইতে কিছুটা করিয়া জল রাখা হয় এবং তাহার উপরেই দুধ দোহন করা হয়। সাধারণভাবে যে দুধ হাসপাতালে সরবরাহ করা হয়, তাহাতে প্রতি বেলায় প্রায় মণ হিসাবে জল মিশানো হয়। ঐ দুধের মণ বর্তমানে ৩০ টাকা হিসাবে দেওয়া হয়। প্রকাশ, ঠিকাদারকে হাসপাতাল কর্তৃপক্ষের প্রত্যেককে, এমনকি দারোগানদিগকেও বিনা পয়সায় খাঁটি দুধ দিতে হয়।”

“দামোদর” পত্রিকার পরিচালকমণ্ডলী নিজেরা রোগীদিগকে

প্রদত্ত চাউলের নমুনা হইতে দেখিয়াছেন যে, তাহা বা ~~পেক্ষা~~ সর্কাপেক্ষা নিকৃষ্ট। “হাসপাতালের রোগীদের জন্ত ~~কেন্দ্রের~~ জন্ত যে সরিষার তৈল সরবরাহ করা হয় তাহা একরূপ নহে। পূর্বের একটি হিসাবে দেখা গিয়াছে যে, যখন নার্সদের জন্ত ২ টাকা সেবের তৈল সরবরাহ করা হইত সেই সময় রোগীদের জন্ত ১।০ টাকা সেবের তৈল দেওয়া হয়। বর্তমানেও একই ব্যবস্থা চলিতেছে বলিয়া জানা গিয়াছে।”

এই সকল অভিযোগের অবিলম্বে তদন্ত করিয়া সত্যমিথ্যা নিরূপণ আশু প্রয়োজন। বর্ধমান হাসপাতালে অব্যবস্থা সম্পর্কে প্রায়ই বহু সংবাদ আমাদের গোচরে আসে। আমরা পশ্চিমবঙ্গ স্বাস্থ্যমন্ত্রীর দৃষ্টি এদিকে আকর্ষণ করিতেছি।

বর্ধমানে মেডিক্যাল কলেজ

সম্প্রতি পশ্চিমবঙ্গ সরকার জানাইয়া দিয়াছেন যে, বর্ধমানে মেডিক্যাল কলেজ স্থাপনের পক্ষপাতী তাঁহারা নহেন। সরকারের এই সিদ্ধান্তের পুনর্বিবেচনার আবেদন জানাইয়া “দামোদর” পত্রিকায় পরপর কয়েকটি সংখ্যায় কলেজ স্থাপনের যুক্তির সমর্থনে একটি বিশেষ প্রবন্ধ প্রকাশিত হয়।

প্রবন্ধটিতে বলা হইয়াছে যে, বাঁকুড়ায় মেডিক্যাল কলেজ স্থাপিত হওয়ায় বর্ধমানে মেডিক্যাল কলেজ প্রতিষ্ঠার যুক্তির সারবস্তা প্রমাণিত হইয়াছে।

বর্ধমান মেডিক্যাল স্কুলের শেষ ছাত্রদল এই বৎসর পরীক্ষার পর চলিয়া গেলে স্কুলটি একেবারে বন্ধ হইয়া যাইবে। মেডিক্যাল স্কুলের অধ্যাপক ও ছাত্রদিগের সেবা ও সাহায্যে বর্ধমান জেলায় হাসপাতালের যেটুকু কল্পদক্ষতা এবং সুনাম ছিল তাহাও ক্রমে ক্রমে নষ্ট হইবে, কারণ পূর্বের তায় এখন হইতে স্কুলের প্রয়োজনের জন্ত জেলার বাহির হইতে বিশেষজ্ঞ চিকিৎসক আনা হইবে না।

প্রবন্ধটিতে বিস্তৃত আলোচনার সাহায্যে দেখান হইয়াছে যে, চিকিৎসাশাস্ত্রের তিনটি বিভাগ (১) মেডিসিন অর্থাৎ রোগনির্ঘণ ও তাহার চিকিৎসা, (২) সার্জারী অর্থাৎ শলা চিকিৎসা এবং (৩) মিউওয়াইফারী বা ধাত্রীবিদ্যা—এই তিনটি বিভাগ যথাযোগ্যরূপে পরিচালিত করিতে পারেন একরূপ শিক্ষক বর্ধমান মেডিক্যাল স্কুলে ছিলেন বা আছেন। স্কুলের অনেক শিক্ষকই বর্তমানে কলিকাতার শ্রাব নীলরতন সরকার কলেজে অধ্যাপনা করিতেছেন। তাহা ছাড়া বর্ধমানে বড় বড় ডাক্তারদের পসারেরও বিশেষ সুযোগ-সুবিধা আছে যেজন্ত অনেক বড় ডাক্তারই বর্তমানে বর্ধমান ছাড়িয়া যাইতে বিশেষ সম্মত নহেন।

‘কলেজ-ভবনের’ সমস্তাও অপেক্ষাকৃত সরল। বর্ধমান মেডিক্যাল স্কুল ভবনটিকে সামান্য বর্ধিত করিলেই কলেজের উপযোগী স্থান সঙ্কলন হইবে। তাহা ছাড়া মেডিক্যাল ছাত্রদের জন্ত বর্ধমান স্কুলের নিজস্ব ছাত্রাবাস ত রহিয়াছেই। প্রয়োজন হইলে সরকার অধিকৃত অদূরবর্তী বিস্তীর্ণ বর্ধমান রাজের স্বরমা গোলাপ-বাগকে একজন্ত গ্রহণ করা যাইতে পারে। বর্ধমান নার্সদের শিক্ষণ-

হওয়ার তাহাদের জ্ঞান বিঘাট আবাসগৃহ নির্মিত হইতেছে।
অতএব ~~সুই~~ ইমারত সমস্তার সমাধান হইতে পারে।

শিক্ষার সরঞ্জাম ও যন্ত্রপাতি সম্বন্ধেও বিশেষ অসুবিধা হওয়ার কারণ নাই। কলিকাতার বাহিরে মফঃস্বল মেডিক্যাল স্কুলগুলির মধ্যে বর্ধমানের মেডিক্যাল স্কুলটির সাজসরঞ্জাম ও যন্ত্রপাতি শ্রেষ্ঠ; সেগুলিকে সামান্য পরিমাণে বৃদ্ধি করিলেই কাজ চলিবার মত হইবে। বাঁকুড়া কলেজের জ্ঞান সকল যন্ত্রপাতিই নূতন কিনিতে হইবে; কিন্তু বর্ধমানকে তাহা করিতে হইবে না।

উক্ত প্রবন্ধে আরও বলা হইয়াছে যে, মেডিক্যাল কলেজের উপযুক্ত সুরক্ষিত হাসপাতাল মফঃস্বলের মধ্যে একমাত্র বর্ধমানেই আছে। হাসপাতালের প্রকাণ্ড ত্রিতল বাটীতে বর্তমানে বর্ধমান, হুগলী, বাঁকুড়া, বীরভূম, মুর্শিদাবাদ, নদীয়া এবং বিহারের মানভূম ও সাঁওতাল পরগণা জেলার রোগীরা চিকিৎসালভের সুযোগ পায়। হাসপাতাল-ভবনকে সামান্য বিস্তৃত করিলেই কাজ চলিবে এবং ছাত্রদিগকে শিক্ষিত করিয়া তুলিবার জ্ঞান কোন শ্রেণীরই রোগীর অভাব হইবে না।

সর্বশেষে বর্ধমানে মেডিক্যাল কলেজ প্রতিষ্ঠিত হইলে পল্লী-অঞ্চলের দরিদ্র ও মধ্যবিত্তদের মধ্য হইতে প্রতিভাবান ছাত্রদের পক্ষে ডাক্তারী পড়া সাধ্যায়ত্ত হইবে। তাহাদের পক্ষে কলিকাতার জ্ঞান মহানগরীতে অবস্থানের বায়বহন সম্ভব নহে তাহারা অপেক্ষাকৃত অল্পব্যয়ে বর্ধমানে পড়াশুনা করিতে পারিবে। “পল্লী-অঞ্চলের ছাত্ররা শিক্ষালভের সুযোগ পাইলে নিভৃত পল্লী-অঞ্চলে তাহারা হই থাকিবে। ধনী ও শহরে লালিত-পালিত ছাত্রগণ চিকিৎসা বিজ্ঞান আয়ত্ত করিয়া পল্লী-অঞ্চলে যাইবে না।”

আমরা বর্ধমানের কলেজের সপক্ষে সবই মানিতে রাজী, কিন্তু বাঁকুড়ার বিরুদ্ধে যুক্তি প্রদর্শন কেন?

বাঁকুড়ায় মেডিক্যাল কলেজ স্থাপন সম্পর্কে “দামোদর” বাগা বলিয়াছেন তাহা ভুল। সেখানেও মেডিক্যাল কলেজ স্থাপনে সরকারী বাধা চলিতেছে। বাঁকুড়া ও বর্ধমানে কলেজ হইলে নাকি এতই ডাক্তারের ছড়াছড়ি হইবে যে কলিকাতার ডাক্তারেরা বেকার হইয়া শড়িবেন। এদিকে গ্রামে ও জেলায় ডাক্তারের অভাব!

বাঁকুড়া সদর হাসপাতাল সম্পর্কে অভিযোগ

বাঁকুড়া সদর হাসপাতালে রোগীদের প্রতি অবহেলার অভিযোগ সম্বন্ধে আলোচনা-প্রসঙ্গে “জীহমূর্খ” লিখিতেছেন যে, রোগীদের হাসপাতালে ভর্তি করার ব্যাপারে যথেষ্ট উদাসীন দেখান হয় এবং কোন কোন ক্ষেত্রে নাকি সীট থাকা সত্ত্বেও রোগীকে ভর্তি করিতে অনর্থক ঘণ্টার পর ঘণ্টা দেবী করা হয়। দুই-একটি ক্ষেত্রে রোগীকে প্রত্যাখ্যানও করা হইয়াছে। কলিকাতার বাবহার ক্ষেত্রবিশেষে আপত্তিজনক হইয়া দাঁড়ায়! তিনি এই সকল অভিযোগের প্রতি সিবিল-সার্জনের দৃষ্টি আকর্ষণ করিয়া লিখিতেছেন, “এই সমস্ত অভিযোগের পশ্চাতে কৈফিয়ৎ যাই থাকুক না কেন লোকে সেগুলি শোনা অপেক্ষা প্রতিকারই অধিকতর বাঞ্ছনীয় মনে করে।”

তিন বৎসরের উপর হইয়া গেল, পশ্চিমবঙ্গের কর্তৃপক্ষ আশ্বাস দিয়াছিলেন যে, বাঁকুড়ায় পাঁচ শত রোগীর শয্যায়ুক্ত হাসপাতাল তাঁহারা চালু করিয়া দিবেন। আজও সেই আকাশকুসুমই বাঁকুড়া-বাসীর সম্মুখে রাখা হইতেছে।

বাঁকুড়ার গ্রামাঞ্চলে অনাহারে মৃত্যু

পাক্ষিক “হিন্দুবানী”র ২৫শে শ্রাবণ সংখ্যায় প্রকাশিত এক সংবাদে জানা যায় যে, বাঁকুড়া জেলার তালডাংরা ধানা অঞ্চলে ধান চাউলের দর অত্যধিক বৃদ্ধি পাওয়ায় ঐ অঞ্চলের বহু দরিদ্র অধিবাসী অনাহারে এবং ঘাস-পাতা প্রভৃতি দ্বারা উদরপূর্তি করিয়া জীবন-ধারণ করিতেছে। উক্ত সংবাদে আরও প্রকাশ যে, ঐ ধানার অন্তর্গত রাধামোহনপুর গ্রামের দামিনী খয়রানী নামী জনৈক স্ত্রীলোক নাকি গত ১২ই শ্রাবণ অনাহারে মারা গিয়াছে। উক্ত স্ত্রীলোকটি নাকি কিছুদিন যাবৎ কাজ সংগ্রহ করিতে না পারিয়া নানা রকম শাকপাতা থাইয়া দিন কাটাইতেছিল। অনাহারের ফলে গ্রামবাসীদের অবস্থা অত্যন্ত শোচনীয় হওয়ায় তাহাদের নিকট হইতেও সে কোন সাহায্য পায় নাই।

বাঁকুড়া মহকুমা হিন্দু-মহাসভার সম্পাদক জীশক্তিপদ বরাট ২২শে শ্রাবণ উক্ত গ্রাম পরিদর্শন করিয়া গ্রামবাসীদের সহিত সাক্ষাৎ করিয়া উক্ত স্ত্রীলোকের মৃত্যুর প্রকৃত কারণ অনুসন্ধান করেন। সংগৃহীত তথ্যের ভিত্তিতে এক বিবৃতি মারফত তিনি জানাইতেছেন যে, স্ত্রীলোকটি প্রকৃতই অনাহারে মৃত্যুমুখে পতিত হইয়াছে। তিনি বলেন, “ধান-চালের দাম বিশেষভাবে বৃদ্ধি পাওয়ায় চাষীরা অস্থাবর সম্পত্তি বিক্রয় করিয়া অর্থ সংগ্রহ করিয়াও ধান-চাল কিনিতে পাইতেছে না। শ্রমজীবীদের অবস্থা অত্যন্ত শোচনীয়। কৃষিক্ষণ এবং রিলিফের ব্যবস্থা না হইলে অবস্থা আরও শোচনীয় হইয়া উঠিবে।”

“হিন্দুবানী”র উক্ত সংখ্যার অপূর্ব এক সংবাদে প্রকাশ যে, বাঁকুড়া জেলার সর্বত্র অনাহারের ফলে আগামী শতাব্দীর অবস্থা অনিশ্চিত হওয়ায় প্রতিদিন ধান-চাউলের দর বাড়িয়া যাইতেছে। নিয়ন্ত্রণব্যবস্থা প্রত্যাহারের সময় চাউলের দর ছিল বার-তের টাকা মণ; তাহা বৃদ্ধি পাইয়া বর্তমানে সতর-আঠার টাকায় উঠিয়াছে। বড় বড় ব্যবসায়ীরা নাকি এই অবস্থার সুযোগ লইয়া চাউল মজুত করিতেছেন। সরকার আশ্বাস দিয়াছিলেন যে, চাউলের মূল্যবৃদ্ধি হইতে দিবেন না; বর্তমানে চাউলের দর দেড় গুণ বৃদ্ধি পাওয়ায় সেই প্রতিশ্রুতি পালনের সময় আসিয়াছে।

উক্ত সংবাদে আরও বলা হইয়াছে যে, বাঁকুড়ার খাণ্ডবিভাগের হাতে প্রায় এক লক্ষ মণ চাউল মজুত আছে। জেলার চাষীদের কাছেও ধান-চাউলের অভাব নাই, কিন্তু ভবিষ্যতের অনিশ্চয়তার দরুন তাহারা ধান-চাউল বিক্রয় করিতেছেন না। এমতাবস্থায় বাহাতে পরিস্থিতি আয়ত্তের বাহিরে না চলিয়া যায় সেজন্য সরকারকে তৎপর হইয়া অবিলম্বে নিয়ন্ত্রিত মূল্যে ধান-চাউল বিক্রয়ের ব্যবস্থা করিবার অনুরোধ করা হইয়াছে।

জঙ্গীপুর মহকুমায় ডাক-চলাচলে অব্যবস্থা

মুর্শিদাবাদ জেলার জঙ্গীপুর ও রঘুনাথগঞ্জ পোষ্ট-আপিসে কলিকাতা হইতে আগত ডাক বিলি এবং তথা হইতে কলিকাতায় প্রেরিত চিঠিপত্রাদি যাওয়ার যে অস্বাভাবিক বিলম্ব ঘটে এবং তাহার ফলে জনসাধারণকে যে অসুবিধা ভোগ করিতে হয় ২০শে শ্রাবণ “ভারতী” পত্রিকায় এক সম্পাদকীয় মন্তব্যে তৎপ্রতি কঠু-পক্ষের দৃষ্টি আকর্ষণ করা হইয়াছে। কলিকাতা হইতে বিকাল সাড়ে তিনটায় যে সকল চিঠি আসিয়া পৌঁছায় তাহা বিলি হয় পরদিন বেলা দশটার সময়। কলিকাতাগামী ডাক স্থানীয় পোষ্ট-আপিসে চক্ষিণ ঘণ্টা পড়িয়া থাকে এবং পরদিন ট্রেনে যায়।

“ভারতী” লিখিতেছেন, “যাহাতে চিঠিপত্র তাড়াতাড়ি বিলি হয় ভারত-সরকার তৎক্ষণাৎ গ্রামাঞ্চলেও পোষ্ট-আপিস স্থাপন করিয়াছেন এবং কলিকাতা সহরে ভ্রাম্যমাণ পোষ্ট-আপিস চালু করার ব্যবস্থাও করিতেছেন। অথচ জঙ্গীপুরের মত একটি মহকুমা সহরে ১৫।১৬ ঘণ্টা ধরিয়া চিঠিপত্র বিলি না হইয়া পড়িয়া থাকায় এই অঞ্চলের জনসাধারণের বিশেষতঃ ব্যবসাদারদের বিশেষ অসুবিধা হইতেছে। অনেক সময় জঙ্গীপুর পোষ্ট-আপিস বলিয়া রঘুনাথগঞ্জের চিঠি আসিলে আরও ২৪ ঘণ্টা পরে সেই সব চিঠি বিলি হয়; অথচ পোষ্ট-আপিস দুইটি নদীর ঠিক এপার, ওপারে অবস্থিত।...আবার টেলিগ্রামও এখান হইতে পাকুড় ঘুরিয়া যাওয়ার ব্যবস্থা থাকায় ইহাও চিঠির পথ্যায়ে দাঁড়াইয়াছে...”

জঙ্গীপুর মহকুমায় স্কুল ফাইনাল পরীক্ষার ফলাফল

পশ্চিমবঙ্গের মুর্শিদাবাদ ও মালদহ এই দুইটি জেলা শিক্ষা-ব্যাপারে অপেক্ষাকৃত অনগ্রসর। বর্তমান বৎসরে যে স্থলে স্কুল ফাইনাল পরীক্ষায় শতকরা ৫৬.৫৭ ভাগ ছাত্র পাস করিয়াছে, মুর্শিদাবাদের জঙ্গীপুর মহকুমা কেন্দ্র হইতে সে স্থলে মাত্র শতকরা চল্লিশ জন ছাত্র পাস করিয়াছে। মেয়েদের ফলই অপেক্ষাকৃত ভাল হইয়াছে।

স্কুল ফাইনাল পরীক্ষায় জঙ্গীপুর মহকুমার ছাত্রগণ যে ফলাফল দেখাইয়াছে তাহাতে গভীর উদ্বেগ প্রকাশ করিয়া “ভারতী” ৩০শে আষাঢ় এক সম্পাদকীয় মন্তব্যে লিখিতেছেন যে, কেবলমাত্র শিক্ষক ও ছাত্রদের বিরুদ্ধে বিবোধদায়ক করিয়া এই অবস্থার উন্নতি সম্ভব নহে। প্রধানতঃ কৃষিজীবী অধ্যুষিত মুর্শিদাবাদ জেলায় শিক্ষার সুযোগও এতদিন বিশেষ ছিল না। বিশেষতঃ গ্রামবহুল জঙ্গীপুর মহকুমায় স্কুল বলিতে জঙ্গীপুর, নিমতিতা, কাঞ্চনতলা ও বাড়লা হাই স্কুল ব্যতীত আর কোন স্কুলই ছিল না। অগ্রগত বিদ্যালয়-গুলি স্বাধীনতার পর গড়িয়া উঠিয়াছে। উপরন্তু বাহারা পড়ুনা করিত তাহারাও ম্যাট্রিকুলেশন পাস করিবার পর সাধারণতঃ আর অগ্রসর হইত না; পড়ুনা ছাড়িয়া গ্রামে গিয়া জমিজমা দেখাশুনা, প্রয়োজন হইলে গোমস্তাগিরি কিংবা গ্রামের প্রাইমারী স্কুলের শিক্ষকতা করিয়া বাকী জীবন কাটাইয়া দিত। পত্রিকাটির

অভিমতে “মহকুমায় শিক্ষার প্রধান অন্তরায় জমিজমার উৎসর্গ নির্ভরশীল অলস অনায়াসলব্ধ (১) জীবনযাত্রা।”

“ভারতী” লিখিতেছেন, শিক্ষার উন্নতি করিতে হইলে জীবন-ধারণের উপযুক্ত বেতন দিয়া যোগ্য মেধাবী ছাত্রদিগকে শিক্ষক-তার প্রতি আকৃষ্ট করিতে হইবে এবং বিদ্যালয়ের ছাত্রদের মধ্যে শৃঙ্খলাবোধ ও সুস্থ প্রতিযোগিতার মনোভাব সৃষ্টি করিতে হইবে। স্কুল কমিটিগুলিকেও অনেক ক্ষেত্রে সংস্কার করা প্রয়োজন। বহু ক্ষেত্রেই দেখা যায় যে সভাগণ বিদ্যালয়ের উন্নতির কথা চিন্তা না করিয়া নিজ নিজ দল ভারী করিতেই ব্যাপৃত থাকেন। বিদ্যালয়-গুলিতে প্রশস্ততর স্থান সঙ্কলন করা আশু প্রয়োজনগুলির অগ্রতম। অধিকাংশ বিদ্যালয়ে উপযুক্ত সংখ্যক ঘর নাই; অধিক ছাত্র এক ক্লাসে গাদাগাদি করিয়া বসায় পড়াশুনার বিশেষ ব্যাঘাত ঘটে।

জঙ্গীপুর মহকুমার স্কুল ফাইনাল পরীক্ষার ফলাফল হইতে আর একটি উল্লেখযোগ্য তথ্য জানা যায়; তাহা হইতেছে এই যে বুদ্ধি-জীবীদের ছেলেরাই অধিক হারে ফেল করিতেছে। পত্রিকাটি লিখিতেছেন যে, শিক্ষিত অভিব্যক্তির নিজেরা দেখাশুনার দায়িত্ব গ্রহণ না করিলে এই ক্রমাবনতি রোধ করা সহজসাধ্য হইবে না।

উত্তর-পূর্ব সীমান্তের পরিস্থিতি (NEFA)

আসাম রাজ্যের পার্বত্য অঞ্চলের আট লক্ষ অধিবাসী সহ তেত্রিশ হাজার বর্গমাইল লইয়া উত্তর-পূর্ব সীমান্ত এজেন্সী (NEFA) গঠিত। ভারত-সরকারের প্রত্যক্ষ শাসনাধীন এই এজেন্সী ছয় ভাগে বিভক্ত, প্রত্যেকটি ভাগের ভার গৃহ্য রহিয়াছে এক জন করিয়া পলিটিক্যাল অফিসারের উপর। ইহাদের ক্ষমতা জেলা ম্যাজিস্ট্রেট অপেক্ষাও অনেক বেশী। এই ছয় জন পলিটিক্যাল অফিসারের সহিত সত্তর জন সহকারী পলিটিক্যাল অফিসার আছেন। আসামের রাজাপাল ভারত-সরকারের ঐজেন্ট রূপে নিজে এই অঞ্চল শাসন করেন।

১৯৪৭ সনের পূর্বে এই বিস্তৃত ভূখণ্ডের অতি অল্প অংশই ভারত-সরকারের নিয়মিত শাসন-ব্যবস্থার অন্তর্ভুক্ত ছিল। কিন্তু বর্তমানে অবস্থায় পরিবর্তন ঘটিয়াছে; এবং এই অঞ্চলের অভ্যন্তর ভাগেও শাসনযন্ত্রের বিস্তার হইয়াছে এবং শিক্ষা, চিকিৎসা-সাহায্য, কৃষি, যোগাযোগ প্রভৃতি জনকল্যাণমূলক কাজের প্রসার হইয়াছে। ১৯৪৭ সনে যে-স্থলে মাত্র পাঁচ হাজার বর্গমাইল পরিমিত স্থানে নিয়মিত শাসন-ব্যবস্থা চালু ছিল বর্তমানে সে-স্থলে পঁচিশ হাজার বর্গমাইল স্থান নিয়মিত শাসন-ব্যবস্থার অন্তর্ভুক্ত হইয়াছে।

যোগাযোগ ব্যবস্থার অভাবই এই অঞ্চলের প্রধান সমস্যা। সেইজন্য সরকার রাস্তাঘাট নিৰ্মাণের দিকেই প্রথমে মনোনিবেশ করেন; ফলে বর্তমানে তিন শত মাইল রাস্তা নিৰ্মাণ সম্পন্ন হইয়াছে। ১৯৫৬ সনের মধ্যে দুই হাজার মাইল রাস্তা নিৰ্মাণের পরিকল্পনা রহিয়াছে।

অধিবাসীদের প্রধান উপজীবিকা কৃষিকাৰ্য্য। কৃষির উন্নতিকল্পে সেখানে স্থায়ীভাবে ধান-চাষের ব্যবস্থা করা হইয়াছে; অর্থকরী

চাষও আবহু হইয়াছে। উপজাতীয়দের কুটীর-শিল্পের উন্নতিবিধি-ব্যবস্থা অবলম্বিত হইয়াছে। ভূমি উন্নয়নের জন্ত সরকার আজ পর্যন্ত পাঁচ লক্ষ টাকা ব্যয় করিয়াছেন।

এই অঞ্চলের উন্নয়নকল্পে সরকার পঞ্চবার্ষিকী পরিকল্পনায় তিন কোটি টাকা বরাদ্দ করিয়াছেন। উক্ত কার্য আশায়ুর্কপ হইতেছে। বর্তমানে ঐ অঞ্চলে ১৮টি হাসপাতাল, ৪৪টি ডিসপেনসারী, ২৫টি ড্রামামাণ চিকিৎসালয় এবং ৩০টি চিকিৎসা-কেন্দ্র আছে।

বর্তমানে ঐ অঞ্চলের ১৭০টি বিদ্যালয়ে ৬৫০০ উপজাতীয় বালক ও বালিকা অধ্যয়ন করিতেছে। উপজাতীয়দিগকে তাহাদের মাতৃভাষা এবং হিন্দী ভাষা শিক্ষা দেওয়া হয়। যোগা ছাত্রদিগকে সরকারী তহবিল হইতে বিনামূল্যে পুস্তক, খাদ্য ও বস্ত্র সরবরাহ করা হয়।

১৫ই স্বাধীনতা দিবস উপলক্ষে প্রচারিত একটি বিশেষ সরকারী বিজ্ঞপ্তিতে উপরোক্ত তথ্যাদি দিয়া বলা হইয়াছে যে, উত্তর-পূর্ব সীমান্তে উপজাতীয়দের সংস্কৃতির ক্ষেত্রে যাহাতে কাজ খুব ভাল হয় তজ্জন্ত ভারত-সরকার বিগ্যাত নৃতত্ত্ববিদ মিঃ ভেরিয়ার এলুইনকে উপজাতীয় বিষয় সংক্রান্ত উপদেষ্টা নিযুক্ত করিয়াছেন।

সরকারী কাজেও উপজাতীয়গণকে লওয়া হইতেছে। একজন পলিটিক্যাল অফিসার এবং ছয় জন সহকারী পলিটিক্যাল অফিসার উপজাতীয় শ্রেণীর অন্তর্ভুক্ত। সম্প্রতি কুমারী হারাণু নামক একজন স্থানীয় শিক্ষিতা মহিলাকে পররাষ্ট্র মন্ত্রণালয়ে কাজে নিযুক্ত করা হইয়াছে।

শ্যামা-প্রসাদ স্মৃতিতর্পণে বাধা

৯ই জুলাই সংক্ষিপ্ত সম্পাদকীয় মন্তব্য প্রসঙ্গে আসামের 'ক্রনিকল' পত্রিকার ৬ই প্রকাশ করিয়া লিখিতেছেন যে, হাইলা-কান্দি সরকারী উচ্চ ইংরেজী বিদ্যালয়ের কর্তৃপক্ষ কেন যে ছাত্রগণ কর্তৃক শ্যামা-প্রসাদের স্মৃতিতর্পণে বাধা দিয়াছেন তাহা তাহাদের বুদ্ধির অগম্য। কোন শিক্ষা প্রতিষ্ঠান যে এরূপ আচরণ করিতে পারেন তাহাতে তাহারা বিস্মিত হইয়াছেন। ইহা কি শিক্ষা, না অদৃষ্টের পরিহাস?

শ্রীঅরুণচন্দ্র গুহের আসাম ভ্রমণের জের

সাপ্তাহিক "যুগশক্তি"র ৬ই আগষ্ট সংখ্যার এক সংবাদে প্রকাশ, আসাম ভ্রমণকালে ভারত-সরকারের অর্থদপ্তরের উপমন্ত্রী শ্রীঅরুণ-চন্দ্র গুহের কয়েকটি মন্তব্য এবং করিমগঞ্জে অনুষ্ঠিত বঙ্গভাষা ও সাহিত্য সম্মেলন সম্পর্কে আসামের মুখ্যমন্ত্রী শ্রীবিষ্ণুরাম মেধী প্রধানমন্ত্রী শ্রীনেহরুর নিকট এক পত্র লিখিয়াছিলেন। পত্রে নাকি অভিযোগ করা হয় যে, আসামের সংহতি নাশের উদ্দেশ্যেই করিম-গঞ্জে বাংলা-সাহিত্য সম্মেলন অনুষ্ঠিত হইয়াছিল। ভারত-সরকারের একজন মন্ত্রী হইয়া শ্রীগুহ এতৎসম্পর্কিত আন্দোলনে উৎসাহ দিয়াছেন বলিয়াও নাকি অভিযোগ করা হইয়াছিল।

"প্রকাশ, শ্রীনেহরু শ্রীগুহকে এই পত্রের কথা জানাইলে শ্রীগুহ বলেন, এই সম্মেলন নিছক একটি বাংলা সাহিত্য সম্মেলন। নূতন রাজ্যগঠনের সহিত ইহার কোনই সম্পর্ক নাই। সম্মেলনে গৃহীত ১১টি প্রস্তাবের একটিতেও রাজ্যগঠনের দাবীর উল্লেখ নাই।"

প্রস্তাবাদিতে বাংলা ভাষা সম্পর্কে আসাম সরকারের বৈষম্য-মূলক নীতির বিরুদ্ধে অভিযোগ করা হইয়াছে। [গত সংখ্যা প্রবাসীতে প্রস্তাবগুলির সারমর্ম প্রকাশিত হইয়াছিল—স. প্র.]

শ্রীনেহরু শ্রীগুহর উত্তরে সন্তোষ প্রকাশ করিয়াছেন বলিয়া জানা গিয়াছে এবং সেখানেই ব্যাপারটির নিষ্পত্তি হইয়াছে।

শ্রীমেধীর অভিযোগ-পত্র সম্পর্কে আলোচনা-প্রসঙ্গে এক সম্পাদকীয় মন্তব্যে "যুগশক্তি" লিখিতেছেন যে, আসামের মুখ্যমন্ত্রীর নিকট হইতে এই ধরনের অভিযোগ আসিতে পারে তাহা সহজে বিশ্বাস করা যায় না। করিমগঞ্জে অনুষ্ঠিত আসাম-ত্রিপুরা-মণিপুর বঙ্গভাষা ও সাহিত্য সম্মেলনের সাফল্য কামনা করিয়া ভারতের নেতৃস্থানীয় বহু ব্যক্তিই (তন্মধ্যে ভারত-সরকারের মন্ত্রী, উপমন্ত্রী, সেক্রেটারী, হাইকোর্টের বিচারপতি প্রমুখ গণ্যমান্য ব্যক্তিও আছেন) শুভেচ্ছা বাণী প্রেরণ করিয়াছেন। একমাত্র আসাম জাতীয় মহাসভার নেতা শ্রীঅম্বিকাগিри রায় চৌধুরী ব্যতীত আর কেহই এরূপ বক্তব্য করিতে পারেন নাই যে, এই সম্মেলন জাতীয় সংহতির বিরোধী। গোহাটি হাইকোর্টের বিচারপতি শ্রী ডেকা তাঁহার বাণীতে এইরূপ আশা প্রকাশ করেন যে, প্রদেশের জনসাধারণের সৌহার্দ্য প্রসারে উক্ত সম্মেলন সহায়ক হইবে। বস্তুতঃ দেখা যায়, সম্মেলনে গৃহীত অঙ্গতম প্রস্তাবানুযায়ী যে স্থায়ী সংস্থা গঠিত হইয়াছে তাহার উদ্দেশ্য আসাম-ত্রিপুরা-মণিপুর এলাকায় বাংলাভাষা ও সাহিত্যের পুষ্টি ও বিকাশ সাধন এবং এই অঞ্চলের অগ্রগত সাহিত্য ও সংস্কৃতির সহিত ঘনিষ্ঠ সম্পর্ক ও ভাবের আদান-প্রদান দৃঢ়ীকরণ। এমতাবস্থায় আসামের মুখ্যমন্ত্রীর গুরুদায়িত্বপূর্ণ পদে অধিষ্ঠিত শ্রীমেধী করিমগঞ্জের সম্মেলন সম্পর্কে যে অভিমত প্রকাশ করিয়াছেন এবং এই সম্মেলন উদ্বোধন করার জন্ত কেন্দ্রীয় মন্ত্রীসভার অঙ্গতম সদস্যের বিরুদ্ধে যে অভিযোগ আনয়ন করিয়াছেন তাহা সঙ্গত বা শোভন হয় নাই বলিয়াই আমরা মনে করি।" (২১শে শ্রাবণ)

ভারতের খাদ্যসমস্যার সমাধান

ভারতের খাদ্যসমস্যার সমাধান এবং খাদ্যবিনিয়ন্ত্রণ প্রচেষ্টায় সরকারী সাফল্য সম্পর্কে একটি বিশেষ প্রবন্ধে বলা হইয়াছে যে, পঞ্চবার্ষিকী পরিকল্পনায় খাদ্যোৎপাদন আশাতিরিক্ত বৃদ্ধি পাইয়াছে, পরিকল্পনা অনুযায়ী ১৯৫৫-৫৬ সনের মধ্যে ভারতে খাদ্যোৎপাদন ৭৬ লক্ষ টন বৃদ্ধির কথা ছিল; কিন্তু সুরখের বিষয় ১৯৫৩-৫৪ সনের মধ্যেই ৯৫ লক্ষ টন অতিরিক্ত খাদ্যশস্য উৎপন্ন হইয়াছে। ১৯৫০-৫১ সনের তুলনায় ১৯৫৩-৫৪ সনে ভারতে খাদ্যোৎপাদন শতকরা ৩৩ ভাগ বৃদ্ধি পাইয়াছে। ধান, গম ও অগ্রগত খাদ্যশস্যের উৎপাদন বৃদ্ধি পাইয়াছে যথাক্রমে, শতকরা ৩৪, ১২.৫ ও ৪১ হারে।

১৯৪৩ সন হইতে ভারতের বিভিন্ন স্থানে বেশনিং প্রথা চালু

হয় এবং ১৯৫১ সনের ১লা এপ্রিল তারিখে রেশনিং ব্যবস্থার অধীন লোকের সংখ্যা দাঁড়ায় এক কোটি বাইশ লক্ষ। পঞ্চবার্ষিকী পরিবহনকার কাজ শুরু হয় ১৯৫১ সন হইতে। কিন্তু ১৯৫০ সনে দেশের বিভিন্ন স্থানে বন্যা ও নানাবিধ প্রাকৃতিক দুর্ভোগের ফলে দেশে খাদ্যোৎপাদনের পরিমাণ নিতান্ত হ্রাস পায়। বিদেশ হইতে প্রচুর খাদ্যশস্য আমদানী করিয়াও খাদ্যের ঘাটতি এবং মূল্যবৃদ্ধি বোধ করা সম্ভব হয় না। কিন্তু পঞ্চবার্ষিকী পরিবহনকার অন্তর্গত বিভিন্ন কার্য সুচারুরূপে সম্পন্ন হওয়ায় ১৯৫২ সন হইতে খাদ্যসমস্যার মোড় ঘুরিতে আরম্ভ করে। ১৯৫২-৫৩ সনে দেশে প্রাকৃতিক দুর্ভোগ না দেখা দেওয়ায় খাদ্য ঘাটতি দূর হয় এবং ঐ বৎসরেরই জুন মাসে মাদ্রাজ হইতে রেশনিং প্রথা প্রত্যাহত হয়।

মাদ্রাজের নীতির ক্রমান্বয়ে সাফল্যের ফলে অগ্নাঞ্চল প্রদেশ হইতেও রেশনিং ব্যবস্থা তুলিয়া দেওয়া হইতে থাকে। ১৯৫৩ সনের ২৩শে মার্চ কেন্দ্রীয় খাদ্যমন্ত্রী শ্রী রফি আহমেদ কিদোয়াই বোম্বাইয়ে এক সাংবাদিক সম্মেলনে খাদ্যসমস্যার আশু সমাধানের ইঙ্গিত জানান।

১৯৫৩-৫৪ সনে দেশে পর্যাপ্ত খাদ্যশস্য উৎপন্ন হওয়ায় খাদ্যমূল্য দ্রুত হ্রাস পাইতে থাকে। ঐ বৎসরের সেপ্টেম্বর মাসে গমের পরিমাণমূলক বাধানিষেধসমূহ প্রত্যাহত হয় এবং নবেম্বর মাসে ভারতের সকল রাজ্যে গম ও অগ্নাঞ্চল মোটাদানার শস্য বিনিয়ন্ত্রিত করা হয়। তবে অবশ্য ঐগুলির রাজ্য হইতে রাজ্যান্তরে সরবরাহ সম্পর্কে কিছু কড়াকড়ি থাকে। খাদ্যমূল্যের ক্রমশঃ নিয়ন্ত্রণ দেওয়া ১৯৫৪ সনের জানুয়ারী মাসে কেন্দ্রীয় সরকার গমের আন্তঃ-রাজ্য চলাচলের উপর বিধিনিষেধ রহিত করেন। অবশেষে ১০ই জুলাই ভারতের সর্বত্র চাউলের নিয়ন্ত্রণও তুলিয়া লওয়া হয়।

১৯৫১ সনে বিদেশ হইতে ভারতে ৪৭ লক্ষ টন খাদ্যশস্য আমদানী করিতে হয়। পঞ্চবার্ষিকী পরিকল্পনাতে বার্ষিক ৩০ লক্ষ টন বিদেশী খাদ্যশস্য আমদানীর ব্যবস্থা করা হয়। কিন্তু ১৯৫৩ সনে তৎস্থলে মাত্র ২০ লক্ষ টন আমদানী করিতে হইয়াছে। বর্তমান বৎসরের জুন মাস পর্যন্ত বিদেশ হইতে প্রায় এক লক্ষ ৬৫ হাজার টন খাদ্যশস্য আমদানী করা হইয়াছে—তবে উহা চলতি বৎসরের জন্ম বায় করিতে হইবে না—ভবিষ্যতের জন্ম মজুত রাখা হইবে।

ইতিমধ্যে ভারতের বিভিন্ন অঞ্চলে খাদ্যশস্যের মূল্যমানও হ্রাস পায়। ১৯৩৯ সনের আগষ্ট মাসের তুলনায় ১৯৫০ সনের অক্টোবর ও ১৯৫৪ সনের জুলাই মাসে ভারতে খাদ্যশস্যের পাইকারী মূল্যমান ছিল যথাক্রমে ৪৯৫ এবং ৩৭৭.৩।

ভারতের ডাকঘর

একটি সরকারী বিবৃতি হইতে জানা যায়, ভারতে বর্তমানে ৪০ হাজার ডাকঘর রহিয়াছে। ১৯৪৭ সনের ১৫ই আগষ্ট মোট ডাকঘরের সংখ্যা ছিল ১৮,১২১। হই হাজার অধিবাসী সমন্বিত প্রতিটি গ্রামে ডাকঘর খুলিবার রূপায়ণে ডাক-বিভাগ সাফল্যলাভ করিয়াছে। যে সকল গ্রামের লোকসংখ্যা অনূন পাঁচশত সেখানে

সপ্তাহে অন্ততঃ একবার করিয়া ডাক বিলি করিবার ব্যবস্থা করা হইয়াছে। নূতন ডাকঘরগুলি এমনভাবে স্থাপন করা হইবে যেন ডাকঘরে বাইতে পাঁচ মাইলের বেশী পথ হাঁটিতে না হয়। নূতন নীতির আরও একটি দিক হইল এই যে, প্রতি তহশীল, তালুক ও থানার সদরে একটি করিয়া ডাকঘর স্থাপন করা হইবে। তবে বৎসরে ডাকঘর পিছু ক্ষতি ৭৫০ টাকার বেশী হইলে চলিবে না। অনুমত অঞ্চলে ইহার পরিমাণ এক হাজার টাকা পর্যন্ত হইতে পারিবে। আসামের সীমান্ত অঞ্চল ও পার্শ্বত্যা অঞ্চল, ত্রিপুরা, ছোটনাগপুর সাওতাল পরগণা, হিমাচল প্রদেশ, রাজস্থান, বিহা প্রদেশ, কচ্ছ, বোম্বাইয়ের ব্রোচ জেলা, উত্তর-প্রদেশের তেহরি-গাড়োয়াল, সিক্কিম ও আন্দামান দ্বীপপুঞ্জ এইরূপ অনুমত অঞ্চল বলিয়া গণ্য হইবে।

এই নূতন নীতি অনুযায়ী ১৯৫৬ সনের ৩১শে মার্চের মধ্যে ১০,১৩৫টি ডাকঘর স্থাপন করা যাইবে বলিয়া অনুমান করা যাইতেছে। তাহার মধ্যে ৪১৩টি হইবে অনুমত অঞ্চলের ডাকঘর। ১৯৫৬ সনে ভারতের প্রতি ২২ বর্গমাইলে একটি করিয়া ডাকঘর থাকিবে, ১৯৫২ সনে প্রতি ২৮ বর্গমাইলে একটি করিয়া ডাকঘর ছিল। ১৯৫৬ সনে ভারতে মোট ডাকঘরের সংখ্যা দাঁড়াইবে ৪৬,৬৩৯।

মেদিনীপুরের রাস্তা-ঘাটের দুর্বস্থা

১লা শ্রাবণ এক সম্পাদকীয় মন্তব্যে “মেদিনীপুর পত্রিকা” মেদিনীপুর জেলার রাস্তা-ঘাটের চরম দুর্বস্থার কথা উল্লেখ করিয়া লিখিতেছেন যে, যদিও সরকারী প্রচার-বিভাগ কর্তৃক প্রকাশিত তথ্য হইতে দেখা যায়, ঐ জেলায় দুই কোটিরও অধিক অর্থব্যয় হইতেছে, তথাপি সাধারণ লোক কিন্তু এই অসাধারণ প্রচেষ্টার কোন পরিচয় পায় নাই। পত্রিকাটির অভিমতে জেলার প্রয়োজনীয়তার সামগ্রিক দিকের প্রতি নজর না দিয়া কোন ব্যক্তি বিশেষ, গোষ্ঠী বিশেষ বা দল বিশেষের উদ্দেশ্য চরিতার্থ করিবার দিকে ঝোক রাখিয়া কাজ করিলে এইরূপ অবস্থা ঘটাই স্বাভাবিক।

উপসংহারে “মেদিনীপুর পত্রিকা” লিখিতেছেন, “আমরা সমগ্র জেলার বিভিন্ন স্থান হইতে সর্বপ্রকার রাস্তা-ঘাট স্বকীয়-অভাব অভিযোগ আহ্বান করিতেছি। সমগ্রভাবে একটি পরিকল্পনা সরকারের নিকট পেশ করিয়া ‘প্রায়শি’ সম্পর্কে একটি যুক্তিসহ নিরপেক্ষ দাবি এই অব্যবস্থার প্রতিকারের একমাত্র উপায় সে সম্বন্ধে সকলকেই অবহিত হইবার জন্ম এবং সর্বপ্রকারে দাস-মনোভাব মুক্ত হইবার জন্ম আহ্বান জানাইতেছি।”

কলিকাতার রাষ্ট্রীয় পরিবহন

পশ্চিমবঙ্গের পরিবহন বিভাগের ডিরেক্টর-জেনারেল শ্রী জে. এন. তালুকদার, আই-সি-এস, সাপ্তাহিক “পশ্চিমবঙ্গ” পত্রিকায় এক প্রবন্ধে রাজ্যের যানবাহন-ব্যবস্থায় সরকারী প্রচেষ্টার একটি বিবরণী-প্রসঙ্গে লিখিতেছেন যে, জনসাধারণের স্বার্থের কথা চিন্তা

করিয়াই সরকার পরিবহন-ব্যবস্থায় অংশ গ্রহণ করিয়াছেন। বর্তমান কালে যানবাহন চলাচলের ব্যবস্থা সরকারী কর্মপ্রচেষ্টার অবিচ্ছেদ্য অঙ্গে পরিণত হইয়াছে। তাঁহার প্রবন্ধ হইতে জানা যায় যে, আগামী পাঁচ বৎসরের মধ্যে কলিকাতা নগরীর সকল রুটে বাস চলাচলের ভার সরকার হস্তে গ্রহণ করিবেন। শ্রীতালুকদার লিখিতেছেন যে, সরকার দুইটি উদ্দেশ্য দ্বারা প্রণোদিত হইয়াছেন :

- (১) দেশের যুবকদের জন্ম নূতন কর্মসংস্থানের ব্যবস্থা করা ; এবং
- (২) কলিকাতার নাগরিকদের জন্ম ভারতের প্রধানতম নগরীর উপযুক্ত যানবাহন-ব্যবস্থার প্রচলন করা।

রাষ্ট্রীয় পরিবহন-সংস্থাকে তাই কেবলমাত্র ব্যবসায় সংস্থা হিসাবে না দেখিয়া এবং কেবলমাত্র লাভ-ক্ষতির ভিত্তিতে উহার অস্তিত্বের সমালোচনা না করিয়া উপযুক্ত দুইটি উদ্দেশ্যের প্রতি লক্ষ্য রাখিয়া বিচার করিবার জন্ম তিনি অমুয়োদ জানাইয়াছেন।

কলিকাতার মহানগরীর যানবাহন সমস্যার কথা আলোচনা-প্রসঙ্গে শ্রীতালুকদার লিখিতেছেন, গত ২০ বৎসরের মধ্যে কলিকাতার লোকসংখ্যা দ্বিগুণ বৃদ্ধি পাইয়াছে এবং ক্রমেই অধিকতর সংখ্যায় যানবাহনের প্রচলন হইতেছে, অথচ নগরীর আয়তন সেই অনুপাতে বৃদ্ধি পায় নাই। উপরন্তু কলিকাতা নগরীর গ্রাম্য দ্রুতগামী ও মন্দগামী যানবাহনের এত বিচিত্র সমাবেশ অমুরূপ কোন নগরে দেখিতে পাওয়া যায় না। বর্তমানে কলিকাতায় প্রায় ৫৫,০০০ দ্রুতগামী এবং ১৮,০০০ মন্দগামী যান রহিয়াছে। তাহার উপর আবার নগরীর বাহির হইতে প্রত্যহ ২,২৫,০০০ ডেলি প্যাসেঞ্জারের আগমনের ফলে নগরীর যানবাহন-ব্যবস্থার উপরে অসম্ভব চাপ পড়িয়াছে।

এতদিন পর্য্যন্ত যানবাহন ব্যবস্থার এই সমস্যার সমাধান হিসাবে সকলেই রেলপথের উন্নতিসাধন এবং নগরীর অভ্যন্তরে রেল-সংযোগের বিস্তার করিয়া আরও ঘন ঘন এবং অধিকতর দ্রুতগামী ট্রেন চলাচল প্রবর্তনের কথা চিন্তা করিতেছিলেন। সাম্প্রতিক কালে যে সকল বিশেষজ্ঞ কমিটি এই সমস্যার আলোচনা করিয়াছিলেন তাঁহারা সকলেই এই অভিমত প্রকাশ করিয়াছেন যে, কেবলমাত্র রেলপথের উন্নতিসাধন দ্বারা এই সমস্যার সমাধান সম্ভব নহে। যাত্রীচলাচলের এই বিরাট সমস্যা সমাধানের জন্ম সাধারণ পরিবহন-ব্যবস্থার উন্নতি অবশ্য প্রয়োজন।

কলিকাতায় বর্তমান যাত্রীচলাচলের অবস্থা পর্যালোচনা করিলে দেখা যায় যে, প্রত্যহ প্রায় দশ লক্ষ লোক ট্রামে এবং আট লক্ষ লোক বাসে চলাচল করে। সকল ট্রাম একটি কোম্পানী পরিচালনা করে, কিন্তু বাসগুলির মালিকানা বিভিন্ন লোকের মধ্যে ছড়াইয়া রহিয়াছে। সরকারী পরিবহন-বিভাগের পরিচালনাধীনে ২৩৫টি বাস রহিয়াছে। বাকি ৫৫২টি বাসের মালিক ৩২৮ জন, ইহাদের অধিকাংশেরই একখানি অথবা দুইখানি করিয়া বাস আছে, আরও সঠিকভাবে বলিতে গেলে দেখা যায় যে, ২৩২ জন মালিকের একটি করিয়া বাস আছে ; ৪৮ জন মালিকের দুইটি করিয়া বাস

আছে এবং কেবলমাত্র দুইজন মালিকের যথাক্রমে ১৫টি এবং ২০টি করিয়া বাস আছে। এই অগণিত বাস-মালিকদের মধ্যে তীব্র প্রতিযোগিতার কুফল সাধারণ যাত্রীরা বিশেষভাবে অনুভব করিয়াছেন।

পুলিস কর্তৃপক্ষ এবং অগ্নাজ্ঞ যে সকল কমিটি যানবাহন চলাচল-সমস্যার আলোচনা করিয়াছেন তাঁহারা সকলেই বাস-পরিচালনার ভার একটি সংস্থার উপর গুস্ত করিবার পরামর্শ দিয়াছেন। দেশ-বিভাগের পূর্বে সরকার কলিকাতার জন্ম একটি যাত্রী-পরিবহন বোর্ডের উপর ট্রাম ও বাস পরিচালনার ভার অর্পণ করিবেন বলিয়া মনস্থ করিয়াছিলেন। ১৯৪৪ সনের ডিসেম্বর মাসে বিধানসভায় তৎকালীন প্রধানমন্ত্রী এই মর্মে একটি বিবৃতিও দিয়াছিলেন। দেশ-বিভাগের পর উহা ধামাচাপা পড়ে।

ডিজেল গাড়ী প্রবর্তিত হইবার পর সাম্প্রতিককালে যাত্রীবহন কার্যের বিশেষ উন্নতি পরিলক্ষিত হইয়াছে। সর্বাধুনিক মডেলের ডিজেল বাসগুলিতে পেট্রলচালিত বাস অপেক্ষা শতকরা ৩০ হইতে ১০০ ভাগ অধিক যাত্রী সহজেই বহন করা যায়। ফলে পেট্রল বাসের পরিবর্তে ডিজেল বাসের প্রচলন হইলে ভিড়ের চাপ কতক অংশে প্রশমিত হইতে পারে। ইউরোপ এবং যুক্তরাজ্যে এখন কেবল ডিজেল বাসই ব্যবহৃত হয়। লগুনে এমন কি ট্রামেরও পরিবর্তে ডিজেল বাস চালু করা হইয়াছে। কিন্তু এই বাসগুলির ব্যয়ভার অত্যধিক এবং ইহাদের সম্বন্ধে সংরক্ষণের সম্যক ব্যবস্থা করা কলিকাতায় যে সকল ক্ষুদ্র বাস-পরিচালক রহিয়াছে তাহাদের সাধ্যাত্ত নহে। উদাহরণস্বরূপ, একটি একতলা ডিজেল বাসের মূল্য ৫০ হাজার হইতে ৬০ হাজার টাকা এবং একটি ডবলডেকার বাসের মূল্য ৭০ হাজার হইতে ৮০ হাজার টাকা। কলিকাতায় অধিকাংশ বাস-পরিচালকই মহাজনদের নিকট হইতে চড়া সুদে টাকা ধার লইয়া ব্যবসা চালায় ; কাজেই তাহাদের উপর ভরসা করিয়া থাকিলে নগরীর যানবাহন-ব্যবস্থার উন্নতির আশা সূদূর-পর্য্যন্ত হইবে। এই সকল কথা বিবেচনা করিলে রাষ্ট্রীয় পরিচালনাধীনে বাস-চলাচলের ব্যবস্থা সমস্যা নিরসনের সঠিক পথে প্রথম পদক্ষেপ হিসাবে পরিগণিত হইতে পারে।

১৯৪৮ সনের ৩১শে জুলাই ১৮টি বাস লইয়া রাষ্ট্রীয় পরিবহন-ব্যবস্থার পত্তন হয়। তখন হইতেই সরকারের একটি সুনির্দিষ্ট নীতি ছিল মধ্যবিত্ত যুবকদিগকে এই কার্যের দিকে আকৃষ্ট করা। ফলে প্রথম দিকে অভিজ্ঞতার অভাবের দরুন কাজকর্মের কিছু অসুবিধা দেখা যায়। সরকারকে অপরাধ যে একটি বিশেষ অসুবিধার সম্মুখীন হইতে হইয়াছিল তাহা হইতেছে যথোপযুক্ত গ্যারেজের অভাব। তিন বৎসরের মধ্যে সরকার একটি কেন্দ্রীয় কারখানা এবং দুইটি ডিপো নির্মাণ করিয়াছেন। ডিপোগুলির প্রত্যেকটিতে ১৫০টি গাড়ী থাকিতে পারে।

কেন্দ্রীয় কারখানাটিতে যে কেবল পরিবহন বিভাগের গাড়ী-গুলিই সারান হইতে পারে তাহা নহে, সরকারের অগ্নাজ্ঞ দপ্তরের

গাড়ীও সেখানে মেরামত করা বাইতে পারে। ডিপো দুইটি লগুন ট্রান্সপোর্টের অধিকরণে নির্মিত হইয়াছে এবং তথায় সকলপ্রকার আধুনিক যন্ত্রপাতি রহিয়াছে। কারখানা এবং ডিপোগুলিতে কাজ শিখাইবার জন্ত শিক্ষানবিশও গ্রহণ করা হয়। অটোমোবাইল ইঞ্জিনিয়ারিঙে উন্নততর ব্যবস্থাগুলি সম্পর্কে তাত্ত্বিক ও বাবহারিক শিক্ষাপ্রদানের জন্ত একটি কারিগরি শিক্ষণ-পরিকল্পনা আরম্ভ করার প্রস্তাব সরকারের বিবেচনাধীন রহিয়াছে। ড্রাইভার এবং কণ্ট্রোলিংকে শিক্ষাদানের জন্ত একটি শিক্ষণ-বিদ্যালয় স্থাপিত হইয়াছে।

কর্তৃপক্ষ কর্মচারীদের কল্যাণের জন্তও বিভিন্ন ব্যবস্থা অবলম্বন করিয়াছেন এবং সেজন্য অর্থব্যয়ে কার্পণ্য করেন নাই। কর্মের ঘণ্টা নির্দিষ্ট করিয়া বাধিয়া দেওয়া হইয়াছে এবং বৎসরে ৮৯ দিন বেতনসহ ছুটির ব্যবস্থা আছে। কর্মচারীদেরকে বিনামূল্যে চিকিৎসার ব্যবস্থা করিয়া দেওয়া হইয়াছে; টিকিট বিক্রয় করিয়া অধিকতর অর্থসংগ্রহের জন্ত পুরস্কারের ব্যবস্থাও আছে। কর্মচারীদের মধ্যে খেলাধুলা এবং অগ্ৰাণ কল্যাণমূলক ব্যবস্থায় উৎসাহ দেওয়া হয়।

প্রত্যেক ডিপোতে একটি কবিতা হারানো দ্রব্যের আপিস আছে। বাসে কেহ কোন মূল্যবান দ্রব্য ফেলিয়া গেলে তাহা সেখানে জমা দেওয়া হয়। কণ্ট্রোলিংদের মধ্যে উল্লেখযোগ্য সততার পরিচয় পাওয়া গিয়াছে।

বর্তমানে রাষ্ট্রীয় পরিবহন বিভাগে ২৮৫টি গাড়ী আছে এবং তথায় প্রায় ৩৩০০ লোক কাজ করে। ইহাদের অধিকাংশই উদ্বাস্ত বা মধ্যবিত্ত যুবক যাহারা পূর্বে কখনও এ ধরনের কাজ করে নাই।

ভারতে কারিগরি শিক্ষা

ড. জ্ঞানচন্দ্র ঘোষ “উইকলি ওয়েষ্ট বেঙ্গল” পত্রিকার ২৯শে জুলাই সংখ্যায় প্রকাশিত এক প্রবন্ধে লিখিতেছেন যে, পৃথিবীর বিভিন্ন দেশ আধুনিক বিজ্ঞানের নানাবিধ প্রক্রিয়ার মাধ্যমে প্রভূত উন্নতিসাধন করিয়াছে। কিন্তু ভারত আজিও প্রায় পাঁচ হাজার বৎসর পূর্বেকার সিদ্ধান্ত উপত্যকার সভ্যতার স্তর হইতে বেশী দূর অগ্রসর হইতে পারে নাই। ভারত প্রচুর সম্পদের অধিকারী হইলেও ভারতবাসী চিরদারিদ্র্যগ্রস্ত। ইহার কারণ ভারতের শত-করা আশী জন এখনও আদিম প্রথায় চাষবাস করিয়া জীবিকানির্ভর করে। কিন্তু জাতির অগ্রগতি কামনা করিলে অদৃষ্টের উপর নির্ভরশীল আমাদের গ্রামের জনসাধারণের এই আত্মসমষ্টি দূর করিয়া তাহাদের মধ্যে মানবিক প্রচেষ্টার উপর আস্থা এবং উন্নততর জীবনযাত্রার একটি আশ্রয় সৃষ্টি করিতে হইবে।

আধুনিক বিজ্ঞান এবং যন্ত্রশিল্প এই বিশ্বাস ও আশ্রয় সৃষ্টি করিতে পারে। সেইজন্তই ভারতের প্রধানমন্ত্রী দেশের অভাব-মোচনের জন্ত বৈজ্ঞানিক শিক্ষার উপর এত জোর দেন। ভারতে কারিগরি শিক্ষা প্রসারের জন্ত সরকারী-প্রচেষ্টার বিবরণপ্রসঙ্গে ড.

ঘোষ লিখিতেছেন যে, স্বাধীনতা লাভের পর সরকার বৈজ্ঞানিক শিক্ষাবিস্তার এবং কারিগরি দক্ষতা বিকাশের সর্বপ্রকার উচ্চ অগ্রাধিকার দিয়া পৃষ্ঠপোষকতা করিয়াছেন। বিগত ছয় বৎসরে ভারতে কারিগরি শিক্ষার যে অগ্রগতি হইয়াছে দুই মহাযুদ্ধের অন্তর্বর্তী একুশ বৎসরেও তাহা হয় নাই। কেন্দ্রীয় সরকার দুই কোটি টাকা ব্যয়ে সত্তরটি কারিগরি প্রতিষ্ঠানকে উন্নততর করিবার পরিকল্পনা কেবলমাত্র রূপদান করিয়াছেন। এই প্রতিষ্ঠানগুলি ভারতের সর্বত্র ছড়াইয়া রহিয়াছে। ছাত্রগণ পাঠসমাপনান্তে এই সকল প্রতিষ্ঠান হইতে ডিগ্রী লাভ করে। যাহাতে শিক্ষকগণ উপযুক্ত পারিশ্রমিক পান সেজন্ত প্রতিষ্ঠানগুলিকে প্রতি বৎসর অতিরিক্ত সরকারী সাহায্য দেওয়া হয়। শিক্ষক-ছাত্রের একটি অনুমোদিত হারও মানিয়া চলিবার ব্যবস্থা আছে। যুদ্ধোত্তরকালে যে-সকল ভারতীয় বিদেশে কারিগরি উচ্চশিক্ষা লাভ করিয়া দেশে ফিরিয়া আসিয়াছেন তাঁহারা এই সকল প্রতিষ্ঠানে দায়িত্বপূর্ণ পদে অধিষ্ঠিত রহিয়াছেন। ড. ঘোষের মতে যাহারা মনে করেন যে, কারিগরি শিক্ষালাভের জন্ত বিদেশে ছাত্র পাঠান অমুচিত তাঁহারা ভুল করেন। এই ব্যবস্থার স্কল সম্পর্কে তাঁহার দৃঢ় বিশ্বাস রহিয়াছে।

আণ্ডার-গ্রাজুয়েট ক্লাসের পরে উচ্চতর কারিগরি শিক্ষা প্রদানের ব্যবস্থার প্রতিও যথেষ্ট মনোযোগ দেওয়া হইয়াছে। বাঙ্গালোরে অবস্থিত ভারতীয়-বিজ্ঞান-মন্দির ১,৭৫ লক্ষ টাকা ব্যয়ে সম্প্রসারিত করা হইয়াছে। প্রতি বৎসর কেন্দ্রীয় সরকার ঐ প্রতিষ্ঠানকে ২০ লক্ষ টাকা করিয়া দিবেন। দুই মহাযুদ্ধের মধ্যবর্তী সময়ে ঐ বিজ্ঞান-মন্দিরের বার্ষিক আয় ছিল গড়ে পাঁচ লক্ষ টাকা। ইঞ্জিনিয়ারিঙের বিভিন্ন শাখায় আলোচনা ও গবেষণা করিবার জন্ত সেখানে ব্যবস্থা করা হইয়াছে।

ভারতীয় কারিগরি বিদ্যালয় (Indian Institute of Technology) নিৰ্মাণকার্যে দ্রুত সম্পন্ন হইতেছে। বিদ্যালয়-মন্দিরটি নিৰ্মাণের জন্ত ৩ কোটি ৬০ লক্ষ টাকা নিয়োগ করা হইতেছে। সেখানে ১,৫০০ আণ্ডার-গ্রাজুয়েট ও পোস্ট গ্রাজুয়েট ছাত্রদের শিক্ষাদানের ব্যবস্থা আছে। সেখানকার পাঠ্যক্রমের মধ্যে নৌগঠন (naval architecture) ফলিত খনিবিদ্যা, জিওফিজিক্স প্রভৃতি অনেক নূতন নূতন বিদ্যার আলোচনা সংযুক্ত হইয়াছে।

১৯৫২ সনের গোড়ার দিকে স্থির হয় যে, পরবর্তী ধাপের কথা চিন্তা করিবার সময় আসিয়াছে। নিখিল-ভারত কারিগরি শিক্ষা-সংসদের সাত জন সদস্য লইয়া গঠিত একটি কমিটি পরিকল্পনা কমিশনের সভ্যদের সহিত আলোচনা করেন। আলোচনার ফলে প্রথম পঞ্চবাষিকী পরিকল্পনায় কারিগরি শিক্ষার জন্ত বরাদ্দ করা ৬.৬ কোটি টাকার উপর আরও ৩.৫ কোটি টাকা বরাদ্দ করা হয়।

সাধারণভাবে স্থির করা হইয়াছে যে, যে-সকল কলেজকে সাহায্য দেওয়া হইয়াছে সেগুলি ছাড়া পূর্বাঞ্চল হইতে ১৪টি প্রতিষ্ঠান, দক্ষিণের ১৬টি প্রতিষ্ঠান, পশ্চিমের ৫টি এবং উত্তরের

এটি প্রতিষ্ঠানকে মোটামুটি অর্থসাহায্য দেওয়া হইবে যাহাতে সেগুলি সফল মানে পৌঁছাইতে পারে।

ড. ঘোষ মনে করেন যে, বিভিন্ন শিক্ষাকর্মে নিযুক্ত যে সকল যুবক সন্ধ্যায় অথবা দিনে আংশিক সময় ক্লাস করিয়া উচ্চতর শিক্ষা লাভ করিতে চায় তাহাদের কথা বিবেচনা করিবার সময় আসিয়াছে। ইংলণ্ড আমাদের অপেক্ষা অনেক ধনী দেশ হইলেও সেখানে কারিগরী এবং ব্যবসায়ী বিদ্যায়তনগুলিতে দিনে ও সন্ধ্যায় আংশিক সময়ে শিক্ষার্থী ছাত্রের সংখ্যা প্রায় ২২ লক্ষ। সেই তুলনায় দিনের বেলা নিয়মিত ক্লাসে মাত্র ৬৯,০০০ ছাত্র পড়ে। এই উদ্দেশ্যে সরকার যে ২০ লক্ষ টাকা মঞ্জুর করিয়াছেন ড. ঘোষের মতে আগামী পাঁচ বৎসরের মধ্যে তাহা ২০ গুণ বৃদ্ধি পাওয়া দরকার। মধ্যবিত্ত যুবকগণ যাহাতে সহজে তাহাদের জীবন গড়িয়া তুলিতে পারে সেজন্য “শিক্ষার সঙ্গে সঙ্গে উপার্জনকর” পদ্ধতিতে শিক্ষাদানের প্রবর্তন হওয়া উচিত বলিয়া ড. ঘোষ মনে করেন।

স্নাতকোত্তর শিক্ষা ও গবেষণা কয়েকটি কেন্দ্রীয় প্রতিষ্ঠানে সীমাবদ্ধ রাখা ড. ঘোষ অনুচিত মনে করেন। যে স্থলেই গবেষণার জন্ম প্রতিষ্ঠান গড়িয়া তুলিতে সক্ষম অভিজ্ঞ অধ্যাপক রহিয়াছেন সেই স্থলেই উক্ত অধ্যাপককে কেন্দ্র করিয়া গবেষণা প্রতিষ্ঠান গড়িয়া তুলিতে উৎসাহ দিবার জন্ম ড. ঘোষ পরামর্শ দিয়াছেন।

শিক্ষাপ্রতিষ্ঠানগুলিতে ম্যানেজারদের ভূমিকা বিশেষ গুরুত্বপূর্ণ। স্তম্ভরায় ম্যানেজারদের শিক্ষার ব্যবস্থা করাও আন্তঃপ্রয়োজন। খজাপুর ইনস্টিটিউটে ইন্ডাস্ট্রিয়াল ইঞ্জিনিয়ারিং এবং শাসনব্যবস্থা সম্পর্কিত কয়েকটি ক্ষেত্রে রিফ্রেশার কোর্সের সাফল্যে এই সকল বিচার আলোচনার জন্ম অস্বাভাবিক ব্যবস্থা করিতে সরকার উৎসাহিত হইয়াছেন। খজাপুর এবং বোম্বাইয়ে এইরূপ পাঠের ব্যবস্থা করা হইতেছে। নিম্নতর কর্মচারীদের শিক্ষার জন্ম আগামী জুলাই হইতে কলিকাতার নিখিল-ভারত সমাজকল্যাণ এবং ব্যবসায় পরিচালন মন্ডির পাঠের ব্যবস্থা হইবে। একটি এডমিনিষ্ট্রেটিভ স্টাফ কলেজের জন্ম সরকার এবং শিক্ষাপতিগণ যে যুক্ত প্রচেষ্টায় সম্মত হইয়াছেন তাহাকে ড. ঘোষ একটি সঠিক পদক্ষেপ বলিয়া বিবেচনা করেন।

ড. ঘোষ লিগিতেছেন যে, এতদিন পর্যন্ত আমাদের শিক্ষা-ব্যবস্থা গড়িয়া উঠিয়াছে ছাত্রকে কেন্দ্র করিয়া—ছাত্র বা ছাত্রীর ব্যক্তিগত প্রবণতার বিকাশই ছিল শিক্ষাব্যবস্থার লক্ষ্য। ড. ঘোষ মনে করেন, যদি পরিকল্পনা দক্ষতার সহিত সম্পন্ন করিতে হয়, বেকার সমস্যার যদি সমাধান চাওয়া হয় তবে শিক্ষাব্যবস্থাকে অধিকতর “সমাজ-বিশিষ্ট” (community structured) করিতে হইবে—অর্থাৎ উহাকে এক্ষেত্রে গড়িয়া তুলিতে হইবে যাহাতে দেশের প্রকৃত অবস্থা সম্পর্কে শিক্ষার্থীর জ্ঞানলাভ হয়। বাস্তব সম্পর্কহীন জীবনযাত্রার জন্ম শিক্ষালাভ করা অপেক্ষা কোন ব্যক্তি বা জাতির পক্ষে অধিকতর ক্ষতিকারক আর কিছুই হইতে পারে না।

নিখিল-ভারত মানসিক স্বাস্থ্য-মন্দির

৮ই আগষ্ট এক সম্পাদকীয় মন্তব্যে “হিন্দু” পত্রিকা লিখিতেছেন যে, বাঙ্গালোবে নিখিল-ভারত মানসিক স্বাস্থ্য-মন্দিরের উদ্বোধন একটি বিশেষ গুরুত্বপূর্ণ ঘটনা। রাজকুমারী অমৃত কাউরের বিরতি অমুঘায়ী ব্রিটেন অপেক্ষা ভারতে মানসিক রোগীর সংখ্যা কম হইতে পারে; কিন্তু ইহা খুবই সম্ভব যে, পরিসংখ্যান সংগ্রহের ত্রুটিপূর্ণ ব্যবস্থার ফলে আমরা সঠিক তথ্য অবগত নহি। এইরূপ একটি জ্ঞান-মন্দির যুগসন্ধিক্ষেত্রে উপনীত জাতির জীবন গঠনে বিশেষ ভূমিকা গ্রহণ করিতে পারে। ভারতবাসী চিরকালই মানসিক সবলতার উপর জোর দিয়াছে। মানসিক শাস্তি, সকল জীবের সহিত শাস্তি স্থাপন সর্বদাই ধর্ম, দর্শন এবং সুশৃঙ্খল জীবনযাত্রার আদর্শ হিসাবে অগ্রাধিকার পাইয়াছে। কিন্তু বিশ্বশক্তিসমূহের চাপে আদর্শ, মূল্যবোধ এবং জীবনের গতিরও পরিবর্তন ঘটিতেছে। অতীত জীবনযাত্রার সহিত বর্তমানের এই বিরাট পার্থক্যের ফলে নানারূপ অসঙ্গতি এবং ব্যাপকক্ষেত্রে ব্যক্তিগত জীবনে মানসিক অসুস্থতা দেখা দিতে পারে। এইরূপ সন্ধিক্ষেত্রে গঠনমূলক মানসিক স্বাস্থ্য সৃষ্টিকর্ম শারীরিক, সামাজিক এবং সাংস্কৃতিক প্রক্রিয়াগুলি সম্পর্কে সর্বোচ্চ স্তরে আলোচনা ও গবেষণা পরিচালনা করিবার জন্ম অনুরূপ একটি জ্ঞান-মন্দিরের প্রয়োজনীয়তা স্বতঃস্ফূর্ত। নূতন ইনস্টিটিউট সঙ্গতভাবেই বাঙ্গালোর মানসিক হাসপাতালের সহিত ঘনিষ্ঠ সংযোগ রাখিয়া কার্য পরিচালনা করিবে। কেন্দ্রীয় এবং রাজ্য (এক্ষেত্রে মহীশূর) সরকারের উদ্যম ও সম্পদ যুক্ত করিয়া কার্য করিবার এক প্রশংসনীয় দৃষ্টান্ত এই ইনস্টিটিউট।

ভারতে পাক গুপ্তচর চক্র

পাকিস্তানের হাই কমিশনারের সামরিক উপদেষ্টা কর্ণেল নাসের আহম্মদ খান কয়েকজন ব্যক্তির সহায়তায় ভারতের গুরুত্বপূর্ণ সামরিক তথ্যাদি সংগ্রহ করিতেছিলেন বলিয়া সম্প্রতি যে সংবাদ প্রকাশিত হইয়াছে সেই সম্পর্কে মন্তব্য প্রসঙ্গে পাকিস্তান “হিন্দুবানী” ২৮শে আষাঢ় লিগিতেছেন যে, হযত কর্ণেল নাসের কিছু কিছু সংবাদ সংগ্রহ করিতে সমর্থ হইয়াছেন। তবে হঠাৎ ঐ তথ্য ফাঁস হইয়া যাওয়ায় তিনি কবচী চলিয়া যাইতে বাধ্য হন। এই সম্পর্কে কর্ণেল নাসেরের সহকারী বলিয়া কথিত বাইবেল সোসাইটির কেবাবী বহমৎ মাসিম, সদর বিমান দপ্তরের কর্পোরাল বজিয়া এবং পাকিস্তানের গোয়েন্দা অফিসার বলিয়া কথিত জন মাথু গিল তিন ব্যক্তিকে নাকি গ্রেপ্তার করা হইয়াছে, এবং তাহাদের বিরুদ্ধে অভিযোগের তদন্ত হইতেছে।

“হিন্দুবানী” লিগিতেছেন, “ঘটনাটি সকলের তেমন দৃষ্টি আকর্ষণ না করিলেও ইহার যথেষ্ট গুরুত্ব রহিয়াছে। কোন কোন শ্রেণীর লোকেরা ভারতের গুপ্তচরের কাজ করিতেছে তাহা লক্ষ্যণীয়। ভারতের সামরিক বিভাগ এবং তাহার সহিত সংশ্লিষ্ট এমন অনেক ব্যক্তি আছে, যাহাদের নিকট তথ্যাদি সংগ্রহ করা মোটেই কষ্টকর নয়। এই ছিন্নগুলি বন্ধ করা না হইলে কোন লাভ হইবে না।”

জিতাষ্টমী

শ্রীসুখময় সরকার

বাঙালী হিন্দু-সমাজে যে কত পূজা, কত পার্বণ প্রচলিত আছে, তাহার সংখ্যা হয় না। প্রত্যেক পর্বের নিজস্ব বৈশিষ্ট্য আছে—কোনও দুইটি পর্ব একপ্রকার নহে। প্রাচীনেরা জীবনকে উপভোগ করিতে জানিতেন এবং করিতে পারিতেন। উৎসবের মধ্য দিয়া তাঁহাদের জীবনের আনন্দরসধারা ক্ষরিত হইত। অদ্যাপি তাহার নিদর্শন প্রত্যেক পার্বণের মধ্যেই পরিলক্ষিত হয়।

কিন্তু বিনা কারণে কোনও পর্ব বা উৎসব প্রবর্তিত হয় নাই। প্রত্যেক পর্বের উৎপত্তির মূলে গুঢ় কারণ ছিল। আমরা কোনটার কারণ বুঝিতে পারি, কোনটার পারি না। এক একটা পর্ব যে কত সহস্র বৎসর ধরিয়া প্রচলিত আছে, তাহা স্মরণ করিলে বিস্ময়ের অবধি থাকে না। ইহাদের উৎপত্তির কাল ও কারণ চিন্তা করিলে যে সমস্ত তথ্য উদ্ঘাটিত হইবে তাহা দ্বারাই আমাদের দেশের প্রাচীন ও সত্য ইতিহাস রচনা করা সম্ভব হইবে। এখানে বাঁকুড়া জেলায় প্রচলিত একটি পর্বের, জিতাষ্টমী পর্বের, বিবরণ দিয়া তাহার উৎপত্তি চিন্তা করিতেছি।

মুখ্য চান্দ্র ভাদ্র কৃষ্ণাষ্টমী অথবা গোণ চান্দ্র আশ্বিন কৃষ্ণাষ্টমীর নাম জিতাষ্টমী। বাঁকুড়ার লোকে এই দিনে ‘জিতা-পর্ব’ করিয়া থাকে। অপরের নিকটে যাহাই হউক, বাল্যকালে আমার নিকটে এই পর্ব যেমন বিস্ময়কর ও রহস্যজনক, তেমনই হর্ষজনক মনে হইত। সেই বিস্ময় ও হর্ষের ঘোর অত্মপি কাটে নাই; তাই কাগজ-কলম লইয়া ইহার বিস্ময়-রসের উৎস উদ্ঘাটন করিতে বসিয়াছি।

শৈশবে গ্রামে ‘জিতা-পর্ব’ যেমনটি দেখিয়াছি, তাহার অবিকল বর্ণনা লিখিতেছি। বাঁকুড়ার গ্রামে চণ্ডীমণ্ডপকে ‘দুর্গামেলা’ বলে। আমাদের গ্রামের দুর্গামেলার সম্মুখে প্রশস্ত প্রাঙ্গণ; নিকটে একটা পুরাতন অশ্বথ বৃক্ষ অসংখ্য শাখাবাহু বিস্তার করিয়া সম্মুখে প্রাঙ্গণটিকে ছায়াচ্ছন্ন করিয়াছে। জিতাষ্টমীর দিন প্রাঙ্গণে একটা চতুষ্কোণ কুণ্ড কাটা হইয়াছে। কুণ্ডের মধ্যে কয়েকটা ধাতু, কচু ও হরিদ্রার গাছ এবং ঠিক মধ্যস্থলে একটা বৃহৎ বটশাখা প্রোথিত হইয়াছে। শাখা হইতে অগণিত শালুক-ফুল ঝুলিতেছে। কুণ্ড-ধনিত মৃত্তিকায় চতুর্দিকে বেদী নির্মিত হইয়াছে। প্রদোষকালে গ্রামের বধু ও বয়সীসীগণ দলে দলে পিস্তল-ঘট কক্ষে লইয়া আসিয়া সেই বেদীর চতুর্দিকে সাজাইয়া রাখিতেছেন। ইহারা সকলেই ব্রতধারিণী, সমস্ত দিন উপবাসিনী আছেন। ঘণ্টের মধ্যে সজল মটর অথবা

ছোলা কলাই আছে। প্রত্যেক পরিবারে যত জন, তত সের বা তত পোয়া কলাই। ঘণ্টের মুখ আবৃত, মুখে একটি করিয়া শশা। কুণ্ডের পশ্চিম দিকে পশ্চিমমুখে স্থাপিত একটি কাঁচামাটির প্রতিমা। এই দেব-প্রতিমার নাম জীমূতবাহন। যে শিল্পী আমাদের দুর্গা-প্রতিমা গড়িত, আমরা তাহাকে ‘ওস্তাদ’ বলিতাম; সেই ওস্তাদই জীমূতবাহন প্রতিমা গড়িয়া দিয়াছে। ইহার বাহন হস্তী, হস্তে বজ্র, শিরে ছত্র। অদ্য ইহারই পূজা। বেদীর চতুর্দিকে ব্রতধারিণীগণ মৃন্ময় শৃগাল-শকুনি সাজাইয়া রাখিয়াছেন।

রাত্রি এক প্রহর হইতে চলিয়াছে। পুরোহিত আসিয়া পূজা আরম্ভ করিলেন। চতুর্দিকে ব্রতধারিণীগণ ভক্তিপ্লুত চিত্তে ধরাসনে বসিয়া আছেন। দুই এক জন প্রৌঢ় ও বৃদ্ধ দুর্গামেলার দ্বার পিণ্ডে বসিয়া তামাক খাইতেছেন। কৃষ্ণ-পক্ষের অষ্টমী তিথি, রাত্রি দ্বিপ্রহর পর্যন্ত ঘোর অন্ধকার। চারি প্রহরে চারি বার জীমূতবাহনের পূজা। ব্রতধারিণী সেখানেই বিনীত রজনী যাপন করিবেন। কাহারও বা ঘৃতদীপ ‘মানসিক’ আছে। চারি প্রহরের মধ্যে নিভিবার জো নাই, স্বামী-পুত্রের অকল্যাণ হইবে। অতএব তিনি সে স্থান ত্যাগ করিতে পারেন না। আহা, কি নিষ্ঠা, কি অবিচলিত বিশ্বাস! রাত্রি গভীর এবং অন্ধকার গাঢ় হইয়া আসিতেছে। শিশির-সিক্ত মৃদু পবনহিল্লোলে শরীর শিহরিত হইতেছে। অশ্বথবৃক্ষে আশ্রিত, পাখীগুলি মধ্যে মধ্যে কলরব করিয়া প্রহর ঘোষণা করিতেছে। ব্রতধারিণীগণ সমস্ত দিন উপবাসে অবসন্ন দেহে এলাইয়া পড়িয়াছেন। নিদ্রা যাইবার জো নাই, কিন্তু তন্দ্রা আসিতে ছাড়ে না। এই সুযোগে তাঁহাদের বাড়ীতে বাড়ীতে যে উৎপাত ঘটে, তাহাই হর্ষজনক ব্যাপার। কিশোরেরা চন্দ্রোদয়ের পূর্বেই দুই-তিন জন একত্র হইয়া রামের বাগানে গিয়া আঁচল ভরিয়া পেয়ারা পাড়িল, সেই পেয়ারা নিজেরা না খাইয়া শ্রামের ছুরাে ঢালিয়া দিল। আবার শ্রামের বাগান হইতে যত পারিল শশা তুলিয়া রামের ছুরাে রাখিয়া আসিল। নন্দরাণী বাড়ীর উঠানে কয়েকটা পুঁইগাছ করিয়াছে; তাহারা সমূলে উৎপাটিত হইয়া কিরণবালার বন্ধনশালার সম্মুখে পড়িয়া রহিল। আবার কিরণবালার মাচার বিঙা কয়টা স্থানচ্যুত হইয়া নন্দরাণীর আঙ্গিনায় নিক্ষিপ্ত হইল। জ্যোৎস্না-প্রকাশের পূর্ব পর্যন্ত এইরূপ উৎপাত চলিতে থাকে। ইহাকে বাল্যকালে আমরা ‘চোখটাঁদা’ বলিতাম। পঞ্জিকায় ইহার নাম নষ্টচন্দ্র। প্রভাতে উঠিয়া বাগানের মালিক

আমরাও এই ক্রম হইয়া দুঃস্থকারিগণকে অকথা কটুভাষায় গালি দিতে থাকি। কিশোরেরা মনে মনে হাসে। বিশ্বাস আজ গালি দিলে 'লাগে না'; বরং পরমায়ু বৃদ্ধি হয়।

প্রাতঃকালে শৃগাল-শকুনি বিসর্জন এবং ব্রতান্ত স্নান। ব্রতধারিণীগণ জলাশয়ের তীরে সমবেত হইয়া মৃন্ময় শৃগাল-শকুনিগুলি জলে ফেলিয়া দেন এবং পূজার প্রসাদী শশাট লইয়া জলে ডুব দেন; সেই নিমজ্জিত অবস্থায় শশাট কামড়াইয়া জল হইতে উঠিয়া চিঁড়া-দই 'ফলার' করেন। এইরূপে পর্ব সমাপ্ত হয়।

জননীকে জিজ্ঞাসা করিতাম, “মা, জিতা-পরব কেন হয়?”

জননী বলিতেন, “ওসব ঋষিরা ব্যবস্থা করে গেছেন; আমরা তাই পালন করি।”

“কিন্তু ঋষিরা কেন আজকের দিনেই এই পরব করলেন, বল না, মা।”

“তা’ জানি নে, বাবা। বড় হলে অনেক লেখাপড়া শিখবে। তখন এ সব ভাল করে বুঝতে পারবে।”

বড় হইয়াছি। লেখাপড়াও কিছু শিখিয়াছি। কিন্তু কৈ, জিতাষ্টমীর কেন, অধিকাংশ পর্বেরই ত উৎপত্তির কারণ যথাযথভাবে জানিতে পারি নাই। আমাদের দেশের শিক্ষা-ব্যবস্থায় এ সব শিক্ষার কোনও স্থান নাই। একটা সমাজ, মহত্ব সহস্র বৎসরের পুরাতন সমাজ, কত কাল ধরিয়া কত প্রকার আচার, কত প্রকার পরামর্শপালন করিয়া আসিতেছে, তাহাদের উৎপত্তি ও ক্রমবিকাশ সম্বন্ধে গবেষণার প্রয়োজন কাহারও মনে উদ্ভিত হয় নাই। এ শিক্ষা যে অসম্পূর্ণ, সে বিষয়ে সন্দেহের অবকাশ নাই। মহাপ্রাজ্ঞ আচার্য যোগেশচন্দ্র রায় বিদ্যানিধি মহাশয়ের সহিত পরিচয় আমার জীবনে এক অতি স্মরণীয় ঘটনা। সৌভাগ্যক্রমে তাঁহার সাহিত্য-সাধনায় সহযোগিতা করিবার সুযোগ পাইয়া, বিশেষতঃ তাঁহার বৈদিক কৃষ্টির কাল-নির্ণায়ক প্রবন্ধাবলী রচনাকালে আমি আমাদের বহু পূজা-পার্বণের ইতিহাস জানিতে পারিয়াছি। যোগেশচন্দ্রের “পূজা-পার্বণ” গ্রন্থে বহু পর্বের উৎপত্তি বর্ণিত হইয়াছে। কিন্তু তিনি জিতাষ্টমীর উৎপত্তি চিন্তা করেন নাই। তাঁহারই আবিষ্কৃত সূত্র অবলম্বন করিয়া আমি এই পর্বের মূল অন্বেষণে প্রবৃত্ত হইতেছি।

জিতাষ্টমীর রাত্রিতে যে দেবতার পূজা হয়, তিনি জীমূত-বাহন। জীমূতবাহন ইন্দ্র। জীমূত শব্দের অর্থ—গর্জনকারী জলবর্ষী মেঘ। ইন্দ্রের বাহন হস্তা জলদ মেঘের দ্যোতক। বৈদিককালে ইন্দ্রই আর্ষগণের বহু-পূজিত প্রধান দেবতা ছিলেন। কারণ ইন্দ্র বৃষ্টিদান করেন। বৃষ্টি ব্যতীত শস্য জন্মে না, শস্য ব্যতীত প্রাণধারণ হয় না। অতএব ইন্দ্রের রূপায় আমরা প্রাণধারণ করি। এই জন্তই তিনি বৈদিক

যুগে শ্রেষ্ঠ দেবতারূপে গণ্য হইয়াছিলেন। ভারতের, তথা জগতের প্রাচীনতম গ্রন্থ ঋগ্বেদ-সংহিতায় ইন্দ্রের মহিমা কত ভাবে, কত ছন্দে, কত কবিত্বপূর্ণ পুষ্পিত ভাষায় যে বর্ণিত হইয়াছে, তাহার ইয়ত্তা নাই।

আমরা সকলেই জানি, সূর্যের দক্ষিণায়ন আরম্ভের সঙ্গে সঙ্গে বৃষ্টি শুরু হয়। এই জন্ত আচার্য যোগেশচন্দ্র ইন্দ্রদেবের পরিচয় দিতে গিয়া বলিয়াছেন, “সূর্যের যে শক্তি দক্ষিণায়ন আরম্ভে বৃষ্টি আনয়ন করেন, তিনিই ইন্দ্র।” সম্পূর্ণ সংস্কার-মুক্ত হইয়া পৌরাণিকদের পল্লবিত ভাষায় রচিত কাব্যের ইন্দ্রজাল ছেদনপূর্বক বৈদিক ঋষি-কবিগণের উৎপ্রেক্ষা-উপমার দুর্ভেদ্য দুর্গে প্রবেশ করিতে পারিলে দেখা যাইবে ইন্দ্রদেবের এই সংজ্ঞা অত্রান্ত ও ক্রটিহীন। প্রাচীনেরা দক্ষিণায়নকালে ইন্দ্রদেবের উদ্দেশে যজ্ঞ করিতেন। সূত্রাং দেখা যাইতেছে, জীমূতবাহনের পূজা প্রকৃতপক্ষে প্রাচীনকালের ইন্দ্রযজ্ঞের অন্তর্ভুক্ত। যজ্ঞের নিমিত্ত কুণ্ড খনিত হইত; এখনও জীমূতবাহনের পূজায় কুণ্ড খনিত হইতেছে। কিন্তু এই কুণ্ডে সমিধ ও ঘৃতাহতির পরিবর্তে মন্ত্রপাঠ করিয়া দেবতার উদ্দেশে জলসেচন ও ফলপুষ্পাদি অর্পিত হইতেছে।

অশ্ববাচীর সময় (দক্ষিণায়ন আরম্ভে) পৃথ্বী জলসিক্ত হইলে শস্যবীজ বপন করিতে হইবে; তাহাতে উত্তম অন্ন উৎপাদিত হইবে। জিতাষ্টমীর ব্রতে নারীরা যে পরিবারের প্রত্যেক জনের জন্ত শস্যবীজ জলসিক্ত করিয়া অঙ্কুরিত হইতে দেন এবং পূজার কুণ্ডে যে ধাতু, কচু ও হরিদ্রার গাছ রোপিত হয়, ইহা পূর্বকালের শস্যবীজ বপনের আয়োজনের অন্তর্ভুক্ত।

বেদে প্রসিদ্ধি আছে, বৃত্র নামক এক অশুর বৃষ্টি রোধ করিয়া রাখিয়াছিল, ইন্দ্র তাহাকে বজ্র দ্বারা হত্যা করিয়া বৃষ্টি মোচনপূর্বক যজ্ঞমানের কল্যাণার্থে পৃথিবীতে বর্ষণ করিয়া-ছিলেন। পুরাণের এই ঘটনা অবলম্বনে কত বিচিত্র উপাখ্যান রচিত হইয়া গিয়াছে। ইন্দ্রের সহিত বৃত্রের যুদ্ধে নিশ্চয় বহু অশুর নিহত হইয়াছিল। তাহাদের মৃতদেহ ভক্ষণ করিবার জন্ত শৃগাল-শকুনির প্রয়োজন। এই নিমিত্ত জিতাষ্টমীর ব্রতিনীগণ পূজাবেদীর চতুর্দিকে মৃন্ময় শৃগাল-শকুনি রাখিয়া থাকেন।

এই সকল বৃত্তান্ত হইতে স্পষ্টই বুঝা যাইতেছে, আমরা যে জিতাষ্টমী পর্বের অনুষ্ঠান করিতেছি, ইহা অতি প্রাচীন-কালের এক দক্ষিণায়ন দিনের স্মৃতি। আমরা জানি না—অজ্ঞাতসারে সহস্র সহস্র বর্ষ ধরিয়া সেই স্মৃতি রক্ষা করিয়া চলিতেছি। এই স্মৃতি কত কালের তাহার একটা মোটামুটি হিসাব করিতে পারা যায়। এখানে সামান্য জ্যোতির্গণিতের সাহায্য লইতেছি, নচেৎ কালগণনা অসম্ভব।

আমরা দেখিতেছি, বর্তমানে ৭।৮ আষাঢ় সূর্যের দক্ষিণায়ন হয়, অশ্ববাচী হয়। আর যেকালে জিতাপর্বের আরম্ভ হইয়াছিল, সেকালে গোণচাঁদ্র আশ্বিন কৃষ্ণাষ্টমীতে দক্ষিণায়ন হইত, অশ্ববাচী হইত। ধরা যাক, আশ্বিন কৃষ্ণাষ্টমী আশ্বিন মাসের প্রথম সপ্তাহে পড়ে (অবশ্য কিছু আগে বা পরেও পড়িতে পারে, একটা স্থূল গণনার জন্ত এই সময় ধরা যাইতেছে)। আশ্বিনের প্রথম সপ্তাহ হইতে আষাঢ়ের প্রথম সপ্তাহ পর্যন্ত তিন মাস। অতএব যেকালে জিতাষ্টমীতে দক্ষিণায়ন হইত, সেকাল হইতে দক্ষিণায়ন-দিন তিন মাস পিছাইয়া আসিয়াছে। যাহারা অল্প-স্বল্প জ্যোতির্গণিত চর্চা করিয়াছেন, তাহারাই জানেন—প্রায় দুই সহস্র বৎসরে অয়ন-দিন এক মাস পিছাইয়া আসে। এখন যদি ৭।৮ আষাঢ় দক্ষিণায়ন হয়, দুই সহস্র বৎসর পূর্বে নিশ্চয় ৭।৮ শ্রাবণ এবং চারি সহস্র বৎসর পূর্বে ৭।৮ ভাদ্র দক্ষিণায়ন হইত। আচার্য যোগেশচন্দ্র দেখাইয়াছেন, আমরা যে জন্মাষ্টমী (ভগবান কৃষ্ণের জন্মতিথি, ভাদ্র কৃষ্ণাষ্টমী) পালন করি, তাহাও এককালের দক্ষিণায়ন-দিনের স্মৃতি। স্মৃতরাং এই ক্রমে গণিয়া বলিতে পারা যায়, অত হইতে প্রায় ছয় সহস্র বৎসর পূর্বে, খ্রী-পূ ৪০০০ অব্দে জিতাষ্টমীর দিন দক্ষিণায়ন হইয়াছিল। প্রায় ছয় সহস্র বৎসর ধরিয়া আমরা একটা পর্বের মধ্য দিয়া সেই স্মৃতি বাঁচাইয়া রাখিয়াছি। যাহারা পাশ্চাত্তা পণ্ডিতদের মতানুসারী হইয়া মনে করেন, ভারতে আর্ষ-কৃষ্ণির বয়স সার্ক-ত্রিশহস্র বৎসরের অধিক নহে, তাহারাই সহজে ইহা বিশ্বাস করিতে পারিবেন না। কিন্তু পুরোক্ত সিদ্ধান্তের বিরুদ্ধে বলিবার কিছুই নাই। কারণ গণিত দ্বারা এই অনুমান সমর্থিত হইতেছে।

জিতাষ্টমীর এই যে কাল নির্ণীত হইল, ইহা অবশ্য স্থূল। ঠিক কোন্ বৎসরে এই পর্বের আরম্ভ হইয়াছিল বলা সহজ নহে। তথাপি অকট যথাসম্ভব স্মৃতিভাবে নির্ণয়ের চেষ্টা করিতেছি।

প্রাচীনকালে বহুপ্রকার বৎসর-গণনা-রীতি প্রচলিত ছিল। বৎসর শব্দের তিনটি প্রতিশব্দ বিখ্যাত—হিম, শরৎ, বর্ষ। অতিশয় প্রাচীনকালে হিম অর্থাৎ শীত ঋতুতে, তাহার পরবর্তীকালে শরৎ ঋতুতে এবং তাহার পরবর্তীকালে বর্ষা ঋতুতে বৎসর আরম্ভ হইত বলিয়া বৎসরের এই সকল নাম হইয়াছিল। কিন্তু এই সকল ঋতুর যে-কোন সময়ে বৎসর আরম্ভ হইত না। একটা উল্লেখযোগ্য জ্যোতিষিক যোগ না ঘটিলে যে-সে দিন নববর্ষ আরম্ভ করা চলে না। বেদ-বিদ্যায় প্রবেশ করিতে হইলে যে ষড়বেদাদে ব্যুৎপত্তি লাভের প্রয়োজন হয়, জ্যোতিষ তাহাদের অন্ততম। জ্যোতিষের আলোচনা দ্বারা স্পষ্টই বুঝা যায়, শীত ঋতুতে উত্তরায়ণ-দিনে,

শরৎ ঋতুতে জল-বিষুব-দিনে এবং বর্ষা ঋতুতে দক্ষিণায়ন-দিনে বৎসর-গণনা আরম্ভ হইত। এককালে জিতাষ্টমীর দিনেও যে বৎসরারম্ভ হইত, তাহার সপক্ষে কতকগুলি যুক্তি আছে। নববর্ষ দিবসটিকে স্বরণীয় করিয়া রাখিবার জন্ত বহুবিধ অনুষ্ঠানের ব্যবস্থা ছিল, অত্যাপি আছে। আচার্য যোগেশচন্দ্র দেখাইয়াছেন, এককালে আশ্বিন পূর্ণিমায় দক্ষিণায়ন ও নববর্ষ হইয়াছিল; কোজাগরী লক্ষ্মীপূজায় তাহার স্মৃতি রক্ষিত আছে। সেদিন রাত্রি জাগরণ করিয়া দিনটি স্বরণীয় করা হইয়াছে। জিতাষ্টমীর দিনেও রাত্রি-জাগরণ বিহিত হইয়াছে। অতএব দেখা যাইতেছে, এককালে সেদিন নববর্ষ ধরা হইত।

আর একটা কথা। জিতাষ্টমীর রাত্রে যে গালি খাইবার জন্ত নষ্টচন্দ্র করা হয়, ইহার কারণ কি? শুনিলে পাঠক বিস্মিত হইবেন, কিন্তু ইহাও নববর্ষোৎসবের একটি লক্ষণ। উত্তর-ভারতের সর্বত্র অত্যাপি দোল-পূর্ণিমায় নববর্ষ আরম্ভ করা হয়। সেদিন নববস্ত্র পরিধান, উত্তম ভোজ্য ভক্ষণ ইত্যাদির সঙ্গে নির্লজ্জ নারীর মুখে অশ্লীল গালি শ্রবণের প্রথা প্রচলিত আছে। বহু প্রাচীনকাল হইতে লোকের বিশ্বাস, বৎসরের প্রথম দিনে অশ্লীল গালি দ্বারা শ্রবণেন্দ্রিয় অপবিত্র করিয়া রাখিলে সে বৎসর আর যমে ছুঁইবে না। আমাদের গ্রামে আমি দুর্গাপ্রতিমা ও কালীপ্রতিমা বিসর্জনের পর একটি লোককে ভূত সাজিয়া এইরূপ অশ্লীল গালি দিতে শুনিয়াছি। দুর্গোৎসব যে নববর্ষোৎসব তাহা বিদ্যানিধি মহাশয় অকাট্য যুক্তি দ্বারা সপ্রমাণ করিয়াছেন। এই লক্ষণ দ্বারা আমরা অনুমান করিতে পারি, জিতাষ্টমীর দিনে এককালে নববর্ষ আরম্ভ হইত। অবশ্য নববর্ষের সকল লক্ষণ জিতাষ্টমীতে নাই। না থাকিবারই কথা। কতকালের স্মৃতি! কতক পরিত্যক্ত হইয়াছে, কতক বা যোজিত হইয়াছে। পরবর্তীকালে জিতাষ্টমীতে যখন আর নববর্ষ ধরা হইত না, তখন উক্ত দিনে নববস্ত্র-পরিধান, উত্তম ভোজ্যগ্রহণাদি পরিত্যক্ত হইয়াছে। আবার পরে পরে দুই-একটা অনুষ্ঠান সংযোজিত হইয়াছে; যেমন জলে ডুবিয়া শশা কানড়ানো। ইহার উৎপত্তি বুঝিতে পারি নাই। তবে মনে হয়, সম্পূর্ণ শুদ্ধাচারে ব্রতের পারণা আবশ্যিক, এই ধারণা হইতে উক্ত অনুষ্ঠানের উৎপত্তি হইয়াছে।

এখন দেখা যাক, খ্রীষ্টপূর্ব ৪০০০ অব্দের নিকটবর্তী কালে কোন্ বৎসরে এমন জ্যোতিষিক যোগ ঘটিতে পারে, যে বৎসর হইতে আশ্বিন কৃষ্ণাষ্টমীতে নববর্ষ আরম্ভ ধরা যাইতে পারিত। কেবল গণিতের কর্ম নয়, শাস্ত্রে ইহার কোনও উল্লেখ আছে কিনা, সর্বাগ্রে তাহার অন্বেষণ কর্তব্য।

ইতরের ব্রাহ্মণে একটি অদ্ভুত উপাখ্যান আছে। একদা প্রজাপতি যীম রোহিতরূপিনী কন্যার রূপে মুগ্ধ হইয়া স্বয়ং মুগরূপ ধারণপূর্বক তাঁহাতে সঙ্গত হইয়াছিলেন। দেবগণ প্রজাপতির এই দুষ্কৃত দেখিয়া তাঁহাকে শাস্তি দিতে মনস্থ করিলেন। দেবগণের দেহ হইতে অত্যাঙ্কল রূপধারী এক পুরুষের উদ্ভব হইল। ইহার নাম ভূতবান্। ভূতবান্ দেবগণের আদেশে প্রজাপতিকে বাণদ্বারা বিদ্ধ করিলেন। বাণবিদ্ধ মুগরূপী প্রজাপতি আকাশে উৎপতিত হইলেন। আচার্য যোগেশচন্দ্র দেখাইয়াছেন, ব্যাপারটা স্বর্গের। প্রজাপতি বর্মপতি বা যুগপতি। আকাশের উজ্জ্বলতম নক্ষত্র লুক্ক-ই (প্রাচীন নাম মুগব্যাদ, ইংরেজী Sirius) ভূতবান্; নিকটস্থ কালপুরুষ বা মুগ (ইংরেজী Orion) নক্ষত্রই মুগরূপী প্রজাপতি এবং রক্তবর্ণ রোহিণী নক্ষত্রই প্রজাপতির রোহিতরূপিনী কন্যা। উপাখ্যানটির ফলিতার্থ এই যে, ঋষিগণ প্রত্যক্ষ করিয়াছিলেন, কাল মুগনক্ষত্র হইতে রোহিণী নক্ষত্রে সংস্পৃষ্ট হইলেন, অর্থাৎ এতকাল মুগনক্ষত্রে মহাবিষুব সংক্রান্তি হইতেছিল, এখন রোহিণীতে মহাবিষুব আরম্ভ হইল। ইহা কোন্ কালের কথা? বিদ্যানিধি মহাশয় সূক্ষ্ম জ্যোতিষিক গণনার পাইয়াছেন, খ্রীষ্টপূর্ব ৩২৫৬ অব্দে জৈষ্ঠ শুক্লা দশমীতে এই ঘটনা ঘটিয়াছিল। এই অব্দ হইতেই দশহরা পালিত হইতেছে। রঘুনন্দন 'তিথিতত্ত্বে' বলিয়াছেন, "দশহরা এক সপ্তমসরের মুখ।" ইহা হইতে

তিন চান্দ্রমাস ও তিন তিথি পরে ভাদ্র শুক্লা ত্রয়োদশীতে নিশ্চয় সূর্যের দক্ষিণায়ন হইয়াছিল। পঞ্জিকায় ইহার পূর্ব-দিন, ভাদ্র শুক্লাদ্বাদশীতে, শক্রধ্বজোথান উৎসব বিহিত হইয়াছে। ইহাও সেই খ্রী-পূ ৩২৫৬ অব্দের কথা। আজ পর্যন্তও বাঁকুড়া জেলার খাতড়া (ক্ষত্রা, ক্ষত্রভূমি) গ্রামে তথাকার রাজবংশীয়গণ 'ইন্দ্র পরবে' এই স্মৃতি রক্ষা করিতেছেন। ভাদ্র শুক্লা ত্রয়োদশী হইতে আশ্বিন কৃষ্ণাষ্টমী ১০ দিন = ১ মাস। অতএব খ্রী-পূ. ৩২৫৬ অব্দের আরও পূর্ববর্তীকালে জিতাষ্টমীতে দক্ষিণায়ন হইয়াছিল। দুই সহস্র বৎসরে অয়ন এক মাস পশ্চাদ্গত হয়। অতএব ১ মাসে $২০০০ \times \frac{১}{১২} = ১৬৬\frac{২}{৩}$ বৎসর অয়ন পিছাইয়া আসিয়াছিল। অর্থাৎ জিতাষ্টমীতে দক্ষিণায়ন খ্রী-পূ ৩২৫৬ + $১৬৬\frac{২}{৩} =$ খ্রী-পূ ৩০২২ $\frac{২}{৩}$ অব্দের, সুলতঃ কিঞ্চিৎ অগ্রপশ্চাৎ ৩৯০০ অব্দের কথা। কিন্তু এই অব্দে নববর্ষের কোন শাস্ত্রীয় উল্লেখ পাওয়া যায় না। ইহাতে অনুমান হয়, এই স্মৃতি ধরিয়া উৎসবটি খ্রী পূ ৩২৫৬ অব্দ হইতে চলিয়া আসিতেছে।

কতকালের পুরাতন স্মৃতি আমরা একটা ক্ষুদ্র উৎসবের মধ্য দিয়া রক্ষা করিতেছি, একবার ভাবিয়া দেখুন। পূজা-পার্বণগুলি কুসংস্কার বলিয়া উড়াইয়া দিবার নহে। ইহাদের মধ্যে আমাদের দেশের ইতিহাস আত্মগোপন করিয়া আছে। অনুসন্ধান করিলে আমরা প্রায় সকল উৎসবের মধ্যেই এই প্রাচীন ইতিহাসের অব্যর্থ ইঙ্গিত দেখিতে পাইব।

শরৎ-লক্ষ্মী

শ্রীকরণাময় বসু

চাঁপার বরণ রৌদ্র মাথানে;

অলস বনের মায়া;

ঘুঘু পাখী ডাকে পল্লব কাঁকে,

দীঘি জলে কাঁপে ছায়া।

শিশিরসিক্ত শিউলি ফুলের রাশি

বনতলে পড়ি' কখন হয়েছে বাসি;

মোহিনী সুরেতে বাজে রাখালের বাঁশি

মাঠ ঘাট প্রান্তরে;

দূরের মানুষ চেনা পথ ধরে

হঠাৎ এলো কি ঘরে?

বনে বনান্তে রঙের বর্ণা;

ধাসে প্রজাপতি ওড়ে;

মনে আনে কোন্ পুরাতন স্মৃতি

নবীন সুধায় ভরে।

ছলছল নদী ভরা স্রোতে খায় চলে,

ভরি' দেয় স্নহ দুই তীর-অঞ্চলে;

ফুলে ফুলে ভরা মালঞ্চলতা দোলে,

করে কতো কানাকানি।

পাখির গানেতে ভরেছে বাগান,

আনে সুধামাথা বাণী।

শরতের রোদ চিকণ সোনায়

মায়ামরীচিকা বোনে;

আলোসম্পাতে মুগ্ধ ছায়াতে

স্বপ্ন ঘনায় মনে।

ভাবনা আমার পাল তুলে যায় ভেসে

কোন খেয়াপারে অকূল নিরুদ্দেশে;

মধুকর আসে ক্লান্ত দিনের শেষে

পাখাগুলি আন্দোলি'।

অলস বনের কলস ভরেছে

রৌদ্রের অঞ্জলি।

পূজা-সংখ্যা

(একাঙ্কিকা, কোঁতুক-নাটিকা)

শ্রীকৃষ্ণধন দে

[স্থান, “উল্ফন” মাসিক পত্রিকার কার্যালয়। সম্পাদক চেয়ারে উপবিষ্ট, সম্মুখের টেবিলে বাশীকৃত কাগজপত্র ও ইংরেজী বাংলা কয়েকটি অভিধান। এক পার্শ্বে টেলিফোন। মাথার উপরে এক পয়েন্টে পাখা ঘুরিতেছে। বাম হস্তে একখানি কাগজ ও দক্ষিণ হস্তে ধূমায়িত বস্মা-চুকট ধরিয়া সম্পাদক মহাশয় একমনে কি ভাবিতেছেন। তাঁহার বয়স ও চেহারার বর্ণনা না করাই ভাল, মিলিয়া গেলে মানহানির মামলা হইতে পারে। যাঁহার যেরূপ ইচ্ছা সেইভাবে তাঁহাকে কল্পনা করিয়া লইতে পারেন।]

সম্পাদক। (কাগজ দেখিতে দেখিতে উচ্চ কণ্ঠে হাঁকিলেন)

কদ্দাফ—কদ্দাফ—

[পার্শ্বের ঘর হইতে সহকারী সম্পাদক কদ্দাফ কদম প্রবেশ করিলেন। বয়সে তরুণ, চেহারা দোহারা, মাথায় লম্বা চুল, চোখে চশমা, হাসিভরা মুখ।]

কদ্দাফ। ডাকছেন সাহু ?

সম্পাদক। হাঁ, দেখ এবার আমাদের “উল্ফন” পত্রিকার পূজা-সংখ্যায় মল্লিকা মল্লিকের কবিতার ঠিক পাশেই বসুন্ধরা বসুর এই কবিতা যাবে। এখন প্রেসে পাঠিয়ে দাও।

কদ্দাফ। এটা আবার কখন এল সাহু ? ডাকে এলে ত আমার হাতেই আগে পড়ত।

সম্পাদক। সে খোজে তোমার কাজ কি ? যা বাল তাই করো।

কদ্দাফ। বুঝেছি। আপনি ঐ বসুন্ধরা বসুর বাড়ীতে কাল নিমন্ত্রণে গিয়েছিলেন না ?

সম্পাদক। তাতে হয়েছে কি ? কাল বসুন্ধরার জন্মতিথিতে আমার নিমন্ত্রণ ছিল।

কদ্দাফ। আমাকে ত আগে কিছু বলেন নি সাহু।

সম্পাদক। সেখানে আমার একটু তাড়াতাড়ি যাওয়ার দরকার ছিল, আর তা ছাড়া তারা নিমন্ত্রণ করেছিল আমাকে, আমার ঠাফকে ত নয়।

কদ্দাফ। যাক্গে সাহু ; আমরা ত চিনির বলদ, কবিতার প্রফ দেখেই দিন কাটে। আপনি ত তবু এখানে-ওখানে বসগ্রহণ করে থাকেন।

সম্পাদক। হাঃ হাঃ, কথাটা বলেছ বেশ, কদ্দাফ। কিন্তু কৈ, “উল্ফন”র পূজা-সংখ্যার জন্ম ভাল লেখা ত আসছে না। সময়ও এদিকে বেশী নেই। গত সংখ্যায় বিজ্ঞাপন দিয়েছি, বাংলার শ্রেষ্ঠ সাহিত্যিকদের রচনাসম্ভারে পূজা-সংখ্যা “উল্ফন” সমৃদ্ধ হবে। কিন্তু এখন দেখছি—

কদ্দাফ। কিছু ভাববেন না সাহু, আমি সব ঠিক করে ফেলছি। আমার আজকালকার তরুণ বন্ধুবান্ধবদের লেখাই শ্রেষ্ঠ সাহিত্যিকদের লেখা। “উল্ফন”র পূজা-সংখ্যা তাদের লেখা দিয়েই ভরিয়ে দেব।

সম্পাদক। লোকে গল্পই বেশী পড়বে। ভাল গল্প না থাকলে কাটতি হবে কেমন করে ?

কদ্দাফ। সে আমি ম্যানেজ করে নেব সাহু। একটু ঘুরিয়ে, গল্পছলে, ঐ যে কি বলে, (মাথা চুলকাইয়া) জৈব আকর্ষণ থাকলেই গল্পের পাঠক-পাঠিকা বাড়বে। তার উপর যদি পুরুষের লেখা ঐ সব গল্প মেয়েদের নাম দিয়ে বার করতে পারেন তবে ত সোনায়ে মোহাগা।

সম্পাদক। আর কবিতা ? (মুহূ হাঃ)

কদ্দাফ। সেজ্ঞেও ভাববেন না। আমার আধুনিক নামকরা কবিবন্ধুদের বলে এসেছি, তারা কবিতা নিয়ে আসবে।

সম্পাদক। বেশ। এবার আমি তোমাদের বন্ধুবান্ধবের লেখাই ছাপব। কিন্তু যদি পত্রিকার কাটতি না হয়, তা হলে তুমিই দায়ী।

কদ্দাফ। দায়টা আমার ধরলেন, কিন্তু আয়টা ?

সম্পাদক। (মুহূ হাসিয়া) হলে ত ?

কদ্দাফ। নিশ্চয় হবে। এটা যে আধুনিক যুগ। অনেককেই লেখা আনতে বলেছি, এখন ছাপা না ছাপা আপনার হাত।

সম্পাদক। ভাল লেখা হলে নিশ্চয়ই ছাপব।

কদ্দাফ। যুগটা বদলাচ্ছে কিনা, তাই এ যুগের—

[নেপথ্যে “ভিতরে আসতে পারি ?” কণ্ঠস্বর শোনা গেল।]

সম্পাদক। কে ? আসুন।

[কবি সরসিজ সরগেলের প্রবেশ]

সরসিজ। নমস্কার। কদ্দাফবাবুর অনুরোধে একটা কবিতা এনেছি “উল্ফন”র পূজা-সংখ্যার জন্মে। খাতাই এনেছি, ইচ্ছে হয় বেচে নিতে পারেন আপনি।

সম্পাদক। আপনার নাম ?

সরসিজ। সরসিজ সরগেল।

সম্পাদক। কোথায় কোথায় লিখেছেন ?

সরসিজ। কতক লিখেছি বসে শস্তুরবাড়ীতে, কতক নিজের বাড়ীতে।

সম্পাদক। না, না, তা নয়। কোন্ মাসিকে পাঠান ?

সরসিজ। আমার মাসী নেই, মাঝে মাঝে আমার এক বান্ধবীকে পাঠিয়ে থাকি।

সম্পাদক । আপনি কবিই বটেন !

(গর্কিত মুহু হস্তে) আজ্ঞে লোকে তাই বলে ।

সম্পাদক । আপনার খাতা থেকে একটা কবিতা পড়ুন ত ।
যদি চলে, নিশ্চয়ই ছাপব ।

রুদ্রাক্ষ । চলবে সাধু, ঠিক চলবে । ওর কবিতার আদর
আজকাল খুব ।

সরসিজ । শুনুন তবে । (খাতা হইতে কবিতাপাঠ)

ধাঙ্গড়-বউ

বর্ষা এসেছে ।

আকাশের মুখ নয় ত, যেন কালো হাঁড়ি ।

ও যেন বেকার ছোকরা, মুখ কালো করে'
চোখের জলে, রাতদিন সইছে বাড়ীর গঞ্জনা ।

নয় ত, বৌ-পালানো কেরণী-স্বামী

উনানের কালো ধোঁয়ায়

একলা বসে সৈকছে রুটি ।

হয় ত হতেও পারে ও

কালো-বাজারের কালো দালাল,

মুনাফার কড়ি ভাঁওতায় খুইয়ে

কালো মুখে বসে আছে ।

সম্পাদক । (হাস্যমুখে) বাঃ ! বর্ষার আকাশের এমন উপমা
কালিদাসও দিতে পারেন নি ।

সরসিজ । আজ্ঞে আরও শুনুন ।

বর্ষার ভোরে ধাঙ্গড়বউ বেরিয়েছে কাজে,

থম্-থমে কালো আকাশ ।

নির্জল বেড় বোড়ের পাশে বাদামগাছের নীচে
দাঁড়ায় সে আনমনে ।

কালো আকাশের মতই মন তার হয় কালো ।

ও যেন অলকাপুরীর বিরহিণী যক্ষিণী ।

হু হু করে আসে ঝোড়ো হাওয়া,

গড়ের মাঠের সবুজ ঘাস কাঁপিয়ে,

শিবীষগাছের ডাল নাচিয়ে,

বাদামগাছের পাতা ছুলিয়ে ।

দূরে দেগা যায় ভিক্টোরিয়া মেমোর্যাল,

কালো আকাশের নীচে সাদা গম্বুজ ।

ধাঙ্গড়বউ যায় কাজ ভুলে ।

ভিজ্জে ঘাসের গন্ধভরা আলো-অঁধারি সকাল,

মন তার যায় হারিয়ে

ত্রিচিনপল্লীর কোন এক অজানা গায়ে ।

সেখানে নারকেলপাতা ছুঁয়ে যায় উড়ন্ত মেঘ,

আর এখানে ধাঙ্গড়বউ নিয়ে থাকে হরস্ত তৃষা ।

রুদ্রাক্ষ । দেখছেন সার, কি vivid বর্ণনা !

সম্পাদক । আচ্ছা যেনে যান আপনার কবিতা । এখন তবে
আসুন । নমস্কার ।

[সরসিজ সরপেলের প্রস্থান ও পরক্ষণেই কবি বাগীশ্বর
বাগচির প্রবেশ]

রুদ্রাক্ষ । ইনিই সাধু, কবি বাগীশ্বর বাগচি, আমার বিশেষ
বন্ধু ।

সম্পাদক । আসুন ।

বাগীশ্বর ! একটা কবিতা এনেছি আপনাদের পূজা-সংখ্যা
“উল্লেখনে”র জন্তে ।

সম্পাদক । বেশ, বেশ,—আচ্ছা পড়ুন আপনার কবিতা ।

বাগীশ্বর । শুনুন তবে—(কবিতাপাঠ)

ব্যাঙাচি

ব্যাঙের ছানা, নাম ওদের ব্যাঙাচি ।

ছোট্ট কালো দেহ আর পুচকে ল্যাজ নিয়ে

কিলবিল করে ওরা ডোবার জলে ।

ডোবার পাড়ের বাঁশঝাড়ের পাতা

উড়ে এসে পড়ে ঘুরতে ঘুরতে ।

ব্যাঙাচির দল উঠে বসে সে পাতায়,

জটলা করে, গেলা করে

সকালের ঝিকমিকি রোদে ।

ওদের ব্যাঙ-বাপ গেছে কোথায় পালিয়ে,

ব্যাঙ-মায়ের সঙ্গেও দেখা নেই ।

ওরা যেন অনাথ-আশ্রমের বাসিন্দা সব ।

দখিনপাড়ার ক্ষেস্তী আর সুবাসী আসে জলকে,

ওরা জলে নামতেই ব্যাঙাচিরা দেয় ছুট ।

ক্ষেস্তী বলে—কি যে ব্যাঙাচি ভাই !

সুবাসী বলে—এ বছর খুব বর্ষা হবে দেখিস ।

হুঁজনে হেসে ওঠে খিল-খিল,

ঘড়ায় জল নিয়ে ফিরে যায় ঘরপানে ।

পথে যেতে যেতে সুবাসী দেখে—

ঘড়ার জলে ছোট্ট একটা ব্যাঙাচি !

ও যেন বাপ-মা-হারা, একটু স্নেহের ভিখারী,

তাই এসেছে ওর সঙ্গে ।

সুবাসী ঘড়ার জল থানিকটা ফেলে দেয়,

তার সঙ্গে ব্যাঙাচিও ।

আহা বেচারী !

রুদ্রাক্ষ । দেখছেন সাধু, ব্যাঙাচির কি সাইকোলজি !

সম্পাদক । আচ্ছা যেনে যান আপনার কবিতা, পরে খবর
পাবেন ।

[বাগীশ্বর বাগচির প্রস্থান ও গল্পলেখক বটকৃষ্ণ বটব্যালের প্রবেশ]

রুদ্রাক্ষ । আসুন, আসুন । (সম্পাদকের দিকে ফিরিয়া)

ইনিই প্রসিদ্ধ কথাসাহিত্যিক বটকৃষ্ণ বটব্যাল মহাশয় ।

সম্পাদক। ওঃ! নমস্কার, আসুন।

বটকৃষ্ণ। রুদ্রাক্ষবাবুর অনুরোধে একটা গল্প এনেছি পূজা-সংখ্যার জন্তে।

সম্পাদক। বেশ, বেশ। পড়ে শোনান ত। অবশ্য যদি নিজের পড়ে শোনাতে আপত্তি না থাকে।

বটকৃষ্ণ। আপত্তি আর কি! শুধু—

“আঁতুরের গন্ধ গায়ে মেখে ছিদাম মুলী গলির স্মৃৎসেঁতে অন্ধকার ঘর আছে যেন ঝিমিয়ে।

শবরী জেগে ওঠে দশ দিনের শিশুকে বুকে জড়িয়ে।

স্বপ্নেশ বলে : ডাকব না কি বেয়াড়া কি আয়াকে? যাবে লেকে হাওয়া খেতে ক্রিসলার হাঁকিয়ে?

শবরী হেসে উঠে। যেন আদমের পতনে ইভের হাসি। বলে সেদিনের কথা তোল কেন স্বপ্নেশ? সে শবরী অনেকদিন হ'ল মরে গেছে।

স্বপ্নেশ এগিয়ে যায় শবরীর পাশে। বলে—হতে পারতে হয়ত তুমি কোন জমিদার কি ব্যাঙ্কার কি ব্যারিষ্টারের ঘর-আলো-করা বউ, আমি শুধু গানের মাষ্টার, কি-ই বা দিতে পারি তোমায়?

দশ দিনের ছোট্ট শিশু ঘুমুতে ঘুমুতে হাই তোলে।

শবরী বলে। যদি পুলিশ এখানকার সন্ধান পেয়ে সত্যিই তোমাকে ধরে?

স্বপ্নেশ বলে : তুমিই ত সাক্ষী হয়ে বাঁচাবে আমায়।

শবরী খিল খিল করে হেসে উঠে, জলতরঙ্গ হাসি। মোনালিসার মত নির্ঝাঁক হাসি নয়, ড্যালাইলার মত মোহময় নির্ভুর হাসি।

স্বপ্নেশ বলে। চল এদেশ ছেড়ে অণ্ড কোন দেশে পালিয়ে যাই। তোমার জড়োয়া গহনাগুলো বিক্রী করলে ত অনেক টাকা হবে।

শবরী গাঢ় স্বরে বলে, উছ, দেশের মাটি ছেড়ে আমি কোথাও যাব না, বন্দেমাতরম!”

সম্পাদক। একেবারে বন্দেমাতরম? তারপর শেষে হ'ল কি?

বটকৃষ্ণ। পড়েই দেখবেন। ইনক্লাম জিন্দাবাদ, নারীপ্রগতি, পুনর্কাসন সমষ্টি, হিন্দু কোড বিল,—কিছুই বাদ দি'নি। গল্পটা পপুলার করবার জন্তে আঁতুরঘরে শবরীর মূখে হিন্দী সিনেমার গান পর্যাস্ত দিয়েছি।

রুদ্রাক্ষ। এ গল্পটা কিন্তু আমাদের পূজা-সংখ্যার ফাষ্ট পেজে দিতে হবে সার্ব।

সম্পাদক। বেশ ত। আচ্ছা আপনি এখন আসুন বটকৃষ্ণবাবু।

[বটকৃষ্ণের প্রস্থান ও দ্বিতীয় গল্পলেখক তরনী তরফদারের প্রবেশ]

তরনী। নমস্কার।

রুদ্রাক্ষ। আসুন। (সম্পাদকের দিকে ফিরিয়া) ইনিই কথা-সাহিত্যিক তরনী তরফদার। তিন মাসে এঁর বই “তরনী তরফদারের গল্প-তরঙ্গ” বাজারে খুব নাম করেছে, তিনটে এডিশন হয়েছে।

সম্পাদক। বটে! বেশ, বেশ, কি গল্প এনেছেন পড় ম।

তরনী। বলছেন যেকালে পড়তে, শুধু তবে—

“নদী চলে যেন নারীর ভালবাসা। এক কুল ভেঙে আর এক কুল গড়তে চায়। চন্মনার মনেও কত চেউ জাগে! একদিকে গরীব কেবাণী-স্বামী, অণ্ডদিকে ঘর ছেড়ে সিনেমা-ষ্টার হওয়ার বিপুল সম্ভাবনা। সত্যি কি সে এক কুল ভেঙে আর এক কুল তুলবে গড়ে?

মেঘলা ছপুরবেলাটা ভাল লাগে না চন্মনার। সামনের পার্কে পামগাছটা যেন ওর জীবনের মতই তুলছে। আকাশটা যেন ওর বর্তমানের মতই কালো মেঘভরা।

আর ভাবতে পারে না চন্মনা। বিকাল যেন পা টিপে টিপে এগিয়ে আসে। কেবাণী-স্বামীর জন্তে প্রতীক্ষার ভান তার নেই। কিন্তু “অভিসারিকা ফিল্ম কোম্পানী”র পুলক-দা? চন্মনার চোখের সামনে যেন ফুটে ওঠে রূপালী পর্দায় তার নিজের ছবি। কানে শোনে যেন জনতার করতালিধ্বনি।

কিন্তু করতালিধ্বনি না উঠে, উঠল দরজায় কড়া-নাড়ার ধ্বনি। ‘দোর গোল গো—’ স্বামী নকুড়বাবু হাঁকেন।

চন্মনা শক্ত হয়ে বসে থাকে। না, খুলবে না সে দরজা। কোথায় আসবে পুলক দা, না, এল তার কেবাণী-স্বামী?

—“ওগো শুনছ, দোর গোলই না ছাই!

চন্মনা যেন পাথর। নাঃ, আজই একটা হেস্তনেস্ত হয়ে যাক। —‘ওগো—’

চন্মনার হাত-পা যেন মেঝের সঙ্গে পেরেক দিয়ে আঁটা। চন্মনা নড়ে না। চেঁচাক ও যত পারুক।

এবার আর চেঁচানি নেই, কড়া-নাড়ার শব্দও নেই।

চন্মনা মনে মনে হাসে, যাক না ফিরে, নদীর চেউ তার ভাঙবার কুল বেছে নিয়েছে।

অনেক কষ্টে রাস্তার দিকের জানালার ভাঙা গরাদের ফাঁক দিয়ে গলে এসে নকুড়বাবু চন্মনার সামনে দাঁড়ান, বলেন, ব্যাপার কি? আমার ডাক কি শুনতে পাও নি? আমারই বাড়ীতে আমাকে কিনা ভাঙা গরাদে সবিয়ে চোয়ের মত ঢুকতে হ'ল?

চন্মনা কঠিন হয়ে ঝেঁজে ওঠে। ‘মনের দরজা যদি কোনদিন তোমার জন্তে খুলতে না পারি, ঘরের দরজা খুলে লাভ কি?’

সম্পাদক। থাক, থাক, আর পড়তে হবে না। গল্পটা রেখে যেতে পারেন।

তরনী। শেষটা শুনবেন না? শেষের দিকে ভয়ঙ্কর রোমাঞ্চ।

সম্পাদক। নিশ্চয় পড়ে দেখব। আচ্ছা আপনি তবে আসুন। নমস্কার।

[তরনী তরফদারের প্রস্থান ও পরক্ষণেই বাঁধানো-পাতা হস্তে রিসার্চ স্কলার খগেন খাস্তগীরের প্রবেশ]

খগেন। নমস্কার।

রুদ্রাক্ষ। আসুন আসুন খগেনবাবু। (সম্পাদকের প্রতি)

ইনিই বিখ্যাত গবেষণাকারী খগেন খাস্তগীর মহাশয়। রিসার্চে এ ~~এ~~ নাম।

সম্পাদক। আশুন, নমস্কার। পূজা-সংখ্যার জন্তে প্রবন্ধ এনেছেন নিশ্চয়।

খগেন। এনেছি। এ প্রবন্ধ আমার গভীর গবেষণার ফল।

সম্পাদক। বেশ, বেশ, "উল্লেখ"র দিকে আপনারা ঝোক না দিলে চলবে কি করে? একটু পড়ুন না শোনা যাক।

খগেন। শুনুন। প্রবন্ধের নাম "লক্ষণের প্রতি সূৰ্পনখার প্রেমের গভীরতা"।

সম্পাদক। বলেন কি মহাশয়, সূৰ্পনখার প্রেম?

খগেন। আজ্ঞে হাঁ, কিছুটা শুনুন তবে—

"সূৰ্পনখার প্রেমের গভীরতা কে বুঝবে? নিতান্ত নাক-কান-কাটা না হইলে এ প্রেম উপলব্ধি করা যায় না। মানব ও ব্যাকস পরস্পর ভিন্ন নেশান। এই ইন্টারক্যাশনাল প্রেম বিশ্ব-ধর্মী। প্রেমের গণ্ডী শুধু একটা দেশ বা জাতির মধ্যে নিবদ্ধ থাকিলে সে প্রেম হয় অপ্রসারী, স্থাবর ও স্থবির। বিভিন্ন জাতির প্রেমের সংমিশ্রণে যে মহাজাতির সৃষ্টি হইবে তাহা দুর্দর্শ, অপরাঙ্ক ও তীব্র মননশক্তিসম্পন্ন। সূৰ্পনখা ইহাই বুঝিয়াছিলেন। আব বুঝিবেন না-ই বা কেন, তিনি যে রক্ষঃকুলপতি বাবণ-ভগ্নী। তাই সূৰ্পনখা চাহিয়াছিলেন নিবিড় বনের পটভূমিতে স্নাত্ত-প্রেম। লাজুক লক্ষণ অগ্রজ ও অগ্রজ-ঘবণীর সম্মুখে সে কেতম্যান্-স্পিরিট দেখাইতে পারেন নাই, সূৰ্পনখার নাককান কাটিয়া তবে ছাড়িয়া-ছিলেন। পাছে হাতে হাড়ি ভাঙিয়া যায় এই ভয়ে পরম সাক্ষী স্ত্রী যেমন স্বামীর সম্মুখে হঠাৎ ধৃত নিশাচোরকে তাড়না করে, লাজনা করে ও আফালন করিয়া তাহার নাক-কান কাটিতে চায়, লক্ষণও সেইরূপ করিয়াছিলেন এবং সত্যই সূৰ্পনখার নাক-কান কাটিয়া দিয়াছিলেন। ইহাতে প্রকারান্তরে লক্ষণের প্রচ্ছন্ন গভীর প্রেম প্রকাশ পাইতেছে। একশ্রেণীর প্রেম আছে যাহা প্রেমাস্পদকে শারীরিক যন্ত্রণা দিয়া পরিতৃপ্তি লাভ করে। লক্ষণের প্রেম সেই জাতীয়। কিন্তু সূৰ্পনখার প্রেম আরও গভীর। তিনি ভাবিয়া-ছিলেন, তাহার নাক-কান কাটিয়া যদি প্রিয়তম স্ত্রী হয় তবে তাহাই হউক। এ প্রেম জগতে দুর্লভ। নাসিকা-কর্ণ-বিহীন সূৰ্পনখাই আদর্শ প্রেমিকা।"

সম্পাদক। আরও আছে নাকি?

খগেন। নিশ্চয়ই। এর পরে সূৰ্পনখার সাইকো-এনালিসিস আছে। তাহার অস্তবের নিগূঢ় মনিকোঠায় যে বৃত্তান্ত অবচেতনা—

সম্পাদক। থাক, আর আপনাকে এখন কষ্ট করে বৃত্তান্ত অবচেতনা বোঝাতে হবে না। আমি পড়ে নোব'খন। আপনার প্রবন্ধ রেখে যান। নমস্কার।

[খগেন খাস্তগীরের প্রশ্নান ও পরক্ষণেই চক্রপাণি চাকলাদারের প্রবেশ]

চক্রপাণি। নমস্কার।

সম্পাদক ও রুদ্রাক্ষ। নমস্কার।

রুদ্রাক্ষ। ইনিই বিখ্যাত সিনেমা-গল্পলেখক চক্রপাণি চাকলাদার।

চক্রপাণি। একটা বাংলা সিনেমা-গল্পের 'সিনপ্‌সিস' এনেছি আপনাদের পূজা-সংখ্যার জন্তে।

সম্পাদক। বেশ ত, যদি কিছু মনে না করেন তবে খানিকটা পড়ে শোনালে বাধিত হব।

চক্রপাণি। অবশ্য আসল গল্পটা একটু বড় হবে। শুধু সিনপ্‌সিসটুকুই শুনিতে দিচ্ছি এখন—

"ছায়াচিত্রটির নাম 'দিল্লী-কা-লাড্ড'। নামে দিল্লীর উল্লেখ থাকিলেও, স্থান বাংলাদেশের কোন একটি সুদূর পল্লীগ্রাম। পিতা নিতান্ত দরিদ্র, মাতা চিবকুয়া, স্তত্রাং সুন্দরী বয়স্ক কণ্ঠকে নদীর ঘাট হইতে জল আনিতে হয়, পাড়াপড়শীর বাড়ী হইতে জিনিস চাহিতে হয়। মেয়েটির নাম তেলেনা।

হাল-ফাসানের দামী সাড়ী-ব্লাউজ পরিয়া তেলেনা ঘড়া-কাপে জল আনিতে যায়। মনে রাখিবেন তেলেনার বাপ গরীব হইলেও সিনেমা কোম্পানী গরীব নহেন। স্তত্রাং দরিদ্র হইয়াও তেলেনা যে দামী সাড়ী-ব্লাউজ পরিবে ইহাতে আশ্চর্য হইবার কি আছে! নিরুজন নদীর ঘাটে সে বনফুল তুলিল, ঘড়া মাজিল, ঘাটের সিঁড়িতে বসিয়া নদীর জলে পা নাচাইল এবং তাহার পর মাদ্রাজী নাচ নাচিয়া ঠুংরিতে গান গাহিল।

হঠাৎ সেখানে আবির্ভাব ঘটিল কলিকাতার জমিদারপুত্র কোট-প্যান্ট-পরিহিত বন্দুকধারী গবেন্দ্রভূষণের। পল্লীগ্রামে বুনো-হাঁস শিকারে আসিয়া নদীর ঘাটে তেলেনার রূপ দেখিয়া তিনি একেবারে আনুমান্যেজেবল হইয়া পড়িলেন।—এই স্থানে তাহার সহিত তেলেনার সংলাপ খুব আপ-টু-ডেট স্মার্ট মেয়ের মত হইবে।

নদীর ঘাটেই গবেন্দ্র তেলেনাকে বন্দুক ছুড়িবার "কৌশল" শিখাইল। বড়ই দেরি হইয়া যাইতেছে, স্তত্রাং তেলেনাকে জল লইয়া গৃহে ফিরিতেই হইবে। সাময়িক বিদায় লইয়া গবেন্দ্র শিশু দিতে দিতে চলিয়া গেল। সজল চক্ষে তেলেনা তাহার দিকে চাহিয়া রহিল। যাইবার সময় ছাপানো ভিজিটিং কার্ডে গবেন্দ্র তাহার ঠিকানা রাখিয়া গেল।

দরিদ্র পিতা-মাতা জাতি-পুত্র ঘটোৎকচের সহিত তেলেনার বিবাহ স্থির করিলেন। নারীত্ব সম্বন্ধে সচেতনা তেলেনা বিবাহ-সভায় ঘটোৎকচকে চড় মারিয়া পল্লীপথে আঁকিয়া-বাঁকিয়া ছুটিয়া চলিল কলিকাতায় গবেন্দ্রের সন্ধানে। ট্রেনে চড়িয়া তরুণ টিকিট-চেকারের সঙ্গে স্মার্ট সংলাপ ও চলতি ট্রেনের শব্দের তালে তালে জানালায় মুগ বাড়াইয়া তাহার গান—"ওগো, আমার শ্রামল মাটি—" ইত্যাদি।

কলিকাতায় আসিয়া গবেন্দ্রের খোজ করিতে গিয়া তেলেনা পড়িল বিখ্যাত গুণ্ডা-সর্দার ভজুয়ার হাতে। ভজুয়া তাহাকে আটকাইয়া রাখিল তাহার আড্ডা চালতাবাগানে। সেখানে পিয়ারী

নাগ্নী অল্প একটি তরুণীর সহায়ত। তেলেনা চুলের কাঁটা হাতে বিধিয়া সেই রক্তে সাড়ীর ছেঁড়া আঁচলের টুকরায় গবেন্দ্রকে লিখিল—তুমি এস, আমি বন্দিনী। পিয়ারীর হাতে লিখন পাঠাইয়া অনেকটা নিশ্চিত হইয়া তেলেনা রক্ত কক্ষে বোধাই নাচ নাচিয়া গান গাহিল—‘প্রিয় আজ কতদূরে --’ ইত্যাদি।

সম্পাদক। থাক, থাক, আর কষ্ট করে পড়তে হবে না—

চক্রপাণি। এর পরে কিন্তু অনেক ব্যাপার আছে। লিখন পাঠাইয়া গবেন্দ্রের পুলিশ লইয়া ভজুয়ার আড্ডায় অভিযান, গবেন্দ্রের হাত হইতে অবলা পল্লীবালা তেলেনার রিতলভার কাড়িয়া লইয়া পলায়নপর ভজুয়ার পথরোধ। ভজুয়া গ্রেপ্তার। আরও অনেক খিল ও সামপেস আছে। শেষে সামাইয়ের শব্দে দর্শকেরা জানিলেন গবেন্দ্রের সহিত তেলেনার বিবাহ। চড়-খাওয়া জাতিপুত্র ঘটোং-কচের সহিতও পিয়ারীর বিবাহ। বাসরঘরে তেলেনা ও গবেন্দ্রের দ্বৈত সঙ্গীত।

সম্পাদক। আচ্ছা, আচ্ছা, ওটা আপনি বেগে যান। নমস্কার।

[চক্রপাণি চাকলাদারের প্রশ্নান ও পরক্ষণেই গুন গুন করিতে করিতে নন্দন নন্দীর প্রবেশ]

রুদ্রাক্ষ। এই যে আপনি নিজেই এসেছেন, আসুন, আসুন,—

নন্দন। নমস্কার।

সম্পাদক। নমস্কার।

রুদ্রাক্ষ। উনিই সুবিখ্যাত তরুণ গায়ক নন্দন নন্দী। আজকাল প্রায় সব গানেই সুর দিয়ে থাকেন। আর তা ছাড়া নিজেও গান রচনা কর মেয়েদের গানের টিউশনি করেন। আমাদের পূজা-সংখ্যায় নিজের রচিত গান স্বরলিপি দিয়ে বের করতে চান ভদ্রঘরের মেয়েদের শেখবার জগে। একথা আমাকে উনি আগেই জানিয়েছেন।

নন্দন। অবশ্য নিজের মুখে বলতে নেই, আমার রচিত গান আজকাল খুব পপুলার হয়েছে। আমার গান ছাড়া মেয়েরা আর কোন গানই পছন্দ করে না।

সম্পাদক। বটে!

নন্দন। সুর দিয়ে, দরদ দিয়ে গানকে এমন একেফটিভ করে তুলতে হবে যাতে মানুষের মনের বনজ্যোৎস্না হারিয়ে কোন্ এক বাদল রাতের স্বপ্ন-বীথিকায়—

সম্পাদক। ভাল, ভাল, এবার আপনার গানটা পড়ে শুনিতে দিন ত একবার।

নন্দন। শুনুন—

“ঘন-বরষা-মুগর মধু-অভিসার-রাতি রে!

মম নিবালা কুটীরে এসে না'ক আজো সাথী রে।

আকাশের কোলে চমকে চপলা এ,

শুক-শুক দেয়া, সাথী কৈ, সাথী কৈ?

আমি বন-বীথিকার মালা কত আর গাঁধি রে!

চাদ মেগে ঢাকা, হারায়েছে শুকতারা,

যৌবন মম কামনায় দিশাহারা,

আজি নিঃস্বপনে নেভে বাতায়নে বাতি রে!

ঘন-বরষা-মুগর মধু-অভিসার-রাতি রে!”

সম্পাদক। বলেন কি! এ রকম গান ভদ্রঘরের মেয়েরা গাইবে?—“যৌবন মম কামনায় দিশাহারা!”

নন্দন। আধুনিক গান কিনা, হৃদয়ের আবেদন না থাকলে গান জমে না। আর তা ছাড়া গানের বাণীতে ওসব থাকা চাই।

সম্পাদক। হুঁ। আচ্ছা বেগে যান আপনার গান ও স্বর-লিপি। এখন তবে আসুন, নমস্কার।

[নন্দন নন্দীর প্রশ্নান]

সম্পাদক। রুদ্রাক্ষ—

রুদ্রাক্ষ। আজো সাথী—

সম্পাদক। এবার আমি ঠিক করে ফেলেছি।

রুদ্রাক্ষ। কি সাথী?

সম্পাদক। পূজা-সংখ্যায় সম্পাদনায় আর আমার নাম দোব না, তুমিই হবে এর সম্পাদক।

রুদ্রাক্ষ। (হাস্যমুখে) সত্যি বলছেন সাথী?

সম্পাদক। হাঁ রুদ্রাক্ষ।

(শেষ)



ভাষা-সঙ্কট

শ্রীঅরীন্দ্রজিৎ মুখোপাধ্যায়

ভাষা মানুষের পক্ষে নিত্য প্রয়োজনীয়। একটু অনুধাবন করিলে বুঝা যাইবে যে, আমরা যখন একান্তে আপন মনে বসিয়া চিন্তা করি তখন জটিল বাগ্‌যন্ত্রের কোনও অংশের ব্যবহার না করিলেও আমরা অনুচ্চারিত ভাষার সাহায্যে চিন্তা করি। সমাজে মানুষের সঙ্গে মানুষের ভাবের আদান-প্রদান ভাষার সাহায্যেই হয় এবং আমাদের সমস্ত সমাজের সম্মিলিত কাজকর্মের ভিত্তি হইতেছে ভাষার সাহায্যে ভাবের আদান-প্রদান। আচার্য্য দণ্ডী 'গো' অর্থাৎ বাক্যকে বলিয়াছেন কামদুঃখ; অর্থাৎ সন্ধার্থপ্রদায়িনী। চিন্তা ও ভাষার মধ্যে এই ঘনিষ্ঠতা লক্ষ্য করিয়া শাস্ত্রকারগণ বাক্য ও অর্থের মধ্যে একটা নিত্য সংন্ধের কল্পনা করিয়াছেন। প্রাচীন গ্রীস এবং তাহার সভ্যতার উদ্ভাবিকারী আধুনিক ইউরোপেও 'Logos' কথাটির অতি উচ্চ সম্মান।

ভাষা এক দিক দিয়া মানুষের একান্ত প্রয়োজনীয় হইলেও আর এক দিক দিয়া নানা সঙ্কটের কারণ। দেখা যায়, যুগে যুগে ক্ষেত্রবিশেষে মানুষ ইহাকে আত্মাভিমান, ভেদনীতি ও স্বার্থসিদ্ধির অস্ত্ররূপে ব্যবহার করিয়াছে।

ভাষার এক বিপত্তি হইতেছে যে, ইহা নিয়ত পরিবর্তন-শীল। দেশে দেশে, কালে কালে ইহার বিভিন্ন রূপ। ইংরেজী ও জার্মান এক গোত্রের ভাষা হইলেও কালক্রমে এত বিভিন্ন হইয়া গিয়াছে যে, আজ এক জন জার্মান ও এক জন ইংরেজ পরস্পরের কথা বুঝে না। মূলতঃ এক-বর্গের ভাষা হইলেও সিন্ধী ভাষা বাঙালীর পক্ষে প্রায় অবোধ্য। একই ভাষা প্রতিনিয়ত পরিবর্তিত হইতেছে; এই পরিবর্তন কতকটা অলক্ষ্য হইলেও লিপিবদ্ধ সাহিত্যের সাহায্যে সহজেই ধরা পড়ে। সেক্সপীয়র পড়িলে আমরা বেশ বুঝিতে পারি যে, সে ভাষা আধুনিক ইংরেজী হইতে অনেকটা ভিন্ন রূপ। চম্বারের ভাষা বুঝা আরও কঠিন এবং এংলো-স্যাক্সন বিউল্ফ কাব্য সাধারণ দৃষ্টিতে স্বতন্ত্র ভাষা বলিয়াই মনে হয়।

বৈদিক ও লৌকিক সংস্কৃতের মধ্যে যে দুস্তর ব্যবধান রহিয়াছে অথবা চর্যাপদের সঙ্গে বর্তমান বাংলা গদ্যের যে পার্থক্য বিদ্যমান, সে আলোচনী না হয় বাদই দেওয়া গেল, কিন্তু প্রথম যুগের বাংলা গদ্যের সঙ্গে আজিকার গদ্যের তুলনা করিলেও ভাষার অনেকখানি প্রভেদ লক্ষ্য করা যায়। তা ছাড়া আবার একই সময়ে একই ভাষার মধ্যে সমাজের বিভিন্ন স্তরে ভাষার বিভিন্নতা পরিলক্ষিত হয়। একই পল্লীতে

ভদ্রপাড়ার 'কোথায় গিছিলে'—হু'চার পা হাঁটিয়া কৃষকপাড়ায় গেলেই 'কনে গেয়েলে' হইয়া যায়। বিলাতের নিম্নশ্রেণীর 'A hae nane'র অর্থ হইতেছে—ভদ্র ভাষায় 'I have not got any'।

একই ভাষার আবার বিভিন্ন আঞ্চলিক রূপ। খাস ইংলণ্ড ও ওয়েল্‌সে ইংরেজীর প্রায় ত্রিশটি আঞ্চলিক রূপ আছে এবং অনেক ক্ষেত্রে এক অঞ্চলের ভাষা আর এক অঞ্চলের লোকের পক্ষে বুঝা কঠিন। বিদেশের কথা বাদ দিয়া আমাদের নিজেদের আঞ্চলিক ভাষা সম্বন্ধে আলোচনা করা যাক। রাঢ়ের একটু বেশী অভ্যন্তরভাগে প্রবিষ্ট হইয়া ইট মারিতে হইলে 'হিটাল মারি দিবক' বলিতে হইবে, নহিলে লোকে ইষ্টক দ্বারা প্রহৃত হওয়ার আগে পর্যন্ত বুঝিবে না। ভাষার ক্ষেত্রে বিপত্তি অধিক হইলে হাতমুখ নাড়িয়া কতকটা সঙ্কটত্রাণ হইতে পারে। কিন্তু ক্ষেত্র নিত্য সীমাবদ্ধ হইয়া পড়ে এবং সেই সীমায়িত ক্ষেত্রের মধ্যেও বিপত্তির সম্ভাবনা থাকে। তিব্বতে অভ্যাগতকে জিহ্বা প্রদর্শন করা সম্মানসূচক; মালয় অঞ্চলে বুদ্ধাস্তু প্রদর্শনের অর্থ উদ্ভিষ্ট ব্যক্তির শক্তি ও কুশলতাকে স্বীকার করা। আমাদের দেশের নেতিমূলক শিরঃসঞ্চালন তামিল দেশে সম্মতিজ্ঞাপক। সুতরাং বিপত্তি নানা দিকে ও নানা আকারে।

ভাষাতাত্ত্বিকগণের ব্যাখ্যা ও নির্দেশসত্ত্বেও লোকের নিজ নিজ ভাষা, উচ্চারণ ও শব্দপ্রয়োগ-পদ্ধতিকে শ্রেষ্ঠ বলিয়া মনে করে। আগেকার দিনে ভারতের উত্তর এবং পশ্চিম অঞ্চলের লোকেরা বলিতেন, পূর্বদেশীয় লোকের নিকট আশীর্বাদ গ্রহণ করিও না; ইহারা শতায়ুঃ স্থানে হতায়ুঃ বলিবে। হিন্দুস্থানীরা বাঙালীর 'জল খাব' শুনিয়া হাসিয়া আকুল হয়। 'ঘর'কে ইহাদের 'কামরা' শব্দ ব্যবহার করিয়া বুঝাইতে হয়। আবার ইহাদের মুখে পর পর দুইটি অকার বিবর্জিত 'উপ্‌কার' বা 'উপ্‌দেশক্' শুনিয়া আমাদের কণ-পীড়া উপস্থিত হয়। 'স্কুল'কে ইহারা 'সকুল' বলে, 'টুল'কে 'সটুল' বলে, কিন্তু আমরা যে 'ইস্কুল' এবং 'টুল' বলি সে কথা মনে আসে না। 'কচ্ছে' 'হচ্ছে' ইহাদের অদ্ভুত লাগে। আমরাও ভাবি ইহারা অনবরত 'হায়' 'হায়' করে কেন? ভাষাতত্ত্বের দিক দিয়া এই সমুদয় বৈচিত্র্যের ব্যাখ্যা মনে রাখিলে এই ভাষাগত বৈষম্যকে লঘুভাবেই গ্রহণ করা যায়।

কিন্তু মানুষের অহমিকা ও স্বার্থবুদ্ধি অনেক সময়ে এই ভাষাভেদকে ব্যক্তিগত অথবা জাতিগত প্রাধান্য-প্রতিষ্ঠার এবং স্বার্থসিদ্ধির উপায়স্বরূপ ব্যবহার করে। তখনই দাঁড়ায় প্রকৃত ভাষা-সঙ্কট। বৈদিক যুগের ঋষি বঙ্গ ও মগধকে ভাষাহীন পক্ষীজাতির সহিত উপমিত করিয়াছিলেন। Barbarian কথাটি মূলতঃ গ্রীকদের দেওয়া, অর্থ babblers বা প্রকারান্তরে—উক্ত বৈদিক ঋষির কথাই প্রতিধ্বনি— ভাষাহীন জীব-বিশেষ। আগেকার আমলের সুসভ্য স্লাভ ও স্ত্রাবতঃ উদার চীনারাও অন্ত ভাষাভাষীদের সম্বন্ধে অনুরূপ মনোভাব পোষণ করিত। এই অহমিকা হইতেই এক ভাষার লোকের মনে অন্য ভাষার প্রতি অবজ্ঞার সৃষ্টি হয়, ফলে ভাষা হইয়া দাঁড়ায় জাতিতে জাতিতে বিরোধের কারণ। ইংরেজ, ফরাসী, স্প্যানিয়ার্ড সকলেই ভাবে তাহাদের ভাষার মত ভাষা আর নাই এবং অন্য সব ভাষা নগণ্য। জার্মান ভাষা ঘোড়ার ভাষা এবং ইংরেজী হাঁসের ভাষা— এই সব প্রচলিত কথার মূলে নিজেদের ভাষার শ্রেষ্ঠত্ববোধ-জনিত ঐ অহমিকা।

সঙ্কট আরও ঘনীভূত হইয়া আসে যখন এক জাতি আর এক জাতিকে জয় করিয়া বিজিত জাতির ভাষা ও সাহিত্যকে দমন ও তাহার উপর নিজের ভাষা ও সাহিত্য চাপাইবার প্রয়াস পায়। দেশের মধ্য হইতেও এই জাতীয় বিপত্তির সৃষ্টি হইতে পারে যদি দেশের মধ্যে বিভিন্ন ভাষা থাকে এবং এক সম্প্রদায় তাহাদের ভাষা অন্য সম্প্রদায়ের উপর আরোপিত করিবার জন্য উগ্রতা ও অসহিষ্ণুতা দেখায়।

ইংলণ্ডে যত দিন ফরাসী-প্রভাব প্রবল ছিল ততদিন পার্লামেন্টের কাজকর্ম নরমান-ফরাসী ভাষার সাহায্যে হইত। পরে ফরাসী প্রভাবের হ্রাসপ্রাপ্তি ও জাতীয়তার উন্মেষের সঙ্গে সঙ্গে ইংরেজী ভাষা প্রাধান্যলাভ করে। ১৩৬৩ খ্রীষ্টাব্দ হইতে ইংরেজী ভাষায় পার্লামেন্টের কাজকর্ম আরম্ভ হয় এবং বিভিন্ন আদালতে ফরাসী ভাষা ব্যবহার নিষিদ্ধ করিয়া দেওয়া হয়। জারের আমলে রাশিয়ার পোলিশ, লেটিস, লিথুয়ানিয়ান, ফিনিশ প্রভৃতি সংখ্যালঘুদের ভাষাগুলি নিঃসমভাবে নিষ্পেষিত হইত। অধুনা মেক্সিকোতে বিজ্ঞাপনাদি প্রচারের উদ্দেশ্যে বিদেশী ভাষার ব্যবহার নিষিদ্ধ। আয়ারলণ্ডে ভাষা লইয়া বিবাদই স্বাধীনতা-সংগ্রামকে একটা বিশিষ্ট রূপ দেয়। পর্তুগীজরা স্পেনিশ ভাষা সম্বন্ধে অসহিষ্ণু। অধুনা মার্কিন যুক্তরাষ্ট্রের আচরণে স্থানে স্থানে স্পেনিশ ভাষাকে কোণঠাসা করিবার স্পষ্ট চেষ্টা দেখা যায়। ফলে স্প্যানিয়ার্ডরাও নিজেদের অধিকার রক্ষার্থে উর্টা চাপ দিতে কসুর করে না।

একই দেশের মধ্যে বিভিন্ন ভাষা লইয়া অন্তবিরোধের উদাহরণও বিরল নয়। মধ্যযুগে ইউরোপে Lingua

Latina ও Lingua Romana Rustica'র প্রতিধ্বনিতা ইহার প্রকৃষ্ট উদাহরণ। আধুনিক যুগে মুসোলিনী জাতীয় একত্ব-বিধানের উৎকট আগ্রহে ইটালীর বিভিন্ন আঞ্চলিক ভাষাগুলির ব্যবহার খর্ব করিবার চেষ্টা করিয়াছিলেন। আধুনিক স্পেনে কাতালান ও বাস্ক ভাষায় অধ্যয়ন ও অধ্যাপনা নিষিদ্ধ। ফ্রান্সও এই দোষ হইতে মুক্ত নয়। সেদেশে 'ব্রেতন' ভাষায় চিঠির ঠিকানা লেখা নিষিদ্ধ এবং অন্যান্য সংখ্যালঘু ভাষাগুলির উপর রাষ্ট্রশক্তি নানা আকারে খড়গহস্ত। এ সম্বন্ধে প্রকাশ্যে স্বীকৃত তত্ত্বটি হইতেছে— স্বাধীন ফরাসীদের ভাষা ফরাসী ক্রমে সর্বজন্যের ভাষা হইবে; সুতরাং ইতিমধ্যে ইহা সমগ্র ফ্রান্সের ভাষা হউক। তত্ত্বটি বিশেষ সরল সন্দেহ নাই।

ভারতবর্ষে ভাষা-সঙ্কটের ইতিহাস প্রাচীন। সংস্কৃত ভাষা যখন ধীরে ধীরে উত্তর-ভারতে ছড়াইয়া পড়িতে লাগিল তখন বিভিন্ন অঞ্চলে তাহার অ-পাণিনীয় রূপ নানা আকারে দেখা দিতে লাগিল। ক্রমে দেশীয় ভাষাগুলির সহিত অল্প বা অধিক পরিমাণে মিশ্রিত হইবার ফলে নানা শ্রেণীর প্রাকৃতের উদ্ভব হইল—“তদভবন্তঃসমো দেশীত্যনেকঃ প্রাকৃত-ক্রমঃ”। দেশভেদে আবার মহারাষ্ট্র শূরসেন গোড় ও লাট প্রভৃতি অঞ্চলে প্রাকৃত ভাষা বিভিন্ন রূপ ধারণ করিল। এককালে মহারাষ্ট্র দেশে প্রাকৃতের প্রচুর সাহিত্য-সমৃদ্ধি ও মর্যাদা ছিল। শৌরসেনী প্রাকৃত এককালে উত্তর-ভারতের বিস্তীর্ণ অঞ্চলে প্রসারলাভ করিয়াছিল। কালক্রমে এই সব প্রাকৃত হইতে বিভিন্ন অপভ্রংশ ভাষা এবং সেগুলি হইতে উত্তর-ভারতের আধুনিক ভাষাগুলির সৃষ্টি হয়। অষ্ট্রিক-গোষ্ঠীর ভাষাগুলি ক্রমে সঙ্কুচিত হইতে থাকে। দক্ষিণাপথে ড্রাবিড়-গোষ্ঠীর ভাষাগুলি সংস্কৃতের শব্দ-ভাণ্ডার হইতে ধন গ্রহণ করিলেও নিজ নিজ মাহিমায় প্রতিষ্ঠিত থাকে। পাণিনির প্রভাবে সংস্কৃত ভাষা স্থায়ীভাবে একটা নিদিষ্ট রূপ গ্রহণ করে। ইহা সর্বভারতের অভিজাতশ্রেণীর মনোভাব প্রকাশের বাহন এবং বিভিন্ন প্রদেশে রাজকার্যের শীর্ষভাগের ভাষা হইয়া দাঁড়ায়। সংস্কৃত নাটকে দেখি—রাজা, মন্ত্রী, রাজপুরোহিত, ঋষি, মুনি ইত্যাদি পাত্রগণ সংস্কৃত ভাষায় কথা কহিতেছেন। অন্যান্য পুরুষ এবং রানী হইতে আরম্ভ করিয়া সকল নারী কথা কহিতেছেন প্রাকৃতে; সংস্কৃত ভাষার সম্মান সর্বোচ্চ; ইহা দৈবী বাক্য।

সংস্কৃত ভাষার প্রতি এই অতিরিক্ত আগ্রহের ফলে এবং কতকগুলি রাজনৈতিক কারণে, সম্ভবতঃ গুপ্তযুগে এক ভাষা-সঙ্কটের সৃষ্টি হইয়াছিল। সেই সময়ে সংস্কৃত ভাষায় বহু গ্রন্থ লিখিত ও পুনর্লিখিত হয় এবং বহু প্রাকৃত ও অপভ্রংশ ভাষায় লিখিত গ্রন্থ সংস্কৃত-রূপ ধারণ করে। ফলে

এই সব ভাষায় লিখিত মূল গ্রন্থগুলি চিরতরে বিলুপ্ত হয়। গুরুত্বের রহস্য-কথা লোপ পাইয়া গিয়াছে, মহারাষ্ট্র-প্রাকৃতের রত্নরাজি আজ চিরবিস্মৃতির গর্ভে বিলীন। জয়দেবের কাব্যের প্রাচীন রূপ ছিল, সম্ভবতঃ প্রাকৃত বা অপভ্রংশ ভাষায়। বোপ হয়, আজ আমরা আসল হারাইয়া, নকল পাইয়া তপ্ত থাকিতে বাধ্য হইতেছি। অনাদরে ও বিরুদ্ধ শক্তির প্রতিকূলতায় সে সব রত্নরাজি চিরদিনের জন্য অবলুপ্ত হইয়া গিয়াছে, ভাষাসঙ্কটের সে ইতিহাস কেহ লিখিয়া রাখে নাই।

আমাদের দেশে দ্বিতীয় আর এক দফা ভাষা-সঙ্কট উপস্থিত হয় মুসলমান-যুগের শেষের দিকে। সংস্কৃত ভাষায় ব্যাপন্ন ব্যক্তিদের মধ্যে চিরদিনই এমন এক প্রবল দল ছিলেন যাহারা দেশীয় ভাষাগুলির উপর মোটেই প্রসন্ন ছিলেন না।

অষ্টাদশ পুরাণনি রামচন্দ্র চরিতানিঃ

ভাষায়াঃ মানবঃ শত্বা রৌরবং নরকং রজ্জ্বং ।

অথবা বাংলাদেশের—

কাশ্মীরে, কুড়িবেসে,

আর বামন-পেসে

এই তিন মক্কেশে।

এ সকল কথা সেই মনোভাবের প্রকাশ। গোস্বামী তুলসীদাস যখন 'রামচরিতমানস' রচনা করেন তখন এই মনোবৃত্তিসম্পন্ন পণ্ডিতেরা প্রবল আপত্তি তুলিয়াছিলেন। এই সব কারণে মুসলমান-যুগে উত্তর ভারতে হিন্দু-সম্প্রদায়ের চলিত ভাষাগুলি এরূপ উন্নত বা সমৃদ্ধ হইতে পারে নাই যাহার দরুন বিজিতা বিজিতের ভাষা গ্রহণ করিতে প্রবৃত্ত হইবে। ফলে মুসলমান-যুগে দিল্লী-অঞ্চলের প্রচলিত ভাষা ক্রমে উত্তর ভারতের এক বিস্তৃত অঞ্চলের বাজার-চলুতি ভাষা হইয়া দাঁড়ায়। এই ভাষার নাম হয় 'খড়ী বোলী' অর্থাৎ যে ভাষা আপনার শক্তিতে দাঁড়াইয়া আছে। পরে মুসলমান-যুগের শেষের দিকে ঐকান্তিক চেষ্টা এবং এক রকম জবরদস্তি করিয়া এই ভাষায় অজস্র ফারসী এবং আরবী শব্দ ঢুকাইয়া এক নূতন ভাষার সৃষ্টি করা হয় যাহা প্রধানতঃ সহর-অঞ্চলের মুসলমান ও মুসলমান রাজ-সরকারের আশ্রিত মুষ্টিমেয় হিন্দুর ভাষা হইয়া দাঁড়ায়। এই ভাষা জনসাধারণের মধ্যে কোনদিন প্রসারলাভ করিতে পারে নাই; অথচ ইহাই হয় উত্তর-ভারতের রাজ-সরকারের ভাষা। উত্তর-ভারতে যে সাহিত্য ও চিত্রের প্রকাশে একটা নূনতা দেখা যায় তাহার জন্য অনেকখানি দায়ী এই কৃত্রিম ভাষা।

বর্তমানে স্বাধীন ভারতে আর এক দফা ভাষা-সঙ্কট উপস্থিত। ভাষার ইতিহাসে দেখা যায়—এক দল যখন রাজশক্তির প্রভাবে বলীয়ান হইয়া অন্য দলের ভাষাকে কোণঠাসা করিতে চায় তখন কিছুকাল সে চেষ্টা কার্যকরী হয় বটে, কিন্তু কালক্রমে প্রভুত্বকারী দুর্বল হইয়া পড়িলে ঠিক উল্টা ফল আরম্ভ হয়। ভাষার এই অভিযান তখন বিপরীত মুখে চলিতে থাকে।

বর্তমান ফারসী এবং তুর্কী ভাষা হইতে আরবী ও অন্যান্য বৈদেশিক শব্দগুলিকে নির্বাসিত করিবার ব্যবস্থা হইতেছে। ঠিক অক্ষুরূপ আন্দোলন আরম্ভ হইয়াছে উত্তর-ভারতে হিন্দী ভাষার মারফত। হিন্দী ও উর্দু উভয়েরই ব্যাকরণ খড়ী বোলী। হিন্দীকে আজ সংস্কৃতানুগ করিবার কি প্রাণান্তকর চেষ্টাই না চলিতেছে! চিঠির বাক্স বা ডাকবাক্স 'পত্রমঞ্জুষা' নাম লইয়া সেকালের মালবিকা ও মাধবিকার মণিমঞ্জুষার পার্শ্ব স্থানপ্রার্থী। নিজেদের পূর্বকৃত অবিবেচনার এই বিপরীত ফল দেখিয়া উচ্চ-প্রেমীরা আজ প্রমাদ গণিতেছেন। সঙ্কটের শুধু এইখানেই শেষ নয়। বিহার হইতে আরম্ভ করিয়া পূর্ব-পঞ্জাব এবং রাজপুতানা ও আগেকার মধ্যভারত লইয়া এই বিরাট ভূখণ্ডে হিন্দীই একমাত্র ভাষা—ইদানীং এই বাস্তা উচ্চরবে বিবোধিত হইতেছে। কিছুদিন আগে অল-ইণ্ডিয়া রেডিও হইতে প্রকাশিত এক পুস্তিকায় বলা হইয়াছে যে, এই বিরাট অঞ্চলের প্রচলিত ভাষাগুলি হিন্দী ভাষার বিভিন্ন প্রান্তীয় ভাষা (dialects) মাত্র। ভাষাতত্ত্বের দিক দিয়া এই মতবাদ কোনক্রমেই বিচারসহ নহে। মানভূম ও সিংভূম অঞ্চলে হিন্দী-প্রচারের উৎসাহ ঔচিত্যের মাত্রা ছাড়াইয়া গিয়াছে। মিথিলা ও ভোজপুর অঞ্চলের লোকেরা আতঙ্কগ্রস্ত হইয়াছেন। রাজপুতানায় সাহিত্যিকেরা স্বদেশের প্রাচীন গৌরবময় সাহিত্য 'মরু'ভাষার অনাদর দেখিয়া ক্ষুব্ধ। তামিল ভাষা হইতে সংস্কৃত শব্দের বিতাড়নের পালা ক্রমেই জমিয়া উঠিতেছে। দ্রাবিড়-বর্গের অন্যান্য ভাষা-গুলিতেও সংস্কৃতের আধিপত্য সম্বন্ধে প্রতিকূল মনোভাব প্রবল। ইহাই ভারতের ভাষা-সঙ্কটের বর্তমান রূপ।

অন্যের ভাষাকে বিচারবুদ্ধি লইয়া শ্রদ্ধার দৃষ্টিতে দেখা অতি-আধুনিক মনোভাবসম্পন্ন এবং ভাষাতাত্ত্বিকগণের প্রচুর চিন্তা ও গবেষণার ফল। স্বার্থের বাধা কাটাইয়া এই মনোভাব সমাজে প্রচারিত হইতে এখনও বিলম্ব আছে। অধিকাংশ মানুষই না ঠেকিয়া শিখিতে পারে না। আমাদের কিছুদিন এখন সেই শিক্ষার অপেক্ষায় থাকিতে হইবে।

হালিসহর

শ্রীপূর্ণেন্দ্র চট্টোপাধ্যায়

কলিকাতা হইতে মাত্র ছাব্বিশ মাইল দূরে, ভাগীরথীতীরে হালিসহর নামক অতি প্রাচীন গ্রামটি অবস্থিত। হাবেলীসহর (যাহা হইতে হালিসহর নামের উৎপত্তি) একটি পরগণার নাম। পূর্বে ইহা নদীয়ার রাজবংশের জমিদারীর অন্তর্গত ছিল। এই পরগণার কেন্দ্রস্থল ছিল কুমারহট্ট। কুমারহট্ট কালক্রমে পরগণার নামে হালিসহর বলিয়া পরিচিত হয়। কুমারহট্ট নামেরও একটু ইতিহাস আছে। মহারাজা কৃষ্ণচন্দ্র বজরা করিয়া গঙ্গায় ভ্রমণ

একদিন এই হালিসহরে শ্রীগুরুপাট দর্শন করিতে আসেন এবং নৌকা হইতে তীরে নামিয়াই গঙ্গামুক্তিকা মস্তকে স্পর্শ করিয়া বলেন—“এখানে কুকুরও আমার শ্রণমা যেহেতু ইহা গুরুস্থান”। ধর্ম ত্যাগের গুরুভক্তি, আদর্শ গুরুপ্রেম। শ্রীপাট দর্শনান্তর মহাপ্রভু ভক্তিভরে তথাকার মুক্তিকা তাঁহার বহির্বাসে বাধিয়া লইয়াছিলেন— চৈতন্য-ভাগবতে একথা লিখিত আছে। হালিসহরে ঈশ্বরপুরীর বাসভিটা “চৈতন্য ডোবা” নামে পরিচিত। শ্রীপ্রাণকৃষ্ণদাস বাবাজী নামে এক ব্রজবাসী বৈষ্ণব এই বাসভিটা সহ ডোবাটি ক্রয় করিয়া তথায় বিগ্রহ স্থাপন করিয়াছেন এবং ঐ আশ্রমের নাম হইয়াছে “শ্রীপাদ ঈশ্বরপুরীর পাট”। প্রতি বৎসর দোলের সময় এই পুণ্যস্থানে মেলা বসে।




শিবের গলি (রামপ্রসাদের বাসভিটা)

করিতে করিতে হালিসহরে আসিয়া উপস্থিত হন। মাঝিরা বজরা ঘাটে বাধিয়া বিশ্রাম করিতে থাকে। ইতাবসরে মহারাজ দেখেন যে একটি নিম্নশ্রেণীর লোক ঘাটে স্নানান্তে স্তোত্রাদি পাঠ করিতে করিতে উঠিয়া যাইতেছে। তিনি লোকটির সংস্কৃত বাৎপত্তি দেখিয়া প্রশ্ন করেন—“কসুম” ? উত্তরে সে বলে—“রজকোচম”। মহারাজা আশ্চর্য হইয়া আবার জিজ্ঞাসা করেন—“বাপু হে, তুমি কি সংস্কৃত অধ্যয়ন করিয়াছ ?” তখন লোকটি বলে—“হালিসহর গ্রামে বহু ব্রাহ্মণের বাস এবং বহু টোল আছে যেখানে ব্রাহ্মণ-কুমারেরা প্রত্যহ সংস্কৃতশাস্ত্র অধ্যয়ন করেন। তাঁহাদের স্তোত্রাদি পাঠ শুনিয়া আমি সংস্কৃত উচ্চারণ এবং সংস্কৃত ভাষাও কিছু কিছু শিখিয়াছি এই মাত্র।” অতঃপর মহারাজা বজরা হইতে নামিয়া গ্রামমধ্যে গমন করেন এবং রজকের কথা যে সত্য তাহা অবগত হন। এখানে সংস্কৃতের ও শাস্ত্রের এত চর্চা হয় এবং এত ব্রাহ্মণ-কুমার অধ্যয়ন করেন দেখিয়া মহারাজা সন্তুষ্ট হইয়া এই হাবেলীসহর পরগণার কেন্দ্রস্থলের নাম দেন কুমারহট্ট।

ভাগীরথীতীরস্থ এই পবিত্র হালিসহর গ্রামে শ্রীগৌরাজ মহাপ্রভুর গুরু ঈশ্বরপুরীর আশ্রম ছিল। সন্ন্যাস গ্রহণান্তর মহাপ্রভু

শ্রীচৈতন্যের অন্তরঙ্গ বন্ধু ও ভক্ত শ্রীবাস পণ্ডিত বসবাসের ভগ্ন এখানে একটি গৃহ নিষ্কাশন করাইয়াছিলেন। তিনি মধ্যে মধ্যে নবদ্বীপ হইতে হালিসহরে আসিয়া থাকিতেন। পনাবলী-বচসিতা



রামপ্রসাদের শক্তিমন্দির

বাসুদেব ঘোষ, কীর্তনীয়া মাধব এবং গোবিন্দানন্দও হালিসহরে বাস করিতেন। চৈতন্যভাগবত-প্রণেতা বৃন্দাবনদাস প্রভু কুমারহট্ট বা হালিসহর-নিবাসী। পূর্বে ‘চৈতন্য-ভাগবতের’ ‘চৈতন্যমঙ্গল’ নামকরণ করা হইয়াছিল। কোন কারণে সেই নাম পরিবর্তিত হয়। এই ‘চৈতন্যমঙ্গল’ পাঠ করিয়াই কবিরাজ গোস্বামী তাঁহার ‘চৈতন্য চরিতামৃত’ রচনা করিয়াছিলেন। বৃন্দাবনদাসের মাতা নারায়ণী দেবী শ্রীচৈতন্যের পরিকর শ্রীনিবাস অ্যাচার্যের ভ্রাতৃপুত্রী ছিলেন। শ্রীনিবাস যখন হালিসহরে বাস করিতেন তখন তিনিও তথায় থাকিতেন।

কবিকঙ্কণের চণ্ডীতে আমরা হালিসহর নামের উল্লেখ দেখিতে পাই :

“বামদিকে হালিসহর দক্ষিণে ত্রিবেণী
ত'কুলের জপতপে কিছুই না শুনি ।
লক্ষ লক্ষ লোক এক ঘাটে করে স্নান
বাস হেম তিল ধেনু দ্বিজ করে দান ।”

ইহা হইতেই সে যুগে হালিসহর কিরূপ বহুজনাকীর্ণ, সমৃদ্ধিশালী ও নিষ্ঠাবান লোকদিগের বাসভূমি ছিল তাহার পরিচয় পাওয়া যায় ।



বিপিনবিহারী গুপ্ত

হালিসহরে বৈষ্ণব ও শৈব-শাক্ত ধারার অপূর্ণ মিলন ঘটে। এখানে শৈব ও শাক্ত ধারার প্রাধান্য খুব বেশী। শুধু প্রাধান্য নয়, শৈব-শাক্ত ধারার প্রাচীনত্বও স্বীকার করিতে হয়। শ্রীচৈতন্যের আবির্ভাবের পূর্বে হালিসহর অঞ্চলে যে শৈব-শাক্ত ধর্ম ও অজ্ঞাত লৌকিকধর্মের প্রাধান্য ছিল তাহার ঐতিহাসিক প্রমাণ পাওয়া যায়। এখনও সেই প্রাধান্যের থলতা দৃষ্ট হয় না। মহাপ্রভুর আবির্ভাবের প্রায় দুই শত বর্ষ পরে অষ্টাদশ শতাব্দীতে হালিসহরে তান্ত্রিক সাধক রামপ্রসাদ আবির্ভূত হন। গঙ্গাতীর হইতে অনতিদূরে শিবের গলি নামক রাস্তার পার্শ্বে সাধকপ্রবরের সাধনাস্থলে ‘পঞ্চমুণ্ডী’ ও ‘পঞ্চবটী’ বর্তমান আছে। বহু ভক্তজন উহা দর্শন করিতে আসিয়া

থাকেন। ঐস্থানে গ্রামবাসীরা কালী-মন্দির প্রতিষ্ঠা করিয়াছেন। কালীপূজার সময় তথায় ‘প্রসাদমেলা’ বসিয়া থাকে। তখন এখানে বহু লোকসমাগম হয়।

হালিসহরের অধিকাংশ পুরাতন মন্দিরই শিবমন্দির। শিব ছাড়াও এখানে একাধিক শাক্ত-দেবীর পূজা হয়, যেমন—হালিসহরের অধিষ্ঠাত্রী দেবতা বলিদাঘাটার সিদ্ধেশ্বরী, খাসবাটার শ্যামাসুন্দরী, শ্মশানঘাটের শ্মশানকালী ইত্যাদি। ধুমধামের সহিত কার্তিকপূজা, মনসাপূজা, চড়কপূজা, শীতলাপূজা এবং পবনদেবের পূজাও স্থানে স্থানে হয়। রামপ্রসাদ শুধু সাধনায় নয়, কাব্যে, সঙ্গীতেও বাংলাদেশে একটা নূতন ধারার প্রবর্তন করেন। তাঁহাকে বাংলার অগ্ৰতম খ্যাতি জাতীয় কবি বলা যায়। তাহার সময়ে হালিসহরে আজু গোঁসাই নামে এক গ্রাম্য কবির আবির্ভাব হইয়াছিল। তিনি রামপ্রসাদের কতকগুলি গানের বাঙ্গাওয়ক অনুকৃতি (parody) রচনা করিয়াছিলেন, কিন্তু ঐগুলির রচনাতে তিনি যে প্রতিভার পরিচয় দিয়াছিলেন তাহাতেই তিনি স্মরণীয় হইয়া আছেন।


গীত-রচনা বাতীত রামপ্রসাদ বিদ্যাসুন্দর গ্রন্থ, কালীকীর্তন এবং কৃষ্ণকীর্তন পদাবলীও প্রণয়ন করিয়াছিলেন। রাজা কৃষ্ণচন্দ্রের অনুরোধে তিনি বিদ্যাসুন্দর রচনা করেন। কিন্তু উহা তাহার ক্ষেত্র না হওয়ায় তিনি বিশেষ কৃতিত্ব দেখাইতে পারেন নাই। পরে ভারতচন্দ্রের বিদ্যাসুন্দর জনপ্রিয় হয় ও স্মৃতি লাভ করে।

রামপ্রসাদের পরবর্তী সময়েও বাংলার সাধারণ ইতিহাসে হালিসহরের নাম সর্বত্রই করিতে হয়। গঙ্গার পূর্বতীরে যে সমস্ত পণ্ডিত-সমাজ প্রতিষ্ঠালাভ করে তন্মধ্যে কুমারচট্টের পণ্ডিতসমাজই ছিল সর্বশ্রেষ্ঠ। প্রায় দুই শত-আড়াই শত বৎসর ধরিয়া এখানে নবা-গায়শাস্ত্রের পঠনপাঠন হইত এবং শুধু বাংলাদেশ নহে ভারতের নানা প্রদেশ হইতে বহু ছাত্র বিদ্যাজ্ঞানের জগৎ এখানে আসিতেন। ১৮২০ শকাব্দে কুমারচট্টবাসী রাম তকবাগীশ বিদ্যাসুন্দর কাব্যের কালীপঙ্কে ব্যাখ্যা রচনা করিয়াছিলেন। কোলকাতা সাহেব গুরুত্ব হৃদয়ঙ্গম করিয়া উহার একগুণ সংগ্রহ করিয়া বিলাতে লইয়া যান। ব্রিটেনের প্রসিদ্ধ ভৌগোলিক অভিধানের প্রাচীন সংস্করণে হালিসহরের সমৃদ্ধির সম্বন্ধে লেখা আছে—“Halisahar famous for Sankrit College”। একে “City of Palaces” বা ‘প্রাসাদ-পুরী’ আখ্যাও দেওয়া হইয়াছিল।

দীর্ঘ পাঁচ শতাব্দী ধরিয়া বাংলার ইতিহাসে হালিসহর তার ঐতিহাসিক গুরুত্ব লইয়া বিরাজ করিতেছে। পূর্বে মূলাজোড়, আটপুর, জগদল, ভাটপাড়া, কাটালপাড়া, নৈহাটি, গরিফা, কোলা, হালিসহর আর কাচড়াপাড়া গ্রাম লইয়া দীর্ঘ ১০ মাইল পরিধি-বিশিষ্ট একটি মাত্র মিউনিসিপালিটি ছিল। ১৮৯৯ খ্রীষ্টাব্দে ইহার দক্ষিণদিকের কিয়দংশ লইয়া ভাটপাড়া পৌরসভা স্থাপিত হয়। বর্তমান হালিসহর পৌরসভা প্রতিষ্ঠিত হয় ১৯০৩ সনে। অধ্যাপক কিশোরীলাল গুপ্ত ও তমলুকপ্রবাসী ব্যবহারজীবী শ্রীযুত তারাশ্রম বন্দ্যোপাধ্যায়ের প্রাণপণ চেষ্টায় এই কষ্টসাধ্য কার্য সাধিত

হইয়াছিল। ইহার প্রথম চেয়ারম্যান ছিলেন জি. ই. জোন্স। এখন চারটি ওয়ার্ডে বার জন কমিশনার পৌরসভার কাজকর্ম পরিদর্শন করেন। পৌরসভার আয়তন ৫'৫০২ বর্গমাইল। বর্তমান সেন্সাস অনুযায়ী ইহার বর্তমান লোকসংখ্যা ৩৫,৮৩৪ জন। উদ্বাস্তু আসিয়াছেন ১০,০০০ হাজার।

স্থানীয় বিজ্ঞানসাহী জমিদার সার্বর্ণ-চৌধুরীদের পৃষ্ঠপোষকতার ফলে সারস্বত সাধনার এই পীঠস্থানে বহু পণ্ডিতের অভ্যুদয় হইয়াছিল। বহু খ্যাতনামা সাহিত্যিক এবং পদস্থ সরকারী কামচারীও



নগেন্দ্রনাথ গুপ্ত

এখানে জন্মগ্রহণ করিয়াছেন। গুপ্তকবি কাঁচড়াপাড়ার অধিবাসী হইলেও কাঁচড়াপাড়া হালিসহরেরই সংলগ্ন এবং হালিসহর পরগণার অন্তর্ভুক্ত বলিয়া তাঁহাকে আমরা হালিসহরেরই বলিয়া গণ্য করিয়া থাকি। ব্রাহ্মধর্ম আন্দোলনের সময় ভাই উমানাথ গুপ্ত ও ভাই মহেন্দ্রনাথ বসু কেশবচন্দ্রের প্রচারক-দলে প্রবেশ করেন। উমানাথ গুপ্ত "মূলত সমাচারে"র প্রথম সম্পাদক। মহেন্দ্রনাথ বসু বাংলা ভাষায় হুই গুণ্ড নানকের জীবনচরিত প্রণয়ন করিয়া বঙ্গ-সাহিত্যের শ্রীবৃদ্ধিসাধন করিয়াছেন। ১৮৭১ খ্রীষ্টাব্দে হালিসহর হইতে "হালিসহর পত্রিকা" নামে একখানি মাসিকপত্র প্রকাশিত হইত। এই গ্রামের জানকীনাথ গঙ্গোপাধ্যায় ইহার সম্পাদক ছিলেন। 'হক কথা' শিরোনামায় সাময়িক প্রসঙ্গ উপলক্ষে এই পত্রে যে সমস্ত বিজ্ঞপত্রিক টিকাটিপ্পনী প্রকাশিত হইত তাহা সাধারণে বিশেষ উপভোগ করিতেন। হুই-তিন বৎসর পরে ইহা সাপ্তাহিকে পরিণত

হয়। সাপ্তাহিক রূপেও এখানি বেশ জনপ্রিয় হইয়াছিল। "হালিসহর পত্রিকা" উঠিয়া গেলে ঐ গ্রামের গিরিশচন্দ্র রায়েব চেষ্টায় "হালিসহর প্রকাশ" নামে আর একখানি পত্রিকা বাহির হইয়াছিল।

দীননাথ গঙ্গোপাধ্যায় একজন প্রসিদ্ধ সাহিত্যিক ছিলেন। 'নাট্যভারত', 'ভারতী' প্রভৃতি মাসিকে তাঁহার প্রবন্ধ নিয়মিত ভাবে প্রকাশিত হইত। কক্ষ উপলক্ষে বোম্বাইয়ে থাকার সময় তিনি সাধু তুকারামের জীবনকথা সংগ্রহ করিয়া তাঁহার এক জীবন-চরিত প্রকাশ করিয়াছিলেন। তিনি ইংরেজীতেও অনেক গ্রন্থ প্রণয়ন করেন। হালিসহর খাসবাটা পল্লীর চট্টোপাধ্যায় বংশের মহিলা লক্ষ্মীমণি দেবী অষ্টশতাব্দী পূর্বে কয়েকখানি গ্রন্থ রচনা করিয়াছিলেন। তন্মধ্যে 'বিজনবাসিনী'র কথাই আমাদের মনে পড়ে। অল্পগুলি 'শতবলবাসিনী দেবী' এই ছদ্মনামে প্রকাশিত হইয়াছিল। 'বামাবোধিনী পত্রিকা'র তিনি একজন নিয়মিত লেখিকা ছিলেন। বিজেন্দ্রলাল রায়েব সতীর্থ ও সহকর্মী সার্বর্ণ বংশের অন্তুলচন্দ্র



ডাঃ শ্রীনলিনীরঞ্জন সেনগুপ্ত

রায়ে, এম-এ, বিলাতে কৃষিবিদ্যা শিক্ষা করিয়া "গো জাতির উন্নতি" সম্বন্ধে একখানি পুস্তক লেখেন। তিনি "Short History of Calcutta" নামে ইংরেজী গ্রন্থও প্রণয়ন করিয়াছিলেন। তাঁহার ভাগিনেয় রাখালচন্দ্র বন্দ্যোপাধ্যায় 'প্রচারে'র সম্পাদক-পদে বৃত্ত হন। হাইকোর্টের ভূতপূর্ব উকীল শিবপ্রসন্ন ভট্টাচার্য্য ছিলেন বাংলা সাহিত্যের একনিষ্ঠ সেবক। তিনি 'সাধারণী' পত্রিকায় নিয়মিত লিখিতেন। তাঁহার অনেকগুলি প্রবন্ধ গ্রন্থাকারে প্রকাশিত হইয়াছে। হিন্দু ছাত্রদের সদাচার শিক্ষা দিবার জন্য "পুত্রের প্রতি উপদেশ" নামে একখানি পুস্তক তিনি প্রকাশ করিয়াছিলেন। পরে সংসার-ধর্ম ত্যাগ করিয়া সন্ন্যাস গ্রহণ করতঃ প্রকৃত সাধুর জায় যোগসাধনে রত হইয়া পুত্রীতে শ্রীমতী শঙ্করাচার্য্য পরমানন্দ তীর্থস্বামী নাম গ্রহণ করেন। ২০শে অক্টোবর ১৯৩৩ সনে ছিয়াত্তর বৎসর বয়সে তিনি কাশীধামে মৃত্যুমুখে পতিত হন। হাইকোর্টের এডভোকেট শ্রীশ্রামাদাস ভট্টাচার্য্য শিবপ্রসন্নবাবুর অগ্রতম পুত্র।

বহু বাংলা সংবাদপত্রের লক্ষপ্রতিষ্ঠ সম্পাদক ও গ্রন্থকার পাঁচ-কড়ি বন্দ্যোপাধ্যায় হালিসহরের অধিবাসী ছিলেন। তিনি অনেকগুলি গ্রন্থ রচনা করিয়া গিয়াছেন। তাঁহার জায় মননশীল ও বাঙ্গ-রচনানিপুণ লেখক ইদানীং বিরল। তাঁহার সম্পাদিত দৈনিক পত্রিকা 'নায়ক' পড়িবার জগৎ জনসাধারণের করুণ আশ্রয় ছিল তাহা আমরা প্রত্যক্ষ করিয়াছি।



অবিনাশচন্দ্র চট্টোপাধ্যায়

কবি বলদেব পালিতেরও পৈত্রিক নিবাস হালিসহরের কোলা পল্লীতে। তাঁহার পিতা বিশ্বনাথ পালিত বাঁকিপুর-প্রবাসী হন। বলদেব বাঁকিপুরে শিক্ষালাভ ও সরকারী কৰ্ম গ্রহণ করিয়া ১৮৮০ খ্রীষ্টাব্দে দানাপুর মিলিটারী পে আপিস হইতে অবসর গ্রহণ করেন। বর্তমানে যে বিদ্যালয়টি দানাপুরে বলদেব একাডেমী নামে পরিচিত তাহা তিনিই ১৮৮৬ খ্রীষ্টাব্দে স্থাপিত করিয়াছিলেন। তিনি কাবামঞ্জরী, কাবামালা, ললিত কবিতাবলী, ভক্তচরিত্র কাব্য এবং কর্ণার্জুন কাব্য রচনা করিয়াছিলেন। ১৯০০ সনের ৭ই জানুয়ারী তিনি গতাস্থ হন।

সাহিত্যসেবী সিবিলিয়ান স্ত্রীনেত্রনাথ গুপ্ত হালিসহরের অধিবাসী। সুরেশচন্দ্র সমাজপতির 'সাহিত্য' পত্রের সহিত এক সময়ে তাঁহার ঘনিষ্ঠ যোগ ছিল। পরে 'মনীষা' নামে একখানি নাটক লিখিয়াও তিনি খ্যাতি অর্জন করিয়াছিলেন। দেশীয় সিবিলিয়ানদের

মধ্যে তিনিই সর্বপ্রথম কলিকাতার পৌরসভার চেয়ারম্যান হইয়াছিলেন। সরকারী কার্য হইতে অবসর গ্রহণ করার পর তিনি বঙ্গীয় ব্যবস্থাপক সভার সদস্য হন। "Foundation of National Progress—Agriculture in West Bengal" নামে ইংরেজীতেও একখানি পুস্তক তিনি লিখিয়াছিলেন। কিছুদিনের জগৎ তিনি ডুমরাও ষ্টেটের ম্যানেজার হইয়াছিলেন। স্বনামধন্য রমেশচন্দ্র দত্তের এক কন্যার সঙ্গে তিনি বিবাহসূত্রে আবদ্ধ হন। রমেশচন্দ্রের একখানি ইংরেজী জীবনীগ্রন্থও তিনি লিখিয়াছিলেন। ১৪ই জুন ১৯৪৭ সনে আটাত্তর বৎসর বয়সে তিনি পরলোকগমন করেন।

লেফটেন্যান্ট কর্ণেল কালীপদ গুপ্ত, আই-এম-এস হালিসহর-নিবাসী। ধর্ম্মে তিনি ছিলেন খ্রীষ্টান। তিনি হালিসহরবাসীদের জগৎ রাস্তাঘাট নিষ্কাণ, হাসপাতাল স্থাপন এবং পুষ্করিণী খনন করাইয়া দেন। হালিসহর স্কুলেও তিনি প্রচুর অর্থ দান করিয়াছিলেন। কলিকাতা মেডিক্যাল কলেজে গৌরবময় ছাত্রজীবন অতিবাহিত করিবার পর তিনি বিলাত গমন করেন আই-এম-এস পরীক্ষা দিবার নিমিত্ত। এ পরীক্ষায় প্রথম স্থান অধিকার করিয়া তিনি সরকারী ফাংশে প্রবিষ্ট হন। বহুকাল তিনি বাংলা সরকারের ডেপুটি স্যানিটারি কমিশনারের পদে নিযুক্ত ছিলেন। তাঁহার লিখিত 'স্যানিটারি হাইজিন' গ্রন্থ পূর্বে এফ-এ ক্লাসের ছাত্রদের পাঠ্য ছিল। হালিসহর পৌরসভায় ১৯০৫ সনে তিনিই প্রথম ভারতীয় চেয়ারম্যান হন। ২৭শে আগষ্ট ১৯১১ সনে কলিকাতায় তাঁহার মৃত্যু হয়। তাঁহার কনিষ্ঠ পুত্র শ্রীযুত সত্যেন্দ্রনাথ গুপ্ত, আই-সি-এস, বঙ্গের বহু জেলায় ম্যাজিস্ট্রেট পদে কাজ করার পর কয়েক বৎসরের জগৎ হামবার্গ ও লণ্ডনে ট্রেড কমিশনার হইয়া গিয়াছিলেন। তিনি স্বনামধন্য সিবিলিয়ান স্মার অতুল চট্টোপাধ্যায়ের এক কন্যাকে বিবাহ করেন। লেফটেন্যান্ট কর্ণেল গুপ্তের আর এক পুত্র শ্রীযুত নগেন্দ্রনাথ গুপ্ত, এম-এ (অক্সন), বার আট-ল, কলিকাতায় প্রথম মিউনিসিপ্যাল ম্যাজিস্ট্রেট নিযুক্ত হইয়াছিলেন।

গণিতশাস্ত্রের বিখ্যাত অধ্যাপক বিপিনবিহারী গুপ্তের নিবাস এই গ্রামে। তাঁহার প্রণীত পাঠ্যগণিত অনেকেই পড়িয়াছেন। ১৯৩৫ সনে ডিসেম্বর মাসে প্রেসিডেন্সী কলেজের ফিজিক্স থিয়েটারে তাঁহার প্রতিকৃতির আবরণ উন্মোচন করা হয়। সে সময় অধ্যক্ষ গিরিশচন্দ্র বসু বাল্যবন্ধু হিসাবে, আচার্য্য স্মার প্রফুল্লচন্দ্র রায় সহকর্মী হিসাবে, ব্যাবিষ্টার শৈলেন্দ্রনাথ বন্দ্যোপাধ্যায় ও শ্রীপ্রফুল্লচন্দ্র ঘোষ প্রাক্তন ছাত্র হিসাবে এবং বায়বাহাত্তর গোপালচন্দ্র গঙ্গোপাধ্যায় অধীনস্থ কক্ষচারী হিসাবে বিপিনবাবুর জীবনের নানা দিক সম্বন্ধে আলোচনা করেন। সর্বশেষে শ্রীবিমলচন্দ্র গঙ্গোপাধ্যায়, এম-এ, বি-এল, মহাশয় যে প্রবন্ধটি পাঠ করেন তাহার কিয়দংশ এখানে উদ্ধৃত করিতেছি :

“অসামান্য প্রতিভাবলে বিশ্ববিদ্যালয়ের সমুদয় পরীক্ষায় বিশেষ

কৃতিত্বের সহিত উত্তীর্ণ হইয়া প্রায় ৫০ বৎসর পূর্বে প্রেসিডেন্সী কলেজের গণিতের অধ্যাপনার কার্যে তিনি ব্রতী হন। তখনকার সময়ে ভারতীয় বিদ্যালয় হইতে উত্তীর্ণ যুবকের পক্ষে প্রেসিডেন্সী কলেজের অধ্যাপক হওয়া সহজ ছিল না। কেবলমাত্র আপনার প্রতিভাবেই তিনি এই উচ্চ সম্মান লাভ করিয়াছিলেন। দীর্ঘ ১৮ বৎসর প্রেসিডেন্সী কলেজে কৃতিত্বের সহিত অধ্যাপনা করিয়া তিনি ছোটনাগপুরের ইন্সপেক্টর অফ স্কুলস হন এবং তথা হইতে ১৯০১ সনে কটক কলেজের অধ্যক্ষ হইয়া আট বৎসর তথায় অবস্থান করেন। তাঁহার ঐকান্তিক চেষ্টায় কটক কলেজের সর্বাঙ্গীণ উন্নতি সাধিত হয়। উড়িষ্যার শিক্ষা-প্রচেষ্টার ইতিহাসে তাঁহার নাম উজ্জ্বল অক্ষরে লিখিত থাকিবে। উড়িষ্যায় বিশ্ববিদ্যালয় পরিবর্তনের বীজ তিনি বপন করেন। সেজ্ঞা উড়িষ্যা তাঁহার নিকট চিরন্তন থাকিবে। কটক কলেজ হইতে তিনি হুগলী কলেজে বদলি হন। হুগলী কলেজে যে যুবক একদিন বিদ্যার্থী হইয়া প্রবেশ করিয়াছিলেন তিনিই অবশেষে এই কলেজের অধ্যক্ষ হইয়া আসিলেন। তাঁহারই চেষ্টার ফলে সরকারী কলেজে কর্তৃপক্ষ নির্দিষ্টসংখ্যক দরিস



জ্ঞানেন্দ্রনাথ গুপ্ত

ছাত্রকে বিনা বেতনে পড়াইবার ব্যবস্থা করিয়াছেন। আপন শক্তির উপর তাঁহার অগাধ বিশ্বাস ছিল এবং সেই বিশ্বাসের বলে তিনি জীবনে বহু প্রতিকূল ঘটনার বিরুদ্ধে সংগ্রাম করিয়া উন্নতির উচ্চ আসনে সমাসীন হইতে সমর্থ হইয়াছিলেন। তাঁহার গায় অকপট, সরল, শিষ্টাচারী, বিনীত, স্নেহপ্রবণ ব্যক্তি বাঙালীর মধ্যে কেন, যেকোন সমাজে বিরল।”

হুগলীর সরকারী উকীল বায় মহেন্দ্রচন্দ্র মিত্র বাহাদুর সি-আই-ই মহাশয়ও হালিসহরের অধিবাসী। বহু বৎসর ধরিয় তিনি হালিসহর ও হুগলী-চুঁচুড়া মিউনিসিপালিটির চেয়ারম্যান ছিলেন। প্রধানতঃ তাঁহার চেষ্টাতেই হুগলী-চুঁচুড়ায় জলের কল ও বৈজ্ঞানিক আলো আনীত হয়। বঙ্গীয় ব্যবস্থাপক সভার সদস্য হইয়া তিনি সরস্বতী নদীর সংস্কার ও নদীতে মিলের সেফটিক ট্যাঙ্কের ময়লা নিষ্কাশন বন্ধ করিবার জন্ত বিশেষ আন্দোলন করিয়া-

ছিলেন। জনহিতকর কার্যের পুরস্কারস্বরূপ গবর্ণমেন্ট ১৯১১ সনে তাঁহাকে 'রায় বাহাদুর' এবং ১৯২৮ সনে সি-আই-ই খেতাব দেন। তিনি ১৯২৮ সনের মে মাসে পরিণত বয়সে পরলোকগমন করেন। হাইকোর্টের প্রাক্তন ট্রান্সলিটর কালিকারঞ্জন মিত্র এই বংশেরই সম্ভান। তিনি হালিসহর স্কুলের সেক্রেটারি ছিলেন। তাঁহার সময় স্কুলের অনেক উন্নতি সাধিত হইয়াছিল।

বঙ্গীয় পুলিশ সার্ভিসের স্বর্গত হরিগোপাল মুখোপাধ্যায়ও বঙ্গ-ভারতীয় একজন সেবক ছিলেন। তিনি বহু গ্রন্থ প্রণয়ন করিয়া-



রাজলক্ষ্মী দেবী

ছিলেন। তন্মধ্যে 'দারোগাবাবুর প্রহসন' বইখানি খুব জনপ্রিয় হইয়াছিল। ফার্সি, উর্দু, হিন্দী এবং সংস্কৃত ভাষায় তাঁহার বেশ ব্যুৎপত্তি ছিল। তিনি বহুদিন হালিসহর ও নৈহাটী বেঞ্চে অবৈতনিক ম্যাজিষ্ট্রেট ছিলেন। হালিসহর মিউনিসিপালিটির চেয়ারম্যান এবং ভাইস-চেয়ারম্যান রূপেও তিনি বহু বৎসর কার্য করিয়াছিলেন। ১৯৩৪ সনের ডিসেম্বর মাসে সাতাশী বৎসর বয়সে তিনি দেহত্যাগ করেন। তাঁহার অন্ততম পুত্র অবসরপ্রাপ্ত পুলিশ অফিসর জীহারাধন মুখোপাধ্যায় একজন ভক্ত ও সাহিত্যসেবী। তাঁহার লিখিত একখানি পুস্তকে সাধক এবং ধর্মবন্ধুদের সম্বন্ধে অতি মনোরম ও শিক্ষাপ্রদ বিবরণ পাওয়া যায়।

সুপ্রসিদ্ধ কংগ্রেসকর্মী ও বিপ্লবী নেতা বিপিনবিহারী গাঙ্গুলীর পৈতৃক আবাস এই হালিসহর গ্রামে। তিনি পল্লীর উন্নয়নের

জন্ম নানাবিধ জনহিতকর কার্যের সহিত সংশ্লিষ্ট ছিলেন। তিনি কয়েকবার কলিকাতার পৌরসভার সদস্য নির্বাচিত হইয়াছিলেন। গত সাধারণ নির্বাচনে তিনি বঙ্গীয় আইন পরিষদের সদস্য নির্বাচিত হন। কিন্তু বিগত ১৪ই জানুয়ারী তারিখে অকস্মাৎ তাঁহার জীবনাবসান হওয়ায় দেশের অপূর্ণীয় ক্ষতি হইল।



শ্রীমৎ হামী নিগমানন্দ সরস্বতী দেব

রায়সাহেব ক্ষেত্রমোহন গঙ্গোপাধ্যায় এম-এ বহু বৎসর যাবৎ ভাগলপুর পুলিশ ট্রেনিং কলেজের অধ্যক্ষ ছিলেন। তিনি ফৌজদারী আইন সম্বন্ধে একখানি ইংরেজী পুস্তক প্রণয়ন করিয়াছিলেন। পরে তিনি হাওড়ায় ডি-এস-পি হইয়া আসেন। তিনিও হালিসহরবাসী। অবসর গ্রহণের পর দেশে আসিয়া তিনি দেহত্যাগ করিয়াছেন।

বাকুড়ার দুই জন কৃতী চিকিৎসক ডাক্তার দুর্গাদাস (সপ্তম এম-বি (পিতা দ্বিজদাস গুপ্ত) এবং ডাক্তার অনাথবন্ধু রায় এম-বি হালিসহরের লোক। তাঁহারা দুই জনেই বাকুড়া মেডিক্যাল স্কুলের সহিত সংশ্লিষ্ট আছেন। তাঁহাদের চিকিৎসার খ্যাতি মেদিনীপুর, বঙ্কমান, মানভূম, রাচি এবং হাজারিবাগ পর্যন্ত বিস্তৃত। উকীল জীবনকৃষ্ণ গাঙ্গুলীরও দৈহিক নিবাস হালিসহরে। তিনি মুঙ্গেয়ে বহুদিন যাবৎ আইন-বাবসায় করিয়া ধন, মান ও যশের অধিকারী হইয়াছেন।

প্রসিদ্ধ সাংবাদিক তিনকড়ি মুখোপাধ্যায় হালিসহরনিবাসী। জীবনের প্রথম-ভাগে তিনি বহু কবিতা এবং নাটক লিখিয়াছিলেন,

তবে সাংবাদিক হিসাবেই তাঁহার খ্যাতি বেশী। তিনি বহু সাময়িক পত্রিকার সহিত সংশ্লিষ্ট ছিলেন—যথা, প্রভাতী, বঙ্গনিবাসী, হিতবাদী, প্রজাবন্ধু, সাধারণী এবং নবজীবন। বহুদিন যাবৎ তিনি স্থখ্যাতির সহিত বাংলা দৈনিক 'প্রভাতী'র সম্পাদকতা করিয়া-ছিলেন। সুবতি ও পতাকা, প্রজাবন্ধু, দর্শন এবং দৈনিক সমাচার চন্দ্রিকাতেও তিনি প্রায়ই সম্পাদকীয় মন্তব্য লিখিতেন। শেষ জীবনে তিনি 'বঙ্গমতী'র পরিচালন-কার্যে নিযুক্ত হন। ১৯৩৪ খ্রীষ্টাব্দের আগষ্ট মাসে আশী বৎসর বয়সে তিনি মৃত্যুমুখে পতিত হন। কলিকাতা হাইকোর্টের এডভোকেট শচীন্দ্রনাথ মুখোপাধ্যায় তাঁহার পুত্র। তিনিও দীর্ঘকাল শ্রীর সুরেন্দ্রনাথের অধীনে "বেঙ্গলী"র সম্পাদকীয় বিভাগের সহিত সংশ্লিষ্ট ছিলেন। ইংরেজী ও বাংলা উভয় ভাষায় তিনি ভাল বক্তৃতা করিতে পারিতেন। তিনি ছয় বৎসরকাল কলিকাতা কর্পোরেশনের সদস্য ছিলেন। সংস্কৃতেও তাঁহার খুব পাণ্ডিত্য ছিল এবং সেইজন্য নবদ্বীপের পণ্ডিতমণ্ডলী তাঁহাকে "বিদ্যাবারিধি" উপাধি দেন। ১৯৩৮ সনের ১১ই জানুয়ারী তিনি পরলোকগমন করেন।

ভূতপূর্ব 'সময়' পত্রের সম্পাদক, প্রবীণ সাহিত্যসেবী পরলোক-গত প্রভাসচন্দ্র মুখোপাধ্যায়ের নিবাস হালিসহরে। বাংলার পাবলিক হেলথ ডিপার্টমেন্টের এক্সিকিউটিভ ইঞ্জিনিয়ার রায়সাহেব ক্ষিতীশ-চন্দ্র বন্দ্যোপাধ্যায়েরও বাড়ী হালিসহরে। তিনি সাবরডিনেট সার্বিস হইতে ইম্পীরিয়াল সাবসেজ ইঞ্জিনিয়ার পদে উন্নীত হইয়া-ছিলেন এবং ভারতীয় ইঞ্জিনিয়ার সমিতিরও সদস্য ছিলেন। তিনি শিবপুর ইঞ্জিনিয়ারিং কলেজে স্যানিটরি ইঞ্জিনিয়ারিং বিষয়ের উপাধ্যায় (Lecturer) ছিলেন এবং বিশ্ববিদ্যালয় কর্তৃক ঐ বিষয়ে পরীক্ষকও নিযুক্ত হইয়াছিলেন। ইঞ্জিনিয়ারিং বিষয়ে ইংরেজীতে দুইখানি পুস্তক তিনি লিখিয়াছেন। উহাদের নাম—“Indian Waterworks Practice” এবং “Surface Drainage”। ঢাকা শহরের জলের কল স্থাপনের ও ভূগর্ভস্থ নর্দমা তৈরির ভার তাঁহার উপর ছিল। হালিসহরে জলের কল স্থাপনের সময় স্থানীয় মিউনিসিপালিটির আর্থিক অবস্থা এত শোচনীয় ছিল যে, ইঞ্জিনিয়ারের পরিদর্শন-ব্যয় ৭০০০ টাকা দিবার মত ক্ষমতা ছিল না। ক্ষিতীশচন্দ্র স্বতঃপ্রবৃত্ত হইয়া কোন পারিশ্রমিক না লইয়া এবং নিজ হইতে রাহাখরচ দিয়া নিয়মিত ভাবে কলিকাতা হইতে আসিয়া কল নিষ্কাণ-কার্যের তত্ত্বাবধান করেন। তাঁহার এরূপ সহায়তার দরুনই হালিসহরে জলের কল স্থাপন সম্ভব হইয়াছিল।

হালিসহরের আশুতোষ মুখোপাধ্যায় টিকারী ষ্টেটের সহকারী ম্যানেজার ছিলেন। ঐ সময় উহা কোট অফ ওয়ার্ডসের অধীনে ছিল। সেখানে ১৯০০ সনে প্লেগ রোগের আবির্ভাবে ভীষণ মড়ক দেখা দেয়। সে সময় তিনি নিজের জীবন বিপন্ন করিয়া ঔষধপথ্যসহ বাড়ী বাড়ী গিয়া রোগীদের সেবাক্ষেত্র ও শবসংকারের ব্যবস্থা করিয়া সর্বসাধারণের প্রশংসা অর্জন করিয়াছিলেন। ৫ই ডিসেম্বর, ১৯০০ সালের “বেহার হেরাল্ড” পত্রিকায় তাঁহার এই জনসেবার

বাপা বিশেষভাবে উল্লিখিত হইয়াছে। তাঁহার পুত্র ভোলানাথবাবুও হালিসহরে ওয়ার্ড কমিশনার হিসাবে অনেক জনহিতকর কাজ করিয়াছেন।

মুসলমান-রাজত্বে কাশীর মন্দির ও বিগ্রহাদি বখন বিচূর্ণিত হইয়াছিল তখন সেগুলির পুনর্গঠনের উক্ত নানা দেশ হইতে ধূপতি ও ভাস্করগণ কাশীতে আনীত হইয়াছিলেন। এই সম্পর্কে হালিসহরবাসী নয়ন ভাস্করের নামও কবি জয়নারায়ণের কাশীখণ্ডে ও ভক্তিবন্ধাকর গ্রন্থে উল্লিখিত আছে।

তমলুকের বিখ্যাত উকীল শ্রীতারাশ্রম বন্দ্যোপাধ্যায়ের আদিনিবাস এই গ্রামে। তাঁহার পিতার নাম দ্বারিকানাথ বন্দ্যোপাধ্যায়। ইনি ওকালতী ব্যবসা করিতেন বটে; কিন্তু মিথ্যা হইতে দূরে থাকিতেন। লোকের উপকার করা তাঁহার জীবনের ব্রত ছিল। তাঁহার উপাঙ্কিত অর্থের অধিকাংশ দানে ব্যয় হইত। ১০ই শ্রাবণ, ১৩৩০ সনে তাঁহার দেহান্তর ঘটে।

১৯৪৯, মার্চ মাসের প্রথমভাগে বাংলার তদানীন্তন রাজ্যপাল উক্তর কৈলাসনাথ কাটজু অল্পপূর্ণা বালিকা-বিদ্যালয় নামে যে বালিকা-বিদ্যালয়ের উদ্বোধন করেন তাহা হালিসহরের বিদ্যোৎসাহী ইঞ্জিনিয়ার শ্রীযোগেশচন্দ্র গঙ্গোপাধ্যায় কর্তৃক স্থাপিত হইয়াছে। তিনি কয়েক বৎসর হালিসহর পৌরসভার চেয়ারম্যান ছিলেন। তাঁহার পরলোকগতা স্ত্রীর নামে এই উচ্চ ইংরেজী বালিকাবিদ্যালয়টি স্থাপন করিয়া তিনি দেশের মেয়েদের মধ্যে শিক্ষাবিস্তারের সহায়তা করিয়াছেন।

হালিসহরনিবাসী উমাচরণ মুখোপাধ্যায় 'ক্যামেল কোর' নামক পন্টনের গোমস্তা হইয়া বহু দেশ ("বঙ্গের বাহিরে বাঙ্গালী" দেখুন) ভ্রমণান্তর নিজ গ্রামে ফিরিয়া জনসেবায় নিযুক্ত হন। "গুড-উইল ফ্রেটার্নিটি" নামক পল্লী-উন্নয়ন সমিতির তিনি প্রেসিডেন্ট ছিলেন। সরকারী কার্যে লিপ্ত থাকার সময় উমাচরণ পঞ্জাব, শিয়ালকোট প্রভৃতি স্থানে কালীবাড়ী নির্মাণে যথেষ্ট ব্যয় করেন এবং তজ্জগৎ সুখ্যাতি লাভ করিয়াছিলেন। তাঁহার পুত্র বিদ্যোৎসাহী রাজেন্দ্রলাল মুখোপাধ্যায় বহু বৎসর যাবৎ জম্মু স্কুলের প্রধান শিক্ষক ছিলেন। রাজেন্দ্রবাবুর পুত্র শ্রীনৃপেন্দ্রনাথ এখন দেশে থাকিয়া নানা জনহিতকর কার্যে ব্যাপ্ত আছেন। তিনিও কিছুদিন স্থানীয় পৌরসভার চেয়ারম্যান এবং উচ্চ ইংরেজী বিদ্যালয়ের প্রেসিডেন্ট ছিলেন। কলিকাতার কিং কোম্পানীর সুবিখ্যাত ডাক্তার বিপিনবিহারী চট্টোপাধ্যায়ের আদি নিবাস এই গ্রামে।



রাণী রাসমণি

বিশিষ্ট সাহিত্যসেবী ও সাংবাদিক নগেন্দ্রনাথ গুপ্ত হালিসহরের প্রসিদ্ধ গুপ্তবংশে জন্মগ্রহণ করেন, করাচী-হেরাল্ড, ফিনিক্স, ট্রিবিউন ও লীডার পত্রিকার তিনি সম্পাদক ছিলেন। পঞ্জাব হইতে বাংলায় আসিয়া তিনি কিছুকাল 'বেঙ্গলী' পত্রিকার সম্পাদকতা করেন। নগেন্দ্রবাবু মহারাজা মনীন্দ্রচন্দ্র নন্দীর ও পরে শ্রীর দোয়াব টাটার সেক্রেটারী ছিলেন। তিনি আমৃত্যু বাংলা ভাষার চর্চা করিয়া গিয়াছেন। 'আরাতামা', 'ব্রজনাথের বিবাহ', 'জয়ন্তী'—তিনি-খানিই তাঁহার লিখিত উৎকৃষ্ট উপন্যাস।

বিখ্যাত ঔপন্যাসিক শরৎচন্দ্রের মাতা ভুবনমোহিনী দেবী হালিসহরের গঙ্গোপাধ্যায় পরিবারের কন্যা। এই পরিবারেই পূর্বোক্ত বিপিনবিহারী গঙ্গোপাধ্যায় এবং কথাসাহিত্যিক শ্রীযুত উপেন্দ্রনাথ গঙ্গোপাধ্যায় জন্মগ্রহণ করিয়াছেন। সাহিত্যসম্রাট বঙ্কিমচন্দ্র চট্টোপাধ্যায়ের সহধর্মিণী রাজলক্ষ্মী দেবীও হালিসহরের বিখ্যাত চৌধুরী-পরিবার-সম্প্রদায়। তাঁহার সম্বন্ধে বঙ্কিমচন্দ্র এক স্থানে লিখিয়াছেন : "একজনের প্রভাব আমার জীবনে বড় বেশী রকমের—আমার

পরিবারের। আমার জীবনী লিখিতে হইলে তাঁহারও লিখিতে হয়। তিনি না থাকিলে আমি কি হইতাম বলিতে পারি না। আমার যত ভ্রমপ্রমাদ তিনি জানেন আর আমি জানি।”

সাংসারিক উন্নতির বাসনা ত্যাগ করিয়া যিনি হালিসহর স্কুলের জ্ঞান জীবনপাত করিয়া গিয়াছেন তাঁহার নাম এ স্থলে বিশেষ ভাবে উল্লেখযোগ্য। তিনি হইলেন আশুতোষ মিত্র। তাঁহার স্বার্থ-তাগ ও অক্লান্ত পরিশ্রমের জন্মই হালিসহরের স্কুলের অস্তিত্ব এখনও বজায় রহিয়াছে। জীবনে উন্নতির অনেক সুযোগ তাঁহার আসিয়াছিল। শুধু পল্লীমাতার মুখ চাহিয়াই তিনি সে সব ত্যাগ করিয়া একনিষ্ঠভাবে দেশের স্কুলের সেবা করিয়া গিয়াছেন। স্কুলের আর্থিক অবস্থা যখন অতীব শোচনীয় হইয়া উঠে তখন তিনি শারীরিক অসুস্থতা সত্ত্বেও কলিকাতা এবং তৎকাল স্থানের খাতনামা এবং স্মৃতিস্মিত প্রাক্তন ছাত্রদের নিকট হইতে অর্থ সংগ্রহ করিয়া স্কুলটিকে টিকাইয়া রাখিয়াছিলেন। এইরূপ সবল, নিরভিমান এবং অক্লান্ত কর্মী শিক্ষক এযুগে খুব কমই দৃষ্ট হয়। ১৯৩৮, আগষ্ট মাসে উনসত্তর বৎসর বয়সে তিনি মানবলীলা সংবরণ করেন। কলিকাতা পৌরপ্রতিষ্ঠানের চীফ একাউন্টেন্ট জীযুক্ত পরিতোষ মিত্র এম-এসসি তাঁহার সুরোগ্য পুত্র।

ই. আই. রেলওয়ের অবসরপ্রাপ্ত চীফ অডিটর অমূল্যচরণ মুখোপাধ্যায়ের আদিনিবাস হালিসহরে। বেঙ্গল জুডিসিয়াল সার্ভিসের স্বর্গত ভবচরণ মুখোপাধ্যায় তাঁহার পিতা। ১৯৪১ সনের ২রা ফেব্রুয়ারী ছাপান্ন বৎসর বয়সে অমলাবাবুর দেহাবসান হয়।

রাজেন্দ্রলাল গুপ্ত একজন প্রাচীন ও বিচক্ষণ শিক্ষাত্রতী ছিলেন। তিনি বহু বৎসর দার্জিলিং গবর্নমেন্ট হাই স্কুলের প্রধান শিক্ষকের পদে অধিষ্ঠিত ছিলেন। বঙ্গের অনেক কৃতবিদ্য ও উচ্চ-পদস্থ ব্যক্তি তাঁহার ছাত্র। তিনি গ্রামে আসিলে স্থানীয় স্কুল পরিদর্শনে গিয়া পঠন-পাঠনের ধারা দেখাইয়া দিতেন। তিনি কয়েক বৎসর এই স্কুলের সেক্রেটারীও ছিলেন।

কলিকাতার লক্ষপ্রতিষ্ঠ চিকিৎসক ডাক্তার শ্রীনলিনীরঞ্জন সেনগুপ্ত এম-ডি হালিসহরের অধিবাসী। তিনিও বাণীর একজন সেবক। “Frath” নামে একটি পত্রিকা তাঁহার কলিকাতাস্থ ভবন হইতে প্রকাশিত হইয়া থাকে। ১৩৩৪ সনে নলিনীরঞ্জন দ্বিতীয় বঙ্গীয় প্রাদেশিক সনাতন ধর্মসম্মেলনের সভাপতির পদ অলঙ্কৃত করেন। তাঁহার পিতা অধ্যাপক কিশোরীমোহন সেন হুগলী কলেজে গণিত-শাস্ত্রের অধ্যাপনা করিতেন। তিনি স্থানীয় পৌরসভার ভাইস-চেয়ারম্যান এবং উচ্চ ইংরেজী বিদ্যালয়ের সেক্রেটারী ছিলেন। কিশোরীবাবুর ভ্রাতা যতীন্দ্রনাথ হাইকোর্টে ওকালতী করিতেন। তিনি “গুড-উইল ফ্রেটারনিটি” নামক পল্লী-উন্নয়ন সমিতির ও স্কুলের সেক্রেটারী ছিলেন এবং পৌরসভার ভাইস-চেয়ারম্যান ছিলেন। অগ্ন এক ভ্রাতা উপেন্দ্রমোহন ডেপুটি হইয়াছিলেন, কিন্তু স্বাধীন-চেতা বলিয়া তাঁহাকে সরকারী চাকরি অ্যাগ করিতে হয়। তিনি অতঃপর ধর্মালোচনা ও সাধনভঙ্গনে জীবনানতিপাত করেন। সর্ব-

কনিষ্ঠ ভ্রাতা জ্ঞানেন্দ্রনাথ একজন লেখক ও সাহিত্যিক। শ্রীশ্রীগীতা তত্ত্ব সমাহারঃ, গীতোক্ত ‘গৃহকথা’র তাৎপর্য্য বিবৃতি, ভারতের স্বাধীনতা, বৈজ্ঞানিকতার বর্ণ ও গৌরব, বৈজ্ঞানিকতার বৈশিষ্ট্য প্রভৃতি বহু পুস্তক তিনি লিখিয়াছেন।

ডাক্তার শান্তিরাম চট্টোপাধ্যায় দীর্ঘকাল যাবৎ অত্যন্ত পরিশ্রম সহকারে নিয়মিতভাবে হালিসহর দাতব্য চিকিৎসালয়ের সম্পাদক-রূপে ইহার সেবা করিয়া আসিতেছেন। অধুনা তিনি কলিকাতা-বাসী হইলেও হালিসহরেই তাঁহার পৈতৃক বাসস্থান। ১৯০৯ সনে ইনি ডাক্তারী পরীক্ষায় উত্তীর্ণ হন। ১৯১২ হইতে ১৯২৭ সন পর্যন্ত মেয়ো হাসপাতালে যথাক্রমে হাউস-সার্জন, এনায়েন্টিষ্ট ও পাথলজিষ্টরূপে কাজ করেন। কলিকাতা মেডিক্যাল স্কুল এবং হাসপাতাল স্থাপন ও পরিচালনের সহিত ইহার ঘনিষ্ঠ যোগ আছে। ১৯২১ সন হইতে বহুকাল ইনি কলিকাতা মেডিক্যাল ক্লাবের সম্পাদক ছিলেন। তিনি কয়েক বৎসর কলিকাতা পৌরসভার সদস্য ছিলেন। সেই সময় স্বাস্থ্য ও ম্যালেরিয়া সম্বন্ধে তাঁহার লিখিত কতকগুলি প্রবন্ধ “কর্পোরেশন গেজেটে” প্রকাশিত হইয়াছিল। ইনি ১৯০৫-এর স্বদেশী-আন্দোলনের সময় হইতে দেশসেবামূলক কার্যের সহিত সংশ্লিষ্ট আছেন। গ্রামের সর্ববিধ উন্নতিবিধানে তিনি সর্বদা সচেষ্ট।

পল্লীমাতার আর একজন কৃতী সন্তান খাতনামা ডাক্তার অবিনাশচন্দ্র চট্টোপাধ্যায়। তিনি অতি সবল, নিরহঙ্কার ও পরোপকারী ব্যক্তি ছিলেন। যখনই দেশে আসিতেন বিনামূল্যে ঔষধপথ্য দিয়া রোগীদের চিকিৎসা করিতেন। তিনি ১৮৯০ সনে বেঙ্গল মেডিক্যাল সার্ভিসে প্রবিষ্ট হন এবং একত্রিশ বৎসরকাল বাংলা ও বিহারের বিভিন্ন ভেলায় প্রশংসার সহিত কার্য্য করিবার পর ১৯২১ সনে অবসর গ্রহণ করেন। অবসরগ্রহণ কালে তিনি পোর্ট-ব্ল্যারে এসিষ্ট্যান্ট মেডিক্যাল অফিসার ছিলেন। আন্দামানে যাইবার পূর্বে কিছুকাল তিনি সিবিল-সার্জনরূপেও কার্য্য করিয়া-ছিলেন। কর্মজীবনের প্রারম্ভে আফগান যুদ্ধের সময় তিনি বেলুচি স্থানে চিকিৎসক নিযুক্ত হইয়াছিলেন। ১৭ই জুলাই ১৯৪২ সনে আশী বৎসর বয়সে অবিনাশচন্দ্র পরলোকগমন করেন। তাঁহার জ্যেষ্ঠ পুত্র অবসরপ্রাপ্ত সিবিল সার্জন মন্থনাথ চট্টোপাধ্যায় এবং কনিষ্ঠ পুত্র নেপাল গবর্নমেন্টের ডাক্তার নীরদ্দিন চট্টোপাধ্যায়। অকিঞ্চন প্রবন্ধকারও তাঁহার এক পুত্র।

পঞ্জাব বিন্দু ষ্টেটের চীফ মেডিক্যাল অফিসার ডাক্তার শ্যামাপদ চট্টোপাধ্যায় এফ-আর-সি-এসও হালিসহরনিবাসী। অবসর গ্রহণান্তর এখন তিনি স্বগ্রামে বাস করিতেছেন এবং নানা জনহিতকর প্রতিষ্ঠানের সহিত জড়িত আছেন। হালিসহর দাতব্য হাসপাতালের চিকিৎসক ডাক্তার শক্তিপদ চট্টোপাধ্যায় তাহার অল্পতম পুত্র।

হালিসহরনিবাসী হেমচন্দ্র চট্টোপাধ্যায় হুগলীর প্রসিদ্ধ সরকারী উকীল ছিলেন। জীবনে প্রভূত অর্থ উপার্জন করিয়া তিনি প্রায় সমস্তই জনহিতে দান করিয়া যান।

সর্বশেষে হইলেও হালিসহরের শ্রাঘার পাত্রী প্রাতঃস্মরণীয়া দানশালা রাণী রাসমণির নাম উল্লেখ না করিলে প্রতাবায় হইবে। তিনি অত্রস্থ কোণা পল্লীর কৈবর্তকুলে জন্মগ্রহণ করিয়া এই গ্রামকে ধন্য করিয়াছিলেন। তাঁহার পিতার নাম রামকৃষ্ণ দাস; কৃষি ছিল তাঁহার জাতব্যবসা। রাণী রাসমণির অসাধারণ চারিত্রিক বল, ধর্মবল ও বিচারবুদ্ধি আদর্শস্থানীয়। ক্রিষ্ণেশ্বরে কালীমূর্তি প্রতিষ্ঠা ও অসংখ্য অনাথ-আতুরকে অন্নদান হইতেই তাঁহার ধর্মপরায়ণতা ও হৃদয়বত্তার পরিচয় পাওয়া যায়।

হালিসহরে রামপ্রসাদ স্মৃতি-মন্দির প্রতিষ্ঠিত হইয়াছে। হালিসহরের আধুনিক দ্রষ্টব্যের মধ্যে স্বামী নিগমানন্দ সুরস্বতী দেব কর্তৃক প্রতিষ্ঠিত মঠ উল্লেখযোগ্য। স্বামীজী ১৯৩৫, ২৯শে নবেম্বর কলিকাতায় দেহত্যাগ করেন। পরদিবস তাঁহার দেহাবশেষ গঙ্গাতীরস্থ এই মঠে আনিয়া সমাধি দেওয়া হয়। ১৯৫০ সনে পুণ্যক্ষেত্র হালিসহরে রামকৃষ্ণ মিশনের উক্তবৃন্দ শঙ্করস্বরূপ ষোগমঠ নামে আর একটি মঠ স্থাপন করিয়াছেন। হালিসহরের অধিবাসীরা ঈশ্বরপুরী ও সাধক রামপ্রসাদের স্মৃতিবিজড়িত এই পুণ্যধামে জন্মগ্রহণ করিয়া নিজেদের সত্যই সৌভাগ্যবান মনে করিতে পারেন।

পঁচিশ বছর পরে

শ্রীবিমলাংশুপ্রকাশ রায়

পৃষ্ঠদেশে হঠাৎ চড়াং করে একটা চাপড় খেয়ে প্রাণনাথ চমকে উঠল। মাদ্রাজের সমুদ্রতীরে সন্ধ্যা-বায়ুসেবীর অস্ত নেই। প্রাণনাথ একপ্রান্তে নিশ্চিন্তমনে সমুদ্রের ঢেউয়ের দিকে দৃষ্টি মেলে দিয়ে বসে ছিল। বিদেশে চপেটাঘাত বসিয়ে দেবার মত বান্ধব প্রত্যাশা করে নি।

অবেজ্যোতি যে! তুই এখানে কবে এলি?

ঠিক আমারও ঐ প্রশ্ন—তুই কবে এলি। আমি জানতুম তুই গিয়েছিলি পুণায়। তার পর যে কোথায় পাড়ি দিলি, তার আর পাত্তা পাই নি।

হ্যাঁ, পুণা থেকে পাড়ি দিয়েছি অনেক দিকে। প্রথমে গেলাম অজন্তা আর এলোয়ার। দেড় হাজার বছর আগে একটা জাত আস্ত পাহাড় কেটে কেটে শতাব্দীর পর শতাব্দী নিরবিচ্ছিন্ন ভাবে কাজ করে এই বকম একটা অপূর্ব সৃষ্টি করে রেখে যেতে পারে, চোখে না দেখে তার কোন ধারণা করতে পারবি না। এ এক অচিন্তনীয়, কল্পনাতীত কীর্তি। এর কাছে, সৌন্দর্যে নয়, সৃষ্টির ব্যাপারে তাজমহল কিছুই না! বোস না, দাঁড়িয়েই রইলি যে! ভয় নেই, বালির ওপর বসলে কাপড় ময়লা হবে না। বেড়ে ফেললেই সাফ।

যাক! ভয়টা সত্যিই এবার গেল। সন্নিহিত ফিরেছে দেখছি। আমি ভাবলাম অজন্তার ভূত অজাস্তে তোর স্বপ্নে চেপে বসেছে ক্ষুধিত পাষণ হস্মে—আর বুঝ রেহাই দেবে না। তা যাক! আমি কাল মেলে যাচ্ছি, তুইও আমার সঙ্গে চল।

জ্যৈষ্ঠ মাসের গরমে বাংলাদেশে?

—নয় কেন?

সেই মনে পড়ে জ্যৈষ্ঠের ঝড়ে আম কুড়োবার ধুম।

সবই ত তোদের পাকিস্থানে পড়ে রইল। আম কুড়োবার

বাগান কি তোর কলকাতার পোস্তায় নাকি? যাক, হ্যাঁ তবে তোর সঙ্গে এই যাত্রাটা একটু লোভনীয় বটে। কতকাল তোর সঙ্গে পথে বেরোই নি। শেষ বোধ হয় সেই মার্কস বকস দেখা। জব্বলপুরের স্মৃতিটা এখনও খুব তাজা রয়েছে।

সুখস্মৃতি যত বাসি হবে ততই দানা বাঁধবে। ওটা কিসের মত জানিস? মাটির ভাঁড়ে রাখা কমলামধুর মত।

২

জ্যোতি বললে—হঃ! এই মেলে চড়ে ভুল করেছি। নইলে—এটা কোন ষ্টেশন যে?

প্রাণনাথ দেখছিল যে গাড়ীটা একটা ষ্টেশনে ঢুকছে। ওর “নইলে”—টা কানে ঢোকে নি। বললে—

ভিজিয়ানাগ্রাম।

ভিজিয়ানাগ্রামের নাম শুনেই প্রাণনাথ গলাটা বার করে দিয়ে বলল—আরে ‘ভিজি’র দেশ? বটে!

কিন্তু জ্যোতির কানে এবার সে কথা ঢুকল না। কেন জানি, সে অশ্রমনস্ব হয়ে পড়ল। তার চিন্তাটা ট্রেনের সঙ্গে সঙ্গেই ছুটল। তার মনে পড়ল ভিজিয়ানাগ্রামের পরে আসবে চিপুরুপল্লী। ওঃ! কতকাল আগে এই ছোট্ট সহরে বছর দুই সে কাটিয়ে গেছে। সে কত আগে! কুড়ি বছর? না, আরও বেশী, পঁচিশ। হ্যাঁ তাই ত, দেখতে দেখতে সিকি শতাব্দী কেটে গেছে। না জানি এতকালে কত পরিবর্তন হয়েছে। যে বাড়ীটার থাকত সেই বাড়ীটা কি এখনও আছে? আর সামনের বাড়ীর সেই তিন বছরের থোকা। এত দিনে সে যদি বেঁচে থাকে, তা হলে সে আজ ২৮ বছরের যুবক। কি করে যেন ঐ শিশু টের পেয়েছিল দেশে ও তার এক বছরেরই পুত্রকে রেখে এসে মনঃকষ্টে আছে। তাই

প্রথম দিন থেকেই ওয় ছাওটা হয়ে পড়েছিল—ওকে তার খেলার সাথী করে নিয়েছিল।

পাড়াটার কেবল ওদের ঘরটাই ছিল তালপাতায় ছাওয়া। আর সবই ছিল পাকা বাড়ী—পাথর ও ইটের গাঁথুনী। বড়ই গরীব ছিল ওরা। বোধ হয় তাই ওদের দিকে কেউ বড় তাকাত না। সকাল-বিকাল পাড়ার মেয়েরা দল বেধে বেরুত জল আনতে। একটার উপর একটা, তার উপর আর একটা ভরা কলমী পর পর মাথার উপর সাজান, যেন ব্যালান্স রেশ দিয়ে চলেছে সব। স্থির অথচ দ্রুত। মেয়েদের এই পুতলা-বাজীর ছবি এখনও লেগে রয়েছে জ্যোতিপ্রকাশের চোখে। তালপাতার ঘরটির ছায়ায় বসে শিশুটি একটি হাত প্রসারিত করে ওদের দিকে তাকিয়ে ডাকত “ঐ ঐ”! কিন্তু তাদের সেদিকে তাকাবার বা কান দেবার সময় কৈ? ছায়াবাজির মত সারি সারি চলে যেত সব।

কিন্তু পৌষসংক্রান্তির ‘পঙ্গল’র দিনে পাড়ার চেহারা ফিরে গেল। এই পঙ্গল অর্থাৎ পর্কের বিশেষত্ব হ’ল এই যে, যে বাড়ীতে ছোট শিশু, সেই সেই বাড়ীতে পাড়ার মেয়েরা গিয়ে যত মাসুলিক আচার সম্পন্ন করে আসে। সারা বছরে “পৌষ পঙ্গল” অনুষ্ঠানের সেরা পর্ক। তাই ঐ উপেক্ষিত নগ্ন শিশুর সঙ্গে আজ উঠেছে রঙীন অঙ্গবাস। কত আদর, কত সোচাগ ওকে নিয়ে সেই সব মেয়ের আজ। পঁচিশ বছর আগেকার দেখা সেই দুগু আজও চোখের সামনে জল জল করছে।

আরে এসে গেছে! ঐ ত চিপুরুপল্লীর ডিসট্যান্ট সিগন্যাল! মেল ট্রেন এখানে থামে না। থামত যদি, একবার পুরানো জায়গাটা—ভাবতে ভাবতেই হঠাৎ ট্রেনের গতি মন্দা হয়ে এল আর দেখতে দেখতে থেমেই গেল মাঠের মাঝখানে। একজন যুবক জানলা দিয়ে মাথা বার করে বললে—“সিগন্যাল ডাউন হয় নি। জ্যোতিপ্রকাশ বাইরের দিকে চেয়ে চেঁচিয়ে উঠল, “প্রাণনাথ শীগগির নেমে পড়।”

একেবারে মিলিটারি ষ্টাইলে যেমনি হুকুম অমনি তামিল। দুই বন্ধুর সামান্য লটবহর নিয়ে তাড়াছড়ো করে ওরা নেমে পড়ে। গাড়ীস্বন্ধ সকলের চেঁচামিচির দিকে কর্ণপাত না করে হন হন করে ছুটে চলে চিপুরুপল্লীর দিকে। সূর্য তখন পশ্চিম পাহাড়টার পাশে আপন সুখশয়া খুঁজতে আসত।

প্রাণনাথ বললে, নিয়মের বরাদ্দে যা পাই তাতে প্রাণ নেই, উপরি পাওনাটাতেই অপ্রত্যাশিতের উল্লাস। এতদিন যে বেড়ালমাম আজকের এই এমনি রসটুকু কোথাও পাই নি। বেশ মজা লাগছে। কিন্তু ব্যাপার কি বল ত? এখানে কোথায় নেমে পড়লি?

জ্যোতিপ্রকাশ বললে, এইটে হচ্ছে চিপুরুপল্লীর ডিসট্যান্ট সিগন্যাল। চল একবার দেখি গিয়ে সিকি শতাব্দীতে পল্লীর পরিবর্তন কতটা হ’ল।

—ও তোর সেই চিপুরুপল্লী! তাই বল!

—এই দেখ, এই নারকেল গাছটা। এটা ছিল তখন আমা সবে বৃকের সমান উঁচু। সেইটে কত বড় হয়েছে। আরে! সেই তালপাতার ছাউনি এখনও আছে দেখছি! আর কেউ ওখানে এসে বাসা বেঁধেছে নাকি?

জ্যোতিপ্রকাশের আশ্চর্যিত স্নেহকোমল দৃষ্টি পাতার ঘরখানির উপর গিয়ে পড়ল।

৩

ডাক দিতেই বেরিয়ে এল ঘরের ভেতর থেকে ২৫।২৬ বছরের একটি সৌম্যমূর্তি যুবক, আর তারই পিছনে এক অশীতিপর বৃদ্ধা। কথা চালাবার মত তেলুগু ভাষা তখনও ভোলে নি জ্যোতি।

সে যুবকের দিকে তাকিয়ে বললে, ‘মৃত্যুঞ্জয় গারু এই বাড়ী?’ তার উত্তরে যুবক মাথাটা এমন ভাবে দোলাতে লাগল যে প্রাণনাথ ঠিক উণ্টো বুঝল। কিন্তু জ্যোতি ঠিক বুঝল না, ঐ মাথা নাড়ার মানে—হ্যাঁ, এই বাড়ীটাই। অনুষ্ঠানের মাথা দোলানোর চাল তার অজানা ছিল না। তার পর জিজ্ঞাসা করলে, ‘তুমিই তাঁর নাতি?’ সেই ভাবে মাথা নাড়ার সঙ্গে তেলুগু ভাষায় সে বললে, ‘হ্যাঁ, আমিই।’

এই বার কুতূহলী বৃদ্ধার দিকে তাকিয়ে একটু হেসে বললে, ‘আমায় চিনতে পারলেন না ত? পঁচিশ বছর আগে সামনের ঐ বাড়ীটাতে এক বাঙালী বাবু ছিলেন মনে পড়ে?’

বৃদ্ধা হঠাৎ যেন আকাশের চাঁদ হাতে পেলেন—‘কে? এঁা, রায় গারু! রায় গারু!’ এত দিন পরে? এত দিন কোথায় ছিলেন বাপ? এস, এস ভিতরে এসে বস।’

তারপর ছেলের দিকে তাকিয়ে বললেন, ‘ওরে চিনা! প্রণাম কর, প্রণাম কর। এই সেই রায় গারু, তোকে নিজের ছেলের মত ভালোবাসতেন। যাবার দিন তোর যাতে লেখাপড়া ভাল হয়, তার জন্তে তোর দাদামশায়ের কাছে এক হাজার টাকা দিয়ে গিয়েছিলেন।’

প্রাণনাথ কিছু বুঝতে না পেরে অবাক হয়ে জ্যোতির দিকে চাইলে। জ্যোতি সংক্ষেপে বললে, পরে বলব।

যুবক একেবারে সাষ্টাঙ্গে পড়ে গেল জ্যোতির পায়ে। জ্যোতি তাকে দুই হাতে জড়িয়ে তুলে নিয়ে বললে, ‘কি বাবা! কত দূর পড়াশুনা করেছ?’

যুবকটি বিনয়ে মাথা নীচু করে মুহু মুহু হাসতে লাগল। বৃদ্ধাটি জবাব দিলেন, ‘তা, আপনার টাকা বিফলে যায় নি রায় গারু। আমার বড় দুই নাতি ত মুখ হয়েই রইল। কিন্তু এই ছোটটি আপনার আশীর্ব্বাদে লেখাপড়া শিখেছে। একটা ইস্কুল করেছে। সকালবেলা দেখবেন কত ওয় শিষ্য।’

* তেলুগু “গারু” কথাটির মানে মহাশয়।

† তেলুগু “চিনা” মানে ছোট খোকা।

বুঢ়া এইবাৰ প্ৰাণনাথৰ দিকে তাকাতৈ জ্যোতিপ্ৰকাশ বললে, 'হুনি আমাৰ বন্ধু। বাঙালী। আমাদেৱ কথাবাৰ্তা উনি বুঝতে পায়ছেন না।'

তাৰপৰ জিজ্ঞাসা কৰলে, 'মৃত্যুঞ্জয় গাৰু ?'

বুঢ়া একটু দীৰ্ঘনিশ্বাস ফেলে বললেন, 'আজ পাঁচ বছৰ হ'ল তিনি চলে গেছেন। যাবাৰ আগে, মৃত্যুশয্যাৰ শুয়ে শুয়ে আপনাৰ কথা কতই না বলতেন—বায় গাৰুৰ ঠিকানাটা জানা গেল না। এই কথাই বাৰ বাৰ বলতেন।'

জ্যোতি জিজ্ঞাসা কৰলে, 'বড়, মেজ দুই ছেলে কোথায় ?'

বুঢ়া বললেন, 'বড়টি শ্ৰীকাকুলামে একটা সদাগৰী আফিসে কেৱানী, আৰ মেজটিকে উনিই বেলে চুকিয়ে গেছেন, এখন সীমা-চলমেৰ ইষ্টেশনেৰ টিকিট বাবু।'

জ্যোতিপ্ৰকাশেৰ দৃষ্টি আবাৰ পড়ল যুবকেৰ উপৰ। তাৰ পিঠ চাপড়ে সন্মোহে বললে, 'লছমীনৱসিংহম! দেখ তোমাৰ নাম ঠিক মনে বেখেছি—তা তোমরা ত সব ভাই-ই বোজগাৰ কৰছ, আৰ তোমাৰ ত শুনছি অনেক শিষ্য—ঘৰখানা সেই পাতাৰই বেখেছ কেন, বাবা ?' জ্যোতি বাংলা কৰে কথাটা প্ৰাণনাথকে বুঝিয়ে দিলে।

যুবক মুহূ হাসতে থাকে, কোন জবাব দেয় না। জবাব দিলেন বুঢ়াই, 'সে কথাৰ ও কি জবাব দেয় জানেন ? ও বলে বায় গাৰু আমাৰ ঐ পাতাৰ ঘৰে দেখেই অত ভালোবেসেছিলেন, তাঁৰ যত দিন সন্ধান না পাব ততদিন ও ঘৰ ওই ৰকমই থাক।'

জ্যোতি এবাৰ ইংৰেজীতে কথাটা প্ৰাণনাথকে বুঝিয়ে দিল। এতক্ষণে যুবকেৰ মুখে কথা ফুটল। পৰিষ্কাৰ ইংৰেজীতে বললে, 'এইবাৰ পাকা বাড়ী তুলব, বায় গাৰু—মাকে বড় কষ্ট পেতে হয় পাতাৰ ঘৰে।'

জ্যোতিপ্ৰকাশেৰ মনে হ'ল—সেই পঁচিশ বছৰ ধৰে কথা ফুটি ফুটি কৰে এত দিনে ফুটল। প্ৰাণনাথৰ দিকে তাকিয়ে বললে, 'হুই ছেলেৰ পৰ এৰা একটি মেয়ে চেয়েছিলেন, তাই এৰা 'লছমী' কথাটা নামেৰ আগে জুড়ে দিয়েছিলেন। তাৰপৰ লছমীৰ দিকে ফিৰে ইংৰেজীতে বললে, 'এইবাৰ পাকা বাড়ী তোল আৰ একটা বড় চাকৰীৰ সন্ধান দেখ।'

প্ৰাণনাথ হঠাৎ চেঁচিয়ে উঠল, 'খবৰদাৰ খবৰদাৰ! অমন কাজও কৰো না। ঐ ছেলে পড়াছ যে এটেই হ'ল সবচেয়ে বড় কাজ। মাহুয গড়ে তুলতে থাক। চল তোমাৰ বিছামন্দিৰ দেখব।'

অল্প দূৰে একটা মস্ত পাকা বাড়ীতে বিছালয়, মানে বিৰাট একটা টোল। সেই সঙ্গে ইংৰেজী ও বৈজ্ঞানিক শিক্ষাৰ ব্যবস্থাও রয়েছে তেলুগু ভাষাতে। নানা জায়গা থেকে ছেলেৱা এসেছে পড়তে। আৰও কয়েকজন শিক্ষকও আছেন। ধনী ব্যবসায়ী ও জমিদাৰেৰ কাছ থেকে দান পাওয়া গেছে। ছাত্রাবাসও হয়েছে। পাকা বাড়ী। শুধু লছমীনৱসিংহমই তাৰ মাকে নিয়ে আজও সেই ভালপাতাৰ ছাউনিতই পড়ে আছে। দেখে হুই বন্ধুৰ চোখে জল এল।

বাজে খাওয়া নাওয়ার পৰ হু'জনে শুতে গেল। ছাত্রাবাসেৰ একটা ঘৰে হুই বন্ধুৰ শোবাৰ ব্যবস্থা কৰে দিয়েছিল লছমী।

প্ৰাণনাথ বললে, এবাৰ বল ব্যাপাৰটা কি। তুই ওৱ পড়ার জন্তে টাকা দিয়েছিলি না কি ?

—হ্যাঁ। তবে শোন। জানিস ত শৰীৰ আমাৰ কোনকালেই বিশেষ ভাল ছিল না। তাই এত দূৰদেশে চাকৰী নেওয়া সকলেই অমত ছিল। কিন্তু মাইনে ভাল আৰ কাজও মোটামুটি হালকা বলে আমি জিদ কৰেই চলে এসেছিলাম। ঐ যে দোতলা পাকাবাড়ীটা ওদেৰ কুঠীৱেৰ পাশে দেখেছিস ত ? ওটা তখন একতলা ছিল। এ বাড়ীটোতে কোম্পানী আমাৰ কোৱাটাস দিয়েছিল। আমি একলাই ঐ বাড়ীতে থাকতাম আৰ কুকাৰে বেঁধে থোতাম। একটা চাকৰ ছিল সে অল্প সব কাজ কৰত; কিন্তু বাস্তৱ কাজ তাৰ হাতে ছেড়ে দিতে আমাৰ প্ৰবৃত্তি হ'ত না।

যাই হোক, হু' একদিনেৰ মধ্যেই এ শিশুটি আমাকে একদিন পথে দেখে ওৱ দাদামশায়েৰ কোল থেকে ঝাঁপিয়ে আমাৰ কোলে চলে এল। আমাৰ ছেলেও তখন প্ৰায় অত বড়। তাকে কলকাতায় বেখে এসে আমাৰ মনটা ভাল ছিল না—সৰ্বদাই মনটা হু হু কৰত। বাস, একেবাৰে আমাকে অধিকাৰ কৰে বসল লছমী।

'বিদেশীৰ-বেগাতিৰ' বলেই হোক বা লছমীৰ মুকদৌতোৱ জোৱেই হোক ক্ৰমেই আমি ওদেৰ সঙ্গে বেশ ঘনিষ্ঠ হয়ে উঠতে লাগলাম। লছমীৰ মা তিনটি পুত্ৰসন্তান নিয়ে বিধবা হয়েছিল কয়েকমাস আগে। বড় ছেলেৰ বয়স তখন দশ, মেজোৰ আট আৰ লছমী সবে এক বছৰেৰ।

থাকতে থাকতে আমাৰ সঙ্গে সাবিত্ৰীৰ পৰ্দাৰ ব্যবধান আৰ ৱহিল না। লছমীৰ কান্না না থামাতে পাৰলে বা সংসায়েৰ কাজেৰ অশুবিধা হলেই সাবিত্ৰী ছেলেকে আমাৰ কাছে বেখে যেত। অত গৰীব হলেও বোধ হয় আমাৰ অসহায় অবস্থাৰ প্ৰতি কৰুণা কৰেই ওদেৰ বাস্তৱ কিছু কিছু নিয়ে এসে আমাকে খাইয়ে যেত। বাৰণ কৰলেও শুনত না। আমি যে তেলুগু ভাষা অত শীগগিৰ আয়ত্ত কৰতে পেৰেছিলাম তাৰ প্ৰধান কাৰণই সাবিত্ৰী এৰং বুড়ীৰ সঙ্গে সৰ্বদা কথাবাৰ্তা বলে। লছমীকে আমি আমাৰ রুচিমত পোষাক, গেলনা, বিস্কুট, লজঞ্জুৰ, কমলা, বেদানা দিয়ে, তাকে নিয়ে খেলা দিয়ে আমাৰ পুত্ৰবিহহ অনেকখানি শাস্ত রাখতাম। প্ৰায়ই একটা কোন অজুহাতে খাবাৰ তৈৰী কৰে দিতে অহুৰোধ কৰে এৰং ক্ৰমে ক্ৰমে পৰে অকাৰণেও ঘি, ময়দা, চাল, ডাল, ফল, সবজী প্ৰভৃতি দিয়ে আমি ওদেৰ সাহায্য কৰতাম। ওৱা এত বেশী গৰীব ছিল যে ওদেৰ আপত্তি আমি সহজুই থওন কৰতে পেৰেছিলাম।

সাবিত্ৰীৰ মত এমন নীৰব, শাস্ত, পৰিশ্ৰমী, সেৱাপৰায়ণ বধু জীৱনে দেখি নি। জল তোলা, বাসন মাজা, ঘৰদোৱ লেপা, পৰিষ্কাৰ কৰা, কাঠ কাটা, সেলাই কৰা, কাপড় কাচা—সে যেন কাজেৰ নিৰবচ্ছিন্ন একটা বস্ত্ৰাস্ৰোত। ওৱই মধ্যে মাঝে মাঝে এসে

আমার ঘর-দোর গুছিয়ে, চাকরকে বিছানা করা, মশারী টানানো, চা তৈরি করা সব শিখিয়ে দিয়ে যেত। বায়ণ করলে গুনত না—বলত, আপনি একলা পুরুষ মানুষ আমাদের কাছে থেকে কষ্ট পাবেন সে বড় লজ্জার কথা। আপনার স্ত্রী আমাদের বলবেন কি? আপনি বায়ণ করবেন না।

সেই দূর বিদেশে সমস্ত অপরিচিত দিশাহারা পরিবেশের মধ্যে এ যেন আমার কাছে মরুদ্যানের মত মনে হ'ত। বৃদ্ধ মৃত্যুঞ্জয় তখন অধিকাংশ সময় আমার বাড়ীতেই থাকতেন। তিনি তামাক এনে 'পিকা' তৈরি করতেন। পিকা গুদেশের একরকম চুরোট (সিগার)। ঐতেই কায়ক্লেশে তাঁদের সংসার চলত।

সন্ধ্যার আগেই ওদের সংসারের কাজ, খাওয়া-দাওয়া সব শেষ করতে হ'ত। নইলে আলোর খরচ বহন করার সামর্থ্য ওদের ছিল না। সন্ধ্যার পরও আমার অনুরোধেই মৃত্যুঞ্জয় আমার ঘরে আমার আলোয় সাহায্যে তাঁর পিকা তৈরি করতেন। আমি প্রায়ই সন্ধ্যার পর বেড়াতে যেতাম। কখন কখন ছেলেবাও আমার সঙ্গে যেত। সাবিত্রী এসে আমার কুকার চড়াত—আমার কাছেই শিখে নিয়েছিল—খাবার টেবিলের উপর সাজিয়ে রাখত। প্রায়ই দেখতাম সে নিজের বাড়ী থেকে কিছু না কিছু আমার জগে তৈরি করে এনে বেখে যেত। আমি ফিরলেই সে ছেলেদের নিয়ে চলে যেত। এমন একটা পরিতৃপ্তির সুন্দর হাসি তার মুখে দেখতাম যে মনে হ'ত যেন সে এইমাত্র পূজা শেষ করে উঠল।

আমার সামান্য অসুখ হলে সাবিত্রী আর তার শশুর-শাশুড়ী ক্রমাগত আমার খোজ নিতেন। অত কাজের মধ্যেও সে আমার কফি তৈরি করে, দুধ জ্বাল দিয়ে, ফল কেটে দিয়ে, গরম জল করে দিয়ে আমার প্রবাসে আত্মীয়ের অভাব ভুলিয়ে রাখত।

সাবিত্রী সুন্দরী ছিল না। কিন্তু এমন একটা স্নিগ্ধতা তার চেহারায় ছিল এবং তার ঈষৎ আয়ত চোখের মধ্যে দিয়ে এমন একটি অকপট বিশ্বাস, একটি শাস্ত সরলতা প্রকাশ পেত যে নিজের অজ্ঞাতেই মুগ্ধ হয়ে গিয়ে থাকব এবং নিজের অজ্ঞাতেই সে আমাকে মুগ্ধ করেছিল। দেখ প্রাণনাথ, ওরকম চোখ পাকাবার কিছু নেই। প্রেমে যে পড়িনি তা প্রায় হৃৎকবই বলতে পারি; কারণ হ'তিন দিন উপরি উপরি সস্তর মার চিঠি না এলে আমি একেবারে মুগ্ধে পড়তাম। সাবিত্রীর কাছে আমার অস্থিরতা কিন্তু লুকানো থাকত না। দেখতাম, সে লছমীকে নিয়ে বার বার আমার কাছে আসত, তাদের দেশের গ্রামের বাবা-মার, বুড়ী ঝির, পেয়াদাদের (তার বাপের বাড়ী বেশ অবস্থাপন্ন ছিল) অনেক গল্প করে করে আমাকে অল্পমনস্ক রাখতে চেষ্টা করত। ছেলেমানুষকে যেমন গল্প দিয়ে ভোলায় ঠিক তেমনি করে।

প্রেমে পড়িনি, কিন্তু তার স্বভাবের চরিত্রের সেবার মাধুর্য্যে মুগ্ধ হয়েছিলাম, তার আর কোন সন্দেহ নেই। আরও একটা কারণে বোধ হয় আকৃষ্ট হয়েছিলাম—সে জিনিসটির কোন বেগবান প্রকাশ ছিল না কিন্তু একটা গভীর প্রভাব ছিল—সে হচ্ছে আমার

মত প্রায় অপরিচিত এবং সমবয়স্ক পুরুষের প্রতি তার একটি স্নেহচরিত্রীয় স্বচ্ছ গভীর স্নেহ এবং বোধ হয় নির্ভর। তার মৃত্যুর দিনের আগে কিন্তু সে কথা জানতে পারি নি।

লছমীর যখন তিন বছর বয়স তখন সাবিত্রী দারুণ কলেরা রোগে আক্রান্ত হয়। তিন দিন তিন রাত্রি অশেষ যত্ননা ভোগ করে সে ভগবানের শাস্তিময় ক্রোড়ে চিরবিশ্রাম লাভ করলে। আমার সাধ্যমত সেবাযত্ন অর্থব্যয় কিছুই ক্রটি করি নি—কিছুতে তাকে রাখতে পারলাম না। অসুখের সময় সার্বক্ষণই আমি তার কাছে ছিলাম। দেখতাম নিশ্চয় মরণের মুখেও তার আশ্চর্য্য নিশ্চিন্ততা। শেষদিন আমাকে বললে, ঘবে তখন আর কেউ ছিল না—ভগবানের কি অসীম দয়া যে তোমাদের রেখে আমাকে নিলেন। একবার বললাম, কেন এমন বলছ? তুমি গেলে লছমীর আর কে থাকবে?

বললে—লছমীর জগে আমার কোন চিন্তা নাই। তার দাদা দিদির কাছে সে যত্নেই থাকবে। আর তুমি রইলে—দেখো ও যেন মূর্ণ না হয়। এটি একমাত্র আমার প্রাণের কামনা ছিল। কিন্তু তুমি রইলে বলে আর আমার কোন চিন্তা নেই।

আমি আর চোখের জল সামলাতে পারলাম না। উঠে বাইরে চলে গেলাম। সেই রাতেই সাবিত্রী মায়া যায়।

তার পরের দিনই আমি কাজে ইস্তফা দিই এবং আসবার দিন লছমীর দাদামশায়ের হাতে লছমীর শিক্ষার জগে আমার সেখানকার সঞ্চয়ের সমস্ত অর্থ এক হাজার টাকা দিয়ে আসি। আজ আমার প্রাণ আনন্দে পূর্ণ হয়েছে। সাবিত্রী যে আমার উপর এরকম একান্ত নির্ভর করেছিল লছমী আজ তা সার্থক করে তুলেছে।

৫

বিদায়-দিনে ছোট ষ্টেশনটাতে যেন ছলুছল পড়ে গেল। দুই বন্ধুকে বিদায় দিতে নরসিংহমের সঙ্গে তার সব ছাত্রদল এসেছে। বাইরের লোকে কেউ বলছে, মিনিষ্টার! কেউ বলছে হাকিম। ঘণ্টা পড়ল, বাঁশী বাজল। ছেলের দল একে একে নমস্কার করে পিছিয়ে গেল। গাড়ী ছাড়ার আগের মুহূর্তে সকলকে প্রতিনমস্কার করে দুই বন্ধু গাড়ীতে গিয়ে উঠল। নরসিংহম সঙ্গে সঙ্গে উঠে গিয়ে জ্যোতিপ্রকাশের পায়ে সাষ্টাঙ্গ পড়ে প্রণাম করে পদধূলি গ্রহণ করলে। গাড়ী ছেড়ে দিল। জ্যোতিপ্রকাশ ব্যস্ত হয়ে লছমীকে তুলে ধরে বললে, "নাম শীগ গির—নেমে পড়।"

তাকে নামিয়ে দিয়ে দুই বন্ধু জানালার ফাঁক দিয়ে মাথা গলিয়ে শেষ বিদায় নিয়ে বসল। কোথা থেকে যেন মিষ্টি ফুলের গন্ধ এসে কামরা ভরিয়ে দিল। প্রাণনাথ বললে, ছুটন্ত গাড়ীতে এত ফুলের গন্ধ কি করে আসছে? নিশ্চয় ওরা একটা মালা-টালা ফেলেছে গাড়ীতে। "দেখি ত"; হঠাৎ নীচু হয়ে জ্যোতির পায়ের কাছ থেকে প্রাণনাথ সুন্দর ক্রমালে বাধা একটা পুটলী তুলে ধরে বললে, "আরে, এই ত! এটা কি?"

খুলে দেখে একবাশ চামেলী ফুল, আর তার তলায় একটা খামে দু'হাজার টাকার নোট!

মহাত্মাজীর আহ্বানে

শ্রীক্ষেমকরী রায়

আনন্দবাজার পত্রিকায় কয়েক মাস পূর্বে 'পশ্চিমবঙ্গ পরিক্রমা' শীর্ষক প্রবন্ধে ১৯৩০ সনের নব্বাটের বিবরণ পাঠ করিয়া বিগত পঁচিশ বৎসরের ঘটনাবলী একে একে আবার স্মৃতিপথে ছবির গায় একটির পর একটি উদ্ভিত হইল। সেই মহামূল্য দিনগুলি জীবনে যে রেখাপাত করিয়াছিল তাহা এখানে যৎসামান্য বিবৃত করিবার লোভ সংবরণ করিতে পারিলাম না।

মহাত্মাজী তাঁহার ডাণ্ডি অভিযান, আইন-অমাত্য আন্দোলন, লবণ-আইন ভঙ্গ প্রভৃতি ব্যাপারে দেশমাতৃকার সেবায় সকলেরই সমান অধিকার আছে—ইহা জানাইয়া দিলেন এবং আবালবৃদ্ধ-বনিতাকে অহিংসার সত্যমন্ত্রে দীক্ষিত করিয়া, উৎসাহ-উদ্দীপনা দান করিয়া, সকলকে স্বাধীনতা-সংগ্রামে আহ্বান করিলেন। সেই আহ্বানে সাড়া দিয়া আমার গায় সাধারণ গৃহস্থঘরের বধুও ঝাঁপাইয়া পড়িল।

অনেকেই তখনকার প্রকৃত ঘটনা জানেন না, অথবা ভুলিয়া গিয়াছেন। পঁচিশ বৎসর পূর্বে বয়স ছিল অল্প, তখন তরুণী বধু। শিশুকাল হইতেই দেশমাতৃকাকে ভালবাসিতে শিখিয়াছিলাম। বাঙ্গালী জাতি—আমরা, পরাধীন। আমাদের জননীকে শৃঙ্খল-মুক্ত করিতে হইবে ইহাই ছিল শৈশবের প্রতিজ্ঞা।

গোথলে, বালগঙ্গাধর তিলক, কৃষ্ণকুমার মিত্র, বিপিনচন্দ্র পাল, শ্রীঅরবিন্দ, উপাধ্যায় ব্রহ্মবান্ধব, সুরেন্দ্রনাথ, আনন্দমোহন বসু, চিত্তরঞ্জন দাশ, বতীন্দ্রমোহন সেনগুপ্ত প্রমুখ দেশপ্রেমিক এবং রাষ্ট্র-নেতাদিগের দেশের জ্ঞাত আত্মত্যাগ ও কাব্যবরণের কথা সাগ্রহে স্মরিতাম। ইহারাই ছিলেন আমার জীবনের আদর্শ ও পথপ্রদর্শক। উপরন্তু ক্ষুদিরাম, প্রফুল্ল চাকী, কানাইলাল, সত্যেন বসু প্রভৃতির ফাঁসিকাঠে আত্ম-বলিদান আমাকে এবং আমার কয়েকটি বন্ধুকে আরও প্রেরণা যোগাইয়াছিল।

তার পর দীর্ঘকাল কাটিয়া গেল। ভগবান কখনও কাহারও সদিচ্ছা অপূর্ণ রাখেন না। ১৯৩০ সনে যে আহ্বান আসিল তাহাতে সানন্দে পরমোৎসাহে যোগদান করিয়া কৃতকৃতার্থ বোধ করিলাম।

১৯৩০, মার্চ-এপ্রিল মাসে মহাত্মাজীর ডাণ্ডি অভিযানের সঙ্গে সঙ্গে দেশের সর্বত্র লবণ-প্রস্তুতি ও ১৪৪ ধারা নিষিদ্ধ পুস্তক-পাঠ প্রভৃতি আইনভঙ্গমূলক কার্য আরম্ভ হয়। আমাদের অভিযান শুরু হইল প্রথম মহিষবাধানে। সেখানেই প্রথমে লবণ-আইন ভঙ্গ করা হইল। শ্রদ্ধেয় শ্রীযুত সতীশচন্দ্র দাসগুপ্ত এই কেন্দ্রের ভার প্রাপ্ত হইলেন। সেখানে তৈয়ারী লবণ আনা হইল শ্রদ্ধানন্দ পার্কে, সভায় এক মোড়ক লবণ পাঁচ হইতে পঁচিশ টাকায় বিক্রয় হয়। শত শত দেশপ্রাণ স্বৈচ্ছাসেবক ও সেচ্ছাসেবিকা প্রচণ্ড লাঠির আঘাত সহ্য করিয়াও হাসিমুখে লবণ প্রস্তুত করিয়াই চলিতে

লাগিলেন। তাঁহাদের সহিত যোগদান করিয়া স্বহস্তে প্রস্তুত লবণ-সংযোগে একত্র বসিয়া ডাল-ভাত গ্রহণ করিলাম। তাহা অমৃততুল্য বোধ হইল। কোমার্ব্যত্রতধারিণী জ্যোতিষ্ময়ী গঙ্গোপাধ্যায় এবং আরও দুইটি গৃহস্থবধু ছিলেন—সরলা গঙ্গোপাধ্যায় ও বর্তমান লেখিকা। সে যে কি আনন্দ পাইয়াছিলাম স্মরণ করিতে আজও হৃদয়মন ভরিয়া উঠে। অল্পক্ষণ পরেই পুলিশের অত্যাচার আরম্ভ হইল। লবণ-প্রস্তুতের সাজসরঞ্জামাদি ভাঙ্গিয়া, জনতার উপর লাঠি চালাইয়া, ফুটন্ত লবণজল স্বৈচ্ছাসেবকদের গাত্রে নিক্ষেপ করিয়া তাহারা আপন আপন কার্যসিদ্ধিজনিত আত্মপ্রসাদ অমুভব করিতে লাগিল।



রক্তাক্ত কলেবর একাদশ বর্ষীয় বালক-ক্রোড়ে জ্যোতিষ্ময়ী গঙ্গোপাধ্যায় ও দুই জন সঙ্গিনী

এইবার আরম্ভ হইল কলিকাতার বাহিরে বিভিন্ন কেন্দ্রে এক একজন নেতার অধীনে কয়েকজন স্বৈচ্ছাসেবক প্রেরণ দ্বারা আইন অমাত্য আন্দোলনকে শক্তিশালী করা। কলিকাতার পার্কে পার্কে সভা চলিতে লাগিল। নেতাদিগকে মালাচন্দনে ও কুড়ুমে ভূষিত করিয়া, তাঁহাদের কপালে জয়তিলক আঁকিয়া দিয়া স্বাধীনতা-যুদ্ধে পাঠানো হইত। ইহাদের মধ্যে উত্তর-কলিকাতার তখনকার কংগ্রেস-কর্মী শ্রীহেমসুন্দর বসু, শ্রীপ্রফুল্লচন্দ্র ঘোষ প্রভৃতির নাম উল্লেখ-যোগ্য।

উত্তর-কলিকাতার চাবের পল্লীর কম্বিবন্দ তখন প্রবল উৎসাহে ও আগ্রহে কার্য করিয়া বাইতেছিল। জ্যোতিষ্ময়ী গঙ্গোপাধ্যায় ছিলেন চাবের পল্লীর প্রেসিডেন্ট, সেক্রেটারী শ্রীরতন বন্দো-পাধ্যায়। আমি ছিলাম কার্যকরী সমিতির সভ্যা এবং জ্যোতিষ্ময়ীর সহকর্মিণী।

জ্যোতিষ্ময়ী গঙ্গোপাধ্যায় ছিলেন আমার শিক্ষাগুরু। বেথুন বিদ্যালয় ও কলেজে তাঁহার নিকট হইতে স্মশিকা পাইয়াছিলাম। শুধু তাহাই নহে, তিনি জ্যোষ্ঠা ভগিনীর প্রাণঢালা স্নেহ দিয়া আশায়

সেহপাশে আবদ্ধ করিয়াছিলেন। এক্ষণে স্বাভাবিকক্রমেও তিনি আমায় শিষ্যরূপে গ্রহণ করিলেন। পশ্চিমবঙ্গ পরিষ্কার উত্তরে একত্র বসনা হইলাম। তখন কংগ্রেস-প্রতিষ্ঠানগুলি রেআইনী ঘোষিত হইয়াছে। সমস্ত কংগ্রেস আপিসের দ্বার তালাবদ্ধ করিয়া দেওয়া হইয়াছে। কোনও কোনও আপিসে এবং কাগজপত্র ইত্যাদিতে অগ্নিসংযোগও করা হইতেছে।

গুলিলাম তমলুক, কাঁথি ও মেদিনীপুর প্রভৃতি স্থানে আইন-অমান্যকারী এবং সাধারণ দরিদ্র বাসিন্দাদিগের উপর ম্যাজিষ্ট্রেটের নির্দেশানুসারে অমানুষিক অত্যাচার চলিতেছে। সকলে নীরবে অত্যাচার সহ্য করিতেছেন বটে, কিন্তু নিপীড়িত হইয়া অহিংস-নীতির মর্যাদা রক্ষা করিতে চাহিতেছেন না। সেখানে এমন কাহারও বাওয়া প্রয়োজন, যিনি মনেপ্রাণে অহিংসামন্ত্রে দীক্ষিত এবং এই নীতির তাৎপর্য ও তাহার ফল ইহাদের উত্তমরূপে বুঝাইয়া তদনুসারে কার্য্য করিতে উৎসাহিত করিবেন।

উত্তর-কলিকাতা কংগ্রেস কমিটি হইতে জ্যোতিষ্ময়ী গঙ্গোপাধ্যায় ও বর্তমান লেখিকা আমন্ত্রণ পাইলেন। ২৪শে ডিসেম্বর ১৯৩০ সালে তমলুক বাত্মা করিবার নির্দেশ আসিল।

সকালের ট্রেনে আমরা তমলুক বসনা হইলাম। বেলা এগারটা আন্দাজ কংগ্রেস সেক্রেটারী স্বর্গত সতীশচন্দ্র চক্রবর্তীর গৃহে আতিথ্য গ্রহণ করা হইল। বাড়ীর মহিলারা আত্মীয়নির্কিশেষে আমাদের যথেষ্ট আদর-আপ্যায়ন করিলেন। বিশ্রামের পর আমাদের তমলুক হইতে ২০।২৫ মাইল দূর নরঘাটে যাইবার জন্ত প্রস্তুত হইতে হইল। সেখানে লবণ-আইন ভঙ্গ করা হইতেছে। সেক্রেটারী মহাশয় জিজ্ঞাসা করিলেন, “নরঘাটে ১৪৪ ধারা জারী করা হইয়াছে, আপনারা যাইবেন কি?”

জ্যোতিষ্ময়ী গঙ্গোপাধ্যায়, আমি ও শ্রীমুক্তা চাক্শীলা দেবী তিন জনে একখানি ট্যাক্সিতে করিয়া নরঘাটে উপস্থিত হইলাম। সাধারণ পুরুষ ও স্ত্রীলোকের জনতা দেখিয়া স্তম্ভিত হইলাম। ইহাদের সংখ্যা প্রায় হাজার দুই তিন হইবে। তাহারা আইন অমান্য করিতে আসিয়াছে জীবনপণ করিয়া। স্ত্রীলোকদিগের দেহ বলিষ্ঠ, মণিবন্ধে কাংশবলয়, সীমন্তে সিদ্ধুর, পরিধানে মোটা গড়। অহিংস-নীতি তাহাদের বুঝাইয়া দেওয়া হইল এবং স্থির শাস্তভাবে অপেক্ষা করিতে বলা হইল। ইতিমধ্যে পুরুষদিগের উপর লাঠি চলিতে লাগিল। তখন তাহাদের স্ত্রীদিগকে ঠেকাইয়া রাখা দায় হইল। তাহারা কোমর বাঁধিয়া বলিতে লাগিল, “আমাদের স্বামীর গায়ে আঘাত লাগিবে আমরা সহিতে পারবো।”

বাহা হউক, আমাদের সনির্ভরক অমুরোধে সকলেই স্থিরভাবে বসিয়া অপেক্ষা করিতে লাগিল এবং অহিংস-নীতি মানিবে প্রতিজ্ঞা করিল।

লবণ তৈয়ারির ক্ষেত্রে প্রচণ্ড কোলাহল গুলিলাম। ছুটিয়া গিয়া লোথ তৈয়ারী লবণ, লবণ-প্রস্তুতের সাজসরঞ্জাম সব ভাঙিয়া নষ্ট করিয়া দেওয়া হইতেছে এবং নির্ধমভাবে লাঠি চালানো

হইতেছে। কাহারও মাথা কাটিয়া অজপ্রধানে বন্ধ বহিতেছে, কাহারও পৃষ্ঠদেশ চাবুকের আঘাতে রক্তবিক্ত ও রক্তাক্ত। দুই জনতা ইতস্ততঃ ছুটাছুটি করিতেছে, কিন্তু আশ্চর্যের ব্যাপার এই যে, কেহ পলাইবার চেষ্টামাত্র করিতেছে না।

পূর্বদিকের ক্ষেত্রে একটা ভীষণ গণ্ডগোল বাধিয়াছে। সেখানে উপস্থিত হইয়া দেখি, একাদশবর্ষীয় এক দরিদ্র কৃষক-বালককে ম্যাজিষ্ট্রেট সাহেব চাবুক দ্বারা শাস্ত করিবার চেষ্টা করিতেছেন। তাহার নাসিকা হইতে দরবিগলিতধারে রক্তপাত হইতেছে। তাহার অপরাধ সে লবণ জাল দিতেছিল। আমরা তিন জনে তাহাকে ক্রোড়ে তুলিয়া লইলাম। তখন সে জ্ঞানহীন। চোখেমুখে ঠাণ্ডা জলের ধারা দিবার পর তাহার জ্ঞান হইল, কিন্তু রক্তপড়া বন্ধ হইল না। জ্ঞান হইবার পর ম্যাজিষ্ট্রেট সাহেব তাহাকে জিজ্ঞাসা করিলেন, “সে কি আবার লবণ তৈয়ারি করিতে আসিবে?” তেজস্বী নির্ভীক বালক উত্তর দিল, “একটু ভাল হইলেই আবার আসিব এবং আবার চাবুক খাইব সাহেব।”

সেদিন ছিল ২৪শে ডিসেম্বর (Christmas Eve)। শ্রদ্ধেয়া জ্যোতিষ্ময়ী গঙ্গোপাধ্যায় এই ঘটনাকে উপলক্ষ্য করিয়া “Another Crucifixion” শিরোনামায় এই বিষয়ে একটি প্রবন্ধ লিখিয়াছিলেন। রামানন্দ চট্টোপাধ্যায় মহাশয় তাহা সাগ্রহে *Modern Review*-তে আমাদের ক্রোড়ে শায়িত বালকটির একখানা ফটোসহ ছাপাইয়াছিলেন। বিলাত ও আমেরিকার গ্রাহকগণ সেই মাসের মডার্ন রিভিউ পত্রিকা দেখিয়া সরকারের অত্যাচারের তীব্র প্রতিবাদ করেন।

পূর্বেই বলিয়াছি, তমলুক হইতে নরঘাট অন্ততঃ পঁচিশ-ত্রিশ মাইল দূরে। ইতিমধ্যে বালকটিকে হাসপাতালে লইয়া যাইবার ব্যবস্থা করিতে হইবে, অথচ শহর হইতে গাড়ী বা ট্যাক্সি আনা অত্যন্ত দুর্লভ ব্যাপার। ম্যাজিষ্ট্রেট সাহেব দয়াপরবশ হইয়া তাহার গাড়ী দিতে চাহিলেন, আমরা ধন্যবাদসহ তাহা প্রত্যাখ্যান করিলাম। অবশেষে আমাদের ভাইয়েরা কাপড়ের ট্রেনার তৈয়ারি করিয়া এবং পালাক্রমে বদলী হইয়া বালকটিকে রামকৃষ্ণ মিশনের হাসপাতালে লইয়া আসিলেন।

তাহাকে সুব্যবস্থায় রাখিয়া আমরা তমলুক শহরে আসিলাম। সেখানে বড় সভার বন্দোবস্ত করা হইয়াছিল ১৪৪ ধারা জারী হওয়া সত্ত্বেও। কিন্তু তাহা ভঙ্গ করিয়া প্রথমে জ্যোতিষ্ময়ী গঙ্গোপাধ্যায় বক্তৃতা করিলেন, পরে আমি বক্তৃতা করিয়া চলিলাম। লাঠি ও চাবুকবৃষ্টি হইতে লাগিল, কিন্তু কেহই পশ্চাৎপদ হইলেন না। অজ্ঞাতে কি এক ঐশ্বরিক শক্তি কার্য্য করিতে প্রেরণা দিয়াছিল। তমলুকের কার্য্য আমাদের এখানেই শেষ হইল। সভার বলিয়া-ছিলাম, “আমাদের পাপের প্রায়শ্চিত্তস্বরূপ আমাদের ভ্রাতা ও পুত্র-স্থানীয়েরা মা-বোমেনের উপর লাঠিচালনা করিয়া শক্তির পরিচয় দিতেছে।”

আমরা তমলুক হইতে চলিয়া আসিবার পর গুলিলাম, অনেক

উচ্চপদস্থ পুলিশ কর্মচারী এমন কি এস-ডি-ও পর্যন্ত কাজে ইচ্ছা দিয়া দেশের কার্যে আত্মনিয়োগ করিয়াছেন।

এইবার আমরা মেদিনীপুরে আসিলাম। মেদিনীপুর শহর হইতে ভিতরের গ্রাম মধুবনী, পিছাবনী প্রভৃতি স্থানে গৃহে গৃহে পুলিশের অমানুষিক অত্যাচারের চিহ্ন জাজ্জল্যমান দেখিলাম। ঝাড়েখর মাঝির সপ্তমবর্ষীয় শিশুপুত্র সজল নেত্রে আসিয়া জানাইল তাহার বই ইত্যাদি পুলিশে পোড়াইয়া দিয়াছে, স্নেট ভাঙিয়া দিয়াছে। ঘরের মুড়ি-চিঁড়া প্রভৃতি খাওয়া, কড়ায় জ্বাল দেওয়া হুধ, গাছের ডাব নারিকেল সব প্রতিদিন কতক খাইয়া কতক নষ্ট করিয়া পুলিশ পলাইয়া যায়। তাহারা ঝাড়েখর মাঝির পুত্রবধূকে মাথার ঘোমটা খুলিয়া অপমানিত করিয়াছে। উঠানে গোলাভর্তি ধান ছিল, তাহাতে অগ্নিসংযোগ করিয়াছে, ধান পুড়িয়া একেবারে কালো-ঝামাতে পরিণত হইয়াছে। তাহা কতকটা সংগ্রহ করিয়া আনিলাম। পরে মহাস্বামীজীকে দেখানো হইয়াছিল। কিন্তু দুঃখের বিষয়, এই হতভাগ্য বাংলাদেশের সুনাম তবুও শোনা যায় নাই! সেবার কংগ্রেসে বোম্বাই ও মাদ্রাজের শতমুখে প্রশংসা শোনা গেল যে, তথাকার নরনারী প্রবল অত্যাচার সহ্য করিয়াছে এবং দক্ষতার সঙ্গে কাজ করিয়াছে। কিন্তু তমলুক, মেদিনীপুরের নামোল্লেখ মাত্র হয় নাই।

এবার আমাদের পুনরায় মেদিনীপুর যাইবার আহ্বান আসিল। তথাকার কংগ্রেস প্রেসিডেন্ট ময়খবাবুর বাড়ীতে আমরা আতিথ্য গ্রহণ করি। নাড়াজালের রাজবাটীতে আমাদের থাকিবার স্থান হইল।

১৪৪ ধারা সত্ত্বেও সন্ধ্যায় সভা আরম্ভ হইল। পুলিশকে লাঠি চালাইবার ও জনতা ছত্রভঙ্গ করিবার আদেশ দেওয়া ছিল। কিন্তু বক্তৃতার মধ্যে তাহারা আমাদেরই জাত-ভাই হইয়া আমাদের পাপের প্রায়শ্চিত্তস্বরূপ মা-বোনেদের উপর নিশ্চয় আচরণ করিতেছে, এইরূপ কথা শুনিয়া তাহারা লাঠি চালানোয় বিরত হয়। কিন্তু পরে কর্তৃপক্ষের চাপে নিষ্কিচরে ডাইনে ও বামে যে লাঠিচালনা করে তাহা হইতে আমরা কেহই অব্যাহতি পাই নাই।

ইহার পর আমাদের কাঁধি যাইবার জ্ঞান আমন্ত্রণ আসিল। নদীর উপর দুই পার্শ্বে গরুর গাড়ী দিয়া তাহার উপর বাস চালানো হইল—কাষণ পুলিশ পোল ভাঙিয়া দিয়াছিল। তরিতরকারী, মাছ প্রভৃতি বিক্রয়ের উপর দ্বিগুণ কর দায়ী করিয়া গরীব চাষীদিগকে ব্যতিব্যস্ত করিয়া তোলা হইতেছিল। পিটুনি কর অনাদায়ে

জিনিসপত্র নষ্ট করিয়া দিতেছিল। কাঁধির জাতীয় বিজ্ঞানরে আমাদের স্থান দেওয়া হইল। সেখানে আমাদের শত শত ভাই লবণ-আইন ভঙ্গ করিতে গিয়া অমানুষিক অত্যাচার সহ্য করিয়াছে, তাহা স্বচক্ষে দেখিলাম। ফুটন্ত লবণজল কড়া উল্টাইয়া কাহারও গায়ে ঢালিয়া দেওয়া হইয়াছে। তাহাদের সারা গায়ে কোম্বা পাড়িয়াছে, কি অসহ জ্বালা! কাহারও বৃকের উপর বৃটম্বু নৃত্য করায় তাহার বৃকের অস্থি ভাঙিয়া গিয়াছে। তাহারা নীরবে অসহ যন্ত্রণা সহ্য করিতেছে। কাহারও চশমার কাঁচ ভাঙিয়া চক্ষের তারায় লাগায় জন্মের মত চক্ষু হারাইয়াছে। কিন্তু কাহাকেও পুলিশের বিরুদ্ধে অভিযোগ করিতে শুনলাম না। অহিংসা-নীতির জয়জয়কার দেখিলাম স্বচক্ষে। এখানেও ১৪৪ ধারা সত্ত্বেও আমাদের নেতৃত্বে যে মিছিল বাহির হইল তাহাতে নির্ভীক চিত্তে আবালবৃদ্ধবনিতা যোগদান করিলেন। মিছিল নগরের রাজপথ, বাজার প্রভৃতির মধ্য দিয়া যত অগ্রসর হইতে লাগিল, ইহার আয়তন ততই বর্ধিত হইতে লাগিল। কংগ্রেস আপিসে পৌঁছিলে অত্যন্ত উত্তেজনাপূর্ণ বক্তৃতা হইল। বলা বাহুল্য, পুলিশবাহিনী ধরপাকড় করিয়া লাঠি ও চাবুক ব্যবহারপূর্বক তাহাদের কার্য ব্যথারীতিই করিয়া যাইতেছিল।

কাঁধি হইতে কয়েক মাইল দূরে এক গ্রামে পঞ্চদশবর্ষীয় একটি বালককে দুই হস্তে পাঁচ পাঁচ দশ সের পাথর চাপাইয়া কোমর ও পদযুগল শৃঙ্খলাবদ্ধ করিয়া রাখিয়াছে। তাহার অপরাধ সে কোনও দলের নেতা। তাহার নিকট হইতে সঙ্গীদের নাম জানিবার জ্ঞান এই শাস্তির ব্যবস্থা। ইহার পর মহিলা-সমিতির অনুরোধে আমরা আরও দুই দিন কাঁধিতে রহিয়া গেলাম সমিতির উন্নতি-পরি-কল্পনার উদ্দেশ্যে। পরলোকগত বিশ্বস্তর দিনদার গৃহে আতিথ্য গ্রহণ করিয়াছিলাম। যাহাদের গৃহে অতিথি হইয়াছিলাম, যে সকল স্বৈচ্ছাসেবকের 'দিদি' ডাক শুনিয়াছিলাম, যাহাদের সঙ্গে একত্রে কাজ করিয়া বন্ধুত্বপূত্রে আবদ্ধ হইয়াছিলাম, তাহারা কে কোথায় আছেন জানি না! কেহ কেহ হয়তো পরলোকে, কিন্তু প্রতিদিন সকলকে স্মরণ করি এবং শেখজীবনে সেই দিনগুলির মধুর স্মৃতি এখনও আমাকে সঞ্জীবিত করে।

পশ্চিমবঙ্গ পরিক্রমা সমাপ্ত করিয়া কলিকাতা আসিয়া অস্বাস্থ্য কার্যে বাস্তব থাকাকালে শুনিলাম ম্যাজিষ্ট্রেট পেডি সাহেবকে হত্যা করা হইয়াছে। শুনিয়া অত্যন্ত দুঃখিত হইয়াছিলাম।



জাহ্নবী যাহ্ননার উৎস সম্বন্ধে

জুহুস্ত বন্দ্যোপাধ্যায়

সকাল হতে না হতেই উঠে পড়ি—সাড়ে চারটের সময় ঘুম ভেঙে যায়। ধরম সিংকে বলাই ছিল, পাঁচটার পরই আমরা বেরিয়ে পড়ি ধর্মশালা থেকে। বীরবলয়া কালকেই রওনা হয়ে গেছে—ওরা কমলীবাবার ধর্মশালাতেই উঠেছিল। গঙ্গোত্তরীতে আবার দেখা হবে এই প্রতিশ্রুতি পেয়ে ওরা চলে গেছে, না হলে আর একটা দিন ওরা আমার অপেক্ষায় থাকত। অনেক বৃষ্টিয়ে ওদের পাঠিয়েছি। যাওয়ার পথে মনে হ'ল বিশ্বনাথকে একবার দেখে যাই।

মন্দিরের সামনে তিনটি ছোট কুটীর—মধোর কুটীরের বুক ভেদ করে একটি বিরাট ত্রিশূল উদ্ধাকাশে উঠে গেছে। এত বিরাট ত্রিশূল কেউ কখন দেখেছে বলে মনে হয় না। মানুষের জগ্রে যে এ নয়, ঐ যে স্বয়ং মহাদেবের, তাই প্রথম দর্শনে মন বিস্ময়ে স্তব্ধ হয়ে যায়। বদরিকার পথে গোপেশ্বরের মন্দিরে যে ত্রিশূল দেখেছিলাম তার সঙ্গে এই ত্রিশূলের অমিল অনেকটা; তার দণ্ডটি ছোট কিন্তু ফলাটি অতি বৃহৎ, দেখলে সম্রমে মাথা নত হয়ে আসে। গোপেশ্বরের ত্রিশূলের মালিক পরশুরাম—এ ত্রিশূলের মালিক স্বয়ং শিব, সেইজগ্রে আকৃতি ও প্রকৃতির পার্থক্যটা অতি সহজেই চোখে পড়ে। বহু প্রাচীন এ ত্রিশূল...কোন অনাদিকাল থেকে এ যেন মাটিতে প্রোথিত হয়ে আছে। উত্তরকাশীর বহুদূর থেকে এটি চোখে পড়ে আর মনে হয় শিবের রাজত্বে এসে পড়েছি। বিস্ময়ে হতবাক হয়ে অষ্টধাতুর এই মহা অস্ত্রটির স্পর্শ নিই ও প্রণাম কর। অল্পপূর্ণার মন্দির কাছেই, চিগ্নয়ী মায়ের দর্শন নিতে ভুলি না। আর একবার বিশ্বনাথের সামনে এসে দাঁড়াই।

উত্তরকাশী শেষ হয়ে গেল। তিনটে দিন মাত্র থাকা—দেখা বা জানার দিক থেকে এ আর কতটুকু! মধ্য-হিমালয়ের এ বৃহৎ জনপদের ইতিহাস এত বিরাট, এত বাাপক যে তিনটি দিনের অবস্থিতি এখানে 'তাতল সৈকতে বারিবিন্দসম'। একমাত্র বিষ্ণু-দত্তকে নিয়েই ত জীবন কেটে যাওয়ার কথা, কতটুকুই বা জানলাম তাঁকে, কতটুকুই বা অঞ্জলিভরে নিতে পারলাম? একটি মাত্র

সঙ্কার আৱতির অল্পভূতি বা বিশ্বনাথের মন্দিরে, ঐ পূজারীর মত যদি আমার গোটা জীবনটা কেটে যেত পূজার ষোড়শোপচার নৈবেদ্য দিতে দিতে, তা হলে বৃষ্টিতে পারতাম, যা হোক কিছু হ'ল, খুদকুঁড়ো যা হোক কিছু পেলাম! কিন্তু তাও ত হ'ল না; না পেলাম দেখার পূর্ণতম তৃপ্তি, না দিতে পারলাম পূর্ণতম অঞ্জলি। তাই অভিমান রইল বৃকে।

ছায়ার মত পথ জীবনের সঙ্গে যুক্ত হয়ে গেছে, তাই আমার বসার উপায় নেই...লাঠিটা চেপে ধরে ক্ষুদ্রচিত্তে তাই পথের প্রান্তে নেমে আসি...সোনার উত্তরকাশী তাই শেষ হয়ে যায়...

উত্তরকাশী শেষও হ'ল, গঙ্গোত্তরী পথের অর্ধেক পথও শেষ হয়ে গেল। ওদিকে যেমন গাংনানী এসে যাওয়ার পর যমুনোত্তরী হৃদিস মেলে, এদিকে তেমনি উত্তরকাশী। লক্ষ্যবস্ত যে আর বেশী দূরে নয়, এ জনপদ শেষ হয়ে গেলেই তা বেশ বৃষ্টি যায়। রাজি-বাস আর তিনটি স্থানে, তার পরেই ভগীরথের সাধনার মর্মস্থলে পৌঁছে যাব।

উত্তরকাশীর আড়াই মাইল দূরে অসিকে পেলাম। এদিকে শহরে ঢোকান আগে আড়াই মাইল দূর দিয়ে ত্রিবেণীতে বরণা মিশেছেন, তেমনি ঐ একই বৃত্তকে নিয়ে অসির পরিভ্রমণ। উত্তরকাশীকে মানুষ পঞ্চকোশী হিসেবে চিনেছে ঐ জ্যামিতিক বিচার দিয়ে। তাই এই গোটা শহরকে নিয়ে এই উত্তরকাশীর পঞ্চকোশী নাম।

সহজ পথ—সুন্দর পথ! অসিকে পেরিয়ে যাই, আবার মা গঙ্গার স্নেহাঞ্চল এসে পড়ে। একাই চলেছি—মনে নূতন পথের নূতন মাদকতা। ধরম সিং দূরে। চলতে চলতে দূর থেকে দেখি গৈরিকবসনাবৃত দুটি সাধু চলেছেন আমার আগে আগে। পাহাড়ী রাস্তায় দূর থেকে বৈরাগ্যের ও রংটি বড় ভাল লাগে, পথে আর কোন ব্যক্তি নেই, পাশাপাশি ওরা চলেছেন শুধু। জোরে পা চালিয়ে দি—ওঁদের সঙ্গে পরিচয়ের ইচ্ছেটি প্রবল হয়ে উঠে। দেখলাম চলতে চলতে ওঁরা একটি দোকানে ঢুকে পড়েন, বুঝলাম

এটি চায়ের দোকান। আমিও এসে যাই আর বিনা বাক্যব্যয়ে দোকানে ঢুকে পড়ি। উদ্দেশ্য আলাপ ও সেই সূত্রে কিছু তথ্য-সংগ্রহ, অবশ্য তথ্যসংগ্রহটুকু যদি যোগাযোগের খাতায় থাকে।

দুটি মূর্তিই বাঙালী...আবিষ্কারের আনন্দে পুলকিত হয়ে উঠি। চায়ের ভাঁড়ে চুমুক দিতে দিতে পরস্পরের সঙ্গে পরিচিত হই আমরা। একজন আর একজনের গুরুভাই, হু'জনেই উত্তরকাশী-বাসী। সংসার ত্যাগ করেছেন এঁরা, বৈরাগ্যকে জীবনের সারবস্তু বলে মেনে নিয়েছেন। যার জন্তে আমার ঐকান্তিক আগ্রহ সেই অপরিহার্য সাধু-প্রসঙ্গ টুকরো কথাবার্তার মধ্যে চলে আসে। বিমলানন্দ যার নাম তিনি জিজ্ঞাসা করেন, "কারুর সন্ধান পেলেন?"

উত্তরকাশীর বিষ্ণুদত্তের কথা বলি। শুনেই তিনি চমকে উঠেন; বলেন, "ঠিক মানুষকেই দেখেছেন আপনি। তাঁর দেখা পেয়ে আশীর্বাদ নিয়ে যখন আসতে পেরেছেন, তখন কোন ভাবনাই ত আপনার নেই। উত্তরকাশীর ঐ একটি সম্পদ, যার তুলনা নেই...বাদবাকী সব ভুলো, মিথো।"

একটু থেমে বিমলানন্দ বলতে থাকেন, "ঐ বিষ্ণুদত্তের সঙ্গে আর একজন মহাসাধক দিগম্বর সাধু থাকতেন উত্তরকাশীতে—গত বৎসর এলেও দেখা পেতেন তাঁর। এখন তিনি গঙ্গোত্তরীতে থাকেন। যেখানে ভগীরথ-শিলার নির্দেশ, তার অপর পারে জঙ্গলের মধ্যে তিনি থাকেন। যদি স্মৃতির সঞ্চয় থাকে, তা হলেই তার দর্শন মিলবে, নচেৎ নয়। নাম রামানন্দ—বিরাট, বিশাল পুরুষ—হাতে থাকে তাঁর দীর্ঘ যষ্টি। সন্ধান নেবেন!"

বলতে বলতে বিমলানন্দের চোখে-মুখে স্মৃতির দৃষ্টি ঘনিয়ে আসে—কিছুক্ষণের জন্যে তিনি থেমে যান—তারপর চরম বোঝা-পড়ার ভাব নিয়ে আমার দিকে স্থির দৃষ্টি মেলে আচমকা জিজ্ঞাসা করেন, "পারবেন যেতে?" কিছু না ভেবেই বলি, "কেন পারব না--!"

একটা অটল বিশ্বাসের সুরে বলতে থাকেন উত্তরকাশীবাসী বিমলানন্দ, "রামানন্দ ছাড়া আরও একজন মহাসাধু সিদ্ধপুরুষ ও অঞ্চলে থাকেন। তাঁর নাম, গঙ্গাদাস। গঙ্গোত্তরী মন্দির ছাড়িয়ে গোমুখের পথেই তিনি থাকেন। যদি ও পথে যান তা হলে সঙ্গ-লাভের চেষ্টা করবেন—জীবন ধরা হয়ে যাবে। যাত্রী-সাধারণের জন্তে গোমুখের যে পথ তার উল্টো দিকেই তিনি থাকেন। হুরাহোহ সে পথ, তিতিক্ষার চরম পরীক্ষায় উত্তীর্ণ না হলে, তাঁর দেখা পাবেন না। আমাকে তিনি চেনেন, বলবেন আমার নাম, তা হলেই হবে—।"

একটু থেমে যান বিমলানন্দ, তারপর বলেন, "খুব বড় ঘরের ছেলে তিনি, অল্প বয়সেই সংসার ছেড়েছিলেন...। এদিকে বিষ্ণু-দত্ত আর ওদিকে রামানন্দ ও গঙ্গাদাস। গঙ্গোত্তরী মার্গে এই তিন জনই উজ্জল জ্যোতিষ্কের মত ফুটে আছেন...এঁদের তুলনা হয় না।"

বিমলানন্দের মুখে এ কথাগুলো শুনে আনন্দে উৎফুল্ল হয়ে উঠি,

তবে কি সত্যিই পেলাম? তবে কি যোগাযোগের সবটুকু এসে গেল? বদরিকার মন্দির প্রাঙ্গণে যাকে দেখেছিলাম, সেই বালক-সাধু, যিনি আমাকে বলেছিলেন একটি মাত্র কথা... 'গঙ্গোত্তরী জানেনসে মিল যাবগা'—সেই তিনিই কি ঐ গঙ্গাদাস? একটা অপূর্ণ অনুভূতি মনের ভেতর দাগ কেটে যায়। গত বৎসরের তাঁর দেওয়া ঐ ইঙ্গিতটুকুর জন্তেই ত আমার এই তীর্থ পর্যটন, আমার এই মাথা খুঁড়ে মরা! সখলপুর মহারাজার একমাত্র সন্তান তিনি—ভগবান তাঁকে সব দিয়েও কিছু দেন নি, তাঁর ঘরের বন্ধন গেছে ঘুচে, মাত্র আট বৎসর বয়সেই সংসার ছেড়ে পরম পুরুষের তত্ত্বে বিলীন হয়ে আছেন। সেই বালকটিই কি ঐ গঙ্গাদাস? বদরিকায় তাঁকে যে অবস্থায় দেখেছি তা সিদ্ধির চরম অবস্থা। এও জানি, যোগের পরিপূর্ণ অবস্থায় শরীর পরিবর্তনের অধিকার আসে—তাঁকে ত যোগের চরম অবস্থাতেই দেখে এসেছিলাম! কাজেই এই গঙ্গাদাস সেই বালকের আর এক রূপান্তর নয় ত! বিমলানন্দ এ পরিবর্তন লক্ষ্য করে বলেন—'কি হ'ল আপনার?'

'কিছু না'...বলে উঠে পড়ি। ঠুঁদের প্রণাম জানিয়ে বলি—'আমার মহা উপকার করলেন। আশা করি, তাঁদের দেখা আমি পাব...' ধরম সিং কখন এসে পড়েছে জানি না। সেও এ সব কথাবার্তা শুনেছে, সেও বাদ গেল না।

এর পর বিপুল গতিবেগ এসে যায় পায়ে। একটা মহা আবিষ্কারের আশায় তীরের মত ছুটে থাকি গঙ্গোত্তরীর দিকে। তিপ্পান্ন মাইল আমি তিন দিনে শেষ করি ঐ গঙ্গাদাসের জন্তে— বদরিকার সেই মহাসাধু গঙ্গাদাস কিনা—সে আলোচনা এখন থাক। এখানে এইটুকু বলে রাখি, গঙ্গোত্তরী ছুটেছিলাম আমি উষ্ণার মত একটা চরম প্রাপ্তির নেশায়।

অসির সন্ধান পাওয়া গেল উত্তরকাশী থেকে আড়াই মাইলের মাথায়—এখান থেকে মনোরী সাত মাইল। অতি সুন্দর ও সহজ রাস্তা...যমুনোত্তরীর দিকে এ রকম পথের ঔদার্য মাথা খুঁড়লেও মিলবে না। দেওদার অথবা পাইন গাছ আর চোখে পড়ছে না। ধরম সিং জানায়, এদের নাকি সন্ধান পাওয়া যাবে হরশীলা ছাড়ানোর পর। পথে ক্লান্তি নেই ত বটেই—বরঞ্চ তৃপ্তিতে মন ভরে ওঠে। মা গঙ্গাকে সব সময়েই দেখতে দেখতে চলেছি। মনোরীতে এসে গেলাম একটার আগে। ধর্মশালায় এসে সাময়িক বিশ্রাম, কিছু খেয়ে নেওয়া—তার পর আবার চলা। এই মনোরী থেকে আঠার মাইল দূরে ডোরিতাল হ্রদ—অসি যেখান থেকে নেমে এসেছেন। শুনেছিলাম হ্রদের আশে-পাশে হু'একজন সিদ্ধ যোগী তপস্যায় মগ্ন হয়ে আছেন। বাওয়ার ইচ্ছে ছিল ষোলআনা, কিন্তু যেতে পারি নি নানা কারণে। সাধারণ যাত্রীদের এই মনোরীতে রাত কাটানোর কথা—কেননা এ সব অঞ্চলে ন' মাইল পথ চলেই ক্লান্তিতে অবসন্ন হয়ে বিশ্রাম নেয়। যমুনোত্তরীর পথে গাংনানী ছাড়ানোর পর উপায় নেই বলে মাথার ঘাম পায়ে ফেলে চৌদ্দ-পনেরো মাইল একটানা পথ হেঁটে যেতে হয়েছে।

এদিকে মা আনুসী তাঁর প্রবাহের ধামে ধামে মানুষকে স্বস্তির নিঃশ্বাস কেমনে অবকাশ দিয়েছেন, তাই ন'মাইল পথ হেঁটেই মানুষ আর চলতে চায় না। বিমলানন্দর সঙ্গে যদি দেখা না হ'ত, তা হলে আমিও মনোরীতে থেকে যেতাম। কিন্তু আমার ধামার উপায় নেই—অবিশ্রান্ত আমাকে ছুটতে হবে গঙ্গাদাসের সঙ্গে যোগাযোগ স্থাপন কববার জন্তে। এখানে একটা দিনের ক্ষতি মানে একটা বৎসরের ক্ষতি।

তাই মনোরীতে থামা হয় না আমার—এখানে নামমাত্র বিশ্রামই জোটে শুধু...

মনোরীর পর মালা, ভাটোয়ারীর আগে অখ্যাত একটি চটি। স্থানের রঙের জোলুস না থাকলেও এখানকার ঐতিহাসিক মূল্য আছে। গঙ্গা এখান থেকে বিস্তৃত এক স্থান নিয়ে বেষ্টিত আকারে পূর্ব দিকে বয়ে গেছেন। মালায় যে অংশকে নিয়ে প্রবাহের গতিপথ—তার দক্ষিণ কোণ ঘেঁসে একটি পথ সীমন্তিনীর সিঁধিয়েথার মত চলে গেছে—এ পথ হ'ল কেদারের পথ, অর্থাৎ এই পথই বিখ্যাত পাওয়ারালীর চড়াই পেরিয়ে ত্রিযুগীনারায়ণে গিয়ে মিশেছে...গঙ্গোত্তরী ফেরতা কেদারবদনী যাত্রীরা এই পথ ধরেই চলে যায়—উত্তরকাশীর দিকে তারা আর আসে না। পথটি যেন রহস্যময় হাতছানি দিয়ে পাহাড়-পর্বতে অদৃশ্য হয়ে গেছে...দূর থেকে এ পথকে দেখে আমার বদরিকেদারের জলজলে ছবিটা আবার মনে পড়ে গেল।

ভাটোয়ারী এসে যাই বিকেলের আগেই। ধর্মশালা একটি নয়, দুটি—আর দুটিতেই স্থানসঙ্কলানের যথেষ্ট সুবিধা—একটিকে বেছে নিই। একটি নিভৃত বারান্দা আবিস্কৃত হয়, যেখানে যাত্রীদের হৈ চৈ নেই। দোতলার ওপর বারান্দা—সামনেই কুড়ি-বাইশ হাত দূরে গঙ্গা, চত্বরের ওপর একটি অখণ্ড গাছের মনোরম লতাপাতার সমারোহ—ধরম সিং এখানেই বিছানাটাকে ছড়িয়ে দেয়। অবহেলিত ধর্মশালার এ বারান্দার নিভৃতিটুকু যেন আমার জন্তই তৈরি হয়েছিল...ঘরের সুর্যোগ সুবিধা এর কাছে নগণ্য হয়ে ওঠে। এখানে শুয়ে শুয়েই প্রবাহিনীকে সমস্ত রাত ধরে দেখা যাবে।

আজ যোল মাইল পথ হেঁটেছি—কি করে যে হেঁটে এলাম তা আমি নিজেই জানি না। বিস্তীর্ণ এক ভূভাগ অতিক্রম করা গেল—মনে হয়েছে এক রাজ্য পেরিয়ে আর এক রাজ্যে ছুটে এলাম। যাত্রিক জীবনে অন্ততঃ এ অঞ্চলে এই যোল মাইলের হিসাবই দীর্ঘতম—এত পথ বে হাঁটতে হয় জানতাম না। উত্তরকাশীর পথপ্রান্তে বিমলানন্দ কি বে কলকাঠি নেড়ে দিলেন বুঝি না, যার ফলে কেমন যেন রূপান্তরিত হয়ে গেলাম আমি, এই দীর্ঘ পথের হিসেব তাই হিসেব বহু মনে হয় না : মনে হয় এখানে না থেমে আরো এগিয়ে গেলে ভাল হ'ত।

চূপ কবে পড়ে থাকি, আর একমাত্র সখল জপের মন্ত্রটিকে

মনের ভেতর আঁকড়ে ধরি। ধরম সিকে বলে দিয়েছি যত তাড়াতাড়ি পারে সে যেন বারান্দাগুলো সেরে নেয়, আজকে কোথাও আমার বাওয়ার নেই।...কাজের ভেতর শুধু বারান্দাটুকুকে আশ্রয় করে অনড় অচল হয়ে পড়ে থাকা আর গঙ্গার কলপান শোনা! আজকে মা গঙ্গাকে যত কাছে পেয়েছি, অস্ত্র কোনদিন তা পাই নি।

কেমন যেন শীত শীত ভাব—সামনের অখণ্ডগাছটার স্তূপীকৃত ডালপালা নড়ছে...ওদিকে ভাগীরথীর বালুচরের আহ্বান...চূপচাপ পড়ে থাকি!

চোখের সামনে আর একটি ধারাকে পরিষ্কার দেখা যাচ্ছে, সেটি গঙ্গার সঙ্গে এসে মিশেছে। ধারাটি বৃহৎ ও বেগবতী, আর তারই পাশ দিয়ে সরু একফালি রাস্তা গঙ্গার অপূর্ণ তীরে বিরাট বিরাট পাহাড়গুলোতে অদৃশ্য হয়ে গেছে। ধরম সিং বলে দেয় ঐ একফালি রাস্তাটাই সগরুর রাস্তা, আর ঐ ধারাটি সগরু থেকে নেমে এসেছে। যে পথটিকে এখান থেকে দেখা যাচ্ছে তার পরিচয় সামান্য, বিদঘুটে পাহাড়গুলোর অর্ধেক অবয়বের ভেতরেই সে পরিচয় গেছে হারিয়ে—সগরুতে পৌঁছতে গেলে বনজঙ্গল ভেঙ্গে পাহাড়ের পর পাহাড় ডিঙাতে হয়। উপরে তুমারভূমি ও গোটা তীরের ঐতিহ্য জনমানবহীনতার অস্বহীন নৈশঙ্ক্যের ভেতর গড়ে উঠেছে। ধরম সিং অনেককণ ধরে সগরুর গল্প করে, কেননা ও তীরের সাক্ষী সে নিজেই। নানা কথাবার্তার ভেতর দিয়ে ধরম সিং সেই ইচ্ছারই পুনরাবৃত্তি করে—উত্তরকাশী ফিরে তার গ্রামের সেই সাধুটিকে সঙ্গে করে আমি যেন একবার সগরু যাই—বাহক হিসেবে সেও বাদ যাবে না।

কিন্তু...এই কিছুটাই বড় হয়ে রয়ে গেছে। আমার বাওয়া হয় নি...। সন্ধ্যা সাড়ে সাতটা বাজতে না বাজতেই ভাটোয়ারীর ধর্মশালা নিখর হয়ে আসে, যাত্রীকোলাহল থেমে যায়, নেমে আসে পাহাড়ী তমিলা, যা হাত বাড়ালে ছোঁয়া যায়। ধর্মশালায় কোনরকমে পৌঁছে ডাল ও কুটি পাকিয়ে নেওয়া, তারপর এক লোটা জল গলাধঃকরণ করা...খানিককণ বাসন মাজার ঘষ ঘষ আওয়াজ, তারপর একছুটে কবলের তলায় আশ্রয় নেওয়া। শুয়ে শুয়ে কিছুকণ সুখঃখের কথাবার্তার মোঁতাত, আগামীকালের অনাগত চড়াই-উৎরাইয়ের জরনা-করনা, তারপরই কবলের ভেতর নাসিকা-গর্জন...উনত্রিশটা দিন ত এই দেখতে দেখতেই কেটে গেল! মানুষের এ ভগ্নাংশকে এখানে চেনাও যায় না, বোঝাও যায় না—এ যেন অপাংক্কেয় এক গোষ্ঠীসমাজের ছেঁড়া পাতা দমকা হাওয়ার উড়তে উড়তে চলেছে। যাদের দেখতে দেখতে বড় হয়েছি—এরা যেন তাদের সগোত্র নয়। যন্ত্রের অনিবার্য পাকের মত ন'দশ মাইলের একটা পাক—তারপর সে গ্রন্থির ভেতর একটু আলগা-ভাবের সমন্বয়—তারপরেই প্রবহমান ধারার পাকের ভেতর আবার জড়িয়ে পড়া—না আছে বৈচিত্র্য, না আছে জীবনের উত্তাপ! মানুষ এখানেও সবকিছু বাঁচিয়ে চলেছে, একটা কণাও তার মুষ্টি

থেকে খসে পড়ছে না। খেঁটুকু আধ্যাত্মিক সন্ধন, তার মেয়াদও বা কতটুকু? শুধু স্থানবিশেষে মৌলভে একটু বা শিহরণ, একটু অসীমকে বোধের তখনই বা প্রয়াস। তারপর আবার সেই পথ, আর সেই কেসে আসা সংসারের মায়া ও গ্রামিন স্তূপে আবদ্ধ হয়ে যাওয়া। এই দেখতে দেখতে চলেছি আজ উনত্রিশটা দিন ও রাত। রাত আটটাও বাজল, ভাটোয়ারীর ধর্মশালাও নিস্তরু হয়ে এল। কেবল হল হল করে জাহ্নবীর জল, সামনেই অখণ্ডবৃক্ষের সুনিবিড় স্তরুতা—ওপারের বালুচরের বুক চিরে আদিম পাহাড়গুলোর অতঙ্গ প্রহর গোমা...আমি শুধু জেগে থাকি।

সকাল হয়ে যায়—পথের প্রান্তে আবার নেমে আসি। এবার গাংনানী, একটানা ন' মাইলের মাথায় ও স্থানটির সন্ধান পাওয়া বাবে, তার আগে মাথা খুঁড়লেও জায়গা মিলবে না। এবার সুর হ'ল বন্ধ ও অসমান পথ। উত্তরকানী থেকে ভাটোয়ারী পর্যন্ত যে ভাবে চলে এসেছি, এখান থেকে তার বিস্তৃতি, আর এ কতকটা চলল গঙ্গোত্তরীর মন্দির পর্যন্ত। আমরা যে আর একটি মহাতীর্থের সান্নিধ্যে এসে যাচ্ছি—পথের এ রূপ পরিবর্তনই তার ইঙ্গিত।

পতিতপাবনী মা গঙ্গা আবার বাদিকে এলেন—ডানদিকের গতিপথের হ'ল পরিবর্তন। তপস্বিনী মাকে ভাটোয়ারী পর্যন্ত যে ভাবে দেখেছি, তার মধ্যে ক্ষমাই ছিল বেশী, অর্থাৎ প্রবাহের না ছিল বেগ, না ছিল তার উচ্ছ্বাসের আবুলতা। হ'এক মাইল আমার পর দেখা গেল সেই ক্ষমার ভেতর কেমন যেন রুদ্ধ আক্রোশ ফুটে উঠছে, প্রবাহের বেগ যাচ্ছে বেড়ে। বড় বড় পাথরের স্তূপ গঙ্গার বৃকের উপর দিয়ে গড়িয়ে যেতে দেখছি—মনে হচ্ছে মা যেন হঠাৎ চণ্ডিকা হয়ে উঠেছেন অকারণে। এই মূর্তির চরম প্রকাশ ক্রমশঃ ক্রমশঃ দেখেছি যত মূল ধারার সন্ধান পথ চলেছি, যাত্রায় লক্ষ্য যত নিকটবর্তী হয়ে এসেছে। গৈরিক বড়ের ভেতর দিয়ে বৈরাগ্যের যে চিরন্তন আস্থান তার বোল আনা বজায় থাকলেও মা জাহ্নবীর বৃকের ভেতর কে যেন ডমরু বাজিয়ে দিয়েছে, তাই এ প্রবাহের দুকূল ছাপানো ভয়ঙ্করী মূর্তি!

ধানের ভেতর দিয়েই পথ চলা যেন : এ ধানের মূলে জপের যে যোগসূত্র তা জোর করে আনা নয়, এ পথের ভেতর এমন দৈবভাব যে সবকিছুই নিঃশব্দে মনের ভেতর বাসা বেঁধে ফেলে। নিস্তরু পথ—বিজন পাহাড়পর্বত—মনে হচ্ছে এ অঞ্চলের এই পথের প্রান্তে যুগযুগান্তের আমিই একমাত্র সাক্ষী হয়ে চলেছি, বিশ্ব আর কেউ নেই—আমিই একা। সৃষ্টির মহনভূত চিরন্তন আমি এক তীর্থপথযাত্রী, আর কেউ কোনকালে আসে নি এ পথে।

পথের সম্পদ আর নির্জনতার অর্থ খুঁজতে খুঁজতে হ'মাইল পেরিয়ে যায়, এই পথটুকু মোহাবিষ্টের মত চলা, কেমন করে যে এই দীর্ঘ পথ নিঃশেষ হয়ে আসে বুঝি না। বমুনোত্তরী মার্গে এইরকম ভাবে চলেছিলাম, বমুনোত্তরীর পর এ অঞ্চলে এই আচ্ছন্ন ভাবটি সুরু হ'ল ভাটোয়ারীর পর থেকে আর এই ভাবটি সার্থক

রূপ মের গঙ্গোত্তরী মন্দিরের আরহাওয়ার পরিবেশে ও সেই সার্থকতার চরম অম্বা নেমে আসে গোমুখের পশ্চিমে। আমরা যে আর একটি সব চাওয়ার মণিকণিকার কাছাকাছি এসে গেছি—এই আচ্ছন্ন ভাবটিই তার প্রমাণ।

গাংনানীর আগে দুটি ধারা পেরিয়ে যাই, কোনখান থেকে কি ভাবে নেমে এসেছে, আর কি ওদের নাম জানি না। শুধু বুঝি ওদের শক্তিরূপিনীর মধ্যে আচ্ছন্নবিসর্জনের ভাব, এ অঞ্চলে সব ধারাই ত গঙ্গাতে মিশেছে! এক মাইল পথ আরো পেরিয়ে যায়—চোখের সামনে ভেসে ওঠে গাংনানীর ঝোলা তারের পুল, দূর থেকে সে দৃশ্যটি নয়নাভিরাম। নীচে গঙ্গার উদ্গাদিনী ভাব—তার ওপর এই পুল—এক পা এক পা করে সকলকে এগিয়ে যেতে হয়। শব্দা আগে এই ভেবে যে, সামান্য একটু ভুলের জন্তে জীবনের একটা 'এদিক-ওদিক' না হয়। সাবধানতার সঙ্গে পুল পেরিয়ে, যাই—এসে যাই গাংনানীতে। জনপদের আগেই বিখ্যাত ঋষিকুণ্ড, গরম জলের নর্জন চলেছে একটি গহ্বরকে কেন্দ্র করে। এখানে খোলাখুলি নামিয়ে গ্নান সেবে নি। হিমবাহ থেকে নেমে আসা গঙ্গার হিমশীতল প্রবাহের পাশেই এই তপ্তকুণ্ডের আবির্ভাব। মনে হ'ল পথলক্ষ্য মুম্বু প্রায় যাত্রীদের সাময়িক তৃপ্তিদানের জন্তেই ভগবান এ বিশ্বয়কর বস্তুটি এখানে সৃষ্টি করে রেখেছেন।

বমুনোত্তরীর পথেও গাংনানী, আবার এদিকেও সেই নামের আর একটি জনপদ। এও ন'মাইলের মাথায়, তাই বিশ্রাম আর যাত্রীরাপনের সমুদয় বন্দোবস্ত আছে এখানে। ধর্মশালা আছে, দোকানপাটও কম নয়, লোকের বাসও প্রচুর। একটি চায়ের দোকানের সামনে খানিক বিশ্রামের অবসর জ্বোটে আমার আর ধরম সিঙের—তারপর আবার এগিয়ে যাই। শক্তি ও সামর্থ্যের বস্তুটুকু সঞ্চয় তার সবকিছু ব্যয় করে চলতে হবে, কেননা যে বেগ রয়েছে মনের ভেতর তার সমাপ্তি হবে গঙ্গোত্তরীতে, এখানে থামা মানেই অমূল্য একটি দিনকে ক্ষয় করে ফেলা। বামানন্দ ও গঙ্গাদাস আমাদের টানছেন—আমার যে থামার উপায় নেই! চার মাইলের মাথায় লোহারীবাগ—মধ্য-হিমালয়ের তথাকথিত নগণ্য ও অনামী চটবিশেষ, না আছে উচ্ছ্বাস, না আছে গাভীর্ষ : হ-চ-ব-খানা ঘরবাড়ী, হ'একটি দোকান আর কতকগুলো মাকাতার আমলের পাহাড়। তবে নামটি বেশ—লোহারীবাগ। চলার পথেই স্থানটি পেরিয়ে যায়।

এবার সুরী—টানা পাঁচ মাইল। পথ সুন্দর, মধ্যে মধ্যে দেওদার বন সুরু হয়েছে, তের মাইল পার হয়ে এলাম, ক্লাস্তি থাকলেও পথের ঐন্দ্রজালিক মাদকতা সব মুছে নিচ্ছে, বুঝতেই পারছি না যে এতদূর হেঁটে এলাম। ধরম সিঙেরও ক্লাস্তি নেই, লেও চলেছে সমানে : মুখে সেই সয়ল হাসি। সুরু পথের দু'পাশে শুধু পাহাড় আর পাহাড়—চড়াইও নেই বা উৎসাহের পরিচর নেই। মা জাহ্নবী সমানে চলেছেন পাশে পাশে যাত্রাজেখরীর মত, দক্ষিণ-হস্তের উদার আশীর্বাদ আমরা পেতে পেতে যাচ্ছি।

বেশ আসছিলাম, কিন্তু সূর্য্যের কাছাকাছি এসে বোকার মত দাঁড়িয়ে গেলুম। চলে এসেছি সোজা পথে, মনে করেছিলাম এই ভাবেই চলব, কিন্তু হ'ল না...সামনেই একটি বৃহৎ পাহাড়, এটি টপকাত্তে হবে, না হলে সূর্য্যী পৌঁছানো যাবে না। পাহাড়ের তলাতেই একটি চায়ের দোকান, যার পাশ দিয়ে দুটি পথ ওপরে উঠে গেছে—একটি পাকদণ্ডী আর একটি পাহাড়ী চড়াইয়ের পথ। চায়ের দোকানদার বুঝিয়ে দেয় পাকদণ্ডীর পথে নেমে এলে সুবিধে হবে, যাওয়ার সময় তথাকথিত পাহাড়ী চড়াইয়ের পথটি ধরাই বুদ্ধিমানের কাজ। তথাকথিত আধঘণ্টার ওপর দোকানটিতে বসে বসে চা খাই আর বিশ্রাম করি। তার পর সামনের ঐ পাহাড়টিতে হারিয়ে যাই! শোনা গেল তিন মাইলের এই চড়াই।

এ চড়াইটাও বড় কম নয়—অনেক সময়ে নিঃশ্বাস-প্রশ্বাসকে সহজ ও সরল করে নেওয়ার জগ্গে পাহাড়ী দেওদারের গায়ে পিঠ দিয়ে বসে পড়তে হয়, এবড়োখেবড়ো পথ। কর্কশ পাহাড়গুলোর বুকে দেওদার ছাড়াও বড় বড় গাছ দেখতে পাই, এগুলো বুনো আখরোটের গাছ। বর্ণার আভাসমাত্র নেই, সারা পথটুকুতেই নিদারুণ জলকষ্ট। দু' ঘণ্টার ওপর লাগে এই তিন মাইল পথ পার হতে। পাহাড়টার ওপরেই সূর্য্যী গ্রাম—ধর্মশালা আর বাড়ী ঘরদোর।

এখানেই আজ থাকার কথা, জানতামও তাই, কিন্তু হ'ল না। হাঁপাতে হাঁপাতে এসে যখন পৌঁছলাম তখন দেখা গেল এক-মেবাদ্বিতীয়ম এই ধর্মশালাটি সমাগত যাত্রীদের স্থানসঙ্কলনের পক্ষে নিতান্তই অপরিষব। ছোট ছোট মাত্র চারখানি ঘর—একফালি বারান্দা, লোক গিজগিজ করছে। চেষ্টাচরিত্র করলে থাকলেও থাকা যায়, তবে সে বাসনা পরিত্যাগ করলাম এই ভেবে যে আজকের বিশ্রামটুকু পুরোপুরি হওয়া চাই, অল্পথায় সতের মাইলের পথ হাঁটাটা বিরাট বোঝার মত চেপে শরীরের সামর্থ্যকে নিঃশেষিত করে ফেলবে। খবর সংগ্রহ করল ধরম সিং যে দু' মাইলের মাথায় ঝালা, ওখানে ভিড় নেই, আরামে থাকা যাবে। সেই ভাল—ছুরিতপদে নেমে এলাম এখানে। গঙ্গা-বিরোধিত ঝালা, অদ্ভুত নিভৃত নির্জনতা, একটি নগণ্য জনপদ, আশ্রয় মিলল এখানে।

সকাল থেকে হাঁটা শুরু করে বিকেল নাগাদ ঝালায় প্রবেশ। গাংনানীতে যাত্রা থাকার কথা, থাকি নি—মনের বেগই বড় হয়ে গেছে। যা ভাবা যায় না, তাই হয়ে গেল। কোথা থেকে যে শক্তি এল, কে শক্তি ষোগাল, তার চুলচেবা হিসেব এখানে বৃথা। বৃথলাম, বেগই বড় আর সে বেগের ভেতর যদি ষোগাষোগের ইঞ্জিত থাকে। অল্পভূতির ভেতর এই সত্যিটাই থেকে বাচ্ছে যে গঙ্গোত্তরীর রহস্যময় অঞ্চল থেকে কে যেন জাল ফেলে দিয়েছে, আমি তাতে অসহায়ের মত আটকা পড়েছি। কাছিতে পড়েছে টান—তাই এই বেগ, তাই এ ছোটা!

ঝালায় ধর্মশালায় একজনের সঙ্গে আলাপ হয়, ইনি একজন ডাক্তার। মন্দির খোলার আগে এসেছেন আর থাকবেন বতদিন

না তার ষার কক্ষ হয়ে যাত্রীদের-পুণ্য অর্জনে তাঁটা পড়ে। সামনেই প্রাকৃতিক এক বিরাট বাধা, এই বাধা অতিক্রমের চেষ্টায় যাত্রীদের বিপদ আছে, ভয় আছে—তাই এখানে এই ডাক্তারটির অবস্থিতি। হাত-পা ভেঙে বা মাথা কেটে যাতে একটা বিরাট না বাধে তার জগ্গেই সরকার একে এখানে মোতায়ন রেখেছেন। বেশ মানুষটি, বয়সে তরুণ—আলাপ হয়।

বাধার মত বাধা। গঙ্গার বিস্তীর্ণ বালুশষা ধু ধু করছে, মূল ধারাকে দেখা যায় না, শুধু বালি আর বালি। ঝালা ধর্মশালায় পেছনদিককার স্তূপীকৃত পাহাড়গুলো থেকে নেমে এসেছে একটি বৃহৎ ধারা, কি নাম কে জানে। নদী আখ্যা তাকে না দেওয়া গেলেও ধারাটি প্রচণ্ড বেগবতী আর তার বৈশিষ্ট্যও বড় কম নয়। চোখের সামনেই যে বিস্তীর্ণ বালুশষা তাতে ঐ ধারাটি মিশেছে বিরাট বাধার সৃষ্টি করে, তাকে অতিক্রম করে ওপারে গিয়ে ওঠাটা যাত্রীর কাছে মরণ-বাচনের প্রশ্ন। ধারাটি আবার স্থানবিশেষে একটি প্রবাহ নিয়ে গঙ্গায় মেশে নি—বহুধাবিভক্ত হয়েই তার মিশে যাওয়া। কি প্রচণ্ড বেগ এই প্রবাহসমূহের। গভীরতা বেশী নেই, হেঁটেই পার হতে হয়—পুল তৈরির কথা কল্পনাও করা যায় না এখানে।

ঝালায় রাত কাটল, সকাল হ'ল আর যাত্রাও শুরু হ'ল আবার। গোটা বিকেল আর সন্ধ্যার আগে পর্যন্ত ধর্মশালায় বসে বসে ভেবেছি কালকের এই পার হওয়ার ব্যাপারটি ভালোয় ভালোয় কেটে গেলে হয়। ডাক্তারটির কাছে শুনলাম আগের দিনে একটি বৃদ্ধা ভেসে গিয়েছেন খরস্রোতের আবর্তে পড়ে, তাঁর দেহ কোথায় যে চলে গেছে কেউ জানে না। সকালের দিকে কাঠ পেতে যাতায়াতের বিপদকে কমানোর চেষ্টা করলেও বিকেলে তা কোথায় যে হারিয়ে যায় তা বোঝার উপায় নেই। গঙ্গার জোয়ার তাঁটার সঙ্গে এই প্রবাহের বেগের হ্রাসবৃদ্ধির সম্পর্ক আছে, তাই মানুষের চেষ্টা বৃথা।

আর বৃথা বলেই ভগবানকে স্মরণ করে আমি আর ধরম সিং এই বালুচরের ওপর ঝাঁপিয়ে পড়ি। বেরুতে বেলা হয়ে গেছে আমাদের, সূর্য্যদেব আকাশের ওপর অনেকটা উঠে পড়েছেন যেন। জুতো খুলে নি, এটি এখান থেকেই পরিত্যাজ্য।

ঠিক এ ধরণের পরীক্ষা গঙ্গোত্তরী পথে অল্প কোথাও নেই—চড়াই-উৎরাই বা পাহাড়ের ভ্রুকুটি, এ সবেই অর্থ বৃথতে পারা যায়—মানুষ একরকম তাদের মেনে নিতেও পেরেছে কিন্তু এবারে যে বাধাটির সম্মুখীন হওয়া গেল তার দস্ত এত বেশী যে, ভয় হয় ওপারে আস্ত শরীরটা নিয়ে ওঠা যাবে কিনা। এপার থেকেই দেখা গেল যে সব যাত্রী ইতিমধ্যেই এই কয়েকটি ধারা পেরিয়ে ওপারে গিয়ে উঠেছে, তারা আনন্দের বা বিপদ কেটে যাওয়ার উচ্ছাসকে কাটাত্তে পারে নি—দেখলাম দিব্যি বালির ওপর হাঁড়ি-কুড়ি বসিয়ে বাগ্নাবাগ্না চাপিয়ে দিয়েছে তারা।

কি অসম্ভব কনকনে ঠাণ্ডা জল—পা দিতেই মনে হ'ল পা



হরশিলার পথে

হুটোকে কে যেন কেটে নিল। হাঁটুর ওপর জলের উর্ধ্বগতি, কিন্তু তা হলে কি হয়, হুর্কার গতিতে সে বয়ে চলেছে...পা হুটোকে ঠিক রাখা মুশকিল। জলের প্রচণ্ড গতির মধ্যে বড় বড় পাথর, নূনতম এই বাধাতেই জলের সে কি উচ্ছাস! কোনরকমে পেরিয়ে যাই শরীরের সমস্ত শক্তিকে সংহত করে—ভগবানের দয়ায় বেঁচে যাই, বিপদ ঘটে না। এক একটি ধারা আর ধানিকটা বালির 'বেড়',

তারপর আর একটি ধারা ও বালির প্রাস্তর। শেষ ধারাটি উত্তীর্ণ হওয়ার সময় আচমকা একটা হৈ হৈ গুঠে, দাঁড়িয়ে যাই। দেখি হুঁহু গুঁগু করে একটা বিঘাট পাথরের স্তূপ জলের স্রোতের ভেতর আছাড় খেতে খেতে বেবিয়ে গেল। কোথা থেকে পাহাড় ধসেছে কে জানে—চোখের সামনে দিয়ে সেটা নীচুর দিকে চলে গেল। ওপায়ে গিয়ে বখন উঠি—তখন মনে হ'ল পা হুটোর আর

অস্থির নেই, সম্পূর্ণ অবল হয়ে গেছে। উবল গরম মোজা আর জুতোয় ভেঁতের পু চুকিয়েও অনেকক্ষণ ওদের সাড় কেয়ে না যেন।

বিশদের শেষে সেই পরম সান্ত্বনা... অর্থাৎ চায়ের দোকান একটি—পরপর ছ' কাপ চা খেয়ে যাবে হাতছাই। খরম সিং এসে বায় মাধার ঘোঁট নিয়ে—এই বোকা নিয়ে সে কি করে এল সে-ই জানে।

বিস্তীর্ণ এই বালুচরের এক প্রবেশিকা, এরই পর একটি রাস্তা পাহাড়ের বৃক্কের ওপর উঠে গেছে—এটি পেরিয়ে গেলেই হরশিলা।

স্থান হিসেবে হরশিলায় মাহাত্ম্য আছে—গ্রামে প্রবেশের সঙ্গে সঙ্গেই এ মাহাত্ম্যটুকু মনের ভেতর ধরা পড়ে। এদিকে-ওদিকে ধরবাড়ী, লোকজন আর এখানকার লক্ষ্মীনারায়ণের প্রাচীন মন্দির। নারায়ণই হরি—তাই হরশিলা। গ্রামের ভেতর স্থানীয় লোকজন ছাড়াও তিব্বতীদের ছোটবড় দল চোখে পড়ে। এরা ব্যবসায়ী—কক্কল আর পশুর লোম নিয়ে এসেছে নেলাং পাশ হয়ে এদিকে। যাত্রীদের কাছে কিছু কিছু মালপত্র বিক্রী করে তার থেকে যা পায় তাই এদের খেটে। চমতে চলতে দেখি আর এদের অপরিচ্ছন্নতা দেখে শিউরে উঠি। ঐ ত পথ আর পথের এদিকে-ওদিকে যা কিছু ঘরবাড়ী; কিন্তু সবকিছুই আকীর্ণ হয়ে গেছে এদের নিকিণ্ড আবর্জনার। এত সুন্দর গ্রাম অথচ মালিজে ভরা। বাবাববের পর্যায়ভুক্ত এরা—আজ এখানে কাল ওখানে, তাই স্থানীয় অধিবাসীদের একমাত্র সান্ত্বনা যে এরা একদিন চলে যাবে, এদের পায়ের বোটকা গরু স্থায়ী নয়। তবে যাত্রীদের যাতায়াত বতদিন চমতে থাকে, ততদিন নাকি এরা এগান থেকে নড়তে চায় না।

ছ'মাইল—তারপর ধরালী। অপূর্ণ স্থান—বিস্তীর্ণ সেই গঙ্গার বালুচরের রহস্যময় হাতছানি—তার ওপায়েই কমলীবাবার ধর্মশালা। তার সামনেই গঙ্গার প্রবাহ—অপর পাবে মুখবা গ্রাম... গঙ্গোত্তরী মন্দিরের পাণ্ডারের গ্রাম এটি। মন্দিরের সবকিছু এখন ভুবারে ঢেকে যায় তখন এই মুখবা গ্রামে মন্দিরের বাবতীয় জিনিষপত্রের ঠাই হয়। ধর্মশালাটি বড় ভাল লাগে—এ রকমটি, ঠিক এই রহস্যময় বালুচরের ভেতর অল্প কোথাও পাই নি। এখানেই মধ্যাহ্নের আহার সমাপন—একটু উপরে দুটি ছোট ছোট শিব-মন্দির, দর্শন করতে ভুলি না।

গঙ্গার যে বাসিয়াড়ী ঝালা থেকে শুরু—শেষ হয়েছে ধরালীতে। মূল ধারা ছাড়া আরও অগণিত ধারা এসে মিশেছে গঙ্গার...তিনিই আদি, তাই কালক সম্পূর্ণ প্রবাহিণীর রূপ এখানে নেই...ছোট বড় সকলকেই তিনি আশ্রয় দিয়েছেন। ধরালীর পর থেকে গঙ্গা কেন্দ্রীভূত হয়ে এসেছেন—বালুচরের এই উদার আহ্বান আর মেই। এরপর থেকে জাহ্নবীর যে রূপ তাকেই মার প্রকৃত রূপ বলা চলে। গঙ্গোত্তরীর আর দেবী নেই, গৌমুখও অদূরবর্তী! ধরালী থেকে গঙ্গোত্তরী আর সেখান থেকে গোমুখ—এই কয়েক মাইলের ব্যবধানের মধ্যে ভপশ্বিনী মা বলে এসেছেন সম্পূর্ণতার সজ্জা নিয়ে। না এই ধরালীর পর মহীরসীর রূপ নিয়ে উপর থেকে নেমে এসেছেন। আজকই গঙ্গোত্তরী পৌঁছন—আজকই আর একটি মহাতীর্থে

আজকে জীবন সার্থক করা। যমুনোত্তরী শেষ হয়ে গেছে—গঙ্গোত্তরীও সমাপ্তির পথে। ধরালীর পর জঙ্গলা তারপর ভৈরবঘাটের বিখ্যাত চড়াই—তার পর ছ' মাইলের পথ, তার পরেই ভাগীরথের গঙ্গোত্তরী—পুরাকালের আর একটি গৌরবোজ্জ্বল অধ্যায়ের উদ্ঘাটন। স্বপ্নের ভেতর ছিল যমুনোত্তরী গঙ্গোত্তরী, একটিকে দেখে জীবনের সাধ ও আকাঙ্ক্ষার অঞ্জলি গেছে ভরে—আর একটিও এল...আর দেবী নেই। কাসর-ঘণ্টার আওয়াজ শুনে পাচ্ছি কানে...মায়ের আরাতি দেখার আর দেবী নেই...।

ধরালীও ছাড়াল আর দেওদারও শুরু হ'ল...ঘন ঘাসে ছাওয়া, পথের উপর পাতার ছায়া পড়েছে...মধ্যাহ্নের আলোতেও কেমন যেন আলো-আধারির সংমিশ্রণ। এই দেওদারের নিববচ্ছিন্ন সমারোহ গঙ্গোত্তরী পথের এক ইতিহাস...এ পথ দিয়ে যারা হেঁটে যাবেন তাঁদের উপলব্ধিতে এই সত্যটাই ধরা পড়বে যে এই দেওদার-শ্রেণীরও আধ্যাত্মিক সঞ্চয়ের দান বড় কম নয়...মনে হয় মুক এরা নয় কোনকালেই, পুণ্যকামী যাত্রীদের এরা পাতার আশ্রয় দিয়ে নিশ্চল আশীর্বাদে ছায়া দিয়ে চলেছে। গাছেরও যে ভাষা আছে, তার বিশেষণ আছে, বাঞ্জনা আছে তা বোঝা যায় এই ধরালীর পর। যমুনোত্তরী পথে পাইনের সমারোহ—এখানে দেওদার, আর এ চলল গোমুখের আগে ভুজবাসা পর্যন্ত। তিন মাইলের মাঝায় জঙ্গলায় এসে গেলাম ছায়ামুখ পথ দিয়ে, নেলায় বিভোর হয়ে। এ পথটুকু ভোলাবার নয়, এর স্মৃতি অবিস্মরণীয় ও অমর। পাখী ডাকছে দেওদারের মাথায়—নির্জনতার মধ্যে ওরাই যা বাস্তবের রূপ, এ ছাড়া পৃথিবী শুরু হয়ে গেছে। পায়ের তলায় নরম পাতার আশ্রয়—সোণা পথটুকু—কতকটা আচ্ছন্ন অবস্থায় এসে গেলাম জঙ্গলায়...গঙ্গোত্তরী পথের এক অনামী চটি এটি। সামনেই গঙ্গার অনন্ত প্রবাহ ভয়ঙ্করী মূর্তিতে অসংখ্য পাথরের গায়ে উচ্ছাস জাগিয়ে ধরাতলে ছুটে চলেছেন। প্রবাহের সামনেই ছোট্ট একটি দোকান আর এই দোকান মানেই চটি। এখানে দেওদারের ছায়ায় বলে চা খাওয়ার যে তৃপ্তি তা ভুলব না কোনদিন।

ভৈরবঘাট এখানেও—যমুনোত্তরীর আগে ভৈরবঘাটের চড়াই এগনও মনে আছে। সে চড়াইটা ভয়ঙ্কর—এ চড়াইটার কথা ঝালময় পর হরদম শুনে আসছি। প্রকৃতপক্ষে জঙ্গলায় ভাগীরথী অতিক্রমণের পর ভৈরবঘাটের চড়াই শুরু হয়ে গেল। মাত্র ছ' মাইল চড়াইয়ের সামান্য ইতিবিশেষ—অর্থাৎ, এই ছ'মাইলই মানুষকে সান্ত্বনায় আভাস দেয়—এর পর যে চড়াই তাতে সান্ত্বনার লেশমাত্র নেই।

চলার পথে জাঠ গঙ্গা এসে মিশেছেন জাহ্নবীতে। নেলাং পাশের দূরদূরান্তে জাঠ গঙ্গার জন্ম তিব্বতের হিমবাহ থেকে, তার সঙ্গম এই ভাগীরথীতে—এখানে দুটি ধারার সংঘাতের উন্মত্ততার যে ভয়ঙ্কর রূপ তা ভুলবার নয়। লড়াই বেধেছে যেন। এই সংঘর্ষে যে প্রচণ্ড ধ্বংস উৎপত্তি—পাহাড়ের বৃক্ক, বৃক্ক, তার প্রতিধ্বনির এক মারাত্মক পরিচ্ছিন্নি বৃষ্টি ঘায়। এই সঙ্গমের উপর একটি ছোকার পুল সেটি পেরুলেই ভৈরবঘাটের দণ্ডবৎ চড়াই-এর শুরু।

পুলটি পেরিয়ে যেতে যেতে উর্দ্ধাকাশে চোখে পড়ল একটা পাহাড়ের শীর্ষদেশ থেকে দুটি বৃহদাকার স্ক্রিম পুলের জগাংল জাঠ



চলার পথে জাঠ গঙ্গা এসে মিশেছেন জাহ্নবীতে

গঙ্গার অপর পাড়ে আর একটি পাহাড়ের চূড়ায় ঝোলা অবস্থায় শুলে দোহলামান...শোনা গেল বহু বৎসর আগে ঐ পুলের উপর দিয়েই যাত্রীসাধারণের যাতায়াতের পথ ছিল। জঙ্গলার পাশ দিয়ে সরু একটি পাকদণ্ডী পথ পাহাড়ের উপর উঠে যেতে দেখেছি; ঐ পথই ছিল আগেকার পথ...এখন সে পথও নেই, সে পুলও নেই, কেবল-

মাত্র ইতিহাসের অমোঘ স্বাক্ষরের মত ও দুটি দড়া শুলে ঝুলে আছে। আজকের পথের বহু উর্দ্ধে ও পুলটির অস্তিত্ব—সঙ্গমের কাছাকাছি দাঁড়িয়ে কি রকম যেন যেন হয় উপর দিকে তাকাতো। ঐ খাড়াই পাহাড়, তার উপর প্রাচীন যাত্রাপথের এক ছেঁড়া পাতা যেন হাওয়ায় হুলছে।

ক্রমশঃ

বল্লালসেনের নবাবিফুক্ত লিপি

ডক্টর শ্রীদীনেশচন্দ্র সরকার

বাংলার সেনরাজ বংশ একাদশ শতাব্দীর মধ্যভাগে কর্ণাট দেশ হইতে আসিয়া দক্ষিণ-পশ্চিম বাংলার রাঢ় অঞ্চলে বসতি স্থাপন করে। এই বংশের বিজয়সেন (আনুমানিক ১০২৫-১১৫৮ খ্রীষ্টাব্দ) এবং তাঁহার পুত্র বল্লালসেন (আ. ১১৫৮-৭৯ খ্রীষ্টাব্দ) ও পৌত্র লক্ষ্মণসেন (আ. ১১৭৯-১২০৬ খ্রীষ্টাব্দ) পরাক্রান্ত নরপতি ছিলেন। বিজয়সেন প্রথম জীবনে বাংলা-বিহারের পালবংশীয় সম্রাটের সামন্তরূপে রাঢ় দেশের কিয়দংশ শাসন করিতেন বলিয়া বোধ হয়। পরবর্তী জীবনে তিনি পাল-সম্রাটকে পরাজিত করিয়া দক্ষিণ-পশ্চিম বাংলায় স্বাধীনতা ঘোষণা করেন। ক্রমে তিনি বর্ম-বংশীয় ঋতৈক নরপতির হস্ত হইতে পূর্ববাংলা অধিকারপূর্বক বিক্রমপুরে রাজধানী স্থানান্তরিত করেন। জীবনের অন্তিমভাগে বিজয়সেন পালবংশীয় সম্রাট মদনপালের (আ. ১১৪৪-৬১ খ্রীষ্টাব্দ) অধিকার বিলুপ্ত করিয়া উত্তর-বাংলায় আধিপত্য বিস্তারে সমর্থ হন। এই ঘটনা মদনপালের রাজত্বের অষ্টম বর্ষ অর্থাৎ আনুমানিক ১১৫১ খ্রীষ্টাব্দের পরবর্তী বলিয়া মনে করিবার কারণ আছে। অতঃপর মদনপাল ও তাঁহার উত্তরাধিকারিগণ দক্ষিণ-বিহারে রাজত্ব করিতে থাকেন। বিজয়সেনের সমসাময়িক নাগদেব (আ. ১০৯৭-১১৪৭ খ্রীষ্টাব্দ) নামক অপর একজন কর্ণাট-বীর ১০৯৭ খ্রীষ্টাব্দে মিথিলা অর্থাৎ উত্তর-বিহারে একটি স্বাধীন রাজ্য স্থাপন করিয়াছিলেন। বিজয়ের দেওপাড়া লিপি হইতে জানা যায় যে, এই নাগদেবের সহিত তাঁহার সংঘর্ষ উপস্থিত হইয়াছিল। এই লিপিতে আরও দেখা যায়, তাঁহার নৌবাহিনী গঙ্গা বাহিয়া পশ্চিমদিকের রাজ্যসমূহ আক্রমণ করিতে গিয়াছিল। ইহা বিজয়সেনের সহিত মদনপাল কিংবা নাগদেবের সংঘর্ষের দ্যোতক হইতে পারে। বিজয়ের পুত্র বল্লালসেনের জয়কীর্তির কোন উল্লেখ তাম্রশাসনাদিতে দেখা যায় না। কিন্তু বল্লালের পুত্র লক্ষ্মণসেন তাঁহার কতিপয় তাম্রশাসনে দাবি করিয়াছেন যে, তিনি বাল্যাবস্থায় (সম্ভবতঃ পিতামহের রাজত্বকালে) গোড়েশ্বর অর্থাৎ পালবংশীয় সম্রাটকে পরাজিত করিয়াছিলেন। লক্ষ্মণসেন এবং তদীয় উত্তরাধিকারিগণের লেখমালা হইতে জানা যায় যে, তিনি কাশীর গাহড়বাল-বংশীয় নরপতিকে পরাজিত করিয়াছিলেন এবং বারাণসী ও প্রয়াগে জয়সম্ভূত স্থাপন করিয়াছিলেন। ইহা হইতে বিহার অঞ্চলে লক্ষ্মণসেনের অস্তুতঃ সাময়িক প্রভুত্ব অনুমান করা যাইতে পারে।

উপরে যাহা লিখিত হইল, তদ্ব্যতীত বিহারের কোন অংশে বাংলার সেনবংশীয় রাজগণের আধিপত্য-বিস্তার সম্পর্কিত আর কিছু তথ্য সেনবংশের লেখাবলী হইতে জানা যায় না। কিন্তু মিথিলার সহিত সেনরাজগণের সম্পর্ক বিষয়ক কতকগুলি কিংবদন্তী আছে। “লঘুভারত” নামক গ্রন্থানুসারে, বল্লাল মিথিলা বিজয় করিতে অগ্রসর হইয়া পশ্চিমদে পুত্র লক্ষ্মণসেনের জন্মসংবাদ পাইয়াছিলেন। এই ঘটনাটি বিজয়সেনের রাজত্বকালীন বলিয়া মনে করা যাইতে পারে। “বল্লালচরিত” নামক গ্রন্থে বলা হইয়াছে যে, বল্লালসেন পিতার সহিত মিথিলায় অভিযান পরিচালিত করেন এবং সেখানে যুদ্ধে জয়ী হন। আবার এই পুস্তকে বল্লালের রাজ্যের অন্তর্গত যে পাঁচটি প্রদেশের উল্লেখ পাওয়া যায়, তন্মধ্যে একটির নাম মিথিলা। অবশ্য এই সময়ে নাগদেব এবং তাঁহার উত্তরাধিকারিগণ মিথিলায় রাজত্ব করিতেছিলেন; সুতরাং মিথিলাবিজয়ে বিজয়সেন ও বল্লালসেনের সাফল্যের পরিমাণ নির্ণয় করা কঠিন। মিথিলায় প্রচলিত লক্ষ্মণসেন সংবতের সহিত সেনবংশীয় নরপতি লক্ষ্মণসেনের স্মৃতি বিজড়িত। প্রকৃতপক্ষে সেনরাজ লক্ষ্মণসেন এই সংবতের প্রতিষ্ঠাতা না হইতে পারেন; কিন্তু মিথিলার লোকে যে ইহাকে তাঁহার রাজত্বের সহিত সম্পর্কিত মনে করিত, তাহাতে সন্দেহ নাই। কারণ ঐ সংবৎ সম্পর্কিত লক্ষ্মণসেনকে অনেকস্থলে সম্রাট এবং কখনও বা গোড়েশ্বর বলা হইয়াছে। পূর্বভারতে লক্ষ্মণসেন নামক অপর কোন সম্রাট ছিলেন বলিয়া জানা যায় না।

উপরের আলোচনা হইতে দেখা যাইবে যে, তাম্রশাসনাদি এবং কিংবদন্তীতে বল্লালসেনের সহিত দক্ষিণ-বিহারের কোন সম্পর্কের ইঙ্গিত পাওয়া যায় না। কিন্তু চল্লিশ বৎসর পূর্বে নগেন্দ্রনাথ বসু মহাশয় এই ইঙ্গিতমূলক একটি কিংবদন্তীর উল্লেখ করিয়াছিলেন, যদিও ঐতিহাসিকেরা কেহই তাঁহার সিদ্ধান্ত গ্রহণযোগ্য বিবেচনা করেন নাই। “বঙ্গের জাতীয় ইতিহাস”, রাজকোষে, (৩২৪-২৫ পৃষ্ঠা) বসু মহাশয় উত্তররাঢ়ীয় কুলপঞ্জিকা হইতে “বল্লালপুত্রিতো ভূত্বা বটোহভূমগধেশ্বরঃ” এই বাক্যটি উদ্ধৃত করিয়া বলিয়াছিলেন, “উত্তররাঢ়ীয় কুলপঞ্জিকায় লিখিত আছে, উত্তর রাঢ়গত সুদর্শনমিত্রের ৬ষ্ঠ পুরুষ অধস্তন বটেশ্বরমিত্র বল্লালকর্তৃক সন্মানিত হইয়া মগধের শাসনকর্তৃত্ব লাভ করিয়াছিলেন। ভাগলপুরের তিন ক্রোশ দূরে কাহালগাঁয়ে

বটেশ্বরনাথ নামক প্রসিদ্ধ শিবমন্দির অদ্যাপি বটেশ্বরমন্দিরের
কৃতিরক্ষা করিতেছে। উপরোক্ত স্থানের পরিচয় হইতে
মান হয়, ...পশ্চিম মগধের পূর্বাংশ পর্য্যন্ত বল্লালসেনের
অধিকারভুক্ত ছিল।" অবশ্য বসু মহাশয় যাহা লিখিয়াছেন
তাঁহা সম্পূর্ণ ভ্রমপ্রমাদশূন্য নহে। প্রথমতঃ, বটেশ্বর-শিবের
মন্দির কহলগাঁয়ে নহে, উহা হইতে তিন ক্রোশ দূরবর্তী
বটেশ্বরস্থান বা পাথরঘাটা নামক গ্রামে; আবার ভাগলপুর
হইতে কহলগাঁয়ের দূরত্ব তিন ক্রোশ নহে, দশ ক্রোশ।
দ্বিতীয়তঃ, পাথরঘাটার বটেশ্বরনাথ শিব বল্লালসেনের সম-
সাময়িক কোন ব্যক্তির দ্বারা প্রতিষ্ঠিত হইতে পারে না।
কারণ পাথরঘাটাতে প্রাপ্ত অষ্টম-নবম শতাব্দীর একখানি
শিলালিপিতে এই বটেশ্বর শিবের উল্লেখ পাওয়া গিয়াছে;
সুতরাং বটেশ্বর বল্লালসেনের কয়েক শতাব্দী পূর্বে হইতেই
পাথরঘাটাতে পূজা পাইতেছিলেন। তবে পূর্বে-বিহারে যে,
বল্লালের আধিপত্য প্রতিষ্ঠিত হইয়াছিল, তাহার একটি
অকাটা প্রমাণ সম্প্রতি আবিষ্কৃত হইয়াছে।

গত শীতকালে নূতন শিলালেখাদির অনুসন্ধানে আমি
বিহারের নানাস্থানে পর্য্যটন করিতেছিলাম। সেই সূত্রে
আমাকে ফেব্রুয়ারী মাসের দ্বিতীয় সপ্তাহে কয়েক
দিন ভাগলপুর শহরের কুড়ি মাইল পূর্বে কহলগাঁও রেল-
স্টেশনের নিকটবর্তী ডাকবাংলোতে অবস্থান করিতে
হইয়াছিল। এই অঞ্চলে অনুসন্ধানকার্য্য চালাইতে
কহলগাঁওবাসী শ্রীযুক্ত ভোলানাথ মুখোপাধ্যায় এবং
নিকটবর্তী কসড়ীগ্রামের অধিবাসী শ্রীযুক্ত লক্ষ্মীকান্ত মিশ্র
ও তৎপুত্র শ্রীমান জানকীনাথ মিশ্র আমাকে যথেষ্ট সাহায্য
করিয়াছিলেন। ১১ই ফেব্রুয়ারী আমি কহলগাঁও হইতে
আঠার মাইল দূরবর্তী বেলনীগড় নামক স্থানে কতিপয়
শিলালিপি পরীক্ষা করিতে যাই। বেলনীগড়ের পথে
কহলগাঁও হইতে প্রায় দশ মাইল দূরে সনোথার (বা
সনোথারবাজার) নামে একটি গ্রাম আছে। সেখানে
শুনিলাম যে, কিছুকাল পূর্বে গ্রামের একটি পুষ্করিণীর
জীর্ণোদ্ধারকালে উহার গর্ভ হইতে কতকগুলি প্রাচীন মূর্তি
আবিষ্কৃত হইয়াছিল। তন্মধ্যে একটি পিত্তল বা অষ্টধাতু-
নির্মিত মূর্তি নাকি একটা তাম্রপাত্রে দ্বারা ঢাকা অবস্থায়
পাওয়া গিয়াছিল। ঐ পাত্রেটির গায়ে প্রাচীন লিপি খোদিত
আছে বলিয়া শুনিলাম। বেলনীগড় হইতে ফিরিবার পথে
আমি সনোথারবাসী শ্রীযুক্ত গঙ্গাপ্রসাদ টেকরীওয়ালার গৃহে
আতিথ্য গ্রহণ করিয়াছিলাম। আহারাদির পর টেকরীওয়ালার
মহাশয় আমাকে স্থানীয় মন্দিরে লইয়া গিয়া উল্লিখিত
মূর্তি এবং পাত্রেটি দেখাইলেন। মূর্তি দেখিয়া বুঝিলাম,
উহা ক্ষুদ্রাকারের একটি সূর্য্য-প্রতিমূর্তি। তাম্রপাত্রেের গায়ে

দ্বাদশ শতাব্দীর গোড়ার অক্ষরে উৎকীর্ণ এক পঙ্ক্তি লিপি
দেখিলাম। উক্ত মূর্তির বিষয়, উক্তমূর্তির পরিষ্কার করা করিয়া
উহা পাঠ করা যত্নবদ্ধ ছিল না। শ্রীমান জানকীনাথ মিশ্রের
চেষ্টায় টেকরীওয়ালার মহাশয়ের নিকট হইতে পাত্রেটি বাহির
করিয়া আসিলে লওয়া সম্ভব হইল। কহলগাঁয়ে ফিরিয়াই
আমাকে ভাগলপুর চলিয়া যাইতে হয়। সেখান হইতে
আমি লাহরুঙ্গ, তারাপুর, মুন্ডের, বেণ্ডসরাই এবং লক্ষ্মীসরাই
যুগ্মে ১৯শে ফেব্রুয়ারী তারিখে বিহার শরীফ পৌছি।
এতদিন কর্মব্যস্ততায় তাম্রপাত্রেটি পরিষ্কার করিয়া
লিপির পাঠোদ্ধারের সময় পাই নাই। বিহার শরীফে
থাকিতে একদিন সেই সুযোগ পাওয়া গেল। লিপিটি পাঠ
করিয়া আমি অত্যন্ত আনন্দিত হইলাম; কারণ উহাতে দেখা
গেল যে, সম্রাট বল্লালসেনের রাজত্বের নবম বর্ষে, অর্থাৎ—
আনুমানিক ১১৬৬ খ্রীষ্টাব্দে ঐ পাত্রেটি সনোথার গ্রামের
মন্দিরে প্রতিষ্ঠিত সূর্য্যদেবতার উদ্দেশ্যে মন্দিরের প্রধান
পুরোহিত কর্তৃক প্রদত্ত হইয়াছিল। ইহাতে দ্বাদশ শতাব্দীর
মধ্যভাগে পূর্বে-বিহারের ভাগলপুর অঞ্চলে সেন-অধিকার
বিস্তারের অকাটা সাক্ষ্য পাওয়া গেল।

দ্বাদশ শতাব্দীতে দক্ষিণ-বিহারের পালরাজগণ আধুনিক
উত্তরপ্রদেশের গাহড়বালবংশীয় নরপতিদিগের দ্বারা বার বার
আক্রান্ত হইয়াছিলেন এবং ইহার ফলে পাটনা-গয়া অঞ্চলে
গাহড়বাল-অধিকার প্রতিষ্ঠিত হইয়াছিল। ১১২৪ খ্রীষ্টাব্দে
গাহড়বাল-রাজ গোবিন্দচন্দ্র (আ. ১১১৪-৫৫ খ্রীষ্টাব্দ)
পাটনা জেলায় ভূমিদান করিয়াছিলেন। ১১৪৬ খ্রীষ্টাব্দে
তাঁহার মুদাগিরি অর্থাৎ মুন্ডের নগরে অবস্থানের প্রমাণ পাওয়া
যায়। এদিকে, পালবংশীয় মদনপাল তদীয় রাজত্বের তৃতীয়
বৎসরে (অর্থাৎ আনুমানিক ১১৪৬ খ্রীষ্টাব্দে) পাটনা জেলায়
এবং চতুর্দশ ও অষ্টাদশ বৎসরে (আনুমানিক ১১৫৭ ও
১১৬১ খ্রীষ্টাব্দে) মুন্ডের জেলায় রাজত্ব করিয়াছিলেন।
ইহা হইতে বুঝা যায় যে, মদনপাল গোবিন্দচন্দ্রকে বিহার
হইতে বিতাড়িত করিতে সমর্থ হইয়াছিলেন। মদনপালের
উত্তরাধিকারী গোবিন্দপাল (আ. ১১৬১-৬৫ খ্রীষ্টাব্দ)
তাঁহার রাজত্বের চতুর্থ বৎসরে অর্থাৎ আনুমানিক ১১৬৪
খ্রীষ্টাব্দে পাটনা-গয়া অঞ্চলে রাজত্ব করিতেছিলেন; কিন্তু
১১৭৫ খ্রীষ্টাব্দের পূর্বেই গাহড়বালেরা ঐ অঞ্চল অধিকার
করেন এবং সম্ভবতঃ গোবিন্দপাল নিহত হন। অতঃপর
গোবিন্দপালের উত্তরাধিকারী পালপাল (আ. ১১৬৫-১২০০
খ্রীষ্টাব্দ) মুন্ডের অঞ্চলে রাজত্ব করিতে থাকেন। দ্বাদশ
শতাব্দীর অবসানকালে পালপালের রাজ্য তুর্কী মুসলমানদিগের
দ্বারা বিজিত হইয়াছিল। ইহার পূর্বেই গাহড়বাল-রাজগণের
শাসনাধীন পাটনা-গয়া অঞ্চল মুসলমান-কবলিত হইয়াছিল।

আলোচ্য সমাধার সিপি হইতে হেঁকা বিয়া, ১৮৭৬ খ্রীষ্টাব্দে নিকটবর্তী সময়ে পূর্ব-বিহারের জয়গলপুর অঞ্চলে সেনাবংশীয় বঙ্গালসেনের অধিকার স্বীকৃত হইত। ঐতিহ্য এই সময়েই পাটনা-গয়া অঞ্চল হইতে পালবংশীয় গোবিন্দপাল গাহড়বালরাজগণ কর্তৃক উৎখাত হন। ইহাতে মনে হয় যে, এই সময় গাহড়বাল এক সেনাবংশীয়ের একযোগে দক্ষিণ বিহারের পালরাজ আক্রমণ করিয়াছিলেন। পালপাল গাহড়বালদিগের হস্ত হইতে পাটনা-গয়া অঞ্চল

পুনরুদ্ধার করিতে সক্ষম হইরাছিলেন বলিয়া বোধ হয় না। তবে রাজ্যের পূর্বভাগ হইতে সেনদিগকে বিতাড়িত করা তাঁহাদের পক্ষে সম্ভব হইতেও পারে। কারণ তৎকালে ই-মাসীরা প্রাণেতা মিমহাজুদ্দীন তুর্কী মুসলমান দ্বারা লক্ষণসেনের রাজ্যের পশ্চিমাংশ অধিকারের যে কাহিনী লিখিয়াছেন, তাহা হইতে বিহারের কোম অংশ লক্ষণসেনের রাজ্যভুক্ত ছিল বলিয়া বোধ হয় না।

পল্লী-দার্শনিক

শ্রীকুমুদরঞ্জন মল্লিক

কভু র'ন নব জলধর পানে চেয়ে
নয়ন যুগল অশ্রুতে যায় ছেয়ে।
বন-বিহগেরা কাছে আসে তাঁর উড়ে,
জানায় স্বর্গ নাই যেন বেশী দূরে।
মোরা ভাবি, তাঁরে করি যবে দর্শন,
দেহের ক্ষয়েতে বলিষ্ঠ হয় মন।
শুনি সদা তাঁর কাছে
ভুবন এবং ভুবনেশ্বর
এক হয়ে হেথা আছে।

২

প্রসাদী পদ্ম শুষ্ক হয়েছে হায়,
এখন কেবল পুণ্য গন্ধ তায়।
জ্ঞানে বড় নন, বৃহৎ মহৎ প্রাণ
বয়েছেন লয়ে ভাব আঁর ভগবান।
উক্তিতে তাঁর যুক্তি হয়তো কম,
ভক্তিতে সব হয়ে ওঠে অক্ষুণ্ণ।
কহি তাঁর নিষ্পাপ—
কি বলেন জ্ঞাতে আমরা যে লেখি
আছে সত্যের ছাপ।

বসেন 'রয়েছে ওকি লাবণ্যে ঘেরি'
বিস্ময় জাগে ও বিশ্বরূপ হেরি।
শোভিছে ভুবন কোটি জ্যোতিষ্কসহ
ভাব করিয়াছে ও রূপ পরিগ্রহ।
এই যে প্রবাহ পবনে গগনে জলে,
উহার তালেই জীবনের ধারা চলে।
এই যে ক্ষুদ্র বুক—
গোটা বিশ্বের স্পন্দন ধরে,
তাই করে ধুকধুক।

৪

পাপ পঙ্কেও হরির করুণা জোটে,
ভক্তি এবং পঙ্কজ সেথা ফোটে।
কয়লাতে জাগে হীরকের বিকিমিকি,
রত্নাকর যে ধীরে হয় বায়ীকি।
পরশমাণিক মানুষের এই মন,
যাহা ছোঁয় তাই করে দেয় কাকন।
তুচ্ছ ধূলির কণা—
ভাঙ্গারও রয়েছে গুরু গৌরব
বিশ্বট সস্তাবনা।

৫

সব জীব এক শ্রীভগবানের চোখে,
মানুষ মানে না অতি-দর্পের কোঁকে ।
শুধু মানুষের দারুণ অহঙ্কার,
রুদ্ধ করেছে মুক্ত স্বর্গদ্বার ।
তাহাকে অমৃত করিতে দেয় নি পান
কেবল তাহার দুর্জয় অভিমান ।

জড়ের শুলতা নিয়া—

হয় যে তাহার অধঃপতন
একটু উর্দ্ধে গিয়া ।

৬

মানব ক্ষমতা লভিলে অপরিমেয়,
দানব হওয়াই ভাবে প্রেয় আর শ্রেয় ।
যজ্ঞেতে ধরা পড়ে বরা-গান সব,
বরা-প্রাণ ধরা হবে না অসম্ভব ।
স্বর্ণলকা পোড়াইল হুমান,
ধরাকে দহিবে অণু আর উল্য়ান ।

এ ধরণী সব সয়

বীর, বীভৎস, রোদ্ধ রসের
কত হয় অভিনয় ।

৭

যত শক্তিরই অধিকারী হোক নর,
রক্ষা করেন সৃষ্টিকে ঈশ্বর ।
নরের গর্ভ বটে অভ্রংলিহ,
সে শুধু যজ্ঞ—নহে তো স্বয়ংক্রিয় ।
এসেছে গিয়াছে কতই বিপর্যয়,
ক্ষয়েও পৃথিবী হয়ে আছে অক্ষয় ।

তারা ধিকৃত মৃত,

যাহারা করিছে এ জীব-জগৎ
মিত্য উদ্বোজত ।

৮

মানব-বুকের উদগ্র ব্যাকুলতা
মেঘকে জালায় হয়ে বিদ্যুলতা ।
সর্পদশনে নাহি মোর সংশয়,
হিংসা তরল গরল হইয়া রয় ।
সেই, প্রেম, মণি, মুক্তা ও যুগনাতি
সমগোষ্ঠে ও জাতিতে করে দাবি ।
অজ্ঞেয় কৌশলে—
জড়ে ও চেতনে ভাবে আর রূপে
অদল বদল চলে ।

৯

মানুষ হইলে বিশুদ্ধ অন্তর,
সহজেই হতে পারে সে জাতিস্বর ।
দেখিতে সে পায় দৃশ্য বস্তুবৎ
অনাদি অতীত, সুদূর ভবিষ্যৎ ।
চাহে না সে তাহা—তাহার আকর্ষণ
করিছে মাটির সহস্র বন্ধন ।
অমৃতধাত্র হায়—
সুখে আছে অম্নে মৃত্যু বেসাক্তি,
গরলের ব্যবসায় ।

১০

দেবত্রে যদি মানুষের সাধ জাগে,
নিকাম তারে হতে হবে সব আগে ।
অনলে সঁপিয়া সকল শ্রামিকা তার,
বিশুদ্ধ হয় স্বর্ণ পুনর্বার ।
হতে বিগ্রহ অনিন্দ্যসুন্দর—
ছেনীর আঘাতে বহু তাজে প্রস্তর ।
পড়ে কি নয়নপথে
দারু কতখানি ত্যাগ করে তার
দারুব্রহ্ম হতে ?



তত্ত্ব-মতা

শ্রীপ্রতুলচন্দ্র গঙ্গোপাধ্যায়

১১

আমাদের নৌকো এসে ঢুকল একটা চওড়া খালের মুখে। মনে হচ্ছিল যেন একটা ছোট নদী এসে নিজেকে ঢেলে দিয়েছে আর এক বড় নদীতে। রাতের আঁধার ফিকে হয়ে এসেছে, কিন্তু আলোও তখন পর্যন্ত এসে জুড়ে বসে নি তার স্থান।

তুই-একখানা নৌকো আমাদের পাশ কাটিয়ে চলে গেল বড় নদীর বুকে। এর মধ্যেই মাঝিদের দিনের কর্মচাকলা শুরু হয়ে গেছে। সারা রাতের উত্তেজনায় এতক্ষণ আমরা কেউই লক্ষ্য করতে পারি নি একটা রাত এমনি করে চলে গেছে। ভোয়ের ঝিরঝিরে হাওয়া যে স্নেহের পরশ বুলিয়ে দিয়ে বাচ্ছিল তা উপভোগ করছিলাম সকলেই, কিসের একটা মধুর অঙ্গি আবেশে আমরা সবাই কিছুক্ষণের জ্ঞান আচ্ছন্ন হয়ে ছিলাম।

সন্ধ্যা হয়ে উঠলাম, যখন লক্ষ্য করলাম—একখানা নৌকো পাশ কাটিয়ে চলছিল, সামলাতে না পেরে আমাদের নৌকোর উপর এসে পড়ল, আমি ধাক্কা বাঁচাবার জ্ঞান আমাদের নৌকোর ধারে গিয়ে অপর নৌকোটাকে ঠেলে দিলাম। আরও লক্ষ্য করলাম আমাদের সমিতির আর এক যুবককে নৌকোর মধ্যে। আমার আর কথা বলবার সুযোগ হ'ল না—বিম্বুদাই এসে জিজ্ঞাসা করলেন, “কি হ'ল, তুমি!”

শম্ভু বললে, হাঁ, আমিই সেটা নিয়ে যাচ্ছি নবগ্রামে।

বিম্বুদা বললে, কিন্তু যাবে কি করে, ওই যে ওটা দেখছ না!

শম্ভু বললে, তাই ত? জল-পুলিস যদি তল্লাস করে! কি করা যায় এখন!

বিম্বুদা বললে, তুমি ওটা আমাদের কাছে দাও। তোমার সঙ্গে কিছু না পেলেই হ'ল।

এবার যেন সবাইকে শোনার জ্ঞানই বিম্বুদা একটু জোরে বললেন, “তোমাদের সঙ্গে কিছু খাবার আছে? থাকে ত দিয়ে যাও না কিছু, বড্ড ক্ষিদে পেয়েছে।

শম্ভু বললে, নীলাদির সেদিকে ভুল হবার জো নেই। পেট-ভরে খাইয়ে আবার সঙ্গেও কিছু দিয়েছেন। তিনি হুঃখ করলেন, নীতীশদাকে কিছুই খাওয়াতে পারলেন না। বিম্বুদা, কপালে থাকলে খণ্ডায় কে? সেই খাবারই নীতীশদারও জুটল না গিয়েও!

নীলার নাম শুনে আমি উৎকর্ণ হলাম। আবার নীলা! মনে হ'ল অদৃষ্ট যেন আমার সঙ্গে পরিচয় করছে!

হুটো টিনের কোঁটো শম্ভু বিম্বুদার হাতে দিল। তিনি বললেন, ওদের খবর দিও আমি এখন বেলাগা যাচ্ছি। ঠিক সময়ে দেখা হবে।

শম্ভু বললে, যদি তারা জিজ্ঞাসা করেন, বেলাগায়ে কোন ঠিকানায়।

বিম্বুদা শম্পা দেবীর দিকে জিজ্ঞাসুদৃষ্টিতে চাইতে না চাইতে শম্পা দেবী বললেন, বলে দিন চৌধুরীবাড়ী, ও গ্রামের সবাই চেনে।

ঐ কোঁটো হুটোকে নাড়ুর কোঁটো বলে ভুল করলে দোষ দেওয়া যাবে না। কোঁটো হুটো তুলে নিয়ে বিম্বুদা শম্পা দেবীর হাতে দিয়ে হুটো কোঁটাকে সাবধানে হুঁজায়গায় রাখতে বললেন। শম্পা দেবীর চোখে ফুটে উঠল হাসি। প্রশ্ন স্বাভাবিক—“যদি এক জায়গায় রাখি!”

“তবে এত কাণ্ড করে সারা রাত না বাঁচলেও চলত। কেবল যে নৌকোখানাই যাবে তা নয়, সবাই যাবে! “সমিতিরও ক্ষতি হবে খুবই।”

শম্পা দেবী উদাসকণ্ঠে কতকটা যেন আপন মনেই বললেন কাউকে উদ্দেশ্য না করে—“আমার তাতে ক্ষতি হ'ত না কিছুই। বরং নতুন জীবনের সন্ধান পাওয়ার সম্ভাবনা হয়ত থাকত।

বিম্বুদা শুধু বললেন, “কি হ'ত কে জানে। তা থাক্”, আমাকে সম্বোধন করে বললে, “দেশলাইটা সরিয়ে রাখ। তুই দেখিস মাঝিরা তামাক খেয়ে জলস্ত কঙ্কটা যাতে নিরাপদ স্থানে রাখে। বরং প্রত্যেকবার নিজেই সকলের শেষে তামাক খাবি, তা হলেই কঙ্কটা ঠিক জায়গায় রাখতে পারবি। ওদের কিছু না বলে নিজেই বুদ্ধি খাটিয়ে সব করবি।”

বিম্বুদা আশ্বে আশ্বে ছইয়ের মধ্যে ঢুকে পড়েছেন আর আমাকেও তার মধ্যে ঢুকতে বললেন। শম্পা দেবীকে বললেন তার দিদিমাকে নিয়ে ছইয়ের বাইরে গিয়ে নৌকোর পাটাতনের উপর একটু বসতে। অভ্যাসবশে আমি আদেশ মানলেও শম্পা দেবীর চোখে জিজ্ঞাসা ফুটে উঠেছে। বিম্বুদার চোখ এড়ায় নি। তিনি পুলিশের ভাসমান থানা-ষ্টপ-বোট দেখিয়ে বললেন, “দেখছ না, সামনে ওটা। নৌকোয় মেয়েরা আছে দেখলেই চলবে। সন্দেহের উদ্রেক করবে না।” সদাজাগ্রত চেতনা নিয়ে দেশসেবায় আত্ম-নিয়োগ করেছেন বলেই বোধ হয়, অনায়াসে বিম্বুদা নেতৃত্বের আসনে।

ষ্টপ-বোটটা আমবা ভালয় ভালয় পেরিয়ে গেলাম—অর্থাৎ, জেরা কিংবা তল্লাসীর বালাই আর আমাদের পোহাতে হয় নি। হু-একটা কথা জিজ্ঞাসা করে শম্ভুদের নৌকোও ছেড়ে দিল জল-পুলিস। বালের কালো জল চলেছে আমাদের উল্টো দিকে গড়িয়ে গড়িয়ে। ধারে ধারে ঝোপ-ঝাড়ের আড়ালে বসেছে ছিপ নিয়ে বোজগার মাছ সংগ্রহের আশায়—কেউবা ছোট ডিঙ্গির উপর বসেছে। জেলেরা




ডাল হুদ, শ্রীনগর, কাশ্মীর



শ্রীনগরের শালামার বাগের একটি দৃশ্য



বোম্বাইয়ে ইউ. এস ইনফরমেশন সাভিসের একটি অফিসে উচ্চশিক্ষার্থ
মার্কিন যুক্তরাষ্ট্রবাসী ভারতীয় ছাত্রছাত্রীগণ



উত্তর ফ্রান্সের কাসেলে ফ্রান্স-ব্রিটেন 'টেলিভিশন রিলে লিঙ্ক এরিয়েলে' কন্সট্রাক্ট একজন বি-বি-সি ইঞ্জিনিয়ার

পেতেছে 'ভেল'—খালের চওড়ার অনেকটা জুড়ে কয়েকটা বাশ পোতা আর তাদের সঙ্গে বাধা আছে দুটো মোটা আর লম্বা বাশ আর তারই সঙ্গে জোড়া আছে জাল, সমস্ত মিলে হয়েছে ত্রিভুজাকৃতি। ঐ ত্রিভুজের এক কোণে বাশ দুটোর সংযোগস্থলে দাঁড়িয়ে জেলে জালের সম্মুখভাগ ডুবিয়ে দিচ্ছে জলে—আবার কিছু পরেই তাকে তুলে নিচ্ছে।

আমরা তখন 'ভেল'টা অতিক্রম করছি, 'ভেলে' তখন কিছু মাছ উঠেছে আঙ্গাজ করে দিদিমা বললেন, "দেখ শমি, ওটা কি একটা 'ভেল' নয়? কিছু মাছ পড়েছে যেন। কিছু মাছ নিয়ে নে। বাড়ী গিয়ে আবার বাজার পাবি কোথায়? ডাকাত ছোঁড়ার ত খাবার জন্ত মাথা ছিঁড়ে খাবে'খন।" দেখছিস না ক্ষিদেয় এদের পেট জ্বলে যাচ্ছে, আবার কার নৌকোর থেকে কি খাবার চেয়ে নিলে! ডাকাত-ছোঁড়াদের পেটে যেন আগুন জ্বলছে! কিছু মাছ কিনে সঙ্গে নে, নইলে আর রক্ষা রাখবে না।"

শম্পা বলল, "আঃ দিদিমা, কতবার তোমায় বলব বল ত? ফের ডাকাত ডাকাত বলে চেঁচামেচি করবে ত ওদের এখানেই নাবিয়ে রেখে দিয়ে যাব।"

বিম্বদাও রসিকতায় যোগ দিয়ে বললেন, "মাঝি, ও মাঝি, এখানে খালের ধারে নৌকো ভিড়াও ত। আমরা নেবে যাচ্ছি। দিদিমা আমাদের তাড়িয়ে দিচ্ছেন।"

মাঝিরা রসিকতার ধার ধারে না। নৌকো তীরে লাগাবার জন্ত তৈরি হতে শম্পা দেবী মাঝিদের নৌকো চালিয়ে যেতে ইঙ্গিত করলেন, দিদিমাকে উদ্দেশ্য করে চেঁচিয়ে বললেন, "নাও এবার সামলাও, ওরা এখানেই নেবে যাবে, বলছে তুমি ওদের তাড়িয়ে দিচ্ছ।"

"আঃ মলো যা, মুখপোড়াদের কথা শোন একবার। আমি আবার কখন যেতে বললুম ওদের। তুই-ই ত সেকথা বললি! যত রাগ এই বুড়ীর ওপর।"

একটু থেমেই আবার বলতে লাগলেন, 'তা, আর হবে না ও মুখের দিকে তাকালে আমারই রাগ পড়ে যায় আর ঐ ছোঁড়াদের কথা বলব কি!'

নৌকোর মধ্যে হাসির রোল উঠল। হাসি থামলে দিদিমা আবার বলতে লাগল, 'যা বা জীবন বাঁচাল, মান রাখল—তাদের একবেলা না খাইয়ে ছেড়ে দিলে অধম হবে যে!'

'তা, যা বলেছেন মা-ঠান। এনারা এসে গুড়ুম গুড়ুম করে গুলি না ছুড়লে আমাদের কারুর জ্ঞান বাঁচত না।'

কেবল বাবে বাবে গুলি-গোলা আর ডাকাতির কথা ঘুরে-ফিরে এসে নৌকোর মধ্যে একটা অন্তিমকর আবহাওয়া ছড়িয়ে দিচ্ছে। মাঝিদের এ ব্যাপারে হুঁসিয়ায় করার বিপদ অনেক, অথচ এ প্রসঙ্গ বন্ধ না করলেও নয়, কি যে করব মনে মনে তাই ভাবছিলাম। বিম্বদার মনেও একই প্রশ্ন আলোলিত হচ্ছে, বুঝতে পারলাম ওর কথায়।

'দিদিমা কিন্তু ভাষি একচোখে! আপনি কেবল নাতিয়েই ভাল দেখলেন, আর ঐ মাঝিরা যে সারা হাত নৌকো বেয়ে আমাদের নিয়ে এল সেটা আর বুঝি কিছু নয়। ওরা রাতভর কষ্ট না করলে কি আমরা আসতে পারতাম।'

'শোন একবার কথা, মাঝি, মুটে, মজুর, যারাই আনুক বাড়ীতে আমাদের কাজে, তাদের একবেলা পেট ভরে না খাইয়ে কোন দিন বিদেয় করেছি বলে ত মনে পড়ে না! এঁরা এসেছে বিদেশ থেকে, এঁদের না খাইয়ে দিলে বদনাম হবে যে গো। শমি, ওদের বুঝিয়ে বল ত—আমরা সহরে নয় যে, যাকে কাজ করতে বলব তার কাজ ফুরিয়ে গেলে পয়সা গুণে দিয়ে তার সঙ্গে সম্পর্ক শেষ হ'ল বলে মনে করব। আজকাল ত অনেক এমন হয়েছে জল চাইলে কেবল জলই দেবে, দুখানা বাতাসা তার সঙ্গে দেওয়া ওরা দরকার মনে করে না।'

মাঝি বলল, বুড়ো মা-ঠাকরুণ ঠিক বলেছেন, গ্রাম-দেশের মা-ঠাকরুণদের সে বিবেচনা আছে, না খাইয়ে যেতে দেন না।

নৌকোর ভিতরে একখানা গামছা পড়েছিল। হাত বাড়িয়ে তুলে নিয়ে বিম্বদা কোমরে জড়াতে জড়াতে বললেন, 'মাঝি ভাইরা, এখনও ত খুব ফর্সা হয় নি। তোমরা একটু বিশ্রাম কর, বসে বসে তামাক বাও, আমি হালে বসছি।' আমাদের দেখিয়ে বললেন, 'ও দাঁড় বাইবে'খন।'

বিম্বদা হালের মাঝির হাত থেকে বৈঠা নিয়ে বসে গেলেন। আমি দাঁড় টানতে লাগলাম।

মাঝিকে জিজ্ঞাসা করলাম, "তোমার ছেলেমেয়ে ক'টি?"

"আজ্ঞে ভগবানের দয়ায় তিনটি মেয়ে দুটি ছেলে।"

"বাড়ীতে আর কে আছে—"

"আজ্ঞে দুই জরু।"

আমি বললাম, "তুমি দুটি বিয়ে কবেছ! গরীব-মাহুষ!"

মাঝিও আশ্চর্য হয়ে হুকোর টান বন্ধ রেখে বলতে লাগল, "আজ্ঞে তা নইলে চলে কি করে? কত কাজ তারা করে। বাড়ীঘরের কাজ ত আর অল্প নয়। বাড়ীতে হাঁস, মুরগী, গরু আছে—দুই-এক ফালি জমিও বাপ-দাদা রেখে গেছেন। কিছু কিছু ধানও উঠে। চাকর রেখে তদারক করা ত আর আমাদের পোষায় না। মেয়ে-ছেলেবাই ধান-পান তোলে, ঝাড়ে, ধান ভানে, চেঁকিতে পাড় দেয়, ঘরবাড়ী রক্ষা করে। কত কাজ করে। সারা দিনই মেহনত করে। ওরা আজ্ঞে, পটের বিবি সেজে ঘরে বসে থাকতে পারে না।"

"ধানজমি আছে, হাঁস মুরগীও পাল, তবে আর নৌকো চালাও কেন?"

"নৌকো কি আর সাথে বাই, ওতে ঐ সামান্য জমিতে পেট ভরে না কত। ওতে কত বচরের খোরাকই জোটে না—তা কাপড়-চোপড় কিনি কি দিয়ে।"

"নৌকো বেয়ে কি বকম রোজগার হয়!"

"বেগী কি আর হয়—বেগীর ভাগ ত মালিকই নেয়।"

“কেন, এ নৌকো তোমার নয়।”

“আজ্ঞে, কি বে বলেন! নৌকো কেনবার জন্ত এক সঙ্গে এত পরস্পার কোথায়! হুঁবেলা হুঁমুঠো ভাত আর নেংটি এই জোটাতেই কত মেহনত করতে হয়। তা নৌকো একেবারে বে ছিল না তা নয়—সেটা ওবার ডুকানে পড়ে নদীতে ডুবে গেল।”

“অসুখ-বিসুখ হলে কর কি।”

“কিছু না! ও অমনিতেই সারে। ডাক্তার ডাকা, ঔষধ কেনা—এসব কথা ভাবতেই পারি না। খুব এখন-তখন হলে ওঝা-বৈজি ডেকে ঝারঝুক করাই, বা একটু জলপড়া দেই—ওতেই সারে। নইলে বরাত মন্দ থাকলে মরে যায়। সবই বরাত কত্তা—ওর জোর থাকলে এমনিতেই সারে—নইলে কে আর বাঁচাতে পারে।”

বিহুদা এই ঠিক সময় মনে করে বললেন, “মাঝি ভাই, একটা কথা বলব, কাল রাতের সেই ডাকাতির হাঙ্গামার কথা, আমাদের আসার কথা, গুলি ছোঁড়ার কথা—কোন কথাই কারুর কাছে বলো না। এতে শুধু পুলিশ-হাঙ্গামা বেড়ে যাবে, ডাকাতির পর আবার পুলিশ-হাঙ্গামা! পুলিশ নিরীহদের টানা-হেঁচড়া শুরু করবে। ডাকাত বা ধরতে পারবে তা ত বুঝতেই পারছ।”

মাঝি জিভ কেটে বললে, “আজ্ঞে তা কি পারি। আপনাদের আমরা চিনতে পেরেছি, নইলে পরের জন্ত বুকভরা এত দরদ কার আছে, নিজের প্রাণ তুচ্ছ করে পরের প্রাণ রক্ষার সাহসই বা কার আছে। আপনারা স্বদেশীবাবু হই ত আমাদের প্রাণে ভরসা জাগিয়েছেন। কারও কাছে কিছু বলব না—বুঝলি রে ভাইটি”—বলে নিজের ছোট ভাইকে সাবধান করলে।

একটা দীর্ঘ-নিশ্বাস ফেলে মাঝি বললে, “তবে কত্তা মনে একটা হুঃখ থাকবে—এমন একটা ধম্মের কাহিনী—নিজের পরাণ দিয়ে মাহুৰ পরের জানটা বাঁচায়—এমন একটা পুণ্যের কাহিনী দশ জনেরে ডেকে বলতে পারলাম না।”

বিহুদা বললেন, “এখনও সে সময় আসে নি, বলার সময় এক দিন আসবে। এখন থাক সে কথা। গল্প করতে গিয়েও কার কাছে কিছু বলে ফেল না কিন্তু। আর আমাদের স্বদেশীবাবু বলে ধরে নিলে কি করে তাই ভাবি।”

মাঝি বললে, “বাবু, আমরা লেখাপড়া না শিখলেও বেকুফ নই। মাহুৰ চিনতে পারি। শত্রু-মিত্র চিনি।

বিহুদা আর মাঝির কথা ধামল, নৌকো ধীরে ধীরে চলতে লাগল। সেই সূযোগে শম্পা দেবী দিদিমাকে স্মরণ করিয়ে দিয়ে বললেন, কাল রাতের ডাকাতির কথা—এদের কথা যেন কারুর কাছে গল্পছলেও বলো না দিদিমা! তবে কিন্তু পুলিশের হাঙ্গামার আর সীমা থাকবে না। তা ছাড়া তোমাকে আমাকে থানা-পুলিশ করতে হবে, মার আদালতে সাক্ষীর কাঠগড়ায় দাঁড়াতে হবে, জেয়া হবে। সে আমি সহিতে পারব না।”

“তোমার আর বক্তিতে দিতে হবে না। তিন দিনের ছুড়ী, তার

কাছে শিখতে হবে এখন পুলিশের ব্যাভার। এদের কথা মনে হলে গায়ে ঘেঁরা লাগে। ওবারে আমাদের বাড়ীতে চুপি হ'ল। তারপর চোরও ধরা পড়ল—কিন্তু হলে কি হয় তোমার দাপ্তর আর হেনস্তার সীমা রইল না।”

এতক্ষণ আমরা চলেছিলাম জনহীন ঝোপ-জঙ্গলের মধ্য দিয়ে। খাল ক্রমশঃ শুরু হয়ে আসছে, আর লোকালয়ও খালের হুঁধারে দেখা যাচ্ছে।

লোকালয়ের চিহ্ন নজরে পড়তেই বিহুদা মাঝিদের হাতে বৈঠা দিয়ে ভদ্রবেশ ধরলেন—আমাকেও ধরালেন।

ভোর হয়েছে গাঁয়ের বধুর কাজের অন্ত নেই—ঘর নিকানো, বাসন মাজা, কলসী করে খালের ঘাটে জল আনতে যাওয়া। কলসীর কানায় হুঁহাত দিয়ে জল ঠেলে সরিয়ে দিয়ে মুখ ডুবিয়ে দিচ্ছে জলে—টুক টুক করে জল ঢুকছে কলসীতে। ভিন্দেদী নৌকো যাচ্ছে, তাদের সামনে বেহায়াপনা দেখানো কি ভাল! গায়ের কাপড়টা ঠিক করে ঘোমটা টেনে দিচ্ছে কেউ কেউ—কিন্তু তাই বলে কি কেমন ধরণের লোক যাচ্ছে এই নৌকো করে তা আর ওরা দেখবে না! নিশ্চয় দেখবে, বাঁহাতে ঘোমটা টেনে ধরেছে আগন্তকের চোখ এড়িয়ে।

শাঁপের আওয়াজ ও উলুধ্বনি কানে এল। খালের বাঁক ঘুরতেই দেখলাম একটা ঘাটে বেশ ভিড় জমেছে। ঘাটে বড় নৌকো বাঁধা। বাসন-কোসন, বিছানাপত্র বাক্স-পেটরা উঠছে নৌকোয়। অদূরে পাকী এসে থেমেছে—বরকনে বেরিয়ে এসেছে, গাঁটছড়া এখনও বাঁধা—বধু চলেছে মাটির দিকে চেয়ে বরের পিছু পিছু।

বর উঠল নৌকোয়—পিছন ফিরে দাঁড়িয়ে নবপরিণীতাকে হাত বাড়িয়ে দিল সাহায্য করতে।

নৌকোর বাঁধন খুলে যায়। ডুগ ডুগ করে ঢোল বেজে ওঠে—সানাই বিদায়ের করুণ সুর বাজায়, মেয়েরা উলুধ্বনিতে জলের ঘাট করে তোলে মুগরিত।

আস্তে আস্তে বরকনের নৌকো বাঁক ঘুরে চোখের অন্তরাল হয়ে গেল। পাড়ের লোক তখনও দাঁড়িয়ে আছে খালের ঐ বাঁকটার দিকে তাকিয়ে।

মাঝিরা বৈঠার ঘায়ে আমাদের নৌকো কাঁপিয়ে তুলল। বিহুদা হেসে বললেন—দেখ নীতীশ, এ যাত্রা ভাবিস নে কেবল বরকনের জীবনের পরম মুহূর্ত।

শম্পা দেবী যেন বিহুদার কথা শুনে চমকে উঠলেন। তার পক্ষে এটা যেন একটা নূতন আবিষ্কার। তিনি গোপন না করে মন্তব্য করলেন—“এদিকেও তোমাদের চোখ আছে দেখছি। লোকে বলে তোমরা নাকি দেবতা। আমিও ভাবতুম হয়ত বা তাই, কিংবা অল্প কোন জগতের মাহুৰ তোমরা। হিতের আকাঙ্ক্ষা করো কিন্তু আত্মীয় হবার চেষ্টা নেই। কিন্তু আজ যে তোমাদের মুখে নতুন কথা শুনি—বিয়ে, সন্তান, পরিবার। এদের কথা ভাববার তোমাদের অবসর কোথায়!”

“তুল করলে শম্পা—সমাজের জীব হিসেবেই আমাদের জন্ম, পরিবারের আওতার মধ্যেই বেড়ে উঠেছি এত বড়টি হয়ে। ভূই-ফাঁড় কিংবা উড়ে এসে জুড়ে বসি নি তোমাদের মধ্যে।”

শম্পা দেবী পরিহাসের হাসি হেসে বললেন—“কিন্তু তোমরা ত সমাজকে অস্বীকার করে চলছ।”

“একেবারে মিথ্যে কথা!...তোমার বুদ্ধি আছে, বিচার করবার ক্ষমতাও পেয়েছ, সমাজে আছে তোমার প্রতিষ্ঠা—পালন করতে হবে কর্তব্য স্বামী সন্তান আর সমগ্র মনুষ্যজাতির প্রতি। তোমাকে এর চেয়ে বেশী বলার প্রয়োজন মনে করি নে।”

শম্পা দেবীর বুক হতে যেন দীর্ঘনিশ্বাস বেরিয়ে এল। ঠোঁটের কোণে বাঁকা হাসি টেনে বললেন—“আমি! আমার কথা! তোমাদের এই সমাজ, মানুষ সবার বাঁর আমি। আমার সঙ্গে কারুর তুলনা হয় না!”

বিহুদা একটু যেন আশ্চর্য্য হলেন, তীক্ষ্ণ দৃষ্টিতে চেয়ে বললেন, ‘হ্যাঁ, তাই ত! ভুলেই গিয়েছিলাম, তোমার ছেলে কোথায়? তাকে দেখছি না ত?’

‘মাদের ছেলে তাদের কাছেই আছে।’

‘তার মানে! বুঝলাম না ত কিছুই?’

‘আর বুঝে কাজ নেই। দেশের জন্ম জীবন দেওয়ার পণ করলেই যে সব জিনিষ বোঝবার ক্ষমতা জন্মায় তা নয়। যা কিছু বলি না কেন, এখনি শুনতে হবে দেশ আর সমাজের সপক্ষে লড়া-চণ্ডা বক্তৃতা। অন্তর দিয়ে তোমরা কিছুই বুঝতে চাও না।’

বিহুদা কি বলতে যাচ্ছিলেন, তাকে ধামিয়ে শম্পা দেবী ঝাঁজের সহিত পুনরায় বললেন—“কি বোঝ! কি জান! কতকগুলি বইয়ের কথা মুখস্থ ছাড়া! আর তাই বিলিয়ে দাও কালে-অকালে, মনে কর তোমাদের কর্তব্য শেষ হ’ল। রাখতে চাও কি মানুষের হাসি কান্নার খবর। বলতে পার আজ এই বধূর চোখে কেন জল—অনাস্বাদিত-আনন্দের না সত্যিকারের পাষণচাপা বেদনার।’

বিহুদা নৌকোর পাটাতন খুটতে খুটতে বললেন—‘এ তোমার রাগের কথা। না জেনে তোমার মনে যদি আঘাত দিয়ে থাকি তবে ক্ষমা কর।’

শম্পা দেবী এ কথায়ও নরম হলেন না, পূর্বের মত তীক্ষ্ণস্বরেই বললেন—“তুমি আমায় কি আঘাত দেবে, কি হুঃখ দেবে।”

আরও কি বলতে চাইছিলেন শম্পা দেবী। কিন্তু আর বলতে পারলেন না। চোখ-মুখ লাল, গলার স্বর কাঁপছে। তাড়াতাড়ি ছইয়ের ভেতর ঢুকে এটা সেটা নিয়ে টানাটানি করতে লাগলেন।

কিছুক্ষণ বাদে শম্পা দেবী ছইয়ের বাইরে এসে চোখে মুখে জল ছিটিয়ে দিয়ে সহজ হয়ে উঠে দাঁড়ালেন। বিহুদার কাছে এসে তার হাত ধরে বললেন—‘তুমি আমায় ক্ষমা কর। মাঝে মাঝে আমার মাথার মধ্যে যেন কেমন করে ওঠে। আমি আর কিছুতেই ঠিক থাকতে পারি নে।’

বিহুদা শম্পা দেবীর হাত ছাড়িয়ে তার মাথায় হাত দিয়ে

বললেন—‘ছিঃ, রাগ করব কেন। তোমার ওপর কি আমি রাগ করতে পারি। এ কথা কি তুমি আজও বুঝতে পার নি।’

শম্পা দেবীর ঠোঁটে তৃপ্তির হাসি। ‘আমার উপর কেন, তুমি হুনিয়ার কারুর উপরই রাগ করতে জান না—সে আমি ভাল করেই জানি। তুমি শুধু একা আমার অধিকারে নও বে একথা ভেবে আমার বৃকে আনন্দের ঢেউ খেলে যাবে।’

আবার সব চূপচাপ। নৌকো আবার ঘুরল আর একটা বাঁক। শম্পা দেবী যেন হঠাৎ সজাগ হয়ে উঠলেন। ‘আর দেবি নেই, তোমরা সবাই তৈরি হয়ে নাও। ঐ যে দূরে আমাদের ঘাট দেখা যাচ্ছে।’

১২

নৌকোতে মালপত্র বিশেষ কিছুই ছিল না, কাজই গোছাতে সময় বিশেষ লাগে নি। মালগুলি গুছিয়ে শম্পা দেবী ছইয়ের বাইরে এসে দাঁড়ালেন ঘাট লক্ষ্য করে।

যেখানে ঘাট সেখানটায় খাল বেশ খানিকটা চণ্ডা। শম্পা দেবীর মুখে শোনলাম ওটাকে নাকি এক সময় কাটানো হয়েছিল। আজ আর অবশ্য তার কোন পরিচয় নেই—শুধু সেখানটা মনে হবে অকারণে কলেবর বাড়িয়ে নিয়েছে। বুঝা যায় ঘাট বাঁধানো ছিল, কিন্তু এখন তা ব্যবহারের প্রায় অযোগ্য।

উপরের দিকে তাকালেই চোখে পড়ে ছোট মন্দির। চূণ-বালি ধসে পড়েছে—দরজার একটা পাট নেই, বাঁদিকের পাটটাও যুঁকে আছে সামনের দিকে—যে-কোন মুহূর্তে ধসে পড়ে যেতে পারে। দরজার ঠিক উপরে শেত পাথরের ফলকে কি লেখা আছে—দূর থেকে পড়া যায় না।

মন্দিরের পেছনে প্রকাণ্ড বটগাছ। অসংখ্য ঝুঁটি নেমেছে যেন মৌনী সন্ন্যাসীর অসংখ্য জটা। বাঁয়ে গভীর জঙ্গল—তেঁতুল, আম, বেল এমনি আরও কত গাছ মাথা তুলে দাঁড়িয়ে আছে।

ঘাটের কাছে নৌকো এসেছে জানতে পেরে দিদিমা ছইয়ের বাইরে চলে এলেন। তিনি অপলক দৃষ্টিতে তাকিয়ে রইলেন। শম্পা দেবী জিজ্ঞেস করলেন, “কি দেখছ দিদিমা।”

“অনেক দিনের কথা! কেন তুই আমাকে নিয়ে এলি আবার এই পুরীতে। একদিন যার নাম ডাকে চারদিক সচকিত থাকত, তার স্মৃতি আজ প্রায় লুপ্ত হতে চলেছে এ আমি চোখে দেখতে পারি নে শমি। এ আমি সহিতে পারি নে।”

দিদিমা আর কিছু বলতে পারলেন না। আনবার চূপ করে রইলাম। আন্তে আন্তে নৌকো এসে ঘাটে ভিড়ল। ঘাটের মাটি স্পর্শ করে তিন বার হাত কপালে ঠুঠকালেন। হাতে করে খানিকটা জল নিয়ে নিজের মাথায় দিলেন, শম্পা দেবীর মাথায়ও ছিটিয়ে দিলেন। অস্পষ্ট স্বরে কি যেন মন্ত্র পাঠ করে জোড় হাত মাথায় ঠেকালেন আকাশের দিকে তাকিয়ে।

শম্পা দেবীর হাত ধরে দিদিমা নৌকো থেকে নামলেন। পরে

আমরা নামলাম। মন্দিরের সামনে গিয়ে দাঁড়িয়ে তিনি মন্দিরের গায়ে মাথা ঠেঁকিয়ে প্রণাম করলেন—আমরাও তার অনুসরণ করলাম। মন্দিরের এই ভাঙা অবস্থা দেখে দিদিমার চোখে জল এল।

শ্বেতপাথরের ফলকে দেখলাম লেখা আছে “সর্বমঙ্গলাদেবীর পূণ্যানুতির উদ্দেশ্যে তাঁহার আশ্রিত প্রজাবন্দ ও গুণমুগ্ধ গ্রামবাসী কর্তৃক এই মন্দির স্থাপিত হইল।”

আমার ও বিদুদার ভিজ্ঞান দৃষ্টি পড়ল শম্পা দেবীর উপর। তিনি বললেন, “এই মহীয়সী নারীকে দেখবার সৌভাগ্য হয় নি; বহু পুরনো কাহিনী—আমার জন্মের অনেক আগেকার, শুনেছি দিদিমার কাছে শুধু দিদিমা কেন গাঁয়ের প্রতিটি লোকের মুখে মুখে।

“সর্বমঙ্গলা দেবীকে বিয়ে করবার কিছুদিন পরেই তার স্বামী দেহত্যাগ করেন হঠাৎ রোগের আক্রমণে।

বিশাল জমিদারী—সর্বমঙ্গলা দেবী নাবালিকা বললেই চলে। চাবদিকে কুচক্রী লোক মাথা চাড়া দিয়ে উঠল। কালনেমির লঙ্কা-জাগের মত এঁরাও করে রেখেছিল সমস্ত বিষয়সম্পত্তি ভাগা-ভাগি।

বৃদ্ধ দেওয়ানজী বলেছিলেন, “কি হবে মা-ঠাকরুণ।” তার উত্তরে তিনি নাকি বলেছিলেন, “কোন ভয় নেই, অবিচলিত থেকে নিষ্ঠার সঙ্গে কর্তব্য সম্পাদন করে যান—কেউ কোন ক্ষতি করতে পারবে না।”

কিছু দিনের মধ্যে সবাই বুঝতে পারল যে, এই জমিদারী কাণ্ডারীবিহীন হয়ে পড়ে নি। শুধু কি তাই, নিজগুণে তিনি সমস্ত প্রজাদের হাত করে ফেললেন। সবাই সুখী।

হঠাৎ একদিন সবাই দেখল, পাইক পেয়াদা সঙ্গে করে গাঁয়ের মধ্যে ইংরেজ ঘোড়ায় চড়ে ঘুরে বেড়াচ্ছে। এই গাঁয়ে নাকি নীলের চাষ হবে। নীলকুঠির সাহেবদের অপকীর্তির কথা কারুর জানতে বাকি ছিল না সারা বাংলায়।

গ্রামবাসী সমস্ত হয়ে উঠল। ঝি বউ আর সম্মান নিয়ে ঘরে থাকতে পারে না।

সর্বমঙ্গলা দেবীর সাহসের কথা সবাই জানত। কোন বিপদেই তিনি বিহ্বল হয়ে পড়তেন না। জমিদারী নিয়ে দাঙ্গা-হাঙ্গামা মাঝে মাঝেই বাধত। সর্বমঙ্গলা লুকুম দিয়ে হুর্ভু সাহেবকে নিজের কাছারিতে ধরে আনলেন। হয় নাকে খত দিতে হবে, নয় ত এই অঞ্চল ছেড়ে তখনই চলে যেতে হবে—এই হ’ল বিচার। ইংরেজের বাচ্চা দ্বিতীয় পথ বেছে নিল।

দিকে দিকে সর্বমঙ্গলা দেবীর জয়ধ্বনি উঠল। কিছুদিন পরে জমিদারীর কাজে তিনি কোথায় গিয়েছিলেন পানসীতে। ওদিকে নীলকুঠির সাহেবরা প্রতিশোধ-গ্রহণের জন্ত সূযোগের অপেক্ষায় ছিল। মফস্বলে সুবিধা পেয়ে, তাঁরই এক বিশ্বাসঘাতক আমলার সাহায্যে তাঁকে ধরে নেবার জন্ত তারা তাঁকে আক্রমণ করল পাইক বরকন্দাজ নিয়ে। তিনি আত্মসমর্পণ করার পাত্রী

ছিলেন না। আত্মরক্ষা করতে গিয়ে তিনি সাংঘাতিক রূপে আহত হলেন। ফিরে এসে যখন এই ঘাটে নামলেন, তৎক্ষণাৎ তাঁর মৃত্যু হ’ল। তাই এ ঘাটকে সবাই সর্বসঙ্গলা ঘাট বলে জানে।

হুই মাঝি আর আমরা ভাগাভাগি করে বাক্স-পেটরা আর মালপত্র নিয়ে শম্পা দেবীদের বাড়ীতে এসে উঠলাম।

জনহীন পুরী। বাড়ীর চারিদিক ঘিরে ছিল একদিন প্রকাণ্ড দেয়াল—সব ভেঙে গেছে, তবু কোথায় কোথায় এর সাক্ষী রয়েছে ভাঙা দেয়ালের টুকরো, এখনও মাথা তুলে দাঁড়িয়ে আছে—শেওলায় ঢাকা। যেখানটা দিয়ে বাড়ী ঢুকলাম সেখানে এককালে ছিল প্রকাণ্ড ফটক—ভিত্তি এখনও আছে।

বাড়ী ঢুকেই প্রকাণ্ড দীঘি—থানা-ডোবার মত ভরে আছে কলমী-দাম আর কচুরিপানায়। দীঘির উঁচু পাড় দিয়ে অন্দরমহল পৌঁছবার রাস্তা হুঁদিকে হাঁটুর ওপর পর্যন্ত জঙ্গলে চায়াগাছে ঢাকা, তার মধ্য দিয়ে সাবধানে চলতে হয়। জনবিবল পথ!

একটু এগিয়ে ডাইনে ঘুরলে ঠাকুরদালান—কষ্ট করে বুঝতে হয়, আজ শুধু সাপ খোপের বাসস্থান। অন্দরমহলের প্রকাণ্ড দালান ছাড়া আজ আর কিছুই নেই। তারই বাবান্দার উঠে আমরা মালপত্র নামিয়ে দাঁড়লাম। এখুই এক কোণে দেখলাম একটা মাটির প্রদীপ—তেল-চিটচিটে, যোজ সন্ধার মনে হ’ল কে এসে আলো জালিয়ে দিয়ে যায়।

মনে করেছিলাম বাড়ী ঢোকবার সঙ্গে সঙ্গেই লোকজন এসে ভিড় করবে, অভ্যর্থনার গুঞ্জরণে আমরা বিব্রত হয়ে উঠব। নিরাশ হলাম বৈকি!

দরজা তালাবদ্ধ—ঘরে ঢোকবার উপায় নেই। সবাই আমরা একরকম অসহায়ের মত মুগ্ধ চাওয়াচাওয়ি করলাম—শম্পা দেবী যেন কি বলতে যাচ্ছিলেন—হঠাৎ কি মনে করে থেমে গেলেন। ওর চোপের দৃষ্টি অনুসরণ করে বাইরে তাকিয়ে দেখি এক বৃদ্ধ লাঠি-ভর করে এগিয়ে আসছে—বাঁ-হাতের মুঠোতে একটা চাবির গোছা।

ঠুক ঠুক করে বুড়ো উঠে এল বাবান্দায় হাঁপাতে হাঁপাতে, মাথা কাঁপছে। অতি কষ্টে লাঠিটি রেখে বাঁ-হাত থেকে চাবির গোছাটা নামিয়ে দু হাত মাটিতে ভর দিয়ে মাথা ঠেকাল মেঝের। আস্তে আস্তে মাথা তুলতে তুলতে বলল, “পেন্নাম হই মা-ঠাকরুণ, পেন্নাম হই বাবুমশাইরা। এসো, এসো তোমরা”—কিসের আবেগে যেন তার কণ্ঠ বোধ হয়ে আসতে লাগল।

বৃদ্ধের চোখ বেয়ে জল পড়তে লাগল। একটু থেমে আবার বলতে লাগল, “আমরা ত কোন অপরাধ করি নি, তবে কেন আমাদের এমনি করে ছেড়ে চলে গেলে—কার অভিশাপে কত্তাদের এমনি দশা হ’ল, তা’কি ভগবান কোনদিন বুঝিয়ে দেবেন না! মা-ঠাকরুণ, তোমরা আবার ফিরে এসেছ—আবার ফিরে আসুক সেই দিন। আমি হয়ত বেঁচে থেকে দেখতে পার না।”

একটা গভীর দীর্ঘনিশ্বাস বেরিয়ে এল শম্পা দেবীর বুক চিরে।

চাবির গোছাটা কুড়িয়ে নিয়ে দরজা খুলে ঢুকে কিছু সময়ের মধ্যে ফিরে এলেন। কোমরে আচল জড়ানো—হাতে পুরোনো বুর-বুরে একটা ঝাঁটা। হেসে একরকম আমাদের সবাইকে উদ্দেশ্য করে মন্তব্য করলেন—“এসে যখন পড়েইছ তখন একটু হাঙ্গামাও পোয়াতে হবে বৈ কি! আমি ঘরগুলো একটু গুছিয়ে নিচ্ছি, তার পর মালপত্র ঘরে নেওয়া যাবে’খন...”

বিহুদা ওর মুখ থেকে কথা কেড়ে নিয়ে বললেন, “অর্থাৎ তুমি বলতে চাইছ বাইরেটা ভদ্রস্থ করবার ভার রইল আমাদের ওপর। বেশ মেনে নিলাম।”

শম্পা দেবী সরাসরি এর কোন জবাব না দিয়ে মুচকি হেসে ঘরের মধ্যে ঢুকে গেলেন নিজের কাজে।

বিহুদা আমায় বললেন, “দেখ দেখি একটা কোদাল-টোদাল পাওয়া যায় কিনা।” আশেপাশে চোখ বুলিয়ে কিছুই নজরে পড়ল না। বুড়ো বললে, “ও আর পাবেন কোথেকে কত্তা, আমার সঙ্গে যদি দয়া করে আসেন তবে আমার দা, কোদাল নিয়ে আসতে পারবেন।”

অগত্যা তাই করতে হ’ল। তাড়াতাড়ি হাটবার উপায় নেই, বুড়োর গতি ধীর মন্থর। এই বাড়ীরই একেবারে শেষ সীমায় ছোট ছোট ছুখানা ঘর, একখানা টিনের ছাউনি—পুরনো মরচে ধরে গেছে, আর একখানা খড়ের চাল, অনেক দিন তার সংস্কার হয় নি। ছোট উঠোন ঝাড়া-মোছা-পরিষ্কার। ঘরে নিয়ে বসাবার জগ্ন বৃদ্ধ বাস্তব হয়ে উঠল। ওর স্ত্রী বেরিয়ে এল মাথার কাপড় টানতে টানতে—বয়েস বুড়োর চেয়ে অনেক কম—এখনও বেশ শক্ত আছে বলেই মনে হ’ল। ছোটখাটো মানুষটি।

আমাদের বসবার উপায় নেই। কোদাল আর দা নিয়ে চলে এলাম। প্রতিশ্রুতি দিয়ে আসতে হ’ল আর একদিন যাব বলে।

এসে দেখি ততক্ষণে শম্পা দেবী গোটা দুই ঘর কোনরকম থাকবার উপযোগী করে ফেলেছেন। কপালে কয়েক গাছি চুল এসে পড়েছে, ঘামে আটকে গেছে, এতক্ষণের কায়িক পরিশ্রম চোখেমুখে উঠেছে ফুটে।

চললাম ত কাঠের খোঁজে গাছে চড়ে শুকনো ডাল কুড়াবার জগ্ন, কিন্তু পা বাড়াতে ভয় হয়। বড় বড় ঘাস ঢেকে আছে মাটি—ছোট ছোট আগাছা আশে পাশে প্রচুর। বিহুদাই আগে আগে চললেন লম্বা লম্বা পা বাড়িয়ে।

এ গাছ ও গাছের দিকে তাকিয়ে বিহুদা একটায় তর তর করে উঠে গেলেন। মড় মড় ডাল পড়তে লাগল। কাঠগুলি জড়ো করে বারান্দায় নামিয়ে রেখে বিহুদা শম্পা দেবীকে উদ্দেশ্য করে বললেন, “আশ নিরিমিষ দুটোই তোমার রান্না করে কাজ নেই, তুমি আজ কর, আর আমি করি দিদিমার জগ্ন।”

তৎক্ষণাৎ নিজেই নিজের কথার প্রতিবাদ করে বললেন, “না, তার দরকার নেই। দিদিমা আমার ছোঁয়া থাকেন না, আমি কোন জ্বাতের তা ত ঠিক নেই! তুমি দুটোই কর, আমি সাহায্য করব।

শম্পা দেবীর চোখে মুখে আপত্তি ফুটে ওঠে, কিন্তু বিহুদার মুখের দিকে তাকিয়ে এ কথা উড়িয়ে দেওয়ার মত নয় দেখে মুচকি হেসে ঘরে ঢুকে গেলেন।

আমার ওপর হুকুম হ’ল কোদাল দিয়ে উঠান ও আশপাশ সাফ করা। পুরানমে কাজ শুরু হয়ে গেল। বিহুদা এক সময়ে শম্পা দেবীকে উদ্দেশ্য করে বলেছিলেন, ‘তোমরা ভাব ঘর বাঁধতে কেবল মেয়েছেলেরাই পারে—পুরুষেরাও যে সে কাজে অপটু নয় তাই আজ প্রমাণ করব।’

বিহুদা আরও বললেন, ‘জুতো সেলাই থেকে চণ্ডীপাঠ সব কাজই আমাদের জানা থাকা দরকার, কখন কি অবস্থায় পড়ব তার কিছুই ঠিক নেই, সব কাজ যে করতে হয় আমাদের নিজেদেরই। এ সব কাজের জগ্ন ত আর শম্পা দেবীদের আমরা পাই নে, কি করেই বা পাব।’

‘শম্পা দেবীদের অভাব নেই, তারা তৈরি হয়েই আছে, এখন দেবতার বিশ্বাস স্থাপন করলেই হয়।’

‘অবিশ্বাস করার অভিযোগ ত তুমি করতে পারবে না শম্পা। পুরো চম্পিশ ঘণ্টাও পার হয় নি, এর মধ্যেই ত তোমাকে অস্বস্তি ঘর হই বিশ্বাস করতে হয়েছে, নির্ভর করতে হয়েছে। এ হ’বারই তোমরা সাহায্য করেছ আমাদের পথকে নিষাপদ করতে। কাজই তোমাদের ওপর নির্ভর করি নে বা করতে হয় না এ কথা হালফ করে বলব কি করে।’

‘তবে আমাদের সঙ্গী করে নাও না কেন।’

‘অনেক জটিলতার সৃষ্টি হয় বলে, অনেক হাঙ্গামা পোয়াতে হয় বলে।’

‘নিত্যকার সংসারের বাইরে থেকে থেকে সবার চোখ এড়িয়ে অস্বাভাবিক জীবন যাপন করে করে তোমাদের মনের মধ্যে অনেক গাঁট বাঁধা হয়ে গেছে—কোনটা সোজা কোনটা বাঁকা—তা আর আজ তোমাদের চোখেও ধরা পড়ে না। তার পর হঠাৎ এক দিন তোমাদের কারুর কারুর মাথা হুয়ে পড়ে যায়—তোমরা অবাক হয়ে যাও। কিন্তু পেছন দিকে চেয়ে দেখলে জানতে পারতে—এ ভেঙে পড়ার সূত্রপাত হয়েছে—তোমাদের একান্ত অজান্তে। এগুলোকে সহজ করে নাও, নইলে তোমাদের মঙ্গল নেই।’

‘অভিশাপ দিচ্ছি।’

‘মোটাই নয়, সহজ কথা সহজ করে বুঝতে বলছি। কেবল নীতির কথা পড়ে, নীতিবাক্য আওড়ে আওড়ে মনের ওপর পড়েছে সবকিছুকে কঠিন করে দেওয়ার একটা কালো পর্দা। সোজা বোঝবার দিনের আলোর ঠাই নেই!’

বিহুদা দৃঢ়তার সহিত বললেন, ‘নীতিবাক্যগুলো অনুসরণ না করলে আমাদের ভরাডুবি নিশ্চয়ী। সুনীতি না থাকলে তার স্থান অধিকার করবে দুর্নীতি।’

মাঝিদের যত্ন করে থাইয়ে তাদের পাওনাগণ্ডার অনেক বেশী দিয়ে ওদের বিদেয় করে দেওয়া হ’ল। হাতের গামছা কাঁধে ফেলে

যে হাসির রেখা মুখে ফুটিয়ে পয়সা গুনতে গুনতে চলে গেল তা সত্যই উপভোগ করার মত।

দিদিমাকে তাড়া দিলে তিনি মাথা ঘোরাতে ঘোরাতে জানালেন, 'তোরা সব বসে যা, আমার এখনও অনেক দেবি। পূজো আঙ্গিক অনেক বাকী।'

বিম্বুদা শম্পা দেবীকে উদ্দেশ্য করে বললেন, 'দিদিমার কথা শুনে মনে হচ্ছে খাওয়ার দেবি অনেক। তার জন্তু ভাবনা নেই কিন্তু একটা জিনিষ এ বাড়ী এসে খোজ করি নি। ও জিনিষ দুটি সাবধানমত রেখেছ ত! না আবার বিপদ ঘটাবে।'

'এখন পর্য্যন্ত ক'বার বিপদ ঘটালাম বলত! সম্পদ বাড়তে যেমন সুযোগের প্রয়োজন হয়, তেমনি বিপদ ঘটতেও চাই সুযোগ—এর কোনটাই এখন পর্য্যন্ত পাই নি!'

'তোমার ইতিহাস আমার জানা নেই, কিন্তু আমাদের মনের যে স্বাভাবিক বিচারের মাপকাঠি আছে, তা দিয়ে তোমার শক্তির পরিমাপ করে ফেলেছি। তোমার উপর সব বিষয়ে একান্ত নির্ভর করা যায় এটুকু নিশ্চয় বুঝতে পেয়েছি।'

'এত অল্প সময়ের মধ্যে এতটা ভাল নয়—শম্পা দেবীর চোখে-মুখে তৃপ্তির দীপ্তি আর খুশির ঝলমলানি।

এতক্ষণকার হাসি আনন্দের স্বচ্ছ হাওয়া বেন মুহুর্তে বিবাদের কালো পর্দার অঙ্কুরালবর্তী হয়ে গেল। বিম্বুদার হাসিমুখ যেন গাঙ্গীধোর আবরণে ঢাকা পড়ল। তিনি এগিয়ে এসে শম্পা দেবীর পিঠে হাত বুলিয়ে দিতে লাগলেন।

আবহাওয়ারকে আরও হাল্কা করার জন্তু বিম্বুদা বললেন, 'সুখ দুঃখ নিয়েই মানুষের জীবন। সবকিছুকেই সহজ করে হাসিমুখে নেওয়াই হচ্ছে শান্তিলাভের উপায়। ষাক এসব কথা, এখন খাওয়া-দাওয়ার কাজ সেরে ফেলা ষাক, ক্ষিধে পেয়েছে।'

'তোমরা দু'জনে ও কাজটা সেরে ফেল—আমার জন্তু ভেব না।' বিম্বুদা বললেন, 'না, আর আমরা দু'জন নই। আমরা তিন জন। আমরা তিন জনই বসব বে, খাওয়ার আগে স্নানের পর্ক, সেটা চল চট-পট সেরে নেওয়া ষাক। খাওয়ার পর্ক শেষ করে আজ দুপুরবেলা বেশ একটু বিশ্রাম নিতে হবে। কেননা সূর্য্যাস্তের পর একটু অন্ধকার হতেই বেরুতে হবে—যাবও একটু দূরে।'

'আর মাত্র কয়েক ঘণ্টা পরেই চলে যাবে!' শম্পা দেবীর কথায় ফুটে উঠে বেদনা আর নৈরাশ্য।

'না, না, একেবারে চলে যাব না—রাত্রি ভোর হওয়ার আগেই আসব ফিরে। রাত্রিতে আহাৰ নিদ্রা সম্ভব হবে কিনা বলতে পারছি নে।'

ক্রমশঃ

আমাদের সাহিত্য

শ্রীযোগেন্দ্রকুমার চট্টোপাধ্যায়

২

আমাদের বর্তমান বাংলা সাহিত্যের বাহুরূপ সম্বন্ধে আমি ইতিপূর্বে প্রবাসীতে কিছু আলোচনা করিয়াছি। ভাষাই সাহিত্যের বাহুরূপ। এবারে আমি সাহিত্যের বর্তমান অবস্থা সম্বন্ধে আমার অভিমত প্রকাশ করিতে ইচ্ছা করি। সমাজের রুচি ও নীতির পরিবর্তনের সঙ্গে সঙ্গে সাহিত্যেরও পরিবর্তন অবশ্যজ্ঞাবী। স্মৃতিরাজ, বিদ্যাসাগর-যুগের সাহিত্য আর বঙ্কিম-যুগের সাহিত্য এই উভয়ের মধ্যে যেমন পার্থক্য বিদ্যমান, সেইরূপ বঙ্কিম-যুগের সাহিত্যের সহিত বর্তমান যুগের সাহিত্যের পার্থক্য থাকিবেই। আমি বলিয়াছি যে বর্তমান যুগের অনেক লেখক অজ্ঞতাবশতঃই হোক, আর ইচ্ছা করিয়াই হোক ভাষাকে নানা দোষে দুষ্ট করিতেছেন। সেই দোষের উল্লেখ করিলে তাঁহাদের একমাত্র যুক্তি এই যে, এটা প্রগতি-সাহিত্যের যুগ। কিন্তু তাঁহারা ভুলিয়া যান যে, সাহিত্যমাত্রই প্রগতিশীল অর্থাৎ পরিবর্তনশীল। স্মৃতিরাজ "সাহিত্য" শব্দের পূর্বে "প্রগতি" শব্দ ব্যবহার করা সমীচীন বলিয়া আমি মনে করি না। কেহ তৃষ্ণার্জ হইয়া জল চাহিবার সময় তো বলে না "আমাকে এক গ্রাস তরল জল দাও।" কারণ জলমাত্রই তরল। জলের সহিত

তরলতার সম্বন্ধ যেরূপ অবিচ্ছেদ্য, সাহিত্যের সহিত প্রগতির সম্বন্ধও সেইরূপ অচ্ছেদ্য।

গত আড়া মাসের প্রবাসীতে "আমাদের সাহিত্য" শীর্ষক প্রবন্ধের উপসংহারে আমি "প্রগতি-সাহিত্য"র উল্লেখ করিয়াছি। এই প্রগতি-সাহিত্য সম্বন্ধে বর্তমান প্রবন্ধে আমি আরও দু'একটি কথা বলিতে ইচ্ছা করি। প্রগতি-সাহিত্য-লেখকগণের প্রতি আমার একান্ত অনুরোধ—তাঁহারা যেন ব্যাকরণ-দৃষ্ট, অশুদ্ধ বাক্য ব্যবহার করিয়া ভাষা-শিক্ষার পথে বাধা সৃষ্টি না করেন। অল্পবয়স্ক এবং অপরিণতবুদ্ধি পাঠক-পাঠিকারা ছাপার অক্ষরে ঐ রকম ভাষা দেখিলে সহজেই মনে করিতে পারে—এইরূপ ভাষাই বৃষ্টি আদর্শ ভাষা। তাহাতে ভাষার উন্নতির পরিবর্তে অবনতিই হইয়া থাকে। প্রগতির দোহাই দিয়া কোন কোন লেখক এরূপ ভাষা ব্যবহার করেন যে, দু'তিন বার না পড়িলে লেখকের বক্তব্য বুঝিতে পারা যায় না। উহাতে ভাষার স্বচ্ছতা নষ্ট হইয়া আবিষ্টতারই প্রাহর্ভাব হয়। আমাদের মতে ভাষা যত স্বচ্ছ হয়, ততই ভাল। কয়েক মাস পূর্বে পশ্চিমবঙ্গের মফস্বলের কোন মহকুমা-সহর হইতে প্রকাশিত একখানি সাপ্তাহিক পত্রের সম্পাদকীয় প্রবন্ধে দেখিয়া-

ছিলাম, সম্পাদক মহাশয় অভিব্যক্তি বর্ণনা করিয়া লিখিয়াছেন—
সংস্কৃত মগ্নময় হইয়া গেল। আমার মুখে সেই কথা শুনিয়া আমার
কোন লেখক-বন্ধু মন্তব্য করিলেন, “জগন্ময়”, “অগ্নিময়” এসব
সেকলে ভাষা; প্রগতি-সাহিত্যের ভাষার হইবে—“মগ্নময়”,
“দগ্নময়”।

অনেক সময় আমার মনে হয় যে, বর্তমানকালে আমাদের
সাহিত্যে অসার ও আবর্জনার স্তূপ অনেক বাড়িয়া গিয়াছে। এখন
হইতে ষাট-সত্তর বৎসর বা পঞ্চাশ বৎসর পূর্বে যাহারা আমাদের
সাহিত্যের কলেবর পুষ্ট করিয়াছিলেন, তাঁহাদের সংখ্যা অত্যধিক
ছিল না। একালে গ্রন্থকার ও লেখকের সংখ্যা প্রভূত পরিমাণে
বৃদ্ধি পাইয়াছে, তাহাতে সন্দেহ নাই। কিন্তু বর্তমান যুগের
লেখকদের মধ্যে কয়জনের লেখার আমরা এমন কিছু দেখিতে পাই,
যাহাতে স্পষ্টতঃ বৃদ্ধিতে পারা যায় যে, আমাদের সাহিত্যের সত্য-
সত্যই উন্নতি হইতেছে? বর্তমান লেখকদের মধ্যে কয়জনের লেখা
বঙ্গ-সাহিত্যে স্থায়ী-আসন প্রতিষ্ঠায় সমর্থ হইবে? সেকালের অক্ষয়-
কুমার দত্ত, বাজকৃষ্ণ মুখোপাধ্যায়, অক্ষয়চন্দ্র সরকার, চন্দ্রনাথ বসু,
চন্দ্রশেখর মুখোপাধ্যায় ও কালীপ্রসন্ন ঘোষ প্রভৃতি লেখকগণ
যে প্রবন্ধাদি লিখিতেন, আজকাল কয়জন লেখকের লেখনী
হইতে সেইরূপ স্ফুটিত লেখা বাহির হইতেছে? আমি ইচ্ছা
করিয়াই বঙ্কিমচন্দ্র ও রবীন্দ্রনাথের কথা বাদ দিতেছি, কারণ তাঁহারা
অসাধারণ প্রতিভাশালী পুরুষ ছিলেন। তাঁহাদের লেখনীনিঃসৃত
অনেক কথা শুধু বাংলা সাহিত্যে নয়, বিশ্ব-সাহিত্যে সূদূর আসন
প্রতিষ্ঠা করিয়াছে। কিন্তু এখন বাংলার, বিশেষতঃ কলিকাতার
মুদ্রায়ন্ত্র হইতে মুদ্রিত হইয়া যে সকল লেখকের পুস্তক প্রকাশক-
দের সাহায্যে বাজার ছাইয়া ফেলিতেছে, তাহাদের মধ্যে কয়
জনের লেখা সাহিত্যে স্থায়ী আসন লাভ করিতে সমর্থ হইবে?
গ্রন্থকারেরা নিজেদের কাল ও নিজেদের সমাজের প্রতি দৃষ্টি রাখিয়াই
গ্রন্থ রচনা করেন। সেই সকল গ্রন্থ পাঠ করিয়া পাঠকেরা বৃদ্ধিতে
পারেন যে, সেই লেখকের সময়ে সামাজিক অবস্থা ও শিক্ষা-দীক্ষা
কিরূপ ছিল। রামায়ণ, মহাভারত হইতে আরম্ভ করিয়া পরবর্ত্তী-
কালের কালিদাস, মাঘ, ভারবি প্রভৃতির রচনার আমরা তাঁহাদের
সময়ের সামাজিক চিত্র বেশ স্পষ্ট দেখিতে পাই। প্রায় এক শত
বৎসর পূর্বে দীনবন্ধু মিত্র যে সকল নাটক রচনা করিয়াছিলেন,
তাহাতে তাঁহার সমসাময়িক দেশের অবস্থা ও সমাজের নানা দিকের
চিত্র যে রূপে সুন্দররূপে আমরা জানিতে পারি, বর্তমান লেখকদের
মধ্যে কয়জনের গ্রন্থে আমরা সেরূপ জানিতে সমর্থ হই?

সেকালের লেখকেরা অর্থের দিকে দৃষ্টি নিবন্ধ না রাখিয়া দেশের
ও সমাজের উন্নতির জন্ত লেখনী চালনা করিতেন। কিন্তু মনে হয়,
এখনকার অনেক গ্রন্থকারেরই দৃষ্টি যাহাতে সমাজের কল্যাণ হইতে
পারে সেই দিকে নাই, ইহাদের দৃষ্টি অর্থের দিকে নিবন্ধ।
গ্রন্থ-প্রকাশকেরাও অনেকে ঠিক এইভাবে পরার্থ অপেক্ষা স্বার্থের
প্রতি সমধিক দৃষ্টি রাখিতেছেন। সাময়িক পত্রের সম্পাদকেরাও এ

দোষ হইতে সকলে মুক্ত নহেন। আমি একটা দৃষ্টান্ত দিয়া আমার
এই মন্তব্যের সমর্থন করিতেছি। কয়েক মাস পূর্বে আমার কোনও
খনিষ্ঠ বন্ধু একটি প্রবন্ধ লিখিয়া কোন সাময়িক পত্রের আপিসে
পাঠাইয়া দিয়াছিলেন। চার-পাঁচ দিন পরে সেই প্রবন্ধটি আমার
লেখক-বন্ধুর কাছে ফেরত আসিল। উক্ত সাময়িক পত্রের
সম্পাদক মহাশয় প্রবন্ধের সহিত একখানি পত্রও পাঠাইয়াছিলেন।
সেই পত্রে তিনি লিখিয়াছেন, “আপনার প্রত্যেকটি রচনাই অত্যন্ত
আগ্রহের সহিত পড়িলাম। কিন্তু হৃৎকের সহিত জানাইতেছি যে,
আপনি যে সকল বিষয়-বস্তু লইয়া লিখিয়াছেন, তাহা আজকালকার
পাঠকেরা শ্রদ্ধার সহিত গ্রহণ করিতে অক্ষম। ইহা আপনার লেখার
দোষ নহে, ইহা পাঠকদের দ্রুত পরিবর্ত্তনশীল রুচিরই দোষ।
আমাদের পত্রিকা যখন সাময়িক পত্রিকা, তখন সেই রুচির সহিত
তাল রাখিয়া আমাদের চলিতে হয়। আজকালকার পাঠকদের
মনোভাব বৃদ্ধিয়া অল্প কোনও রচনা যদি পাঠান, অমুগ্ধীত হইব।”

যদি উক্ত সম্পাদক মহাশয় পত্রে জানাইতেন যে লেখাটি
তাঁহাদের মনোনীত হয় নাই, তাহা হইলে আমি বিস্মিত বা হৃৎবিত
হইতাম না। কারণ ভিন্ন লোকের ভিন্ন রুচি। আমার বাহা ভাল
লাগিল, তাহা অপরের ভাল না-ও লাগিতে পারে। কিন্তু প্রবন্ধটি
প্রকাশ না করিবার জন্ত তিনি যে যুক্তি দেখাইয়াছেন, তাহাতেই
আমি বিস্মিত হইয়াছিলাম। সংবাদপত্র সকল সভ্য-সমাজেই লোক-
শিক্ষার বাহন বলিয়া বিবেচিত হয়। যিনি সেই লোক-শিক্ষার ভার
গ্রহণ করেন, পাঠকগণের রুচি উন্নত করাই তাঁহার কর্তব্য।

সেকালের হিতবাদীর একটি বিখ্যাত মোকদ্দমার বিষয় এখনও
হয়ত অনেকের স্মরণিত। অধুনাশুভ হিতবাদীর সম্পাদক কালী-
প্রসন্ন কাব্যবিশারদ মহাশয় তৎকালীন হিন্দু-সমাজে প্রচলিত যে সকল
প্রথাকে সমাজের অনিষ্টকর বলিয়া মনে করিতেন, তাহারই প্রতি-
কারের জন্ত হিতবাদীতে “রুচি-বিকার” নামে কয়েকটি ব্যঙ্গ-কবিতা
প্রকাশ করেন। সেই সময়কার উন্নতিশীল সমাজ ইহাতে অত্যন্ত ক্রুদ্ধ
ও ক্রুদ্ধ হইয়া কাব্যবিশারদ মহাশয়ের বিরুদ্ধে আদালতে মানহানির
মোকদ্দমা আনয়ন করেন। আদালতে মোকদ্দমার গুনানি আরম্ভ
হইলে কাব্যবিশারদ মহাশয়ের ব্যাবিষ্টার তাঁহাকে বলেন, “আপনি
ক্ষমাপ্রার্থনা করিলে ব্যাপারটি সহজেই মিটিয়া যায়। আমার মতে
আপনার ক্ষমাপ্রার্থনা করাই ভাল।” এই কথা শুনিয়া কাব্য-
বিশারদ মহাশয় দৃষ্টকণ্ঠে উত্তর করিলেন, “আমি বাহা আমার
সমাজের পক্ষে অনিষ্টকর বলিয়া মনে করি, তাহার প্রতিকার-চেষ্টা
যদি অপরাধ হয়, আমি সেই অপরাধে অপরাধী,—ইহা স্বীকার
করিতে কুণ্ঠিত হইব কেন? বিচারক যদি আমাকে দণ্ড দেন,
আমি সে দণ্ড হাসিমুখে গ্রহণ করিব।” সেকালের লোকেরা জানেন
যে ঐ মোকদ্দমার কাব্যবিশারদ মহাশয়ের নয় মাসের জন্ত সশ্রম
কারাদণ্ড হইয়াছিল। তিনি দণ্ডদেশে শুনিয়া বিচারপতিকে ধন্যবাদ
প্রদান করেন এবং আদালতে সমবেত তাঁহার বন্ধুবান্ধবগণের সহিত
হাসিমুখে কয়মর্দন করিয়া কারাগারে গমন করেন।

তখনকার দিনে সংবাদপত্রের সম্পাদকেরা যে জনসাধারণের নিকটে লোক-শিক্ষক বলিয়া সম্মানলাভ করিতেন, তাহার একটা উদাহরণ আমার ব্যক্তিগত অভিজ্ঞতা হইতে পাঠকগণের গোচরীভূত করিতেছি। “হিতবাদীর” সম্পাদকীয় বিভাগের ভার আমার হাতে থাকাকালে, সংস্কৃত কলেজের ভূতপূর্ব অধ্যক্ষ ডক্টর সতীশ-চন্দ্র বিদ্যাভূষণ মহাশয়ের মাতৃবিয়োগ হয়। মাতৃশ্রদ্ধ উপলক্ষে বিদ্যাভূষণ মহাশয় শতাধিক ব্রাহ্মণ-পণ্ডিত বিদায়ের ব্যবস্থা করেন। এই উপলক্ষে ‘হিতবাদীর’ সম্পাদক রূপে আমাকেও ব্রাহ্মণ-পণ্ডিতগণের প্রাপ্য একখানি নিমন্ত্রণপত্র দিয়াছিলেন। আমি শ্রদ্ধাবাসরে উপস্থিত হইয়া বিদ্যাভূষণ মহাশয়কে বলিয়াছিলাম, “আপনি ভুল করিয়া আমাকে পত্র দিয়াছেন। আমি ত ব্রাহ্মণ-পণ্ডিত বা চতুষ্পাঠীর অধ্যাপক নই। সুতরাং ব্রাহ্মণপণ্ডিতের প্রাপ্য সম্মান বা বিদায় আমি লইতে পারি না।” আমার কথা শুনিয়া তিনি হাসিয়া বলিয়াছিলেন, “আমি ভুল করিয়া আপনার নামে পত্র দিই নাই, আমি ইচ্ছা করিয়াই আপনাকে নিমন্ত্রণ করিয়াছি। অধ্যাপক পণ্ডিত মানে কি? যাহারা সমাজের শিক্ষক, সমাজে শিক্ষাবিস্তারে যাহারা জীবন উৎসর্গ করিয়াছেন, তাঁহাদিগকে সাহায্য করাই ব্রাহ্মণ-পণ্ডিত বিদায়ের মুখ্য উদ্দেশ্য। আপনি ব্রাহ্মণ-সন্তান এবং সমাজে শিক্ষা-বিস্তারের কার্যে ব্যাপৃত আছেন। সুতরাং আপনি কেন বিদায় লইবেন না?” অগত্যা আমি তাঁহার কথায় সম্মত হইলাম। ইহার পর কলিকাতা বড়বাজারের রাজবাড়ীতে “অধ্যাপক-বিদায়ের নিমন্ত্রণপত্র এবং বিদায়”ও পাইয়াছিলাম। সংবাদপত্রের সম্পাদকেরা সমাজে কেন সম্মানলাভ করেন, তাহার কারণ বোধ হয় পাঠকগণ বুঝিতে পারিয়াছেন।

আর একটা বিষয়ে সংক্ষেপে আলোচনা করিয়া এই প্রবন্ধ শেষ করিব। সাময়িকপত্রের সম্পাদক, পরিচালক ও স্বত্বাধিকারীদের মধ্যে অনেকেই কেবল ব্যবসায়বুদ্ধি লইয়া—পত্রিকাদি প্রকাশ করেন, অর্থাৎ লাভ লোকসানের প্রতি দৃষ্টি নিবদ্ধ রাখাই আপনাদের প্রধান কর্তব্য বলিয়া মনে করেন। ইহার ফলে অনেক সাময়িক পত্রের গুরুত্ব হ্রাস পাইয়াছে। তখনকার দিনে বঙ্কিমচন্দ্র ও সঞ্জীবচন্দ্রের সম্পাদিত “বঙ্গদর্শন”, দ্বিজেন্দ্রনাথ ঠাকুর, স্বর্ণকুমারী দেবী এবং স্বর্ণকুমারীর কন্যা সরলা দেবী সম্পাদিত “ভারতী”, সুবিশেষ সমাজ-পত্রের “সাহিত্য”, এবং “আর্যদর্শন”, “কল্পদ্রুম” প্রভৃতি মাসিকপত্রে বৈরাগ্য গভীর পাণ্ডিত্যপূর্ণ, মৌলিক অথচ সরল প্রবন্ধাদি প্রকাশিত

হইত এখন অতি অল্পসংখ্যক মাসিক পত্রেই সেইরূপ দেখিতে পাই।

বর্তমান বঙ্গ-সাহিত্যে যে অবনতি হইতেছে তাহার আর একটা প্রধান কারণ, গ্রন্থ-প্রকাশকদিগের স্বার্থবুদ্ধি। কলিকাতায় পুস্তক-প্রকাশকের অভাব নাই। কিন্তু তাঁহাদের মধ্যে অনেকেই আপনাদিগকে গ্রন্থ-সমালোচকের আসনে স্থাপন করিয়াছেন। তাঁহারা মনে করেন, বৈরাগ্য লেখা থাকিলে পুস্তক অধিক বিক্রয় হইবে, সেইরূপ পুস্তক, নিকৃষ্ট হইলেও তাঁহারা প্রকাশ করিবেন। গ্রন্থকারগণের মধ্যে অনেকেই দরিদ্র অথবা মধ্যবিত্তশালী গৃহস্থ। এখনকার এই দুর্মূল্যতার দিনে কয়জন লেখক নিজ ব্যয়ে গ্রন্থ প্রকাশ করিতে পারেন? কাজেই তাঁহাদিগকে প্রকাশকদের শরণাপন্ন হইতে হয়। শুনা যায় প্রকাশকদের কেহ কেহ কখনও কখনও বিধি-বহির্ভূত পস্থা গ্রহণ করিতেও কুণ্ঠিত হন না। এই ব্যাপার পুস্তক-ব্যবসায়ের বাজারে হরত নূতন নহে। আমার যতদূর মনে পড়ে, সাহিত্যসম্রাট বঙ্কিমচন্দ্রের শেষ জীবনে পুস্তকের বাজারে এইরূপ বিধি-বহির্ভূত পস্থা অনুসরণের দৃষ্টান্ত দেখা গিয়াছিল। বঙ্কিমচন্দ্র তাঁহার জীবিতকালের শেষদিকের সংস্করণগুলিতে নিজেই নাম স্বাক্ষর করিয়া দিতেন। তাঁহার স্বহস্তে লিখিত “B. C. Chatterjee” পুস্তকের প্রচ্ছদপটে আমি দেখিয়াছি।

যেদিন হইতে পুস্তক-প্রকাশকগণ সমালোচকের আসনে গ্রহণ করিয়া পুস্তকের দোষগুণ বিচারে প্রবৃত্ত হইয়াছেন, সেই দিন হইতেই বাংলা সাহিত্যের উন্নতি বহুলাংশে ব্যাহত হইয়াছে। বঙ্কিমচন্দ্র হইতে রবীন্দ্রনাথ পর্যন্ত বঙ্গসাহিত্যের সে গৌরবময় যুগ আর নাই। মধুসূদন, হেমচন্দ্র, নবীনচন্দ্র, বঙ্গলাল, রাজকৃষ্ণ মুখোপাধ্যায় প্রভৃতির গায় কবি আজকাল কোথায়? বঙ্কিমচন্দ্র, অক্ষয়চন্দ্র সরকার, চন্দ্রনাথ বসু, কালীপ্রসন্ন ঘোষ, চন্দ্রশেখর বসু, রাজকৃষ্ণ বন্দ্যোপাধ্যায় প্রভৃতির গায় প্রবন্ধলেখক আজকাল কয়জন আছেন? দীনবন্ধু মিত্র, মনোমোহন বসু, দ্বিজেন্দ্রলাল রায়, গিরীশচন্দ্র ঘোষ, অমৃতলাল বসু, রাজকৃষ্ণ রায়, ক্ষীরোদ-প্রসাদ বিদ্যাবিনোদ প্রভৃতির মত নাট্যকার ও প্রহসনকার আজকাল কোথায়? সেকালের সহিত একালের তুলনা করিলে আমার মত অশীতিপর বুদ্ধিদিগকে মুক্তকণ্ঠে স্বীকার করিতে হইবে, এখনও যে দুই চারি জন খ্যাতনামা ঔপন্যাসিক বাংলার সাহিত্যাকাশে দীপ্যমান আছেন, তাঁহারা অস্ত্রাচলে গমন করিলে আমাদের সাহিত্য-গগন কি অন্ধকারাচ্ছন্ন হইয়া যাইবে?



হাইড্রোজেন বোমার তেজক্রিয়তার আভাস

শ্রীমলিনীকুমার ভদ্র

গত ১লা মার্চ মার্কিন যুক্তরাষ্ট্র কর্তৃক প্রশান্ত মহাসাগরে হাইড্রোজেন বোমার পরীক্ষণ-জনিত তেজক্রিয়তার কুফল পরিলক্ষিত হওয়ায় জাপানে বিশেষ আতঙ্কের সৃষ্টি হয়। জাপানের ইতিহাসে তৃতীয় বার এই বিপৎপাত হইল।

এই ঘটনার তাৎপর্য্য একরূপ গুরুত্বপূর্ণ এবং ইহার প্রতিক্রিয়া একরূপ সুদূরপ্রসারী যে, ইহার দরুন মানবজাতির জ্ঞানবুদ্ধিকে আবার একবার কঠোর পরীক্ষার সম্মুখীন হইতে হইয়াছে।

১লা মার্চ তারিখে ফুকুরিয়ু মারু জাহাজের মৎস্যশিকারী নাবিকেরা হঠাৎ দেখিল—আকাশ তীব্র আলোকে উদ্ভাসিত হইয়া উঠিয়াছে, সঙ্গে সঙ্গেই বিস্ফোরণের প্রচণ্ড গর্জনে তাহাদের কানে তাল লাগিয়া গেল।



ফুকুরিয়ু মারুর ছ ঘটনার পর মাছের বাজারে সমুদ্রের মৎস্যগুলিকে পরীক্ষা করা হইতেছে

তিন ঘণ্টা পরে তাহাদের উপর সাদা ছাই পড়িতে লাগিল এবং মাছ ধরивার ক্ষুদ্র জাহাজটি পরমাণু-ধূলিতে (Atomic dust) আচ্ছন্ন হইয়া গেল।

ইহারা বাড়ীতে ফিরিবার পর দেখা গেল যে, তেজক্রিয়তার প্রতিক্রিয়ার দরুন ইহাদের সকলেরই শরীর অস্বস্থ হইয়াছে। অবশ্য মার্কিন সরকার ইহাদের চিকিৎসার যথোচিত ব্যবস্থা করিলেন।

২০শে মার্চ তারিখে বৈদেশিক মন্ত্রণালয়প্রদে প্রদত্ত নির্দেশিকা (note) অনুসারে, ১৯শে মার্চ হইতে বর্তমান



টোকিও বিশ্ববিদ্যালয় হাসপাতালে তেজক্রিয়তার দরুন গুরুতর রূপে অস্বস্থ একট নাবিককে পরীক্ষা করা হইতেছে

বৎসরের প্রায় শেষভাগ পর্য্যন্ত বিপজ্জনক অঞ্চলের যে নূতন পরিবর্তিত সীমানা নির্ধারিত হইল, তাহা এ পর্য্যন্ত নির্দিষ্ট সীমারেখা হইতে কয়েক গুণ বৃহত্তর।

এই ব্যবস্থার ফলে মৎস্য শিকারে সম্মিলিত ব্যক্তি এবং প্রতিষ্ঠানসমূহের পক্ষ হইতে অভিযোগ উত্থাপিত হইল যে, ইহার দরুন সমুদ্রগামী মৎস্যশিকারী জাপানী জাহাজগুলিকে যথাস্থানে যাইতে হইলে অনেকটা ঘুরপথে যাইতে হইবে এবং তার মানেই অতিরিক্ত ব্যয়বৃদ্ধি।

ফিশারি এজেন্সি হিসাব করিয়া দেখাইল যে, বিপজ্জনক অঞ্চলের সম্প্রসারণের দরুন প্রশান্ত মহাসাগর হইতে লক্ষ মৎস্যের ক্ষতির পরিমাণ দৃড়াইবে শতকরা এক। ১লা মার্চের ঘটনা মৎস্য-শিল্পের উপর ইতিমধ্যেই মোক্ষম আঘাত হানিয়াছিল, হিসাবের ফলে দেখা গেল, ক্ষতির পরিমাণ ৫০ লক্ষ ইয়েন।

এদিকে, বৈদেশিক উপমন্ত্রী কাংসুজু ও কুমুরা রাষ্ট্রদূত এলিসনের হস্তে এক স্মারকলিপি প্রদান করিলেন। তাহাতে

হৃৎতার সহিত বলা হইল যে, ১লা মার্চের ঘটনার সকল দায়িত্ব মার্কিন যুক্তরাষ্ট্রের।

এই এপ্রিল জাপান গম্বর্ণমেন্ট মার্কিন যুক্তরাষ্ট্র সরকারের নিকট ফুকুরিয়ু মারুর শোচনীয় ছবিটনার জন্ত ক্ষতিপূরণ দাবি করা সাব্যস্ত করিলেন।



ফুকুরিয়ু মারু জাহাজে তেজস্ক্রিয়তার প্রতিক্রিয়া সম্পর্কে পরীক্ষারত বাহ্যবিভাগের কর্মচারীগণ

এই সিদ্ধান্ত এখনও সরকারী ভাবে ঘোষিত হয় নাই বটে, কিন্তু ওয়াকিবহাল মহলের মতে ক্ষতির পরিমাণ নিম্নলিখিত রূপে :

জাহাজের ক্ষতি ১৫ লক্ষ ইয়েন, মাছ ধরবার সাজ-সরঞ্জাম এবং নাবিকদের ব্যক্তিগত জিনিষপত্রের ক্ষতি ২ লক্ষ ইয়েন, ধৃত মাছের ক্ষতি ১ লক্ষ ইয়েন, বিষক্রিয়ায় অসুস্থ মৎস্যশিকারীদের চিকিৎসার খরচ মাথাপিছু ১৫০,০০০, ইয়েন, মৎস্যশিকারীদের এবং তাহাদের পরিবারভুক্তদের প্রত্যেকের মাসিক খরচ ৩০,০০০ ইয়েন। আমেরিকান পরমাণুতত্ত্ব বিশেষজ্ঞ আইসেনবাড জাপানী অসুস্থজ্ঞানীদের সঙ্গে আলোচনাক্রমে এই মন্তব্য প্রকাশ করেন যে, উক্ত মৎস্যশিকারীদের মূত্র রেডিও কেমিক্যাল বিশ্লেষণ দ্বারা পরীক্ষিত হইয়া এ সম্বন্ধে জরুরী-কল্পনার অবসান হইক।”

এই সম্পর্কে রাষ্ট্রদূত এলিসন এক বিবৃতিতে বলেন :

এই পরীক্ষণ-পদ্ধতির (যাহার সুযোগ-সুবিধা জাপানে নাই) দ্বারা তেজস্ক্রিয়তার দরুন অসুস্থ ব্যক্তির দেহের টিসুতে কি পরিমাণ রেডিও কেমিক্যাল জমা হইয়াছে তাহার পরিমাণ নির্ণয় সম্ভবপর হয়।

রাষ্ট্রদূত আরও বলেন—“আমেরিকার পরীক্ষার্থ লইয়া যাইবার জন্ত আইসেনবাডের নিকট ছইটি রোগীর মৃত্যুর নমুনা দেওয়া হয়। পরীক্ষণের ফলে দেখা যায়, রেডিও কেমিক্যালের নিঃসরণ এত স্বল্প পরিমাণ যে, ঐ ছই জন রোগীর টিসুতে জমা হওয়া রেডিও আইসোটোপ সম্পর্কে মাথা ঘামানো অন্ততঃ চিকিৎসাশাস্ত্রের দিক দিয়া ভিত্তিহীন।

এই বিষয়টি লইয়া জাপান এবং আমেরিকার সরকারী মহলে খুব আলোচনা-আলোচনা চলিতেছে। ইহার ফলাফল



যে সকল মৎস্যের উপর তেজস্ক্রিয়তার প্রতিক্রিয়া পরীক্ষিত হইয়াছে সেগুলিকে ফুকুরিয়ু মারু জাহাজে রাখা হইতেছে

যাহাই হউক না কেন, তেজস্ক্রিয়তার (Radio active astres) দরুন তেইশ জন জাপানী মৎস্যশিকারীর দেহে যে বিক্রিয়কমের ক্ষতি হইয়াছিল তাহা তাহীকার ক্রিয়া উপায় নাই।

এই হাইড্রোজেন বোমা নিয়ন্ত্রণের জন্ত আন্তর্জাতিক যথোচিত ব্যবস্থা অবলম্বন না করা যায়, তাহা হইলে জাপানের পরিণাম ভয়াবহ হইয়া দাঁড়াইতে পারে। স্যর উইল্টন চাচিল একবার বলিয়াছিলেন যে, এইচ-বোমার আধিক্যের চেয়ে ইহার নিয়ন্ত্রণ তের বেশী কঠিনসাধ্য হইবে।

সম্প্রতি অনেক দেশে যখন পরমাণু-বোমা ও হাইড্রোজেন বোমার পরীক্ষণ চলিতেছে, তখন ঐ সকল দেশের পক্ষে যে-কোন সময় ভয়াবহ পরমাণু-ধূলি দ্বারা সমাচ্ছন্ন হইবার সম্ভাবনা বিস্তারিত গিয়াছে।

রাষ্ট্রপুঞ্জের দ্বারা পরমাণুশক্তি নিয়ন্ত্রিত হওয়ার সম্ভাবনা সম্বন্ধে বৈদেশিক মন্ত্রণ-পরিষদসমূহের কর্তৃপক্ষ নৈরাশ্রপূর্ণ মনোভাষ পোষণ করেন, কেননা যুক্তরাষ্ট্র এবং সোভিয়েট রাশিয়ার মধ্যে এই সম্পর্কে গভীর মতানৈক্য বিস্তারিত।

সম্প্রতি জাপানের পররাষ্ট্রসচিব ওকাজাকি ঘোষণা করিয়াছেন, তাহার সরকার “বিশ্বশান্তি রক্ষার জন্ত” পরমাণু-শক্তি-নিয়ন্ত্রণ-ব্যাপারে যুক্তরাষ্ট্র সরকারের সহিত সহযোগিতা করিতে ইচ্ছুক।

তাহার সিদ্ধান্তের ভিত্তি এই যে, মার্কিন যুক্তরাষ্ট্রের প্রতিরক্ষাশক্তি বিশ্বনিরাপত্তার পক্ষে বিশেষভাবে মহাশক্তি এবং একটি গণতান্ত্রিক দেশ হিসাবে জাপানের পক্ষে আমেরিকার সহিত সহযোগিতা করা অত্যাৱশ্যক।

The Matnichi Over Seas Edition অবগতন।

মহাত্মা গান্ধী

শ্রীবিজয়লাল চট্টোপাধ্যায়

মহাত্মা গান্ধীর জীবন একটা মহাকাব্যের মত। এই মহাকাব্যের পর্বে পর্বে প্রেমের, সত্যানুরাগের এবং মহাবীর্যের অমর কাহিনী। কাহিনীগুলি যুগ যুগ ধরে মানুষের চলাচল পথের পাশেই হয়ে থাকবে। গান্ধীজীর এই অরণীয় যুত্ম-দিবসে তাঁর জীবনের ও বাণীর তাৎপর্য উপলব্ধি করার একটা বিপুল সার্থকতা আছে। আত্মজীবনী শেখ অধ্যায়ে গান্ধীজী লিখেছেন : সত্যই ঈশ্বর আর সত্যকে প্রত্যক্ষ করতে হলে দরকার দিনের থেকে যে দিন তাকে ও আত্মবৎ ভালবাসা। প্রাণীমাত্রকেই যে ভালবাসতে চায়—একান্ত আত্মকেন্দ্রিক জীবন যাপন করা তার পক্ষে সম্ভব নয়। সত্যানুরাগ আমাকে রাজনীতির ক্ষেত্রে টেনে এনেছে ; আর একথা আমি অস্বীকারই বলতে পারি, ধর্মের সঙ্গে রাজনীতির কোন সম্পর্ক আছে বলে যারা স্বীকার করেন না তাঁরা ধর্ম বলতে কি বোঝায় তা জানেন না।

দীনতম ভারতবাসীও গান্ধীর কাছে ছিল অমৃতের পুত্র। তাঁর অন্তরের সর্বপ্রাণী কামনা ছিল দেশবাসীর মুক্তি। জড়তা থেকে মুক্তি, ভীকৃত্য থেকে মুক্তি, সর্বপ্রকারের বিদ্বেষবুদ্ধি থেকে মুক্তি। তিনি দেখেছিলেন—স্বদেশের কোটি কোটি নরনারী অগ্নাভাবে হয়ে আছে জীবন্ত নরকঙ্কাল, শিক্ষার ও সংস্কৃতির অভাবে নেমে গেছে মানবের প্রাণীর পর্যায়। আরও দেখেছিলেন, দুর্ভাগ্য দেশের কোটি কোটি নর-নারায়ণ সমাজে হয়ে আছে অস্পৃশ্য, হিন্দু আর মুসলমান একই 'জাতি'র (নেশন) অন্তর্ভুক্ত হয়েও পরস্পরের প্রতি বিদ্বেষভাবাপন্ন ; নারীজাতি পুরুষের সমান হয়েও পর্দার অন্তরালে হয়ে আছে খেলাঘরের পুতুল। কোটি কোটি অমৃতের পুত্রের এই দুর্গতি দেখে গান্ধীর করুণ কোমল হৃদয় দুঃখে বিদীর্ণ হয়ে গেল। জীবনকে তিনি নিঃশেষে নিবেদন করে দিলেন স্বদেশকে সর্বতোভাবে শৃঙ্খলমুক্ত করার মহাযজ্ঞে।

নর-নারায়ণের সেবায় এই আত্মনিবেদন গান্ধীকে শেষ পর্যন্ত টেনে আনল রাজনীতির রণপর্বে। রাজনীতি প্রত্যেকটি ভারতবাসীর জীবনকে জড়িয়ে রেখেছে পাকে পাকে অজগর সাপের মত। শত চেষ্টাতেও এই নাগপাশ থেকে নিষ্কৃতির কোন উপায় নেই। গান্ধী দেখলেন ভারতে ব্রিটিশ শাসনের ভিত্তি জনসাধারণের শোষণের উপরে। ব্রিটিশ গবর্নমেন্টের অস্তিত্ব মানে ভারতের রাজনৈতিক, অর্থনৈতিক, সাংস্কৃতিক এবং নৈতিক সর্বনাশ। এই সর্বনাশকে ঠেকাতে হলে বৈদেশিক শাসনের শৃঙ্খলকে ছিন্ন

করার প্রয়োজন সর্বপ্রথমে। যুগদেবতার আক্রমণে দরিদ্র নারায়ণকে ভালবেসে, উৎপীড়িত স্বদেশের বিহীন আত্মার প্রতিশ্রুতি হয়ে গান্ধী অবশীর্ণ হলেন রাজস্রোতীর ভূমিকার। জালিয়ানওয়ালা বাগের নৃশংস হত্যাকাণ্ডের প্রতিবাদে ভারতের আকাশ-বাতাস মুখরিত করে বেজে উঠল অহিংস অসহযোগের পাকজল।

যারা ছিল শতধাবিচ্ছিন্ন, গান্ধীর আহ্বানে তারা মনঃসংগঠনের মত সমবেত হ'ল কংগ্রেসের পতাকাতে। যে কংগ্রেসের কার্যকলাপ সীমাবদ্ধ ছিল সহরের শিক্ষিতের গণ্ডীর মধ্যে, গান্ধী তার শিকড়কে চাপিয়ে দিলেন গ্রাম থেকে গ্রামান্তরে জনসাধারণের মঞ্চে গভীরে। এই সজ্জবদ্ধ জনসাধারণের হাতে গান্ধী দিলেন সত্যগ্রহের অল্পমম অস্ত্র। দাসত্বের মূলে ছিল ভয় ; কারণ বিপ্লবের পথ বিঘ্নসঙ্কুল। যুত্মের অগ্নিমন্ত্রে গান্ধী তাই মরণভীরু জাতিকে দিলেন দীক্ষা। মেঘমল্লস্থরে ঘোষণা করলেন তিনি : নূতন জীবনের প্লাবন আসে মরণের গর্ভ থেকে। দুঃখের অগ্নিকুণ্ডে কাঁপ না দিয়ে ইতিহাসে কোন পরাধীন জাতিই আজ পর্যন্ত উন্নত হয় নি।

সত্যগ্রহের পথ হাসিমুখে চরম দুঃখকে বরণ করার পথ। ভয় এবং ক্রোধ উভয়কেই অতিক্রম করে সাধারণ মানুষ স্বাধীনতার জন্তে নিঃশব্দে প্রাণ দিতে পারে—একথা কেউ কেউ বিশ্বাস করত না। চরিত্রবল জনকয়েক মহাপুরুষের একচেটিয়া সম্পত্তি—এই ধারণাকে গান্ধী উল্টে দিলেন। গান্ধীর বিশ্বাস ছিল মানুষের অন্তর্নিহিত দেবত্ব। বিপদগামী দুর্বলচেতা মানুষ নিজের প্রবৃত্তিকে সংযত করতে পারে—অন্তরে এই দৃঢ় প্রত্যয় না থাকলে গান্ধী কখনও জনসাধারণকে নিয়ে নিরুপদ্রব আইন অমান্য আন্দোলনে বারংবার কাঁপ দিতে সাহস করতেন না। দক্ষিণ আফ্রিকায় জেনারেল স্মিটসের বিরুদ্ধে গান্ধী কুড়ি বৎসর ধরে যে লড়াই চালিয়েছিলেন—সে ত এই বিশ্বাসেরই জোরে। বার্দোলি সত্যগ্রহ সম্পর্কেও একই কথা। সাধারণ মানুষকে এমন করে বিশ্বাস করতে পেরেছিলেন বলে তারাও এমন ভাবে তাঁর ডাকে সাড়া দিয়ে অকুতোভয়ে মরণের সম্মুখে দাঁড়াতে পেরেছিল। গান্ধীর কাঁরবার ছিল বক্তৃতাশাসনের অতি-সাধারণ, মানুষ নিয়ে। তাঁদের মধ্যে তিনি দেখতে পেয়েছিলেন আত্মার অনির্বাক্য শিখাকে।

অহিংস গান্ধীর আত্মার শক্তির কাছে গর্বোদ্ধত চাচিলের বাক্যশাসনের শক্তি শেষ পর্যন্ত হার মানল, চাচিল সমস্ত শক্তি

লোকের নজরে এটা পড়ে না; ক্রমশঃ স্তরের পর স্তর ধুয়ে যায় এবং অবশেষে এমন একটি স্তর এসে পড়ে যাকে সম্পূর্ণ অনুর্ধ্ব বা উষর বলা যায়। এই স্তরে উদ্ভিদের খাদ্য থাকে না বললেই চলে।

প্রশ্ন। আচ্ছা জলশ্রোতের সঙ্গে যে সকল মূল্যবান পদার্থ থাকে এবং জমির উপরিভাগের ক্ষয়প্রাপ্ত মাটি নদী-নালায় পড়লে নদী-নালায় কিছু ক্ষতি হয় কি ?



বৃক্ষে জল সিকনের জন্য ডাঃ আর আহমেদ শ্রীযুক্ত ক্ষিত্তিমোহন সেনশাস্ত্রীর হাতে জল ঢালিয়া দিতেছেন

উত্তর। আপনার এ প্রশ্নও খুব প্রয়োজনীয়। এর ফলে আমাদের ঘোরতর সর্বনাশ হয়েছে ও হচ্ছে; শ্রোতের সঙ্গে মিশ্রিত পদার্থসমূহ নদী-নালায় সঞ্চিত হয়ে তাদের স্বাভাবিক গতি রুদ্ধ করে দেয় এবং নদী-নালাগুলো ক্রমশঃ হেজে মজে যায়। আবার কোন কোন ক্ষেত্রে নদীর তলদেশ উখিত হয়ে প্লাবনের সৃষ্টি করে। অনেকের মত এই যে অরণ্য এবং বৃক্ষের অভাবেই আজ দামোদরের অবস্থা এই রকম হয়েছে এবং এর সংস্কারের জন্য কোটি কোটি টাকা খরচ করতে হচ্ছে। অবশ্য এই মত সম্পূর্ণ ঠিক কিনা বলতে পারি না।

প্রশ্ন। জলশ্রোতের ফলে জমির আর কোন রকম ক্ষতি হয় কি ?

উত্তর। জলশ্রোতের ফলে আর একটা ভীষণ ক্ষতি হয়। সেই ক্ষতিটা হচ্ছে জমি ধুয়ে ধুয়ে জমিতে অসংখ্য নালায় সৃষ্টি হয়। এই সকল নালা ১৮২০ ফুট পর্যন্ত গভীর হয়। আমাদের দেশে অনেক স্থানেই এইভাবে গভীর নালায় সৃষ্টি হয়েছে। এর ফলে অনেক স্থানেই প্রস্তরাকীর্ণ ভূমির উদ্ভব হয়েছে।

প্রশ্ন। কৃষির পক্ষে অক্ষুণ্ণ পদার্থসমূহ মাটিতে সঞ্চিত

করাবার উদ্দেশ্যে এবং জমির ক্ষয়-নিবারণ করবার জন্যই কি কেবল বৃক্ষরোপণের দরকার ?

উত্তর। এটাও একটা দরকারী প্রশ্ন; আমরা সকলে জানি গাছপালা, বনানীর ওপরই বৃষ্টিপাত নির্ভরশীল। সময়মত বৃষ্টিপাতের পরিমাণের ওপরই আমাদের দেশের কৃষি প্রধানত নির্ভর করে। এটা স্থির জেনে রাখুন বন-উপবন না থাকলে বৃষ্টিপাত কম হয়। সুতরাং মুন্সী সাহেব যা বলেছিলেন সে কথা অক্ষরে অক্ষরে সত্য। তিনি বলেছিলেন গাছ থেকে জল, জল থেকে খাদ্য এবং খাদ্য থেকে জীবন। সেইজন্য বৃক্ষরোপণ আমাদের জীবনের সঙ্গে জড়িত আছে বলে আবহমান কাল থেকেই বৃক্ষরোপণকে আমাদের অতি পুণ্য কাজ বলে গণ্য করা হয়। ইহা আমাদের জীবনের একটি মাস্টলিক অনুষ্ঠান।

প্রশ্ন। বৃক্ষরোপণের গুরুত্ব তো বোঝা গেল; আমাদের দেশে বন-জঙ্গলের কত অভাব আছে বলতে পারেন কি ?

উত্তর। বিশেষজ্ঞরা বলেন, দেশে অন্ততঃ ২৫ ভাগ বন-জঙ্গল থাকা দরকার; কিন্তু আমাদের দেশে ১০।১২ ভাগের বেশী সংরক্ষিত বন-জঙ্গল আছে কিনা সন্দেহ। সুতরাং আমাদের আরও ১৫ ভাগ বন-জঙ্গল বাড়ানো দরকার। আমাদের দেশে মোটামুটি ১৪।১৫ লক্ষ একর জমি পতিত পড়ে আছে। অনেকে বলেন, এই ১৪।১৫ লক্ষ একর জমি সংস্কার করে চাষের উপযোগী করতে পারলে আমাদের দেশের খাদ্যসম্ভার বেড়ে যাবে। আবার অনেক বিশেষজ্ঞ বলেন যে, এই ১৪।১৫ লক্ষ একর জমিতে চাষ-বাসের পস্তন না করে বন-জঙ্গলের পস্তন করলে বৃষ্টির পরিমাণ বাড়বে, জমির ক্ষয়-নিবারিত হয়ে তার উর্বরতা বৃদ্ধি পাবে এবং তার ফলে শস্যের উৎপাদন প্রভূত পরিমাণে বেড়ে যাবে।

প্রশ্ন। আপনার কথা মোটামুটি বুঝলাম। এখন আপনি বলতে পারেন কি, আমরা প্রত্যেকে যেমন এলো-মেলো ভাবে ২।৪টা বা-তা গাছ পুঁতছি তাতে কি বৃক্ষরোপণের উদ্দেশ্য সফল হবে? তরুলতার সমাকীর্ণ অঞ্চলে বৃক্ষরোপণের প্রয়োজনীয়তা আছে কি? আমার ত মনে হয় বৃক্ষরোপণের জন্য বিশেষ বিশেষ অঞ্চল নির্বাচন করা দরকার। অর্থাৎ, যে সকল অঞ্চলের জমি ক্ষয়প্রাপ্ত হয়ে অনুর্ধ্ব হয়ে পড়েছে অথবা যে সব অঞ্চলে জলাজমির প্রাচুর্য্য বেশী সেই সব অঞ্চলেই বৃক্ষরোপণের সার্থকতা বেশী।

উত্তর। আপনি ঠিকই বলেছেন, এলো-মেলো ভাবে ২।৪টা গাছ পুঁতায় কোন সার্থকতা নেই। এতে ব্যক্তিগত লাভ হতে পারে, কিন্তু সমষ্টিগত উপকারের সম্ভাবনা কম।

শিষ্টমত্রে জলা বা উর্বর জমির অভাব নেই; এই সব জমিকে উর্বর করা করতে হলে এ সকল অঞ্চলে বৃক্ষ-রোপণের ব্যাপক আয়োজন করা উচিত এবং এই উদ্দেশ্যে গ্রামের অঙ্গ-বাহিরে সহযোগিতায় একটি কার্যকরী পল্লী-কল্লা গ্রহণ করাও আবশ্যিক।

প্রশ্ন। অনেকেই বলেন যে, বনমহোৎসব একটি ছুঁপু মাত্র। ভি-আই-পি'দের খুশী করবার জন্তেই বন-মহোৎসবের সময় লোকে ২।১০টা গাছ পোঁতে। কিন্তু পরে তারা সে সব গাছের যত্ন করে না; সবই প্রায় মরে যায়। আমার অভিজ্ঞতা থেকে বলছি আমার এলাকাত্তেও এই রকম অবস্থা ঘটেছে। যাই হোক আপনি কি বলতে পারেন গত বৎসর বন-মহোৎসবের সময় জনসাধারণ যে গাছ পুঁতেছিল তার কি কোন হিসাব আছে? বিভিন্ন স্থানে কত গাছ পোঁতা হয়েছিল, কত গাছ বেঁচে আছে?

উত্তর। নিশ্চয়ই হিসেব আছে, আমি কয়েকটা জেলার কথা বলছি :

	বৃক্ষ রোপণের সংখ্যা	কত বেঁচে আছে	বাঁচার শতকরা হার
২৪ পরগণা	১০৬,৩১২	৮৭,৯৪৫	৮২.৭
নদীয়া	৭৩,২০৬	৪৩,৭৫১	৫৯.৭
মুর্শিদাবাদ	২৪,১৪৭	১৩,৪৪৫	৫৫.৬
বীরভূম	৩৪,৩৪২	১৪,৫৩০	৪২.৩
বাঁকুড়া	৩৫,৩৬১	১৫,৭৯৮	৪৪.৬
ছগলী	৭৫,৩৬৬	৪৭,৮৬৪	৬৬.৫
হাওড়া	৯৩,৪৫৬	৫১,৯৬৯	৫৫.৬
পঃ দিনাজপুর	২৩,০৫৭	১৭,২৮৫	৭৪.৯
কুচবিহার	১৪,৮৪১	১০,৮৬১	৭৩.১

প্রশ্ন। আপনার হিসেবে দেখা যাচ্ছে মোটামুটি ফল ভালই হয়েছে। এদিকে লোকের একটু আগ্রহ বাড়লে ফল আরও ভাল হবে। আপনাকে আর ২।১টা প্রশ্ন করব। গাছপালা লাগাবার মোটামুটি সাধারণ নিয়ম কি?

উত্তর। গর্ত করে চারাগাছ রোপণ করতে হয় এবং সাধারণতঃ ৯ ফুট থেকে ১২ ফুট দূরত্বে ছোট ছোট গাছ, ১২ ফুট থেকে ২০ ফুট দূরত্বে মাঝারি আকারের গাছ এবং ২০ ফুট থেকে ৪০ ফুট দূরত্বে বড় বড় গাছ পুঁতে হয়। কিন্তু গাছের বৃদ্ধি এবং জমির উর্বরতার উপরই প্রকৃতপক্ষে প্রত্যেক রকম গাছের পরস্পরের মধ্যে কত দূরত্ব থাকা উচিত তা নির্ভর করে। মোট কথা, একটা গাছ থেকে আর একটা গাছ এমন দূরত্বে রোপণ করা উচিত যেন সেগুলি পূর্ণভাবে বাড়লে পরস্পরের ডাল-পাতার মধ্যে অন্ততঃ কয়েক ফুট ব্যবধান থাকে। কারণ তা না হলে প্রত্যেক গাছের

শেকড় স্থানান্তাবে সম্পূর্ণরূপে বিস্তৃত হতে পারবে না, এক গাছের শিকড় আর এক গাছের শিকড়ের সঙ্গে সঙ্গে বেজে পাবে। বিশেষ উর্বর নয়, এই রকম জমিতে একই রকমের গাছ যত ব্যবধানে রোপণ করা যায় উর্বর জমিতে তত



রাজ্যপাল ডঃ শ্রীহরেন্দ্রকুমার মুখোপাধ্যায় চারাগাছ রোপণ করিতেছেন অপেক্ষা বেশী ব্যবধানে পোঁতা উচিত। কারণ উর্বর জমিতে গাছের বৃদ্ধি আরও বেশীভাবে হবে, আর সেই কারণেই পরস্পরের মধ্যে বেশী পরিমাণ দূরত্ব থাকা উচিত।

সোজা লাইনে এবং সমান দূরত্বে গর্ত প্রস্তুত করা দরকার, বিভিন্ন শ্রেণীর গাছের জন্তে বিভিন্ন ধরণের গর্ত করা উচিত। এই প্রসঙ্গে মনে রাখা দরকার যে, কয়েক ইঞ্চি গভীর এবং কয়েক ইঞ্চি চওড়া ছোট ছোট গর্তে চারাগাছ পুঁতে চারাগাছের শিকড় গর্তের চারপাশের শুকনো ও শক্ত মাটি সহজে ভেদ করে বিস্তৃত হতে পারবে না এবং এ-কারণ চারাগাছ উপযুক্ত বৃদ্ধির জন্তে প্রয়োজনীয় খাদ্য সংগ্রহ করতে পারবে না। ফলে উপযুক্ত ভাবে বাড়াও সম্ভব নয়। সাধারণতঃ ছোট ছোট গাছের জন্তে ৩ ফুট গভীর আর ৩ ফুট চওড়া এবং বড় বড় গাছের জন্তে ৪ ফুট গভীর ও ৪ ফুট চওড়া গর্ত করা দরকার। গাছ রোপণের এক মাস কি দু'মাস আগে গর্ত খুঁড়ে রাখা চাই। গর্ত থেকে উঠানো মাটির সঙ্গে এক ঝুড়ি পচা পাতার সার, এক ঝুড়ি গোবর এবং উপযুক্ত পরিমাণ বালি মিশিয়ে তা দিয়ে পুনরায় গর্তটাকে ভরাট করে রাখতে হবে। বালি মিশাবার কারণ হচ্ছে যে তার ফলে মাটির মধ্যকার কাদার মত চটচটে ভাবটা নষ্ট হয়ে যাবে, আর মাটি থেকে সহজেই জল চুঁয়ে যাবে। যদি পাওয়া যায়, তবে একঝুড়ি হাড়ের গুঁড়া গর্ত ভরাট করার আগে গর্তে দিলে ভাল ফল পাওয়া যাবে। মাটিতে কাদার ভাগ বেশী মনে হলে গর্তের মাটির সঙ্গে এক ঝুড়ি কাঁকর বা খোয়া দেওয়া ভাল। এই ভাবে গর্ত ভরাট করবার পর

গর্তের ঘূর্ণ চেপে গর্তের মাটি শক্ত করে দেওয়া উচিত। শক্তবপর হল গর্ত জলে ভাল করে ভিজিয়ে দিলে গর্তের মাটি শক্ত হবে।

প্রশ্ন। আমার আর বেশী প্রশ্ন নেই। আর একটা প্রশ্ন করছি, আপনারা জুলাই মাসেই বনমহোৎসবের আয়োজন করেন কেন? পাঁজিতে ত দেখা যায় বারো মাসই বৃক্ষ রোপণ করার কথা আছে।

উত্তর। বৃক্ষরোপণ নির্ভর করে স্থানীয় মাটি ও আবহাওয়ার উপযুক্ততার ওপর। আবার বিভিন্ন রকমের গাছ বিভিন্ন সময়ে রোপণ করতে হয়। জুলাই মাসে বনমহোৎসবের অনুষ্ঠান করার একমাত্র উদ্দেশ্য হচ্ছে বৃক্ষ রোপণের প্রয়োজনীয়তার দিকে জনসাধারণের সমবেত মনোযোগ আকর্ষণ করা এবং সজবদ্ব ভাবে একটা প্রচেষ্টার সূচনা করা, আর একটা কথা জুলাই মাসেই রথযাত্রা হয়; আমাদের জাতীয় জীবনে রথযাত্রার সময়েই বৃক্ষ রোপণের প্রশস্ত সময় বলে গণ্য করা হয়। মোট কথা, স্থানীয় মাটি ও আবহাওয়ার অবস্থানুযায়ী বিভিন্ন ঋতুতে বিভিন্ন গাছ স্বচ্ছন্দেই পোতা যায়।

প্রশ্ন। আপনি কি সকল রকম বৃক্ষ রোপণ করবার জন্তে জনসাধারণকে উপদেশ দেন?

উত্তর। হ্যাঁ, বর্তমান সময়ে আমাদের দেশে সকল রকম

বৃক্ষের অভাব ঘটেছে। ফলমূলের অভাবে আমাদের স্বাস্থ্যের যথেষ্ট অবমতি ঘটেছে। আগেই বলেছি জালানী কাঠের অভাবে আমরা নান্দানাবুদ হয়ে পড়েছি—আরও অনেক কাজের জন্তে উপযুক্ত কাঠের অভাব হয়েছে। আমার মতে সবরকম কাজের উপযোগী বৃক্ষ লাগানো খুবই উচিত। মোটের উপর, যার যে রকম সুবিধে আছে সে সেই রকম গাছ লাগাবে।

প্রশ্ন। তা হলে মোটামুটিভাবে বলতে পারা যায় যে, অরণ্য এবং বৃক্ষের অভাবে আমাদের দেশে বর্ষার অভাব ঘটেছে, বস্তার এবং প্লাবনের প্রবলতা বেড়েছে, জমির উর্বরতাশক্তি হ্রাস পেয়েছে, জমির ক্ষয় বৃদ্ধি পাচ্ছে, জালানী এবং ঘরবাড়ী প্রস্তুতের জন্তে এবং অশ্রান্ত কাজের জন্তে উপযুক্ত কাঠের অনটন উপস্থিত হয়েছে, ফলমূলের অভাব ঘটেছে।

উত্তর। হ্যাঁ, আপনি মোটামুটি ঠিকই বলেছেন। এ সম্বন্ধে জনসাধারণকে সচেতন করবার উদ্দেশ্যেই রবীন্দ্রনাথ প্রতি বৎসর শান্তিনিকেতনে বৃক্ষরোপণ অনুষ্ঠান অতি পবিত্রভাবে সম্পন্ন করতেন। এই উৎসবকে তিনি জাতির “কল্যাণ-উৎসব” বলতেন। তাঁকে প্রণাম করে, তাঁর কথা মনে রেখে আমরা যেন “বনমহোৎসবকে” সাফল্যমণ্ডিত করতে পারি।

তোমার সে দান রহিবে জীবনে আঁকা

শ্রীগোবিন্দপদ মুখোপাধ্যায়

বন্ধু গো তুমি ভরে রেখেছিলে প্রতি যে সকালটিরে
নিত্য নূতন করমালী নানা কাজে,
আজিকে আমার অলস প্রভাত রয়েছে আমারে ঘিরে
পূর্বনো দিনের স্মৃতিখানি মনে বাজে।
কত যে প্রশ্ন, কত জিজ্ঞাসা, সীমা কিছু ছিল না কো,
প্রতিটি নিমেষে মুখরিত তব বাণী,
যবে বলিতাম ‘আর পারি না যে, প্রশ্ন তোমার রাখে’
বিজয়-গর্বে হাম্বু উঠিতে জানি।
শরতে ও শীতে বর্ষা-নিদাঘে ছিল যে গো মনোরম।
প্রতিটি সকাল তোমার পবনে হার,
কত আমল, প্রীতির কুমুদ দুটিত হৃদয়ে মম,
আজ ভাষা কই—সকাল বহিরা বার।

তখন তোমার কাজের ভিড়েতে খুঁজিতাম অবসর,
মনে আকিতাম নিঃসীম অবকাশ,
আজি অবসর তবু কেন মনে বেদনার মর্শ্বয়!
পাওয়ার মাঝেতে না-পাওয়ার পরিহাস।
এত অবসর ভাল যে লাগে না, বন্ধু গো শোন আজ,
এত অবকাশ কোথায় রাখি যে আমি,
কোথা তুমি আজ এসো গো বন্ধু, নিয়ে তব শত কাজ,
আমি ক’রে বাই, ক’রে বাই দিবাধামী।
আজ কাছে নাই, দূরে গেছ তুমি দিয়ে শত অবকাশ,
ভাল যে লাগে না, মনে হয় বড় কাঁকা,
ভায়ে তোম তুমি শূন্য এ ক্ষণ নিয়ে শত উচ্ছ্বাস,
তোমার সে দান রহিবে জীবনে আঁকা।

বিচিত্র জীবনকথা

শ্রীহীরেন মুখোপাধ্যায়

ভাগীরথীর এক শাখা মূল প্রবাহ থেকে বিচ্ছিন্ন হয়ে কিছু দূর এগিয়ে এসে হঠাৎ ধমকে দাঁড়িয়ে গেছে।

ছয়ের মধ্যখানে মাথা তুলে দাঁড়িয়েছে সুবিশীর্ণ চর।

বর্ষাকালে যখন ঢল নেমে ভাসিয়ে নিয়ে যায় চরকে, তখন মূল প্রবাহ আর শাখার মাঝে সীমা নির্দেশ করা কঠিন হয়ে পড়ে। শীতের শুরুতে সবুজ ঘাসে ভরা চর আবার ধীরে ধীরে মাথা উঁচু করে জেগে ওঠে।

এপারে বিশীর্ণ জঙ্গল, দুর্ভেদ্য বললে বেশী বল হবে না। ঝাউ, বাবলা, কুল, পলাশ, শিমুল, শিরীষ প্রভৃতি অসংখ্য জানা অজানা গাছের অরণ্য এমন ঘন হয়ে জমাট বেঁধেছে যে, সেখানে বসবাস ত দূরের কথা চাষ-আবাদে চিন্তা পর্যন্ত কেউ মনে স্থান দেয় নি। নদীর কিনারায় ঝাউ বাবলা আর শিরীষ গাছের অগণিত শাখা-প্রশাখা একেবারে জলের উপর ঝুঁকে পড়েছে। বেড়ী, ভাঁট, শর আর বনশিউলির জঙ্গল পাড়ের মাটিতে চাপ হয়ে বসেছে। নদীর বুকে ঝুঁকে-পড়া বাবলা-শিরীষের ডালে ডালে জড়িয়ে থাকে উত্তম শমন। তীরের ভিত্তে মাটিতে শ্যাওড়া-ভাঁটের জঙ্গলের কাকে ফাকে বন্ধ হয়ে থাকে ভীমরাজ, সূর্যামণি আর শঙ্খচূড়ের উত্তম নিবাস।

কিন্তু অরণ্যের সবচেয়ে বিস্ময়ের বস্তু হ'ল এক বিপুল বটবৃক্ষ। সে যে কতকালের কেউ তা জানে না। তার স্তম্ভের মত বিপুল-পরিধি সুরির সংখ্যা যে কত সে সম্বন্ধে কারও কোন স্পষ্ট ধারণা নেই। শাখা-প্রশাখা সমেত, অরণ্যের প্রায় অর্ধেকটা জুড়ে রয়েছে এই বিরাট মহীকর। হিন্দুরা ভক্তি করে, দূর থেকে মাথা নোয়ায়, বলে ওখানে মাটির তলায় পোঁতা আছে শিবলিঙ্গ। এ কথা তারা শুনে আসছে তাদের পিতৃ-পিতামহের মুখ থেকে। এ সম্পর্কে কারও মনে কোনদিন লেশমাত্র অবিশ্বাসের ছায়াপাত হয় নি বরং কালের গতির সঙ্গে সে বিশ্বাসের ভিত্তি ক্রমশঃ দৃঢ়তর হয়ে উঠছিল। মুসলমানরা বলে—ওখানে আমাদের পীরের আস্তানা, মণি-রুদ্দি মোল্লা নিজে চোখে তাঁকে একদিন ঘোড়ায় চড়ে বনের চার পাশে টহল দিতে দেখেছে। হিন্দুরা তাতে আপত্তি করে নি, কারণ বাবার আস্তানা আছে বলে যে পীরের আস্তানা থাকবে না এমন ত কোন কথা নেই। মোট কথা গ্রামের সকলেরই কাছে ওই বৃক্ষটি ছিল এক পরিপূর্ণ রহস্য। অবশ্য গ্রাম এখান থেকে অনেক দূরে, অন্ততঃ দু'ক্রোশের কম নয়।

গ্রামের জমিদার উমাপতি বাবু সজ্জন লোক। নদীর ধারে বিরাট অরণ্য তাঁরই দখলে। সেখান থেকে অর্থাগমের বিশেষ কোন উপায় ছিল না বলে এত দিন ও সম্পর্কে প্রায় উদাসীনই ছিলেন। কিন্তু হঠাৎ একদিন আবার নতুন করে উত্থাপিত হ'ল সেই অরণ্যঘটিত প্রশ্ন। কেন হ'ল তাই বলছি।

এক দিন জনকরেক ভিনদেশী লোক কাছারীর সামনেকার বাবালায় এসে জমিদারবাবুর সাক্ষাৎ প্রার্থনা করলে। উমাপতি বাবু কাছারীতেই ছিলেন, বেরিয়ে এসে ওদের মুখে পানে বিস্মিত দৃষ্টিতে চেয়ে প্রশ্ন করলেন, কি চাই?

আগন্তুকদের গা খালি, পরণে মোটা কাপড়, মুখে বস্ত্র রুক্ষতার সঙ্গে সারল্যের স্পর্শ। সম্মুখের লোকটির চেহারায় এমন একটা বৈশিষ্ট্যের ছাপ ছিল যে, সবার মাঝে থেকেও সে যেন স্বতন্ত্র। দেহখানা যেন পাথর কুঁদে তৈরি, মুখে কঠিন সঙ্কল্পের ছাপ, বয়স বোধ হয় পঞ্চাশের কাছাকাছি। উমাপতিবাবু বেরিয়ে আসতেই সবাই মাথা নীচু করে নমস্কার করলে। তার পর সম্মুখের লোকটি যা নিবেদন করলে তার মর্ম হচ্ছিল মোটামুটি এই:

মানেং বলে যাযাবরদের একটা গোষ্ঠী ঘুরতে ঘুরতে নদীর ধারে জঙ্গলের কাছে এসে আর এগোবার কোন সম্ভাবনা না দেখে সেই-খানেই তাঁবু ফেলে। রাতে তাদের সর্দার মংলু স্বপ্নে দেখে—বাবা মহাদেব তাকে ডেকে বললেন, 'তোরা আমার আশ্রয়ে এসেছিস, নির্ভয়ে বাস কর। দূরে ওই বটগাছের তলায় আমার আস্তানা। তোরা আমার পূজা দিবি, মানত দিবি, সেবা করবি। আমার ওপর যতদিন তোদের ভক্তি অটুট থাকবে ততদিন তোদের কোন অকল্যাণ হবে না।'

ঘুম ভাঙতেই সর্দার দলের সবাইকে ডেকে তার স্বপ্নের কথা জানায়। সবাই মেনে নিয়েছে বাবার আদেশ।

বৃদ্ধ উমাপতিবাবু হেসে বলেন, বেশ ত, তা না হয় হ'ল, কিন্তু তোরা আমার দিবি কি?

মংলু সর্দার বলে, তুকে আর আমরা কি দিব রাজাবাবু। দেখ-ছিস ত আমরা গরীব মানুষ, জীব জানোয়ার মারি খাই! মানুষ-জনের বাড়ী তাগাতাবিজ বিলাই, তাতে কেউ বা খুশী হয়্যা দু'মুঠা চাউল দিলেক। পয়সা কড়ি আমাদের নাই। তবে তু হলছিস মোদের জমিদার, ধরম বাপ, তুকে মোরা বাপের মত ভক্তি করব, আর আমরা চলছি গিয়ে তুর পেজা, তু মোদের বেটার মত ভাল-বাসবি; ব্যাস, ইয়ার সাথে টাকাকড়ির কারবার কুখাও নাই।

উমাপতিবাবু হেসে বললেন, কিছু দেখিস, শেষে যেন মালিককে অস্বীকার করিস নে।

সর্দার জিব কেটে বললে, আরি বাস যে, উ কথা বুলিস না রাজাবাবু। মাথার উপর ভগমানু নাই? পায়ের তলে মা বসুমতী নাই? মানেং কুলের ইজ্জত নাই? একটা কথা মনে রাখি দিস রাজাবাবু, আমরা গরীব হতে পারি, কিন্তুক নিমকহারাম নই।

পুনরায় নত হয়ে নমস্কার করে সবাই ফিরে যায়।

মড় মড় করে মাটি কাঁপিয়ে ভুতলশায়ী হচ্ছে বিরাট বিরাট

বনস্পতি । চতুর্দিক থেকে শব্দ উঠছে ঠক ঠক, মড় মড় । পুরাতন, নিরাপদ আশ্রয় ছেড়ে প্রাণভয়ে ছুটে চলেছে জীবজন্তুর দল । দ্বিধিদিগ্‌জ্ঞানশূন্য হয়ে ছুটেছে দাঁতাল শূয়োর, তাকে তাড়িয়ে নিয়ে ফিরছে মানুষ আর কুকুরের দল । বুনো খরগোস ভয়ে মুগ্ধ লুকিয়েছে উলুঘাসের জঙ্গলে । স্নানগতি গোসাপ তীরের ঘায়ে পেরেক-আটা হয়ে বসে আছে মাটিতে । পশু-জগতে সর্বত্র আতঙ্কের সঞ্চার হয়েছে, নীড়ভ্রষ্ট পক্ষিকুল উড়ে চলেছে ঝাঁকে ঝাঁকে, কলকণ্ঠে বনভূমি মুগ্ধরিত্ত করে । অরণ্য কেটে নগর বসেছে মানুষ ।

তীব্র জায়গায় উঠেছে উলুখড়ে ছাওয়া মাটির ঘর, ভবঘুরেরা হয়েছে স্থায়ী বাসিন্দা । নিশ্চিন্ত গভীরগতিক জীবনযাত্রার মোহ ভুলিয়ে দিয়েছে ভ্রাম্যমাণ জীবনের আনন্দ । তাই ওদের পূর্ব-পুরুষদের মানা আছে, এক ঠাইয়ে তিন দিনের বেশী আস্তানা গাড়িস না, মাটির লেশা একটি বার পায়ে বসলে তাকে বিনাশ করার ক্যামতা কারও নাই ।—চিরপ্রচলিত রীতির ব্যতিক্রম ঘটাল বাবার আদেশ ।

বটগাছের চারপাশের জঙ্গল নির্মূল করে দিয়েছে মাঝেরা । বনস্পতির ঘন পত্রাচ্ছাদনে আলো-বাতাসের গতি রুদ্ধ হওয়ায় তার নীচে অরণ্য সৃষ্ট হবার অবকাশই পায় নি । দিনের বেলায়ও বনস্পতির সীমানার বাইরে দাঁড়িয়ে ভেতরদিকে দৃষ্টি চলে না । মাঝেরা বলে, বাবার আদেশে হোথাকে পবনের পবেশ নাই, বিরিক্রিয় সব কয়টি পত্বর ববেক ধির হয়্যা । বিরিক্রিয় তলে পশু-পক্ষীতে বিষ্ঠি ত্যাগ করতে লারবে, একটিও শুকনা পত্বর পড়ি থাকতে লারবে । গোবর-নিকানো উঠানের মত ধব ধব করতে থাকবেক সারাটা আঙন । দিনমণি পাটে যাবার সাথে সাথে বাবাবে জাগায়ে দিয়া বায় শিয়ালের হাঁক, পেঁচাদিগের ডাক, আর কালো বাহুড়গুলানের পাখার ঝটপটানি । বাবার অঙ্গের লাগ-লাগিনীগুলো ঝালস ভেঙ্গ্যা ফণা দোলাতে থাকে, বুড়া বটগাছের ডালে ডালে পাতায় পাতায় লাগে ঝড়ের মাতন, বাইরের পিধিমীতে তার পরশ লাগে না । আলস্যের সাথে সাথে তাধিয়া ধিয়া লাচি ফিরে বাবার অমুচর ভূত পেরেতের দল ।

প্রতি সন্ধ্যায় সবাই বৃক্ষের সীমানায় জড়ো হয়ে প্রার্থনা করে—

“হেই গো বাবা, শরণ লিইছি তুমারি চরণে
দোষ হইলে ক্যামা দিও আপুনারি গুণে ।
ঋশানে মশানে ফেরো অঙ্গে মেথ্যা ছাই
লয়ন ছুটি চুলু চুলু লেশাতে সদাই—
সক্যঙ্গে জড়য়ে থাকে বিবহরির কণ্ঠে
লিজ কণ্ঠে লিলেক বিষ তিভুবনের জণ্ঠে ।
বিষের লেশায় চোপয় দিন মন্ত হয়্যা থাকো
হেই গো বাবা পায়ে পিড়ি য়োষ করিস নাকো ।”

বহু দশক কেটে গেছে ।

অনেক পরিবর্তন ঘটে গেছে বাবার-গোষ্ঠীতে এই দশ বছরের

মধ্যে । বাচ্চারা ডাঁটো হয়ে উঠেছে, ছোকরারা জোরান হয়ে উঠেছে, পুরোনো সবাই প্রায় বিদায় নিয়েছে, বাকি আছে শুধু মংলু সর্দার নিজে আর বুড়ো গুণীন ভোদো ।

সর্দারের ইম্পাত-কঠিন দেহেও এসেছে বার্ধক্যের ছাপ । দেহে নেই আগেকার সেই মত্ত হস্তীর বল, চোখে নেই আগেকার সেই চিতাবাঘের দৃষ্টি, বহুকালের পুরোনো সিংদরজার ভিত টলেছে, হেলে পড়েছে । পাথরের মত শক্ত ইটেও নোনা লেগেছে ।

কেবল বদলায় নি সেই বুড়ো গুণীন ভোদো । আজকের লোক নয় এই ভোদো । সে মাঝে-গোষ্ঠীর পুরোনো গুণীন, মস্তসিদ্ধ । যাযাবরদের আস্তানার চারপাশে তার গভী দেওয়া আছে । দেব-দানব, ভূত-প্রেত, যক্ষ-রক্ষ, পিশাচ-কিল্লর, ডান-ডাকিনী যিনিই হোন না কেন, কারও প্রবেশ-অধিকার নেই এই গুণীর ভেতর । সাপে কাটা, উপরি হাওয়ার স্পর্শ, ছুরারোগ্য ব্যাধি সবকিছুই প্রতি-বিধান করার ক্ষমতা রাখে এই বুড়ো গুণীন । সে জানে না এমন কোন বিঘা থাকতে পারে, একথা মাঝেরদের কাছে অবিশ্বাস্য । কিন্তু আশ্চর্য্য এই মানুষ, যার বয়েসের হিসেব কেউ রাখে না, দলের ভেতর থেকেও সে দলছাড়া । থাকে মাঝে-পাড়ার একপ্রান্তে, সংসারে থাকার মধ্যে আছে একমাত্র মেয়ে ভামিনী । সন্ধ্যার মধ্যে আছে একটা পুঁটলী, তার ভেতরে একগাদা গাছ-গাছড়া, জড়ী-বুটি, নানা আকারের ছোটবড় পাথরের টুকরো, গোটাকয়েক মাহুলী, আর আছে ধনেস পাখীর ঠোট, চিতাবাঘের নখ, সিঁছুরমাথানো পেঁচার মাথার খুলি, কালো বেড়ালের হাড় । বুড়োর ভাবলেশহীন মুখের পানে চাইলে মনে হয় মৃতের মুখ । কেবল ঘন শুভ্র ভুরুব তলায় ছুরির ফলার মত ধারালো ছোটো কোটরগত চোখই একমাত্র বহন করে জীবনের সাক্ষ্য ।

ঈশান কোণে দেখা দিয়েছে কালো মেঘের বেগা—

মেঘের বরণ দেখেই চিনেছে মংলু সর্দার । একটু বাদেই শুরু হবে কালবৈশাখীর মাতন ।

সর্দারের চোয়ালের পেশী ফীত হয়ে ওঠে । জোয়ানদের ভেতরে যে একটা চাপা অসম্ভব-দিবারাত্র গুঞ্জন করে ফিরছে এ খবর তার অজানা নয় । পুরোনো সর্দারে তাদের রুচি নেই, তারা চায় নতুন । বয়েসটা তাদের নতুন, তাই পুরোনো সবকিছুই উপরে তাদের নিদারুণ অবজ্ঞা আর উপেক্ষা । কিন্তু সেজন্তু তার কোন আক্ষেপ নেই, তার আক্ষেপের কারণ হচ্ছে তারা চায় তারই নিজের বেটা বিষাক্তকে ।

—নিজের বেটা, সর্দার হাসে । সে হাসিতে উপচে পড়ে বিজাতীয় ঘৃণা ।

—নিজের বেটা, সবাই তাই জানে বটে । কিন্তু সত্যিগতিই ওর নিজের বেটা হলে ক্ষোভের কোন কারণ থাকত না । আজও চোখ বুজলেই মংলুর চোখের সামনে ভেসে ওঠে বহুর পঁচিশ আগেকার একথানা ছবি ।...

নদীর ধারে পড়েছে বাষাবরদের তাঁবু। পাশেই কুমোবখালির বিখ্যাত হাট, উপরেই গ্রাম। হাট বসবে পবের দিন। এদের মতলব সকালবেলা হাটে তাগা-তাবিজ মাহুলি বিক্রি করবে। দুপুরবেলা এদের মেয়েরা গেরস্তবাড়ী ঘুরে ঘুরে অথর্ব গৃহিণীদের দেবে বাতের ওষুধ, স্বামী-পরিত্যক্তাদের শেখাবে বশীকরণমন্ত্র, আর বিকেটেই শিশুদের ঝাড়ফুক করে অপদেবতার নজর থেকে মুক্ত করবে। পরিবর্তে চেয়ে নেবে গৃহিণীদের পরনের পুরানো সাড়ী, মোটাগোছের সিধে, চাই কি কখনও কখনও হুঁ একটা নগদ টাকাও মিলে যেতে পারে। এ ব্যবসা এদের নতুন নয়, অনেক কাল থেকেই চলে আসছে।

সেদিন ছিল শিব-চতুর্দশীর রাত্রি, কালরাত্রি।

দ্বিতীয় প্রহরের শেষাল ডেকে গেছে। বাইরে নিশ্চিন্দ কাল-রাত্রি। চারদিকে একটা থমথমে ভাব, গাছের একটা পাতা পর্যন্ত নড়ছে না।

বাঘিনীর মত পা টিপে টিপে তাঁবুর ভেতরে ঢুকল রূপমতী, সর্দারের সাঙা, কোলে নিয়ে এক সজোজাত শিশু।

কঠিন হয়ে উঠল সর্দারের মুখ। চাপা গর্জন করে বলে, কুখা হতে লিয়ে আলি ইটারে?

ঝিলিক দিয়ে ওঠে, তাতে তুর কি কাম আছে রে বট?

তার পর শিশুর মুখের পানে খানিক নানিমেষ দৃষ্টিতে চেয়ে থাকে, চোখের দৃষ্টিতে আসে ভাবালুতা। সহজ কণ্ঠেই বলে চলে—

দুপুরবেলা জড়ীবুটি লয়ে গেইছিলাম উই হোখাকার পাকা লাল বাড়ীটায়। গিয়া শুনলাম তাদিগের ছোট বউটার ছাওয়াল হইছে। উঠানের এক পাশে ছেঁচা বেড়ার ঘের দিয়া আঁতুরঘর বানাইছে। বাতার ফাঁক দিয়া পোকাতার পানে লজর পড়তে দিষ্টি ফিরাতে লারলম। সোনার বরণ ছাওয়ালডারে দেখ্যা পরাণের ভিতরটা যেন মুচড় দিয়া উঠল। সনুজে লাগতেই চুপি-সারে গিয়া দেখি ছাওয়ালডারে কোলের কাছে লিয়া উয়ার মা নিড়া যাইছে, শিয়রে জলছে একটা কেবোচিনের কুপি, আশপাশে কেউ কুখাকেও নাই। পায়ে পায়ে আগায়ে গিয়া ছাওয়ালডারে কোলে তুল্যা লিয়া, বাতিটারে এক ফুয়ে লিবায়ে দিয়া সিধা ছুটতে লাগলাম। এক ছুটনে ডেরায় এস্তা হাজির হলছি।

এখনও হাঁপাচ্ছে রূপমতী। নিঃসস্তানের চোখে মাতৃত্বের ক্ষুধা জ্বল জ্বল করে।

উপায় নেই, কোন উপায় নেই। ক্রোধে, ক্ষোভে মাথার চুল ছিঁড়তে থাকে সর্দার। হঠাৎ কি ভেবে কঠিন কণ্ঠে বলে, ইটারে এই বেলা গাঙ্গের জলে ভাসায়ে দে।

ক্যানো? গর্জে ওঠে রূপমতী, কিসের তরে ইয়াবে গাঙ্গের জলে ভাসায়ে দিব? আজ খেক্যা উ আমার বেটা। মাথার উপরে ভগমান আর পায়ের তলে মা বসুমতী সাফী রইছেন, আজ হতে উ আমার ছাওয়াল। খবরদার ইসব কথা আর মুখে আনিস না, ভাল হবেক না বুল্যা দিছি।

বাঘিনীর চোখের মত ধক ধক করে রূপমতীর চোখ।

উপায় নেই, বাঘিনীর কোল থেকে শাবককে ছিঁড়িয়ে আনতে পারে এমন হিন্মত কারও নেই।

নিফল ক্রোধে বাইরে বেরিয়ে আসে মংলু সর্দার। চাপা কণ্ঠে হাঁকে, আস্তানা উঠাও।

এমন প্রায়ই ঘটে থাকে, কেউ কোন প্রশ্ন করে না।

পবের দিন মারেং-গোষ্ঠীতে খবর ছড়িয়ে পড়ে, সর্দারের ছাওয়াল হইছে গো, রাঙা টুকটুকে ছাওয়াল।

তাই জানে সবাই।

ছেলেটাকে তখন থেকে আগলে আগলে ফিরছিল রূপমতী, বাঘিনী যেমন করে আগলে ফেরে নিজের সন্তানকে। সেই রূপমতী মারা গেছে আজ তিন বছর, বিষণ এখন জোয়ান মরদ।

—নিজের বেটা, বিকৃত হয়ে ওঠে মংলু সর্দারের মুখ অপরিচীম ঘৃণায়।

কিন্তু কেন যে এই বিজাতীয় আক্রোশ, সর্দার নিজেই এক এক সময় ভেবে কুলকিনারা করতে পারে না।

রূপমতী যদি হাড়ি, ডোম বা ঐ রকম কোন নীচজাতীয় পরিবার থেকে শিশু চুরি করে আনত, তা হলে হয়ত শিশুটির উপর সর্দারের মন বিরূপ হ'ত না। কিন্তু তা না করে সে চুরি করেছিল ভদ্র-পরিবার থেকে, যারা সামনে এদের দেখলে ঘৃণায় মুখ বেঁকিয়ে চলে যায়। এই 'ভদ্র লোকের' জাতটাকে এরা হুঁচক্ষে দেখতে পারে না। শত চেষ্টাতেও একথা সর্দার ভুলতে পারে না যে বিষণ হচ্ছে তাদেরই একজন। তেলে-জলে মিশ খায় না কোন কালে, কিন্তু ডোবার জলে আর পুকুরের জলে সব সময়েই মিশ খায়।

কপাটের মত চওড়া বুক, শালগাছের মত ঋজু-কঠিন দেহ, চোখে একটা অনমনীয় দৃষ্ট ভঙ্গিমা, ঠোঁটের উগায় তাচ্ছিল্যভরা হাসির টুকরো। সব জড়িয়ে তার ভেতর এমন একটা কিছু ছিল যার সামনে সব মারেং যুবকই মাথা নোয়ায়।

আর একটা খবর সর্দারকে চিন্তিত করে তুলেছে। ভোদো গুণীনের মেয়ে ভামিনীর সঙ্গে বিষণের আশনাই।

এ রকম আশনাই নতুন কিছু নয় মারেং-কুলে, হামেশাই ঘটে থাকে। কিন্তু মুশকিল হচ্ছে এ আশনাই হচ্ছে কালনাগের সঙ্গে কালনাগিনীর আশনাই, মেঘের সঙ্গে বিজলীর আশনাই।

তাই এত ভয়।

আশ্চর্য্য মেয়ে এই ভামিনী, যেন আগুনের শিখা। তার আঘাতের জলভরা মেঘের মত কালো চোখে যখন বিজলী চমকায় মারেং স্বেয়ানদের বৃকের ভেতরে তখন তুফান ওঠে। এক টুকরা পাহাড়ী বরণার মত উচ্ছল আনন্দে নেচে কুঁদে ছুটে চলেছে, কাউকে জরুপ করে না। যে সর্দারের মুখের সামনে চোখ তুলে কেউ তাকাতে পারে না, ও তার সামনে হেসে গড়িয়ে পড়ে, তীব্র ফলাব

মত ধাবালো বাক্যবাণে বিধতে কল্প করবে না। বাদরের মত নাচিয়ে ফেলে মারেং জোয়ানদের।

তাই এত ভয়। ঝড়ের সঙ্গে আগুনের আশনাই, শমনের সঙ্গে নিয়তির আশনাই।

সন্ধ্যা হতেই আড্ডা বসে পাড়ার ছেলেছোকরাদের এই ওস্তাদের বাড়ীর উঠানে। সে আসর ভাঙ্গে দ্বিতীয় প্রহরের শেরাল ডাকার পর। আসরের মধ্যমণি হচ্ছে বিবাণ আর ভামিনী। এক হাত মাথার আর এক হাত কোমরে বেখে সারা অঙ্গ হিল্লোলিত করে নাচতে থাকে ভামিনী, নাচতে নাচতেই ছড়া কাটে—

হায় গো হায়, মনের কথা বুলতে নারি লাজে,
বিবাণ ভাল দিতে দিতে মিলিয়ে দেয়—

সি কথাটাই শুনার তরে নিদ্যা ছাড়েছি যে।

ভামিনীর চোখে বিজলী ঝিলিক দিয়ে ওঠে, আবার ছড়া কাটে—

হায় গো হায়, কুল ভাজেছি তুমারি কারণে।

বিবাণ মুহূর্তে হেসে ওব নৃত্যরত পা হুটোর দিকে আঙ্গুল দেখিয়ে মিলিয়ে দেয়—

উ বাড়া চরণ দিও জেবনে মরণে।

হো হো করে হাসির ফোয়ারা ছোটো। সে হাসির বেশ বাতাসে ভব করে সর্দারের কানে এসে পৌঁছায়।

সর্দারের মুখের পেশী কঠিন হয়ে ওঠে। রাহুর মত এদের হুঁজনের আবির্ভাব ঘটেছে তার জীবনে।

সারা মারেংপাড়াটা ধম ধম করছে। দিঘাইয়ের ছোট ছেলেটাকে সাপে কেটেছিল কাল রাতে, আজ সকালে মারা গেল। সারা রাত ধরে ঝাড়-ফুক করেছে বুড়ো গুণীন, কিন্তু কিছুতেই কিছু হ'ল না। বুড়ো কপাল চাপড়ে বললে 'নেয়ত'।

সবার মুখে আঘাটের মেঘ। মৃত্যুর জ্ঞান নয়, মৃত্যু এদের কাছে নতুন নয়; বস্ত্রপুত্র হাতে বস্ত্র যাযাবরের মৃত্যু অহরহই ঘটে থাকে। কিন্তু এ মৃত্যু হচ্ছে নাগদংশনে মৃত্যু, সে নাগ হচ্ছে বাবার অঙ্গের ভূষণ, মা বিষহরির কণ্ঠ। নাগকুলের মত এরাও হচ্ছে বাবার আশ্রিত, তাই সম্পর্কে তারা গুরুভাই। আজ দশ বছর তারা পাশাপাশি বাস করে আসছে, কোন দিন বিবাদ হয় নি। তবে আজ কেন ঘটল নাগ-দংশনে মৃত্যু।

বৃক্ষের সীমানায় সবাই গোল হয়ে বসে ভাবে কেন? কেন?

বাবার রোষ? কিন্তু বাবাই ত তাদের দিয়েছেন অভয়।

তবে কি বাবার চরণে কোন অপরাধ ঘটল? কিন্তু কি সে অপরাধ?

হঠাৎ মেঘের মত গর্জে উঠল সর্দারের কণ্ঠ।

পাপ, পাপ অর্শাইছে মারেং-গুণীর পরে, মেইয়া লোকের পাপ। পাপিনী হলছে উই বুড়া গুণীনের কণ্ঠে ভামিনী। বাবার আশ্রয়ে

বাবার পেয়া হয়া বাস করিছে মনে নাই। বাবার চরণতলে বাস করা পরপুরুষের সাথে করতেছে আশনাই, শয়ম নাই। ই পাপের বিচার হবেক না বাবার ধানে?

সবাই গর্জে ওঠে, হবেক, আলবৎ হবেক।

খিল খিল করে হেসে ওঠে ভামিনী মুখে কাপড় চাপা দিয়ে। বলে, ক্যানে গো সর্দার শয়ম কিসের, ই ব্যাপার ত মারেং-কুলে আজ লতুন লয় গো। কুন কালে এমনটা ঘটে নাই আমারে বুলতে পার? তুমাদের কালে হয় নাই মারেং মেইয়াদের সাথে পরপুরুষদের আশনাই? হাটের মাঝে হাঁড়ি ভাঙ্গব নাকি গো শ্রাবটায়।

মংলুর সঙ্গে রূপমতীর আশনাই; সেকালের কথা, কিন্তু একালেও সকলেই জানে। ছেলেছোকরাদের ভেতর একটা চাপা হাসির ঢেউ খেলে যায়।

অপমানে কালো হয়ে ওঠে সর্দারের মুখ, কিন্তু নিঃশব্দে হজম করে সবকিছু। মনে জানে এবার সে যে আঘাত হানবে ভামিনীর শিরে তা বৃক্ষের মতই ভয়ানক, তাকে বোধ করার সাধ্য কারো নেই।

মেঘমস্ত হয়ে সর্দার বলতে থাকে, কাল রাতে স্বপনে দেখলম বাবা আসিছেন, আসি বুলছেন, রাজার পাপে হয় রাজ্যনাশ আর মেইয়া লোকের পাপে হয় কুলনাশ। উই মেইয়াটার পাপ অর্শাইবে তুদের মারেং-গুণীর পরে, সি পাপে হবেক তুদের কুলের বিনাশ। পেরাচ্চিস্তি করতে হবেক উয়ারে। কাল থেক্যা উ হবেক আমার সেবাদাসী, আমার বিরিকির তলে হবেক উয়ার বাস। সকাল সন্জে হু'বেলা করবেক আমার আরাধন, মন-পান সমপ্নন করবেক আমার চরণে। পরপুরুষের চিন্তার ঠাই হবেক না উয়ার অন্তরে। ত ছাড়া অপর কারো মুখের পানে চোখ তুল্যা চাবেক না। অপর কেউ আসতে লারবে উয়ার আস্তানায়।

ই হলছে উয়ার পেরাচ্চিস্তি।

সবাই সম্মুখে বলে, ঠিক ঠিক।

এক কথায় নির্বাসন। যাযাবরদের সমাজ থেকে, সংসার থেকে, মনের মাহুষের সান্নিধ্য থেকে বহুদূরে নির্বাসন। ভামিনীর মত মেয়েরও চোখ কেটে জল আসে।

কিন্তু উপায় নেই, এ আদেশ অচল, অটল, স্বয়ং বাবা ভোলা-নাথের আদেশ। একে বদ করার সাধ্য কারো নেই।

কিন্তু সর্দারের মনে ছিল আরও গুট উদ্দেশ্য। প্রাচীন বট-বৃক্ষের নিরাপদ আশ্রয়ে নিরুপদ্রবে বাস করছে অসংখ্য নাগ-নাগিনী। সান্ধ্য শমনের সঙ্গে একত্র বাস। বিধি নেহাত বাম না হলে সবকিছুরই হবে স্বাভাবিক পরিণতি।

সাপের হাঁচি বেদেয় চেনে। সর্দারের অন্তরের কথা বিবাণের অজানা নয়, কিন্তু উপায় নেই, যাযাবরদের ধর্মবিশ্বাসে আঘাত করলে প্রলয় ঘটে যাবে।

নিফল আক্রোশে ওর চোখ দুটো জলতে থাকে।

মামলা খুঁটিব গায়ে ছেঁচা বেড়ার দেওয়াল দিয়ে তৈরি হ'ল ছোট ঘর; মাথার উপর বইল উলুখড়ে ছাওয়া চাল। ঢাক আর কাঁসি বাজিয়ে মহাসমারোহে ভামিনীকে পৌঁছে দেওয়া হ'ল সন্ধ্যার আগেই।

সবাই কিরে গেছে। বাইরে আস্তে আস্তে আঁধার ঘনিয়ে আসছে। আগড়টা টেনে দিয়ে নিখর হয়ে বসে থাকে ভামিনী, পলকহীন চোখে বাইরের পানে চেয়ে।

পালাবার উপায় নেই এখান থেকে, ধরতে পারলে মাঝেমাঝে কেটে কুচিয়ে ফেলবে। সন্ধ্যার তাদের এমন জায়গায় যা দিয়েছে যেখানে যুক্তিতর্কের আবেদন নিষ্ফল। তাদের আজন্ম সংস্কারের বিরুদ্ধাচরণ করলে তারা ক্রোধে হয়ে উঠবে উদ্ভ্রান্ত। বন্ধ পশুর চেয়েও ভীষণ বুনো মাঝেদের ক্রোধ।

পরের দিন সকাল হতেই সন্ধ্যার এসে হাজির হয়। ভামিনী তার মুখের পানে চেয়ে বাকা হাসি হেসে কঠে ব্যঙ্গ মিশিয়ে বলে, তুমার কপালটাই মন্দ গো সন্ধ্যার, লতুবা এই যে সাতসকালে এশা হাজির হলে বৃকে কত আশা লিয়ে যে গিয়া দেখব বিষের আলায় জর জর মাহুঘটা পড়ি বইছে লীল বরণ হয়া, তা লয় এশা দেখলে কিনা যে মাহুঘটা দিব্যি কথাবাতা বুলছে। হায় হায় গো, ইই কি বাবার বিচারের ধরণ?

হঠাৎ যেন বদলে যায় মেয়েটা। মুখখানা হয়ে ওঠে জ্বলন্ত অজ্ঞানের মত লাল টকটকে, চোখের দৃষ্টিতে উপচে পড়ে ঘৃণা—বলতে থাকে, এক জায়গায় গলদ খেক্যা গিছে গো সন্ধ্যার, রাগের বশে খেয়াল রাখ নাই যে মুই ভোদো গুণীনের মেইয়া, যারে ভূত পেবেত, দাত্য-পিচাশ, ডান-ডাকিনী সবাই ডরায়, যাব চোখের পানে লজব পরলে কালনাগিনী ফণা গুটায় লয়, সিই ভোদো গুণীনের মেইয়া।

হঠাৎ থেমে গিয়ে ঘরের এক কোণ থেকে টেনে বার করে গোবর-নিকানো এক বেতের ঝাঁপি। ঝাঁপির ঢাকনায় দুটো টোকা দিয়ে ঢাকনাটা খুলতেই ভেতর থেকে ছিটকে বেরিয়ে আসে বিরাট এক ভীমরাজ গোথরো।—বাস বে, বলে লাফ দিয়ে পেছিয়ে যায় মংলু সন্ধ্যার।

নাগিনী ততক্ষণে রুদ্ধ আক্রোশে মাটিতে ছোবল দেয়।

খল খল করে হেসে ওঠে ভামিনী। চোখের দৃষ্টিতে অবজ্ঞা মিশিয়ে সর্কোতুকে বলে, ডর লাগছে নাকি গো?

তারপর নাগিনীর লেজে একটা টান দিয়ে হাতের মুঠি ঘুরিয়ে গান ধরে,

লাচোবে কালনাগিনী কালকে যে তুর বিয়া,
লাচোবে কালনাগিনী গোঁশা ছাড়ি দিয়া।
অঙ্গভূষণ হয়া থাকো কারো অঙ্গের 'পরে
কারে দাও গো মরণ-কামড় লোহার বাসরঘরে।

তারপর সন্ধ্যারের পানে চেয়ে বলে, ঠিক লয় গো সন্ধ্যার?

একটু থেমে আবার বলে, হাত দুখানা খুলা থাকলে ভোদো গুণীনের মেইয়া কালনাগেয়ে ডরায় না গো সন্ধ্যার।

মুখ কালো করে বেরিয়ে বার মংলু সন্ধ্যার। হাতে হাত করে বলে, পলদ গোড়ার হশুছে তা মানি, কিন্তুক গলদ গুথরাতেও জানে মংলু সন্ধ্যার।

নদী পেরিয়ে, চর পেরিয়ে ওপারের মিলের বাজার থেকে এসেছে দারোগা-পুলিস, চুরি তদন্তে। দারোগা-পুলিস দেখেই সন্ধ্যারের মুখের পেশী কঠিন হয়ে উঠে ক্ষণেকের জ্বলে, পরক্ষণেই দারোগাবাবুর দিকে চেয়ে বিনীত হাসি হেসে বলে, গম্বীরের কুঁড়ের বাবুমশায়ের পদাঙ্গন ঘটল কিসের লেগে গো।—উত্তরের অপেক্ষা না করেই হাঁক দেয়, কই রে, একখানা চাটাই লিয়ে আয় না ইধাবে, বাবুমশায় বসবেক, আর কখন চাটাই বিছায়ে দে বাকি কর জনার তরে।

চুরি হয়েছে গৃহস্থের বাড়ীর বাসন। ছিঁচকে চুরির জ্বলে বিখ্যাত এই বাঘাবর-গোষ্ঠী। দিনের বেলা লোকের বাড়ী বাড়ী যায় তাগা-তাবিজ বেচতে, নজর করে আসে কোথায় কোন দামী জিনিষ রয়েছে ছড়ানো। রাতের বেলা গিয়ে সিঁদ দেয়, বাসন-কোসন যা পায়, সামনে নিয়ে আসে। তারপর জড়ী-বুটির খোলার ভেতর দুখানা একখানা করে নিয়ে যায় কাছে-পিঠের হাটে-বাজারে। সেখানে থাকে চোরাই মালের বাধা খন্দের। সবকিছু সুদৃশ্য হয়ে যায় এমন নিঃশব্দে যে বাইরের কাক-পক্ষীতেও টের পায় না কিছু। পুলিস কোন রকমে খোঁজ পেলে চক্ষের নিমেষে সবকিছু পুঁতে ফেলে কোন একটা বিশেষ গাছের গোড়ায়। পুলিসের খোঁজাই হয় সার।

তাই কোথাও চুরিচামারি হলে পুলিসের সকলের আগে দৃষ্টি পড়ে আশপাশের এই বাঘাবরদের আস্থানায়।

মুখের সৌজ্ঞেয় ভোলবার লোক নন দারোগাবাবু। সন্দ্বিষ্ট দৃষ্টিতে চার দিকে চেয়ে বলেন তোদের ঘরদোরগুলো আমি একবার দেখব সন্ধ্যার।

অমায়িক হাসি হেসে মংলু সন্ধ্যার বলে, বেশ ত দেখা যা না সন্ধ্যার অতি পাঁতি কব্যা, কিন্তুক ই মুই আগে খেক্যা বুলে রাখছি শুধু খুঁজাই সার হবেক। বাইরের কুটাটিও কুথাকে মিলবেক না।

দারোগাবাবু জানেন এ এদের বাধা বুলি তাই বিশ্বাস না করে সর্বত্র খুঁজে দেখেন। কিন্তু সন্ধ্যারের কথাই ঠিক, বাইরের একটা কুটাও কোথাও মিলল না।

বিস্মিত হয়ে দারোগাবাবু হঠাৎ চোখ তুলে চান বিঘাণের মুখের পানে, ক্ষণেকের তবে তার চোখে খেলে যায় একটা গভীর ইজিত। দারোগাবাবুর দৃষ্টিকে অনুসরণ করে সন্ধ্যারও তাকিয়েছিল বিঘাণের মুখের পানে। সে ইজিতের ভাষা বুঝতে তার দেরি হ'ল না। কিন্তু তখন আর উপায় ছিল না।

দারোগাবাবু উঠলেন, বললেন, ওই দেবদারুগাছের গোড়াটা আমি একবার দেখব। অনুচরদের আদেশ দিলেন খুঁড়তে।

সন্ধ্যারের মুখ কালো হয়ে উঠল। শাবল বসাতেই উঠে আসে

নয়ম ঘাসের চাপড়া—কোপানো মাটির উপর চেপে চেপে বসিয়ে দেওয়া হয়েছিল কৃত্রিম উপায়ে। ছ'চার কোপ মাটি ভুলতেই ঠং করে আওয়াজ উঠল।

দারোগাবাবু সর্দারকে দেখিয়ে বললেন, বাধ ব্যাটাকে, আজ ওর একদিন কি আমার এক দিন।

সর্দার কেঁদে পড়ল পা জড়িয়ে, হেইগো বাবু, ইবারটির মত ছাড়ি দে, তুর চরণ ছুঁয়া বুলছি এমুন করম আর কখনো হবেক না। হেই গো বাবা।

সভ্যসঙ্গতের আইন-শৃঙ্খলার নামে এরা আঁতকে ওঠে। দারোগাকে ভাবে সাক্ষাৎ শমন, পুলিশকে ভাবে সমদূত আর থানা-গারদকে ভাবে মূর্তিমান নরক।

তাই মংলু সর্দারের মত দুর্দান্ত সিংহও ভেড়া বনে যায় থানা-পুলিসের নামে। লাধি মেরে পা ছাড়িয়ে দারোগা বলেন, ওঠ ব্যাটা, আগে থানায় চ, নাকিকাল্লা কাঁদিস পরে।

শুধু সর্দারকেই নিয়ে গেলেন, জানেন মাথা বাদে দেহটার কোন মূল্য নেই।

সন্ধ্যার পর ফিরল সর্দার। সর্ব্বাঙ্গে প্রহারের চিহ্ন। দারুণ মার খেয়েছে থানায়। শেষে হাতে পায়ে ধরে, কান মলে নাকে খত দিয়ে রেহাই পেয়েছে।

দারোগা-জমাদাররাও জানে এদের জেলে ঢোকানো মানে ভিড় বাড়ানো, বনের বাঘকে খাচার ঢোকালেই সে নিরামিষাশী বনে যায় না।

• গুম হয়ে বসে থাকে সর্দার ছ'হাঁটুর মাঝে মাথা গুঁজে।

দাঁতে দাঁত ঘষে। নিঃশ্বাসে বইছে যেন আগুনের ঝড়। সারা অঙ্গ জ্বলে যাচ্ছে; প্রহারের আঘাতে নয়, অপমানের আগুনে।

প্রতিশোধ চাই, নিদারুণ প্রতিশোধ।

হুটো জানোয়ার সামনাসামনি দাঁড়িয়ে। একটি একটু অসতর্ক হলেই অপরটি লাফ দিয়ে টুঁটি টিপে ধরবে।

নদীর পাড়ের জলা-বন থেকে উঠে এসেছে এক দাঁতাল শূয়োর। চঞ্চল হয়ে উঠেছে মাঝে-মাঝে। মরদরা যে যার টাঙ্গি, সড়কি, তীর-ধনুক নিয়ে হৈ হৈ করে বেরিয়ে পড়ল।

গোল করে বেড় দিয়েছে সবাই শূয়োরটাকে ঘিরে। যেদিক দিয়ে সে বেরুতে চায়, সেদিকেই লোকজন হৈ হৈ করে তাড়া করে আসে। তখন ছোট্টে উল্টো দিকে, কিন্তু সেদিকেও সেই অবস্থা।

উন্নত ক্রোধে দাঁড়িয়ে দাঁড়িয়ে ক্ষুব্ধের আঘাতে মাটি খোঁড়ে।

ইতিমধ্যে স্বকোশলে বেড়টাকে ছোট করে এনেছে মাঝে-মাঝে। পাল্লার মধ্যে এলেই অস্ত্র হানবে।

সাঁ করে ছুটে আসে তীর সর্দারের ধনুক থেকে। পরমুহুর্তেই লাফ দিয়ে সরে দাঁড়ায় বিধাণ। সে দাঁড়িয়ে ছিল বেষ্ঠনীর অপর দিকে, সর্দারের ঠিক সামনাসামনি। তীরের ফলাটা তার গা ঘেঁষে

বেরিয়ে গিয়ে আমূল বসে যায় পেছনের এক শিমুলগাছের গুঁড়িতে।

বুকে লাগলে কলজেটা এফোড় ওফোড় হয়ে যেত।

হায় হায় করে ওঠে সকলে, আর একটুকুন হলে আপুন বেটায়ে খুন করি ফেলাইতে গো সর্দার, ভগমান বাচাইছেন উয়ারে। সর্দারের হাত থেকে তীর ফস্কায়েছে জেবনে এই পেথম।

সর্দার বিড় বিড় করে বলে, হঁ, জেবনে এই পেথম।

বিধাণের চোখ হুটো জ্বলে উঠেই নিভে যায়। বাঘের চোখের ভাষা বাঘেই পড়তে পারে।

মারেং-পাড়ায় মহামারী শুরু হয়েছে।

নদী পেরিয়ে, চর পেরিয়ে মারেংবা যায় ওপারে মিলের বাজারে তাগা-তাবিজ মাহুলি বেচতে। হাতে কাঁচা পয়সা পেলে ওদের জ্ঞান থাকে না, পেট পুরে খেয়ে নেয় খাড়াখাড়া বিচার না করে। তাই ওদের মধ্যে কেউ যদি বয়ে নিয়ে আসে কালব্যাদির বীজ, তাতে বিশ্বয়ের কি আছে?

কালব্যাদি কলেরা—

দলে দলে লোক মরছে, ফেলবার কেউ নেই; চারদিক থেকে উঠছে শেয়াল কুঁর আর শকুনের কোলাহল, মৃতদেহ নিয়ে চলছে কাড়াকাড়ি। সবাব মুখে পড়েছে আতঙ্কের কালো ছায়া।

সবাই জড়ো হয়েছে বাবার আস্তানার সামনে। অপরাধ হয়েছে বাবার চরণে, মারাত্মক অপরাধ। তাই বাবার রোষদৃষ্টি পড়েছে মারেং-কুলের উপর, লেগেছে মড়ক। এবার কারো নিস্তার নেই।

কিন্তু কি সে অপরাধ?

সবার চোখেই প্রশ্ন, মুগে কারো ভাষা নেই।

উঠে দাঁড়াল সর্দার। চার পাশে একবার চেয়ে নিয়ে বলতে শুরু করল, গোড়ায় দোষ হলছে মোদেরি; যখুনি জানতে পারলম তখুনি পাপিনীটারে বিনাশ করি নাই ক্যানে। বুঝা উচিত ছিল লাগিনী আপুন পেকিত্তি ছাড়তে লারে। বাবার চরণে লিজেকে সমপ্লন কয়া, বাবার সেবাদাসী হয়্যা, বাবার সাথে শঠতা করলে অপরাধ হবেক না? সি পাপের ভাগ মারেং-কুলে অর্শাইবে না? কাল রাতের বেলায় মন্দ হ'ল, ভাবলম দেখি আসি মেইয়াটা কি করছে। গিয়া দেখি যা ভাবেছিলাম ঠিক তাই। একটুকুন একটুকুন চাঁদের আলো আসি পড়িছে বেড়াটার গায়ে, উতে হেলান দিয়া গল্প করছে হ'জনায়। হাতের মুঠায় সড়কি থাকলে একসাথে গাধি ফেলতাম হ'জনারে। কিন্তুক ছাওয়ালটারে বেশী দোষ দিই না। উ হলছে বেটাছেলে, বয়সটা মন্দ, মেইয়াটার পিছু পিছু ঘুরছে চোখের লেশায়। দোষ সব উই মায়াবিনী মেইয়াটার, উই বেড়ালছে ইরে লাচারে। বিচার হবেক উয়ারী।

সবাই সমস্বরে চেঁচিয়ে উঠে, হ হ বিচার হবেক উয়ারী।

সর্দারের চোখ হুটো জ্বলে ওঠে, ভুল শোধরাবে এবার।

বলতে থাকে, বাবা! কাল আমায়ে স্বপন দিছে, এই মেইয়াটার খাপ খেক্যা হবেক তুদের মায়েং-কুলের বিনাশ। কাল সন্জ-বেলা হাত-পা বাঁধি ফেলি দিয়া বাস উয়ায়ে আমায় বিরিকির তলে। সিখানে উয়ায় বিচার হবেক।

শিউয়ে ওঠে বিধাণ, আন্তক্কে ওর মুখ দিয়ে কথা বেরোয় না। সর্দারের মনের ভেতরটা ওর চোপের সামনে হয়ে গেছে দিবা-লোকের মত স্বচ্ছ। সুপ্রাচীন জীর্ণ বনস্পতির দেহে সৃষ্ট হয়েছে অসংখ্য কোটর, তার ভেতরে আশ্রয় নিয়েছে নানা জাতের অসংখ্য নাগ-নাগিনী। দিনের বেলা লুকিয়ে থাকে অন্ধকার বিবরে, রাতের আঁধারে নীচে নেমে আসে শিকারের সন্ধানে। সেখানে হাত-পা বাঁধা অবস্থায় পড়ে থাকলে দেবতারাও রক্ষা করতে পারেন না। শৃগালের মত ধূর্ত, আর চিতাবাঘের মত শয়তান এই সর্দার। জানে হাত হুথানা খোলা থাকলে ভোদো গুণীনের মেয়ে কাল-নাগিনীদের ডরায় না। তাই আগে থেকে আটঘাট বেঁধে রেখেছে।

উম্মাদের মত ছুটে আসে বিধাণ, মাটিতে পা ঠুকে বলে, মিছা কথা, আগাগোড়া সব মিছা কথা। উ বিরিক্কে ভগমান নাই, বাবা তুকে কখনো স্বপন দেয় নাই; ই-সব তুর কারসাজি রে বুড়া।

হা হা করে হেসে ওঠে মংলু সর্দার, বলে, পেমান চাই ভগমান আছে কি না? কাল সকালে উঠি দেখি আসিস বট বিরিকির তলে, বাবার বিচারের লমুনা; পেমান পায়ে ষাবি হাতে হাতে।

বিবে নীলবরণ হয়ে গিয়েছিল ভামিনীর দেহ, চোখ হুটো আন্তক্কে ঠেলে বাইরে বেরিয়ে এসেছিল।

বটগাছের সীমানা ঘিরে কঠিন পাহারা ছিল সেদিন সাব-রাত। অক্ষম ক্ষোভে বিধাণ উম্মাদের মত ছুটে বেরিয়েছে বনে-জঙ্গলে।

তারপর প্রতিটি রাত্রি হা-হা করে ঘুরে বেরিয়েছে সেই বটগাছের তলে, সাবরাত বিনিদ্র নরনে অপেক্ষা করে থেকেছে কোন কালনাগিনীর সঙ্গে দেখা হয়ে বাবার প্রত্যাশায়। শেষে ব্যর্থ হয়ে হাত ভরে দিয়েছে প্রতিটি কোটরে, কিন্তু আশ্চর্য্য, কোন নাগ-নাগিনীর সঙ্গে তার সাক্ষাৎ হয় নি, কেউ তাকে দংশন করে নি।

নিফল হয়ে মাথা ঠুকেছে বটগাছের গুঁড়িতে।

বিধাণের মনে ছিল না সেদিন রাতে ভামিনী বলেছিল, মনের মাহুস গো, এই যে রাতবিরেতে আঁধারে আলো বাবার খানে, কাজটা ভাল কর নাই। হেথায়-হোথায় চতুর্দিকেই ছড়ায়ে রয়েছে বাবার অঙ্গের ভূষণ। আঁধারে দিশা-বিশা না পায়ে কখন কার অঙ্গে পা দিয়া ফেলবেক, দিবেক ডংশারে।

তারপর নিজের বাহু থেকে একটা ছোট মাহুলি খুলে নিয়ে ওর বাহুতে পরিয়ে দিয়ে বললে, ই মাহুলিটারে তু রাখে দে।

মাহুলিটা থেকে বেরুচ্ছিল একটা উগ্র কটুগন্ধ।

তারপর কি ভেবে ঘরের কোণ থেকে সেই ঝাঁপিটা টেনে নিয়ে বললে, দাঁড়া তুকে একটা মজা দেখায়ে দি।

হুটো টোকা দিয়ে ঝাঁপিয় টাকনাটা খুলে দিতেই ফোস করে ফণা তুলে দাঁড়াল সেই ভীমরাজ গোথরো। ওর আতুঙ্কিত মুখের পানে চেয়ে খিল খিল করে হেসে মাহুলিভরা হাতের মুঠিটা এগিয়ে দিল সেই উজ্জ্বল ফণার সমুখে। বিহ্বত ফণা আন্তে আন্তে গুটিয়ে ছোট হয়ে গেল, তার পর সাপটা এলিয়ে পড়ল মৃতের মত হাতের মুঠার ওপরেই।

সাপটাকে ঝাঁপিতে ভরে বেগে ওর বাহুতে মাহুলিটা পরিয়ে দিয়ে বলেছিল, মুই হলছি গুণীনের বেটা, মোর তরে তু ভাবিস না। হাত হুথান খুলা থাকলে কালনাগেরে মুই ডরাই না। কিন্তুক তু ইসব জানিস না, মাহুলিটা তু রাখে দে। ই অঙ্গে থাকলে লাগ-লাগিনী কাছে ঘিসতে পারে, ফণা উঠালে মুখের সামনে ধরলে ফণা গুটায় লিবেক।

সেই মাহুলি ছিল ওর অঙ্গে, তাই নাগনাগিনীর দেখা মেলে নি।

প্রতিশোধ নিয়েছে মংলু সর্দার, বড় ভীষণ প্রতিশোধ।

মিল বসবে নদীর ধারে।

উম্মাপতিবাবু সর্দারকে ডেকে পাঠিয়েছিলেন, বললেন, রাজার তরফ থেকে দখল করে নিচ্ছে ও জমি, কল বসাবে। রাজার আইনের ওপর হাত নেই কারও। আমি নিরুপায়।

সর্দার বলে, আমরা কুথাকে যাব রাজাবাবু?

মহামারীতে প্রায় নির্মূল হয়ে গেছে মায়েং-কুল। দশ-পনেরটা পরিবার এখনও টিকে আছে কোনরকমে। তাদের স্বস্তি নেই আগেকার সেই ভ্রমণের নেশা। নতুন করে ঘর বাঁধার মত আগ্রহ বা উৎসাহ কোনটাই আর তাদের অবশিষ্ট নেই। তাই মাটির সঙ্গে বিচ্ছেদের আশঙ্কায় ওদের প্রতিটি বস্তুবিন্দু কাঁদে। এতদিনের আশ্রয় ত্যাগ করে বাবার কথা ওরা ভাবতে পারে না।

উম্মাপতি বাবু উত্তর দেন, সেকথা তাদের আমি বলেছি। তারা বলেছে কারখানার খাটবার জগে কুলীকামিনেরও ত দরকার আছে, তোরা না হয় সেই কাজই করবি। তোরা খাটবি, মাইনে পাবি, থাকার জগে ঘর পাবি। এর বেশী তারা আর কি দিতে পারে বল?

সর্দার একটা নিখাস ফেলে বলে, হাঁ। তারপর আকাশপানে চেয়ে হাত হুথানা কপালে ঠেকিয়ে বলে, জাতি গিছে, কুল গিছে, ইবার ধরম বাবে; হেই গো বাবা তুরার মনে কি জ্বায়ে ইই ছিলো।

কিন্তু সর্দার তখনও ভাবতে পারে নি, এর চেয়েও বড় আঘাত অপেক্ষা করছে তাদের জগে।

কয়েক দিন পরে জনকয়েক দিনমজুর নিয়ে একজন বাবু এসে পৌঁছলেন। বললেন, সরকারের হুকুম ওই বটগাছ কাটতে হবে।

মাথায় ওপর আকাশখানা ভেঙ্গে পড়লেও বোধ হয় কেউ এতটা বিস্মিত হ'ত না।

হুকুম দিয়ে উঠল সর্দার, খবরদার, উ কথা আর কখনো মুখে

আনিস না বায়ুমশায়। উ বিরিক্কে বাস করেন দেবাদিদেব মহাদেব, যার জটার ভিত্তর বাস করেন সুমধুনী, যার সন্ধ্যাঙ্গ জড়াবে থাকে লাগলাগিনী, যার চরণভায়ে পিখিমী করে টলমল, যার দিষ্টির আগুনে পুড়্যা ছাই হয়্যা যার তিত্তুবনের পাপ, যার চারপাশে লাচি কিরে ডুত পিয়েত্তেব দল। উ বিরিক্কে হাত দিবেক যে জন, সে জন মরবেক মুখে বস্ত্র উঠায়ে।

বিদেশী জনমজুরদের ভেতর উঠেছে একটা মূহু গুজন। তাদের মধ্যে থেকে একজন এগিয়ে এসে বললে, এ কাজ হবে না তাদের দিয়ে।

বাকি সবাই মাথা নেড়ে সমর্থন করে তাকে।

হঠাৎ মায়েংদের ভেতর থেকে বেরিয়ে আসে বিষাণ, বলে, মিছা কথা বাবুমশায়, বুড়ার আগাগোড়া সব মিছা কথা; উ বিরিক্কে ভগমানের অধিষ্ঠান নাই কুনকালে।

বাজের মতো ফেটে পড়ে সর্দার, এয়াইও—

আশপাশের লোকজন চমকে ওঠে, পাখীরা কলরব করে গাছেয় ডাল ছেড়ে আকাশে ওড়ে।

সর্দারের মুখের পানে একটা তাচ্ছিল্যভরা দৃষ্টি হেনে বিষাণ মজুরদের পানে চেয়ে বলে, দে দিকিনি একখান কুড়ালি, তুদের দেখায়ে দিই দেবতার বসত আছে কি নাই।

একজনের হাত থেকে একখানা কুড়ল নিয়ে বলে, আসো মোব পিছু পিছু। উত্তেজনার ওর চোখ দুটো জ্বলতে থাকে।

সবাই মস্তমুঞ্ছের মত ওকে অনুসরণ করে।

গাছেয় গোড়ায় পৌঁছে পরণের ছোট কাপড়টাকে মালকোঁচা দিয়ে পবে। এক হাতে কুড়ল নিয়ে আর এক হাতে বটের ঝুরি ধরে, পা দুখানা খাঁজে খাঁজে বসিয়ে দিয়ে বিচিত্র কোঁশলে উঠে পড়ে মাটি থেকে প্রায় বিশ হাত উঁচু একটি ডালে।

এই ডালটারই একটু পেছনে আর একটু উঁচু দিয়ে চলে গেছে আর একখানা ডাল। সেটার গায়ে হেলান দিয়ে নীচেবটার পা বেখে ঝজু হয়ে দাঁড়ায় কুড়লখানা হাতে নিয়ে।

উত্তেজনার সারা দেহ ধর ধর করে কাঁপে।

সবাই নিশ্বাস রুদ্ধ করে অপেক্ষা করে।

কুড়লের কোপ পড়ে নীচের ডালটার, এক, দুই, তিন।

হঠাৎ ভারসাম্য বজায় রাখতে না পেরে উঠে পড়ে বিষাণ, যুবপাক খেয়ে সজোরে আহুড়ে পড়ে কঠিন মাটিতে। নাকমুণ দিয়ে গল গল করে বস্ত্র গড়িয়ে পড়ে। হুপিগুটা ফেটে গিয়েছে।

পাশব উল্লাসে নৃত্য করে ওঠে মায়েংরা। দেবতার অস্তিত্বে অবিশ্বাসের অলঙ্ঘনীয় পরিণতি।

সহর থেকে সাহেবরা এসেছে, বনস্পতিকে ওড়াবে ডিনামাইট দিয়ে।

দূরে নিশ্বাস রুদ্ধ করে অপেক্ষা করে মায়েংরা কানে আঙুল দিয়ে। সাহেবরা বলে দিয়েছে শব্দ হবে, প্রচণ্ড শব্দ।

একসঙ্গে যেন হাজারটা বাজ গর্জ্জে ওঠে। পৃথিবী টলছে, বাস্তবিক ফণা দোলাচ্ছে। দূরে খানিকটা অংশ ফেটে গুঁড়িয়ে ধুলো হয়ে চারদিকে ছড়িয়ে গেল। মড়মড় শব্দে মাটি কাঁপিয়ে আর্ভনাদ করে ভূপতিত হ'ল বিরাট মহীকুহ অতিকার দৈত্যের মত।

হা হা করে বুক চাপড়ে কেঁদে ওঠে মায়েংরা।

বাজের মত চীংকার করে ওঠে সর্দার, গুটাও, আঁস্তানা গুটাও, মা বসুমতী সইতে লাববেন এত পাপের বোঝা, মায়েং-গুণী পুড়্যা ছাই হয়্যা যাবেক সি পাপের আগুনে।

ছুটে চলে যাযাবররা, সাজানো সংসার ফেলে রেখে। ছুটে চলে অনিশ্চিতের পানে দেবতার রোধের আগুন থেকে নিজেদের বাঁচাতে।

যায় নি শুধু সেই বুড়ো গুণীন। পরিত্যক্ত শ্মশানের ওপর দাঁড়িয়ে, আকাশপানে চেয়ে, হাত দুখানা মাথার উপর তুলে বিড় বিড় করে কি বকে সে আপন মনে।



হায়দর আলি এবং তাঁহার ইউরোপীয় সেনানীর্ঘ

অম্বুজনাথ বন্দ্যোপাধ্যায়

পরদিবস মাদাম বিচার-সভায় নিতান্ত কাতরভাবে আসিয়া উপস্থিত হইয় ছিলেন। জেসুইট পাদ্রির বিশ্বাসভঙ্গ যে তাঁহাকে দুর্ভাগ্যের চরম সীমায় নিক্ষেপ করিয়াছে সেজন্য তাহাদের উদ্দেশ্যে বহু কটুকাটব্য বর্ষণ করিয়া তিনি স্বীয় অল্পকূল একটি আবহাওয়ার সৃষ্টি করিয়া-ছিলেন। ইউরোপীয় সৈনিকদিগের অনেকে তাঁহার প্রতি সহানু-ভূতিসম্পন্ন হইয়া মনে মনে জেসুইটদিগের নিপাত কামনা করিতে লাগিল। যুক্তিবৎসর-বয়স্ক বৃদ্ধ ইটালিয়ান পাদ্রি দে লা তুরকে স্বীয় বক্তব্য একান্তে বলিবার জগ্ন ডাকিয়া লইয়া গিয়া যাহা বলিয়াছিলেন তাহার সারমর্ম এই প্রকার ছিল: “মহাশয়, নিতান্ত ধর্মনিষ্ঠ সম্প্রদায়-মধ্যেও কখন কখন জুডাসের সাক্ষাৎ পাওয়া যায়। বর্তমানে বাহার জগ্ন আমরা এই বিপদে পড়িয়াছি তাহাকেও উক্ত আখ্যা দেওয়া যাইতে পারে। ঐ ব্যক্তি গোয়া যাইবার পূর্বে আমি উহার সম্বন্ধে অপযশকর কিছু শুনিয়া তাহাকে সবিশেষ ভৎসনা করিয়াছিলাম, কিন্তু তাহাতে কোন ফলোদয় না হওয়াতে উহার সকল কার্যের প্রতি লক্ষ্য রাখিতে আবশ্য করি। গোয়া যাইবার অভিপ্রায়ে সে মাদ্রালোর গিয়াছে শুনিয়া আমিও সেখানে গিয়াছিলাম এবং ফৌজদারের সাহায্যে তাহাকে আটক করিয়া সাধারণো ঘোষণা করিয়া দিয়াছিলাম যে, উহার বিরুদ্ধে কাহারও কোন দাবি থাকিলে সে যেন কালবিলম্ব না করিয়া তাহা জানাইতে উপস্থিত হয়। দাবিদারগণের মধ্যে মাদাম মেকুইনেজও ছিলেন। তিনি চুণী-বসানো একজোড়া বালা, একছড়া মুক্তার মালা এবং নগদ দুই হাজার টাকা ফেরত লইয়া গিয়াছিলেন। পর্তুগীজ-কুঠিতে এ বিষয়ে দলিলপত্র লিখিত হইয়াছিল। ফরাসী ও পর্তুগীজ কুঠিয়াল তাহার সাক্ষী ছিলেন। আমি মাদ্রালোরের পর্তুগীজ-কর্তৃপক্ষের নিকট উক্ত বসিদের নকল চাহিয়াছিলাম, কিন্তু তাহারা উহা দিতেছেন না। আপনার পক্ষে সুবিচারের জগ্ন উহা পাওয়া আবশ্যক। নবাবের নামে কোন ফরাসী কর্মচারীকে এ কার্যে পাঠাইবেন এবং তাহাকে বলিয়া দিবেন যেন সে পর্তুগীজদের কোন আপত্তিতে কান না দেয়। সকল কার্য সন্মোপনে করা প্রয়োজন, নবাবের সমর-সচিব নরীমরাও (?) যেন কোন কথা জানিতে না পারে, নতুবা তাহার নিকট হইতে সংবাদ পাইয়া পর্তুগীজ কুঠিয়াল সব কাগজপত্র গোয়ায় সরাইয়া ফেলিবেন। আমার বিশ্বাস, নবাবের উক্ত মন্ত্রী, পর্তুগীজ কুঠিয়াল, জেসুইট পাদ্রি এবং মাদাম মেকুইনেজ এই বড়বন্ধে লিপ্ত আছেন।”

পরদিবস মাদাম আসিলে দে লা তুর তাঁহাকে তিরস্কার করিয়া বলিয়াছিলেন, “ছি ছি। এ তুমি কি করিয়াছ? যেচ্ছার এ বিপদ কেন ডাকিয়া আনিলে? নবাবের দয়াম ত তোমার অর্থের অভাব নাই। তবুও একজন বিধবী এবং একজন ভগ্ন পাদ্রির সহিত

হেয় চক্রান্তে লিপ্ত হইয়া “চার্জের” সম্পত্তিতে লোভ করিতে তোমার এতটুকু বাধিল না? এখনও যদি সত্য কথা স্বীকার কর তবে আমি তোমাকে বক্ষা করিবার জগ্ন চেষ্টা করিতে পারি। সকল কথা প্রকাশ হইয়া পড়িয়াছে। মাদ্রালোর হইতে ফরাসী ও পর্তুগীজ কুঠিয়ালদ্বয় এখানে আসিতেছেন। যদি বাঁচিবার বাসনা থাকে, এখনও সত্য কথা স্বীকার কর। নবাবের জ্ঞাননিষ্ঠা তোমার অজানা নয়। তোমার জুয়াচুরি ধরা পড়িলে তিনি কি ভীষণ শাস্তি দিবেন তাহাও একবার ভাবিয়া দেখ।”

মাদাম একপ পরিণতির আশঙ্কা করেন নাই। ভয়ে তাঁহার মুখ শুকাইয়া গেল। তিনি সকল কথা স্বীকার করিলেন, বলিলেন নরীমরাও এবং জেসুইট মিশনারীর পরামর্শে তিনি ঐ কার্য করিয়া-ছিলেন। বিবাদী ফাদার বৃথা অপবাদ হইতে বক্ষা পাইয়া প্রথমে পরম পিতার উদ্দেশ্যে প্রণতি জানাইয়া দে লা তুরকে অমুরোধ করিয়াছিলেন, ‘যেন তিনি নবাবের নিকট সকল কথা প্রকাশ না করেন, কারণ তাহাতে স্ত্রীলোকটিকে বড় বিপদে পড়িতে হইবে।’ দে লা তুরের নিকট গোলমাল মিটিয়া যাইবার সংবাদ পাইয়া হায়দর বলিয়াছিলেন, “মাননীয় ফাদারগণের বিরুদ্ধে ইহা চক্রান্ত বন্ধিয়া মনে হয়। শুনিয়াছি বিবিধ স্বভাবচরিত্র ভাল নয়, তিনি এখনও সাবধান না হইলে পরে আবার নূতন কোন বিপদে পড়িতে পাবেন। তোমরা যখন উহাকে মার্জনা করিয়াছ তখন আমি আর কিছু করিব না।”

হায়দরের কথাই ফলিয়াছিল। মাদাম কিছুকাল পরে একজন ফিবিঙ্গী-পর্তুগীজ সার্জেন্টকে বিবাহ করেন। ইহাতে হায়দর তাঁহাকে সার্জেন্ট-পদ হইতে নামাইয়া দিয়া তহপযোগী বেতন দিবার জগ্ন বস্ত্রীকে আদেশ দিয়াছিলেন। তাঁহার প্রভুভক্ত বীর সৈনিক মেকুইনেজের বিধবা যাহাতে অভাবগ্রস্তা না হন সে বিষয়ে অবহিত থাকা তিনি কর্তব্য বলিয়া মনে করিতেন, কিন্তু মাদাম তাঁহার পর-লোকগত স্বামীর স্মৃতির মর্যাদা বক্ষা না করার অতঃপর উহার সম্বন্ধে তাঁহার আর কোন দায়িত্ব ছিল না।

এই সময় দে লা তুরের পরামর্শে হায়দর এক কোর গ্রিনেডিয়র বা পাশ্চাত্য ধরণের পদাতিক সেনা গঠন করিয়াছিলেন। উহাতে দশ ব্যাটেলিয়নে মোট পাঁচ হাজার সৈনিক ছিল। তদুপরে শুধু দুইটি ব্যাটেলিয়ন টোপাসী বা মেটে ফিবিঙ্গী লইয়া গঠিত হইয়া-ছিল। প্রত্যেক ব্যাটেলিয়ন আবার চারিটি কোম্পানীতে বিভক্ত ছিল। প্রত্যেক কোম্পানীর নেতৃত্বে একজন ইউরোপীয় এডজুটান্ট বা সার্জেন্ট-মেজর এবং প্রত্যেক ব্যাটেলিয়নের অধ্যক্ষ-পদে একজন কমিশনপ্রাপ্ত অফিসর নিযুক্ত হইতেন। সাধারণ সিপাহীদের মাসে আট টাকা বেতন দেওয়া হইত, কিন্তু গ্রিনেডিয়রদের বেতন

ছিল মাসিক দশ টাকা। তন্নিম্ন উহাদের আরও কয়েকটি বিশেষ সুবিধা দেওয়া হইত। তাহাদের কোন কঠিন শ্রমসাধ্য কার্য করিতে অথবা সাত্তরী প্রহরা দিতে হইত না। আদেশ-প্রাপ্তিমাত্রে গমনাগমনের সুবিধার জগু প্রতি সাত জন সৈনিকের জগু একজন পাচক, ভৃত্য এবং আবশ্যিক ভারবাহী বলীবর্ধ থাকিত। প্রত্যেক কোম্পানীতে সাত জন করিয়া শিক্ষানবীশ সৈনিক থাকিত। দলের সকল প্রয়োজনীয় কার্য এবং নিহত ব্যক্তিগণের শ্রাদ্ধাদি কার্য করিবার জগু উহারা রক্ষিত হইত। সকালে সিপাহীরা অফিসরদের কাছে লক্ষ্যভেদ করিতে শিখিত; বৈকালে তিনটা হইতে ছয়টা অবধি দে লা তুর পালা করিয়া ব্যাটেলিয়নগুলিকে কাওয়ারজ করাইতেন। তাহার পর দুই ঘণ্টাকাল তাহারা মাচ্চ করিতে বাধ্য হইত। যাইবার সময় যে পথ তাহারা সহজ গতিতে যাইত, ফিরিবার সময় সেই পথ তাহাদের দ্রুতধাবনে অতিক্রম করিতে হইত। এইরূপে অনতিকালমধ্যে হায়দর এমন একটি বাহিনী গঠন করিয়াছিলেন যাহাদের আশু গতি উত্তরকালে তাঁহার অনেক সাফল্যের কারণ হইয়াছিল।

টার্ণার নামে হায়দরের একজন আইরিশ সৈনিক ছিল। মাদ্রাজের গবর্নর বর্শীয়েবর অনুবোধে তিনি উহাকে কাজ দিয়াছিলেন। ঐ ব্যক্তি প্রথম ব্যাটেলিয়নের অধ্যক্ষ ছিল এবং মালাবারের যুদ্ধে যথেষ্ট কৃতিত্ব দেখাইয়াছিল। নবাব তাহাকে অত্যন্ত স্নেহ করিতেন এবং বিশ্বাস করিয়া অনেক দায়িত্বপূর্ণ কার্যের ভার উহাকে দিতেন। টার্নার কিন্তু সে বিশ্বাসের মর্যাদা বাঞ্ছিত হইল না। ইংরেজ গবর্নর কর্তৃক বিশেষভাবে সুপারিশ করা লোককে কখনে গ্রহণ করা নবাবের উচিত হয় নাই। হায়দর প্রতিমাসের পাঁচ তারিখে সৈন্যদের বেতন দিতেন; ব্যাটেলিয়নের অধ্যক্ষের হস্তে তাহা দেওয়া হইত, তিনি সকলকে নিজ নিজ প্রাপ্য মিটাইয়া দিতেন। এই সময় একবার সিপাহীরা টার্নারের নিকট বেতন আনিতে গেলে সে উহাদের পরদিন সকালে আসিতে বলিল, জানাইল—মুন্সী না থাকায় তখন টাকা দেওয়া সম্ভব নহে। রাত্রি সমাগত হইলে টার্নার উক্ত অর্থ এবং নিজ যাবতীয় মূল্যবান সম্পত্তি সহ পলায়ন করিল। সুইডেন হইতে আগত জনৈক তরুণ সৈনিক তাহার সহগামী হইয়াছিল। ভৃত্যদের বলিয়া গিয়াছিল যে তাহারা কৈম্বাটুরে প্রধান সেনাপতির ভবনে নৈশ ভোজনে যাইতেছে। তাহার অল্প পরে কয়েকজন অফিসর সাক্ষাৎরূপে বাহির হইয়া টার্নারের গৃহে আসিয়াছিল এবং ভৃত্যগণের নিকট তাহার কৈম্বাটুর গমনের সংবাদ পাইয়া তাহারাও তথায় গমন করিয়াছিল। উহারা মনে ভাবিয়াছিল, পথিমধ্যে টার্নারের সহিত তাহাদের সাক্ষাৎ হইবে। কিন্তু কৈম্বাটুরে আসিয়া সকলকে স্তম্ভিতমুগ্ধ দেখিয়া উহাদের মনে সন্দেহের উদ্রেক হইয়াছিল। দে লা তুরের নিদ্রাভঙ্গ করিয়া উহারা তাঁহাকে সকল কথা জানাইল। তিনি তৎক্ষণাৎ ঘাটিতে ঘাটিতে সন্ধান লইবার জগু আদেশ দিলেন। কিছু পরে সংবাদ পাওয়া গেল যে, প্রায় তিন ঘণ্টা পূর্বে দুই জন

ইউরোপীয়কে অশ্বারোহণে কোচিনের পথে যাইতে দেখা গিয়াছে। কাপ্তেন মিনার্ভা নামক একজন আইরিশ অফিসার পঞ্চাশ জন ইউরোপীয় সৈনিকসহ উহাদের অনুসরণে প্রেরিত হইলেন। পঞ্চদশ দিন প্রাতঃকালে কোচিন রাজ্যের সীমানার অদূরে এক পরিত্যক্ত কুটীরমধ্যে পলাতকযুগলকে স্তম্ভিতমুগ্ধ অবস্থায় ধৃত এবং শৃঙ্খলাবদ্ধ করিয়া তিনি কৈম্বাটুরে আনিয়াছিলেন।

অনুরূপক্ষেত্রে ফিরিঙ্গীস্থানে যাহা হইয়া থাকে হায়দর সেইমত উহাদের বিচারের আদেশ দিয়াছিলেন। কোর্ট মার্শালের বিচারে বিনা অনুমতিতে দল হইতে পলায়ন এবং সরকারী তহবিল তছরূপ অপরাধে উহাদের প্রতি অবমাননার সহিত পদচ্যুতি এবং তৎপরে প্রাণদণ্ডের আদেশ প্রদত্ত হইয়াছিল। সুইডিস সৈনিক নিতান্ত অল্পবয়স্ক ছিল এবং সে রাজকোষের অর্থ অপহরণ করে নাই, শুধু বিনা অনুমতিতে সেনাদল পরিত্যাগ করিয়াছিল; তাহাও আবার টার্নার কর্তৃক প্রভাবান্বিত হইয়া করিয়াছিল—এই সকল কথা বিবেচনা করিয়া সামরিক আদালত নবাবকে উহার প্রতি দয়াপ্রদর্শন করিতে অনুরোধ করিলে তিনি তাহার যাবজ্জীবন কারাদণ্ড বিধান করিয়াছিলেন। বিচারকালে টার্নার কতকগুলি অদ্ভুত স্বীকারোক্তি করিয়াছিল;—বলিয়াছিল যে ইংরেজ গবর্নমেন্ট নিজামের সহযোগিতায় হায়দরকে আক্রমণ করিবার আয়োজনে প্রবৃত্ত হইয়াছেন এবং তৎক্ষণাৎ গোয়ন্দাগিরি করিবার নিমিত্ত কর্তৃপক্ষ তাহাকে পাঠাইয়াছিলেন। মৃত্যুদণ্ডই যে তাহার একমাত্র উপযুক্ত শাস্তি তাহা মানিয়া লইয়া টার্নার বিচারকগণকে অনুরোধ করিয়াছিল যে, তাহার স্বীকারোক্তির গুরুত্ব বিবেচনা করিয়া তাহারা যেন ফার্সি পরিবর্তে তাহাকে গুলি করিয়া মারিবার আদেশ দেন। বলা বাহুল্য, তাঁহারা উহার এ শেষ প্রার্থনা রক্ষা করিয়াছিলেন। মৃত্যুকালে টার্নার মিনার্ভাকে অস্তিম স্মৃতিচিহ্নরূপ স্বীয় অসি ও ঘড়ি উপহার দিয়াছিল এবং নিজ অর্থাদি—যে সকল সৈনিকের উপর তাহাকে বধ করিবার ভার প্রদত্ত হইয়াছিল, তাহাদের মধ্যে বিভাগ করিয়া দিয়াছিল। বিশ্বাসঘাতকতার পরিণাম সকলকে দেখাইবার জগু মৃতদেহ পথিপার্শ্বস্থ বৃক্ষশাখায় ঝুলাইয়া রাখা হইয়াছিল। টার্নারের আচরণ যত নিন্দনীয় হউক না কেন মৃত্যুকালে সে যথেষ্ট নিভীকতার ও সততার পরিচয় দিয়াছিল।

পূর্বেও সুইডিস সৈনিককে হায়দর কিছুকাল পরে বলিয়াছিলেন যে বিবি মেকুইনেজকে সে বিবাহ করিতে সম্মত হইলে তাহাকে পুনরায় পূর্বপদে গ্রহণ করা হইবে। কিন্তু সে প্রস্তাব ঐ ব্যক্তি ঘৃণাভরে প্রত্যাখ্যান করিয়া জানাইয়াছিল যে উহার মত হীন-চরিত্র স্ত্রীলোককে বিবাহ করার পরিবর্তে সে সহস্র বার মৃত্যুকে আলিঙ্গন করিতে প্রস্তুত। তাহার সাহস ও চিত্তের দৃঢ়তায় প্রীত হইয়া হায়দর তাহাকে মুক্তি দিয়াছিলেন।

হায়দরের বিরুদ্ধে ত্রিশক্তি-সম্মিলন কেন সম্ভব হইয়াছিল বৃথিতে হইলে, কিছু পূর্বকথা বলা আবশ্যিক। তাঁহার দ্রুত উন্নতি নিজাম, মরাঠা বা ইংরেজ কাহারও পক্ষে প্রীতিকর হয় নাই

নিপথের যুদ্ধে শোচনীয় পরাজয়ের ফলে মরাঠাদের শক্তিহীনতা হায়দরের অভ্যুদয়ের অগ্ৰতম কারণ ছিল। মরাঠারা তাঁহাকে দক্ষিণাত্যে নিজেদের প্রাধান্য-প্রতিষ্ঠার অন্তরায় বলিয়া বিবেচনা করিত। ইতিপূর্বে উভয়পক্ষে যে দুই একবার শক্তি পরীক্ষা হইয়া গিয়াছিল তাহাতে মরাঠারাই বিজয়লাভ করিয়াছিল।

মোগলসম্রাট শাহ আলমের নিকট হইতে বঙ্গদেশের দেওয়ানী লইবার কালে (১৭৬৫ খ্রীঃ) ইংরেজরা উত্তর সরকার প্রদেশের দেওয়ানী লইয়াছিলেন। সপ্তবর্ষব্যাপী সময়কালে তাঁহারা ফরাসীদের নিকট হইতে উহা জয় করিয়াছিলেন। বৃশীক সেনাদলের বায় নিক্কাহার্ণ নিজাম সালাবৎ জঙ্গ ঐ প্রদেশ ফরাসীদের জায়গীর দিয়া-ছিলেন। নিজাম আলির উহা তাহাদের দিতে ইচ্ছা ছিল না। ইংরেজরা তাঁহার নিষেধ না মানিয়া বাদশাহের নিকট হইতে উহা লওয়াতে তিনি ক্রুদ্ধচিত্তে হায়দর ও মরাঠাদের সহিত উহাদের বিরুদ্ধে দল সংগঠনে প্রবৃত্ত হইয়াছিলেন। ভীত হইয়া ক্লাইভ মাদ্রাজ গবর্নমেন্টকে মিত্রভেদের চেষ্টা করিতে উপদেশ দিয়া-ছিলেন; বলিয়াছিলেন দেশীয় রাজবর্গ সম্বন্ধে তাঁহার অভিজ্ঞতা হইতে বলিতে পারেন যে সে কার্য কিছুমাত্র আয়াসসাধ্য হইবে না।

ইংরেজরা পূর্বে হইতে হায়দরের ক্রমবর্ধমান শক্তি থর্ব করিতে সমুৎসুক ছিলেন। এক্ষণে সুযোগ বুঝিয়া নিজামের নিকট সেই প্রস্তাব করিলেন। হায়দর ইংরেজ বা মরাঠা কাহারও প্রতি নিজাম আলি প্রসন্ন ছিলেন না। তিনি সকলকারই উচ্ছেদ একই ভাবে কামনা করিতেন। “কণ্টকেনৈব কণ্টকম্”—নীতি অনুসরণ করিবার অভিপ্রায়ে তিনি সানন্দে ইংরেজদিগের প্রস্তাব গ্রহণ করিয়াছিলেন।

পেশবা মধুরাওয়ের মত সূচত্বর বাস্তব চক্ষে ধূলি প্রদান করা নিজামের পক্ষে সম্ভব হইল না। মিত্রগণের সখ্যের প্রকৃত মূল্য বুঝিয়া উহার রক্তভূমে দেখা দিবার পূর্বেই লঘুগতি বর্গোসেনাসহ তিনি মহীশূর রাজ্যমধ্যে প্রবেশ করিয়াছিলেন (জানুয়ারী ১৭৬৭)। হায়দরের সীমান্ত প্রদেশের সিরার ফৌজদার তাঁহার ভগিনীপতি বিশ্বাসঘাতক আলি রাজা খাঁ মরাঠাদের আগমনমাত্রে উহাদের দলে যোগ দিয়াছিল। ইহা হায়দরের পক্ষে প্রচণ্ড আঘাত-স্বরূপ হইয়াছিল। তিনি উহাকে বিশেষভাবেই বিশ্বাস করিতেন এবং অনেকে তাঁহাকে উহার সম্বন্ধে সাবধান করিলেও সে সকল কথায় কর্ণপাত করেন নাই। সীমান্ত প্রদেশের দুর্গসমূহ অবাধে শত্রুহস্তগত হওয়াতে হায়দর যে ভাবে প্রতিপক্ষকে বাধাদানের আয়োজন করিতেছিলেন, অতঃপর তাহা আর সম্ভবপর নহে দেখিয়া রাজধানীতে আশ্রয়ক্ষার ব্যবস্থা করিতে তৎপর হইলেন। তাঁহার আদেশে মধ্যবর্তী জনপদ উৎসাদিত করা হইল—কুপসমূহের জল বিষযুক্ত, হ্রদ তড়াগাদির বাধ ভাঙিয়া দেশ জলপ্লাবিত এবং অধিবাসিগণকে নিজ নিজ আবাস পরিত্যাগ করিয়া রাজধানীতে আসিতে বাধ্য করা হইয়াছিল। দে লা তুর বলেন, ইহাতে কাহারও কোন ক্ষতি হয় নাই, নবাব সকলকার সুখস্বাস্থ্যের প্রতি লক্ষ্য রাখিয়াছিলেন, সকলে হাসিমুখে চুঃখকষ্ট বরণ করিয়াছিল।

মীর্জার সৈনিকগণের সকলেই যে তাঁহার দৃষ্টান্তের অনুসরণ করিয়াছিল তাহা নহে। তাঁহার শতাধিক ইউরোপীয় গোলন্দাজ ছিল। উহার তাহার আদেশ অবহেলা করিয়া জীবনপতনে হায়দর-সকাশে ফিরিয়া গিয়াছিল। কথিত আছে, একজন অফিসার যাইবার সময় তাঁহাকে বলিয়াছিল, “মনে করিবেন না আমরাও আপনার মত নবাবের নিমকহারামী করিব। আমরা তাঁহার হইয়া যুদ্ধ করিব, তাঁহার বিপক্ষে কখন নহে। অতএব বিদায়।” হায়দর এই প্রভুক্ত সৈনিকগণকে বহু অর্থদানে পুরস্কৃত করিয়াছিলেন। অফিসরদের তিনি সুবর্ণকঙ্কণ দিয়াছিলেন। মার্কসিরা এবং মদ-গিবি বা মঘেরী দুর্গের বক্ষী সেনাদল মীর্জার আদেশ অমান্য করিয়া প্রাণপণে আক্রমণকারীদিগকে বাধাদানে প্রবৃত্ত হইয়াছিল। ফলতঃ উহাদের পথঃরাধের জ্ঞান মরাঠাদের অগ্রগতির বেগ মন্দীভূত হইয়া-ছিল এবং হায়দর আশ্রয়ক্ষার্থ আয়োজন করিতে কিছু অবসর পাইয়াছিলেন। উহাদের প্রভুক্তি ও বীরত্বে শ্রীত হইয়া পেশবা দুর্গাধিকারের পর প্রচুর পুরস্কারসহ উহাদের যদৃচ্ছ গমনের অনুমতি দিয়াছিলেন।

এক সঙ্গে তিন পক্ষের সহিত যুদ্ধ করা সম্ভব নহে দেখিয়া হায়দর সুপ্রচুর অর্থদানে মরাঠাদিগের সহিত সন্ধি করিয়া ফেলিলেন। মধুরাও নিজ রাজ্যে প্রত্যাবর্তন করিলেন। পূর্বতন সুহৃদগণ তাঁহার নিকট লাভের অংশ দাবি করিলে তিনি সে কথা হাসিয়া উড়াইয়া দিয়াছিলেন।* অতঃপর হায়দর নিজামের বিরুদ্ধে অগ্রসর হইলেন। মরাঠাদের যুদ্ধ পরিত্যাগের সংবাদে নিজাম আলি বিশেষ উৎকণ্ঠিত হইয়াছিলেন। বিপক্ষের অশ্বারোহীদের জ্ঞান তাঁহার শিবিরে রসদ প্রাপ্তিতে যথেষ্ট ব্যাঘাত ঘটিলে লাগিল। নিজাম-দরবারে হায়দরের সুহৃদবর্গের অভাব ছিল না। সুযোগ বুঝিয়া তাহারা তাঁহাকে ইংরেজপক্ষ পরিত্যাগপূর্বক হায়দরের সহিত মিত্রতা করিবার পরামর্শ দিতে লাগিলেন। নিজামেরও তাহা মনঃপূত হইয়াছিল। এইরূপে যে মিত্রতার উপর আশা করিয়া ইংরেজ গবর্নমেন্ট সুখস্বপ্ন দেখিতে বিভোর ছিলেন, হায়দর তাহা সুকৌশলে বিচ্ছিন্ন করিয়া ফেলিলেন। তখন যুগপৎ শত্রুসৈন্য এবং ভূতপূর্ব মিত্র কর্তৃক আক্রান্ত হইবার সম্ভাবনা দেখিয়া ইংরেজ সেনাপতি কর্ণেল স্মিথ প্রমাদ গণিলেন। “অতঃপর আশ্র-দোষক্ষালনার্থ মাদ্রাজ সরকার উর্দ্ধতন কর্তৃপক্ষের নিকট দিবার জ্ঞান কৈফিয়তের সন্ধান করিতে বাধ্য হইয়াছিলেন এবং সবকিছুর দায়িত্ব ফরাসীদের ষড়যন্ত্রের প্রতি আরোপ করিয়াছিলেন। কিন্তু বর্তমান সময়ে ফরাসীদের কোন সম্পর্ক ছিল না। সত্য কথা বলিতে হইলে আমার বলা আবশ্যিক যে, হায়দর এবং নিজামের মধ্যে সন্ধি-বন্ধনের পূর্বে পর্যন্ত আমি বা আমার কোন সৈনিক উহাদের সহিত কোন পত্র ব্যবহার করি নাই। ঐ ঘটনার পবে নবাব নিজে একটি এবং

*When Colonel Zod went to the Peshwa to demand a share of the spoil for the Nizam, his application was treated with ridicule — Wilks, vol. II., p. 16.

রাজাসাহেব একটি চিঠি পশ্চিমের গবর্ণরকে লিখিয়াছিলেন এবং হায়দর আলির অমুরোধে আমি নিজেও একখানি চিঠি লিখিয়া পত্র তিনখানি যথাস্থানে পাঠাইয়া দিয়াছিলাম।”

দে লা তুরের সুদীর্ঘ পত্র এখানে উদ্ধৃত করিবার স্থানান্তর। সংক্ষেপে তাহার সারমর্ম প্রদত্ত হইল। প্রথমে তিনি মিত্রবর্ষের এবং ইংরেজগণের বলাবল সম্বন্ধে বিশদ বিবরণ দিয়া বর্তমান সময়ে ইংরেজদিগের যে বিশেষ বিপদের সম্ভাবনা রহিয়াছে তাহা প্রতিপন্ন করিবার চেষ্টা করিয়াছিলেন। অজ্ঞাত বারের মত এবারে সাগরোপ-কুল-সন্নিকটবর্তী অথবা নদীতটবর্তী প্রদেশে যুদ্ধ না হইয়া দেশের অভ্যন্তরভাগে যুদ্ধ হওয়াতে ইংরেজরা তাহাদের নৌবহরের সাহায্যে আবশ্যকমত রসদাদি পাওয়া হইতে বঞ্চিত হইবে। তন্নিম্ন এ যুদ্ধ ঐ কারণে প্রধানতঃ অস্বাভাবিক সেনাদলের উপর নির্ভর করিবে, ‘কিন্তু ইংরেজদের ঐ ধরনের সৈন্যদল আদৌ নাই। তাহারা যদি নৈশ আক্রমণ, অতর্কিত আক্রমণ, সেনানায়কবর্গের বিশ্বাসঘাতকতা প্রভৃতি ব্যাপারের উপর নির্ভর করেন তাহা হইলে তাহারা ঠিক-বেন। সৈন্যদলের ভার তাহার উপর গুলু থাকায় তিনি প্রথম দুইটি সম্ভাবনার বিরুদ্ধে যথেষ্ট সতর্কতা অবলম্বন করিয়াছেন এবং মহিষুরী বাহিনীতে জায়গীর-প্রথার প্রচলন না থাকাকে সকলে হায়দরকে তাহাদের একমাত্র প্রভু বলিয়া জানে, সেজন্য কাহারও পক্ষে বিশ্বাস-ভঙ্গ করা সম্ভব নহে। এই সকল কথা বলিয়া দে লা তুর গবর্ণর ল’কে আরও বলিয়াছিলেন যে, আসন্ন সময়ে ফরাসী গবর্ণমেন্টের পক্ষে সম্পূর্ণ নিরপেক্ষ নীতি অবলম্বন করা সমীচীন হইবে না, কারণ উহা কোন পক্ষকেই সন্তুষ্ট করিবে না। সাময়িক ভাবে হায়দরকে সামান্য সাহায্য পাঠাইয়া ভবিষ্যতে বড় রকম সাহায্য করিবার আশ্বাস দিতে বলিয়াছিলেন এবং জানাইয়াছিলেন যে প্রতিকূল বায়ুর জগৎ ইউরোপ হইতে পোত আসিতে বিলম্ব হইতেছে এই অজুহাত পরে দিলেই চলিবে। পশ্চিমের সৈন্যসংখ্যা অল্প বলিয়া তথা হইতে বিশেষ সাহায্য পাঠানো সম্ভব না হইলেও তিনি পলাতক সৈনিকের বেশে কয়েকজন অফিসর ও গোলন্দাজ পাঠাইতে অমুরোধ করিয়াছিলেন। উহাতে ইংরেজদের সহিত বিজড়িত হইয়া পড়িবার সম্ভাবনা থাকিবে না এবং ইংরেজরা যাহাতে কতকটা দাবি থাকে, তাহাও ফরাসীদের স্বার্থ। অতঃপর দে লা তুর—হায়দর-চরিত্র তাহার সুপরিজ্ঞাত ছিল বলিয়া, রাজভক্ত ফরাসী প্রজারূপে ল’কে পশ্চিমের নগর সাধামত সুরক্ষিত অবস্থায় রাখিবার পরামর্শ দিয়া-ছিলেন, কারণ যদি কখনও দৈবক্রমে নবাব উহার নিকটে যাইয়া পড়েন, তখন নগরের অরক্ষিত অবস্থা দেখিয়া তিনি তৎকৃত পূর্ব-সাহায্যের মূল্যস্বরূপ ফরাসীদের নিকট হইতে সমগ্র তোপখানা এবং অপর যাহা কিছু মূল্যবান বিবেচনা করিবেন সবই বলপূর্বক ছিনাইয়া লইতে যত্ববান হইতে পারেন। তবে সে অবস্থা দেখা দিলে, সেনাপতি মহাশয় একথাও সঙ্গে সঙ্গে জানাইয়াছিলেন যে, তিনি অথবা তাহার সৈনিকগণ কখনই ফরাসী পতাকার অবমাননা সহ্য করিবেন না।

ক্রান্ত হইতে কর্তৃপক্ষ তাহাকে ইংলণ্ডের সহিত বিরোধ বাধিত পারে এরূপ কোন কার্য না করিতে আদেশ দিয়াছেন; সেজন্য তাহার পক্ষে উহাদের কথামত কার্য করা সম্ভব হইবে না একথা গবর্ণর ল’ যথেষ্ট সৌজন্যসহকারে হায়দর আলি ও রাজাসাহেবকে জানাইয়াছিলেন, কিন্তু দে লা তুরকে লিখিত পত্রের সুত্র অগুরুপ ছিল। নবাববর্ষের লিখিত চিঠি তাহাকে পাঠাইয়া ইংরেজদের সহিত বিরোধ বাধিতে পারে এরূপ কার্যের মধ্যে ঠেলিয়া দেওয়ার জল্প ল’ তাহাকে প্রথমে যথেষ্ট তিরস্কার করিয়াছিলেন এবং জানাইয়াছিলেন যে, ফরাসী সরকারের তখন যে প্রকার অবস্থা তাহাতে এরূপ পত্র লেখা হইতে বিরত হইলে সেনাপতি জয়দ্ভূমির মহত্বপূর্ণ সাধন করিবেন সেকথা যেন মনে রাখেন। ইউরোপীয় জাতির বিরুদ্ধে যুদ্ধে এদেশীয়গণের শক্তিসামর্থ্য সম্বন্ধে স্বীয় ব্যক্তিগত অভিজ্ঞতা হইতে তিনি বলিতে পারেন যে, আসন্ন সময় পূর্বোক্ত নবাববর্ষের পক্ষে তাদৃশ অল্পকুল হইবে না। উহাদের কোনরূপ সাহায্য করা তাহার পক্ষে যে সম্ভব নহে সেকথা যথাসাধ্য মোলায়েম করিয়া তাহাদের জানাইতে এবং ভবিষ্যতে তাহাকে সরাসরি চিঠি-পত্র না লিখিয়া সাক্ষাতিক ভাষায় মর্শিয়ে ম—র মধ্যবর্তিতায় লিখি-বার জগৎ দে লা তুরকে ল’ আদেশ দিয়াছিলেন।

হায়দরের নিকট এ সময় প্রায় সাড়ে সাত শত (৭৫০) ইউরোপীয় সৈনিক ছিল; তন্মধ্যে প্রায় এক-তৃতীয়াংশ গোলন্দাজ সৈন্য। অফিসারগণ বাদে অবশিষ্ট সামান্যসংখ্যক সৈনিকদের দ্বারা ইংরেজ-দিগের মহড়া লইবার উপযুক্ত পদাতিক বাহিনী গঠন সম্ভব নহে দেখিয়া দে লা তুর উহাদের লইয়া দুই কোম্পানী অস্বাভাবিক পল্টন গঠন করিয়াছিলেন।

হায়দরের নৌবাহিনীর কথা ইতিপূর্বে ব্যুলয়াছি। মালাবার উপকূল অধিকৃত হইবার পর হায়দর একটি শক্তিশালী বহর গঠনে প্রবৃত্ত হইয়াছিলেন। তিনি জানিতেন, উপযুক্ত নৌশক্তি ব্যতীত উপকূলভাগ রক্ষা করা বা পাশ্চাত্য-জাতিসমূহের, বিশেষতঃ তাহার চিরশত্রু ইংরেজদিগের সহিত প্রতিযোগিতা করার আশা বৃথা। কিন্তু এ কার্যে তিনি বিশেষ সাফল্য অর্জন করিতে পারেন নাই। এযুগে পাশ্চাত্য সমরপদ্ধতির নিকট স্থলপথে সনাতন ধরণে পরি-চালিত ভারতীয় সেনাদল যেরূপ বার বার পর্যুদস্ত হইত, জলপথেও তেমনই ইউরোপীয় নৌবলের নিকট ভারতীয় নৃপত্তিবৃন্দের নৌশক্তি নিতান্ত নগণ্য ছিল। পাঠান বা মোগল রাজগণ কেহই নৌ-বাহিনীতে প্রবল ছিলেন না। মগ, আরাকানী বা ফিরিকী জল-দস্যুদের অভ্যুত্থান মোগল-সম্রাটগণ তাহাদের সর্বোত্তম গৌরবো-জ্জ্বল দিনেও শত চেষ্টা করিয়াও রোধ করিতে পারেন নাই। ইংরেজ বণিকদের সহিত বিরোধ বাধিলে ও তাহারা সুবোট বন্দর অবরুদ্ধ করিলে এবং জলপথে হজরাতা বন্ধ করিলে অন্তর্ভুক্ত প্রত্যা-শালী আলমগীর বাদশাহও উহার প্রতিবিধান করিতে সমর্থ হন নাই। নৌবহর বিধ্বস্ত করিয়া ঘেরিয়া আংগ্রেদিগের সুবর্ণ-ভাণ্ডার অধিকার করিতে অর্থাৎ মরাঠা নৌশক্তি বিচূর্ণ করিতে ইংরেজদিগের

বড় বেকী বেগ পাইতে হয় নাই। লক্ষ্যপ্রতিষ্ঠ ঐতিহাসিক ডঃ ক্রিষাধাকুম্ব মুখোপাধ্যায় মহাশয় অবশ্য তাঁহার *History of Indian Shipping* গ্রন্থে অোগল এবং মরাঠা নৌবলের যথেষ্ট প্রশংসা করিলেও উহা কোনকালেই তাদৃশ গুরুত্বসম্পন্ন ছিল না।

হায়দরের পক্ষে ইউরোপীয়গণের সমকক্ষ নৌশক্তির অধিকারী হওয়াতে অসুবিধা অনেক ছিল। তৎকাল উপযুক্তসংখ্যক শিল্পী, কারিগর এবং ইঞ্জিনীয়ার প্রাথমিক প্রয়োজন। তাহা তিনি সংগ্রহ করিতে পারেন নাই। যে সকল ব্যক্তি তাঁহার নিকট ভাগ্যাঙ্ঘষণে আসিয়াছিল তাহারা নিয়ন্ত্রণের মাল্লা। সমরপোত-নির্মাণ অথবা দূর সমুদ্রে নৌবহরের পরিচালনা করা সম্বন্ধে তাহাদের কোন জ্ঞানই ছিল না। উপযুক্তরূপ শিল্পী অথবা নৌ-সৈনিক যথেষ্ট পরিমাণে লাভ করা হায়দর অথবা অপর কোন দেশীয় নৃপতির পক্ষে সম্ভবপর নয়। এ সকল নানাবিধ অসুবিধা এবং বাধাধির সম্মুখে হায়দর অল্পকালের মধ্যেই এমন একটি নৌবাহিনী সংগঠনে সমর্থ হইয়াছিলেন যাহার জন্ম ইংবেজ, পর্তুগীজ, ওলন্দাজ প্রভৃতি সকল ইউরোপীয় জাতিকেই কতকটা হুশিস্তাগ্রস্ত হইতে হইয়াছিল। জনৈক পর্তুগীজ লেখক এই সময় তাঁহার নৌবল সম্বন্ধে যাহা বলিয়াছিলেন তাহা হইতে মনে হয় যে, ইংবেজ ঐতিহাসিক-দ্বয়—কর্ণেল উইলকস এবং লেফটেন্যান্ট লো হায়দরের নৌশক্তিকে বতটা নগণা বলিয়া উল্লেখ করিয়াছেন উহা প্রকৃতপক্ষে ততটা অকিঞ্চিৎকর ছিল না। তিনি বলিয়াছিলেন, “হায়দরের নৌশক্তি যেভাবে বৃদ্ধিপ্রাপ্ত হইতেছে তাহা হইতে মনে হয় যে অচিরেই তিনি জলপথে প্রবলপরাক্রান্ত হইয়া উঠিবেন। যদি ভাগ্যা তাঁহার প্রতি অসুকুল হয় তাহা হইলে হয়ত আমাদের এবং অন্যান্য ইউরোপীয় জাতিসমূহের সর্বনাশসাধনে তিনি সমর্থ হইবেন।”

আলি রাজার পর জোসেফ ষ্টেনেট নামক জনৈক ইংবেজকে তিনি তাঁহার নৌবহরের অধ্যক্ষ-পদ প্রদান করিয়াছিলেন। ঐ ব্যক্তি প্রথমে কোম্পানীর “Bombay Marine Force” দলে কর্মনিযত ছিল। পরে দেশীয় দরবারে ভাগ্যাঙ্ঘষণে গমন করিতে ইচ্ছুক হইয়া হোনাভার নামক স্থানে অবস্থিত কোম্পানীর রেসিডেন্ট জন ষ্ট্যাচি প্রদত্ত এক সুপারিশপত্র সহ হায়দরসকাশে গমন করিলে তিনি উহাকে মাল্লোলোরে তাঁহার জাহাজ-নির্মাণ-কারখানায় অধ্যক্ষপদ দিয়াছিলেন (১৭৬৫ খ্রীঃ)। চুক্তিপত্রে একটি বিশেষ সর্ত্ত রহিল যে, ষ্টেনেটকে কোন কারণে কখন পোত-যোগে সমুদ্রযাত্রা করিতে হইবে না, তাঁহার কাজ স্থলপথে পোত-নির্মাণকার্যে সীমাবদ্ধ থাকিবে এবং যখনই তিনি কর্মত্যাগ করিতে চাহিবেন তখনই তাঁহার পদত্যাগপত্র গ্রহণ করিয়া তাঁহাকে বিদায় দিতে হইবে। ষ্টেনেট বলেন, এসকল কথা এক লিখিত দলিলে লিপিবদ্ধ হইয়াছিল এবং স্বাক্ষর হিসাবে ষ্ট্যাচি উহাতে স্বাক্ষর করিয়াছিলেন।

কিছুকাল পূর্বে হায়দর দিনেমারদিগের নিকট হইতে একখানি বড় যুদ্ধ-জাহাজ কিনিয়াছিলেন। তাহার বক্রিশ কামানবাহী

ফ্রিগেট (frigate) তিনটি এবং চৌক কামানবাহী বণভরী আঠারখানি এবং ক্ষুদ্রাতন জাহাজ আয়ত্ত কিছু ছিল। হায়দরের মাল্লা অভাব না থাকিলেও উপযুক্ত নৌসেনানীবর্গ একান্ত অভাব ছিল। ষ্টেনেটই ছিলেন একমাত্র উচ্চপদস্থ কর্মচারী যাহার পোতচালনা-কৌশল জ্ঞান ছিল। মাল্লাবার প্রদেশে কুৎসাল মাল্লোলোর বন্দরে হায়দরের নৌবহর, ছোট-বড় মিনাইয়া সর্ব-সমেত বিয়াল্লিশখানি বণপোত উপস্থিত ছিল। এই অভিযানে স্থলসেনা এবং নৌসেনার সমবেত সহযোগিতা অপরিহার্য ছিল। হায়দর ষ্টেনেটকে বহরাধ্যক্ষ বা এডমিরালের পদ দিয়া নৌবহরকে মাল্লোলোর নদীমুখ হইতে বাহির করিয়া সমুদ্রে আনিতে আদেশ দিলে ঐ ব্যক্তি সেই কার্য করিতে সম্মত হইল না; চুক্তির উল্লেখ করিয়া জানাইল যে, স্থলতান বেশী জিদ করিলে সে সর্বশাস্ত্রসাবে তাহার ইচ্ছা গ্রহণের দাবি জানাইবে। হায়দরের মত প্রভাপশালী ব্যক্তির পক্ষে এ ধরনের উত্তরে সন্তুষ্ট হওয়া সম্ভবপর নয়। ষ্টেনেট ধৃত হইয়া কাবাগারে নিষ্ক্রান্ত হইলেন। দুই দিন সামান্য চাপাটি এবং জল খাইয়া ক্ষুদ্র একটি কুঠরিতে কাটানোর ফলে ষ্টেনেটের চৈতন্যোদ্বেক হইল। অতঃপর সে প্রভুর সর্ববিধ আদেশ পালন করিতে সম্মত হইয়াছিল।

এ ধরনের বশুতাব বিপদ সম্বন্ধে হায়দর অস্বস্ত ছিলেন না। ক্রুদ্ধ ও অপমানিত ইংবেজ নাবিক শত্রুতা-সাধনোদ্দেশ্যে যে সাগরগর্ভে আত্মপোত-নিমজ্জন, স্বেচ্ছায় চড়ায় জাহাজ আটকাইয়া দেওয়া অথবা জাহাজ লইয়া পলায়ন ইত্যাদি বিভিন্ন উপায়ে নৌবহরের ক্ষতি করিতে পারে, সে আশঙ্কা তাঁহার ছিল। সেই কারণে তিনি মাল্লোলোরের ফৌজদার মীর্জা মিরগাকে আমীর-অল-বহর নিযুক্ত করিয়াছিলেন। কিন্তু তাঁহার নৌবিদ্যা সম্বন্ধে কোন জ্ঞানই ছিল না, সুতরাং পূর্বের মতই সর্বকিছু চলিতে লাগিল, শুধু পার্থক্যের মধ্যে ষ্টেনেটের মাধার উপর একজন উপরওয়াল জুটিলেন যিনি সর্বদা তাঁহাকে যত্ন দিয়া আনন্দ অহুভব করিতেন।

মাল্লোলোর বন্দর হইতে নিষ্ক্রমণকালে, দৈবক্রমে অথবা ষ্টেনেটের কারসাজিক্রমে বসিতে পারা যায় না, দুইখানি “ঘুরাব”-জাহাজ বালুর চড়ায় আটকাইয়া যায়। বহুল আয়াসে একটির উদ্ধারসাধন সম্ভবপর হইলেও অপরটি বানচাল হইয়া জলমগ্ন হইয়াছিল। মীর্জা এবং ষ্টেনেট পরস্পরের প্রতি দোষারোপ করিয়া বিরোধ বাধাইল। মীর্জা বলিলেন, দুর্ঘটনার সময় ষ্টেনেট কর্তব্যপালনে পরাধীন হইয়া স্বীয় কেবিনে গাঢ় নিদ্রামগ্ন ছিলেন। ষ্টেনেট বলিলেন, ব্যাপারটি সম্পূর্ণ আকস্মিক, তাঁহার কোন ক্রটি হয় নাই। হায়দরের নিকট সংবাদ গেলে তিনি আদেশ দিলেন—যেখানে জাহাজ ডুবিয়াছে দাগাবাজ ফিরিস্তী বহরাধ্যক্ষকে পায়ে নোজর বাধিয়া ঠিক সেইখানে ডুবাইয়া, দাও! ষ্টেনেটের সৌভাগ্যক্রমে আদেশ যখন আসিয়া পৌঁছিল, নৌবহর তখন বন্দর ছাড়াইয়া দূর সমুদ্রে চলিয়া গিয়াছে। মীর্জাও সঙ্গে ছিলেন। যদি বা কোনমতে তাঁহাকে হায়দরের আদেশ জানানো সম্ভব হইত, তাহা হইলেও তাহা পালনে তাঁহার

সাহস হইত না ; কারণ ফিরঙ্গী নৌ-সৈনিকের পোতচালন-দক্ষতা তাঁহার পক্ষে একান্ত অপরিহার্য ছিল, কিন্তু তৎসঙ্গেও উহাকে বিব্রত করিতে তাঁহার কিছুমাত্র বাধে নাই। তেল্লীচেরীর অদূরে বাড়িঘেরা নামক স্থানে ওলন্দাজদিগের একখানি জাহাজ দৃষ্ট হইল। মীর্জা ষ্টেনেটকে উহা দখল করিতে আদেশ দিলেন। তিনি উহাতে প্রথমটা স্বীকৃত হন নাই ; কিন্তু মীর্জা স্বীয় অসি নিষ্কাশিত করিয়া জানাইলেন—আর একবার "না" বলিলে তাঁহার ছিন্ন মস্তক পরমুহূর্তে মাটিতে লুটাইয়া পড়িবে। তখন ষ্টেনেট বাধ্য হইয়া উক্ত ডচ বাণিজ্যপোতটি আক্রমণ এবং হস্তগত করিয়া বন্দরে আনিয়াছিলেন। এই ঘটনাস্থলের অদূরে ইংরেজদিগের একটা কুঠি ছিল। কুঠিয়াল সদলে ব্যাপারটি প্রত্যক্ষ করিলেও তাঁহারই একজন স্বদেশবাসী যে ঘটনার নায়ক তাহা বুঝিতে পারেন নাই। ষ্টেনেট নিজেই পরে উহাকে সকল কথা লিখিয়াছিলেন।

কালিকটে আসিবার পর ষ্টেনেটকে ডাকিয়া পাঠাইয়া হায়দর আদেশ দিলেন তাঁহার Flag ship—দিনেমারদিগের নিকট ক্রীত পূর্বোল্লিখিত জাহাজটি বোম্বাইয়ে লইয়া গিয়া কোম্পানীর ডক হইতে মেরামত করিয়া আনিতে হইবে। ষ্টেনেটের ইহাতে আনন্দের অবধি রহিল না। প্রথমে তিনি কথাটা সত্য বলিয়া বিশ্বাস করিতে পারেন নাই, মনে করিয়াছিলেন ইহার মধ্যে কোন প্রকার কুটনীতি আছে। অপর কাহাকেও না পাঠাইয়া, বিশেষ করিয়া তাঁহাকে পাঠাইবার কারণ জিজ্ঞাসা করিলে হায়দর বলিয়াছিলেন যে মাদ্রালোরে তাঁহার পরিজনবর্গ তাঁহার সদাচরণের প্রতিভূরূপ থাকিতে পারিবে ; অপর কাহারও পরিবার সেখানে নাই !

দেশীয়া রমণী এবং তদুর্ভজাত সন্তানবর্গের চিন্তা ষ্টেনেটকে আদৌ বিব্রত কবে নাই। বোম্বাই পৌঁছিয়াই তিনি গবর্ণরের নিকট নিজ দুঃখের কাহিনী জানাইয়া এক আবেদনপত্র দাখিল করেন এবং ইংলণ্ডীয় পতাকাতলে আশ্রয় প্রার্থনা করিয়া হায়দরের কক্ষ হইতে তাঁহাকে অব্যাহতি দিতে অনুরোধ জানান। গবর্ণর ক্রমেলিন উহাকে জানাইলেন, ব্রিটিশ প্রজা হিসাবে তিনি সর্বদাই প্রাণরক্ষার জগু আশ্রয়লাভে অধিকারী হইলেও হায়দরের কক্ষচারীরূপে স্বীয় কার্যের জগু তাঁহার নিকট বাধ্য, একমাত্র হায়দরই তাঁহাকে নিজ কার্য হইতে বিদায় দিতে পারেন। এ বিষয়ে তাঁহাকে কোনপ্রকার সাহায্য করিতে গবর্ণর অসমর্থ। জাহাজ মেরামত সম্পর্কিত সকল হিসাব নিকাশ বোম্বাই পরিত্যাগের পূর্বে তিনি স্বীয় প্রভুর সহিত করিতে বাধ্য থাকিবেন। অতঃপর ষ্টেনেট হায়দরের নিকট মুক্তি প্রার্থনা করেন, কিন্তু তিনি আর সেকথার কোন জবাব দেন নাই, বোধ হয় ভাবিয়াছিলেন, স্ত্রীপুত্রের জগু ফিরঙ্গী সৈনিক মাদ্রালোরে ফিরিয়া আসিতে বাধ্য হইবে। এমন সময় ইংরেজদিগের সহিত হায়দরের সমর বাধিয়া উঠিলে সকল সমস্তার সমাধান হইয়া গেল। হায়দরের সমরপোতখানি ইংরেজরা বাজেয়াপ্ত করিয়া লইলেন। ষ্টেনেট তাঁহার চাকরি হইতে মুক্তিলাভ করিলেন। মহীশূরী প্রতি-

নিধি ইতিপূর্বে জাহাজখানির দখল লইলেও পোতপরিচালনে সার্থক অধ্যক্ষের অভাবে উহা বোম্বাই বন্দর হইতে স্থানান্তরিত করা সম্ভব হয় নাই। হায়দর বরাবর এই ঘটনা ইংরেজদিগের দাগাবাকির অগ্ন্যুত্তম নিদর্শন বলিয়া মনে করিতেম।

দেখিতে দেখিতে উভয় পক্ষে যুদ্ধ বাধিয়া উঠিল (আগষ্ট ১৭৬৫)। ইংরেজ সেনাপতি শক্ররাজ্যে প্রবেশ করিয়া কয়েকটি দুর্গ অধিকার করিয়াছিলেন। কিন্তু বাঙ্গালোর হইতে বাইশ ক্রোশ দূরে অবস্থিত কৃষ্ণগিরির পার্বত্য দুর্গ আক্রমণ করিতে গিয়া তিনি বার্থমনোরথ হইয়া ফিরিতে বাধ্য হইয়াছিলেন। তথাকার কিল্লাদার কনষ্টান্টাইন নামক জর্মন জাতীয় সেনানী প্রাণপণে আত্মরক্ষা করিয়া তাঁহার আক্রমণ প্রতিহত করিয়াছিল।*

ইহার পর চেন্নামা নামক স্থানে উভয় পক্ষে তুমুল যুদ্ধ (২১শ ১৭৬৭) হইয়াছিল। 'নিজামের উজীর বিশ্বাসঘাতক রুকুনোদ্দলা তাঁহাদের আগমন-সংবাদ পূর্বাঙ্কে শত্রুশিবিরে প্রেরণ করায় হায়দরের পক্ষে স্মিথকে অতর্কিতে আক্রমণ করা সম্ভব হইল না।

* কনষ্টান্টাইন কলোন প্রদেশের আণ্ডারনেক নগরের অধিবাসী। ১৭৫৪ খ্রীষ্টাব্দে সে প্রথম এদেশে আসে। তাহার পত্নীগীজ-জাতীয়া স্ত্রীর গর্ভজাতা অসামান্য রূপসী একটি কন্যা ছিল। অর্থের বিনিময়ে কনষ্টান্টাইন-দম্পতি বালিকাকে হায়দরের হস্তে প্রদান করিতেছে জানিয়া তাহার ক্রুদ্ধ সহকর্মীগণ একজন ইউরোপীয়ের পক্ষে একান্ত অবমাননাকর উক্ত কার্যের প্রতিবিধানে সম্মুখ হইয়াছিল। সৈন্যধাক্ক ছগেল তাহাকে ঐ কথা সত্য কিনা প্রশ্ন করিলে সে সকল কথাই অস্বীকার করে। জর্মনক তরুণবয়স্ক সৈনিক তাহার কন্যাকে বিবাহ করিতে চাহিলে কনষ্টান্টাইন মুখে খুব কৃতজ্ঞতার ভাব দেখাইয়াছিল, কিন্তু গোপনে হায়দরের নিকট হইতে অল্প লক্ষ টাকা লইয়া তার স্ত্রী-কন্যাকে সানন্দে ও সাগ্রহে নবাবের অন্তঃপুরে পাঠাইয়া দেয়। ইহার পর আর উহাদের পক্ষে স্বজাতীয়গণের সাহচর্যে বাস করা সম্ভব হইবে না বুঝিয়া হায়দর কনষ্টান্টাইনকে বাঙ্গালোরে ইউরোপীয় সমাবেশিত অঞ্চল হইতে দূরে পাঠাইয়া দিয়াছিলেন। কৃষ্ণগিরির যুদ্ধের পর সমীপবর্তী স্থলের অধিবাসিবৃন্দ শত্রুসেনার লুণ্ঠন-ভয়ে তাহাদের ষাবতীয় মূল্যবান দ্রব্যাদি নিরাপত্তার জগু উহারই রক্ষণাবেক্ষণে দুর্গ মধ্যে গচ্ছিত রাখিয়াছিল। সুযোগ বুঝিয়া কনষ্টান্টাইন একদিন সেই সমস্ত গুপ্ত ধন লইয়া গোপনে দুর্গ ত্যাগ করিল। গোয়া ও বোম্বাইয়ের পথে স্বীয় চৌধ্য-বৃত্তিলক ধনরত্নাদিসহ স্বদেশ প্রত্যাবর্তন করা তাহার পক্ষে কিছুমাত্র আশ্বাসদাধ্য হয় নাই। দে লা তুর লিখিয়াছেন যে, নবাবের ফরাসী-জাতীয় চিকিৎসকের নিকট তিনি গুনিয়াছিলেন যে ঐ বালিকাটি তাঁহার নিকট বলিয়াছিল, নবাবের নিকট বিক্রীত হওয়াতে সে নিজেকে কৃতার্থ বিবেচনা করিতেছে, যেহেতু তাহার অর্থপিশাচ পিতামাতা শেষ পর্যন্ত তাহাকে লইয়া কি যে না করিতে পারিত তাহা কিছুই বলা যায় না।

শিখ সংবাদপ্রাপ্তিমাত্র পশ্চাৎপদ হইতে আরম্ভ করিয়াছিলেন। পঞ্চাশত সৈনিকদের মুহূর্তের জগ্গ বিশ্বাসের অবকাশ না দিয়া হায়দর তাহা বেগে শত্রুপক্ষকে আক্রমণ করিয়াছিলেন। আক্রমণের সমস্ত বেগ খেনেডিয়াদের উপর পড়িয়াছিল। ইংরেজরা প্রাণপণে তুমুল যুদ্ধ করিয়া তবেই উহাদের আক্রমণ প্রতিহত করিতে সমর্থ হয়। কিন্তু ইউরোপীয় অফিসরদের পরিচালনায় খেনেডিয়ার সিপাহীরা যে প্রচণ্ড তেজের সহিত লড়িয়াছিল, তাহাতে বিস্মিত শত্রু সেনাপতি এদেশীয়গণের সামরিক যোগ্যতা স্বক্কে তাঁহার পূর্ব ধারণা পরিবর্তন করিতে বাধ্য হইয়াছিলেন। পর দিবস মহীশূরীরা আবার প্রত্যাবর্তন-নিবৃত্ত শত্রুসেনার অনুসরণে প্রবৃত্ত হইল। ইউরোপীয় অশ্বারোহীরা দলের পুরোভাগে অবস্থিত ছিল। উহারা ইংরেজ সেনার বহু রসদ ও সমরসজ্জার হস্তগত করিতে সমর্থ হইলেও তাহাদের গতিরোধ করিতে পারিল না। শিখ কোনমতে ত্রিণমালাইয়ে পৌঁছিয়া সেখানে আশ্রয় লইয়া প্রাণে রক্ষা পাইয়াছিলেন।

এই অভিযানে দে লা তুরের কৃতিত্বে প্রীত হইয়া হায়দর নিজামকে বলিয়া কহিয়া তাঁহাকে দেবীকোটা অঞ্চলে বার্ষিক আট লক্ষ টাকা আয়ের একটি জায়গীরের ব্যবস্থা করিয়া দিলেন। ইহাতে অনেকের বিশেষ করিয়া রাজাসাহেবের খুবই ঈর্ষা জন্মিয়াছিল, তিনি তখনও কর্ণাটক প্রদেশের নবাবী প্রাপ্তির আশা মন হইতে বিসর্জন দিতে পারেন নাই। চক্রান্তকারীর অভাব হইল না। কিছুকাল হইতে দে লা তুর হায়দরকে পণ্ডিচেরীর অনতিদূরে অবস্থিত কুন্দালুরে ইংরেজর ফোর্ট সেন্ট ডেভিড দুর্গ অধিকার করিবার পরামর্শ দিতেছিলেন। তিনি স্বয়ং অভিযানের নেতৃত্ব গ্রহণ করিয়া মাদ্রাজ নগরের প্রান্তে অবধি সমগ্র জনপদ উৎসাদিত করিয়া ফেলিবেন বলিয়াছিলেন। ষড়যন্ত্রকারিগণ নবাবকে বুঝাইল যে ফরাসী গবর্নর তাঁহার কর্ম পরিত্যাগ করিয়া ফরাসী সৈনিকদের পণ্ডিচেরীতে প্রত্যাবর্তন করিবার আদেশ দিয়াছেন। সে জগ্গ কুন্দালুরের নামে তথায় পলায়ন করাই ফরাসীদের আন্তরিক অভিপ্রায়। ফরাসী গবর্নর যদি হায়দরের প্রস্তাব স্পষ্টভাবে প্রত্যাখ্যান করিবার পরিবর্তে কতকটা আশা দিয়াও পত্রোত্তর দিতেন তাহা হইলে ইংরেজদের মনে এতটা প্রভাব বিস্তার সম্ভব হইত না। যে কারণেই হউক, হায়দর ফরাসীদের পণ্ডিচেরীর অত নিকটে ষাইতে দিতে সাহস করিলেন না। টিপু তখন পর্য্যন্ত কোন কৃতিত্ব দেখাইবার অবকাশ পান নাই, এইবার একদল সেনাসহ তাহাকে মাদ্রাজ নগরের প্রান্ত পর্য্যন্ত সমুদয় জনপদ ধ্বংস করিতে পাঠানো হইল। মহীশূরী দরবারে ইংরেজদের গুপ্তচরের অভাব ছিল না। একজন ফরাসী সৈনিক অর্থলোভে তাঁহাদের এখানকার সকল সংবাদই সরবরাহ করিতেছিল। ঐ ব্যক্তি টিপু মাদ্রাজ অভিমুখে যাত্রার সংবাদ ইংরেজদিগকে দিলেও তিনি যে এত তাড়াতাড়ি আসিয়া পৌঁছিতে পারিবেন, সে কথা তাঁহারা মনে করেন নাই। অতি অল্পের জগ্গ গবর্নর, প্রধান ইঞ্জিনিয়ার কর্ণেল কল, নবাব মহম্মদ আলি ও তাঁহার পুত্র টিপু হস্তে বন্দি হইতে রক্ষা পাইয়াছিলেন। উহারা তখন

নগরোপকণ্ঠে উচ্চানবাটিকায় বাস করিতেছিলেন, প্রাতঃকালে বাহির হইবার জগ্গ প্রতিদিনকার মত অশ্বারোহণের আয়োজন করিতেছেন এমন সময়ে পূর্বোক্ত বিশ্বাসঘাতক ফরাসী-সৈনিক-প্রেরিত একজন লোক আসিয়া তাঁহাদিগকে টিপু অদূরে আসিয়া উপনীত হইবার সংবাদ দিল। একরূপ তৎপরতার সহিত তাঁহারা পলায়ন করিয়াছিলেন যে, গবর্নর বাহাদুর স্বীয় টুপী ও তরবারি পর্য্যন্ত লইয়া ষাইতে ভুলিয়া গেলেন। খাচুদ্রব্যাদি যেমনকার যেমন তেমনই সাজানো রহিল।

টিপু আগমনে মাদ্রাজ সহরে নিদারুণ আতঙ্কের সঞ্চার হইয়াছিল। দলে দলে উপকণ্ঠবর্তী স্থানসমূহের অধিবাসিবৃন্দ আশ্রয়-লাভার্থ রাজধানীতে প্রবেশ করায় নগরমধ্যে বিশৃঙ্খলা ও গোল-যোগের অন্ত রহিল না। এই সময় টিপু অনায়াসে মাদ্রাজ অধিকার করিতে পারিতেন। তথায় মাত্র দুই শত গোরা এবং ছয় শত দেশীয় সিপাহী ছিল। টিপু তখন অষ্টাদশবর্ষীয় বালক মাত্র, সামরিক কোন অভিজ্ঞতাই তাঁর ছিল না, সকলে তাঁহাকে বুঝাইল হায়দর তাহাদের দেশ ধ্বংস করিতেই বলিয়াছেন, মাদ্রাজ অধিকার করিতে বলেন নাই, তাঁহার অনুমতি ব্যতিরেকে ইংরেজদের তোপের মুখে নবাবজাদার প্রাণ বিপন্ন করিতে দিলে তিনি ক্রুদ্ধ হইবেন, সুতরাং তাঁহার নিকট হইতে অনুমতি আনাইয়া পরে নগর অধিকারের চেষ্টা করাই সঙ্গত। দে লা তুর বলেন যে, তিনি হায়দরকে মাদ্রাজ অধিকার করিয়া অগ্নিযোগে ভষ্মসাৎ করিবার পরামর্শ দিয়াছিলেন বলিয়া চক্রান্তকারীদের প্ররোচনায় এই অভিযানে প্রেরিত হন নাই। কারণ তাহাতে অকারণ যুবরাজকে বিপদের সম্মুখীন করা হইত।

ইতিমধ্যে ত্রিণোমালাইয়ে (২৬।৯।১৭৬৭) উভয় পক্ষে আবার একটা ভীষণ সংঘর্ষ উপস্থিত হইল। চেকামার মত এ যুদ্ধেও হায়দর পরাজিত হইয়াছিলেন বলিয়া ইতিহাসে লিখিত দেখা যায়, কিন্তু সত্য কথা বলিতে হইলে বলা আবশ্যিক যে, সম্মিলিত মহীশূরী ও নিজামী ফৌজ কর্তৃক আক্রান্ত হইয়া কর্ণেল শিখ মহা বীরত্বের সহিত আত্মরক্ষা করিতে সমর্থ হইয়াছিলেন। “ফরাসী সৈনিকরা অসম-সাহসে শত্রুসেনাকে বারংবার আক্রমণ করিয়াছিল, কিন্তু তাহাদের সুতীব্র অগ্নিবৃষ্টিতে তিষ্ঠিতে না পারিয়া প্রত্যেক বারই পিছু হটিতে বাধ্য হইয়াছে। মিত্রপক্ষে প্রায় চারি শত লোক মারা যায়। একজন পর্ত গীজ অফিসর আহত হইয়া শত্রুহস্তে বন্দী হইয়াছিল। যুদ্ধের পর নবাবী ফৌজদার, বিশেষতঃ নিজামের সৈন্যগণ অত্যন্ত হতাশ হইয়া পড়ে, অনন্তর উভয় নৃপতি পশ্চাৎপদ হইতে আরম্ভ করিয়াছিলেন। ইংরেজরা তাঁহাদের বাধা দিবার কোন চেষ্টা করিল না। সেরূপ করিবার মত তাঁহাদের তখন অবস্থাও ছিল না।”

ইহার পর প্রধান উল্লেখযোগ্য ঘটনা হইল ভাণিয়ামবাড়িতে ইংরেজ সেনার পরাজয়। “ইউরোপীয় সেনাপতি সামান্য আহত হইয়াছিলেন বলিয়া হায়দর তাঁহাকে কিছুতেই রাত্রে তোপমর্ক বাধা পর্য্যবেক্ষণ করিতে দেন নাই, তাঁহাকে বিশ্রাম করিতে পাঠাইয়া

দিয়া তিনি স্বয়ং মিস্ত্রীদিগের কাজ দেখিতে লাগিলেন। সারারাত্রি ধরিয়া মধ্যে মধ্যে বৃষ্টি পড়িয়াছিল এবং বায়ুও যথেষ্ট আর্দ্র ছিল। তৎসঙ্গেও তিনি সমস্ত রাত্রি বৃষ্ণতলে কাটাইয়াছিলেন। বিপক্ষেব গোলাগুলিতে কয়েকজন সৈনিক নিহত হইয়াছিল। হায়দর কিন্তু ঈশ্বরভয় ভয় পান নাই, বরং নানাপ্রকার কোতুকাবহ গুলুগুলুরেব দ্বারা সকলকে সমুৎসাহিত করিয়া তুলিয়াছিলেন।” তোপমঞ্চ বাধা শেষ হইলে আক্রমণকারীগণ দুর্গের উপর গোলাবর্ষণ আরম্ভ করিল। শীঘ্রই প্রতিপক্ষের তোপ বন্ধ হইয়া গেল। দুর্গাধক্ষ কাপ্তেন রবিন্সন আত্মসমর্পণ করিলেন। দে লা তুর বলিয়াছেন, এই যুদ্ধে প্রায় এক সহস্র সিপাহী, ত্রিশ জন ইউরোপীয় অফিসর, ষোলটি কামান

এবং প্রচুর সমরসম্ভার বিজ্ঞেতগণের হস্তগত হইয়াছিল। দুর্গ প্রাচীর ক্ষতিগ্রস্ত হইলেও ধ্বংস হয় নাই এবং দুর্গমধ্যে তাহা সম্ভার করিবার মত লোকেরও অভাব ছিল না; তথাপি ইংরেজ সেনা কেন যে অত সহজে আত্মসমর্পণ করিয়াছিল ঠিক বলা যায় না। রবিন্সন এবং অন্যান্য ইংরেজ সৈনিকগণ উক্ত সময়কালে আর অস্ত্র-পরিগ্রহ করিবেন না। এবংবিধ অঙ্গীকার করিলে হায়দর তাঁহাদের যত্নে গমনের অনুমতি দিয়াছিলেন, কিন্তু মিথ্যাচারী ইংরেজ সেনাপতি স্বীয় প্রতিশ্রুতি ভঙ্গ করিতে দ্বিধা করেন নাই,—যথা স্থানেই সেকথা বলা যাইবে।

ক্রমশঃ

শ্বেতাশ্বতরোপনিষৎ

চতুর্থ অধ্যায়

অনুবাদক—শ্রীচিত্রিতা দেবী

[আচার্য্য শঙ্কর যে কয়খানি প্রসিদ্ধ উপনিষদের ভাষ্য করেছেন, শ্বেতাশ্বতর তাদের অন্যতম। কিন্তু তা সবেও একে অনেকেই অপেক্ষাকৃত পরবর্তী কালের বলে মনে করেন। এমন কি, অনেকে শঙ্করাচার্য্যকেও এর ভাষ্যকার বলে মানতে রাজী নন। তাঁদের মতে শঙ্করের নামের আড়ালে তাঁর শিষ্যসম্প্রদায়ের কেউ হয়ত এখানি লিখেছেন। যাই হোক, শঙ্করের ভাষ্যাবলীর মধ্যে শ্বেতাশ্বতরোপনিষদের টীকাভাষ্য যথেষ্ট বড় জায়গা জুড়েই রয়েছে।

উপনিষদগুলি যদিও বিভিন্ন সময়ে রচিত, তবু তাদের মধ্যে একটা মূলগত ঐক্য আছে। এই ঐক্যের ইঙ্গিত বিশ্বের অন্তর্নিহিত অখণ্ড ঐক্যের দিকে।

এই ঐক্যবোধের উপরেই অদ্বৈত দর্শনের ভিত্তি। অদ্বৈত অর্থাৎ দ্বৈত নয়। এই যে অচরহ পরিবর্তনশীল অনন্ত উৎসারিত কোটি বিচিত্র বিশ্ব, এর অন্তর্নিহিত মূল তত্ত্বটি এক। একই চিন্তা-শক্তি সূর্য্য চক্রে তারা থেকে তৃণধূলি পর্য্যন্ত এ বিশ্বের সমস্ত জড়বস্তু ও প্রাণবস্তুকে পরিব্যাপ্ত করে নিবস্তুর আনন্দ-দোলায় ঢুলছে। তারই দোলায়, তারই সীলায় বিশ্ব মুহূর্ত্তে নানারূপে বিকশিত হয়ে উঠছে। সেই বিশ্বরূপিনী শক্তিই প্রতি মানবের চিত্তে অধিষ্ঠিত থেকে তাকে সেই বিশেষ মানব রূপে ফুটিয়ে তুলছে। এই শক্তিই 'সদা জনানং হৃদয়ে সঞ্জিবিষ্টঃ'। কাজেই বিশ্বের অন্তর্নিহিত সত্য আর মানবের অন্তর্গত তত্ত্ব এক। একই ব্রহ্ম অথবা পরমাত্মা সমগ্র বিশ্বব্রহ্মাণ্ড পরিব্যাপ্ত করেও মানুষের বুদ্ধির গহন গুহার নিমজ্জিত হয়ে রয়েছেন। একই ব্রহ্ম সমগ্র জগৎকে বিচিত্র রূপে রূপে প্রতিকলিত হচ্ছেন—কাজেই জগৎ রূপে থাকে দেখছি তিনি স্বরূপতঃ ব্রহ্ম। বস্তুতঃ ব্রহ্ম ছাড়া আর কিছুই সত্য নয়। আমাদের এই সুখ-দুঃখ আনন্দ-বেদনা তাঁরই ভাববিলাস। তিনিই একমাত্র চিরন্তন সত্য। ত্রিকাল-অতীত হয়েও সমগ্র কালকে তিনি তাঁর মানস-

লোকের মধ্যে আহরণ করছেন। রজ্জুতে সর্পভ্রমের মত আমরা সেই একমাত্র পরম ব্রহ্মে জগদবিভ্রম দর্শন করে থাকি। ব্রহ্মজ্ঞান লাভ হলেই এই মিথ্যা অভিমান দূর হয়ে যায়। যেমন রজ্জুকে চিনতে পারা মাত্র সর্পরূপ অবস্তু দূর হয়ে যায়—তেমনি তাঁকে চিনতে পারলেই এই জগৎ একান্ত অসার অবাস্তব ছায়ার মত মিলিয়ে যাবে, রাত্রিশেষে যেমন করে মিলিয়ে যায় স্বপ্ন।

উপনিষদগুলির মধ্য থেকে নানা সমর্থক বাক্যের দ্বারা শঙ্কর তাঁর এই 'অদ্বৈত দর্শন' ব্যাখ্যা করেছেন। কিন্তু এই সঙ্গেই উপনিষদগুলির মধ্যে আর একটা ভাবধারা নিগূঢ় হয়ে আছে, যার উপরে ভিত্তি করে পরবর্তীকালে বিশিষ্টাধ্বৈত প্রভৃতি বেদান্তের বিভিন্ন মতবাদ গড়ে উঠেছে।

শ্বেতাশ্বতর উপনিষদে এই ভাবধারার অভিব্যক্তি আর একটু স্পষ্ট। বিশ্বময় একই অদ্বিতীয় ব্রহ্ম-সত্তা বিরাজমান সত্য, কিন্তু এই সত্তার দুইটি প্রধান ভাব বা অংশ অথবা দিক আছে। এই দুই দিকই সত্য—এই দুইয়ের মধ্যেই তাঁর পরিচয়। তা হলে জগৎ মিথ্যা নয়—ব্রহ্মেরই অংশ। এক অংশে তিনি স্থির অচঞ্চল, নির্বিকার, নির্বিকল্প গুণাভীত অভোক্তা সাক্ষী। অল্প অংশে তিনি সতত পরিবর্তনশীল, রূপে রূপে দৃশ্যমান, সদাচঞ্চল, গুণময়, কর্মকারী এবং কলভোগী।

এই বিশ্বব্রহ্মাণ্ডের সমগ্র সংহত রূপের মধ্যেও তাঁর এই দুই ভাব। একটি তাঁর স্থূল ভাব, বা দৃশ্যমান। যে ভাবে, যে রূপে, তিনি অরণ্য-পর্বত নদী-সমুদ্র তরুলাতা পশুপক্ষীর মধ্যে নিত্য প্রকাশিত। তাঁর অল্প ভাবটি অরূপ অপ্রমের নিরপেক্ষ সাক্ষী। সমগ্র জড় ও প্রাণসমষ্টির অন্তর্লীন স্বভাব, সেই অরূপ তত্ত্বই এই বিশ্বসংহতির অন্তরতম সত্য।

সেই সত্যকে, নিগূর্ণ, রূপ রস গন্ধ স্পর্শের অতীত, এও বলা যায়, আবার এও বলা যায় যে, তাঁর মধ্যেই এই সকলের মিলন। সকল ইন্দ্রিয়, সকল বোধ, সকল জ্ঞান, সকল গুণ তাঁরই মধ্যে সংহত হয়ে রয়েছে। সেই সচ্চিদ্ব অথবা সত্য চেতনাই এই জগৎ সৃষ্টির মূল। দেশকালাতীত সেই অজ্ঞেয় অদৃশ্য চেতনার মধ্যেই মুহূর্ত্তে মুহূর্ত্তে ধাবমান এই বিরাট কালচক্র আবর্তিত হচ্ছে। এ তাঁরই শক্তি, এ তাঁরই ইচ্ছা, তাঁরই কল্পনা। এ যদি মায়া হয়, এ তাঁরই মায়া। অনন্ত ব্রহ্মের অনন্ত মায়া। সেই নিগূর্ণ, অথবা গুণসংহত ব্রহ্মই হুঃখ সুখ ভোগ বাসনায় জীবরূপে এবং জগৎরূপে নিজেকে প্রকাশিত করছেন।

কবি যেমন তার রচনার নায়ক-নায়িকার মুখে নিজের কথাই বলে যান, তাদের জগে সুখ-হুঃখের কল্পলোক সৃজন করে তার মধ্যে নিজেকেই উপলব্ধি করেন, তেমনি সেই সর্বদর্শী বিশ্বকবি নিজ রচনার মধ্যে দিয়ে নিজেকেই ভোগ করেন।

“নবধারে পুরে দেহী হংসো লেলায়তে বহিঃ”—

তিনি অকারণে, দেহ-উপবনে,
জীবভাবে হয়ে মুগ্ধ,
নব দ্বারপথে, (নিজ মনোরথে)
বিষয় লভিতে লুপ্ত—

এ রই কথা কবি বলেছেন—

“আমার চক্ষে তোমার বিশ্বছবি,
দেখিয়া লইতে সাধ যায় তব কবি।”

সমষ্টিগত ভাবে বিশ্বের মধ্য দিয়ে প্রবাহিত তাঁর এই হুই রূপ প্রতি সৃষ্টিতে, ক্ষুদ্র বৃহৎ প্রতি বস্তু ও প্রাণের মধ্যে একই জোড়-বিজোড়ের স্বন্দে অহর্নিশি দোলায়িত হচ্ছে।

দ্বাসুপর্ণা সমুজ্জা সখায়া সমানং বৃক্ষং পরিষস্বজাতে
তয়োরন্যঃ পিপ্ললং স্বাদন্তানশ্চন্নজ্ঞো অভিচাক্ষীতি ॥”

একই ডালে বসে আছে হুই পাখী—একই শরীরকে আশ্রয় করে। একটি এই ডালের মায়ায় আবদ্ধ, পাকা ফলটির দিকেই তার লোভ। সে কেবলই চেখে চেখে দেখছে—বাসনা হতে ভোগ ও ভোগ হতে বাসনার নিরন্তর বিবর্তিত হতে হতে সে কেবলই জীর্ণ হয়ে চলেছে। কিন্তু তার অন্তরতম সত্য তেমনি নির্বিকার। কিছুতেই তার পরিবর্তন নেই। বাসনার দহন, হুঃখের জ্বালা তাকে বিকৃত করতে পারে না। সেই নিরাসক্ত পাখী কেবল দেবে। সে শুধু দ্রষ্টা—এই ফলভোগীকে সেই অভোক্তা রাত্রিদিন তার বন্ধনহীন শিবদৃষ্টি মেলে দেখছে। সেই দৃষ্টিতে কি করুণার অবকাশ আছে? মুক্ত প্রেমের আভায় কি সেই নয়নের আলো ঐ ফলভোগী পাখীটাকে বার বার আকর্ষণ করে? নিরন্তর তিক্তকষায় মিঠে ফলের মধ্যে মুখ গুজে থেকে সে কি হঠাৎ কখনও কার আকর্ষণে মুখ তুলে তাঁকায় সেই তার দিকে যে নিরন্তর নিরাসক্ত শিবদৃষ্টি মেলে চেয়ে আছে শুধু তারই দিকে?—শত পাপের উত্তাপের মধ্যেও যে কখনও তাকে ছেড়ে যায় না। ফলের

বসে আবিলা আচ্ছন্ন দৃষ্টি দিয়ে তাকে দেখা যায় না, হয়ত মিথ্যা অহঙ্কারের অভিমানে দেখতে চাইও না। সে কিন্তু নিরভিমান, চেয়ে বসে আছে—কবে এই ভোগী দৃষ্টি স্বচ্ছ করে তার দিকে চোখ তুলে চাইবে। তাকে দেখতে পেলেই সব ভেদজ্ঞান আপনি দূর হয়ে যাবে। সত্য দর্শনে, সত্যের সঙ্গে ব্রহ্মের সঙ্গে মিলনে কোন মিথ্যার বাধা রইবে না।

এই মিলনই ভক্তিবাদের প্রথম এবং শেষ কথা। স্বন্দের মধ্যে, বৈতের মধ্যে এর শুরু। অগণ্ডের মধ্যে অদ্বৈতের মধ্যে এর শেষ অথবা বিশ্রাম। শ্বেতাশ্বতরোপনিষদেই বোধ হয় প্রথম ভক্তির নাম পাই। ভক্তি ও প্রার্থনার অপার্থিব ঐক্যতানের প্রথম সূচনা বোধ হয় এই উপনিষদেই।

“য একোঃবর্ণো বহুধা শক্তি যোগাৎ

বর্ণাননেকানু নিহিতার্থো দধাতি—

অদ্বিতীয় অবর্ণ পরম সত্তা এক হয়েও এই কোটি বিচিত্র বিশ্ব-জগৎ সৃষ্টি কবেছেন। সেই তাঁর বিশ্বসত্তা প্রতি প্রাণিদেহে নিগূঢ় সাক্ষী রূপে বিরাজমান। স্বরূপকে দ্বিধাগণ্ডিত করে তিনি এই চিরচঞ্চলা বিচিত্রাকে জন্মরণের পথে পথে অনন্ত যাত্রার পাঠিয়েছেন। তিনি নিজেরই তাকে ঘরছাড়া করেছেন, তবু প্রতীক্ষা করে আছেন, কবে সে তাঁর কোলের মধ্যে ফিরে আসবে। সেই একটুখানি ইচ্ছার স্বাধীনতা দিয়ে, এই বৈতের মায়া সৃষ্টি করেছেন অদ্বৈতকে উপলব্ধি করবার জগেই। অবিচার জাল পেতেছেন—সে জাল ছিঁড়ে মানুষ আপন দৃষ্টিকে শুদ্ধ মুক্ত করবে বলে। সেই অশেষ কল্যাণগুণাকর পরমাত্মা ভুবন ভরে মিথ্যার আর অকল্যাণের ফাঁদ পেতে রেখেছেন—সে ফাঁদ এড়িয়ে মানুষ আপন অন্তর্নিহিত শুভবুদ্ধিতে ফিরে যেতে পারবে বলে :

“হুঃখখানি দিলে মোর তপ্ত ভালো খুয়ে,

অশ্রুজলে তারে ধুয়ে ধুয়ে,

আনন্দ করিয়া তারে ফিরায়ে আনিয়া দিই হাতে,

দিনশেষে মিলনের রাতে।”

এতকাল উপনিষদ বলেছেন, ব্রহ্মকে জ্ঞানের মধ্যে উপলব্ধি করাই মানব-জীবনের উদ্দেশ্য।

“য এতদ্বিত্ত্বমুতাশ্তে ভবন্তি”—যারা তাঁকে জানে তারাই অমৃত হয়। যদিও এ জানা কেবল বুদ্ধির জানা নয়, শুধু তর্ক বিচার দ্বারা তাঁকে পাওয়া যায় না।

“নৈষা তর্কেন মতিরাপনেয়া”—অনুভবের মধ্যেই তাঁকে জানতে হবে। ছাপড়েই সেই বিশ্বব্যাপিনী শক্তিকে আপন স্বরূপ বলে উপলব্ধি করতে হবে। কিন্তু কতবু এও অদ্বৈত সাধনা। ভক্তি-সাধনায় বৈতের প্রয়োজন। হুইয়ের মধ্যে দিয়েই একের প্রকাশ।

যে ভক্তিসাধনা গীতায় পুষ্ট হয়ে পরবর্তী কালে বৈষ্ণব ধর্মের মধ্যে চরম অভিব্যক্তি লাভ করেছিল, যে সাধনা ভক্ত ও ভগবান উভয়কেই স্বীকার করে চরম আত্মনিবেদনে এক অখণ্ড মিলনের

মধ্যে বিলীন হয়ে যায়, তাবই স্বরূপাতের আভাস হেন পাওয়া যায় এই উপনিষদে। আবু পাওয়া যায় আশ্রয় চিরন্তন অমলিন প্রার্থনার বাণী।

যুক্ত ও মঙ্গলের মাধ্যমে একদা পার্থিব সূত্রে কামনাই ছিল মানুষের প্রার্থনা। ক্রমে উপনিষদের যুগে এল ব্রহ্মজিজ্ঞাসা, জ্ঞান-পিপাসা। শ্বেতাশ্বতর উপনিষদেই ভক্তি ও প্রার্থনার প্রথম আগমনী ধ্বনিত হ'ল।

পার্থিব সূত্রে প্রার্থনা নয়, নৃচিকিত্সার মত জ্ঞানের প্রার্থনা নয়। নিবেদনের প্রার্থনা। আমাকে তোমার সঙ্গে যুক্ত কর। আমি ক্ষুদ্র, আমি ভোগী, আমি নিত্য বাসনাচঞ্চল। আমার মধ্যে অবিদ্যার অন্ধকার। তুমি নিত্য বুদ্ধ তুচ্ছ রূপ, তুমি চিরজ্যোতি। তোমার অনাসক্ত কল্যাণের পথে, তোমার মঙ্গলের সঙ্গে, শিবের সঙ্গে, তুভ্যের সঙ্গে আমাকে যুক্ত কর—

ধন নয় মান নয়—সুনো বুদ্ধ্যা শুভয়া সংযুক্ত ।]

য একোহবর্ণো বহুধাশক্তিয়োগাদ্
বর্ণাননেকান্ নিহিতার্থোদধাতি ।
বি চৈতি চাস্তে বিশ্বমাদৌ স দেবঃ
স নো বুদ্ধ্যা শুভয়া সংযুক্ত ॥১

তদেবাগ্নিস্তদাদিত্যস্তদ্বায়ু
স্তহচন্দ্রমাঃ ।
তদেব শুক্রং তদ্বক্ষ তদাপস্তং
প্রজাপতিঃ ॥২

ঋঃ স্ত্রী ঋঃ পুমানসি ঋঃ
কুমার উত বা কুমারী ।
ঋঃ জীর্গো দণ্ডেন বঞ্চসি
ঋঃ জাতো ভবসি
বিশ্বতোমুখঃ ॥৩

নীলঃ পতঙ্গো হরিতো লোহিতাক্-
স্তড়িদ-গর্ভ ঋতবঃ সমুদ্রাঃ ।
অনাদিমন্তুং বিভূত্বেন বর্তসে
যতো জাতানি ভুবনানি বিশ্বা ॥৪

অজামেকাং লোহিতশুক্লক্ষাং
বক্ষীঃপ্রজাঃ স্বজমানাং সরুপাঃ ।
অজো হেকো জুষমাণোহমুশেতে
জ্বহাত্যেনাং ভুক্তভোগামজোহতঃ ॥৫

নিগূঢ় কারণে, যে পরম এক স্বজন করেন,
বহু বিচিত্র শক্তির যোগে বহু বিচিত্র রূপ ।
যাঁহাতে রয়েছে বিশ্বের স্থিতি,
প্রলয়ে আবার যাঁহার মাঝারে শুরু নিধর
যুত্যাতে নিশ্চুপ ।
জ্যোতিস্বরূপ নিবিশিষ্ট সেই সে পরম
যুক্ত,
(আপনার সাথে) শুভবুদ্ধিতে করুন
মোদের যুক্ত ॥১

তিনিই অগ্নি, তিনিই সূর্য, তিনি তারা
আর তিনিই চন্দ্র আকাশে ।
তিনি প্রজাপতি, এ বিশ্বপ্রাণ, তিনি জল,
আর তিনিই বহেন বাতাসে ॥২

তুমিই পুরুষ, তুমি নারী,
আর তুমিই কুমারকুমারী
দণ্ডহস্তে স্বলিত চরণে, বৃদ্ধের রূপে যাও ।
পুনঃ নব নব বিচিত্র রূপে
নবীন জন্ম নাও ॥৩

রক্তচক্ষু শুকসারী তুমি,
নীল, ভ্রমরবেণু তোমারি সুনীল আভা,
বিজলীগর্ভ মেঘ তুমি আর
ঋতু সমস্ত সপ্তসাগরপ্রভা ।
অনাদিস্বরূপ, সকল ব্যাপিয়া, তবুও
সর্বাভীত ।
তোমারি মাঝারে বিশ্বভূবন নিত্য-
উৎসারিত ॥৪

বহু প্রজাবতী ত্রিবর্ণা মায়া,
জীব অমুরাগে ভুজে,
(জীবমুক্ত) যে জন, সে-তারে
অনায়াসে যায় ত্যজে ॥৫

হা সুপর্ণা সযুজা সখারী
সমানং বৃক্ষং পরিব্রজ্যতে ।
হয়োরন্তঃ পিপ্পলং স্বাভস্য-
নগ্নস্তো অভিচাক্ষীতি ॥৬

সমানে বৃক্ষে পুরুষোনিমগ্নোহনীশয়া ।
শোচতি মুহমানঃ ।
জুষ্টং যদা পশুত্যন্যামীশ-
মস্য মহিমানমিতি বীতশোকঃ ॥৭

ঋচো অক্ষরে পরমে ব্যোমন
যস্মিন্ দেবা অধি বিশ্বৈ নিষেদুঃ ।
যস্তং ন বেদ কিম্বুচা করিষ্যতি
য ইত্ত্বিহুস্তইমে সমাসতে ॥৮

ছন্দাংসি যজ্ঞাঃ ক্রতবো ব্রতানি
ভূতং ভব্যং যচ্চ বেদা বদন্তি
অস্মান্ মায়ী সৃজতে বিশ্বমেতৎ
তস্মিংশ্চাত্তো মায়য়া সন্নিরুদ্ধঃ ॥৯

মায়াং তু প্রকৃতিং বিদ্যান্মায়িনস্ত
মহেশ্বরম্ ।
তস্যাবয়বভূতৈস্ত ব্যাপ্তং সর্বমিদং
জগৎ ॥১০

য যোনিং যোনিমধিতিষ্ঠন্ত্যেকো
যস্মিন্দিদং সং চ বিচৈতি সর্বম্ ।
তমীশানং বরদং দেবমীড্যং
নিচায়োমাং শাস্তিমত্যস্তমেতি ॥১১

সদাস্মিমিত্ত সমনামধারী
দুইটি সমান পাখী,
আশ্রয় করে বসেছে দু'জনে,
একই বৃক্ষের শাখী ।
তাদের মধ্যে একটি সেবিছে
স্বাভু পিপ্পল ফল,
অন্য পক্ষী, কেবল সাক্ষী
অভোক্তা অচপল ॥৬

দেহে আসক্ত যে জীব, সে জন
দুঃখদৈন্তে পীড়িত মুহমান ।
চিত্তমাঝারে, যে দেখে তাঁহারে
অশোক সে জন দুখ হতে পায় ত্রাণ ॥৭

ব্রহ্মস্বরূপ যে পরম ব্যোমে,
বেদ ও দেবতা আশ্রয় করে রহে ।
তাঁরে যে জানে না, তার তরে বেদ,
কোন ফল আনে বহে ?
যে তাঁরে একপে জেনেছে তাহার
সার্থক ইহজন্য ।
অরূপ সত্তা চিন্তে তাহার
জলিছে বিনিকম্প ॥৮

তাঁহারি প্রকাশ বেদপ্রচারিত
ব্রত যজ্ঞ ও ছন্দ ।
নিজ মায়াবলে সেই মায়াধীশ
রচেন বিশ্বানন্দ ।
মোহপাশে ঘিরে নিজেরে আবার
জীবরূপে হন বন্ধ ॥৯

প্রকৃতিরে ভেনো মায়া আর
জেনো মায়াধীশ ভগবান ।
তাঁরি অক্ষের বিচিত্র রূপে
নিখিল বিত্তবান্ ॥১০

এক হয়ে যিনি কারণে কারণে
করেন অধিষ্ঠান ।
যাঁহার মাঝারে বিশ্ব আবার
নিঃশেষে লীয়মান
বরণীয় সেই পূজনীয় দেবে,
চিন্তে যে জন দেখেছে,
অপার শাস্তি পরমানন্দ
সে জন নিত্য লভেছে ॥১১

যো দেবানাং প্রভবশ্চোক্তবশ্চ
 বিশ্বাধিপো রুদ্রো মহর্ষিঃ ।
 হিরণ্যগর্ভং পশুত জায়মানং
 স নো বুদ্ধ্যাশুভয়া
 সংযুক্তু ॥১২

যো দেবানামধিপো
 যশ্মিল্লোক্য অধিশ্রিতাঃ
 য ঙ্গেশে অস্যধ্বিপদশ্চ চতুষ্পদঃ
 কঠৈশ্চ দেবায় হরিষা
 বিধেম ॥১৩

সৃষ্ণাতিসৃষ্ণং কদিলস্য মধ্যে
 বিশ্বস্য স্রষ্টারমনেকরূপম্
 বিশ্বমৈকং পরিবেষ্টিতারং
 জ্ঞাত্বা শিবং
 শাস্তিমত্যন্তমেতি ॥১৪

স এব কালৈ ভুবনস্য গোপ্তা
 বিশ্বাধিপঃ সর্বভূতেষু গৃঢ়ঃ
 যশ্মিন্ যুক্তা ব্রহ্মর্ষয়ো দেবতাশ্চ
 তমেব জ্ঞাত্বা মৃত্যুপাশাং
 শ্চিনতি ॥১৫

ঘৃতাৎ পরং মণ্ডমিবাতিসৃষ্ণং
 জ্ঞাত্বা শিবং সর্বভূতেষু গৃঢ়ম্ ।
 বিশ্বমৈকং পরিবেষ্টিতারং
 জ্ঞাত্বা দেবং মৃত্যুতে সূর্যপাশৈঃ ॥১৬

যাঁহার মাঝারে দেবতা জন্ম
 যাঁহাতে অভ্যুদয়,
 পরম রুদ্র বিশ্বের প্রভু, তিনি
 সব জ্ঞানময় ।
 জায়মানা এই প্রাণশক্তিরে
 যিনি দেখেছেন মানসে,
 যুক্ত করুন মোদের বুদ্ধি,
 তিনি কল্যাণরসে ॥১২

দেবতাগণের প্রভু, আর যিনি
 ত্রিলোকের আশ্রয়,
 শাসন করেন যুগ ও মানুষ
 যিনি এ ভুবনময় ।
 চিরভাস্বর আনন্দরূপ, সেই কোন
 দেবে আজ ।
 চরু পুরোডাশ হবি দিয়ে পূজি
 বিশ্বভুবনমাবা ॥১৩

সৃষ্ণ হতেও সৃষ্ণ গহন সংসারমাবো,
 নিত্য সাক্ষী যিনি,
 বিচিত্র রূপে হন প্রতিভাত
 বিশ্বস্রষ্টা তিনি,
 চিত্ত বাহির ঘিরিয়া তাঁহার
 কল্যাণময় রূপ,
 যে দেখে, সে লভে পরমা শাস্তি,
 অন্তরে অপরূপ ॥১৪

কল্পারস্তে রক্ষা করেন যিনি
 এ ভূমণ্ডল ।
 সর্বভূতের মর্মগহনে, নিগূঢ় অচঞ্চল
 সব ঋষি আর সকল দেবতা
 যাঁর মাঝে মিলে রয় ।
 মৃত্যুর পাশ ছিন্ন করিও
 তাঁরে জেনে হৃদিময় ॥১৫

ঘৃতের উপরে মণ্ডের মত,
 সৃষ্ণ ও সারভূত,
 আত্মা রয়েছে সর্বভূতের
 মর্মে নিগূঢ় স্থিত ।
 বিশ্ব ঘেরিয়া পরিবেষ্টিত
 জ্যোতিস্বরূপ শক্তি
 যে জানে সে জন, লভে বন্ধনপাশ হতে
 চিরমুক্তি ॥১৬

এষ দেবো বিশ্বকর্মা মহাত্মা
সদা জনানাং হৃদয়ে সন্নিবিষ্টঃ
হৃদা মনীষা মনসাহভিক্শপ্তো
য এতদ্বিহুর মৃতাস্তে ভবন্তি ॥১৭

যদাহতমস্তন্ন দিবা ন রাত্রি ন
সন্ন চাসঙ্ঘিব এব কেবলঃ
তদক্ষরং তৎ সবিভূর্বরেন্যং
প্রজ্ঞা চ তস্মাৎ প্রসূতা পুরানী ॥১৮

নৈনমূক্ষং ন তির্যক্ষং ন মধ্য
পরিজগ্রভৎ ।
ন তস্য প্রতিমা অস্তি যস্য নাম
মহদ্বশঃ ॥১৯

ন সন্দশে তিষ্ঠতি রূপমস্য
ন চক্ষুষাপশ্রুতি কশ্চনৈনম্
হৃদা হৃদিস্থং মনসা য এনমেবং
বিহুরমৃতাস্তে ভবন্তি ॥২০

অজাত ইত্যেবং কশ্চিদ্ভীরুঃ
প্রপগতে ।
রুদ্র যত্তে দক্ষিণং মুখং
তেন মাং পাহি নিত্যম্ ॥২১

মা নস্তোকে তনয়ে
মান আয়ুষি—
মা নো গোষু মানে অশ্বেষু রীরিষঃ ।
বীরান্ মা নো রুদ্র
ভামিতোহবধীর্বিদ্বাস্তঃ
সদমিত্ত্বা হবামহে ॥২২

ইতি শ্বেতাশ্বতরোপনিষদি চতুর্থোহধ্যায়ঃ

বিবেকশুদ্ধ জ্ঞানের মানসে,
তাহার মুক্ত প্রকাশ বলসে,
বিশ্বকর্মা মহাত্মা দেব
সদা মানবের হৃদয়ে সন্নিবিষ্ট
যে তারে জেনেছে, অমৃত সে জন,
নয় সে দুঃখে ক্লিষ্ট ॥১৭

নাইকো সেথায় দিবসরাত্রি অবিদ্যাঘেরা তমসা,
তিনি অক্ষয়, রবিরও পূজ্য বিশ্বচিত্তভরসা ।
সৎ ও অসৎ ছয়েরই অভাব, শুদ্ধ স্বভাব রূপ ।
শাশ্বত এই জ্ঞানেরও উৎস, তাঁহারি মর্মকূপ ॥১৮

অধঃ ও উর্দ্ধ কিম্বা বক্রকোণে,
কেহ কভু তাঁরে না পারে ধরিতে মনে ।
সর্বব্যাপ্ত মহৎ কীর্তি এই নাম আছে যার ।
কোথায় উপমা, কোথায় প্রতিমা তাঁর ॥১৯

চোখের দেখায় তাঁহারে ত্রো
দেখা যায় না—
কোন ইন্দ্রিয় তাঁরে প্রকাশিতে
পায় না ।

বিচারশুদ্ধ জ্ঞান সাধনায়,
যে পারে জানিতে, তাঁহার স্বরূপ,
গূঢ় মর্মের চেতনায়
ধন্য সে জন মরজন্মেই
অমৃত জীবন পায় ॥২০

জন্মবিকার ভয়ে ভীরু আমি,
এসেছি তোমার অঙ্গ অমৃতশরণে,
রুদ্র তোমার দক্ষিণ মুখে, ত্রাণ কর
মোরে, নিত্য (দুঃখ প্লাবনে) ॥২১

হে রুদ্র, তুমি আমাদের প্রতি,
কোর না কোর না রোধ ।
কোর না জীবন নাশ ।
পুত্র পৌত্র গরু ঘোড়া দাস,
মরণের মাঝে কভু,
হরণ কোর না প্লভু ।
হবি ও যজ্ঞ ক্রিয়া উপহারে,
আমরা তোমারে নিত্য ।
আস্থান করি ব্যগ্র হৃদয়ে,
ভরিয়া ব্যাকুল চিত্ত ॥২২

মুক্তিকামী রবীন্দ্রনাথ

শ্রীঅমরকুমার দত্ত

মানবসমাজের এবং বিশেষ করে আমাদের দেশের এক দল মুক্তিপিপাসুদের সাধারণ ধারণা হচ্ছে যে, জগৎ-সংসারের মায়াপ্রপঞ্চ হতে দূরে থেকে নির্বিকার মনে বৈরাগ্য সাধনই মানবাত্মার মুক্তিসাধনের শ্রেষ্ঠ উপায় এবং এই পথই একমাত্র পথ। অতএব মুক্তিকামী সাধক-জীবনের সামনে “নাশ্চ পশ্চাৎ বিদ্যতে অয়নায়”—আর কোন পথ নাই। অতীন্দ্রিয়-বাদী মরমিয়া (mystic) কবি ও সাধক সম্প্রদায়ও এই মত পোষণ করে থাকেন। ইন্দ্রিয়গ্রাহ্য জগতের কলকোলাহল থেকে দূরে সরে গিয়ে তাঁরা অতীন্দ্রিয় রাজ্যের অরূপ বীণার সুরলহরী শোনবার প্রত্যাশায় ব্যগ্র হয়ে থাকেন এবং এই ভাবেই “সৃষ্টিছাড়া সৃষ্টিমাবে” জীবন অতিবাহিত করেন। কিন্তু রবীন্দ্রনাথ একদিকে মুক্তিসাধক ও অল্প দিকে মরমী কবি হয়েও একদিন শুভ সুপ্রভাতে প্রার্থনা করলেন :

“মোরে ডাকি লয়ে যাও মুক্তিস্বারে তোমার বিশ্বের সভাতে,

আজি এ মঙ্গল প্রভাতে।

বাহির কর তব পথের মাঝে, বরণ কর মোরে তোমার কাজে ;

নিবিড় আবরণ কর বিমোচন, মুক্ত কর সব তুচ্ছ শোচন,

ধোত কর মম মুকুলোচন তোমার উজ্জ্বল গুণ রোচন

নবীন নির্মল বিভাতে।”

একেবারে উন্টে কথা। পথের মাঝে বাহির করার ডাক, কাজে বৃত্ত হওয়ার ডাক, ইন্দ্রিয়গ্রাহ্য বিশ্বের দরবারে গিয়ে দাঁড়াবার ডাক। তা হলে তিনি কি মুক্তিকামী ছিলেন না? ছিলেন না কি তিনি তা হলে মরমিয়া কবি? হ্যাঁ, তিনি দুই-ই ছিলেন এবং উপরন্তু ছিলেন তিনি উপনিষদের “সত্যম্ জ্ঞানমনস্তম্ ব্রহ্ম”—বিশ্বাসী। সত্যরূপে, জ্ঞানরূপে সেই অনন্তস্বরূপ ব্রহ্ম এই জগতে বিরাজিত তা তিনি বিশ্বাস করতেন। তাঁর অন্তরে তিনি উপলব্ধি করেছিলেন “ঈশা বাস্যমিদং সর্বং যৎকিঞ্চ জগত্যাং জগৎ”—এই জগতের যাহা কিছু সকলই তাঁহাকে অবলম্বন করিয়াই প্রকাশিত হচ্ছে। তাই সেই স্রষ্টার কাছে পৃথিবীর পথ তাঁরই পথ, সংসারের কাজ তাঁরই কাজ, বিশ্বের সভা তাঁরই সভা। এই বিষয়ে রবীন্দ্রনাথ বলছেন :

“প্রকৃতি তাহার রূপরসবর্ণগন্ধ লইয়া, মানুষ তাহার বুদ্ধিমত, তাহার স্নেহপ্রেম লইয়া আমাকে যুক্ত করিয়াছে—সেই মোহকে আমি অবিশ্বাস করি না, সেই মোহকে আমি নিন্দা করি না। তাহা আমাকে বন্ধ করিতেছে না, তাহা আমাকে মুক্তই করিতেছে। জগতের সৌন্দর্যের মধ্য দিয়া, প্রিয়জনের মাধুর্যের মধ্য দিয়া ভগবানই আমাদের টানিতেছেন—আর কাহারও টানিবার ক্ষমতাই নাই। পৃথিবীর প্রেমের মধ্য দিয়াই সেই

ভূমানন্দের পরিচয় পাওয়া, জগতের এই রূপের মধ্যেই সেই অপরূপ সাক্ষাৎ প্রত্যক্ষ করা, ইহাকেই ত আমি মুক্তির সাধনা বলি।”

উপনিষদ জ্ঞান-ভিত্তির উপর প্রতিষ্ঠিত এই মুক্তিসাধনার শক্তিতেই মুক্তিকামী মরমী কবি রূপরসগন্ধময় জগতের সঙ্গে ওতপ্রোত ভাবে বিভাজিত থেকেও ছিলেন নির্লিপ্ত। এরই আলোকোদ্ভাসিত চেতনায় ও প্রেরণায় তিনি অরূপ-বীণার সুরের সঙ্গে মিলিয়ে দিতে পেরেছিলেন বিশ্ব-বীণার সুর। এই মুক্তিসাধনার উপলব্ধিতেই তিনি একদিন বিশ্ববাসীকে ডেকে বললেন :

“বৈরাগ্য সাধনে মুক্তি, সে আমার নয়।

অসংখ্য বন্ধন-মাঝে মহানন্দময়

লভিব মুক্তির স্বাদ। এই বহুধার

মুক্তিকার পাত্রখানি ভরি বারবার

তোমার অমৃত ঢালি দিবে অবিরত

নানা বর্ণগন্ধময়।

...

...

...

ইন্দ্রিয়ের দ্বার

রুদ্ধ করি যোগাসন, সে নহে আমার।

যা কিছু আমন্দ আছে দৃঢ়ে গন্ধে গানে

তোমার আনন্দ হবে তার মাঝখানে।

মোহ মোর মুক্তিরূপে উঠিবে জলিয়া,

প্রেম মোর ভক্তিরূপে রহিবে ফলিয়া।”

এই সাধনার অন্তর্নিহিত সুরেই কবি বেঁধে নিলেন তাঁর জীবন-বীণার তার, এবং তারই মূর্ছনার সুরে সুরে তাঁর বন্ধনময় মুক্তির আনন্দরাগিনী ছড়িয়ে পড়ল আকাশের আলোয় আলোয়, ধরণীর ধূলায় ধূলায়, তুণে তুণে। তিনি গাইলেন :

“আমার মুক্তি আলোয় আলোয় এই আকাশে,

আমার মুক্তি ধূলায় ধূলায় ঘাসে ঘাসে।

দেহমনের স্বদূর পারে হারিয়ে ফেলি আপনারে,

গানের সুরে আমার মুক্তি উর্ধ্বে ভাসে।

আমার মুক্তি সর্বজনের মনের মাঝে,

হুঃখবিপদ-তুচ্ছ-করা কঠিন কাজে।

বিষধাতার যজ্ঞশালা, আত্মহোমের বহ্নিশালা—

জীবন যেন দিই আহুতি মুক্তি-আশে।”

অর্ধ শতাব্দীকাল আগে বঙ্গভঙ্গ আন্দোলনের পূর্বে ও পরে দেশের “সর্বজনের মনের মাঝে” তাঁর মুক্তির ডাক এসেছিল। সেদিন তিনি “হুঃখবিপদ-তুচ্ছ-করা কঠিন কাজে” আপনাকে ব্রতী করেছিলেন এবং “আত্মহোমের বহ্নি” জেলে দেশমাতৃকার মুক্তির আশায় নিজ জীবন আহুতি দিয়েছিলেন। সেদিন তিনি ব্রহ্মপরিব্যাপ্ত এই রূপরসময়

জনসমূহকে মাতৃসম্বোধনে ডেকে সকলকে বলেছিলেন, “একবার তোরা মা বলিয়ে ডাক জগতজনের শ্রবণ জুড়াক।” সেদিন তিনি বন্দিনী মায়ের সকল ধর্মের, সকল শ্রেণীর সম্মানগণকে এক মাতৃসম্বোধনে ডেকে পরিচয় দিয়েছিলেন সকলের হাতে ব্রাহ্মধর্মের রাথী, আর ভগবানের কাছে প্রার্থনা করে বলেছিলেন :

“বাঙালীর প্রাণ, বাঙালীর মন,
বাঙালীর ঘরে যত ভাই বোন,
এক হটক, এক হটক, এক হটক হে ভগবান।”

“আত্মহোমের অগ্নি” জ্বলে, বাংলার এক প্রান্ত থেকে আর এক প্রান্ত অবধি তরফায়িত করে, সেদিন তিনি বাংলা তথা ভারতে নিয়ে এলেন এক নবজাতীয়তার ভাগীরথীধারা, সেদিন তিনিই হলেন “স্বদেশ-আত্মার বাণীমূর্তি”। তাঁর কণ্ঠে জাতীয়তার নব সামগান ধ্বনিত হয়ে উঠল নিবিড় নিশীথ অস্ত্রে ব্রাহ্মধর্মের। তাঁর জীবন-বীণার তারে তারে ঝঙ্কত হয়ে উঠল দীপক রাগিনীর সুর। সেই সুরে বাংলার জনগণ, পথঘাট আকাশ-বাতাস প্রকম্পিত করে গেয়ে উঠলেন :

“দেশ দেশ নন্দিত করি মন্দিত তব ভেরী,
আসিল যত বীরবন্দ আসন তব ঘেরি।
দিন আগত ঐ, ভারত তবু কই?
সে কি রহিল লুপ্ত আঞ্জি সব-জন-পঞ্চাতে?
লউক বিশ্বকর্ষভার মিলি সবার সাথে।
প্রেরণ কর, ভৈরব তব দুর্জয় আহ্বান হে,
জাগ্রত ভগবান হে।”

স্বদেশের মুক্তি-আন্দোলনের মধ্য দিয়ে রবীন্দ্রনাথ সেদিন চেয়েছিলেন স্বদেশ-আত্মার মুক্তি। তিনি রাজনীতিক ছিলেন না, ছিলেন জাতীয় গৌরবে গৌরবান্বিত জাতীয়তাবাদী ভারতসন্তান, জাতির সর্বাঙ্গীণ মুক্তিকামী সাধক ও পথ-প্রদর্শক। ঘৃণা, হিংসার উপর জাতীয়তার ভিত্তি না গড়ে, তিনি গড়তে চেয়েছিলেন তার সুদৃঢ় ভিত্তি ধর্মবোধ, আত্ম-নির্ভরশীলতা ও আত্মমর্যাদার উপর। জাতির অগ্রগতি ও কল্যাণের জন্তে তাঁর হৃদয় হতে নিয়ত প্রার্থনা উঠেছে :

“চিত্ত যেথা ভয়শূন্য উচ্চ যেথা শির,
জ্ঞান যেথা মুক্ত, যেথা গৃহের প্রাচীর
আপন প্রাক্তনতল দিবস শর্করী
বহুধারে রাখে নাই খণ্ড ক্ষুদ্র করি ;
যেথা তুচ্ছ আচারের মরুভালিরাশি
বিচারের স্রোতঃপথ ফেলে নাই গ্রাসি ;
পৌরুষের করে মি শতধা ; নিত্য যেথা
তুমি সর্ব-কর্ম-চিন্তা জ্ঞানন্দের নেতা ;
নিজ হস্তে নির্দয় আঘাত করি পিতঃ
জগৎজন্মে কেই স্বর্গে করো জাগ্রিত।”

জাতিকে তিনি ভালবাসতেন এবং তাকে প্রতিষ্ঠিত দেখতে চাইতেন তার পূর্ণ গৌরবে। তাই দেখতে পাই

জাতির আত্মমর্যাদার উপর যখনই কোন আঘাত এসেছে বাহির থেকে তখনই তিনি এগিয়ে এসেছেন তাঁর নির্ভীক প্রতিবাদ নিয়ে। আত্মশক্তির উপর নির্ভর করে, নির্ভীক চিন্তে দুর্জয় কাজে এগিয়ে যাওয়ার আহ্বানই ছিল তাঁর কাছে স্বদেশ-আত্মার মুক্তি-আহ্বান।—তাই তাঁর নির্ভীক চিন্তা গেয়ে উঠল :

“সঙ্কটের বিহীনতা নিজেরে অপমান,
সঙ্কটের করন্যতে হোয়ো না ভিন্নমান।
মুক্ত করো জয়,
আপনা মাঝে শক্তি ধরো, নিজেরে করো জয়।
ধর্ম যবে শত্রু যবে করিবে আহ্বান,
নীরব হয়ে, নম্র হয়ে পণ করিয়ো প্রাণ।
মুক্ত করো ভয়,
দুর্জয় কাজে নিজেরই দিয়ো কঠিন পরিচয়।”

কিছুকাল পরে রামমোহন-দেবেন্দ্রনাথের সাধনপথের এই উত্তর-সাধককে দেখি বোলপুর শান্তিনিকেতনে “শান্তম্-শিবমদ্বৈতমে”র উপাসক তাঁর পিতা মহর্ষি দেবেন্দ্রনাথের সাধনপীঠে—সপ্তপর্ষ বৃক্ষের শান্ত ছায়ায়। “বিশ্বধাতার মঙ্গল-শালা”র এবার তাঁর ডাক পড়েছে জাতির জ্ঞান-যজ্ঞের বেদীমূলে। কারণ তিনি দেখেছিলেন যে, “ভারতবর্ষের বৃক্ষের উপর যত কিছু দুঃখ আজ অভ্রভেদী হয়ে ঠাঁড়িয়ে আছে তার একটিমাত্র ভিত্তি হচ্ছে অশিক্ষা। জাতিভেদ, ধর্মবিবোধ, কর্মজড়তা, আর্থিক দৈন্য—সমস্তই ঠাঁড়িয়ে আছে এই শিক্ষার অভাবকে।” তাই জ্ঞানশিক্ষা কার্যের মধ্যে এই মুক্তি-সাধক আবার আত্মহোমের অগ্নি জ্বাললেন এবং নিজেকে নিঃশেষে আছড়ি দিলেন। ভারতীয় সংস্কৃতির ঐতিহ্যের উপর ভিত্তি করে এখানে তিনি রচনা করলেন নিখিল মানবমনের মুক্তিবেদী। তার নাম রাখলেন বিশ্ব-ভারতী। ভারতের শাস্ত্র বাণীর মর্মকথা উচ্চারিত হ’ল এই বেদীমূলে—ছড়িয়ে পড়ল তা নিখিল বিধে। অচিরে এই শিক্ষামন্দির প্রাচ্য ও প্রতীচ্যের জ্ঞানী মনীষীদের এক সুষ্ঠু মিলন-মন্দিরে রূপান্তরিত হয়ে উঠল। এই প্রতিষ্ঠানের বিষয়ে তিনি বলেছেন—“সকল জাতির সকল সম্রাটদের আমন্ত্রণে এখানে আমি শুভবুদ্ধিকে জাগ্রত রাখবার শুভ অবকাশ ব্যর্থ করি নি। বার বার কামনা করেছি :

“য একোহবর্ণো বহুধা শক্তিবোগাৎ
বর্ণানেকান নিহিতাথো দধাতি
বিচৈতি চান্তে বিশ্বমাশ্রে স দেবঃ
স নো বৃক্ষ্যো শুভয়ো সংযুজত।”

‘যিনি এক ও বর্ণহীন, যিনি বহুধা শক্তিবোগে বহুবর্ণের মানুষের কল্যাণ করছেন তিনি আমাদের শুভবুদ্ধি প্রেরণ করুন।’ এই শিক্ষাক্ষেত্রকে তিনি চিরাচরিত বিদ্যালয় না

করে একটি অতীতপূর্ব জ্ঞানোন্মেষক বিভাশ্রম করে গড়ে তুললেন এবং এর বীজমন্ত্র দিলেন “শান্তং শিবমদ্বৈতম্”। তিনি এর আদর্শ ব্যাখ্যা করতে গিয়ে বলছেন :

“আমি আশ্রমের আদর্শরূপে বার-বার তপোবনের কথা বলেছি। সে তপোবন ইতিহাস বিশ্লেষণ করে পাই নি। সে পেয়েছি কবির কাব্য থেকেই। তাই স্বভাবতই সেই আদর্শকে আমি কাব্যরূপেই প্রতিষ্ঠিত করতে চেয়েছি। বলতে চেয়েছি পশু দেবশু কাব্য, মানবরূপে দেবতার কাব্যকে দেখ। আবালাকাল উপনিষদ আরম্ভ করতে করতে আমার মন বিশ্বব্যাপী পরিপূর্ণতাকে অস্তর্দৃষ্টিতে মানতে অভ্যাস করেছে।”

এই “বিশ্বব্যাপী পরিপূর্ণতা”র অর্থও সত্তার কাছে আত্মসমর্পণ করে তিনি তাঁর জীবনের বহুবিস্তৃত কর্মক্ষেত্রে কাজ করে গেছেন এবং এই বিচিত্র কর্মকোলাহলের মধ্যে আত্মনিয়োগ করেই তিনি তাঁর মুক্তির সন্ধান ও সাধনা করে গেছেন। তাঁর সাধনা তাঁকে শতকর্মের মধ্যে বেধেও তাঁকে বেধেছিল তার উর্ধ্বে, শত কর্মের পাকে জড়িয়েও তাঁকে বেধেছিল মুক্ত ও সম্পূর্ণ নিঃশিষ্ট। তিনি সকল বন্ধনকে, সকল দুর্ভিক্ষপাক ও আঘাতকে ভগবানের হাতের দান বলে বিশ্বাস করে নিয়ে তাঁরই মধ্যে ডুবে যেতে পারতেন। বন্ধনকেই তিনি মুক্তির সোপানস্বরূপ জ্ঞান করে এসেছেন— হয় সাংসারিক কর্মবন্ধন, নয় পরমাশ্রমের সঙ্গে বন্ধন, হয় সীমার তীরের বন্ধন, নয় অসীম অকূলের সঙ্গে বন্ধন। বন্ধনই নিয়ে আসে আমাদের কর্মপথে এবং সে পথের অন্তে মুক্তি দেয় আমাদের তাঁরই মাঝে। সেই বন্ধন-মুক্তির সুর বেজে উঠল তাঁর চিন্তাবীণায় :

“আমায় মুক্তি যদি দাও বঁধন খুলে,
আমি তোমার বঁধন নেব তুলে।
যে পথে যাই নিরবধি সে পথ আমার ঘোচে যদি
যাব তোমার মাঝে পথের ভুলে।
যদি নেবাও ঘরের আলো,
তোমার কালো আঁধার বাসব ভালো ;
তীর যদি আর না যায় দেখা, তোমার আমি হব একা
দিশাহারা সেই অকূলে।”

রবীন্দ্রনাথ সারা জীবনে কোনদিন কর্ম হতে বিশ্রাম বা মুক্তি চান নি। কারণ তিনি বিশ্বাস করতেন উপনিষদের সেই অমৃতবাণী—

“আনন্দাক্ষর ধর্ম্মানি ভূতানি জায়ন্তে
আনন্দেন জাতানি জীবন্তি
আনন্দং প্রয়ন্ত্যভি সংবিশন্তি।”

‘আনন্দ-স্বরূপ পরব্রহ্ম হতে এই ভূত সকল উৎপন্ন হয়, তাঁহা দ্বারাই জীবিত রহে এবং শেষে তাঁহারই কাছে গমন করে।’ তিনি বিশ্বাস করতেন :

“আনন্দরূপমৃতং যদ্বিশ্ভাতি”

“তাঁহার আনন্দরূপ অমৃতরূপ আমাদের কাছে প্রকাশ পাইতেছে। তিনি যে আনন্দিত, তিনি যে রসস্বরূপ ইহাই আমাদের নিকট প্রকাশমান।...

যিনি সর্বজগৎগত ভূমা তাঁকে উপলব্ধি করবার সাধনায় এমন উপদে- পাওয়া যায় যে, ‘লোকালয় ত্যাগ করো, গুহাগহ্বরে বাও, নিজের সন্ত- সীমাকে বিলুপ্ত করে অসীমে অস্তর্হিত হও।’...আমার মন যে সাধনাকে স্বীকার করে তার কথাটা হচ্ছে এই যে, আপনাকে ত্যাগ না করে আপনার মধ্যেই সেই মহানপুরুষকে উপলব্ধি করবার ক্ষেত্র আছে—তিনি নিখিল মানবের আত্মা।...মানুষকে বিলুপ্ত করে যদি মানুষের মুক্তি, তবে মানুষ হলাম কেন। জীবনদেবতার সঙ্গে জীবনকে পৃথক করে দেখলেই দুঃখ, মিলিয়ে দেখলেই মুক্তি।”

সেই চিরজাগ্রত, চিরপ্রকাশমান আনন্দময় সত্তার কাছে তিনি চাইতেন তাঁর নিজ সত্তাকে প্রকাশ করতে কর্মের মধ্য দিয়ে—কর্মই আনন্দ কারণ সে আমাদের অদৃশ্য সত্তাকে দৃশ্য করে। তিনি বলছেন—“মানুষ যতই কর্ম করছে, ততই সে আপনার ভিতরকার অদৃশ্যকে দৃশ্য করে তুলছে, ততই সে আপনার সুদূরবর্তী অনাগতকে এগিয়ে নিয়ে আসছে। এই উপায়ে মানুষ কেবলই আপনাকে স্পষ্ট করে তুলছে—মানুষ আপনার নানা কর্মের মধ্যে, রাষ্ট্রের মধ্যে, সমাজের মধ্যে আপনাকেই নানা দিক থেকে দেখতে পাচ্ছে। এই দেখতে পাওয়াই মুক্তি। অন্ধকার মুক্তি নয়, অস্পষ্টতা মুক্তি নয়।” তাই দেখি সেই মুক্তিকামী পুরুষকে মৃত্যুর মাঝে, বিপর্যয়ের মাঝে, নিন্দা-অপবাদের মাঝে কর্মে নিরলস থাকতে আনন্দস্বরূপে নিমগ্ন হয়ে। শারীরিক মানসিক কোন ক্রেশই তাঁকে বিচ্যুত করতে পারি নি সেই আনন্দস্বরূপ থেকে। তাঁর ছোট্ট কবিতার মধ্যেও বারে পড়ে সেই অমৃত- ময় বাণী যা তাঁর প্রাত্যহিক জীবনযাত্রায় অতি সত্য হয়ে উঠেছিল :

“মৃত্যু কহে পুত্র নিব, চোর কহে ধন,
ভাগ্য কহে সব নিব যা কিছু আপন,
নিম্নুক কহিল লব তব যশোভার,
কবি কহে কে লইবে আনন্দ আমার।”

ঘরের আলো নিভে গেলেও তিনি আঁধারকে ভাল-বেসেছেন। দিশাহারা অকূলে ভগবানের সঙ্গে হয়েছে তাঁর সাক্ষাৎ যোগ। এই সাধক বিশ্বাস করতেন যে আমাদের জীবনের পরিপূর্ণতার জন্ম সেই আনন্দস্বরূপ অপেক্ষা করছেন এবং সেই পরিপূর্ণতার দিকেই তিনি নিয়ত আমা-দিগকে নিয়ে যাচ্ছেন কারণ আমাদের না হলে তাঁর আনন্দের লীলা চলে না। আমাদের দেহের প্রতি অঙ্গ তাঁরই আনন্দের দান, আমাদের চেতনার সকল চিন্তাশক্তিই তাঁর আনন্দের বিকাশ। সেই আনন্দস্বরূপের সহিত যোগযুক্ত হওয়াই মানব-জীবনের পরিপূর্ণতা বা মুক্তি। তিনি বলছেন :

“আমার মধ্যে আমার অস্তর্দেবতার একটি প্রকাশের আনন্দ রহিয়াছে— সেই আনন্দ, সেই প্রেম আমার সমস্ত অঙ্গপ্রত্যঙ্গ, আমার বুদ্ধিমন, আমার নিকট প্রত্যক্ষ এই বিশ্বজগৎ, আমার অনাদি অতীত ও অনন্ত ভবিষ্যৎ পরিপ্লত করিয়া আছে। এ লীলা ত আমি কিছু বুঝি না, কিন্তু

আমার মধ্যেই নিয়ত এই এক প্রেমের লীলা। আমার চোখে যে আলো ভালো লাগিতেছে, প্রভাত সন্ধ্যায় যে মেঘের ছটা ভালো লাগিতেছে, তৃণ তরুলতার যে শ্রামলতা ভালো লাগিতেছে, প্রিয়জনের যে মুগ্ধবি ভালো লাগিতেছে—সমস্তই সেই প্রেমলীলার উল্লেখ তরঙ্গমালা। তাহাতেই জীবনের সমস্ত সুখ-দুঃখের, সমস্ত আলো-অন্ধকারের ছায়া খেলিতেছে।”

এই উপলক্ষিতেই তিনি গাইলেন :

“তাই তোমার আনন্দ আমার পর, তুমি তাই এসেছ নীচে !

আমায় নইলে ত্রিভুবনেখর তোমার প্রেম হ'ত যে মিছে !

আমায় নিয়ে মেলেছ এই মেলা, আমার হিয়ায় চলছে রসের খেলা,

মোর জীবনের বিচিত্ররূপ ধরে তোমার ইচ্ছা তরঙ্গিছে।

তাই ত তুমি রাজার রাজা হয়ে তবু আমার হৃদয় লাগি,

কিরচ কত মনোহরণ বেশে, প্রভু, নিত্য আছ জাগি ;

তাই ত প্রভু যেথায় এল নেমে তোমারি প্রেম ভক্ত প্রাণের প্রেমে,

মুক্তি তোমার যুগল সন্মিলনে সেথায় পূর্ণ প্রকাশিছে।”

যে জীবনের বিচিত্র কর্মধারার মধ্যে, চিন্তাধারার মধ্যে আমরা মানবজীবনের পূর্ণতার প্রকাশ ক্ষণে ক্ষণে দেখতে পেয়েছি, সেই অনন্তকর্মা মুক্তিসাধক বলছেন—“আমি ভালবেসেছি এই জগৎকে, আমি কামনা করেছি মুক্তিকে যে মুক্তি পরমপুরুষের কাছে আত্মনিবেদনে। আমি বিশ্বাস করেছি মানুষের সত্য মহামানবের মধ্যে, যিনি “সদা জনানাং হৃদয়ে সন্নিবিষ্টঃ।”

আমরা তাঁর জীবনকে লক্ষ্য করে যেন কর্মের মধ্য দিয়ে এগিয়ে যেতে পারি সেই পরম লক্ষ্যে, সেই মহামুক্তিতে, এই আশীর্বাদ তাঁর অমর আত্মার কাছে আমরা প্রার্থনা করি। সত্য যেন আমাদের জীবনে প্রতিদিন প্রতি

কর্মে প্রতিভাত হয়ে ওঠে প্রভাতসূর্য্যের মত, পরমানন্দের প্রকাশ হয় যেন আমাদের জীবনের প্রতিক্ষেত্রে। আমরাও যেন জীবনের উত্থানপতনে বলতে পারি “আনন্দরূপমমৃতম্ যদ্বিভাতি।” তাঁরই কণ্ঠে কণ্ঠ মিলিয়ে আজ বলি— “আমাদের শক্তি যদি ক্ষীণ হয়, আমাদের আকাঙ্ক্ষা যদি সত্য না হয়, তবে আমরা শেষ পর্য্যন্ত কবে গিয়ে পৌঁছিব জানি না কিন্তু মহাপুরুষদের জীবন যেদিন আলোচনা করিতে বসিব, সেদিন যেন সেই শেষ লক্ষ্যের কথাটাই মন্থুখে রাখি—তাঁহাদের স্মৃতি যেন আমাদের পাণ্ডুর ঘাটের আলো দেখায়। তাঁহাদের দৃষ্টান্ত আমাদের বন্ধন হইতে উদ্ধার করিয়া দিবে, পরবশতা হইতে উত্তীর্ণ করিয়া দিবে, আমাদের নিজের সত্য শক্তিতে, সত্য চেষ্টায়, সত্য পথে প্রতিষ্ঠিত করিয়া দিবে; আশ্রয় দিবে না, অভয় দিবে; অনুসরণ করিতে বলিবে “না, অগ্রসর হইতে উৎসাহিত করিবে।” সত্য, শিব ও সূন্দরের পূজারী, অদ্বিতীয় একের একনিষ্ঠ সেবক সেই সত্যশ্রয়ী মহাপুরুষের সঙ্গে আজ প্রতিজ্ঞা করি :

“মোরা সত্যের পরে মন আজি করিব সমর্পণ,

জয় জয় সত্যের জয় !

মোরা বুঝিব সত্য, পূজিব সত্য, খুঁজিব সত্যধন,

জয় জয় সত্যের জয় !

যদি দুঃখে দহিতে হয়, তবু মিথ্যা চিন্তা নয়,

যদি দৈন্ত্য বহিতে হয়, তবু মিথ্যা কর্ম নয়,

যদি দণ্ড সহিতে হয়, তবু মিথ্যা বাক্য নয়,


জয় জয় সত্যের জয়।”

চলার গান

শ্রীনিরুপমা দেবী

আঁধার বাধা যদি
তোদের পথ ছায়,
পথের যত কাঁটা
দলিতে হবে পায় !
কঠিন বাধা যত রচিতে চাহে শিলা
ক্লান্তিতে নিব্বরের প্রাণের গতিসীমা,
জলের ধারা তত
উছল বহে যায়—
পথের কাঁটা দলি'
কে তোরা যাবি আয় !

না যদি আসে কেউ
না যদি শোনে ডাক,
পিছনে টানে ঢেউ
পিছিয়ে পড়ে থাক।
আঁধার যত বেশী নিবিড় ঘন কালো
প্রদীপ-শিখা তত উজল ঢালে আলো ;
সে শিখা জানা তোরা
তপের সাধনায়—
পথের কাঁটা দলি'
কে তোরা যাবি আয় !





ইটালীর চলচ্চিত্র, অভিনয় ও নৃত্য

সাম্প্রতিক কালে ইটালীর চলচ্চিত্রের বিশেষ উৎকর্ষ সাধিত হইতেছে। ইটালিয়ান চলচ্চিত্রে নব্য বাস্তবতার স্রষ্টা রোসেলিনির প্রতিভাবদান চলচ্চিত্রমোদীদের মনে নূতন আশার সঞ্চার করিয়াছে। চলচ্চিত্রে বাস্তবতার প্রয়োগের দিকে চলচ্চিত্র-পরিচালকদের বিশেষ বোঁক দেখা যাইতেছে। নব্য বাস্তবতাই (Neo realism) হইতেছে ইটালীর সাম্প্রতিক চলচ্চিত্রের লক্ষণীয় বৈশিষ্ট্য। বাস্তবতার প্রতি এই অমুরাগ সত্ত্বেও কিন্তু ইটালীর চলচ্চিত্র রোমান্টিসিজম এবং পুরাতনের প্রতি মোহকে বর্জন করিতে পারে নাই। ভিসকন্তির 'সেন্স' নামক চিত্রনাট্যের মধ্যে বাস্তবতা এবং রোমান্টিসিজম অঙ্গাঙ্গিভাবে জড়িত রহিয়াছে।

প্রাচীন মহাকাব্যাদি হইতে যে সকল আধুনিক চলচ্চিত্রের কাহিনী গৃহীত হইয়াছে তন্মধ্যে ইউলিসিসের নাম বিশেষভাবে উল্লেখযোগ্য।



ইউলিসিসের চিত্ররূপায়ণকালে পরিচালক মারিও কামেরিনি অভিনেতা কার্ক ডগলাসের সঙ্গে আলাপ করিতেছেন




সিল্ভানা মাজানো ইটালীর স্বনামধন্য চিত্রতারকা মাথো ফিন্সের চিত্ররূপায়ণকালে তিনি এন্থনি কুইনের সঙ্গে আলাপ করিতেছেন



সোফোক্লিসের "ইডিপাস" নাটকের দৃশ্যপট পরিকল্পনা এবং অভিনেতা-অভিনেতৃদের রূপসজ্জা দর্শকবৃন্দের দৃষ্টির সমক্ষে
প্রাচীন যুগকে যেন জীবন্ত করিয়া তোলে

ইটালীর শ্রেষ্ঠ অভিনেতা ও অভিনেত্রীরা এই চিত্রাভিনয়ে অংশ গ্রহণ করিয়াছেন। কার্ক ডগলাস ছাড়া ইহাতে আছেন—পেনেলোপ ও সাসির যুগ্ম ভূমিকায় সিলভানা, মাজানো, পোডেষ্টা প্রভৃতি।

ইটালীর অভিনয়কলার মধ্যেও বৈশিষ্ট্যের পরিচয় পাওয়া যায়। ক্লাসিক্যাল নাটকের অভিনয়ের জগৎ ইটালীর 'সাইরেকিউস গ্রীক থিয়েটারে'র প্রসিদ্ধি আছে।



কোন সুদূর অতীতে ভিসুবিয়াসের অগ্ন্যুৎসারের ফলে পম্পি নগরী ভূগর্ভে প্রোথিত হইয়াছিল। সুদীর্ঘকাল



ধরিয়া ইহার খননকার্য চলিতেছে। আজও খননের ফলে প্রতি বৎসর নব নব প্রত্নসম্পদ আবিষ্কৃত হইতেছে। পৃথিবীর নানা দেশ হইতে যে সকল বৈদেশিক পর্যটক নেপলসে আসেন, তাঁহাদের নিকট ইহা আজ তীর্থক্ষেত্রের সামিল হইয়া দাঁড়াইয়াছে।



পম্পির ধ্বংসাবশেষের গভীর পরিবেশের মধ্যে ইটালিয়ান ক্লাসিক্যাল নৃত্যের ভঙ্গীটি মনোরম।

ন. ভ.

অন্তঃশীলা

শ্রীসন্তোষকুমার ঘোষ

ফের চোপা করিস ত, জিব ছিড়ে দোব জন্মের মত—বা কাড়তে পারবি নে আর—তা বলে রাখছি কিন্তু—তুর্কাসার মেজাজে বলে সাতকড়ি। আরও বলে, “ফের যদি গুনি—পথে-ঘাটে মস্তরা করে-ছিস গোবিন্দর সঙ্গে—তা হলে ওর দফা ত নিকেশ করে দেবই—তোরও হাল কি করি দেখিস ক্যানে।”

দ্বীয় উত্তরটা আর শোনা হয় না। মুখুজ্ঞাদের গোয়ালঘরে জাহসাপ সেঁদিয়েছে একটা। ধরবার জগে ডাক পড়েছে সাতকড়ির। মুখুজ্ঞেমশায় নিজে এসে দাঁড়িয়ে রয়েছেন বাইরে ওর অপেক্ষায়। দেরি করা চলে না আর। উটকো সাপ—পালাবে ঘাবার তা হলে। গজ গজ করতে করতে বেরিয়ে পড়ে সাতকড়ি গামছাখানা কাঁধে ফেলে।

দ্বী ঈশানী ভয় খায় না আর ওকে মোটেই। সমানে চোপা করে সে এখন সাতকড়ির সঙ্গে। প্রথম প্রথম ঘর করতে এসে—কি ভয়ই না ও করত ওই লোকটাকে। গুণীন মানুষ—সাপ ধরে, সাপ খেলায়। তুকতাক অনেককিছু জানেও। কত ফলস্তু গাছকে বাণ মেয়ে দু’দিনে জ্বালিয়ে দিয়েছে সাতকড়ি। স্বচক্ষে দেখেছে ও। গুণতুক করে সর্বনাশ করেছে কত লোকের। দশাসই ভীম জোয়ান মানুষ—ধড়ফড়িয়ে মবছে পথে-ঘাটে। বলকে বলকে মুগ দিয়ে বস্তু তুলে—কেউ বা গাঁজলা ভেঙে। এ সব দেখলেই অনুমান করা যায়—বাজ ওই সাতকড়ির। ভয় খায় সবাই। নিজের দাওয়ায় বসে খড়ি দিয়ে দাগ কেটে মূর্তির মত আঁকে। কি সব ‘মস্তুর-তস্তুর’ আওড়ায়। ধুলো ছিটিয়ে মাঝে। ছুরির দাগ বসায় খড়ির দাগের উপর। তিনুগায়ে, কি দশ বিশ ক্রোশ দূরে উদ্দিষ্ট মানুষটা কাটা পাঠার মত মাটিতে পড়ে ছটফট করে মরে। ‘কেটে ফেললে রে’—‘জলে মলুম রে’—বলে নাকি আকাশ-বাতাস ফাটিয়ে চীংকারও করে। চোখে না দেখলেও এমনও শুনেছে ঈশানী। ওর আগের বউটাকেও নাকি সাবাড় করেছিল সাতকড়ি নিজেই। বউটাকে সাপে কেটেছিল সতি। কিন্তু তার আসল ইতিহাস জানে পাড়ার অনেকে। ভর-পোয়াতী ছিল নাকি তখন বউটা। অলস দেহটা নিয়ে চটপট কাজ করতে পারত না আর তেমন। সামান্য একটা কাজের ক্রটি নিয়েই নাকি বচসা হয়েছিল এমনই একদিন স্বামী-স্ত্রীতে। রক্তের তেজ ছিল তখন সাতকড়ির। রক্তও অল্পেই চড়ত মাথায়। ভাবলে গা শিউরে উঠে ওর। বউটার গায়ে নাকি সজ-ধরা কালকেউটে ছেড়ে দিয়েছিল লোকটা রাগের মাথায়। এমন সব কথা শুনে সে কি আর বিয়ে করত এই শয়তানটাকে!

বছর সাতেক আগে সাতকড়ির গলায় মালা দিয়েছিল ঈশানী—কতকটা যেন সন্মোহিত হয়ে। সাফাৎ যম-স্বরূপ ওই সব বিযাক্ত সাপ নিয়ে নাড়াচাড়া করে মানুষটা কেমন অবাধে, নিঃশঙ্কচিত্তে। সাপে-কাটা তিন দিনের বাসি মড়াকে নাকি ‘মস্তুর’ আউড়ে খাড়া করে দেয়। তা ছাড়া গুণতুকের রাজা সাতকড়ি। জুড়ি নেই ওর চার তল্লাটে। শুধু সন্মোহিতই হয় নি ঈশানী, মনে নেশাও

ধরেছিল যেন সেদিন। এমন মানুষের ঘর করতে প্রায় ভাগ্যের কথা। জয়-জয়ান্তরের তপস্কার জোর চাই নিশ্চয়ই। ইচ্ছে কয়েই দোজবরে বয়স্ক মানুষটাকে বিয়ে করতে রাজী হয়েছিল ঈশানী। না হলে, বিয়ের আগের দিনেও ত চম্পট দিতে পারত গোবিন্দর সঙ্গে। ভর-সন্ধ্যাবেলায় জোড়া তালগাছের কাছে দাঁড়িয়ে কত সাধাসাধি করেছিল গোবিন্দ। প্রত্যাখ্যান করেছিল ও গোঁতবে গোবিন্দর সব প্রস্তাব—সব অমুনয়বিনয়। সতি—সন্মোহিতই হয়েছিল যেন ও সেদিন। অত বড় গুণীনের বউ হবে—এই লোভেরই জয় হয়েছিল। বয়সে ওর চেয়ে কুড়ি-বাইশ বছরের বড় হবে সাতকড়ি। তা হোক। দেশের সেরা-গুণীন সাতকড়ি। নামের যেন মোহ ছিল একটা। কি এক ধরণের আকর্ষণ যেন। ঈশানীর মন থেকে সে মোহ ঘুচেছে এখন। উগ্র সন্ন্যাসের মত লিকলিকে চেহারা হয়েছে এখন সাতকড়ির। দৃষ্টি বিষধরের মতই তীক্ষ্ণ। সন্দেহ করে এখন ঈশানীকে। সন্দেহ করে গোবিন্দকে নিয়ে। তাকে নিয়েই বচসা শুরু হয়েছিল এই একটু আগে। সাতকড়ির ঘর কবে ও সতি, কিন্তু স্বামীর সান্নিধ্যকে যেন ঘণা করে ঈশানী। ঘরের একটেরে পড়ে থাকে ও রাতে। বেশী দিনের কথা নয়। নেশার ঝোকে এক এক দিন রাতে সাতকড়ি এসে ওর কাছ ঘেঁষে বসত। গায়ে হাত দিত। কালকেউটের স্পর্শ যেন। দেহ-মনের সমস্ত শক্তি দিয়ে নিজেকে বিচ্ছিন্ন করতে চাইত সে তখন সাতকড়ির কবল থেকে। আকুলভাবে ভগবানের কাছে প্রার্থনা জানাত—বাজ পড়ুক ওর মাথায়। নিশ্চিহ্ন হয়ে যাক সব। কতদিন ভেবেছে, রায়দীঘির জলে ডুবে মরে সকল জালা জুড়বে। সে সুর্যোগও এসেছিল একদিন। ডুবতেই যাচ্ছিল ও, কিন্তু বিধি সেধেছিলেন বাদ। না হলে—ফুরিয়ে যেত এত দিনে তার জীবনের লেনদেন বেশী দিনের কথা নয়। মাত্র বছর দুই আগেকার ব্যাপার।

ফাগুনের ছপূর। কেমন যেন ফাকা ফাকা মনে হচ্ছিল ঈশানীর। সাতকড়ি হাতে গেছে সেই কোন্ সন্ধ্যায়। ফেরে নি তখনও। সংসারে আর দ্বিতীয় লোক নেই। সমবয়সী বউ-ঝি কেউ নেই কাছেপিঠে যে দুটো মনের কথা বলে তাদের সঙ্গে। আর চুলোর জায়গায় আছেই বা কে?—খানিকটা তপ্ত উদাস হাওয়া জামগাছের কচি পাতাগুলোকে নাড়িয়ে দিয়ে সিগ্ সিগ্ শব্দ তুলে ওধারের বাঁশবনের গায়ে এলিয়ে পড়ল। ঘুমিয়ে পড়ল যেন; হাই তুলতে তুলতে ঈশানীও কখন গড়িয়ে পড়েছিল দাওয়ার উপর। বেহু স ঘুমে মড়ার মত হয়ে পড়েছিল কতক্ষণ কে জানে! গা ঠেলে ঠেলে ডাকছে কে। ভাবলে, হাট থেকে ফিরেছে বোধ হয় লোকটা। মাথায় আঁচল টেনে ধড়ফড় করে উঠে বসল ঈশানী। চমক ভাঙতেই চেয়ে দেখলে, সাতকড়ি নয়! মিট মিট করে হাসছে গোবিন্দ।

“আচ্ছা ঘুম ত তোর! চারদিকে বাঁশবন। দিন-ছপূরে কোন-দিন শ্বালে টেনে নিয়ে যাবে তোকে—টেবও পাবি নে। হ্যাঁ রে, বোনাই কোথা?”—হাসতে হাসতে বলেছিল গোবিন্দ।

এই গোবিন্দ ওদের পাড়ার মাহিন্দ পাগের ছেলে। বয়সে ওর চেয়ে বছর তিনেকের বড়ই হবে বোধ হয়। বাবরি চুল, টানা টানা চোখ, কষ্টপাথরের মত কালো রঙ। দেহ যেন পাথরে কোঁস। গোবিন্দ ওর সম্পর্কে কেউ নয়। তবু ও যেন জন্ম-জন্মান্তরের আপনজন। ছোটবেলায় ঈশানী ছিল গোবিন্দর খেলার সঙ্গী। বাগানে-বাগানে আম-জাম কুড়ুচ্ছে গোবিন্দ—বিলে জলায় ঝিঝুক গুলি কি শাপলা-শালুক তুলতে গেছে—সোনামতীর হাতে গেছে বাঁশের বাঁশী কিনতে—যাত্রা কি তরঙ্গা শুনতে যাচ্ছে ইষ্টিশানের ধারে আড়তদারদের বাড়ী—সব সময়ই গোবিন্দর সঙ্গে ঘুর ঘুর করত খড়্‌খড়ুয়ে শাড়ীপরা একটি মেয়ে। সে ওই ঈশানী। সেবার গাঙ্গে বড় বান এসেছিল। সাতার জানত না ভাল ঈশানী। শ্রোতের মুখে পড়ে গিয়ে ভেসে যাচ্ছিল। আর একটু হলেই তলিয়ে যেত নিশ্চয়ই। গোবিন্দ একরাশ জল খেয়ে কি করে যে ওকে পাড়ে টেনে এনেছিল—ওর তা মনে হলে বুক টিপ টিপ করে এখনও। ও একটু বড়দড় হয়ে উঠতে ওদের বাগ্দীপাড়ার সবাই নানা কথা বলত ওর ঠাকুরমাকে শুনিয়ে শুনিয়ে। হোক বাপ-মা মরা আহরে মেয়ে—তা বলে ছেলেটা পেছনে টো টো করে ঘুরবে দিন-রাত এ আবার কি! গোবিন্দ যে ওর বর হবে একদিন—এমন সম্পর্ক ধরে নিয়ে কত ঠাট্টা করত ওকে পাড়ার বড়ীরা। বড় হবার পর ওর দেহে-মনে হঠাৎ একরাশ লজ্জা এসে জড়ো হ'ল একদিন। গোবিন্দর কাছ থেকে পালিয়ে যেতে পারলে ও যেন বাঁচত তখন। গায়ে অশ্রুর মত বলই যা ছিল। না হলে কি বোকা ছিল ওই গোবিন্দ। ওর বাড়ন্ত গড়নটাও যেন নজরে ঠেকত না গোবিন্দর। এমনি বেহায়ার মত ব্যবহার ছিল ওর। সে সব ভাবলে—সত্যি কেমন যেন লজ্জা লাগে ওর আজও। পরের বউ হয়েছে যে ও এখন—সে জানটাও কি থাকতে নেই! বয়স হয়েছে। বিয়ে হলে ছেলের বাপ হ'ত এত দিনে। গায়ে হাত দিয়ে ঠেলতে লজ্জা হ'ল না ওর একটুও! বয়সই বেড়েছে শুধু—স্বভাব কিন্তু বদলায় নি একটুও। হাসি এসেছিল ঈশানীর। এমনি স্বভাবের জগেই কিন্তু গোবিন্দকে কেমন যেন ভাল লাগে ওর। মাথার ঘোমটাটা সরিয়ে নিয়ে খোঁপাটা ভাল করে জড়াতে জড়াতে বলেছিল ঈশানী—তাই ভাল! আমি ভাবছিলাম আর কেউ বুঝি! তা বোনাইয়ের খোজ কেন? বোনাই ত তোর শত্রুর।

শত্রুরই বটে। কেউ জানে না গোবিন্দর কি সর্বনাশ করেছে সাতকড়ি। ঈশানীর ওপর দাবি ওর চিরকালের যেন। ওকে বেহাত করেছে এই সর্বনেশে সাতকড়িটা। সেবার বাঁপানের সময় মধুখালিতে সাপ খেলাতে গিয়েছিল সাতকড়ি। কেউটে গলায় জড়িয়ে হ'হাতে হুটা গোথরো নিদ্রু মাচানের ওপর সে কি নাচ সাতকড়ির। জিত্ত বার করে নাচছে ও। মাঝে মাঝে কুন্ডলফণিনী ছোবল মারছে ওর জিভের ওপর। বস্ত্র পড়ছে জিত্ত দিয়ে। লোকটা যেন নীলকণ্ঠ। বিষ কাজ করে না ওর দেহে। ভিড়ের মধ্যে বিশ্বয়-উৎসুকভরা চোখে দাঁড়িয়েছিল গোবিন্দ আর

ঈশানী পাশাপাশি। তের চৌদ্দ বছরের মেয়েটা একেবারে সন্মোহিত হয়ে গিয়েছিল। সাতকড়ি এক নজরে দেখে নিজেই ঈশানীকে গুণ করেছিল যেন। পরের দিন সাপের বাঁপি নিয়ে পাড়ায় পাড়ায় ঘুরল সাতকড়ি। সাপ খেলালে। ঈশানীও নাওয়া খাওয়া ছেড়ে ঘুরল সঙ্গে সঙ্গে। বছর আষ্টক আগে বউ মরেছিল সাতকড়ির। বাড়ন্ত গড়নের ঈশানীকে দেখে সংসার পাতবার লোভ হ'ল ওর নতুন করে। খোজ নিয়ে জানলে মেয়ে ওদেরই জাতের। তেঁতুলেবাগ্দী। সাতকড়ি ঘুরল দিনকতক মধুখালিতে বাগ্দীপাড়ায়। গুণতুক করে ঈশানীর ঠাকুরমাকেও হাত করেছিল সম্ভবতঃ শয়তানটা। না হলে—বলা নেই কওয়া নেই—পাড়ার পাঁচ জনে জানল না—শুনল না ভাল করে, সাতকড়ির সঙ্গে হঠাৎ একদিন বিয়ে হয়ে গেল ঈশানীর। বাগে পেলো ছাড়বে না গোবিন্দ সাতকড়িকে। গুণীনই হোক আর যেই হোক। ওর জীবন থেকে আলোবাতাস সরিয়ে নিয়েছে লোকটা। ক্ষমা নেই এর। গস্তীর হয়ে বলেছিল গোবিন্দ ঈশানীকে—তুইও কম শত্রুর নোস। না হলে এখনও ওই নেশাখোর শয়তানের ঘর করিস।

কথা শুনে হেসে ফেলেছিল ঈশানী। ও বোঝে গোবিন্দর জ্বালা কিসের। পরক্ষণেই হঠাৎ চমকে উঠেছিল ও। এতক্ষণ দৃষ্টি পড়ে নি ভাল ভাবে কেন কে জানে। গোবিন্দ যেন রোগা হয়ে গেছে অনেকটা। রক্ত চুল। গায়ে ময়লা চাদর। গলায় ঝুলছে গাকড়ার ফালিতে বাঁধা একটা চাবি। চমকে প্রায় কাঁদকাঁদ হয়ে বলেছিল ঈশানী—ওমা, একি হয়েছে রে তোর গোবিন্দ!

গোবিন্দ গস্তীর হয়েছিল আরও একটু। আশ্তে আশ্তে বলেছিল সব কথা। বাপ গত হয়েছে দোলের দিন রাতে। সংসার সংসারে থাকবে না আর গোবিন্দ। চাকরি করবে এবার। মান-কুণ্ডুর খা বাবুরা ডেকে পাঠিয়েছে ওকে। চাকরি দেবে। বাপ মাহিন্দর পাগের নাম ডাক ছিল ওখানে। বাপের কাজ মিলেই চলে যাবে ও মধুখালি ছেড়ে। খবরটা দিতে এসেছে তাই ঈশানীকে—দিদির বাড়ী যাবার পথে।

সব শুনে ঈশানীর চোখ হুটা আবার ছল ছল করে এসেছিল যেন। বলেছিল—মধুখালি ছেড়ে থাকতে পারবি তুই?

মধুখালির খাল বিল জলা জঙ্গল ক্ষেতখামার পথঘাট মধুময় হয়ে উঠত যার অস্তিত্ব আর অসুবাগের ছোঁরাচ লেগে—তার দিকে বড় করুণ ভাবে তাকাল এক বার গোবিন্দ। সে চাউনির সামনে হঠাৎ লজ্জায় সঙ্কুচিত হয়ে উঠেছিল যেন ঈশানী। হাজার হোক পরের বউ এখন সে। তাড়াতাড়ি কাপড়টা টেনে দিয়েছিল মাথায়। তাকিয়ে তাকিয়ে আর আশ মেটে না গোবিন্দর। চোখহুটো স্বপ্নাতুর হয়ে উঠেছিল যেন একটু। খপ করে ঈশানীর হাতখানা ধরে বড় অহুনের সুরে বলেছিল সেদিন নিলর্জের মত—পালিয়ে চল ঈশানী আমার সঙ্গে—এখানে থাকলে মরে যাবি তুই। আয়নার আর মুখ দেখিস না বুঝি? কত রোগা হয়ে গেছিস দেখ দেখি—বলে চিবুকটা হাত দিয়ে তুলে ধরেছিল একটু।

গোবিন্দর এ প্রস্তাব শুধু সেদিনের নয়। বছরপাঁচেক হবে, তখন ঘর করছে ও সাতকড়ির সঙ্গে। এর মধ্যে কত বার কত ছুতো করে গোবিন্দ এসেছে ওর কাছে। ওই এক প্রস্তাব ওর। ধমক দেয়েছে, গাল খেয়েছে সে কত ঈশানীর কাছ থেকে। সাতকড়ি মানে না শুনলেও, চোখে না দেখলেও অনুমানে জেনেছে সব। গোবিন্দর সর্বনাশ করবার জন্তে অনেককিছু করেও ছিল সাতকড়ি। গোবিন্দ কিন্তু অটল। সাতকড়ির মস্তুর তস্তুর ক্রিয়া করে নি তাই বাক্য। না হলে, মুখ দিয়ে ঝগকে ঝগকে বক্ত ওঠে, কি দিন দিন শুকিয়ে দড়ি হয়ে গোবিন্দর এতদিনে আর অস্তিত্ব থাকত না মোটেই। গোবিন্দ নিলজ্জ, হাংলা, বোকা একটু বেশী। তা হোক, গোবিন্দর সঙ্গে ঈশানীর যেন প্রাণের বাধন আছে কৌথায়। গোবিন্দর উপর ওর নিজস্ব একটা দাবি আছে যেন। তা ছাড়া গোবিন্দকে পাবার জন্তে তলে তলে কি এক ধরণের মোহ আছে যেন। গোবিন্দর প্রতি প্রীতি তার অন্তঃশীলা। তার আকর্ষণ হ্রনিবার।

ঈশানী পয়ের বউ এখন। চমকে ওঠে সে। মনে যাই থাক, তা বলে দিনহুপরে এমন ভাবে আশা এই বা কেমন! ভাগিন্দ আর কেউ ছিল না ঘরে! না হলে...বুকটা ওর যেন টিপ টিপ করে। সাতকড়ির নামটার মধ্যে ছিল একদিন সম্মোহন। সে মোহ কেটেছে। গোবিন্দর কথায় আর স্পর্শে আছে যৌবনের যাহ। গোবিন্দর হাত থেকে হাতখানা তাই ছাড়িয়ে নেয় নি সেদিন ঈশানী। ফিক ফিক করে হাসতে হাসতে বলেছিল—পরের বউয়ের উপর টাঁক তোর। সর্বনেশে মতলব কিন্তু। কোনদিন খুন হবি, নয়ত জেলে যাবি গোবিন্দ। বোনাই তোর লোক ভাল নয়, জানিস ত? তার চেয়ে বলি শোন, এ মতলব ছাড়। বেথা কর। নারায়ণ সাতবা মেয়ে দেবার জন্তে ঝুলোঝুলি করছে। এই সেদিন বলছিল তার বোন। মেয়ে দেখিছি আমি। টিকোলো নাক। টানা টানা চোখ। একটু বা রোগা রোগা। তা হোক। চৌদ্দ পেরিয়ে পনেরয় পা দিয়েছে। পাকা গিল্লীদেবও তার মানায় শুনেছি। কাজেকস্মে বুদ্ধিতে দড়। নাকে দড়ি দিয়ে তোকে ঘানি ঘোরাতেও পারবে।—বলতে বলতে উচ্ছ সিত হয়ে উঠেছিল ঈশানী হাসিতে ভঙ্গিতে।

কথার মাঝে হঠাৎ ভূত দেখার মত চমকে উঠেছিল হু'জনেই। উঠানের দিকে দৃষ্টি পড়ে নি এতক্ষণ। সাতকড়ি এসে পা দিয়েছে কখন উঠানে। ঈশানীর হাতটা ষড় করে ধরেছিল তখনও গোবিন্দ। অকস্মাৎ ঝটকা মেয়ে হাতটা সরিয়ে নিলে ঈশানী।

ওদিকে এই দৃশ্য দেখে বজ্রাহতের মত দাঁড়িয়ে পড়েছিল সাতকড়ি। এতদিন ঘর করছে ও ঈশানীকে নিয়ে। এমন করে উচ্ছ সিত হয়ে হাসতে দেখে নি ও ঈশানীকে কোনদিন। অনুরাগের স্পর্শ পেয়ে খুশী উপচে পড়ছিল যেন মুখ-চোখ দিয়ে। শুধু তাই নয়। ঈশানীর হাতখানা গোবিন্দর মুঠোর মধ্যে ছিল একটু আগে—স্বচক্ষে দেখেছে ও।

হঠাৎ লিকলিকে মানুষটা হাড়ে মজ্জার কঠিন হয়ে উঠেছিল নিমেঘের মধ্যে। দেহে-মনে শিরায়-স্নায়ুতে আগুন জ্বলে উঠেছিল বুঝি বা দাউ দাউ করে। কলাগাছ-কুঁচোনো ধারালো কাস্তেখানা দাওয়ার ওদিক থেকে সাজ্বাতিক কিছু ইঙ্গিত করেছিল সম্ভবতঃ। নির্ঝাঁক সাতকড়ি দাওয়ার উঠে কাস্তেখানা তুলে নিয়ে প্রায় বিজ্ঞাত-গতিতে ঝাঁপিয়ে পড়েছিল ঈশানীর উপর। ধড় থেকে ঈশানীর মুণ্ডটা বিচ্ছিন্ন হয়ে যেত আর একটু হলেই। অদ্ভুত গোবিন্দর ক্ষিপ্ৰকারিতা। সাতকড়ির হুটো হাতই মুচড়ে ধরেছিল মুহূর্তের মধ্যে। বাহাতের কজির কাছটায় কেটে গিয়েছিল ঈশানীর। সাদা শাড়ীর খানিকটা আবস্ত হয়ে উঠেছিল শুধু। তারপর থণ্ড-যুক্ত। লিকলিকে রোগা মানুষটার শরীরে যে এত ক্ষমতা ছিল তা জানা ছিল না ঈশানীর। সাজ্জোয়ান গোবিন্দ জান-কবুল ধস্তা-ধস্তি করেও সাতকড়ির হাত থেকে কাস্তে ছাড়াতে পারে নি। ঈশানীর গায়ের রক্ত দেখে গোবিন্দরও মাথায় খুন চেপে গিয়েছিল সেদিন। লিকলিকে মানুষটাকে মাটির উপর চেপে ধরে সব শেষ করে দেবার জন্তে সে কি নির্মম প্রয়াস! প্রাণপণ বলে কাস্তের ডগাটার উপর চেপে ধরেছিল ও সাতকড়ির কাঁধের কাছটা। দেহের মধ্যে কাস্তের মুখ ইফিখানেক বসতেই সাতকড়ি কেমনভাবে যেন গেড়িয়ে উঠেছিল এক বার। রক্ত দেখে আঁতকে উঠেছিল ঈশানী। আকাশ ফাটিয়ে আর্ন্তনাদ করেছিল বারকয়েক। তারপর দাঁড়িয়ে থাকতে পারে নি আর ঈশানী। হঠাৎ ঝাঁপিয়ে পড়ে হুই চোয়ালের সমস্ত শক্তি দিয়ে গোবিন্দর হাতের উপর কামড় বসিয়ে দিতে দিতে সংজ্ঞা হারিয়েছিল ও। জ্ঞান ফিরল যখন—প্রলয় তখন থেমে এসেছে অনেকটা। উঠানে পাড়ার লোক জড় হয়েছিল। প্রতিবেশিনী হারুর মা ওর মুখে মাথায় জল দিয়ে বাতাস করছে তখনো। গোবিন্দর হাতের রক্তের লোনা-স্বাদ লেগে রয়েছে তখনো দাঁতে-জিভে। সাতকড়িকে গরুর গাড়ীতে তোলা হয়েছে। বাঁচাতে হলে এখনি নিয়ে যেতে হবে তাকে ডিষ্ট্রিক্ট বোর্ডের হাসপাতালে। শুধু কাঁধ নয়—পাঁজরের কাছটাও তার কেটেছে অনেকখানি। পাড়ার হু'জন গেছে পুলিশে খবর দিতে। আর আসামী গোবিন্দ তার বুকের জালা খানিকটা মিটিয়ে উধাও হয়েছে কখন। ধরা যায় নি তাকে।

সে এই দিনই ডুবে মরতে যাচ্ছিল ঈশানী। বিকেল তখন। বাইরের পরিবেশ খানিকটা শান্ত হলেও—ভিতরের প্রলয় তখনও খামে নি। কাস্তে উঁচিয়ে সাতকড়ি কি ভাবে ঝাঁপিয়ে পড়েছিল ওর উপর তাই ভাবতে ভাবতে ঘড়া কাঁধে নিয়ে বেরুতে যাচ্ছিল ও। জল আনতে গিয়ে ফিরবে না আর রায়দীঘি থেকে। সংকল্প স্থির। ছেলেপুলে নেই ওর। সংসারে বাধন ওর যে মানুষটার সঙ্গে—তার জন্তে মায়া নেই আর একটুও।

পুলিসের লোক এসে শুধু ক্যাকড়া বাধিয়েছিল সেদিন। এজাহার দিতে দিতেই বিকেল গড়িয়ে গেল। তারা চলে যেতেই পাড়ার কে এক জন পবর আনলে সঙ্গে সঙ্গে—সাতকড়ির অবস্থা

ধাৰাণ। শেষ দেখা দেখতে চায় ঈশানীকে। এখনি যেতে হবে। মর্য আয় তাই হয় নি সেদিন। কিসের টানে কে জানে—চোখের জল মুছতে মুছতে হাকুর মার সঙ্গেই ঈশানী সেদিন হাসপাতালেই রওনা হয়েছিল।

তার পর পুরো দুটি বছর কেটেছে কিনা সন্দেহ। এর মধ্যে ঘটেছে অনেককিছু। মাসকয়েক জেল খেটেছে গোবিন্দ। কাঠ-গড়ায় দাঁড়িয়ে ঈশানী মায়া-দয়া করে নি কোনরকম। খোলসা করে জানিয়ে দিয়েছিল গোবিন্দর অপরাধের মূল কোথায়। সাজবাতিক আঘাত পেয়েছিল সাতকড়ি। কাটা যা নিয়ে ভুগেছিল তিন মাসেরও উপর। সেই থেকে লোকটা জখম হয়ে গেছে যেন চিরদিনের মত। একান্ত অমুগত হয়েছে এখন ঈশানীর। মাস-তিনেক ধরে অতিসারে ভুগে ভুগে দড়ি হয়ে গেছে যেন একেবারে। ভাল না বাসলেও মানুষটার উপর কেমন যেন একটা মায়া জন্মে গেছে ঈশানীর। পাঁচ বাড়ীর ধান ভেনে, গোয়ালের কাজ করে—কোনরকমে বাঁচিয়ে রেখেছে লোকটাকে। মাস দুই হ'ল উঠছে, হাঁটছে সাতকড়ি। হাতেও বেরুচ্ছে ঠুকঠুক করে। গাজনের দিন বুড়োশিবতলায় সাপ খেলাবে এবার। তারও ষোণাডষত্র কবছে আস্তে আস্তে। দু'তিনটে গোথরো কেউটে ধরে এনেছে ইতি-মধ্যে। পচ ধরে চালের খড়ের আর অস্তিত্ব নেই। ঠাই ঠাই গৌজা-গাজা দিয়ে গত বছর কেটেছে কোন রকমে। এ বর্ষায় যা হোক একটা 'পয়ার' করতেই হবে। গরুবাছুর, পেতল-কাঁসার বাসন—ঘুচেছে সব। মানুষটা দেহে একটু বল পাওয়ার সঙ্গে সঙ্গে স্বপ্ন দেখে এখন ঈশানী। সচ্ছলতার স্বপ্ন। গতর 'পেয়াই' করে খাটতে হবে না হয়ত আর তাকে এর-ওর বাড়ীতে। ঝাড়-ফুক তুক-তাকের জঞ্জ এক-আধজন আনাগোনা করতেও শুরু করেছে সাতকড়ির কাছে।

অপপ্রিয়মাণ মেঘের আড়াল থেকে কিন্তু সূর্যের প্রসন্ন হাসি ফুটল কৈ? দুষ্টগ্রহ দেখা দিয়েছে আবার আজ সকালে। গাজন হবে। ভাঙড়ভোলার বিয়ে কাল। বুড়োশিবতলায় যাত্রা হবে আজ রাতে। কাল সন্ধ্যায় মধুখালির নিমাই অধিকারীর দল এসে গেছে এখানে। তার সঙ্গে দু'কান-কাটা নিলজ্জ গোবিন্দটাও এসেছে। যাত্রা করার সখ ওর অনেক দিনের। পাইক-পেয়াদা সাজে বরাবর।

খুব সকাল সকাল আজ ঘোষালদের বাড়ীতে গোয়ালের কাজ সারতে যাচ্ছিল ঈশানী। বুড়োশিবতলা দিয়েই পথ। ফরসা ফরসা হচ্ছে সবে। কাকেরা আস্তানা ছেড়ে একটি-দুটি করে বেরুতে শুরু করেছে। যাত্রাদলের লোকেরা নাট-মন্দিরে গড়াগড়ি দিয়ে যুমুচ্ছে তখনো। মুখপোড়া গোবিন্দ যেন ওৎ পেতে ছিল পথের ধারে। পাশ কাটিয়ে যাচ্ছিল ঈশানী, কিন্তু পথ আগলে দুষ্টগ্রহ এমন করে দাঁড়াল যে না ধেমে আর পারলে না ঈশানী। বেহাষার মত হাসতে হাসতে বলেছিল গোবিন্দ, 'বকুলতলা দিয়ে আসছিস যখন—দূর থেকে চলন দেখেই আন্দাজ করেছি—আর কেউ নয়, তুই।' আবার একটু মুচকে হেসে বললে, আজ যাত্রা শুনে আসবি

ত ঈশানী? 'উত্তরা' বই হবে। আমি পাণ্ডবসেনা সাজব, ঠাউরে দেখিস একটু।

পাথরের মত কঠিন মুখ তুলে একবার চেয়েছিল ঈশানী গোবিন্দর পানে। গোবিন্দ চমকে উঠেছিল সে চাউনি, সে মুখ দেখে। সে ঈশানী নেই যেন আর। দেহে মনে পালটে গেছে যেন ঈশানী। বিশ্বয়ের সুরে বলেছিল, কি বিল্বী চেহারা হয়েছে যে তোর! বুড়ী হয়ে গেছিস যেন। বোনাই শালা খেতে দেয় না বুঝি?

কথা শুনে জলে উঠেছিল ঈশানী সঙ্গে সঙ্গে। বলেছিল, —আমার চেহারা নিয়ে তোর কি আসে যায় শুনি? পথ ছাড় না হলে চোঁচিয়ে লোক জড়ো করব এখুনি।

হাসতে হাসতে বলেছিল গোবিন্দ—তাতে শুধু অপবাদ বাড়বে তোর। আমার আর কি বল। ব্যাটাছেলে, গায়ে তো আর ফোঁকা পড়বে না। তুই পরের বউ। মাঝ থেকে কলঙ্ক রটেবে তোরই। বোনাই আবার এক হাত নেবে হয়ত তোকে।

গায়ে মাথায় আঙুন জলে উঠেছিল ঈশানীর হতচ্ছাড়া গোবিন্দর কথা শুনে। কিসে কার কলঙ্ক রটে সে জান হয়েছে এখন দিবি। সে ঘোকা নেই আর গোবিন্দ। হাজার হোক বয়স ত বাড়ছে।

গোবিন্দ কিন্তু থামে নি। মনের সব সোহাগ ঢেলে বলেছিল, তোকে শুধু একটা কথা বলব বলে দাঁড় করিয়েছি—মাইরি বলছি। গায়ে তোর হাত দেব না, ভয় নেই—বলে হঠাৎ উচ্ছসিত হয়ে ও বলেছিল অনেককিছু। কাল পল্টনে নাম লিখিয়েছি ঈশানী। মধুখালি আর ভাল লাগে না সত্যি বলছি। কেমন যেন ফাঁকা ফাঁকা ঠেকে। লড়াই বেধেছে জানিস ত। সেপাই হয়ে যুদ্ধে যাব। দেশ ছাড়িয়ে—কালাপানি পেরিয়ে—পিথিবীর একদিকে চলে যাব। লড়াইয়ে হাত পা যায় ত সরকার মাসোহারা দেবে—মেডেল দেবে। আর মরি ত আমার আর কাঁদতে কঁকাতে কে আছে বল?

অনাবশ্যক এ সব কথা। সম্পর্কের কেউ নয় গোবিন্দ যে, কান পেতে শুনেতে হবে এমন সব কথা। সাতপুরুষের 'নাউখোলা' ও। কঠিন হয়ে দাঁড়িয়ে বইল ঈশানী। পা বাড়াতো সাহস হ'ল না ওর। বিশ্বাস নেই গোবিন্দকে। এমন সময় প্রতিবেশিনী হাকুর মা এসে উদ্ধার করলে ওকে। হাটবার। বুড়ী সকাল সকাল হাটে যাচ্ছিল। গোবিন্দকে দেখেই চিনতে পারলে মুহূর্তে। ঈশানীর উদ্দেশ্যে বললে, গলায় দড়ি তোর বউ। বাস্তায় দাঁড়িয়ে সোহাগ করছিস মুখপোড়ার সঙ্গে।

পাশ কাটিয়ে সরে পড়ল গোবিন্দ। ঈশানীও হাঁপ ছেড়ে বাঁচল যেন। কিন্তু সে শুধু তখনকার মত। বুড়ী বিকালে সাতকড়িকে পথে ডেকে পাঁচ কাহন করে জানিয়ে দিলে বউয়ের কীর্তিকলাপ। তাই ভরসন্ধ্যাতেই স্বামী-স্ত্রীতে শুরু হয়েছিল আজ বচসা। মুখজ্যোমশায় নিজে এসে সাপ ধরার জঞ্জ ডাকাডাকি না করলে তড়িঘড়ি বা হোক একটা হেস্তনেস্ত করে ছাড়ত আজ সাতকড়ি। ব্রহ্মরক্ষ জলে উঠেছিল ওর আজ ঈশানীর মুখে মুখে চোপা করার ধরণ দেখে।

ঘণ্টা দেড়েক বাদে মুখোজোবাড়ী থেকে ফিরল সাতকড়ি। হাত নতুন হাঁড়ি একটা। মুখে তার সরা চাপা। তার মধ্যে সচরা গোপনো সাপটা মুহু গর্জন করে উঠল যেন একবার। নেশা করেছিল কি না সাতকড়ি কে জানে। একটিও বা কাড়লে না আর লোকটা রাতে। খেলে না কিছু। খাবার জন্তে অল্প দিনের মত অনুরোধও করলে না ঈশানী। অনেকদিন পরে ওরও ভেতরটায় চাপা আগুন ঝিক ঝিক করে জ্বলে উঠেছিল যেন। সাতপাঁচ কত কি ভাবতে ভাবতে একেবারে অধোরে ঘুমিয়ে পড়েছিল কখন ঈশানী দাওয়াতেই। ঘুম ভাঙল হঠাৎ। প্রহর ডাকছিল তখন শিয়ালগুলো একেবারে নিকটেই। উঠে দেখলে চারদিক। কেবো-সিনের ডিবেটা অনাবশ্যক জ্বলে জ্বলে নিবে গেছে কখন। মাহুঘটা দাওয়ায় নেই। এত রাতে গেল কোথায়। ঘরে ঢুকে দেশলাইয়ের কাঠি জ্বাললে একবার ঈশানী। না—বিছানাতে নেই সাতকড়ি। তবে কি যাত্রা শুনেতে গেল বুড়োশিবতলায়। তাই হবে। আবার দেখলে ঘরের এদিক-ওদিক। নতুন সাপের হাঁড়িটাই বা গেল কোথায়।... একটা পেঁচা বিকট সুরে ডেকে উঠল ছাতিমগাছের মাথায়। কি এক অজানা আশঙ্কায় বুকটা ওর কেঁপে উঠল একটু, অল্প ক্রীণজীবী মাহুঘটায় জন্তে মন কেমন করতে লাগল যেন।

আধ ঘণ্টার মধ্যেই ফিরল সাতকড়ি। দাওয়াতেই চাটাই বিছিয়ে মুড়িসুড়ি দিয়ে শুয়ে পড়ল তাড়াতাড়ি। ঈশানী কথা কইলে না একটাও। মাহুর বিছিয়ে ঘরের মেঝেয় শুয়ে পড়ল সে। কত কি চিন্তার ফাঁকে ঘুম এসে আচ্ছন্ন করেছিল আবার ঈশানীর দেহ মন। অনেক লোকের ডাকাডাকি হাঁকাহাঁকি শুনেই আবার তন্দ্রা ভাঙল ওর। সাতকড়িকেই ডাকাডাকি করছে সকলে। যাত্রার দলের একজনকে সাপে কেটেছে। সাজঘরের একধারে হোগলার বেড়া ঘেঁষে পা রেখে একটু গা এলিয়ে দিয়ে বিড়ি টানছিল লোকটা। গ্যাসের আলোটা আড়াল পড়েছিল নাকি সেদিকটায়। সাপটা যেন ওপর দিক থেকে পায়ে ঝাঁপিয়ে পড়ে ছোবল মেয়েছে। সাংঘাতিক বিবাক্ত সাপ। মাহুঘটা চলে পড়েছে। মুখ দিয়ে গাঁজলা ভাঙতেও সুরু করেছে। ধীর মন্ত্র গতিতে সাতকড়ি উঠে উঠানে নামল। ধরাধরি করে এনে শুইয়ে দিলে ওরা মাহুঘটাকে উঠানে ভুলসীতলার কাছে—যেখানটা রোজ নিকোয় ঈশানী নিপুণ বন্ধ দিয়ে। হারিকেনের আলোয় হঠাৎ মাহুঘটাকে দেখে ঈশানী যেন কাঠ হয়ে গেল। সাপে কেটেছে অল্প কাকেও নয়, মধুখালির গোবিন্দকে। সংজ্ঞা নেই আর তার তখন। বাঁধন পড়েছে দু-তিনটে পায়ের উপর। কামড়েছে একেবারে বুড়ো আঙ্গুলের শিয়ার। বুঝতে দেবি হ'ল না ঈশানীর যে এ কাজ কার। চরম প্রতিশোধ নিয়েছে আজ শয়তানটা সুযোগ পেয়ে।...

মধুখালির গোবিন্দর শৈশব-কৈশোরের নিত্যসঙ্গিনী সখিৎ হারিয়ে দাঁড়িয়ে বইল খানিকক্ষণ। কবে কোথায় কেন প্রথম ভাল জেগেছিল গোবিন্দকে—ভাসা ভাসা মনে পড়ল যেন ঈশানীর। কত ছোট তখন ওরা দুটিতে। আজও বেশ মনে পড়ে—সেই

ভাল লাগার ছোয়ায় কেমন করে ওর কিশোর-মনে বড় ধর্মে-ছিল একটু একটু করে। ফুলের কুঁড়ির ধীরে ধীরে রূপ-রস-গন্ধ-বিস্তারের মত—গোপন মনের সে এক অপরূপ বিকাশ-লীলা। অহুরাগের বড়ে রাঙানো দিনগুলো বড় করুণ ভাবে যেন অতীত ছবি মেলে ধরল চোখের সামনে। সাতকড়ির নাম ওর কচি-মমকে মোহ-গ্রস্ত, বিভ্রান্ত করেছিল একদিন। গোবিন্দর সঙ্গে ওর সখ্যক কিন্তু অবিচ্ছেদ্য। কোন্ অনাদিকাল থেকে এ সখ্যকের সুরু—কে জানে? অনন্ত ভবিষ্যতেও যেন এ সম্পর্কের ছেদ নেই। গোবিন্দ ওর জীবনের আলো বাতাসের সামিল। বৃকের গহনতলে অন্তঃশীলা ক্রীণশ্রোতা প্রেমধারা হঠাৎ যেন উচ্ছসিত হয়ে উঠল দুর্বীর আবেগে। ভুলে গেল ঈশানী যে সে আর এক জনের বিবাহিতা স্ত্রী। বধু-জীবনের সব সর্বমসঙ্কোচের খোলস খসে গিয়ে মধুখালির গোবিন্দর প্রাণের দোসর জেগে উঠল নতুন করে। ছির সঙ্কল নিয়ে সকলকার দৃষ্টিকে সচকিত করে ঈশানী এগিয়ে গেল গোবিন্দর কাছে। সাতকড়ি তখন তার অনিচ্ছার মন্ত্র—বিষহরির আঙ্কে—আউড়ে চলেছে ওস্তাদি কারদায়। 'গোবিন্দ, তোর কি সর্বনাশ হ'ল রে'—এমনি ধরণের একটা বুকফাটা চীৎকার মর্শ্মস্থল মধিত কবে বেবিয়ে আসতে গিয়ে হঠাৎ থেমে গেল। মুহূর্তে ভয়ঙ্করী হয়ে উঠল ঈশানী। সাতকড়ির দিকে অগ্নিদৃষ্টি হেনে বললে—সব শীগগির—শেষ করে ত এনেছ। লোকদেখানো ঝাড়কুঁকে আশ হবে না কিছু। সব বলছি।' বজ্রকঠিন নির্দেশের মত শোনালা যেন তা। মুহূর্তে বিলম্ব না করে কাণ্ডজ্ঞানহীনা নারী হঠাৎ তল্লাটের সেবা গুণীকে অবাক করে দিয়ে বুক পড়ল গোবিন্দর পায়ের ওপর। ক্ষত-স্থানটা দাঁত দিয়ে কেটে বড় করে দিলে খানিকটা। তার পর গোবিন্দর গায়ের রক্ত প্রাণপণে চুষে চুষে কেলতে লাগল ঈশানী মাটিতে। এমনি প্রক্রিয়ার সাপে-কাটা মড়া কবে কোথায় যেন বেঁচে উঠেছিল—এ ধরণের কথা শুনেছিল ঈশানী কার মুখে। হাঁ হাঁ—কবে চেঁচিয়ে উঠবার চেষ্টা করেছিল একবার সাতকড়ি। পাড়ার লোকও চেঁচাতে গিয়ে স্তম্ভিত হয়ে চেয়ে বইল শুধু। আধ ঘণ্টা ধরে কসরত করলে ঈশানী প্রাণপণে। জীবন দিয়ে জীবনসঞ্চায় করার সে কি মর্শ্মান্তিক প্রয়াস। যোমটাটা খসে পড়ল মাথা থেকে। কবরী খসে এলিয়ে পড়ল বেলী। অসম্ভূত দেহটার হাঁস বইল না আর স্থান কাল পাত্রেব। ধীরে ধীরে শিথিল হয়ে এল স্নায়ুবন্ধন। সাধনায় সিদ্ধি মিলল অপ্রত্যাশিত ভাবে। বিষহরি দেখা দিলেন বরদাবেশে। বিষ কখন ধীরে ধীরে সঞ্চারিত হয়েছিল ঈশানীর দেহের রক্তের মধ্যে। সংজ্ঞাহীন গোবিন্দর দেহের পাশে ঈশানীও চলে পড়ল আঙ্কে আঙ্কে—মির্কাক স্তম্ভিত সাতকড়ি উঠানের দৃশ্যপট থেকে চোখ তুলে চাইলে একবার আকাশের দিকে। নক্ষত্রখচিত স্বর্গীয় আকাশ যেন সন্নত হয়ে মাথার কাছে নেমে-এল অনেকখানি। একটা জলন্ত উষ্ম আকাশের দূর প্রান্ত থেকে বিজ্ঞাধেগে ছুটে এসে এ পাড়ার বাঁশবনের ঠিক মাথার কাছেই ছাই হয়ে বিলুপ্ত হয়ে গেল চিরদিনের মত।

জৈন গুরু নেমিনাথ

ডক্টর শ্রীবিমলাচরণ লাহা

নেমিনাথ জৈনদিগের দ্বাবিংশ তীর্থঙ্কর নামে খ্যাত। তীর্থ বা সম্প্রদায়ের প্রতিষ্ঠাতা বলিয়া তাঁহাকে তীর্থঙ্কর বলা হইত। তাঁহার অপর নাম ছিল অরিষ্টনেমি। কৃত্রিয় শিক্ষাগুরু এবং চিন্তাধারার প্রবর্তক নেমিনাথের বহু শিষ্য ও শিষ্যা তাঁহাকে সম্মান প্রদর্শন করিত। জৈনধর্মে বিশ্বাসী নেমিনাথ সর্বদা সত্যের উপলক্ষি করিতেন। তিনি ধর্মজ্ঞ ও গুণাচারী ছিলেন। তিনি সকল বন্ধন ছিন্ন করিয়া স্মৃণা দূর করেন। তিনি কঠোর নিয়ম পালন করিতেন এবং জগতের কাঁহাকেও আঘাত দেন নাই। তিনি জ্ঞানী, পরিশ্রমী, শান্ত এবং আত্মসংযমী ছিলেন এবং আত্মা সঙ্ক্ষে চিন্তা করিতেন। ক্ষুধা, তৃষ্ণা, অজ্ঞানতা, শৈত্য, তাপ প্রভৃতি দ্বাবিংশ প্রকার কষ্ট তিনি জয় করেন। তিনি পাপ-বিনিমুক্ত ছিলেন, আত্মাকে বশীভূত করিয়াছিলেন। চোঁর্য্য, মিথ্যা, কাম, মগ্ধপান ও প্রাণিহত্যা হইতে বিরত ছিলেন। তিনি মোহ, অহঙ্কার, শঠতা ও লোভ হইতে মুক্ত ছিলেন! কাম হইতে বিরত হইয়া তিনি মুক্তিলাভ করেন।

মৃত্যুর পর তীর্থঙ্করগণ নির্বাণলাভ করিতেন। তাঁহাদের সম্মানার্থ মন্দির স্থাপিত হইয়াছে এবং মন্দিরে প্রতিষ্ঠিত তাঁহাদের মূর্তিগুলি অদ্যাপি পূজিত হয়। জৈনগণ বলেন যে, তাঁহাদের ধর্ম অনন্ত ও সুপ্রাচীন। তাঁহাদের মতে মহাবীরের পূর্বে কমপক্ষে ২৩ জন তীর্থঙ্কর বিভিন্ন সময়ে আবির্ভূত হন এবং ইঁহারা জগতের মুক্তিলাভের জন্ম প্রকৃত ধর্মপ্রচার করিয়াছিলেন। চতুর্বিংশ তীর্থঙ্করের পূজা জৈনধর্মের একটি প্রধান নীতি। তীর্থঙ্করগণের মধ্যে ঋষভ, শান্তিনাথ, নেমিনাথ, পার্শ্বনাথ, ও মহাবীর হইতেছেন সর্বপ্রধান।

যমুনাতীরে শৌরিপুর নামক সুবিশাল নগরে সমুদ্রবিজয় নামে এক বিখ্যাত নরপতি বাস করিতেন। রাণী শিবাদেবীর গর্ভে অরিষ্টনেমি নামে একটি পুত্র জন্মলাভ করে। অরিষ্ট-নেমির এইরূপ নামকরণের মূলে ছিল যে, রাণী স্বপ্ন দেখেন—রিষ্ট প্রস্তরে নিমিত চক্রের নেমিগুলি আকাশমার্গে ধাবিত হইতেছে। গির্গার বা রৈবতক পর্বতে তাঁহার জন্ম হয়। তিনি বহু সদৃশ্যের এবং অপরিসীম জ্ঞানের অধিকারী। কঠোর ছিল সুমিষ্ট এবং তাঁহার দেহে ১০০৮টি সুলক্ষণ ছিল। তাঁহার গায়ের রং ছিল কাল। দেহটি বৃক্ষের মত বলিষ্ঠ এবং ইম্পাতের মত শক্ত। তাঁহার সুগঠিত দেহ বেশ

উচ্চও ছিল। রাজা সমুদ্রবিজয়ের সমুদয় উল্লেখযোগ্য রাজসুলক্ষণ ছিল। তাঁহার নয়টি কনিষ্ঠ ভ্রাতার মধ্যে সর্ব-কনিষ্ঠের নাম ছিল বসুদেব। বহু ধনবান নরপতি ও উচ্চ-বংশীয় ব্যক্তি তাঁহার রূপ ও সদৃশ্য দেখিয়া তাঁহার সহিত আপন কন্যাদের বিবাহ দেন। বসুদেবের বহু পত্নীর মধ্যে রোহিণী ও দেবকীর গর্ভে বলদেব ও শ্রীকৃষ্ণ জন্মগ্রহণ করেন।

শৌরিপুরের নিকটে মথুরা নামক একটি বৃহৎ নগরীতে কংস নামে এক রাজা রাজত্ব করিতেন। তিনি এত নিষ্ঠুর ছিলেন যে, তিনি তাঁহার পিতাকে পর্যন্ত কারাক্রম করেন এবং নানাভাবে নির্যাতন করেন। শ্রীকৃষ্ণ ও বলদেব কংসকে নিহত করিয়া রাজা উগ্রসেনকে সিংহাসনে বসাইয়া-ছিলেন। আপন জামাতা কংসের মৃত্যুতে শক্তিমান রাজা জরাসন্ধ অত্যন্ত ক্রুদ্ধ হন। তারপর উগ্রসেন সপরিবারে রাজ্যত্যাগ করেন। কাথিয়াবাড় পৌঁছিয়া সমুদ্রতীরে তিনি দ্বারকা নামে একটি বৃহৎ নগরী নির্মাণ করেন। শ্রীকৃষ্ণ এতই বলবান ছিলেন যে তিনি দ্বারকার রাজা হন। বৃহৎ অট্টালিকা ও মন্দির নিমিত হয় এবং বিপণি স্থাপিত হয়। এই নগরী সুন্দর দেখাইত। শ্রীকৃষ্ণের অস্ত্রাগারটি সর্বাপেক্ষা সুন্দর ছিল। একদা বন্ধুবর নেমিনাথের সঙ্গে বেড়াইতে বেড়াইতে কৃষ্ণ অস্ত্রাগারে আসেন। নেমিনাথ একটি শঙ্খ দেখিয়া বাজাইতে ইচ্ছুক হইলেন। দ্বাররক্ষকের অনুরোধ না শুনিয়াই তিনি জোরে শঙ্খধ্বনি করেন। ইহাতে সকলেই চিন্তিত হইল। শ্রীকৃষ্ণ বিস্মিত হইলেন। নেমিনাথ শঙ্খধ্বনি করিয়াছেন শুনিয়া তিনি তাঁহার শক্তি পরীক্ষা করিবার জন্ম তাঁহাকে দ্বন্দ্বযুদ্ধে আহ্বান করিলেন। নেমিনাথ এই আমন্ত্রণ গ্রহণ করিলেন বটে, কিন্তু প্রস্তাব করিলেন তাঁহার উভয়েই প্রতিপক্ষের প্রসারিত বাহু অবনত করিতে চেষ্টা করিবেন। নেমিনাথ কৃষ্ণের বাহু সহজে অবনত করেন কিন্তু কৃষ্ণ নেমিনাথের বাহু নোয়াইতে পারেন নাই। ইহা দেখিয়া কৃষ্ণ বিশ্বাস করেন যে নেমিনাথ তাঁহার অপেক্ষা বলশালী।

বিবাহের জন্ম মাতাপিতা কর্তৃক অনুরুদ্ধ হইয়া নেমিনাথ বলেন যে উপযুক্ত পাত্রী পাইলেই তিনি বিবাহ করিবেন। রাজা উগ্রসেনের সুন্দরী, ধর্মশীলা, ও সুলক্ষণা কন্যা রাজমতী একমাত্র উপযুক্ত পাত্রী বলিয়া বিবেচিত হয়। নেমিনাথের বিবাহের আয়োজন চলিল। সমগ্র নগরীটি সুসজ্জিত হইল।

রাজিমতী সুপুরুষ নেমিনাথকে দেখিয়া আনন্দিত হন ও আপনাকে ভাগ্যবতী বলিয়া মনে করেন। নেমিনাথ রত্ন-অলঙ্কারে বিভূষিত হইয়া সাদৃশ্যে উচ্চ সমারোহে রাজপ্রাসাদ হইতে বিবাহের জন্ত যাত্রা করেন। পথিমধ্যে বহু পিঞ্জরা-বদ্ধ এবং ভীত ও দুঃখিত প্রাণী দেখিয়া সারথিকে ইহার কারণ জিজ্ঞাসা করিলেন—কেন এতগুলি প্রাণীকে এভাবে রাখা হইয়াছে। সারথি বলিল, বিবাহ উপলক্ষে এই সব প্রাণী বহুলোকের খাদ্য যোগাইবে। এইরূপে বহু প্রাণী বধের কারণ জানিয়া তাঁহার হৃদয়ে দয়ার উদ্রেক হয়। তিনি ভাবিলেন—আমার জন্ত যদি এতগুলি প্রাণী নিহত হয়, তবে কিরূপে আমি পরজন্মে সুখলাভ করিব? তিনি সম্পূর্ণরূপে পরজন্ম বিশ্বাস করিতেন। অতঃপর তিনি সারথিকে অলঙ্কারাদি দান করেন এবং সংসার ত্যাগ করিতে মনস্থ করেন। তিনি দ্বারকা ত্যাগ করিয়া রৈবতক পর্বতে স্থিত সহস্রবন নামক উদ্যানে গমন করেন, এখানে মুনিব্রত গ্রহণ করিয়া মুক্তিলাভ করেন। যে মুহূর্তে চন্দ্র চিত্রা নক্ষত্রের সহিত মিলিত হয়, তখনই তিনি গার্হস্থ্য জীবন ত্যাগ করেন। তিনি তাঁহার কুঞ্চিত কেশগুচ্ছ ছিঁড়িয়া ফেলেন। জ্ঞান, বিশ্বাস, সদাচার, ক্ষমা, সম্যকজ্ঞান বৃদ্ধি করিতে তিনি উৎসুক ছিলেন। তাঁহার ভক্তবৃন্দ তাঁহার প্রতি সম্মান প্রদর্শন করিয়া দ্বারকা নগরীতে প্রত্যাবর্তন করেন।

মুক্তিজ্ঞান লাভের পূর্বে নেমিনাথ পার্থিব ব্যাপারে অনাসক্ত থাকিয়া ভিক্ষু হন। তিনি আত্মীয়গণের সহিত বন্ধুত্ব স্থাপন করিয়া ক্রমশঃ জনপ্রিয় হইয়া উঠেন। আহার ও পোষাক পরিচ্ছদে তিনি নিতান্ত সাদাসিদ্দে ছিলেন। সুখে ও দুঃখে তাঁহার তুল্য অনুভূতি ছিল। তিনি সর্বজনের হিতৈষী ছিলেন। তিনি যাহা বলিতেন সবই সত্য হইত। পবিত্র জীবন যাপনের জন্ত তিনি নানা স্থানে ভ্রমণ করিতেন। এই মুক্তিজ্ঞান লাভের লক্ষ্য ছিল—সত্যলাভ এবং সকল পার্থিব বিষয়ে পূর্ণ জ্ঞান লাভ।

জিন অরিষ্টনেমির ভিক্ষুব্রত গ্রহণের কথা শুনিয়া রাজিমতী শোকে অভিভূত হইলেন। তাঁহার সখীগণ এজন্ত তাঁহাকে দুঃখ প্রকাশ করিতে নিষেধ করেন এবং অচিরে তিনি তাঁহার উপযুক্ত স্বামী লাভ করিবেন, এ কথাও আশ্বাস দেন। কিন্তু রাজিমতী এরূপ অশুভ উক্তি উচ্চারণ করিতে বারণ করেন, কারণ নেমিনাথ তাঁহার স্বামী। তিনি অথ কখন পতি নির্বাচন করিবেন না এ কথাও জানাইয়া দেন। তিনি ভাবিতে লাগিলেন—‘ধিক আমার জীবনে, কারণ তিনি আমাকে পরিত্যাগ করিয়াছেন। আমার পক্ষে ভিক্ষুণী হওয়াই শ্রেয়ঃ’। এইরূপ স্থির করিয়া তিনি তাঁহার

কেশগুচ্ছ ছিঁড়িয়া ফেলিয়া সজ্জ যোগদান করেন। তিনি তাঁহার বহু আত্মীয় স্বজন, ভৃত্য, ও অপরাপর বহু ব্যক্তিকে সজ্জ যোগদান করিতে বলেন। তাঁহার রৈবতক পর্বতের দিকে গমনকালে বৃষ্টি আরম্ভ হইল। তাঁহার বস্ত্রাদি ভিজিয়া যাওয়াতে তিনি গুহায় প্রবেশ করিয়া অন্ধকারে অপেক্ষা করিতেছিলেন। তিনি তাঁহার বস্ত্রাদি ত্যাগ করিয়া নগদেহে রহিলেন। নেমিনাথের জ্যেষ্ঠ ভ্রাতা রথনেমি ইতিপূর্বেই গুহার মধ্যে অবস্থিতি করিতেছিলেন। রাজিমতীকে সেই অবস্থায় দেখিয়া তিনি তাঁহার নিকট কুপ্রস্তাব করেন। রাজিমতী তৎক্ষণাৎ তাঁহার প্রস্তাব প্রত্যাখ্যান করিয়া বলিলেন, ‘আমি ভোজরাজকন্যা আর তুমি অন্ধকবৃষ্টি। সদ্বংশে জন্মিয়া তোমার উচিত আত্মসংযমী হওয়া।’ রাজিমতীর এই উক্তি শ্রবণ করিয়া রথনেমি পুনরায় ধর্মে মতিস্থাপন করেন। চিন্তায়, বাক্যে, কর্মে সংযত হইয়া তিনি সারাজীবন আদর্শ ভিক্ষুর ব্রত পালন করেন। রাজিমতী ও রথনেমি উভয়েই কেবলিন অর্থাৎ সর্বজ্ঞ ও সর্বদর্শী হন এবং কঠোর নিয়ম পালন করিয়া কর্মের ধ্বংসসাধন করিয়া শ্রেষ্ঠ স্তরে উপনীত হন।

প্রত্যেক তীর্থঙ্করের একটি বিশিষ্ট লাহন বা চিহ্ন ছিল। নেমিনাথের চিহ্ন ছিল শঙ্খ আর বর্ণ ছিল শ্যাম। তিনি হরিবংশসম্ভূত ছিলেন। কথিত আছে, মহাবীরের নির্বাণ-লাভের ৮৪ হাজার বৎসর পূর্বে নেমিনাথ দেহত্যাগ করেন। গোমেধ ও অধিকা ছিল তাঁহার সহচর। ভদ্রবাহু-বিরচিত কল্পসূত্রের মতে, নেমিনাথ এক সহস্র বৎসর জীবিত ছিলেন। প্রভাসপুরাণ মতে তিনি ছিলেন একজন জিন এবং তিনি রৈবতক পর্বতে মুক্তিলাভ করেন। তিনি কুরু ও পাণ্ডব-দিগের সমসাময়িক ছিলেন।

মুক্তিজ্ঞান লাভ করিয়া নেমিনাথ জনগণকে এইরূপে শিক্ষা দেন—(১) সকলের সহিত বন্ধুত্ব করিবে ; (২) সদা সত্য ও সুমিষ্ট বাক্য বলিবে ; (৩) পরের দ্রব্য গ্রহণ করিও না ; (৪) শীল রক্ষা করিবে ; (৫) সর্বদা সন্তুষ্ট থাকিবে ; (৬) দয়াবান হইবে ; (৭) জীবনের চেয়ে ধর্মের মূল্য অধিক ; (৮) প্রয়োজন হইলে ধর্মের জন্ত জীবনদান করিবে।

নেমিনাথের উপদেশ শ্রীকৃষ্ণপ্রমুখ বহু ব্যক্তি পালন করেন। গৃহস্থ থাকিয়াও বহু নরনারী পবিত্র জীবন যাপন করিতে লাগিল। রাজিমতী পার্থিব বস্তুসমূহে উদাসীন থাকিয়া পবিত্র জীবন যাপন করেন। তিনি সম্পূর্ণভাবে নেমিনাথের উপদেশ পালন করিয়া অবশেষে মুক্তিলাভ করেন।

জগতের ভ্রাণকর্তা মুনিশ্রেষ্ঠ নেমিনাথ দ্বারবতী নগরীর

মধ্য দিয়া রেবতিকা উদ্যানে গমন করেন এবং অশোক বৃক্ষ-
তলে অবস্থিতি করেন। সেখানে আড়াই দিন উপবাস
করিয়া তিনি একখানি দিব্যবস্ত্র পরিধান করেন এবং এক
হাজার ব্যক্তির সন্মুখে মাথার চুল ছিঁড়িয়া ফেলিয়া ভিক্ষুব্রত
গ্রহণ করেন। দিগম্বরগণের বিশ্বাস যে অশ্রুত তীর্থঙ্করের
শ্রায় নেমিনাথ নগ্ন সাধু ছিলেন; তিনি নাকি ৫৪ দিন
শরীরের কোন যত্ন লন নাই। ইহার পর সাড়ে তিন দিন
নিরশ্রু উপবাস করিয়া তিনি একটি বেতসবুকের নীচে কেবল
জ্ঞান (শ্রেষ্ঠজ্ঞান) লাভ করেন। বিবিধতীর্থকল্পের মতে,
তিনি মিথিলায় শুধু প্রব্রজ্যা গ্রহণ করেন নাই, শ্রেষ্ঠজ্ঞান
লাভ করেন।

গির্গার পর্বতচূড়ায় অবস্থান করিয়া নেমিনাথ দুইটি যুগের
প্রবর্তন করেন : একটি বংশসম্পর্কীয় যুগ, অপরটি মানসিক
অবস্থা সম্পর্কিত যুগ। তিনি তিন শত বৎসর রাজপুত্র,
সাত শত বৎসরের কম কেবলিন, পূর্ণ সাত শত বৎসর
ছিলেন শ্রমণ এবং ৫৪ দিন শ্রেষ্ঠ স্তরের নিয়ে অবস্থিতি
করিতেছিলেন। রাজকুমার গৌতম সংসার ত্যাগ করিয়া
নেমিনাথের সাহায্যে জৈন ভিক্ষু হন। বারবাই নগরীতে
নেমিনাথ উপস্থিত হইলে মল্লকী, উগ্র, ভোজ, কত্রিয় ও
লিচ্ছবিগণ তাঁহাকে সাদরে সম্বর্ধনা করেন। জীবন উদ্যানে
অনিতের সহিত নেমিনাথের সাক্ষাৎ হয়। ব্রাহ্মণ সৌমিলের
উপর ক্রোধ পোষণ না করিতে নেমিনাথ কৃষ্ণকে অনুরোধ
করেন। আপন স্বশ্রু দেবকীর শ্রায় রাণী পদ্মাবতী অরিষ্ট-
নেমি বা নেমিনাথের পূজা করিতেন। দ্বারবতীর ধ্বংস
কিরূপে হইবে এ কথা কৃষ্ণ জানিতে চাহিলে নেমিনাথ
বলিলেন যে বায়ু, অগ্নি এবং দ্বৈপায়ন—এই তিনটি ধ্বংসের
মূল হইবে। এই বাক্য শুনিয়া কৃষ্ণ যে ব্যথিত হইয়াছেন
তাহা নেমিনাথ বুঝিলেন। ইহার পর কৃষ্ণ কি ভাবে
মৃত্যুমুখে পতিত হইবেন এবং কোথায় তাঁহার আবার জন্ম
হইবে, এ বিষয়ে জানিতে উৎসুক হইলেন। নেমিনাথ
ইহার উত্তরে বলিলেন, দ্বৈপায়নের ক্রোধে, অগ্ন্যংপাতে ও
যাদবগণের মদ্যপানের দরুন দ্বারবতী ধ্বংস হইলে, কৃষ্ণ
বলরামসহ দাক্ষিণাত্যে পাণ্ডু মথুরায় গমন করিবেন। সেখানে
তিনি যুধিষ্ঠিরপ্রমুখ পাণ্ডবগণের সমক্ষে কুশাধবনে বটবৃক্ষ-
তলে এক প্রস্তরখণ্ডের উপর পীতবস্ত্রে দেহ আচ্ছাদিত
করিয়া অবস্থিতি করিবেন। জরাকুমারের ধনু হইতে একটি
তীক্ষ্ণ শর তাঁহার বামপদ বিদ্ধ করিবে। এইভাবে তিনি
মৃত্যুমুখে পতিত হইবেন এবং পুনরায় নরকে জন্মগ্রহণ
করিবেন। অতঃপর ভারতবর্ষে জম্বুদ্বীপে পুণ্ড্রকেন্দ্রে
শতদ্বার নগরে তাঁহার পুনর্জন্ম হইবে। তিনি দ্বাদশ জিন
হইবেন। এই ভবিষ্যদ্বাণীতে কৃষ্ণ সন্তুষ্ট হন।

দ্বারবতী নগরীর আগ্রহ ধ্বংসের কথা জাবিয়া কৃষ্ণ
সকলকেই সংসার ত্যাগ করিয়া অরিষ্টনেমির সাজে
যোগদান করিতে বলেন। তাঁহার অনুরোধে পদ্মাবতী-
প্রমুখ তাঁহার রাণীগণ এবং যুবরাজ শাষের দুইটি স্ত্রী ভিক্ষুণী
হন এবং ধর্ম পালন করিয়া মুক্তিলাভ করেন।

জৈন সাহিত্যে কৃষ্ণ কাহিনীর এরূপ বর্ণনা আমরা
পাই। ব্রাহ্মণ ও বৌদ্ধ সাহিত্যে যে বর্ণনা আছে তাহার
সহিত ইহার কয়েকটি বিষয়ে সাদৃশ্য দেখা যায়। জৈন
উপাখ্যানগুলির উদ্দেশ্য—দ্বাবিংশ তীর্থঙ্কর অরিষ্টনেমির
প্রভাবে সমগ্র যাদব বংশ মুক্তি পাইয়াছিল এ বিশ্বাস
স্থানীয় লোকদিগের মনে আনিয়া দিয়া পশ্চিম ভারতে জৈন-
ধর্মের জনপ্রিয়তা আনয়ন করা। উপনিষদের মতে, কৃষ্ণ
ধোর আদ্বিরসের ধর্মোপদেশ পালন করিয়া পার্শ্বিক বন্ধন
হইতে মুক্তি লাভ করেন।

জৈনধর্মের মতে, তৃষ্ণার্তকে জলদান (পানপুণ্য) করিলে
শ্রেষ্ঠ ফল পাওয়া যায়। সাধারণ ব্যক্তিকে অসিদ্ধ জল দিলে
ক্ষতি নাই, কিন্তু ভিক্ষুকে উত্তম জল অবশ্য দিতে হইবে।
রাজা শঙ্কর এবং তাঁহার স্ত্রী যশোমতী কয়েকজন তৃষ্ণার্ত
ভিক্ষুকে জলদান করেন। পরজন্মে ইহার পুণ্যফলে রাজা
এবং তাঁহার স্ত্রী নেমিনাথ ও সুরাষ্ট্রের রাজকন্যারূপে জন্মগ্রহণ
করেন। এ জন্মে তাঁহাদের বিবাহ স্থির হইলেও বিবাহ
হয় নাই। বিবাহদিবসে তাঁহারা ভিক্ষু ও ভিক্ষুণী হন এবং
পরে মুক্তিলাভ করেন। জৈনমতে বাক্যের দ্বারা অপরের
মনোভাব ক্ষুণ্ণ না করিলে পুণ্য অর্জন করা যায়।

দ্বারকার রাজা কৃষ্ণ একদা নেমিনাথকে ধর্ম প্রচার
করিতে দেখেন এবং তিনি অশ্রুভব করিলেন যে তিনি ভিক্ষু
জীবনের কষ্ট সহ করিতে পারিবেন না। তিনি প্রজাবর্গকে
জৈন ধর্ম গ্রহণ করিতে অনুরোধ করেন এবং তাহাদের পরি-
বারবর্গের ভার গ্রহণ করিবেন বলিয়া প্রতিশ্রুতি দেন।

নেমিনাথের ১৮টি গণ এবং ১৮টি গণধর ছিল। দিগম্বর-
দিগের মতে তাঁহার ১১টি গণ এবং বরদন্তের নেতৃত্বে ১১টি
গণধর ছিল। নেমিনাথের সঙ্ঘ বরদন্তের নেতৃত্বে ১৮,০০০
শ্রমণ, আর্য যক্ষ্মীর নেতৃত্বে ৪০,০০০ ভিক্ষুণী, নন্দের
নেতৃত্বে ১,৬৯,০০০ উপাসক, মহামুত্রতার নেতৃত্বে ৩,৩৬,০০০
উপাসিকা ছিল। দিগম্বরগণের মতে, তাঁহার এক লক্ষ
উপাসক এবং তিন লক্ষ উপাসিকা ছিল। এতদ্ব্যতীত
নেমিনাথের সঙ্ঘ অবধিগ্ঞানসম্পন্ন ৪০০ সাধু, ১৫,০০০
কেবলিন, আপনাদিগকে রূপান্তরিত করিতে সমর্থ এমন
১৫,০০০ মুনি, ১,০০০ মহাজ্ঞানী, ৮০০ অধ্যাপক, শেখরম্বে
মুনি ছিলেন এমন ১৬০০ ব্যক্তি এবং শ্রেষ্ঠ লাভ করিয়াছেন

এমন ১৫০০ শিষ্য ও ৩,০০০ শিষ্যাও ছিলেন। নেমিনাথ হরিবংশীয় ষাটশ সুবরাজগণকে জৈনধর্মে দীক্ষা দেন।

নেমিনাথের চতুর্বিধ কর্ম সমাপ্ত হইল এবং অবসপিণী যুগে হুংসমা-সুখমা কাল সম্পূর্ণ হইল। অতঃপর গ্রীষ্মের চতুর্থ মাসের একটি মধ্যরাত্রে চক্র চিত্রা নক্ষত্রে অবস্থিতি করিলে নেমিনাথ ৫৩৬ জন মুনির সহিত একমাস কাল নিরনু উপবাস করিয়া গির্গার পর্বতের চূড়াদেশে সর্বদুঃখ মুক্ত হইয়া নির্বাণ লাভ করেন।

নেমিনাথের বিরাট মন্দির কাথিয়াবাড়ের অন্তর্গত শক্রঞ্জয় নামক অন্ততম পবিত্র পর্বতে নিমিত হইয়াছে। প্রাচীন গিরিনগর বা গির্গার বর্তমানে জুনাগড় নামে পরিচিত। ইহা নেমিনাথের পুণ্যস্পর্শে পবিত্র। শ্রীনেমির পাদস্পর্শে পুত অবলোকন পর্বতচূড়া দেখিলে সমগ্র কামনা পূর্ণ হয়। বিবিধতীর্থকল্পের মতে গির্গার পর্বতোপরি অবস্থিত শ্রীনেমির মূর্তি পরে শিলাফলকের দ্বারা গঠিত হইয়াছিল। ইহা কাশ্মীর হইতে আনীত রত্নের দ্বারা অলঙ্কৃত ছিল। নেমিনাথের মুক্তি-প্রস্তর জগদ্বিখ্যাত। ছত্রশীলার নিকটস্থ বৈবতকগিরিতে নেমিনাথ দীক্ষিত হন। কেবলজ্ঞান লাভ করিয়া তিনি অবলোকন পর্বতশিখরে মুক্তিলাভ করেন। নেমিনাথের নিকট মুক্তিস্থানের কথা জানিতে পারিয়া কৃষ্ণ মুক্তিসাভের পর সিদ্ধবিনায়ক স্থাপন করেন। সৌরাষ্ট্রে এই পর্বতোপরি পশ্চিমদিকে নেমিনাথের একটি উচ্চ চূড়াযুক্ত

মন্দির আছে। পূর্বদিকে নেমিনাথের একটি মূর্তি প্রতিষ্ঠিত ছিল। গুর্জরদেশে জয়সিংহদেব নেমিনাথের একটি নূতন মন্দির নির্মাণ করেন। ১০৫২ খ্রীষ্টাব্দে সৌরাষ্ট্রের মণ্ডলিক নামে এক নৃপতি গির্গার পর্বতোপরি অবস্থিত নেমিনাথের মন্দিরটির সংস্কার করেন।*

* এই প্রবন্ধ প্রণয়নকালে নিম্নলিখিত পুস্তকগুলি হইতে আমরা সাহায্য পাইয়াছি—হেমচন্দ্রের অভিধানচিন্তামণি; মহাপুঙ্কচরিত্র; নেমিনাথস্মরণ; বৃহৎ হরিবংশ পুরাণ; নেমিনাথচরিত্র; নেমিদূত; নেমিনির্বাণ; ত্রিবিধতীর্থকল্প; পুঙ্কচরিত্র; হরিবংশ পুরাণ; প্রভাস পুরাণ; কল্পসূত্র; উত্তরাখ্যায়ন সূত্র; অশ্বকৃতদমাঙ্গ; অশ্বগুডদমাঙ্গ; অশ্বগুণববাইয়দমাঙ্গ; বিবিধতীর্থকল্প; আচারঙ্গ সূত্র; দশবৈকালিক সূত্র; ব্রহ্মপুরাণ; ইসীভাসিয় সঙ্গহনী M. Stevenson, Notes on Modern Jainism; Indian Antiquary XXXII; Cambridge History of India, Vol. I; Shah Jainism in Northern India; Winternitz, History of Indian Literature, Vol. II; H. R. Kapadia, A History of the Canonical Literature of the Jainas; J. C. Jain, Life in Ancient India as depicted in the Jain Canons; G. Buhler, The Indian Sect of the Jainas; H. R. Kapadia, The Jain Religion and Literature, Vol. I; Hastings, Encyclopaedia of Religion and Ethics, Vol. VII; Stevenson, Heart of Jainism; Jain Sutras, S.B.E., Pt. II; Law, Some Jain Canonical Sutras; Law, Mahavira—His life and teachings.

মহিলা-সংবাদ

প্রবাসী বাঙালী ছাত্রীর কৃতিত্ব

লক্ষ্মী-প্রবাসী প্রখ্যাতনামা ঐতিহাসিক ডক্টর শ্রীযুত কালিকারঞ্জন কানুনগো মহাশয়ের কনিষ্ঠা কন্যা, শ্রীমতী অঞ্জলি এই বৎসর ইউ-পি বোর্ডের আই-এ পরীক্ষায়, প্রায় ত্রিশ হাজার ছাত্র-ছাত্রীর মধ্যে অষ্টম স্থান অধিকার করিয়াছেন এবং ছাত্রীদের মধ্যে প্রথম স্থান লাভ করিয়াছেন। শ্রীমতী অঞ্জলি সৈতার বাজনায়াও বিশেষ পারদর্শিনী।



শ্রীঅঞ্জলি কানুনগো

আসা-বরদার

সমারসেট মন্

অনুবাদক : শ্রীবিমলকুমার শীল

নেভিল স্কোয়ারের সেন্ট পিটার্স গির্জার সেদিন বিকালে নাম-করণের অনুষ্ঠান, এলবার্ট এডওয়ার্ড ফোরম্যান আসা-বরদারের সেই পুরনো পোষাকটাই গায়ে চড়িয়েছিল। নূতন পোষাকটাকে সে কোন সংকার বা বিয়ের অনুষ্ঠানের জুতা (অভিজাত শ্রেণীর লোকেরা সেন্ট পিটার্স গির্জায়ই এসব করা বেশী পছন্দ করে) পরিপাটিভাবে ভাঁজ করে রেখে দেয়, সেটা দেখলে মনেই হয় না যে এটা আলপাকার জামা—মনে হয় বৃষ্টি ওটা ব্রোঞ্জ দিয়ে তৈরি। সেদিনের সেই সাধারণ দিনে এলবার্ট তার পুরনো পোষাকগুলির মধ্যে সবচেয়ে ভাল পোষাকটাই পরেছিল। এই পোষাক পরে তার বেশ আত্মপ্রসাদ অনুভব হয়, কেননা এই পোষাকেই তার কাজের চিহ্ন পরিস্ফুট হয়ে ওঠে। বাড়ী যাবার সময় যখন সে পোষাক খুলে ফেলে আলাদা জামা কাপড় পরে তখন তার নিজেকে যেন কেমন পরিচ্ছদবিহীন বলেই মনে হয়। সত্যিই সে পোষাকের খুবই যত্ন করে, নিজে হাতেই সে এসব ভাঁজ করে ইঞ্জি চালায়। প্রায় যোল বছর ধরে সে এই গির্জার বিশপের আসাধারী রূপে বহাল রয়েছে : এই যোল বছর ধরে অনেক গাউনই সে পেয়েছে, কিন্তু পুরানো হয়ে গেলেও কোন দিনই সে সেগুলি ফেলে দেয়নি—সমস্তই সে তার শোবার ঘরের পোষাকের আলমারীর ভিতর ব্রাউন কাগজে পরিপাটি করে মুড়ে রেখে দিয়েছে।

আসা-বরদার ধীরে শুরুর কাজ করে যাচ্ছিল। মার্কেল পাথরের তৈরি গির্জার পবিত্র জলাধারের উপরে কারুকার্য করা কাঠের ঢাকনাটা চাশা দিয়ে রেখে দিল, এক অধর্ষ বৃদ্ধার জুতা একটা চেয়ার আনু হায়েছিল সেটাকেও সে সরিয়ে রাখল। তারপর পুরোহিতের জুতা অপেক্ষা করতে লাগল। গির্জার বাসনপত্রের হিসাব তাকে বৃষ্টিয়ে দিলেই তার কাজ শেষ, তারপর সে স্বচ্ছন্দে বাড়ী যেতে পারে। কিছুক্ষণের মধ্যেই পুরোহিতকে বেদীর ওধার থেকে আসতে দেখে গেল। বেদীর সামনে এসে একবার হাঁটু গেড়ে বসলেন তারপর নেমে এলেন দর-দালানের উপর।

আসাধারী আপন মনেই গজগজ করতে লাগল, “আঃ, কি যে করছেন! আমার যে চা খাবার সময় হয়ে এল সেদিকে খেয়াল নেই!”

নূতন এসেছেন এই পুরোহিত। লাল টকটকে মুখ, চল্লিশ বছর প্রায় বয়স, খুবই উৎসাহী। কিন্তু এলবার্ট এডওয়ার্ডের এখনও পুরনো পুরোহিতের কথা স্মরণ হলেই মনে দুঃখ জাগে। আগের পুরোহিত ছিলেন সেকলে ধরণের। ধীর গম্ভীর উদাত্ত স্বরে তিনি ধর্মোপদেশ দিতেন, অভিজাত শ্রেণীর বজমনিদের বাড়ীর ভোঁজনের নিমন্ত্রণে প্রায়ই যেতেন। চার্চে যে যার কাজ ঠিকমত করুক এ অবশ্যই তিনি চাইতেন, কিন্তু তার জুতা কখনও

বৃথা হৈঁচৈ করতে না, নূতন পুরোহিতের মত প্রত্যেক ব্যাপারেই নাক গলাতেন না। বাই হোক, এলবার্ট এডওয়ার্ড এসবই সহ্য করে থাকত। বেশ অভিজাত পল্লীর মধ্যে সেন্ট পিটার্স গির্জার অবস্থান এবং এর বজমান-পল্লীর লোকেবাও খুব চমৎকার ভঙ্গলোক। নূতন পুরোহিত ইষ্ট এণ্ড থেকে এসেছেন, সেই জুতা তিনি এখানকার সজ্জা আচার-বাবহারে চট করে খাতস্থ হয়ে উঠবেন এটা আশা করা যায় না।

এলবার্ট এডওয়ার্ড আবার আপনমনেই বলে, “হঁ, যত সব ঝঞ্জাট! যাক, সময়ে আপনা থেকেই শিখবে।”

পুরোহিত খানিকটা এগিয়ে এসে এমন জায়গায় থামলেন যেখান থেকে উপাসনার সময়ের কণ্ঠস্বরের চেয়ে অল্পক্ষণেই আস-বরদারকে ডাকা যায়, তারপর ডাকলেন, “ফোরম্যান, তোমার সঙ্গে আমার একটু কথা আছে, একবার ভাঁড়ারঘরে এক মিনিটের জুতা আসবে?”

“আচ্ছা, শ্রাব।”

তার আসা পরাশ্রু পুরোহিত সেইখানেই দাঁড়িয়ে রইলেন, তারপর দু’জনেই গির্জার দালান ধরে হাঁটতে লাগলেন।

“আজকের অনুষ্ঠানটি চমৎকার হ’ল শ্রাব। একটা জিনিষ কি মজার, আপনি যখনই ছেলেটাকে কোলে নিলেন অমনি তার কান্না থেমে গেল।”

পুরোহিত স্মিত হান্তে জবাব দিলেন, “আমি এরকম ব্যাপার প্রায়ই লক্ষ্য করেছি। মোটকথা, এ বিষয়ে আমার বেশ ভালই অভ্যাস আছে।”

পুরোহিত যখন এলবার্ট এডওয়ার্ডকে নিয়ে ঘরে ঢুকলেন তখন ঘরের ভিতর চার্চের দু’জন পরিদর্শনকারী অধ্যক্ষকে দেখে এলবার্ট একটু আশ্চর্য হইয়ে গেল। এর আগে কোন দিন সে এদেরকে আসতে দেখে নি। তাঁরা মাথা নেড়ে তাঁকে অভ্যর্থনা জানালেন।

“নমস্কার শ্রাব, নমস্কার শ্রাব,” দু’জনেই এলবার্ট একে একে অভিবাদন জানাল।

এলবার্ট এডওয়ার্ড যতদিন ধরে এখানে কাজ করছে প্রায় ততদিন থেকে তাঁরাও এই গির্জার পরিদর্শক নিযুক্ত হয়ে আছেন এবং এরা দু’জনেই বয়স্ক ব্যক্তি। একটা স্ত্রী খাবার ঘরের টেবিলের উপর তাঁরা বসেছিলেন, পুরোহিতও তাঁদের মাঝখানে একটা খালি চেয়ারে বসে পড়লেন। পুরনো পুরোহিত অনেক বছর আগে এই টেবিলটি ইটালী থেকে আনিয়েছিলেন। এলবার্ট এডওয়ার্ড তাঁদের মুখোমুখি দাঁড়িয়ে আশ্চর্য হইয়ে ভাবতে লাগল কি ব্যাপার। অর্গানবাদক যে বেশ একটু গণ্ডগোলে পড়েছিল এবং তখনকার

ব্যাপারটিকে চাপাও দেওয়া গিয়েছিল সেই কথাটাই তার কেবলই মনে হতে লাগল। কিন্তু নেভিল স্কোয়ারের সেন্ট পিটার্স গির্জায় তে এককম কেলেকারী চলতে দিতে পারা যায় না। পুরোহিতের মুখে কেমন যেন একটি দৃঢ় সহানুভূতির রেখা চকচক করছে কিন্তু অপর দু'জনের মুখে বেশ একটু বিরত ভাব ফুটে উঠেছে।

আপনমনেই আসা-বরদার ভাবতে লাগল, “মনে হচ্ছে পুরুত যেন এদেরকে কি বুঝিয়ে এদেরকে দিয়ে কি একটা কথাতে চায়, কিন্তু এরা সে কাজটিকে যেন ঠিক পছন্দ করতে পারছেন না। ব্যাপারটি নিশ্চয়ই এই রকমের একটি কিছু হবে।”

কিন্তু এলবার্ট এডওয়ার্ডের ভাবলেশহীন মুখে মনের কথা কিছুই ফুটে উঠল না। সে শ্রদ্ধানত মুখেই দাঁড়িয়ে বইল, কিন্তু তার ব্যবহারের মধ্যে কোথায়ও দাসমনোবৃত্তি ছিল না। সে এই চার্চে ঢোকবার অনেক আগে থেকেই অনেক বড় বড় ঘরে কাজ করে এসেছে আর প্রত্যেক জায়গায় তার চালচলনও ছিল নিখুঁত।

প্রথমে এক বিরাট ব্যবসাদারের বাড়ীর চাকররূপে তার কাজের হাতেখড়ি হয়। এর পর সে ধীরে ধীরে চতুর্থ শ্রেণীর বরকন্দাজ থেকে প্রথম শ্রেণীতে উন্নীত হয়। তারপর এক লর্ডের বিধবা পত্নীর কাছে বছরখানেক ধরে একাকীই খানসামার সমস্ত কাজ করে। এর পরও এখানে এই সেন্ট পিটার্সে ঢোকবার আগেই এক অবসরপ্রাপ্ত রাষ্ট্রদূতের বাড়ী খানসামার কাজ করে, শুধু তাই নয়, সেখানে তার খবরদারিতে দু'জনকে কাজ করতে হ'ত। কৃশ, দীর্ঘকায় এই আসা-বরদারের মুখে গাঙ্গীর্ঘ্য ও মার্জিত রুচির ছাপ সুপরিষ্কৃত। তাকে দেখলে ঠিক ডিউক বলে মনে না হলেও, অস্তুতঃ কোন ডিউকের চরিত্রের অভিনেতা বলে অবশ্যই মনে হবে। কর্ম-দক্ষতা, দৃঢ়তা, আত্মপ্রত্যয় এসব গুণই তার আছে। তার চরিত্রের মধ্যেও কোন রকমের দোষ ছিল না।

পুরোহিত বেশ ধীরে-সুস্থেই তাঁর বক্তব্য আরম্ভ করলেন, “দেখ ফোরম্যান, তোমার সম্বন্ধে কিছু অপ্রিয় কথা বলবার আছে। তুমি এখানে অনেক দিন ধরেই আছ, আর আমার মনে হয় তোমার কাজে যে সবাই সন্তুষ্ট এ সম্বন্ধে পরিদর্শকগণও আমার সঙ্গে একমত হবেন।”

তত্ত্বাবধানকারী অধ্যক্ষগণ ঘাড় নেড়েই এই কথায় সায় দেন।

“কিন্তু সেদিন একটা বড় অদ্ভুত জিনিষ লক্ষ্য করলাম আর আমার মনে হয় তত্ত্বাবধানকগণকে এ বিষয়ে জানানো আমার কর্তব্য। ব্যাপারটা হচ্ছে, আমি বেশ আশ্চর্য হয়ে দেখছি যে তুমি না জান পড়তে, না জান লিখতে।”

আসা-বরদারের মুখে কিন্তু কোন রকমেরই বৈলক্ষণ্য প্রকাশ পেল না। শান্ত কণ্ঠেই জবাব দিল, “আগের পুরোহিতও এটা জানতেন স্মার। তিনি ত বলেছিলেন ওতে কিছু এসে যায় না। তিনি সব সময় বলতেন, এখনকার লোকগুলো লেখাপড়া নিয়ে যেন বড় বেশী বাড়াবাড়ি করে।

প্রধান তত্ত্বাবধানকটি বলে উঠিলেন, “এ ত বড় অদ্ভুত কথা শুনছি। তুমি কি বলতে চাও বোল বছর ধরে এই চার্চে আছ অথচ লিখতে পড়তে কিছুই জান না?”

“আমি বার বছর বয়স থেকেই চাকরি করতে চুকি স্মার। প্রথমেই এক রাধুনী আমাকে লেখাপড়া শেখাবার চেষ্টা করে। কিন্তু ও আমার ভালও লাগত না, নানান কাজের ঝগাটে বিশেষ সময়ও পেতাম না। তা ছাড়া কোন দিন লেখাপড়া শেখার দরকারও বোধ করি নি। আমি ত ভাবি ছোট ছোট ছেলেমেয়েরা যতক্ষণ পড়াশুনা করতে সময় নষ্ট করে ততক্ষণে তারা অনেক ভাল ভাল কাজ করে ফেলতে পারত।”

“কিন্তু তুমি কি জগতের খবরাখবরও জানতে চাও না? কোন দিন কাউকে চিঠি লিখতেও চাও না?” অপর পরিদর্শনকারীটি এবার প্রশ্ন করেন।

“না ছজুর। লেখাপড়া ছাড়াও আমার বেশ কাজ চলে যায়। এখন ত কাগজে যে সব ছবি বেরোয় তাই থেকেই বেশ বুঝতে পারি কি ঘটনা ঘটছে। আর চিঠি লেখবার পক্ষে আমার বৌ ভালই লেখাপড়া জানে, চিঠি লেখবার দরকার হলে তাকে দিয়েই লিখিয়ে নি।”

তত্ত্বাবধানক দু'জনে আসা-বরদারের দিকে একবার বিরতভাবে তাকিয়েই চোখ নামিয়ে নিলেন টেবিলের উপর।

“আচ্ছা বেশ ফোরম্যান, আমি এ বিষয়ে এদের সঙ্গে কথা বলেছি আর ব্যাপারটা যে বেশ অদ্ভুত এ সম্বন্ধে এরাও আমার সঙ্গে এক মত। নেভিল স্কোয়ারে সেন্ট পিটার্সের মত গির্জায় লেখাপড়া না জানা আসা-বরদার ত আমরা রাখতে পারি না।”

এলবার্ট এডওয়ার্ডের নীরব, পাংশু মুখ রক্তিম হয়ে ওঠে এই কথায়, অস্বস্তির সঙ্গে সঞ্চালন করতে থাকে তার পদধর কিন্তু মুখে সে কিছুই উত্তর করে না।

“ব্যাপারটা বোঝবার চেষ্টা কর, ফোরম্যান, তোমার বিরুদ্ধে আমার কোন রকম অভিযোগ নেই। তোমার কাজকর্ম তুমি বেশ ভালভাবেই কর। তোমার চরিত্র আর ক্ষমতা সম্পর্কেও আমার উচ্চ ধারণাই আছে। কিন্তু তোমার নিরক্ষরতার জন্ত হঠাৎ একটা কিছু বিপদ হয়ে যাবার ঝুঁকি ত আর আমাদের নেবার অধিকার নেই। নীতির দিক দিয়েই বল আর সাবধানতার দিক দিয়েই বল এ ব্যাপারে আমাদের দৃষ্টি দেওয়া দরকার।”

প্রধান তত্ত্বাবধানক জিজ্ঞাসা করলেন, “কিন্তু তুমি কি লেখাপড়া লিখে নিতে পার না, ফোরম্যান?”

“না স্মার, এখন ওসব আর পারব না। এখন যে আমি বুঝে নেই এ ত দেখতেই পাচ্ছেন। আর যখন ছোট থাকতেই আমার মাথায় ওসব কিছু ঢোকে নি তখন এখন যে কিছু লিখতে পারব সে আমার মনে হয় না।”

পুরোহিত আবার বলেন, “দেখ ফোরম্যান, আমরা তোমার উপর নির্ভর হতে চাই না। কিন্তু আমি আর পরিদর্শনকারী দু'জন

বিলে ঠিক করেছি যে, আমরা তোমাকে তিন মাস সময় দেব, তবে তার মধ্যেও যদি তুমি পড়তে বা লিখতে না পার তা হলে বোধ হয় তোমাকে কাজ ছাড়তে হবে।”

এলবার্ট এডওয়ার্ড এই নতুন পুরোহিতকে কোন দিনই পছন্দ করে নি। যখনই একে সেন্ট পিটার্সের ভার দেওয়া হয়েছে তখন থেকেই সে বলেছে লোকে খুব ভুল করেছে একে নিযুক্ত করে। উপাসনা-সভার আগের পুরোহিতের মত যে রকম লোক দরকার এ মোটেই সে রকম নয়।

আসা-বরদার তাই খজু হয়েই দাঁড়াল তাদের সামনে। সে তার নিজের গুরুত্ব বোঝে, এই জগতই সে কারও কাছে নত হয়ে থাকতে রাজি নয়। অকুণ্ঠভাবেই সে বলে, “হু:খিত স্মার, ওতে যে কিছু হবে তা আমার মনে হয় না। নতুন কিছু শেখবার বয়স আমার অনেক দিনই পেরিয়ে গেছে। এত বছর ধরে আমি লেখাপড়া না জেনেই কাটিয়ে এসেছি। এখন আমি নিজের গর্ক করতে চাই না—গর্ক করাটা কিছু গোঁববের নয়—কিন্তু এটুকু বেশ বলতে পারি জগবানের দরায় আমি যে কাজ পেয়েছি তা লেখাপড়া না শিখেও ভালভাবেই করে এসেছি। লেখাপড়া শেখবার চেষ্টাও করেছিলাম, কিন্তু শিখতে যদি পারতাম ত তখনই পারতাম।”

“কিন্তু ফোরম্যান, এ রকম অবস্থায় আমার মনে হয়, তোমাকে কাজ ছাড়তেই হবে।”

“আচ্ছা, বুঝেছি স্মার। তা আমার জায়গায় অন্য লোক পেলেই খুশী মনে আমি কাজ থেকে বিদায় নেব।”

পুরোহিত ও তত্ত্বাবধায়কগণ চলে যাবার পরেই সে তার স্বাভাবিক অচঞ্চলচিত্তে চার্চের দরজা বন্ধ করে দেয় বটে, কিন্তু দরজা বন্ধ করার সঙ্গে সঙ্গেই তার তার এত দিনের অবিচলিত গাঙ্গীর্ঘ্য বন্ধ করতে পারে না। যে আঘাত সে পেয়েছে তারই বেদনায় ঠোট দুটি তার কোঁপ উঠে ধর ধর করে।

ধীরপদে সে ভাঁড়ার ঘরে ফিরে গিয়ে আসা-বরদাবের পোষাকটি ঠিক জায়গায় টাঙ্গিয়ে রেখে দিল। পুরানো দিনের সমারোহপূর্ণ সংকার ও বিবাহ উৎসবের কথা মনে পড়ে বুক ভেঙ্গে বেরিয়ে এল দীর্ঘশ্বাস। প্রত্যেকটি জিনিষ নিখুঁতভাবে সাজিয়ে রাখল সে। তারপর তার নিজের কোটটি পরে ও টুপিটি হাতে নিয়ে দালান ধরে বোরসে এল আস্তে আস্তে। চার্চের দরজায় তালা দিয়ে যখন বাগানের মধ্যে দিয়ে বেরিয়ে এল তখন তার মন গভীর বিবাদে অবসন্ন। চিন্তাগ্রস্ত মনে সে তার বাড়ীর পথ না ধরে এগিয়ে চলল আলাদা পথ দিয়ে। বাড়ীতে ফিরে গিয়ে চা খাবার কথা আর খেয়ালই রইল না। উদ্বেগবিহীনভাবে এগিয়ে যেতে লাগল ধীরে ধীরে।

এই রকম গুণগোলে যে পড়তে হবে এ সে কোন দিন ভাবতেও পারে নি। সেন্ট-পিটার্সের আসাধারীরা রোমের পোপের মতই আজীবন কাজ করে যায়। কাজ করতে করতে প্রায়ই সে, তার মৃত্যুর পরের প্রথম রবিবারের সাত্বক্ষণীভব সময় পুরোহিত

কি রকমভাবে পরলোকগত আসা-বরদার এলবার্ট এডওয়ার্ড ফোরম্যানের বিশ্বস্ততার ও চরিত্রের আদর্শ সবচেয়ে প্রশংসা করবে, তারই সুখসঙ্গে মগ্ন হয়ে যেত। আবার তার বুক ঠেলে বেরিয়ে আসে গভীর দীর্ঘশ্বাস। এলবার্ট এডওয়ার্ড সাধারণতঃ তামাক খেত না এবং অন্য কোন রকমের নেশাও ছিল না। অবশ্য এর কিছু কিছু ব্যতিক্রম ছিল, যেমন ডিনার খাবার সময় এক গেলাস বিয়ার পেলে সে খুশিই হ’ত এবং খুব যখন ক্লান্ত হয়ে পড়ত তখন এক-আধটা সিগারেটও টানত।

চলতে চলতে তার মনে হতে লাগল কেবল একটা জিনিষই তার মনকে এখন শান্তি দিতে পারে এবং তার সঙ্গে তা না থাকায় সে কাছেপিঠে কোন দোকান থেকে এক প্যাকেট গোন্ড ক্রেক কিনতে পারবে তার জন্ত চারদিক দেখে নিল। কাছাকাছি কোন দোকানই দেখতে পেল না। তার জন্ত আগিয়ে গেল খানিকটা। বেশ দীর্ঘ রাস্তা, অনেক রকমের দোকান রয়েছে সেই রাস্তার কিন্ত কোথাও একটা সিগারেটের দোকান নেই।

“আশ্চর্য্য ত,” আপন মনেই বলল এলবার্ট এডওয়ার্ড।

রাস্তাটা ধরে আরও খানিকটা এগিয়ে গেল সে, যদি ওধাবে কোন দোকান থাকে। নাঃ, সত্যিই কোন সিগারেটের দোকান নেই এ রাস্তায়। দাঁড়িয়ে পড়ল সে, এদিক-সেদিক চাইতে চাইতেই সে ভাবতে লাগল, “নিশ্চয়ই শুধু আমি নয়, আমার মত অনেক লোকই এই রাস্তা হাঁটতে হাঁটতে ক্লান্ত হয়ে পড়লে সিগারেট খেয়ে চাক্ষ হতে চায়। এখানে যদি কেউ তামাক আর কিছু মিষ্টির ছোট্ট একটা দোকান করে ত সে নিশ্চয়ই বেশ ভাল ভাবে দোকান চালাতে পারবে।”

হঠাৎ তার মাথায় একটা বুদ্ধি খেলে যায়।

আপন মনেই বলে, “হঁ, ঠিক হয়েছে, কিন্তু কি আশ্চর্য্য, যে জিনিষটা আশা করতে পারা যাচ্ছে না ঘটনাচক্রে তা কেমন আমাদের কাছে এসে যায়।”

এর পর সে বাড়ী ফিরে এসে বথারীতি চা পান করে।

তার স্ত্রী তাকে জিজ্ঞাসা করে, “এলবার্ট, তুমি আজ এত চূপচাপ কেন?”

“হঁ, ভাবছি একটা জিনিষ।”

ব্যাপারটাকে সে সমস্ত দিক দিয়েই বেশ করে ভেবে দেখে। পরের দিন আবার সেই রাস্তা ধরে হাঁটতে থাকে। ভাগ্যক্রমে তার মনের মতন ভাড়া করার ছোট দোকানও পেয়ে যায়। এর পর চব্বিশ ঘণ্টার মধ্যেই সে দোকানটা ভাড়া নিয়ে নেয়। নেভিল ফোরম্যানের সেন্ট পিটার্স গির্জা থেকে চিরতরে বিদায় নেবার পর প্রায় এক মাস কেটে যায়, এলবার্ট এডওয়ার্ড ফোরম্যান এখন একজন লক্ষপ্রতিষ্ঠ তামাক-ব্যবসারী ও সংবাদপত্রের ডিলার।

প্রথম প্রথম তার স্ত্রী সেন্ট পিটার্সের বিশপের দণ্ডধারী থেকে তামাক-ব্যবসারী হওয়ার জন্তে আক্ষেপ করত। কিন্তু এলবার্ট তাকে বুঝিয়েছিল সময়ের সঙ্গে তাল মেখেই সবাইকে চলতে হবে

মার তা ছাড়া চার্জের আগের সে গোরবও আর নেই, সেই জগৎ সে সময়ের মূল্য বুঝেই চলছে। এলবার্ট এডওয়ার্ডের ব্যবসা বেশ ভালই চলছিল এবং প্রায় বছরখানেকের মধ্যেই তার উপার্জনটা এমন হ'ল যে—সে আবার ভাবতে লাগল, ম্যানেজার রেখে আর একটা দোকান চালাবে কিনা।

সে এমন আর একটা রাস্তার খোঁজ করতে লাগল যেখানে কাছাকাছি কোন তামাকের দোকান নেই এবং এরকম রাস্তায় দোকান ঘর ভাড়া পাওয়া মাত্রই সে আবার একটা দোকান খুলে বসল। এটাতেও তার ব্যবসা বেশ লাভজনক ভাবেই চলতে লাগল। তখনই তার মনে হ'ল যখন সে দুটো দোকান চালাতে পারছে তখন আধ ডজন দোকানও চালাতে পারবে। তখন থেকেই তার আরম্ভ হ'ল লগুনের পথে পথে ঘুরে বেড়ানো এবং যেখানেই লম্বা একটানা কোন রাস্তায় একটাও তামাকের দোকান দেখতে পেত না সেখানে দোকানঘর ভাড়া পেলেই সঙ্গে সঙ্গে ভাড়া নিয়ে নিত। এই রকম করে দশ বছরের মধ্যে সে কমসে-কম দশখানা দোকানের মালিক হয়ে উঠল এবং দু'হাতে টাকা উপার্জন করতে লাগল। প্রতি সোমবারে সে নিজে এই সব দোকানে গিয়ে এক সপ্তাহের বিক্রীর টাকা নিয়ে এসে ব্যাঙ্কে জমা দিয়ে দিত।

এক দিন সকালে সে যথারীতি ব্যাঙ্কে এক বাণ্ডুল নোটের ভাড়া আর ব্যাগ-ভর্তি রূপোর মুদ্রা জমা দিচ্ছিল। সেই সময় ক্যাশিয়ার জানাল যে, ম্যানেজার তার সঙ্গে দেখা করতে চায়। ম্যানেজারের ঘরে তাকে নিয়ে যাওয়া হলে তিনি 'স্বাগত' করে তাকে অভ্যর্থনা জানালেন।

“মিঃ ফোরম্যান, আপনি আমাদের ব্যাঙ্কে যে টাকা জমা রেখেছেন তার সম্বন্ধেই দু'একটা কথা বলতে চাই। কত টাকা আপনি জমা রেখেছেন তা আপনি জানেন।”

“দু'এক পাউণ্ড নিশ্চয়ই নয়। বেশ মোটা টাকাই আমার জমা আছে।”

“আজকে সকালে যে টাকা জমা দিলেন সেটা ছাড়াই আপনার ত্রিশ হাজার পাউণ্ডের কিছু বেশী জমা আছে। জমা রাখার পক্ষে এটা বেশ মোটা টাকা। তাই আমার মনে হয় অগ্নি কিছুতে টাকাটা খাটালে আপনার ভালই হবে।”

“দেখুন মশাই, আমি কোনরকমের ঝুঁকি নিতে চাই না। আমার মতে ও টাকা ব্যাঙ্কে জমা থাকাই বেশ নিরাপদ।”

“কিছু ভাবতে হবে না আপনাকে। আমরাই আপনাকে কতকগুলো মোক্ষম সিকিউরিটির পথ বাৎলে দেব, তাতে করে আপনার কোন ক্ষতি হবার ভয় থাকবে না। আর তাতে এমনি ব্যাঙ্কে জমা রেখে যে সুদ পান তার চেয়ে ঢের বেশী সুদ পাবেন।”

মিঃ ফোরম্যানের অভিজাত মুখলীতে উৎকর্ষায় রেখা ফুটে উঠল। মুখে বলল, “দেখুন, ষ্টক শেয়ারের কারবার ত কোনদিন করি নি। ওসব করতে হলে আপনার হাতেই সব ভার দিতে হয়।”

ম্যানেজার শ্মিতহাস্যে বলল, “আমরা সবকিছুই করে দেব। কেবল এর পরের বার যখন আসবেন তখন কাগজপত্রে আপনাকে সই করে দিতে হবে।”

এলবার্ট সন্দেহভাবেই বলল, “সে আমি ঠিক করে দিতে পারব, কিন্তু কি ব্যাপারে সই করছি তা আমি কি করে বুঝব?”

এবার ম্যানেজার একটু তীক্ষ্ণকণ্ঠেই উত্তর দিল, “আপনি পড়তে জানেন নিশ্চয়ই।”

ফোরম্যান নিতান্ত অসহায়ের মত হাসল একবার।

“কিন্তু গুণ্ডগোলটা সেইখানেই যে—পড়তে আমি মোটেই পারি না। বেশ বুঝছি—আমার একথা শুনলে হাসবেন, কিন্তু সত্যি কথা বলতে কি, খালি নামটা সই করা ছাড়া লেখাপড়ার আর কিছুই জানি না, তাও ব্যবসা করুতে নেমেই নামটা সই করতে শিখেছি।”

ম্যানেজার বিস্ময়ে প্রায় চেয়ার ছেড়ে লাফিয়ে উঠলেন।

“এরকম অসাধারণ ব্যাপার আমি এই প্রথম শুনছি।”

“দেখুন মশাই, ব্যাপারটা হয়েছে কি গোড়ার দিকে আমি লেখাপড়ার কোন সুযোগই পাই নি। তারপর যখন অনেক দেরিতে সুযোগ এল তখন আমি গোয়ার্ড মি করেই শিখতে চাই নি।”

ম্যানেজার যেন কোন প্রাগৈতিহাসিক যুগের দানবের দিকে দেখছেন এই রকম ভাবে তার দিকে চেয়ে রইলেন।—“তা হলে কি আপনি বলতে চান যে, কিছু লেখাপড়া না শিখেই এই রকম একটা ব্যবসা ফেঁদেছেন আর তাতে করে ত্রিশ হাজার পাউণ্ডের ওপর রোজগার করেছেন? উঃ, কি আশ্চর্য! কিন্তু আপনি লেখাপড়া জানলে পবে এখন হতেন কি?”

মিঃ ফোরম্যানের অভিজাতাপূর্ণ মুখমণ্ডলে এতক্ষণে মৃদু হাসির রেখা ফুটে ওঠে। শ্মিতহাস্যেই সে জবাব দেয়, “সে আপনাকে অনায়াসেই বলতে পারি মশাই। তা হলে আমি সেন্ট পিটার্স গির্জায় বিশপের দণ্ডধারী হয়ে থাকতাম এখন।”



অমৃতাজন
সর্বপ্রকার বেদনায় 'আগবিক বোম্বার' ন্যায় কার্যকরী!

দাদের মলম
চর্ম রোগে 'পরমাণু শক্তির' ন্যায় কার্যকরী!
অমৃতাজন লিঃ-পোঃ বক্স নং ৩৮২৫-কলিকাতা ৭

স্বাগিতা: ১৮৯৬



'নাভানা'র বই

প্রকাশিত হ'ল
কমলা দাশগুপ্ত

বুকের
অঙ্গুর

দান্ তোন্ দান্ তোন্ ছেবি,
ম্যাগে ভিজ্যা Zায় লো,
লোডের মইছে দিয়া দান্
গাঙ্গুর গুঙ্গুর বাইগা আন্ ।

হিজলী জেল। বন্দিনী কিশোরী প্রকৃত্ত ব্রহ্ম পূর্ববঙ্গের গ্রাম্য ভাষায়
কমিক গান গাইছে : ধান যোগে দেওয়া আছে সামনেই, দেখতে-
দেখতে কালো মেঘ জমলো আকাশে, দিনস্ত কাঁপিয়ে এখুনি যেন বৃষ্টি
নেমে আসছে। নিভৃত্ত ভক্তিতে প্রকৃত্ত ভাড়াভাড়ি মাথায় কাপড়
উঠিয়ে দিয়েছে, কিন্তু কানের ওপিঠে সরিয়ে রেখেছে কাপড়টা, ক'বে
আঁচল জড়িয়েছে কোমরে, এখুনি বৃষ্টির আগেই যেন ধান ভানতে
বাঞ্ছা সে।...ইংরেজের জেলখানার দুঃসহ আবহাওয়ার এমনি কচিং
কৌতুকের মিষ্টি হাওয়া বইলেও তার নিম্ন পরিবেশ আঘাতের-
পর-আঘাত হেনে বিপ্লবীদের চিরে-চিরে মূন মাধিয়েছে। আর,
বিক্ষোভের তরঙ্গিত নেপথ্যে হিংস্র সমুদ্র যেন রাঙা ফেনার কেশর
ছুলিয়ে গর্জন করে করেছে দিনের-পর-দিন। ভারতীয় স্বাধীনতা-
আন্দোলনের অনেক অজ্ঞাত তথ্য সরস ও প্রাঞ্জল ভাষায় পরিবেশন
করেছেন বাংলার বিপ্লবী কল্পা কমলা দাশগুপ্ত। সাড়ে তিন টাকা।

শীঘ্রই প্রকাশিত হবে

অমিত্রভূষণ মজুমদারের নতুন উপন্যাস

নৌ ল ভুঁ ই য়া

প্রতিভা বসুর নতুন উপন্যাস

বিবাহিতা স্ত্রী

লেখিকার এই সর্বাধুনিক উপন্যাসের নামকরণ ইঙ্গিতময়। তাঁর
'মনের ময়ূর' উপন্যাসে বিস্মৃত্ত ও লাহিত প্রেম জরী হয়েছিলো, কিন্তু
'বিবাহিতা স্ত্রী'র আখ্যানবস্ত প্রেম হ'লেও তার স্বাধ ও সিদ্ধি বস্ত্র।
মনস্তত্ত্বের ধারালো বিশ্লেষণে, ভাষার চম্বিত সুস্বাদু এবং প্রকাশ-
রীতির অনন্ততার একখানি উজ্জ্বল উপন্যাস। সাড়ে তিন টাকা।

'নাভানা'

। নাভানা প্রিন্টিং ওয়ার্কস্ লিমিটেডের প্রকাশনী বিভাগ।

৪৭ গণেশচন্দ্র অ্যাভিনিউ, কলকাতা ১৩

আলোচনা

শ্রীচৈতন্য ও বাসুদেব সার্বভৌম

শ্রীউমেশচন্দ্র চক্রবর্তী

গত জ্যৈষ্ঠের 'প্রবাসী'তে শ্রীবীরেশ্বর গঙ্গোপাধ্যায় অঙ্কিত "শ্রীচৈতন্য
ও বাসুদেব সার্বভৌম" নামক রঙীন চিত্র মুদ্রিত হইয়াছে। চিত্রের ভঙ্গিতে
সার্বভৌম বাসুদেব ভট্টাচার্যের নিকট শ্রীচৈতন্যের বেদান্ত-শ্রবণের কাহিনী
সুপরিষ্কৃত। সার্বভৌম মহাশয়ের সঙ্গে মহাপ্রভু শ্রীকৃষ্ণচৈতন্যের মিলন
হয় পুরীতে যৌবনের মধ্যভাগে। তখন তিনি সন্ন্যাসীবেশ-পরিহিত দণ্ড-
কোপীনধারী এবং মুক্তিমস্তক। চৈতন্যভাগবত অস্ত্য ষণ্ড তৃতীয় অধ্যায়ে
সার্বভৌমের এই উক্তি আছে :

পরম সুবুদ্ধি তুমি হইয়া আপনে
তবে তুমি সন্ন্যাস করিলা কি কারণে ?

প্রত্যুত্তরে চৈতন্যদেব বলিয়াছেন :

প্রভু বোলে শুন সার্বভৌম মহাশয়।
'সন্ন্যাসী' আমারে নাহি জানিহ নিশ্চয় ॥
কৃষ্ণের বিরহে মুক্তি বিক্ষিপ্ত হইয়া।
বাহিরে হইলুঁ শিখাপ্ত মুড়াইয়া ॥
'সন্ন্যাসী' করিয়া জ্ঞান ছাড়ি মোর প্রতি।
কৃপা কর যেন মোর কৃষ্ণে হয় মতি ॥

চৈতন্যচরিতামৃতের (মধ্যলীলা ষষ্ঠ পরিচ্ছেদে) সার্বভৌমের এই উক্তি
পাওয়া যায় :

সহজেই পূজা তুমি আরে ত সন্ন্যাস।
অতএব জানিহ তুমি আমি তব দাস ॥

মহাপ্রভুর প্রত্যুত্তর—

শুনি মহাপ্রভু কৈল শ্রীবিষ্ণু স্মরণ।
ভট্টাচার্য কহে কিছু বিনয় বচন ॥
তুমি জগদগুরু সবলোক হিতকর্তা।
বেদান্ত পড়াও সন্ন্যাসীর উপকর্তা ॥
আমি বালক সন্ন্যাসী ভালমন্দ নাহি জানি।
তোমার আশ্রয় নিল গুরু করি মানি ॥

ভট্টাচার্য কহে ইহার প্রৌচ যৌবন।
কেমনে সন্ন্যাস ধর্ম হইবে রক্ষণ ॥
নিরন্তর ইহাকে আমি বেদান্ত শুনাব।
বৈরাগ্য অদ্বৈতমার্গে প্রবেশ করাব ॥

ভট্টাচার্য সঙ্গে তাঁর মন্দির আইলা,
প্রভুরে আসন দিয়া আপনে বসিলা ॥
বেদান্ত শ্রবণে এই সন্ন্যাসীর ধর্ম।
নিরন্তর কর তুমি বেদান্ত শ্রবণ ॥
প্রভু কহে মোরে তুমি কর অনুগ্রহ।
সেই সে কর্তব্য মোর যেই তুমি কহ ॥
সপ্তদিন পর্যন্ত ঐছে করেন শ্রবণে।
ভালমন্দ নাহি কহে বসি মাত্র শুনে ॥

সার্বভৌম গুরুর নিকট ধুবক সন্ন্যাসী-শিষ্যের এই বেদান্ত-শ্রবণ
সপ্তাহাধিককাল চলিয়াছিল। এই বিবরণ বিশদ বর্ণনা মহাপ্রভুর জীবন-
লীলাজাপক বহু গ্রন্থে সুস্পষ্টভাবে আছে। কিন্তু তৎসঙ্গেও চিত্রশিল্পী
বক্ষস্মণ চিত্রে মহাপ্রভুকে দীর্ঘকেশী, উপবীতধারী এবং বলয়পরিহিত
বালকের বেশে সান্ন্যাসীর চেত্না ফেন করিয়াছেন তাহা বুকিয়া উঠা যায় না।
চিত্ররচনায় সত্য ঘটনা বাহাতে বিকৃত না হয় সেদিকে দৃষ্টি রাখা দরকার।

ময়লার বীজাণু থেকে
প্রতিদিনই আপনার
অস্থির সম্ভাবনা
আছে



লাইফবয় মেখে এই
সব বীজাণু গুণে ফেলে
প্রতিদিন নিজেকে
রক্ষা করুন



লাইফবয় সাবান

প্রতিদিন ময়লার বীজাণু
থেকে আপনাকে রক্ষা করে

লাইফবয়ের "রক্ষা-
কারী ফেনা" আপ-
নার স্বাস্থ্যকে
নিরাপদে রাখে



পুস্তক পরিচয়

বেদান্ত দর্শন (অদ্বৈতবাদ : দ্বিতীয় খণ্ড)—ড শ্রী আশুতোষ ভট্টাচার্য শাস্ত্রী। কলিকাতা বিশ্ববিদ্যালয়। পৃ ৮+৪৪০। মূল্য ১০৮।

দার্শনিক সূক্ষ্ম বিচার বহু জাতির সারস্বত জীবনকে অগাপি সভ্যজগতে সংপথে পরিচালিত করিতেছে। ভারতবর্ষে যদুদর্শনের চর্চায় তাহা পরমোৎকর্ষ লাভ করিয়াছিল। মূলতঃ সংস্কৃত ভাষায় নিবদ্ধ যদুদর্শনের বিপুল গ্রন্থরাশি সম্যক অধিগত করা এখন প্রায় অসম্ভব হইয়া উঠিয়াছে। প্রখ্যাত দার্শনিক ও অধ্যাপক ড. শাস্ত্রী মহাশয় তাঁহার জীবনব্যাপী তপস্কার ফল বঙ্গভাষায় লিপিবদ্ধ করিয়া বাংলা সাহিত্যের দর্শন-বিভাগকে সমৃদ্ধির পথে প্রসারিত করিয়াছেন। এ জাতীয় বাংলা গ্রন্থের সংখ্যা অগাপি মুষ্টিমেয়। বর্তমান খণ্ডে অত্যন্ত দুর্লভগম্য প্রমাণরহিত বিশদভাবে এবং প্রাঞ্জল ভাষায় বিবৃত হইয়াছে। বেদান্তমতে প্রমাণসংখ্যা ছয়—প্রত্যক্ষ, অনুমান, উপমান, শব্দ, অথাপত্তি ও অনুপলক্ষি। অদ্বৈতমতে এই সকল প্রমাণের ব্যাখ্যা করিতে গিয়া শাস্ত্রী মহাশয় অত্যাশ্চর্য দর্শনেও তাঁহার গভীর পাণ্ডিত্যের পরিচয় দিয়াছেন এবং স্থলে স্থলে পাশ্চাত্য দর্শনের অভিন্নত্ব তুলনার জন্ত উদ্ধৃত করিয়াছেন। গ্রন্থশেষে স্তঃপ্রামাণ্যবাদ ও অপ্রমাণ-পরিচয় নিপুণভাবে লিপিবদ্ধ হইয়াছে। আমরা আশা করি, ভারতীয় দর্শনের মুকুটমণি অদ্বৈতবেদান্তের ভিত্তিস্থানীয় এই প্রমাণখণ্ড বাংলার প্রত্যেক

পাঠাগারে সংগৃহীত হইয়া প্রমাণশাস্ত্রব্যবসায়ী বাঙ্গালীজাতির প্রাণীক গোঁরবকে বিশ্বস্তির অঙ্গকার হইতে রক্ষা করিবে।

শ্রীদীনেশচন্দ্র ভট্টাচার্য

অর্ধেক ম'নবী তুমি—শ্রীদেবেশ দাস। জেনারেল পিষ্টার

এণ্ড পাবলিশার্স, ১১৯, ধর্মতলা ষ্ট্রীট, কলিকাতা। মূল্য তিন টাকা।

বইখানির নামের মধ্যে কাব্যোচিত সৌরভ থাকিলেও বইখানি কবিতা-পুস্তক নহে, পরন্তু একটি পূর্ণাঙ্গ উপন্যাস—যাহার অঙ্গে রঙ্গের মধু এবং বাঙ্গের কাঁটা উভয়ই আছে। ইংরেজীতে যাহাকে স্টাটার বলে অর্ধেক মানবী তুমি সেই শ্রেণীর উপন্যাস। বর্তমান যুগের বাঙালী-জীবনে যে-সকল দোষ এবং দুর্বলতা আছে, যাহা সব সময়ে আমাদের চোখে পড়ে না, লেখক সেগুলিকে পাঠক-চক্ষুর সম্মুখে টানিয়া আনিয়া প্রচলিত মামুলি ভঙ্গীতে কশাঘাত করেন নাই, পরন্তু কশাঘাতের চেয়েও ফলপ্রদ ভাবে তাহার কৌতুকের দিকটা লইয়া টানাটানি করিয়া রসসৃষ্টি করিয়াছেন। এ জিনিসটা সহজ নহে, কঠিন। গভীর রসের ঘন পৌঁছের মধ্যে অনেক ত্রুটি আপনা-আপনিই চাপা পড়িয়া যায়, কৌতুকরসের হালকা পৌঁছের কিন্তু সে আবরণ নাই; সেখানে তুলির পরিচ্ছন্ন টান না দিতে পারিলে সকলই ব্যর্থ। দেবেশচন্দ্র তুলিকার নিপুণ হস্তের পরিচয় দিয়াছেন।

'অর্ধেক মানবী তুমি' নূতন মালের আমদানি। এইরূপ কৌতুকশ্লেষাত্মক উপন্যাস বাংলা-সাহিত্যে যদিই বা দুই-একটি থাকে, সাংকট্যের অপ্রশস্ত ক্ষেত্রে তাহা একান্ত বিরল। এ জন্ত দেবেশচন্দ্র বাঙালী পাঠকের কৃতজ্ঞতা-ভাজন হইয়াছেন।

উপন্যাসখানির ঘটনাস্থাপন ও চরিত্র-অঙ্কনে লিপিকুশলতার পূর্ণ পরিচয় আছে। ভাষা সচ্ছ, সাবলীল এবং বর্ণনীয় বস্তুর ধর্ম অনুসারে কখনও চপল, কখনও চাপা।

শ্রীউপেন্দ্রনাথ গঙ্গোপাধ্যায়

এত ভঙ্গ বঙ্গদেশ তবু রঙ্গভরা—স্বপনবুড়ো। ওরিয়েন্ট বুক কোম্পানী, ৯, গোমাচরণ দে ষ্ট্রীট, কলিকাতা-১২। দাম দুই টাকা চার আনা।

নামেই প্রকাশ—এখানি কৌতুকগল্পপুস্তক। বইখানিতে সাহিত্য-সভা, হিট-পিকচার, পঞ্চাশরের পরাজয়, হৃদয়-দীর্ঘ, শারদীয় রস-সৃষ্টি, অবশেষে, বুদ্ধাং শরণং গচ্ছামি, প্রতিক্রিয়া, চিনে বাদাম, টোটকা, নবোদিত সিনেমা তাড়কার একদিন, ড্রপ ওঠার আগে প্রভৃতি ষোলটি গল্প আছে। স্বপনবুড়ো শিশু-সাহিত্য জগতে সুপরিচিত; তাই তিনি মুগ্ধবন্ধে প্রথমেই বলিয়া রাখিয়াছেন, গল্পগুলি বয়স্কদের জন্ত রচিত হইয়াছে, ছোটদের জন্ত নয়। গল্পের কোনটিতে ব্যঙ্গ, কোনটিতে বিদ্রূপ, কোনটিতে রঙ্গ, কোনটিতে পরিহাস প্রাধান্য পাইয়াছে। কিন্তু সবগুলি গল্পই কৌতুকের নয়। প্রথম গল্প 'সাহিত্য-সভা' সভাপতিত্বের মালা-লোভী সাহিত্যিক সম্পর্কে বিদ্রূপাত্মক রচনা। 'হিট-পিকচারে' পরলোকগত তিসির কারবারী পিতার উত্তরাধিকারী নব্য-যুবক ঝিলিকের সিনেমা-ব্যবসায়-বাতিকের পরিণাম প্রদর্শিত হইয়াছে। 'অবশেষে' গল্পে চিত্র-শিল্পী, সুর-শিল্পী, জুয়েলার, ইম্প্রেসারিও, চিত্রপরিচালক প্রভৃতিকে হতাশ করিয়া সুকণ্ঠী তরুণী গায়িকা বিখ্যাত লোহ-ব্যবসায়ীর কাণে মাল্যদান করিল। 'বুদ্ধাং শরণং গচ্ছামি' গল্পের সঙ্গে ছবিগুলি অত্যন্ত মানানসই হইয়াছে। 'হিন্দু-মুসলিম প্যাঙ্ক' গল্পের 'অভিনব প্যাঙ্ক'র অধি-

ডায়াপেসিন



ইউনিয়ন ড্রাগ
কলিকাতা

শারদীয় রস-সৃষ্টি
গুণ্ডন
তেজপূর্ণ করে

দিনে দিনে আরও নির্মল, আরও লাবণ্যেয় ত্বক্

ক্যাডিলিয়ুজ রেছোনা কে আপনার
জন্মে এই যাছুটি করতে দিন

রেছোনার ক্যাডিলিয়ুজ ফেনা আপনার
গায়ে আস্তে আস্তে ঘ'ষে নিন ও পরে
ধুয়ে ফেলুন। আপনি দেখবেন দিনে
দিনে আপনার ত্বক্ আরও কতো মসৃণ,
কতো কোমল হচ্ছে—আপনি কতো
লাবণ্যময় হ'য়ে উঠছেন।



রেছোনা

ক্যাডিলিয়ুজ একমাত্র সাবান

• ত্বকপোষক ও কোমলতাপ্রসূ কতকগুলি তৈলের বিশেষ
সংমিশ্রণের এক মালিকানী নাম



RP. 118-50 BG

রেছোনা প্রোপ্রাইটারী লিঃএর তরফ থেকে ভারতে প্রস্তুত

সন্ধি মহাত্মা গান্ধীও আজীবন তপস্যায় আরম্ভে আনিত পাবেন নাই। কিন্তু 'হৃদ-দীর্ঘ' গুঞ্জের জাত আলাদা। ইহাতে পরিহাস আছে বটে, কিন্তু তাহা নিয়তির নিষ্ঠুর পরিহাস। এইরূপ ভিন্নশ্রেণীর দু'একটি গল্প ছাড়া অল্পগুলি কোতুকরসমিত। পাঠকবর্গ বইখানি পড়িয়া রঙ্গ ও উপভোগ করিবেন, আবার ভঙ্গ বঙ্গদেশের চিত্রও দেখিতে পাইবেন।

অভিজ্ঞান শকুন্তলা—শ্রীকুড়ারাম ভট্টাচার্য্য এ. কে. সরকার এণ্ড কোং, ৩১, বঙ্কিম চ্যাটার্জি স্ট্রিট, কলিকাতা-১২। মূল্য তিন টাকা।

ইহা কাব্যে অভিজ্ঞান শকুন্তলা, নাটকের অনুবাদ নয়। কালিদাসের নাটকের গল্পাংশ এবং শব্দসম্পদ অবলম্বন করিয়া যে কাব্য রচিত হইয়াছে, তাহাতে লেখকের কৃতিত্ব আছে। কালিদাসের অপূর্ব নাটকখানি তিনি বিশেষরূপে আয়ত্ত করিতে পারিয়াছেন বলিয়া কাব্যে এরূপ স্বাচ্ছন্দ্য আসিয়াছে। রাজা দুঃশ্বস্ত যুগের অনুসরণ করিয়া কথমুনির আশ্রমে প্রবেশ করিয়াছেন,

অতি মনোরম মুনি-আশ্রম লতাগুণ্ডিতে ভরা,
মুহু গুণ্ডনে উঠে সামগান চিত্ত আকুল করা।
কাননে আজিকে একি আলোড়ন!

গঞ্জে মাতিছে দখিনা পবন ;
ঝরু ঝরু করে ফুলরেণুকণা শ্রামল দুর্ঝাদলে ;
ব্রাহ্ম হরিনী ঘুমায়ে রয়েছে বনতোমিগীর তলে।

দুঃশ্বস্ত-শকুন্তলার প্রথম সাক্ষাৎ,

প্রথম প্রেমের পরশ-মধুর-অপাঙ্গ-দিঠিপাতে—
হেরিল রূপসী বাঞ্ছিত জনে দক্ষ্যারি অভিনাতে।

সপ্তম সর্গে আছে,

নন্দন-ফুল-গঞ্জে আকুল মন্সাকিনীর পথে
ফিরিছেন রাজা দানব-বিজয়ী মাতলি-চালিত রথে।

লেখকের কবিত্ব আছে। কথাকাব্যের প্রবাহ সাবলীল। ছন্দের গতি কোথাও বাহত হয় না। শব্দ ও ছন্দের উপর অধিকার আছে বলিয়াই লেখক কালিদাসের নাটকে এইরূপ স্থললিত কাব্যে রূপান্তরিত করিতে পারিয়াছেন। বইখানি সুমুদিত। প্রাচ্ছন্দপট শিল্পী শ্রীপূর্ণচন্দ্র চক্রবর্তী অঙ্কিত। ভিতরেও ছবি আছে। রসজ্ঞ পাঠক "অভিজ্ঞান শকুন্তলা" কাব্যে কালিদাসের নাটকের আশ্বাদ পাইয়া আনন্দলাভ করিবেন।

শ্রীশৈলেন্দ্রকৃষ্ণ লাহা

অমর মিলন—ডাঃ শ্রীহরেশচন্দ্র বন্দ্যোপাধ্যায়। প্রকাশক শ্রীপকানন ভট্টাচার্য্য, ১, জয় ভট্টাচার্য্যের লেন, কলিকাতা-৪। মূল্য ১১০ টাকা।

১৯৪৬-এর অক্টোবরের পটভূমিকায় লেখক পূর্ববঙ্গের একটি গ্রামের চিত্র আঁকিয়াছেন। সেই সঙ্গে স্বদেশী-আন্দোলনের (১৯০৫) কিছু আভাসও দিয়াছেন। এই একটি গ্রামের মধ্য দিয়া গোটা পূর্ববঙ্গের প্রাক-স্বাধীনতা যুগের শোণিত-কলঙ্কময় ইতিহাস ফুটিয়া উঠিয়াছে। অতঃপর অসংখ্য বাস্তব্যাগীর দুঃখ-হৃদশা-বেদনার বহু সমস্তা ঘনাইয়া উঠিয়াছে; অভিজ্ঞ ও দরদী চিত্র লইয়া লেখক তাহার সমাধানের প্রয়াসও পাইয়াছেন। সেবাধর্মে যে সত্যকারের মানব-কল্যাণ নিহিত এই তত্ত্বটি তিনি গল্পের মাধ্যমে পরিবেশন করিয়াছেন। লেখকের উদ্দেশ্য মহৎ, কিন্তু কাহিনী-জগতের একটি দাবি আছে, সেটি তিনি পূরণ করিতে পারেন নাই। তাহার সৃষ্টি চরিত্রগুলি যে পরিমাণে আদর্শে উজ্জ্বল হইয়াছে—মাটির পৃথিবী হইতে সেই পরিমাণে দূরে সরিয়া গিয়াছে।

মশাল—শ্রীদিগ্লিচন্দ্র বন্দ্যোপাধ্যায়। জ্ঞানদাল বুক এজেন্সি, ১২, বঙ্কিম চ্যাটার্জী স্ট্রিট, কলিকাতা-১২। মূল্য ২২ টাকা।

১৯৫০ সনে বিভক্ত বাংলায় যে সাম্প্রদায়িকতা আত্মপ্রকাশ করে— 'মশাল' নাটকে তাহারই বিয়ক্রিয়া যথাযথভাবে চিত্রিত হইয়াছে। নাটকে সাধারণতঃ একটি কিংবা দুইটি চরিত্রের (নায়ক-নায়িকা) হৃদয়-ধন্দ্ব অথবা জীবন-সংগ্রামের কাহিনী নানা বিচিত্র মানুষ ও ঘটনার সংঘাতে জীবন্ত হইয়া উঠে। নাটকের মানুষগুলি হাসিকান্না, প্রেম-ভালবাসা, যুগা-নিষ্ঠরতা প্রভৃতির আবর্ত রচনা করিয়া নিজেরা পাক খায় ও দর্শকচিত্তকে অভিভূত করিয়া দেয়; মশালে কিন্তু ঘটনার বিস্তার নাই, পাত্র-পাত্রীর বাহুল্য নাই কিংবা হৃদয় মনস্তত্ত্ববিশ্লেষণের প্রয়াস নাই এবং লেখকের সবচেয়ে কৃতিত্বের কথা কোন ঘটনাকে সৃষ্টি করিয়া রস জমাইবার কৌশলও নাই। ভারত-বিভাগের পর সমগ্র দেশে সাম্প্রদায়িকতার যে বিয় ছড়াইয়াছে তাহারই সর্বনাশা রূপটিকে স্পষ্টতর করিবার জন্ত কয়েকজন দরদী শ্রমিক, দুই একটি প্রতিক্রিয়াশীল ধনিক, তাহাদের আশ্রিত গুণ্ডার দল, বিশ্বাসহস্তা দালাল, বিভ্রান্ত শ্রমিক এবং একটি মাত্র সর্ববিরক্ত নারীচরিত্র বাছিয়া লইয়াছেন লেখক। স্বল্প-পরিমার স্বল্পকালের ঘটনায় এই সজীব চরিত্রগুলি ভারত-বিভাগের অভি-শাপকে মুগ্ধ করিয়া তুলিয়াছে। ইহাদের মুখে বহু অপ্রিয় সত্য কথা লেখক বলিয়াছেন এবং বহু গলদ ও গভীর ক্ষতের প্রতি অঙ্গুলিনির্দেশও করিয়াছেন। যদিও ১৯৫০ সনের আধু ফুরাইয়াছে—যে সমস্তায় পীড়িত ছিল সেদিনের মুহূর্তগুলি, তাহার গুরুত্ব কতকটা হ্রাস পাইয়াছে হয়ত, কিন্তু পারস্পরিক সন্দেহ-অবিধাসের গাঢ় ছায়া হৃদয়ক্ষেত্র হইতে অপসারিত হইয়াছে কি? এই কল্পন দূরীভূত হয় নাই বলিয়াই এই ধরণের নাটক-রচনার প্রয়োজনও আজ ফুরায় নাই। অবশ্য অভিনয়েই নাটকের সার্থকতা। মশালের অভিনয় যদি সাময়িক উন্নততা ও বিভ্রান্তিকে জয় করিবার প্রেরণা যোগাইয়া জনচিত্তকে সুস্থ করিয়া তুলিতে পারে, তবেই নাটক রচনার সার্থকতা প্রতিপন্ন হইবে।

শ্রীরামপদ মুখোপাধ্যায়

গণতান্ত্রিক সমাজবাদ (বিংশ শতাব্দীর মধ্যভাগে জ্ঞান-বিজ্ঞানের সময়)—শ্রীঅশোক মেহতা। অনুবাদক—শ্রীঅমলেন্দু দাশগুপ্ত। প্রাচী প্রকাশন, কলিকাতা। পৃষ্ঠা ২২৪, মূল্য দেড় টাকা।

বিখ্যাত সমাজতন্ত্রী নেতা অশোক মেহতা ছাত্রগণের মধ্যে "গণতন্ত্রী সমাজবাদ" সংক্ষেপে নয়টি বক্তৃতা প্রদান করেন। বিষয়বস্তু—সমাজবাদের পটভূমি, সমাজবাদের রাজনীতি, সমাজবাদের অর্থনীতি, সমাজবাদ ও সংস্কৃতি। এই বক্তৃতাগুলিই বর্তমান পুস্তকে সন্নিবেশিত হইয়াছে। শ্রীঅম-

ডোল এণ্ড কোম্পানীর

দাদ ও কন্ডরের মলম

কিউটা-টোন পোড়া বেদমা ও চর্মরোগের জন্য

বিয় মলম খোস পাচড়া ও চুলকানীর জন্য

বরানগর
কলিকাতা ৩৫



জীবনে এমন চমৎকার রান্না আগে কখনও করিনি ...কিন্তু কি করে হোলো তা বুঝলাম না!



সবকিছুই অস্থিরের মতো ছিল। স্বামীর কিরণে দেবী, ছেলেরা হাত ধুতে গিয়ে মারামারি, ইতিমধ্যে ছোট বাচ্ছাটা আবার উঠে পড়লো। যাই হোক শেষ অবধি সবাই খেতে বসলো—খাবার পরিবেশন করলাম রোজকার মতই! হঠাৎ লক্ষ্য করে দেখি কারো মুখে কথাটি নেই, সবাই খেতে ব্যস্ত—হাপুশ হাপুশ শব্দে সবাই খেয়ে যাচ্ছে। নিজের চোখে বিশ্বাস করতে ইচ্ছা করছিল না—একি স্বপ্ন না সত্যি। কি এমন অসাধারণ কাজ করেছি যাতে এই পরিবর্তন হোলো? যে স্বামী, ছেলেমেয়েরা রান্না ভাল হয়নি বলে রোজ খুঁৎখুঁৎ করে, হঠাৎ তাদের আজ একি ব্যাপার? খাওয়া হ'য়ে গেলে ভাবতে বসলাম। বাজার নতুন কিছু কিনেছি বলে ত মনে প'ড়েছে না...তরিতরকারী, মাছ,...হ্যাঁ হ্যাঁ মনে প'ড়েছে, মনে প'ড়েছে একটা জিনিস শুধু নতুন কিনেছি বটে!

দোকানদারের পরামর্শে আজই সকালে বায়ুরোধক শীল-করা একটিন ডালুডা বনস্পতি কিনে তাতেই রান্না করেছি। দোকানদার বলেছিল বটে যে ভাজায়, রান্না করায়, মিষ্টি তৈরীর কাজে, এক কথায় সবরকম রান্নার পক্ষেই ডালুডা বনস্পতি আদর্শ। আরও বলেছিল ডালুডা সবরকম খাবারের স্বাদগন্ধ ফুটিয়ে তোলে। এতদিনে স্বামী আর ছেলেমেয়েদের ডালুডা বনস্পতিতে আমার

রাঁধা খাবার খাইয়ে যে খুসী করতে পেরিছি তা ভেবে আনন্দ হ'লো। ডালুডা বনস্পতি সবরকম রান্নার পক্ষেই উৎকৃষ্ট আর এতে



খাবারের দ্বাভাবিক স্বাদ-গন্ধ ফুটে ওঠে। রান্নার জন্তু খুচরো স্নেহপদার্থ কিনে বিপদ ডেকে আনবেন না। বনে রাখবেন খুচরো ও খোদা অবস্থায় দামী

জিনিসেও ভেজাল থাকতে পারে ও তাতে মশামতি ধুলোবালি প'ড়তে পারে। আর সেইরকম স্নেহপদার্থে তৈরী রান্না খেয়ে আপনার অস্থির বিষয় ক'রতে পারে। ডালুডা বনস্পতি সর্বদা বায়ুরোধক, শীল-করা টিনে তাজা ও খাঁটি থাকে। ডালুডা বনস্পতির পক্ষে ভাল আর এতে খরচও কম! কেন যখন বাজার করতে বেরোবেন ডালুডার কথা ভুলবেন না।

১০, ৫, ২, ১ ও ½ পাউণ্ড টিনে পাবেন।

ডালুডায় এখন ভিটামিন এ ও ডি দেওয়া হয়।

বিনামূল্যে উপদেশের জন্তু আজই লিখুন:

দি ডালুডা
এ্যাডভাইসারি সার্ভিস
পোঃ, বক্স নং ৩৫৩, বোম্বাই ১



HVM. 218-X62 BG

ডালুডা বনস্পতি

রাঁধতে ভালো - খরচ কম

প্রকাশ নারায়ণ ইহার ভূমিকা মিথিয়া দিয়াছেন। ধনতন্ত্রী ব্যবস্থার ব্যর্থতা আজ সর্বত্র স্বীকৃত হইয়াছে। যে সামাজিক এবং আর্থিক ব্যবস্থায় সকলের মঙ্গল সম্ভব নহে, আজিকার জগতে কোন সমাজকল্যাণকামী চিন্তাশীল ব্যক্তি সে সমাজ-ব্যবস্থাকে অন্ধভাবে মানিয়া লইতে ও সমর্থন করিতে পারেন না। সুতরাং নূতন কোন ব্যবস্থা গ্রহণীয় ইহাই প্রশ্ন। গণতন্ত্রের লক্ষ্য মানুষের কল্যাণ। মানুষের ব্যক্তিত্ব-বিকাশের জন্মই ইহা অত্যাবশ্যক।

— সত্যই বাংলার গোরব —

আগড়পাড়া কুর্টীর শিল্প প্রতিষ্ঠানের গণ্ডার মার্ক

গেঞ্জী ও ইজের সুলভ অথচ সৌখীন ও টেকসই।

তাঁই বাংলা ও বাংলার বাহিরে যেখানেই বাঙালী
সেখানেই এর আদর। পরীক্ষা প্রার্থনীয়।

কারখানা—আগড়পাড়া, ২৪ পরগণা।

ব্রাঞ্চ—১০, আপার সার্বকুলার রোড, দ্বিতলে, রুম নং ৩২,
কলিকাতা-২ এবং চাঁদমারী ঘাট, হাওড়া স্টেশনের সম্মুখে।

ব্যাঙ্ক অফ বাঁকুড়া লিমিটেড

সেন্ট্রাল অফিস—৩৬নং ষ্ট্রাও রোড, কলিকাতা

আদায়ীকৃত মূলধন—৫০০০০০ লক্ষ টাকার অধিক

ব্রাঞ্চঃ—কলেজ স্ট্রাওয়ার, বাঁকুড়া।

সেভিংস একাউন্টে শতকরা ২ হারে সুদ দেওয়া হয়।

১ বৎসরের স্থায়ী আমানতে শতকরা ৩ হারে হিসাবে এবং

এক বৎসরের অধিক থাকিলে শতকরা ৪ হারে

সুদ দেওয়া হয়।

চেয়ারম্যান—শ্রীজগন্নাথ কোলে, এম. পি.

টমাস হার্ডির জগদ্বিখ্যাত উপন্যাস

টোম

—এর বঙ্গানুবাদ শীঘ্রই বাহির হইতেছে।

বঙ্গভারতী গ্রন্থালয় .

গ্রাম—কুলগাছিয়া; পোঃ—মহিবরেশ্বর জেলা—হাওড়া

মানুষের ব্যক্তিসত্তাকে বিনষ্ট করিয়া মানুষকে বড় করা যায় না, কেবল নীতির দিক দিয়া অবশ্যস্বীকার্য। কিন্তু সাম্যবাদী বা কম্যুনিষ্টরা একনায়কত্ব প্রতিষ্ঠিত হওয়ায় কার্যতঃ মানুষের ব্যক্তিসত্তা বা ব্যক্তিস্বাধীনতার বিলোপসাধন করা হইতেছে। তথাকথিত সমষ্টির উন্নতির জন্ত সেখানে ব্যক্তি বা ব্যক্তিস্বাধীনতার বিনষ্ট হইতেছে। ফলে সেখানকার আপাত-দৃশ্যমান সকল উন্নতি কেবল বাহ্যিক, স্বতঃস্ফূর্ত নহে। সে উন্নতি স্বাধীন মানুষের দ্বারা হইতেছে না, হইতেছে মানুষ-বগ্ন দ্বারা। ইহা অনেকটা বন্দী-শালার শিল্পোৎপাদনের মত।

চিন্তাশীল নেতা অশোক মেহতা এই ব্যবস্থার প্রতিবাদ করিয়াছেন এবং বৈজ্ঞানিক বিশ্লেষণ দ্বারা দেখাইয়াছেন যে, গণতন্ত্রকে বজায় রাখিয়া সমাজ-তন্ত্রের প্রতিষ্ঠা সম্ভব। তাঁহার প্রত্যেকটি যুক্তি তিনি ঐতিহাসিক ও সম-সাময়িক ঘটনার আলোকে পরিষ্কার করিয়া বুঝাইতে চেষ্টা করিয়াছেন। অনেক সমসাময়িক ঘটনা সম্বন্ধে তিনি নিজের মতামত জোর করিয়া চাপাইয়া দিবার গোঁড়ামি দেখান নাই, পাঠককে নিজ নিজ সিদ্ধান্তে উপনীত হইতে বলিয়াছেন। কম্যুনিজম কেন ভারতীয়গণের গ্রহণীয় নহে এবং কি কারণে ইহা ভারতীয় প্রকৃতি ও সংস্কৃতির পরিপন্থী বক্তৃতাগুলিতে তাহা সুন্দররূপে ফুটিয়া উঠিয়াছে। বিষয়টি একপভাবে সুপরিষ্কৃত করা বিশেষ ক্ষমতার পরিচায়ক। নানা 'বাদ' বা 'ইজম' সম্বন্ধে আমরা পরস্পরবিরোধী মতবাদ শুনি, যুক্তি অপেক্ষা ভাবপ্রবণতা ইহাতে খুব বেশী থাকে। কিন্তু অশোক মেহতার রচনায় ভাবালুতার পরিবর্তে যুক্তি ও বিশ্লেষণের নৈপুণ্য যুক্তিবাদী পাঠকের আনন্দবর্ধন করিবে। এই পুস্তকপাঠে গণতান্ত্রিক সমাজবাদ সম্বন্ধে পাঠকের মনে সুস্পষ্ট ধারণা জন্মিবে। আমরা শিক্ষিত-সমাজে এই পুস্তকের বহুল প্রচার কামনা করি।

অনুবাদের দিক দিয়া পুস্তকখানিতে যৎসামান্য ত্রুটি যাহা আছে তাহা পরবর্তী সংস্করণে দূর করিলে বইখানি অধিকতর উপযোগী হইবে। অনেকগুলি ছাপার ভুল নজরে পড়িল।

শ্রীঅনাথবন্ধু দত্ত


মেঘলা আকাশ—শ্রীরামপদ মুখোপাধ্যায়। ইণ্ডিয়ান অ্যাসোসিয়েটেড পাবলিশিং কোং লিঃ, ৯৩, হেরিসন রোড, কলিকাতা-৭। মূল্য ২।০ আনা।

উপগ্রাস। হরিশ স্কুল মাস্টার। দরিদ্র কিন্তু উন্নত-চরিত্র আদর্শবাদী। গ্রামের একটি স্কুলে শিক্ষকতা-কার্য করেন। শিক্ষক-জীবনের আদর্শকে পূর্ণ-ভাবে পালন করিতে গিয়া আপন পরিবারবর্গকেও তিনি এক কঠিন জীবন-সংগ্রামের অংশীদার করিয়া লইলেন। কায়ক্বেশে দিন একই ভাবে চলিয়া যাইতেছিল। অকস্মাৎ জলিয়া উঠিল সমরানল। সে আগুনে পুড়িয়া গেল মানুষের সত্তা। সত্য, সুন্দর ও সুনীতির সমাধি-রচনা হইল। দেখা দিল অন্নকষ্ট—কটোয়াল। আর এই সুযোগে মূনাফালোভী দল সৃষ্টি করিল চোরাবাজার। দুর্নীতিতে দেশ ছাইয়া গেল। হরিশ বিস্মিত হইলেন—হৃদয়ে বেদনা অনুভব করিলেন। চতুর্দিকের নৈতিক অধঃপতনের মাঝখানে দাঁড়াইয়া অন্তর্দ্বন্দ্বের ক্ষতবিক্ষত এই আদর্শবাদী নিরোঁভ মানুষটি কতকটা বিহ্বল হইয়া পড়েন, তাঁহার মন বিদ্রোহী হইয়া উঠে। সেই বিদ্রোহের প্রকাশ ঘটে তার নানা আচরণ ও কাজের মধ্য দিয়া। নিজেকে বড় অসহায় মনে করেন হরিশ যখন তাঁরই হাতে গড়া প্রাক্তন ছাত্রদের মধ্যেও এই মারাত্মক ব্যাধির প্রকাশ দেখেন। ছেলের পড়াইতে তাঁর ভাল লাগে না। মন বলে, নিশ্চয় তাঁরা কর্তব্যচ্যুত হইয়াছেন। যেদিকে চোখ ফেরান সব অন্ধকার। সবটুকু আলো যেন মেঘের আড়ালে ঢাকা পড়িয়াছে। কিন্তু হরিশ মাস্টারের দৃষ্টি উর্দ্ধপানে নিবদ্ধ, আশা—যদি মেঘ কাটিয়া যায়। মোটামুটি ঘটনাটি এইরূপ।



দ্রুত-ফেনিল সানলাইট

না আছড়ে কাচলেও সাদাও ঝকঝকে করে দেয়



“দেখছেন, আমার তোয়ালে কত সাদা? কেন জানেন তো—সানলাইটে কাচা হ’য়েছে ব’লে। দ্রুত-ফেনিল সানলাইটের ফেনা ময়লা নিংড়ে বার করে দেয়। সানলাইট দিয়ে কাচলে আপনার কাপড়-চোপড় ঝকঝকে সাদা হ’য়ে যায়, তার কারণ সেগুলি ঝকঝকে পরিষ্কার হয় ব’লে।”



“স্নাতকের পর শরীর ঝুঁন ঝর-ঝরে বোধ হয় তেমন আর কিছুতে হয় না। তেমনি সানলাইট সাবানে কাচার মতন আর কিছুতেই রঙিন কাপড়-চোপড় অত ঝকঝকে হয় না। সানলাইটের সরের মতো ফেনা না আছড়ালেও ময়লা বের করে দেয় আর সানলাইটে কাচা কাপড় টেকেও আরও বেশীদিন।”



সানলাইট সাবান

কাপড় নাচায় • পরিশ্রম বাচায় • খরচ বাঁচায়

S. 221-X52 BG

ভায়তে প্রস্তুত

প্রতিকারের প্রবীণ ঔপচারিক ব্যবস্থার ব্যবহার পরিচয় নিম্নরূপে।
হমিষ্ট জামা, সুবন্ধ সজোপ, অপরূপ বর্ণনাকর্মী ও চিত্তাকর্ষক ঘটনা-বিবৃতি
উপস্থাপনায় অত্যন্ত সফলপ্রসারী করিয়া কুলিয়াছে।

কর্তব্যের বাধা সমস্তাপূর্ণ বাল্যকালে সর্বচেয়ে বড় সমস্যা দেখা দিয়াছে
শিক্ষকেরা—কি ছাত্রসমাজে, কি শিক্ষকসমাজে। সেখানে সংস্কার
আবশ্যক এবং এই অত্যাবশ্যক বিষয়ের উপর লেখক প্রচুর আলোকপাত
করিয়াছেন। পুস্তকখানি শুধু রসোত্তীর্ণ নয়, সমরোপযোগীও হইয়াছে।

আকাশ পাতাল—(প্রথম পর্ব)

২ (দ্বিতীয় পর্ব)

ঐশ্বৰ্য্যের ঘটক। ইন্ডিয়ান অ্যাসোসিয়েটেড পাবলিশিং কোং লিঃ,
৯০, হারিসন রোড, কলিকাতা-৭। মূল্য যথাক্রমে পাঁচ টাকা এবং সাড়ে
পাঁচ টাকা।

কলিকাতার এক অতি পুরাতন ধনী পরিবারে জন্মগ্রহণ করিয়াছে
কৃষ্ণকিশোর। বাল্যকালে পিতৃবিয়োগ ঘটায় মাতা কুমুদিনীর সতর্ক ও
সবদ্ব তত্ত্বাবধানে ধীরে ধীরে সে বাড়িয়া উঠিতে লাগিল। সংসর্গদোষে ছেলে
বিগড়াইয়া না যায় সেদিকে তাঁর প্রথম দৃষ্টি ছিল। ইহার কারণও ছিল।
প্রমোক্তর কার চাট্কারিকা, কানভাঙানি আর আত্মীয়-পরিজনদের শত্রুতাকে
তিনি অত্যন্ত ভয় করিতেন। কিন্তু কুমুদিনীর এত সাবধানতা শেষ পর্যন্ত
ব্যর্থ হইল।

পড়াশুনায় ছেলের মন নাই। গানবাজনা এবং অস্থায়ী বহুদিকে তার
আকর্ষণ বেশী। বাড়ীতে দ্বিলুপ্তানীর চূড়ান্ত, এই গভীর রাহিরে ভিন্ন সমাজের
মধ্যে কৃষ্ণকিশোরের অবস্থ সন্দেহ। মার নিষেধ সত্ত্বেও সে পিসিমার দুই
বখাটে ছেলে জ্বর আর পায়ার সঙ্গে গোপনে মেলামেশা করে। পিসিমার
চরিত্র কলুষহীন নহে। পিসেমশাইয়ের ত কথাই নাই। তিনি থাকেন
অস্ত্র। তাঁর সঙ্গে সাক্ষাৎ ঘটে মন্ত্র আবহাওয়া। পুত্রের গতিবিধির কথা মাতার
কর্ণগোচর হয়। তিনি শঙ্কিত হইয়া উঠেন। চোখ কান তাঁহার আরও
সজাগ হইয়া উঠে। কিন্তু কৃষ্ণকিশোরের উপর কোনপ্রকার প্রভাব বিস্তার
করা তাঁর পক্ষে সম্ভবপর হইয়া উঠে না। উপরন্তু কৃষ্ণকিশোরের মন সংস্কৃত
ভাবার গভী হাড়াইয়া মিশনরীদের প্রদত্ত শিক্ষার প্রতি আকৃষ্ট হইয়া পড়ে।
বন্ধু হয় দেশী ঐষ্টান নরধন অরুণেন্দ্র মুখার্জির সহিত। নরধনের বোন
লিলিমানের সহিত হয় গভীর অন্তরঙ্গতা। ডালিমের মত তার রাজ্য ঠোট
আর চোখে সম্মোহনী দৃষ্টি। কৃষ্ণকিশোরের তরুণ মনে রঙের ছোপ লাগে।
কিন্তু লিলিমান বেশীদিন বাঁচিল না। তাহার অকালমৃত্যুতে কৃষ্ণকিশোর

আঘাত পাইল। অতঃপর আরও বহু বিচিত্র ঘটনা-প্রবাহের মধ্য দিয়া
চলিতে চলিতে একসময় কৃষ্ণকিশোর সঙ্গীতের বসির বিজ্ঞান পায়ার পড়িয়া
জহরার আশ্রয়ে মধ্যে আসিয়া পড়িল। কৃষ্ণকিশোর মতপন্থী
হইয়া চরিত্র হারাইল। বাড়ী কিরিল মন্ত্র আবহাওয়া। গৃহে প্রতিষ্ঠিত
শিবলিঙ্গকে লইয়া ফুটবল খেলিল। কুমুদিনী এ অনাচার সহ্য করিতে
পারিলেন না। রাগে, ক্ষোভে, অপমানে তিনি গৃহত্যাগ করিলেন। জীবিত-
বহুয় আর এ গৃহে প্রবেশ করিবেন না এই তাঁর পণ। এই ঘটনার কিছুদিন
পরে পিসিমার মধ্যস্থতায় ও অনুরোধে কৃষ্ণকিশোর রাজেশ্বরী নামে একটি
ধনীর ছালালীকে বিবাহ করিল। প্রথম পর্বের এইখানেই শেষ।

সমালোচ্য পুস্তকখানিতে লেখক সেকালের বিভ্রান্তালী বাঙালী-সমাজের
একটি চিত্র আঁকিতে প্রয়াস পাইয়াছেন। ভাষা কবিত্বপূর্ণ। কয়েকটি পাখ-
চরিত্র নিতান্ত অনাবশ্যক ভাবে দেখা দিয়াছে, কিন্তু মূল চরিত্রগুলি কুলিয়া
উঠিয়াছে।

রাজেশ্বরী অপূর্ণ সুন্দরী। কৃষ্ণকিশোর চাহিয়া চাহিয়া দেখে।
রাজেশ্বরীর রূপ তার মনে মোহমাল বিস্তার করে। কিন্তু জহরার নাগ-
পাশ হইতে সে মুক্ত হইতে পারে না, বরং ধীরে ধীরে সে তাকে একেবারে
পরিপূর্ণরূপে আয়ত্ত করিয়া বসিল। রাজেশ্বরী সরল প্রকৃতির মেয়ে। সব
ধর তার কানে আসে। সে দুঃখ পায়—ছটফট করে, কিন্তু কি করিবে
বুঝিয়া পায় না। কৃষ্ণকিশোর তার ধনভাণ্ডার চালিয়া দেয় জহরার পায়ে।
অজ্ঞান অর্থব্যয় করে তার বিড়ালের বিবাহে।

অবশেষে একদিন রাজেশ্বরীর মত নিরীহ মেয়েরও ধৈর্যের বাঁধ ভাঙিয়া
যায়। স্বামীকে সে কয়েকটি অত্যন্ত সত্য কড়া কথা শুনাইয়া দেয়। কৃষ্ণ-
কিশোর সেইমাত্র জহরার গৃহ হইতে ফিরিয়াছে। জহরার স্মৃতি তখন তার
চিত্তলোকে প্রবল। সে উত্তেজিত হইয়া উঠিল এবং স্ত্রীকে বন্দুক আনিয়া
পর পর বারকয়েক গুলি করিয়া হত্যা করিল। কাহিনীর এইখানে
স্বনিকাপাত হইয়াছে।

রাজেশ্বরীকে গুলি করা হইতে আরম্ভ করিয়া পুলিশকে পলোভনে
বন্দীভুক্ত করা পর্যন্ত কৃষ্ণকিশোরের আচরণগুলি অপ্রাভাবিক বলিয়া মনে
হয়।

শ্রীবিভূতিভূষণ গুপ্ত

ক্যানসার চিকিৎসা—রাজবৈদ্য প্রাণাচার্য্য কবিরাজ প্রভাকর
চট্টোপাধ্যায় এম. এ. ডি, এম্. সি। মূল্য পাঁচ টাকা।

কবিরাজ মহাশয় এই গ্রন্থে ক্যানসার সম্বন্ধে বিশদ আলোচনা করেছেন।
বইখানা পড়লে সাধারণ লোকেরও এই রোগ সম্পর্কে মোটামুটি একটা ধারণা
জন্মে। মানবদেহে কত বিভিন্নরূপে, বিভিন্নভাবে যে এই রোগের আবির্ভাব
হয় সে সব লিপিবদ্ধ করে তিনি প্রত্যেকেরই রোগের প্রথম অবস্থায় সতর্ক
হওয়ার নির্দেশ দিয়েছেন। গ্রন্থকার একজন ভূয়োদর্শী চিকিৎসক। রোগের
বিভিন্ন লক্ষণে তিনি আয়ুর্বেদোক্ত যে যে ঔষধ প্রয়োগ করে ফল পেয়েছেন
এই বছরে তার বিস্তৃত তালিকা লিপিবদ্ধ হয়েছে। এই দুঃরোগ্য ব্যাধি সম্পর্কে
তিনি যে নূতন আলোকসম্পাত করেছেন তাতে কবিরাজ মহাশয়েরই এই রোগ-
নির্ণয় ও চিকিৎসায় সুবিধা হবে। ক্যানসার অত্যন্ত কষ্টদায়ক ও কষ্টসাধ্য
ব্যাধি। তাঁর প্রদর্শিত চিকিৎসায় রোগীর রোগমুক্তি এমনকি কষ্টের লাঘব
হলেও তা শুধু গ্রন্থকারের নয় আয়ুর্বেদেরই গৌরব ঘোষণা করবে। এ সম্পর্কে
আরও প্রচুর গবেষণার প্রয়োজন। গ্রন্থকার যে গবেষণা করেছেন তার জ্ঞান
দেশবাসী তাঁর কাছে কৃতজ্ঞ থাকবে।

শ্রীরমেশচন্দ্র সেন

ছোট কিমিরোগের অব্যর্থ ঔষধ

“ভেরোনা হেলমিন্থিয়া”

শৈশবে আহারের বেশে খতকরা ৩০ জন শিশু নানা জাতীয়
কিমিরোগে, বিশেষতঃ কৃত্রিমিতে আক্রান্ত হয়ে ভয়-
বাহ্য প্রাণ হয়, “ভেরোনা” জনসাধারণের এই বহুদিনের
অসুখিধা দূর করিয়াছে।

মূল্য—৪ আঃ শিশি ডাঃ মাঃ সহ—২।০ আনা।

কিমিরোগের ঔষধ কেমিক্যাল ওয়ার্কস লিঃ

১।২ মি, পোবিন্দ আড্ডা রোড, কলিকাতা—২৭

কোন—আলিপুর ৪০২৮

“যেমন সাদা—তেমন বিশুদ্ধ—
লাক্স টয়লেট সাবান—
কি সরের মতো, সুগন্ধি ফেনা এর।”

নীলিমা দাস

বলেন।



ভারতে
প্রস্তুত

দেখুন, লাক্স টয়লেট সাবানের প্রচুর সরের
মতো ফেনা আপনার মুখের স্বাভাবিক রূপ-
লাবণ্যকে কেমন ফুটিয়ে তোলে। “এই সাদা
ও বিশুদ্ধ সাবান নিয়মিত ব্যবহার করে
আপনার গায়ের চামড়ার সৌন্দর্য্যবৃদ্ধি করুন”
নীলিমা দাস বলেন। “এর পরিকারক ফেনা
লোমকূপের ভেতর পর্য্যন্ত গিয়ে গায়ের চামড়াকে
ফুলের পাপড়ির মতো মসৃণ আর সুন্দর
করে রাখে।”

সুখবর!

নতুন
বডু সার্জ

সারা শরীরের সৌন্দর্য্যের জন্য
এখন পাওয়া বাচ্ছে
আজই কিনে দেখুন।

“... তাই আমি সৌন্দর্য্যবর্ধক
লাক্স টয়লেট সাবান মেখে আমার
মুখের প্রসাধন সারি।”

চি ত্র - তা র কা দে র সৌ ন্দ র্ঘ্য সা বা ন ★

সুবকুম্মাঞ্জলি—শ্রীসদামন্দ চক্রবর্তী সম্পাদিত এবং জেলা হুগলী, পোঃ ডুমুরদহ—শ্রীশ্রীরামাশ্রম হইতে চিত্রশিল্পী শ্রীমুকুল দে কর্তৃক প্রকাশিত। ১৯২০+২০৭ পৃষ্ঠা, মূল্য পাঁচ টাকা।

আলোচ্য গ্রন্থখানি দেবদেবীর স্তবের বই নহে, উহা প্রসিদ্ধ বৈষ্ণবসাধকদের অন্ততম শ্রীশ্রীসীতারাম দাস ওঙ্কারনাথের দ্বিষষ্ঠিতম জন্মতিথিতে তাঁহার শিষ্য, ভক্ত ও অমুরক্ত নরনারীগণ কর্তৃক সংস্কৃত, বাংলা, ইংরেজী ত্রিবিধ ভাষায় গল্পপড়াকারে রচিত প্রশস্তি-কুসুম পরিপূর্ণ অঞ্জলি। বিভিন্ন রচনায়—লোক-কল্যাণকারী, তারকব্রহ্মনাম-প্রচারক, নামগানে মাতোয়ারা, প্রেমিক পুরুষ ওঙ্কারনাথের জীবনলীলা-মাধুরী সুন্দররূপে ফুটিয়া উঠিয়াছে। ওঙ্কারনাথের লেখা তেইশটি পত্রও গ্রন্থে পরিবেশিত হইয়াছে; এগুলির ভিতরে শিক্ষণীয় বহু উপদেশ আছে। এই প্রেমিক সিদ্ধপুরুষ কেবল নামকীর্তনকারীই নহেন, তিনি যেমন সুগায়ক, তেমন শাস্ত্রজ্ঞ পণ্ডিত, কবি, সাহিত্যিক, গ্রন্থকার, ধর্মব্যাখ্যাকারী, পরতর্কেকাতর, দাতা, উচ্চস্তরের সাধক এবং ধর্ম-পিপাসু বহু নরনারীর পরম আশ্রয়। শ্রদ্ধাঞ্জলির আকারে বহুজনের নিপুণ তুলিকায় এহেন মহাজীবনালেখ্য যেরূপ চিত্রিত হইয়াছে, তাহা বর্তমান পরিস্থিতিতে দেশবাসী নরনারীর সাগ্রহে অনুধাবনযোগ্য। অমুরাগীদের প্রতি তাঁহার শ্রেষ্ঠ উপদেশ হইতেছে, “উঠতে-বসতে, খেতে-শুতে, সুখে-দুঃখে, অভাবে-সাম্রল্যে, হেলায়-শ্রদ্ধায়, ভক্তিতে-অভক্তিতে, বিশ্বাসে-অবিশ্বাসে, সজ্ঞানে-বিজ্ঞানে, স্বপনে-ভাগরণে নাম কর, তা হলেই সব হবে। নামের শক্তি বস্তুশক্তি অপেক্ষা বহুগুণ অধিক। অতএব অশ্রদ্ধা-অবিশ্বাস

করিয়াই নাম কর—কাজ আপনিই হইবে।” গ্রন্থমধ্যস্থ দশখানি চিত্র এবং তারকব্রহ্ম নামাঙ্কিত হুচিত্রিত বহিরাবরণ গ্রন্থের সৌষ্ঠব বৃদ্ধি করিয়াছে।

শ্রীসারদা দেবীর জীবনকথা—স্বামী বেদান্তানন্দ। উদ্বোধন কার্যালয়। ১নং উদ্বোধন লেন, বাগবাজার, কলিকাতা-৩। ২+১৫৪ পৃষ্ঠা। মূল্য এক টাকা।

পরমহংস শ্রীশ্রীরামকৃষ্ণদেবের সহধর্মিণী—যিনি নগণ্য পাড়াগাঁয়ের নিতান্ত গরীব-ঘরের নিরক্ষরা মেয়ে, যিনি দেশবিদেশের অগণিত নরনারীর ধর্মমাতা, স্বামী ষাঁর পরম ইষ্ট এবং যিনি স্বামীর পরমা ইষ্টদেবী, ষাঁহার জীবন সংগ্রাম, সত্যবাদিতা, সরলতা, দয়া, ক্ষমা, ধৈর্য, তেজস্বিতা, ত্যাগ, তপস্বা, দেবা প্রভৃতি সদগুণের মূর্ত্ত আদর্শ, যিনি আধুনিক শিক্ষাসভ্যতার কোনই ধার না ধারিয়া আদর্শ মানবোচিত সকল শিক্ষা-সভ্যতার আধারভূতা, সেই রামকৃষ্ণ-ভক্ত জননী শ্রীশ্রীমা সারদামণি দেবীর জীবনকথা গ্রন্থকার প্রাণের দরদ দিয়া সহজ সরল ভাষায় তরুণ-তরুণীদের উপযোগী করিয়া লিপিবদ্ধ করিয়াছেন। শ্রীশ্রীমায়ের পুণ্য শতবার্ষিকী মহোৎসবের শুভক্ষণে সাহিত্য-ভাণ্ডারে এই জীবনকথা একটি উল্লেখযোগ্য দান বলিয়া গণ্য হইবে। গ্রন্থের জীবনী-অংশ—পিতৃপরিচর বা জন্ম হইতে শেষকথা পর্যন্ত ঊনবিংশতি অধ্যায়ে সম্পূর্ণ; পরিশেষে বিংশতি অধ্যায়ে শিক্ষণীয় চল্লিশটি উপদেশ পরিবেশিত হইয়াছে। সংক্ষেপে, শ্রীমাকে সম্যক জানিবার ও বুঝিবার পক্ষে এই গ্রন্থ বেশ উপযোগী হইয়াছে। মায়ের ও ঠাকুরের ছবি দুইটি এবং মলাটের চিত্র মনোজ্ঞ।

শ্রীউমেশচন্দ্র চক্রবর্তী

ফেংথেজের মহাভূগুরাজ তৈল

চুল উঠা বন্ধ করে
মাথা ঠাণ্ডা রাখে



এই মার্কা দেখে কিনুন•নকল থেকে সাবধান




দেশ-বিদেশের কথা

কাশ্মীরের ডাল হ্রদ ও শালামারবাগ

কাশ্মীরের দ্রষ্টব্য স্থানগুলির মধ্যে ডাল হ্রদ ও শালামারবাগ বিশেষভাবে উল্লেখযোগ্য। ডাল হ্রদ দৈর্ঘ্যে পাঁচ মাইল এবং প্রস্থ দুই মাইল। শিকারায় চড়িয়া এই হ্রদে বেড়াইতে পারা

যায়। ইহার দৃশ্য রমণীয়। ডাল হ্রদের একটি ক্ষুদ্র দ্বীপের উপরে নেহরু পার্ক অবস্থিত। ইহার একটু পিছনে 'কবুতখানা'।

ডাল হ্রদ হইতেই শিকারায় করিয়া মোগল আমলের বিখ্যাত উদ্যানগুলি দেখিতে যাওয়া যায়, বাসেও যাওয়া চলে।



এম. এ. সরকার এণ্ড সন্স

শ্রীশ্রী চণ্ডীকান্তের (সংশোধিত) শিল্পকার শিল্পজাত্য ও ইন্দিয় কবুতখানা
১৬৭ সি, ১৬৭ সি/১ বহুবাজার স্ট্রীট কলিকতা (আমহার্ট স্ট্রীট ও
বহুবাজার স্ট্রীটের সংযোগস্থলে) আমাদের পুরাতন স্মারকসের বিপণীত দিকে

গ্রাম-হিন্দুস্থান স্ট্রীট বালিগঞ্জ: ১৫৯/৪ বি. রাসবিহারী এন্ড সন্স
কলিকতা : ফোন পি.কে. ৪৪৬৬

শ্রীনগর হইতে পাঁচ মাইল ব্যবধানে চশমাশাহী, চশমাশাহী হইতে নিশাতবাগের দূরত্ব আড়াই মাইল।

ডাল হ্রদের উত্তর-পূর্ব কোণে নিশাতবাগ হইতে দুই মাইল দূরে শালামারবাগ (প্রণব-নিকেতন)। উদ্যানের মাঝখান দিয়া প্রবাহিত একটি খাল, ইহাকে ডাল হ্রদের সহিত সংযুক্ত করিয়াছে।

ডাল হ্রদের পূর্বদিকে, শ্রীনগর হইতে ছয় মাইল দূরে নাসিমবাগ, সেখানে অনেকগুলি পুরনো চিনার গাছের সারি স্নিগ্ধ ছায়া বিস্তার করিয়া দাঁড়াইয়া আছে। ডাল হ্রদের নিকটে বিখ্যাত চিনার-বাগ।

আসাম এবং ভারতের অন্যান্য অঞ্চলের মধ্যে নূতন রেললাইন স্থাপন সম্পর্কিত বিবৃতি

গত ৬ই এবং ৭ই মার্চ নয়া দিল্লীতে অনুষ্ঠিত "দি ফেডারেশন অব ইণ্ডিয়ান চেম্বার্স অব কমার্স এণ্ড ইণ্ডাস্ট্রি"র বার্ষিক সাধারণ সভায় বি. সি. ঘোষ যে বিবৃতিটি উপস্থাপিত করেন তাহার সারাংশ নিম্নে দেওয়া যাইতেছে :

ভারতের চায়ের শতকরা আশী ভাগেরও অধিক উৎপন্ন হয় উত্তরবঙ্গ এবং আসামে। ভারতের পাটেরও শতকরা আশী ভাগ পশ্চিমবঙ্গের উত্তর অঞ্চলের জেলাসমূহে এবং আসাম-রাজ্যে উৎপন্ন হইয়া থাকে।

দেশবিভাগের পূর্বে একটি ব্রডগেজ রেললাইনের দ্বারা কলিকাতার সহিত উত্তরবঙ্গ ও আসামের যোগাযোগ রক্ষা হইত।

ইহার দ্বারা মোট উৎপন্ন চা এবং পাটের শতকরা ষাট ভাগ চালান আসিবে এবং বাকী চল্লিশ ভাগ ষ্টীমার দ্বারা বাহিত হইত।

কিন্তু দেশবিভাগের সঙ্গে সঙ্গে গঙ্গার উপরকার হার্ডিঞ্জ ব্রিজ উক্ত ব্রডগেজ লাইনের বৃহত্তর অংশ সহ পাকিস্থানের নিকট হস্তান্তরিত হইল। ইহার দরুন ভারতরাষ্ট্রের পাট এবং চা-শিল্পের পরিবহন-ব্যবস্থায় একটা বড় সমস্যা দেখা দিল। এই সমস্যার সমাধানকল্পে প্রশংসনীয় ক্রততায় সঙ্গে আসাম রেললিঙ্ক নিশ্চিত হইল। দুর্ভাগ্যক্রমে হার্ডিঞ্জ ব্রিজের উপরকার পূর্বতন ব্রডগেজ লাইনের তুলনায় আসাম রেললিঙ্কের পরিবহন-ক্ষমতা অত্যন্ত কম। আসাম হইতে প্রতি বৎসর ষাট লক্ষ মণ চা এবং ষাট লক্ষ মণ পাট কলিকাতায় আমদানী হয়, আর কেবলমাত্র চা-শিল্পের জঞ্জাই উত্তরবঙ্গ এবং আসামে কয়লা, সিমেন্ট, লোহা ইম্পাত ইত্যাদি নানা দ্রব্য চালান যায় ২,২০,০০০ টন। ইহার মধ্যে আসাম রেললিঙ্ক দ্বারা শতকরা কুড়ি ভাগের অধিক পরিবাহিত হয় না। বাকী অংশী ভাগের জঞ্জ পাকিস্থানের অন্তর্গত জলপথে বাতায়াতকারী বিদেশী ষ্টীমার কোম্পানির জলযানসমূহের উপর ভারতরাষ্ট্রকে নির্ভর করিতে হয়। ভারতের দুইটি প্রধান শিল্প—চা ও পাটের আন্তঃ-প্রাদেশিক পরিবহন-ব্যবস্থায় মোটা অংশ থাকায় বৈদেশিক ষ্টীমার কোম্পানীগুলি বৎসরে প্রায় পাঁচ কোটি টাকা মাসুল আদায় করিতেছে। বৈদেশিক কোম্পানীগুলির এই লাভের পথ বন্ধ

করিতে হইলে লিঙ্কের পরিবহন-ক্ষমতা প্রকৃত পরিমাণে বাড়াইতে হইবে। এই উদ্দেশ্যে নিম্নলিখিত নির্দেশগুলি গ্রহণযোগ্য—

১। আসামের ধুবড়ী হইতে জলপাইগুড়ি জেলায় আলিপুর-দুয়ার পর্যন্ত মিটার গেজ যুগ্ম লাইন স্থাপন করিতে হইবে।

২। আলিপুর দুয়ার হইতে এই যুগ্ম লাইন দুইটি শাখায় বিভক্ত হইবে। অর্থাৎ শিলিগুড়ি পর্যন্ত প্রসারিত, চালু আসাম রেললিঙ্ক হইবে একটি শাখা এবং আর একটি নূতন কুড় লাইন জলপাইগুড়ি জেলায় ফালাকাটা, ধূপগুড়ি, ময়নাগুড়ি ও দোমোহানী হইয়া সরাসরি পশ্চিমাভিমুখে চলিয়া যাইবে। তার পর পাহাড়পুরের নিকট তিস্তা অতিক্রম করিয়া বেলাকোবা বা শিলিগুড়িতে চালু রেললাইনের সহিত গিয়া মিশিবে। সেখান হইতে আবার যুগ্ম লাইনরূপে কাটিহার হইয়া মণিহারীঘাট পর্যন্ত চলিয়া যাইবে।

নরসিংদাস বাংলা পুরস্কার, ১৯৫৩

কয়েক বৎসর হইল কলিকাতার শ্রীনরসিংদাস আগরওয়ালার প্রদত্ত অর্থে দিল্লী বিশ্ববিদ্যালয়, কলিকাতা-প্রবাসী বঙ্গ-সাহিত্য সম্মেলনের মাহকতে, বিজ্ঞান এবং সাহিত্য বিষয়ে বাংলা পুস্তক-প্রণেতা এবং ধীসিসের লেখকদের উৎসাহিত করিবার উদ্দেশ্যে “নরসিংদাস পুরস্কার” নামে একটি বাংলা পুরস্কার প্রবর্তন করিয়াছেন। ১০০০

যাঁরা কেশের প্রকৃত উৎকর্ষ সাধনে আগ্রহী...

তাদের একটি কথা মনে রাখা উচিত যে প্রকৃত উপকারী কেশ তৈল নির্বাচন না করলে ও যথাযথ প্রণালীতে ব্যবহার না করলে উপকার পাওয়া যায় না। স্নানের আগে মিনিট পাঁচেক চুলের ভেতর ঘষে ঘষে তৈল মাথা প্রয়োজন এবং স্নানের পর পরিষ্কার করে মাথা মুছে চুল শুকিয়ে কেলা ও সপ্তাহে অন্ততঃ একবার করে মাথা ঘষা বিধেয়।

স্নানের সময় ক্যালকেমিকোর মহাভূক্তরাজ তৈল “ডুঙ্গল” ব্যবহারে মাথা শিথল রাখে, স্নায়ু শান্তি করে, রক্তের চাপ কমায় এবং চুল ঘন ও কৃকবর্ধ করে। বৈকালিক কেশ প্রসাধনে সুগন্ধি বিসুদ্ধ ক্যাটর অয়েল—“ক্যাটরল” ব্যবহারে কেশগুলোর উন্নতি হয়, কেশমূল লুপ্ত হয় ও মধুর সুগন্ধে মন প্রমত্ত করে।

এই প্রণালীতে সৈনিকিন পরিচর্যায় দু’টি কেশ তৈল কিছুদিন ব্যবহার করলে উপকারিতা বুঝতে পারবেন। সপ্তাহে একবার করে সুগন্ধি স্পাম্পু “সিলট্রেস” দিয়ে মাথা ও চুল পরিষ্কার করা উচিত। ডুঙ্গল ও ক্যাটরল এর যে কোন একটিতেও সূক্ষ্ম পাওয়া যায়, তবে দুটিই ব্যবহার করলে কেশের উন্নতি ক্রম ও নিশ্চিত হয়।



ডুঙ্গল * ক্যাটরল

সুগন্ধি মহাভূক্তরাজ তৈল • সুবাসিত ক্যাটর অয়েল

বিস্তৃত প্রণালী আধিত
“কেশপরিচর্যা” পুস্তিকার জন্য লিখুন।

দি ক্যালকাটা কেমিক্যাল কোং, লি: কলিকাতা-২৯

অগ্রপতির পথে নূতন পদক্ষেপ

হিন্দুস্থান তাহার ষাড়াপথে প্রতি বৎসর
নূতন নূতন শাক্য, শক্তি ও সমৃদ্ধির
গৌরবে ক্রম অগ্রসর হইয়া চলিয়াছে।

১৯৫৩ সালে
নূতন বীমা :

১৮ কোটি ৮৯ লক্ষ টাকার উপর :

আলোচ্য বর্ষে পূর্বে বৎসর অপেক্ষা নূতন
বীমায় ২ কোটি ৪২ লক্ষ টাকা বৃদ্ধি
ভারতীয় জীবন বীমার ক্ষেত্রে সর্বাধিক।
ইহা হিন্দুস্থানের উপর জনসাধারণের অবিচলিত
আস্থার উজ্জল নিদর্শন।

হিন্দুস্থান কো-অপারেটিভ
ইন্সিওরেন্স সোসাইটি, লিমিটেড
হিন্দুস্থান বিল্ডিংস, কলিকাতা-১৩

— সদ্যপ্রকাশিত নূতন ধরণের দুইটি বই —

বিশ্ববিখ্যাত কথাশিল্পী আর্থার কোয়েষ্টনারের

‘ডার্কনেস্ অ্যাট নুন’

নামক অল্পম উপন্যাসের বঙ্গানুবাদ

“মধ্যাহ্নে আঁধার”

ডিমাই ৬ সাইজে ২৫৪ পৃষ্ঠায় সম্পূর্ণ

শ্রীনীলিমা চক্রবর্তী কর্তৃক

অতীব হৃদয়গ্রাহী ভাষায় ভাষান্তরিত

মূল্য আড়াই টাকা।

প্রসিদ্ধ কথাশিল্পী, চিত্রশিল্পী ও শিক্ষারী

শ্রীদেবীপ্রসাদ রায়চৌধুরী

লিখিত ও চিত্রিত

“জঙ্গল”

সবল সুবিন্যস্ত ও প্রাণবন্ত ভাষায়

ডবল ক্রাউন ৬ সাইজে ১৮৪ পৃষ্ঠায়

চৌদ্দটি অধ্যায়ে সুসম্পূর্ণ

মূল্য চারি টাকা।

প্রাপ্তিস্থান : প্রবাসী প্রেস—১২০১২, আপার সারকুলার রোড, কলিকাতা—১

এবং এম. সি. সরকার এণ্ড সন্স লিঃ—১৪, বঙ্কিম চাট্টাচার্জি স্ট্রীট, কলিকাতা—১২

মূল্যের এই পুরস্কার পর্যায়ক্রমে সাহিত্য এবং বিজ্ঞানবিষয়ক রচনার জন্ম প্রদত্ত হইয়া থাকে। ১৯৫৩ সনের পুরস্কার বিজ্ঞান-বিষয়ক রচনার জন্ম দেওয়া হইবে।

যে বৎসরের জন্ম পুরস্কার ঘোষিত হয়, সেই বৎসরে প্রকাশিত রচনাসমূহের মধ্যে যে লেখকের রচনা সর্বোৎকৃষ্ট বলিয়া বিবেচিত হইবে তাহাকেই পুরস্কার দেওয়া হইবে। বাংলাভাষার বৈজ্ঞানিক পুস্তকের লেখক, প্রকাশক এবং লেখকের অমুরাগীদের অমুরোধ করা যাইতেছে যে, তাঁহারা যেন ১৯৫৩ সনের ৩০শে জুনের অব্যবহিত পূর্ববর্তী দুই বৎসরের মধ্যে প্রকাশিত বিজ্ঞানবিষয়ক গ্রন্থসমূহের প্রত্যেকটির আটখানি কপি, ১৯৫৪ সনের ৩১শে আগষ্টের পূর্বে কমিটির বিবেচনার্থ পাঠাইয়া দেন। পুস্তকাদি দিল্লী বিশ্ববিদ্যালয়ের রেজিষ্টার টি. পি. এস. আইয়ারের নিকট, দিল্লী বিশ্ববিদ্যালয়, দিল্লী-৮, এই ঠিকানায় প্রেরিতব্য।

প্রবাসী বাঙালী ছাত্রের কৃতিত্ব

লক্ষ্মী-প্রবাসী প্রখ্যাতনামা ঐতিহাসিক ডক্টর শ্রীকালিকারঞ্জন কাহ্ননগো মহাশয়ের কনিষ্ঠ পুত্র শ্রীশুধীন্দ্রনাথ কাহ্ননগো এই বৎসর

লক্ষ্মী বিশ্ববিদ্যালয়ের এম-এ পরীক্ষায় মধ্যযুগীয় এবং আধুনিক ভারতীয় ইতিহাসে প্রথম বিভাগে প্রথম স্থান অধিকার করিয়াছেন। শ্রীশুধীন্দ্রনাথের দুই অগ্রজ, শ্রীভূপেন্দ্রনাথ কাহ্ননগো (অধ্যাপক বেনারস হিন্দু বিশ্ববিদ্যালয়) এবং শ্রীনরেন্দ্রনাথ কাহ্ননগো



শ্রীশুধীন্দ্রনাথ কাহ্ননগো

(অধ্যাপক, আশ্রা সেন্টজেনস কলেজ) লক্ষ্মী বিশ্ববিদ্যালয় হইতে কৃতিত্বের সহিত প্রথম বিভাগে উত্তীর্ণ হইয়াছিলেন।

বঙ্গীয় সংস্কৃত শিক্ষা-পরিষদ

বিগত ৩১শে জুলাই কলিকাতার রাজভবনে অনুষ্ঠিত পশ্চিমবঙ্গ সরকারের সংস্কৃত শিক্ষা-পরিষদের সমাবর্তন উৎসবে পশ্চিমবঙ্গের রাজ্যপাল ডক্টর শ্রীহরেন্দ্রকুমার মুখোপাধ্যায় মহাশয় বলেন যে, বিগত পাঁচ বৎসরের মধ্যে স্রযোগ্য পরিচালনার গুণে বঙ্গীয় সংস্কৃত শিক্ষা-পরিষদ যে প্রকার উন্নতিলাভ করিয়াছে তাহা অত্যন্ত আনন্দের বিষয়। তিনি বলেন, পরিষদের পরীক্ষার্থী ছাত্রসংখ্যা ক্রমশঃ বাড়িয়া তিন হাজার হইতে পাঁচ হাজারে দাঁড়াইয়াছে। ভারতের সর্বত্র পরিষদের পরীক্ষা-কেন্দ্রের সংখ্যা বাড়িতেছে। পরিষদের সভাপতি, বিচারপতি ডক্টর শ্রীবিজনকুমার মুখোপাধ্যায় বলেন, পরিষদের বাসভবন বর্তমানে কলিকাতার অত্যন্ত অপরিচ্ছন্ন অঞ্চলে অবস্থিত। বৃদ্ধ পণ্ডিতমণ্ডলীকে মাসিক এক শত টাকা হারে বার্ষিক্য-বৃত্তি প্রদানের কথা উল্লেখপূর্বক তিনি বলেন, ইহা অত্যন্ত দুঃখের বিষয় যে, বঙ্গীয় সরকার প্রতিশ্রুতিসত্ত্বেও এতাবৎকাল এই বৃত্তি প্রদান করেন নাই। তিনি শিক্ষামন্ত্রী মহাশয়ের দৃষ্টি আকর্ষণ করিবার উদ্দেশ্যে কয়েকটি কথা বলেন। পরিষদের অধ্যক্ষ ডক্টর শ্রীযতীন্দ্রবিমল চৌধুরী বলেন, সংস্কৃত-সাহিত্যপুষ্টি এই বঙ্গদেশই সংস্কৃত বিশ্ববিদ্যালয় স্থাপনের উপযুক্ত স্থল। বঙ্গীয় সংস্কৃত শিক্ষা-পরিষদকে বিশ্ববিদ্যালয়ের রূপ দেওয়া কঠিন নহে। শিক্ষামন্ত্রী শ্রীপান্নালাল বসু মহাশয় বলেন, তাঁর আনুষ্ঠানিক অভিলাষ যেন বঙ্গদেশে সংস্কৃত বিশ্ববিদ্যালয় অচিরেই স্থাপিত হয়।

রেড্ডির
ট্যালকাম পাউডার ও
স্নো আপনার
কিছু সজীবতা
সারাদিনের জন্য
অম্লান রাখবে

**রেড্ডির স্নো ও
ট্যালকাম পাউডার**


রেড্ডির স্নো ও
ট্যালকাম পাউডার
কলিকাতা-৩৬



प्रवासी प्रेस, कलिकाता

महाकाल
श्रीप्रियप्रसाद गुप्त

মহীশূর—



দশহরা শোভাযাত্রা, মহীশূর



চেন্নাকেশব মন্দির, বেলুড়

আমি

“সত্যম্ শিবম্ সুন্দরম্”

নামসাম্বা বলহীনেন লভ্যঃ”

১৪শ ভাগ
১ম খণ্ড

আশ্বিন, ১৩৩১

৩৪ সংখ্যা

বিবিধ প্রসঙ্গ

আর্ন্তজাতিক

বঙ্গ-প্রাবন বাঙালীর কাছে কিছু নতুন নহে। নদীমাতৃক অঞ্চলের ত কথাই নাই, উত্তরবঙ্গ এবং পশ্চিমবঙ্গেও বঙ্গ-প্রাবন প্রায় প্রত্যেক জেলায়ই ঘটে, কোথাও কম কোথাও-বা বেশী। দামোদর, কাঁসাই, তিস্তা, আত্রাই সব কয়টি নদ-নদীই এ বিষয়ে কুখ্যাত, পদ্মার ভাঙ্গন ত আছেই।

সেই সঙ্গে সঙ্গে বঙ্গাবিক্ষস্ত অঞ্চলের আর্ন্তজাতিক জাণ ও সহায়তার ব্যাপারেও বাঙালীর একটা খ্যাতি ছিল। বাঙালী স্বৈচ্ছাসেবক ও সেবিকার সেবাপরায়ণতা এবং সাহস আজ প্রায় চল্লিশ বৎসর যাবৎ এ কারণে সারা ভারতে প্রসিদ্ধিলাভ করিয়াছে। বাঙালী জনসাধারণও ঐরূপ দৈববিপর্যয়ে দুর্দশাগ্রস্তের সেবা ও সাহায্যের জন্ত মুক্তহস্তে দান বহুদিন যাবৎ করিয়া আসিতেছে।

এবারকার উত্তরবঙ্গ, বিহার ও আসামের বঙ্গা প্রলয়তুলা ভয়ানক। আমাদের লিপিত ইতিহাসে এইরূপ প্রচণ্ড সর্বগ্রাসী প্রাবনের প্রায় কোনও ইতিবৃত্ত নাই। প্রকৃতপক্ষে ঐ কারণেই আমরা এই বঙ্গার ধ্বংসলীলা সমাক্রমে অনুভব করিতে পারিতেছি না।

পূর্ব পাকিস্থানে ত স্থানীয় সরকার বঙ্গার ফলে অভিভূত হইয়া অসামর্থ্য ও একান্ত অসহায় অবস্থা জ্ঞাপন করিয়া মার্কিন সরকারের নিকট ব্যাপক ও সর্বতোমুখী সাহায্য ভিক্ষা করিয়াছেন।

আমাদেরও বঙ্গার ক্ষতি অতি ভয়ঙ্কর, যদিও তাহার প্রতিকার আমাদের সামর্থ্যের অতীত নহে। কিন্তু সমগ্র দেশ ও সকল জাতি যদি অবহিত হইয়া প্রতিকারের চেষ্টা করে তবেই তাহা ষথায়থ ও সম্পূর্ণ হইতে পারে।

অশ্চর্যের বিষয় এই, এখনও দেশে এ বিষয়ে যে কোন সাজা পড়িয়াছে তাহা বুঝা যায় না। বরং বোম্বাইয়ের জনসাধারণ কিছু জাগ্রত হইয়াছে। হয়ত আগেকার মত ডাক দিবার লোক নাই, হয়ত-বা লোকের মনে আগেকার মত দয়দ জাগে না।

শুধু গলাবাজী করিয়া সরকারকে গালি দিয়াই কি আমাদের সকল কর্তব্য শেষ ও সকল দুঃখের অবসান হইবে? আর্ন্তজাতিক কি আমাদের সকলেরই দায়িত্ব নাই?

ভূমি সংরক্ষণ ও বঙ্গা নিবারণ

এবারকার বিধ্বংসকারী বঙ্গার রূপ দেখিয়া মনে হয় যে, ভারতীয় নদী পরিবর্তনসমূহের যোগ ও পরিবর্তন প্রয়োজন। বঙ্গার সঙ্গে ভূমিক্ষয়ের (Soil erosion) ঘনিষ্ঠ সংসর্গ আছে, তীরহীন ভ্রাম্যমাণ নদী ভারতের একটি প্রধান সমস্যা। চীনদেশে অবশ্য তীরহীন ভ্রাম্যমাণ নদীর ধ্বংসলীলা অত্যন্ত ব্যাপক ছিল; মাও-সে-তুং সরকার তাহা কতকংশে নিবারণ করিয়াছেন। পদ্মা ও কোশী নদীই ছিল ভারতের নামকরা তীরহীন ভ্রাম্যমাণ নদী, এখানে তাহার সঙ্গে যোগ দিয়াছে ব্রহ্মপুত্র। বঙ্গার কারণ প্রধানতঃ দুইটি—ভূমিক্ষয় ও কৃত্রিম পাড় সৃষ্টি। ভূমিক্ষয় হয় প্রকৃতির দ্বারা এবং মানুষের দ্বারা; প্রাকৃতিক ভূমিক্ষয় হয় বঙ্গা বৃষ্টি এবং বাতাসের দ্বারা, আর মানুষ যখন তাহার কুঠাঘের ষথেষ্টাচার ব্যবহারে বৃক্ষ সকল কাটিয়া ফেলে তখন ভূমির উপরিভাগ আলাগা হইয়া পড়ে, ফলে বর্ষাকালে এই সকল মাটি ভাঙ্গিয়া পড়ে এবং নদীর প্রাবন ব্যাপক হয়। গত দ্বিতীয় মহাযুদ্ধের সময় হইতে আসাম প্রদেশ ও দার্জিলিং এলাকার বৃক্ষসকল ব্যাপক ভাবে উৎখাত করা হইয়াছে এবং হইতেছে, ফলে কয়েক বৎসর ধরিয়া এই সকল এলাকার বর্ষাকালে পাহাড় ধসিয়া পড়িতেছে ও ব্যাপক বঙ্গা হইতেছে। প্রত্যেক দেশের অন্ততঃ এক চতুর্থাংশ (অর্থাৎ মোট জমির শতকরা ২৫ ভাগ) ভূমি বনসমৃদ্ধ হওয়া প্রয়োজন। ভারতবর্ষে মোট ভূমির শতকরা ১৪ ১৫ ভাগ বনভূমি, অর্থাৎ প্রাকৃতিক প্রয়োজনের অনেক কম।

কোশী নদীর কৃত্রিম পাড়বোধ উহার বঙ্গার জন্ত বহুলাংশে দায়ী। বিহারের ভূতপূর্ব প্রধান ইঞ্জিনিয়ার ক্যাপ্টেন জি, এক, হল বলিয়াছেন যে, উত্তর-বিহারের পক্ষে বঙ্গা শুধু অবশ্যস্বার্থী নয়, প্রয়োজনীয়ও বটে। তবে কৃত্রিম পাড়বোধ ও বঙ্গাকে বিধ্বংসকারী করিয়া তুলিতে পারে। আমেরিকার টেনেসী নদী, মিসিসিপি নদী ও চীন দেশের ইয়াংসি নদীতে বাধদেওয়ার ফলে বঙ্গার অনেক ক্ষতি হইয়াছে। এখন বৈজ্ঞানিকরা বলেন যে, বঙ্গার সময় নদীর প্রাবন যে পলিমাটি বহন করিয়া আনে তাহার দ্বারা প্রাকৃতিক বাধ সৃষ্টি হয় বাহা ভবিষ্যতে কুলপ্রার্থী বঙ্গাকে সংবৃত রাখে। কিন্তু কৃত্রিম বাধ সৃষ্টির ফলে বঙ্গাবাহিত পলিমাটি নদীবক্ষেই থাকিয়া যায় এবং তাহার জন্ত নদীপার্শ্বগুলি ক্রমশঃ ভাট হইয়া আসে ও উচ্চ হইয়া

উঠে। বঙ্গের যখন চল নামে তখন অগভীর নদীবন্ধ সমস্ত জল ধরিয়া রাখিতে পারে না, ফলে নদীর দুই কূল প্রাবিত হইয়া নদীর জল দেশ ভাসাইয়া দেয়। প্রাকৃতিক ভাবেই পলিমাটিকে বাধ-গঠন করিতে দেওয়া উচিত এবং সেই সঙ্গে ভূমি-সংরক্ষণের জন্ত বন-ভূমির বিস্তার অবশ্যই প্রয়োজনীয়।

যেখানে দেশরক্ষার জন্ত বাধ দেওয়া অত্যাবশ্যক, সেখানে বিজ্ঞানসম্মত পরীক্ষার পরে বাধ ও পাড়বাধ দেওয়া উচিত। শুধু কৃত্রিম পাড়বাধ রাখিলে উপকার হওয়ার সম্ভাবনা কম।

কেন্দ্রে এবং পশ্চিমবঙ্গে বঙ্গা নিবারণী বোর্ড গঠিত হইয়াছে। কিন্তু রাজধানীতে বসিয়া দালান-কোঠার অভাৱে বঙ্গা নিবারণের জরুরী-কল্পনা যেন বনমহোৎসবের প্রহসনে পরিণত না হয়। আশু কার্যকরী পত্তা সকল অবিলম্বে গ্রহণ করা উচিত।

এবারের বঙ্গা অবশ্য অক্ষতপূর্ব ভয়ানক প্রাকৃতিক বিপর্যয়। তিব্বত, ভূটান ইত্যাদি হিমালয় অঞ্চলে ইহার আরম্ভ ও পূর্ব-হিমালয়ের পাদদেশে ইহার তাণ্ডবলীলার রুদ্ররূপের প্রকাশ। বিহার, আসাম, উত্তরবঙ্গ ও পূর্ববঙ্গের জীবিত কোন লোকে স্মৃতিতে এরূপ প্রাবনের কথা নাই। স্মরণ্য এরূপ দুর্ঘটনা প্রতি বৎসর হইবে না আশা করা যায়। কিন্তু তাহা সত্ত্বেও উহার প্রতি-কার্যের জন্ত যে ব্যবস্থার প্রয়োজন তাহা উক্ত অবকাশের মধ্যেই হওয়া আবশ্যক।

লোকসভায় বঙ্গার আলোচনার বৃত্তান্ত সংবাদপত্রে এইভাবে দেওয়া হয় :

“৩রা সেপ্টেম্বর—আজ লোকসভায় সেচ ও পরিকল্পনাসচিব শ্রীশঙ্করলাল নন্দ বঙ্গা-পরিস্থিতি এবং উহার প্রতিকারের জন্ত সরকারী ব্যবস্থা সুস্থক্ষে যে বিস্তৃত বিবরণ পেশ করেন, তাহাতে এই বৎসরের বঙ্গায় বিপুল ক্ষতি, ধনপ্রাণহানি এবং জনসাধারণের দুঃখ-দুর্ভোগের ভয়াবহ একটি চিত্রই পরিস্ফুট হইয়া উঠে। সাম্প্রতিক কালের মধ্যে এইরূপ বঙ্গা আর হয় নাই।

শ্রীনন্দ বলেন যে, দেশের এবং জনসাধারণের সামর্থ্য ও সম্পদ যদি সার্থকভাবে নিয়োজিত করা সম্ভব হয়, তবেই স্বল্প ও দীর্ঘ মেয়াদী ব্যবস্থার দ্বারা ভারতের বঙ্গা-সমস্যার সমাধান সম্ভব। তিনি ঘোষণা করেন যে, প্রাথমিক ব্যবস্থা হিসাবে একটি কেন্দ্রীয় বঙ্গা নিয়ন্ত্রণ বোর্ড এবং আসাম, পশ্চিমবঙ্গ, উত্তর-বিহার ও উত্তরপ্রদেশের জন্ত একটি করিয়া রাজ্য বঙ্গা নিয়ন্ত্রণ বোর্ড গঠিত হইবে।

শ্রীনন্দ বলেন—বিহার, পশ্চিমবঙ্গ, আসাম ও উত্তরপ্রদেশের বঙ্গার তাণ্ডবে দুই শত সাতচল্লিশ জনের জীবনহানি ঘটয়াছে এবং ২৫ হাজার ৬ শত ৫০ বর্গমাইল এলাকা ও ৯৫ লক্ষ লোক এই বঙ্গায় ক্ষতিগ্রস্ত হইয়াছে। ৭ হাজার ৭ শতেরও অধিক গবাদি পশু মৃত্যুমুখে পতিত হইয়াছে। ১ শত ৩৭ লক্ষ একর জমির যে ফসল নষ্ট হইয়াছে উহার আনুমানিক মূল্য ৪০ কোটি টাকা। বহু-সংখ্যক গৃহ ধ্বংসিয়া গিয়াছে। বহু মূল্যবান জমি ভাঙনের ফলে ও পলি পড়িয়া নষ্ট হইয়া গিয়াছে। পথঘাট, রেলপথ এবং সেতু ও বাধের প্রাকৃতিক ক্ষতি সাধিত হইয়াছে। ইহার ফলে যোগাযোগ-

ব্যবস্থা এমনভাবে ভাঙিয়া পড়িয়াছে যে, ইতিপূর্বে এইরূপ আর কখনও হয় নাই।

শ্রীনন্দ বলেন যে, দুর্গত এলাকায় অবিলম্বে সর্ববিধ সাহায্য প্রেরণের জন্ত ব্যাপক ব্যবস্থা অবলম্বন করা হইয়াছে। বঙ্গার্ভূতদের সাহায্যার্থে ৫ কোটি ৭৫ লক্ষ টাকা ইতিমধ্যে পাওয়া গিয়াছে। তন্মধ্যে ১৯৬ লক্ষ টাকা খয়রাতি সাহায্য এবং ৩২১ লক্ষ টাকা কৃষি-ঋণের জন্ত দেওয়া হইয়াছে। রাজ্য সরকারগুলির এই দায়িত্বে অংশ গ্রহণে কেন্দ্রীয় সরকার সম্মত হইয়াছেন।

শ্রীনন্দ বঙ্গাপ্রাবিত অঞ্চলের প্রত্যক্ষ অভিজ্ঞতা অর্জন করিয়াছেন। তিনি বলেন যে, অতীতেও বঙ্গা হইয়াছে কিন্তু এইরূপ ব্যাপক ও ভয়াবহ বন্যা ইতিপূর্বে কখনও হয় নাই। এই বন্যা প্রতিরোধের জন্য যথাযথভাবে কোন ব্যাপক চেষ্টা হয় নাই। জলবিজ্ঞান সংক্রান্ত অন্যান্য তথ্য সংগ্রহের ব্যাপারে এই অব্যক্ত অবহেলা দেখা গিয়াছে। অথচ এই তথ্য ভিন্ন নির্ভরযোগ্য কোন প্রতিকারমূলক ব্যবস্থা গ্রহণ সম্ভব নহে। অবশ্য এই ক্রটি সংশোধনের জন্য কিছু কিছু ব্যবস্থা অবলম্বিত হইয়াছে। তবে এখনও বহু কাজ করিবার রহিয়াছে।

শ্রীনন্দ বলেন—বন্যা সম্পর্কে সরকার মৌলিক তথ্য সংগ্রহ ও আবশ্যিক তদন্তের কাজকে অগ্রাধিকার দিবার সিদ্ধান্ত করিয়াছেন।

বন্যা নিয়ন্ত্রণের সমস্যা তিন-পর্যায়ে সমাধানের চেষ্টা করা হইবে—(১) নির্দিষ্ট কাল পর্য্যন্ত, ধরুন দুই বৎসরের জন্য আশু সাহায্য দান, (২) স্বল্পমেয়াদী, ধরুন ৭ বৎসরের জন্য এবং (৩) তৃতীয় পর্যায়ে দীর্ঘমেয়াদী ব্যবস্থা। জল ধরিয়া রাখার জন্য আধার নির্মাণ ও বিভিন্ন পথে জল চালান দেওয়া বন্যা-নিয়ন্ত্রণের প্রকৃষ্ট ব্যবস্থাগুলির মধ্যে বিশেষভাবে উল্লেখযোগ্য। দেশের তিনটি বিধ্বংসী নদী দামোদর, মহানদী ও কোশীর বহুমুখী উন্নতি পরি-কল্পনার কাজ শেষ হইবার পর বন্যার তাণ্ডব হইতে এক বিরাট এলাকা রক্ষা পাইবে।

তিনি আরও বলেন যে, শতদ্রব উপর ভাকরা বাধ, বিহান বাধ এবং চম্বে গান্ধীনগর বাধ বহুমুখী উন্নতি পরিকল্পনার পরিচায়ক।

শ্রীনন্দের বিবৃতিতে আমরা ব্রহ্মপুত্র, তিস্তা, তোর্সা, জলঢাকা ইত্যাদির নাম পাই নাই। সেগুলিরও ব্যবস্থা হওয়া প্রয়োজন।

প্রধানমন্ত্রী শ্রীনেহরুর বিবৃতিতে গঙ্গা ও ব্রহ্মপুত্রের নাম আসিয়াছে। অল্প দিকেও তাঁহার কথায় কতকটা আশার আভাস পাওয়া যায়।

তাঁহার বিবৃতি এইরূপে সংবাদপত্রে প্রকাশিত হয় :

“নয়াদিল্লী, ৭ই সেপ্টেম্বর—দেশে অভূতপূর্ব বঙ্গার ফলে যে পরিস্থিতির উদ্ভব হইয়াছে, প্রধানমন্ত্রী শ্রীনেহরু জনগণকে তাহার গুরুত্ব সম্পর্কে সচেতন হইয়া শাস্ত এবং দৃঢ়চিত্তে এই পরিস্থিতির সম্মুখীন হইতে অনুরোধ করিয়াছেন। বঙ্গাবিধ্বস্ত অঞ্চলে তিন দিন ব্যাপী সফরের পর এক বিবৃতিতে শ্রীনেহরু বলিয়াছেন যে, আগামী বর্ষাকালে যাহাতে এইরূপ বিরাট ক্ষতি না হয় সেজগ

অবিলম্বে ব্যবস্থা গ্রহণ করা হইতেছে, গঙ্গা এবং ব্রহ্মপুত্র এই দুইটি নদীর জল দুইটি প্রধান নদী-উপত্যকা কমিশন গঠন করার ব্যবস্থা হইতেছে। ইহা ছাড়া এই দুইটি কমিশনের কার্যের মধ্যে সামঞ্জস্যবিধান এবং কমিশনের কার্যাবলীর তত্ত্বাবধানের উদ্দেশ্যে একটি কেন্দ্রীয় বোর্ড গঠনের প্রস্তাব করা হইতেছে।

শ্রীনেহরু এই বিবৃতিতে বলিয়াছেন যে, এই দুইটি কমিশন অতীত ও বর্তমান সম্পর্কে যথাসম্ভব তথ্য সংগ্রহ করিবেন। বন্যার ফলে ভূমির যে উন্নতি সাধন হয় তাহা বন্ধ না করিয়া অথবা প্রাকৃতিক শক্তিগুলির স্বাভাবিক কার্যে কোনরূপ হস্তক্ষেপ না করিয়া এই কমিশন ভবিষ্যতে বন্যার ফলে যাগাতে বিরাট ধ্বংস ও জনগণের হর্ভোগ বন্ধ হয় সেই উদ্দেশ্যে প্রধান পরিকল্পনাগুলি প্রণয়ন করিবেন। এইগুলি হইবে সুদূরপ্রসারী ব্যবস্থা। ইহা ছাড়া, আগামী বর্ষাকালে যাহাতে বিরাট ধ্বংস না হইতে পারে সেজল অবিলম্বে ব্যবস্থা গ্রহণ করিতে হইবে অর্থাৎ আগামী আট নয় মাসের মধ্যে এ বিষয়ে কিছু ব্যবস্থা গ্রহণ করিতেই হইবে। এই ব্যবস্থা অবশ্য আংশিক হইবে, তবে ইহা বিরাট ক্ষতি বন্ধে সাহায্য করিবে। আগামী আট-নয় মাসের মধ্যে যে ব্যবস্থাগুলি গৃহীত হইবে, যে প্রধান পরিকল্পনা প্রণয়নের ব্যবস্থা হইতেছে সেইগুলি তাহারই অংশ হইবে। এই উদ্দেশ্যে অবিলম্বে ব্যবস্থা অবলম্বন করা হইতেছে।

বন্যাবিধ্বস্ত অঞ্চলের অধিবাসীদের পূর্ণ সহযোগিতার জল আবেদন জানাইয়া প্রধানমন্ত্রী এই বিবৃতিতে বলিয়াছেন যে, উপযুক্ত ইঞ্জিনিয়ারদের পরামর্শ, অধিকতর তথ্য এবং সরকার ও জনগণের সম্মিলিত প্রচেষ্টায় অনেক কিছু করা যে সম্ভব হইবে সে বিষয়ে তাঁহার কোন সন্দেহ নাই। তিনি বলিয়াছেন যে, বন্যার্তীদের সাহায্যের সর্বাপেক্ষা ভাল উপায় হইতেছে হয় সাহায্য তহবিলে অর্থদান অথবা কাপড় কিংবা অন্নাদি প্রয়োজনীয় দ্রব্যাদি প্রেরণ।

এখন ঘরের কথায় আসা যাউক। পশ্চিমবঙ্গের বিধানসভায় উত্তরবঙ্গে প্লাবনের ধ্বংসলীলা সম্পর্কে যে আলোচনা হয় তাহার সংক্ষিপ্ত বিবরণ এইরূপ :

“শ্রীআনন্দগোপাল মুখার্জি (কংগ্রেস) তাঁহার প্রস্তাবে উত্তরবঙ্গে বন্যার ফলে যে বিরাট ক্ষতি হইয়াছে তজ্জল সরকারকে নিম্নলিখিত ব্যবস্থাসমূহ অবলম্বন করিতে অনুরোধ করেন : (১) সরকার অবিলম্বে দুর্গত এলাকার নানাবিধ রিলিফ, অর্থসাহায্য ও ঋণ দিবার এবং বিধ্বস্ত অঞ্চলে যাতায়াত ব্যবস্থা পুনঃসংস্থাপনের জল উপায় অবলম্বন করুন ; (২) রিলিফ ও পুনর্বাসনের সমস্ত ব্যয় বহনের নিমিত্ত ভারত সরকারের নিকট সাহায্য ও ঋণের জল আবেদন করুন এবং (৩) ভারত সরকার যাহাতে পশ্চিমবঙ্গ সরকারের সহযোগিতায় বন্যানির্বোধ সংক্রান্ত ব্যবস্থা অবলম্বন করেন তজ্জল পশ্চিমবঙ্গ সরকার ভারত সরকারের নিকট তদ্বির করুন।

প্রস্তাবটি উত্থাপন প্রসঙ্গে শ্রীমুখার্জি বন্যার ধ্বংসলীলার বিশদ বিবরণ প্রদান করিয়া বলেন যে, এই ধরণের বন্যা পূর্বে আর দেখা যায় নাই। উহাতে লক্ষ লক্ষ মানুষ গৃহহারা হইয়াছে ও আনু-

মানিক ২০ কোটি টাকার সম্পত্তি নষ্ট হইয়াছে এবং হাজার হাজার বিঘা জমির ক্ষতি হইয়াছে। সুতরাং দুর্গত ব্যক্তিদের অবিলম্বে রিলিফ ও অন্নাদি সাহায্যাদি এবং ঋণ দেওয়ার ব্যবস্থা করা দরকার। তিনি অভিযোগ করেন যে, বিধ্বস্ত অঞ্চলে যাতায়াত-ব্যবস্থা চালু করার জল যেরূপ তৎপরতা দরকার বেল-কর্তৃপক্ষ নাকি সেইরূপ তৎপরতার সহিত কাজ করিতেছেন না। তাঁহার মতে বেল-কর্তৃপক্ষের এই ব্যাপারে আরও তৎপর হওয়া দরকার।

শ্রীআনন্দগোপাল মুখোপাধ্যায় কর্তৃক উত্থাপিত এবং শ্রীশচীন্দ্র বসু কর্তৃক সংশোধিত বেসরকারী প্রস্তাবটি সমর্থন করিতে উঠিয়া খাড়া ও সাহায্য মন্ত্রী শ্রীপ্রফুল্ল সেন বলেন যে, উত্তরবঙ্গে বন্যার ফলে যে অবস্থার সৃষ্টি হইয়াছে, তাহার প্রতি দেশের জনসাধারণের দৃষ্টি আকর্ষণ করার উদ্দেশ্যেই শ্রীমুখোপাধ্যায় এই প্রস্তাব উত্থাপন করিয়াছেন।

সরকারী সাহায্য বন্যাবিধ্বস্ত এলাকাসমূহে যথারীতি পৌঁছায় নাই বলিয়া বিরোধীপক্ষ যে সমালোচনা করেন, তাহার উত্তরে শ্রীসেন বলেন যে, বন্যার ফলে যখন উত্তরবঙ্গে বহু স্থান বিচ্ছিন্ন হইয়া গিয়াছিল, তখন সম্ভবতঃ এই সকল বিচ্ছিন্ন এলাকার বার ঘণ্টা, চব্বিশ ঘণ্টা অথবা কয়েক দিন পর্যন্ত সরকারী সাহায্য পৌঁছাইয়া দেওয়া সম্ভব হয় নাই। তাহার কারণ, দ্বিতীয় বারের বন্যার ফলে বেল-ব্যবস্থা পর্যাপ্ত ছিলভিন্ন হইয়া যায়। তাহাতে বহু সরকারী কর্মচারীও আটকাইয়া পড়েন। কিন্তু তিনি সভার সদস্যগণকে এই আশ্বাস দিতে পারেন যে, বর্তমানে সব জায়গায় সরকারী সাহায্য পৌঁছিয়াছে এবং নানা অস্ত্রবিধা সম্বন্ধে যেভাবে সরকারী কর্মচারী, দমকলকর্মী, কংগ্রেস ও বেডক্রস কর্মীরা উত্তরবঙ্গের বন্যাবিধ্বস্ত এলাকাসমূহে সরকারী সাহায্য পৌঁছাইয়া দিয়াছেন শ্রীসেন তাহার সপ্রশংস উল্লেখ করেন। কারণ রাস্তার অসংখ্য জায়গা ভাঙা অবস্থায় রহিয়াছে এবং লক্ষ লক্ষ টাকা ব্যয়ে নির্মিত নয়াট বৃহৎ সেতু এবং পর্যটনালিখটি ছোটখাট সেতুর মেয়ামতির কাজ বাকি রহিয়াছে।

বন্যার ফলে জলপাইগুড়ি ও কোচবিহার জেলায় বহু চাষের জমিতে বালি স্তর পীকৃত হওয়ার ফলে চাষে যে বিপর্যয়ের সৃষ্টি হইয়াছে, তাহার উল্লেখ করার পর তিনি বলেন যে, মালদহ জেলায় কিন্তু এই অবস্থা নহে ; চাষের জমিতে পলিমাটি পড়ার ফলে জমির উর্বরা শক্তি বৃদ্ধি পাইয়াছে এবং সেজল সেখানে বেশী করিয়া কৃষিঋণ দেওয়া হইয়াছে। সরকার এবং সকলের সমবেত প্রচেষ্টায় রিলিফের কাজ চালাইবার যে প্রস্তাবটি করা হয়, সে সম্পর্কে সাহায্যমন্ত্রী বলেন যে, সরকারী পরিচালনাধীনে থাকাই সম্ভব কারণ কোন সংস্থাকে এই কাজ করিতে দেওয়া হইলে সকলকেই ইহার সুযোগ দেওয়া উচিত এবং রাজনীতি, সমাজসেবা, ধর্মীয় প্রতিষ্ঠান নানা দিক হইতে এত অসংখ্য প্রতিষ্ঠান আছে যে, সকলকে এই সুযোগ দেওয়া একান্ত অসম্ভব। তবে, কেন্দ্রীয় এক উপদেষ্টা কমিটি গঠনের কথা সরকার বিবেচনা করিয়া দেখিবেন।

বঙ্গার্জনের সাহায্যের জগৎ সরকারের পরিকল্পনা সম্পর্কে জীসেন বলেন যে, অক্টোবরের অর্ধেক পর্যন্ত প্রায় নয় লক্ষ লোককে খরসাহাতি সাহায্য দেওয়া হইবে এবং ছিয়ান্তর লক্ষ আশী হাজার টাকা ব্যয় হইবে। ইহার পর নিত্যশ্রম শিল্প ও অনুষঙ্গ লোক ছাড়া সকলকে কিছু কিছু স্টেট রিলিফের কাজ দেওয়া হইবে। শিল্পদের দুধ ও অন্যান্য খাদ্যের জগৎ সাত লক্ষ আটব্বাট্র হাজার টাকা ব্যয় হইবে; বস্তার ফলে তাঁহাদের গৃহাদি নষ্ট হইয়াছে, তাঁহাদের গৃহ-নির্মাণের জগৎ এক কোটি বাইশ লক্ষ টাকা ব্যয় হইবে; টিউবওয়েল ও ইনারার জগৎ ছয় লক্ষ সাতব্বাট্র হাজার টাকা ব্যয় করা হইবে। কোচবিহারে এক শত টিউবওয়েল নির্মাণের কাজ আরম্ভ হইয়াছে। অক্টোবরের শেষের দিকে যে স্টেট রিলিফ কাজ আরম্ভ হইবে, সে বাবদ সরকার দেড় কোটি টাকা ব্যয় করিবেন। ছোট ছোট সেচের মেরামতের জগৎ পাঁচ লক্ষ টাকা ব্যয় করা হইবে, গবাদি পশুর খাদ্যের জগৎ দেড় লক্ষ টাকা, বীজের জগৎ ছয় লক্ষ টাকা, যোগের প্রতিষেধক বাবদ এগার লক্ষ সাতাশ হাজার টাকা এবং মিউনিসিপালিটি ও জেলা বোর্ডের রাস্তা মেরামত বাবদ পাঁচ লক্ষ টাকা ব্যয় করার পরিকল্পনা সরকার গ্রহণ করিয়াছেন। উত্তরবঙ্গের শহরগুলিকে বাঁচাইবার জগৎ কেন্দ্রীয় সরকারের নিকট হইতে যে তিন কোটি ছাপ্পান্ন লক্ষ টাকা ঋণ চাওয়া হইয়াছে, তিনি তাহার কথাও বলেন। তিনি জানান যে, বঙ্গার্জনের সাহায্যের জগৎ সরকার প্রায় নয় কোটি একাল্ল লক্ষ টাকার এক পরিকল্পনা গ্রহণ করিয়াছিলেন।

সরকারী বিভাগে দুর্নীতি সম্পর্কে যে সকল অভিযোগ করা হয়, তিনি তাহা অস্বীকার করেন।”

ব্যাঙ্ক কর্মচারীদের দাব

ব্যাঙ্ক-কর্মচারীদের বেতন সম্বন্ধে জিজিভাই কমিটি যে সিদ্ধান্ত করিয়াছিলেন তাহা ভারত সরকার কর্তৃক পরিবর্তনের ফলে ব্যাঙ্ক-কর্মচারীদের মধ্যে ভাবতব্যাপী বিক্ষোভ সুরু হইয়াছে। শ্রমমন্ত্রী জীগিরির পদত্যাগে ব্যাপারটি আরও জটিল হইয়া উঠিয়াছে, ফলে গবন্মেণ্ট বিব্রত হইয়াছেন এবং আইন-পরিষদের বিপক্ষদল এক সঙ্গে জোট বাঁধিয়াছেন। ব্যাঙ্ক কর্মচারীদের প্রতি দরদর চেয়ে ভবিষ্যৎ নির্বাচনে ভোট সংগ্রহের সংস্থানই তাঁহাদের এ বিষয়ে প্রধান উদ্দেশ্য। জীগিরির পদত্যাগ সত্যই আকস্মিক এবং বিস্ময়কর। তিনি প্রকৃতই ট্রেড ইউনিয়ন নীতিতে বিশ্বাসবান, কারণ তিনি সালিশী এবং মিটমাটে আস্থা রাখেন। কিন্তু যে আদর্শ এবং নীতি তিনি এতদিন পর্যন্ত প্রচার করিয়া আসিয়াছেন, তাঁহার পদত্যাগ উহার বিরুদ্ধতাই করিয়াছে।

একটি সাব-কমিটির অনুমোদন অনুসারে ভারতীয় মন্ত্রী-পরিষদ জিজিভাই কমিটির সিদ্ধান্ত পরিবর্তন করিয়াছেন। ব্যাঙ্কের মুনাফা বৃদ্ধি, আমানত বৃদ্ধি ও কার্যক্ষেত্র বৃদ্ধি হইতেছে ব্যাঙ্কের জীবুদ্ধির পরিচায়ক। ১৯৪৮ সন হইতে ১৯৫৩ সন পর্যন্ত ভারতীয় ব্যাঙ্কের মুনাফা ত্রিশশ:ই হ্রাস পাইয়াছে। যদিও ব্যাঙ্কসমূহের মোট

আয় ইদানীং বৃদ্ধি পাইয়াছে তথাপি তাহাদের মোট মুনাফার পরিমাণ হ্রাস পাইয়াছে। ১৯৪৮ সনে ভারতীয় সিডিউল্ড ব্যাঙ্কসমূহের মোট আয় ছিল ২৯.৭৩ কোটি টাকা, ১৯৫২ সনে ইহার পরিমাণ বৃদ্ধি পাইয়া দাঁড়ায় ৩৪.২৮ কোটি টাকায় এবং ১৯৫৩ সনে ৩৪.৩৮ কোটি টাকায় বৃদ্ধি পায়। মোট মুনাফার পরিমাণ ৮.০৭ কোটি টাকা হইতে ৬.৫১ কোটি টাকায় হ্রাস পাইয়াছে। এই মুনাফার পরিমাণ হইতে আয়কর এবং অন্যান্য প্রয়োজনীয় খরচ আবার বাদ যাইবে। ক্ষয়িষ্ণু মুনাফার জগৎ দুইটি কারণ দায়ী। প্রথমতঃ, আমানতের উপর সুদের হার বৃদ্ধি এবং দ্বিতীয়তঃ, সংস্থান খরচ (establishment expenses) বৃদ্ধি। আমানতের উপর সুদের পরিমাণ ৬.৯৮ কোটি টাকা হইতে ৮.৯০ কোটি টাকায় বৃদ্ধি পাইয়াছে এবং সংস্থান খরচ পূর্বেকার সালিশী সিদ্ধান্ত অনুসারে ৯.৫০ কোটি টাকা হইতে ১৩.২৫ কোটি টাকায় বৃদ্ধিপ্রাপ্ত হইয়াছে। ব্যাঙ্ক-কর্মচারীদের প্রতিনিধিরা ভ্রান্ত ধারণা প্রচার করিতেছেন যে, ব্যাঙ্কের কতিপয় উচ্চতন কর্মচারী অনেক টাকা মাহিনা পায় এবং তাহার জগৎই সাধারণ সংস্থান খরচ বৃদ্ধি পাইয়াছে। ইহারা যদি বিনা বেতনেও কাজ করিতেন তাহা হইলেও সমস্তার সমাধান হইত না। আর এই সকল কর্মচারী যেমন অধিক মাহিনা পান তেমনি তাঁহাদের অধিক হারে করও দিতে হয়। নিম্ন মাহিনার কর্মচারীদেরই ইদানীং অধিক সুবিধা হইয়াছে। ১৯৪৮ সনে ইহারা যে মাহিনা পাইতেন বর্তমানে তাহার উপর শতকরা ৪৬ টাকা হিসাবে ইহাদের আয় বৃদ্ধি পাইয়াছে; কিন্তু উচ্চতন কর্মচারীদের আয় শতকরা ২৪ টাকা হিসাবে বৃদ্ধি পাইয়াছে।

বিদেশী এক্সচেঞ্জ ব্যাঙ্ক ও নন-সিডিউল্ড ব্যাঙ্কসমূহের মুনাফাও হ্রাস পাইয়াছে। ১৯৪৯ সনে এক্সচেঞ্জ ব্যাঙ্কের মোট মুনাফা ছিল ৪.৬১ কোটি টাকা, ১৯৫৩ সনে ইহা হ্রাস পাইয়া দাঁড়ায় ২.৬২ কোটি টাকায়। নন-সিডিউল্ড ব্যাঙ্কসমূহের মোট মুনাফার পরিমাণ ১৯৪৯ সনে ছিল ৪২.৬ লক্ষ টাকা এবং ১৯৫৩ সনে ইহা দাঁড়ায় ৩৩ লক্ষ টাকায়।

দেশে মুদ্রাস্ফীতি হ্রাস পাওয়ার ফলে সিডিউল্ড ব্যাঙ্কসমূহের আমানত হ্রাস পাইয়াছে। ১৯৪৮ সনে আমানতের মোট পরিমাণ ছিল ১০৪২.১৬ কোটি টাকা এবং ১৯৫৩ সনে ইহা নামিয়া আসে ৯০৫.৮৬ কোটি টাকায়। ব্যাঙ্কসমূহের সংস্থান খরচ বৃদ্ধি পাওয়ার গ্রাম্য এলাকা ও অন্যান্য এলাকায় ইহাদের শাখা বৃদ্ধি করা সম্ভবপর হইতেছে না, ফলে আয়বৃদ্ধিও যথোচিত হারে হইতেছে না। ১৯৪৮ সনে সিডিউল্ড ব্যাঙ্কসমূহের মোট শাখা ছিল ২৯৬৩; ১৯৫৩ সনে ছিল ২,৬৮৫। নন-সিডিউল্ড ব্যাঙ্কসমূহের শাখা ১,৭১১টি হইতে ১,২৬৮টিতে হ্রাস পাইয়াছে। এই অবস্থায় কেহই জোর করিয়া বলিতে পারিবেন না যে, ব্যাঙ্কসমূহের খরচ বৃদ্ধি পাইলে তাহাদের সমূহ ক্ষতি হইবে না।

যদি জিজিভাই কমিটির সিদ্ধান্ত ছবছ মানিয়া লওয়া হয় তাহা হইলে ১২টি ব্যাঙ্ক তাহাদের প্রায় ২৪১টি শাখা বন্ধ করিয়া দিতে বাধ্য হইবে যাহার ফলে প্রায় ২,৫৪৯ কর্মচারীর চাকরী যাইবে। ইহাতে কাহার মঙ্গল হইবে? কর্মচারীদের? ব্যাঙ্ক-কর্মচারীর এবং

তাহাদের সমর্থকেরা তুলিয়া বান্ধে ভারতবর্ষ মুখ্যতঃ কৃষি-প্রধান দেশ হওয়ায় এখানে কার্যক্ষেত্র সীমাবদ্ধ।

ভারতবর্ষ অগ্গাণ্ড শিল্পের যখন ৫ সার হইতেছে, তখন ব্যাঙ্কগুলি সেই পরিমাণে বৃদ্ধি পাইতেছে না, তাহার প্রধান কারণ তাহাদের সংস্থান খরচ অত্যধিক। ১৯৪৮ হইতে ১৯৫৩ সনের মধ্যে ব্যাঙ্ক-সমূহের সংস্থান খরচ প্রায় শতকরা ৭০ ভাগ হিসাবে বৃদ্ধি পাইয়াছে। ব্যাঙ্কগুলি শেষাবের উপর সাধারণতঃ শতকরা তিন টাকা হইতে পাঁচ টাকা পর্যন্ত লভ্যাংশ দেয়, ইহা এমন কিছু বেশী নয়। আর শুধু কর্মচারীদের স্বার্থ দেখিলেই চলিবে না, অংশীদার এবং আমানতকারীদের স্বার্থও দেখিতে হইবে। ভারতীয় ২৬টি প্রধান ব্যাঙ্ক যাহাদের আমানতের পরিমাণ পাঁচ কোটি টাকার উপর, তাহাদের কর্মচারীর সংখ্যা মোট ৩০,২৭৭; কিন্তু তাহাদের আমানতকারীর সংখ্যা হইতেছে ২০,১৯,৩৫৯ এবং অংশীদারদের সংখ্যা হইতেছে ১,১১,৪৬৬। কর্মচারীদের প্রায় ৭৭ ভাগ হইতেছে আমানতকারীর সংখ্যা।

অধিকাংশ ক্ষেত্রেই ব্যাঙ্ক-কর্মচারীরা সরকারী কর্মচারীদের সমান মাহিনা পায় এবং অনেকক্ষেত্রে বেশীও পায়। তবে ব্যাঙ্ক-কর্মচারীদের মধ্যে যাহারা অতি তল্প মাহিনা পান তাহাদের মাহিনা অবশ্যই বৃদ্ধি করিয়া দিতে হইবে এবং যাহারা অতি উচ্চ হারে পান তাহাদের মাহিনা হ্রাস করিয়া দিতে হইবে। কোন কোন ব্যাঙ্কের মাহিনাজার সাত-আট হাজার টাকা মাহিনা পান—ইহার কিছু হ্রাস করা দরকার। তবে ইহাদের সংখ্যা মুষ্টিমেয়। গবর্নমেন্ট এ সম্বন্ধে নূতন যে কমিটি নিয়োগের প্রস্তাব করিয়াছেন সেই কমিটির কার্য-তালিকা ব্যাপক হওয়া প্রয়োজন যাহাতে এই ব্যাপারটির সম্পূর্ণ সমাধান হয়।

এই ত গেল নিখিল-ভারতের ব্যাঙ্কের কথা। বাঙালীর ব্যাঙ্কের কথা বলা আরও দুঃখকর। প্রথম দিকে লোভী ও দুর্নীতিপরায়ণ পরিচালকের দোষে ত বহু ব্যাঙ্ক ফেল হইয়া বাঙালী মধ্যবিত্তের সর্বনাশ হইয়াছে। এখন যদি তাহার উপর বাঙালী কর্মচারীর আত্মঘাতী নির্বন্ধিতা তাহার সঙ্গে জড়িত হয় তবে বাঙালীর ব্যাঙ্ক বলিতে কিছুই থাকিবে না। ব্যাঙ্ক কর্মচারীর মধ্যে অধিকাংশই বিজ্ঞ-বুদ্ধি যথেষ্ট রাখেন। হুজুগের মধ্যে পড়িয়া তাহারা যেন নিজের পায়ে কুড়লের কোপ না মারেন। তাহাদের স্থান একমাত্র বাঙালীর ব্যাঙ্কে, মাদ্রাজী, পঞ্জাবী, গুজরাটি ইত্যাদি অল্প শত স্থলে স্থান পাইবে। কেন্দ্রীয় কমিটির নিম্নোক্ত নির্দেশ তাহারা যেন অগ্রপশ্চাত্ত বিবেচনা করেন :

“নাগপুর ৯ই সেপ্টেম্বর—নিঃ ভাঃ ব্যাঙ্ক কর্মচারী সমিতির কেন্দ্রীয় কমিটি ব্যাঙ্ক কর্মচারীগণকে আগামী ২৩শে সেপ্টেম্বর দেশের সর্বত্র একদিনের জগ্গ ‘প্রতিবাদ ধর্মঘট’ করিতে আহ্বান জানাইয়াছেন।

কেন্দ্রীয় কমিটির দুই দিনব্যাপী অধিবেশনের শেষে অল্প একটি প্রস্তাব গৃহীত হয়। এই প্রস্তাবে বলা হইয়াছে যে, গবর্নমেন্ট যদি ব্যাঙ্ক কর্মচারীদের সমস্ত সম্পর্কে পুনরায় বিচার-বিবেচনা না করেন

তাহা হইলে দেশব্যাপী সাধারণ ধর্মঘটের ব্যবস্থা করা হইবে এবং উহা বর্তমান বৎসরের ১৫ই নভেম্বরের মধ্যেই করা হইবে।

কেন্দ্রীয় কমিটির ১৮ জন সদস্যের মধ্যে ১৬ জনই এই কর্মসূচী অধিবেশনে উপস্থিত ছিলেন।

দক্ষিণ-পূর্ব এশিয়া চুক্তি সংস্থা

সম্প্রতি ফিলিপাইন দ্বীপের মানিলা নগরে যে আন্তর্জাতিক গবেষণা ও চুক্তির জগ্গ জমায়েত হয় সে সম্পর্কে পণ্ডিত নেহরুর মতামত নিয়ে উক্ত সংবাদে পাওয়া যায় :

“৯ই সেপ্টেম্বর—প্রধানমন্ত্রী শ্রীনেহরু আজ দক্ষিণ-পূর্ব এশিয়া চুক্তি সংস্থা সম্পর্কে ভারতের প্রতিক্রিয়া সরকারীভাবে ব্যাখ্যা করিয়া এই চুক্তিকে ‘আন্তর্জাতিক ব্যাপারে জোট বাধা’ বলিয়া অভিহিত করেন এবং বলেন যে, ইহার ফলে ইন্দোচীনে শাস্তি স্থাপন প্রচেষ্টার ক্ষতি হইবে এবং অনিশ্চয়তা বৃদ্ধি পাইবে।”

প্রেস এসোসিয়েশনের উদ্যোগে জিমথানা ক্লাবে অনুষ্ঠিত এক ভোজসভায় বক্তৃতা প্রসঙ্গে তিনি এই মন্তব্য করেন এবং বলেন যে, ‘আনজাস’, ‘নাটো’, ‘সীটো’ জাতীয় গোষ্ঠীগত চুক্তির ফলে অত্যন্ত জটিল পরিস্থিতির উদ্ভব হইয়াছে—কারণ, ভিন্ন ভিন্ন অঞ্চলে যেসব শক্তির স্বার্থ রহিয়াছে তাহাই এইরূপ চুক্তির ব্যাপারে জোট বাধিতেছে। ইহাতে ঔপনিবেশিক আধিপত্যের অধীন দেশগুলির সমূহ ক্ষতি হইতেছে—কারণ এই শক্তিগুলি প্রত্যক্ষ বা পরোক্ষভাবে প্রচলিত অবস্থা বহাল রাখার জগ্গই আগ্রহান্বিত। ইহার ফলে ঔপনিবেশিক শাসন হইতে মুক্তিলাভের বিঘ্ন ঘটতেছে। ইহা রাষ্ট্রসভ্য সনদের বিরোধী। অথচ এইরূপ গোষ্ঠীগত চুক্তির সময় রাষ্ট্রসভ্যের মহান সনদের দোহাই দেওয়া হইতেছে। চিন্তায় এবং কথাবাতায় ‘হুমুপো নীতি’ অনুসরণ করা হইতেছে—অর্থাৎ, মুণ্ডের কথায় এবং প্রকৃত মনোভাবে কোন সামঞ্জস্য থাকিতেছে না।

গোয়ার ব্যাপারে হস্তক্ষেপের জগ্গ পণ্ড গাল ‘নাটো’কে অনুবোধ করার তিনি বিষয় প্রকাশ করেন।

পি. টি. আই ও ইউ. পির বিবরণে প্রকাশ, শ্রীনেহরু দঃ পুঃ এশিয়া চুক্তির উল্লেখ করিয়া বলেন যে, ইহা অত্যন্ত পরিতাপের বিষয়, ইহাতে শাস্তি সুনিশ্চিত না হইয়া বিপন্ন হইবে। এইরূপ চুক্তির সময় কেবল এশিয়ার সমস্তা, এশিয়ার নিরাপত্তা ও এশিয়ার শাস্তি সম্বন্ধে আলোচনা করা হয় না, প্রধানতঃ অ-এশীয়রা মিলিয়া এই সকল ব্যাপারে চুক্তিও করিয়া ফেলেন। ইহা একটা বিসদৃশ ব্যাপার। সমস্বার্থসম্পন্ন দেশগুলির পক্ষে প্রতিরক্ষার ব্যাপারে দল বাধা ইতিহাসের স্বাভাবিক ব্যাপার বলিয়াই ধরা যায়। কিন্তু এক্ষেত্রে আর একটি বিসদৃশ ব্যাপার এই যে, যেসব দেশ যোগ দেয়-নাহে, তাহাদের রক্ষা করিবার জগ্গ এশিয়ার বাহিরের কতকগুলি দেশও দল বাধিয়া বসে। ইহা অত্যন্ত অস্বাভাবিক। যেসব দেশ তাহাদের আশ্রয় চাহে না তাহাদেরও ইহার রক্ষা করিবার জগ্গ বন্ধপরিষ্কার।

শ্রীনেহরু আরও বলেন, ইন্দোচীনে এবং দঃ পুঃ এশিয়ায়

যখন নূতন পরিবেশ সৃষ্টি হইয়াছে—জনসাধারণ যখন ক্রমেই বেশী করিয়া শাস্তি কথা ভাবিতেছে তখন তাহার বিপরীত একটা কিছু করিয়া বসি আমরা নিকট দুর্ভাগ্যের বিষয় বলিয়াই মনে হয়। আমার আশঙ্কা—এই ‘সীটোর’ ফলও কাৰ্য্যতঃ এইরূপ হইবে।

আক্রমণ প্রতিরোধ এবং শাস্তি বা নিরাপত্তা রক্ষার ব্যবস্থায় কাহারও আপত্তি থাকিতে পারে না। কিন্তু যে ব্যবস্থা করা হইল তাহার ফলে নিরাপত্তার ভাব দৃঢ়তর হইল কি না তাহাই বিচার্য্য। এক্ষেত্রে তাহা হইয়াছে বলিয়া তাঁহার মনে হয় না। আমার মতে ইহার ফলে জনসাধারণের মনে অনিশ্চয়তার ভাব বৃদ্ধি পাইবে।

প্রধানমন্ত্রী ‘নাটোর’ (উত্তর অতলাস্তিক চুক্তি গোষ্ঠীর) উল্লেখ করিয়া বলেন যে, প্রথমে ইহার উদ্দেশ্য ছিল অতলাস্তিক গোষ্ঠীকে রক্ষার ব্যবস্থা করা, এখন উহার উদ্দেশ্য সম্প্রসারিত হওয়ায় ‘নাটোর’ সদস্যদের সাম্রাজ্যিক স্বার্থরক্ষাও ইহার কাজে দাঁড়াইয়াছে। এই সম্পর্কে তিনি গোয়ার ব্যাপারে পর্ত্ত গাল কি ভাবে নাটোকে জড়িত করিতে চাহিয়াছে তাহারও উল্লেখ করেন এবং বলেন যে, ইহার জগৎ ভারতের চিন্তিত হওয়ার প্রয়োজন নাই। কিন্তু নাটোর মূল উদ্দেশ্য ক্রমেই যে ভাবে সীমা ছাড়াইয়া যাইতেছে তাহাতে তিনি বিস্ময় প্রকাশ করেন।

মনে এবং মুখে দুই প্রকার ভাব পোষণের কথা উল্লেখ করিয়া ক্রীনেহক বলেন, এই বিষয়ে পৃথিবীর সংবাদপত্রগুলি কতটা সাহায্য করিতেছে তাহা সভায় উপস্থিত দেশীয় ও বৈদেশিক সংবাদদাতারা যেন ভাবিয়া দেখেন।”

ম্যানিলায় যাহা ঘটিয়াছে তাহার বিবরণ নিম্নোক্ত সংবাদে পাওয়া যায়। ইহাতে বিশেষ দ্রষ্টব্য—মার্কিন যুক্তরাষ্ট্র, ব্রিটেন ও ফ্রান্স দক্ষিণ-পূর্ব এশিয়াস্থিত রাষ্ট্র নহে।

“ম্যানিলা, ৮ই সেপ্টেম্বর—দক্ষিণ-পূর্ব এশিয়া এবং দক্ষিণ-পশ্চিম প্রশান্ত মহাসাগরীয় এলাকায় বাবতীয় আক্রমণের বিরুদ্ধে সম্ভবতঃ দণ্ডায়মান হইতে প্রতিশ্রুতিবদ্ধ হইয়া আটটি রাষ্ট্র অর্থাৎ দক্ষিণ-পূর্ব এশিয়া চুক্তিতে স্বাক্ষর করিয়াছে।

চুক্তিতে স্বাক্ষরকারী আটটি রাষ্ট্র হইতেছে—মার্কিন যুক্তরাষ্ট্র, ব্রিটেন, ফ্রান্স, অষ্ট্রেলিয়া, নিউজিল্যান্ড, পাকিস্তান, থাইল্যান্ড এবং ফিলিপাইনস। এই আটটি রাষ্ট্র মনে করে, দক্ষিণ-পূর্ব এশিয়া এবং দক্ষিণ-পশ্চিম প্রশান্ত মহাসাগরীয় অঞ্চলে কোন সশস্ত্র আক্রমণ ঘটিলে তাহাদের শাস্তি ও নিরাপত্তা বিপন্ন হইবার আশঙ্কা। উক্ত অঞ্চলে অথবা সংশ্লিষ্ট কোন রাষ্ট্রের বিরুদ্ধে আক্রমণ হইলে আটটি রাষ্ট্র ‘তাহাদের সাধারণ বিপদের বিরুদ্ধে’ দণ্ডায়মান হইবে বলিয়া চুক্তিবদ্ধ হইয়াছে।

চারটি ‘কলম্বো’ শক্তি—ভূরত, ব্রহ্ম, সিংহল এবং ইন্দো-নেশিয়া ম্যানিলা অধিবেশনের আমন্ত্রণ প্রত্যাখ্যান করে এবং এই রূপ চুক্তি সম্পাদনের প্রস্তাবে আপত্তি জানায়। পাকিস্তান সম্মেলনে যোগদান করিলেও চুক্তিতে স্বাক্ষর করিবে কি না, এ বিষয়ে সন্দেহ ছিল। কিন্তু শেষ পর্য্যন্ত পাক পররাষ্ট্রমন্ত্রী মিঃ জাফরউল্লা খাঁ চুক্তিতে স্বাক্ষর করেন।

অষ্ট্রেলিয়ার পক্ষে মিঃ রিচার্ড কেসি চুক্তিপত্রে প্রথম স্বাক্ষর করেন। অতঃপর ফ্রান্স ও পাকিস্তানের পক্ষ হইতে চুক্তিতে স্বাক্ষর করা হয়।

পাকিস্তান এই চুক্তিতে স্বাক্ষর করায় পূর্ব অথবা পশ্চিম পাকিস্তান আক্রান্ত হইলে চুক্তি অনুযায়ী ব্যবস্থা অবলম্বন করা হইবে।

চুক্তিবদ্ধ আটটি রাষ্ট্র যে সকল রাষ্ট্রকে সর্বসম্মতিক্রমে মনোনীত করিবে, সেই সকল রাষ্ট্র আক্রান্ত হইলে সংশ্লিষ্ট সরকারের অনুরোধক্রমে তাহাদের সাহায্য করা হইবে। সম্ভবতঃ ইন্দোচীনের তিনটি রাষ্ট্র—লাওস, কম্বোডিয়া এবং দক্ষিণ ভিয়েটনাম প্রথম এইরূপ রাষ্ট্রের তালিকাভুক্ত হইবে।

ব্রিটেন চুক্তিতে স্বাক্ষর করায় সকল ব্রিটিশ উপনিবেশ চুক্তি এলাকার অন্তর্ভুক্ত হইবে। সুতরাং ব্রিটিশ বোর্নিও এবং মালয় চুক্তি সংস্থাভুক্ত হইবে।

দক্ষিণ-পূর্ব এশিয়া সম্মিলিত প্রতিরক্ষা চুক্তির সহিত একটি ‘প্রশান্ত মহাসাগরীয় সনদ’ যুক্ত হইয়াছে। এই সনদে চুক্তি এলাকাভুক্ত যে কোন রাষ্ট্রের স্বাধীনতা রক্ষা ও স্বায়ত্তশাসন প্রতিষ্ঠার সংগ্রামে এবং জীবনযাত্রার মান উন্নয়নের প্রচেষ্টায় সহায়তার প্রতিশ্রুতি দেওয়া হইয়াছে।

সশস্ত্র আক্রমণ বাতীত অর্থাৎ কোন ভাবে চুক্তিবদ্ধ কোন দেশের বিপদাশঙ্কা দেখা দিলে পারস্পরিক পরামর্শের ব্যবস্থা হইবে বলিয়া চুক্তি অনুযায়ী স্থির হইয়াছে। একটি কাউন্সিল গঠিত হইয়াছে। এই কাউন্সিলের বৈঠক যে কোন সময়ে হইতে পারিবে।

মার্কিন পররাষ্ট্র-সচিব মিঃ ডালেস বলেন, “এই চুক্তি আমাদের শক্তিশালী করিয়া তুলিতে সাহায্য করিবে।”

চীনা ভাষাকারের মন্তব্য

“লণ্ডন, ৬ই সেপ্টেম্বর—অল্প নয়াচীন সংবাদ সরবরাহ প্রতিষ্ঠানের জনৈক ভাষাকার ম্যানিলায় আটটি রাষ্ট্রের সম্মেলনকে ‘এশিয়াবাসীদের দাসত্বনিগড়ে’ আবদ্ধ করার এবং এশিয়ার শাস্তি নষ্ট করার প্রচেষ্টা বলিয়া অভিহিত করিয়াছেন। তিনি বলেন, ‘মার্কিন যুক্তরাষ্ট্রের খসড়া চুক্তিপত্রে প্রমাণিত হয় যে, তথাকথিত প্রতিরক্ষা সম্মেলনে প্রধানতঃ উপনিবেশিক শক্তিসমূহ যোগ দিয়াছে।

চুক্তি স্বাক্ষর হইবার পর পাকিস্তান হইতে একটি অদ্ভুত সংবাদ আসে। তাহাতে বলা হয় যে, পাক পররাষ্ট্রমন্ত্রী জাফরউল্লা খাঁর উহাতে স্বাক্ষর করার কথা ছিল না। তিনি নিজের বিচারে উহা করিয়াছেন। এইরূপ সংবাদের অর্থ কি আমরা বুঝিতে অক্ষম।

যাহাই হউক, এইরূপ চুক্তির ফলে ভারতের বিপদাপদের সম্ভাবনা বাড়িতে পারে, কিন্তু উহা হইতে সরিয়া থাকায় ভারতীয়-দিগের আত্মসম্মান বৃদ্ধি পাইবে।

মধ্যশিক্ষা পর্য্যৎ

অনেকপ্রকার জোড়াতালি দিয়া পশ্চিমবাংলার মধ্যশিক্ষা পর্য্যৎ গঠিত হয়। কিছুদিন পরে উহার কাব্যাবলী সম্পর্কে তীব্র সমালোচনা চলে। শেষে উহা বাতিল করা হয়। সম্প্রতি বিধান-

সভায় উহার সাময়িক ব্যবস্থা সম্পর্কে যে আলোচনা হয় তাহার শেষ ফল নিম্নের সংবাদে দেওয়া হইল :

“বিরোধীপক্ষের তীব্র বিরোধিতা সত্ত্বেও মধ্যশিক্ষা (সাময়িক ব্যবস্থা) বিল ১৫ই ভাদ্র বিধানসভায় গৃহীত হইয়াছে। এই বিলের আলোচনায় বুধবার যতটা উন্নত ধরনের বিতর্ক অমুষ্টিত হয় সচরাচর তাহা হুলভ। বিরোধীপক্ষের যে কয়জন বক্তা এই দিন দীর্ঘ বক্তৃতা করিয়াছেন, তাঁহাদের প্রত্যেকের বলার ভঙ্গীতে যেমন জোর ছিল, তেমনই তথ্য এবং বিগাসেও যথেষ্ট যত্নের লক্ষণ দেখা যায়।

যদিও কংগ্রেসপক্ষের শ্রী জে. সি. গুপ্ত সংবাদপত্রসমূহের সম্পাদকীয় হইতে দীর্ঘ উদ্ধৃতি দিয়া পর্যন্ত বাতিল করার সপক্ষে জনমতের সমর্থন দেখাইবার চেষ্টা করিয়াছেন, তবু প্রকৃতপক্ষে মুখ্যমন্ত্রী ডাঃ রায়ই তাঁহার জোরালো এবং বিরোধীপক্ষের প্রতি তীক্ষ্ণ কটাক্ষপূর্ণ বক্তৃতার দ্বারা সরকারী সিদ্ধান্তের সপক্ষে দৃঢ়তম সওয়াল পেশ করেন।

তিনি একথা অস্বীকার করেন যে, পর্যন্ত বাতিল করার ব্যাপারে কোনও চক্রান্ত ছিল এবং পর্যন্তের সভাপতি তাঁহার নিকট গোপন রিপোর্ট পেশ করিয়াছিলেন। পর্যন্ত সভাপতি যে রিপোর্ট শিক্ষামন্ত্রীর নিকট পেশ করেন, সরকারীভাবে তাহা সম্পূর্ণ সঙ্গত।

সরকার অ-গণতান্ত্রিক কাজ করিয়াছেন, এই সমালোচনার জবাবে তিনি বলেন যে, গণতন্ত্রের বণা তিস্তা কিংবা তোসাঁ অথবা জলঢাকা নদীর বণার চেয়ে আরও খারাপ। কেননা গণতন্ত্রের বণায় কেবল বর্তমান দেশবাসী নয়, ভবিষ্যৎ বংশধরদের প্রচুর বিপদের সন্তাবনা রহিয়াছে।

ডাঃ রায় বিশ্বাস করেন যে, সরকার এখন যে ব্যবস্থা গ্রহণ করিয়াছেন, তাহা দেশের ভবিষ্যৎ বংশধরদের আদর্শ ও উন্নততর শিক্ষার ভূমিকামাত্র এবং শীঘ্রই অপেক্ষাকৃত উন্নত ধরনের কোনও পদ্ধতি তাঁহারা এই সভার সম্মুখে পেশ করিতে পারিবেন বলিয়াও তিনি আশা করেন।”

এরূপ ফল যে হইবে তাহার ইঙ্গিত পূর্কদিনের (১৪ই ভাদ্র) আলোচনাতেই বোঝা যায়।

“বিধানসভায় মঙ্গলবারের বৈঠকে সমস্তক্ষণ আলোচনা সত্ত্বেও পশ্চিমবঙ্গ মধ্যশিক্ষা (সাময়িক ব্যবস্থা) বিলের ধারাওয়ারী আলোচনা মাত্র শেষ হয়।

প্রথম দিন বিরোধীপক্ষের তীব্র সমালোচনার পর মুখ্যমন্ত্রী এই বিলের সমর্থনে প্রধানতম অংশ গ্রহণ করিবেন, ইহা স্পষ্টই বুঝা গিয়াছিল। এই দিন তিনি মধ্যশিক্ষা পর্যন্তের কার্যকলাপের বিরুদ্ধে এক দীর্ঘ অভিযোগের তালিকা পেশ করিয়া বলেন যে, এই প্রতিষ্ঠানের হাতে কিছু বেশী পরিমাণ গণতান্ত্রিক অধিকারই দেওয়া হইয়াছিল, কিন্তু তাহারা উহার উপযুক্ত ব্যবহার করিতে পারেন নাই। তিনি দৃঢ়তার সহিত বলেন যে, পর্যন্তকে বাতিল করিয়া দিয়া তিনি অমুতপ্ত নন।

শিক্ষক ধর্মঘটের পর সরকার মধ্যশিক্ষার অবস্থা পর্যালোচনার জন্য একটি কমিটি গঠনের সিদ্ধান্ত করিয়াছিলেন, ভারতবর্ষে মধ্য-

শিক্ষা পর্যন্তসমূহের গঠনপদ্ধতি কি হইবে, সে বিষয়ে কেন্দ্রীয় সরকার নিয়োজিত মুদালিয়র কমিশনের রিপোর্টও সরকার জাহুরাবী মাসে পাইয়াছিলেন। এই পরিপ্রেক্ষিতে যখন পশ্চিমবঙ্গ মধ্যশিক্ষা পর্যন্তে কতকগুলি গুরুতর গলদ দেখা দেয়, তখন স্বভাবতই সরকার মনে করেন যে, পর্যন্তের ব্যাপারে কিছুটা পিছাইয়া আসা দরকার। মুদালিয়র কমিশনের সুপারিশ অনুযায়ী সরকার নূতন একটি মধ্যশিক্ষা পর্যন্ত গঠন করিবেন এবং সেই উদ্দেশ্যে নূতন একটি বিলও প্রণয়ন করা হইবে, বক্তৃতায় তিনি এই আভাস দেন।”

কলিকাতা পুলিশ

সম্প্রতি দৈনিক সংবাদপত্রে নিম্নের সংবাদটি প্রকাশিত হইয়াছে। কর্তৃপক্ষ ট্রাফিক বিভাগে হাত দিয়াছেন ইহা আশার কথা। কিন্তু পুলিশের যাবতীয় ব্যাপারে, শুধু কলিকাতায় নয়, বহুদিন হইতেই তদন্তের ও তদ্ব্যবধানের অভাব লক্ষিত হইতেছে। উপরোক্ত সংবাদটি এইরূপ :

“কলিকাতা পুলিশের ট্রাফিক বিভাগে নানাপ্রকার দুর্নীতির অভিযোগ সম্পর্কে পশ্চিমবঙ্গ সরকার তদন্ত করিতেছেন বলিয়া জানা গিয়াছে। দুর্নীতি দমন শাখা (এন্টি-করাপশান) ও এনফোর্সমেন্ট ব্রাঞ্চ যুক্তভাবে তদন্ত করিতেছেন এবং তদন্তের প্রাথমিক ফলাফল অনুযায়ী ইতিমধ্যেই চার জন ইনস্পেক্টর, বারো জন সার্জেন্ট এবং চল্লিশ জন কনষ্টেবলকে এই বিভাগ হইতে অপসারণ করা হইয়াছে।

ইহা ভিন্ন কয়েকদিন পূর্ক লালবাজারে ট্রাফিক পুলিশের অফিসের মধ্যে ঘৃষ লইবার সময় একজন কনষ্টেবলকে ধোঁপার করা হইয়াছে। ট্রাফিক বিভাগে তদন্তের প্রাথমিক পর্যায়েরই নানাপ্রকার দুর্নীতি ও নিয়মবহির্ভূত বিষয় প্রকাশ পাইয়াছে বলিয়া জানা গিয়াছে।

কলিকাতা পুলিশের হেড কোয়ার্টার্স বিভাগের একটি শাখা, ট্রাফিক পুলিশে নানারকম দুর্নীতি সংক্রান্ত অভিযোগ উত্থাপনের পর পশ্চিমবঙ্গ সরকার এই সম্পর্কে তদন্তের ব্যবস্থা করেন। তদনুযায়ী এই শাখার সমস্ত কাগজপত্র পরীক্ষা করা হইতেছে। প্রকাশ, তদন্তের ফলে দেখা গিয়াছে একই অপরাধে যেখানে বহু ক্ষেত্রে অপরাধীর সাজা দেওয়া হইয়াছে সেখানে আবার বহু ব্যক্তি বা প্রতিষ্ঠানকে অব্যাহতি দেওয়া হইয়াছে। আরও দেখা গিয়াছে, বহু মামলার বিষয় আদালতে প্রেরণ করা হইয়াছে বলিয়া কাগজপত্রে লিখিত রহিলেও প্রকৃতপক্ষে মামলাগুলি আদালতে প্রেরিত হয় নাই। মধ্যপথেই অজ্ঞাত কারণে বিষয়গুলির নিষ্পত্তি হইয়া গিয়াছে। দেখা গিয়াছে, সিঁদ্রিষ্ট কতকগুলি গাড়ী বা প্রতিষ্ঠানের বিরুদ্ধে মামলা রুজু করা হয় নাই। প্রতিদিনই তদন্তের ফলে দুর্নীতি ও নিয়মবহির্ভূত কার্যকলাপ ধরা পড়ার সংখ্যা বৃদ্ধি পাইতেছে বলিয়া প্রকাশ।”

কিরণশঙ্কর রায়ের অকালমৃত্যুর পর পুলিশ ও দেশের শাস্তিশৃঙ্খলার ব্যাপারে কোনও যোগ্য লোক পৃথকভাবে মন্ত্রী নিযুক্ত হন নাই। মুখ্যমন্ত্রী একই আরও পাঁচটা দপ্তরের কাজের

সহিত এই দপ্তর চালাইতেছেন। ঐ ব্যবস্থা আমরা কোনদিনই আশাশ্রম মনে করি নাই, আজও একেবারেই করি না। এই দপ্তরে একজন অতি কৰ্মঠ ও যোগ্য মন্ত্রীর চক্ৰিশ ঘণ্টার পরি-শ্রমের কাজ আছে।

প্রথম আণবিক শক্তিচালিত কারখানা

আণবিক শক্তি শুধু যে ধ্বংসের অস্ত্র নহে, উহা মানুষের উপকারেও লাগাইতে পারে। যাহা তাহার প্রমাণ বোধ হয় প্রত্যক্ষ ভাবে এতদিনে পাওয়া যাইবে। মার্কিনবার্তা নিম্নলিখিত সংবাদ পাঠাইয়াছেন :

“সিপিংপোর্ট”, ৭ই সেপ্টেম্বর—মার্কিন যুক্তরাষ্ট্রে আণবিক শক্তি-চালিত প্রথম কারখানাটির উদ্বোধন সম্প্রতি অনুষ্ঠিত হইয়াছে। উহাতে যে পরমাণবিক চুল্লী ব্যবহৃত হইবে তাহার ডিজাইন করিয়াছেন ওয়েস্টিংহাউস ইলেকট্রিক কর্পোরেশন। ঐ চুল্লীর সাহায্যে যে বাষ্প উৎপন্ন হইবে তাহা দিয়া তুর্কেন লাইট কোম্পানীর কারখানা চালান হইবে। মার্কিন আণবিক শক্তি কমিশনের এক চুক্তি অনুসারে এখানে ৪। কোটি ডলার ব্যয়ে ঐ কারখানাটি নির্মিত হইতেছে।

কি ভাবে ঐ পরমাণবিক চুল্লীর সাহায্যে বাষ্প উৎপাদন করা হইবে তাহা ব্যাখ্যা করিতে গিয়া ওয়েস্টিংহাউসের কর্তৃপক্ষ বলেন যে, চুল্লীর কেন্দ্রস্থলে ইউরেনিয়াম অণুবিভাজনের সাহায্যে তাপ উৎপাদন করা হইবে। ঐ তাপের সাহায্যে উত্তপ্ত গরম জলকে কতকগুলি ইম্পাতের নলের মধ্য দিয়া চারিটি তাপ-বিনিময় কক্ষের মধ্যে লইয়া যাওয়া হইবে। ঐ কক্ষের মধ্যে অতি উত্তপ্ত জলবাহী ঐ সকল ইম্পাতের নলের গা দিয়া আরও জলস্রোত প্রবাহিত করা হইবে। উত্তপ্ত ইম্পাতের নলের সংস্পর্শে আসিয়া ঐ জলস্রোতও উত্তপ্ত হইয়া উঠিবে এবং অপেক্ষাকৃত কম চাপের ফলে সহজেই বাষ্প পরিণত হইবে। ঐ বাষ্পের সাহায্যে যে চাকা ঘুরিবে তাহা আবার বিদ্যুৎ-উৎপাদন যন্ত্রটিকে চালাইবে এবং উহার সাহায্যে নূনপক্ষে ৬০,০০০ কিলোওয়াট বিদ্যুৎ উৎপন্ন হইবে।

ওয়েস্টিংহাউস কর্তৃপক্ষ আরও বলিয়াছেন, ভূনিম্নে ইম্পাত ও কংক্রিট নির্মিত একটি কক্ষে পরমাণবিক চুল্লীটিকে স্থাপন করা হইবে।”

মার্কিন চলচ্চিত্র ও ভারত

মার্কিনবার্তা এই সংবাদটিও দিয়াছেন :

“হলিউড, ৮ই সেপ্টেম্বর—ভারতীয় চলচ্চিত্র বিশেষজ্ঞ শ্রীমোহন ভবনানী মনে করেন যে, বিদেশে প্রদর্শনের জন্য অধিকতর সতর্ক-তার সহিত চলচ্চিত্র নির্বাচন করিলে বিদেশে আমেরিকা সম্পর্কে আরও ভাল ধারণার সৃষ্টি হইবে। শ্রীযুক্ত ভবনানী সম্প্রতি “লস এঞ্জেলস টাইমসে”র প্রতিনিধির নিকট উপরোক্ত অভিমত প্রকাশ করেন।

ভারত সরকারের কিংস ডিভিসনের প্রধান শ্রীমোহন ভবনানী

বলেন যে, আমেরিকার চলচ্চিত্র সমিতির সভাপতি এম্বিক জনসনে নিকট তিনি ইতিমধ্যেই এরূপ প্রস্তাব করিয়াছেন।

তিনি “লস এঞ্জেলস টাইমসে”র প্রতিনিধিকে বলেন, ‘কতক-গুলি চলচ্চিত্র যদি বিদেশে, বিশেষ করিয়া দূরপ্রাচ্যে প্রেরণ করা হয়, তাহা হইলে আমেরিকা সম্পর্কে বিদেশে উন্নততর ধারণার সৃষ্টি হইবে।

শ্রীযুক্ত ভবনানী বলেন, ‘আমেরিকায় প্রস্তুত যে সকল চলচ্চিত্রের কাহিনী অপরাধ ও নৃশংসতামূলক, সেগুলি বিকৃত ধারণার সৃষ্টি করে। অগাধ চিত্রসমূহের মধ্যে যৌন-আবেদনপূর্ণ ছবিগুলি ভারতে বিশেষ সমাদর লাভ করে না।’

তিনি বলেন যে, ভারতে চিত্র রপ্তানীর ব্যাপারে মার্কিন যুক্ত-রাষ্ট্রের তুলনায় রাশিয়া অনেক কম সাফল্য অর্জন করিয়াছে। গত ৪ বৎসরে ভারতে তিনটিমাত্র রাশিয়ান চলচ্চিত্র প্রদর্শনের কথা তিনি শ্রবণ করিতে পারেন, অথচ প্রতি বৎসর শতাধিক মার্কিন চলচ্চিত্র ভারতে প্রদর্শিত হয়।

তিনি মন্তব্য করেন, ‘রুশ চলচ্চিত্রগুলি সর্বদাই প্রচারমূলক হয়। কোন চলচ্চিত্রে কোনরূপ প্রচার থাকিলে হয় সেই অংশ কাটিয়া বাদ দেওয়া হয়, নতুবা ভারতীয় সেন্সর বোর্ড ঐ চিত্র ভারতে প্রদর্শনের অনুমতি দেন না।’

শ্রীভবনানী বলেন যে, কিছুকাল বেসরকারী চলচ্চিত্র প্রযোজক-রূপে কার্য করার পর তিনি ১৯৪৯ সনে সরকারী চাকুরী গ্রহণ করেন। তাহার মতে সরকার কর্তৃক নির্মিত চলচ্চিত্রগুলি ভারতে এক গুরুত্বপূর্ণ অংশ গ্রহণ করে, কারণ এগুলির সাহায্যে জনগণকে দ্রুত শিক্ষাদান করা যায়।

টাইমসের সংবাদে জানা যায় যে, ভবনানী সম্প্রতি মার্কিন চিত্রনাট্যকার রবার্ট হার্ডি অ্যাণ্ড জের গৃহে আতিথ্য গ্রহণ করিয়াছিলেন। মিঃ অ্যাণ্ড জ গত বৎসর ভারত সফরকালে শ্রীভব-নানীর সহিত পরিচিত হইয়াছিলেন।

শ্রীভবনানীর বিবৃতিতে দুই-তিনটি ভুল আছে, তাহা ভিন্ন উহা খুবই ঠিক। মার্কিন কাহিনীমূলক (ফিচার) চলচ্চিত্র প্রায় অধিকাংশই রোমাঞ্চকর বা যৌন-আবেদনপূর্ণ এবং সেইজন্য এদেশে মার্কিনদেশ সঙ্ক্ষে বিকৃত ধারণা হয় ইহা সত্য। কিন্তু ঐ জাতীয় চিত্র যে এদেশে “সমাদর” লাভ করে না এই ধারণা ভুল। সস্ত কবীরের বাণী—

“সাঁচে কো ন পতিজায়ে ঝুঠে জগপতিয়ায়”

“গলি গলি গোবস ফীঠে মদিরা বৈঠি বিকার”

আজও ভারতে ধ্রুব সত্য এবং ষতদিন মানুষের মধ্যে পাশবিক প্রবৃত্তি ও উত্তেজনার আকাঙ্ক্ষা থাকিবে ততদিন উহা থাকিবেই। তবে এরূপ পাশবিক প্রবৃত্তি ও উত্তেজনার সৃষ্টিকারক চলচ্চিত্রের সমাদর অব্যাহীনীয় ইহা সত্য।

রুশ সরকার সম্প্রতি এদেশে প্রায় ৫০খানি উৎকৃষ্ট কাহিনীমূলক দীর্ঘ চলচ্চিত্র পাঠাইয়াছেন। সেগুলির মধ্যে এতাবৎ যে কয়খানি সেন্সর বোর্ডে আসিয়াছে, তাহার অধিকাংশই প্রচারমূলক নহে।

দ্বিতীয় পঞ্চবাৰ্ষিকী পৰিকল্পনাৰ অৰ্থসংগ্ৰহ

সম্প্ৰতি প্ল্যানিং কমিশন সমস্ত প্ৰাদেশিক সরকারকে দ্বিতীয় পঞ্চবাৰ্ষিকী পৰিকল্পনাৰ জৰুৰী পৰিমাণ অৰ্থ যোগাড় কৰিতে পাবিবেন তাহাৰ একটা খসড়া প্ৰস্তুত কৰিয়া দিবাৰ জৰুৰী অমুৰোধ কৰিয়াছিল। আভ্যন্তৰিক ভাবে অৰ্থসংগ্ৰহ কৰিবাৰ জৰুৰী প্ল্যানিং কমিশন জোৰ দিয়াছেন। দুইটি বিষয় সম্বন্ধে কমিটি জোৰ দিয়াছেন : জাতীয় পৰিকল্পনাগুলি সামগ্ৰিকভাবে ২৫ বৎসৰে গড়-পড়তা মাথাপিছু আয় দ্বিগুণ কৰিবে এবং দ্বিতীয়তঃ, দ্বিতীয় পঞ্চবাৰ্ষিকী পৰিকল্পনাৰ জৰুৰী বিদেশী অৰ্থসাহায্যৰ পৰিমাণ ষৎসামান্য হইবে। প্ল্যানিং কমিশন হিসাব কৰিয়াছেন যে, প্ৰথম পঞ্চবাৰ্ষিকী পৰিকল্পনাৰ শেষে, অৰ্থাৎ ১৯৫৬ সনের ৩১শে মাৰ্চ তাৰিখে ভাৰতৰ জমা ষ্টাৰ্লিং ব্যালান্স ষথেষ্ট পৰিমাণে হ্রাস পাইবে, নোট প্ৰচলনৰ জৰুৰী পৰিমাণ প্ৰয়োজন, শুধু সেই পৰিমাণ থাকিবে। দ্বিতীয় অৰ্থ নৈতিক পৰিকল্পনাৰ জৰুৰী বহুল পৰিমাণে যে বিদেশী মুদ্রা প্ৰয়োজন তাহাৰ আয়েৰ অৰ্থ ভাবে বন্দোবস্ত কৰিতে হইবে। যদিও কৰ অমুসন্ধান কমিটি এ সম্বন্ধে তাঁহাদেৰ সুচিন্তিত অভিমত দিবেন, তথাপি প্ৰত্যেক প্ৰদেশ কি উপায়ে নিজেদেৰ আয় বৃদ্ধি কৰিতে পারে সে সম্বন্ধে সচেতন হওয়া উচিত। রাজস্ব বৃদ্ধিৰ জৰুৰী প্ল্যানিং কমিশন কতকগুলি অভিমত দিয়াছেন, যথা—ভূমি রাজস্ব, জলকৰ, বিবৰ্দ্ধন কৰ, জেলা কিংবা স্থানীয় কৰ বৃদ্ধি কৰা এবং কৃষি আয়কৰ বৃদ্ধি কৰা। জেলা কিংবা স্থানীয় কৰ বৃদ্ধিৰ দ্বাৰা স্থানীয় পৰিকল্পনাগুলিৰ খৰচ যোগাড় কৰা উচিত। নূতন নূতন রাজস্ব নিৰ্দ্ধাৰণৰ জৰুৰী প্ল্যানিং কমিশন জোৰ দিয়াছেন। কিন্তু মধ্যবিত্তশ্ৰেণী বৰ্ত্তমানে প্ৰত্যক্ষ এবং পৰোক্ষ কৰভাৱে বিব্ৰত, তাই নূতন কোন কৰভাৱে তাহাৰা এবং তাহাদেৰ অৰ্থনৈতিক কাঠামো ভাঙ্গিয়া পড়িতে বাধ্য। প্ৰদেশগুলিকে তাই নূতন রাজস্ব সংগ্ৰহ ব্যাপাৰে সতৰ্কতাৰ সহিত অগ্ৰসৰ হইতে হইবে।

দেশেৰ আয় বৃদ্ধি এখনই হইতে পারে যদি কৰ দেওয়ায় ফাঁকি ও কৰ আদায়ে দুৰ্নীতি দূৰ হয়। মধ্যবিত্তশ্ৰেণী মুখ বুজিয়া কৰ দিয়া যায় ও আদায়েৰ জুলুম সহ কৰে। কিন্তু দেশেৰ অধিকাংশ ছোটবড় ব্যবসায়ী আয়কৰ, বিক্রয়কৰ ইত্যাদি ফাঁকি দিয়া বেহাই পায়।

তৈল পৰিশোধন শিল্প

ব্যক্তিগত শিল্পক্ষেত্ৰে তৈল পৰিশোধন শিল্প সম্প্ৰতি একটা প্ৰধান স্থান অধিকাৰ কৰিতেছে। এই শিল্পে প্ৰায় ৫৫ কোটি টাকা নিয়োগ কৰা হইয়াছে এবং পঞ্চবাৰ্ষিকী পৰিকল্পনাৰ বেসৰকাৰী শিল্পে ইহাই বৃহত্তম মূলধন বাহা আজ পৰ্যন্ত নিয়োজিত হইয়াছে। শুধু ইহাই নয়, ভাৰতীয় শিল্পেৰ জৰুৰী একটা অতীব প্ৰয়োজনীয় শক্তি সৰবৰাহ সুপ্ৰতিষ্ঠিত হইল। ষ্ট্যানভাক কোম্পানীৰ বোম্বাই-স্থিত পৰিশোধন শিল্পটি কাৰ্য্য আৰম্ভ কৰিয়াছে। ইহাৰ মূলধন ১৭১ কোটি টাকা এবং ভাৰত স্বাধীন হওয়ার পৰ ইহাই বৃহত্তম

আমেৰিকান মূলধন বাহা একটা মাল শিল্পে খাটানো হইতেছে। বোম্বাইয়েৰ ত্ৰাণেতে বাৰ্মা-শেল কোম্পানী আৰু একটা তৈল পৰিশোধনাগাৰ স্থাপন কৰিতেছে। ইহাতে ২৭ হইতে ৩০ কোটি টাকাৰ মত মূলধন নিয়োজিত হইতেছে এবং ইহাৰ উৎপাদন-ক্ষমতা হইবে বৎসৰে ২০,০০,০০০ লক্ষ টন। বাৰ্মা-শেলেৰ পৰিশোধনাগাৰ হইবে ভাৰতৰ বৃহত্তম। ১৯৫৬ সনে ক্যালটেল কোম্পানী বিশাখাপত্তনমে তৃতীয় পৰিশোধনাগাৰ স্থাপন কৰিবে।

আগামী বৎসৰে ভাৰতে পেট্ৰোল পৰিশোধন-ক্ষমতা ৩৭,০০,০০০ লক্ষ টনে দাঁড়াইবে। ইহা সম্বন্ধে ভাৰতবৰ্ষকে কিছু পৰিমাণ পৰিষ্কৃত পেট্ৰোল ও কেৰোসিন আমদানী কৰিতে হইবে। ভাৰতৰ বৎসৰে প্ৰায় ৭০,০০,০০০ টন পেট্ৰোল-জাতীয় তৈলাদি প্ৰয়োজন। ভাৰতে তৈল পৰিশোধন হওয়ার্তে আমাদেৰ ইহাৰ দৰুন প্ৰায় ৭ হইতে ১০ কোটি টাকাৰ মত বিদেশী মুদ্রাৰ খৰচ বাঁচিয়া যাইবে। অধিকন্তু, এই পৰিশোধনাগাৰ হইতে কৰ-ৰাজস্ব বহুল পৰিমাণে আয় হইবে। এই তিনিটি পৰিশোধনাগাৰে মোট যে পৰিমাণ তৈল পৰিষ্কৃত হইবে তাহাৰ প্ৰায় অৰ্দ্ধেক উৎপাদিত হইবে বাৰ্মা-শেলেৰ পৰিশোধনাগাৰে। ষ্ট্যানভাকেৰ কাৰখানাৰ বৰ্ত্তমানে ৫০০ ভাৰতীয় শ্ৰমিক ও ৪০ জন আমেৰিকান টেকনি-সিয়ান কাজ কৰিতেছে। বাৰ্মা-শেলেৰ কাৰখানাৰ ৫০০ জন ভাৰতীয় শ্ৰমিক ও ২৪ জন বিদেশী কাজ কৰিবে।

বাঁকুড়া শহৰে বিদ্যুৎ কোম্পানীৰ অকৰ্মণ্যতা

মফস্বল শহৰগুলিৰ বিজলী সৰবৰাহ ব্যবস্থাৰ নানাকৰূপ ত্ৰুটি-বিচ্যুতি প্ৰায়ই আমাদেৰ গোচৰে আসে। বৰ্ত্তমান সংখ্যাতেও স্থানান্তৰে বৰ্ত্তমানে বিদ্যুৎ সৰবৰাহ লইয়া যে পৰিস্থিতিৰ উদ্ভব হইয়াছে সে সম্পৰ্কে আলোচনা প্ৰকাশিত হইয়াছে। পাদ্ৰিক “হিন্দুবাণী”ৰ বিষ্ণুৰূ সম্পাদকীয় মন্তব্য হইতে দেখা যায় যে, বাঁকুড়া শহৰে বিদ্যুৎ-সৰবৰাহকাৰী প্ৰতিষ্ঠানটিও কোন প্ৰকাৰেই বোগাত্যৰ সহিত কাৰ্য্য চালাইয়া যাইতে পারিতেছে না। প্ৰকাশিত সংবাদে জানা যায়, বিজলী কোম্পানীৰ দুইটি বয়লাৰ বিকল হইবাৰ ফলে গত ২৯শে আগষ্ট হইতে শহৰে বিদ্যুৎ-সৰবৰাহব্যবস্থা বানচাল হইয়া আছে। একটা বয়লাৰেৰ সাহায্যে কোনপ্ৰকাৰে সৰকাৰী চাহিদা এবং সামান্য পৰিমাণে বেসৰকাৰী চাহিদা মিটাইবাৰ চেষ্টা হইতেছে; কিন্তু শহৰেৰ সকল কাজকৰ্মই বিদ্যুতেৰ অভাবে বন্ধ প্ৰায়। “হিন্দুবাণী” লিখিতেছেন, “বিদ্যুৎ সৰবৰাহ আইন অমুৰাৰী ২৪ ঘণ্টাৰ অধিককাল সৰবৰাহ বন্ধ রাখা চলতে পারে না। যদি তা হয়, তবে লাইসেন্সেৰ শৰ্ত্ত অমুৰাৰী উহা অবিলম্বে বাতিল হতে বাধ্য। কোটিপতি ইহুদি কোম্পানী আইনকে বহু দিন ধেকেই কদলী দৈধিয়ে আসছে। নচেৎ লাইসেন্স বাতিলযোগ্য বহুবিধ বেআইনী কাজ কৰেও তাৰা কাৰবাৰ চালায় কি কৰে?”

গোলযোগেৰ কৈকিয়ত স্বৰূপ কোম্পানীৰ পক্ষ হইতে নাশকতা-মূলক কাৰ্য্যেৰ বে ইজিত কৰা হইয়াছে সেই সম্পৰ্কে আলোচনা

প্রসঙ্গে পত্রিকাটি লিখিতেছেন যে, ১৯৫০ সনেও কোম্পানী বিপাকে পড়িয়া সাবোতাজের 'সাজেশান' দিয়া পরিভ্রাণ পাইয়াছিলেন। "আমরা সরকারের কাছে সুস্পষ্টরূপে এই দাবি জানাতে চাই, বৈদ্যাতিক কোম্পানীকে উহা প্রমাণের জগ্গ আহ্বান করা হউক। 'সাজেশান' মিথ্যা প্রমাণিত হইলে সরকার এঁদের বিরুদ্ধে কোন পন্থা অবলম্বন করবেন, আমরা সাধেই লক্ষ্য করব।"

পত্রিকাটি লিখিতেছেন, বয়লার হুটির একাংশ ক্ষীণ হওয়ার দরুনই বিদ্যুৎ-সরবরাহে বাধা ঘটে। বয়লারের ক্ষীণ অংশগুলি স্বভাবতঃই কোন কারণে অজ্ঞাত অংশ অপেক্ষা দুর্বল হইয়া পড়িয়াছিল। কোম্পানী বেশী লাভের মোহে প্রথম শ্রেণীর কয়লার পরিবর্তে নিজেদের ক্রীত কোলিয়ারির নিকট শ্রেণীর পাথুরিয়া কয়লা বয়লাবে ব্যবহার করে। এইরূপ কয়লা অধিক পরিমাণে ব্যবহার করিতে হয় এবং কয়লার-গাত্রে যে গন্ধক থাকে, তাহা প্রচণ্ড উত্তাপে বয়লার-গাত্রে আয়রন সালফাইড সৃষ্টি করে। ইহাতে সর্বোৎকৃষ্ট শ্রেণীর ইম্পাতও নষ্ট হইতে বাধা। ইহার উপর কোম্পানী সরাসরি নদী হইতে কাদামিশ্রিত জল বয়লাবে ব্যবহার করার উহাতে ক্যালসিয়াম ও ম্যাগনেসিয়ামের ডিপোজিট পড়িয়া বয়লাবের কর্মক্ষমতা হ্রাস পায়। বয়লাবের সেফটি-ভাল্ভ, ব্লো-পাইপ ভাল্ভগুলি ভাল থাকিলেও বয়লার-গাত্রে ক্ষীণতা দেখা দিতে পারিত না।

পশ্চিমবঙ্গ সরকারের কমার্স ডিপার্টমেন্টের নিকট একটি কমিশন গঠন করিয়া বাঁকুড়া ইলেকট্রিক সাপ্লাইয়ের বিরুদ্ধে যাবতীয় অভিযোগ সম্পর্কে পুঙ্খানুপুঙ্খরূপে তদন্ত করিবার অনুরোধ জানাইয়া বলা হইয়াছে যে, বর্তমানে বাঁকুড়াতে ইলেকট্রিক সাপ্লাইয়ের পরিচালক হিসাবে যাহাদের সহিত জনসাধারণ পরিচিত তাহাদের মধ্যে কেহই ইঞ্জিনীয়ার নহেন। রেসিডেন্ট ইঞ্জিনীয়ারের কোন ইঞ্জিনীয়ারিং ডিগ্রী নাই। বি. সি. রায় ও সেন্সন নামক দুই ব্যক্তি মাঝে মাঝে খবরদারীর জগ্গ বাঁকুড়া যান। যদিও বি. সি. রায় কনসালটিং ইঞ্জিনীয়ার নামে পরিচিত, তথাপি গত ২৩শে আগষ্ট পাবলিক কো-অর্ডিনেশন কমিটির ইলেকট্রিক সংক্রান্ত সাব-কমিটির সম্মুখে ভ্রমলোক নিজেই স্বীকার করেন যে, বয়লার বা চিমনী সম্পর্কে তিনি বিশেষ কিছু জানেন না, কয়লা স্বক্ষেও তাঁহার জ্ঞান সীমাবদ্ধ। "সেন্সন জাতভাই হিসাবে ইলিয়াসদের একজন কর্মচারী-মাত্র। কাজেই এই তিন মূর্তি কিভাবে বয়লাবের ক্ষীণতাকে 'সাবোতাজ' বলে প্রচার করেন?"

বাঁকুড়া ত দামোদরের ওপারে। সেখানে যে পশ্চিমবঙ্গ সরকার কিছু আছে সেকথা এক নির্বাচন ও চার্টার্ড বোর্ডের সময় কর্তৃপক্ষের মনে পড়ে। বাকি সময় "বুদ্ধবিষ্যতি তদ্ভবিষ্যতি!"

বর্তমানে বিজলী কোম্পানীর স্বৈরাচার

বর্তমান শহরে বিদ্যুৎ সরবরাহের অব্যবস্থা সম্পর্কে অভিযোগ বর্তমান হইতে প্রকাশিত প্রায় সকল পত্রিকাতেই পুনঃপুনঃ প্রকাশিত হইয়া আসিতেছে। তাহার কোন কোন সংবাদ "প্রবাসী"র

পাঠকগণও জানেন। সম্প্রতি বিকিল্পপক্ষে যে সকল সংবাদ প্রকাশিত হইয়াছে তাহাতে দেখা যায় যে, অবস্থার বিশেষ কোন উন্নতি হয় নাই।

"দামোদর" পত্রিকার সংবাদ অনুযায়ী গত ১২ই আগষ্ট বর্তমানে অস্থিত এক জনসভায় বিজলী কোম্পানীর জনস্বার্থবিরোধী কার্যকলাপের সমালোচনা করা হয় এবং অবিলম্বে বর্তমান হইতে উক্ত কোম্পানীর অপসারণ দাবি করা হয়। বর্তমান শৌরভার এক বিশেষ অধিবেশনে ২৫শে আগষ্ট সর্বসম্মতিক্রমে গৃহীত এক প্রস্তাবেও বিজলী কোম্পানীর লাইসেন্স বাতিল করিবার জগ্গ সরকারকে অনুরোধ জানান হয়। ১৭ই আগষ্ট বর্তমান টাউন হলে এক নাগরিক সভায় এক মাসের সময় দিয়া বিজলী কোম্পানীকে একটি চরমপত্র দিবার সিদ্ধান্ত গৃহীত হয়। মুখ্যমন্ত্রীকে এই প্রস্তাবের মর্ম জানাইয়া এক পত্র দেওয়া হয় এবং তাঁহার নির্দেশ-মত গত ২৮শে আগষ্ট পশ্চিমবঙ্গ সরকারের ডেভেলপমেন্ট বিভাগের সুপারিন্টেন্ডিং ইঞ্জিনীয়ার ডাঃ দত্ত এ বিষয়ে তদন্ত করিতে যান। তিনি পৌর-কর্তৃপক্ষ একশন কমিটি, জেলাশাসক প্রভৃতির সহিত সাক্ষাৎ করেন এবং কোম্পানীর উৎপাদনকেন্দ্রও পরিদর্শন করেন।

বর্তমানে বিজলী সরবরাহের অব্যবস্থা বর্ণনা প্রসঙ্গে পার্লামেন্টের কংগ্রেসী-সদস্য জনাব আবহুস সান্তার সম্পাদিত "বর্তমান বাণী" লিখিতেছেন, "আলোর বা অবস্থা তাহাতে যাত্রা ছেলেমেয়েদের লেখাপড়া বন্ধ হইয়াছে, রাস্তায় বাতি অন্ধকার ঘনীভূত করিতেছে, জল সরবরাহ মধ্য হইয়াছে। কোম্পানী ইহার প্রতিকারের ব্যবস্থা না করিয়া প্রত্যহ নূতন নূতন গৃহে সংযোগ দিয়া লাভের অক্ষ ক্ষীণ করিতে বন্ধপরিকর হইয়া আছে। যে সরকারী কর্মচারী তদন্ত করিয়া গিয়াছেন তিনি এই সমস্ত অবস্থা দূরীকরণের জগ্গ কি ব্যবস্থা অবলম্বন করেন তাহা জানিবার জগ্গ শহরবাসী আশ্রয়িত।"

আমরা জানিলাম শেষের সংবাদে যে, সরকার বর্তমান বিজলী কোম্পানী নিজ হাতে লইবার মনস্থ করিয়াছেন।

বর্তমান পুলিশের আচরণ

"বর্তমানবাণী" (২৮শে ভাদ্র) সম্পাদকীয় মন্তব্যে লিখিতেছেন, বর্তমানের মহকুমা শাসক মেমারির চার জন ব্যক্তিকে ২৩শে আগষ্ট এক নির্দেশনামায় জানান যে, ২৫শে আগষ্ট তাহাদিগকে বর্তমানে অবশুই তাঁহার সহিত সাক্ষাৎ করিতে হইবে। চারি জনের মধ্যে দুই জন তাঁহার সহিত দেখা করিতে যান। অপর দুই জনের মধ্যে এক জন বহুকাল মৃত বলিয়া জানা যায় এবং চতুর্থ জন কলিকাতায় রহিয়াছেন বলিয়া জানান হয়।

পত্রিকাটি লিখিতেছেন যে, নিশ্চয়ই কোন বিশেষ গুরুতর কার্যে প্রয়োজন না হইলে মহকুমা-শাসক এভাবে উক্ত ভ্রমমহোদয়-দিগকে ডাকিয়া পাঠাইতেন না। কিন্তু সেজগ্গ যে সময় দেওয়া হইয়াছিল তাহা নিতান্তই অপ্রতুল। নির্দেশ-পত্রটি স্বাক্ষরিত হয় ২৩শে আগষ্ট, স্পষ্টতঃই ২৪শে আগষ্টের পূর্বে উহা জারী হয় নাই। "কোন কারণে যদি নোটিশপ্রাপ্ত ব্যক্তি দুইটি ঐ দিন কোথাও

হাইতেন এবং একদিন বিলম্ব কৰিয়া ফিৰিতেন তাহা হইলে মহকুমা-শাসকের নির্দেশ অমান্য করার অপরাধে ইহাদিগকে যে জেল হাজতে আশ্রয় লইতে হইত ইহা ধৰিয়া লইতে কষ্ট হয় না, কারণ বাপাৰটি এমন সঙ্গীন কৰিয়াই দেখান হইয়াছে।...

“মহকুমা-শাসক পৰবর্তী অফিসদ্বাৰে জানিয়াছেন সতাই এক ব্যক্তি লোকান্তৰিত এবং অপৰ ব্যক্তি স্থানান্তৰে বাস কৰে। স্থানান্তৰে যিনি বাস কৰেন তাহাৰ উপৰ নোটিশ জাৰি হইতে পারে, কারণ পুলিস হয়ত মনে কৰিতে পারে ব্যক্তিটি দূৰ হইতে উদ্ধানি দিয়া থাকেন। কিন্তু যে ব্যক্তিটি লোকান্তৰিত পুলিসের रिपोटे তাহাৰ নাম আসিল কি প্ৰকাৰে? তাহা হইলে কি ধৰিয়া লইব মেম্বাৰিৰ পুলিস না দেখিয়া-শুনিয়া স্বার্থ-সংশ্লিষ্ট ব্যক্তি বা ব্যক্তি-গণের পরামর্শে ও ইচ্ছিতে এই रिपोटे दागिल कबियाछेन। केह मिथ्या साक्ष्य अथवा संवाद प्रदान करिले আইनेर चोखे ताहा अपराध ओ दणुनीय। आमरा सबिनये प्रश्न करिव पुलिस मुत ब्यक्तिर बिक्रमे অভিযোগ दायेर कबिया कि सेइ अपराध करे नাই?...”

বৰ্ত্তমানে ২৪জন অফিসাৰ অভিযুক্ত

১০ই ভাদ্ৰ সংখ্যা “দামোদৰ” পত্ৰিকাৰ এক সংবাদে প্ৰকাশ, বৰ্ত্তমান জেলাৰ ২৪ জন গেজেটেড সরকারী অফিসাৰেৰ বিৰুদ্ধে নানাবিধ দুৰ্নীতিৰ অভিযোগ দুৰ্নীতি দমন বিভাগ কর্তৃক আনীত হইতেছে বলিয়া বিশ্বস্তসূত্ৰে জানা গিয়াছে। অভিযুক্ত অফিসাৰ-দেৰ মধ্যে বৰ্ত্তমান উদ্বাস্ত ঋণদান আপিসেৰ কয়েকজন অফিসাৰ বহিয়াছেন বলিয়া প্ৰকাশ।

পত্ৰিকাটিৰ সংবাদ অসুযায়ী বৰ্ত্তমানের পূৰ্বতন জেলা রিলিফ অফিসাৰেৰ দুই ভাগিনেয় শ্ৰীসুভাষ চট্টোপাধ্যায় ও শ্ৰীপ্ৰভাত চট্টোপাধ্যায়েৰ নামে ৩৭৫ হিচাবে গৃহ নিৰ্মাণ লোন বাহিৰ কৰা হইয়াছে এবং উক্ত অফিসাৰেৰ ভগিনী ও অপৰ দুই জনেৰ মাতা শ্ৰীমতী লাৰণ্য চট্টোপাধ্যায়েৰ নামে বৰ্ত্তমান শহৰেৰ বালিডাঙ্গায় একটি সরকারী প্লট দেওয়া হইয়াছে। অফিসদ্বাৰে জানা গিয়াছে, উক্ত মহিলা পাকিস্থানে বাস কৰিতেছেন এবং সুভাষ ও প্ৰভাত চট্টোপাধ্যায় কোথাও গৃহ নিৰ্মাণ কৰেন নাই।

“উক্ত অফিসাৰ বৰ্ত্তমানে থাকাকালীন আসানসোল মহকুমাৰ কাঁকসা ক্যাম্পেৰ জঙ্গল পৰিষ্কাৰেৰ জন্ত ৩৯,০০০ টাকা ব্যয় কৰিয়া-ছেন এজন্ত তদন্ত হইতেছে বলিয়া জানা গিয়াছে। বৰ্ত্তমানে পদোন্নতি হইয়া উক্ত অফিসাৰ পশ্চিম বাংলাৰ পুনৰ্বাসন বিভাগেৰ ডেপুটি ডিৰেক্টেৰ হইয়াছেন।”

যদি “দামোদৰ” পত্ৰিকাৰ সংবাদ সত্য হয় তবে এ বিষয়ে বিশেষ তদন্তেৰ প্ৰয়োজন। বাংলাৰ উদ্বাস্ত পুনৰ্বাসনেৰ প্ৰধান অন্তৰায় ঐক্লপ দুৰ্নীতি। বাহাৰা সাহায্য প্ৰাপ্তিৰ বোগা তাহাৰা অভাবেই মৰে এবং জুয়াচোৰ ও বাস্তবঘূৰ কপাল খোলে, এই ত ঐ দণ্ডেৰেৰ বিৰুদ্ধে প্ৰধান অভিযোগ।

মফস্বলে ডাকাতি

বৰ্ত্তমান জেলাৰ জামালপুৰ থানাৰ দক্ষিণ ~~পুলি~~ উপৰ্যুপরি কয়েকটি ভয়াবহ ডাকাতি সজ্জাৰিত হইবার সংবাদ সম্পৰ্কে আলোচনা প্ৰসঙ্গে এক সম্পাদকীয় প্ৰবন্ধে “দামোদৰ” লিখিতেছেন যে, ডাকাতি-দল নিয়মিত ভাবে কেমন কৰিয়া ঐ অঞ্চলে আক্ৰমণ চলাইয়াছে তাহা দেখিবার বিষয়। গত ৬ই জুন জাড়গ্রাম ইউনিয়নেৰ সাত-ঘৰিয়া গ্রামে একটি ডাকাতি অসুষ্ঠিত হয়। পুলিস এ সম্পৰ্কে পাঁচ জনকে গ্ৰেপ্তাৰ কৰে, কিন্তু কয়েকদিন পরই তাহাদেৰ ছাড়িয়া দেওয়া হয়। তাহাৰ পর গত ২২ ও ৩২ জুলাই যথাক্ৰমে জ্যোৎস্নীৰাম ইউনিয়নেৰ শিয়ালী ও জাড়গ্রাম ইউনিয়নেৰ দাসপুৰ গ্রামে দুইটি ডাকাতি সংঘটিত হয়। তাহাৰ অব্যবহিত পূৰ্বে সংশ্লিষ্ট বায়না থানা এলাকাৰ গোডান ইউনিয়নেৰ তৈলাড়া গ্রামে এক ভীষণ ডাকাতি হয়।

এইক্লপ উপৰ্যুপরি কয়েকটি ডাকাতিৰ পর উক্ত অঞ্চলে প্ৰহাৰি দিবার জন্ত কয়েকজন সশস্ত্ৰ বন্দুকধাৰী পুলিস মোতায়েন কৰা হয়। “দামোদৰ” লিখিতেছেন, “কিন্তু গত ৩২ আগষ্ট আঁটপাড়া ডাকাতিৰ সময় তাহাদেৰ বৈৰূপ কৰ্মতৎপৰতা দেখা গিয়াছে, তাহাতে ঐ অঞ্চলেৰ জনসাধাৰণ নিজদিগকে নিৰাপদ মনে কৰিতে পাৰিতেছে না।” আঁটপাড়া ডাকাতিৰ সময় মুহূৰ্ছ হাতবোমা এবং বন্দুকেৰ আওয়াজে পাৰ্শ্ববৰ্তী গ্রামবাসীৰাও জাগৰিত হয় এবং দলবদ্ধ ভাবে ডাকাতদেৰ প্ৰতিৰোধে অগ্ৰসৰ হয়। “এই ব্যাপাৰে মধ্য রাত্ৰিতে দাৰুণ গোলমালে ঐ অঞ্চলেৰ প্ৰতিটি গ্রাম শুনিতে পাইল, কিন্তু বন্দুকধাৰী পুলিসবাহিনী মাত্ৰ এক মাইল দূৰবৰ্তী একটি গ্রামে পাহাৰা দিতে গিয়া কি অবস্থায় ছিল যে তাহাদেৰ কৰ্ণকুহৰে এত হট্টগোল প্ৰবেশ কৰিল না?”

পত্ৰিকাটি লিখিতেছেন যে, জামালপুৰ থানা এলেকায় যে সমস্ত ‘কেস’ বহিয়াছে তাহাতে থানা অফিসাৰেৰ পক্ষে এই সকল ডাকাতি সম্পৰ্কে বিশেষ কোন ব্যবস্থা অবলম্বন সম্ভব নহে। সম্পাদকীয় মন্তব্যে জেলা পুলিসেৰ অধাককে এ বিষয়ে দৃষ্টি দিতে অনুরোধ জানাইয়া বলা হইয়াছে, “দক্ষিণ জামালপুৰেৰ আতঙ্কিতদেৰ ধন, প্ৰাণ আজ বিপন্ন। অবিলম্বে সৰ্বশক্তি নিয়োগ কৰিয়া ঐ অঞ্চলকে আতঙ্ক ও সঙ্কটমুক্ত কৰিতে হইবে। এ বিষয়ে পুলিস এ পৰ্য্যন্ত কি কৰিয়াছেন তাহাও প্ৰকাশ কৰা প্ৰয়োজন।”

মফস্বলে শান্তিৰক্ষাৰ জন্য সশস্ত্ৰ পুলিস ও গ্রামৰক্ষীদেৰ মধ্যে যোগ সুদৃঢ় কৰা প্ৰয়োজন।

যথেষ্ট গাড়ীচালনা ও দুৰ্ঘটনা

সম্প্ৰতি বিদ্যালয় হইতে গৃহপ্ৰত্যাগমনৰত জনৈক বালককে আসানসোল জি. টি. বোডে একটি মোটৰ লৰী প্ৰচণ্ড বেগে চলিয়া চাপা দেওয়ায় বালকটিৰ মৃত্যু ঘটে। বালকটিৰ এই শোচনীয় অকালমৃত্যুতে কুক “বঙ্গবানী” এক সম্পাদকীয় মন্তব্যে লিখিতেছেন, যদিও বালকেৰ মৃত্যুৰ জন্ত প্ৰধানত লৰীচালকই দায়ী তথাপি “বিক্ৰম আইন থাকা সত্বেও বাহাৰা আসানসোলেৰ জি. টি. বোডেৰ মত

অনাকীর্ণ রাস্তার উপর দিয়া প্রচণ্ড বেগে গাড়ী চালাইতে দেয়, প্রতিকারের উন্ময় ও ক্ষমতা হাতে ধাকা সঙ্গেও বাহারা ইহার প্রতিকার করে না তাহারাও কি পরোক্ষভাবে এই বালকের মৃত্যুর জন্ত দায়ী নহে ?

পত্রিকাটি আরও লিখিতেছেন, পথের ধারে একটি কবিয়া সাইনবোর্ডে গতি কমানোর কথা লিখিয়া দিয়াই পুলিশ আপন কর্তব্য শেষ করিয়াছে, কিন্তু প্রতিনিয়তই যে সেই আদেশ ভঙ্গ করা হইতেছে সে বিষয়ে কেহ দেখিয়াও দেখিতেছে না। তাহা না হইলে ধানার সম্মুখ দিয়াই উচ্চবেগে গাড়ীগুলি চলিবার সাহস কোথা হইতে পায় ? “মাসে speed limit বা গতিবেগ ভঙ্গ করার জন্ত কয়জনকে পুলিশ ধরিয়াকে তাহা কেহ জানাইবেন কি ?” পত্রিকাটি প্রশ্ন করিতেছেন।

দায়িত্বশীল সরকারী কর্মচারীদিগকে লইয়া সরকারী গাড়ীগুলিও যে গতিনিয়ন্ত্রণ ভঙ্গ করিয়া শহরের মধ্য দিয়া অনিয়ন্ত্রিতবেগে ছুটিয়া চলে তাহা যুগপৎ লজ্জা ও দুঃখের বিষয় বলিয়া পত্রিকাটি মনে করেন।

এই প্রকার শোচনীয় ঘটনার যাহাতে পুনরাবৃত্তি না ঘটে সেজন্ত উপসংহারে আসানসোলার এস. ডি ও. এবং পুলিশ কর্তৃপক্ষকে অনুরোধ জানানো হইয়াছে।

পশ্চিমবঙ্গের মধ্যে গ্রাণ্ড ট্রাঙ্ক রোডের যে অংশ আছে, তাহাতে বিশেষ পুলিশ বসাইয়া লরীচালকদিগকে শিক্ষা দেওয়া প্রয়োজন। উহার খরচ লরীগাড়ীর উপর বিশেষ ট্যাক্স বসাইয়া আদায় করা উচিত। টোলগেট বসাইয়া লরী হইতে মোটা টাকা লওয়া উচিত।

মেদিনীপুর জেলায় দুর্ভিক্ষের পূর্বাভাস

১৬ই ভাদ্র এক সম্পাদকীয় মন্তব্যে “মেদিনীপুর পত্রিকা” অনাবৃষ্টির ফলে মেদিনীপুর জেলার বিভিন্ন স্থানের দুঃসংবাদ প্রতি দৃষ্টি আকর্ষণ করিয়াছেন। ঝাড়গ্রাম, ঘাটাল, তমলুক, সদর ও কাঁধি প্রভৃতি প্রত্যেকটি মহকুমা হইতেই বহুপ্রকারের দুঃসংবাদ তাহাদের নিকট পৌঁছিয়াছে। পত্রিকাটি লিখিতেছেন, “ইতি-মধ্যেই কয়েকস্থানে দুর্ভিক্ষ শুরু হইয়া গিয়াছে।...এতদ্ব্যতীত কয়েকস্থান হইতে একরূপ সংবাদও আসিতেছে যে, সরকারী সাহায্য-ব্যবস্থা পক্ষপাতহীন বলিয়া প্রতীত হইতেছে। যে সকল এলাকায় নাকি কংগ্রেসপ্রার্থী জয়লাভ করে নাই অথবা যেখানে কংগ্রেসের জয়লাভের আশা নাই সেখানকার অধিবাসীরা নাকি সর্বপ্রকার সাহায্য লাভে বঞ্চিত হইয়াছে।”

এইরূপ সংবাদে কর্তৃপক্ষের অবহিত হওয়া উচিত। অবশ্য ঐ সংবাদ বাহির হইবার পরে নানাস্থলে বৃষ্টিপাতের সংবাদ পাওয়া গিয়াছে এবং দুর্ভিক্ষের আশঙ্কাও কমিয়াছে শুনিয়াছি। কিন্তু সরকারী সাহায্যে পক্ষপাতহীন অভিযোগ থাকা উচিত নহে। উহা ভিত্তিহীন কিনা সে বিষয়ে তদন্ত হওয়া প্রয়োজন।

করিমগঞ্জ কংগ্রেস অন্তর্বির্বাদ

২৪শে ভাদ্রের “যুগশক্তি” সংবাদ দিতেছেন, করিমগঞ্জ জেলা কংগ্রেস আপিস হইতে খাতাপত্রাদি চুরির মামলার উপর সম্প্রতি যবনিকাপাত হইয়াছে। অভিযোগের বিবরণে প্রকাশ, গত ১৯৫২ সনের ৩১শে অক্টোবর নিখিল-ভারত কংগ্রেসের প্রতিনিধি নির্বাচনের পূর্বসংক্রান্তে করিমগঞ্জ জেলা কংগ্রেস কমিটির আপিসের দরজা ও আলমারী ভাঙ্গিয়া কংগ্রেস সদস্যদের নামের তালিকা, সীল ও অন্যান্য খাতাপত্র চুরি গিয়াছে বলিয়া কংগ্রেস-সম্পাদক শ্রীমনোরঞ্জন দেব পুলিশে সংবাদ দেন। কংগ্রেস আপিস গৃহের বারান্দায় যে সমস্ত উদ্বাস্ত থাকে তাহাদের কেহ কেহ আসামীদিগকে সনাক্ত করে ও বলে যে আসামীরা ঘরে ঢুকিয়াছিল। অতঃপর কুশিয়ারা নদীতে ভাসমান অবস্থায় ৫।৫। মাইল ভাঁটিতে এই সমস্ত কাগজপত্র দেখিতে পাওয়া যায় এবং জনৈক পাগলী নদী হইতে তাহা উদ্ধার করে।

ম্যাজিষ্ট্রেট তাঁহার রায়ে বলেন, মামলাটি সম্পূর্ণ সাক্ষান। বিবোধী দলভুক্ত আসামীদিগকে এ. আই. সি. সি.র নির্বাচনে অংশ গ্রহণ করিতে না দিবার উদ্দেশ্যে অফিসিয়াল কংগ্রেস এ প কাগজপত্র লুকাইয়া রাখিয়াছিলেন। খাতাপত্রাদি চুরির অভিযোগ সত্য নহে। বাদীপক্ষের ১নং সাক্ষী শ্রীমনোরঞ্জন দেবের সাক্ষ্যে জানা যায় যে, ইদানীংও জেলা কংগ্রেসের কাগজপত্র ও সীল অসু-রূপভাবে অপসারিত হওয়ায় প্রদেশ কংগ্রেসের সাধারণ সম্পাদককে আসিয়া এ সম্পর্কে তদন্ত করিতে হয় এবং পরে তাহা বাহির হয়। আসামীদিগকে মুক্তি দিয়া যাঁহারা এই মামলা দায়ের করিয়াছিলেন ম্যাজিষ্ট্রেট তাঁহাদের কার্যের তীব্র সমালোচনা করেন। তাঁহার অভিমতে ঐ মামলার আসামীদিগকে অনর্থক হয়রান করা হইয়াছে এবং পুলিশ ও আদালতের সময়ের অপব্যয় করান হইয়াছে।

এখানে স্মরণ করা বাইতে পারে যে, প্রথমে যখন ঐরূপ অভিযোগ আনা হয় তখন করিমগঞ্জের সিনিয়র ই-এ-সি শ্রীমেশচন্দ্র দেব চৌধুরী করিয়াদি পক্ষ যথেষ্ট প্রমাণ উপস্থিত না করায় উক্ত আসামীদিগকে ডিসচার্জ করেন। করিয়াদি পক্ষ তখন অতিরিক্ত দায়রা জজের নিকট আবেদন করিলে তিনি বিচারের আদেশ দেন।

এই ব্যাপার সম্পর্কে এক সম্পাদকীয় প্রবন্ধে ঐ তারিখের “যুগশক্তি” লিখিতেছেন, “যাঁহারা এই মামলা দায়ের করিয়াছিলেন তাঁহাদের বিরুদ্ধে সুবিজ্ঞ ম্যাজিষ্ট্রেট তীব্র মন্তব্য করিয়াছেন। কিন্তু পরিষ্কার ভাষায় কাহারও নাম উল্লেখ করেন নাই এবং মিথ্যা অভিযোগ দায়ের করার জন্ত সংশ্লিষ্ট ব্যক্তিদের বিরুদ্ধে প্রয়োজনীয় ব্যবস্থা অবলম্বনের কোন সুপারিশ দান করেন নাই। তবে উক্ত মামলার ব্যাপারে প্রকৃত ঘটনা সঙ্ক্ষেপে সন্দেহের অবকাশ থাকিলেও স্থানীয় কংগ্রেসের কর্মকর্তা দুই-এক জনের স্বরূপ যেভাবে উদঘাটিত হইয়াছে তাহাতে উহাদের সম্পর্কে কংগ্রেসের উর্দ্ধতন কর্তৃপক্ষ একেবারে নীরব বা নিষ্ক্রিয় থাকিতে পারিবেন কি ?”

পশ্চিমবঙ্গ কংগ্রেস সম্পর্কে তদন্ত

“নিশানা” পত্রিকা ১৪ই আগষ্ট এক সম্পাদকীয় মন্তব্যে লিখিতেছেন, তাহার বিখ্যাতসূত্রে জানিতে পারিয়াছেন যে, নিখিল-ভারত কংগ্রেস কমিটি হইতে পশ্চিমবঙ্গের কংগ্রেস পরিচালনার ব্যাপারে অনুসন্ধানের ব্যবস্থা করা হইয়াছে, কিন্তু “কোনও অজ্ঞাত কারণে অজ্ঞাত পত্রিকা এমন কি জাতীয়তাবাদী (?) দৈনিক পত্রিকাগুলিও এ বিষয়ে সম্পূর্ণ মৌনাবলম্বন করিয়া আছে।” পত্রিকাটির সংবাদ অনুযায়ী বেসরকারীভাবে অনুসন্ধানের কার্য নাকি ইতিমধ্যেই হইয়া গিয়াছে এবং পূর্ণাঙ্গ অনুসন্ধানের প্রয়োজনীয়তা বুঝা গিয়াছে। অনতিবিলম্বেই কংগ্রেস হাইকমান্ড কর্তৃক আনুষ্ঠানিক অনুসন্ধান শুরু হইবে।

পশ্চিমবঙ্গের বর্তমান কংগ্রেস-কর্তৃপক্ষ সহজে অল্প কয়েকজনের নিকট হইতে প্রচুর অর্থ সংগ্রহ করিয়া কংগ্রেস প্রতিষ্ঠানকে পরিচালনা করিবার যে সহজ পন্থা গ্রহণ করিয়াছেন এবং তাহার ফলস্বরূপ কংগ্রেসের সং ও শুভানুধ্যায়ী কর্মীগণের মধ্যে যে বিকোভ দেখা দেয় এই অনুসন্ধানের সিদ্ধান্ত তাহারই পরিণতি। এই কংগ্রেস কর্মিবৃন্দ যেসব অভিযোগ করেন তাহাদের মধ্যে কয়েকটি হইতেছে :

১। কংগ্রেস ভবন কিভাবে পাওয়া গিয়াছে? উহার দলিল কোথায় এবং তাহাতে কি আছে?

২। “জনসেবক” কাগজখানির উপর কংগ্রেসের কংগ্রেস প্রতিষ্ঠান হিসাবে কোনও কর্তব্য আছে কিনা?

৩। পান্নালাল সারাঙ্গী পশ্চিমবঙ্গ কংগ্রেসের Finance sub-committee-র চেয়ারম্যান হইল কি জন্ম এবং কোন্ গুণের দোহাই দিয়া?

উড়িষ্যায় পটা চাউল, চিনির কারবার, West Bengal Relief Committee, কল্যাণীর টিকিট ও অজ্ঞাত ব্যবস্থা, জুপিটার প্রিন্টিং ওয়ার্কস প্রভৃতি সম্পর্কেও নাকি কতকগুলি অভিযোগ করা হইয়াছে।

সাহায়েত্রে সকলেই এই তদন্তের ব্যাপারে যথাসাধ্য সাহায্য করেন সম্পাদকীয় মন্তব্যে সেজন্য বিশেষ অমুরোধ জানান হইয়াছে।

“নিশানা” যে সংবাদ দিয়াছেন তাহার সত্যাসত্য আমাদের জানা নাই। তবে ঐরূপে কংগ্রেসের বিরুদ্ধে অভিযোগ থাকিলে তাহার প্রকাশ উত্তর দেওয়া উচিত। নহিলে কংগ্রেসের খ্যাতি নষ্ট হইতে দেয়ী হইবে না।

ভারত সীমান্তে পাকিস্থানী হানা

২১শে ভাদ্র “হিন্দুবাণী” পত্রিকা লিখিতেছেন, “পশ্চিমবঙ্গ বিধান-সভার সীমান্তহরি চট্টোপাধ্যায়ের প্রশ্নের উত্তরে সরকার পক্ষ হইতে জানান হয়, ১৯৫৩ সন হইতে ১৯৫৪ সনের মার্চ মাস পর্যন্ত পাকিস্থানীরা পশ্চিমবঙ্গ সীমান্তে ১২৯ বার হানা দিয়া নানাপ্রকারের ঔৎসুক্য করিয়াছে। ইহাতে ছয় জন নিহত ও বার জন আহত

হইয়াছে। ১২২৩টি গবাদি পশু, নৌকা, লাঙ্গল প্রভৃতি অপহৃত হইয়াছে। সম্পত্তিরও ক্ষতি হইয়াছে। সরকার পক্ষ হইতে জানান হয় যে, হানাদারদের বিতাড়িত করিবার জন্য পর্যাপ্ত ব্যবস্থা অবলম্বিত হইয়াছে। পাক-সরকারকে প্রত্যেক বারই ঘটনার পর সংবাদ দেওয়া প্রভৃতিতে ত্রুটি হয় নাই। কিন্তু দুর্ভাগ্যবশতঃ এই ঘটনা নিত্যনৈমিত্তিক পর্যায়ে দাঁড়াইয়াছে এবং আগামী বৎসরেও প্রশ্নোত্তরে এই ঘটনার পুনরাবৃত্তি দেখা যাইবে।”

হিন্দুবাণীর আশঙ্কা অমূলক নহে মনে হয়। সীমান্ত অঞ্চলে সুগঠিত ও সশস্ত্র রক্ষীদল থাকা উচিত। ইচ্ছা থাকিলে উহা কিছুই অসম্ভব নহে। দুঃখের বিষয়, রক্ষীদল গঠনে এখন আর সেরূপ সরকারী উৎসাহের কোনও চিহ্ন পাওয়া যায় না।

উত্তরপ্রদেশে মুসলিম সাম্প্রদায়িকতার পুনরভ্যুত্থান

“পিপল” পত্রিকার লক্ষ্যস্থিত বিশেষ সংবাদদাতা প্রদত্ত সংবাদে প্রকাশ যে, উত্তরপ্রদেশে মুসলিম সাম্প্রদায়িকতাবাদ পুনরায় মাথা চাড়া দিয়া উঠিতেছে। স্বাধীনতা অর্জনের পর ভীত সাম্প্রদায়িক নেতারা কিছুদিন চুপচাপ ছিল, কিন্তু এক বৎসর ব্যবৎ তাহাদের তৎপরতা বিশেষ বৃদ্ধি পাইয়াছে। বরাবাকি হইতে প্রাপ্ত সংবাদে দেখা যায় যে, একদল মুসলমান তবলিঘ (Tabligh) কার্যে উৎসাহী হইয়া উঠিয়াছেন। কুণ্ডায় সাম্প্রদায়িক প্রতিষ্ঠান জমিয়তে ইসলামী বিশেষ তৎপর হইয়া বিভিন্ন জেলায় শাখা-প্রতিষ্ঠান খুলিতে শুরু করিয়াছে। আলিগড়ে সাম্প্রদায়িক কাষাকলাপের নয়াটেকেন্দ্র খোলা হইয়াছে।

সম্প্রতি বরাবাকি, গোরখপুর, আজমগড়, কানপুর প্রভৃতি স্থানে যে সকল সভা-সমিতির অনুষ্ঠান হয় তাহাতে সাম্প্রদায়িক বিধেয় সৃষ্টির প্রচেষ্টা সুপরিষ্কৃত হইয়াছে।

দিল্লী এবং কানপুরের কয়েকটি পত্রিকা এইরূপ সাম্প্রদায়িকতা প্রসারের জন্ম যথেষ্ট চেষ্টা করিতেছেন। ইহা ভিন্ন পাকিস্থান হইতে কয়েকটি সংবাদপত্র ও সাময়িকপত্র আমদানী করিয়া এই আন্দোলনকে শক্তিশালী করিবার চেষ্টা হইতেছে। উত্তরপ্রদেশের বিভিন্ন অঞ্চলে “পাঠচক্র” স্থাপন করিয়া তথায় করাচী হইতে আমদানীকৃত পাকিস্থানী পত্রিকাগুলি হইতে বিভিন্ন “তথ্য”র সাহায্যে কর্মীদিগকে “শিক্ষিত” করিয়া তোলা হইতেছে।

পঞ্জাব (ভারত) হইতেও তবলিঘ আন্দোলনের যে রিপোর্ট পাওয়া গিয়াছে তাহাতেও স্পষ্ট দেখা যায় যে, সেখানেও সাম্প্রদায়িকতাবাদ নূতন করিয়া প্রভাব বিস্তার করিতেছে! মেওয়াট অঞ্চলে কয়েকটি তবলিঘ সন্মিলন অনুষ্ঠিত হয় এবং শিক্ষা দিবস জন্ম ২০০ স্বেচ্ছাসেবকের স্তম্ভ সংগৃহীত হয়। বিভিন্ন বক্তা মুসলমানদিগকে কোরবানীর “অধিকার” কায়ম করিবার জন্ম দৃঢ় প্রতিজ্ঞ হইতে বলেন। কয়েকজন বক্তা মুসলমানদিগকে কেবলমাত্র মুসলমানদিগের দোকান হইতেই জিনিষপত্র ক্রয় করিতে আহ্বান করেন।

বিশেষ সংবাদদাতা আরও লিখিতেছেন যে, কেবলমাত্র যে মুসলমানদিগে মধোই সাম্প্রদায়িকতার পুনরুত্থান দেখা দিতেছে তাহা নহে, হিন্দুদের মধ্যেও সেইরূপ মনোভাব প্রকট হইয়া উঠিতেছে। তিনি লিখিতেছেন যে, অবিলম্বে এই সকল সাম্প্রদায়িক ধারাগুলিকে বিনষ্ট না করিলে কালক্রমে তাহারা দেশের এবং জাতির ঐক্যের পথে বিশেষ বিপজ্জনক রূপ ধারণ করিতে পারে।

আমরা জানি আলিগড়কে কেন্দ্র করিয়া এইরূপ একটি ষড়যন্ত্র বহুদিন ধাবং চলিতেছে। অঞ্চল দিল্লী ও লক্ষ্ণৌ এ বিষয়ে নিষ্পন্দ নিশ্চল।

আসানসোলে শ্মশানস্থানের অব্যবস্থা

উপযুক্ত শ্মশানস্থানের অভাবে আসানসোল ও নিকটবর্তী কয়েকটি স্থানের অধিবাসীবৃন্দকে যে সকল অসুবিধা ভোগ করিতে হইতেছে, ২৬শে শ্রাবণ এক সম্পাদকীয় মন্তব্যে “বঙ্গবানী” সেই বিষয়ে আসানসোল মিউনিসিপ্যালিটি এবং আসানসোল মাইনস বোর্ড অব হেলথের দৃষ্টি আকর্ষণ করিয়া তাহা নিরসনের অনুরোধ জানাইয়াছেন।

শ্মশানস্থানটি আসানসোলের কোন কোন স্থান হইতে আড়াই মাইল হইতে তিন মাইল দূরে মিউনিসিপ্যাল এলাকার বাহিরে অবস্থিত। সর্বপ্রকার আলোকব্যবস্থা-বিবর্জিত, সেই স্থানে কোন কাঠাদি পাওয়া যায় না, জলের কোন স্রবন্দোবস্ত নাই, শ্মশান-কৃত্যাদি সম্পন্ন করিবার উপযুক্ত পুরোহিতও নাই। শবদেহবহন-কারীদের কয়েক ঘণ্টা অবস্থানের উপযুক্ত কোন ব্যবস্থাই সেখানে নাই। দুর্ভাগ্যক্রমে রাত্রিকালে কোন আসানসোলবাসীর মৃত্যু ঘটিলে মৃতের আত্মীয়স্বজনের দুর্গতির সীমা থাকে না।

এই বিষয়ে মিউনিসিপ্যালিটির বিশেষ দায়িত্বের কথা উল্লেখ করিয়া সম্পাদকীয় মন্তব্যে বলা হইয়াছে যে, শ্মশানস্থান মিউনিসিপ্যাল এলাকার বাহিরে অবস্থিত, অতএব পৌরকর্তৃপক্ষের কোন দায়িত্ব নাই বলিয়া যে কৈফিয়ত দেওয়া হয় তাহা গ্রাহ্য নহে। পৌরকর্তৃপক্ষ কোন ব্যবস্থা করিতে অক্ষম হইলে শ্মশানস্থানটিকে পৌর-এলাকার কোন উপযুক্ত জায়গায় স্থানান্তরিত করা উচিত। শ্মশানস্থানটি উপযুক্তরূপে পরিচালিত করিবার যে বিশেষ দায়িত্ব আসানসোল মাইনস বোর্ড অব হেলথের উপর গুস্ত রহিয়াছে সে বিষয়ে বোর্ডকেও স্মরণ করাইয়া দেওয়া হইয়াছে।

এই প্রসঙ্গে আসানসোলের গায় বহুজাতি-অধুষিত শহরে একটি উপযুক্ত মৃত্যু-তালিকা (Death Register) রাখিবার প্রয়োজনীয়তার প্রতিও সম্পাদকীয় মন্তব্যে সংশ্লিষ্ট কর্তৃপক্ষের দৃষ্টি আকর্ষণ করা হইয়াছে।

খড়গপুরে নূতন মিউনিসিপ্যালিটি

মেদিনীপুর জেলার এবং পশ্চিমবঙ্গের অগ্রতম প্রধান শিল্পকেন্দ্র খড়গপুরে পশ্চিমবঙ্গ সরকার একটি মিউনিসিপ্যালিটি স্থাপনের যে সিদ্ধান্ত করিয়াছেন সেই সম্পর্কে এক সম্পাদকীয় মন্তব্যে নব-

প্রকাশিত “সমাজ” লিখিতেছেন যে, পশ্চিমবঙ্গ সরকারের সিদ্ধান্ত-গুলির কিয়দংশ যে কিরূপ ভিত্তিহীন নিরীকার উপর প্রতিষ্ঠিত তাহাবই একটি দৃষ্টান্ত হইল খড়গপুরের সাম্প্রতিক মিউনিসিপ্যালিটি।

খড়গপুর মিউনিসিপ্যালিটির আয়তন ১৮ বর্গমাইল। ইহার মধ্যে শহরের কেন্দ্রস্থলে অবস্থিত সাড়ে বারো বর্গমাইল আয়তন-বিশিষ্ট রেলওয়ে কলোনীটি মিউনিসিপ্যালিটির আওতার বাহিরে। খরিদা এবং ইন্দা এই দুইটি ইউনিয়ন লইয়া মিউনিসিপ্যালিটি গঠিত। “সমাজ” লিখিতেছেন, এই অঞ্চলগুলির লোকসংখ্যা অনু-পাতে অর্থনৈতিক মান হিসাব করিলে দেখা যাইবে যে, অধিকাংশই দরিদ্র মধ্যবিত্ত, শ্রমিক এবং কৃষকশ্রেণীর অন্তর্ভুক্ত। ঐ অঞ্চলে মাত্র পাঁচটি উচ্চ বিদ্যালয় রহিয়াছে। কিন্তু অর্থাভাবে তাহাদের অবস্থা বিশেষ শোচনীয়। উহাদের মধ্যে একটিমাত্র বালিকা-বিদ্যালয় অর্থাভাবে গৃহ-নির্মাণে অপারগ হইয়াছে। অধিবাসীর সংখ্যা সত্তর হাজার। দুইটি ইউনিয়নের চৌকিদারী ট্যাক্স ১৪ হাজার টাকাও সম্পূর্ণ আদায় হয় না। এই অবস্থায় মিউনিসিপ্যাল কর ৩ লক্ষ ৭৫ হাজার টাকা দরিদ্র জনসাধারণ কিভাবে বহন করিবে পত্রিকাটি সেই প্রশ্ন করিয়াছেন।

ব্যবসার কেন্দ্রস্থল গোলবাজার রেলওয়ে মার্কেট নূতন পৌর-সভার আয়তনের বাহিরে। “সমাজ” লিখিতেছেন, “এক্ষেত্রে পৌরসভা কতখানি কার্যকরী হইবে এবং উন্নতির কতখানি আশা আছে তাহা একরূপ দুর্লভা। আমাদের মনে হয় একরূপ ছিটমহল লইয়া পৌরসভা গঠন না করিয়া রেলওয়ে এলাকাটিকে সম্প্রসারিত করিয়া দেওয়া হউক। তাহা না হইলে রেলওয়ে কলোনীটিকে পৌরসভার আয়ত্তে আনিয়া উক্ত ছিটমহলগুলিকে উহার সহিত সংযোগ করিয়া দিয়া পূর্ণাঙ্গ পৌরসভা গঠন করা হউক।... কারণ রেলওয়ে কলোনী বাদ দিয়া যে পৌরসভা তাহা একটি রোগীর হৃৎ-পিণ্ড বাদ দিয়া বৃথা বাঁচাইবার চেষ্টার তুল্য।”

বিকল্পে রেলওয়ে কলোনীকে বাদ দিয়া ঐ দরিদ্র অঞ্চলগুলিকে কেন্দ্রীয় সমাজ উন্নয়ন পরিকল্পনার অথবা রাজ্যসরকারের অধীনে Rural Township Project-এর অন্তর্ভুক্ত করিলে দেশবাসীর সত্যকার উপকার সাধন হইত বলিয়া পত্রিকাটি মনে করেন। উপসংহারে পত্রিকাটি লিখিতেছেন, “বৃথা অর্থব্যয় এবং জনসাধারণের অসন্তোষের আশঙ্কায় রাজ্যসরকারকে আমরা এ বিষয়ে পুনর্বিবেচনার জগু অনুরোধ জানাই।”

পাটচাষীর উপর নূতন কর

৯ই ভাদ্র “নূতন পত্রিকা” ‘কথাপ্রসঙ্গে’ লিখিতেছেন, “প্রতি বৎসর মোটা অঙ্কের টাকা ঘাটতি দিতে দিতে পশ্চিমবঙ্গ সরকারের ‘বিশেষজ্ঞগণ’ এবার রাজস্ব ঘাটতি পূরণের জগু বিভিন্ন পথ অনু-সন্ধান করিয়া অবশেষে পাটচাষীর নিকট হইতে আরও টাকা বাহির করিবার মতলব আঁটিয়াছেন। কাঁচা পাটের উপর সেস মণপ্রতি ৯/০ হইতে ১০ করিবার প্রস্তাব আসিয়াছে। অবশ্য এবাবের সাড়ে তের কোটি টাকা ঘাটতির মধ্যে এই ষাড়ে তেত্রিশ লক্ষ টাকার

বেশী পাওয়া যাইবে না। লক্ষণীয় যে, পাটের বাজার বন্ধন মন্দা তখনই এই করভার বসানোর পরিকল্পনা করা হইয়াছে। অথচ বখন ১৯৫০-৫১ সনে ও পরে দেশী-বিদেশী প্রভুরা বিদেশী বাজারে অগ্নিমূল্যের সুযোগে কোটি কোটি টাকা লুণ্ঠন করিল, এমনকি কেন্দ্রীয় সরকার পর্য্যন্ত রপ্তানী শুদ্ধ বাবদ কয়েক কোটি টাকা আয় করিলেন তখন আমাদের এই সব পণ্ডিত ব্যক্তি কোথায় ছিলেন? মন্দার বাজারে এই করভার পাটচাষীর উপরই পড়িবে। অথচ বখন তেত্রিশ লক্ষ টাকা কেন, কয়েক কোটি টাকা আয় হইতে পারিত এবং চাষীরও গায়ে লাগিত না তখন চূপ করিয়া থাকার কারণ কি?”

ভূদান সংগ্রহ ও বণ্টন

অখিল-ভারত সর্বসেবা সঙ্ঘের দপ্তরসচিব শ্রীকৃষ্ণরাজ মেহতার বিবরণ হইতে দেখা যায় যে, ৫ই আগষ্ট পর্য্যন্ত সমগ্র ভারতে মোট ৩৪ লক্ষ ৫০ হাজার ২০০ একর জমি ভূদান আন্দোলন মারফত সংগৃহীত হইয়াছে এবং তন্মধ্যে ৭২,৬৯৪ একর জমির বণ্টনকার্য সমাপ্ত হইয়াছে। বিহার হইতে সর্বাধিক ভূমি সংগৃহীত হইয়াছে; ভূমির পরিমাণ ২০ লক্ষ ৯৯ হাজার একর। তাহার পরই উত্তর-প্রদেশ হইতে সংগৃহীত ৫,০৫,৯৪৫ একর জমি উল্লেখযোগ্য। রাজস্থান ও হায়দরাবাদ হইতে সংগৃহীত ভূমির পরিমাণ যথাক্রমে ৩,৩১,৯২২ একর এবং ১,০০,৮৭৬ একর। পশ্চিমবঙ্গ হইতে ৩,৩১৫ একর ভূমি সংগৃহীত হইয়াছে।

সর্বাপেক্ষা বেশী জমি বন্টিত হইয়াছে উত্তরপ্রদেশে—৪৬,৬৬৬ একর। বণ্টন ব্যাপারে হায়দরাবাদের স্থান দ্বিতীয় ১৪,৬১৩ একর এবং রাজস্থানের স্থান তৃতীয়—৫,৩৮৯ একর। পশ্চিমবঙ্গে কোন জমিই বণ্টন করা হয় নাই।

কিন্তু পশ্চিমবঙ্গে ভূদান সংগ্রহের যে বিবরণী ২১শে আগষ্ট “হরিজন পত্রিকা”য় প্রকাশিত হইয়াছে তাহাতে ৩১শে জুলাই পর্য্যন্ত সংগৃহীত ভূমির পরিমাণ ৪,৫৩৭ একর (৩,৩১৫ নহে) দেখান হইয়াছে। তাহা হইতে আরও জানা যায় যে ২৪ পরগণা জেলার ৬টি পরিবারের মধ্যে ৮ একর ভূমি বিতরিত হইয়াছে।

ভারত ও জাপানে মন্ত্রীদের মাহিনা

শ্রীবালজী গোবিন্দজী দেশাই “হরিজন পত্রিকা”য় এক ক্ষুদ্র নিবন্ধে লিখিতেছেন, আয়কর বাদ দিয়া জাপানের প্রধান মন্ত্রী মাসিক ৫৫০ টাকা পান। “জাপানে মাথাপিছু যত আয় ভারতে আমাদের মাথাপিছু আয় তাহার অর্ধেক, কিন্তু জাপানীরা টোকিওর মন্ত্রীকে যত টাকা দেয় আমাদের মন্ত্রীকে তাহার পাঁচ গুণ অধিক দিতে হয় অর্থাৎ মাথাপিছু আয়ের অনুপাতে আমাদের মন্ত্রীদের বেতন জাপানী মন্ত্রীদের দশ গুণ।”

বিহার সরকারের বাংলা ভাষা দমননীতি

“নবজাগরণ” পত্রিকার ভ্রাম্যমাণ প্রতিনিধি লিখিত উক্ত পত্রিকার ৯ই শ্রাবণ সংখ্যায় প্রকাশিত বিবরণী হইতে দেখা যায় যে, যদিও বিহার সরকার মুখে বাংলা ভাষা ও সাহিত্য রক্ষার পবিত্র

দায়িত্ব পালন সম্পর্কে বহু বড় বড় কথা বলিয়া থাকেন, তথাপি প্রকৃতপক্ষে বিহার সরকারের নীতি হইতেছে বিহার হইতে সর্ব-প্রকারে বঙ্গভাষা ও সাহিত্যের উচ্ছেদ সাধন করা।

উক্ত প্রতিনিধি লিখিতেছেন যে, বিহারের বহুস্থানে বাংলা স্কুল তুলিয়া দিয়া তৎস্থলে হিন্দী বিদ্যালয় স্থাপন করা হইতেছে। ছেলের অভাবে হিন্দী বিদ্যালয়গুলি বন্ধ হইবার উপক্রম হইয়াছে, কিন্তু সরকারপক্ষের নির্দেশ রহিয়াছে ছাত্র না থাকিলেও হিন্দী স্কুল চালাইয়া যাইতে হইবে এবং তৎক্ষণাৎ সরকার নিয়মিতভাবে শিক্ষক-দের মাসিক বেতন যোগাইবেন বলিয়া আশ্বাসও দেওয়া হইয়াছে। ফলে কোন কোন স্থলে মাত্র ৩৪ জন হিন্দী ছাত্র লইয়া বিদ্যালয় চালাইয়া যাওয়া হইতেছে আর এইভাবে সরকারী অর্থের প্রভূত অপব্যয় হইতেছে এবং অপরপক্ষে অসংখ্য গরীব বাঙালী ছাত্র মুর্থ হইতে বসিয়াছে।

পটকা থানার ধীরোল গ্রামে একটি প্রাইমারী স্কুল বহুদিন হইতে চলিয়া আসিতেছিল; কিন্তু বিহার সরকারের হিন্দী সাম্রাজ্যবাদী নীতি অমুখ্যায়ী ঐ বাংলা স্কুল তুলিয়া দিয়া সেস্থলে একটি হিন্দী স্কুল স্থাপন করা হইয়াছে। মাত্র ৮১০ জন ছাত্র লইয়া হিন্দী ট্রেনিং পাস স্থানীয় একজন শিক্ষক শিক্ষকতা করিতেছেন। তিনি বহু চেষ্টা করিতেছেন কিন্তু স্থানীয় জনসাধারণ কেহই ঐ স্কুলে ছাত্র পাঠাইতেছেন না।

গোয়াল অনুষ্ঠিত ঘটনাবলীর পটভূমিকা

“প্রভাদা” পত্রিকায় ১৭ই আগষ্ট প্রকাশিত এক প্রবন্ধে এম. আফোলিন লিখিতেছেন, “ভারতের পর্ন্তগীজ-অধিকৃত অঞ্চলের অধিবাসীদের স্বার্থে তাহাদের ভবিষ্যৎ সম্পর্কে একটা সুষ্ঠু বোঝা-পড়ার উদ্দেশ্যে উপায় নির্ধারণের জন্ত ভারত বারবার পর্ন্তগালের নিকট প্রস্তাব পাঠাইয়াছে এবং পর্ন্তগীজ সরকারও বারবার সেই প্রস্তাব অগ্রাহ করিয়াছে, ও স্পষ্টতঃ গোয়াল জনগণের স্বার্থ স্বীকার করিতে গররাজী হইয়াছে। শুধু ইহাই নয়, গত কয়েক মাস যাবৎ ভারতের বিরুদ্ধে তাহার শত্রুতাপূর্ণ কাব্যকলাপ ক্রম বৃদ্ধি পাইয়াছে।”

পর্ন্তগীজ সৈন্যবাহিনী এবং কূটনৈতিকদের এই রণোত্তমের পিছনে রহিয়াছে ভারতের পর্ন্তগীজ অঞ্চলগুলি সম্পর্কে আমেরিকার ক্রমবর্ধমান আগ্রহ। আমেরিকার আক্রমণাত্মক পরিকল্পনায় এই অঞ্চলগুলির প্রতি বিশেষ গুরুত্ব আরোপ করা হইয়াছে এবং বিদেশী সংবাদপত্রে প্রকাশিত সংবাদ হইতে জানা যায় যে, ঐ অঞ্চলগুলিতে মার্কিন সৈন্যবাহিনীদের তত্ত্বাবধানে সামরিক ঘাটি নির্মাণকার্য আরম্ভ হইয়াছে। এই প্রসঙ্গে ভারতের বিরুদ্ধে পর্ন্তগাল সরকারের সামরিক চক্রান্তে পাকিস্থান সরকার পর্ন্তগীজ যুদ্ধজাহাজগুলিকে করাচী বন্দরে জ্বালানী এবং অগ্নি প্রয়োজনীয় দ্রব্যাদি লইবার সুযোগ দিয়া যে সকল সাহায্য করিতেছেন, আফোলিন তাহারও উল্লেখ করেন।

পর্তগাল ১৫৬২ সনে অচ্যুত ইঙ্গ-পর্তগীজ চুক্তির উল্লেখ করিয়া ভারতের পর্তগীজ অধিকৃত অঞ্চলগুলির উপর পর্তগালের দাবির জাব্যতা প্রমাণ করিবার চেষ্টা করে। পর্তগীজ প্রধানমন্ত্রী সালাজা জাটোর রক্ষণাধীন এলাকা ভারতে পর্তগীজ অঞ্চলগুলি পর্যন্ত বিস্তৃত বলিয়া দাবি করিয়াছেন। আফোলিন লিখিতেছেন, “পর্তগীজ সরকার কর্তৃক বারবার জাটো চুক্তির ধারাগুলির ও ইঙ্গ-পর্তগীজ চুক্তির উল্লেখে ভারত-সরকার সঙ্গত রূপেই স্পষ্ট ভাবে জানাইয়া দিয়াছেন যে সার্বভৌম রাষ্ট্র হিসাবে ভারত সেই চুক্তির কোনই মূল্য দিবে না যে চুক্তি তাহাকে বাদ দিয়া সম্পাদিত হইয়াছে।”

পর্তগীজ পক্ষ পর্যবেক্ষক প্রেরণের যে প্রস্তাব করে ভারত তাহা গ্রহণ করে। কিন্তু “স্বার্থসংশ্লিষ্ট মিত্রদের নিকট হইতে আঙ্কারা পাইয়া পর্তগীজ পক্ষ সঙ্গে সঙ্গেই ভারতের বিরুদ্ধে রাশি পরিমাণ অভিযোগ আনিয়া হাজির করে এবং বলিতে থাকে যে ভারত চালাকি করিতেছে—তাহার মতলব অসাধু, সে তদন্তকার্যে বিলম্ব ঘটাইতেছে ইত্যাদি। জাটোর সহিত যুক্ত কয়েকটি পশ্চিমী রাষ্ট্র পর্তগাল সরকারের এই দাবির সমর্থনে স্পষ্ট অভিমত প্রকাশ করিয়াছে। ভ্যাটিকান রাষ্ট্রও ভারতবিরোধী প্রচারে যোগ দিয়াছে।

ভারতের বিরুদ্ধে এই আন্দোলনের সংগঠিত রূপ এবং দক্ষিণ-পূর্ব এশিয়ায় মার্কিন ব্লক গঠনের পরিকল্পনার সহিত তাহার সরাসরি সম্পর্কের প্রতি দৃষ্টি আকর্ষণ করিয়া আফোলিন লিখিতেছেন, “বিদেশী পর্যবেক্ষকদের মতে, ভারতবিরোধী এই আন্দোলনকারীদের মতলব হইল মার্কিন অভিভাবকতায় দক্ষিণ-পূর্ব এশিয়ায় সামরিক জোট গঠনের প্রতি ভারতের প্রতিকূল মনোভাব এশিয়ার দেশগুলির উপর যে প্রভাব বিস্তার করিয়াছে এক দিক দিয়া তাহাকে দুর্বল করা এবং অল্প দিক দিয়া ভারত বাহাতে এই সামরিক জোটের মধ্যে আসে সেই উদ্দেশ্যে তাহার উপর চাপ দেওয়া।

“গোয়াকে কেন্দ্র করিয়া ঘটনাবলীর প্রতি লক্ষ্য রাখিলে দেখা যায় আমেরিকা দক্ষিণ-পূর্ব এশিয়ায় অবিলম্বে একটি সামরিক জোট গঠনের উদ্দেশ্যে উঠিয়া পড়িয়া লাগিয়াছে, এবং এই উদ্দেশ্য সাধনে সে তাহার হাতের সব ক’টি হাতিয়ারই প্রয়োগ করিতেছে। একটি সামরিক জোট গঠন সম্পর্কে আক্রমণকারীদের এই বাস্তবতার কারণ হইল যে, বর্তমান যাইতেছে আমেরিকার আক্রমণাত্মক পরিকল্পনার বিরুদ্ধে জনমত তত দানা বাধিতেছে।”

সুয়েজ-ঘাঁটি ও ভবিষ্যৎ যুদ্ধ

সুয়েজ-ঘাঁটি হইতে ব্রিটিশ সৈন্য অপসারণের জ্ঞান সম্প্রতি মিশর এবং ব্রিটিশ সরকারের মধ্যে যে চুক্তি সম্পাদিত হইয়াছে তাহার সমর্থনে এক প্রবন্ধে ব্রিটেনের এয়ার চীফ মার্শাল গুর ফিলিপ জুবার্ট লিখিতেছেন, আণবিক বোমা এবং হাইড্রোজেন বোমার বিস্ফোরণের ফলে সমরবিশারদগণ এই সিদ্ধান্তে পৌঁছিয়াছেন যে, ভবিষ্যৎ যুদ্ধের প্রকৃতি হইবে বিগত যুদ্ধগুলি হইতে সম্পূর্ণ অল্প ধরণের। ভবিষ্যৎ

যুদ্ধে সহস্র সহস্র সৈন্যের সংঘর্ষ আর হইবে না। আণবিক যুদ্ধের পরিপ্রেক্ষিতে চিন্তা করিয়া সৈন্যদের ছড়াইয়া রাখা, চলাচলের জায়গা রাখা এবং বিমানবাহিনীর শক্তিবৃদ্ধি করার উপরই অধিকতর গুরুত্ব আয়োপের প্রয়োজন দেখা দিয়াছে। এখন কোন একটি গুরুত্বপূর্ণ ঘাঁটিতে বিপুলসংখ্যক সৈন্য মোতায়েন রাখা মোটেই নিরাপদ নয়।

এয়ার চীফ মার্শালের অভিমতে ব্রিটেন যে মধ্যপ্রাচ্যে কোন বড় বকমের যুদ্ধে লিপ্ত হইবে এরূপ সম্ভাবনা খুবই কম। সর্বাধুনিক মার্কিন অস্ত্রশস্ত্রে সুসজ্জিত তুরস্কের সৈন্যবাহিনী মধ্যপ্রাচ্যের প্রতি-রক্ষায় বিশেষ গুরুত্বপূর্ণ ভূমিকা গ্রহণ করিবে। কিন্তু তাহার ফলে যে মিশরের গুরুত্ব হ্রাস পাইয়াছে তাহাও নহে। তবে “অবস্থার পরিবর্তনের সঙ্গে সঙ্গে ঘাঁটির প্রকৃতির পরিবর্তন ঘটিয়াছে, এবং এইটুকু বুঝা গিয়াছে যে, যুদ্ধকালে মিশরীয় জনসাধারণের বহুত্বপূর্ণ সহযোগিতা না থাকিলে ব্রিটেন সুয়েজ ঘাঁটিকে বিশেষভাবে কাজে লাগাইতে পারিবে না।”

আগামী যুদ্ধে বিমানবহরের কার্যতৎপরতা অনেক বৃদ্ধি পাইবে এবং দূরপাল্লার বকেট ও আণবিক অস্ত্র ব্যবহারের আশঙ্কাও খুব সম্ভব বাস্তবে পরিণত হইবে বলিয়া তিনি মনে করেন। “ভবিষ্যতের বোমারু বিমানগুলির গতিবেগ শব্দ অপেক্ষাও অনেক বেশী হইবে এবং বকেটগুলির পাল্লা হইবে ১৫০০ মাইল বা আরও অধিক। এই অবস্থার পরিপ্রেক্ষিতে সুয়েজ ঘাঁটির গুরুত্ব বিচার করিলেই ব্রিটিশ গবর্নমেন্টের সিদ্ধান্তের যৌক্তিকতা উপলব্ধি করা যাইবে।

“গত ৭০ বৎসর ধরিয়া ব্রিটিশ সামরিক ও বেসামরিক কর্তারা মিশরের রাজনৈতিক ও অর্থনৈতিক উন্নতি-প্রচেষ্টায় অনেক সাহায্য করিয়াছেন। সুতরাং মিশর হইতে তাহাদের অপসারণ কম গুরুত্বপূর্ণ ঘটনা নয়। অবস্থা বিচার করিয়া মনে হয় যে, চীফ অব ষ্টাফদের উপদেশ অনুসারে ব্রিটিশ গবর্নমেন্ট সুয়েজ ঘাঁটি হইতে সৈন্য অপসারণের যে সিদ্ধান্ত করিয়াছেন তাহার ফলেই সৈন্য মোতায়েন রাখার অপেক্ষাও ভালভাবে মধ্যপ্রাচ্যে মিত্রশক্তির স্বার্থ রক্ষিত হইবে।”

পূজার ছুটি

শারদীয়া পূজা উপলক্ষে প্রবাসী কার্যালয় ১৭ই আশ্বিন (৪ঠা অক্টোবর) হইতে ৩০শে আশ্বিন (১৭ই অক্টোবর) পর্যন্ত বন্ধ থাকিবে। এই সময়ে প্রাপ্ত চিঠিপত্র, টাকাকড়ি প্রভৃতি সম্বন্ধে ব্যবস্থা খুলিবার পর হইবে।

এই সূত্রে জানানো যাইতেছে যে, গ্রাহক, বিজ্ঞাপন, ঠিকানা-পরিবর্তন, প্রবাসী-অপ্রাপ্তি—এতদ্বিষয়ক চিঠিপত্র “ম্যানেজার প্রবাসী” এই নামে প্রেরিতব্য।

কর্মধ্যক্ষ, প্রবাসী

অগস্ত কঁত ও প্রত্যক্ষবাদ

ডক্টর শ্রীশুধীরকুমার নন্দী

আধুনিক দর্শনের ধারাবাহিক ইতিহাস লিখতে গিয়ে উনবিংশ শতকের দর্শনশাস্ত্রীরা একথা বারবার ভেবেছেন যে, এ আলোচনা কাকে দিয়ে শেষ করতে হবে—হেগেল না কঁত ? এ সম্বন্ধে মতভেদের অন্ত নেই। কেউ কেউ মনে করেন যে, কঁতকে দিয়েই এ ইতিহাসের শেষ করা দরকার ; কেননা কঁত জীবনবিচারের এক নূতন পদ্ধতি আমাদের দিয়েছেন। আবার কারও কারও মতে হেগেলই হলেন নব চিন্তার দিগ্‌দর্শক। কাজে কাজেই তাঁকে দিয়েই আধুনিক দর্শন-ইতিহাসের ইতি করা সমীচীন। জেমস্‌ হাচিসন ষ্টালিং বেষ জোরের সঙ্গে হেগেলের সপক্ষে রায় দিলেন। তিনি বললেন :

“I hold schwegler to be perfectly right in closing the history of philosophy with Hegel and not with Comte.”

অর্থাৎ, ‘সোয়েলার তাঁর দর্শনইতিহাসের বিবরণী হেগেলীয় দর্শনের আলোচনা করে যে শেষ করেছেন, এটা আমি খুবই যুক্তিযুক্ত বলে মনে করি। কঁতের দর্শন আলোচনা করে এই ইতিহাস শেষ করা ঠিক হ’ত না।’ এখানে অনেকেই হয়ত ষ্টালিংপন্থী হবেন। অবশ্য বিরুদ্ধবাদীদের সংখ্যাও যে নগণ্য নয়, একথাও সত্য। সে যাই হোক, একথা অনস্বীকার্য যে আধুনিক দর্শনের ইতিহাসে কঁতের দান অসামান্য। সেই অসামান্যতার জন্মই এই ধরনের বিতর্ক উঠেছে। হেগেলের প্রতিদ্বন্দ্বী হিসাবে কঁতের নাম করা হয়েছে। আমাদের মতে এই বাদান্ত্বাদের মাধ্যমে আমরা কঁতকে যোগ্য সম্মানই দিয়েছি।

সিউস বললেন যে, বিজ্ঞানশুলোকে পর্যায়ক্রমে সাজিয়ে দেওয়া এবং ইতিহাস-বিবর্তনের আইনশুলোকে বিধিবদ্ধ করে দেওয়া হ’ল দার্শনিক কঁতের বহুমূল্য গবেষণার ফল। এই অমূল্য দানের জন্ম দার্শনিক কঁত বিশ্বজনের কাছে চিরদিন অমর হয়ে থাকবেন। তিনি ত্রিকালজয়ী হবেন।—সিউসের এই ভবিষ্যদ্বাণী কতখানি সফল হ’ল তার বিচার আরও অনেক পরে। আমরা আজকের দিনে এটুকুই বলতে পারি যে, তাঁর মূল্যনিরূপণ বহুলাংশে বাস্তবানুগ। দার্শনিক মিল এমনি ধরনের কথাই বলেছিলেন কঁত সম্বন্ধে। তাঁর কথা উদ্ধৃত করে দি’। ‘ওয়েষ্টমিনস্টার রিভিউ’তে মিল লিখছেন :

“The fundamental merits attributed to Comte

are two in number—(a) His arrangement of the sciences and (b) his so-called law of historical evolution—the metaphysical, the theological and the positive.”

দার্শনিক কঁতের মুখ্য গুণ হ’ল দুটো। বিজ্ঞানশুলোকে ব্যাপ্তি-গুণ হিসেবে সাজিয়ে দেওয়া এবং ইতিহাস-বিবর্তনের আইনশুলো আবিষ্কার করা। তাঁর মতে ইতিহাস-বিবর্তন ঘটছে তিনটি কানুনের অনুশাসন মেনে। এই আইন তিনটিকে বলা হয়েছে ধর্মপ্রধান, দর্শনপ্রধান ও প্রত্যক্ষবাদী। কঁতের এই ব্যাখ্যা চিন্তানায়কদের নূতন করে সমাজদর্শনের সমস্তাশুলোকে ভেবে দেখার প্রেরণা জুগিয়েছে। এটা কম কৃতিত্বের কথা নয়। কার্ল মাক্স, ফ্রেড এঁরা এই একই কারণে আমাদের স্মরণীয়। এঁদের গবেষণার ফলের চেয়ে গবেষণার পদ্ধতি চিন্তাশীল মানুষের অনেক উপকার করেছে। নূতন করে ভাববার, নূতন পথে চলবার প্রেরণা এসেছে এঁদের কাছ থেকে। চিন্তার জগতে তার দাম কম নয়। কঁতও এ ব্যাপারে এঁদের সমানধর্মী। কঁত নূতন পথের দিশারী।

আমরা আজকের দিনে ‘Sociology’ বা সমাজ-দর্শন নিয়ে অনেক গবেষণা করছি। একথা স্মরণ করা দরকার যে, দার্শনিক কঁত বিজ্ঞানসম্মত পথে সমাজ-দর্শন আলোচনার সূত্রপাত করেন। তিনি সমাজবিবর্তনের রীতিপদ্ধতি ও সমাজসংস্থা গঠনের বৈজ্ঞানিক ব্যাখ্যা করলেন। ডবলু. কে. রাইট তাঁর দর্শনশাস্ত্রের ইতিহাসে কঁতের দানের কথা আলোচনা করতে গিয়ে বললেন :

“Comte did a valuable service in the introduction of the new science of sociology. He probably has the best claim of anyone to be regarded as its founder and many points to which he was perhaps the first to call attention have become part of the stock in trade of every investigator in the field.”

দার্শনিক কঁত এক নূতন সমাজ-দর্শনের অবতারণা করে চিন্তাশীল মানুষের অশেষ কল্যাণ করেছেন। এই নব্য দর্শনের জনক হিসাবে তাঁর দাবি সর্বাগ্রগণ্য। তিনি যে সমস্ত তত্ত্বের ও তথ্যের কথা আমাদের শুনিয়েছেন সেগুলো পরবর্তী যুগের পণ্ডিতেরা অনেকেই অসঙ্কোচে গ্রহণ করেছেন এবং তাঁদের তত্ত্বালোচনার প্রারম্ভিক সূত্র হিসাবে ব্যবহার করেছেন। সেদিক থেকে তাঁর দান কম নয়। আপনার

বলিষ্ঠ চিন্তাভঙ্গী ও মৌলিকতার প্রসাদগুণে কঁত দর্শনের ক্ষেত্রে নিঃসংশয়সনকে সুপ্রতিষ্ঠিত করেছেন।

কঁতের প্রত্যক্ষবাদকে শুধু দর্শন বললেই সবটুকু বলা হ'ল না। এটা তন্ত্রও বটে। একে সংহিত্য বললে ঠিক বলা হ'ল না, একে সমন্বয়ী সংস্থিত্যও বলতে হবে। মানুষের বহুমুখী অভিজ্ঞতার বিস্তীর্ণতা ও প্রক্ষিপ্ততাকে সংহত করতে হবে একটি চিন্তাসূত্র গ্রন্থের ভিতর দিয়ে একথা কঁত বুঝেছিলেন। তাই ব্যক্তি ও সমষ্টি-জীবনকে প্রত্যক্ষবাদের সামগ্রিক দৃষ্টিতে তিনি দেখেছেন, বিচার করেছেন এর সমস্যাগুলোকে এক নূতন মানদণ্ডের অবতারণা করে। মানুষের বহুধাবিভক্ত জীবনের বিভিন্ন ধারণাগুলোকে সমন্বিত করা হ'ল আমাদের সমাজ-জীবনের অগতম রহস্য সমস্যা। এই সমন্বয়-সাধন ব্যতিরেকে সমাজের স্থিতি ও শৃঙ্খলা রক্ষা করা অসম্ভব। রুগ্ন সমাজ-জীবনকে সুস্থ করে তুলতে হলে সামাজিক সমস্যাগুলোর সুষ্ঠু সমাধান করতে হবে এবং তা তখনই সম্ভব হবে যখন আমরা বুদ্ধি দিয়ে জীবনকে বিচার করব। ব্রিজেস এই বুদ্ধিদর্মী আন্দোলন ও সামাজিক সঙ্কটের একটা মিলন ঘটিয়ে দেবার পক্ষে অভিমত প্রকাশ করেছেন। "General View of Positivism" গ্রন্থের ভূমিকায় কঁতের প্রত্যক্ষবাদ সম্বন্ধে তিনি লেখেন :

"It will offer a general system of education for the adoption of all civilized nations and by this means will supply in every department of public and private life fixed principles of judgment and of conduct. Thus the intellectual movement and the social crisis will be brought continually into close connection with each other."

অর্থাৎ, প্রত্যক্ষবাদ একটা সামগ্রিক শিক্ষাব্যবস্থার প্রবর্তন করবে সমস্ত সভ্য মানুষের মধ্যে। মানুষের চিন্তা ও আচরণের কতকগুলো সুনির্দিষ্ট বিধি প্রণয়ন করে দিয়ে ব্যক্তি ও সমাজ-জীবনে কঁতের প্রত্যক্ষবাদ শৃঙ্খলা আনয়ন করবে। প্রত্যক্ষবাদ যে কেবলমাত্র আমাদের বৈজ্ঞানিক ধারণাগুলোকে ব্যাপকতর ও বিস্তৃততর ভিত্তির উপরে প্রতিষ্ঠা করেছে তাই নয় আমাদের সামাজিক জীবন-রীতিকেও সংহত করেছে। প্রত্যক্ষবাদ প্রচার করেছে প্রেম, শৃঙ্খলা ও প্রগতির কথা, মানুষকে দিয়েছে মহত্তর মানবতার ধারণা। কঁত-প্রবর্তিত এই আন্দোলন প্রথম শুরু হয় ফরাসী দেশে। তারপরে ক্রমে ক্রমে সে আন্দোলন পশ্চিম ইউরোপের অগাণ্ড দেশে ছড়িয়ে পড়ে। বুদ্ধি-আশ্রয়ী প্রত্যক্ষবাদ জীবনকে আশ্রয় করেছে, মানুষের মূল্যবোধের রূপান্তর ঘটিয়ে দিয়েছে আপনার আন্তর-শক্তির গুণে।

উনবিংশ শতকের কোন ফরাসী দার্শনিক কঁতের সমকক্ষ নন, একথা অনেকেই স্বীকার করেছেন। ফলকেনবার্গ বলছেন :

"Among the French philosophers of this century none can compare in far-reaching influence, both at home and abroad with Auguste Comte, the creator of positivism."

প্রত্যক্ষবাদের জন্মদাতা অগস্ত কঁত যেভাবে আপনার প্রভাব ব্যাপ্ত করেছেন, তার সঙ্গে কোন ফরাসী দার্শনিকের কীর্তি তুলিত হতে পারে না।

এই প্রথিতযশা দার্শনিক ১৭৯৮ খ্রীষ্টাব্দে মন্তুপেলিয়ার নামক স্থানে জন্মগ্রহণ করেন। তাঁর পিতা ছিলেন সরকারী রাজস্ব-বিভাগের সামান্য কর্মচারী। তিনি ছিলেন ধর্মবিশ্বাসে ক্যাথলিক এবং অতিশয় রাজভক্ত প্রজা। বিশ্বাস করাটাই জীবনের পরম কাম্য; সে বিশ্বাস রাজার উপর অথবা ভগবানে তুল্য করা কতব্য, এটা তিনি মনেপ্রাণে প্রত্যয় করতেন। বালক-কঁত স্থানীয় বিদ্যালয়ে পাঠাভ্যাস শুরু করলেন। তাঁর তীক্ষ্ণ বুদ্ধি ও মাজিত রুচি অচিরেই শিক্ষকদের দৃষ্টি আকর্ষণ করল। মেধাবী ছাত্র হিসাবে তাঁর খ্যাতি ছড়িয়ে পড়ল। এইখানে প্রসঙ্গতঃ উল্লেখ করা যায় যে, মহাদার্শনিক হেগেল ছাত্রাবস্থায় কঁতের মত তীক্ষ্ণবুদ্ধি ছিলেন না—অন্ততঃ তাঁর সে খ্যাতি ছিল না। ছাত্রজীবনে হেগেল ছিলেন অতি-সাধারণ আর কঁত ছিলেন অনন্যসাধারণ। মাত্র পনের বৎসর বয়সে কঁত প্যারিসের পলিটেকনিক বিদ্যালয়তনে প্রবেশপ্রার্থী হলেন। বয়স কম বলে কতৃপক্ষ আপত্তি করায় সে বছর আর তাঁর বিদ্যালয়ে ভর্তি হওয়া ঘটে নি। পরের বছর তিনি বিদ্যালয়ে যোগ দিলেন। গোড়া থেকেই মন দিয়ে পাঠাভ্যাস শুরু করলেন। এখানে তিনি তখনকার দিনের প্রখ্যাত অধ্যাপকদের কাছে গণিতশাস্ত্র, পদার্থবিজ্ঞান ও রসায়নবিজ্ঞান অধ্যয়ন করতে লাগলেন। এদিকে ওয়ারটারলুর যুদ্ধ আসন্ন। কঁত এবং অগাণ্ড ছাত্রেরা জাতীয় সামরিক রক্ষা-ব্যবস্থায় অংশ গ্রহণ করবার আবেদন জানিয়ে নেপোলিয়নের কাছে পত্র পাঠালেন। সে আবেদন মঞ্জুর হয়েছিল। ব্যবহারিক জীবন ও মানুষের জীবন-দর্শনের মধ্যে যে একটি আঙ্গিক যোগ থাকা দরকার, একথা কঁত বাল্যকাল থেকেই বিশ্বাস করতেন। তাই তিনি কর্মে বিশ্বাস করতেন, অলস জীবন-বাদে তাঁর আস্থা ছিল না। কাজের সময় তাই কঁতকে 'হাতীর দাঁতের মিনারে' বসে দার্শনিক সাজতে কখনও কেউ দেখে নি। কাজের ডাক যখন এসেছে, কঁত তখন এগিয়ে

এসেছেন সবার পুরোভাগে, জনসমাজের নেতৃত্ব গ্রহণ করে। তাঁর দর্শন হ'ল জীবনশিল্পীর দর্শন—যে দর্শন জীবনকে শিল্প করে তোলে এবং শিল্পকে জীবনের রসে সঞ্জীবিত করে। তাই জাতীয় প্রয়োজনের দিনে কঁতকে আমরা কর্মীর আসনে দেখেছি। অক্ষম বুদ্ধিজীবীর জীবন-দর্শন তাঁকে কখনও মোহগ্রস্ত করতে পারে নি। চলমান মানুষের বলিষ্ঠ জীবনবাদ হ'ল কঁতের। তিনি ছিলেন উপনিষদের 'চরৈবেতি' মন্ত্রের উপাসক। চলাই হ'ল জীবন, কর্মই হ'ল মানুষের প্রাণ।

আর একটি ছোট ঘটনার কথা বলি। এ ঘটনাটি বালক কঁতের চরিত্রের আর একটি দিককে উদ্ঘাটিত করেছে। নেপোলিয়নের পতনের পর আবার বুরবো রাজবংশের পুনঃপ্রতিষ্ঠা হ'ল। এই নয়া সরকার পলিটেকনিক বিদ্যালয়টিকে ভাল চোখে দেখতেন না। তাঁদের ধারণা ছিল যে, এটি একটি সাধারণতন্ত্রী দলের আড্ডা। এই বিদ্যালয়ের জটনক শিক্ষক এক দিন আরাম-কেদারায় শুয়ে শ্যামনের টেবিলে পা দুটো তুলে দিয়ে ক্লাসে পড়াচ্ছিলেন। কঁত তখন এই শ্রেণীতেই পড়াচ্ছিলেন। শিক্ষকের এই অমর্যাদাকর ব্যবহারে তিনি অত্যন্ত ক্ষুব্ধ হলেন। শিক্ষক যখন তাঁকে আরুত্তি করার জ্ঞান নির্দেশ দিলেন তখন কঁত ঐ শিক্ষকের অনুকরণে ঠিক ঐ ভাবে বসে বসে আরুত্তি করতে লাগলেন। শিক্ষক মশায় অত্যন্ত রেগে গিয়ে কঁতকে ভৎসনা করলে কঁত যা বললেন তার মর্ম হচ্ছে এই ঃ—‘আপনি আচারি ধর্ম পরেরে শিখাও’। তিনি আর বেশী গোলমাল করলেন না, তখনকার মত নিরস্ত হলেন। কিছুদিনের মধ্যেই অল্প একটা অজুহাতে কঁত বিতাড়িত হলেন। তখন তাঁর বয়স মাত্র আঠারো বৎসর। সরকারী শিক্ষা-ব্যবহার আর কোন সুযোগই তিনি জীবনে পেলেন না। এর পরে গ্রন্থাগার থেকে বই নিয়ে আর সাধারণের জ্ঞান প্রদত্ত বক্তৃতাগুলো শুনে শুনে তিনি আপনার চেষ্ঠায় জ্ঞান অর্জন করতে লাগলেন। জ্ঞানলাভের এই পথটি অত্যন্ত জটিল এবং দুঃস্বপ্ন। তবু কঁত দমলেন না। ভাগ্যের বিড়ম্বনা তাঁর পুরুষকারকে উদ্দীপিত করে তুলল। এই অবাঞ্ছিত আঘাত কঁতকে মনুষ্যত্বের পথে নূতন প্রেরণায় অনুপ্রাণিত করল। কঁত সর্বস্ব পণ করে জ্ঞানলাভের জ্ঞান কঠোর সাধনায় ব্রতী হলেন। সহায়হীন, সম্পদহীন তরুণ কঁতের সে কি অক্লান্ত প্রয়াস! সাধনার দীপ জ্বলল লক্ষ শিখার অনির্বাণ জ্যোতিতে। দুঃখ, দারিদ্র্য, অনশন—এরা হ'ল এই জ্ঞানসাধকের নিত্যসঙ্গী।

এই সময়ে কঁতের জীবনে হ'ল সাধু সাইমনের আবির্ভাব। সাইমনকে তিনি গভীর ভাবে শ্রদ্ধা করতেন। সাইমন

তাঁকে প্রিয় শিষ্যের স্থান দিয়েছিলেন। কঁতের কিছু কিছু লেখা প্রকাশিত হ'ল সাইমনের কাগজে। ১৮৪৪ খ্রীষ্টাব্দে সাইমন সম্পাদিত “Worker's Political Catechism”—এ কঁতের একটি প্রবন্ধ প্রকাশিত হ'ল। প্রবন্ধটির নাম—“A plan for the scientific work necessary to re-organise society”,। এই প্রবন্ধটি কঁতকে বিৎস-সমাজে পরিচিত করল। ভাবীকালের দার্শনিক কঁত সেদিন প্রথম আত্মপ্রকাশ করলেন প্রতিভাবান মানুষের গৌরব নিয়ে।

এর কিছুদিনের মধ্যেই কঁতের জীবনে প্রিয়তার আবির্ভাব হ'ল। ক্যারোলিন ম্যাসিন ভালবাসলেন কঁতকে। পরম আগ্রহে তিনি তাঁর জীবনের প্রথম নারীকে কাছে টেনে নিলেন। সমাজের প্রান্তিক পথে দুটি নরনারীর প্রেম সার্থক হ'ল পরিপূর্ণ মিলনে। ক্যারোলিন ছিলেন পিতৃমাতৃহীনা। তাঁর চরিত্রে কলুষ-কালিমা ছিল, যেমন ছিল সে যুগের প্যারিসে অনেক ছেলেমেয়ের। তবু কঁত তাঁকে বিবাহ করতে এতটুকু ইতস্ততঃ করেন নি। কারণ তিনি জানতেন যে, ক্যারোলিন তাঁকে সত্যসত্যই ভালবেসে-ছিলেন। ক্যারোলিনও বিবাহের পরে কোনদিন অবিশ্বাসিনী হন নি। যখন কঁতের স্নায়ু-রোগ হ'ল, ক্যারোলিন তখন অবিশ্রান্ত সেবাশুশ্রূষার দ্বারা তাঁকে আবার সুস্থ করে তুললেন। এই সেবাপরায়ণা প্রেমময়ী নারীর কথা কঁত জীবনের শেষ দিন পর্যন্ত গভীর শ্রদ্ধা ও নিবিড় মমতার সঙ্গে স্মরণ করেছেন। ভাড়াভাড়ির পরেও অক্ষুণ্ণ ছিল তাঁদের প্রীতির সম্পর্ক। উভয়ে উভয়কে সাহায্য করেছেন যখনই তার প্রয়োজন হয়েছে। স্বামী-স্ত্রীর সম্পর্ক ঘুচে গেলেও বন্ধুত্বের, প্রীতির সম্পর্কটি অক্ষুণ্ণ ছিল। বরাবর ক্যারোলিন কঁতের সুখদুঃখের খবরদারি করেছেন, আর কঁতও ক্যারোলিনকে সাহায্য করেছেন তাঁর সামান্য আয়ের বেশ একটা মোটা অংশ দিয়ে। উত্তরকালে কঁতের জীবনে অল্প নারীর আবির্ভাব ঘটলেও ক্যারোলিনকে তিনি বিস্মৃত হন নি। ক্যারোলিন ছিলেন তাঁর দুঃখের দিনের বন্ধু প্রিয়সখী ও সচিব।

১৮৪৪ সনে কঁতের জীবনে আর এক নারীর আবির্ভাব হ'ল। মাদাম ক্রোতিলদ ছিলেন রূপসী এবং ধনশালিনী। তাঁর স্বামী জুয়াচুরি করে ফেরার হয়েছিল। পুলিশ তাঁকে খুঁজে বেড়াচ্ছিল। তাই তাঁর পক্ষে আর প্যারিসে ফেরা সম্ভব হয় নি। অনাশ্রিতা রূপসী নারীর প্রেমে ডুবে গেলেন কঁত। সেযুগের ফরাসী আইনে বিবাহ-বিচ্ছেদের চল না থাকায় কঁত ক্রোতিলদকে বিবাহ করার প্রস্তাব করতে পারলেন না। আর ক্রোতিলদ ছিলেন ধর্মপরায়ণা। তিনি কঁতকে

চেয়েছিলেন বহুভাবে ; তিনি তাঁকে প্রীতির ডোরে বাঁধতে চেয়েছিলেন, পম দিয়ে জয় করতে চান নি। কঁতের প্রতিভা আকৃষ্ট করেছিল কবি ও রসিক ক্লোতিলদকে। ক্লোতিলদ কবিতা ও উপন্যাস লিখেছেন। অবশ্য সাহিত্যিক হিসাবে খ্যাতিলাভ তিনি করেন নি। ক্লোতিলদের এই সংঘম এই পবিত্রতা কঁতকে মুগ্ধ করল, তাঁকে একেবারে অভিভূত করে ফেলল। ক্লোতিলদের মৃত্যুর পরে কঁত তাঁকে ভুলতে পারেন নি। তিনি তাঁর প্রিয়র সমাধি-ভূমিতে সপ্তাহ শেষে একবার করে যেতেন জীবনের শেষ দিন পর্যন্ত।

ক্লোতিলদের প্রতি প্রগাঢ় অনুরাগ কঁতের দার্শনিক মতবাদকেও প্রভাবান্বিত করেছিল। জীবন-সায়াহ্নে তিনি এক নূতন ধর্মের প্রবর্তন করার জন্ম প্রয়াসী হলেন। ক্যাথলিক ধর্মালম্বীগীর ধর্মবোধ ও জীবন-দর্শনকে তিনি শ্রদ্ধা করতে শিখলেন। এর মধ্যেও যে অনেকখানি সত্য আছে সে কথা তিনি স্বীকার করে নিলেন। অবশ্য ক্যাথলিক ধর্মের অনুশাসন এবং অধিকাংশ তত্ত্বগুলোকে তিনি বিশেষ আমল দেন নি। তিনি এগুলোকে বর্জনের পক্ষপাতীই ছিলেন। বিরাট, আদর্শ মানুষের ধারণাকে তিনি ভগবানের সিংহাসনে বসিয়ে দিলেন। মানুষ ভগবানের স্থান অধিকার করল। মাতা মেরীর পরিবর্তে কল্যাণরূপিণী প্রেয়সী নারীর ধ্যানরূপকে তিনি বেশী মর্যাদা দিলেন—সেই চিন্ময়ী প্রিয়র ধ্যানে বিভোর হতে শিক্ষা দিলেন মানুষকে। তিনি বললেন যে, মানুষের জীবন-দর্শন শুধু বুদ্ধিকে আশ্রয় করে বাঁচতে পারে না—তার জন্ম প্রেম, অনুভূতি আর ভক্তির দরকার আছে। কঁতের মুখে এ ধরণের কথা একটু বিশ্বয়কর। এ কথাগুলো কঁতের দার্শনিক প্রত্যক্ষজাত বলে অনেকেই মনে করেন না। তাই কঁতের মৃত্যুর পরে তাঁর অনুগামীদের মধ্যে দুটো দল হয়ে গেল। যারা কঁতের আপেকার মতগুলোকে সত্য বলে মনে করতেন তাঁরা রইলেন এক দলে, আর অন্য দলে রইলেন কঁতের পরিবর্তিত মতের সমর্থকেরা। তাঁর দ্বিতীয় বিখ্যাত গ্রন্থ “The Positive Polity” প্রকাশিত হ’ল ১৮৫১ সনে। চার খণ্ডে বিভক্ত এই স্মৃহৎ গ্রন্থ প্রকাশিত হ’ল পুরো চার বছর ধরে। এই গ্রন্থে তাঁর পরিবর্তিত মতের কথা সবাই জানতে পেল। এক ধরণের ধর্মের ছোঁয়াচ লাগল কঁতের যুক্তিবাদী প্রত্যক্ষবাদে। কঁতের গৌড়া শিষ্যেরা এই ধরণের পরিবর্তনকে ঠিক ভাল চোখে দেখতে পারেন নি, যদিও তাঁর মূল দার্শনিক প্রত্যয়ের সঙ্গে এই মতের বিশেষ কোন দ্বন্দ্ব ছিল না। একটু নিরপেক্ষ দৃষ্টিতে বিচার করলে এই মতগুলোকে দার্শনিক কঁতের মূল তত্ত্বকথার পরিপূরক হিসাবে নেওয়া

যেতে পারে। কঁতের এই নূতন ধর্মবোধ তাঁর দার্শনিক তত্ত্বের বিরুদ্ধে যায় নি বলেই আমরা বিশ্বাস করি।

১৮৩০ সন থেকে ১৮৪২ সনের মধ্যে কঁতের সবচেয়ে বিখ্যাত গ্রন্থ “Positive Philosophy” প্রকাশিত হয়েছিল। এই গ্রন্থখানি ছয় খণ্ডে বিভক্ত। নির্জনে বেড়াবার সময় কঁত এই গ্রন্থে পরিবেশিত তত্ত্বগুলি ভাবতেন, তার পরে সেগুলি সম্বন্ধে সাধারণের মধ্যে বক্তৃতা করতেন। সবশেষে সেগুলি লিপিবদ্ধ হ’ত। এই ভাবে লেখা চলল। সৃষ্টি হ’ল চিন্তার নব নব ক্ষেত্র। কঁত বলিষ্ঠ ভঙ্গীতে এই কথাই বললেন যে, আমাদের জ্ঞানের পরিধির মধ্যে রয়েছে ইন্দ্রিয়গ্রাহ্য ঘটনাগুলো এবং তাদের সম্পর্ক। এর বাইরে আমরা কিছুই জানতে পারি না। অতীন্দ্রিয় লোকের কথা কবি-কল্পনা। স্বর্গ, আত্মা, অমরতা—এ সব হ’ল যুক্তিবাদী দার্শনিকের গ্রাহ্যের বাইরের বস্তু। যা ঘটছে তার বাইরে আমরা কিছুই জানি না। নিরীক্ষণ (Observation), পরীক্ষা (Experiment) ও উপমা (Comparison)—এই তিনটি পদ্ধতির মাধ্যমে আমরা জগৎকে দেখি এবং বুঝি—বিভিন্ন ঘটনাকে প্রত্যক্ষ করি, পরস্পরের মধ্যকার সম্পর্কটুকু অনুধাবন করি। ঘটনাপরম্পরার মধ্যে যেটুকু স্থায়ী সম্পর্ক, সে সম্পর্কটুকু ঘটনাগুলির ধারাবাহী ও সাদৃশ্যের উপর প্রতিষ্ঠিত। এই স্থায়ী সম্পর্কগুলিকে আমরা প্রাকৃতিক নিয়ম প্রণয়নের ভিত্তিভূমি হিসাবে ব্যবহার করি।

কাজেকাজেই জ্ঞানকে আপেক্ষিক বলা হয়েছে। অনাপেক্ষিক জ্ঞান কবি-কল্পনা। আমরা শুধু দেখি ঘটনা-স্রোতের প্রবাহ—দেখি ঘটনাপারম্পর্য। ক ও খকে অনিবার্য যোগসূত্রের দ্বারা গ্রথিত দেখি। খ ক-কে অনুসরণ করে। যখনই ক-এর আবির্ভাব ঘটে তখনই খ-এর আবির্ভাবও অনিবার্য কারণেই ঘটে। এই সদা পুরোগামী ঘটনাটিকে অনুগামী ঘটনাটির কারণ রূপে অভিহিত করা হয়। এই কার্য-কারণ সম্বন্ধটির জ্ঞান আবার ব্যবহৃত হয় আমাদের প্রাত্যহিক জীবন ও মননের প্রয়োজনে। আমরা যখন কোন কার্যের কারণ অনুসন্ধান আশ্রয়নিয়েগ করি, তখন হয় আমরা ভবিষ্যতে সেই কার্যটিকে অতি দ্রুত সম্পন্ন করতে চাই অথবা তার আবির্ভাবকে ব্যাহত করতে চাই। কার্য-কারণ সম্বন্ধটির সঠিক ধারণা না থাকলে এর কোনটি করাই সম্ভবপর নয়। কখনও কখনও কার্যটির যথার্থ আবির্ভাবের সময়টুকু আমাদের ব্যবহারিক প্রয়োজন মেটানোর ব্যাপারে অনেকখানি সহায়তা করে। ঘটনাপারম্পর্যের উপর আমাদের প্রভুত্ব তখনই আসতে পারে যখন—যে নিয়মের বশবর্তী এই ঘটনাগুলো, সেই কালুণ্ডগুলো

আমাদের জ্ঞানগোচর হয়। কার্যকারণসূত্রে গ্রথিত ঘটনা-প্রবাহের এই জ্ঞান অনাপেক্ষিক জ্ঞান নয়—এ হ'ল আপেক্ষিক। বেকন ও দেকার্ত-বর্ণিত অনাপেক্ষিক তত্ত্ব কঁত বিশ্বাস করেন নি। পরম সত্যের অনাপেক্ষিক জ্ঞানের ধারণা কঁতকে কখনই প্রস্তুত করে নি। সদাজাগ্রত তীক্ষ্ণ বাস্তববোধ কঁতকে এক দিকে বেকন ও দেকার্তের 'আইডিয়ালিজম', অল্প দিকে দার্শনিক হিউমের 'এম্পিরি-সিজম'-এর প্রভাব থেকে মুক্ত করেছে। কঁতের প্রত্যক্ষবাদ ঘটনাপারস্পর্ষের সত্যতাকে মেনে নিয়ে স্বীকার করেছে সেই সর্বব্যাপী প্রাকৃতিক নিয়মগুলিকে যাদের বশবর্তী হয়ে বিশ্ব-সংসারে লীলা চলেছে অহরহ।

কঁতের মতে বিজ্ঞানের জীবনতিহাস তিনটি অবস্থার মধ্য দিয়ে আপনাকে প্রকাশ করে। ধর্মপ্রধান, দর্শনপ্রধান ও প্রত্যক্ষধর্মী স্তর। এই স্তর তিনটিকে বলা হয়েছে বিজ্ঞানের শৈশব, কৈশোর ও যৌবন। বিজ্ঞানের প্রথম অবস্থায় মানুষ বিশ্বাস করে অতিপ্রাকৃত দৈবী ব্যক্তিত্বে। প্রকৃতির সবকিছুতে মানুষ দেবত্বের আরোপ করে। বৃক্ষে, প্রসূত্রে, বর্ষণে, বিদ্যুতে সে দেবতাকে প্রত্যক্ষ করে। এ দেবতা পূজায় পরিতুষ্ট হন, আবার অবহেলিত হলে মানুষের মতই রুষ্ট হন। এই দেবতাদের খেয়ালখুশিতেই প্রাকৃতিক ঘটনাগুলো ঘটে। তার পরে মানুষের বুদ্ধির পরিণতির সঙ্গে সঙ্গে এই বহুদেববাদ একেশ্বরবাদে পর্যবসিত হয়। মানুষ বিশ্বাস করে একটি দেবতার অবিচ্ছিন্ন মহিমায়, তাঁর অপ্রতিহত প্রভুত্বে। এই দেবতা হলেন মানুষের পরিণত বুদ্ধির আবিষ্কার।

তার পরে এল দর্শন-অবস্থা। দেবতার ছুটি নিলেন। মানুষ কল্পনা করল একটা নৈর্ব্যক্তিক সত্তার। কঁত একে বলেছেন 'force' বা 'power'—আবার কখনও এই ঐশী শক্তিকে 'Nature' বা প্রকৃতি বলা হয়েছে। এই প্রকৃতি কতকগুলো নির্দিষ্ট আইন মেনে বাঁধা পথে চলে। কোন খেয়ালখুশির অবকাশ নেই প্রকৃতির রুটিনবাঁধা জীবনে। মহাদার্শনিক আর্িস্টটল যাকে 'Vegetative soul' আখ্যা দিয়েছেন তা হ'ল কঁতের এই 'দর্শন-অবস্থা'র শক্তিটুকু। সবশেষে প্রত্যক্ষধর্মী বা 'পজিটিভ' স্তর এল। কোন ব্যক্তি অথবা নৈর্ব্যক্তিক শক্তির কল্পনা এখানে নেই। এই 'পজিটিভ' অবস্থায় বিজ্ঞান বিশ্বাস করে অপরিবর্তনীয়, অপ্রতিরোধ্য প্রকৃতির নিয়মের অস্তিত্বে। এ আইনগুলো নির্ভর করে সাক্ষাৎকার ও পরীক্ষা-নিরীক্ষার ওপর। এখানে কল্পনার কোন স্থান নেই। তবে কঁত একথা স্বীকার করেছেন যে, প্রত্যক্ষ অভিজ্ঞতা দিয়ে সমস্ত প্রাকৃতিক নিয়মের ব্যাখ্যা করা যায় না। এই মৌলিক কানুনগুলোর

ব্যাখ্যা করতে হলে যেন-তেন-প্রকারেণ মানুষের অভিজ্ঞতাকে উত্তীর্ণ হয়ে যাওয়া ছাড়া দ্বিতীয় পথ নেই। এই ভাবে বিভিন্ন বিজ্ঞানের অগ্রগতি সাধিত হচ্ছে—এই স্তরত্রয়ীর মধ্য দিয়ে আপনাকে প্রকাশ করেছে বিভিন্ন জ্ঞান-বিজ্ঞান।

আবার মানুষের মনোবিবর্তনও ঘটছে এই পথেই। মানুষের মন পরিণতিলাভ করেছে এই তিনটি অবস্থার মধ্য দিয়ে। প্রথম সে শক্তিশালী দৈব ব্যক্তিত্বকে আশ্রয় করে তাঁর অভিজ্ঞতাকে ব্যাখ্যা করে; তার পর নৈর্ব্যক্তিক তত্ত্ব আশ্রয় করে; সবশেষে মানুষের মন অভিজ্ঞতার উপর প্রতিষ্ঠিত যে বিশ্বব্যাপী প্রাকৃতিক নিয়ম তাকে আশ্রয় করে জীবনকে ও জগৎকে বুঝতে চেষ্টা করে। কঁত বলেছেন—বিজ্ঞানবিবর্তন ও মানুষের মনোবিবর্তন একই ধারাকে, একই রীতিকে আশ্রয় করে। কোন্ বিজ্ঞান কোন্ স্তরকে আশ্রয় করে আছে এ সম্বন্ধে কঁতের মত খুবই সুস্পষ্ট। এই মানদণ্ডের সাহায্যে কঁত বিজ্ঞানগুলির শ্রেণীবিভাগ করেছেন—যেগুলিকে তিনি 'abstract' বিজ্ঞান বলেছেন। কঁতের মতে এই ধরনের ছয়টি বিজ্ঞান আছে এবং তিনি তাদের এই ভাবে সাজিয়েছেন—(১) গণিতশাস্ত্র, (২) জ্যোতির্বিদ্যা, (৩) পদার্থবিদ্যা, (৪) রসায়নশাস্ত্র, (৫) শারীরতত্ত্ব, (৬) সমাজ-বিজ্ঞান। এই শ্রেণীবিভাগে জটিলতর বিজ্ঞানগুলিকে পিছন দিকে স্থান দেওয়া হয়েছে। প্রথম স্থান পেয়েছে গণিতশাস্ত্র। কঁতের মতে এই শাস্ত্রটিই হ'ল সরলতম এবং অত্যাশ্রয় বিজ্ঞানকে এটির সাহায্য নিতে হবে। এই ভাবে ঐ শ্রেণীবিভাগে যে বিজ্ঞানটি যত বেশী মৌলিক (Fundamental) এবং সরল সে বিজ্ঞানটি তত আগে স্থান পেয়েছে। কঁত মনস্তত্ত্বকে এই শ্রেণীতে স্থান দেন নি। তিনি মনস্তত্ত্বকে শারীরতত্ত্বের অংশ হিসাবে দেখেছেন। তাই তার জন্ম পৃথক আসনের বন্দোবস্ত হয় নি। নীতিশাস্ত্রকেও এই শ্রেণীবিভাগ থেকে কঁত প্রথম বাদ দিয়েছিলেন। অবশু পরবর্তী কালে তাঁর "Positive Polity" নামক সুবিখ্যাত গ্রন্থে তিনি সপ্তম বিজ্ঞান হিসাবে নীতিশাস্ত্রের উল্লেখ করেছেন।

এখন কঁতের সমাজবিজ্ঞান সম্বন্ধে দু' কথা বলি। কঁতের সমাজবিজ্ঞানের দুটো অংশ—Statics এবং Dynamics—স্থাবর এবং জঙ্গম। স্থাবর অংশে আমরা সমাজের স্থিতির কথা শুনি। সমাজ-শৃঙ্খলাকে মন করে রাখতে হবে, কেমন করে সমাজ-জীবনকে সুস্থ ও সবল করে তুলতে হবে, তাকে সুদৃঢ় ভিত্তিভূমিতে প্রতিষ্ঠিত করতে হবে, এ সব তত্ত্ব আমরা শিখি এই অংশে। মানুষের ধর্ম, কলা, বিজ্ঞান, রাষ্ট্রনীতি ও শিল্পনীতিকে একটা সমন্বয়ী দৃষ্টিকোণ থেকে বিচার করতে

হবে। মানুষের মননধারার এই বিভিন্ন প্রকাশকে অঙ্গাঙ্গি ভাবে সম্বন্ধ হিসাবে গণ্য করতে হবে। এদের যে-কোন একটিতে বিপ্লব ঘটলে অন্যটিতে তার ঢেউ এসে লাগে। একথা ইতিহাস বারে বারে বলেছে। যে-কোন একটি বিভাগে ভারসাম্যের অভাব ঘটলে মানুষের জীবন বিপর্যস্ত, বিক্ষুব্ধ হয়ে ওঠে। মানুষের সমস্ত কর্মের যাচাই হবে সমষ্টির কল্যাণের কষ্টিপাথরে। প্রত্যক্ষবাদ এই অনুশাসন জানাল যে, প্রত্যেকটি মানুষকে অপরের কল্যাণের জন্তু, অপরের মঙ্গলের জন্তু ভাবতে হবে, কাজ করতে হবে। একথা আমাদের সব সময়ে স্মরণ রাখতে হবে যে, 'সকলের তরে সকলে আমরা প্রত্যেকে আমরা পরের তরে।'

'জন্ম' অংশে সমাজের বিবর্তনকে, প্রগতিককে ব্যাখ্যা করা হয়েছে। সমাজকে একটি সুমহান বৃহৎ ব্যক্তিরূপে কল্পনা করা হয়েছে এবং এই 'সমাজ-ব্যক্তি'র অগ্রগতি তখনই সম্ভব হয়েছে যখন মানুষের পশুভাব দেবভাবের কাছে নতি স্বীকার করেছে। তখনই সমাজ এগিয়েছে যখন মানুষের কাছে পশু-জীবন-রীতির মূল্য গেছে কমে, যখন মানুষ আদর্শের জন্তু গর্ভস্থ পণ করেছে। এই অগ্রগতিকে সম্ভব করেছে মানুষের শুভবুদ্ধি। মানুষের মহৎ প্রচেষ্টার আনুকূল্যে মানুষেরই কল্যাণ সাধিত হয়েছে

এবং এই মহান প্রয়াসের সঙ্গে মানুষের শুভবুদ্ধির যোগ হ'ল অবিচ্ছেদ্য। এই 'ইনটেলেক্ট' মানুষকে শুভের পথে যেতে সহায়তা করেছে। কেবলমাত্র ভাবাবেগ কখনই কল্যাণপ্রসূ হতে পারে না। তার সঙ্গে বুদ্ধি যুক্ত হওয়া দরকার। ব্যক্তি-জীবনে ও সমাজ-জীবনে ক'ত এই বুদ্ধি ও হৃদয়বেগের সর্বাঙ্গীণ স্মৃষ্টি সংযোগকে মানুষের কল্যাণের অগ্রদূত হিসাবে দেখেছেন। জন ষ্টুয়ার্ট মিলও বুদ্ধি এবং হৃদয়বেগের এই মিলনের প্রশস্তি গেয়েছেন। তিনি তাঁর "Auguste Comte and Positivism" শীর্ষক গ্রন্থে ভাব (Idea) এবং হৃদয়বেগকে (Feeling) তরণীর কর্ণধার ও বাষ্পাবেগের সঙ্গে তুলনা করেছেন। কর্ণধার যেমন করে উত্তালতরঙ্গ-সঙ্কুল সমুদ্রপথে তরীকে চালনা করে ঠিক ভেমনি করে মানুষের বুদ্ধি মানুষের জীবনতরণীকে নিরাপদে সমস্তাসঙ্কুল সংসারসমুদ্রে পরিচালনা করে। হৃদয়বাস্তু যেন বাষ্পাবেগ। গতি আসে সেখান থেকে। সে গতি অন্ধ। তাকে চক্ষুস্থান করে বুদ্ধি। তাই ক'ত তাঁর সমাজ-দর্শনে বুদ্ধিবৃত্তি ও হৃদয়বৃত্তির স্মৃষ্টি সংযোগকে সমাজকল্যাণের ও ব্যক্তি-কল্যাণের পক্ষে অপরিহার্যরূপে গণ্য করেছেন। ক'তের এ তত্ত্ব পরবর্তী যুগের প্রায় সকল দার্শনিকই অত্রাস্ত সত্য হিসাবে গ্রহণ করেছেন। এখানে মতভেদের অবকাশ নেই।

অবনীন্দ্রনাথ

শ্রীকালিদাস রায়

যে ধন লভিলে তুমি করি চিরসুন্দরের ধান
তার কাছে তুচ্ছ সব প্রজ্ঞান-বিজ্ঞান।
অপরূপে দিলে তুমি অভিনব রূপ।
সুন্দরের শ্রীমন্দিরে তোমার জীবন ছিল ধূপ,
মন্দির উত্তরি গন্ধ আমোদিল আকাশ বাতাস,
স্বরভি করেছে তাহা মোদেরো নিশ্বাস।

যে আনন্দ ক্ষরিয়েছে সহস্র ধারায়
শিবজটা সমতুল্য তব তুলিকায়
তায় অবগাহি' মোরা লভিষ্যছি মুক্তির আশ্বাদ
তাই ত এ মর্ত্যভূমে অমৃত প্রসাদ
সুন্দরের শ্রেষ্ঠ আশীর্বাদ।

ভারতের রসময়ী রূপাশ্রিতা সংস্কৃতির ধারা
মরুবালুকার তলে হয়েছিল হারা।

তাহারে উদ্ধারি' পুন বহাইলে তুমি কলঙ্কনে
বর্ণ-বেথা তটের বন্ধনে।
তার কলঙ্কনি

যত রসপিপাসুর হ'ল আমন্ত্রণী।
যাহা ছিল ভারতের বিশ্বের হইল তাহা আজ
তাই তোমা পূজে ঋষি সার্কর্ভৌম রসিকসমাজ।
মহাকবি, কাব্য তব সার্কর্ভৌম ভাষায় রচিত
বান্দেরীর কিরীটে তা মণিসম রছিল খচিত।

দিবসের অর্ধভাগ প্রদীপ্ত করিল ববে রবি,
তুমি তার স্নেহপ্রভা লভি',
স্নিগ্ধ অমৃতাত্ত্ব হয়ে উজলিলে বাকি অর্ধভাগে
হৃদয়-কুমুদ লক্ষ বিকশিল তড়াগে তড়াগে,
মোরা ভাগ্যবান
ভুঞ্জিয়াছি প্রাণ ভরি' উভয়েরই দান।

আগিদা

শ্রী ব্রজমার্জিত ডট্টাচার্য



মেজ জামাইবাবু বাড়ী এলেই প্রথম জিজ্ঞাসা করতেন, “কৈ পিসীমা কোথায়?”

আর যেখানেই থাকুন পিসীমা, কাছে থাকলে সামনে দাঁড়িয়ে, আর দূরে থাকলে হাঁক পেড়ে—বলতেন, “এই যে, যাই, বাবা যোগীন,—ও নয়নতারা, যোগীনের চৌকিখানা পেতে দে। আর বলে দে বপু করে যেন চলে না যায়; আমার কথা আছে।”

কথা কি তা মেজ জামাইবাবুর জানা। পিসীমা না আসা পর্যন্ত তাঁর নড়বার সাধ্য নেই। (ধীর শান্ত প্রকৃতির মানুষ। হোমিওপ্যাথি প্রাকৃতিস করেন। দোহারা চেহারা, পরিপুষ্ট অবয়ব; ভরস্তু হুটো চোখে মানবতার দীপ্তি, হাস্য-সমুজ্জ্বল মুখ। ভরা গালের ওপর খুব ছোট করে ছাঁটা সপ্তম এডওয়ার্ডের দাড়ি। হাসলে হাসি করে পড়ত মুখে, চোখে, সমগ্র পরিবেশটিতে। গায়ে সাদা লংকুথের পাঞ্জাবীর উপর কাশী-সিঙ্কের চাদর পাট করে রাখা। হাতে রূপার সিংহমুখ-বসানো মোটা লাঠি। পায়ে বাদামী ফুলস্লিপার। প্রশস্ত ললাট, টাক নেই। তবে মাথার মাঝখানটিতে ফাঁকা; চেহারার মধ্যে মনভরা সদাপ্রিয় ভাবটি আছে।)

পিসীমার কথার উত্তর দেওয়া মেজ জামাইবাবুর দরকার ছিল না। তিনি জানতেন পিসীমা যথারীতি আসবেন—আসবেনই। তিনি বলবেন তাঁর রোগের কথা। রোগও গত বিশ বৎসর যাবৎ একই। চিকিৎসাও এই মেজ জামাইবাবুই করছেন; এবং তিনিই করতে পারেন। বিশ বৎসর চিকিৎসার পরেও রোগের উপশম নাই। কিন্তু পিসীমা বলতেন, “যোগীন, ও ধনস্তুরী”।

বাড়ীতে এসেই তিনি ঠাকুরদালানের সামনেটায় তাঁর পেটেন্ট চৌকিখানায় বসতেন। পাঞ্জাবী আর চাদর খুলে রাখতেন খামে বাঁধা তারের উপর। লাঠিটা অবশ্য লুকিয়ে

রাখতেন। বড়দাদার ছেলেরা সারাদিন ঘোড়ার অপেক্ষায় থাকত। ঐ লাঠিটি পেলে তাদের ঘোড়ায় চড়ার সখ মিটবে। কি করে জানি না, ওরা অমন মুখব্যাদান-করা কেশরীর মুখটাতে ঘোড়ার প্রতিচ্ছবি দেখত। সিংহে চড়াটা যে সভ্যতার বিরোধী, তা ওরা বুঝতে পেরে ঐ একখানি রূপালি মুখের দৌলতে ঘোড়ায় চড়ার রমাস্বাদন করত।

ফলে বেচারি জামাইবাবুর লাঠি যথাসময়ে খুঁজে পাওয়া দুর্ঘট হ’ত। রাত ন’টায় ঘোড়সওয়ারেরা নিদ্রাগত। তাদের কল্পলোকের রাজবাড়ীর আশ্রাবল যে কোথায় তা আবিষ্কার করা বিশেষ তরুহ ব্যাপার। তাই লাঠিটাকে তিনি যেমন যত্ন করে সাবধানে রাখতে ছাড়তেন না, লাঠিটাও তেমনি সময়মত অশ্বত্ব লাভ করে পলাতক হতে ছাড়ত না। গায়ের নিমাটি সস্তর্পণে শুলে চেয়ারের পিঠটায় শুকোতে দিয়ে আতুল গায়ে বসতেন উঠান আলো করে।

বসতে না বসতেই আট-দশটি ছেলেমেয়ে জড়ো হ’ত—“পিসেমশাই গলুকো বল।” হাসির ফোয়ারা ছুটত কারুর মুখে; “কি বোকা গো! শুনছ পিসেমশাই, রাগু দপোলুকো গলুকো বলে!”...“সেদিনের সেই কুমীরের ল্যাজ চুরিরটা বল।”...“না-না, শালু পণ্ডিতের টোলটা।”...

এর পরেই বড়বৌদির আগমন।

“কি গো তোমার কি খবর?” মেজ জামাইবাবু জিজ্ঞাসা করেন বড়বৌদির কোল থেকে মীথুকে নিয়ে।

—“কৈ মাথা ধরাটা ত যাচ্ছে না; সন্ধ্যা হলেই মাথা ভন্ ভন্ করতে থাকে।”

“কৈতাকে বল টিপে দিতে!” হাসির ফোয়ারা ছোটে।

রাগত স্বরে বৌদি বলেন, “আপনার খালি ঠাটা—আমার বলে...” ততক্ষণে আর একজন এসে গেছে।

“শ্রামা যে। ক’দিনের জন্ত এলে? থাক থাক প্রণাম করতে হবে না। কেমন আছ? খুব বাড়ীর খবর ভাল? রাজেশ কেমন আছে?”

বৌদি বলেন, “ক’দিন আর কি; ক’মাস বলুন।”

একগাল হেসে বলেন মেজ জামাইবাবু, “ও! খোকা কোলে করে ফিরবে। ই্যা, মা বলছিলেন বটে।”

এর মধ্যে মা এসে পড়েছেন। “যোগীন, তোমার ভরসাতেই শ্রামাকে আনা। ওকে দেখে শুনে একটা ওষুধ দাও।”

শ্রামাদি জড়োসড়ো হয়ে পালিয়ে যায়।

মা বলেন, “আদিখোতা মেয়ের। শরীরের কথা হচ্ছে, মেয়ে পালাল, মরে যাই; লজ্জার কি ছিরি মা!”

হাস্তা নরম সুরে সয়ে নেওয়া হাসিতে মন ভাসিয়ে মেজ জামাইবাবু বলেন, “আহা যাক যাক, প্রথমটায় লজ্জা হবে বৈ কি! বেশ, বেশ, দেব ওষুধ। আপনার ব্যথা কেমন?”

মা চটে যান, “চিতায় যেদিন চড়ব সেদিন কাঠের ঝুঁতোয় সারিও এ ব্যথা।”

হা-হা-হা করে হাসতে থাকেন মেজ জামাইবাবু। যেন ছোট ছেলে বকুনি খেয়ে হাসছে।

হঠাৎ অন্ধকারের দিকে চেয়ে হাঁক পাড়েন, “কৈ গো, অন্ধকারে পানকৌড়ির মত ডুব মারছ কেন? এগিয়ে এস।”

মেজবৌদি একটু নিরালা খুঁজছিলেন, “দিন না জামাইবাবু একটা কিছু। সন্ধ্যা হতে না হতে ঘুম পেলেই গেরস্তর বোর চলে? এই নিয়ে নিত্য জালা...কত সয়?”

জামাইবাবুর কাছে সব রোগের দাওয়াই। এ রোগেরও দাওয়াই আছে “সে হবে। আপাততঃ একটা মজা হয়েছে। বায়স্কোপের পাস পেয়েছি—সেকেও শো। পারবে কতাকে রাজী করতে?”

“হেই জামাইবাবু, আপনি মাকে বলুন জামাইবাবু—”

“কিন্তু যদি ঘুমিয়ে পড়...” হুঁমিতরা চোখে তাকান হোমিওপ্যাথ ডাক্তার।

“বান্ ভারি হুঁ ত;” লজ্জা পেয়ে চলে যান মেজবৌদি।

ছেলেদের দলের কিচির মিচির। কারুর কান পেকেছে; কেউ সন্ধ্যা হতে না হতে চৈচায়, ‘পোকা কামড়াচ্ছে’—সবই এই মেজ জামাইবাবুর দায়িত্ব।

তিনি কিন্তু ততক্ষণ ফাঁকে ফাঁকে গল্প বলে চলেছেন,

“...না-না-শ্রামটা ভয় পাবে কেন? কাইজারের

বাগানের শ্রাম—জার্মান-সম্রাটের বাড়ীতে চুরি করত, কখনও ভয় পায়?”

“তার ল্যাজ কত মোটা ছিল পিসেমশাই?”

“কি রং ছিল তার?”

“...বলছি বলছি—সব বলছি। এ বাড়ীর বোয়েদের চুলের মত মোটা ল্যাজ। আর রং ছিল নারদের দাড়ির মত! কথা কইত যখন, তখন সবাই ভাবত চীনের ড্রাগনই বুঝি বা...”

বড়বৌদি রান্নাঘরে। মেজবৌদি মার কাছে গিয়ে ঘ্যানর ঘ্যানর করছেন। শ্রামা বাক্স গোছাচ্ছে।

মেজ জামাইবাবু উঠি উঠি করছেন। কৈ পিসীমা, আমি আজ উঠি।”

“এই যে, এমু বাবা—এমু।...হেই মা, গেল গেল—যা!” আত্ননাদ উঠল পিসীমার কণ্ঠস্বরে।

মেজ জামাইবাবু বললেন, “কি হ’ল পিসীমা, কি হ’ল। ও ছোটবো দেখ দেখ, ভাঁড়ার ঘরে পিসীমার কি হ’ল?”

“হবে আবার কি! হয়েছে আমার কপাল। এই আঁধারে কানামানুষ, দেখতে পাই? দিনু আচারের হাঁড়িটা উন্টে। ঈ-ই-শ! এক হাঁড়ি তেল গা! কি অপ্‌চো, কি অপ্‌চো!”

মার গলা শোনা গেল, “মরতে আলোটা নিবিয়ে রেখেই বা কাজ কেন?” আলো জ্বলে কাজ করার ধাত ছিল না পিসীমার। বেশী কাজ অন্ধকারেই সারতেন। আজ-কালকার বি-বৌদের কথায় কথায় আলো টেপা যেন এক আদিখোতা।

সুইচ টিপে আলো জ্বলে দৃশ্য দেখে মা এত জোরে হেসে উঠলেন যে সঙ্গে সঙ্গে পিসীমার মেজাজ সপ্তমে চড়ে গেল।

মা বললেন, “মর তুলে তুলে কাজ করে; গেল ত এখন সব?”

পিসীমার আঁতে ষা লাগল। “হিঁ গো, আমি ত তুলছি; ভারি তুলুনি দেখছ আমার। বিমি বামুনি না থাকত ত বুঝতে। যোগীনেরও যেমন তাড়ার অস্ত নেই। সেই থেকে পিসীমা আর পিসীমা। ইস্—আমার জোড়দার হাড়-ভাঙা তেল গা! তেল রে, মশলা রে, এত খাটা খাটনি রে, সব গেল।”

বলছেন, আর হাতে করে তেল তুলে তুলে হাঁড়িতে রাখছেন।

পাছে আচার অপবিত্র হয়ে যায় তাই একখানা গামছা পরে অন্ধকারে পিসীমা আচার গোছাচ্ছিলেন। সত্যিই ত ঐ বেশে কেউ আলো জ্বলে কাজ করতে পারে না!

কাজলের কালি তোলায় জল' ভাঁড়ারের এক কোণে একটা নতুন সরায় কালি পাড়া ছিল। তাতে হাত লেগে তেলে-কালিতে হাত ভরতি। তারই দাগ পিসীমার সারা মুখে। আচমকায় গামছাখানা আলাগা হয়ে যাওয়ায় মাটিতে চেপে বসে পড়েছেন তিনি। হাত জোড়া; উঠতে পারছেন না—মা সামলে দিলেন। মামনেটার হাঁড়িটা উল্টানো। মেবেময় তেল। গোলমালে বেড়ালটা লাফ মেরে পালাতে গিয়ে বেলের মোরঝা-রাখা বড় পাথুরে গামছাখানায় আটকা পড়েছে। মোটা চটচটে রসে চার পা একত্র করে পিঠটা ধনুকের মত বাঁকিয়ে উপরে তুলে ফ্যাস ফ্যাস করছে। ধাবড়ে গিয়ে পালাতে পারছে না।

হঠাৎ তার দিকে নজর পড়াতে পিসীমার যত রাগ পড়ল গিয়ে তার উপর। কি একটা ভারি জিনিষ তুলে যাই তাকে মারতে গেলেন—সেটা দিলে উঠ-কিন্তি, আর আর হাতের নোড়াটা গিয়ে পড়ল পিছনের দিকে রাখা জালটায়। ভেঙে গেল সেটা। জলে থৈ থৈ হয়ে গেল এই নিমেষের কুরুক্ষেত্র।

“হাবাতি ঐ বেড়ালটা খালি তাকে তাকে ঘুরছে। হাঁড়ি ওণ্টানোর ভয়ে হুই অমন ঐ টোঙ্গ থেকে হুমড়ি খেয়ে পড়বি ত পড় আমার কপালখানায়। গেল ত মোরঝাগুলো। সন্ধানশী, সন্ধানশীকে আজই গঙ্গার ওপারে রেখে এস যোগীন।”

হাসতে হাসতে মা চোখের জল মুছছেন। একঘর লোক জড়ো। বাচ্চারা কিলিবিলাি লাগিয়েছে। মা বললেন, “আবার ওটা ছুঁড়ে মারতে গেলে কেন?”

“মারবে না, আদর করবে।...যাও, যাও; ভারি হাসি তোমাদের! আমার মরণ নেই। রাতের পর রাত মনিষ্যির ধুম না থাকলে মনিষ্যি কি করবে? করছি এই ঢের।”

মা ততক্ষণ হাত ধরে তুলেছেন পিসীমাকে। “নাও, ঢের করেছ। এখন যাও। তোমার ঘুমের ওষুধ নাও গিয়ে যোগীনের কাছে, নৈসে ও চলে যাবে।”

মার হাতে ভাঁড়ার ছেড়ে আসতে আসতে বললেন, “পার সামলাতে সামলাও। তবে তা হচ্ছে না। এই বিমি বাম্নি ছাড়া কারুর সাধি নেই এই রাবণের ভাঁড়ার সামাল দেয়।”

“হ্যাঁ ঢের ত সামাল দিয়েছ। এখন জামাইবাবুর যাবার আগে রূপ ঢেকে যাও।”

পিসীমা গামছাখানার উপরেই একখানা কাপড় আড়িয়ে চললেন জামাইবাবুর কাছে। “হ্যাঁ যাবে বৈ কি! যোগীন



হি গো, আমি ত চুলছি; ভারি চুলনি দেখেছ আমার।

বিমি বাম্নি না থাকত ত বুঝতে

আর আমার জন্মে থাকবে কেন? পিসীমা ত ওদের চোখের শূল!”

জামাইবাবু উঁচু গলায় হাসতে হাসতে বললেন, “সে কি কথা, সে কি কথা। কি হ'ল আপনার? আসুন দেখি। সত্যি এত খাটাতেও পারে এরা আপনাকে। বৌগুলো—কোন কন্মের নয়—জানেন পিসীমা। অথচ রোগটা যে কতখানি হয়েছে আপনার কেউ ধারণা...”

“তার আর নতুন কি? তোমার ওষুধগুলো মা-গঙ্গার গভ্যে ফেলে দিয়ে'সো যোগীন। কাল চোপের রাত ঘুম হয় নি। আজ পাঁচ বছরের মধ্যে যে মনিষ্যি ঘুমুল না তার শরীলে কি কোন পদার্থ থাকে?”

অনিদ্রা পিসীমার হাড়ের রোগ। সারাদিন কাজ করেন আরওতালেন। ফলে কত যে লোকসান হয় আর কত যে রসের সৃষ্টি হয়, তার ইয়ত্তা নেই। কত দিন তাঁর পূজার আসনের সুষুধ দিয়ে, তাঁর ধ্যান-নিমীলিত আখির সামনে দিয়ে কোশাকুশী, মায় পিতলের রাখাকুস-মূর্তি পর্যন্ত করে

গিয়েছে তার আর ঠিক নেই। চোখ চেয়ে হাউমাউ করে উঠেছেন, “ছোড়দার কাণ্ড, আর কারুর নয়।”

বাবা বলতেন, “ঠাকুর জাগ্রত পূজারী দেখে বৈকুণ্ঠ সীট রিজার্ভ করতে গেছেন।”

কতদিন গঙ্গার ঘাটে সূর্য্যপ্রণাম করতে গিয়ে আর ওঠেন না। খেতে বসে মাথা ভাতে হাত দিয়ে বসে বসে তুলুনি। সাবানকাচা করতে গিয়ে তুলুনি! কি ভাগ্যি গঙ্গায় ডুব দিতে গিয়ে কখনও ঘুমিয়ে পড়েন নি। তবে পথ চলতে চলতে তুলুনি ছিল; ফলে ষাঁড়ের গুঁতো, দেয়ালে কপাল ঠুকে যাওয়া, পথচারীর ধাক্কা এবং গাল খাওয়ার অন্ত ছিল না।

সারাদিন তুলতেন। অথচ রাত্রে ঘুম নেই। গা পেতে শুলেই সজাগ হতে হয়, “ঐ যাঃ, রবির সকালের জলখাবারটা বোধ হয় ঢাকা দিয়ে আসি নি।” উঠতে হয়।

জামাইবাবু ওষুধ দিয়ে উঠলেন। বলে গেলেন, “আজ জ্বর ওষুধ। খুব ঘুম হবে। কিন্তু রাত করবেন না খেতে। দশটার সময় খেয়ে নেবেন, বাকী রাত দিব্যি ঘুমবেন।”

ঔষধের মোড়কটি আঁচলে বাঁধতে বাঁধতে বললেন, “মুখে তোমার ফুল-চন্নন পড়ুক বাবা; তোমার ওষুদ-না-ধনস্তুরি। আমিই আবাগী, কপালখানা আমার। ওষুদই যদি কাজ করবে তা হলে ওষুদ কি আর কম হয়েছিল? তবে আর সাত-সকালে সব খোয়ালাম কেন?”

পিসীমার নয় বৎসর বয়সের বৈধব্য নিয়ে তিনি এমন আপশোশ বজায় রেখেছেন এতকাল ধরে। পিসেমশায়কে তাঁর ততটা মনে নেই অবশ্য।

ওষুধ দিয়ে জামাইবাবু চলে যান।

হাঁক পেড়ে পিসীমা বললেন, “ও ছোটবোদি, ভাই, রাত দশটায় মনে করিয়ে দিও না!”

রান্নাঘরে কথাটা শুনতে পেয়ে সবাই মুখটেপাটেপি করে হাসল, চাপা গলায় মা ধমকে দিলেন, “ও কি তোদের বল ত! টের পেলে এখুনি গরু গরু করবে।” গলা উঁচু করে বললেন, “হাঁ দেব ঠাকুরঝি। যত্ন করে রেখ।”

খাওয়াদাওয়া সেরে সবার গুতে গুতে রাত এগারোটা পেরিয়ে গেল। ওষুধের কথা তৃতীয় বারের মত স্মরণ করিয়ে, মা নাতিকৈ সকালে দুঃখাওয়াবার বাটি-বিশুক নিয়ে উপরতলায় চলে গেলেন। পিসীমা মনে মনে বললেন, অর্থাৎ, আপনার মনে জোরে জোরে বলে চললেন (মার ভাষায় গরু গরু) “বড়দা চৌষটি যোগিনীর জপ সেরে আসবেন মাঝরাত পেরিয়ে। ধর্মের আর শেষ নেই।

আমারই যত অধম্মো। রেখে যাব খাবারটুকু, পোড়াকপালে বেড়াল কোথেকে এসে দস্তিপনা করে যাবে খুনি। নিশ্চিন্দ হবার জো কি? বামুনকে খিদিত্তি রেখে ত আর বাঁড়ি-মানুষ কতক ওষুদ গিলতে পারি নি। সে ত এঁটো দেয়াই হ'ল। তোমরা সব ভাগ্যিমতী, তোমাদের কথাই আলাদা। খেলে দেলে ঘুমতে চললে।”

সদরে নাড়া পড়ল। ঘড়িতে বারটা বাজল। জোঠামশায়ের খড়মের শব্দ পাওয়া গেল। হাঁক এল নীচে থেকে— “জেগে আছ নাকি কেউ?” অর্থাৎ, জোঠামশায় আর উপরে উঠবেন না। নীচের শিবদালানেই থাকেন উনি। রাতের জলপানি, অর্থাৎ, দু-চার কুচি ফল আর একটু দুধ নীচে নামিয়ে দিতে হবে।

পিসীমা বললেন, “যাই! হ'ল পূজো? ধন্তি পূজো! কত পাপই করেছিলেন জন্মো জন্মো। এ জন্মটা ধুয়ে ধুয়েই খইয়ে দিলেন।”

...হঠাৎ সিঁড়ির মধ্যে টেঁচিয়ে উঠেন, “উছ উছ।” বড্ড লেগেছে বোধ হ'ল।

নীচে এসে বাটি রেকাব রেখে বললেন, “বড্ড হেঁচট খেয়েছি গা। যা উঁচু চৌকাঠ সিঁড়িটার। গেছে নখের চাকলাটা উড়ে, এখন এই পেরার কদিন চলল কে জানে!”

জোঠামশায় বললেন, “ভালই হ'ল, গহনা হবে।”

“গহনা হবে না ছাই!” বলে শিবের মন্দিরের প্রদীপ থেকে খানিকটা তেল গড়িয়ে নিয়ে ক্ষতস্থানটায় টিপে টিপে দিতে লাগলেন।

আস্তিক জোঠামশায় বললেন, “মরবে কুঠ হয়ে। শিবের প্রদীপের তেল পায়ে দিচ্ছ, সাহসও হয় তোমাদের।”

পিসীমা সঙ্গে সঙ্গে বললেন, “আমার কুঠ হবে না, হবে ঐ আপনার শিবের। দেখতে পায় না শিব আপনার? তিনটে ত চোখ! আমার ত মোটে একটা। (ছেলেবেলায় বসন্তে পিসীমার একটা চোখ নষ্ট হয়ে গিয়েছিল।) চোপের দিন রাবণের গুপ্তি সামলাচ্ছি। মুখে ফঁাকা উড়ে যায় খাটতে খাটতে। হ'ত আপনার শিবকে এই হ্যাপা সামলাতে, বাঘছালখানা ফেলে ছুটে পালাতে পথ পেত না। বসে বসে রাজভোগ খাচ্ছেন আর পিদিমের তেল পোড়াচ্ছেন। নিলাম ত নিলাম, কাজে লাগল। উনি বোবেন না কিছু; বুড়ে-হাবড়া, ঠাকা।”

“উঃ কি সুভাষিনী তুমি; আর কি ধর্মপ্রাণা!...আর বেদাঙ্গচর্চা থাক। শিবের মাথায় পা চাপাও তুমি। এখন যাও, শোও গে।”

রেকাব আর বাটি তুলে নিয়ে জায়গাটার গোবরছাতা

বুলুতে বুলুতে বললেন, “হ্যাঁ শোব; একেবারে শোব সেই কাঠে, তার আগে নয়। মলাম এখন হোঁচট খেয়ে। দপ-দপানিতে মরব কতক্ষণ কে জানে!” গরব্ গরব্ করতে করতে উপরে চলে গেলেন।

চারতলা বাড়ীর সবাই তখন ঘুমুচ্ছে। জোঠামশায় দালানের আলো নিবিয়ে দিলেন। ঘড়িতে তখন একটা বাজে। পিসীমার শোবার ব্যবস্থা করা দরকার। চারখানা কুশাসন ভাঁড়ারের গামনের বারান্দায় পেতে তার উপর পাট করে ছুখানা ছেঁড়া কাপড় বিছালেন। তার পর বসলেন পা ছড়িয়ে মস্ত আঙড়াতে—“ঔষধে চিন্তয়েৎ বিষুঃ...” বলতেই ঔষধের কথা মনে পড়ে গেল। ‘তাই ত! ঔষুদটা খাওয়া হয় নি ত!’ সে কাপড়খানা আবার রেখে এসেছেন দক্ষিণের ঘরে। সেখানে এখন ওরা হয়ত খিল দিয়েছে।

উঠলেন পিসীমা। দোর খোলা। বাচ্চারা সব শুয়েছে। আর শুয়েছে গ্রামা। ভূতো, নেবু, চন্নন সবাই শুয়ে আছে। “ওমা, চন্ননটা ত এখুনি বিশের বাড় মটকাবে দেখতে পাওয়া যাচ্ছে। দশ্রি মেয়ে ঘুমুলে আর কাকুর নয়।” ওদের ছাড়িয়ে দিয়ে সোজা করে শুইয়ে দিলেন। “ভূতোর গা-টা ছন্হন্ করছে অথচ আহুড় গায়ে শুয়ে আছে দেখ না, জর এল বলে। তখন ‘যা বিমি বামনি মাবু আন’ ‘যা বিমি বামনি ডাক্তার আন’...বৌগুলো যেন আজকাল কি। শুবি বাপু নিজেদের-তা নিয়ে থুয়ে শো’না। তা নয়, এক ঘরে চালান করে দিয়েছে।...হতেও কসুর নেই, হেনস্তা কবতেও কসুর নেই। যেটের বাচ্চারা সব। কত জনার বুক হা-হা করছে এই সোনা বুকো না ধরতে পেরে।” কোথাও পেলেন না ভূতোর জামা। আবার গেলেন তেতলার ঘরে, সেজবৌকে তুলে ভূতোর জামা নিয়ে ভূতাকে পরিয়ে দিলেন; ভূতোর কান্না থামালেন। ইতিমধ্যে মীলুটা দিলে মাঝখানটা ভিজিয়ে। “আচ্ছা, শোয়াবার সময় তোরা মায়েরা একটু দেখে শুনে শোয়াতে পারিস না? এখন উপায় কি করা যায় বল ত?” মীলুকে সরিয়ে একটা জামা ছাড়িয়ে, আর একটা পরিয়ে, কাঁথা একটা পাট করে পেতে তার উপরে শুইয়ে দিলেন।

ঔষুদটা কাপড় থেকে খুলে পরনের খানায় আবার বেঁধে

যখন বাইরে এলেন তখন সপ্তর্ষি চলে পড়েছে তুলসী-মাছটার আড়ে। ছোটো বাজে; সির্ সির্ করে শীতাস দিচ্ছে। উঠান পার হয়ে বারান্দায় শুতে যাবেন; আবছা আলোয় চোখে পড়ে গেল জল ভরবার পাইপটা পড়ে আছে।



পিসীমা সঙ্গে সঙ্গে বললেন, “আমার কুঠ হবে না, হবে ঐ আপনার শিবের...”

বাসনমাজার পরে বি-মহারানী আর বেঁধে দিয়ে খাবার ফুরসত পান নি। সেই ভোরে জল আসবে। চৌবাচ্চাটি ভরে না থাকলে সকালে যে হা-হণ্ডে লেগে যাবে। তখন কি মুখ হাত পা ধোবে সব হাওয়ায়? বাঁধতে লাগলেন সেই জলের পাইপ। কলটা খুলে দিয়ে পাইপের অপর মুখ চৌবাচ্চার সঙ্গে বেঁধে দিয়ে চললেন শুতে।

বিছানায়...অর্থাৎ সেই বিছানায় বসলেন পা ছড়িয়ে। একটু পা ছোটো টিপলেন। আকাশপানে চাইলেন। পোড়া চাঁদও আজ আগেভাগে সরে পড়েছে। কপালখানা আর কি। সবার বিশ্রাম আছে, নেই এই বিমি বামনির।

টাদের কথায় মনে পড়ে যায়। “ওমা কাল ত শীতলা-অষ্টমী। সকালবেলায় দাদার শেতলার নৈবিড়ি চাই। বামনের ঘরে জন্মানো গেরো...ছোলা ভেজানো হয় নি যে। হায়রে ভাগ্য!” চললেন পিসীমা ভাঁড়ারে। চুকতেই সেই আচারের তেল-ছড়ানো মেঝেয় পা হড়কে পড়ে যেতে যেতে সামলে নিলেন ওড়ের হাঁড়িটা ধরে। শুড়গুলো

বাড়ির পথে গেল। নেহাত পেতলের হাঁড়ি তাই ভাঙল না।
এসব পিসীমার সওয়া ব্যাপার। একে ইনি গ্রাহ্য করেন
না। ছোলা বার করে ধুয়ে বাটিতে ভিজিয়ে চাপা দিয়ে
সুতে যাবেন।



“যোগীন দিয়ে গিয়েছিল ওষুদ। রাতে ঘুম নাই আজ তিন মাস। ওষুদ দিচ্ছেও,
খেয়েও যাচ্ছি; ঘুম আর হয় না...”

এইবার রাত আর নেই। বৈকুণ্ঠ বাবাজীর আখড়ায়
পাগলটো চোঁচাতে শুরু করেছে—“রামনাম লাড্ড গোপাল-
নন্দ বিউ; কৃষ্ণনাম কটোরিয়া বোরবার পিউ।” শুয়ে
পড়লেন গা এলিয়ে পিসীমা। শুয়ে শুয়ে মনে পড়ে গেল
“ঐ যাঃ, বড়দা ত সদর বন্ধ করেনি নি বোধ হয়। মরুকগে
আর যেতে পারি না। ওদের তা ওরা ভুগবে, আমি আর
কত দেখব।” পাশ ফিরে শুলেন পিসীমা, কিন্তু ঘুম আসে
না। আবার উঠলেন। গজর গজর করতে করতে নীচে
নামলেন। সদর দিতে গিয়ে দেখেন, সদর বন্ধ। উঠে
যাচ্ছিলেন। জ্যেঠামশায় ডাক দিলেন, “কে!” পিসীমা

বললেন, “আমি। সদরটা দিয়েছেন যে বড়? কোনদিন
ত দেওয়া হয় না, আজ দয়া হল যে বড়!”

শুয়ে শুয়ে জ্যেঠামশায় উত্তর দিলেন, “একটু আগে
উঠেছিলাম, দেখি তোমার হাঁস হয় নি তাই দিয়ে দিলাম।
অপরাধ হয়ে থাকে বল, খুলে দিচ্ছি।”

“এই সব কথাতেই ত পিসীমার রাগ
হয়। আচ্ছা দিয়েছিলে ত দিয়েছিলে।
হাঁক পেড়ে বলতে ত পারতে কথাটা।
তা হলে ত আর এই তেতলার সিঁড়ি
ভাঙতে হ’ত না।” বাবা পা ছুটো যেন
ছিঁড়ে যাচ্ছে। উপরে গিয়ে একটু
জিরুলেন। তারপর পাখাখানা নিতে
গেলেন পাশের ঘরে।...“দেখেছ মেজ-
বৌমার কাণ্ড! তুলোটুকুনি দেওয়া
হয়েছিল সলতে ক’টা পাকিয়ে রাখতে!
ভোরের আরতি যখন ছোড়দা করতে
নামবেন তখন কি ঐ বড়োমানুষ সলতে
পাকাতে বসবেন? একটু যদি কাণ্ড
কাণ্ড জ্ঞানগম্য থাকে আজকালকার
ঝি-বোয়ের।...কেবল মাজনগোজন
আর কি সব সিনেমা-বায়স্কোপ।”

বসলেন পিসীমা রাত সাড়ে তিনটায়
সলতে পাকাতে। শেষ করলেন চারটেয়।
উপরের ঘরের শেকল খুলল। বাবা
বেরুলেন। কেদারের মন্দিরে আরতির
ঘণ্টা বেজে উঠেছে, শোনা যাচ্ছে। বাবা
উঠে সোজা ছাদের পূবধারে গিয়ে
গজর পানে চেয়ে প্রণাম করলেন।

সিঁড়ি নামতে নামতে জিজ্ঞাসা
করলেন, “ও কি বিমি, এই ভোরে
জল খাচ্ছ, শরীর ভাল আছে ত?”

পিসীমা বললেন, “পোড়া কপাল

শরীরের। যোগীন দিয়ে গিয়েছিল ওষুদ। রাতে ঘুম
নেই আজ তিন মাস। ওষুদ দিচ্ছেও, খেয়েও যাচ্ছি; ঘুম
আর হয় না। সেই ওষুদটুকু খেলাম।”

—বলে পিসীমা তাঁর প্রসিদ্ধ বিছানায় গড়িয়ে পড়লেন।
ঘুমুতে লাগলেন বোধ হয়।

বাবা একটু হাসলেন। খানিকটা পরে এসে একখানা
চাদর দিয়ে পিসীমার শরীরটা ঢেকে দিলেন।

ভোরের বাতাসে হিম।

বাবা আরতি সেবে গজায় চললেন প্রাতঃস্নান
করতে।

মেসাজোর বাধ

শ্রীবিজ্ঞান রায়বর্মন

মনে হয় মায়াপুরীতে পৌঁছে গেছি। দু'ধারেই পাহাড়। বাঁদিকে উঠে গেছে পাঞ্জান পাহাড়ের উঁচু চূড়া—এই পাহাড়ের নিম্নতর অংশে গড়া হয়েছে এই পুরী। এখান থেকে বেরিয়ে পাহাড়ের গা বেয়ে রাস্তা নেমে গেছে প্রাকারের অভিমুখে। ডানদিকে চলেছে সাতবর পাহাড়ের সারি। দুই পাহাড়ের সারিকে পৃথক করে মাঝখান দিয়ে বয়ে চলেছে ক্ষুদ্র এক স্রোতস্বতী—ময়ূরাক্ষী।

মেসাজোরে ময়ূরাক্ষী নদীতে বাধ তৈরি হচ্ছে। সাঁওতাল পরগণার প্রধান শহর হুমকা হতে প্রায় বার মাইল দক্ষিণ পূর্ব দিকে ছোট গ্রাম মেসাজোর। আসবার মুখে একটা হাট দেখলাম, ডিষ্ট্রিক্ট বোর্ডের একটা ইনস্পেকশন বাংলোও আছে। আজ এই মেসাজোরের নাম লোকের মুখে মুখে। গ্রাম বাধের পিছন দিকে—বাধের নির্মাণ-



ভূ-বিদ্যার ছাত্র পাথর ভাঙ্গিতেছে

ফটো—শ্রীভূষার সিংহ

কার্য শেষ হলে গোটা গ্রামকে গ্রাম জলের তলায় ডুবে যাবে। তাই লোকেদের এখান থেকে সরানো হচ্ছে। অনেকে ইতিমধ্যেই অন্ত্র চলে গেছে। বহু ঘর খালি পড়ে আছে। যেগুলিতে লোক আছে, সেগুলিও শ্রীহীন। হাট এখনও হয়—কিন্তু হাটের জলুস নেই। চালাগুলি ভেঙে পড়েছে। বাধের বৃক্ক নামের স্বাক্ষর রেখে কত যুগের পুরনো এক গ্রাম চিরতরে অবলুপ্ত হয়ে যাবে।

শুধু মেসাজোর নয়, সব মিলিয়ে প্রায় গোটা নব্বই গ্রাম এই ভাবে জলের তলায় নিশ্চিহ্ন হয়ে যাবে। অপসারিত লোকেদের পুনর্বসতির ব্যবস্থা করা হচ্ছে অন্ত্র। কৃষকদের জমির বদলে জমি বা টাকা দেওয়া হচ্ছে। নতুন জমির মোট উৎপাদন-ক্ষমতা সমান হবে—সুতরাং জমি উৎকৃষ্টতর হলে তার পরিমাণ কম হবে, অপকৃষ্ট হলে বেশী। প্রথম

প্রথম অপসারিত লোকেদের এই ধরতে হবে বলে সন্দেহ নেই তবে সেচ-অঞ্চলের সু-যোগ-সুবিধা কমান পাবে বলে



বাধ তৈরির পাথর

(সাইপুনের পাহাড় হইতে গৃহীত দৃশ্য)

ফটো—শ্রীভূষার সিংহ

শেষ পর্যন্ত তাদের অবস্থা আরও ভালই হয়ে উঠবে। নতুন জায়গায় বসতিস্থাপনও ততটা কষ্টকর নয়, যতটা হচ্ছে বাপ-পিতামহের ভিটে এবং জমিজমা চিরকালের জঞ্জ ছেড়ে যাওয়া।

হুমকা হতে মেসাজোর আসার রাস্তাটির অবস্থাও অতি শোচনীয়। পাথর-বের হওয়া এবং ছোট বড় গর্তে ভরা রাস্তায় গাড়ী চালানো প্রাণান্তকর ব্যাপার। নদী ধরে বাধের পিছন দিকে হুমকার প্রায় দু'তিন মাইলের মধ্যে গিয়ে জল জমো উঠবে। রাস্তাটি ডুবে যাবে বলে তার আর যত্ন নেওয়া হচ্ছে না—পাথর কেটে একটা নতুন রাস্তা তৈরি হচ্ছে হুমকার দিকে।

বাধ তৈরির উপযুক্ত জায়গা এটি। ডাইনে-বায়ে পাহাড়; এক পাহাড় থেকে অন্য পাহাড় পর্যন্ত বেঁধে দিলেই নদীর ধারা আটকা পড়ে। দৈর্ঘ্যে খুব বেশী নয়—বাধের উপরকার রাস্তাটি হবে মাত্র ২০৬৭ ফুট। তা হলেও, রিজার্ভয়ারের (জলাধারের) ক্ষেত্রফল কম নয়। গ্রীষ্ম ঋতুতেই তা হবে প্রায় পাঁচ বর্গমাইল—বর্ষার দিনে বেড়ে যাবে আরও প্রায় তিন গুণ। আশপাশের ৭১৮ বর্গমাইল পরিমিত স্থান থেকে জল এসে এই জলাধার জমবে।

ময়ূরাক্ষী-পরিকল্পনায় জলসেচের ফলে যে যে জেলা উপকৃত হবে তার মধ্যে প্রধান হ'ল বীরভূম। তার পরেই মুর্শিদাবাদ, তা ছাড়া বর্ধমানেরও কিছু অংশ। এদিকে সাঁওতাল পরগণাও কিছু পরিমাণে জলসিঞ্চিত হবে।

প্রকৃতপক্ষে বাংলাদেশের জলসেচ-পরিকল্পনাগুলির মধ্যে ময়ূরাক্ষী-পরিষ্কারই বৃহত্তম। মোট ব্যয় পড়বে সাড়ে পনের কোটি টাকা—ছ'লক্ষ একর জমিতে জলসেচ করা হবে। সেচ-অঞ্চলের ধান এবং অন্যান্য রবিশস্যের উৎপাদন বৃদ্ধি পাবে শতকরা একশ' ভাগ। শুধু তাই নয়, ৪০০০ কিলোওয়াট জলবিদ্যুৎ-শক্তিও উৎপন্ন হবে এর পাশাপাশি।



মেসার্সার বাধ—সম্মুখভাগ হইতে

ফটো—শ্রীডি. ভি. কার

অল্প খরচে এই বিদ্যুৎ সরবরাহ করা হবে বীরভূম, মুর্শিদাবাদ ও সাঁওতাল পরগণার বিভিন্ন অঞ্চলে। জলপ্রবাহ-নিয়ন্ত্রণের ফলে লোকের বন্যাভীতিও দূর হবে। উৎপাদনবৃদ্ধি ও বিদ্যুৎ-সরবরাহের দৌলতে, আশা করা যায় যে, ভবিষ্যতে এই সকল অঞ্চল সমৃদ্ধিশালী হবে।

পার্টনা বিশ্ববিদ্যালয়ের পঞ্চম বার্ষিক শ্রেণীর ভূ-বিদ্যার ছাত্র আমরা এখানে এসেছি ভূতাত্ত্বিক অভিযানে। আমাদের অধ্যাপক ডক্টর সত্যচরণ চট্টোপাধ্যায় এখানে 'চার্ণকাইট' নামক এক জাতীয় শিলা আবিষ্কার করেছেন। খালি চোখে এই শিলা কৃষ্ণ ধূসর, গ্রিজের মত চক্চকে। এই জাতীয় শিলা প্রথম হল্যাণ্ড সাহেব আবিষ্কার করেন দক্ষিণ ভারতে। সেখানে চার্ণকাইট 'প্রাথমিক' বা 'আগ্নেয় শিলা'—ভূগর্ভ হতে উথিত স্থানীয় শিলায় (country rock) অণুপ্রবিষ্ট গলিত ম্যাগমা জমে উৎপন্ন। এখানে কিন্তু চার্ণকাইট 'পরিবর্তিত' (metamorphic) শিলা—আগে অল্প ধরণের ছিল, পরিবর্তনের ফলে চার্ণকাইটে পরিণত হয়েছে। বাধ তৈরির পর এর অনেকটা জায়গা জলে ডুবে যাবে, তাই সময় থাকতে পাথর সংগ্রহের চেষ্টাতেই বিশেষ কষ্ট আমাদের এখানে আসা।

এখানকার ইঞ্জিনিয়াররা আমাদের সঙ্গে যে সঁহৃদয় ব্যবহার করেছেন, তা ভুলবার নয়। পুঙ্খানুপুঙ্খরূপে বাধের ইঞ্জিনিয়ারিং তথ্য ও তত্ত্ব তারা আমাদের বুঝিয়ে দিয়েছেন। এ প্রসঙ্গে বিশেষ ভাবে উল্লেখ করতে হয় এন্স-ডি-ও মিঃ


চক্রবর্তীর কথা। বাধের কাজে প্রয়োজনীয় পাথর যে সব খাদ থেকে আনা হচ্ছে আমরা সেগুলি পরিদর্শন করবার জন্য তাঁদের কাছ থেকে 'পিক-আপ' এবং তাঁদের সাহচর্য দুই-ই পেয়েছি।

বলেছি এখানকার শিলা পরিবর্তনজাত। মাইক্রোস্কোপ ও অন্যান্য পরীক্ষায় তা ত ধরা পড়েই—এখানে এসে মাঠের মধ্যেই আমরা যা প্রমাণ পাই তাও বড় কম নয়। খাদের মধ্যে অনেক জায়গায় কৃষ্ণবর্ণের শিলা এবং হালুকা রঙের শিলার সংযোগ দেখা যায়। অনেক জায়গায় সাদা গ্র্যানাইট বা ফেলস্পার-মিনারেল-বাহী পদার্থ শিরা-উপশিয়ার মত কৃষ্ণশিলায় মধ্যে ছড়িয়ে পড়েছে। এগুলি হ'ল গ্র্যানাইট-করণ বা ফেলস্প্যাথীকরণের প্রকৃষ্ট উদাহরণ। তলা থেকে গ্র্যানাইট-বাহী এবং ফেলস্পার-বাহী তরল পদার্থের ইনজেকশন হয়েছে, যা শিলার আদি প্রকৃতিতে পরিবর্তন আনতে চেয়েছে। এখানকার শিলার বৈশিষ্ট্যের ঘন-ঘন পরিবর্তনও তাদের পরিবর্তিত প্রকৃতির সাক্ষ্য দেয়। খালি চোখেই বুঝা যায়, সামান্য দূরে দূরেই শিলার রঙ এবং মিনারেল সমাবেশ অল্পবিস্তর পরিবর্তিত হচ্ছে। এখানকার শিলা প্রথমে অসম-স্বত্ব পাললিক শিলা ছিল মনে হয়, তাই পরিবর্তিত হওয়ার পরও তাদের অসমস্বত্বতা কিছু কিছু রয়েই গেছে। খাদের মধ্যে আজকের কঠিন কেলাসিত (crystalline) শিলার ভাঁজও (fold) লক্ষ্য করা গেল। কেলাসিত শিলায় চাপ পড়লে তা ভেঙে গুঁড়ো হয়ে যেতে পারে, কিন্তু তাতে ভাঁজ পড়ে না। ভাঁজ পড়ে পাললিক শিলার স্তরে। সুতরাং বর্তমান শিলা ভাঁজ-পড়া পাললিক শিলা হতেই পরিবর্তিত হয়ে উৎপন্ন হয়েছে, কিন্তু আদি শিলার গঠন-প্রকৃতি বজায় রয়ে গেছে। মাঠের মধ্যে এসব জিনিষ দেখা খুবই চিত্তাকর্ষক। ভূতাত্ত্বিককে অধিকাংশ ক্ষেত্রে মাটির উপরের শিলা দেখেই অনেক কিছু অনুমান করতে হয়, মাটির ভিতরে এত সামান্যামনি দৃষ্টিনিষ্ক্রেপ করবার সুযোগ খুব কম ঘটে। খাদগুলি থাকায় সে সুবিধাটুকু হ'ল।

যাক সে কথা। এখানকার পাথরগুলি কিন্তু বেশ শক্ত। ফলে সুবিধা হয়েছে এই যে, বাধের কাজে প্রয়োজনীয় পাথর আনতে দূরের কোন জায়গার উপর নির্ভর করতে হয় না—কোন খাদই বাধ থেকে পাঁচ মাইলের বাইরে নয়। কাজে লাগাবার আগে এই সব পাথরের কঠিনতা, আপেক্ষিক গুরুত্ব ইত্যাদি গুণ পরীক্ষা করে নেওয়া হয়েছে।

এবার বাধের কথা বলি। বাধটি হ'ল ভাগে বিভক্ত—একদিকে একশটি স্পিলওয়ে, আর একদিকে ছ'টি স্লুইস দরজা। বাধের সামনের দিকে দুই অংশের মাঝামাঝি উপর থেকে নীচে পর্যন্ত পাঁচটি এই উদ্দেশ্যে নির্মাণ করা হয়েছে

যেন স্পিলওয়ের জল স্লুইসের দিকে না আসে। স্পিলওয়ে-গুলি হচ্ছে জল উপচে পড়ার জগু। বর্ষায় জল যথেষ্ট উঁচুতে উঠলেই উপর দিয়ে বয়ে যাবে। বাকী অংশে জল কখনও উপচে পড়বে না—স্লুইস দরজা দিয়ে নিয়ন্ত্রণাধীনে বেধে জলকে ছাড়া হবে। স্লুইসের দিকে বাঁধের উচ্চতা সমুদ্রপৃষ্ঠ থেকে ৪০৮ ফুট। স্পিলওয়ের মাথার উচ্চতা ৩৮৮ ফুট। ৪০৮ ফুট লেভেলে বাঁধের এক প্রান্ত হতে অল্প প্রান্ত পর্যন্ত ১৮ ফুটের এক রাস্তা চলে যাবে। স্পিলওয়ে অংশে স্পিলওয়ে আর রাস্তার মধ্যে ফাঁক থাকবে। গরমের দিনে রিজার্ভয়ারে জলের উচ্চতা হবে ৩৪৯ ফুট, বর্ষায় ৩৯৮



ময়ূরাক্ষী ভবন—তীরচিহ্নিত

ফটো—শ্রীতুষার সিংহ

ফুট। সুতরাং বর্ষায় স্পিলওয়ের উপর প্রায় দশ ফুট উঁচু জলরাশি বয়ে চলবে। স্লুইস দরজাগুলির আকার ৪৬" X ৪৮৬" এবং স্পিলওয়েগুলির ৩০' X ১৫'। স্লুইস দরজা-গুলি দিয়ে সেকেন্ডে ১৩০০০ ঘন ফুট এবং স্পিলওয়েগুলি দিয়ে সেকেন্ডে ২২৬,২০০ ঘনফুট জল নিষ্কাশিত হতে পারে।

সমস্ত বাঁধটি একসঙ্গে গড়ে তোলা হচ্ছে না—খণ্ড খণ্ড করে কয়েকটা ব্লকে ভাগ করা হয়েছে। প্রত্যেক ব্লকের চারপাশে বাইরের খানিকটা অংশ শুধু কংক্রিটের গাঁথুনি—ভিতরে পাথরের চাংড়া সিমেন্টের সঙ্গে জমিয়ে বসানো হচ্ছে। দুটো ব্লক যেখানে জোড়া লাগবে সে জায়গায় উপর-নীচে চওড়ামত কয়েকটি খাঁজ রয়েছে যেন তারা পরস্পরকে আঁকড়ে ধরে থাকে।

জলবিদ্যুৎ উৎপন্ন করার জগু স্লুইস দরজাগুলির মাঝখানে দুটি পেনষ্টক পাইপ রয়েছে। এগুলির মধ্য দিয়ে জল বেগে এসে পড়ে টারবাইন ঘোরাবে—যা থেকে উৎপন্ন হবে জলবিদ্যুৎ। পাইপ দুটির ব্যাস ৬ ফুট এবং দুই মুখে তাদের লেভেলের পার্থক্য প্রায় ১৫ ফুট।

মিঃ চক্রবর্তী আমাদের ইম্পেকশন গ্যালারীর মধ্যে

নিয়ে গেলেন। এটি একটি ৫' X ৮' সুড়ঙ্গ বাঁধের ভিতর দিয়ে দৈর্ঘ্যের সমান্তরাল এ পাশ থেকে ওশি পর্যন্ত চলে গিয়েছে। সব বাঁধেই এই ধরনের একটা গ্যালারী থাকে।



মেসাজোর বাঁধ—পিছন দিক হইতে

ফটো—শ্রীতুষারকমল বসু

ইঞ্জিনীয়াররা নিয়মিত ভাবে এই গ্যালারীর মধ্য দিয়ে বাঁধের অবস্থা পর্যবেক্ষণ করেন। যদি দেখা যায়, কোন জায়গা দিয়ে জল চুঁইয়ে পড়ছে, তবে সেখান দিয়ে উচ্চ চাপে সিমেন্ট পাঠানো হয় ছিদ্র বন্ধ করার জগু। গ্যালারীর রাস্তার ধারে ধারে কতকগুলি পাইপ মাথা বের করে রয়েছে দেখা গেল। এই পাইপগুলি উচ্চ চাপে জলীয় বাষ্প এবং সিমেন্ট পাঠানোর কাজে ব্যবহৃত হয়ে থাকে। ভিত্তি খোঁড়া হয়, কঠিন শিলা পাওয়া যায়, কিন্তু তাতেও ত অনেক শূন্য-স্থল ফাটল থাকে। উচ্চ চাপে জলীয় বাষ্প পাঠিয়ে আগে সেই-গুলি ধুয়ে নেওয়া হয়, তার পর উচ্চ চাপের সাহায্যেই সিমেন্ট পাঠানো হয়—ফলে সমস্ত ভিত্তিমূলই নিরেট হয়ে উঠে। নদীগর্ভ থেকে ভিত্তি প্রায় পঞ্চাশ ফুট গভীর। ভিত্তিমূল থেকে বাঁধের উচ্চতার সর্বোচ্চ পরিমাণ ১৫৫ ফুট। কাজে-কাজেই বাঁধের প্রায় ১০০ ফুট উঁচু জল আটকে রাখবার ক্ষমতা থাকা প্রয়োজন। ভিত্তি যখন তৈরি হচ্ছিল তখন নদীতে একটা অস্থায়ী মাটি-পাথরের বাঁধ বেঁধে নদীর জল অল্প একটা খাল দিয়ে ঘুরিয়ে দেওয়া হয়েছিল।

মেসাজোর বাঁধ! আয়তনে ছোট, কিন্তু এর সর্বাঙ্গীণ সৌষ্ঠব-সম্পাদনের জগু কি বিপুল আয়োজন চলেছে। হাজার হাজার কুলি অনবরত কাজ করে চলেছে, মিস্ত্রী এবং ইঞ্জিনীয়ারদেরও কাজের বিরাম নেই। বাঁধের প্রাথমিক কাজ শুরু হয়েছিল ১৯৪৯ সনে, আর এর নির্মাণকার্য সম্পূর্ণ হবে ১৯৫৫ সনের জুলাইয়ে। দৈনিক আট ঘণ্টা করে কাজ। বড় পাথরের চাংড়া এবং সংমিশ্রিত সিমেন্ট-বালি আনীত হচ্ছে বড় বাঁধের তলায়। সেখান থেকে ক্রেনে বা বৈদ্যুতিক-

শক্তিসম্বিত বাকেটে সেগুলি উঠে যাচ্ছে বাঁধের মাথায়। দূরে দূরে ছড়িয়ে-বিক্ষিপ্ত পাথরের খাদগুলিতে ড্রিলিং-মেশিন দিয়ে গর্ত করে পাথরের গায়ে পোরা হচ্ছে বারুদ, তারপর তা ফাটানো হচ্ছে। সারাদিন ধরে ভাঙা-পাথরগুলো মজুরেরা মাথায় বয়ে উপরে তুলবে আর জমা করবে খাদের ধারে। পাহাড়-সমান জমে উঠছে পাথর। এখান থেকে ট্রাকে করে বা রেললাইন বিছিয়ে সেগুলি নিয়ে যাওয়া হচ্ছে বাঁধে। ওদিকে পাঞ্জন পাহাড়ের গায়ের উপর দিয়ে ছুমকার দিকে যাবার জন্ত রাস্তা তৈরি হচ্ছে। এখানেও চলছে পাথর-কাটা



কুম্ভতরশিলার মধ্যে সাদা-ফেসপারবাহী পদার্থের ইন্জেকশন

ফটো—শ্রীঅমল বন্দ্যোপাধ্যায়

আর রাস্তা নির্মাণ। রাস্তার লেভেল অনেক সময় পাহাড়ের লেভেল থেকে ষাট ফুট নীচে পর্য্যন্ত কাটতে হচ্ছে। এই সব জায়গা দিয়ে সুড়ঙ্গ করা চলত, কিন্তু ষাট-সত্তর ফুট নীচেও মাটির ফাঁকে জল ঢোকার দরুন পাথরের গা এমনভাবে ক্ষয়-প্রাপ্ত হয়েছে যে পাথরের নিরেটত্ব নষ্ট হয়ে গিয়েছে। প্রায় বিশ-ত্রিশ ফুট ব্যাসের বড় বড় পাথর তাদের চারপাশে পেরোজের খোলার মত মাটির স্তর জড়িয়ে পড়ে রয়েছে (under-ground exfoliation)। আগে সমস্তটাই একটানা কঠিন পাথরের আকারে ছিল। যে যে পথে জল গেছে, সেই সেই পথ ফুলে ফেঁপে কঠিনতা হারিয়ে মাটির মত নরম নুবনুরে হয়ে উঠেছে। কাজেই এগুলির মধ্যে দিয়ে সুড়ঙ্গ করা যায় না।

বাঁধ তৈরির প্রতি পদে খুব সূক্ষ্ম হিসাব করে চলতে হচ্ছে। মেসাজোর বাঁধ যে শ্রেণীতে পড়ে সেই শ্রেণীর বাঁধ-গুলির স্থায়িত্ব নির্ভর করে—তাদের ওজন অর্থাৎ সমস্ত বাঁধের উপর পৃথিবীর আকর্ষণ-শক্তির উপর। বাঁধের প্রতিটি বিন্দুতে কোন্ দিক থেকে কত অল্পভূমিক বা উল্লম্ব চাপ পড়বে—পাথরের, জলের, মাটির ও বায়ুর চাপ এবং তার প্রতিরোধের জন্ত বাঁধের কোন্ অংশে ভিত্তি কতটুকু গভীর এবং কতটা চওড়া হওয়া দরকার—সব সূক্ষ্মভাবে নির্ণয় করা হয়েছে।

প্রথম প্রথম এখানে ইঞ্জিনীয়ারদের জন্ত টিনের শেড দেওয়া অস্থায়ী বাসগৃহ তৈরি হয়েছিল। আজ তাদের জন্ত সুন্দর সুন্দর বাড়ী হয়েছে। পাহাড়ের গায়ে মেসাজোরের

এই কলোনীর নাম হিলটপ। প্রায় বিশটি পরিবার থাকবার মত বাড়ী হবে। সব বাড়ীরই দেওয়াল পাথরের গাঁথুনি। বাড়ীগুলি এক লেভেলে নয়; মনে হয়, উঁচু-নীচু লেভেলে যেন বসিয়ে দেওয়া হয়েছে।

এখানকার সব থেকে বড় এবং মনোরম অট্টালিকাটির নাম “ময়ূরাক্ষী-ভবন”—জাহাজ-প্যাটার্ণের দোতলা বাড়ী—অঙ্গনে হুড়ি-পাথর বিছানো। বাড়ীটি পাহাড়ের একেবারে লাগাও। এইটিই এখানকার ইন্স্পেকশন বাংলো।

জলাধার তৈরি হলে বিস্তীর্ণ স্থান জলে পূর্ণ হয়ে যাবে, এই জল হিলটপের পাদদেশ ছুঁয়ে যাবে। এই অঞ্চলে যত ছোট ছোট পাহাড় আছে তাদের মাথা জেগে থাকবে জলের বাইরে—আর সেই সব জায়গায় রচিত হবে মনোরম উদ্যান। এক উদ্যান থেকে আর এক উদ্যানে ঘুরে বেড়াবার জন্ত থাকবে শীমলঞ্চ।

হিলটপে তিন দিন কাটিয়ে একদিন সকালবেলায় আমরা বেরিয়ে পড়লাম সেখান হতে। আমাদের নিয়ে যাবার জন্ত ছুমকা থেকে রিজার্ভ-করা বাস এসেছিল—এখানে পৌঁছানোর পর দেখা গেল বাস খারাপ। ইঞ্জিনীয়ার মিঃ চক্রবর্তী বাসটিকে পাঠিয়ে দিলেন এখানকার ওয়ার্কশপে জোড়া-তালি দেবার জন্ত। ততক্ষণে আমাদের বাঁধ-কর্তৃপক্ষেরই এক জীপে চড়িয়ে দেওয়া হয়েছে, সঙ্গে এসেছেন মুখুঞ্জি মশাই। আমাদের নিয়ে তিনি চললেন আরও দুটি পাথরের খাদ দেখাতে। স্থির হ'ল, বাসটি মেরামত হবার পর আমাদের অনুসরণ করবে এবং রাস্তায় আমাদের তুলে নেবে। আমরা দুটি পাহাড় দেখলাম, মাঠ-পাহাড়ী এবং সাদিপুরের এক পাহাড়। মাঠ-পাহাড়ীতে কাজ করছে মাদ্রাজী শ্রমিকেরা—তাজোর, রামনাদ প্রভৃতি জেলা থেকে এসেছে প্রায় চল্লিশ জন শ্রমিক। এখানকার পাথরগুলি আয়তাকার ও সমতল করে কাটা হচ্ছে। বাঁধের “ফেসওয়ার্ক” সেগুলি ব্যবহৃত হবে। স্পিলওয়ে অংশে জল যেখানে নীচে পড়বে, বাঁধ সেখানে বাঁকানো হাতীর দাঁতের মত মাটির কাছে নেমে আবার খানিকটা উপরে উঠে গেছে। এই অংশের নাম “বাকেট” এবং বাকেটেরই উপরিভাগে এখানকার কাটা পাথরগুলো বসানো হচ্ছে।

সাদিপুরের পাহাড় দেখা শেষ হতেই জীপখানা হঠাৎ অচল হয়ে পড়ল। ওদিক থেকে আমাদের বাস এসে পড়েছে। বাসে চড়ে বসলাম। ইঞ্জিনীয়ার মিঃ মুখার্জী রাস্তার পাশে একটা গাছের ছায়ায় দাঁড়িয়ে পড়লেন—হাত নেড়ে তাঁর কাছ থেকে আমরা বিদায় নিলাম। আমাদের বাস সামনের দিকে এগিয়ে চলল। আমরা চলেছি সাঁওতাল পরগণার দিকে—রাজমহল স্রভা-প্রবাহের দেশে।

কালিদাস-সাহিত্যে পিতাপুত্র

শ্রীরঘুনাথ মল্লিক

মহাকবি কালিদাসের কাব্যনাটকগুলির স্থানে স্থানে পিতা-পুত্রের নানা বিবরণ পাওয়া যায়, এখানে তাহাদের কয়েকটি দেখান গেল।

অপুত্রক পিতার কাছে পুত্র যে কি দুর্লভ বস্তু, মহাকবি তাঁহার 'রঘুবংশ' মহাকাব্যে মহারাজ দিলীপের চরিত্রে তাহা দেখাইয়াছেন। উত্তরকোশলেশ্বর দিলীপের রাজ্য ছিল সমুদ্র পর্য্যন্ত বিস্তৃত, প্রজারা ছিল রাজভক্ত, ঐশ্বৰ্য্যের তাঁহার সীমা ছিল না, তবু সকল প্রকার সুখভোগের ব্যবস্থা থাকার সত্ত্বেও সন্তান না থাকায়, মনে তাঁহার সুখ ছিল না। তাই কিরূপ ব্যবস্থা করিলে পুত্রলাভ হইতে পারে তাহার নির্দেশ লইবার জন্ত একদিন পাটরাণী সুদক্ষিণাকে সঙ্গে লইয়া তিনি কুলগুরু বশিষ্ঠদেবের আশ্রমে গেলেন। নিঃসন্তান রাজার হৃদয়ের রুদ্ধ বেদনা মহাকবি কি মৰ্ম্মস্পর্শী ভাষায় ব্যক্ত করিয়াছেন।

তিনি বলিতেছেন, “রাজ্যে যে আমার অকালমৃত্যু নাই, অতিরিক্তি অনারিক্তি কখনও হয় না, প্রজারা নির্ভয়ে বাস করে, এ কেবল আপনার ব্রহ্মতেজের মাহাত্ম্য। কিন্তু আপনার এই পুত্রবধু আজ পর্য্যন্ত আমার মনের মত একটি পুত্র উপহার দিতে পারেন নাই বলিয়া রত্নপ্রসবিনী সত্বীপা বসুন্ধরাও আমায় সুখ দিতে পারে না।” দুঃখ যে কেবল তাঁহার একার জন্ত তা ত নয়, তাঁহার পিতৃপুরুষের কথা ভাবিয়াও তাঁহার দুঃখ, তিনি বলিতেছেন, “যখন আমি পিতৃপুরুষের উদ্দেশ্যে জল উৎসর্গ করি, আমার মনে হয় যেন, আমার পর আর তাঁহাদিগকে জল দিবার কেহ থাকিবে না ভাবিয়া দীর্ঘনিঃশ্বাস ফেলিয়া তাঁহারা আমার হাত হইতে জল নেন, তাঁহাদের সে দীর্ঘনিঃশ্বাসে জলও উষ্ণ হইয়া যায়।”

তারপর তিনি বলিতেছেন, “তপস্যা দান প্রভৃতি সংকর্মের ফলে পরলোকে সুখ পাওয়া যায়, কিন্তু সংপুত্র লাভ করিতে পারিলে, ইহলোকেও সুখ, পরলোকেও সুখ।” তাই তিনি আবেগপূর্ণ কণ্ঠে বলিতেছেন, “আশ্রমের যে বৃক্ষটিকে সন্মুখে স্বহস্তে জল দিয়া বড় করিয়াছেন, তাতে যদি ফল ফুল কিছুই না ধরে, তাহা হইলে হে বিধাতা, মনে যেরূপ কষ্ট হয়, আজন্মকাল আমাদের মঙ্গল কামনা করিয়া আসিয়া, আজ আমাদেরকে নিঃসন্তান দেখিয়া সেই রকম দুঃখ কি হয় না আপনার ?” তিনি জানিতেন পুত্র না হইলে পিতৃপুরুষদের ঋণ হইতে মুক্ত হওয়া যায় না, তাই তিনি

বলিতেছেন, “হে ভগবন, যে গজ স্নান করিতে উৎসুক, তাহার পক্ষে তাহার বন্ধনস্তম্ভ যেমন পীড়াদায়ক, তেমনি এই পিতৃঋণ হইতে মুক্ত না হইতে পারাও আমার পক্ষে তেমনিই অসহ হইয়া পড়িয়াছে।” এর প্রতিকারের জন্ত, অর্থাৎ কি করিলে তাঁহাদের সন্তান হয়, তাহার নির্দেশ লইবার জন্ত বলিতেছেন, “বলুন পিতা, কি করিলে আমাদের পুত্র হয়, ইক্ষাকুকুলের কেহ কোন অভীষ্ট নিজের সামর্থ্যে লাভ করিতে না পারিলে, সে সিদ্ধিলাভ করাইয়া দিবার ভার ত আপনাবই।”

বশিষ্ঠদেব সমস্ত শুনিলেন, তারপর যখন বলিলেন, রাজাকে গো-সেবা করিতে হইবে, কামধেনু সুরভির কন্যা নন্দিনীকে মাঠে মাঠে চরাইয়া বেড়াইতে হইবে, দিলীপ সাগ্রহে সন্মত হইলেন। গুরুদেবের নির্দেশে একুশ দিন কি কঠোর নিয়মে তাঁহাকে অতিবাহিত করিতে হইয়াছিল। তাঁহার মত পরাক্রান্ত সত্রাটকেও রাজপ্রাসাদের ভোগ ও আরাম ত্যাগ করিয়া পর্ণশালায় কুশের শয্যায় শয়ন করিতে হইত, বনের ফলমূল খাইতে হইত, আর সারাদিন গরুর সঙ্গে সঙ্গে থাকিয়া রাখালের মত গরু চরাইয়া বেড়াইতে হইত। ভাল কচি ঘাস দেখিলে সেগুলি তিনি নিজের হাতে তুলিয়া নন্দিনীকে খাওয়াইতেন, গায়ে মশা কি মাছি বসিলে তাড়াইয়া দিতেন, গায়ে হাত বুলাইয়া দিতেন, চলিলে চলিতেন, বসিলে বসিতেন, জল পান করিলে তবে তিনি জল পান করিয়া লইতেন, ছায়াটির মত তিনি তাহার অনুসরণ করিয়া চলিতেন। কেবল একটি পুত্রলাভের আশায় তাঁহাকে সত্বীক এই ক্লষ্ণ সাধন করিতে হইয়াছিল।

তারপর যখন জানা গেল মহিষী অন্তঃসত্ত্বা এবং তাঁহার প্রসবের সময় যতই নিকটবর্তী হইতে লাগিল, বৃষ্টি-পতনোন্মুখ মেঘযুক্ত আকাশের দিকে মানুষ যে ভাবে চাহিয়া থাকে, দিলীপ প্রিয়ার দিকে সেই ভাবে চাহিয়া থাকিতেন, যেদিন তাঁহার পুত্রের জন্ম হইল, প্রথম যখন তিনি পুত্রমুখ নিরীক্ষণ করিতে পাইলেন, মহাকবি সে ক্ষণটির বর্ণনায় বলিতেছেন, “বায়ুহীন স্থানের পদ্মের মত স্থিরনয়নে চাহিয়া থাকিয়া তিনি পুত্রের মুখসুধা পান করিতে লাগিলেন; সন্মুখে চন্দ্রকে উদিত হইতে দেখিলে মহাসমুদ্রের জলরাশি যেমন উচ্ছ্বসিত হইয়া উঠে, তেমনি হৃদয় তাঁহার আনন্দের আতিশয্য যেন ধারণ করিয়া রাখিতে পারিতেছিল না।” তারপর যখন তিনি পুত্রকে ক্রোড়ে

সুখিয়া-লইয়া বক্ষে চাপিয়া ধরিতে পাইলেন, পুত্রের স্পর্শ তাঁহার দেহে যেন অমৃত সিঞ্জন করিতে লাগিল, তিনি নয়ন মুদ্রিত করিয়া বহুক্ষণ ধরিয়া সে সুখের আনন্দন করিতে লাগিলেন (রঘু—৩২৬)। পুত্র রঘুর বিদ্যাশিক্ষার জ্ঞান যদিও দিলীপ তাঁহাকে গুরুগৃহে পাঠাইয়াছিলেন, অস্ত্রশিক্ষার ভার তিনি নিজের উপর রাখিলেন। পিতার শিক্ষায় পুত্র যখন একজন রণকুশলী যোদ্ধা হইয়া উঠিলেন, 'বায়ুর সহায়তায় অগ্নি যেমন দুঃসহ হইয়া উঠে, দিলীপ তেমনি রঘুর সহায়তায় দুর্দর্ষ হইয়া উঠিলেন।' পুত্রের সাহায্যে তিনি পরপর নিরানন্সইটি অশ্বমেধ যজ্ঞও সমাপন করিয়া ফেলিলেন। শততমের বেলায় শতক্রতু দেবরাজ ইন্দ্র অপকৌশলে যজ্ঞাশ্ব হরণ করার রক্ষী রঘুর সহিত তাঁহার যুদ্ধ বাধিল, যুদ্ধে ইন্দ্রের বজ্রপ্রহারেও রঘুর কিছুই হইল না। বক্ষে সেই বজ্রাঘাতের ক্ষত বহিয়া রঘু যখন অযোধ্যায় ফিরিয়া আসিলেন, স্নেহশীল বৃদ্ধ পিতা 'হর্ষজড়েন পাণিনা' অর্থাৎ আনন্দে অবশ হস্তদ্বারা পুত্রের অঙ্গ স্পর্শ করিয়া তাঁহাকে অভিনন্দিত করিলেন। তারপর তিনি উপযুক্ত পুত্রকে রাজহত্ব প্রভৃতি সমস্ত রাজচিহ্নের সহিত রাজ্য সমর্পণ করিয়া শেষ জীবনটা 'তপোবনের তরুচ্ছায়ায়' কাটাইয়া দিলেন।

রঘুর জীবনীতেও পুত্রস্নেহের অভিব্যক্তি বড় অল্প দেখা যায় না। রঘুর একমাত্র পুত্র অজ হইয়াছিলেন তাঁহার পিতারই অনুরূপ। রঘুরই মত উন্নত দেহ, তাঁহার মত বীর্য, তাঁহার মত সাহস—“পিতাপুত্রকে দেখিলে দুইজনের মধ্যে কোনও প্রভেদ লক্ষিত হইত না, যেমন একটা প্রদীপ হইতে আর একটা দীপ জ্বলাইয়া লইয়া পাশাপাশি রাখিয়া দিলে তাহাদের মধ্যে কোনও প্রভেদ লক্ষিত হয় না।”

অজের যখন বিদর্ভ নগর হইতে রাজভগিনী অনিন্দ্যসুন্দরী ইন্দুমতীর 'স্বয়ংবর' সভায় যোগদান করার জ্ঞান নিমজ্ঞন আসিল, রঘু পুত্রকে সৈন্তসামন্ত সঙ্গে দিয়া বিদর্ভ নগরে পাঠাইয়া দিলেন, সেখানে ইন্দুমতীকে বিবাহ করিয়া অজ যখন অযোধ্যায় ফিরিয়া আসিতেছিলেন, যে সমস্ত রাজা ও রাজপুত্র ইন্দুমতীকে লাভ করিতে আসিয়া হতাশ হইয়া ফিরিয়া যাইতেছিলেন, তাঁহারা সকলে প্রতিহিংসার বশবর্তী হইয়া অজের পথ অবরোধ করিয়া দাঁড়াইলেন। সমুদয়কে বিপক্ষ রাজাদেরকে সম্পূর্ণরূপে পরাজিত করিয়া অজ রাজধানীতে ফিরিয়া আসিলেন। পিতা রঘু তাঁহার বিজয়-গৌরবের সংবাদ পূর্বেই পাইয়াছিলেন, তিনি তাঁহার 'শ্লাঘ্যপত্নীসমেত বিজয়ী' পুত্রকে অভিনন্দিত করিলেন। তাঁহার ইচ্ছা হইল, এবার পুত্রের হস্তে তাহার পত্নী পালনের ভার দিয়া তিনি শাস্ত-মার্গের যাত্রী হইবেন, কারণ

পুত্র উপযুক্ত হইলে সূর্য্যবংশীয় রাজারা গৃহস্বাশ্রমে থাকিতে চাহিতেন না। সুতরাং কালবিলম্ব না করিয়া রাজা 'পুত্রের মনোহর বিবাহসুত্রধারী হস্তেতেই বসুধাকে তাঁহার পত্নী দ্বিতীয় ইন্দুমতীর মত সমর্পণ করিয়া দিলেন' (রঘু—৮১১)। তারপর মহাকবি বলিতেছেন, “যদিও রাজ্যলোভে কোন কোন রাজপুত্র 'দুর্কার্য্য' করিয়া অর্থাৎ 'বিষপ্রয়োগাদি নিষিদ্ধ উপায়ে' (মল্লিনাথ) সিংহাসন হস্তগত করে, অজের কিন্তু রাজ্যভোগের উপর লোভ ছিল না, তিনি কেবল পিতার আদেশ পালনের জ্ঞান রাজ্যভার গ্রহণ করিলেন” এবং অতিশয় কৃতিত্বের সহিত রাজ্যশাসন করিতে লাগিলেন।

পুত্রের প্রজাপালনে কৃতিত্ব লক্ষ্য করিয়া রঘু তাঁহাদের কুলপ্রথামত শেষজীবন 'বৃক্ষের বহুল পরিহিত সংযমী পুরুষ-দের মত অতিবাহিত করিয়া দিবেন, স্থির করিয়া ফেলিলেন'। অজ যখন শুনিলেন পিতা রাজপ্রাসাদ ছাড়িয়া বনে গিয়া শেষজীবন যাপন করার জ্ঞান উৎসুক হইয়া পড়িয়াছেন, যাত্রার আয়োজনও সম্পূর্ণ, তিনি আর থাকিতে না পারিয়া পিতার নিকট আসিয়া 'মুকুটশোভিত মস্তক' দ্বারা তাঁহার চরণে প্রণাম করিয়া 'আমাদের ছাড়িয়া যাইবেন না' এই প্রার্থনা করিতে লাগিলেন। 'পুত্রবৎসল রঘু' পুত্রের চোখে জল দেখিয়া বিচলিত হইয়া পড়িলেন, বনে যাওয়ার সঙ্কল্প তাঁহাকে ত্যাগ করিতে হইল, তিনি পুত্রের প্রার্থনা পূরণ করিলেন। বনে যাওয়া তাঁহার হইল না বটে, কিন্তু সর্প যেমন একবার তাহার খোলস পরিত্যাগ করিলে দ্বিতীয় বার আর তাহা গ্রহণ করে না, তিনিও তেমনি পরিত্যক্ত রাজ্যসম্পদ আর গ্রহণ করিলেন না।

মহাকবি এখানে পুত্রস্নেহের চূড়ান্ত অভিব্যক্তি দেখাইয়াছেন। বৃদ্ধ রাজা তাঁহার পূর্বপুরুষদের কুলপ্রথা অনুযায়ী উপযুক্ত পুত্রের হস্তে রাজ্যভার অর্পণ করিয়া সংসারের উপর বীতস্পৃহ হইয়া শেষজীবন বনে গিয়া ভগবচ্ছিত্তায় অতিবাহিত করিবেন স্থির করিয়া অরণ্য যাত্রার আয়োজন করিয়াছেন, ইতিমধ্যে পুত্র আসিয়া যখন অশ্রুপূর্ণ নয়নে তাঁহার চরণ দুইটি জড়াইয়া ধরিয়া প্রার্থনা করিলেন, পিতা যেন তাঁহাকে ছাড়িয়া বনে না যান, রঘুর মত দৃঢ়চিত্ত দিগ্বিজয়ী বীর—যিনি তরুণ বয়সে দেবরাজ ইন্দ্রকেও যুদ্ধে আহ্বান করিতে পশ্চাৎপদ হন নাই, মহাবীর নেপোলিয়নের আগ্রস পর্বত উল্লঙ্ঘনের ঞায় মহেন্দ্র পর্বত টপকাইয়া কলিঙ্গদেশে গিয়াছিলেন, হিমালয় পর্বতের উপর অশ্বসৈন্ত লইয়া কূচ করিয়া চলিয়াছিলেন, সেই দুর্জয়সঙ্কল্প বীরেরও সঙ্কল্প পুত্রস্নেহের আতিশয্যে টলিয়া গেল; বনে যাওয়া তাঁহার আর হইল না, তিনি রাজধানীর বাহিরে

আশ্রম স্থাপন করিয়া সন্ন্যাসীদের মত বাস করিতে লাগিলেন, আর 'পুত্রভোগ্যা রাজ্যলক্ষ্মী পুত্রবধূর মত তাঁহার সেবা করিতে লাগিলেন' অর্থাৎ তাঁহার জন্ম নিয়মিতভাবে ফলজল পুষ্পাদি পাঠাইয়া দিতেন (মল্লিনাথ) ।

এই সময়টা পিতা কি ভাবে ও পুত্র কি ভাবে জীবন যাপন করিতেন, মহাকবি তাহার সুন্দর বিবরণ দিয়াছেন, এখানে তাহার অনুবাদ দেওয়া গেল ।

"মোক্কামী পূর্বরাজা রঘু ও উন্নতিশীল নূতন রাজা অজকে দেখাইতে লাগিল যেন, আকাশের এক পাশটিতে চলি অস্তাচলে গমন করিতেছেন, আর অপর পাশে সূর্য্য নূতন উগমে উদ্ভিত হইতেছেন । যতি-বেশধারী রঘুকে ও রাজবেশধারী রাঘবকে (রঘুপুত্র অজকে) দেখিয়া লোকের মনে হইত, স্বয়ং ধর্ম্ম বৃক্ষ দুই মূর্তিতে পৃথিবীতে আবির্ভূত হইয়াছেন, একজন তাঁহার 'নিবৃত্তি' অপর তাহার 'প্রবৃতি' মূর্তি । রাজ্য বিশালতর করার আকাঙ্ক্ষায় অজের কাজ হইল নীতিবিশারদমণীদের সহিত পরামর্শ করা, আর মোক্কলাভে উৎসুক রঘুর কাজ হইল তৎক্ষণাৎ যোগীদের উপদেশ লওয়া । প্রজাদের অভিযোগ শুনিয়া বিচার করার নিমিত্ত যুবক অজ বসিতেন ধর্ম্মাসনে, আর চিত্তের একাগ্রতা লাভের প্রচেষ্টায় বৃদ্ধ রঘু নির্জনে কুশাসনে বসিয়া দিন কাটাইতেন । একের চেষ্টা হইল কি করিয়া অপর সকল রাজাদের বশে আনা যায় তাহার ব্যবস্থা করা, আর অপরের চেষ্টা হইল, কি করিয়া সমস্ত ইন্দ্রিয় ও প্রাণবায়ুগুলিকে আয়ত্তে আনা যায়, তার সাধনা করা । নিজের পরাক্রম দ্বারা নবীন রাজা শত্রুরাজদের সমস্ত কর্ম্ম-প্রচেষ্টা ব্যর্থ করিয়া দিতে লাগিলেন, আর জ্ঞানায়ি দ্বারা অপর জন নিজের কর্ম্মফল ভক্ষণ করিয়া ফেলিতে লাগিলেন । ফলাফল সম্যকরূপে বিচার করিয়া অজ প্রয়োগ করিতেন সন্ধি বিগ্রহ প্রভৃতি ছয়টি নীতি, আর সহ, রজঃ, তমঃ এই তিন গুণ সাম্যাবস্থায় আনার চেষ্টায় রঘু হইলেন 'লৌষ্ট্র ও কাঙ্কনে সমদর্শী' । স্থিরকন্ঠা তরুণ অজ যে কাজে হাত দিতেন, তাহা সফল না হওয়া পর্য্যন্ত ছাড়িতেন না, আর স্থিরচিত্ত বৃদ্ধ রঘু পরমায়াসে দর্শন না করিয়া যোগাসন ছাড়িয়া উঠিতেন না । এইরূপে মোক্কামী ও উন্নতি-কামী দুই জনে, একে ইন্দ্রিয়ের ও অপর শত্রুর বুদ্ধি সম্বন্ধে নিরন্তর জাগরুক থাকায়, উভয়েরই সিদ্ধিলাভ হইল, একের লাভ হইল উন্নতি, আর অপর লাভ হইল মোক্ষ ।"

এইভাবে সিদ্ধিলাভ করিয়া রঘু হয়ত শীঘ্রই 'সাজুয্য' লাভ করিতে পারিতেন, কিন্তু মহাকবি বলেন, কেবল অজের ইচ্ছায় ও তাঁহার অনুরোধে তিনি আরও কয়েক বৎসর এইভাবে কাটাইলেন, তারপর একদিন যোগ ও সমাধির বলে তিনি নশ্বর দেহ ত্যাগ করিয়া সেই মায়ার অতীত পরমপুরুষকে প্রাপ্ত হইলেন । অজের নিকট যখন পিতার দেহরক্ষার সংবাদ আসিল, তিনি বহুক্ষণ নীরবে অশ্রুবিসর্জন করিয়া পিতার অন্ত্যেষ্টিক্রিয়া করিতে গেলেন । শেষজীবনে রঘু সন্ন্যাস অবলম্বন করিয়াছিলেন বলিয়া তাঁহার মৃতদেহে অগ্নিসংস্কার করা হইল না, সন্ন্যাসীদের সাহায্যে তাঁহার অন্ত্যেষ্টিক্রিয়া সম্পন্ন করা হইল, অর্থাৎ সন্ন্যাসীদের মত তাঁহার মৃতদেহ ভূগর্ভে সমাহিত করা হইল (মল্লিনাথ) । সন্ন্যাসীদের পুত্রের দেয় পিণ্ডের আবশ্যক হয় না, শ্রাদ্ধকার্য্যও শাস্ত্রবিধি নয়, তবু 'পিতার প্রতি ভক্তিবশত' অজ রীতিমত ঘট করিয়া পিতার শ্রাদ্ধকার্য্য সমাপন করাইলেন ।

অজের জীবনীতে যেমন অসাধারণ পিতৃভক্তি ও অসাধারণ পত্নীপ্রেম দেখিতে পাওয়া যায়, তেমনি পুত্রের প্রতি স্নেহও যে তাঁহার সাধারণ ছিল না, তাহাও মহাকবি স্পষ্টভাবে দেখাইয়াছেন । পুত্র দশরথ যখন অল্পবয়স্ক বালকমাত্র, সেই সময় সহসা প্রিয়তমা পত্নী ইন্দুমতীকে হারাইয়া অজ যখন শোকে আকুল হইয়া জীবনের উপর সকল মমতা হারাইলেন, কোনও প্রকার সুখভোগের প্রতি আর তাঁহার আকর্ষণ রহিল না, মৃত্যু হইলেই যেন বাঁচিয়া যান, এইরূপ যখন তাঁহার মনোভাব হইল, তিনি বাঁচিয়া রহিলেন কেবল তাঁহার মাতৃহীন নাবালক পুত্রের মঙ্গলকামনায় । মহাকবি বলেন, "পুত্র নেহাৎ বালক বলিয়া তিনি আটটা বৎসর পুত্রের মুখে প্রিয়ার মুখের সাদৃশ্য দেখিয়া, তাঁহার চিত্তের দিকে তাকাইয়া থাকিয়া, ও স্বপ্নে তাঁহার মিলন লাভ করিয়া, কোনও রূপে কাটাইয়া দিলেন ।" তারপর পুত্র 'বর্ষধারণের উপযোগী' হওয়া মাত্র তাঁহার হস্তে প্রজাবন্ধার ভার অর্পণ করিয়া অজ গঙ্গায়মুনার সঙ্গমতীরে গিয়া 'অনশনব্রত' অবলম্বনে দেহত্যাগ করিয়া সকল জ্বালায় স্নান করিলেন ।

রাজা দশরথের পুত্রপীতি এত সুপরিচিত যে তাহা আর নূতন করিয়া বলার আবশ্যক হয় না । বিশ্বামিত্র মুনি যখন তাঁহার নিকট আসিয়া রামলক্ষ্মণকে রাক্ষসবধ করিয়া তপোবনের বাধাবিল্ল দূর করার জন্ম লইয়া যাইবার প্রার্থনা জানাইলেন, দশরথ স্বীকৃত হইলেন বটে, কিন্তু বিদায়-মুহূর্ত্তে মহাকবি বলেন, "পুত্রেরা দুই জনে যখন ধনুর্ধারণ করিয়া পিতার চরণে প্রণাম করিলেন, ভূপতি তাঁহাদের মস্তকের উপর অশ্রুবিসর্জন করিতে লাগিলেন, 'পিতার নয়নজলে পুত্রদের কেশ সিক্ত হইয়া গেল ।' স্নেহময় পিতার পুত্রস্নেহ যেন অশ্রুরূপ ধারণ করিয়া বিগলিত হইতেছিল । তিনি 'ঋষির অভিল্যষ অনুসারে পুত্রদের সঙ্গে কোনও রক্ষী দিতে পারিলেন না বটে, কিন্তু তাঁহাদিগকে আন্তরিক আশীর্বাদ করিলেন, যাহা তাহাদের অমোঘ রক্ষাকবচ হইয়া রহিল', (রঘু-১১১৬) । তারপর পুত্রের রাজ্যাভিষেকের দিনে পত্নীর চক্রান্তে পূর্বে দেওয়া প্রতিশ্রুতি পূরণ করিবার নিমিত্ত যখন রামকে ও তাঁহার সঙ্গে লক্ষ্মণ ও সীতাকে চতুর্দশ বৎসরের জন্ম তিনি বনে পাঠাইতে বাধ্য হইলেন, তাঁহার মন দুঃখ ও অনুশোচনায় এমন ভরিয়া গেল যে, তিনি তাহার প্রতিক্রিয়া হইতে নিস্তার পাইলেন না, প্রিয় পুত্রের শোকে বৃদ্ধ পিতা মৃত্যুকে বরণ করিয়া লইয়া পুত্রস্নেহের অপূর্ণ দৃষ্টান্ত রাখিয়া গেলেন ।

'বিক্রমোর্কশী' ও 'অভিজ্ঞান-শকুন্তলা'য় পিতাপুত্রের বিবরণ যাহা পাওয়া যায়, তাহা কতকটা এক রকমের বলিয়াই মনে হয় । উভয় নাটকেই প্রকৃত পরিচয় পাইবার

পূর্বে পিতা জানিতেন না বালকটি তাঁহারই পুত্র, পুত্রও জানিত না কে, অপরিচিত ব্যক্তি তাহার পিতা।

মহামুনি দুর্কাসার অভিসম্পাতে রাজা দুয়ন্তের মন হইতে যখন শকুন্তলা ও তাঁহাকে বিবাহ করার সকল স্মৃতি নিঃশেষে মুছিয়া গেল, এবং কণ্ঠমুনির দ্বারা প্রেরিত গর্ভবতী শকুন্তলাকে চিনিতেন না পারিয়া তিনি অপমান করিয়া প্রত্যাখ্যান করিলেন, তখন তাঁহার মাতা অপ্সরা মেনকা আসিয়া কণ্ঠাকে সঙ্গে করিয়া মারীচ মুনির আশ্রমে রাখিয়া আসিলেন। সেখানে সর্কদমন নামে শকুন্তলার একটি পুত্র জন্মিল। পুত্রের বয়স যখন চার কি পাঁচ বৎসর, সেই সময় একদিন রাজা দুয়ন্ত হিমালয় পর্বতের উপর দিয়া আসিতে আসিতে সম্পূর্ণ অপ্রত্যাশিতভাবে মহামুনি মারীচের আশ্রমে আসিয়া পড়িলেন, দেখেন সম্মুখে একটি সুদর্শন বালক এক সিংহ-শাবকের কেশর ধরিয়া তাহার মাতৃস্তন হইতে জোর করিয়া মুখ ছাড়াইয়া লইয়া বলিতেছে, 'হাঁ কর রে সিংহশিশু, হাঁ কর, দাঁতগুলি তোর গণে দেখি।'

দুয়ন্ত তখন জানিতেন না, এই বালকটি তাঁহারই বিবাহিতা পত্নী—অকারণে প্রত্যাখ্যাতা—শকুন্তলার গর্ভে জন্মিয়াছে, তবু বালককে দেখিয়া তাঁহার মনে অপত্যস্নেহের ভাব আসিল, তিনি মনে মনে বলিলেন, 'এই বালককে দেখিয়া কেন আমার মনে নিজের ঔরসজাত সন্তানের প্রতি যে রকম স্নেহ জন্মে, তেমনই স্নেহের সঞ্চার হইতেছে।'

মহাকবি এখানে এক আশ্চর্যজনক মনস্তত্ত্বের অবতারণা করিয়াছেন। পিতা জানেন না, তাঁহার সম্মুখের ঐ ক্রীড়মান বালকটি তাঁহার সন্তান, তবু তাহাকে দেখিয়া মন তাঁহার পুত্রস্নেহে ভরিয়া গেল! প্রকৃতির কি ইহাই নিয়ম, না ইহা মহাকবির নিছক কল্পনা, না মহর্ষি মারীচের আশ্রমের মাহাত্ম্য?

তাহার দিকে চাহিয়া থাকিয়া দুয়ন্ত ভাবিতেছেন, 'হয়ত আমি নিঃসন্তান, তাই মনে এই স্নেহের সঞ্চার হইতেছে'; তারপর তাঁহার মনে হইতেছে, 'আহাঃ ঐ বালক, অকারণে যখন হাস্য করিতেছে, দাঁতগুলি কেমন দেখাইতেছে, আর অক্ষুট বাক্যগুলি কি মিষ্ট শুনাইতেছে। ধনু সেই পিতা, ক্রোড় যাহার এই পুত্রটিকে তুলিয়া লইলে ধুলায় মলিন হইয়া যায়।'

তারপর তিনি যখন বালকটিকে একবার ক্রোড়ে উঠাইয়া লইলেন, তখন তাঁহার মনে হইল, 'পরের ছেলে, তাহাকে স্পর্শ করিতে পাইয়া আমার মনে যখন এমন স্নেহের সঞ্চার হইতেছে, তখন না জানি যে পুণ্যবান্ নর ইহার পিতা, সে যখন এর দেহ স্পর্শ করে কি অনির্করচনীয় সুখ না লাভ হয় তার?'

বালক সর্কদমনও জানিত না, এই অপরিচিত ব্যক্তি

তাহার পিতা, তবু যখন দুয়ন্ত তাহাকে ক্রোড়ে তুলিয়া লইলেন, তাহার মত অত দুয়ন্ত বালক, যাহাকে কেহই শাস্ত করিতে পারিত না, সেও কেবল দুয়ন্তের কথাতেই শাস্ত হইয়া গেল। কেন যে শাস্ত হইল, তাহার কারণ মহাকবি যেন বলিতে চাহেন, পিতার স্পর্শের প্রভাব, যে প্রভাব পুত্রের সম্পূর্ণ অজ্ঞাতসারে তাহার মনের উপর কোন এক রহস্যজনক ভাবে কার্যকরী হইয়াছিল।

'বিক্রমোর্কশী'র নায়ক প্রতিষ্ঠানপুরের রাজা পুরুরবা জানিতেন না যে তাঁহার প্রিয়া অপ্সরা উর্কশী তাঁহার পুত্রের জননী। একদিন যখন অপ্রত্যাশিতভাবে একটি তীর তাঁহার হাতে আসিল, তখন তিনি সেই শরের উপর খোদিত নাম পড়িয়া আশ্চর্য হইয়া গেলেন, কারণ তাহাতে লেখা ছিল, 'উর্কশীর গর্ভজাত ঐলের পুত্র ধনুর্কারী শক্রহস্তা কুমার আয়ু বাণ।' পুরুরবার বংশনাম 'ঐল', সুতরাং উর্কশীর গর্ভজাত ঐলের পুত্র বলিলে তাঁহারই সন্তান বুঝিতে হয়, অপুত্রক পিতার বিস্থিত হইবার কথা। কিন্তু তাঁহার প্রিয় বয়স্ক বিদুষক যখন বলিলেন, 'উর্কশীতে মানুষীধর্ম প্রত্যাশা করা চলে না, এবং দেবরহস্য অচিন্তনীয়', তখন তাঁহার মনে পড়িল, কয়েক বৎসর পূর্বে যেন একবার কয়েক দিনের জন্ম তিনি উর্কশীর মুখখানি পাণ্ডুবর্ণ ও শীর্ণ হইতে দেখিয়াছিলেন, যেন 'গর্ভ-লক্ষণ'। কিন্তু কেন সে পুত্রজন্ম গোপন রাখিল মনে মনে তাহার কারণ জানিবার চেষ্টা করিতেছেন, এমন সময় চ্যবন মুনির আশ্রম হইতে মহর্ষির ভগিনী তাপসী ভার্গবী এক শিষ্য ও একটি বালককে সঙ্গে লইয়া রাজসভায় আসিলেন; বালকটিকে দেখিয়া বিদুষকের মনে হইল, এই বালকটি নিশ্চয়ই সেই কুমার আয়ু যাহার নিষ্কিণ্ড বাণ মহারাজের হাতে আসিয়াছে, এবং যাহার মুখে তিনি মহারাজের সাদৃশ্য যেন স্পষ্ট ভাবে দেখিতে পাইতেছেন।

বালককে দেখিয়া পুরুরবা তাঁহার বন্ধু বিদুষককে বলিতেছেন, 'ওই বালকের দিকে চাহিতে চক্ষু আমার জলে ভরিয়া গিয়াছে, হৃদয়ে একটা বাৎসল্য ভাব আসিতেছে, মনটা উৎসুক হইয়া উঠিতেছে, ঐর্ষ্যের বাধ ভাঙিয়া যাইতেছে, কেবলই মনে হইতেছে, আমার এই আনন্দ-কম্পিত বক্ষে একবার উহাকে নির্দয় ভাবে চাপিয়া ধরি (বিক্রম-৫ম অঙ্ক)।

এই সময় চ্যবন মুনির ভগিনী তাপসী ভার্গবী মহারাজকে জানাইলেন, এই বালক তাঁহার পুত্র। উর্কশী তাঁহার সগুপ্রসূত পুত্রকে তাঁহাদের আশ্রমে রাখিয়া লালনপালন করিয়া দিবার জন্ম অনুরোধ করিয়াছিলেন। এতদিন তাঁহারা বালকটিকে তপোবনে রাখিয়াছিলেন, আজ একটি পক্ষীকে বাণ দিয়া বিদ্ধ করায় তাহার আশ্রমবিকল্প কার্যের

জ্ঞ, তাহাকে আর আশ্রমে রাখা চলিবে না, তাই উর্কশীর হস্তে প্রত্যর্পণ করিতে আসিয়াছেন, এবং কুমার আয়ুকে বলিলেন, 'পিতাকে প্রণাম কর'। পিতার দিকে চাহিয়া আয়ুরও চোখে জল আসিল, তিনি করজোড়ে পিতাকে প্রণাম জানাইলেন। তারপর পুরুরবা যখন পুত্রকে স্পর্শ করিয়া আশীর্বাদ করিলেন, পিতার সেই প্রথম স্পর্শ পাইয়া স্পর্শসুখ অনুভব করিতে করিতে কুমার আয়ু মনে মনে বলিতেছেন, "ইনি আমার পিতা, আমি উঁহার পুত্র, কেবল এই কথা শুনিয়াই যদি মনে অমন আনন্দের সঞ্চার হয়, তবে যে সকল বালক জন্মাবধি তাহাদের পিতামাতার ক্রোড়ে বদ্ধিত হইয়াছে, পিতামাতার প্রতি তাহাদের কত ভালবাসা জন্মে তাহা ভাবা যায় না।"

আশীর্বাদের পর পিতা বলিতেছেন, "এস বৎস, চন্দ্রকাস্তমণিকে চন্দ্রকিরণ যে ভাবে শীতল করে তুমিও তোমার স্পর্শ দিয়ে আমায় সেইভাবে আনন্দিত কর।"

'মালবিকাগ্নিমিত্রে'—পিতা পুষ্পমিত্র যিনি নিজেকে

সেনাপতি বলিতে ভালবাসিতেন। এবং পৌত্র বহুমিত্রকে সঙ্গে লইয়া 'রাজযজ্ঞ' অর্থাৎ অশ্বমেধ যজ্ঞে ব্রতী হইয়া রাজধানী হইতে বাহির হইয়া গিয়াছিলেন, তিনি অশ্বের ভ্রমণান্তে যজ্ঞশালা হইতে বিদিশায় পুত্র অগ্নিমিত্রকে চিঠি লিখিতেছেন। পুত্রের নিকট প্রেরিত পিতার সেই চিঠিখানি এখানে দেখান গেল :

"বলি, যজ্ঞশালা হইতে সেনাপতি পুষ্পমিত্র বিদিশায় অবস্থিত পুত্র আয়ু-আনু অগ্নিমিত্রকে স্নেহবশতঃ আলিঙ্গন দিয়া জানাইতেছে। জ্ঞাত হইক, আমি 'রাজযজ্ঞে ব্রতী হইয়া একশত রাজপুত্র সঙ্গে দিয়া বহুমিত্রকে অশ্বরক্ষা করার আদেশ দিয়া অশ্বকে এক বৎসরের জন্ত তাহার ইচ্ছামত বিচরণ করার জন্ত ছাড়িয়া দিয়াছিলাম। অশ্ব যখন সিন্ধুর দক্ষিণতীরে বিচরণ করিতেছিল, সেই সময় এক যবন অশ্বারোহী সৈন্যদলের সহিত আসিয়া তাহাকে ধরিয়া রাখে। অতঃপর উভয় সৈন্যদলের মধ্যে ভীষণ যুদ্ধ বাধিল, বহুমিত্র ধনু লইয়া যুদ্ধ করিয়া শত্রুসৈন্য পরাজিত করিয়া বিক্রমের দ্বারা আমার অপমানিত অশ্ব-রাজকে উদ্ধার করিয়া আনে। আমি এখন অংশুমানের সাহায্যে সগরের মত পৌত্রের সাহায্যে অশ্ব ফিরিয়া পাইয়া যজ্ঞ সমাপন করিব। অতএব আপনি কালবিলম্ব না করিয়া প্রসন্নমনে বধুগণের সহিত যজ্ঞকার্য্য সুসম্পন্ন করাইবার জন্ত আসিবেন।"

বন-কঙ্কাল

শ্রীকৃষ্ণধন দে

হে মহাবনানী, বন্দিনী যবে অন্ধকূপে
সঙ্ঘিহারা লক্ষ্যুণের হে কঙ্কাল ?
কবে এ ধরায় মহাথাগুববহিরূপে
অঙ্গার করি রাখিয়াছ বৃকে অতীতকাল ?
মাটির আড়ালে জাগিছ গোপনে জাতিস্বর,
ক্রূণের মতন ধরার গর্ভে শক্তিহীন,
আর্তনাদের স্তর হ'য়ে গেছে কালো পাথর,
সবুজ প্রাণের শেষ স্পন্দন কোথায় লীন !

অগ্নিগিরির বৃকফাটা লাভা-নিঃসরণে
ধূসর আকাশ ক্ষণে ক্ষণে যেথা আরক্তিম,
ঝঙ্কা-উতল সিদ্ধ-প্রাবন পড়ে কি মনে,
—দিনের উগ্ররৌদ্র রাতের অসহ হিম ?
ডাইনোসরের বিপুল দেহের আফালন,
টেবোডক্টীল আকাশে মেলেছে বিপুল পাথা,
দাঁতাল বাঘের সঙ্গে ম্যামথ করিছে যণ,
ব্রণ্টোসরাস লাজুলে ভাজিছে গাছের শাখা !

আরো পরে যবে আদিম মানব চেতনা লুপ্তি'
পশুজীবনের গণ্ডী কাটিল ধরার বৃকে,
নববিশ্ময়ে হেরিল তারকা-চন্দ্র-রবি,
ধরণীর পানে রহিল চাহিয়া কি কোঁতুকে !
অস্ত্র গড়িল ল'য়ে লতা আর ভাঙ্গা পাথর,
দাবানল হেরি' অগ্নি জ্বালিল কাষ্ঠে তার,
তরু-বহলে আবরিল দেহ অতঃপর,
নারীর নয়নে প্রথম নামিল লজ্জাভার !

গুহা হ'তে গুহা, বন হ'তে বন, নদীর তীর,—
যাযাবর হ'য়ে ঘুরিল মানব স্বাক্ষির্দিম,
নারীরে লইয়া কত হানাহানি মাথি' রুধির,
হিংসাধেষের অনলে জীবন তৃপ্তিহীন !
একদা সহসা এল প্রকৃতির বিপর্যায়,
কন্দলীলায় মাতিল অগ্নিগিরির দল,
সাগরে ডুকান, বনভূমি হ'ল অগ্নিময়,
ভূমিকম্পের তাড়নে কাপিল ভূমণ্ডল !

ধ্বসে' গেল বন হাজার হাজার বোজন জুড়ে',
 মাটির ভিতরে লভিল তাহার শেষ কবর !
 কত যুগ গেল, কত যুগ পুনঃ আসিল ঘুরে,
 মাটির উপরে জাগিল কত-না নূতন ধর !
 নূতন পৃথিবী পুরাতনে কবে গিয়াছে ভুলে,
 ইতিহাস শুধু পড়ে আছে বৃকে কালো ফসিল,
 সভ্যতা আজো চলে নব নব কেতন তুলে',
 নব নরনারী নূতন আলোকে গড়ে মিছিল !

কোটি বৎসর ঘূমায়েছ তুমি বন্দী সাজে,
 কোটি বৎসর অন্তর-দাহে হয়েছ কালো,
 হারানো অতীত ফিরাইতে বৃষ্টি তোমার মাঝে
 সঞ্চিত রবি-কিরণ এ যুগে আবার জ্বালো ?
 তব-অস্তর-মণি-কোটরের লুকানো মণি
 ছুটে যায় নব অঙ্গারবৃকে অর্ঘ্যেতে,
 অগ্নি-শিখায় শোনে মর্ম্মর পত্রধ্বনি,
 সূদূর অতীত ফিরে আসে যেন আচম্বিতে !

বন্দিনী তুমি কঠিন পৃথ্বী-আস্তরণে,
 রুদ্ধ বাধায় ছস্করি' উঠ অকস্মাৎ !
 ধ্বংসলীলায় মেতে উঠ তুমি বিস্ফোরণে,
 সভ্যতামূলে কর মুহূর্ত্তে অশনিপাত !
 তবু সভ্যতা তোমার চরণে নোয়ায়ে মাথা
 কাঙালের মত করুণার কণা মাগিয়া কিরে,
 ধ্বংস-সৃষ্টি তোমারি বক্ষে রয়েছে গাঁথা,
 অগ্নিমুকুট পরায়েছে নর তোমার শিরে !

তোমারি বক্ষে রেখে গেছে একে চিহ্ন তার
 আদিম ধরার সৃজন-ব্যাকুল প্রতি-প্রহর,
 জাগে অতীতের আকাশ-সাগর-নদী-পাহাড়,
 —নিবিড় বনের ঝঞ্জা-কাঁপানো সে-মর্ম্মর !
 শুনেছ কি তুমি নারীর প্রথম প্রণয়বানী,
 শিশুর প্রথম জননী-ডাকা আকুল স্বর,
 চন্দ্র-ববির উদ্দেশে আদি মন্ত্রথানি,
 মানব-মনের প্রথম প্রশ্ন—“কে ঈশ্বর ?”

বহুকাল পরে যেদিন পূর্ণ মানবদেহে
 এল যৌবন, মনে পড়ে সেই আদিম কথা ?
 নর-প্রতি নারী, নারী-প্রতি নর পদম স্নেহে
 রহিল চাহিয়া, ভুলে গেল বন-বর্করতা !
 সেদিন হুলিল নারীর অলকে প্রথম ফুল,
 সেদিন নয়নে প্রথম নামিল লজ্জাতার,
 সেদিন প্রথম দখিনা-বাতাসে হ'ল আকুল,
 প্রথম রচিল তরুপল্লবে কাঁচলি তার !

সত্ত-নিহত পশুর চর্মে আবরি' কার,
 দক্ষিণকবে আক্ষালি' তার শিলা-লগুড়
 বাহিরিয়া এল গুহা-নর তার পশুত্বায়,
 দীর্ঘ-লোমশ, বীভৎস-মুখ হিংসাতুর !
 বাধাবর দলে আদিম নারীরে সবলে ধরি'
 আপন গুহায় বন্দিনী করি' রাখিতে চায়,
 মুক্তি লভিতে আঁচড়-কামড়ে অঙ্গ ভরি'
 অবশ্যা নারী লগুড়-আঘাতে জ্ঞান হারায় !

কবে ছিঁড়ে গেল মহাপ্রকৃতির ঋতু-বয়ন,
 সূদূর অতীতে হিম-বাহ যুগ আসিল নামি',—
 অর্ধ-পৃথিবী লভিল শুভ্র হিম-শয়ন,
 নদ-নদী-ভ্রমে হিল্লোল গেল সহসা থামি' !
 গিরিগুহা বন হিম আবরণে রহিল ঢাকা,
 আদিম মানব দেশ হ'তে গেল দেশান্তরে,
 হে মহাবনানী হিমে হিমে তব ভরিল শাখা,
 লিখিলে মরণ-ইতিহাসথানি শ্বেতাঙ্করে !

যে জগৎ আর দেয় না তোমাতে রবির কব,—
 যে জগৎ আর তোলে না নাচায়ে তোমার প্রাণ,
 তারি কল্যাণ-কামনায় ভরা শু-অস্তর,
 কর' যুগে যুগে জগতের হিতে আত্মদান !
 বিগত-আগত-অনাগত যুগ তোমারি গড়া,
 পৃথ্বী তোমাতে আগলি' বেখেছে পরমস্নেহে,
 সভ্যতা তব কষ্টিপাথরে পড়েছে ধরা,
 নিরিখ-পরখ চলে তার তব নিকব-দেহে !



বিহারের লোকগণনায় বাংলাভাষী

শ্রীঅশোক চৌধুরী

১৮৮১ হইতে ১৯৩১ সন পর্য্যন্ত প্রত্যেক সেন্সাস রিপোর্ট মানভূম, ধলভূম প্রভৃতি স্থানগুলি বাংলাভাষী অঞ্চল বলিয়া প্রমাণিত ও স্বীকৃত হইয়া আসিয়াছে। যুদ্ধকালীন অবস্থার জন্ত ১৯৪১ সনের সেন্সাস রিপোর্ট প্রকাশিত হয় নাই এবং নানাপ্রকার ত্রুটির জন্ত ইহা প্রামাণ্য হিসাবে গৃহীত হয় না।

দেশ স্বাধীন হইবার পর ১৯৫১ সনে প্রথম সেন্সাস গ্রহণ করা হয়। সেই হিসাবে ১৯৫১ সনের সেন্সাস বিশেষ গুরুত্বপূর্ণ। কিন্তু এই বিশেষ গুরুত্বপূর্ণ কার্য এবং বৈজ্ঞানিক পদ্ধতিটি ক্ষুদ্র স্বার্থবুদ্ধির প্রয়োচনার ক্ষেত্রবিশেষে বেরূপ দায়িত্বহীন ভাবে বিকৃত করা হইয়াছে, তাহা আমাদের জাতীয় কলঙ্কস্বরূপ।

বিশিষ্ট উদারনৈতিক নেতা এবং রাজ্য-পুনর্গঠন কমিশনের অগ্রতম সদস্য পণ্ডিত হৃদয়নাথ কুঞ্জরু নিখিল-ভারত আদিবাসী উন্নয়ন সম্মেলনের লোহারডাঙ্গা অধিবেশনে সভাপতির অভিভাষণ দান-প্রসঙ্গে ১৯৫১ সনের সেন্সাস সম্পর্কে যে মন্তব্য করেন তাহা বিশেষ প্রণিধানযোগ্য। রাষ্ট্রপতি ড. রাজেন্দ্রপ্রসাদ স্বয়ং এই সম্মেলনের উদ্বোধন করেন। সুতরাং কেন্দ্রীয় সরকার এবং সংশ্লিষ্ট রাজ্য সরকারগুলিকে উদ্দেশ্য করিয়া পণ্ডিত কুঞ্জরু বলেন যে, ১৯৪১ সনের সেন্সাসে সমগ্র ভারতে আদিবাসীদের সংখ্যা যেখানে ২ কোটি ৪১ লক্ষ দেখানো হইয়াছে সেই স্থলে ১৯৫১ সনের সেন্সাসে আদিবাসীদের সংখ্যা দেখানো হইতেছে ১ কোটি ৭৮ লক্ষ মাত্র, অর্থাৎ দশ বৎসরের মধ্যে আদিবাসীদের সংখ্যা প্রায় ৬৩ লক্ষ হ্রাস পাইয়াছে। এই সংখ্যা হ্রাসের সমর্থনে কর্তৃপক্ষ যে সকল যুক্তি ও তথ্যের অবতারণা করিয়াছেন, পণ্ডিত কুঞ্জরু তাহা গ্রহণযোগ্য বিবেচনা করেন নাই। এই সংখ্যা হ্রাসের দ্বারা আদিবাসীদের স্বার্থ বিশেষ ক্ষুণ্ণ হইতে পারে আশঙ্কা করিয়া তিনি এই সম্পর্কে পূর্ণ তদন্তের উদ্দেশ্যে একটি কমিশন নিয়োগের জন্ত কেন্দ্রীয় সরকারের নিকট দাবি জানাইয়াছেন।

আদিবাসীদের প্রসঙ্গ অবতারণা করিয়া পণ্ডিত কুঞ্জরু ১৯৫১ সনের সেন্সাস সম্পর্কে যে মন্তব্য ও আশঙ্কা প্রকাশ করিয়াছেন, বিহারের বাংলাভাষী অঞ্চলসমূহের গত সেন্সাস সম্পর্কে ঐ সকল মন্তব্য ও আশঙ্কা সমভাবেই প্রযোজ্য। সর্কারী ভেদবুদ্ধির দ্বারা পরিচালিত হইয়া বিহারের কর্তৃপক্ষমণ্ডলীর তরফে ১৯৫১ সনের সেন্সাসে বিহারের বাংলাভাষী অঞ্চলসমূহে বাংলাভাষীর সংখ্যা হ্রাস ও হিন্দীভাষীর সংখ্যাবৃদ্ধির জন্ত যে সকল অপকৌশল অবলম্বিত হয় তাহার সহিত ১৯৪১ সনের সেন্সাসে মুসলমানের সংখ্যাবৃদ্ধি ও হিন্দু সংখ্যা হ্রাসের উদ্দেশ্যে বাংলার তদানীন্তন মুসলিম লীগ গবর্ণমেন্টের সাম্প্রদায়িক মনোবৃত্তিজনিত অপকৌশলসমূহের তুলনা চলে। মানভূম প্রভৃতি বাংলাভাষী অঞ্চলের সেন্সাস রিপোর্টের প্রতিটি ছত্রে ঐ মনোবৃত্তির পরিচয় পাওয়া যায়।

মানভূম প্রভৃতি অঞ্চলের আদমশুমারি হিন্দীভাষার সর্কারী স্বার্থে বিকৃত করিবার প্রকৃতি ১৯৪৮ সন হইতে শুরু হয়। শাসনযন্ত্রের পূর্ণতম সুযোগ গ্রহণ করিবার উদ্দেশ্যে এবং সরকারী লিখিত বা অলিখিত নির্দেশাদি অধস্তন কর্মচারীগণ কর্তৃক যাহাতে বিনা বাধ্যবাধে পালিত হয় সেইজন্য মানভূমের সমস্ত বাংলাভাষী পদস্থ কর্মচারী স্থানান্তরিত করা হয়। জেলার শাসনকর্তার পদ হইতে শুরু করিয়া শাসন ও বিচারবিভাগ, পুলিশ, শিক্ষা, স্বাস্থ্য, বন, সমস্বায়, জনকল্যাণ, প্রচার প্রভৃতি অস্তান্ত সমস্ত বিভাগের ভারপ্রাপ্ত কর্মচারী হইতে পেয়াদা, আর্দালী পর্য্যন্ত নিম্নতম পদগুলিতে কেবলমাত্র হিন্দীভাষীদের বহাল করা হয়। এই সকল বিভাগ ও বিভাগীয় কর্মচারীর সাহায্যে সমগ্র জেলাব্যাপী হিন্দী প্রচার ও বাংলাভাষা দমন একই সঙ্গে চলিতে থাকে।

১৯৪৯ সনে মানভূম এডুকেশন কাউন্সিল নামে একটি সরকারী প্রতিষ্ঠান গঠিত হয় এবং জেলার ডেপুটি কমিশনার ও ডিষ্ট্রিক্ট ইন্সপেক্টর অফ স্কুলস যথাক্রমে ইহার সভাপতি এবং সম্পাদক নিযুক্ত হন। এই কাউন্সিলের অধীনে প্রায় চারি শত হিন্দী প্রাথমিক স্কুল খুলিয়া এইগুলির পিছনে লক্ষ লক্ষ টাকা ব্যয় করা হয়। অধিকাংশ ক্ষেত্রেই এই স্কুলগুলির কোনও অস্তিত্ব ছিল না—কোনও কোনও ক্ষেত্রে হয়ত একটি নামমাত্র স্কুলগৃহ ছিল—কিন্তু ছাত্র থাকিত না; তবে স্কুলের একাধিক হিন্দী পণ্ডিত মাসের পর মাস, বৎসরের পর বৎসর নিয়মিতভাবেই বেতন পাইয়া যাইতেন এবং 'স্বার্থপরিত' শিক্ষাবিভাগের কর্তৃপক্ষের দ্বারা পরিদর্শনাদিও হইত।

এই সকল হিন্দী পণ্ডিতের একমাত্র কর্তব্য ছিল স্থানীয় পরিস্থিতি ও অধিবাসীগণের সহিত পরিচিত হওয়া এবং তাহাদের দুর্বলতার সুযোগ গ্রহণ করা। হিন্দী-প্রচারের অস্বকুল অবস্থাসৃষ্টির জন্ত তাহাদের কার্যের বিশেষ ধারা ছিল—স্থানীয় সমাজবিরোধী ব্যক্তিদের সজ্জবদ্ধ করা এবং তাহাদের পূর্ণ আত্মগত্যাভাবের জন্ত কৃষিক্ষণ, জলসেচের নিমিত্ত সরকারী সাহায্য, সরকারী ঠিকা প্রভৃতির নামে সরকারের ঋণাত্মক খরচা টাকা ইহাদের মধ্যে বণ্টন করা। আদিবাসী উন্নয়ন, হরিজন উন্নয়ন প্রভৃতি সরকারী উন্নয়ন-বিভাগগুলির সচিব বোগাযোগে আদিবাসী ও হরিজনদিগের মধ্যে সাম্প্রদায়িক ভেদবুদ্ধি সৃষ্টি ইহাদের প্রচারের অগ্রতম ধারা ছিল এবং উচ্চবর্ণ বাঙালীদের বিরুদ্ধে বিদ্বেষ সৃষ্টি করিয়া তাহাদের বিশ্বাস-সম্পত্তি বেদখল করিবার জন্ত ইহারা আদিবাসী ও হরিজনদের উত্তেজিত করিতেন। অল্পমূল্যে শ্রেণীর নেতৃস্থানীয় ব্যক্তিদেরও সরকারের ঋণাত্মক টাকার কিছু কিছু অংশ দিয়া এবং তাহাদের সম্মান-দিগের শিক্ষার জন্ত সরকারী বৃত্তির ব্যবস্থা করিয়া তাহাদিগকে কার্যতঃ সরকারের বিশেষ পক্ষপাতী করিয়া তোলা হইল। ১৯৫১ সনের সেন্সাসে সর্কারী স্বার্থসিদ্ধির জন্ত বিহার সরকার এডুকেশন

কউলিলের ক্ষুদ্র, হিন্দী-প্রচার, অধিক ফসল ফলাও, জলসেচ, কৃষি-
খণ, উন্নয়ন প্রভৃতি বারদ একমাত্র মানভূম জেলাতেই এক কোটির
অধিক টাকা সরকার খরচাতি দিয়াছেন।

একদিকে যেমন হিন্দী-প্রচার অব্যাহত থাকে, অল্পদিকে তেমনি
বাংলাভাষাকে দমন করিবার জ্ঞান সরকারী দণ্ড সর্বদাই উত্তম রাখা
হয়। মানভূম জেলাবোর্ড ও লোকাল বোর্ডসমূহের অধীন বাংলা
স্কুলগুলি এবং অগাধ বেসরকারী বাংলা স্কুলের বিরুদ্ধে ব্যাপক
অভিযান চলে; আর স্কুলগুলির সরকারী সাহায্য বন্ধ করিয়া,
মঞ্জুরি প্রত্যাহার করিয়া কিংবা মঞ্জুরীর জ্ঞান হীন সর্ভাদি আরোপ
করিয়া এবং আরও নানা উপায়ে শিক্ষার ক্ষেত্রে চরম বিশৃঙ্খলা সৃষ্টি
করা হয়। বনরক্ষার নামে মানভূমের সমস্ত বনসম্পদ উজাড় করিয়া
জঙ্গল আইনের নামে গ্রামবাসীদের জঙ্গলে অনধিকারপ্রবেশ, বিনা
অনুমতিতে গাছ কাটার মিথ্যা মামলা প্রভৃতি উপায়ে জনসাধারণকে
লাঞ্ছিত ও ক্ষতিগ্রস্ত করা হয়। এই ভাবে সরকারের বিভিন্ন
বিভাগ জনসাধারণের মধ্যে বিশেষ আতঙ্ক ও ত্রাসসঞ্চারের জ্ঞান
উদ্বোধনী হইয়া উঠে। তাহার পর চুরি, ডাকাতি, বাহাজানি, দাঙ্গা,
জঙ্গল আইন ভঙ্গ, শাস্তিভঙ্গ প্রভৃতি অভিযোগে নানা প্রকার মিথ্যা
মামলা দায়ের করিয়া মানভূমের শত শত রাজনৈতিক কর্মী এবং
গঠনমূলক সমাজসেবীকে গ্রেপ্তার, জেল, জরিমানা প্রভৃতি নানা
উপায়ে দণ্ডিত ও লাঞ্ছিত করা হয়। ১৯৫১ সনের সেন্সাসের কার্য
সুরু হইবার পূর্বেই এইপ্রকার দমননীতির দ্বারা মানভূমের মেরুদণ্ড
ভাঙ্গিয়া দিবার প্রয়াস সুরু হয়।

উপরোক্ত পরিস্থিতির মধ্যে মানভূমের সেন্সাসের কার্য
আরম্ভ হইল। লোকগণনার কাজে যতদূর সম্ভব হিন্দী পণ্ডিত এবং
সরকারের অনুগ্রহীত সমাজ-বিরোধী ব্যক্তিগণকেই নিয়োগ করা হয়।
হরিজন, আদিবাসী, কুম্মী প্রভৃতি সম্প্রদায়ের ব্যক্তিদের হিন্দীভাষী-
রূপে গণনা করিবার নির্দেশ দেওয়া এবং যে সকল বাঙালী
গণনাকারী অগাধ ভাবে বাংলাভাষীকে হিন্দীভাষীরূপে লিপিবদ্ধ
করিতে ইতস্ততঃ করিতেন, তাঁহাদের ভাষা সম্পর্কিত স্তম্ভটি খালি
রাখিতে নির্দেশ দেওয়া হয়। পুলিশ, ম্যাজিষ্ট্রেট প্রভৃতি সরকারী
কর্মচারিগণ গ্রামে গ্রামে ঘুরিয়া আতঙ্ক সৃষ্টি করিতে থাকেন—
যাহাতে সকলেই নিজেদের নাম হিন্দীভাষীরূপে লিপিবদ্ধ করাইতে
বাধ্য হয়। এই সম্পর্কে কেন্দ্রীয় ও রাজ্য সরকারের দৃষ্টি আকর্ষণ
করিয়া বহু অভিযোগ করিলেও অবস্থার কোনও উন্নতি ঘটে নাই।
লোকগণনার কাজ সমাপ্ত হইয়া যাইবার পরেও সেন্সাসের কাগজ-
পত্র লইয়া নানা গোলমালের সংবাদ পাওয়া যায়, যাহার ফলে
বিহার সেক্রেটারিয়েট হইতে সেন্সাস সম্পর্কিত মানভূমের কাগজপত্র
বহুশ্রমজনক ভাবে অদৃশ্য হয়।

প্রাচীন কাল হইতে মানভূম, ধলভূম প্রভৃতি অঞ্চলের অধি-
বাসিগণের মাতৃভাষা বাংলা হওয়ায়, স্বভাবতঃই বাংলাই এই সকল
স্থানের আদালতের ভাষা, শিক্ষার মাধ্যম প্রভৃতি হিসাবে স্বীকৃত
হয়। ১৭৯৩ সনের ১৯ নং রেগুলেশন অনুসারে বাংলা মানভূম

ও ধলভূমের আদালতের ভাষা হিসাবে স্বীকৃত হয় এবং বাবতীর
দলিল, রেজিষ্ট্রী প্রভৃতি বাংলার সম্পাদিত হয়। দশশালা বন্দোবস্ত
ও চিরস্থায়ী বন্দোবস্তের কবুলিয়ারত; ১৮৮৪ সনে মুন্সী নন্দজীর
সম্পাদিত ঘাটোয়ালী সংক্রান্ত বাবতীর দলিল; পঞ্চকোট, বরাহভূম
প্রভৃতি রাজ্যের প্রদত্ত সনদ—এই সকলই বাংলায় লিপিবদ্ধ। এই
অবস্থাই অবিসংবাদিত ভাবে চলিয়া আসার পর ১৯১৩ সনে ধান-
বাদ মহকুমায় এবং ১৯৩৩ সনে ধলভূম মহকুমায় হিন্দীকে
আদালতের অগ্ৰতম ভাষা হিসাবে চালাইবার চেষ্টা করা হয়। বিহার
ও উড়িষ্যা স্বতন্ত্র প্রদেশ গঠিত হইবার পর হইতেই লুর্দী, ম্যাক-
ফার্সন প্রমুখ জনকয়েক ইংরেজ সিবিলিয়ান রাজনৈতিক উদ্দেশ্যে
বাংলা ভাষার বিরুদ্ধে অভিযান চালান। সেই সূত্রে ধরিয়া ১৯৩৭
সনে বিহারের প্রথম কংগ্রেস-মন্ত্রিসভার আমলে এই বাংলা-বিরোধী
আন্দোলন প্রবল আকার ধারণ করে। সেই সময় অবস্থা এমন
জটিল হইয়া উঠে যে, সমগ্রাটির সমাধানের জ্ঞান কংগ্রেস ওয়ার্কিং
কমিটিকে ড. রাজেন্দ্রপ্রসাদের উপর ভার অর্পণ করিতে হয়। ইহার
ফলে অবস্থার বিশেষ কিছু উন্নতি না হইলেও, দ্বিতীয় মহাযুদ্ধ
আরম্ভ হইয়া যাওয়ার দরুন এই আন্দোলন স্বভাবতঃই চাপা পড়িয়া
যায়। কিন্তু ১৯৪৭ সনে দেশ স্বাধীন হইবার পর, বিহারে পুনরায়
এই বিরোধ চরম আকার ধারণ করে। ইহার কোনও মীমাংসা
আজ পর্যন্ত হয় নাই। ১৯৫১ সনের সেন্সাসের বিকৃতি এই
বিরোধেরই লজ্জাজনক পরিণাম।

১৯৫১ সনের আদমশুমারিতে কি পরিমাণ বিকৃত তথ্য পরি-
বেশিত হইয়াছে এবং ঐমিথ্যার জাল কি ভাবে বয়ন করা হইয়াছে
—তাহা সম্যক উপলব্ধি করিতে হইলে পূর্বেকার আদমশুমারির
সহিত তুলনা করা প্রয়োজন। আলোচনার সুবিধার জ্ঞান ১৯৩১,
১৯৪১ ও ১৯৫১ সনের সেন্সাস রিপোর্টের তথ্যাদি এখানে প্রদত্ত
হইল। এই বিশ বৎসরের মধ্যে মানভূমে হিন্দীভাষীর সংখ্যা কি
অস্বাভাবিক হারে বাড়ানো হইয়াছে এবং বাংলাভাষীর সংখ্যা কত
দূর অগাধ ভাবে কমানো হইয়াছে তাহা পরিষ্কাররূপে বুঝিতে
পারা যাইবে। হিন্দীভাষীর সংখ্যাবৃদ্ধি ও বাংলাভাষীর সংখ্যা হ্রাস
করাইবার নিমিত্ত নিম্নলিখিত উপায়গুলি সাধারণ ভাবে অনুসৃত
হইয়াছিল:

- (ক) যত দূর সম্ভব বাংলাভাষীর সংখ্যা কম দেখানো;
- (খ) বাংলাভাষীকে যত দূর সম্ভব হিন্দীভাষীরূপে গণনা করা;
- (গ) বাংলাভাষী আদিবাসী বা হরিজনদের হিন্দীভাষীরূপে
গণনা করা;
- (ঘ) দ্বিভাষী অথবা হিন্দী জানে এইরূপ আদিবাসীদের হিন্দী-
ভাষীরূপে গণনা করা; ইত্যাদি।

উপরোক্ত কৌশল অনুযায়ী লোকগণনার ফলে ১৮৯১ হইতে
১৯৪১ সন পর্যন্ত সমগ্র মানভূমে বাংলাভাষীর সংখ্যা গড়ে
বেখানে শতকরা ৬৯ জন ছিল, ১৯৫১ সনের লোকগণনার
তাহা মাত্র শতকরা ৪৩'৪ জনে দাঁড়াইল! আর গত

পঞ্চাশ বৎসর ধর্মিয়া যে হিন্দীভাষীর সংখ্যা মানভূমে গড়ে ৪৩ জন অর্থাৎ বাংলাভাষীদের প্রায় সমান সংখ্যায় দাঁড়াইল। শতকরা মাত্র ১৬ জন ছিল—তাহা দশ বৎসরের মধ্যেই শতকরা যথা :

মানভূম : ১৮৯১-১৯৫১

সেক্সাসের বৎসর	মোট জনসংখ্যা	বাংলাভাষী	মোট জনসংখ্যার শতকরা	হিন্দীভাষী	মোট জনসংখ্যার শতকরা
১৮৯১	১০,৫৮,২২৮	৮,২০,৮৭৯	৭৮.৪	১,০৯,৭৮১	১০.৩
১৯০১	১৩,০১,৩৬৪	৯,৬০,০০০	৭২.০	১,৬৩,৮০০	১২.৬
১৯১১	১৫,৪৭,৫৭৬	৯,৮৩,৩৮৩	৬৩.৫	৩,২৬,৩৬৩	২১.০
১৯২১	১৫,৪৮,৭৭৭	১০,৩৫,৩৮৬	৬৬.৮	২,৮৯,৩৫৬	১৮.৬
১৯৩১	১৮,১০,২৯০	১২,২২,৬৮৯	৬৭.৫	৩,২১,৬৯০	১৭.৭
১৯৪১	২০,৩২,১৪৬	১৩,৫৭,২৮৪	৬৭.৩	৩,৫৭,০৭৫	১৭.৫
১৯৫১	২২,৭৯,২৫৯	৯,৯১,১২৬	৪৩.৪	৯,৭৮,০৪৬	৪৩.০

মানভূমের সাঁওতাল সম্প্রদায় সম্পূর্ণভাবে বাংলাভাষী। নিজেদের মাতৃভাষা সাঁওতালী তাহারা গৃহে ব্যবহার করিলেও ব্যবহারিক জীবনে বাংলাভাষাই তাহাদের দ্বিতীয় মাতৃভাষা। সুতরাং সাঁওতাল-গণ সর্বতোভাবে বাংলাভাষীরূপে গণ্য হইবার যোগ্য; ফলে মানভূমে বাংলাভাষীর সংখ্যা শতকরা আনু ১১ হইতে ১৩ জন বৃদ্ধি পাইবে।

মানভূমের স্থায়ী অধিবাসিগণের মধ্যে মাতৃভাষা হিন্দী এইরূপ ব্যক্তির সংখ্যা খুবই সামান্য। মানভূমের কয়লা-খনি অঞ্চলে বহু হিন্দীভাষী শ্রমিক কাজ করে এবং তাহারা অধিকাংশই বহিরাগত

হওয়ার মানভূমের হিন্দীভাষীদের সংখ্যা কয়লা-শিল্পের তেজি-মন্দির উপরই বৃদ্ধি বা হ্রাস পাইয়া থাকে। ১৯৪১ সন হইতে দশ বৎসরের মধ্যে কয়লা-শিল্পের এমন কিছু শ্রীবৃদ্ধি ঘটে নাই বাহাতে মানভূমের সাড়ে তিন লক্ষ হিন্দীভাষীর সংখ্যা একেবারে পৌনে দশ লক্ষ হইয়া দাঁড়াইতে পারে। আবার হিন্দীভাষীর সংখ্যাবৃদ্ধির অল্পপাতে বাংলাভাষীর সংখ্যাহ্রাসের কি যুক্তি থাকিতে পারে?— ১৯৩১ হইতে ১৯৫১ সনের আদমশুমারির তুলনামূলক বিচার করিলে বাংলাভাষীদের কি পরিমাণ কোণঠাসা করা হইয়াছে তাহা বোধগম্য হইবে। যথা :

১৯৩১-৪১

সেক্সাসের বৎসর	মোট জনসংখ্যা	বাংলাভাষী	সাঁওতালী	হিন্দীভাষী
১৯৪১	২০,৩২,১৪৬	১৩,৫৭,২৮৪	২,৬৭,৬১৯	৩,৫৭,০৭৫
১৯৩১	১৮,১০,৮৯০	১২,২২,৬৮৯	২,৪২,৯৯১	৩,২১,৬৯০
হ্রাস (—) বা বৃদ্ধি (+)	+২,২১,২৫৬	+১,৩৪,৫৯৫	+২৪,৬২৮	+৩৫,৩৮৫

১৯৪১-৫১

১৯৫১	২২,৭৯,২৫৯	৯,৯১,১২৬	২,৬২,৫২৬	৯,৭৮,০৪৬
১৯৪১	২০,৩২,১৪৬	১৩,৫৭,২৮৪	২,৬৭,৬১৯	৩,৫৭,০৭৫
হ্রাস (—) বা বৃদ্ধি (+)	+২,৪৭,১১৩	-৩,৬৬,১৫৮	- ৫,০৯৩	+৬,২০,৯৭১

১৯৩১-৪১ সন পর্যন্ত মানভূমের মোট জনসংখ্যার এবং আনু-পাতিক হারে বাংলাভাষী, সাঁওতালী ও হিন্দীভাষীদের স্বাভাবিক বৃদ্ধি ঘটিয়াছে। কিন্তু পরবর্তী দশ বৎসরে (১৯৪১-৫১ সন) মোট জনসংখ্যার স্বাভাবিক বৃদ্ধি অব্যাহত থাকিলেও বাংলাভাষীদের সংখ্যা ৩,৬৬,১৫৮ ও সাঁওতালীদের সংখ্যা ৫০৯৩ জন হ্রাস পাই-

য়াছে, আর হিন্দীভাষীদের সংখ্যা এই দশ বৎসরে ৬,২০,৯৭১ জন বৃদ্ধি পাইয়াছে।

১৯৪১ সনের সেক্সাস যদি নির্ভরশীল ও গ্রহণযোগ্য মতে বলিয়াই বিবেচিত হয় তাহা হইলে ১৯৩১ ও '৫১ সনের সেক্সাস রিপোর্টের তথ্যাদি হইতেও মোটামুটি একই সিদ্ধান্তে উপনীত হওয়া বাইবে। যথা :

১৯৩১, ১৯৫১

সেক্সাসের বৎসর	মোট জনসংখ্যা	বাংলাভাষী	সাঁওতালী	হিন্দীভাষী
১৯৫১	২২,৭৯,২৫৯	৯,৯১,১২৬	২,৬২,৫২৬	৯,৭৮,০৪৬
১৯৩১	১৮,১০,৮৯০	১২,২২,৬৮৯	২,৪২,৯৯১	৩,২১,৬৯০
হ্রাস (—) বা বৃদ্ধি (+)	+ ৪,৬৮,৩৬৯	- ২,৩১,৫৬৩	+ ১৯,৫৩৫	+ ৬,৫৬,৩৫৬

অর্থাৎ, ১৯৩১ ও '৫১ সন, এই দুই সেন্সাসের অন্তর্বর্তী কালে জনসংখ্যা স্বাভাবিক হারে বৃদ্ধি পাইলেও নানা অপকৌশল দ্বারা বাংলাভাষীর সংখ্যা ২,৩১,৫৬৩ জন হ্রাস করানো হইয়াছে এবং হিন্দীভাষীর সংখ্যা অপ্রাপ্য বিবেচনা না করিয়া ৬,৫৬,৩৫৬ জন বৃদ্ধি করা হইয়াছে। সাঁওতালীভাষীর সংখ্যা বৃদ্ধি পাইলেও স্বাভাবিক হারে বৃদ্ধি পায় নাই। গত পঞ্চাশ বৎসর ধরিয়া জনসংখ্যার স্বাভাবিক বৃদ্ধির অমুপাতে দুই সেন্সাসের মধ্যবর্তীকালে হিন্দীভাষীর সংখ্যা শতকরা ১০ জন হারে বৃদ্ধি পাইয়াছে; কিন্তু ১৯৪১-৫১ সনের মধ্যে তাহা হঠাৎ শতকরা দুই শতেরও অধিক হারে বৃদ্ধি পাইল! কয়লা-খনি-সমৃদ্ধিতে ধানবাদ অঞ্চলে হিন্দীভাষীদের সংখ্যাবৃদ্ধির স্বাভাবিক সম্ভাবনা থাকিতে পারে—যদিও তাহা অবাস্তব স্তরে লইয়া যাওয়ার পশ্চাতে কোনও যুক্তি থাকা সম্ভব নয়। কিন্তু সদর মানভূমে হিন্দীভাষীদের সংখ্যা বৃদ্ধির কোনও সুদূর কল্পনাশ্রুত সম্ভাবনাও নাই। অথচ সদর মানভূমে হিন্দীভাষীদের সংখ্যা বৃদ্ধি না করাইতে পারিলে মানভূমকে হিন্দীভাষী অঞ্চলরূপে প্রমাণ করা সম্ভব নহে। সুতরাং সদর মানভূমেও হিন্দীভাষীর সংখ্যা বৃদ্ধি করাইবার জ্ঞান মিথ্যা এবং অবাস্তব তথ্য কতদূর নিঃসঙ্গ ভাবে পরিবেশিত হইতে পারে, নিম্নের পরিসংখ্যানটি তাহার জলস্ত দৃষ্টান্ত :

মোট জনসংখ্যার অমুপাতে বাংলাভাষী ও হিন্দীভাষীর
হ্রাস (—) বা বৃদ্ধি (+)
১৯৩১, '৫১

বাংলাভাষীদের সংখ্যা	হিন্দীভাষীদের সংখ্যা
শতকরা	শতকরা
সমগ্র মানভূম — ১৯	+ ২০৪
সদর মানভূম — ২৩	+ ১০৬.৯৬
ধানবাদ মহকুমা + ৫.৭	+ ৪৩.৩১

অর্থাৎ, গত ২০ বৎসরের মধ্যে সমগ্র মানভূমে বাংলাভাষীর সংখ্যা শতকরা ১৯ জন হ্রাস পাইয়াছে এবং হিন্দীভাষীর সংখ্যা শতকরা ২০৪ জন বৃদ্ধি পাইয়াছে। একমাত্র ধানবাদ মহকুমায় বাংলাভাষীর সংখ্যা ৫.৭ জন এবং হিন্দীভাষীর সংখ্যা শতকরা ৪৩.৩১ জন বৃদ্ধি পাইয়াছে। আর লোকগণনার চরম কারসাজি পরিলক্ষিত হয় সদর মানভূমে, যেখানে বিশ বৎসরে বাংলাভাষীর সংখ্যা হ্রাস পাইয়াছে শতকরা ২৩ জন এবং হিন্দীভাষীর সংখ্যা বৃদ্ধি পাইয়াছে মাত্র শতকরা ৭৭ জন! পৃথিবীর কোনও দেশে কোনও কালে মাত্র ২০ বৎসরের মধ্যে স্বাভাবিক নিয়মে এই হারে জনসংখ্যা বৃদ্ধি পাইয়াছে কিনা গবেষণার বিষয়।

বিহার-সরকার নিজ গরজে লোকগণনার নামে না হু হু বাহা খুশি তথ্য পরিবেশন করিতে পারেন, কিন্তু ঐ সকল তথ্য ভারত-সরকারের সেন্সাস রিপোর্টেও কি ভাবে সন্নিবেশিত হয় তাহাই আশ্চর্য! ততোধিক আশ্চর্যের বিষয় যে, এই অস্বুত তথ্য পরিবেশনের সমর্থনে কেন্দ্রীয় সেন্সাস কর্তৃপক্ষ বিহার-সরকারের

"যুক্তি"রই প্রতিধ্বনি করিয়াছেন। সেন্সাস রিপোর্টে বলা হইয়াছে যে, মানভূমে এতদিন হিন্দী শিক্ষার কোনও ভাল ব্যবস্থা ছিল না—সুতরাং সকলকে বাংলা শিখিতে হইত, কিন্তু সম্প্রতি (অর্থাৎ, ১৯৪১ এর পর হইতে) হিন্দী শিক্ষার বধেট সুব্যবস্থা হওয়ার মানভূমের হিন্দীভাষীরা এখন নিজেদের মাতৃভাষা হিন্দীর মাধ্যমেই শিক্ষালাভ করিতেছে, ফলে হিন্দীভাষীদের সংখ্যার স্বাভাবিক বৃদ্ধি ঘটিয়াছে। অর্থাৎ, ১৯৪১ সন হইতে মানভূমে এডুকেশন কাউন্সিলের অধীনে চারি শতাধিক তথাকথিত হিন্দী স্কুল খুলিবার ফলে মাত্র দুই-তিন বৎসরের মধ্যেই পুরুষানুক্রমে বাহারা বাংলাভাষী তাহারা হিন্দীভাষী হইয়া পড়িল এবং তাহার জন্মই মানভূমে হিন্দীভাষীর সংখ্যা সাড়ে তিন লক্ষ হইতে একেবারে পৌনে দশ লক্ষ হইয়া গেল!

যে সকল অপকৌশল দ্বারা বাংলাভাষীদের সংখ্যাহ্রাস ও সেই অমুপাতে হিন্দীভাষীর সংখ্যা বৃদ্ধি করানো হইয়াছে, তাহাদের মধ্যে দ্বিভাষিত্ব (bi-lingualism) অন্যতম। লোকগণনার ভাষাগত তথ্যের ক্ষেত্রে দ্বি-ভাষীরূপে একটি শ্রেণীবিভাগ করা হয়। নিজেদের মাতৃভাষা ছাড়াও ব্যবহারিক জীবনে অল্প কোনও একটি বিশেষ ভাষাকে যাহারা দ্বিতীয় মাতৃভাষারূপে ব্যবহার করেন, তাহাদের দ্বি-ভাষীরূপে গণ্য করা হয়। ভাষাগত এই বিশেষ শ্রেণীবিভাগের সুযোগ লইয়া ১৯৫১ সনের সেন্সাসে মানভূমে বাংলাভাষীর সংখ্যা কিভাবে হ্রাস করানো হইয়াছে এবং সেই অমুপাতে হিন্দীভাষীর সংখ্যা বৃদ্ধি করিবার চেষ্টা করা হইয়াছে, তাহা নিম্নের পরিসংখ্যান হইতে বুঝা যাইবে :

		মানভূমের দ্বিভাষীর সংখ্যা (১৯৫১)	
		পুরুষিয়া সদর	
ক।	বাংলাভাষী	৮,০৫,০৬৩	দ্বিভাষী ৮১,২৫৬
			হিন্দী ৬৭,১৬৪
			সাঁওতালী ৬,৩৫২
খ।	হিন্দীভাষী	৫,০২,৫০২	দ্বিভাষী ২,২২,৮৯৬
			বাংলা ২,১০,১৫৫
			সাঁওতালী ৯,৫৭৫
গ।	সাঁওতালী	২,১৩,৩২১	দ্বিভাষী ১,২৯,৯১১
			বাংলা ১,০৫,৭৬২
			হিন্দী ২২,৭৯০
		ধানবাদ	
ক।	হিন্দীভাষী	৪,৭৫,৫৪৩	দ্বিভাষী ৭১,৬০০
			বাংলা ৬৬,৮২৭
			সাঁওতালী ২,৬২১
খ।	বাংলাভাষী	১,৮৬,০৬৩	দ্বিভাষী ৬২,৩৮৬
			হিন্দী ৫৯,৫৬৩
			সাঁওতালী ২,৬২১
গ।	সাঁওতালী	৪৯,২০৫	দ্বিভাষী ২৬,৬৫৮
			বাংলা ৮,৬০০
			হিন্দী ১৭,৮৫১

কেবলমাত্র বাংলা, হিন্দী ও সাঁওতালী এই তিনটি প্রধান ভাষার হিসাব উপরে দেওয়া হইল। দ্বিভাষীরূপে শ্রেণীবিভাগের ধুলকালে প্রায় চারি লক্ষ বাংলাভাষীর অস্তিত্ব লোপ করা হইয়াছে। যথা :

পুকলিয়া সদরে হিন্দীভাষীরূপে গণিত বাংলা দ্বিভাষীর	সংখ্যা	২,১০,১৫৫
ধানবাদে	ঐ	ঐ ১,০৫,৭৬২
পুকলিয়া সদরে সাঁওতালীভাষীরূপে	ঐ	ঐ ৬৬,৮২৭
ধানবাদে	ঐ	ঐ ৮,৬৮০
মোট ৩,৯১,৪২৪		

অনুরূপভাবে হিন্দীভাষীর সংখ্যা ১,৬৭,৪০৮ জন অধিক দেখানো হইয়াছে।

মানভূমের ক্ষেত্রে বাহা ঘটিয়াছে, তাহারই পুনরাবৃত্তি ধলভূম, সাঁওতাল পরগণা, পূর্ণিয়া প্রভৃতি বাংলাভাষী অঞ্চল এবং হাজারি-বাগ ও রাঁচির বাংলাভাষী-অধ্যুষিত অঞ্চলেও ঘটিয়াছে। মানভূমের ভূমিজ, সরাক, দেশোয়ালী মাঝি, বেড়িয়া প্রভৃতি সম্প্রদায়ের মাতৃভাষা বাংলা। ইহারা দ্বিভাষীও নহে। কিন্তু ইহাদেরও বাংলাভাষীরূপে গণনা করা হয় নাই। ঠিক অনুরূপভাবে পূর্ণিয়ার সিরিপুরীয়া, সাঁওতাল পরগণার মালপাহাড়ী, রাঁচি ও ধলভূমের সরাক প্রভৃতি সম্প্রদায়ও সম্পূর্ণরূপে বাংলাভাষী। রাঁচি, হাজারি-বাগ ও মানভূমে প্রচলিত কুর্খালী ভাষার হিন্দীর কিছু টান থাকিলেও এই কথা ভাষাটি প্রকৃতপক্ষে বাংলা। ড. ত্রিয়ারসনের জায় সুপণ্ডিত ভাষাতত্ত্ববিদ ইহা বাংলাভাষারই অন্তর্ভুক্ত বলিয়া মত প্রকাশ করিয়া গিয়াছেন। কিন্তু ১৯৫১ সনের সেন্সাসে বিহারের এই সমস্ত বাংলাভাষী সম্প্রদায়কে সম্পূর্ণরূপে বাদ দিয়া বাংলাভাষীর সংখ্যা নিম্নলিখিতভাবে হ্রাস করা হইয়াছে :

বিহার (১৯৫১)

বাংলাভাষী—	
সিরিপুরীয়া (পূর্ণিয়া)	৬,০৩,৬২৩
কুর্খালী (মানভূম)	১,৭৩,৫২৪
ঐ (রাঁচি)	৮১,০০০
ঐ (হাজারিবাগ)	৩৫,০০০
ভূমিজ (মানভূম)	১,০৬,৮৮৭
ঐ (ধলভূম)	২৩,০০০
সরাক (রাঁচি)	৫৪,৮৬০
ঐ (মানভূম)	১৬,৩৩৬
ঐ (ধলভূম)	৬,৮৮৯

দেশওয়ালী মাঝি (মানভূম)	৪০,২২৪
মালপাহাড়ী (সাঁওতাল পরগণা)	১২,৮০১
বেড়িয়া (মানভূম)	২,৭৬০
মোট ১১,৫১,০৪৬	

অর্থাৎ, সমগ্র বিহারে কমপক্ষে সাড়ে এগারো লক্ষ বাংলাভাষীর অস্তিত্ব লোপ করা হইয়াছে।

মাতৃভাষা হিসাবে হিন্দী বিহারের অতি নগণ্যসংখ্যক লোকে বলে। মৈথিল, মগহী ও ভোজপুরী—এই তিনটি হইল বিহার-বাসীর মাতৃভাষা। উত্তর ও উত্তর-পূর্ব বিহারে মৈথিল, উত্তর-পশ্চিমাঞ্চলে ভোজপুরী এবং দক্ষিণ-বিহারে মগহী ভাষা প্রচলিত। মৈথিল ও ভোজপুরী ভাষীরা নিজ নিজ ভাষা সর্বদা বখেঁটে সচেতন। তবে মৈথিল, মগহী ও ভোজপুরী বাহাদা বলে, তাহাদের অধিকাংশ লোকেই সাহিত্যের ও শিক্ষার ভাষারূপে হিন্দীকে মানিয়া লইয়াছে। কিন্তু এই যুক্তিতে তাহাদের ভাষাগত স্বতন্ত্র অস্তিত্ব লোপ করিয়া ১৯৫১ সনের সেন্সাসে তাহাদের কেবলমাত্র হিন্দী-ভাষীরূপেই লিপিবদ্ধ করা হইয়াছে। সেন্সাস রিপোর্টে ইহার সমর্থনে বলা হইয়াছে যে, মৈথিল, মগহী ও ভোজপুর-ভাষীরা নিজেদের হিন্দীভাষীরূপে গণনা করাইতে ইচ্ছা প্রকাশ করায় তাহাদের অনুরোধ রক্ষা করা হইয়াছে। অর্থাৎ, লোকগণনা-সংক্রান্ত কার্যে বিজ্ঞানসম্মত নীতির কোনও বালাই নাই—হিন্দীর দোহাই দিয়া বাহা খুশি করা চলে। হিন্দীর স্বার্থে, কর্তৃপক্ষের এই খেয়াল ও খুশির খেসারত বিহারের বাংলাভাষীদের কিভাবে দিতে হইয়াছে তাহা ১৯২১ হইতে ১৯৫১ পর্যন্ত ত্রিশ বৎসরের তুলনা-মূলক হিসাব হইতে বুঝা যাইবে :

বিহারের বিভিন্ন ভাষাভাষীর সংখ্যা

ভাষা	১৯২১	১৯৩১	১৯৫১
হিন্দী (মৈথিল, মগহী ও ভোজপুরী)	২,৪৯,৬৪,০৬৭	২,৭৫,৮৮,২১৭	৩,৪৮,১৭,১৩৩
মুণ্ডা (আদিবাসী)	১৮,৮৩,২২০	২৬,৪০,২১০	৩৩,৫৭,৯২১
বাংলা -	১৫,৭৭,৪৬৯	১৮,৬২,৪২৫	১৭,৫২,৭১৯

স্বাভাবিক নিয়মে বিহারের মৈথিল, মগহী ও ভোজপুরী-ভাষী এবং আদিবাসী সম্প্রদায়ভুক্ত প্রত্যেকেরই বংশ-বিস্তার তথা লোক-সংখ্যার বৃদ্ধি আনুপাতিক হারে ঘটিয়াছে এবং গত ত্রিশ বৎসরের মধ্যে ইহার ব্যতিক্রম হয় নাই। কিন্তু ১৯৩১ সন হইতে কেবল-মাত্র বিহারের বাংলাভাষীদেরই এমন এক “ক্ষয়রোগ” ধরিয়াছে যে, বংশবৃদ্ধি ত দূরের কথা, চক্রবৃদ্ধি হারে তাহাদের সংখ্যা কমিয়াই চলিয়াছে !





অজ্ঞোপাখ্যান

শ্রীরামপদ মুখোপাধ্যায়

যখন দেশে ছিলেন—তখন থেকেই মনোরমার সাধ ছিল
একটি দুধবতী ছাগী পোষেন।

একদিন শাণ্ডীর উদ্দেশ্যে স্বগতোক্তিও করেছিলেন ;
ময়রা-বউ কত করে বলছে একটা বাচ্চা নে, একটা বাচ্চা
নে। ছেলেপুলের ঘর দুধের সাশ্রয় হবে কত। এই আক্রা-
গণ্ডার বাজারে টাকা টাকা সেরেও খাঁটি দুধ মেলে না—
গোয়ালারা এখন সেয়ানা হয়েছে কত! ওরা দুধে আর জল
মিশায় না—বাতাসা মিশায় না, টিনের গুঁড়ো দুধ গুলে
খাঁটি দুধ করে টাকা টাকা সের বেচে। টাকার শ্রদ্ধা, অথচ
ভাল জিনিস না খেয়ে খেয়ে বাছারা হচ্ছে পঁয়াকাটির মত।
তাই ইচ্ছে করে একটা ছাগল পুষি—তবু দুধটা ত খাঁটি
পাওয়া যাবে। শুনলাম গরু পোষার মত অত বঞ্চার নেই,
ধরচও কম। পাতের-নাতের দুটি ভাত দাও, একটু ফ্যান
দাও, হ'ল গিয়ে বা দু' ডাল কাঁটালপাতা অশ্বখপাতা এনে
দিলে, এ ছাড়া দিনরাত বনে-বাদাড়ে চরে বেড়াবে। একটুও
ঝকি নেই—ধরচ নেই।

অদূরে ঠাকুরঘরে শাণ্ডী বসেছিলেন পূজায়। পূজা
শেষ করে সবে জপের মালাটি ঘুরাতে শুরু করেছেন—
মনোরমার দীর্ঘ স্বগতোক্তির প্রতিটি কথা তাঁর শ্রুতিগোচর
হ'ল। সংখ্যাপূর্ণের জন্ম জপ চলল দ্রুত—কোন উত্তর দিলেন
না তিনি। কথার অর্থ গ্রহণ করে মন যে ভাবেই উদ্বেল
হোক, জপে বসে তা প্রকাশ করা বিধি নয়। এটি অবশ্য লঘু
জপের বেলা প্রযোজ্য নয়। তখন মালা হাতে করে এ-ধর
ও-ধর করা চলে, উলুনে তরকারি চাপিয়ে সে দিকে একাধ-
চক্ষু হলেও ক্ষতি নেই, সংসার সম্বন্ধে কোন উপদেশ—স্বায়-
স্বায় প্রভৃতি দুটো কথা বলতেও বাধা নেই, কিন্তু পূজার
আসনে বসে ইষ্টমন্ত্র জপের সঙ্গে এ সব শোভা পায় না।
হাজার হোক বিধবা তিনি, বর্ষীয়সীও। মনটা উস্খুস
করলেও বাঙ নিষ্পত্তি করলেন না। বাচিক প্রতিবাদ
করলেন পরে—ঠাকুরঘর থেকে বার হয়ে।

এই মাত্র কি যেন বলছিলে বউমা? হিঁদুর ঘরে—
বায়ুনের ঘরে ছাগল পোষণ? ছিঃ! ঘর-দুয়ার নোংরা
করতে ওর মত দুটি জানোয়ার নেই। আর গরু পোষার
বঞ্চারই বা কি! একটু শানি মেখে দেওয়া—দু'চার খাঁটি
বিচিলী কাটা কি গোয়াল পরিষ্কার করা বৈ ত নয়।
গোবরে চোনার বাড়ীঘর শুদ্ধ হয় কত। ভগবতীর সেবা

করলে পুণ্য হয়। আর ছাগল? ইহকাল-পরকাল দুই
নষ্ট। কথায় বলে:

পাগলে কি না বলে,
ছাগলে কি না খায়।

মনোরমা বাঙ নিষ্পত্তি করলেন না—মনের সাধ মনে রেখে
ঘরের কাজ করতে লাগলেন।

ছেলেরা বড় হচ্ছে, গ্রামের ইস্কুলে ওদের পড়াশোনা
ভালমত হচ্ছে না—এমন কেউ পুরুষ-অভিভাবক নেই
ওদের দেখাশোনা করে, আদ্যনাথ স্থির করলেন—শহরে
বাসা করবেন।

মা বললেন, বউমাকে নিয়ে তুই বাসায় যা, যে ক'টা দিন
বাঁচি ভিটে ছেড়ে কোথাও যাব না আমি।

অগত্যা ছেলেমেয়েদের নিয়ে আদ্যনাথ শহরযাত্রা
করলেন। টেনে বসেই মনোরমার মনের কোণ থেকে বেরিয়ে
এল পুরনো সাধ। বললেন, শহরে শুনেছি খাঁটি দুধ পাওয়া
যায় না—ভাবছি একটা ছাগল পুষব।

ছাগল! বিষয়ে বিস্ফারিত হ'ল আদ্যনাথের দুই
চোখ।—বল কি! এ তোমার পাড়াগাঁর বাড়ী নয় যে
মেলাই খোলা-মেলা জায়গা। নিজে যদি ছেলেমেয়ে নিয়ে
হাত-পা ছড়িয়ে শুতে পাও ভাগ্যি বলে মেনো।

কেন, ছাগল না হয় বারান্দায় থাকবে—না হয় উঠানে
থাকবে।

বারান্দা? উঠান? হেসে উঠলেন আদ্যনাথ। ভাড়াটে
বাড়ীর ঘরই আছে ভাড়াটেদের জন্যে, ছাদ বারান্দা উঠান
ওসব ভুলে যাও। শহরে ঝাজা মুড়ো বাদ দিয়ে মাছ বিক্রী
হয়, জান?

আচ্ছা আচ্ছা, আগে পৌঁছই ত তার পর দেখা যাবে।

পৌঁছে দেখলেন—আদ্যনাথ কিছুমাত্র অত্যাঙ্কি করেন
নি। ঘর ছাড়া এ বাড়ীতে নিজস্ব কিছু নাই। বারান্দা
সাধারণের। কলতলায় যেটুকু শান-বাঁধানো জায়গা রয়েছে
তাকে উঠান বলতেও বাধে—তাও সাধারণের। ছাদের
হিস্যা বাড়ীওয়ালার। তাঁর বিনা অনুমতিতে ওখানে কারও
প্রবেশাধিকার নাই। এ বাড়ীতে একটুও ফালতু জায়গা
নেই, সবটাই দাগে দাগ মিলিয়ে ভাগ করা—পয়সা দিয়ে
কিনে মেওয়া।

এই বাড়ীতেই দুটি বছর কার্যক্ৰমে বাস করলেন

মনোরমা। হেলেনদের জল হুধ ঝাওয়াবার মাধ মনের
লাতেই বিস্তারিত রইল।

হু' বছর বাদে—পশ্চিমের শহরে বদলি হলেন আদ্যনাথ।
মনোরমাকে বললেন, জাবছি বাড়ীতেই রেখে যাব তোমাদের।

মনোরমা বললেন, আমাদের নিয়ে যেতেই বা তোমার
অসুবিধে কি? বাড়ীতে গেলে ছেলে কি একটিও মানুষ হধে
ভেবেছ?

কিন্তু কাশী গেলে—

সেখানে আমাদের চোখের উপরেই থাকবে—বিগড়াতে
পারবে না। মাকেও বরঞ্চ কাশী নিয়ে চল।

সেই মত চিঠি লেখা হ'ল দেশে।

উত্তরে মা জানালেন শ্বশুরের ভিটে কাশীর চেয়ে বড়—
দেশ ছেড়ে আমি কোথাও যাব না।

গাড়ীতে বসেই জিজ্ঞাসা করলেন মনোরমা, হ্যাঁ গা,
কাশীতে নাকি জিনিষপত্র খুব শস্তা?

ছিল তো আগে, এখন কি হয়েছে ভগবানই জানেন।

—তা বলে পোড়া বাংলাদেশের চেয়ে ভাল। শুনেছি
ওখানে টাকায় হু'সের খাঁটি হুধ পাওয়া যায় এখনও।

জিনিষপত্র শস্তা হলেও বাসাটি তেমন সুবিধার নয়।
গলির মধ্যে গলি—তার মধ্যে আকাশ-মুখো বাড়ী। সদর
দরজা পেরিয়ে হাত তুলে একটা কলতলা—তার গা দিয়েই
উপরে উঠবার সিঁড়ি। মাটির সঙ্গে সম্পর্ক নাই। একখানি
ঘর দোতলায়—আর আছে একখানি তেতলায়। তেতলায়
ছোট ছাদ আছে—সিঁড়ির ঘর আছে, আর আছে টিনে ঘেরা
একফালি রান্নাঘর। কলও আছে জলের, কিন্তু সেটা আছে
ঐ পর্য্যন্তই। প্রথম দর্শনে ভাড়াটে আশ্চর্য হলেও শেষ পর্য্যন্ত
অস্বস্তিতে ভরে উঠে মন। জল সেই একতলায়—উপরের
তলায় টেনে তুলতেই হয়। কিন্তু এ ছাড়া গতিই বা কি।

বাংলার তুলনায় হুধটা শস্তাই, এবং খাঁটিও। তথাপি
মনোরমার দীর্ঘকাল সঞ্চিত মনোবাসনা পূরণ করবার সুযোগ
করে দিলেন বিশ্বেশ্বর।

দোতলার একাংশ ভাড়া নিয়ে বাস করছিলেন প্রৌঢ়
নগেনবাবু। এক সময়ে বাংলার কোন্ পঞ্জীতে যেন ওঁদের
জন্মভিটা ছিল—এখন চাকরির জোয়ারে পশ্চিমের এক শহরের
ঘাট থেকে অন্য শহরের ঘাটে ঘুরে বেড়াচ্ছেন—দেশের
স্বস্তি মুছে গেছে মন থেকে। আশ্চর্যনাথরা আসবার মাস-
খানেক পরে মীরাতে বদলি হবার হুকুমনামা এল তাঁর।

বললেন সখেদে, বুঝলেন আশ্চর্যবাবু, ওঁদের মতলবটাই
আগাগোড়া খারাপ। লেখাপড়া শিখে ছেলেগুলো মানুষ
হোক—এ ওঁরা চান না। ভাবে শিক্ষিত হয়ে পাছে স্বদেশী

বাবুদের দল ভারি করে। তা হুকুম সেই, চিরকাল তো
এই করে করেই গেল! বদলির বাসায় গাছ-শুঁতে এসাম,
সে পাছে ফল খেল অন্য জন। বদলির দেশে মানুষের সঙ্গে
ভাবসাব করাও কি কম ঝকঝক! চোখের জল ফেলতে
ফেলতে বাসা ছাড়া, মনটি কোন আশ্রয় পায় না।

একটি দীর্ঘনিঃশ্বাস ফেলে বললেন, একটি উল্লেখ
করেন তো বলি।

বেশ তো বলুন না।

দেখছেন তো আমার একটা ছাগল আছে—পাটনাই
ছাগল। পঁচিশ টাকায় কিনেছিলাম দাঁওয়ে। একটানে
হুধ দেয়—এক সের। ভাল করে ঝাওয়াতে পারলে
আরও আধ সের কোন্ না দেবে। এখন মুশকিল
হয়েছে—ওটিকে কোথায় রেখে যাই! যে দুই দেশ—ওকে
ভাড়া দিয়ে নিয়ে যেতে হলেই ত চাকের দায়ে মা-মনসা
বিকিয়ে যাবেন! ভারি শাস্ত ছাগল মশার, খায়ও কম।

না-না—ছাগল রাখা—তাড়াতাড়ি বাধা দিয়ে উঠলেন
আশ্চর্যনাথ।

বেশ তো না-ই রাখেন যদি কি আর করব। আর
ক'উকে না হয় বিলিয়ে দেব'খন। কিন্তু ভয় হ'ল পাছে
কসাইয়ের হাতে পড়ে। এতদিন খাইয়ে দাইয়ে বহু আশ্রি
করে...মায়া তো পড়েছে—শেষকালে কিনা...আচ্ছা কেবে
দেখবেন একবার কথাটা। দিন এক সের খাঁটি হুধ পাবেন,
দিন এক টাকা করে বেঁচে যাবে।

নগেনবাবু চলে গেলে আশ্চর্যবাবু থেকে বার হয়ে এলেন
মনোরমা। বললেন, হ্যাঁ গা—ওকি বুদ্ধি তোমার! কথায়
বলে, 'যাচা কত্তে আর কাচা কাপড়।' এ'কখনও ছাড়াতে
আছে? দিন এক সের করে হুধ—বলে এস ছাগল আমরা
রাখব। যাও বলে এস—

কথাটা পাকা করেই ফেললেন আশ্চর্যনাথ।

মনোরমা বললেন, যাই চট করে গজায় একটা জুঁব দিয়ে
বাবা বিশ্বেশ্বরের মাথায় দুটো বেলপাতা দিয়ে আসি। উনি
ছাড়া মনোবাঞ্ছা পূর্ণ করবেন এমন দেবতাই বা ত্রিভুবনে
কোথায়।

নগেনবাবু সপরিবারে চলে গেলেন মীরাতে, ছাগল এসে
উঠল—তিনতলার চিলে কোঠার ঘরে।

দশাসই ছাগল—মনোরমার চোখে কান্তিমানও। চল্লিশ
বছরের জীবনে বহু ছাগলই দেখেছেন মনোরমা—কিন্তু মনে
হ'ল এমনটি আর দেখেন নি। এ ছাগল তো বাইরের
রূপ নিয়ে দৃষ্টিপথবর্তিনী হয় নি, এ যে মনের অপূর্ণ
আকাঙ্ক্ষার তিলে তিলে বর্জিত হয়েছে—দীর্ঘদিন ধরে
শাখাপল্লবে পরিপুষ্ট হয়ে ছেয়ে ফেলেছে মনোভূমি। সাদা-

কালো পাটকিলে রঙের অপূর্ণ মিশ্রণে গড়া ওর লোমশ দেহ, চণ্ডাংশুটানো দুটি কান—ড্যাভেবে চোখের পলক বেয়ে নেমে এসেছে গলার কাছে, হরিণের মত সরু ও সুগঠিত চারখানি সাদা পা, পাটকিলে রঙের চারখানি খুর—সত্ত্ব কাচা মোজার উপর পালিশ-করা জুতোর মত শোভা পাচ্ছে। খুরের খুট খুট শব্দ তুলে ছাদের উপর ও যখন পাদদচারণা করে—মনোরমার মন পূর্ণ হয়ে উঠে পুলকে।

প্রথম দিন একটি গামলা নিয়ে দোহনকার্য সম্পন্ন করলেন মনোরমা। উবু হয়ে বসার কালে অসুবিধা বোধ হ'ল—কিন্তু শূন্য পাত্রে অজ্ঞা-সত্ত্ব-নিঃসৃত দুগ্ধধারার শব্দ তাঁর কানে সুর-সুধা বর্ষণ করল। পাত্র কানায় কানায় ভরে উঠার সঙ্গে মনোরমার মনও পূর্ণ হয়ে উঠল। দুধের গামলাটা আত্মনাথের সামনে এনে বললেন, দেখ—দেখ কতখানি দুধ দিয়েছে। এই দুধ দিয়ে আজ চা করব।

চায়ের রং আর স্বাদ হ'ল চমৎকার। আত্মনাথ প্রশংসা করলেন মনোরমার। ভাগ্যিস তুমি বলেছিলে!

আমি যে কতদিন প্রার্থনা করেছি, হে ভগবান—তুমি নাথ দিয়াছ যদি—তুমিই পূর্ণ কর। তাই ত বাবা বিবেকরকে কালাকাদ দিয়ে ভাল করে পূজো দিয়ে এলাম কাল।

ছাগীদুগ্ধ পান করে সকলেই পরিতুষ্ট হ'ল—সবাই ভাগ করে নিল—ছাগচর্যার ভার।

ছেলেরা এখান-ওখান থেকে পাতা সংগ্রহ করে আনতে লাগল, নিজের নিজের পাতের ভাত ক্ষুধা-মান্দ্যের অজুহাতে ছাগলকে খাওয়াতে লাগল। এমন কি আদ্যনাথও একদিন পাঁচ সের ছোলা এনে বললেন, শস্যায় পেলাম, চাট্টি চাট্টি খেতে দিও ওকে।

ছোট মেয়ে কোথা থেকে গুটি পাঁচ ছয় দুর্কীখাস এনে বলল, মা, ভগবতীকে দেব ?

কাশীতে লাওয়া বলে, এবং শাশুড়ী এক দিন বলেছিলেন যে গরু হচ্ছে মা ভগবতী—ওর সেবা করলে পুণ্য হয়—এই সব হেতু মিলিয়ে মনোরমা ছাগলের নাম রেখেছেন ভগবতী।

এক দিন মনোরমা বললেন, ভাবছি ওকে আর পাতা খাওয়ানো না—ওতে দুধে গন্ধ হয়। তুমি বরঞ্চ কিছু ভূষা এনে দিয়ো তাই খাবে। ধরচের জন্তু ভেব না—মাছের তেলে মাছ ভাজব আমি। এক পো করে দুধ ভাবছি দত্ত দিদিকে দেব—চার আনা পেঙ্গি, ওই চার আনার ভূষা হলে ওর হেউ চেউ।

আমাদের দুধে কম পড়বে না ?

ভাল খেতে পেলে বেশী করে দুধ দেবে। সেই বাড়তি দুধটাই বেচে দেব। ভাল হবে না ?

এই সুব্যবস্থায় আপত্তি করবেন কেন আদ্যনাথ ? আপত্তির সূত্রটি খুঁজে পেলেন মাস দুই পরে।

উত্তম আহাৰ্য্য পেয়েও অজ্ঞা তখন দুগ্ধ বিতরণে কার্পণ্য করতে শুরু করেছেন। দোষ অবশ্য ওরও নয়—বাচ্চা বড় হলেই দুধের পরিমাণ যে হ্রাসপ্রাপ্ত হয়—এ তথ্য সংসারী মায়েই জানেন। শুধু এ বাড়ীর কেউ বুঝতে চাইলেন না। প্রকৃতির নিয়ম অল্প প্রাণীর বেলায় যাই হোক—ভগবতীর বেলায় ব্যতিক্রম হবে এইটেই যেন ওঁদের আশা। কারণ ভগবতীর পরিচর্যা চলছে পূর্ণোদ্যমে—তার প্রতিদানে ও কেন নিরুৎসাহ করবে প্রতিপালকদের ? ওর পশুজীবনেও কি কৃতজ্ঞতা প্রকাশের সুযোগ ছাড়া উচিত ?

দুধের পরিমাণ যখন খুবই কমে এল তখন মনোরমা বললেন, ছাগলটা আজকাল দুধ চুরি করতে শিখেছে—জান ? যখনই দুইতে যাই—গায়ে হাত ঠেকেছে কি গড় গড় শব্দ করে অমনি দুধ টেনে নেয়।

আত্মনাথ বললেন, না না—বাচ্চা বড় হলে দুধ কমে যায়। গরুর বেলায় দেখ নি ?

দেখেছেন বৈ কি মনোরমা, কিন্তু লোকসানটা তিনি প্রসন্নমনে মেনে নিতে পারছেন না। দোহনকালে ছাগলটার গায়ে কিল চাপড়ও পড়তে লাগল।

ছেলেরাও কখনও কান ধরে, কখনও লেজ টেনে, কখনও বা পিঠের ওপর চেপে কৃতজ্ঞতার শাস্তি দিতে লাগল। কিন্তু কিছুতেই কি অবোধের জ্ঞান সঞ্চার হ'ল ! দুধের পরিমাণ ক্রমশঃ কমতে লাগল। চরম দণ্ডবিধান করে মনোরমা অতঃপর কাঁচি চালালেন ওর আহাৰ্য্য-বরাদ্দের উপর। প্রতিদানে ছাগলও করল অসহযোগ। এক দিন দোহনপাত্রে বিলুমাত্র দুগ্ধবর্ষণ করল না সে।

ঘরের মেঝেতে বসে দাড়ি কামাচ্ছিলেন আত্মনাথ—খালি গেলাসটা তাঁর সামনে আছড়ে ফেলে মনোরমা বললেন, এই নাও তোমার ছাগল আজ জবাব দিয়েছে, আর দুধ দেবে না সে।

গলার ঢালু তাঁর বেয়ে এক নিমেষে নেমে গেল জোয়ারের জল, কাদা আর ঢেলা আর গর্ভ নিয়ে জেগে উঠল চরভূমি।

মনোরমা বললেন, আজকাল তোমার ছাগলের কত গুণ হয়েছে শুনবে ? পরশু কাপড় মেলে দিয়েছিলাম—একটা খুঁট ছিল চিলে ঘরের পেরেকে। কাপড় কেচে এসে দেখি গুণনিধি সেই খুঁট দিব্যি চিবুচ্ছেন ! সময়ে না দেখতে পেলে কাপড়ের আধখানা ওর গর্বে যেত।

দু'দিন পরে আর একটি ব্যাপার ঘটল—এর চেয়ে মারাত্মক। ছোট খোকা খেলা করছিল একটা ফুলকপি নিয়ে। খেলা করতে করতে কখন সে কপিসমেত এসেছে

ছাগলটার কাছে। ছেলে বাড়িয়েছে হাত—ছাগল বাড়িয়েছে গলা। ছেলের হাত থেকে কপি উঠেছে ছাগলের মুখে। বহুদিন পরে এমন রসনাতৃপ্তিকর ভোজ্য পেয়ে ছাগলটা ছাগ-গ্রাসে (গরু হলে অবশ্য গোগ্রাসে বলা যেত) কয়েক মিনিটের মধ্যে সেটি নিঃশেষ করে ফেলেছে। এত শীঘ্র খেলা শেষ হবে ভাবতে পারেনি খোকা। ও চৈচিয়ে উঠল, মা—ও মা, কপি খেয়ে ফেলল ভগবতী।

কাণ্ড দেখে মনোরমার আপাদমস্তক জ্বলে উঠল। রান্নার জন্তু যে চেলা কাঠ পড়েছিল তাই না উঠিয়ে ছাগলটার পিঠে ছুঁকাড় করে যা বসাতে লাগলেন। তারস্বরে চীৎকার করে উঠল ছাগল।

আদ্যনাথ বললেন, আরে কর কি, মরে যাবে যে!

যাক—আপদ যাক। আমি আর পারি না।

এমন চক্কে চাইলেন আদ্যনাথের পানে যেন ছাগল পোষার সমস্ত অপরাধটা তাঁরই।

আদ্যনাথ সেইদিনই চিঠি লিখলেন নগেন বাবুকে; কবে আসিয়া আপনার ছাগলটিকে লইয়া যাইবেন জানাইবেন। এ বাড়ীতে ছাগল রাখার অসুবিধা হইতেছে, কেহই আর রাখিতে চায় না।

পত্রপাঠ জবাব দিলেন নগেনবাবু, ছাগল সঙ্গে আনিবার উপায় থাকিলে আনিতাম। ওটি তাই আপনাকে দিয়া আসিয়াছি—ছেলেমেয়েরা দুধ খাইবে বলিয়া। নিতান্ত যদি অসুবিধা বোধ করেন কাহাকেও বিলাইয়া দিবেন।

চিঠি পেয়ে আদ্যনাথ বললেন, বিলিয়ে দেব ছাগলটাকে।

কার দায় পড়েছে তোমার বুড়ো ছাগল নেবে। বন্ধার দিয়ে উঠলেন মনোরমা।

অমনি দিলে কত মিঞাই নেবে।

বহু চেষ্টা করেও কিন্তু সমস্যামুক্ত হতে পারলেন না আদ্যনাথ।

পাশের বাড়ীর কালু ঘোষ বলল, দুধ দিলে কি আর ছাগল বিলিয়ে দিতে দাদা?

কিন্তু দুধ দ্বেবে তো পরে। আদ্যনাথ প্রতিবাদ করলেন।

না-ও দিতে পারে। খনার বচনে আছে—বাইশ বলদা, তের ছাগলা। মাস্তুর তের বছর বাঁচে ছাগল। তা নগেন বাবুর কাছেই তো এটি রয়েছে দশ-এগারো বছর। বুড়ো বয়সে কি বাঁচা হয় ছাগলের।

বেশ তো নিয়ো না। রাগ করে চলে এলেন আদ্যনাথ।

রমণীর মাকে বলতেই বলল, যক্কে কর বাবু—নাতি-

নাতনীদেব আর দুধ খেয়ে কাজ নেই, ছাগল পুবে শেষ-কালে কি পাগল হব।

অবশেষে একজন লোক রাজী হ'ল।

তার চেহারা দেখে আদ্যনাথ বললেন, তোমাকে দেব না বাপু।

কেন বাবু, আমাকে দিলে ছাগল আপনার খুব যত্ন থাকবে। লোকটা মিনতি করল।

তা আর থাকবে না? তোমাকে তো দশাখমেধ বাজারে মাংসর দোকানে দেখেছি। সরে পড়।

মনোরমা কাঁদ-কাঁদ গলায় বললেন, হ্যাঁগা, তা হলে কি হবে? এ যে দেখছি সাপে ছুঁচো গেলা হ'ল। একে সংসার চলে টায়েটোয়ে, তর ওপর ওই ছাগল—

আদ্যনাথ হেসে ফেললেন, অবশ্য মনে মনে। মুখে শুধু বললেন, বাবা বিশ্বেশ্বরকে পূজো দাও ভাল করে, যাতে এ দায় থেকে উদ্ধার হতে পার।

দায় যেন আমারই! আমি একাই যেন ওর দুধ খেয়েছি! ফোঁস করে উঠলেন মনোরমা।

আদ্যনাথ বাড়ী নিষ্পত্তি করলেন না। কিন্তু এ ভাবে তো সমস্যা মেটে না। উপায় একটি বার করতেই হবে। তবে কি খুব ভোরে কাক-কোকিল ডাকবার আগে ওটাকে দড়ি ধরে রাস্তায় বার করে দিয়ে আসবেন? সঙ্গে সঙ্গে দশাখমেধ ঘাটের মাংসের দোকানীকে মনে পড়ল। বেওয়ারিশ ছাগল পেলে ওরা কি আর ছেড়ে দেবে। শিউরে উঠলেন আদ্যনাথ। কাশীতে এসে লোকে কত দানধ্যান পুণ্যকর্ম কবে—আর তিনি করছেন এই সব পাপ চিন্তা? আহা অবোলা প্রাণী—ওর কি দোষ!

অনেক রাত্রি অবধি জেগে জেগে চিন্তা করতে লাগলেন—কেমন করে সঙ্কট-মুক্ত হবেন।

রাত্রিতে স্বপ্ন দেখেছিলেন কি না—কে জানে, ভোর বেলাতে ঘুম ভেঙে যেতেই তড়াক করে লাফিয়ে উঠলেন আদ্যনাথ। চীৎকার করে ডাকলেন মনোরমাকে, ওগো শুনছ? শীগগির এদিকে এস। আরে গেলে কোথায় গো? শুনছ?

একতলায় নেয়ে এসে দোতলায় কাপড় ছাড়ছিলেন মনোরমা। ডাকের উপর ডাক শুনে ছুটতে ছুটতে তেতলায় উঠে এলেন। বললেন, কিছু জালা—অত চৈচাছ কেন? বাড়ীতে কি ডাকাত পড়েছে, না লটারীতে ফাট'প্রাইজ পেয়েছ?

ফাট'প্রাইজ পেয়েছি—শীগগির দশটা টাকা বার করে দাও তো।

টাকা! আকাশ থেকে পড়লেন মনোরমা। আজ

মাগের ক' তুমি মনে আছে ? মাগের মাগের আড়াইটে টাকা পড়ে আছে। আজ, কাল, পরশ্ব তিন দিন চালাতে হবে। তার মধ্যে আবার ব্যাশনও আনা আছে।

হুস্তোরি ব্যাশন! টাকা না থাকে তোমার কুড়ি খুলে দাও—বাধাছাড়া দিয়ে যেমন করে হোক—দশটা টাকা আমার চাই। আজই চাই।

অবাক হয়ে গেলেন মনোরমা—এমন বুদ্ধি আদ্যনাথের কখনও তো দেখেন নি। বললেন, কি বলছ তুমি ? তোমার কি মাথা ধারাপ হ'ল ?

মাথা ধারাপ হয় নি—বরঞ্চ বুদ্ধি খুলে গেছে। শোন তবে। ওই টাকা দিয়ে মীরাটে একটা জিনিস পাঠাব। অ্যান্ড লগেজ—রেলের মাণ্ডল খুণে। আরে, তবুও অবাক

হয়ে চেয়ে রইলে ? বলি একটু একটু খুঁচিয়ে কাটা ভাল, না এক কোপে সাবাড় করা ভাল ? এই যে ছাগল পুষে মাস মাস খরচ শুনে মরছি—অথচ একবার যদি থোকথাক কিছু খরচ করি তো দায় থেকে খালাস হব কি না ? ওই টাকা দিয়ে বার ছাগল তারই কাছে পাঠিয়ে দেব—বুঝলে ? একবারই খরচ হবে—মাস মাস তো জের টানতে হবে না।

মনোরমার মুখখানি মনে হ'ল—সকালবেলাকার পূব-দিককার আকাশ—সুদীর্ঘ রাত্রির অবসান হয়ে যা সূর্যোদয়ের সম্ভাবনায় বলমল করে উঠে।


হ'হাত জোড় করে তিনি কাকে যেন প্রণাম জানালেন। বললেন, ওর থেকে দুটি টাকা আমার দিও—বাবা বিশ্বনাথকে ভাল করে পূজো দিয়ে আসব।

শান্ত স্বাধীনতা

শ্রীশৌরীন্দ্রনাথ ভট্টাচার্য্য

একো বাধা বন্ধ স্বদেশ স্বাধীন তারাই মুক্ত
তাদের লাগি কেই আলাদা সরকার,
জয়-জয়নাশু তারী জীরের সাথে মুক্ত
শাসন তাদের হয় না কতুই দরকার।
প্রত্যেকেরি চিত্ত তাদের নিশ্চাপ এবং সরল
নির্ভেদ এবং হিংসাবিহীন মনপ্রাণ,
সন্দেহ নেই পরস্পরে বন্ধেতে নেই গরল
সুবক্ষিত প্রত্যেকেরি ধনমান।
কাজেই তাদের নিজের মাঝে নেইক কোনই দ্বন্দ
সমস্তা নেই সংসারে একরত্তি,
সবার সমান স্বার্থ তাদের প্রাণভরা-কি ছন্দ
পবিত্র সেই স্বাধীনতাই সত্যি।
হয় না তাদের নিজের সাথে বিষয় নিয়ে ঝগড়া
পরস্পরে হয় না কতু দংশন,
সাম্প্রদায়িক বিবেচনতে হাওড়া থেকে মগরা
পালার না কেউসক্রিগলি জসন।
পবিত্র সেই স্বাধীনতার সবাই সমান অঙ্গী
কাজেই তাতে নেইকো চোরাকারবার,
বকনা কে করবে কাকে ? বিশ্বপ্রেমের বঙ্গী
আনন্দেতে বাজার তারা বারবার,


সবাই থাকে নিজের দেশেই নিজের ভিটের বন্ধে
বিপদকালে সবাই তারা একপ্রাণ,
এই একতাই লাখ বিপদে তাদের করে বন্ধে
বিশ্বে সবাই তাদের গাহে জয়গান।
তারাই নিজের দেশের মালিক তারাই নিজে সরকার
আনন্দ সুখ তাদের কাছে বঙ্গী,
ভাত কাপড়ের ভাবনা তাদের হয় না কতু দরকার
জীবন তাদের নিত্য চলে ছন্দি'।
খোড়াই তারা গ্রাহ করে বিদ্র-বিপদ ভয়কে
মৃত্যু স্বয়ং তাদের কাছে তুচ্ছ,
একো বাদের সখ্য বাধা বন্ধে বাধি জয়কে
বিশ্বে তাদের শিরটি চির উচ্চ।
ইচ্ছাতে বার শক্তি বাধা চিন্তে বাধা বিদ্যৎ
প্রত্যেকেরেতে সত্যে বারা বেগ্বান,
শিব তাহাদের বন্ধে এবং স্বয়ং তারা শিবদূত
এই পৃথিবীর পথ তাহাদের দেয়ান।
সংসার এবং রাষ্ট্র বারা বাধল একই সঙ্গে
নিজেই নিজের পুলিশ এবং নিজেই নিজের সৈন্ত
সত্যিকারের স্বাধীন তারাই থাকবে বেঁচে সঙ্গে
তাদের মহান স্বাধীনতাই অমর এবং ধন্ত।



স্বাধীনতা দিবসে, দিল্লীতে প্রধানমন্ত্রী পণ্ডিত জওহরলাল নেহরু কর্তৃক 'গার্ড অব অনার'র অভিবাদন গ্রহণ !



নিউ দিল্লীতে ইন্দোচীনের আন্তর্জাতিক কমিশনের কানাডা, পোলাণ্ড এবং ভারতীয় সদস্যগণের সভা



ইন্দোচীন যাত্রাকালে পাল্লাম বিমানঘাটিতে
শ্রীএম. জে. দেশাই ও শ্রী ডি. পি. পার্শ্বসারথি



পাঁচমারি, 'সমাজসেবা শিক্ষা-শিবিরে'র 'গার্ল ক্যাডেট'গণ
কর্তৃক একটি পীড়িত শিশুকে প্রাথমিক সাহায্য প্রদান

হায়দর আলি এবং তাঁহার ইউরোপীয় সেনানীবর্গ

অনুজনাথ বন্দ্যোপাধ্যায়

দুর্ভাগ্যবশত নিজাম আলি ইহার অল্পকাল পরে হায়দরকে পরিত্যাগ করিয়া ইংরেজদিগের সহিত সন্ধিস্থাপন করিলেন। পূর্বতন সন্ধিপত্র এই নূতন সন্ধির মূলভিত্তি হইলেও কয়েকটি বিষয়ে দুইটির মধ্যে গুরুতর পার্থক্য ছিল। তন্মধ্যে হায়দরকে পরস্বাপহারী ঘোষণা করিয়া মিত্রদলের নিজেদের খেয়ালমত তাঁহার রাজ্য আপনাদের মধ্যে বন্টন করিয়া লইবার সর্তাটর সত্যই তুলনা মেলা ভার!

ইহার কিছুকাল পরে (১৮১২।১৭৬৭) একটি খণ্ডযুদ্ধে দে লা তুর ইংরেজদিগের হস্তে নিপতিত হন, কিন্তু সে ইতিহাস প্রদানের পূর্বে শোভালিয়ে দি সেন্ট লুয়াঁ সঙ্ক্ষে কিছু বলা আবশ্যিক। ভাগ্যান্বেষী সৈনিক বলিতে সাধারণতঃ যাহা বুঝায় তিনি ঠিক সে জাতীয় না হইলেও, একজন সূচতুর রাজনৈতিক (adventurer) ছিলেন এবং দীর্ঘ দশ বৎসরেরও অধিককাল স্বীয় নানাবিধ ষড়যন্ত্রের বলে এদেশের বিভিন্ন দরবারকে সন্ত্রস্ত ও উদ্ভিগ্ন রাখিয়াছিলেন। পেলেবো (Paillebeau) দি সেন্ট লুয়াঁ ইহার প্রকৃত নাম, ইতিহাসে তিনি শোভালিয়ে দি সেন্ট লুয়াঁ নামে পরিচিত; উক্ত উপাধিটি তাঁহার স্বয়ংসিদ্ধ। প্রথম জীবনে ফরাসী সৈনিকরূপে তিনিও এদেশে আসিয়াছিলেন এবং কাউন্ট লালীর দলভুক্ত ছিলেন বলিয়া দে লা তুর উল্লেখ করিলেও এক্ষণে জানা গিয়াছে সেকথা ঠিক নহে। প্রথম জীবনে নরসুন্দররূপে পণ্ডিচেরী নগরে তাঁহার আবির্ভাব ঘটিয়াছিল এবং কাউন্ট লালীর যুদ্ধের সময় তিনি নাপিতের কাঁচি ও ক্ষুর ছাড়িয়া সার্জনের কাঁচি ও ছুরি ধরিয়াছিলেন। প্রায় তিন বৎসরকাল ফরাসী সেনাবিভাগে সার্জনের সহকারীরূপে কাজ করিবার পর পণ্ডিচেরীর পতন হইলে অপরাপর যুদ্ধবন্দীর সহিত তিনিও ইউরোপে প্রেরিত হইয়াছিলেন, কিন্তু ভাগ্যান্বেষণের অপরিমিত ক্ষেত্র ভারতবর্ষের মোহ তাঁহাকে ছাড়ে নাই। সমর্যাবসানে মুক্তিলাভের পর তিনি আবার এদেশে ফিরিয়া আসিতে সচেষ্ট হইয়াছিলেন এবং ভারতবর্ষে দৌত্যবিভাগে কোন কক্ষ তাঁহাকে দিবার জন্ত তিনি মন্ত্রিসভাকে অনুরোধ উপরোধ করিতে আরম্ভ করিয়াছিলেন। লোকটির কল্পনা এবং রসনার অস্ত যে কোথায় তাহা বোধ হয় স্বয়ং অন্তর্ধার্মীরও অজ্ঞাত। নৌবিভাগীয় মন্ত্রী সার্ভিনকে তিনি লিখিয়াছিলেন, সৈনিকরূপে ভারতবর্ষে গমন করিলেও স্বল্পকালের মধ্যে সূচতুর রাষ্ট্রনীতিকুশল ব্যক্তিরূপে তিনি এরূপ অননুসাধারণ প্রতিভার পরিচয় দিয়াছিলেন যে, কাউন্ট লালী ইংরেজদিগের কলিকাতা নগরকে দুর্গাদি দ্বারা সুরক্ষিত করার পরিকল্পনা অপহরণের সূকঠিন এবং বিপজ্জনক কার্যভার তাঁহার প্রতি গুস্ত করিয়াছিলেন এবং ঐ কার্য তিনি সম্পূর্ণ সন্তোষজনক ভাবেই সম্পন্ন করেন— অর্থাৎ শুধু গ্লান চুরিই নহে, ভারপ্রাপ্ত ইঞ্জিনীয়ারকেও তিনি

ভুলাইয়া ধরিয়া আনিয়াছিলেন এবং এই ভাবে শত্রুপক্ষের দুর্গনির্মাণকার্য তিন বৎসরকাল পিছাইয়া দিয়াছিলেন। আশ্চর্যের বিষয়, এরূপ ঘোর মিথ্যা কথাও কর্তৃপক্ষ বিশ্বাস করিয়াছিলেন এবং পরবৎসর ১৭৬৪ সনে সেন্ট লুয়াঁ আবার ভারতবর্ষে তাঁহার অননুসাধারণ রাজনৈতিক জ্ঞান পরিপক্ব করিয়া বাহাতে ভবিষ্যতে ইংলণ্ডের সহিত সমর বাধিলে তিনি পূর্ণভাবে দেশের সেবা করিবার অবস্থায় প্রস্তুত থাকিতে পারেন, তজ্জগৎ প্রেরিত হইয়াছিলেন।

স্থলপথে পারস্য এবং আফগানিস্থানের মধ্য দিয়া ভারতবর্ষে প্রবেশ করিয়া ১৭৬৬ সনে লুয়াঁ যখন কালিকটে আসিয়া উপনীত হইলেন তখন তিনি সম্পূর্ণ নিঃস্বল এবং নিঃশ্ব। মাহের ফরাসী কুঠিয়াল পিকটের নিকট তিনি কক্ষপ্রার্থী হইলে তাঁহার নিজের পক্ষে কিছু করা সম্ভবপর না হওয়াতে বুঠিয়াল হায়দরের ফরাসী সেনাপতি দে লা তুরের নিকট উহাকে পাঠাইয়া দিয়াছিলেন। ১৭৬৭ সনে হায়দর যখন কৈশাটুয়ে সদলবলে অবস্থান করিতেছিলেন তখন সেন্ট লুয়াঁ তাঁহার নিকট আগমন করেন। হায়দরের নিকট তিনি ফরাসী গোলন্দাজ বাহিনীর কাপ্তেন এবং Ordre Royale de St Louis নামক মহামাণ্ড রাজকীয় সম্মানের শোভালিয়ে বা নাইট বলিয়া আত্মপরিচয় দিয়াছিলেন; বলিয়াছিলেন, ইউরোপ হইতে সার্থবাহকুলের সহিত তিনি স্থলপথে এদেশে আসিয়াছেন এবং পণ্ডিচেরী তাঁহার গন্তব্যস্থল। পিকটের পত্রের জন্ত দে লা তুরের মনে উহার সততা সঙ্ক্ষে অনুমাত্র সন্দেহ জন্মে নাই। উহার সরলতা ও জ্ঞাননিষ্ঠা এবং একটি বাহ্যিক আড়ম্বরে মুগ্ধ হইয়া তিনি হায়দরকে অনুরোধ করিয়া মাসিক ৫০০ টাকা বেতনে এক ব্যাটালিয়ন সিপাহীর অধ্যক্ষপদ উহাকে দিয়াছিলেন। এখানে লুয়াঁ সঙ্ক্ষে যাহা বলা যাইতেছে তাহা প্রধানতঃ দে লা তুরের ঐচ্ছ হইতে গৃহীত। পূর্বোক্ত সম্মানচিহ্ন ক্রশটি ভিন্ন অনেকেরই হৃর্ভাগ্যের হেতুরূপ উহার মানবচিত্তাকর্ষণের একটি স্বাভাবিক ক্ষমতা ছিল। দৈনন্দিন জীবনযাপনের পক্ষে অপরিহার্য কোনকিছুই উহার তখন ছিল না। দে লা তুর তাহাকে আহাৰ্য্য, বস্ত্র, বাসস্থান, যানবাহন, অর্থাৎ সংক্ষেপে বলিতে গেলে, ভ্রমভাবে থাকিবার পক্ষে যাহা কিছু প্রয়োজন সমস্তই দিয়াছিলেন। তাঁহার পক্ষে এক্ষেত্রে একথা মনে করা খুবই স্বাভাবিক যে, ঐ ব্যক্তি উপকারকের প্রতি কৃতজ্ঞ এবং শ্রদ্ধাসম্পন্ন নিশ্চয়ই হইবে। কিন্তু লোকটি এতাদৃশ নীতিজ্ঞানবিবর্জিত এবং বিশ্বাসঘাতক ছিল যে, তিন মাসের মধ্যেই সে কক্ষ্যাত এবং কারারুদ্ধ হইতে বাধ্য হইল। তাহার কারণ কি দে লা তুর স্পষ্ট করিয়া সেকথা বলেন নাই এবং পিয়েল্লোটো কতকটা বহুশ্রুজনকভাবেই এইটুকু মাত্র বলিয়াছেন, “উহার স্বাভাবিক প্রবণতাসমূহ অসাধারণ।” ইহার অর্থনির্ণয় করা সম্ভবপর

নহে। মশিয়ে মাটিন নামে হায়দরের একজন ফরাসী সার্জন ছিল, ঐ ব্যক্তি লালীর সেনাদলে উহার সহকারী থাকায় প্রথম দর্শনেই চিনিতে পারিলেও সে সময় উহার অল্পবোধে তাহার মুখোশ খুলিয়া দেওয়া হইতে বিরত থাকেন। মাটিনের সনির্বন্ধ অল্পবোধে হায়দর লুব্যাঁকে শুধু যে কারাগার হইতে মুক্তি দিয়াছিলেন তাহা নহে, পরন্তু সৈন্যদল মধ্যে সার্জনরূপে কার্য্য করিবার অমুমতিও দিয়াছিলেন। ভিক্ষাপঞ্জীতে পরিণতপ্রায় শ্বেভালিয়ে এইরূপে ভিষকে পরিবর্তিত হইয়া সকল কার্য্যসাধনক্রমে তাহার সেই ক্রশ-চিহ্নটির সাহায্যে এবার পর্তুগালদেশীয় রাজসম্মান "Order of the Christ" পদবীধারী হইয়াছিল। উহার স্বর্ণনির্মিত ক্রশটি কিন্তু সত্যি ফরাসী সেন্ট লুই-অর্ডারের ক্রশই ছিল। উহার একটি দিক একেবারে প্লেন এবং অপর দিকের মিনা করা সেন্ট লুইয়ের প্রতিকৃতি তুলিয়া ফেলিয়া অপেক্ষাকৃত ছোট মাপের একটি ক্রশ তাহার উপর বসানো ছিল। ইহার কারণ-স্বরূপে সে বলিত, পর্তুগালে বাসের সময় কতকটা ফরাসী খাঁচ দিবার জন্ত সে ক্রশটি এই ভাবে গড়াইয়াছিল। যাহা হউক, তাহাকে ঐ ক্রশটি ধারণ করিতে নিষেধ করা হয়। তখন সে তাহার পরিষেয় বন্দাদিতে সুপ্রচুর জমির কাসদানী কার্য্য ব্যবহার আরম্ভ করিল। উহা কিন্তু আর নিষিদ্ধ হয় নাই। আগমনের দ্বিতীয় দিনেই লুব্যাঁ নিজেকে উক্ত পর্তুগীজ সম্মানচিহ্নের নাইট বলিয়া পরিচয় দেয়। যেরূপ সহজভাবে সে ঐ সকল সম্মানে নিজেকে বিভূষিত করিত, লিসবনে তাহার দীর্ঘ অবস্থান (এই স্থান হইতে ফাঁসির ভয়ে তাহাকে পলাইতে হইয়াছিল!) এবং একটি সনদ যাহা পরে জাল বলিয়া প্রতিপন্ন হইয়াছে—এই সকল কারণে তাহার উক্তির যথার্থ্য সন্দেহে কোন প্রশ্নই করা যায় না।

কিন্তু অনতিকালমধ্যেই পুনরায় আর একটি চাতুরি পেলিতে গিয়া লুব্যাঁ কারারুদ্ধ হইল। এবারও মাটিন এবং পিয়েস্কোটোর অল্পবোধে হায়দর তাহাকে মার্জনা করিলেন। চিরদিনের মত মহীশূর পরিত্যাগ করিবার অঙ্গীকার করাতে লুব্যাঁকে পশ্চিমের গমনের অমুমতি প্রদত্ত হইয়াছিল। কাপ্তেন ম্যাকেলি এবং লেফটেন্যান্ট মণ্টগোমারি নামক দুই জন ইংরেজ অফিসার সেই সময় বন্দী-বিনিময়ে মুক্তিলাভ করিয়া মাদ্রাজ ফিরিতেছিলেন। লুব্যাঁকে ইহাদের সহিত গমনের অমুমতি দেওয়া হয়। বারে বারেই কিন্তু এই বিশ্বাসসস্তা দুই লোকটিকে এতটা বিশ্বাস করা উচিত হয় নাই। কথায় বলে, 'মানুষ একসঙ্গে সকল কথা ভাবিতে পারে না।' তা ভিন্ন এরূপ একটি অপদার্থের কবল হইতে নিষ্কৃতিলভের বাসনাই মনের মধ্যে প্রবল ছিল। লুব্যাঁর নিকট হইতে যে আশঙ্কার কোন কারণ ঘটিতে পারে, তাহা কেহ মনেও ভাবে নাই। পশ্চিমধ্যে লুব্যাঁ সত্যমিথ্যা মিলাইয়া নানাবিধ কাহিনীর সৃষ্টি করিয়া কাপ্তেন ম্যাকেলির মনোরঞ্জে প্রবৃত্ত হইয়াছিল। হায়দরের নিকট পরাজিত এবং বন্দী হওয়ার জালা তখনও তাঁহার মন হইতে মিলায় নাই। পশ্চিমধ্যে লুব্যাঁ তাঁহাকে যাহা কিছু বলিয়া-

ছিল, তিনি সবই প্রত্যয় অথবা অর্ধপ্রত্যয় করিয়াছিলেন, বলা যায় না। লুব্যাঁ বলে, হায়দরের পেনাবল সন্দেহে পুখারুপুপু অরূপে অল্পসন্দেহ করিয়া তাহার এই প্রতীতি জন্মিয়াছে যে, ইউরোপীয় অফিসার এবং সৈনিকগণই হইতেছে উহার সকল শক্তির কেন্দ্র। উহারা ছাড়া তাঁহার পতন অনিবার্য্য। আলাপ করিয়া তিনি বুঝিয়াছেন, উহারা সকলেই নবাবের চাকরিতে, বিশেষতঃ অধ্যক্ষ দে লা তুরের প্রতি একান্তরূপেই বীতস্পৃহ। একটু চেষ্টাচরিত্র করিলেই তিনি উহাদের সকলকে ভাঙ্গাইয়া আনিতে পারেন এবং তাঁহার সুহ্ম সার্জন মাটিনের মধ্যবর্তিতায় এ কার্য্য সহজসাধ্য হইতে পারে। তবে কথা এই যে, তজ্জন্য ইংরেজ গবর্নমেন্টের পক্ষে উহাদের সকলকে তাঁহাদের কর্ম্ম গ্রহণ এবং যথোচিত পুরস্কার অঙ্গীকার করা প্রয়োজন।

কথাটা ম্যাকেলির মনে ধরিয়াছিল। মাদ্রাজে আসিয়া তিনি লুব্যাঁকে গবর্নর বুনিয়ে প্রমুখ নেতৃস্থানীয় ব্যক্তিগণের সহিত পরিচিত করিয়া দিলেন। বলা বাহুল্য, এই প্রস্তাবে ইংরেজ সরকার হাতে স্বর্গ পাইয়াছিলেন। মহীশূর হইতে বিতাড়িত ভবঘুরে একজন ভাগ্যাশেষী সৈনিক সহসা একেবারে ইংরেজ গবর্নর এবং আর্কটের নবাব মহম্মদ আলির পরম প্রিয়পাত্রের পরিণত হইয়া গেল।

এই সময়ে জর্নৈক ফরাসী সৈনিক পশ্চিমের হইতে ইংরেজদের কর্ম্ম গ্রহণ করিবার অভিপ্রায়ে মাদ্রাজ নগরে আসিয়াছিল। যে কারণে হউক না কেন, ধারণা হইয়াছিল ফরাসী কর্তৃপক্ষ তাহার সহিত সন্দেহের কথা জানাইয়া বলিলেন যে, ঐ কার্য্যে যথাগাথা সাহায্য করিলে পলাতকগণকে লইয়া যে দল গঠিত হইবে লেফটেন্যান্ট-কর্নেল পদসহ তাহার অধ্যক্ষতা তাঁহাকে উহারা দিতে সম্মত আছেন। অনন্তর ঐ ব্যক্তি হায়দর-সকাশে গিয়াছিল। এ দেশে উহার আত্মীয়স্বজনবৃন্দ যে প্রকার কৃতিত্ব দেখাইয়াছিল, সম্ভবতঃ সেই কারণে লব্ধ তাহার ধ্যানিত্তে আকৃষ্ট হইয়া পড়িয়া নবাবের ইউরোপীয় সেনাপতি (অর্থাৎ দে লা তুর স্বয়ং) পূর্ব হইতে তাহার প্রতি কতকটা অল্পকুলভাবাপন্ন ছিলেন; সুতরাং তাহাকে দেখিয়া অতঃপর একজন সহকারী মিলিল ভাবিয়া তিনি হুঁট হইয়াছিলেন। রাজা সাহেব তাহাকে দরবারে পরিচিত করিয়া দিয়াছিলেন; তিনি পূর্ব হইতে উহাকে চিনিতেন। কিন্তু সকলে দেখিয়া বিস্মিত হইল যে হায়দর তাহাকে দেখিয়া স্পষ্ট বিবক্তি প্রকাশ করিলেন। অথচ একটি ইউরোপীয় সৈনিক লাভ করিলে তাঁহার যে খুশির সীমা থাকে না, সে কথা ত অজানা নয়। মথুর্ম ইতিপূর্বে লালীর সময়ে উহাকে পশ্চিমের হইতে দেখিয়াছিলেন। সে যে অত্যন্ত ভীক কাপুরুষ তাহা তিনি জানিতেন এবং সে কথা হায়দরকে বলিয়াছিলেন। এক কোম্পানী Hussar পণ্টনের ক্যাপ্টেন-পদ উহাকে দিতে দে লা তুর ইচ্ছুক ছিলেন, সম্পূর্ণ নিরক্ষর একজন লেফটেন্যান্ট উহাদের পরিচালন করিতেছিলেন। কিন্তু নবাবকে কোনমতে সম্মত করা গেল না। তাঁহার আপত্তির প্রকৃত কারণ

সেনাপতির আশা না থাকায় তিনি অত্যন্ত দুঃখিত হইয়াছিলেন। তাঁহার ধারণা হইয়াছিল যে মহামহী অকারণ নবাবের কান ভারী করিয়াছেন। উক্ত ব্যক্তির প্রতি স্বীয় আন্তরিকতা দেখাইবার জন্ত এবং পথামর্শপ্রাপ্তির আশায় তিনি তাহার নিকট প্রস্তাবিত কুদালুর অভিযানের কথা বলিয়াছিলেন। বিশ্বাসঘাতক পূর্বাঙ্কে ইংরেজদিগকে সংবাদ পাঠাইয়া কিরূপে তাহাদিগকে সতর্ক এবং গবর্নর-প্রমুখ উচ্চপদস্থ রাজপুরুষগণকে বন্দীদশা হইতে রক্ষা করিয়াছিল সে-কথা ইতিপূর্বে বলা হইয়াছে।

“ত্রিণমালাইয়ের যুদ্ধে অখারোহীদলের অফিসারগণ দে লা তুরের অনুমতি লইয়া উহাকে তাহাদের পরিচালনাত্মক লইতে আহ্বান করিয়াছিল। কিন্তু সে তাহাতে সম্মত না হইয়া বরাবর হায়দর আলির পিছনেই অবস্থিত করিত। Hussar পণ্টনের সহিত অশপৃষ্ঠে তাঁহাকে সমামান দেখিয়া নবাব বিব্রত হইয়াছিলেন এবং একজন মৃত পিণ্ডারী সৈনিকের ঘোড়া দেখাইয়া দিয়া তাহাকে তাহাতে আরোহণ করিতে আদেশ দিয়াছিলেন। এ চূড়ান্ত অবমাননাতেও উহার বিদ্মুদ্রাজ লজ্জাবোধ হয় নাই।

এই যুদ্ধের পর ফরাসীদের মধ্যে প্রথম অসন্তোষের লক্ষণ দেখা দিয়াছিল। এ যাবৎ উহার স্বর্ণমুদ্রায় বেতন লইত, অতঃপর তৎপরিবর্তে সকলে রৌপমুদ্রায় বেতন দাবি করিয়াছিল। বাট্রার হারের জন্ত ইহাতে তাহাদের কিছু অধিক লাভের সম্ভাবনা ছিল। যোগ্যতা না দেখাইয়াও অধিক বেতন দাবি করার জন্ত দে লা তুর সকলকে তীব্র ভৎসনা করিয়াছিলেন এবং কথাপ্রসঙ্গে বিগত যুদ্ধে তাহাদের ব্যর্থতার কথা তুলিয়াছিলেন। তাহার সুযোগ লইয়া ষড়যন্ত্রকারীরা সৈনিকগণকে অপমানের প্রতিশোধ লইবার জন্ত উত্তেজিত করিতে আরম্ভ করিল। একদিন সকলে মিলিয়া সহস্রা শিবির পরিত্যাগপূর্বক রামচন্দ্রাও নামক জনৈক মরাঠা সর্দার-সমীপে চলিয়া যায়। ঐ ব্যক্তি ইতিপূর্বে হায়দর কর্তৃক বিতাড়িত বহু ইউরোপীয়কে কর্মপ্রদান করিয়াছিল। নবাবের বিরাগের আশঙ্কায় এবারে ইহাদের গ্রহণ করিতে তাঁহার আর সাহস হইল না। এদিকে সেনাপতি সিপাহীসেনা লইয়া পশ্চাদ্ভাবন করিয়াছিলেন। তখন উপায়ান্তর না দেখিয়া বিদ্রোহীরা তাঁহার নিকট আত্মসমর্পণ করিল। শাস্তিস্বরূপ সকলেই কয়েকদিন শৃঙ্খলাবদ্ধ থাকিবার পর হায়দর কর্তৃক পুনরায় প্রতিগৃহীত হইয়াছিল। অবশ্য ইউরোপে এই কাণ্ডটি কোনমতে যুক্তিযুক্ত বিবেচিত হইত না, কিন্তু নবাবের এবং প্রধান সেনাপতির অবস্থা স্বরণে রাখাই কর্তব্য। হায়দর ইউরোপীয় সৈনিকবর্গের উপর তাহাদের যথার্থ মূল্য অপেক্ষা অনেক বেশী মূল্য আরোপ করিতেন এবং উহাদের অস্তিত্বের উপরেই সেনাপতির নিজের অস্তিত্বও নির্ভর করিত। তন্নিম্ন এ ধরণের অবাধ্যতা বা বিদ্রোহ এদেশে সৈনিক-জীবনের অপরিহার্য অঙ্গরূপেই বিবেচিত হইত। ইহাতে কেহই বিশেষ বিচলিত হইত না।

কয়েকদিন বেশ শান্তিতে কাটিয়া গেল। তাহার পর শুনা

গেল সৈন্যদলে পুনশ্চ ষড়যন্ত্র দেখা দিয়াছে। চক্রান্তকারীদের নেতা কাহারো তাহা স্থির করিতে না পারিয়া এবং ঐরূপ ভাষা ভাষা খবরের উপর নির্ভর করিয়া কোন কিছু আকস্মিকভাবে করা সম্ভব ছিল না বলিয়া দে লা তুর ভাবিয়াছিলেন যে, সুপরিচিত বাইবেল এবং ক্রেশের নামে নবাবের প্রতি অবিচল আনুগত্য, বিদ্রোহ বা অসন্তোষের আভাসপ্রাপ্তি মাত্র তাহা যথাস্থানে জ্ঞাপন এবং বিনা অনুমতিতে কোথাও না বাইবার শপথ সকলকে গ্রহণ করানো ভিন্ন তখনকার মত তাঁহার আর কিছুই করিবার নাই। সাধারণ সময়ে হয়ত ইহাই যথেষ্ট হইত, কিন্তু ইংরেজেরা সহজে নিবৃত্ত হইবার পাত্র ছিল না। উক্ত শপথের জন্ত সৈনিকগণের মধ্যে তাৎক্ষণিক সাফল্যলাভ করিতে না পারিয়া ষড়যন্ত্রকারীরা মাত্রাজ-কর্তৃপক্ষকে লিখিল, তাঁহার যেন মহীশূর-দরবারস্থিত জেসুইট ধর্মপ্রচারকগণকে ফরাসী গবর্নরের নাম জ্ঞাল করিয়া এমন একখানি পত্র লেখেন যে, তিনি যাবতীয় ফরাসী সৈনিককে পশ্চিমেতে প্রত্যাবর্তন করিবার আদেশ দিতেছেন। অচিরেই অভীষিত পত্রখানি আসিয়া পৌঁছিল। উহাতে লিখিত ছিল—বিধর্মীর নিকট কৃত ধর্মীয় শপথের বা প্রতিশ্রুতির কোন মূল্য নাই; রাজা বা রাজপ্রতিনিধির আদেশে তাহা অনায়াসেই ভঙ্গ করা চলে, উহাতে পাপ স্পর্শে না। পাদ্রিপুঙ্জবগণ সম্পূর্ণরূপেই ইংরেজদিগের হাতের মুঠার মধ্যেই ছিল, উহাদের কোন আজ্ঞা লঙ্ঘনের সাধ্য তাহাদের ছিল না। তাহারো এইরূপ হীনতাজনক আদেশ সমর্থন করিয়া ঐরূপ পত্র লিখিয়াছিল। পত্রখানি সেনাপতিকে দেখাইতে বা তাঁহাকে এ সম্বন্ধে ঘৃণাক্ষরেও কোন কথা জানাইতে নিষেধ করা হইয়াছিল। ঐ মর্মে একখানি পত্র যে সৈনিকগণকে দেখানো হইয়াছিল সে বিষয়ে কোন সন্দেহ নাই, সে কথা সকলেই জানে। প্যারিস নগরে এখনও অনেক লোক আছেন যারা এ বিষয়ে প্রত্যক্ষভাবেই সাক্ষ্যদান করিতেও পারেন। পত্রখানি কিন্তু আসলে জাল পত্র। গবর্নরের উহা সেনাপতির নিকট হইতে গোপন করিবার কোন হেতুই ছিল না। উহার স্বহস্তলিখিত বহু পত্র সেনাপতির নিকট সংরক্ষিত ছিল। হস্তাক্ষর মিলাইলে পত্রখানি জাল অথবা আসল তাহা নির্ণয় করা খুবই সহজ হইত।”

লুবার প্রদত্ত কোড বা সাক্ষেতিক পদ্ধতিমত ইংরেজ সেনাপতি কর্ণেল শ্বিথ তদীয় সুহৃদ সার্জন মাটিনের সহিত পত্রব্যবহারে প্রবৃত্ত হইয়াছিলেন, এবং এইরূপে গোপনে গোপনে দে লা তুরের সৈনিকগণকে বশীভূত করিয়া ফেলিয়াছিলেন। স্থির হইল ৮ই ডিসেম্বর ১৭৬৭ তারিখে উহার পলায়ন করিবে। তাহাদের আগমনের সুবিধা করিয়া দিবার জন্ত অতঃপর কর্ণেল শ্বিথ ভেল্লোর হইতে যুদ্ধে অগ্রসর হইলেন। আশ্বরের অদূরে ভার্মিয়ামভাজী নামক স্থানে হায়দরকে তিনি আক্রমণ করিয়াছিলেন। হায়দর কিছুকাল পূর্বে তাঁহার হস্তে নিপতিত জনৈক বন্দী ইংরেজ অফিসারের মারফত মাত্রাজ-সরকারের নিকট সন্ধির প্রস্তাব করিয়া

পাঠাইয়াছিলেন। সেজন্য তিনি কতকটা অপ্রস্তুত অবস্থায় ছিলেন। কব্বা ইউক, অর্থাৎ শুধু বিভিন্ন দেশীয় দরবার নাই, ফরাসী, শত্রুসেনাকে বাধা দিবার জগৎ মখদ্দুম খাঁর অশ্বারোহী-বাহিনী এবং দে লা তুরের সওয়ার পণ্টনকে পাঠাইয়া মূল বাহিনীসহ তিনি নিজে পশ্চাৎপদ হইতে আরম্ভ করিয়াছিলেন। “আমাদিগের অশ্বারোহী ইউরোপীয় পণ্টন* দ্রুতধাবনে বিপক্ষের কেন্দ্রদেশ লক্ষ্য করিয়া অগ্রসর হইতেছিল। অকস্মাৎ তাহাদের দক্ষিণ প্রান্ত হইতে শত্রুর কামান গার্ডিয়া উঠিল। ইহাই ছিল পলায়নের সঙ্কেত। সঙ্গে সঙ্গে দুইটি অশ্ব পঞ্চদশপ্রান্ত হইয়া আরোহীসহ ধরাশায়ী হইল; তন্মধ্যে একটি প্রধান সেনাপতির। ভূপৃষ্ঠ হইতে উঠিয়া তিনি নিজেকে ইংরেজ সওয়ার পণ্টন কর্তৃক পরিবেষ্টিত এবং স্বীয় সৈনিকগণ কর্তৃক পরিত্যক্ত দেখিয়াছিলেন। তাঁহাকে উদ্ধার করিতে চেষ্টা করার পরিবর্তে ইউরোপীয় অফিসারগণ তাঁহার উপর আপত্তিত হইল এবং করায়ত্ত করিয়া সকলে ইংরেজদিগের দলে চলিয়া গেল। ইংরেজসেনা তৎক্ষণাৎ অস্ত্রসংবরণ করিল, এমন কি মূল বাহিনীসহ হায়দরের প্রত্যাবর্তনে তাহারা কোন বাধাও দেয় নাই।

পতনকালে দে লা তুরের জজ্বাদেশে দারুণ আঘাত লাগিয়াছিল; ক্রমে উহা দুষ্ট ক্ষতে পরিণত হইল। সেজন্য প্রায় তিন মাস কাল তাঁহাকে মাদ্রাজ নগরে শয্যাশায়ী হইয়া থাকিতে হইয়াছিল। কর্নেল স্মিথ তাঁহার বন্দীর প্রতি যথেষ্ট সৌজন্য প্রদর্শন করিয়াছিলেন এবং তাঁহাকে নিজ শিবিরে স্থান দিয়াছিলেন। দে লা তুরকে তিনি বলেন যে, তাঁহার ফরাসী সৈনিকগণকে ভাঙ্গাইয়া লইবার জগৎ তাঁহারা অনেক দিন হইতে চেষ্টা করিতেছিলেন এবং উহাদের পলায়নের সুবিধা করিয়া দেওয়া ভিন্ন সেদিনকার অভিযানের অপরা কোন উদ্দেশ্যই ছিল না। উহাদের উপর অস্ত্র-নিষ্ক্ষেপে তাহার বিশেষরূপেই নিষেধ ছিল, তবে দক্ষিণপ্রান্তের অধিনায়ক কর্নেল লীনকে ভ্রান্তিবশতঃ সে আদেশ প্রদত্ত না হওয়াতে একটা কামান হইতে গোলা বর্ষিত হইয়াছিল মাত্র।

ব্যবস্থামত সবকিছুই ঘটয়াছিল, শুধু লুর্বা-কথিত সৈনিকসংখ্যা ইংরেজগণ লাভ করিতে পারেন নাই। সমগ্র ইউরোপীয় অশ্বারোহী পণ্টনের পরিবর্তে মাত্র নয় জন মাত্র অফিসার এবং পর্য্যবসিত জন সৈনিক দলত্যাগ করে। ইংরেজ কর্তৃপক্ষ উহাদিগকে তাঁহাদের নিয়মিত সেনাদলে গ্রহণ করেন নাই। উহাদের লইয়া একটি Foreign corps গঠিত হয়। পূর্বেই বলিয়াছি, এ ধরনের দল তাঁহাদের আরও কয়েকটি ছিল। ইংরেজ সরকারের কক্ষনিরত থাকিলেও উহাদের বেতন নবাব মহম্মদ আলির তহবিল হইতে প্রদত্ত হইত। লুর্বা পূর্বেস্তু গুপ্তচর-দলের অধাক্ষতা, ‘কমিসার’ এবং মাটিন ‘সার্জন-মেজর’ পদ পাইয়াছিলেন। দলের সৈনিকসংখ্যা নিতান্ত অল্প হওয়ায় লুর্বা প্রস্তাব করিয়াছিলেন, যেভাবে দলটি গঠিত হইয়াছে সেইভাবে ক্রমশঃ উহার সংখ্যা বর্ধিত

* Monsieur Aumont ইহাদের অধিনায়ক ছিলেন। কর্নেল উইলকুসও এই ঘটনার উল্লেখ করিয়াছেন—“History of Mysore”, vol. 1, p. 559

ভাঙ্গাইয়া আনিতে তিনি চাহিয়াছিলেন। ইংরেজদিগের তাহাতে আপত্তির কারণ ছিল না। পণ্ডিচেরী হইতেও সৈনিক ভাঙ্গাইবার চেষ্টা করিতে তাঁহার বিবেকে বাধে নাই। অবশ্য বিবেক বলিয়া কোন পদার্থ ঐ ব্যক্তির ছিল কিনা সন্দেহ। উক্ত কার্য তাঁহার কাছে ইংরেজের নিকট হইতে অর্থপ্রাপ্তির উপায় মাত্র অর্থাৎ বাবসায়ের সামিল ছিল। তাঁহার জনৈক দালাল এই কার্য করিবার কালে পণ্ডিচেরীতে ধরা পড়ে, বিচারকালে সে আত্মপক্ষসমর্থনে বলিয়াছিল যে উক্ত কার্য সে আন্তরিকতার সহিত করিতেছিল না, তাহার মুকবি লুর্বা বাহাতে মাদ্রাজ গবর্নমেন্টের নিকট হইতে দালালি আদায় করিতে পারেন সেজন্য সে সৈন্য ভাঙ্গাইবার অভিনয়মাত্র করিতেছিল।

উক্ত দলটি অধিক দিন স্থায়ী হয় নাই। অচিরেই উহাতে ভাঙ্গন ধরিয়াছিল। অনেকে নূতন ভাগ্যান্বেষণ-ক্ষেত্রের সন্ধানে অন্যত্র গিয়াছিল, অনেকে আবার পুরাতন কর্মস্থানেই ফিরিয়া গিয়াছিল, হায়দর তাহাদের পুনর্গ্রহণ করিয়াছিলেন। এমন কি উহাদের দ্বারা অপহৃত অশ্বগুলিও তিনি পুনরায় মুগ্ধা দিয়া কিনিয়া লইয়াছিলেন। ঐ দলের নূতন অধ্যক্ষও অধিক দিন স্থখে কাটাইতে পারে নাই। তাহার নবীন প্রভুদের হস্তেই তাহার শাস্তিবিধান হইয়াছিল। কোর্ট মার্শালের বিচারে ঐ ব্যক্তি অবমাননার সহিত পদচ্যুত এবং বহিষ্কৃত হয়।

সেন্ট লুর্বার স্বরূপও অচিরেই প্রকাশ হইয়া পড়িল। দে লা তুরের কথা পক্ষপাতদোষহুই বিবেচিত হইতে পারে; সেজন্য ইংরেজ লেখক কর্নেল উইলকুসের লেখার মন্ত প্রদত্ত হইল: ‘১৭৬৮ খ্রীষ্টাব্দে হায়দর আলির সহিত সমর চলিবার সময় শোভালিয়ে সেন্ট লুর্বা নামে স্বয়ং-অভিহিত এক ব্যক্তি ইংরেজদের নিকট আসিয়াছিলেন। উহাদের নিকট তিনি বলেন যে, ইউরোপ হইতে স্থলপথে ভারতবর্ষে আসিয়াছেন এবং হায়দরের দরবারে পরম সমাদরে সংবন্ধিত হইয়াছিলেন; তাঁহার যাবতীয় পরিকল্পনা ও বলাবল সম্বন্ধে তাঁহার নিজের প্রত্যক্ষ জ্ঞান আছে এবং দেশীয় বা ইউরোপীয় মহীশুর দরবারের যাবতীয় রাজকর্মচারীর উপর তাঁহার যথেষ্ট প্রভাব-প্রতিপত্তিও রহিয়াছে। লুর্বার সকল কথাই এখানে সত্য বলিয়া গৃহীত হয়। ইংরেজ গবর্নমেন্ট তাঁহাকে তাঁহাদের সৈন্যদলের সহিত পথপ্রদর্শক এবং প্রধান পরামর্শদাতারূপে পাঠাইয়াছিলেন। তাঁহাদের সকল কার্য ও ব্যবস্থার উপর উহার অগাধ প্রভাব ছিল। তাঁহার পরামর্শ ব্যতিরেকে কোন কিছুই নিষ্পন্ন হইত না। এখানে বিস্তারিতভাবে তাহার ফলাফল সম্বন্ধে বলা অনাবশ্যক। তাঁহার পরামর্শমত চলিয়া এবং পদে পদে ঠকিয়া ইংরেজরা বৃথিয়াছিলেন যে, উহার সমস্ত কথাই মিথ্যা এবং লোকটি আসলে একটি ভণ্ড-প্রতারক।’*

* “History of Mysore,” vol. I, p. 337

ইহার পর সেন্ট লুয়া ১৭৭০ খ্রীষ্টাব্দে ফ্রান্সে ফিরিয়া যান। ১৭৭৮ খ্রীষ্টাব্দে পুনরায় ভারতবর্ষে উহার সাক্ষাৎ পাওয়া যায়।

দে লা তুর ইংরেজ-হস্তে নিপতিত হইলে গবর্ণর বৃশিয়ে হায়দরকে মাদ্রাজ নগর অধিকার করিয়া অগ্নিযোগে ভস্মসাৎ করিবার পরামর্শ দিবার অপরাধে তাঁহার বিচারের আদেশ দিয়াছিলেন। “কিন্তু ইংরেজদিগের গুপ্তচরগণের সাক্ষ্য ভিন্ন অপর কোন বিশ্বস্ত প্রমাণ তাঁহার বিরুদ্ধে ছিল না। জায়াবিচার সম্বন্ধে সর্ববিধ প্রচলিত ধারণা এবং ইংরেজদিগের এই আন্তর্জাতিক আইনবিরোধী কার্য, ভারতবর্ষে তাহাদের স্বেচ্ছাচারের অগতম প্রকৃষ্ট নিদর্শন” বলিয়া তিনি উল্লেখ করিয়াছেন। তাঁহার সম্বন্ধে আর বিশেষ কিছু জানা নাই। ইংরেজদিগের হস্ত হইতে মুক্তিলাভ করিয়া তিনি আর হায়দরের কক্ষে প্রত্যাবর্তন করেন নাই। বেরকুলির যুদ্ধের সময় (৫।৩।১৭৭১) তিনি এদেশে থাকিলেও হায়দরের কক্ষে নিযুক্ত ছিলেন না বলিয়া নিজেই লিখিয়া গিয়াছেন (পৃ. ২৪৯)।

১৭৮৩ খ্রীষ্টাব্দে প্যারিস নগরে তাঁহার লিখিত, “Histoire de Hyder-ally” গ্রন্থ প্রকাশিত হয়। তখন আবার ইংরেজদিগের সহিত হায়দর আলির এবং ফরাসীদের তুল্য যুদ্ধ চলিতোছিল। ফ্রান্সের জনসাধারণের মনে উক্ত ভারতীয় নৃপতি সম্বন্ধে সবিশেষ জানিবার স্বাভাবিক কৌতূহল দেখিয়া এবং হায়দর আলির প্রামাণিক ইতিহাস নামে বহু অসার গ্রন্থ প্রকাশিত হইতেছে দেখিয়া দে লা তুর ব্যক্তিগত অভিজ্ঞতা হইতে ইতিবৃত্ত সঙ্কলনের অভিপ্রায়ে লেখনী ধারণে প্রবৃত্ত হইয়াছিলেন, সুতরাং তিনি তখন পর্যন্ত জীবিত ছিলেন দেখা যায়।

“সত্যের মধ্যাদা রক্ষাকল্পে নিরপেক্ষভাবেই ইতিহাস রচনার আবশ্যিকতা” সম্বন্ধে অনেক কথা বলিয়া তিনি লিখিয়াছেন, “কাহারও অযথা তোষামোদ বা অকারণ পরিবাদ করিবার উদ্দেশ্য লইয়া তিনি এই গ্রন্থরচনায় প্রবৃত্ত হন নাই। যে বিষয়ে লেখকের কোন প্রত্যক্ষ জ্ঞান নাই সে সম্বন্ধে কিছু বলিতে যাওয়া নিবর্তক বিবেচনায় তিনি তাঁহার আগমনের পূর্ববর্তী যুগের ঘটনাবলী সম্পর্কে বিশেষ কিছুই উক্ত গ্রন্থে লেখেন নাই। ইংরেজগণ যদি দেখেন লেখক গ্রন্থমধ্যে তাঁহাদের ছাড়িয়া কথা ক’ন নাই, তথাপি উঁহারা তাহাকে মিথ্যানৃষ্টির অপবাদ দিতে পারিবেন না! হিন্দু-স্থানে ইংরেজ শাসনের যে নমুনা গ্রন্থকার স্বচক্ষে প্রত্যক্ষ করিয়াছেন, তাহা হইতে উহার বিরুদ্ধে অনেক কিছুই তিনি বলিতে পারিতেন। লেখকের পক্ষে স্বদেশবাসিগণের অপকর্ম সম্বন্ধে নীরব থাকা সম্ভব হয় নাই। তবে ফ্রান্সে তাহাদের পরিজনবর্গের কথা মনে করিয়া তিনি গ্রন্থমধ্যে উহাদের নামোল্লেখ হইতে বিরত রহিয়াছেন। ইহার অতিরিক্ত কোন প্রকার দয়াপ্রদর্শন করা তাঁহার পক্ষে সম্ভবপর হয় নাই।” সকলেই বলিবেন, এই দুই প্রকৃতি আত্মীয়বৃন্দের মনে ব্যথা দেওয়ার চিন্তা দে লা তুরকে অতটা বিচলিত না করিলেই ভাল হইত। তাহা হইলে পরবর্তী যুগের ঐতিহাসিকগণের পক্ষে মহীশূর-দরবারের ভাগ্যাধেয়ী ফরাসী

সৈনিকবৃন্দের যথার্থ পরিচয়প্রাপ্তি অধিকতর সুসাধ্য হইতে পারিত।

দে লা তুরের বন্দীত্বে সময়ের অবসান অবশ্য হয় নাই। সে সকল কাহিনীর সুদীর্ঘ বিবরণ এখানে দেওয়া অনাবশ্যক। এই সকল ঐতিহাসিক বিবরণ ইতিহাসজ্ঞের সুবিদিত। কিছুকাল পরে ক্যাপ্টেন নিফন পরিচালিত একদল ইংরেজ সৈন্য হায়দরের হস্তে বিধ্বস্ত হইয়া যায়। এবারকার যুদ্ধবন্দীদের মধ্যে পূর্ববৎসরের ভানিয়ামবাড়ির মুক্ত-বন্দী ক্যাপ্টেন রবিজনও ছিলেন। তিনি বোধ হয়, মনে ভাবিয়াছিলেন দায়ে ঠেকিয়া প্রদত্ত প্রতিশ্রুতি রক্ষার কোন প্রয়োজনই নাই। হায়দর প্রতিশ্রুতিভঙ্গকারী সৈনিককে ফাঁসি দিয়াছিলেন।* অতঃপর তিনি আর কোন বন্দীকে কখনও মুক্তি দেন নাই।

অনন্তর হায়দর ইংরেজদিগকে সন্ধিস্থাপনে বাধ্য করাইবার জগ্গ এক চাল চালিয়াছিলেন। অসম্ভব ক্ষিপ্রগতিতে তিন দিনে ১৩০ মাইল পথ অতিক্রম করিয়া তিনি অকস্মাৎ মাদ্রাজ নগরের অদূরে আসিয়া দেবা দেন। তাঁহার আগমন-সংবাদে রাজধানীতে বিষম হলস্থূল পড়িয়া গেল। আত্মরক্ষার কোন ব্যবস্থা করা সম্ভব নহে দেখিয়া কর্তৃপক্ষ হায়দরের সহিত বাধ্য হইয়াই সন্ধিস্থাপন করিয়াছিলেন (৪।৪।১৭৬৯)। স্থির হয়, উভয় পক্ষ স্ব-স্ব বিজয়-লব্ধ অধিকৃত স্থানসমূহ প্রত্যর্পণ করিবেন এবং ভবিষ্যতে একপক্ষ কোন শত্রু কর্তৃক আক্রান্ত হইলে অপর পক্ষ তাঁহাকে সাহায্য করিতে বাধ্য থাকিবেন। এই সময় হায়দর ইংরেজদিগের সহিত মিত্রতা আন্তরিকভাবেই কামনা করিতেন। বাস্তবিক তিনি এই সময় যে প্রকার সুন্দর সমরকৌশল এবং রাষ্ট্রনৈতিক জ্ঞানের পরিচয় দিয়াছিলেন, রাজ্যোচিত যে ধৈর্য্য এবং সংযম দেখাইয়াছিলেন, তাহার প্রশংসা না করিয়া পারা যায় না।* পক্ষান্তরে মাদ্রাজ গবর্নমেন্ট যে প্রকার হঠকারিতা, অপ্রকৃতিস্থমতি এবং দায়িত্ব-জ্ঞানের অভাব প্রদর্শন করেন, তাহারও তুলনা সহজে মেলে না—সে কথাও বলা প্রয়োজন।

ইহার দুই বৎসর পরে হায়দর আলির সহিত মরাঠাদের আবার যুদ্ধ বাধিল। পাণিপথের শোচনীয় পরাজয়ের দশ বৎসর পরে বিনষ্ট শক্তি কতকটা সম্বদ্ধ করিয়া লইয়া মরাঠারা ১৭৭১ খ্রীষ্টাব্দে আবার নবোৎসাহে যুগপৎ আর্ঘ্যাবর্তে এবং দাক্ষিণাত্যে অভিযান আরম্ভ করিয়াছিল। দাক্ষিণাত্যে উহারা চেরকুল্লি বা চিনাকুরালির ভীষণ যুদ্ধে (৫।৩।১৭৭১) মহীশূরী বাহিনীকে সম্পূর্ণরূপে পরাজিত এবং বিধ্বস্ত করিয়াছিল।† হায়দরের সৈনিকগণের মধ্যে অনেকেই

* কর্নেল উইলক্স বলেন, কারাগারে ঐ ব্যক্তির মৃত্যু হইয়াছিল; কঁাসিতে হয় নাই। Ibid, vol. I. p. 655

† ইহা পেশবা মাধব রাওয়ের চতুর্থ কর্ণাটক অভিযান। চেরকুল্লির মেলুকোটের অথবা “মতি-তালাওয়ে”র যুদ্ধ নামেও পরিচিত। যুদ্ধের দুই দিন পরে মরাঠা-সেনানায়ক ত্র্যম্বক রাও

নিহত হইয়াছিল; বাহারা জীবিত ছিল তাহারা একান্ত ভীত হইয়া অল্প পরিমাণপূর্বক পলায়নে তৎপর হইল। একটি মাত্র গ্রিনেডিয়র টোপাসী ব্যাটালিয়ন কোনমতে শত্ৰুলা বন্ধা করিয়া উচ্চ এক ভূখণ্ডে গিয়া আশ্রয় লইয়াছিল। সেনা নামক ওয়েষ্টকেলিয়া প্রদেশের অধিবাসী জনৈক জর্মন উহাদের অধ্যক্ষ ছিল। ভারতবর্ষের প্রায় সকল দেশীয় ভাষার উহার দখল ছিল। মেজর দে লা ভুর তাহাকে প্রথম দোস্তাবীরূপে নিযুক্ত করিয়াছিলেন, পরে গ্রিনেডিয়র বাহিনী গঠিত হইলে উহাকে একটি ব্যাটালিয়নের অধ্যক্ষতা প্রদান করেন। যুদ্ধে যথেষ্ট সাহস দেখাইয়া ঐ ব্যক্তি সাংঘাতিকরূপে আহত হন এবং কিয়ৎকাল পরে উক্ত উচ্চ ভূখণ্ডের আশ্রয়ে তাহার প্রাণবায়ু বহির্গত হইয়া যায়। অনন্তর দলের মধ্যে একমাত্র জীবিত অফিসার মামু নামক মার্টাদেশের অধিবাসী জনৈক তরুণবয়স্ক সৈনিক কোনমতে উহাদিগকে ক্রীতদাসত্বে কিনাইয়া লইয়া যায়। ঐ ব্যক্তি নিজেও স্বদেশে বিশেষরূপ আদৃতপ্রাপ্ত হইয়াছিল। পণ্ডিতেরা হইতে নবাগত কতকগুলি ফরাসী অফিসার এই যুদ্ধে উপস্থিত থাকে। উহাদের মধ্যে একজন নিহত এবং প্রায় সকলেই আহত হইয়াছিল। কর্নেল ছগেল দারুণ আঘাত পাইয়া কয়েকদিন পরে ট্রাকুইবার নগরে পরলোকগমন করেন। ১৭৬৯ খ্রীষ্টাব্দে তিনি পুনরায় হায়দরের সেনাদলে প্রত্যাবর্তন করিয়াছিলেন। হায়দর নিজেও আহত হইয়া কোনমতে প্রাণ লইয়া পলায়ন করিতে সমর্থ হন।

দে লা ভুর বলেন, এ দেশে যুদ্ধে সাধারণ সিপাহী বা অধস্তন সেনানীগণকে কেহ বন্দী করে না। সে কারণ উহাদের মধ্যে অধিকাংশই অচিরেই অশ্ব বা অস্ত্রবিহীন অবস্থায় হায়দর-সকাশে ফিরিয়া আসিয়াছিল। অতি অল্পকালের মধ্যেই তিনি নিজ অর্থবলে তাঁহার বাহিনীকে পুনঃসংগঠন এবং পূর্বাপেক্ষা বলবত্তর করিয়া তুলিয়াছিলেন। একথা অনেকেই বিশ্বাস করিতে চাহিবেন না যে মরাঠাদের নিকট হইতেই তিনি স্বীয় হস্তচ্যুত অশ্ব বা

কতক লিখিত বিবরণের জন্য Selections from Peshwe's Daftar, XXXVII, p. 226 দ্রষ্টব্য। হায়দরের পক্ষভুক্ত জনৈক সৈনিক লিখিত বিবরণের নিমিত্ত Orme Mss. No. 8. pp. 51-54 দ্রষ্টব্য। জন ষ্টয়ার্ট বা Walking Stuart নামক জনৈক স্বচ জাতীয় ভাগ্যান্বেষী সৈনিক এই যুদ্ধে এক সৈন্যদল পরিচালনা করে। তাঁহার লিখিত বিবরণ Asiatic Journal, vol IV-এ প্রকাশিত হইয়াছিল। ভিক্টর Piexoto এবং দে লা ভুরের গ্রন্থেও ইহার বিবরণ প্রদত্ত আছে। Col. Wilks-এর History of Mysore, vol. I, p. 383, II, pp. 147 এই প্রসঙ্গে দ্রষ্টব্য। ফারসী ভাষায় বিরচিত "নিশান-ই-হায়দারী"-র (Col. Miffes কর্তৃক ইংরেজীতে ভাষান্তরিত) বিবরণের সহিত ইহাদের বিশেষ কোন পার্থক্য নাই। আধুনিক যুগে এই সকল যুদ্ধ অবলম্বনে প্রণীত হায়দর আলি বা পেশবা মাদব রাওয়ের জীবনীসমূহ পশ্চ।

অল্পশব্দের অধিকাংশ পুনরায় খসি করিয়া লন। ইহাতে বিখ্যাত হইবার কিছুই নাই, বেহেতু এদেশে প্রচলিত কিউজাল ব্যবস্থায় লুঠের মাল প্রাপকের সম্পূর্ণ নিজস্ব হইয়া যায় এবং যত্নে তাহার বিলিব্যবস্থা করিতে সে অধিকারী। দে লা ভুর নিজে এ সময় ভারতবর্ষে থাকিলেও হায়দরের সেনাদলভুক্ত ছিলেন না; হায়দরের জনৈক উচ্চপদস্থ সৈনিকের নিকট হইতে শুনিয়া তিনি এই যুদ্ধের বিবরণ সংগ্ৰহ করিয়াছিলেন।

এবার জন ষ্টয়ার্টের কথা বলিতেছি। নাম হইতেই প্রকাশ এই ব্যক্তি জাতিতে স্বচ ছিলেন। ১৭৪৯ খ্রীষ্টাব্দে লণ্ডন নগরে এক সম্ভ্রান্ত বংশে ইহার জন্ম হয়। ইহার পিতামাতা পুত্রের শিক্ষাবিধানের জন্য যথাসাধ্য চেষ্টা করিয়াও তাহাতে বিশেষ সাফল্যলাভ করিতে পারেন নাই। ১৭৬৭ খ্রীষ্টাব্দে উনিশ বৎসর বয়সে জন এ দেশে আসেন। 'প্রাচ্যদেশে অগাধ ধনসম্পত্তি অর্জন করিয়া তদ্বারা ভূপর্ষাটন এবং মানবজাতির সুখদুঃখের কারণ অনুসন্ধানের স্পৃহা মিটাইবেন, ইহাই ছিল তাঁহার এদেশে আগমনের প্রধান উদ্দেশ্য। কিন্তু দুই বৎসর কোম্পানীর অধস্তন কেবানীর কার্যে মাস্তাজ এবং মসলিপত্তন নগরে অতিবাহিত করিয়া তিনি বুঝিলেন যে, ঐ পথে স্বীয় মনোবাঞ্ছা পূর্ণ হইবার সম্ভাবনা কোনকালেই নাই। উহাতে অর্থার্জন ত বহু দূরের কথা কোন মতে ভঙ্গ ভাবে বাঁচিয়া থাকাই কষ্টেস্থে চলিতে পারে মাত্র। তখন তিনি ঐ কার্য পরিত্যাগ করিয়া ভাগ্যান্বেষীর অধেষণে ক্ষেত্রান্তরে গমনে সচেষ্ট হইলেন। ষ্টয়ার্টের তীক্ষ্ণ বুদ্ধিবৃত্তি, পর্যবেক্ষণ-শক্তি এবং সকল বিষয়েরই সুস্পষ্ট ধারণা ছিল। তিনি বুঝিয়াছিলেন, শুধু বাণিজ্য লইয়া ব্যাপৃত থাকার পরিবর্তে কোম্পানী যে ভাবে দেশের রাষ্ট্রনৈতিক ব্যাপারের সহিত ঘনিষ্ঠ ভাবে বিজড়িত হইয়া পড়িয়াছেন, তাহার ফলে বিশেষরূপে শিক্ষিত এবং রাজনৈতিক জ্ঞানসম্পন্ন যথেষ্টসংখ্যক উচ্চমী, পরিষ্কার, তরুণ-বয়স্ক কর্মচারীর তাঁহাদের নিতান্তই প্রয়োজন আছে, এমন কি একান্ত অপরিহার্য হইয়া দাঁড়াইয়াছে - ইহার অভাবে কোম্পানীর কার্যের যথেষ্ট ক্ষতি হইতেছে। ইহার মাত্র দুইটি স্বাভাবিক পরিণতি সম্ভব—কোম্পানীর পক্ষে চাহিদা মিটাইবার ব্যবস্থা নিজেদেরই সর্বপ্রযত্নে করা অথবা কোম্পানীর শাসনের অবসান ঘটাইয়া ইংলণ্ডের নিজে হস্তে দেশের শাসনভায় গ্রহণ করা। কল উভয় ক্ষেত্রেই এক—অর্থাৎ, দেশীয় ভাষাসমূহে ব্যাপন্ন এবং দেশীয় দরবার-সমূহের আভ্যন্তরিক ব্যাপারে অভিজ্ঞতাসম্পন্ন উচ্চাকাঙ্ক্ষী, কর্মঠ, অনলস ইংরেজ যুদ্ধবৃন্দের ভবিষ্যৎ সমুজ্জ্বল। আর্বা কার্সী এবং উচ্চ ভাষাবিদ ষ্টয়ার্টের প্রথম গুণটি ছিল; তিনি অতঃপর দ্বিতীয়টি অর্জনে সমুৎসুক হইলেন।

ইহার পর ষ্টয়ার্ট দাক্ষিণাত্যের বিভিন্ন স্থানে পরিভ্রমণ আরম্ভ করিলেন। নিজ সামান্ত পুঞ্জির জন্য কোন প্রকার যানবাহন সংগ্রহ করা তাঁহার পক্ষ সম্ভব হয় নাই। পর্যটনের জন্য তাঁহাকে স্বীয় চরণযুগলের উপরেই নির্ভর করিতে হইয়াছিল এবং 'Walking

Stuart' তাঁহার এই অদ্ভুত নামকরণের ইহাই কারণ ! হায়দরবাদ, আদোনি, কড়াশা, কুর্গল, ঐটি প্রভৃতি স্থানে তিনি গিয়াছিলেন এবং যাহা কিছু চোখে পড়িয়াছিল অমুসন্ধিৎসুর দৃষ্টি দ্বারা সবকিছুই পর্যবেক্ষণ করিয়াছিলেন। গুটি হইতে তিনি মহীশূর যাত্রা করেন। পশ্চিমদিকে যে সকল সামন্ত নৃপতি বা পলিগড়গণের জনপদের মধ্য দিয়া গিয়াছিলেন তাঁহারা সকলেই তাঁহাকে নিজেদের সেনাবিভাগে প্রবেশের জন্ত সবিশেষ পীড়াপীড়িও করিয়াছেন, তখন এদেশের অবস্থা এইরূপই দাঁড়াইয়াছিল। উহাদের হস্ত হইতে নিষ্কৃতলাভের জন্ত ষ্টয়ার্ট সকলকেই জানাইয়াছিলেন যে, হায়দর আলির বিশেষ আমন্ত্রণে তিনি তাঁহার নিকট চলিয়াছেন, নতুবা উহাদের কথামত কার্য্য করিতে তাঁহার কোনই আপত্তি ছিল না। ইহাতে তাঁহার ঈর্ষিত ফল ফলিল বটে, কিন্তু হিতে বিপরীত হইল। সর্দাররা কেহ আর বাঙনিম্পত্তি করিতে সাহস করিল না সত্য, কিন্তু হায়দর আলির অমুগ্ধীত ব্যক্তিকে সকলে সযত্নে তাঁহার নিকটে পৌছাইয়া দিল। ষ্টয়ার্ট কি আর করেন, পলাইবার বা অস্বীকার করিবার উপায় ত নাই। তিনি হায়দরের নিকট অমুরোধ জানাইলেন যেন কোনপ্রকার বে-সামরিক কার্য্যভার তাঁহাকে দেওয়া হয়। মাদ্রাজ-দরবারে মহীশূরী উকীল বা প্রতিনিধি-পদ দিবার কথাটা তিনি বিশেষ ভাবেই জানাইলে হায়দর বলিয়াছিলেন, পূর্ব হইতেই তথায় তাঁহার দুইজন প্রতিনিধি আছে, তৃতীয় ব্যক্তি নিম্প্রয়োজন, বরং তাঁহার সমরবিদ্যানিপুণ যোদ্ধার আবশ্যক। ষ্টয়ার্ট প্রমাদ গণিলেন, কাকুতিমিনতি করিলেন, যুদ্ধবিজ্ঞান তিনি কোন ধার ধারেন না, জীবনে কখনও বন্দুক স্পর্শ করেন নাই, এ সকল কথাও তিনি সবিশেষে বলিয়াছিলেন, কিন্তু কিছুতেই কিছু হইল না। হায়দর তাঁহার কোন কথাই বিশ্বাস করিলেন না। হস্তসহকারে বলিলেন, 'টোপিওয়ালাদিগের যুদ্ধবিজ্ঞানে তিনি কখনও সন্দেহ করেন না !' হায়দরের এই উক্তি তখনকার দিনের ভারতবর্ষীয়গণের মনোভাবের অতি সুন্দর পরিচায়ক ! গাজবর্গ সাদা অথবা মেটে এবং মাথায় ধুচুনির মত একটা বিলাতী টুপী থাকিলেই হইল। তাঁদের বিশ্বাস ছিল যে,—ধোপা, নাপিত, গৃহ-ভৃত্য, কেয়ানী, জাহাজের পলাতক মাল্লা, সাধারণ সিপাহী, পাদ্রি, ভবঘুরে ভ্রমণকারী, আতসবাজিওয়াল সকলেই সমরনীতিবিশারদ এবং সেনাবাহিনী সংগঠনে ও পরিচালনে সমর্থ।

বিগত সময়কালে মহীশূর রাজ্যের সহিত সুগন্ধি মশলা, চন্দন-কাষ্ঠ-তৈল এবং হস্তীদন্ত প্রভৃতি দ্রব্যের প্রনষ্ট-বাণিজ্য পুনঃপ্রতিষ্ঠা-কল্পে সিবাল্ড এবং চার্ল নামক দুই জন ইংরেজ প্রতিনিধি এই সময় হায়দর সমীপে অবস্থান করিতেছিলেন। নিরুপায় হইয়া ষ্টয়ার্ট উহাদের শরণ লইলেন এবং মাদ্রাজ সরকারকে তৎপর হইয়া তাঁহাকে উদ্ধার করিতে সনির্বন্ধ অমুরোধ জানাইলেন। তাঁহাদের যাহা সাধ্য তাহা তাঁহারা করিবেন, ষ্টয়ার্টকে উহারাও সেই আশ্বাস দিয়াছিলেন, তবে মাদ্রাজ-কর্তৃপক্ষের লিখিত কোন পত্র না আসা পর্যন্ত, অধিকতর কোন বিপৎপাতের আশঙ্কায়, হায়দরের আদেশ-

পালন যে তাঁহার পক্ষে শ্রেয়স্কর এ কথা উক্ত উল্লেখ হই জন তাঁহাকে জানাইয়াছেন। সুতরাং ঘটনাটকে পড়িয়া অনিচ্ছায় ষ্টয়ার্ট মহীশূরী সেনাদলে ভাগ্যাশেষী সৈনিকবৃ্ত্তি অবলম্বন করিতে বাধ্য হইয়াছিলেন। অপরাপর সমবৃত্তিসম্পন্ন ভাগ্যাশেষী সৈনিক-গণের সহিত তাঁহার এইখানেই পার্থক্য।

ষ্টয়ার্টকে এক ব্যাটালিয়ন সিপাহী সেনার শিক্ষাবিধানের ভার দেওয়া হইয়াছিল। এ সম্বন্ধে তিনি নিজে লিখিয়া গিয়াছেন : "ঐ কার্য্যে আমাকে সাহায্য করিবার জন্ত আমি একজন কন্নড়ী সার্জেন্টকে নিযুক্ত করি। উহার অভিজ্ঞতা এবং আমার অভিনিবেশের বলে আমি সৈনিকবৃন্দের এরূপ উৎকর্ষসাধন করিয়াছিলাম যে, হায়দর আলি আমার প্রতি তাঁহার আশ্চর্য্যক বিখ্যাস পূর্ণরূপেই স্তম্ভ করিয়াছিলেন।"

এদিকে সিবাল্ড ও চার্লের পত্র মাদ্রাজ-সরকার পাইয়াছিলেন। হায়দরকে সরাসরি কিছু লিখিতে তাঁহাদের সাহসে কুলায় নাই, ষ্টয়ার্টকে পাঠাইয়া দিবার জন্ত অমুরোধ করিয়া মহীশূরী উকীলকে দিয়া তাঁহারা এক পত্র লিখাইয়াছিলেন। কিন্তু এই কোশল খাটিল না, হায়দর জানাইলেন, 'শ্রীমঙ্গলপুর নগরে উক্ত নামের এবং বর্ণনার সহিত মিলে এরূপ কোন ব্যক্তি নাই।' এবার ইংরেজ কর্তৃপক্ষ নিতান্ত নির্বন্ধিতার পবিচয় দিলেন। মাদ্রাজ শহরে ষ্টয়ার্টের এক ভগিনীপতি বাস করিত, উহার ভৃত্যকে তাঁহারা ষ্টয়ার্টকে খুঁজিয়া বাহির করিতে পাঠাইলেন। ঐ ব্যক্তি তাঁহাকে সন্ধান করিয়া এবং সঙ্গে লইয়া গিয়া প্রকাশ্য দরবারমধ্যে তাহাকে প্রদত্ত আদেশ অমুসায়ে উহার মুক্তি কামনা করিয়া বসিল। সর্ব-সমক্ষে 'মিথ্যাবাদী' প্রতিপন্ন হইলে কে আর সন্তুষ্ট হয় ? বলা বাহুল্য যে, এ ঘটনায় হায়দরের ক্রোধের অবধি বৃহিল না। সমস্ত ক্রোধানল পতিত হইল ষ্টয়ার্টের উপরেই। তিনি ~~জানাইলেন~~ সে আসলে ইংরেজদিগের গুপ্তচর, বাহিরে তাঁহার কর্মনিরত থাকিয়া উহাদের গবরাধবর দিতেছে। দীর্ঘ আট মাস কাল কোন কার্য্য না করিয়াও তাঁহার নিকট হইতে বহুবিধ অমুকম্পা লাভ করা সম্ভবে তাঁহার বিপদের সময় যখন মরাঠারা তাঁহার রাজ্য আক্রমণ করিয়াছে তখন ভীকু কাপুরুষ নিমকহারাম দাগাবাজটা পলাইতে চাহে। ফিরঙ্গীরা বিশ্বাসের মর্যাদা এই ভাবেই রাখে ! তিরস্কারের উত্তরে ষ্টয়ার্ট জানাইলেন, তিনি গুপ্তচর বা বিশ্বাসঘাতক নহেন, সুলতানের এরূপ অভিযোগের তিনি কোন কারণ রাখিবেন না। ৯৫ যুবক স্বীয় প্রতিজ্ঞা অক্ষরে অক্ষরে পালন করিয়াছিলেন। ইহার পর তিনি যথেষ্ট সাহস এবং কৃতিত্বের পরিচয় দিয়াছিলেন। চেব-কুলির যুদ্ধে তিনি শরীরের সাতটি স্থানে আঘাতপ্রাপ্ত হন এবং শত্রুকরে নিপতিত হইয়াও কৌশলমতে পলায়ন করিতে সমর্থ হন। তাঁহার লিখিত ঐ যুদ্ধের বিষয় 'প্রত্যক্ষদর্শীর বচনা' বলিয়া অতিশয় মূল্যবান। উহার একাংশ মাত্র এখানে উদ্ধৃত করিয়া দেওয়া সম্ভবপর হইল—"দুই ঘণ্টা ধরিয়া ভীষণ হত্যাকাণ্ডের পর মরাঠারা বগবুলের আধিপত্য লাভ করিয়াছিল। হায়দরের

সমগ্র তোপখানা, রসদাদি বহু সমরসজ্জার, বহু বিশিষ্ট কর্ণচাষী এবং পকাশ জন সৈনিক উহাদের হস্তগত হইল।* হত্যা করিতে করিতে নিতান্ত পরিশ্রান্ত হইয়া পড়িয়াই সম্ভবতঃ মরাঠারা নিজেদের প্রতি 'দয়া' করিয়া উহাদের প্রাণ বধ করে নাই।" মহীশূরী হাকিমগণ দেশীয় সৈনিকগণের মাত্র চিকিৎসা করিতেন, ইউরোপীয় অথবা ফিরঙ্গী আহতগণের জ্ঞান কোনরূপ চিকিৎসার ব্যবস্থা হয় নাই! ষ্টয়ার্টের একটি বালক-ভৃত্য জল গরম করিয়া তাঁহার ক্ষত স্থানগুলি সমস্ত দিনে তিন-চারবার ধুইয়া দিত মাত্র।

অতঃপর ষ্টয়ার্ট মুক্তি কামনা করিলে তাঁহার প্রার্থনা মঞ্জুর হইয়াছিল। তিনি ইহার পর কিছুদিন কর্ণাটের নবাব মহম্মদ আলির সৈনিকবৃদ্ধি অবলম্বন করেন। কিন্তু সে কার্য বেশী দিন তাঁহার ভাল লাগে নাই। দেশপর্যটনের অভিপ্রায়ে তিনি স্থল-পথে আফগানিস্থান এবং পারশ্বের ভিতর দিয়া স্বদেশে প্রত্যাবর্তন করেন। পরে তিনি কানাডা এবং মার্কিন যুক্তরাষ্ট্রে পরিভ্রমণও করিয়াছিলেন। ১৭৯২ খ্রীষ্টাব্দে ফরাসী রাজধানীতে কবি ওয়ার্ডস-ওয়ার্থের সহিত তাঁহার সাক্ষাৎকার ঘটিয়াছিল। ১৮১৩ খ্রীষ্টাব্দে মহম্মদ আলির নিকট হইতে বক্রী বেতনের বাবতীয় দাবির নিষ্পত্তি-স্বরূপ কোম্পানী তাঁহাকে দশ সহস্র পাউণ্ড দিয়াছিলেন। ইহার নয় বৎসর পরে লণ্ডন নগরে তাঁহার দেহান্ত হয়। জনৈক আত্মীয় কর্তৃক লিপিত তাঁহার জীবনচরিত এবং ষ্টয়ার্টের নিজের লেখা মরাঠা-যুদ্ধের বিবরণের পাণ্ডুলিপি ইণ্ডিয়া আপিস লাইব্রেরীতে রক্ষিত আছে। ষ্টয়ার্ট আটটি বিভিন্ন ভাষাতে বাৎপন্ন ছিলেন।

অতঃপর বিপন্ন হায়দর পূর্বকৃত সন্ধিসর্তানুসারে ইংরেজদিগকে সাহায্যার্থ আহ্বান করিয়াছিলেন, কিন্তু মাদ্রাজ গবর্নমেন্ট বিপদে পড়িয়া সন্ধিস্থাপন করিতে বাধ্য হন, তাহা পালন করিতে তাঁহাদের আদৌ আগ্রহ ছিল না। ইংরেজদিগের এই বিশ্বাসভঙ্গ হায়দর জীবনে কখনও মার্জনা করেন নাই। উহারা যে নিজেদের প্রদত্ত প্রতিশ্রুতি অসঙ্কোচে ভাঙিতে পারেন, তাহা তিনি স্বপ্নেও ধারণা করেন নাই। ইহার পর হইতে ক্রমশঃই তিনি উহাদের প্রতিবন্দী ফরাসীজাতির প্রতি সম্পূর্ণ অনুরক্ত হইয়া পড়েন।

কর্নেল হুগেলের পর মশিয়ে 'বাসেল' ইউরোপীয় দলের অধ্যক্ষ নিযুক্ত হইয়াছিলেন। বাসেল নামটি ইংরেজী নাম, স্তুরাং কাউন্ট লালী, জঁল এবং জ্যাক ল ভ্রাতৃদ্বয়, এডমিরাল ম্যাকনাসারা, মার্শাল ম্যাকডোনাল্ড, মার্শাল মাকমেহান, ব্যারন হাইড, কর্ণেল কনওয়ে প্রমুখ বহু বিখ্যাত ফরাসীদের পূর্বপুরুষগণের মত তাঁহার পূর্বপুরুষও ইংলেণ্ডে ষ্টয়ার্ট রাজবংশের পতনের পর জন্মভূমির মায়া কাটাইয়া ফ্রান্সে গিয়া বসতিস্থাপন করিয়াছিলেন সে বিষয়ে সন্দেহ নাই। প্রথম জীবনে সম্ভবতঃ ফরাসী সৈনিকরূপে বাসেল এদেশে আগমন

করিয়াছিলেন। তাঁহার সম্বন্ধে বিশেষ কিছু জানা নাই। ১৭৭৭ খ্রীষ্টাব্দে তাঁহার সৈন্যদলের অবস্থা সম্বন্ধে ফরাসী ভারতের তদানীন্তন গবর্নর-জেনারেল ব্যারন জঁ ল' দি লরিস্ত নিম্নলিখিত অভিমত লিপিবদ্ধ করিয়াছিলেন :

"এদেশে ফরাসীজাতীয় ভাগ্যক্ষেপী সৈনিকগণের সংখ্যা খুব বেশী করিয়া ধরিলে আমার বিশ্বাসমত আন্দাজ আট শত সংখ্যক দাঁড়াইতে পারে। দেশের অভ্যন্তরভাগে ভারতীয় রাজত্ববৃক্ষের নিকট স্কঠিন বা সুস্বচ্ছ কোন ফরাসী সৈন্যদল নাই। হায়দর আলির নিকট মশিয়ে বাসেলের পরিচালনাধীনে বর্তমানে সামান্য এক 'কোর' অশ্বাবোহী মাত্র আছে। উহারা সংখ্যায় প্রায় এক শত হইবে, তন্মধ্যে অধিকাংশই ফরাসী। স্বয়ং হায়দর আলির নির্বাচনানুসারে তিনি তদীয় কর্মে যুত হুগেলের স্থান অধিকার করিয়াছেন। তাঁহার অধীনে তিন-চারি জন অফিসার আছেন। উভয় নবাবের মধ্যে যে ঈর্ষা, অথবা সত্য কথা বলিতে হইলে বলা উচিত—যে অদম্য ঘৃণা বিরাজ করিতেছে সেজ্ঞা এযাবৎ আমি মহম্মদ আলির নিকটে এই দলটিকে স্বীকার করিয়া লইতে সাহসী হই নাই। এই 'কোর'টি ফরাসী রাজ্যসরকার কর্তৃক অনুমোদিত। কিন্তু তাঁহারা উহাদের সম্বন্ধে আমাকে বিশেষ করিয়া কিছুই বলেন নাই। অধক্ষ এবং অফিসারগণ সকলেই ফরাসী-রাজের নিকট হইতে কমিশনপ্রাপ্ত। হায়দর আলির কৃত প্রস্তাব-সমূহ রিপোর্ট করিবার জ্ঞান এবং তাঁহার ও মাহে বন্দরের সমীপবর্তী অজ্ঞান নরপতিগণের সহিত যাহাতে আমাদের স্বার্থসম্বন্ধ অক্ষুণ্ণ থাকে সেজ্ঞাও বটে, আমি বরাবরই প্রত্যক্ষ বা পরোক্ষভাবে মশিয়ে বাসেলের সহিত পত্র-ব্যবহার রাখিয়াছি। কিন্তু পূর্বেই বলিয়াছি, মহম্মদ আলির দয়ার উপর নির্ভর করিয়া থাকিতে হয় বলিয়া এবং ইংরেজদের বাহাতে ঈর্ষা উদ্বেকের কোন কারণ না ঘটে সেজ্ঞাও বটে আমি কখনও এই 'কোর'টি সম্বন্ধে যে সকল কথা শুনিতে পাওয়া যায় তাহাতে সাক্ষাৎভাবে লিপ্ত থাকা সমীচীন বিবেচনা করি নাই। এ সম্বন্ধে আমার অভিমত আমি কয়েকবার মন্ত্রীমহাশয়কে জানাইয়াছি। তাঁহার নীরবতা হইতে মনে হয়, তিনি উহা অনুমোদন করিয়াছেন। বাসেলের প্রতি এইপ্রকার বাহ্যতঃ ঔদাসীণ দেখাইলেও আমি মধ্যে মধ্যে তাঁহার নিকট সৈন্যপ্রেরণ এবং আমার উপর যে দায়িত্বসমূহ পড়িয়াছে সেগুলির যথাসম্ভব প্রতিপালন করা হইতেও প্রতিনিবৃত্ত হই নাই।"

বাসেল সম্বন্ধে আর কিছু জানা যায় না। ১৭৭৯ খ্রীষ্টাব্দে জেনারেল লালী নিজাম দরবার হইতে হায়দর আলি সন্ধিধানে আগমন করেন এবং ১৭৯০ খ্রীষ্টাব্দ পর্যন্ত তাঁহার ইউরোপীয় সৈনিকদিগের অধ্যক্ষতা করেন।

* ক্রাঙ্ক রাওয়ের রিপোর্টে প্রকাশ ৪৫টি কামান, প্রায় ৮০০০ অশ্ব, কুড়ি-পঁচিশটি হস্তী এবং অজ্ঞান বহু দ্রব্য তিনি পাইয়াছিলেন।

* Etat Politique de l'Inde en 1777, pp. 142-43



'চামুণ্ডী' পাহাড়ের উপর চামুণ্ডার মন্দিরের দৃশ্য

সুদূরের পথে

শ্রীরঘুমণি ভট্টাচার্য্য, এম-এ


দাক্ষিণাত্য ভ্রমণের ইচ্ছা আমার বহু দিনের। আমার বিদ্যালয়-জীবনের শিক্ষাগুরু বর্তমানে কর্ণোপলক্ষে থাকেন বাঙ্গালোরে। সেখানে কিছুদিন কাটিয়ে আসার জন্মে তাঁর সম্বন্ধ আহ্বানও আসছিল উপযুক্তকালে। শারদীয় অবকাশে আমার বাসনা-পূরণের সুযোগ উপস্থিত হ'ল। কিন্তু একা দূর-পথে যাত্রা করতে সাহসে কুলোচ্ছিল না। ভ্রমণ-বিলাসী সহকর্মী বন্ধুবর সুখময় বাবু একাধারে সহযাত্রী ও গাইড হবেন এইরূপ আশ্বাস দিয়ে যথাকলে ভ্রমণ দিলেন। প্রথমটা একটু হতোজম হয়ে পড়লাম, কিন্তু দূর-দূরান্তের আহ্বান হৃদয়কে উতলা করে তুলল। অবশেষে সমস্ত বিধা-বন্দ ত্যাগ করে আশ্বিনের শুক্লা ত্রয়োদশীর পূণ্যক্ষেণে মাদ্রাজ মেলে গিয়ে উঠলাম।

একদিকে নিঃসঙ্গ যাত্রার সম্ভাবিত আশঙ্কা, অপর দিকে অজানাতে জানবার ঔৎসুক্য যুগপৎ আমার হৃদয়ে তুলেছিল এক অপূর্ব আলোড়ন। গাড়ীতে উঠে অসহায়তার ভাব অনেকটা কেটে গেল, উদ্বেগও স্তিমিত হয়ে এল। ভিড় নিতান্ত কম ছিল না, তবে সজ্জন হ'ল এক জন সহযাত্রীর আহুকুল্যে বসবার জায়গা একটু পাওয়া গেল। ভিতরের দিকে যাত্রীর সংখ্যা সাত জন। চার জনের জন্মে নির্দিষ্ট পাশাপাশি ছুটি বেঞ্চির একটি কলকাতার জনৈক বিহারী বণিক ও তাঁর এক অমুচর কর্তৃক অধিকৃত; অপরটিতে চার জন কলকাতা থেকে বসে আসছেন। আমি নিরুপায়ভাবে সেখানে দাঁড়াতেই একটি যুবক নিজের স্বল্প-পরিসর স্থানে আরও সঙ্কচিত হয়ে বসে আমাকে একটু জায়গা করে দিলেন। যুবকটির নাম চেদিরাজ, জাতিতে ব্রাহ্মণ, বাড়ী মহীশূরের অন্তর্গত 'সুবধাম'

গ্রামে। তাঁর সদা-শ্রিত-হাস্যামণ্ডিত, সরলতাপূর্ণ আলাপে অত্যন্ত-কাল মধোই তিনি আমাকে সৌহৃদ্যপাশে আবদ্ধ করলেন। পরিচয় ঘনিষ্ঠতর হলে জানতে পারলাম, তিনি বারাণসী হিন্দু বিশ্ববিদ্যালয়ের ইঞ্জিনিয়ার, চাকরির ইণ্টারভিউর জঞ্জ কলকাতা গিয়েছিলেন। পথে অগ্রজের কর্মস্থল বাঙ্গালোরে দিনকয়েক অবস্থান করে দেশে ফিরবেন। আমি তাঁর ভ্রমণভূমি পবিত্রময় চর্চোচ্ছ জেনে খুব খুশী হলেন ও সর্বপ্রকার সহায়তাদানের প্রতিশ্রুতি দিলেন।

সহযাত্রীদের মধ্যে একজন মধ্যবয়স্ক বাঙালীও ছিলেন। আলাপে জানলাম তিনি হায়দ্রাবাদ-প্রবাসী। সেখানকার কোনও কলেজে অধ্যাপনা করেন। আমাদের সহযাত্রী বিহারী যুবকদের দেখলাম, অধিকাংশ সময়ই পূর্বোক্ত শেঠের সঙ্গে নানা আলোচনায় নিহত। চেদিরাজ আর আমার মধ্যে দেশের শিক্ষা-সংক্রান্ত বিষয়ে আলোচনা চলছিল। কথাবার্তার কঁাকে হঠাৎ বাইরের দিকে একবার দৃষ্টি পড়ল। চোপ আর কেবোতে পারলাম না। বাংলার দিগন্তপ্রসারী শ্রামল ক্ষেত্রে শরতের শুভ্র জ্যোৎস্না ঘন স্বপ্ন-কুহেলি বিস্তার করেছে। ক্রমে বাংলার সীমা ছাড়িয়ে বাঙ্গালীর বান উড়ুদেশের উর্বর প্রান্তরে প্রবেশ করল। সুবর্ণরেখা ক্রীণ রেখা ক্রীণতর হয়ে পশ্চাতে পড়ে যাইল। ইতিমধ্যে বিহারী যুবকদের উপরে মোটামুট সন্ধ্যা অপেক্ষাকৃত আরামে যাত্রীবাসনের ব্যবস্থা করে নিয়েছেন। আমাদের তিন জনের বসে বসে হাত কাটানো ছাড়া গত্যন্তর রইল না। স্থান-সমস্যার সমাধান হওয়ার পরে দৃষ্টিকে আবার প্রকৃতির দ্বারা স্বাধীন বিচরণের অবকাশ দিলাম। উপরে অনন্ত অধরে শাশ্বতলক্ষী বিহিমে বেবেছেন তাঁর হৃৎ-শুভ্র আশ্রয়ণ, মীচে অমুচ

গিরিশৈলী রাক্তি নিস্তরতার সাক্ষ্য বহন করছে শুরু হয়ে দাঁড়িয়ে। চাদের উচ্ছল কিরণরাশি জলাভূমির পাশে সূচীভিন্ন কেতকীর বনে, আপক শশুশীর্ষে ও অগণিত নারিকেলকুঞ্জে আলোকের বিকিমিকি জাগিয়ে বিশ্ব-প্রকৃতিকে এক মহাব্যাকুল রূপ দান করেছে। এই অপরূপ দৃশ্য দেখতে দেখতে কখন নিদ্রাভিত্ত হইতেছিলাম জানি না। প্রভাতে নিদ্রাভঙ্গ হতে দেখি গাড়ী একটা জংশনে এসে দাঁড়িয়েছে। এখানেই মুখ-হাত ধুয়ে জলযোগ সেরে নেওয়া গেল।



বাঙ্গালোর 'ভারতীয় বিজ্ঞান-মন্দির'

অজ্ঞানজ্যেব বিস্তীর্ণ প্রাস্তর অতিক্রম করে গাড়ী চলেছে দ্রুত বেগে। রাতের অস্পষ্ট আলোতে ছোট ছোট নীলবর্ণ পর্বতে সে যেন এক ধ্যানগভীর মায়া—দিনে রৌদ্র-ছাটার আলো-আধারের লীলা তাদের মধ্যে সঞ্চার করল আর এক অভিনব শ্রী। তাদের শিখরকে আশ্রয়স্বরূপ অবলম্বন করেছে বর্ষণকাস্ত শুভ্র মেঘগুলি। মধ্যাহ্নের কিছু পূর্বে ট্রেন ওয়ালটেয়ারে এসে পৌঁছাল। যেন্দোর টিকে এখানেই বিচ্ছিন্ন করে দেওয়া হবে। তাই যাত্রীদের মধ্যে মধ্যাহ্নভোজন সেরে নেওয়ার তাড়া পড়ে গেল। স্নানাহার সমাপন করে আমিও নিশ্চিন্ত হয়ে বসলাম। ইতিমধ্যে যাত্রীর সংখ্যা আরও বৃদ্ধিপ্রাপ্ত হয়েছে। নূতন আরোহীদের মধ্যে সবচেয়ে বেশী দৃষ্টি আকর্ষণ করলেন পঞ্চগুণমণ্ডিতানন এক মদ্র-বৃদ্ধ। পঞ্চগুণের অন্তরালে মুহূহাস্ত সহকারে অপরের অধিকৃত স্থানে তাঁর জায়গা করে নেওয়ার কোশলের তারিফ না করে পারা যায় না। নিজ কার্যের সমর্থনে আবার গীতার শ্লোক আবৃত্তি করলেন 'অব্যক্তাদীনি ভূতানি'... ইত্যাদি, 'সংযোজ্য জায়গার জন্মে বাদ-বিসংবাদ করে কি হবে?' সুগভীর ত্বকের এই অভিনব ব্যাখ্যায় হাস্ত-সংবরণ করা কঠিন। মুখ কিরিয়ে নিতে হ'ল।

ওয়ালটেয়ার ছেড়ে গাড়ী আবার চলতে শুরু করেছে। নবাগত মদ্র-বৃদ্ধ ও চেদিরাজ উচ্চকণ্ঠে রাজনৈতিক আলোচনা চালিয়েছেন। বৃদ্ধ প্রত্যেকটি সরকারী নীতিতেই গলদ দেখাতে চান, চেদিরাজ দেশবাসীর অসাধুতার দোহাই দিয়ে সে দোষ কালন করতে চান।

প্রসঙ্গক্রমে মাদ্রাজে মাদকক্রব্য-বর্জন-সংক্রান্ত আইনের কথা এসে পড়ল। বৃদ্ধ এই আইন-সম্পৃক্ত গুরুদায়িত্বসম্পন্ন এক কর্মচারীর নামের উল্লেখ করলেন। কর্মচারীটি নিজে সমুদ্রে জাহাজের মধ্যে গোপনে সুরাপান করে আসতেন। মাদ্রাধিক্য হওয়ার একদিন ধরা পড়ে গেলেন। সরকারী কর্মচারীর হাতেই সরকারের সৃষ্ট বিধানের অবমাননার এমন প্রাজ্ঞল দৃষ্টান্তের সামনে চেদিরাজের যুক্তিতর্ক ম্লান হয়ে গেল। আরোহীদের অধিকাংশই বৃদ্ধের দলে, সরকারের নিন্দায় সবাই পঞ্চমুখ। রাজনীতির সূক্ষ্ম তর্কের মীমাংসা আমার সাধ্যাতীত। তাই তাঁদের সে আলোচনায় যোগদান না করে প্রসঙ্গান্তরের অবতারণা করে চেদিরাজকে বৃদ্ধের কবল থেকে কোনমতে রক্ষা করলাম।

মধ্যাহ্ন উত্তীর্ণ হয়ে গেছে, এর মধ্যে ছোট ছোট দু'একটা জংশন ছেড়ে এসেছি। পথের দু'ধারে ধাতুক্লেত্র, ইক্ষুক্লেত্র, কোষাও বা অকর্ষিত বিশাল প্রাস্তরে বাবলাগাছের সারি। অঞ্চলগুলি বসতি-বিয়ল। স্থানে স্থানে কৃষাণদের কুটীরের সারি জনহীনতার বিরুদ্ধে অসহায় বিদ্রোহ তুলেছে। তালপাতার তৈরি কুটীরগুলির নির্মাণ-নৈপুণ্য দৃষ্টি আকর্ষণ করল। সকাল থেকে সন্ধ্যা অবধি পবল হতে জল সিঞ্চন করে অমূর্ষের প্রাস্তরকে এই কৃষাণেরা করে তোলে শশু-শ্যামল। কর্মক্রান্ত হয়ে দিনান্তে কুটীরে প্রবেশ করে, বাহু জগতের সঙ্গে সমস্ত সম্পর্ক এরা দেয় চুকিয়ে। 'শুধু দিন যাপনের শুধু প্রাণ ধারণের গ্লানি'র এক করুণ চিত্র চোখের সামনে ভেসে উঠল।

অপরাহ্নে ট্রেন রাজমহেন্দ্রী জংশনে এসে পৌঁছল। যাত্রীদের মধ্যে একজন বললেন, এর পর গোদাবরী। আবালা যে নামের সঙ্গে পরিচিত, কল্পনার ত্রিদিবে অপূর্ষ সুষমায় মণ্ডিত যার ছবি, সেই গোদাবরীকে নয়ন-সম্মুখে দেখতে পাব ভেবে মন উৎফুল্ল হয়ে উঠল। উন্মুগ হয়ে নিমেষ গুণতে লাগলাম রঘুকুলরবি রামচন্দ্র, লক্ষ্মণ ও সীতার করুণমধুর স্মৃতি-বিজড়িত এই পুণ্য সরিংকে প্রত্যক্ষ করার জন্মে। ট্রেন ধীরে ধীরে নদীর সেতুতে আরোহণ করল। অস্তায়মান সূর্যের লোহিতচ্ছটা পশ্চিম দিগন্তে ছড়িয়ে পড়েছে। তার ছায়া পড়েছে নদীর স্বচ্ছ জলে। মনে পড়ল, জানকীর লাজরক্ত আনন। এই গোদাবরীতীরে ভ্রমণ করতে এসে জানকী মুগ্ধ নয়নে হংস-হংসীদের ক্রীড়া দেখতে দেখতে কুটীরে ফিরে যাওয়ার কথা ভুলে যেতেন। এদিকে প্রিয়তম লতাবিতানের মধ্যে আকুল হয়ে তাঁর আগমন-পথ চেয়ে থাকতেন নিঃনিমেষ নয়নে। ক্রীড়াদর্শনের শেষে কুটীরে ফিরে যাওয়ার কথা মনে পড়ে গেলে জানকী পদ্ম-কোরকের মত অঞ্জলিপুটে প্রণাম নিবেদন করে অপরাধিনী মুগ্ধাবালার মত প্রিয়তমের পদপ্রান্তে আত্মসমর্পণ করতেন।*

* অগ্নিরেব লতাগৃহে স্বমভবস্তম্মার্গদন্তেক্ষণঃ

সাহংসৈঃ কৃতকৌতুকা চিরমভূদ্ গোদাবরী-রোধসি।

আরাভ্যা পরিহম নারিতমিব স্বাং বীক্ষ্য বক্রস্তয়া

কাচর্ষ্যাদরবিন্দুকুলনিতঃ মুগ্ধঃ প্রণামাঞ্জলিঃ । উত্তররামচরিতঃ

যুগপৎ মানসপটে উদ্ভিত হ'ল সীতাবিযোগবিধুর রামচন্দ্রের নয়ন-সলিলে স্ফীতধারা এই গেদাবরীর এক করুণ চিত্র। নদী-নীবে কমল-কানন দেখে রামচন্দ্রের ভ্রম হয়েছিল—'বুঝি বা পদ্মালয়া পদ্মমুখী সীতাকে পদ্মবনে লুকিয়ে রেখেছেন।' পুণ্য-করুণ-স্মৃতির ভাবমোহে মুগ্ধ-বিহ্বল চিত্তে স্ত্রীরাম, জানকী ও লক্ষ্মণের স্মৃতিপূত এই স্রোতস্বতীর উদ্দেশ্যে যুক্তকর মস্তকে স্থাপন করলাম।

নদী ছাড়িয়ে গাড়ী বহু দূর চলে এসেছে। 'নত জাগি সন্ধ্যা' ধীরে নেমে এল। পূর্ব-গগনে পূর্ণিমার চাঁদ উদ্ভিত হয়ে শৃঙ্গে, জলে, স্থলে কোমুদীরশির প্লাবন বইয়ে দিল। মনে পড়ল আজ কোজাগরী। আমার দৃষ্টি ছুটে গেল চেদিরাজের নির্দেশিত অদূরে বজ্রতমুর্তি স্রোতস্বতীর দিকে। অজিনাবৃত মুনিযুগ্মের মত দুটি কৃষ্ণ শৈল দাঁড়িয়ে রয়েছে তার দু'পাশে। তাদের পদ বিধোত করে কলস্বনা নদীটি বয়ে চলেছে ধীরে। চেদিরাজ বললেন—এটি দাক্ষিণাত্যের আর এক প্রধান নদী কৃষ্ণা।

নদী পেরিয়ে ধানের ক্ষেত বড় একটা চোখে পড়ল না। এই সব জায়গায় সিগারেটে ব্যবহৃত তামাক, কফি ও লঙ্কার চাষ হয়। স্বচ্ছ চন্দ্রালোকে স্তব্ধরোপিত চারাগুলিকে স্পষ্ট দেখা গেল।

রাত্রি ন'টার সময় ট্রেন বেজওয়াদা জংশনে এসে পৌঁছাল। জংশনটি বেশ বড়, এখান থেকে হায়দ্রাবাদ, গুন্টর প্রভৃতি জায়গায় যাওয়া যায়। অধ্যাপক মশায় এখানে বিদায় নিলেন। পরদিন প্রভাতে গাড়ী মাদ্রাজে পৌঁছবে, তাই আমরাও রাতটুকু কোন রকমে কাটানোর অপেক্ষায় রইলাম। নিদ্রায় জাগরণে রাত্রি প্রভাত হয়ে এল। ভোবের আলোয় দেখলাম, আমরা সমুদ্রের কাছাকাছি জায়গায় এসে পড়েছি। তাজীবনের মর্শ্বের সঙ্গে ভেসে এল সাগরের কলোচ্ছাসময় অস্পষ্ট গীতি। থানিকটা পথ অতিক্রম করতে সহসা এক জায়গায় বনঝাউ ও অগণিত তালীবৃক্ষের অন্তরালে দিগন্তচূর্ষী সাগরের জল দৃষ্টিপথে আসতে না আসতেই অদৃশ্য হয়ে গেল। ক্রমে মাদ্রাজের দূরত্ব কমে এল। এখানে দেখলাম পথিপার্শ্বে সমুদ্রের জল থেকে প্রস্তুত লবণ স্তূপাকারে স্থানে স্থানে পড়ে আছে। অদূরে মাদ্রাজ ষ্টেশন দেখা যেতে লাগল। যাত্রীরা অবিগলিত মালপত্র গোছাতে ব্যস্ত হলেন। তাঁদের এই ত্রস্ততার মধ্যে ট্রেন ষ্টেশনে প্রবেশ করল।


ষ্টেশনের ওয়েটিং রুমে জিনিসপত্র বেয়ারার জিন্মায় বেখে প্রাতঃ-কৃত্য সেবে নেওয়া গেল। দাক্ষিণাত্যের গুরুত্বপূর্ণ শহর মাদ্রাজ। তারই উপর দিয়ে যাব দাক্ষিণাত্যের অঙ্গ নগরে, আর তাকেই উপেক্ষা করে যাব—মন এতে সায় দিচ্ছিল না। অথচ, চেদিরাজ বিব্রত হবেন ভেবে তাঁকেও আমার মনোভাব জানাতে ইতস্ততঃ করছিলাম। আমার কুণ্ঠিত ভাব দেখে তিনি জিজ্ঞাসা করলেন—কিছু বলবেন কি? সসঙ্কোচে বললাম—মাদ্রাজ শহরটি আমাকে একটু দেখিয়ে নিয়ে আসতে হবে। সানন্দে সম্মতি দান করে তিনি বললেন—আপনি আমার দেশের অতিথি, আপনার প্রীতি-বিধান

করা আমার সর্বতোভাবে কর্তব্য, এ আর বেশী কথা কি? তাঁর আন্তরিক সৌজন্মে মুগ্ধ হলাম। সত্যিই—

'ঘরে ঘরে আছে পরমাশ্রী

ভারে আমি কিম্বি খুঁজিয়া।'


কবিগুরু এই উক্তিই প্রকৃষ্ট পরিচয় পেয়ে ধস্ত হলাম। আমার মাদ্রাজ দেখার ঔৎসুক্যে চেদিরাজ কিন্তু ছিপ্ৰহরের ট্রেনে বাজালোর যাওয়ার পরিকল্পনা বর্জন করতে বাধ্য হলেন।



বৃক্ষলতার অন্তরালে 'বিজ্ঞান মন্দির'র গাভুজ

দু'জনে ষ্টেশনের বাইরে এসে বাসে উঠে একটা হোটেলের সামনে গিয়ে নামলাম। বেলা তখন প্রায় দশটা। আহাবাদি সেবে পদব্রজে সমুদ্রের দিকে রওনা হলাম। মাদ্রাজ শহরটি ছোট, কিন্তু কলকাতার মত ট্রামে, বাসে, ফুটপাথে ভিড়ের চাপে প্রাণ হাঁপিয়ে উঠে না। এখানে যানবাহনে যাত্রীর সংখ্যা-নিয়ন্ত্রণ-ব্যাপারে নিয়মানুগতা বিশেষ লক্ষণীয়। মিনিট পনের হাঁটবার পর আমরা সমুদ্রের তীরে এসে পৌঁছলাম। আমার সমুদ্র-দর্শনের প্রথম অভিজ্ঞতা পুরীতে। সেখানে সমুদ্রকে দেখে মনে হয়েছিল—'এ যে অজগর গরজে সাগর ফুলিছে।' কিন্তু মাদ্রাজে সমুদ্রের এক অভিনব রূপ আমার নয়ন-সুস্মৃখে উদঘাটিত হ'ল। না আছে তার মেঘমন্দ্র ধ্বনি—না আছে তার তরঙ্গের উচ্ছলতা। এখানে যেন ষোগাসুনে উপবিষ্ট ধ্যান-মুর্তি নিরীক্ষণ করলাম সমুদ্রের। এক একটা ঢেউ মাঝে মাঝে বেলাভূমিতে আঘাত করে যেন তার অতল গভীর প্রশান্তিতে অবগাহন করার জগ্গে অব্যক্ত আহ্বান জানাচ্ছে। বেলাভূমি দিয়ে কিছুদূর অগ্রসর হওয়ার পরেই উপকূলভাগে সমুদ্রের সঙ্গে সমান্তরাল সুরম্য সৌধশ্রেণী চোখে পড়ল। সঙ্গী বাস্কেবের

কাছে জানলাম, মাদ্রাজ শহরের মধ্যে সবচেয়ে মনোরম স্থান হ'ল সমুদ্রের উপকূল। বিজ্ঞানভবন, উচ্চ আদালত ও সরকারের বাবতীর গুরুত্বপূর্ণ আপিস এখানেই অবস্থিত। সৌন্দর্যশ্রেণীর পাশ দিয়ে চলে গেছে একটি প্রশস্ত রাজপথ। বেথান থেকে প্রাসাদের সারি আরম্ভ হয়েছে, ঠিক তারই বিপরীত দিকে রাজ্যের অপর পাশে বৃক্ষ-লতা-বেষ্টিত এক নিভৃত কুঞ্জ স্থানটিকে অপরূপ সৌন্দর্য্য দান করেছে। রাজপথ ধরে কিছুদূর অগ্রসর হওয়ার পরই মধ্যাহ্ন-বধির খরতাপে সন্তপ্ত হয়ে কিছুক্ষণ বিশ্রামলাভের আশায় আমরা কিরে এসে ঐ ছায়াঘেরা কুঞ্জে প্রবেশ করলাম।



মহীশূরের একটি দৃশ্য

বেলা পড়ে এল—সূর্যের কিরণ মন্দীভূত হয়েছে। দ্বিপ্রহরে যে স্থানটি ছিল জনবিরল, অপরাহ্নে যানবাহনের শব্দে সে স্থানটি হয়ে উঠল কলমুখর। সৌন্দর্য্যপিপাসু ও স্বাস্থ্যস্বেষীরা দলে দলে এসে ভিড় জমাতে লাগলেন।

উপকূলের মনোরম দৃশ্য উপভোগ করার সময় আর ছিল না। সন্ধ্যায় বাঙ্গালোয়ের ট্রেনে উঠতে হবে, বন্ধুদের তাড়া দিতে লাগলেন। সৌন্দর্য্যশ্রেণীর উপর কনকাজলি বর্ষণ করতে করতে সূর্য্য অস্তাচলে নামলে হু'জনে ট্রেনগামী একটা বাসে উঠে মিনিট পনের মধ্যই ট্রেনে এসে পৌঁছলাম। বাঙ্গালোর মেল প্লাটফর্মে অপেক্ষা করছিল। জিনিষপত্র নিয়ে গাড়ীতে উঠলাম। বথানময়ে গাড়ী ছেড়ে দিল। স্মৃতির ভাণ্ডারে শুধু সঞ্চয় হয়ে রইল মাদ্রাজের সমুদ্র ও তার উপকূল।

ধরিত্রীর বুকে 'শ্রুত-স্বর্ণাঙ্কলা তন্দ্রালসা' সন্ধ্যা ধীরে নেমে এল। কৃষ্ণ-প্রতিপদের চন্দ্র উদ্ভিত হয়ে ধরণীর তিমিরাবগুঠন উন্মোচিত করে দিল। যত দূর দৃষ্টি যায় শ্রামল ভুবুণ্ড চোখে পড়ল না। এ অঞ্চলে বৃষ্টিপাত খুব কম। কোথাও সেচব্যবস্থার বহু আয়াসে চীনা-বাদাম ও আখের চাষ করা হয়েছে। স্থানে স্থানে শ্রেণীবদ্ধ তালীবন বেন এই সব অঞ্চলকে পাদপরিহীনতার অখ্যাতি থেকে রক্ষা করার বার্থ প্রয়াসে নিরত। উষ্ণ প্রাকৃতিক অতিক্রম করে ট্রেন দ্বরিতগতিতে চলেছে, এক সময় দেখলাম দূরে এক নীল গিরিশ্রেণীর অবিচ্ছিন্ন রেখা। সঞ্জীবচন্দ্র পর্বতশ্রেণীর সঙ্গে বে 'বিচলিত নদীর

সংখ্যাতীত তন্দ্রমালা'র সাদৃশ্য দেখতে পেয়েছিলেন তার বাখার্বা উপলব্ধি করলাম এই পর্বতমালা দেখে। ক্রমে মাদ্রাজের সীমানা ছাড়িয়ে ট্রেন মহীশূর রাজ্যে প্রবেশ করল। বৃক্ষে, লতার, শস্ত-ক্ষেত্রে সবুজের রেখা দেখতে পেয়ে স্বস্তির নিশ্বাস কেললাম। চেদিরাজের কাছে গুনলাম, এই সব অঞ্চলে তালের রস থেকে মত্ত প্রস্তুত হয়। মাদ্রাজে মত্তপান নিষিদ্ধ হওয়াতে সেখান থেকেও পানাসক্তেরা মহীশূরের এই সব অঞ্চল পর্য্যন্ত আনাগোনা করে। এ রাজ্যের আর একটি বৈশিষ্ট্য চোখে পড়ল, সেটি হ'ল ভিত্তিভী বৃক্ষের বাহুল্য। ক্রমে আমাদের যান স্বর্ণধনির জন্ত প্রসিদ্ধ 'কোলার'

প্রভৃতি অঞ্চল অতিক্রম করল। ব্যক্তি গভীর হয়ে এল। গত হু'রাত্রির মত গাড়ীতে আজ ভিড় ছিল না। হু'জনে হুটি বাক অধিকার করে শুয়ে পড়লাম। ভোরে কোকিলের কুহুসবে চমকিত হয়ে জেগে উঠে দেখি গাড়ী এসে পৌঁছেছে বাঙ্গালোরে।

প্লাটফর্মে নেমেই দেখলাম মাষ্টারমশাই আমার জগে উদগ্রীব হয়ে অপেক্ষা করছেন। অভিবাদন, আশীর্বচন ও কুশলপ্রশ্ন বিনিময়ের পর চেদিরাজের সঙ্গে তাঁর পরিচয় করিয়ে দিলাম। চেদিরাজের ঠিকানা নিয়ে আমরা হু'জনে একটা টাক্সায় উঠলাম। কথা রইল দ্বিপ্রহবে তাঁকে সঙ্গে নিয়ে নগরপরিভ্রমণ

বেরনো যাবে। অর্ধ ঘণ্টা পরে 'মনিরজিউপলানাম' নামে এক পল্লীতে টাক্সা এসে থামল। এখান থেকে মিনিট দশেক হেঁটে মাষ্টার মশায়ের বাসায় পৌঁছলাম। সেখানে আমার জগ প্রতীক্ষাবত কয়েকজন ভদ্রলোককে বসে থাকতে দেখলাম। এঁরা সবাই মাষ্টার মশাইয়ের সহকর্মী—তাঁর মুখে আমার আসার সংবাদ পেয়ে সকলে আমার সঙ্গে আলাপ করার জগে অপেক্ষা করছিলেন। এক জন বঙ্গবাসীর আগমন বাংলার এই প্রবাসী সম্ভানদের কাছে বেন কত কামনার বস্তু। বাঙ্গালোরে অবস্থিতিকালে এঁদের সৌজন্য ও পারম্পরিক সম্প্রীতির যে পরিচয় পেয়েছিলাম তা জীবনে ভুলবার নয়।

আহাযাদির পরে শহর দেখতে বেরলাম। সঙ্গে ছিলেন মাষ্টারমশাই আর তাঁর এক বন্ধু, নাম শ্রীহরেন্দ্র ভট্টাচার্য্য, বাড়ী ঢাকা জেলায়, দীর্ঘাকৃতি গৌরবর্ণ যুবক। এঁর সাহচর্য্য না পেলে অল্প সময়ের মধ্যে বাঙ্গালোরের দ্রষ্টব্য স্থানগুলি দেখা সম্ভব হয়ে উঠত না।

বাঙ্গালোর শহর প্রকৃতপক্ষে দ্বিধাভিত্তিক—একটা প্রাচীন শহর, আর অপরটি সেনানিবাসকে ঘিরে গড়ে উঠেছে। প্রাচীন শহরটিতে বাড়ী-ঘরের বৈশিষ্ট্য তেমন কিছুই নেই। তবে নূতনতর অঞ্চল-গুলি নগর-নির্মাণে স্থাপত্য-শিল্পের আধুনিক বিজ্ঞানসম্মত ক্রটির পরিচয় দেয়। ভারতে বিমান-নির্মাণের একমাত্র কেন্দ্ররূপে স্থানটির গুরুত্ব বেড়েই চলেছে এবং অল্প ভবিষ্যতে শহরের হুটি অংশের

ব্যবধান ক্রম করে এক অঞ্চল মহানগরী স্থষ্টির বিঘাট সম্ভাবনা রূপায়িত হয়ে উঠেছে। শহরের চতুর্পার্শ্বের উঁচু-নীচ জমিগুলি দখলীতে ভরা। পথের হ'ধারে গাছগুলি ছেয়ে আছে নানা রঙের ফুলে। তাদের সৌরভে আকুল বিহঙ্গকুল কলকাকলী-ধ্বনিতে বেন এই চিরবসন্তের স্নাতকের জরগানে বিভোর।

শহরের অধিবাসীদের মধ্যে কানাড়ীরাই সংখ্যাগরিষ্ঠ, কথ্যভাষা কানাড়ী। পথ দিয়ে যেতে যেতে এদেশের আরও দু'একটি নৈশিষ্ট্য চোখে পড়ল। পুষ্প এদেশের মহিলাদের কেশবিজ্ঞাসের একটি অপরিহার্য উপকরণ। এখানকার মহিলাদের সঙ্গে বাংলাদেশের মহিলাদের সাজসজ্জার কচির পার্থক্য কোন কোন ক্ষেত্রে কোঁতুকের উদ্ভেক করে। তরুণীদের তুলনায় বর্ষীয়সী মহিলাদের রঞ্জিত বসন পরিধানে প্রীতি এই কচিগত পার্থক্যের একটি দৃষ্টান্ত।

হাটেতে হাটেতে আমরা বাসেল মার্কেটের কাছে চেদিরাজের বাড়ীতে গিয়ে উপস্থিত হলাম। চেদিরাজ আমাদের জগুই অপেক্ষা করছিলেন। তাঁর সঙ্গে বাসে উঠে লালবাগের উদ্দেশে রওনা হওয়া গেল। মিনিট পনেরব মধ্য বাস আমাদের লালবাগের সামনে নামিয়ে দিল।

'লালবাগ' একটি উদ্যানের নাম। এটিকে 'শিবপুর বোটানিক্যাল গার্ডেনে'র ক্ষুদ্রতর সংস্করণ বলা চলে। সকলে মিলে খানিকক্ষণ উদ্যানে ঘুরে বেড়ানো গেল। অদৃষ্টপূর্ব বিচিত্র বৃক্ষ, লতা, গুল্ম ও বনস্পতি উদ্যানটিকে অপরূপ শোভায় মণ্ডিত করে রেখেছে। নানা রঙের ফুল ফুটে স্থানটিকে রূপে-সৌরভে সমৃদ্ধ করেছে। সম্প্রতি সরকারের পৃষ্ঠপোষকতার এর মধ্যে একটি উদ্যান-কর্ষণ বিভাগ (Horticultural Department) খোলা হয়েছে।

উদ্যানের শোভা দেখতে দেখতে সন্ধ্যার আবছা অন্ধকারে এক জায়গায় এসে আমি ধমকে দাঁড়ালাম। গুল্মশ্রেণীর কতকগুলি গাছকে ছেটে উত্ততচক্র সর্প, নৃত্যরত ময়ূর প্রভৃতি ভিন্ন ভিন্ন জীব-জন্তুর রূপ দান করা হয়েছে। সহসা দৃষ্টিপথে পতিত হলে এগুলি জীবন্ত বলে ভ্রম উৎপাদন করে এবং শিল্পীর শিল্পকৌশলের উৎকর্ষের পরিচয় দেয়। উদ্যানের এক পাশে একটি নিল ও অপর পাশে একটি ছোট পাহাড়। ব্রিটিশ আমলের কোন রাজপুরুষ এই পাহাড়ের উপর একটি মানমন্দির স্থাপিত করে, একটি প্রস্তর-ফলকে স্থানটিকে উত্তরকালের বাঙ্গালোবের সম্ভাব্য সীমা বলে নির্দিষ্ট করেছিলেন। বর্তমানে শহরটি তাঁর নির্দিষ্ট এই সীমা অতিক্রম করে আরও বহুদূর অধি বিস্তৃত হয়েছে। পাহাড় থেকে অবতরণ করে বাসে উঠে আমরা বাড়ীর দিকে রওনা হলাম। চেদিরাজ বাসেল মার্কেটে নেমে গেলেন। বাড়ীতে পৌঁছে নৈশ-ভোজনের পর শব্দার আশ্রয় গ্রহণ করে চেদিরাজের কথাই ভাবতে লাগলাম।

প্রভাতে সূনিত্রার পরিভ্রমণ নিয়ে শব্যাত্যাপ করে দেখি বৃষ্টি পড়তে আরম্ভ হয়েছে। বাংলাদেশে শরতের নির্মল বৈশ্বকবোজ্জল আকাশ দেখতে আমরা অভ্যস্ত। অকালবর্ষণ মনটাকে বিহ্বল করে তুলল। মাষ্টার-মশায়ের কাছে শুনলাম, এখানকার আবহাওয়া এ রকমই। ও অঞ্চলে বৃষ্টি হয় হ'বার—একবার বখাকালে, আর একবার শীতের প্রারম্ভে। স্থানটি সমুদ্রপৃষ্ঠ থেকে বহু উচ্চে অবস্থিত। তাই এখানে শীত বা গ্রীষ্ম কোনটিরই আধিক্য অহুভূত হয় না।

সকালে টাটা ইনস্টিটিউট, কার্বন-পার্ক প্রভৃতি দেখব বলে স্থির করেছিলাম, তাই বৃষ্টি হওয়ায় নিরাশ হলাম। সৌভাগ্যক্রমে দ্বিপ্রহরের দিকে বৃষ্টিটা হঠাৎ থেমে গেল। কালক্ষেপ না করে, বেরিয়ে সোজা চেদিরাজের গৃহে উপস্থিত হলাম। সেখান থেকে




'কৃষ্ণরাজসাগর' বাধ ও বন্দাবন উদ্যানের প্রথম স্তরের অংশবিশেষের দৃশ্য

হু'জনে মাষ্টার-মশায়ের আপিসের দিকে যাত্রা করলাম। প্রশস্ত পথ, কোথাও উঁচু, কোথাও নীচ, হ'পাশে সারিবদ্ধ কনকচাঁপা এবং অগাণ্ড নানা ফুলের গাছ। একটির থেকে আর একটি বেশ ব্যবধান রেখে দাঁড়িয়ে আছে। বৃষ্ণরাজির অস্তুরালে সুরম্য বাস-গৃহগুলি নির্মাণকৌশলে পথিকদের নয়ন-মন হরণ করে। এগুলির অধিকাংশই উচ্চপদস্থ রাজকর্মচারীদের বাসভবন। ঘণ্টাখানেকের মধ্যেই আমরা টাটা ইনস্টিটিউটের সম্মিহিত মাষ্টার-মশায়ের আপিসে গিয়ে পৌঁছলাম।

মাষ্টার-মশাই আমাদের সঙ্গে নিয়ে চললেন ইনস্টিটিউটের অভিমুখে। হরেনবাবুও আমাদের সঙ্গে জুটে গেলেন। প্রথমে আমরা ইনস্টিটিউটের আদি অট্টালিকায় উপস্থিত হলাম। এই গবেষণাগার স্থাপন জামসেদজী টাটার অগ্রতম কীর্তি। বিজ্ঞানের বিভিন্ন শাখার মৌলিক গবেষণার জগু ভারতের সকল প্রদেশের ছাত্রছাত্রীদের এই বিজ্ঞান-মন্দিরে নেওয়া হয়। প্রাসাদের সম্মুখে জামসেদজীর মূর্তি স্থাপিত। প্রাসাদের মধ্যস্থিত একটি গম্বুজের চূড়া থেকে দেখলে শহরটিকে চিত্রাচিত্রের মত মনে হয়। প্রধান অট্টালিকার চতুর্পার্শ্বে আরও অনেক সত্যসমাপ্ত, সমাপ্তপ্রায় ও নির্মাণসমাপ্ত সৌধ দৃষ্টি-

গোচর হ'ল। স্বাধীন-ভারতে বিজ্ঞানের প্রসারকল্পে সরকারের সং-
প্রচেষ্টার সুস্পষ্ট ছবি দেখলাম এই বিজ্ঞানাগারে।

ইন্সটিটিউট দর্শনাঙ্কে মাষ্টার-মশাই বাড়ী ফিরলেন। আমরা তিন
জন ম্যাজেস্টিক সার্কলগামী একটা বাসে উঠলাম। মিনিট কুড়ি
পরে সেখানে নেমে কার্বন-পার্কের দিকে অগ্রসর হওয়া গেল।
এক একটি বিশিষ্ট হর্স্মোর নামানুসারে এক একটি অঞ্চলের নামকরণ
করা এদেশের একটা রীতি, যেমন, 'ম্যাজেস্টিক সার্কল,' 'ইন্সটিটিউট
সার্কল' ইত্যাদি। ম্যাজেস্টিককে বাঙ্গালোবের মেট্রো বলা যেতে
পারে। এটি এখানকার সেবা চলচ্চিত্রগৃহ।



'বন্দাবনে'র দ্বিতীয় স্তরের একটি মনোরম দৃশ্য

কিছু দূর এসে আমরা কার্বন-পার্কের মধ্যে প্রবেশ করলাম।
কার্বন পাক বাঙ্গালোবের দ্রষ্টব্য স্থানগুলির মধ্যে অল্পতম। পাক
বলতে আমরা যা বুঝি তার সঙ্গে এর আসল পার্থক্য হ'ল আয়তনে।
কয়েক শত বিঘা জুড়ে এই পার্কটি অবস্থিত—তার মধ্যে অগণত
সৌধশ্রেণী। সমগ্র মহীশূর রাজ্যের শাসনকার্য পরিচালিত হয়
রাজধানী বাঙ্গালোর থেকে, আর কার্বন-পার্কের অধিকাংশ প্রাসাদই
শাসন-ব্যবস্থার কোন-না-কোন দপ্তরের সঙ্গে সংশ্লিষ্ট।

ক্রমে দিনের আলো মিলিয়ে এল, কৰ্মব্যস্ততার কোলাহলও
সঙ্গে সঙ্গে ক্ষীণ হয়ে এল। প্রাসাদগুলিকে দেখে মনে হ'ল যেন
প্রচ্ছায়-সঘন বৃক্ষরাজির অন্তরালে আত্মগোপন করে দিনান্তে তারা
স্বস্তির নিশ্বাস ফেলছে। মাঝে মাঝে সান্দ্র-বিহারার্থীদের শকটগুলি
নিস্তব্ধতাকে চকিত করে ঘন কুঞ্জের আড়ালে অদৃশ্য হয়ে যাচ্ছে।

পার্কের মনোরম দৃশ্য দেখতে দেখতে আমরা চলেছি—ইতিমধ্যে
আকাশের অবস্থা যে কখন খারাপ হয়েছে তা টের পাই নি। চেয়ে
দেখলাম চারিদিক মেঘে ঢেকে গেছে। হঠাৎ টিপটিপ করে বৃষ্টি পড়তে
শুরু হয়ে ক্রমে তা মুষলধারায় পরিণত হ'ল। তিন জনে একটি
অট্টালিকার বারান্দায় উঠে আশ্রয় নিলাম। ঘণ্টাপানেক অপেক্ষা
করার পরও যখন বৃষ্টি থামবার কোন লক্ষণ দেখা গেল না, তখন
বাসে উঠে বাড়ী ফিরে যাবার সঙ্কল্প করে আমরা বাস্তব পাশে
দাঁড়ালাম। মিনিটহুয়েক পরেই একটা বাস আসতে তাতে

উঠতে গেছি, কণ্ডাক্টর 'সীট নেই' বলে হটিয়ে দিল। এমনি কয়ে
পর পর তিনটে বাস চলে গেল, প্রত্যেকটির অবস্থা একই রকম।
ততক্ষণে আমাদের জামা-কাপড় দিয়ে জল বরছে। পথে অল্প কোনও
যানবাহনের চিহ্নও নেই। উপায়ান্তর না দেখে চার মাইল হেঁটে
সেই নীতেও ঘর্ম্মাক্ত-কলেবরে বাড়ীতে পৌঁছলাম।

চেদিবাজের আহ্বানে সকালে ঘুম ভেঙে গেল। এত সকালে
ঠাঁর আসার কারণ জিজ্ঞাসা করায় তিনি বললেন যে, আজ তিনি
মহীশূর যাবেন। আমাকেও সেজন্ত প্রস্তুত হবার জন্ত বলতে
এসেছেন। ঠাঁর সঙ্গ না নিলে হয় ত মহীশূর দেখা আর ভাগো

ঘটে উঠবে না এই ভেবে অসমাপ্ত পরিচয়ের
খেদ বক্ষে নিয়ে বাঙ্গালোর-ত্যাগের উত্তোগ
করতে হ'ল। মনে পড়ল আমার এখানে
আসার সিদ্ধান্ত শুনে, বাত্রাকালে সহব্রতী
সুহৃদ 'দেবাদিদেব' পরিহাসের ছলে বলে-
ছিলেন, "হরিধার, বারাগসী প্রভৃতি
পুণ্যার্থীগুলি আপন আপন মাহাত্ম্যে
পুণ্যালোভাতুরদের আকর্ষণ করে জানি, কিন্তু
বাঙ্গালোরের কি এমন আকর্ষণ আছে, যার
জন্ত সেখানে ধাওয়া করছেন? দেখবেন,
বাঙ্গালোর শেষে না লোর বইয়ে ছাড়ে।
ঠাঁর এই পরিহাস-বিজ্ঞপ্তিত যে মর্্ম্মাস্তিক
সত্যের রূপে দেখা দেবে তা কে জানত?
কি ভাবে আমার বিদায়ের পালা সত্য

সত্যই মর্্ম্মাস্তিক হয়ে উঠল, তাই বলছি। শিক্ষাগুরুর বাসভূমি
হিসাবে এ আমার নিকট পীঠস্থান। স্বল্পকালের অবস্থিতির মধ্যেও
গুরু এবং গুরুপত্নীর অমিত স্নেহ লাভ করে চিত্ত আমার নিবিড়
মাধুর্য্যে ভরে উঠেছে, ঠাঁর বন্ধু ও বন্ধু-পত্নীদের মধুর ব্যবহারে
পেয়েছি গভীর আন্তরিকতার স্পর্শ। আমাকে বিদায় দেওয়ার সময়
দেখতে পেলাম তাঁদের মুখে বিষন্নতার সুস্পষ্ট ছবি। এত সত্বর
আমাকে ছেড়ে দেওয়ার জন্ত ঠাঁরা কেউই প্রস্তুত ছিলেন না। কিন্তু
চেদিবাজের সঙ্গ ছেড়ে দিলে আমার মহীশূর যাওয়া হবে না, তাই
ঠাঁদের অনিচ্ছাসত্ত্বেও আমাকে বিদায় নিতেই হ'ল। শত অতৃপ্তির
মধ্যে যাত্রা করে শূন্য মনে ট্রেনে এসে পৌঁছলাম।

চেদিবাজ আগের থেকে ট্রেনে এসে বসেছিলেন। হুঁজনে
মহীশূরের গাড়ীতে গিয়ে উঠলাম। ট্রেন ছেড়ে দিল।

মহীশূরের পথে

মহীশূর রাজ্যের অসমতল প্রান্তরের মাঝখান দিয়ে গাড়ী চলেছে।
এ অঞ্চলের ছোট ছোট পাহাড়গুলিকে নীরস শিলাময় স্তূপ বলা
যেতে পারে। পর্বতগাত্রের অস্বর্করতার সঙ্গে তুলনা করলে শস্ত-
ক্ষেত্রগুলির শ্যামলিমা বিস্ময়ের উজ্জেক করে। এই ভূখণ্ডগুলি খুবই
উর্কর, অধিকাংশ ক্ষেত্রই এক সঙ্গে দু'তিনটি ফসল উৎপন্ন হয়।
ক্ষেত্রগুলির কোনটি খুব উঁচু, কোনটি বা খুব নীচু। নিম্নতম ক্ষেত্র-
গুলি থেকে উচ্চতম ক্ষেত্রগুলির ব্যবধান একতলা থেকে দোতলায়


উঠাৰ সিঁড়িৰ মত ক্ৰমোচ্চ স্তৰসমূহে পৰিবাণ্ড। স্থানে স্থানে ইক্ষুবন, নাৰিকেলকুঞ্জ ও কদলীৰ উজান প্ৰকৃতিৰ শ্ৰামল অঙ্গে আভরণেৰ স্ত্ৰী সম্পাদন কৰেছে। এই বিচিত্ৰ শোভা দেখতে দেখতে চলেছি, ট্ৰেন অপৰাহে কাবেৰী অতিক্ৰম কৰে স্ত্ৰীৰূপতনে এসে পৌছিল। নিৰ্ভীক, স্বাধীনচেতা টিপু সুলতানেৰ দুৰ্গটি এং পুৰ-পৰিণাৰ অবলুপ্তপ্ৰায় অংশ দৃষ্টিগোচৰ হ'ল। কৰুণাৰ প্ৰবাহ কাবেৰী নয়ন-মনোহৰ বৃত্তাকাৰে নগৰটিকে বেষ্টন কৰে রেখেছে। নদীটিৰ বিস্তৃতি কুষ্ণা ও গোদাবৰীৰ তুলনায় অনেক কম—অগণিত উপলব্ধিগুণেৰ মধো বিচ্ছিন্ন ধাৰাগুলি শুধু এৰ অস্তিত্বেৰ ক্ষীণ সাক্ষ্য বহন কৰেছে। তবে কি দিগ্বিজয়ী যযুৰ সৈন্যদেৰ সন্তোষে কাবেৰী সৰিৎপতিৰ অবিধাসিনী হয়েছিল বলেই পতি-শাপে তাৰ গতি উপল-ব্যধিত হয়েছে? * প্ৰকৃতিৰ বিচিত্ৰ লীলাৰ যথার্থ হেতু কে নিৰ্দেশ কৰবে?

স্ত্ৰীৰূপতনে ছেড়ে কয়েক মাইল অতিক্ৰম কৰাৰ পৰ সন্ধ্যাৰবিব কিরণে উজ্জ্বল, অদূৰে দৃশ্যমান সুরম্য হৰ্ম্যাবলীৰ প্ৰতি চেদিৰাজ আমাৰ দৃষ্টি আকৰ্ষণ কৰলেন। মহীশূৰে পৌছতে পৌছতেই সন্ধ্যাৰ ঘনায়মান অন্ধকাৰ তাৰ উপৰ বহুশ্ৰেৰ যবনিকা বিছিয়ে দিল।

ষ্টেশন থেকে বেরিয়ে একটি হোটেলে জিনিষপত্ৰ রেখে দু'জনে বৃন্দাবন-উজানেৰ উদ্দেশে যাত্ৰা কৰলাম। বৃন্দাবন মহীশূৰে ৰাজবংশেৰ এক অপূৰ্ব কীৰ্তি। মহীশূৰে ষ্টেশন থেকে আট মাইল দূৰবৰ্তী কৃষ্ণৰাজ-সাগৰ ষ্টেশন। সেখান থেকে এক মাইল হেঁটে এই উদ্যানে পৌছানো যায়। মহীশূৰে থেকে বাসেও বৃন্দাবন যাওয়ার ব্যবস্থা আছে, তবে বাসেৰ সংখ্যা অল্প—সময় অনিয়ন্ত্ৰিত। তাই আমবা ট্ৰেনেই যাত্ৰা কৰলাম। সন্ধ্যা প্ৰায় সাতটাৰ কৃষ্ণৰাজসাগৰে নেমে উদ্যানেৰ দিকে অগ্ৰসৰ হলাম। অৰ্দ্ধপথ অতিক্ৰম কৰাৰ পৰ উদ্যানস্থ আলোকমালা দৃষ্টিগোচৰ হওয়াৰ হৃদয় উল্লসিত হয়ে উঠল। স্বৰায় সেই স্বপ্নলোকেৰ মায়া-বিস্তাৰী আলোকোজ্জ্বল উদ্যানে প্ৰবেশ কৰাৰ ঔঃসুক্যে দিগুণ উৎসাহে হাঁটতে লাগলাম। কিছুক্ষণেৰ মধোই সেই বহুবাঞ্ছিত উদ্যানেৰ প্ৰবেশ-দ্বাৰেৰ কাছে এসে পৌছে যা দেখলাম তাতে বিশ্বাসে স্তম্ভিত হয়ে গেলাম। প্ৰায় এক মাইল জুড়ে কাবেৰীৰ বিৰাট বাধ। ৰাজবংশেৰ পূৰ্বপুৰুষ কৃষ্ণৰাজেৰ নাম অনুসারে বাধটিৰ নাম হয়েছে কৃষ্ণৰাজসাগৰ। নদীটি এগানে অৰ্দ্ধবৃত্তাকাৰে বেঁকে গেছে। বাধটি বৃত্তচাপেৰ মত দুটি প্ৰান্তকে সংযুক্ত কৰেছে।

সুদৃশ্য জল-তরনী—'কৃষ্ণৰাজ' আৰ 'বৃন্দাবন' নাম শুনে এই জল-তরনীতে বেন সেই বৃন্দাবন-বিহাৰীৰ 'নৌকা-বিলাস' প্ৰত্যক্ষ কৰলাম। স্বপ্নাবিষ্টেৰ মত চেদিৰাজেৰ পিছনে পিছনে চলেছি। উৰ্দ্ধে নক্ষত্ৰপুঞ্জখচিত শাব্দীৰ আকাশকে বিভক্ত কৰেছে শুভ্ৰছায়া-পথ। আলোকমালাসজ্জিত উজানেৰ মধো এই বাধটিকে দেখে মনে হ'ল যেন এটি ছায়াপথেৰ সৌন্দৰ্য্য অক্ষুৰণ কৰেছে। উদ্যানেৰ পাশ দিয়ে বয়ে চলেছে বিয়দগঙ্গাৰ মত কাবেৰী। বাধেৰ গায়েই উদ্যানে অবতরণ কৰাৰ পথ। প্ৰবেশ কৰে, তাৰ সৌন্দৰ্য্য দেখে মুগ্ধ হয়ে গেলাম। কুবেৰেৰ 'চৈত্ৰবধ' তো কল্পলোকেৰ বস্তু, কিন্তু মাহুৰেৰ গড়া উদ্যান যে এত সুন্দৰ হতে পারে তা ছিল কল্পনাৰও অতীত।

উদ্যানেৰ তিনটি স্তৰ—প্ৰত্যেকটিই স্বয়ংসম্পূৰ্ণ। প্ৰথম স্তৰটি বাধেৰ কয়েক গজ নিম্নে অবস্থিত। বিচিত্ৰবৰ্ণেৰ পুস্পেৰ সুরভি-



কৃষ্ণৰাজসাগৰ—কাবেৰী বাধ

সম্পূৰ্ণ পবনেৰ গতি হয়েছে এখানে মধুৰ। সুসন্নিবেশিত জল-বস্ত্ৰেৰ উৎসধাৰাগুলিতে আলোক প্ৰতিফলিত হওয়াৰ মনে হ'ল যেন তৰল মুক্তা অজস্ৰ ধাৰায় ঝৰে পড়ছে। এক প্ৰান্তে ৰাধাকৃষ্ণেৰ যুগলমূৰ্তি এক অপৰূপ পবিত্ৰ দিব্য বিভা বিস্তাৰ কৰে স্থানটিকে মহিমামণ্ডিত কৰে রেখেছে। যুগলমূৰ্তি দেখে মনে হ'ল—বৃষ্টি প্ৰেমেৰ দেবতায়ুগল এই অভিনব বৃন্দাবনেৰ সৌন্দৰ্য্যে আকৃষ্ট হয়ে এখানে এসেছেন বিহাৰ কৰতে, আৰ তাঁদেৰ লীলাভূমি সমুদ্র কৰতে 'নন্দনেৰ ধাৰ' খুলে এসে চিত্ৰবসন্ত এখানে বিৰাজ কৰেছে। 'বৃন্দাবন বাগান' নাম সার্থক সন্দেহ নাই। ভূলাকেৰ নন্দনকানন বললেও বৃষ্টি এতটুকু অত্যাঙ্কিত হয় না।

উদ্যানেৰ দ্বিতীয় স্তৰটি কাবেৰীতটেৰ সঙ্গে সমোচ্চ। প্ৰথম স্তৰটি থেকে অপেক্ষাকৃত নিম্নভূমিতে এটি অবস্থিত। সোপানেৰ সাহায্যে আমবা এখানে নেমে এলাম। লতাগুল ও খেত, বস্ত্ৰ, নীল, পীত প্ৰভৃতি বিচিত্ৰ পুস্পেৰ এং আলোকমালাৰ বৰ্ণালী বৈচিত্ৰ্যে এই

* স সৈন্য পৰিভোগেন গজদান সুগন্ধিমা।

কাবেৰীঃ সৰিতাঃ পত্ন্যঃ শঙ্কনীয়ামিবাৰোৎ ॥ স্বয়ং ৪১৪৫

টেকে পূর্বদিক থেকে আরও মনোরম বলে বোধ হ'ল। জলধর-
তালির সঙ্গে লাল, নীল, সবুজ প্রভৃতি মানা রঙের বৈদ্যুতিক আলো
সংশ্লিষ্ট আকার তাদের বিচ্ছুরিত ধারাগুলি দ্রবীভূত মরকত, পদ্মধাগ
ও বৈদ্যুতিক শোভা হরণ করেছে। এই প্রকৃতিত নিকুঞ্জখনটি
শেষ হয়েছে কাবেরীর তীরে এসে। নদীতে অবতরণ করার জন্ত
শিলা-নির্মিত একটি প্রশস্ত ঘাট আছে। তার হ'পাশে দুটি কৃত্রিম
হস্তীর মুখ দিয়ে জলধারা উৎস্রিষ্ট হচ্ছে সহস্রধারায়। দূর থেকে
দেখে মনে হ'ল কেঁচু তাবা নদীতে জলক্রীড়া করতে নেমেছে।

নদী পার হয়ে উদ্যানের তৃতীয় স্তরে যেতে হয়। সাড়ে ন'টার
সময় মহীশূরে ফেরবার ট্রেন ধরতে হবে। তাই এই স্তরটি আর
আমাদের দেখা হ'ল না। এখানেও সেই সহস্রতী স্তম্ভদেবদাদি-
দেবের অভিশাপ ফলে গেল নাকি। তৃষ্ণির মধ্যেও যে অতৃষ্ণি
নিরে ফিরতে হ'ল। উদ্যান থেকে নিজ্জাস্ত হয়ে কুম্বরাজসাগর
ষ্টেশনের দিকে রওনা হলাম। মহীশূরে ফিরে হোটেলের রাতটুকু
কাটিয়ে দেওয়া গেল।

সকালে উঠে মুখ-হাত ধুয়ে প্রাতরাশ সেরে হু'জনে হেঁটে চামুণ্ডী
পাহাড়ের দিকে অগ্রসর হলাম। হোটেল থেকে পাহাড়টির দূরত্ব
তিন মাইল। ঘণ্টাখানেকের মধ্যেই আমরা পাহাড়ের পাদদেশে
পৌঁছলাম। প্রায় এক হাজার সিঁড়ি ভেঙে পাহাড়ের চূড়ায়
আরোহণ করা যায়। একটি সর্পিলা পথ পাহাড়টিকে বেষ্টিত
করে চূড়া পর্যন্ত উঠেছে। এই পথ দিয়ে মোটর যাতায়াত
করে। হু'জনে সিঁড়ি বেয়ে উপরে উঠতে লাগলাম। মাঝামাঝি
জায়গায় পৌঁছে বেশ শ্রান্ত হয়ে পড়লাম। ধানিকক্ষণ বিশ্রাম
করে আবার উঠতে শুরু করলাম। চূড়ায় পৌঁছতেই পথের শ্রান্তি
দূর হয়ে গেল। সে এক অপরূপ দৃশ্য! পাহাড় থেকে নগরটি
দেখতে হু'জনে মতই মনোরম। শিখরের অনেকটা জায়গা জুড়ে
সমতলভূমি। তারই উপর চামুণ্ডা দেবীর মন্দির প্রতিষ্ঠিত। এই
মন্দির প্রতিষ্ঠাও রাজবংশের অগ্ৰতম কীর্তি। উচ্চতায় পূবী বা
ভুবনেশ্বরের মন্দিরের সমকক্ষ না হলেও ভাস্কর্যের নিদর্শনরূপে
মন্দিরটি এগুলির কোনটির থেকেই নূন নয়। প্রবাদ আছে,
মহিষাসুরকে বধ করে দেবী মহিষমর্দিনী এই পর্বতের উপর বিশ্রাম
করেছিলেন। তাঁরই নামান্তর (চামুণ্ডা) লোকমুখে বিকৃত হয়ে
'চামুণ্ডী'তে (পাহাড়ের এই নামে) পরিণত হয়ে থাকবে।

গোপুয়ম্ অতিক্রম করে মন্দিরের প্রধান অংশে প্রবেশ করলাম।
সারিবদ্ধ করেকটি পিতলের দ্বার অতিক্রম করে মন্দিরের অভ্যন্তরে
দেবীর অধিষ্ঠানস্থল। সাধারণের সেখানে প্রবেশ নিষিদ্ধ। দর্শনার্থী-

দের মাটিমন্দির থেকেই মূর্তি দর্শন করতে হয়। দেবীর পূজার জন্য
মহাযাজ্ঞার যুক্তিভোগী করেকজন ব্রাহ্মণ আছেন। মন্দিরটি যেমন
রূপৈশ্বর্যের শিখরে সমাসীন, তেমনই এই রাজবংশের দেবতার প্রতি
অচলা ভক্তিও নিদর্শন। প্রত্যহ বিপ্রহরে ও সারাক্ষে মহাযাজ্ঞ
এই মন্দিরে এসে দেবীর প্রতি তাঁর ভক্তি-অর্ঘ্য নিবেদন করেন—
প্রসন্ন মহামায়া যেন সন্তত তাঁর কল্যাণ ও বিপুল স্ত্রী-বিধানে
নিরতা।

মূর্তি-দর্শনাঙ্কে আমরা মন্দির থেকে বেরিয়ে নীচে নামতে আরম্ভ
করলাম। উঠতে যে সময় লেগেছিল তার অর্ধেকেরও কম সময়ে
পর্বতের পাদদেশে পৌঁছলাম। সূর্য্যদেব তখন আকাশের মধ্য-
পথে।

একটি টাক্সিতে করে হু'জনে হোটেলের ফিরে এসে মধ্যাহ্নের
আহার সেবে নেওয়া গেল।


সহযাত্রীদের নিকট বিদায়ের পালা ঘনিরে এল। সন্ধ্যার চেদি-
রাজ ফিরে যাবেন তাঁর জনকজননীস্নেহময় ক্রোড়ে আর আমারও
নিঃসঙ্গ যাত্রা শুরু হবে গৃহাভিমুখে। পথের সাথীর কাছ থেকে
আসন্ন বিচ্ছেদের কল্পনায় ঘরে ফেরার উৎস্রুকাও যেন আমার ম্নান
হয়ে গেল। আমার মত একজন ভিন্নদেশবাসী অজ্ঞাত, অপরিচিতকে
ক্ষণেকের মধ্যেই যে অস্তবঙ্গ করে ফেলেছেন তাতে এই কানাড়ী
তরুণের অস্তবের শুভ্রসমুজ্জ্বল ছবি দেখেই আমার চিত্ত হয়ে উঠেছে
বিস্ময়বিহ্বল। নিজের অস্বাচ্ছন্দ্যের প্রতি দৃকপাত না করে
সুদূরগত এই পাহাড়ের সর্বপ্রকার স্বাচ্ছন্দ্যবিধানে তাঁর নিঃস্তব
বক্তের অবধি ছিল না। সহযাত্রীর অকৃত্রিমতার মধ্যে আমি যেন
জন্মান্তরের কোন হারানো স্নহদের স্মৃষ্ণর স্পর্শ অনুভব করছিলাম।

বিদায়ের ক্ষণ সমাগত হ'ল। চেদিরাজ ষ্টেশন পর্যন্ত আমাকে
ট্রেনে তুলে দিতে এলেন। কি বলে যে বিদায়-সম্ভাষণ জানাব
সে ভাষা খুঁজে পেলাম না। চেদিরাজের দিকে তাকিয়ে দেখলাম
—তাঁর সদাহাস্তময় মুখমণ্ডল বর্ষণোন্মুগ জলদের মত গম্ভীর। পূজী-
ভূত বেদনা মানস-লোকে উত্তাল তরঙ্গ তুলেছে, বাইরে উভয়েই
নির্ঝাক্—নিঃস্পন্দ। ভারাক্রান্ত হৃদয়ে গাড়ীতে উঠলাম। গাড়ী
ছেড়ে দিল। বাতায়ন থেকে যতক্ষণ দেখা গেল দেখলাম চেদি-
রাজের অশ্রুসজ্জল দৃষ্টি—যুক্তকর মস্তকে স্থাপন করে মনে মনে
বললাম—

"হে পথের সাথী, হৃদয়ে লভিলে ঠাই,

লালন করিব এ স্মৃতি যতনে

যেতে হয়, তাই যাই।"




“রায়বাঘিনী”র কথা

শ্রীঅজিতকুমার ভট্টাচার্য্য



পশ্চিমবঙ্গের বাঢ় অঞ্চলে বীরভূমি রাণী রায়বাঘিনীর বীরত্বগাথা গ্রামে গ্রামে ছড়া ও গল্পের মধ্য দিয়া প্রচারিত হইয়া আছে। পল্লীর অন্তঃপুত্রিকাদের নিকটও রাণী অপরিচিতা নহেন। মুঘল-সম্রাট আকবরের রাজত্বকালের একটি বাঙালী রমণীর অতুলনীয় শৌর্ধা ও সাহসের নিদর্শন এখনও হুগলী এবং হাওড়া জেলার একাংশে বিক্ষিপ্ত রহিয়াছে। বাল্যকালে এই বীরত্বের কাহিনী আমার মনে স্বপ্নের যে ইচ্ছাকাল রচনা করিয়াছিল, তাহা আজও ভুলিতে পারি

মন্দির তাহাদেবই অধিকারে আছে। মন্দিরের পূর্বদিকের দীঘল মজা দীঘি অতীতের সাক্ষ্য বহন করিতেছে।



খুঁড়িগাছি গ্রামে কাপালিক-প্রতিষ্ঠিত ডাকাত কালীর মন্দির



রাজবলহাটের রাজবল্লভী দেবীর মন্দির

নাই। পূর্বতন ‘ভূবসুট’ রাজ্যের শ্রেষ্ঠ পরিচালিকার কীর্তি স্বচক্ষে দেখিবার জন্ম কয়েক মাস পূর্বে এক দিন বাহির হইয়া পড়ি। তখন পের্ণো, কাঠ-শাঁকড়া, গড়ভবানীপুর, উদয়নারায়ণপুর, খুঁড়িগাছি, দোগাছিয়া, রাজবলহাট, বাগুড়ী, ছাওনাপুর প্রভৃতি গ্রাম পরিদর্শন করিবার সুযোগ আমার হইয়াছিল।

সদানন্দ রাজবলহাট নগর পল্লন করিয়া রাজবল্লভী দেবীর মন্দির প্রতিষ্ঠা করেন। মন্দিরটি আধুনিককালে সংস্কৃত হইয়াছে। নিকটেই গুলিটা গ্রামে কবি হেমচন্দ্র বন্দ্যোপাধ্যায়ের ভিটায় একটি প্রাচীন দালান বর্তমান। ভিটার উপর কবির স্মৃতিরক্ষার জন্ম ১৩৪৫ সনের ২৩ বা বৈশাখ একটি ভিত্তিপ্রস্তর স্থাপন করা হয়; কিন্তু আর কোনও কাজ হয় নাই। রাজবলহাটে কবির স্মৃতিরক্ষাকল্পে প্রতিষ্ঠিত ‘হেমচন্দ্র পাঠাগার’টি গ্রন্থ-সম্পদে সমৃদ্ধ। ইহা বাতীত, অমূল্যচরণ বিত্তা-ভূষণ মহাশয়ের স্মৃতিরক্ষার্থে এখানে একটি প্রত্নজব্যশালাও রহিয়াছে।

ভূবসুট রাজ্যটি হুগলী, হাওড়া ও মেদিনীপুর জেলার অংশ-বিশেষ লইয়া গঠিত ছিল। একটি ব্রাহ্মণ-রাজবংশ পাঁচ শত বৎসর ধাবৎ এই স্থানে রাজত্ব করিয়াছিলেন। বর্তমানে তাঁহাদের রাজ্য বর্তমান-রাজ ও নাড়াজোল-রাজ এই দুই ভূখণ্ডের অধিকারে আছে। ভূবসুট রাজবংশ সদানন্দ মুখোপাধ্যায় নামক এক ব্রাহ্মণের দ্বারা প্রতিষ্ঠিত হয়। তিনি জর্নৈক তান্ত্রিক কাপালিক কর্তৃক ফুলিয়া হইতে আনীত ও প্রতিপালিত চতুবানন নিয়োগীর কথা তারাদেবীকে বিবাহ করেন। হুগলী জেলার জাজীপাড়া ধানার অন্তর্গত খুঁড়িগাছি গ্রামে উক্ত কাপালিক কর্তৃক প্রতিষ্ঠিত একটি ডাকতে কালীর মন্দির আছে। ইহা ছাড়াও কাপালিক নিকটরত্নী দিলাকাশ গ্রামে ভৈরবী-মূর্তিরও পূজা করিতেন। দুইটি মন্দিরই কয়েক বৎসর পূর্বে সংস্কৃত হইয়াছে। খুঁড়িগাছি গ্রামে তৎকালীন কাপালিক-সহস্রাব্দের চাঁড়াল বংশধরগণ এখনও বিদ্যমান এক কালী-

সদানন্দের পত্নী তারাদেবী রাজবলহাট ও আঁটপুর গ্রামের মধ্য-বর্তী রাণীবাজার গ্রাম প্রতিষ্ঠা করিয়া সিদ্ধেশ্বরী মূর্তি স্থাপন করেন এবং মন্দিরের উভয় পাশে দুইটি বৃহৎ দীর্ঘিকা খনন করান। সিদ্ধেশ্বরীর মূর্তিটি অষ্টধাতু নির্মিত। মূর্তিটি ছোট, এক হস্ত-পরিমিত। বিগ্রহের চারিটি হস্ত। মন্দিরের অবস্থা শোচনীয়, উপরে একটি বটবৃক্ষ মন্দিরগাত্রে শিকড় ঢালাইয়া দিয়াছে। পার্শ্ববর্তী লোহা-গাছি গ্রামের বন্দ্যোপাধ্যায়-বংশ বিগ্রহের পূজা করেন। ইহারা রাণী রায়বাঘিনীর গুরু হরিদেব ভট্টাচার্য্যের বংশধর বলিয়া পরিচিত। সদানন্দ ও তারাদেবীর দুইটি পুত্র-সন্তান জন্মগ্রহণ করে।

শ্রেষ্ঠপুত্র কৃষ্ণচন্দ্র ভবানীপুরে রাজধানী স্থাপন করিয়া খানাকুল-কৃষ্ণনগর ও জঙ্গীপাড়া-কৃষ্ণনগর নামে দুইটি গ্রামের পত্তন করেন। এই বংশের এক রাজা উদয়নারায়ণের নামে হাওড়া জেলার উত্তর প্রান্তে উদয়নারায়ণপুর নামক একটি বর্ধিষ্ণু গ্রাম বর্তমান আছে। সন্দানন্দের কনিষ্ঠ পুত্র শ্রীমন্ত পের্ণেডোতে রাজধানী স্থাপন করেন। এখানে শ্রীমন্তের বংশধর কবিবর রায়গুণাকর ভারতচন্দ্র আত্মমানিক ১৭১১ খ্রীষ্টাব্দে জন্মগ্রহণ করেন। নবোদয়নারায়ণ ও বর্ধমানের মহারানী বিষ্ণুকুমারীর মধ্যে বিবাদ বাধিয়া উঠায় তাঁহাদের রাজ্য হস্তচ্যুত হয় এবং ভারতচন্দ্র অশ্রুত যান। ১৭৬০ খ্রীষ্টাব্দে তাঁহার মৃত্যু হয়। এই বংশের শ্রীযুক্ত বিধুভূষণ রায় কবিবরের উপযুক্ত



রাজবলহাট 'অমূল্য প্রত্নশালা'র কয়েকটি প্রাচীন সংগ্রহ

স্মৃতিরক্ষার জন্তু সচেষ্ট আছেন। কথিত আছে, এই বংশের রাজীবলোচন একটি মুসলমান-তরুণীর প্রেমে পড়িয়া তাহাকে বিবাহ করেন এবং আয়মা-পাহাড়পুর নামে একটি গ্রাম প্রতিষ্ঠা করেন। গ্রামটি মার্টিন কোম্পানীর হাওড়া-চাঁপাডাঙ্গা রেলপথের পিয়াসড়া ষ্টেশনের নিকটবর্তী এবং মুসলমান-অধ্যুষিত। রাজীবলোচন 'কালাপাহাড়' নাম গ্রহণ করিয়া উড়িষ্যা জয় করিতে যাইবার পথে বহু হিন্দুমন্দির ধ্বংস করেন। কিন্তু ভুবনেশ্বর রাজ্যের কোনও মন্দিরে হস্তক্ষেপ করেন নাই।

কৃষ্ণচন্দ্রের পুত্র দেবনারায়ণ রাজধানীর বহু উন্নতিসাধন করেন। তিনি এক সন্ন্যাসীর প্রেরণায় ১৩০৬ শকের (১৭৮৪ খ্রীঃ) ২১শে শ্রাবণ একটি কারুকার্যময় মন্দির নিৰ্মাণ করাইয়া 'মণিনাথ' শিবের লিঙ্গ প্রতিষ্ঠা করেন। অপর একটি বিরাট মন্দিরের ধ্বংসাবশেষের শঙ্কু গাঁথুনি ও নিখুঁত কারুকার্য দেখিলে বিস্মিত হইতে হয়। ইহা ব্যতীত রাজধানীর সিংহদ্বার, নর্তকীখানা, রাজারঘাট, ফুলপুকুর, জোড়াবাংলো, স্বয়ম্ভূনাথের বটবৃক্ষ-কঁবলিত বিলীয়মান মন্দির প্রভৃতি অতীতের বহু সাক্ষ্য বহন করিতেছে। তৎকালে পের্ণেডো ও ভবানীপুর উভয় রাজধানীই গড় দ্বারা সুরক্ষিত করা হইয়াছিল। দেবনারায়ণের পর যথাক্রমে দর্পনারায়ণ, উদয়নারায়ণ, সত্যনারায়ণ, শিবনারায়ণ ও রুদ্রনারায়ণ রাজত্ব করেন। রাণী রায়বাঘিনী উক্ত রুদ্রনারায়ণের দ্বিতীয়া পত্নী ছিলেন।

রাজা রুদ্রনারায়ণের আমলে বাংলাদেশে প্রবলভাবে মুঘল-পাঠান বিরোধ আরম্ভ হয়। রাজা বহু চিন্তার পর মুঘলপক্ষে যোগ দেন। ফলে পাঠানরাজ দাযুদ খাঁ তাঁহার বিরুদ্ধে যান। রাজা নিজ রাজধানী গড়-ভবানীপুর সুরক্ষিত করিবার জন্ত দামোদর ও রোণ নদীবক্ষে



রাণীবাজারের সিদ্ধেশ্বরী দেবীর মন্দির। বামদিকের অপর একটি ভগ্ন মন্দিরগাত্রে '১৩১০ শকাদ ১১৯৫ সন' খোদাই করা আছে

রণতরী সজ্জিত করিলেন। রাজাসীমাস্তের খানাকুল, ছাওনাপুর, আমতা, উলুবেড়িয়া, তমলুক প্রভৃতি স্থানে কয়েকটি দুর্গও নিৰ্মাণ করাইলেন। রাজবলহাটের নন্দরডাঙ্গায় কিছু সৈন্য রাখা হইল। ইহার ফলে মুঘল-পাঠান যুদ্ধ রাজধানী হইতে দূরে গড়-মান্দারণের ময়দানে সীমাবদ্ধ রহিল। মুঘল-সম্রাটের প্রতিনিধি কুমার জগৎ সিংহের সহিত যোগ দিয়া রাজা রুদ্রনারায়ণ পাঠান-প্রতিনিধি কতলু খাঁকে নিহত করেন। পাঠান-সেনাপতি ওসমান যুদ্ধে পরাজিত হইয়া উড়িষ্যায় পলায়ন করিলেন। কুমার জগৎ সিংহ আহত অবস্থায় বিষ্ণুপুর-রাজ্যের আশ্রয় লইলেন। ভুবনেশ্বর-রাজ্যের বীরেশ্বর কাহিনী দূরদূরান্তরে ছড়াইয়া পড়িল।

কিন্তু রাজা রুদ্রনারায়ণের মনে স্তব্ধ ছিল না। প্রৌঢ় বয়সাবধি প্রথমা পত্নীর গর্ভে কোনও সন্তানাদি না হওয়ায়, তিনি রাজধানী ছাড়িয়া আমতা নিকটবর্তী কাঠশাকড়া গ্রামের শিব-মন্দিরে পূজার নিরত হইলেন। মন্দিরের পার্শ্বে একটি বকুলবৃক্ষ জায়গাটির শোভা বর্ধন করিতেছে। দক্ষিণে স্বরূহং রায়পুকুর, পূর্বে সিপাইবেড় নামক স্থানে সিপাহীদের আড্ডা। বর্তমানে পুরাতন মন্দিরের পরিবর্তে একটি অপেক্ষাকৃত নূতন মন্দির রহিয়াছে। কাঠশাকড়া গ্রামে

অবস্থানকালে দেবীপুর হইতে রাজগুরু হরিদেব ভট্টাচার্য্যের আহ্বানে তিনি গুরুগৃহে গিয়া দ্বিতীয় বাঁধ বিবাহের নির্দেশ পান এবং পেড়োর জনৈক ব্রাহ্মণ, দীননাথ চৌধুরীর কন্যা ভবশঙ্করীকে বিবাহ করেন। এই বিবাহকে কেন্দ্র করিয়া যে অপূর্ব কাহিনী প্রচলিত আছে, তাহা উল্লেখযোগ্য।

দীননাথ চৌধুরী কন্যাকে বাল্যকাল হইতে অস্ত্রবিদ্যা ও অশ্বারোহণ শিক্ষা দেন। ভবশঙ্করী যোগ নদীর তীরবর্তী ভঙ্গলে প্রায়ই শিকার করিতে যাইতেন। রাজা রুদ্রনারায়ণ গুরুদেবের নিকট হইতে



গড়-ভবানীপুরের ‘মিথিনা’ শিবের মন্দির


দ্বিতীয় বিবাহের নির্দেশ লইয়া নৌকাযোগে ফিরিবার কালে নদী-তীরের ভঙ্গলে ভবশঙ্করীকে অমিতবিক্রমে কয়েকটি বগু মহিষকে বর্শাবিন্দ করিতে দেখিয়া মুগ্ধ হন এবং তাঁহার পরিচয় লইয়া দীননাথ চৌধুরীর নিকট বিবাহের প্রস্তাব করেন। ভবশঙ্করীর প্রতিজ্ঞা ছিল—যে বীরপুরুষ তাঁহাকে অসিযুদ্ধে পরাস্ত করিতে পারিবেন, তিনি তাঁহারই কণ্ঠে বরমাল্য অর্পণ করিবেন। রাজগুরু হরিদেব ভট্টাচার্য্য রাজার প্রৌঢ় বয়সের কথা শ্রবণ করিয়া হৃন্দ যুদ্ধের পরিবর্তে অস্ত্র পথ ঠিক করিয়া দিলেন। ঠিক হইল যে, রাজবলহাটের রাজবল্লভী মূর্তির সম্মুখে উভয়ে দুইটি বলি করিবেন। প্রত্যেককে একসঙ্গে দুইটি মহিষ ও একটি মেষ বলি দিতে হইবে। বিরাট জনতা ও উৎসবের মাঝে উভয়ে বলি দিলেন। ভবশঙ্করী রাজার ললাটে রক্ততিলক ও কণ্ঠে রক্তজবার মাল্য দিয়া তাঁহাকে পতিত্বে বরণ করেন। বীর রাজার সহিত বীরাজনার মিলন হইল।

রাণী রাজ্যের শাসনকার্য্যে রাজার সমকক্ষ হইয়া উঠিলেন। প্রথমেই তিনি সৈন্যবাসগুলির সংস্কার করাইলেন। বিশেষ ভাবে

বর্ধমান রাজাসীমান্তের নিকটবর্তী ছাওনাপুর দুর্গের ভিত্তি স্থদৃঢ় করিলেন। রাণীর অধস্তন কয়েক পুরুষ পরে বর্ধমানরাজ কর্তৃক



ছাওনাপুর দুর্গের ধ্বংসাবশেষ খনন করিয়া প্রাপ্ত পাথরের খিলান এই ছাওনাপুর দুর্গ বিধ্বস্ত করিয়া ভূবসুট বাজোর কিয়দংশ অধিকার করিয়া লন। ছাওনাপুর গ্রামের উত্তর-প্রান্তে একটি উচ্চ দুর্গের ধ্বংসাবশেষ বর্তমান। প্রায় বার-তের বংসর পূর্বে উক্ত স্থানের তৎকালীন মালিক হাওয়াখানা গ্রামের হীরালাল চক্রবর্তী মহাশয় ধ্বংসস্তূপ খনন করিয়া প্রচুর ইট পান। সেই সময় যুক্তিকার



খিলানগায়ে প্রাচীন বাংলালিপির প্রতিলিপি অভাস্তর হইতে ছেনির কাজ-করা একটি পাথরের খিলান বাহির হয়। খিলানটি ছয় ফুট দীর্ঘ। উহার গায়ে প্রাচীন বাংলা লিপিতে কিছু লেখা আছে। খিলানটি এখনও সেখানে রহিয়াছে। রাণী অতঃপর ছাওনাপুরের পার্শ্ববর্তী বাগুড়ী গ্রামের ভবানী মন্দির ও ন'পাড়া গ্রামের দবাই-মনদার মন্দির সংস্কার করেন। রাজবলহাট ও আঁটপুরের তাঁতশিল্প এবং অজ্ঞাত কুটিরশিল্পের দিকে তিনি দৃষ্টি দেন এবং কৃষির উন্নতির জন্তও বহু চেষ্টা করেন।

বিবাহের দুই বংসর পরে রাজপরিবারে একটি পুত্র সন্তান জন্মগ্রহণ করায় আনন্দের সীমা রহিল না। রাজগুরু স্বয়ং রাজপুত্রের শিক্ষা-দীক্ষার ভার গ্রহণ করেন। কয়েক বংসর পরে রুদ্রনারায়ণের মৃত্যু হইলে নাবালক পুত্র প্রতাপনারায়ণ সিংহাসনে আরোহণ করিলেন। রাণী স্বামীর সহযুতা হইবার সঙ্কল্প করিলেও

গুরুদেবের আদেশে নিবৃত্ত হইলেন বটে, কিন্তু রাজধানী জ্যাগ করিয়া স্বামীর মতই পূর্বোক্ত কাঠশাঁকড়া মন্দিরে কয়েকজন সহচরী

সংবাদ পাইয়া রাণীকে সতর্ক করিয়া দেন। ফলে রাণীকে অপহরণ



কাঠশাঁকড়া গ্রামের শিবমন্দির। বামদিকে বকুলগাছের শাখা দেখা যাইতেছে



বাগুড়ী গ্রামের আধুনিক কালের ভবানী মন্দির করিতে আসিয়া তাঁহার বীরসহচরীদের অস্ত্রে নিহত অহুচরদের হারাইয়া ওসমান পলায়নপূর্বক আত্মরক্ষা করেন। অতঃপর



সহ বৃসবাস করিতে লাগিলেন। কিন্তু কিছুদিনের মধ্যেই নাবালকের রাজত্বে বিশৃঙ্খলার সৃষ্টি হইল। সেনাপতি চতুর্ভূজ চক্রবর্তীর মনে রাজা হইবার ছরভিসন্ধি জাগিল। তিনি পরাজিত পাঠান-সেনাপতি ওসমানের সতিত যোগাযোগ স্থাপন করিলেন। চতুর্ভূজের পরামর্শে ওসমান পূজানিবর্তা রাণীকে অতর্কিতে অপহরণের ব্যবস্থা করিলেন। রাজগুরু হরিদেব ভট্টাচার্য্য গুপ্তচর

ছাওনাপুর দুর্গের জঙ্গল-পরিবৃত্ত ধ্বংসাবশেষের উপর দণ্ডায়মান লেখক গুরুদেবের আদেশে রাণী বৈরাগ্য ত্যাগ করিয়া নাবালক-পুত্রের অভিভাবিকা রূপে রাজ্যের শাসনভার গ্রহণ করিলেন। তিনি অতঃপর রাজ্যে শৃঙ্খলা ফিরাইয়া আনিবার কার্যে মনোনিবেশ করেন।



শিক্ষার মান

শ্রীবিমলচন্দ্র সিংহ

সম্প্রতি ইংলণ্ড ও ইউরোপ যাবার সুযোগ ঘটেছিল। লণ্ডনে থাকার সময় ওদেশে ভারতীয় ছাত্রদের কি লেখাপড়ার সুবিধা আছে সে সম্বন্ধে খোঁজখবর নেবার আশ্রয় তো স্বতঃই ছিল। তা ছাড়া আমার উপর ভার ছিল বিশেষ করে একটি ছাত্রের ভবিষ্যৎ লেখাপড়ার কি সুযোগ হতে পারে সে সম্বন্ধে খোঁজ করার। ছাত্রটি খুব অল্পবয়স্ক, এবার কলিকাতায় ম্যাট্রিক দেবে। মোটামুটি ছাত্র ভাল, অঙ্কে ও বিজ্ঞানে আগ্রহশীল। তাঁর বাবা ভাবছেন, বি.এসসি পাস না করে শুধু ম্যাট্রিক পাস করে ওদেশে পাঠিয়ে দিয়ে আণ্ডার-গ্রাজুয়েট কোর্স হতে ওখানে পড়ালে কেমন হয়। তাতে আরও ভাল ফল হয় কি না। সেই খোঁজখবর নিতে গিয়ে ওখানকার ম্যাট্রিকুলেশন—যার বর্তমান নাম জেনারেল সার্টিফিকেট পরীক্ষা ও আনুষ্ঠানিক খোঁজখবর নিতে হ'ল। তাতে জানলাম এখন জেনারেল সার্টিফিকেট পরীক্ষা লণ্ডন বিশ্ববিদ্যালয়ের একটি কাউন্সিলের হাতে। কিন্তু এবার ওর জন্ম একটি আন্তঃবিশ্ববিদ্যালয় কাউন্সিল হবে এবং তাতে লণ্ডন বিশ্ববিদ্যালয়ের প্রতিনিধি ছাড়াও অক্সফোর্ড প্রভৃতি অন্তর্গত বিশ্ববিদ্যালয়ের প্রতিনিধিরাও আসবেন। কিন্তু সে কথা যাক। যে জিনিষটি আমার মনে রেখাপাত করেছিল এবং যে কথাটা বলা এই প্রবন্ধের উদ্দেশ্য সেটা হ'ল ঐ পরীক্ষার মান। তার খবর শিক্ষাবিদেয়া হয় ত সকলেই জানেন, কিন্তু তাঁরা ছাড়াও আমাদের দেশের সকলেরই তা জানার দরকার আছে। কারণ তা হতে স্পষ্ট বোঝা যায়, অল্প ক্ষেত্রে যদি বা সর্বনিম্ন মান চলতে পারে (তাও চলে না, অন্ততঃ চলা উচিত নয়), শিক্ষার ক্ষেত্রে তা একেবারে অচল।

জেনারেল সার্টিফিকেট পরীক্ষার তিনটি স্তর আছে—সাধারণ স্তর বা Ordinary level, উঁচু স্তর বা Advanced level এবং স্কলারশিপ স্তর বা Scholarship level। যারা এদেশের সিনিয়র কেম্ব্রিজ পরীক্ষায় সম্মান বা credits পেয়ে উত্তীর্ণ হয় তারা ঐ পরীক্ষার সাধারণ স্তরে পাস করেছে বলে গণ্য হয়। এদেশে সিনিয়র কেম্ব্রিজ পরীক্ষার পর উচ্চবিদ্যালয় সার্টিফিকেট (Higher School Certificate) Overseas বলে আরও একটি পরীক্ষা হয়—তার প্রধান বিষয়গুলিতে যারা পাস করে তারা ওখানকার advanced level-এ পাস করেছে বলে গণ্য হয়। এখানে কলিকাতা বিশ্ববিদ্যালয়ে যেসব নিয়মকানুন আছে তাতে ঐ Certificate এখানে ম্যাট্রিক পাস ছেলেদের কলেজের খার্ড

ইয়ারে গিয়ে পড়ে। অর্থাৎ, ওখানকার উঁচু স্তরে পাস আমাদের খার্ড ইয়ারের তুল্য হয়ে দাঁড়ায়।

এখন জেনারেল সার্টিফিকেট পরীক্ষার পাঠ্য তালিকার কিছু কিছু নমুনা দিচ্ছি। লণ্ডন বিশ্ববিদ্যালয়ের এ বিষয়ের ১৯৫৪ সালের রেগুলেশন থেকে উদ্ধৃত করছি। যেমন অর্থশাস্ত্র। Ordinary level-এর বিষয়বস্তু হ'ল এই :

A description of the main feature of present-day economic structure and activity of the United Kingdom, in conjunction with the elements only of the theory of demand and supply.

Population : Size, Sex and age-distribution. Geographical and occupational distribution.

The location of some major industries and the reasons determining it.

The division of labour and the advantages of international trade. Imports and exports; their character and geographical distribution.

Production for the market. How price changes affect demand and supply.

Large and small firms. Private and public enterprise. Specialisation among firms. The stages in the flow of goods and services to the final consumer.

The different forms of money. The functions of a bank. The Bank of England. The Stock Exchange.

The main kinds of taxes: and the main objects of public expenditure.

এর পর হ'ল উঁচু স্তর তার পাঠ্য তালিকা তুলে দিচ্ছি। তিন ঘণ্টার প্রশ্নপত্র, এরকম দুটি প্রশ্নপত্র :

The Economic Structure of the United Kingdom
Population : Size, Sex and age-distribution. Geographical and occupational distribution.

Industrial Structure: relative size of main industries, their location and organisation including agriculture, coal, steel, textiles.

The Labour Market: trade unions and collective bargaining.

International Trade: visible and invisible imports and exports.

National Income and Output: meaning, composition and distribution.

Public Finance: the main sources of revenue and types of expenditure. ●

● Financial Organisation: the commercial banks. The Bank of England. The capital market.

Some Elements of Economic Analysis
Division of Labour. The Factors determining average income per head. Causes of Location of Industry. Advantages of International trade.

An outline of the functions and the price-mechanism; supply and demand in relation to the allocation of resources.

Causes and effects of changes in demand for and supply of goods and factors. Elasticities of demand and supply. The effects of maximum and minimum prices. The incidence of direct and indirect taxes. Causes and effects of monopoly.

এর উপর আর একটি প্রবন্ধ নিয়ে হ'ল Scholarship level.

অঙ্কের পাঠ্য তালিকার কিছু কিছু নমুনা দিচ্ছি। Pure mathematics-এর advanced level-এ বিভিন্ন বিষয়ের মধ্যে "The theory of quadratic function and of quadratic equations, permutations and combinations, including simple applications to probability, the geometry of similar figures, similitude, plane trigonometry" ইত্যাদি পড়ান হয়। Applied Mathematics-এর মধ্যে "Newton's law of motion kinetic energy and work, balancing of forces, Torques, relative velocity and acceleration, elementary ideas of statistics, frequency diagram" ইত্যাদি পড়ান হয়।

উদাহরণ বাড়িয়ে লাভ নেই। যারা বিস্তারিত জানতে চান তাঁরা লণ্ডন বিশ্ববিদ্যালয় হতে পাঠ্য তালিকা আনিয়ে দেখতে পারেন। শোনা গেল, সাম্প্রতিক যেসব বদল কাউন্সিলে হচ্ছে তাতে নাকি পরীক্ষার মান আরও বাড়বে।

২

এই সব দেখে শুনে আমার একটি কথা মনে হ'ল। আমাদের দেশে, বিশেষতঃ বাংলায়, আমরা নানাবিধ শিক্ষা-সংস্কার করে চলেছি বটে, কিন্তু শিক্ষার মান বাড়ছে বলে মনে হয় না। বরং সাহস করে বললে বলা যায়, শিক্ষার মানের যথেষ্ট অবনতিই ঘটেছে। কয়েক বছর আগে আমি একবার বি-সি-এস পরীক্ষার অর্থশাস্ত্র বিষয়ের পরীক্ষক ছিলাম। আন্দাজ একশ' পঁচিশখানি খাতা ছিল। তার মধ্যে আট-দশখানি খাতা ছাড়া বাকী সবগুলিতেই বিষয়-বস্তুর ভুলের চেয়ে ইংরেজীর ভুল, বিশেষতঃ ইংরেজী ব্যাকরণের ভুল, দেখতে দেখতেই ব্যতিব্যস্ত হয়ে উঠতে হয়েছিল। সাধারণতঃ কৈফিয়ত দেওয়া হয়ে থাকে, ইংরেজী তো আমাদের মাতৃভাষা নয়। ঠিক কথা, কিন্তু তা হলে ইংরেজী শিখি কেন? তাতে পরীক্ষা দেবার বিধিই বা আছে কেন? ইংরেজী চলবে, অথচ তা ভাল করে শিখব না, এ কেমন ধারা কথা? আর তা ছাড়া এ পরীক্ষা ত ম্যাট্রিক পরীক্ষা নয়—বি-এ পাসের পর প্রতিযোগিতামূলক পরীক্ষা—ভালভাবে পাস করলেই এর ছাত্রেরা ডেপুটি হয়ে

রাজ্যচালনার কর্ণধার হয়ে বসবেন। এঁদের বেলায় শ্রেষ্ঠ মান আশা করব না তো কার বেলায় করব? কিন্তু এই পরীক্ষারই এই অবস্থা। ম্যাট্রিক কুলেশন বা স্কুল ফাইনালের তো কথাই নেই। ইংরেজীর কথা ছেড়েই দিলাম—কিন্তু সাধারণতঃ দেখা যায় প্রত্যেক বিষয়েই ছেলেরা যেরকম কাঁচা থাকে তাতে ফেল করার সংখ্যা তো বাড়বেই, এমন ঠিক যারা পাস করে তারাও পরবর্তী পাঠ্যগুলির জ্ঞান তৈরি হতে অনেক সময় নেয়। কলেজের কাজ সেইজন্য ব্যাহত হয়। গোড়া কাঁচা হলে তা শোধরানো বড়ই কঠিন। তা ছাড়া আমরা বহুকাল থেকেই শতকরা ত্রিশ নম্বর পেলেই পাসের ধুরো চালিয়ে আসছি। আমি শতকরা ত্রিশ পেয়ে পাস করেছি—আবার আমার প্রদত্ত বিদ্যার শতকরা ত্রিশ পেয়ে আমার ছাত্রেরা পাস করল—এইভাবে দুধে ক্রমাগত জল ঢালতে থাকলে দুধের আর কোনও চিহ্ন থাকবে কি? আবার এর উপরেও শোভাযাত্রা, হরতাল, ভীতিপ্রদর্শন করে আরও কম নম্বরে পাস হবার চেষ্টা আছে। ছাত্রেরা আমাদের দেশে নানা অসুবিধার মধ্যে পড়াশোনা করে, তাদের বহু অসুবিধা ও অভাব আছে এ কথা সত্য। তার মধ্যে তারা সব সময়েই অন্ত কোনদিকে মন না দিয়ে শুধু লেখাপড়াই করে যাবে তা হয়ত আজ আমাদের সমাজে ঘটে উঠছে না। কিন্তু সেই সঙ্গে একথাও সত্য যে জগতে জীবনের যুদ্ধে লড়বার জন্য আমরা যদি ভাল সৈনিক না গড়তে পারি তা হলে আজকের ছাত্রেরা যে অসুবিধা ভোগ করছে জীবনে, তাদের ছেলেরা তাদের ছাত্রাবস্থায় আরও চের বেশী দুর্বস্থায় পড়বে সে বিষয়ে কোনও সন্দেহ নেই। আজকের দিনের বাপেরা তাঁদের ছেলেদের তবু বা যেটুকু সামাজিক ও আর্থিক সুখস্বচ্ছন্দ্য রাখতে পেরেছেন আজকের দিনের ছেলেরা যদি ততটুকুও গড়ে না ওঠে তা হলে তারা নিজেদেরও জীবন-সংগ্রামের জন্য তেমন করে গড়তে পারবে না, তাদের ছেলেদেরও ততটুকু সুখস্বচ্ছন্দ্যও দিতে পারবে না। জাতি গড়বে কি করে? অর্থ নৈতিক উন্নতি হবে কি করে? একজন জবাহরলাল নেহরু থাকলেই তো আর মন্ত্রবলে সারা দেশটা পার্টে যাবে না। তা হলে উপায় কি?

৩

উপায় সম্বন্ধে আমার দুটি বক্তব্য আছে। অনেক লোক আছেন যারা মনে করেন শিক্ষাতেই শিক্ষার শেষ এই কথার অর্থ হ'ল চলতি জীবনের সমস্ত ছোঁয়াচ এড়িয়ে কেবল একমনে বইপড়া ও পরীক্ষায় ভাল ফল করা। আমি সে

মতে সায় দিতে পারি নে। যারা শ্রেষ্ঠতম পণ্ডিত বা গবেষক হবেন তাঁদের ত্বলায় হয়ত একথা খাটে। কিন্তু সাধারণ লোকের বেলায় শিক্ষার উদ্দেশ্য হ'ল জীবিকার সংস্থান ও তার সঙ্গে মানুষ ও জাত গড়ে তোলা। অথবা মানুষ ও জাত গড়ে তোলার সঙ্গে সঙ্গে জীবিকার সংস্থান। বস্তুতঃ ও দুটি এপিঠ ওপিঠ। এর সফলতা শুধু শিক্ষাবিদদের উপর নির্ভর করে না। সামাজিক কাঠামো ও ব্যবস্থার কথাও ভাবতে হবে। ধরুন, এখনকার স্কুলের বদলে আমরা সর্বত্র হাতে-হেতেরে শিক্ষা দিতে লাগলাম। দেশময় লক্ষ লক্ষ মিস্ত্রি ফিটার তৈরি হ'ল। কিন্তু তারা কাজ পাবে কি? এইখানেই সমাজের কথা এসে পড়ে। সুতরাং

সমাজের ব্যবস্থার কথা না ভেবে শুধু শিক্ষার কথা ভাবা চলে না।

কিন্তু সেইসঙ্গে একথাও সত্য যে, শুধু সমাজসংস্কার করেই শিক্ষাসংস্কার হবে না। শিক্ষার সংস্কারের কথাও আলাদা ভাবতে হবে। বর্তমানে কি কি দিকে বদল হওয়া দরকার সে সম্বন্ধে শিক্ষাব্রতীরা ভাবুন। বারাস্তরে এ প্রসঙ্গ আলোচনার ইচ্ছে রইল। কিন্তু যে কথাটা সকলের আগে ভাবতে হবে সেটা হ'ল এই যে, জগতের বিভিন্ন জাত কেবলই মান উঁচু করে চলবে, উৎকর্ষের পর আরও উৎকর্ষের অবিরাম চেষ্টা প্রাণপণ করে চলবে, আর আমরা কেবল দুধে জল ঢালতে থাকব—তা হলে আমরা দাঁড়াব কি করে?

আলুর চাষ

শ্রীদীপ্তি পাল

অনেক সময় দেখা যায়, রীতিমত যত্ন করেও গাছপালার ঠিক উন্নতি যেন হচ্ছে না—হয় গাছের ঠিকমত বাড় নাহি; নয়ত পাতার রঙ গেছে পাল্টে, অথবা গাছের ফল হ'ল ছোট—কষ্ট করে বাগান করাই সার, ভোগে লাগে না কিছু। নানা কারণে এই সব হতে পারে—পোকামাকড়, জলের অভাব, বেশী বা কম রোদ, মাটির দোষ ইত্যাদি। এদের মধ্যে পোকামাকড়ের শত্রুতা সহজেই ধরা যায়—জল বা সূর্যের ক্রিয়াকলাপও বোঝা কঠিন নয়। যা বোঝা কঠিন, অথচ যার উপর আমাদের শাকসজীর ভালমন্দ বার আনাই নির্ভর করে সেই মাটির কথাই ভেবে দেখা যাক।

খুব খরচ করে সরকারী গুদাম থেকে আলুবীজ কিনে আপনি আলু লাগিয়েছেন। মালীকে খাটিয়ে জমি ঠিক করলেন—নিজেও খাটাখাটনি করে জলটল ঢালছেন। কিন্তু গাছের যেন বাড় নাহি—খাড়া একটি ডাঁটা সবেধন নীলমণি হয়ে বসে আছে—ডালপালা মেসবার কোন উদ্যোগই দেখা যায় না; নয়ত পাতাগুলি কেমন যেন শুকিয়ে গুটিয়ে যাবার যোগাড় হয়েছে। কিংবা গাছটা হয়ত বেশ ভালই হয়েছিল—হঠাৎ কি রকম শুকিয়ে যাচ্ছে। আর এ সব কিছুই যদি না হয় ত গাছের বেশ বাড়বাড়ন্ত হয়েছে—মনে মনে আপনি বেজায় খুশী। যেদিন বুড়িবোড়া, বস্তা ইত্যাদি নিয়ে আলু তুলতে এলেন সেদিন—সেদিনের কথা আর না

বসাই ভাল। বস্তাগুলি যেমন এসেছিল তেমনই ফিরে গেল—দুই-একটা মাত্র বুড়ি ভর্তি হয়েছে। আলুর কি 'সাইজ', মরি মরি! মালী প্রচণ্ড বকুনি খেল—কপাল নেহাত মন্দ বলে বেচারির চাকরিটাও বোধ হয় গেল। আর সেই দিনই আপনি প্রতিজ্ঞা করলেন—আর আলুর চাষ নয়; ঢের হয়েছে আলু কিনেই খাব।

এই আশাভঙ্গের বেদনা দুই এক বার আমাদের সকলকেই পেতে হয়। যারা অর্ধেক্য তাঁরা 'দুস্তোর' বলে আলুর পাট তুলে দিয়ে সেখানে বাড়ী করার প্ল্যান করেন, আর যারা দরদী চাষী তাঁরা নূতন উদ্যমে আবার আরম্ভ করেন। এই হতাশার হাত থেকে বাঁচতে গেলে সকলের আগে আমাদের জানা দরকার যে আলুগাছের কি কি জিনিস প্রয়োজন—অর্থাৎ জমি থেকে সে কোন জিনিস টেনে নিতে চায়। প্রধানতঃ তার দরকার নাইট্রোজেন, ফস-ফরাস, ক্যালসিয়াম, ম্যাগনেসিয়াম ও পটাসিয়াম।

আলুগাছের পক্ষে নাইট্রোজেন বিশেষ প্রয়োজন—ভাল বীজ-আলুর মধ্যে নাইট্রোজেন প্রচুর থাকে; আবার গাছের পাতায় এর রূপান্তর দেখা যায় ক্লোরোফিল রূপে। নাইট্রোজেনের এমন একটা গুণ আছে যে তা গাছের নূতন সতেজ অংশে প্রাণশক্তি সঞ্চারিত করে দিতে পারে। এই জন্তই এর অভাবে গাছ একেবারেই বাড়তে পারে না।



অভাব খুব বেশী হলে গাছের শিকলিকে একটা ডাঁটা হয়— ডালপালা প্রায় থাকেই না। লতার রঙ হয় ফিকে সবুজ আর পুরনো পাতা প্রায়ই হলুদে হয়ে যায়। প্রায় সব জাতীয় জমিতেই অত্যাধিক নাইট্রোজেনের অভাব ঘটতে পারে। বেলে জমিতে আলু হয় ভাল, কিন্তু এই জমিতেই নাইট্রোজেনের অভাব হবার সম্ভাবনা সবচেয়ে বেশী। এই অভাব ঘুচানোর ক্ষেত্রে আলু লাগানোর আগে কষার মুখে জমিতে ধুঁক চাষ করা ভাল।

এই হিসাবে কসফরাসের প্রয়োজনীয়তা নাইট্রোজেনের চেয়েও বেশী; কারণ বীজ-আলুতে এর যেমন প্রয়োজন, তেমনই প্রয়োজন নাইট্রোজেন হজমের কাজে। কসফরাসের অভাবে নাইট্রোজেনের কার্যকারিতা কমে যায় বলেই বোধ হয় ছয়েরই অভাব গাছে একরূপেই দেখা যায়। কেবল কসফরাসের অভাবে আলুলতার ধারগুলিও বিবর্ণ হয়ে গুটিয়ে আসে।

গাছপালায় ক্যালসিয়াম প্রধানতঃ থাকে পাতায়। ক্যালসিয়ামের অভাবে গাছের মধ্যে যে জৈব পদার্থ ও ঘনিজ লবণ থাকে তা সহজেই নষ্ট হয়ে যেতে পারে—এর ফলে গাছের সমুদয় ক্ষতি হয়। সাধারণতঃ ক্যালসিয়ামের অভাব আলুগাছের কচিপাতাগুলিতেই প্রথম দেখা যায়। পাতাগুলি আকারে খুব ছোট হয়। এর পর পাতার মাঝের শিরবরাবর সেগুলি কঁকড়ে যায়। গাছের নীচে শিকড়ে আর আলুর উপর এর প্রভাব হয় অপরিমিত। ক্যালসিয়ামের অভাব খুব বেশী হলে আলু একেবারেই না হতে পারে অথবা দেখা যায় খুব ছোট ছোট টিক্‌টিকির ডিমের মত আলু হয়েছে; কিন্তু সেগুলি রেঁধে খাওয়ার অযোগ্য। এর কোন স্বাদ হয় না।

ম্যাগনেসিয়ামের অভাব গাছের পাতায় সর্বাগ্রে দেখা যায়। কারণ ক্লোরোফিল বলে যে পদার্থটির জন্মে গাছের পাতা সবুজ হয় ম্যাগনেসিয়ামকে তার প্রস্তুতকারক বলা চলে। এই জন্মেই ম্যাগনেসিয়ামের অভাব হলেই গাছের পাতায় হলুদ রং দেখা যায়—এই বিবর্ণতা কখনও সারা

পাতায়ই হয় আর শেষ পর্যন্ত শুকিয়ে ধরে পড়ে। কখনও পাতার ধারগুলি গুঁড়র সবুজ থাকলেও মঞ্চে হয় হলুদ রং, কখনও বা পাতার উপর ক্রান্তর বিবর্ণতা ছড়িয়ে পড়ে। গাছের এই অবস্থাকে ইংরেজিতে বলা হয় “ক্লোরোটিক”। ম্যাগনেসিয়ামের সঙ্গে ক্যালসিয়ামের একটা মূলগত পার্থক্য এই যে, ম্যাগনেসিয়াম সহজেই উদ্ভিদ-দেহে চলাচল করতে পারে; ক্যালসিয়াম কিন্তু পারে না। এই জন্মেই অভাব হলে গাছের কচি ডাঁটা ও পাতা সবটুকু ম্যাগনেসিয়াম টেনে নেয়। ফলে প্রথম অভাবের চিহ্ন ফুটে ওঠে পুরনো পাতায়; ক্যালসিয়ামের অভাবে গাছের কচি পাতা ও ডাঁটা সবচেয়ে ক্ষতিগ্রস্ত হয়।

নাইট্রোজেন ইত্যাদির মত পটাশিয়ামের প্রকৃতি ও ক্রিয়া বোঝা সহজ নয়। তবে পটাশিয়াম সম্বন্ধে এইটুকু সবাই স্বীকার করেছেন যে, উদ্ভিদ-দেহের কোন একটি স্থানে এটা অচল হয়ে বসে থাকে না। এর অভাব অত্যাধিক হলে চারা গাছটিই ক্ষতিগ্রস্ত হয়, এমন কি মরেও যেতে পারে। সাধারণতঃ বেলে মাটিতে পটাশিয়ামের অভাব হয় বেশী। এঁটেল মাটিতে কদাচিৎ এই অভাব দেখা যায়। এর অভাব বেশী হলে আলুগাছ বাড়তে পারে না, পাতার রং উজ্জল সবুজের পরিবর্তে হয় নীলচে ফিকে সবুজ। পাতার ধার ও ডগা ক্রমশঃ লালচে হয়ে যায় আর তারই সঙ্গে দেখা যায় ছোট ছোট রঙীন দাগ। পাতার উপরটা লালচে হবার সঙ্গে সঙ্গেই সেগুলি কঁকড়ে যায়—তারপর পাতা বরা আরম্ভ হয়। অনেক সময় গাছের ডালগুলিও শুকিয়ে যায়। বলা বাহুল্য, এই জাতীয় গাছের আলু সংখ্যায় বা আকারে উল্লেখযোগ্য হয় না।

উপরে রুগ্ন আলুগাছের বিভিন্ন অবস্থার যে বর্ণনা দেওয়া হ'ল তার থেকে আলুর জমিতে কি কি জিনিসের ঘাটতি আছে তা সহজেই বোঝা যায়। জমির রোগনির্ধারণ করতে পারলে তার চিকিৎসা কিছু কঠিন হয় না। এইভাবে রোগ বৃক্কে ওষুধ প্রয়োগ করতে পারলে আলুর ক্ষেত্রে সফল ফলার আশা করা যেতে পারে।



রাখীবন্ধন ও কাজরী গান

শ্রীঅমিতাকুমারী বসু

উত্তর ও মধ্য ভারত অঞ্চলের একটি বিশেষ উৎসব রাখীবন্ধন। এ উৎসব শ্রাবণের শেষ পূর্ণিমা তিথিতে হয়, অমুঠানটি ভাই-বোনকে নিয়ে। বোন ভাইয়ের হাতে রাখী বেঁধে দিয়ে মঙ্গলকামনা করে, ভাই বোনকে যথাশক্তি উপহার দেয়। এ উৎসব সমস্ত জন-সাধারণের, এতে ছোট-বড়, ধনী-দরিদ্রের ভেদাভেদ নেই, সবাই এ উৎসব বিশেষ আনন্দের সহিত পালন করে।

রাখীবন্ধনের পবিত্র দিনে বোন স্নান করে সেজে গুজে চলে ভাইয়ের হাতে রাখী বাঁধতে। একথানা খালাতে সাজিয়ে নেয় রকমারি মিষ্টি আর নারকেল, তার পর ভাইয়ের হাতে বেঁধে দেয় সুদৃশ্য রাখী। কপালে চন্দনের ফোঁটা দিয়ে মঙ্গলকামনা করে ভগবানের কাছে, “ভাই আমার সুখী হোক, বেঁচে থাক।” ভাইও শক্তি অমুঠানী অর্থ বা বস্ত্রালঙ্কার দিয়ে বোনকে আশীর্বাদ করে— বোন চিরসুখী হোক। বৎসরে এক দিন ভাই-বোনের এই প্রাণের যোগাযোগ বড় মধুর। বছরের পর বছর ভাই-বোনের এই গভীর স্নেহসম্বন্ধ রক্ষা হচ্ছে রাখীবন্ধনের ভিতর দিয়ে।

এক পরিবার অল্প পরিবারের সহিত সম্পর্ক পাতাতে ইচ্ছুক হলে, এক পরিবারের কণ্ঠা অল্প পরিবারের ছেলের হাতে বেঁধে দেয় রাখী। আর সেই রাখীবাঁধা ছেলেটি ধর্মবোনের সম্বন্ধ আজীবন মেনে নেয়। হুই পরিবারে হয় গভীর সম্প্রীতি, আপদে-বিপদে একে অণ্ডের সহায় হয়।

সারা শ্রাবণ মাস পল্লী কাজরী গানে মুগ্ধিত থাকে। রাখী-পূর্ণিমা হ'ল শেষ ঝুলন-রাত। তাই মাঝরাত অবধি রাখীপূর্ণিমার কাজরী গান চলতে থাকে পাড়ায় পাড়ায়। মেয়েরা গাইতে থাকে :

“চান্দা”

সাতো ভাইয়া বিদেশ গয়ে, ঐ মায়ে সুরষহারওয়ানা,
ছটায় মাস বাদে লোটে ভাইয়া
ভিতরমে বাট, কি রাম বনুইয়া
বহিন পহের না সুরষহারওয়া,।
পহেরী ওর ঠারি এহি বহিন,
উনকে সাত ভাইয়া ল'খে ওমরিয়া।
হামারী পিছোয়ারে পণ্ডিত ভাইয়া মিতোয়া,
ভাইয়া চান্দাকে গওনা বিচারওনা।
আজ একাদশী, কাল দোয়াদশী
তেরশকা বানা গওয়ানা।
পহেরী ওড়ি চান্দা গয়ী শওরালী
উনকে স্বামী মাংগে লোটা পাশি।

“হাতকা লোটা রাগিয়া ভুইয়া ধর দে
কাঁহা পার সুরষহারওয়ানা ?”

“সাত মোর ভাইয়া গয়ে বিদেশ না
স্বামী, ওহি মায়ে সুরষহারওয়ানা”

“কহনা শুনা এক না মানা

রাগিয়া, তুমসে কিরিয়া হাম লেবোনা”

“মোরে পিছাওরে নওয়া ভাইয়া মিতোয়া
ভাইয়া মোরে বিরণকা থবর জানাওনা।

বঢ়াই ভাইয়া মিতোয়া

ধরমকে লাকুড়ী চিব দেও না।

মোর পিছাওরা লোহার ভাইয়া মিতোয়া
ভাইয়া, ধরম কড়াইয়া গটি দেও না।

মোর পিছাওরা তেলিয়া ভাইয়া মিতোয়া
ধরম থানি পের দেও না”।

এক ওর ঠারে মোরে স্বত্তরকে লোঁগওয়া,

এক ওর সাত মোরে ভাইয়ানা

“জিতী হৌ তো মোরি বাহিনী, ভোলি কান্দাওবে না
হারি হৌ তো গাটোয়া খোদাওবে না।”

জলে লাগি লাকুড়ী, ধক্ধক্ধে লাগে তেল
মোর বহিনকে লেখে জুড় পানিইয়া।

মুঁহমে কুমালিয়া দৈকে মোয়ে স্বত্তরকে লোগ,

রাম জিতি তিরিয়া, নাইহর যেহইনা।

হাত মে কুমাল লৈকে হাসে নাতো ভাইয়ানা,

বহিনে ভাল পথ রাখে ও হামারী।

সাত ভাই বিদেশ থেকে ছ'মাস পরে কিরে এসেছে, বোনের জন্ম নিয়ে এসেছে সুরষহার। ডাকছে—“বোন চান্দা তুমি কোথায়, ভিতরে কি রান্নাঘরে ?”

বোন ছুটে এল, ভাইদের দেওয়া সুরষহার গলায় দিয়ে বাইরে পাড়াল। ভায়েরা দেখলে, ছোট বোনটি বেশ বড় হয়ে গেছে। পাশের বাড়ীর বন্ধুপণ্ডিতকে ডেকে জিজ্ঞেস কয়ে, বোন চান্দা কবে স্বত্তরবাড়ী যাবে ?

পণ্ডিত এসে বললে, “স্বত্তর একাদশী, কাল দোয়াদশী, ত্রয়োদশীর দিন বোন চান্দাকে স্বত্তরবাড়ী পাঠাও।”

হার গলায় দিয়ে সাজী কাপড়ে সেজে চান্দা স্বত্তরবাড়ী গেল। চান্দার স্বামী এক ঘটি জল চাইলে চান্দা যখন জলের ঘটি নিয়ে এল, স্বামী দ্বীর্ দিকে চেয়ে বললে, “রাণী, হাতের ঘটি মাটিতে রাখ, আগে বল, তুমি গলায় এই হার কোথায় পেলে ?”

চান্দা উত্তর করলে, “স্বামী, সাত ভাই বিদেশ থেকে এসেছে, আমার জন্ত নিয়ে এসেছে এই সুরবহার।”

স্বামী বললে, “আমি তোমার কথা শুনব না স্বামী, তোমার কিবা শপথও মানব না।”

চান্দা তখন উপায় না দেখে পড়শী নাপিত-ভাইকে ডেকে পাঠালে, বললে, “ভাইয়া, তুমি আমার ভায়েরের শীগগির খবর পাঠাও।”

চান্দা পড়শী ছুতোয়-ভাইকে ডেকে পাঠালে, বললে, “ছুতোয় ভাই, আমাকে ধর্মের লাকড়ী চিরে দাও।” পড়শী লোহারকে ডেকে বললে, “লোহার ভাই, তুমি আমাকে ধর্মের কড়াই বানিয়ে দাও।” পড়শী তেলী-ভাইকে ডেকে বললে, “ও ভাই তেলি, আমাকে ধর্মের তেল এনে দাও।”

এভাবে চান্দা সব প্রতিবেশীর কাছ থেকে লাকড়ি, কড়াই, তেল সংগ্রহ করলে, এবার তার কঠিন ধর্মপরীক্ষা হবে। এক দিকে স্বপ্নবাহীর লোক সারি দিয়ে দাঁড়াল, অল্প দিকে চান্দার সাত ভাই, মধ্যভাগে পক্ষিকার্থিনী চান্দা।

ভায়েরা বললে, “বোন, তুমি যদি ধর্মের পরীক্ষায় জয়ী হও, তবে পাঁচী সাজিয়ে তোমাকে নিয়ে যাব, যদি হেরে যাও তবে মাটির নীচে পুঁতে ফেলব।”

লাকড়ী দাউ দাউ করে জ্বলতে লাগল, তেল টগবগ করে ফুটে লাগল, ভায়েরা বললে, “বোনের জন্ত এ ফুটন্ত তেল শীতল ‘পানি’ হয়ে যাক।”

মুখে কুমাল বেখে স্বপ্নবাহীর লোক অপমানে অশ্রু বিসর্জন করতে লাগল। পরীক্ষায় জয়ী হয়ে স্ত্রী সর্গোরবে বাপের বাড়ী চলে যাচ্ছে। সাত ভাই কুমাল হাতে নিয়ে হাসতে লাগল, “বোন আমাদের মান বেখেছে।”

গ্রাম্য নারীরা বিশেষ আনন্দের সহিত সাত ভাইয়ের বোন চান্দার গান দোলনার হুলতে হুলতে গাইতে থাকে। এই গানটিতে আমরা বোনের প্রতি ভায়েরের গভীর স্নেহ দেখতে পাই। এটি দেহাতী গ্রাম্য-সঙ্গীত, কিন্তু এই সব গ্রাম্য-সঙ্গীত একেবারে অর্থহীন নয়। এই সঙ্গীতের তিত্তর দিয়ে গ্রাম্য-সমাজের চিত্র সুন্দরভাবে ফুটে উঠেছে। বেশী দিনের কথা নয়, সম্প্রতি উত্তরপ্রদেশের এক গ্রামে এমনি এক অগ্নিপরীক্ষা দিতে গিয়ে এক অভাগিনী নারী জীবন হারিয়েছে।

কাজরী গান শুধু ভাই-বোনের মেহপ্রীতি দিয়ে রচিত নয়, স্বকমারি কাজরী গানের তিত্তর দিচ্ছ স্বামী-স্ত্রী, প্রেমিক-প্রেমিকার মনোভাব ও মান-অভিমান ব্যক্ত হয়েছে।

কাজরী গান—

“শাওনকে মাহিনা, কাজরীয়া খেলে

বাওয়ে ননন্দী, যেদি আওয়ে কালিবানর

য়ে ননন্দী”

জাতবধু ব্যাকুল হয়ে বলছে, “শ্রাবণ মাসে কাজরী খেলতে এলাম, ও ননন্দী, চায়দিকে কালো বাদল ঘিরে এসেছে।”

“রিম্বিম্বি, রিম্বিম্বি মেও বরবে

ভিজ়ে মোর চুনরিয়া যে ননন্দী

ক্যাইসে বাউ কাজরীয়া খেলে শাওন মে

য়ে ননন্দী।”

“রিম্বিম্বি মেঘ বরছে, আমার ওড়না ভিজ়ে গেছে, ও ননন্দী আমি শ্রাবণের কাজরীয়া খেলে কি করে ঘরে যাই।”

তরুণী বধু, কণ্ঠা, সবাই যে যার উৎকৃষ্ট বসন-ভূষণে সেজে এসেছে, ঝুলন ঝুলবে, কাজরী গাইবে। পরনে রঙবেরঙের চুনটকরা ঘাঘরা, ঘাঘরার জরিব পাড়, চলতে-ফিরতে ঝলমলিয়ে উঠে, পায়ের ‘পায়ের’ বেজে উঠে রুহুহুহু। মিহিরদীন ওড়না দোলার সঙ্গে সঙ্গে হাওয়ায় উড়ে। হাতভরা গয়না, গলায় মোটা হার, পায়ে পায়ের, আঙ্গুটি, কোমরে রেশমী রঙীন ঘাঘরার উপর চন্দ্রহার, কালো কুচকুচে চুলের লম্বা বেণী জরিব ফিতেয় বাঁধা, সাপের মত রঙীন ওড়নার নীচে পিঠে ছড়িয়ে আছে। সিঁথির কাছে কপালে সোনার ফুল। হুঁপাশে সোনার পাত, চুলের হুঁদিক ঘিরে পেছনে আটকানো। কপালে সিন্দুরের ফোঁটা, পানে বাঙা ঠোঁট, আর কাজল দেওয়া ডাগর চোখের পুলকিত দৃষ্টি তরুণীদের মনের উল্লাস প্রকাশ করছে। অজের গোপিনীদের মত দলে দলে তরুণীরা, কিশোরীরা, গাছের ডালে ডালে ঝুলানো দোলনার হুলতে হুলতে কাজরী গাইতে শুরু করে।

“হরিরাম চলি যাত আঠিলাতে

পিয়াকে সঙ্গ গোবীরে হরি

গলে উনকি তিলরি শোহে

ওর মথমলকী চোলি।

চন্দ্রবদন ছিপি ষায়

হাসত মুখ মোরি রে হরি।”

“প্রেমিক-প্রেমিকা হুঁজনে চলেছে সর্গোরবে, কৃষ্ণ আর বাধা। পিয়ার গলায় তিল শোভা পাচ্ছে, গায়ে মথমলের চোলী, সাজ-সজ্জার চন্দ্রবদন আরও সুন্দর হয়ে উঠেছে, পিরা হাসিমুখে চলেছে।”

“বেলাফুলে আধিরাতে,

চামেলী ভিনসারে

সোনেকে আলি, জেওন পরশি। সইয়া ভোওয়ে আধিরাতে

দেওর ভিনসারে।”

“বেলাফুল মাঝরাত পর্যন্ত স্ববাস ছড়ায়, প্রভাতে চামেলী। বাধা সোনার থালার মাঝ-রাতে প্রেমিককে খাবার পরিবেশন করছে, দেবরকে প্রভাতে।”

এগুলি দেহাতী সঙ্গীত, গ্রাম্য নারীরা বাধাকৃষ্ণের প্রেম অবলম্বন করে গীতগুলি তৈরি করেছে, আর প্রেমিকা বাধার মুখ দিয়ে নানা মান-অপমানের পালা সৃষ্টি করেছে। গানগুলি শুনতে

গুনতে এবং সুসজ্জিতা তরুণীদের দোলায় হুলতে দেখে কল্পনার কাব্যে বর্ণিত ব্রজের অভিসারিকা বাধা, আর তার সখীর দল চোখের সামনে ভেসে উঠে। যুগে যুগে প্রেম তার মোহনকাঠির স্পর্শে মাহুবেয় মনে এক মায়াজাল বুনবে যায়। প্রত্যেক মানব-মানবীর অন্তরেই অন্তরতম দেশে লুকিয়ে আছেন শ্রীকৃষ্ণ আর শ্রীরাধা। প্রকৃতির অপূর্ণ পরিবেশের মধ্যে কোন বিশেষ মুহূর্তে প্রেম এসে চোখে মোহের অঞ্জন পরিবেশে যায়, প্রেমিক হয়ে উঠে প্রেমিকার চোখে অপূর্ণসুন্দর। তখন প্রেমিকা বাধার জলে স্থলে সর্বত্র শ্রাম, জগৎ শ্রামময়।

‘আষাঢ় প্রথম দিবসে’ নবজলধর দেখে বিবহী যক্ষ ও আপন প্রিয়র জন্তু ব্যাকুল হয়ে উঠেছিল, ভাসমান মেঘের ভিতর দিয়ে তার বিবহী হৃদয়ের আকুল-বার্তা পাঠিয়েছিল বিবহিণী প্রিয়র কাছে। আষাঢ়ের সজল বর্ষায়, গগনে ঘনঘটায় বিবহী মানবমন এক অজানা ব্যথায় ব্যাকুল হয়ে প্রিয়ের পাশে ছোটে। শ্রাবণের কালো আকাশের বুক চিরে বিহ্বল চমকচ্ছে। ঝির ঝির করে বারি ঝরছে, বিবহিণী প্রিয়া কাজরী গানে নিজের ব্যথা প্রকাশ করছে—

“টুটি যায় মুংগা, বিথরি যায় মোতি
বিছুরি যায় ননন্দী, তোয় বিরণা।”

“প্রবাল ভেঙ্গে গেছে, মোতি খুলে ঝরে পড়েছে, ও ননন্দী তোয় ভাই আমাকে ভুলে গেছে।”

বাড়ী বাড়ী, মাঠে মাঠে, বড় বড় আম নিম বট গাছে ছোট বড় হালকা নানা রকমের দোলা ঝুলছে। ভারী দোলনায় এক সঙ্গে চার পাঁচ জন তরুণী বসে হুলতে হুলতে গান গাইছে, নীচে সখীরা দাঁড়িয়ে পাঁটা গানে তার প্রত্নস্তব দিচ্ছে। দোলা আর কাজরী গানের ভিতর দিয়ে নন্দ-ভ্রাতৃজায়ার উত্তর প্রত্নস্তব চলছে, গান-গুলির মাধ্যমে নন্দের ভ্রাতার প্রতি ভ্রাতৃজায়ার আসক্তি ও মান-অভিমান প্রকাশ পাচ্ছে। সখী বলছে :—

“কোণে রং মুংগা, কোণে রং মোতি
কোণে রং ননন্দী তোয় বিরণা

লাল রং মুংগা, শফেদ রং মোতি
শ্রাওল রং ননন্দী, তোয় বিরণা
টুটি যায় মুংগা, বিথরি যায় মোতি—
বিছুরি যায় ননন্দী, তোয় বিরণা।
বিন লেদে মুংগা, বটোর লেন্দী মোতি।
মানায়ে লাও ননন্দী তোয় বিরণা।
কাঁহা শোঁহে মুংগা, কাঁহা শোঁহে মোতি
কাঁহা শোঁহে ননন্দী, তোয় বিরণা
নাকে শোঁহে মুংগা, গলে শোঁহে মোতি,
সেজবিয়া শোঁহে ননন্দী, তোয় বিরণা।

“প্রবালের কোন রং, মোতির কোন রং। ও ননন্দী তোয় ভায়ের কি রং ?

লাল রঙের প্রবাল, সাদা রঙের মুংগা—ও ননন্দী, তোয় ভায়ের রং শ্রামল।

প্রবাল ভেঙ্গে গেছে, মুংগা খুলে পড়ে গেছে, ও ননন্দী তোয় ভাই আমাকে ভুলে গেছে।

প্রবাল গাঁধব, মোতি কুড়াব, ননন্দী, তোয় ভায়ের মান ভাজব।

প্রবাল কোথায় শোভা পায় ? মোতি কোথায় শোভে ? ও ননন্দী, তোয় ভাই কোথায় শোভা পায় ?

নাকে শোভে প্রবাল, গলায় মোতি, ও ননন্দী তোয় ভাই শ্বায়ার শোভা পায়।

সুন্দর চন্দ্রালোকে উদ্ভাসিত প্রান্তরে, প্রাঙ্গণে তরুণীরা আনন্দে উচ্ছসিত হয়ে কাজরী গান গাইতে গাইতে দোলনায় হুলতে থাকে, কারণ আজই ঝুলন-উৎসবের শেষ পূর্ণিমারাত্রি। উৎসব-রজনীতে তারা ভুলে যায়—তাদের দুঃখ-দৈন্যপ্রসীড়িত সংসারের কথা, কণিকের জন্তু তারা যেন কল্পলোকবাসিনী হয়ে উঠে। আনন্দ-উচ্ছসিত দেহ আর মোহভরা হৃদয়ে তারা বৎসরের মত ঝুলন-উৎসব সমাপ্ত করে গৃহে ফেরে।



তমসা

শ্রীমুনীলকুমার বন্দ্যোপাধ্যায়

প্রেমানন্দ বৈরাগী টিলাটার উপরে নতজাহ্নু হয়ে বসে পড়ল।
ব্রাহ্মমূর্ত্ত, পূব আকাশে উষার সঙ্কেত হর হর—চড়াই, শালিক আর
বনটিয়ে অশ্রান্ত কলরবে নিকটের অশ্বখ গাছটাকে ঘিরে উড়ে
বেড়াচ্ছে। সামনে পিছনে দিগন্তপ্রসারিত শুকনো মাঠ, পশ্চিম
বাড়ের পাষাণ-অহল্যা। শেষবাতের পাণ্ডুর আলোতে দেখলে নিস্তব্ধ
সমুদ্রের মত চোখের সামনে ভাসতে থাকে গোটা মাঠটা—এক
বিরাট মহাদেশের মত।

হাঁটু পর্যন্ত গেরুয়া, হাতে একটা খঞ্জনি, বসে আছে নিম্পলক
দৃষ্টি মেলে প্রেমানন্দ। ঘেন সমুদ্রের মাঝে বিন্দু পরিমাণ একটি
প্রবালদ্বীপ। সূর্য্য উঠবে এখন, প্রণাম করবে সর্ব্বপাপঘ্ন
দিবাকরকে। বিশ্বের তমসা হরণ করেন যিনি, তাঁর স্পর্শে অস্ত্রের
কালিমা ঘুচে যাবে, সব অন্ধকার দূর হয়ে যাবে। যখনই সংসারের
হৃৎকণ্ঠ অস্ত্রকে বাধিত করে তোলে, প্রেম-সাধনার অস্ত্রবায় হয়ে
ওঠে, এমনি করে সে টিলাটার মাথার উপর চলে আসে নিজেকে
তমসাস্তক প্রাতঃসূর্য্যের কাছে উৎসর্গ করে দেবার জন্তে।

অন্ধকার নেমে এসেছে এবার তার ছোট সংসারটিতেও।
পরশু হুপু বাত্রে ইচ্ছে করে ঝগড়া বাধিয়ে ছেড়ে চলে গেছে তার
স্ত্রী নন্দরাণী। মাত্র মাসকয়েক আগে এই অনাথা বৈষ্ণব-
মেয়েটাকে কেবলমাত্র দয়া করে আশ্রয় দেবার জন্তেই কঠি বদল
করে বিয়ে করেছিল এই শেষবয়সে।

জাত-বৈষ্ণব প্রেমানন্দ, গৃহী হয়েও সে সন্ন্যাসী। তিন প্রহর
রাতের সময় ওঠে, শীত-শ্রীঅ-বর্ষায় খঞ্জনি নিয়ে নাম করে বেড়ায়
সোনারপুরের একটি পল্লীর অলিতে-গলিতে; বায়বাড়ীর গোবিন্দ-
জীউর প্রসাদ পায়, বাঁধা বৈষ্ণব বলে। এক প্রসাদেই হৃৎজনেরই চলে
যাবে কোনরকমে, এই ভরসাতেই প্রেমানন্দ আত্মহারা। একটা
দিন পার হয়ে গেলেই যথেষ্ট, মহাপ্রভু শ্রীগৌরানন্দ ভাববেন আবার
আগামী কালের কথা। কিন্তু নন্দরাণী এ যুগের মেয়ে, ভিক্ষে করা
দানের শাক-অন্ন ঘৃণা করল সে।

—মরদ মানুষ, খেটে পেতে পার না? মাত্র দিনকয়েক আগে
এমনিধারা বলতে আরম্ভ করেছিল নন্দরাণী।

প্রেমানন্দের মুখে বৈষ্ণবের সেই শাস্ত্র হাসি, আমবা জাতে
বোষ্টম; নাম করি প্রসাদ পাই, এতে লজ্জা কিসের?

—ভিক্ষে, ভিক্ষে, ও ভিক্ষে ছাড়া কিছু নয়। তুমি ত এতো
নেকাপড়া জানা বোষ্টম গো। তোমার লজ্জা কয়ে না?

—লজ্জা? সাত পুরুষের এই ত ধর্ম্ম আমাদের। শ্রীকৃষ্ণের
নামগান করি, এর চেয়ে সন্মানের কাজ কি আছে?

—ই সব ছেঁদো কথা আমি ঢের বুঝি। তুমার মরদ লাই,
তাই বল।

বুঝতে চায় নি নন্দরাণী, কৃষ্ণে উঠেছিল একদম মারমুখী হয়ে।
তারপর তার বর্তমান আকর্ষণের একটু ইঙ্গিত দিয়ে বলেছিল,
কেনে, ঐ ত জোয়ান মনিষিরা সব দামুদরের বাঁধ বাঁধতে যায়,
কলে খাটতে যায়; লগদ টাকা বোজগার করে। কলের আলো,
কলের জল, ছিনেমা, বায়ুকোপ—ই তুমার ভিখমাজা ব্যবসা রাখো
তুমি।

একটু ধাক্কা লেগেছিল বৈরাগী প্রেমানন্দের মনে। কল
বসেছে দামোদরের ওপারে, মায়া ও মোহ ছড়িয়েছে এপারেরও
মানুষের মনে। জীবনের আদর্শ, রীতি-নীতি, সবকিছু ওলট-পালট
করে দিচ্ছে দানবরূপী কলগুলো। এক যুগ আগেকার সহজ এবং
অনাবিল চিন্তাধারা উপেক্ষা আর ঊপহাসের বস্তু হয়ে উঠেছে ক্রমশঃ।
একালের ছেলেমেয়েরা জীবনে ও গানে প্রেমোন্মাদকে নাম দিয়েছে
নিছক আত্মবঞ্চনা। কৃষ্ণ অলভ্যমে কুমুমলতা আলিঙ্গন, একদৃষ্টে
ময়ূর-ময়ূরীর কঠ নিরীক্ষণ, এসব এখন হয়ে পড়েছে একটা শুষ্ক
যুগের ভ্রমময় আত্মবিশ্বাস।

* ভাগবত পড়েছে সে তার বাপের কাছে, সে এক অমর
কাহিনী। কৃষ্ণ-অনুবাগে ভক্তের হৃদয় সদাই আকুল; কৃষ্ণের নাম
শুনলে পর্যন্ত অশ্রুধারা প্রবাহিত হয়েছে। যদি কেউ 'বাধা' বলে
শব্দ করে উঠেছে, অমনি অশ্রুর ধারা ঝর ঝর করে ঝরে পড়েছে।
নন্দরাণীকে উদ্ধার করে প্রেমানন্দ ভেবেছিল, তার নজর
পালটে দেবে এমনিভাবে, তার অস্ত্রের মালিক চোখের জলে ঝরে
বেরিয়ে যাবে। কিন্তু নন্দরাণীর নয়নে যে চাহনি পরিষ্কার ফুটে
উঠল, সে আর এক জিনিষ। নতুন আমদানি কলের বিলিভী
আলোর ঝলকানি লেগেছে তার চোখে, সে অন্ধ হয়ে গেছে।

প্রেমানন্দ আর এক যুগের মানুষ। পিতৃপুরুষের মিঠা-সংস্কৃতির
অকৃত্রিম জল-হাওয়ায় পাড়ারগায়ের একটি সবুজ গাছের মত বেড়ে
উঠেছে সে। বৈষ্ণবদের মোড়ল ছিল বাবা, তার আদর্শে প্রেমানন্দও
ঘরকে বাব করতে শিখেছিল, ঘর-বাবের মানুষজনকে আপনার
মত ভালবাসতে পেরেছিল। চৈতন্যচরিতামৃত শুনেছে সে কত
শতবার গোবিন্দজীউর চত্বরে বসে, যুগধর্ম্মের নাম-সঙ্কীর্তন সে
চোখের সামনে স্পষ্ট দেখতে পেয়েছে। "ভক্তি দিয়া নাচাইলু
এ তিন ভুবন।" কথাগুলো মুখস্থ হয়ে গেছে প্রেমানন্দের, নিজেই
একতারা তুলে ধরে উর্দ্ধবাহু হয়ে নেচেছে আত্মভোলা বৈরাগী।

কিন্তু পারল না জাত-বৈষ্ণব প্রেমানন্দ নন্দরাণীকে ভক্তির
বাণিতে নাচাতে। নবযুগের মুরলী দামোদরের ওপার হতে বেজে
উঠেছে, প্রাণ-চমকানো কলের বাঁশি। ঘরে থাকবে না নন্দরাণী।
প্রেমানন্দ জানতে পেরে তাকে বোঝাতে গিয়েছিল শেষবায়ের মত
সেইরাত্রে, চিদানন্দের কথা—সত্যিকার মরদী প্রেমের মধু-আবাদ।

খলখল হেসে প্রথমটার লুটিয়ে পড়ল নন্দরাণী ; তু একটা পাগল
বটোগো ! কে জানতক এমন পাগা, তা হলে কি তুমাকে কঠি
দিতম ।

প্রেমানন্দ—পাগলই বটি আমি । পাগল হয়ে নাম-গান করি,
টহল দিয়ে বেড়াই ।

নন্দরাণী—থাক তুমার নাম নামগান । আমি তুর ঘর করব
নাই ।

পাথরের মত নীরস হয়ে উঠেছিল প্রেমানন্দের মুখ, কঠিন
কঠে প্রশ্ন করেছিল, বাবুলালের ঘর করবি ? মেয়ে ভুলিয়ে ওপারে
বিক্রি করা যে বাবুলালের ব্যবসা, যাবি মরতে সেই বাবুলালের
কাছে ?

বিভ্রান্ত মেয়েটা ক্রোধে, গর্বে ফেটে পড়েছিল সঙ্গে সঙ্গে, মরি
মরব ; কিন্তুক তুকে মেরে পর মরব ।

—আমাকে তুই মারবি ? আর তারপর মরবি ঐ জানোয়ারটার
হাতে ?

—সি তবু ত মরদ ছকরা বটে ।...

চলে গেছে নন্দরাণী, ঘূণাভরে দম দম করে পা ফেলে । কোথায়
গেছে তাও জানে প্রেমানন্দ, রামলাল বাগ্গীর ছেলে বাবুলালের
কাছে...সর্বস্বাস্ত হয়ে পথে বসবে ছ'দিন পরে ।

গ্রামের জমিদার-বাড়ীর আটপোরে 'লগদি' রামলাল, তার
পিতৃপুত্র বংশপরম্পরায় মঞ্জরাজের লাঠিয়াল ছিল । সে রাজস্ব
অঙ্ককারে ডুবে গেছে । রামলাল কিন্তু আজও লাঠিয়াল, বায়বংশের
সামান্য নির্দেশে মঞ্জভূমের নীরস লালমাটি ভিজিয়ে দিয়েছে বহুবার
তাজা মাহুষের গরম রক্তে । গাঁটে গাঁটে রূপোর মজবুতি বসানো
পাঁচ হাত লাঠি হাতে দৈত্যকার রামলালকে দেখলে ভয় খায় না,
এ তরফে এমন লোক নেই আজকাল । তেঁতুলে-বাগ্গী, জাত
ঠেঙ্গাড়ে ।

তার ছেলে বাবুলাল, সত্যিই ঠেঙ্গাড়ের ছেলে, কিছু করতে পিছ-
পা হয় না । হাতচাবেরক লম্বা ধপধপে সাদা গোথরো তাড়া গেয়ে
গর্ভে ঢুকে পড়ছিল, বাবুলাল লাজটা ধরে মাথার উপর সাঁই সাঁই
করে বারকয়েক ঘুরিয়ে রাম-আছাড় দিল বাসুকি-নন্দনকে । ধূঁমামি
করে অঙ্ককার পথে শুইয়ে রাখল মৃত সাপটাকে পথের উপর । বিষে
গরগর অঙ্গরের মত চেহারাখানী, সাপিনীদের নিষেই কারবার
জমিয়েছে । ছ'দিন পরেই একটা বস্ত তার কাছে পুরানো হয়ে
ষায়, দামোদরের অপস পায়ে তখন ছেড়ে দিয়ে আসে বাবুলাল
নির্ঝিষ, অচল, অচেতন পদার্থটাকে । হাত-খরচা আদায় হয় ।

নূতন কলে আবার কাজ জুটিয়েছে একটা, কাঁচা টাকা আর
চটকদার সজ্জা নিয়ে সোনারপুর আসে ঘন ঘন, সাপিনীর সন্ধানে ।
মরচে-পড়া গ্রামে আকর্ষণের ঝিলিক দিতে বেগ পেতে হয় না
একটুও, কত লোক ত ওপায় হতে চান্নির ঝমঝমানি শকেই চলে
গেছে সেখানে । শুকনো, বোদে-পোড়া, ফাটল-ধরা জমির মায়ায়
ম্যাটেল্লিয়ার ধুকবে আর কে । শুধু আছে গোবিন্দজীউ, আর

তার সেবক প্রেমানন্দ, এখনও বিয়ল-বসতি গ্রামের অলিতে-গলিতে
নামগান গেয়ে টহল দিয়ে বেড়ায় শেষরাতে ।

পূবের দিগন্তরেখা হঠাৎ কতকটা রাজা হয়ে উঠল, উপরের
আকাশটায় কে যেন মুঠো মুঠো আবির্ভূত হয়ে দিল । সহস্র
গোপিনী রঙের পিচকারি ছুঁড়ছে—পূব আকাশে এ সময়টার এ
এক নিতানূতন হোলিখেলা । সমুদ্রের মত সুবিস্তীর্ণ মাঠটার উপরের
অঙ্ককার মিলিয়ে গেল, আনন্দের স্বচ্ছ টেউ বয়ে গেল
সমস্ত ভূভাগটার । নতজাহু প্রেমানন্দ স্তব করে প্রণতি জানাল ।
অনেকক্ষণ হাতজোড় করে বসে বইল তেমনিভাবে, বলতে লাগল,
প্রণাম করি তোমায, হে দিবাকর, সব পাপ হরণ কর, অঙ্ককার
দূর কর ।

কতক্ষণ পর উঠে দাঁড়িয়ে খঞ্জনিটি তুলে নিল, সব চুঃখ তুলে
গেছে বৈরাগী প্রেমানন্দ ।

কে ?

পেছনে একটা মস মস শব্দ, সেই লাঠি-হাতে রামলাল ।
প্রেমানন্দ যেন নিজের চোথকে বিশ্বাস করতে পারল না ।

বিমূঢ় প্রেমানন্দকে হতবাক করে দিয়ে নমস্কার করল রামলাল,
তেলে-পাকা লালচে লাঠিটা মাটিতে ফেলে দিয়েছে সে ।

—আমি বাবাজী, চিনতে নারছ নাকি ? নরম হাসি দেখা
গেল রামলালের দীর্ঘ গোঁফের পাশে : নামগান, শোওয়া-ভক্তিই
কর শুধু, কিন্তুক নিজের বউকে ঠিক রাখতে পারলে না !

—হাঁ, রামলাল ।

কথাটা আটকে গেল প্রেমানন্দের গলায়, কিন্তু আশ্চর্য হ'ল
মুহূর্ত্ত পরে । নিষ্পাপ মনের সরলতা ফুটে উঠল বৈরাগাদীপ্ত মুখের
উপর, বলল, সব জানি, রামলাল । গায়েব জোরে তবু সবকিছুই
হয় না । তোমার ছেলেকে লাঠির ডগায় পোষ মীনাতে পেয়েছ ?
মালিক সেই মহাপ্রভু নিত্যানন্দ, আমরা কে ?

চূপ করে দাঁড়িয়ে বইল রামলাল । প্রেমানন্দ স্তম্ভিত হয়ে দেখল,
গোথরো সাপটা একটা ছোবল পর্যাস্ত মারল না, নিস্তেজ হেলের
মত শাস্ত হয়ে তাকিয়ে আছে বৈরাগীর দিকে । মুখের উপর অসহায়
দৃষ্টি, এমনটি কখনও দেখে নি প্রেমানন্দ । বলল, চুঃখ করো না
রামলাল, ভগবানকে ডাক ।

আবার একটু হাসল রামলাল, আমরা মুখ্য মাহুষ বাবা, অপরাধ
লিও না । কিন্তুক ভগবান লাই, এ ঘোর কলিকাল । ছুটো কড়া
কি ছকুম দিয়েছে শুনো বাবাজী । তুমার বউ জমিদারবাড়ীতে
কাজ কতোক ; আমার ছেলে যদি তাকে ফিরিয়ে দিয়ে লা যায়, ত
আমার লোকরী খতম ।

অূর্ধ্বপূর্ণভাবে ক্র-হুটো কুঁচকে ঘাড় নাড়ল রামলাল, প্রকাশ
দেহের উপর লম্বা বকমের ছোট মাথাটা ডানদিকে ফেরাল একটু ।
লাঠিটা কুড়িয়ে নিয়ে বলল, সর্দার মোড়লের মেয়ের সঙ্গে বিয়া ঠিক
করেছিলম ছেলেটার, ছ'কুড়ি টাকা পণ দিতক । রামলাল বাপ
হোক, ঠেঙ্গাড়েও বটে । সি খুনেড়ে বটি বাবা, লাঠির মওড়ার খুন

করি লেঠেল আর বদমাসকে। এই লাঠি নিয়ে চললাম, কিয়দে উদিকে নিয়ে আসব, এই কথা বললাম বাবাজী।

—সে তুমি পারবে না বাবামাস; শুধু শুধু—

—ই কথা বলো না বাবাজী লেঠেল বাবামাসকে।

লম্বা লম্বা পা কেলে চলে গেল বাবামাস।

প্রেমধর্মের অস্ত্রাষ্টি হয়ে গেছে প্রেমানন্দের জীবনে। তবু সে অস্ত্রের ভয়ে ক্ষমা করেছে নন্দরাণীকে, কুটিলস্বভাব বাবুলালকে। আর সবার উপরে ক্ষমা করেছে ছোট জমিদার হীরুবাবুকে। পঞ্চিল ভোগের প্রাচুর্য্যে এবং বৈচিত্র্যে এই বয়সেই তিনি একটি কুৎসিত, বিকৃতপ্রায়, গতিশক্তিহীন মাংসপিণ্ডে পরিণত হয়েছেন। তাঁর সেই ছোট চোপ ছটির লোলুপ দৃষ্টি, দেখে স্বৈরিণী পর্য্যন্ত শুকিয়ে ওঠে অস্ত্রে, প্রাণ বাঁচাবার জগে ছুটে পালায় অগ্নি দেশে। নন্দরাণী তবু নখ বাড়িয়ে, দাঁত খিঁচিয়ে দাঁড়িয়েছিল অনেক দিন, মনের মানুষের সঙ্গে সরে পড়েছে এবার।

এতটুকু হুঃখ নেই তবু প্রেমানন্দের মনে। হুঃখ বছরেরও আগে, রাজা গোপাল সিংহের আমলে তার পূর্বপুরুষ দীক্ষা নিয়েছিল প্রেম ও ভক্তির ধর্মে, মন্দাকিনীর মত সে ধারা আজও বয়ে চলেছে তার ধর্মের মধ্যে। জীবনকে দান করেছে, অস্ত্রের সঁপে দিয়েছে নবঘনশ্যামের রাঙা পায়ে। কোন হুঃখ, কোন ক্লোভই বোধ করে না সে নিজের জগে। মধুর গতিতে পা বাড়াল বাড়ীর দিকে। এক দিন এক রাত্রি হ'ল নন্দরাণী চলে গেছে। তার মন বাদ সাধছিল, বলছিল, ফিরবে না, সে আর কখনও ফিরবে না; প্রেম কিন্তু বলল, সে ফিরবে।...

বাবাজী!

চমকে উঠল ঠাকুরবাড়ীর পাচক প্রেমানন্দকে দেখে।

বেলা প্রায় দুপুর গড়াতে চলেছে, পুকুরে স্নান করে বৈরাগী মাথায় ভিজ্জে কাপড়টা ঢাকা দিয়ে এসে দাঁড়িয়েছে জমিদার-বাড়ীর দেউড়িতে, নিয়মমত প্রসাদ পাবে। গোবিন্দজীউর বাঁধা নিমন্ত্রিত বৈষ্ণব প্রেমানন্দ। আজ আর বাড়ী ফিরতে মন সরে নি তার, প্রয়োজনও বোধ হয় মিটে গেছে। এদিক-সেদিক ঘুরে বেড়িয়েছে এতক্ষণ। খঞ্জনিটা নামিয়ে খেতে বসতে যাবে, তাকাল ব্রাহ্মণ-পাচকের দিকে সংশয়-ভরা চোখ তুলে—দুটো দেন ঠাকুর।

ঠাকুর দাঁড়িয়ে রইল বোকার মত।

—ভোগ শেষ হয়ে গেছে নাকি? কেমন সন্দেহ জাগল প্রেমানন্দের মনে, প্রশ্ন করল ঠাকুরকে।

—ছোটবাবু হুকুম দিয়েছেন আজ, ইতিউত্তি করতে লাগল বুড়ো ব্রাহ্মণ: সুখন দারোয়ান নতুন বোষ্টম ধরে এনেছে এক জন, ঐ মাতাল তিলকদাসটাকে। বাবু নিজে এসে আমাকে বলে গেলেন—

পরিষ্কার করে আর বলতে পারল না সে।

প্রেমানন্দ খঞ্জনিটা কুড়িয়ে নিয়ে শান্তভাবে হাসল একটু,

বাইরের দিকে এগিয়ে গিয়ে বলল, তা কেন, ঠাকুরমশাই। আপনি আর কি করবেন। নিতাই যেখানে অন্ন বন্ধ করে দিলেন! হরিবোল।

নিরীহ ঠাকুর তো চাকর বৈ কিছু নয়, আদেশ শুনে অবশি বিমর্ষমুখে গুমরে গুমরে সময় কাটিয়েছে বালাঘরের একান্তে। এক দিন অকুপণ হস্তে অন্ন পরিবেশন করে এসেছে কত হুঃখীজনকে, প্রেমানন্দকে পরিতৃপ্তির সঙ্গে খাইয়ে আত্মতৃপ্তি লাভ করেছে বছরের পর বছর। বৈশাখের খবতাপে, বর্ষার অশ্রাঙ্ক ধারায়, শীতের কনকনে বাতাসে গোবিন্দজীউর নিয়ম-বাঁধা বৈরাগীর জগে এই ধর্মভীরু ঠাকুরটি অপেক্ষা করেছে ঐকান্তিক আত্মরিক্তা নিয়ে। আজ তাকে কুধার সময় না বলতে হ'ল, বাইরে যাবার পথ দেখিয়ে দেবার কড়া নির্দেশ দেওয়া হয়েছে তারই উপর।

অপরাধীর মত হাত দুটো কচলাতে কচলাতে আসতে লাগল ঠাকুর পেছনে পেছনে, বলল আমতা আমতা করে: ছোটবাবু আমাকেও ধমকে উঠে বললেন, বাগ্দীর সঙ্গে যার বোঁ চলে যায়, সে বোষ্টম নয়। সে জাত হারিয়েছে, ঠাকুরের প্রসাদ পাবার তার আর কোন অধিকার নেই। ও রকম অপদার্থ লোককে গাঁ থেকে তাড়িয়ে দিতে হবে।

সরল মনে বলে যেতে লাগল নিরীহ ব্রাহ্মণ, এক একটা কথা আঙনের টুকরোর মত প্রেমানন্দের গায়ে এসে পড়তে লাগল। দেউড়ি পার হয়ে সে কিন্তু তেমনি স্নিগ্ধ স্বরে বলল, আপনার কি দোষ ঠাকুর।

আর একটু এগিয়ে এসে ঠাকুর বলল, তুমি কি এখন বাড়ীতে যাবে বাবাজী?

—হ্যাঁ, কেন?

—এরা সব লোক খারাপ বাবা। হীরুবাবু আরও কি সব বলছিল লগদি সুখনটাকে, আমার ভাল লাগল না কথার ধরণ। ওটা তো ডাকাতি করে খায়, আর এরা সব পারে। ঘরে আঙন দিতে পারে, গোথরো সাপ ছেড়ে দিতে পারে। তার পর হঠাৎ তার হাতটা চেপে ধরে অমুরোধের সুরে ঠাকুর বলে ফেলল, তুমি চলে যাও বাবা অগ্নি কোথাও।

—তা হয় না ঠাকুরমশায়, আমি বাড়ীতেই যাব। নারায়ণ বা কপালে লিখে দিয়ে গেছেন, তার বেশী মানুষ তো আর কিছু করতে পারবে না! তোমার ভয় কি?

উড়িয়ে দেবার চেষ্টা করল ভয়ের কথাটা প্রেমানন্দ, তবু মনটা ছ্যাং করে উঠল। যাবার সময় পরশু রাতে নন্দরাণীও কেউটের বাচ্চার মত গর্জন করে উঠেছিল, বলেছিল, তুই নিছক ময়দ, তুকে বিষ খাইয়ে তুর মা মেয়ে ফেলে নাই কেনে? সাপের বিষ?...

প্রেমানন্দকে সহ্য করতে পারে না নন্দরাণী। কেন যে সে তার মৃত্যুকামনা করে তার কোন মানে খুজে পায় না নিরীহ বৈষ্ণব।

চলতে চলতে মনে পড়ল, আজকের শেষ রাতে যেন অন্ন দেখেছিল এমনি একটা। তার জানালার পাশে কয়েকটা বেল-

ফুলের গাছ, তার পাশে কে বেন ফিস ফিস করছিল ঠিক কাল-নাগিনীর গলায় : এত দেরি না করে মিনসের গলাটা টিপে দিতে পারিস না বাবুলাল ? মবে গেলে আমরা যে বাঁচি !—ধড়মড় করে জেগে উঠেছিল প্রেমানন্দ, কিন্তু বুঝতে পারল না সেটা নিছক স্বপ্নই কিনা। দরজা খুলে রোয়াকে এসে দাঁড়াল, দেখল, নিখর রাত, আকাশে শুধু লাল রঙের শুকতারাটা জেগে আছে। খঞ্জনিটা নিয়ে বেরিয়ে পড়ল তখনই, নির্দিষ্ট সময়ের বেশ একটু আগেই।

আরও পা কয়েক চলতে ভয়ের ভারটা হালকা হয়ে গেল, নানা এলোমেলো চিন্তায় প্রায় ভুলে গেল কথাটা।

ধর্মে রৈক্যব, পেশায় বাউল। অতীত বলে তার নেই কিছু, বর্তমান অনিশ্চিত, ভবিষ্যতের কথাই অবাস্তব। তবু নিশ্চিত স্বাচ্ছন্দ্যে চলে দিনের পর দিন। জীবন দিয়েছেন যিনি, আশ্রয় দিয়েছেন তিনি, খাওয়াবার মালিকও তিনি। সব রকমের আকাঙ্ক্ষাকে ভক্তির মন্ত্র দিয়ে জয় করেছে সাধক প্রেমানন্দ। সে নামকরা শ্যামানন্দ বৈরাগীর ছেলে, বাড়ীতে তার তালপাতায় লেখা পুরনো পুঁথি আছে।

বাপের কাছে শিখেওছিল প্রেমানন্দ কম নয়। সেই শিক্ষায় পেয়েছে শুধু ভক্তির সূত্র—জীবনকে সে জয় করেছে, তমসার মধ্যেও আলো দেখে তাকে বন্দনা জানিয়েছে। এগিয়ে চলেছে সে ভাগবতের নিকৃষ্ণ, নিরাভরণ মনের শুভ্র কঠিন নির্লিপ্ততা নিয়ে, হিংসার উন্নত পৃথিবীর মাঝেই, আকাঙ্ক্ষা-বিষে নীল হয়ে ওঠা সমাজের সুরু একটু গলিপথ দিয়ে।

কায়্যা এবং কামনার উপরে ওঠবার শক্তি ছিল না নন্দরাণীর। কাঞ্চন নয়, কাঁচের রঙীন ঠুনকো চুড়ি ভালবাসল সে : নতুন যুগের চটকদার কল-কজা, দোকান-পসরা তাকে বিভ্রান্ত করল। রক্ত-মাংসে-গড়া নন্দরাণী দামোদরের 'হড়পা' বানে ভেসে গেল। হযত উঠবে সে এক ঘাটে, কিন্তু সেখানে ছাপর যুগের বাঁশবী নেই, আছে কলিযুগের কলের বাঁশী। সে বাঁশীর মদির-সম্মোহনে ঘুরবে সে এখন কত ঘাটে, অস্তুরের আগুন দাবায়ি হয়ে উঠবে ; তারপর এক দিন ঝরবে নয়নের অশ্রু, নিভবে সে আগুন। মাংস তখন শিথিল হয়ে গেছে, রক্ত হয়েছে স্পন্দহীন, হিমশীতল। সেই মরণ, তিলে তিলে সঞ্চিত বিবাক্ত অপমৃত্যু। হাহাকার করবে নন্দরাণীর আত্মা সেদিন, শেষ হবে জীবনব্যাপী হুঃস্বপ্ন, তারপর বিদ্যাচঞ্চল চোখহুটো দামোদরের বর্ষার জলের মত ঘোলা হয়ে উঠে স্থির হয়ে যাবে সেদিন।

সময়টা কাটাবার জন্তে গ্রামের ভিতর দিকে না গিয়ে প্রাস্তিক পথ ধরল প্রেমানন্দ। বাউরীপাড়ার শেষ এ দিকটা, বড় বট-গাছটার ছায়ার কালো কালো ছেলেমেয়ে পরম আনন্দে খেলা করছে, গান করছে, বাঁশী বাজাচ্ছে। বাগ হ'ল নিজের উপর, সাধনার সে বার্থ হয়েছে। সিদ্ধিলাভ করতে পারলে নিশ্চয়ই নন্দরাণীও তার প্রেমের ছায়ার আনন্দে গান করত, শীর্ণ, একটা নিরবলম্ব তালগাছের নীচে ছুটে চলে যেত না। নিঃশব্দে বাড়ীতে

এবার সাধনাই করবে সে, খঞ্জনি মিরে মুর, একতারা নিয়ে। একটি তারে শুধু একটি সুর উঠবে, অগৎ-ভোলানো প্রেমের সুর।

বোষ্টমপাড়া।

চোখ কান বন্ধ করে প্রেমানন্দ তার কুঁড়েতে গিয়ে উঠল। দিন পড়ে এসেছে, পূর্বদিকের আকাশ হতে অন্ধকার স্তবে স্তবে ঘন হয়ে নেমে আসছে। কিন্তু বাইরের গোবরমাটি দিয়ে নিকানো অঙ্গনটুকু চকচক করছে এখনও। বৈষ্ণবের কুটিরের নির্মলতা ছড়িয়ে আছে উঠানের উপর, কে বলবে এ গৃহের লক্ষ্মী ঘর ছেড়ে চলে গেছে। উঠানে খেজুরপাতার বেড়া দেওয়া, তারপর বোয়াক। হলদে কলকে ফুলের গাছটা পাণ্ডটে আকাশের নীচে স্তব্ধ হয়ে দাঁড়িয়ে আছে কেমন যেন। তুলসীতলায় প্রদীপ জ্বলে নি, বেল-ফুলের চারাগুলো সন্ধ্যার সময় জল পায় নি আজ এক ঝাজলা।

ঘরের শেকলটায় হাত রাখতেই ঝনাৎ করে খুলে গেল, চমকে উঠল প্রেমানন্দ।

—কে রে, পেমা এলি ?

প্রেমানন্দের একমাত্র আত্মীয়া, বৃড়ী পিসীমা পাশের বাড়ী হতে ডাকছে দরজা খোলার শব্দে, আয় বাবা ! সে হারামজাদী সব লুটেপুটে নিয়ে গেছে কখন ভোর রাতে—

দরজা ঠেলে ভেতরে ঢুকতেই স্তম্ভিত হয়ে গেল প্রেমানন্দ, ঘরের বা-কিছু সামান্য বায় ইত্যাদি জিনিষপত্র তখনই করে ছড়ানো। অন্ধকারে ঠাণ্ড করতে পারে নি, গুঁটানো বায় একটার হোঁচট গেয়ে উঠে পড়ল প্রেমানন্দ। কড়কড় করে টিনের বায়টা ভাঙা গলায় আর্দ্রনাদ করে উঠল। আয় সেই কর্কশ শব্দের সঙ্গে সুর মিলিয়ে অন্ধকার ঘরের কোণ থেকে কি একটা যেন ফোঁস করে উঠল ! নন্দরাণী লুকিয়ে ভয় দেখাচ্ছে নাকি ? যা খেয়ালী মেয়ে, বলা যায় না। কেমন হযত মন পালটে গেছে, খ্রীচৈতন্য তার স্মৃতি দিয়েছেন।

মন বলেছিল আসবে না, প্রেম বলেছিল আসবে। কিন্তু উঠে দাঁড়িয়ে ভুল বুঝতে পারল প্রেমানন্দ। নন্দরাণী আসে নি, ভুল শুনেছে কি একটা।

সবকিছুই ওলট-পালট, শুধু একতারাটিতে হাত দেয় নি নন্দরাণী। আবছা অন্ধকারে দেখল, সেটি তেমনি দেয়ালে টাঙানো। রাত্রিবেলা অস্ততঃ একটবার এটি না বাজালে প্রেমানন্দ ঘুমতে পারে না, একথা জানে নন্দরাণী।

পাকা লাউয়ের খোল একটা বাঁশ একখণ্ড আর একটু তার। প্রেমানন্দের নিজের হাতে তৈরি। হাত বাড়িয়ে পাড়তে গেল, কেমন যেন ভারী ভারী, খোলের উপর কি যেন একটা ঢাকনা দেওয়া। টেনে নামাবার ঝটকায় ছিটকে পড়ল ঢাকনাটা, ফোঁস করে লাফিয়ে পড়ল কালো কেউটের একটা বাচ্চা।

বৃড়ী সাড়া না পেয়ে আঙে আঙে এসে দাঁড়াল বোয়াকের

কাছে। প্রেম্যানন্দ পড়ে আছে মাটিতে, একতারাটা দরজার কাছে গড়িয়ে এসেছে। তারটা ছেঁড়া।

বেতো রোগী বুড়ী, উঠতে পারে না। কটে পা-টা তুলে প্রশ্ন করল, ও পেমা, কি হ'ল যে, ও—

পায়ে কেমন করে চেপটে গিয়েছে সাপটা, পড়ে পড়ে মাথা নাড়ছে। চোখের সামনে চকচক করতেই আতকে চেঁচিয়ে উঠল বুড়ী, ওরে পেমা সাপ যে! তোকে কামড়ালো নাকি যে! ওগো বাবুলালের কাজ গো—আজ শেষ পহর রাতে খুদনের মা তাকে এখানে দেখেছে গো—

বাইরের নিরাপদ জায়গায় থেকে পাড়া মাথায় করল পিসীমা। তখন কিম কিম করছে প্রেম্যানন্দ সর্বশরীর, তার উপর সারাটা দিন নিরন্তর উপবাস। তমসা নামছে তার ছুটি চোখে, মনে হ'ল জানে।

বেন কালিদাসের বিঘ্নিত বাস্প ঘরটার জঘাট বেঁধে উঠেছে। পাণী একটা উড়ে যেতে যেতে পড়ে গেল দম বন্ধ হয়ে সেই কালীঘরে কালো জলে, কয়েকটা গরু সংজ্ঞা হারিয়ে পড়ে আছে দহের তীরে। কিন্তু কে যেন নীচক অন্ধকার আলো করে ঝাঁপ দিল পাড়ের ঐ কদমগাছটা হতে। পুকুরের জল টলমল করে কেঁপে উঠল। তারপর জল থেকে উঠে এল এক চিকণ কালো ছেল—সে বাসক-শ্রীকৃষ্ণ। আলো হয়ে গেল পুকুরটা, অন্ধকার দূর হয়ে গেছে সব জায়গা থেকে।

নিবো-নিবো প্রদীপের আলোর মত কণিকের তরে শিখ হরে

উঠল প্রেম্যানন্দর মুখমণ্ডল। দম ফেলল সে। বুঝতে পারল এ কার কাজ। বাবুলাল তাকে ভালবাসে না, প্রেম্যানন্দ

সম্ভাবনা

শ্রীকুমুদরঞ্জন মল্লিক

ধাকি সুমেরুর স্বর্ণ-আলোর দেশে,
সত্যকে আমি আনি স্বপ্নের বেশে।

কহি সুন্দর শীর্ণ লতায়

মুছায়ে নেত্রজল,

বক্ষে তাহার গুচ্ছে গুচ্ছে

ফলিবে দ্রাক্ষাফল।

বলি ভুজঙ্গে মাণিকের কথা,

শুক্তিকে মুক্তার ;

মোর কাছে পায় হীরার খপর,

খনির সে অঙ্গার।

মৃগকে জানাই পাবে তুমি মৃগনাভি,

আছে সুরভির ভাঙারে তব দাবি।

২

কহি চুপে চুপে তৃণ-কুমুদের কানে,
পারিজাত তারে আশ্রয় বলে জানে।

আমি অনাগত সুর সুরিতের

কল্লোল আনি ধীরে,

রাজ-কিরীটের পরিবেশ দিই

অপরিচিতের শিরে।

শুভ প্রভাতের অরুণিমা আমি,

সুধা-সাগরের কণা,

সাধককে বলি 'আসিছে সিদ্ধি,

সার্থক আরাধনা।'

আমি যে শোনাই পাষণ-‘অহল্যায়’,

মানবী হবার আসে দিন পুনরায়।

৩

ভাব রূপ পায় চিরদিন এই ভবে,

হিংসা ও ঘেঁষ জন্মান্তর লভে।

জতুগৃহের শিল্পীরা পুনঃ

হইয়াছে সক্রিয়,

তাহারা চাহিছে সমগ্র ধরা

করিতে জতুগৃহ।

নেত্রাঙ্কিতে ভস্মীভূত সে—

সগর-তনয়গণ

ফিরেছে, ভুবন-ভস্ম করার

লইয়া কঠিন পণ।

বিরাট মধন হইয়া আসিছে অণু,

মানব আবার হয়তো হইবে হনু।

মুঘল করেছে স্বয়ংশের নাশ,
এখনো কিন্তু মেটে নি তাহার আশ।
সাম্রাজ্য ও কৃষ্টি নাশিছে,—
নাশিছে অক্ষুণ্ণ,
ব্যাবিলন চেয়ে বেশী দূর তার,
নয় ওয়াশিংটন।
দস্তীর দলে বলে সে ডাকিয়া
‘য’ দিন পারিস টেঁচা,
আকাশচুম্বীমৌধ ফাটালে
ডাকিবেই কালপেঁচা।’
আসিবে বাসনা পূর্ণ হয় নি যার,
কে বলিতে পারে আসিবে না হিটলার ?

৫

বিভেদে, ধ্বংসে, ক্ষয়ে যাহাদের মতি,—
অতি প্রবলেরা হইবে ক্ষুদ্র অতি।
রক্তলোলুপ সমরাকামী,
যারা জগতের ত্রাস,
যন্মা জীবাণু হইবে, করিবে
বিষাক্ত চারি পাশ।
কথায় যাদের মেদিনী কাঁপিছে
খেলিতেছে খেলা ক্রুর,
ডাকিবে পঞ্চশয্যার পড়ি
হয়ে ছোটো দর্দুর।
স্তুভিত ভীত ধরণী যাদের দাপে—
কীটগণ হইয়া দেখি তারা দিন যাপে।

৬

সলিল প্রপাত ভয়াল ‘নায়াগ্রা’র
লুকাবে নিম্নে শঙ্কিত সিকতার।
হয়তো হইবে লোহিত-সাগর
শ্বেত-সাগরেতে লীন,
তপ্ত মরুর উটপাখী হবে
মেরুর পেন্‌গুইন।

কীণ জলোকা, সফরী হইবে
হয়তো হাঙর তিমি,
কূটনীতিবিদ হইয়া আসিবে
‘শকুনি’ ও ‘কালনিমি’।
সরীসৃপে ও রাজিবে জাতির তেজ,
‘ডলার’ বাজাবে ব্যাটেল সাপের লেজ।

৭

এহ তারা সাথে ঘোরে ধরা অনিবার,
গঠন এখনো শেষ হয় নাই তার।
উন্নত-তর রূপ সে পাইবে,—
চলে পরিবর্তন,
স্বর্গ তাহারে নিকটে ডাকিছে,
করিছে আকর্ষণ।
মানুষ লভিবে দিব্য জীবন
বিশুদ্ধতর দেহ,
ভুবনেশ্বর ভূবন যে এক,
কুরূপ হবে না কেহ।
অমৃত-পুত্র পাবে অমৃতের স্বাদ,
সদা কানাকানি হতেছে এ সংবাদ।

৮

পুণ্য গড়িবে ধরণী কাস্তিমতী,
সব হবে সং, রহিবে না ক্ষয়ক্ষতি।
অপূর্ণ সব, তাহারি লাগিয়া
গতিময় চারি ধার,
সবাই সতত সঙ্গ খুঁজিছে
সে পরিপূর্ণতার।
হইতেছে যাহা, হতে পারে যাহা
স্থির হয়ে গেছে আগে,
বন্ধে আমার সে সুধার চেউ
অনুভূতি হয়ে জাগে।
পাথর হতেছে দেবতা— দেবতা শিলা,
অচিস্তনীয় শ্রীভগবানের লীলা।

“কৃষি-পণ্ডিত”

শ্রীদেবেন্দ্রনাথ মিত্র

ইতিপূর্বে কলিকাতা বিশ্ববিদ্যালয় কৃষিবিষয়ে আই. এসসি ইন এগ্রিকালচার এবং বি. এসসি ইন এগ্রিকালচার পরীক্ষার প্রবর্তন করিয়াছেন। বর্তমানে তাঁহারা কৃষিবিষয়ে উচ্চতর এবং উচ্চতম পরীক্ষা যেমন এম. এসসি ইন এগ্রিকালচার, ডি. ফিল ইন এগ্রিকালচার এবং ডি. এসসি ইন এগ্রিকালচার পরীক্ষা প্রবর্তনের জন্ত বিশেষ মনোযোগী হইয়াছেন ও সেই সম্পর্কে প্রত্যেক পরীক্ষার জন্ত উপযুক্ত পাঠ্য বিষয় নির্দ্ধারিত হইতেছে, নিয়মাবলীও প্রস্তুত হইতেছে। নিঃসন্দেহে বলা যাইতে পারে, কৃষিশিক্ষার উৎকর্ষ সাধনের জন্ত এবং সঙ্গে সঙ্গে উন্নত ও বৈজ্ঞানিক কৃষির ব্যাপক প্রসারের জন্তই তাঁহারা এইরূপ প্রয়াস করিতেছেন। দেশের কৃষির উৎকর্ষ সাধনের এবং বৈজ্ঞানিক কৃষি-প্রণালীর ব্যাপক বিস্তারের প্রয়োজনীয়তা ও গুরুত্ব সম্বন্ধে কোন মতবৈধ নাই, থাকিতে পারে না। তাই কলিকাতা বিশ্ববিদ্যালয়ের এই সাধু প্রচেষ্টাকে অভিনন্দিত করিতেছি। কিন্তু এই প্রসঙ্গে কয়েকটি কথা বলিতে ইচ্ছা করি।

যাঁহারা কৃষি বিষয়ে এম. এসসি, ডি. এসসি বা ডি. ফিল. উপাধি লাভ করিবেন সাধারণতঃ তাঁহাদিগকে “কৃষি-বিশেষজ্ঞ” বা “কৃষি-পণ্ডিত” বলা যাইতে পারে। কিন্তু অভিজ্ঞতা হইতে বলা যায় যে, বিদেশ হইতে প্রত্যাগত উচ্চ-এমনকি উচ্চতম বৈজ্ঞানিক কৃষিশিক্ষাপ্রাপ্ত দেশীয় ও বিদেশীয় ব্যক্তিগণের (অর্থাৎ কৃষি-পণ্ডিতগণের) দ্বারা কৃষির উৎকর্ষ এবং বৈজ্ঞানিক কৃষির বিস্তার তেমন উল্লেখযোগ্য ভাবে ঘটে নাই। প্রধানতঃ সরকারী বা বেসরকারী প্রতিষ্ঠান-সমূহে উচ্চ পদে অধিষ্ঠিত থাকিয়া ইঁহারা নিজ নিজ বিভাগীয় পরিকল্পনা অনুসারে কৃষি-প্রণালীর উৎকর্ষ সাধনের ও উন্নত প্রণালী প্রবর্তনের চেষ্টা করিয়াছেন এবং করিতেছেন। ইঁহা ফলে সমষ্টিগতভাবে কৃষক সম্প্রদায় কতটা উন্নত ও বৈজ্ঞানিক কৃষি সম্বন্ধে কি পরিমাণ জ্ঞান ও অভিজ্ঞতা লাভ করিয়াছেন দেশের কৃষির অগ্রগতি কতদূর হইয়াছে সকলেই জানেন। এমন দৃষ্টান্ত খুবই বিরল (নাই বলিলেই হয়) যে ক্ষেত্রে এইরূপ উচ্চ উপাধিদারী কৃষি-পণ্ডিতগণ নিজের হাতে লাঙ্গল ধরিয়ান (কিংবা লাঙ্গল চালাইতে জানেন) এবং মাটি হইতে সোনা ফলাইয়াছেন। কিন্তু অপর দিকে এমন দৃষ্টান্ত আছে যে ক্ষেত্রে যাঁহারা তথাকথিত কৃষি-পণ্ডিত নহেন তাঁহারা নিজেদের হাতে লাঙ্গল ধরেন, লাঙ্গল চালাইতে

জানেন এবং মাটি হইতে সোনা ফলাইতেও পারেন। উদাহরণস্বরূপ বলিতে পারি যে, গত কয়েক বৎসর হইতে যাঁহারা আশাতীত, এমন কি, অবিশ্বাসযোগ্য পরিমাণে ধান, গম, আলু উৎপাদন করিয়া রাষ্ট্র কর্তৃক প্রবর্তিত পুরস্কার লাভ করিতেছেন, এবং ‘কৃষি-পণ্ডিত’ উপাধি পাইতেছেন তাঁহাদের মধ্যে কেহই কোন বিশ্ববিদ্যালয়ের উপাধিদারী কৃষি-পণ্ডিত নহেন; তাঁহারা অল্পবিস্তর শিক্ষাপ্রাপ্ত সাধারণ কৃষক। খুবই বিষ্ময়ের বিষয় এই যে, এইরূপ উপাধিদারী কৃষি-পণ্ডিতগণ কর্তৃক পরিচালিত সরকারী কৃষি-ক্ষেত্রেও এত অধিক পরিমাণ ফলন পাওয়া যাইতেছে না। সুতরাং কৃষির উৎকর্ষ সাধনের এবং বৈজ্ঞানিক প্রণালীর বিস্তার সাধনের জন্ত কি ধরণের কৃষিশিক্ষার প্রয়োজন তাহা গভীরভাবে চিন্তা করিতে হইবে। বিদেশের কৃষিশিক্ষার পদ্ধতি অনুসরণ করিলে এবং গতানুগতিক পথে চলিলে কিছুই ফল পাওয়া যাইবে না। তবে এ কথা বলিতেছি না যে, বিশ্ববিদ্যালয় কর্তৃক প্রবর্তিত উচ্চতর বা উচ্চতম ‘উপাধি’ পরীক্ষারও আবশ্যিক নাই। ইঁহার আবশ্যিকতা নিশ্চয়ই আছে। তাঁহাদের এই সাধু প্রচেষ্টাকে পূর্বেই অভিনন্দিত করিয়াছি।

কৃষির সহিত বহু বিজ্ঞান জড়িত আছে। সম্পূর্ণ ভাবে উচ্চতর বা উচ্চতম কৃষিশিক্ষায় পারদর্শিতা লাভ করিতে হইলে কোন বিজ্ঞানকেই বাদ দেওয়া যায় না। কিন্তু একজনের পক্ষে কৃষির সহিত জড়িত সকল বিজ্ঞানে পাণ্ডিত্য বা পারদর্শিতা লাভ করা সম্ভব নহে। সুতরাং এক এক জন এক এক বিজ্ঞানে পারদর্শিতা লাভ করিতে পারেন, এইরূপ এক এক জনকে আমরা কৃষির সহিত জড়িত এক এক বিজ্ঞানে বিশেষজ্ঞ পণ্ডিত বা গবেষক বলিতে পারি, কিন্তু তাঁহাকে কৃষি বিষয়ে অভিজ্ঞ বা ‘কৃষি-পণ্ডিত’ বলিতে পারি না।

কলিকাতা বিশ্ববিদ্যালয় কর্তৃক প্রবর্তিত এম. এসসি ইন এগ্রিকালচার (অর্থাৎ কৃষি বিষয়ে বিশেষজ্ঞ) পরীক্ষা দিবার যোগ্যতা অর্জন করিতে হইলে একজন পরীক্ষার্থীকে, হয় কৃষি বিষয়ে বি. এসসি (বি. এসসি ইন এগ্রিকালচার) হইতে হইবে, কিংবা কোন বিজ্ঞানে বি. এসসি (সন্মান) হইতে হইবে। বর্তমানে প্রস্তাবিত বিধিটি হইতেছে—Any candidate who has passed the Bachelor's Degree Examination in Science

in agriculture or in Science with Honours in an allied subject may be admitted to the M. Sc (Ag.) Examination। কৃষি সম্পর্কীয় উদ্ভিদ বিজ্ঞানে (Ag. Botany) যাঁহারা কৃষি বিষয়ে এম. এসসি পরীক্ষা দিতে ইচ্ছুক তাঁহারা কৃষিবিষয়ে বি. এসসি এগ্রিকালচার হইতে পারেন, কিংবা উদ্ভিদবিদ্যায় বি. এসসি (B. Sc with Honours in Botany) হইতে পারেন; সেইরূপ যাঁহারা কৃষি সম্পর্কীয় রসায়ন কিংবা মৃত্তিকা বিজ্ঞানে (Agricultural Chemistry and Soil Science) কৃষি বিষয়ে এম. এসসি পরীক্ষা (M. Sc. Ag.) দিতে ইচ্ছুক তাঁহাদিগকে কৃষি বিষয়ে বি. এসসি এগ্রিকালচার কিংবা রসায়নে বি. এসসি (B. Sc with honours in Chemistry) হইতে হইবে। স্বীকার করিয়া লইলাম যাঁহারা কৃষিবিষয়ে আই এসসি পরীক্ষায় উত্তীর্ণ হইয়া কৃষি বিষয়ে বি. এসসি উপাধি লাভ করিয়াছেন তাঁহারা ব্যবহারিক কৃষি সম্বন্ধে জ্ঞান লাভ করিয়াছেন এবং কৃষিক্ষেত্রে হাতে কলমে কাজ করিয়াছেন, লাঙ্গল ও অগ্নাণ্ড কৃষিযন্ত্র চালাইতেও তাঁহারা সক্ষম। তাঁহারা যদি কৃষি সম্পর্কীয় কোন বিজ্ঞানে এম. এসসি বা উচ্চতর উপাধি লাভ করেন তাঁহাদিগকে কৃষি-পণ্ডিত বা কৃষি-বিশেষজ্ঞ বলিতে তত আপত্তি থাকিতে পারে না। কিন্তু যাঁহারা কোন কৃষিক্ষেত্রে হাতে কলমে কাজ করেন নাই, লাঙ্গল ও অগ্নাণ্ড কৃষিযন্ত্রের ব্যবহারের সহিত যাঁহাদের তেমন কোন পরিচয় নাই, কেবল কোন বিজ্ঞানে সম্মানের সহিত উত্তীর্ণ হইয়াছেন এবং কৃষির সহিত জড়িত কোন এক বিজ্ঞানে এম. এসসি উপাধি লাভ করিয়াছেন, তাঁহাদিগকে কি করিয়া কৃষি-পণ্ডিত বা কৃষি-বিশেষজ্ঞ বলিতে পারি? অবশ্য বিধি অনুসারে এম. এসসি ইন এগ্রিকালচার পরীক্ষার্থীগণকে কিছু কিছু ব্যবহারিক কৃষিশিক্ষা অর্জন করিতে হইবে, কিন্তু তাহা বাস্তবক্ষেত্রে বিশেষ কার্যকরী হইবে বলিয়া মনে হয় না। অভিজ্ঞতা হইতে বলিতে পারি এবং বহু দৃষ্টান্ত দিতেও পারি যে, রসায়নে সুপণ্ডিত কিংবা উদ্ভিদশাস্ত্রে সুপণ্ডিত ব্যবহারিক কৃষির ক, খ, গ জানেন না। এইরূপ সুপণ্ডিতগণ কৃষি বিভাগের অধিকর্তার পদে কিংবা এইরূপ কোন উচ্চপদে অধিষ্ঠিত থাকিতেন (এবং এখনও আছেন); এমন কি, কৃষির অতি সাধারণ বিষয়গুলি যথা ভূমি কর্ষণ, দ্বিবিধ শস্য বপনের সময়, কর্তনের সময়, বীজের হার, ফসলের পরিমাণ প্রভৃতি সম্বন্ধে তাঁহারা অজ্ঞতাই প্রকাশ করিতেন। নিজে দেখিয়াছি কৃষি বিভাগের এইরূপ একজন অধিকর্তার পকেটে একখানি “শস্যবপন পঞ্জিকা” থাকিত; কৃষি সম্পর্কে তাঁহাকে কোন সাধারণ প্রশ্ন করিলেও তিনি পঞ্জিকাখানি দেখিয়া

প্রশ্নের উত্তর দিতেন। তাঁহার সংসাহসের প্রশংসা করিতেই হইবে; কিন্তু সঙ্গে সঙ্গে ইহাও বলা অসম্ভব হইবে না যে, তাঁহার ব্যবহারিক কৃষি সম্বন্ধে জ্ঞান ও অভিজ্ঞতা খুবই কম। সুতরাং এইরূপ অজ্ঞ অধিকর্তা নিয়োগ সম্বন্ধে মতবৈধ থাকিবেই। কিন্তু সাধারণতঃ দেখা যায় কৃষি সম্পর্কীয় কোন বিজ্ঞানের উপাধিদারীকেই অধিকর্তার পদে বা এইরূপ কোন উচ্চ পদে নিযুক্ত করা হইয়া থাকে। এই রীতি ও নীতির সম্পূর্ণ পরিবর্তন হওয়া বাঞ্ছনীয়।

মোটকথা, যাঁহারা কেবল কৃষি বিষয়ে বি. এসসি (এগ্রিকালচার) পরীক্ষায় কৃতিত্ব দেখাইবেন তাঁহারা কৃষি বিষয়ে এম. এসসি ও উচ্চতর উপাধির অধিকারী হইতে পারেন। এবং এইরূপ কৃষি-বিশেষজ্ঞকেই কৃষি বিভাগের উচ্চপদে নিযুক্ত করা উচিত। কৃষির সহিত জড়িত কোন এক বিজ্ঞানে এম. এস-সি বা উচ্চতর ডিগ্রীধারী ব্যক্তিগণকে এম. এসসি ইন এগ্রিকালচার বা ডি. এসসি ইন এগ্রিকালচার বলিবার সার্থকতা কি? এইরূপ উপাধিদারী ব্যক্তিগণ নিজ নিজ বিষয়ে গবেষণায় নিযুক্ত থাকিতে পারেন। আচার্য্য জগদীশচন্দ্র বসু মহোদয় কৃষির উন্নতি-বিধায়ক বহু গবেষণা ও আবিষ্কার করিয়াছিলেন। তিনি বৈজ্ঞানিক ছিলেন, তাঁহাকে বৈজ্ঞানিকই বলা হইত। কৃষি-পণ্ডিত বা কৃষি-বৈজ্ঞানিক আখ্যা তিনি পান নাই। কলিকাতা বিশ্ববিদ্যালয়ের বর্তমান উপাচার্য্য ড. জ্ঞানচন্দ্র ঘোষ মহাশয়ও কৃষি রসায়নে বহু গবেষণা করিয়াছেন। তাঁহাকে কি কৃষি-পণ্ডিত বা কৃষি-বিশেষজ্ঞ বলা যায়? এইরূপ বহু বৈজ্ঞানিকের নাম করিতে পারি, যাঁহাদের গবেষণার ফলে কৃষি সম্পর্কিত অনেক তথ্য উদ্ঘাটিত হইয়াছে। কিন্তু তাঁহাদিগকে কৃষি-বিশেষজ্ঞ বলা যায় না।

সাধারণতঃ কৃষি বলিতে আমরা কি বুঝি? বিভিন্ন শস্যের জন্ম ভূমি নির্বাচন, বিভিন্ন ফসলের জন্ম উপযুক্ত ভাবে ভূমি কর্ষণ, বিভিন্ন ফসলের বপন-প্রণালী, বিভিন্ন শস্যের জন্ম বিভিন্ন প্রকারের সার ও তাহাদের পরিমাণ এবং প্রয়োগ প্রণালী, বিভিন্ন ফসলের বীজের পরিমাণ ও বপন-প্রণালী, বিভিন্ন ফসলের পরিচর্যা, ফসলের পরিমাণ, কর্তন-প্রণালী, পোকা-মাকড়, রোগ প্রভৃতি দমনের উপায় ইত্যাদিই বুঝিয়া থাকি; এবং যাঁহারা এই সকল বিষয়ে ব্যবহারিক জ্ঞান ও বিশেষ অভিজ্ঞতা আছে তাঁহাকেই কৃষি-বিশেষজ্ঞ বা কৃষি-পণ্ডিত বলিয়া থাকি। বিজ্ঞানে বি. এসসি পরীক্ষায় উত্তীর্ণ বর্তমান প্রস্তাবিত বিধি অনুযায়ী কোন একজন এম. এসসি ইন এগ্রিকালচার, যাঁহাকে আমরা চলতি কথায় কৃষি-পণ্ডিত আখ্যা দিব, তাঁহার কি উপরোক্ত

সাধারণ বিষয়গুলি সম্বন্ধে কোন জ্ঞান বা অভিজ্ঞতা থাকিবে ?
আদৌ থাকিবে না। কিন্তু যাহারা কৃষিবিষয়ে এম. এসসি
বা উচ্চতর উপাধি লাভ করিবেন তাঁহাদের কি এই সকল
বিষয়ে জ্ঞান থাকার আবশ্যকতা নাই ?

কলিকাতা বিশ্ববিদ্যালয়কে বিষয়টি বিশেষভাবে বিবেচনা
করিবার জন্ত অনুরোধ করিতেছি। এই সম্পর্কে ইহাও
উল্লেখ করিতেছি যে, কৃষি বিষয়ে আই. এসসি এবং

বি. এসসি পরীক্ষায় ব্যবহারিক কৃষি শিক্ষার উপর অধিকতর
গুরুত্ব আরোপ করা বিশেষ প্রয়োজন। এইরূপ শিক্ষা দিতে
হইবে, যাহার ফলে পরীক্ষার্থীগণ কৃষিকর্মকে সম্মানজনক
এবং লাভজনক বলিয়া বিশ্বাস করিতে পারেন। কৃষি বিষয়ে
বি. এসসি পরীক্ষায় উত্তীর্ণ হইবার পর কোন কৃষিক্ষেত্রে
অন্ততঃ এক বৎসর শিক্ষানবিশ রূপে অবস্থান করাও
বাঞ্ছনীয়।

সোহাগ-সিন্দূর

শ্রীবেণু গঙ্গোপাধ্যায়

সোহাগ-সিন্দূরে রাঙা হৃদয় আমার।
যৌবনের বহু বৎসর কবে হ'ল শেষ
পড়ে আছে চারি দিকে ভয় কামনার।
রূপের ইতির কথা, রসের নির্দেশ।

কত মিলে সরমের চকিত দর্শন
অস্তিমের অভিমানে। সরমের তলে
স্মরণের স্নিগ্ধতায় হয়ত কখন
স্তিমিত শিখায় প্রেম-মণি-দীপ জ্বলে।

ইতি-উতি চাহনিত পড়ে যবনিকা।
শয়ন-সংলাপে শেষ অঙ্ক অভিনয়।
মনের নিভৃত কোণে যে কাহিনী লিখা,
রসোত্তীর্ণ সে সবার হয় কি বিলয় ?

রূপের অভাব অবলুপ্ত রূপান্তরে।
সোহাগ-সিন্দূর ঝাঁকি রহিল অস্তরে।

মনেট

শ্রীআশুতোষ সান্যাল

এই সেই পল্লীপথ, সেই ত এ গৃহ !
তোমার হাসিটি হেথা স্নিগ্ধ, রমণীয়
আছে ফুটে শুভ্র কুন্দ কুসুমের মত
অনিন্দাসুন্দর ! মন্দ পবন নিয়ত
অঙ্গের সুরভি তব করিছে বহন
বঙ্গভরে ! বাতায়নে ভাসে অক্ষুণ্ণ
পূর্বজন্মশ্রুতিসম সেই ভুলে-যাওয়া
পর্যণ-পাগল-করা ও চোখের চাওয়া !
কপোত-কুজনে হেথা তব কণ্ঠস্বর
আকুল, উদাস করে স্তব্ধ দ্বিপ্রহর—
জাগায়ে শ্রুতির ব্যথা। এ সরসীজল
ধৌত করিবারে তব চরণ-কমল
ছলকিছে লীলাভরে। শুধু তুমি নাই—
'পিউ কাঁহা' ডাকে পাখী আজি কি গো তাই ?



তড়িৎ-লতা

শ্রীপ্রভুলচন্দ্র গঙ্গোপাধ্যায়

জ্ঞান করবার জন্ত বেরিয়ে পড়লাম। এ বাড়ীর পুকুর, দীঘি সবই ত খানাডোবার মত অচল। আশেপাশে কোথায় পুকুর আছে তাও জানা নেই। শেষ পর্য্যন্ত হাজির হলাম আবার সেই বড়োর বাড়ীতে।

বড়োর বাড়ীর মধ্যে ঢুকে দেখি কয়েক জন লোক দাওয়ায় বসে চাপা উল্লেখিত গলায় কি আলোচনা করছে। আমাদের দেখেই তারা খেমে গেল। বড়ো তখন কঙ্কে ধরাচ্ছিল—আমাদের আগমনের উদ্দেশ্য শুনলে।

দীঘির ঘাটে আসতে আসতে বড়ো বললে, “যদি অপরাধ না নেন কত্তা, তবে একটা কথা বলি—আমরা এই তিনপুরুষ কত্তাদের আশ্রয়ে।

“আজকাল যেমন কথায় কথায় লোক থানা-পুলিস আর আদালত করে, কত্তাদের আমলে তেমন দেখি নি। ভাল করলে যেমন কত্তারাই পুরস্কার দিতেন তেমনি অন্ডায় করলে তাঁরাই সাজা দিতেন—মামলা-মোকদ্দমার হাঙ্গামা ছিল না। কি যে দিন গেছে—আমাদের দশা দিন দিনই খারাপের দিকে চলছে। শাস্তুরে নাকি বলে, সব জিনিষেরই উঠতি-পড়তি আছে—কিন্তু ভগবান কি আমাদের পানে মুখ তুলে চাইবেন?” কথাগুলো বলেই বড়ো ধামল। ক্রমকাল ভেবে একটু গলা নামিয়ে বলল, “আবার শুনছি যারা এই জমিদারী খরিদ করে নিয়েছে তারা নাকি আমাদের উৎখাত করে দেবে। এদিন তাদের চোখে দেখি নি—আজ যদি দেবতা চোখের সামনে এসেছেন তবে...”

বড়োর কথা শুনে মনে মনে না হেসে পারলাম না। বিহুদা জবাব দিলেন, “তোমাদের ভয় নেই—আমরা সেই লোক নই। তোমরাই এ জমির মালিক—একজোট হয়ে বাধা দিলে কেউ তোমাদের তাড়াতে পারবে না।”

“ঠিক, ঠিক বলেছেন বাবু, হুঃখী লোকে একজোট হলে ভগবান তাদের পক্ষে নিশ্চয় থাকবেন—এ ত শাস্তুরেই লেখা আছে।”

ফিরে এসে দেখি খাবার তৈরি। আমাকে আর বিহুদাকে খাবার দিয়ে শম্পা দেবী নিজের খাবার খালায় সাজাচ্ছেন—বারান্দাটা খোলামেলা বলেই আজকের মত খাবার ব্যবস্থা ওখানেই করা হয়েছে।

সিঁড়ি বেয়ে কে উঠে আসছে। নোংরা ছেঁড়া কাপড় পরা। মুখে অনশনের ছাপ। শেষ সিঁড়ি উঠেই বললে, “খাবার দাও মা-ঠান, সারাদিন খাই নি, কালও কিছু জোটাতে পারি নি। তোমরা আমায় চিনবে না। তোমাদেরই জমিজেরাত ভোগ করে এসেছি জিন্নকাল। মনিবরা বাড়ী ছেড়ে গেল। ওলাউঠায় গেল আমার পরিবারের সব—নিজেও সেবার কঠিন ব্যামোর পড়লাম। ভেবে-

ছিলাম—বুঝি চললাম। কিন্তু বরাতে কষ্ট অনেক ছিল তাই রুক্ষে পেলাম। কিন্তু বাঁ হাতটা হাবালাম, ও দিয়ে কোন কাজই আর করতে পারি নে। জমি যাদের হাতে দিলাম তাই কবল গ্রাস, আজ ভিক্ষে ছাড়া আর উপায় নেই।”

শম্পা দেবী তার ভাতের খালা তুলতে হাত দিয়েছেন, বিহুদা অমনি মস্তবা করলেন, “উছ ওটি চলবে না।”

“আমার জন্ত কিছু ভেবো না। তোমরা খেয়ে নাও। আমি যা হোক কিছু খেয়ে নেব। নিদেনপক্ষে দুটো ভাত ফুটিয়ে নিতে কতক্ষণ।”

“তাতে কিছুমাত্র সন্দেহ নেই—কিন্তু তার দরকারও নেই কিছু। তুমি আপত্তি করবে জানি।”

“তা হলে কি ওকে অভুক্ত ফিরিয়ে দেব।”

বিহুদা হেসে বললেন, “না তারও দরকার নেই। ওকে যা দিচ্ছ তা দাও—কিন্তু আমাদের দু’জনের জন্ত যা খাবার রেখেছ—তাই আজ তিন জনে ভাগ করে খাব। আগেই ত তোমার বলেছি—এখন আর আমরা দু’জন নই—তিন জন। আর তুমি দেখছি নিজেই আমাদের আলাদা ভাগ করে দিচ্ছ।”

শম্পা দেবী গাঢ় স্বরে ধীরে ধীরে বললেন, “জানি নে তুমি মন থেকে বখাটা বলছ কিনা। সত্য হলে আমার পরম সৌভাগ্যের কথা। কিন্তু কপাল আমার তেমন ভাল নয়—তাই বিশ্বাস করতে ইচ্ছা হয় না। সত্যি হোক, মিথ্যে হোক, তুমি বলেছ এই আমার পক্ষে যথেষ্ট।”

“তোমাকে বিশ্বাস করেছি, কাজেই লুকোবার কিছুই নেই। তুমি বোধ হয় জান না যে, একমাত্র সমিতির স্বার্থে শত্রুপক্ষের কাছে প্রয়োজন হলে মিথ্যে বলি—তা ছাড়া মিথ্যে কথা কখনও বলি নে।

শম্পা দেবী কিছুক্ষণ স্তব্ধ হয়ে বসে রইলেন। তার পর দীর্ঘ-নিশ্বাস ছেড়ে গলায় আঁচল জড়িয়ে বিহুদাকে প্রণাম করলেন পা ছুঁয়ে। বিহুদা বিব্রত হয়ে উঠল।

ঘরের ভেতর আমাদের জন্ত মাতুর পাতা ছিল, তাতে আমি আর বিহুদা গড়াচ্ছি। শম্পা দেবী তখনও নিজের কাজ শেষ করতে পারেন নি। কিছুক্ষণ বৃন্দে দেখলাম, তিনি পান চিবোতে চিবোতে একথানা পাখা হাতে আমাদের কাছে বসেই হাওয়া করতে লাগলেন, বললেন, “তোমরা ঘুমিয়ে পড়, আমি এখুনি উঠে যাচ্ছি।”

“তোমার উঠে গিয়েও কাজ নেই; পাখার হাওয়া বন্ধ করলেই বরং খুঁই হবে। আমরা শুয়ে থাকব, আর তুমি বসে বসে হাওয়া করবে এতে আমার অস্বস্তিই বাড়বে, বাতাসে দরকার নেই,

আমাদের অভ্যাস নেই, হয়ত তাতে ঘুমই হবে না। তুমি তার চেয়ে গল্প বল, আমরা শুনি।”

“আমি তোমাদের কি গল্প শোনার বল ত। আমার জীবনের কাহিনী বলবারও নয়, শোনবারও নয়। ওতে তোমাদের কোনই লাভ হবে না।”

“লাভালাভের প্রশ্ন নয়। তোমাকে চিনি, কাজেই তোমার প্রতিদিনকার পরিচয়ের প্রয়োজন নেই। কিন্তু তবু তুমি জান মানুষের কোঁতুহল দুর্নিবার। তোমার কতকগুলি ভাড়া ভাড়া কথা—এ জনহীন পুরীতে সম্ভানকে ছেড়ে চলে আসা—এ সমস্তই মনে জাগিয়েছে কোঁতুহল। তুমি ভাবছ, এ কোঁতুহল আমার একান্ত অসুচিত বা অহেতুক। তোমার সত্য বলছি বিশ্বাস কর, আমার কিন্তু কোঁতুহলের চাইতে মনটা বিবাদে ভরে উঠছে। তোমার যেন কোথায় কি ঘটেছে যা তুমি আমাদের কাছ থেকে এখন পর্যন্ত লুকিয়ে রেখেছ। বলতে পার, তোমার ব্যক্তিগত খবরাখবর জানবার অধিকার পেলাম কোথায়। আরও অনেক ব্যাপারের মত এতেও ধরা-বাঁধা কোন আইন নেই। অত্যন্ত অজান্তেই এই দাবি যেন প্রতিষ্ঠিত হয়ে গেছে। তাই ত এমনি করে সহজভাবে তোমার প্রশ্ন করতে পারলাম।”

শম্পা দেবী বললেন, “নইলে ঘুরিয়ে ফিরিয়ে জেনে নিতে বুঝি।”

“হয়ত তাই।”

“কি তুমি জানতে চাও বল, তোমার অজানা কিছুই থাকবে না, থাকবার কোন কারণও নেই। এমন সহজ ভাবে এগিয়ে আসতে বুঝি তুমিই পার—তাই ত তোমায় এত শ্রদ্ধা করি।”

ঘর হঠাৎ নীরব হয়ে গেল। শম্পা দেবী আস্তে আস্তে পাখা চালাচ্ছেন। হঠাৎ যেন মনে হ’ল, আমার উপস্থিতি শম্পা দেবীকে বাধা দিচ্ছে তার মনের সবকিছু মেলে ধরতে বিহুদার কাছে। সব কথা বলতে পারলে হয় ত ওর মনের ভার অনেক লাঘব হতে পারে। যদিও শম্পা দেবীর জীবনকাহিনী শোনবার জগ্ন মনের ভিতরে আশ্রয় ছিল প্রবল, কিন্তু তবুও ভাবলাম আমার যাওয়ারই উচিত।

আমি উঠে বসলাম। বিহুদা জিজ্ঞাসা করলেন, “কি রে, উঠে বসলি কেন?”

“ভাবছি বাড়ীর এদিক-ওদিক ঘুরে বাড়ীটার সঙ্গে পরিচয় করে নিই।”

বিহুদা বললেন, “তোমার এই ঝাড়জঙ্গলে কোথাও গিয়ে কাজ নেই। তুই শুয়ে থাক, শম্পা দেবীর যদি কোন কিছু বলতে ইচ্ছে হয়ে থাকে তা তিনি আমাদের হাজনের সামনেই বলতে পারেন।”

আমি বললাম, “না, তবুও ভেবে দেখুন।”

বিহুদা বললেন, “আমি ভেবে দেখেই বলছি। একান্ত ব্যক্তিগত ব্যাপার মানুষের থাকতে পারে। কিন্তু আমরা এক পথেরই পথিক—একে অস্ত্রের সাথী, আমাদের কারুর সাথীর কাছে গোপন করার কিছুই থাকতে পারে না। পাপবোধ থাকলেই মানুষ কোন একটা

বিশেষ কথা কিংবা ব্যাপার গোপন করতে চায়, কিন্তু তাতে তার কতি হর আরও বেশী, সেই পথেই হয় তার পতন।”

শম্পা দেবী হেসে বললেন, “ওয়ে বাপ রে! তোমাদের কোন ছেলে কোন মেয়েকে ভালবাসলেও তা গোপন রাখতে পারবে না।”

“না, তার কোন প্রয়োজন নেই ত। কালিন্দা না থাকলে গোপন করে রাখবার প্রয়োজন কোথায়।”

“তোমাদের সবই অকৃত! যদি এমনি করে চলতে পার তা হলে দুনিয়ায় নতুন মানুষ তৈরি করতে পারবে। তবে আমার এই ক্ষুদ্র জীবনের অভিজ্ঞতাতে এইটুকু বুঝেছি যে মহাপুরুষেরা কঠোর নিয়মের মধ্যে সন্ন্যাসী ও সন্ন্যাসিনীদের বেঁধে রেখে, পরিত্যক্তা বন্ধার মস্ত তাদের কানের কাছে সদাসর্বদা আওড়েও কিন্তু বেশী দিন চালাতে পারেন নি। কিছুদিন পরেই সব ভেঙ্গে পড়েছে।”

“তার কারণ তাঁরা মানুষের স্বভাবকে অস্বীকার করেছেন। অস্বাভাবিক কিছুই বেশী দিন চলে না। কোন কৃত্রিম বুদ্ধনই মানুষ বেশীদিন স্বীকার করে নেয় না। যে বাঁধনে সহজ, সরল, স্বাছাশ্রম মুক্তির আশ্বাদ নেই তাকে ছিঁড়বার জগ্ন মন বিদ্রোহী হবেই। এ আশ্বাদ মানুষ পায় শুধু বিপ্লবী আদর্শ অনুসরণের মধ্যে।”

আমি ততক্ষণে উঠে দাঁড়িয়েছি। শম্পা দেবী বললেন, “বোস নীতীশলা, তোমাকে যেতে হবে না। তোমাদের মধ্যে যখন গোপন কিছু নেই তখন আমারও লুকিয়ে রাখবার কিছুই নেই।”

১৩

পান চিবুতে চিবুতে শম্পা দেবীর ঠোঁট দুটি লাল হয়ে উঠেছে, মুখে যেন এক বলক রক্ত এসে ছড়িয়ে দিয়েছে রক্তিম আভা—নিজের জীবনকাহিনী বলবার সঙ্কোচ আর উত্তেজনাকে দমাবার শেষ চেষ্টা করলেন ঘরের এদিক-ওদিক তাকিয়ে। তার চোখের পাতা এল বুজে—

“মেয়েবা রাগ করে বাপের বাড়ী চলে আসে, তার প্রমাণের অভাব নেই, কিন্তু সম্ভানকে ছেড়ে আসার কাহিনী অবশ্যই কম। তবে এটা গোড়াতেই বলে রাখা ভাল যে, এ আমার বাপের বাড়ী নয়, কাজেই চলে আসার পিছনে নিছক অভিমানের ইতিহাস লুকিয়ে নেই সে কৈফিয়ত বোধ হয় না দিলেও চলবে।

“এ আমার মাতামহের বাড়ী। দিদিমার কাছেই শুনেছ ওদের দেহে বইতে ডাকাতের রক্ত, তারই প্রতাপে ওরা জমিদারী রাড়িয়েছে। গাঁয়ের লোক আর তার পাশের লোকও এদের ভয়ে শঙ্কিত থাকত কখন কি হয়।

“বাঘে-ছাগলে যে প্রতাপে এক ঘাটে জল খায়, এদের শাসন তার চেয়ে কিছু কম ছিল না। একমাত্র রাজাই নাকি ছত্রধারণ করে, তার নকলেই বোধ হয় জমিদাররা তাদের বাড়ীর চতুঃসীমার মধ্যে কাউকে ছাতা মাথায় দিয়ে যেতে দিত না—ওতে নাকি শাসকের অসম্মান হয়।

“কিন্তু বস্তাই শাসন, শোষণ আর নিপীড়ন থাক না কেন লোকলোককে ত আর দেয়াল দিয়ে ঘিরে রাখতে পারেন নি কিংবা

লেখাপড়ার আওতা থেকে একেবারে হুয়ে সরিয়ে রাখতে পারেন নি। নয়া ছনিয়ার খবর এদের কানে এসে পৌঁছতে থাকে, মন চঞ্চল হয়ে ওঠে।

“লোকগুলোর বরাত ভাল। জেলায় শাসনকর্তা হয়ে এল এক জব্বারদস্ত ইংরেজের বাচ্চা। বিষদাত ভেঙে গেল বাবুদের।

“বাবুদের ছেলেরা জমানো কড়ি ভাঙতে লাগল। সুধাপাত্রের যেমন একদিকে ঘর ভরে উঠতে লাগল, তার ঠিক উল্টো পথে সিঁদুক খালি হতে লাগল। শুধু কি মদ? তার আত্মজ্ঞিক বজায় রাখতে জমিদারীর সীমানা সঙ্কুচিত হয়ে আসতে লাগল। ভাটার স্রোত ওঠেন প্রবল, তাকে রোধ করবার শেষ চেষ্টা করলেন সর্বমঙ্গলা দেবী। তার মৃত্যুর সঙ্গে সঙ্গে ভাটার টান রুখতে আর কেউ পারলে না।

“আত্মাভিমান তখনও কারুর কারুর মনকে চেপে রেখেছিল জমিদারীর আওতার মধ্যে, কিন্তু গুর মধ্যে যারা সংস্কারকে দূরে সরিয়ে দিতে পেরেছিল তারা বেরিয়ে পড়ল দেশ-বিদেশে। বাবুদের বংশ একরকম লোপ পেলেই বলা চলে।

“এই পুরীর আনাচে-কানাচে আজ যারা পড়ে আছে তাদের সঙ্গে বাবুদের সম্পর্ক খুব দূরের বললেই হয়। কোনরকমে মাথা গোঁজবার ঠাই মিলেছে এটাই এরা ভাগ্য বলে মেনে নেয়— আজ যেমন আমি এসেছি একেবারে সর্বহারা হয়ে। কাজেই বুঝতে পারছি, যাদের আত্মীয় হয়ে বাস করবার জন্ম এলাম এখানে তাদের সঙ্গে সম্পর্কের সূত্র বার করতে হলে কুলীন-সমাজের সমস্ত কুলশাস্ত্র, কুলপঞ্জিকা আর ঘটক-কারিকা তন্ন তন্ন করে খুঁজতে হবে। কোন লতার কোন বাহু কাকে আশ্রয় করে এ পর্য্যন্ত এসে পৌঁছেছে তার মূল আজ আর দৃষ্টির সীমায় নেই।

“এই যে আমার বুড়ী দিদিমা—যিনি আজও গোঁবব বোধ করেন তাঁর পিতৃপুরুষের কাহিনী স্মরণ করে, তিনিও আজ একান্ত অসহায়, আশ্রয়হীন, তাঁকে সহায় করেই আজ এসেছি এখানে আবার আশ্রয়ের সন্ধানে, দোখ ঠাই মেলে কি না!”

বিহুদা মাঝখানে ওকে থামিয়ে বললেন, “যেমনি আমরা এসেছি তোমার আশ্রয়ে—ঘরছাড়া সর্বহারা হয়ে!”

কাহিনীর স্রোতে বাধা পড়লেও শম্পা দেবীর মুখে বিরক্তির চিহ্ন পরিলক্ষিত হ’ল না—তবে তিনি বিহুদাকে বলতেও ছাড়লেন না—এ তোমাদের অতিবিনয়। আর যারাই বলুক না কেন, এ তোমাদের মুখে শোভা পায় না, যারা স্বচ্ছায় ছেড়েছে ঘর—জ্বর পরিজনকে ছেড়ে এসে আজ যারা সর্বহারা হয়ে সব মানুষকে করেছে আপন, তাদের মুখে এমনি কথা পরিহাসের মত শোনার।

শম্পা দেবীর কথার ঝাঁজে আমি খুব লজ্জা বোধ করলাম। বিহুদা জবাব দিলেন, “আমার প্রশ্ন শুনে তুমি রাগ করেছ তাই এর সত্যিকারের অর্থ তোমার মনকে পাশ কাটিয়ে গিয়েছে। আসল কথা কি জান—আমরা ঘর ছেড়েছি পরের জন্ম, কিন্তু পরে জন্ম পাওয়া না আমাদের এক দিনের তরেও ঠাই দিতে।”

শম্পা দেবী লজ্জিত হলেন তার কুল বুঝতে পেরে। বিহুদার কথার বেদনার যে সুরটি বেজে উঠেছে তা মনে হ’ল শম্পা দেবীর মনকে বাধিত করেছে। একটু থেমে মুখে মাল হাসি টেনে বললেন, “আমার কথায় বাধা পেরেছ জানতে পেরে আমি নিজেও দঃপ পেলাম। কিন্তু তুমি ত জান সব কথা খুলে না বললে বুঝতে পারি না।”

মনে হ’ল বিহুদা এ বাদান্তবাদ আর বাড়তে দিতে প্রস্তুত নয়। বললেন, “কথায় কথায় তোমার বলাই যে থেমে গেল, এবার কিন্তু আমি সত্যিই চূপ করলাম।”

বিহুদা ধামলেন। সব চূপচাপ। মনে হ’ল যেন শম্পা দেবী পুরানো কথার সূত্র যেখানে ছিন্ন হয়েছে তার সন্ধান করছেন। আবার আশ্রয় আশ্রয় বলতে শুরু করলেন। এবার কিন্তু গলার স্বর অনেকটা সহজ। এইটুকু সময়ের কথা-কাটাকাটির মধ্যে শম্পা দেবী যেন উপলব্ধি করতে পেরেছেন যে, এদের কাছে নিজের ব্যথার কাহিনী বলার মধ্যে কোন দৈর্ঘ্য নেই, নিজেকে ছোট করা হয় না।

“বাক, এই ত গেল এই জমিদারীর মুগবন্ধ। এদের কাহিনী আর বাড়াব না। যেখানে তোমরা আমার আবিষ্কার করলে তার পরিচয় কিছু দি’। ও গাঁয়েই ছিল আমার বাপের বাড়ী—”

বিহুদার ক্র কুঞ্চিত হ’ল। মনে হ’ল তার মনে যেম কিসের খটকা লেগেছে। তিনি বললেন, “এখন তোমার বাপের বাড়ী কোথায়।”

শম্পা দেবী হেসে ফেললেন। হাসতে হাসতেই বললেন, “বলতে যখন শুরু করেছি, তখন আর মাঝপথে থামব না—সবই শুনতে পাবে। অত উতলা হলে আমি যে থেই হারিয়ে ফেলব।

“সেই পুরাতন কাহিনী! বড়লোক ও গরীবের সম্পর্ক! আমরা ও গাঁয়েরই গরীব বামুন-পরিবার। আমাদের পরিবারটি ছোট হলেও আমার পিতার আয়ের কোন স্তরগম পথ না থাকার দুঃখকষ্টের অবধি ছিল না। তবে এত দুঃখকষ্টের মধ্যেও একটা কথা বাবার মুখে শুনে শুনে আমাদের বিশ্বাস হ’ল যে আমরা হলাম শ্রেষ্ঠ কুলীনবংশ।

“এইটুকু সবল করেই পিতৃদেব ঝুক ফুলিয়ে চলতেন, আমাদের জীবনটা অনেক সহজ মনে হ’ত। কিন্তু হলে কি হয়, প্রতিদিনকার ঘাতপ্রতিঘাতকে এড়িয়ে চলে মনকে মুক্ত রাখবার ক্ষমতা বোধ হয় কারুরই নেই। কাজেই আমার বাবাও পারেন না এড়িয়ে চলতে।

“অভাবের তাড়নার স্তীর মন ক্রমশঃ সঙ্কুচিত হয়ে আসতে লাগল। কারুর কোন কথাই আর তিনি সহজ ভাবে গ্রহণ করতে পারতেন না। কেউ সহানুভূতি প্রকাশ করলে ত আর যত্নে নেই। এ সবই আমাদের পরিবারের দারিদ্র্যকে কটাক্ষ করে, তাই তার মনকে করত সব চেয়ে বেশী আঘাত। অল্পের অভাব তিনি চাকতে পাইতেন বংশমর্যাদাবোধকে বড় করে তুলে ধরে।

“নিজের রূপের কথা বলছি। ভেবে না তার জন্ম আমার বিহু-

মাত্র অহঙ্কার আছে। লোকের মধ্যে অনেক শুনেছি তাই বলছি। আমরা দুটি বোন আমি আর চম্পা। আমাদের শরীরে রূপ ঢেলে ভগবান ভাঙা ঘরে তাঁদের হাট বসিয়ে ছিলেন। গরীবের ঘরে সুন্দরী মেয়ে জন্মালে তাদের আর বাপমায়ের যে কি দুর্গতি হয় সে কথা হয়ত তোমাদের অজানা নয়।

“আমরা বাড়ী থেকে বড় একটা বেরুতাম না। তা হলে কি হয়। আমরা বড় হতে লাগলাম। শৈশবের কুঁড়ি কৈশোরের আধ-কোঁটা কুলটির মত গন্ধের বেণু বাতাসে ছড়িয়ে দিতে শুরু করেছে। তবু ভাগ্যিস কুলীন ছিলাম, কাজেই এত বয়স হওয়া সত্ত্বেও বিয়ে না দিয়েও বাবার মাথা কাটা যার নি। ভাল ছেলের খবর নিয়ে যে ঘটক আসে নি তা নয়, তাঁরা মেয়ে দেখে চলে যাবার মুখে বাবাকে আশ্বাস দিয়ে যেতেন—আপনার মেয়েদের জন্ম আর ভাবনা কি, এমন সুন্দরী মেয়ে লুফে নেবে। কিন্তু মজা এই—লোফা ত দুয়ের কথা তারা আর হুঁপয়সা খরচ করে অনিচ্ছার সংবাদও দেয় নি—হয়ত এই ভেবে যে চিঠিতে যদি আশ্বাস পেয়ে বাবা একেবারে ধর-পাকড় করে বিনাপণে মেয়ে গছিয়ে দেন।

“বিনাপণে শুধু রূপলালসায় লুফে নেওয়ার মত যে লোক আসে নি সেও সত্য নয়, কিন্তু বাবা তাদের দিলেন ফিরিয়ে—তাদের লুকু দৃষ্টি পড়ে রইল আমাদের আঙ্গিনা ঘিরে।

“বিশাল গাছের মত বাবা সবকিছুর তাপ থেকে আমাদের বাঁচিয়ে চলছিলেন। কিন্তু ঈশান কোণে যে মেঘ জমে আসছিল তার খবর আমরা কেউ এতদিন টের পাই নি। গাঁয়ের জমিদারের নজর পড়ল আমার উপর অবশ্য তাঁর নিজের জন্ম নয়, তাঁর একমাত্র বংশধরের জন্ম।

“হয়ত তোমরা ভাবছ, এতে আর শক্তি হওয়ার কি আছে! বাবার ত জ্ঞানন্দে উৎফুল্ল হয়ে ওঠাই উচিত ছিল। কিন্তু বাবুদের শাস্ত্রীয় কোলীজ বৃষ্টিছিল অনেক দিন আগেই। সে হিসেবে ওদের কোন নির্দিষ্ট আসনই ছিল না। আর আমরা! আমরা ছিলাম একেবারে সবার ওপরে। কিন্তু শাস্ত্রীয় শাসন হ'ল গিয়ে পুরোনো পুথির, সামাজিক শাসনেই ওর মর্যাদা রক্ষা হ'ত। কিন্তু সামাজিক শাসন টলে হয়ে আসবার সঙ্গে সঙ্গে ওর স্থান ঠিক হতে লাগল পয়সা আর ব্যক্তিগত প্রাধান্যের ওপর।

“বাবুদের বেলায়ও তার কোন ব্যতিক্রম ঘটে নি। পয়সা দিয়ে কেনা অনেক কুলমর্যাদার চিহ্ন ওবা লাগাত ওদের নামের সামনে পিছনে। নষ্ট গোরব এমনি করেই ওবা ফিরিয়ে আনতে চেষ্টা করল। ফিরিয়ে আনল কোলীজের গোরব। সবাই মানলেও বাবা কিছুতেই মেনে নিলেন না।

“স্বভাবতঃই কর্তার রোষকষায়িত দৃষ্টি পড়ল। বাবা পূর্ণ আকর্ষণ নিমজ্জিত ছিলেন। আমাদের বাস্তবভিটেও বাঁধা ছিল। তিনি ঐ দলিলগুলি সব গোপনে কিনে নিলেন পাওনাদারদের কাছ থেকে। কর্তা সবদিকের আটঘাট বেঁধে তার একমাত্র পুত্রের সঙ্গে আমার বিয়ের প্রস্তাব পাঠালেন। আনন্দে গদগদ না হয়ে

বাবা এ প্রস্তাব প্রত্যাখ্যান করলেন। নেপথ্যে কলঙ্ক উঠল—আম্পর্ক ত কম নয়—আচ্ছা!

“বাবার রাজী না হওয়ার দুটি কারণ। একটি হ'ল ওরা কোলীজের দিক থেকে আমাদের অনেক নীচে; দ্বিতীয়তঃ, ওর ছেলে একটা আকাট মুখ। শুধু কি তাই, এমন কোন দোষ নেই যা থেকে ও মুক্ত ছিল। প্রতি বছর একটা সময় যেত যখন ও পাগল হয়ে যেত। হাত-পা দড়ি দিয়ে বেঁধে রাখতে হ'ত। তার পর আস্তে আস্তে ভাল হ'ত, তখন আর পাগল বলে চেনা মুশকিল। বছর ঘুরলেই আবার তেমনি।

“কর্তার পরামর্শদাতার অভাব নেই। সবাই উপদেশ দিতে লাগল যে, সুন্দর দেখে বউ ঘরে আনলে ওর পাগলামি হয়ত ঘূচে, ওতে বধ দেখা কলা বেচা দুটোই হবে। বংশরক্ষাও ত চাই। কেউ কেউ বলেছিল চরিত্রও নাকি শুধবে যেতে পারে! পারিষদরা ত হেসেই খুন, আরে ব্যাটাছেলের ওটা আবার একটা দোষ নাকি।

“বাই হোক, এসব নীতির জন্ম আমাদের মাথা ঘামাবার কিছুই থাকত না যদি না ভগবান আমাকে এমনি করে রূপবতী করে গড়তেন।

“বাবা শাস্ত্রভাবেই অমত জানিয়ে পাঠালেন। কিন্তু প্রবলের কাছে দুর্বলের মতামতের কোন মূল্যই নেই। প্রচুর অর্থ, দালান-কোঠা—আজীবন দুঃখের অবসান, কত প্রলোভন ছড়াতে লাগল কর্তা বাবার সামনে—সবই ব্যর্থ হতে লাগল। সোজা পথে কাজ হচ্চে না দেখে তিনি বাঁকা পথ ধরলেন। আত্মীয়-স্বজন আমার বাবা মায়ের সামনে আজীবন দুঃখ-যন্ত্রণার অবসানের নানা সুন্দর ছবি তুলে ধরতে লাগলেন। তাঁদের মন টলল না—মন যেন তাঁদের আরও শক্ত হয়ে উঠতে লাগল।

“আগেই বলেছি ঋণের দায়ে আমাদের বসতবাটা পর্য্যন্ত বাঁধা ছিল। ওটাও বাবার উপক্রম হ'ল। কিন্তু আমাদের বাস্তহারা করলে কর্তার স্বার্থসিদ্ধি হয় না, তাই বোধ হয় উনি দয়া করে ওটা করলেন না। তবে বাস্তহারা হবার ভয়টাও সামনে তুলে ধরলেন।

“একে একে সমস্ত বাণই লক্ষ্যভ্রষ্ট হ'ল দেখে কর্তা রাগে ফুলতে লাগলেন। কিন্তু এদিকে কিছুদিনের মধ্যেই আমার নামে কলঙ্ক রটতে লাগল, যেমন বয়স্ক অনূঢ় মেয়ের নামে প্রামদেশে রটে, বিশেষতঃ তারা যদি গরীব হয়। তার উপর জমিদারের খোশামুদে পারিষদদের ইজিত ও প্রশংসা ত আছেই। কিন্তু জমিদারকর্তা এতটা চান নি। তাঁর ভাবী পুত্রবধূর নামে এ জাতীয় কলঙ্ক-রটনা তিনি পছন্দ করলেন না। তিনি এসব বন্ধ করতেও চেষ্টা করলেন। কিন্তু এ বড় ঝামেলা, একবার শুরু হলে...। যথাসময়ে আমার বাবার কানেও এসে পৌঁছল। বাবা নিফস ক্রোধে ফেটে পড়লেন, মা অল্পজল পরিত্যাগ করে ঘরের কোণে নীরবে চোপের জল ফেলতে লাগলেন। শুভাকাঙ্ক্ষী স্ত্রী-পুরুষ কেউ কেউ আমাদের বাড়ীতে স বাবা মাকে সহায়ত্ব জানিয়ে পরামর্শ দিয়ে গেলেন যে, এ

‘যেখানেই হোক অবিলম্বে মেয়ের বিয়ে দাও। আর দেয় নয়, জাত, ধর্ম সব গেল। পারলে দুটোকেই বিদেয় কর।’

‘জমিদার আমাদের বিরুদ্ধে আছে জেনে গ্রামের সকলেরই যেন সাহস বেড়ে গেল। গ্রামের দুর্বৃত্ত ছোকরা ইসারা, ইজিত, সুরু করলে। সেটা বেশী দিন চলল না।

‘ঘটক-সম্প্রদায়ের আবির্ভাব বেড়ে উঠল। এরা বাবাকে বোঝাতে লাগল যে, বাবা যতই বলুন না কেন, তাঁর পিতৃকুল আসলে খুব উঁচু নয়। আমরা যদিও আদিতে খুব নির্দোষ নৈকম্বা-কুলীন ছিলাম, কিন্তু ক্রমে এত দোষ জমেছে যে, এখন আর কুলীনই বলা চলে না।

‘ক্রমশঃ অত্যাচার বেড়ে উঠতে লাগল আমার বাবার উপর, আমাদের সমস্ত পরিবারকে লক্ষ্য করে। প্রতিদিনকার অভাব-অনটনের দুঃখ-বেদনা এর তুলনায় ম্লান হয়ে গেল। বাবা-মার মুখের দিকে তাকাতে পারতাম না।

‘এক এক সময় মনে হ’ত গলায় দড়ি দিয়ে সব দুঃখকষ্টের অবসান করে দিই। মনকে ভাল করে বুকে দেখলাম সাহসের অভাব নেই। ভাবলাম দেখি এক বার পরীক্ষা করে, আমার জীবন্ত সমাধিতে সমস্ত দুঃখকষ্টের অবসান হয় কিনা।

‘বাবাকে প্রায়ই কাছারিবাড়ী ডেকে নিয়ে যাওয়া হ’ত; জমিদারদের ডেকে আনাই ছিল ধরে আনা। যখন ফিরে আসতেন তাঁর দিকে তাকাতে পারতাম না। সেখানে কি হ’ত তার বিশদ বিবরণ কেন, সামান্য মাত্র ঘটনার কথাও বাবা কোনদিন মুখ ফুটে বলেন নি। না বললে কি হয়, তাঁর দেহের সমস্ত শিরা-উপশিরা শতমুখে নীরব ভাষায় জানাত সেখানকার কাহিনী।

‘বার্দ্ধক্য, অনটন, আর অত্যাচার ক্রমে বাবাকে যেন পঙ্গু করে ফেলল। বাবার প্রতিরোধ-ক্ষমতা ভেঙে যেতে লাগল। এক দিন জমিদার নোটিশ দিলেন বাস্তিভিটা ছেড়ে দিতে হবে, পরদিন সকাল বেলায় পাইক, পেয়াদা, বরকন্দাজ যাবে সবাইকে বের করে দিতে। আমাদের কি হবে ভেবে বাবা আকুল হগেন।

‘তাঁর মত তেজস্বী লোকেরও শেষ পর্য্যন্ত পরাজয় বরণ করতে হ’ল—একা আর তিনি কতদিনই বা ঠেকাতে পারেন। বাবা শেষ পর্য্যন্ত সায় দিলেন।

‘শুভশ্র শীতল। পাত্রপক্ষ কালবিলম্ব না করে বিয়ের আয়োজন করে ফেলল। বরকে আসতে হবে আমাদের বাড়ীর আঙ্গিনায় মালাবদল করতে। কিন্তু আমাদের বাড়ী-ঘরের চেহারা কর্তাদের মর্যাদা বাড়াবার মোটেই অক্ষুণ্ণ ছিল না। হঠাৎ দেখলাম যেন তুই ফুড়ে লোকজন, মালমশলা যোগাড় হ’ল। চালে টিন উঠল, বেড়া নতুন হ’ল। মোটামুটি ভালই দেখায়। এতদিন যারা এ বাড়ীর পাশ দিয়েও হাঁটে নি তারা উপষাচক হয়ে এসে অনাগত সুখ-সম্পদের ইজিত দিয়ে দীর্ঘনিশ্বাস ফেলে যেত। মনে হ’ত ওরা বলতে চায় লোকের বরাত এমনিই খোলে।

‘বিয়ের দিন পাকাপাকি হয়ে গেল। শেষরাত থেকে শানাইয়ের

সুর যেন আমাদেরকে বাজ করতে লাগল। পাড়াপ্রতিবেশীর বউরা এসেছে ভোবের মাজলিক কাব্য সমাধা করিয়ে দিতে, উলু-ধনিত্তে বাড়ী কাপতে লাগল।

‘সকাল থেকেই লোকজন হাঁক-ডাক। হালুইকর মিঠাই তৈরি করছে, জেলে দিয়ে পুকুর হতে মাছ ধরা হচ্ছে। বড় বড় কুই আর কাতলা। তিন-চারটা বঁটা নিয়ে কচাকচ তরকারি কাটা হচ্ছে। এ সবে পেরুনেই যে আমার ভাবী-শুভের পরস্যা চক্চকু করছে তা বোধ হয় আর বলতে হবে না।

‘সারা দিনমান আমার মা বাবে বাবে চোখের কোণে কাপড় চেপে ধরে উদগত অশ্রু মোচন করছিলেন। বাবা উপবাসী, বৈদিক ক্রিয়ায় ব্যস্ত। চম্পা সারাদিন পালিয়ে পালিয়ে বেড়াল। আমার সামনাসামনি পড়লেই কেমন যেন ধতমত খেয়ে যেত। মনোভাব গোপন করতে গিয়ে মুখে হাসি টেনে কোন কাজের অছিলা করে পালিয়ে যেত। সেই সুর হ’ল আমার একলা জীবনের চলার পাল।

‘রাগিত্তে ঘটা করে বর এল। হেজাক-বাতির আলোর উঠোন জল জল করছে। সাড়ী, জরি, বাসন-কোসন, জিনিষপত্র উঠোনময়। অপরের মনের কথা বলতে পারি নে, আমার মনে হচ্ছিল যেন এ সবই উপহাস। বাই হোক, শাস্ত্রীয় শুভলগ্ন উপস্থিত হ’ল। আমার হাত ধরে উঠোনে নিয়ে এল।

‘যথারীতি বরের চারদিকে আমার সাত পাক ঘোরাল। শুভদৃষ্টির সময় মুখ তুলে চাইতে পারলাম না। অহুমান করতে পারি বরের নির্কোষ পাষণ্ডের মত দৃষ্টি আমার গিলছিল, কিন্তু দৃষ্টিবিনিময় হ’ল না।

‘বিয়ের হাঙ্গামা চুকতে বেশ রাত হ’ল। একই গাঁয়ে বিয়ে, কাজেই বরযাত্রীরা যে যার সবে পড়ল। এয়োরা ক্লান্ত হয়ে পড়ল এলিয়ে। আমি বাসরঘরে একা পড়লাম। ভরে বুক ছরু ছরু করতে লাগল। ঘরের এককোণে চুপটি করে বসে রইলাম। বর অনেক সাধা-সাধনা করল ওর পাশে গিয়ে বসতে, কিন্তু শেষ পর্য্যন্ত যেন ওর উৎসাহ উবে গেল। বিছানায় গিয়ে শুয়ে পড়ল।

‘কিছুক্ষণের মধ্যেই বর অঘোরে ঘুমিয়ে পড়ল। আমিও মেঝেতে ঝাঁচল বিছিয়ে নিত্রায় কোলে ঠাই নিলাম। দু’তিনবার ঘুম ভেঙে গিয়েছিল সে রাত্রে কিসের শব্দে। প্রতিবারই নিত্রের সাধা দেহের দিকে তাকিয়ে, ঘরের কোণে স্তিমিতপ্রায় মঙ্গল-প্রদীপ দেখে কেমন যেন একটা বেদনায় জর্জরিত হচ্ছিলাম। আমার বান্ধবীদেরও কারুর কারুণ্য বিয়ে আমার অনেক আগেই হয়ে গিয়েছে। তাদের লজ্জারস্তু মুখে ‘পরে ভাবী সুরের যে ইজিত ফুটে উঠত আমার মুখে তেমন কোন চিহ্নই ফুটে উঠে নি। তা কি কেউ বুঝবে।

পর দিন যথারীতি সমস্ত মাজলিক কাজ শেষ হওয়ার পর বিকেলের দিকে শুরুরবাড়ী বওনা হলাম পাড়ী চড়ে। এক গাঁয়েই বিয়ে, কাজেই আমিও আর দূরে চলে যাচ্ছি নে, তবু মা

আশীর্বাদ করিতে গিয়ে আর চোখের জল বোধ করতে পারলেন না। সবাই মাকে বলল, এখন এমনি অলক্ষণে কাজ করা ঠিক নয়! চারদিকে উল্খনিতে কানে তাল লেগে যায়। আমি আর আমার স্বামী বাবাকে প্রণাম করলাম। বাবা নীরব। কি আশীর্বাদ করলেন জানি না—আশীর্বাদ করলেন কিনা তাও সেদিন বুঝতে পারলাম না।

“সবাই এসে একে একে আশীর্বাদ করে গেল, কেউ-বা হামি-মুখে বিদায় দিয়ে গেল। কেবল দেখতে পেলাম না চম্পাকে। মনে হচ্ছিল যেন ওকে অনেক কথা বলবার আছে। কিন্তু আজ চিন্তা করে দেখছি, সেদিন যাওয়ার মুখে ওর সঙ্গে দেখা হলে কিছুই বলতে পারতাম না। যাই হোক সেদিনকার ক্ষোভের মূল্য আজ আর বিচার্য্য নয়।

“শানাই, ঢোল, আর শাঁখ বেজে উঠল। পাক্ষী এসে আমার শব্দের প্রকাণ্ড অন্তরমহলের বাড়ীর আঙ্গিনায় থামল। যদিও একই গায়ে বাড়ী তথাপি বাবার সঙ্গে বাবুদের মনকষাকষি থাকার দরুন ও বাড়ীর সঙ্গে আমার পরিচয় ছিল না।

“চারদিকে লোক গিজ গিজ করছে। আলো দিয়ে সুন্দর করে বাড়ী সাজানো। পাক্ষী থেকে নামব ত নিশ্চয়, কিন্তু নেমে যাব কোথায়! পাক্ষীর পর্দা সরে গেল। কে যেন একজন বর্ষীয়সী মহিলা আমার হাত ধরে বললেন, নেমে এস মা।

“একটু এগিয়ে গিয়ে দাঁড়ালাম সুন্দর করে চিত্রিত এক পিঁড়ের উপর, পাশের তেমনি আর একটা পিঁড়ের উপর দাঁড়াল আমার স্বামী। অনেক রকম স্ত্রী-আচার হ'ল। তার ফাঁকে ফাঁকে অনেক রকম মন্তব্যই কানে এল। কেউ বললে, বউ আনতে হয় ত এমনি। বাবুর চোখ আছে। কেউ বললে, একেবারে অবাধ হওয়ার মত নয়। ঐ ত বিঙ্গি মেয়ে, ছোটখাটো বউটি আসবে তবে না মানায়! আরও কত কি, আজ আর সব মনে নেই!

“নানান রকম হেঁচকের মধ্যে রাত বেড়ে চলল। ক্রমশঃ বাড়ী নিঝুম হয়ে আসতে লাগল, আমার মন কেমন একটা আশঙ্কায় তুলতে থাকল। আমি যে ঘরে বসেছিলাম অনেক নারী-পরিবৃত্তা হয়ে সেখানেই আমারও থাওয়ার আয়োজন হ'ল। একসঙ্গে এত ভাল জিনিস কেউ খায়, কিংবা খেতে পারে তার কোন ধারণাই আমার ছিল না। কিন্তু আমি সেদিন এক মুঠো ভাতের বেশী খেতে পারলাম না। খাওয়া শেষ হ'ল।

“আস্তে আস্তে মেয়েরাও সরে পড়তে লাগল। এক সময় আমার বৃদ্ধ শব্দের এসে ঘরে ঢুকলেন, তাঁর পিছনে পিছনে এলেন সেই মহিলাটি যিনি আমার হাত ধরে পাক্ষী থেকে নামিয়েছিলেন। আবার আমার শব্দ এলেন কেন। মনে বড়ই অস্বস্তি বোধ করতে লাগলাম। ঐ মহিলার নির্দেশে শব্দকে প্রণাম করে মাথা নীচু করে চূপ করে দাঁড়িয়ে বইলাম নির্দেশের অপেক্ষায়।

“আমার ঘোমটা প্রায় চিবুক পর্য্যন্ত ঝুলে পড়েছিল। শব্দর তা কপাল পর্য্যন্ত টেনে দিলেন। আমি ঘেমে উঠলাম। তিনি

আমার চিবুক ধরে মুখখানা তুলে ধরে বললেন, আমার দিকে তাকিয়ে দেখ মা। আমি তোমার অভাগা সন্তান।

“আমার আর বিশ্বাসের অবশি রইল না। মনে মনে ভাবলাম এই কি সেই বৃদ্ধ বার অত্যাচার আমার বাবাকে করেছে সঙ্কলিত! আমি স্বপ্ন দেখছি না ত! কিন্তু আমার অবাধ হওয়ার পালার তখন কেবলমাত্র সুর।

“তিনি বলতে লাগলেন, তোমাকে বরণ করে ঘরে তুলতে আমি ছাড়া আজ আর কেউ নেই। তোমার শান্ত্তী গত হওয়ার পর থেকে আমি একান্ত অসহায় হয়ে আছি। বাড়ীতে চাকর-বাকর, পাইক-পেয়াদা, আশ্রিত আত্মীয়-আত্মীয়ের অভাব নেই, কিন্তু ওরা নিজেদের নিয়েই ব্যস্ত। তারপর আমার ছেলে, তার কথা আর তোমায় কি বলব মা, বেঁচে সে আছে, কিন্তু তার সেই বেঁচে থাকটাই যেন আমার জীবনের সবচেয়ে বড় অভিশাপ! তুমি যে তেজস্বী বাপের মেয়ে আমার একান্ত বিশ্বাস তুমি পারবে তাকে মাহুয় করতে।

“আজ থেকে আমি তোমার আশ্রিত। এখনও আমার বলা শেষ হয় নি মা। এই নাও চাবির গোছা। কথা শেষ করে বড়ো আমার হাতে গুঁজে দিলেন প্রকাণ্ড বড় একটা চাবির গোছা। একটু খেমে আবার আস্তে আস্তে বলতে লাগলেন, আজ থেকে আমি, আমার ঐ অপদার্থ সন্তান আর যা-কিছু সামান্য ধন-সম্পত্তি পিতৃপুরুষ রেখে গিয়েছেন সবকিছুর দেবান্তনো আজ থেকে তোমাকেই করতে হবে মা।

“বৃদ্ধ আর কিছু বলতে পারলেন না। সাহস করে তার মুখের দিকে তাকিয়ে দেখি তার মুখ আবেগে আরক্ত। তার কথার এক বর্ণও অবিশ্বাস করবার উপায় নেই। মনে হতে লাগল কে যেন বিশাল বোঝা চাপিয়ে দিয়েছে।

“বৃদ্ধ কিছুক্ষণ চূপ করে দাঁড়িয়ে থেকে বললে, ‘আজ অনেক রাত হয়ে গেছে, এবারে তুমি বিশ্রাম কর মা। আজ যে আমার কি আনন্দের দিন, কি সুখের দিন তা যদি তোমায় বুক চিরে দেখাতে পারতাম! দেখি আজ থেকে নিশ্চিত হয়ে ঘুমোতে পারি কি না।’

“কথা শেষ করেই উনি চলে গেলেন আস্তে আস্তে। মহিলাটিও তার সঙ্গে সঙ্গে গেলেন। এতক্ষণ লক্ষ্য করি নি দরজার পাশেই দাঁড়িয়েছিল মধ্যবয়সী একটি বিধবা। সে ঘরে ঢুকে আমায় বলল, আনুন বৌঠাকুরাণী, আপনার শোবার ঘরে নিয়ে যাই।

“তিনিটা ঘর পার হয়ে একটা প্রকাণ্ড ঘরের মধ্যে গিয়ে ঢুকলাম। ঝাড় লঠনে ঘর আলোকিত। ঘরের মধ্যে বিশাল পালঙ্ক, তার ওর ধবধবে সাদা বিছানা। ঘরের আসবাবপত্র, দেয়ালে টাঙ্গানো নানাপ্রকার ছবি সবকিছুই আমার কাছে নূতন—সবকিছুই অদ্ভুত।

“বিধবাটি ঘরে ঢুকেই দরজা বন্ধ করে দিল। একটা প্রকাণ্ড বড় আলমারি দেখিয়ে বলল, ‘বৌঠাকুরাণী ওটার মধ্যে কাপড়-

চোপড় আছে, বদলে নিন। আর রাত করবেন না। আপনি ভয় পাবেন না, আমি এ ঘরেই নীচে বিছানা পেতে শোব।’

“একটা কথা ভেবে আমার মন অনেকটা হালকা হ’ল এই যে, সেদিন ছিল কালরাত্রি, স্তব্ধতা আমার স্বামীদেবতাটির সঙ্গে দেখা হওয়ার কোন সম্ভাবনা নেই। তাই আর দেরি না করে আলমারির পাট খুললাম। চোখে যেন ধাঁধা লাগল। যাই হোক, কোন রকমে কাপড় একটা বার করে নিয়ে এলাম। পাশের একটা ছোট ঘরে গিয়ে শাড়ী বদলে বিছানায় গা এলিয়ে দিলাম।

“হঠাৎ মনে পড়ল, শব্দের দেওয়া চাবির গোছাটা আগেকার শাড়ীতেই বাঁধা আছে। চট করে উঠে গিয়ে ওটা খুলে আবার শাড়ীতে বেঁধে নিলাম। মনে মনে বিরক্ত হলাম—এ আবার কিসের শিকলে বাঁধা পড়লাম। ভাবতে ভাবতে কখন ঘুমিয়ে পড়েছিলাম জানি না। যখন ঘুম ভাঙল তখন ভোর হয়ে গিয়েছে।

“কালরাত্রি প্রভাতের মঙ্গলিক সমাধা করবার জ্ঞান সবাই প্রস্তুত। সেদিন রাতেই হ’ল আমার ফুলশয্যা। সেই থেকেই শুরু হ’ল আমার ব্যথার কাহিনী—মনে হ’ল আমার নিজস্ব সত্তা হারিয়ে ফেললাম...।”

“বল কি চম্পা?” অবাক হয়ে মস্তব্য করলেন বিহুদা।

শম্পা দেবী দীর্ঘ নিখাস ছেড়ে মুখে হাসির রেখা টানবার চেষ্টা করে বললেন, “তাই বটে! একের দুর্ভাগ্যের সুযোগ নিয়ে টাকার জোরে, গায়ের জোরে কোন রকম মন্ত্র পড়তে পারলেই যদি বিয়ে সিদ্ধ হয় তবে আর আমার বলবার কিছু নেই। কিন্তু যেখানে নেই মনের মিল, শ্রদ্ধার বাষ্পও যেখানে নেই, ভালবাসার কথা নাই বা তুললাম, সেখানে দেহের সম্পর্ক মিথ্যার উপরই প্রতিষ্ঠিত। জানি না তোমাদের শাস্ত্র কি বলে।

“তাই বলে মনে কর না আমি বলছি কামনা-বাসনা জলাঞ্জলি দিতে হবে। তা বিসর্জন দেওয়া সহজও নয়, স্বাভাবিক স্বাস্থ্যের লক্ষণও নয়। মানুষ হয়ে দেহধর্মকে অস্বীকার করতে বলি নে। ভক্তি-শ্রদ্ধা, প্রেম-ভালবাসা যার মাধ্যমে জৈব ক্ষুধার নিরন্তর অপরিদেয় তৃপ্তি পান করতে পারে, ঠিক তারই অভাব মানুষকে পশুর সঙ্গে সমান আসনে নামিয়ে আনে।

“যে লোককে আমি এক মুহূর্তের জ্ঞান একান্ত অজান্তেও শ্রদ্ধা করতে পারি নি, শ্রদ্ধা কিংবা প্রেমের সঙ্গে যার এক বিন্দু সম্পর্ক নেই তার সঙ্গে মন্ত্র পড়ে বিয়ে হলেও কোন দিন স্বপ্নেও তাকে স্বামী বলে ভাবতে পারি নি। কাজেই তারই স্ত্রী হয়ে বাস করাকে আমার নারী সত্তার অপমান বলেই আমি মনে করেছি। যেখানে পরস্পর ভালবাসা ও শ্রদ্ধা নেই সেখানে আবার বিয়ে কি?”

শম্পা কিছুক্ষণ চুপ করে থেকে হঠাৎ হো হো করে হেসে উঠল। বিহুদা বললেন, “হাসলে যে শম্পা! কি হ’ল?”

শম্পা—“না হেসে কান্না পাওয়াই স্বাভাবিক ছিল। এইরূপ ক্ষেত্রে তাই হয়। তবে আমি বোধ হয় সংসারের বাইরের একটা অদ্ভুত জীব।

“আমার হাসি পেজ এই ভেবে যে এ আমি কি করছি। এ যেন আমার কুক হৃদয়ের জ্বালা মিটাচ্ছি সমাজ, পরিবার ও আমার স্বামীর উপর তীব্র ভাষায় অভিযোগ জানিয়ে। যার জীবনে ভরা-ডুবি হয়েছে তার নৈরাশ্যভরা হৃদয়ের প্রকাশ দুই রকমে হয়—হা-হতাশ করে দীর্ঘনিখাস ফেলে, নতুবা কঠিন ভাষার কড়া কথার সকলকে তুচ্ছ করে।

“আমি কিন্তু নিজের মনের সঙ্গে প্রথম থেকেই লড়াই করে আসছি। আমার মনের নৈরাশ্য, ক্ষোভ, বার্থতাবোধ, অভিযোগ—সমস্ত আমি দূরে সরিয়ে রাখতে চেষ্টা করলাম। যে যে ঘটনার ফলে যা যা ঘটেছে তা ঘটতই—এ ছিল অপ্রতিরোধ্য এই সমাজে, এই পরিবারে; এই রকম শিক্ষা-দীক্ষায় এরূপ ঘটনা ঘটলে আশ্চর্য হতে নেই। আমার নিজের মনের সঙ্গে সামান্য একটু বোঝাপড়া করতেই মন আমার শাস্ত্র ধীর স্থির হয়ে এল। মনের ভিতরেই সব অর্গলবন্ধ থাকুক এই স্থির করেছিলাম। আর বললে বুঝবেই বা কে বল। কিন্তু আজ সহানুভূতি ও প্রেমের যাত্ৰাঙ্গণে মন আমার উথলে উঠল, অর্গলমুক্ত হয়ে সব কথা বেরিয়ে এল।

“আমার কথা অনেক বললাম, বাবা, মা, চম্পা এদের কাহিনীও তোমাদের শোনার। অবস্থার বিপাকে পড়ে বাবা আমার এই বিয়েতে সম্মতি দিয়েছিলেন। তাঁর অভাব অনটনও ঘুচল। কিন্তু তাঁর মনে ছিল না বিন্দুমাত্র শাস্ত্র। আমার বিয়ের দু’তিন দিন পরেই এক রাতে চম্পা বাড়ী থেকে পালিয়ে যায়। খবরটা বাবা, মা কিছুদিন চাপা দিয়ে রেখেছিলেন, কিন্তু কোথাও আর ওকে খুঁজে পাওয়া গেল না। নানা রকমের কানাঘুসা চলতে লাগল। এজ্ঞান পরোক্ষভাবে এক রকম সবাই বাবাকে দোষী করল। সকলেরই মত এই যে বিয়ে না দিয়ে বয়স্থা মেয়ে বাড়ীতে পুষে রাখলে এ রকমটা ঘটবেই।

“এর পরে বাবা একেবারে গম্ভীর হয়ে গেলেন। একথা সেকথা ভাবেন, মাঝে মাঝে জ্ব কুঞ্চিত করেন। এক রকম অদ্ভুত হাসি হেসে মুষ্টিবদ্ধ হাত শূণ্যে ছুড়তেন,। দু’একবার মাকে বলতেন, ‘দেখ কেমন স্বপ্নে আছি! অভাব-অনটন ঘুচল, বাড়ী-ঘর ঠিক রইল, কেবল মেয়ে দুটোকেই হারালাম—একটাকে দিলাম জাস্ত কবর, আর একটা যে কোথায় গেল।’ মা কেঁদে বললেন, ‘ও যে কোথায় গেল, বেঁচে আছে কিনা কে জানে।’

“বাবা বললেন, ‘চম্পা! ও ঠিক আছে। ও বেঁচে গেছে! মরে গিয়ে থাকলেও বেঁচে গেছে।’

“বাবা দিনকয়েক কোথায় ঘোরাফেরা করলেন, তারপর একদিন আমার শব্দের কাছে এলেন বললেন, ‘তোমার মত লোকের কাছে কোন দিক দিয়েই আমি ছোট থাকব না। এই নাও তোমার টাক। এই নাও আমার বাড়ীর দলিল—এ আমি তোমাকে বেতেন্দ্রি করে দিয়েছি। তোমার জ্ঞান মেয়ে দুটোকে হারালাম, এখন সবই তোমার পেটে থাক।’ বলে বাড়ী ফিরে এসে বললেন, ‘সব শেষ করে দিয়ে এলাম।’

“মা তখন বাবাঘর থেকে বেরিয়ে এসে বললেন, ‘পরে তুমি বর্ধন রাগা হয়ে গেছে, তুমি-জান করে এসে খাও।’

“বাবা মায়ের হাত ধরে বললেন, ‘না, এ বাড়ীতে জলস্পর্শ করব না, এ বাড়ী আমার নয়। চল এই মুহূর্তেই বেরিয়ে পড়ি।’ বাবা আমার মায়ের হাত ধরে একবন্ধে দেশান্তরী হয়ে গেলেন।

“খবর শুনে অবধি সেদিন অনেকক্ষণ কেঁদেছিলাম। সারাদিন কিছু খাই নি। কিন্তু এই ভেবে সান্ত্বনা পেলাম যে, যে অপমানের কাছে তিনি মাথা নোয়াতে বাধ্য হয়েছিলেন তাকে ঝেড়ে ফেলবার শক্তি আবার ফিরে পেয়েছেন। অত্যাচারের বিরুদ্ধে মাথা তুলে দাঁড়াবার শক্তি হারিয়ে ফেলেন নি।

“শুনে খুব আশ্চর্য হলাম যে, আমার দোদুলপ্রতাপ খণ্ডর নিজের কাছারিতে সকলের সামনে অপমানিত হয়েও একটা কথা বলেন নি। মাথা নীচু করেছিলেন।”

বিহ্বলা জিজ্ঞাসা করলেন, “ওরা এখন কোথায় আছেন?”

“তা জানিনে। জানবার জন্ত মন খুবই উতলা ছিল। কিন্তু কে তাদের খোঁজ করবে, কি করেই বা সন্ধান মিলবে তার বেন কোন হৃদিসই করতে পারলাম না। ভগবানকে ডাকা ছাড়া আর কোন সহায়ই বেন মনে মনে খুঁজে পেলাম না।

“মেয়েদের বিয়ের পথেই আসে জীবনের পরম সার্থকতা। আমার বেলায় হ’ল গিয়ে তার ঠিক উল্টো। এর সূত্রপাত থেকে যে পথ মসীলিঙ্গু তাব শেষ মাথায় এসেও হারালাম সব—এমনকি নিজের সন্তাকেও। মা-বাপ হারালাম—হারালাম আমার সবকিছুর সাধী—আমার স্নেহের বোন চম্পাকে। কিন্তু তার বদলে পেলাম কি? পেলাম মায়ের দেহধারী একটা পশু, এক প্রবল-প্রতাপশালী জমিদার আর তার জমিদারীর উপর কর্তৃত্ব।

“চম্পার জন্ত মনে মনে আমি বড়ই শক্তিত ছিলাম। আমি আমার গাঁয়ের বাইরে বিয়ের আগে কোন দিনই যাই নি। কিন্তু আমার ক্ষুদ্র জীবনের মধ্যেই যে নিদারুণ অভিজ্ঞতা লাভ করেছিলাম তাতেই বেন মনকে পৃথিবীর বিরুদ্ধে বিশেষ করে পুরুষের বিরুদ্ধে তিক্ত করে তুলেছিল। দিবারাত্রি ভগবানকে ডাকতাম তিনি বেন সকল বিপদ থেকে চম্পাকে রক্ষা করেন।

“ভগবান আমার প্রার্থনা শুনেছিলেন কিনা জানি না। তবে এক দিন থামে করে এল আমার নামে একখানা চিঠি। আমার কাছে ত কেউ চিঠি লেখে না! হাতের লেখা চিনতে পারলাম না। তবে কি বাবা-মার খবর আছে এর মধ্যে মনের মধ্যে কত কি তোলাপাড় করতে লাগল। তাড়াতাড়ি নিজের শোবার ঘরে গিয়ে দরজা বন্ধ করে দিলাম।

“খামটা ছিড়ে ফেলে চিঠিটা খুলে ধরলাম। দীর্ঘ চিঠি। শেষের পাতাটা খুলে নীচের দিকে তাকিয়ে খুশিতে মন ভরে উঠল। এ যে চম্পা!”

“কি লেখা ছিল চিঠিতে”— জিজ্ঞেস করলেন বিহ্বলা।

“চিঠিটার সব কথা আজ আর আমার মনে নেই, তবে যা ও

প্রকাশ করতে চেয়েছিল তার সবটুকুই আজও জল জল করছে—ও লিখেছিল: জীবনের একটা দিন পর্য্যন্ত—অর্থাৎ আমার বিয়ের আগের দিনটি পর্য্যন্ত—আমাদের এক দিনের তরেও ছাড়াছাড়ি হয় নি। হয়ত মনে আছে নিভৃতে আমাদের কথা হ’ত—আমরা আশঙ্কায় ব্যাকুল হতাম, যদি আমাদের ছাড়াছাড়ি হয়। হয়ত তখন অলক্ষ্যে বিধাতা হাসতেন।

“কিন্তু বিয়ে হ’ল—সুখ হ’ল ছাড়াছাড়ির পালা। যে অবস্থার ঘৃণপাকে পড়ে মালা বদল হ’ল তাতে আমার মত মেয়ে সুখী হতে পারে না বলেই তার বিশ্বাস।

“আমাদের এই পটা পুরোনো সমাজের পরিবেশে, মেয়ে হলে জন্ম নিয়ে নিজেরাই যে কেবল ভাগ্যহীনের তালিকার পড়ে গিয়েছিল তা নয়, বাপ-মাকেও ফেলে দিয়েছি অসীম দুঃখকষ্টের মধ্যে। মেয়ের বাপ হয়ে তারা বেন দুনিয়ার কাছে মাথা বেচে দিয়েছে।

তবে ভগবানের আশীর্বাদ বলেই মানি যে এমন বাপ-মা পেয়েছিলাম। আমাদের জন্তই তাদের এই হৃদ্বিপাক। কিন্তু একটা দিনের তরেও তাদের মুখে বিরক্তির আভাস দেখি নি। বরং লজ্জিত হতেন আমাদের আর দশ জনের মত সুখে রাখতে পারেন নি বলে। আমার নিশ্চিত বিশ্বাস তাঁদের আশীর্বাদ আমাদের সকল বিপদে সাহস যোগাবে।

“আমরা কি অবস্থার মধ্য দিয়ে মায়ুব হয়েছি! নিদ্রায় জাগরণে একটা অসহায়ের ভাব বিবাজ করত। কোলিঙ্গ গোরবের আমরা যতই ঢাক পেটাই না কেন, মনে মনে কেমন একটা আর্থিক দীনতার ভাব আমাদের মনকে আচ্ছন্ন করে রাখত। তখন অস্পষ্টভাবে মনে হ’ত যে এর থেকে মুক্তি নেই। এসব কথা সে লিখেছিল।

“কিন্তু মুক্তির ইঙ্গিত এল আমার বিয়ের মধ্য দিয়ে। মনে মনে স্থির করে ফেললাম যে নিজেকে আর অবস্থার দাস করে রাখব না। এর বিরুদ্ধে প্রতিবাদ জানাব, লড়াই করব এর উর্ধ্বে উঠব। তার জন্ত পালিয়ে যাওয়ার প্রয়োজন ছিল কি। তার উত্তরে সে লিখেছিল যে, যে পরিবেশের মধ্যে বাস করছিল তার বিরুদ্ধে মনে মনে গজ গজ করা যায়, কিন্তু বিদ্রোহ করা সহজ নয়।

“বিয়ের দিন সকাল থেকেই সে তার নিজের মনের সঙ্গে বোঝা-পড়া করে ফেলল।

“সে আরও লিখেছিল যে বিয়ে যদিও আমাকে ফেলে দিয়েছে গভীর অন্ধকারে, কিন্তু তারই অপরিসীম বেদনা তাকে ঠেলে দিয়েছে মুক্তির আলো হাতে দিয়ে।

“বাইরের দুনিয়াটা বড়ই অদ্ভুত। গাঁয়ের সবকিছু ছিল চেনা। বেরিয়ে সে দেখল এদের বেন সবই অচেনা। জমিদার আর প্রজার সম্পর্কই শুধু গাঁয়ের মধ্যে পাক খায়। পরিধি সীমাবদ্ধ। কিন্তু বাইরের দুনিয়ার আছে অসংখ্য পরস্পরবিরোধী স্বার্থ।

“সে বলেছিল যে সে কি করছে তা প্রকাশ করার দিন তখনও আসে নি। যদি অদৃষ্ট সুপ্রসন্ন হয় ত নিশ্চয় জানাবে। তবে এইটুকু জানিয়েছিল যে ‘আজ মনে হচ্ছে আজ বেন এক নূতন

জীবনের সন্ধান পেয়েছি। সেই দিকেই ছুটে চলেছি, জানি না শেষ পর্যন্ত গিয়ে পৌঁছতে পারব কিনা।”

“সে বিয়ে তখনও করে নি। যদিও বিয়ে করতে তার আপত্তি নেই, কিন্তু মাহুব যাচাই করেই বিয়ে করবে বলেছিল মনে মনে ইচ্ছা—আমার আশীর্বাদ চেয়েছিল সেইজন্য।

“সে লিখেছিল, এক দিন ছিল যখন কাকুর ঘরের বউ হয়ে জীবন কাটাৰ—স্বামীদেবতা কেমন হবে বা হবে না এই ছিল ভাবনা। কিন্তু আজ চোখের সামনে দেখছি যেন কিসের আলো— এক নয়া আদর্শ। ঐ আলোর দেশে যাওয়ার জগৎ যাদের সাধী রূপে, বহুরূপে পেয়েছি তারাও বড় অজুত। জীবনের সবকিছু সুখভোগের কামনা ত্যাগ করেই এরা এগিয়ে চলেছে, এরা সুখ-ভোগকে সমানভাবে গ্রহণ করে। মনে এমন দুষ্কার বাসনা নিয়ে ঐ আলোর দেশে পৌঁছতে পারব কি।

“হয়ত গাঁয়ের মধ্যে আমার নামে নানা রকম কানাঘুসা চলছে, তোর কানেও হয়ত তা পৌঁছেছে। বাবা-মার জগুই কষ্ট হয় সবচেয়ে বেশী। ওরা হয়ত কত লাঞ্ছনা ভোগ করছেন এজন্য। কিন্তু কি করব বল। তোর অমন অবস্থা দেখে নিজের আর কিছুতেই ঠিক থাকতে পারলাম না।’

“কলঙ্কের কথা ভাবি নে, কেননা আর যে বাই বলুক না কেন, বিশ্বাস করুক না কেন, তুই কিছুতেই কোন দিন আমার সম্পর্কে এমনি কুৎসিত ধারণা করতে পারবি নে।

“‘যদি ভগবান দিন দেন তবে আবার তোদের কাছে এসে উপস্থিত হব নতুন দিনের খবর নিয়ে।’ চিঠিটা পড়েই ছিঁড়ে

ফেলতে বলেছিল। বাড়ী ছাড়ার সঙ্গে সঙ্গে সে সবকিছু পেছনে ফেলে দিয়েছে মার নামটা পর্যন্ত। চম্পা বললে কেউ বাতে চিনতে না পারে।

“এই পর্যন্তই চম্পার ইতিহাস। এর পর আর কোন দিন ওর চিঠি পাই নি। আজও বেঁচে আছে কিনা তাও জানি নে। মনে হয় তোমরা ওর কোন খবর রাখতে পার। তোমাদের সমিতি ছাড়া এমন আশ্রয় আর কোথায় পাবে। মাহুব হওয়ার পথ এত উন্মুক্ত আর আছে কোথায়? সত্যি করে বল বিমুদা, ওর কোন খবর তোমরা রাখ না কি? জানলে গোপন কর না।”

“এমনতর কোন মেয়ের খবর তো জানি নে। বিশাল এই দেশ, তার কোথায় লুকিয়ে কে কাজ করে যাচ্ছে কে জানে। তবে এমন মেয়ে এই সমিতিতে থাকা অসম্ভব নয়। আমি বাদের চিনি তারা কেউ হয়ে থাকলে জানা সহজ হবে। নতুবা কঠিন। সমিতির প্রয়োজন ছাড়া একে অল্পের খোঁজ করাও আমাদের নিষিদ্ধ। ওর মত মেয়ে যে কোন সমিতিরই গৌরবের বিষয় বোন”—মহুবা কবলেন বিমুদা।

—“তাই বেন হয়, তাই তোমরা আশীর্বাদ কর। আমার জীবন ব্যর্থ হোক, কিন্তু ও নিজের সৌভাগ্যে পৃথিবী মাতিয়ে তুলুক এই আমার আকুল প্রার্থনা।

“সেদিন চিঠি পড়া শেষ করে অনেকক্ষণ নিজের ঘরে বিছানার স্তয়ে স্তয়ে কেঁদেছিলাম। আমাদের সমস্ত পরিবারের উপর ভগবানের এই কি অপরিমিত অভিশাপ!”

ক্রমশঃ

পশ্চিমবঙ্গের ব্যাঙ্ক সম্বন্ধে দুই-একটি কথা

শ্রীশিবশঙ্কর দত্ত

১৯৫১ সনের আদমশুমারির হিসাবে পশ্চিমবঙ্গে শহরের সংখ্যা ১১৪টি। শহরের লোকসংখ্যা ৬১,৫৩,০০০। সমগ্র লোকসংখ্যার প্রায় সিকি ভাগ শহরবাসী। শহরবাসীদের মধ্যে শতকরা ২৯ জন ব্যবসা-বাণিজ্য করেন। অথচ মাত্র ৪০টি শহরে ব্যাঙ্ক আছে। লোকসংখ্যা হিসাবে শহরের সংখ্যা ও ব্যাঙ্কের সংখ্যা নিয়ে দেওয়া হইল :

লোকসংখ্যা	শহরের সংখ্যা	যে কয়টি স্থানে ব্যাঙ্ক আছে	ব্যাঙ্কের সংখ্যা
এক লক্ষ বা তাহার উপর	৭*	৩	১৬৭
৫০,০০০—১ লক্ষ	১৪	১০	২০
১৫,০০০—৫০,০০০	২২	৯	২৮
১০,০০০—১৫,০০০	৪৫	১৪	১৬

* বর্তমানে টালিগঞ্জ কলিকাতা পৌরশাসনের অন্তর্ভুক্ত হওয়ার শহরের সংখ্যা কমিয়া ৬ হইয়াছে।

৫,০০০—১০,০০০	১৫	৩	৩
৫,০০০ এর কম	১১	১	২
অগ্ণাত		৩	৩

উপরের তালিকা হইতে দেখা যাইতেছে যে, বহু শহরে ব্যাঙ্ক নাই—এমনকি যেখানে এক লক্ষের উপর অধিবাসী, এইরূপ তিনটি স্থানেও একটি ব্যাঙ্ক নাই। আবার যেখানে ব্যাঙ্ক আছে সেখানে কলিকাতা বাদ দিয়া দুটি-তিনটি ব্যাঙ্ক আছে।

ভারতবর্ষের লোকসংখ্যার সহিত ব্যাঙ্কের (মায় শাখা সমেত) সংখ্যার তুলনা করিলে দেখা যায় যে, ১,৩৫,০০০ লোকপিছু একটি ব্যাঙ্ক আছে। পশ্চিমবঙ্গে সে তুলনায় প্রতি ১,৪৪,০০০ লোকপিছু একটি ব্যাঙ্ক বা তাহার শাখা আছে। বোম্বাই, মাদ্রাজ, পঞ্জাব এমন কি মধ্য ভারত, মহীশূর, পেপলু, রাজস্থান, সৌরাষ্ট্র, ত্রিবাঙ্কুর-কোচিনও পশ্চিমবঙ্গকে ছাড়াইয়া গিয়াছে।

মাথ পিছু ডিপজিটের বা আমানতের পরিমাণ পশ্চিমবঙ্গে ৭০'৯ টাকা। এদিক দিয়া একমাত্র বোম্বাই পশ্চিমবঙ্গকে ছাড়াইয়া

গিয়াছে। বোম্বাইয়ে মাথাপিছু ডিপজিট ৭৫.৫ টাকা। আর মাথাপিছু এডভান্সের পরিমাণ পশ্চিমবঙ্গে সর্বাপেক্ষা বেশী—৪৯.৭ টাকা—বোম্বাইয়ে মাথাপিছু ৪৫.১ টাকা। ইহা হইতে বুঝা যায় যে, কেবল কারবারী লোকেরি ব্যাঙ্কে টাকা রাখে ও ধার লয়। জনসাধারণ ব্যাঙ্কে টাকা তেমন জমা রাখে না।

সমগ্র ভারতে ও পশ্চিমবঙ্গে বিভিন্ন শ্রেণীর ব্যাঙ্কের (শাখা সমেত) সংখ্যা নিম্নে প্রদত্ত হইল :

ইম্পীরিয়াল ব্যাঙ্ক	একচেঞ্জ ব্যাঙ্ক	তপশীলী ব্যাঙ্ক	অগ্রগণ্য	মোট
ভারতে ৪২২	৬৫	২,২০৫	১,৩৪৪	৪,০৩৬
পঃ বঙ্গে ২২	২০	১৫৭	৬২	২৬১

এই প্রসঙ্গে সমগ্র ভারতের ব্যাঙ্ক সম্পূর্ণকৃত একটি পরিসংখ্যান পাঠকগণের গোচরে আনিব। পশ্চিমবঙ্গে আলাদা পরিসংখ্যান পাওয়া যায় না। ৫৫৭টি ব্যাঙ্কের মধ্যে ২০৪টি ব্যাঙ্কে un-claimed deposit (দাবিদারহীন আমানত) পড়িয়া আছে। এই দাবিদারহীন আমানতের পরিমাণ ১ কোটি ৪৪ লক্ষ টাকা। কাহারো টাকাটা ফেলিয়া রাখিয়াছে তাহা নিম্নের পরিসংখ্যান হইতে বুঝা যাইবে :

একাউন্টের সংখ্যা	টাকার পরিমাণ লক্ষে	একাউন্ট প্রতি গড় টাকা
কারেন্ট একাউন্ট	৪৫,৬৭৮	৩২
সেভিংস ,,	১,১৮,২১৯	৭২
স্থায়ী জমার ,,	৭২১	৩৪
অগ্রগণ্য ,,	৪,৮৯৩	৬

তপশীলী ও তপশীলী-বহির্ভূত ব্যাঙ্কে ব্যক্তিগত একাউন্টে যে টাকা জমা রাখা হয় তাহা কারেন্ট একাউন্ট ও সেভিংস একাউন্ট এবং টাইম ডিপোজিট হিসাবে বিভক্ত। এই বিভিন্ন প্রকার ডিপজিটের অঙ্ক অনেক ভাবিবার খোরাক যোগাইয়া দেয় :

	তপশীলী ব্যাঙ্কে টাকা লক্ষে	শতকরা	তপশীলী বহির্ভূত ব্যাঙ্কে টাকা লক্ষে	শতকরা
কারেন্ট একাউন্ট	১১২,৯৬	১৩	২,৫৬	৪
সেভিংস ,,	১৩৩,৩১	১৬	৮,৮০	১৭
টাইম ডিপজিট	১৪১,০৭	১৭	১৯,৯৯	৩৮
সর্বপ্রকারের ডিপজিট	৮২৩,০৮		৫২,৬২	

সেই ভূমি

শ্রীশৈলেন্দ্রকৃষ্ণ লাহা

দেখেছি তোমার অপূর্ণ রূপ,
আননে মধুর হাসি,
দেখেছি চরণে বরিয়া পড়িতে
শুভ্র কুমুদরাশি।
উর্ধ্বে দেখেছি অসীম নীলিমা,
অধরতলে তোমার প্রতিমা,
গোধূলি-প্রভাতে শুনেছি তোমার
সন্ধ্যা-আরতি বাজে,
দেখেছি তোমারে আনন্দময়
শাস্ত্র মাধুরী মাঝে।

ভেবেছি শুধুই শ্যামল শম্পে
বেগেছ চরণরেখা,
ভেবেছি শুধুই স্বর্ণশস্ত্রে
লিখেছ সোনার লেখা।
অজস্র ওই জ্যোৎস্নাধারায়
কোনু দিগন্তে চিত্ত হারায়,
ভেবেছি চন্দ্রালোকিত রাত্রে
তোমার আবির্ভাব,
সুন্দর বাহা তাহার মাঝারে
হেরেছি তোমার ভাব।

পেয়েছি আলোকে, খুঁজি নি তোমায়
যেথায় অন্ধকার,
ভয়ঙ্করের দিক হ'তে মুখ
ফিরায়েছি বার বার।
তোমারে হেরেছি পুষ্প-বিকাশে,
তোমারে হেরেছি শব্দ আকাশে,
হৃৎকার বাহা, বাহা দুঃস্বপ্ন,
তাহার মাঝারে নয়,
ছোট ছোট সুখ-দুঃখ-মিশানো
শুধু সেই পরিচয়।

হেরিলাম—এ কি তোমার মূর্তি !
লোক-লোকালয় ভাসে,
দিকে দিকে বহে প্রবল বহা
প্রলয়-কলোচ্ছ্বাসে।
মানুষ নিঃশ্ব, আশ্রয়হীন,
এতটুকু তার আশা নাই ক্ষীণ,
ডোবে জনপদ পল্লী নগর,
স্রোতোনিমগ্ন ভূমি।
কোথায় শাস্ত্র প্রসন্ন হাসি,
এ কি ভূমি, সে-ই ভূমি ?

জাহ্নবী যজ্ঞনার উৎস সাধন

জুহুত্ত বন্দ্যোপাধ্যায়

যমুনোত্তরীর পথে জানকীমাঈ চটি ছাড়বার পর ভৈরবঘাটির চড়াইটা যেমন আচমকা সামনে এসে দাঁড়ায়—গঙ্গোত্তরীর পথে এ ভৈরবঘাটির চড়াইটা ঠিক সে রকম নয়। সঙ্গম পেরিয়ে যাই—ভাগীরথী বামে এসে পড়েন। সঙ্গমের পর কিছু দূরে একটি বার্তা-ফলক, তাতে লেখা আছে 'রোড টু নেলাং'—হরশিলায় যে তিব্বতীদের দেখে এসেছি তাদের আসা এই পথ দিয়ে। একটি সরু সীমাস্তরেখার মত রাস্তা জাটগঙ্গার ধার বরাবর লামাদের দেশে চলে গেছে, দূর থেকে সেই পথের হাতছানি ফণিকের জগে উদ্ভূত করে তোলে। এই বার্তাফলকও পেরিয়ে এসে পড়লাম আসল ভৈরবঘাটির চড়াইয়ের মুখে।

এই চড়াই প্রসিদ্ধ চড়াই—দেয়ালের গায়ে লাঠিকে দাঁড় করিয়ে তা দিয়ে সরাসরি উঠে যাওয়াও যা, আমাদের সামনের ভৈরব ঘাটির উপরে উঠে যাওয়াও তাই।

তবে ভগবানের রূপ যেমন দুর্ঘ্যোগের ঘনঘটার মধ্যে তেমনি তাঁর রূপে ত বরাভয়ও আছে—সেই ত সাত্বনা, সেই ত মানুষের সকল দুর্ঘ্যোগ এড়িয়ে যাওয়ার একমাত্র সম্বল। মানুষকে যেমন জাল ফেলে জড়িয়েছেন তেমনি তার থেকে মুক্তির পথও খোলা রেখেছেন তিনি। তা না হলে এ সব চড়াই, এ সব বাধা আমরা পেরিয়ে যেতাম কি করে? দুর্ঘটনার সম্ভাবনা যেখানে পদে পদে, বুকের রক্ত জল হওয়ার আশঙ্কা যেখানে ব্যাপক, সেখানে কৈ দুর্ঘটনা ত ঘটে না। চড়াইয়ের বাধাও ত পেরিয়ে যাই। কোনো কোনো যাত্রীর ভেতর প্রতিকূলতার বিরুদ্ধে কথো দাঁড়ানোর স্পর্শা এবং দুঃসাহস এসে যায়, অমুভূতির সবটুকু দিয়ে বোঝা যায় বিপদের পর স্বর্গলাভ, যুদ্ধের পর জয়মাল্যের পুষ্পসস্তার।

তাই যেমন করে বুকে হেঁটে যমুনোত্তরীর ভৈরবঘাটি পেরিয়েছিলাম তেমনি কখনও বসে, কখনও হামাগুড়ি দিয়ে, ভৈরবঘাটি পাহাড়ের উপরে গিয়ে উঠি। তিন মাইলের এই জরাবহ চড়াই অতিক্রম করতে আর এক দফা চরম পরীক্ষা দিতে

হয়। মাতৃস্বরূপিনীর আশীর্ব্বাদে সেই পরীক্ষায় উত্তীর্ণ হই...শেষ হয়ে যায় চড়াই। আমাদের আশা সফল হয়। তীর্থযাত্রাকে উপলক্ষ্য করে পুণ্যসঙ্ঘের কাঁপিতে পুষ্পস্তবক স্তুপীকৃত হয়ে ওঠে।

চড়াই ভেঙে এই প্রসিদ্ধ পাহাড়টির উপর যখন উঠলাম তখন মনে হ'ল যাক—এসে গেছি। ভয় নেই আর, ঝালা থেকে যখন বওনা হই তখন মনে সঙ্কল্প ছিল, একটানা হেঁটে ভৈরবঘাটিতে গিয়ে উঠব, আর সেখানেই রাত্রিটা কাটাব। ভৈরবঘাটির অদ্ভুত নির্জনতার কথা যেন কোন বইয়ে পড়েছিলাম, তাই ইচ্ছে ছিল যদি স্থান সঙ্কলান হয়, তা হলে সেই নির্জনতার ছবিকে আমিও গ্রহণ করব সমস্ত অন্তর দিয়ে, তাই ভৈরবঘাটির আকর্ষণ বড় কম ছিল না। কিন্তু উপরে উঠে এসে দেখি রাত্রিবাসের কোন উপায় নেই। চটি নেই—অর্থাৎ যা আছে তাকে বলা চলে চটির ছায়ামাত্র। এক ফালি টিনের তলায় সঙ্কীর্ণ আশ্রয়টুকুতে মাথা গুঁজে থাকার কল্পনা বৃথা। এটি ছাড়া টিমটিমে চায়ের দোকান চোখে পড়ে...চা ছাড়া গরম হুণ্ডও এখানে মেলে। আধ ঘণ্টা এখানে বসি।

এখান থেকে গঙ্গোত্তরীর মন্দির ছ'মাইল। একটানা রাস্তা—চলার ভেতর না আছে ক্লাস্তি, না আছে অবসন্নতা...শুধু লম্বা লম্বা পা ফেলে হেঁটে গেলেই হ'ল। সেই দেওদার আর তার পত্র-গুচ্ছের স্নিগ্ধ ছায়া...এটুকু পথ যেন উড়তে উড়তে যাওয়া। যমুনোত্তরীর শেষ পথটুকু যেমন গহবরের ভেতর ঢুকে গেছে—গঙ্গোত্তরীর আগে এই ছ' মাইলের ভেতর সে রকম বন্ধুরতার নাম-গন্ধও নেই। চার মাইলে মাথায় পাহাড়ের এক অদ্ভুত রূপ চোখে পড়ে—এ রূপটি প্রাচীন ঐতিহ্যের কথা শ্রবণ করিয়ে দেয়। মা-গঙ্গা হুটি পাহাড়ের পাশ দিয়ে এমন ভাবে বেঁকে চলে গেছেন যে মধ্যকার বিস্তীর্ণ এক ভূখণ্ড জজ্বার আকার ধারণ করেছে। দূর থেকে দেখলে মানুষের জজ্বাই মনে হবে, অল্প কিছু নয়। গঙ্গার অপূর্ণ না...জাহ্নবী...জহুমুনিব জজ্বা থেকেই তিনি প্রবহমাণা,

তাই ঐ নাম। বেশ বোঝা যায়, গঙ্গার মূল প্রবাহ এই বিস্তীর্ণ ভূখণ্ডের ওপর দিয়ে পুরাকালে বয়ে গিয়েছিল—এখন যে ভূখণ্ড পড়ে রয়েছে তাকে অতীত ঐতিহ্যের ছায়া বলা যায়...প্রবাহ অনেক দূর দিয়ে চলে গেলেও জঙ্গলের আকৃতিটি রেখে গেছে। এখানে অনেককাল স্থির হয়ে দাঁড়িয়ে দাঁড়িয়ে যুগযুগান্তরের গঙ্গার উৎপত্তির ইতিহাসটি যেন মনের ভেতর ছবির মত ফুটে ওঠে। আমার দেখাদেখি আরও অনেকে এসে দাঁড়িয়ে যায়, আর তারাও প্রাণ ভবে এই দৃশ্যটি দেখতে থাকে। এ অঞ্চলে প্রত্যেকটি জিনিষের পৃথক সত্তা আছে—এ ভূখণ্ডের আশ্চর্য রূপটিতে তার স্বকীয় বৈশিষ্ট্যের পরিচয় পরিস্ফুট। সাদা সাদা পাথরে আকীর্ণ সমগ্র অঞ্চল...এরকম পাথরও কখনও চোখে পড়ে নি আমার।

ছ' মাইলের এই পথও শেষ হয়ে যায়...এসে তাই গঙ্গোত্তরীর তীর্থভূমিতে।

এখানে মানুষের ভিড় অল্প নয়, গঙ্গোত্তরীতে কতকটা শহরের আবহাওয়া—বস্তুতাত্ত্বিকতার ছাপ পড়েছে যেন। যমুনোত্তরীতে যে নিরাভরণতা, এখানে তা নেই। তার কারণ সহজবোধ্য—অর্থাৎ, দুর্গম ও দুর্কহ পথের প্রকট রূপ যমুনোত্তরীতে বতটা, গঙ্গোত্তরীর পথে তেমনিধারা নয়। সেখানে সেই রূপে কতকটা প্রসন্নতা এসেছে। মানুষ এখানে এসে জড়ো হয়েছে, পাণ্ডারা ভিড় জমিয়েছে...ঘরবাড়ী গড়ে উঠেছে বিপুল সংখ্যায়। অবশ্য বদরিকায় যে ভিড়, এখানে সেই তুলনায় কিছুই নয়, কিন্তু মনে হয়—এক দিন এ স্থান শ্রীক্ষেত্রের রূপ নেবে। ধর্মশালা একটা নয়, স্থানসঙ্কুলানের প্রসঙ্গই উঠে না—একটিকে বেছে নিলেই হ'ল। কমলীবাবাই আমাকে স্থান দিয়েছেন সর্বত্র—এখানেও সেই দাতা-কর্ণকেই বেছে নি। গঙ্গোত্তরীতে ঢোকায় আগে ধর্মশালা, দোকানপাট ইত্যাদি...তার পর ভাগীরথী-চুম্বিত মন্দির—মানুষের কোলাহল থেকে একটু দূরে।

অবশেষে এসে গেলাম ভাগীরথের স্মৃতিপূত গঙ্গোত্তরীতে... লাঠির ওপর ভর দিয়ে, খুঁড়িয়ে খুঁড়িয়ে হামাগুড়ি দিতে দিতে। স্বপ্ন হ'ল সার্থক, ইচ্ছা হ'ল পূরণ। কোন দিন কি ভেবেছিলাম যে, এক দিন এক দিকে যমুনোত্তরী ও এক দিকে গঙ্গোত্তরীতে আমার পায়ের চিহ্ন পড়বে? কখনও কি ভেবেছিলাম যে জীবনের এই মহান ত্রুত উদঘাপনের সুযোগ পাব?

অসম্ভব সম্ভব হ'ল—অসীমকে সীমার মধ্যে পেলাম। অল্প কিছু নয়, সেই একটিনাত্র কথা—যার নাম যোগাযোগ। এটি না এলে জীবনে কোনকিছুই সম্ভব নয়—এর আসা বাধভাঙা বস্তুর জলের মত...এ অমোঘ, এ অনিবার্য। যখন এই যোগা-যোগ উপস্থিত হয় না, তখন বুঝতে হবে মাথা খুঁড়ে মরে গেলেও কিছু মিলবে না, মিলবে না কোন হুল'ভ সম্পদ—কুপমণ্ডকের মত গতানুগতিকতার অমুর্ভবন করতে হবে। কিন্তু মানুষ জানে না—মহাব্যোমের মহাবহুস্তের ভেতর বসে বসে কলক্যাঠি নাড়েন এক জন—মানুষ চলে সেই ভাবে। নাস্তিকতার যুক্তি দিয়ে মানুষ বলবে

কলক্যাঠি নাড়ার মালিককে যখন চোখ দিয়ে দেখা যায় না তখন মানার প্রসঙ্গও ওঠে না...বাস্তব গড়ে তোলায় প্রসঙ্গও ত অর্থহীন।

কি করে বোঝাই, কি করেই বা এর বিশ্লেষণ করি। যোগা-যোগ যে কি—ব্যক্তিবিশেষের জীবনে তার প্রভাব কতখানি তার চুলচেরা হিসেব করি কি করে?

কত চেষ্টা, কত ইচ্ছা করেও আসা হয় নি—গোটা ভারতবর্ষ ঘুরেছি, তার বেলায় কোন বাধা আসে নি, এসেছে মহাতীর্থ পরিক্রমণের সুরুতে। বাধার পর বাধা—বন্ধনের পর বন্ধন... কিছুতেই কিছু হয় নি, আকাজকা অচরিতার্থই থেকে গেছে। শুধু মাথা খুঁড়েছি—পাষণ-বিগ্রহ পাষণই থেকে গেছে।

তার পর কোথাও কিছু নয়, ডাক এল। কেদার ডাক দিলেন, সেই সঙ্গে বদরীবিশাল। যে বন্ধনের জন্তে জীবন-ইতিহাসের পাতার পর পাতা শূন্যে অলিখিত হয়ে উড়ে গেছে, তা আচমকা জোড়া লেগে গেল। যোগাযোগ লিখে দিল এক উজ্জ্বল অধ্যায়... একটু কল্পন ফুটিয়ে তেতর—তার পরেই একছুটে কেদার ও বদরিকা।

সেখানে এক ইঙ্গিত, যে ইঙ্গিতে কাঁধের উপর বৈরাগ্যের ঝুলি উঠে যায়, সংসার থেকেও থাকে না। সেখানে কি পেয়েছি, তার পুনরাবৃত্তি এখানে বৃথা।

তার পর একটা বৎসর...আবার সেই কৈপে ওঠা, আবার সেই তৃষ্ণা।


ডাক এল, যমুনোত্তরী ও গঙ্গোত্তরী ছুটে এল উদ্ধার মত—জীবনের তীর্থপরিক্রমা আবার সুরু হয়ে যায় আমার।

কি করে বোঝাই এ অসম্ভব সম্ভব হওয়ার তত্ত্বকে, কি করেই বা জানাই ডাক না এলে কোনকিছু মানুষের জীবনে সম্ভব নয়।

ধর্মশালায় সুন্দর একটি ঘর মিলল। কাঠের বাড়ী, দোতলার উপর ঘর, সামনে একফালি বারান্দা। বিশ্বাসের আশায় চূপচাপ শুয়ে ছিলাম, সামনে দরজাটা খোলা—ধরম সিং অভ্যাসমত চা আনতে গেছে। ভাবছিলাম এটা-ওটা আর সামনের গঙ্গার দিকে চেয়ে ছিলাম—সামনেই কাঠের ব্রীজ ওপারের সঙ্গে যোগসূত্র রচনা করে রেখেছে, ব্রীজের পরই বালিয়াড়ি ক্রমোচ্চভাবে উঠে গেছে—একটি ছোট্ট কুটার দেখতে পাচ্ছি। হঠাৎ নজরে পড়ল একটি নারীমূর্তি ঐ কুটার থেকে বেরিয়ে এসে কাদের সঙ্গে যেন কথাবার্তা বললেন, মনে হ'ল তারা যাত্রী। শুয়ে শুয়ে এপার থেকে পরিষ্কার ভাবেই দেখা যাচ্ছিল সবকিছু। কুটারটির রং গৈরিক, ছবির মত যেন। কে ঐ নারী? কেনই বা ওরকমভাবে বেরিয়ে এলেন? এলোমেলো চিন্তাগুলোর মধ্যে কিসের একটা তাগিদ এল যেন। বেলা ত এখন চারটে—গঙ্গার ওপারটা একটু ঘুরে এলে মন্দ হয় না, মন্দির দর্শন এখন থাক। চা নিয়ে ঘরে ঢুকল ধরম সিং। বললাম, "চল ওপারটা একবার দেখে আসি।"

এর পরে নূতন কাহিনীর সূত্রপাত—এখান থেকেই গঙ্গোত্তরীর সাধুপ্রসঙ্গের সূচনা বলা চলে। ভেবেছিলাম গঙ্গোত্তরী মন্দিরের ও

গোস্বামীর কিছু কিছু বর্ণনা দিয়েই আমার ভ্রমণকাহিনীর উপর দিয়ে কেবলমাত্র গঙ্গোত্তরীর ছবি আঁকা। কবির সঙ্গে আর বনিকা টেনে দেব, কিন্তু আদেশ অমোঘ, এ আদেশ লঙ্ঘন একটি অবিচ্ছেদ্য।



গঙ্গোত্তরীর মন্দির

করার ক্ষমতা আমার নেই। কার কাছ থেকে এ আদেশ এসেছে, সে কথা এখানে বলতে চাই না। আমি শুধু এই কথাই বলি যে, জানাতে আমাকে হবেই। মস্তিষ্ককে বিচ্ছিন্ন করে অব্যবের গঠন যেমন চলে না, তেমনি চলে না এ মহান তীর্থের সাধুপ্রসঙ্গকে বাদ

কিন্তু মুশকিল আছে—আর সেই সঙ্গে চিন্তা। এ চিন্তা হ'ল আমার কলম ঠিক উপযুক্ত কিনা—বিশ্লেষণ ও বর্ণনার মর্শ্বস্থলে ঠিকভাবে পৌঁছানো যাবে কিনা। কেননা যাদের দেখেছি তাঁরা মহৎ—তাঁদের ব্যাখ্যা শুধু কলম ও কালি দিয়ে সম্ভব হবে কিনা

তাও চিন্তার বিষয়। সবকিছুই কি লেখা যায়? বোধ হয় যায় না; আর যায় না বলেই 'গুহ' বলে কথাটির সৃষ্টি হয়েছে। ব্রহ্মতালের পথপ্রান্তে কিংবা গঙ্গাসালীর সন্নিকটে সেই ফিকে সবুজ সাড়ী-পরমা মায়াময়ীর বর্ণনার মত, গঙ্গোত্তরীতে বা গোমুখের পথের উপর কুড়ানো সম্পদের বর্ণনাও সম্পূর্ণ নয়—আংশিকমাত্র।

ধরম সিং নিল লঠন, আমি নিলাম টর্চ—উদ্দেশ্য, মন্দিরের আরাতি দেখে ধর্মশালায় ফিরব। শীতবস্ত্রগুলোকে গায়ে জড়িয়ে নি', কেননা শীত এখানে প্রচণ্ড। ধর্মশালা ছাড়িয়ে একটা চায়ের দোকান চোখে পড়ে—এখানে একটু বসি দ্বিতীয় বার চায়ের আশায়। এখানে এক জন দণ্ডীস্বামীর সঙ্গে আলাপ হয়, সবমাত্র গোমুখ দর্শন করে তিনি ফিরছেন। এর কাছ থেকেই জেনে নি' পথঘাটের খবর, তুষারক্ষেত্রের রূপ, গঙ্গার প্রবাহের ইতরবিশেষের কথা। ইনি একাই গিয়েছিলেন—সঙ্গে ছিল একমাত্র গাইড, বা এখানে অনায়াসলভ। যাক, এর কথা শুনে গাইড সম্বন্ধে নিশ্চিত হওয়া গেল। দণ্ডীস্বামী রাজপুতানার সন্ন্যাসী। কথা-বার্তার পর বুঝিয়ে দিলেন, বারাণসী পৌঁছে বিশ্বনাথকে দর্শন না করলে যেমন বারাণসী দর্শন বার্থ, তেমনি গোমুখকে বাদ দিয়ে গঙ্গোত্তরীর মর্মস্থলের বহুশ্রোদঘাটনও অসম্ভব। বললেন, যে সব স্বাক্ষরী কেবলমাত্র দুর্গমতার ভয়ে গোমুখ দর্শন না করে পেছন ফেবে, তাদের পুণ্যসঞ্চয় আট আনা হয়েছে মাত্র। মানুষটিকে ভাল লাগে, কথা বলে তৃপ্তি পাই। এখান থেকে উঠে নেমে এলাম গঙ্গার ধার-বরাবর—সামনেই কাঠের পুল, পেরিয়ে ওপারে এলাম।

এপারে এসে দাঁড়াতেই সমস্ত দিনের পথচলার অবসাদ যেন দূর হয়ে গেল। মনে হ'ল আবহমানকাল ধরে এই গঙ্গোত্তরীতেই আমি মানুষ হয়েছি। খানিকটা পথ উপরে উঠে গেছে, বিচ্ছিন্ন দেওদারের ছায়া গোটা বালিয়াড়ির বৃক্ষের উপর...খানিক দূর চলার পর সেই গৈরিক কুটিরের সন্ধান মিলল, যাকে ধর্মশালা থেকে দেখে আমার মনে আলোড়নের সৃষ্টি হয়েছিল। পরিষ্কার-পরিচ্ছন্ন কুটিরটি—অঙ্গনের ভেতর ঢুকতেই মাতাজীর দর্শন পাওয়া গেল। এরও গৈরিক বেশ—মধ্যবয়সী, মুখেচোখে দীর্ঘদিনের সাধনালব্ধ প্রশান্তির ছায়া। প্রণাম করলাম আমি আর ধরম সিং। মুহূর্ত্ত হেসে আমাদের বসতে বললেন। কথাবার্তার সুরতেই জিজ্ঞাসা কবি তাঁর পরিচয় ও সামনের ঐ কুটিরের কথা। তিনি শান্ত স্বরে বলতে থাকেন, “কুটিয়া কে অন্দর যো মহাত্মাজী তপশ্রা মে লগে হয়ে হৈ—উনকা নাম হায় কৃষ্ণস্বামী। তীশ সাল সে ইসী গঙ্গোত্তরী কো কেন্দ্র বনা ওয়হ যই হৈ, ওয়ই ইস তীশ সালকে অন্দর করী পচ্চিশ সাল ওয়ে অপনী সাধন মে লগে হয়ে হায়—।”

মাতাজী নিজের নাম বলেন ভগবৎপ্রসাদ। চমকে উঠিলামের বৈচিত্র্যে, কিন্তু কিছু না বলে জানতে চাই সাধুটির সাধনমার্গে আসার আগেকার কথা, তাঁর নামগোত্র পরিচয়। এড়িয়ে যান মুহূর্ত্ত হেসে, আমাদের কাম্য জিনিষের পথ করে দেন—সাধুদর্শনের আকাঙ্ক্ষা এরই সাহায্যে পূর্ণ হয়ে ওঠে। রুদ্ধ দ্বার মাতাজীই খুলে

দেন, ভেতরটার আলো-আধারির সংমিশ্রণ। কেমন যেন গা সির সির করে ওঠে, ভেতরে প্রবেশ করি বস্তুচালিতের মত। হু'এক পা এগোতেই পিঠের ওপর কার যেন হাতের মুহূর্ত্ত চাপ পড়ে—বুঝি, মাতাজীর ডান হাত কাঁধের উপর, বসবার ইঙ্গিত করছেন। আবিষ্টের মত বসে পড়ি, পায়ে তলায় মসমস করে ওঠে কি সব, বুঝি এগুলো ভূর্জপত্র—সারা মেঝের উপর ছড়ানো। প্রণাম করি ভূমিষ্ঠ হয়ে—কপালে দু-একটা পাতা লেগে যায় আমার।

ক্যামেরার লেন্সের মত আমার চোখ দুটো সামনে উপবিষ্ট মূর্ত্তির উপর নিশ্চল হয়ে যায়। সংখ্যাতীত ভূর্জপত্রের উপর সোজা হয়ে বসে আছেন কৃষ্ণস্বামী, পত্রগুলোই এর আসন, বাঘ-ছালের বালাই নেই। জটার স্তূপের তলায় প্রশস্ত ললাট, সরু বাঁশীর মত নাক, চিবুকের তলা থেকে মুখের জ্যোতির্ময় প্রসন্নতা অনির্বচনীয়। কেমন যেন মনে হয়—এ মুখে বাংলাদেশের ছাপ, কিন্তু অনুসন্ধানের সূত্র মেলে নি। চক্ষুদ্বয় অর্ধনির্মীলিত—মণি দুটি নিশ্চল ও নিথর, অতল রহশ্রে তা লীন হয়ে আছে। সম্পূর্ণ নিবাবরণ প্রশান্ত স্থির মূর্ত্তি, হাত দুটি আলগাভাবে কোলের উপর গুস্ত। ষোগময় কৃষ্ণস্বামী, প্রপঞ্চ আত্মা ব্রহ্মে স্তব্ধ হয়ে আছে। অনেকক্ষণ বিভোর হয়ে চেয়ে থাকি শুধু, অধীর হয়ে পড়ি এই ভেবে যে কি এক মহাশক্তির আকর্ষণে জীবনের দীর্ঘ ত্রিশটি বৎসর নিকপদ্রবে কেটে যায় এর—কেন কাটে, আর এই কেটে যাওয়ার পটভূমিকায় কি বা আছে? দিন নেই, রাত নেই...সমগ্র চবাচর আত্মার ভেতর দিয়ে সমাধিতে এসে একটি বিন্দুতে স্থির হয়ে গেছে কৃষ্ণস্বামীর। এ মূর্ত্তির কাছ থেকে কথা ৬ তার থেকে পাথরের উপর মাথা খোঁড়া ভাল। নিঃশব্দে বেরিয়ে আসি আর একবার প্রণামের অঞ্জলি রেখে।

কুটিরটির বাইরে এসে কোনও ভূমিকা না করে মাতাজীকে গঙ্গাদাসের কথা জিজ্ঞাসা করি। নামটি শুনেই তিনি চমকে উঠেন; বলেন, “আপকো ইনকী খবর কিসনে দিয়া।” আমি উত্তরকালীর উপকণ্ঠের বিমলানন্দের কথা বলি, জানিয়ে দি, তার সঙ্গে দেখা হওয়াটাও একটা বিশেষ ষোগাযোগের ফল, আর তিনিই গঙ্গাদাসের সন্ধান দিয়েছেন। তিনি এইটুকু বলেছেন যে, গোমুখের পথেই তিনি থাকেন—পথ ভীষণ, তবে সত্যানুসন্ধানের প্রতি অকৃত্রিম অমুরাগ থাকলে দেখা পাওয়া সম্ভব। মাতাজী কি যেন ভাবেন; তারপর তীক্ষ্ণ দৃষ্টি দিয়ে আমার আপাদমস্তক একবার দেখে নেন, মুখে চোখে কিসের একটা জ্যোতি ফুটে উঠে—তার পর হঠাৎ জিজ্ঞাসা করেন, “তুম সাকোগে?” বলি, “অগর গুরুজী কা আশীর্বাদ রহে তো কেও ন সফল।” কয়েকটি মুহূর্ত্তের নৈশব্দ্য, মাতাজী বলতে থাকেন, “গঙ্গোত্তরী মন্দির কে পিছে রখ দক্ষিণ-পূব কী ওয় যো রাস্তা গোমুখ কে লিয়ে নিকল গয় হৈ উসকে হুরী তরফ হী ওয়ে রহিতে হৈ। ওয়ে বড়ে সাধু হৈ উনকে দর্শন সে আপকা জীবন সার্থক হোগা। রাস্তা বড়ী খারাপ হৈ কই এক জগহ তো রাস্তা, হী নহী হৈ—পথ বনা কর আগে বঢ়না পড়ে গা। বরযো আগে

যহী রাস্তা ধা গোমুখ যানে কে লিয়ে, পর গঙ্গাজীকী ধারা ধীবে ধীবে বদলতী গই, ঠের ওঠে সড়ক ভী টুটতী গঙ্গ। উনকী কুঠিয়া গঙ্গাজীকে কিনারে পর হী হৈ—।”

মাতাজী চুপ করে যান। এইটুকুই ত যথেষ্ট—ভাগ্য স্প্রসন্ন হলে এই পথনির্দেশই জীবনে হুল্লভ বস্তুর সন্ধান এনে দেবে। প্রণাম করে আমরা উঠে পড়ি।

এই কুটিবটির পাশ দিয়ে আর একটি সরু পথ গঙ্গার ধাব-ববাবর উত্তর দিকে চলে গেছে। এ পথ আলাদা পথ, কেমন যেন মিল নেই অথ রাস্তাগুলোর সঙ্গে। দৃষ্টির সামনে দেওদারের যে ঘন জঙ্গল দেখতে পাচ্ছি, একটা অনতিস্পষ্ট হাতছানি দিয়ে এ পথটা ঐ জঙ্গলের মধ্যে যেন অদৃশ্য হয়ে গেছে। কিসের একটা সাড়া পাই রক্তের ভেতর। বিমলানন্দ বলেছিলেন, গঙ্গার অপর পারে দেওদারের যে জঙ্গল তার মধ্যেই আত্মগোপন করে থাকেন রামানন্দ, হয়ত বা এই সরু পথ ধরে গেলেই মিলবে রামানন্দের আস্তানা। পা চালিয়ে দি, ধরম সিংকে বলি, “উধার চলিয়ে।”

গঙ্গার তীরভূমির হুঁপাশে আকীর্ণ যে সকল পাথরের রূপ দেখতে দেখতে আসছি, তার ভেতর কালো পাথরের ভগ্নাংশই বেশী। রুক্ষস্বামী কুটির অদৃশ্য হওয়ার পর এই বেগাশা পথটি শুরু হ'ল গঙ্গাকে পাশে রেখে, খানিকটা আসার পর আচমকা পট-পরিবর্তনের মত কালো রঙের প্রস্তব-সমাকীর্ণতা নিশ্চিহ্ন হয়ে গেল, জাহ্নবীর গৈরিক-প্রবাহের হুঁপাশে দেখা দিল অতি শুভ্র পাথরের মায়া, স্মৃতির ভাঙাবে যা এক অক্ষয় সক্ষয়। যত দূর দৃষ্টি চলে শুধু সাদা আর সাদা, যেন শুভ্র রঙের মেলা বসে গেছে। ছোট-বড় সাদা পাথরের বালিয়াড়ি...তার মধ্যে দিয়ে ভাগীরথী বয়ে চলেছেন, মূর্তিমতী তপস্বিনীর মত...এ যে কি দৃশ্য তা বোঝাই কি করে? গঙ্গোত্তরীমাগের এই নয়নাভিরাম রূপ, এ রূপ সার্থক রূপ, মহত্তম রূপ—এ রূপের তুলনা নেই। জাহ্নবীগর্ভে বড় বড় পাথর যেন দ্বীপ-রচনা করে রেখেছে, আর সেগুলোতে প্রতিষ্ঠিত হয়ে প্রবাহের যে কলোচ্ছাসের নৃক্ষনা, তা শুনতে শুনতে ঘুম এসে যায়...মনে হয় ফিরব না, সংসার অবলুপ্ত হয়ে থাক, জীবনের বাদবাকী ক'টা দিন মায়েব এই স্নেহাঙ্কলের আশ্রয়েই কাটিয়ে দেব। কিছুক্ষণ এই স্বর্গীয় দৃশ্য দেখতে দেখতে চলার পর এক অপরূপ দৃশ্য চোখে পড়ে, এমনটি যে দেখব তা ছিল অপ্রত্যাশিত। সামনে দেখি প্রবাহের রূপ, প্রপাতের রূপ—গতিশীল ধারা এক আকুল উচ্ছাসের আনন্দে একটি বিরাট সাদা পাথরের উপর যেন ছমড়ি খেয়ে পড়েছে—দূর থেকে দেখলে মনে হয় এ যেন বিশাল শুভ্র কোন এক মহাশক্তির আধারের বৃকের উপর যজ্ঞোপবীতের বন্ধনী। কল্পনা করা চলে এ মহাশক্তি—স্বয়ং মহাদেব যিনি গোমুখের কাছে গঙ্গার বেগকে জটাজালের ভেতর ধারণ করেছেন। গঙ্গার প্রবাহের এ শাস্ত মূর্তি আর কোথাও দেখি নি—এখানে মানসপটে যে ছবিটি ধরা পড়ে সেটি হচ্ছে এই যে, জটাজটসমাচ্ছন্ন মহেশ দণ্ডায়মান, এক হাতে তাঁর ডমরু আর এক হাতে ত্রিশূল...ভগীরথ যুগযুগান্ত ধরে তপস্শায়

সমাধিস্থ...আকাশের দূর নীলিমার মহাব্যোমের ভেতর থেকে মা-গঙ্গা নেমে আসছেন পৃথিবীতে, প্রবাহের সেই হনিবার বেগ ধারণ কববার জন্তেই ত শিব, গোমুখে মহেশের উচ্ছ্বাস—এখানে তাঁর বক্ষদেশ।

শুধু তাই নয়, আর একটি কল্পনাও মনে আসে। সেটা আর কিছু নয় জহু মুনিকে কেন্দ্র করে কল্পনার রূপটি। ভৈরবঘাটির চড়াইয়ের শেষে গঙ্গোত্তরী মন্দিরের পথে, এক মাইল আগে, দূর থেকে গঙ্গার অপর পারে পাণ্ডের যে আকৃতির সঙ্গে ভাগীরথীর অদ্ভুত রূপ দেখেছি, এখানে সেই দেখার চরম সার্থকতা। যে অতি বৃহৎ শুভ্র প্রস্তবগণ্ডের বৃকের উপর দিয়ে প্রবাহিণী নেমে আসা—তার সঙ্গে মানুষের জজ্বার সাদৃশ্য বর্তমান। মনে হয় ঠিক এই অঞ্চলকে ঘিরেই মহামুনি জহু র আশ্রম ছিল, আর ঠিক এইখানে বসেই তিনি একটামাত্র অঞ্জলিতে গঙ্গাকে পান করেছিলেন। সগররাজার বে আরাধনা, শাপমুক্ত হওয়ার যে তপস্যা আর সেই তপস্যার ফলে ভাগীরথীর সেই মুক্তিপর্ব—সবই যেন ঘটেছিল এখানে। পাথরটিকে সারা জীবন মনে থাকার কথা, আর থাকবেও। মনে হয় গোটা মহাভারতের ভাগীরথী-আপ্যানের পাতাগুলো এখানে এলোমেলো-ভাবে পড়ে আছে। এই পাথরটির হুঁপাশে দুটি সাদা পাথী চোখে পড়ে, মুখোমুখি হয়ে বসে আছে। দুটির পাশ দিয়ে চলে যাই—ওরা নড়ে না। ওরা কারা কে জানে? অনামী দুটি পাথী, অজানা ওদের ইতিহাস।

কিছু পরেই সেই দেওদার জঙ্গলের শুরু। বিশাল বিশাল সংখ্যাতীত মহীরুহ উঠে গেছে উচ্চাকাশে। অপূর্ণ নিরঞ্জন পরিবেশ, গঙ্গার কলধ্বনিও এখানে নীংব। রামানন্দকেই ভাবতে ভাবতে চলেছি, সন্ধার আর বেশী দেরি নেই, মনে হচ্ছে দর্শন কি মিলবে না! বিমলানন্দ ত এই জঙ্গলেরই বর্ণনা করেছিলেন, এইখানেই ত তাঁর থাকার কথা। ধরম সিং পেছনে পেছনে আসছে, তারও মুখে কথা নেই, সেও একটা কিছু ঘটবার সম্ভাবনায় মুক হয়ে গেছে। কোথাও কিছু নেই, একটা বিরাট দেওদারের মূলকাণ্ডের আড়াল থেকে হঠাৎ দৈত্যের মত একটা বিরাট মানুষ বেরিয়ে এল। আমাদের সামনে দেখতে পেয়েই অদ্ভুত ভঙ্গীতে কটমট করে কিছুক্ষণ তাকিয়ে থাকার পর মানুষটি পেছন ফিরে হনহনিরে হাঁটতে শুরু করলে। দেখতে পেলাম সাত ফুট লম্বা এক বিশাল লোমশ পুরুষ—দিগম্বর—হাতে একটা বিরাট লাঠি। দুটি পায়েব পাতা অস্বাভাবিক ঝুল ও বৃহদাকার। বিমলানন্দের বর্ণনার সঙ্গে সবটাই হয়ে হয়ে চাবের মত মিলে যায়...কোন ভুল নেই... ইনিই রামানন্দ, ইনিই যোগসিদ্ধ মহাসাধু...গাছের পাশ থেকে এর আচমকা বেরিয়ে আসা আর তাকানোর ভঙ্গী, তারপর প্রস্থানের ব্যাপারটি, সবকিছুই অদ্ভুত। অবশেষে রামানন্দের সাক্ষাৎ মিলল, ঠের পিছু পিছু আমি আর ধরম সিং এগিয়ে চলি। আমরা পিছু নিজেছি কি না সেটা একবার ঘাড় ফিরিয়ে দেখে নিলেন রামানন্দ, তারপর যখন দেখলেন আমরাও মস্তমুগ্ধের মত এগোচ্ছি

তখন ধপ করে একটা পাথরের উপর বসে পড়লেন তিনি ; ভাবখানা এই—এখনি যখন ছাড়বে না তখন থামা ছাড়া গত্যন্তর নেই।

পায়ের কাছে এসে তাঁকে প্রণাম জানাই—উত্তরকাশীর সেই বিষ্ণুস্তম্ভের মতই একবার ডান হাতটি আশীর্বাদে ভঙ্গীতে তুলে ধরেন—শুধু এইটুকু যা—কোন কথা নয়, কোন আদর-আপ্যায়নের সুর রামানন্দের কণ্ঠে বেজে ওঠে না। প্রকাশ মুখ, মাথা জটা-বিহীন, বিষ্ণুস্তম্ভেরই মত কাঁচাপাকা চুলে ভর্তি। মাংসল স্থূল গ্রীবা বক্ষস্থল সুবিশাল—এমনটি সচরাচর দেখা যায় না। যোগাসনে বসার মতই তিনি বসে ছিলেন পাথরের উপর। চোখহুটো খোলাই রেখেছিলেন—তবে এ দৃষ্টিতে আগেকার সে ক্রোধবহি নেই, আছে সেই ছল ছল ভাব ! আর চোখের দৃষ্টির ভেতর যখন জিজ্ঞাসু মনের পরিচয় নেই তখন বাক্যলাপ করা বা কিছু প্রশ্নের কথা ওঠে না, তাই তৃপ্তিটুকু এই বিরাট অবয়বকে শুধু প্রাণ ভরে দেখার মধ্যেই সীমাবদ্ধ থাকে। সন্ধ্যা ঘনিয়ে আসার সঙ্গে সঙ্গে গঙ্গোত্তরী তীর্থভূমির শীতের প্রকোপে আমরা কাতর হয়ে পড়ি, সারা অঙ্গে শীতবস্ত্রের আচ্ছাদন—কিন্তু এ মূর্তি যে একেবারে নিরাবরণ। ভোলানাথের আরাধনায় মানুষটাই ত ব্যোমভোলা হয়ে গেছে। বুঝতে পারি আধ্যাত্মিক মার্গে রামানন্দের প্রভাব কতখানি ! বুকের ভেতর উপদেশ তথা ইঙ্গিতপ্রাপ্তির আকাঙ্ক্ষার যেন ঝড় বইতে থাকে—কিন্তু কণ্ঠে সুর আসে না, কণ্ঠ রোধ হয়ে যায় আমার।

আধ ঘণ্টা...একটা শতাব্দী যেন ! সমুদ্রের ঢেউয়ের মত অমুভূতির পর অমুভূতির প্লাবন হতে থাকে...সেই মুকই হয়ে থাকি। তিনটি মানুষের মধ্যে কারুরই মুখে কথা নেই, সংখ্যাতীত দেওদারের শাখা-প্রশাখার মধ্য দিয়ে বাতাসের সোঁ সোঁ শব্দ হতে থাকে শুধু।

স্বপ্ন টুটে যায়, উঠে পড়ি আমি আর ধরম সিং। বৃহৎ পা দুটি থেকে অঞ্জলির মত তুলে নি কিছু পদরেণু, তা ছোঁয়াই বুকে, কপালে মাথায়...ডান হাতটি আবার আশীর্বাদে ভঙ্গীতে ওঠান খানিকটা, তার পর রামানন্দ উঠে পড়েন। পশ্চিমাংশে দেওদারের জঙ্গলের নিবিড়তার মধ্যে রামানন্দের সুবিশাল দেহটি অদৃশ্য হয়ে যায়। এবার দক্ষিণের পথ। যে পথ দিয়ে রামানন্দের সন্ধান আসা, সে পথে প্রত্যাবর্তনে বেশী সময় লাগবে—সন্ধ্যারও আর দেরি নেই, কাজেই ও পথ ছেড়ে দি। গঙ্গা থেকে অনেকটা দূরেই চলে এসেছি। এবার সমতল ভূমির শুরু, দেওদারবন শেষ হয়ে এল। খানিকটা পথ আসার পর বিচ্ছিন্নভাবে অবস্থিত আর একটি কুটিরের সন্ধান পাওয়া গেল...সামনে একটিমাত্র খোলা দরজা, আশেপাশে জনমানবের চিহ্ন নেই। ধরম সিংকেশনিয়ে সরাসরি ভেতরে প্রবেশ করি। দুটি মানুষের প্রবেশের ফলে কুটির-ভ্যস্তরের নৈঃশব্দ্য কতকটা ভগ্ন হয়। তৈজসপত্রের টুংটাং আওয়াজ হয়, বৃষ্টি কুটিরটিতে যার অধিষ্ঠান, জাগতিক ধর্মের সঙ্গে তাঁর যোগসূত্র ছিন্ন হয়ে যায় নি। এখানেও মেঝের ওপর-ভূর্জপত্রের

আচ্ছন্ন, যা প্রথমোক্ত কুটিরে দেখে এসেছি। বুঝতে পারি এ অঞ্চলে তপস্রাপ্ত জীবনের সঙ্গে ভূর্জপত্রের ঘনিষ্ঠ সংসর্গ। নিশ্চিত বুঝতে পারি এই অন্ধকারের মধ্যে মানুষ আছে। বহু-চালিতের মতই পত্রগুলোর উপর বসে পড়ে উদ্দেশে প্রণাম জানাই। কোন সাড়া পাই না—না মানুষের, না অগ্নিকিছুর।

নিশ্চল হয়ে বসে আমি আর ধরম সিং অন্ধকারের নিবিড়তার মধ্যে মূর্তি ও আসনের সন্ধান নিতে থাকি। কিছুক্ষণ এই ভাবে বসে থাকার পর কিসের একটা খসখস আওয়াজ হয়, মনে হ'ল, সম্মুখের দশ-বার হাত দূরে অধিষ্ঠিত মূর্তিটি যেন একটু নড়ে উঠল। এক মিনিট, কি হ'মিনিট—চোখের সামনে অন্ধকারের পটভূমিকায় একগুচ্ছ দীর্ঘ দাড়ি ভেসে ওঠে। মুখ দেখতে পাই না, শরীরের অগ্নিকিছুর চোখে পড়ে না, কেবলমাত্র অবাস্তব জিনিষের মত ঐ অদ্ভুত দাড়িই দৃষ্টির সম্মুখে দেখা দেয়। কিছুক্ষণের জন্তে একটা নিস্তব্ধতা, তারপরেই গঙ্গীর গলার আওয়াজ—“তুমি ক্যা মাজতে হো ? কহা ঘর হৈ তুমহারা ?”

—“সাধু ঔর মহাত্মা কা দর্শন কে লিয়ে হী মেরা আনা হৈ। বঙ্গালমে মেরা ঘর হৈ—মায় বাঙ্গালী ছ।”

“দর্শন সে কুছ নহী হোতা হৈ বেটা—করম চাহিয়ে। জপ ঔর ধ্যান কর—যহী সব, মুক্তি কা রাস্তা হৈ বেটা। দিন রাত লাগাতার ধ্যান লগা, নহী তো গুরু কে গুরু কৈসে মিলেজে ? তেরা জপ-ধ্যান সব নীদ মে ভী চালু রহে, তব সমঝাক ওয়ে মিলেজে।”

জিজ্ঞাসা করি—“ইস সংসার কে মনুষ্য কে লিয়ে কোন সা পথ হৈ বাবা ? আগে বড়নে কা উপায় ক্যা ওহী জপ ঔর ধ্যান ?”

—“ওহী একহী রাস্তা হৈ। জীবনকে পল পল মে উনকী সুখ মে হী উনকো পানা হৈ বেটা। একদিন মে সব নহী হোতা হৈ। আপনা পহলে—জনম কা স্কৃত কা অভাব ন হোনে পর ইসী জনম মে সব সম্ভব হৈ। করম কিয়ে যা বেটা, সচ্রে পথ পর রহ। ঔর ধ্যান কো আগে বড়া।”

মূল গঙ্গোত্তরীর এই তিনজন সাধুর কথা আমার স্মৃতির পটে চিরকাল আকা থাকবে। গঙ্গাদাসের কথা স্বতন্ত্র, কেননা তিনি থাকেন গোমুখের পথে। কিন্তু মন্দিরকে কেন্দ্র করে যে পৌরাণিক তীর্থ-ভূমি, তার মধ্যে ঐ তিন জনই স্নিগ্ধ জ্যোতি বিকীর্ণ করছেন। রামানন্দের সন্ধান পেয়েছিলাম স্কৃতির ফলে। রামানন্দ ছাড়া অপর দুটি সাধুও কল্যাণকৃত, এদের দেওয়া আশীর্বাদও যে-কোন মানুষের পক্ষে দুর্লভ। তৃতীয় সাধুটির নাম আমি জানতে পারি নি, অনেক চেষ্টা করেও নয়। সত্যি বলতে কি, গঙ্গোত্তরীর গঙ্গার অপর তীরভূমিতে সাধুর সংখ্যা বড় কম নয়...এ দেবও আমি দেখার চেষ্টা করেছি, বোঝার চেষ্টা করেছি, কিন্তু স্থানকালপাত্রভেদে তাঁদের সাধনার তত্ত্ব আমার কাছে অনধিগম্য থেকে গেছে। তাঁরা পাকা-পোস্ত ঘরবাড়ী তুলে বাইরে সাইনবোর্ড ঝুলিয়ে ভগবানকে পাওয়ার চেষ্টা করছেন—তাঁদের সঙ্গে দেখা হলে তাঁরাই-তাকেন,

যাত্রীদের ডাকতে হয় না। তাঁরা সহজলভ্য, তাই ভিড় সেখানে... সহজেই সেখানে আসন মেলে। উত্তরকালীর উজলীর সঙ্গে এ দেব মিল অনেকটা। থাক এঁদের কথা—তবে পূর্বে তিন জনকে যে বলা চলে গঙ্গোত্তরীমার্গের ব্রহ্মা বিষ্ণু মহেশ্বর তাতে সন্দেহ নেই। শীতের সময় এ অঞ্চল যখন তুষারে ঢাকা পড়তে থাকে তখনও ঐ ত্রিমূর্তি সাধনার দীপশিখা জ্বালিয়ে রাখেন, তখনও দেওদারের জঙ্গলে দিগম্বর রামানন্দ বিশাল শরীরটা নিয়ে বিচরণ করেন।

উজলী থেকে প্রত্যাবর্তনের পথে উত্তরকালীর বিশ্বনাথের মন্দিরে যেমন কাঁসর-ঘণ্টার আওয়াজ শুনেছিলাম, এখানেও তার ব্যতিক্রম হয় না। সাধুদর্শনের পালা শেষ করে যখন মন্দিরে এসে যাই তখন ঢাকের শব্দ শুরু হয়েছে, সেই সঙ্গে আরতিও। ঢুকতেই প্রশস্ত নাটমন্দির...এখানে ঢাকের বাজনা চলেছে, গুম, গুম, গুম। নিস্তরুতার রাজঘে শুধু এই আওয়াজ পরিবেশকে করে তুলেছে রহস্যময়। বড় বড় ঢাক শুধু কাঁসরের আওয়াজ নেই, ঘণ্টারও নয়। এই নাটমন্দিরের সামনে সিঁড়ি দিয়ে উঠে গেলে গর্ভগৃহ। স্বর্ণময় বেদী, আর ঐ বেদীর উপর নানা অলঙ্কারভূষিতা গঙ্গামূর্তি, অশ্রু কোন মূর্তি চোখে পড়ে না। একজন দীর্ঘকায় পুরোহিত কেবলমাত্র কপূরের দীপাধারের সাহায্যে মায়েব আরতি করছেন, নৃত্যের ভঙ্গীতে, তন্দ্রায়তার প্রতিচ্ছবি যেন! শীতে জড়সড় হয়ে, গরম জামা-কাপড়ের স্তূপ হয়ে স্বর্ণবাজ্যে মায়েব পূজা দেখি। বড় ভাল লাগে ঢাকের আওয়াজের সঙ্গে এ আরতি।

প্রধান মূর্তির আরতি ও পূজা শেষে তন্দ্রায় পূজারী দীপাধারটি নিয়ে নেমে আসেন, তারপর মন্দিরাভ্যন্তরের অগাশ্রু মূর্তির সামনে কিছুক্ষণের জগে থেমে থেমে আরতি করে যান। আলো-আঁধারির মধ্যে ওসব মূর্তি দেখাও যায় না, বোঝাও যায় না। এর পর পুরোহিত এগিয়ে চলেন, পেছনে ঢাকের বাজসহ যাত্রীদের শোভা-যাত্রাও চলতে থাকে। এর পর শুরু হয় মন্দির-আরতি, যা দেখা জীবনের এক অভিনব অভিজ্ঞতা। ভারতবর্ষের বহু স্থানে তীর্থ-পরিক্রমার আশায় ছুটেছি, মন্দির দেখাও বড় কম হয় নি, কিন্তু ঠিক এ বস্তুটি কোথাও চোখে পড়ে নি। ইট-কাঠ এবং পাথরের মন্দিরও ভক্তিমাগের বেদীতে সম্পূর্ণ মূর্তির রূপই যে নিতে পারে তা জানা ছিল না। মন্দিরের প্রধান প্রবেশদ্বার দিয়ে বেরিয়ে সমগ্র মন্দির পরিক্রমা শেষ করে পুরোহিত আবার এসে থামেন প্রবেশ-পথেরই সামনে।

এর পর ঐ একটিমাত্র দীপাধারের অগ্নিশিখাকে পুরোহিত বহন করে নিয়ে আসেন গঙ্গা-প্রবাহের সামনে, পেছনে সেই ঢাকের

বাজনা চলতে থাকে। নিস্তরু নিস্তরু রাত...কল-বারখানা ঘর-বাড়ী থেকে দেখতে পাই ছোট ছোট আলোর বিদ্যুৎ, এ বিজল-রাজঘে মানুষের অবস্থিতির ঐ বা একমাত্র পরিচয়, বাদবাকী বিশ্ব-সংসার অন্ধকারে যেন অবলুপ্ত হয়ে গেছে, আর এই মায়াময় পরিবেশের পটভূমিকার জাহ্নবীর স্রোতোধারায় সামনে মানুষের দীপাধারের আরতি এক অচিন্তনীয় দৃশ্য, তা দেখে মনে লাগে এক অপূর্ণ অসুভূতি।

নীরঞ্জ অন্ধকারপূর্ণ রাত্রি, আকাশে সপ্তমীর এককালি চাঁদ, ছারাপথ ও তারার মিছিল আর এর তলার পুরোহিতের ভাগীরথী-পূজা...অপার্থিব ও অপূর্ণ, আমার রক্তকণিকার সঙ্গে এ সব জড়িয়ে যায়।

মন্দিরের পাশ দিয়েই ধর্মশালায় পথ, যেতে যেতে হঠাৎ বীর-বলদের সঙ্গে দেখা, ওরাও আরতি দেখে ফিরছিল। পূজার দৃশ্য-বৈচিত্র্যে সকলেই ডুবেছিলাম, তাই কারুর সঙ্গে দেখা হয়নি, হয়ত-বা সবকিছুই পাশাপাশি দাঁড়িয়ে দেখেছি। আমাকে দেখে ওদের স্বতঃস্ফূর্ত আনন্দের যে বজা নামে তার তুলনা খুঁজে পাই না। ঝড়ের মত বীরবল ও তার মাতাজী উত্তরকালী থেকে গঙ্গোত্তরী মন্দির পর্যন্ত আমার সঙ্গে বিচ্ছেদের কথা যেভাবে বর্ণনা করে তাতে অভিভূত হয়ে পড়ি। বার বার এই কথাটাই জানার বে, কোন চটিতেই তারা আমি সঙ্গে না থাকায় তৃপ্তি পায় নি, সব যেন মরুভূমির মত ঠেকেছে। বৃষ্টি, দু'দিনের পথের পরিচয় চিরকালের পরিচয় হয়ে দাঁড়িয়েছে। কতকটা জোর করেই ওরা আমাকে মন্দিরে টেনে নিয়ে যায়—উদ্দেশ্য এ গঙ্গামূর্তির সামনে আমাকে শপথ করিয়ে নেওয়া যে, ওদের দেশে আমি একবার যাবই, এটা ওদের দাবি, যে দাবিকে মেনে না নেওয়া ছাড়া উপায় নেই। বললাম, “যাব...” গোসুখ ওরা যাবে না, কালকেই রওনা হবে কেদারের পথে ভাটোয়ায়ী হয়ে। বীরবলের বড় আশা—কিন্তু পথে আমি তাদের সঙ্গ নেব আর তার জের চলবে কেদারনাথ যুয়ে বদরীবিশাল পর্যন্ত। এইখানেই প্রথম প্রকাশ করি যে, কেদারনাথ আমি যাব না, বদরীও নয়, যাব দর্শন গত বৎসরেই শেষ হয়ে গেছে। বিশ্বাদের ছায়া নেমে আসে ওদের মধ্যে।

বীরবলের সঙ্গে বিচ্ছেদ এই মন্দিরের পর থেকেই। বুকের ভেতরটা আমার ছুঁ ছুঁ করে ওঠে। বোধ হয় এমনই হয়, এদের আমি কোন দিনই ভুলব না। ধর্মশালায় যখন ফিরি তখন আটটা বেজে গেছে। গঙ্গোত্তরীতে প্রথম দিনের দর্শনাদি শেষ হ'ল।

ক্রমশঃ






আজিকার ইটালী

ইটালীর সৌন্দর্যের অলকাপুরী ভেনিস। এই প্রাসাদপুরীর ভিতরকার 'গ্যাণ্ড ক্যানাল' নামক খালটি ইহার সৌন্দর্যকে শত গুণে বাড়াইয়া তুলিয়াছে। তীরস্থিত সুরম্য প্রাসাদসমূহের শোভা

অতুলনীয়। খালের বৃক্কে মনুমেন্টগুলিও এক গাঙ্গীর্ষাণ পর্ববিশেষে স্থাপিত করিয়াছে। প্রাসাদমালা এবং মনুমেন্টসমূহ সংরক্ষণের ভারপ্রাপ্ত কর্তৃপক্ষ সমস্ত এগুলির তত্ত্বাবধান করিয়া থাকেন। গত কয় বৎসরের মধ্যে অনেকগুলি ভেনিসীয় প্রাসাদ পুনর্নির্মাণ করা হইয়াছে এবং এগুলির ভিত্তিও দৃঢ়ীকৃত হইয়াছে।



আধুনিক জ্ঞান-বিজ্ঞানের সহায়তায় আজিকার ইটালী প্রগতির পথে আগাইয়া চলিয়াছে সত্য, কিন্তু আজও পর্যন্ত ঐ দেশটি অনেকগুলি প্রাচীন প্রথাকে আঁকড়ইয়া ধরিয়া রাখিয়াছে। ইটালীয়েরা বিশ্ববিদ্যালয়সমূহে এখনও যে সকল প্রাচীন প্রথা অনুসৃত হয়, নবাগতদের স্বাগত-সংবর্ধনা-জাপন তাহাদের অত্যন্তম। এই উৎসব-দিনকে বলা হয় 'নবাগতদের দিবস'। এতদুপলক্ষে বিশ্ব-বিদ্যালয়ে এবং নগরীর রাজপথে শোভাযাত্রা, বকমারি পরিচ্ছদধারীদের অভিনয়, মুগোলপরা বাদ্য-কৌতুক ইত্যাদি বিচিত্রানুষ্ঠান হইয়া থাকে।

ইটালীর আরও নানা উৎসবানুষ্ঠানে প্রাচীনের প্রতি ইহার অনুরাগের পরিচয় পাওয়া যায়। গত বৎসর পিয়াজ্জা দেল্লা সিগনোরিয়ার পালাজ্জো ভেচ্ছিওতে অনুষ্ঠিত Haute couture-এর পঞ্চম ইটালীয় কংগ্রেসের অধিবেশনকালে দর্শকদের চিত্তবিনোদনের জন্য ষোড়শ শতাব্দীর একটি সর্বাঙ্গসম্পূর্ণ বিবাহ-অনুষ্ঠানের অভিনয় হয়।

গ্যাণ্ড ক্যানালের উপর দিয়া গণ্ডোলা নামক ইটালীয় নৌকার চড়িয়া লোকেমা এক স্থান হইতে অন্য স্থানে বাতায়াত করিয়া থাকে—দৃশ্যটি বড়ই চিত্তাকর্ষক।

‘নবাগতদের দিবসে’ রোমের ইউনিভার্সিটি
সিটির প্রধান স্কোয়ারে বিচিত্র দৃশ্যের
অবতারণা



দক্ষিণ ইটালীর উন্নয়ন পরিকল্পনা অনুযায়ী,
পেন্তাম অঞ্চলে প্রত্নতাত্ত্বিক খননকার্যের
সঙ্গে সঙ্গে একটি নতুন বাস্তা তৈরির
কাজ চলিতেছে।

প্রত্নতাত্ত্বিক খননকার্যের ফলে প্রাচীন যুগের নানা সম্পদের
আবিষ্কার এবং নতুন কৰ্মপ্রচেষ্টার জয়যাত্রা এই দুইটি পাশাপাশি
চলিয়াছে আজিকার ইটালীতে। দক্ষিণ ইটালীর উন্নয়নমূলক পরি-
কল্পনাসমূহ দ্বারা দেশের ক্ষীবৃদ্ধি হইতেছে।

বর্তমান যান্ত্রিক যুগে যানবাহনের ক্ষেত্রেও ইটালী পিছনে
পড়িয়া নাই। দীর্ঘকালব্যাপী অক্লান্ত প্রয়াসের ফলে ইটালীতে
মোটরশিল্পের বিশেষ উৎকর্ষ সাধিত হইয়াছে। গত অষ্ট শতাব্দী-

কালের মধ্যে এদেশে অনেক নতুন মডেল উদ্ভাবিত হইয়াছে—
তন্মধ্যে কোন কোনটি ছিন্তা বাজারে সেবা জিনিষ বলিয়া
প্রতিপন্ন হইয়াছে।

শুধু প্রয়োজন মিটিলেই যে মানুষের চলে না, তাহার মনের
ক্ষুধা মিটাইবার ব্যবস্থাও যে থাকা চাই, তাহার সৌন্দর্য্যস্পৃহা
চরিতার্থ হওয়াও যে প্রয়োজন, সে কথা আজিকার ইটালী ভুলিয়া



ফ্লোরেন্সে পঞ্চদশ শতাব্দীর বিবাহ-অনুষ্ঠানের যে অভিনয় হয় তাহাতে অংশগ্রহণকারী মার্ক হুইস মেডিসি, টের্নাকুইলি এবং কাউণ্টেস রিভেলি দি ভালসারভো বার্দোর রূপসজ্জা, মহার্ঘ্য পোশাক-পরিচ্ছদ, সুসজ্জিত কক্ষটির গাভীর্ঘ্যপূর্ণ পরিবেশ দর্শকমণ্ডলীকে ইটালীর নবযুগের (Renaissance period) জাঁক-জমকের কথা স্মরণ করাইয়া দেয়।

ফ্লোরেন্সের কারুশিল্পশালায় ঢালাই করা লোহা ঘারা যে কারুকার্য করা হইয়া থাকে তাহা প্রশংসনীয়।



যায় নাই। তাই এই বৈজ্ঞানিক যন্ত্রশিল্পের আরাধনার নিরন্তর ধাকা সত্ত্বেও সে হাতের কাজকে উপেক্ষা করে নাই। ইটালীয় শিল্পীর দ্বিপুণ তুলিকা বাসনকোসন ইত্যাদি নিত্যব্যবহার্য্য দ্রব্যাদিকে পর্যাপ্ত এক অপূর্ণ সুরমায় মণ্ডিত করিয়া তুলে।

শ্বেতাশ্বতরোপনিষৎ

পঞ্চম অধ্যায়

অনুবাদক—শ্রীচিত্রিতা দেবী

যে অক্ষরে ব্রহ্মপরে অনন্তে
বিদ্যাবিদ্যে নিহিতে যত্র গুঢ়ে
ক্ষরস্ববিদ্যা হুমুতং তু বিদ্যা
বিদ্যাবিদ্যে দীশতে যন্ত সোহিত্যঃ ॥১

যো যোনিং যোনিমধিষ্ঠিত্যেকো
বিশ্বানি রূপানি যোনীশ্চ সর্বাঃ
ঋষিঃ প্রসূতং কপিলং
যন্তমগ্রে
জ্ঞানৈর্বিভর্তি জায়মানঞ্চপশ্যেৎ ॥২

একৈকং জালং বহুধাবিকূর্ব
মস্মিন্ ক্লেত্রে সংহরত্যেষ দেবঃ
ভূয়ঃ সৃষ্টি পতয়ন্তথেশঃ
সর্বাধিপত্যং কুরুতে মহাত্মা ॥৩

সর্বা দিশ উধ্বর্মধশ্চ তির্ধ্যাক্
প্রকাশয়ন্ ভ্রাজতে যদ্বনডান্ ।
এবং স দেবো ভগবান্ বরেণ্যো
যোনিস্বভাবানধিষ্ঠিত্যেকঃ ॥৪

সংসার করে যাহার কারণে,
অবিদ্যা বলি তারে,
বিদ্যার বলে সত্যস্বরূপ
অমৃত প্রকাশ হয় ।
কিন্তু এ ছুই নিগূঢ় শক্তি
নিহিত ব্রহ্মমারে ।
সবার অতীত সেই অনন্তে,
এদেরো বিধান রয় ॥১

যোনিতে যোনিতে, সকল কারণে
প্রতি বিচিত্র রূপে,
যে পরম এক, করেন অধিষ্ঠান ।
সৃষ্টির আগে প্রজ্ঞানে ভবে,
যিনি সৃজেছেন বিশ্বের বীজপ্রাণ ।
জন্মকালেও দর্শনে যার ধরা ছিঙ্গ,
তারই সত্য ।
জ্ঞান অজ্ঞান হইতে ভিন্ন,
সেই তো পরমতত্ত্ব ॥২

প্রতি প্রাণীতরে প্রতি বিচিত্র
কর্মের জাল মেলিয়া,
এই মহাদেব, পুন সেই জাল,
গোটান জগৎ ভরিয়া ।
পুরাকল্পিত দেহপতিও সব,
নিজেই করিয়া সৃষ্টি,
সবার উপরে চির প্রভুত্বে,
রাখেন যুক্ত দৃষ্টি ॥৩

উর্ধ্বে ও নীচে এবং পার্শ্বে, ব্যাপিয়া সর্বদিক,
সূর্য্য যেমন রহেন দীপ্তিমান,
তেমনি সে দেব, বরনীয় ভগবান,
কারণস্বভাব, এই পৃথিবীর
অণুপরমাণু ব্যাপিয়া
করেন অধিষ্ঠান ॥৪

১ সর্কজ্ঞ ঋষি কপিলকে যিনি জ্ঞানদান করেছিলেন ।
কিন্তু অনেকেই বলেন যে, ইনি সাংখ্যকার কপিল মুনি নন ।
কপিল অর্থাৎ কপিল বর্ণ বা স্বর্ণ বর্ণ হিরণ্যগর্ভ অথবা বিশ্বপ্রাণ-
বীজ । সৃষ্টিকালে প্রাণকে তিনি অস্তরে প্রজ্ঞাময় করেই সৃষ্টি
করেছেন ।

২ হিরণ্যগর্ভের । ব্রহ্ম (আপন স্বরূপে) হিরণ্যগর্ভের
(সত্যস্বরূপ) প্রত্যক্ষ করেছিলেন ।

৩ প্রজাপতি হইতে মশকাদি পর্য্যন্ত বিভিন্ন দেহধারী জীব ।

যচ্চ স্বভাবং পচতি বিশ্বযোনিঃ

৫ পাচ্যাংশ সর্বান্ পরিণাময়েদ্ যঃ

সর্বমেতদ্বিশ্বমধিতীষ্ঠতোকে।

শুণাংশ্চ সর্বান্ বিনিষোজয়েদ্ যঃ ॥৫

তদ্বদ গুহোপনিষৎসু গুঢ়ং

তদ্ব্রহ্মা বেদতে ব্রহ্মযোনিম্ ।

যে পূর্ব দেবা ঋষয়শ্চ তদ্বিদুস্তে

অমৃত্যু বৈ বভূবুঃ ॥৬

শুণাশ্চয়ো যঃ ফলকর্মকর্তা

কৃতশ্চ তশ্চৈব স চোপভোক্তা

স বিশ্বরূপস্তিশুণস্ত্রিবর্ষা

প্রাণাধিপঃ সঞ্চরতি স্বকর্মভিঃ ॥৭

অঙ্গুষ্ঠ মাত্রো রবিতুল্যরূপঃ

সকল্লাহঙ্কারসমম্বিতো যঃ

বুদ্ধেগুণেনাশ্চগুণেন চৈব

আরাগ্রমাত্রোহপরোহপি দৃষ্টঃ ॥৮

৪ সেই আদি কারণ এবং আত্মরূপ ব্রহ্মকে তৎপ্রসূত হিরণ্যগর্ভ জানেন। হিরণ্যগর্ভের প্রকাশ প্রতি প্রাণের স্পন্দনে— তাই তাকে বহুবাব, মূল প্রাণ অথবা প্রাণশক্তি বলে উল্লেখ করেছি। কুলে লতায় পাতায়, বাইরে বিশ্বময় যে প্রাণের লীলা দেখতে পাই, সেই প্রাণই মানবদেহে, বাস্যর্ষৌবনজরার মধ্যে স্পন্দিত হতে হতে সুখহঃখচেতনায় আচ্ছন্ন হয়ে যাচ্ছে। তবু প্রতি প্রাণীর অন্তর্নিহিত সেই মূল-প্রাণ, তৎস্বরূপ এবং তদজনক সেই পর-মাত্মাকে মর্মে মর্মে জানে। তাই তাকে পূর্ণরূপে অনুভবের মধ্যে পাবার জন্তে, স্বচ্চেতনায় দর্পণে তাঁকে প্রত্যক্ষ করবার জন্তে, প্রাণের আকুলতা মাঝে মাঝে তার মূঢ় অহং চেতনাকে ছিন্ন করে ছুটে বেবিরে আসতে চায়। পিতাকে দেখেছে বলেই পিতৃস্নেহ করেছে বলেই পিতৃগৃহের জন্তে কভার যেমন স্বাভাবিক আকুলতা,

বিশ্বস্বভাব যে করে বিধান,

তিনি পরমেশ্বর,

পরিণামী সবে, বিভিন্ন ফলে,

করেন রূপান্তর।

নিখিল অগৎ ব্যাপিয়া তিনিই

দ্বিতীয়বিহীন সত্ত্ব।

ত্রিগুণে, তাহের স্বকার্য্য তরে,

যুক্ত করেন নিত্য ॥৫

বেদবহুস্ত উপনিষদের মর্মে ব্রহ্ম বয়,

বেদপ্রমাণিত সে গুঢ়তত্ত্ব জানেন হিরণ্যগর্ভ ৪।

অনুভবে তাঁরে জেনেছেন ষাঁরা প্রাচীন

দেবতা ঋষি।

তন্ময় তাঁরা অন্তত হলেন, (অন্তত-

সাগরে মিশি) ॥৬

কৃতভোগী জীব ফলকামনায়

নিত্য কর্ম করিছে,

শুণাশ্রিত হয়ে বিভিন্ন দেহে,

জীবনে জীবনে স্বসিছে,

ত্রিপথে লক্ষ্য, প্রাণাধীশ জীব

কর্মানুসারে ভ্রমিছে ॥৭

সূর্যাসমান অলসুরূপ আমার নিভৃত

হৃদয়ে দীপ্তিমান।

আমারি অহং চেতনসীমায় বদ্ধ তাহারে,

মনে হয় গুণবান ৬।

তাই তারে কভু যেন মনে হয় আরাগ্রমিত স্বল্প।

যেন নিতান্ত তুচ্ছ, (সে যেন নহে গো,

মহৎ সত্যাত্মকল্প) ॥৮

তেমনি ব্রহ্মের জন্তে হিরণ্যগর্ভের চিরন্তন বিয়হ প্রতি প্রাণিদেহে মুক্তির জন্তে কঁদছে।

৫ ত্রিপথ, অথবা ত্রিবার্গ। ধর্ম, অধর্ম ও জ্ঞানের পথ। জীব আপন সঞ্চিত কর্মানুসারে ধর্ম, অধর্ম অথবা জ্ঞানের পথে চলে।

৬ বুদ্ধি ও বাসনার গুণ আমার অন্তর্ভাগী আত্মার অধুষিত হয়ে, তাঁকেই যেন গুণবাসনাময় বলে প্রতিভাত করে। মন, বুদ্ধি ও দেহ চেতনার দ্বারা পরিচ্ছন্ন আত্মরূপই জীব। তাই ব্রহ্মরূপ আত্মাকেও জীবরূপে কখনও নিতান্ত সূত্র, কখনও বা নিতান্ত হীন বলে মনে হয়।

বালাগ্রশতভাগস্ত শতধা কল্পিতস্ত চ ।

ভাগো জীবঃ স বিজ্ঞেয়ঃ

স চানন্ত্যায় কল্পতে ॥৯

নৈব স্ত্রী ন পুমানেষ ন চৈবায়ং

নপুংসকঃ

যদ্যচ্ছরীরমাদস্তে তেন তেন

স রক্ষ্যতে ॥১০

সকল্লনস্পর্শনদৃষ্টিমোটৈহ

গ্রাসাম্বুর্ষ্ট্যাচাস্মবিবৃদ্ধি জন্ম ।

কর্মাসুগান্ধনুক্রেমেণ দেহী

স্থানেষু রূপাণ্যভি সম্প্রপদ্যতে ॥১১

স্থলানি স্মৃশ্মাণি বহুনি চৈব

রূপাণি দেহী স্বগুণৈর্বৃণোতি ।

ক্রিয়াগুণৈরাশ্বগুণৈশ্চ তেষাং

সংযোগহেতুরপরোহপি দৃষ্টঃ ॥১২

অনাদ্যনন্তং কলিলস্ত মধ্য

বিশ্বস্ত প্রষ্টারমনেকরূপম্ ।

বিশ্বৈশ্চকং পরিবেষ্টিতারং

জ্ঞান্দেবং যুচ্যতে সর্বপাশৈঃ ॥১৩

একটি কেশের অগ্রভাগেই শতধার
ভাগ করে,

পুন তাহারেও শতধা করিলে,

যতটুকু পরিমাণ,

ততটুকুতেই পরমাণুময় জীব সে
যুক্তিমান ।

তবু চলিতেছে চিরকাল ধরে, আপন
স্বরূপে তার,

অনন্তপানে ক্ষুদ্রজীবের শাখত অভিযান ॥৯

ক্লীব নয় কভু জীবপরিচয়,

নয় এ পুরুষ নারী ।

তবু দেহভেদে, স্বীয় অভিমানে,

বিচিত্ররূপধারী ॥১০

দেহ বাড়ে যথা দিনে দিনে এই,

অন্নপানের কারণে,

মন কল্পনা ভোগ মোহ আর

যত কর্মের ফলনে,

দেবতা ও কীট সম বিভিন্ন

সকল জন্ম জননে,

নানারূপে দেহী দেখে আপনারে,

কত বিচিত্র কল্পনে ॥১১

ত্রিগুণসহায়ে, জীব এ জীবনে,

যত কিছু কাজ করে,

তারি সাথে মিশে পূর্ব প্রজ্ঞা,

বিভিন্ন রূপ ধরে ।

ধ্যানউপাসনা, ধর্মকর্ম অথবা

আলস বিলাসে ।

মৃত্যুর পরও অত্র জীবনে,

জীবের সংক্রমণ ।

চলেছে নিত্য, জুড়িয়া বিশ্ব,

কর্ম সঞ্চালন ॥১২

অনাদি অনন্ত এই সংসারগহণে,

বহুরূপে বিশ্বপ্রচীরহেন গোপনে ।

সর্বব্যাপী জ্যোতিস্বরূপ,

সে একক দেবতত্ত্ব ।

যে জীব জেনেছে, আপন হৃদয়ে,

যুক্ত সে জন নিত্য ॥১৩

ভাবগ্রাহমনীড়াব্যং ভাবাভাবকরং

৬

শিবম্ ।

কলসির্গকরং দেবং যে বিহুস্তে

জহস্তনুম্ ॥১৪

ইতি খেতাশ্বতরোপনিষদি পঞ্চমোহধ্যায়ঃ ॥

শুদ্ধচিত্তে য়ৈর অকৃত্বৈ, আলোকসমান জলে,

যাহার কারণ পরিণামে নিষ্টি সৃষ্টি,

প্রলয় ফলে ।

প্রাণের শিল্পী, রূপকার যিনি,

চিরমঙ্গলময় ।

অদেহী তাঁহারে, যে জানে,

তাহার পুনর্জন্ম নয় ॥১৪

আমাদের দেশের আচার-বিচার

শ্রীযোগেন্দ্রকুমার চট্টোপাধ্যায়

পৃথিবীর সকল দেশে, সকল সমাজে এবং সর্বকালে নানা প্রকার আচার-বিচার প্রচলিত ছিল ও আছে, সময়ের পরিবর্তনে জন-সাধারণের শিক্ষা-দীক্ষার উন্নতি বা অবনতিতে আচার-বিচারেও পরিবর্তন ঘটিয়া থাকে । আমাদের এই পশ্চিমবঙ্গের হিন্দুসমাজে পঞ্চাশ-ষাট বৎসর পূর্বে আমরা যে প্রকার আচার-বিচার দেখিয়াছি, এখন তাহার অনেক পরিবর্তন দৃষ্ট হইতেছে এবং এই পরিবর্তন দেখিয়া শত বৎসর পূর্বে কিরূপ আচার-বিচার ছিল, তাহা কতকটা অনুমান করিয়া লইতে পারি ।

আমার বাল্যকালে আমাদের প্রতিবেশী বহু বয়োবৃদ্ধ ব্রাহ্মণের মাথায় শিখা (টিকি) দেখিয়াছি । কিন্তু এখন বোধ হয় গুরু পুরো-হিত ছাড়া কোন ব্রাহ্মণের মাথাতে শিখা দেখিতে পাওয়া যায় না । কলিকাতা অঞ্চলের কথা ছাড়িয়া দিলে সুদূর মফস্বলেও শিখাধারী ব্রাহ্মণ বড় একটা দেখিতে পাওয়া যায় না । আমার জননীর মুখে গল্প শুনিয়াছি, তাঁহাদের বাল্যকালে তাঁহারা দেখিয়াছেন যে, ব্রাহ্মণ মাঝেই মাথায় শিখা ত রাখিতেনই, উপরন্তু তাঁহারা মস্তকের চারি দিক ক্ষৌরকার্য দ্বারা কেশশূণ্য করিতেন । সেই মুণ্ডিত মস্তকের মধ্যস্থলে ঝানিকটা স্থানে ছোট ছোট কেশ থাকিত এবং সেই কেশের ঠিক কেন্দ্রস্থলে একটি খুল ও সুদীর্ঘ শিখা থাকিত । যাহারা ঈশ্বরচন্দ্র বিদ্যাসাগর মহাশয়কে দেখিয়াছেন তাঁহারা জানেন যে, বিদ্যাসাগর মহাশয় অবিকল উৎকলবাসীদিগের মত মস্তকের চতুর্দিক মুণ্ডিত করিতেন । তবে তাঁহার শিখাটি সূক্ষ্ম এবং ক্ষুদ্র ছিল । সহজে উহা দৃষ্টিপথে পতিত হইত না, বিদ্যাসাগর মহাশয়ের চিত্র দেখিলে সহজেই বুঝিতে পারা যায় যে সেকালের ব্রাহ্মণদের কেশবিগাস কিরূপ ছিল ।

আমার পিতার মুখে গল্প শুনিয়াছি যে, তাঁহার বয়স যখন ১৭১৮ বৎসর, তখন একবার তিনি বর্ধমান জেলার রাণীগঞ্জ অঞ্চলে গিয়া দেখিয়া আসিয়াছিলেন যে, ঐ অঞ্চলের ব্রাহ্মণ বালকেরা উপনয়নের পূর্বকাল পর্যন্ত মাথায় 'পঞ্চ শিখা' ধারণ করিত, অর্থাৎ

কপালের ঠিক উপরে, দুই পার্শ্বে দুই রণে মস্তকের শীর্ষস্থানে এবং ঘাড়ে, এই পাঁচ জায়গায় পাঁচটি শিখা বা বিয়া অবশিষ্ট সমস্ত মস্তক মুণ্ডন করিত । এই পঞ্চ শিখাধারী ব্রাহ্মণ-কুমারগণ সাধারণতঃ "পঞ্চশিখ" নামে অভিহিত হইত । আমার পিতা "পঞ্চশিখ" ব্রাহ্মণ-কুমার দেখিয়া তাঁহার শিক্ষাগুরু স্বর্গীয় পণ্ডিত রামগতি শ্রায়বত মহাশয়ের নিকট গল্প করিলে শ্রায়বত মহাশয় হাসিয়া বলিয়াছিলেন, "তুমি 'পঞ্চশিখ' ব্রাহ্মণ কুমার দেখিয়া বিস্মিত হইয়াছ, কিন্তু মনে রাখিও, তোমার বা আমার পিতৃ-পিতামহগণ তাঁহাদের বাল্যকালে ও কৈশোরে সকলেই 'পঞ্চশিখ' ছিলেন ।" এখন বঙ্গদেশে কোন 'পঞ্চশিখ' ব্রাহ্মণ কেহ দেখিতে পান কি ?

সকলেই অবগত আছেন যে, আমাদের সমাজে ব্রাহ্মণ, বৈজ্ঞ, কায়স্থ, বিধবা, প্রোঢ়া ও বৃদ্ধারা আহায়ে নানা প্রকার বাছবিচার করিয়া থাকেন । মুড়ি, চালভাজা বা চিঁড়া ভাজা জলস্পৃষ্ট হইলে উহা স্কৃড়ি হইয়া যায় । সেইজন্য উচ্চ বর্ণের বিধবারা তাহা অস্পৃশ্য বলিয়া মনে করেন । আমি বাল্যকালে দেখিয়াছি, আমাদের প্রতিবেশিনী এক বৃদ্ধা ব্রাহ্মণ বিধবা রাত্রিকালে জলযোগের সময় "গালফলার" করিতেন । অর্থাৎ তিনি একটা পাত্রে কিঞ্চিৎ মুড়ি এবং অল্প এক পাত্রে কিছু দুধ ও গুড় লইয়া জলযোগে বসিতেন । তিনি এক মুঠা মুড়ি প্রথমে মুখে দিতেন এবং তাহার পর এক চুমুক দুধ ও একটু গুড় খাইতেন । আমি আমার জননীকে এই ভাবে খাইবার কারণ জিজ্ঞাসা করায় তিনি বলিয়াছিলেন, "ওকে বলে গালফলার ।" মুড়ির সঙ্গে দুধ গুড় একত্রে মাখিলে উহা "স্কৃড়ি" হইয়া যায় ; উনি মধ্যাহ্নে আলোচালের ভাত খান, সন্ধ্যার পর আবার স্কৃড়ি খাইবেন কি করিয়া ?

আজকালকার তুলনায় সেকালে উচ্চজাতীয়া বিধবাদিগের অন্ন-বিচার অনেক সূক্ষ্ম ছিল । আমাদের প্রতিবেশী এক সং শূদ্র ভক্ত-লোকের সত্বে আমাদের বিশেষ অন্তরঙ্গতা ছিল । তাঁহার পুত্র আমার ঘনিষ্ঠ বন্ধু ছিলেন । আমি সর্বদাই তাঁহাদের বাড়ীতে

বাতায়ান্ত করিতাম। আমার বয়স যখন ১৬/১৭ বৎসর, তখন একদিন আমি আমার বন্ধুর বাড়ীতে গিয়া শুনিলাম যে বন্ধুটি বাড়ীতে নাই, কোথায় বাহিরে গিয়াছেন। আমি বন্ধুর শয়নকক্ষে বসিয়া বই দেখিতেছিলাম, এমন সময় সেই বাটীর পাকশালাতে স্ত্রীলোকদিগের একটা গোলমাল উঠিল। সহসা কোন বিপদ ঘটয়াছে মনে করিয়া আমি পাকশালাতে গিয়া দেখিলাম, বাটীর তিন-চার জন মহিলা একটা দেওয়ালের দিকে চাহিয়া গোলমাল করিতেছেন। ব্যাপার কি জিজ্ঞাসা করায় একজন বলিলেন, “দেখ না, বাবা, সব দেওয়ালময় স্কুড়ি করিয়া দিলে।” আমি ত দেওয়ালে স্কুড়ির লক্ষণ কিছু দেখিতে পাইলাম না। কে স্কুড়ি করিয়া দিল জিজ্ঞাসা করায় উত্তরে শুনিলাম, একটা ক্ষুদে পিপড়ে একটি ভাতের কণা মুখে করিয়া দেওয়াল বাহিয়া উপরে উঠিতেছে দেখিবামাত্র আমি গিয়া সেই পিপড়েকে ঘরের মেঝের ফেলিয়া দিলাম, তাহা দেখিয়া একজন মহিলা আমার হাতে জল ঢালিয়া দিলেন এবং বলিলেন, “তোমার কাপড়খানা ছেড়ে দাও, আমি কেচে দিই।” আমি কাপড় ছাড়ার কারণ জিজ্ঞাসা করায় তিনি বলিলেন, “তুমি বায়ুন, আমরা শূদ্র, শূদ্রের স্কুড়ি ছুলে, তুমি কাপড় ছাড়বে না?” আমি বলিলাম, “আমি ত ভাত ছুই নাই, আমি পিপড়েটাকে ছুয়ে ছিলাম।” বলা বাহুল্য, আমি কাপড় ছাড়িলাম না। দেখিলাম, একজন স্ত্রীলোক এক বালতি জলে একটি ছোট ঘুটের টুকরা ফেলিয়া সেই জল দিয়া সমস্ত দেওয়ালটা ধুইয়া ফেলিলেন। আমি ভাবিলাম, সকলে মিলিয়া সেই দেওয়ালটাকে ধরিয়া পুকুরে চুর্বাইয়া আনিলে ভাল হইত।

আমাদের আর একজন সদগোপ জাতীয়া প্রতিবেশিনী অত্যন্ত শুচিবায়ুগ্রস্তা ছিলেন। শুচিবায়ুগ্রস্তা নারীদিগকে মেয়েলী ভাষায় বলে “শুচীবেয়ে”। ঐ সদগোপ মহিলা রন্ধনশালাতে রন্ধন করিবার জন্ত যে এক ঘড়া জল রাখিতেন, তাহার মধ্যে একটুকরা ঘুটে ফেলিয়া রাখিতেন। তিনি বলিতেন, পুষ্করিনী হইতে জল আনিবার সময় কত কীটপতঙ্গের বিষ্ঠা অজ্ঞাতসারে পদদলিত করিয়া আসিয়াছেন। সেজন্ত জলটা গোময় স্পর্শে শুদ্ধ করিয়া লইতেন। এ-জন্ত মধ্যে মধ্যে তাঁহার স্বামীর নিকট হইতে ভীষণ তাড়না সহ করিতে হইত। কিন্তু তাহাতেও তাঁহার শুচীবায়ু কমে নাই। ঐ স্ত্রীলোকটি স্নান করিবার সময় একটি ছোট ছেলেকে ঘাটের উপর দাঁড় করাইয়া রাখিতেন। তাহাকে বলিতেন, “আমি যখন ডুব দিব, তখন মাথার সব চুল জলে ডুবিয়া যায় কিনা একটু দেখিস ত?” বালকেরা অনেক সময় দুটামি করিয়া বলিত, “তোমার হুঁগাছা চুল বোধ হয় জলের উপর ভাসিতেছিল।” তাহা শুনিয়া ঐ স্ত্রীলোক আবার চার-পাঁচ বার ডুব দিতেন। এরূপ শুচীবায়ুগ্রস্তা স্ত্রীলোক বাস্তবিকই বিবল।

আমাদের প্রতিবেশিনী বৃদ্ধা বিধবা এক ব্রাহ্মণী প্রত্যহ ভোরবেলা একটি ছোট ঘড়া লইয়া গঙ্গাস্নান করিতে যাইতেন। তিনি

স্নানান্তে এক ঘড়া জল লইয়া সিন্ধু বস্ত্রে বাটীতে প্রত্যাবর্তন করিতেন। কিন্তু যখন বাটীতে প্রবেশ করিতেন তখন দেখা যাইত, সেই ঘড়াটির জল শূন্য। আমরা একবার তাঁহাকে দেখিয়াছিলাম, সেই ঘড়ার জল লইয়া তিনি পথে ছিটাইতে ছিটাইতে অগ্রসর হইতেছেন। তিনি কেন জল ছিটাইয়া আসেন জিজ্ঞাসা করায় বলিয়াছিলেন, “কত হাড়ি, মেথর, মুদকরাস এই বাস্তা মাড়িয়ে চলে গিয়েছে, তাই আমি গঙ্গাজল ছিটিয়ে এই পথে চলি।” চাল সিন্ধু হইয়া উহা অল্পে পরিণত হইলে যে অস্পৃশ্য হয়, তাহা কোন স্মৃতিতে লিখিত নাই।

মহামহোপাধ্যায় পণ্ডিত প্রমথনাথ তর্কভূষণ মহাশয়ের মুখে যে কাহিনী শুনিয়াছিলাম, তাহা এই : তিনি এক বৎসর চন্দননগর প্রবর্তক সংঘের এক সভায় সভাপতিত্ব করিতে আসিয়াছিলেন। সভায় আলোচ্য বিষয় ছিল, “বর্তমান হিন্দুসমাজ”। তর্কভূষণ মহাশয়ের নিবাস ভাটপাড়া বা ভট্টপল্লী। এই ভাটপাড়া পশ্চিম-বঙ্গে স্মৃতি অধ্যাপনার প্রধান কেন্দ্র। সেই ভাটপাড়ার তদানীন্তন শ্রেষ্ঠ পণ্ডিত এই তর্কভূষণ মহাশয়। তিনি বলিয়াছিলেন যে, একবার পূর্ববঙ্গের রাজা উপাধিধারী কোনও ব্রাহ্মণ কৃষ্ণামীর আদ্যশ্রদ্ধে নিমন্ত্রিত হইয়া তিনি পূর্ববঙ্গে গমন করিয়াছিলেন। সংস্কৃত কলেজের অজ্ঞাত অধ্যাপকেরাও নিমন্ত্রিত হইয়া গিয়াছিলেন। তাঁহাদের মধ্যে মহামহোপাধ্যায় লক্ষণ শাস্ত্রীও ছিলেন। এই লক্ষণ শাস্ত্রী মহাশয় মঙ্গলদেশীয় ব্রাহ্মণ অর্থাৎ মাদ্রাজী ব্রাহ্মণ। রাজবাটীতে সমাগত অধ্যাপক ব্রাহ্মণগণ সকলেই স্বপাকে আহার করিলেন। প্রত্যেক অধ্যাপকের জন্ত পৃথক পৃথক রন্ধনের স্থান নির্দিষ্ট ছিল। একটা প্রকাণ্ড হল-ঘরের মধ্যে ব্রাহ্মণদের রন্ধনের পঁচিশ-ত্রিশটি স্থান নির্দিষ্ট ছিল। এইরূপ তিন-চারটি হল-ঘরে অধ্যাপকগণের পাকের স্থান করা হইয়াছিল। ঘটনাক্রমে তর্কভূষণ মহাশয়ের জন্ত নির্দিষ্ট স্থানের পার্শ্বেই লক্ষণ শাস্ত্রী মহাশয়ের রন্ধনের স্থান হইয়াছিল। রন্ধনকালে তর্কভূষণ মহাশয় দেখিলেন, শাস্ত্রী মহাশয় ভাতের হাড়ি নামাইয়া সেই হাত মাথায় দিলেন। দেখিয়া তর্কভূষণ মহাশয় বিস্মিত হইয়া সংস্কৃত ভাষায় শাস্ত্রী মহাশয়কে জিজ্ঞাসা করিলেন, “আপনি ও কি করিলেন? স্কুড়ি হাত না ধুইয়া সেই হাত মাথায় দিলেন?” শাস্ত্রী মহাশয় স্কুড়ি কথা অর্থ বুঝিতে পারেন নাই। কারণ উহা সংস্কৃত শব্দ নহে। তাহা শুনিয়া তর্কভূষণ মহাশয় বলিলেন, “উচ্ছ্রষ্ট” অর্থে স্কুড়ি শব্দ বাংলায় প্রচলিত। শাস্ত্রী মহাশয় বলিলেন, “কোন দ্রব্য মুখে না দিলে তাহা উচ্ছ্রষ্ট কিরূপে হইবে?” তাহা শুনিয়া তর্কভূষণ মহাশয় বলিলেন, “অল্পটা কি অস্পৃশ্য নহে?” শাস্ত্রী মহাশয় বলিলেন, “তুল সিন্ধু করিলে যে অল্প হয় তাহা যে অস্পৃশ্য, তাহা কোন্ সংহিতা বা স্মৃতিতে আছে?” এই কথা শুনিয়া তর্কভূষণ মহাশয় একটু অপ্রস্তুত হইলেন এবং বলিলেন, “আমি আপনাকে পরে জানাইব।” কিন্তু জানাইবার সন্ধান তিনি আর পান নাই। কারণ তিনি কলিকাতা আসিয়া সংস্কৃত কলেজের লাইব্রেরী ও অজ্ঞাত পুস্তকাগারে অল্প-

সন্ধান কৰিয়া দেখিলেন, কিন্তু অন্ন বে অস্পৃশ্য, প্রাচীন বা নব্য স্থিতিতে কোথাও তাহা খুঁজিয়া পান নাই।

যাঁহারা দক্ষিণ-ভাৰতে ভ্ৰমণ কৰিয়াছেন তাঁহারা জানেন যে, উত্তৰীয়াৰ দক্ষিণে সৰ্ব্বত্র ভাত, তরকারি দোকানে বিক্রয় হয়। বঙ্গদেশে বা উত্তর-ভাৰতে যেমন রেল-ষ্টেশনে ফেরিওৱালাৱা লুচি ও মিষ্টান্ন বিক্রয় করে, দক্ষিণ-ভাৰতে তেমনি রেল-ষ্টেশনে ফেরি-ওৱালাৱা ঠোকাৰ কৰিয়া ভাত, তরকারি বিক্রয় করে। যাজীয়া গাড়ীতে বসিয়া সেই ভাত, তরকারি কিনিয়া খায়। সহযাজীদেৱ মধ্যে সকল জাতিই থাকে। সেখানে ভোজনকালে স্পর্শদোষ নাই। অথচ এই মাজাজ প্রদেশেৰ লোকেৱাই বলিয়া থাকে যে বাঙালীৱা, বিশেষ কৰিয়া বাঙালী-ব্রাহ্মণেৱা পক্ষমেৱ অর্থাৎ অস্পৃশ্য জাতিৱ ছায়া স্পর্শ কৰিলে প্ৰান করেন না, তাঁহারা আৱাৱ হিন্দুৱানিৱ বড়াই কৰেন কিৰূপে ?

আমরা তো অল্পকে অশুদ্ধ বলিয়া মনে কৰি, কিন্তু মহাৱাষ্ট্ৰীয়েৱা, বিশেষতঃ মহাৱাষ্ট্ৰীয়া ব্রাহ্মণেৱা মনে কৰেন, বাঙালীৱা স্কুড়ি বিচাৰ কৰেন না। মহাৱাষ্ট্ৰ-সমাজে অন্নেৱ অস্পৃশ্যতা সম্বন্ধে যে ধাৰণা আছে, অথবা সেদিন পর্যন্ত যে ধাৰণা প্রচলিত ছিল, তাহা শুনিলে পাঠকগণ বিস্মিত হইবেন। “হিতবাদী” পত্ৰেৱ অল্পতম ভূতপূৰ্ব সম্পাদক স্বৰ্গীয় সখাৱাম গণেশ দেউৰুৱ মহাশয় মহাৱাষ্ট্ৰ-ব্রাহ্মণ ছিলেন। আমি হিতবাদীৰ সেৱাৱ প্রবৃত্ত হইয়া বহু বৎসৰ তাঁহাৱ সহিত এক টেবিলে বসিয়া কাজ কৰিয়াছি। সেই সময়ে এক দিন আমাৱ একটা পত্ৰেৱ অন্নপ্রাশন উপলক্ষে আমাদেৱ বাটীতে ভোজনেৱ জন্ত তাঁহাকে নিমন্ত্ৰণ কৰিয়াছিলাম। তাহা শুনিয়া তিনি আমাকে বলিলেন, “আমরা অর্থাৎ মৱহাষ্ট্ৰীৱা অল্প সমাজেৱ ব্রাহ্মণেৱ অন্ন গ্রহণ কৰি না, ইহা আপনি জানেন। আপনি আমাকে নিশ্চয়ই ‘লুচি’ খাওৱাইবেন। তবে আমাৱ জন্ত যে কয়খানা ‘লুচি’ কৰাইবেন, তাহাৱ ময়দাৱ জল না দিয়া দুধ দিয়া মাখিবেন। আপনাৱা ভাতকে স্কুড়ি মনে কৰেন, আমাদেৱ এই স্কুড়ি বিচাৰ কিন্তু অল্পৰূপ। আমাদেৱ মতে কোন শস্ত্ৰে জল লাগিলে তাহা স্কুড়ি হইয়া যায়। তবে চাল যদি দুধে সিদ্ধ হয়, বা আটা-ময়দা যদি দুধ দিয়া মাখা যায়, তবে তাহা স্কুড়ি হয় না।” তিনি আৱও আমাকে বলিয়া দিয়াছিলেন, “আপনাদেৱ হেঁসেলে ৱাৱা নিৱামিষ তরকারি খাইতে আমাৱ আপত্তি নাই।” আমি সখাৱাম বাবুৱ কথামত দুধে ময়দা মাখিয়া লুচি ভাজাইয়াছিলাম। ইহাৱ পৰ আৱও চাৱ-পাঁচ বাৱ সখাৱামবাবু আমাদেৱ বাটীতে বেড়াইতে গিয়া আহাৱ কৰিয়াছিলেন। আমি প্রতিৱাৱই তাঁহাৱ জন্ত ময়দা দুধে মাখিয়া লুচি ভাজাইতাম। তিনি আমাদেৱ হেঁসেলেৱ ভাত, ডাল ও আমিষ তরকারি ছাড়া সৰ্বলপ্রকাৱ তরকাৱিই খাইতেন। তাঁহাৱ মুখে শুনিয়াছিলাম যে, চাল, ডাল, গম, আটা, ময়দা প্রভৃতিতে জল ঠেকিলেই তাহা স্কুড়ি হইয়া যায়, ইহাই তাঁহা-দিগেৱ সমাজে প্রচলিত সংকাৱ। জিজ্ঞাসা কৰিয়াছিলাম যে, আপনাদেৱ দেশে মিষ্টান্নেৱ দোকানে কি লুচি, কচুৱী, সিদ্ধাড়া বিক্রী

হয় না ? উত্তরে তিনি বলিয়াছিলেন, সেই আটা বা ময়দা দুধে মাখা হয়, জলে নয়। তিনি আৱও বলিয়াছিলেন, এক বস্ত্ৰ চউৰ বা এক বস্ত্ৰ ছোলাৱ যদি একটু জলেৱ স্পর্শ লাগে তাহা হইলে সে সমস্তই স্কুড়ি হইয়া যায়।

মহাৱাষ্ট্ৰ সমাজেৱ আচাৱ-বিচাৱ সংক্ৰান্ত আৱ একটা বিষয়েৱ উল্লেখ কৰিব। অনেকেৱ জানা আছে যে, মৱাঠা সমাজে ঙ্গীলোকদেৱ অৱবোধ-প্রথা নাই। মৱাঠা ৱমণীৱা স্বাধীনভাৱে সৰ্বত্র যাতায়াত কৰিয়া থাকেন। কোন বাটীতে কোন ক্ৰিয়াকৰ্ম উপলক্ষে ঙ্গীলোকদিগেৱ নিমন্ত্ৰণ হইলে নিমন্ত্ৰিত ঙ্গীলোকেৱা ভোজেৱ এক দিন বা দুই দিন পূৰ্বে নিজেৱ একখানা পৰিধেৱ বস্ত্ৰ নিমন্ত্ৰণকাৱীৱ বাটীতে পাঠাইয়া দেন। নিমন্ত্ৰণকাৱী সেই বস্ত্ৰ জলে কাচিয়া একটা পৃথক ঘৰে ৱাখিয়া দেন। নিমন্ত্ৰিতা মহিলাৱা যে-বস্ত্ৰ পৰিধানপূৰ্বেক নিমন্ত্ৰণ-কৰ্তাৱ বাটীতে গমন কৰেন, পথে ব্যবহৃত সেই বস্ত্ৰ পৰিয়া তাঁহাৱা ভোজন কৰিতে পাবেন না। কাৱণ সেই বস্ত্ৰ ৱেশমী বা পশমী হইলেও পথে আসিৱাৱ সমস্ত কত জাতিৱ ছোঁয়া লাগে। সুতরাং সেই অশুদ্ধ বস্ত্ৰ পৰিয়া কিৰূপে ভোজন কৰা চলিতে পাৱে ? যে ঘৰে তাঁহাদেৱ পূৰ্বে-প্ৰেৱিত বস্ত্ৰ ৱক্ষিত থাকে, একে একে সেই ঘৰে প্ৰবেশপূৰ্বেক তাঁহাৱা পূৰ্বে-প্ৰেৱিত বস্ত্ৰ পৰিধানপূৰ্বেক ভোজনস্থানে গমন কৰেন এৱং আহাৱাঙে আৱাৱ পথে বাহিৱ হইৱাৱ কাপড় পৰিয়া স্ব-স্ব গৃহে প্ৰত্যাবৰ্ত্তন কৰেন।

সখাৱামবাবুৱ মুখে আৱও শুনিয়াছি যে, মহাৱাষ্ট্ৰে ভোজে ‘পলাণ্ডু’ ব্যৱহাৱ অৱাধে প্রচলিত আছে। এই পলাণ্ডু ব্যৱহাৱ সম্বন্ধে একটা গল্প বোধ হয় অপ্রাসঙ্গিক হইবে না। “আমি একৱাৱ পূৱীধামে গিয়া আমাদেৱ পাণ্ডাৱ মুখে এই বিৱৰণটি শুনিয়াছিলাম : তিনি বলেন, কাশ্মীৰেৱ এক জন ৱাজা সপৰিৱাৱে ঙ্গীলোকেৱে গিয়াছিলেন। তাঁহাৱ জন্ত একটা বড় বাড়ী ভাড়া কৰা হইয়াছিল। পূৱীৱ কয়েক জন পাণ্ডা কোঁতুলপৱবশ হইয়া ৱাজাৱ পাকশালাতে গমন কৰেন। তাঁহাৱা দেখিয়া অৱাক হইলেন যে, ৱন্ধনশালাৱ একপাশে প্ৰায় আধ মণ ‘পলাণ্ডু’ ৱহিয়াছে। কাশ্মীৰেৱ ৱাজা ক্ৰত্ৰিয়, হিন্দুকুলচূড়ামণি ! তাঁহাৱ পাকশালাৱ ‘পলাণ্ডু’ ! তাঁহাৱা কথায় কথায় এই পলাণ্ডুৱ বিৱৰ ৱাজাৱ কৰ্ণগোচৰ কৰিলে ৱাজা ক্ৰোধে অগ্নিশৰ্ম্মা হইয়া বলিয়া উঠিলেন, আমাৱ পাকশালাৱ পলাণ্ডু ! আমাৱ দেখাইতে পাৱেন ? যে আনিয়াছে আমি তাহাকে সমুচিত শাস্তি দিব। পাণ্ডাৱা ৱাজাকে লইয়া পাকশালাৱ গিয়া পলাণ্ডু দেখাইলে ৱাজা তদুৰ্দ্ধে হাসিয়া বলিয়াছিলেন, ‘আপনাৱা ভুল কৰিয়াছেন, উহা ‘পলাণ্ডু’ নহে, ‘পেয়াজ’। পলাণ্ডু অত বড় হয় না, সেগুলো ছোট ছোট হয়। পেয়াজ অভক্ষ্য নহে, পলাণ্ডুই অভক্ষ্য।’ মৱাঠা সমাজে সম্ভৱতঃ পলাণ্ডু এৱং পেয়াজ পৃথক বলিয়া গণ্য হয়। একখাটা অৱশ্য সখাৱামবাবুকে জিজ্ঞাসা কৰা হয় নাই।

আমাদেৱ সমাজে বিশেষতঃ উচ্চশ্ৰেণীৱ মধ্যে স্বগোত্ৰে বিৱাহ নিষিদ্ধ। কাৱণ আমাদেৱ ধাৱণা সগোত্ৰ হইলেই এক বংশজাত

৩য়। কিন্তু আমরা মনে হয় আমাদের এই ধারণা অদ্রাস্ত্য নহে। 'গোত্র' শব্দের মৌলিক অর্থ অনুসন্ধান করিলেই ইহা স্পষ্ট বৃত্তিতে পারা যায়। "গোত্র" শব্দের অর্থ যে স্থানে গো প্রভৃতি গৃহপালিত পশু জাগ পায় অর্থাৎ রক্ষা পায়। অতি প্রাচীনকালে যখন আর্ষা-নভ্যতা সিদ্ধনদ অতিক্রম করিয়া ধীরে ধীরে দক্ষিণ-পূর্ব দিকে পলায়নভাে করিতেছিল, তখন সমস্ত দেশ গভীর অরণ্যে আচ্ছন্ন ছিল। সেই অরণ্যের মাঝে মাঝে সশিষ্য ঋষিরা তপোবনে বাস করিতে লাগিলেন। তাঁহাদের প্রধান সখল ছিল কৃষিকার্য ও গো-পালন। তাঁহারা সিংহ, ব্যাঘ্র প্রভৃতি হিংস্র জন্তু এবং বস্ত্র মৃগ প্রভৃতি উদ্ভিদভোজী পশুর আক্রমণ হইতে গো-ধন এবং শস্ত্র-রক্ষার জন্ত আশ্রমকে কেন্দ্র করিয়া অনেকটা স্থান বেটনীধারা ঘিরিয়া স্থাপিতেন। সেই বেটনীর মধ্যে বস্ত্র হিংস্র পশু প্রবেশ করিতে পারিত না। সুতরাং আশ্রমসম্বন্ধিত গোচারণ ভূমিতে গো, মহিষাদি স্বচ্ছন্দে বিচরণ করিতে পারিত। যে ঋষি এইরূপ গোত্রের অধিপতি হইতেন, তাঁহারই নাম অনুসারে সেই গোত্র অভিহিত হইত। কাশ্যপ গোত্র, ভরদ্বাজ গোত্র, বাৎস্য গোত্র, মৌকল্য গোত্র প্রভৃতি গোত্রপ্রবর্তক ঋষিদিগের নাম এখনও হিন্দু-সমাজে প্রচলিত আছে। কিন্তু সকল ঋষিই গোত্র-প্রবর্তক ছিলেন না। মনু, অত্রি, নারদ, বাস্কীকি প্রভৃতি ঋষিগণের নামে কোনও গোত্র আছে কিনা আমি জানি না, বোধ হয় নাই। এক একটি গোত্রের মধ্যে ব্রাহ্মণ, ক্ষত্রিয়, বৈশ্য ও শূদ্র প্রভৃতি সকল জাতিবই বাস ছিল। সেইজন্য আমরা ভিন্ন ভিন্ন বর্ণের মধ্যে একই গোত্রের নাম দেখিতে পাই। অনেকে বলেন যে, নিম্নশ্রেণী শূদ্রদের গুরু বা পুরোহিতের গোত্রই সেই শূদ্রজাতির গোত্র হইয়াছে। ইহা অসম্ভব নহে। যাহা হউক, গোত্র বলিলেই যে এক বংশসম্বৃত লোক হইবে, তাহার কোনও মানে নাই। মনে করুন ভরদ্বাজ ঋষির বহু ছাত্র বা শিষ্য উক্ত মূনির আশ্রমে থাকিয়া দ্বাদশ বর্ষব্যাপী ব্রহ্মচর্যব্রত পালন করিত। তাহারা সকলেই যে এক বংশজাত ছিল, তাহা সম্ভবপর নহে। অর্থাৎ, আজকাল আমরা "গ্রাম" বলিতে যাহা বুঝি, অতি প্রাচীন কালে "গোত্র" বলিলে লোকে তাহাই বুঝিত।


বর্তমান হিন্দুসমাজে গোত্রের বহু ক্রমশঃ শিথিল হইয়া পড়িতেছে। আজকাল যোগোত্রে বিবাহ অনেক ক্ষেত্রে পাইতেছি। জাতিকত্তাকে বিবাহ আমাদের সমাজে নিষিদ্ধ হইলেও মুসলমান ও খ্রীষ্টান সমাজে উহা অবাধে প্রচলিত। এমনকি মুসলমান-সমাজে ডাডুপুত্রকে জামাতরূপে পাইলে পাত্রীর পিতামাতা গৌরব-বোধ করিয়া থাকেন। খ্রীষ্টান-সমাজে জাতিকত্তা বিবাহ নিষিদ্ধ নহে। কিন্তু মৃত্যু পত্নীর ভগ্নীকে বিবাহ একান্ত নিষিদ্ধ। এই নিষেধের বিরুদ্ধে ইংলণ্ডে বহুকাল হইতে আন্দোলন চলিয়া আসিতেছে, কিন্তু আজও পর্যন্ত সে আন্দোলনে কোনও ফল হয় নাই।

আমাদের সমাজে এমন অনেক আচার-বিচার প্রচলিত আছে, যাহা কোনও যুক্তি দ্বারা সমাধত নহে। একটি দৃষ্টান্ত দিতেছিঃ—পিতা বর্তমান থাকিলে পুত্রের দক্ষিণমুখ হইয়া উপবেশনপূর্বক অন্ন গ্রহণ নিষিদ্ধ। আমি হু'এক জন পুরোহিতকে এই নিষেধের কারণ জিজ্ঞাসা করিয়াছিলাম, কিন্তু তাঁহারা যে যুক্তি দেখাইয়াছিলেন তাহা গ্রাহ্য হইতে পারে না। তাঁহারা বলিয়াছিলেন, পিতৃশ্রাদ্ধকালে শ্রাদ্ধকর্তাকে দক্ষিণমুখ হইয়া পিণ্ডান করিতে হয়। সেইজন্য পিতা বিচক্ষানে পুত্রকে দক্ষিণ মুখে বসিয়া ভাত খাইতে নাই। কিন্তু মৃত পিতার প্রোত্যাহার উদ্দেশ্যে পিণ্ডান এবং নিজে দক্ষিণমুখ হইয়া অন্ন গ্রহণ কি এক কথা? এই ব্যবস্থা হইতে অনেক প্রাচীনা গৃহিণী নিজ নিজ সংসারে অল্পরূপে আর একটি ব্যবস্থার প্রবর্তন করিয়াছেন। তাঁহাদের মতে পিতা জীবিত থাকিলে পুত্রকে যখন দক্ষিণ মুখে বসিয়া খাইতে নাই, তখন "পুত্র-র" বিচক্ষানে পিতাকেও "উত্তর" মুখে বসিয়া খাওয়া নিষেধ। এ ব্যবস্থা নিশ্চয়ই যুক্তিহীন—"নারী সংহিতার" আছে। মহানির্বাণ তন্ত্রে মহাদেব ভূর্গাকে বলিয়াছেন :

কেবলঃ শাস্ত্রমাশ্রিত্য ন কৰ্তব্য বিনির্ণয়ঃ।

যুক্তিহীন বিচারেতু ধর্মহানি প্রজায়তে।

আমাদের সমাজে কিন্তু অনেক যুক্তিহীন আচার-বিচার সুদীর্ঘকাল ধরিয়া চলিয়া আসিতেছে।



গান্ধীজী

রেজাউল করীম

শাস্ত্র, নিষ্কিরোধ গান্ধীজীর অন্তরে বিরাজমান ছিল বিদ্রোহের একটা জলন্ত অগ্নিশিখা। মধুর হাসি তাঁর ওষ্ঠে, স্মৃষ্টি কথা তাঁর মুখে, সরল সহজ তাঁর চালচলন, অথচ এই মানুষটি ছিলেন একটি ভূকম্পকারী বিপ্লবের অগ্রদূত। সমগ্রভাবে এই মানুষটিকে দেখলে বোঝা যাবে যে, তাঁর এক হাতে ছিল শান্তির মধুভাণ্ড, আর অপর হাতে ছিল বীরের রণতুর্য। গান্ধী হেঁয়ালী নয়, গান্ধী কল্পনার মানুষ নয়— একেবারে রক্তমাংসে গড়া বাস্তব জগতের মানুষ। যে জাতির মধ্যে গান্ধীর মত মানুষের আবির্ভাব হয় সে জাতি ধন্য। সে জাতির সামগ্রিক মুক্তি কেউ ঠেকিয়ে রাখতে পারে না। যেসব মহামানব বড় বড় সাম্রাজ্য ভেঙে চূরমার করেছেন, যুগযুগ সঞ্চিত জাতীয় জড়তা দূর করে নতুন জাতির নতুন মানুষের গোড়া পত্তন করেন, নৈতিক আদর্শ দিয়ে শ্মশানের উপর নবসৃষ্টির প্রেরণা জাগ্রত করেন গান্ধী সেই জাতের মানুষ। তাই গান্ধী আজ সক্রোটস, বুদ্ধ, যিশু খ্রীষ্টের সমপর্যায়ভুক্ত মহামানব। অধ্যাপক গিলবার্ট মারি বলেছেন :

“Be careful in dealing with a man who cares nothing for sensual pleasures, nothing for comfort or praise or promotion, but is simply determined to do what he believes to be right. He is a dangerous and uncomfortable enemy because his body which you can always conquer gives you so little purchase over his soul.”

এমনি লোক ছিলেন গান্ধী। তিনি যেটাকে সত্য বলে মনে করতেন তা অকপটে বলতেন। মান-অভিমান বিধা-সঙ্কোচ, পূর্বাপরের সজতি রক্ষার চেষ্টা, এসব কিছুই তাঁকে সত্যের পথ থেকে যুহুর্ন্তের জগৎও বিচলিত করতে পারে নি। নিজের কাজকে “Himalayan blunder” বলে স্বীকার করবার সংসাহস এ যুগে আর কারুর মধ্যেও দেখি না। গান্ধীজী যেদিন প্রকাশভাবে ঘোষণার দ্বারা নিজের কাজকে “বিরাট ভুল” স্বীকার করে বসলেন, সেদিন তাঁর ভক্ত অনুরক্তদের মধ্যে কি রিভোলভ ; আর সমালোচকদের সেদিন কি আনন্দ। যে মানুষ এমন পদে পদে ভুল করে বসে সারা ভারতের নেতৃত্ব করবার কি অধিকার তাঁর থাকতে পারে? কিন্তু গান্ধী এ সবেই দ্বারা বিচলিত নন। “যে ভুল হয়েছে তা আমাকে অকপটেই স্বীকার করতে হবে, আর এই ভুলের জন্য যে ক্ষতি হয়েছে তার প্রায়শ্চিত্তও

আমাকেই করতে হবে।” এমনি অকপট সত্যসন্ধ-মানুষ ছিলেন গান্ধীজী। এই গান্ধীই ছিলেন আজন্মবিপ্লবী। বিপ্লবীর মন সর্বপ্রকার সংস্কারের মোহ থেকে মুক্ত। সংস্কারযুক্ত মন না হলে কেউ বিপ্লবের বাণী উড়াতে পারে না। সামাজিক কোন সংস্কার গান্ধীর অগ্রগতির পথে বাধা সৃষ্টি করতে পারে নি। বাধাবিল্ল তাঁকে কোন দিন কর্তব্যের পথ থেকে বিচ্যুত করতে পারে নি। অন্তরের প্রচণ্ড শক্তির সাহায্যে সকল বাধা দলিত মথিত করে ছুটে চলেছেন সংগ্রামের পথে। কখনো সঙ্গী ছিল, আবার কখনো একাই সঙ্গীহীন অবস্থায় পথ তৈয়ার করতে করতে চলেছেন বিংশ শতাব্দীর এই মহামানব। সংগ্রামের ফল কি হবে, সংগ্রাম সার্থক হবে কি না, এ দিকে তাঁর প্রধান দৃষ্টি ছিল না। অত্যাচার বিকল্পে সংগ্রাম করতে হবে, সংগ্রাম করাই ধর্ম— এই আদর্শ তিনি বুঝতেন। সুতরাং এই আদর্শ অনুসারে তিনি আজীবন সংগ্রাম করে গেছেন।

দেশের মধ্যে প্রচলিত যেসব প্রথা ও নজির যুগ যুগ ধরে চলে আসছে, তার মধ্যে যদি দেখতে পেয়েছেন কোন মিথ্যা, তবে সেইখানে তিনি বিদ্রোহের পতাকা তুলেছেন সেই প্রথা ও নজিরকে চূরমার করে ভেঙে দিতে। যে কাজকে নৈতিক আদর্শের দিক দিয়ে সমর্থন করা যায় না, তিনি তার বিরোধিতা করতে কুষ্ঠাবোধ করেন নি। আশ্চর্যের কথা যে, এই চির বিদ্রোহী গান্ধী অপর এক জন বিদ্রোহী কার্ল মার্ক্সের মত নন—তাঁদের মধ্যে ঐক্যসূত্র যেমন আছে, তেমনি আছে পর্বতপ্রমাণ ব্যবধান। বিপ্লবী গান্ধী মূলতঃ ধার্মিক। ধর্ম বা ঈশ্বরকে বর্জন করে, বা ঈশ্বরের শ্রেষ্ঠত্বকে লঘু করে তিনি কোন বৈপ্লবিক পরিবর্তনের কথা চিন্তা করতে পারতেন না। তাঁর সমস্ত জীবনে সমস্ত কর্মে ঈশ্বরের প্রভাব সदा বিদ্যমান। তিনি ধর্মগতপ্রাণ, কিন্তু তাঁর মনে কোনরূপ dogma বা গৌড়ামির ভাব ছিল না। তিনি কোন প্রকার সঙ্গীর্ণ গণ্ডী বা সীমাবদ্ধ সাম্প্রদায়িক ভাব দ্বারা পরিচালিত হন নি। তিনি পাপের সঙ্গে কোন আপোষ করেন নি। কিন্তু পাপীকে সর্বদাই ক্ষমা করেছেন। তিনি চরম আধুনিক, আবার সত্যের দ্বারা পরীক্ষিত আদর্শকে ‘অতীত’ বলে বর্জন করেন নি। এই দিক দিয়ে তিনি চরম রক্ষণশীল। ধর্মস তিনি করেছেন অনেক, আবার সৃষ্টিও করেছেন অনেক। একটা বিরাট দেশের বিপুল

সংখ্যক মানুষকে তিনি নূতন শক্তির প্রেরণা দিয়ে একটা জাগ্রত জাতিতে পরিণত করলেন। বস্তুতঃ আজকের নবভারত তাঁরই সৃষ্টি। অবশ্য এই সৃষ্টির কাজে তাঁকে সাহায্য করেছেন আরও অনেকে, অতীতে ও বর্তমানে।

গান্ধীজীর প্রবর্তিত প্রত্যেকটি রাজনৈতিক ও অর্থনৈতিক কর্মসূচির পটভূমিকায় ছিল নৈতিক আবেদন। তিনি যখন বুঝালেন যে দাসত্ব একটা মস্তবড় পাপ, তখন তিনি দাসত্বের অর্থনৈতিক ও রাজনৈতিক কুফলের উপর জোর দেন নি। তিনি কেবল এই কথাই বলেছেন যে, 'তুমি ততক্ষণ দাস, যতক্ষণ তুমি স্বেচ্ছায় দাসত্ব স্বীকার করে লও। যদি তুমি দাসত্ব স্বীকার না কর, বুক ফুলিয়ে ঘোষণা কর যে, কারুর দাসত্ব মানি না তা হলেই তুমি স্বাধীন। তোমার মনের যদি এমনি জোর থাকে, তবে কেমন করে অপর পক্ষ, সে যতই শক্তিশালী হোক না কেন, তোমাকে দাস করে রাখতে পারবে?' তাই তিনি বলেছেন :

"I will simply refuse to do the master's bidding. He may torture me, may break my bones to atoms, and even kill me. He will then have my dead body and not my obedience, ultimately, therefore, it is I who am the victor and not he. He has failed in getting me to do what he wanted."

এমন দুর্জয় ঘোষণা বঙ্গদর্পী নেপোলিয়ন বা হানিবলের মুখ থেকেও বের হয় নি। পৃথিবীতে কয়জন মানুষ এমন মনের জোর দেখাতে পেরেছেন? গান্ধীজীর মত দুর্জয় সাহসী বীর আর কি কোথাও আছে? ইতিহাসে অনেক বীরের সন্ধান পাওয়া যায়—তাঁরা যুদ্ধ করেছেন, নররুধিরে ধরিত্রী-বক্ষ প্লাবিত করেছেন। কিন্তু তাঁদের আর গান্ধীজীর মধ্যে কত পার্থক্য। গান্ধীজীর মতে যে অন্তরে বিদ্রোহী তার হৃদয় শক্ত হওয়া চাই। তাঁর মতে একাকী নিরস্ত্র অবস্থায় মনের প্রভূত জোরে স্বেচ্ছাচারী শক্তির নিকট মাথা নত করব না এ কথাটা বলার মত এবং সেজন্ত মৃত্যুবরণ করার মত অধিকতর সাহসিকতার কাজ আর নাই। কিন্তু এই প্রকার মনের জোরে মানুষ যখন বিদ্রোহী হবে, তখন তার মনে থাকবে না কোন হিংসার ভাব, থাকবে না কোন অনিষ্ট করবার কামনা, বরং তখন তার এই বিশ্বাস থাকবে যে সকল অবস্থার মধ্যে কেবল বেঁচে থাকবে তার অমর আত্মা আর কিছু বেঁচে থাকবে না—তার দরকারও নাই। গান্ধীজী নিজের জীবনের অভিজ্ঞতা থেকে দেখিয়ে দিয়েছেন যে এই বিশ্বাস কেউ কাউকে দিতে পারে না, এই বিশ্বাস আসে ঈশ্বরভক্তের অন্তর থেকে। যে মানুষের অন্তরে বিশ্বাস ও দৃঢ়তা আছে তার হতাশ হবার কিছু নাই।

গান্ধীজী ছিলেন আদর্শ সত্যগ্রহী। বিপ্লবীমন না হলে

কারুর পক্ষে সত্যগ্রহী হওয়া সম্ভব নয়। গান্ধীজীর আদর্শ অনুসারে সত্যগ্রহীকে সর্বপ্রকার ভয়ভীতি দূর করতে হবে। সত্যগ্রহীর ভয় নাই, ভীতি নাই, তার বিশ্বাসের অভাব নাই, এমনকি সে প্রতিপক্ষকে বিশ্বাস করতে ভয় পায় না। গান্ধীজী যেদিন নোয়াখালি অভিযানে গেলেন, সেদিন বুঝা গেল যে কথা ও কাজ তাঁর কাছে দুইই সমান। সেদিন তিনি যে ঘোষণা করেছিলেন তা আজিও কানের মধ্যে প্রবেশ করে অন্তরকে নাড়া দিচ্ছে। তাঁর সেই উক্তি ইতিহাসের একটি যুগান্তকারী ঘোষণা :

"আমি আজ যে সত্যগ্রহ করতে যাচ্ছি, তার রূপ সম্পূর্ণ বিভিন্ন। আজ সরকারের কোন অবিচারের প্রতিকার করার উদ্দেশ্যে আমার এ অভিযান নয়। আজ কারুর বিরুদ্ধে আমার কোন অভিযোগ নাই। আজ আমি পরীক্ষা করে দেখব জীবনব্যাপী যে অহিংসার সাধনা করে এসেছি সেই অহিংসার দ্বারা আজ মানুষের মনের অমানুষিকতা দূর করতে পারি কিনা। মানুষ মানুষ যে হানাহানি, যে হিংসাবিদ্বেষ, একজন মানুষ অপরকে যে ভয় করে ঘৃণা করে—সেই মনের বিকার মানুষের মন থেকে দূর করতে আমার অহিংসা কতটা কার্যকরী আজ জীবনসাম্রাজ্যে সেইটাই যাচাই করে দেখতে চাই। একাজ অনেক লোক মিলে করা চলে না। আমাকে একাই এই পরীক্ষা করতে হবে। তাই আজ আমি একা চলেছি। আজ আমার কোন অশুচরের ও সঙ্গীর দরকার নাই। কেবলমাত্র ঈশ্বরের দেওয়া শক্তির উপরই আমাকে আজ নির্ভর করতে হবে। তাই আজ আমি জনগণের ভিতর অগ্রসর হতে চললাম। হিংসাবিদ্বেষবিমুক্ত অন্তর নিয়ে আজ আমাকে যেতে হবে। আমার অন্তরে কোন কলুষ যদি থাকে, তবে আমার এ সাধনা ব্যর্থ হবে। তাই আজ আমি দীন ভাবে ঈশ্বরের নিকট প্রার্থনা করি তিনি যেন আমার মন থেকে সকল কালিমা দূর করে দেন। আমার আত্মার মধ্যে তিনি যেন শক্তিদান করেন। এই হ'ল আমার তীর্থযাত্রা। সকল সংস্কার থেকে মুক্ত হয়ে সর্বপ্রথম দান করতে দীনভাবে নগ্নপদে তীর্থস্থানের দিকে অগ্রসর হওয়াই ভারতের তীর্থযাত্রার আদর্শ। তাই আমি নগ্নপদে চলেছি আমার তীর্থ পরিভ্রমণ।"

এইখানে বীর গান্ধীজীর বীরত্বের সত্যকার পরিচয়। তাঁর বীর পদভরে পৃথিবী কেঁপে যায়—তাঁর একটা বাণী সারাবিশ্বে আলোড়ন সৃষ্টি করে। এত ঘাঁর ক্ষমতা, এত ঘাঁর তেজ, তিনি আচরণে ব্যবহারে কি নম্র, কি ধীর, কি শান্ত। বস্তুতঃ গান্ধীজী এ যুগের একটা মিরাকল। মৃত্যুর শেষ মুহূর্ত পর্যন্ত তিনি তাঁর চরিত্রের বৈশিষ্ট্য সমানভাবে অক্ষুণ্ণ রেখেছেন। বড় বড় বীরকে দেখেছি মৃত্যুর সময় মনের স্থিরতা রাখতে পারেন নি। নেপোলিয়ন, সিজার, হানিবল, আলেকজান্ডার এঁরা দিগ্বিজয়ী বীর। কিন্তু এঁদের শেষজীবন ব্যর্থতায় ভরা। গান্ধীজী শেষ দিনেও দেখিয়ে গিয়েছেন যে তিনি বীর। ঘাতকের প্রতি তাঁর কোন অভিশাপ নাই—সারাজীবন তিনি পাপীকে ক্ষমা করে গেছেন মৃত্যুর শেষ মুহূর্তেও তিনি ক্ষমাসুন্দর হাসি দিয়ে তাঁর ঘাতককেও ক্ষমা করে গেছেন। মৃত্যুর সেই শেষ মুহূর্তেই আমাদের নিকট যতই মর্মান্তিক হোক, যতই

বেদনাদায়ক হোক—গান্ধীজীর নিকট সেই মুহূর্তটি অত্যন্ত গর্বের, অত্যন্ত গৌরবের। জীবনের কাজ সমাপ্ত করে ভারতের স্বাধীনতা অর্জন করে উপযুক্ত হস্তে সেই স্বাধীন ভারতের পরিচালনার ভার সমর্পণ করে তিনি good life এবং good death একই সঙ্গে অর্জন করবার সুযোগ পেয়েছেন। এ সুযোগ খুব কম মহাপুরুষই পেয়ে থাকেন।

আজীবন যারা তাঁকে শত্রু বলে জানত, তারাও সেদিন বুঝল কত বড় অকৃত্রিম বন্ধু ছিলেন তিনি তাদের। গান্ধীজীর মৃত্যুর দিন আমাদের প্রায়শ্চিত্তের দিন। আত্মাহু-সম্মান করে দেখতে হবে কোথায় আমাদের ক্রটি। তা যদি করতে পারি তবে আমাদের গান্ধীবন্দনা সার্থক হবে।

সার উইলিয়ম র্যামসে

শ্রীকুঞ্জবিহারী পাল

মানুষের জীবনে কখনও কখনও এমন কতকগুলো মুহূর্ত আসে যার প্রতিফলিতা তার জীবনের ধারাকে দেয় একদম বদলে—তার জীবনের গতিপথ সম্পূর্ণ ভিন্ন পথে চালিত হয়ে গৌরবের চরম-শিখরে পৌঁছায়; অথচ যে ভিন্ন পথে তার সাফল্য আসে তা হয়ত কিছুদিন আগেও তার নিজের কাছে ছিল সম্পূর্ণ অজ্ঞাত! তা না হলে উইলিয়ম র্যামসে যিনি ছিলেন স্বভাবকবি, পিয়ানো-বাদক এবং পেন্সিল স্কেচে সিদ্ধহস্ত, তিনি কিনা একদিন বিশ্ববিখ্যাত রসায়নবিদ হিসেবে সুখ্যাতি অর্জন করতে পারেন! রসায়নশাস্ত্রে যে পর্যায় তালিকার (Periodic Table) প্রচলন আছে তার একটি গ্রুপের সবকয়টি মৌলিক পদার্থ আবিষ্কার করা যে একই ব্যক্তির জীবনে সম্ভব তা একমাত্র র্যামসে'র জীবনেই সম্ভব হয়েছে, আর এটা বড় কম কৃতিত্বের কথা নয়!

উইলিয়ম র্যামসে জন্মগ্রহণ করেন ১৮৫২ সনের ২রা অক্টোবর গ্লাসগো শহরে। র্যামসে'র পিতার ইঞ্জিনিয়ারিং বিদ্যা কিঞ্চিৎ জানতেন। র্যামসে'র কাকা ছিলেন এক জন নামকরা ভূতত্ত্ববিদ। গ্লাসগো একাডেমিতে র্যামসে'র শিক্ষার হাতেখড়ি হয়। এখানকার পড়া শেষ করে গ্লাসগো বিশ্ববিদ্যালয়ে তিন বছর পড়াশুনা করেন। যখন তার বয়স বোল বছরের সামান্য উপরে তখন তিনি নানা ভাষা সম্বন্ধে শিক্ষালাভ করেন। এ সময় সামান্য গণিত-শিক্ষা তিনি পেয়েছিলেন বটে, কিন্তু বিজ্ঞান বিষয়ের নামগন্ধও ছিল না। তবে ফরাসী এবং জার্মান ভাষায় তিনি যে জ্ঞান এ সময় লাভ করেছিলেন তা তাঁর পরবর্তী জীবনে অনেক কাজে লেগেছিল। বিশ্ববিদ্যালয়ের পড়া ছেড়ে হঠাৎ তাঁর রসায়নবিদ হওয়ার ইচ্ছা মনে জাগে। নিজের বাড়ীতেই তিনি ছোট্ট গাদাসিধা পরীক্ষাকার্য করে রসায়নশাস্ত্রে জ্ঞান অর্জন করতে থাকেন। ১৮৬৯ সনে গ্লাসগো শহরের একটি রাসায়নিক গবেষণাগারে তিনি ভর্তি হন এবং বছর দেড়েক কাজ শিখে তিনি রাসায়নিক বিশ্লেষণকার্যে দক্ষতা লাভ করেন। তারপর তিনি বিশ্ববিদ্যালয়ে রসায়নবিদ্যার ক্লাসে হাজিরা দিতে থাকেন। পরে উচ্চতর শিক্ষালাভের নিমিত্ত

তিনি জার্মানীর হাইডেলবুর্গ যাওয়া ঠিক করলেন, কিন্তু হঠাৎ ফরাসী-জার্মান যুদ্ধ লেগে যাওয়ায় তার যাত্রা স্থগিত হ'ল। বাধা হয়ে তিনি কাজ নিলেন সার উইলিয়ম টমসনের পরীক্ষাগারে। ফরাসী-জার্মান যুদ্ধ শেষ হলে ১৮৭১ সনে র্যামসে জার্মানীর টিউডিংসেনে অধ্যাপক ফিটিগের অধীনে কাজ করবার জন্তে চলে যান। জার্মানীতে পড়াশুনা করবার সময় তিনি দক্ষিণ-জার্মানীর নানা স্থানে, সুইজারল্যান্ড, অস্ট্রিয়া প্রভৃতি স্থানে ভ্রমণ করেন। অধ্যাপক ফিটিগের অধীনে তিনি নাইট্রোসেলুলোজ নিয়ে কাজ করেছেন।

টিউডিংসেন বিশ্ববিদ্যালয় থেকে 'ডক্টরেট' উপাধি লাভ করে র্যামসে গ্লাসগোর এণ্ডারসন কলেজে রসায়নের অধ্যাপকের সহকারী-রূপে কাজ নেন। দু'বছর পর তিনি গ্লাসগো বিশ্ববিদ্যালয়ে কার্য গ্রহণ করেন। এখানে ডাক্তারী শিক্ষারত দু'শ ছাত্রের ক্লাস নিতে হ'ত র্যামসেকে। কাজটা যদিও বেশ খানিকটা বিরক্তিকর, কিন্তু র্যামসে'র চরিত্রে এমন একটা গুণ ছিল যে, তিনি যে কোন অবস্থার সঙ্গে নিজেকে মানিয়ে নিতে পারতেন এবং তার ভিতর থেকে যেটুকু শাস্তি আহরণ করা সম্ভব তা গ্রহণ করতে জানতেন। এখানে অবসর সময়ে তিনি 'পিরিডিন থেকে কার্বিকসলিক এসিড তৈরী করা এবং বেনজিন কার্বিকসলিক এসিডের সঙ্গে তার কি সম্পর্ক' তাই নিয়ে বহু গবেষণা করেছেন। কুইনিন এলকালয়েড সম্বন্ধেও তিনি গবেষণা করেছেন।

এ সময় বেলফাষ্টি জে. বি. স্থানয় নামে এক বৈজ্ঞানিক অতি নিখুঁত কতকগুলো পরীক্ষাকার্য করে প্রমাণ করেন যে, 'পদার্থের তরল এবং বায়বীয় অবস্থার মধ্যে একটা ধারাবাহিকতা বিদ্যমান থাকে এবং অবস্থান্তর ঘটবার সময় একটা বিশেষ উত্তাপ ও চাপের সৃষ্টি হয় যাকে বলা হয় 'ক্রিটিকাল' উত্তাপ ও চাপ। র্যামসে স্থানয়'র তত্ত্ব মেনে নিলেন না, কলে এঁদের মধ্যে কিঞ্চিৎ বাদানুবাদের সৃষ্টি হয়। শেষ পর্যন্ত যদিও র্যামসে-হেরে গেলেন, কিন্তু এ বাদানুবাদ চালাতে গিয়ে র্যামসে স্থানয়'র নিকট থেকে



মাত্র তিন
ঘণ্টার মধ্যে
অসম্ভব সম্ভব
হোলো!



বিকেল বেলাটা একটু আরামে কাটাতে ভাবছি এমন সময় আপিসের পিওন এক চিঠি নিয়ে এসে হাজির। এক অসম্ভব ব্যাপারকে সম্ভব ক'রতে হবে—মাত্র তিন ঘণ্টার মধ্যে। আমার স্বামী তাঁর আপিসের সাহেবকে আজ রাতে খাবার নিমন্ত্রণ করেছেন। এত অল্প সময়ের মধ্যে মনের মতো ক'রে খাওয়ানো মুন্সিলের কথা অথচ ভাল কিছু খাওয়াতেই হবে—স্বামীর মান বাঁচাতে। বড় ভাবনায় পড়লাম। ঠিক এমন সময় ডাক পিওন দিয়ে গেল একটা ছড় মোড়ক। তাতে ছিল আমারই অর্ডার দেওয়া চকচকে নূতন একটি ডালুডা রন্ধন পুস্তক।



তাড়াতাড়ি কিছু ভালো খাবার রান্না করতেই হবে। আর যা খুঁজছিলাম তা পেয়ে গেলাম বইখানাতে। তখনই কোমর বেঁধে রাঁধতে লেগে গেলাম—রান্না অবশ্য ডালুডা বনস্পতি দিয়েই করলাম! তাড়াছড়োতে হিমশিম খেয়ে গেলাম, কিন্তু তা সার্থক হ'য়েছিল। খাবার পরিবেশনের সময় আমার স্বামীর গর্বোচ্ছল মুখ দেখেই তা বুঝতে পেরেছিলাম। আর খাওয়া শেষ ক'রে ওঠবার সময় সাহেবের উজ্জ্বল প্রশংসা যদি শুনতেন! ডালুডা বনস্পতি দিয়ে রান্না ক'রলে খাবারের নিজস্ব স্বাদগন্ধ ফুটে ওঠে ও সাধারণ খাবারও সুস্বাদু হয়। ভাজাভুজি, মোলমোল থেকে আরম্ভ ক'রে ক্যানিয়ান-পোলাও ও মিষ্টান্ন পর্যন্ত—সবই ডালুডা বনস্পতি দিয়ে

চমৎকার রাঁধা চলে। আজকাল ডালুডা বনস্পতিতে ভিটামিন 'এ' ও 'ডি' দেওয়া হয়।

বাজারের খোলা টিন থেকে খুচরো স্নেহপদার্থ কেনা মানে বিপদ ডেকে আনা—খোলা অবস্থায় খুব দামী স্নেহপদার্থেও ভেজাল দেওয়া ও তাতে ধুলোবালি ও মাছি পড়া সম্ভব। আর তা খেয়ে আপনি অসুখে পড়তে পারেন।

স্বাস্থ্য বজায় রাখবার জন্ত আমাদের যে বিশুদ্ধ স্নেহপদার্থের দরকার—ডালুডা বনস্পতি তা আমাদের যোগায়। সব সময়ই বায়ুশুদ্ধক শীলকরা টিনে ডালুডা বনস্পতি কিনবেন। সকলের সুবিধার জন্ত ডালুডা বনস্পতি ১০, ৫, ২ ও ১ পাউণ্ড টিনে পাওয়া যায়। আজই একটিন কিনে ফেলুন।

সচিত্র ডালুডা রন্ধন পুস্তক বাংলা, হিন্দি, তামিল ও ইংরাজীতে পাওয়া যাচ্ছে। ৩০০ রকম পাকপ্রণালী, রান্নাঘরের খুঁটিনাটি বিষয় ও পুষ্টি সম্বন্ধীয় তথ্য ইত্যাদি এতে পাবেন। দাম মাত্র ২ টাকা আর ডাক খরচ ১২ আনা। আজই এই ঠিকানায় লিখে আনিতে নিন:

দি ডালুডা
এ্যাডভাইসারি সার্ভিস
পোঃ, বক্স ৩৫৩, বোম্বাই ১



গাছ মার্কা টিন দেখে কিনবেন

HVM 210-X52 BG

ডালুডা বনস্পতি

রাঁধতে ভালো—খরচ কম

এমন কতগুলো দুর্ভাগিনী শিখলেন যাতে তার ভবিষ্যৎ জীবনের গোড়াপত্তন হয়েছিল।

১৮৮০ সন। রায়মসের বয়স তখন আটশ বছর। এ সময় তিনি ব্রিষ্টল কলেজে (পরে বিশ্ববিদ্যালয়) অধ্যাপক পদ লাভ করেন। পর বছর কলেজের অধ্যক্ষ এলফ্রেড মার্শালের অবসর গ্রহণের পর তিনি অধ্যক্ষ পদে নিয়োজিত হন। এ সময় তিনি বিবাহ করেন। কলেজের অধ্যক্ষ পদে থাকাকালে তিনি কলেজের উন্নতির জগ্গে নামা ভাবে চেষ্টা করেছেন। ১৮৮২ সনে রসায়নবিভাগে তাঁর সহকারীরূপে নিযুক্ত হন সিডনি ইয়ং। এ সময়ে রায়মসে কাজ করছিলেন স্কটনাফে ইথার এবং বেনজিন বাষ্পের আয়তন নির্ধারণ সম্বন্ধে। সিডনি ইয়ং কাজে যোগ দিয়ে এ বিষয় নিয়েই গবেষণাকার্য্য চালান এবং এঁরা উভয়ে মিলে অনেক গবেষণামূলক প্রবন্ধ প্রকাশ করেন।

তখন লণ্ডন বিশ্ববিদ্যালয়ের অধ্যাপক পদে ছিলেন উইলিয়ামসন। কিন্তু তিনি রসায়নের গবেষণা ছেড়ে বিশ্ববিদ্যালয়ের রাজনীতিতে মেতে উঠেছিলেন। সুতরাং ১৮৮৭ সনে রায়মসে লণ্ডন বিশ্ববিদ্যালয়ের রসায়নের অধ্যাপক পদে নিযুক্ত হয়ে কাজে যোগ দিলেন। তিনি দেখলেন, এখানে গবেষণার বিশেষ সুবিধা থাকা সত্ত্বেও গবেষণার কাজ কিছু হচ্ছে না, যন্ত্রপাতি যা রয়েছে তা সব পুরনো ধরণের। রায়মসে সবকিছু টেলে-সাজবার জগ্গে উঠে পড়ে লাগলেন।

১৮৯০ সনে লীডস শহরে 'ব্রিটিশ এসোসিয়েশন ফর দি এড-ভ্যান্সমেন্ট অব সায়েন্সের' যে সভা হয়েছিল সেখানে আরহেনিয়াস আবিষ্কৃত 'থিওরী অফ আয়নিক ডিসোসিয়েশন'-এর আলোচনা প্রসঙ্গে আর্মস্ট্রং এবং কতিপয় নামকরা রসায়নবিদের সঙ্গে রায়মসের মতবৈধ হয়। রায়মসে এবং তাঁর সহকর্মীরা যদিও এ সম্বন্ধে কোন পরীক্ষাকার্য্য করেন নি, কিন্তু তিনি অষ্টওয়াল্ডের সঙ্গে পত্রালাপে সে বিষয়ে বহু আলোচনা করেছেন। এমনিভাবে ১৮৯৪ সনের মধ্যেই রাসায়নিক মহলে রায়মসের নাম বিশেষ পরিচিত হয়েছিল।

ছোট ক্রিমিরোগের অব্যর্থ ঔষধ “ভেরোনা হেলমিনথিয়া”

শৈশবে আমাদের দেশে শতকরা ৬০ জন শিশু নানা জাতীয় ক্রিমিরোগে, বিশেষতঃ ক্ষুদ্র ক্রিমিতে আক্রান্ত হয়ে ভগ্ন-স্বাস্থ্য প্রাপ্ত হয়, “ভেরোনা হেলমিনথিয়া” সাধারণের এই বহুদিনের অসুবিধা দূর করিয়াছে।

মূল্য—৪ আঃ শিশি ডিম্বাঃ সহ—২।০ আনা।

ওরিয়েন্টাল কেমিক্যাল ওয়ার্কস লিঃ

১।১ বি, গোবিন্দ আড্ডী রোড, কলিকাতা—২৭

কোন—আলিপুর ৪৪২৮

ইতিমধ্যে সমগ্র ইউরোপের বহু মনীষীর সঙ্গে তিনি পরিচিত হন; তা ছাড়া হ'বার আমেরিকা ভ্রমণ করে সেখানেও বেশ নাম করেন।

রায়মসের জীবনের চমকপ্রদ অধ্যায়ের সূত্র এর পর থেকেই। বৈজ্ঞানিকেরা বলেন, বিশ্বব্রহ্মাণ্ডে ৯২টি মৌলিক পদার্থ বিদ্যমান, যার ভেতরে নানা রকম রাসায়নিক সংযোগে জগতের সবকিছুই সৃষ্টি। মৌলিক পদার্থগুলি যদি পরমাণবিক ভর অনুসারে পর পর একথানা ছককাটা কাগজে সাজান হয় তবে দেখা যাবে যে, এদের গুণ এবং ধর্মের মধ্যে বেশ একটা সঙ্গতি আছে। একে বলা হয় পর্যায়সূত্র বা Periodic Law। Periodic table বা সারণির শৃঙ্খল গ্রুপে রয়েছে হিলিয়াম, নিয়ন, আরগন প্রভৃতি কয়েকটি নিষ্ক্রিয় গ্যাসীয় মৌলিক পদার্থ। এ সবক'টিই আবিষ্কার করেছেন রায়মসে। সে ইতিহাস বিস্ময়কর।

১৭৮৫ সনে হেনরী কেভেণ্ডিশ লক্ষ্য করেন যে, যদি বায়ুর মধ্যে অক্সিজেন মিশিয়ে তার ভেতর দিয়ে বিদ্যুৎ স্ক্রলিঙ্গ চালনা করা যায়, তবে নাইট্রোজেন গ্যাসের অক্সাইড তৈরি হবে। এই অক্সাইডের সঙ্গে পটাস দ্রবণ রাখলে পটাসিয়াম নাইট্রেট তৈরি হবে। এরপর উপরোক্ত মিশ্রিত বায়ুর মধ্য থেকে বাকী অক্সিজেন-টুকু সরিয়ে নিলে তিনি পেলেন সামান্য একটু গ্যাস যা তখনকার দিনে জানা গ্যাসের কোনটির সঙ্গে মেলে না। এ ঘটনাটা প্রায় এক শ' বছর বৈজ্ঞানিকদের দৃষ্টি আকর্ষণ করে নি।


১৮৯২ সনে লর্ড র্যালো পরীক্ষায় প্রমাণ করলেন যে, বায়ু হতে প্রাপ্ত নাইট্রোজেন অপেক্ষা রাসায়নিক উপায়ে প্রস্তুত নাইট্রোজেন সামান্য হালকা হয়ে থাকে। তিনি ভাবলেন, এর কারণ হ'ল বায়ুগুণ থেকে তৈরি নাইট্রোজেনে অল্প আর একটি হালকা গ্যাসের অবস্থিতি। কিন্তু রায়মসে ভাবলেন এর উল্টো। তিনি বললেন, বায়ুগুণের নাইট্রোজেনের মধ্যে একটা ভারী গ্যাসের জগ্গেই এ ব্যাপারটা ঘটছে। এ বিষয়ের সত্যাসত্য নির্ধারণের জগ্গে রায়মসে তার একজন সহকর্মীকে নিযুক্ত করলেন। কিন্তু কলেজের বার্ষিক পরীক্ষা শেষ হলে তিনি নিজেই এ বিষয়ে পরীক্ষাকার্য্য করতে লেগে গেলেন। অনেক পরীক্ষাকার্য্য করে তিনি একটি অজানা গ্যাস তৈরি করে তার খানিকটা ক্রুকস সাহেবের নিকট পাঠালেন বর্ণালী বিশ্লেষণের নিমিত্ত। ক্রুকস পরীক্ষার পর জানালেন যে, এ গ্যাসটির বর্ণালী কোন জাত গ্যাসের সঙ্গে মেলে না। এর পর রায়মসে এবং লর্ড র্যালো উভয়ে মিলে বহু পরীক্ষাকার্য্য করে আরগন গ্যাসটি আবিষ্কার করতে সমর্থ হলেন। ১৮৯৫ সনের ৩১শে জানুয়ারী রয়াল সোসাইটির এক অধিবেশনে আরগন গ্যাসের পূর্ণ বিবরণী পাঠ করা হ'ল। আরগনের পরমাণবিক ভর নির্ধারিত হ'ল ৩৯.৯ এবং পরীক্ষায় প্রমাণিত হ'ল যে, এ গ্যাসটি সম্পূর্ণভাবেই নিষ্ক্রিয়। এর কিছুদিন পরই রায়মসে আর একটি নিষ্ক্রিয় গ্যাস আবিষ্কার করতে সমর্থ হলেন। এটি হ'ল হিলিয়াম যার পরমাণবিক ভর হ'ল ৪।

এর দু'বছর পর ব্রিটিশ এসোসিয়েশনের রসায়নশাখার সভাপতি-রূপে র্যামসে 'একটি অনাবিকৃত গ্যাস' সম্বন্ধে বক্তৃতা প্রদান করেন। তিনি বলেন, পর্যায় সারণিতে হিলিয়াম এবং আরগনের মধ্যবর্তী স্থানে আর একটি নিষ্ক্রিয় গ্যাসের অবস্থিতি খুবই সম্ভব। এর পরমাণবিক ভর হওয়া উচিত ২০। কিন্তু এর অন্বেষণকার্য খড়ের গাদার মধ্যে একটি সূচ খোঁজ করবারই সামিল।

র্যামসে মরিস ট্রাভারসের সহযোগিতায় পরীক্ষাকার্য চালাতে লাগলেন। ১৮৯৮ সনে এরা সিদ্ধান্ত করলেন যে, বায়ুমণ্ডলে শুধু আরগনই পাওয়া যায় না, এখানে রয়েছে আরও চারটি নিষ্ক্রিয়

গ্যাস। এমনি ভাবে আবিষ্কৃত হ'ল ক্রিপটন এবং খেনন। ১৯০০ সনে র্যামসে আবিষ্কার করলেন নিয়ন। পরীক্ষার প্রমাণিত হ'ল যে, নিয়নের পরমাণবিক ভর ২০, যা র্যামসে বহু পূর্বেই বলেছিলেন।

লর্ড রাদারফোর্ড অনেক দিন আগেই লক্ষ্য করেছিলেন যে, খোবিয়ামের মধ্যে 'রেডিও-একটিভ' পরিবর্তনের ফলে একটি গ্যাসের সৃষ্টি হয় যা সম্ভবতঃ নিষ্ক্রিয়। পরে রাদারফোর্ড এবং সোডি লক্ষ্য করলেন, রেডিয়াম ধাতু থেকেও এ জাতীয় একটি নিষ্ক্রিয় গ্যাস পাওয়া যায়, এর নাম দেওয়া হ'ল 'রেডন'। সোডি মর্নি ট্রিল থেকে



এম. এ. সরকার এও সন্ন

প্ৰখ্যাত চর্চানিধনের (স্বদেশের সর্বভাষা ও ইরিক বুরজারী)
১৩৭ সি, ১৩৭ সি/১ বহুবাজার স্ট্রীট কলিকতা (আমহার্ট স্ট্রীট ও
বহুবাজার স্ট্রীটের সংযোগস্থলে) আমাদের পুরাতন শোরুমের বিপরীত দিকে

ব্রাঞ্চ-হিন্দুস্থান মার্চ বালিগঞ্জ: ১৫২/১ বি, রাসবিহারী এভিনিউ
কলিকতা: ফোন পি.কে. ৪৪৬৬

র্যামসের নিকট গবেষণা করবার জন্তে চলে এলেন। এঁরা উভয়ে বহু গবেষণার পর ১৯০৯ সনে নিশ্চিতভাবে প্রমাণ করলেন যে, রেডন নিষ্ক্রিয় গ্যাসেরই একটি এবং সেটি রেডিও-একটিভ পরিবর্তনের ফলে সৃষ্টি হয়।

নিষ্ক্রিয় গ্যাসগুলি আবিষ্কারের জন্তে র্যামসের নাম পৃথিবীময় ছড়িয়ে পড়ল এবং বহুস্থান থেকে বহু সম্মান, বহু উপাধি তাঁর উপর বর্ষিত হতে লাগল। ১৯০২ সনে তিনি 'নাইট' উপাধিতে ভূষিত হন এবং ১৯০৪ সনে রসায়নশাস্ত্রে নোবেল পুরস্কার লাভ করেন। এ বছর পদার্থ বিজ্ঞান নোবেল পুরস্কার পেয়েছিলেন লর্ড র্যালো। ১৮৯৫ সনে রয়াল সোসাইটি র্যামসেকে তাঁদের ডেভি মেডেল দিয়ে সম্মানিত করেন। এ প্রসঙ্গে উল্লেখযোগ্য যে, বাঙ্গালোবে যে ইণ্ডিয়ান ইনস্টিটিউট অফ সায়েন্স রয়েছে তার পরিকল্পনার মূলে ছিলেন র্যামসে। তৎকালীন ভারত সরকারের অসুরোধে তিনি এ কাজ করেছিলেন।

১৯১৬ সনের ২৩শে জুলাই সার উইলিয়াম র্যামসে দেহত্যাগ করেন।



পুস্তক পরিচয়

সিংহলের শিল্প ও সভ্যতা—শ্রীমণীন্দ্রভূষণ গুপ্ত। বিশ্ব-ভারতী গ্রন্থালয়, ২, বঙ্কিম চ্যাংজে স্ট্রীট, কলিকাতা। মূল্য আট আনা।

কলকাতার আনন্দকলেজে চিত্রবিদ্যার ভূতপূর্ব অধ্যাপক শ্রীমণীন্দ্রভূষণ গুপ্ত মহাশয় সিংহল সম্পর্কে তাঁহার ব্যক্তিগত অভিজ্ঞতা ও অনুশীলনের ফল কয়েক বৎসর পূর্বে প্রবন্ধাকারে বিভিন্ন পত্রিকায় প্রকাশ করিয়াছিলেন। সেই প্রবন্ধগুলি আলোচ্য পুস্তিকায় সংকলিত হইয়াছে। ইহাতে সিংহলের শিল্প ও সভ্যতার সংক্ষিপ্ত পরিচয় এক স্থানে পাইয়া বাঙালী পাঠক উপকৃত হইবেন—সিংহলের সহিত ভারতের ঘনিষ্ঠ যোগাযোগের বিবরণ পড়িয়া আনন্দিত হইবেন। বৌদ্ধধর্মকে অবলম্বন করিয়া সিংহলের শিল্প ও সভ্যতা গড়িয়া উঠিয়াছে। তাই এই পুস্তিকার প্রথম প্রবন্ধে সিংহলে বৌদ্ধধর্ম-প্রচারের ইতিবৃত্ত বর্ণনা করা হইয়াছে। পরবর্তী প্রবন্ধগুলিতে নিম্নলিখিত বিষয়গুলির আলোচনা করা হইয়াছে। সিংহলের শিল্পের ইতিহাস, স্থাপত্য ভাস্কর্য্য ও চিত্র-শিল্পের নিদর্শন, রাষ্ট্র ও শিল্পের পারস্পরিক সম্পর্ক, সংগীত ও সাহিত্য, সিংহলীদের রীতিনীতি আচার-ব্যবহার সাজ-পোশাক, ব্যবসায়-বাণিজ্য ধর্মোৎসব প্রভৃতি। বইখানি পড়িয়া এই সব বিষয়ে আরও খবর জানিবার আগ্রহ হয়। অবশ্য বিভিন্ন দেশের, বিশেষ করিয়া প্রতিবেশী দেশসমূহের, হ্রস্ববন্ধ সঙ্গতম বিবরণও বাংলা-সাহিত্যে স্থলভ নহে। একরূপ

বিবরণ সংকলন ও প্রকাশের ব্যবস্থা করা দরকার। এই প্রসঙ্গে ভারতের প্রদেশগুলির কথাও স্মরণ করা কর্তব্য। আমাদের দেশে এক প্রদেশের লোকের সম্বন্ধে আর এক প্রদেশের লোকের অজ্ঞতা বিশ্বয়কর ও লজ্জাজনক।

শ্রীচিন্তাহরণ চক্রবর্তী

স্বদেশী বো—শ্রীকনীন্দ্রনাথ দাশগুপ্ত। বিশ্ববাণী পাবলিশার্স, ৬, মুরলীধর সেন লেন, কলিকাতা-৭। মূল্য আড়াই টাকা।


গল্প-সংগ্রহ। শ্রীযুক্ত দাশগুপ্তের কোন গল্পের বই ইতিপূর্বে চোখে পড়ে নাই, সে হিসাবে কথা-সাহিত্য জগতে তিনি নবাগতই। কিন্তু ভাষার সাবলীল গতি দেখিলে মনে হয় তিনি নূতন সাহিত্যরতী নহেন—বহু পূর্বেই বঙ্গবাণীর সাধনা আরম্ভ করিয়াছেন। বারোটি ছোট গল্প এই সংগ্রহে আছে—সেগুলি ইতিপূর্বে বিভিন্ন মাসিক পত্রিকায় প্রকাশিত হইয়াছে। তথাপি বেশীর ভাগ গল্পে একটি অভাব পরিলক্ষিত হইল। অত্যন্ত সহজভাবে গল্প আবৃত্ত হইয়াছে—খানিকটা বেশ সাবলীল গতিতে অগ্রসরও হইয়াছে, কিন্তু পাঠকের প্রত্যাশাকে সূক্ষ্ম করিয়া সেগুলি যেন মাঝ পথেই থামিয়া গিয়াছে। গল্প পড়িয়া কিছু পাইলাম—এই আনন্দাত্মভূতি জাগে নাই বলিয়া গল্পগুলি মনের মধ্যে ঠাই করিয়া লইতে পারে নাই। কিন্তু ছোট গল্প রচনার রীতি লেখকের অজ্ঞাত নহে। 'পদধ্বনি' 'স্বদেশী বো' 'তাসের ঘর', প্রভৃতি গল্পে মুক্তিমানের পরিচয় পাওয়া যায়। অত্যন্ত দরদ দিয়া লেখক দেশভক্ত ত্যাগী ছেলেমেয়ের ছবি আঁকিয়াছেন।

পারাবত—শ্রীসন্তোষকুমার ঘোষ। ইণ্ডিয়ান এসোসিয়েটেড পাবলিশিং কোং লিঃ, ৯৩, হারিসন রোড, কলিকাতা। মূল্য তিন টাকা।

গল্প-সংগ্রহ। পারাবত, স্বয়ম্বর, মিলনান্ত, জোড়বিজোড়, পাখির বাসা, পনেরো টাকার বো ও কাণাকড়ি প্রভৃতি সাতটি গল্প এই সংগ্রহে আছে। 'পারাবত' ও 'স্বয়ম্বর' গল্প দুটিতে বিদেশী প্রভাব আছে—একথা লেখক স্বীকার করিয়াছেন, কিন্তু সে প্রভাব সামান্যই। লেখকের স্বীকৃতি সত্ত্বেও পরিবেশ এবং চরিত্র-সৃষ্টিতে 'স্বয়ম্বর' গল্পটিতে বিদেশী গন্ধ পাওয়া যায় না। 'মিলনান্ত' ও 'জোড়বিজোড়' ফিরঙ্গী সমাজের চিত্র। দুটি গল্পের ঘটনা-সংস্থানে অর্থাৎ বিবাহ-বিচ্ছেদ ঘটানোর কৌশল-সৃষ্টিতে খানিকটা মিল আছে, তবু রসবিস্তারে এ দুটির জাত আলাদা। 'মিলনান্ত' গল্পে ইঙ্গ-ভারতীয় সমাজ এবং 'জকি' জীবনের বেদনা ও অসুখবৃন্দের রূপটি চমৎকার ফুটিয়াছে। পক্ষ ও পতিত দুটি সত্তার নিবিড় যোগসাধন গল্পটিকে সার্থক রস-সৃষ্টিতে উত্তীর্ণ করিয়া দিয়াছে। আলোচ্য গল্প-সংগ্রহে এই গল্পটির বিশিষ্ট, একটি মূল্য আছে। 'কাণাকড়ি' গল্পেও বেকার নিম্ন-মধ্যবিত্ত ঘরের একটি ছবি পাওয়া যায়। অভাবের তাড়নায় একটি ভীষণ গৃহস্থ-বধু যে দুঃসাহসের কাজ করিয়া বসিল—তাহা ঐ ধরণের মেয়ের পক্ষে অসম্ভবই; কিন্তু একই সঙ্গে দুটি বৃহৎ ভুল ভাঙার বেদনা গল্পটিকে সার্থক করিয়াছে। রস-সৃষ্টিতে সব কয়টি গল্প তুল্যমূল্য না হইলেও প্রকাশভঙ্গীর বৈশিষ্ট্যে প্রত্যেকটি গল্প সমৃদ্ধ।

অনল-শিখা—শ্রীআদিত্যশঙ্কর। সেনগুপ্ত এণ্ড কোং। ৩১, শ্যামাচরণ দে স্ট্রীট, কলিকাতা। মূল্য তিন টাকা।

নাতিদীর্ঘ ভূমিকায় লেখক নায়ক-চরিত্র সম্বন্ধে কিছু আলোচনা।




ট্যালকাম পাউডার

শ্বেতিকা স্যান্ডনেটটরী
কলিকাতা-৩৩

ময়লার বীজাণু থেকে
প্রতিদিনই ছেলে-
মেয়েদের অসুখের
সম্ভাবনা আছে




লাইফবয় মাথিয়ে এই
সব বীজাণু ধুয়ে ফেলে
প্রতিদিন তাদের রক্ষা
করুন



লাইফবয় সাবান

প্রতিদিন ময়লার বীজাণু থেকে
আপনাকে রক্ষা করে

লাইফবয়ের "রক্ষাকারী
ফেনা" ছেলেমেয়েদের
স্বাস্থ্যকে নিরাপদে
রাখে



করিয়াছেন। আপাতদৃষ্টিতে যাহা অসুন্দর, যাহাতে অসংযমের প্রকাশ, চরিত্রের বিকৃতি বা উচ্ছৃঙ্খলতা সেই সব কিছুই অন্তরালে রহিয়াছে ঘটনার প্রবাহ। এই সকল সাধারণ মানুষের দৃষ্টি এড়াইয়া যায় বলিয়াই বাস্তবিক আচার-আচরণে মানুষের দুর্নীতিটাই চোখে পড়ে এবং বিচারও চলে সেই মাপকাঠিতে। এই গল্পের নায়ক অনলের উচ্ছৃঙ্খল আচরণের মধ্যে তেমনই অন্তঃপ্রবাহী ঘটনার ধারা বিদ্যমান। সেই ধারার সূত্রটি লেখক যদি গল্পের

মাধ্যমে ধরাইয়া দিতে পারিতেন তাহা হইলে কাহিনীটি নিঃসন্দেহে উপভোগ্য হইত। চরিত্রচিত্রণের সবচেয়ে বড় অন্তরায় চরিত্র সঞ্চকে লেখকের সুদীর্ঘ মনুষ্য। তাহাই গল্পটিকে ভারাক্রান্ত করিয়াছে। লেখা সাবলীল হওয়া সত্ত্বেও গল্পটি এই কারণে আশানুরূপ জন্মে নাই।

চণ্ডীমঙ্গলের গল্প—কালকেতু—শ্রীপ্রহ্লাদকুমার প্রামাণিক। ওরিয়েন্ট বুক কোম্পানী। কলিকাতা। মূল্য চৌদ্দ আনা।

মঙ্গলকাব্যের কালকেতু-গল্পের উপাখ্যান প্রাচীন বাংলা-সাহিত্যে একটি বিশিষ্ট স্থান অধিকার করিয়া আছে। ইহার গল্পাংশ খুবই চিত্তাকর্ষক, এবং সেকালের বাঙালী জীবনের পরিচয়ও ইহার মধ্যে পাওয়া যায়। লেখক সেই পুরাতন কাহিনীকে কিশোরদের উপযোগী সরল ও সহজবোধ্য করিয়া পরিবেশন করিয়াছেন। মাঝে মাঝে মূলগ্রন্থ হইতে দু'এক পংক্তি উদ্ধৃত করিয়া কবিকঙ্কণের রচনা-মাধুর্যের পরিচয়ও দিয়াছেন। লেখায় এবং রেখায় গল্পটি মনোরম।

যাত্রা হ'ল শুরু—শ্রীদেবেল্লনাথ গঙ্গোপাধ্যায়। সরস্বতী সাহিত্য-মন্দির, সোনারপুর, আর-এস, চকিশ পরগণা। মূল্য ছয় আনা।

আলোচ্য গ্রন্থের লেখকের মধ্যে শুধু এক যাযাবর মানুষই বা- করেন না, এক কোঁতুহলী ভক্তিমান এবং ভারতীয় সংস্কৃতিতে আস্থাবান মানুষও আছেন। তাঁহার লেখা পড়িয়া ইহাই মনে হয় গৃহের আরাম আশ্রয় ও সংসারের সুখস্বথেকে তুচ্ছ করিবার কৌশল তিনি জানেন। যখনই সুযোগ ঘটে এবং সুযোগ না ঘটিলেও, অবসর সৃষ্টি করিয়া তিনি ভারতবর্ষ-পরিভ্রমণে বাহির হইয়া পড়েন। একটি তীর্থে একবার নয়—বহুবার গিয়াও তাঁহার তৃপ্তি হয় না। মোট কথা, রামায়ণ, মহাভারত, পুরাণ, ইতিহাস মিলাইয়া ভারত-বর্ষের যেখানে যতকিছু দুর্গম দুর্গম দৃষ্টব্য স্থান আছে, সবগুলির সন্ধান তিনি করিয়াছেন এবং ক্রেশ-বিপদকে অগ্রাহ করিয়া সেগুলি ঘুরিয়া আসিয়াছেন। সেই অভিজ্ঞতার ফলস্বরূপ প্রথম কিস্তিতে তিনি কেদার-বদরী ভ্রমণ-পথের সংক্ষিপ্ত বিবরণ আলোচ্য পুস্তকখানিতে লিপিবদ্ধ করিয়াছেন। ইহাতে সাহিত্য-রস পরিবেশনের চেষ্টা নাই, কিন্তু যাত্রীসাধারণকে দুর্গম পথে উত্তীর্ণ করিয়া দিবার সাধু প্রচেষ্টা আছে। ভ্রমণকালে মধ্যবিশ্বের সুবিধা-অসুবিধা কোথায়, কেদার-বদরীনাথের পথে কোন্ কোন্ দৃষ্টব্য তীর্থ পড়ে, পথের দুরত্ব, যানবাহন ও আহার-বাসস্থানের মোটামুটি ব্যয়ের হিসাব প্রভৃতি বহু তথ্য এই ক্ষুদ্র পুস্তিকাখানিতে পাওয়া যায়। এই ধরণের ভ্রমণ-নির্দেশনামা বাংলা ভ্রমণ রত্নাঙ্ক ইতিপূর্বে দেখিয়াছি বলিয়া মনে পড়ে না। কেদার-বদরী যাত্রী মারাই এই পুস্তিকাখানি সঙ্গে রাখিলে বিশেষ উপকৃত হইবেন।

শ্রীরামপদ মুখোপাধ্যায়

টমাস হার্ডির জগদ্বিখ্যাত উপন্যাস

টমাস

-এর বদানুবাদ শীঘ্রই বাহির হইতেছে।

বঙ্গভারতী গ্রন্থালয়

গ্রাম—কুলগাছিয়া; পোঃ—মহিষরেখা জেলা—হাওড়া

ব্যাঙ্ক অফ বাঁকুড়া লিমিটেড

সেন্ট্রাল অফিস—৩৬নং স্ট্র্যাণ্ড রোড, কলিকাতা

আদায়ীকৃত মূলধন—৫০০০০০. লক্ষ টাকার অধিক

ব্রাঞ্চ :—কলেজ স্কোয়ার, বাঁকুড়া।

সেভিংস একাউন্টে শতকরা ২ হারে সুদ দেওয়া হয়।

১ বৎসরের স্থায়ী আমানতে শতকরা ৩ হার হিসাবে এবং

এক বৎসরের অধিক থাকিলে শতকরা ৪ হারে

সুদ দেওয়া হয়।

• চেয়ারম্যান—শ্রীজগন্নাথ কোলে, এম্.পি.

— সত্যই বাংলার গৌরব —

আগড়পাড়া কুর্টীর শিল্প প্রতিষ্ঠানের
গণ্ডার মার্ক

গেঞ্জী ও ইজের সুলভ অখচ সৌখীন ও টেকসই।

তাই বাংলা ও বাংলার সর্বত্র যেখানেই বাঙালী

সেখানেই এর প্রার্থনীয়।

কারখানা—আগড়পাড়া, ২৪ পরগণা।

ব্রাঞ্চ—১০, আপার সার্কুলার রোড, দিল্লি, রুম নং ৩২,

কলিকাতা-২ এবং চাঁদমারী ঘাট, হাওড়া স্টেশনের সম্মুখে



ডোল ও কোম্পানীর

দাদ ও কুর্টীর মলম

কিউটা-টোন পোয়ে বেদনা ও চর্মরোগের জন্য

নিম মলম খোস পাড়ে ও চুলকামারী জন্য

বরানগর
কলিকাতা-৩৫



পূজা মাশ্রলিক

মত চাহতে আজকের দিনে মকলের অন্তর ছাদিয়ে উঠছে কাউকে কিছু দেওয়ার আনন্দ। মকল দেওয়ার শেষে দেওয়া, - শত্রুকে ক্ষমা, প্রতিদক্ষকে মহিষ্কৃত, বন্ধুকে হৃদয়ের প্রীতি, মন্ডানকে মৎদৃষ্কোক্ত, পিতাকে শ্রদ্ধা, মাতাকে মন্ডানের চরিত্র-গৌরব, নিজেকে সম্মান এবং মানুষ মাশ্রকেই ভালবাসা, - আর প্রিয়পরিজনকে পূজার মর্কোৎকৃষ্ক উদশার হিন্দুমানের বীমাদয়। দানের আনন্দ একান্ত ভাবেই আদনার, আর আপনাকে মেনা করবার আনন্দ আমাদের।



হিন্দুমান স্কো-অপারেটিভ
ইন্মিগুরেন্স মোমাইটি, লিমিটেড।

৪, চিত্তরঞ্জন এডিনিটে, কলিকাতা-১৩

তুমি কোথায়—ঈশ্বরদীন চট্টোপাধ্যায়। কারেন্ট বুক সপ., ৫৭এ, কলেজ স্ট্রীট, কলিকাতা-১২। দাম তিন টাকা।

এখানি উপন্যাস। উপন্যাসের মূল ঘটনাটি প্রদীপ ও গৌরীকে লইয়া। পল্লী-বালক-মালিকা। প্রদীপ বড়লোকের ছেলে, গৌরী গরীবের মেয়ে। বহুদিন বয়সে বয়সে, বালাপ্রণয়ে অভিলাষ আছে। দুটি কিশোর-কিশোরী যখন বড় হইল তখনই ঘটনায় জট পাকাইয়া উঠিল। বড়লোক বাপ গরীবের মেয়ের সঙ্গে ছেলের বিবাহ দিতে রাজী নয়। তার পর কাহিনী নানা বিচিত্র ঘটনার মধ্য দিয়া দ্রুতগতিতে প্রবাহিত হইতে আরম্ভ করিয়াছে। গল্পে পল্লীসমাজেরও পরিচয় পাই। লেখকের লিপিকৌশল আছে। রঞ্জিত গল্পের দুঃশীল চরিত্র। গল্পের জট খুলিবার সময় এই দুঃশীলের আকস্মিক হৃদয়-পরিবর্তন স্বাভাবিকতার মাত্রা কতকটা অতিক্রম করিয়াছে। গ্রন্থকার তরুণ। তারুণ্যের ক্রটি যে তিনি অচিরে কাটাইয়া উঠিবেন তাহা লেখকের লিখিবার ভঙ্গী দেখিয়া বোঝা যায়। মা ও হৃদীপ্তা মনের উপর ছাপ রাখে। রচনায় আকর্ষণ আছে। কাহিনী মিলনান্তক বলিয়া পাঠান্তে পাঠকের মনে একটি স্থিতি ও আনন্দের রেশ রাখিয়া যায়।

শ্রীশৈলেন্দ্রকৃষ্ণ লাহা

নানা চোখে দেখা চীন—কাহাকে বিশ্বাস করিব ?

শ্রীসীতারাম গোয়েল—অনুবাদক শ্রীবিনোদবিহারী চক্রবর্তী।

চীন ঘুরে এলোম—শ্রীরাজকিশোর শাস্ত্রী—অনুবাদক শ্রীজ্যোতিরিন্দ্র দাশগুপ্ত।

দীর্ঘ ৩০ বৎসরের গবেষণা প্রচেষ্টায়, পরীক্ষিত-প্রতিষ্ঠিত একমাত্র ভারতীয় ফাউন্টেনপেন কালি

ফাউন্টেন-কালি

‘ফাউন্টেন-কালি’র উৎকর্ষতার মহিমা অপরের ব্যবহারে ও জবানীতেই প্রচারিত এবং অবধারিত

রবীন্দ্রনাথের বাণীতে—“এর কালিমা বিদেশী কালির চেয়ে কোন অংশে কম নয়।”

কেদারনাথের টিপ্পনীতে—“কালি চেষ্টা কখনো না ; তাই সাহস ক’রে বলতে পারছি, বেশ জ্বর কালো ; সরল ও তরল বলতেও বাধে না।”

ভারতশঙ্কর—“ফাউন্টেন অভ্যাস করা চোখের মত কলমে ফাউন্টেন-কালি যেন অভ্যাস হয়ে গেছে।”

তাইতো বিনা দ্বিধা—না. বি. লিখলেন—

“ফাউন্টেন-কালি—বাণী কালি।”

কেমিক্যাল এসোসিয়েশন (কলিকাতা)

কলিকাতা-৯

আমি কেন কম্যুনিষ্ট নই ?—শ্রীশ্রীশঙ্কর চট্টোপাধ্যায়।

শ্রীযুগল খাঙ্গার, শ্রীশক্তিধর ভট্টাচার্য এবং শ্রীবেধা মহাপাত্র।

প্রতিষ্ঠান ১২, চৌরঙ্গী স্কয়ার, কলিকাতা।

প্রথম পুস্তিকায় সত্য চীনভ্রমণকারী ভারতের কয়েক জন মেতার পরামর্শ-বিরোধী মত সন্মিলিত হইয়াছে। দ্বিতীয় পুস্তিকা ভারত হিন্দু মজহুর সত্য এক জন বিশিষ্ট সদস্যের লেখা—ইহাতে যেমন চীনদেশের সপক্ষে, তেমনি ইহার বিরুদ্ধেও মত প্রকাশ করা হইয়াছে। ঐ দেশের অনেককিছু ক্রটির উল্লেখ লক্ষণীঃ। তৃতীয় পুস্তিকার পরিচয় নামেই পাওয়া যায়, ইহার প্রবন্ধগুলি ছাত্র-ছাত্রীগণ কর্তৃক লিখিত। বলা বাহুল্য, এই পুস্তিকাগুলি সাম্যবাদী বা কম্যুনিষ্টবিরোধী প্রচারের উদ্দেশ্যে প্রকাশিত।

মহাযুদ্ধের একাক্ষ—শ্রীবাসুদেব। প্রাচী প্রকাশন, কলিকাতা। পৃষ্ঠা ৮৪। মূল্য এক টাকা।

নাটকের বিষয়বস্তু উদ্বাস্ত-জীবন। উদ্বাস্ত-শিক্ষক হরিহর ঘোষাল আদর্শ-চরিত্র ব্যক্তি। তাঁহার জীবনাদর্শ শিক্ষার্থীদের মধ্যে ফলপ্রসূ হইয়াছিল এবং একজন্মই নিতান্ত দারিদ্র্যের মধ্যেও তিনি মনোবল হারান নাই। নিরঞ্জন রায় অসহুপায়ে প্রভূত ধন উপার্জন করিয়াও স্থখী হইতে পারেন নাই। তাঁহার একমাত্র পুত্র পর্যন্ত তাঁহার বিরুদ্ধে বিদ্রোহ করিয়া বসিল। শেষে সত্যতারই জয়ের সূচনা হইল। এই নাটকে বড় বড় সরকারী কর্মচারীদের দ্বারা আচার্যত যে দুর্নীতির প্রতি ইঙ্গিত করা হইয়াছে, তাহা খুবই বাস্তব সত্য। যুদ্ধোত্তর কালের এই পরিণতি আমাদের জাতীয় জীবনের যৌর কলঙ্ক, ইহাতে সন্দেহ নাই। কম্যুনিষ্ট চিন্তাধারা কিভাবে নিঃস্বার্থ তরুণ

ডয়াপেপসিন

পরিপূর্ণভাবে
স্বাদ্য
হৃদয়
বর্জিত
সাহায্য
করে

ইউনিয়ন ড্রাগ
কলিকাতা

“যেমন সাদা - তেমন বিশুদ্ধ -
লাক্স টয়লেট সাবান -
কি সরের মতো, সুগন্ধি ফেনা এরা।”

রমলা চৌধুরী
বলেন।



ভারতে
প্রস্তুত




এই সাদা ও বিশুদ্ধ সাবান রোজ ভালো করে
মাথলে আপনার মুখে এক সুন্দর শ্রী ফুটে উঠবে।
“গায়ের চামড়া বেশমের মতো কোমল ও সুন্দর
রাখতে লাক্স টয়লেট সাবানের সুগন্ধি, সরের মতো
ফেনার মত আর কিছু নেই।” রমলা চৌধুরী
বলেন। “এতে আপনার স্বাভাবিক রূপলাবণ্য
ফুটিয়ে তোলে আর আপনি এর বহুফল-
স্বায়ী মিষ্টি সুগন্ধ নিশ্চয়ই পছন্দ করবেন।”

সুখবর!

নতুন

বড় সার্থক

সারা শরীরের সৌন্দর্যের জন্য
এখন পাওয়া যাচ্ছে
আজই কিনে দেখুন!

“...সেইজন্মেই ত আমি আমার মুখশ্রী
সুন্দর রাখবার জন্য লাক্স টয়লেট
সাবানর ওপর  করি।”

চি ত্র - তা র কা দে র সৌ ন্দ র্য সা বা ন ★

LTS. 419-X52 BG

সম্প্রদায়কে উন্নীত করিয়া তাহাদের জীবনকে বার্থ করিয়া দেয় তাহার চিত্রও ইহাতে আছে। রঙ্গমঞ্চের উপযোগী করিতে হইলে নাটকখানিকে আরও মাজিয়া-ঘষিয়া লইতে হইবে।

সোভিয়েট অর্থনীতি বিষয়ে সত্যাসত্য—বিতর্ক—

১২, চৌরঙ্গী স্কয়ার, কলিকাতা। পৃষ্ঠা ২৮। মূল্য দুই আনা।

কম্যুনিষ্ট পার্টির শ্রীঅরুণ বসু এবং কলিকাতা বিশ্ববিদ্যালয়ের অধ্যাপক

আকাশ-গঙ্গার কবি

শ্রীঅরুণজিৎ মুখোপাধ্যায়ের

দ্বিতীয় কবিতা পুস্তক

নতুন কবিতা—২

সর্বত্র উচ্চ প্রশংসিত। প্রথম দুই অংশের কবিতাগুলি ছন্দোগৌরব ও রূপ-সৌন্দর্যে সমৃদ্ধ। তৃতীয় অংশের কবিতাগুলি কবির দীর্ঘ অধ্যয়ন ও সমীক্ষার ফল; এগুলিতে আছে বৈদগ্ধ্য ও কবিত্বের অপূর্ণ সমাবেশ।

প্রাপ্তিস্থান—ডি. এম. লাইব্রেরী (প্রকাশক) ৪২নং কর্ণওয়ালিস স্ট্রিট, কলিকাতা-৬ এবং কলিকাতার সিন্‌নেট বুক সপ ও অস্তিত্ব পুস্তকালয়।

শ্রীঅন্নান দত্তের পরস্পরবিরোধী মত ও আলোচনা এই পুস্তকে লিপিবদ্ধ হইয়াছে। লেখকদ্বয়ের চিঠিগুলি যথাক্রমে স্বাধীনতা, যুগান্তর এবং আনন্দ-বাজার পত্রিকায় বাহির হইয়াছিল। দত্ত মহাশয় বলিতে চান, সোভিয়েট দেশ যে কেবল সুখ-সমৃদ্ধির নিকেতন নহে এই সংবাদ ঐ দেশ কর্তৃক প্রকাশিত পরিসংখ্যান ও তথ্যাদি হইতে জানা যায়।

গান্ধীজীর দর্শনের বৈশিষ্ট্য বা ভারতীয় সভ্যতার সংক্ষিপ্ত পরিচয়—শ্রীঅমরেন্দ্রনাথ দত্ত। ২৩, বাগমারী রোড, কলিকাতা-১১। পৃষ্ঠা ৪১। মূল্য ছয় আনা।

গ্রন্থকার মনে করেন, সাম্প্রতিক কালে একমাত্র পঞ্চায়েতী গণতন্ত্রের মহিমা প্রচার ও প্রতিষ্ঠা দ্বারাই মার্কিন যুক্তরাষ্ট্রের নীতি ও কম্যুনিজমের আসন্ন সংঘাত প্রতিরোধ করা সম্ভব। এই বিষয়ে জনমত গড়িয়া উঠিলে এবং দার্শনিক আদর্শ দ্বারা প্রভাবিত নেতৃত্বে জনগণ পরিচালিত হইলে বর্তমান বণিকযুগের অবমান হইবে। আলোচনা-প্রসঙ্গে লেখক সুশিক্ষার উপর খুব জোর দিয়াছেন এবং গান্ধীবাদ ও মার্ক্সবাদের তুলনা করিয়া প্রথমোক্তটির শ্রেষ্ঠত্ব দেখাইয়াছেন। লেখক আদর্শবাদী সন্দেহ নাই, তবে বর্তমান সমস্যা ও বাস্তব অবস্থার প্রতি তাহার দৃষ্টি আছে। এই পুস্তিকা পাঠকের চিন্তার খোরাক যোগাইবে।

পশ্চিমবঙ্গ ও সাধারণ নির্বাচন—কংগ্রেস ভবন, ৫৯-বি, চৌরঙ্গী রোড, কলিকাতা-২০। পৃষ্ঠা ২৮২। মূল্য দেড় টাকা।

ফেংথেজ

মহাভূগ্বরাজ তৈল

চুল উঠা বন্ধ করে
মাথা ঠাণ্ডা রাখে



এই মার্কা দেখেই নতুন নকল থেকে সাবধান





দ্রুত-ফেনিল সানলাইট না আছড়ে কাচলেও সাদাও স্বাক্ষরকে করে দেয়



“শিক্ষয়িত্রী বলেন আমি বেশ ফিটফাট
থাকি। তার কারণ মা সানলাইট
সাক্ষর দিয়ে আমার ফ্রক ধপধপে সাদা
ক’রে কেচে দেন। সানলাইটের
গুণপাকার সরের মত ফেনা শীঘ্র
ও সহজেই কাপড়-চোপড় থেকে ময়লা
বার করে দেয় — আছড়াতেও হয় না।”



“আমার ক্রাসের মধ্যে আমাকেই
সব চেয়ে চমৎকার দেখায়। সানলাইট
দিয়ে কাচার জন্তু আমার রঙিন ফ্রক
কেমন স্বাক্ষরকে থাকে দেখুন। মা বলেন
সানলাইট দিয়ে কাচলে কাপড়-চোপড়
নষ্ট হয় না আর তা টেকেও বেশী দিন।
এতে খুব খুসী হবার কথা — নয় কি?”



সানলাইট সাখান

কাপড় বাঁচায়, পরিশ্রম বাঁচায়, খরচ বাঁচায়

বিস্তৃত সাধারন নির্বাচনে দলহিসাবে কংগ্রেস কর্তৃক বিধান সভা, পরিষদ এবং লোকসভা রাজ্য-পরিষদে সংখ্যাগরিষ্ঠতা লাভ করিয়াছে। এই পুস্তকে পশ্চিম বঙ্গে কংগ্রেসীদের নির্বাচন সম্পর্কীয় যাবতীয় তথ্য লিপিবদ্ধ হইয়াছে। অন্তান্ত দল হইতে যাহারা নির্বাচিত হইয়াছেন তাঁহাদের নাম ইত্যাদিও যথাস্থানে দেওয়া হইয়াছে। নির্বাচন সম্পর্কিত নানা নিয়ম, ঘোষণা, পণ্ডিত জবাবদারদের নিবেদন, নির্দেশ প্রভৃতিও এই পুস্তকে সন্নিবিষ্ট হইয়াছে। মুখ্যতঃ কংগ্রেসকর্মীদের উদ্দেশ্যে লিখিত হইলেও পাঠকসাধারণের নিকটও এই পুস্তক নানা জ্ঞাতব্য বিষয়ের জন্য আদৃত হইবে বলিয়া আশা করা যায়।

শ্রীঅনাথবন্ধু দত্ত

প্রিন্টার্স গাইড—(২য় খণ্ড)—শ্রীনরেন্দ্রনাথ দে। দি ইন্টার টাইপ কাউণ্ডারী এণ্ড ওরিয়েন্টাল প্রিন্টিং ওয়ার্কস লিঃ, ১৮নং ব্রহ্মাবন বসাক ষ্ট্রীট, কলিকাতা-৫। মূল্য ৬১/০।

প্রিন্টার্স গাইড (১ম খণ্ড) বাজারে যথেষ্ট সমাদর লাভ করিয়াছে। আশা করা যায়, ইহার দ্বিতীয় খণ্ডও ছাপাখানা-সংক্রান্ত যাবতীয় জ্ঞাতব্য ও প্রয়োজনীয় তথ্য এবং তৎসকল প্রাপ্ত ভাষায় আলোচিত হওয়ায়, মুদ্রণ-ব্যবসায়ীদের নিকট আদরীয় হইবে। ছাপিবার কাগজ ও কাগজ-প্রস্তুত প্রণালী, কাগজ-পরীক্ষার নিয়ম, কাগজ গুণমানজাত করিবার প্রণালী, বিভিন্নপ্রকার কাগজের পরিচয়, কাগজ খরচের এন্টিমেট, ছাপিবার কালি,

বিভিন্নপ্রকারের কালি ও কালির প্রস্তুতকরণ, কালি প্রস্তুতকরণ ব্যবহার করিবার প্রণালী, বহুবর্ণ ছবি ছাপিবার সংক্ৰান্ত, রঙীন কালি সংক্ৰান্ত যাবতীয় জ্ঞাতব্য তথ্য, ব্লক ও ডাই কি প্রকারে তৈরি হয় এবং কি প্রকারে উহা উৎকৃষ্টভাবে মুদ্রিত হয়, এমবসিং, স্ট্রিওটাইপিং, ইলেক্ট্রোমেটিং, প্রেসেস্ এনগ্রেভিং, মুদ্রণ ও বিভিন্নপ্রকারের মুদ্রণের পরিচয়, প্রস্ বা হাও প্রেস, ম্যাটেন প্রেস ওয়র্কডেল সিলিঙার মেসিন, টু-রেভলিউশন মেসিন, টুক সিলিঙার এন্ড মেসিনের পার্থক্য ও সুবিধা-অসুবিধার বিবরণ, মেক-রেডি ও মেসিন চালন সংক্রান্ত সমস্তসমূহ, হাকটোন ব্লক মেক-রেডি করিবার প্রণালী, রোলারেট ও ব্যবহারবিধি, মুদ্রণ সংক্রান্ত কয়েকটি কার্যকরী সংক্ৰান্ত ও নির্দেশ এন্টিমেটিং ও কাঙ্ক্ষিত প্রণালী—ইত্যাদি ছাপাখানা সংক্রান্ত যাবতীয় বিষয় এই গ্রন্থে বিশদভাবে আলোচিত হইয়াছে। যে-সকল বিষয় আলোচিত হইয়াছে, পরিশিষ্টে বিভিন্ন অনুশীলনীতে তৎসকল প্রথমতঃ এবং পরিশেষে বাংলা ও হিন্দী টাইপের বিভিন্ন অংশাদির চিত্র ও কেসচার্ট দেওয়া হইয়াছে। অনেকগুলি একবর্ণ ও বহুবর্ণ চিত্র এবং চার্ট সংযোজিত হওয়ায় পুস্তকখানির সৌষ্ঠব বৃদ্ধি পাইয়াছে। আলোচিত বিষয়সমূহের বর্ণনামূলক সুচীপত্রটি পুস্তকখানির পাঠকের পক্ষে বিশেষ সহায়ক হইবে। যাহারা প্রেস-সংক্রান্ত ব্যবসায়ের লিপ্ত তাহাদের নিকট এই পুস্তক অতীব প্রয়োজনীয় ও মূল্যবান বলিয়া বিবেচিত হইবে।

শ্রীবিজয়েন্দ্রকৃষ্ণ শীল

— সদ্যপ্রকাশিত নূতন ধরণের দুইটি বই —

বিশ্ববিখ্যাত কথাশিল্পী আর্থার কোয়েষ্টলারের

‘ডার্কনেস্ অ্যাট নুন’

নামক অল্পখণ্ড উপন্যাসের বঙ্গানুবাদ

“মধ্যাহ্নে আঁধার”

ডিমাই ৬ সাইজে ২৫৪ পৃষ্ঠায় সম্পূর্ণ

শ্রীনীলিমা চক্রবর্তী কর্তৃক

অতীব হৃদয়গ্রাহী ভাষায় ভাষান্তরিত

প্রসিদ্ধ কথাশিল্পী, চিত্রশিল্পী ও শিকারী

শ্রীদেবীপ্রসাদ রায়চৌধুরী

লিখিত ও চিত্রিত

“জঙ্গল”

সবল সুবিন্যস্ত ও প্রাণবন্ত ভাষায়

ডবল ফোল্ড ৬ সাইজে ১৮৪ পৃষ্ঠায়

৩০০০ দীর্ঘ অধ্যায়ে সুসম্পূর্ণ

মূল্য চারি টাকা।

প্রাপ্তিস্থান : প্রবাসী প্রেস—১২০/২, আপার সারকুলার রোড, কলিকাতা—২

এবং এম. সি. সরকার এণ্ড সন্স লিঃ—১৪, বঙ্কিম চার্টার্ড ষ্ট্রীট, কলিকাতা—১২

